

*image  
not  
available*







203

2. 3. 22

Ex Legato J. Equitis Armis  
Franciscus de Marmis







# GEORGII BUCHANANI,

*Scoti, Poëtarum sui seculi facile Principis,  
Praeceptoris Jacobi VI. Scotorum,  
& Primi Angl. Regis,*

## OPERA OMNIA,

HISTORICA, CHRONOLOGICA, JURIDICA, POLITICA,  
SATYRICA & POETICA.

Non modo in unum jam collecta, & ad optimorum Codicum fidem  
summo studio recognita, & ab innumeris penementis, quibus  
pleraeque omnes Editiones antea scatebant; castigata &  
repurgata, sed & variis insuper Notis aliisque utilissimis  
Accessionibus illustrata & aucta,

CURANTE  
THOMA RUDDIMANNO, A.M.

Cum Indicibus Rerum Memorabilium,

ET PRAEFATIONE  
PETRI BURMANNI,  
IN DUOS TOMOS DISTRIBUTA,



LUGDUNI, BATAVORUM,  
Apud JOHANNEM ARNOLDUM LANGERAR,  
M D CCXXV.



# ERUDITO ET AEQUO LECTORI

S. D.

PETRUS BURMANNUS.



istoriam & rerum gestarum commemorationem quocumque modo proditam aut scriptam prodesse, & ad vitam publicam & privatam regendam multum conferre, pervulgata omnium fere est oratio. Neque etiam ullum librorum genus magis multiplicari & conquiri videmus, quam quibus populorum & civitatum, tam praesentis, quam praeteriti temporis, res & fata memoriae traduntur. Nulla gens aut natio, immo paucae urbes & pagi alicujus nominis hodie florent, quae non origines suas & fata ab alto repetere, & ad sua tempora deductam narrationem legere desiderant, & quarum incolae communibus votis & studiis patriorum Annalium conditores non prosequuntur. Inter Eruditos quoque, licet pro ingeniorum aut negotiorum, ad quae pro se quisque fertur, ratione hic magis in sacrorum & religionis meditationem incumbat, ille juri publico, aut privato attendat, iste curandi morbos artificium profiteatur, alius denique sapientiae studium ad animi cultum, & rerum naturalium cognitionem sectetur, omnes tamen, ubi a severioribus curis ad amoeniora devertere, & animo otium & relaxationem dare volunt, temporum, locorum & hominum, qui ante suam aetatem floruerunt, memoriam, monumentis Historicorum & antiquitatis commemoratione consecratam, colligere student. Quamvis vero ante omnia in Historicis unicum veritatis studium, & nullis, quae in regnis aut civitatibus animos diducere solent, factionibus addictum animum lectoris desiderant, eoque nomine etiam incultos & rudes liberalium artium, & dictionis elegantia destitutos, scriptores celebrari videamus; major tamen voluptas cum suavitate quadam & jucunditate precipitur, ubi veracem simul & disertum Historicum versare con-



## P R A E F A T I O.

tingat. Et hinc Reges illos, gentes & civitates aliis feliciores esse existimamus, qui non proletarios ex plebe Annalium & Chronicorum Consarcinatores, temere & sine ulla cura gesta prioris temporis in acta diurna conjicientes, sed viros omnibus ingenii & doctrinae copiis instructos, qui non modo fideliter narrare, sed verborum delectu & sermonis elegantia lucem quandam & claritatem obscurae antiquitati adfundere possunt, nati fuerunt. Paucas tamen gentes & olim celebres, & hodie rerum gestarum laude florentes, dignos aeterna memoria Historicos fuisse sortitas facile ostendi posset; plerosque vero, qui ad scribendum se contulerunt, vel copia & gravitate dicendi defectos, vel curis majoribus & negotiis publicis distractos, ita ad res patriae prodendas se appulisse, ut contenti illa tradere, quae vere accidisse sibi persuaserant, parum diligentiae & curae adhibuerint, quo ornatu & dote commentarios suos commendarent, sed etiam saepe ex negligentia stili, patrocinium fidei & veritatis quacrere conarentur. Sed hi difficultate operis poliendi & tenuitatis suae conscientia, in illam videntur sententiam abiisse, cum constet nihil aut ad fructum & voluptatem legentium, aut ad aeternam laudem scriptorum esse praestabilius, quam si ea quae facta, aut dicta fuisse narrantur, culta, munda, simplici, & tractata quadam & fluenti oratione efferantur & ornentur, & dulci suavitate & claritate illustrentur: si enim altius res repetere, & immensum illud Historicorum, quos omnis aetas protulit, agmen recognoscere liberet, facile esset evincere, ex immensa illa turba Historicorum, qui Graecas & Romanas res memoriae prodiderunt, nullo fere qd nostras inanus pervenisse & describi dignos visos, nisi qui ingenii, doctrinae & eloquentiae lumine super alios enituerunt: reliquos vero, qui sordida & plebeja dictione ipsas, quas narrabant, res obscurabant, & laudes magnorum virorum ingenii culpa tenebant, tenebris damnatos intercidisse. Herodotum, Thucydidem, Xenophontem, Polybium ex Graecis: Sallustium, Livium, Caesarem, Suetonium & paucos alios, ex infinita Latinorum turba superstites hodie manibus versamus, & cum summa admiratione & voluptate, duplicem ad nos ex ipsa rerum gestarum commemoratione, & disertissimorum hominum divina & incredibili eloquentia, fructum r' dundare sentimus. Quam vero reslingui ardorem & impetum illum prioris aevi res discendi & cognoscendi, quam voluptatem illam & jucunditatem diminui experimur, ubi necessitate, quia melioribus defici-

mur.

# P R A E F A T I O.

*cimur, coacti ad sequentium seculorum Annales & Historias delabi-*  
*mur? In prioribus haeremus, relegendo & retractando quotidie re-*  
*novari ardorem & redintegrari illam, nescio quomodo tuillantem,*  
*voluptatem percipimus; has vero, ut regiones pestilentia infectas,*  
*contagii metu, citato cursu percurrentes, ubi seriem illam & ordi-*  
*nem necessarium temporum ex eorum monumentis deduximus, raro*  
*respicere & revisere solemus. Atque haec unica fere & praecipua*  
*mihî causa esse videtur, cur magis ad antiquae Historiae studium &*  
*ipsi Historiarum Professores se applicent, & adolescentes excitare*  
*soleant. Cum enim rerum cognitioni sociandum esse Eloquentiae &*  
*nitidae dictionis studium jure quidem optineant, ad utriusque emolu-*  
*mentum nihil aptius se conari posse credunt, quam si ex uno & eodem*  
*scriptore & temporis antiqui res & exempla proponantur, & simul,*  
*ad quae se conforment adolescentes, munda & elegantis dictionis*  
*leges & praecepta repetantur. Cum tamen, si res ipsas suo pondere*  
*expendamus, non minor, ad civilem illum & πολιτικὸν virum fin-*  
*gendum & formandum, vis & efficacia sit in cura & meditatio-*  
*ne illorum temporum, quae Imperii Romani damna & decrescen-*  
*tem senectutem, & deinde ruinam, ipsique superstructa tot Barba-*  
*rarum gentium imperia & regna commemorant, quam si in nascentis*  
*Romae incunabulis, vel in admiratione incredibilium incrementor-*  
*um defixi semper haereamus. Sed cum ex unius Populi Romani*  
*Historiis, totius res humani generis, quamdiu certe imperium illud*  
*stetit, fata, & ex paucis, illisque omnibus eloquentiae laudibus ornatis,*  
*scriptoribus posse hauriri, nobis persuadeamus, & id magnifica ora-*  
*tione eruditi quotidie discipulorum auribus inculcare ament, nos dele-*  
*ctati composito illo ordine & rerum dispositione, & deinde orationis*  
*cultae suavitatis & gustu illo dulcissimae eloquentiae initiati, ad con-*  
*fusas illas & crebris conversionibus perturbatas gentium, quas bar-*  
*baras fuisse jam praejudicata opinione credimus, historias sordibus*  
*etiam & vilitate verborum conspurcatis, inviti & reluctantes de-*  
*volvimus. Vincendum tamen id fastidium, & ut gratiae divitibus vi-*  
*ces esse saepe consueverunt, ita nos quoque satiati tam laeta dape*  
*& epulis pleni illis exquisitis & delicatis, quas Graeci & Romani*  
*artifices & cupedinarii ingesserunt, ad lares parvos & pauperes*  
*Gothicorum & Germanorum, & ad vilem & parabilem majorum*  
*nostrorum victum & coenam avidi decurrere ne dedignemur. Si ve-*  
*ro illa, quae diligentes quidem, sed inculti & rudes, tenebricosis*  
illis

## P R A E F A T I O.

illis & infelicibus temporibus scriptores prodiderunt, ad stomachum tam superbum non faciunt, agnoscamus certe insignia quisque suorum popularium merita, qui ab eo tempore, quo lux quaedam literis & studiis illucescere iterum coepit, non cessarunt hanc quoque scribendi Historias disciplinam emendare, & ad veterem splendorem & cultum revocare. Hoc decus, ut decebat, qui primi amiserant, patrie suae restituere aggressi Itali, Leon. Arctinus, Bembus, Sigonius, Folietas, & alii, stimulosque & facies subjecerunt aliis gentibus, ne hac laude sua cujusque patria careret, & certatim ex monumentis, pulvere & situ obsitis, tantam materiem congersere, ut ex illa bene disposita & decore ornata opus aliquod perfectum exstrueretur: Galli quoque Paullum Aemilium, Ferronum, Thuanum: Hispani Olorium & Suritam, jactare audent: neque nos Belgae, licet parum acuti & ingeniosi reliquis nationibus videamur, hac laude studiorum ita deficiamus, ut non magna nomina Junios, Douzas, Grotios, Emmios, Pontanos & plures ostentare possimus, qui per vestigia veterum decurrentes ingenti beneficio patriam & posteritatem devinxerunt: Britanniae vero, etsi semper insigni proventu virorum ingenio & eruditione praestantium floruit, nescio tamen qua sortis malignitate acciderit, ut ad Latini sermonis elegantiam, & dictionis nitorem tam pauci, si cum aliis gentium eruditis componantur, aspiraverint. Guilielmum quidem Camdenum inter Historicos suos principe loco collocare solent; neque nos intercedimus, quin egregiis ornatum dotibus & doctrina non vulgari & bonarum artium studiis eruditum ostentent; sed nemo tamen eum ad elegans illud & accuratum scribendi genus accessisse, aut ulla in parte cum Italici, Gallici aut Belgici comparari posse, adfirmare audebit: Singulare enim est, & quod a multis observatum memini, Latinae linguae cultum nunquam ita fuisse inter Britannos celebratum, ut non modo solutae & liberae orationis laude non potuerint super alios eminere, sed nullos etiam hanc insulam, vel certe paucos, protulisse, qui Poëticae & culti carminis gloria, quae tot Italos, Gallos & Belgas decoravit, conspicerentur; sive id patriae linguae pervicax & nimia meditatio, sive singularis quaedam indoles & populi habitus, sive multum ab aliis discrepans scholarum & Academiarum, antiquae adhuc & exoletae disciplinae pertinaciter inhaerentium, conditio eos in diversa abstulerit; sive denique occulta quaedam ratio & vis gentem, aliis in rebus multo feliciterem, hac sola gloria ceteris in-



## P R A E F A T I O.

*inferiorem esse voluerit. Quaecum ita se habere nemo inficietur, quis non admiratione quadam tacita defixus obstupeſcat, cum ex ea parte Britanniae, quae Scotia appellari conſuevit, & rudiora & inculta magis ingenia producere, quam beator ejus portio Anglia, vulgo creditur, proveniſſe videat virum, qui utroque dicendi genere, non modo inter ſuos (id enim parum laudis fuiſſet) excelleret, ſed qui Italii & omnibus aliis dubiam in eloquentia, tam ſoluta, quam ligata palmam ita reddiderit, ut ſi non omnium ſuffragiis principatus ipſi ſit delatus, id ſolum obſcuritati & ignobilitati patriae & invidiae, quae raros & magnos viros comitari ſolet, acceptum referre debeat. Si enim Italia Buchananum protuliſſet, huic uni non modo omnes omnium gentium Hiſtoricos & Poetas, ſed populares & cives ſuos longe poſtpoſuiſſet. Fatendum quidem eſt, inſignia illa incrementa ingeni & doctrinae Buchananum non tam patriae ſuae, quam ſub adoleſcentiae ejus temporibus nondum humanioris diſciplinæ aura gratior adflaverat, quam Galliae debere. Ibi enim rudimenta cum deponeret, & virorum egregiorum inſtitutione & exemplis conformaret juvenutem, divinum illum mentis habitum perfecit, & patriae ſuae elegantiorum literarum lumen deinde inferens, ſignum ad ſtudia optimarum artium celebranda primus ſuſtulit. Induſtriae tamen & ingeni laudem propriam habuit, qui ita, etiam dum viveret, eſſoruit, & eam apud ſuos & externos eloquentiae & eruditionis eſt famam conſecutus, ut magna obſtreſtatione invidiaque ſuperata, omnium gentium praecomis ornatus, inter principes, qui laude utriuſque eloquentiae inſignes praeter ceteros habentur, ſui collocatus. Nec nobis, poſt tot elogia, quae cumulate a doctiſſimo ultimae editionis Curatore ſunt collecta, in laudando viro, quem nemo umquam fere culpavit, verba perdere neceſſe eſſe arbitror. Loquantur pro me, & virtutes viri eximii conſirment ipſa, quae divinum ingenium produxit, opera; doceant ejus merita & ingeni planſum tones repetitae Hiſtoriae, Carminum & aliorum Opusculorum editiones, ut inter recentiores ſcriptores, qui a renatis literis nomen ullum ſunt conſecuti, ſi unum Eraſmum excipias, nullus oſtendi poſſet, qui toties praela fatigaverit, & tam perpetuo per omnia tempora tenore famam & gloriam tenuerit. Nullam ego, ſi ab antiquioribus deceſſeris, celebrari umquam audivi aut legi, qui cum Buchananano contendere poſſit; aut cujus ſcripta*

Tom. I.      \*\*      tam

## P R A E F A T I O.

*tam assidua doctōrum virorum manu versata; & etiam in publicis & privatis scholis pueris & adolescentibus ediscenda fuerint data. Sed quod mirari subit, nec nisi in veterum scriptorum monumentis ab interitu vindicatis evenire solet, Buchananō soli, per toties iteratas editiones, illud accidisse videmus, ut, licet opera ejus post pervulgatam in omnes gentes Typographicam artem, e manu ejus exierint, tot mendis tamen & variationibus fuerint hic & illic deformata, ac si non uno exemplo ab auctore prodita fuissent. Unde eandem curam & diligentiam, quam veteribus adhibere, propter manu exaratorum codicum discrepantias, cogimur, meruit a viris doctis, & praesertim popularibus suis, ut collatis inter se a primo ad ultimum usque editionum exemplaribus, una tandem prodiret, quae veram auctoris manum exhiberet, simulque commentariis & adnotationibus illustrata suavitatem & clariorem ejus lectionem omnibus praestaret. Quas partes cum nemo, nisi in illa parte orbis, qua Buchananus lucem adspexit, natus & educatus, obire digne posset, sine controversia ab omnibus eruditis insignem iniit gratiam, Vix & rerum patriarum scientia, & elegantioris doctrinae copiis instructissimus, THOMAS RUDIMANNUS, cum hanc in se provinciam, plenam taedii & molestiarum, suscipere non recusaret: summa hic enim cum industria & religione ad emendanda & recensenda magni Buchananī scripta se accinxit, & anno hujus seculi quarto decimo Edinburgi splendendam simul & accuratam operum ejus editionem emisit. Quae & a popularibus & ab exteris ea cupiditate & studio est accepta, ut brevi omnibus fere exemplaribus divenditis, jam copia eam consequenda deficere incipiat. Unde cum pretium, animose licitantium ardore vehementer incenderetur, & multi studiosorum tam exteri, ad quos parvus numerus transmissus fuerat, quam Britanni ea carere cogerentur, non modo nostratium, sed ipsorum Scotorum, quorum magna manus semper ad hanc Academiam capeffendi cultum ingenii causa confluere solet, querelis & flagitationibus indutus, diligens apud nos mercis literariae negotiator Langerackius consilium ceperat, eam eadem cura, sed aptiori ad usum forma, renovandi. Et cum ad me se applicuisset, operamque & consilium hac in re postulasset, auctor fui, ut non modo honestissimo juvenum desiderio obsequeretur, sed hoc insigni beneficio Belgas, Ger-*

## P R A E F A T I O.

*Germanos, & alias gentes, apud quas Buchanani doctrina & nomen celebratissimum est, demereretur. Sed cum quasi dedita opera a me simul contendere inciperet, ut novi aliquid lenocinii, quo hæc editio integrata commendari posset, conferrem, poenitere fere consilii dati coepit. Nec tam temporis, quod tot cum maxime curis aliis occupatum habebam, penuria, quam operis difficultas, & adminiculorum, sine quibus ulla cum laude Buchanani scripta tractari & illustrari possunt, indigentia me deterrebant. Cum enim in Buchanani scriptis antea sæpe cum voluptate summa essem versatus, & novam etiam doctissimi Ruddimanni editionem jam perlustrassem, deprehendebam satis, obscuris Buchanani locis lucem tam claram & gratam esse per ejus adnotationes adfusam, ut facile mea opera deinceps carere posset, aut, si quid a mea manu accedere jam deberet, eam omnem in levioris momenti & quæ Latini sermonis aut. elegantiae rationem explicarent, adnotatiunculis posse consumi. Nam ad res ipsas Scoticas, aut ad Historiam priorum temporum illustrandam me unum ex omnibus minime adcommodatum esse intelligebam; nec enim gentis Scoticae fata & Regum gesta ita in numero habebam, aut temporum illorum, per quæ decurrit Buchanani Historia, aut locorum, in quibus quæ narrat acciderunt, vel tam mediocrem notitiam in me deprehendebam, ut ullo modo vel Buchanani auctoritatem vindicare, vel si quid admisisset, ejus culpam coarguere possem. Inter Scriptorem vero, cui semper sua fides & existimatio constitit, & ejus Commentatorem, quem in multis Historiæ patriæ capitibus in diversa abire animadverteram, judicem sedere velle, tantæ arrogantiae & imprudentiæ esse sentiebam, ut me facile, si id tentare auderem, omnium ludibrio & sibilis exponere possem. Hoc enim opus censorium qui suscipere animum inducit sum, hunc, non modo in ipsa illa insula, & ejus quoque parte Scotica, esse natum & educatum, omnia loca & regiones cognitæ & perspectas habere, linguæ vernaculæ copia præter vulgus instructum esse, & denique popularium non tantum Historicorum pervolvissè, si quæ exstant, opera, sed ipsa scrinia familiarum, quæ semper in imperiis & honoribus sunt versatæ, & publica tabularia diligenter excussisse oportet. His omnibus adminiculis instructus, si præterea adhibeat, animum ab odio, gratia & libidine cavillandi vacuum, tum demum lites & controversias,*

## P R A E F A T I O.

quis hodie sperare audeat) certe non plane deformata vitiosis lectionibus apparere possit. Unicum est, quod non tam in editoribus, quam quidem in lectoribus desiderare possint, non ipse modo post sua fata Buchananus (qui certe homo & errori obnoxius sine dubio non semper & ubique ita veritati soli litavit, ut nefas esset unquam ab ejus sententia discedere) sed omnes ingenui & libertatis cum aequitate conjunctae amantes, ut eam animi adfectionem, quam in scribendo ab auctore exigant, in legendo ipsi exhibeant. Rigidi illi omnium scriptorum, & praecipue Historicorum Censores, supercilio quodam Catoniano severas & tetricas de scribenda historia leges ferentes, numquam non nobis occinere cessant, Historicum patriam, mores avitos, sacra a majoribus tradita, factiones & studia, & omnia denique, quae animum & mentem a veritatis solius studio abducere possunt, ita debere ejurare & exuere, ut nullis indiciis deprehendi possit, cui parti addictus vixerit. Hoc nobis non eruditi modo & sapientes, qui in republica literaria ordinem quemdam tueri & suffragia jure ferre possunt, sed proletarii & capite censi, qui quanti negotii sit Historiam scribere, & res gestas posteris tradere, non magis sciunt quam sub ferula pueri, & qui nondum aere lavantur, quotidie cantare non desistunt. Sed aequiori jure a lectoribus & censoribus suis exigeret Historicus liberum ab omni vitiosa adfectione animum, & ut ipsi prius de sacris & religionum varietate praepudicatas opiniones abjicerent, & studia partium, quibus regna & respublicae distrabantur, deponerent, nec suae gentis mores & instituta aliarum omnium potiora & sanctiora ducerent, antequam carpere & obrectare scriptorem rerum gestarum insisterent. Sed nos omnia haec & plura etiam in uno scriptore desiderare solemus, cum interim nemo nostrum vacuus a communibus his & sepe innatis vitiis ad legendos Historicos accedat, & non statim illis irasci soleat, & omnem scriptiorem infamare, ubi eos receptis sententiis & opinionibus nostris inveteratis non respondere deprehendimus. Et hinc jam facile effici videmus, eundem scriptorem in coelum a quibusdam laudibus evehi, qui ab aliis infra infimos deprimitur & projicitur. Hoc Buchanani quoque praeter alios factum fuit. Scissa enim ejus in factiones patria, si huic olim parvi placeret, ab altera lacerabatur maledictis: & cum partes illas

## P R A E F A T I O.

non modo non exstinctas, sed quotidie novo quodam furore reviviscere videamus & doleamus, etiam adhuc hodie vapulare cogitur, & ab omnibus, qui impotentiori dominationi & Tyrannidi, tam civili quam ecclesiasticae, patrocinia sua accommodant, non modo obliquis carpi orationibus, sed acerbis conviciis & probris quotidianis proscindi & traduci pergit. Hi celebrem hunc Historicum, odium in Tyrannos & dominatores semper prae se ferentem, nullam fidem mereri clamant. Altera pars, libertatis studium saepe licentiae & solutissimae disciplinae praetextens, ideo in sola Buchanani auctoritate acquiescendum putat, quia ausus fuit ea scribere, quae Regibus & regiae superbiae ministris placere non posse sciebat: immo hoc nomine illum praecipue laudandum censent, quod non regiorum ministrorum modo arrogantiam & incivilitatem, aut regum ipsorum delicta & importunitatem, sed ipsam majestatem & vires Regias insectari magno animo sustinuerit. Talesne lectores, in hanc aut illam partem peccantes, de Historicis sententiam ferre patiemur? & ab horum judiciis pendere sapientes, & qui per se res aestimare solent, cogemus? Quis non, benivole lector, mecum videt & simul ingemiscit, humanae vitae conditionem tam miseram & deplorandam, ut paucissimi reperiantur, qui a studiis & factionibus se abstinere possint, sed gladiatorii animis in ipso eruditionis & humanitatis ludo ita concurrant inter se, ut cum utriusque partis scripta legeris, nihilque veri, nihil certi, in quo consistas, reperias, omnes tandem Historicos suspectos habere, & nulli fidem, nulli religionem aliquam fuisse fateri fere cogaris? Sed nos, ut nullius veteris Historici, ita nec hodie Buchanani causam agemus, neque, ob causas modo dictas, iudicis partes nobis arrogabimus, sed aliis Scoticarum rerum peritioribus relinquemus. In Mariae tamen Scotiae (hoc enim totius fere accusationis caput est) rebus ausum fuisse tam impudenter mentiri Buchananum, recenti admodum memoria, & viventibus tot, qui rebus gestis interfuerant, minime mihi sit credibile: eoque magis confirmari, etiam ab ipsis obrectatoribus, ejus fidem posse credo, quod, qui in contrarias abiere partes, non modo dubia & incerta, sed illa etiam, quae publice constiterunt, negare ausi, auctoritatem magnam scriptis Buchanani ipsi addiderint. Qui enim studio obloquendi & carpendi oc-

cae-



## P R A E F A T I O.

*caecatus modum excedit, non veritati studere, sed odio auctoris vel factionis studio auferri creditur. Imprudenter vero Buchanano semper Cambdenum (cui nemo sanus doctrinae laudem negabit, sed qui neque majori fide res gestas prodidisse, quam Buchananus, affirmari potest,) obducunt, coactum a Jacobo VI. scribere quae ille juberet, & scripta ex ministrorum regionum libidine mutare & inducere. Hunc nimis semper extollendo, suspensissimum, ut factioni Regiae plus aequo faventem, reddiderunt. Vehementissime etiam in Buchanatum, ut multi olim, ita nuper in vestus est Thomas Smithus, cui vitas illustrium aliquot Anglorum debemus. Hic in vita Petri Junii, cui subjecit compendiarium narrationem de vita & morte Mariae, quam Junius ipse consecerat in commentarios, nescio quae in Davidem Chytræum, qui Buchanatum secutus erat, convicia congerit, & Reginae existimationem cum indignissimis modis lacraffe contendit. Sed qui Buchanatus aut Chytræus moroso huic censori placere possit, cui nec haec Junii narratio satis placebat; quia nimis parce, frigide ac jejune. & metu procerum perterritus criminationes istas Buchanani depulisse ipsi visus est. Sed nec Junius nec Cambdenus, ambo beneficiis luculentis aucti & honorati, Buchanano graviores scriptores censei, aut magis ex animi sententia scripsisse videri jure possunt, cum uterque in gratiam Jacobi, & ut Elisabethae invidiam, quam ex Mariae caede contraxerat, adderet, contraria prodidisse verosimilius judicetur. Praeterea Cambdeni Annales suspectos maxime faciunt ea, quae Burnetus in scriptis contra Varillatum prodidit; quae notissima hic repetere nolo, cum legi possint in Struvii Bibliotheca Historica Cap. xv. §. 11. sed quae inter elogia non adducta miror, cum ex ejusdem capitis §. xix. elogium Buchanani, sed non plenum, adscripserit Editor nuperimus. Denique nemo aequius judicium adhuc de Buchanano & Cambdeno tulisse mihi videtur, nuperrimo Historiae Anglicae scriptore, Rapino Thoyratio, qui passim in Historiae illa parte, qua regnum Elisabethae enarrat, utriusque merita & fidem examinat, & singula excutienti, ubi Buchanano fides habenda sit, ubi Cambdeno, diligentissime & elegantissime offendit. Cui similes Historicos utinam plures haberemus, cum plerique regiae majestatis vel foedissimi reporianantur adulatores, vel studio partium & vero abducantur. Sed quid  
quid*

# P R A E F A T I O.

quid id est, cum Smitho expectabimus veram adhuc histo-  
riae hujus ex actis Authenticis illustrationem. Ne miremur  
vero obtrectatores tam acerbos & vehementes Historiae suae re-  
prehensores nactum fuisse Buchananum, Poëticae etiam laudem &  
gloriam ipsi detrabere voluisse quosdam vidimus. Inter quos prae-  
cipue nomen suum professus fuit olim Georgius quidam Eglisemmius,  
de quo in praefatione sua pluribus egit Robertus Fribarnius, quae  
hic non repetemus, sed operae pretium esse duxi non praeterire de  
insani hujus Paedagogi maledicentia summi Viri Danielis Heinssii  
judicium, quod ex Epistola ejus ad virum nobis ignotum, (nomen  
enim in Autographo deerat) scripta, & a nobis in Sylloge Episto-  
larum, quae mox prodibit, T. II. pag. 451. edita, hic describere  
est visum, quia egregium simul eruditionis & morum Buchanani  
testimonium exhibet. Vidi lepidas festivitates, quas hoc die ad me  
misisti. Non est nostrae opis efficere, ut nemo insaniat: sane non  
magis, quam ne quisquam sit aeger: Quanquam iste morbus est  
profecto: & ut recte judicavit medicus, qui homini respondet,  
jugere ellebori curandus. Carmen illud ab autore paulo ante ac-  
cepi. *Eglisemii* (rectius *Eglisemmius* vocatur) παιδαγωγικὴν μά-  
ριαν non videram. Est in paedagogicis ingeniis quotquot vidi, nota  
quaedam, quam vix toto mari eluas. saepe mecum cogitavi, an  
ab educatione sit hoc vitium. Verum usu didici, plerumque tales  
nasci. Ajunt *Buchananum*, virum suo saeculo majorem, cum vix  
unquam Academiam vidisset, sed in Gallicis collegiis consenuisset &  
ad Reginam suam, monstrum illud faeminae, attulisse, quod mi-  
rari satis ipsa non posset. Nam cum affectaret libertatem quamdam  
in censura morum, diluebat specie simplicitatis omnem protinus  
offensam. Ut non tantum aulae natus videretur, sed & huic emen-  
dandae. Quominus est ferendum, esse hominem tam confidentem,  
qui leoni mortuo insultet. Sed & pulices & pedes idem faciunt:  
animalia quae e putredine nascuntur. Equidem cum isto praece-  
ptore usi estis, plus pro oblectatione, quam pro institutione do-  
buisitis homini. Versus enim sunt inepti: judicium φρονελαβίς: nu-  
meri, quos reprehendit, exquisiti & cum cura adhibiti. Homerus,  
ait ille, alibi dormitat. Psalmus iste rex est caeterorum. Quod si  
versus leonini sunt, quos iste notat, dabo integras elegias Ovidii,  
Tom. I. \* \* \* quae

## P R A E F A T I O.

quae talibus pentametris contextae sunt. Non potest *Buchanani* manibus de illo satisfieri, nisi constet saeculo, larvarum plenum esse. Cave tamen credas solum hunc esse, qui sic desipit. Narro tibi, nausea tenet ad plurimorum pensa, quae chartis hoc tempore illinuntur. & praecipue eorum, qui se literas tractare existimant. Inprimis ubi fastus paedagogicus & ignorantia conspirant. Ibi enim filia, quae nascitur, phrenesis est. Cujus in hoc Scoto specimen habemus.

Denique mendacium, quo *Buchanano* notam inussit *Caspar Egasius Bulaeus* referre sufficiet; nam refutare vix opus esse puto, cum neminem invenerim, cui fides a scriptore illo facta sit. Narrat ille in *Historia Univers. Parisiensis* Tom. vi. pag. 935. haec de *Buchanano*. Calvinianam haeresim misere amplexus in Patria male audit: Quod tempore quadragesimae Agnum Paschalem Judaeorum more comedisset, a Jacobo V. vocatus, non erubuit confiteri, immo & ausus est asserere, Regem similiter debere agnum comedere. Sed habito Theologorum consilio, auditoque Joanne Majore, quod Georgius Judaizaret, convictus sceleris fugit in Lusitaniam. Et etiam ibi pro haeretico habitus. Itaque Lutetiam rediit, ubi & haereseos signa edidit. Demum Edimburgum transfretavit, ubi obiit 28. Sept. A. 1582. aetat. 76. Ubi omnia confusa esse ejus vitae tempora facile patet, & quae de carnibus a *Buchanano* tempore quadragesimae comesis, in vita ejus ad A. 1550. narrantur, per calumniam ad agnum Paschalem transferri.

Atque haec quidem de *Buchanano*, & hac editione praefanda duximus, plura, si otium foret, quae in *Historia*, *Carminibus* & aliis operibus observari possent, addere possemus, ex quibus insignia viri merita & eruditio posset magis perspicui & commendari. Sed mordet liber carceres, & temporis, intra cujus spatium proditum hoc opus Librarius promiserat, jam fere elapsi meta, nostrae quoque curae modum esse statuendum admonet. Vale, & his frui Lector, & a quo & a studiis partium vacuo animo, Lector, ipse per te judica. Leidae Kal. Jul. CIOIOCCXXV.

GEOR.

# GEORGII BUCHANANI OMNIUM OPERUM,

aliorumque quæ huic Editioni  
accellere,

## SYLLABUS ET ORDO.

T o m I

1. **R**oberti Fribarnij Præfatio.
2. **A**UCTORIS *Vita*.
3. \* Doctorum virorum de G. BUCHANA-  
NO ejusque scriptis Testimonia.
4. \* Catalogus variarum Editionum & Codicum  
MSS. ejus Operum.
5. *Rerum Scoticarum Historia, præmissa Auctoris ad  
Jacobum VI. Dedicatione, \* & Tabula Regum  
Scotiae Chronologica.*
6. \* Ad Historiam ejus Annotationes.
7. \* Index Rerum memorabilium.
8. \* Propriorum nominum Interpretatio.
9. *De Jure Regni apud Scotos Dialogus.*
10. *Detectio Mariæ Reginae Scotorum. &c.*
11. \* *In Jus Regni & Detectionem Notæ aliquot &  
Emendationes.*
12. *Chamaeleon, five Satyra in G. Metellanum Le-  
thintonium.*

# GEORGII BUCHAN. OPERUM SYLLAB.

T O M. 1 L

## I. GEORGII BUCHANANI *Poemata omnia in duas partes distincta.*

*Prima parte continentur, 1. Psalmorum Davidis Paraphrasis Poetica: cui in fine subjuncta sunt aliquot ejus Poëmata & Fragmenta, nunquam antea cum aliis ejus Operibus edita. 2. Jephthes, sive Votum, Tragedia. 3. Baptistes, sive Calumnia, Tragedia.*

*Parte autem secunda continentur alia ejus Poëmata, scil. Franciscanus, Fratres fraterrimi, &c.*

2. \* *In ejus Poëmata Annotationes.*

3. \* *De Metris Buchananæis Libellus.*

4. *Rudimenta Grammaticæ Thomæ Linacri ex Anglico Sermone in Latinum versa.*

5. *De Prosodia Libellus.*

6. *Ad viros seculi clarissimos, eorumque ad eundem Epistolæ. \* Subjectæ sunt aliquot NOTÆ.*

R O.

# ROBERTUS FRIBARNIUS

## LECTORI BENEVOLO

S.



**P**RODEUNT tandem in lucem GEORGII BUCHANANI Scoti Opera; tardius quidem illa voto nostro, ac hominum doctorum expectatione: sed ita tamen (quod æquanimittate tua confisi speramus) ut diuturniorem hanc moram scœnoris fere amplitudo compenset. Id autem, totiusque adeo consilii nostri ratio, quo tibi melius constare possit, fas nobis erit rem omnem altiore principio & ab ipsis quasi incunabulis repetere.

Cum diu multumque, non popularium modo meorum, sed exterorum etiam flagitationibus expetitam animadvertissem novam Buchanani nostri operum, præsertim Historiæ Scoticæ, editionem; neque quenquam æque atque hominem Scotum ad eam procurandam reperiri posse idoneum: aliis segniter cessantibus, atque a se onus invidiamque remouentibus, animum tandem meum, amicorum etiam stimulis subinde impulsus, rem tantam aggrediendi ambitio incessit. Gnarus autem jam inde a principio opus vere arduum atque periculosa alex plenum memet perficiendum suscepisse, nihil prius habui, quam ut virum aliquem diligentem, idonea linguæ Latinæ facultate præditum, & (quod præcipuum fuerat) rerum apud Scotos gestarum cognitione haud vulgari imbutum, in partes advocarem, cujus subsidiaria ope institutum feliciter tenere, atque ad umbilicum deducere possem. Talem igitur virum nactus, ejusque fideli consilio ac strenua opera, quantum per alias occupationes licuerat, usus, post varias demum moras, quarum causas non attinet hic recensere, extrema, Deo juvante, longo operi manus est admota. Quid autem a nobis in hac editione præstitum, quoque eam pacto adornaverimus, proximum est ut exponamus. Postquam igitur animo meo steterisset opera omnia Buchanani nostri simul edendi propositum, duo in primis, eaque non segniter aut perfunctorie sed summa ope ac diligentia mihi peragenda prospiciebam: primum ut universa nobilissimi atque omnium suffragio incomparabilis Auctoris scripta (sive ea antea impressa, sive typis nondum vulgata fuissent) undique conquirerem: deinde ut ea in unum collecta quam fieri posset emendatissima, ac celeberrimo Scriptore digna prodirent.

Quibus autem rationibus geminam hanc provinciam obierimus, non alias melius intelligi posse existimamus, quam si singulatim & per partes omnia exsequamur. Buchanani autem opera in duo

## P R Æ F A T I O.

se genera suapte quasi sponte dispescunt; quorum scil. altera pars soluta, altera ligata oratione sunt conscripta. Nos igitur eundem fere ordinem secuti in binos pariter Tomos ea tribuenda existimavimus, quorum primus *Historiam rerum Scoticarum*, aliaque non absimilis argumenti opera proso sermone exarata contineat, alter vero ejus *Poëmata*, adjectis etiam *Epistolis*, opusculisque ad rem Grammaticam spectantibus, complectatur. De his, inverso licet ordine, primum; deinde de illis, ut commodum erit, dicemus.

**PSALMI.** I. Inter Buchanani autem Poëmata principem facile locum sibi vindicat Divina pene dixerim atque omni laude major **PSALMORUM PARAPHRASIS**. Eorum complures in numeros Latinos se ipse in Vita sua tum redegissee testatur, cum in Lusitania agens ab inimicis & religionis illic Pontificiæ vindicibus in Cœnobium esset relegatus, circa annum M. D. LI. reliquos postea, partim in Gallia, partim in Britannia, absolvisse videtur. Memor autem præcepti Horatiani non præcipitavit editionem, sed in novum forte & amplius annum premi voluit. Prodiit enim in lucem immortale illud opus anno demum exsente M. D. LXV. aut ineunte M. D. LXVI. quæ fere tempore e Scotia in Galliam profectus videtur, eo potissimum consilio, ut celeberrimis Typographis <sup>1</sup> *Henrico ac Roberto Stephanis*, magni illius *Roberti* filius, Paraphraseos suæ edendæ curam committeret. Cæterum quamvis Buchananus unus omnes, qui ante vel post eum id argumenti pertractarint, longo intervallo superaverit; quæ summa tamen fuerat ingenii excellentia, quod in ea Paraphrasi in melius mutaret, ipse invenit. Unde factum est ut eam sæpius ad incudem revocaret, quod & ipse aperte Epist. III & XXVII. significat, quibus, *Se multa in Psalterio correxisse, & plura etiam atque*

*intere-*

<sup>1</sup> Aliam tamen, eamque ab Henrico Stephano ortam, editionis protelandæ causam adfert Hadr. Junius, Animadvers. p. 390. Edit. Rotter. Anno 1708, qui *passim inter Gallos sermonibus divulgatum* affirmat, H. Stephanum illam *Psalmorum Versionem*, cujus autographum a Buchanano sibi traditum habebat, *duo apud se pressisse*, eo nimirum consilio, ut si quid interim Buchanano humanitus accidisset, eam postea editam pro sua vendicaret. Verum, ut libere dicam quod sentio, hanc adversus Stephanum criminationem, non tam ex vero, quam ex inimicitiis, quæ nobiles lunium inter & Stephanum ardescebant, profectam.

putem. Nam, ut omitтам illibatam illam quæ postea atque ad extremum usque vixit inter Buchananum nostrum & H. Stephanum amicitiam, quæque adeo Buchanani animum ab omni ejusmodi fraudis suspitione suadet immunem; dolum illum H. Stephani nullo tere negotio viri eruditi persensissent: neque enim eum occultum habere sivistent vera ipsius poëmata, quæ cum (ut a Cl. Joan. Clerico observatum est, Biblioth. Select. Tom. XV. p. 394.) præ Buchananæ illis jejuna sint & exsanguia, non poterant non se diverso prorsus fonte derivata ostendere.



## P R Æ F A T I O.

*integros Psalmos mutaturum testatur, nisi ætas ingravescent jamdudum sibi extorisset Poëmata.* Id autem ut faceret antea hortabatur Theod. Beza, Epist. IX. *Ego, inquit, Psalmorum tuorum lectione incredibiliter delector: qui etsi tales sunt, quales a te uno proficisci potuerunt, opto tamen ut eos, quod tibi minime difficile fuerit, ex bonis etiam optimos reddas, vel, si mavis, optimis, quales jam sunt, meliores.* Cum itaque Buchananus, sive sua sponte, sive amicorum hortatu, Psalterium suum multis in locis mutarit, nemini dubium potest esse, quin ex editionibus, quæ ipso adhuc vivo prodierint, posteriores fere præstent, utpote quibus maturior ipsius castigantis manus accesserit. Eam ob causam, quamvis antiquissimos *Stephanorum & Plantini* codices neutiquam negligendos arbitraremur, eos tamen præcipue duximus sequendos, qui paullo ante annum M. D. LXXXII. quo Auctor noster fato est functus, sunt in publicum emissi. In gratiam tamen eorum, quos illas a Buchananò ipso factas mutationes cognoscere forte juvabit, variantes vetustiorum editionum lectiones ad paginæ calcem ubique subiecimus.

Ex iis autem quæ post Buchanani mortem vulgatæ sunt Psalterii editiones, tres quatuorve nobis præcipue memorandæ sunt, Herbormensis scil. anni 1585, cum Annotationibus *N. Chytræi*; Londinensis anni 1620, cum Ecphrasi *Alex. Julii*, Edimburgensis *And. Harti*, anni 1615; & quarta denique ab *Alexandro Morisone*, sororis ipsius Buchanani filio, procurata. Quod ad *Chytræi* Collectaneam attinet, quanquam ejus minime spernendus, nec sub honore fraudandus sit labor; cum tamen (quod unicum præ se fert) vocabula tantum nonnulla & modos loquendi Poëticos, in rodiorum gratiam, sibi explicandos *Chytræus* desumeret, exiguum admodum fuerat, quod inde ad emendatam Psalmorum editionem, qui solus fere nobis est scopus propositus, potuerat hauriri.

At haud paullo dispar Ecphræos Julianæ ratio: ea enim cum facili ac perpetua interpretatione non verborum modo, sed sententiarum etiam genuinum intellectum ac ordinem ubique retexat, non parum inde lucis derivatum ad rectam ac veram lectionem eruendam stabiliendamque multis in locis sumus experti. Et ne solius Julii auctoritate in re tanta niteremur, is in Præfat. testatur, se Ecphrasin suam Buchananò ipsi magna ex parte acceptam referre, quippe quem „adolescens sæpenumero adiisset, ut quæ in „Divino illo opere obscura essent, illustraret, phrasas perplexas „expediret, suosque errores castigaret, & sic ab eo doctior redi- „ret.” Quæ autem in hac interpretatione, suæ, quæ Buchananì ipsius partes fuerint, sic paullo fusius postea Julius declarat. „Huic oneri, inquit, ferendo, alioqui humeris meis impari, ad- „jumen-



## P R Æ F A T I O.

„ jumento fuerunt, quæ multis abhinc annis ab eodem D. Bu-  
 „ chanano ex tempore dictata in schedas quasdam retuli, & ex  
 „ Musæo D. *Roberti Buchanani* Pastoris Ecclesiæ Syressensis, di-  
 „ scipuli olim mei, eadem plane & meis omnino consentanea ad  
 „ me ab eo perlata accepi; quæ quidem D. Georgio temere di-  
 „ ctante, calamo *Thomæ Buchanani*, Præceptoris quondam mei,  
 „ magna ex parte excepta fuisse probe memini: ex quo etiam in-  
 „ tellexi D. *Georgium* patrum suum vetuisse, ne in lucem pro-  
 „ dirent; quippe qui exponenda potius, quam in apertum profe-  
 „ renda existimasset puerilia illa, quæ vocabat, extemporanea,  
 „ rudia & impolita. Erat enim vir ille ea ingenii dexteritate, ut  
 „ cum pueris repuerascere, & ad omnes omnium ætatum usus  
 „ modeste & sapienter sese accommodare & posset & vellet. At-  
 „ tamen ne quid vel temere ab illo in hoc genere prolatum obli-  
 „ vione obrueretur, hic ego industria nonnulla & diligentia ad-  
 „ hibita, puerilia illa quodam modo quasi adulta feci, extempo-  
 „ ranea elaboravi, impolita & rudia cultu nonnullo accuratius  
 „ expolire studui, ac uris de more libenter occæpi informem  
 „ lambendo fingere tærum. — Jecit ergo *Georgius* ille *Bucha-*  
 „ *nanus* primum operis hujus fundamentum, materiamque rudem  
 „ & impolitam magna ex parte suffecit, unde hæc structuræ for-  
 „ ma clementer ac molliter assurrexit; in qua ne unguem quidem  
 „ latum ab ejus mente & sententia discedere fas esse judicavi,  
 „ quem in toto hoc opere præcipuum auctorem & gravem veræ  
 „ Exegesis testem habere, ab omnibus bene de re literaria sen-  
 „ tientibus probatum fore mihi minime dubitandum est. Hæc  
 „ ille. Unde & illud perspicue colligitur, quo pretio habenda sit  
 „ pulcherrima illa *Julii* Ecphrasis, quantumque inde inter ancipites  
 „ variantium codicum lectiones subsidii adferatur ad veram sinceramque  
 „ indagandam & confirmandam: nec proinde temere a nobis  
 „ factum, qui nostram hanc editionem ad *Julii*, vel *Buchana-*  
 „ *ni* verius, interpretationem fere semper exigere instituerimus.

De editione porro *Andree Harti* anno 1615, quod ea alia etiam  
*Buchanani* Poëmata complectatur, commodior se postea offerret  
 dicendi locus.

Restat denique illa, quam castigatam meminimus ab *Alexandro*  
*Morifone*, quem propterea princeps literarum *Josephus Scaliger* ele-  
 ganti hoc Epigrammate censuit ornandum:

*Ista, Caledonii vertit quæ Musa Poëta,  
 Jam prius Hebræa carmina culta lyra,  
 Typographi primum sædis damnata lituris  
 Vati nuper erant inficienda suo.  
 Excoluit Morison, & doctus avunculus illis*

*Quod*

## P R Æ F A T I O:

*Quod dederat, non est passus abesse, decus.  
Gaudete, O summi vatis, pia numina, Manes,  
Si nova cognati vos benefacta juvant:  
Nunc opus hoc, Morison quod luminis edit in oras,  
Vestrum est, Typographus fecerat ante suum.*

Cum autem inter libros, quibus nos sumus usi, nullus hoc *Scaligeri* elogium habeat præscriptum, neque aliter de tempore aut loco quo editus est, possimus amplius quidquam pro explorato proferre, quam illum in lucem exisse inter annum 1582, quo *Buchananus*, & 1609, quo *Scaliger* fati concessere; non tanti rem esse arbitramur, ut ideo tuum nostrumve otium vanis conjectationibus disperderemus: præsertim, cum facta nobis tot aliunde exemplarium (& in his ejus forte ipsius a *Morison* recensiti, aut eum, nomine licet tacito, imitantis libelli) copia, parum utique damni ex hac qualicunque jactura nostræ huic editioni advenisse metuendum sit.

De aliis minorum gentium editionibus non attinet quidquam adjicere, cum ex aliâ fere ex aliis sint descriptæ, nec manuscripti cujusquam codicis ope, aut obstetricante viri celebri opera se prodant concinnatos.

Poteram jam ad alia *Buchanani* Poëmata me conferre, nisi invitum de via quasi retraxissent malevoli quidam Psalterii ejus obtrectatores, qui cum egregium opus omnium quotquot sunt hominum elegantiorum & cordatiorum calculis jamdudum comprobatum non ignorarent, in pulcherrimo tamen corpore nævos se aliquos deprehendisse novi hi Lyncei sibi volunt videri. In his autem agmen ducit Jesuita, & eo ipso nomine juratus *Buchanani* hostis, *Ludovicus Crucius* Olyssipponensis, cui, cum probe conscius esset *Buchanani* Paraphrasin suæ, quam tum (anno scil. 1598) concinnaverat, haud parum obfuturam, visum est illius famam insigni mendacio elevare. Ait enim (in Præfat.) *Buchananum, etsi princeps Poëtarum sui temporis inscribatur, id egisse, ne clarissima notissimaque de Christo Opt. Max. vaticinia, quæ Psalmis continentur, suo in carmine apparerent.* Quantum autem a *Buchanani* mente abfuerit, quod iste nefas comminiscitur, vel secundus Psalmus plane ostendit, ubi ne insigne illud de Servatore nostro, Deo in æternum benedicto, vaticinium vel minimum imminuisse videretur, voce utitur Romanæ Poëseos parentibus incognito, eum CHRISTUM, non vero *Unctum Domini* diserte appellans. Quin si utriusque velimus inter se versiones componere, *Buchananum* reperiemus horum vaticiniorum vim & consilium, ut *Crucio* elegantius expressisse, ita solertius & accuratius attendisse. Testis inter alia sit Psalmi VIII. vers. 5. ubi pro, *Minuisti eum paullo mi-*

# P R Æ F A T I O.

nus ab Angelis, ut in Vulgata, vel ἡλάρτους αὐτὸν βραχὺ τι παρ' αἰγύπτου, ut in LXX virali versione habetur, Buchananus reddit,

*Hunc Deo equalem prope reddidisti,*

memor in textu Hebræo ita ad verbum exhiberi, *Deficere facies eum paullulum a Deo*, & ab Apostolo ad Heb. II. 8. ad Dei filium hæc referri. Videtis de hac *Erasmum* cum *Fabro Stapulensi* digladiantes, huncque (*Fabrum* innuo) impietatis crimen *Erasmio* intentantem, quod eodem fere sensu quo *Crucius* hæc vertisset. *Erasmus* autem prædictum Apostoli locum interpretatur, *Fecisti eum paullulo inferiorem Angelis*: *Crucius* vero *Psaltæ* verba hoc pacto carmine exprimit,

*Condidisti si minorem  
Angelorum cœtibus:  
Inclytum tamen creasti  
Mente, forma, gloria.*

Rursus quanto cum carminis nitore, tum sententiæ claritate, a Buchananano vertitur nobile illud de Christi resurrectione vaticinium, *Psal. XVI. 10.*

*Nam nec degere Tartari  
Permites animam sub tenebris meam,  
Aut ut putre cadaver resolutum in cineres fluat.*

Confer istis hosce *Crucii* versus,

*Spero equidem Stygliis animam nec sedibus addes,  
In cineres verti nec mea membra fines.*

nonne tibi non venustate modo, sed & perspicuitate destituti videntur?

Porro quam Poëtice, quam vividis coloribus depictum nobis exhibet Buchananus æternum Salvatoris nostri sacerdotium, *Psal. CX. 4.*

*Juravit, & se adstrinxit immutabili  
Dominus sacramento tibi,  
Tete futurum Melchisedecis sibi  
Ritu sacrorum antistitem,  
Sol inquieto lucis orbe dum diem,  
Dum Luna noctem illuminet.*

Contra

1 [De hoc versu agens auctor Bibliothecæ Antiq. & Hodiern. T. XIX. Part. II. p. 243. credit melius facturum fuisse Buchananum, si vertisset, *Angelis equalem prope reddidisti*: sed Buchananus religiosius leges metricas servare didicerat.]

## P R Æ F A T I O.

Contra quam illepidam ac lutulentam istam *Crucio* fluunt:

*Juravit Dominus, quæ non jurasse pigebit,  
Melchisedecis te sacerdotem fore.  
Scilicet antiquo ventura in secula more,  
Dum pulcher astra ducet æther ignea.*

Ex paucis hisce exemplis abunde liquere arbitror, quam nulla ratione fulta sit *Crucii* adversus Buchananum nostrum accusatio: quod nisi Lectoris patientiæ parcendum videretur, facile nobis esset in cæteris itidem ostendere.

Quod autem Psalmi LXXII. v. 17. ad æternam Filii generationem *Crucius* detorqueat, hoc modo,

*Sit nomen ejus nobile cantibus,  
Quod est parentis Filius optimi:  
Et jam vigeat Solis ante  
Quam nitida micuere flammæ:*

ipse, non Buchananus, in errore versari videtur. Optimi quippe Interpretes & Commentatores consentiunt nihil hic aliud significari, quam Solomonis (aut, si mavis, Messiae ejus Antitypi) nomen cum Sole permanfurum, Hebr. ad verb. *Coram sole* (vel, ad *facies solis*) *filiabitur* (seu sobolescet) *nomen ejus*. i. e. explicante *Vatablo*, *Grotio*, &c. *Quamdiu sol videbitur, nomen ejus erit memoriale ejus*. q. d. *Ut filius ducit nos in memoriam patris, sic erit nominis ejus memoria in seculum*. Qui proinde verus ac genuinus horum verborum sensus a Buchananano sic elegantissime exprimitur,

*Nomen æterno juvenescat ævo,  
Fili nomen. jubar usque solis  
Dum vagæ fundet radiata terris  
Lumina flammæ.*

Ut tamen *Crucio* nonnihil indulgeamus, unicum est de Christo Opt. Max. vaticinium, Psalm. XLV. 6. *Sedes tua, Deus, in seculum seculi*: ubi vox [DEUS] a Buchananano quidem omittitur, at nullam aliam ob causam, quam quod ita postulare carminis nexus & concinnitas videretur. Neque enim mortalium quisquam mihi persuaserit, id eo quod *Crucius* fingit consilio factum, cum vel ipsius Buchananani verba,

*Nec maris aut terræ spatium, nec terminus ævi  
Finiat imperium. —...*

in solum Dei Filium convenire queant. Quin & ipsos Arianos Socinianosque, a quorum partibus Buchananum stare *Crucius* causatur,

## P R Æ F A T I O.

satur, nunquam ea religio tenuit, ut CHRISTUM DEI nomine appellare reformidarent. Verum futili huic *Crucii* commento eluendo fufius forte, quam par erat, sumus immorati: ad alios igitur pergamus.

Proximus autem Buchananæ famæ infectator inventus est popularis suus *Georgius Eglishemius*, qui Thraſonico fastu tumens palam ausus est cum Buchananano de lauro contendere, editoque, cui POETICO DUELLO Anglicum potius, quam Latinum, nomen indidit, libello, a se confectam Psalmi CIV. Versionem Buchananæ longe anteferre. Sed ineptam hominis vanitatem satis superque retulerunt *Gulielmus Barclaius* Medicus, & *Arthurus Jonſtonus* Poëta elegantissimus, hic salissimo carmine, cui nomen dedit *Consilium Collegii Medici Parisiensis de Mania hypermeri Medicastri*; ille *κρίσις* de eo certamine *Judicio*. Utrumque Londini primum anno 1620, ac deinde Edimburgi anno 1696, junctim prodierunt.

Neutiquam vero ad Buchananani nostri vituperationem hic retulerim illud *Abrahami Cowleji*, Poëtæ egregii ac viri sanctissimi dictum, in Præf. ad Odas suas Pindaricas, quod *Buchanani carmina tanto Davidicis inferiora* affirmat, quanto *terra Judea Scotiam antecellit*. Eodem enim loco insignis ille Anglus, ex omnibus Psalmorum Interpretibus Buchananum longe præstantissimum, & ingentem sane virum lubens agnoscit: cæteros vero omnes (ne gentili quidem suo *Geo. Sandæo* excepto) tantum abesse ait, ut *Davidem suis Versionibus honestarint, ut dedecorarint potius, indigniusque quam ipse Shimei* exceperint. Cæterum nulli tam inepte Buchananani sumus fautores, ut ejus carmina, cæteroquin in suo genere supra modum eximia, cum Davidicis, hoc est, humana cum Divinis audeamus conferre, quippe quæ infinito novimus intervallo distare. Quod vero ab aliis omnibus misere neglectum queritur *Cowlejus*, ut nempe in suis Versionibus, pro exoletis jam aut prorsus ignotis *Lingue Hebraicæ* veneribus, novas ac suæ lingue proprias substituerent, id certe, si quisquam alius, Buchananus est assequutus; non sine quorundam reprehensione, qui *Olympum, Tartarum, Stygias undas*, aliaque innumera Romanis Poëtis obſtata vocabula & locutiones Divinis hymnis intermisceri ægre ferentes, quod unice *Cowlejus* factum volebat, id Buchananano culpæ tribuunt: & illud quidem longe præter rationem, cum non aliter suus Latino carmini genius, suaque venustas constare possit.

Postremo autem, duo non ita pridem exstiterunt Angli, *Josephus Trappius* & *Leonardus Wellstedius*, qui nobilissimam Psalmi CXXXVII. Paraphrasin sollicitandam duxerunt. Et *Trappius* quidem, sed paullo modestius, Buchananum criminatur, quod

in

## P R Æ F A T I O.

*in Paraphrastica Psalmorum versione inter alia scribat,*

*Dum procul a patria mœsti Babylonis in oris  
Fluminis ad liquidas forte sedemus aquas,  
Flevimus & gemitus luctantia verba repressit,  
Inque sinus liquida decidit imber aquæ.*

„ Non opus autem fuit (*inquit ille*) ut vel *semel*, multo minus  
„ trium versiculorum spatio *bis* admoneremur aquam esse *liquidam*:  
„ rem ita habere jamdudum norunt omnes, neque per istud Epi-  
„ theton vel minime illustratur res quam describit Poëta., Bene  
autem habet quod mox hoc nomine haud raro peccantem Ovi-  
dium *Trappius* inducat, neque ejus (si qua culpa est) Horatium &  
Virgilium omnino exsortes fateatur. Quod vero bis trium versicu-  
lorum spatio hoc a Buchananano admissum causetur, memoria  
lapsus videtur vir doctissimus (neque enim de industria factum pu-  
tem) qui medios hosce duos versiculos prætervectus,

*Ille animum subiit species miseranda Sionis,  
Et nunquam patrii tecta videnda soli.*

quatuor illos modo memoratos continuos posuit. Ad rem vero  
ipsam quod attinet, ignorare non potest vir Cl. epitheton LI-  
QUIDUS duplici apud Latinos sensu accipi, interim scilicet  
pro *fluido* sive *humido*, quatenus nimirum *arido* seu *siccò* opponitur;  
interim vero pro *puro* & *limpido*, *nec limo aut sordibus ullis turbu-  
lento*. Priore quidem significato proprium est & perpetuum *aquæ*  
epitheton: posteriore autem non item, ostendunt Ovid. Met.  
I. 370.

— ... *Adeunt pariter Cephisidas undas,  
Ut nondum liquidas, sic jam vada nota secantes.*

Horat. 2. Epist. II. 120.

*Vebemens & liquidus, puroque similis amni.*

Et Virg. Georg. IV. 102.

— ... *Hinc cœli tempore certo  
Dulcia mella premes: nec tantum dulcia, quantum  
Et liquida, & durum Bacchi domitura saporem.*

*Liquida*, i. e. *pura* & *defecata*; nam quæ omnino *fluunt*, malacesse  
admonet Servius. Atque hoc (uti ego quidem existimo) Buchana-  
nus hic sensu loquutus videtur, Euphratis undas tum puras & il-  
limes fluxisse significans. Certe Pomponius Mela<sup>1</sup> cum *acceptis  
ripis celerem & frementem* describit, quales fere fluvii aquas minus  
turbidas aut lutulentas devolvunt. Plinius<sup>2</sup> vero *Euphratem* ait

*limum*

<sup>1</sup> Lib. III. c. 8.

<sup>2</sup> Lib. XVIII. c. 17.

## P R Æ F A T I O.

*limum in agros non invehere, sicut in Ægypto Nilum.* Non inepte autem hoc significatu Buchananus, vers. 6. lacrymas cadentes *liquiditas* appellat, quippe quibus nihil fere limpidius videamus. Ut ut vero hæc sint, Poëtam nostrum abunde excusant non Ovidius modo & alii passim, sed & ipse Virgilius *Æn.* V. 860.

*Cumque gubernaculo liquidas præcexit lundas  
Præcipitem.* . . .

Et *Æn.* VII. 760.

*Te liquidi flere lacus.*

Et *Æn.* IV. 526.

*Quæque lacus late liquidos, quæque invia dumis  
Rura tenent.* . . .

Item Homerus, *Odyss.* A. 458.

*Γίγντο δ' ὕγροι ὕδαρ, καὶ εὐνόμεναι ὑπὸ πύργῳ.*

Longe autem atrocior *Wolstedii* censura, qui Annot. suis ad Anglicam Longini *de Sublimi* versionem subjunctis, in Buchanani immanem in morem invehitur. Pravam enim plurimorum de carminibus Latino sermone scriptis opinionem perstringens, exempli loco adducit *celebratissimum* (quod invisus fatetur) *Buchanani Psalmum, qui sic incipit.*

*Dum procul a patria, &c.*

Moxque in eum incondito clamore hæc dehlaterat. There never was any thing so Barbarous / so Gothick / so trulph Modern / as these Verses: They are only a continued Jangle of Dactyls and Spondee / which chime on / like a Pack-Horse / in the same Pace: a Heap of Substantives accompanied with most wretched Adjectives; You may know the Position of the Words / in every Line / without looking into it. Is there any thing like this in Tibullus, Ovid, nay / even in Martial, or any ancient Writer whatever? The Lines indeed seem to run preety much into what they call the Golden Verse; but even that / if not a Fault / is yet no Beauty / and at best but a Monkish Invention. In short / all such Poetry as this is but one Degree superior to Latin Rhimes. i. e. „ Nihil tam „ barbarum, tam Gothicum, tam vere neotericum, atque hi „ sunt versus, usquam existit. Nihil quippe sunt aliud quam „ clangor perpetuus Dactylorum & Spondeeorum, eodem tenore, „ sarcinarii equi instar, sibi concinentium; Substantivorum ineptissimis Adjectivis stipatorum congeries. Ut quo quæque locoo voces sint positæ cognoscas, inspecto non est opus. An quidquam huic simile, apud Tibullum, Ovidium, addo & Martialem, ullumve ex veteribus scriptorem reperitur? Versus quidem plerique omnes ex eorum fere genere esse videntur quos „ Aureos appellant. Id vero si maxime culpa vacaret, nulla „ tamen



## P R Æ F A T I O.

„ tamen venustatis laude commendatur, merumque est Monacho-  
 „ rum inventum. In summa, versus omnes hujuscemodi uno  
 „ duntaxat gradu Rhythmis Latinis sunt superiores. „

Unde novus hic ac hypercriticus Censor, aut verius unicus  
 Reip. literariæ Dictator non *Scaligeris* dico, *Turnebis*, *Grotiis*,  
*Vossii*, sed universo eruditorum orbi, longe, si diis placet, an-  
 tecellens, nobis exortus. Tanti scil. res est, *Longinum de Subli-*  
*mi* Anglice vertisse, ut hic ejus interpres, Pegasi quasi alis in al-  
 tum sublatus, omnes mortales cum fastu despiciat, deque doctis-  
 simorum virorum scriptis pro imperio statuendi jus sibi ab Apolline  
 concessum opinetur. Cui vero non Scoto tantum, sed bonas literas  
 amanti, bilem non moveat, Poëtarum non Scotia, non Britannia,  
 sed omnium terrarum multarumque ætatum longe maximum ab  
 obscuro homine tam procaciter sugillari? Nimirum non alio  
 pacto summis erat Buchananus Poëtis annumerandus, quam ut  
 suos itidem *Zoilos* & *Mævios* haberet. Nobis autem feliciter  
 obtigit, quod cum neque hominem sic vatam præstantissimo im-  
 pune insultantem omittere oporteret, neque ad ejus injurias ex  
 merito refutandas ad alia properantibus otium suppeteret, id in  
 se oneris paullo ante derivaverat eruditissimus simulque nobis ami-  
 cissimus vir, *Andreas Rossius*, Humaniorum literarum in Acade-  
 mia Glasguensi Professor, qui ingentes Buchanani Manes inultos  
 non passus, publicis suis Prælectionibus ab importuni hujus Critici  
 calumniis fuscæ & egregie cum vindicavit. Præmissa enim luculen-  
 ta totius Psalmi Metaphrasi, tot delibatos sententiarum flosculos,  
 tot Veneres longe pulcherrimas, quot fere voces, in eo ostendit:  
 deinde, excussis omnibus *Wolffediane* accusationis partibus, nihil  
 per totum Psalmum affectati, nihil quod aut Barbariem, aut Go-  
 thicismum, aut Neoterismum vel minimum redolet; quin con-  
 tra omnia tum argumenti, tum carminis indoli aptissime quadran-  
 tia, atque innumeris clarissimorum Poëtarum exemplis firmata,  
 plenissime simul & solidissime demonstrat. Eas autem *Prælectio-*  
*nes*, cum non Buchanani modo, sed & literarum communium  
 causa agi videatur, in apertam propediem lucem producturum  
 virum elegantissimum speramus.

II. Atqui tempus monet, ut ad alia Auctoris nostri Poëmata TRA-  
 transeamus. Proximum autem post Psalmos locum postulare sibi GOE-  
 videntur TRAGOEDIAE ejus quatuor, quarum duæ, argumen- DIAE  
 to e sacris literis petito, ab ipso Buchanano sunt confectæ, alte-  
 ræ duæ e Græcis Euripidis translatae. Ex istis vero primum  
 (quod ipse <sup>1</sup> testatur) conscripta fuit BAPTISTES, & quidem,  
 uti ego conjicio, circa annum 1540, licet ultima omnium, nec

<sup>1</sup> In vita sua, circa annum 1540.



# P R Æ F A T I O.

ante annum 1576, typis expressa. Eam secuta est *Medea*, quam Burdegala actam anno 1543, & tum forte primum prælo mandata ad Buchananii Vitam alibi observavimus. Quo primum tempore reliquæ duæ prodierint, nondum licuit investigando reperire. Porro, ut de Tragædiis suis omnibus, tum præcipue de *Medea* modestissime sentiebat Auctor. „Eam enim non in hoc scrip-  
 „ptam ut ederetur, sed amicorum flagitatione sibi invito quasi  
 „extortam, ipse scribit ad *Danielem Rogerium* Epist. XXVII.  
 „ostenditque „se, cum multa negligentius in ea elapsa essent, post  
 „aliquot annos retractasse eam, & quædam in ea vulnera ita fa-  
 „nisse, ut adhuc cicatrices appareant; reliquas autem majore  
 „cum labore effudisse. „Equiora de iis doctorum virorum ju-  
 „dicia in Testimoniis mox sequentibus habentur: quæ paulo ini-  
 „quiora sunt, peti possunt ex *Baileii* Judic. Eruditor. *Æt.* Tom.  
 IV. Part. 3. & *Teisserii* Elog. Thuan. Tom. III. In his *Job. Ger-  
 Vossius* Buchananano vitio vertit, quod, „cum drama unici diei  
 „naturalis ambitu peragi, aut sane paulum excedere debeat, is  
 „tamen Jephtham suam ad duorum minimum mensium spatium  
 „extendat. Porro *Lud. Balzaci* laxæ eum culpæ insinuat,  
 quod Jephthæ personis Hebraicis nomina Græca, qualia sunt  
*Storge* & *Symmachus*, indiderit, quod in Baptiste Eumenidum  
 meminerit, Judæumque suæ religioni addictissimum, qualia Græ-  
 co sacerdoti conveniebant memorantem, in theatrum induxerit.  
 Ipse denique maximus virorum *H. Grotius*, licet alioquin sum-  
 mus

1 Quo magis incredibile videtur,  
 quod ab Henrico Stephano, de bene  
 influendo *Long. Græc. stud.* pag. 116.  
 narratur, cujus verba hic adscribam:  
 Eodem certe modo (inquit) turis insinu-  
 latum fuisse Georgium Buchananum au-  
 diti, quum ejus *Medea* (id est, Euripi-  
 di *Medea* ab eo Latine versa) in lucem  
 prodiret. In aliqua enim Bibliotheca la-  
 tentem forripuisse, ac suam tandem se-  
 cessit. Vid. etiam Janfonium ab Al-  
 meloveen Plagiari. Syllab. in Ad-  
 dend. p. 87.

2 Inist. Poët. lib. 2. cap. 3.

3 Dissert. de Herod. infanticid.

4 Hos tres vericulos (neque enim  
 utrosque alios huic culpæ affines repe-  
 riri) respexit *Balzaci*, qui habentur  
 in Choro Bapt. p. 246. §. 1127.

*Crimæ coluber Eumenides nigris.*

*Et reyma aucto guttura Cerberi.*

*Et nunquam saturi copia Tantali.*

Quibus non Buchananus modo, sed &  
 Græcorum Romanorumque sapien-

tissimi nihil aliud significari vole-  
 bant, quam nullas graviore poenæ  
 resque de fontibus poenæ posse exigi,  
 quam quas male patratum  
 conscientia, luxuria, avaritia, alia-  
 que ejusmodi vitia per se ipsa mis-  
 eris infligunt. Neque propterea Bu-  
 chananus magis culpandus videtur,  
 quam plerique sacrorum Bibliorum  
 Interpretes, qui Jobi IX. 9. *Abi,  
 Cossi & Cusi*, per *Arctum, Oriam  
 & Pleiadas*, nomina non minus He-  
 breis ignota, quam Græcorum fa-  
 bulis celebrata, reddiderunt. Nihil  
 certe a Buchananano hic tam graviter  
 commissum, ut ideo isdem, quas  
 nominat, Furtis instigatus a *Balzaci*  
 pronunciari meruerit. Quod si  
 ea quam supra retulimus Cl. *Cassius*  
 sententia nobis standum sit, in laude  
 potius, quam vituperio hæc Bucha-  
 nani nostri ponenda videntur.

5 Epist. V.

## P R Æ F A T I O.

mus Buchanani admirator, utpote quem *numen Scotorum* insigniat, prædicetque *Tragœdiam redivivam reduxisse*, eum tamen a *cothurni gravitate degenerasse* criminatur. Ludibrium utique debuerim, si ego post tam illustria nomina iudicium hic meum interponere auserim. In hoc certe omnes consentientes habemus, nihil illi, post instauratas literas, ob summam sermonis puritatem simile usquam reperiri: quo magis Poëtæ cæteroquin præstantissimo dandæ est venia, si a rigidis cothurni legibus, nondum eo seculo accurata satis trutina examinatis, nonnusquam inopinus decerrarit. Quod attinet ad varias harum Tragœdiarum editiones, idem fere nobis, quod supra de Psalterio, licebit affirmare, eas nempe potissimum videri præferendas, quæ sub Auctoris mortem, aut non multo post, lucem conspexerunt.

III. Post Tragœdias memoranda veniunt Buchanani *Astron- SPHÆ- mica*, sive quos DE SPHÆRA Libros inscripsit, quosque si af- RA. flicta valetudo & Historiæ scribendæ labor absolvere sivistet, Manilium ipsum, quem sibi in hoc genere exemplar proposuit, æquat-  
 urus, vel etiam superaturus videtur. Id opus primum aggressus est, cum *Timoleonti*, *Caroli Cossæi* Franciæ Marecalli filio, instituendo operam daret: id quod carmen ipsum non uno in loco ostendit. Auctor vero, Epist. ad *Tychonem Brabe* anno 1576 scripta, 'se proximo biennio, ait, adeo gravissimis morbis conflictatum, ut, cum multa alia leviora, tum quinque libros de Sphæra jam dimidiatos omittere, ac spem scribendi carminis in posterum penitus abjicere coactus fuerit. Epist. autem XXVII. *Dan. Rogerium* (qui Epist. XXVI. omnium ejus Poëmatum editionem flagitabat) monet, *Astronomica se non tam abjecisse, quam extorqueri invitum tulisse*. Quare effectum est, ut quamvis viri docti opus illud in suo genere agnoscant egregium, in quo quippe vegetus animus, nec suis partibus sustinendis impar se maximi prodatur Poëtæ ingenium; nonnullis tamen in locis majorem carminis æqualitatem requirant. Primum autem prodit Libri primi fragmentum, hisce versibus terminatum,

*Nam cum stelliferi sursum undique machina cæli  
 Affurgat, tellusque sua gravitate deorsum.*

quod ex *Dan. Rogertis* (sive *Rogerii*) apographo descriptum Typographus testatur, qui illud cum aliis ejus carminibus Genevæ edidit anno 1584., ac denuo anno sequente 1585. Post biennium vero totius quod exstat operis editionem primus procuravit *Joan. Pincierus Medicus* e duobus MSS. exemplaribus, quorum alterum

2 Epist. XV.

## P R Æ F A T I O.

e Scotia Herbornam a *Roberto Howes*, juvene prædocto allatum, alterum ab ornatissimo juvene *Jean. Jonstons* Helmstadio ad se missum ipse in Præfat. commemorat: additque porro se ejusdem *Jonstons* aliorumque suorum amicorum adhortationibus adductum, ut Libris quarto & quinto ab Auctore nunquam absolutis Supplementa pertexeret. Quæ quidem omnia Herbornæ primum anno 1587 ab eodem *Pinciero* publici juris sunt facta. Hanc editionem alie deinceps exceperunt, una Genevæ (ut ego quidem haud levibus argumentis mihi colligere videor) anno 1594, altera apud Petrum Santandreamum 1597, tertia in Bibliopolio Commeliniano anno 1609, editionis fere Herbornensis vestigiis inhaerentes, atque propterea non multum nobis hic memorabiles.

Post Pincieranum igitur illum tres præcipue sunt codices, quos in hac nostra editione duces nobis sequendos censuimus. Primus est Edimburgensis *And. Harti* anno 1615, qui quamvis innumeris Typothetarum vitio corruptus sit maculis, eum tamen cum ex Auctoris autographo castigasse se narret *Jean. Rayus*, Ludimagister Edimburgensis, haud levem apud nos fidem merito suo postulare videbatur. Proximus huic codex Salmuriensis anni 1621, nobis hac in parte potissimum laudandus, „quod (referente in  
„ calce Typographo) vir quidam doctus in libris hifce de *Sphæra*  
„ emendandis plurimum operæ posuerit, cum quod in iis multa  
„ essent vindice digna, tum quod plura ad eam rem haberet adju-  
„ menta; utpote præter exemplaria typis impressa (in quibus E-  
„ dimburgense facile primas tenebat) optimum MS. a doctissimo  
„ viro *Gul. Geddeo* nactus, quod ejus frater *Joannes Geddeus* di-  
„ stante ipso Buchananò olim exaraverat. Quæ autem (porro in-  
„ quit Typographus) in editione Edimburgensi ex auctoris autogra-  
„ pho emendata sunt, manuscriptum pene omnia confirmat,  
„ quædam etiam in melius mutat, &c. Verum de utraque hac,  
tam Edimburgensi, quam Salmuriensi editione, quod alia ejus o-  
pera Poëtica contineant, infra nobis erit dicendum. Denique,  
præter libros hosce impressos facta nobis tandem est ex instructis-  
sima Bibliotheca Academiæ Edimburgenæ optimi codicis MSti  
copia, de quo alibi etiam a nobis est dictum, quem scilicet vir  
accuratissimus *Ad. Regius* se ait ad Poëtæ autographum, quem  
apud se habebat ultimis ipsius curis elaboratum, recensuisse;  
quemque non Supplementis modo, sed justis etiam Commentariis,  
egregiam & in omnes scientiarum partes diffusam viri eruditio-  
nem testantibus, auctum, quo minus in publicam lucem, quam  
insigniter merebatur, non emiseric, dura fatorum necessitas invi-  
disse videretur. Cum autem tardius, nec nisi post absolutam  
majorem hujus operis partem ad notitiam manusque nostras  
pervenisset præstantissimus ille liber, quod proximum fuit, nos  
sche-

# P R Æ F A T I O.

Schedas nostras cum illo curavimus quam diligentissime conferendas, variantesque lectiones inter Annotata ad calcem adjiciendas: quas tamen cum editione *And. Harti* & codice *MSto Geddeano* plerumque convenire, aut magna ex parte leves esse & ambiguas, ut nescias quæ quibus sint anteferendæ, nonnunquam nostris deteriores, paucissimis certe locis iis potiores, Lector non iniquus facile comperiet.

IV. Superest ut de reliquis Buchananani carminibus aliquid adjiciamus. Et **FRANCISCANUM** vero in Scotia scribere aggressus est *Jacobi V.* jussu. Postea per otium, reversus domum, quæ deesse videbantur, explevit, carmenque sic absolutum Patrono suo *Jacobo Moravia Comiti* eleganti Epistola Nonis Junii anni 1564 nuncupavit, quam propterea, licet nulli ejus Satyræ editioni antea præmissam, neutiquam in hac nostra duximus omitte-

FRAN-  
CISCA-  
NUS.

V. Eodem fere tempore absoluta est illa variorum carminum farrago, quibus **FRATRIBUS FRATERRIMIS** nomen imposuit. Prima, quam viderim, *Franciscani & Fratrum*, editio prodiit *Basileæ Rauracorum*, anno (uti videtur) 1568, ac deinde anno sequente apud *Hen. Stephanum*, una cum aliis Buchananani & *Beza* poematis.

FRA-  
TRES  
FRA-  
TERRI-  
MI.

VI. Cum alia, quæ sparsa jacebant Auctoris nostri carmina, **ELEGICI** amici obnixè efflagitarent, quædam ipse ex iis recollecta, atque in sua capita dispersita, **ELEGIARUM** scilicet **Librum I. SILVARUM I. HENDECASYLLABON I.** ad *Pet. Danielem* misit anno 1566, ut postquam ea *Montaureo*, *Memmio*, aliisque amicis Philologis ostendisset, ex eorum sententia de iis statueret. Quod auctoris consilium ille secutus ea *Hen. Stephano* edenda tradidit, e ejus prælo primum exierunt anno 1567, præmissa ad *Pet. Danielem* ea de re Buchananani Epistola, quam etiam suæ eorundem editioni præposuit *Mamertus Patissonus* anno 1579, nos inter alias ejus Epistolas tertiam collocavimus. Eadem autem illa Epistola promittit Buchananus se brevi missurum **JAMBON**, **EPIGRAMMATON** & **LYRICON** libros singulares, quod tamen per decennium non præstitisse conqueritur *Pet. Daniel*,<sup>1</sup> atque per *sacras Musarum vias* hortatur, ut rem adeo desideratam pro communi omnium studiosorum utilitate amicis non denegaret. Cum vero iisdem literis Buchananano significet *Pet. Daniel* ad ea edenda paratam esse operam *Mam. Patissoni*, qui tamen, altero post anno, *Elegias*, *Silvas* & *Hendecasyllabos*, nullo *Jambon* &c. auctario adjecto, typis commendavit; haud absurde colligere videmur, Buchananum ea in ordinem non redegis-  
 illa

IAMBI  
EPI-  
GRAMMA-  
TA. LY-  
RICA.

<sup>1</sup> Epist. XI.



# P R Æ F A T I O.

illa tempore lucem conspexerint. Antiquissima certe, quam nos eorum editionem viderimus, Genævæ prodiiit anno 1584, biennio ab Auctoris excessu. Sæpius deinde variis in locis cum aliis ejusdem carminibus fuisse excusa. Cæterum quem Buchananus *Lyricum* librum *Pet. Danieli* erat pollicitus, eundem esse reor, qui Editioni Edimburgensi anno 1615 MISCELLANEORUM nuncupatur, & eo quidem anno primum vulgatus. Mutatur autem libri inscriptio, quod iis carminibus Elegiaca quædam & Hexametra intermiscantur, quæ inepte inter Lyrica retuleris.

MISCELLANEÆ.

SATYRA in Car. Lotharingum.

VII. Poëmatum in hac nostra editione agmen claudit SATYRA, in *Carolus Lotharingum Cardinalem*, scripta, uti videtur, paullo post detestandam illam laniemam Parisiensem, quæ hujus Cardinalis in primis instinctu perpetrata fuit die *D. Bartholomæo* sacro & sequentibus, anno 1572. Carmen quidem Buchananus non prorsus indignum, at vivido minus impetu, tardante jam vires ingenii senectæ, effusum, cuique etiam, ut credibile est, ultima auctoris lima nunquam accessit. Eam ob causam quoddam primi subseclii viros dubitasse, an is genuinus esset Buchananus fecutus, innuit *D. Rob. Sibbaldus*, qui Satyram eam a se notis illustratam, Commentariis suis in *Georgii Buchanani* vitam subnexuit. Idem vero vir clarissimus, tum MSti sui, quem a doctissimo Theologo *Joanne Jamiesono* nactus erat, auctoritate, quum aliis haud spernendis argumentis, carmen illud Buchananus idemne afferit; quæ hoc loco haud operæ pretium recensere videtur, cum locupletius habemus hujus rei testimonium, primam videlicet, eamque *Sibbaldo* incognitam, ejus Satyræ editionem, apud *Israelum Taurinum*, anno 1590, in libro cui titulus *Selectorum carminum ex doctissimis Poëtis collectorum nunc primum in lucem editorum libri quatuor*, I. Iberica, II. Guisfaca, III. Varia Poëmata, IV. Cantica sacra: ubi hoc carmen *Geo. Buchananus* diserte adscribitur.

POEMATA cuncta.

VIII. Hactenus præcipuas editiones recensuimus, quæ partes tantum aliquas Poëmatum *Geo. Buchanani* complectuntur; reliquum est ut eas, sed leviter, attingam, quæ universa se perhibent continere. In his autem primas sibi merito partes deposcit supra laudata editio Edimburgensis *And. Harti*, anno 1615, innumera penes locis (ita enim in fronte liber promittit) ex auctoris autographo castigata & aucta: a qua tamen absunt, præter Satyram in *Carolus Lotharingum*. Euripidis *Medea* & *Alceste*. Hanc editionem accurasse se testatur *Jo. Rayus*, Ludimagister Edimburgensis, haud ineleganti ad amplissimum virum *Alexandrum Scotum* Fermelinoduni Comitem, summum tum Scotiæ Cancellarium, scripto Epigrammate, quod & hic placuit adjicere.

*Setoni, Phario sate sanguine, Regibus orbe,  
Regibus aule atavis, manere, mente potens,*

Accipe,

## P R Æ F A T I O.

*Accipe (sed facilis) Buchananani reddita vitæ  
Carmina, in abstruso quæ latuere diu.  
Namque parens alia exposuit, mandavit alenda  
Furtim alia, agnovit quæ tamen ipse sua.  
Verum ubi res fractæ Teucrum, & fortuna recessit,  
Ferre tot orbatis nemo volebat opem.  
His ego succurri primum, nativæque novi  
Symbola, & in lucem notitiamque tuli.  
Ad te confugiunt velut Attribida tristia ad aram;  
Jura patrocini, testæ fidemque petunt.  
Dexter ades miseris, quorum inclinata recumbit  
In te spes omnis, præsidioque juva.  
Non minus ingenuos alienos tollere natos  
Laudis habet, claros quam genuisse suos.*

Et sane haud exiguum in hac nostra editione ornanda ex Edimburghensi illa nos opem traxisse, ingrati essemus, si diffiteremur. Non tamen dissimulandum est, tot ubique Typographorum aut Correctorum vitio eam maculis esse scædatam, ut multum propterea de ejus codicis pretio inde decurtetur; ut mihi adeo plane persuasum sit, non Rayum ipsum, sed virum aliquem, aut indoctum, aut turpiter oscitantem schedis corrigendis adfuisse. Hujus rei, præter alia multa, insigne documentum præbet lib. III. de Sphæra, pag. 479, versus 507, ubi pro

*Figat bimum, nullaque arbor se protegat umbra.*  
in codice Hartiano ineptissime editum est,  
*Figat bimum, melius in textu, arbor se protegat umbra.*

Ut Edimburghensi illi tempore inferior, ita typorum elegantia & corrigentis æque longe superior nitidissima Salmurienensis editio, sumtibus Cl. Girardi, Dan. Lerpinerii ac Joan. Burelli, anno 1621, quam & summis elogiis ornant Cl. Joan. Clericus, Biblioth. select. Tom. VIII. p. 127. & auctor libri, cui titulus, *Histoire Critique de la Republique des Lettres tant ancienne que moderne*, Tom. VI. p. 337. Is autem a me proxime memoratus de rep. literaria scriptor (dum variarum editionum & Codicum MS. quibus in nova hac operum omnium Geo. Buchananani editione concinnanda sum usus, Catalogum, præmissamque ea de re ad omnes humaniorum literarum cultores Epistolam a me non ita pridem publicatam, denuo exhibet; quod beneficium haud vulgare hic gratus agnosco) mirari se ait, me illam editionem Salmuriensem non comparasse. Et quidem, ut quod res est fateamur, sub aliena facie nos fefellit ea editio; nam quæ se Lugduni Batavorum apud Abrahamum Elzevirium excusam falso venditat, ea prorsus ipsa est, quam tantopere celebrat

# P R Æ F A T I O.

Cl. Bibliographus, id quod aliud ejusdem codicis exemplar, post absolutam demum hanc nostram editionem, nacti liquido deprehendimus. Utriusque enim libelli figura & moles, chartæ genus, plagularum mensura, characterum forma, omnia denique examussim conveniunt, disparibus tantum frontibus exceptis. Fraudem autem penes *Elzevirium* fuisse ostendit mendacium horum titulorum charta a reliqua toto codice diversa. Patetur porro Cl. *Clericus* primam sui libri partem *Abrab. Elzevirii*, secundam vero *Joan. Burelli* Salmurientis nomen præferre. Sed missò hocce, quod jamdudum Typographis nonnullis, libros falsis titulis mangonizantibus, inolevit, vitio, ad rem ipsam redeam. Existimat autem nescio quo indicio Cl. Bibliographus editionem hanc Salmurientem *Joan. Cameronis*, celebris tum illius loci Pastoris, cura recognitam: quod adeo si verum sit, eundem *Cameronem* fuisse oportet, qui varias lectiones & conjecturas addidit ad partem secundam; quas omnibus deinceps editionibus subnexus, nos ad imam ubique paginam & multo auctiores collocavimus.

Editionem demum Salmurientem exceperunt plurimæ aliæ apud Belgas, præsertim *Elzevirianæ*, *Jansoniæ*, *Waesbergianæ*, *Westenianæ*, aliæ ex aliis fere descriptæ, nec ulla, præterquam characterum elegantia, re notabiles: nam quæ prioribus mendæ irrepserant, posterioribus pene omnibus adherent. Cujus rei potissimum exstat exemplum Psal. VII. vers. ult. ubi pro, *Gratiasque lætus agam, repetamque laudes*, ne quid durius dicam, omnibus editionibus Belgicis, & Edimburgensi etiam *Joan. Carnesii* repetamque fraudes, est repositum.

Atque hæc de variis Poëmatum Georgii Buchanani editionibus dixisse sufficiat; quibus id tantum summam adjiciam, nosmet (haud contentos varia isthuc evoluisse ac inter se contulisse exemplaria) alia etiam in partes advocasse subsidia. In Psalterio autem præsertim, si quando variantes Lectiones negotium facessiebant, eam potissimum (quod res postulabat) in textum curavimus referendam, quæ Regii Psalterii mentem propius exprimere, Latiniq; sermonis genio maxime congruere nobis videbatur. Hinc optimi sacri codicis interpretes, illinc summi Romanæ Pœtices patres erant consulendi. Arque idem fere de reliquis ejus scriptis dicendum. Ubicunque enim difficultas aliqua suboriebatur, ad eos scriptores, qui ambiguis lucem conciliaturi videbantur protinus

I Quod vero Cl. *Clericus* primæ partis frontispicio *Amstelædamum* adjectum narrat. (nisi alius est Typographi dolus) memoria lapsus videtur pro *Lugduno Batavorum*. Falsus etiam videtur quod anno 1620 & in 24 edi-

tum dicat. cum & codex noster, & quo etiam usus est Cl. Bibliographus, anno 1621 & in 12 (minoriore licet forma, ut facile pro 24 fallere possit) se excusum testetur.

## P R Æ F A T I O.

nus erat confugiendum. Quæ quanti laboris res sit, ii nimirum soli intelligunt, qui periculum fecerunt. Postquam autem hoc maxime pacto, quoad ejus fieri posset, Buchanani textus esset redintegratus, proxima cura fuit, ut is quam emendatissimus in lucem daretur, ne nobis, quod alias frequenter solet, usu veniret, ut dum animus rebus majoris momenti sese applicat, minora aut parum curasse, aut prorsus neglexisse deprehenderemur. Præter autem varias vetustiorum codicum lectiones ad paginarum oras subjunctas, ANNOTATIONES etiam quasdam, aut levioris notæ librorum discessionibus complectentes, aut difficillima quædam loca explicantes in fine adicere placuit: quæ, si nulla alia re, paucitate saltem sua veniam merebuntur. Additus denique est in rudiorum gratiam DE METRIS BUCHANANÆIS *Libellus*, in quo non ea tantum, quæ in Psalterio, sed aliis etiam suis Poëmatibus carminum genera ab Auctore usurpantur, haud paulo fusius atque accuratius, quam antea exposita Lectorem inventurum speramus.

IX. Ad alteram pergimus instituti nostri partem, ut nempe HISTORIAM ostendamus quo pacto quibusque adminiculis, operum Geo. BUCHANANI soluta oratione conscriptorum editionem accuraverimus. In hac autem serie cæteris & mole & dignitate facile antevertit RERUM SCOTICARUM HISTORIA, ab ultima gentis antiquitate repetita, atque ad annum fere Christi nati 1573 continuata: in qua etiam condenda, quoad per adversam valetudinem, & Regis instituendi ei tum demandatum munus licebat, maximam deinceps (ab anno, uti ego quidem arbitror 1568) vitæ suæ partem posuisse videtur: neque enim integrum (ut alibi observavimus) ejus publicationi mensem superfuit. Primum autem in lucem prodit Edimburgi, apud *Alexandrum Arbuthnetum*, anno 1582, fol. Ad ejus editionis exemplar alia eadem forma excusa est anno proximo 1583, nitidissima quidem illa, sed cui nulla addita est loci aut Typographi significatio. Nos Bibliothecæ Thuanæ auctoritate freti Genevensē eam appellamus; quanquam non desint, qui Parisiis impressam velint. At invisum tum Pontificiis Buchanani nomen, & adjectus Regum omnium, In primis vero Galli, rationibus maxime adversus *De jure Regni Dialogum* rem veri dissimilem facit. Hanc proxime quod sciam sequuta est editio Francofurtensis anno 1594, sæpius ibidem deinceps iterata. Deinde ad Belgas transiit, e quibus, ut alios omittam, elegantissimis eam typis expressit *Petrus Elzevirius* Ultrajectensis, anno 1668.

I Cl. Clericus Bib. Sel. Tom. 8. bis, ad exemplar *Alexandri Arbuthneti* p. 137. Edimburgi impressam scriptum Edimburgi.  
bit, deceptus ultimis hisce tituli ver-



# P R Æ F A T I O.

1668. Cum vero ex Edimburgensi Genevensis, ex hac vero, quod non difficile esset ostendere, reliquæ omnes sint descriptæ, spe multum fallatur oportet, qui quidquam ab hisce (post principem Edimburgensem) subsidii speret ad accuratam *Historiæ Scoticæ* editionem. Multa, fateor, sphalmata typographica, quibus passim scatet prima illa Edimburgensis, sustulerunt: verum ea ejusmodi fere sunt, quæ in hominis vel minimum diligentis oculos incurrant, & sua se sceditate legentibus facile prodant. Cæterum ab hominibus, in rebus, locis, institutisque Scoticis prorsus peregrinis, omnique alia ope destitutis, nihil quidquam quod penitioris esset indaginis erat expectandum. Sed neque semper iis feliciter cessit locorum corruptorum emendatio. Interdum enim a vero deerrarunt; interdum parti sinceræ intempestivam medicinam fecerunt; sæpius vero (quod necopinantibus solet contingere) dum vetera vulnera sanare satagunt, haud pauca de suo nova incutiunt. Neque hæc a me cujusquam obtrectandi studio sunt dicta, quippe qui probe norim non hic mediocrem solum doctrinam industriamque requiri, sed longo usu comparatam rerum Scotticarum eam notitiam, quam ab homine extero iniquus sit qui postulaverit. Hujus rei gnarus celeberrimus *Clericus*, in sua de scriptis Buchananæ accuratissima dissertatione, novam ejus *Historiæ* editionem a Scoto aliquo, in suæ gentis monumentis haud leviter versato, unice suspiciendam censet & vovet. Ut autem ad institutum revertar, præter principem illam editionem Edimburgensem, quæ cæterarum omnium dux est & cynosura, benigne nobis insuper indultus est ex nobili *Academiæ Edimburgensis Bibliotheca*, codex MS. nitidissimus, &c., quantum conjectura assequi valemus, ab ipsius Buchananæ amanuensi conscriptus, cujus ope libros impressos innumeris in locis castigandi facta nobis copia fuit: id quod subjectæ *Annotationes* passim commonstrant. Dolendum vero accidit, quod ei codici absit pars extrema libri XV. & integri quinque sequentes, nondum, ut credibile est, ab Auctore absoluti: quod inter alia suadet liber XIV. & quod exstat libri XV. in quibus plurima loca, easdem quidem res gestas commemorantia, verbis tamen a libris editis multum diversis, efforuntur; propterea quod, opinor, neque tum binis hisce libris ultimam Auctor limam adhibuisset: quod etiam circa finem libri primi nonnuspiam factum animadvertimus. Huc adde diverso ab editis omnibus ordine in codice MS. libros numeratos; nam qui illis quartus est, huic primus atque ita deinceps appellatur; rejectis ex eo censu anterioribus libris, qui apparatus potius ad *Historiam Scotticam*, quam veram ejus partem constituere videntur.

2 Vid. Annot. ad lib. I. cap. 42.

## P R Æ F A T I O.

tur. Atque hinc, præter alia, summorum virorum, <sup>1</sup> *Glerici* & *Stralechii* <sup>2</sup> nostri reprehensioni ansa est data, qui tres priores Historiæ libros aut penitus omittendos, aut a reliquis sejungendos, aut brevioribus denique finibus coarctandos, nec prorsus immerito censuerunt.

Verum, ut ab hoc diverticulo ad editionem nostram nos recipiamus, ea duobus hisce codicibus, MSto inquam & primo Edimburgensi, præcipue atque optimo jure innititur. Cum autem utriusque summa & æqualis propemodum videretur auctoritas, integrum nobis, sicubi dissentirent, existimavimus, ex alterutro illud seligere, quod fidei Historiæ Latinæ sermonis puritati maxime convenire arbitrabamur. Quod vero sæpenumero ab utroque, adeoque editis omnibus discesserimus, paullo accuratius nobis ratio reddenda est. Et primum, quod attinet ad orationis puritatem, quam post renatas literas nemo unquam mortalium Buchananano nostro feliciter excoluit, sedulo operam dedimus, ut Orthographiæ leges (quas in MSto & editione Edimb. neglectissimas comperiebamus) æquales semper sibi que constantes, atque ad optimorum de ea materia scriptorum normam exactæ servarentur. Neque id in vocibus Latinis duntaxat, sed & in propriis hominum locorumque nominibus nobis licere existimavimus. Ea enim cum essent a Buchananano plerumque conficta, & ad aures Latiales ex ingenio accommodata, sæpius evenit ut ea memoriæ lapsu variis in locis vario modo scriberentur, qualia sunt *Drumenius* & *Drumundus*, *Malavillius* & *Malavillanus*, *Huntileus* & *Huntlojus*, *Rosaja* & *Rotbesaja*, *Cantiera* & *Kintera*, *Gusia*, *Guisia*, & *Guisiana*, &c. Hæc, inquam, atque hujusmodi vocabula cum Lectores, exteros præsertim, pro nominibus prorsus diversis fallere possent, uno eodemque literarum tenore (quibusdam forte exceptis, quæ industriam quoque nostram effugerunt) ubique curavimus exhibenda. Quin & longius audacia nostra processit, quæque fortasse haud æque se omnibus est probatura. Ea enim veterum scriptorum loca, quæ passim primo & secundo, totoque libro tertio citantur, cum ex depravatissimis codicibus, quales Buchananano ævo circumferebantur, essent descripta; (quod Buchananus ipse, si meliores habuisset, erat factururus) nos ex præstantissimis earum Auctorum editionibus, nisi si quando ea sic restituta citantis consilio adversarentur, sana ac sincera fideliter exhibuimus. Denique (ut huic parti finem imponam) quamplurimos, qui in libris quasi omnibus inverteraverant, errores sustulimus, sed eas fere ejusmodi, qui apertam linguæ Latinæ indoli vim facere, cumque manifestis

<sup>1</sup> Reflex. de Hist. S. 18. p. 252.

<sup>2</sup> Bibl. Sol. t. 8. p. 176.

<sup>3</sup> Vid. paul. infr.



## P R Æ F A T I O.

nifestis ejus regulis pugnare deprehendebantur. Neque tamen omnes attingere visum est, sed eos duntaxat, qui levi paucarum literarum mutatione erant sanabiles, aut prava sententiarum dis-  
spunctione, aut voce aliqua vel superflua vel deficiente constabant, adeoque non Buchananus ipsi, sed Typographis Librariisve vitio (ut credibile est) vertendi videbantur.

Atqui, cum non sermonis modo, sed rerum etiam ratio nobis esset habenda, superest ut ostendamus, quid a nobis iis in locis præstitum sit, in quibus a vero Buchananus deflexit. In hisce autem longe alio nobis ordine erat progrediendum. Quamvis enim Veritas sit Historiæ anima, cuique (ut Tertulliani verbis utar <sup>1</sup> *nemo præscribere potest, non spatium temporum, non patrocinia personarum, non privilegia regionum*: non tamen idcirco ea alieni operis editori licentia permittitur, ut quæ falsa ibi occurrant, protinus expurgare, veraque eorum loco sufficere audeat. Id enim non jam Correctoris est munus, sed Historici ipsius sibi usurpare: quod quam a ratione, tam a consilio nostro fuit alienissimum. Hac igitur in parte id solum nobis licere putavimus, ut sicubi (quod haud raro accidisse comperimus) Auctor sibi esset plane contrarius, cum sibi ac veritati constantem redderemus. Neque sic quæ possent reperiri ejus generis omnia mutavimus, sed ea tantum, quæ erant manifesta, luceque (quod ajunt) meridiana clariora. Atque quo omnem cavillatoribus ansam hac in re præcideremus, quæcunque sic mutanda censebamus, ea diversis a reliqua narratione characteribus distinguere, & uncinulis nonnunquam includere placuit, ut hoc pacto Lector admoneretur voces ejusmodi in prioribus editionibus aliter exhiberi, simulque etiam ut (si velit) *Notas* nostras adeat, unde harum mutationum causas plenius certiusque cognoscere possit.

His utcumque explicatis, eo rerum serie ac sponte perducimur ut de iis, quarum modo meminimus ANNOTATIONIBUS agamus. Id vero ut recte atque ordine a nobis fiat, necesse in primis videtur, ut de Historia ipsa, diversisque de ea doctorum virorum sententiis quædam præmittantur. Principio autem apud omnes fere in confesso est, si subactissimum, viri judicium, si mirificam inter se partium omnium concinnitatem, si parem ubique rebus verborum gravitatem majestatemque, & æquabili semper tenore fluentem, atque inimitabili prorsus suavitate Lectoris aures demulcentem orationem spectemus, neminem ab omni ævo, si unum & alterum e Græcis Latinisque Scriptoribus excipias, illi parem, nedum superiorem posse reperiri. *Rapinus* <sup>2</sup> quidem, ac-

<sup>1</sup> De Virgin. veland. c. 1.

<sup>2</sup> Reflexion. de Historiq. §. 18. pag. 252.

# P R Æ F A T I O.

acerrimi alioquin vir iudicii, cum ut *servilem nimis Livii imitatio-*  
*rem* perstringit. At id non tam ex vero, quam ex Vatiniano illo,  
 quo Pontificii plerique, præsertim Lolæ discipuli in eum odio  
 feruntur, dictum existimem. Livium sane noster imitatus est.  
 At quem virum? Romanæ Historiæ principem, quoque præstanti-  
 orem quem imitaretur habebat neminem. Atqui non Livium  
 solum, sed alios etiam est imitatus, Sallustium, Cæsarem, Tacit-  
 um, &c. e quibus omnibus aptissimas phrasas, varique loquendi  
 genera & modos, non servilem in morem est mutuatus; sed miro  
 artificio atque felicitate prorsus singulari ex universis stylium ita  
 temperavit, omniaque ad usum suum convertit, ut non aliunde  
 petita, sed ex se orta, ac sua solius propria ubique videantur.  
 Hoc autem pacto non Buchananus modo, sed Virgilius, Hora-  
 tius, ipse Livius, alique innumeri *servum pecus* erunt appellan-  
 di. Certe *Wiesartius* tantum abest ut Buchananum servilem Li-  
 vii imitatore arbitretur, ut eum non dubitet huic anteferre <sup>1</sup>.  
 Quod si dicendi characterem *Rapinus* hic intelligat, Buchananus  
 quidem, quæ non tam mea, quam aliorum <sup>2</sup> est sententia, Cæ-  
 sarem potius, quam Livium referre invenietur. Quin alibi æquior  
*Rapinus* proximum post Thucydidem, Xenophontem, Sallustium,  
 Cæsarem, Livium, quorum Historiæ, ob scribendi genus nobile,  
 grave, purum, simplex & inaffectatum, æternum sunt placitu-  
 ræ, Buchananano nostro locum assignat <sup>3</sup>. Missa igitur maligna  
 hac, atque ex invidia profecta, *Rapini* reprehensione, fixum il-  
 lud immotumque manere arbitror, neminem (si elocutionem,  
 omnesque quæ in dicendo virtutes quaruntur, consideremus) non  
 modo ab instauratione literarum, sed post Cæsaris Livique tem-  
 pora, ubivis gentium existisse, qui munus Historicum æque ac  
 Buchananus noster ab ingenio paratus susceperit, patrique susce-  
 ptam dignitate sustinuerit: <sup>4</sup> adeo ut si partium studio fuisset im-  
 munit, eamque in rebus, quam in verbis, posuisset diligentiam,  
 omnes perfecti Historici numeros impleturus videatur. At ita na-  
 tura comparatum est humanum ingenium, eaque data mortalibus  
 lex & conditio, ut nihil prorsus consummatum, omnique ex parte  
 absolutum in terris unquam nasceretur. Hac autem fatali quasi  
 rerum necessitate abreptus, dum in exquisitissimo verborum ornatu,  
 concinnoque partium nexu & dispositione occupatur, a vera re-  
 rum

<sup>1</sup> De Legatis, Tom. 2. p. 129.

<sup>2</sup> Hanc suam opinionem mihi sa-  
 pius declaravit singulare gentis sue  
 ornamentum, ac insigni in rebus ejus-  
 modi vir acumine, *And. Flecherius*  
*Sakonii Comarchus* Cl. r. amen *Joan.*  
*Clericus*, Bibl. Select. Tom. 2. p. 147.

Buchananum existimat Sallustium  
 Liviumque ob oculos præcipue ha-  
 buisse, illiusque breviteratem cum bu-  
 yus nitore & elegantia conjunxisse.

<sup>3</sup> Reflex. de Hist. §. 1. p. 186.

<sup>4</sup> Vid. Auctoris Præfat.

## P R Æ F A T I O.

nifestis ejus regulis pugnare deprehendebantur. Neque tamen omnes attingere visum est, sed eos duntaxat, qui levi paucarum literarum mutatione erant sanabiles, aut prava sententiarum dispersione, aut voce aliqua vel superflua vel deficiente constabat, adeoque non Buchananus ipsi, sed Typographis Librariisque vitio (ut credibile est) vertendi videbantur.

Atqui, cum non sermonis modo, sed rerum etiam ratio nobis esset habenda, superest ut ostendamus, quid a nobis iis in locis præstium sit, in quibus a vero Buchananus deflexit. In hisce autem longe alio nobis ordine erat progrediendum. Quamvis enim Veritas sit Historiæ anima, *enique* (ut Tertulliani verbis utar<sup>1</sup> *nemo præscribere potest, non spatium temporum, non patrocinia personarum, non privilegia regionum*: non tamen idcirco ea alieni operis editori licentia permittitur, ut quæ falsa ibi occurrant, protinus expurgare, veraque eorum loco sufficere audeat. Id enim non jam Correctoris est munus, sed Historici ipsius sibi usurpare: quod quam a ratione, tam a consilio nostro fuit alienissimum. Hac igitur in parte id solum nobis licere putavimus, ut sicubi (quod haud raro accidisse comperimus) Auctor sibi esset plane contrarius, eum sibi ac veritati constantem redderemus. Neque sic quæ possent reperiri ejus generis omnia mutavimus, sed ea tantum, quæ erant manifesta, luceque (quod ajunt) meridiana clariora. Atque quo omnem cavillatoribus ansam hac in re præcideremus, quæcunque sic mutanda censebamus, ea diversis a reliqua narratione characteribus distinguere, & uncinulis nonnunquam includere placuit, ut hoc pacto Lector admoneretur voces ejusmodi in prioribus editionibus aliter exhiberi, simulque etiam ut (si velit) *Notas* nostras adeat, unde harum mutationum causas plenius certiusque cognoscere possit.

His utcumque explicatis, eo rerum serie ac sponte perducimur ut de iis, quarum modo meminimus ANNOTATIONIBUS agamus. Id vero ut recte atque ordine a nobis fiat, necesse in primis videtur, ut de Historia ipsa, diversisque de ea doctorem virorum sententiis quædam præmittantur. Principio autem apud omnes fere in confesso est, si subactissimum, viri judicium, si mirificam inter se partium omnium concinnitatem, si parem ubique rebus verborum gravitatem majestatemque, & æquabili semper tenore fluentem, atque inimitabili prorsus suavitate Lectoris aures demulcentem orationem spectemus, neminem ab omni ævo, si unum & alterum e Græcis Latinisque Scriptoris excipias, illi parem, nedum superiorem posse reperiri. *Rapinus*<sup>2</sup> quidem, acer-

<sup>1</sup> De Virgin. veland. c. 1.

<sup>2</sup> Reflexion. de Historiq. §. 28. pag. 252.

# P R Æ F A T I O.

acerrimi alioquin vir iudicii, cum ut *servilem nimis Livii imitatore* perstringit. At id non tam ex vero, quam ex Vatiniano illo, quo Pontificii plerique, præsertim Lojola discipuli in eum odio feruntur, dictum existimem. Livium sane noster imitatus est. At quem virum? Romanæ Historiæ principem, quoque præstantiorem quem imitaretur habebat neminem. Atqui non Livium solum, sed alios etiam est imitatus, Sallustium, Cæsarem, Tacitum, &c. e quibus omnibus aptissimas phrasas, variaque loquendi genera & modos, non servilem in morem est mutuatus; sed miro artificio atque felicitate prorsus singulari ex universis stylum ita temperavit, omniaque ad usum suum convertit, ut non aliunde petita, sed ex se orta, ac sua solius propria ubique videantur. Hoc autem pacto non Buchananus modo, sed Virgilius, Horatius, ipse Livius, alique innumeri *servum pecus* erunt appellandi. Certe *Wicfortius* tantum abest ut Buchananum servilem Livii imitatore arbitretur, ut eum non dubitet huic anteferre<sup>1</sup>. Quod si dicendi characterem *Rapinus* hic intelligat, Buchananus quidem, quæ non tam mea, quam aliorum<sup>2</sup> est sententia, Cæsarem potius, quam Livium referre invenietur. Quin alibi æquior *Rapinus* proximum post Thucydidem, Xenophontem, Sallustium, Cæsarem, Livium, quorum Historiæ, ob scribendi genus nobile, grave, purum, simplex & inaffectatum, æternum sunt placitura, Buchananano nostro locum assignat<sup>3</sup>. Missa igitur maligna hac, atque ex invidia profecta, *Rapini* reprehensione, fixum illud immotumque manere arbitror, neminem (si elocutionem, omnesque quæ in dicendo virtutes quærentur, consideremus) non modo ab instauratione literarum, sed post Cæsaris Liviique tempora, ubivis gentium existisse, qui munus Historicum æque ac Buchananus noster ab ingenio paratus susceperit, parique susceptam dignitate sustinuerit: adeo ut si partium studio fuisset immunis, eamque in rebus, quam in verbis, posuisset diligentiam, omnes perfecti Historici numeros impleturus videatur. At ita natura comparatum est humanum ingenium, eaque data mortalibus lex & conditio, ut nihil prorsus consummatum, omnique ex parte absolutum in terris unquam nasceretur. Hac autem fatali quasi rerum necessitate abreptus, dum in exquisitissimo verborum ornatu, concinnoque partium nexu & dispositione occupatur, a vera re-

<sup>1</sup> De Legatis, Tom. 2. p. 229.

<sup>2</sup> Hanc suam opinionem mihi scriptus declaravit singulare gentis sue ornamentum, ac insigni in rebus ejusmodi vir acumine, *And. Fletcherius* Saltonii Comarchus Cl. tamen *Joan. Clemens*, Bibl. Select. Tom. 8. p. 147.

Buchananum existimat Sallustium Liviumque ob oculos præcipue habuisse, illiusque brevitate cum hujus nitore & elegantia conjunxisse.

<sup>3</sup> Reflex. de Hist. S. 1. p. 186.

<sup>4</sup> Vid. Auctoris Præfat.



# P R Æ F A T I O.

rum gestarum fide, quam Cicero primam Historiæ legem statuit, quamplurimis in locis Buchananus descivit. Duæ autem præcipue res ei in Historia scribenda officisse videntur. Prima, quod provectiore demum ætate id operis aggressus est, cum jam languens animi vigor, corpusque continuis morbis obsessum & labe- factatum, ærumnabili illi labori, qui ad veritatem (quam alto puteo pressam latere haud inscite Democritus dicebat) eruendam esset necessarius, devorando non sufficerent. Neque enim tum exspectandum erat, ut annis morbisque invalidus senex tot antiquæ gentis nostræ monumenta, tot Monachorum libros, publicaque regni acta & tabularia, & ipsa situ barbarieque squalentia, ac proinde tersissimis ipsius auribus (optimis hætenus auctoribus assuetis) ingratis futura, ea qua par erat diligentia excutere, riteque inter sese componere valeret. Atque ex hoc potissimum fonte derivatos arbitror tot & tantos, in re præsertim Chronologica, errores, qui universi operis faciem misere deturparunt. Sed & altera fœdior labes a recto tramite auctorem nostrum in devia pertraxit; *Moravio* enim factionique illi quæ *Mariam* Reginam de solio deturbat, plus nimio mancipatus, in id omnes ingenii nervos contendisse videtur, ut alterius causam justam piamque, alterius sceleratam ac detestabilem posteris transmitteret. Atque eam hinc gratiam, illinc similitatem, eorum forte temporum iniquitati condonaremus, nisi (quæ virorum longe gravissimum est opinio) „ superiorum etiam seculorum memoriam ad suas, vel *Moravii* „ potius, rationes stabiliendas oblique detorsisset. Quo enim alio „ pertinere (ajunt) toties repetita, *electus est, suffectus est, populi* „ *suffragiis creatur, populus regnare jussit*, & similia, adversus „ omnium Annalium, omnium actorum publicorum fidem, qui- „ bus non populi suffragiis, sed sanguinis jure, regnum apud „ Scotos perpetuo iniri commemoratur, nisi ut *Mariæ* de sum- „ ma potestate dejectio, *Jacobique* ejus filii, aut *Moravii* verius „ in ipsius locum surrogatio majorum exemplis confirmarentur? „ Eodem quoque spectare, Regum jura contemptui habita, eo- „ rumque dicta & facta maligne interpretata: nec sine causa a „ reverendissimo G. *Nicolsono* Carleoli Episcopo observatum, „ *Buchananum* Rege aliquo a suis trucidato quasi gestire, ipsoque „ narrationis genere offendere, ejus caput per ludibrium circumlatum „ non sibi minus, quam populo, fore gratum spectaculum.„ Sed præstabit aliorum hac de re censuras, & ipsorum quidem verbis in medium proferre, quas in Testimoniis de Auctore nostro omis- sas in hunc ideo locum visum est reservare.

Et, ut ab *Adamo Regio*, summo alioquin Buchanani fautore, inci-

# P R Æ F A T I O.

incipiam, is, Præfat. ad Commentarios suos in libros de Sphæra,  
 „ Mallem, inquit, insigne illud de Sphæra opus absolvisset, &  
 „ Historiam nostræ gentis non attigisset. Utrumque fecisset mi-  
 „ nore nostro damno; majore apud bonos gratia, & ad posteros  
 „ secundiore fidei fama. Felicior illi ad gloriam poësis: fœcun-  
 „ dior ad invidiam historia; stylo quidem terfo & gravi elabora-  
 „ ta; sed quam prioribus libris, neglecta antiquitatis cura, je-  
 „ junius contraxit; posterioribus gratia aut simultas plerumque  
 „ in adfectus solum distrahere. Auctoris ergo hujus, ut quæ  
 „ vel novarum rerum studio, vel ad contumeliam Principum se-  
 „ nescenti scripta exciderunt, quam vellem aut in ipso partu sup-  
 „ pressa fuissent, aut apud rerum temporumque incientes minus  
 „ fidei & auctoritatis obtinuissent.

Explicatio paullo, sed nihilo mitior D. *Robertus Gordonius Stra-*  
*lochiae Comarchus*, in suo de Historiis nostris judicio MS. apud D.  
*Rob. Sibbaldum* M. D. „ Georgius, inquit, Buchananus, vir in  
 „ omni humaniori literatura probe exercitus, Poëtarum sui secu-  
 „ li, multorumque præcedentium, omnium consensu princeps:  
 „ ille tamen ea aggressus est, quæ famæ ejus intererat non atti-  
 „ gisse, & intra Poëseos limites se continuisse. Tribus primis  
 „ Historiæ suæ libris conviciatorem agit, non Historicum; &  
 „ præter jejunam regni nostri descriptionem (quam tamen desul-  
 „ toria levitate prætervehitur,) doctis viris nihil præstare vide-  
 „ tur, in re antiquaria non satis instructus. Sed hæc non impune  
 „ tulit, a *Camdeno*, omnium Britanniae antiquariorum longe pri-  
 „ mo, male habitus. Procedente Historia (ut innumera sphalmata  
 „ taceam,) contra *Kennelbun* Regem intonat horrendum, qui le-  
 „ gem de successione Regia, quam *Tanistriam* (barbaro & nobis  
 „ nunc ignoto vocabulo) vocabant, abrogavit: expertus in ma-  
 „ joribus suis, quam multas turbas ea lex (sive consuetudo fuit)  
 „ dederat, quantumque inde cruoris haustum, primus statuit, ut  
 „ Regia proles citra controversiam regnum susciperet, infirmæ  
 „ ætatis, a delectis gubernatoribus regeretur, præcluso proximis  
 „ sanguine jam adultis (quod antea invaluerat) ad sceptrum aditu,  
 „ nisi forte compertæ virtutis & fidei in turbam cum aliis ad hanc  
 „ curam delectis venirent. Etiam contra *γυναικονεργίαν* stoma-  
 „ chatur, cum ejus ætate ea incidisset. At quibus rationibus,  
 „ qui Historiæ ejus assueverint, viderint. Ubi ad sua tempora  
 „ ventum, Deus bone! jam confusa rerum facie, & turbis flu-  
 „ ctuante regno, quam aperte in partes transit: jam non Histori-  
 „ cus,

I Exstat quoque in ejusdem Cl. a *Corse* a *Geo. Garden*, S. T. D. con-  
*Sibbaldi* Comment. in vitam Bucha- scripta, ejus operibus præmissa,  
 nani, p. 56. & in vita *Joan. Forbesii* pag. 68.

Tom. I.

d



# P R Æ F A T I O.

cus, sed Caussidicus, detorta veritate rerum, parum apud eum  
 „ sani aut sinceri. Et hæc omnia, ut unum hominem Mæcena-  
 „ tem suum stabiliret: quem tamen, antequam vita exiret, cruen-  
 „ ta morte sublatum vidit. Sed non ideo refrizit in eo partium  
 „ studium. Id testatur egregius ille dialogus, aut cento, *de jure*  
 „ *regni*, quem extrema ætate procudit, ubi illa tractat, quæ per-  
 „ fectum Theologum & peritissimum Jurisconsultum postulant;  
 „ homo ad hæc impar, e scholis & ludimagistrorum scrulis in  
 „ hæc ardua rerum evectus. Vapulat tamen a duobus populari-  
 „ bus suis, viris eruditissimis, & omnis juris peritissimis, *Blac-*  
 „ *vodeo* & *Barclajo*. quorum doctissimi libri de ea re exstant. Jure  
 „ sane cum eo ita actum esse fæventur omnes, qui sine affectu ea  
 „ legunt. Qui enim centonem *de jure regni* & *Historiam* ejus exa-  
 „ cte consideraverit, inveniet tractatum *de jure regni* thesin pro-  
 „ positam, *Historiam* autem sic detortam, ut thesi firmamentum  
 „ habeatur. Denique Jacobi Regis jam adolescentis, Ordinumque  
 „ regni de hisce libris judicium, testantur acta publica Archivis  
 „ inscripta, in quibus hi libri lege lata prohibiti: aut si hæc re-  
 „ tractaverit \* idem Rex jam maturus ævi, testatur tractatus ab  
 „ eo scriptus, quem *Βασιλικὴν Δάσιν* inscripsit. Non hæc refero,  
 „ ut clarissimi viri manibus insultem (quis enim & quantulus  
 „ ego,) hoc enim piacularare; sed veritati obniti, aut eam celare  
 „ in rebus tantis impium.

Nec *Davidis Buchanani* gentilis ac propinqui sui, licet alias  
 in ejus laudes effusi, reprehensionem effugit: post amplissimum  
 enim de ejus scriptis, & in his *Historia Scotica*, præconium,  
 protinus subdit; „Hic tamen vir, quantus fuerit, omnia videre  
 „ non potuit: quis enim omnia? non lux ipsa videt. Deinde  
 „ sero & provectiore ætate suasu civium ad hoc scribendi genus  
 „ animum appulit. Adde quod tunc temporis quo ille valebat,  
 „ non erat omnibus adminiculis instructus ad obscuriorum inqui-  
 „ sitionem, errorumque refutationem, quæ nobis hodie plenius  
 „ suppeditat doctorum virorum labor, quo ille caruit. Quare  
 „ nonnulla prorsus intacta reliquit, de aliis parum egit, de non-  
 „ nullis obscure scripsit, de quibus omnibus (prout nascetur oc-  
 „ casio) nobis erit dicendum.

Mitto quæ hac de re *Camdenus*, utpote alibi magna ex parte  
 in vita *Buchanani* commemorata: at præterire non possum erudi-  
 tissimi ac sagacissimi viri *Isaaci Casauboni* ad Jacobum Aug. Thua-  
 num

\* Ita dispungenda videtur hæc aut omissa sit.  
 Antentia, contra quam in libris cit. i *Sibbaldi* Comment. in vit. Bu-  
 exhibetur, nisi forte (quod multum chanani p. 18. & *Nicholsoni* Biblioth.  
 suspicor) vox aliqua aut mutata, Scot. Hist. p. 120.

## P R Æ F A T I O.

num Epistolam, qua in Buchanani tum *Historiam*, tum *de regno* Dialogum, summo cum mentis acumine & judicio Criticam exercet. Ea autem ita se habet.

*Jacobo Augusto Thuano .*

„ **Q**uas ad me nuper scripsisti, Præses amplissime, eas ego se-  
 „ renissimo potentissimoque Regi ostendi, & Majestati ipsius  
 „ legendas exhibui. Cupiebam jamdudum mirifice, ex  
 „ ipsis literis tuis posse Majestatem ipsius cognoscere, quo tu  
 „ animo erga ipsum esses; qua observantia, qua veneratione ex-  
 „ cellentissimas ejus virtutes & literarum doctrinarumque omnium  
 „ notitiam prosequeris ac coleres. Atque hoc ego, quia comper-  
 „ tissimum exploratissimumque habebam, non dubitavi, post-  
 „ quam veni in hanc Aulam, quoties tui acciderat mentio, cle-  
 „ mentissimo Regi omni asseveratione confirmare, neminem ho-  
 „ die mortalium vivere, qui aut sentiat de ipsius Majestate ma-  
 „ gnificentius, aut ejus laudes libentius usurpet, quam solitus sis  
 „ ipse facere. Itaque tua illa Epistola, qua hoc ipsum constantissime  
 „ asserebas, & tuis verbis serenissimæ regis Majestati confirmari  
 „ petebas, nihil ipso tempore opportunius, aut mihi gratius po-  
 „ terat contingere. Placuit Regi, veritatis amantissimo, tuus  
 „ ille, quem iis literis abunde testaris, ejusdem veritatis amor.  
 „ Placuit candor, quem profiteris, cum scribis, te, si quid male  
 „ doctus narraſti ſecius, ubi melius doctus fueris, mutare & cor-  
 „ rigere paratum esse. Facis, Præses amplissime, quod te di-  
 „ gnum est, hoc est, eo viro, qui professionem veri, cum in cæ-  
 „ tera vita, tum in Historia scribenda vel maxime, rebus omni-  
 „ bus semper duxit antiquiorem. Enimvero cum ita sis ipse ani-  
 „ matus, iniquissimo fert animo Rex, alioquin æquissimus, te  
 „ in opere contexendo a certis hominibus deceptum, & extra  
 „ veri regionem longe abductum, de gloriosissimi nominis Regi-  
 „ na, semper veneranda sibi parente, ea perſæpe in literas retu-  
 „ liſſe, & quidem accurata diligentia κατὰ λέξιν commemorasse,  
 „ quæ ſcit ejus Majestas, & ſcit certiffime, falſa eſſe, atque ab  
 „ illis excogitata, quos univerſa novit Scotia perduelli animo er-  
 „ ga τῆς μακαρίτης fuiſſe, illi dum vixit, quibus poterant cumque  
 „ modis & rationibus incommodaſſe, ac tandem conſilia omnia  
 „ ſua, ſtudia, induſtriam, operam ad miſeranda bonis Reginae  
 „ perniciem retuliſſe. Poſtea enim quam ſemel in factiones Sco-  
 „ tia fuit diviſa, dictu incredibile eſt, & memoratu horribile,  
 „ quo furore pars ſereniſſimæ Reginae contraria in ipſam & eos,  
 „ qui



## P R Æ F A T I O.

„ qui illi adhærebant, sit grassata: ἡ γὰρ μικρὴ ἀνίσκοις, ἀλλ'  
 „ ὁλοκτε μανίας est insanitum. Quod verbis opus? reperti sunt  
 „ in illa διχρασσία, qui Regii nominis Majestatem in ordinem co-  
 „ gere; qui dictis, scriptis, factis Reginae serenissimæ, meliori  
 „ certe fortuna dignissimæ, res, famam, nomen, postremo vi-  
 „ tam appetere, lædere, opprimere, pietatis officium esse duce-  
 „ rent. Solet serenissimus Rex, cui cognomen OPTIMI sui  
 „ mores jure vindicant, de immanitate temporum & rerum  
 „ omnium confusione multa narrare & mira. Nos plura & ma-  
 „ gis mira ab integerrimis viris sæpe audivimus, qui reformatio-  
 „ nem tum in Scotia institutam cætera probantes, factiosorum  
 „ ὄγῳ sine horrore commemorare non queant. Georgium Bu-  
 „ chananum, virum insignem literarum laude, sed meliorem pro-  
 „ fecto Poëtam, quam subditum, factiosis consentisse, & de Re-  
 „ gina benignissima, Hera sua, atque ipso Regio nomine pessime  
 „ fuisse meritum, nemo potest ignorare qui scripta hominis non  
 „ ignoret. Unicus de Regno Scotiæ liber habitum animi illius  
 „ palam facit. Quis civis bonus, quis subditus fidelis, quis Re-  
 „ gii nominis amans sine odio & execratione dissertationem il-  
 „ lam legit? Contendunt hodie boni omnes, & vere pieque con-  
 „ tendunt, tot in varios Principes nostra memoria admissorum  
 „ parricidiorum auctores censeri debere, non magis illos, qui ma-  
 „ num nefariam sceleri nefario admovent, quam illos, qui pravæ  
 „ doctrinæ traditione animos facinorosis addunt, & specie qua-  
 „ dam ψευδοῦς justitiæ mentes eorum confirmant. Quid igitur  
 „ de Buchanano & Scotis aliquot aliis dicemus, qui diserte ver-  
 „ bisque expressis, (horresco referens!) legitimos Reges, quos  
 „ ipsi Tyrannos appellant, vel publico supplicio afficiendos pro-  
 „ nuntiant, vel privati cujusvis manu esse occidendos? Porro hunc-  
 „ ce animi habitum ad descriptionem Historiæ suæ Buchananum  
 „ attulisse, & queritur Rex: & ipse res arguit. Ut mirari non  
 „ debeas, Majestatem ejus ferre non posse, quod in Reginae mi-  
 „ tris rebus exponendis Buchananum tanto studio sis secutus, &  
 „ malevoli hominis maledicta calamo digna censueris. Neque ve-  
 „ ro est, quod existimes, Præses amplissime, id poscere a te Re-  
 „ gem, ut in suam gratiam, vel transversum, quod ajunt, digitum a  
 „ vero discedas: hoc poscit, & suo jure exigit ab omnibus rerum  
 „ Scriptoribus, ne falsæ narrationes, a perfidis subditis immani  
 „ ausu concinnatæ pro veris criminibus posteritati obtrudantur.  
 „ Jam si quid paullo liberius aut etiam licentius a Principibus fue-  
 „ rit admissum, quod scire posteros nihil eorum intersit, pro-  
 „ ferri id in publicum, & ad memoriam posterorum transmitti,  
 „ nulla, opinor, Historiæ lex jubet. Non hæc φιλαλήθεια pro-  
 „ fecto est, sed hominum odio flagrantium mera & certa κακοῦθρα.  
 „ Cu-

„ Cu-

# P R Æ F A T I O.

„ Cujus vitii si quis nobile quærat exemplum, legat, quæ vel  
 „ Buchananus, vel alii quidam male feriat Scriptores de eadem  
 „ nobilissima Regina scelesse literis mandarunt: quanto pruden-  
 „ tius tu, Præses amplissime, & humanius, qui in componendo  
 „ *Æmari Ranconeti* elogio, quam esles alienus ἀπὸ τοιαύτης τῆς κα-  
 „ κῆς, clarissime demonstrasti; per te enim ignorabit ventu-  
 „ ra ætas ἀτυχήματα, καὶ ἐλαττώματα viri, sine controversia ma-  
 „ ximi cujus divinum ingenium & stupendam doctrinam nemo sa-  
 „ tis unquam poterit mirari. Hac igitur plena prudentiæ & hu-  
 „ manitatis reticentia, & honori memoriæ viri doctissimi consur-  
 „ luisti, & opera eadem omnes tibi devinxisti, qui literas, & li-  
 „ terarum peritia excellentes venerantur. Cur vero & in summo-  
 „ rum Principum rebus explicandis huic moderationi non sit lo-  
 „ cus? Humanum est, ajunt, peccare: atqui Reges & Princi-  
 „ pes non solum homines sunt, sed etiam homines in terris ἀν-  
 „ τὶς, cum irritamentis peccandi luctantes assidue; quo in  
 „ certamine si aut propriæ naturæ infirmitate. aut suorum fami-  
 „ liarium culpa sæpius vincantur, miserari vicem eorum fideles  
 „ subditos, non autem cupide calumniari, æquum, nisi faller,  
 „ est justumque. Non enim de illis Principum peccatis loquor,  
 „ quæ publicari gloriæ Dei interfit, aut conscientiæ scribentis.  
 „ At non ea mens factiosis Scotis fuit, qui nihil cum prætermit-  
 „ tant eorum, quæ ad gloriam Dominæ suæ obnubilandam pu-  
 „ tant pertinere; quæcunque laude digna ab ea Principe sunt ge-  
 „ sta, improbo silentio oblivioni tradunt. Nam quis istorum fe-  
 „ licem aliquot annorum Regni administrationem; postquam Re-  
 „ gina e Gallia redierat, commemorat? quis eo nomine ipsam  
 „ laudat? Ut igitur tot calumniis semel respondeatur, aut potius  
 „ quo memoria earum ex animis hominum deleatur, visum est  
 „ Regi piissimo faciendum, ut accuratam, certam & verissimam  
 „ Historiam rerum illarum curaret componendam, & ad te mit-  
 „ tendam. Sperat enim Majestas illius, non invitum facturum  
 „ te, ut vera falsis secernas, certa incertis, mendaciis αὐτὴν τὴν  
 „ ἀλήθειαν. Sperat hoc, inquam, de te Rex serenissimus, atque  
 „ adeo ut id facias, a te contendit. Est in hac urbe nobilis E-  
 „ ques<sup>1</sup> homo pereruditus rerum vetustarum, & omnis Histo-  
 „ riæ, siue priscae, siue recentis, studiosissimus; qui ex ipsis mo-  
 „ nu-

<sup>1</sup> Is erat D. Rob. Cottonus, incl-  
 ta librorum MSS. Bibliotheca ab  
 ipsa collecta longè celeberrimus: id  
 quod apparet ex *Thuani* ad *Camde-*  
*num* Epistola, anno 1613 scripta:  
 cujus aliqua verba hic apponam. Ad

*Commentarios D. Cottoni quod attinet,*  
*scito duabus vicibus eos ad me jussu seve-*  
*riissimi Regis missos, qui res vestras per-*  
*texunt usque ad annum præteriti seculi*  
 lxxxii. Vid. *Camdeni* Epist. n. 99.  
 pag. 139.



# P R Æ F A T I O.

numentis publicis, & Epistolis duarum Reginarum Angliæ & Scotiæ veram eorum, quæ gesta sunt, Historiam didicit, & jam Regis jussu eandem componit, digeritque in ordinem. Rex ipse, quo nemo est hodie callentior istarum rerum, singula recenset, atque ad exactissimam veritatis trutinam exigit, missurus statim ad te, ut veram narrationem tuæ Historiæ inferas, falsam & calumniarum plenam rejicias. Neque autem verendum tibi est, ne propterea levitatis ullam apud bonos suspitionem incurras. Laudabunt quinimo æqui & docti iudices omnes, quod ubi veritas primum affulsit, *exi tā iova ānaptis* quod Philosophus ait, non sis cunctatus. Existimat Rex serenissimus, e re futurum, si cum novam narrationem publicabis, Lectorem feceris certiozem, quos olim, quos nunc fueris secutus Auctores. Non erit longa promissorum *ἐπισημασθαι* expectatio; neque differeris ultra paucos a Paschali solemnitate dies; serio enim & sedulo Rex eam curat curam. Vale, Præles illustrissime, Historiæ recentis Pater unice. *Londini,*  
a. d. v. Kalend. Mart. M. DC. XI.

At omnium longe acerrime, ac præter æquum, in eum debacchatur *Gul. Barclajus* J. C. de regno & regal. potest. adversus Buchananum. Brutum, Boucberium & reliquos Monarchomachos, lib. III. cap. I. dum ait, „Ac Buchananum quidem, non solum depravatis desperatisque moribus ex libero Liberi Venerisque mancipium factum sciunt omnes, quotquot eum probe noverunt, sed & hæreticum insigne, & mendacem Historicum, sacra juxta ac profana audaci conatu temerantem, ostendit illud ejus opus, cui *Rerum Scotticarum Historia* titulum dedit. — Jam vero Historiam reliquam ea fide scripsit, quam in meo me pudet populari reperire: probissimos quosque lancinat maledictis, pios per calumniam opprimit: quo autem quisque scelerator, & promptior ad malum manu, eo pluribus illi laudibus celebratur. Quid multis? In illa ejus Historia, quæ ultra *Bœrbii* nobilis Historiographi Epitomen se profert, tot mihi mendacia occurrunt, ut cum vera videam, vix vera esse, nisi cunctanter, credam. Idipsum & alii mecum queruntur, gnari temporum, quæ res gestas postremis ab eo libris mandatas continent. Sed erit, spero, veri patriæque amantior aliquis qui venenatum ejus styli mucronem retundet, & fraudem fide solida patefaciens incorruptos eorum temporum Annales evulgabit. Ultimo denique loco a nobis adjiciatur gravissimum RAPINI, non tam de Buchanano nostro, quam de Historico in genere judicium. \* *Quand (inquit) un Auteur prend la plume a la main, il*

com-

## P R Æ F A T I O.

*commence à se revestir du caractère d'un homme public : Et il se dégrade de cet honneur des qu'ils prend des sentimens de particulier, pour penser à luy-mesme, en vengeant ses querelles, comme Procope, qui mecontent de l'Empereur Justinien, Et de l'Imperatrice Theodora, écoute sa passion, Et corrompt la verité : ou en suivant sa preoccupation, comme Eusebe Et Theodoret, qui se sont servis de leur Histoire pour établir leur erreur : ou en flattant ceux auxquels on veut plaire, comme Buchanan, qui dans son Histoire d'Ecosse flétrit l'honneur de Marie Stuart, pour gratifier Elizabeth Reine d'Angleterre.*

Infinito proximum esset omnes in Buchanani nostri Historiam censuras hic repræsentare, quamobrem his paucis contentus ad Annotationes nostras redeo. Principio autem nobis nihil aliud erat propositum, quam ut ea tantum, quæ ad textus sinceritatem vel eruendam vel confirmandam pertinerent, attingeremus. Verum cum ex priscis illis Scotiæ ac aliarum etiam ei finitimarum gentium monumentis, quæ ad hanc rem accurandam sedulo excuti ac investigari oportebat, quamplurimos a Buchananano admissos errores offenderemus; cumque in omni Historia potissimum & ante omnia spectari debeat rerum gestarum veritas; operæ pretium haud exiguum facturi videbamur, si, in αληθοφιλῶν Lectoris gratiam, ea apud Buchananum loca indicarem, in quibus, sive humani ingenii imbecillitate lapsus, sive meliorum monumentorum ope destitutus, seu denique partium studio abreptus a vero decerrarit. Non sumus nescii quanta in Charybdi hic laboremus, multosque, quibus hætenus sacrosancta visa est Buchanani auctoritas, graviter indignaturos, tanti nominis Historicum toties censoria obscuri hominis virgula notari. At cum omnes uno ore fateantur Veritatem solam esse atque unicam Historiæ normam, ad quam, veluti lapidem Lydium, exigenda sunt omnium virorum quantumvis clarissimorum scripta; quotquot veri sinceri-que amore ducuntur, non æquo modo, sed & grato animo accepturos speramus, nostræ gentis Historiam, a quocunque demum scriptam, hæc trutina examinari. Neque id mirum aut insolens, hoc tempore præsertim, cuiquam debet videri, qui in memoriam revocarit, quanto studio & industria omnes fere politiores gentes, nostra superiore ætate, in id certatim & communi quasi consilio incubuerint, ut majorum suorum res gestas non modo e tenebris in lucem eruerent; sed eas etiam ab omni cum fabularum vanitate, immanique illa, quæ apud barbarorum seculorum Scriptores diu invaluerat, fingendi licentia, tum quoque ab adhærentibus adhuc posteriorum auctorum maculis perpurgatas, veras ac sinceræ orbi exhiberent. Et sane quamvis præclaram hac in parte operam Buchananus noster præstiterit, multa tamen illi ad hanc rem subsidia defuerant, multaque sunt impedimenta injecta, quæ non  
unius

# P R Æ F A T I O.

unius hominis, nedum senis valetudinarii, circumstrepente belli civilis omnium longe funestissimi procella, sed conjuratus multorum virorum labor, longusque annorum decursus poterant amoliri. Horum laudatissimæ diligentiae debemus tot ab interitu vindicata veterum scripta, publica que acta & monumenta, quæ prius latentia, ac tantum non æterna nocte sepulta, principum Historiæ nostræ conditorum notitiam effugerunt.

Et (ut innumera taceam aliarum gentium, Anglorum, Gallorum, &c. scripta, e quibus etiam haud parum lucis ad Historiam nostram redundavit) inter Scotos præcipue memorandi sunt tres *Mackenzæi*, unus nobilissimus *Georgius Cromartiæ Comes*, <sup>1</sup> alter singulare Scotiæ lumen, ac strenuissimus ejus jurium & antiquitatum assertor ac propugnator, *D. Georgius Mackenzæus Vallhrosanus*, Regius apud Scotos Advocatus, jucundissima ad posteros memoria, ac scriptis æternum victuris celeberrimus, <sup>2</sup> tertius denique *Georgius Mackenzæus M. D. clarissimus*. <sup>3</sup> Item spectabiles & eruditissimi viri, *D. Jacobus Dalrymple J. C.* <sup>4</sup> *D. Robertus Sibbaldus M. D.* <sup>5</sup> *Jacobus Andersonus*, <sup>6</sup> *David Crafordius*, <sup>7</sup> *David Simsonus*, <sup>8</sup> *Joan. Sagijs*, <sup>9</sup> *Patricius Abercrombicus*, <sup>10</sup> *Georgius Crafordius* <sup>11</sup> &c. qui omnes alius alia via doctissimis suis lucubra-

<sup>1</sup> *Vindiciæ pro legitimis natalibus Roberti III. Regis Scotorum*, Edinb. 1695. 4<sup>to</sup>.

<sup>2</sup> *Ue scripta ejus Juridica & Ethica præteream, Historiam Scoticam maxime illustrent. I. Defensio antiquitatis Regiæ apud Scotos prosapiæ adversus G. Luidium Episcopum Asaphensem*, Lond. 1685, 8vo. II. *Uterior ejusdem defensio contra Edvardum Stillingfleetum*, Lond. 1686, 8vo. *Jus regium vindicatum adversus Buchananum, Dolomannum, &c.* Lond. 1684, 8vo. IV. *De re Gentilitia*, Edinb. 1680, fol.

<sup>3</sup> *Vita & Elogia Scriptorum Scoticorum*, 2 Vol. Edinb. 1708 & 1711, fol.

<sup>4</sup> *Collectanea de Hist. Scotica ante obitum Davidis I. &c.* Edinb. 1705, 8vo.

<sup>5</sup> *Scot. a illustrata*, Edinb. 1684, fol. *Commentarius in vitam Geo. Buchanani*, ibid. 1702, 8vo. *De libera & absoluta Regni & Ecclesiæ Scotiæ potestate*, Edinb. 1713, 4to. *Collectanea de Vita & rebus gestis Gul. Vallæ*, Edinb. 1708, 8vo. *Responsio ad Rymeri Epistolam II. ad Episcopum Carleolensem missam, qua vetustissimum fœdus, inter Gallos & Scotos a Carolo magno Achaio initum, defendi-*

*tioni-*  
tur & vindicatur, Edinb. 1704, 8vo. Item plurima alia ad res Scoticas illustrandas pertinentia, partim Latine, partim Anglice scripta.

<sup>6</sup> *Tentamen Historicum, quo absoluta scepsi regni que Scotiæ assertur & demonstratur adversus Arvodium Anglum*, Edinb. 1705, 8vo.

<sup>7</sup> *Commentarii rerum Scoticarum ab anno 1566, ad annum 1582*, Lond. 1706, 8vo.

<sup>8</sup> *Introductio ad Histor. Genealog. & Chronol. Familæ Stuartorum*, Edinb. 1712, 8vo.

<sup>9</sup> *Fundamentalis charia Presbyterii in Scotia*, Lond. 1695, 8vo. Item, *Introductio ad nuperam Edit. Historiæ quinque Jacoborum Regum Scotia a Gul. Drumundo scripta*, Edinb. 1709, fol.

<sup>10</sup> *De bellicis virtutibus gentis Scotiæ*, 2 Vol. Edinb. 1711 & 1715, fol.

<sup>11</sup> *Præfectura Renfroane descriptio. Cui subjunctæ est Regiæ Stuartorum familiæ Historia*, Edinb. 1710, fol. Item, *Genealogica de Nobilitate Scotica tractatus*, nondum edita. Hæc omnia (quibusdam exceptis a Cl. Sibbaldo Latine editis) Anglico sermone sunt conscripta.

## P R Æ F A T I O.

tionibus nostræ gentis Historiam mirum in modum illustrare: e quibus plurima nos hausisse, quæ ad editionem hanc nostram elimandam faciebant, ac largam etiam Annotationum suppellectilem suppeditabant, grato ac ingenuo animo confitemur. Sed propositum nostrum omnium maxime juvit *Thomas Crafordius*, Philosophiæ & Matheseos in Academia Edimburgena ante annos fere 60 Professor, qui vir, si quis alius, in rebus Scoticis versatissimus, duplici libello Buchanani Historiam dilucidavit. Altero enim, cui *Nomenclatura* titulum dedit, propria hominum & locorum nomina sermone vernaculo descripta exhibuit; quem deinde *Christophorus Irvinus* haud pœnitendo incremento ampliatus edidit anno 1682. Altero autem suo libello, Anglice itidem scripto, perpetua notarum serie Buchanani textum explicat & castigat. Harum quidem pars longe maxima in familiarum nobilium genealogiis recensendis impenditur; re certe popularibus suis non minus jucunda, quam utili, eoque magis quod ipse Buchananus (ne quid, crêdo, sermonis venustati inde decederet) eam plus nimio neglexisset. Illi autem lubenter accepta referimus quamplurima in contextu sphalmata emendata, quæ aut librarii aut typographi incuria obrepserunt, aut etiam (quod non absurdum est creditu) parum nonnunquam cavisse ipse Auctor videtur. Raro admodum rei gestæ veritatem in dubium *Crafordius* vocat, neque usquam (quod factum oportebat) ullius scriptoris monumentive publici aut privati testimonio sententiam suam confirmat: unde factum est, ut quamvis paucis in locis virum accuratissimum a vero deflexisse deprehenderimus, neutiquam tamen tutum in re tanta rebamur sola illius auctoritate niti: quin contra, quoad licuit, omnes Historias, abaque, quæ undecunque nancisci potuimus, monumenta sedulo excussimus, ut abditam latentemque rerum veritatem aut assequi aut confirmare pro virili possemus. Ubique autem, ne Lector sibi fucum factum quereretur, eos Auctores scriptaque antiqua in testimonium citavimus, ut si cui illorum copia adsit, animusque & otium ad eam rem suppetant, ea ipse monumenta consulere queat. Porro has *Thomæ Crafordii* Notas, cum paucorum antea manibus tererentur, primus ipse typis describendas curavi, anno 1708. Quas autem longe locupletiores, adjunctis suis & *Christoph. Irvini* Collectaneis, pollicetur *Cl. Sibbaldus*, non dum (quod optandum erat) licuit intueri.

Neque interea nobis inutiles erant *Andrea Melvini* ad Buchanani

ni

scripta. Fusiores verò eorum, quæ rica Scotiæ, Lond. 1702, 8vo.  
tum exstabant, enarrationem pete 1 Apud Nicolsoni Biblioth. Hist.  
ex reverendissimi Præfatis Carleo- Scot. p. 121.  
lenf. Gul. Nicolsoni Bibliotheca Histo-

Tom. I.

## P R Æ F A T I O.

ni Historiam Notæ, quarum, principi Editioni Edimburgensi sua manu allitarum, copia nobis facta fuit ab eruditissimo juxta ac humanissimo viro, *Gulielmo Scoto*, literarum Græcarum in Academia Edimb. Professore: quanquam, ut verum fateamur, ex extra primum secundumve librum, in lemmatis fere summisque rerum capitibus, memoriarum juvenæ gratia, notandis, comitante raris in locis nonnullorum Epigrammatum lusu, occupentur. Lu- stravimus etiam ejusdem *Melvini SCOTIAM*, Theatro Blaviano præmissam, quæ nihil aliud est quam liberior paullo Topographiæ ejusdem Buchananæ carmine Latino facta Paraphrasis, e qua tamen oppido parum, ad rem nostram quod attineret, utilitatis scenerabamur.

Atque hi quidem proxime a nobis recensiti doctorum virorum labores unicam prope Buchananæ Historiam respiciunt. Nos tamen solis hisce opibus haudquaquam nitendum existimantes, alia nobis duximus prata rimanda, alios apium more flores premendos; si qui inde veritatis succi, solida sua ac sincera dulcedine animos hominum perfusuri, sedulitate nostra elici possent. Ut autem præteream Historiæ nostræ scriptores typis editos, Chronicorum videl. *Mulrossensium* auctores; item *Jo. Fordunum*, *Jo. Barbarum*, *Jo. Majorem*, *Hell. Boithium*, ejusque Interpretem, seu verius Interpolatorem, *Jo. Baillendenum*, *Jo. Ferrerium* Pedemontanum, *Jo. Lesleum* Episcopum Rossensem, *Dav. Camerium* Ormundiæ Comarchum, *Jo. Knoxium*, *Jac. Melvillium*, *Raph. Holinsbedium*, *Geo. Conæum*, *Jo. Spotiswoodium* Fani Andree Archiepiscopum, *Dav. Caldervodium*, *Tho. Dempsterum*, *Alex. Petreium*, *Gul. Drumundum*, *Dav. Humium*, *Dav. Graftordium*, *Geo. Mackenzæum*, *Pat. Abercrombium*, &c. ut hosce, inquam, & præcipuos vicinarum etiam gentium scriptores hic taceam, quorum plerisque Lectoribus Historiarum amantibus haud ignotos esse arbitramur; adii præterea a nobis, & quidem sæpissime, Auctores citantur, quorum, cum nunquam sunt in lucem vulgati, ætates & elogia visum est hoc in loco breviter indicare.

Primus autem ex hoc numero se nobis offert *Andreas Vintonus*, Canonicus regularis Sui Andree, & Prior Insulæ in lacu Levino. Is a mundo condito exorsus, primis quinque sui operis libris Historiam universalem leviter quidem ac desultorie Rhythmis Scoticis persequitur; posterioribus quatuor a Milcolumbi fere III. temporibus ad res duntaxat Scoticas decantandas se convertit: scriptor neutiquam spernendus, quippe qui res sua ætate & paulo superius gestas multo alii, fusius & accuratius pertractet. Claruit autem circa annum 1408, rem Scoticam pro Rege Jacobo I. tum apud Anglos captivo, administrante Roberto ejus patruo, duce Albinæ. Ejus Chronici exemplar nitidissimum, sub id tempus

un

## P R Æ P A T I O.

nti videtur, scriptum, in Bibliotheca Jurisconsultorum Edimburgi asservatur.

Proximus huic *Liber Perthensis*, a Monacho quodam (ut credibile est) Cœnobii Carthusianorum eo in loco ab Jacobo I. fundati, conscriptus. Continet autem Historiam rerum Scoticarum a gentis primordiis e Fordono (quod in initio auctor ipse affirmat) ejusque Continuatore *Waltero Bowmaker*, Abbati S<sup>t</sup>i Columbæ, ad Jacobi I. mortem, collectam.

Hunc excipiunt *Extracta de Chronicis Scotiæ*, quem *Librum Dumblanensem* nonnulli appellant, qui cum ex Monasteriorum libris plerumque jam deperditis, & stylo haud ineleganti, ut ea ferebant tempora, sit compilatus, nulli ex veteribus scriptoribus secundus, in re Chronologica omnibus superior nobis videtur. Nos exaratum conjectamus paullo post Jacobi IV. decessum.

Neque hic nobis prætereundus est *Alexander Millius*, Abbas Cœnobii Cammiskennethi, posteaque primus supremæ apud Scotos Curiæ Juridicæ, ab Jacobo V. institutæ, Præses, qui Canonicus adhuc (ut loquuntur) ejus Capituli, Episcoporum Dunkeldensium vitas perscripsit: Opus quidem stylo satis gravi & æquali compositum, at in quo orationis cultum impensiolem merito desideres. Deductum est autem a primis ejus Episcopatus temporibus ad initia *Galvini Duglassii*, nobilissimi Æneidos Virgilianæ Paraphrasæ, cui & librum suum Auctor inscribit circa annum 1516.

Qui sequuntur Auctores sunt inferioris subsellii: *Robertus Lindesius Pitseottiensis*, qui Historiam Scoticam ab Jacobi I. obitu, in quem desierat *Boëthius*, ad annum pertexuit 1575, alia deinde manu ad annum 1598, continuatam. *Lindesius* autem, quantum se magnis auctoribus in ea scribenda usum testetur, *Patricio Lindesio* Byriæ Regulo, Gul. Scoto, Balvirio, *Andrea Vodio* Lar-go, Dav. *Lindesio* Montano, Gul. *Bruffio* Erlis-hallio, Equitibus, & *Joan. Majore* Theologiæ Doctore, nescio tamen quo pacto haud raro ab aliis scriptoribus, & a vero, præsertim in temporibus notandis, devius feratur. Ejusdem quoque notæ *Patricius Andersonus* M. D. qui derelicta a *Boëthio*, stylo haud polito, nec pro materia satis gravi, tribus voluminibus sua manu scriptis, ad regnorum Britannicæ coalitionem perduxit. Vixit autem patrum nostrorum memoria, nec ullos fere suæ narrationis, præter vulgatos rerum Britannicarum scriptores, testes profert. His demum adjungo D. *Jacobum Balfurium*, Fecialium regnante Carolo I. principem, qui annales rerum Scoticarum a Milcolumbo III. ad annum 1641, duobus voluminibus, scriptis consignavit, at non ea fide nec industria, quam a viro cæteroquin docto,



## P R Æ F A T I O.

ac rei antiquariæ studiosissimo (quod innumera id genus libri eo collecti testantur) par fuerat expectare.

Verum omnibus huius Historiæ nostræ tum accurandæ tum explicandæ adjumentis longe longeque antecellunt, *Fœdera, Conventiones, Literæ & cujuscunque generis acta publica, inter Reges Angliæ, & alios quosvis Imperatores, Reges, Pontifices, Principes, vel Communitates, ab ineunte seculo duodecimo, ad nostra usque tempora, habita aut tractata*: Opus vere Regium, & augustissima ac beatissima Principe ANNA Britanniarum Regina dignissimum, cujus auspiciis cœptum, & accurante *Thoma Rymero*, multis & ingentibus voluminibus est continuatum. Ex nobilissimo hoc & auro ac gemmis pretiosiore thesauro Historiæ in primis Scoticæ nova ac incognita lux affulsit: in quo, præter innumera alia, postliminii quasi jure non modo nobis restituta, sed in orbem universum diffusula est magna pars eorum monumentorum, quæ *Eduardi I. Angli* sævitia abstulerat, aut consumserat bellorum civilium rabies, aut male credula denique plebis socordia superstitionis damnarat. Hic perennis & inexhaustus rem antiquariam tractantibus fons, post hominum memoriam longe uberimus, nec ullo satis præconio celebrandus.

Eodem quoque pretio, mole licet impares, haberi merentur *Epistolæ a Regibus & Gubernatoribus Scotiæ, ad Imperatores, Reges, Pontifices, Principes, Communitates, &c. ab anno 1505 ad annum 1545, 2 vol. fol. perscriptæ*: dignissimæ omnino, ob insignem, supra quam illis temporibus credibile est, sermonis Latini elegantiam, quæ in aprium protrahantur, ac non rei Historicæ modo, sed ornatioris etiam literaturæ cultorum manibus versentur.

Porro in hunc numerum conjici debent *Mandata ab Henrico VIII. Anglo ad Radolphum Sadlerium, suum in Aulâ Scoticâ legatum, data; ejusque itidem literæ ad Regem suum & principes curiæ viros remissæ, res a se anno 1532 & 1543 gestas exponentes, ac consummatam viri prudentiam cum insigni assiduitate conjunctam testificantes.*

Ejusdem etiam notæ sunt, nec minoris æstimandi, Reverendissimi, suæque Principi fidelissimi Præsulis, *Joan. Leslei Episcopi Rossienfis Commentarii. MSS.* quibus res in sua ad Elizabetham Anglæ, a Septemb. 1568, ad 26 Martii, 1572, legatione gestas, fusa & dilucida narratione ad Mariam Scotorum Reginam perferibit; quos reverendus admodum Carleolensium Antistes, *Gal. Nicolsonus*, Jurisconsultorum Collegio muneri misit.

Neque interea a nobis silenda sunt *Davidis Crafordii*, Regii non ita pridem apud Scotos Historiographi, e præstantissima Bibliotheca

1 Vid. *Sibbalds Memoriam Balfurianam. Edimb. 1699, 2vo.*

## P R Æ F A T I O.

*Bibliotheca Cottoniana Collectanea*, in quæ, tribus, iisque satis amplis voluminibus, innumera pene Acta publica, conventiones, literas, aliaque id genus instrumenta, ad res Scoticas ab excessu Jacobi V. ad annum fere 1588 spectantia congeffit, quæque jam morti proximus in florentissima Juridicorum Bibliotheca vir ingeniosissimus reponi præcepit.

Ultimo denique loco, omnibus licet aliis auctoritate priora, in hunc censum a nobis referenda sunt SCOTIÆ *Acta publica & Tabularia*; quorum quidem, quæ ad rem Historicam illustrandam maxime conferre videbantur, apographa, illustrissimi olim viri, *Thomæ Hadintonæ Comitis*, ac Registri & Rotulorum (ut nostri loqui amant) tum Custodis, jussu, ex ipsis Archetypis descripta, in sæpius laudata Jurisconsultorum Bibliotheca asservantur; ad quorum (cæterorumque a nobis supra memoratorum, tam impressorum quam MSS. librorum) facilem usum, quæ summa est possidentium benignitas, ac bonas literas promovendi studium, nunquam non aditus est nobis permissus. Sicubi vero scrupulus esset injectus, aut alioquin necesse videretur, haud raro ad ipsa e proximo autographa penitus intuenda decurrere placuit.

Atque hæc præcipua sunt fundamenta, quibus nostræ hæc quales quales in Buchananæ Historiam Animadversiones innituntur, quæ ideo longius a nobis sunt exposita, ut Lector non modo quorum testium fides in illis adhibeatur, clarius dignoscere, sed & singulorum merita expendere valeat.

Cæterum, ne Annotationes nostræ (quod in tanta rerum ac Collectaneorum silva factu erat proclive) extra præscriptas textus Buchananæ vel restituendi vel explicandi metas evagarentur, sedula ubique a nobis data est opera. In rationibus quidem Chronologicis dispungendis aliquanto nonnunquam sumus prolixiores. Neque id tamen temere aut inconsulto factum. Cum enim (quod bene ac sapienter magnus ille Casaubonus<sup>1</sup> judicavit *sine accurata temporum adnotatione omnis rerum gestarum narratio sit cæca & fabule non dissimilis*: nos vero eam partem ab Historicis nostris, & a nullo fere magis (quod dolentes referimus) quam a Buchananano, aut plerumque neglectam, aut misere involutam, aut insignibus denique erroribus deformatam reperiremus; nulla in re melius utiliusve industriam nostram collocari posse existimavimus, quam si foedissimam hanc maculam Annalibus nostris, quantum pote, elueremus; ut singula rerum momenta suis apte temporibus tributa, & inter se consistere, & cum aliarum gentium monumentis congruere possint. Statueramus quidem annorum seriem summæ ubique paginae præfigere: verum cum tot in locis Buchananum temporum

ratio-

<sup>1</sup> Præf. in Hist. Polyb. Synopsin Chronol.

## P R Æ F A T I O.

rationes turbasse conspiceremus, coacti tandem fuimus (nisi velle-  
mus aut nos veritati, aut eum sibi pugnantem inducere) con-  
siliū alias utilissimum omittere, satisque habere, annos quo prius  
modo marginibus adnotare; huicque adeo (quod solum licuit)  
malo ex Annotationibus medicinam arcessere.

Et si haud leviter nobis verendum sit, ne justos jamdudum præ-  
fandi limites simus egressi, prius tamen quam Annotata hæc no-  
stra missa faciamus, unicum adhuc nobis restat; & quam breviter  
poterimus, expediendum. Illud vero est, ut, si non prorsus aver-  
tere, emollire saltem queamus hominum quorundam offensionem,  
qui nos miserandæ Scotorum Reginae æquo faventiores existima-  
bunt. In hac nimirum difficillima omnium Historiæ nostræ par-  
te, quod fretum Siculum navigantibus solet, id nobis eventurum  
animo præcipimus:

*Dextrum Scylla latus, levum implacata Charybdis  
Obsidet. —*

Fieri enim vix potest, ut in ancipiti hoc ac importuoso mari de-  
prehenso, non in scopulum aut hinc aut illinc aliquem vel impin-  
gamus, vel pro diverso Lectorum studio impigisse videamur. Si  
qui autem adeo sint Buchanano in hac parte quasi mancipati, ut  
cuncta ejus scripta oraculorum instar, & tanquam e tripode pro-  
lata devenerentur, nihil illis aliud est, quod nunc reponamus,  
quam magnanimum illud Scythæ dictum, <sup>1</sup> *Nec ulli hoc pacto  
servire cupimus, nec imperare desideramus.* Sin vero ad æquiores ju-  
dices sit appellandum, ad nos illis purgandos sufficere arbitramur,  
si primum diligentius nobiscum attendant, nihil hic esse a nobis  
pronuntiatum, quod non prius, & ab Auctoribus alias idoneis,  
memoriæ sit proditum. Deinde id nobis jure licere, quod omni-  
bus rationis usu pollentibus, ut scil. excussis, atque inter se colla-  
tis dissidentium opinionum momentis, animus tandem, aut æqui-  
libratis utrinque ponderibus pendulus hæreat, aut eo quo major  
videtur veri similitudo propensior inclinet. Atque ad hunc quam  
maxime potuimus mentis habitum nos nostraque omnia compo-  
suisse, nec scientes volentesque via erravisse. liquido & audacter  
asseveramus. *At male*, inquiunt aliqui, *subdulae sunt vobis ratio-  
nes.* Fortasse: & id quidem cum illis commune habemus; nam,  
ut in Mimo est, *Cuius accidere quod cuiquam potest*: At qua in re  
tandem, & quo pacto, edoceant. *Iis nempe scriptoribus plus nimio  
confiditis, qui aut adversarum partium studio impliciti, aut alieno er-  
rore decepti, aut gratia denique aut odio impulsī videntur.* Sint ita fa-  
ne.

<sup>1</sup> Virg. Æn. 3. 420.

<sup>2</sup> Q. Curt. lib. 8.



## P R Æ F A T I O.

ne. Alios igitur testes prodire jubeant, his affectibus vacuos, ab ira & assentatione alienos, nec spe nec metu ullo præoccupatos: aut, si tales (qui nulli sunt) edere nequeunt, id saltem nobis ostendant, qui magis Buchananò, Moravio, cæterisque eam sectam secutis, quam *Lesleo*, *Melvillio*, *Camdeno* Jacobo VI. quam omnibus denique regni Ordinibus contraria referentibus credere par sit. Atqui *Jacobi*, ajunt, magnopere intererat, matris suæ probra, haud parvam suo nomini maculam inultura, quantum in ipso erat, pro falsis haberi<sup>1</sup>. Quasi vero non magis e re esset Moravio illiusque factionis hominibus, fidem iis ab omnibus adjungi, quæ nisi vera crederentur, non modo existimationis jacturam, sed certam fere ac inevitabilem perniciem in capita auctorum erant pertractura. At longe maxima civium pars, & in his religioni Pontificiæ addicti complures, rei, ut videtur, atrocitate percussi, manifestisque criminis indicibus permoti, Mariæ exturbandæ auctores fuerunt. Maximam civium partem in id facinus consensisse prorsus negamus: deinde ex his ipsis, qui consenserant, novimus complures (haud scio an eluciente paulatim veritate) non multo post sententiam mutasse, Reginæque suæ partibus nomina dedisse. Papanorum autem (quod multos latere video) in initio hujus Tragœdiæ a Maria animos præcipue averterant ipsius cum *Botbuelio*, tum (ut illi loquuntur) Hæretico, nuptiæ, cæque ab Apostata (quem vocabant) Orcadum Episcopo celebratæ. Quantopere autem non Papanos modo, sed alios etiam facti pœnituerit, vel illud indicio est, quod patronum suum Buchananus ab omnibus fere derelictum quæretur: <sup>2</sup> ac nisi ipse cæterique Proreges validis Anglæ opibus fuissent suffulti, rebus tandem everfis prorsus succumbere, ac victas manus dare coacti fuissent. At mariti sui interfectori nupsit Maria. Nupsit quidem, & infelicissimis avibus. Sed neque tum *Botbuelium* interfecisse constabat: contra vero insensissimi Reginæ inimici cum non modo crimine absolverant, sed se ejus existimationis defensores, ac harum nuptiarum proxenetas futuros juramento interposito solenniter obstrinxerant<sup>3</sup>. Celeberrimus denique Reformationis Anglicæ Historiographus, *Gilbertus Burnetius*, Episcopus Sarisburiensis, <sup>4</sup> Achilleum se argumentum nactum opinatur, e vita *Vincentii Laurei* Cardinalis (tum montis Regalis Episcopi, atque ad Mariam Scotam a Pio V. legati) <sup>5</sup> ab Abbate *Pinarolis*, qui ei ab Epistolis fuerat, conscripta: in qua eadem fere de

<sup>1</sup> Vid. Jo. Clerici Bibl. Select. lib. xviii.

Tom. 8. p. 150. & seqq.

<sup>4</sup> Tom. III. p. 324. & seqq.

<sup>2</sup> Hist. lib. XIX. cap. 48. & in fine cap. 49.

<sup>5</sup> Vid. Thuan. Hist. lib. 40. pag. 814. Edit. Francof. anno 1625.

<sup>3</sup> Vid. Annot. nostras ad cap. 23.

# P R Æ F A T I O.

de *Darlei* cæde, infaustisque Regina cum *Botbuelio* nuptiis, quæ a Buchananano, commemorantur. Primum autem neutiquam liquet, hanc rerum narrationem ab ipso *Laureo* (quod reverendissimus Præsul vult videri) sed ab Abbate illo, & longo post tempore, esse profectam. Deinde, si ex ipsius adversariis esset petita, poterit *Laureus*, ob tot moras injectas, paullo irritatiore existimari. Nec mirum, si magni animi vir<sup>1</sup> qui ob id ipsum in Scotiam erat legatus, ut labefactatam ibi religionem Pontificiam restitueret, a Maria esset animo alienatus, cum non modo intelligeret legationem suam in nihilum recidisse, sed etiam sibi male metueret, ne hæ Mariæ cum Hæretico nuptiæ, quod reliquum erat in Scotia Papanarum partium eruerent penitus ac profligarent. Poterat etiam *Laureus* primos forte, nec eos semper verissimos, a Scotis quibusdam diversarum partium sparfos rumores adhucdum sequutus hæc scripsisse. Quicquid vero horum sit, haud equidem video quæ major Pontificio, qui rei gestæ non interfuerat, nec Scotiam vel e longinquo unquam salutaverat, quam Reformatam Religionem profitentibus, quos ejus rei cura propior tangebat, quibusque major patebat veri noscendi opportunitas, a nobis fides debeatur. Sed nos tempus jubet ac creandi tædii metus, a materia prorsus illætabili, totiusque ac tanta animorum contentione utrinque disceptata, nosmet subducere, postquam illud in fine monuerimus, nos ea tantum hic sectari voluisse, quæ vero videbantur similiora: certam autem ac indubitabilem harum rerum veritatem, illa demum dies plene manifestabit<sup>2</sup> qua *Deus in lucem proferet occulta tenebrarum, & animorum consilia patefaciet*.

Ut autem quæ de Historia dicenda sunt tandem absolvamus, ne quidquam, Lectori quod ex usu foret, a nobis omitteretur, postremo supererat ingratissimus totius operis labor, INDEX reconcinnandus. Ille enim, quem ab editore Genevensi primum vulgatum cæteri deinceps libri sequuntur, ut innumeros admistos errores hic taceam, cum non primam familiarum, (quod factum oportebat) sed nominum baptizatis inditorum, literam ducem sequi instituerit, Lectorem sæpe suum aut turbat aut frustratur: qui cum memoria probe teneret rem aliquam ab *Hamiltono* quodam, v. g. aut *Duglassio* gestam, nisi itidem reminisceretur. quo vulgato apud Scotos nomine, *Alexander*, *Jacobus*, *Georgius*, *Gulielmus*, &c. is appellaretur, multa, prius quam quæsitum inveniat, In-

<sup>1</sup> Cardinalis de Sancta Cruce ad Cardinalem Borromæum scribit, hunc *Vincentium Laureum* a Rege Navarra inter alios electum, qui filii sui pueritiæ moderaretur, quem & ad Cardinalitiam dignitatem jam tum aspirasse significat, anno 1562, Vid. *Synodes Nationaux des Eglises Reformées de France, par Monsieur Aymon, Tom. I. pag. 65.*  
<sup>2</sup> 1. Corinth. 4, 5.



## P R Æ F A T I O.

Indicis loca, lento & interdum inutili labore, habebit percurrenda. Nos itaque ut hoc tædio Lectorem levaremus, non tantum familiarum seu cognominum ordinem (Regum unice exceptis) ubique servavimus, sed ne idem nomen variis Historiæ locis repetitum, Lectorem haud raro distineret ambiguum diversine, an unus idemque vir hic illic significaretur, (quod & prioris Indicis consarcinatorem sæpiusculæ sefellit,) nos, inquam, suo quæque loco accurate digessimus, ac insuper etiam, quo omnia magis aperta essent, eorum qui illustriore loco erant nati, sanguinis ac honoris seriem (a Buchanano, ut superius diximus, plus nimio neglectam) ex aliis nostris scriptoribus, Genealogistis præsertim, nominatim indicavimus.

Operam denique in hac parte nostram claudit **PROPRIORUM NOMINUM**, non hominum modo, sed locorum etiam, in Buchanani Historia occurrentium **INTERPRETATIO**, ex *Thomæ Crafordii & Christoph. Irvini Nomenclaturis*, in exterorum præcipue gratiam, concinnata. Ad oppidorum vero, vicorum, & quæ sunt ejusmodi, nomina quod attinet, non est quod fusam eorum descriptionem a nobis hic quispiam exspectet: instituto nostro sufficere videbatur, si, adscripto primum cujusque apud nos nomine vernaculo, qua deinde in præfectura aut regione id situm esset, breviter exponeremus. In propriis vero Cognominibus seu Familiis explicandis, Lectori jucundum nec inutile censebamus, obiter etiam indicare qui viri etiamnum nobiles inde propagati, ac principem in iis locum obtineant.

X. Ad reliqua tandem Buchanani opera soluta oratione scripta devenimus: quo autem diutius Historiæ ipsius sumus immorati, eo leviori pede quod superest percurreremus. Proximum igitur huic locum mereri videtur famigeratissimus **DE JURE REGNI APUD SCOTOS** Dialogus, scriptus, ut ipse testatur, cum apud nos res turbulentissimæ essent, *i. e.* ut ego conjicio, anno 1569, editus autem in lucem decennio post, ineunte scilicet anno 1579, nec sine privilegio Regali, *Edimburgi apud Joannem Rosseum pro Henrico Charteris*, quaternaria forma. Iteratus ibidem anno proximo 1580, ac tertium anno 1581, nisi (quod multum suspicor) fraus est Typographorum, libros suos novis titulis venditantium: nam quæ duo nos evolvimus hujus Dialogi exemplaria, eadem prorsus (si frontes diversissimas excipias) per omnia invenimus. Eum in Angliam recudere, & assentiente quidem Auctore, destinarat ipsius amicus in paucis carissimus *Dan. Rogersius*: id vero anne unquam præstiterit, nondum ausim affirmare. Prodiit deinde

<sup>1</sup> Vid. Epist. XXVII.

Tom. I.

# P R Æ F A T I O.

deinde Genevensi primum, <sup>1</sup> ac aliis deinceps omnibus Historiæ editionibus subiunctus. Ad textus nostri *generis* quod attinet, quanquam nos primariam illam Editionem Edimburgensem, quæ cæterarum omnium norma existit, unice sequendam proposuerimus, non dubitavimus tamen mendas nonnullas, quæ omnes pariter libros obsidebant, eluere. Eum denique comitari permisimus pauculas *Notas*, aut nostras emendationes & conjecturas firmantes, aut textum nonnullibi explicantes. Quam autem obviæ vellemus Buchananus huiusmodi argumento abstinisset, tam caute nobis abstinendum rati, in causis, quod dicitur, arcem nunquam invadimus; utpote haud ignari materiam esse longe omnium vexatissimam, nec calamo sed ferro definiendam. Quam malam autem hoc scripto ab alumno Rege ac civibus suis gratiam Buchananus inierit, quantamque inde sibi odii molem constarit, testes nimio plus locupletes habemus tot libros, a *Blacvado*, *Winzeto*, *Bardclais*, *Turnero*, *G. Burnetio* Episcopi Sarisburiensi, *D. Mackenzie*, aliisque popularibus suis, adversus eum Dialogum concisptos, in primis gravissimam legem <sup>2</sup> ab ipso Rege tribulque regni Ordinibus latam, qua non tantum is liber seditionis damnatur, sed & omnibus ipsius lectio aut assertio interdicitur.

## DETECTIO.

XI. Eodem tempore, eodemque fere consilio scriptus videtur Libellus, cui vulgo DETECTIO nomen datur, cum subnexa atrocissima in *Mariam Scotorum Reginam* *invektiva*. Quo anno aut loco, neque quo Auctore is prodierit, nusquam liber ipse significat. A Buchananus quidem scriptum omnes consentiunt, & res ipsa, similis scilicet styli elegantia & acerbitas, in primis vero integritas fere ex eo in Historiam translatae periodi liquido ostendunt. Editus autem videtur anno 1771, ac non multo post Anglica ipsius Interpretatio, sub hoc titulo. *THE DETECTION of the Designs of MARIE Queen of SCOTTS, touching the Murder of her Husband / and his Conspiracie / Abducting / and pretended Marriage with the Earl Bothwell. And our Defence of the true Loyall Maintenance of the Kings Sacred Actions and Authority. Translated out of the Latine / which was written by G. B.* In fine autem multa adjecta sunt, quæ in Latina editione non habentur. Eam versionem vulgo persuasum est ipsius Buchananus esse: ego vero ab alio, nec Buchananus sententiam ubique assequente, interprete confectam arbitror, quod & in subiectis notis uno & altero exemplo monstravi. *Blacvado* quidem <sup>3</sup> Buchananus

<sup>1</sup> Anno 1589. Nullam autem hac Genevensi Dialogi Editione antiquiorem confexisse videtur Cl. D.

*Gen. Mackenzie*; secus enim non scripisset, cum proximis quam in lucem editus esset Comitibus, a tribus

regni Ordinibus damnatum. Vid. *ed. jus* *Reg. p. 8.*

<sup>2</sup> Jacobi VI. Parlami. S. Act. 134. Maji 22. anno 1584.

<sup>3</sup> Apolog. pro Regibus adversus Buchan. edit. Paris. 1644. p. 17.

## P R Æ F A T I O.

num ait eam in Mariam orationem ex Latina Gallicam reddidisse. Narrat porro, id scripti passim hic (in Gallia scil.) manibus hominum teri pro famoso libello, cum nec orationis, nec Historie ullam præ se ferat imaginem: æque nec malis probari, propter inelegantiam styli, nec bonis, propter argumenti falsitatem, & proditiōis infamiam. Gallicam eam versionem nondum mihi videre licuit, nec adeo (etsi idoneus essem ejus rei arbiter) an ea sit Buchanani ipsius, atque ista, cujus eam *Blacovodens* infimulat, styli inelegantia conscripta, dijudicare.

XII. Sub idem tempus scripti sunt duo illi libelli famosi, quibus nomina imposuit, *THE ADMONITION direct to the trewe Lordis Maintainers of the Kingis Sacre Authoritie* / M. D. D. i. e. ADMONITIONIO ad fideles Proceres, Regia [Jacobi VI.] auctoritatis assertoribus. Et CHAMÆLEON, *or a Satyre against the Tainted of Lidingtōne*, i. e. CHAMÆLEON, sive Satyra in Comarchum Lethintonii. Priore in illustrissimam Hamiltoniorum familiam, nullam aliam ob causam, quam quod Reginae suæ partibus firmiter adhereret, cum effrenata verborum licentia declamat. Posteriore vero *Gulielmum Metellanum* Lethintonium tanquam Chamæleonte mutabiliorem exagitat. De utroque hoc, ac superius modo memorato libello, cum alibi a nobis dictum, nec ullare magis sint, quam insigni & Buchanano ipsi pigenda linguæ intemperie, notabiles, plura hic addere non est opus.

XIII. Porro de RUDIMENTIS GRAMMATICES *Thomas Linacri*, ex Anglico sermone in Latinum versis, deque ejus de PROSODIA Libello, cum nullam inde eruditionis laudem Buchanani quæsierit, nihil aliud hic attinet dicere, quam pari nos atque in reliquis ejus operibus diligentia usos ab innumeris, quas eis affricuerat Typothetarum incuria, maculis utrumque repurgasse.

XIV. De paucis denique quæ supersunt EPISTOLIS, cum abunde suo loco sumus præfati, non est quod plura hic addamus: unicum tamen monendum restat, scil. post absolutam earum impressionem, duas nos alias Epistolas nactos, alteram, ab ipso Buchanano ad *Thomam Randolphum*, alteram a *Daniële Rogerio* ad Buchananum, perscriptam. Hæc inter Epistolas Jacobi IV. &

I In Gul. Camdeni & illustrium virorum ad eum Epistolis, una habetur, a D. J. Metellano, hujus Gulielmi filio, ad Camdenum scripta, pag. 305. in qua se refert, dum Elizabethæ Annales perlegeret, in loca quædam incidisse, in quibus parentis sui mentio non satis honesta facta est: ac jure factum nullo modo sibi potuisse persuadere. Dein-

de a Camdeno postulat ut litteras aliquas, quæ ab eo citantur, patris sui famæ haud leviter detrabentes, in primis vero librum illum CHAMÆLEON nomine, ad se mitteret. quo de fide eorum & auctoritate plenius clariusque cognoscere posset. Quid ad has litteras responsi dederit Camdenus, nusquam, quod sciam, commemoratur.

# P R Æ F A T I O.

& V. Regum Scotiæ nescio quo casu interjecta delitescerebat. Illam ex autographo suo accurate descriptam mecum communicavit vir literarum cognitione & morum candore juxta spectabilis, *Radolphus Thoresbius* Anglus, R. S. S. Cum utramvis perire indignum videretur, nec alibi nobis relinqueretur locus, hic eas inferi Lectorem haud ægre laturum speramus.

To Maister Randolph Squiar, Maister of Postes to the  
Queenes Grace of England.

**M**aister, I haif resavit diverse letters frome you, and yit I have ansourit to naine of thayme; of the qubylke albeit I haif mony excusis, as age, forgetfulnes, besines, and disease, yit I wyl use nane as now, except my sweirnes, and your gentilnes; and geif ye thynk nane of theise sufficient, content you with ane confession of the fault, wout fear of punition to follow on my onkindnes. As for the present, I am occupit in writyng of our historie, being assurit to content few, and to displease mony tharthrow. As to the end of it, yf ye gett it not or thys winter be passit, lippin not for it, nor nane other writyngs from me. The rest of my occupation is wyththe gout, quibilk baldis me hesy both day and nyt. And quhair ye say ye haif not lang to lyif, I traist to god to go before yow, albeit I be on fut, and y ryd the post: praying you als not to dispost my hosse at New werk, Jone, of Kellsterne. Thys I pray you, partly for his awyne sake, quhame I tho' ane gud fellow, and partly at request of syk as I dar not refuse. And thus I tak my leif shortly at you now, and my lang leif quhen God pleasis, committing you to the protection of almy'ty. At Sterling xxv. day of August, 1577.

Yours to command w<sup>t</sup> service,  
G. BUCHANAN.

*Daniel Rogersius Georgio Buchanano, S.*

**A**D quintum Kalend. Martii, cum ex Belgio singulari festinatione in aulam serenissimæ Reginæ redirem, inter alios quos salutavi, incidi *Cockburneum* Centurionem, cujus conspectus longe mihi fuit gratissimus: ex quo illud commodi percepi, ut de statu tuarum rerum abunde omnia cognoscerem, ac ejus medio ad te literas darem. Quamvis enim temporis angustia excluderet; nolui tamen committere, quin te hisce pauculis compellarem, ex quibus intelligeres literas tuas, Kalend. Novemb. ad me scriptas, sub finem ejusdem mensis in Morinis mihi fuisse redditas, [una cum] iis quas ad *Jacobum Sturmium* & *Philippum Mornajum* miseras. Ac huic quidem suas paullo post



# P R Æ F A T I O.

„ post Bruxellis coram tradidi, alteras in Germaniam *Sturmio* de-  
 „ ferendas tabellario dedi. Vehementi desiderio teneor videndi  
 „ *Historiam*, in qua scribis te totum occupari. Faxit Deus Opt.  
 „ Max. ut valetudo tibi contingat prospera, ut ad finem pertexas  
 „ inchoata. Scripsi ante sexennium, quod ex *Abrabami Ortelii*  
 „ theatro cognoscere potuisti, de antiqua Britannia commenta-  
 „ rium, quemadmodum & de Romanorum in Britannis imperio.  
 „ Quare tuum de origine gentium Britannicarum iudicium avi-  
 „ dissimè exspecto. Recte enim *Humfridum Fluidum* perstringis,  
 „ qui dum Antiquarium se præstare vult, fuitiles & aniles nugas  
 „ mordicus tuetur, nullis antiquitatis monumentis confirmatas.  
 „ Illud miror, dum *Sphaericorum* tuorum meministi, eaque citas  
 „ quæ de *Jure regni Scotiæ* πολιτικῆς καὶ πλῆθυντικῆς differuisti, nul-  
 „ lam abs te mentionem factam *Tragædiæ Joannis*, cujus ante de-  
 „ cennium Parisiis participem me fecisti. Promisisti te insuper  
 „ memini olim nobis *Jambicorum* librum unum, *Epigrammatum*  
 „ alterum, *Lyricorum* item unum: quæ singula ne pereant, el-  
 „ borandum tibi censeo, ut pluribus argumentis famam nominis  
 „ tui posteritati commendes, seculum tuum, adeoque Britanniam  
 „ universam, magis magisque ingenii tui dotibus illustres. Ego  
 „ hisce quinque postremo elapsis mensibus varie me exercui, co-  
 „ mes additus *Thomæ Wilsono* in Belgium Legato. Unice cu-  
 „ pio Reip. restituendæ operam navare. Sed hoc ævi senium  
 „ agnoscis. Quod si Joannes Austriades auctoritatem suam in Bel-  
 „ gio confirmaret, quas ille turbas excitabit, qui cum imperitia  
 „ rerum singularem factum secum attulit? Pax sane promulgata  
 „ Bruxellis fuit, XIX. Februarii, quam ratam & inviolatam nec  
 „ opinor fore, nec velim. Cæterum quæ de his rebus censeo,  
 „ non licet in præsentī ob temporis brevitatem perscribere. Quis  
 „ vero Galliarum & Belgii status sit ex his inclusis schedis facile  
 „ perspicias. *Philippus Sydneus* Proregis Hibernici filius, illu-  
 „ strissimæ virtutis juvenis, nuper ad Imperatorem Rudolphum  
 „ a serenissima Regina legatus est, qui Casimirum Ducem, fra-  
 „ tremque Electorem in itinere conveniet, de mediis quibus fœ-  
 „ dus Anglis cum Protestantibus Germanis coire possit ad religio-  
 „ nis salutem tuendam. Equidem Christiana Resp. in primis id  
 „ flagitare videtur. Quod ad Principem Orangianum attinet,  
 „ ipsius res, si bello ab Austriade impetatur, meliori quam sole-  
 „ bant loco sunt, ob Harlemum, Sparendamum, aliaque oppi-  
 „ da in Batavia nuper hostibus erepta, quemadmodum in Zelan-  
 „ dia, præter recuperatas Saldenses & Duvelandicas insulas, Ame-  
 „ landiam & Tolam sibi adjunxit, quibus longe confirmatior est.  
 „ At nihil optimum Principem magis munit, quam serenissimæ  
 „ Reginae erga ipsum benevolentia, quæ hoc tempore vehemen-



# P R Æ F A T I O.

„ ter ad illum promovendum & ornandum inclinat. Sed ego lon-  
 „ gior sum, Buchananane, quam permittunt angustiae temporis.  
 „ Finem itaque facio, a superis firmam tibi valetudinem exoptans,  
 „ ut scriptis quæ inchoata habes postremam manum imponas, ac  
 „ Regem nobis magisteriis tuis reddas Christianissimum; in quo  
 „ recte formando, non de Caledoniis tuis tantum & Britannis re-  
 „ liquis, verum de universa Europa lauream longe gloriosissimam  
 „ retuleris. Bene vale. Ex Regia Monasteriensis, pridie Kalend.  
 „ Martias M. D. LXXVII. *duroxydiensis*.

EPIGRAM-  
 MATA &  
 Fragmenta  
 aliquot  
 omissa.

XV. Præter binas hæc alieno loco positas literas, deprecandam itidem habemus similis noxæ offensionem, quod tria scilicet Buchananani *Epigrammata*, Fragmentumque unum & alterum, quæ paullo serius, & tabulis jam quasi obsignatis, in manus nostras pervenerunt, Psalterium inter & Jephthen media collocaverimus. At, præter duram nobis impositam hac in re necessitatem, facilem apud benignum Lectorem nobis veniam conciliabit nativa eorum carminum elegantia, quæ tanta est, ut, cum alia non superesset, optimis proximam sedem meruerint. His autem addi etiam debebat insignis sententiæ Ciceronianæ emendatio, quam (nescio qua incuria & operarum festinatione ibi omissam, ne quidquam a tanto viro profectum a reliquis ejus operibus sejungeretur, hic in inferiore pagina libuit adjicere \*.

Atque

\* *G. Buchananani palmaria correctio loci corrupti in Cic. Philip. II. cap. 20. referente Dion. Lambino in suis Annot. ad Ciceronis Opera, Edit. Paris. 1584.*

*Aude dicere, te prius ad parentem tuam venisse.* ] Sic hunc locum restitui, Georg. Buchananani auctoritatem secutus. Vulgata autem scriptura est hæc, neque aliter habent cod. manuscr. *Venisti e Gallia ad questuram petendam. Aude dicere, te prius ad patrem tuum venisse, quam ad me.* nisi quod nonnulli habent, *parentem tuum.* His argumentis ac verbis Buchananus hanc lectionem oppugnat, atque adeo evertit. „ Et si in hac lectione „ omnia consentiunt exempla, si „ quis tamen propius inspexerit, „ mendum deprehendet. Nam pa- „ ter Antonii, atque etiam vitri- „ cus, Lentulus, qui in conjuratione „ ne fuerat Catilinæ, multo ante

„ hoc tempus excesserant e vita.  
 „ Neque parum legi potest. Nam  
 „ C. Antonius, M. Antonii patruus,  
 „ damnatus fuerat repetundarum ac-  
 „ cusantibus Macedonibus, Coss.  
 „ Cæsare & Bibulo, ut ex Cice-  
 „ rone & Suetonio perspicuum est.  
 „ Cicero enim in oratione pro do-  
 „ mo sua ita scribit: *Hora fortasse*  
 „ *sexta diei questus sum in judicio, cum*  
 „ *C. Antonium collegam meum defende-*  
 „ *rem, quedam de republica, quæ mihi*  
 „ *visa sunt ad illius miseri causam perti-*  
 „ *nere. Hæc homines improbi ad quos-*  
 „ *dam viros forte longe aliter atque a me*  
 „ *dicta erant, detulerunt. Hora nona,*  
 „ *illo ipso die, tu es adoptatus.* Ex qui-  
 „ bus Ciceronis verbis intelligere  
 „ licet, quo die P. Clodius a patri-  
 „ bus ad plebem transit, eo die C.  
 „ Antonium causam dixisse: Clo-  
 „ dium vero ad plebem transisse  
 „ constat ex Suetonio, Cæsare &  
 „ Bibulo Coss. *Isdem igitur Coss.*  
 „ C.

# P R Æ F A T I O.

Atque hæc sunt univerſa, quæ uſquam potuimus reperire magni noſtri Buchananani opera. Quod ſi alia forte nonnulla in obſcuro quodam terrarum angulo ignota deliteſcant, doctorum hominum fidem teſtatur, nullam penes nos eſſe ejus rei culpam, quippe qui per multos annos, quibus hanc Editionem moliebamur, non deſtiterimus, publice privatimque, omnes, quos literarum amor teneret, monere, rogare, flagitare, ut ſi qua Buchananani ſcripta haberent, ea vellent nobis impertiri, ac dias in luminis auras proferre.

Nonne latet in Bibliotheca Academica Edimburgi *Commentarios MSS. in Virgilio Bucolica, Georgica, ſeptemque primos Æneidos libros*, qui Buchananani ſe ferunt, aſſervari. Verum cum ii aut pueriles ſint, aut ad puerorum captum quam maxime accommodati, &, ſi Buchananani ſunt, quod necdum audeam præ certo affirmare, ab eo ex tempore fuſi, nullo edendi conſilio, videantur, famæ Buchananæ melius conſultum, ſi publico prohibeantur, putamus.

Habentur etiam in Bibliotheca Juridica, quæ a Buchananani ſcriptæ exiſtuntur, *Conſultationes aliquot de rebus Academicæ Andron-*

*poli-*

„ C. Antonius in exſulium abiit, „ damnatus repetandorum. neque „ dum rediret M. Antonio & Do- „ labella Coſſ. Exprobrat enim Cic. „ in hac Philippica M. Antonio, „ quod ceteris ab exſulio revocatis „ patrum non reſtiſſet. M. au- „ tem Anton. præfeſtus equitum „ cum Gabinio præfeſtus fuerat in „ Syriam, e Syria cum Ptolemy in „ Alexandriam, ab Alexandria in „ Galliam ad Cæſarem, e Gallia „ Romam rediit ad quaſtione pe- „ tionem etiam tunc exſulante „ patroo. Non poteſt igitur, ut „ ante dixi, pro patrem, ſupponi „ patrum. Neque, ad fratres tuos, „ poſſe legi arbitror, ſive quod non „ tam facilis ſit lapſus ex mutatione „ tor literarum, ſive quod fra- „ tres ejus, etiam tunc adoleſcen- „ tes, & ignoti eſſent, nec nulla „ re poſtea, niſi flagitiis nobilitari. „ Itaque, ad matrem tuam, legendum „ cenſeo. Fuit autem ex vicinitate „ literarum librario facilis peccan- „ di occaſio. Præterea ſatis conſtat „ Julian M. Antonii matrem, „ matronam illuſtrem, & ſpe- „ ciez prohibitatis, ad tranſmilla-

„ tem uſque proſcriptionem viſiſ- „ ſe, ac L. Cæſarem fratrem ſuum „ proſcriptum ſervalle. Una igitur „ mutata litera, matrem tuam, legem- „ dum cenſeo. Hæc Buchananus. „ Si quis tamen propius accedens ad „ ſcripturam antiquæ. patrem tuam, „ patrem tuam, legendum eſſe contem- „ det, non pugnabo. Cum hæc olim „ anno M. D. LXV. ſcripſiſſem, & „ Ciceronem eo ipſo tempore edidiſ- „ ſem, P. Viſtorius tamen libris „ var. Lectionum poſterioribus, anno „ M. D. LXXIX. editis, hoc eſt, an- „ nis quatuor poſt noſtram primam „ Ciceronis editionem ſcripſit, cap. „ XVII. lib. XXXIII. hunc locum „ eſſe mendosum, ut vulgo legitur, „ & forſalle legendum eſſe ad patrem „ tuam: quaſi rem aliquam novam, & „ a nemine excogitaram, immo ne co- „ gitaram quidem, aſſertens: cum diſ- „ ſimulare, aut negare non poſſit, „ meam illam Ciceronis editionem a „ ſe eſſe viſam. Hæc cujus ſunt ho- „ minis? Lambinus. Hanc Buchananus „ emendationem ſuſcepit ſui etiam „ comprobant P. Manutius, Lel. Biſſola, „ Nic. Abraham, Jan. Gronovius, & Jo- „ Geo. Grevius,

# P R Æ F A T I O.

politane recte administrandis, quæ cum non tam studiorum rationem, quam studiorum victum & corporis cultum respiciant, hominum luce & celebritate haud satis dignæ videbantur.

Præterea Thomas Dempsterus Buchananò tribuit Librum *De rebus gestis Hispanorum ad Diem in India*, quem editum dicit supposito nomine Jacobi Tevii, primum in Hispania, tum Romæ. Sed, quod recte Cl. Sebaldus <sup>1</sup> & ante eum Nic. Antonius <sup>2</sup> animadvertunt, injuria id facit Dempsterus, qui, si librum ipsum (quod non videtur) oculis lustrasset, tum ex Jacobi Tevii Epistola nuncupatoria eum librum sibi vindicantis, tum ex Georgii Buchanani librum librique Auctorem laudantis Epigrammate, Tevium verum ejus scriptorem perspicere poterat.

Affirmat porro celeberrimus P. Belius <sup>3</sup> Buchananum Mariæ Reginæ partibus primum favisse, atque pro ea *Apologiam* scripsisse: additque insuper ad ejus rei fidem faciendam, eum, qui hæc sibi narraverat, asseverasse, sese, cum Reverendissimum G. Sacerdotium Archiepiscopum Cantuariensem rogaret, ut eam *Apologiam* vidisset, ab eo dono accepisse. Accuratissimo Belio liitem non moveo, at hic ejus index, quisquis demum ille fuerit, hac in re hallucinatus mihi videtur: nam, (ut omittam viros doctos, quos plurimos de *Apologia* illa sum percontatus, nihil de ea vel fando sibi auditum retulisse,) ante male ominatas suas cum Bothuelio nuptias nullius Maria Apologiæ indigebat; post eas vero, adversus se partibus Buchananum addixisse, & a Moravio, ad colloquium Eboracense Reginæ accusandæ causâ proficiscente, comitem adscitum, & ipse & alii omnes testantur.

Denique acta Eruditorum Lipsiens. <sup>4</sup> & referente Placcio, <sup>5</sup> Mich. Picartus, Buchananò tribuunt satis celebrem illum libellum, cui titulus, *Vindicia contra Tyrannos, sive de Principis in populum, populiq; in Principem, legitima potestate, Stephano Junio Bruto Auctore*. Falso utrique, eo, ut videtur, decepti, quod prima ejus libri editio Edimburgi (supposito loci nomine) imprefsam se prodât, anno 1579. deinde quod Buchananus idem argumentum in suo de Regno Dialogo, eodem vere loco ac tempore primum vulgato, pertractarit. Ceterum hujus libri alii Philip. Mornajum, alii Hub. Languetum, alii Franc. Hotomannum, Auctorem statuunt: quidam Theod. Beze quidam Is. Casaubone, quidam denique Joan. Crellio e grege Socinianorum decantatissimo eum adscribunt. <sup>6</sup> Sed hæc hætenus.

Hoc

<sup>1</sup> Comment. in vit. G. Buchan.

<sup>2</sup> pag. 48.

<sup>3</sup> Biblioth. Hispan. Tom. I. pag.

246.

<sup>4</sup> Diction. Hist. & Crit. nomine Buchanan.

<sup>4</sup> Anno 1684, pag. 22.

<sup>5</sup> De Scriptoris pseudonymis, Tom. II. pag. 143.

<sup>6</sup> Videbis de hac re Dissertationem Pet. Bieri in Addit. ad Diction. Critic. Tom. II. pag. 1186.

## P R Æ F A T I O.

Hoc autem loco jus & æquum postulat, ut quam fidem publice obstrictam dedimus, eam nunc liberemus, ut nempe grato animo recolamus eorum beneficia, qui huic editioni sive ampliandæ sive ornandæ symbolas contulerunt. Inter eos autem primas sibi facile vindicat ingens togatorum decus, ac singulare Mularum Scoticarum præsidium, D. *David Dalrymple*, Eques, ac Advocatus Regius disertissimus, qui insigni sua comitate & in bonas literas ardore ductus, non e sua solum quam amplissimam lectissimamque instruit Bibliotheca, sed undecunque quæsitis subsidiis, quasi rem suam serio ageret, penuriam nostram sublevavit; nec ante destitit residem nonnunquam industriam nostram acuere; promptoque ac strenuo consilio juvare, quam ad optatam metam res esset perducta. Proximus huic nobis commemorandus est *Andreas Fletcherius* Saltonii Comarchus, Cato nostri seculi, ac

*Virtutis veræ custos, rigidusque satelles,*

qui non minor antiquiorum morum, quam literarum cultor, ex locupletissimo, quem possidet, rarissimorum librorum penu, haud paucos, eosque inventu alias difficillimos, benigne nobis suppeditavit. Dicitur autem vix potest quantum debeamus Medico incomparabili *Archibaldo Pitcairnio*, qui non solum in arte sua, quam utilissimis suis inventis mirifice nobilitavit, sed in omni elegantiore literatura vir maximus, ac Poëta soli fere Buchanano secundus, nonnulla ejus opera de morte reduxit, plurima male affecta loca sanitati restituit, ac singulari quodam favore conatus nostros fovit & adjutavit. Verum eheu! dum medio fere cursu labor noster ferebatur, terris ereptum est salutiferum illud sidus, musas Patrono benignissimo, nos grandi rerum nostrarum solatio orbatos relinquens. At enim discedere præstat a mœstissimi casus commemoratione, per quam obductum temporis diuturnitate vulnus recrudescit, animique molestia non mediocriter renovatur. Huic porro a nobis accensendi sunt viri præcipua eruditionis laude florentes, *Joannes Dromundus* Medicinæ Doctor, *Laurentius Dundassius*, Humanarum literarum in Academia Edimburgena Professor, *Jacobus Andersonus*, Scriba eximius, *Joannes Gillanus*, *Joannes Macdonallus*, &c. qui, qua pollent bonarum literarum aut rei antiquariæ peritia, si quando nodi aliqui tantis vindicibus digni incidissent, suam prolixè operam nobis commodarunt: quibus (si cœptis nostris publicus favor aspirarit) quas nostræ opis non est, eruditorum orbis grates persolvēt.

Post tanta autem adjumenta, tot laboris nostri duces & auspices, ut pro nobis tandem ipsis loquamur, etsi, quantum ingenio coniti, & præstare diligentia nobis licuerat, ad eam curam uni-




# P R Æ F A T I O.

ce incubuerimus, ut hæc nostra Editio omnium climatissima, ac ingente Buchananano digna prodiret; non tamen adeo sumus immemores conditionis humanæ, nostræque in primis tenuitatis, ut in tam longo, tamque varii argumenti opere, nobis non aliquando somnum obrepfisse sperare audeamus. Παράμυθα quidem ejusmodi aliquot, a nobismetipsis dum schedas revolvimus detecta, hic subjiciuntur: alii forsitan & plura deprehendent. A te autem, Lector Benevole, summopere expetimus, ut hæc aliaque peccata nostra, quæ nec multa nec gravia futura auguramur, non acerbe nimis exigas, sed potius, qua vivitur sorte expensa, ea homo ipse homini condones.

## GEORGII BUCHANANI V I T A,

*Ab ipso scripta biennio ante mortem.*

1506.



GEORGIUS BUCHANANUS<sup>1</sup> in Levinia Scotiæ provincia natus est, ad Blanum amnem, anno salutis Christianæ millesimo quingentesimo sexto, circa Kalendas Februarias, in villa rustica, \* familia magis vultu, quam opulenta. Patre in juventutis robore ex dolore calculi extincto, avoque adhuc vivo decoctore, familia ante tenuis pene ad extremam inopiam est redacta.

### GEORGII BUCHANANI VITA.]

Brevem hanc vitæ suæ expositionem aggressus videtur Buchananus amicorum suorum, præsertim *Thomæ Randolphi Angli*, qui a Buchananano humanioribus literis eruditus, eum impense tota deinceps vita colebat. Exstat ea de re *Thomæ Randolphi* ad *Petrum Junium* Epistola, Kalend. Martii scripta anni 1579, (in nostra hac Editione XXIII. eam præcipue ob causam inserta,) qua *Petrum Junium* ad Geo. Buchananani vitam perscribendam obnixè hortatur, dum scilicet Buchananus, in vivis adhuc agens, multa de se rebusque suis memorare posset, quæ ipso extincto perpetuis oblivionis tenebris adoperta interirent. His rationibus adductus *P. Junius*, a se quidem onus removisse, atque compendianam hanc, quæ præ manibus est,

Buchanani vitæ descriptionem ab ipso Buchananano, qui omnium optime posset, extorsisse videtur. Hanc opinionem haud leviter confirmat quod eo ipso anno, quo hæc *Randolphi* Epistola, scripta est Geo. Buchananani vita, &c quidem ante initium Februarii anni 1580, uti ex extremis vitæ ipsius verbis colligitur, quibus se 74 annum agere affirmat: circa Kalendas autem Februarii (ad quas suos natales refert Buchananus) anno 1580, non jam 74 ætatis annum agebat, sed compleverat.

<sup>1</sup> Buchananus.] De nominis Buchananani origine irritò labore conjectans *Nathan Chytraus* initio Collectaneorum ad ejus Psalmorum Paraphrasin, edit. Herbomæ 1585, existimat Buchananani majores a Buchananis Scotiæ regione id nominis traxisse: sed facile fuit viro extero in re ejusmodi

## GEORGII BUCHANANI VITA.

Sta. Matris tamen *Agnetis Heriotae* diligentia liberi quinque mares & tres puellæ ad maturam ætatem pervenerunt. Ex iis *Georgium* avunculus *Jacobus Heriotus*, cum in scholis patriis spem de ingenio ejus conceperat, <sup>1</sup> Lutetiam amandavit. Ibi cum studiis literarum, maxime carminibus 1520. scribendis, operam dedisset, partim naturæ impulsu, partim necessitate (quod hoc unum studiorum genus adolescentiæ proponebatur,) intra biennium avunculo mortuo, & ipse gravi morbo correptus, ac undique 1522. inopia circumventus, <sup>1</sup> redire ad suos est coactus.

Cum in patria valetudini curandæ prope annum dedisset, <sup>6</sup> cum auxi- 1523. liis Gallorum, qui tum in Scotiam appulerant, studio rei militaris cognoscendæ in castra est profectus. Sed cum ea expeditione <sup>7</sup> prope inutili, <sup>8</sup> hieme asperissima per altissimas nives reduceretur exercitus, rursus in valetudinem adversam incidit, quæ tota illa hieme lecto affixum tenuit. <sup>9</sup> Primo vere ad Fanum Andreæ missus est, ad <sup>10</sup> *Joannem Majorem* 1524.

au-

modi falli. Non enim a *Buchania* regione, sed a *Buchanano* prædio rustico (*Baroniam* nostri appellant) in regione *Levinia*, a *Buchania* longe diverfa, unde (pro more Scotorum cognomina ab agris olim affumentium) aliquis e *Buchanani* majoribus ante multa retro secula id sibi gentilitium adscivit, a quo recta serie oriundus qui non ita pridem *Buchanani* *Comarchus*, familiæ suæ Princeps; quo sine liberis extincto id prædium sub illustissimi Ducis *Montisfrosani* ditionem concessit.

<sup>1</sup> *Familia magis vetusta*] Domus *Buchananæ* a longo tempore latifundia quædam in *Levinia* possederat, propagines etiam quasdam emiserat, ex una quarum, cui villa de *Drumakill* titulum dederat, ortus est Auctor noster in *Patricia de Killerno*. *Sibbald. Not. in Buchan. vit. Spotswood. Hist. Eccles.*

<sup>3</sup> *Lutetiam*] In quo Collegio seu Schola Parisiis studuerit non multum referre arbitror: nimis longe petita est Cl. D. *Sibbaldi* conjectura, qui eum in Collegio *Montis Acuti* literis operam dedisse existimat ex eo versu *Eleg. 1.*

*Curritur ad Montem magno cum murmure Acutum.*

ea enim *Elegia*, diu postea scripta, non discipulorum, sed docentium miseras exponit, quo tempore ipse in Collegio *Barbarano*, non vero *Montis Acuti*, classi *Grammaticæ* discipulorum præfuit.

<sup>4</sup> *Lutetiam amandavit*] In Galliam primum profectus videtur *Buchanani* ætatis anno 14, Salutis humanæ 1520, *Vid. quæ mox sequuntur.*

<sup>5</sup> *Redire ad suos*] Ex iisque mox subjiuntur, colligitur *Buchanani* in patriam rediisse anno 1522, ætatis vero 16;

proximo enim anno se in castra profectum refert, anno *scil.* 1523, ut modo ostendimus.

<sup>6</sup> *Cum auxiliis Gallorum*] Auxilia hæc fuere, quæ *Jacobus Dux Albinus* anno 1523 e Gallia attulerat, tria *scil.* peditum milia, centumque cataphracti, referente ipse *Buchanano*, *lib. XIV. pag. 263.* quo tempore annum ætatis agebat decimum octavum; nondum vero compleverat, quod ait D. *Sibbaldus*, qui perperam *Joan. Albini* in Angliam expeditionem in annum conjicit 1524.

<sup>7</sup> *Prope inutili*] Nihil enim memoria dignum ea expeditione actum est ob Scotorum, qui Angliam ingredi renuebant, pervicaciam.

<sup>8</sup> *Hieme asperissima*] Reversus est in Scotiam *Dux Albinus VIII. Kal. Octob.* Ad ix. Kal. Novemb. ad limitem Angliæ duxit exercitum. Inde reversus III. Idus Novemb. primum ad *Cænobiū n. Monacharum* (Ecclesiam vocant) pervenit. Inde de tertia vigilia *Lauderæ* profectus, itinere nocturno, propter subitum nivis casum hominibus & jumentis vehementer affectis. *Vid. Buch. lib. 14. cap. 23.* Dura hæc *Buchanano* nostro militiæ rudimenta, indeque contracta illa adversa valetudo, quæ tota illa hieme eum lecto affixum tenuit; ac forte tum primum jacta illa morborum semina quibuscum multis ante obitum annis se graviter confluctatum conqueritur.

<sup>9</sup> *Primo vere*] Anni *scil.* 1524, cum annum ætatis inisset 19. Fallitur ergo *Joan. Clericus*, qui cum 18. tantum annum tum ingressum affirmat. *Vid. Bibl. Choise. Tom. VIII. pag. 109.*

<sup>10</sup> *Joan. Major.*] Hic est *Joan. Major Hadintonanus*, *Historia Scotica* scriptis-

# GEORGII BUCHANANI

audiendum, qui tum ibi Dialecticen, aut verius Sophisticen, in extrema senectute docebat. Hunc in Galliam " æstate proxima sequutus, in  
 1526. " flammam Lutheranz sectæ, jam late se spargentem, incidit: ac bien-  
 1529. nium fere cum iniquitate fortunæ colluctatus, " tandem in Collegium  
 1529. Barbaranum accitus, prope triennium " classi Grammaticam di-  
 scientium præfuit. Interea cum " Gilbertus Cassilissæ Comes, adolescens nobi-

que Theologicis clarus, quem postea Buchananus falso carmine, *Lib. I. Epig. 51.* perstrinxit, multum indignante *Chrysostom.* Irvino, qui eam ob causam in Buchananum tanquam ingratum & beneficiorum immemorem acerrime invehitur. *Vid. ejus Nomencl. voce Major.*

11 *Æstate proxima*] Eiusdem anni 1524, non vero 1525, uti existimat D. Sibbaldus.

12 *Flammam Lutherana secta*] h. e. cum *Martini Lutheri*, qui erroribus Pontificiorum paucis ante annis palam renunciaverat, dogmata grandem sermonibus materiem suppeditarent, atque secundis multorum auribus Lutetiae audirentur, in quibus Buchananum nostrum jam tum fuisse haud injuria liceat existimare.

13 *Tandem in Collegium Barbaranum*] Hoc est, ut ego quidem censeo, anno 1526, cum nondum vigesimum primum expleisset ætatis annum.

14 *Barbaranum*] Vulgo de St. Barbe.

15 *Classi Grammaticam*] Ærurnas, quas tum passus est, eleganter expressit carmine primo Elegiarum, cui titulus est, *Quam misera sit conditio docentium literas humaniores Lutetia*, quod sic incipit,

*Ue levis nuga, sterileque valeat Camæna,*

*Grataque Phœbeo Cassalis unda cho-  
 ro, &c.*

Scripta autem videtur hæc Elegia anno 1529, ætatis suæ 23, cum, relicto Collegio Barbarano, Comitissæ studii formandis se primum applicaret, quod ex postremis verbis colligimus,

*Ue igitur Musa steriles, alimque mini-  
 strum*

*Quarite: nos alio fors animusque vo-  
 cat,*

16 *Gilbertus Cassilissæ Comes*] Hic filius erat *Gilberti Kennedi* Comitissæ Cassilissæ, *Jacobi Hamiltonis* nothi & *Hugonis Cambelli*, præfecti Juridici Aerensis insidus occisi anno 1527, de quo *Buchan. lib. XIV. cap. 30.* Cui eleganti Epitaphio parentavit *lib. II. Epig. 19.*

*Hic situs est heros humili Gilbertus in  
 urna*

*Kennedus, antiquæ nobilitatis ho-  
 nos. &c.*

*Joan. Clericus, Vis. Buchan. p. 111.* hoc carmen *Gilberto* ejus filio, de quo modo loquitur, conditum existimat: at Epigramma ipsum repugnat; ait enim,

*Occidit insidiis fallaci exceptus ab hoste,  
 Bis tria post vitæ lustra peracta sua.*

Quorum neutrum de hoc *Gilberto* Buchananis patrono verum est; illum enim *Diepæ* suum diem clausisse 28 Octob. 1558, & quidem non sine suspitione veneni, inquit *Buchanannus, lib. XVI. cap. 17.* Aliud autem est veneno tolli, aliud insidiis a fallaci hoste occidi. Deinde, ait eum 30 annos natum occubuisse; hic autem *Gilbertus* quadragenario major extinctus videtur: anno 1527, quo pater interfectus est, licet impubes, ea tamen erat ætate, ut suam familiæque salutem *Archibaldo Duglassio* Quæstori Regio, ad quem confugerat, commendare posset; neutiquam facere potuisset, si eo anno, quo pater est interfectus, ipse esset natus: quod tamen oportuit, si anno 1558, quo fati concessit, bis tria tantum vitæ lustra peregisset. Huc adde, quod *Lutetiam* profectus, atque ibi Buchananis ingenio & consuetudine oblectatus anno 1529, ut supra ostendimus; quæ omnia eum tum adolescentem, ac 12 minimum ætatis annum supergressum commonstrant.

Nec minus hallucinatur *Geo. Crafordius*, qui hoc Buchananis Epitaphium hujus *Gilberti* filio ivit assertum. Nusquam enim vel apud *Crafordium* ipsum, vel alium quemvis rei Scoticæ scriptorem, eum vel insidiis petiitum, vel acerbo vulnere extinctum legimus: neque fieri potest, ut qui, ipso referente, inter *Mariæ Reginae* Consiliarios cooptatus est anno 1562, fatoque functus anno 1576, non plures quam 30 annos vixerit; nisi velimus existimare 16 annorum adolescentem, necdum suarum rerum satis competentem, idoneum qui de arduis regni negotiis in consilium adhiberetur.

17 ENNA

nobilis, in ea vicinia diversaretur, atque ingenio & consuetudine ejus oblectaretur, <sup>17</sup> cum quinquennium secum retinuit, atque <sup>18</sup> in Scotiam una reduxit.

Inde cum in Galliam ad pristina studia redire cogitaret, a Rege est re-  
tentus, ac <sup>19</sup> *Jacobo* filio notho erudiendo praepositus. <sup>20</sup> Interea pervenit ad 1534.  
Franciscanos <sup>21</sup> Elegidion per otium ab eo fufum, in quo se scribit per  
somnia a D. Francisco sollicitari, ut ejus ordini se adjungat. In eo  
cum <sup>22</sup> unum aut alterum verbum liberius in eos emissum esset, tulerunt  
id homines, mansuetudinem professi, aliquanto asperius, quam patres,  
tam vulgi opinione pios, <sup>23</sup> ob leviculam culpam decere videbatur: &  
cum non satis justas irae suae immodicae causas invenirent, ad commune  
religionis crimen, quod omnibus, quibus male propitii erant, intenta-  
bant, decurrunt: & dum impotentiae suae indulgent, illum sponte sua sa-  
cerdotum licentiae infensum acrius incendunt, & Lutheranae causae minus  
iniquum reddunt.

<sup>24</sup> In-

<sup>17</sup> *Eum quinquennium secum retinuit*] Parisiis scilicet ab anno (ut videtur) 1529 ad annum 1534, quo cum in patriam secum reduxit. Hoc tempore *Linacri Rudimenta* e vernaculo Anglorum sermone in Latinum vertit; an vero id factum anno secundo quo Comitis Cassilissae studiis regendis est admotus (quod existimat Cl. *Sibbaldus*), nondum mihi liquido constat. Dicit quidem Epistolae nuncupatoriae initio, se superiore anno *Linacri Rudimenta Comiti Cassilissae praelegisse*; protinus tamen subjicit, id *cursim & memoria confirmanda causa* fecisse, quod alio quovis aequae ac primo anno fieri poterat. Ego potius existimaverim hanc versionem absolutam demum fuisse anno 1532, adeoque anno quarto quo Cassilissio est Tutor adhibitus, aetatisque suae 27; prima enim ejus Editio prodit Parisiis anno insequente 1533, ut ex *Ant. Vossii Athen. Oxon.* aliusque cognoscimus. Utut se habeat haec res, id certum est ex omnibus Buchananii operibus, hoc primum typis fuisse vulgatum, etsi Poemata quaedam antea ab eo scripta, praefertim Elegiam primam, admodum sit verisimile.

<sup>18</sup> *In Scotiam una reduxit*] Hunc secundum Buchananii in patriam reditum ad annum C. N. 1536, refert Cl. *Sibbaldus*: rectius *Joan. Clericus*, qui annum ab ipso Buchananano notatorum seriem secutus, eum in patriam cum Comite Cassilissae reversum scribit anno 1534. Id vero confirmat ipse Buchananus, Epistola ad *Jacobum* Moraviae Comitem, Franciscano praemissa, scripta Nonis Junii 1564, cujus primo statim initio haec verba occurrunt, *Ante annos fere tringinta*

*cum ruri apud Comitem Cassilissae essem*, &c. id est, ratione rite subducta, anno 1534, inter quem & 1564 triginta anni intercedunt.

<sup>19</sup> *Jacobo filio notho*] Is est *Jacobus Stuartus* primum Fani Andreæ Prior, deinde Moraviae Comes a Maria Regina creatus, qua regno expulsa Prorex est constitutus, ingens Buchananii Patronus; cujus studio abreptum indigna multa de Maria ejusque fautoribus in Historia sua scripsisse passim conqueruntur, quotquot genuinos sincerisque illorum temporum Annales desiderant.

<sup>20</sup> *Interea pervenit*] i. e. cum primum *Jacobo* notho erudiendo est praepositus, & forte prius, quam a Comite Cassilissae discesserat; superius enim memorata epistola hanc Elegiam ab eo scriptam affirmat cum apud Comitem Cassilissae esset.

<sup>21</sup> *Elegidion*] Cui *Somnium* nomen dedit, in ea Carminum farragine *Fraternum Fraterrimorum* titulo appellata, *Carm. 34.* quod sic incipit,

*Mano sub auroram nitida vicinia lucis  
Pallida venturo cum facit astra die.*

<sup>22</sup> *Unum aut alterum verbum*] qualia sunt haec,

*Qui feret hanc, pomat perfrecta fronte  
pudorem.*

Et,

*Qui feret hanc, fallas, palpat, pro tem-  
pore fingas.*

Et,

*Peruia sed raris sunt caeli regna cucullis,  
Vix Monachis illic creditur esse locus.*

<sup>23</sup> *Ob leviculam culpam*] Eadem fere dicit



# GEORGI BUCHANANI

1537. <sup>24</sup> Interea Rex e Gallia cum *Magdalena* uxore venit, nec sine metu sacrificulorum, qui timebant, ne puella Regia, sub amiræ Reginæ Navarræ disciplina educata, nonnihil in religione mutaret. Sed hic timor brevi securo <sup>25</sup> ejus decessu evanuit. Subsecuta sunt in Aula suppliciones <sup>26</sup> adversus quosdam e Nobilitate, qui contra Regem conjurasse dicebantur. In ea causa cum Regi fuisset persuasum, non satis sincere versatos Franciscanos, Rex Buchananum, forte tum in Aula agentem, ad se advocat, & <sup>27</sup> ignarus offensionis, quæ ei cum Franciscanis esset, jubet adversus eos carmen scribere. Ille utrosque juxta <sup>28</sup> metuens offendere, carmen quidem scripsit, & breve, & quod <sup>29</sup> ambiguam interpretationem susceperet. Sed neo Regi satisfecit, qui acre & aculeatum poscebat; & illis capitale visum est, quenquam ipsos, nisi honorifice, ausum attingere. Igitur acius in eos jussus scribere, eam Silvam, quæ nunc sub titulo
1539. <sup>30</sup> FRANCISCANI est edita, inchoatam Regi tradidit. At brevi post per amicos ex Aula certior factus se peri, & Cardinalem *Beatonum* a Rege pecunia vitam ejus mercari, <sup>31</sup> elusis custodibus <sup>32</sup> in Angliam contendit.

dicti prius memorata Epistola, quam vide.

<sup>24</sup> Interea Rex] *Balins* in suo *Dictionary Critico* caussatur Buchananum raro admodum annos distinguere; *Magdalena* enim Galla Jacobi V. uxor in Scotiam venit 28 Maji anni 1537. *Vid. Hist. lib. XIV. cap. 52.*

<sup>25</sup> Ejus decessu] Qui accidit 7 Julii eodem anno. *Ibid.* Ejus autem acerbam mortem tribus elegantissimis carminibus prosequitur, initio *Epigg. lib. II.*

<sup>26</sup> Adversus quosdam e Nobilitate] In ea, cujus supra meminimus, Epistola, unum hominem nobilem conjurationis in Regem postulatam Buchananus indigitat, in qua causa Franciscanos se parum sincere gessisse Regi erat persuasum. Is autem homo nobilis videtur fuisse *Joan. Forbosius*, *Alexandri Forbosii* Reguli filius & hæres, qui 13 Julii ejusdem anni damnatus capite luit. Ait autem illa Epistola se paullo ante illud judicium Regis filio instituendo præfectum, unde, & ex ejusdem initio, colligere licet, eum post reditum in patriam anno 1534 apud Comitum *Cassiliæ* annum unum & alterum mansisse, prius quam Jacobo notho erudiendo esset admotus.

<sup>27</sup> Ignarus offensionis] Hic memoria lapsus videtur Buchananus, illa enim Epistola plane contrarium affirmans, --- Sed quod, inquit, me opinor stimulis privati doloris incitatum, acriorem injuria publica fore vindicem speraret, &c.

<sup>28</sup> Metuens offendere] Hæc in omnibus cum prædicta illa Epistola consentiunt.

Sed <sup>29</sup> Ambiguam interpretationem] *Lud* carmen innuit quod *Palinodiam* vocat, *Frat. Fraterr. ult.*

<sup>30</sup> FRANCISCANI] Hanc adversus Franciscanos *Satyram* tum iniquitate temporum intermissam, diu post retractatam & absolutam ipse testatur Epist. prædicta.

<sup>31</sup> Elusis custodibus] Diu multumque disputat *Balins*, an Buchananus in custodiam inclusus, an observatores tantum adhibiti, qui facta dictaque ejus specularentur: sed hanc controversiam ipse discutit *Hist. lib. XIV. cap. 55. Initio*, inquit, anni proximi, qui fuit 1539, *Lutheranissimi suspecti complures capiti sunt: sub finem Februarii quinque cremati: novem recantantur: complures exilio damnati. In his fuit Georgius Buchananus, qui, sopitis custodibus, per cubiculi fenestram evaserat.*

<sup>32</sup> In Angliam contendit] Ineunte Martio anni 1539. *Thomas Randolphus* Epistola *XXIII.* prædicta, qua *Petrum Junium* ad Buchananum vitam perscribendam sollicitat, inter alia memorari cupit, quo pacto hominum in regnorum limite latrocinia exercentium manus, pestemque in Anglia Boreali tum grassantem intactus Buchananus effugerit, quomodo denique apud clarissimum Equitem *Joan. Ramsfortum* aliquamdiu delituerit, cujus benigne a Papanorum furore est servatus. De quibus tamen omnibus nihil a Buchananano in vita sua scriptum. *Ramsforti* quidem munificentiam alibi deprædicat elegantissimo illo carmine *Lib. II. Epig. 24.*

Hunc;

# V I T A.

Sed ibi tum omnia adeo erant incerta, ut eodem die ac eodem igne utriusque factionis homines cremarentur, <sup>33</sup> *Henrico VIII.* jam seniore lux magis securitati, quam religionis puritati intento. Hæc rerum Anglicarum incertitudo, & vetus cum Gallis consuetudo, & summa gentis humanitas, Buchananum ad se traxerunt. <sup>34</sup> Ut Lutetiam venit, Cardinalem *Beconium* pessime erga se animatum ibi legatione fungi comperit. Itaque ejus iræ se subtraxit, Burdegalam, invitante *Andrea Goveano*, 1539. profectus.

Ibi in scholis, quæ tum sumtu publico erigebantur, triennium docuit: quo tempore scripsit quatuor Tragœdias, quæ postea per occasiones fuerunt evulgatæ. Sed quæ prima omnium fuerat conscripta (cui nomen est *Baptista*) <sup>35</sup> ultima fuit edita, ac deinde <sup>36</sup> *Medea* Euripidis. Eas enim, ut consuetudini scholæ satisfaceret, quæ per <sup>37</sup> annos singulos singulas poscebat fabulas, conscripserat: ut earum actione juventutem ab Allegoriis, quibus tum Gallia vehementer se oblectabat, ad imitationem veterum, qua posset, retraheret. Id cum ei prope ultra spem successisset, <sup>38</sup> reliquas *Jephthen* & *Alcestin* paullo diligentius, tanquam lucem & ho-

*Hunc, Ransforts, tuo cineri Buchananus honorem*

*Dat meritum, duro cultus in exilio, &c.*

<sup>33</sup> *Henrico VIII. jam seniore*] *Henricus VIII.* tum annum ætatis agebat 48.

<sup>34</sup> *Ut Lutetiam*] Parvam in Anglia moram traxisse videtur Buchananus, hoc enim ipso anno primum Lutetiam profectus, deinde ab *Andrea Goveano* Burdegalam invitatus, inter Scholarum tum ibi publico sumtu erectarum magistros ante Kalendas ad summum Decembres est cooptatus; eo enim die, juxta Menagium *Anti-Bailles*, Tom. I. p. 328. anno 1539, Carolo V. Imperatori publico hospitio tum Burdegalæ suscepto nomine Scholæ Burdegalenis carmen illud obtulit *Silv.* i. quod sic incipit,

*Vasconidis regnator aqua, generoso Germanus, &c.*

*Carolus* autem V. die D. *Andree* sacro (i. e. 30. Nov. 1539.) Aurei Velleris (ordinis Equestris a se instituti) festum Burdegalæ celebravit, testante *Mezerajo* Vol. II. p. 1007.

<sup>35</sup> *Ultima fuit edita*] Anno scil. 1576, quo eam *Jacobo VI.* dicavit.

<sup>36</sup> *Deinde Medea Euripidis*] Ex his verbis colligit *Joan. Clarius*, p. 119. ubi supra, *Medeam* omnium ultimam typis evulgatam fuisse: atque id quidem præ se ferre Buchananum verba videntur: quæ tamen alio ego sensu accipienda existimo, & vocem *deinde* non ad ejus editionem, sed ad scripturam referen-

dam. Primo enim ait *Baptistam* ultimam omnium fuisse editam, adeoque nullam ea posteriorem. Deinde novimus *Medeam* fuisse editam Basileæ anno 1568, cui Editioni in fine subjuncta sunt hæc, ACTA FUIT BURDEGALÆ ANNO 1543, unde non immerito conjicere liceat eam tum Burdegalæ atque omnium primam fuisse impressam. Id quod ipse disertis verbis confirmat, *Epist. XXVII. Medeam*, inquit, non hoc scripseram, ut ederetur, — sed amicis importune flagitantibus edidi, cum *Latinas literas Burdegala docerem*, ac fabulam singulis annis pueris agendum dare cogerem. Ad *Baptistam* vero quod attinet, nullam ejus editionem Edinburgensi anno 1578, reperio priorem. Ea quidem *Jacobo VI.* dicata est anno 1576, atque forte tum primum typis vulgata; ejus vero Editionis, si qua fuerat, nullum ad conspectum nostrum pervenit exemplar. Neque vero credibile est, cum Buchananum carmina a viris undique doctis tam avidè expectarentur, ejus temporis Typographos, qui *Jephthen* sapius antea ediderant, *Baptistam* ejus fuisse omissoiros. Vid. Catalogum variarum ejus operum Editionum.

<sup>37</sup> *Per annos singulos*] Cum igitur quatuor fabulas ediderit Buchananus, quarum una unoquoque anno ageretur, videri poterit, eum paullo ultra triennium Burdegalæ docuisse, aut earum postremam post ejus discessum fuisse actam.

<sup>38</sup> *Reliquas Jephthen & Alcestin*] Nullam adhuc *Jephthen* editionem vidi prior-

## GEORGII BUCHANANI

hominum conspectum laturas, elaboravit. Sed nec id temporis omnino ei fuit expers sollicitudinis, inter Cardinalis & Franciscanorum minas. Cardinalis etiam de eo comprehendendo ad Archiepiscopum Burdegalensem literas misit: sed eas forte fortuna Buchananani amantissimis dederat. Sed hunc metum <sup>19</sup> Regis Scotorum mors, & pestis per Aquitaniam sævissime grassata sedavit.

<sup>40</sup> Interea literæ a Rege Lusitaniz supervenerunt, quæ Goveanum jubere-

rem illa, quæ apud *Hen. & Rob. Stephanos* prodierat, Psalmorum Paraphrasi adjecta anno 1566. *Alcestidos* autem apud *Michaelem Vasiosanum* anno 1557 impressæ mihi copia facta est ex instructissima Academiz Edinburgenzæ Bibliotheca, cui in fronte præmissum est *Henrici II.* Francorum Regis privilegium, VII. Idus Feb. 1553, quod deinde sequuntur hæc verba; *Impressum Lutetia mense Decembri 1556*: atque hæc forte prima ejus editio. Quo autem tempore *Jephthes* primum prodierit, mihi nondum liquido constat; cæterum eam ante *Alcestidem* in lucem emissam a verisimili non abhorret.

<sup>39</sup> Regis Scotorum mors] Quæ contigit mense Decembri anni 1542.

<sup>40</sup> Interea] D. *Balins* Buchananum & merito increpat, quod dum elegantiz sermonis nimium studet, temporum seriem accurate non distinxerit: quo enim anno scriptæ sunt hæc ab *Joanne III.* Lusitaniz Rege ad *Andream Goveanum* literæ nusquam legimus. Multa sunt, quæ fidem facere videntur, eas non fuisse scriptas anno 1542, adeoque non eo anno, quo mortuus est *Jacobus V.* Scotorum Rex, quo & Buchananus Scholæ Burdegalensi valedixisse se refert, cum triennium tantum in ea docuerit; illud vero in primis, quod, si *Chronico* Burdegalensi credimus, *Andreas Goveanus*, tum Scholæ Burdegalensis Rector, in Lusitaniam profectus est anno demum 1547. Neque enim credibile est *And. Goveanum*, si modo literas ab Lusitano anno 1542, aut 1543, accepisset, ejus spem quatuor aut quinque annos frustraturum, aut Regem ipsum, *Goveano* tam longas moras necente, non ido-

neos *Conimbricensi* a se nuper redintegratæ Academiz magistris aliunde accessitum. Huic accessit non leve documentum Buchananani *Elegia IV.* ad *Ptolemaum Luxium*, *Tassium* & *Jacobum Terentium*, cum articulari morbo laboraret 1544, quo tempore eum tum Parisiis fuisse, quod & *Cl. Balins* disertim affirmat, vero admodum esse simile postea ostendemus, adeoque non protinus post depositam Scholæ Burdegalensis curam cum *Goveano* Lusitaniam petiisse. Idem quoque confirmare videtur *Thuanus*, qui lib. 17. sub finem, de *Joan. Gelida* scribens, eum ait e *Cardinalitia Schola*, quæ Parisiis est, evocatum, *Ludo Aquitanico* præfuisse, *Andrea Goveano* Gymnasiarcha interea ad *Joannem Lusitanorum Regem* in patriam profecto, ut *Conimbrica* ludum aperiret. Sed cum *Goveanus* intra biennium, quo *Burdegalam* redire constituerat, fato concessisset, *Joan. Gelidam* in precaria ludi præfectura, quam per *Goveani* absentiam veluti quod se depositam summa cum cura administraverat, a *Senatu* populoque *Burdegalensi* fuisse confirmatum, eamque pari laude totum septennium tenuisse, ac eandem XI. Kal. Martii anni 1557 decessisse: Quæ omnia cum *Chronico* Burdegalensi consentiunt. Cum enim *Joannes Gelida*, partim suo, partim *Goveani* nomine Ludum Burdegalensem novem annos administraverit, ad initium usque anni 1557, palam est *Goveanum* non ante annum 1547, in Lusitaniam profectum. Idem quoque elici potest ex *Julii Scaligeri* Epistola XL. ad *Andream Goveanum*, Gymnasiarcham Burdegalensem, qua filium suum natu maximum (is erat magnus ille \* *Josephus Scaliger*) ei in disciplinam tradit. Nullum quidem

tem-  
\* Error est manifestus: *Sylvius* enim major natu fuit, quem in illa Epistola commendat *Goveano*: hoc facile apparebit legenti *Mauffaci* præfationem in *Aristotelem de Animalibus*. Ipse *J. C. Scaliger*, in præfatione ad libros de re poetica, hortatur *Sylvium*, ut fratribus exemplo sit, quemadmodum ipse fuerat *Sylvio*: & *Josephus* in vita Patris, dicit se decimum ex quindecim partum fuisse, & *Audelum* etiam quinquennio ante se natum memorat; *Sylvium* vero, natu omnium maximum, se decem annis majorem fuisse pag. 49. Epistol. Edit. Lugd. 1627. Deni-

berent, ut homines Græcis & Latinis literis eruditos secum adduceret, 1546.

qui temporis indicium Epistola est adjunctum; scripta autem videtur anno 1546 aut 1547. Natus enim omnium suffragio *Josephus Scaliger* pridie Kal. Augusti anno 1540. Significat autem tanto filio dignissimus pater se eum paullo tardius quam oportebat ad *Goveanum* misisse, his verbis, *Ac quanquam ejus indoles maturius me accuere debuit, atque ipsius commodis prospicere; tanta tamen horum est acerbitas temporum, ut multum me diuque suspensum animi habueris; cum equidem illum mallem inter operas trivialium marcescere, quam ire perditum sese, atque etatem suam, per vortem insolentiam ac pravitatem, quorum ipsum & voluissim & sperassim futurum aliquando castigatorem. Et erat valitudine paullo minus secunda, &c.* Unde non absurde colligitur *Josephum Scaligerum* puerum septennem, aut minimum sexennem tum fuisse. A vero autem non parum deerrat *P. Freherus*, qui eum anno ætatis 11 Burdegalam primum a patre missum, i. e. anno 1551, *Goveanus* enim tres plus minus antea annos diem suum obierat. Quod, atque adeo rem omnem, extra dubium ponit *Bibliotheca Hispanica*, quæ *And. Goveanus* anno 1548 mortuum esse tradit. Et sane non longum spatium a suscepto hoc itinere ad *Goveani* mortem decurrisse haud obscure innuit ipse *Buchananus* his verbis; *Et principio quidem res praeclare successit, donec in medio velut cursu Andreas Goveanus morte, ipsi quidem non immatura, committibus ejus acerba, præreptus est.* Sed hic difficilis occurrit quæstio, quid nimirum interea *Buchananus* rerum ageret: neque enim verisimile esse, ut totum vitæ suæ quinquennium silentio præteriret. Cui quæstioni respondeo 1. In compendiarie hac vitæ suæ descriptione non justam atque per singulos annos deductam narrationem exhibere, sed summa tantum rerum fastigia sequi voluisse *Buchananum*, adeoque multa levioris momenti intacta transilisse. 2. Si locus con-

jecturæ esset, cum *Cl. Sibbaldo* existimaverim, eum post relictam Scholam Burdegalensem, quam forte pestis ea regione grassata tum dissipaverat, alicubi in Aquitania per aliquod tempus hæsisse. Neque prorsus incredibile est, eum apud virum aliquem nobilem Prædagogi vices aliquamdiu sustinuisse. Nam circa hoc tempus *Michaël Montanus* lib. I *Tentamine* 25, se inter alios *Georgium Buchananum* Præceptorem domesticum habuisse gloriatur; quod inter annum 1542 & 1544 evenisse est verisimile, quo tempore *Montanus* decimum undecimumve ætatis annum agebat, utpote natus, referente *Morerio*, anno 1533. Idem quoque *Montanus* (ut hoc quoque obiter adjiciam) *Tentam. eod.* se ait tam promptum facilemque Latine loquendi morem a *Cunabulis* tere acquisivisse, ut *Buchananus* & *Murerus* cum eo Latine colloqui letum veritos sibi crebro affirmarint: additque, *Buchananum* a se diu postea visum retulisse, sibi tam singulari exemplo permoto propositum fuisse librum edere de pueris eodem ritu instituendis. *Et paullo post*, se ait, cum tredecim annorum esset, personas egisse, cum *Buchanani* Tragediæ Burdegalæ repræsentarentur, (hoc est, ut ego colligo, circa annum 1546,) quas eam ob causam sæpius repræsentatas fuisse oportet. Sed ut ad rem redeam, tacente licet in vita sua ipso *Buchanano*, anno 1544 Parisius fuit, quo tempore scripta est (ut antea diximus) Elegia IV. ad *Ptolemaum Luxium Tassum*, & *Jacobum Trevium*, cum morbo articulari laboraret; in ea enim meminit quam officiose humaniterque tum haberetur a *Carolo Stephano* & *Joanne Gelida*, quorum alterum eo tempore medicinam Parisius secisse, alterum ibidem in Schola Cardinalitia docuisse novimus. Sed hæc res paullo altius repetenda est. *Morerius* in *Lexico suo Historico*, & *Magnus Anti-Baillet* Tom. I p. 328. narrant *Turnebum*, *Buchananum* & *Murerum* uno simul

Denique quis crederet puerum sexennem missum ad ludos Burdegalenses, cum *Sylvius* decem annis major, ea ætate esset, quæ committi commode posset disciplinæ *Goveani*, & quem, nisi asperitas temporum prohibuisset, maturius, id est, annis tribus quatuorve prius, misisset, quod de sexenni puero ridiculum foret. Neque errat *Paulus Freherus*, qui *Josephum* XI. ætatis anno Burdegalam a patre missum tradit. hoc enim ipse *Scaliger* p. 50. de se adfirmat; sed *Goveanum* habuisse magistrum non dicit, habuit ergo alios.



simul tempore Collegium Parisiense Cardinalitium (vulgo *du Cardinal du Maine*) rexisse. Addit porro *Menagius*, Petrum *Barbonium* (cujus fidei in rebus istiusmodi multum tribuit) idem sibi retulisse, tres scilicet illos heros uni Scholæ simul præfectos, quibus singulis singulæ mundi partes feliciter obtigissent. Diu multumque se torquent viri hi eruditi, quo potissimum tempore id potuerit evenire. Et *Menagius*, Quidam, inquit, eos non Cardinalitio, sed Barbarano Collegio præfuisse volunt. Buchananum certe illic docuisse ejus vita superius ostendit; de *Turnebo* idem testatur *Admonitio Audomari Talai*; an vero eodem tempore necdum novimus. At quo minus Buchananus ea in Schola collegam habuerit *Muretum*, *Mureti* ætas plane repugnat. Buchananus enim, ipso teste, triennium tantum ei Scholæ præfuit, ab anno, uti supra notavimus, 1526 (quo juxta *Menagium* aliosque natus est *Muretus*) ad 1529, cum *Muretus* vixidum quatuor, nedum sex aut septem (quod *Menagius* existimat) annos haberet. Ab anno vero 1529 usque ad 1543, Buchananum nulli Scholæ Parisiensi præfuisse, ex ipsius vita liquido constat. Ex eo enim tempore quinquennium apud Comitem Castiliæ moratus, cum eo in patriam reversus est anno 1534, nec Scotia usquam egressus ante annum 1539, cujus fere initio ob religionem exulans in Angliam aliquamdiu delituit: nec multo post Lutetiam profectus, compertoque Cardinalem *Bennium* ibi tum legatione fungi, ejus iram metuens protinus, invitante *Gervasio*, Burdegalam se recepit, atque inter ejus Scholæ magistros allectus, eo ipso anno 1539, Carolo V. Imp. tum publico hospitio Burdegalæ suscepto carmen obtulit nomine ejusdem Scholæ, cui deinde triennium, i. e. ad finem anni 1542, aut potius initium 1543, docendæ vacavit. Aliquo igitur tempore inter hunc annum 1542 vel 1543, & annum 1547, quo cum *Gervasio* Lusitaniam est profectus, (si modo unquam) Collegii habuit in Schola Cardinalitia *Turnebum* & *Muretum*; & quidem *Menagius* annum eligit 1544. Eo certe tempore Lutetiae fuit, uti supra indicavimus, prædictaque illa Elegia *Jean. Gelidam* sodalem vocat,

his versibus,

*Cæteraque us cessent, Gelida pia cura  
sodalis*

*Et patris & patria sustinet usque vicem,*

Ita enim legendum, non *Cæteraque us cessent gelida*, quod plurimis editionibus irrepsit, non tamen omnibus, quod *Menagius* affirmat; in *Edist.* enim *Rob. Stephani* anno 1567, *Hen. Stephani* 1569 & *Mam. Parisiensi* 1579, recte legitur. *Joannem* autem *Gelidam* in Schola Cardinalitia circa hoc tempus docuisse testatur *Thuanus*, ubi supra, indeque evocatum anno 1547, (non 1546 quod ait *Menagius*) ut *And. Gervasio* Collegii Burdegalensis Gymnasiarchæ, qui tum iter in Lusitaniam adornabat, vices suppleret, uti supra ex *Chron. Burdegal.* & eodem *THUANO* monstravimus. *Turnebum* autem tum Parisiis fuisse testatur eadem Elegia Buchananus,

*Turnebus, Anni rarissima gloria cæcis.*

*Officii vacuum non finis ire diem.*

Hoc igitur anno 1544, si unquam, uti recte *Menagius* colligere videtur, in Schola Cardinalitia hi literarum triumviri plane incomparabiles, *Turnebus*, *Buchananus* & *Muretus*, simul docuere; quibus quartus addatur necesse est *Jean. Gelida*, vir, licet hiæ inferior, doctissimus; quos idcirco hoc ordine collocat *Menagius*, ut primæ partes *Turnebo*, secundæ *Gelida*, tertiæ *Buchanano* nostro, quartæ denique *Mureto* sint demandatæ. Sed hic mirari subit, cur altum de hac re apud Buchananum silentium, præsertim quum Schola Cardinalitia (si *Menagio* credamus) Scholâ Barbaranâ (in qua se docuisse refert) ut multo honoratior, ita lucri feracior existerit. Et sane haud scio, qui alias hoc Buchananum silentium excusari possit, quam ut dicamus, cum parvo tempore huic Scholæ præfuisse, & forte vicariam tantum operam alicui ex ejus Magistris tum absenti commodasse. Neque enim credibile est, (si unus ex primariis ejus Magistris ab his quorum jus erat constitutus fuisset) Buchananum eam relinquere voluisse, ut postea in Lusitaniam peregrinaretur. Cæterum, ut libere dicam quid sentiam, toto hoc quadriennio & amplius, quod inter annum 1542, (aut 1543) & 1547 intercessit, Buchananum exulimo rerum suarum in-

# V I T A.

res humaniores & Philosophiæ Aristotelicæ rudimenta interpretarentur. Ea de re conventus Buchananus facile est assensus. Nam cum totam jam Europam bellis domesticis & externis, aut jam flagrantem, aut mox conflagraturam videret, illum unum videbat angulum a tumultibus liberum futurum, & in eo coetu qui eam protectionem susceperant, non tam peregrinari, quam inter propinquos & familiares agere existimaretur. Erant enim plerique per multos annos summa benevolentia conjuncti, ut qui ex suis monumentis orbi claruerunt, *Nicolaus Gruchius, Gulielmus Garenæus, Jacobus Tevius & Elias Vinetius*. Itaque non solum se comitem libenter de-<sup>1547</sup> dit, sed & *Patricio* fratri persuasit, ut se tam præclaro coetui conjungeret.

certum nullo in loco diu constitisse, sed huc illuc Galliam pervagatum, doctorum virorum, quibus (si unquam alias) ea tum florebat, colloquia captantem; interim etiam per intervalla apud virum aliquem nobilem, quod antea innuebam, hæsisse, aut amicis in Schola aliqua docenda auxilia subministrasse. Quæ omnia cum levioris momenti visa essent, ea intacta penitus transiisse, quippe cui non justam rerum suarum historiam exhibere, sed summa tantum capita sequi propositum fuisset. Cæterum Lutetiam ab eo relictam anno saltem 1545, nec postea conspectam ad annum usque 1553, ostendit *Silva III.* cui titulus est *Desiderium Lutetia*. Ejus enim initio se Lutetia, quam pastoralis more Amaryllida vocat, septem annis abfuisse testatur, ita canens,

*O formosa Amarylli, tuo jam septima  
bruma*

*Me præcal aspectu, jam septima desinet  
ætas:*

*Sed neque septima bruma nivibus hor-  
rida nimbis,*

*Septima nec rapidis candens fervoribus  
ætas*

*Exstinxit vigiles nostro sub pectore cu-  
ral.*

Scriptum autem hoc carmen fuisse, dum Buchananus in Lusitania adhuc ageret, adeoque anno summum 1552, indicant hi versus,

*Et me tympana docta cære canora Ly-  
ciscæ,*

*Et me blanda Melænis amavis, Iberides  
amba:*

ubi sub Lyciscæ & Melænidis nominibus duas urbes Lusitanas innuere videtur, forte Ollisipponem regni caput, & Conimbricam, in qua docuerat. Idem postea clarius significat,

*Quam superat Durium Rhodanni, quam  
Sejuna Mundam,*

*Lenis Arar Sycorim, Ligeris formosus  
librum, ---*

*Tantum omnes vincit Nymphas Ama-  
ryllis liberas, &c.*

Quod autem hoc tempore in patriam redierit, atque aliquamdiu in Academia Andreana docuerit, quod a quibusdam memoratum refert *Cl. Sibbaldus*, id, præterquam quod a nullo idoneo auctore sit confirmatum, a Buchananano ipso clarissime refellitur initio *Præfat. ad Hist. Scoti-  
cam*, in qua se 24 annos peregrinatum as-  
firmat, quod utique falsum esse, si an-  
no 1542, aut 1543 in patriam rediisset,  
infra ostendimus. Sed multo magis ab-  
surdum *Garassa* figmentum, qui Bucha-  
nanum fabulatur, cum Burdegalæ esset,  
forte vino captum Scholæ ambulan-  
di gratia togam tantum domesticam &  
crepidas indutum exiisse, atque navem  
e portu tum solventem fortuna nactum  
ea in Angliam usque delatum.

<sup>41</sup> *Scholio, quas ille, tum magna cura*  
*Cl. Sibbaldus*, nescio quo auctore, Co-  
nimbricam ait Academiam a Joanne III.  
Lusitano instauratam anno 1650, (1550  
voluit vir doctissimus;) quod, si tempus  
significet quo suprema ei manus est ad-  
mota, forte verum sit: at prius Scholæ  
ibi apertas fuisse, vel illud indicio est,  
quod *Goveanus*, & cum eo Buchananus  
aliique eo tribus ante annis sint profecti,  
uti supra ostendimus: quod & ulterius  
confirmatur ex Epistola *Jacobo Tevii*, Co-  
nimbricæ Cal. Martii anni 1548 scripta,  
qua librum suum de rebus gestis Hispa-  
norum ad Diem in India eidem Regi  
nuncupat, cuique in fronte præmissum  
est illud Buchananani carmen, quod in o-  
mnibus ejus Poëmatum editionibus de-  
sideratum, atque *Cl. Sibbaldi* industria in  
lucem erutum, postea sumus exhibi-  
turi.

<sup>42</sup> *Patricio fratri*. Quem mortuum  
carmine prosequitur *II. Epigramm. 23.*

# GEORGII BUCHANANI

1548. geret. Et principio quidem res præclare successit, donec <sup>43</sup> in medio velut cursu *Andreas Goveanus* morte, ipsi quidem non immatura, comitibus ejus acerba, præreptus est. Omnes enim inimici & æmuli in eos primum ex insidiis, deinde palam animo plane gladiatorio incurrerunt: & cum per homines reis inimicissimos quæstionem clam exercuissent, res
1549. arripuerunt, quos, <sup>44</sup> post longum carceris squalorem, in iudicium productos, multis per eos dies conviciis exagitatos, rursus in custodiam abdididerunt. Accusatores autem ne adhuc quidem nominarunt.
1550. In Buchananum certe acerbissime insultabant, ut qui peregrinus esset, & qui minime multos illic haberet qui incolumitate gauderent, aut dolori ingemiscerent, aut injuriam ulcisci conarentur. Obiciebatur ei carmen in Franciscanos scriptum, quod ipse, antequam e Galliis exisset, apud Lusitanæ Regem excusandum curavit, nec accusatores quale esset sciebant; unum enim ejus exemplum Regi Scotorum, qui scribendi auctor fuerat, erat datum. Crimini dabatur carniæ esus in Quadragesima, a qua nemo in tota Hispania est qui abstineat; dicta quædam oblique in Monachos objecta, quæ apud neminem nisi Monachum criminosa videri poterant. Item gravissime acceptum, quod in quodam sermone familiari inter aliquot adolescentes Lusitanos, cum fuisset orta mentio de Eucharistia, dixisset, sibi videri Augustinum in partem ab Ecclesia Romana damnatam multo esse prioniorem. Alii duo testes, *Joannes Tolpinus* Normannus, & <sup>45</sup> *Joannes Ferrerius* e Subalpina Liguria, (ut post aliquot annos comperit) pro testimonio dixerunt, se ex compluribus hominibus fide dignis audivisse, Buchananum de Romana religione perperam sentire. Ut ad rem redeam, cum quæstores <sup>46</sup> prope sesquiannum & se &
1551. illum fatigassent, tandem, ne frustra hominem non ignotum vexasse crederentur, cum in Monasterium ad aliquot menses <sup>47</sup> recludunt, ut exactius erudiretur a Monachis, hominibus quidem aliqui nec inhumanis, nec malis, sed omnis religionis ignaris. Hoc maxime tempore Psalmorum Davidicorum complures vario carminum genere in numeros redegit.
1552. Tandem libertati redditus, cum a Rege com meatum redeundi in Gallias pereret, ab eo rogatus ut illic maneret, pecuniola interim accepta in sumtum quotidianum, donec de conditione aliqua honesta pro-

<sup>43</sup> *In medio velut cursu*] Hæc cum iis quæ supra diximus aptissime conveniunt, anno enim 1547 suscepta est hæc peregrinatio, annoque sequente 1548, extinctus est *Goveanus* testante Bibliotheca Hispanica & Thuano.

<sup>44</sup> *Post longum carceris squalorem*] Carceri inclusus Buchananus videtur anno 1549.

<sup>45</sup> *Joannes Ferrerius*] Is est *Joan. Ferrerius* Pedemontanus qui inter Scotos aliquot annos agens Hæc. Boëthii historiam continuavit. [Vide de hoc *Ferrerio* Menagian. t. III. p. 188.]

<sup>46</sup> *Prope sesquiannum*] Carcere igitur emissus anno ut videtur 1550, aut 1551.

<sup>47</sup> *Recludunt*] Nusquam invenio hanc voc. in hoc sensu acceptam, recludere enim est aperire, patrefacere: includunt ex-

go legendum existimem. [Potest se tueri Iustini auctoritate Buchananus, qui lib. XXVI. c. 1. in carcerem recludere dixit. immo & potuit Buchananus hac Phrasi, data opera usus esse, quia Monachi quidam reclusi proprie dici solebant, ut docuit *Valesius* ad Amm. Marcel. xvi. 10. ubi alia exempla, & ex Iustini lib. I. cap. 9. adfert. & patres Christiani verbo recludere pro includere sæpe usi fuere. vide Tertul. de Idolol. cap. xvii. & ibi comm. quod vero hic in Buchanano reprehendit commentator, idem in Scholio Hieronymiano culpavit *Clericus* Quæst. Hierony. x. p. 380. & barbare locutum scholiorum auctorem notaverat. sed ita temere sæpe pronuntiant, qui omnes ex Lexicis copias suas congerunt.]

prospiceretur. Sed cum procrastinationis, nec in certam spem, nec certum tempus, tarderet, navem Cretensem in portu Olisipponensi natus, in ea <sup>48</sup> in Angliam navigavit. Nec hic tamen substitit, quamvis honestis conditionibus invitaretur. Erant enim illic omnia adhuc turbida sub Rege adolescente, proceribus discordibus, & populi adhuc animis tumescentibus ab recenti motu civili. Igitur <sup>49</sup> in Galliam <sup>1553</sup> transmisit, iisdem fere diebus, quibus urbis Mediomatricum obsidio fuit soluta. Coactus est ibi per amicos ea de obsidione <sup>50</sup> carmen scribere, idque eo magis invitatus, quod non libenter in contentionem veniret cum aliis plerisque necessariis, & in primis cum <sup>51</sup> Mellino Sangelasio, cujus carmen eruditum & elegans ea de re circumferebatur.

<sup>52</sup> Inde evocatus in Italiam a <sup>53</sup> Carolo Cossæo Brixiacensi, qui tum secunda <sup>1554</sup> fa-

<sup>48</sup> In Angliam navigavit] Anno scilicet 1552, non vero, quod affirmat Joan. Clericus, anno 1551: primum enim de motu civili in Anglia paullo ante ejus adventum loquitur Buchananus, l. e. ut ego interpretor, de dissidio inter *Somerfeti* & *Northumbria* Duces orto, quod aliqua ex parte sublatum est morte *Somerfeti*, qui capite plexus est ineunte anno 1552. Præterea se ait in Anglia non substitisse, sed post breviusculam in ea moram recta Galliam contendisse iisdem fere diebus quo soluta est urbis Mediomatricum obsidio: id vero accidit (referente *Mezerajo* & *Thuano*) ipfis Kalendis Januariis anno 1553, non vero exeunte anno 1551, quod Joan. Clericus tradit.

<sup>49</sup> In Galliam transmisit] Mense, ut videtur, Januario, anno 1553, paullo post solutam Metis obsidionem: *Sangelasii* enim carmen ea de re ante suum adventum scriptum significat; VII. autem Idus Februarii ejusdem anni privilegium (cujus supra meminimus) ab Henrico II. Francorum Rege obtinuit edendi Euripidis *Alcestem* a se Latinis numeris cum Burdegala esset versam. Porro sub ipsius in Galliam adventum, scripsit lepidissimum illud carmen, *Frat. Fraterr.* XXVIII. quod sic incipit,

*Jejuna misera resqua Lusitania,  
Glebaque tantum fertiles penuria,  
Valete longum. &c.*

Circa hoc etiam tempus, quod non temere existimat Jo. Clericus, videtur Buchananus mordacibus quibusdam carminibus quæ in *Frat. Fraterr.* sparsim inveniuntur, injurias sibi a Monachis illatas ulcisci voluisse.

<sup>50</sup> Carmen scribere] Quod habetur *Miscell.* VIII.

<sup>51</sup> Mellino Sangelasio] *Melin. S. Galii*, egregio Poëta Gallo, qui multa E-

pigrammata patrio sermone scripsit: cum laudat Buchananus, l. *Epig.* 57. [*Mellini* vel *Mertini* Sangelasii magnificum elogium habetur in bibliotheca Crucii Ceno-  
manensis pag. 321. Vide etiam *Bailet jugem. des Poëtes Modernes*, n. MCC LXXXIII.]

<sup>52</sup> Inde evocatus in Italiam] Toto hoc anno 1553, quique eum secutus est 1554, Lutetia mansisse, aut saltem non procul inde divertisse videtur Buchananus; Epistola enim, 28 Julii anni 1554 Lutetia scripta, Jephthen suum inscribit eidem illi Carolo Cossæo cujus filio Timoleonti erudendo paullo post est ad-motus. Ex ejus autem Epistolæ verbis haud obscure colligi videtur jam tum Buchananum a Cossæo ad docendum filium evocatum: ejus enim in filio instituendo curam, atque in se liberalitatem deprædicat. Exeunte ergo anno 1554 in Liguriam profectus, atque Timoleonti erudiendo appositus videtur. Scripserat quidem anno superiore ad eundem Carolum Cossæum carmen de captis ab eo Verceilis, quod extat *Miscell.* XXIII. expugnata autem fuit hæc urbs mense Septembri anno 1553, testante *Thuano Hist. lib. 12.* at se tum nondum Italiam petiisse aperte ostendit ipse Buchananus primis versibus.

*Quis me nivosos Alpium trans vertices  
Curru volucris deferet?*

*Quis nubo septum me remotis Pegasus.  
Sistat jugis OEnotria?*

& sub finem paulo clarius,

*Sed quando tanto diffisis celo & sole  
Sors invida id præcluserit, &c.*

<sup>53</sup> Carolo Cossæo] Hic filius erat *Renati Cossæi* Brixiaci in Andegavia Dynastæ filius natu maximus, vir militari scientia rebusque gestis clarissimus, qui ob ingentia virtutis suæ in Italia, Gallia, Bel-



## GEORGII BUCHANANI

fama res in Ligustico & Gallico circa Padum agro gerebat, nunc in Italia, nunc in Gallia, cum filio ejus *Timoleonte* quinquennium hæsit, usque

gio edita specimina, tandem Franciæ Mar-  
rescallus, ac apud Taurinos Regis Fran-  
corum præfectus ab Henrico II. consti-  
tutus anno 1550, quod munus summa  
epit laude sustinuit ad annum 1559, quo,  
mortuo Henrico II. in Galliam reverius  
Picardiam provinciam regendam est na-  
ctus, quam pari prudentia & fortitudine  
administravit ad annum 1563, cujus ul-  
timo die podagra est extinctus, anno  
ætatæ suæ 57. Ejus defuncti virtutes ele-  
gantissimo carmine celebrat Buchananus  
*lib. II. Epig. 25.*

54 *Timoleonis*] Tanto patre filio di-  
gnissimo, ut vere de eo Præceptor Bu-  
chananus *lib. I. De Sphæra* (dum id ope-  
ris ei inscribit) sit vaticinatus,

*Tu mihi, Timoleon, magni spes maxi-  
ma patris,*

*Nec patria minor, Aonii novæ incola  
montis*

*Addo gradum comes, & teneris affascas  
sub annis*

*Capitalium memora & sacros accedere  
fontes, &c.*

*Tempus eris cum tu, veniat modo robur  
ab annis,*

*Sperantes versabis equos in pulvere  
belli,*

*Torvus & in patriam assurges non dege-  
ner bastam.*

Brantomius enim *Mém. des Hommes il-  
lustres Franc.* de eo sic scribit, *Le Comte  
de Brissac étant sous le fouet & gouverne-  
ment des ses Maîtres, sous jeune qu'il étoit,  
montra toujours quelque chose de gentil &  
de grand au jour, & prêt à porter les ar-  
mes, &c.* tandemque post egregia ejus  
facinora memorata, illustre hoc ac pene  
incomparabile subiungit Elogium; *Bref,  
ce Comte de Brissac a été l'un des plus par-  
faits & accomplis seigneurs que j'aye point  
vus en notre Cour. Je n'en ay gueres vu  
qui en leur jeunesse n'ayent fait quelque tour  
de fortise, mais jamais celui-là n'en a  
fait, &c.* At hunc egregium juvenem  
fata terris tantum ostendere, nam dum  
Mucidanum in Petrocoriis obsidet, scelo-  
peti lectu in capite accepto exanimatur,  
anno 1569, „ magno suorum desiderio,  
„ qui (*verba sunt Thuanii lib. 45.*) juve-  
„ nem illustri patre natum, & vix XXVI.  
„ annum egressum, jamque in illætatate

„ ad maximos honores & dignitates ple-  
„ no gradu properantem morte præma-  
„ tura interceptum lugebant. „ Unde  
(ut hoc quoque obiter attingam) colligi-  
mus eum Buchananano in disciplinam fuisse  
traditum ætatæ anno 12.

Sed ut ad Buchananum ipsum redeam,  
hoc toto quinquennio, quo apud *Car.  
Cossæum* hæsit, ab eo non solum huma-  
nissime habitus, sed sæpe etiam ad inti-  
ma consilia admotus fuerat; ut vere de  
eo Buchananus prædicavit (Præf. ad  
*Jepht.*) quod scilicet *litteras fovendas ac tuen-  
das suscepisset, quod doctissimos homines se-  
cum haberet, quibuscum in medio etiam  
sævisimi belli ardore, (quod olim de Gra-  
tiano Imp. ab Aufonio dictum) prælia  
Musis temperaret, & Geticum moderaretur  
Apolline Marsem.* Et ne quis hoc teme-  
re postulat existimet, ejus rei testem  
habeo amplissimum ipsius Buchananani æ-  
qualem atque amicum *Henricum Stapha-  
num*, cujus verba non ab re erit hic ad-  
scribere. *Is, Oras. adversus Foliet. p. 163,  
164.* „ Ingratis (*inquis*) eorum, quibus  
„ a Marte tota, sed a literis & literatis  
„ nulla gratia debetur; sunt enim e Mar-  
„ tiis viris nonnulli, quibus omnia ad  
„ bellum pertinentia literatorum consi-  
„ lia, præsertim eorum, qui nunquam  
„ militæ nomen dederunt, non minus  
„ quam ægrotorum somnia vilescant.  
„ Contra autem *Brissacus* Regis Fran-  
„ cisci primi in Pedemontanis bellis Le-  
„ gatus Georgium Buchananum, tum  
„ illi sui Præceptorem, in consilium una  
„ cum ipsis exercituum ducibus adhibere  
„ solitus erat. Atque huic consuetudini  
„ occasionem hoc præbuit, quod cum  
„ Buchananus aliquando e cubiculo suo,  
„ ut uni e famulis quidpiam injungeret,  
„ descendisset in cænaculum contiguum  
„ aulae in qua Brissacus cum suis de qua-  
„ dam re non parvi ad summam rerum  
„ momenti consultabat, & aliquot a se  
„ murmuratis (ut fit) verbis, eam quæ  
„ pluribus placebat sententiam sibi displi-  
„ cere ostendisset, subridere quidam e  
„ ducibus cœperit. Subridus causa intel-  
„ lecta intro vocatus a Brissaco, & libe-  
„ re pronunciare sententiam coactus,  
„ oracula loqui non ipsi tantum Brissa-  
„ co, sed cunctis ducibus fuerit visus;  
„ quod ipsa etiam experientia testata est.

ad annum millesimum quingentesimum sexagesimum. Quod tempus maxima

45 *Ad annum millesimum quingentesimum sexagesimum.* Hoc anno Buchananum in Scotiam rediisse scribunt *Thuanus*, *Spotiswoodius*, *Clericus*, alique: at quo minus id verum sit, obstat Buchananus ipse ad Jacobum VI. Scotorum Regem Historiæ suæ nuncupatio, cuius statim initio se viginti quatuor annos peregrinatum testatur. Et ne eum memoria forte lapsum existimemus, idem ipse prius affirmaverat Epistola Franciscano præmissa, non multo post ejus in patriam reditum, ut mox ostendemus, scripta. Quod si anno 1560 in patriam rediisset, falsum omnino esset, eum viginti quatuor annorum peregrinationem, aut quod ipse exilium vocat, fuisse passum. Ineunte enim anno 1539 exulatum abiit, inter quem & 1560 annorum unius tantum & viginti est intercapedo. Ex ipsius igitur calculo in Scotiam reversus est anno domini 1563. Sed non parvam hac in re difficultatem parit *Lucæ Fruterii* ad Buchananum Epistola (*Vid. Epist. II.*) Paris. Kal. Februarii scripta, quæ quamvis nullam aliam adjectam habeat temporis significationem, datam tamen anno \* 1566, & paullo post Buchananum ad suos reditum, ex ipsius verbis colligi videtur. Principio enim se excusat quod Buchananum in patriam nuper proficiscentem solemnem more non dimiserit: deinde versus aliquot subjicit, obscuros quidem illos, at quibus aliquem saltem sensum assignas, si post Regine Mariæ cum *Henrico Darlæo* nuptias scriptos fateare. Sed *Fruterium* ipsum audiamus: „Audio, inquit, mi Buchanan, nane, non paucis diebus te ventorum „ fastidia tulisse & nuper tamen

*Ventis iisse tuis dulcissima*

*Ad alta testa patria,*

*Quæ te tuosque canulos jamdudum amat Vincere caris osculis.*

*Quid hic amica gaudia eloquar tua?*

*Quid gaudia illa Regia?*

*O ter beata sorte devinctum caput,*

*Quod Rexque, paterque, equisque amant.*

Quæ sunt illa gaudia regia, quive ille Rex, pater & eques? Nullus certe Rex inter Scotos fuerat ab anno 1542, quo mortuus est Jacobus V. ad annum 1565, quo Maria Regina quæ toto hoc tempore rerum est potita, *Henricum Darlæum* Comitis Levinie filium thalami regnique socium sibi copulavit. Franciscus autem II. Gallus, primus Mariæ maritus, quamvis eo iure nomen Regium aliquamdiu obtinuerat, nunquam tamen terram Scoticam vel e longinquo salutavit; fatique præterea functus anno 1560, duobus minimis annis ante Buchananum in patriam reditum. Necessè est ergo ut ille Rex, cui tam gratum acceptumque fore Buchananum prædicat *Fruterius*, sit *Henricus* ille *Darlæus*; quem vero patrem nominat, sit ipsius genitor *Matthæus Levinia* Comes; Equitis denique nomine censeatur Scotica Nobilitas, cui ob singularem ingenii & eruditionis famam Buchananus in pretio atque honore habitus fuerat. Cum autem illæ nuptiæ inter *Darlæum* & Mariam celebratæ sint 4 Kal. Augusti anni 1565, ut ex Actis publicis constat, hæc *Fruterii* ad Buchananum litteras Kal. Februarii anni sequentis scriptas fuisse oportet: nisi velimus existimare *Fruterium* fatidico furore correptum de *Darlæi* Regali fastigio nuptiisque, vix ipsum speratis, præcuisse. Non ignoro Buchananum *Darlæi* in Scotiam reditum in Idus conjicere Februarii anni 1564: verum hac in re antiquam sequitur consuetudinem Scotorum (quæ & etiamdum apud Anglos servatur) annum 25 Martii ordientium; quamvis parum sibi constans hunc annum proximum vocat post eum, quo pater ejus *Levinus* est reversus, quem more Scotico eundem appellare debuerat. Ex aliis autem idoneis auctoribus, præsertim vero ex Secreti Concilii Actis certissime novimus conjugium illud celebratum anno, uti diximus, 1565. Quod si scripta est hæc Epistola anno 1566, quomodo dicere poterat *Fruterius* Buchananum nuper e Gallia

\* Atqui eo anno mense Martio obiit *Fruterius*, ut patet ex Epistola Gifanii ad Canterum edita a Gabbema Cent. III. 43. non ergo ætate hujus anni, ut ad Epistolam I. notatum est. quare ego anno priore scriptam, licet post nuptias Regine, credo. Aliud carmen elegiacum Buchananus scriptum a *Fruterio* inter ejus reliquias pag. 140 editum est, quod miror non memorari a doctissimo commentatore, ubi de turbis, quibus Scotia agitabatur, & bello Anglico fit mentio, quod Elogiis inferemus.

# GEORGII BUCHANANI

xima ex parte dedit sacrarum literarum studio, ut de controversiis, quæ  
tum majorem hominum partem exercebant, exactius dijudicare posset,  
quæ

lia fuisse profectum, quem, si nullum aliud existeret ejus rei documentum, in Scotia sesquialtero antea fuisse ipse indicat in fine sæpius supra memoratæ ad *Moraviam* Epistolæ, e Fano Andreae Nonis Junii anno 1564 datæ? His autem angustiis nosmet expediendi nulla alia restare videtur ratio, quam ut dicamus Buchananum in patriam reversum anno 1563, apud patronum suum Moraviæ Comitem (cujus uxor & familia se Andrepoli fere continebat) aliquandiu substituisse; exeunte vero anno 1564, aut ineunte 1565, in Galliam, nescio qua de causa, trajecisse; verum a Regina Maria, quæ se tum gravidam senserat, eodem anno revocatum, ut prolis nascendæ educationi præesset: provida quippe Regina, & ipsa bonas artes, nec sine Buchananani (ut quidam voluit) opera edocta, eum, suorum omnium longe doctissimum, filii sui, si forte filium pareret, jam tum Præceptorem designasse videtur. Hæc licet a nullo idoneo auctore memoriæ prodita, multa tamen confirmare videntur; illud vero in primis, quod nullum ex *Fructu* Epistola sensum alio quovis modo elicere posse videamur. Neque omni prorsus fundamento destituta videtur, quam vulgo jactaram quotidie audimus de Buchananano fabula, eadem fere, quam, mutato tantum tempore & loco, *Garrassa* Jesuita tradit: Buchananum scilicet deambulatum egressum, forte navem e portu Fani Andreae solventem conspexisse, nemineque ex amicis in rei conscientiam adhibito, Lutetiam recta perrexisse, nec nisi post aliquot annos rediisse. Huc denique adde, quod Buchananus ipse se *Jacobo* V L. erudiendo præfectum affirmet anno 1565, (ita enim constanter exhibent omnes ejus vitæ Editiones,) quod nullo alio sensu accipi potest, quam Buchananum eo anno e Galliis a Regina Maria aut ejus marito *Darles* fuisse accessitum, qui prolis nascendæ educationi præesset: Jacobus enim VI. 19 duntaxat Junii anni insequentis 1566 est natus.

56 *Quod tempus maxima ex parte* Ex hisce verbis nec injuria a *Joan. Clario* est animadversum, Buchananum non magno opere in *Timoleonte* *Cossas* erudiendo fuisse occupatum, quippe cui tantum otii

superesset, ut maximam ejus temporis partem sacrarum literarum studio, controversiisque quæ tum majorem hominum partem exercebant, dare posset. Quod si in memoriam revocemus, quod a *Brantomio* proditum est, id præcipue Timoleontis patrem in votis habuisse, ut suis artibus, id est, militari disciplina, ad quam naturæ sponte & quidem plus nimio per se ipse erat proclivis, filius erudiretur, non utique mirandum, si viro literis deditissimo studiis obsequendi suis plurimum temporis superesset. Non est tamen quod inde arguamus Buchananum in alumni sui educatione se segnem aut remissum gessisse: contrarium plane innuit memoratus Brantomius, vir aliqui Buchananano infestissimus. „ Timoleon (inquit) etant en age d'estudier & d'apprendre, Monsieur le Marechal „ luy donna Bucanan, Escossois, l'un „ des doctes & scavans personnages de „ notre temps. --- Ce Bucanan in- „ struisoit si bien son disciple, qu'il le „ rendit assez scavant pour un homme „ de guerre.

Sed duplicem præterea sensum Buchananani verba pati possunt; & primum quidem, nihil forte aliud iis significari volebat, quam maximam ejus temporis partem, qua ab alumno instituendo vacabat, sacrarum literarum studiis fuisse impensam. Forte etiam illud præcipue tempus intelligit, quod ab ineunte anno 1560 ad annum 1563, quo in patriam est reversus, decurrit: protinus enim subdit controversias istas, quibus eo tempore excutiendis animum suum appulisset, tum domi conquiescere cœpisse, Scotis a tyrannide Guisiana liberatis; id quod eo ipso anno 1560 accidit, quo Pontificiorum erroribus profligatis, purior religio apud Scotos introducta, ac legibus latis stabilita fuit. Neque tamen severioribus hisce studiis ita se totum tradidit, ut non Musarum commercia ex intervallo repetere, atque carminibus fundendis genium suum oblectare nonnunquam voluerit. Eo enim tempore, ut alia levioris operæ omittam, scripta est nobilissima illa *Ode*, *Miscell.* I. ad Henricum II. Gallorum Regem post victos Caletes, 8 scilicet Januarii anno 1558. Eodem etiam anno conditum

quæ tum domi conquiscentes cœperant, Scotis<sup>17</sup> a tyrannide Guisiana liberatis. <sup>18</sup> Eo reversus nomen <sup>19</sup> Ecclesiæ Scotorum dedit. <sup>20</sup> E super-<sup>1563</sup> riorum autem temporum scriptis quædam velut e naufragio recollecta edidit. <sup>21</sup> Cætera vero quæ adhuc apud amicos peregrinantur, fortunæ arbitrio committit. In præsentia septuagesimum quartum annum agens, apud Jacobum Sextum Scotorum Regem, cui erudiendo erat <sup>22</sup> præfe-<sup>1579</sup> ctus anno millesimo quingentesimo sexagesimo quinto, senectutis suæ malis fractus portum exoptans agit.

Obiit Edimburgi vigesimo octavo Septembris, anno salutis 1582.

tum est Francisci Valesii & Mariæ Stuartæ Regum Franciæ & Scotiæ Epithalamium, (*Silv.* IV.) carmen omni laude majus, quo non æquales suos dico, sed se ipse superasse, atque veteribus illis dubiam palmam fecisse videtur. Eo denique tempore ingens de Sphæra opus quinque libris est aggressus, cui, licet ad umbilicum necdum perducto, post Lucretii Manilique tempora, nihil in eo genere simile aut secundum est reperire.

<sup>57</sup> *A tyrannide Guisiana*] Hoc enim anno Maria Guisica, Jacobi V. vidua, ac Scotorum Regens, quæ rem Scoticam ex fratrum maxime consiliis administraverat, quarto Idus Junias decessit; extinctoque eodem anno Francisco II. ejus uxor Maria Scotorum Regina, jam sui juris, & Gallorum potestate libera, ad suos anno proxime insecuto est reversa.

<sup>58</sup> *Eo reversus*] Anno scil. 1563, uti supra monstravimus.

<sup>59</sup> *Ecclesiæ Scotorum*] Diu antea se Lutheraniæ causæ favisse haud obscure significat Buchananus, ab anno scil. 1524, quo cum Joan. Majore in Galliam iterum est profectus: quam licet animi sui propensionem multo postea auctiorem reddiderint Monachorum injuriæ, eam tamen tantisper dissimulare atque tacitam habere cogebarur, dum ad suos, qui jam ritus Pontificios palam ejeraverant, reversus, eam publice profiteri posset.

<sup>60</sup> *E superiorum autem temporum scriptis*] Poëmata ipsius intelligit, quæ malignitate temporum disjecta, & multis modis male habita conqueuntur *Præfat. ad Hist.* Vid. etiam ejus Epistolam (in hac *Edit.* XXVII.) ad *Danilem Rogersium* circa hoc tempus scriptam, qua pleraque opera sua, tam edita, quam inedita recenset, quidque iis factum sit, aut faciendum velit, fusius edidit.

<sup>61</sup> *Cætera vero*] Ex hoc liquet multa  
Tom. I.

Buchanani scripta injuria temporum intercidisse, multa quoque non, nisi post ejus obitum, typis evulgata, quod alibi commodius sumus ostensuri.

<sup>62</sup> *Præfatus anno millesimo quingentesimo sexagesimo quinto.*] Si hæc verba eo quem præ se ferre videntur sensu sint accipienda, a vero longissime absunt. Qui enim potuit Buchananus Jacobo VI. erudiendo præfici, prius quam ille natus, vixdum genitus fuisset, utpote quem ipse aliique omnes consentiunt 19 Junii 1566 vitales primum auras hausisse? Aut ergo numeris mendum irrepsit, atque pro 1565, legendum 1569, quo anno, uti mox ostendemus, Academia Andreapolitana ad id munus obeundum publico Ordinum decreto Buchananus primum est evocatus; aut, quod supra conjiciebamus, de eo anno loquitur Buchananus, quo a Regina e Galliis est arcessitus, mortalium fere omnium maxime idoneus, qui tantæ spei puero, cum tempus posceret, Præceptor adhiberetur.

Hactenus vitam suam persecutus est Buchananus. Miratur autem Cl. *Belius*, cur non pari modo cætera, atque in primis insignem illum, quo deinceps est usus, rerum secundarum cursum memorare noluerit. Sed nihil hac in re sine causa a Buchanano admissum videtur. Cum enim, quod sæpius supra monuimus, nihil ei minus propositum fuisset, quam plenam vitæ suæ historiam exhibere, mirandum utique non est, si nihil in brevi hac narratione, præter summa rerum capita, eaque quæ varietate aliqua erant distincta, attingere voluerit: quæ cum ad tempora perduxisset, quibus uno eodemque tenore vita deinceps sua perageretur, satis sibi amicisque suis factum existimabat, breviter ac carptim ostendere, se, haud paulo post suam postremum in patriam reditum, Jacobo



## GEORGII BUCHANANI

VI. erudiendo appositum, in eodem munere obeundo pollea perseverasse, ad exitum hujus anni 1579, quo amicorum rogatu hanc vitæ suæ Epitomen est aggressus. Eo enim intervallo nihil fere memoratu dignum ei accidit, quod non cum aliis Scotis fuerat commune, præterquam quod ad honores quosdam opesque a Proregibus *Moravio & Mortonio* esset evectus, quo amplum atque honorificum, quod sustinebat, Regii Præceptoris officium majore cum dignitate obire posset. Quæ ille omnia cum parvi penderet, silentio prætereunda existimavit, ut vere de eo cecinerit magnus *Scaliger*,

*Contemnis opibus, spectis popularibus auribus,*

*Ventosaque fugax ambitionis, obis.*

Longe autem errant mea sententia, si qui credant, (quod *Cl. Badius* fieri posse suspicatur) Buchananum jam capulo propinquum, atque seria poenitentia ductum, in vita sua perscribenda ulterius progredi noluisse, ne prosperam fortunam suam narrando memoriam Lectoribus reficeret, quam ingratus erga Reginam Mariam existisset, cujus munificentiam, cum multis aliis rebus, tum hac præcipue esset expertus, quod eum unum filio suo, & prius quidem quam nasceretur, Præceptorem delegisset. De hac, quam Buchananus *Candenus* aliique tribuunt, poenitentia mox erit dicendi locus, interim quæcunque illa postmodum fuerit, nullam certe tum fuisse cum vitam suam scriberet, vel illud indicio est, quod hoc ipso anno librum suum *De Jure Regni apud Scotos* primum evulgarit, quo opere omnia a se atque sua factione in Serenissimam illam Principem dicta aut facta vindicat & defendit. Huc adde, quod nondum Historiam suam in lucem emiserat, quam, si vera eum tum cepisset poenitentia, aut perpetuis tenebris tradidisset, aut ab acerba saltem illa, qua Mariæ famam infectatur, maledicentia repugasset.

Sed his missis, ut quod a Buchananus ipso omisum est aliqua ex parte suppleantur, quod ejus vitæ est reliquum, quantum nobis documenta suppeditant, breviter ac succincte exsequemur.

A Regina e Gallis revocatus anno, uti videtur, exeunte 1564, proximo anno ab eadem unus e Professoribus, vel potius Gymnasiarcha, Collegii Leonardini in Academia Fani Andreae est consti-

tutus; quod munus per quadriennium singulari cum laude administravit. Referente enim ex ipsis Academiae Actis *Cl. Sibbaldus*, *Comment. in Vit. Buchan. p. 65.* singulis hisce annis 1566, 1567, 1568, unus ex quatuor Rectoris Electoribus in publicis tabulis inscribitur, atque a Rectore unus ex Prorectoribus nominatus est, sub hoc titulo, *Magister Georgius Buchananus, Collegii Leonardini Gymnasiarcha, hujus seculi Potentissimus Princeps.* In quibusdam etiam Collegii D. Leonardi Archivis, exstant quatuor chartæ authenticæ, ab eo, dum Professor primarius fuerat, scriptæ, una 12 Aprilis, altera 13 Septembris, anni 1568, tertia 7 Aprilis, quarta 31 Maji 1569, datæ.

Sub finem, uti credibile est, anni 1569, cum Jacobus VI. quantum jam ætis annum agens Præceptoris operam ferre atque postulare videretur, publico Dominorum secreti Concilii aliorumque e Nobilitate & regni Ordinibus decreto, ad hanc provinciam, cui ante quatuor annos a Regina ipsa fuerat destinatus, e Collegio Leonardino evocatus est Buchananus; permessa interim ei facultate, ut quem vellet idoneum virum in locum suum substitueret, quo jure usus, *Patrium Adamsonum* (eundem, reor, qui postea Fani Andreae Archiepiscopus est creatus) huic muneri exsequendo surrogavit. Sed rem quibusdam Lectoribus haud ingratam facturus videbor, si hoc Secreti Concilii Rescriptum ex Actis publicis erutum oculis subjiciam. Illud autem ita se habet,

*The Lords of Secret Council and others of the Nobility and Estates, being convened for taking Order in the Affairs of this Common-wealth, among other Matters being carefull of the King's Majestie's Preservation and good Education, and considering how necessary the Attendance of Mr. George Buchanan Master of St. Leonard's Colledge within the University of St. Andrew's upon his Highness's shall be, and that it becometh the said Mr. George so to withdraw himself from his Charge of the said Colledge, if he makes continual Residence with his Majesty, no ways willing that the same Colledge and Youth being therein shall be destitute of Regiment and good Instruction, through the said Mr. George's absence: He therefore comparing personally in Presence of the said Lords of the Council, Nobility and others of the Estates above-*

written; at their Desire, and of his own free Will and proper Motive, dimitted and gave over his Charge and Place of Master of the said Colledge in the Favour of his well beloved Master Patrik Adamson, and no otherwise: Of whose Honesty, Qualification, Literature and Sufficiency to administrate the said Charge and Place, not only the said Mr. George, but the said Lords, Nobility and Estates, have good Opinion and certain Experience. And albeit the Presentation, Nomination and Admission of the Master of the said Colledge pertained of old to the Prior of St. Andrew's, yet the same Right and Patronage presently appertains to our Sovereign Lord, as well by Reason of the Lawes of the Realm, as because the Priory of St. Andrew's presently walks destitute of a Prior or Commandatar: And seeing it tends to God's Glory, and the Advancement of the Common-wealth, that good Letters flourish and increase, and that delay in not placing or admitting of a qualified and sufficient Master to the said Colledge may greatly prejudice and binder the same, and if the Students occasion to shail and separate themselves, the said Lords, Nobility and Estates therefore, in respect of the present Necessity, in our Sovereign Lord's Name received the said Mr. George's Dimission, and thereupon received and admitted the said Mr. Patrick to the said Charge and Regiment of the said Colledge of St. Andrew's, principal Master thereof, with all Immunities, Priviledges, Commodities and Duties belonging to the same, siclike as the said Mr. George, or any other Masters of the said Colledge, used and brooked the same of before, and ordain him to be answered and obeyed therein in time coming and now other, &c.

Eodem anno 1569, quo Buchananus abdicatione munere Academico Regis educationi est praefectus, adscitus ei Collega est a Moravio Prorege Petrus Junius, juvenis egregius, qui officii, cui Buchananus ob ingravescentem aetatem (quippe jam 64 annum agens) & assiduum saepius valetudinem, per se ipse non sufficiebat, partem haud exiguam in se derivaret. Quamvis autem praecellam in Rege docendo operam Petrus Junius navaverit, mihi tamen non sit verisimile, quod a Thoma Smitho in ejus vita memoratur, laborem istum, si non unice, saltem maxime per omnem tenerae aetatis gradum ei incubuisse. Credere enim fas est, Buchana-

num, omni alia cura jam vacuum, ac impenso per omnem fere vitam bonas literas promovendi studio flagrantem, tantalisque alumni eruditionem in alium non rejecturum, gnarum scilicet non Auditorum modo in se oculos conversos, sed Scotorum fere omnium, spem fortunaeque suas, regniue salutem & incolumitatem, ex ejus cura atque assiduitate reputantium. Neque Buchananus praconceptam de se opinionem, expectationemque & vota suorum civium fefellit; quantum enim Jacobus VI. in bonis literis aliisque artibus Rege dignis sub ejus disciplina profecerit, vidit postea Christianus orbis, & obstupuit.

Neque Regis educationi solum, sed aliorum etiam prospectum cupiebat Buchananus; circa hoc enim tempus, ejus praecipue auspicii, consilium innum est Grammaticae Latinae (quae omnis rei literariae est fundamentum) conscribendae. Quae autem eum causae impellebant, quidque hac in re praestitum sit, Cl. Sibbaldus Comment. ad ejus vit. edocet.

„Cum, inquit, ad Regis aures delatum esset, quantam temporis jacturam juvenis Scotiae perpessa esset, quod unicuique liceret quam vellet Grammaticam docere, & quod plerumque in tanta scriptorum varietate, non optima deligerentur, sed quos vel Ludimagistri ipsi didicerant, aut saepius docuerant, vel quos Bibliopolarum commendarat aviditas: unde factum sit, ut quoties parentum, ut fit, arbitrio Praeceptor esset mutandus, toties vetera dediscenda, & nova edocenda forent, atque ita puerorum studia non solum impedirentur, sed ingenia misere obruerentur: placuit Regiae Majestati tot tantisque malis uno antidoto mederi, nempe ut post trecentos veteres atque novos, qui tum de hac arte libros ediderant, nova exstaret Grammatica, quam solam omnes intra regni sui fines docere, omnes discere tenerentur: quod & proavunculus ejus Henricus VIII. Angliae Rex in gratiam suorum quondam fecisse fertur. Selecti igitur qui humaniorum literarum cognitione instructissimi videbantur, & Sterlini (ubi Jacobus VI. tum commorabatur) Regis impensis basilice aliquot dies suscepti, Buchananus praesente & praeside, eo rem perduxerunt, ut methodo praescripta, &



## GEORGII BUCHANANI

„ primis quasi ductis lineamentis, sin-  
 „ gulæ artis particulæ singulis distributæ  
 „ fuerint. Erant autem hi, præter Bu-  
 „ chananum tunc Regis Præceptorem,  
 „ *Petrus Junius* Regis etiam Præceptor,  
 „ *Andreas Simonides* & *Jacobus Carmi-*  
 „ *chaël* Ludimagistri. Veterem Gram-  
 „ maticam inculabant, quod nihil defi-  
 „ niret, nihil divideret, adeoque nihil  
 „ doceret, ut discantibus impedimento  
 „ potius quam adjumento esset. Ex his  
 „ *Andreas Simonides* & *Jacobus Carmi-*  
 „ *chaël* imperio paruit; hic prima Rudi-  
 „ menta, ille Etymologiam adornando.  
 „ Georgius autem Buchananus pro sua  
 „ provincia Profodiam, edito de ea li-  
 „ bello, absolvit, in qua omnia ea tra-  
 „ didit, quæ censuit tironibus ad Poëti-  
 „ ces Rudimenta necessaria breviter &  
 „ perspicue exposita, &c. Sed brevi  
 „ tempore irritus factus est horum virorum  
 „ labor & consilium; neque his finibus  
 „ coerceri potuit Magistrorum licentia,  
 „ dum enim quisque se aliis doctiorem vi-  
 „ deri vult, novam indies atque novam  
 „ Grammaticæ Methodum comminiscitur,  
 „ tanto bonarum literarum atque juven-  
 „ tis incommodo, ut ni crescenti malo a  
 „ Reipublicæ moderatoribus obviam eatur,  
 „ pene metuendum sit ne Latina lingua  
 „ Grammaticarum mole obruatur.

Sed ut ab hoc diverticulo Buchanani  
 vitam repetamus, cum ille, ex quo pri-  
 mum Jacobi VI. Institutor est designa-  
 tus, atque deinceps fere quamdiu illi vi-  
 xerint, summa apud Proreges *Moravium*,  
*Levinum*, *Marrum* & *Mortonium* gratia  
 esset, atque ab iis honoribus divitiisque  
 cumularetur, ut illorum munificentia vi-  
 cem rependeret, se totum dehinc eorum  
 partibus sublevandis, causæque adversæ  
 deprimendæ addixisse videtur. Cum en-  
 nim anno 1568 colloquium Eboracæ ab  
 Elizabetha Anglæ esset indictum. [Vid.  
*Hist. lib. 19. cap. 16.*] ut coram Legatis  
 ab ipsa eo missis Reginæ Mariæ in An-  
 glia profugæ causâ disceptaretur, visum  
 est Moravio Proregi suas per se ipse par-  
 tes procurare, paucis adscitis itineris com-  
 mitibus, atque in his Georgio Buchana-  
 no, qui eo tempore, aut non multo  
 post, Satyræ illam, seu libellum famo-  
 sum, quæ *Detestio* dicitur, Moravii jussu  
 conscripsit, quo apud Elisabetham An-  
 gliam patroni sui res gestas vindicare, &  
 Mariam Scotam necis Darliænæ ream  
 ac consciam fuisse, summa eloquentia

omnibusque ingenii nervis probare con-  
 tendit.

Anno 1570 duos ejusdem farinae libel-  
 los patrio sermone conscripsit, quorum  
 altero, cui *Chamaleonti* nomen dedit,  
*Gul. Matellani* Lidintonii (qui cum Ma-  
 riæ ab Epistolis fuisset, ab ea primum  
 ad *Moravium* defecerat, mutatoque paul-  
 lo post consilio ad Reginæ partes se ite-  
 rum adjunxit) versatile ingenium multa  
 verborum acerbitate perstringit: Altero  
 vero, cui titulus est, *AN ADMONITION TO THE TRUE LORDS*, in om-  
 nes qui Reginæ exuli favebant, præ-  
 cipue *Hamiltonios*, immani audacia de-  
 bacchatur, tot injuriis, conviciis, &  
 probriis illustrissimæ & de re Scotica opti-  
 me meritæ familiæ famam & existima-  
 tionem dehonestare ac proscindere adni-  
 titur, ut non illius magis quam Buchanani  
 ipsius causâ dolendum sit.

Sed quod reliquorum omnium caput  
 & fons est, quodque nimis amplam non  
 sermonibus modo, sed turbis tumultibus-  
 que materiam præbuit, est ipse Dialogus  
*De Jure Regni apud Scotos*, qui sub  
 hoc tempus primum scriptus, licet diu  
 postea evulgatus, videtur.

Quo anno Historiam Scoticam est ag-  
 gressus nondum liquido constat, cæte-  
 rum a verisimili non abhorret eam non  
 multo post tempus primum susceptam:  
 neque enim res tantæ molis & laboris a  
 senæ afflictiissimæ valetudinis, ac alu-  
 mini Regii cura aliisque occupationi-  
 bus toties interpellato, paucorum an-  
 norum curriculo absoluta videtur. Ita  
 enim de ea ipse loquitur sub finem  
 Epistolæ XXVII. *Accessit eo*, inquit, *Hi-*  
*storia scribenda labor, in ætate integra per-*  
*molesius, nunc vero in hac meditatione mor-*  
*tis, inter mortalitatis metum & desinendi*  
*pudorem, non potest non lentus esse & in-*  
*gratus, quando nec cessare licet, nec progre-*  
*di lubet.* Scripta autem est hæc Epistola  
 tribus fere annis ante ipsius mortem,  
 adeoque & ante Historiam evulgatam,  
 quod uti maximum, ita ultimum pene  
 mortalium ei fuit, utpote cui in lucem  
 emissio vix integrum mensem ipse super-  
 fuerit.

De honoribus præmiisque ei a Prore-  
 gibus concessis ut breviter dicam, ex D.  
 Jo. Scoto de *Scotsbarvet* discimus cum  
 Cancellariæ Regiæ Directorem, ac pos-  
 tea Secreti Sigilli Custodem constitutum  
 fuisse. Hoc munus ei a *Mortonio*, illud

a Moravio Proregibus demandatum existimat Cl. Sibbaldus, qui etiam adjicit eum inter Regios Consiliarios allectum, ac proventibus Cænobii Crucis Regalis (vulgo *Crossragwell*) locupletatum; cujus rei documentum adfert diploma Regium, magno sigillo munitum, quo Jacobus VI. terras de Kippis Jacobo Bodio, Cl. Sibbaldi proavo materno, concessit, consensu Jacobi Comititis de Morton Regentis; teste inter alios dilecto suo familiari Consiliario Magistro Georgio Buchanano, Pensionario de *Crossragwell*, sui secreti Sigilli Custode, apud *Helyrudehouse* 15 die mensis Februarii, anno Domini 1573, & regni sui septimo.

Anno tandem 1581, senio & morbis fractus omni se munere abdicavit, atque ad privatam vitam, vel potius ad placidam mortem, se totum composuit: quod ipse testatur *Epist. XXXVII. ad Eliam Vinetum*, his verbis, quæ magnus *Thuanus* memoriæ altius sibi insignenda existimavit; *Ego vero*, inquit, *litteris jamdudum valedixi. Nunc id unum satago, ut quam minimo cum strepitu, ex inæqualium meorum, hoc est, mortuus & vivorum contubernio demigrem.* Ab hoc tempore, Aula relicta, Edinburgi se continebat, qua in urbe fatis demum concessit, paullo post horam quintam matutinam, die Veneris, 28 Septembris, anno 1582, ætatis suæ 77.

Hunc vitæ finem habuit Georgius Buchananus, vir, si totum species, plane incomparabilis, nec Scotiæ tantum & seculi sui insigne decus & ornaventum, sed cui in omni fere literarum genere ab heroicis usque Latini sermonis temporibus vox quidquam simile, nedum majus est reperire: de cujus stupendis ingenii dotibus, post tot egregia virorum doctissimorum elogia, nihil aliud effabor, quam quod olim de Carthagine pronuntiavit Sallustius, *Tacere satius est, quam pauca dicere.* Hic tamen vir, quantus quantus fuit, suos nævos, eosque nimium conspicuos habuit. Iniquitate enim eorum temporum, atque factionis suæ causæ adversantis odio, multa scripsit, quibus se prorsus abstinuisse, aut alio quidem moretractasse, famæ ejus multum interfuisse. Dum enim omnia ad sua suarumque partium consilia aptare adnititur, sui regni apud Scotos est commentus, quale nusquam fere gentium, non certe apud Scotos, locum habuisse, abunde

norunt rerum nostrarum periti. Quamvis autem neino prope mortalium majoris bonarum artium suppellectile instructus ad Historiam scribendam accessit, adeo ut post Sallustii Liviique ætatem, sive subactum judicium, sive sermonis puritatem species, nihil in eo genere cum ea comparari possit; ubique tamen dominari partium studium conqueruntur non modo ipsius hostes & obrectatores, sed nominis Buchananæi amantissimi, qui nonnunquam in eo fidem, sæpius vero animi moderationem requirunt.

Eum vero qui ubique se prodit Regalis fastigii contemptum, ac in primis eam linguæ intemperiem, qua Reginam Mariam ejusque fautores insectatur & exagitat, plerique omnes averfantur. Certe alumno ejus Jacobo VI. regniue Ordinibus ejus Historia & de Jure Regni Dialogus adeo fuere ingrata, ut anno 1584, biennio scilicet ab ipsius morte, lege lata damnarentur, gravi poena indicta si qui ea legere aut asservare auderent. Quam autem Regi invisa fuerit hanc ob causam Buchanani Historia, ipse postmodo in Basilico Doro declarat. Cum enim Henrico filio suæ gentis Historiam commendat, protinus lubdit, *Non illos Buchanani libellos fumosos, quos qui in sua usque tempora asservavit, sentias ille meorum legum poenas.* --- At neque Regem tantum, sed & Buchananum ipsum suum opus damnasse affirmat Cl. *Camdenus*, cujus verba operæ pretium est hic subjicere, ad ann. 1567. Cum, inquit, illa [*Buchanani*] partium studio & Moravii munificencia abreptus, ita scripseris, ut libri isti falsitatis damnati fuerint ab Ordinibus regni Scotia, quorum fidei plus tribuendum, & ipse ingemiscens coram Rege, cui fuit pedagogus, subinde se reprehenderit (ut accepi) quod tam virulentum calammum in Reginam bene meritam strinxisset, moriensque optaverit, ut tantisper superesset donec maculas quas maledicentia falso asperserat, revocata veritate vel sanguine elueret; nisi quod (ipse dixit) hoc vanum esset, cum præ ætate delirare videretur. Hæc *Camdenus*, cui geminum est quod a *Fam. Strada* (*Bel. Belg. Decad. II. lib. 8. ad annum 1587, pag. 486*) narratur, & *Camdeno* (uti credibile est) desumptum. At longe aliter se rem habuisse refert *Thuanus restitutus*, sive Sylloge locorum variorum in *Thuanii Historia desideratorum. Amst. 1663.* is autem refert; *Cum morti proximus esses*



## GEORGII BUCHANANI

*Buchananus*, a Rege alumno rogatus, ut qua de Maria parente nimis libere scripserit, revocaret, & infamiam ejus nomini scriptis suis iniustam insigni aliquo testimonio elucet; nihil aliud respondit, quam brevi fore, ut ipsius desiderio abunde satisfaceret. Repetitis deinde vicibus per fidos eadem de re interpellatus, hoc postremo responsio Regi satisfacit: Se qua ex animi sententia vero scripserat, revocare quidem non posse: ceterum ubi expiraveris, in Regis potestate futurum, ut de scriptis illius pro arbitrio suo statueret: tantum quid in ea re acturus esset pro prudentia sua ante maturo consuleret, sciretque Reges cum soluta potestate a Deo constitutos nihil non posse: sed veritatem, qua a Deo vires sumit, quantum Deus hominibus major est, tantum potentia adversus Reges ipsos praevalere. Eadem fere habet *Varillas* Praef. du 5. Vol. d'Hist. de Heres. & Liv. 28. pag. 271. Ex pugnantibus hisce fronte adversa sententia quam potissimum sequar nequeo satis expedire, ad *Camdeni* tamen testimonium magis inclinatur animus, his rationibus praecipue adductus. Primum quod *Camdenus* haec a Rege ipso, qui aliisve rei gestae interfuerant, accipere poterat; ille vero \* ignotus scriptor, qui *Thuani* relictorem se vocat, nullum sententiae suae adfert aditipulatorem; *Varillas* autem, sublesta alias fidei auctor, hac in re vacillando sibi ipse fidem abrogavit. In Praefat. enim, id ait a minore *Puteano* Historiae *Thuani* adscriptum, quod tamen in libro ipso a manu ipsius *Thuani* dicitur protectum. *Camdeni* denique sententiae non leve pondus addit Reverendi viri, morumque sanctitate juxta ac scriptis egregiis clarissimi, *Joan. Sagii* suffragium, qui Epistola ad amicum anonymum 17 Octob. 1709 scripta, ejusque vitae nuper editae subnexa, se ait, cum ante 28 annos ad *Innerejem* in *Iernia* esset, sermone forte orto de *Georgio Buchananano*, a *Rossythiae* *Comarchi* uxore, foemina lectissima, tum provecatae senectutis, & ipsa e domo *Buchananana* oriunda, pro re certa ac indubia accepisse, veram fuisse eam, quam *Camdenus* narrat, *Georgii Buchananani* poenitentiam: se enim, cum juvenula esset, ea de re edoctam a  *Davide Buchananano*, tum senex admodum, ac patris sui hospitio

suscepto, qui sese *Georgio Buchananano* morienti adfuisse, eumque culpam suam agnoscentem audivisse, sibi saepius affirmaverat.

Interim non ab re erit hic adicere quod a *Nathana Chytraeo*, initio *Collectaneorum* ad *Buchanani* Psalmos, memoriae proditum est, quod singulare quiddam nec a proposito nostro alienum in se continere videretur. Ejus verba ita se habent, Imo, inquit, ne postea quidem eum a priori illa sua erga Regem *Scotorum* paenitentia deservisse, testatur narratunculula *Joan Metelli Sequani* V. Cl. ex ore filii fratris *Buchanani* excepta: & bona fide perscripta ad eloquentissimum Oratorem *D. Andream Dudithium*, mihi nuper ab amico meo integerrimo *D. Jacobo Menavio*, patritiorum *Bratislaviensium* ornammento, candido communicata, qua talis est.

Quoniam mihi quidam retulit, te ex nostro quibus haussisse, *Buchananum* a *Scotia* Rege sublatum, referam quidnam hic mihi, ea de re interrogatus a me sedulo illius fratris filius responderit, qui morienti adfuit. Patruus, inquit, meus, erat natura falsus & mire urbanus. Cum videret Regem omnia omnibus, qua peterent, concedere: ut Regem, cujus erat Praceptor, hac parte emendaret, Regem adiit, cum duobus libellis supplicibus, in quibus qua statuerat petiit. In quorum uno suppliciter postcebat, Regem se, permissu Regis *Scotia*, cum libera regni administratione, ad quindecim dies fore. Rex, cum ille verbis non exponeret, sed, qua in libellis continebantur, posceret, petenti annuit, & utrique libello manu propria subscripsit. *Buchananus* egressus, cum a quodam procerum nomine solito salutareretur, faciem ab eo avertit, Sum Rex, ait: magnamque ac Regiam maiestatem pra se tulit. Idem toto quindecim dierum tempore, se Regem esse, omnibus affirmavit. Quo exatlo, ad Regem rediit, & se quoque Regem esse confirmavit. Rex admiratus, Tu, inquit, mihi *Scotia* regnum donasti. Rex eum magis admiratus, cum hoc negaret, ac forte putaret illum esse mente mota, En, inquit, literas manus tuae de regno mihi ab te donato subscriptas. Enimque capis, tanquam discipulum praceptor, graviter reprehendere, quod qua peterentur, non perpensa concederet, tum quanta inde ei damna evenirent. In posterum igitur ne quid cuiquam

\* [Fuit *Abrahamus de Wicquesfort*, editor. vid. Bayl. Lexic. t. II. pag. 685. & Le Long Biblioth. Hist. de France. pag. 442.]

quam indulgeret, nisi prius illud, quidnam esset, probe nosset, & cui beneficium conferret. Hinc nata occasio adversariis, ut spargere, illum fuisse insanum, & arcessitam laesa maiestatis. Non multo vero post obiit; sed morbo senectutis. Excesserat enim aetatis annum octogesium. Haec Metellus.

Falsum est quod extremis verbis de Buchananani aetate narratur, de reliquo ex arbitrio suo statuat lector.

Quod ad Buchananani mores vivendique rationem attinet, *David Buchananus*, quem illi non solum nomine, sed genere conjunctum existimare liceat, cum testatur austero fuisse supercilio, (quod & ipsius imagines adhuc praefereunt) & toto corporis habitu subagrestem; at stylo & sermone perurbanum, quum sapissime vel in seriis multo cum sale jocaretur. Quamvis autem coelibem vitam, sive naturae sponte, sive incerta rerum suarum conditione, sit amplexus, amoribus tamen nonnihil indulgisse, ostendere videntur varia ejus carmina, lasciviora, quam decuit, vena effusa. Sed hoc forte non tam hominis vitium, quam Poetae, cujus vallum nullisque metis coercendum ingenium periculum sui facere volebat, an quod alios fere omnes Poetas tam feliciter expresserit, his quoque Catullum, Ovidium & Martialem imitari posset; adeo ut illud veteris Poetae in re simili usurpare potuerit,

*Lasciva est nobis pagina, vita proba est.*

Neque enim alio referenda est ejus ad *Brian-dum Vallium* Senatorem Burdegalensem pro *Lena* Apologia: (*Vid. Eleg. 111.*) quam *Obad. Valerius De Educat. Part. I. cap. 11.* misere narrando depravavit. Is enim fabulatur Buchananum, cum Scholam Burdegalensem moderaretur, audito puellam generosam, quam ipse deperibat, capitis fuisse postulatam, e vestigio Curiam ingressum ejus causam versibus Heroicis ex tempore fuisse egisse, adeo ut non modo virginem periculo liberarit, sed Judices etiam in summam sui admirationem rapuerit. Quicunque enim hanc Apologiam vel leviter oculis lustraverit, eam non pro amica, sed *Lena*, nec Heroico, sed Elegiaco carmine scriptam, neque denique rem seriam hic agi, sed ingenii lusum esse comperiet. Ceterum, cum ad graviora se studia Buchananus recepisset, non tantum ludicra haec deposuit, sed, si per amicos licuisset, sempiternae ea oblivioni consecrare vo-

luisse non semel ipse professus est. *Vid. Epist. III. & XXVII.* Ex quo autem in patriam postremo reversus, puriori religioni nomen dedit, cum virtutes omnes, atque in primis pietatem coluisse non modo ipsius scripta, sed aliorum etiam, qui quotidiana ejus consuetudine fruebantur, testimonia declarant. Quin ipse *Jacobus Melvillius*, licet alias Buchananum iniquior, cum testatur virum religiosum fuisse, ac omni fere cum suis sermone, brevia vitae ac morum exempla, quorum ei larga copia suppetebat, recitare solitum; unde, & a neglecto corporis habitu, Stoicam eum Philosophum appellat. Idem tamen *Melvillius* credulitatem ei exprobrat, qua haud raro factum sit, ut ex vagis conviventium sermonibus dicendi scribendique materiem arriperet. Maximum autem Buchananani vitium fuisse ait implacabilem vindictae cupiditatem, qua omnes qui ipsum laesissent persequeretur. Haec Buchananus a viro gravi & illorum temporum aequali scriptore objecta vitia, uti nec resellere, ita neque affirmare auri: ea tamen in majus aucta ab homine diversarum partium haud temere credididerim. Vero magis affine est quod a *Thoma Swinbo* aliisque memoriae proditur, Buchananum, postquam Regi docendo est adhibitus, extremo saltem tempore, moribus paullo asperioribus, ac ingenio nonnihil tetrico ac minus tractabili fuisse. Id autem non naturali ipsius indoli acceptum referendum, sed morbis continuis, aliisque quae senectus secum adfert malis, quae viros etiam egregios exacerbare, & non amicis modo, sed ipsos sibi graves reddere solent.

Hic vero scriptores Pontificii, ac in primis Jesuitarum cohors, plenis velis, atque immani qua pollent maledicendi licentia, in Buchananum invehuntur. *Genebrardus* eum Monachum excucullatum, *Barchicum* Hiitronem, & *Atheum* Poetam appellat; *Garasse* & *Sandaeus* potorem tricongium, *Bacchi* Venerisque nepotem insigniunt, contra haec ex ebrietate hydropem, nullis tamen Medicorum hortatibus temperare potuisse, vinoque Vastonico, quod sibi morienti apponi jussisset, se ingurgitantem, *purpuream tandem animam vomuisse* tradunt. Alii eum tempore quadragesimae pro cetera Dominica agnum Paschalem more & ritu Judaico comedisse, alii *Plinium* sacris literis praetulisse, ac extrema jam in morte

## GEORGII BUCHANANI VITA.

morte orationem Dominicam dicere iustum, ejus vice primam Propertii Elegiam recitantem expiravisse. At pura puta hæc nulloque prorsus fundamento innixa mendacia, indignatione potius, quam refutatione excipienda. Quid enim illis hominibus agas, qui omni veri falsique discrimine omisso, modo male dicant, nihil pensi habent quid vel ipsi dicant, vel alii de illis sentiant. Buchananum certe Monachum nunquam fuisse, cum ipsius scripta, tum vitæ ratio ostendunt; pietati vero sinceroque Dei cultui studuisse, vel illud indicio est, quod singulari exemplo, Synodi Nationalis, quæ Edinburgi haberi coepta est 25 Junii anno 1567, Præses sive Moderator esset electus, tum Collegii Leonardini Rector,

nulloque sacri muneris auctoramento honestatus. Sed piget portentosis hæc calumniis diutius immorari, a quibus qui Buchananum fufius purgatum velit, *Bali* Dictionarium Criticum adeat, aut si illud non erit satis, immortalia petat ejus ingenii monumenta, in primis vero divinum Psalterii opus: quæ ubi attentus ac serio perlegerit, tum quidem si possit, animum inducat suum ea ab homine ebrioso, impio, omnisque religionis experte conscripta existimare: quin potius, ni vanissimus sim augur, cum *Nashane Chytræ*, ex opere opificem cernente, Buchananum *virum optimum & innocentissimum, immortalique hominum memoria propter doctrinam & gravitatem plane eximiam omnino dignissimum* pronuntiabit.

## In GEORGIUM BUCHANANUM Scotum Epitaphia.

*JOSEPHI SCALIGERI.* Namque ad supremum perducta  
Poëtica culmen

**P**ostquam laude tua patriam,  
meritisque beasti,

In te stat, nec quo progredia-  
tur habet.

Buchanane, tuis Solis utrum-  
que latus:

Imperii fuerat Romani Scotia li-  
mes:

Contemptis opibus, spretis popu-  
laribus auris,

Romani eloquii Scotia finis e-  
rit.

Ventosaque fugax ambitionis,  
obis;

*ANDREÆ MELVINI.*

Præmia quina quater Pisææ fun-  
ctus olivæ,

**E**RGO silent magni Buchana-  
ni in funere Musæ?

Et linquens animi pignora ra-  
ra tui:

Nec vatem Aonidum flet pia  
turba suum!

In quibus haud tibi se anteferebat  
quos Italia vates

An secum Buchananus habet  
montem, unde Camœnæ

Terra dedit: nec quos Gallia  
mater alit,

Devolvunt mœstis murmura  
trunca modis?

Æquabunt genium felicitis carmi-  
nis, & quæ

An secum Buchananus habet fon-  
tem, unde Poëtæ

Orbis habet famæ conscia si-  
gna tuæ.

Pieriis poti collachrymantur  
aquis?

Aonio

# IN G. BUCHANAN. EPITAPHIA.

Aonio frustra quæruntur vertice Cœlum habet, & gaudet permistus  
Musæ: cœlitibus Diis.

Castalio frustra e fonte petuntur  
aquæ.

Pro monte est cœlum, pro fonte est  
Christus: utrumque

Et Christum & cœlum nunc Bu-  
chananus habet.

Hauisisti hinc sacros latices, divine  
Poëta:

Fudisti hinc summo carmina di-  
gna Deo.

Hauriat hinc quisquis Buchanani in  
funere mœret,

Ut vatum fundat carmina digna  
Deo.

## JOANNIS JONSTON.

**S**COTIA quem genuit, fovit,  
cum Pallade Musa

Diva beat, tanto sese hospite Gallia  
jactat,

Ingensque ingentem Tellus miratur  
& Aether,

Seu canit Historiam, seu grandi car-  
mina plectro:

Quem decorant Reges, qui ipsos  
decorat quoque Reges

Et Solymæ & propriæ gentis: qui-  
que entheus almi

Facta Dei, laudesque virum, qui  
sidera dixit;

Exiguo magnus sub cespite Bucha-  
nanus

Heic Vates recubat. Nomen viget  
alite fama,

Atque orbem immensum complet.  
Jamque arduus ipse

\*JO. ADAMSONI de cespitiis  
GEO. BUCHANANI

tumulo.

**M**Armorum cur stant hic omni  
ex parte columnæ,  
Signaque ab artificum Dædala fa-  
cta manu?

Ut spectent oculis monumenta insi-  
gnia vivi,

Per quæ defunctis concilietur ho-  
nos.

Talia nonne etiam debet Buchana-  
nus habere,

Doctius aut melius quo nihil or-  
bis habet?

Gloriolas vivus qui contemnebat  
inanes;

An cupiet Divus se decorent la-  
pides?

Illis fas pulchro nomen debere se-  
pulchro,

Qui nil quo melius nobilitentur  
habent.

Per te olim tellus est nobilitata Bri-  
tanna,


Et decus es tumulo jam, Bucha-  
nane, tuo.

\* Ejus cura Buchanani cranium de se-  
pulchro erutum in Bibliotheca Acade-  
miæ Edinburgensæ asservatur, rotundius  
quidem ac tenuius, ut lux per id trans-  
pareat. D. Rob. Sibbaldus, pag. 62.



DOCTORUM VIRORUM  
D E  
GEORGIO BUCHANANO,  
Scoto,  
Ejusque Scriptis,  
T E S T I M O N I A.

JACOBUS AUGUSTUS THUANUS  
Hist. sui temporis, lib. LXXVI.

EORGIUS BUCHANANUS, vir ingenii felicitate & scribendi facultate, quod ejus scripta ad omnem eternitatem victura vel fatente invidia testantur, nostra etate incomparabilis; in *Levinia* *Scotiae* provincia ad *Blanum* amnem natus, sed adoptione nostras, qualis *Antonius Goveanus*, *Lusitanus*, summus & ipse *Buchanani* amicus, dici & existimari volebat. Nam post prima utriusque linguae tirocinia apud suos facta, omnem fere etatem in *Gallia* exegit, *Lutetiae* literas humaniores primum professus, & postea *Burdegale* in *Gymnasio Aquitano*; unde ab *Andrea Goveano* in *Lusitaniam*, cum *Nicolao Gruchio*, *Galielmo Guarenteo*, *Jacobo Tevio*, *Elia Vineto*, & *Patricio* fratre abductus *Conimbricæ* juventuti erudiendæ operam dedit; toto eo tempore insignem illam poëticam *Psalmorum Paraphrasim* commentatus. Dum in *Lusitania* esset, ob liberius carmen in *Franciscanos* scriptum exagitatus est, quamvis *Jacobi V. Scotorum Regis* jussu id fecisset, ultionem contra eos querentis, quod in conjuratione a quibusdam e Nobilitate contra se inita minus sincere versatos illos persuasum haberet. Inde in *Galliam* reversus operam suam *Timoleonti Cossæo Brissaci* equitum tribuni filio addixit, cum quo quinquennium totum hæsit, & ad annum usque 1560, quo bellorum civilium apud nos ardente incendio ad patriam antiquam, alumna & nutrice *Gallia* relicta, reversus est. Ibi Pro-

testan-

# DE GEORGIO BUCHANANO TESTIMONIA.

testantium doctrinam palam amplexus, tandemque post regno exutam Mariam Reginam, erudiendo Jacobo VI. ejus filio appositus, in senili otio patriam historiam aggressus est; quam tanta puritate, prudentia & acumine scripsit, quamvis interdum libertate genti innata, contra Regium fastidium acerbior, ut ea scriptio non hominem in pulvere literario versatum, sed in media hominum luce & in tractandis reipublice negotiis tota vita exercitatum redoleat: adeo ingenii felicitas & animi magnitudo omnia obscuræ & humilis fortune impedimenta ab eo removerant, ut propterea non minus recte de maximis rebus judicare & scribere prudenter posset. Et sane memini Petrum Ronsardum, virum acerrimi judicii, qui licet in dispari fortuna constitutus tota vita scholastico otio oblectatus fuerat, cum de Buchanano, Hadriano Turnebo, Antonio Goveano, M. Antonio Mureto, quibuscum arcta amicitia conjunctus fuerat, verba faceret, dicere solitum, illos homines nihil pædagogicæ præter togam & pileum habuisse, & tamen de vulgo pædagogorum sic censere, nunquam incorrigibilis ineptiæ ex pædagogica contractæ characterem vel longissimi ævi curriculo deleri posse.

THO. DEMPSTERUS Hist. Ecclesiast. gentis Scottorum  
lib. II. pag. 109.

**G**eorgius Buchananus natus est nobili loco in Levinia, sed tenui, Kalend. Februarii anno 1506. Prima studia in patria, mox Parisiis exercuit. Vir factus magna cum gloria Lutetia est professus bonas artes, tum Burdegale, ac deinde in Lusitania, ubi periculum adiit, ad questores impietatis delatus. Inde in Angliam, & festinato cursu in Liguriam contendit, Timolcontis Cossæi pueritiæ admotus, cujus pater Prorex magnos exercitus in ea gente duxabat. Tandem ad Scotos suos rediit, Jacobo VI. Regi, qui nunc totius magnæ Britannie sceptra unus conjunxit, erudiendo præpositus: præter viri boni partes, omnia executus; Principi sanctissima, Regina ac domine sue famam elevare contumeliosissima Satyra quatuor libris historie sue ultimis est conatus, mercenarius scilicet Jacobi nobis, qui tum magnis conatibus Proregis auctoritate ad principatum tendebat. Ut hq-  
k 2 minis

## DE GEORGIO BUCHANANO

minis igitur impietatem damno , ita laudibus in eruditione non  
vulgaribus lubens faveo. Obiit vero 28 Septemb. anno 1582.

DAVID BUCHANANUS de claris doctrina Scotis, MS.  
penes D. Robertum Sibbaldum M. D. Equitem auratum.

**G**eorgius Buchananus Poëta & Historicus, in Levinia Scotiae provincia natus est, ad Blanum amnem, in villa rustica, familia magis vetusta quam opulenta, a pueritia in literis utiliter educatus. Postquam avunculus ejus in scholis patriis spem de ingenio ejus concepisset, Lutetiam amandavit ubi circiter biennium literarum studiis, maxime carminibus scribendis, operam dedit. Postea morbo correptus ad suos est reversus, & cum auxiliis Gallorum in castra est profectus, urgente sua necessitate. Anno autem proxime sequente, primo quoque vere, factus est auditor Joannis Majoris in Academia Andreapolitana. Hunc in Galliam astate proxima secutus, tandem in collegium Barbaranum accitus prope biennium Grammaticam docuit. Deinde a Gilberto Cassilissæ Comite, postquam quinquennii spatio ei adhaeserat, in Scotiam est reductus, ubi a Rege rogatus in Franciscanos Silvam protulit. Hinc patriam derelinquere est coactus, atque per Angliam in Galliam denuo proficiscitur, ibique Burdegala biennium docuit. Sæpius etiam exinde sedem commutavit, nunc in Scotiam, nunc in Angliam, Galliam & Italiam se recipiens. Denique post 24 annorum peregrinationem Regem nativum Jacobum VI. discipulum suum habuit. Qui ubi adoleverat, eum a consiliis & privati sigilli custodem fecit. Vir erat ingenio pollens, animique dotibus pulcherrime ignitus, de literis optime meritus, & cui comparando ob singulares ingenii dotes atas nostra vix parem vidit, non per Scotiam solum, sed nec per Angliam, Galliam, Germaniam, & (ut compendio dicam) per ipsam studiorum matrem Italiam. De cujus viri laudibus non est cur multis hic agam, quas scio notiores esse, quam ut frigida prædicatione mea indigere videantur. Liberiore veluti studio (ut de Joviano Pontano scribit Paulus Jovius) Musas per omnes numeros exercuit, tanta habilis ingenii fecunditate, ut neque Poëtis, neque Oratoribus, qui tum maxime florere, dignum secundæ famæ locum relinqueret.

Erat

## T E S T I M O N I A.

*Erat austero supercilio, & toto corporis habitu (imo moribus hic noster) subagrestis; sed stylo & sermone perurbanus, quum sapissime, vel in seriis, multo cum sale jocaretur. Denique vir, quem mirari facilius, quam digne prædicare possis.*

ROBERTUS JONSTONUS Hist. Rerum Britannicarum, &c. lib. III. ad annum 1581, p. 81.

**P**ER idem tempus Georgius Buchananus, celeberrimi ingenii vir, domi forisque doctrina clarus, provectus ad septuagesimum sextum ætatis annum fato obiit, qui Poeticam Psalmorum paraphrasin varii generis versibus composuit singulari felicitate, nec minori elegantia Tragedias scripsit & Epigrammata. Item prosa oratione Historiam gentis Scoticæ tenus civili bello viginti libris complexus est, addiditque librum modicum immoderata libertate, cujus argumentum & titulus est, De Jure Regni apud Scotos. Hic vir judicio doctissimi Scaligeri & publico decreto Senatus literati Poeticæ culmen attigit: haud pariter probatus in Historia sui temporis, in qua plus dignitatis eloquentiaque, quam veritatis & fidei; quippe Mariæ Reginae infensus, invidia iraque fœdissima quæque objectavit multa cum acerbitate, haud recordatus composita a se paullo ante in memoriam virtutis carmina. Addictus Moravio patrono, & multis beneficiis obstrictus, cum laudibus cælo æquavit. Orta inter eos contentione, quam æquus judex fuerit in eo negotio fides sit penes lectores, qui iniquitatem scribentis arguere possunt ex dubia argumentorum fide, temerariis suspicionibus, & inurbana dicacitate patrono haud ingrata, cæteris mortalibus invisa. Præterea in libro De jure Regni, prætendens severum & restrictum laudatorum Principum imperium, ac speciosa nomina libertatis & moderati regiminis, procerum plebisque animos obstinatos pro legitimo imperio, jure majestatis, & summæ potestatis, callidis artibus subruit, contra jus, fas, & instituta regni. Improbis liber qui circumfertur, & in ore hominum est ob scribendi genus elegans & temperatum, gravissimo judicio prudentiorum neutiquam probari potuit; ob falsa in Principes probra, legitimi imperii dedecus, summæ & absolutæ potestatis diminutionem, propter quæ passim & propalam vilescit ac contemptui est. Nemo in libera civitate



## DE GEORGIO BUCHANANO

*natus majore obtreffatione aut malevolentia jus Regium infectatus est, editis annalibus, & non occultato De jure Regni libro. Rex cum ulcisci autorem pœna legitima posset, tulit maledicta patienter educatoris & præceptoris sui, haud facile dixerim majore moderatione an prudentia; nam si qua alia in Jacobo virtus, fuit & contumeliarum insignis patientia: hoc factò conviciatori dedecus, sibi gloriam æternam apud posteros peperit. Antequam moreretur, subeunte animum sera penitentia procacis lingua & immodice liberæ, sive naturæ vitio suæ, sive consuetudine, librum cremandum censuit, sed amore præstantiæque styli mansit editus & occultatus: a Blacvodeo & Barclajo I. C. Scoticæ originis exemplis & argumentis confutatus est.*

Sir JAMES MELVIL'S *Memoirs*, p. 125.

**M**R. *George Buchanan* was a Stoick Philosopher, who looked not far before him, a Man of notable Endowments, for his Learning and Knowledge in *Latin Poësie*; much honoured in other Countries, pleasant in Conversation, rehearsing at all Occasions Moralities short and instructive, whereof he had Abundance, inventing where he wanted. He was also religious, but was easily abused; and so facile, that he was led by every Company that he haunted, which made him factious in his old Days: For he spoke and wrote as those who were about him informed him; for he was become careless, following in many Things the vulgar Opinion; for he was naturally Popular, and extremely revengeful against any Man who had offended him, which was his greatest Fault.

Dr. JOHN SPOTTISWOOD *Archbishop of St. Andrews,*  
*Hist. of the Church of Scotland*, p. 325.

**M**R. *George Buchanan*, a Man so well deserving of his Country, as none more; he was of an excellent Wit, and Learning incomparable, born nigh to the Highlands, within the Parish of *Killern*, and of the House of *Drumakill*. His Uncle by the Mother, called *Heriot*, took Care to have him trained up in Letters, perceiving his Inclination to be set that Way: Wherein he profited so much, as he went beyond all his Instructors; Nature, it seems, having formed him thereunto. In the Year 1539, being called in Question by the *Franciscan Friars* upon the Malice they bare him for some bitter Verses written against them and their Profession, which he did to please King *James V.* whom they had in some Things offended, he was committed as suspected of *Lutheranism*, but made

## T E S T I M O N I A.

made his escape to *France*, where he lived a long time, and became acquainted with many learned Men, with which that Country did then abound. His Paraphrase of the Psalms, a rare Work, and other Poems, he wrote for the most part whilst he staid abroad; and for his Learning and quick Ingine, was admired of all Men. Returning into *Scotland* about the Year 1560. after he had professed Philosophy some Years in *St. Leonard's College*, within the University of *St. Andrews*, he was chosen to attend the King, and bring him up in Letters.

In his Age he applied himself to write the *Scottish History*, which he pennend with such Judgment and Eloquence, as no Country can shew a better. Only in this he is justly blamed, that with the Factions of the Time, and to justify the Proceedings of the Noblemen against the Queen, he went too far in depressing the Royal Authority of Princes, and allowing their Controulment by Subjects.

His Bitterness also in writing of the Queen, and Troubles of the Time, all wise Men have disliked. But otherwise no Man did merit better of his Nation for Learning, nor thereby did bring it to more Glory. He died in a great Age at *Edimburgh*, and was buried in the common Place, though worthy to have been laid in Marble, and have had some Statue erected for his Memory. But such pompous Monuments in his Life he was wont to scorn and despise, esteeming it a greater Credit, as it was said of the *Roman Cato*, who have it asked, *Why he doth lack a Statue, than to have had one, though never so gloriously erected.*

*Sir JOHN SCOT of Scots-Tarvet, M.S. cui Titulus est, &c.  
Staggering State of the Scots Statesmen from anno 1550 to 1650.*

**M**R. *George Buchanan* Instructor in Learning to King *James* in his Youth, is so renowned by his Works extant to the World in Prose and Verse, that it were superfluous to speak any Thing of him in this Catalogue of Statesmen. For Reward of his good Service, he got first the Office of Director of the Chancery, and then was made Keeper of the Privy Seal in his old Age. But of both the Places he reaped but little or no Advantage. He left neither Lands nor Sums of Money to his Friends. He was never married. He was in so great Disgust with the State before he died, that they caused summon him before them sitting in Council, for some Passages in his History, too plain of the King's Mother and Grand-Mother; and he had undoubtedly run a greater Hazard of his Life, if the Lord had not freed him of the Miseries of this World betwixt the Citation and the Day of Compearance. He told the Macer that summoned him, he was to compare before an higher Judge, which so fell out. Yet was his Chronicle prohibited to be printed, which none of them could get hindered, seeing it has many times been re-printed in *Germany*, and is extant in all the famous Libraries in *Europe*.  
Dr.

## DE GEORGIO BUCHANANO

Dr. GILBERT BURNET *Hist. of the Reform. of the Church  
of England, Book III. p. 311.*

**A**MONG those that were at this time (*An. 1541.*) in hazard. *George Buchanan* was one. The Clergy were resolved to be revenged on him for the Sharpness of the Poems he had written against them. And the King had so absolutely left all Men to their Mercy, that he had died with the rest, if he had not made his Escape out of Prison. Then he went beyond Sea, and lived twenty Years in that Exile, and was forced to teach a School most part of the time; yet the greatness of his Mind was not oppressed with that mean Employment. In his Writings there appears, not only all the Beauty and Graces of the *Latin Tongue*, but a Vigour of Mind and Quickness of Thought, far beyond *Bembo*, or the other *Italians*, who at that time affected to revive the Purity of the *Roman* Stile. It was but a feeble Imitation of *Tully* in them; but his Stile is so natural and nervous, and his Reflections on Things are so solid, (besides his immortal Poems, in which he shews how well he could imitate all the *Roman* Poëts, in their several Ways of Writing, that he who compares them, will be often tempted to prefer the Copy to the Original,) that he is justly reckoned the greatest and best of our Modern Authors.

ADRIANUS TURNEBUS *Adversariorum lib. I cap. 2.*

**N**EMINEM esse existimo in Gallia paullo humaniorem. cui *Georgius Buchananus* non sit notus, non solum eximius Poëta, verum etiam vir omni liberali eruditione non leviter tinctus, sed penitus imbutus.

THO. SMETONIUS, *Respons. ad Hamiltonium  
Apostatam p. 89.*

**V**IVIT adhuc, & utinam diu vivat, orbis terrarum, non *Scotiae* tantum decus *Georgius Buchananus*; quem inepte facerem, si a rabidi canis latratu defendere conarer, extra omnem ingenii aleam omnium judicio constitutum.

GUL. CAMDENUS, *Annal. rerum Anglicarum regnante  
Elizabetha, ad annum 1582.*

—**P**AULLO post obiit [*Buchananus*] Vir, qui nec cælo, nec solo, nec seculo erudito, ut ille cecinit, natus, ad sum.

## T E S T I M O N I A.

*summum tamen Poëticæ facultatis culmen tam feliciter ascendit, ut Poëtarum hujus seculi princeps merito habeatur.*

JOH. AND. QUENSTEDT de patriis illustrium doctrina  
& scriptis virorum.

**N**EC intactum abire patiar inter Scotiæ lumina haud postremum, Georgium Buchananum, ex Levinia Scotiæ provincia ad Blannam amnem in villa rustica oriundum, cultissimum vatem, & lactæ venæ patrem, versione Psalmorum Davidis vario carminis genere felicissime expressa, & descriptione Historiæ rerum Scotticarum clarum. Sane aurea ejus & cum omnibus priscis comparanda poemata, jure merito omnium versantur manibus.

ROB. ROLLOCUS Comment. in Epist. Pauli ad Thess. I.  
in Epist. dedic. ad Tho. Buchananum.

**N**ON sine auspiciis Georgii Buchanani patrui tui, viri, omnium quos tulit hæc natio, literatissimi.

GILBERTUS GRAIUS Orat. de illustribus Scotiæ scriptoribus,  
præmissa Geo. Mackenzæi M. D. Scriptoribus Scotis p. 32.

**S**ED quo te piaculo taceam Buchanane? aut quo præconio celebrem unicum Musarum hujus ævi decus? Nam cum perfectum Oratorem vix singula ferant secula, in te uno summi Oratoris laus cum summi Poëtæ conjuncta est. Tu Poëtarum nostri seculi princeps tuo jure haberi meruisti; in te omnes, quas dormienti Hesiodo in Parnasso monte asperserunt Musæ, violas, omniaque Virgilii, Flacci, Nasonis capiti aptaverunt ferta, in te, inquam, quis dubitat eadem esse collata? Cæterum, Auditores, nostro huic Poëtæ majoremne gloriam pepererint scripta, an doctissimi Regis Jacobi VI. cui præfuit, educatio incertum est.

THO. SMITHUS Vit. Pet. Junii pag. 5.

**B**UCHANANUS sane, cui primæ partes ob famam ingenii & eruditionis delatæ erant, &c.



## DE GEORGIO BUCHANANO

JEAN le Clerc, Biblioth. Choïsie. Tom. VIII. Art. III. p. 107.

**M**AIS il n'y en a point d'exemple, que je sâche, plus célèbre que celui de George Buchanan; dont le style, dans l'une & l'autre maniere d'écrire, surpasse celui de Grotius, & auquel il n'y a encore eu personne, que je sâche, que l'on puisse égaler à ces deux égards.

Et pag. 127.

*La premiere chose, que l'on y voit, (de Editione Salmurienſi ejus Poëmatum loquitur) c'eſt ſon incomparable traduction des Pſeaumes en vers; qui a été & qui ſera toujours l'admiration de ceux, qui ont quelque goût pour ces ſortes d'Ouvrages. Theodore de Beze, qui a fait une ſemblable Paraphraſe de Pſeaumes en vers, a raiſon de ceder le pas à Buchanan, & quand il la fit imprimer à Geneve en 1593. en parallele avec celle de Buchanan, il hazarda beaucoup, en égard à la réputation de bon Poëte. La comparaiſon, que l'on peut faire de l'un avec l'autre, ne fait pas honneur au Théologien.*

Et pag. 129.

*En tout cela, ſi l'on en excepte les Tragedies, & les livres ſur la Sphere, qui ne ſont pas ſi travaillez que le reſte, parce que l'Auteur n'y a pas mis la derniere main, il n'y a rien qui ne ſoutienne la haute réputation de Buchanan, dans la Poëſie Latine. On y voit par tout beaucoup d'invention, & un ſtile pur, net, élégant & autant relevé que la matiere le demande. D'ailleurs le tour en eſt ſi facile & ſi heureux, que les plus beaux endroits ne ſemblent rien avoir coûté à l'Auteur. Ceux qui ont lu les Anciens Poëtes reconnoiſſent par tout, qu'il les ſavoit par cœur; & il les imite ſi heureuſement, qu'on diroit qu'il ne débite jamais que ſes expreſſions & ſes penſées. lors même qu'on reconnoit qu'il avoit dans l'eſprit quelque paſſage des Anciens.*

De

# T E S T I M O N I A.

## De Scriptis ejus Poëticis, & in primis Psalmorum Paraphrasi.

GEORGIUS FABRICIUS Chemnicensis.

**P**SALTERIUM verterunt Germani aliquot pie: Itali, ut solent  
elegantè: in primis Flaminius. Sed nunc omnium industriam vi-  
cit Georgius Buchananus, Scotus, varietate sententiarum, & puri-  
tate sermonis.

**JUL. CÆS. SCALIGER** ad *Idem de Georgii Buchanani carminis  
Georgium Buchananum.* *venustate.*

**F**ELIX Georgi, lactea venæ pater,  
Quæ datat immensum mare:  
*Quid Barbarorum voce squallentem ab-  
sona,  
Merisque nugis obstitum,  
Inepturientem non ferendis artibus,  
Audire memet postulas?  
Pleærumque Phæbo temperante Marsyas  
Tentabit ictum pollicis?  
Amabiles Thalia si faciat modos,  
Garrere pica gestiet?  
Te, natum ad alta Pegasi cacumina,  
Trepente susceptum sinu  
Regina sacri magna Calliope soni  
Liquore non noto imbuit,  
Deditque palmam ferre de tot gentibus,  
Latina quot colit cohors.  
Puris beata voce tessellis nitor  
Perstringit aures candidas:  
Flexuque ducta vena dulcis aureo,  
Quam sustulit, iterat sitim.  
O me superbum, mole sublatum nova,  
Te litteratorum Deo!  
Desideratum abesse me, ut scribis, do-  
les,  
Quod aliquid esse me putes.  
Tu te ipse contemplator, in quo cuncta  
sunt,  
Et vota lenies tua.*

**H**ERI legebam nuper allatum  
mihi  
Sapidum, tenellum, molle carmen,  
aureum,  
Intelligendum vel puellis omnibus,  
Si splendor, atque puritas, decus,  
nitor,  
Animum subire luculentum ullum  
queat:  
Intelligendum non facile doctis vi-  
ris,  
Nisi mentis excitetur ardor efficax;  
Sententiarum propter ardorem me-  
rum.  
De me ut loquaris, ut ego de me  
ipso loquar,  
Intelligebam primulum ut simplex  
puer:  
At ubi vir esse, ubi esse volui intel-  
ligens,  
Vocis serena luce perculsus tuæ,  
De intelligenti intelligens nihil  
fui.  
Hoc te volebam sic monere, ne  
petas  
Me velle respondere: non enim au-  
deo  
Hocque esse respondere, non respon-  
deo.

# DE GEORGIO BUCHANANO

SCALIGERANA prima, edita Cologne. An. 1695. p. 72.

**B**UCHANANUS unus est in tota Europa omnes post se relinquens in Latina Poësi.

CAR. UTENHOVIUS.

**T**RES Italos \* Galli senos vicere,  
sed unum  
Vincere Scotigenam non potuere vi-  
rum.

\* Tres Galli fuerunt Michaël Hospitalius,  
Franciæ Cancellarius, Adrianus Turne-  
bus, & Joannes Auratus: sex autem I-  
tali erant Accius Sincerus Sannazarius,  
Hieronymus Fracastorius, Antonius Fla-  
minius, M. Hier. Vida, Andreas Nau-  
gerius & Petrus Bembus Cardinalis.

**LUCÆ FRUTERII** carmen  
ad virum maximum Georg. Bu-  
chananum, quod legitur in reli-  
quiis Fruterii pag. 140. & missum  
fuisse videtur cum Epistola Frute-  
rii II. vid. notas ad vitam Bucha-  
nani ad Ann. 1560.

**Q**uid? nisi crudeli flagraret Sco-  
tia motu,  
Angliaque hostili sumeret ar-  
ma manu,  
Divideretque sui furiales conjugis  
iras  
Nereine terris, Nereine pelago;  
Ille, Buchanani felix cognomine,  
vates  
Se eriperet nostris perpetuum ex  
oculis?  
Ille, cui geminæ dives facundia lin-  
guæ  
Ponit honoratis æmula ferta co-  
mis,  
Quemque adeo Musæ (sic sint mea  
gloria Musæ)

Et docuere sacros, & didicere mo-  
dos.

Sic adeo magnum est, Musas habuif-  
se Magistras:

Qui didicit docuit, qui docuit di-  
dicit.

Dicite Piërides Latiae, vos dicite  
Grajæ,

Quale bonum terris attulit e pa-  
triiis?

Sic ego: sic contra natæ Phœbeides  
orsæ

(Sit mihi cœlestum carmine fata  
sequi)

Venit, iō, tempus, Grajæ hæc au-  
dite Camœnæ

Quo slet iners vestris gloria Ho-  
meridibus.

Venit, iō, tempus (Latii hæc au-  
dite Poëtæ)

Quo minor e vestro carmine sur-  
gat honos.

Ille sacer Vates, nostrarum Buccina  
laudum,

Venit ab extremis in sua regna  
locis.

Docta que vivaci permittet carmina  
famæ,

Carmina cum lingua, tum sale  
Piërio,

Vatis Jessaci sacras referentia cu-  
ras,

Post Eratūs lusus, Uranienque  
suam.

O tantum liceat, Musæ, mihi ferre  
Poëtam,

Tunc ego sim fama major, Ho-  
mere, tua.

Di-

# T E S T I M O N I A.

Dicam ego, quod de se jactare modestia nescit:	Utque nihil vestrae condonent carmina famæ,
Nil mihi cum Musis, magne Poëta, tuis.	Carmina sub titulis vitam habitura tuis;
Dicam animum facilem sacrisque caloribus aptum,	At mihi sunt animi faciles, & amoribus apti,
Et prisca imbutum religione caput.	Nec minor in nostro spirat amore fides.
Hei quantum de se licet insanire Poëtis!	Vive, vale: & faciles Elegos ne despice, Vates,
Hoc, precor, indulge laudibus omne tuis.	Alcinoo & multos poma dedisse puta.

THEOD. BEZA in Epistola nuncupatoria suæ Psalmorum Paraphrasi præmissa.

**Q**UEM meum conatum etsi doctissimi & plane cum veteribus etiam optimis comparandi, meo judicio, Poëta Georgii Buchanani editum poemata retardavit. — Et paulo post. Et ut luminibus meis — Buchanani — officiat, — illud Maronis me consolabitur, Æneæ magni dextra cadis.

*Ejusdem in Geo. Buchananum carmen.*

**A**udieram Gottos, & quos Septentrio quondam  
Barbarus immanes ultricem in numinis iram  
Effudit populos, sceleratae mœnia Romæ,  
Et quæcunque prius spoliato ex orbe sacrarant  
Imperii fastusque sui monumenta Quirites,  
Partim æquasse solo, partim iniecisse voraci  
Consumenda rogo: ut quæ olim fastigia cœlis  
Intulerat, septem attollens in nubila montes,  
Nunc prostrata suis celebretur Roma ruinis.  
At non ingenium solers, linguamque disertam,

Æternis quibus illa opibus tot secula felix  
Roma olim cunctas inter caput extulit urbes,  
Hæc, inquam, reliquis longe anteferenda tropæis,  
Non equidem audieram Gottosve aliasve feroces  
Quas procul Oceanus gentes glacialis inundat,  
Noscere, mirari nedum potuisse rapaces  
Barbarus ut prædæ istius dulcedine captus  
Injiceret Musis unguēs, quas deinde rigenti  
Captivas sic diligeret cōleretque sub Arcto,  
Ut medias inter glacies Borææque sonori  
Pectora nata gelu, Musarum ardore calerent.



# DE GEORGIO BUCHANANO

Attamen hoc factum si quis dubita-  
verit, idem  
Vel medio lucere die Titana nega-  
rit,  
Vel te virtutesque tuas ignorat ine-  
ptus,  
Aonidum immortale decus, Bucha-  
nane, sororum.  
Namque tibi extremæ prope nato  
ad littora Thules,  
Os tenerum Aonides sic formavere  
puellæ,  
Sic Grajo pariter melle illevere la-  
bella,  
Pectora Romano sic implevere so-  
nore,  
Ut te Roma, licet Scotorum ad lit-  
tora natum,  
Æquoreas inter cautes atque horri-  
da cete,  
Tanquam urbe in media civem sibi  
vindicaret ortum.  
Inde autem magni te Mantua clara  
Maronis  
Juret stirpe satum, ac contra Vero-  
na Catulli:  
Afferat hinc Venusinus, & hinc Pe-  
lignus; & inde  
Corduba te repetat, repetat quoque  
Bilbilis inde.  
At vatem interea Buchananum  
Scotia jactes  
Una tuum, felix tantis natalibus  
una:  
Maeste quoque ingenii tanta virtute,  
Georgi,  
Æternum, & Latii spoliis ornatus  
opimis,  
Invidiaque omni major, Buchana-  
ne, triumphas.

ADAMUS BLACVODÆUS,  
pro Regibus Apologia adversus  
Geo. Buchanani Dialogum de Jure  
Regni apud Scotos. Post Præf.

*S* I tu Maonii premeres vestigia cœni,  
Si tu Thebanæ pleetra sonora ly-  
ra,  
Si tu Veroni festiva poemata vatis  
Tractares, thyrsos liberiore jocans;  
Quis genio, Buchanane, tuo certare  
valeret,  
Si Phæbo dignos persequerere modos?  
Nunc tibi Mercurius ridet, qui legibus  
orbem  
Turbas, & Nomii deseris antra  
Dei.  
Exbilarat Jovis ille dapes, & carmi-  
ne Divos  
Mulcet, Terrigenum prælia dira ca-  
nens.  
At tu terrigenis pugnas, cœlumque la-  
cessis,  
Et sceptrum eripiunt impia pleetra  
Jovi.  
Mutato liquit genio te Phæbus, &  
ille  
Quem sequeris, refugit te quoque  
Mercurius.  
Mercurius Phæbusque Jovis sunt pigno-  
ra, patrem  
Titanas contra juvit uterque suum.  
Sceptraque firmarunt uni, quæ turba  
rebellis  
Multorum voluit seditione regi  
Tu turbam regnare jubas, & legibus  
ima  
Exæquans summis, sceptras ligone  
domas.  
Dixisti certa quondam sub Apolline  
lege,  
Nunc sub Mercurio lege solutus agis.

Et

## T E S T I M O N I A.

*Et pag. 9, & 10.*

Qui si Poëticis se fabulis oblectare maluisset, quam administrandi regni legibus animum appellere, omnium suffragiis propriam ingenii doctrinæque laurum adipisceretur. Nam, vel me tacente, vivent mellitissima poëmata, vivet omnium seculorum memoria Psalterium illud Musis & Apolline dignissimum. Atque utinam illa potius imitari possemus, quam perperam ac temere scripta reprehendere.

NINIANUS WINZETUS, Velit. in Geo. Buchan.

—**N**IS I quod nollem tuo nomini, satis ob suaviore Musas jam celebri, tam tetram labem inuri.—

GUL. BARCLAJUS contra Monarchomachos lib. I.

**B**UCHANANUS, vir multis vel sola Poësi notus. *Et paullo post.*— Homo videlicet in quo si multijugem eruditionem spectes, præclara multa invenias.

PASCHASIUS GROSIPPUS, sive GASPAR SCIOPPIUS,  
Rhetor. Exercit. cap. II.

**G**ALLORUM vel Italarum nemo est, cui idem quod Buchanano contigerit, ut in quovis carminum genere summam obtineret: cujus quidem rei laude omnem etiam antiquitatem Buchananus provocat, ut tanta illa ingenii, vere unici & incomparabilis, ornamenta ad impietatem conversa fuisse, vehementer non ipsius magis, quam Reipublicæ caussa, dolendum sit.

HUGO GROTIUS Epist. ad Thuanum V.

**T**IBI hæc mittuntur, qui post Scotiæ illud numen [*Buchananum,*] redivivam nobis reduxisti Tragœdiam.

Le P. VAVASSEUR dans Remarq. anonym. sur les Reflex.  
touchant la Poétique p. 66.

**D**IT, que de tous ceux qui ont écrit en Latin, il ne connoissoit personne qui se possédast davantage, qui fust plus le maître de ses idées, & qui fît plus aisément ce qu'il luy plaisoit de son stile & de ses expressions que Buchanan.

THO. SAVILIUS Epist. ad Gul. Camdenum, Edit. a D. Tho.  
Smitho, Lond. 1691, p. 11.

**D**E Buchanano gratulor tibi illam segetem gloriæ; quanquam enim revera non erat operæ magnæ senescentem Rhetorem exarmare, & præ-

## DE GEORGIO BUCHANANO

præbere nobis γογγυῖα γυμνά: at certe hominem popularem nimis, & auctoritate, quam poematibus apud doctissimos sibi comparavit, feroculum coercere, video fore non inglorium.

Le P. RAPIN, Reflexions sur la Poétique, Part. II. 30 p. 166.

**B**UCANAN a des Odes dignes de l'Antiquité: mais il a de grandes inégalitez par le mesange de son caractère, qui n'est pas assez uny.

GILL. MENAGE \* Anti-Baillet Tom. II. cap. 27.

**L**E Pere Bourbon disoit, qu'il ût mieux avoir fait les Seaumes de Buchanan, que d'être Archevêque de Paris.

\* Idem prius retulerat ipse Menagius in suis ad Malherbii opera Observationibus, p. 305. de quo etiam Teisser, *Addis. aux Elog. de Monsieur de Thou*, Vol. 2. & Baillet *Jug. de Scavans* Tom. IV. Part. 3. pag. 346.

Monsieur BAILLET, Jugemens des Scavans sur les Poëtes,  
Tom. IV. Part. III. p. 344.

**I**L avoit le genie également heureux, second, & capable des plus grands efforts dans l'Art Poétique. C'est ce qu'il a fait voir dans divers genres de Poësie, sur lesquels il s'est exercé.

GUY PATIN, Lettre 151.

**J**E scay bien les vers de Buchanan, il y a long-tems; *Non ego Romulea, &c.* & même il y a plus de dix mois que Noel Falconet les a mis dans son cahier: J'ay autrefois sceu par cœur tous ses Epigrammes, son *Franciscanus*, & *Fratres fraterrimi*, mais donnez-vous le plaisir de voir celle in *Romam*, qui commence ainsi: *Hi colles, ubi nunc vides ruinas, Et tantum veteris cadaver urbis, &c.* & qui finit ainsi, *Nilil comperies, nisi lupercos, Lupercale, lupos, lupas, lupanar.* Et l'autre qui intitulée, *Imago ad peregre venientes, religionis ergo*, qui commence:

*Fare, age, qui terras lustras, vagus hospes, & undas,  
Quid petis hinc? longe que tibi caussa vie? &c.*

Virgile ne fit jamais mieux, mais il a falu quinze siècle pour faire un Poëte comme Virgile.

BORRICHIIUS de Poëtis, pag. 150.

**G**EORGII Buchanani Scoti Poëmata varietate argumenti, dictionis nitore, schematum lumine, & inaffectata decori custodia, omnium fere doctorum amorem, laudesque provocarunt. Magnifice Josephus Scaliger, dum eum respectat:

Imperii fuerat Romani Scotia limes,  
Romani eloquii Scotia finis erit.

*Quam*

# T E S T I M O N I A

*Quam religiosis, sed & quam puris manibus intendit lyram Davidicam? quam floret in Elegis? quam plenus est gravitatis in Jephthe & Baptista Tragœdiis? quam clarus in V. illis de Sphæra libris Epicis? quam floridus in Lyricis, Miscellaneis, Epigrammatis? quam denique in Franciscano & Fratribus vehemens & aculeatus?*

ANT. TEISSIER Nouv. Additions aux Eloges des Hommes  
Scavans, pag. 298.

**M**R. Menage assure que *Buchanan* a été un Poète très célèbre dans son tems, que tous ses vers sont excellens, mais qu'il y en a qui sont si beaux, qu'il se faisoit un plaisir de les repeter souvent, par exemple ceux ci où il parle de sa Maîtresse,

*Illa mihi semper presenti dura Neera,  
Me quoties absûm semper abesse dolet.  
Non desiderio nostri, non mœret amore,  
Sed se non nostro posse dolore frui.*

**LUDOVICI CASTELVETRI** in Georgium Buchananum.

**V**ATIS Idumæi sacro quod percitus æstro

Exprimis Ausonia carmina culta  
lyra,

Non tibi quas solvat dignas pro munere grates,

Romanus, quamvis maximus, orbis habet.

Divinis nam fiqua fuit vox auribus apta,

Per te illa alloquitur concelebratque Deum.

Incerti Auctoris in eundem.

**L**UDICRA Christicolæ ponant: *Æneide majus*

*Exit opus, celebri majus & Iliade.*

**HENRICI STEPHANI** in eundem.

**E**CCE, Caledonia Maro, Naso & Flaccus in ora,

Pro Jove nunc discunt posse sonare Jovam.

Tom. I.

E J U S D E M.

**D**AVIDIS hic corpus, sed telum veste Latina,  
*Quæ picta est Flacci, picta Maronis acu.*

E J U S D E M.

**A**SSERE te auctorem: collatas Zoilus inquit  
Vatibus a priscis hoc operas in opus.

E J U S D E M.

**O**RAS si repetat superas Maro, te sibi juret

*Heroum tandem surripuisse pedem:  
Reddita si fuerit lux Flacco, juret & ille*

*Te lyricos numeros surripuisse sibi.  
Fallor ego: & potius stupefactus credit uterque*

*Se quondam numeros surripuisse tibi;*

E J U S D E M.

**L**EGERAT hoc Phœbus, turba comitante sororum,

m

Cary



# DE GEORGIO BUCHANANO.

Carmen : at incertus carminis  
auctor erat.

Miratur Phœbus, Musæ mirantur  
& ipsæ,  
Jamque alio metuunt abs Helico-  
ne sibi.

Tum Phœbus, Vates priscos agno-  
scite, ritus

Qui didicere novos, dedidicere  
meos.

## E J U S D E M.

**Q**UÆREBAM, Buchananæ, tibi  
quis & unde dedisset  
Nomen, & an Graja hæc vox  
foret, an Latia:

Inventa est tandem mihi nominis hujus  
origo:

Ex re hoc, divino numine, nomen  
habes.

Et quicumque ex re te nomen habere ne-  
gabit,

Quid Buchananæ Græcis, se quoque sci-  
re neget.

## E J U S D E M.

**C**UR non vel prius hæc donasti  
carmina luce,

Vel non perpetuis obruis hæc te-  
nebris?

Tot vatum labor ecce perit, Ger-  
mania nobis,

Gallia quos nobis, quos dedit Au-  
sonia.

Carmina tot vatum, tam longo scri-  
pta labore,

Siccine tam facile deleat una dies?

Namque ea quis volvet, Cereris nisi  
fruge reperta

Gaudeat iligna pellere glande fa-  
mem?

Verum quam male tu famæ nunc  
consultis horum,

Tam bene diceris consuluisse tuæ.

## E J U S D E M.

**F**RUSTRA hæc Davidis conati  
reddere multi,  
Conatus contra vicit at iste suos.

## E J U S D E M.

**H**UNC erga Hebræum miracu-  
la maxima vatem  
Ediderat mundi maximus ille pa-  
rens.

Quis non obstupuit juvenilibus acta  
lacertis

Saxa neci vastum posse giganta  
dare?

Quis non attonitus tanti fastigia re-  
gni

Ex humili vidit profuuisse casa?

Quis non attonitus fundentem ora-  
cula vidit

Qui modo lanigeras pastor agebat  
oves?

Hoc in vate igitur divina potentia  
quondam

Virtutis dederat tot documenta  
sue:

Non contenta istis, en nostro rur-  
sus in ævo

Miraculum antiquis addidit illa no-  
vum.

Nam quo Musarum tenuis perlap-  
sa nec aura,

Hic pandit vati nunc Heliconæ  
suo.

## E J U S D E M.

**H**IC sacra Calliope, sacer est hic  
lector, Apollo:

Castalis hic sacra est, hic sacer est  
Helicon.

At dum tu nobis, Buchananæ, profan-  
na sacraſti,

Sacraſti ſeculis te quoque perpetuis.

PAU.

# T E S T I M O N I A

PAULI MELISSI FRANCI.

**D**IVERSOS multi varie el-  
cuere sonores,  
Aptando Latiae plectra Syriſſa ly-  
rae.

Barbiton hic, citharaeque fides, che-  
lyn increpat alter:

Et ſuus ex merito quemque ſecu-  
tus honos.

Quod, Buchananæ, canis, modula-  
mina cætera vincit:

Ceu reliquas liquidæ Dauliæ vocis  
aves.

Et quiſquam dubitet plenis edicere  
buccis,

Hæc ſuperat cunctas buccina cla-  
ra tubas?

CHRISTOPH. MANLIUS

Lufatus, ad Joan. Langium in  
Delic. Poët. German. Tom. IV.  
pag. 253.

**D**UM Jephthen tragico Buchana-  
nus ſymmate veſtit,  
Dum Latia Iſaiden tangere plectra  
docet,

Dum caſſis ſic tincla jocis Epigramma-  
ta ludit,

Ut metuat palmæ Bilbitis ipſa ſue:

Cernis ut ad Scotos migrant, Helicone  
reliſto,

Laurigeræ, tantæ vatis amore, Deæ?

Nec vivo hoc reditus ſpes eſt. Utrum  
ergo vocabo,

Langi, Heleconiades, anæ Caledo-  
nides!

Et rurfus de eodem, Ibid.

Illic imperium fore jaſtavere Qui-  
rites,

Eſſet ubi ſedes, Scipio magne,  
tua.

Illic Pierides, illic erit alma Poëſis,  
Illic Phœbus erit, qua Buchanan-  
nus erit.

HENNINGUS CUNRA-  
DINUS.

**T**ANTUM Scotia protulit Poë-  
tam,

Quamvis ſit ſub iniquiore cælo,

Quantum non capit ipſa tota regno.

Vix Graji & Latii tulere tantum,

Quamvis ſint ſub amœniore cælo,

Quantum Scotia protulit Poëtam.

STEPHANUS PASCHASIUS in  
Icon. Delic. Poët. Gall. Tom. II.

**V**IRGILIIS, Flaccis, Naſoni-  
bus, atque Catullis,

Hiſne ego ſi tantis vatibus infe-  
rior?

In genere unicuique ſuo concedo,  
ſed in me

Collige cuncta ſimul, plus ego  
promerui.

I D E M.

**I**N te uno quod ſint multi, Bucha-  
nane, Marones,

Ac dederint talem ſecula nulla vi-  
rum.

Hoc de te primo cælum ſpondebat ab  
ortu,

Nomine ſubque tuo nomen & omen  
erat.

Nam canere eſt vatum; vatum tuba,  
buccina, bucca,

Et canis annis nobilitatur opas.

Hæc ſua ſunt, Buchananæ, tuoque in  
nomine cuncta

Canus & annus, item buccina, buc-  
ca, cano.

DE GEORGIO BUCHANANO  
ANONYMUS.

**N**OMEN ab ore tibi, quia bu-  
ca & lingua lepore  
Plena est, mellifluis plenaque ver-  
ba modis.

Hanc prudens animus doctis conce-  
ptibus ornat,

Formatis doctæ Palladis ingenio.

Pallada cum Phœbo Aonides comi-  
tantur, & implent

Cœlesti dono quæ tua Musa ca-  
nit.

Hinc te omnes merito laudant, ce-  
lebrantque canentem.

Quæ semel edideris, dum tua scri-  
pta legunt.

A L I U S.

**A**SPICIS ut Claria vates nutri-  
tus in aula

Nectareos roseo fundit ab ore sonos.

Atque imo Pindum cerebro sibi condit  
& una.

Præcellit venâ Bellerophontis aquas.

ΦΕΔΕΡΙΚΟΤ ΙΑΜΩΤΙΟΤ  
εἰς Γεώργιον Βυκανανὸν ὠδή.

Στροφή.

Φανή ρήσις παλαιαί  
Τῶν Αἰκμιώας, ὅς ἔλυ-  
πνόν' ἔβα, πομπὴς Ἰππὶ γὰρ,  
Πολιᾶς δ' ἄλλ' κτενὸν  
Θῆρας αἰδροδίκας, Κελτῶν παρ' ὄχ-  
θας.

Ἀνθερωὶν δ' ὀπρὶ φαντα δεσμὸν.

Ὡσὶν ἑλκίσσῃ πὶ πλῆθ'.

Καὶ πῶδ' ἐπειτα κατωσχέμνον.

Ζανὸς ἐξαιφνης ἐπίσθῃ

Ὀβρίμῳ θάλασσι βίβαντι.

Ἀντιστροφή.

Ἀλλὰ γὰρ ἰσθ' ἄμεινον,

ἐπ' ἰσθ' ἑστῇ μελίσσῃ.

Κηρίῳ, τὰν Βυκανανὸν

Γλυκερωτάτῳ ὄπα,

Τὰ δ' ἀπὸ στόμαθ' ἀγαγὰ ῥέοντι

Ἀδυμελεῖς ἐπίων νύκτας χέουσιν.

Τὰς κορὰν τὰς χρυσοπέπλε

Μυαμοσιῶας δέσιν ἀγνοτάτων,

Τῷ παρ' ὄχθων ἰαίνει

Ἀλκίμων ἀνδρῶν ἄκραν.

Εἰσαδός.

Πῆλ' γὰρ τ' ἀκαματοπόδων

Βροντᾶν ἱλατῇ-

ρ' Διὸς, ἤλξιν ἄμυσον

Πρόθεν ἀνθρώπων γίν'.

Νυνὶ δ' ὁρ' ὀφθαλμῶν δ' ὀφθῶν

Ἀνδρῶν κραδίῳ ὁδε σῦρε,

Τὰν ἀγαφθίγνων αἰοιδᾶν,

Ἀδυφώνων καὶ μελῶν

Παντὰ πρὸς σοφίᾳ,

Τὰ καὶ δὲ δ' ὀρυζενῆς

Ἡερκλ' ὅσον πάντες τιν ἔλκοι τὰν πῆ-  
δαν.

ΦΡΑΓΚΙΣΚΟΤ ΠΟΡΤΟΤ ΕΙΣ

Γεώργιον Βυκανανὸν, τὸς τῷ Δαβὶδ ψαλ-  
μὸς Ρωμαιοῖς ἐν ἑστῇ μεθερμη-  
νύσαντα.

Σιγὴ νυνὶ λαοῖς Δαβὶδ αἰδ' ὅσον  
αἰοιδῶν

(Θαῦμα μίγ') ἐστὶν πᾶσιν ὀπιχθε-  
νίδις.

Ἀλλ' ὁ μὲν ἀντολὴς ταῖς τῷ μελπετο  
κάρτ'.

Ἐσπερίοις δὲ τ' εἰς ἑσχατον ὠκεανόν.

Ἡ σὺ Παλαιστίνῃν ὅπ' αἰν' γ' αὐτὰρ ὁ  
ρυθμοῖς

Λυστοῖσις θίλγῃ νυνὶ νόον ὅσον μερίπον.

Εἰ δὲ μέλη πρὸς τέρτοιο, τύπη τότε νύστα-  
το Χερσῷ

Ἐξοχον ἔργον δὲ παντοκράτωρ βασι-  
λεὺς.

# Τ Ε Σ Τ Ι Μ Ο Ν Ι Α :

ΕΡΡΙΚΟΥ ΣΤΕΦΑΝΟΥ εἰς τὸν αὐτόν·

Πατέρι μὲν σ' ἔπικεν, μέσσην δὲ σὺ πα-  
τρίδι τίκεις,  
τῇ χροτίῳ δόσῃ ἀντιδίδες χροτίῳ.

ΤΟΥ ΑΥΤΟΥ εἰς τὸν αὐτόν.

Ἠγαγέ σι περφέσσε πατέρα, ἢ νῦν σὺ  
φαίνης·  
Ὡς σοι ἔδωκε φάθ', καὶ φάθ' ἀν-  
τέλαβεν.

ΤΟΥ ΑΥΤΟΥ εἰς τὸν αὐτόν.

Καλλιόπη τί σὺ ποῦσαι ἰδύσσεο Κελτίδι  
γαίῃ,  
καὶ χθονὶ Γερμανικῇ, Λύγονικῇ π  
πίδω,  
Ὡς τε Καληδονίων μεμπάσσεα ἔχουσ θεί-  
ναι  
οὔδεις, πύχην μάλα πρὶν ποτὶ βαρ-  
βαρικῇ;  
Ἰλαθι Καλλιόπη, ἐπανέχουσ ἢ μετανά-  
σαι  
εἰς τὸ Καληδονίων ἔδωκε ἄμ' ἐφόμι-  
θα.

ΤΟΥ ΑΥΤΟΥ εἰς τὸν αὐτόν.

Τίπτε Καληδονίων Μῦσαι περβεβόλασε  
ἔδωκε;  
Πῶς τὸ πρὶν ἔχουσ, φίλτατον ὕμνι  
πίλεις;  
εἰς Ελικῶνα θεῶν ἐπανήκει· ἤ γε καλεῖ-  
ται  
οὐχ Ελικῶνι ἔμοι, αἰεὶ Καληδόνισαι.

ΤΟΥ ΑΥΤΟΥ εἰς τὸν αὐτόν.

Φασὶ Καληδόνιος μοῖραν πῶς τὸ πρὶν ἐπα-  
δῶν  
Ἴσορα πλάσσει καὶ κακόπυχον ἔμεν.  
Θαυμά μ' ἔχῃ, ὅδ' αἰς πῶς ἀντήλαξεν  
ἐπιδάς.  
Τὴν ἄπορὸν μοι ὦν νῦν λυέ Καλλιόπη.  
Πάνσφι Καλλιόπη, σὺ δ' ὁμῶς ὥσπερ  
σιωπῆς;

Σῆς κρεῖττον σφίγς πάνσφι τῶν πύ-  
λαι;

Μήποτε σᾶς ὅδας ἰδίαις κατέθειλξεν ἱερὰ  
δαίς,

Ἰυγγός τε κακῇ δῆσεν ἀλυκισπέδῃ;  
Θάρρει Καλλιόπη, θελκτικῶς μείζονα  
οἶδας.

Μεῖναν αἰοδαί σοι, αἱ δὲ ἐπιδά  
ἔσαν.

ΤΟΥ ΑΥΤΟΥ εἰς τὸν αὐτόν.

Μισήσασα θεῶν σὴν πατρίδα πῶς φιλεῖ  
ᾧδεις;  
ἀντὶ δὲ μισήσων φίλτρα πατερεῖς τίς  
ἔχῃ;  
Σὴ πατέρα Βυκανῶν πῶ ἔχρησσε φίλ-  
τρα;  
Τὴν θελγομένην ἔγαγε Καλλιόπη.  
ἀλλὰ τίς ἡ φίλτρα χρὴ πρὸς σι φιλεῖ-  
σαι ἐκείνῳ;  
Μᾶλλον σὶ φίλτρον αὐτῇ ἔπασσε  
θεῶ.

ΤΟΥ ΑΥΤΟΥ εἰς τὸν αὐτόν.

Σοὶ ζωὴ ἔσπερ πατέρα, πόρες ἔνομα πά-  
τερ;  
Οὐδῶμα νῦν ὦδ' αἰς ἡ κλέθ' ἰδύσσε  
ἔχῃ.  
ἀλλὰ πόρε ζωὴ μινυάειον ἔνομα δῶ-  
κας  
Ὁ ζῆ, ζῆσε πάθ', ζῆστω ἀθάνα-  
τον.

JOH. LUNDORP.

Μάντιθ' Ἰσαῖδα λυρογυθείας ᾧ μετὰ  
φρασάν

Πάμπλοιο ψαλμοὺς ἀνδρες αἰδοῦπό-  
λοι.

Ἀλλ' ἐοὶ πᾶσιν ἀρεσέφ Βυκανῶνθ',  
ἰδ' ἐσιν

Ἦν δ' αἰ θεοπεσίῳ ἔχοχθ' ἐνιπίλῳ.

Τίπτε σὺ βασκαίνεις ἐπ, βασκανε, εἰσά-  
κε λάμψῃ

Ἦλῃθ', λάμψῃ ἔχοχα τῶν κλέθ'.  
π 3 Ἄλλοι



# DE GEORGIO BUCHANANO

Ἄλλο.

Ὅς Βυκανᾶνον ἀπαι' βυκανῆς ὄνομ' ἔπε  
λαχίοντι,  
Εἶπε κατ' αἶσαν, ὃ γὰρ καὶ πέλεται βυ-  
κανῆ  
Εὐκίλαδ' ὦ, παρθοῶσα θεῶ κλέ' ὕψι-  
μίδοντ' ὦ,  
Παστὶ ἐν κόσμῳ ἧς κιλαδῆ κίλαδ' ὦ.

Ἄλλο.

Καὶν, Βυκανᾶν, πατεῖς Σκοτὴ σοι,  
καὶν ὄνομαζ' ἦ  
Σὺ Σκότη, ἡ σκότος εἶ, ἀλλὰ φέως  
Σκοτίνης.

Ἄλλο.

Σιγῇ μυσπόλοισι παλαιοῖς κρείττωκα  
κρείττων  
Νῦν γὰρ αἰοιδίαι μυσπόλος νεαρὸς,  
Μυσπόλος Βυκανᾶνος, αἶθλον τῷ μὲν  
Ἀπώλλων  
Κραὶν' ἐν νεαροῖς ἐν π παλαιήρεσσιν.  
Ἦν τάχα βασκαίνῃ περ, τί πλεον; αἶν  
ὀπηδεῖν  
Λύσοις εἴωθε πρήγμασι βασκνή.

ANDREAS MELVINUS  
Geo. Buchanano Præceptori  
suo & Musarum parenti.

**N**UPER te, Buchanane, cum  
viderem  
Ægrum, languidulum, toro jacen-  
tem.  
Et fato & capulo heu nimis propin-  
quum;  
Visus tum mihi sum videre Musas  
Ægras, languidas, toro jacentes,  
Et fato & capulo heu nimis propin-  
quas.  
Te sensi ut meliuscule te habere,  
Nec tristi vigilem toro jacere,  
Verum exsurgere, munia ampla ob-  
ire,

Regem visere, Regis & senatum,  
Mox Musas meliuscule se habere,  
Nec tristi vigiles toro jacere,  
Verum exsurgere, munia alta ad-  
ire,

Regem visere, Regis & senatum,  
Regem cœlicolum, poli senatum,  
Sensi: hinc nomine pene restitutæ  
Valetudinis & tuæ & sororum,  
Doctarum, Buchanane, dux foro-  
rum,

Quæ tecum in torulo simul jace-  
bant  
Ah longum nimis, ah nimis nimis-  
que

Ægræ, languidulæ, parum loquen-  
tes:

Quæ tecum in tumulto simul jace-  
bunt

Ah brevi nimis, ah nimis nimisque  
Et surdæ & gelidæ & nihil loquen-  
tes:

Ergo hoc nomine pene restitutæ  
Valetudinis & tuæ & sororum,  
Ut sortem tibi gratularer istam,  
Gauderem mihi gaudium renatum,  
Et longum tibi comprecaber ævum  
Exsors tædii & auxilii laboris,  
Consors gaudii & otii beati,  
Inscriptum tibi carmen exaravi:

Et pingui rudis arte lineavi,  
Haustum e fontibus abditis sacrif-  
que,

Et sponte & subito calore fustum:  
Non quale incolumes solent Camœ-  
næ

Altum, grandiloquum, & nimis ve-  
nustum;

Sed quale invalidæ queunt sorores  
Deductum & tenue & minus venu-  
stum:

Hoc, inquam, tibi carmen exaravi,  
Doctarum, Buchanane, dux foro-  
rum,

Incul-

## T E S T I M O N I A.

<p>Incultum ut coleres, &amp; impol- tum Unus, qui instar es omnium, poli- res: Proscissum veluti colonus arvum Exaransque, iteransque tertians- que: Procusum velut artifex metallum Elimans, poliens &amp; elaborans:</p>	<p>Ut versum semel, usque &amp; usque versum, Incudi quoque redditum remittas, Non quale invalidæ queunt sorores Deductum, &amp; tenue, &amp; minus ve- nustum: Sed quale incolumes solent Camœnæ Altum, grandiloquum, &amp; nimis ve- nustum.</p>
---	--

JACOBUS DUPORT in Præfat. ad Græcam Psalmorum  
Metaphrasin.

*IN hoc argumento facile omnibus palmam præripuit Buchananus.*

BUCHANANI Divinitatem  
inaccessam admiratur JOAN.  
RAYUS.

**M**IRANDE vates, fons beati  
carminis,  
Latina Syren, patriæ  
Illustre decus, & mel lêporis Attici,  
Doctissime nepos Romuli,  
Latinæ Athenæ, Flacce duplex, &  
triplex  
Homere, mens Poëseos,  
O absque vitio monstrum, & absque  
fluctibus  
Pontum profundum, nubibus  
Cœlum absque purum; o posteris  
miraculum  
A fonte Musas Pegasi  
Primus canorus qui advocasti ad in-  
clytæ  
Sionis hymnos aureos:  
Venamque ditem corlitum qui Prin-  
cipi

Laudando sic indulseris:  
Calore mentis cœlum oberrans en-  
theo  
Solis labores, sidera,  
Lunæque cursus, indicasti ut indi-  
ges  
Mortalis inter cœlites.  
Sic prorsâ, vorsa fundis auspice  
alite  
Aptans cothurnos focculis,  
Ut artium omnium deus & auctor  
unicus,  
Et meta naturæ cluas.  
Te voce qualis, quantus es depin-  
gere  
Nemo potest nisi Deus.  
O si perenni fons benigni fluminis  
Fluore nostrates riget,  
Rerum ut parentem ter beato car-  
mine  
Cum laude, teque concinant.

JO. RAYUS.

ALEX. BODIUS, Literularum centuria I.

**T**RANSLATIONIS populari meo facile desertur palma: Epigram-  
matis quoque, si paterentur Itali, adjicerem dignitatem, & velint, no-  
lius, cothurnum sibi hircumque vindicabit.

JO.

DE GEORGIO BUCHANANO.

JO. POSTHII Archiatri Pa-  
latini, P. L.

Mellifluo replet, coetu admirante  
piorum,

**S**IDEREUM ascendit nuper  
Buchananus Olympum  
Vocante Rege coelitum,  
Mistus ubi sanctis jam vatibus aurea  
templa  
Cantu suorum carminum

Stupente & ipso Davide:  
Qui, merito superis, ait, ista pro-  
bantur & orbi,  
Ter maximi laudes Dei  
Clarius ac melius referentia, quam  
mihi quondam  
Modulata Hebræa barbitō.

PAUL. FREHERUS, Theat. virorum eruditione clarorum,  
Tom. II. p. 1475.

**E**DIDIT Buchananus— *Paraphrasin Poëticam Psalmorum Davidis*  
*ad unguem elaboratam & cedro dignam.*

LAMB. LUDOLPHUS PI-  
THOPOEUS Daventriensis,  
de Caledonia Buchanani patria.

Sic Georgius ille, lux Scotorum,  
Buchananus, amor decusque Phœ-  
bi,

**I**N hanc Aonides migrasse Musas  
Cum dulci Charitum choro so-  
rorum,  
Phœbæo auspicio, Jovisque ductu,  
Illa olim domina orbis, urbs Quiri-  
tum,

Mel, & delictum, suaviumque,  
Et cura Aonidum novem dearum,  
Maxima eminet, eruditionis,  
Ingeni & genii, eloquentiæque,  
Et priscæ fidei, severitatis  
Comitateque, laude temperatæ;  
Quantumque est hominum elegan-  
tiorum,

In vitam revocata si videret,  
Obstupefceret, Atticæque Athenæ  
Præreptam sibi gloriam dolerent,  
Doctrinæ, ingenii, eloquentiæque,  
Et vitæ simul elegantioris,  
In septemque abiisse jam Triones.  
Et Roma tamen Atticisque Athenis  
Hæc Caledonia, axe sub Boreo  
Procul diffita, plurimos & olim,  
Et nostro tulit hoc viros in ævo,  
Doctrinæ, ingenii, eloquentiæque  
Conjuncta sapientia celebres,  
Morum & laudibus elegantiorum,  
Quos inter, veluti nitet minora  
Inter sidera Cynthia orbe pleno,  
Et tantum caput extulit decorum,  
Inter quantum humiles solent myricas  
Quercus ardua, populusve vivo  
Gaudens flumine, nigra vel cupres-  
sus:

Inde ab Occiduis ad usque Eoas,  
Boreas, Notiasque Solis arces,  
Jucundissimus omnibus, Poëtas  
Inter eximios Poëta summus:  
Qui Gallos, Italos, & unus omnes  
Vincit laude Poëtica, vel æquat,  
Germanos, facieque adusta Iberos,  
Editis celebres metris poëtas;  
In quo Virgilios, Horatiosque,  
Revixisse queas putare cunctos,  
Nasonesque, Propertios, Tibullos,  
Catullos, Ciceronas, & Platonas,  
Et quantum est hominum eruditio-  
rum,

Roma quos dedit, Atticæque Athe-  
næ,  
Tantum terra virum tulit Scoto-  
rum.

De

# T E S T I M O N I A.

De Franciscano & Fratribus VA-  
LENTIS CORVIVOTI  
ad Georgium Buchananum car-  
men.

**B**UCHANANE jubar tenebrio-  
num,

Qui te Grammaticas tribus vereri  
(Centor sit modo Beza) ne vel hilum  
Scriptis nuper es editis professus;  
Huc accede tuo comes patrono,  
Et me (quandoquidem semel vocasti  
Censorem quoque carminum tuorum)  
In falsis, mihi quos dica, lambis,  
Dætorum licet omnium vel unus  
Sis doctissimus, edocendus audi.

Est quod verbis in tuis requiram,  
Est quod verbis in tuis refutem,  
Est quod te peragam reum Solaci,  
Ipsis Grammaticæ tribus magistris  
Contra te facientibus, meæque  
Suffragantibus accusationi,  
Magno non sine teste Prisciano,  
Cujus fuisse caput feris colurno,  
Exiit tibi quando Solæcismus.  
Vis paucis doceam sit ecquid illud?  
Versus vel semel hos tuos revolvas,  
Te ipsum validis tui Valentis  
Convictis rationibus nec ipse,  
Nisi dispar tibi factus es, negabis.

Commendas mihi ter quaterque Fra-  
tres,

Buchanane, tuos satis superque  
Spectatos mihi cognitosque dudum.  
Sed quosum Pleonasmus ille. Fratres?  
Fratres dicere sat semel fuisset:  
Fratres dic semel hos habesque pictos  
Belle mehercle damnatosque te.  
Cur fraterrimus hic vel ille dictus.  
Est frater tibi: fratre quando frater  
Haud est fratrior alter altero, nec  
Pater patrior alter altero, nec  
Mater matrior altera altera, nec  
Sorum vel magis hæc soror vel illa,

Tom. I.

Prior nec prior hoc, prior nec illo:  
Primi dicier ergo non priores  
Debebant, hominum Terentianæ  
Qui se non dubitant vocare primos,  
Nec sunt: classis in ultimæ referri  
Digni centurias, vel in profundum  
Detrudi potius Stygis barathrum.  
Ponti nec magis iste Fex, nec ille:  
Omnes Pontifices fabrique Pontis,  
Pontis sed Phiegethontis æstrosi:  
Omnes Pontifices fabrique Pontis,  
Ponti quæ Stygios vomit cerasias:  
Omnes Pontifices, licet nec unum  
Pontem fecerit hic vel ille, pontem  
Præter, (nomen & hinc habent) A-  
verni:

In quo Pontibus est opus, Paludes,  
Rivi, flumina, stagna ubi lacusque:  
Hanc propter quoque Pontibus libenter  
Causam Cælicæ carent beati:  
Hanc propter quoque Pontifex & ipse  
Causam creditur exulare celo,  
Cum consortibus & phalange fra-  
trum.

Nam quis Pontibus est locus, vel usus  
Docti Pontificis, precor, nec unum  
Fumen repperias ubi? Proinde  
Cælo Pontifices procul, tremendi  
Ditis regna petant, petant Averni  
(Illic flumina sunt,) tenebricosam  
(Illic Pontibus est opus,) profundam  
(Illic Pontifice est opus,) Paludem.

VALENS CORVIVOTUS,

H. prælo currente funditabat.

Du Livre des Regrets de JOACH.  
Du BELLAY Angevin, Sonnet.

**B**UCHANAN, qui d'un vers  
aux plus vieux comparable,  
Le surnom du Sauvage ostes à  
l'Escoffois,

Si



# DE GEORGIO BUCHANANO

Si j'avois Apollon facile en mon  
*François,*  
 Comme en ton Grec tu l'as & La-  
 tin favorable,  
 Je ne ferois monter spectacle mise-  
 rable  
 Dessus un eschafault les miseres  
 de Roys,  
 Mais je rendrois par tout d'une  
 plus simple voix  
 Le nom de *Marguerite* aux peu-  
 ples admirable:  
 Je dirois ses vertus, & dirois que les  
 cieulx  
 L'ayant fait naistre icy d'un temps  
 si vicieux  
 Pour estre l'ornement, & la fleur  
 de son aage,  
 N'ont moins en cest endroict de-  
 monstré leur scavoir,  
 Leur pouvoir, leur vertu, que  
 les Muses d'avoir  
 Fait naistre un *Buchanan* de l'*Es-*  
*cosse Sauvage.*

A la Royne d'*Escoffe* Douariere de  
*France, Sonnet de CHAR.*  
 UTENHOVE.

**M**ADAME tu m'as fait si bon  
 recueil à l'heure,  
 Que je receu cest heur de me voir  
 pres de toy,  
 Qu'encores aujourd'hui grand aise je  
 recoy,  
 A penser seulement au lieu de ta de-  
 meure.  
 Buchanan est heureux pour autant quil  
 demeure  
 Chez celle qui le rang tient de Roy-  
 ne & de Roy,  
 Et elle heureuse aussi d'avoir celui  
 chez soy  
 Qui fait que de David l'Harmonie  
 ne meure:

*Celui qui aujourd'hui par un nouveau  
 sentier  
 Incognu à noz yeux aux Romains  
 le premier  
 A monstré la facon d'escrire en leur  
 langage.  
 Defen Phabus defen, pren la querelle  
 en main,  
 Puis que ton Buchanan surmonte le  
 Romain,  
 Que la brave Escossois ne soit plus  
 dit Sauvage.*

Elegia ad GEORG. BUCHA-  
 NANUM Scotum Fragmentum  
 MEXENTII.

*In Bullam Papalem, & Bullam La-  
 tronem de quo Dion in vita  
 Severi Imp.*

**I**LLITA funigerum venabula san-  
 guine Fratrum,  
 Tinctaque Purpurei tela cruore  
 Patris  
 Musa Caledoniis nuper tua legit in  
 agris,  
 Lectaque sacrauit munera grata  
 mihi.  
 Neve retundantur tuus est præfixus  
 Iambus,  
 Dentibus Arcadii plus metuendus  
 apri.  
 Quo te non rabies, non lingua pro-  
 terva, nec ultrix  
 Ira repertorem ceu prius Archi-  
 lochum,  
 Sed dolor armavit spatium maturus &  
 annis,  
 Sed ratio simplex & pietatis amor.  
 Et merito: quis enim nisi quem  
 haud dolor afficit ullus,  
 Ni pietatis egens, ni rationis  
 inops?

Qui

## T E S T I M O N I A.

Qui ferat orbe truces patulo regna-  
re latrones?

Inque Dei Antitheon quis probet  
æde coli?

Sunt tibi magna nimis Pater o san-  
ctissime regna.

Jugera proventus sunt nimis am-  
pla tui.

Cuncta sed exuperans hominum pa-  
trimonia census

(Eloquar an taceam?) contigit  
unde tibi?

Nobilis historico memoratur Bulla  
Dioni

Mille latrocinis, mille fuisse dolis.

Pluribus è spoliis Romani Curia Pa-  
pæ

Crevit, & est bullis amplificata  
suis:

Quemque Dion credit fatis cessisse  
revixit

Salvus adhuc, multis conspicitur  
turque locis.

Cernis ut hujus opes ope Cerberus  
ille triformis

Congerat, & summi perdat ovi-  
le Dei?

Dic mihi cui vita est humana simil-  
lima bullæ,

Qui fit in hac summum ponat ut  
ille bonum?

Scilicet haud bonus est Dialecti-  
cus, hinc etiam illi

Bulla *ἰμναῖος* est, vita *καρὸς*  
*πρόν.*

*Val. Cor. H. 1568.*

JOH. PINCIERUS, in Præfat. Supplem. ad Sphæram  
Geo. Buchanani.

**S**PHÆRÆ a Geo. Buchanano Poëtarum nostri seculi præstantissimo, ver-  
sibus cultissimis descripta exemplum manuscriptum superiore anno a Scotia  
Herbornam Robertus Howæus juvenis prædoctus attulit. — Et infra. —  
Ego cum Buchanani versuum majestate, tum mei ingenii tenuitate territus. —  
Et postea. — Plus autem inter Buchanani mentisque cormen quam philo-  
mela & cuculi cantum interesse libenter fateor.

## De Historia rerum Scoticarum.

*De vera causa & usu Historiæ RO-*  
*BERTI ROLOCI cormen.*

**M**ULTA Deus fragili vitæ  
documenta beatæ

Mortali indulget; sive in-  
tu semina spargat

Notitiæ fecunda suæ, ni pectoris  
obstet

Asperitas; sive ingentis spectacula  
mundi

Fulta manu, Regisque sui testantia  
numen

Ostendar, regimenve duplex aut or-  
dine certo

Naturæ constans, aut cæco tramite  
flectens

Res hominum, monstret. Sic se  
mortalibus infert

Ille opifex rerum, sic olim ab ori-  
gine mundi

Noscendum dederat. Verum hæc  
in limine primo

\* 2

Defi-

## DE GEORGIO BUCHANANO

<p>Deficiunt, subit error iners, obli- vio mentem</p> <p>Occupat immemorem. Nam mens sentina malorum est.</p> <p>Sed Deus instaurat vires, dat tem- pore natum</p> <p>Certo illum Christum populi pecca- ta luentem.</p> <p>Utque tot acta Dei, nunquam peritura, manerent,</p> <p>Scriptorum obsignat claustris, ge- minumque volumen</p> <p>Porrigit in dextras hominum: scri- pta altera sacrum</p> <p>(Quæ violare nefas) Jovæ spirantia cultum.</p> <p>Hic credenda tibi videas de numine sola,</p> <p>Sola tenenda tibi, ne te vagus aufe- rat error.</p> <p>Altera sunt (absit libris injuriâ san- ctis)</p> <p>Scripta quidem (sed dona Dei) pro- ducta cerebro.</p> <p>Humano. Nullum hic videas pro- pe numinis experts:</p> <p>Quod si non pleno ore, tamen ve- stigia stringit</p> <p>Mirandorum operum, naturæ aut abditæ rimans,</p> <p>Aut mores hominum, aut etiam di- vina penetrans</p> <p>Vertice sublimè exserto. Sed in agmine tanto</p> <p>Humani foetus, alias non certius of- fert</p> <p>Consilium Jovæ æternum se con- templandum</p> <p>Humanis oculis, vario moderamine mundi,</p> <p>Quem virtute sua nunc huc, nunc dividit illuc;</p> <p>Quam tabulis rerum gestarum. Cre- didit illas</p>	<p>Fortunæ monumenta vagæ totidem impius error.</p> <p>Hic pietas, tanquam in speculo, certissima Jovæ</p> <p>Consilia advertit, dum nunc justif- simus edit</p> <p>Exemplum sceleris domiti, cohibet- que tyrannos,</p> <p>Nunc reficit miseros bonus, atque attollit in altum.</p> <p>Interea (mirum) bonitas se fundit in omnes.</p> <p>Hinc pietas surgit duplici discrimi- ne secta,</p> <p>Ultotisque meru, ac reverendo pa- tris amore:</p> <p>His aptata Deo genuinos sacrat ho- nores:</p> <p>Discit &amp; exemplis, varios se scin- dere in actus,</p> <p>Disparibus, fugiendo malum, &amp; meliora sequendo.</p> <p>Felix posteritas, cui vivunt facta parentum</p> <p>In tabulis, vivoque &amp; vero picta colore.</p> <p>Felix is regni custos, quicumque magistrum</p> <p>Historiam vitæ sequitur. Nam pro- pria Regum est</p> <p>Historia. Et felix tu tanto Scotia dono:</p> <p>Felix o regni custos hoc munere tanto.</p> <p>Ecce tibi Buchananus adest: tuus ille magister,</p> <p>Qui teneros finxit, maturos imbuit annos.</p> <p>Quod corpus senii fessum gravitate negabat,</p> <p>Non negat ingenium melior pars. Hud ad omne</p> <p>Officium vitæ præsto, comitatur cuntem,</p>
---	---

Sive

# TESTIMONIA.

Sive animo pietas divinum suadet  
honorem:

Sive Regis populos hac, qua te, le-  
ge refrenas:

Sive paras aciem, quam dulci pace  
resolvīs.

Ingenii pignus te tanto Principe di-  
gnum.

Ne pigeat monitoris, habes quem  
maximus orbis

Suspiciet, & quo te, Rex, præce-  
ptore beatum

Clamat, & hanc patriam tam pul-  
chro germine faustam.

Ejusdem Epigramma ad Regem.

**C**ERNE o Rex, da audere: pins  
quem concitat ardor,  
Interrogat, uter est, putas, ami-  
cior?

Ullene, qui imperium, quod ferret, sua-  
det? an ille,

Qui regna, quorum ne ipse perfer-  
ret jugum?

Ullene, qui imperium, quod longam du-  
ret? an ille,

Qui regna suadet, Rex quibus suos  
ruas?

Multa licet teneram crepet assentator  
in aurem,

Crede mihi Buchananus tuus favet  
tibi.

Que modo de regno umbravit, nunc  
vivida ternis,

Loquentur hæc avi tui longo or-  
dine.

Ecce illos coram, facies non omnibus  
una:

Hic lege gaudet, luget hic tyranni-  
dem.

Disce manere eadem quoque te, vel  
præmia justis.

Vel penam iniqui. Namque manet  
idem Deus.

En tibi imago viri, dum pingit imagi-  
ne patres:

Arcesset hæc te, si quid egeris male.  
Ergone jam moriens Regi modulabere

carmen  
Buchanane cygneum? canesne &

mortuus?

Aliud ejusdem ad Buchananum.

**C**REDO, novem veteres olim  
fixere Camœnas:

Quod, qui calleret singula, nul-  
lus erat.

Vixisses Buchananæ, foret tantum  
una Camœna,

Quod, qui calleres singula, solus  
eras.

Maluit at nobis per te Deus unicus,  
unum

Esse boni fontem dicere. Musa  
vale.

Patria alloquitur Regem suum.

**S**COTIA luminibus cerno duo sceptras  
duobus,

Rursus in unum abeunt, lumina,  
sceptras duo.

Altera sceptras Deo cedunt, tibi cætera  
Regi,

Corporis hæc oculus, pectoris illa  
videt.

Jamne videns patria ipsa videt, cives-  
que videntes,

Et Regem? At proavis non fuit an-  
te datum

Uno vixque oculo (quid enim nisi juncta  
valebunt

Lumina?) vix vidi civica jura  
prius.

At nunc pura Dei cernentem numina  
Solem

Fronte gero, lucem hinc, altera Lu-  
na capit.



DE GEORGIO BUCHANANO

*Ergo beata tuo Rex sceptro patria, tu- Credim? volve tibi Buchananum: nar-*  
*que rat avorum*  
*Christi. Teque & me, major utro- Devia, qui ante tibi, nunc quoque*  
*que, regit. monstrat iter.*

JACOBUS USSERIUS Archiepiscopus Armachanus, Epist.  
 de Brit. Eccles. Primordiis, c. 16.

QUO nemo diligentius Antiquitates patrias est perscrutatus.

HERMANNUS CONRINGIUS, de Civili Prudentia,  
 cap. XIV. p. 334.

SCOTIA in sua gente nata est nemini prudentiæ & eloquentiæ laude ceden-  
 tem, rerum suarum scriptorem, Georgium Buchananum, dignum qui unus  
 pro multis estimetur.

Dr. WILLIAM NICOLSON Bishop of Carlisle, *Scottish*  
 Historical Library, p. 12.

G. BUCHANAN, who justly condemns *Hector's* Rashness and  
 Credulity, was better acquainted with the *Greek* and *Roman* Wri-  
 ters; and therefore discourses far more sensibly of the ancient Names of  
 Men and Places. He is indeed singular in his Opinions about the Na-  
 me of *Albion*, the placing of *Severus's* Wall, and some other Matters;  
 and we ought to acknowledge that he always writes with such an Air of  
 Eloquence and Learning, that 'tis hard to contradict even where we  
 cannot believe him. He's so intemperately hot upon *Humph. Lhuid* and  
 his *Prydanis*, that he appears to an unprejudic'd *Englisb* Reader to have  
 more *Welsh* Blood in him than he's aware of; proving unadvisedly, what  
 he will not allow his Antagonist to have done, that the ancient *Britains*  
 and *Scots* are of one Family and Kindred.

JAMES TYRRELL. Hist. of England Vol. II. Pref.

BUCHANAN, who tho he was justly a celebrated Historian,  
 yet, &c.

THO. CRENIUS Dissertat. de Singularibus Scriptorum, p. 58.

AUCTOR Bibliographiæ Historico-Politico-Philolog. Curiosæ  
 P. M. 146. fateretur quidem Buchanani Scoticam Historiam elegan-  
 tissimo stylo conscriptam, verum in Reginam Mariam nimis & præter  
 meritum haud raro acerbam esse.

BUR-

## T E S T I M O N I A.

**BURCARDUS GOTTHELFUS STRUVIUS,**

Selecta Biblioth. Histor. cap. XVI. §. 19.

**O**PTIMUS in Historia Scotica est Georgius Buchananus, qui *Re-  
rum Scotticarum Historiam* libris XX. scripsit *Edimburgi* 1582. f. quæ  
editio est optima, & *Francofurti* 1594. 8. Historia est gentis Scotticæ a  
prima origine usque ad annum 1572, perducta eleganti sermone, omni  
fide & judicio exquisito perscripta, licet eundem Mariæ Scotticæ infe-  
stiores esse velit Camdenus, sed sine causa.

**JEREMY COLLIER** Ecclesiast. Hist. of Great Britain,

Vol. II. Book III. p. 174.

**A**BOUT this Time George Buchanan was committed for some Satyrical  
Verses against the Franciscans, but he made his Escape and got into  
France. This Buchanan was an extraordinary Genius, and a great Master  
of the Latin Tongue, as appears from his Poems and History.

**DAVID BUCHANANUS** de claris doctrina Scotis, MS. penes

D. Robertum Sibbaldum M. D. Equitem auratum.

**G**EOGIUS Buchananus scriptorum aquila, cum judicio & acu-  
mine stupendis, Monachorum nugas, cum Senecionum fabulis, clare  
& dilucide refellit, aliorum negligentiam modeste castigat, & optime  
emendat, male scriatorum hominum pervicaciam ita retundit, ut neque  
ipsi, neque ullus eorum nomine in seculum vel contra hiscere ausurus sit.  
Omnia hæc tanta sermonis elegantia condit, ut nullum locum ulli post  
se reliquerit ipsum vel e longinquo sequendi, multo minus imitandi, sed  
omnium minime æquandi: nam in hoc genere scriptionis (ut nihil aliud  
de tanto viro hoc in loco dicam) ad perfectum culmen ascendit, atque  
scalam ut dici solet, per quam ascendit, post se traxit, ita ut nullus post  
eum eo ascendere possit, & ut ait ille de Diodoro Siculo, est hic primus Græ-  
corum qui nugari desinit, sic noster Historicus & Poëtarum princeps, est  
primus e nostris, qui cum incomparabili judicio abstrusa evolvit, a fictis  
& falsis genuina & certa discrevit, confutatis mendaciis veritatem aper-  
ruit, seriem rerum felici stylo conditam deducit.

Hic tamen viri quantus quantus fuerit, omnia videre non potuit; quis enim  
omnia, non lux ipsa videt. Deinde sero & provectiore ætate suasu civium  
ad hoc scribendi genus animum appulit: adde quod tunc temporis quo  
ille valebat, non erat omnibus adminiculis instructus, ad obscuriorum  
inquisitionem, errorumque refutationem, quæ nobis hodie plenius suppe-  
ditat doctorum virorum labor, quo ille caruit: quare nonnulla prorsus  
intacta reliquit, de aliis parum egit, de nonnullis obscure scripsit.

Atque

# CATALOGUS VARIARUM EDITIONUM

Atque hæc ex infinitis pene de Georgio Buchanano doctorum virorum Testimoniis selegisse sufficiat. Quæ autem in Epistolis ad ipsum scriptis habentur ea quamvis egregia consulto omisimus. ne ætium agere videremur. Caterum, qui omnium Elogiorum instar obtineat, Catalogum variarum quæ quidem ad notitiam nostram pervenerunt) Editionum operum Georgii Buchanani hic subjiciamus, ut vel hoc solo indicio patefeat, quam avide ubique expectata, quantoque in honore habita fuerint.

# C A T A L O G U S

Variarum Editionum, ut & Codicum Manuscriptorum,

OP E R U M O M N I U M

GEORGII BUCHANANI SCOTI.

NOT. Quibus affixus est Asterismus, eas in hac nova Editione procuranda fuisse adhibitas, alias vero e Bibliothecarum Catalogis Historiisque rei literariz esse depromptas

* R	ERUM SCOTICARUM HISTORIA,}	
	Ms autograph. Ex Bibliotheca Academiæ Edin- burgensæ, }	Fol.
	* Edinburgi, apud Alexandrum Arbutnetum,	1582. Fol.
	* Adscripta sunt in margine summa rerum ca- pita & Animadversiones quædam auto- graph And. Melvini.	
—	* Geneva, ad exemplar Alex. Arbutneti,	1583. Fol.
—	Frankfurti ad Menum, apud Wehelum,	1584. 8.
—	* Frankfurti ad Menum, apud Sigism. Feyrabend.	1598. 8.
—	Ibidem,	1624. 8.
—	Ibidem,	1638. 8.
—	* Lugduni Batavorum, ad exemplar Alex. Arbutneti,	1643. 8.
—	* Amstel. apud Ludovicum Elzevirium,	1643. 8.
—	Ultrajecti, apud Petrum Elzevirium,	1663. 8.
—	* Ultrajecti, apud Petrum Elzevirium,	1668. 8.
—	Lipsiæ,	1669. 8.
—	* Ultrajecti,	1697. 8.
—	* Edinburgi, e Typographo Georgii Mosman,	1700. 12.
		* DE

# OPERUM GEORGII BUCHANANI.

* DE JURE REGNI APUD SCOTOS DIALOGUS. <i>Edinburgi, apud Joan. Rossæum pro Henrico Charteris,</i>	1579.	4.
— <i>Ibidem,</i>	1580.	4.
— * <i>Ibidem,</i>	1681.	8.
* Item cum præcedentibus Editionibus, præter primam Alexandri Arbuthneti.		
* PSALMORUM DAVIDIS PARAPHRASIS POETICA. <i>Apud Henricum Stephanum &amp; ejus fratrem Robertum Stephanum Typographum Regium,</i>	—	8.
— * cum ejusdem JEPHTHE Tragedia. <i>Apud eosdem,</i>	1566.	12.
— * cum JEPHTHE. <i>Antverpiæ, ex officina Christ. Plantini,</i>	1566.	12.
— * cum Psalmis aliquot in versus Græcos translatis. <i>Argentorati, excudebat Jos. Ribelius,</i>	1566.	12.
— * cum JEPHTHE & Psalmis aliquot Græcis. <i>Antverpiæ, ex officina Christ. Plantini,</i>	1567.	8.
* Davidis PSALMI aliquot Latino carmine expressi, a quatuor illustribus Poëtis, quos quatuor regiones, Gallia, Italia, Germania, SCOTIA genuerunt; in gratiam studiosorum Poëtices inter se commissi ab Henrico Stephano, cujus etiam nonnulli Psalmi Græci cum aliis Græcis itidem comparatis in calce libri habentur.	—	8.
— cum ornamentis marginalibus, & argumentis Antonii Flamini in singulos Psalmos. <i>Argentorati,</i>	1568.	8.
— <i>Antv. apud Christ. Plantinum,</i>	1571.	8.
— * cum ornamentis marginalibus, &c. <i>Argent.</i>	1572.	8.
— * cum JEPHTHE. <i>Lutetiæ ex officina Rob. Stephani,</i>	1575.	12.
— cum Psalmorum aliquot Græca Serrani Metaphrasi. <i>Apud H. Steph.</i>	1575.	12.
— cum argumentis M. Ant. Flamini, & Psalmis aliquot Græcis. <i>Argent.</i>	1575.	12.
— * cum JEPHTHE. <i>Lut. ex officina Rob. Stephani,</i>	1580.	12.
— * cum JEPHTHE. <i>Lond. excudebat Thomas Vautrollerius,</i>	1580.	12.
— * cum Bezae Psalmorum Paraphrasi, & JEPHTHE. <i>Morgii, excudebat Jean. le Preux illust. Dominorum Bernensium Typographus,</i>	1581.	8.
— cum argumentis & melodiis N. Chytræi ejusdemque Collectaneis. <i>Franc.</i>	1585.	12.
— cum argumentis, &c. N. Chytræi. <i>Herb. Nassoviorum,</i>	1586.	12.
— annotatis ubique carminum generibus, <i>Coloniæ,</i>	1586.	8.
— cum JEPHTHE & BAPTISTE. <i>Genevæ,</i>	1590.	16.
— * cum argumentis ac melodiis N. Chytræi, ejusdemque Collectaneis, <i>Herborne Nassov.</i>	1590.	12.



# CATALOGUS VARIARUM EDITIONUM

— cum JEPHTHE & BAPTISTE. <i>Lug. Bat.</i>	1591.	24.
— * cum JEPHTHE & BAPTISTE. <i>Typis Jacobi Steer,</i>	1591.	12.
— * cum Bezae Psalmorum Paraphrasi, & JEPHTHE & BAPTISTE. <i>Genevæ, apud Franciscum le Preux,</i>	1594.	8.
— * cum JEPHTHE. <i>Lug. Bat. apud Fr. Raphelengium,</i>	1595.	12.
— cum JEPHTHE & BAPTISTE. <i>Witteb.</i>	1595.	12.
— cum JEPHTHE. <i>Lug. Bat. apud Fr. Raphelengium,</i>	1600.	24.
— * cum argumentis & melodiis N. Chytræi, ejusdemque Col- lectaneis. <i>Herbornæ Nassov.</i>	1600.	12.
— cum JEPHTHE. <i>Catalauni,</i>	1601.	12.
— * cum JEPHTHE. <i>Ex officina Plantiniana Raphelengii,</i>	1603.	12.
— * cum JEPHTHE & BAPTISTE. <i>Ex officina Plant. Ra- phelengii.</i>	1609.	24.
— cum argumentis & melodiis N. Chytræi, ejusdemque Col- lectaneis, <i>Herb. Nassov.</i>	1610.	12.
— * cum JEPHTHE & BAPTISTE. <i>Sumptibus Henrici Laurentii,</i>	1618.	12.
— * cum argumentis, melodiis & Collectaneis N. Chytræi. <i>Herbornæ Nassov.</i>	1619.	12.
— * cum Ecphrasi Alexandri Julii. <i>Lond. apud Geo. Eld.</i>	1620.	8.
— * cum JEPHTHE & BAPTISTE. <i>Edinburgi, apud And. Hart.</i>	1621.	12.
— * cum JEPHTHE & BAPTISTE. <i>Lug. Bat. Typis Isaaci Elzevirii, jurati Academiae Typographi, sumptibus Hen. Laurentii,</i>	1621.	12.
— cum argumentis & melodiis N. Chytræi, &c. <i>Herb. Nas- sov.</i>	1646.	12.
— * cum JEPHTHE & BAPTISTE. <i>Edinburgi, apud Gid. Lithgo,</i>	1660.	8.
— * cum JEPHTHE & BAPTISTE. <i>Edinburgi, apud Geo. Mosman,</i>	1694.	12.
— * cum Ecphrasi Alexandri Julii. <i>Typis J. W. Impensis Jo. Vallange, Edinburgi.</i>	1699.	12.
* PSALMUS CIV. cum judicio Gul. Barclaji de certamine G. Eglishemii cum Buchanano pro dignitate Paraphra- seos ejus Psalmi. <i>Lond. apud Geo. Eldum,</i>	1620.	8.
* PSALMUS CIV. cum judicio Gul. Barclaji, &c. <i>Edinb. apud Heredes And. Anderson,</i>	1695.	8.
* PSALMUS CXX. cum Analyfi organica Joan. Jacobi Beu- reri, & aliis aliorum ejusdem Psalmi Paraphrasibus. <i>Ba- sileæ per Sebastianum Henricpetri.</i>	1586.	4.
* BAPTISTES sive Calumnia, Tragœdia. <i>Edinburgi apud Hen. Charteris,</i>	1578.	8.
* BAPTISTES, sive Calumnia. <i>Francofurti, apud And. We- chelam,</i>		

# OPERA GEORGII BUCHANANI.

<i>chelum,</i>	1578.	3.
* ALCESTIS, Tragedia. <i>Lutetiae, apud Mich. Vascosanum,</i>	1557.	4.
* MEDEA & ALCESTIS Euripidis, Latino carmine redditæ. <i>Apud Hen. Stephanum,</i>	1567.	12.
* TRAGOEDIÆ sacræ & exterræ. <i>Apud Petrum Sanctandream,</i>	1597.	8.
* DE CALETO recepta carmen. <i>Lut. apud Robertum Stephanum,</i>	1558.	8.
FRANCISCANUS & FRATRES, quibus accedunt varia ejusdem & aliorum POEMATA. <i>Basilæ Rauracorum, apud Thomam Guarinum Nerium, anno (ut videtur)</i>	1568.	8.
* ELEGIÆ, SILVÆ, HENDECASYLLABI. <i>Parisi. apud Rob. Stephanum,</i>	1567.	12.
* Th. Bezzæ poemata. Item, Geo. Buchanani FRANCISCANUS, ELEGIÆ, SILVÆ, HENDECASYLLABI, &c. <i>Apud Henr. Stephanum,</i>	1569.	8.
* ELEGIÆ, SILVÆ, HENDECASYLLABI, & BAPTISTES. <i>Lutetiae, apud Manerium Patissonium, Typographum Regium, in offic. Rob. Stephani,</i>	1579.	12.
* DE SPHÆRA libri V. cum Supplementis Jo. Pinc. Herb. ex officina Christ. Corvini,	1587.	8.
* DE SPHÆRA libri quinque, cum Commentariis, Supplementis & Argumentis Adam Regii Scoti, Ms. in Bibliotheca Academiæ Edinburgensæ,	—	Fol.
* FRANCISCANUS, ELEGIÆ, SILVÆ, HENDECASYLLABI, EPIGRAMMATA, De SPHÆRA Fragmentum. <i>Genevæ,</i>	1584.	8.
— Eadem. <i>Ibidem,</i>	1585.	8.
* FRANCISCANUS ELEGIÆ, &c. & Libri De SPHÆRA. <i>Anno.</i>	1594.	8.
* FRANCISCANUS, ELEGIÆ, SILVÆ, &c. Libri De SPHÆRA, & TRAGOEDIÆ sacræ & exterræ, 2 partibus. <i>Genevæ.</i>	1597.	8.
FRANCISCANUS, ELEGIÆ, SILVÆ, &c. & Libri De SPHÆRA. <i>Salmurii,</i>	1608.	8.
— Eadem 2 partibus. <i>In Bibliopoli Commeliniana,</i>	1609.	8.
* POEMATA omnia [præter Medeam & Alcestin.] <i>Edinburgi, apud And. Hart,</i>	1615.	24.
— <i>Salmurii, 1 pars apud Abr. Elzevir. 2 pars apud Joan. Buræum,</i>	1620.	8.
— * cum Medea & Alceste. <i>Lugd. Bat. apud Abr. Elzevirium,</i>	1621.	24.
— <i>Salmurii,</i>	1621.	8.
— * Ex officina Elzeviriana,	1628.	24.
— * Ex officina Elzeviriana, eodem anno, sed edit. diversa	1628.	24.
— * Amstelædani apud Joan. Janssonium,	1640.	24.
— <i>Amst.</i>	1647.	12.
— * <i>Amst. apud Waesberge,</i>	1665.	24.
— * <i>Amst. apud Dan. Elzevirium,</i>	1676.	24.
— * <i>Edinburgi, apud Joannem Cairns,</i>	1677.	12.
— * <i>Londini, apud B. Griffin,</i>	1686.	8.
— * <i>Amstel. apud Henricum Westenium,</i>	1687.	24.
* SATYRA IN CARDINALEM LOTHARINGUM, (quæ in nulla alia ejus operum Editione reperitur) cum aliis ejus & aliorum carminibus. <i>Apud Is. Taurinum,</i>	1590.	8.
VITA ab ipso scripta biennio ante mortem.	1608.	8.
* VITA ab ipso scripta biennio ante mortem, cum Commentario D. Roberti Sibbaldi Equitis Aurati. Accessit Satyra in Cardinalem Lotharingum cum ejusdem notis. <i>Edinburgi, Ex Typographo Geo. Mesman,</i>	1702.	8.
	—	* Et

# CATALOGUS VARIARUM EDITIONUM, &c.

— * Et cum multis ejus Poëmatum Editionibus	
RUDIMENTA GRAMMATICÆ Thomæ Linacri, ex Anglico)	
Sermone in Latinum versa. <i>Lutetie. ex officina Rob. Stephani,</i>	1533. 8.
— * Eadem. <i>Lugdun.</i> apud Hæredes Simonis Vincentii,	1539. 8.
— Eadem. <i>Lugdun.</i> apud Sebastianum Gryphonum,	1544. 8.
— * Eadem. apud eundem Paris.	1546. 4.
— * Eadem. apud eundem Parisiæ,	1546. 8.
— * Eadem. apud eundem Paris.	1550. 8.
— Eadem. apud Seb. Gryphonum, <i>Lugdun.</i>	1552. 8.
De PROSODIA Libellus. <i>Edinburg.</i>	1640. 12.
— * Et cum multis Grammaticæ Desputationis Editionibus, <i>Edinb.</i>	
* DETECTIO, five de MARIA Scotorum Regina, totaque ejus con-	
tra Regem Conjuratiōe, fœdo cum Boetuelio adulterio, nefaria)	
in maritum crudelitate & rabie, horrendo insuper & detestabili)	
ejusdem parricidio, plena & Tragica plane Historia	— 8.
Item, Actio contra Mariam Scotorum Reginam, in qua ream & con-	
sciam esse eam hujus parricidii, necessariis argumentis evincitur.	
Item, Literæ Reginae Scotiz ad Comitem Bothwelliz scriptæ.	— 8.
— * Eadem. <i>Edin.</i> a priore nominat diversa,	— 8.
* An ADMONITION direct to the <i>Three Lordis Maintenis of the</i>	
<i>Dingis Graceis Authoritie. Sterling, by Robert Lekpreuik,</i>	1571. 12
— Eadem Ms. in <i>Bibliotheca Cottoniana,</i>	1570.
— * Eadem Ms. in <i>Bibliotheca Juridica Edinburgensi.</i>	
* CHAMELEON, or a Satyr againſt the Laird of Abington. (Ms.)	
in <i>Bibliotheca Cottoniana,</i>	
— * Eadem. Ms. in <i>Bibliotheca Juridica Edinburgensi.</i>	
— * Eadem. <i>Edin.</i> cum Historia Jacobi V. Regis Scotorum. <i>Lond.</i>	1711. 8.
* Ad viros sui seculi clarissimos, eorumque ad eundem EPISTO-	
LÆ, ex Mss. accurate descriptæ. <i>Londin.</i>	1711. 8.
* Eadem EPISTOLÆ cum aliis nonnullis nondum editis, Ms. auto-	
graph. & <i>Bibliotheca Juridica Edinburgensi,</i>	— Fol.
* Ad Jacobum VI. Scotorum Regem EPISTOLA Ms. autogr. & <i>Bibl.</i>	
<i>Academice Edinb.</i>	— Fol.
* OPERA OMNIA, curante Thoma Ruddimanno, <i>Edinburgi,</i>	1715. Fol.
apud Robertum Freebairn, Typographum Regium.	
Huc adde aliquot ejus Operum VERSIONES: HISTORIÆ Anglicæ <i>Lond.</i> 1690.	
<i>Fol. item,</i> Ms. unam a me visam, aliam a Reverendo Præfule Gul. Nicolsono memo-	
ratam: FRANCISCANI Gallicam a Fl. Christiano, <i>Sedani,</i> 1599. 8. JEPH-	
THÆ Gallicam ab eodem, <i>Paris.</i> apud Rob. Steph. 1573. 8. Buchanan & Garneri	
TRAGœDIARUM Vers. Gallicam, apud Adamz. <i>Parissienum</i> — 8. DE-	
TECTIONIS Anglicam, apud Rob. Lekpreuik — & <i>Lond.</i> 1691. 12. & <i>Lond.</i>	
1690. 8. De Jure REGNI Anglicam <i>Lond.</i> 1689. 4. & <i>Edinb.</i> 1691. 12. FRÆ-	
TRUM frater. EPIGRAMM. & MISCELL. Anglicam a Rob. Mantetho, &	
<i>Edinb.</i> 1708. 8.	

GEOR.

GEORGII BUCHANANI,  
*Scoti,*  
RERUM SCOTICARUM  
HISTORIA;

*Summo studio recognita, ac innumeris pene locis, cum aliorum  
Scriptorum, tum præcipue optimi Codicis manuscripti  
ope emaculata.*

Accesserunt ANNOTATIONES partim Historicæ,  
partim Philologicæ;

Item,

*Locupletior quam antea, ac multo utiliore methodo  
concinnatus Rerum memorabilium Index.*


Subnexa est  
Propriorum Nominum Interpretatio.





GEORGIUS BUCHANANUS  
JACOBO SEXTO  
SCOTORUM REGI

S. P. D.

 Um post viginti quatuor annorum peregrinationem tandem in patriam rediſſem, nihil prius habui, quam ut ſchedas meas malignitate ſuperiorum temporum diſiectas, & multis modis male habitas, recolligerem. Partim enim nimio amicorum erga me ſtudio, dum immaturam adhuc editionem præcipitant, partim librariorum in alienis operibus immodica licentia, cum cenſorum perſonam induiſſent, multa pro cujuſque libidine plerumque immutata, nonnulla ſæde corrupta, comperio.

His ego cum incommodis mederi conarer, ſubita amicorum preces omnes meas rationes conturbarunt. Omnes enim, velut conſpiratione facta, hortabantur, ut ab *levioris operæ libellis*, qui  
ma-

1 *Levioris opera libellis.*] Ita recte emendat And. Melvinus, cum in omnibus editionibus [*levioris operis*] legeretur. [Nescio an ex ſententia Buchanani ſic emendetur: ut enim, hiftoriam *magni operis* rem aggreſſus Pompejus dicitur Juſtino in Præfat. (ubi vide notas Gronovii & Grævii)]

Tom. 1.

ita *levioris operis libelli* ſunt Poëmata & alia ſcripta, quæ proprie *levia*. vid. ad Phædr. IV 1. Plinius quidem in præfatione ſuos *libellos levioris operæ* vocat. quem potuit imitari Buchananus, ſed & potuit ab eo diſcedere, ut editiones oſtendunt.

A

2 Meam

## PRÆFATIO AD JACOBUM VI.

magis aures oblectarent, quam animum erudirent, me ad Historiam nostræ gentis conscribendam conferrem. Id enim & ætate, & civium de me expectatione dignum esse: neque aliud esse argumentum, aut uberius ad laudem, aut firmitus ad memoriæ conservandam diuturnitatem. Cæteras autem rationes ut omittam, cum Britannia nostra una sit totius orbis insula celeberrima, ejusque Historiarum res in omnes partes maxime complectatur memorabiles, vix in omnis ævi cursu reperies, qui rem tantam suscipere sit ausus, aut susceptam sustinere potuerit.

Non mediocriter etiam me illud impellebat, quod meam sic operam tibi nec indebitam, nec ingratham fore existimarem. Absurdum enim ac pudendum videbatur, te, qui in ista ætatula omnium prope nationum res gestas perlegeris, plurimas memoriter teneas, domi quodam modo peregrinari. Præterea cum partes ingenii tui excolendas mihi commissas per valetudinem incurabilem obire non possem, proximum existimavi id genus descriptionis esse, quæ ad animum comparata est. Quo [igitur] hanc cessationis culpam, quoad possem

1 *Meam sic operam.*] Idem And. Melvinus legit [*meam hic operam:*] at nulla, me iudice, mutatione opus, cum vox [*sic*] satis commodam admittat interpretationem, idemque fere innuat quod *hoc pacto*, sive *ita elocutam*, in Historia scil. nostræ gentis scribenda.

2 *Ingratham fore existimarem.*] Ita omnino legendum, non [*existimares,*] uti idem vir doctus admonuit.

3 *Quo igitur hanc cessationis.*] Ita sententiam hanc dispungendam, vocemque [igitur] interpolandam existimavimus, quod aliter hiulca atque male coagmentata videatur oratio: ita enim in omnibus libris habetur, — Proximum existimavi id genus descriptionis esse quæ ad animum comparata est, quo hanc cessationis culpam, &c. Id vitii dudum sensit And. Melvinus, quod & hoc pacto tolli posset

## SCOTORUM REGEM.

sem, delerem. statui fidos ex Historia monitores ad te mittere, quorum consilio in deliberationibus uti, & in re gerenda imitari virtutem queas.

Sunt enim inter Majores tuos in omni laudis genere viri præstantes, & quorum nullam unquam posteritatem pigebit. Et, ut cæteros omittam, neminem in ullis rerum reperias monumentis, quem cum Davide nostro conferas. Quod si illi non modo miserrimis, sed etiam flagitiosissimis temporibus

se arbitrarur, — *Proximum existima-  
vi — ad animum comparata est, quo  
hanc cessationis culpam, quoad possem, de-  
lerem. Statui igitur fidos, &c.* At prio-  
re modo omnia rectius concinniusque con-  
sistere videntur.

1 *Quod si illi.*] Diu mulrumque setor-  
quent viri eruditi, ut ex reliqua hac Epi-  
stola sanum sincerumque sensum eliciant.  
Mihi quidem omnia nequicquam tentan-  
ti, non obscura modo ac misere involu-  
ta, sed magna sui parte truncata oratio  
videtur. Primum enim nil video quod  
huic clausulæ [*Quod si illi — Divi-  
na benignitas est elargita*] respondeat;  
cum enim memorare debuerat, quidnam  
id potissimum esset, quod Davidi nostro  
Divina benignitas sit elargita; hoc pror-  
sus omisso ad Jacobum VI. protinus ora-  
tionem convertit. Quidam, ut hoc in-  
commodo se expediant, vocem [*Quod*]  
pronomen hoc in loco esse volunt, sen-  
tentiamque antecedentem respicere, ut  
sensus sit, *Quam rem*, id est, *heroicam  
illam virtutem, insignesque eas animi dotes  
quibus omnibus ubique gentium Regibus Da-  
vid noster præcellebat.* Sed neque hoc pa-  
cto sententia recto talo consistet, aut se-  
quentia verba cum præcedentibus apte co-  
hærebunt. Nam, ut taceam turbatum  
vocium ordinem, & absonam particulæ  
[*ut*] repetitionem, qualis amabo efficie-  
tur Buchananii ratiocinatio? Quia scil.

nos Scoti optimum Regem miserrimis  
temporibus ante quingentos fere annos ha-  
buimus, ideo jure poterimus sperare,  
quem jam sumus nacti Principem, omni  
virtutis genere præstantem, summæ-  
que, quæ vel votis optari possit, felici-  
tatis compotem futurum. At quis un-  
quam sanus, & quo jure, id speraverit?  
nisi velimus existimare homines nihil opta-  
re posse, quod non jure etiam sperare  
queant. Malis quidem temporibus bo-  
nus Princeps omnibus votis expetendus,  
at non ideo jure expectandus est, cum  
nimis crebro aliter evenisse omnium fere  
gentium experientia commonstret. Sed  
quantumlibet justa hæc esset sperandi oc-  
casio, manca tamen est sententia; nam  
ea ut justa ac plena efficiatur, de miseria  
suorum temporum mentionem factam fuis-  
se oportuit. Præterea haud scio an La-  
tine possit dici, *Poterimus sperare ut fiat*,  
sed, *te fore*, vel *saturnum esse*. Alii igitur  
his angustiis undique circumventi dua-  
bus oculis additis hoc modo sententiam  
restituendam volunt, *Quod si [tibi ut]  
illi non modo miserrimis, sed etiam flagitio-  
sissimis temporibus Divina benignitas est elar-  
gita.* Sed hoc quamvis ad Buchananii  
mentem omnium proxime accedere videa-  
tur, sic tamen *elargita erit* vel *fuerit*, po-  
tius quam *est elargita*, erat dicendum,  
quum puerum sedecim tantum annorum  
alloqueretur.

## PRÆF. AD JACOB. VI. SCOT. REG.

bus divina benignitas est elargita, ('ut ait vates Regius) ut matribus tu quoque mensura fias voti, quoties bene precantur liberis, 'jure poterimus sperare, 'hanc potestatem, in omnium rerum exitium & ruinam properantem, posse interim etiam sufflamini, donec ad ea tempora veniatur, cum ex æterno res humanæ consecutæ 'decretum certum, suum finem sint habituræ.

*Edimburgi IV. Calend. Septemb.*

T A-

1 *Ut ait vates Regius.*] Non tam Regii vatis verba Buchanani hic animo obversabantur, quam sua ipsius Paraphrasis, e qua, iisdem fere vocibus servatis, hæc sunt deprompta, *Pf. 21. vers. 6.*

*Felicitatis ei favor dedit tuis,  
Exemplar ut sit posteris,  
Mensura voti ut matribus fit, quum bene  
Blandis precantur liberis.*

Davidis autem verba ita fere redduntur, *Possisti cum in benedictiones in seculum:* hunc autem eorum sensum Buchananus uni, quod sciam, Vatablo acceptum debet, qui ea sic interpretatur, *Effecisti ut alii per eum benedictionis formulam accipiant:* Nam dicturi sunt, *Diligat te Deus proinde atque Davidem dilexit. Tanto rerum successu polleas, quanto David.*

2 *Jure poterimus sperare, hanc potestatem.*] Si hæc voces [*jure poterimus sperare*] antecedentia illa [*ut mensura fias vo-*

*ti, &c.*] respiciant, copula inserta erat opus, hoc modo, [*& hanc potestatem, &c.*]

3 *Hanc potestatem.*] Non hic jus Regium, sive regimen Monarchicum, intelligit, quod quibusdam est visum, sed regnum ipsum, sive rempublicam Scoticam, quæ per multos annos miserrime afflicta, ac suis pene viribus obruta fuerat.

4 *Decretum certum suum finem.*] Perplexus est vocum ordo, ut nescias cum quo potissimum vocabulo *certum* conjungas: ego quidem cum Melvino ad *decretum* referendum existimo, sententiamque ita legendam, — *cum ex æterno res humana decretum certum consecuta, suum finem sint habitura.* Porro, ex his quæ supra adnotavimus, plane apparet ultimam Buchanani manum huic ejus Epistolæ nequiquam accessisse, quippe qui jam fato propinquus, solitoque vigore defectus, animum ad hæc intendere nequibat: vix enim integrum mensem superavit,



# TABULA

## Regum Scotiae

# CHRONOLOGICA.

<i>Regum series.</i>	<i>An. ante C. N. Anni regni.</i>		<i>Pag.</i>
1. <b>F</b> ergusius I. <i>regnum init</i>	330.	regnavit 25.	100
2. Feritharis	305.	15.	101
3. Mainus	291.	29.	103
4. Dornadilla	262.	28.	<i>ibid.</i>
5. Nothatus	233.	20.	<i>ibid.</i>
6. Reutherus	213.	26.	104
7. Reutha	187.	14.	105
8. Thereus	173.	12.	<i>ibid.</i>
9. Josina	161.	24.	106
10. Finnanus	137.	30.	<i>ibid.</i>
11. Durstus	107.	9.	<i>ibid.</i>
12. Evenus I.	98.	19.	107
13. Gillus Nothus	79.	2.	<i>ibid.</i>
14. Evenus II.	77.	17.	109
15. Ederus	60.	48.	110
16. Evenus III.	12.	7.	<i>ibid.</i>
17. Metellanus	4.	39.	<i>ibid.</i>
<i>An. post C. N.</i>			
18. Caratacus	35.	20.	111
19. Corbredus I.	55.	18.	<i>ibid.</i>
20. Dardannus	72.	4.	<i>ibid.</i>
21. Corbredus II. <i>cog. Galdus</i>	76.	35.	112
22. Luctacus	110.	3.	114
23. Mogaldus	113.	36.	<i>ibid.</i>
24. Conarus	149.	14.	116
25. Ethodius I.	163.	33.	118
26. Satrael	195.	4.	<i>ibid.</i>
27. Donaldus I.	199.	18.	119
28. Ethodius II.	216.	16.	121
29. Athirco	231.	12.	<i>ibid.</i>
		A 3	30. Na-

## PRÆF. AD JACOB. VI. SCOT. REG.

bus divina benignitas est elargita, ('ut ait vates Regius) ut matribus tu quoque mensura fias voti, quoties bene precantur liberis, 'jure poterimus sperare, 'hanc potestatem, in omnium rerum exitium & ruinam properantem, posse interim etiam sufflamini, donec ad ea tempora veniatur, cum ex æterno res humanæ consecutæ 'decretum certum, suum finem sint habituræ.

*Edimburgi IV. Calend. Septemb.*

T A-

1 *Ut ait vates Regius.* ] Non tam Regii vatis verba Buchanani hic animo obversabantur, quam sua ipsius Paraphrasis, e qua, iisdem fere vocibus servatis, hæc sunt deprompta, *Psf. 21. vers. 6.*

*Felicitatis ei favor dedit tuis,  
Exemplar ut sit posteris,  
Mensura voti ut matribus sit, quum bene  
Blandis precantur liberis.*

Davidis autem verba ita fere redduntur, *Posuisti eum in benedictiones in seculum:* hunc autem eorum sensum Buchananus uni, quod sciam, Vatablo acceptum debet, qui ea sic interpretatur, *Effecisti ut alii per eum benedictionis formulam accipiant:* Nam dicturi sunt, *Diligat te Deus proinde atque Davidem dilexit. Tanto rerum successu polleat, quanto David.*

2 *Jure poterimus sperare, hanc potestatem.* ] Si hæc voces (*jure poterimus sperare*) antecedentia illa [*ut mensura fias vo-*

*si, &c.*] respiciant, copula inserta erat opus, hoc modo, [*& hanc potestatem, &c.*]

3 *Hanc potestatem.* ] Non hic jus Regium, sive regimen Monarchicum, intelligit, quod quibusdam est visum, sed regnum ipsum, sive rempublicam Scoticam, quæ per multos annos miserrime afflicta, ac suis pene viribus obruta fuerat.

4 *Decretum certum suum finem.* ] Perplexus est vocum ordo, ut nescias cum quo potissimum vocabulo *certum* conjungas: ego quidem cum Melvino ad *decretum* referendum existimo, sententiamque ita legendam, — *cum ex æterna res humana decretum certum consecuta, suum finem sint habitura.* Porro, ex his quæ supra adnotavimus, plane apparet ultimam Buchanani manum huic ejus Epistolæ neutiquam accessisse, quippe qui jam fato propinquus, solitoque vigore defectus, animum ad hæc intendere nequibat: vix enim integrum mensem superstit.

# T A B U L A

## Regum Scotiæ

# C H R O N O L O G I C A .

<i>Regum series.</i>	<i>An. ante C. N.</i>	<i>Anni regni.</i>	<i>Pag.</i>
1. <b>F</b> ergusius I. <i>regnum init</i>	330.	regnavit 25.	100
2. Feritharis	305.	15.	101
3. Mainus	291.	29.	103
4. Dornadilla	262.	28.	<i>ibid.</i>
5. Nothatus	233.	20.	<i>ibid.</i>
6. Reutherus	213.	26.	104
7. Reutha	187.	14.	105
8. Thereus	173.	12.	<i>ibid.</i>
9. Josina	161.	24.	106
10. Finnanus	137.	30.	<i>ibid.</i>
11. Durstus	107.	9.	<i>ibid.</i>
12. Evenus I.	98.	19.	107
13. Gillus Nothus	79.	2.	<i>ibid.</i>
14. Evenus II.	77.	17.	109
15. Ederus	60.	48.	110
16. Evenus III.	12.	7.	<i>ibid.</i>
17. Metellanus	4.	39.	<i>ibid.</i>
<i>An. post C. N.</i>			
18. Caratacus	35.	20.	111
19. Corbredus I.	55.	18.	<i>ibid.</i>
20. Dardannus	72.	4.	<i>ibid.</i>
21. Corbredus II. <i>cog. Galdus</i>	76.	35.	112
22. Luctacus	110.	3.	114
23. Mogaldus	113.	36.	<i>ibid.</i>
24. Conarus	149.	14.	116
25. Ethodius I.	163.	33.	118
26. Satrael	195.	4.	<i>ibid.</i>
27. Donaldus I.	199.	18.	119
28. Ethodius II.	216.	16.	121
29. Athurco	231.	12.	<i>ibid.</i>
		A 3	30. Na-

# T A B U L A

<i>Regum series.</i>	<i>An. post C. N.</i>	<i>Anni regni.</i>	<i>Pag.</i>
30. Nathalocus	242.	11.	121
31. Findocus	253.	11.	122
32. Donaldus II.	264.	1.	123
33. Donaldus III. Insulanus	265.	12.	124
34. Crathilintus	277.	24.	<i>ibid.</i>
35. Fincormachus	301.	47.	125
36. Romachus	348.	3.	126
37. Angusianus	351.	3.	<i>ibid.</i>
38. Fethelmachus	354.	3.	127
39. Eugenius I.	357.	3.	<i>ibid.</i>
40. Fergusius II.	404.	16.	133
41. Eugenius II.	420.	32.	136
42. Dongardus	451.	5.	142
43. Constantinus I.	457.	22.	<i>ibid.</i>
44. Congallus	479.	22.	144
45. Goranus	501.	34.	145
46. Eugenius III.	535.	23.	151
47. Convallus	558.	11.	<i>ibid.</i>
48. Kinnatellus	569.	1.	<i>ibid.</i>
49. Aidanus	570.	35.	152
50. Kennethus I.	605.	1.	154
51. Eugenius IV.	606.	16.	<i>ibid.</i>
52. Ferchardus II.	621.	12.	<i>ibid.</i>
53. Donaldus IV.	632.	14.	155
54. Ferchardus II.	646.	18.	<i>ibid.</i>
55. Malduinus	664.	20.	156
56. Eugenius V.	684.	4.	<i>ibid.</i>
57. Eugenius VI.	688.	10.	157
58. Amberkelethus	697.	2.	<i>ibid.</i>
59. Eugenius VII.	699.	17.	<i>ibid.</i>
60. Murdacus	715.	16.	158
61. Etfinus	730.	31.	<i>ibid.</i>
62. Eugenius VIII.	761.	3.	<i>ibid.</i>
63. Fergusius III.	764.	3.	159
64. Solvathius	767.	20.	<i>ibid.</i>
65. Achajus	787.	32.	<i>ibid.</i>
66. Congallus II.	819.	5.	161
			67. Don-

# REGUM SCOTIÆ CHRONOLOGICA.

<i>Regum series.</i>	<i>An. post C. N.</i>	<i>Anni regni.</i>	<i>Pag.</i>
67. Dongallus	824.	7.	161
68. Alpinus	831.	3.	162
69. Kennethus II.	834.	20.	<i>ibid.</i>
70. Donaldus V.	854.	5.	166
71. Constantinus II.	859.	16.	167
72. Ethus <i>cog.</i> Alipes	874.	2.	168
73. Gregorius	876.	18.	169
74. Donaldus VI.	893.	11.	171
75. Constantinus III.	904.	40.	<i>ibid.</i>
76. Milcolumbus I.	943.	9.	174
77. Indulfus	952.	9.	<i>ibid.</i>
78. Duffus	961.	5.	175
79. Culenus	966.	4.	177
80. Kennethus III.	970.	24.	180
81. Constantinus IV.	994.	2.	187
82. Grimus	996.	8.	189
83. Milcolumbus II.	1004.	30.	190
84. Duncanus I.	1034.	6.	195
85. Macbethus	1040.	17.	198
86. Milcolumbus III. <i>cog.</i> Capito	1057.	36.	201
87. Donaldus VII.	1093.	1.	207
88. Duncanus II.	1094.	2.	<i>ibid.</i>
89. Edgarus	1098.	9.	208
90. Alexander I.	1107.	17.	<i>ibid.</i>
91. David I.	1124.	29.	210
92. Milcolumbus IV.	1153.	12.	215
93. Gulielmus I. <i>cog.</i> Leo	1165.	49.	218
94. Alexander II.	1214.	35.	223
95. Alexander III.	1249.	37.	226
96. Joannes Balliolus	1293.	4.	239
97. Robertus I. <i>Bruffius</i>	1306.	24.	252
98. David II.	1329.	41.	271
99. Eduardus Balliolus	1332.		276
100. Robertus II. <i>Stuartus</i>	1371.	20.	301
101. Robertus III.	1390.	14.	321
102. Jacobus I.	1406.	31.	341
103. Jacobus II.	1437.	24.	362

A 4

104. Ja-



# GEORGII BUCHANANI

## R E R U M

# SCOTICARUM

## HISTORIÆ

### LIBER PRIMUS.

**C**um res gestas majorum nostrorum a fabularum vanitate liberare, & ab oblivionis injuria vindicare statuissem; non ab re mihi facturus videbar, si a primordio usque repeterem, (quantum in tanto intervallo temporum, & literarum primum egestate, deinde calamitate, fieri posset,) qui regionum situs, quod soli cœlique sit ingenium, quæ vetusta nomina & mores, qui primi cultores fuerint insularum, quæ veteribus BRITANNIÆ vocantur; quæque inter Hispanias & Germaniam magno terrarum spatio Galliæ prætenduntur. Earum reliquas magnitudine duæ longe præcellunt, *Albium* & *Hibernia*. De his primum dicam: deinde, ut commodum erit, cæterarum situm & nomina explicabo.

*Cap. I.* Prima magnitudine est *Albium*, quæ nunc sola nomen *Britanniæ* retinet, quod antea omnibus erat commune. De ejus longitudine ac latitudine cæteri fere scriptores cum Cæsare consentiunt: esse videlicet longam a septentrionibus in meridiem octingenta millia porrectam: qua vero latissima est, (ut quidam sentiunt) qua Galliam spectat, aut (ut aliis visum est) a Meneviæ angulo ad Jari fluminis ostium, fere ducenta millia patere: inde paullatim in angustum cogitur, donec ad Scotiæ limitem sit perventum. Romani, quibus ulteriora nondum satis erant nota, totam insulam triquetram crediderunt: verum paullatim ulterius progressi, cognoverunt ultra vallum <sup>1</sup> Hadriani eam se latius sensim diffundere, & ad orientem æstivum procurrere. Hæc in summa de ejus magnitudine dicta sint. Cœlum Gallico temperatius, ut ait Cæsar; verum utroque mitius est Hibernicum. Aër raro serenus, sed caligine densa plerumque obscurus, <sup>2</sup> ac, hieme satis miti, magis pluvius quam nivofus. Terra benigne fruges gignit, ac

<sup>1</sup> *Soli calique.* MS. *cæli solique.*

<sup>2</sup> *Hadriani.* Ita nummi & lapides constanter, non vero *Adriani*, quod vulgo legitur. Vid. *Casaubonum in Spartiani Hadrianum*, cap. 1.

<sup>3</sup> *Ac hieme satis miti, magis pluvius.*

Quibusdam forte legendum videbitur [*magis pluvia quam nivofa*], sed nulla mutatione opus; facile enim sibi constat sententia, si distinguas post [*ac*] vocesque [*hieme satis miti*] ita resolves, *Cum hiems satis mitis existat.*

ac præter fruges etiam omnis generis metalla. Pecore tota sæcundissima. Qui partes insulæ extremas ac magis frigore infestas habitant, avenaceo pane utuntur; vinum e frugibus corruptis conficiunt: plerique serum lactis excoquant, ac in doliis complures menses defodiunt; ilque multis potus non solum salubriter, sed etiam jucunde bibitur.

II. De nomine Britanniae nulla inter veteres controversia fuit, nisi quod Græci *Βρεττανίαν*, Latini *BRITANNIAM*, eam nominabant. Cæteræ gentes aut hos, aut illos, pro suo quisque arbitrio, imitabantur. Nuper emeruerunt homines, non tam veritatis cupidi quam contentionis, qui ex hominum clarissimorum sugillatione clarescere se posse sperarent. Neque enim fieri posse existimarunt, ut non in magna eruditionis opinione vulgo essent, qui cum tota antiquitate certamen sibi proposuissent: & quanquam de re non admodum magna lis esset, tamen, quia de nomine ipso patriæ ageretur, tanquam pro aris & focis, omnique totius gentis vetere gloria, sibi contendendum putarent. Tria vetusta insulæ, ut ipsi volunt, nomina, diversos habent assertores, *PRUDANIA*, *PRYTANEIA* & *BRITANNIA*. Pro *Prudania*, totis ingenii viribus, Luddus: pro *Prytaneia*, Thomas Æliotus, Eques Britannus, sed modestis studiis, contendit. *Britanniam* cæteræ fere gentes retinere conantur.

III. Pro *PRUDANIA* uritur Luddus fragmenti cujusdam veteris ea auctoritate, quam situs, & caries, & temporis longinquitas, pene sacrosanctam facit. Eam, tametsi per se firmam, tamen & etymologia, & Bardorum carminibus, & patrii sermonis consuetudine, & vetustatis veneranda quadam rubigine, confirmat. Fragmentum quidem illud, in quo causæ columnen & firmamentum est positum, ante omnia interrogo, unde? quando? aut quo patre natum, prodiit? aut quid tandem ait, quod pro causa faciat? De loco, de tempore, de auctore, forsitan inquires, hæc omnia, quod incerta sunt, vetustatem ejus probant. Præclara sane probatio. Ex ignorantia, ignobilitate & obscuritate, certitudo, fides & auctoritas testimoniorum pendet: & quod ad rem controversam explicandam assumitur, plus habet obscuritatis, plus infirmitatis, quam causa, ad quam probandam assertur. Quis testimonium hic dicit? Nescio. Quid pro testimonio dicit? Ne id quidem scio: illud autem audiui, in illo fragmento *Prudanium* nominari. Quid ista *Prudania*? monsne an fluvius? vicus an oppidum? vir an mulier est? Nescio: sed *Britanniam* hoc nomine significari puto. Age vero, *Prudania* *Britanniam* significet. Quid tandem pro te facit hic tuum fragmentum? Illud scire velim, verumne nomen insulæ *Prudanium* esse affirmet, an eorum incitiam coarguat, qui falsum hoc nomen insulæ tribuunt? Ne hoc quidem scio: sed sonum Britannicum hic quidem agnosco, visque sermonis Britannici in ipsa vocis etymologia se ostendit: est enim *Prudania*, quasi *Prudcania*, hoc est, excellens pulchritudo, a *PRYD*, quod est forma, & *CAM*, quod est candidum, emollita paullum asperitate vocis. At ista ratione non *Prudanium*, sed *Prudanium* factam oportuit: quam vocem in patrio sermone *Prudam* Bardi pronunciant. Omitto hic, quam sit levis, fallax, & plerumque ridicula, tota hæc

hæc \*originis vocum quærendi ratio. Omitto M. Varronem, aliosque excellenti doctrina viros, qui in hoc genere sæpenumero ridentur: totum Platonis Cratylum taceo. Hoc tantum affirmo, facilius æquis auribus me probaturum Cambros e canibus & brutis esse factos, quam tu *Prudanium* e *Prudcamia* coaluisse persuadebis: isto enim modo quilibet e quolibet licebit effingere. Sed quam parum sit in his omnibus firmamenti indicat Luddus, qui istis præfidiis parum confusus arcessit in auxilium Bardos, sane pervetustum genus hominum, sed quos veteres nihil scripsisse asseverent. Sed de eis alias nobis plura erit dicendum.

IV. Ad ultimum Luddi perfugium veniamus. *Cæsar*, (ait) qui primus Romanorum hujus insule nomen Latinis literis commendavit, eam Britanniam appellavit, quem omnes fere Latini scriptores secuti, idem nomen baud mutaverunt. Hic ab illustri mendacio Luddo visum est ordiri, quod videlicet Cæsar primus Latinorum Britanniam nominavit: nam \*ante Cæsarem natum Britanniae Lucretius meminit: †Aristoteles longe prius apud Græcos. Et non multo

1 *Originis vocum quærendi ratio.*] Hic & alibi jungit Buchananus gerundium in dī genitivo singulari generis fœminini. Volens quidem, eumque secutus Novæ Methodi auctor, id faciendum permittunt. Nul- lum tamen ejus rei exemplum, exceptis unis pronomīnibus, vel ipsi adducunt, vel me legisse memini. Quanquam enim ejusmodi gerundia cum genitivo plurali generis fœminini juncta haud raro reperiam, & par ratio atque analogia utrobique videatur, ægre tamen vocibus fœmininis in genitivo singulari ejusmodi gerundia adhibuerim, adeoque, ni omnes codices ob- starent, cum And. Melvino *quærenda* hic potius quam *quærendi* legendum existima- rim. [crediderim *origines* legendum esse.]

2 *Ante Cæsarem natum.*] Graviter hic hallucinatur Buchananus, tantum enim abest, ut ante Cæsarem natum Lucretius Britanniae meminerit, ut ne ipse quidem tum natus fuerit. In lucem enim editus est Julius Cæsar anno U. C. 654. quin- que annis ante Lucretium, qui natus est Olympiadis 171. anno secundo, Eusebio & Hieronymo testibus, i. e. U. C. 659. Quocirca vox [*natum*] omnino delenda. Sed neque ita satis constat Lucretium prius quam Cæsarem Britanniae meminisse. Cæsar enim Britanniae meminit lib. *Commentt.* 2. eo anno quo Belgas, Nervios, &c. perdomuit, U. C. scilicet 697. cum Lucretius annum ageret ætatis 38. i. e. an-

te ipsius mortem annis 5 aut 6. (alii enim eum anno ætatis 43. alii 44. interisse tradunt.) Cum autem Lucretius extremo suo opere, quod morte præreptus nunquam absolverat, Britanniae meminerit, verisimile est eum jam morti propinquum, saltem non 5 aut 6 ante suum obitum an- nis, adeoque post Cæsarem, ejus men- tionem fecisse. Cæterum temere omnino Luddus hic a Buchananō illustis menda- cii reus insinuitur. Virum forte egre- gium fefellit Pet. Crinitus, qui nescio quo auctore Lucretium scribit Terentio Varrone & M. Tullio fuisse paullo anti- quiores, quem etiam Car. Stephanus, Luidius & Hofmannus Lexicographi se- quuntur. Videtis Balium, *Diction. Crit.* copiose hac de re dissertantem, erroresque Lambini, Paræi, Brietii & aliorum re- futantem.

3 *Aristoteles.*] Librum illum *De Mun- do* intelligit, qui vulgo Aristoteli tribui- tur: sed diu est, ex quo viri docti, & in his ipse Buchananus lib. 2. de auctore hujus libri dubitarunt. Certe Daniel Heinsius, Dissertatione ea de re scripta, non modo Aristoteli, aut Theophrasto, aut cuicumque illius ævi scripto- ri, eum abjudicat, sed & vel Augusti tem- pore, vel infra etiam, & forte a Nico- lao Damasceno, scriptum existimat.

[Thomas Hearnius in præf. ad Gui- liel. Neubringenf. pag. 22. Herodotum jam

post Cæsarem Propertius iv. iii. 35. cum ait,

*Cogor & in tabula pictos ediscere mundos,*

indicat sua ætate mundi descriptionem parietibus affigi solitam. Te ipsum rogo, 'credisne Cæsarem illum, in omni liberali disciplina eruditum, descriptionem orbis nunquam vidisse? aut visam non legisse? aut, cum reliquus orbis describeretur, Britanniam insulam unam, totius orbis maximam, jam tum Latinis & Grajis monumentis tam illustrem, in tabulis illis omissam fuisse? Credisne illum, qui de rebus Britannicis tam diligenter sibi inquirendum putavit, qui homines eam regionem & tum & jam olim habitarent, quæ stirpium, quæ animantium genera in ea nascerentur, quibus legibus & moribus viveretur; cum, inquam, credis, cum de histam fuisset sollicitus, in universæ regionis nomine tam fuisse negligentem? aut qui tanta fide & diligentia sua Gallorum urbibus nomina reddidit, Britannos antiqua sua gloria fuisse fraudaturum? Vetus autem (quoniam in hac maxime parte se Luddus jactat) \* cur nomen *Prudania* existimet, nihil video, nisi forte e putris chartæ situ etiam verba senectutem contraxerint. Hæc satis ad Luddum in præsentia, qui testibus domo productis, suisque insomniis, adversus omnia, qui usquam sunt aut fuerunt, doctorum hominum consensum, certandum sibi putavit.

V. Cum Ælioto minus erit negotii. Is non modo conjecturis verisimilibus, sed non obscuris etiam auctoribus inductus, credit, aliquando eam regionem PRYTANEIAM fuisse appellatam. Non enim incommode existimavit, insulam, omnium rerum, quæ ad vitam instruendam vel ornandam sunt necessariae, copia redundantem, sic dici posse. Hic si causas nominum expendere oporteat, Sicilia *Prytaneia* potius dici debebat, nonnullæque aliæ, tanto Britannia fertiliores, quanto terrarum spatio sunt minores. Præterea, apud auctores, quorum testimonio nomen *Prytancia* confirmatur, facile apparet, scripturam esse vitiatam. In Stephano quidem summa inconstantia est. In voce ALBION, inquit eam esse insulam *Brettanicam*, secutus, ut ipse ait, Martianum. In vocibus *Juvernica* & *Juvernica*, *Prætunica* scribitur. Alibi, inquit esse in Oceano insulas *Brettanicas*, quarum cultores *Brettani* dicantur: sed Martianum & Ptolemaeum in iis vocibus P literam primam facere. Quos locos si quis conferat, comperiet procul dubio scripturam esse corruptam, Stephanumque ipsum sentire *Brettaniam* per B primam, & duo TT scribi debere.

Hæc jam Britannia meminisse credit lib. iv. 49. ubi Ister dicitur fluere per totam Europam, & incipere a Celtis, qui omnium in Europa ad solis occasum præter Cynetas, sunt extremi: per Cynetas vero Cantii incolae intelligit. sed valde dubito an non Cynetas Hispania populum intelligat, qui Celtis in Hispania, unde Celticum promontorium, & Celtiberis magis adhuc ad occidentem sunt reman; hos Curetes vo-

cat Justin. xlv. 4. vide. Voss. ad Melæ lib. iii. cap. 1. ubi sitos non longe a Gadibus fuisse ostendit. ibi vero Solis cubilia fuisse credita satis notum. quare jure Cynetas omnium ad occidentem extremos dicit, ex xvi sui sententia, Herodotus.]

1 Credisne.] MS. credasne.

2 Cur nomen Prudania.] MS. Curidnomen Prudania.

1 Quam

Hæc Æliotus, cum, opinor, non ignoraret, quæ homines gloriæ famelicæ ad ostentationem eruditionis undique converrunt, admonuisse quantum satis est contentus, suum lectori iudicium relinquit. Luddus vero, ut hic ingenium noſcas, e tribus nominibus infule maxime id maxime probavit, quod pauciſſimos habuit aſſectores, nempe *Prudanium*. Proxime *Prytaneiam* amplectitur. *Britanniam* vero, quod nomen jam per omnes nationes erat illuſtre, quod (ut ait Plinius) *Græcis & Latinis monumentis erat celebratum*, velut corruptum rejicit; & ſero tandem, idque a C. Julio Cæſare, ait corruptum: quem falſo exiſtimat (uti dictum eſt) nomen *Britanniæ* Latinis literis commendafſe primum, cæterofque ſecum in eundem errorem traxiſſe.

VI. Ego vero antiquitatem vocis hujus BRITANNIA, multis & quidem locupletiſſimis teſtibus, probare poſſem, ſi res in controverſo eſſet: & a Cæſare non vitiatam, ſed per manus a majoribus, & quidem puram, fuiſſe traditam, niſi quod veteres geminum TT ſcribere ſoliti videntur. Hinc factum opinor, ut Lucretius iſtius nominis primam ſyllabam fecerit longam. Nunc autem alterum T ſolet omitti Latinis, quod in voce BRITTO perpetuo retinetur. Græci, qui *ἑσπερίαν* ſcribunt, \*proxime ad patrii ſermonis prolationem accedunt, quam & ipſi Britanni & omnes vicini adhuc retinent. Nam & Galli propiores BRETTAS appellant omnes fœminas Britannicas, & BRETTER Britanice loqui: & promontorium Aquitaniæ vulgo CAP-BRETTON dicitur: & utrique Scoti, hoc eſt Albienſes & Hibernenſes, ſic loquuntur. Id tantum intereſt, quod quæ Germanica dialecto gaudent, interdum transpoſitione literarum utuntur, ac BERTON pro BRETON proferunt. Dionyſius autem Afer, in illo verſu 284.

Ἄνεκτ' ἀνέκται ψυχῆς ἵπὸς ἰδὼν Βριτανίαν,

in altero † rejiciendo uſus eſt licentia poetica, quemadmodum idem in *Σαπφίστῃ* pro *Σαπφίστῃ* fecit. Hic tot nationum pene ab initiis uſque rerum conſenſus, & inter ſe, & cum vetuſtiſſimis Græcorum & Latinorum, pluris apud me erit, quam omnia Luddi *ῥαδιώματα*, eluto ad ludibrium collecta, adignominiam ſervata, & ad falſum teſtimonium adverſus antiquitatem dicendum, quamlibet impudentem habeant patronum, tamen nondum egredi auſa. Proferat ille, ſi poteſt, qui ante Ariſtotelem ſcripſerit PRUDANIAM. Id autem, ut in omnia ſe vertat, nunquam efficiet: cum certum ſit, poſt Ariſtotelem aliquot ſeculis, Bardos nihil ſcripto commiſſiſſe. Faceſſat illa glorioſa, dicam, an ſtolidâ jaſtatio antiquitatis, cujus nullum argumentum, nullum veſtigium, imo ne veſtigii fragmentum reperiri poteſt.

VII. Inter has variarum opinionum diſcordias, diverſasque loquendi conſuetudines, Luddus putat conſultiſſimum, vetuſtatem, & patrium loquendi morem, velut Cynofuram quandam, ſemper ſpectare, atque inde omnis ſermonis

† Quæ falſa. ] Vid. Not. 2. p. 3.

2 Proximæ. ] MS. proximi.

Tom. I.



nis cursum dirigere. Ab eo \*ego non magnopere dissentirem, siquidem, quod in vetere consuetudine positum est, & ideo certum existimatur, id semper teneri possit. Sed pluribus de causis id fieri non posse animadverto. Primum, quod in omni sermone vetustissima invenire sit difficillimum, tutiusque sit hic sequi doctiorum consuetudinem, quam retro semper origines, velut Nili fontes, vano & ridiculo labore perquirere; præsertim cum vocabulorum initia non a sapientiorum judicio pendeant, sed a vulgi maxime vocis & inculti arbitrio; cujus consilium anxie inquirere, supervacaneæ cujusdam est diligentiae, & ubi inveneris, non magnum seceris operæ pretium. Nam, ut in reliquarum omnium rerum generatione, \* quæ aut sponte naturæ proveniunt, aut ab hominibus ad usus vitæ excogitantur, primi fortis quodammodo imperfectiores, & non solum ad <sup>1</sup>usum commodi, sed aspectu minus jucundi exeunt; cultura deinde mansuescunt, & tractando paulatim lævigantur: eadem certe est in sermone ratio, qui primum ab hominibus crassus & rudibus editus, asper plerumque & insuavis & impolitus est exortus; mox tractando sensim genitalem horrorem exiit, & mansuetius & jucundius <sup>2</sup>ad aures accidebat, & multo facilius in animos hominum influebat. Itaque in hac parte, ut si qua alia, consuetudini politiorum hominum aliquid indulgendum censeo; & voluptatem, <sup>3</sup>minime illam illiberalem & inhumanam, quatenus moribus est innoxia, <sup>4</sup>minime abominandam. Quod si quis ita <sup>5</sup>Musis iratis est natus, ut Catonis & Ennii sermonem potius amet, quam Ciceronis & Terentii, & inventis frugibus, glandibus tamen vesci malit, <sup>6</sup>jubeamus miserum esse, libenter quatenus id tacit.

VIII.

1 *Ego non.*] MS. *Ego quidem non*: quod haud spernendum, nisi quod continuo sequatur *siquidem*.

2 *Quæ aut sponte.*] Deest [aut] in omnibus Edit. quod ex MS. reposuimus.

3 *Usus commodi.*] And. Melvinus legendum censet *incommodi*; nos tamen cum omnibus exemplaribus retinimus *commodi*, repetendo vocem *minus*. Non enim primi fortis rerum ad vitæ usum sunt incommodi; sed imperfectiores tantum; non magis quam crassus ille priscorum hominum sermo nullius usus dici possit ad animi sensu exprimentia, sed tantum minus jucunde ad aures accidere, quam cum usa paulatim est expolitus.

4 *Ad aures accidebat.*] Non *accede*bat, quod quidam forte velint, ita enim Cic. in Vat. 1. *Nam putas fas esse verbum ex ore exire cuiusquam, quod non jucundum & honorificum ad aures tuas accedas*, quemadmodum in optimis codicibus legitur; aliis tamen *accedas*. Liv. lib. 8. *Quod ubi ad aures accedis Regis*, Lucr. lib. 1. vers. 1023.

*Nam tibi vehementer nova res molitur ad aures*

*Accidere* —

[Vid. ad Ovid. v. *Faster*. 360. & *Gifen*. Ind. *Lucret. in accidere*.]

5, 6 *Minime.*] Iteratio vocis [*minime*] in eadem periodo non ita grata auribus videtur, forte posteriore loco *neutiquam* legendum.

7 *Musis iratis natus.*] MS. Edinb. Genev. & Francof. Edit. *Musis iratus natus*: non dubitavimus tamen cum Elzev. momento etiam Crafordio, tritum fatis Proverbium *Musis iratis natus*, restituere. Vid. Erasmi Adagium, *Dris secundis*.

8 *Jubeamus miserum esse*] Dacertius & alii hæc Horatii, Sat. 1. unde & nos ea depromit, commate distinguunt post *esse*, sensum enim esse, *Eum infelicem esse jubeamus*, quippe qui sua natura sponte id faciat.

1 Bar-

VIII. Sed hæc nostra disputatio non est de puritate & elegantia sermonis Latini: ad hanc enim nihil interest, quo sono Britannii olim literas efferrent. Hæc enim tota contentio eo tendit, ut Latini Britannicum, non Britannii Latinum, sonum discant. Quod ad me attinet, malim ignorare veterem illam & anilem priscorum Britannorum balbutiem, quam dediscere quodcumque hoc est sermonis Latini, quod magno cum labore puer didici. Neque aliud est, cur minus moleste feram priscam Scotorum linguam paullatim intermori, quam quod libenter sentiam barbaros illos sonos paullatim evanescere, & in illorum locum Latinarum vocum amœnitatem succedere. Quod si in hac transmigratione in alienam linguam, necesse est alteros alteris concedere, nos a rusticitate & barbaria ad cultum & humanitatem transeamus: & quod nascendi infelicitate nobis evenit, voluntate & judicio exuamus: aut, si quid opera & industria possimus, id omne eo conferamus, ut linguam Græcam & Latinam, quas orbis pars melior tanquam publicas recepit, pro viribus expoliamus, & si quis ex contagio barbari sermonis adhæsit situs & squalor, quoad fieri possit, extergeamus. Quid, quod hæc nimis anxia diligentia, in nominibus peregrinis præsertim in alienam linguam transferendis, nec servari potest, nec, si posset, expedit? Quæ enim non literas & sonos habet, quæ alterius sermonis characteribus omnino exprimi non possunt? Quæ natio præter Germanos W litteram proferre potest? Quis Latinis literis cum sonum reddet, quem Hispani, Brittones & Scotorum pars in literis D. G. P. T. X. & Z. efferunt? Ob hanc, opinor, soni absurditatem, Plinius, enumerans Hispaniæ oppida, quædam negat *Latiali sermone dictu facilia*: alia vocat *ignobilia*, & *barbare appellationis*: alia *citra fastidium nominari posse* negat.

IX. Quid hîc, rogo, faceret Luddus, si ei Latine sit scribenda historia Britannica? Ipsa genuina Brittonum nomina quomodo enunciaret, cum tota sua barbarica rubigine, opinor, non haberet. Nam, cum tam anxie se torquet, quomodo *Luddum* scribat, *Lhuydumne*, an *Lludum*, an vero *Luddum*? quorum nullum nec Latinis literis exprimi, nec ore Latiali efferri, nec ab auribus Latinis sine fastidio audiri, potest. Si verum sonum retineat, non Latinam, sed semibarbaram faciet orationem: sin ad genuinum Latini sermonis sonum inflectet voces peregrinas, non minus flagitiose peccabit, quam Cæsar in verbo BRITANNUS fecisse dicitur. Quid igitur Luddo faciemus, ut hominem & molestum & morosum placemus? <sup>1</sup> *Prudamiam* dicemus potius quam *Britanniam*? Hoc nec Luddus tam severus aliorum censor exiget; permittet enim ut e *Prudam Prudamiam* declinemus. Quod si quis BRITANNIAM, aut BRETTANIAM ausit dicere, quid aliud, quam sacrosanctæ vetustatis

vio-

<sup>1</sup> *Barbaria.*] *Barbaries* frequentius usurpatur hoc in sensu, i. e. pro rusticitate morum & ruditate sermonis. *Barbaria* tamen utitur Cic. pro Corn. C. Cæsar inveteratam quondam barbariam ex Gaditanorum moribus disciplinaque delevisit. O

vid. Amor. 3. Eleg. 8. 3.

*Ingenium quondam fuerat pretiosius aurum  
At nunc barbaria est grandis habere nihil.*  
Heinsius tamen ibi *barbaries* grandis legit.

<sup>2</sup> *Prudamiam.*] MS. *Prudamiamne*.

E 2

1 Mæ

violatæ, & sermonis antiqui sincerique contaminati, & e robusto illo & masculino sono in muliebrem molliem fracti, reum peraget? Nihilne ergo ex horroris vetusti squalore mutare nobis fas erit? aut, si non mutare, saltem male tornata perpolire vocabula? & ab inculta illa immanitate paulatim ita inflectere, ut saltem vox hominem sonet? &, quod majores nostri in *Morinis*, & *Moremarusa*, & *Armoricis* fecisse videmus, ut, si has voces donare civitate Latina non possimus, certe in eis amictum & incessum Latinum imitemur? Sed per Luddum, ut video, non licet. Ad augustam illam nos revocat Prudantium vetustatem, & a Bardis & Senecionibus vetat usquam divertere.

X. At vetustissimos Græcorum & Latinorum nunquam hæc religio tenuit: neque, postquam sermonis antiqui rigor se remittere cœpit, quisquam fuit, qui famul & volup retinere maluerit, quam quæ in eorum locum successerunt recipere. Et in transferendis e Græco Latinis, aut e Latino Græcis, summa libertas fuit. Quis unquam Latinis vitio vertit, quod *Polydeucen* in *Pollucem*, quod *Heraclea*, in *Herculem*, quod *Asclepion* in *Æsculapium* verterint? Aut Græcis, quod pro *Catulo Catlum*, pro *Remo Romum* dixerint? Quid in barbaris ad se transferendis? Num Græci dubitarunt AL Punicum in ultimis dictionum syllabis in AS convertere? Num, si quis *Annibas* pro *Annibal* dixit, omnem historiæ majestatem proculcavit, veritatem corrupit, aut Pœnorum linguæ maculam ullam inussit? Videte, quantum veterum Saxonum & Danorum, qui posterius immigrarunt in Britanniam, humanitatis & cultus studium ab hac Luddi immanitate & squaloris affectatione dissideat. Illi inculti, & omnis eruditionis ignari, cum venissent ad homines barbaros & balbutientes, non solum eorum scribiline se passi non sunt infici, sed gustata semel Græci & Latini sermonis suavitate, multum ex eo, quem ipsi invexerant, horrore absterferunt: quædam vocabula asperiora lævigarunt, ita ut sine ulla aurium of-

1 *Male tornata.*] Imitatus est Horat. Arte 441.

*Et male tornatos incudi reddere versus.*

2 *Majores nostri.*] Ita constanter libri omnes; error tamen aliquis subesse videtur, [*majores*] enim hic quarti est casus; & quanquam apud Sallustium inveniamus *majores vestrum*, mihi tamen fere persuasum est nusquam *majores vestri* aut *nostri* posse reperiri, ita ut *nostri*, vel *vestri* sit plurativi casus secundus. Legendum itaque videtur, aut *majores nostros*, aut versu sequente *fecisse videntur*.

3 *Affectatione dissideat.*] MS. & omnes editi [*dissidens*] manifesto errore; unde nobis suborta est suspicio exscriptores a pro a accepisse similitudine literarum de-

ceptos; ideoque [*dissidens*] esse legendum. Non autem dissimulanda est viri docti ingeniosa conjectura emendantis humanitas pro humanitatis, ita ut humanitas & cultus studium immanitati & squaloris affectationi opponantur.

4 *Scribiline.*] Ita Edinb. editi vero reliqui & MS. *Scribiline*: nos *Scribiline* scribendum arbitramur auctoritate naxi A. Gellii qui lib. 5, cap. 20. de ea sic loquitur, *Solacismus Latino vocabulo a Sinnio Capitone ejusdemque ætatis aliis Imparilitas appellatus vetustioribus Latinis Scribilio dicebatur, a versura videlicet & pravitate tortuosa orationis.* Unde a voce Græca *επιβλησις* i. e. *internus, pravus*, vocem hanc suam originem traxisse existimat Gronovius. Apud Arnobium quidem *Scribilio* legitur.

8 In.

offensione tolerari possint, qualia sunt *Oxonia* & *Roffa*, pro *Oxonfordia* & *Raufchestría*, & pleraque alia, ne repugnante quidem Luddo. Sed nec ipse quidem in hoc genere parum sibi permittit, qui, in uno Britanniae nomine cum tam duræ severitatis est exactor, in tot aliis sibi tantam assumit licentiam. Nunc contra veterem omnium gentium consuetudinem, pro novo, obscuro & incerto vocabulo tam pertinaciter nititur: nimirum ne Regium illud nomen Luddi, e Cimbrorum prosapia ductum, & velut Palladium in hunc usque diem servatum, in oblivionem veniret. Id ne fieret, Luddus adversus multitudinis consensum, temporis vetustatem, atque adeo ipsam veritatem, sibi certamen instituit.

XI. Est & in vocabulo BRITANNIA illa adhuc observatio: quod apud exteros scriptores id insulæ totius est nomen; Brittones autem & Angli, qui res Britannicas literis mandarunt, nunc cum exteris consentiunt, nunc tantum Britanniae nomine censent eam insulæ partem, quæ provincia Romana fuit: idque varie, prout belli eventus limites mutavit: interim enim Hadriani, interim Severi vallum finem imperio faciebant: reliquos, qui extra vallum erant, nunc Barbaros, nunc Transmarinos, appellabant. Beda libri primi initio sic scribit: *Itaque petentes Britanniam Picti, habitare per septentrionales insulæ partes cœperunt: nam austrina Brittones occupaverant.* Idem cap. 34. *Aidanus, Rex Scotorum, qui Britanniam habitant.* Et lib. iv. cap. 4. dum reditum Colmani ex Anglia in Scotiam scribit, ait: *Interea Colmanus, qui de Scotia erat, relinquens Britanniam.* Et alibi: *Exinde cœperunt per plures dies de Scotorum regione venire in Britanniam.* Item, *Occisus est Osualdus juxta murum, quo Romani ob arcendos Barbarorum impetus totam a mari usque ad mare præcinxerant Britanniam.* Eadem loquendi forma est apud eundem lib. II. cap. 9. Hanc peculiarem Britannis loquendi formam non videtur ignorasse Claudianus, cum scribit, *Legionem Romanam, quæ Scoto dat frena truci, præsentam fuisse Britannis*, hoc est, oppositam Scotis, ut eorum furorem a Britannis propelleret, in extremam quidem Britannia, ac Scotiæ limite. Frequentissime hoc genere sermonis utuntur Gulielmus Malmesburiensis, & Galfridus Monumetensis, non obscuri inter Britannicarum rerum scriptores: apud quos facile cuivis erit animadvertere, BRITANNIÆ vocabulo nominari, quod intra Severi vallum tantum continetur. Id apud eos etsi adeo perspicuum est, ut neminem latere possit, tamen magnos apud ætatis proximæ scriptores peperit errores, qui Aluredum & Athelstanum, aliosque nonnullos Saxonum Reges, totius insulæ aliquando potitos scriptum reliquerunt; cum tamen Severi vallum nunquam transcenderint. Nam, cum legerent eos totius Britanniae tenuisse imperium, totam insulam ab eis possessam existimabant.

## XII.

1 *Interim.*] Sæpiissime utitur hoc vocabulo Buchan. pro *interdum*, sive *aliquando*: neque defunt exempla, ut Trajanus apud Plin. lib. 10. Ep. 7. *Prudenter autem constitui interim navibus, interim vehiculis uti.* Similiter quoque Tacitus, Quin-

tilianus, Seneca.

2 *Aidanus.*] Beda ex edit. Chiffletii; *Edan Rex Scotorum qui Britanniam inhabitant.*

3 *Colmanus.*] Beda *Colmanus Episcopus.*



XII. Nec dissimilis interim observatio est, in<sup>1</sup> horum nominum usu, BRITANNUS & BRITTO. <sup>2</sup> Veteres enim omnes Græci & Latini scriptores totam insulam BRITANNIAM, incolas autem ejus omnes sine discrimine BRITANNOS, vocabant. Primus, quod sciam, Romanorum BRITTONES nominavit Martialis, in illo versu lib. xi. Ep. 22.

*Quam veteres bracchæ Brittonis pauperis. —*

BRITTONES fere vulgus appellat peninsulæ Gallicæ habitatores: quanquam & ipsam BRITANNIAM, & incolas BRITANNOS Gregorius Turonensis semper vocet. Romani suos provinciales constanter BRITANNOS dicunt: quanquam ipsi provinciales sese BRITTONES appellari gaudeant. Utriusque vero nominis una radix & origo est, BRITANNIA. Et sicut utrumque nomen ab uno fonte promanat, ita res eadem prorsus utroque indicatur. Id autem maxime perspicue ostendit Ausonii poetæ carmen Epigr. cix.

*<sup>3</sup> Silvius ille Bonus, qui carmina nostra laceffit,  
Nostri magis meruit disticha Britto Bonus.  
Silvius hic Bonus est. Quis Silvius? Isse Britannus.  
Aut Britto hic non est Silvius, aut malus est.  
Silvius iste Bonus fertur, ferturque Britannus:  
Quis credat civem degenerasse bonum!  
Nemo bonus Britto est: si simplex Silvius esse  
Incipiat, simplex definat esse Bonus.  
Silvius hic Bonus est: sed Britto est Silvius idem.  
Simplicior res est, credite, Britto malus.  
Silvi, Britto, Bonus, quamvis homo non bonus esse  
Ferris: nec se quit jungere Britto Bono.*

XIII. <sup>4</sup> Qui Britannos Gallorum colonos esse contendunt, hi Herculem e Celto puella Gallica Britannum filium genuisse produnt: a quo gentem Britannam

<sup>1</sup> Horum nominum usu.] MS. *Usum horum nominum.*

<sup>2</sup> Veteres enim.] MS. & editi omnes; *Veteres enim omnes totam insulam Græci & Latini scriptores Britanniam, turbato prorsus verborum sensu & situ; quæ nos suo quæque ordini reddere non dubitavimus.*

<sup>3</sup> Silvius ille Bonus.] Epigramma hoc in Brittonem quendam, non unicum esse, sed singularia disticha sex, monuerunt Scaliger & Grævius, & unumquodque legendum esse separatim, repetito sæpius titulo, *In eundem*, aut *De eodem*, prout in recentioribus codicibus videre est. No-

randum præterea Brittoni isti cognomen fuisse *Bono*, unde Poëta argutæ opportunitatem captavit. Cum igitur (quod & alias ei usu venit) mendoso libro Buchananus fuerit usus, neminem nobis vitio daturum speramus, quod integrum hunc locum ex optimis editionibus exhibuimus, gnari scil. Buchananum ipsum idem facere voluisse, si earum sibi copia superisset.

<sup>4</sup> Qui Britannos.] Hic totus Paragraphus usque ad *Antiquissimum insule nomen creditur fuisse Albion*, &c. in MS. desideratur. Videtur autem ab auctore ipso interjectus, cum schedæ suæ jam prælo da-



propagatam. <sup>1</sup>Hanc nationem Plinius vicinam Morinis, Atrebatibus, Gessoriacis, collocat. Qui e Græcis <sup>2</sup>hæc confirmant, non desunt Grammatici, Suidas, & qui Etymologicon Magnum scripsit. In eadem sententia mihi fuisse videntur C. Julius Cæsar, & C. Cornelius Tacitus, alique scriptores Latini non indocti, <sup>3</sup>non ita celebres tamen. Item sacra, sermo, instituta, gentiumque quarundam ad mare Gallicum habitantium mores, id confirmant. <sup>4</sup>E quibus mihi Britanni transmigrationibus exhausti, Morini paulatim consumti videntur. <sup>5</sup>*Morinus* quidem a MORE, (id vetere Gallorum lingua *mare* significat,) suam mihi originem testari videtur. <sup>6</sup>*Venta*, *Belgarum*, & ab Icio

darentur, idque raptim nec ea cura, quæ cæteris est adhibita: unde & forsane est quod tanta labore, præsertim in initio, obscuritate.

1 *Hanc nationem.*] Plinius quidem Britannos Belgicos nominat, inter Gessoriacenses & Ambianos medios, ac proinde (quod eruditissimus Harduinus existimat) ea loca tenentes, ubi nunc oppida Stapulæ, Monstrolium, Heldinium & adjacentes ager Ponticus ad Somonam amnem. Cluverius tamen German. Antiq. lib. 2. cap. 27. dissentientibus licet omnibus libris, legendum contendit *Briannonos*, adfertque non spernendas suæ opinionis rationes.

2 *Hæc confirmant.*] Non id scil. *gentem Gallicam fuisse Britannos nominatos*, sed quod initio dixerat, *Britannos esse Gallorum colonos*: h. e. ex Gallia primum in Britanniam migrasse.

3 *Non ita celebres.*] Edinb. non in celebres tamen. Melvius corrigit, *Non tam docti, non in celebres tamen*. Crafordius tria postrema vocabula delenda censet. Melius tamen Edit. Genev. eamque secuta Francos. & Elzev. quam nos sequendam duximus.

4 *E quibus*] Tria hic occurrunt difficultia intellectu. Quo referendum sit *in quibus*; qui sint hi *Britanni*, & quid denique hic sibi velit vox [*exhausti*]. Et primum quidem illud *in quibus* vel ad ea omnia quæ antea dixerat, refertur, ut sententiæ sensus sit, *Ex hisce quæ jam diximus*. Vel respicit sacra, sermonem, instituta moresque gentium quarundam ad mare Gallicum habitantium, ut sensus sit, *Ex similitudine sacrorum, sermonis, &c. quæ veteribus Gallis cum Britannis*, i. e. *insule Britannie habitatoribus intercedit, verisimi-*

*le esse hosce Britannos transmigrationibus fuisse exhaustos*, i. e. *ex Gallia deductos & propagatos, & Morinos, unde commigraverant, crebris hisce colonorum transmigrationsibus paulatim consumtos*, i. e. *indies imminutos & ad exiguum numerum redactos*. Verum, ut alia omittam, utramque hanc conjecturam labefactare videtur vox [*exhausti*], quam apud nullum idoneum auctorem pro *deducti & propagati* usurpatam commemini. Alia igitur mihi Buchanani mens videtur, hæc videlicet: *Equibus*, i. e. inter quas gentes, vel de numero quarum gentium ad mare Gallicum habitantium, *Britanni*, non insulæ habitatores, sed natio Gallica Morinis, Atrebatibus & Gessoriacis finitima, Plinio memorata, *transmigrationibus exhausti*, i. e. quasi e sedibus suis exciti, in Britanniam insulam etiam cum nomine se contulisse, & Morini eorum vicini *paulatim consumti*, i. e. frequentibus eodem deductis coloniis indies pauciores redditi videntur.

5 *Morinus.*] Quæ sequuntur admodum perplexa sunt & involuta. Id autem agit Buchan. ut ex similitudine nominum & vocum Gallicarum & Britannicarum, alterum ex altero populo oriundum ostendat.

6 *Venta, Belgarum.*] Ita omnes libri, quod & nos retinimus, ne quid temere immutasse videremur: addere tamen libuit distinctionem post [*Venta*], quasi forte ita se haberet sententia: *Venta*, in numero multitudinis, h. e. duo ejus nominis oppida, unum scil. Ventam (vel potius, ut sibi constet, Ventum) *Belgarum*; alterum Ventum *Icenum* (pro *Icenorum*) ab Icio portu dictum, etiam in alienum solum fecum, &c. Multa tamen hic culpanda ve-

dictum Icenum, etiam in alienum solum secum cognominis loco patriam vocem extulisse sit verisimile: atque in ipso statim aditu 'occurentes Britannos, velut progeniem agnoscentes, domum suam tanquam in hospitium deducere velle. *Morinus* enim Gallis veteribus *marinum*, & <sup>2</sup> *Moremarusa* mare mortuum, significat: quanquam hæc postrema duo nomina Goropius, dum suos Aduaticos nimis ambitiose vult excolere, pene nobis surripuit. Nec Armorici aut Armorici se nostri generis negare possunt: habemus enim <sup>3</sup> majores & propinquos penes nos obsides. Nam AR vel ARE vetus est præpositio linguæ Gallicæ, quod *ad* vel *super* indicat, quasi dicas, *ad mare*, vel *super mare*, hoc est, *maritimum*. *Moremarusa* vero a MORE, hoc est, *mare*, <sup>4</sup> declinat, ultima syllaba producta 'in morem participii Græci. *Armorica* quidem seu *Armorica*

ca

veniunt, & illud in primis quod contra quam ipse libro II. Antonini Itinerarium, alique quod sciam omnes, qui *Ventam* in genere sceminino primaque declinatione inflectunt, ille in neutro & declinatione secunda extulerit, vel indeclinabile posuerit. Non equidem sum nescius probatos etiam auctores in hujusmodi nominibus nonnunquam variare, modo V. G. *Bactra*, *Bactra*; *Hierosolyma*, *-ma*, modo *Bactrorum* & *Hierosolymorum* declinantes. At id, præterquam quod raro admodum, nec nisi exemplo idoneo præunte, licitum videatur, hic minime factum oportebat, quum tanta inde toti sententiæ obscuritas vel potius ambiguitas offundatur. Præterea cum nusquam occurrat oppidum nomine *Icenum*, inepta prorsus videtur Syncope pro *Icenorum*. Quare totam sententiam sic constituendam arbitror; *Ventam* Belgarum, & ab *Icio* dictam *Icenorum*, etiam in alienum solum, &c.

<sup>1</sup> *Occurrentes Britanni.*] Hic rursus aqua hæret: neque enim satis liquet quinam sint hi *Britanni*, Gallicæ an Albi incolæ. Ego quidem posterius existimo, atque hoc voluisse Buchananum, q. d. Cum Belgæ & Icenî (sive populus mare Gallicum circa Icium portum accolens) novas sibi sedes quærentes in Britanniam primum appulissent, *Britannos*, qui non ita pridem ex iisdem regionibus in Albium commigrarant, eis *occurentes*, tanquam sui generis (erant enim omnes Galli Armorici) & quasi ex se ortos liberos eos agnovisse, & domum suam, i. e. in eam Britannicæ partem quam ipsi incolebant, deduxisse,

locumque domicilii dedisse.

<sup>2</sup> *Moremarusa.*] Plinius & Solinus *Morimarusa* vocari ajunt eam Oceani Septentrionalis partem quæ a Cimbris, b. e. sinus Codani faucibus (vulgo *The Sound*) ad Rubeas promontorium (nunc *Noorskyn*) pertinet. Utrique autem *Morimarusa*, non *Moremarusa* scribitur: quia tamen Buchanan. hanc vocem a *Mare* deducit, neque præterea multum interfit, nos *Moremarusa* retinimus. Parum autem hæc ad Buchananî opinionem stabiliendam faciunt. *Mor* enim vel *Mare* non solum Gallis & veteribus Britannis proprium est vocabulum, sed illis cum Scythiis, Cimbris, omnibusque fere gentibus Septentrionalibus commune; adeoque nihil erat metuendum, ne Goropius Becanus Buchanano, aut hic illi surriperet vocabulum a tot gentibus æquo jure vindicatum.

<sup>3</sup> *Majores & propinquos.*] Ipse inusitatam hanc loquendi formulam lib. II. explicat. Per [ *majores* ] autem hic intelligit *vocabula primitiva*, ex quibus vox *Armorici* est conflata, *ar* nimirum Præpositionem, i. e. *super*, & *Mor* sive *Mare*, i. e. *mare*: *propinquos* autem vocat *eiusdem originis vocabula*, quale est *Moremarusa*, quod etiam a *Mare* deducitur & Britannica voce *Mare*, Hibernice *Maru*, Armorice *Maro*, i. e. *mortuus*. Vid. Eduardi Luidii Vocabularium Comparativum linguarum Britannicæ & Hibernicæ primigeniarum.

<sup>4</sup> *Declinat.*] An potius legendum *declinatur*.

<sup>5</sup> *In morem participii Græci,*] ut *ἰχθυήσας* *lyn-*

ea (qui statim auditum non agnoverit, is veterem linguam Gallicam prorsus ignorat,) & ipsum quoque *maritimum* significat, vel Strabone interprete, qui Græce pro eo nobis semper reddit *Παρωκτανίτας*. Cæsar de Armoricis hæc lib. v. 53. *Magnas Gallorum copias earum civitatum, quæ Armorica appellantur, oppugnandi sui causa convenisse.* & lib. vii. 75. *Universis civitatibus, quæ Oceanum attingunt, quæque eorum consuetudine Armorica appellantur.* & lib. viii. 31. *Ceteræque civitates posite in ultimis Gallie finibus, Oceano conjunctæ, quæ Armorica appellantur.* Cæsar, quoties harum civitatum meminit, semper adjicere solet, QUÆ APPELLANTUR: sed ita adjicere, ut non nomen proprium esse intelligas, sed aut epitheton, aut loci cognomen. Sed nec apud quemquam alium idoneum scriptorem id civitatis nomen fuisse reperitur: cum tamen latissime in illa ora vox illa vagaretur, ab Hispania videlicet ad Rhenum; interque tot scriptores unum Plinium reperiā, qui genuinam nominis vim non videatur intellexisse: omnem namque Aquitaniam ita putat aliquando fuisse appellatam. Sed hæc in præsentia: nam plura nobis de sermone Gallico disputandum erit.

XIV. Antiquissimum insulæ nomen creditur fuisse ALBION, aut, ut Aristoteles, vel potius Theophrastus, in libro qui *De mundo* inscribitur, recenset, ALBIUM. Sed hoc nomen magis e libris eruitur, quam in communi ser-

*ἰνυρῶτα, ἰνυρῶτα, ab ἰνυρῶ. Forte hoc Buchananus dixerit, quod Philemon auctor Græcus (unde Plinius, & ab eorum solus ejus Epitomator Solinus, vocem hanc Morimarosam habuerunt) ad modum participii suæ linguæ eam declinaverit, cum gentibus cui propria erat, Mor mari appellaretur.*

[*Παρωκτανίτας*.] Ita ex Strabone ipso restituiimus, cum antea omnibus editionibus irrepperit *Apocetanitas*, sive *ἀπωκετανίτας*, manifesto errore. Nam, præterquam quod vox *ἀπωκετανίτας* neque apud Strabonem, nec alium quemquam auctorem reperiā, tantum abest, ut Buchananī sensum explicet, ut ei plane contraria sit. Quid enim aliud significare potest *ἀπωκετανίτας*, quam *ἀπὸ τοῦ ὁκετῶν ὀικῶντας*, i. e. *longe a mari habitantes*? Strabo autem Armoricos non modo *παρωκτανίτας*, sed & interdum *παρωκτανίτας τῶν αἰνίων* appellat. Sed neque solus peccavit Buchananus, aut ejus librarius, eundem enim errorem erravit Camdenus, alio etiam de suo adjecto, qui Armoricos *ἀπωκετανίτας* pro *ἀπωκετανίτας*, & hoc pro *παρωκτανίτας*, a Strabone nominatos affirmat.

[*-2 Oceano conjunctæ.*] Ita exhibent opti-  
Tom. I.

max Cæsarīs editiones, non *Oceanique*, quod in omnibus Buchananī exemplaribus est scriptum.

[*3 Aristoteles, aut potius Theophrastus.*] Vid. quæ nos supra ad pag. 3. Not. 2.

[*4 Recenset, Albium.*] Turpissimum hic prima fronte mendum subesse videtur: quasi vero Britannia, olim ab aliis *Albion* vocata, in libro Græco, quicumque demum ejus fuerit auctor, *Albium* vocetur. Imo vero in eo libro *Albion* vocatur, nec aliter vocari poterat, cum *um* terminatio Græca non sit. Nihilo tamen secius recte se habet vetus lectio; quæ atque adeo Buchananī mens ut clarius intelligi possit, advertendum est varie ab antiquis auctoribus scribi vocem *Albion*; Ptolemæo enim *Αλβιον*, Stephano *Α'λβιον*, Aristoteli autem, sive libri de Mundo scriptori, *Α'λβιον* dicitur. Observandum præterea solenne Latinis ac in more positum fuisse nomina a Græcis accepta quæ in *on* definebant, nulla mutatione facta in *on* itidem terminasse; qualia plerumque erant regionum, urbium, montium ac fluviorum nomina, veluti, *Babylon*, *Chalcedon*, *Calydon*, *Marathon*, *Citharon*, *Lacedæmon*, *Ladon*, &c. aut finale abjecisse, ut

C

Pla-

sermone usurpatur, nisi præsertim apud Scotos, qui se ALBINICH, suam regionem ALBIN, adhuc vocant. Multi nomen inditum inde putant, quod appellentibus e Gallia albæ rupes primæ occurrant. Mihi vero absurdum in primis videtur, Britannici nominis originem e Latino sermone repetere, tam raro tum inter feras gentes commercio. Sunt qui ab *Albione* Neptuni filio id nomen inditum putent, quem aliquando Britannicæ fuisse Regem comminiscuntur, audaci prorsus mendacio, & nullo penitus antiquitatis testimonio nixi. Super hoc tamen tam invalido cognati nominis fundamento regnum exstruere eos non puduit: nullam enim aliam hujus commentum ex historiis occasionem datam video. Meminerunt enim <sup>1</sup> *Albionis & Bergionis*, e Græcis quidem, Diodorus Siculus & Strabo; e Latinis, Cato, Hyginus & Mela. E quibus id fere colligi potest, <sup>2</sup> *Albionem & Bergionem* Neptuni filios, Ligures, ex agro Albicorum itinera, quæ in Italiam ferrent, latrociniiis infesta habuisse. <sup>3</sup> Hi, cum Herculem ex Hispania <sup>4</sup> Geryone victo redeuntem præda exuere tentassent,

*Plato, Zeno, Apollo, pro Πάριος, Ζήνων, Ἀπόλλων, &c.* Quæ omnia cum Græcis quintæ Declinationis essent, Latini per tertiam suam Declinationem, quæ quintæ Græcorum responderet, inflectunt. Contra vero Græca nomina in *um* exeuntia Latini sæpius in *um* mutarunt, veluti *Drepanum, Lilybæum, Dyrrhachium, Posidium, Actium, Tbarium, Byzantium*, item *symbolum, gymnasium*, &c. quæ omnia Græcis in *um* finiuntur, & tertiarum sunt Declinationis, ad quam proxime secunda Latinorum accedit. Hisce rite intellectis, nullo fere negotio Buchanani sententia se ostendit: ea autem est hujusmodi; *Antiquissimum*, inquit, *insula nomen creditur fuisse Albion* (sive Ἀλβίων, ut apud Stephanum, aut Ἀλβιον, uti apud Ptolemæum) *aut, ut Aristoteles, vel potius Theophrastus, in libro qui De mundo inscribitur, recenset, Albium*, i. e. Ἀλβιον. Eodem sensu alibi intelligendus est, præsertim pag. hac *sive Albion, sive Albium sit*, i. e. sive Stephanum, sive Aristotelem sequamur, & ratione utriusque linguae habita ex Græcis terminationibus Latinas faciamus. Atque hæc mihi causa videtur cur sæpius insulam *Albium*, incolasque *Albioneses*, quam *Albionem & Albioneses* appellet; quod Aristotelem, aut Theophrastum (quem libri *De Mundo* auctorem putat, utpote Stephano & Ptolemæo vetustiore, potius sequendum existimaverit. Apulejus tamen, qui hunc ipsum *De Mundo* librum

Latina, licet interdum liberiore, interpretatione donavit, *Albion*, non *Albium*, insulam appellat.

<sup>1</sup> *Albionis & Bergionis.*] Ex his quinque quos Buchan. nominat auctoribus, solus Mela *Albionis & Bergionis* meminit. Fabula quidem, quam ille de Campo Lapideo adjungit, apud eos habetur, Diod. Sic. lib. 4. Strab. lib. 4. Hyginum Poët. Astron. lib. 2. cap. 6. Melam, lib. 2. cap. 5. Caton. de Originibus. Sed hunc postremum supposititium esse omnes fere docti consentiunt. His adde Plin. lib. 3. cap. 4. Solin. cap. 2. Dionys. Halicarn. lib. 1. pag. 27.

<sup>2</sup> *Albionem & Bergionem.*] Quod quartum horum nominum casum ita variat, ut posterior aliquid trahat ex Græco, imitatione factum est verustarum editionum Pomp. Melæ lib. II. cap. 5. quas etiam sequutus in hoc scriptore edendo Isaacus Vossius. Gronovius tamen *Albionem & Bergionem* edidit, Epistolaque ad D. Arch. Pitcairnum, Buchananum nostrum secus scribentem non tam arguit quam excusat.

<sup>3</sup> *Hic cum Herculem.*] Variat hic ab indirecto, quem vocant, ad directum, & a directo rursus ad indirectum sermo: alias enim legendum videtur, *Hos, cum Herculem ex Hispania, -- eum excepisse*: continuo enim sequitur, *eum -- demisisse, & mansisse campum Lapideum*. Non desunt tamen apud probatos auctores exempla, quibus se Buchananus tueatur.

<sup>4</sup> *Geryone*] Ita emendavimus, cum au-

sent, tam atroci prælio eum exceperunt, ut pene desperatis rebus Jovis auxilium implorare sit coactus: cum, ut filio laboranti opem ferret, imbrem lapideum cælo demisisset: ejus pugnae indicium ad posteros mansisse *Campum Lapidum*. Neque ego tamen abnucri ab *Albo* & insulam, & latronem nomen accepisse.

XV. Verum ALBUM contendo plurimarum gentium commune fuisse vocabulum, <sup>2</sup> apudque eos non modo coloris, sed altitudinis nomen fuisse. Et <sup>3</sup> Festus quidem Pompejus, quæ Latinis *Alba* dicuntur, ea Sabinis *Alpa* vocari asserit, indeque *Alpibus* nomen inditum, quod perpetuis nivibus albescant. Ego quidem, ut de altero assentior, ALBUM & ALPUM pro eodem a veteribus fuisse dicta, non Festi solum, sed etiam Strabonis auctoritate fretus: ita *Alpes* potius ab altitudine quam candore nominatas arbitror. Primum, quod, cum ALBA multarum sit in Italia, Gallia, Hispania, urbium nomen, omnes in collibus, aut prope colles, sint sitæ. Deinde, quod Strabo absque discrimine hæc nomina, *Alba*, *Alpa*, *Alpia*, <sup>4</sup> *Alpionia*, *Albici*, in significatione altitudinis, velut ab eadem radice declinata agnoscat: ideoque has voces usurpari maxime ostendat, ubi Alpes se attollere incipiunt. Hinc in Liguria *Albingaunum*, & *Albium* <sup>5</sup> *Intemelium*. In <sup>6</sup> Japodibus autem [<sup>7</sup> *Albium*] jugum est editissimum, ubi Alpes desinunt. Sunt & alia loca, quæ ab altitudine nominata possunt videri. In Ita-

antea in omnibus libris *Gerione* legere-  
tur.

1 *Campum Lapidum*.] Aliis Hercules Campus, regiuncula Provinciæ lapidibus obducta inter Rhodanum fluv. & stagnum Astromelam, vulgo jam *Le Cran*. Vid. Valefii Norit. Gallix.

2 *Apudque eos*.] Ita libri omnes, [eas] tamen malim.

3 *Festus quidem Pompejus*.] in voce *Albium*: videlicet in eum Dacierium, qui non solum a Festo dissentit, sed Buchanani sententiam confirmat, auctoritate Isidori, qui Gallorum lingua *Alpes* montes altos vocari asserit, & Livii, cujus hæc verba lib. 21. cap. 30. *Quid aliud Alpes esse credentes quam montium altitudines?*

4 *Alpionia*.] non *Albionia*, ut in aliis libris: apud Strabonem enim lib. 4. *Αλπιονία* scribitur. Commentatores autem ejus nonnulli, & in his Cluverius, Ital. Antiq. pag. 318. cum vocem *Αλπιονία* plane nihili esse, & nullius sensus arbitrarentur, sic emendarunt, *Αλπίων ἵμα*, i. e. *Alpium quadam partes*.

5 *Intemelium*.] Ita scribendum cum

Strabone, Plinio & Tacito, non *Intemelium*: quibusdam tamen conjunctim *Albintemelium*, quemadmodum & *Albingaunum*, aliis *Albigaunum*, & *Albium Ingaunum* dicitur.

6 *Japodibus*.] Crafordius legendum vult *Japydibus*: sed nihil mutandum, Strabo enim, quem hic noster præcipue sectatur, *Ἰαπιδες* scribit, ut observavit Jac. Cellarius Geog. Antiq. l. 2. c. 8. Dio quidem Cassius, Ptolemæus & Plinius *Ἰαπιδες*, sive Iapydes, habent Græca litera.

7 *Albium jugum est*.] Hoc vocabulum in omnibus exemplaribus omissum, ad sensum tamen plane necessarium, ex Strabonis lib. 4. reposuimus, cujus hæc verba sunt, *Καὶ γὰρ τὸ ἐν ταῖς Ἰαπίταις ὄρεσι ὑψηλόν, συνίσταται πῶς τῇ ὄρει καὶ ταῖς Ἀλπίται, Ἀλβίων λέγεσθαι, ὡς ἀρμύχει δίδωσι τὰς Ἀλπίων ἰαπυταίας*, i. e. Quippe in Japodibus excelsum jugum Ocre & Alpibus contiguum, *Albium* vocari, veluti bucusque porrectis Alpibus. Et lib. 7. *Ἰδρυται ἐν Ἰαπίταις, ἐπὶ τῇ Ἀλβίων ὄρει, πλεοναίῳ τῇ Ἀλπίται ὄρει, ὑψηλῶς ἐφ' ὅρα*, i. e. Siti sunt Japydes sub Albio monte, qui finis est Alpium, admodum alto.



Italia quidem, *Albula* fluvius ex Etruriæ, <sup>1</sup> *Albule* aquæ e Tiburtinis montibus effusæ. In Gallia Narbonensi, *Albici* populi montani. In Germania, *Albis* fluvius, in Boëmorum montibus natus. In Asia, *Albanus* fluvius e Caucasu defluit: & *Albani* populi velut eisdem montibus infusi. Ex his, opinor, non abhorret a vero, ALBUM non unius, sed multarum gentium fuisse vocabulum; <sup>2</sup> cum, omnibus quos nominavi locis, altitudo perpetuo & immutabiliter, albescere vix paucis mensibus, nec omnibus semper accidat. Faciunt ad hanc quoque conjecturam & ipsa gigantum Ligurum nomina, *Albion* & *Bergion*, utrumque, ut opinor, a proceritate corporis impositum. Ac de ALBO jam quid veteres senserint, diximus. Germanis vero BERG pro alto dici, notius est quam ut pluribus indicandum sit. Et Gallis olim eodem intellectu dictum fuisse ostendit locus Plinii, libro tertio Cap. 17. quem ita legendum contendo: <sup>3</sup> *Unde Bergomates Cato dixit ortos, etiam nomine prodentes se altius quam feliciter sitos.*

## XVI.

<sup>1</sup> *Albula aque.*] Vid. eundem Cluverium, pag. 717.

<sup>2</sup> *Cum, omnibus quos.*] MS. & editi omnes, *Cumque omnibus*, &c. Quod si ita legamus, imperfectam atque mutilam statuamus sententiam: cuius rei gnarus Crasfordius, post has voces [*semper accidat*] statim subiungendas censuit, *Apparet hoc potius altitudinis quam coloris nomen apud eas gentes fuisse.* Et quidem hanc Crasfordii emendationem non leviter confirmare videntur, quæ hujus Paragraphi initio dixerat Buchananus. Ibi enim duo sibi probanda suscipit; primum, vocem *Album* non unius sed plurimarum gentium commune fuisse vocabulum, & deinde apud eas id non tam coloris quam altitudinis nomen fuisse. Debuit igitur in fine, cum argumentorum pondera summam colligeret, utrumque quod probaturum se receperat, indicare: secus enim dimidiam tantum propositi partem executus videbitur. Verumenimvero, ne quis tot vocabulorum adjectionem sibi præfidentis audaciæ insimularet, tutius existimavimus leviori correctione re utrumque desungi, extrita nimirum a fine vocis [*cumque*] particula *que*: quanquam ex Crasfordii emendatione sententiam clariorem multo & Buchananano magis dignam effici haud inviti fateamur.

<sup>3</sup> *Unde Bergomates.*] In Plinii editionibus fere universis ita legitur; *In hoc si-*

*tu interiit oppidum Orobiorum Barra, unde Bergomates Cato dixit ortos, etiamnum prodente se altius quam fortunatius sitos, vel situm, ut in vetustioribus codicibus, & editione Harduini. Paullo supra dixerat Plinius, Orobiorum stirpis esse Comum, atque Bergomum, & Licini forum, & aliquot circa populos, auctor est Cato: sed originem gentis ignorare se fatetur, quam docet Cornelius Alexander ortam a Grecia, interpretatione etiam nominis vitam in montibus degentibus. Quæ Buchananani conjecturam haud parum adjuvare videntur: cum enim Bergomum Orobiorum esset oppidum; Orobii autem, teste Alexandro, *μαγὰ τὸ ἵπιν ἄγαν ἰσχυρὰ* vocitarentur, BERG autem lingua Germanica, qua Galli antiqui (ut notat Dacierius in Festum, voce *Album*) utebantur, *altum* significet, verisimillimum est Bergomates ita nominatos, quod in montibus locisve editis sedes suas haberent. Hujus conjecturæ Buchananæ Harduinus non meminisse, quamvis æquior Dalecampius prætereundam non censuit. Interim non ulla rei ipsius ratione, sed memoriæ lapsu factum videtur, quod Buchananus vocem *feliciter* pro *fortunatius* substituerit; cum utrumque ex æquo ipsius consilio sit accommodatum. Quod autem Buchananus pro [*etiamnum prodente*] [*etiam nomine prodentes*] legendum existimeret, non possum ejus sententiæ adstipulari. Neque id modo,*

XVI. *Albion* igitur & *Bergion*, homines, ut videtur, cæteris vicinis corporum proceritate præstantes, & fiducia virium in ea Ligurum ora latrocinium exercentes, quos Hercules, cum illac iter haberet, armis compescuit. In Britannia autem regnasse nemo veterum eos prodit, & rem omnino dissimilem veri facit rerum, qui tum erat, Gallicarum status. Neo verisimile Britannicum multo fuisse tranquilliorē: qua in terra regnum maximum magnus ille *Albion* reliquit, ut domi latrocinaretur. Nos vero, etsi non multum ab eorum opinione discedimus, qui *Albionem* ab *Albo* dictam fuisse scripserunt, ita non colorem, sed altitudinem montium, occasionem nomini imponendo dedisse arbitramur. Qui autem hoc nomen imposuerunt, puto nonnihil impulsos comparatione Angliæ cum Hibernia, inter quas angusto mari navigatur. Nam, cum alterum litus totum in montes consurgere viderent, alterum depressum & humile in campos æquales explicari, illam ab altitudine *Albionem* dixerunt. Huic autem ab humilitate an nomen aliquod dederint, longinquitas temporis, & incolarum negligentia in memoria rerum vetustarum prodenda, fecit incertum. Huic præterea meæ sententiæ etiam illud suffragari videtur, quod nomen istud insulæ ab *Albo* ductum, sive *Albion*, sive *Albium* sit, adhuc in Scotia, velut natali solo, pertinaciter hæret; neque inter mutationes habitatorum, regnorum, linguarum, aliarumque rerum vicissitudines, unquam extirpari potuit. Hæc etsi nobis aut vera, aut veris proxima, videntur, tamen si quis afferet meliora, facile in ejus sententiam transibimus.

XVII. HACTENUS de vetustis insulæ nominibus. Proximum esse videtur, ut terrarum situm exsequamur. Ac *Angliæ* quidem domestici scriptores satis diserte atque explicate singulas regiones tradiderunt. Hector autem Boëthius in Scotiæ descriptione quadam parum vere prodidit, & alios in errorem induxit

do, quod a fide omnium MSS. (quod in rebus istiusmodi non temere faciendum) diversus abeat, sed & illud præcipue me movet quod non videam quomodo Cato, vir doctissimus, nec Græcæ linguæ ignarus, Orobiæ originem nescire se fateatur, Germanicas tamen origines vocesque cognoverit. Porro, si id maxime voluisse dicatur vel Plinius vel Cato, addere insuper vel hic vel ille debebat, vocem *BERG*, cum neque Græca sit nec Latina, sed Germanica aut Gallica, hisce gentibus *altum* significare. Quomodo enim aliter Romanis, in quorum gratiam uterque scripsere, potuit vox *Bergomates* suo nomine, de cujus origine erant prorsus ignari, *prodere se altius quam fortunatius sitos*. Neque denique, si vel maxime linguam Germanicam callerent, poterat nomen *Bergomum*, sed res ipsa, ostendere oppidum istud *altius quam fortunatius si-*

*sum*, nisi altera compositæ vocis pars *Comum* infortunatum significet, vel *BERG* utramque significationem in se contineat, vel denique omne quod altum est protinus infortunatum dicatur: quæ omnia, uti a vero, ita a Catonis vel Plinii mente longe videntur aliena. Igitur Harduini sententiæ accedo, qui id voluisse Plinium ait, *Oppidum Barram*, (idenim potius respicere videntur voces, *etiamnum prodente*, &c.) quoniam in editi montis vertice olim conditum, Catonis autem ætate jam deficiens atque caducum, & paullo post funditus interitarum fuit, vere intuenti prodere se altius quam fortunatius situm.

1 *Bergion, homines.*] supplendum erant, vel fuerant.

2 *Angliæ quidem.*] Hanc emendationem MSto debemus, cum editi omnes *Angli* legant; vel nullo vel inepto sensu.

duxit; dum ipse, quibus ea inquirendi dedit negotium, nimis credulus, eorum sententiam temere vulgavit. Nos, quæ comperta erunt nobis, leviter & perfunctorie attingemus, quæ aut obscure, aut minus vere, prodita videntur, quoad poterimus, corrigemus. Angliam commodissime, quod ad nostrum institutum spectat, dividunt quatuor flumina: duo in mare Hibernicum decurrentia, Deva & Sabrina; totidem in mare Germanicum, Tamesis & Humber. Inter Devam & Sabrinam <sup>1</sup>triplex regionibus distincta includitur Vallia: inter Sabrinam & Tamesim totum illud latus Angliæ, quod Galliam spectat: inter Tamesim & Humbrum interjectæ regiones tertiam portionem constituunt: quartam, quicquid terrarum ab Humbro & Deva ad Scotiam pertinet. Dirimitur autem Scotia <sup>2</sup>ab Anglis, primum Tueda fluvio, Zeviota monte altissimo, &, qua mons deficit, vallo non adeo pridem facto, ac deinde Esca & Solvæo fluminibus. Citra hos limites, a mari Scotico ad Hibernicum, regiones hoc ordine jacent. Marcia, in qua Bervicum oppidum nunc Angli tenent, sinistrum Tuedæ latus attingit: ad orientem Forthæ æstuario, ad meridiem Anglia clauditur. Ad occidentem, ad utrumque Tuedæ latus, est Teviotia, a Tevioto amne nomen adepta: Zeviota monte dirimitur ab Anglia. Post hunc regiones non magnæ, Lidalia, Evia & Esca, a tribus fluminibus cognati nominis, Lidalo, Evo & Esca, nominatæ. Ultima Annandia, & ipsa ab Annando amne, prope mediam dividente, appellata: <sup>3</sup>secundum Solvæum in mare Hibernicum decurrit.

XVIII. Jam ut rursus ad Fortham redeamus, is <sup>4</sup>ab ortu Lothianam claudit: Cochburni saltus & Lamyrii montes eam a Marcia separant. Contingit deinde paullum ad occasum inflexa Lauderiam & Tuediam, alteram a <sup>5</sup>Laudero oppido, alteram ab amne Tueda mediam secante [<sup>6</sup>*nominatas.*] Tuediam ad meridiem & occidentem contingunt <sup>7</sup>Lidalia, Nithia, Glottiana. Nithiæ

Ni-

<sup>1</sup> *Triples regionibus distincta.*] Vallia enim antiquitus a tribus populis incolebatur, Siluribus nempe, Dimetis & Ordovicibus: hodie etiam in Septentrionalem, Australem & Occidentalem distinguitur.

<sup>2</sup> *Ab Anglis.*] An potius *ab Anglia*; quemadmodum paullo ante *Angli* pro *Anglia* est scriptum.

<sup>3</sup> *Secundum Solvæum — decurrit.*] Vide annon potius *excurrit* sit legendum: Latini dicunt, *ager, campus, terra excurret*, vel *procurrit*; *fluvius* vero vel *amnis decurrit*: at *terra decurrit* nullus memini. [vel potest legi, *qui* (Annandus) *f. S. i. m. H. decurrit.*]

<sup>4</sup> *Ab ortu.*] Forthæ æstuarium intelligit, sed neque illud ab ortu Lothianam claudit, sed potius a Borea vel ortu æstivo, quod ipse mox affirmat pag. 19. *ab oriente*, inquit, *æstivo finitur lortba, siue ma-*

*ri Scotico*, quæ sententia prorsus supervacua, idem enim hic dicitur, si vocem addas, *æstivo*.

<sup>5</sup> *Laudero oppido.*] An potius a Laudero amne intersecante, præsertim cum reliquæ pene omnes circumcirca regiones a fluminibus non ab oppidis (ipso Buchan. suffragante) nomina sua sint sortitæ. Porro cum flumina oppidis sint antiquiora, atque (ut ipse ait lib. 2.) inter eas res sint, quæ æternæ quodammodo existimantur, verius est hæc ab illis, quam e contrario derivari.

<sup>6</sup> *Nominatas.*] Hanc vocem, quæ MS. & editis omnibus intercidit, necessario requirit orationis sensus & tenor.

<sup>7</sup> *Lidalia.*] Ut a viris istarum regionum gnatis accepi, Lidalia nusquam Tuediam contingit, hinc Teviotia, illinc Esca mediis interjectis.

1 A

Nithus annis nomen dedit, per eam in mare Hibernicum labens. Lothiana, a Lotho Pictorum rege nominata, ab oriente æstivo finitur Fortha, sive mari Scotico. Vallem Glottianam spectat ab occidente hiberno. Hæc regio humanitatis cultu, & rerum necessariorum ad usum vitæ copia, cæteris longe præcellit. Quinque annibus irrigatur; Tina, utroque Esca, (qui, antequam in mare cadant, in unum alveum coeunt) Letha, & Almone. Hi partim e Lamyrriis, partim Pictlandicis montibus, in Fortham defluunt. Oppida habet Dumbaram, Hadinam, vulgo Hadintonam, Dalkethum, Edinburgum, Letham, Limnuchum.

XIX. Magis ad occidentem jacet Glottiana, utramque Glottæ fluminis ripam complexa, quæ ob longitudinem in duas præfecturas dividitur. In superiore præfectura collis est non admodum editus, e quo in tria diversa maria flumina effunduntur; Tueda in mare Scoticum, Annandus in Hibernicum, in Deucaledonium Glotta. In ea urbes insigniores sunt, Lanarcum & Glasca. Hanc ab occidente hiberno Coila contingit. Ultra Coilam est Gallovidia. Ea separatur a Nithia Cludano amne; tota fere in meridiem vergens: ac ab litore ejus reliquum illud Scotiæ latus tegitur. Univerfa pecoris, quam frumenti fertilior. Amnes habet in Hibernicum mare decurrentes, Urum, Devan, Kennum, Cream & Lussum. Nusquam fere in montes attollitur, sed collibus tantum frequentibus intumescit. In convallibus inter eos aqua restagnans innumeros prope lacus efficit, e quibus primis ante æquinoctium autumnale imbribus rivi augentur: unde multitudo incredibilis anguillarum descendit, quas accolæ nassis vimineis exceptas sale condiunt, ac non modicum inde questum faciunt. Extremum lateris est Novantum promontorium, sub quo in ostio Lussi fluminis sinus est, qui Ptolemæo Rerigonius vocatur. Ei ex adverso influit ex æstuario Glottæ sinus, vulgo lacus Rianus, Ptolemæo Vidogara. Quod inter hos sinus terræ procurrit, incolæ Rinum, hoc est, Gallovidiæ aciem, appellant. Ab eisdem Novantum [<sup>3</sup> *promontorium*,] Mula, hoc est, rostrum sive rictus, nominatur. Tota autem regio Gallovidia (nam Gallovid priscorum Scotorum lingua Gallum significat) appellatur.

XX.

1 *Lotho*.] Quidam (quibus magis assentior) non a Lotho Pictorum Rege, sed a Letha amne mediam secante Lothianam deductam, indeque *Lethianam* potius dicendam putant. Vid. Atlantem Scotiæ Blavianum. Vero tamen proxime accedere videtur eorum conjectura, qui a populo eam incolente regioni nomen inditum, atque pro *Radni*, quos ea plaga Ptolemæus collocat, *Andni* legendum existimant.

2 *Novantum promontorium*.] in Edinb. quæque eam secutæ sunt edit. perperam scribitur *Novantum*: Ptolemæo enim populus *Novantæ* appellantur.

3 *Promontorium*.] Hanc quoque vocem in omnibus editionibus desideratam supplendam duximus: non enim *Novantum* hic Nominativus singularis est, quod quidam forte autument, sed Genitivus pluralis.

4 *b. e. rostrum*.] Irvinus tamen Nomencl. & Atlas Scotiæ pag. 49. Mulam non rostrum sive rictum, sed glabrum sive detentum significare ajunt.

5 *Nam*.] Illud nam mihi otiosum videtur, nisi etiam addidisset, aut prius dixisset gentem aliquam veterum Gallorum, aut Brittonum, quos Scoti ab initio Gallos appellabant (Vid. lib. II. 29.) ibi aliquando.

XX. Infra Vidogaram a tergo Gallovidiæ <sup>1</sup> leviter declinat ad Glottæ æstuarium Cariæta. Eam duo amnes interfecant, Stintiarus & Grevanus : uterque multis amœnis villis cingitur. Inter amnes, qua in modicos colles tumet, pascuis fecunda, nec infelix frumento est. Tota terrestribus maritimisque copiis non modo sibi sufficiens, sed vicinis multa suppeditans. Dunus amnis eam a Coila separat, ortus ex ejusdem nominis lacu, qui insulam complectitur modicæ areis capacem. Sequitur Coila, quam a meridie Gallovidiæ claudit : ab ortu æstivo Glottianam attingit : ab occasu Irvino fluvio a Cunigamia distinguitur : mediam Aëra, amnis dividit. Ad eam sita est Aëra, emporium non ignobile. In universum regio est feracior virorum fortium, quam frugum aut pecorum : tota quippe tenui & arenoso solo : quæ res hominum industriam acuit, & parsimonia vires animi & corporis confirmat. Cunigamia post hanc ad septentriones procurrit, & Glottam submovet, ac prope ad justiamnis modum coëreet. Nomen regioni Danicum est, quod eorum lingua Regis domicilium significat : quæ res indicio est eam Danos aliquando tenuisse. Proxime ad orientalem ejus plagam sita est Renfroana, ab oppidulo, in quo conventus ejus celebrari solent, appellata : vulgo Baroniam dicta. Mediam eam <sup>2</sup> secant duo amnes, quibus utrisque Carthus est nomen. Post Baroniam est Glottiana, ad utramque Glottæ ripam protensa, <sup>3</sup> & ipsa in plures jurisdictiones ob magnitudinem divisa. Amnes nobiliores fundit : a læva Avennum & Duglassum, qui in Glottam decurrunt : item a dextra alterum Avennum, qui Lothianam ab agro Sterlinensi dirimit. Hi duo fluvii <sup>4</sup> communem amnium appellationem loco proprii nominis acceperunt, quem admodum in Vallia diversâ dialecto is, quem Avonem vocant.

XXI. Sterlinensem agrum a meridie separat a Lothiana Avennus, ab ortu æstuarium Forthæ, donec paullatim seipso minor, ad justam fluminis magnitudinem reductus, prope Sterlinum pontem patitur. Secat regionem fluvius unus,

quando sedes cepisse. lib. autem v. 8. diserte ait Gallovidiam Hibernis forte fuisse datam ; rationem autem nominis addit, quod id nomen apud Hibernos tum celebre esset. Hæc duo loca inter se collata haud videntur apte convenire.

<sup>1</sup> *Leviter.* An *leniter* ? [nihil opus. liget passim hæc vocabula confundantur etiam apud veteres scriptores in MSS. Jul. Cæs. II. de P. G. 8. *Collis leviter fastigiatus*, ubi vide D. Vossii notas. & ad Quint. 1. Declam. 3. Schult. & Burm. & Walker. ad Cicer. de Natur. Deor. 11. 57. unde patebit parum referre. nihil etiam infra lib. IV. 31. mutare sustineo in Psalmo XVII. 11. metri ratio omne tollit mutationis arbitrium *leviter inclinatus fastigia cæli.*]

<sup>2</sup> *Secant duo amnes.* MS. *Mediam eam secat Carthus amnis, non longe a Pafeto in æstuarium Glottæ decurrens.*

<sup>3</sup> *Et ipsa in plures jurisdictiones.* MS. *Et ipsa in plures jurisdictiones ob magnitudinem & agrum Glasguensem divisa, cujus incolæ Glasgæ jus petunt : Verum utcumque hæc scribenda sint, parum hoc in loco necessaria videntur. Cap. 19. enim h. L. Glottianæ descriptionem dedit, cum hac fere cætera consentientem, nisi quod hic fluminum, illic urbium in ea præcipuum meminerit : satius tamen fuisset aut hoc, aut illo loco totam absolvisse.*

<sup>4</sup> *Communem amnium appellationem.* Præcis enim Scotis & Hibernis *Avon*, Vallis *Avon*, fluvium significat.



mus, qui memoratu sit dignus, Carron: juxta quem aliquot vetusta sunt monumenta. Ad levam Carrontis duo terreni sunt tumuli, hominum opera (ut res indicat) ædificati: vulgo Duni Pacis appellantur. Inferius autem ad eundem amnem, ad duo fere millia passuum, est ædificium rotundum, sine calce, sed faxis asperis ita conformatis, ut superioris lapidis pars in inferiorem se inserat, ita ut totum opus <sup>1</sup>mutuo complexu & saxorum pondere se sustineat, paulatim ab imo ad summum in arcum se colligens. Summa pars aperta est. Vulgus alium atque alium usum, & auctorem ejus ædificii, pro suo quisque ingenio, comminiscitur. <sup>2</sup>Ego certe aliquando conjectura fui inductus, ut crederem templum Termini fuisse, quod (ut accepimus) rotundum, & superne apertum, ædificari solitum erat. Nonnihil etiam conjecturam nostram juvare videbantur Duni Pacis propinqui: quasi facta ibi pace, cujus monumentum hi colles essent, <sup>3</sup>illuc terminum suæ ditionis Romani statuisent. Neque alia res me ab hac opinione deduxisset, nisi rescissem ex hominibus si-

de

<sup>1</sup> *Mutuo complexu.*] Ita MS. & Edinb. at Genev. Francos. quæque eas plerumque imitantur cæteræ editt. male [*complexu*] exhibent.

<sup>2</sup> *Ego certe aliquando.*] Hanc suam conjecturam discrete exultit lib. IV. cap. 37. Ex illius autem loci cum hoc collati verbis plane apparet librum quartum ante primum, adeoque secundum & tertium, scriptum fuisse: eademque ratione nicitur, ut totam rerum Scotticarum Historiam primum absolutam, ac deinde tres primos libros ei Præfationis quasi loco adjectos credamus. Porro Buchananus, in elegantissimo illo Francisci Valesii & Marix Stuartæ Regum Franciæ & Scotiæ Epithalamio, hoc monumentum Templum Termini fuisse existimat, his versibus,

*Roma fecitrigenis prætendit mœnia Scotis,  
Illic spe prægriffus posita, Carrontis ad  
undam*

*Terminus Ausonii signat divertia regni.*

In hujus loci descriptione Camdenus cætera Buchananò consentiens, non tamen Termini ædem fuisse, ad quod credendum se satis alias proclivem ostendit, sed Nennii auctoritate inductus a Carausio arcum triumphalem erectum arbitratur. Quod ad me atinet, non obstante Nennii auctoritate, qua Camdenus nicitur (si a tan-

Tom. I.

to viro dissentire liceret) monumentum illud Termini ædem potius, quam arcum triumphalem fuisse existimarem; arcus enim triumphales utrinque patere solebant instar portarum urbis, huic autem ædificio unum tantum est ostium, idque satis humile, nihil magnificum præ se ferens. Præterea haud leviter ambigo, an ulli arcus triumphales rotundi essent. Contra vero multa huic ædificio cum Termini templo, quale a viris antiquitatis peritis describitur, communia occurrunt; illud vero in primis quod quemadmodum huic ædificio, ita Termini templo foramen inerat ingens & patulum in tecto, ne scilicet Terminus suo templo clauderetur: & ob eandem forte rationem nullæ erant ostio valvæ, quibus Buchan. non tantum illud carere, sed earum nullum existere vestigium affirmat. Porro non tam a Carausio (quod Nennius scribit, qui eum etiam Carronti fluvio nomen dedisse auctoritat) quam a Julio Agricola, quem varia castella in hoc limite posuisse Tacitus tradit, hoc monumentum erectum credere fas est; unde forte in hunc usque diem JULIUS HOOFF. i. e. Julii domicilium, nuncupatur.

<sup>3</sup> *Illic terminum.*] Impressi codices omnes, [*quod illic terminum*] Nos MS. secuti vocem illam [*quod*] utpote non otiosam modo sed cæteram sententiam conturbantem facessere iussimus.

D

1 la-

de dignis in 'insula quadam compluria esse ædificia, cætera quidem ædiculæ, cujus meminimus, similia, nisi quod majuscula & laxiora essent. Duo item in Rosia simili forma sunt sacella. Ea res suspendere sententiam me coëgit, ac judicare monumenta rerum gestarum hæc esse, ac potissimum \*tropæa, ac pene extra orbem terrarum, ut tuta ab injuria hostium essent, constituta. Sed certe, sive hæc tropæa sunt, sive (quod quidam suspicantur) clarorum virorum sepulchra, fuisse credo monumenta, ad æternitatem memoriae perpetuandam consecrata, sed ab hominibus indoctis incultisque, ad similitudinem illius ædiculæ, quæ est ad Carrontem, constructa. A dextero Carrontis latere, ager, fere cætera planus, in collem paullum præminet, medio fere spatio inter Dunos Pacis & ædiculam. In eo, ad ipsum anguli flexum, modicæ urbis vestigium adhuc apparet. Sed murorum fundamenta, & vicorum descriptio, partim cultu rustico, partim eruendis ad propinquas ditiorum villas construendas lapidibus quadratis, confusa est. Hunc locum diserte 3 Beda Anglus Gui-

1 *Insula quadam.*] In MS. pro vocē [quadam] lacuna sive spatium relinquitur, cui postea, ut videtur, ipsum insulæ nomen, quod forte Buchananano exciderat, inscriberetur.

2 *Tropæa.*] Ita omnino scribendum, non *Tropæa*, ostendit Casaubonus in Suet. lib. I. contra Marcellum Donatum, Græce enim Τροπῆα est, *b. e.* monumentum fugæ hostium, a τροπή, *versio*, seu *conversio in fugam*. Cæterum laxiore sensu Buchananus *tropæa* hic accipere videtur pro monumentis quibuscunque rerum gestarum: Tropæa enim proprie sic dicta ex lignis veteres erexere, idque in jugis montium & editioribus locis; hoc autem monumentum ex lapidibus & humili quidem loco est ædificatum. [Recte Buchananus: nam licet e ligno plerumque essent, saxeas tamen turres, & super illas *tropæa* figere aliquando solitos fuisse patet ex Floro lib. III. 2. ubi vid. Freinshem. & talis illa *altissima* turris a Caligula stolidè excitata apud Sueton. Calig. 46. & hinc forte hoc ædificium deducendum. quod inde verosimile, quod tam angustum fuerit, ut vix decem homines capere potuerit. quod templo vix convenit. Aggeres etiam struxisse, & iis tropæa imposita docet Tacit. 11. Ann. 18. unde forte reliqui quidam aggeres adhuc supersunt; nam duos fuisse prope hoc ædificium dicit noster lib. 24. 37.]

3 *Beda Anglus Guidi vocat.*] Multum ambigo an urbs illa quam Beda *Gnidi* appellat, eadem sit quam Buchananus hic innuit haud procul a Carrontis ostio sitam: aliam plane fuisse ejus verba indicare videntur, lib. I. cap. 12. *Orientalis*, inquit, [sinus maris] *habet in medio sui urbem Guidi: occidentalis supra se, hoc est ad dexteram sui, habet urbem Alcluith*. Quis enim urbem aliquot stadiis a mari distantem in medio sinus maris sitam affirmaverit? Lubens igitur clarissimi Equitis D. Jacobi Dalrymplii sententiæ accedo, qui hanc urbem a Beda memoratam in una aliqua ex Forthanis insulis, aut scilicet in Æmona, quæ celebri Cœnobio postea erat nobilitata, aut in insula Ketha (vulgo *Inch-Keith*) quæ & quandam adhuc nominis imaginem retinere videtur, sitam existimavit. Non ignoro nuperum scriptorem (Annot. ad D. Jac. Dalrymplii Hist. Collect. pag. 22.) hanc ejus opinionem ideo damnare, quod ex hisce insulis altera non satis ampla, altera prorsus inepta sit in qua urbs ædificaretur. At quid si Beda nihil aliud per urbem hic intellexerit quam castrum aliquod sive præsidium, quo Romani sive Brittones prohiberent ne Scoti Pictique, jam terra exclusi, in Romanam provinciam mari excursions facere conarentur? Certe ex multis locorum nominibus in *Tow* sive *Town* exeuntibus, plane apparet Saxones sive veteres Anglos, e qua

Guidi vocat, atque in ipso valli Severi angulo collocat.

XXII. Multi præclari scriptores Romani ejus valli meminerunt: multave-  
stigia exstant, multi lapides inscripti eruuntur, quibus aut testimonia salutis  
per tribunos & centuriones acceptæ, aut sepulchrorum inscriptiones, conti-  
nentur. Et cum (ut utriusque vestigia indicant) raro minus centum milli-  
bus passuum distat hoc vallum Severi ab eo, quod ante Hadrianus construxe-  
rat;

e qua gente Beda fuerat, non oppida mo-  
do, sed villas etiam vicosque, aliaque  
ejusmodi loca, urbium olim nomine ap-  
pellare consuevisse. Huc adde: quod  
si Beda has duas urbes similimodo, hanc  
orientali, illam occidentali maris sinui fi-  
nitimam existimasset, non tam dispari lo-  
quendi formula usus videatur, potius-  
que explicaturus quid per voces [in medio  
sui] quam voces [supra se] intellexerit,  
cum hæc locutio satis crebro, illa vero  
Buchanani sensu accepta nusquam quod  
sciam reperiatur.

I Valli Severi angulo.] De vallis hise  
sive Prætenturis (quas vocant) quæ Ro-  
manum olim imperium ad Boream termi-  
nabant, mirum quantum pulveris ex-  
citaverint scriptores, alii alio loco  
eas statuentes. Sex ejusmodi Prætentu-  
ras variis temporibus per transversam in-  
sulam ductas fuisse pene apud omnes in  
confesso est: Imam, Ab Agricola, adam,  
Ab Hadriano Imp. 3tiam, A Lollio  
Urbico legato Antonini Pii. 4tam, A  
Severo. 5tam, A Brittonibus suasu Gal-  
lionis Ravennatis. 6tam, Denique a Ro-  
manis, Brittonibus una operam conferen-  
tibus. 1. De harum prima nulla est con-  
troverfia, Agricola enim (auctore Taci-  
to) angustum illud terrarum spatium,  
quod Bodotriam & Glottam interjacet,  
non vallo, neque muro, sed præfidiis ca-  
stellisque, modicis intervallis sejunctis,  
firmavit, hostibus velut in aliam insulam  
submotis. 2. De Hadriani vallo fere in-  
ter omnes convenit, illud nimirum inter  
Itunæ æstuarium & Tinæ ostia exstructum  
per 80 passuum millia, ut Spartianus tra-  
dit. 3. Quo autem loco ductus sit murus  
Antonini Pii haud ita facile est determi-  
nare: alium ab Hadriani vallo fuisse ex-  
serte indicat Capitolinus in Pio. cap. 5.  
Quidam eodem loco positum existimant,

quo Hadriani vallum. Ego iis potius  
assentior qui eodem limite ductum arbi-  
trantur quo Julius Agricola præfidia ca-  
stellaque disposuerat; quam opinionem  
haud leviter confirmant lapides inde eruti  
Antonini nomen inscriptum habentes. 4.  
At maximam difficultatem facessit Seve-  
ri vallum; Camdenus enim (quem non  
populares sui modo Usserius, Luidius E-  
piscopus Asaphensis, Stillingfleetius, &c.  
sequuntur, sed præverant etiam Hier.  
Surita, Guid. Pancirollus & Boethius  
etiam noster) id eodem loco quo Hadrianus  
suum construxerat positum contendit;  
Buchananus vero, Ortelius, Sansonius &  
Cellarius inter Forthæ & Glottæ æstua-  
ria (ubi prius Agricola provinciam ter-  
minaverat) constructum affirmant. Sed  
neutra pars suas rationes satis expedire vi-  
detur. Beda certe, quem uterque & Bu-  
chananus & Camdenus in suam senten-  
tiam pertrahere nititur, ita hac in re in-  
certus & ambiguus mihi apparet, ut cui  
potissimum opinioni faveat haud facile di-  
gnoscam; animus tamen inclinatur ut pro  
Buchanano magis facere videatur. Vide-  
fis Cl. Dalrymplii Collect. Scot. cap. 2.  
De reliquis duabus Prætenturis non atti-  
net dicere, cum ex hisce supra memora-  
tis earum situs omnino pendeat.

2 Et cum.] MS. & editi omnes sic ha-  
bent, Et cum ab Adriani vallo (ut utrius-  
que vestigia indicant) raro minus centum  
millibus passuum distat hoc vallum Severi  
ab eo quod [Edin. quem] ante Adrianus  
construxerat: ubi cum primo adspetu li-  
quido appareat idem bis esse dictum, aut,  
cum Melvino, delendæ hæc voces, ab eo  
quem ante Adrianus construxerat, aut,  
quod eodem redit, hæc in initio, ab A-  
driani vallo, uti nos fecimus.

3 Quod ante.] Edinb. quem, & ita etiam  
in MS. scriptum videtur, atque a recen-  
tio-

rat; aut magna inficitia fuit eorum, qui res Anglicas scripserunt, si Latinos, qui hæc tradiderunt, non intellexerunt; aut incuria, qui dilucide tradita tam confuse reddiderunt. Utruncunque sit autem, res mihi digna est visa, si non reprehensione, saltem levi admonitione: præsertim cum ex monumentis jam dictis, & Bedæ Angli historia, satis constet, ibi aliquando inter Brittones & Scotos limitem fuisse. <sup>1</sup> Qui vero hic Camelodunum fuisse fabulantur, idem contendunt, quam diximus, ædiculam Claudii Cæsaris fuisse templum: vanissimo in utroque mendacio: cum & <sup>2</sup> Camelodunum, colonia Romanorum, ultra trecenta milia passuum ab eo loco absit, & si Ptolemæo & Antonini Itinerario fides habenda sit. Cornelius Tacitus lib. xiv. Ann. cap. 31. hunc eorum errorem apertissime ostendit, cum reliqua tota narratione tum maxime, quod Romanos, amissa Cameloduno, in templum Claudii Cæsaris confugisse salutis tuendæ causâ scribit. Ædícula autem illa, sive templum Termini, sive alterius rei monumentum fuerit, <sup>3</sup> sine foribus, quorum nullum habet vestigium, & superne ad iactus lapidum patens, ne decem quidem milites non modo tegere, sed vix quidem continere, potuerit. Quid, quod, <sup>4</sup> quadragesimo fere anno post Claudii Cæsaris expeditionem, Julius Agricola Romanorum primus in eas partes penetravit; quod, <sup>5</sup> quinquagesimo post Agricolæ anno, Hadrianus limitem provinciæ inter Tinum & Elcam vallo ducto statuit: cujus adhuc multis in locis vestigia supersunt? Septimius

auri-  
tiori manu in [quod] mutatum: quod quidem omnino factum oportuit, aut addendum [muro] post [eos], uti censuit Melvinus.

1 Qui vero hæc Camelodunum. Boethium procul dubio inuit Buchanan. qui hoc diserte affirmat, atque idem Camelodunum Pictorum fuisse sedem Regiam ad illius usque gentis excidium.

2 Camelodunum. Camelodunum verum nomen est, uti ex Plinio, Dione, præcipue vero ex numismatis inscriptionibusque antiquis monstravit Camdenus, pag. 347.

3 Si Ptolemæo. Duplex videtur esse Ptolemæo Camelodunum (minima saltem nominum est differentia) alterum Trinobantium Camelodunum, Brigantium alterum Camulodunum sub 57. grad. lat. Quod forte Boethium nostrum in errorem induxit.

4 Sine foribus. Vid. lib. iv. 37. qui locus cum hoc pugnare videtur: sed facile sibi constabit auctor, si per [fores] nihil hic aliud intelligamus quam valvas ligneas, quas non solum abesse, sed earum nullum existere ait vestigium, i. e. uti ego

conicio, cardines nullo, aut foramina quibus ii inferebantur, nec accisos (quod fieri solet) exterius vel interius ostii postes, quo valvæ iis aptarentur, ut inuentibus palam est. (Recte hæc capit vir doctissimus. nam Fores diversa sunt a porta sive janua, quæ aperturam indicat, quæ patere potest sine foribus. nam Fores sunt quæ foras aperiuntur. Serv. ad Virg. 1. Aeneid. 449. ita Livius xxviii. 6. ibi positi erant, qui foras porta obicerent.)

5 Quadragesimo fere anno. Claudii Cæsaris expeditio in Britanniam in annum incidit C. N. 43. Julii vero Agricolæ in annum 79. juxta Peraviū & alios; intereunt ergo anni tantum 36. & si Eucharidam Anglum sequamur (qui Julii Agricolæ expeditionem in annum Salutis coniecit 78. anni intercedunt duriorat 36. Sed sibi satis cavere visus est Buchanan. adjecta voce [fere].)

6 Quinquagesimo. Non ita commode hic excusari potest Buchananus: extructum enim est Hadriani vallum anno Salutis, juxta supputationem Peravii, 121. Tyrelli & Eucharidi 120. qui distat ab anno 79. aut 78. annis tantum 41. aut 42.

1 Ae-

autem Severus, circa annum a Christo nato ducentefimum decimum, Britanniam ingressus, ultra limitem ab Hadriano factum centum millia passuum, ab æstuario Glottæ ad confluentem Forthæ & Avenni vallum duxit, cujus adhuc plurima & perspicua remanent indicia? <sup>1</sup> Accedit adhuc, quod in antiquis monumentis nusquam comperimus summam rei Picticæ Cameloduni fuisse, sed Abrenethii & regiam, & primatis Episcopi sedem, quæ postea ad Fanum Andreae translata est. Quod si quaeratur, quid Romanos impulerit, ut coloniam illuc deducerent, & quomodo eam in agro tam sterili & tum (ut reserant) silvestri & inculto, & hostium ferocissimorum obnoxiam quotidianis injuriis, aluerint; respondebunt, opinor, (nam non video quid aliud respondere possint,) copiis maritimis eam fuisse sustentatam, quando adverso Carronte tum naves ad urbis usque portas appellere solerent. Id siquidem verum fuit, necesse esset agros ad utramque ripam Forthæ jacentes tum inundationibus Oceani obrutos, ac <sup>3</sup> perinde steriles, fuisse, quos tamen in illo tractu solos frumentarios esse oportebat. Illa prope difficilior occurrit quaestio, [<sup>4</sup> quod,] cum utrinque circa Fortham loca aquæ marinæ obtinerent, cur illic Romani non potius vallum finirent, quam supervacuo labore ulterius per multa millia passuum producerent?

XXIII. Ultra Sterlinensem agrum est Levinia, a Renfroana præfectura Glotta, a Glasguensi Kelvino amne, <sup>5</sup> divisa. Ab agro Sterlinensi montibus, a Taichia Fortha dirimitur: tandem in montem Grampium definit, ad cujus radices per vallem cavam Lominius lacus se explicat, viginti quatuor millia passuum longus, octo latus. Supra viginti quatuor insulas complectitur. Præter multitudinem aliorum piscium, habet & sui generis esu non insuaves: Pollacas vocant. Tandem crumpens meridiem versus, Levinum amnem, qui regioni nomen dedit, effundit, qui prope Britannodunum arcem, & eodem

no-

<sup>1</sup> *Accedit ad hæc*.] Hic & supra Buchan. Boethii opinionem impugnat, qui non tantum Camelodunum veterum ad Carrontis ripam statuit, sed & eandem Pictorum regiam sedem fuisse affirmat. Ut autem hæc verba cum prioribus aptius cohæreant, multo clarius omnia Lectori procederent, si aut antea pag. præced. dixisset. *Qui vero hic Camelodunum, eandemque Regiam Pictorum sedem fuisse fabulantur, iidem, &c. vel potius hic, Accedit ad hæc, quod non levius ii errent, qui Camelodunum regni Pictorum caput constituent; in antiquis enim monumentis nusquam comperimus, &c. Vel brevius sic* — *summam rei Picticæ Cameloduni fuisse, quod iidem scriptores affirmant, sed Abrenethii, &c.*

<sup>2</sup> *Summam rei Picticæ Cameloduni.*] MS.

& editi omnes legunt [*non Cameloduni,*] sensu aut nullo, aut menti Buchan. plane contrario.

<sup>3</sup> *Perinde steriles.*] An forte *proinde* legendum [Non ignorabat Buchananus usum harum vocum, quæ sæpe permutatæ fuerunt a librariis. vid. ad Quintil. v. de Inst. Orat. 9. & VIII. 3. & Cl. Græv. ad Flor. I. 13. Buchan. lib. IV. cap. 6. *vitamignam, & perinde ignobilem egit.* & lib. IX. 53. *ingens corpus, & perinde vires.* aperta imitatione Sallustii apud Quintilian.]

<sup>4</sup> *Quod cum.*] Illud [*quod*] pariter non videtur.

<sup>5</sup> *Divisa.*] Ita omnino legendum, non [*divisus*] ut in MS. & omnibus editis; in una tamen Melvini codice [*divisa*] legitur.



nomine oppidum, in Glottam ingreditur. Leviniae partem extremam Grampii montis ultimi colles attollunt, sinu maris exiguo, quem Gerlochum a brevitate appellant, intercisi. Ultra hunc est sinus multo amplior, quem Longum vocant, a Longo, qui in eum cadit, fluvio. Is limes est inter Leviniam & Covaliam. Ipsa Covalia, Argathelia, seu potius Ergathelia, & Cnapadalia, multis<sup>1</sup> sinibus angustis, ex aestuario Glottae infusus, in multas partes dirimuntur. Unus<sup>2</sup> inter cetera insignis lacus<sup>3</sup> Finis vocatur, a Fino fluvio, quem recipit. Is ultra sexaginta millia passuum in longitudinem porrigitur. Est & in Cnapadalia lacus Avus, in quo est insula exigua, & arx munita. Ex eo fluvius Avus effunditur, qui unus in illis regionibus in mare Deucaledonium exit. Ultra Cnapadaliū ad occidentem hibernum excurrit Cantiera, hoc est regionis caput, Hiberniae occurrens, a qua modico freto dirimitur: ipsa longior quam latior, adeo arctis faucibus Cnapadaliae conjungitur, ut vix mille passus expleant, idque spatium nihil aliud quam arena sit, adeo humilis, ut per eam naviculis tractus nautae plerumque navigandi compendium quaerant. Hanc attingit Lorna, Argatheliae adiacens, & vsque ad Abriam perticens: regio plana, nec infecunda.

XXIV. Qua Grampius mons<sup>4</sup> humilior est, & magis pervius, Braid Albin regio vocatur, hoc est, quasi altissimam Scotiae partem dicas: ac, ubi maxime pars illa attollitur, Drum Albin, id est, Scotiae dorsum, vocatur, nec omnino sine causa. Ex eo enim dorso flumina in utrumque mare decurrunt, alia in septentrionem, alia in meridiem. Ex Ierno enim lacu Iernam fluvium in orientem hibernum fundit, qui in Taurum illabitur ad tria millia passuum infra Perthum. Ab hoc fluvio cognomen accepit ad utrumque ripam affusa vetere Scotorum lingua Strathiera dicta. STRAT enim regionem ad fluvium decursum jacentem appellare solent. Inter montes ejus regionis & Fortham porrigitur Taichia, a Taichio fluvio, qui mediam secut, nomen adeptus. Excipiunt eam Ocelli montes. Ipsi quidem magna ex parte, atque ager ad eorum radices adiacens, in Iernensi praefectura censeantur: verum reliquum

agri,

<sup>1</sup> Ergathelia.] MS. Argathelia.

<sup>2</sup> Sinibus.] Ita semper Buchan. (Vid. Huj. lib. cap. 29.) Nunquam mihi apud proborum aliquem scriptorem hanc vocem in dandi aut auferendi pluralis numeri casu videre licuit: in vetustioribus quidem Bedae editionibus *sinibus* legitur; at recentius impressi, & majoris notae MSS. *sinibus* habent.

<sup>3</sup> Inter cetera.] Ita omnes libri: an (inter cetera) generaliter pro inter alias res, an possumus inter cetera legendum sive sinus istos sive lacus respicias? [Cr. do Buchananum non temere inter cetera dixisse. Horat. l. i. Ep. 2. l. 1. *huc in res felices una Multum dissimilis, ad*

*cetera pene gemelli. cur non & ibi ad ceteras dicendum foret, si Grammaticos audiendos crederemus.]*

<sup>4</sup> Finis.] Distinguenti gratia lacum Finem, fluvium vero Finem appellat, quemadmodum postea fluvium Iernam, lacum Iernum nominat.

<sup>5</sup> A qua.] Scilicet Hibernia: in Genev. tamen Francof. Elz. aliisque omnibus praeter unam Edieb. quo legitur.

<sup>6</sup> Humilior est.] Et tamen Braid Albin vocatur, h. e. altissima Scotia pars?

<sup>7</sup> Maxime.] Ita rescripsimus, repugnans licet omnibus libris, in quibus *maxima* legitur.

agri, ad Fortham usque, ambitio in variis præfecturas dissecuit, Clacmananam, Culrossianam & Kinrossianam. Ab his & Ocellis montibus, quicquid agri a lateribus Forthæ & Taus claudunt, in orientem anguste cuneatur ad mare. Ea uno nomine vocatur Fisa, omnibus rebus ad usum vitæ necessariis sibi sufficiens. Qua lacus Levinus eam scindit, latissima: inde utrinque se colligens in angustum, usque ad Caraliam oppidum. Annem unum, qui memoratu sit dignus, Levinum fundit. Totum littus frequentibus oppidulis præcingitur: e quibus maxime est memorabile propter bonarum artium studia Fanum Andreæ, quod prisca Scoti Fanum Reguli appellant. Interius in media fere regione est Cuprum, quo reliqui Fisani ad jus accipiendum conveniunt. Qua Ierniam contingit, est Abrenethium, vetus Pictorum regia. Hic in Taum influit Ierna.

XXV. Ipse autem Taus e lacu Tao, qui est in Braid Albin, viginti quatuor millia longo, erumpit, fluviorum Scotiæ facile maximus. Is se ad Grampium montem inflectens, Atholiam attingit, regionem fertilem, in ipsis Grampii saltibus collocatam. Ejus partem, sub radicibus montis in planitiem explicatam, Blaram vocant; quæ vox liberum arboribus solum significat. Infra Atholiam, ad dexteram Tai ripam, sita est Caledonia oppidum, vetus tantum nomen retinens, vulgo Duncalden, hoc est, tumulus corylis confitus. Corylus enim, cum per inculta se latissime funderet, & silvarum opacitate agros tegetet, & oppido & genti nomen dabat. Caledones enim, aut Caledonii, gens olim inter Britannorum clarissima, alteram partem regni Pictorum faciebant, quos Ammianus Marcellinus lib. xxvii. 8. in Caledones & Vecturiones dividit, quorum nunc vix nominis vestigium aliquod superest. Infra Caledoniam ad duodecim millia passuum in eadem dextra ripa est Perthum. Ad sinistram ripam, sub Atholia, ad orientem spectans est Gorea, frumentariis campis nobilis. Et sub hac iterum inter Taum & Escam porrecta Angusia, sive, ut prisca Scoti loquuntur, Æneia. Sunt qui Horestiam, aut, juxta dialectum Anglorum, Forestiam dictam putent. In ea sunt urbes, Cuprum, & quod Boethius, patriæ suæ gratulans, ambitiose Deidonum vocat. Vetus enim Taodunum fuisse reor, a Duno, id est, colle, ad Taum sito, sub cujus radicibus oppidum est constructum. Extra Taum, ad XIV. millia passuum recto littore, occurrit Aberbrothium, alio nomine Abrinca. Deinde Ru-

1 *Ad dexteram Tai ripam.*] Non ad dexteram sed sinistram Tai ripam sita est Caledonia: quia autem mox addit [*in eadem dextra ripa,*] posteaque, quasi flumine transmissio [*Ad sinistram ripam,*] nihil mutare volumus, ne orationis ordo & concinnitas turbaretur. Cæterum si veri normam sequi voluerimus, hoc fere modo scriptum oportebat, *Infra Atholiam ad sinistram Tai ripam,* & infra, *In dextra Tai ripa.* Buchananum forte

sefellit, quod a quibusdam memoratur, Caledoniam oppidum ad dextram Tai ripam olim ædificatum, cujus & vestigia adhuc nonnulla supersunt.

2 *Aberbrothium.*] *Abrenethia* libri impressi omnes, præter unam Edinb. Mosmanni anni 1700. in qua Crafordii monitu *Abrebrothia* est repositum, quod & MS. exhibet: nos vero in *Abrebrothium* mutavimus, quo nomine cum ab aliis, tum a Buchananano ipso id oppidum postea

semp

Rubrum Promontorium, satis longe conspicuum. Elca fluvius cognomento Australis mediam secat: alter Elca Septentrionalis eam a Mernia dividit. <sup>1</sup>Ea magna ex parte solo est campestri & plano, donec ultra <sup>2</sup>Fordunum, & Dunotrum Comitum Martialis arcem, occupat Grampius, paulatim se demittens, & in mare subsidens.

XXVI. Ultra eam ad septentriones est Devæ, vulgo Dæx, fluminis ostium, & plus minus mille passus ulterius Dona. Ad alterum Abredonia est, salinarum piscatu nobilis, ad alterum Episcopi sedes, & scholæ publicæ, omnium ingenuarum artium studiis florescentes. Hanc <sup>3</sup>citeriorem invenio vetustis monumentis Abredeam appellatam. Nunc utrumque oppidum, Abredonia, Votris & Novæ cognominibus distinctum, vocatur. Ab hac tam angusta fronte inter hæc flumina incipit Marria, ac sese paulatim dilatans, ad sexaginta in longitudinem millia, se protendit Badenacham usque. Ea regio perpetuo dorso continetur, & in utrumque mare <sup>4</sup>flumina evergit. Badenachæ confinis est Abria, ad mare Deucaledonium modice prona, regio (ut inter Scotos) in primis copiosa maritimis & terrestribus commodis. Est enim & frumentis & pascuis in primis felix, & præterea nemorum umbris, & rivulorum fontiumque amenitate, jucunda: piscium vero proventu adeo fertilis, ut nulli prope Scotiæ regioni cedat. Nam, præter fluviatilium copiam, quam tot rivi sufficiunt, mare longo canali per planum solum infusum penetrat, ibique terræ paullo altiore margine coercitum se latius diffundit, ac speciem stagni, aut verius lacus, præbet; unde Abriam, id est, stationem, patrio sermone appellant. Idem quoque nomen regioni circumcirca vicinæ dant. Qui Anglice loquuntur, utramque, hoc est, & sinum illum maris, & regionem, perperam & absurde Lochabriam vocant. Hæc tres regiones, Abria, Badenacha & Marria, latitudinem Scotiæ inter duo maria complectuntur.

XXVII. Ad Plagum septentrionalem, proxima Marriæ est Buchania, Dona fluvio ab eo divisa. Ea omnium Scotiæ regionum longissime se in mare Germanicum exporrigit. Piscibus oviumque proventu admodum felix, ceterisque commodis ad vitam necessariis sibi sufficiens. Fluvii ejus cum salinioribus abundant, Rarum annem tamen id genus piscis non ingreditur. Est in ejus litore spelunca, cujus natura prætercreunda non videtur. Aqua e naturali fornice guttatim destillans, statim in lapidum pyramidas vertitur, ac, nisi opera hominum antrum subinde purgaretur, spatium usque ad fornitem brevi compleretur. Lapis autem qui ita gignitur, velut mediam naturam inter glaciem

&

semper appellatur. Interim observandum lacunam in MS. pro voce [*Abriaca*] relictam, quam quidem nusquam alibi reperio.

<sup>1</sup> *Ea magna ex parte.*] Ita MS. at imprecisi omnes, *Ea ex magna parte*, sed alterum illud multo elegantius Latinitque auribus magis aptum.

<sup>2</sup> *Fordunum.*] Post vocem [*Fordunum*]

addit MS. [*oppidum*] nec male.

<sup>3</sup> *Citeriorem.*] Ita MS. & Edinb. at Genev. Francof. Elzev. anni 1644. *citeriorem* habent nullo sensu.

<sup>4</sup> *Flumina evergit.*] Livium imitatus est lib. 44. c. 3. *Montes ingentis altitudinis spem faciebant, eo magis, quia nullos apertos evergerent rivos, occultos continere latentes.*

1 Par-

& saxum obtinet: est enim friabilis, neque ad marmoris duritiem unquam consolidescit. Nos cum Tolosæ essemus, circiter annum salutis M. D. XLIV. accepimus ex hominibus fide dignis, similem per omnia huic speluncam esse in proximo Pyrenæo.

XXVIII. Ultra Buchaniam ad septentriones duæ sunt regiunculæ, Boina & Ainia, quæ usque ad Spæam flumen<sup>1</sup> pertinent, qui separat eas a Moravia. Oritur autem Spæa<sup>2</sup> e dorso Badenachæ, cujus meminimus: nec longe ab ejus fonte lacus est, unde erumpit Lutea, ac se in occiduum mare devolvit. Ad ostium ejus ferunt oppidum nobile fuisse, a fluvio Ennerluteam nuncupatum. Certe sive terræ vicinæ spectes ingenium, sive navigationis & subvectionis maritimæ commoditatem, locus est admodum emporio aptus. Prisci quoque Reges, has opportunitates secuti, aliquot seculis ibi habitaverunt, in Evonia arce, quam nunc multis falso persuasum est esse Stephanodunum. Ejus enim arcis rudera & vestigium adhuc in Lorna monstrantur. Sunt regiunculæ aliquot exiguæ<sup>3</sup> inter Buchaniam & mare occiduum interjectæ: sed cum nihil habeant insigne, ac narratu admodum memorabile, non est quod in eis explicandis immoremur.

XXIX. Ultra Spæam usque ad Nessum, sequitur Moravia, olim (ut creditur) Varar dicta. Inter eos amnes Oceanus Germanicus velut retro in occidentem terram agens, sinu vasto ejus laxitatem castigat. Tota quanta est hæc regio frugibus & pascuis fecunda, amœnitate vero, & fructifera arborum proventu, totius regni facile prima. Duo memoratu digna habet oppida, Elginam ad<sup>4</sup> Loxiam amnem, qui nomen antiquum adhuc retinet, & Nessum ad cognominem fluvium. Nessus e lacu Nesso, longo viginti quatuor millia, effluit. Aqua semper fere tepida, nec unquam ita frigida, ut congelet. Quin & asperissima hieme, fragmina glaciæ<sup>5</sup> in eum inveccta tepore

<sup>1</sup> *Pertinent.*] Ita Genev. Francof. & Elzev. MS. tamen & Edinb. *pertinet*: sed vox [*eas*] quæ utramque respicit, *pertinent* potius quam *pertinet* flagitare videtur. Boina quidem Spæam fluvium non attingit, sed Buchan. has duas regiunculas junctim quasi pro una accipit, atque hoc sensu non inepte ad Spæam pertinere, atque eo a Moravia separari dici possunt.

<sup>2</sup> *E dorso.*] Edinb. & reliqui omnes impressi [*a dorso*] nos MS. secuti *e dorso* reposuimus, ut & paullo infra cap. seq. [*e lacu Nesso*] pro [*a lacu.*]

<sup>3</sup> *Inter Buchaniam.*] Buchania cum se longissime omnium Scotiæ regionum in mare Germanicum exporrigat, ut supra Buchanano observatum est, ea & regiones ipsam inter & mare occiduum interjectæ totam Scotiæ latitudinem, qua maxima

Tom. I.

aqua- est, complectuntur. Cum autem inter eam & mare occiduum regiones interjectæ, Gariocha, vallis Bogiana, Marria, Atholia, Badenacha, Abria, magna antea ex parte Buchanano expositæ, nec exiguæ sint, nec memoratu indignæ, persuasum mihi est *Badenacham* hic a Buchanano scriptum, quod affinitate vocum decepti exscriptores in *Buchaniam* mutarunt: Badenachæ autem modo meminerat; regiunculæ vero inter eam & mare occiduum interjectæ, exiguæ quidem & nihil insigne habentes istæ occurrunt, *Glen Tarff*, *Glen Roy*, *Glen Gluy*, *Glen Gariff*, *Glen Elg*, *Glen Morisden*, *Knoderort*, *Murron*, *Arifaig*, *Mudeort*, &c.

<sup>4</sup> *Loxiam amnem, qui nomen.*] In Ptolemæi enim tabulis *Loxa* appellatur.

<sup>5</sup> *In eum inveccta.*] Melvinus legendum vult *injeccta*, MS. *conjecta*, nos editos li-

E bros

Rubrum Promontorium, satis longe conspicuum. Eſca fluviuſ cognomento Auſtralis medium ſecat: alter Eſca Septentrionalis eam a Mernia dividit. \*Ea magna ex parte ſolo eſt campeſtri & plano, donec ultra \*Fordunum, & Dunorum Comitſ Martialis arcem, occurrat Grampius, paulatim ſe demittens, & in mare ſubſidens.

XXVI. Ultra eam ad ſeptentriones eſt Devæ, vulgo Deæ, fluminis oſtium, & plus minus mille paſſus ulterius Dona. Ad alterum Abredonia eſt, ſalmonum piſcatu nobilis, ad alterum Epiſcopi ſedes, & ſcholæ publicæ, omnium ingenuarum artium ſtudiis florescentes. Hanc \*citeriorem invenio vetuſtis monumentis Abredeam appellatam. Nunc utrumque oppidum, Abredonia, Vetteris & Novæ cognominibus diſtinctum, vocatur. Ab hac tam anguſta fronte inter hæc flumina incipit Marria, ac ſeſe paulatim dilatans, ad ſexaginta in longitudinem millia, ſe protendit Badenachum uſque. Ea regio perpetuo dorſo continetur, & in utrumque mare \*flumina evergit. Badenachæ conſinis eſt Abria, ad mare Deucaledonium modice prona, regio (ut inter Scotos) in primis copioſa maritimis & terreſtribus commodis. Eſt enim & frumentis & paſcuſ in primis felix, & præterea nemorum umbris, & rivulorum fontiumque amenitate, jucunda: piſcium vero proventu adeo fertilis, ut nulli prope Scotiæ regioni cedat. Nam, præter fluviatilium copiam, quam tot rivi ſufficiunt, mare longo canali per planum ſolum infulum penetrat, ibique terræ paullo altiore margine coercitum ſe latius diffundit, ac ſpeciem ſtagni, aut verius lacus, præbet; unde Abriam, id eſt, ſtationem, patrio ſermone appellant. Idem quoque nomen regioni circumcirca vicinæ dant. Qui Anglice loquuntur, utramque, hoc eſt, & ſinum illum maris, & regionem, perperam & abſurde Lochabriam vocant. Hæ tres regiones, Abria, Badenacha & Marria, latitudinem Scotiæ inter duo maria complectuntur.

XXVII. Ad Plagam ſeptentrionalem, proxima Marriæ eſt Buchania, Dona fluviuſ ab eo diviſa. Ea omnium Scotiæ regionum longiſſime ſe in mare Germanicum exporrigit. Paſcuſ oviumque proventu admodum felix, ceteriſque commodis ad vitam neceſſariis ſibi ſufficiens. Fluvii ejus cum ſalmonibus abundant, Ratram amnem tamen id genus piſcis non ingreditur. Eſt in ejus littore ſpelunca, cujus natura prætereunda non videtur. Aqua e naturali fornice guttatum deſtillans, ſtatim in lapidum pyramidas vertitur, ac, niſi opera hominum antrum ſubinde purgaretur, ſpatium uſque ad fornitem brevi compleretur. Lapis autem qui ita gigitur, velut moliam naturam inter glaciem

&c

ſemper appellatur. Interim obſervandum lacunam in MS. pro voce [*Abriaca*] reſiſſam, quam quidem nuſquam alibi reperio.

1. *Ea magna ex parte.*] Ita MS. et impreſſi omnes, *Ea ex magna parte*, ſed alterum illud maſtro elegantius Latiniſque auribus magis aptum.

2. *Fordunum.*] Poſt vocem [*Fordunum*]

addit MS. [*oppidum*] nec male.

3. *Citeriorem.*] Ita MS. & Edinb. at Genev. Francof. Elzev. anni 1644. *citeriorem* habent nullo ſenſu.

4. *Flumina evergit.*] Livium imitatus eſt lib. 44. c. 3. *Montes ingentis altitudinis ſpem faciunt, eo magis, quia nullis apertiſ evergerent rivos, occultis continere latites.*

1 Pw-



& saxum obtinet: est enim friabilis, neque ad marmoris duritiem unquam consolidescit. Nos cum Tolosæ essemus, circiter annum salutis M. D. XLIV. accepimus ex hominibus fide dignis, similem per omnia huic speluncam esse in proximo Pyrenæo.

XXVIII. Ultra Buchaniam ad septentriones duæ sunt regiunculae, Boina & Ainia, quæ usque ad Spæam flumen <sup>1</sup> pertinent, qui separat eas a Moravia. Oritur autem Spæa <sup>2</sup> e dorso Badenachæ, cujus meminimus: nec longe ab ejus fonte lacus est, unde erumpit Lutea, ac se in occidentum mare devolvit. Ad ostium ejus ferunt oppidum nobile fuisse, a fluvio Ennerluteam nuncupatum. Certe siue terræ vicinæ spectes ingenium, siue navigationis & subvectionis maritimæ commoditatem, locus est admodum emporio aptus. Prisci quoque Reges, has opportunitates secuti, aliquot seculis ibi habitaverunt, in Evonia arce, quam nunc multis falso persuasum est esse Stephanodunum. Ejus enim arcis rudera & vestigium adhuc in Lorna monstrantur. Sunt regiunculae aliquot exiguae <sup>3</sup> inter Buchaniam & mare occidentum interjectæ: sed cum nihil habeant insigne, ac narratu admodum memorabile, non est quod in eis explicandis immoremur.

XXIX. Ultra Spæam usque ad Nessum, sequitur Moravia, olim (ut creditur) Varar dicta. Inter eos amnes Oceanus Germanicus velut retro in occidentem terram agens, sinu vasto ejus laxitatem castigat. Tota quanta est hæc regio frugibus & pascuis fecunda, amœnitate vero, & fructificationum arborum proventu, totius regni facile prima. Duo memoratu digna habet oppida, Elginam ad <sup>4</sup>Loxiam amnem, qui nomen antiquum adhuc retinet, & Nessum ad cognominem fluvium. Nessus e lacu Nesso, longo viginti quatuor millia, effluit. Aqua semper fere tepida, nec unquam ita frigida, ut congelet. Quia & asperissima hieme, fragmina glaciei <sup>5</sup> in eum invec̃ta tepore

<sup>1</sup> *Pertinent.*] Ita Genev. Francos. & Elzev. MS. tamen & Edinb. *partinet*: sed vox [*cas*] quæ utramque respicit, *pertinent* potius quam *partinet* flagitare videtur. Boina quidem Spæam fluvium non attingit, sed Buchan. has duas regiunculas junctim quasi pro una accipit, atque hoc sensu non inepte ad Spæam pertinere, atque eo a Moravia separari dici possunt.

<sup>2</sup> *E dorso.*] Edinb. & reliqui omnes impressi [*a dorso*] nos MS. secuti *e dorso* reposuimus, ut & paullo infra cap. seq. [*e lacu Nesso*] pro [*a lacu.*]

<sup>3</sup> *Inter Buchaniam.*] Buchania cum se longissime omnium Scotiæ regionum in mare Germanicum exporrigat, ut supra Buchanano observatum est, ea & regiones ipsam inter & mare occidentum interjectæ totam Scotiæ latitudinem, qua maxima

Tom. I.

aqua- est, complectuntur. Cum autem inter eam & mare occidentum regiones interjectæ, Gariocha, vallis Bogiana, Marria, Artholia, Badenacha, Abria, magna antea ex parte Buchanano expositæ, nec exiguæ sint, nec memoratu indignæ, persuasum mihi est *Badenacham* hic a Buchanano scriptum, quod affinitate vocum decepti exscriptores in *Buchaniam* mutarunt: Badenachæ autem modo meminerat; regiunculae vero inter eam & mare occidentum interjectæ, exiguæ quidem & nihil insigne habentes istæ occurrunt, *Glen Tariff*, *Glen Roy*, *Glen Gluy*, *Glen Gariff*, *Glen Elg*, *Glen Morisden*, *Knockort*, *Murron*, *Arifaig*, *Mudeort*, &c.

<sup>4</sup> *Loxiam amnem, qui nomen.*] In Prolemæzi enim tabulis *Loxa* appellatur.

<sup>5</sup> *In eum invec̃ta.*] Melvinus legendum vult *injecta*, MS. *conjecta*, nos editos li-

E

bros

aquarum brevi solvuntur. Ultra Nessum lacum, occidentem versus, octo millia continentis terræ protenduntur. Tantillum sane est, quod obstat quo minus maria cœant, & quod reliquum est Scotiæ insulam reddant. Nam quod spatii ab iis faucibus ad mare Deucaledonium interjicitur, fere sinubus maris in terram irrumpentis est intercisum.

XXX. Quod ultra Nessum & fauces illas angustas est interjectum, in quatuor provincias solet dividi. Ultra ostium Nessi, qua mari Germanico immergitur, est Rossia, in mare promontoriis altioribus excurrens, quod & nomen ipsum indicat. ROS enim Scotis promontorium significat. Ea tota longior est quam latior. Nam a mari Germanico ad Deucaledonium porrigitur: qua in montes attollitur, aspera & inculta; qua se in campos explicat, frugum fertilitate nulli prope Scotiæ agro inferior. Valles habet amœnas, piscosis amnibus irriguas; lacus piscosos complures, sed maximum omnium Lubrum. A mari Deucaledonio littus paullatim se castigat, & in orientem æstivum reflectit. Ab altero littore, mare Germanicum inter rupium excelsarum scopulos iter sibi pandens, interius in sinum se spatiosum explicat, adversus omnes tempestates portum salutiferum ac certum perfugium. Est enim ingredientibus non difficilis aditus, intus vero adversus omnes cœli marisque injurias tutissima statio quantumlibet magnis classibus. Proxima Rossia extremæ septentrionem versus est Navernia, a Naverno amne appellata: quam vulgo, proprietatem sermonis patrii secuti, Stranaverniam appellant. Eam a meridie

brosecuti *inveſta* retinuimus: neque id omnino temere. Liv. enim lib. 2. cap. 5. *Insulam inde paullatim, & aliis qua fert temere flumen eodem inveſtis factam.* Et Plin. lib. 4. cap. 1. *Achelous & Pindo fluens — Artemitam insulam assiduo terra inveſtu continenti annexens.*

1 *Octo millia.*] Frustra est Melvinus, qui hic *passuum* addendum, vel *milliaria* legendum suadet. Nulla enim optimis auctoribus fere usitatio Ellipsis.

2 *Est interjectum.*] Inepta prorsus videtur hæc vox [*interjectum*] ad Buchan. mentem explicandam: mihi igitur vix dubium est quin *proiectum*, *protenſum*, aut simile quid ab eo sit scriptum.

3 *Solet dividi.*] Post has voces sequitur in libris omnibus [*Naverniam*, seu, ut vulgo *Stranaverniam*, a flumine *Navernodiam*:] quæ sententia, ut dudum monuit Crafordius, & Anglicus Buchanani interpret, prorsus superflua est, utpote quæ paullo infra & clarius habetur. Atque non ob hanc solum rationem, sed quod nuper orationis tenorem interturbet,

neque cum sequentibus apte cohzreat, eam expungendam censuimus.

4 *Lubrum.*] Hunc lacum lib. 1. cap. 42. *Briennum* vocat, quod & hic reponendum vult Crafordius: at nihil murandum, Boethius enim *Loubronum* appellat, vulgo *Loch-Broom*: quod alibi autem eundem *Briennum* nuncupavit, ideo factum est, quod nonnunquam *Loch-Bryan* appellatur.

5 *Portum Salutiferum.*] Sinum sive æstuarium Cromartiæ intelligit, quamvis nomine proprio non appellet: Boethio *navigantium Salæ* nuncupatur. Quin & excelsi illi hinc atque hinc scopuli.

— *Quorum sub vertice late  
Æquora cuncta silent* —

accolis etiam *The Souters of Cromartie* vocantur, i. e. (ut Cromartiæ Comarchus, D. Thomas Urchartus, ingeniose interpretatur,) *Zutræps*, seu *Servatores*, Cromartiæ.

1 *Eam*

die Rossia claudit, ab occasu & septentrione mare Deucalidonium <sup>1</sup>eam alluit, ab oriente Cathanesiam contingit. Sutherlandia his omnibus ita interjecta est, ut omnibus sit finitima, atque ab aliqua regione cœli eas contingat. Nam ab occidente Stranaverniam, a meridie & oriente Rossiam, a septentrione Cathanesiam habet objectam. Cultores magis ex natura regionis <sup>2</sup>pascuo quam arvo dediti. Nihil in ea, quod sciam, singulare, nisi quod montes candidi marmoris habet, rarum in regionibus frigidis miraculum, & prope in nullos usus comparatum, quod nondum ejus affectatrix luxuria eo immigravit.

XXXI. Cathanesia, ultima ad septentrionem Scotiae regio est, qua in plaga ei Navernia occurrit: hæque duæ regiones Scotiae latitudinem in frontem angustam contrahunt. In ea fronte tria attolluntur promontoria: altissimum in Navernia, quod Ptolemæo est Orcas, sive <sup>3</sup>Tarvedum: reliqua duo, nequaquam æque sublimia, in Cathanesia sunt, <sup>4</sup>Vervedrum, nunc Hoia, & <sup>5</sup>Berubium, falso Hæctori Boethio <sup>6</sup>Dume appellatum, nunc Dunis Bei vulgo dicitur, alii Duncans Bei vocant. Ex hoc nomine, aliquot literis exemptis, vox Dunis Bei facta videtur. Ad radicem collis sinus est permodicus, quo portu naviculæ ab insulis Orcadibus appulsæ utuntur. Sinus autem maris vulgo BEI vocatur. Hic igitur sinus cum Duncani vel Donachi sinus a vicinis appellaretur, ex his vocabulis utcumque conjunctis sermo popularis Dunis Bei effinxit. In hoc tractu Ptolemæus collocat Cornavios, ejus nominis adhuc vestigia quædam restant. Arcem enim Comitum Cathanesiæ vulgo Gernico vocant. Nam, qui Ptolemæo & exteris Cornavii sunt, Britannis Kernici fuisse videntur. Nam, cum non in hoc tractu modo, sed in diversissima insulæ parte, nempe in Cornovallia, Cornavios ponat, eosdem, qui vetustum sermonem Britannicum retinent, adhuc Kernicos vocant. Ac fortasse non absurde judicabit, si quis Cornovallas, pro Kernicovallis, id est, Kernicis Gallis, dictos existimaverit. Videntur & in media insula, obscura quidem illa,

<sup>1</sup> *Eam alluit.*] Iteratio vocis [*eam*] hic neutiquam necessaria est, & lin. seq. elegantius forte *Cathanesia* quam *Cathanesiam* dixisset.

<sup>2</sup> *Pascuo quam arvo.*] Sal. Jugurth. cap. 90. *Quod Numida pabulo pecoris magis quam arvo studeat.*

<sup>3</sup> *Tarvedum.*] Variant Ptolemæi editiones: quibusdam enim *Tarvedum*, aliis *Tarvedume*, aliis *Tarvedrum*; quod forte præferendum, utpote propius accedens ad sonum alterius illius promontorii *Vervedrum*, cujus ultimam syllabam litera *r* constanter ingreditur in omnibus libris.

<sup>4</sup> *Vervedrum.*] Quod Buchan. Boethium secutus in Cathanesia, alii in Navernia collocant, idemque statuunt esse quod nunc *Ros Raby* seu *Siraby-head* appellatur;

quod & Ptolemæi tabulis magis consentire videtur. Buchanani vero & Boethii *Hoiam* nusquam in Cathanesia reperio: forte promontorium vulgo *Windicknap-head* vocatum eo nomine indignant: Irvinus *Hoiam* cum *Berubio* confundere videtur.

<sup>5</sup> *Berubium.*] Ita omnino scribendum, ut in MS. & Edinb. non *Betubium*, ut in aliis omnibus libris; Ptolemæo enim *Βερύβιον* appellatur, i. e. *Vervium*, aut (quod non omnino insolens est) a Græco in *b* Latinum mutato, *Berubium*.

<sup>6</sup> *Dume.*] Id tantum dicit Boethius; promontorium quod nunc *Dunsbey* appellatur, a Ptolemæo *Dume* nominari: atque id quidem falsum, aut e vitiatis codicibus desumptum.

illa, sed hujus tamen nominis vestigia remansisse. Valli enim Severi initium scribit Beda non procul abesse a cœnobio Æbercurnig. Et monasterii quidem illic nullum indicium in illis locis relictum: manet autem non procul illinc semidiruta Duglassiorum arx, Abercornum nomine. Horum autem vocabulorum utrumque an alterum sit a Kernico corruptum, lectori dijudicandum relinquo.

XXXII. Restat nunc ut de Insulis aliquid dicamus, (quæ pars historiæ Britannicæ maximis erroribus est implicata.) Sed omissis vetustioribus, a quibus nihil certi nobis est traditum, quæ ab hominibus nostri temporis & verius & apertius sunt prodita, prosequemur. Insularum omnium, quæ Scotiam veluti coronant, tres fecerunt, vel classes, vel ordines, Occidentales Orcadas, & Zelandicas. Occidentales appellant, quæ ab Hibernia pene <sup>1</sup>ad Orcades, in mari Deucaledonio, lateri Scotiæ occidentali prætenduntur. Eas, qui nunc, aut patrum ætate, aliquid de rebus Britannicis scripto evulgarunt, Hebridæ appellant, nomine certe novo, & cujus nullam originem aut vestigium e scriptoribus priscis ostendunt. In illo enim maris tractu alii Æbudas vel Æmodas collocarunt; sed tanta inter se inconstantia, ut vix unquam in numero, situ aut nominibus conveniant. Straboni (ut ab antiquissimo incipiam) fortasse venia danda sit, quod ea parte orbis nondum <sup>2</sup>satis explorata, famam incertam secutus videri possit. Mela Hemodas septem, totidem Martianus Capella Acmodas, Ptolemæus & Solinus quinque Æbudas, Plinius septem Acmodas, & triginta Æbudas numerat. Nos in nominibus frequentissima antiquis retinebimus, Æbudasque omnes Occidentales insulas appellabimus: situm, & singulorum naturas commoditatesque, ex auctoribus, ut recentioribus, ita multo certioribus, recensebimus. In primis autem Donaldum Monroum sequemur, hominem & pium & diligentem, qui eas omnes & ipse peragravit & oculis perlustravit. Hæ vero in mari Deucaledonio sparsæ jacent, numero supra trecentas & . . . . . Ab ultimis usque temporibus omnes Scotorum Reges eas tenuerunt, usque ad Donaldum, Milcolumbi Tertii fratrem, qui <sup>3</sup>eas Regi Norvegiæ cessit, ut ejus opera in regno Scotorum adversus jus fasque occupando adjuvaretur. Tenuere eas Dani & Norvegi circiter annos centum sexaginta, donec ab Alexandro Tertio Scotorum Rege ingenti prælio victi eis cesserunt. Tentarunt interdum, & viribus freti, & seditionibus adducti, se in libertatem vindicare, & sibi Reges creare. Regium enim nomen cum alii, tum non adeo pridem Joannes e Donaldina familia usurpavit.

XXXIII. In victu, vestitu, totaque rei domesticæ ratione, antiqua utuntur

<sup>1</sup> *Ad Orcades.*] Mallem *Orcadas* ut eadem linea.

<sup>2</sup> *Satis explorata.*] Ita ex MS. restitui-  
mus: in editis autem omnibus [*explora-  
ta*] perperam legitur.

<sup>3</sup> *Eas Regi Norvegiæ cessit.*] Haud scio

an satis Latine [*eas cedere*] dicatur, malim igitur *eis* dixisset, ut mox h. c. [Nihil est, quod Latinitati metuat vir doctus. vid. ad Quint. Declamat. x. 6. & ad Just. l. 10. quæ notant viri erudiri.]

tur parsimonia. Opsonatio illis est venatus & piscatio. Carnem aqua in ossum aut cæsi pecoris pellem infusa coquunt: in venationibus interim, sanguine expresso, cruda vescuntur. Pro potu est jus carniū elixarum. Serum lactis aliquot annos servatum in conviviis etiam avidè bibunt. Id positionis genus Blandium appellant. Major pars aquâ sitim sedat. Panem ex avena & hordeo, (quæ sola frugum genera in illis regionibus proveniunt) conficere non injucundum, ex diuturno usu, peritia quadam adhibita consueverunt. Mane ex eo paulum degustant, coque contenti venantur: aut, si quid aliunde operis est objectum, usque ad vespertum cibo abstinēt. Veste gaudent varia, ac maxime virgata. Colores amant maxime purpureum ac cæruleum. Majores sagis versicoloribus plurifariam distinctis utebantur, ut adhuc plerisque mos est: verum plures nunc magis fuscas, & ericæ frondes proxime imitantes, ne in ericetis cubantes luce floridæ vestis agnosci possint, ferunt. His involuti potius, quam tecti, sævissimas tempestates sub dio tolerant, ac interdum nivibus obruti somnum capiunt. Domi etiam suæ humi cubant. <sup>1</sup>Substernunt filices, aut ericam, sed hanc radicibus deorsum, frondibus sursum versis: adeoque scite hac ratione lectos concinnant, ut mollitiæ cum pluma certent, salubritate longe superent. Erica enim, naturali siccandi vi prædita, supervacuos humores exhaurit, nervisque eorum molestia liberatis suum vigorem restituit, ita ut, qui vespere languidi & lassī decubuerunt, mane vegeti & alacres resurgant. Omnibus non negligentia modo in culcitris & stragula veste, sed affectatio inculti horroris & duritiæ summa est. Si quando usus aut necessitas eos in peregrinum solum trahit, culcitra & hospitum stragula humi provolvunt, ac suis vestibus involuti se quieti componunt: solliciti videlicet, ne barbara illa (ut ipsi vocant) mollietates patriam & ingenuam duritiem contaminet. In bello autem, quibus corpora tegant, arma sunt, cassis ferrea, & lorica <sup>3</sup>ferreis annulis conferta, plerumque ad talos usque demissa. Tela adversus hostem, arcus, & sagittæ, maxima ex parte humatæ, ferreis utrinque barbulis eminentibus, quæ, nisi vulnere late patefacto, e corpore extrahi non possunt. Sunt qui ensibus latis aut securibus pugnent.

Lo-

<sup>1</sup> Luce florida vestis.] Ita MS. alii omnes, luce florida.

<sup>2</sup> Substernunt filices.] Edit. Genev. Francof. Elzev. &c. filices hæc in filices mutarunt, duri (ut cum Plauto loquar) le-  
gisterniatores.

<sup>3</sup> Ferreis annulis conferta.] Libri impressi omnes [confecta] & MS. etiam prima manu, at postea in [conferta] mutatum. Virgilium imitatus videtur Æn. 3. vers. 467.

Loricam confertam hamis auroque trilicem,

Et Æn 5. vers. 259.

Levibus huic hamis confertam auroque trilicem

Loricam ———

Quod & And. Melvino ob oculos fuerat in sua Scotia (quæ nihil aliud est quam Poëtica Chorographia hujus Buchananæ Paraphrasis;) ita enim ille,

In bello arma tegunt hæc corpora: ferrea cassis,

Et lorica hamis ferri conferta trilique demissa ad talos ———

E 3

I Ma-



Loco tubæ tibia utuntur utriculari. Musica maxime delectantur, sed sui generis fidibus; quarum aliis chordæ sunt æneæ, aliis e nervis factæ, quas vel unguibus prælongis, vel plectris, pulsant. Unica autem illis ambitio est, ut fides multo argento exornent & gemmis. Tenuiores pro gemmis crystallum adhibent. Accinunt autem cæcumen non inconcinne factum, quod fere laudes fortium virorum contineat: nec aliud fere argumentum eorum Bardi tractant. Vetere Gallorum sermone paullum<sup>1</sup> mutato utuntur.

XXXIV. Insulæ circa Scotiam, quæ prisca utuntur lingua, quæque Occidentales vocantur, ita fere se habent. Prima omnium est<sup>2</sup> Mana, <sup>3</sup>falso quibusdam dicta Mona, ab antiquioribus Eubonia, a Paulo Orosio Mevania, aut potius Menavia. Prisca enim lingua Manim dicitur. Superior ætas<sup>4</sup> oppidum in ea Sodoram appellabat, in qua Insulanorum Episcopus sedem habebat.

Æquo

<sup>1</sup> *Mutato.*] Excidit hæc vox Edinb. atque adeo cæteris omnibus Editt. eam autem non tam Crafordii admonitu, quam quod disertim in MS. habeatur restituimus.

<sup>2</sup> *Mana.*] Vel potius Manna, ut alibi.

<sup>3</sup> *Falso quibusdam dicta Mona.*] Hæctorum Boethium & Polydorum Virgilium intelligit, quos hanc ipsam ob causam Humfredus Luddus mordacissima ad Ortelium Epistola infestatur. Et sane mirum est hic Buchananum, Luddo alias tam infestum, cum eo adeo amice consentire. Id vero in Luddo nequiquam ferendum, quod culpæ, qua non minus ipse quam Boethius teneatur, eum insimulet. Boethius enim Monam insulam Cæsari & Tacito memoratam unam eandemque existimavit, quo etiam in errore hæret ipse Luddus: hoc vero inter utrumque discriminis intercedit, quod hic Angliæ, ille Mannam insulam esse contendat, & uterque quidem aliquo sensu vere ex auctoris quam sequitur sententia. Monam enim Cæsaris nihil aliud quam Mannam esse, vi veritatis coacti Camdenus Brit. pag. 1051. & Tho. Brunus dissertatione ea de re scripta, alique jamdudum agnovere. Monam vero Taciti soli Angliæ convenire apud omnes in confesso est. Quid ergo Boethio hic vitio datur? Ille nimirum, & cum illo Polyd. Virgilius, affinitatē a minis decepti, tabulisque Geographi destituti, Monam Taciti pro Manna insula accepere. Luddus

contra, *Julium Cæsarem, Dionem Cassium, & Plinium nihil de Mona insula ait in medium attulisse, præter nudum nomen, & eam in mari inter Britanniam & Hiberniam sitam esse.* Mitto Dionem & Plinium, id vero de Cæsare prorsus falsum; ejus enim verba nulli alii insulæ præterquam Mannæ congruere possunt. Nam Bell. Gall. lib. 5. de Hibernia loquens, *Dimidio, inquit, minor, ut existimatur, quam Britannia; sed pari spatio transmissus atque ex Gallia est in Britanniam: in hoc medio cursu est insula que appellatur Mona.* Quibus verbis non solum eam inter Britanniam & Hiberniam sitam indicat, sed æquo fere intervallo ab utraque distare: quod utique de Angliæ nullus affirmaverit; quippe quæ freto admodum exiguo, quod & æstu recedente vado transiri possit, a continente Britannia dirimatur.

<sup>4</sup> *Oppidum in ea Sodoram.*] quod nomen a Græca voce *Σωτήρ* i. e. *Salvator*, deductum existimatur: q. d. Salvatoris oppidum seu sanum, quod Capgravius a Mordao Mannæ Rege, Boethius ex Veremundo, atque ex eo rursus Spotisvodus a Crathilinto Scotorum Rege conditum affirmant. Christoph. vero Irvinus, & Gul. Sacheverellus in sua Mannæ descriptione, nullum in ea ejus nominis oppidum aut sanum agnoscunt; veram autem Sodoram in Jonæ insula fuisse contendunt. Videbis utrumque, præcipue Sacheverellum præfixe ea de re disputantem.

I. Vi-

Æquo fere spatio ab Hibernia, Gallovidia Scotiæ, & Cumbria Angliæ, provincia, sita est. Viginti quatuor millia passuum in longum, octo in latum protenditur. Proxima in æstuario Glottæ surgit Alifa, rupes ardua, undique præter unum aditum præceps. Toto fere anno humano cultu vacua, nisi quod statis temporibus navicularum ingens numerus ad asellos piscandos eo conveniat. Frequens est cuniculis, avibusque marinis, eoque maxime genere anserum, quas Solanas vocamus. Ex æquo fere spectat ad orientem hibernum Carictam, ad occidentem hibernum Hiberniam, ad occidentem æstivum Cantieram. Ad viginti quatuor millia ab hac sita est Arania, fere in septentriones vergens: longa viginti quatuor millia, sedecim lata. Tota in altissimos atque asperrimos montes assurgit. Sola maritima ora colitur. Mare, qua humilior est, irrumpens, in ea sinum satis magnum facit, cujus aditum claudit insula Molas. Itaque montibus undique se attollentibus, ac ventorum impetum frangentibus, portus navibus intus est tutissimus; & in aquis perpetuo tranquillis piscatio adeo copiosa, ut si quid, ultra quam quod in unum diem sit satis, capiatur, accollæ in mare, tanquam in piscinam, id projiciant. Nec longe ab Araniæ littore jacet insula exigua Flada, cuniculorum feracissima. Bota, octo millia passuum longa, quatuor lata, interius in æstuario Glottæ sita est, ab Arania [(uti dictum est)] octo millia passuum ad orientem æstivum distans. Ab occidente æstivo abest ab Argathelia plus minus quingentos passus, ad orientem a Cunigamia sex millia passuum. Tota fere humilis est, & frugibus & pascuis satis commoda. Unam habet insulæ cognominem urbem, & in ea veterem arcem Rothesaiam. Aliam habet arcem ad sinum, qui sermone patrio Cames, hoc est, Καμψός, vocatur. Ad occidentem hibernum est insula Mernoca, humilis, & pro magnitudine fertilis, & culta, mille passus longa, quingentos lata. Interius in æstuario Glottæ sunt Cumbra major & minor, modico spatio diremtæ: major frugum, minor platyceroton ferax.

XXXV. A promontorio Cantiera paullo plus mille passus abest Avona, id est, portuosa; id cognomen adepta ab statione navium, quod, cum Dani in-

1 *Viginti quatuor millia passuum.*] Sacherellus, qui ei insulæ præfuit, 30. millia in longum, ab 8 ad 10 in latum patere affirmat.

2 *Molas.*] MS. *Molassa*, incolis autem *Lamlasb*, Montroo *Molast* appellatur.

3 *Itaque.*] Crafordius legendum vult *Isque*.

4 *Uti dictum est.*] Ubi autem hoc dictum? Non sane prius, quod oportebat. Recte igitur has voces delendas admonet Crafordius, quas eam ob causam uncinulis includendas existimavimus.

5 *Cames*, h. e. Καμψός. Ita literis Græcis, non Latinis, ut in MS. Καμψός

autem Hesychio *inflexum* seu *curvum* significat. Quod vero Editio Edinb. hanc aliasque voces Græcas Latinis literis exhibuerit, characterum seu typorum (quos vocant) Græcorum inopia factum est. Cæterum Buchananus hic subindicare videtur vocem *Cames* a Græco Καμψός, i. e. *flecto*, derivari, *Cames* enim Hibernice & Celtice *Ciame*, *curvum* significat, unde & Pontanus vocem *Camurus*, apud Virg. Georg. 3. 55. deducit,

Camuris birta sub cornibus aures, i. e. *curvis* seu *inflexis* cornibus, uti Servius interpretatur.

fulas tenebant, ad eam classes eorum cursus dirigebant. Ab eodem promontorio, ad occidentem hibernum, contra Hiberniæ littus porrecta est Raclin-da. Et a Cantiera quatuor millia, exigua insula Caraiæ. Nec longe ab ea sita est Gigaia, sex millia longa, mille & quingentos lata. <sup>1</sup> Ab hac quatuor & viginti in longum porrecta abest Jura. Duodecim autem millia distat a Gigaia. Maritima cultu satis frequentia sunt: interiora, silvis operta, cervorum varii generis copia abundant. Sunt qui existiment eam antiquitus <sup>2</sup> Deram fuisse nominatam: quod nomen cervum Gothico sermone significat. Ab hac duo millia abest Scarba, ab oriente in occidentem quatuor millia passuum in longitudinem excurrens, mille lata: raris in locis ab hominibus culta. Æstus maris inter eam & Juram tam violens est, ut nec velis nec remis, nisi certis tempestatibus, superari possit. Post hanc multa ignobiles insulæ deinde sparguntur, Bellach, aut Genistaria, Geurastilla, Longaia, utraque <sup>3</sup> Fidla: tres item Garvæ, cognominibus distinctæ; Culbrenina, Dumchonel, Luparia, <sup>4</sup> Belnahua, Vikerana, Vitulina, Luinga, Seila, Seuna. Hæ tres proximæ, pecore & frugibus satis fecundæ, Argatheliæ Comitibus parent. Proxima his Selata, quod e rupe ejus tegulæ, quas Selatas vocant, excidentur. Deinde Naguisoga, & Eisdalsa, ac Skennia, & quæ vocatur Thiana, ab herba frugibus noxia, non dissimili luteæ, nisi quod magis diluto sit colore: & Uderga, & insula Regia: mox Duffa, hoc est, nigra, atque insula Ecclesiæ, & Triaracha. Deinde insula Ardua, Humilis, & Viridis, & Ericæa. Item Arboraria, Capraria, Cunicularia, & quæ Otioforum dicitur, & Abridica. Item Lismora, in qua olim sedes Episcopalis Argatheliæ fuerat, longa octo millia passuum, lata duo. In ea, præter communia cum cæteris commoda, metalla inveniuntur. Deinde Ovilia, & Siuna, insula Trajectus, insula Ovicularis. Item Flada, & insula Saxi, & Gressa, & insula Magna, & Ardiescarn, & Musadilla, & Bernera, olim sacrosanctum asylum dicta, <sup>5</sup> silva taxi nobilis

<sup>1</sup> Ab hac quatuor & viginti.] Non hoc intelligit Buchan. quasi 24. millibus distaret Jura a Gigaia, mox enim 12. tantum millibus ab ea distare affirmat. Hæ autem voces Juræ ipsius longitudinem, non ejus ab alio loco distantiam significant. Quid ergo est, *Ab hac abest Jura*? Nihil aliud scilicet, quam, *Haud longe ab ea sita est*, vel *proxime post eam memoranda occurrit*.

<sup>2</sup> Deram.] Monroo *Dara* appellatur, qui eam ait *Deiram* potius vocari debuisse. Ego vero *Diuram* primum, postea *Djuram*, ac postremo *Jaram* nominatam arbitror, *cervus* enim Danis (qui eam forte aliquando tenuerunt) *Diure* appellatur. Ejusdem originis est Anglo-Saxonicum *Deer*, Belg. *Dier*, Teut. *Thier*, Angl.

*Deer*, quæ omnia non absurde a Græco *θηρ*, i. e. *fera* deduci possunt.

<sup>3</sup> Fidla.] Ita MS. Monroo *Fidlacbaille*. In Edinb. quoque edit. est *Fidla*, evanescente tamen superiore parte literæ *d*, quod non satis attendentes sequentium editionum procuratores & Melvinum etiam in sua Scotia pro o fefellit: potius tamen *Findla* dici debuit, nam ab incolis, altera *Findla na Rugha*, *Findla na Keiliach* appellatur. Vid. Irvinum.

<sup>4</sup> Belnahua.] Monroo *Belnachua*; & ita forte scribendum.

<sup>5</sup> Silva taxi nobilis.] In omnibus editis & MS. etiam *Silva* hic cum majuscula *S* scribitur, quasi id proprium nomen insulæ esset. Sed cum nulla Monroo, Martino, alterive cuiquam scriptori hoc nomine

lis, Molochasgir, Drinacha, spinis, sambuco, & magnarum ædium ruinis, operta. Insula Vici fabrorum, silvæ fertilis. Item Ransa, & Kervera.

XXXVI. Maxima post Juram ad occidentem est Ila, longa viginti quatuor millia, sedecim lata: a meridie in septentrionem porrecta: pecorum, frumenti, cervorum, item plumbi fertilis. Amnem aquæ dulcis habet, nomine Laiam: item aquæ marinæ sinum, in quo insulæ variae: præterea aquæ dulcis lacum, in quo est insula <sup>1</sup>Falangama dicta, olim omnium Insularum Regia, in qua insularum Regulus assumpto nomine Regio solebat habitare. Huic propinqua, sed minor, est insula Rotunda: cui etiam a consilio nomen est inditum. In ea enim curia erat, in qua quatuordecim e primoribus jus assidue dicebant, ac de summa rerum etiam agitabant consilia: quorum summa æquitas & moderatio pacem domi forisque præstitit, & pacis comitem rerum omnium affluentiam. Inter Iam & Juram sita est insula parva, a cumulo lapidum cognominata. Ad australe latus Ilae jacent hæc deinceps insulæ, Columna, Mulmoris, Ofrima, Brigidana, Corskera, insula Humilis, Imerfga, Beathia, Texa, Ovicularia, Naosiga, Rinarda, Cana, Tarscheria, Achnarra, insula Magna, insula Figuræ humanæ, insula Joannis, Stachadis. Ad occidentalem Ilae angulum Overfa. Ibi quoque fretum torrentissimum, nisi certis horis, impermeabile est navibus. Insula Mercatoris: & ad occidentem æstivum spectans Usabrafa, & Tanasta, & Nefa, & insula Textoris: & ad octo millia ab Ila magis in septentriones versa Oruanfa, & ei proxima Porcaria, & quingentos passus ab Oruanfa, Coluanfa. Ultra Coluanfam ad septentriones jacet Mulla, duodecim millia passuum distans ab Ila. Hæc insula quatuor & viginti millia in longum, totidem in latum porrigitur, aspera quidem illa, sed frugum non infœcunda. Habet silvas frequentes, magnosque cervorum greges, portumque satis tutum. Ex adverso insulæ Columbæe habet duos annes salmonum fœcundos: alios item minores non omnino steriles: duos item lacus, & in singulis singulas insulas, suasque in eis arces. Mare diversis in locis irrumpens quatuor facit sinus, omnes halecum abundantes. Ad occidentem hibernum sita est Columbaria, sive insula columbarum: ad orientem æstivum Era: utraque pecori, & frumentis, & piscatui, commoda.

XXXVII. Ab iis duo millia passuum abest <sup>2</sup>insula D. Columbæ, longa duo

mine insula appelletur, has voces ad insulam proxime nominatam referendas arbitror, quemadmodum mox *Drinacha spinis & sambuco operta, & insula Vici fabrorum silvæ fertilis* describitur. Præterea si proprium esset insulæ nomen, inepta prorsus & a Buchanani oratione aliena videtur vox *nobilis*.

<sup>1</sup> *Falangama*.] Irvino *Falingamia*, MS. *Falingano*, Monroo *Furlagan* (nisi mentem.

dum est Librarii,) Martino & aliis *Finslagan*.

<sup>2</sup> *Insula D. Columba*.] Eadem quam alibi Jonam nominat, *Bedæ Hyi* appellatam. Porro Buchanano *Columbas* sæpius, interdum *Columba*, ut infra in hoc cap. & lib. v. 33. 35. & 38. vocitatur: nos ubique, ut secum ipse conveniret, *Columba* reposuimus, ex incuria enim vel ipsius, vel ejus amanuensis proscutum videtur, quod no-

F

men

duo millia passuum, supra mille lata, fertilis quidem omnium, quæ ea cœli plaga gignere solet, & veteribus, ut in ea gente, monumentis illustris: sed D. Columbæ severa disciplina & sanctitate clarior. Erant in ea duo monasteria, alterum monachorum, alterum monacharum; curia una, sive (ut nunc loquuntur) parochialis Ecclesia, multaque sacella ex munificencia Regum Scotorum & Regulorum Insulanorum. In cœnobio veteri D. Columbæ Insularum Episcopis sedem statuerunt, vetere domicilio, quod erat in Eubonia, ab Anglis capto. Remanet adhuc inter veteres ruinas sepulchretum, sive cœmeterium commune omnium nobilium familiarum, quæ in Occidentalibus insulis habitabant. Eminent inter cæteros tumuli tres, modicis intervallis distantes, tribus impositis domunculis in orientem versis. In occidentali cujusque parte lapis inscriptus, quorum tumuli sint, indicat. Qui medius est, titulum habet, **TUMULUS REGUM SCOTIÆ**: ferunt enim quadraginta octo Reges Scotorum ibi fuisse humatos. In dextro incisus est titulus, **TUMULUS REGUM HIBERNIÆ**: quatuor enim Reges Hiberniæ illic conditi fuisse dicuntur. Qui est in sinistra parte, inscribitur, **TUMULUS REGUM NORVEGIÆ**: hujus enim gentis octo Reges illic fuisse sepultos fama est. In reliquo cœmeterio scorsum claræ Insulanorum familiæ habent sua conditoria. Circa eam sex proximæ insulæ exiguæ, nec tamen infœcundæ, ab antiquis Regibus & Insulanorum Regulis cœnobio Columbæ donatæ fuerunt. Soa, etsi ovibus commoda habet pascua, major tamen proventus est ex avium marinarum incubatu, & maxime ex ovis. Proxima est Mulierum insula, ac deinde Rudana, mox Reringa. Post eam Skennia, quingentos passus a Mulla distans. Habet suum parochum: sed parochiani magna ex parte in Mulla habitant. Littora cuniculis abundant. Ab hac mille passus abest Eorfa. Hæc omnes cœnobii Columbæ monachis parent.

XXXVIII. Ab Eorfa duo millia abest Ulva, quinque millia passuum longa, frumento & pascuis pro magnitudine fœcunda. Habet stationem navibus longis commodam. Australi ejus lateri prætenditur Coluanfa: agrum habet non infœcundum, ac silvam columnam. Ab hac fere trecentos passus sita est Gomatra, duo millia longa, mille passus lata, a meridie in septentrionem excurrent. Deinde a Gomatra quatuor millia passuum meridiem versus Stafa: utraque portuosa. Quatuor ab hac millia passuum, ad occidentem æstivum recedunt duæ Kerniburgæ, major & minor, rupium ita circumvallatæ præcipitiis, & æstu torrentissimo, ut, naturali munimento industria adjuto, sint

men hocce Scoticis aliisque monumentis tam celebre in æ terminaverit: scriptores certe, quod sciam, omnes Buchananos superiores vel æquales constanter *Columba* scripserunt. Nec Fordonum tantum, Boethium, Lestrum, Majorem, aliosque Historicos Scotos intelligo, sed Bedam, Notkerum Balbulum in Martyrologio, & , quod rem extra omnem

controverfiam ponit, ipfius discipulum vitæque scriptorem Adamannum. Non ignoro alios Buchananum secutos sæpius eum *Columbam* appellare, alios item *Columbanum*; nonnullos etiam eum cum *Columbano* Luxoviensis in Burgundia & Bobiensis in Italia Cœnobii conditore confundere, uti dudum observavit eruditissimus Ufferius Brit. Eccles. Ant. pag. 360.

I Pro



plane inexpugnabiles. Ab his mille passus distat insula, cujus terra fere tota est nigra, ex putribus vetustate silvis & musco concreta. Ejus glebas ad usum ignis desiccant: inde dicta insula Monadum: nam ita genus illud terræ vocant, quæ Anglico sermone MOSSA dicitur. Deinde Lunga, duo millia in longitudinem porrecta: dimidio minor Baca. Ab hac ad occidentem sex millia recedit Tireia, octo millia longa, tria lata, omnium insularum omnibus ad vitam rebus necessariis longe copiosissima. Nam & pecore, & frumento, piscatu, & marinarum avium foetu, abundat. In ipsa est lacus aquæ dulcis, & in ea vetus arx: habet & portum longis navibus non incommodum. Hic duo millia abest Gunna: & a Gunna pari spatio Colla, duodecim millia longa, duo lata, in primis fertilis. Nec procul hinc est Calfa, tota prope silvis operata. Post duæ insulæ cognominatæ Virides, major & minor. Item totidem eisdem cognominibus ex adverso promontorii Mullæ. Jacent non longe ab ea duæ insulæ cognominatæ Glassæ, hoc est, cæruleæ. Deinde Ard an ridir, id est, alta insula Equitis. Deinde Luparia, sive insula Luporum. Post eam insula Magna. A Colla insula, septentrionem versus, protenditur ab oriente in occidentem, sedecim millia longa, sex lata, montibus arduis & silvosis assurgens, Ruma: &, quia raris in locis habitata est, aves marinæ passim in campis ova ponunt, quorum quantum libet quivis vere adulto colligit. In rupibus excelsis marini anseres (de quibus ante a nobis dictum est) abunde capiuntur. Ab ea quatuor millia ad orientem hibernum est insula Equorum: & ab ea quingentos passus Porcaria, pro magnitudine rerum necessariarum abundans. Nidificat in ea falco: habet & portum satis commodum. Non longe ab hac sunt Canna & Egga, modicæ insulæ, satis foecundæ, posterior etiam anseribus marinis, quas Solanas vocant. Deinde Soabretilla, venatui quam aliis vitæ commodis aptior.

XXXIX. Hinc a septentrione in meridiem porrigitur Skia, omnium insularum circa Scotiam maxima, [*præter Leogum,*] quadraginta duo millia passuum longa, alibi octo, alibi duodecim lata, in montes pluribus locis se attollens; ipsi silvis, silvæ pascuis abundant, campi frugum & pecorum fertiles in his præter alia pecora greges equarum. Quinque amnes habet majores, salmonum foecundos: multos etiam minores, nec eos salmonum steriles. Mare, ab omni parte in terram penetrans, multos aquæ salis sinus facit, tres præcipuos, tredecim item alios, omnes haecum foecundos. Habet & lacum aquæ dulcis, & quinque arces. Insula pri-

¶ *Præter Leogum.*] Has voces ex margine MS. eadem ut videtur manu scriptas inferendas putavimus. *Leogus* enim, ipso teste cap. 43. lib. 1. cum Haraia, quæ unam tantum faciunt insulam, in longum patet 60 millia, in latum 16. adeoque Skia duplo major est. Crafordius locum hunc aliam ob causam mendosum arguit, Hethlandia enim Skia major est, uti pa-

tet cap. 50. huj. lib. adeoque pro *omnium insularum circa Scotiam maxima*, legendum vult, *omnium Æbudarum maxima*. Hic vero non est dissimulandum Martinum in sua Æbudarum descriptione Skiam 40. mill longam, alibi 20, alibi 30 latam statuere, adeoque haud facile dici esse, utra harum an Skia an Æbuda sit major.

priscorum Scotorum sermone Skianacha, hoc est, alata, vocatur, quod promontoria, inter quæ mare se infundit, velut alæ se obtendunt. Usus tamen obtinuit, ut Skia, id est, ala, vulgo diceretur. Circa hanc sparsæ jacent insulæ minores, Oransa, frugibus & pecore, Cunicularia, nemoribus & cuniculis abundans; Paba, latrociniis infamis, quod in ejus silvis prædones trans-euntibus insidias locant. Inde Scalpa, octo millia ad æstivum occidentem sita. Præter alia commoda magnos cervorum greges in silvis alit. Inter ostium Caronis sinus & Raarfam jacet Crulinga, statio navibus tuta. Et a Scalpa duo millia in septentriones porrigitur Raarfa, septem millia longa, duo lata: silvas habet betuleas, & in eis cervos. Quingentos ab ea passus est Rona, silvis & erica operta. Portum in intimo sinu habet latrociniis infestum prætereuntibus, <sup>1</sup>insidiis tegendis aptum: & in sinus (qui a brevitate Gerloch vocatur) ore est ejusdem nominis insula. Et a Rona sex millia septentrionem versus Flada, & a Flada duo millia Tuilmena, & ad australe Skia latius Oransa, & mille passus ab ea Buia parva, deinde Buia major, ac deinceps quinque parvæ insulæ ignobiles. Post quas Isa, fertilis frugum: & juxta eam Ovia, deinde Askerna, & Lindilla, & ad octoginta millia a Skia ad occidentem æstivum projecta Linga, & Gigarmena, & Bernera, & Megala, & Paba, & Flada, & Scarpa Vervecum, & Sandera, & Vaterfa, quæ, præter alia commoda plurima, stationem habet multarum & magnarum navium capacem, in quam ex omnibus circumjacentibus regionibus, statim temporibus, magna piscatorum frequentia convenire solet. Hæ novem postremæ insulæ sub dominatu sunt Episcopi Insularum.

XL. A Vaterfa duo millia abest Barra, septem millia longa, ab occidente hiberno se ad orientem æstivum exporrigens: frugum non infœcunda, piscatu asellorum maxime insignis. In hanc sinus maris angustis faucibus infunditur, interius latius rotundatur. Insulam habet unam, & in ea arcem munitissimam. In septentrionali plaga Barrae assurgit collis, ab imo ad summum herbidus: e summo ebullit fons aquæ dulcis, e quo rivus, qui defluit, secum in mare vicinum deferit velut minuta quædam, sed adhuc informia, animalia, quæ aliqua ex parte, sed obscure, speciem conchularum, quas vulgo vocamus cochleas, præferre videantur. Hanc littoris partem, in quam deferuntur, accolæ Magnas Arenas appellant, quod ibi, recedente maris æstu, ultra mille passus arena nudetur. <sup>2</sup>Illinc magnæ conchæ effodiuntur, quas vicini credunt ex illo velut seminio, quod rivus e fonte deferit, aut nasci, aut certe in mari incrementum sumere. Inter Barram & Vistum jacent hæ deinceps exiles insulæ, Orbanfa, Ovia, Hakerfæta, Garulanga, Flada, Buia major, Buia minor, Haja, Hellisaia, Gigaia, Lingaia, Feraia, Fudaia, Eriscaia.

XLI. Ab his in septentriones excurrit <sup>3</sup>Vistus, longa triginta quatuor, la-

<sup>1</sup> *Insidiis.*] Melvinus legendum vult *insidiisque*, male.

<sup>2</sup> *Illinc.*] MS. *illie*.

<sup>3</sup> *Vistus.*] Hic & alibi legendum vult Crafordius *Vistustris* syllabum, nomen enim insulæ, inquit, est *Viste* sive *Oofte*: nihil

lata sex millia. Hæc insula, influente duobus in locis maris æstu, trium velut insularum speciem præbet: rursus nudatis æstu recedente arenis, in unam coit. In ea plurimi sunt lacus aquæ dulcis: sed unus præcipua magnitudine tria millia passuum longus. Ad hunc, exesa terra, mare viam sibi patefecit, nec ab incolis objecto sexaginta pedum aggere excludi potuit, quo minus inter ingentia saxa male coagmentata se insinuet, & marinos pisciculos per sæpe relinquat. In eo piscis capitur, cætera salmoni similis, nisi quod ventre albo, dorso nigro sit, & sine squamis instar salmonis. Item in eo prope innumeri sunt aquæ dulcis lacus. Speluncas habet erica tectas, latronum latibula. In ea sunt quinque ad sacrorum usum curiæ. Inde octo millia occidentem verius jacet Helsing Vetularum, ita, reor, cognominata, quod ad monachas Jonæ insulæ spectet. Deinde, paullo longius ad septentriones se attollit Haveskera, in quam certo anni tempore vituli marini frequentes appellant & capiuntur. Sexaginta fere ultra hanc millia ad occidentem æstivum recedit Hirta, frugum, pecorum, ac maxime ovium, ferax; procerioresque gignit, quam ulla aliarum insularum. Incolæ prope omnium artium, ac maxime religionum, rudes. Eo, post solstitium æstivum, dominus insulæ procuratorem suum ad vectigalia colligenda mittit, & una cum eo sacerdotem, qui pueros proximo anno natos baptizet: is autem si forte desit, suos quisque baptizat. Domino pendunt certum numerum vitulorum marinarum, & sole duratorum vervecum, & avium marinarum. Tota insula non superat longitudinem mille passuum, totidem prope lata: nec ab ulla aliarum insularum videri pars ejus ulla potest, præter tres montes in littore se attollentes, qui ex locis editioribus cernuntur. In iis montibus sunt oves eximie pulchritudinis: sed ob violentiam æstus marini vix cuiquam est ad eos aditus.

XLII. Jam ut ad Vistum redeamus, a promontorio ejus septentrionali sita est insula Valaia, mille passus lata, duplo longior. Inter promontorium & Haraia insulam hæc fere sunt interjectæ, exiguæ quidem, sed non infrugiferae, Soa, Stroma, Pabaia, Barneraia, Enisaia, Keligira, Saga parva, Saga magna, Hermodraia, Scarvaia, Gria, Linga, Gillinsa, Hea, Hoia, Ferelaia, Soa parva, Soa magna, Isa, Seuna parva, Seuna magna, Taranfa, Slegana, Tuemen, & supra Haraia Scarpa. Et ad occidentem æquinoctialem supra Leogum quinquaginta millia absunt septem insulæ, quas alii <sup>1</sup>Flananas, <sup>2</sup>alii Sacras, [aut] Asyla vocant, in montes herbidos confurgentes, sed ab omni humano cultu de-

ramen censuimus mutandum. Neque enim Buchan. hanc sibi normam sequendam duxit in locorum nominibus, quin ut gravior ad aures vocabula illa barbara & inculta acciderent, ea varie immutare & inflectere non dubitavit.

<sup>1</sup> Flannans.] Ita legendum, non Blannans, ut Genev. Francof. Elzev. &c. & Blavii Theatrum Scotiæ, Blannans enim Martino, Timotheo Pout. & Irvino ap-

pellantur. Quin & in MS. Blannans scribitur, & in Edinb. haud facile dignoscas an litera quarta sit u an w.

<sup>2</sup> Alii sacras [aut.] In aliis omnibus, Alii sacras, Asyla vocant, scriptum est. Nos voculam [aut] interjiciendam existimavimus. Eas insulas fuscæ describit Martinus pag. 10, 17, 18. & præcipue pag. 19. ubi de insita iis ex vulgi opinione sanctitate edisserit.

desertæ. Neque quadrupedem fere ullum præter oves feras habent; quæ quidem a venatoribus capiuntur, sed ad nullum victus usum: carnis enim loco arvinam habent, aut si quid sit carnis, id adeo insuave est, ut nemo attingat, nisi in extremo famis periculo. Deinde, prope eodem tractu, propius septentrionem jacent, Garvellan, id est, aspera insula, & Lamba, & Flada, & Kellaia, & Bernera parva, & Bernera magna, & Kirta, & Buia parva, & Buia magna, & Vexaia, & Pabaia, & Sigruma magna, (Cunicularia ab ejus animalis fecunditate vocata,) & Sigruma parva, & Pygmæorum insula. In hac sanum est, in quo credunt vicini populi olim Pygmæos fuisse humatos. Multi exterorum, terra altius effossa, repperunt, & adhuc deprehendunt, capita parva & rotunda, aliarumque corporis humani partium ossicula, nihil famæ vetustæ derogantia. In eo littore Leogi insulæ, quod in orientem hibernum spectat, duo sinus maris in terram irrumpunt, quorum alterum lacum Meridionalem, alterum Septentrionalem, vocant. Uterque toto anno pisces abunde captantibus suppeditat. Ex eodem littore Leogi magis ad meridiem vergit Fabilla: deinde Adami insula: deinde insula Agnorum. Item Hulmena, & Viccoilla, & Haverera, & Laxa, & Era, & insula Columbæ, & Tora, & Iffurta, & Scalpa, & Flada, & Scuta. Ad orientale latus hujus insulæ iter est subterraneum, superne fornicatum, longum ultra jactum sagittæ, sub quam cryptam naviculæ minores velis aut remis agi solent, dum fugiunt violentiam æstus, qui ad propinquum promontorium magno cum fragore & navigantium periculo sævit. Magis ad orientem jacet insula, quam Vetustum Castellum appellant, locus naturali munimento tutus, & frugum & piscium copia, & ovis ibi nidificantium volucrum marinarum, abunde comitatus incolis sufficiens. Ad littus, ubi sinus Briennus terras firmas aperit, insula Eu sita est, tota fere silvis umbrosa, ac latronibus tantum, qui prætereuntibus insidiantur, accommoda. Magis ad septentriones jacet insula Gruinorta, & ipsa itidem silvis opaca, & latronibus infesta: & in eandem cœli plagam spectans insula Sacerdotum vocata, præter pabula, ovis volucrum marinarum abundans. Proxima huic est Afulla. Deinde ei propinqua Habrera magna: post eam Habrera parva: juxta eam insula Equorum: juxta eam rursus insula Mertaica. Hæ octo proximæ insulæ ante ostium sitæ sunt sinus quem vulgo lacum Briennum vocant.

XLIII. Ab his insulis, quæ sinum Briennum præcingunt, absunt Haria & Leogus, septentrionem versus excurrentes. In longum patent sexaginta millia, in latum sedecim. Hæ quidem unam faciunt insulam: non enim maris infusi æstuariis, sed limitibus agrorum & dominorum ditionibus de-

1 *Multi exterorum.*] Cur exteri magis quam inquilini? mendum hic subesse videtur.

2 *Dominorum ditionibus.*] Vocem ditio hic & alibi (Vid. lib. xi. 24.) nonnunquam pro regione, provincia aut præ-

dio rustico Buchan. usurpat, quo tamen significatu nullus probatus scriptor ea usus est: iis enim potestatem aut imperium semper significat. Vide Cellarii Cur. poster. pag. 376. Vorstium de Latinit. merito suspecta, Sciopp. Infam. Famiani.

1 In

definiuntur. Pars autem ad meridiem exposita solet Haraia vocari. In ea fuerat monasterium, Roadilla dictum, a Macclodio Haraïensi conditum. Ager frugum satis fertilis, sed quæ magis ex fodiendo quam arando illis proveniunt. Pascua sunt in ea ovium pasturæ commoda, præsertim mons præaltus, ad summum usque fastigium gramine virens. Narrat Donaldus Monrous, homo doctus & pius, se, cum illic esset, vidisse oves admodum annosas, ut in eo pecoris genere, sine certis dominis vagas; quarum proventum illic auget, quod ibi nusquam cernatur vulpes, lupus, aut serpens; quanquam inter hanc partem & Leogum magnæ interjectæ sunt silvæ, quæ cervos alant frequentes, sed humiles, & mole corporis minus conspicuos. In hac insulæ parte fluvius est salmonum ferax. In parte ad septentriones projecta est Leogus, secundum littus satis frequenter culta. Quatuor habet curias, arcem unam, septem amnes majusculos, ac duodecim præterea minores, omnes pro cuiusque magnitudine salmonum fecundos. Plurimis in locis mare in terras penetrat, in sinusque se diffundit, omnes hanc copia abundantes. Magnus ibi proventus ovium, quæ in ericetis ac saltibus libere vagantur. Eas, in locum angustum, ac velut caulas, singulis annis coactas, incolæ antiquo more vellunt. Soli campestris magna pars ericetis constat: in quibus terra superne est nigra, ex mulco & silvis putrescentibus multis seculis coalita, ad altitudinem circiter pedalem. Hæc velut superior crusta in cespites oblongos & tenues conscissa, & ad solem desiccata, <sup>1</sup> in usum ignis colligitur, & lignorum vice uritur: proximo post anno nudum solum alga marina stercoreatum seritur hordeo. In hac insula tanta plerumque balænarum capitur copia, ut aliquando (uti seniores narrant) viginti septem, partim prægrandes, partim minuscule, decimarum nomine sacerdotibus sint exhibitæ. Est & in hac insula spelunca ingens, in qua, recedente æstu, aqua duas orgyias alta manet: ubi vero rediit æstus, supra quatuor est profunda. Ibi in rupibus sedens omnis generis sexus & ætatis multitudo, hamis & ligno magnam vim piscium promiscue ducit.

XLIV. Ad orientem æstivum, sexaginta fere millia passuum a Leogo, sita est insula parva, solo humili, ac plano, ac satis frequenter culto: nomen est Rona. Cultores homines rudes, ac prope omnis religionis expertes. Dominus ejus, qui eam colant certum familiarum numerum finit, eisque majorum & minorum pecorum assignat quantum satis videtur, unde & ipsi commode vivant, & <sup>2</sup> vectigalia solvant. Quod ultra victum provenit, ad Leogum singulis annis <sup>3</sup> ad agri sui dominum mittunt. Hæc fere sunt, quæ vectigalis nomine pendunt: magnam vim farinæ hordeaceæ, in pellibus ovium insutam, (apud eos enim <sup>4</sup> hoc genus frugum copiose nascitur,) carnis ovillæ, & mari-

na-

<sup>1</sup> *In usum ignis.*] Ita MS. & princeps editio Edinb. alii fere omnes *in usum igni*. Fecellit Edit. Edinb. in qua litera *s* a reliquis pallum est disjuncta.

<sup>2</sup> *Vectigalia solvant.*] MS. *vedigal ei solvant*.

<sup>3</sup> *Ad agri sui dominum.*] Editis omnibus deest præpositio [*ad*,] quam ad sensum explendum omnino necessariam MS. nobis suppeditavit.

<sup>4</sup> *Hoc genus frugum copiose.*] MS. *Hoc genus frugum unicuique copiose*.

<sup>5</sup> *Deef*.



nartum avium sole duratarum, quantum ex annuo proventu superat. Ac si quando multitudo capitum abundat, supernumerarios quoque domino annumerant. Atque ita soli, ut opinor, in universo orbe sunt, quibus nihil unquam deest, omnia ad satietatem redundant: juxta luxus & avaritiæ ignari: quique innocentiam, & animi tranquillitatem, quam alii magnis laboribus ex institutis & præceptis sapientiæ petunt, ex ignoratione vitiorum comparatam habent: nec aliud quicquam, præterquam quod suæ conditionis commoditatem non intelligant, ad summam felicitatem<sup>1</sup> deesse videatur. Est in hac insula sacellum, D. Ronano sacrum. In eo (ut majores natu ferunt) ligo perpetuo relinquitur, quo, cum quis moritur, sepulchri locum inveniunt designatum. In hac insula, præter aliam piscationem, plurimæ balænae capiuntur. Ab hac millia passuum sedecim, occidentem versus, jacet insula Suilskeraia, mille passus longa: sed quæ nullam herbam, ac ne ericam quidem, gignat. Rupes tantum nigras attollit, quarum quædam musco nigro teguntur. Volucres marinæ passim ibi ova ponunt & excludunt. Ad eas, nondum ad avolandum maturas, proximi e Leogo insula adnavigant, ac plus minus octo dies eis legendis tribuunt, donec earum carne vento durata plumisque naviculas onerent. In hac insula rarum & aliis regionibus ignotum genus avis conspicitur, Colcam vocant, magnitudine paullo infra anserem. Ea vere singulis annis eo adventat, pullosque exclusos cœque educat, dum ipsi sibi prospicere possint. Ad id fere tempus plumæ sponte defluentes e toto corpore nudam destituunt: ac tum demum ad mare se recipit, nec ante proximum ver usquam conspicitur. Illud quoque eis est singulare, quod earum pennæ caulem non habent; sed levi, & cui nihil prorsus duri adest, pluma totum corpus velut lanugine vestiunt.

XLV. Sequuntur Orcades, in mari partim Deuceledonio, partim Germanico, ad septentrionalem Scotiæ partem sparsæ. Harum de nomine inter scriptores veteres & recentiores satis convenit. Rationem autem nominis nemo (quod adhuc sciam) explicavit. Sed neque, qui eas primi tenuerint, satis constat. Omnes Germanicæ originis eos fuisse tradunt. At e qua natione Germanorum advenerint, id non proditur. Si e sermone conjecturam faciemus, & olim, & nunc quoque, vetere Gothica lingua utuntur. Sunt qui Pictos eos fuisse arbitrentur, hoc maxime argumento, quod fretum eos a Cathanesia dividens Picticum cognominatur; Pictosque ipsos generis Saxonici fuisse existimarint, Claudiani carmine maxime freti e septima Panegyrica, in IV. Consul. Honor. 31.

——— *Maduerunt Saxone fuso*  
*Orcades: incaluit Pictorum sanguine Thule.*  
*Scotorum cumulos flevit glacialis Ierne.*

Sed

<sup>1</sup> *Deesse videtur.*] An forte legendum *videtur*.

Sed eorum refutari facile error potest : partim ex Beda Anglo-Saxone, qui, cum quinque diversis linguis a Britannis Dei laudes cani asseveret, unam ex eo numero Picticam esse ait : quod si tum Saxonice Picti locuti fuissent, eam a Saxonica, (qua tum Angli incorrupta utebantur) non separasset : partim quod in illis versibus Claudianus diserte Pictos a Saxonibus alios esse ostendat, cum alteris Orcadas, alteris Thulen, patriam esse affirmet. Sed undecunque sunt oriundi, nostra adhuc ætate lingua a Scotis & Anglis diversa utuntur, & quæ a Gothica non multum discrepet.

XLVI. In convivio quotidiano, multum e vetusta parsimonia adhuc vulgus retinet. Itaque perpetua corporis & animi sanitate fere omnes fruuntur. Rari morbis, plerique omnes senio solvuntur : plusque apud eos deliciarum ignorantia, quam apud alios medicorum ars & diligentia, ad salutem tuendam prodest. Eadem parsimonia, & ad formæ elegantiam, & ad staturæ proceritatem, plurimum facit. Frugum proventus eis exiguus est, præterquam avenæ & hordei, ex quibus eis & panis & vinum suppetit. Ex gregalibus animantibus, oves, boves & capræ, non infrequentes ; unde multus eis lactis, casei & butyri est usus. Aves marinæ innumeræ : ex his fere & piscibus victus eorum magna ex parte constat. Nullum ibi venenatum animal, ac ne deformis quidem aspectu, apparet. Sunt eis equulei, speciei quidem contemtibiles, sed ad omnes usus, supra quam credi potest, strenui. Nulla usquam arbor, ac ne frutex quidem, præter ericam, nec id tam cœli, aut soli vitio, quam incolentium ignavia ; quod facile ostenditur ex arborum radicibus, quæ pluribus in locis eruuntur. Quoties exotica vina navibus invehuntur, avidè se ingurgitant. Scyphum habent antiquum, quem (ut major crapulæ sit auctoritas) Divi Magni, qui primus ad eos Christi doctrinam attulit, fuisse prædicant. Is cum ita superet communium poculorum amplitudinem, ut e Lapitharum convivio reservatus videri possit, eo suos Episcopos, initio ad se adventantes, explorant : qui plenum uno haustu ebiberit, (quod admodum raro evenit) miris cum laudibus prosequuntur, atque hinc velut læto augurio sequentium annorum proventum animis præcipiunt. Unde facilis conjectura est, illam quam dixi parsimoniam, non tam a ratione & studio, quam penuria, ortam esse : eademque, quæ eam initio pepererat, diu apud posteros conservavit, necessitas : donec, vicinis nationibus invalescente luxuria corruptis, paullatim disciplina vetere labefactata, blandientibus quoque deliciis ipsi sese dedidere. Multum etiam præcipitantem temperantiam impulere piratarum commercia : qui regiones continentis habitatoribus frequentes adire non ausi, ex insulis aquantur ; & vina mercesque alias aut comæatibus mutant, aut vili pretio distrahunt : & Insulani, & pauci numero, & inermes, & in mari procelloso ita sparsi, ut mutuis auxiliis se tueri non possint, infirmitatis suæ conscii, non omnino inviti securitatem cum lucro conjunctam, adblandiente etiam voluptate, vel receperunt, vel non rejecerunt. Sed hæc morum labes in potentiores fere & sacerdotes incubuit. Apud vulgus multa pristinae moderationis adhuc vestigia restant.

XLVII. Mare illis non solum ventorum violentia & siderum positu sævum & tempestuosum est, sed æstibus contrariis ex Oceano occidentali incitatis, & inter angustias terrarum confligentibus, nulla vi remorum aut velorum, <sup>1</sup>freti, ex adverso recurrentis & in se contorti, vortices superari possunt. Si qui propius accedere audent, aut impetu violento rursus in mare rapiuntur, aut fluctuantis æquoris rapiditate abrepti, in rupes & scopulos compelluntur, aut in se convolutis aquarum cumulis absorbentur. Duæ sunt tempestates, quibus hæ angustiae sunt superabiles: aut cum æstuum relapsu, cessante undarum conflictu, mare tranquillatur: aut ubi pleno alveo æquor ad summum incrementi pervenit, languescente utrinque vi illa, quæ undas concitabat, velut receptui canente Oceano procellis, & vorticosis pelagi commoti molibus se velut in sua castra recipientibus. De numero quoque Orcadum inter scriptores non convenit. Plinio sunt insulae quadraginta, cæteris fere triginta. Proxime ad verum accessit Paullus Orosius, qui triginta tres prodit, e quibus tredecim habitentur, cæteræ desertæ, & pecori pascendo relictæ. Sunt enim pæneque humiles, & ita spatiis angustis, ut vix colonum unum aut alterum, si colerentur, alerent. Aliæ nudis scopulis aut opertis musco squalentes.

XLVIII. Orcadum maxima multis veterum Pomona vocatur. Hodie Continentem appellant, quod longe alias magnitudine præcedat. Patet enim in longum triginta millia passuum. Hæc satis frequenter habitatur. Habet enim duodecim, sive curias, seu parochias rusticas: præterea oppidum unum, quod Dani, quorum inditione Orcades diu fuerunt, Cracoviacam appellabant: nunc nomine corrupto Kircua Scotis dicitur. In hoc duæ sunt velut modicæ arces propinquæ, altera Regis, altera Episcopi. Inter eas situm est templum, ut in locis illis satis magnificum. Inter templum & arces utrinque sunt non infrequentia ædificia, quas duas urbes incolæ appellant: alteram Regiam, alteram Episcopalem. Tota insula excurrit in promontoria: inter quæ sinus maris infusi, stationes navibus tutas, & interim portus faciunt. Sex diversis in locis hujus insulae metalla sunt plumbi albi & nigri, tam probi, quam usquam in Britannia reperiatur. Hæc insula a Cathanesia circiter viginti quatuor millia abest, interjecto freto Pictico, de cujus natura jam diximus. In eo freto sparguntur insulae complures, e quibus Stroma quatuor a Cathanesia millia abest, non infœcunda pro magnitudine. Sed hanc, ob propinquitatem <sup>2</sup>terræ Britanniae, & quod Cathanesiae Comites eam semper tenuerint, inter Orcadas non numerant.

XLIX. Ab hac ad septentriones naviganti primâ Orcadum occurrit Ranalsæ australis, quæ a sinu Duncani, aut verius Donachi, abest sedecim millia: quod spatium duabus horis, æstu secundo, etiam cessantibus ventis, naviculæ

<sup>1</sup> Freti, ex adverso recurrentis.] Ita monente Crafordio emendavimus, reclamantibus licet omnibus libris in quibus recurrentes legitur.

<sup>2</sup> Terra Britannia.} Non Britannica,

ita enim Cæsar Bell. Gall. I. 30. Ex usu terra Gallia. Liv. XXV. 7. Donec hostis in terra Italia esset. Vide Vossium de Arte Gram. lib. VII. cap. 2.

læ conficiunt : tanta hujus freti est violentia. Hæc quinque millia passuum longa est, habetque portum satis commodum, a D. Margarita cognominatum. Ab ea paululum in orientem projectæ sunt insulæ duæ exiguæ & incultæ, pecori pascendo relictæ. Holmas illi gentili vocabulo eas appellant, hoc est, planities herbidas, aquis assitas. Ad septentrionem est Burra insula, & duæ inter eam & Pomonam Holmæ. A Burra occidentem versus ordine tres insulæ jacent, Suna, Flata, & Fara: & ultra eas Hoia & Valis, quas alii duas, alii unam insulam vocant: quod circa æquinoctia, (quo tempore maria violentissime incitantur ac fervent,) æstu recedente, nudantibus se arenis, angustis faucibus cohærent, unamque insulam faciunt: redeunte æstu, rursus interjecto mari, duarum insularum speciem præbent. In hac insula omnium, quas Orcades habent, altissimi sunt montes. Hoia & Valis decem millia in longum porriguntur: ab Ranalfa absunt octo, a Fano Donati in Cathanesia supra viginti millia passuum. A septentrione est insula, Granisa, in freto admodum angusto sita: abest enim Hoia a proximo Continentis, id est, Pomonæ, promontorio, duo modo millia. Hæ fere inter Pomonam & Cathanesiam sunt insulæ, in ipso freto sitæ. Latus Continentis occidentale mare apertum spectat, nullis in eo nec insulis nec scopulis apparentibus. \* Ab orientali ejus promontorio paululum procurrit Cobesa: a Borea eam velut tegit littori propior Siapinsa, paululum se in orientem inflectens, ex adverso Cracoviacæ duo millia sita, † ipsa sex millia longa. ‡ A septentrionali parte Pomonæ jacet Rusa, sex mil-

1 Granisa.] An potius Gramisa, vel Gramsa, vulgo enim Gramsoy appellatur.

2 Ab orientali ejus promontorio paululum procurrit Cobesa: a Borea eam velut tegit littori propior Siapinsa, &c.] Ita dispungendam esse hanc sententiam & verus harum insularum situs, & orationis recta Syntaxis omnino postulant. In editis autem omnibus ita se habet. Ab orientali ejus promontorio paululum procurrit. Cobesa a Borea eam velut tegit. Littori propior Siapinsa paululum se in Orientem inflectens, &c. Quæ verborum interpunctio non Anglico modo interpreti fucum fecit, sed ipsi etiam Crafordio, qui hic interrogat, An Paululum nomen insule, an mendum subest?

3 Ipsa sex millia longa. A septentrionali parte Pomonæ.] Plurimum hic ab omnibus impressis discrepat liber MS. qui reliquas Orcadum insulas multo fufius, ac alio prorsus modo persequitur: in eo enim post hæc verba, ipsa sex millia lon-

ga, ita pergit Buchananus. Mox ad occidentem duæ insulæ parvæ, Gersa, Vera: & Eglisa quatuor millia longa, in qua sepultus esse dicitur D. Magnus. Post hanc Continenti propior Rusa, longa quatuor millia, & lata alicubi tria, frequens cultoribus. Ultra eam ad Occidentem parva insula est Broca. Supra has ad septentriones jacet aliæ insularum tractus, e quibus proxime Orientem posita est Stronza, & juxta eam Linga, in longum quinque, in latum duo M. P. protenta, compluresque Holmæ. Esba se porrigit in longum quinque, in latum duo millia passuum, cui ad orientem adjacet Fara. Ultra eam inter Septentrionem excurrit Vestra, in multa parva se spargens promontorio. Supra Stronzam ad Orientalem Esba plagam se exporrigit in Septentrionem Sanda, decem in longum millia, quatuor lata, ubi latissima. Ea supra reliquas fragum est fertilis, sed ignis materia omni destituitur. Itaque nigra terra, cujus glebis ad ignem prope omnes nationes septentrionales utuntur, committatur

millia longa. Ab ea propius orientem sita est Eglifa, ubi Divum Magnum fama est esse sepultum. Hinc ad meridiem adjacent Vera, Gerfa: nec longe illinc Vestra, a qua Hethlandia abest millia passuum LXXX. Papa, Stronza distat ab Hethlandia LXXX. millia passuum. In hoc medio fere cursu jacet Para, hoc est, bella insula, utrisque & Orcadibus & Hethlandiæ conspicua. Assurgit enim in tria altissima promontoria, rupibus excelsis præcincta, & undique inaccessa, nisi quod ad orientem æstivum paullum sese demittens, stationem tutam naviculis præbet. Incolas habet longe pauperrimos. Piscatores enim, qui ex Anglia, Hollandia, cæterisque propinquis Oceano<sup>2</sup> regionibus, piscatum in illa maria singulis annis præternavigant, omnia pro arbitrio rapiunt & ferunt.

L. Proxima post illam est insula Hethlandicarum maxima, quam ob eam causam incolæ Continentem appellant, sexaginta millia passuum longa; lata alicubi sedecim, in plurima parva se promontoria spargens. Duo tantum sunt, quæ nominare non pigcat: alterum longum, sed angustum, in septentriones excurrit; alterum latius in orientem hibernum. Maritima fere habitantur. Interiora nullum animal præter volucres adit. Superioribus annis, incolæ latius, quam majores eorum solebant, excolere tentarunt: sed nullo prope successu. Divitiæ eis sunt a mari, ab omni parte summa piscandi commoditate objecta. Ab ea ad decem millia septentrionem versus est Zeal sita, supra viginti millia lon-

*permutatione a vicinis Etbanis mercantur. Ultra Sandam est quam Septentrionalem Ranalsam dicunt, lata ac longa duo millia. Ea non aditur nisi adulta æstate, idque tranquillo mari. Deinde, post quatuor aut quinque linearum capacem lacunam, sequitur, Papa Stronza distat ab Hethlandia 80. millia passuum, &c.* Quæ autem rationes Buchananum impulerint ut prolixiorē hanc reliquarum Orcadum expositionem, præsertim multas hic memoratas insulas, tacitus præterierit, non ita facile est statuere. Interim credere fas est id præcipue ab eo factum, quod earum hic traditam descriptionem neutiquam (quod res est) accuratam existimaret.

4 *A septentrionali parte.* ] Omnes libri habent *occidentali*: Crafordius legendum vult *orientali*: male utrique, Rusa enim septentrionali Pomonæ lateri est obversa.

1 *Papa, Stronza.* ] Perplexa hæc sententia: Crafordius legendum vult *Papa-Stronza* unico vocabulo; in errore autem versatur vir doctus, nullam enim Orcadum ita appellatam ab earum incolis ac-

cepi. Stronza autem ab oriente Sandæ adjacet, Papa inter Vestram & Ranalsam Septentrionalem fere media occurrit: Mendum tamen hic subesse non est dubium: tum quod nihil hic reperiatur, cui vox *Papa* respondeat, prorsusque absurdum sit, ut tres insulæ, recto fere tramite Hethlandiæ respectu jacentes, pari milliarum intervallo ab ea distarent: neque si id maxime verum esset, Buchanani genio dignum videtur, ut 80. millia passuum & Hethlandiam adeo frigide iteraret. Mihi igitur verisimilius videtur, sententiam unam aut alteram, sive Typographi, sive exscriptoris vitio, hic intercidiisse, qua scil. insularum Etbæ, Papæ, Ranalsæ Septentrionalis, præcipue vero Sandæ omnium fere post Pomonam maximæ, brevem licet, aliquam tamen descriptionem exhibuerat.

2 *Regionibus, piscatum.* ] Libri omnes absurde hic inferciunt vocem *quæ*, legentes, *regionibus, quæ piscatum*: non enim *regiones præternavigant*, sed piscatores eas incolentes.

1 *Omni-*



longa, octo lata: adeo fera, ut nullum animal nisi illic natum ferat. In hac habitare dicitur Bremensis mercator, qui omnes merces exoticas, quarum illic usus, abunde omnibus suppeditet. Inter hanc & Continentem jacent insulæ minores, Linga, Orna, Bigga, Sanctferri. Ultra hanc circiter novem millia ad septentrionem jacet Vusta, supra viginti millia in longum porrecta, in latum sex: plana, & alioqui non inamœna aspectu, nisi quod longe sævissimo mari ambiatur. Inter hanc & Zeal sunt interjectæ Via, Ura, Linga. Extra eam occidentem respiciunt Skeniæ duæ, Burra: ad orientem Balta, Honnega, Fotlara, septem millia longa, ab Vusta septem distans, octo a Zeale, & objecta freto quod Vustam a Zeale dividit. Multæ deinceps insulæ ignobiles prætenduntur orientali Continentis lateri, Mecla, Skeniæ orientales tres, Chualfa, Nostunda, Brasa & Musa. Latus occidentale cingunt Skeniæ occidentales, Rottia, Papa parva, Vonneda, Papa major, Valla, Trondra, Burra, Haura major, Haura minor; & inter eas totidem fere Holmæ interspersæ.

LI. Victus ratio Hethlandicis eadem quæ Orcadensibus: nisi quod juxta copias domesticas paullo asperior. Vestiuntur Germanico ritu, sed juxta facultates non indecore. Proventus illis est ex panno sui generis crasso, quem Norvegis vendunt, ex oleo e piscium intestinis confecto, e butyro, e piscatu. Piscantur naviculis duorum scalmorum, quas factas e Norvegis coëmunt. Quos ceperint pisces, partim sale condiunt, partim vento siccant. Ex iis fere rebus divenditis pecuniam conficiunt, unde vectigalia solvunt; domos, in quibus habitent, supellectilem universam, ac magnam victus partem, parant. In domestico instrumento, qui elegantia student, non nihil argenti habent. Mensuris, numeris, ac pondere, ad morem Germanicum utuntur. Germanicus etiam, aut pene vetus Gothicus, est illis sermo. Ebrietatem ignorant, nisi quod singulis mensibus se mutuo invitant; eosque dies hilare & simpliciter, sine rixis & cæteris, quæ fert ebrietas, vitiis, transigunt: eamque consuetudinem ad mutuam amicitiam retinendam facere sibi persuadent. Salubritatis firmitudo in Laurentio quodam nostra ætate apparuit, qui post centesimum annum

1 *Omnibus suppeditet.*] Ita MS. in omnibus tamen editis legitur, *quarum illic usus abunde omnibus suppeditet, apportet*. Quamvis autem non me lateat vocem *suppeditet* nonnunquam absolute accipi, idemque quod *suppetat* significare, adeoque aliquem hoc pacto sententiæ sensum affigi posse: mihi tamen vix dubium est, quin vox *apportet* glossæ hic sit, ab inscio exscriptore textui insertum.

2 *Nostunda.*] In MS. Edinb. & Genev. *Nostunda* perperam legitur, alii omnes *Nostunda* habent.

3 *Intersperse.*] Ita omnino legendum, non *intersparse*, ut in omnibus aliis libris.

4 *Naviculis duorum scalmorum.*] Cic. de Orat. lib. 1. cap. 38. *Citius bercla is qui duorum scalmorum naviculam portu evertit, in Euxino ponto Argonautarum navem gubernavit.*

5 *Quas factas.*] Libri omnes quos *factos*, quasi vero non naviculas, sed scalmos e Norvegis coëmunt.

6 *E Norvegis.*] Forte a *Norvegis*, vel e *Norvegia*.

num uxorem duxit: centesimum quadagesimum annum agens, sævissimo mari in sua navicula piscatum prodibat: ac nuper, nulla vi gravioris morbi labe factatus, sed senio solutus, decessit.

## LIBER SECUNDUS.

I. **R**epetenti mihi rerum Britannicarum memoriam supra duo millia annorum, cum multa se impedimenta objiciunt, tum illud in primis, quod in eis regionibus, unde nostræ originis eruenda est cognitio, diu literæ nullæ fuerunt: & cum sero tandem advenissent, in ipso prope ortu interierunt. Omnes enim nationes, quæ in Britannia sedes ad hunc usque diem collocarunt, jure mihi videor affirmare posse, e Galliis, Hispaniis, & Germania, in hanc insulam commigrasse. Galli primum characteres literarum a Massiliensibus Græcis acceperunt, quibus uterentur ad rationes conficiendas, & literas inter se missitandas, Græcis quidem figuris elementorum, sed sermone Gallico. Leges autem, & sacrorum ritus, ne Julii quidem Cæsaris ætate literis committebant; res vero gestas multo minus, quas tamen verisimile est fuisse multo maximas. Quæ in Italia, Germania, Thracia, Macedonia, Græcia, & Asia, vel fecerunt, vel passi sunt, in eadem fuissent apud posteros oblivione, nisi exteri scriptores ea memoriæ prodidissent. In Hispania vero, Græcis, & ante eos Phœnicibus, qui interni maris occupaverant littora, & unis e Barbaris (ut Strabo scribit) Turdetanis, fuit quidem literarum usus: sed veteris memoriæ scriptor, quod adhuc sciam, exstitit nemo. Varro enim & Plinius, & si qui alii Latinorum de primis Hispaniarum cultoribus obiter aliquid attigerunt, conjecturis magis, quam scriptorum testimoniis, in hac parte fidem suarum opinionum confirmant. In ea parte Britanniae, quam Cæsar attigit, nulla prorsus vetustarum rerum erat memoria. Apud interiores vero, qui longe incultius agebant, longe minus: adeo ut, cum illos de gentis origine, & veterim insulæ cultoribus, rogaret, nihil certi se comperisse scribat. Post Cæsarem Cornelius Tacitus, non minore fide quam diligentia scriptor, jam perlustrata Romanis classibus Britannia, intimisque latebris ejus excussis, ne ipse quidem quicquam certi, quod posteritati proderet, invenit. Gildas quoque, qui su-  
pra

<sup>1</sup> *Græcis quidem figuris elementorum, sed sermone Gallico.*] Ita Buchananus multique alii viri docti Cæsaris verba interpretantur Bell. Gall. lib. 1. cap. 29. *In castris Helvetiorum tabula reperta sunt, literis Græcis confecta, & ad Cæsarem perlatæ.* Eruditissimus autem Sam. Bochartus,

*Judic. de Ant. Gosselini veterum Gallorum Historia* pag. 1190. contra nititur, gravibusque argumentis contendit non Græcos tantummodo characteres, sed sermonem ipsummet Græcum hic a Cæsare significari.

I De-

pra quadringentos annos post Tacitum vixit, se non e monumentis, quæ nulla erant, sed ex transmarina relatione, quæ scribit, tradere affirmat. Germania vero postrema omnium literis fuit expolita. Sed illa, pro reliqua sua ingenuitate, cum nihil haberet, quod ex antiquis monumentis pro vero afferret, nihil monstri novi ipsa sibi confinxit. Igitur, qui de veteribus annalibus Britannorum originem afferre se asseverant, reddenda, opinor, illis erit ratio, quis primus ista tradiderit, ubi tamdiu latuerint, quomodo ad nos tot post seculis incorrupta pervenerint.

II. Quod autem ad *Bardos* & *Seneciones*, veteris memoriæ custodes, quidam confugiunt, prorsus perridicule faciunt. Id autem multo magis intelligitur, si explicavero, quæle fuerit id genus hominum, cui de tantis rebus, tam obscuris, & a memoria nostra tam procul remotis, fidem haberi volunt. Primum, *Bardi* qui fuerint olim, & nunc sint, luculenter a Strabone & Ammiano exprimitur: sed breviter, & dilucide, quod ad præsens institutum sit satis, a Lucano his versibus, lib. 1. 447.

*Vos quoque, qui fortes animas, belloque peremptas,  
Laudibus in longum vates demittitis ævum,  
Plurima securi fudistis carmina Bardis.*

Sed horum antiquissimi literarum prorsus erant ignari, & qui nulla de rebus vetustis reliquerunt monumenta. Alterum genus est *Senecionum*, ut ipsi vocant, e quibus veterum familiarum principes, & præterea plerique opibus præstantes, aliquem alunt, qui patroni sui majores, a primis usque rerum initiis, recitet memoriter. Sed & hi cum literas prorsus ignorent, expendat apud se quisque, quantum eis fidei sit habendum hominibus, quorum omnes res & spes ex adulatione pendeat. Deinde, ut maxime vera sint, quæ afferunt, non magnopere scriptorem historiæ juvare possunt. Postremo, etiam illud cogitemus, quoties in manifesto errore deprehendantur scriptores rerum gestarum; quoties nutent, dubitent, æstuent; quantum non modo alii ab aliis dissentiant, sed & ipsi sibi sæpe non consent. Hæc si contingunt iis, qui magno labore in studium veritatis incumbunt, quid ab illis sperandum est, qui, sine literarum auxilio, (quo qui temere labuntur possint erigi, & de industria mentientes redargui,) soli confidunt memoriæ? Ut mittam, quod ea incultu soleat imminui, & ætate debilitari, & morbo penitus exstingui. Ad hæc si accedat (ut fit plerumque) patronis adulandi studium, aut discedat obse-

1 *Demittitis ævum.*] Ita omnes quæ quidem melioris sunt notæ Lucani Editiones, non *diffunditis*, quod omnia Buchananani exemplaria præferunt.

2 *Recites memoriter.*] MS. Edinb. Genev. Francof *recitent*, male. [*Recitare* est ex scripto legere, ut notum viris doctis:

ita *recitare senatum*, *litteras in senatu* & similia. absurdum ergo est, *recitare memoriter*. hoc reddere dicit Horat. IV. od. 6. & II. & I. Ep. XVIII. 13. & Arr. Poet. 158. & alii: quæ enim ediscendo accepit aliquis, reddit postea voce sine scripto.]

sequendi voluntas, aut interveniat ira, odium, invidia, quæ animi iudicium solent pervertere; quis audeat, ex horum auctoritate, quicquam pro vero affirmare, aut ceu falsum refellere? aut quis pro certo tradet, quod a tam incertis auctoribus acceperit? In tanto igitur scriptorum veterum silentio rerum antiquarum, & suæ plerumque ætatis ignorantia, ubi nihil comperti, nihil sinceri, esse potest, modestius esse reor, quæ nescias silendo, pudori servire, quam, falsa comminiscendo, tuam impudentiam prodere, & aliorum iudicia contemnere. Apud omnes igitur Britannorum nationes tanta fuit scriptorum penuria, ut, ante Romanorum illuc adventum, omnia silentii vastis tenebris consēpulta jacuerint; ac ne res quidem a Romanis ibi gestas aliunde quam e Græcis Latinisque monumentis colligere possimus; & quæ adventum eorum præcesserunt, de his, magis eorum conjecturis, quam nostris sit credendum commentis. Nam, quæ nostri scriptores de suæ quisque gentis origine prodiderunt, adeo sunt absurda, ut non existimarem refellenda esse diligentius, nisi essent, qui illis commentis velut seriis oblectarentur, & alienis plumis ornatu sibi magnifice placerent.

III. Nec minimam in hoc negotio difficultatem affert recentiorum scriptorum, diversa tradentium, tanta inter se discordia, ut non facile sit iudicare, quem potissimum sequamur; tanta vero absurditas, ut omnes propemodum jure optimo videantur repudiandi. Neque ego tam demiror veterum in re tam obscura silentium, aut recentiorum in fingendo discordiam, quam paucorum concordem impudentiam. De illis enim temporibus, quibus omnia erant instabilia & incerta, tam constanter omnia affirmant, ut aurium potius vanam oblectationem, quam narrationis fidem, spectasse videantur. Primis enim illis temporibus, cum Britannis, perinde ac plurimis aliis nationibus, rarus foret agri colendi usus, divitiæque omnes in pecore essent: homines, nulla rerum suarum, quæ prope nullæ erant, caritate imbuti, dum vel a potentioribus pellerentur, vel infirmiores ipsi pellerent, vel uberiores in locis vastis & incultis pascua sequerentur, facile sedes mutabant, facile etiam cum novis dominis locorum nomina mutabantur. Multum etiam attulit difficultatis opulentiorum illa ambitio, qui, uti sui memoriam posteris commendarent, nationes, provincias & oppida in suum nomen adoptabant. Omnibus fere urbibus Hispaniæ bina erant nomina, omnium in eadem cultores, &, cum cultoribus, urbium & regionum nomina sæpe fuerunt mutata. Ut autem Ægyptum, Græciam, & longinquiora omittamus, nonne

*Sæpius & nomen posuit Saturnia tellus?*

Accedit quod eisdem gentibus, in eadem terra degentibus, non eadem semper nomina soleant esse. Nam quæ Romanis est Hispania, Græcis Iberia, poetis Hesperia, Divo Paulo in epistolis, Theodoretō & Sozomeno in historia, Spania vocatur. Græcorum, tam celebratum Latinis omnibusque Europæ gentibus, nomen, Græcis ipsis est obscurius. Hebræi & Arabes omnibus fere nationibus vetusta servant vocabula, ne fando quidem audita cæteris populis. Sco-

Scotus & Anglus vulgata gentium Britannicarum nomina sunt, quæ hodie quoque priscis Scotis & Britannis prope sunt ignota: alteros enim Albinos, alteros Saxones appellant. Quare nemini mirum videri debet, si, in tanta rerum humanarum inconstantia, de nominibus hominum locorumve non semper conveniat, inter scriptores, diversis temporibus natos, magni terrarum intervallis diffitos, lingua & moribus dissidentes. Hæc cum retro gentium repetentibus, origines magnas pariant difficultates, recentiorum quidam, prava ambitione impulsæ, densissimis omnia tenebris involverunt. Nam, dum suæ quisque gentis originem e longinquo petunt, & se fabulosis commentis frustra nobilitare nituntur, nimia fingendi licentia hoc tantum proficiunt, ut, quas illustrare res debuerant, eas obscurent: & si quando vera dixerint, toties tamque inepte mentiendo, ipsi sibi fidem derogent: ac tantum abest, ut quam sperarant assequantur gratiam, ut mendaciis in lucem proditis, ab eis ipsis, quorum assensionem captabant, rideantur.

IV. Primum omnium, ut ab antiquissima gente, ita ab impudentissimo exordiar mendacio. Qui veterum Britannorum novam commenti sunt historiam, interpolata Danaïdum fabula, Regem quendam Syriæ *Diocletianum* fingunt, ex uxore *Labana*, triginta tres genuisse filias, quæ, in ipsis nuptiis occisis maritis, a patre in navem sine gubernatore & remigibus impositæ, in Britanniam, tum desertam, pervenerunt: solæque, in regione frigida, fructuumque sponte nascentium parum fœcunda, non modo vivere, sed e malorum Dæmonum compressu Gigantes genuere, quorum genus usque ad *Bruti* adventum perseveravit. Insulam ajunt ab *Albine Albionem* fuisse appellatam. Is autem *Brutus* dicitur fuisse *Æneæ* Trojani pronepos, *Æneæ* Silvii filius. Ab hoc *Brutus* cum temere misso telo pater fuisset occisus, factum quidem cunctis infelix ac miserabile est visum: sed quia lædendi voluntas aberat, mortis pœnam remissam, exilium vel indictum, vel sponte susceptum, affirmant. Interemtorem igitur, consulto *Dianæ* oraculo, varia fortuna usum, per tot maria atque terras, decimo tandem anno in Britanniam appulisse, cum magno comitum numero; multisque congressibus Gigantum immanitate sublata, totius insulæ imperium tenuisse. Ei vero tres fuisse filios, *Locrinum*, *Albanactum* & *Cambrum*: iis insulam divisam. Ab *Albanacto* *Albanis*, qui *Scoti* postea fuerunt, ab *Cambro* *Cambris*, qui nunc sunt *Valli*, imperatum. Eos suorum quemque regnorum imperium ita tenuisse, ut summa rerum penes *Locrinum* esset, qui reliquis Britannis præfectus, *Loegriam* suæ parti nomen dedit. Adjiciunt posteriores, ut & ipsi fabulosum illud imperium pro virili propagarent, *Locrino* successisse *Vendolinam* filiam, *Vendolinæ* *Madanum*, *Madano* *Menprium*, ei deinde *Ebrancum*, qui e viginti uxoribus totidem genuerit filios. Ex his undeviginti in Germaniam migrasse; eamque regionem, adjutos *Albæ Silvii* propinqui sui copiis, armis sibi parasse: ab eis fratribus *Germaniæ* nomen fuisse impositum.

V. Hæc sunt fere quæ Brittones, & post eos quidam Anglorum, de primis Britannicæ cultoribus tradunt. Eorum autem nobis hic subit mirari con-



filium: quod, cum facile possent, ac sine invidia, imitari Athenienses & Arcadas, alasque gentes in primis illustres, seseque dicere indigenas; neque decori sibi existimare eam originem, quam prope nobilissima & prudentissima totius orbis civitas gloriæ ducebat, præsertim cum ea opinio non posset & scriptoribus antiquis refelli, atque etiam non ignobiles haberet assertores, maluerunt tamen ex omnium gentium colluvie sibi majores assignere, quos & ipsa narrandi series vulgo etiam imperito posset facere suspectos, nec vetustiorum quisquam vel tenui suspitione confirmaret. Deinde, si id minus placuisset, cum eis fuisset liberum, ut quidam poetarum scribere, *honestos majores & quocunque volent sumere libro*, miror, quid eis in mentem venerit, ut eos potissimum eligerent, quorum omnem posteritatem semper puderet. Quanta enim illa est stultitia, nihil existimare magnificum vel illustre, quod a magno scelere vel flagitio est alienum? Nec desunt tamen, qui talibus nugis sese imperitis venditent. Ac Joanni Annio, homini non indocto, ignoscendum puto, cum sciamus poetis esse concessum, ut familiarum & nationum origines fabularum figmentis ornare conentur. Qui vero ex professo scripserunt historiam, nescio an æquum sit hanc veniam concedi.

VI. Ut igitur ab ultimis repetam, quid magis abhorret a fide, quam puellas paucas, abique virorum auxilio, e Syria usque, per tot maria, (quæ navigatio, classe firma, omnibus rebus ornata, in tanta navigandi scientia & usu, hodie rei navalis peritis esset formidabilis,) extra orbem terrarum delatas in desertam insulam? ibique nullis frugibus, nullis arborum fructibus, victitasse? foeminaeque Regii generis, sub frigido coelo, rerum omnium inopes, non modo durasse, sed Gigantes etiam genuisse? ac, ne parum digno potirentur matrimonio, a Cecadaemonibus compressas? *Diocletianus* autem iste, quo tempore, qua in parte Syriae, regnavit? quo pacto fiat, ut nulla de eo apud rerum scriptores sit mentio? præsertim, cum nullius gentis res gestæ diligentius, quam Syrorum, prodita sunt posteris? Unde accepit nomen *Diocletiani*? quod supra mille annos, post eum, inter Barbaros sit natum, & ab origine Græca ad formam Latini sermonis sit declinatum?

VII. Proxima deinde nobilitatis accessio *Brutus* parricida, ne videlicet in hac parte Romulo esset inferior. *Brutus* autem iste, quicumque fuit, quem & gentis & nominis auctorem *Brittones* edunt, quibus opibus, quo linguae commercio, illis præsertim temporibus, eo penetravit, quo Romana arma, florentissimo statu Reipublicæ reliquo fere terrarum orbe perdomito, vix tandem pervenire potuerunt? Nam & ante Romam conditam, quam res Italorum fuerint tenues, quam ipsi ab omni longinqua peregrinatione abhorrentes, supervacuum est disserere. Nec illud habeo necesse querere, terra an mari venerit, Alpihus ad eum usque diem uni Herculi perviis, & Gallis ob insitam feritatem adhuc ab exterorum commercio alienis. Oceanum vero navigibus ingredi, vix sero, & florentibus domi rebus, ausi sunt Carthaginienses, & Græci, qui Massiliam incolebant; ac ne tum quidem dominandi sed speculandi causa; nedum Albanos pastores, semiagreste genus hominum, tam audax facinus aggressuros fuisse credamus. Præter hæc, nemi-

mini, qui Latinas literas non ignorat, ignotum esse potest, *Bruti* nomen, anno post commentitium istum Brutum fere quingentesimo, sub Tarquinio demum Superbo celebrari esse cœptum, cum L. Junius, 'homo nobilis, [*qui*] contemptu sui Regiam effugere vellet crudelitatem, simulatione stultitiæ novum illud sibi cognomen peperisset, atque ad posteros transmississet.

VIII. Sed monachus ille, hujus Brutinæ fabulæ poëta & artifex, videre visus est commenti absurditatem: verum, objecta specie religionis, omnium ora se posse obstruere existimavit, ac Dianæ oraculo eos paruisse videri voluit. Non scrutabor hic diligentius, cur hoc Dianæ oraculum posteris tam ignotum fuerit, \*cum Fauni, Sibyllæ oracula, ac Prænestinæ etiam sortes, in tanta celebritate tum essent. Illud tantum quæro, qua lingua Diana respondit? <sup>1</sup> Si Latine, dicant, illud rogabo, quæ *Brutus* intelligere potuit sermonem nongentos circiter annos post se natum? Nam, cum Horatius, homo doctissimus, carmen Saliare, Numa Pompilio regnante compositum, fateatur ingenue se non intelligere, quomodo *Brutus* ille, tot annos ante Salios institutos mortuus, potuit intelligere carmina, diu post Horatium, ut orationis tenor indicat, facta? Item, quomodo *Bruti*, posteris sermonis Latini ita sunt penitus obliti, ut ne tenue quidem vestigium ejus apud eos remaneat? & unde eum, quo nunc utuntur, sunt nacti? Aut si Britannice & Dii & homines tum in Italia sunt locuti, certe non hoc, quo nunc Brittones utuntur, quippe qui ex vicinarum gentium linguis ita sit conferruminatus, ut multæ nationes in eo sua vocabula agnoscant. Sin veteres illos Latinos locutos affirmant Britannice, unde monachus ille tam veterem dictionem, bis mille annos ante datam, intellexit? Sed quid ista minutius persequimur? cum pluribus aliis argumentis appareat, eundem monachum, & historiam totam fabricasse, & *Brutum* istum, qui nunquam fuit, genuisse, & responsum Dianæ confinxisse. Quin carmen ipsum apponemus, ut male callidorum hominum se facilius prodat vanitas.

BRUTUS CONSULIT.

*Diva potens nemorum, terror silvestribus apris,  
Cui licet anfractus ire per æthereos,  
Infernasque domos: terrestria jura resolve,  
Et dic quas terras nos habitare velis.*

*Dic*

<sup>1</sup> *Homo nobilis qui.*] Vocem [*qui*] ad sensum omnino necessariam hic interferendam putavimus. Potius tamen, si liceret, legendum cuperemus, ut contemptu sui Regiam effugeret crudelitatem.

<sup>2</sup> *Cum Fauni, Sibyllæ oracula.*] Forte legendum *Fauni & Sibyllæ oracula*, nisi (quod magis credibile videtur) a Buchanan scriptum sit, *Fauni responsa, Sibyl-*

*læ oracula, ac Prænestina sortes*, quippe cujus animo forte observabatur illud Virgilii *Æn. VII. vers. 101.*

*Hæc responsa patris Fauni, monitusque silenti*

*Nocte datus, non ipse suo premit ore Latinus.*

<sup>3</sup> *Si Latine dicant.*] Forte *Latina legendum, cum præcesserit, Quæ lingua.*

H 2

1 Vo-

*Dic certam sedem, qua te <sup>1</sup> venerabor in ævum,  
Qua tibi virginis templa dicabo choris.*

Respondit autem Diana versibus ejusdem generis, ut & ab eodem poëta facti videantur, non illis quidem obliquis, ambiguis & flexiloquis, sed perspicuis, quibus, quod nunquam data erat, promittit, imperium videlicet orbis terrarum.

*Brute, sub occasum solis, trans Gallica regna,  
Insula in Oceano est undique clausa mari:  
Insula in Oceano est, habitata Gigantibus olim,  
Nunc deserta quidem, gentibus apta tuis.  
Hanc pete: namque tibi sedes erit illa perennis:  
Hæc fiet natis altera Troja tuis.  
Hic de prole tua Reges nascentur, & ipsis  
Totius terræ subditus orbis erit.*

Ex hoc, opinor, carmine, cum ipsorum historiis collato, reliquum commentum deprehendi potest: nec id obscure quidem. Nam, præter vanitatem utrinque promissorum, etiam insulam non tum habitari, sed habitatam aliquando fuisse, nunc vero desertam esse, carmen asseverat. Ubi ergo hominum illa portenta, *Gogmagog*, & *Tentagol*, aliaque vastiora nomina, ad terrorem, dicam, an ludibrium conficta? Ubi præclara illa certamina *Corinei*, aliorumque *Bruti* sociorum, adversus non terrigenas, sed Dæmonigenas Gigantes?

IX. Hæc de *Bruto*, eique data dictione. <sup>1</sup> Horum adeo mendaciorum neque pœnitet neque pudet posteros, ut, ante paucos annos, non ultimi nominis apud eos scriptor impudenter confinxerit, Trojanos Britannice locutos. Hujus sententiæ impudentem vanitatem facile refellunt *Homerus* & *Dionysius Halicarnassæus*; quorum ille omnibus Trojanis nomina dat Græca, alter longa & seria disputatione contendit, Trojanos ab ultimis usque primordiis genere Græcos fuisse. Illud vero prætereo, <sup>2</sup> [quod] cum in Angliam appulisset, cum non magno comitatu, quomodo intra vigintiannorum spatium tria regna condiderit; & qui universi in primo adventu vix uniusmodicæ colonicæ numerum explere poterant, tam brevi insulam, orbis maximam, non pagis modo & urbibus, sed tribus regnis amplissimis, occuparint: quique paullo post, abundante multitudine, nec Britannia (ut videtur) eam capiente, Germaniam, regionem tam late sulam, ceperint: incolasque victos, in suum, non Britan-

ni-

<sup>1</sup> *Venerabor in ævum.*] In omnibus libris [*Veneremur*] legitur, ex ipso autem Galfrido Monumetensi, fabulæ hujus aut architecto aut ribicine, reposuimus [*venerabor*], quod & [*dicabo*] sequenti versu postulare videtur. Neque dubitavimus ex eodem auctore alia quædam in Dia-

næ responso immutare.

<sup>2</sup> *Horum adeo mendaciorum.*] Hæc in MS. desiderantur usque ad, *Illud vera prætereo*, &c.

<sup>3</sup> *Quodcum.*] Illud [*Quod*] superfluum videtur.

*1 Ut*

nicum, sed Latinum nomen transire coëgerint; atque ab undeviginti illis fratribus, qui ne ipsiquidem Germani erant, (nam singulis fere singulæ matres erant,) Germaniam dici. Hoc nos commentum, tam ex omni parte absurdum, non adduximus in medium, ut confutarem, sed ut Germanis irridendum proponeremus.

X. Hæc in universum de commentis Brittonum dicta sint. Consilium autem fingentium non adeo mihi obscurum videtur. Illa enim de Dæmonum cum puellis concubitu monstrosa fabula illuc mihi pertinere videtur, ut *Brutum* suum cum duabus vicinarum gentium maximis vel cognatione jungeret, vel de nobilitate cum eis decertaret. Galli enim Cæsare, & Germani Tacito, auctoris, a Dite patre se oriundos ferebant. Similis quoque videtur fuisse causa fabulæ de *Bruto* fingendæ. Nam, cum in Epiro Buthrotii, in Sicilia aliquot populi, in Italia Romani, Campani, Sulmonenses, in Gallia Arverni, Ædui, Sequani, & posterius Franci, Trojanorum nescio quos conditores laudarent; Britannicarum rerum scriptores, ad suæ gentis nobilitatem exornandam, non parum sibi collaturi videbantur, si ex antiquitatis arcanis ejus peterent primordia; idque potissimum a Trojanis, vel ob urbis claritatem omnium gentium literis celebratam, vel ob cognationem cum tot nationibus, quæ ex eodem illo velut naufragio prodiisse dicerentur. Neque arrogans id mendacium visum iri existimabant, si illius cum tot gentibus communicatæ nobilitatis ipsi in parte aliqua hærent. Hinc opinor illud de *Bruto* commentum, aliaque antiquiora, non minus stulte recepta, quam impudenter ficta: quarum omnium rerum ut vanitas argueretur, satis fortasse fuisset admonere, vetustis scriptoribus ignota fuisse, literis florentibus in lucem prodire non ausa, & emorientibus demum nata, ab adulatoribus indoctis prodita, ab hominibus crassis, & nimium credulis, qui fingentium fraudem non intelligerent, recepta. Impositorum enim istorum, qui non ex historiæ veritate communem utilitatem, sed ex adulatione privatum aliquem fructum petunt, hujuscemodi est ingenium, ut, cum vehementissime videntur laudare, tum maxime irrideant. Quid enim aliud isti faciunt, qui, quorum ornare se simulant nobilitatem, eam, ut clarius splendescat, de totius naturæ colluvione petunt? & ca

1 *Ut Germanis irridendum proponeremus.*] Ita constanter libri omnes; ego vero aut animi fallor, aut a Buchananò scriptum est [*propinaremus*] ad exemplum Terentii. Eunuch. V. 10. 39.

*Hunc comedendum & deridendum vobis propino.*

[Ita vulgo utuntur hac Terentiana phrasi. sed saniori judicio Buchananus *proponere*mus: verbum enim *propinare* ridiculi gratia Terentius tribuit Gnathoni, qui cum ejus animus in parinis & poculis esset, *καὶ τὸ πρῶτον* spectatores, qui aliud verbum expectabant, aptum arti suæ

parasiticæ hoc subjecit vocibus, quibus proprie illud respondere non poterat. sed non ideo extra scenam aut jocum licere puto ex Comicis tales locutiones transferre in historicum stilum. videas tamen passim etiam viros doctissimos Plautinis etiam salibus, quos ille certis personis adtribuit, abuti in rebus gravibus. fruantur, per me licet, hac doctrinæ absurdæ affectatione, nobis modo sanior mens sit.]

2 *Argueretur.*] MS. *conargueretur.*

3 *Emorientibus.*] Ita MS. & Edinb. alii omnes perperam duabus vocibus *emorientibus*.

ea generis claritate, homines creduli, dicam, an stolidi, sibi placent, quam nulli finitimorum eis invident?

XI. Qui Scotorum res literis prodiderunt, honestiorem, ut ipsis visum, originem ediderunt: sed nihilo Brittonum nobilitate minus fabulosam. Non enim e Trojanorum profugis reliquiis, sed e Grajis illis heroibus, quorum posteri Trojam everterunt, majores nobis adoptarunt. Nam cum Græcorum, priscis illis temporibus, duo maxime genera celebrarentur, Doræ & Iones, ac Dorici generis principes essent Argivi, Ionici vero Athenienses; Scoti principem suæ gentis conditorem *Gathelum* quendam faciunt: quem Argi, an Cecropis, esse filium mallent, incertum reliquerunt. Ac, ne Romanorum in hac parte cederent claritati, validam ei latronum adjecerunt manum: cum qua profectus in Ægyptum præclaras res gessisse dicitur, copiisque Regis post Mosis discessum fuisse præfectus: deinde, cum uxore Scota, Regis Ægyptii filia, totum Europæ littus ad mare internum pertinens circumnavigasse. Ac, præteritis tot regionibus, illa ætate desertis, aut certe raris in locis & paucis habitatis, Græcia, Italia, Gallia, totoque Africæ littore, (ut omittam interim tot maris interni insulas) alii eum ad Iberi amnis ostium exponunt; eoque agro, quem tenere non poterat, relicto, in Gallæciam, regionem multo steriliorem, traducunt: alii Oceanum, primum, ut arbitror, mortalium, classe ingredi ausum, ad Durii fluminis ostium exponunt: eoque in loco celebre oppidum condidisse volunt, quod de nomine ejus *Portus Gatheli* nunc vocetur: unde universam regionem, quæ a Luso & Lusa Bacchi filiis diu Lusitania fuerat appellata, *Portugalliam* dici coepisse. Deinde, coactum illinc in Gallæciam penitus abire, Brigantiam ibi exstruxisse, quæ nunc Compostella vocetur: Bracaram item ab eo ad Mundæ amnis ostium conditam.

XII. Hæc de origine suæ gentis fabulose tradunt Scoti: in quibus fingendis, quam nostri parum circumspecti fuerint, vel hinc æstimare licet; quod Græco illi *Gathelo*, scriptoribus Græcis ignoto, ne Græcum quidem nomen dederint: quod urbi a se conditæ Latinum a portu nomen, potius quam Græcum, dederint, præsertim illa ætate, qua Græcorum paucissimis Latium ipsum fuit cognitum: quod dubitant, Arginean Cecropis fuerit filius, cum Cecropem Argus prope centum annis antecesserit: quod is, qui inter homines omnium ingeniosissimos tantum prudentia præstitisset, ut secundum a Rege locum teneret, ut Mosis profugo sufficeretur, ut peregrinus Regis honoraretur nuptiis; relicta regione totius orbis fertilissima, tot prætervectus dextra lævaque continentis utriusque terras, tot insulas, proventu frugum omnes, æris temperie pleraque, insignes, Cretam, Siciliam, Corsicam, Sardiniam, quæ illa ætate ab agresti hominum genere tenebantur verius quam colebantur, in Oceanum, etiam ipso

no-

1 Unde universam regionem.] Palam est Buchananum, aut ejus potius amanuensem hæc dormitasse, in omnibus enim libris [*universa regioni*] legitur, cum quibus quæ sequuntur quadrare nequeunt;

aut igitur scriptum oportuit, unde *universa regioni* ——— *Portugallia* nomen *inditum fuisse*, aut, uti nos leviori mutatione contenti, unde *universam regionem* ——— *Portugalliam* dici coepisse.

1 Pra-



nomine formidabilem, cruperit, præsertim cum homines adhuc non magnum rei nauticæ usum haberent; *Portugalliam*, seu *Portum Gatheli*, urbem condiderit ad Durium, cujus urbis nomen nusquam reperitur ante Saracenorum in Lusitania dominatum; Bracaram etiam ædificavit, ad Mundæ fluminis ostium, cum inter Bracaram & Mundam intersint multa passuum millia, interjectis etiam duobus claris annibus, Durio & Vacca, Bracaraque omnino maritima non sit. Subit & illud quærere, qui fiat, ut *Gathelus*, homo Græcus, & illustri loco natus, & rebus gestis clarus, cum e gente esset ambitiosissima, in sui nominis memoria prodenda posteris, magnoque comitatu in extremas orbis totius oras, & ut tum res erant, prope incultas & barbaras, vectus, oppida condiderit, nulli tamen eorum non modo suum, sed ne Græcum quidem nomen imposuerit. *Portugallie* enim nomen, aut (ut illi malunt) *Portus Gatheli*, tot vetustis scriptoribus, qui ex professo terrarum & locorum nomina sibi scribenda sumserunt, ignotum, ante quadringentos annos celebrari coeptum est. Neque minus de istius *Gatheli* adventu in Hispaniam suspecta est omnium Græcorum & Latinorum taciturnitas, præsertim cum Phœnicum, Persarum, Pœnorum, Iberorum, Gallorum, & comitum Herculis & Bacchi, qui in Hispaniam advenerint, frequens & illustris mentio sit apud veteres. Sed nostri fabulatores, opinor, monumenta veterum non legerunt: alioquienim, quando illis Græcia conditorem gentis, & suæ nobilitatis auctorem, educere visum erat, nunquam commisissent, ut hominem potius ignobilem sibi comminiscerentur, quam ad Herculem & Bacchum, omnium gentium monumentis celeberrimos, suum genus referrent.

XIII. Hæc fere de origine suæ gentis a nostris traduntur: quæ si cui pluribus, quam res poscat, prosecutus esse videar, is velim ex adverso consideret, quam pertinaciter quidam hæc, tanquam Palladium cælo demissum, propugnent. Id si fecerit, non dubito, quin adversariorum pervicacia sit eum nobis minus iniquum redditura. De reliquis gentibus, quæ in hanc insulam posterius venerunt, & domicilio locum ceperunt, *Pittis*, *Saxonibus*, *Danis*, *Normanis*, quoniam eorum historia nihil monstri continet, posterius commodiore loco dicemus. Hæc vero duæ nationes (quarum meminimus) e Galliis mihi videntur oriundæ. Id cur ita esse existimem, adjiciam, si pauca prius de antiquis Gallorum institutis dicam. Gallia omnis, quanquam est frugum ferax, tamen & est, & fuisse dicitur, hominum feracior: adeo ut, Strabone teste, Celtarum, quæ tertia pars est Galliæ, inventa sint trecenta millia, eorum duntaxat, qui arma ferre possent. Itaque, cum in agro, quamvis fertili, multitudine tamen laborarent sua, ad eam minuendam permissum fuisse creditur, ut puerorum amoribus indulgerent. Hac tamen ratione cum non satis provisum adversus inopiam agri videretur, prægravante adhuc turba liberorum caput; sæpe decreto publico, interdum privatis consiliis, ad exhauri-

1 Prægravante adhuc turba liberorum caputum ac necessitas dedit. Ex lib. XXVI. cap. 47. Liberorum caputum virilis sexus ad decem millia capta.

1 Gat-

riendam domi multitudinem, in omnes circumcirca regiones frequentes colonias emiserunt: in Hispaniam autem, ut inde incipiam, tam frequentes, ut Ephorus, teste Strabone, Gallie longitudinem ad Gades usque porrexerit. Et certe totum latus Hispaniæ, ad septentriones versus, populorum & gentium nominibus diu Gallicam testata est originem. Primi autem nobis occurrunt Celtiberi, apud Lucan. iv. 9.

*profugique a gente vetusta*

*Gallorum Celta miscentes nomen Iberis.*

Hi tam late suos fines propagaverunt, ut quamvis asperam regionem, nec aliqui frugiferam, incolerent, tamen M. Marcellus sexcenta talenta tributum nomine ab eis exegerit. Sunt etiam a Celtis, aut Celtiberis, oriundi Celtici ad Anam fluvium, Ptolemæo Bartici cognominati; & Celtici alteri, in Lusitania, Anæ propinqui: & si Pomponio Mela, homini Hispano, credimus, a Durii fluminis ostio, ad promontorium usque, quod sive Celticum sive Nerium vocant, Celtici colunt cognominibus distincti, nempe Grovii, Presamari, Tamarici, Nerii: ac cæteros quoque Gallæcos a Gallica origine non abhorre nomen gentis indicat. Ab altera parte, transierunt e Gallis in Italiam, Ligures, Libui, Salassi, Insubres, Cenomani, Boji, Senones, & (si nonnullis scriptoribus antiquis credimus) Veneti. Hæ gentes quam late dominatæ sint in Italia, cum nemini, paullum modo in historiarum lectione versato, sit ignotum, non habeo necesse explicare. Sed nec inquam diligentius, quantæ Gallorum manus, vel in Thracia confederint, vel ex egressæ, Macedonia Græciæque proculcata, in Bithyniam transierint, regnaque Gallogræcorum in Asia condiderint, quando ad nostrum institutum ea res non magnopere pertinet.

XIV. Ad Germaniam festinat oratio: ac de coloniis in ea Gallicis locupletissimos habeo auctores, C. Julium Cæsarem, & C. Cornelium Tacitum. Ille enim, in Commentariis belli Gallici, scribit, quodam tempore Gallos Germanis habitos fuisse fortiores: itaque Teutofages, fertilissimam Germaniæ partem circa Hercyniam silvam tenuisse: & Boëmi, ut alter affirmat, ipso nomine conditores suos Bojos indicant. Et propiora inter Menum & Rhenum amnes aliquando Helvetii tenuerunt: & Gallicæ originis etiam fuere Decumates trans Rhenum, & ad Danubium Gothini, quos Claudianus Gothunnos vocat, Arrianus, in vita Alexandri, Getinos, Flavius Vopiscus, in Probo, Gautunnos appellat. Sed & Gothunnos inter Getas Claudianus recenset, & Stephanus putat Getas ab Arriano Getigos dici: ut fortasse ne Getæ quidem ipsi a Gallica gente alieni fuerint, quandoquidem certum est, multas gentes Gallicas in Thraciam profectas esse, atque etiam relictas in ea parte, quam Getæ tenuisse dicuntur. Gothinos quoque ætate sua Tacitus ait sermone Gallico fuisse usos.

Cimbri

1 *Gallicam testata est originem* ] Ita omnes libri, in constructionis normam manifeste peccantes; (*testata*) enim ut oportebat, nisi quod hoc dativum

nec Buchanani stylo satis dignum videatur, quem, si hoc *negligens* advertisset, aliter totam sententiam conscribere voluisse a verisimili non abhorret.

1 Ja-

Cimbri quoque, teste Philemone, & (si Tacito credimus) Æstii ad mare Suevicum, ubi succinum legitur, habitantes, tum locuti sunt Britannice, qui sermo erat idem cum Gallico, aut non multum ab eo diversus. Sunt & alia plurima Gallicarum per Germaniam coloniarum vestigia, quæ non gravate persequeretur, nisi quæ dicta jam sunt, abunde ad nostrum institutum facerent, nempe ut ostendam, quam late Gallia circa Britanniam suas diffuderit colonias. Quid ergo Britannia? quæ nec magnitudine, nec viribus, nec rei militaris peritia, nationes illas æquabat? eane, tam vicina Gallorum fortissimis, nec aëris clementia, aut soli fecunditate, propinquis regionibus inferior, nullos externos colonos accepit? Imo, ut Cæsar & Tacitus asseverant, complures; ut autem ego contendo, veteres cultores universos. Tres enim antiquitus gentes, ut satis constat, totam insulam tenuerunt, *Brittones, Picli & Scoti*: de quibus deinceps dicemus.

XV. Atque ut a *Brittonibus*, qui latissime in Albio regnarunt, exordiar, primus (quod sciam) C. Julius Cæsar aliquid certi de eis prodidit. Is interiores incolas indigenas putat: ideo, credo, quod diligentius perquirendo, nihil de primo eorum adventu compererat: nec ulla tum erant apud eos monumenta literarum, unde id disci posset. *Maritima insula*, ait lib. v. de Bell. Gal. 12. *teneri a Belgis, quos spes prædæ illexerat, agri fecunditas & cæli clementia detinuerat*. Ejus rei argumentum putat, quod plerique civitatum, unde venerant, nomina retinebant: quod ædificia Gallicis essent similia. Addit Cornelius Tacitus, auctor gravissimus, in Vita Agric. cap. xi. *mores non esse dissimiles, parem & in periculis deprecandis audaciam, & in defugiendis formidinem, magnas utrinque factiones, magnas clientelas fuisse*. Denique sua ætate talem esse Britanniam, qualis ante adventum Romanorum fuerat Gallia. Adjicit præterea Pomponius Mela lib. III. cap. 6. *in bello Britannos equitatu, bigis, curribus, Gallico armatu, dimicare*. Beda quoque, omnibus, qui fabulosa de Britannorum origine scripserunt, & ætate major, & auctoritate prior, primos insulæ cultores ex Armorico tractu venisse affirmat. Ab his non dissentiunt quidam Græcorum<sup>1</sup> Grammatici, qui *Britannos* a *Britanno* Celtus filio nomen accepisse tradunt. In eo certe consentiunt, quod e Gallia eos intelligi voluerunt oriundos. E recentioribus huic sententiæ subscribunt, Robertus Cœnalis, &, in vita Diocletiani, Pomponius Lætus, minime spernendus auctor: uterque, opinor, veritatis coactus. In hoc tamen uterque mihi videtur errare, quod eos e Brittonum peninsula ad Ligerim, quæ nunc Britannia vulgo vocatur, educat: præsertim cum maritimæ Britannorum coloniarum, ipsis (ut Cæsar ait) nominibus, testentur, unde demigraverint.

XVI. Sequitur ut de Gallicis coloniis in Hiberniam missis agamus. Jam ante ostendimus, totum latus Hispaniæ, quod ad septentriones exporrigitur, Gal-

<sup>1</sup> In defugiendis.] [Despectandis in Tacito legitur.] præferrem.]

<sup>2</sup> Gallico.] [In editis legitur, Gallice armati dimicant. Ego Buchanani lectionem Tom. I.

<sup>3</sup> [Etymologici M. auctor Britannos a Celto, Britanni (vel *Britanni*) filia dictos esse vult.]

Gallicis colonis occupatum fuisse. Ex Hispania vero causas in Hiberniam commigrandi video complures fuisse. Nam vel in Hiberniam eos pertraxisse videri potest facilis e propinquo trajectus, vel domo expulsi immoderata imperia Persarum, Phœnicum & Græcorum, in Hispanos, bello superatos, & propter infirmitatem eis obnoxios: item inter Hispanos ipsos, e multis nationibus homines inter se male coalescentes, & studium libertatis, & fuga servitutis, inter motus civiles, & novas rerum perturbationes, in gente belli avida subinde exorientes. Has migrationum causas qui expendet, non mirabitur, opinor, si plerique fortunam, quamvis tenuem, foris, modo cum libertate conjunctam, domesticæ, & quidem acerbæ, servituti prætulerint. Retinuit autem illuc advectos turbulentior indies rerum Hispanicarum status, nunc Carthaginensibus, nunc Romanis, omnia servitutis mala in bello superatos exercentibus; & multos præterea ad eandem malorum fugam compulsi: præsertim cum Hispani tum nullam aliam vicinam regionem haberent, in quam, aut rebus domi florentibus exuberantem multitudinem emitterent, aut unde rebus adversis calamitatum perflugium peterent. Retinuit & aëris clementia: est enim, ut ait Cæsar, *cælum Britannicum Gallico temperatius*: Hibernicum autem solum amœnitate, & cælum temperamenti æquabilitate, longe Britannicum superat. Præterea homines, in solo aspero nati & educati, otio, ut sunt omnes Hispani, dediti, ad pascua fere totius Europæ uberrima traducti, sese libenter e domesticis tumultibus in sinum externæ pacis recondebant.

XVII. Sed nec gentis cujusque de suis majoribus opinionem, quæ verissimilibus conjecturis innititur, & testimonio vetusto confirmatur, repudiandam existimo. Nam Cornelius Tacitus occidentale latus Britannia, sive Albii, a posteris Hispanorum coli, certa, ut ipsi videtur, conjectura, affirmat. Verissimile autem non est, Hispanos, relicta a tergo Hibernia, terra propiore, & cœli & soli mitioris, in Albium primum descendisse, sed primum in Hiberniam appulisse, atque inde in Britanniam colonos missos: quod & SCOTIS contigisse omnes eorum annales affirmant, & Beda libro primo testatur. Scoti enim omnes Hibernia habitatores initio vocabantur, uti indicat Orosius. Nec semel Scotorum ex Hibernia transitum in Albium factum nostri annales referunt: sed primum, duce Fergusio Ferchardi filio: deinde, post aliquot ætates, domo pulsos in Hiberniam rediisse, atque denuo duce Reuthero in Britanniam reverbos: post etiam, regnante Fergusio Secundo, magna auxilia Scotorum Hibernicorum missa, quibus sedes in Gallovidia sint datæ. Et Claudianus ætate sua auxilia illinc adversus Romanos transmissa indicat: ait enim, lib. II. de Laud. Stilich. 251.

— *totam cum Scotus Iernam  
Movit, & infesto spumavit remige Tethys.*

Et IV. Conf. Honor. 33.

*Scotorum cumulos flevit glacialis Ierne.*

Principio autem, cum utrique, id est, Hibernia incolæ, & coloni eorum in Albium missi, *Scoti* appellarentur, ut discrimine aliquo alteri ab alteris distinguere-



guerentur, initio cœpere alteri *Scoti Ierni*, alteri *Scoti Albini*, vocari: ac paulatim utrinque cognomenta loco nominis usurpata effecerunt, ut vetus nomen *Scotorum* prope oblivioni daretur, ac non ex usu loquendi, sed annalium memoria, repeteretur.

XVIII. Quod ad nomen PICTORUM attinet, non patrium & vetus id eis fuisse arbitror, sed a Romanis ex re datum, quod corpora cicatricibus haberent inscripta, quod & versus Claudiani <sup>1</sup> indicat, III. Conf. Honor. 54.

*Ille leves Mauros, nec falso nomine Pictos,  
Edomuit, Scotumque vago mucrone secutus,  
Fregit Hyperboreas remis audacibus undas.*

Item de Bello Getico 416.

*Venit & extremis legio prætenta Britannis,  
Quæ Scoto dat frena truci, ferroque notatas,  
Perlegit exanimis Pictæ moriente figuras.*

Herodianus quoque lib. III. cap. 14. de eadem gente, sed nomine tacito, loquens, hanc pingendi rationem, nisi quod ferri non meminit, dilucide exprimit. *Neque, ait, vestis usum cognorunt, sed ventrem atque cervicem ferro incingunt: ornamentum id esse, ac divitiarum argumentum existimantes, perinde ut aurum ceteri barbari. Quin ipsa notant corpora pictura varia, & omnifariam formis animalium: quocirca ne induuntur quidem, videlicet picturam corporis ne adoperiant.* Quo vero nomine sese ipsi <sup>2</sup> nuncuparent, in re tam vetusta difficile dictu est. Vicinæ certe nationes in eorum nomine parum secum consentiunt. Nam Brittones PICTIADÆ, Angli PICTOS, Scoti præsci PEACHTOS eos appellant. Locorum vero quorundam nomina, quæ quondam Picticæ ditionis fuerant, nunc vero a Scotis tenentur, diversam ab omnibus appellationem ostendere videntur. Nam Penthlandici montes, & fretum Penthlandicum, a Pentho, non a Pictæ, composita videri possunt. Sed hæc nomina posterioribus temporibus, ab Anglis, aut certe Scotis Anglicum sermonem usurpantibus, indita fuisse crediderim. Eorum enim apud præscos Scotos nec intellectus nec usus est ullus.

XIX. De nomine vero Pictorum utcumque se res habet, siue Romani vocabulum barbarum in propinquam vocem Latinam transfulerint, siue Barbari Latinam ad sui quisque sermonis sonum & declinationem proxime accommodaverint, ego certe in magno non ponam discrimine. Sed quando de nomine constat, & ab orientali cœli plaga, alii e Scythia, alii e Germania, eos in Britanniam appulisse rerum scriptores fatentur, restat, ut vestigia persequentes, conjecturis, si fieri potest, ad veritatem perveniamus. Neque aliud certius vestigandi initium video, quam a corporis illa pictura. Pingebant autem Britanni, Arii in Germania, & Agathyrsi, corpora: sed, ut in bello terribiliores hosti apparerent, succis modo herbarum se inficiebant. Sed cum Picti

<sup>1</sup> *Indicat.*] An potius *ind. cant*?

<sup>2</sup> *Nuncuparent.*] Mall. *in nuncuparent*.



Et ferro cutem variarent, ac diversorum animalium figuris inscriberent, verius erit quaerere, quæ gentes, vel in Scythia, vel Germania, regionibusque vicinis, certo illo pingendi corpora instituto, non ad terrorem, sed ad decorem, uterentur. [<sup>1</sup>observare.] Occurrunt autem in Thracia, ut Virgilio placet, Geloni, de quibus Claudianus libro primo adversus Rufinum, versu 313.

*Membraque qui ferro gaudet pinxisse, Gelonus.*

Occurrunt apud eundem poetam in Thracia Getæ, Bell. Get. 481.

*Crimigeri sedere patres, pellita Getarum*

*Curia, quos plagis decorat numerosa cicatrix.*

Igitur, cum Geloni Virgilio 111. Georg. 461. sint Getis vicini, & vel Gothunni, vel Getini juxta Arrianum, Getis annumerentur, quid vetat, cum, juxta Tacitum de Morib. Germ. cap. XLII. Gothunni Gallice loquerentur, hinc credere Pictos oriundos? Verum e quacunque natione Germanica adveniant, mihi fit verisimile, eos fuisse de veteribus Gallorum colonis, qui vel ad <sup>2</sup>mare Suevicum, vel Danubium, sedes habuerunt. Gallici enim generis homines, cum a Germanis alienigenæ, ut erant, haberentur, eorum puto nomen in contumeliam abiit, adeo ut uno vocabulo WALSCH, Gallum, peregrinum, & barbarum, indicent. Ideoque, sive a vicinis ejecti, seu tempestatum vi adacti fuerint, facile majores Pictorum Scotis fuisse conciliatos puto, atque ab eisdem, ut traditur, adjutos, ut homines cognatos, ejusdem fere linguæ, nec dissimilium rituum: eoque facile impetratum, ut sanguinem miscerent, connubiisque prope in unam gentem coalescerent. Alioqui enim non video, quomodo Scoti, qui tum Hiberniam tenebant, homines feri & inculti, peregrinos, omnium rerum egenos, ac tum denique visos, nullo legum, sacrorum, aut linguæ commercio conjunctos, tot necessitatibus circumventos, in jus affinitatis, ac prope omnium rerum societatem, tam facile ascivissent.

XX. Hic nobis non nihil obflare videtur Bedæ Anglo-Saxonis auctoritas, qui unus (quod sciam) Pictos a Scotis diversa lingua prodit usos. Ait enim, de Britannia loquens, *cam quinque linguis, unam eandemque summæ veritatis & veræ sublimitatis scientiam scrutari & confiteri, Anglorum, Brittonum, Sæctorum, Pictorum, & Latinorum.* Bedam autem ego opinor pro quinque dialectis quinque linguas dixisse: quod a Græcis in re simili factum videmus, item a Cæsare, in exordio Commentariorum belli Gallici: tres enim Galliae partes linguis moribusque diversis esse usas ait. At Strabo, ut Aquitanos a cæteris lingua discretos esse confitetur, ita reliquos Gallos eadem lingua, sed paullum variata, uti. Sed nec Scotos a Brittonibus toto sermone, sed dialecto potius, discrepasse arbitror, uti posterius dicam: cum nunc etiam tam in sermone consentiant, ut eodem aliquando usi fuisse

vi-

<sup>1</sup> *Observare*.] Supervacanea hæc vox videtur, atque a Buchanano frustra adjecta, utpotè obli- to se prius idem fere vo-

ce [*querere*] significasse.

<sup>2</sup> *Mare Suevicum.*] Ita Tacitus Germ. cap. 45. *mare Balticum* appellat.

<sup>1</sup> Cor-

videantur, minusque inter se differant, quam quædam Gallicæ nationes, quæ omnes Gallice loqui dicuntur. Itaque cæteri scriptores ne diversi quidem sermonis ullam suspicionem faciunt: & ipsi, quamdiu regnum utrumque stetit, velut unius gentis homines, matrimonia semper inter se contraxerunt: ac initio mixti, deinde vicini, ac sæpius amici fuerunt, usque ad Pictorum excidium. Sed nec eorum reliquæ (quas extincta militari ætate multas fuisse oportet) ulla ex parte Scottorum linguam corruerunt: ac ne in eis, quas reliquerunt, sedibus, ullum peregrini sermonis vestigium remansit. Omnes enim Pictorum regiones, ac singula etiam loca, Scoticas appellationes hodie retinent, præter admodum pauca, in quibus, prævalente supra patriam Saxonica lingua, Germanicæ originis nomina sunt imposita. Nec illud omittendum, quod, ante Saxonum in Britanniam adventum, nunquam ulla Britannicas nationes inter se interpretibus usas legamus. Igitur, cum uno consensu Scoti, Angli & Germani scriptores, Pictos e Germania oriundos ferant; constetque Gothunnos, sive Getinos, Gallorum fuisse colonos, & Gallice locutos, & Æstios ad mare Suevicum Britannicæ: unde potius existimem Pictos prodisse? aut quo, sedibus ejectos, nisi ad cognatos contendisse? aut unde potius connubia impetraturos, quam a populo, sanguine, lingua, moribus, sibi conjuncto?

XXI. Quod si Pictos a Gothunnis, aut Æstius, aut Getis, neget aliquis oriundos, propter earum regionum longinquitatem, is secum cogitet, quot & quantæ migrationes in omnes partes factæ sint illis temporibus, in quæ Pictorum adventus in Britanniam est conjectus, ac deinceps multis seculis; intelliget, opinor, nihil horum non modo fieri, sed etiam facile fieri potuisse.

Gal-

1 *Corruerunt.*] Libri omnes corruerunt.

2 *Nihil horum non modo fieri, sed etiam facile fieri potuisse.*] Frustra est Crafordius, qui legendum vult, *Nihil horum non modo fieri, sed etiam facile fieri non potuisse*, vel, *Nihil non horum non modo fieri, sed etiam facile fieri potuisse*. Prior autem ejus emendatio Buchanani sententiam plane destruit, uti cuius totum hunc paragraphum, ultima præsertim ejus verba, vel minimum attendenti palam est. Ad secundam quod attinet, dubium quidem non est, quin ex iis quæ mox adducit exemplis id colligere voluerit Buchananus, nemini difficile propter regionum longinquitatem videri debere, Pictos a Gothunnis, aut Æstius aut Getis fuisse oriundos: etenim sic potius sententia erat restituenda, *Nihil horum non modo non fieri, sed etiam facile fieri potuisse*. Sed nulla prorsus correctione opus, apud probatissimos enim auctores in ejusmodi sententiis [non modo]

pro [non modo non] sæpissime accipi, adeoque posteriorem negationem eleganter reticere monstravit Tho. Linacrus lib. 6. De Adverb. Ellipsi, veluti, Cic. pro Sext. *Quum illi soli essent: præter illam flagitiosum tribunum plebis duo reipub. turbines, qui non modo præcipitanti patriæ subvenirent, sed etiam nimis tarde concidisse mererent, i. e. non modo non subvenirent.* Vide & alia apud Linacrum exempla. Livio autem, quem in Historia scribenda noster præcipue sequutus est, id longe frequentissimum est. Sic lib. 1. cap. 40. *Regnare Roma advenam, non modo civica, sed ne Italica quidem stirpis.* lib. 21. cap. 28. *Agger non modo silvestre quicquam, sed ne vepribus quidem vestitum habebat.* lib. 23. cap. 29. *Asdrubalique non modo in Italiam traducendi exercitus, sed ne manendi quidem satis in Hispania spem reliquit.* Ibid. cap. 42. *Te salvo atque incolumi amico, non modo populum Romanum, sed ne Deos quidem iratos (si dicis est) timeremus.* lib.



Galli Hispaniæ, Italiæ, Germaniæ, & Britannici bonam magnamque partem coloniis occuparunt: ad Maotida & Cimmerium <sup>1</sup> Bosporum populando sunt progressi: Thraciam, Macedoniam & Græciam pervasantes, in Asia confederunt. Cimbri, Ambrones & Teutones, Galliam deprædati, in Italiam penetrarunt. Geloni, qui Virgilio in Thracia collocantur, apud cæteros fere scriptores, vicini in Scythia sunt Agathyrsis. Gothi, obscura diu natio, diluvii instar, brevi tempore Europam, Asiam, Africam, infundarunt. Multis igitur deinceps seculis, dum ferociore finitimorum sibi sedes vindicabant, infirmiores potentiorum injuriis obnoxii, patriam, quam retinere nequibant, relinquunt; si homines, diu cum fortuna colluctati, atque incertis sedibus per varios errores jactati, se in longinquas regiones tandem aliquando contulerunt, nihil, opinor, apud rerum peritos admirationis res habere debet.

XXII. Duas præterea nationes vetustas, a scriptoribus Romanis collocari videmus, intra eos limites, quibus regna Scotorum & Pictorum aliquando clauderantur, *Meatas* & <sup>1</sup> *Attacottos*. Ex his *Meatas*, quos Dion unus (quod sciam) nominat, Picticæ gentis fuisse reor; quando eos in agris Caledoniis proximis constituit, quos agros certum est Pictos tenuisse. *Attacottos* ex Marcellino lib. xxvi. 4. apparet fuisse ex eis, qui aliquando vallo Hadriani exclusi, postea prolatis imperii finibus, ad Severi vallum usque intra provinciam sint comprehensi: quoniam in libello, *De castrensibus officiis Romanorum per provincias*, inter externa auxilia reperio cohortes aliquot *Attacottorum*, sicut & *Brittonum*: quo magis miror, audaciam, dicam, an stuporem Luddi: audaciam, qui *Attacottos* fuisse Scotos, sed nullo prorsus auctore aut conjectura verisimili, affirmet: stuporem, quod in loco, Marcellini a se citato, Scotos ab *Attacottis* separari non videat. Inquit enim Marcellinus, *Picti, & Saxones, Scoti, & Attacotti, Britannos ærumnis vexavere continuis*. Pari stupore ab eo factum est, ut contendat Caledonios e Brittonum gente fuisse, qui planissime Pi-

24. cap. 33. *Et jam non modo pacis, sed ne belli quidem jura relicta erant.* lib. 28. cap. 29. *Ut non modo ferocior vox adversus atrocitatem pœne, sed ne gemitus quidem exaudiretur.* Et lib. 25. cap. 26. *Postremo ita assuetudine mali effraverant animos, ut non modo lacrymis justoque comploratu prosequerentur mortuos, sed ne effrangerent quidem, aut sepelirent:* in quem locum vide Car. Sigonium. [recte: vid. Bos. ad Cicer. ad Att. IV. 2. & XIV. 2. Gronov. ad Liv. xxv. 26. Græv. ad Ciceron. pro Quinct. 4. Muret. var. lect. x. 7. & quos non?] ]

<sup>1</sup> *Bosporum.*] Ita omnino scribendum extrita h litera, dictus enim a Βοδῆς πηλῖα; *meabili bovis transien.*

<sup>2</sup> *Attacottos.*] Libri omnes *Attacottos*:

sed in hoc aliisque quam plurimis populorum & locorum nominibus Buchanano imposuerunt vitiosæ priscorum auctorum editiones, prius scil. quam conspirante doctorem industria veterum scripta essent redintegrata. Nos vero hic & alibi optimorum fere codicum fidem sumus secuti, præterquam iis in locis, quibus Buchanani rationibus repugnare videbatur: quod & hic semel monuisse suffecerit, ne variantium lectionum sarragine lectori fastidium crearem. [Puto tamen rectius auctoribus suam scribendi formam relinqui, præsertim in nominibus, quæ tam varie in MSS. leguntur. eam enim lectionem prætulisse unusquisque videtur, quam expressit.]

Picti fuerunt: quod perspicue Luddus, testimonio ex Panegyrico, qui dictus fuit Constantino, adversus se prolato, demonstrat. Inquit enim orationis auctor, Eumen. Paneg. Constant. cap. vii. *Caledonum, & aliorum Pictorum silvas.* Id testimonium ille, qua stultitia est, pro se produxit: &, quo stupore est, non contra se facere animadvertit. Quod si vocem inspiciamus, ea linguae Scoticae est: CALDEN enim Scotis ea arbor est, quae Latinis corylus dicitur: unde & *Caledoniae* silvae nomen reor inditum, & *Caledoniorum* oppidum, ad Taum amnem situm, *Duncalden* adhuc vocatur, hoc est, corylorum tumulus. Et si adversus consensum omnium Ptolemæi codicum, mihi aliquid permittere auderem, pro mari *Duncaledonio*, scriberem *Duncaledonium*: & apud Marcellinum, pro *Dicaledones*, *Duncaledones*, & mari & gente a *Duncaledonio* oppido cognominatis.

XXIII. Hæc quæ scripsimus, etsi abunde satisfacere possint lectori non iniquo, nihilominus adjiciemus & alia, quæ C. Plinius manifesta originum indicia existimavit: nempe sacra, linguam, oppidorum vocabula. Primum satis constat, maximum amicitiae vinculum, & cognationis argumentum, habitam fuisse similitudinem religionis, & eandem de Diis opinionem. Apud Britannos autem & Gallos idem plane Deorum erat cultus, idem apud utrosque, & nusquam alibi, Druidum sacerdotium, quorum superstitio adeo utriusque gentis animos pervaserat, ut multi dubitarent, utri ab utris eam philosophiam didicissent. Item, eadem sacra ex *superstitionis persuasione deprehendi* ait Tacitus vita Agricola cap. xi. Nec ab eo ritu fuisse immunes Hispanos, ut quorum bona pars e Gallis originem ducebat, indicat tumulus prope Carthaginem novam, qui Mercurius Teutates appellabatur, uti scriptum est a Livio. lib. xxvi. 44. Idem quoque genus vatum apud Gallos & Britannos in summo fuit honore, quos utrique *Bardos* vocabant. Horum & functio & nomen adhuc perseverat apud omnes nationes, quæ vetere Britannorum lingua utuntur: tantusque eis honos multis in locis habetur, ut & ipsi sacrosancti, & eorum domus pro asylo sint; & inter infestissimos hostes, ubi crudelissime & bellum geritur, & victoria exercetur, perpetua sit eis eorumque comitibus ultro citroque commendi potestas. Nobiles, eos ad se ventitantes, & honorifice suscipiunt, & munifice dimittunt. Carmina autem non inculta fundunt, quæ Rhapsodi proceribus, aut vulgo audiendi cupido, recitant, aut ad musicos organorum modos canunt. Plurima ex veteribus institutis adhuc manent: nec quicquam fe-

re

[Qui Mercurius Teutates appellabatur, uti scriptum est a Livio.] Ita quidem Buchananani tempore & diu postea excusæ Livii editiones exhibent, lib. 26. cap. 44. *Quod ubi versus Scipio in tumulum, quem Mercurium Teutatem appellant, advertit.* Unde commentatores insigne argumentum se nactos existimarunt, quo Hispanos a Gallis originem traxisse confirmant, Galli enim sua lingua pro Mercurio Teutatem

dicebant. At quamvis non alia desint indicia, quæ Hispanos olim Gallorum colonos fuisse commonstrent, nihil tamen ex hoc Livii loco colligi potest. *Teutatem* enim illum merum esse correctorum figmentum, dudum ostendit Joan. Frid. Gronovius, qui ex optimis codicibus MSS. sic edidit, *Quod ubi egressus Scipio in tumulum, quem Mercurii vocant, animadvertit.*

I Af-



re in Hibernia, nisi in caerimoniis & religionis ritibus, est mutatum. Hæc de sacris in præsentia dicta sint.

XXIV. Superest, ut de lingua veteri, ac oppidorum & gentium vocabulis, agamus. Hæ autem partes plerumque nobis erunt promiscue tractandæ, quod altera alteri sæpenumero velut fundamento innititur, præcipue cum nomen proprium, aut originatione, aut declinatione, patriam <sup>1</sup> asseret. Atque hæc quidem etsi mutua conspiratione sese confirmant, tamen, quoad fieri potest, ea nos docendi gratia separabimus. Primum igitur Tacitus, in vita socris sui, cap. xi. affirmat, non multo Gallicam a lingua Britannica esse diversam: ex quo facio conjecturam, aliquando eandem fuisse, ac paulatim, vel externarum gentium commercio, vel ignotarum ante rerum invectione, vel novarum artium inventione, & frequenti formæ vestium, armorum, supellectilisque reliquæ, mutatione, sermonem facile sequacem, multis in partibus interim auctum, interim adulteratum, ac multa nova vocabula genita, multa vetusta vitata. Cogitet apud se quisque, quantum populi inconstantia sibi in hac parte sumat, quantum ei semper & fuerit & sit præsentium fastidium, & innovandi studium; comperiet profecto illud optimi poetæ & unici censoris (Horat. Art. Poet. 60.) iudicium esse verissimum.

*Ut silvæ foliis pronos mutantur in annos,*

*Prima cadunt: ita verborum vetus interit ætas,*

*Et juvenum ritu florent modo nata, vigentque.*

Et paullo infra, vers. 70.

*Multa renascentur, quæ jam cecidere: cadentque*

*Quæ nunc sunt in honore vocabula, si volet usus,*

*Quem penes arbitrium est, & jus & norma loquendi.*

Hæc quidem ille de Romano sermone scripsit, qui magna civium cura incorruptus servabatur, quem omnes nationes, quæ intra tam latos imperii fines continebantur, diligenter addiscebant. Ne admiremur igitur, linguam, ante colonias e Galliis in omnes partes emissas jam domi discordem, & deinde diversarum nationum commistione pollutam, & ab initio barbaram, & suis quodammodo neglectam, ac, postquam ab externo solo rursus in Britanniam se recepit, in regna exteris plerumque obnoxia divisam, sibi non semper constare. Nam & initio Celtæ & Belgæ diversa utebantur, ut Strabo censet; dialecto. Deinde, cum Celtæ magnas colonias in Hispaniam emisissent, ut Celtiberorum & Celticorum indicant nomina, & Belgæ Britanniam maritimam, ut intelligi potest ex Ventæ Belgarum, ex Atrebatum & Icenorum nominibus, occupassent, non potest fieri, ut non hinc Hispani, inde Romani, Angli, Dani, Normani, non multa peregrina vocabula secum advexerint, patria corruperint. Quin illud potius mirandum censeo, quod nunc etiam tanto post tempore, tot gentium adventu adulteratis, & magna ex parte mutatis vicinarum nationum linguis, adhuc Britanni non tam sermone toto, quam proprietate, & dialecto inter se discrepent: ac si quis ex eis,

<sup>1</sup> al.

<sup>2</sup> *Affect.*] Fortè *aff. nat.*

<sup>3</sup> Al.



\*alterius nationis Britannicæ hominem audiat loquentem, sonum tamen suæ linguæ agnoscat, & plurima verba capiet, quanquam sermonem universum non intelligat. Nec, si non eadem semper apud omnes earundem rerum inveniantur vocabula, novum debet videri, reputantibus quantum in singularum gentium sermone quotidie mutant vicinorum commercia, quantum assidua consuetudo; quot nova verba cum rebus nuper inventis nascantur, quot ex ultimis terris cum suis mercibus advehantur, quot vetusta intereant, quot adjectis literis vel syllabis protrahantur, ablatis decurtenantur, transpositis aut mutatis interpolentur.

XXV. Non quæram, quantum & quam brevi sermo Ionicus ab Attico degeneraverit, quantum ab utrisque reliqui Græci dissideant. Observemus nobilissimarum in Europa gentium sermonem: Gallica, Italica, Hispanica lingua, ab eisdem radicibus ortæ, quam cito a puritate <sup>2</sup>linguæ Latinæ desciverint? Nec inter se interim minus discrepant, quam Scotica prisca & Britannica. Imo, si singulas Galliæ provincias (eas dico, quæ Gallice loqui existimantur) dispiciamus, quantum discrimen inter Galliæ Narbonensis incolas comperiemus & Vascones? quantumque ab utrisque recedunt utrisque finitimi, Lemovices, Petragorici & Arverni? quantum ab his omnibus reliquæ Galliarum provinciæ? Atque, ut propioribus utamur exemplis, leges Anglorum, quingentos abhinc annos a Gulielmo Normano Gallice editas, nemo Gallorum sine interprete nunc intelliget. Imo, si qui longiuscule vixerunt senes, in memoriam revocent, quot vocabula ipsis pueris usu protrita, nunc prorsus obsoleta sint, quot autem proavis nostris inaudita in eorum locum successerint; minime mirabuntur, eandem ab initio linguam, apud gentes longe distitas, & sæpius bello dissidentes, ita sensim longinquitate temporis immutari, ut propemodum tota diversa videatur. Contra vero, cum non tot annis, sed seculis, in sermone Britannico videam eam concordiam, inter nationes, vel spatio terrarum longe separatas, vel mutuis odiis laborantes, quanta non est inter multos Gallorum populos, qui sub eisdem Regibus & legibus <sup>3</sup>diu vixerunt: cum talem, [*inquam*,] in loquendo concordiam mecum recogito, quæ & veterem cognationem, & non obscuras ejusdem originis notas, adhuc servet, facile adducor, ut, ante Saxonum adventum, omnibus Britannis non multum diversam fuisse linguam, credam. Ac proximas Gallico littori nationes verisimile est Belgica usos fuisse: e quorum finibus bona pars vicinorum Galliæ Britannorum (ut legere est apud Cæsarem) transmigraverat. At Hiber-

1 *Alterius nationis Britannica hominem.* Ita ex MS. reposuimus *Britannica*, cum libri editi *Britannice* haberent.

2 *Lingua Latina desciverint?* Forte abesse debet interrogationis signum, repetendo scilicet vocem [*observemus*] hoc modo; *Observemus nimirum quam cito Gallica, Italica, Hispanica lingua a puritate lingua Latina desciverint.* Aliter enim de-  
Tom. I.

*sciverunt* potius legendum videatur.

3 *Diu vixerunt: cum talem* [*inquam*] In omnibus quidem libris voces [*diu vixerunt*] periodum terminant: aliaque protinus sic incipit, *Cum talem igitur in loquendo*, &c. Verum cum hoc pacto sententia pendula hæreat ac imperfecta, non dubitavi eam cum sequentibus connectere, suffecto in locum *si igitur voce inquam*.

K

L Et

berni, & coloniae ab eis missae, a Celtis Hispaniae habitatoribus oriundi; uti credibile est, Celtica utebantur. Hae gentes cum (velut e longinqua peregrinatione reversae) vicinas occupassent sedes, ac prope in unum populum commistae fuissent, rursus, prope confusis idiotisimis sermonis, quandam permutationem factam reor, ut neutri linguae, vel Celticae vel Belgicae, omnino similem, ita neutri penitus dissimilem: qualem animadvertere licet in eis nationibus, quae Germanice loqui putantur, & tamen a vetusto sermone multum descivisse constat. Intelligo Danos, Saxones maritimos, Frisios, Flandros, & Anglos, in quibus omnibus facile erit deprehendere quasdam literas, sonos & inflexiones, unis Germanis proprias, & cum nulla alia gente communes. Ex hoc opinor literarum sono, & familiari singularum gentium in certis literis pronunciandis ratione, & aurium iudicio, item ex compositione & declinatione vocum, certiora sumi posse indicia cognati sermonis, quam e singularum verborum significatione.

XXVI. Hujus rei exempla sunt; in literis, W Germanicum; in compositione, *Moremarusa* & *Armoricus*, de quibus dictum est; in declinatione, ea, quae apud Gallos in A C exeunt, quorum prope infinitus est numerus: quae forma apud Scotos est Τρονιστινί, & apud veteres Gallos fuit. Apud Scotos, a DRIX, quod veprem significat, declinatur DRISSAC, id est, veprecula, & a BRIX, quod rupturam indicat, BRIXAC, quod nunc Galli pronunciant BRISSAC. Quod enim BRIX Scotis dicitur, id Galli adhuc BRESCHÉ appellant, nullo discrimine in vocum significatione. Scriptura ut discrepet, in causa est, quod veteres Scoti, & adhuc universi Hispani, X littera pro duplici ss utebantur. Itaque veteres Galli a BRIX Cenomanorum oppidum *Brixiam* nominarunt, & a *Brixia* rursus *Brixiacum*, quod vulgo *Brisfacum*. Simili prope forma ab *Aurelia Aureliacum* factum est, & ab <sup>1</sup>Ebura, quae Cerealis, vel <sup>2</sup>Ebora, quae Liberalitas Julia Hispanis cognominatur, *Eboracum* ab Hispanis oriundi Brigantes declinaverunt, Gallici sermonis proprietatem in declinando exprimentes. Quin & praeter ea, quae nobis commemorata sunt, totum illud Britanniae latus, quod ad occidentem hibernum porrigitur, manifesta & Gallici sermonis & originis impressa retinet vestigia, eaque etiam perspicuo gentium exterarum testimonio comprobata. Prima in eo latere occurrit, quam multi *Cornuwalliam*, *Cornaviam* veteres, vulgus KERNICO vocant: quemadmodum & apud Scotos *Cornavii*, qui in ultima fere septentrionis plaga statuuntur a Ptolemaeo, vulgo KERNIC appellantur. A *Kernico* igitur & *Vallis*, *Cornuwallia* deducta est, quasi dicas *Kernicogallos*. *Vallia*

<sup>1</sup> *Es tamen.*] Melius forte, *quas tamen*.

<sup>2</sup> *Ebura, quae Cerealis.*] Vid. Plin. Nat. Hist. lib. 3. cap. 1. Hanc Harduinus eandem existimat quae nunc *Alcala Real* inter Granatam & Cordubam.

<sup>3</sup> *Ebora, quae Liberalitas Julia.*] Ea est quae nunc *Ebora* inter Anam & Tagum.

Vid. Plin. lib. 4. cap. 22. In omnibus autem Buchanani edite. male *Felicitas Julia* scribitur: Plin. enim dicto loco *Olisipponem Felicitatem Juliam* cognominatam fuisse testatur. Quin & ipsi Buchanano *Ebora Liberalitas Julia* cognominatur, cap. 35. huj. lib.

q̄ia etiam in eodem latere altera peninsula & nomine & sermone majores suos afferit. Id ejus nomen, qui ad Germanici sermonis sonum propius accedunt, per W, propriam unis Germanis literam, efferunt, quam literam reliqui vicini, qui utuntur sermone prisco, nullo modo pronunciare possunt. Imo ne tormentis quidem a Kernicovallo, Hiberno, aut prisco Scoto, exprimes, ut eam proferat. Gallis vero, qui *Valliam* nominare volunt, G semper prima est litera. Nec in hoc nomine solo id observare licet, sed in aliis multis, quæ a litera G habent initium. Gallicum enim sermonem, qui ex propinquitate regionum Germanissant, WALLUM vocant: & in aliis prope infinitis hac permutatione literarum utuntur. Contra vero, quæ regio est Anglis WALES, & NORTH-WALES, ea Gallis est GALES, & NORTH-GALES, pertinaciter adhuc in vestigiis antiqui sermonis hærentibus.

XXVII. At Polydorus Virgilius velut novo commento sibi placet, quod rem, nulli sermonis Germanici mediocriter perito ignotam, se unum animadvertisse putat; nempe quod vox illa WALSCH, peregrinum significet, atque inde *Vallos*, seu peregrinos, ab eis fuisse nuncupatos. Hac in re mihi præter æquum sibi placere videtur. Nam si a peregrinitate nomen illud ductum fuisset, rectius, opinor, in Anglos adventitios competeret, quam in eos, qui propter antiquitatem indigenæ multis veterum sunt crediti. Aut, si ab Anglis eis impositum fuit, cur Scotis & Pictis id nomen non dederunt, qui rectius quam Brittones ita vocari poterant, ut quibuscum rariora commercia & minorem usum habebant? Aut si Angli tam contumelioso nomine Vallos notassent, num etiam ipsi Brittones, tot sæculis Anglorum hostes infestissimi, & nunc etiam magis obnoxii, quam amici, id nomen agnoscerent? quod quidem non inviti faciunt, cum ipsi sua lingua se Cumbros appellent. Quid, quod vox WALSCH, non simpliciter Germanis peregrinum significet, aut barbarum; sed etiam, priore & proprio magis intellectu, Gallum? Itaque vox *Vallia*, ut ego quidem sentio, a verbo *Gallia* est immutata ab Anglis, consentientibus quidem de nomine cum cæteris vicinis nationibus, sed observata tamen proprietate linguæ Germanicæ, in prima litera enuncianda, *Wallia*. Veteres certe ejus peninsulæ incolæ Silures appellabant, ut apparet ex Plinio: quod nomen in parte quadam Valliæ diu apud posteros resedit. Lelandus autem, genere Britannus, in suæ gentis antiquioribus monumentis proferendis homo apprimè diligens, affirmat, Valliæ partem aliquando *Roffiam* fuisse vocatam, quæ vox Scotis peninsulam indicat. Verum nationes propinquæ videntur nomen in loquendo potius usurpasse, quod gentis originem, quam quod re-

1 *Id nomen agnoscerent.*] Egredere hic assequor Buchananī mentem. Quomodo enim Valli hoc nomen non inviti agnoscunt, qui sua lingua se Cumbros appellant? Nihil forte aliud Buchananus innuit, quam Vallos neutriquam indigne ferre se ab Anglis ita nominari, neque

quidquam contumeliæ eo nomine sibi iniustum censere.

2 *Ut ego quidem sentio.*] Ita omnes libri, melius forte, censeo. [Sed & Cicero in *Lælio* cap. 5. sed hoc primum sentio, nisi &c. & ita passim alii.]

K 1

I Ac

regionis situm & formam demonstraret. Idem quoque in Scotorum nomine est factum. Nam cum ipsi se Albinos, nomine ab Albio declinato, vocent, vicini tamen Scotos eos nuncupant, quo nomine origo eorum ab Hibernis declaratur. Sequitur in eodem latere, & littore occidentali, *Gallovidia*: quam vocem & Scotis & Vallis Gallum significare est perspicuum, ut cui alteri a Gallo, alteri a Vallo nomen dedere. Valli enim *Wallowitibiam* eam appellant. Ea magna ex parte patrio sermone adhuc utitur.

XXVIII. Hæc autem tres nationes, totum Britanniae latus, quod ad Hiberniam vergit, tenent: nec levia indicia, sed penitus inustas notas Gallici sermonis & cognationis adhuc servant. Illud autem in primis, quod Scoti prisci, omnes nationes, quæ Britanniam incolunt, in duo genera partiuntur: alteros GAEL, alteros GALLE, five GALT, appellant; hoc est, (ut ego quidem interpretor,) *Gallecos*, & *Gallios*. Porro *Gallæci* vocabulo, id est, GAEL, ipsi sibi placent: suamque (ut dixi) linguam Gallæciam vocant, eaque velut magis culta & elegante gloriantur: reliquos, hoc est, *Gallios*, velut barbaros præ se contemnunt: & quanquam ab initio Scoti, Brittones, hoc est, vetustissimos insulæ cultores, Gallos appellarent, tamen consuetudo loquendi paulatim obtinuit, ut omnes nationes, quæ posterius sedes in Britannia collocarunt, contumelioso potius quam gentilitio nomine, ita compellent. Vox enim GALLE, aut GALT, non est minus apud eos significans, quam apud Græcos & Latinos Barbarus, apud Germanos WALSCH.

XXIX. Jam tandem eo ventum est, ut ex oppidorum, fluminum, regionum, & aliis id genus nominibus, linguae inter Gallos & Britannos communem, atque ex ea veterem cognationem, demonstremus. Lubricus sane locus, & diligenter examinandus. Nam & superius disseruimus, quam multis de causis sermo publicus immutetur. Quanquam enim non penitus ac simul innovetur, tamen in perpetuo fluxu est, & mutantium inconstantiam sua quadam naturæ flexibilitate facile sequitur. Id autem precipue apparet in eorum genere, quæ non modo temporum momentis, sed unius etiam cuiusque arbitrio sunt obnoxiae: qualia sunt singularum rerum, quæ ad usum vitæ quotidianum sunt inventæ, quarum nomina levibus de causis obsolescunt, innovantur, & interpolantur. At in iis, quæ sunt æterna, ut cælum, mare, terra, ignis, montes, regiones, flumina: item in illis, quæ diuturnitate sua, quoad naturæ patitur infirmitas, æterna illa & incorrupta quadantenus imitantur, qualia sunt oppida, quæ tanquam sempiterna situm conduntur, diversa longe ratio est. Gentium enim & urbium non facile quisvis aut nova nomina fingit, aut vetusta immutat: quippe quæ non temere, sed fere consilio & consensu populari, dantur ab initio a conditoribus, quos vetustas plerumque divinis honoribus prosequatur, & quoad poterat, immortalitate donabat. Merito igitur hæc nomina pereunt, nec sine magna rerum omnium perturbatione loco cedunt: ac, reliquo sermone profus mutato, tamen illa pertinaciter hærent, & non nisi invita discedunt. Multum etiam ad eorum durationem

1 *Ac final innovetur.*] Libri omnes *semel*.

1 *Ac*



nem facit causa nominis imponendi. Nam in demigrationibus, qui vel pulsi sedes antiquas linquebant, vel sponte novas quærebant, amissa patria tamen nomen retinebant, & sono auribus jucundissimo libenter fruebantur, & hac qualicunque nominis umbra soli natalis desiderium leniebant, nec omnino sibi exulare & procul domo agere videbantur. Sed nec decrant, qui superstitione quadam tacti, sanctiorem aliquam & augustiorem speciem in animis concipiebant, quam quæ in parietibus & tectis conspici posset; ac non solum caritate patria simulacrum illud, & suavissimum prioris patriæ pignus, amplectebantur.

XXX. Certius igitur ex hoc verborum genere cognationis argumentum sumetur, quam ex illis, quæ levissimis, ac sæpe nullis de causis, rebus momentaneis & dantur & adimuntur. Nam, ut casus efficere potest, ut idem vocabulum in diversis regionibus usurpetur, non tamen credibile est, tot gentes, tam longe lateque fusas, eisdem in nominibus dandis toties fortuito consensisse. Proximo loco sunt ea, quæ ex primis deflexa sunt aut composita. Sæpenumero enim declinationis & compositionis similitudo propius indicat sermonis communionem, quam vocabula prima: quod hæc fortuito sæpe imponuntur, illa una ac certa ratione declinantur, & ad certum quoddam exemplum diriguntur, quod Græci *Ἀναλογία* vocant. Hæc igitur certa & perpetua ratio cognationis (ut Varro loquitur) nominalis, nos quodammodo ad generis cognationem, & veterem sermonis communionem, ducit. Est & quædam in singulis verbis primogeniis observatio, unde quadantenus, quæ sint inquilina, quæ patria, dignosci possit. Nam & *Philosophia*, & *Geometria*, & *Dialectica*, quamvis sæpe usurpentur a Latinis scriptoribus, vix ullum tamen habent in lingua Latina cognatum vocabulum, aut ex sese progenitum, aut unde ipsa trahere originem posse videantur. Contra, *Paradisus*, & *Gaza*, in usu sunt Græcis, & tamen esse inquilina vel illinc facile apparet, quod nec majores, nec progeniem in Græcam civitatem ascriptam, possint ostendere. Eadem observatio, in reliquis etiam linguis, ad dijudicandum, quæ domestica, quæ aliunde arcessita sint, proficiet.

XXXI. Hæc de universo genere dicta sint. Nunc e singulis partibus proponamus exempla: ac prima nobis occurrunt, quæ in *BRIA*, *BRIGA*, & *BRICA*, finiuntur. *BRIAM* Strabo lib. vii. & cum eo consentiens Stephanus, ait urbem significare. Id ut confirmet, hæc nomina inde facta proferunt, <sup>1</sup> *Polymbria*, *Brutobria*, *Mesembria*, & *Selymbria*. Sed quæ illis est

*Brui-*

<sup>1</sup> *Ac non solum caritate patria.*] Obscurus hic locus, & cui aliqua forte verba exciderint: nihil enim est quod vocibus *non solum* respondeat.

<sup>2</sup> *Bria.*] [Hæc vox *Bria*, *Briga*, *Brica*, & aliis modis variata, nomen dedit multis urbibus, in Hispania, Gallia & aliis regionibus; a ponte, quo fluvii sunt juncti, ut multis ostendit Valesius in notitia Gal-

liæ. Vid. in *Briovera*, *Briva*, *Bribodunum*, *Briva Currena* & aliis. & hinc Urbs *Bruga* in Flandria, olim *Briga*. vide Mejer. Comit. Fland. part. i. pag. 18. Et Belgica adhuc lingua *Brug* dicitur.]

<sup>3</sup> *Polymbria*, *Brutobria*, *Mesembria* & *Selymbria*.] Ita hæc nomina apud Stephanum scribuntur, & ita etiam apud Strabonem scribi debere censet Cluverius. Germæ



*Brutobria*, aliis est *Brutobrica*; & quæ Ptolemæo finiuntur in BRIGA, Plinio exeunt in BRICA, ut verisimile sit, BRIAM, BRIGAM. & BRICAM, idem significare. Verum originem omnibus e Gallia esse vel hinc apparet, quod Galli antiquitus in Thraciam & Hispaniam, non autem illi in Galliam, colonos misisse dicantur. Igitur apud scriptores idoneos hæc fere hujus generis leguntur.

*Abobrica*, Plinio, in conventu Bracarenfi.

*Amalobrica*, in <sup>1</sup> Itinerario Antonini.

*Arabrica*, Plinio, in conventu Bracarenfi.

*Arabrica* altera, Ptolemæo, in Lusitania.

*Arcobrica*, Ptolemæo, in Celtiberis.

*Arcobrica* altera, Ptolemæo, in Celticis Lusitanis.

*Arcobrica* tertia, Plinio, in conventu Cæsaraugustano.

*Artobrica*, Ptolemæo, in Vindeliciis.

*Augustobrica*, Plinio & Ptolemæo, in Lusitania.

*Augustobrica* alia, Ptolemæo, in Vectonibus.

*Augustobrica* tertia, Ptolemæo, in Pelendonibus.

*Axabrica*, Plinio, in Lusitania.

*Bodobrica* Itinerario Antonini, & libro de notitia imperii Ro. in Germania prima.

*Brige*, Itinerario Antonini, in Britannia.

*Brige vicus*, Straboni, ad Cottias Alpes.

*Brutobrica*, Stephano, inter Bætim & Turdulos.

*Caliobrica*, Ptolemæo, Coelerinorum.

*Cesarobrica*, Plinio, in Lusitania.

*Catobrica*, in Turdulis, Itinerario Antonini.

*Corimbrica*, Plinio, in Lusitania: sed, nisi fallor, corrupte, pro *Cornimbrica*, cujus meminit Itinerarium Antonini, & quæ suum vetus nomen adhuc servat, ad Mundam amnem.

*Cotteobrica*, Ptolemæo, in Vectonibus.

*Deobrica*, Ptolemæo, in Vectonibus.

*Deobrica* altera, Ptolemæo, in Autrigonibus.

*Deobricula*, Ptolemæo, Morbogorum.

*Dessobrica*, non longe a Lacobrica, Itinerario Antonini.

*Flaviobrica*, Plinio, ad *Amanum* portum. Ptolemæus, in Autrigonibus;

*Magnum* vocat: ac nescio, an apud Plinium, *Magnum* scribi debeat.

*Gerabrica*, in conventu Scalabitano, quæ in eodem *Jerabrica*.

*Juliobrica*, Plinio & Itinerario Antonini, in Cantabris, olim *Brigantia*.

La-

Germ. Antiq. lib. I. cap. 7. in plerisque tamen Strabonis exemplaribus *Poltiobrica* & *Selybria* legitur.

<sup>1</sup> Itinerario Antonini] In omnibus post

Edinb. editionibus pro *Antonini Antonii* scribitur. De hujus Itinerarii auctore consule Jo. Alb. Fabricii Bibliothecam Latinam.

*Lacobrica*, in Vaccæis, Plinio, & Ptolemæo, & Festo Pompejo.  
*Lacobrica*, in Sacro promontorio, Melæ. ▯  
*Lancobrica*, in Celticis Lusitanis, Ptolemæo.  
*Latobrigi*, vicini Helvetiis, Cæfari.  
*Medubrica*, cognomento Plumbaria, Plinio, in Lusitania. Hæc, ni fallor, in Itinerario Antonini vocatur *Mundobrica*.  
*Merobrica*, cognomento Celtica, in Lusitania, Plinio & Ptolemæo.  
*Mirobrica*, in Oretanis, Ptolemæo.  
*Mirobrica* altera, in Bæturia, five Turdetanis Bæticis, Plinio & Ptolemæo.  
*Nemetobrica*, in Celticis Lusitanis, Ptolemæo.  
*Nertobrica*, in Turdulis Bæticæ, Ptolemæo.  
*Nertobrica* altera, in Celtiberis, Ptolemæo; in Itinerario Antonini *Nitobrica*.  
*Segobrica*, in Celtiberis, Plinio; Ptolemæo vero Celtiberiæ caput.  
*Talabrica*, in Lusitania, Plinio & Ptolemæo.  
*Turobrica*, in Celticis Bæticæ, Plinio.  
*Tuntobrica*, inter Bracares Gallæcos, Ptolemæo.  
*Vertobrica*, cognomento Concordia Julia, Plinio, in Celticis Bæticis.  
*Volobrica*, Nemetum, Ptolemæo.

XXXII. Ad hanc formam pertinere videntur plurima oppidorum & gentium nomina, in omnibus provinciis, in quas Galli colonias deduxerunt. Nam, ut a BURGO *Burgundus* & *Burgundio*, ita a BRIGA *Brigantes* deduci videntur. Rectus autem casus hujus vocis apud Stephanum est *Brigas*, unde inflectimus *Brigantes*, ut a Gigas *Gigantes*. Sunt autem *Brigantes* Straboni ad Cottias Alpes, & in eodem tractu *Brige* vicus, & *Brigiani* in tropæo Augusti inter Alpinas gentes recensentur: & *Brigantium* oppidum est Alpinum; & *Brigantii* in Vindelicis, Straboni; & *Brigantia*, in Itinerario Antonini; & *Briga* mons, Ptolemæo, prope fontes Rhodani & Danubii; & *Brigantium*, in Rhætis, Ptolemæo, (oppidum opinor, quod in libro, *De notitia provinciarum populi Romani*, est *Brecantia*,) & lacus *Brigantinus*; & in Hibernia, *Brigantes* populi, Ptolemæo; & in Albio, *Brigantes*, Ptolemæo, Tacito & Senecæ; & *Brige* oppidum, & *Isobrigantium*, Itinerario Antonini; & *Brigantium* oppidum, Orofio, ad Celticum promontorium; & *Flaviobrigantium*, Ptolemæo, in Magno portu; & recentior *Brigantia*, nunc in regno Lusitaniæ.

XXXIII. Est & alia nominum forma, vel a DUNO inchoantium, vel in eam vocem exeuntium, quam Gallicam fuisse ostendunt cumuli illi arenæ in littore Morinorum, qui *Duni* adhuc appellantur, & in mari cumuli adversus Anglicum littus; quibus idem est nomen, & Plutarchus, (is dico, qui *De fluminibus* libellum scripsit,) qui exponens *Lugduni* originem, DUNUM pro vocabulo Gallico agnoscit. In nominibus autem vicorum & oppidorum exprimendis, non est fere alia vox frequentior, apud nationes, quæ veterem Gallicam linguam prope integram servant: intelligo Brittones in Gallia Celtica, & priscos Scotos in Hibernia & Albio, & Vallos & Kernicovалlos in Anglia. Ne-

Neque enim quisquam est harum gentium, qui id vocabulum pro suo non agnoscat. Id modo interest, quod Galli veteres compositas inde voces in DUNUM finiebant, Scoti plerumque in principio verborum eam collocant.

Hujus generis in GALLIA hæc reperiuntur.

*Augustodunum*, in Aeduis.  
*Castellodunum*, agri Carnotensis.  
*Melodunum*, ad Sequanam.  
*Lugdunum*, ad confluentem Araris & Rhodani.  
*Augustodunum*, in Arvenis, Ptolemæo.  
*Lugdunum*, in Convenis, Ptolemæo.  
*Noviodunum*, in Tribocis, Ptolemæo.  
*Uxellodunum*, Cæsari.  
*Juliodunum*, in Pictonibus.  
*Isodunum*, & Regiodunum, in Biturigibus.  
*Laodunum*, agri Rhemensis.  
*Cæsarodunum*, in Turonibus, Ptolemæo.  
*Segodunum* in Rutenis, Ptolemæo.  
*Vellavodunum*, Cæsari.

In HISPANIA.

*Celadunum*, Ptol. Bracar.  
*Sebeldunum*, Ptolemæo.

In BRITANNIA.

*Camulodunum*, in Brigantibus, Ptolemæo.  
*Camulodunum*, colonia Romana, Tacito.  
*Dunum*, oppidum Durotrigum, Ptolemæo.  
*Maridunum* Demetarum, Ptolemæo & Itinerario Antonini.  
*Rigodunum*, in Brigantibus, Ptolemæo.  
*Cambodunum*, Itinerario Antonini.  
*Margidunum*, Itinerario Antonini.  
*Sarviodunum*, vel *Sorbiiodunum*, Itinerario Antonini.  
*Segodunum*, & *Axelodunum*, lib. de notitia imp.

Recentiora in ANGLIA.

*Ferantodunum*.  
*Dunelmum*.

In SCOTIA.

*Duncaldon*, quæ & *Caledonia*.  
*Deidunum*, aut verius *Taodunum*, ad Taum amnem.  
*Edinodunum*, quam vocem præci Scoti adhuc retinent, at qui Germanifant *Edinburgum* malunt.

<sup>1</sup> Du-

1 In BRITANNIA.] MS. In BRITANNIA, *viz.*

1 Du-

\* *Dunum*, Hiberniæ oppidum.

*Noviodunum*, vel *Dunum Novum*, in Covalia.

*Britannodunum*, ad confluentem Glottæ & Levini.

Sunt autem hoc tempore innumera nomina arcium, aut vicorum, aut col-  
lum, hinc composita.

In GERMANIA, apud Ptolemæum leguntur,

*Lugdunum*, *Segodunum*, *Tarodunum*, *Robodunum*, *Carrodunum*.

In ALPIBUS.

*Ebodunum*, & *Sedunum*.

In VINDELICIS, RHÆTIA, & NORICO.

*Cambodunum*, *Carrodunum*, *Gesodunum*, *Idunum*, & *Noviodunum*,  
libro de notitia imperii Romani, *Parrodunum*.

In SARMATIA, & DACIA, Ptolemæo.

*Carrodunum*, *Singidunum*, ad Danubium: *Noviodunum*, ad ostium Danu-  
bii: item *Noviodunum* alterum.

XXXIV. Sunt & in eisdem provinciis non pauca a DUR declinata, quæ  
vox veteribus Gallis & Britannis aquam significabat, & apud quosdam in eo-  
dem intellectu adhuc perseverat.

In GALLIA.

*Durocortorum* in Rhemis, Ptolemæo: legitur & *Durocortium*: meminit &  
Cæsar. *Divodurum* Mediomatricorum, Tacito. *Divodurum*, prope Lutetiam,  
Itinerario Antonini. *Batavodurum*, in Batavis, Ptolemæo & Tacito. *Brevio-  
durum*, Itinerario Antonini. *Ganodurum*, prope Rhenum, Ptolemæo. *Ganno-  
durum*, in Helvetiis, Ptolemæo. *Ostodurum* vel *Ostodurus*, in Veragris,  
Cæsar.

In RHÆTIA, VINDELICIS, & NORICO.

*Bragedurum*, *Carrodurum*, *Ebodurum*, *Gannodurum*, & *Ostodurum*, Pto-  
lemæo. *Venaxamodurum* & *Boiodurum*, libro de Notitia provinciæ.

In HISPANIA.

*Ostodurum*, & *Ocellodurum* Ptolemæo. *Durius* amnis in Oceanum, *Du-  
ris* in mare internum fluens, & in Hibernia *Dur* fluvius Ptolemæo.

In BRITANNIA.

*Durocobrica*, *Duroprova*, *Durolenum*, *Durovernum*, *Durolipons*, *Durotri-  
ges*, *Durocornovium*, *Durobitum*, *Duronovaria*, *Laffodurum*. Ad hanc fortas-  
se pertinent originem *Doria* major & minor, Alpina flumina, alter per Salas-  
fos, alter per Taurinos, in Padum influentes: item *Issidorus*, & *Alisfidorus*,  
urbes Galliæ, a situ (ut reor) prope flumina dictæ. Huc etiam pertinet DU-  
RETA, quæ vox Hispanis solum ligneum significabat, ut in Augusto scribit  
Suetonius. Huc pertinet, apud Cæsarem, proprium viri nomen DOMNA-  
CUS, quod mihi ex *Dunaco* corruptum videtur: DUNACH enim *Dunanum*  
& *Dunensem* significare potest, ut ROMACH Romanum. *Dunacus*, sive po-  
tius

1 *Dunum*, Hibernia oppidum.] Non er-  
go in Scotia, nisi sub eo nomine Hiber-  
Tom. I. niam quoque comprehendat. Est & *Dunum*  
Scotiz in Taichia. L

tius *Dunachus*, adhuc inter propria virorum nomina usurpatur, quod nomen utriusque linguae (Latinae & Britannicae) ignari, perperam nunc *Duncanum*, nunc *Donatum* vertunt.

XXXV. MAGUS item, vox antiqua, in omnibus provinciis, in quibus publicus fuit usus Gallici sermonis, in nominibus urbium exprimendis admodum frequens: quae res Gallicam eam fuisse indicat. Verum e declinatis ab ea magis suspicari possumus, quam pro certo affirmare, domicilium, urbem, aut aedificium, ea indicari solitum. In libro *De notitia imperii populi Romani* legitur, *Præfectum numeri Pacensium in præsidio Magis*; item, in eodem libro, *Tribunum cohortis secundæ Magnis* collocatum. *Magnos* item in Itinerario Antonini invenimus. Unumne oppidum, an diversa sint, non ausim pro certo affirmare: verum magis inclinat animus ut credam diversa. In MAGUS autem exeuntia hæc fere legimus. Ex Ptolemæo, *Noviomagus* in Santonibus, *Noviomagus* Lexoviorum, *Noviomagus* in Vadicassius, *Noviomagus* Nemetum, *Noviomagus* in Tricastinis, *Noviomagus* Biturigum, *Juliomagus* in Andegavis, *Rotomagus* in Veneliocaliis, *Cesaromagus* Bellovacorum, *Rotomagus* Nerviorum, *Borbetomagus* Vangionum, in Germania prima, *Vindomagus* in Volcis Arecomicis. Item, ex Itinerario Antonini, *Argentomagus*; & in Germania prima *Noviomagus*. Ex libro *De notitia imperii Romani*, *Noviomagus* Belgicae secundæ. In Rhætia *Drusomagus*, Ptolemæo. In Britannia, ex Itinerario Antonini, *Cesaromagus*, *Sitomagus*, *Noviomagus*, in Regnis: *Vacomagi*, *Maiorvini*, *Vicomagi* pars Pictonum, Ptolemæo.

XXXVI. Sunt & alia locorum nomina, pluribus harum gentium communia, sed non tam frequenter usurpata, nec tam late sparsa, quam superiora: qualia sunt, *Hibernia*, Romanis insulae nomen, Pomponio Melæ, Ptolemæo & Juvenali, *Juvena*; Straboni, Claudiano & incolis, *Ierna*. Quod aliis *Nerium* promontorium est, Straboni *Ierne*. *Iernus* fluvius Gallæciae, Melæ est *Ierna*. *Iernus*, Hiberniae fluvius, Ptolemæo; *Iernus*, Scotiae fluvius, in Taum cadens. Alter eodem nomine per Moraviam labitur. Regio utrique vicina *Ierna* vocatur. Ptolemæo, *Mediolanum* oppidum Insubrum, alterum in Santonis, aliud in Aulercis Eburacis, aliud ad Ligerim, aliud ad Sequanam, quod nunc (opinor) dicitur *Meulan*, aliud in Germania magna, prope Asciburgium, aliud ad Danubium, aliud in *Britannia*, cujus etiam meminit Itinerarium Antonini. Item *Marcolica*, Hispaniae oppidum, *Macolicum* Hiberniae. *Vaga* Lusitaniae fluvius, & alter Valliae in Anglia. *Avo* Melæ, *Avus* Ptolemæo, Gallæciae fluvius, nomen adhuc retinet; in Argathelia ejusdem nominis fluvius ex *Avo* lacu defluens. *Sacrum* promontorium, alterum Hispaniae, alterum Hiberniae. *Ocellum* promontorium Britanniae, *Ocellum* Gallæciae, in conventu Lucensi; *Ocelli* montes in Scotia; *Ocellum* ultimum Galliae togatae oppidum, Cæsari; *Uxellum* oppidum Britanniae, forte pro *Ocello*: nam & Marlianus, in antiquis urbium Galliae nominibus explicandis, id senomen varie scriptum invenisse testatur, *Ocellum*, & *Oscela*, & *Oscellum*. Atque hinc fortasse *Uxellodunum*, quod & *Uxellodurum* solet scribi. Item *Tamara*, fluvius Gallæciae, Ptolemæo, *Tamaris* Melæ, *Tamarici*, populus Gallæciae, Pli-



Plinio; *Tamarus* fluvius, & *Tamara* oppidum Britanniae, Ptolemæo. *Sars*, Gallæciæ fluvius, *Melæ*, *Sarcus* Scotorum. *Eboræ*, oppidum Lusitaniae, dicta Liberalitas Julia, Plinio & Ptolemæo; *Ebura*, quæ Cercalis, in Bætica, Plinio, *Eboræ*, Ptolemæo; *Aulerci Eburaici* in Gallia Celtica, Ptolemæo; *Eboracum* in Brigantibus Britannis. *Deva*, nunc *Dea*, Angliæ fluvius & Scotiæ, unus in Gallovidia, alter in Angusia, tertius dividit Merniam a Marria. *Cornavii*, in Anglia ad ultimum occasum, in Scotia ad ultimum septentrionem: utrique nunc *Kernici* vocantur. Videntur & tertii *Kernici* in Scotia fuisse, ad ostium Avenni fluminis, qui limes est inter Lothianam & agrum Sterlinensem. Nam Beda ad finem valli Severi statuit monasterium *Æbercurnig*, ubi nunc ruinae *Abercorni* arcis ostenduntur. *Avennus* fluvius sæpius in Scotia & Anglia. AVEN autem Scotis, & AVON Vallis, fluvium significat.

XXXVII. E tribus gentibus, quæ insulam primæ tenuerunt, post Cæsaris adventum, Brittones paullo minus quingentis annis sub imperio populi Romani, Scoti & Picti sub suis Regibus fuisse. Tandem, cum Romani, universis circumcirca nationibus in exitium eorum conjuratis, exercitus omnes e longinquioribus provinciis ad patriæ salutem tuendam revocassent, Brittones, destituti externis auxiliis, atque a Scotis & Pictis miserum in modum vexati, Saxones, tum piratica classe mare infestantes, conduxerunt. Sed id consilium illis male vertit. Nam Saxones, repressis Pictis & Scotis, ipsi, & regionis ubertate & incolarum infirmitate perspecta, ad occupandum insulæ imperium animum adjecerunt. Igitur, post variam belli fortunam, cum vi aperta, quo intenderant, pervenire non possent, fraude Brittones aggredi statuunt: cujus hæc ratio fuit. Cum ad colloquium utriusque partis proceres loco & die statim convenissent, Saxones, ab Hengisto suo duce signo accepto, omnem Brittonum nobilitatem trucidarunt, reliquum vulgus in loca montana & aspera compulerunt, planitiem omnem, ac longe fertilissimos insulæ campos, ipsi inter se in septem regna dispertiti sunt. Hic fuit status rerum in Britannia, circiter annum salutis nostræ quadringentesimum sexagesimum quartum. Cum autem ab initio tres nationes Germanicæ expeditionem in Britanniam suscepissent, reliquæ duæ paullatim in nomen Anglorum concesserunt. Sed neque cum Brittonibus, nec ipsis inter se Anglis, unquam satis fida pace, <sup>2</sup> post CCCXVII. fere annum, Dani maris potentes, primum piraticis incursionibus Angliam ingressi, cum acriter fuissent repulsi, <sup>3</sup> tricesimo sexto fere post anno, majoribus copiis aucti, exercitum justum in terram exposuerunt. Ac pri-

<sup>1</sup> *Sub imperio populi Romani.*] MS. & Edinb. sub. imp. Po. Ro. reliquæ editiones *sub Imperatoribus populi Romani*, nos *sub imperio populi Romani*, quod hæc locutio usitatissima, illa paullo insolentior videtur.

<sup>2</sup> *Post CCCXVII. fere annum.*] Juxta accuratissimos rerum Anglicarum Scri-

ptores Dani primum Angliam ingressi sunt A. C. DCCLXXXVII. adeoque pro CCCXVII. scribendum erat CCCXXIII.

<sup>3</sup> *Tricesimo sexto fere post anno.*] Idem Scriptores Danos justum exercitum in Angliam exposuisse tradunt, anno 828. i. e. post primum eorum ingressum anno 41.

primo congressu victores, vario Marte cum Anglis diu contenderunt, donec ad annum salutis M. XII. Sueno, devictis penitus Anglis, publico eorum consensu regnum est adeptus, quod tamen paucos annos in ejus familia remansit. Saxones enim, iterum suae gentis Regibus creatis, post viceimum quartum fere annum a Gulielmo Normano victi, nobilitate maxima ex parte extincta, agris inter Normanos divisis, vulgus in misera servitute fuit, usque ad Henricum septimum, qui parte oneri levata, paullo commodiorem plebejorum conditionem fecit. At qui in honore apud Regem sunt, aut nobilitate illustres videri volunt, universi suum genus ad Normanos referunt.

XXXVIII. Haec sunt, quae ex antiquis monumentis, aliisque non obscuris indicis, de trium vetustissimarum in Britannia nationum origine, institutis, & sermone, potuimus eruere: quaeque mihi faciunt fidem, veteres Brittones, ceterosque Britanniae incolae, e Gallis oriundos, Gallicoque sermone ab initio usos fuisse. Quarum rerum multa & manifesta vestigia tam in Gallia, quam Britannia adhuc remanent. Nec mirum videri debet, si in sermone, qui ad singula vitae momenta mutatur, pleraque res aliis alibi nominibus in tanta longinquitate temporis vocentur. Imo illud potius admirandum reor, quod idem (ut ita loquar) sermonis fundamentum, eadem declinandi ratio, in populis magno intervallo distitis, tam raro in reliqua vitae ratione concordibus, saepe etiam capitali odio dissidentibus, adhuc perseveret. De reliquis tribus gentibus, Anglis videlicet, Danis, & Normanis, non erat quod anxie disquireremus, cum adventus eorum tempora causaeque sint pene omnibus perspicuae. Hic autem labor a nobis est susceptus, ut nos majoribus, ac majores nobis, redderemus. Id si praestiterimus, non est quod nos pœniteat quantulicunque in re non maxima laboris: sin minus, etiam qui sententiae nostrae non accedent, voluntatem tamen opinor non improbaturos. Ego vero tantum abest, ut haec refelli molesti sciam, ut, si quis certior doceat, ac de errore me deducat, ei maximam gratiam sim habiturus.

XXXIX. Statueram huic disputationi, quae est de origine Britannicarum gentium, hic finem imponere, nisi Luddus me invitum retraxisset, dum 'Scotos Pictosque non ita pridem in Albium venisse contendit. Ejus etsi levissimam vanitatem, cum imperitia conjunctam, sine ullo piaculo contemnere potuissim, tamen, ne indoctorum factio nimium sibi hoc patrono placeret, paucis visum est hominis procacitatem retundere, ac potissimum ex argumentis, & testibus, quos adversus nos ipse producit. Ac primum de genere argumentandi, post de re ipsa dicam. *Julius (inquit) Caesar, & Cornelius Tacitus, tanta diligentia scriptores, item Suetonius, Herodianus, ceterique Romani, qui de rebus Britannicis scripserunt, nusquam Scotorum & Pictorum meminerunt: igitur*

1 *Scotos Pictosque non ita pridem in Albium venisse.*] Ejus vestigia insistentes Usserius, Episcopus Asaphensis, Stillingfleetus, &c. idem probare sunt conati, eo praesertim consilio, ne Scoti ab Anglis suis antiquitatis gloriam praeriperent.

At non desunt Scotis sui vindices, quos in Britannia sedes habuisse multis ante Saxonum adventum seculis invidis rationibus ostendunt, D. Geo. Mackenzus, D. Jacobus Dalrymple, Pat. Abercrombys, &c.

tur ea ætate sedes in Britannia nullas habuerunt. Visne, Ludde, istam conditionem recipere, ut cujus gentis nemo veterum scriptorum nomen protulerit, ea nusquam fuerit? Hanc conditionem si accipis, vide, quot uno & altero versu gentes a suis aris & focis exigas: quantam proscriptionis tabulam proponas: quos etiam viros proscribas, Brutum, Albanactum & Cambrum: quas gentes e rerum natura tollas, Loegros, Cambros & Albanos, sicuti tu postuias, non modo in historia, sed etiam in Grammatica tyrannus, qui *Albanos* ab *Albanacto* declines. Quod si ista, quæ tibi offertur, conditio non satis videtur æqua.

— quia tu gallinæ filius albæ,  
Nos viles pulli, nati infelicibus ovis;

aliam tibi proponam, eamque, quam recusare nec debeas, nec, opinor, audeas. Est quoddam probationis genus e fragmentis, unde, si paullum frontem perfricueris, nihil est, quod non queas probare. Eo autem ut utar, mihi potissimum venit in mentem, quod id tu videaris maxime amplecti, ut qui e fragmento, tibi, opinor, uni noto, Cimbrorum illam infinitam multitudinem, ad delendum imperium Romanum emiseris: <sup>1</sup>e fragmento, inquam, tibi ostendam, Scotos & Pictos, ante Vespasiani ætatem (quod tu negas) in Britannia fuisse. <sup>2</sup>In libello tuo, cui tu *Fragmentum Britannicæ descriptionis* nomen dedisti, hanc maxime ob causam, opinor, quod existimasses te satis probasse, e duorum fragmentorum altero, <sup>3</sup>*Prudanium* potius quam *Britanniam* dicendum, ex altero multitudinem Cimbrorum, quantam Britannia tota tum conficere non potuit, evomuisse. Hanc ob causam arbitratus es, tuo fragmento satis fidei solo illo nomine conciliaturum. In eo libro scribis, *Scotorum & Pictorum nomen, una cum Francis & Anglis, orbi Romano innotuisse*.

XL. Hujus sententiæ testem laudas (sane idoneum) <sup>4</sup>Mamertinum in Panegyrico, quem dixit Maximiano: qui testis, si ego cum recte intelligo, contra Lud-

<sup>1</sup> E fragmento.] Forte, eo fragmento.

<sup>2</sup> In libello tuo.] Hæc ad finem Paragraphi male coagmentata, nec eo quo solet Buchananus concinno verborum ordine disposita videntur.

<sup>3</sup> Prudanium potius.] Ita omnino legendum, non *Prytanium*, quod habent omnes libri: non enim Luddus, sed Tho. Æliotus *Britanniam* olim *Prytanium*, sive *Prytaneiam* appellatam contendit. Vid. lib. I. c. 2.

<sup>4</sup> Mamertinum in Panegyrico quem dixit Maximiano.] Luddus hic in errorem Buchananum secum traxit, hic enim Panegyricus, in omnibus quas vidi editionibus, non *Mamertino*, sed *Eumenio* tribui-

tur; nec *Maximiano*, sed *Constantio* Cæsari inscriptus, sive in ejus laudem coram filio Constantino Magno dictus perhibetur. (Leguntur vero verba cap. xi. Potuit Buchananus usus fuisse editione Rhenani 1520. in qua hic Panegyricus Maximiano inscribitur, sed auctoris nomen non exprimitur. Rhenanus Belgam suspicatus primum, deinde libenter se Mamertino tribuere addit. refutavit vero Rhenanum Pighius in Hercule Prodicio pag. 13. qui Eumenii quidem non esse vult, sed ab Æduo quodam tamen Constantio Chloro dictam orationem: vid. & Livinei & Acidalii notas in initium orationis.)

dum facit. Nam, cum Mamertinus de primo Julii Cæsaris adventu in Britanniam scribit, his verbis utitur. *Ad hoc natio, etiam tunc rudis, & soli Britannii Pictris modo & Hibernis affucta hostibus, adhuc seminudis, facile Romanis armis & signis cesserunt.* Videte, quæso, quid ex hoc testimonio colligat Luddus: primum, *solos tum Brittones insulam incoluisse*: deinde, *qui ibi dicuntur Iliberni, postea Scotos fuisse appellatos.* At horum neutrum auctor Panegyrici dicit. Brittones enim affirmat ante Cæsaris adventum dimicasse adversus Scotos & Pictris, *soli Britannii*, id est, *in solo Britanno habitantes*, hostes, ut, *soli Britannii*, non rectus, sed gignendi sit casus. Alterum sibi falso assumit. Arbitror enim me satis dilucide ostendisse, ex Paulo Orosio Hispano, & Beda Anglo, omnes Hiberniæ incolæ, ab antiquissimis usque temporibus, dictos fuisse Scotos, ac tum demum, cum in Albium colonos miserunt, nomen Scotorum, domi prope extinctum, foris celebrari cœpisse. Alio loco contendit Caledonios fuisse Brittones, non alio argumento, quam quod eos Britannos vocari reperit: quod nomen commune est omnibus eandem insulam colentibus. At nos superius, e loco Panegyrici ab ipso citati, ostendimus Caledonios Pictrios fuisse. Idem confirmat Mac-llinus, qui duo esse Pictriorum genera inquit, *Dicaledones*, sive (ut ego legendum cenſeo) *Duncaledones*, & *Pectarios*. At Caledonii, sive Caledones, ante Vespasiani imperium in Britannia habitabant, nec ignoti Romanis erant, ut perspicue indicat Lucanus, qui Nerone Principe decessit; lib. vi. versu 68.

*Aut vaga cum Tetrys, Rutupinaque litora servant,  
Unda Caledonios fallit turbata Britannus.*

XLII. Sed quorsum externis testibus conquirendis laboramus, cum domesticum, eumque luculentum admodum, habeamus. Beda enim, historici Ecclesiasticæ gentis Anglorum scriptor, ordinem & prope momenta temporum notat, quibus peregrinæ gentes in Britanniam immigrarunt. Hæc sunt verba ejus, e libro primo, *In primis autem insula Brittones solum, a quibus nomen accepit, incolæ habuit, qui de tractu Armorico (ut fertur) in Britanniam advecti, australes sibi partes illius vindicarunt. Et cum plurimum insule partem (incipientes ab austro) possiderent, contigit gentem Pictorum de Scythia (ut perhibent) longis navibus non multis Oceanum ingressam, circumagente statu ventorum, extra fines omnes Britannicæ, in Hiberniam pervenisse. Et paulo post: Itaque petentes Britanniam Pictri, habitare per septentrionales partes insule cœperunt: nam austrina Brittones occupaverant.* Tandem, post paucos versus, adjicit: *Proceden-*

*Ad hoc natio, etiam tunc rudis, & soli Britannii Pictris modo & Hibernis affucta hostibus.* Vix alius apud veteres occurrit locus de cujus sonitu viri docti tantum pulveris excitantur. Vide, præter Luddum, alterum etiam Luddum Episcopum Asaphensem, Deantq. regim. Eccles. Britan. quique Hyperaspiten Stillingfletum Orig. Brit qui luculentum in hoc de gentis

Scoticæ vetustate testimonium nobis quoniam quæve injuria creptum eunt. At non impune ferre passus est egregius harum rerum indagator D. Georgius Mackenzus, qui duobus libris ea de re scriptis suam Scotis antiquitatem adversus illorum auctorum cavillationes & effugia strenue asseruit.

dente autem tempore, Britannia post Brittones & Pictos tertiam Scotorum nationem in Pictorum parte recepit. Deinde, post multos versus, addit: Verum eadem Britannia Romanis usque ad C. Julium Cæsarem inaccessa atque incognita fuit. Quæso te, quicumque hæc leges, hic animadvertes, unde, quo tempore, quo ordine, scriptor, Luddo multo antiquior & gravior, has nationes Britanniam ingressas affirmet: nempe Brittones ex Armorico tractu, tempore incomperito, externorum ordine primos: Pictos e Scythia in Britannia partem adhuc habitatorum vacuam, nec adeo diu post adventum Brittonum, qui nondum in tantam multitudinem creverant, ut totam insulam occupare possent. Quid ergo Scoti? quando in Britanniam venerunt? *procedente*, inquit, *tempore*: nempe, concedentibus in sua parte sedes vacuas Pictis, ad priores ultimi accesserunt. Brittones igitur, teste Beda, ex Armorica Gallica, nec adeo diu post Picti e Scythia, utrique autem in vacua, venerunt: tandem, insula inter eos divisa, Scoti non vi ingressi, sed in sortem Pictorum recepti fuerunt: idque diu antequam Romanis esset cognita Britannia. Hic quid Luddo facies, qui testes sui mendacii Gildam & Bedam facit: nempe quod Scoti & Picti, imperante Romæ Honorio, primum in Britannia ceperint sedes, anno a Christo quadringentesimo æ vigesimo: quorum Gildas nihil pro Luddo facit, Beda eum mendacii coarguit. Tu vero, lector, nec Luddo, nec mihi, sed tuis oculis crede, & utriusque scriptoris locos diligenter expende.

XLII. At vero Dion, inquit, *Caledonios* vocat *Britannos*: vocat sane & Lucanus, ut ante dictum est, & Martialis in illo versu, lib. x. Epig. 44.

*Quinte Caledonios Ovidi visure Britannos.*

Sed nullus eorum propterea Pictos eos fuisse negat: sed jure tamen optimo Britannos vocant. Nam, quemadmodum tota insula Britannia vocatur, ita universi ejus incolæ Britanni merito vocabuntur. Verum, quemadmodum insulæ Siciliae habitatores, a Romanis universi vocantur Siculi sine ullo discrimine, ipsi vero se, alii Σικυλῆς, alii Σικελιώτας, appellabant; ita Britannia totius incolæ Britanni exteris appellantur, ipsi vero antiquos habitatores sæpissime Brittones, reliquas vero gentes in ea degentes, plerumque privatis nationum nominibus, interim vero communi Britannorum vocabulo, nuncupant. Igitur Caledonii, Picti, Scoti, interim suo quæque gens nomine, interim communi Britannorum vocabulo, nec adeo raro, censentur. At Brittones eos, quantum memini, nemo adhuc vocavit. Est & aliud discrimen apud eos animadvertendum in voce Britannia, quale est apud Græcos & Latinos in voce Asia. Est enim Asia interdum tertia pars terræ habitabilis, interim majoris illius Asiae pars, quæ citra Taurum montem, & minor Asia appellari solet: ita Britannia, modo nomen est insulæ universæ, modo partis ejus, quæ Romanis fascibus

1 *Armorica Gallica.*] Melvinus legendum censet *Gallia*: atqui non est opus, pari enim modo Belgicam Armoricam dicit, lib. iv. c. 44.

2 *Anno a Christo.*] Addendum forte *nato*.

3 *Alii Σικυλῆς, alii Σικελιώτας.*] Ita MS. & Græcis quidem literarum characteribus: pro quo editi omnes *alii Siculos* vel *Siceliotas* perperam exhibent.



bus parebat : eaque pars nunc Humbro fluvio , nunc Hadriani , nunc Severi vallo , finiebatur. Ejus autem partis habitatores , sæpius a Britannis scriptoribus Brittones , quam Britanni nominantur : cæteros vero insulæ habitatores , nempe Scotos & Pictos , interim Britannos , interim peregrinos & transmarios , Beda vocat. Idem quoque discrimen apud Monumetensem monachum , & Gulielmum Malmesburiensem , observare est. Quamobrem Caledonii nihilo magis erunt Brittones , si a Dione , Martiale , Lucano , aut alio probo scriptore , Britanni dicantur , quam Brutii fient Romani , etiamsi utrique sint Itali. Hæc si animadvertisset Luddus , nunquam in tantas tenebras se induisset , & de re non satis cognita tam temere & inconsiderate pronunciasset , Caledoniosque , quia vocentur a Dione Britanni , Pictos fuisse negaret.

XLIII. Nec est quod miretur Luddus , quod cum Scoti & Picti , tot , non dico annos , sed secula , in Britannia habitaverint , nemo tamen paullo vetustior scriptor eorum meminerit ante Ammianum Marcellinum & Claudianum. Nam , ut omittam Vallos , Cambros , Loëgros , nuper nota mundo nomina , possum & ego eum rogare , cum tot Græci & Latini res Græcorum mandarint memoriae , cur nemo Græcus Græcos , aut Romanus Hellenas , nominet ? cur tam sero nomina nationum , quarum modo memini , in historiam Britannicam irrepsérint , quæ Cambrobritannus iste vult videri vetusta ? Item , si quem Anglum roges , cujas sit , nemo Saxonem se profitebitur , cum Scoti , Picti , Hiberni , utrique Brittones , (& qui Britanniam & qui Galliam incolunt ,) uno consensu perpetuo Saxones eos vocent ? cur prisci Scoti , ne nunc quidem , Scotorum nomen agnoscant ? Non debet igitur nobis absurdum videri , si Romanis , captivos rogantibus cujus gentis essent , alius Macatam , alius Attacotum , alius Caledonium , se esse diceret ; & quæ ab eis acceperint exteræ gentes , ea nomina retinuerint , & in sermone publico usurpaverint. Nec erit , opinor , incredibile , alia nomina historicis & peregrinis , alia popularibus esse notiora.

XLIV. Etsi satis ex his liquet , Scotorum & Pictorum in Britanniam adventum , non modo antiquiorem , quam contendat Luddus , sed non adeo diu Brittonum adventu posteriorem fuisse , adjiciam & alias non spernendas conjecturas. Brigantes , magna & valida natio , trans Humbrum , nempe circa Eboracum , habitabant , ac totius insulæ latitudinem inter duo maria obtinebant. Hos , non e proximo Galliæ tractu , in quo nulli Brigantes habitasse dicantur , sed ex Hispania in Hiberniam , ex Hibernia in Britanniam propinquam , immigrasse est verisimile , nec a conjectura Cornelii Taciti , quam de antiquis insulæ cultoribus facit , abhorrens. Si ab Hibernia Brigantes advenere , Scotici profecto generis , uti & reliqui omnes Hiberniæ habitatores , fuere. Hanc nostram sententiam videtur etiam Seneca confirmare , in elegantissima illa de morte Claudii satyra , his verbis ,

*Ille*

*1 In tantos tenebras se induisset. ] Parè Induere se in laqueum. & Virg. Geo. I. 153. quando quo Plautus Cas. I. v. 11. 25. dixit Nux induit se in florem.*

*12*

<i>Ille Britannos</i>	<i>Ultra noti</i>	<i>Littora ponti,</i>
<i>Et cœruleos</i>	<i>Scuta Brigantas</i>	<i>Dare Romuleis.</i>
<i>Colla catenis</i>	<i>Fussit, &amp; ipsum</i>	<i>Nova Romana</i>
<i>Jura securis</i>	<i>Tremere Oceanum.</i>	

In his versibus, pro *Scata Brigantas*, Josephus Scaliger Julii filius legendum censet *Scotobrigantas*. Is juvenis quanta sit eruditione & judicio, quaque in vetustis scriptis conferendis industria, & abstrusis sensibus eruendis acumine, monumenta ab eo edita testantur. In præsentia autem, cum res Britannicas illustrandas suscepissem, ejus judicium non censui omittendum. Id autem cur verum existimem, paucis exponam. Etenim, cum legamus apud Cæsarem, aliosque scriptores non minus diligentia quam eruditione præstantes, Britannos glasto solitos inficere corpora, ac, juxta Herodianum, scutis angustis, (qualia Livius Gallis Asiaticis tribuit,) nec in armis insigni ullo usos ornamento; absurdum videbatur, corporis, quod pingebatur, mentione omiſſa, scuti, quod non pingebatur, meminisse. Pingebantur autem veteres Britanni, non ad decorem, ut aliæ non paucæ nationes: sed ut cœruleus color terribiliorem pugnantium speciem in acie hostibus offerret. Is vero color quomodo in angusto scuto terribilis videri posset, non intelligo. Itaque verisimile est, ab homine doctissimo, & Britannicarum rerum perito, ut qui totam insulam, juxta Dionem, usuris oppressam teneret, *Scotobrigantas* scriptum fuisse, ut diversi ab Hispanis & Gallis Brigantibus intelligerentur. Eodem quoque pertinet illud, quod eodem carmine Britannos & Brigantes speravit, velut diversas nationes: quod a nonnullis Britannicis scriptoribus est factum, qui Britannicæ finem Humbrum faciunt.

XLV. Atque hæc res parum animadversa Hectorem Boethium, opinor, fefellit, qui cum Silures & Brigantes alicubi legisset Scotos appellari, utpote ex Hibernia oriundos, eos in parte regni Scotorum in Albio collocaret. Ejus error, etsi alios jure offenderet, non tamen ita erat a Luddo exagitandus, cum ipse non levius in eodem genere inpegerit, qui Cumbros (aut, ut ipsi se vocant, Cumros) ad spoliandum orbem terrarum e Britannicæ angulo emisit. Cimbros enim & Britannos, ex uno & altero vocabulo, quod utrisque commune fuit, ejusdem gentis fuisse colligit. Ea sunt, *Moremarusa* & *Trimarchia*. Ubi operæ pretium est videre hominis in disputando acumen, & colligendo subtilitatem. Hoc, inquit, vocabulum, *Moremarusa*, Britannicum est. Cimbri-cum erat, nec ullius præterea, quæ ad mare Balticum habitat, gentis. At cum nostri ea voce utantur, eodemque nomine censeantur cum alteris illis Cimbris, ejusdem igitur gentis, ejusdem nationis erant utrique. Primum, hic partim falsa pro veris, partim incerta pro certis sumit. Nam utroque Cimbros vocari manifestum est mendacium, vel ipso Luddo teste, qui suos cives Cambros, a Rege Cambro dictos, scribit, & se Cambrobritannum appellat. Possem idem omnium civium tuorum testimonio falsum convincere, qui se non Cimbros, sed Cumros vocant. Ut hoc autem falsum, ita illud incertum est,

an  
[In Albio collocaret.] Forte collocavit, aut altero ante versu pro qui, legendum est.

Tom. I.

M

an alii ad mare Balticum accolentes populi, ea voce, quam tu Cimbris unis tribuis, uterentur: præsertim cum ex Tacito constet, plures gentes in eo Germaniæ tractu Gallicæ locutas, & superius a nobis ostensum sit, eam vocem Gallicam fuisse. Sed fuerit utrumque horum verum. Quid? tu id satis exilimus, ad istam conclusionem colligendam? Legistine aliquando Cn. Pompeji milites, cum ipse res in Alia gereret, ab Albanis, in monte Caucaio habitantibus, fratres fuisse salutatos, propter commune nomen Albanorum? Neque dubito, si quis utriusque gentis linguam observasset, quin unum aut alterum vocabulum, rem eandem significans, invenisset. Sed deeat illis Luddus, qui, quod uterque populus quædam vocabula communia haberent, utroque gentis ejusdem esse ostenderet. Quid, quod conclusionis vitium caculus ille vilis est animadvertisse, cum adjicit, Cimbros a Germanis Æstiones vocari? Id ut confirmaret, explicandum ei erat, quando & cur Cimbrī in Æstiones, aut Æstiones iterum in Cimbros, fuerint transformati. Horum ille nihil, nisi quod Britannicam historiam ex Milesiis Gallorum fabulis collectam, ac fragmentum quoddam citat, unde iste, non jam antiquarius, sed vel veteramentarius, vel scrutarius, & (si ita loqui liceat) fragmentarius, nova regna novæque gentes nobis consuit: idque magno cum labore, nec ullo tamen verisimili colore: cum tamen obvium ei esset (nisi forte id eum refugerat) Cimbrici nominis communicati cum Vallis causas invenire. Plutarchus enim non nationis sed studii nomen id esse putat, eoque Germanis latrones intelligi. In eodem intellectu Suidas, non ignobilis inter Græcos Grammaticus, eandem vocem agnoscit, & apud Latinos Festus Pompejus scribit Cimbros a Gallis dici latrones. Horum sententiam si sequamur, non erit difficile repertu, unde Cimbrī, quos Luddus in Britannia collocat, id nomen acceperint, præsertim cum vicini Angli, hoc etiam seculo, eorum ab eo studio mores non abhorreere affirmant. Livius certe servum illum, ad Marium in carcere Minturnensium occidendum missum, Gallum, Lucanus Cimbrum, nemo scriptor illustrior Britannum, appellat. Hæc si Luddus animadvertisset, aut si animadversum tenere maluisset, quam nova monstra sibi confingere, non fuisset ei necesse, omnem Britanniam uno momento, aut verius uno mendacio, omni militari juventute exhausta, sexcentis millibus capitum eductis, propemodum desertam relinquere.

XLVI. Non vacat hic minutatim exquirere, quibus pueris Valli Cimbricorum Regum dare nomina solcant: id enim etiam homo diligens pro argumento generis nobis offert. Ea autem nomina (nisi fallor) pauca, præ Latinis, Germanis & Syris, comperiet. Quod si e propriis virorum nominibus, quæ plerumque aut temere a parentibus dantur, aut ambitiose ex historia aliqua adoptantur, solidum argumentum peti posset, hac ratione Luddus cives suos Judæos, Romanos, aut Germanos, facilius quam Cimbros esse persuaderet, aut si suos admonere voluisset, ut in Baptismo pueris ex historiis eruta nomina darent, intra non adeo multos annos, gentem suam, in quam vellet nationem, transformandam curaret. De nominibus autem Regum Cimbrorum, quæ pueris ait dari solita, illud libenter hominem rogarem, e quo illa oraculo ac-

cc-

ceperit, nisi scirem, nunquam illi defuturum fragmentum aliquod, unde quidvis probet. Illud autem mirari subit, de Cimbrica ista expeditione, quomodo omni militari ætate emissa, intra quadraginta annos (tantum fere spatium fuit a bello Cimbrico, usque ad C. Cæsaris adventum in Britanniam) tam cito tantas vires Vallia vestra recuperaverit: præsertim cum, rebus Britannicis multo florentioribus, à Maximo longe paucioribus eductis, nunquam deinde Brittones caput extulerint, donec in acerbissimam servitutem a Saxonibus fuerint pertracti, aut quomodo Cæsar, qui per ætatem belli Cimbrici meminisse poterat, cum in Britanniam venisset, homo doctus, & Marianarum partium studiosus, nihil de Cimbrica ista expeditione percunctando compererit. Demum illud scire cupio, ludens an serio Luddus adjecerit, e pari auri & argenti contentu colligi utrorumque Cimbrorum cognationem. Hic libenter ex coquererem, parcosne & frugi serio vocet illos Cimbros, qui Galliis & Hispaniæ parte, non dico, vexatis aut spoliatis, sed proculcatis & pene ad vastitatem reductis, tamen ad prædam magis opimam in Italiam properabant: quorum opulentiam, ex latrocinii collectam, æmulati Helvetii, & ipsi latrones evaserint, ut est apud Strabonem lib. VII. Hos tu homines frugi & temperantes vocare audes: ac, ne parum vere Cimbricum nomen vobis conveniat, tuos cives studiorum, quibus illi assueverant, vis æmulos fuisse: teque ipsum in primis, qui ad hoc quantulumcunque gloriæ latrocinium per omnes nationes grassaris: nec contentus, res gestas Cimbrorum tuis vindicare, nisi æque impudenti figmento Sicambros vestri generis fuisse contendas: & quia in utriusque gentis nomine quædam similitudo literarum inest, ex ea verborum cognatione sanguinis conjunctionem es commentus.

XLVII. Deinde e Sicambris Franci, & nati natorum, vobis erunt cognati: ac multis demum contabulatis mendaciorum ordinibus, pontem ad retrahendos Brennos illos fugaces struis, quorum alter, qui Romam cepit, cum alterum, qui Delphos obledit, circiter centum annis præcesserit, tu utrumque in unum corpus coagmentas, ut novum ex homine vivo & mortuo nobis monstrum conficias. Quasi vero difficile esset alioqui probare, in ea, quæ te genuit terra, monstra nasci. At duos, inquit Luddus, Brennos nemo, præter Polydorum Virgilium, tradit. Fugit te, Ludde, ratio, aut certe non legisti quartum Strabonis librum, ubi scribit, alterum Brennum, qui Delphos oppugnavit, a quibusdam Praufum existimari. Imo non Strabo solus, sed quicumque Romam a Brenno captam, & supra centum annos posterius Delphos a Brenno obsessos, credit, is duos Brennos facit: cum utrumque horum ab uno geri non potuerit. Quod si monacho, historiæ Britannicæ architecto, credimus, Brennus Belini frater hos ambos Brennos trecentis annis præcessit: qui, si in Italiam duxisset, non cum populo Romano libero, sed cum Numa Rege, aut Tullo Hostilio, congredi debebat. Sed his omissis, videamus, unde novus hic Dialecticus colligat, Brennum fuisse Britannum: ex uno videlicet vocabulo *Trimarchia*, quod certe vocabulum Scotis & Gallis erat cum Vallis commune. Pausanias certe, lib. x. cap. 19. quem tu truncatum citas, ut ad rem tuam faciat, Brennum comitesque ejus Gallos appellat, & vocem illam pro Gallica

agnoscit. Tu vero, quæ tua est impudentia, Brennum, adversus omnium scriptorum fidem, qui Græcæ & Latine scripserunt historias, unus, non modo Minerva, sed Musis omnibus invitis, Britannum esse contendis. Hæc nos fortasse paullo pluribus, quam aut rerum obscuritas desiderabat, aut Luddi imperitia & inconstantia increbatur, persecuti sumus, non studio reprehendendi, (quod a nobis procul abest, sed ut hominis loquaciter maledici inultam procacitatem paullum retunderem, & a rabie, qua in omnes fere scriptores grassatur, aliquando ad sua eum errata recognoscenda revocarem. Ac ut cæteros omittam in præsentia, in Hectorem Boethium, non solum artium liberalium cognitione, supra quam illa ferebant tempora, insignem, sed humanitate & comitate singulari præditum, incurrit scurriliter: sed ita incurrit, ut nihil in eo reprehendar, quin ipse in eodem genere turpius erravit. Hæctor in Gallovidia Brigantes collocavit, falso quidem ille, neque enim errata ejus defendere est animus: Luddus ingentes Cimbrorum copias e Britannia angulo educit; quam recte, penes doctos esto judicium. Hæctor res ab aliis in Britannia contra Romanos gestas Scotis suis attribuit. Luddus captam Romam, vexatam Macedoniam, afflictam Græciam, nobilissimum orbis terrarum oraculum sacrilegio violatum, Asiam coactam paucis errabundis tributum pendere, impudenter Brittonibus suis ascribit. Hæctori vitio dat, & quidem falso, quod Gildonem, qui maximum in Africa motum concivit, Scotum faciat: nec ipse dubitat eundem Gildonem, qui Maurus erat, Gothum affirmare. At Gildus & Gildo propinqua sunt nomina. An magis, quam Luddus, Lydus, & Ludio? Certe Gildus vetus est in Scotia nomen, ut vetus Makgildorum, sive Makgillorum, gens indicat: e cujus posteris honestas adhuc in Scotia & Anglia sunt familie. Sed eum calingua: intemperantia sit Luddus, ut, modo male dicat, nihil pensi habeat quid dicat; nos, eo relicto, finem faciamus, hoc tantum admonentes, ut

*Laripedem vestis derideat, Æthiopem albus.*

## LIBER TERTIUS.

I.



Unquam superioribus libris satis demonstrasse videmur, quam non modo fabulosa, sed portentosa sint, quæ rerum Britannicarum scriptores de majoribus suis traxerunt, ac certissimis indicis ostendimus, veteres Britannos e Galliis fuisse oriundos: tamen, quia rem nobis esse videbamus potius cum hominibus pertinaciter in manifesto hærentibus mendacio, quam temere per ignorantiam lapsis, operæ pretium nec factu-  
rum

[*Unquam superioribus libris.*] Cum hic tertius liber nihil aliud quam præcipua veterum scriptorum qui de Britannia meminere loca complectatur, Buchanani autem tempore non nisi corruptæ eorum

editiones prodissent, dabunt nobis æqui lectores veniam quod recta potius quam prava sequi volentes ea ex optimis codicibus exhibuimus.



rum existimavi, si ex scriptoribus, quorum summa apud omnes doctos esset auctoritas, hominum male feriatorum retunderem audaciam, & viris bonis ac veri studiosis ad cohibendam eorum impudentiam arma suppeditarem. Hoc in genere C. JULIO CÆSARI jure principatum tribuendum existimavi, vel ob diligentiam in indagando, vel cognitionis certitudinem, vel explicandi sinceritatem. Is in *quinto Commentariorum belli Gallici* cap. 12. & seq. de BRITANNIA hoc habet.

„II. BRITANNIÆ pars interior ab iis incolitur, quos natos in insula ipsa  
 „memoria proditum dicunt: maritima pars ab iis, qui prædæ ac belli inferen-  
 „di causa ex Belgio transierant: qui omnes fere iis nominibus civitatum appel-  
 „lantur, quibus orti ex civitatibus eo pervenerunt, & bello illato ibi reman-  
 „serunt, atque agros colere cœperunt. Hominum est infinita multitudo, cre-  
 „berrimæque ædificia fere Gallicis consimilia: pecoris magnus numerus: utun-  
 „tur aut nummo æreo, aut annulis ferreis ad certum pondus examinatis pro  
 „nummo. Nascitur ibi plumbum album in mediterraneis regionibus, in ma-  
 „ritimis ferrum, sed ejus exigua est copia: ære utuntur importato. Materia  
 „cujusque generis, ut in Gallia, est, præter fagum atque abietem. Leporem  
 „& gallinam & anserem gustare, fas non putant: hæc tamen alunt animi vo-  
 „luptatisque causa. Loca sunt temperatiora quam in Gallia, remissioribus  
 „frigoribus. Insula natura triquetra, cujus unum latus est contra Galliam. Hu-  
 „jus lateris alter angulus, qui est ad Cantium, quo fere ex Gallia naves appel-  
 „luntur, ad orientem solem, inferior ad meridiem spectat. Hoc latus tenet  
 „circiter millia passuum D. alterum vergit ad Hispaniam, atque occidentem  
 „solem, qua ex parte est Hibernia, dimidio minor, ut existimatur, quam  
 „Britannia; sed pari spatio transmissus, atque ex Gallia, est in Britanniam. In  
 „hoc medio cursu est insula, quæ appellatur Mona. Complures præterea  
 „minores objectæ insulæ existimantur, de quibus insulis nonnulli scripserunt,  
 „dies continuos XXX. sub bruma esse noctem. Nos nihil de eo percuncta-  
 „tionibus reperiebamus, nisi certis ex aqua mensuris, breviores esse noctes,  
 „quam in continente, videbamus. Hujus est longitudo lateris, ut fert illo-  
 „rum opinio, DCC. millia passuum. Tertium est contra septentrionem: cui  
 „parti nulla est objectæ terra, sed ejus angulus lateris maxime ad Germaniam  
 „spectat. Huic millia passuum DCCC. in longitudinem esse existimatur. Ita  
 „omnis insula est in circuitu vicies centena millia passuum. Ex his omnibus  
 „longe sunt humanissimi qui Cantium incolunt: quæ regio est maritima omnis;  
 „neque multum a Gallica differunt consuetudine. Interiores plerique frumen-  
 „ta non serunt, sed lacte & carne vivunt; pellibusque sunt vestiti. Omnes  
 „vero se Britanni vitro inficiunt, quod cæruleum efficit colorem: atque hoc  
 „horribiliore sunt in pugna adspectu: capilloque sunt promisso; atque omni  
 „parte corporis rasa, præter caput & labrum superius. Uxores habent deni-  
 „quod denique inter se communes, & maxime fratres cum fratribus, & paren-  
 „tes cum liberis. Sed si qui sunt ex his nati, eorum habentur liberi, a quibus pri-  
 „mum virgines quæque ductæ sunt.

*Et infra, cap. 20.*

„Ab his cognoscit, non longe ex eo loco oppidum Cassivellauni abesse, fil-  
 „vis paludibusque munitum, quo satis magnus hominum pecorisque numerus  
 „convenerit. Oppidum autem Britanni vocant, cum silvas impeditas vallo  
 „atque fossa munierunt, quo, incursionis hostium vitandæ causâ, convenire  
 „consueverunt. Eo proficiscitur cum legionibus: locum reperit egregie na-  
 „tura atque opere munitum: tamen hunc duabus ex partibus oppugnare con-  
 „tendit. Hostes paullisper morati militum nostrorum impetum non tulerunt,  
 „sefeque ex alia parte oppidi ejecerant. Magnus ibi numerus pecoris repertus:  
 „multique in fuga sunt comprehensi atque interfecti.

*DE JULII AGRICOLÆ VITA TACITUS, cap. x. & seq.*

„III. Britanniae situm populosque multis scriptoribus memoratos, non in  
 „comparationem curæ ingeniive referam: sed quia tum primum perdomita est.  
 „Itaque quæ priores nondum comperta eloquentia percoluere, rerum fide tra-  
 „dentur. Britannia, insularum quas Romana notitia complectitur maxima,  
 „spatio ac cœlo in orientem Germaniæ, in occidentem Hispaniæ obtenditur:  
 „Gallis in meridiem etiam inspicitur: septentrionalia ejus, nullis contra ter-  
 „ris, vasto atque aperto mari pulsantur. Formam totius Britanniae, Livius  
 „veterum, Fabius Rusticus recentium eloquentissimi auctores, oblongæ scu-  
 „tulæ vel bipenni assimilavere: & est ea facies citra Caledoniam, unde & in  
 „universum fama est transgressa: sed immensum & enorme spatium procur-  
 „rentium extremo jam littore terrarum velut in cuneum tenuatur. Hanc  
 „oram novissimi maris tunc primum Romana classis circumvecta, insulam esse  
 „Britanniam affirmavit, ac simul incognitas ad id tempus insulas, quas Orca-  
 „das vocant, invenit, domuitque: Dispecta est & Thyle, quam hæcenus  
 „nix & hiems abdebat. Sed mare pigrum & grave remigantibus perhibent:  
 „ne ventis quidem proinde attolli: credo, quod rariores terræ montesque,  
 „causâ ac materia tempestatum; & profunda moles continui maris tardius  
 „impellitur. Naturam Oceani atque æstus neque quærere hujus operis est,  
 „ac multi retulere. Unum addiderim, nusquam latius dominari mare, mul-  
 „tum fluminum huc atque illuc ferre, nec littore tenuis accrescere aut resor-  
 „beri, sed iussuere penitus atque ambire, etiam jugis atque montibus inferi  
 „velut in suo. Cæterum Britanniam qui mortales initio coluerint, indigenæ  
 „an advecti, ut inter Barbaros, parum compertum. Habitus corporum va-  
 „rii: atque ex eo argumenta. Namque rutilæ Caledoniam habitantium co-  
 „mæ, magni artus, Germanicam originem asseverant. Silurum colorati vul-  
 „tus, & torti plerumque crines, & positu contra Hispaniam, Iberos veteres  
 „trajecisse, eaque sedes occupasse, fidem faciunt. Proximi Gallis, & simi-  
 „les sunt: seu durante originis vi, seu procurentibus in diversa terris, positio  
 „cœli corporibus habitum dedit. In universum tamen æstimanti, Gallos vi-  
 „cinum soluta occupasse credibile est. Eorum sacra deprehendas, supersti-  
 „tionum persuasione. Sermo haud multum diversus: in deposcendis periculis  
 „ca-

„eadem audacia ; & ubi advenere , in detrectandis eadem formido. Plus ta-  
 „men ferociæ Britanni præferunt , ut quos nondum longa pax emollierit. Nam  
 „Gallos quoque in bellis floruisse accepimus. Mox segnitia cum otio intravit,  
 „amissa virtute pariter ac libertate ; quod Britannorum olim victis evenit :  
 „cæteri manent quales Galli fuerunt. In pedite robur : quædam nationes , &  
 „curru præliantur : honestior auriga , clientes propugnant. Olim Regibus pa-  
 „rebant , nunc per principes factionibus & studiis trahuntur. Nec aliud ad-  
 „versus validissimas gentes pro nobis utilius , quam quod in commune non  
 „consulunt. Rarus duabus tribusve civitatibus ad propulsandum commune  
 „periculum conventus : ita dum singuli pugnant , universi vincuntur. Cœ-  
 „lum crebris imbris ac nebulis fœdum. Asperitas frigoribus abest. Dierum  
 „spatia ultra nostri orbis mensuram , & nox clara , & extrema Britannia parte  
 „brevis , ut finem atque initium lucis exiguo discrimine internoscas. Quod  
 „si nubes non officiant , aspici per noctem solis fulgorem , nec occidere , &  
 „exsurgere , sed transire affirmant : scilicet extrema & plana terrarum humili  
 „umbra non erigunt tenebras , infraque cœlum & sidera nox cadit. Solum ,  
 „præter oleam vitemque & cætera calidioribus terris oriri sueta , patiens fru-  
 „gum , fœcundum. Tarde mitescent , cito proveniunt. Eademque utrius-  
 „que rei causa , multus humor terrarum cœlique. Fert Britannia aurum &  
 „argentum & alia metalla , pretium victoriae. Gignit & Oceanus margarita ,  
 „sed subfusca ac liventia. Quidam artem abesse legentibus arbitrantur. Nam  
 „in Rubro mari viva ac spirantia saxi avelli , in Britannia prout expulsa sint  
 „colligi. Ego facilius crediderim naturam margaritis deesse , quam nobis ava-  
 „ritiam. Ipsi Britanni delectum , ac tributa , & injuncta imperii munera ,  
 „impigre obeunt , si injuriæ absint : has ægre tolerant , jam domiti ut pa-  
 „reant , nondum ut serviant. Igitur primus omnium Romanorum D. Julius  
 „cum exercitu Britanniam ingressus , quanquam prospera pugna terruerit incol-  
 „as , ac littore potitus sit , potest videri ostendisse posteris , non tradidisse.  
 „Mox bella civilia , & in rempublicam versa principum arma , ac longa obli-  
 „vio Britannia etiam in pace. Consilium id D. Augustus vocabat , Tiberius  
 „præcipue. Agitasse C. Cæsarem de intranda Britannia satis constat , ni ve-  
 „lox ingenio , mobilis poenitentia , & ingentes adversus Germaniam conatus  
 „frustra fuissent. Divus Claudius auctor operis , transvectis legionibus auxiliis-  
 „que , & assumpto in partem rerum Vespasiano. Quod initium venturæ mox  
 „fortunæ fuit , domitæ gentes , capti Reges , & monstratus fatis Vespasianus.  
 „Consularium primus Aulus Plautius præpositus , ac subinde Ostorius Sca-  
 „pula , uterque bello egregius : redactaque paullatim in formam provinciae  
 „proxima pars Britannia : addita insuper veteranorum colonia. Quædam ci-  
 „vitates Cogiduno Regi donatae. Is ad nostram usque memoriam fidiissimus  
 „mansit , vetere ac jam pridem recepta populi Romani consuetudine , ut habe-  
 „ret instrumenta servitutis & Reges. Mox Didius Gallus parta a prioribus  
 „continuit , paucis admodum castellis in ulteriora promotis , per quæ fama  
 „aucti officii quæreretur. Didium Veranius excepit , isque intra annum ex-  
 „stinctus est. Suetonius hinc Paullinus biennio prosperas res habuit ,  
 „suba-

subactis nationibus, firmatisque praefidiis: quorum fiducia Monam insulam,  
 ut virus rebellibus ministrantem, aggressus, terga occasione patefecit.  
 Namque absentia legati remoto metu, Britanni agitare inter se mala servitu-  
 tis, conficere injurias, & interpretando accendere: Nihil profici patientia,  
 nisi ut gratiora tanquam ex facili tolerantibus imperentur. Singulos sibi olim  
 Reges fuisse, nunc binos imponi: e quibus legatus in sanguinem, procurator in  
 bona saeviret: aequae discordiam praepositorum, aequae concordiam subiectis exitiosam:  
 alterius manus, centuriones; alterius, vim & contumelias miscere: nihil jam  
 cupiditati, nihil libidini exceptum. In praelio fortioverem esse qui spoliis: nunc  
 ab ignavis plerumque & imbellibus eripi damos, abstrahi liberas, injungi dele-  
 ctus, tanquam mori tantum pro patria nescientibus. Quantum enim transisse  
 militum, si sese Britanni numerent? Sic Germanias excussisse jugum, & su-  
 mine non Oceano defendi: sibi patriam, conjuges, parentes; illi avaritiam &  
 luxuriam causas belli esse: recessuros, ut Drusus Julius recessisset, modo virtutes  
 majorum suorum emularentur: neve praetii unius aut alterius eventu parerent.  
 Plus impetus, majorem constantiam penes miseros esse. Jam Britannorum etiam  
 Deos misereri, qui Romanum drem absentem, qui relegatum in alia insula ex-  
 ercitum detinerent: jam ipsos, quod difficillimum fuerit, deliberare. Porro in  
 ejusmodi consiliis periculosius esse deprecandi, quam audere. His atque talibus  
 invicem infincti, Voadica generis Regni foemina duce (neque enim sexum  
 in imperiis discernunt) sumere universi bellum: ac sparsos per castra mili-  
 tes consecrati, expugnatis praefidiis, ipsam coloniam invadere, ut sedem ser-  
 vitutis: nec ullum in Barbaris saevitiae genus omisit ira & victoria. Quod  
 nisi Paullinus, co cognito provinciae motu, propere subvenisset, amissa  
 Britannia foret: quam unius praetii fortuna veteri patientiae restituit, tenen-  
 tibus arma plenisque, quos conscientia defectionis, & proprius ex legato ti-  
 mor agitabat. Hic cum egregius caetera, arroganter in deditos, & ut suae  
 quoque injuriae ultor, durus consulere, missus Petronius Turpilianus, tai-  
 quam exorabilior, & delictis hostium novus, coque poenitentiae mitior,  
 compositis prioribus, nihil ultra ausus, Trebellio Maximo provinciam tradi-  
 didit. Trebellius segnior, & nullis castrorum experimentis, comitate qua-  
 dam curandi provinciam tenuit. Didicere jam Barbari quoque ignoscere vi-  
 tiis blandientibus: & interventus civilium armorum praebuit iustum segni-  
 tiae exultationem. Sed discordia laboratum, cum assuetus expeditionibus  
 miles otio lasciviret. Trebellius fuga ac latebris vitata exercitus ira, inde-  
 corus atque humilis, precario mox praefuit; ac velut pacti, exercitus licen-  
 tiam, dux salutem. Haec seditio sine sanguine fletit. Nec Vectius Boha-  
 nus, manebatibus adhuc civilibus bellis, agitavit Britanniam disciplina. E-  
 adem inertia erga hostes, similis petulantia castrorum: nisi quod innocens Be-  
 lanus, & nullis delictis invitus, caritatem paraverat loco auctoritatis. Sed ubi  
 cum caetero orbe Vespasianus & Britanniam recipere, magni duces, egre-  
 gii exercitus, minuta hostium spes: & terrorem statim intulit Petilius Ce-  
 nalis, Brigantum civitatem, quae numerosissima provincia totius perhibe-  
 tur, aggregatus. Multa praetia, & aliquando non incrementa: magnamque  
 „ Bri-

„Brigantum partem aut victoria amplexus, aut bello. Et cum Cerialis qui-  
 „dem alterius successoris curam famamque obruisset, sustinuit quoque molem  
 „Julius Frontinus, vir magnus quantum licebat, validamque & pugnacem  
 „Silurum gentem armis subegit; super virtutem hostium locorum quoque dif-  
 „ficultates eluctatus.

*CICERO ad Trebatium, lib. VII. Epist. Famil. 7.*

„IV. In Britannia nihil esse audio neque auri neque argenti. Id si ita est,  
 „effedum aliquod suadeo capias, & ad nos quam primum recurras. Sin autem  
 „sine Britannia tamen assequi quod volumus possumus; perforce ut sis in fami-  
 „liaribus Cæsaris.

*PAULUS OROSIUS, de Hibernia loquens. lib. I. cap. 2.*

„V. Hæc propior Britannia, spatio terrarum angustior, sed coeli solisque  
 „temperie magis utilis, a Scotorum gentibus colitur. Huic etiam Mevania  
 „insula proxima est, & ipsa spatio non parva, solo commoda, æque a Scoto-  
 „rum gentibus habitatur.

*Idem. lib. VII. cap. 17.*

„Severus victor in Britannias defectu pene omnium sociorum trahitur. Ubi  
 „magnis gravibusque præliis sæpe gestis, receptam partem insulæ a cæteris in-  
 „domitis gentibus vallo distinguendam putavit. Itaque magnam fossam fir-  
 „missimumque vallum, crebris insuper turribus communitum, per centum tri-  
 „ginta & duo millia passuum a mari ad mare duxit. *Eadem pene ad verbum*  
 „*habet Ado Archiepiscopus Viennensis. Utrunque error in numeris est corrigendus;*  
 „*nam pro cxxxii. scribendum est xxxii.*

*E SOLINI Cap. xxii.*

„VI. Multis insulis nec ignobilibus circumdatur: quarum Hibernia ei pro-  
 „ximat magnitudine, inhumana incolarum ritu aspero: alioquin ita pabulosa,  
 „ut pecua ibi, nisi interdum a pascuis arceantur, in periculum agat satias.  
 „Illic nullus anguis, avis rara, gens inhospita, & bellicosa. Sanguine in-  
 „teremtorum hausto, prius victores vultus suos oblinunt. Fas ac nefas eo-  
 „dem loco ducunt. Puerpera, si quando marem edidit, primos cibos gla-  
 „dio imponit mariti, inque os parvuli summo mucrone (auspicium alimento-  
 „rum) leviter infereit, & gentilibus votis optat, non aliter quam in bello &  
 „inter arma mortem oppetat. Qui student cultui, dentibus mari nantium  
 „belluarum insigniunt ensium capulos: candicant enim ad eburnam claritatem:  
 „nam præcipua viris gloria est in armorum nitela. Interea apes non habent:  
 „advecto inde seu pulvere, seu lapillo, si quid sparseris inter alvearia, exami-  
 „na favos deferunt. Mare quod Hiberniam & Britanniam interluit, undosum  
 „inquietumque toto in anno, non nisi pauculis diebus est navigabile. Navi-  
 „gant

*I Solisque.] [Rectius solique.]*  
*Tom. I.*

N



„gant autem vimineis alveis, quos circundant ambitione tergorum bubulorum:  
 „quantocunque tempore cursus tenebit, navigantes escis abstinent. Freti lati-  
 „tudinem in centum viginti millia passuum diffundi, qui fidem ad verum ra-  
 „tiocinati sunt, æstimarunt. Siluram quoque insulam ab ora, quam gens Bri-  
 „tanna Dumnonii tenent, turbidum fretum distinguit: cujus homines etiam num-  
 „custodiunt morem vetustum: nummum refutant: dant res, & accipiunt:  
 „mutationibus necessaria potius quam pretiis parant: deos percolunt: scientiam  
 „futurorum pariter viri ac fœminæ ostentant. Thanatos insula adspiratur fre-  
 „to Gallico, a Britanniae continente æstuario tenui separata, frumentariis campis  
 „felix & gleba uberi, nec tantum sibi verum & aliis salubris locis: nam cum  
 „ipsa nullo serpatur angue, asportata inde terra, quoquo gentium invec̃ta sit, an-  
 „gues necat.

*Ex libro III. cap. 14. HERODIANI, Politiano interprete.*

„VII. At Severus, moras de industria nectens, ne vacuo sibi Romam  
 „redeundum foret, cupidus victoriæ cognominisque Britannici, legatos qui-  
 „dem re infecta domum dimittit, ipse, quæ bello usui forent, magna solertia  
 „comparabat. Sed in primis tamen curæ habuit pontibus occupare paludes,  
 „ut stare in tuto milites, [*facileque per eas discurrere*] possent, atque in solido  
 „præliari. Siquidem Britanniae pleraque loca frequentibus Oceani alluvioni-  
 „bus paludescunt. Per eas igitur paludes Barbari ipsi natant, excursantque ad  
 „ilia usque demersi, ac pleraque corporis nudi cœnum contemnunt. Neque  
 „enim vestis usum cognorunt, sed ventrem atque cervicem ferro incingunt:  
 „ornamentum id esse, ac divitiarum argumentum existimantes, perinde ut au-  
 „rum cæteri Barbari. Quin ipsa notant corpora pictura varia, & omnifariam  
 „formis animalium: quocirca ne induuntur quidem, videlicet picturam corpo-  
 „ris ne adoperiant. Sunt autem bellicosissima gens, atque avidissima cædis:  
 „tantum scuto angusto lanceaque contenti; præterea gladio nudis corporibus  
 „dependente: loricae ac galeae penitus ignorant usum, impedimentum id esse  
 „transgrediendis paludibus arbitantes, quarum vaporibus æstuque cœlum ibi  
 „semper caliginosum.

*Ex AMMIANI MARCELLINI libro xx. cap. 1.*

„VIII. Hæc per Illyricum, perque Orientem rerum series fuit. Consula-  
 „tu vero Constantii decies, terque Juliani, in Britannis cum Scottorum Pictor-  
 „umque gentium ferarum excursus, rupta quiete condita, loca limitibus vi-  
 „cina vastarent, & implicaret formido provincias præteritarum cladum con-  
 „gerie fessas: hiemem agens apud Parisios Cæsar, distractusque in sollicitudi-  
 „nes varias, verebatur ire subsidio transmarinis, (ut retulimus ante fecisse Con-  
 „stantem:) ne rectore vacuas relinqueret Gallias, Alamannis ad sævitiam  
 „etiamtum incitatis & bella. Ire igitur ad hæc ratione vel vi componenda  
 „Lupicinum placuit, ea tempestate Magistrum armorum, bellicosum sane,  
 „& castrensis rei peritum, sed superciliosa erigentem ut cornua, & de tragico,  
 „quod ajunt, cothurno strepentem: super quo diu ambigebatur, avarus ei-  
 „set

„set potius, an crudelis. Moto ergo velitari auxilio, Erulis scilicet & Bata-  
 „vis, numerisque Mœsiacorum duobus, adulta hieme Dux antedictus Bono-  
 „niam venit: quæsitisque navigiis, & omni imposito milite, observato flatu  
 „secundo ventorum, ad Rutupias sitas ex adverso defertur, petitque Lundi-  
 „nium: ut exinde, suscepto pro rei qualitate consilio, festinaret ocius ad pro-  
 „cinctum.

*Ex ejusdem libro xxvi. cap. 4.*

„Picti, Saxonesque, & Scotti, & Attacotti, Britannos ærumnis vexavere  
 „continuis.

*Ex ejusdem libro xxvii. cap. 8.*

„Illud tamen sufficere dici, quod coterempore Picti in duas gentes divisi, Di-  
 „calidonas, & Vecturiones, itidemque Attacotti, bellicosa hominum natio,  
 „& Scotti, per diversa vagantes multa populabantur: Gallicanos vero tractus  
 „Franci & Saxones iisdem confines, quo quisque erumpere potuit, terra vel  
 „mari, prædis acerbis incendiisque, & captivorum funeribus hominum, vio-  
 „labant. Ad hæc prohibenda si copiam dedisset fortuna prosperior, orbis ex-  
 „trema Dux efficacissimus petens, cum venisset ad Bononiæ littus, quod a  
 „spatio controverso terrarum angustiis reciproci distinguitur maris, attolli hor-  
 „rendis æstibus adsuæti, rursusque sine ulla navigantium noxa in speciem com-  
 „planari camporum: exinde, transmeato lentius freto, defertur Rutupias,  
 „stationem ex adverso tranquillam. Unde cum consecuti Batavi venissent &  
 „Eruli, Joviique & Victores, fidentes viribus numeri: egressus tendensque  
 „ad Lundinium vetus oppidum, quod Augustam posteritas appellavit, divisis  
 „plurifariam globis, adortus est vagantes hostium vastatorias manus, graves  
 „onere sarcinarum: & propere fuis qui vinctos homines agebant & pecora,  
 „prædam excussit, quam tributarii perdere miserrimi. His denique restitu-  
 „ta omni, præter partem exiguam impensam militibus fessis, mercedem diffi-  
 „cultatibus suis antehac civitatem, sed subito quam salus sperari potuit recrea-  
 „tam, in ovantis speciem lætissimus introiit. Ubi ad audenda majora prospero  
 „successu elatus, tutaque scrutando consilia, futuri morabatur ambiguus, dif-  
 „fusam variarum gentium plebem, & ferocientem immaniter, non nisi per  
 „dolos occultiores & improvisos excursus superari posse, captivorum confessio-  
 „nibus & transfugarum indicibus doctus. Denique edictis propositis, impuni-  
 „tateque promissa, desertores ad procinctum vocabat, & multos alios per di-  
 „versa libero commeatu dispersos. Quo monitu ut redire plerique, incenti-  
 „vo percitus, retentusque anxius curis, Civilem nomine recturum Britannias  
 „pro Præfectis ad se poposceraat mitti, virum acrioris ingenii, sed justis tena-  
 „cem & recti: itidemque Dulcitium, Ducem scientia rei militaris in-  
 „signem.

*Ex DIONIS libro xxxix.*

„IX. Cæsar igitur, Rhenum primus Romanorum cum transisset, & in  
 N 2 Bri-

„Britanniam postea Pompejo & Crasso Coss. transmisit. Ipsa vero regio ha-  
 „bet ultra Morinos CCCCL. minimum stadia. Præstenditur vero ultra reli-  
 „quam Galliam, ac totam propemodum Hispaniam, in mare se porrigens:  
 „& quidem Græcorum & Romanorum antiquissimis ignota. Posteris vero,  
 „continens an insula esset, dubitatum est, & a multis (vera quidem ignoran-  
 „tibus, ut qui nec ipsi quidem ea vidissent, nec ab incolis fando accepis-  
 „sent, sed conjecturas sequerentur) pro utriusque partis aut otio aut studio,  
 „literis mandata fuerunt. Procedente vero tempore, primum Agricola præ-  
 „fecto, deinde Severo Imperatore, insulam esse dilucide deprehensum est. In  
 „hanc igitur tum Cæsar, reliquis in Gallia rebus compositis, adjectisque Mo-  
 „rinis, transire cupiebat, & qua commodissimum erat cum pedite trajecit,  
 „non tamen ubi oportuit appulit. Audita enim fama adventus ejus, Britanni  
 „omnes aditus continentis præoccuparant. Rupem autem prominentem cir-  
 „cumvectus, alibi descendit: ac victis qui descensum impediabant, prius in  
 „terram suos exposuit: eaque potitus est, antequam plures hostibus se conjun-  
 „gerent: ac deinde subsidia ipsa expulit. Barbarorum autem non multi cade-  
 „bant, qui cum e curribus & equis præliarentur, facile Romanos (quippe  
 „quibus nondum equitatus esset) cludebant. Attoniti vero ad ea, quæ de cis  
 „ex continenti nunciabantur, & quod omnino transmittere ausi essent, & ex-  
 „scendere omnino potuerint, mittunt ad Cæsarem quosdam e gente Morino-  
 „rum, amicos suos, qui legationem perferrent. Ac primum quidem obsides  
 „petenti promiserunt. Verum cum navales Romanorum copie, & quæ ade-  
 „rant, & quæ adventabant, tempestate vexarentur, sententiam quidem mu-  
 „tarunt: nec tamen aperte sunt eos aggressi, (castra enim valido præsidio te-  
 „nebantur: quosdam vero nacti, velut in pacatum, ad rerum necessariorum  
 „convectionem missos, pene omnes interemerunt, (Cæsar enim reliquis cele-  
 „riter subsidio venit:) ac statim ipsa in castra impetum fecerunt: atque ibi,  
 „nulla re perpetrata, turpiter fuerunt rejecti: non tamen ad condiciones vene-  
 „runt, antequam sæpe male accepti fuissent: ac ne Cæsari quidem alioqui cum  
 „illis erat in animo pacisci. Cum vero & hiems adesset, nec satis haberet co-  
 „piarum ad bellum tum gerendum, & quas advexerat essent imminutæ, &  
 „Galli per ejus absentiam res novas moliti essent, de pace cum eis invitatus egit,  
 „pluribus tum petitis obsidibus, paucis vero acceptis. Et ille quidem in con-  
 „tinentem reductus, res turbatas composuit; nullo neque privatim neque pu-  
 „blice ex Britannia operæ pretio perpetrato, nisi quod bello eam petisse videa-  
 „tur. Ob hoc enim & ipse sibi vehementer placebat, & qui Romæ erant mi-  
 „rifice prædicabant. Nam cum viderent quæ prius ignota fuerant in lu-  
 „cem prolata, & quæ ante ne fando quidem erant audita jam sibi patefacta,  
 „spem ex his consecuturam, velut re exhibitam, amplectebantur, & quæ-  
 „cunque spe amplexi erant, tanquam voti jam compotes gestiebant: at-  
 „que ob has res supplicationes in vigesimum diem decreverunt.

*Ex BEDÆ libri primi cap. 1.*

„X. Q inque gentium linguis unam eandemque summæ veritatis & veræ sub-



„sublimitatis scientiam scrutatur & confitetur; Anglorum videlicet, Britto-  
 „num, Scottorum, Pictorum & Latinorum, quæ meditatione scripturarum  
 „cæteris omnibus est facta communis. In primis autem hæc insula Brittones  
 „solum, & quibus nomen accepit, incolas habuit; qui de tractu Armori-  
 „cano (ut fertur) Britanniam advecti, australes sibi partes illius vindicarunt.  
 „Et cum plurimam insulæ partem (incipientes ab Austro) possedissent, con-  
 „tingit gentem Pictorum de Scythia (ut perhibent) longis navibus non multis  
 „Oceanum ingressam, circumagente flatu ventorum, extra fines omnes Bri-  
 „tanniarum Hiberniam pervenisse, ejusque septentrionales oras intrasse: atque in-  
 „venta ibi gente Scottorum, sibi quoque in partibus illius sedes petisse, nec  
 „impetrare potuisse.

*Ex ejusdem libri 1. cap. 5.*

„Severus, genere Afer Tripolitanus, ab oppido Lepti, decimus septimus  
 „ab Augusto imperium adeptus, decem & septem annis tenuit. Hic natura  
 „sævus, multis semper bellis lacessitus, fortissime quidem rempublicam, sed  
 „laboriosissime rexit. Victor ergo civilium bellorum, quæ ei gravissima oc-  
 „currerant, in Britannias defectu pene omnium sociorum trahitur, ubi magnis  
 „gravibusque præliis sæpe gestis, receptam partem insulæ, a cæteris indomitis  
 „gentibus, non muro (ut quidam aestimant) sed vallo distinguendam putavit.  
 „Murus etenim de lapidibus, vallum vero (quo ad vim hostium repellendam  
 „castra muniuntur) fit de cespitibus, quibus circumcisus, e terra velut murus  
 „exstruitur supra terram, ita ut ante sit fossa, de qua levati sunt cespites, su-  
 „pra quam fudes de lignis fortissimis præfiguntur. Itaque Severus magnam  
 „fossam firmissimumque vallum, crebris insuper turribus communitum, a ma-  
 „ri ad mare duxit: ibique apud Eboracum oppidum morbo obiit.

*Ex ejusdem libri 1. cap. 12.*

„Exin Britannia in parte Brittonum, omni armato milite, militaribus uni-  
 „versis copiis, tota floridæ juventutis alacritate spoliata, quæ tyrannorum te-  
 „meritate obducta, nusquam ultra domum rediit, prædæ tantum patuit, ut-  
 „pote omnis bellici usus prorsus ignara. Denique subito duabus gentibus trans-  
 „marinis vehementer sævis, Scottorum a Circio, Pictorum ab Aquilone, mul-  
 „tos stupet gemitque per annos. Transmarinas autem dicimus has gentes,  
 „non quod extra Britanniam essent positæ; sed quia a parte Brittonum  
 „erant remotæ, duobus sinibus maris interjacentibus, quorum unus ab orien-  
 „tali mari, alter ab occidentali, Britanniarum terras longe lateque irrumpit,  
 „quamvis ad se invicem pertingere non possint. Orientalis habet in medio  
 „sui urbem Guidi; occidentalis supra se, hoc est, ad dexteram sui, habet ur-  
 „bem Alcluith, quod lingua eorum significat petram Cluith: est enim juxta  
 „fluvium nominis illius. Ob harum ergo infestationem gentium, Brittones  
 „legatos Romam cum epistolis mittentes, lacrimosis precibus auxilia fla-

„gi-

1 *Temeritate obducta.* Ita optima Chiffetii editio, *abducta* tamen malim.

agitant, subjectionemque eorum continuam, dummodo hostis imminere  
 longius arceretur, permittebant. Quibus mox legio destinatur armata: quæ  
 tibi in insulam advecta, & congressa est cum hostibus, magnam eorum mul-  
 titudinem iterrens, ceteros lociorum sinibus expulit: eosque interim a di-  
 rissima depressione liberatos hortata est, instruere inter duo maria trans in-  
 sulam murum, qui arcendis hostibus posset esse præsidio: sicque domum  
 cum triumpho magno reversa est. At insulani murum, quem jussi fuerant,  
 non tam lapidibus quam celsitibus construentes, utpote nullum tanti operis  
 artificem habentes, ad nihil utilem statuunt. Fecerunt autem eum inter  
 duo freta, vel sinus (de quibus diximus) maris, per millia passuum plurima:  
 ut, ubi aquarum munitio deerat, ibi præsidio valli fines suos ab hostium ir-  
 ruptione defenderent: cujus operis ibidem facti, id est, valli latissimi & al-  
 tissimi, usque hodie certissima vestigia cernere licet. Incipit autem duo-  
 rum ferme millium spatio a monasterio Aebercurnig, ad occidentem, in lo-  
 co qui sermone Pictorum Peansahel, lingua autem Anglorum Pannelum ap-  
 pellatur, & tendens contra occidentem terminatur juxta urbem Alcluth.  
 Verum priores inimici, ut Romanum militem abiisse conspexerant, mox ad-  
 vecti navibus irrumpunt terminos, creduntque omnia, & quasi maturam se-  
 getem obvia quacunque metunt, calcant, transeunt. Unde rursus mittuntur  
 Romanæ legati, flebili voce auxilium implorantes, ne penitus misera patria  
 deleteretur, ne nomen Romanæ provinciae, quod apud eos tamdiu claruerat,  
 exterarum gentium improbitate obrutum vilesceret. Rursum mittitur le-  
 gio, quæ inopinata tempore autumnis adveniens, magnas hostium strages de-  
 dit, eosque qui evadere poterant, omnes trans maria fugavit, qui prius an-  
 niverarias prædas trans maria nullo obistente cogere solebant. Tum Ro-  
 mani denunciare Brittonibus, non se ultra ob eorum defensionem tam la-  
 boriosis expeditionibus posse fatigari: ipsos potius monent arma corrumpere, &  
 certandi cum hostibus studium subire, qui non aliam ob causam, quam si  
 ipsi inertia solverentur, eis possent esse fortiores. Quin etiam, quod & hoc  
 sociis, quos derelinquere cogebantur, aliquid commodi allaturum putabant,  
 murum a mari ad mare recto tramite inter urbes, quæ ibidem ob metum  
 hostium factæ fuerant, (ubi & Severus quondam vallum fecerat,) firmo de  
 lapide collocarunt: quem vidimus hætenus fumosum atque conspicuum,  
 sumtu publico privatoque, adjuncta secum Britannorum manu, construere,  
 octo pedes latum, & duodecim altum, recta ab oriente in occasum linea,  
 ut usque hodie intuentibus clarum est. Quo mox condito, dant fortia segni  
 populo monita, præbent instruendorum exemplaria armorum. Sed & in  
 littore Oceani ad meridiem, quo naves eorum habebantur, quia & inde  
 Barbarorum irruptio timebatur, turres per intervalla ad prospectum ma-  
 ris collocant, & valedicunt sociis, tanquam ultra non reveriri.

*Et paullo post.*

Quid plura? relictis civitatibus ac muro, fugiunt ac disperguntur. In-  
 sequitur hostis, accelerantur strages cunctis crudeliores prioribus. Sicut  
 enim



„enim agni a feris, ita miseri cives discerpuntur ab hostibus: unde a mansio-  
 „nibus ac possessiunculis suis ejecti, imminens sibi famis periculum latrocinio ac  
 „rapacitate mutua temperabant, augentes externas domesticis motibus clades,  
 „donec omnis regio totius cibi sustentaculo, excepto venandi solatio, vacua-  
 „retur.


EX EPISTOLA GILDÆ.

„XI. Quos jussit construere inter duo maria trans insulam murum, ut ef-  
 „set arcendis hostibus a turba instructus terrori, civibusque tutamini.

*Et infra.*

„Igitur rursus miseræ mittentes epistolas reliquæ ad Actium Romanæ po-  
 „testatis virum, hoc modo loquentes: *Actio ter Consuli, gemitus Britannorum.*  
 „Et post pauca querentes: *Repellunt Barbari ad mare, repellit mare ad Barba-*  
 „ros. *Inter hæc duo genera funerum aut jugulamur aut mergimur: nec pro eis*  
 „quicquam adjutorii habent.

LIBER QUARTUS.

I.  Um nostræ gentis historiam scribere aggredieremur, quo re-  
 liqua magis aperta legentibus essent, pauca visum est supra  
 repetere: sed ea potissimum, quæ a fabularum vanitate ab-  
 essent, & a vetustis rerum scriptoribus non dissentirent. Pri-  
 mum omnium constans fama est, quam plurima etiam indi-  
 cia confirmant, Hispanorum multitudinem, sive a poten-  
 tioribus domo pulsam, sive abundante sobole ultro profectam, in Hiberniam  
 transmisisse, ejusque insulæ loca proxima tenuisse. Deinde, cum & aeris sa-  
 lubritas & pabuli fecunditas invitaret paullatim complures, & propter sedi-  
 tiones domi, & exterorum injurias, (quibus Hispania semper fuit obnoxia,)   
 quietioris vitæ spes & cupiditas eodem traxit: eoque facilius, quod ad insulam,  
 jam a popularium suorum multitudine occupatam, tanquam ad alteram patriam,  
 se proficisci sibi persuaderent. Stirps autem illa tanta sobole in terra hominum  
 fecundissima refluuit, ut jam non Hiberniæ finibus contenti, in proximas  
 etiam insulas minores frequenter emigrarent.

II. Interea Scotis (id enim universæ genti nomen erat) per Æbudas insulas  
 fines propagantibus, sed sine Rege ac certo imperio per cognationes tributum  
 sparsis, appulit ad Hiberniæ littus classis Germanica, vel, ut scribit Beda,  
 Scythica, eo rejecta tempestatibus, ut credibile est, quod nec liberos nec ux-  
 ores secum extulissent. Hi omnium rerum egeni, cum e longinqua navigatio-  
 ne nihil eis præter arma superesset, a Scotisque missis legatis sedes peterent,  
 responsum fuit; „Se exiguas & infœcundas insulas ob agri penuriam occupare  
 „con-

„coactos, quas ne universas quidem, si eis cedere possent, suffecturas tantæ  
 „multitudini. Communis vero sortis misertos, hominibus sævitia fortunæ af-  
 „flictis, nec genere (ut e sermone & institutis apparebat) alienis, consilium,  
 „& ad efficiendum, quanta possent, auxilia datuos.„ Consilium autem erat;  
 „Ut propinquam insulam Albium, & amplam & fœcundam, & multis in lo-  
 „cis adhuc incultam, & propter incolarum, sicubi essent, ingenia, qui mul-  
 „tis tum Regibus inter se inimicis parebant, infirmam, peterent. In illis dis-  
 „cordiis civilibus, facile fore, infirmiores fovendo, regionem amplissimam  
 „occupare. Sua ad id auxilia non defutura. Cum Æbudarum angustia, &  
 res, ut tum erant, tenues facerent fidem, Germani (qui postea Picti a Ro-  
 manis & vicinis gentibus sunt appellati) oram Germanico mari vicinam ingressi,  
 pulsus incolis, qui & rari & inter se discordes erant, magnam ejus oræ partem  
 in suam ditionem redegerunt: breviq; prima illa cum Scotis amicitiae auspicia  
 sequuti, conjugibus ab eis acceptis, in unam prope gentem coaluerunt. Ita  
 enim effectum est, ut frequenti ultro citroque comœatu, magna Scotorum  
 multitudo, vel ab affinibus adhuc infirmis retenta, vel domesticarum re-  
 rum penuria impulsâ, vel caritate suorum, inter Pictos locum domicilio ca-  
 peret.

III. Picti primo affinium adventu læti, cum augescere paullatim multitudine-  
 nem cernerent, formidare cœperunt, ne cum primum spem vires Scotis face-  
 rent, ipsi eis obnoxii redderentur: primo secretis coitionibus, deinde palam in  
 conciliis, fremere cœperunt; „Providendum, ne peregrini secum post misce-  
 „rentur, rationemque ineundam, ut quæ adesset multitudo minueretur.„ Ja-  
 ctatus etiam vulgo rumor est. „Divinitus Pictis ditionem esse datam, fore, ut  
 „aliquando tota gens a Scotis deleteretur. Hæ suspiciones in causâ fuerunt, ut  
 nationes ante amicissimæ seorsum habitarent: Scotique montanis in locis, &  
 agriculturæ minus aptis, (ut qui pecori pascendo & venationibus magis dediti  
 essent,) se continerent; Picti agris fertilioribus secundum mare Germanicum  
 colendis assuescerent. Ac paullatim tot ante officiis necessitudo contracta bre-  
 vi in funestum prope civile bellum vertit. Levibus enim de causis, primum  
 jurgiis, deinde injuriis inter homines feroces ortis, gravissimorum odiorum se-  
 mina jacta videbantur. Hanc occasionem Brittones, utriusque gentis inimici,  
 cum essent nacti, discordiarum faces admoverunt, & Pictis non poscentibus  
 auxilium adversus Scotos offerunt. Id Scoti cum tractari sentirent, & ipsi ad-  
 versus imminens discrimen non modo auxilium, sed Regem etiam peregrinum,  
 adsciscunt. Insulanorum duces cum pene pari dignitate essent, nec alter alteri  
 cedere in animum induceret, arcessitur cum copiis ex Hibernia FERGUSIUS,  
 Ferchardi filius, omnium Scotorum & consilio & manu primus habitus: &

*I Divinitus Pictis ditionem esse datam.]*  
*i. e. oraculum, pari modo quo oracula*  
*a Græcis interdum λόγια dicuntur, Liv.*  
*3. cap. 24. Accito [Alexandro Epiroræ]*  
*ab Tarentinis in Italiam data dictio erat,*  
*saxeret Achernisiam aquam, Pandosiamque*

*ma-*  
*urbem, ibi satis ejus terminum dari. Vi-*  
*de Turnebi Advers. lib. 30. cap. 1. [ &*  
*Cuper. III. obs. 7. ita & dictum & di-*  
*cere. vid. ad Ovid. Epist. v. 33. & Valer.*  
*Flac. II. 336.]*

magno populi consensu Rex declaratur: atque exercitum ad aleam pugnae, si sit opus, inbeundam parare jubetur.

IV. Eodem prope momento rumor ad Scotos Pictosque promanarat, Brittones ambigua consilia, utrique genti juxta pernicioſa, agitare, ut victos pariter victoresque bello aggredierentur: & utrisque vel ad internecionem caelis, vel Albio expulſis, ipſi totius insulae potirentur imperio. Ea res utriusque gentis copias, consilii incertas, aliquot dies in castris continuit. Tandem in colloquium ventum, & detecta Brittonum occulta fraude, de pace agi coepta: eaque renovata, tres exercitus diverſi domum conceſſerunt. Britto, conatu priore deſectus, alia fraude rem aggreditur. Immiſſis clam latronibus pecora Pictorum abigit. Res repetentibus respondet; „Justius a Scotis, furtis & latrociniiſ affuetis, eas, quam a ſe, repeti. Ita eluſa legatione, re infecta feſciales dimiſſi. Enimvero ea jam aperta ludificatio videri. Itaque, cum fraudulenta consilia ſe magis magisque aperirent, recens contumelia vehementius, quam ex priore conatu ira reſidua, utriusque populi animos inflammavit. Igitur exercitu, quantum poterant, coacto, duo Reges bifariam Brittonum fines ingreſſi, agris ferro flammaque late deformatis, cum igenti praeda domum revertuntur. Ad eam injuriam vindicandam, Britto Scotorum fines ingreſſus, ad Dunum uſque amnem penetravit, & minore longe damno quam terrore ea loca pervagatus, in ripa fluminis conſedit. Fergusius enim, miſſis in montes locaque exercitibus inaccessa liberis & conjugibus, rebusque aliis, quae agi aut aſportari poterant, ipſe aditus omnes obſervabat uſque ad Pictorum adventum. Caſtris tandem cum eis conjunctis, communicatoque consilio, ſtatuunt bellum ducere, & in regione hoſtili incuſſione prope vaſta hoſtem conſicere.

V. At Coilus, (id Brittonum Regi nomen erat,) per ſpeculatores cauſa cunctationis intellecta, quinque millia hominum in loca editiora, ut ibi in inſidiis eſſent, praemittit: ipſe reliquum exercitum recta in hoſtem ducere decrevit. Id quoque cum Picti reſciſſent, inito rursus cum Scotis consilio, antevertendum rati, ſtatuunt Brittonum caſtra de nocte aggredi. Igitur eduſtis copiis, Scoti a fronte, Picti a tergo invaſuri, ad hoſtem ante lucem perveniunt. Ibi Brittones, fiducia incautos, & qui ob ſuperiorum dierum cunctationem hoſtes timere deſierant, adhuc ſemiſomnes obtruncant. Cecidit cum parte majore ſuorum in eo tumultu Coilus ipſe, regionemque in qua pugnatum eſt de ſuo nomine celebrem fecit. Fergusio victore domum reverſo, Scoti ei poſterisque ejus regnum jurejurando confirmarunt. Ipſe deinde, rebus in Scotia pacatis, ad comprimendas auctoritate ſua ſeditiones in Hiberniam tranſiit: rebusque ibi compoſitis, in reditu, non procul eveſtus e portu, cui Rupes Fergusii nomen eſt, coorta repente tempeſtate, interiit, anno regni ſui viceſimo quinto. Adventum ejus in Albium in ea tempora conjiciunt, quibus Alexander Macedo Babylonem cepit, trecentefimo triceſimo fere anno ante Chriſtum natum.

## II. REX.

VI. Fergusio deſuncto, duo filii, ſed nondum regni potentes, reſtabant,

Tom. I.

O

FER.

1. subactis nationibus, firmatisque praefidiis: quorum fiducia Monam insulam,  
 2. ut vires rebellibus ministrantem, aggressus, terga occasione patefecit.  
 3. Namque absentia legati remoto metu, Britanni agitare inter se mala servitu-  
 4. tis, conferre injurias, & interpretando accendere: *Nihil profici patientia,*  
 5. *nisi ut graviora saepe ex facili tolerantibus imperentur.* Singulas sibi olim  
 6. Reges fuisse, nunc binos imponi; e quibus legatus in sanguinem, procurator in  
 7. bona sociavit: *aeque discordiam praepositorum, aeque concordiam subjeclis exitiosam:*  
 8. *alterius manus, centuriones; alterius, cum & contumelias miscere: nihil jam*  
 9. *cupiditati, nihil libidini exceptum.* In praelio fortiores esse qui spoliis: nunc  
 10. ab ignavis plerumque & imbellibus eripi domos, abstrahi liberos, injungi dele-  
 11. ctus, tanquam mori tantum pro patria nescientibus. Quantum enim transisse  
 12. militum, si sese Britanni numerent? Sic Germanias excussisse jugum, & flu-  
 13. mine non Oceano defendi: sibi patriam, conjugem, parentes; illis avaritiam &  
 14. luxuriam causas belli esse: necessarios, ut Divus Julius recessisset, modo virtutes  
 15. majorum suorum amularentur: neve praellii unius aut alterius eventus pavescerent.  
 16. Plus impetus, majorum constantiam penes miseros esse. Jam Britannorum etiam  
 17. Deos misere, qui Romanum ducem absentem, qui relogatum in alia insula ex-  
 18. ercitum detinuerunt: jam ipsos, quod difficillimum fuerit, deliberare. Porro in  
 19. ejusmodi consiliis periculosius esse deprehendi, quam andare. His atque talibus  
 20. invicem instincti, Voadica generis Regii furmina duce (neque enim sexum  
 21. in imperis discernunt) sumere universi bellum: ac sparsos per castella mili-  
 22. tes consecrati, expugnatis praefidiis, ipsam coloniam invasere, ut sedem ser-  
 23. vitutis: nec ullum in Barbaris siveitiae genus omisit ira & victoria. Quod  
 24. nisi Pullinus, eo cognito provinciae motu, propere subvenisset, amissa  
 25. Britannia foret: quam unius praellii fortuna veteri patientiae restituit, tene-  
 26. ribus amplexibusque, quos conscientia defectionis, & proprius ex legato ti-  
 27. mor agitabat. Hic cum egregius caetera, arroganter in deditos, & ut suae  
 28. quoque injuriae ultor, durius consulere; missus Petronius Turpilianus, tau-  
 29. quam exorabilius, & delictis hostium novus, eoque poenitentiae mitior;  
 30. compositis prioribus, nihil ultra ausus, Trebellio Maximo provinciam tra-  
 31. didit. Trebellius segnior, & nullis castrorum experimentis, comitate qua-  
 32. dam curandi provinciam tenuit. Didicere jam Barbari quoque ignoscere vi-  
 33. tiis blandientibus: & interventus civilium armorum praebuit iuliam segni-  
 34. tiae excusationem. Sed discordia laboratum, cum affluens expeditionibus  
 35. miles otio lasciviret. Trebellius fuga ac latebris vitata exercitus ira, inde-  
 36. corus atque humilis, precario mox praefuit; ac velut pacti, exercitus licen-  
 37. tiam, dux salutem. Haec seditio sine sanguine stetit. Nec Vectius Bola-  
 38. nus, manentibus adhuc civilibus bellis, agitavit Britanniam disciplina. Ea-  
 39. dem inertia erga hostes, similis petulantia castrorum: nisi quod innocens Bo-  
 40. lanus, & nullis delictis invisus, caritatem paraverat loco auctoritatis. Sed ubi  
 41. cum caetero orbe Vespasianus & Britanniam recipere; magni duces, egre-  
 42. gii exercitus, minuta hostium spes: & terrorem statim intulit Petilius Ce-  
 43. nalis, Brigantum civitatem, quae numerosissima provinciae totius perhibe-  
 44. tur, aggressus. Multa praelia, & aliquando non incruenta: magnamque  
 45. Bri-

„Brigantum partem aut victoria amplexus, aut bello. Et cum Cerialis qui-  
 „dem alterius successoris curam famamque obruisset, sustinuit quoque molem  
 „Julius Frontinus, vir magnus quantum licebat, validamque & pugnacem  
 „Silurum gentem armis subegit; super virtutem hostium locorum quoque dif-  
 „ficultates eluctatus.

*CICERO ad Trebatium, lib. VII. Epist. Famil. 7.*

„IV. In Britannia nihil esse audio neque auri neque argenti. Id si ita est,  
 „essendum aliquod suadeo capias, & ad nos quam primum recurras. Sin autem  
 „sine Britannia tamen assequi quod volumus possumus; perface ut sis in fami-  
 „liaribus Cæsaris.

*PAULUS OROSIUS, de Hibernia loquens. lib. I. cap. 2.*

„V. Hæc propior Britannia, spatio terrarum angustior, sed coeli solisque  
 „temperie magis utilis, a Scotorum gentibus colitur. Huic etiam Mevania  
 „insula proxima est, & ipsa spatio non parva, solo commoda, æque a Scoto-  
 „rum gentibus habitatur.

*Idem. lib. VII. cap. 17.*

„Severus victor in Britannias defectu pene omnium sociorum trahitur. Ubi  
 „magnis gravibusque præliis sæpe gestis, receptam partem insulæ a cæteris in-  
 „domitis gentibus vallo distinguendam putavit. Itaque magnam fossam fir-  
 „missimumque vallum, crebris insuper turribus communitum, per centum tri-  
 „ginta & duo millia passuum a mari ad mare duxit. *Eadem pene ad verbum*  
 „habet *Ado Archiepiscopus Viennensis. Utrique error in numeris est corrigendus;*  
 „nam pro CXXXII. scribendum est XXXII.

*E SOLINI Cap. XXII.*

„VI. Multis insulis nec ignobilibus circumdatur: quarum Hibernia ei pro-  
 „ximat magnitudine, inhumana incolarum ritu aspero: alioquin ita pabulosa,  
 „ut pecua ibi, nisi interdum a pascuis arceantur, in periculum agat satias.  
 „Illic nullus anguis, avis rara, gens inhospita, & bellicosa. Sanguine in-  
 „terentorum hausto, prius victores vultus suos oblinunt. Fas ac nefas eo-  
 „dem loco ducunt. Puerpera, si quando marem edidit, primos cibos gla-  
 „dio imponit mariti, inque os parvuli summo mucrone (auspiciis alimentor-  
 „um) leviter infereit, & gentilibus votis optat, non aliter quam in bello &  
 „inter arma mortem oppetat. Qui student cultui, dentibus mari nantium  
 „belluarum insigniunt ensium capulos: candicant enim ad eburnam claritatem:  
 „nam præcipua viris gloria est in armorum nitela. Interea apes non habent:  
 „advecto inde seu pulvere, seu lapillo, si quid sparseris inter alvearia, exami-  
 „na favos deferunt. Mare quod Hiberniam & Britanniam interluit, undosum  
 „inquietumque toto in anno, non nisi pauculis diebus est navigabile. Navi-  
 „gant

*I Solisque.] [Rectius solique.]*  
*Tom. I.*

N



„gant autem vimineis alveis, quos circundant ambitione tergorum bubulorum:  
 „quantocunque tempore cursus tenebit, navigantes escis abstinent. Freti lati-  
 „tudinem in centum viginti millia passuum diffundi, qui fidem ad verum ra-  
 „tiocinati sunt, aestimarunt. Siluram quoque insulam ab ora, quam gens Bri-  
 „tanna Dumnonii tenent, turbidum fretum distinguit: cujus homines etiamnum  
 „custodiunt morem vetustum: nummum refutant: dant res, & accipiunt:  
 „mutationibus necessaria potius quam pretiis parant: deos percolunt: scientiam  
 „futurorum pariter viri ac foeminae ostentant. Thanatos insula adspiratur fre-  
 „to Gallico, a Britanniae continente aestuario tenui separata, frumentariis campis  
 „felix & gleba uberi, nec tantum sibi verum & aliis salubris locis: nam cum  
 „ipsa nullo serpat angue, asportata inde terra, quoquo gentium inuenta sit, an-  
 „gues necat.

*Ex libro III. cap. 14. HERODIANI, Politiano interprete.*

„VII. At Severus, moras de industria neccens, ne vacuo sibi Romam  
 „redeundum foret, cupidus victoriae cognominisque Britannici, legatos qui-  
 „dem re infecta domum dimittit, ipse, quae bello usui forent, magna solertia  
 „comparabat. Sed in primis tamen curae habuit pontibus occupare paludes,  
 „ut stare in tuto milites, [*facileque per eas discurrere*] possent, atque in solido  
 „praeliari. Siquidem Britanniae pleraque loca frequentibus Oceani alluvioni-  
 „bus paludescunt. Per eas igitur paludes Barbari ipsi natant, excursantque ad  
 „ilia usque demersi, ac pleraque corporis nudi coenum contemnunt. Neque  
 „enim vestis usum cognorunt, sed ventrem atque cervicem ferro incingunt:  
 „ornamentum id esse, ac divitiarum argumentum existimantes, perinde ut au-  
 „rum caeteri Barbari. Quin ipsa notant corpora pictura varia, & omnifariam  
 „formis animalium: quocirca ne induuntur quidem, videlicet picturam corpo-  
 „ris ne adoperiant. Sunt autem bellicosissima gens, atque avidissima caedis:  
 „tantum scuto angusto lanceaque contenti; praeterea gladio nudis corporibus  
 „dependente: loricae ac galeae penitus ignorant usum, impedimentum id esse  
 „transgrediendis paludibus arbitantes, quarum vaporibus aestuque coelum ibi  
 „semper caliginosum.

*Ex AMMIANI MARCELLINI libro xx. cap. 1.*

„VIII. Haec per Illyricum, perque Orientem rerum series fuit. Consula-  
 „tu vero Constantii decies, terque Juliani, in Britannii cum Scottorum Picto-  
 „rumque gentium ferarum excursus, rupta quiete condita, loca limitibus vi-  
 „cina vastarent, & implicaret formido provincias praeteritarum cladum con-  
 „gerie fessas: hiemem agens apud Parisios Caesar, distractusque in sollicitudi-  
 „nes varias, verebatur ire subsidio transmarinis, (ut retulimus ante fecisse Con-  
 „stantem:) ne rectore vacuas relinqueret Gallias, Alamannis ad saevitiam  
 „etiamtum incitatis & bella. Ire igitur ad haec ratione vel vi componenda  
 „Lupicinum placuit, ea tempestate Magistrum armorum, bellicosum sane,  
 „& castrensis rei peritum, sed supercilia erigentem ut cornua, & de tragico,  
 „quod ajunt, cothurno strepentem: super quo diu ambigebatur, avarus ei-  
 „set

„set potius, an crudelis. Moto ergo velitari auxilio, Erulis scilicet & Bata-  
 „vis, numerisque Mœsiacorum duobus, adulta hieme Dux antedictus Bono-  
 „niam venit: quæsitisque navigiis, & omni imposito milite, observato flatu  
 „secundo ventorum, ad Rutupias sitas ex adverso defertur, petitque Lundi-  
 „nium: ut exinde, suscepto pro rei qualitate consilio, festinaret ocius ad pro-  
 „cinctum.

*Ex ejusdem libro xxvi. cap. 4.*

„Picti, Saxonesque, & Scotti, & Attacotti, Britannos ærumnis vexavere  
 „continuis.

*Ex ejusdem libro xxvii. cap. 8.*

„Illud tamen sufficiet dici, quod eotempore Picti in duas gentes divisi, Di-  
 „calidonas, & Vecturiones, itidemque Attacotti, bellicosa hominum natio,  
 „& Scotti, per diversa vagantes multa populabantur: Gallicanos vero tractus  
 „Franci & Saxones iisdem confines, quo quisque erumpere potuit, terra vel  
 „mari, prædis acerbis incendiisque, & captivorum funeribus hominum, vio-  
 „labant. Ad hæc prohibenda si copiam dedisset fortuna prosperior, orbis ex-  
 „trema Dux efficacissimus petens, cum venisset ad Bononiæ littus, quod a  
 „spatio controverso terrarum angustiis reciproci distinguitur maris, attolli hor-  
 „rendis æstibus adfueti, rursusque sine ulla navigantium noxa in speciem com-  
 „planari camporum: exinde, transmeato lentius freto, defertur Rutupias,  
 „stationem ex adverso tranquillam. Unde cum consecuti Batavi venissent &  
 „Eruli, Joviique & Victores, fidentes viribus numeri: egressus tendensque  
 „ad Lundinium vetus oppidum, quod Augustam posteritas appellavit, divisis  
 „plurifariam globis, adortus est vagantes hostium vastatorias manus, graves  
 „onere sarcinarum: & propere fufis qui vinctos homines agebant & pecora,  
 „prædam excussit, quam tributarii perdidere miserrimi. His denique restitu-  
 „ta omni, præter partem exiguam impensam militibus fessis, mercedem diffi-  
 „cultatibus suis antehac civitatem, sed subito quam salus sperari potuit recrea-  
 „tam, in ovantis speciem lætissimus introiit. Ubi ad audenda majora prospero  
 „successu elatus, tutaque scrutando consilia, futuri morabatur ambiguus, dif-  
 „fusam variarum gentium plebem, & ferocientem immaniter, non nisi per  
 „dolos occultiores & improvisos excursus superari posse, captivorum confessio-  
 „nibus & transfugarum indiciis doctus. Denique edictis propositis, impuni-  
 „tateque promissa, desertores ad procinctum vocabat, & multos alios per di-  
 „versa libero comœatu dispersos. Quo monitu ut redire plerique, incenti-  
 „vo percitus, retentusque anxiiis curis, Civilem nomine recturum Britannias  
 „pro Præfectis ad se poposcerat mitti, virum acrioris ingenii, sed justî tena-  
 „cem & recti: itidemque Dulcitium, Ducem scientia rei militaris in-  
 „signem.

*Ex DIONIS libro xxxix.*

„IX. Cæsar igitur, Rhenum primus Romanorum cum transisset, & in  
 N 2 Bri-

Britanniam postea Pompejo & Crasso Coss. transiit. Ipsa vero regio ha-  
 bet ultra Morinos CCCCL. minimum stadia. Præstenditur vero ultra reli-  
 quam Galliam, ac totam propemodum Hispaniam, in mare se porrigens:  
 & quidem Græcorum & Romanorum antiquissimis ignota. Posteris vero,  
 continens an insula esset, dubitatum est, & a multis (vera quidem ignoran-  
 tibus, ut qui nec ipsi quidem ea vidissent, nec ab incolis fando accepis-  
 sent, sed conjecturas sequerentur) pro utriusque partis aut otio aut studio,  
 literis mandata fuerunt. Procedente vero tempore, primum Agricola præ-  
 secto, deinde Severo Imperatore, insulam esse dilucide deprehensum est. In  
 hanc igitur tum Cæsar, reliquis in Gallia rebus compositis, adiectisque Mo-  
 rinis, transire cupiebat, & qua commodissimum erat cum pedite trajecit,  
 non tamen ubi oportuit appulit. Audita enim fama adventus ejus, Britanni  
 omnes aditus continentis præoccuparunt. Rupem autem prominentem cir-  
 cumvectus, alibi descendit: ac victis qui descensum impediabant, prius in  
 terram suos exposuit: eaque positus est, antequam plures hostibus se conjun-  
 gerent: ac deinde subsidia ipsa expulit. Barbarorum autem non multi cade-  
 bant, qui cum e curribus & equis præliarentur, facile Romanos (quippe  
 quibus nondum equitatus esset) cludebant. Attoniti vero ad ea, quæ de eis  
 ex contingenti nunciabantur, & quod omnino transmittere ausi essent, & ex-  
 scendere omnino potuerint, mittunt ad Cæsarem quosdam e gente Morino-  
 rum, amicos suos, qui legationem perferrent. Ac primum quidem obsides  
 petenti promiserunt. Verum cum navales Romanorum copie, & quæ ade-  
 rant, & quæ adventabant, tempestate vexarentur, sententiam quidem mu-  
 tarunt: nec tamen aperte sunt eos aggressi, (castra enim valido præsidio te-  
 nebantur: quosdam vero nacti, velut in pacatum, ad rerum necessarium  
 convectionem missos, pene omnes interemerunt, (Cæsar enim reliquis cele-  
 riter subsidio venit:) ac statim ipsa in castra impetum fecerunt: atque ibi,  
 nulla re perpetrata, turpiter fuerunt rejecti: non tamen ad condiciones vene-  
 runt, antequam sæpe male accepti fuissent: ac ne Cæsari quidem alioqui cum  
 illis erat in animo pacisci. Cum vero & hiems adesset, nec satis haberet co-  
 piarum ad bellum tum gerendum, & quas advexerat essent imminutæ, &  
 Galli per ejus absentiam res novas moliti essent, de pace cum eis invitus egit,  
 pluribus tum petitis obsidibus, paucis vero acceptis. Et ille quidem in  
 continentem reiectus, res turbatas composuit, nullo neque privatim neque pu-  
 blice ex Britannia operæ pretio perpetrato, nisi quod bello eam petisse videa-  
 tur. Ob hoc enim & ipse sibi vehementer placebat, & qui Romæ erant mi-  
 nistrice prædicabant. Nam cum viderent quæ prius ignota fuerant in lu-  
 cem prolata, & quæ ante ne fando quidem erant audita jam sibi patefacta,  
 spem ex his consecuturam, velut re exhibitam, amplectebantur, & quan-  
 cunque spe amplexi erant, tanquam voti jam compotes gestiebant: at-  
 que ob has res supplicationes in vigesimum diem decreverunt.

EX BEDÆ libri primi cap. i.

X. Q inque gentium linguis unam eandemque summæ veritatis & veræ sub-

„sublimitatis scientiam scrutatur & confitetur; Anglorum videlicet, Britto-  
 „num, Scottorum, Pictorum & Latinorum, quæ meditatione scripturarum  
 „cæteris omnibus est facta communis. In primis autem hæc insula Brittones  
 „solum, a quibus nomen accepit, incolas habuit; qui de tractu Armori-  
 „cano (ut fertur) Britanniam advecti, australes sibi partes illius vindicarunt.  
 „Et cum plurimam insulæ partem (incipientes ab Austro) possedissent, con-  
 „tiguit gentem Pictorum de Scythia (ut perhibent) longis navibus non multis  
 „Oceanum ingressam, circumagente flatu ventorum, extra fines omnes Bri-  
 „tanniæ Hiberniam pervenisse, ejusque septentrionales oras intrasse: atque in-  
 „venta ibi gente Scottorum, sibi quoque in partibus illius sedes petisse, nec  
 „impetrare potuisse.

*Ex ejusdem libri 1. cap. 5.*

„Severus, genere Afer Tripolitanus, ab oppido Lepti, decimus septimus  
 „ab Augusto imperium adeptus, decem & septem annis tenuit. Hic natura  
 „sævus, multis semper bellis lacessitus, fortissime quidem rempublicam, sed  
 „laboriosissime rexit. Victor ergo civilium bellorum, quæ ei gravissima oc-  
 „currerant, in Britannias defectu pene omnium sociorum trahitur, ubi magnis  
 „gravibusque præliis sæpe gestis, receptam partem insulæ, a cæteris indomitis  
 „gentibus, non muro (ut quidam aestimant) sed vallo distinguendam putavit.  
 „Murus etenim de lapidibus, vallum vero (quo ad vim hostium repellendam  
 „castra muniuntur) fit de cespitibus, quibus circumcisus, e terra velut murus  
 „exstruitur supra terram, ita ut ante sit fossa, de qua levati sunt cespites, su-  
 „pra quam sudes de lignis fortissimis præfiguntur. Itaque Severus magnam  
 „fossam firmissimumque vallum, crebris insuper turribus communitum, a ma-  
 „ri ad mare duxit: ibique apud Eboracum oppidum morbo obiit.

*Ex ejusdem libri 1. cap. 12.*

„Exin Britannia in parte Brittonum, omni armato milite, militaribus uni-  
 „versis copiis, tota floridæ juventutis alacritate spoliata, quæ tyrannorum tem-  
 „meritate obducta, nusquam ultra domum rediit, prædæ tantum patuit, ut-  
 „pote omnis bellici usus prorsus ignara. Denique subito duabus gentibus trans-  
 „marinis vehementer sævis, Scottorum a Circio, Pictorum ab Aquilone, mul-  
 „tos stupet gemitque per annos. Transmarinas autem dicimus has gentes,  
 „non quod extra Britanniam essent positæ; sed quia a parte Brittonum  
 „erant remotæ, duobus sinibus maris interjacentibus, quorum unus ab orien-  
 „tali mari, alter ab occidentali, Britannia terras longe lateque irrumpit,  
 „quamvis ad se invicem pertingere non possint. Orientalis habet in medio  
 „sui urbem Guidi, occidentalis supra se, hoc est, ad dexteram sui, habet ur-  
 „bem Alcluith, quod lingua eorum significat petram Cluith: est enim juxta  
 „fluvium nominis illius. Ob harum ergo infestationem gentium, Brittones  
 „legatos Romam cum epistolis mittentes, lacrimosis precibus auxilia fla-  
 „gi-

1 *Temeritate obducta.* Ita optima Chiffetii editio, *abducta* tamen malim.

„gitabant, subiectionemque eorum continuam, dummodo hostis imminere  
 „longius arceretur, permittebant. Quibus mox legio destinatur armata: quæ  
 „ubi in insulam advecta, & congressa est cum hostibus, magnam eorum mul-  
 „titudinem sternens, ceteros locorum sinibus expulit: eosque interim a di-  
 „rissima depreffione liberatos hortata est, instruere inter duo maria trans in-  
 „sulam murum, qui arcendis hostibus posset esse præsidio: sicque domum  
 „cum triumpho magno reversa est. At insulani murum, quem jussi fuerant,  
 „non tam lapidibus quam cespitibus contruentes, utpote nullum tanti operis  
 „artificem habentes,) ad nihil utilem statuunt. Fecerunt autem cum inter  
 „duo freta, vel sinus (de quibus diximus) maris, per millia passuum plurima:  
 „ut, ubi aquarum munitio decrat, ibi præsidio valli fines suos ab hostium ir-  
 „ruptione defenderent: cujus operis ibidem facti, id est, valli latissimi & al-  
 „tissimi, usque hodie certissima vestigia cernere licet. Incipit autem duo-  
 „rum ferme millium spatio a monasterio Aebercurnig, ad occidentem, in lo-  
 „co qui sermone Piëtorum Peanfahel, lingua autem Anglorum Penneltum ap-  
 „pellatur, & tendens contra occidentem terminatur juxta urbem Alcluith.  
 „Verum priores inimici, ut Romanum militem abiisse conspexerant, mox ad-  
 „vecti navibus irrumpunt terminos, cæduntque omnia, & quasi maturam se-  
 „getem obvia quæque metunt, calcant, transeunt. Unde rursus mittuntur  
 „Romam legati, flebili voce auxilium implorantes, ne penitus misera patria  
 „deleteretur, ne nomen Romanæ provinciæ, quod apud eos tamdiu claruerat,  
 „exterarum gentium improbitate obrutum vilesceret. Rursus mittitur le-  
 „gio, quæ inopinata tempore autumnii adveniens, magnas hostium strages de-  
 „dit, eosque qui evadere poterant, omnes trans maria fugavit, qui prius an-  
 „niversarias prædas trans maria nullo obistente cogere solebant. Tum Ro-  
 „mani denunciavere Brittonibus, non se ultra ob eorum defensionem tam la-  
 „boriosis expeditionibus posse fatigari: ipsos potius monent arma corripere, &  
 „certandi cum hostibus studium subire, qui non aliam ob causam, quam si  
 „ipsi inertia solverentur, eis possent esse fortiores. Quin etiam, quod & hoc  
 „locis, quos derelinquere cogeantur, aliquid commodi allaturum putabant,  
 „murm a mari ad mare recto tramite inter urbes, quæ ibidem ob metum  
 „hostium factæ fuerant, (ubi & Severus quondam vallum fecerat,) firmo de  
 „lapide collocarunt: quem vidimus hætenus famosum atque conspicuum,  
 „sumtu publico privatoque, adjuncta secum Britannorum manu, construebant,  
 „octo pedes latum, & duodecim altum, recta ab oriente in occasum linea,  
 „ut usque hodie intuentibus clarum est. Quo mox condito, dant fortia segni  
 „populo monita, præbent instruendorum exemplaria armorum. Sed & in  
 „littore Oceani ad meridiem, quo naves eorum habebantur, quia & inde  
 „Barbarorum irruptio timebatur, turres per intervalla ad prospectum ma-  
 „ris collocant, & valedicunt sociis, tanquam ultra non reveriuri.

*Et paullo post.*

„Quid plura? relictis civitatibus ac muro, fugiunt ac disperguntur. In-  
 „sequitur hostis, accelerantur strages cunctis crudeliores prioribus. Sicut  
 „enim



„enim agni a feris, ita miseri cives discerpuntur ab hostibus: unde a mansio-  
 „nibus ac possessiunculis suis ejecti, imminens sibi famis periculum latrocinio ac  
 „rapacitate mutua temperabant, augentes externas domesticis motibus clades,  
 „donec omnis regio totius cibi sustentaculo, excepto venandi solatio, vacua-  
 „retur.


EX EPISTOLA GILDÆ.

„XI. Quos jussit construere inter duo maria trans insulam murum, ut ef-  
 „set arcendis hostibus a turba instructus terrori, civibusque tutamini.

Et infra.

„Igitur rursus miseræ mittentes epistolas reliquæ ad Aetium Romanæ po-  
 „testatis virum, hoc modo loquentes: *Aetio ter Consuli, gemitus Britannorum.*  
 „Et post pauca querentes: *Repellunt Barbari ad mare, repellit mare ad Barba-*  
 „ros. *Inter hæc duo genera funerum aut jugulamur aut mergimur: nec pro eis*  
 „quicquam adjutorii habent.

LIBER QUARTUS.

I.  Um nostræ gentis historiam scribere aggredieremur, quo re-  
 liqua magis aperta legentibus essent, pauca visum est supra  
 repetere: sed ea potissimum, quæ a fabularum vanitate ab-  
 essent, & a vetustis rerum scriptoribus non dissentirent. Pri-  
 mum omnium constans fama est, quam plurima etiam indi-  
 cia confirmant, Hispanorum multitudinem, sive a poten-  
 tioribus domo pulsam, sive abundante sobole ultro profectam, in Hiberniam  
 transmisisse, ejusque insulæ loca proxima tenuisse. Deinde, cum & aeris fa-  
 lubritas & pabuli fecunditas invitaret paullatim complures, & propter sedi-  
 tiones domi, & exterorum injurias, (quibus Hispania semper fuit obnoxia,)   
 quietioris vitæ spes & cupiditas eodem traxit: eoque facilius, quod ad insulam,  
 jam a popularium suorum multitudine occupatam, tanquam ad alteram patriam,  
 se proficisci sibi persuaderent. Stirps autem illa tanta sobole in terra hominum  
 fecundissima re floruit, ut jam non Hiberniæ finibus contenti, in proximas  
 etiam insulas minores frequenter emigrarent.

II. Interea Scotis (id enim universæ genti nomen erat) per Æbudas insulas  
 fines propagantibus, sed sine Rege ac certo imperio per cognationes tributim  
 sparsis, appulit ad Hiberniæ littus classis Germanica, vel, ut scribit Beda,  
 Scythica; eo rejecta tempestatibus, ut credibile est, quod nec liberos nec uxores  
 secum extulissent. Hi omnium rerum egeni, cum e longinqua navigatio-  
 ne nihil eis præter arma superesset, a Scotisque missis legatis sedes peterent,  
 responsum fuit; „Se exiguas & infœcundas insulas ob agri penuriam occupare  
 „cor-

„coactos, quas ne universas quidem, si eis cedere possent, suffecturas tantæ  
 „multitudini. Communis vero sortis miseros, hominibus sævitia fortunæ af-  
 „flictis, nec genere (ut e sermone & institutis apparebat) alienis, consilium,  
 „& ad efficiendum, quanta possent, auxilia duros., Consilium autem erat;  
 „Ut propinquam insulam Albium, & amplam & foecundam, & multis in lo-  
 „cis adhuc incultam, & propter incolarum, sicubi essent, ingenia, qui mul-  
 „tis tum Regibus inter se inimicis parebant, infirmam, peterent. In illis dis-  
 „cordiis civilibus, facile fore, infirmiores fovendo, regionem amplissimam  
 „occupare. Sua ad id auxilia non defutura. Cum Æbudarum angustia, &  
 res, ut tum erant, tenues facerent fidem, Germani (qui postea Picti a Ro-  
 manis & vicinis gentibus sunt appellati) oram Germanico mari vicinam ingressi,  
 pulsus incolis, qui & rari & inter se discordes erant, magnam ejus oræ partem  
 in suam ditionem redegerunt: brevique prima illa cum Scotis amicitiae auspicia  
 sequuti, conjugibus ab eis acceptis, in unam prope gentem coaluerunt. Ita  
 enim effectum est, ut frequenti ultro citroque comite, magna Scotorum  
 multitudo, vel ab affinibus adhuc infirmis retenta, vel domesticarum re-  
 rum penuria impulsæ, vel caritate suorum, inter Pictos locum domicilio ca-  
 peret.

III. Picti primo affinium adventu læti, cum augescere paullatim multitudi-  
 nem cernerent, formidare cœperunt, ne cum primum spem vires Scotis face-  
 rent, ipsi eis obnoxii redderentur: primo secretis coitionibus, deinde palam in  
 conciliis, fremere cœperunt; „Providendum, ne peregrini secum post misce-  
 „rentur, rationemque ineundam, ut quæ adesset multitudo minueretur., Ja-  
 ctatus etiam vulgo rumor est. „Divinitus Pictis ditionem esse datam, fore, ut  
 „aliquando tota gens a Scotis deleteretur. Hæ suspiciones in causâ fuerunt, ut  
 „nationes ante amicissimæ seorsum habitarent: Scotique montanis in locis, &  
 agriculturæ minus aptis, (ut qui pecori pascendo & venationibus magis dediti  
 essent,) se continerent; Picti agris fertilioribus secundum mare Germanicum  
 colendis assuecerent. Ac paullatim tot ante officiis necessitudo contracta bre-  
 vi in funestum prope civile bellum vertit. Levibus enim de causis, primum  
 jurgiis, deinde injuriis inter homines feroces ortis, gravissimorum odiorum se-  
 mina jacta videbantur. Hanc occasionem Brittones, utriusque gentis inimici,  
 cum essent nacti, discordiarum faces admoverunt, & Pictis non poscentibus  
 auxilium adversus Scotos offerunt. Id Scoti cum tractari sentirent, & ipsi ad-  
 versus imminens discrimen non modo auxilium, sed Regem etiam peregrinum,  
 adiscunt. Insulanorum duces cum pene pari dignitate essent, nec alter alteri  
 cedere in animum induceret, arcessitur cum copiis ex Hibernia FERGUSIUS,  
 Ferchardi filius, omnium Scotorum & consilio & manu primus habitus: &

I Divinitus Pictis ditionem esse datam.]  
 i. e. oraculum, pari modo quo oracula  
 a Græcis interdum λόγια dicuntur, Liv.  
 3. cap. 24. Accito [Alexandro Epirotæ]  
 ab Tarentinis in Italiam data dictio erat,  
 exeret Achernasiam aquam, Pandasiamque

ma-  
 urbem, ibi satis ejus terminum dari. Vi-  
 de Turnebi Advers. lib. 30. cap. 1. [ &  
 Cuper. III. obs. 7. ita & dictum & di-  
 cere. vid. ad Ovid. Epist. v. 33. & Valer.  
 Flac. 11. 336.]

magno populi consensu Rex declaratur: atque exercitum ad aleam pugnae, si sit opus, inbeundam parare jubetur.

IV. Eodem prope momento rumor ad Scotos Pictosque promanarat, Brittones ambigua consilia, utrique genti juxta perniciofa, agitare, ut victos pariter victoresque bello aggredierentur: & utrisque vel ad internecionem caelis, vel Albio expulsi, ipsi totius insulae potirentur imperio. Ea res utriusque gentis copias, consilii incertas, aliquot dies in castris continuit. Tandem in colloquium ventum, & detecta Brittonum occulta fraude, de pace agi ceptum: eaque renovata, tres exercitus diversi domum concesserunt. Britto, conatu priore dejectus, alia fraude rem aggreditur. Immissis clam latronibus pecora Pictorum abigit. Res repetentibus respondet; „Justius a Scotis, furtis & latrociniiis assuetis, eas, quam a se, repeti. Ita elusa legatione, re infecta faciales dimissi. Enimvero ea jam aperta ludificatio videri. Itaque, cum fraudulentata consilia se magis magisque aperirent, recens contumelia vehementius, quam ex priore conatu ira residua, utriusque populi animos inflammavit. Igitur exercitu, quantum poterant, coacto, duo Reges bifariam Brittonum fines ingressi, agris ferro flammaque late deformatis, cum igenti praeda domum revertuntur. Ad eam injuriam vindicandam, Britto Scotorum fines ingressus, ad Dunum usque amnem penetravit, & minore longe damno quam terrore ea loca pervagatus, in ripa fluminis confedit. Fergusius enim, missis in montes locaque exercitibus inaccessa liberis & conjugibus, rebusque aliis, quae agi aut asportari poterant, ipse aditus omnes observabat usque ad Pictorum adventum. Castris tandem cum eis conjunctis, communicatoque consilio, statuunt bellum ducere, & in regione hostili incursione prope vasta hostem conficere.

V. At Coilus, (id Brittonum Regi nomen erat,) per speculatores causa cunctationis intellecta, quinque millia hominum in loca editiora, ut ibi in insidiis essent, praemittit: ipse reliquum exercitum recta in hostem ducere decrevit. Id quoque cum Picti rescissent, inito rursus cum Scotis consilio, antevertendum rati, statuunt Brittonum castra de nocte aggredi. Igitur eductis copiis, Scoti a fronte, Picti a tergo invadunt, ad hostem ante lucem perveniunt. Ibi Brittones, fiducia incautos, & qui ob superiorum dierum cunctationem hostes timere desierant, adhuc semilomnes obtruncant. Cecidit cum parte majore suorum in eo tumultu Coilus ipse, regionemque in qua pugnatum est de suo nomine celebrem fecit. Fergusio victore domum reverso, Scoti ei posterisque ejus regnum jurejurando confirmarunt. Ipse deinde, rebus in Scotia pacatis, ad comprimendas auctoritate sua seditiones in Hiberniam transiit: rebusque ibi compositis, in reditu, non procul evectus e portu, cui Rupes Fergusii nomen est, coorta repente tempestate, interiit, anno regni sui vicesimo quinto. Adventum ejus in Albium in ea tempora conjiciunt, quibus Alexander Macedo Babylonem cepit, trecentesimo tricesimo fere anno ante Christum natum.

## II. REX.

VI. Fergusio defuncto, duo filii, sed nondum regni potentes, restabant,  
*Tom. I.* O FER-

FERLEGUS & MAINUS. Eo factum est, ut Phylarchis <sup>1</sup> ad prodendum Regem coëuntibus, magna contentione res transigeretur, aliis jusjurandum jactantibus, quo adacti erant regnum stirpi Fergusianæ se conservaturos: aliis, quanta domi forisque, Rege puero, instarent pericula, commemorantibus. Tandem, post longam disceptationem, ratio inita est, qua nec puer, ætate nondum regno matura, imperaret, nec jurijurando fraus fieret: „Ut videlicet, „Regum liberis nondum adultis, propinquorum, qui maxime videretur regno „idoneus, is rerum summæ præficretur: eo mortuo, regni successio ad Regis superioris liberos perveniret. Hac postea perpetuo lex valuit, <sup>2</sup> per annos fere MCCLXXIV. usque ad Kennethum Tertium, de quo suo loco dicemus. Hac lege *Feritharis*, Fergusii frater, regnum est adeptus: atque annos quindecim cum honorem gessit, tanta æquitate & modestia, ut & cives justum Regem, & pupilli tutorem optimum, cum experirentur. His artibus cum pacem foris, domi caritatem civium comparasset, propinquorum tamen ambitionem placare non potuit. Ferlegus enim, regnandi cupiditate jamdudum inflammatus, communicata re prius cum turbulentissimo quoque juventutis, ac rerum novarum avidissimo, patruum adit, & regnum paternum reposcit, quod ille non ut suum, sed ut fiduciarium tenebat. Feritharis adeo illo adolescentis importuno consilio non est perturbatus, ut, concione advocata, regnum ejerare paratum se esse ostenderet: multaue etiam de adolescentis laude adjecit. „Regno autem sibi credito, quod mors propinqua esset ablatura, „malle sponte cedere, & voluntate potius quam necessitate pietatem erga propinquos colere. Sed tantum omnium fuit erga Feritharem studium, tantaque caritas, ut hanc præproperam in Ferlego regni cupiditatem, non modo vultu, sed increpationibus, atque adeo clara totius concionis acclamatione, sint averlati. Patefacta vero per indices adversus patruum conjuratione, cum consilii detestabilis auctor supplicio gravissimo dignus haberetur, valuit tamen in Ferlego patris memoria, & patruum præsentis gratia & preces, quo minus gravissimi sceleris cogitati morte poenas lueret. Custodes tantum adhibiti, qui

facta

**1** *Ad prodendum Regem.* ] i. e. *creandum vel nominandum.* Cic. pro dom. *Interrex, quem & ipsum patricium esse, & a patricio prodi necesse est.* Id. pro Milone: *A dictatore Milone prodi Flavianum necesse est.* Liv. V. 31. *Is deinde L. Valerium Potitum Interregem prodidit.*

**2** *Per annos fere 1274. usque ad Kennethum Tertium.* ] In omnibus libris 1025. legitur, quos alii etiam scriptores nec opinantes secuti Anachronismum 249. minimum annorum admisere. Obiit enim Fergusius I. ante Christum natum anno 305. Kennethus vero III. qui hanc legem abrogavit, decessit 994. regni sui 25. (Vid. lib. VI. 40.) a Fergusii ergo

morre ad Kennethi regni initium anni intercedunt 1274. Sed neque hanc legem a Kennetho III. anno ejus regni primo abrogatam est verisimile; Buchananus enim id ab eo jam ætate grandiore factum narrat. E Fordoni autem Scotichronico, qui Kennethum regnum iniisse ait A. C. 970. colligi videtur immutatum fuisse successionis jus non ante annum ipsius regni 15. adeoque anno C. 985. i. e. post mortem Fergusii 1280. Quod si Boethii Lessiæque supputationem sequamur, diutius adhuc ista lex apud Scotos valuit; si enim Kennethi III. mortem in annum conjiciunt 1000.

facta dictaque ejus omnia specularentur. Sed ille quamlibet brevis moræ ad spem animo conceptam impatiens, deceptis custodibus, cum paucis consociis, primum ad Pictos, deinde, cum ibi nullam rerum novandarum materiam inveniret, ad Brittones confugit, apud quos vitam ignavam, & perinde ignobilem egit. Feritharis vero paucos post menses, incertum morbo an fraude, est sublatuſ. Ejus mortis suspensionem superior ambitio, scelusque detectum, & recens fuga sic auxit, ut Ferlegus omnium sententiis absens damnaretur, quinto decimo fere post mortem patris anno.

### III. R E X.

VII. Ferlego damnato, MAINUS frater ejus Scotorum Rex tertius creatur: vir patri & patruo, quam fratri similior. Is, pace cum vicinis confirmata, domi sublatiſ facinorosiſ, sacrorum ritus diligenter obeundo, tantam sibi justitiæ & pietatiſ opinionem paravit, ut eum lædere summum nefas, tam cives, quam pergerini existimarent. Hac sanctitatiſ opinione, quam armis tutior, postquam viginti novem annos imperasset, decedens, magnum sui desiderium apud omnes bonos reliquit.

### IV. R E X.

VIII. DORNADILLAM habuit & filium & regni successorem, & in æquitate colenda patri similem; cæteris vitæ partibus disparem. Magnam enim temporis partem venationi dedit: id studium in pace decorum, & corpori salubri ratus, & ad robur militare confirmandum maxime utile. Animum præterea voluptates maxime puras inde capere: & adversus avaritiã & luxuriã, cæteraque vitia, quæ ex otio gignuntur, non modice roborari. Hunc fama est leges venaticas, quæ apud præloſ Scotos hac ætate observantur, tulisse. Deceſſit octavo & viceſimo regni anno.

### V. R E X.

IX. NOTHATUM ejus fratrem populus regnare jussit, immaturo adhuc ad regendum Reuthero ejus filio. Is imperium, quod ad eum diem fuerat moderatum & legitimum, statim in superbam dominationem convertit: civesque passim juxta summos & infimos, velut non in tutelam sed prædam sibi datos, multatione bonorum, exilio, morte, omni denique suppliciorum genere, ita afflixit, ut nihil ad summam immanitatem sibi reliquum faceret. Cæteris metu torpentibus, Dovalus quidam e Gallovidia, homo ambitiosus, ex odio civium in Regem locum crescendi datum ratus, cum sciret sibi insidias ab Rege parari, facinus occupare statuit. Omnibus ad id satis comparatis, magna clientium & amicorum manu stipatus, ad Regem venit. Ei palam cædem nobilitatiſ, bonorum direptionem, publicamque servitutem, cum exprobrasset, petit. „Ut tandem aliquando regnum, quod gerere nesciat, hæredi legitimo restituat. Nothatus, præter expectationem ultro conviciis petitus, de acerbitate præſtina nihil remittens, respondit; „Se, quæ gesserit, jure Regio gessiſſe: si quid  
O 2 „du-



„durius patratum esset, non id Regis ingenio, sed civium contumaciæ tribuen-  
 „dum. His conviciis ira utriusque irritata, cum ad manus ventum esset, No-  
 „thatus a Dovalianis obtruncatur, postquam crudeliter & avare viginti præ-  
 „fuisse annos.

## V I. R E X.

X. REUTHERUS a Dovali factione, sine populi suffragiis, Rex appel-  
 latur. Proceres, fama rei gestæ ad se perlata, etsi Nothatum quovis supplicio  
 dignum existimabant, non probabant tamen exemplum. Multo etiam mole-  
 stius ferebant, comitia Regia sublata, & ad unius arbitrium lectionem amplif-  
 simi magistratus collatam. „Neque id gratuitum facinus existimandum, quod  
 „adolescens oneri impar ad summum imperium esset evectus. Rem vere a sti-  
 „mantibus, satis apparere, Reuthero nomen imperii, Dovalo vires esse quæ-  
 „sitas. Neque sane publice interesse, Nothatus an Dovalus præstet, nisi  
 „forte commodiorem sub eo vitam sperarent, qui privatus Reges interimeret,  
 „privatus privato sceptrum daret, quam sub ejus imperio, qui non ante insanie-  
 „rit, quam potestatis viribus fretus, & armorum terrore permissu populi se-  
 „ptus fuisset. Nothati propinqui, cum hæc vulgo jactari audirent, in cœ-  
 tus publice omnium vicem indignantium se insinuant, perfecerunt, ut bellum  
 adversus Dovalum decerneretur: copiiisque ducem Ferchardum, Nothati gene-  
 rum, præficiendum curant. Nec Dovalus pugnam detrectavit. Bis eodem  
 die concursum. Dovaliani, etsi numero superiores, tamen fusi fugatique sunt.  
 In fuga plures, quam in prælio cæsi. Præter enim Dovalum factionisque  
 principes, cecidit cum multis suorum Gethus Pictorum Rex. Reutherus no-  
 vus Rex captus est. Profuit ei ad veniam simplicior ætas, patris memoria, &  
 Regii sanguinis respectus. Nec incruenta victoribus fuit pugna, cæsis, præ-  
 ter alios, prope omnibus Phylarchis.

XI. Hic conflictus Scotorum & Pictorum res in Britannia ita afflixit, ut  
 qui supererant, ne prædæ Brittonibus forent, in loca asperiora incultaque, &  
 in proximas insulas defugerent. Brittones enim, quam diu quæsierant, occa-  
 sionem nacti, statim ad Bodotriam (is nunc Forthæ est) nullo resistente perve-  
 niunt. Deinde, ibi rebus pro tempore compositis, in Caledonios profecti,  
 disjunctis, qui se ibi congregaverant, regiones Pictorum campestris occuparunt.  
 Ibi præfidiis dispositis, bellum confectum rati, domum reduxerunt exerci-  
 tum. Interea reliquæ Scotorum & Pictorum, quæ in montibus, silvis, aliis-  
 que locis impeditis restiterant, direptionibus pecorum & arcium præfectos  
 infestabant, & ipsi quoque victitabant. Interim majore etiam manu ex insulis  
 collecta, vicos urebant, & latius prædas agendo, agros plerisque in locis in-  
 cultos reddebant. Brittones, sive domesticis dissidiis detenti, sive exercitum  
 in loca vasta & impedita ducere non satis tutum rati, cum obviam nulla ma-  
 jore manu irent, sua segnitie hostium aluerunt audaciam. His miseriis Scoti &  
 Picti cum per duodecim annos fuissent afflictæ, tandem nova sobole juventutis  
 bellicosæ (utpote in tantis rerum angustiis duriter educatæ) aucti, nunciis in  
 omnes partes missis, mutuis adhortationibus confirmati, statuunt fortunam ex-  
 pe-

periri. Reutherus igitur ex Hibernia in Æbudas, illinc deinde in Albium navigat: atque ad æstuarium, quem nunc lacum Briennum vocant, copias exposuit: & cum Getho Gethi filio, eodemque suæ uxoris fratre, congressus, de summa belli deliberat. Optimum factu rati, ad hostem incogitantem atque imparatum ducere. Eum ubi primum obviam habuerunt, ita conflixerunt atrociter, ut neutra acies e prælio læta discesserit. Ex eo, utrisque cladibus defatigatis, pax in aliquot annos fuit. Reutherus (sive, ut Beda vult, Reuda) in antiquam sedem Argatheliam concessit: Scotique diu ab eo Dalreudini appellati. <sup>1</sup>DAAL enim Scotorum lingua partem significat. Inde progressus, brevi regnum ad fines antiquos promovit: ac vicesimo sexto quam regnare cœperat anno decessit, Thereo filio e Gethi filia relicto.

VII. R E X.

XII. Is quia vix decem erat annorum, juxta legem de Regibus ordinandis jampridem receptam, patruus ejus REUTHA Rex fuit declaratus. Qui a bellis externis otium nactus, populum, primum malis efferatum, deinde victoria, etsi cruenta, insolentem, ad mitiorem cultum redigere conatus, multas sanctiones publice utiles fecit: quarum non paucae apud priscos Scotos adhuc manent. His artibus cum septemdecim annos imperasset, cum summa omnium reverentia & amore, seu valetudinis adversæ (quod ipse causabatur) tædio, seu propinqui sui Therei ambitiosum timens ingenium, multa de laudibus ejus habita oratione, populo agre permittente, regno se abdicavit.

VIII. R E X.

XIII. THEREUS ei suffectus primis quidem sex annis ita regnum gessit, ut Reutha de eo recte vaticinatus fuisse videretur. Deinde non sensim, sed repente ita in omnia flagitia præceps abiit, ut nobilissimo quoque per calumniam sublato, facinorosi homines, amoto metu, totum regnum brevi latrocinii infestum fecerint. Phylarchi, deplorato statu publico, cum in eum animadvertere statuisent, ille, comperta conjuratione, ad Brittones confugit: ibique, reditu desperato, in summo contentu & ignominia consenuit. Interea Conanus, homo prudens ac severus, Prorex electus, ab illo labefactata & concussa restituit, latrocinia compescuit, ac rebus, quoad potuit, compositis, in conventu publico, accepto nuncio de Therei morte, magistratu se abdicavit, <sup>2</sup>duodecimo ferme anno, quam Thereus regnum inierat.

IX

<sup>1</sup> DAAL. ] [Et Belgarum lingua *Deel* pars vocatur.]

<sup>2</sup> Duodecimo *ferme* anno. ] MS. *fere*. Interim observandum est hæc particulas *ferme*, *fere*, *prope*, non semper diminutionem indicare, sed loquentis modestiam: Vide Dacierium ad illud Horatii Satyr. III. 96. *Quæis paria esse fere placuit peccata*, & 98. *Utilitas justis prope mater &*

*æqui*. Buchananus autem nonnunquam expletiva conjunctio est, ad nullum alium usum comparata, quam ut rotundior pleniorque sententia exeat. Hoc vero in loco significare videtur Buchananus tempus non esse satis certum & exploratum, q. d. *duodecimo plus minus anno quam Thereus regnum inierat*. Vide quæ nos postea ad lib. IX. 39.

## IX. REX.

XIV. JOSINA, proximi Regis frater, rerum gubernaculo admotus, nihil in ullam partem gestibile memorabile fertur, nisi quod medicos in honore summo habuit: quod, cum exularet in Hibernia cum patre, eis maxime familiariter fuisset usus. Brevi, reliqua nobilitate in Regis mores eunte, factum est, ut multis seculis nemo esset in Scotia illustriore loco natus, qui vulnerum curationem non teneret. Reliquarum enim partium medicinae rarus erat tum usus, apud homines in summa parsimonia educatos, & magnis laboribus exercitatos. Decessit autem matura senectute, cum viginti quatuor annos regnum tenuisset.

## X. REX.

XV. Huic successit filius FINNANUS, qui paternis insistens vestigiis, nihil magis laboravit, quam ut civili & moderato imperio suos assuesceret, & benevolentia magis quam armis auctoritatem Regiam tueretur. Ut autem radices tyrannidis recideret, decretum fecit; „Ne quid Reges, quod majoris esset momenti, nisi de publici consilii auctoritate, juberent. Cum triginta annos regnum tenuisset, civibus & peregrinis juxta carus decessit.

## XI. REX.

XVI. Nec ulla tamen res æque desiderium ejus auxit, ac DURSTI filii, qui ei successit, vita in omnia vitia projecta. Paternos primum amicos, ut molestos voluptatum suarum interpellatores, a se ablegavit, & corruptissimum quemque e juventute in familiarem consuetudinem ascivit: ac tum demum se totum epulis & Veneri dedit. Uxorem, Regis Brittonum filiam, comitibus prostitutam, abegit. Tandem, facta contra eum nobilitatis conjuratione, velut e somno experrectus, cum neque domi quicquam tutum, nec foris exilio locum fidum prospiceret, quod peregrinis & civibus juxta invisus esset, optimum factu ratus prioris vitæ simulare poenitentiam. Ita enim & se imperium retenturum, & de inimicis in tempore poenas expetiturum. Igitur, primum revocata uxore, Brittones reconciliare conatus est. Civium primores ad se vocat: gravissimo sacramento interposito, præteritorum oblivionem sancit. Flagitiosissimum quemque, velut ad supplicium servatum, in carceres conjicit: ac sancte pollicetur, sed nihil in posterum, nisi de primatum consilio acturum. His rebus ubi animi sinceri fidem fecit, concordiam ludis, conviviiis, aliisque, quæ publica fert lætitia, celebrat: ac jam gaudio solutis omnium animis, nobilitatem frequentem ad cœnam vocat: eos ubi incautos & inermes in unum locum conclusisset, immixtis percussoribus omnes ad unum occidit. Ea calamitas non tam reliquorum animos metu repressit, quam iram languentem novis facibus accendit. Igitur coacto magno exercitu, cunctis ad invisum portentum tol-

a Paternos primum amicos.] Clarius, Is paternos primum amicos.

tollendum conjurantibus, Durstus, omni alia spe præcisa, cum paucis flagitiis, quos metus communis poenæ ob superioris vitæ scelera aggregaverat, prælii fortuna tentata, occisus est, postquam novem annos regnasset. In omnium Ordinum tam justo adversus eum odio, tamen hoc Regio nomini & majorum memoriæ tributum est, ut defuncti corpus in monumenta majorum inferretur.

## XII. REX.

XVII. In comitiis Regiis magna fuit inter proceres contentio: aliis censentibus, juxta sacramentum Fergusio præstitum, veterem esse morem servandum; aliis metuentibus, ne, si quem e Dursti propinquis facerent Regem, vel similitudo morum eum ad flagitia, vel sanguinis propinquitas ad ultionem impelleret. Tandem EVENUS Dursti frater patruelis, & vitæ superioris commendatione, & insigni adversus tyrannum vivum odio commendatus, e Pictis, ubi Durstum perosus sponte exulabat, ad regnum magno consensu vocatus est. Is primus creditur cives in suum nomen sacramento adegisse: qui mos a Phylarchis nunc quoque servatur. Evenus, omnium primum, ut mores a superiore Rege corruptos formaret, adolescentes ad antiquam in victu, vestitu, & in consuetudine quotidiana, parsimoniam revocavit. Ita firmiores ad militiam, & minus domi turbulentos ratus futuros. Omnes regni sui partes diligenter perlustravit: jus cum summa moderatione dixit: & fontes pro modo delictorum punivit. Pictorum Regem adversus Brittones auxiliis juvit: inter quos pugnam longe pertinacissimam nox diremit, adeo incerta victoria, ut pari clade, ac perinde metu, uterque exercitus affectus discesserit, Brittones domum, Scoti & Picti in montes proximos: qui postridie e superiore loco animadversa hostium fuga, spolia legerunt: ac se pro victoribus gerentes, exercitus domum reduxerunt. Hostibus repressis, Evenus iterum ad pacis opera se convertit, ac ne molestum esset Regibus toties regiones omnes (ut tum mos erat) ad jus dicendum obire, judices ordinarios, regno in conventus diviso, juri dicundo præfecit. Delatores item instituit, qui noxios deferrent. Id munus, vitio deprehenso, incertum legene sit abrogatum, an sponte abolitum. Decimo nono regni sui anno mortem obiit: Gillo filio notho, eodemque vafro & regni cupido, post se relicto.

## XIII. REX.

XVIII. Supererant e legitima Regum stirpe proximi Dochamus & Dorgallus, Dursti filii, iidemque gemini. Inter eos cum discrimen ætas non faceret, foedum de regno certamen ortum, GILLI etiam fraude vehementius accensum est. Cum res ad arbitrium propinquorum relata esset, ibi, præ pertinnaci factionum studio, nihil decerni potuit. Gillus, qui auctor utrique fuerat, ut alter alterum tolleretur, cum occulta consilia parum procederent, procerum & propinquorum primis, ut controversias finirent, in unum locum coactis, per homines idoneos, seditione subito excitata, utrumque interimendum curat. Deinde, velut ipse petitus foret insidiis, implorata omnium qui aderant



rant fide, in Evonium, locum ab Eveno communitum, profugit. Eo praesidio cum parte nobilitatis & hominibus sui sceleris consciis occupato, e superiore loco multa de fratrum temeritate & pertinacia ad populum frequentem concionatus, multa adversus cædis auctores locutus, tandem subiecit; „Se ab Evono, non modo rerum domesticarum, sed etiam regni, donec novus Rex eligeretur, curatorem relictum. Hac qui audiebant, etsi falsa rebantur, tamen, cum cum firmis praesidiis munitum viderent, metu gravioris periculi, sacramento incunctanter adaecti, cum Regem dixerunt. Ille, etsi consensu populi utcunque expresso regnum sibi confirmaverat, tamen superstitionibus Dursti posteris nunquam se tutum ratus, animum ad nepotes ejus tollendos adjecit. Erant autem Lismorus, Gormacus & Ederus, e Dochamo Dursti filio geniti. Hi cum in Manna insula educarentur, Gillus ipse ad eos reducendos profectus, duos majores natu omni honoris & humanitatis specie profectus, in Albiun secum abduxit: ut apud se (quemadmodum simulabat) Regii pueri Regio cultui assuescerent. Cum Edero, qui minimus erat, milites praesidii obtentu reliquit, quibus occulta dederat mandata, ut statim die puerum interficerent. Sed, cum Gilli ingenium omnibus esset notum, nutrix fraudem suspicata, alumnum clam sublatum nocte in Argatheliam transmisit: ac, nequicquam ad cædem eum quærente Gillo, aliquot annos occulte in spelunca educavit. Ille non modo fratres pueri natu majores, sed milites etiam custodes occidit: ipsum vero Ederum, cum falsus rumor in Hiberniam delatum pervulgasset, quærere desiit. Sed nec, nepotum Dursti cæde perpetrata, satis tutum adhuc se arbitratus, quamdiu quisquam e Regia stirpe superesset, omnes propinquos familiaresque interimendos curavit. Proceres, qui moleste praesentem rerum statum ferebant, & pejora metuebant, conjuratione clam facta, tanto silentio rem texerunt, ut Gillus prius geri, quam parari, bellum senserit. Cum exercitum contra rebelles cogeret, sensit quam fluxa fides hominum erga sceleratos esset. Nam & pauci ad eum convenerunt, & hi fere, qui propter superioris vitæ flagitia pacem timebant. Itaque suis diffusus, relicto exercitu, piscatoria navicula in Hiberniam fugit. Scoti, ne legitimo carerent imperio, Caduallum conjurandi principem, copiis hostium in fidem receptis, Proregem creant. Is, cum Gillum, facinorosos undique cogentem, bellum renovare velle intelligeret, eum, antequam copias majores colligeret, persequi, quocunque fugeret, decrevit. Primum in Æbudas insulas navigavit. Ibi Ederum, unum e Dursti progenie superstitem, ad se adductum, liberaliter instituit.

1 *Stato die.*] MS. *statuto*. Utrumque recte atque ex usu optimorum auctorum. Sueton. Claud. cap. 1. *Circa tumulum dei- cepti stato die quotannis miles decurreret, Galliarum civitates publice supplicarent.* Plautus Curcul. 1. 1. 5. *Si status condictus cum hoste intercedit dies.* Plin. lib. 9. Ep. 29. *Vetus sane & angusta, enim sit aliqui stato die frequentissima.* Liv. vero lib. 31.

cap. 29. *Concilium Aetolorum statuta die, quod Panatolinum vocant, futurum erat.* Cic. de Harusp. cap. 15. *Multi sunt etiam in hoc ordine, qui sacrificia gentilitia illo ipso in sacello, statuto loco, anniversarii facerint.* Ita etiam ipse Buchan. lib. IV. 48. [De confusione harum vocum status & statutus egimus ad Valer. Flac. II. 483.]



tuendum dedit. Gillus, audito ejus adventu, rursus in Hiberniam abiit: proceribus ejus gentis magna spe præmiorum sollicitatis, in primis, si se reducerent, Æbudas iis se donaturum. His pollicitationibus magnum exercitum confecit. Caduallus, cum rebus omnibus ad trajectionem paratus esset, prope de cursu revocatus est, ut se suspitione regni falsa liberaret.

## XIV. REX.

XIX. Primum omnium EVENUM, præclara fama virum, Dovallo Finiani Regis fratre genitum, populi suffragiis Regem creandum curat. Is, accepto magistratu, loca hostibus opportuna, ac maxime maritima, firmis præfidiis communit, ne subiti hostes possent impune excensiones facere. Gillus id cum rescisset, & ipse mutato consilio <sup>1</sup> in Ilam insulam navigat. Ibi cum omnia late ferro flammaque vastasset, in Hiberniam rediit. Evenus, ut belli fontem exhauriret, magnum eo exercitum, duce Caduallo, mittit. Nec Gillus certamen detrectat. Sed a suis, magis prædam, quam ducem secutis, destitutus, veste mutata, in propinquum nemus fugit, paucis e tanto numero eum comitantibus. Reliquus exercitus a sociis & duce proditus, se Caduallo dedit. Gillus, post prælium diu quæsitus, tandem in antro obscuro repertus, trucidatur, tertio quam regnum occupaverat anno. Caput relatum ad Caduallum. Eum, rebus feliciter gestis ex Hibernia redeuntem, non eadem fortuna excepit. Majorem enim exercitus partem cum omni præda, fœda tempestate vexatus, amisit: unde tantum concepit mœrorem, ut non adeo diu post ægritudine animi confectus interierit: Rege frustra consolante, ac res præclare bello gestas laudante, adversa in fortunæ <sup>2</sup> sævitiam conferente. Rex novus, hoc rerum successu clarus, pacem cum Pictis renovavit, & Gethi Tertii Pictorum Regis filia in matrimonium accepta, eam confirmavit. Sed hanc publicam lætitiā subitus Orcadensium in Albium excensus interpellavit. Eos repente Rex aggressus, ex agris ad montes, e montibus ad mare compulit. Ibi trepidantes, & in conscendendo turbatos, adortus, pene ad unum concidit. Belus eorum Rex, desperata salute, sibi manum intulit. Evenus, bello defunctus, ad pacis opera conversus, duo emporia locis commodis instituit: utrique ab amnibus præterfluentibus indita nomina, Ennerlothea & Ennernessa. ENNER enim prisca Scoti vocant locum, quo naves appellere possunt. Æbudas, longa bellorum licentia tumultuantes, sublati inter incolas discordiis, pacavit. Brevi deinde post, cum septemdecim regnasset annis, mortem obiit.

## XV.

<sup>1</sup> *In Ilam insulam navigat.*] Elzev. anno 1668. & Mosman. 1700. *in illam insulam*, male & contra antiquiorum codicum fidem.

<sup>2</sup> *Sævitiam.*] Hanc vocem apud unum Tom. I.

Apulejum sequioris ævi scriptorem reperio Metam. lib. 6. *Canis sævitiam effusa reliqua redime.* Alii, quod sciam, omnes *sævitiam* efferunt.

## XV. REX.

XX. Suffectus ei Rex est EDERUS Dochami filius. Is cum pace domi forisque parva frueretur, ac venationibus (ex vetere gentis consuetudine) indulgeret, subito affertur, Bredium insulanum, Gilli tyranni propinquum, magna cum classe appulisse, ac late prædas agere. Adversus hunc tumultuario repente exercitu ducto, noctu hostium castris, quanto potuit cum silentio, præteritis, stationem navium aggressus, parvo negotio necopinantes in suam potestatem redegit: custodibus occisis, classem incendit. Mane in hostes duxit: ac pari negligentia ibi inventa, primo tumultu incompósitos fudit. Multi inter cunctationem pugnae ac fugae cæsi: reliqui ad mare propinquum, interclusa fuga, capti, & laqueis strangulati. Præda dominis agnoscantibus reddita. Similem tumultum ex eisdem insulis, post aliquot annos, ejusdem Gilli alius propinquus excitavit, qui similem quoque habuit exitum, deletio exercitu, classe incensa, præda recuperata ac dominis reddita. Ita pace ubique parva, senex octavo & quadragesimo imperii anno morbo est extinctus.

## XVI. REX.

XXI. Huic successit EVENUS Tertius, indignus optimo patre filius: qui non contentus centum e nobilitate concubinis, nisi suam spurcitiem latis legibus in vulgus proderet. Tulit enim, „Ut cuivis liceret, pro opibus, quot alere posset, „uxores ducere: ut Rex ante nuptias sponсарum nobilium, nobiles plebejarum „prælibarent pudicitiam: ut plebejorum uxores cum nobilitate communes essent. Hanc flagitiosam ejus nequitiam secutæ sunt (ut fere solent) comites, luxuria, crudelitas, avaritia. Nam, cum ad sumptus opes non suppeterent, opulentiores confectis causis rapiébantur ad supplicium, & commercio Regi cum furibus inito, furandi summa erat impunitas. Ita, quam gratiam ab adolescentia corrupta ex promiscua libidinis permissione sperarat, eam truculentia & rapacitate amisit: & conjuratione nobilitatis facta, sensit, quam infida malorum esset societas. Nam, cum primum in aciem ventum est, a suis destitutus vivus in hostium manus venit, ac in custodiam publicam conjectus est. Cadallano, qui pro Rege ei suffectus erat, rogante de poena ejus, in perpetua vincula est damnatus. Ibi quidam ex inimicis, priorum offensarum memor, e caede Regis vel procerum gratiam, vel saltem impunitatem sperans, cum noctu in carcere strangulavit, cum jam septem annos regnasset. Ejus facinoris auctor fracta gula poenas luit.

## XVII. REX.

XXII. Secutus est METELLANUS Ederi propinquus, non minus ob virtutes egregias omnibus carus, quam Evenus fuerat ob vitam flagitiose actam invisus. Ea res tantam ei apud omnes peperit auctoritatem, ut eo imperante perpetua fuerit foris pax & domi tranquillitas. Hoc unum ad summam felicitatem ei defuit, quod, nobilitatis in libidinem proclivis pertinacia impeditus,

leges Eveni spurcas abrogare non potuerit. Obiit mortem anno regni sui tricésimo.

XVIII. REX.

XXIII. Eo sine liberis defuncto, regnum delatum est ad CARATACUM, Cadallani filium, generis Regii juvenem. Is, inito statim regno, Æbudas, a morte proximi Regis tumultuantes, non sine labore compescuit. Nec temere tamen crediderim, quod nostri scriptores, Orosium, Eutropium & Bedam secuti, tradunt, Orcadas, eo imperante, a Claudio Cæsare superatas: non quod difficile existimem, paucas insulas in sævissimo mari disiectas, a paucis incolis & inermibus habitatas, singulas aggredi, & cum mutuis auxiliis se tueri non possent, omnes vincere: nec quod incredibile putem, in eam expeditionem classem a Claudio missam, homine (ut inquit Orosius) qui *bellum ubique, & victoriam undecunque quæreret*: sed quod Tacitus affirmet, ante Julii Agricolæ adventum, eam Britannia partem Romanis omnino incognitam fuisse. Caratacus regnum annos viginti tenuit.

XIX. REX.

XXIV. Ei successit CORBREDUS frater. Is quoque Insulanos, qui, omnibus ferme interregnis, spem novarum rerum secuti, novos motus ciebant, multis expeditionibus attrivit: latrones in plebem grassantes extinxit, & pace ibi constituta, in Albium reversus, totamque Scotiam pervagatus, labefactata bello restituit, ac decimo octavo regni anno decessit.

XX. REX.

XXV. Conventus procerum, præterito ob immaturam ætatem Corbredi filio, DARDANNUM Metellani nepotem regnare jussit. Nemo ante hunc majore cum expectatione regnum iniit, nemo spem de se conceptam vehementius scellit. Ante susceptum magistratum, multa liberalitatis, temperantia

1 *Ad Caratacum.*] Haud facile inducar, ut credam ullum unquam fuisse Scotorum Regem Caratacum appellatum. Si quis autem fuerit, alium certe fuisse ab eo Carataco, de quo tam multa præclara a Tacito Annal. lib. 12. commemorantur. cum Silures, quibus imperitabat, tum reliqua narratio ostendere videtur. Quod si ita est, haud parum Boethius noster, cumque secutus Lestæus, a vero deerrant, qui omnia ab hoc Brittonum duce adversus Romanos egregie gesta Scotorum Regi tribuunt. Eorum certe hac in parte fidem Buchananum suspectam habuisse vel illud indicio est, quod hujus Regis vitam tam perfunctorie & quasi aliud agens

describat, omisis eis omnibus, quæ de Carataco a Tacito traduntur. Neque sic tamen Rob. Gordonii Stralochii reprehensionem effugit, qui cum lata culpæ reum insinuat, quod Caratacum inter Scotorum Reges recenset. Pat. tamen Abercrombii, vir alioqui acerrimi judicii & veritatis Historicæ unice studiosus, hunc Caratacum a Tacito celebratum, magno quidem ausu, totisque ingenii viribus Scotis suis postliminio restituere conatur. Sed tot & tam graves obstare videntur rationes, ut earum viribus me in contrariam partem abreptum invictum dolentemque fateri cogar.

tiae & fortitudinis dedit exempla. Initio imperii medium se Regem gessit: triennio vix exaesto, in omnia vitiorum genera praeceps abiit. Probos & prudentes viros, qui patri a consiliis fuerant, quod ejus adversarentur nequitiae, ex aula expulit. Adulatores & novarum voluptatum inventores in praecipuo habebat honore. Cardorum propinquum suum, qui juri & acquitati administrandae praefectus fuerat sub Rege superiore, molestum suarum voluptatum interpellatorem, occidit. Atque intra paucos dies plerique alii divitiis aut virtute praestantes, alius alia fraude circumventi, perire. Tandem, ut metum successoris sibi demeret, Corbredum Galdum, genere propinquum, fratresque ejus in spem regni liberaliter educatos, tollere decrevit. Negotium eos necandi datur Cormoraco cuidam ex intimis familiaribus. Is magnis muneribus donatus, & promissis oneratus, ad scelus perpetrandum dimissus: sed rem incautius aggressus, a Galdi comitibus strictam licam tenens est comprehensus: ac in jus ductus, tormentis adhibitis auctorem totiusque conjurationis seriem confessus, statim occiditur. Hoc facinore vulgato, magno consensu in Regem conjuratur: caesique statim turpium voluptatum, quos nancisci poterant, ministris, ad ipsum mali caput viam affectant. Interea Conanus, unus ex assentatorum grege, obscuro quidem loco natus, sed cui omnium rerum apud Regem maxima erat fides & auctoritas, collecta manu, proceribus obviam ire ausus, a suis deseritur, & captus vitam laqueo finit. Multitudo jam Galdum ducem nata, Dardannum, latebras spectantem, & inter prendendum manum sibi inferre conantem, ad eum perducit. Ibi statim mori iussus. Capite defuncti ad ludibrium proposito, corpus in cloacam projectum, cum regnasset annos quatuor.

## XXI. REX.

XXVI. Huic successit CORBREDUS Secundus, cognomento GALDUS, & suarum virtutum tirocinio, & patris optimi memoria, & indole preclara, proceribus ac plebi juxta carus. Sunt qui hunc *Galgacum* a Tacito appellari existiment. A Scotis cognomen ei Galdi est additum, quod apud Brittones educatus fuisset. Scoti enim vetere consuetudine advenas GALDOS vel GALLOS, velut Germani WALSCH, appellare solent: qua de re alibi plura diximus. Hic maximam de se spem conceptam auxit. Profectus ad insulas Skiam & Leogum, non minore prudentia quam severitate, motus jam pridem ortos, & ignavia Dardanni auctos, compescuit: latronum duces interemit: ceteris, poenae metu, vel sibi consciscere exilium, vel ad opera rustica redire coactis. Hic, opinor, primus Regum Scotorum signa cum Romanis contulit, imperio eorum paulatim se ad fines ipsius propagante. Nam Petilius Cerialis primus Brigantium vires fregit: & ejus successor Julius Frontinus Silures vicit. Ad has gentes, non adeo longe a Scotorum & Pictorum finibus positas, non abhorret a vero missa fuisse auxilia. Successit superioribus Julius Agricola: qui, superatis Ordovicibus, <sup>1</sup>Monaque insula in potestatem

<sup>1</sup> *Monaque insula.*] i. e. *Angliffia*. Vid. quae nos supra ad lib. I. 14.

tem redacta, cum ad angustissimam Britanniae partem venisset, ratus non magnum sibi ad insulae finem spatium superesse, animum ad totam perdomandam adjecit. Tertio igitur imperii anno, proximas Pictorum & Scotorum regiones populando percurrit, donec ad <sup>1</sup>Taum annem pervenit: & quamvis afflicto tempestatibus exercitu, spatium tamen ponendis idoneo loco castellis habuit. Quae res & consilia hostium vana reddidit, & vires fregit. Antea enim homines ad omnium malorum patientiam indurati, quae aestate amiserant, hieme, legionibus per hiberna dispersis, recuperabant: ac plerumque castella non satis munita expugnabant. Tum vero, solertia Agricolae in castellis ponendis, & diligentia in muniendis, annuis <sup>2</sup>copiis in singula coniectis, artes eorum frustrabantur. Quarto imperii anno, perspecto, quam brevi spatio Bodotriæ & Glottæ æstuaria dirimantur, ac loco præfidiis firmato, regiones in Hibernicum mare versas depopulatus est. Quinto anno, classe in Oceanum immissa, multis in locis excensionibus fecit, ac populationibus maritimam oram infestavit, littoraque Hiberniam spectantia præfidiis munivit, non modo in usum præsentem, sed etiam ut in Hiberniam illinc facilius trajiceret.

XXVII. Hac Agricolæ prudentia Scoti & Picti in angustum angulum conclusi, & a Brittonum commercio seclusi, ad ultimum sese periculum comparabant. Nec segnius Agricola, classe circumire iussa ad extrema insulae exploranda, & ipse trans Bodotriam ducto exercitu, in Caledonios tetendit. Ibi jam hostes (ut in ultimum discrimen) parati, castella quædam Romanorum oppugnare aggressi, tantum intulerunt terroris, ut plerique & multitudinem, & ex desperatione pertinaciam, timentes, consulere, cum exercitu retro in pacatiora loca revertendum. Verum dux propositi certus, cum hostes pluribus agminibus adventare audisset, & ipse tripartito adversus eos duxit: quæ res ei pene exitio fuit. Hostes enim, ejus intellecto consilio, universi unam legionem de nocte oppugnare aggressi, caesis vigilibus, paullum absuit quin castra caperent. Sed adventu reliquarum legionum impediti, cum usque ad lucem acriter dimicassent, tandem victi, in loca impedita refugerunt. Hæc fere <sup>3</sup>septimo expeditionum anno gesta. In proximam æstatem utrique se ad ultimam dimicationem parabant: Romanis in ea victoria spem finiendi belli collocanti-

bus;

<sup>1</sup> *Taum annem.*] Vulgo *The Tay*. Eodem eum nomine Tacitus appellat Vit. Agr. cap. 12. additque *æstuarii nomen esse*, quod argumento est eos omnino falli, qui *Taum* Taciti *Tuedam* interpretantur. Vid. Echard. Hist. Ang. pag. 12. Nullum quippe ibi æstuarium, sive sinus maris fluvium excipit. Vid. Mackenzii Def. Ant. Reg. Scot. p. 78.

<sup>2</sup> *Copiis.*] [*Copia* hic pro annona & victu, more antiquo, a Buchanano intelliguntur, unde *Copiarum* verbum castræse Gell. xvii. 12. & *Copiarum*, qui præbent & curant annonam, vid. Porphy. ad Ho-

rat. i. Satyr. v. 48. l. xx. ff. de compens. Tacit. II. Hist. 32. & ibi not. Ryckii & aliorum multorum. & hinc colonia *Copia* Lugdunum ducta. vide Harduin. nummos populor. in *Lugdunum*.]

<sup>3</sup> *Septimo expeditionum anno.*] Ita omnes libri. Tacitus autem, cujus Buchanani vestigiis presse insistit, hæc omnia sexto Agricolæ expeditionum anno gesta esse affirmat. Et id quidem a Buchanano narrationis ordo & annorum series postulabant, secus enim quid ab Agricola sexto expeditionum anno esset gestum, reticebitur.



buis; hostibus de libertate, de vita, de omnibus, quæ cara & sancta solent esse hominibus, decertaturis. Ac superioribus præliis se rati arte potius, quam virtute victos, ad Grampii montis radices, loco paullum editiore, Romanorum adventum opperiantur. Ibi cruento prælio congressi, cum diu incerto Marte pugnassent, tandem Caledoniorum fortissimo quoque casu, victa pertinacia, in loca tutiora secesserunt. Neque quisquam dubitabat, quin Agricola totam Britanniam armis pacaturus esset, nisi a Domitiano, non ad honorem ostentatum, sed ad necem revocatus fuisset. Sub discessum ejus Romana castra seditione laborarunt: & Scoti Pictique, paullum hac occasione recreati, e latebris prodire coeperunt. Et cum nec parem ducem, nec eandem disciplinam, apud Romanos sensissent, legatis passim dimissis, non modo popularium animos, sed etiam Brittonum tentare sunt aggressi. Ac primum levibus præliis resumta audacia, jam præsidia oppugnare, & acie structa certaminis aleam experiri, non dubitabant. Hac ratione Romani ex agris eorum expulsi, cum Brittonibus de veteri provincia Marte ambiguo decertabant. Galdus, ab armis otium nactus, regiones diligenter obeundo, veteres dominos in agros bello vastatos reduxit, in vacua milites misit; & latrocinii cohibitis, dissidia cum Pictis orientia composuit. Tandem, non minore apud hostes, quam cives gloria clarus, decessit, anno quam regnum suscepit tricesimo quinto.

## XXII. REX.

XXVIII. Patri optimo suspectus LUCTACUS, filius flagitiosissimus: qui, spreto majorum consilio, se totum vino & scortis dedit. Nullam ab ejus libidine, vel propinqua cum ipso cognatio, vel reverentia legum, vel majorum aut maritorum respectus, vindicabat. Accessere ad hæc inhumana crudelitas & inexplebilis avaritia. Juventus quoque, in pejora proclivis, facile in Regios mores degeneravit. Igitur, cum passim omnia stupris, rapinis & cædibus contaminaret, nec unus quispiam ejus impotentiae obviam ire auderet, tandem conventu primorum facto, cum liberius coargueretur, & principes, tanquam seditiosos, ad supplicium rapi juberet, concursu multitudinis, una cum scelerum ministris, fuit occisus, vix finito tertio regni anno. Datum autem honori patris, ut in sepulchrum majorum cadaver inferretur. Cæterorum corpora insepulta projecta.

## XXIII. REX.

XXIX. MOGALDUS deinde Rex electus, Galdi ex filia nepos, initio imperii optimis regibus par, senior facile vitiorum contagio in avunculi mores abiit. Principio, ut vitiosis superioris Regis institutis, mores publicos fecundantibus, facilius mederetur, pacem cum vicinis coluit; caerimonias veteres, incuria neglectas, restituit; ministros flagitiorum ex aula expulit: atque ad con-

[*1 Honorem ostentatum.*] Referente enim Tacito, triumphalia ornamenta, & illis statua honorem, & quicquid pro

trumpbo datur, decerni ei in Senatu Domitianus jussit.

consilia seniorum omnia more prisco revocavit: quæ res ei & omnium popularium amorem, & apud vicinas nationes peperit reverentiam. Rebus domi compositis, Rex ad studia belli conversus, Romanos regni sui finibus prohibuit, & Pictos auxiliis ab eorum injuria defendit: & eorum auctoritatem aliquot secundis præliis apud Brittones ita imminuit, ut & ipsi, spe libertatis recuperandæ erecti, multis in locis arma sumserint. Eam spem auxerat, quod Hadrianus Julium Severum, virum acrem, & rei militaris peritum, e Britannia in Syriam ad componendos Judæorum motus transfulerat. Igitur Hadrianus, tumultu magis ac magis gliscente, e Galliis in Britanniam transiit. Sed ut erat pacis quam belli studiosior, magisque tueri parta, quam limites imperii proferre cupiebat, cum Eboracum venisset, agrosque ultiores omni belli clade vastatos comperisset, ut rem propius inspiceret, ad Tinam amnem castra movit. Ibi a senioribus, qui Agricola secuti prope ad ultimos Britanniae fines penetraverant, edoctus, in reliqua insula perdomanda plus laboris, quam emolumenti fore, vallo & fossâ, inter Tinæ & Elscæ fluminum æstuarium, per octoginta millia passuum ductis, Scotos & Pictos a provincialibus exclusit: ac statu provinciae ordinato in continentem rediit.

XXX. Hujus valli, cum adhuc pluribus in locis essent vestigia, miror a Beda mentionem penitus omissam, præsertim cum e Latinis Ælius Spartianus in Hadriano, e Græcis Herodianus in Severo, meminerit. Nec enim mihi persuadere possum, in eo fuisse Bedam errore, qui plerosque adhuc tenet, hoc vallum, non ab Hadriano, sed a Severo fuisse factum. Hac ratione Romana provincia pacata, & vicinorum excursionibus cohibitis, diu pax utrinque fuit: Britannis otium libenter amplectentibus, & Scotis Pictisque agrum vicinum, velut prædam oblatam, inter se dividentibus. Sed eadem pax, præterquam quod desidria & otio vires corporis fregit, etiam voluptatum blandientibus jam tum illecebris animi robur emolliit. Itaque adversus arma hucusque invictus Mogaldus, avitæ gloriæ oblitus, in vitia præceps abiit: ac, præter alia facinora fœda & publice perniciofa, legem iniquissimam condidit; „Ut damnatorum bona fisco addicerentur, nullam in partem liberis & uxoribus admissis. Eam legem, etsi omnibus iniquam & inhumanam, & tum intelligerent, & nunc intelligant, tamen a fisci procuratoribus, qui Regum cupiditatibus lenocinantur, hac etiam ætate defenditur. Mogaldus, suis vitiis nobilitati & vulgo juxta invisus, cum eorum conjurationi par esse non posset, cum uno & altero comite latebras & fugam circumspiciens deprehensus interficitur, postquam triginta sex annos regnasset, circiter Antonini Pii annum VI.

XXIV.

[*Ductis.*] Omnes fere libri *ductis*: quod rarissimum, atque unica Lucani auctoritate quod sciam defendendum, lib. 1. 176. *Hinc leges & plebiscita coacta.* [Non ignorasse puto Buchananum exempla, quibus tueretur hanc loquendi formam, quæ solos Grammaticos male habere po-

test, non viros doctos. Justin. xxii. 5. *Urbes castellaque Africa non muris cinctæ, non in montibus posita.* sed plura exempla dabunt notæ ad Ovid. iv. Metam. 177. & 11. Trist. 315. nec desunt alia magno numero, sed hujus non illa loci.

I Val.



## XXIV. REX.

XXXI. Hunc secutus est filius CONARUS, qui ab scelesto initio exorsus, regnum flagitiosissimum infelici exitu clausit. Nam non modo conscius, sed etiam particeps conjurationis in patrem fuit. Sed ad occultanda initio vitia bellum commode ei incidisse videbatur. Vallo enim Hadriani superato, Brittones magnam hominum pecorumque vim abstulerant. Consilio igitur communicato, & exercitu cum Pictis juncto, pluribus locis vallum transcendunt; Brittonumque agros late populantur: ac demum cum hoste congressi, magno & cruento prælio cum Romanis & Brittonibus confligunt. Utrinque prope par clades pacem in proximum annum præstitit. Romanus, quia non vicerat, sibi pro victo videri. Igitur suis copiis attritis, & Brittonibus, quos ex ipsius calamitate in spem libertatis videbat erectos, non satis confidens, supplementum ab Antonino Pio petit: culpam violatæ pacis in Scotos & Pictos, acceptæ cladis in Brittones, confert. Missus ab Imperatore legatus Lollius Urbicus, hostes magno prælio victos submovit, ac vallum denuo instauravit. Deinde per annos complures, velut tacitis induciis, ab armis est cessatum. Romanus enim satis habebat, castris in propinquo positis, hostem populatione prohibere: & Conarus, qui nihil in bello præter licentiam amabat, domum, ut se totum voluptatibus per otium immergeret, properabat. Ibi statim vitia, quæ ad hominum studia concilianda celaverat, se prodiderunt. Hac arte regnum sibi conciliatum ratus, a majoribus magno labore parta luxu & libidinibus ita profudit, ut brevi ad extremam redigeretur inopiam. Igitur, conventu habito, multa de magnificentia Regibus necessaria locutus, & de inopia publica conquestus, splendoris & elegantiae honestis nominibus vitia sua tegens, vehementer petere institit; „Ut censu habito pro rei familiaris modo tributum indiceretur. Ea oratio cum ad omnium aures ingrata accideret, responsum est; „Rem esse majoris momenti, quam ut in præsentia expediri posset.

XXXII. Brevi tempore ad consultandum impetrato, cum singulorum sententias exquisissent, intellectum est, novum hoc infinitæ pecuniæ aucupium, non a primoribus, sed ab adulatione aulica fuisse inventum. Statuunt, Regem, ut parum ad regendum idoneum, in custodia habendum, donec, eo regnum egerante, alium substituant. Postridie revocatis, qui primus rogatus est sententiam, asperere in priorem Regis vitam invehit, longa oratione docuit; „Non

1 *Vallum denuo instauravit.*] Vallum ab Hadriano inter Esez & Tinæ fluminum ostia constructum intelligit. Potior autem videtur eorum opinio, qui hoc vallum inter Bodotrix & Glottæ æstuarium ductum existimant, quod & lapides inde eruti, atque in Bibliotheca Academice Glasguensis asservati, ulterius testantur. Duorum ex iis inscriptiones non pigebit hic adungere.

IMP. CAES. TITO. AELIO HADRIANO ANTONINO  
AUG. PIO. P. P.  
LEG. II. AUG. PER. M. P. III.  
D. C. LXVIS.  
Q. LOLLIO VR. LEG. AUG.  
PR. P. R.

2 *Accideret.*] Vid. supra ad lib. I. 7.

3 *Le.*

Non lenones, parasitos, symphonicos, & meretricum greges, instrumentum esse regni: quippe in bello inutiles, in pace molestos, sumtuosos, infamiae & dedecoris plenos. Falsam esse querelam, Regias opes sumtibus esse impares: quippe quibus tot superiores Reges, bello clari, & formidabiles hostibus, in pace honeste & splendide vixerint. Quod si cui patrimonium publicum angustius videatur, non e civium direptione, sed e parsimonia domestica, quod deest, supplendum. Sumtum cuique modum, non ad cupiditates, quæ infinitæ sunt, sed ad census mensuram & necessitates naturæ componendum. Itaque se censere, nebulones illos, in quos collatum erat patrimonium publicum, & quorum causa Rex tot homines honestos afflixerit, bonis exuerit, trucidarit, cogendos, ut quæ per injuriam aliorum adulando pararint, jure, nec sine cruciatu, rependant. Regem in custodia interim habendum, dum alium sufficiant, qui non modo assuescat ipse, sed alios exemplo doceat more patrio parce & duriter vivere, & disciplinam a majoribus acceptam ad posterum transmittere. Hæc oratio, ut erat aspera, auribus liberam audire vocem insolentibus visa est asperior. Itaque Rex non leviter animos commotos inflectere & sedare annixus est, sed ferocibus minis vehementius inflammavit, & pene effervit: interque altercationem & jurgia orto tumultu, Rex, injecta ab astantibus manu, in cellam cum paucis includitur.

XXXIII. Aulici, pravorum consiliorum auctores, statim ad supplicium ducuntur, & ne major aliquis motus oriretur in populo, vinculis imperii soluto, Argadus homo nobilis fit Prorex, dum populus ad novum Regem prodendum coeat. Is, quanquam initio statum publicum, æquitate summa rem administrando, composuisset, & magnam hac moderatione laudem esset assecutus, tamen, corrupto rebus prosperis animo, brevi prope omnem vitæ superioris existimationem amisit. Intestinas enim seditiones fovendo, & externis viribus auctoritatem suam confirmando, junctoque cum primoribus Pictorum hospitio, & uxore inde sumpta, filiabusque ibi elocatis, facile apparebat, eum viam ad regnum præstruere. Hæc cum ei in conventu objicerentur, graviterque increparetur, quod tam cito degenerasset; atque ille, quæ objiciebantur, cum vera esse cognosceret, totus pudore confusus, in lacrymas prorupisset: ubi primum loqui potuit, cum objecta crimina purgare non posset, ad misericordiam conversus, pœnam deprecatur. „Id si impetret, se brevi curaturum, ut quod per errorem peccasset, virtute & industria corrigeret. Hæc humi projectus cum suppliciter oraret, ira in misericordiam versa, procures eum attollunt, & in imperio perseverare jubent: ab eoque petunt, „Ut ipse sibi pœnæ moderator esset: satis enim illis sumtum videri supplicii, si vere & ex animo superiorum eum pœniteret. Ex illo die Argadus, hominibus pruden-

1 *Leviter.*] *Leniter* potius scribendum videtur. [Nihil mirum. non enim *leviter* cum *inflectere*, sed cum *commotos* est construendum. idem est, ac si dixisset *graviter commotos*. alia res *supr. lib. I. 20.* ubi parum referre diximus.]

Tom. I.

2 *Et uxore inde sumpta.*] Ita MS. at editi omnes, *Ut uxore.*

3 *Ubi primum loqui potuit.*] Ibi omnes, *Ac ubi primum:* Crasfordius illud [sic] dekeri jubet.

tissimis convocatis, nihil nisi de eorum consilio transigebat, multa in suo magistratu utiliter in publicum constituit. Illud autem in primis, quod iudicum provincialium licentiam cohibuit: vetuitque, ne sine discrimine de quovis delicto pronunciarent. Facinorosis sublati aut coerciti, mores, diuturna licentia corruptos, non modo poenis legum, sed vitae quoque suae exemplo, emendavit. Inter haec Conarus decimo quarto regni anno, partim moerore confectus, partim adversa valetudine afflictus, in custodia impuram vitam finivit.

## XXV. REX.

XXXIV. In ejus locum surrogatus ETHODIUS, ex Mogaldi sorore natus, illico in conventu Argadum magnis laudibus ornavit, honoribus prosecutus est, & amplis praemiis donavit, summamque rerum omnium potestatem secum ei detulit. Cum de more omnes regni sui regiones perlustraret, in Aebudas trajecit. Missus ad pacis turbatores Argadus, brevi comprehensos ad Regem perduxit. His motibus compositis, cum in Albium redisset, Insulani praesenti metu liberati, & falsis de bello externo rumoribus inducti, & supplicio noxiorum magis irritati, quam suppressi, iterum tumultuari coeperunt. Ad eos coercendos missus rursus Argado, cum hic Pictorum, illi Hibernensium auxiliis freti essent, nulla mora pugnae facta est: in qua Argadus circumventus insidiis interit. Ea calamitas, caeteris rebus omissis, illo Regem traxit: qui levibus per occasiones praeliis & assiduus incursionibus ita Insulanos afflixit, ut (cum viribus minus possent) quo loci commoditate tutiores essent, in vallem rupibus praeruptis undique cinctam, in quam unus angustus ferebat aditus, se conjecerint. Ethodius, loci vitio perspecto, custodiis ad idoneos exitus dispositis, fossam & vallum ante fauces objecit: atque ita ad extremam omnium rerum penuriam eos perduxit, ut malis coacti tandem sui arbitrium Regi permitterent. Datae nihil recusantibus conditiones; „Ut ducenti, quos Rex ederet, una cum duce dederentur, reliqui, traditis armis, ad sua quisque remearent. Deditorum, quod statim representatum est, supplicium, prope novam seditionem concitavit. Vulgus enim adeo indignitate spectaculi tam foedi exarsit, ut, cum armis carerent, lapidum temere objacentium jactu Regios incesserent. Is quoque tumultus non sine multa caede compressus est. Ethodius, pace ubique parta, dum juris dicendi causa omnes regni fines obit, & otium venationibus oblectat, multas venaticas leges fecit, quarum magna pars adhuc servatur. Cum, de more procerum Scotorum, fidicinem ex Hibernia in cubiculo suo pernoctantem haberet, ab eo noctu occisus fuit, in ultionem cujusdam propinqui sui, quem a Rege interentum causabatur. Is dum ad supplicium duceretur, averso a tormentis animo, speciem gaudentis praebuit, tanquam qui suo munere probe functus fuisset.

## XXVI. REX.

XXXV. Ethodio, cum triginta tres annos regnasset, extincto, filioque nondum ad regendum maturo, electus est frater ejus SATRAEL. Hic, cum



cum callido pravoque esset ingenio, ac regnum stabilire in sua domo, exstinctis Ethodii liberis, statueret, primum procures, ut quisque superiori Regi carus fuerat, variis calumniis aggressus est. Deinde vulgus, (ut rebatur) primatum cæde attonitum, spoliare cœpit: quæ res brevi odium ejus auxit, & auctoritatem imminuit, & seditiones excitavit. Ad eas reprimendas, odii publici non ignarus, cum prodire non auderet, a suis noctu domi strangulatus est, cum præfuisset annos quatuor.

## XXVII. REX.

XXXVI. Assumptus est in locum ejus alter Ethodii frater DONALDUS: qui Satracis vitia magnis virtutibus æquavit, vel etiam superavit: quas virtutes gratiores reddebat cum studio æquitatis conjuncta clementia. Is, & auctoritatis pondere & poenarum repræsentatione sublati intestinis discordiis, juventutem, partim otio lascivientem, partim luxu fractam, itineribus & labore salubriorem, & ad vim hostium arcendam paratiorem fore ratus, delectum habuit, & militem exercendo ita assuefecit, ut brevi tirones veteranorum æquarent virtutem. Huic consilio pax foris nonnihil opitulata est. Nam cum ante paucos annos milites Romani in Britannia tumultuantes quemlibet alium, quam Commodum Imperatorem deposcerent, ac præcipue Ælium Pertinacem, qui ad eos pacandos erat missus, Scotis & Pictis omisissis, omnem vim belli in semetipsos converterunt. Profuit etiam ad pacem colendam, quod Donaldus Regum Scotorum primus Christianos ritus receperat. Nec tamen ipse, nec proximi aliquot Reges, etsi magna nobilitatis parte conatibus eorum favente, prisca sacrorum caerimonia penitus exigere potuerunt. Verum cum incidisset in ejus regnum Severi Imperatoris expeditio, omnes omnium rationes, & publicas & privatas, ea immutavit. Severus enim, homo rei militaris peritissimus, in spem totius insulæ perdomandæ, tantas in Britanniam copias, quantas nemo antea Romanorum, duxit. Suberant & aliæ hujus expeditionis causæ, filiorum vita urbanis deliciis corrupta, & exercitus otio & ignavia mollitus: quibus rebus ex labore militari petendum esse remedium existimabat. Ejus adventu jamjam erupturi motus sunt compressi: & Scoti Pictique, relictis proximis agris, in loca impeditiora se receperunt.

XXXVII. Severus, ut aliquando finem bellis Britannicis imponeret, per vasta omnia, & a cultoribus deserta, in Caledonios duxit. Hostibus nusquam congregi ausis, cum regionis asperitate plurimum ei laboris fuit, dum silvas excindit, editiora complanat, congesta in paludes terra viam sternit, & amnes pontibus jungit. Interea hostes, non ausi adversus tantam multitudinem aciem struere, pecorum prædam aliis atque aliis locis objiciebant, ut ea illecebra Romanos longius ab exercitu digressos conficerent: qui, præterquam quod sparsi insidiis excipiebantur, etiam insolitis affligebantur imbribus: & itineribus fessi, cum sequi non possent, a familiaribus, ne in hostium potestatem venirent, passim occidebantur. Neque tamen, desideratis quinquaginta millibus, (ut scribit Dion,) prius ab incepto destiterunt, quam ad finem insulæ penetrassent. Severus ipse, quanquam adversa valetudine, fere tota hac expeditione lectica

Q.

recta

tecta sit circumlatus, tamen perseverantia illa incredibili coëgit hostes ad conditiones pacis venire, atque agri parte non exigua cedere. Finem Romani imperii vallum duxit inter Bodotriæ & Glottæ æstuarium, ubi antea Agricola finire provinciam decreverat. Id vallum, quæ Carrontem amnem attingit, præsidium habuit, eo situ & viarum descriptione, ut modicæ urbis instar esset, quam nostrorum quidam falso Camelodunum fuisse existimarunt. <sup>1</sup>Propius vero est, hanc esse urbem quam Beda Guidi vocat. Paucis antequam hæc scriberemus annis, vestigia fossarum & murorum, item vicorum, apparebant, nec adhuc muri diruti omnino ita confusa sunt indicia, ut non interim se multis in locis prodant: terraque leviter effossa quadrati lapides eruuntur, quibus vicini agrorum domini ad ædium suarum substructiones utuntur. Indicant autem inscripti lapides, qui interim inveniuntur, id opus Romanorum fuisse. Magnitudinem molitionis ejus ostendunt hæc Ælii Spartiani cap. 18. verba: *Britanniam, (quod maximum ejus imperii decus est,) muro per transversam insulam ducto, utrinque ad finem Oceani munivit.* Quibus verbis mihi indicare videtur, non vallum, quod Beda vult, sed murum fuisse: præsertim cum opus, quod vallo Hadriani plusquam dimidio brevius sit, tali elogio prosequatur. Distat autem, ubi minimum, hæc munitio plus octoginta millibus passuum a vallo Hadriani.

XXXVIII. Exstant & alia, nisi fallor, ejus pacis indicia. Est enim paulo infra id, quod diximus, præsidium, in adversa Carrontis ripa, ædificium rotundum, e saxis quadratis, nulla calce [<sup>2</sup>aut cemento] coagmentatis, non majus modico columbari, superne apertum, cætera illæsum, nisi quod ostii superum limen, in quo nomen auctoris & operis inscriptum fuisse creditur, ab Eduardo Primo Anglorum Rege est ablatum, eadem invidia, qua reliqua omnia vetera Scotorum monumenta, quod in ipso erat, delevit. Id opus nonnulli falso prodiderunt templum Claudii Caesaris fuisse. Nos, quantum conjectura possumus assequi, <sup>3</sup>ædem Termini fuisse credimus. Erant item, in ejusdem fluminis ripa sinistra, duo tumuli terreni, in modica planitie, manu (ut satis apparet) congesti. Minoris, qui magis ad occasum vergit, bona pars alluvione amnis est ablata. Dunos Pacis adhuc eos accolæ vocant. Pace igitur ex hac insulæ divisione iterum parta, ac rebus utcumque compositis, Donaldus, cum unum & viginti rei Scoticæ præfuisset annos, decessit.

## XXVIII.

<sup>1</sup> Propius vero est, hanc esse urbem quam Beda Guidi vocat.] Vide quæ nos supra ad lib. 1. 21.

<sup>2</sup> Aut cemento.] Has voces non Buchananus esse sed a sciolo aliquo suppletas existimat Crafordius. Vocabulum certe [camentum] nusquam pro eo quod intrinsecum dicimus, apud probum aliquem scriptorem reperimus. Vide Vossium de vit. ferm. lib. 1. cap. 28. Longe aliud Latinis est camentum, nempe lapides rudes & temere caesi, sive lapidum majorum frustra fastu-

ris in structura inservientia, 2 cadendo, quasi cadimenta, quod pluribus ostendit Nonius, præsertim vero illo Liv. 21. 11. Nec erat difficile murum sabruere, quod camenta non calce durata erant, sed interlita late, structura antiquo genere. Fieri autem potest, ut hanc vocem hoc significatu Buchananus hic adhibuerit. Nulla, inquit, calce, aut cemento, i. e. minorum lapidum structuris quæ calce illita majores lapides sibi arctius coagmentarent.

<sup>3</sup> Ædem Termini.] Vide supra lib. 1. 21.

1. Fa-

XXVIII. REX.

XXXIX. Ei successus est ETHODIUS Secundus, superioris Ethodii filius: homo prope stupidus: certe languidiore ingenio, quam cui tam ferocis populi moderatio conveniret. Quo animadverso, primores collecti, erga genus Fergusii ea sunt usi reverentia, ut, homini quantumvis ignavo, nullius tamen sceleris comperto, nomen quidem Regium relinquerent, præfectos autem singulis regionibus darent, qui jus dicerent. Eorum moderatione & æquitate factum est, ut nunquam Scotica res fuerit tranquillior. Neque enim tantum delicta puniebant, sed Regis avaritiam immodicam populo reddiderunt innoxiam: Rex vicesimo primo magistratus anno familiarium tumultu occisus est.

XXIX. REX.

XL. ATHIRCO ejus filius, cum ingenii majus, quam pro ætate, specimen daret, Rex creatur. Nam equitando, jaculando, militaribusque studiis cum aequalibus contendendo, præterea beneficentia & humanitate, omnium sibi amorem conciliaverat. Verum cum ætate in vitia deflectens, profunda avaritia, iracundia, luxuria, inertia, omnium bonorum studia brevi ab se avertit: & quo juvenus flagitiis ejus magis consentiebat, eo vehementius eorum patres offendeat. Tandem per Nathalocum, hominem apprimè nobilem, cujus filias a se constipratas, & flagris cæsas, colluvioni scædorum hominum, quam circa se habebat, prostituerat, conjuratione nobilitatis facta, frustra se vi tueri conatus, a suis etiam turpium flagitiorum odio desertus, manum sibi intulit, duodecimo quam regnare cœperat anno. Rege extincto, Dorus, vel quia frater, vel quod scelerum minister ei fuisset, metuens proceres, ne, ut in recenti invidia erant animo inflammato, in totum genus Regium sævirent, cum parvis ejus liberis, Findoco, Carantio & Donaldò, aufugit. Neque multum eum sua fecellit opinio: Nathalocus enim, qui singulari erat affectus injuria, non contentus Dori exilio, submittit percussores, qui ipsum cum liberis fratris interficerent. Hi ad Pictos profecti, (nam eum locum exilio Regii pueri delegerant,) insidiatores, decepti staturæ & faciei similitudine, alium pro Dorò clam nacti obtruncant.

XXX. REX.

XLI. NATHALOCUS, quem maxime suis rationibus adversum metuebat, sublatum ratus, primus ambitiosè regnum apud Scotos petisse dicitur: ac magna nobilitatis parte adversa, ab iis, quos pollicitationibus & donis corrumperat, Rex factus est. Nec male partum imperium melius gessit. Suspecta enim

[ Familiarium. ] MS. libri verò alii familiarum: Vid. infra cap. 41. Boethius, sum tradunt.

2 Dorus. ] MS. Decorus, & ita etiam Boethius & Leslaus.

enim nobilitate, quam in comitiis regni sibi adversam fuerat expertus, per homines plebejos, quos egestas & audacia facile ad quodvis facinus impellere poterat, omnia administrabat. Accessit ad has suspensiones alia gravior, deprehensis literis ad principes nobilitatis, e quibus intellectum est, Dorum Athirconisque liberos vivere, ac in regni spem apud Pictos educari. Hoc igitur periculum ut averteret, quos maxime suspectos e primoribus habebat, ad se vocat, tanquam de commodis publicis cum eis consulturus. Comprehenso universos in carcerem conjecit, ac proxima nocte strangulandos curavit. Verum, quod suo timori speraverat remedium, id velut fax conjurationis fuit. Nam caesorum amici, non minus sibi metuentes, quam propinquorum & necessariorum calamitate dolentes, undique in eum arma comparant. Quorum conatibus ut obviam iret, dum exercitum cogit, a quodam suorum familiarium occiditur, prope duodecimo regni anno. Adjiciunt hic quidam nostrorum fabulam, magis concinne fictam, quam verisimilem: illum ipsum, a quo Rex caesus fuit, ad divinos missum, ut de victoria, de vita Regis ac regno ejus percontaretur, responsum a quadam anu accepisse. „Regem non diu victurum: nec periculum ei ab hoste, sed a familiaribus insitare. Cum ille urgeret, „A quo?“ anum, „A te,“ subjecisse. Ille mulierem execratus, cum domum rediret, subit animum illa cogitatio, nec responsum celari posse, nec edere tutum esse: ne se apud Regem, hominem pravam & suo timori indulgentem, suspectum redderet. Itaque tutius visum est, tyrannum cum multorum gratia interficere, quam cum gravissimo proprii capitis discrimine incolumem servare. Statim, tibi domum rediit, impetrato ad responsa divinorum exponenda secreto, caeso Rege, duodecimum imperii annum ingressus, patriam servitio & se periculo exemit.

## XXXI. REX.

XLII. Ejus morte divulgata, liberi Athirconis revocantur. FINDOCUS, præter genus, multis naturæ blandimentis, corporis viribus, forma, proceritate, ætatis flore, ad hæc periculis commendatus, Rex eligitur. Neque spera de se conceptam fecellit. Erat enim in consuetudine quotidiana summa humanitate, in jure dicendo æquitate, in promissis fide. Verum Donaldus Insulanus, pacis impatiens, cum numerosa manu suorum in Albium trajecit: & ingenti clade villarum quacunque pergebat edita, magnam prædam domum abegit. Causa belli prætexebatur ultio mortis Nathaloci Regis. Findocus, exercitu statim collecto, in illam insulam transmisit, & Donaldum prælio victum ad naves fugere coegit. Multi in acie ceciderunt: multi, dum cum tumultu naves conscendunt, submersi. Donaldus ipse, dum in scapham receptus fugam meditatur, ea multitudinis irruentis pondere depressa, periit. Insulani, animis nihil ea clade fractis, discedente Rege, accitis ex Hibernia auxi-

1 Duodecimum imperii annum.] Ejus regni tempus supra definiat, adeoque vix opus erat ut id rursus inculcaret, nisi for-

te ut ostenderet quid adjecta voce [*prope*] intellexerit, duodecimum scilicet regni annum cum inchoantem occubuisse.

auxiliis, bellum renovant; & Donald, prioris Donaldi filio, duce iterum excensionem faciunt, magnamque prædam abigunt. Findocus iterum cum copiis in Æbudas trajecit: omnesque insulas perultrando, severe in latrones animadvertit: munitionibusque, in quas confugere consueverant, everfis, tantum prædaram abegit, tantamque eadem fecit, ut multas insularum prope desertas relinqueret. Ad ejus reditum, Donaldus ex Hibernia, quo perfulerat, reversus, dum exercitum reparare conatur, ita vires imminutas sensit, ut, necessario belli aperte gerendi consiliis omisiss, ad dolos animum converteret. Nam, cum non auderet Regi, fidem publicam interponenti, se committere, duos e suis, juxta callidos & audaces, in aulam cum secretis mandatis misit. Hi, cum & genus suum jactarent, & de Donaldi injuriis graviter conquererentur, Regi quidem fidem non fecerunt. Itaque ad fratrem ejus Carantium, hominem levem & ambitiosum, se contulerunt. Ab eo in intimum familiaritatis locum recepti, & per eum ad consilia de rebus maximis admissi, cum ejus ingenium explorando cognovissent, non dubitarunt secreta mandata de Rege tollendo cum eo communicare. Ille regnum, alieno scelere & periculo parium, velut jam certum amplexus, omni genere favoris eos est prosecutus. Igitur omnibus ad præcogitatum scelus comparatis, captato tempore, dum Rex, cæteris ad spectaculum inusitata magnitudine fente accurrentibus, alterum eorum suæ fortunæ multiplicem eventum narrantem audit, ab altero, venabulo in pectus adactò, interimitur. Concursum factò ad atrox facinus, alii moribundum Regem excipiunt, alii percussores sequuntur. Comprehensi, & ad supplicium ducti, expresso prius tormentorum vi Donaldi consilio, & scelere Carantii, qui tum dissimulandæ rei causâ procul aberat, ipsi quidem justas pœnas luerunt: Carantius autem primum ad Brittones fugit: sed ibi, vulgata exitiî causâ, cum hospitibus esset detestabilis, ad Romana castra se contulit.

### XXXII. REX.

XLIII. Optimo & viro & Regi, scelere detestabili fratris occiso undecimo regni anno, suffectus est minimus trium fratrum DONALDUS. Is, cum ad ultionem necis fraternæ se pararet, audit Donaldum Insulanum, Moraviam ingressum, non jam pro latrone, sed pro Rege omnia gerere. Igitur edicto, ut reliqui sequerentur, ipse cum paucis, qui forte aderant, recta ad hostem progreditur. Donaldus Insulanus, certior per exploratores, quam exigue Regi essent copię, diem noctemque continuato itinere, famam sui adventus prævenit. Rex, inopinata re percussus, cum certamen fugere non posset, congressus, majus quam pro numero prælium fecit. Tandem, superante hostium multitudine, victus, & graviter vulneratus, ipse cum triginta e primoribus nobilitatis in manus venit. Cæsa ad tria millia, duo capta. Rex intra triduum,

fecit

1 Certior per exploratores.] Melius Certior factus per exploratores, quæ usitatissima est Romanis loquendi formula. [Ovi-

dus tamen lib. xiv. Met. 120. nec tantæ cladis ab illo certior, non addito factus.] 1



seu mœrore ob rem male gestam, seu dolore vulnèrum, decessit, <sup>2</sup> vix circumactò primo anno regni sui.

## XXXIII. REX.

XLIV. Eo defuncto, DONALDUS INSULANUS, qui nomen Regium antea nullo auctore sumserat, jam pro legitimo Rege se gerebat, fretus maxime timore procerum: qui, <sup>1</sup> ne propinqui sui captivi occiderentur, (nam id Donaldus assidue comminabatur,) nihil movere ausi sunt. Tyrannus, cum in omnes debaccharetur, non contentus edicto prohibere, ne quis, præter ipsius ministros, arma ferret, aut nobilitatem passim ad cædem rapere, in cuius exitio firmamentum sui regni constituebat, inter suæ crudelitati superstites discordias ferebat: nec ullum pulchrius existimabat spectaculum, quam mutuam civium cædem. Eam enim cladem lucro sibi ponebat; <sup>3</sup> tot inimicis levare putabat, quot ex utraque acie perissent: neque quicquam magis quam civium concordiam metuebat. Itaque domi fere se continebat: & suarum in omnes injuriarum sibi conscius, omnes formidans, omnibusque formidabilis, raro in publicum prodibat. Duodecimo tandem anno in iis miseriis transacto, vix publicorum malorum vindex est inventus Crathilinthus, Findoci Regis filius. Is occulte apud nutricium delitescens, diu periisse est creditus. Verum, cum jam paucos viribus & solertia pares haberet, genus & nomen dissimulans, primum in aulam, deinde in Regis familiaritatem receptus, dexteritate ingenii brevi perfecit, ut primum gratiæ locum apud eum obtineret. Tandem, rebus omnibus ex animi sententia succedentibus, cum, indicato paucis, quis esset, & quid pararet, idoneam facinori patrando manum ad se collegisset, Donaldum, injuriæ opportunum nactus, occidit, & cum suis clam discessit.

## XXXIV. REX.

XLV. Tyranni morte divulgata, & res & auctor summa omnium cum lætitia excipitur. CRATHILINTHUS, generis indicibus testibusque prolatis, quanto nemo antea studio Rex est declaratus, ut qui non modo libertatis, sed salutis omnium auctor esset. Primum, magno omnium consensu tyranni liberos & propinquos, ut velut radicibus tyrannidem extirparet, necandos curavit: deinde, partes omnes regni ad jus de more dicendum perlustravit: labefactataque a Donaldò quanta potuit cura confirmavit: ac pace domi forisque parta, otium gentis more venationibus oblectare statuit. Ejus rei studio cum in monte Grampio juxta Pictorum fines ageret, juventutem Picticam ad se venientem honorifice habuit. Nec ea contentus amicitia, quæ ex antiquis necessitudinibus & publica pace nata erat, etiam eos familiari consuetudine complecti studuit. Sed ea Regis comitas prope in perniciem vertit. Nam cum Picti cædem insignem, quem Scotorum Rex in deliciis habebat, clam apud se celassent,

<sup>1</sup> *Vix circumactò primo anno.] MS. Vix MS. occiderentur.*

*Circumactò anno.*

<sup>2</sup> *Ne propinqui sui captivi occiderentur.] MS. Totenim inimicis levare.] MS. Totenim inimicis levare.*

<sup>3</sup> *Tot inimicis levare.] MS. Totenim inimicis levare.*

indicio ad custodem canis perlato, ad locum ubi celabatur profectus, dum canem retrahere conatur, interimitur. Ad ejus eadem clamore facto, cum utrinque magna multitudo concurrisset, acri pugna edita, ac multis occisis, in iis-que non paucis ex utriusque gentis nobili juventute, factum est crudelissimi belli seminarium. Nam ex eo die, cum utraque gens alteram omnibus bellorum incommodis vexaret, non ante cessatum est quam iustis exercitiis sit concursum. Neque pax, etsi Regibus utrinque eam cupientibus, ullis conditionibus coire potuit. Quanquam enim non ignorabant, Romanis & Brittonibus semper infestis, quanto cum periculo dissiderent, mutuae tamen ultionis cupiditas ita eos effraverat, ut, dum privatas quilibet persequitur injurias, calamitatem communiter omnibus impendentem contemnerent. Ac, nisi Carausius exul Romanus, obscuro quidem loco natus, at militia clarus, intervenisset, ad alterius gentis internecionem pugnatum fuisset. Is enim a Diocletiano missus Bononiam maritimam, ut Belgicam<sup>a</sup> Armoricam ab incurSIONIBUS Francorum & Saxonum tueretur, cum, multis Barbaris saepe captis, praedam integram nec provincialibus redderet, nec ad Imperatorem mitteret, suspicio est orta, consulo ab eo Barbaros admitti, ut redeuntes cum praeda exciperet, atque hac se occasione ditaret. Igitur a Maximiano iussus occidi, purpuram sumit, & Britannias occupavit: utque opes adversus Bassianum legatum Romanum firmaret, discordiis inter Scotos & Pictos pacatis, cum utrisque foedus fecit & societatem iniit. Romanis multa adversus hominem rei militaris peritum frustra expertis, & Scotis & Pictis in veterem, quos aliquando tenuerant, agrorum possessionem restitutis, postquam septem annos imperium gessisset, ab Allecto locio est occisus. Allecto, cum triennio rebus praefuisset, ab Asclepiodoto interempto, Britannia, decimo quam descenderat anno, Romanis est restituta. Sed nec Asclepiodotus, nec qui ei successit Constantius Chlorus quicquam in Britannia memoratu dignum gessit, nisi quod ex Helena concubina Constantinum, qui postea rerum potitus est, genuit. Inter haec decessit Crathalinthus, postquam rei Scotticae praefuisset annos viginti quatuor.

X X X V. R E X.

XLVI. FINCORMACHUS, frater ejus patrueilis, post cum regno Scottorum potitus, <sup>a</sup>secunda praelia adversus Romanos, adjunctis Brittonibus & Pictis, quaedam absque externis auxiliis, fecit. Tandem, viribus Romanorum domi bellis civilibus, & foris assiduis contentionibus, attritis, quietioribus rebus, Scoti quoque libenter pacem sunt amplexi. Liberati curis externis, nihil prius habuerunt, quam ut religionem Christianam promoverent: occasione illinc orta, quod multi ex Brittonibus Christiani, sevitiam Diocletiani timentes, ad eos confugerant: e quibus complures, doctrina & vitae integritate clari, in Scotia subsisterunt, vitamque solitariam tanta sanctitatis opinione apud omnes vixerunt, ut vita sanctorum cellae in templa commutarentur: ex eoque con-

[Constantius Chlorus.] Libei omnes [Secunda praelia.] MS. multa secunda male Constantinum Chlorum appellant. praelia.  
Tom. I. R 1 Ty.

suetudo mansit apud posteros, ut prisci Scoti templa cellas vocent. Hoc genus monachorum CULDEOS appellabant: mansitque nomen & institutum, donec monachorum genus recentius, in plures divitum sectas, eos expulit: tanto doctrina & pietate illis inferius, quanto divitiis & caerimoniis, caeteroque cultu externo, quibus oculos capiunt & animos infatuant, sunt superiores. Fincormachus igitur, Scotorum rebus æquitate summa compositis, & civibus ad mansuetioris vitæ cultum reductis, decessit quadragesimo septimo regni sui anno.

## XXXVI. REX.

XLVII. Eo defuncto, gravissima de regno contentio est exorta inter tres fratres patruels, e tribus Crathilinthi fratribus genitos, ROMACHUM, Fethelmachum, & Angusianum, seu verius Æneanum. Romachum commendabat, quod e tribus Crathilinthi fratribus pater ejus ætate maximus, quod mater e Regio Pictorum sanguine esset, quod ipse ingenio foret acri, & ad parandas amicitias flexili. Pro Angusiano faciebat ætas, & experientia rerum, & mores amabiles, atque inde favor populi, & ante omnia, qui initio fuerat competitor, tum suffragator Fethelmachus. Propter eorum seditiones cum res ad arma spectaret, primis comitiis nihil peragi poterat: & soluto conventu, cum totum regnum in duas factiones diversas iret, Romachus favore populi inferior, advocata juventute Pictica, se externis auxiliis firmat. Ab iis cum Angusianus rescisset sibi insidias parari, potius existimavit, vitam semel fortunæ committere, quam in perpetuo timore sollicitam agere. Igitur coactis amicis, cum Romacho prælio congressus, victusque, in Æbudas cum Fethelmacho profugit. Ibi cum intelligeret, se factionum principibus ob virtutem formidabilem, & apud populum natura venalem, & Romachi pollicitationibus corruptum, parum fore tutum, in Hiberniam cum suis discessit. Romachus autem, vi magis, quam populi voluntate, regnum assecutus, æmulo submoto, in adversarios crudeliter exercuit inimicitias: ac, ne vi magis, quam jure grassari videretur, dum regiones obit ad conventus habendos, ac, non adhibito de more consilio, solus ad suum arbitrium causas capitales revocat, magna cum cæde grassatus, maximum timorem in omnes bonos diffudit. Tandem, omnibus præsentem rerum statum exosis, repentina conjuratione nobilitatis, antequam vires tyrannus colligere posset, oppressus, e fuga, quam ad Pictos intenderat, retractus, poenas luit, tertio sui regni anno. Caput, pilo affixum, lætum populo spectaculum circumlatum est.

## XXXVII. REX.

XLVIII. ANGUSIANUS ingenti omnium consensu ad regnum capiendum est revocatus. Primum, qui Romacho crudelitatis & avaritiæ ministri fuerant, sub Rege justo sibi timentes, Pictorum Regem Nectamum in ultionem propinqui sui ad arma commoverunt. Angusianus, pacis cupidus, per le-

ga-  
1 Tyrannus.] Ita MS. alii omnes tyrannis;

1 Nun-

gatos sepe Pictos admonuit, quanto cum periculo utriusque regni pugnaturi essent, Brittonibus in amborum exitium intentis. Verum, ubi eos vel fiducia virium, vel iracundia perturbatos, a pacificis consiliis averfos vidit, educto exercitu, post acerrimum conflictum, victoria est potitus. Rex Pictorum cum paucis evasit. Verum, postquam metus recessit, ira & pudore inflammatus, aegre a suis impetrat, ut novum sibi exercitum decernant. Eo coacto, in Caledoniam ducit. Angustianus, iterum frustra tentata pace, cum suis copiis ad hostem tendit. Pugnatum est utrinque pari obstinatione, alteris partem laudem tueri, alteris ignominiam acceptam delere, conantibus. Demum Scoti, Angustiano caeso, solutis ordinibus, in fugam versi. Nec Pictis leta fuit victoria, Rege suo ac praestantissimo quoque bellatore in acie interempto. Prope par utrinque damnum acceptum pacem ad breve tempus praestitit. Praefuit rei Scoticae Angustianus paullum supra annum.

## XXXVIII. REX.

XLIX. FETHELMACHUS Angustiano Rex est successus. Cum vix biennium in regno complexset, exercitu coacto, Pictorum agros foedis populationibus vastavit. Ubi primum hostis occurrit, concursum est cum utriusque gentis magna strage. Nam Pictorum acies media, cornibus nudata, propetota circumventa est: nec tamen inulta cecidit. Rex Pictorum tertio post die e vulnere decessit. Scoti victoria usi, late, nullo exercitu obvio, Pictorum agros vastant. Picti enim, tanta clade accepta, nunquam totis viribus ausi se fortunæ committere, leves procursantium manus in populos locis & temporibus opportunis immitcentes, latius eos evagari prohibebant. Interea Hergustus, homo callidus, accepto in suos imperio, quatenus viribus impar erat, ad fraudem conversus, duos Pictici generis viros immisit, qui se Scotos simulantes Regi perniciem molirentur. Hi cum fidicine quodam de caede Regis transfugerunt. Hoc enim hominum genus, ad somnos conciliandos, & vigilias oblectandas, in cubiculis nobilium pernoctabant: qui mos etiam adhuc in omnibus insulis Britannicis apud praefatos Scotos observatur. Igitur statuto die Picti, ut conventum erat, a fidicine intromissi, Regem quam maxime possunt occulte jugulant. Nec tamen ita rem celare potuerunt, quin ad morientis gemitum ministri excitati facinoris auctores<sup>1</sup> sint persecuti, &c., cum ulterius fugere non possent, e praecepto saxo lapidibus propugnantes ministri Regii affectu ad poenas eos retraxerunt.

## XXXIX. REX.

L. Fethelmacho regni sui anno tertio extincto, successit EUGENIUS, seu potius EVENUS, Fincormachi filius. Sub id tempus, Maximus legatus, in

<sup>1</sup> Nunquam.] MS. *ausquam*.

<sup>2</sup> Sini persecuti.] Ita Crafordio monentur. *circumdavimus*, pro *sini persecuti*, &c.

versu sequente *retraxerunt* pro *retraxerunt*.

in spem totius insulae potiundae erectus, si utramque gentem deleret; primum cum Pictis, ut tum reserant, infirmioribus, atque ideo ad paciscendum promptioribus, amicitiam simulat: eos vanis promissis implet, „*Si in societate Romana perseverent, praeter munera alia commoda, totum Scotorum agrum se eis concessurum.* Audivere libenter ea Picti, & ira coeci, & vindictae cupidi, & promissis deliniti, & in futurum improvidi. Igitur, cum Romanis conjuncti Scotorum agros popularentur, primus eis conflictus fuit ad Cream Gallovidiae amnem. Scoti pauciores a pluribus circumventi, dum in omnes partes fugiunt, Romani, velut certa victoria potiti, sine ordine fugientibus instant. Interea Argathelii, & ultiores aliquot populi, qui nondum se cum reliquis copiis conjunxerant, in dissipatos Romanos densis agminibus inveci, magnam itragem ediderunt. Eugenius, collectis quos e fuga retrahere potuit, habito super summa rerum consilio, cum praesentes copiae nullam spem renovandi belli facerent, retro in Carictam abiit. Maximum vero, quo minus victoria uteretur, prohibuit trepidus nuncius, omnia in interiore Britannia bello ardere. Scoti, ejus discessu majore hostium parte levati, quanquam vix ad sua tuenda sufficerent, ira tamen ac spe, se ante exactam aetatem hostes vicinos insigni aliqua clade repressuros, quicquid virium aut odii supererat in Pictos effuderunt. Quacunque pergebant, obviis absque discrimine trucidatis, ferro & flamma late vastitatem faciebant. Maximus, quanquam minis & verborum contumelia Scotos persequabatur, utriusque tamen clade gentis pariter latus, ubi primum ei commodum fuit, tanquam damna Pictis illata ulturus, in Scotos movit. Illi tum non de gloria, imperio, aut praeda dimicaturi; sed de patria, fortunis, vita, ceterisque, quae hominibus cara esse solent, eductis omnibus, qui arma ferre possent, non modo viris, sed etiam (gentili consuetudine) mulieribus, in ultimum se discrimen parant: &, castris non procul a Duno amne positis, non longe ab hostibus confiterunt. Acie utrinque instructa, primi concurrerunt cum Scotis Romanorum auxilia. Ibi alteris spe, alteris desperatione incitatis, certamen acrius, quam longius fuit. Picti & Brittones magna cum caede repulsi: ac, nisi subsidium in tempore a Romanis venisset, fugam circumspectabant. Verum, Maximo legiones adinveniente, Scoti, & multitudine & genere armorum & disciplina inferiores, ruinae modo retroacti. Cecidit ibi Rex Eugenius, dum suis non vult superesse; ac major procerum pars, ne Regem prodidisse videretur.

LI. At Maximus, tanta victoria citius, quam sperarat, potitus, cum vix haberet in quem odium exerceret, misericordia ad pristinam clementiam revocatus, multis Scotorum regionibus perlustratis, dedentes sese recepit, agrosque colere jussit: &, ut suis contenti, vicinis molesti ne essent, imperat. Picti hanc ejus clementiam aegerrime ferentes, contendebant; „Nunquam Romanos, eorumque socios, solidam & sinceram pacem habituros, incolumi „gente Scotorum, semper inquieta, semper ad omnem praedae occasionem intenti: nunquam „*terram Britanniam securam fore, dum in ea quicquam il-*

„*lius*

1 *Terram Britanniam.*] Vide supra ad lib. 1. 46.



„lius sanguinis superesset. Cum feris belluis rem esse, quæ nullis officiis pro-  
 „vocatae mansuescant, nullis damnis fracta conquiescant: eundem, qui ei genti  
 „esset, bello finem futurum. Cum Maximus contra multa differeret, de vete-  
 „re populi Romani instituto, a quo gentes victæ, non modo relictæ incolum-  
 „mes, sed etiam civitate sint donatæ: „Nunquam in orbe terrarum, fere per-  
 „domito, gentem ullam penitus excisam. Se curasse, ut Rege cum omni  
 „juventute cæso, non metuendos vicinis, sed potius miserandos, hostes re-  
 „linqueret. Nec se Pictorum adversus eos odio cedere: sed, rem vere æstimanti-  
 „bus, multo lætius esse spectaculum, e viventium miseriis, quam cruore occi-  
 „sorum: graviolemque pœnam esse vivendo semper mortem optare, quam se-  
 „mel moriendo malis omnibus defungi. Hæc quidem ille disserebat, non tam  
 „ulla erga Scotos benevolentia, quam Picticæ crudelitatis odio: simul in futu-  
 „rum prospiciens, quam periculosum esset provinciæ Romanæ, si vires Pi-  
 „ctorum, deletis penitus Scotis, duplicarentur. Picti vero, nec querelis, nec  
 „precibus, nec donis abstinere, priusquam edictum impetrarent, ut Scoti omnes  
 „ante certum diem Britannia excederent: quisecus fecisset, ei fore capitale. A-  
 „ger eorum inter Pictos & Brittones divisus.

LII. Scoti superstites, quo quemque fors tulit, per Hiberniam, Æbudas,  
 Scandiam, & Cherronesum Cimbricam dispersi, ab incolis satis humiliter  
 fuerunt recepti. Sed nec a sacerdotibus & monachis, qui tum in summo  
 erant honore, Picti, etsi publice Christianis institutis imbuti, injuriam absti-  
 nuerunt. Illi verò profugi, cum in omnes circumcirca regiones dispergeren-  
 tur, multi in Ionam (Æbudarum unam) devenerunt: atque ibi in cœnobium  
 collecti, magnam suæ sanctitatis & eruditionis famam ad posteros transmiserunt.  
 Cæteris Scotis ita bello afflictis, patria pulsis, & de reditu desperantibus, Æ-  
 budarum cultores, ingenio feroces & inquieti, & ob desidiâ inopes, & ho-  
 minum multitudine, & rerum necessariarum superante penuria, aliquid per se  
 audendum rati, classe longarum navium coacta, duce Gillone, in Argatheliam  
 transmittunt. Ibi, dum ad prædam, ut in regione prope vacua habitatoribus,  
 vagi discurrent, a Pictis eo ad præsidium missis circumventi, ac a navibus  
 exclusi, ad unum perire. Classis capta, & ad usum belli adversus Insulanos  
 reservata. Nec ita multo post, qui in Hiberniam confugerant, partim veteris  
 cognationis commemoratione, partim fortunæ commiseratione, gentem ad  
 bella prædasque suo pte ingenio proclivem facile moverunt, ut auxilium ad pa-  
 triam pristinumque statum recuperandum decernerent. Data decem millia.  
 Hi in latus Scotiæ adversum Hiberniæ transpositi, magnum sui adventus ter-  
 rorem late fuderunt. Hoc primo successu læti, cum de reliquo bello con-  
 sultarent, Scoti Albini, gnari virium Romanarum, & quantum reliquas na-  
 tiones peritia rei militaris anteirent, auctores erant; „Ut, præsentē victoriā  
 „contenti, cum prædæ domos redirent, nec exspectarent, dum totius Britan-  
 „niæ vires eos adorirentur. Et quando nec universæ Hibernorum copiæ, si ad-  
 „essent, pares esse queant adversus eorum exercitus, quorum consilio & ar-  
 „mis terrarum orbis esset perdomitus, cum eis non vi aperta, sed æstu cer-  
 „tandum, occasiones captandas, & quos nec numero, nec opibus, nec

„bellandi peritia, aequare possent, laboribus & malorum patientia fatigandos.  
 „Hanc unam esse huius belli gerendi rationem., Hiberni Scoti contra Albinos  
 increpare; „Quorum pristina animi vis adeo elanguerit, ut cum posteri essent  
 „eorum, qui Romanos exercitus prope desessent, ipsi nec aspectum quidem  
 „illorum sustinere possent., Nec decernant etiam ex ipsis Scotis Albinis, qui  
 contenderent; „Belli rationem, a civibus suis propositam, plane inanem esse:  
 „ut quae ad hostem tantum vexandum, non ad patriam recuperandam faceret.  
 „Quamobrem, fortunae instandum; eam reditus ducem sequendam. Id si fa-  
 „ciant, non esse dubitandum, quin Deus, qui tam prospera belli initia dederit,  
 „aut novo Brittonum motu, aut revocatis ad bella propiora legionibus, ho-  
 „stium vires sit imminuturus. Occasionem oblatam potius amplectendam,  
 „quam in praesentia neglectam posterius frustra querendam. Hac sententia  
 cum in concilio vicisset, laeti ad praedas discurrunt: ac, dum in spem amissa  
 recuperandi audacius quam prudentius suae cupiditati indulgent, maioribus re-  
 pente copiis oppressi, maiorem suorum partem amiserunt.


LIII. Hac clades in Hiberniam renunciata, Scotis omnem spem reditus prae-  
 cidit, & Hibernos de sua libertate retinenda sollicitos reddidit. Multis igitur  
 consiliis tentatis, cum alius exitus non appareret, visum est Scotis Hibernen-  
 sibus, legatos Britanniam esse mittendos, ac pacem quam maxime commodis  
 possent conditionibus cum Romanis faciendam. Eos Maximus primum gravi-  
 ter increpat, „Quod nullis provocati injuriis ultro arma Romana lacerassent.  
 Legatis exculantibus, & culpam in imperitam multitudinem conferentibus,  
 data venia. Pax iis legibus facta; „Ne hostes Romanorum post eum diem  
 „Hiberni recipere, ab eorumque sociis omnem vim abstinerent, comiter  
 „imperii maiestatem colerent. Hiberni aequiores, quam sperant, condiciones  
 laeti domum retulerunt. Maximum autem ad pacificandum, non metus ab  
 Hibernis (ut qui non magnum in eorum motibus momentum poneret) flexit:  
 sed quod, in majorum rerum spem intentus, non modo quietam, sed etiam  
 benevolam, sibi volebat relinquere Britanniam. Nam, cum tot caesis exer-  
 citibus, imperii Romani vires bellorum civilium tempestatibus debilitatas videret,  
 Imperatorisque non a Senatu populoque legi, sed militari favore assumi,  
 cumque, perdomita (quod nulli alteri contigisset) Britannia, magnum in re  
 militari nomen, exercitumque pro multitudine satis firmum, haberent, in eo  
 rerum statu decreverat, si se occasio imperii occupandi offerret, fortunae non  
 deesse. In hanc spem pronus, milites plurima comitate & omni largitionis  
 genere complectebatur. De rebus gravissimis cum Britannorum majoribus  
 consultabat: Pictorum juventute exercitum supplebat: eisque praefidia pluribus  
 in locis provinciae committebat custodienda: diviso inter eos & Brittones Sco-  
 torum agro, Pictis quidem veterem ditionem liberam reliquit, sed vestigialia  
 modica, ex attributo eis ultimo regni Scotorum angulo, exegit: indicium  
 quidem, ut ipse praedicabat, Britanniam universam partim a se perdomitam,  
 partim pacatam. Atque his quidem artibus vulgus mirum in modum sibi con-  
 cilia-

1 Nec aspectum quidem.) Melius forte ne aspectum quidem.

ciliabat. Itaque, omnibus ad spem conceptam paratis, velut a militibus coactus, purpuram sumsit.

LIV. Post eum Constantinus, ex infimo militiæ ordine, sola nominis commendatione a Brittonibus dux est electus: atque eo rursus intereinto, Gratianus homo Britannici sanguinis insulæ imperium invasit. Verum, Maximo in Italia, Gratiano in Britannia cæso, missus est Roma Victorinus, qui legati nomine Britanniam regeret. Is, cum sua opera imperium videri vellet auctum, Pictis in provinciæ formam redactis, legibus Romanis eos uti iussit, gravi pœna, ni pareatur, indicta: ac, Hergusto eorum Rege inter hæc mortuo, vetuit, ne novum crearent, neve magistratum alium, nisi a populo Romano datum, haberent. Id vero Pictis mera servitus videri: ac jam sero & frustra queri; „Gentem & amicam & cognatam, ac licet interim molestam, tamen adversum externum hostem omnium periculorum sociam, a se foede & crudeliter proditam. Eo se hæc jure pati, qui non auxilio solum, sed misericordia se privarint. Quis enim eorum calamitatibus indolere posset, qui meminerit, „ad quantam omnium rerum inopiam veteres amicos redegissent? Huc nimirum „pertinere vetus illud oraculum, quod Pictos olim a Scotis delendos præcinerat. Ob Scotos enim a se proditos nunc pœnas luere, ac miserius, quam illos perire: nisi forte quis intolerabilius exilium, quam servitutem putet. Illos enim in qualicunque fortuna tamen liberos esse: se vero in extremis malis „versari, coque gravioribus, quod suo merito in ea incidissent. Itaque, ut haberent ad quem convenirent, ut in medium de remedio calamitatum suarum consulerent, Durstum Hergusti filium Regem creant. Apud hunc primores congregati, dum remedia circumspiciunt, servitutis asperitatem querelæ expresserunt. „Jam non imaginaria se, sed vera servitute premi. Inclusos intra „vallum Severi, velut feras bestias, ab omni humano commercio sejunctos: inde juventutem omnem splendido militiæ nomine ad lanienam educi. Præter „vicinarum gentium odium, accedere monachorum acerbissimas increpationes, „qui occlamarent, merito eorum preces a Deo contemni, qui Dei ministros, „suosque fratres, eorundem sacrorum participes, tanta sævitia essent persecuti, „ut ne monachos quidem, per quos Deus exorari posset, eodem secum cælo „frui sivissent. Hæc cum graviter eos urerent, subeunte in rebus adversis animos religione, tandem nonnihil a perpeffione malorum laxamenti dato, una ad libertatem restituendam via est visa, si Scotis placandis Deum etiam suæ perfidiæ insensum placare possent. „Se intelligere, Fergusium, Regii generis juvenem, in Scandia exulare: eo revocato, cæteros ejus auctoritate facile posse „adduci, ut redirent. Ad ejus animum tentandum occulta (metu Romanorum) legatio decreta est.

## LIBER QUINTUS.



I. **ÆSO**, uti retulimus, a Romanis Eugenio, ac gente universa patria pulsa, Regis frater, sive ille Echadius sive Ethodius fuit, metu insidiarum a Pictis, ac rerum suarum incertus, conducto navigio, non magis ventis, quam fortunæ, vela committens, in Scandiam appulit, una cum filio Ertho & nepote Fergusio. Ibi, cum in aulam venisset, Rex illius oræ edoctus, qui & unde esset, quaque fortunæ violentia exercitus fuisset, cum, præter victorum sermones, habitus formaque viri facile dictis fidem faceret, brevi eum in familiarium numerum admisit. Fergusius ibi (patre & avo mortuis) cum adolevisset, & se totum studiis militaribus deditisset, multæ simul adversus imperium Romanum expeditiones a populis ad septentrionem spectantibus sunt susceptæ. Aliis in Pannoniam, aliis in Galliam nationibus irrumpentibus, Fergusius, pariter & armorum studio, & Romanorum odio, Francos in bellum adversus Gallos est secutus. Sed, cum ea expeditio parum prospere cessisset, majore gloria, quam re parta, in Scandiam rediit. Cum vero non ibi tantum, sed per vicinas quoque gentes, nomen ejus celebraretur, ea viri fama ad Scotos & Pictos perlata, spem fecit Scotis patriam, Pictis libertatem, recuperandi, si, antiquis odiis depositis, hoc duce adversus Romanos fortunam tentarent. Et erat ea tempestate Romana res adeo afflictæ finitimorum armis, ut ipsa occasio veteres inimicos ad vindictam superiorum injuriarum excitaret. Nam Imperatores, civilibus bellis attriti, Gothis, & Vandalis, & Francis, & Afris, in proximas cuique provincias irrumpentibus, ita undique vexabantur, ut ad Italiam & Romani imperii sedem tuendam, ommissa rerum exterarum cura, exercitus revocarentur. Inter eos motus, qui Britannicis legionibus præerant, rem Romanam habentes prodeplorata, sibi quisque privatim consulentes, alius alio tempore tyrannidem stabilire conabantur: nec contenti Insulanos omni genere crudelitatis & avaritiæ vexare, etiam ipsi mutuis incursionibus sese conficiebant. Ita decrecente quotidie legionariorum numero, crescente provincialium odio, magis deerant Britanniis universis vires, quam animus ad rebellandum. Sed supra clades alias maxime omnium afflixit insulam ultimus exercitus Imperator Constantinus: qui, sumpta purpura, non mo-

1 Sive ille Echadius, sive Ethodius.] A Fordono & Joan. Majore Echadius, a Boethio & Leslæo Ethodius appellatur.

2 Victorum sermones.] Ita MS. & Eddinb. alii fere omnes victorum sermones incepte legunt.

3 Ultimus exercitus Imperator Constantinus.] Et mox, Quæ potissimum occasio Scotorum mirum in modum conspirationem ma-

turavit. Dum diversos auctores hic sequitur Buchananus, in apertum prolabitur Anachronismum. Hic enim Constantinus purpuram demum sumit, teste Zosimo, anno 407. At nulla hinc Scotis, ni futura e longinquo præfagentibus, in patriam redeundi occasio data, quippe quos ante tres annos, i. e. anno 404. ipse postea reversos tradat.



modo militem Romanum, sed quicquid in Britannia erat, abduxit: & insulam exarmatam, & si quem externum hostem habuisset, ad omnem injuriam reliquerat expositam. Quæ potissimum occasio Scotorum mirum in modum conspirationem maturavit. In hoc igitur statu rerum, inita concordia per secreta cum Pictis colloquia, per utriusque gentis legatos Fergusius ad regnum avitum suscipiendum revocatur. Ille, ut homo militaris, & gloriæ cupidus, & præsentium rerum tædio affectus, & futurarum spe erectus, facile conditionem accepit. Ad famam ejus profectionis, non modo Scoti exules, sed Danorum multi, familiari usu & commilitio conciliati, in eandem cum eo spem domo profecti, in Argatheliam appulerunt. Illuc ad eum, antea de ejus adventu præmoniti, qui in Hibernia & circumjectis insulis exulabant, celeriter conveniunt: & ipsi secum hospitem, & amicorum, juventutis item novarum rerum avidæ, satis magnum numerum trahentes.

X L. R E X.

II. His auxiliis FERGUSIUS fretus, more patrio quadragesimus Scotorum Rex est creatus, Liber Pasletensis reditum ejus conjicit in annum <sup>ccc</sup> Honorii & <sup>iv.</sup> Arcadii Imperatorum sextum. Alii in octavum, hoc est, juxta Mariani Scoti supputationem, CCCCH. <sup>2</sup> juxta Funcium, CCCIV. a Christo nato, qui fuit a morte <sup>3</sup> Eugenii [avi] circiter XXVII. Qui ex Beda contendunt, hunc primum fuisse Scotorum in Britanniam adventum, eos ejus historia manifesti mendacii coarguit. Comitibus igitur peractis, homo in bello natus & educatus, & qui fortunæ benignitate & hominum alacritate utendum, & famam sui adventus præveniendam, censeret, præsidia proxima, cum non satis militum haberet ad ea obtinenda, diruit: & regno recuperato, cum primum per anni tempestatem posset, diligenter adversus hostes expeditionem apparat.

Brit-

<sup>1</sup> *Honorii & Arcadii Imp. sextum, alii in octavum.*] Mire hic variant Scoti scriptores; Fordonus enim, Joan. Major & Buchananus Fergusii II. reditum in annum conjiciunt Christi nati 403. Boethius vero ejusque Epitomator Lesleus, quos & Pat. Abercrombicus sequitur, in annum 422. Buchananus autem Scotos Britannia exulasse tradit annos 27. alii vero omnes annos 43. aut 44. adeoque juxta Fordonum & Majorem A. C. 360. juxta Boethium & Lesleum A. C. 378. juxta Buchananum A. C. 376. patria primum pulsos fuisse oportet. Cæterum cum Scoti scriptores omnes consentiant majores suos patria pulsos fuisse a Romanis Pictisque quæ Maximo tyranno, qui paullo post, hoc est, anno C. 382 aut 383. purpuram sumsit, a vero longissime abesse videtur

Tom. I.

eorum opinio, qui Scotorum exilium ab anno 360. ordiuntur: ex nullis enim eorum temporum monumentis colligi potest Maximum tum Britannia præfuisse. Imo vero, qui ante eum fuerat, Theodosius magni Theodosii Imp. pater eam provinciam administravit anno demum 368. pacatamque Britanniam reliquit anno 369.

<sup>2</sup> *Juxta Funcium.*] Accuratio Petavii supputatio, cui octavus Arcadii & Honorii annus in annum Christi incidit 402.

<sup>3</sup> *Eugenii avi.*] Ita omnes libri, pugnant ipso secum Buchananus: Eugenius enim non Fergusii II. avus, sed magnus patruus fuit. Vide supra, in initio hujus libri, Vox igitur [avi] omnino delenda.

S

1 Al-



Brittones interea in duas factiones erant divisi. Alteri, libertatis cupidi, & eternæ dominationis peritæ, eorum adventu gaudebant: alteri præfens otium, cum maximis incommodis conjunctum, incertæ libertati & certo bello præferrebant. Itaque, & periculi imminenti metuentes, & suæ infirmitatis conscii duplicem legationem decernunt: <sup>1</sup> alteram ad Pictos, quæ eos sollicitaret; „Ne relicta Romanorum & Britannorum amicitia, ad veteres suos inimicos, homines sine re, sine spe, sine viribus, deficerent. Addunt admonitiones, pollicitationes, &, ni pareatur, graves minas a Romanis, quibus nec integri ambo unquam resistere potuerunt, nedum nunc alteri delectibus exhausti, alteri omni genere malorum attriti, pares esse possent. Legationis ad Romanos summa hæc erat; „Ut in tempore, dum aliquid ab hostium immanium crudelitate superesset quod defenderetur, auxilia mitterent. Id si facerent, Britanniam in eorum perpetua fide constanter permanfuram: sin minus, satius fore patriam relinquere, quam gentium ferarum morte graviores servitutem tolerare. Romani, etsi undique ipsis instarent bella, tamen legionem unam ad provinciam protegendam e Gallis mittunt; sed, rebus ibi pro tempore compositis, reverti iussam. Iis copiis Brittones freti, repentino adventu manus prædatorias incautius vagantes magna cum cæde repulerunt. Socii Reges, instructo exercitu, cum ad vallum Severi venissent, ad Cartontem amnem hostium copiis occurrunt. Ibi atrox commissum prælium. Magna utrinque cæde edita, Romani superiores, quia brevi in Gallias erant redituri, contenti hostes repressisse, vallum Severi pluribus locis dirutum restituant: coque instaurato, ac Brittonum præsidii firmato, discedunt: & socii Reges, etsi celeritate & laborum tolerantia superiores, multitudo tamen & opibus hosti impares, decreverant præliis abstinere, crebris incurSIONIBUS hostem vexare, summam rei, nondum adultis viribus, in discrimen unius certaminis non committere.

III. Verum, ubi Romanos e Britannia abcessisse nunciatum est, mutata sententia, totis viribus in unum collectis, vallum, militari tantum opere constructum, & segniter a Brittonibus custoditum, diruunt. Inde, liberiore jam populatione, agrum ultra vallum, quem ob hominum inopiam tenere non poterant, ad multa millia Brittonibus inutilem reddiderunt. Principem in munitione diruenda <sup>2</sup> Gramum quendam fuisse dicunt: qui, milite navibus trans vallum exposito, custodes incautos oppressit, ac suis aditum patefecit. Hic Scotusne an Britto fuerit, scriptores in ambiguo relinquunt. Major pars Brittonem fuisse, e familia Fulgentiana, in primis in illa gente nobili, oriundum, eundemque Fergusii focerum, contendit. Eos ut sequar magis inclinat animus.

Val-

<sup>1</sup> *Alteram ad Pictos.*] Et mox, *Legationis ad Romanos summa hæc erat.* Multo tamen clarius, si sic dixisset, *Alteram ad Romanos legatio missa est, cujus summa hæc erat.*

<sup>2</sup> *Quia brevi in Gallias erant redituri.*]

Ita MS. alii omnes, qui *brevi*, &c.

<sup>3</sup> *Gramum quendam fuisse.*] Ab hoc Gramo nomen traxisse quidam volunt illud vallum, quod & in hunc usque diem GRANE'S DYKE vulgo appellatur.

Vallo igitur diruto, cum Scoti & Picti inhumana crudelitate in Brittones, (ut tum res erant) armorum defuetudine imbelles, sine discrimine sexus & ætatis grassarentur, illi miserabilem legationem Romam mittunt, quæ ineffabilem gentis calamitatem indicaret, & suppliciter auxilium posceret. „Quod si Brittonum cladem, & provinciæ, nuper tam splendidae, negligerent interitum, „tamen ad dignitatem populi Romani pertinere, ne nomen eorum apud barbariem illam incultam vilesceret. Rursus igitur missa legio, *quæ* (ut ait Beda) *inopinato tempore autumnii adveniens, magnam hostium stragem dedit.* Ad hos reprimendos, socii reges quantum possunt exercitum cogunt: & freti superiorum temporum successu, & Dionethi Brittonis amicitia, ad hostem ducunt. Erat autem Dionethus honesto loco apud suos natus: & quia semper alias omnibus suis auctor fuerat, ut e servitute Romana se eximerent, ac tum maxime, tanta opportunitate oblata; totis imperii viribus in alia bella conversis, ideo suis ob novarum rerum studium suspectus, Romanis invisus, Scotis & Pictis amicus erat. Hi, cum initum scirent ab hostibus consilium, ut hunc primum, velut propius malum, & in ipsis inhærens vitalibus, opprimerent, id ne fieret, magnis itineribus ad hostem contendunt: & conjunctis cum Dionetho castris, acrique adversus Romanos conflictu inito, eos a fronte atque a tergo multitudine freti circumveniunt. Cum solutis ordinibus legionarii cederent, socii Reges acrius inveci, a reliqua parte Romani exercitus, quæ in subsidiis collocata sub signis manserat, excepti, cum magna strage repelluntur: ac, nisi Romani suæ paucitatis conscii, fugientes insequi longius ausi non fuissent, insignem eo die accepissent cladem. Verum, quia damnum amissi militis in paucitate magis sentiebatur, minor ex victoria fuit lætitia.

IV. Maximianus (ita qui legioni præerat a nostris vocatur) hac offensione perculsus in intimam se recepit provinciam: Reges diversi ad sua quisque revertuntur. Dionethus, more Romano sumta purpura, se Regem Brittonum edit. Romanus, ubi dispersos hostes intellexit, collectis quantas poterat viribus, Brittonum auxiliis suas copias auget, ac in Dionethum, propinqua sibi provinciæ loca infestantem, ducit: eum, unde propius erat periculum, ante sociorum adventum ratus posse opprimi. Sed tres Reges, celerius ejus opinione conjuncti, castra castris contulere, ac suos pro tempore exhortati, in aciem produxerunt: nec mora prælio facta est. Romanus Britannos in prima acie collocavit, suos in subsidiis tenuit. Commisso acri prælio, cum prima acies loco mota esset, Maximianus, promota legione, Brittones prope circumspicientes fugam retinuit. Deinde circummissis, quæ terga cæderent, cohortibus, Scotorum aliquot manipuli, in medio deprehensi, cum in orbem pugnando se defenderent, majore hostium parte in eos versa, ipsi quidem universi occisione occisi: sed eorum calamitas cæteris ad dilabendum spatium dedit.

V. Ceciderunt in ea pugna Fergusius Scotorum, Durstus Pictorum, Reges: Dionethus faucibus, ægre per suos raptus ad mare, navicula domum est avectus. Hac victoria ita omnium animos perculit, ut superioris temporis ante oculos imaginem haberent, & plerique jam exilio locum circumspicerent. Decessit Fergusius, postquam sedecim annos rei Scoticæ præfuisset: vir plane magni

animi, & quem secundum regni Scotorum conditorem jure liceat appellare: atque in eo (fortasse) priori Fergusio anteferre, quod ille in vacuos prope agros, concedentibus etiam Pictis, venit: nec ei res cum Romanorum invictis copiis, <sup>1</sup>sed cum Brittonibus [fuit,] ut non multo belli apparatu superioribus, ita laborum patientia longe inferioribus. At hic Fergusius, cæsis prope omnibus, qui arma ferre possent, in externo solo educatus, post vicesimum septimum demum exilii annum, rex ignotus ab ignotis sibi civibus ascitus, manu collectitia ex variis gentibus, adversus Britannos, interim Romanis opibus subnixos, arcessitus, nisi manifesta vis numinis ejus conatibus affuisset, temerarium facinus, ac propius amentiae ausus videri poterat. Decedens, tres reliquit filios adhuc impuberes, Eugenium, Dongardum & <sup>2</sup>Constantinum. Eis, omnium magno assensu, Græmus avus maternus tutor est datus, interim, dum pueri adolefcerent, pro Rege futurus. In eo tanta fuit virtus, ut temporibus turbulentissimis, in gente feroci, nec semper suis Regibus morigera, nullus domi sub peregrino principe motus existerit.

## X L I. R E X.

VI. EUGENIUS, sive EVENUS, maximus natu filiorum Fergusii, nomen Regium habebat: potestas penes Græmum erat. Is, censu juniorum per universum regnum habito, cum vires, supraquam crediderat, superioribus præliis attenuatas comperisset, nihil tum conandum ratus, delectum remisit. Romana autem legio, uti jussa erat, liberatis sociis, in continentem reditura, quicquid terrarum hostilium intra vallum Severi erat, depopulata, cæsis incolis, agros Brittonibus restituit, prædam sibi retinuit. Scotorum ac Pictorum reliquæ, quæ eam calamitatem evaserant, intra duo maris æstuaria rursus incluse. Rebus ad hunc statum reductis, Romani Brittonibus exponunt, „Quot & quam validis exercitibus, in exitium rei Romanæ conjuratis, ipsi ob-  
„sideantur: imperium nec laboribus nec sumptibus tantis posse sufficere, ut lon-  
„ginqua tueatur.„ Quamobrem Brittones admonent. „Ne in posterum ex-  
„terna expectent auxilia, sed ipsi arma capeffant, & ad militares labores susti-  
„nendos sese exerceant: & quod ignavia antea peccatum fuerat, industria &  
„malorum tolerantia compensent: neu se sinant, hostibus, quibus ipsi & nu-  
„mero & opibus præstent, ita esse contemptui, ut ex agro eorum annuas præ-  
„das, non secus ac si venatum exirent, abducant. Ipsi vero Romani, etiam  
ut in posterum prodescent, magnum & memorabile opus aggrediuntur. Col-  
lecta enim e tota provincia maxima opificum manu, Romanis ac Brittonibus  
certatim contendentibus, ubi vallum per triginta millia passuum a Severo fue-  
rat ductum, murum e lapidibus exstruunt, octo pedes latum, duodecim altum.  
Castellis eum distinguunt, quorum nonnulla oppidulorum speciem præfere-  
bant.

<sup>1</sup> Sed cum Brittonibus [fuit.] Abest hæc vox [fuit] ab omnibus libris; margini quidem MS. adjecta est [fuerat] versus sequenti post [inferioribus] interserenda.

<sup>2</sup> Constantinum.] Ita MS. & ipse postea lib. v. 17. alii vero omnes libri. Constantinum.

## Series Genealog: cum tota sobole extincto.

**DONALDUS VII.** Ban  
cognominatus, Scotorum R

Bethoca.

Exildis.

Gul. Cuminus.

Richardus Cuminus.

Joannes Cuminus.

Joannes Cuminus  
Badenachæ Regulus,  
Comp.

Gulielmus Cuminus  
Badenachæ Regulus, si-  
ne prole exstinctus.

**DUNICI I.**  
NUS de-  
northeges,  
Rex, sunt  
toru

**ELMUS** Leo  
ominatus, Rex  
brum.

Alici

Hen-

cus

kenius

Rob-

tus

keniu

Comp.

Marga-  
rita.  
Magora  
fine pro-  
le ex-  
stincta.

Margeria  
norha.  
Erme-  
gerdis.  
Nicolaus  
Soulius  
Comp.

Maria uxor Eustachii Bono-  
niæ Maritimæ Comitis.

Mathildis uxor Stephani  
Anglorum Regis.

**MILCOLUMBUS IV.** Cœlebs  
five Virgo dictus, Rex Sco-  
torum, sine prole exstinctus.

**ALEXAN-  
DER II.** Sco-  
torum Rex.

Margeria & Isa-  
bella sine libe-  
ris exstinctæ.

**ALEXAN-  
DER III.** Sco-  
torum Rex.

Alexander &  
David antepa-  
trem sine so-  
bole exstincti.

Margarita uxor  
Erici Regis  
Norvegiæ.

**MARGARITA**  
Regina Scoto-  
rum, in qua  
defecit tota  
stirps Alexan-  
dri III.





bant. Finiebatur ad occidentem ad locum, qui nunc Fanum Patricii dicitur. Ad orientem vero incipit a monasterio Aebercornig, ut scribit Beda: qua in regione, ante CXX. annos, arx valida Duglassiorum<sup>1</sup> fuit Abercornum, monasterii vero nusquam ullum vestigium. Præterea, ne hostes (ut alias factum meminerant) navibus ultra murum in terram descenderent, frequentes toto litore speculas excitarunt in locis editioribus, unde prospectus late in mare patebat. Appositæ, ubi commodum visum est, custodiæ; sed plane hominum ignavorum & imbellium, qui nec hostis armati aspectum sustinerent. His Romana legio provinciales officiis prosecuta, fortibus etiam consiliis ad patriam propriis armis protegendum hortantur: ac vetant auxilium Romanorum post eum diem sperare. „In eo enim statu rem Romanam esse, ut sociis longinquis nullam opem possit afferre.

VII. Scoti & Picti, ubi Romanos abiisse, nec denuo reversuros, per exploratores pro certo compererunt, totis viribus, ac multo quam antea acrius, murum aggressi, non modo telis missilibus propugnatores dejecerunt, sed *uncinatis telis*, inquit Beda, id est, (ut ego interpretor) *dorydrepanis*, aut falcibus muralibus, e muro detrahebant, ac superiore munitione defensoribus nudata, operis adhibitis fundamenta subrucebant: & semel aditu patefacto, hostem percussum cogeant, relictis villis atque urbibus, qua cuique commodum erat, fugam intendere. Scoti vero & Picti tam avide vindictæ incubuerunt, ut superiores omnes calamitates præ malis præsentibus tolerabiles hostibus videri possent. Deinde, ubi prædatores, magis lassati, quam satiati miseriis hostium, domum redire, sera tandem subit illa cogitatio, se non tam bona inimicorum, quam victoriæ præmia corrupisse. Igitur, cum in conventu procerum disceptaretur, quomodo tanta victoria utendum esset, primum omnium placuit, agros hostibus ereptos ad sobolis propagationem novis coloniis occupare. Et, ut id consilium salutare videretur, faciebat ingens multitudo fortium, sed inopum virorum, quibus veteres agri angusti erant futuri. Hoc autem rerum secundarum cursu per nationes vicinas divulgato, non solum exulum e Scotia, sed & peregrinorum, domi inopum, vis ingens, velut ad prædam, convenerat, rati Græmum, ætate & rebus gestis florentem, non prius finem belli gerendi facturum, quam totam Britanniam perdomuisset. Verum illi, tot casibus jactato, pronior animus erat ad pacem cum re & gloria amplectendam, quam ad certam felicitatem in periculum incertum conjiciendam. Igitur pacem cum Brittonibus, non modo volentibus, sed etiam cupidis, his legibus fecit: „Ut uterque populus, antiquis finibus contentus, ab alteris abstineret injuriam: limes autem utrisque esset Hadriani vallum.

VIII. Græmus, ita pace confecta, non modo Scotis, sed etiam peregrinis auspicia sua secutis, agros divisit. Regiones prope omnes, quod plerique no-  
vo-

<sup>1</sup> Antea acrius. ] Ita MS. alii autem, acris acrius, sequentis vocis prima hujus ultimam absorbente.

<sup>2</sup> Dorydrepanis. ] Δορυδρεπαν Græci ap-

pellant. falces præcensas, insertas infixasque longuriis, a δόρυ bosso, & δρεπαν, falce.

vorum incolarum peregrini, reliqui vero majore ex parte in exilio nati essent, vetera nomina commutarunt. Gallovidia, Hiberniæ regio proxima, Hibernis sorte data, nomen id apud suos tum celebre creditur accepisse. Cathanefia, quod montana; Rossia, quod peninsula; Buchania, quod magnum e bubus veterigal penderet, dicta. Bogia, & Narnia, & Navernia, & Speia, & Iernia, & Taichia a fluminibus; Abria, a lacu, aut verius æstuario maris, nomen accepit. Plurimæ item cisFortham regiones, Levinia, Glottia, Tuedia, Tevotia, Lidalia, Escia, Evia, Nithia, Annandia & Duglassia, a fluminibus cognominatæ sunt. Multis nomen antiquum permansit integrum: quibusdam paulum immutatum est. Deinde, ut rectis institutis licentiam, diuturnitate belli luxuriantem, compesceret, primum operam dedit, ut monachi doctoresque Christianorum institutorum revocarentur: &, ne graves populo inopi essent, annuos proventus ex agrorum fructibus attribuit: qui, etsi exiles (ut illis temporibus) erant, hominum tamen modestia & temperantia fecit, ut amplividerentur. Præsidia opportunis locis adversus subitas hostium incurSIONES disposuit, partim quæ dejecta erant restitutis, partim novis institutis.

IX. Bellis ita per totam Britanniam restinctis, Brittones, velut, e turbulentissima tempestate recepti, tranquillitatis publicæ bonis fruebantur, ita incertum fecerunt, bellumne eis, an pax plus incommodi attulerit. Dirutis enim urbibus, villis incensis, pecore omnique rustico instrumento amisso, qui hostium sævitiam evaserant, cogebantur, aut venando vitam inopem tolerare, aut latrocinandi licentiam ab hoste adversum suos convertere: adeo ut e pace externa prope domesticum bellum nasceretur. <sup>1</sup> Nec soli exterorum perpetui hostes, etsi ab aperto bello temperabant, subinde proxima populabantur: sed Hibernorum manus, spe lucri invitata, maritimis incurSIONibus miseros & extremis malis obsessos vexabant. Accessit omnium calamitatum extremum famæ, quæ adeo feroces spiritus fregit, ut plurimi sese hosti sponte dederent. Tandem pauci, qui in speluncis latebant, necessitate coacti prodeuntes, vagas prædatorum manus disjecerunt, & Hibernos ad mare compulsos Albio discedere coegerunt. Ea peste vix abacta, propius malum gravius urgere cœpit. Scoti & Picti perpetui hostes, non contenti prædas clam abducere, in occasionem rei majoris <sup>2</sup> animum intenderunt. Eugenius enim Fergusii filius, qui sub aliena tutela ad id tempus quieverat, jam adultis longa pace viribus, ac multa sobole juventutis auctus, specimen sui ostendere cupiebat: &, præter Brittonum infirmitatem, accesserat privata belli causa.

X. Græmus avus ejus maternus, claro genere apud suos, uti diximus, ortus erat: sed ex ea factione, quæ patriam eripere cupiebat e servitute Romanorum. Eam ob causam, ab altera factione validiore domo pulsus, ad Scotos, quibuscum avitum ei hospitium ac multæ aliæ necessitudines erant, se contulit.

EO

<sup>1</sup> Nec soli exterorum perpetui hostes.] i. e. soli exteri, seu inter externos, hoc est, ut ipse paulo inferius in hoc Capite interpretatur, Scoti & Picti. Forte tamen pro

[exterorum] Buchananus [eorum] scripserit.

<sup>2</sup> Animum intenderunt.] Libri editi intenderant.

Eo defuncto, Eugenius agros avitos & fructuosos, qui intra Hadriani vallum erant, per legatos repetebat: ac non obscure præ se ferebat, ni redderentur, bellum se illaturum. Cum legati mandata in concilio Brittonum exposuissent, inter ipsos tanta contentione animorum est certatum, ut prope ad manus venirent. Ferocissimus quisque clamat, „Scotos non tam agros (quibus abuti larent) quam bellum querere: nec insidari tantum alienis calamitatibus, sed patientiam tentare. Si agri negentur, bellum instare; si dentur, hostem immanissimum intra viscera accipi: nec tamen ita pacem habituros, nisi sperent eorum avaritiam paucorum agrorum concessione expletum iri, qui tot, tam amplis regionibus, quibus proximo bello demigratum sit, non sint contenti. Totis itaque viribus ab initio eorum immoderate, imo inexplebili libidini obviandum esse: nec parvarum rerum concessione cupiditatem inflammandam, & augendam audaciam, sed ferro comprimendam licentiam.

XI. Erat in eo concilio Conanus, vir apprime nobilis, & opinione prudentior inter suos clarus. Is cum multa graviter de hostium sævitia, deque præsentis Brittonum statu, disseruisset, „Juventutem fere omnem in transmarinas expeditiones abductam: accessisse & bellum foris, & domi seditiones, & ex inopia famem, quæ reliquias miserrimas aut consumferit, aut debilitarit. Romanas legiones ad domestica bella, spe omni reditus prærepta, abiisse. Pacem cum hoste crudelissimo, parum quidem honestam, sed certe necessariam esse. Id consilium nullo rerum suarum respectu a se datum, sed publica necessitate expressum, hoc esse indicio, quod quamdiu se tueri adversus hostium immanitatem poterant, nulla unquam pacis mentio a se fuisset facta. Neque se ignorare, hanc ipsam, quam suadeat, non fore diuturnam, sed moram tantisper bello facturam, dum vires Brittonum, tot casibus debilitatæ, ac prope fractæ, brevi quiete refocillari ac recreari possint. Hæc cum differenter clamor ab universa concione sublatu conterruit. Occlamabat enim sediciosissimus quisque. „Nullam utilitatem publicam eum spectare: sed regnum sibi frerum externis auxiliis velle parare. Cum ille, e concilio discedens. Deum testaretur. „Se nulla privati emolumenti spe pacem suadere, exorto tumultu a multitudine confossus est. Ejus calamitas effecit, ne prudentiorum quicumque, etsi patriæ interitum aperte videret, vocem tamen auderet liberam mittere.

XII. Legati cum illinc domum re infecta redissent, Scoti & Picti, aliis curis omisiss, in belli apparatus erant intenti. Brittones quoque ita futurum rati, postquam impetus iræ paulum resederat, legatos ad Scotos decernunt, qui simulatione pacis conficiendæ moram belli redimerent, pecuniamque offerrent: ac spem injicerent, „Plus quam bello peteretur posse tractando atque ceddendo impetrari. Belli cuius esse dubios, & exitum incertum: virorum prudentium non esse, quæ ante oculos esset utilitatem negligere, & certo periculo in spem incertam incumbere. Nihil impetratum. Eugenius enim per exploratores resciverat, pacem foris simulari, domi bellum a Brittonibus intensissima cura parari. Igitur, cum ob hanc causam, tum vetere odio, Scoti & Picti incensi, & Brittonum calamitatibus invitati, & rerum successu elati, nil

hil nisi omnia permittentibus concedebant. Exercitibus ergo ad ultimam dimicationem paratis, focii Reges, per aliquot annos vincere soliti, in spem victoriæ majoris erecti erant: Brittonesque, quicquid victis accidere ab hoste infensissimo posset, ante oculos habebant. In hoc rerum atque animorum statu, ubi primum uterque exercitus alteri in conspectum venit, prælium factum est, quale, ante eum diem, Britannis inter ipsos nullum fuerat: tantaque obstinatione animorum est pugnatum, ut vix post longam dimicationem Scotorum dextrum cornu inclinare inciperet. Id conspicatus Eugenius, jam omnibus aliis subsidiis in pugnam promotis, cohortem ad impedimenta relictam in aciem duxit. Ab iis, ut integris adhuc, Brittones, qui ex adverso stabant, loco moti: atque initium victoriæ fuit ab ea parte, unde cladem & perniciem formidaverant. Illius aciei fortunam cæteri Brittones secuti, terga verterunt: cum autem in silvas & paludes, loco ubi pugnatum fuerat propinquas, confugissent, eos palantes, & sparsos & inermes, calones hostium nacti, magnam stragem ediderunt. Cecidere in ea pugna Brittonum ad quatuordecim millia, hostium vero quatuor.

XIII. Secundum hanc pugnam, Brittones, amissa prope omni juventute militari, legatos mittunt, qui nullas conditiones pacis reculent: Reges confœderati, cum omnia sibi permessa viderent, paullum ad misericordiam versi, pacis conditiones, etsi duras, non tamen (ut in rebus afflictis) iniquissimas obtulerunt: „Ut Brittones nec Romanum, nec ullum extræ gentis exercitum arcefferent, „aut ultro advenientem reciperent, aut per suos fines iter præberent. Ut „communes cum Scotis & Pictis amicos inimicosque habeant: neu eorum in- „jussu foedus aut bellum faciant, auxiliave poscentibus mittant. Ut finis eis „esset Humber fluvius. Pecuniæ etiam adjecta summa, quam, in milites dividendam, repræsentarent, quamque in singulos annos penderent. Item „centum darent obsides confœderatorum arbitrio. Has conditiones gravate mul- ti, necessario tamen omnes Brittones acceperunt: atque hanc pacem ut per aliquot annos servarent, fecit eadem quæ eam peperit necessitas.

XIV. Brittones autem, per se infirmi, & ab exteris destituti, ut esset apud quem in commune consulerent, Regem sui generis creant Constantinum, e Britannia Gallica arcessitum, hominem nobilem & domi clarum. Is cum videret Brittonum vires, foris bello, domi latrociniiis & intestinis discordiis fractas, nihil attentandum ratus, decem (quibus regnum tenuit) annis pacem cum vicinis coluit: demum infidiis Vortigerni, hominis potentis & ambitiosi, occisus est. E tribus filiis duo adhuc impuberes erant: tertius, qui erat natu maximus, tanquam rebus administrandis parum idoneus, in monasterium relegatus. Is tamen, opera maxime Vortigerni, qui sub alieni nominis invidia sibi opes parabat, Rex creatur. Agris per pacem cultis, post famem gravissimam successit tanta fructuum copia, quantam nulla memoria fuisse in Britannia est auditum. Inde pacis vitia, longe omnibus bellorum damnis magis perniciofa, sunt enata, luxuria, crudelitas, stupra, ebrietas. Adeo nihil usquam veri & sinceri, ut non solum apud vulgus, sed & inter monachos & sanctioris vitæ professores, æquitas, promissorum fides, vitæ constantia, pro la- di-

dūbrio essent: de quibus luculenta est apud Bedam Anglosaxonem, & Gildam Britannum querela. Interea legati, ab Aetio reversi, in eo nullam spem auxilii esse renunciaverunt. Scripserant enim ad Aetium Brittones literas, quarum paucos versus, a Beda recitados, libuit huc apponere: tum quod miseras gentis breviter indicent, tum quod ostendant, in ratione temporum exponenda, quantus sit apud plerosque scriptores error. Verba hæc sunt: *AETIO tertium Consuli, Britannorum gemitus. Et paullo post: Repellunt Barbari ad mare, repellit mare ad Barbaros. Inter hæc duo genera funerum, aut jugulamur aut mergimur.* Gessit autem Aëtius tertium consulatum cum Symmacho: qui fuit annus <sup>CCCC</sup> a Christo nato quadringentesimus quadragesimus sextus. Neque tamen quicquam auxilii ab eo est impetratum, tum præcipue adversus Attilæ motus intentō.

XV. Cæteris Brittonibus in hanc rerum desperationem redactis, Vortigernus unus malis publicis lætus, quod diu præcogitaverat scelus, in hac omnium rerum perturbatione impune sibi futurum ratus, Regem per corporis custodes, a se adhibitos, obtruncandum curat. Deinde, ut tam foedi facinoris a se suspicionem averteret, velut iræ & moræ in vindicta expetenda impatiens, ipsos custodes indicta causâ interemit. Ita regnum per summum nefas adeptus, nihilo sanctius gessit. Nam, cum civium suorum fidem erga se suspectam haberet, & viribus, utpote infirmis, parum confideret, Saxones, qui piraticam exercebant, & omnia littora infesta late habebant, sibi conciliat. Eorum duci Hengisto, cum valida manu tribus longis navibus ad se advecto, agros attribuit, ut pro Britannia, non jam ut peregrina terra, sed suo domicilio, suisque penatibus, libenter dimicaret. Ad hanc famam, tum tantæ manus e tribus Germaniæ nationibus, Jutis, Saxonibus & Anglis, affluxisse dicuntur, ut jam indigenis formidabiles essent. Primum, circa annum a Christo nato <sup>CCCC</sup> ~~CCCC~~ <sup>XLIX</sup>. iis auxiliis fretus Vortigernus, manum cum Scotis & Pictis conseruit: victorque eos ultra Hadriani vallum repulit. De Eugenio Scotorum Rege duplex est fama: alii in prælio trans Humbrum interisse, alii morbo extinctum scribunt. De morte utut res habet, fati constat ea æquitate remoticam moderatum, ut jure inter optimos Reges connumerari debeat. Quanquam enim primam vitæ partem pene a pueritia usque totam bellis impertiit, tamen sub avi disciplina ita profecit, animumque confirmavit, ut nec licentia militaris (quod plerumque fieri solet) in vitia solverit, aut in moribus ad pietatem conformandis negligentiores fecerit, aut successus rerum secundarum arrogantiores reddiderit. Sed nec pacis otium ingenii acrimoniam & martios viri spiritus fregit: sed ita vitam æquabili tenore temperavit, ut qui studiis bonarum artium instructi se

[A Christo nato 446.] Ita omnino legendum (non vero 450, quod in omnibus exemplaribus est scriptum) ostendit non modo hic locus a Beda citatus lib. 1. cap. 13. quem Chronologorum præstantissimi sequuntur, sed ipsius Buchanani supputa-

Tom. I.

tio paulo inferius, qui Saxones primum cum Scotis & Pictis manum ait conseruisse anno 449. Non enim Saxones a Brittonibus prius sunt arcessiti, quam de Romanorum auxilio desperaverant.

T

I Sc



ad rerum gubernationem conferunt, eos, indole naturali fretus, vel æquarit vel superarit.

## X L I I. R E X.

cccc.  
LII.

XVI. Eugenio defuncto, eodem anno, qui fuit a Christo nato quadringentesimus quinquagesimus <sup>1</sup> secundus, susceptus est frater DONGARDUS, homo plane fraternorum morum: ut qui pace honesta libenter frueretur, &, cum res posceret, bellum non reformidaret. Itaque in utriusque temporis curam intentus, dabat operam, non modo ut omnia ingruente hoste haberet parata; sed etiam ne animi per otium nimis bonis debilitati languescerent, juventutem labore & parsimonia, quoad poterat, a vitiis continebat. Quo minus autem bello clauerit, seditiones domesticæ inter Brittones excitatæ in causâ fuerunt. Hoc igitur metu liberatus, ad cultus divini curam se totum convertit. Nam Ecclesias adhuc turbabant hæresis Pelagianæ reliquiæ: ad quas refutandas missus erat a Coelestino Pontifice Romano, <sup>2</sup> hujus fratre Eugenio regnante, Palladius, a quo instituti plurimi doctrina & vitæ sanctitate clari succreverunt. In primis Patricius, Servanus, Ninianus, Kentigernus. Creditur idem Palladius primus Episcopus in Scotia creasse. Nam ad id usque tempus, Ecclesiæ, absque Episcopis, per Monachos regebantur, minore quidem cum fastu & externa pompa, sed majore simplicitate & sanctimonia. Ad hanc sacrorum repurgandorum curam Scoti tum intenti, & in animi cultu occupati, eam tempestatem bellorum, quæ pene totum orbem affligerat, intacti evasere. <sup>3</sup> Dongardo secundum annum regnante, Vortigerno dejecto, filius ejus Vortimerus Rex a Brittonibus est electus. Is, ut Saxonum vires facilius frangeret, cum Scotis & Pictis antiquum foedus renovavit, quod tempore Carausii factum a tribus gentibus erat adversus Romanos. Huic foederi Dongardus non diu supervixit. Decessit enim post quintum regni sui annum.

## X L I I I. R E X.

XVII. Successit ei frater natus minimus CONSTANTINUS: qui cum privatus satis moderate vixisset, statim regnum adeptus, vitiis omnibus frena solvit. Adversus nobilitatem crudelis & avarus: infimi generis hominibus familiaris. Cum in supra virginum & matronarum, & immoderata convivia se totum daret, circa se symphonicos, & histriones, omnisque generis voluptatum ministros, semper habebat. His vitiis offensi Scotorum proceres, frequentes ad eum venerunt, ac sui eum officii admonuerunt. „Eos ille „adeo superbe contempsit, ut juberet alia curare, sibi satis aliunde consilii esse: „falsam illam spem deponerent, se posse consulendi obtentu Regem in ordinem „cogere. Ut autem erat erga suos arrogans, ita adversus hostes tam dejecto &

<sup>1</sup> Secundus.] [In Tabula regum Chronologica est primus.]

<sup>2</sup> Hujus fratre] Libri omnes [patre,] manifesto errore.

<sup>3</sup> Dongardo secundum annum regnante] Nec minor hic est librorum omnium lapsus, quibus pro [Dongardo] Eugenio est scriptum.

& humili se animo præbebat, ut statim petentibus non modo pacem dederit, injuriasque remiserit, sed arces alias reddiderit, alias dirui permiserit. Hi mores ejus ita Scotos & Pictos commoverunt, ut Scoti propemodum rebellarent, Picti, qui jam antea secreta consilia cum Saxonibus contulerant, per se rebus suis confulerent, & palam tandem foedus icerent. Sed apud Scotos, Dugallus Gallovidianus, cujus<sup>1</sup> ad populum maxima erat auctoritas, multitudinem oratione blanda in præsentia cohibuit, fatendo quidem, „Pleraque vera, quæ dicerent; justa, quæ peterent. Sed, si ad præsentia mala civile bellum accederet, summæ rei periculum esse, cum jam regnum ab interitu vix posset sisti, „Pictis abalienatis, Brittonibus (Vortimero extincto) incertis amicis, Saxonibus (quibus maximæ erant vires ad bellum, summa in victoria crudelitas, in „commerciis nulla fides) in perniciem omnium vicinorum semper intentis. „ Et populo quidem majorum natu prudentia lenito, cum Rex, in magno apud omnes odio & contemptu, tamen regnaret, tandem a nobili Æbudenſi, ob stuprum per vim filiae illatum, cæsus fuit, anno quam regnare cœperat quinto decimo. Hæc vulgatioꝝ fama est. Verum ego Joanni Fordono magis accedo, qui in Scotichronico tradit, cum viginti duos annos regnaſſe, ac tandem diuturno morbo consumptum.

XVIII. Eo regnante venit in Britanniam hanc e minore Aurelius Ambrosius, Constantini, qui ante complures annos regnum tenuerat, filius: sed eo per fraudem cæso, ac fratre, qui post patrem regnum gesserat, a Vortigerno per dolum sublato, duo reliqui Constantini filii per amicos paternos in Britanniam Gallicam fuerunt transvecti. Verior, opinor, hæc est Aurelii Ambrosii origo, quam quæ a quibusdam aliis traditur, in quibus etiam est Beda, qui cum Romani generis ultimum in Britannia rerum fuisse potitum tradunt. Hi fratres, Vortimero novercæ fraude extincto, & Vortigerno Regium nomen sine auctoritate & potentia tenente, jam adulti & regni potentes, cum favore & expectatione hominum in insulam ad repetendum regnum paternum reversi, non spernenda Brittonum e Gallia secum auxilia attulere. Priusquam advenas jam commoverent oppresso in Vallia Vortigerno, legatos mittunt ad Scotos & Pictos, amicitiam & arma socia adversus Saxones, acerrimos nominis Christiani hostes, petentes. Et a Scotis quidem, benevole accepta legatione, foedus cum Constantino prius ictum renovatur: quod ab eo die perpetuo fere tenore mansit inviolatum, donec regnum Brittonum ab Anglis, Picticum a Scotis fuit oppressum. A Pictis autem responsum est legatis Brittonum, „Se foedus habere cum Saxonibus, quod ut violarent, nullam adhuc intervenisse causam. Cum eis omnia sibi prospera & adversa posthac fore communia. Ita insula tota rursus in duas factiones abiit, Scotis cum Brittonibus adversus Pictos & Saxones assidue bellum gerentibus.

## XLIV.

1 *Ad populum.*] Importuna hic est diligentia editionis Mosmannianæ pro *ad populum*, reclamante omnium librorum fide, *apud populum* reponentis, quasi vero non solitum Latinis sit ita loqui; Cic. ad Fam.

V. 10. *Ad Cæsarem meam causam agos.* In Bruto. *Cum Cato contra Serg. Galbum ad populum summa contentione dixisset.* Pro Roscio Comædo, *Quis unquam ad arbitram quantum petit, tantum abstulit?*

## XLIV. REX.

XIX. Constantino successit CONGALLUS, e Dongardo Constantini fratre genitus. Vir ad bellum quidem pronior: sed nihildum committere ausus, populo sub imperio patrui inter convivia & stupra fracto. Nec, multorum sententiis ejus ingenio (ut apud Reges fieri solet) velificantibus, ad bellum faciendum induci potuit. Primum, se moribus publicis emendandis dedit, nec tamen, priusquam creatis novis magistratibus, & per eos litibus, furtis & latrociniiis cohibitis, disciplinam veterem revocare est aggressus. Pace domi parta, cæteros, suo primum exemplo, ad temperatiorem vitæ rationem inducere est conatus: deinde, si quos in flagitiis pertinacius hærentes animadvertisset, partim castigando leniter, partim tanquam nihili homines contemnendo, brevi omnia in pristinum statum redegit. Initio imperii, cum (uti dictum est) totum se studiis pacis dedidisset, Brittones Aurelio Ambrosio suadere cœperunt, ut Vestmariam, a Scotis jam multos annos occupatam, repeteret. Verum cum, legationibus ultro citroque frustra missis, res ad arma spectare cœpisset, metus ab hoste communi disceptationi finem imposuit. Fœdus a Constantino factum renovatur. De Vestmaria nihil mutatum. Toto tempore, quo regnavit Congallus, bellum quidem cum Saxonibus erat, sed lentum, & per fortuitos inter prædas agendum congressus, quo in genere Scotus, levis & procurator miles, & equitatus maxime fidens, se hosti præstare existimabat. Nunquam ad universæ rei periculum est devenit. Congallus enim, qui fortunæ arbitrio quam paucissima committenda censebat, partem suorum ad Aurelium Ambrosium auxilio mittebat, cum reliquis hostem fatigando distinebat, ac nocte dieque semper sollicitum tenebat.

XX. In horum & proximorum Regum tempora inciderunt Merlinus & Gildas, ambo Brittones, magnum apud posteros ob divinandi opinionem nomen consecuti. Sed Merlinus ætate paullo major, egregius impostor ac veterinarian potius, quam vates habendus. Circumferuntur ejus vaticinia, obscura quidem illa, & nihil certi continentia, quæ vel, antequam eveniant, sperare, vel cum evenierint promissa, vera audeas affirmare. Præterea ita composita sunt, ut eadem ad multa diversarum rerum eventa circumflectere & accommodare possis. Ea cum quotidie interpolentur, & novis accessionibus accrescant, tamen hominum credulorum tanta est insania, ut quæ non intelligant, quovis sacramento vera esse contendere non dubitent: nec, in manifesto interim deprehensi mendacio, se coargui patiantur. Posterior vero, Gildas, vir bonus & doctus, in magna veneratione habitus est, & vivus & mortuus, ob egregiam doctrinam cum vitæ sanctitate conjunctam. Vaticinia, quæ nomine ejus circumferuntur, ita & sententiis sunt ridicula, & verbis totoque compositionis genere informia & inculta, ut ea nemo sanus Gildæ esse sit crediturus. Contigit quoque utrique pro moribus patronus. Merlino enim primo Vortigernus, deinde Uterius, apud quem stupri interpret & conciliator fuit; Gildæ Aurelius Ambrosius, vir nihilo morum probitate, quam victoriis bellorum minus admirandus: quo mortuo, Gildas in Avalloniæ secessu vixit & decessit sanctissime. Ejus meminerunt libri

no-



nostri, de vita Aurelii Ambrosii: cui vita functo successit e tribus Constantini filiis minimus Uterius, anno salutis humanæ quingentesimo. Ac proximo post anno, Congallus Scotorum Rex, vicesimo secundo quam regnare cœperat anno, decessit.

X L V. R E X.

XXI. Et huic successit GORANUS frater: qui ejus exemplo, quantum per externa bella licuit, summa pietate & justitia rem Scoticam gubernavit, neque solum, Regum bonorum vetere instituto, regiones omnes obeundo, in facinorosos animadvertit: sed potentiores, quo minus in tenues & imbecillos, sibi obnoxios, grassarentur, adeo ut accepta injuria queri non auderent, deterruit, ne acerbius dominarentur, institutis exploratoribus, qui crimina tabulis inscripta ad se deferrent: remedium illis temporibus forte necessarium, sed nunc certe anceps, & non mediocriter periculosum. Ejus maxime studio & auctoritate factum est, ut Picti, relicta Saxonum amicitia, fœdus communiter cum Scotis & Brittonibus inirent. Erat tum Pictorum Rex Lothus, omnibus corporis & ingenii bonis omnium æqualium præstantissimus. Cum eo diligenter Goranus egit; „ Ut se a societate hominum barbarorum segregaret, me-  
„ mor communis patriæ, in qua natus esset, communium item factorum.  
„ Quod si Scotis & Brittonibus superatis fidam sibi cum Saxonibus pacem fore  
„ speret, cum vehementer decipi: quippe cum hominibus inhumana crudelita-  
„ te, inexplebili avaritia. Eos documentum satis perspicuum dedisse, quam ni-  
„ hil apud eos sanctum esset, cum Brittonum nobilitatem, optime de se meri-  
„ tam, ad colloquium evocatam, per summum scelus trucidarunt. A socero ser-  
„ vatum esse generum, non ad calamitatis aliquod subsidium, sed ad hostis lu-  
„ dibrium. <sup>1</sup> Fœderum sanctitatem, quod apud alios amicitia firmissimum vin-  
„ culum creditur, apud eos pro insidiantium laqueis, quibus viri simplices &  
„ incauti capiantur, existimari. Quorsum attinebat, tot subire pericula, ut se  
„ a Romanorum dominatione liberarent, si Saxonibus in duriores & longe fœ-  
„ diorem servitutem sint sponte sese tradituri? hoc enim non esse conditionem,  
„ sed dominum mutare; & miti & humano truculentum & barbarum præferre.  
„ Quantæ stultitiæ sit, aut potius dementiæ, agros Scotis & Brittonibus adi-  
„ mere, quos Germanis tradant: & homines, nuper amicos, multisque vetu-  
„ stis officiis & necessitatibus sibi junctos, dispoliare, ut piratas, communes  
„ humani generis hostes, ad suum exitium opibus augeant? Homini vero Chri-  
„ stiano id longe omnium videri debet gravissimum, in id fœdus consentire,  
„ quo religio Christiana exstinguatur, profani ritus revocentur, & <sup>2</sup> pro im-  
„ piis tyrannis, omnis humanitatis & pietatis hostibus, arma nefaria adversus Deum  
„ & ejus legem induere.

XXII. Hæc

<sup>1</sup> Imbecillos.] Ita MS. Edinb. Genev. quod Francof. quæque eam secutæ sunt Edit. sine causa in [imbecillos] mutarunt, cum utrumque ex æquo Latinis dicatur.

<sup>2</sup> Fœderum sanctitatem.] Libri omnes san-

ctitas quod, cum durum admodum hoc in loco videretur, nos in [sanctitatem] auli suimus mutare.

<sup>3</sup> Pro impiis tyrannis.] Ita MS. alii omnes, prope impiis.

XXII. Hæc quidem Lothus vere dici intelligebat. Itaque Gorano rem integram committit. Ille Uterio facile persuadet, ut non in amicitiam tantum, sed affinitatem Picus assumatur, data ei uxore Anna, sive sorore, sive ex legitima uxore filia. Ego eis potius accedo, qui sororem fuisse tradunt: atque errorem ex eo natum puto, quod Uterius aliam ex concubina Annam sustulisse dicatur. Hoc patrato trium Regum fœdere, multæ de Saxonibus partæ victoriæ: ac nomen Uterii magnum & formidabile per totam Britanniam esse cœperat. Omnibus fere Saxonum ducibus occisis, & superstitum fracta potentia, rebusque prope apud eos desperatis, Uterius inter maximos ætatis suæ Reges poterat recenseri, nisi flagitio fœdo, cum ingenti scelere conjuncto, magnis virtutibus maculam aspersisset. Erat inter principes Britannorum Gorlois, virtute & potentia clarus. Ejus uxorem Igernem, forma præstantem, Uterius adhuc privatus deperibat. Sed cum omnia circa eam obsepta pudicitia libidini ejus obstarent, tandem per Merlinum, hominem audacem & maleficum, mulieris continentiam expugnat. Ex hac stupri consuetudine natus est eis filius Arcturus. Uterius, legitima uxore mortua, liber a vinculis nuptialibus, & Rex factus, (ut sibi persuadebat) solutus legibus, cum Igerne desiderium ferre non posset, temerarium ex amore consilium capit. Crimine adversus Gorloim confecto, arcem ejus obsessam capit: ipsum interimit: Igernem uxorem ducit, & Arcturum filium agnoscit, atque omni indulgentia in spem regni educat. Ut autem uxoris infamia (quando regi non poterat) saltem elevaretur, fabulam confingunt, non dissimilem ei quæ de Jove & Alcmena in theatris sæpe actitata fuerat: Uterium scilicet arte Merlini in faciem Gorloidis versum, primam cum Igerne habuisse consuetudinem. Et erat is Merlinus, qui pravo potius, quam nullo facinore vellet nobilitari.

XXIII. Arcturus igitur, ex hoc furtivo congressu genitus, ubi primum e pueris excessit, non solum corporis lineamentis, sed animi etiam indole talis apparuit, ut & parentum & reliquorum civium animos oculosque in se converteret, & futuræ magnitudinis multa indicia exhiberet, cumque, mortuo patre, omnes Regem sibi destinarent. Et pater, hoc velut populari omine lætus, vulgi cupiditatem ita omni arte fovebat, ut jam cuncti in certam spem venirent, se non alium regni hæredem habituros. Uterio, cum septemdecim regnasset annos, vita functo, statim ei successus fuit Arcturus, multum obnitente Lotho Rege Pictorum, qui suos liberos (binos enim habebat ex Anna Arcturi amita natos, jam tum pueritiam egressos) graviter querebatur, regno fraudari, spuriumque ex adulterio genitum, eis præferri. Contra Brittones universi pro Arcturo stabant: ac pro spurio habendum negabant: quod Uterius matrem ejus, etsi eo jam nato, uxorem tamen duxisset, eisque nuptiis filium legitimo loco sibi recepisset; atque ex eo semper cum pro legitimo habuerit. Sed quanquam hunc juris colorem prætenderent, plus tamen Arcturo profuit præclara indoles, & virtutum speciem sæpiuscule exhibitum, & velut tacita quædam in omnium animos impressa divinatio de ejus claritate futura. Adeoque omnes in ejus partes ierant præcipientes, ut Lothus, non solum illa juris specie, (quæ certe post id semper in Britannia valuit,) sed studiis & populari gratia

tia



tia superatus, a regno petendo destitit: eoque facilius, quod liberos, quibus regnum petebat, Brittonibus infensis committere non auderet. <sup>1</sup> Moverunt etiam preces amicorum, qui affirmabant: „ Nullum regnum tanti ei debere videri, ut ad everfionem religionis Christianæ societatem cum hominibus infidis coiret: „ qui nihilo sanctius amicitiam & foedera cum eo culturi essent, quam cum Brittonibus ante coluissent. Movit etiam & ipsius Arcturi ingenium liberale, & supra ætatem animi magnitudo. Igitur foedus, a prioribus Regibus inter Scotos, Pictos Brittonisque factum, denuo est confirmatum: tantaque ex eo secuta est familiaritas, ut Lothus Galvinum, e duobus filiis minorem, ubi primum per ætatem labores ferre poterat, in aulam Brittonum se missurum sit pollicitus.

XXIV. Iniit regnum Arcturus, decimo octavo ætatis anno nondum expleto. Sed, ut ei animus supra ætatem erat, ita animo excello nunquam successus defuit. Cum pater ejus regnum certis finibus cum Saxonibus divisisset, pacemque tertis legibus consecisset, plus apud eos valuit occasionis ex adolescentia Regis blandimentum, quam foederum sanctitas. Arcturus, ut incendium in ortu ipso statim exstingeret, collecto citius omnium opinione exercitu, accitisque Pictorum & Scotorum auxiliis, duobus magnis præliis hostem vicit: & ad tributum pendendum legesque accipiendas compulit. Eodem impetu caput regni Saxonici Londinum capit, & rebus ibi compositis recta Eboracum ducit. Sed auxiliorum e Germania advenientium fama & propinqua hiems, obsidionem solvere coëgit. Proxima æstate Arcturus, metu ingenti ex anni superioris repentino successu injecto, ubi primum Eboracum advenit, oppidum per deditionem recepit. Eo undique vicinorum & civium nobilitate adveniente, cum ibi hiemaret, extremo Decembri, omnibus lætis, & potationi, cæterisque, quæ ex ea nascuntur, vitiis, deditis, renata est veterum Saturnaliorum imago, sed numero dierum duplicato, & apud potentiores triplicato, quibus diebus prope nefas habetur aliquid seriæ rei agere. Munera mittuntur. Fit mutua & proluxa inter amicos invitatio. A ministrorum castigatione abstinetur. <sup>2</sup> Nostri *Julia* id festum vocant, <sup>3</sup> Cæsaris videlicet nomine pro Saturno substituto.

Vulgo

<sup>1</sup> *Moverunt etiam preces amicorum.*] Ita MS. quod & confirmat lin. 6. *Movit etiam & ipsius Arcturi*, &c. Libri tamen editi, *Moverant etiam preces*, &c.

<sup>2</sup> *Nostri Julia id festum vocant.*] ita omnes libri, non *Juliam*, quod quidam forte velint, non attendentes festorum nomina Latinis numero multitudinis plerumque effectri.

<sup>3</sup> *Cæsaris videlicet nomine*] A Julio igitur Cæsare natalem Christi diem, nobis *FUL* vulgo appellatum, audacter nimis deducit Buchananus, nulla alia re præterquam vocum similitudine subnixus. Nihil enim memorabile hoc anni tempore, nedum die,

egisse Julium Cæsarem usquam legimus: natus enim 6 Idus Julii, cui mensi obeam rationem suum nomen imposuit, cum antea Quintilis appellaretur: occisus autem est Idibus Martiis, ante Christum natum 44. Quæ duo tempora a 25. Decembris longe distant. Absurdum porro mihi videtur existimare veteres illos Saxones, qui ante plurima secula, & primi forsan hac voce *Geol* pro Christi natali sunt usi, adeo mundi Servatoris fuisse oblitos, ut ejus salutaris mortalibus ortum recolentes Julii Cæsaris nomine nuncuparent. Quamcunque igitur vocabulum hocce originem habere velimus, aliam certe ab ea, quam Buchananus comminiscitur esse necesse est.

Et

Vulgo persuasum est natalem Christi iis cærimoniis coli: qua in re verius Bachanaliorum lasciviam, quam Christi tum nati memoriam, referri satis constat.

XXV. Interea, cum Saxones ad Humbrum dicerentur habere castra, Arcturus ad dubia adhuc signa veris ad eos ducit. Fracti voluptatibus Brittones, cum segnius militiæ munera obirent, nec iidem viderentur, qui tot præliis Saxones fuderant, tantumque per otium luxuriosum viderentur ad temeritatem adjecisse, quantum de severitate disciplinæ detraxissent, a senioribus orta mentio est, de Scotorum & Pictorum auxiliis arcessendis. Id facile per legatos impetratum: & quos ambitio pene diremerat, ita conciliavit studium religionis, & accendit æmulatio, ut opinione citius ab utroque Rege copiarum adessent. Lothus etiam, ut animi reconciliati daret apertius testimonium, Modredum & Galvinum filios in castra secum adduxit. Galvinum etiam Arcturo comitem dedit: quem ille tanta humanitate complexus est, ut post eum diem simul & vitam transegerint & mortem obierint. Parato a tribus Regibus exercitu, castrisque conjunctis, ut, quemadmodum erat omnibus commune periculum, ita eadem periculi causa videretur, magno consensu ab universis constitutum, ut, expulsis Saxonibus, Christiani ritus, & pietatis cultus ab eis profanatus restitueretur. Cum castra jam castris prope essent collata, Occa superioris Occæ filius, qui tum Saxonum erat imperator, nullam pugnae moram fecit. In exercitu sociali, cornua Scotis & Pictis, acies media Arcturo commissa. Scoti, primo statim congressu, Childerico, qui ex adverso steterat, hostium duce, ex vulnere collapsus, cæteris ejus casu territis, cornu disjecerunt. In altero Colgernus Saxo, multa in Pictorum perfidiam jurgatus, in Lothum, habitu corporis & armis conspicuum, impetu facto, cum ex equo deturbavit: ipse in medium ab hostibus acceptus, a duobus Pictis utrinque hastis transfigitur. Media acies, ubi acerrime pugnabatur, cornibus nudata, tandem & ipsa cessit. Occa saucius ad mare delatus, cum cæteris, quibus navium copia fuit, in Germaniam transmisit. Ex iis qui remanserunt, pertinaciores in errore suo morte multati: reliquos simulatio Christiani ritus incolumes servavit.

XXVI. Restabant adhuc in Orientali Anglia & Cantio validæ Saxonum copiarum. In eos Arcturus, æstate quæ secuta est, movit, adjunctis ad suos denis Scotorum & Pictorum millibus, quorum alteris Congallus Eugenii, alteris Modredus Lothi filius, præerat, juvenes magnæ spei, & qui sæpe fortitudinis & prudentiæ specimen præbuisent. Is trium Regum exercitus, cum circiter

Et quidem vocem *YULE* Skinnerus a Latino Hebraico *Jubilum*, Rajus a Cambrico *Gwiliay*, i. e. dies festi, & hoc rursus a Latino *Vigilia*, Alex. Monrous a Francico *Noel*, i. e. Natalitia Christi; alii denique alio modo deductam existimant; veram autem nominis Etymologiam primus indagasse videtur Henricus Spelmanus Gloss. in voce *Mona*, pag.

420. qui *Geol* inde appellatum affirmat, quod Decembri celebraretur, qui mensis Anglofaxonibus *Giuli*, teste Beda, vocabatur, quo & annum inchoabant. Si cui vero hujus quoque vocis originem longius scrutari est animus, is adeat eruditissimi Hickeys Linguarum Septentrionalium thesaurum, pag. 209, 211, 212, &c.

1 *Fracti voluptatibus.*] MS. *fracti deliciis*  
1 *Terra*

ter quinque millia ab hostibus abesset, tenuisque castris diversi tenderent, Saxones, per exploratores comperto, apud Pictos (qui longiuscule a reliquis copiis tendebant) summam esse negligentiam, eos de nocte repente invadunt. Modredus, cum fortiter diu resistisset, tandem prope desperata salute, cum Galvano socero in equum impositus, ad Arcturum venit. Ille nihil Pictorum clade territus, cum diem rebus, quæ turbatae erant, componendis dedit. Itinere exercitui denunciato, de tertia vigilia triplici acie in hostem ducit: ac, priusquam Saxones quid ageretur scire possent, ad castra pervenit. Illi dum trepidi concurrant, nec temporis, vel ad consilium capiendum, vel se armandum, satis haberent, passim a Brittonibus vallo superato trucidantur: ab iratis maxime Pictis in omnes sine discrimine saevitum. Quidam scriptores rerum Anglicarum tradunt, Arcturum duodecims cum Saxonibus signis collatis dimicasse: sed cum nihil, præter nuda locorum nomina, in quibus pugnatum dicunt, ponant, id satis habui lectores admonere. De rebus ejus gestis ut summam dicam, illud inter omnes constat, Saxonum viribus attritis, pacem ab eo Britanniae partam: & dum ad res in minore Britannia componendas profectus abesset, Modredo propinquo suo regnum commendasse, ut usque ad suum reditum pro Rege præfesset: quas autem res in Gallia gesserit, nihil quod pro certo scribam habeo. Quæ vero Galfridus ab eo gesta refert, nullam habent umbram, ne dicam similitudinem, veritatis. Ea igitur, ut impudenter ficta & temere credita, omitto.

XXVII. Igitur ut ad rem redeam, dum Arcturus rebus Gallicis componendis intentus abest, jacta sunt semina belli terræ Britanniae longe perniciosissimi. Erat in comitatu Arcturi Constantinus quidam, Cadoris filius: qui ob eximias & animi virtutes flagrantissima apud omnes gratia erat. Is cum occulte ambiret, ac populum paullatim suum faceret, procures, Regem aliquando vacuum a negotiis nacti, sermonem de successore iniecerunt. Orant, „Ut reliquis infinitis „in patriam beneficiis hoc adjiciat, ne, si ipse liberorum orbis moreretur, „etiam Britanniam Rege orbatam relinquat, præsertim tantis bellorum procel- „lis imminentibus. Sub hæc, cum quidam nominasset Modredum, genere maxime propinquum, ac jam bello & pace rebus moderandis assuetum, & qui hac vicaria regni administratione specimen sui dedisset, quique non parvam accessionem esset ad res Britannicas adjecturus; succlamatum est a multitudine Constantino faventium; „Se peregrinum Regem nolle: neque Britanniam „adeo viris effectam esse, ut non sui populi rectorem ex sese possit edere. Stultum esse, cujus domi copiam habeant, foris quærere. Senserat jam pridem Arcturus populi in Constantinum studia. Itaque, homo alioqui ambitiosus, facile suorum voluntati acquievit: ac ex eo die juvenem non cessavit producere, & ad spem regni propius admovere. Hanc injuriam cum amici Modredi ostenderent se moleste ferre, ac fœdere Arcturi cum Lotho cautum dicerent, „Ne „in regni successione quisquam liberis Lothi anteferreretur, „respondebatur; „Fœdus id, adversus publicam totius gentis utilitatem, temporum necessitate „ex-

1 *Terre Britannia.*] Vide supra Lib. I. 48.  
Tom. I.



„expressum : neque , Lotho auctore mortuo , eo se teneri. Proinde recte facturos Pictos , si finibus antiquis contenti alienis abstinerent. Britannorum regnum nunc Dei benignitate in eo statu esse , ut non modo novas injurias prohibere , sed veteres etiam ulcisci possit.

XXVIII. Hæc ad Modredum perlata , penitus animum ejus ab Arcturo averterunt , & ad dignitatem suam tuendam converterunt. Tantum bello moræ fuit , dum Scotorum animos experiretur. Eis ad causam adductis , scribitur exercitus ex Pictis , Scotis , & frequentibus Brittonibus , vel æquitate causæ , vel privato in Arcturum odio , aut Modredum benevolentia , persuasis. Nec putatur Vanora , uxor Arcturi , novorum consiliorum fuisse ignara , ut quæ stupri consuetudinem cum Modredo crederetur habere. Exercitus utrinque ad Humbrum castra contulere. Cum jam in procinctu starent , tentata concordia est per utriusque partis Episcopos , sed frustra , Constantini propinquis obnitentibus , omniaque prona Arcturi felicitati affirmantibus. Concursum est ingentibus utrinque animis. Sed Modredo & confederatis duo potissimum fuere auxilio , locus in medio paluster , Brittonibus transitu difficilis , & in ipso pugnae ardore subornatus , qui Brittones moneret , „ Ut , Arcturo cæso , rebus perditis , suæ quisque salutem consuleret. Ea vox in fugam eos vertit : magna tamen cædes utriusque partis facta. Victoria neutris læta fuit , cæso ab altera parte Modredo , ab altera fratre ejus Galvino , atque Arcturo lethaliter vulnerato. Præda ingens capta. Non ignoro , quæ de vita & morte Arcturia multis fabulose tradantur : sed indigna relatu sunt , & viri clarissimi rebus gestis tenebras offundunt. Nam , dum tam asserebant mendacia affirmantur , sæpe veritas in dubium vocatur. Fuit certe vir magnus , & singulari fortitudine , & caritate in patriam , vel dum suos a servitute liberat , vel cultum Dei sincerum revocat , vel vitiatum restituit. Hæc nos de genere , vita & morte ejus , pluribus , quam instituti operis ratio poscebat , sumus profecti : ut quibus non universas Britannorum res gestas complecti , sed partim ab oblivionis injuria , partim a fabulosis male feriatorum hominum commentis , res gestas nostræ gentis liberare fuit propositum. In Arcturi vero rebus longiuscule sumus immorati , quod plerique eas , partim per invidiam nimis parce , partim per vanitatem nimis verbosè , persequantur. Mortuus est anno Christi D. XLII. regnavit annos XXIV.

D.  
XLII.

XXIX. Ut ad res Scoticas redeamus , Goranus Rex ' magno jam natu decesserat , postquam triginta quatuor annos præfuisset Scotis , suorum (ut creditur) fraude extinctus. Erat quidam Toncet , supremus rerum capitalium quæstor , homo non minus crudelis , quam avarus. Is , cum adversus ditiores multa fæva facinora patrasset , facilem omnium sperabat apud Regem veniam , quod hac ratione fisci commoda non nihil auxisset. Populus , cui non facilis erat ad Regem , senio & morbo invalidum , aditus , nec , si adire licuisset , adversus hominem primum & gratiosum fides , Toncetum aggressi trucidant. Deinde , post-

*1 Magno jam natu* Crafordius legendum vult *magnus* : nulla quidem ratione ; ita enim locutus est Livius lib. 21. cap. 34.

*Magno natu principes* , & C. Nepos Ti-moth. cap. 3. *Hic cum esset magno natu.*

1 Con-

postquam impetus iræ deferbuit, cum secum cogitarent, quantum facinus admittissent, nullumque veniæ impetrandæ locum prospicerent relictum, in ipsam Regem impetum odiumque converterunt: ac, incitante Donaldo Atholio, in aedes intromissi, cum interimunt.

XLVI. REX.

XXX. Ei successit EUGENIUS, Congalli filius. Hunc cum ad ulciscendam Gorani patrui necem quidam nobiliorum hortarentur, eorum orationem adeo negligenter accepit, ut ipse suspicione sceleris non caruerit. Eam etiam opinionem auxit acceptus in amicitiam & familiarem consuetudinem Donaldus Atholius. Gorani igitur uxor, liberis parvis timens, cum eis in Hiberniam secessit. Eugenius autem, ut se vita moribusque purgaret, ita regnum gessit, ut nemo superiorum Regum jure ei præferri possit. Cum vicinis nullum per se bellum gessit. Modredum adversus Saxones, atque etiam Arcturum auxiliis juvit. Assiduus per varios duces excursionibus Anglorum fines infestos habuit: nunquam iusto exercitu cum eis congressus. Regnum tenuit annos XXIII. decessit D. LVIII.

D.  
LVIII.

XLVII. REX.

XXXI. Post eum successit frater ejus CONVALLUS: qui decem annos regno in summa pace præfuit: vir ob egregias virtutes omnium seculorum memoria dignus. Nam, præter aequitatem in jure dicundo, & animum adversus avaritiam invictum, certabat moderatione vitæ cum monachis, qui castitate severissima disciplina utebantur. Sacerdotes prædiis aliisque proventibus ditavit, pio magis studio, quam felici successu. Juventutem declinantem ad molitiam & luxum, pacisque bonis abutentem, magis vitæ exemplo & auctoritate, quam legum severitate, continuit. Filios Gorani, qui metu Eugenii in Hiberniam secesserant, revocavit. Sed ante reditum eorum ipse decessit, anno a Christo nato D. LXVIII. Rem bellicam non attigerat, nisi quatenus Brittones auxiliis juvit adversus Saxones, cum quibus varia fortuna sæpe pugna-

D.

tunt.

XLVIII. REX.

XXXII. Eo defuncto, & fratre ejus KINNATELLO Rege designato, Aidanus Gorani filius venit in Scotiam, hortante viro sancto Columba, qui ante biennium ex Hibernia accesserat. Per eum ad Regem ductus, præter & suam & multorum spei humanissime accipitur, ac bono animo esse jubetur, ut qui brevi regnatus esset. Kinnatellus enim & morbo & ætate confectus, cum Regio muneri non sufficeret, ipse, Aidano ad rerum gubernaculum admoto, quarto decimo, aut ut alii quinto decimo, quam regnare coeperat, mense,

dies

1 *Convallus*.) Libris editis *Congallus* nominatur, ac MS. & cum eo consentientes Fordonus, Boethius, Lessius, &

ipsi etiam libri editi in fine cap. 32. huj. lib. *Convallum* appellant.



diem suum obiit. Sunt qui, hoc omisso, Aidanum statim Convallo subijciant: Verum plures auctores inter eos Kinnatellum inferunt.

## X L I X. R E X.

XXXIII. AIDANVS Rex nominatus a Kinnatello, & a populo confirmatus, a Columba Regia accepit insignia. Erat enim illis temporibus tanta ejus viri auctoritas, ut nihil Reges populusve absque ejus consilio susceperet. Actum quidem, cum satis longa oratione hortatus esset omnes; „ Ut Rex erga „ populum æquitate, populus erga Regem observantia uteretur, „ universos „ vehementer rogavit, „ Ut in puro Dei cultu persisterent: ita enim fore, ut „ utrisque omnia prospere succederent: sin aliter facerent, dignum male patratiss „ expectarent exitium. His ita peractis, ad suos discessit. Prima Aidani expeditionis fuit adversus latrones, Gallovidiam infestantes. Eo profectus, ducibus eorum supplicio affectis, ceteros metu compescuit: sed cum inde reversum major tempestas excepit. Nam, postquam tribus conventibus in Gallovidia, Abria & Cathanesia habitis, omnia pacata existimasset, inter venandum oborta seditione, ac cæde atroci patrata, ministri Regii, qui noxios in jus vocabant, pulsati; auctores, poenarum metu, in Lothianam ad Brudeum Pictorum Regem perfugerunt. Ab eo cum per legatos ex fœdere petiti non redderentur, bellum grave inter Scotos & Pictos exarsit: sed id brevi, opera Columbæ, cuius apud utrosque merito plurimum valebat auctoritas, extinctum.

XXXIV. Interea Anglia iterum in septem regna divisa, & Brittonibus in peninsulam Valliam compulsis, Saxones, non contenti tam late patentibus agris, novum bellum inter Scotos & Pictos suscitant. Ejus auctor & fax fuit Ethelfridus, Northumbriæ Rex, homo avarus, & ob regni augendi cupiditatem pacis impatiens. Is Pictis, ægre consentiente Brudeo, persuasit, ut prædas abigendo ex agro Scotico semina belli jacerent. Aidanus quoque, fraude Saxonis intellecta, ut & ipse peregrinis auxiliis se firmaret, cum Malgone Brittone fœdus antiquum renovavit: Filium Grifinum, & sororis filium Brendinum, Euboniæ, quæ nunc est Manna, Regulum, hominem militarem, cum copiis misit. Hi, castris cum Brittonibus conjunctis, Northumbriam ingressi, tertio die ad hostem perveniunt: sed Angli, nova expectantes auxilia, quæ non procul abesse dicebantur, pugnam detrectabant. Adveniebat enim Ceulinus, Occidentalium Saxonum Rex, vir bellicosissimus, cum magnis copiis. Hunc Scoti & Brittones in itinere adorti, primam ejus aciem (quæ satis longe ceteros anteibat) integram cum Cutha filio occisione occiderunt: reliquos quo minus aggrederentur, fecit timor, ne ab Ethelfrido, qui non longe aberat, circumvenirentur. Conjunctis igitur duobus Saxonum Regibus, rursus congressi, multa utrinque cæde edita, victi sunt & fugati Scoti & Brittones. Cæsi e Scotorum

1 Occidentalium Saxonum Rex ] Ita legendum, non [ Orientalium, ] quod omnes libri habent. Vide Tyrellum Hist. Angl. vol. 1. pag. 159. qui hunc Buchanani errorem perstringit.

2 Cum Cutha filio. ] Idem Tyrellus alique Scriptores Angli hunc Cutham prælio a Brittonibus aliquot ante annos casum affirmant.

primoribus Grifinus & Brendinus: ex acie adversa Ethelfridus altero oculo orbatus: Brudeus faucibus e pugna elatus, cum magna trepidatione suorum.

XXXV. Ethelfridus, proxima ætate, Pictorum copiis ad suas adjunctis, in Gallovidiam duxit, ratus, ex superioris anni infelici prælio, se plena formidinis omnia inventurum. Verum Aidanus, cum illuc citius hostium opinione venisset, palantes prædatores aggressus, in castra trepide eos coëgit. Ita, temeritate castigata, quietiores fore ratus, nocte proxima, præteritis eorum castris, se Brittonibus conjunxit. Ambo exercitus, viribus in unum coactis, cum in valle angusta Annandiæ confedissent, hostes, obsessis faucibus, eorum exitio imminabant. At illi, communitis castris, ut manentium speciem præberent, nocte, recedente maris æstu, per nota inter instabiles arenas vada, in Cumbriam, ac deinde Northumbriam, duxerunt, fœda populatione quacunque ierant facta. Hostes eorum vestigia secuti. Statim ubi in mutuum conspectum venire, utrique se ad pugnam expediunt. Scoti & Brittones, ut pluribus ducibus vulgus temerarium regeretur, ad priores duces quatuor homines nobiles, bellicarum rerum experientes, adjiciunt: e Brittonibus Constantinum & Mencerinum; e Scotis Calenum & Mirdacum. Horum ductu & hortatu tanto impetu milites irruerunt in hostem, ut statim impulsus fugam capefferet. Hanc victoriam, fama est, eadem hora, qua res gesta fuit, Columbani in Iona insula suis sodalibus renunciasse. Cæsi e primoribus Saxonum Cialinus & Vitellius, genere & factis illustres.

XXXVI. Anno fere post hanc victoriam undecimo, Saxonibus & Pictis vicinos agros infestantibus, dies dicta est, qua die Brittones & Scoti conjunctis viribus Saxones invaderent. Ad diem & locum destinatum Aidanus, quamvis natu grandior, cum venisset, dum Brittones frustra expectat, ac prædas interim ex hostico agit, Ethelfridus opportunitatem rei bene gerendæ nactus, Scotos palabundos affecutus, magnam eorum cædem fecit. Aidanus, compluribus suorum cæsis, fugit: nec Saxones tamen incruentam retulere victoriam, amisso Ethelfridi fratre Theobaldo, & aliquot, quæ eum sequebantur, cohortibus pene ad intermeccionem cæsis. Aidanus, ad hanc cladem accedente morte hominis sanctissimi, & sibi unice cari, Columbæ, cum prospiceret quantæ hostium crudelitati reliquæ Christianorum essent expositæ, ætate pariter & mœrore confectus, non diu supervixit. Regnavit annos XXXIV. decessit anno partæ Salutis DCIV. Eo regnante, venit in Britanniam a Gregorio Romano Pontifice missus Augustinus quidam monachus: qui sua ambitione, dum novam religionem docet, veterem vehementer turbavit: nam non tam Christianam disciplinam, quam cærimonias Romanas docebat. Superiores enim Britanni, Christianissimum ex Joannis Evangelistæ discipulis edocti, a monachis,

DCIV.

1 *Christianissimum ex Joannis Evangelistæ discipulis edocti*] Hæc vulgaris apud Scotos opinio, quam & Beda lib. 3. cap. 25. nonnihil confirmare videtur, qui Colmanum Episcopum Scorum de Paschæ Dominicæ celebrationis die adversus Vilfri-

dum Anglum disputantem sic inducit: *Quod ne cui contemnendum & reprobandum esse videatur, ipsum est quod beatus Evangelista Joannes discipulus specialiter Domino dilectus, cum omnibus, quibus præerat, Ecclesiis celebrasse legitur.* Hanc tamen opi-



quos ætas illa adhuc eruditos & pios habebat, instituebantur. Ille, dum ad unius Episcopi Romani dominatum omnia revocat, ac se unum totius Britanniae Archiepiscopum edit, & disputationem de die celebrandi Pascha, nec necessariam, nec utilem, introducit, magnopere turbavit Ecclesias: ac disciplinam, jam in superstitionem prolabentem, ita caerimoniis novis, fictisque miraculis, oppressit, ut sinceræ pietatis vix relinqueret vestigium.

## L. REX.

XXXVII. Post Aidanum Rex electus KENNETHUS nil memoria dignum gessit. Quarto; vel (ut alii scribunt) duodecimo mense, post initum regnum, expleto, decessit.

## L I. REX.

XXXVIII. Proxime post hunc Rex pronunciat **EUGENIUS**, Aidani filius, anno a natali Christi DC. V. Hic (ut in libro Pasletensi scriptum est) a Columba pie & honeste educatus, ac literis etiam luculenter eruditus, in hoc ab ejus institutis deflexit, quod belli, quam pacis, studiis magis se addiceret. Assiduis enim expeditionibus Saxones & Pictos exercuit. Vir imperii plane severi & asperi, & qui superbos & contumaces libentius ferro compesceret, quam conditionibus adjungeret: sed veniam petentibus, ac se ultro deditibus, maxime clemens & facilis: & in victoria minime insolens. Hæc ille de Eugenio. Boëthius contra eum in summa pace regnum tenuisse prodidit: eamque pacem ei contigisse, non tam externis foederibus, quam hostium, qui civili inter se bello dissidebant, discordiis. Interiores enim Angli, jam nomen Christi professi, dum illatas ulciscuntur injurias, Ethelfridum, Regem Northumbriae potentissimum, vita pariter & regno exuerunt. Ei cum successisset Eduinus, propinqui Ethelfredi in Scotiam profugerunt: interque eos septem ejus filii, & filia unica, cum jam decimum annum rebus Scoticis præfuisset Eugenius. Is advenas Saxones, etsi suos & Christiani nominis hostes infestissimos, summa cum humanitate & liberalitate, quoad vixit, apud se habuit: ac doctrina Christiana diligenter instituendos curavit. Ipse decimo sexto regni anno decedens, magnum sui apud omnes desiderium reliquit.

## L II. REX.

XXXIX. Ei surrogatus fuit FERCHARDUS filius, anno a Christo nato DCXXII. qui fuit Heraclio Imperatore XIII. Is, cum esset homo scelerate callidus, ac legitimum regnum in tyrannidem mutare vellet, factiones nobilium inter ipsos alebat: ita nefarie a se perpetrata impune fore ratus. Sed proceres, animadversa ejus malitia, clam eo dissidia composuerunt: deinde, conventu indicto, eum ad concionem vocant. Renuentem, arce, in qua tum se continebat, expugnata, invitum in jus pertrahunt. Multa & gravia crimina ei sunt objecta: in his etiam hæresis Pelagiana, & contemptus Baptismi, & aliorum

facro-  
nionem non spernendis argumentis labefac- Dalrymplii Hist. Collect. cap. 3.  
clare nititur Auctor Annot. in D. Jac. 1DCXXII.] [In Tab. Chron. DCXXI.]

factorum rituum. Horum cum nullum satis purgaret, in vincula conjectus, ne diutius ad ludibrium superesset, ipse sibi mortem conscivit, decimo quarto regni sui anno.

LIII. REX.

XL. Suffectus ei frater DONALDUS, sive DONEVALDUS, qui, & patris laudibus & fratris exitu admonitus, nihil majore studio egit, quam ut verum Dei cultum tueretur: neque domi solum, sed etiam foris, quacunque poterat ratione cum amplificare studuit. Nam, extincto Eduino, liberos & propinquos Ethelfridi, qui multos jam annos in Scotia exularant, redeuntes domum viatico juvit, & muneribus est profecutus, copiisque suis reduxit, & liberam commenciandi, quoties res eorum poscerent, potestatem fecit. Causa autem fuerat Eduinus a Kedualla (ut Beda vocat) Brittonum, & Penda Merciorum Rege: quorum alter vetere gentis, alter novo Christianismi odio, uterque æmulatione potentiae, ei insensus erat. Nec alia crudelior fuisse memoratur victoria. Nam dum Penda Christianos, Kedualla Saxones, delere contendunt, nulli neque sexui, nec ætati, furor eorum pepercit. Post Eduinum, Northumbria in duo regna fuit divisa: Deirorum Rex creatur Osricus, Eduini frater patrueis; Berniciorum, qui Eanfridus Bedæ, nostris Andefridus appellatur, Ethelfridi filiorum maximus. Hi, repudiata Christianorum disciplina, in qua diligenter fuerant instituti, alter a Scotis monachis, alter a Paulino Episcopo, ad veterem superstitionem reversi, brevi per Pendam & vitam & regnum amiserunt. Utrique successit Osualdus, Ethelfridi filius, qui doctrinam Christianam magno studio promovit. Ad eum, doctores e Scotia per legatos petentem, misit Donaldus viros sanctitate & doctrina claros, quos ille magna humanitate accepit, & beneficentia est profecutus: neque Regio munere inferior existimavit, in concione populo, peregrinum Scotorum sermonem non capienti, concionis sententias interpretari: quæ omnia luculenter a Beda sunt scripta. Donaldus decessit XIV. regni sui anno, præclara virtutum suarum memoria post se relicta.

LIV. REX.

XLI. Successit ei FERCHARDUS, ex Ferchardo ejus fratre natus, vir in omni scelerum genere inquinatissimus: vini æque ac pecuniæ inextinguibilis: immani in homines crudelitate, & in Deum impietate. Cum in alienos passim fævitia & rapinis grassatus fuisset, tandem in suos furorem vertit, jugulata uxore, & stupratis filiabus. Ob hæc scelera communione Christianorum fuit exclusus. Proceres autem, ad eum puniendum coire volentes, inhibuit sanctus Episcopus Colmannus: coramque eum admonuit, „Brevi divinam vindictam instare. „Nec fides dicto abfuit. Nam inter venandum, post dies paucos, cum a lupo vulneratus in febrem incidisset, nec a solita intemperantia abstinere, morbo tandem pediculari corpus exedente, exclamasse fertur, „Merito sibi hæc evenire, qui bene monentem Colmannum non audisset: „ac, tum demum agnito errore, Colmanno consolante, ac spem veniæ ostendente, (si modo

modo resipisceret,) in publicum se vili veste indutum in lectica proferri iussit, ac palam sua scelera fassus interiit, anno redempti orbis <sup>DC.</sup> DCLXVIII. Octodecim annos hoc monstrum Scotia pertulit.

## L V. R E X.

XLII. Huic MALDUINUS, e Donaldlo genitus, est successus, qui, ut labefactatas regni partes tyrannide Regis proximi confirmaret, pacem cum omnibus vicinis fecit. Quietem, ab hoste externo impetratam, turbavit intestina seditio inter Argathelios & Levinianos orta. Eam Malduinus ut compesceret, profectus est adversus auctores, ut in eos sine incommodo plebis animadverteret. Illi, ut Regis iram vitarent, discordia primum sedata, in Æbudas fugerunt. Insulani eos, ad supplicium postulatos, non ausi retinere, dediderunt. Eorum pœna ceteros in officio continuit. Circa hæc tempora, cum Scoti monachi late per Angliam Christi doctrinam disseminassent, ac juventutem Anglorum ita literis erudissent, ut ipsi satis luculenter suis Evangelium annunciare posse viderentur, crevit etiam cum doctrina adversus doctores invidia: Scotique eorum importunitate ad suos redire sunt coacti. Quæ contumelia ut regnorum concordiam diremit, ita eorum, qui injuriam acceperant, modestia utramque gentem ab aperto bello continuit. Assiduus excursionibus sæpe ac multis in locis pugnabatur. Incidit in eadem tempora per totam Europam pestis, quantam nunquam fuisse seniores meminerant. Soli ab ea immunes Scoti & Picti fuisse dicuntur. Ob frequentes utrinque illatas injurias, prædæque abactas, cum res in apertum bellum eruptura videretur, intervenit Malduini mors, postquam regnasset annos viginti. Uxor, quæ ob suspicionem de pellice cum strangulaverat, quarto post die viva cremata est.

## L V I. R E X.

XLIII. Regnum autem iniit <sup>1</sup>EUGENIUS Quintus, Dongardi, [fratris] Regis [Malduini] filius. Eum Egfridus Northumbriæ Rex (cum quo summopere pacificare contendebat) cum simulatis induciis fallere conaretur, pari arte ipse petitus est. Uterque enim pacem verbis ostentabat, occulte vero bellum apparabat. Finitis induciis, Egfridus, dissuadentibus amicis, conjunctis Pictorum copiis, Scotiam ingressus, Gallovidiam populatur. Verum, cessantibus in pugna Pictis, ab Eugenio superatus, amisso pene toto exercitu,

<sup>1</sup> DCLXVIII] [Legendum esse DCLXIV. puto: ita enim in Tabula Chronologica Regum notari video: nam cum *Donaldus* regnaverit Annos quatuordecim, & inceperit A. C. 632. necessario, initium regni *Ferebardi* incidit in A. 646, cui summx si addantur octodecim anni, mors incidit in A. 664. Et ita duobus certe annis minus aberravit mox cap. 48. ratio temporis, quam ibi non constare recte vir doctus animadvertit.]

<sup>2</sup> *Eugenius Quintus Dongardi fratris Regis Malduini filius*] Ita sententiam hanc e Fordono, Boethio, Lestæo, &c. interpolavimus, cum in omnibus libris legere-  
tur *Eugenius Quintus Dongardi Regis filius*. Nullus autem Dongardus Scotorum Rex memoratur præter Fergusi II. filium, qui regnum iniit anno Christi nati 452, ac proinde hujus Eugenii V. qui regnare cœpit anno 658, pater esse nequibat.

1 Quo



ipse faucius cum paucis evasit. Proximo anno, æque dissuadentibus amicis, in Pictos duxit: ab eis, fugam simulantibus, in insidias tractus, cum suis omnibus concisus est. Hanc tantam occasionem Picti arripientes, latissimos agros, superioribus bellis ademptos, recuperant: & Brittones, qui ab Anglorum imperio suos vindicabant, una cum Scotis Northumbriam ingressi, magna eam clade afflixerunt: adeo ut nec unquam in pristinum statum se erexerit. Secuta statim est mors Eugenii, quarto quam regnare coeperat anno.

L V I I. R E X.

XLIV. Eugenio Quinto successit EUGENIUS Sextus, Ferchardi filius: Egfrido vero Northumbro frater Alfridus: uterque Rex literis, ac præcipue sacris, ut illa ferebant tempora, eruditi, ac inter se communium studiorum societate conciliati. Itaque pax inter eos fida fuit. Hac tranquillitate fretus Alfridus, regnum angustioribus, quam antea, finibus quodam tenus composuit. Cum Pictorum vero gente Scotis neque certa pax nec bellum fuit: excursionibus, vario eventu, sæpe pugnatum est, frustra nitentibus Cutbereco Anglo, & Adamanno Scoto, Episcopis, ut rem componerent. Id autem perfecerunt, ne justis unquam exercitibus concurreretur. Eugenius interea, inexpressibili odio adversus Pictorum perfidiam inflammatus, e medio rerum cursu est sublatus, cum decem regnasset annos. Hoc Rege, septem dies per totam Britanniam sanguine pluisse tradunt, converso etiam lacte, caseo & butyro in sanguinem.

L V I I I. R E X.

XLV. Post hunc regnum adeptus est AMBERKELETHUS, Findani filius, Eugenii Quinti nepos. Is, cum initio temperantiam simulasset, ad veros mores brevi rediit, & in omnia flagitia simul prorupit. Hac occasione arrepta, Garnardus Pictorum Rex, magno exercitu conflato, Scotos invasit. Amberkelethus tandem, prope conviciis excitatus, cum arma sumisset, noctu, dum ad necessaria naturæ cum duobus famulis egreditur, sagitta (incertum a quo missa) occiditur, cum nondum regni plenum expleisset biennium. Sunt qui, dum hostes in silva densa urgeret, sagitta vulneratum, decimo post die exstinctum, tradant.

L I X. R E X.

XLVI. Ne exercitus solveretur, aut sine imperio esset, militari suffragio in castris designatus Rex EUGENIUS Septimus, prioris Regis frater. Is, cum parum spei in exercitu, ab inertī Rege collecto, reponeret, bellum induciis distulit: atque, accepta uxore Spondana Garnardi filia, nuptiis finivit. Ea,

[Quodam tenus composuit.] Ita MS. princeps editio Edinb. & Genev. quæ verba Franco. primum in [quodam tenus] mutavit, quam & sequentes editt. imitantur: male omnes & præter Buchanani Tom. I.

mentem, qui procul dubio quodam tenus scripsit, ad exemplum Horatii Epist. I. 1. 32.

Est quodam prodire tenus, si non datur ultra.

X

I Anno

non adeo multo post, a duobus Atholiis, in caput Regis conjuratis, in lectulo confossa periit. Rex falso criminis insimulatus, & in jus ductus, antea causam dictam deprehensis cædis patratioribus, liberatus est. Noxii exquisito supplicio puniti. Rebus foris compositis, Rex ad pacis opera conversus, otium quidem venatione oblectabat: religionis in primis curam habuit. Ejus institutum fuit, ut in cœnobiis res gestæ Regum memoriæ mandarentur. Pace perpetua per septemdecim annos cum omnibus vicinis continuata, Abrenethii diem obiit.

## L X. R E X.

XLVII. Eugenius paullo ante mortem MURDACUM Amberkelethi filium proceribus commendavit. Eo regnante pax per universam Britanniam fuit: cujus Beda sub finem historiæ suæ meminit. Nec in pace modo colenda, sed monasteriis etiam juvandis, Eugenii æmulus fuit. Candidæ Casæ coenobium dirutum restituit. Incunte decimo sexto regni anno decessit.

## L X I. R E X.

DCC.  
XX.

XLVIII. \* Anno post Christi adventum septingentesimo & trigésimo, ETFINUS Eugenii Septimi filius regnum suscepit. Et is proximorum Regum æmulus, per annos triginta unum, quibus regno præfuit, in summa tranquillitate suos continuit. Jam senior, cum per se non posset Regis munus obire, quatuor præfectos dedit, qui jus populo dicerent. Iis rem Scoticam regentibus, facinorosi, resumta licentia, vel magistratuum negligentia, vel (ut quidam crediderunt) culpa, omnia miscere cœperunt. Sed aliorum scelera obscura fecit Donaldi crudelitas & superbia: qui per Gallovidiam grassatus, agrestes vel sibi tributa pendere cogebat, vel spoliatos ad summam redigebat inopiam.

## L X I I. R E X.

XLIX. Inter hos tumultus Regi mortuo suffectus est EUGENIUS Octavus, Murdaci filius: qui nihil prius egit, quam Donaldum, aliquot cruentis fractum præliis, cepit, ac supplicium, ceu lætum spectaculum, repræsentavit. Murdacum Gallovidiæ præfectum, socium Donaldini sceleris, convictum mori cœgit: reliquos præfectos pecunia multavit. Populo spoliato de bonis eorum satisfacit. Harum pœnarum formidine malis perterritis, summa tranquillitate post turbulentissimam tempestatem restituta, cum vicinis Regibus fœdera ante facta confirmavit. Verum ipse, cujus in rebus turbidis gloria creverat, pace facta, in omnia flagitia præceps abiit, & cum nec amicorum nec sacerdotum admonitionibus quicquam moveretur, post tertium regni sui annum, in cœtu procerum, omnibus in ejus exitium consentientibus, confossus periit. Socii scelerum & flagitiorum in crucem acti, & ipsi gratum populo spectaculum præbuere.

## L X I I I.

\* Anno post Christi adventum 730.] Aliubi in Chronologia a Buchanano hic erratum esse necesse est, nam ab anno Chri-

sti proxime memorato 668. anni effluxere fere 68, qui numeri simul juncti annum Christi nati efficiunt 736.

LXIII. REX.

L. Successit ei FERGUSIUS Tertius Etfini filius: qui pari simulatione virtutis & vitiorum foeditate usus, pari prope fato defunctus, pari etiam spatio, id est, triennio, regnum tenuit: perit autem veneno ab uxore dato. Alii scribunt, cum uxor saepe exprobrasset ei matrimonii contemptum, & pellicum greges, neque quicquam profecisset, tandem noctu dormientem ab ea strangulatam. Quaestione de morte ejus habita, cum amicorum plurimi infimularentur, nec quisquam, ne in gravissimis quidem tormentis, quicquam fateretur, mulier alioqui ferox, tot innoxiorum capitum miserta, in medium processit: ac e superiore loco eadem a se factam confessâ, ne ad ludibrium superesset, petus cultro transfodit: quod ejus factum varie, pro cujusque ingenio, est acceptum, ac perinde sermonibus celebratum.

LXIV. REX.

LI. Sequitur Rex SOLVATHIUS Eugenii Octavi filius: qui, nisi tertio regni anno e frigore podagram contraxisset, jure inter optimos Reges annumerari potuisset: nihilo tamen minus tumultus per praefectos consilio & prudentia sedavit. Primus, velut de Rege ob infirmitatem pedum securus, Donaldus Banus, (hoc est, albus,) occupatis omnibus insulis Occidentalibus, Regem se Æbudarum vocat. Deinde in continentem ingressus, dum undique praedas agit, a Cullano Argatheliorum, & Duchalo Atholiorum, praefectis, in saltum, qui unum modo exitum habebat, compulsus, cum suis frustra erumpere tentantibus perit, nullo superstite relicto. Eadem spe & audacia, Gilcolumbus, Gallovidiam a patre vexatam aggressus, ab eisdem praefectis victus, poenas luit. Pax interea ab Anglis & Pictis, rebus eorum domi turbatis, fuit. Solvathius, cum viginti annis praefuisset, cum summa laude moritur, anno a Christo nato, septingentesimo octogesimo septimo.

DCC.  
LXXX.  
VII.

LXV. REX.

LII. Huic successit ACHAJUS filius Etfini. Hic pace ab Anglis & Pictis parta, cum ab Hibernia bellum instare intelligeret, non modo labore, sed etiam liberalitate, seditiones domi, jamjam erupturas, composuit. Causa belli Hibernici hæc fuit: Superiore Rege ad expeditiones obeundas invalido, Hiberni & Insulani, spe prædæ & impunitatis, eodem tempore cum magnis exercitibus in Cantieram peninsulam proximam exscenderant. Contracto autem inter latrones certamine, Insulanorum multi, Hiberni universi periere. Hanc cladem Hiberni ut ulciscerentur, magnam classem ornabant ad trajiciendum in Æbudas. Achajus cum per legatos ostenderet, „Nullam justam belli causam esse, quod „latrones, de præda pugnantes, mutuis vulneribus ceciderint: neque, quod „multi perierint, sed quod quisquam evaserit, in damno ponendum esse. „Regem & concilium publicum adeo ab inferenda Hibernis injuria abesse, ut „cædis nuper factæ auctores omnes ad unum sustulerint. Cum in hanc sententiam multa legati differerent, adeo ferociter ab Hibernis sunt rejecti, ut, an-

X 2 te

te discessum eorum, classem adversus Scotos Albinos emisserint. Ea in altum evecta, tempestate universa perit. Res Hibernis in religionem verba effecit, ut pacem, quam superbe reculerant, suppliciter peterent.

LIII. Ab Achajo primum inter Scotos & Francos inita est amicitia, hac maxime de causa, quod non modo Saxones Germaniae cultores, sed qui in Britannia quoque ceperant sedes, Gallias piraticis incursionibus infestabant. Deinde etiam a Carolo Magno, qui Galliam non minus literis, quam armis illustrare cupiebat, accessit e Scotia, qui philosophiam Lutetiae Graece & Latine docerent. Apud Scotos enim adhuc multi erant monachi, vetere disciplina nondum extincta, literis & pietate insignes. Quo e numero erat Joannes, cognomento Scotus, sive Albinus, quod idem valet, (Scoti enim se Albinos sua lingua vocant,) Caroli praeceptor, qui plurima ingenii sui monumenta reliquit: e quibus nos Rhetoricae praecepta vidimus, cum inscriptione Joannis Albini. Clementis quoque Scoti, qui eodem tempore Lutetiae literarum insignis professor erat, quaedam scripta adhuc supersunt. Commigrarunt etiam in Gallias complures monachi Scoti, studio pietatis ducti, qui populis circa Rhenum Christianam doctrinam praedicabant, tanto successu, ut monasteria plurimis in locis considerint. Eorum memoriae id Germani dederunt, ut usque ad nostram aetatem semper Scotos eis praeficerent.

LIV. Achajum, pacis cupidum, res Pictica in bellum traxit. Nam, cum Athelstanus Anglus vastasset proximos Pictorum agros, Hungus eorum Rex ab Achajo, Anglus jam ante infesto, decem Scotorum millia impetravit. Eis filium Alpinum, qui ex Hungi sorore natus erat, praefecit: quibus fretus auxiliis, maximam e Northumbria praedam abduxit. Athelstanus, homo ferrox, prope vestigiis inhaerens, eum non procul ab Hadina oppido assequitur. Picti, inopinato hostium adventu confertim, ad arma currunt, & ad noctem usque

1 *Inita est amicitia.*] Angli scriptores, pro solita sua in Scotorum gentem invidia, in primis vero Tho. Rymerus Epist. ad Episc. Carleolensem ea de re scripta, antiquissimae hujus inter Scotos Gallosque initae, ac perpetuo tenore ad Jacobi. VI. tempora servatae amicitiae gloriam nobis eripere est conatus, qui foedus illud non vetustius esse Roberto II. aut Joanne Bafolo totis ingenii nervis contendit: sed irrisam hac in parte viri, alias clarissimi, ac de Scotis optime meriti, operam reddidit D. Rob. Sibbaldi de antiquo inter Gallos & Scotos foedere dissertatio, quae ex Eginardo, aliisque scriptoribus Carolo Magno aut coevali, aut non multum inferioribus, extra omnem controversiam alean monstravit, foedus illud non Caroli Magni temporibus recentius esse. Idem quoque confirmant D. Jac. Dal-

rymplius Hist. Coll. pag. 87. & Pax. Abercrombicus de Heroibus Scotis pag. III. & seqq.

2 *Albinus* — *Caroli Magni praeceptor.*] Doctissimus Geo. Mackenzus de Script. Scotiae vol. 1. pag. 63. e Notkero Balbo eorum temporum aequali ostendit Historicis Scotos atque adeo Buchanannum nostrum vehementer falli, qui existimant hunc Albinum, qui Scholas publicas primus Lutetiae aperuit, eundem fuisse qui Caroli magni praeceptor, alio nomine Alcuinus dictus, cuiusque de Grammatica ac Rhetorica libri hodie existant.

3 *Hungus eorum Rex.*] Totam hanc de Hungo Pictorum Rege, & victoria ab Anglis reportata, narrationem commentitiam esse contendit Tyrellus vol. 1. pag. 250.

se suis tenent locis. Sub noctem vigiliis dispositis, Hungus, cæteris rebus inferior, ad divinum auxilium conversus, totum se precibus dedit. Tandem, corpore laboribus fesso, & animo cogitationibus ægro, cum in somnum incidisset, visus est sibi per quietem videre Andream Apostolum astantem, & victoriam pollicentem. Hoc viso Pictis narrato, spei bonæ pleni ad conflictum, quem alioqui fugere non poterant, sed alacrius comparant. Postero die per leves velitationes consumto, tertio demum ad manus ventum est. Adjiciunt & aliud ostentum, crucem decussatam, cum pugnaretur, in cælo visam: quæ res Anglos adeo conterruit, ut primum Pictorum ægre impetum sustinuerint. Ibi cæsus Athelstanus, loco nomen dedisse dicitur, qui adhuc Athelstani vadum appellatur. Hungus Andree victoriam acceptam retulit: eique præter alia munera decimam partem prædiorum Regionum donavit. Hic, opinor, fuit Athelstanus, Danicæ gentis imperator, cui Angli affirmant Northumbriam ab Aluredo concessam. Decessit Achajus ab inito regno tricesimo secundo anno, a Christo nato DCCC. XIX.

DCCC.  
XIX.

LXVI. REX.

LV. Huic successit CONGALLUS patruelis: qui cum summa domi & foris concordia quinquennium regnavit.

LXVII. REX.

LVI. Excepit hunc DONGALLUS Solvathii filius: cujus severitatem cum juvenus terre non posset, collecti ad Alpinum Achaji filium, quoniam ei persuadere non poterant, ut regnum susciperet, vi & minis eum in sua verba jurare cogunt. Is cum, exercitu confecto, se omnia ex eorum sententia gesturum simulasset, frustratus eos ad Dongallum venit. Id factum ejus, quam Regi gratum, tam rebellibus molestum fuit: ideoque, tanquam ipsi Alpini suasu rebellassent, cum apud Regem accusant. Rex, eorum calumnia intellecta, exercitu subito parato, rumorem sui adventus prævenit. De comprehensis pœnas sumit. Decessit interea Hungus: & filius ejus natu major Dorstologus fratris Egani fraude periit: nec cædis auctor diu fratri superfuit. Ita stirpe virili Hungi extincta, sororis ejus filius Alpinus, & vetere lege & cognationis jure proximus hæres, regnum Pictorum petit. Eum cum Picti ut peregrinum aspernarentur, Dongallus ea de re legatos ad eos mittit. Picti cum nondum auditos intra quartum diem finibus exire jussissent, Dongallus in eos summa vi bellum molitur. Sed in ipso apparatu, submersa navicula, in transitu Spææ amnis rapidissimi, extinctus est, postquam Scotorum regnum tenuisset annos sex: alii septem.

LXVIII.

1. Hic, opinor, fuit Athelstanus Danicæ gentis imperator, cui Angli affirmant Northumbriam ab Aluredo concessam. Hæc constare non posse ostendit Tyrellus loc. cit. eo quod Aluredus regnum inierit anno demum 871, adeoque 52 post mortem Achaji annis.

2. Congallus] Aliis omnibus, præter unum Joan. Majorem, Congallus appellatur.

3. Dongallus] Ita hic & versu sequenti reposuimus: libri autem omnes sibi dissidentes Dugallus habent.

X 3



## LXVIII. REX.

LVII. ALPINUS, Achaji filius, exercitum a Dongallo confectum, adversus Feredethum, qui sibi Pictorum arrogaverat regnum, ducit. Congressi ad Restenotum Angusiae pagum, cruentissima pugna usque ad noctem incerta victoria conflixerunt. Mors Feredethi fecit, ut Scoti victores viderentur. Is enim cum suorum animos in pugna labare videret, cum globo nobilium juvenum mediam Scotorum aciem perripuit: sed exclusus a suis, cum flore nobilitatis una interiiit. Substitutus in locum ejus Brudus, homo ignavus, nec ad rem militarem aptus. Eo regnante, cum Scoti, nullo resistente, praedas ex hostico agerent, Picti, ex composito inter se tumultuantes, Brudum ante annum in imperio exactum interficiunt. Ei Kennethum, alterum Feredethi filium, substituant, nec fratre in bello fortiozem, nec exitu feliciozem. Nam cum, exercitu confecto, in hostium conspectum ventum fuisset, Kennethus, clam se subducens, a rustico, ignaro quis esset, sed turpem ei fugam exprobrante, interficitur. Picti, amisso Rege, antequam hostes id persentiscerent, domum reversi, alterum Brudum, hominem genere factisque nobilem, Regem faciunt. Is, statim accepto regno, primum populatores vagos aggressus, ingenti caede remeritatem eorum compescuit: deinde, ut vires affectas auxiliis externis firmaret, legatos cum magnis muneribus ad proximos Anglorum misit. Illi munera quidem acceperunt, & auxilia promiserunt satis impigre: sed flagitantibus Pictis nihil praestiterunt, caussati res domi turbatas.

LVIII. Picti, illa spe dejecti, omnibus qui arma ferre possent, contractis, ad ultimum discrimen se comparant, ac recta ad hostem ducunt, qui castra non procul a Taoduno habebant. Ubi in conspectum alii aliorum venerunt, tanto impetu concursus est, quantum vetus odium, ira recens, multae caedes mutuae, & ultro citroque damna saepius illata, poterant efficere. Cum diu anceps fuisset certamen, tandem centum equites Pictorum ex insidiis surgunt: qui, ut numerus major videretur, calonibus in oneraria jumenta impositis, cum se in collibus proximis ostentassent, circumagique viderentur, ut pugnantium terga invaderent, ea specie tantum Scotis iniecerunt terroris, ut illico sparsi in silvas proximas fugerent. Eae majori parti salutis fuerunt: pauci in praelio, plurimi a calonibus expeditis in fuga occisi. Alpinus Rex, multique procerum capti: omnes crudeliter caesi. Regis caput conto affixum, ac per exercitum circumlatum, in conspectu loco maximi apud eos oppidi (id tum Abrenethium erat) ad spectaculum propositum. Locus ubi caesus fuit Alpinus, ab eo adhuc BAS ALPIN, id est, Alpini mors, vocatur.

## LXIX. REX.

LIX. Ei post tertium regni annum interempto successit filius KENNETHUS. Proxima aestate, Picti in ipem adducti, si paullum adniterentur, Scotos, ut antea factum fuerat, Britannia posse expelli, auxilio conductis aliquot Anglorum cohortibus, copias quantas possunt maximas cogunt. Sed, cum seditio inter ipsos orta esset repentina, & adeo vehemens, ut per Brudum Regem componi

poni non posset, solutus est exercitus. Brudus ipse, moerore magis quam morbo, post tertium fere mensem decessit. Suffectus ei frater ipsius Druskenus: qui dum componendis domi rebus frustra vacat, Scoti juvenes aliquot Alpini caput, nocte detractum ex eo ubi Picti id fixerant loco, ad Kennethum retulerunt. Ea res juvenibus non modo fuit honori, sed agris quoque sunt locupletati. Kennethus, conventu habito, cum de bello in Pictos consultaret, quamquam Rex & ferocissimus quisque juvenum a perfidis justam expetendam vindictam suaderent: tamen major pars, ac potissimum seniores, censebant, „ Expectandum, dum vires, superioribus bellis attrita, reficerentur: a Pictis interea nec pacem petendam, nec bellum gerendum, donec aliqua major se offerret aut pacificandi necessitas, aut belli gerendi opportunitas. Hæc sententia cum vicisset, consensu tacito utriusque gentis triennium proximum pax fuit.

LX. Quarto anno Kennethus, belli cupidus, cum paucos in conventu suæ sententiæ fautores invenisset, primores gentis ad coenam vocat: & cum in multam noctem convivium fuisset extractum, in aula omnes pernoctant; quod eo facilius eis fuit, quod, majorum instituto, humi cubarent, in spatiosa domo, ut quisque poterant, compositi, substratis tantum frondibus aut herba. Ibi juvenem sibi propinquum Rex subornat, ut piscium exuviis (maxime generis asellorum) a siccatis vento piscibus detractis, indutus, noctu ingressus, voce per longum canalem emissa, ut longius ad aures perferretur, velut coelitus demissus, eos ad bellum hortetur. Ad hanc vocem, humana (ut tum ipsis visum est) augustiorem, proceres subito expergefæcti, plerique etiam vino graves attoniti, cum fulgor argenteus e pellibus piscium in semisomnes oculos incurreret, aciemque hebetaret, stupore vehementissimo capti sunt universi, cum & oculos species insolita, & animos occulta quædam religio percelleret. Illud etiam admirationem non modice auxit, quod nuncius, persona reliquoque ornatu detracto, cum se per exitum occultum momento temporis e conspectu subduxisset, evanuisse est visus. Mane cum rumor ad Regem permanasset, multique omnia (ut fit) in majus augerent, nec ipse dissimularet, similem sibi speciem per quietem observatam, omnium decreto bellum, tanquam Deo auctore, gerendum decernitur.

LXI. Exercitibus eductis, ubi primum alteri alteris visi sunt, non expectato ducum imperio, qua cuique proximum fuit, in hostem procursum. Nec minus atrociter pugnatum, quam cupide commissum est certamen. Tandem ad Scotos inclinavit victoria. Pictis, in quo plurimum habebant fiduciæ, id ipsum fuit exitio. Cohortes enim Anglorum, cum nullo ordine, sed temerario impetu, rem geri viderent, velut spectatores alieni periculi, in proximum tumultum se subdixerunt. Pictorum maxima cædes fuit, Scotis non solum superiorum temporum odio indulgentibus, sed recentis crudelitatis adversus Alpinum & cæteros captivos memoria inflammatis. Maxime animos accendit vox, velut tessera, inter Scotos circumlata, „ Ut memores essent Alpini. Ex eo, nec ætati nec conditioni parsum est. Anglos abeuntes colles texere: & a persequendo Scotos pertinax ira in vindicta exercenda retinuit.

LXII.

LXII. Hac victoria Pictorum rebus vehementer afflictis, ac pene deploratis, pax ut coiret, ab eis tentatum, sed frustra, Scotis nullas condiciones audientibus, nisi regnum daretur. Proximo anno, jam deditis omnibus, qui ultra Fortham ad septentriones vergunt, ac praefidiis impositis, dum Kennethus in citiores ducit, accepto nuncio, caesa esse quaedam ab eo relicta praefidia, reducto adversus rebelles exercitu, nemini mortalium Pictici generis pepercit. Omnia ferro & flamma vastata. Druskenus, ea crudelitate Pictis pene efferatis, (cum non de regno, sed de vita sua & suorum, sibi decertandum cerneret,) quicquid supererat virium unum in locum cogit: ac Fortham transgressus ad Sconam oppidum in ripa Tai amnis Scotos opperitur. Ibi pacificatio frustra iterum tentata est, Pictis agro trans Fortham cedentibus, Scotis nihil, nisi omnia permitterentur, audientibus. Praelium, ut in extrema necessitate, fuit atrox. Tandem, fracta Pictorum pertinacia, fugientibus Taus fluviis fuit exitio. Ibi Druskenus, cum transire non posset, cum omni fere nobilitate caesus est. Nec dissimilis fuit aliorum fortuna: qui, cum temere diversis congregassent se locis, fugam impediens flumine, omnes ad unum periere. Hinc factum esse arbitror, ut nostri uno die septies cum Pictis pugnatum fuisse tradiderint. Hac clade vires Pictorum penitus fractae sunt: & Kennethus, ne se reparare iterum possent, Lothianam proximamque regiones similiter ac Transforthanam vastat. Praefidia metu se dederunt. Qui cladi superfuerunt, pauci in Angliam, omnium rerum inopes, fugerunt.

## LIBER SEXTUS.

I. **U**T Fergusium Primum, ac deinde Secundum, jure optimo regni Scotorum conditores superius nominavimus, ita nunc non injuria Kennethum, Alpini filium, tertium in eum numerum referemus. Prior enim Fergusius, ex modicis initiis, Scotos ad opes vicinis invidiosas provexit: Secundus extorres, & in longinquas nationes dispersos, & inimicorum opinione penitus extinctos, velut in vitam revocavit, & intra paucos annos in pristinum splendorem restituit. At vero Kennetho, in rebus prope deploratis accepto regno, cum alii vix reliquias miseras defendi & contineri posse sperarent, tantum animi superfuit, ut hostem, externis auxiliis fretum, & recenti victoria exultantem, multis & asperis (sed tamen secundis) praeliis fregerit, fractumque ex omni Britannia exegerit, nomenque Regium, semel ereptum, nunquam ex eo die sit passus cum resumere. Haec, quanquam magna sunt, tamen operum ejus non sunt maxima. Regnum enim, in duplicem magnitudinem a se auctum, ita legibus novis temperavit, & disciplina vetere roboravit, ut nec e bello natae licentiae, nec e victoria insolentiae, nec flagitiorum, quae luxuriam & otium comitari solent, ullum vestigium eo vivo apparuerit: ac legibus ejus, quae Macalpinanas posteritas dixit, multis deinceps seculis, non minus quam armis, Scotica res stare visa est. Sed, his concessis, nos res ejus gestas, uti coepimus, prosequemur.

II.

II. Pictis igitur exactis, Kennethus agros pro virtute cujusque suis divisit: quorum ambitio multis locis & regionibus nova nomina, veteribus oblitteratis, imposuit. Horestiam duobus fratribus, Æneæ & Mernæ, partitus est. Altera pars primorum Scotorum sermone adhuc Æneia dicitur, (qui Anglice loquuntur Angusiam nominare maluerunt;) altera Mernia appellatur. Proximam regionem, a Tao usque ad Fortham, apparet veteribus dictam fuisse Rossiam, hoc est, peninsulam: cujus nominis indicia adhuc restant, Culrossia oppidum, quod est velut dorsum aut posterior pars Rossiae; & Kinrossia, quod Rossiae caput. Eam regionem nunc Fifam vocant, a Fife viro egregio, cui cognomen Duffo fuisse ajunt. Barodunum oppidum in Lothiana, vel, juxta aliam dialectum, Dumbarum, a viro strenuo, cui Bar erat nomen, appellatum creditur. Lothiana, non ita pridem, a Lotho Rege Pictorum nomen habebat. Cunigamia vox est prorsus Danica, quam post Kennethum usurpatam fuisse reor a Danis, qui eam regionem, pulsus extra vallum Severi Scotis, aliquot annos tenuerunt. Significat autem vox GUNINGHAM Regiam habitationem vel domicilium, Danorum sermone. Marciam, quod limes duorum regionum diu fuerit, credibile est a Danis etiam ita dictam. Edimburgum, quorundam vel crassa ignorantia, vel perversa diligentia, qui nunc Vallem Dolorosam, nunc Castrum Puellarum, appellant eam arcem, nomen, non adeo per se obscurum, prope tenebris immergit. Nomina enim hæc e fabellis Gallicis, intra trecentos annos proximos confictis, sunt mutuati. Certe prisca Scoti Dunedinum, recentiores Edimburgum, patriam in fingendis nominibus consuetudinem secuti, eam arcem nominant, quæ rectius, opinor, media inter utrumque nomen appellatione, Edinum diceretur. Hactenus de regionum prisca & novis vocabulis: de quibus alio loco plura diximus.

III. Ut ad Kennethum revertar, regno (uti scripsimus) armis amplificato, & legibus composito, in rebus usque ad superstitionem levibus auctoritatem Regum confirmare laborans, saxum marmoreum (quod ex Hispania in Hiberniam transfulisse dicitur Simon Breccus, in Scotiam Albinensem Fergusius Ferchardi filius, atque in Argathelia collocasse) ex Argathelia Sconam ad Taum amnem translatus Kennethus, & in cathedram ligneam inclusum [ibi] posuit. Ea in sede Reges Scotorum & nomen & Regum insignia accipere solebant, usque ad Eduardum Primum Anglum, de quo suo loco dicemus. Sedem Episcopalem, quam Picti Abrenethii collocarant, ad Fanum Reguli transfulit, quod posteritas Fanum Andreæ dici maluit. Scotorum autem veteres Episcopi, e monasteriis electi, cum adhuc non honoris & loci, sed sanctitatis & doctrinæ certamen inter eos esset, sine invidia & æmulatione passim, ubi cuique obvenerat occasio, suum munus obibant, nullis adhuc regionibus definitis, cum nondum functio muneris Ecclesiastici esset quæstuarium. His artibus Kennethus imperio viginti annos præfuit. Quinto incunte regni sui anno Pictos profligavit, ut est in libro Passletensi. Reliquos XVI. annos, post sublatum imperium Pictorum, quietissime vixit, domi justitia, foris armis

[ibi posuit] Vocem [ibi] deleri Crafordius jubet.  
Tom. I.

DCCC. mis pace parta, ac promotis finibus ab Orcadum insulis usque ad vallum Ha-  
 LIV. driani, DCCC. LIV.

## LXX. REX.

IV. DONALDUS ejus frater proxime Rex electus, totam secum disciplinam publicam circumegit. Nam, cum vivo Alpino temperantiae studium simulasset, ac seniorum sibi animos conciliaffet, eo mortuo, velut metu & magistro liberatus, totum se voluptatibus dedit. Ac, velut jam de hoste securus, militaribus studiis neglectis, venatores, aucupes, & novarum libidinum inventores, circa se prope solos habebat. In hos publicum patrimonium profundeatur. Juventus, ad voluptates explendas prona, Regem, ut elegantem & liberalem, laudibus ad coelum ferebat; parsimoniam superiorum temporum, ut incultam & illiberalem, ridebat. Seniores, cum omnia brevi in praecipiti ruitura cernerent, ad Regem collecti, sui cum officii, praesentium flagitiorum, & instantis periculi admonent. Cum ille nihilominus in ignavia perstaret, Pictorum reliquiae, velut classico, e summa desperatione excitae, Osbrethum & Ellam, qui inter Anglorum Reges (nam tum in plura regna divisi erant) auctoritate & potentia praecellebant, adeunt: suam fortunam conqueruntur: auxilium petunt: „Se post victoriam, quam Donaldi inertia facilem spondebat, „perpetuo cum omni posteritate in Anglorum ditione futuros, „pollicentur. Angli facile persuasi, compositis domi rebus, educto exercitu, in Marcia confedere: ac per faeciales a Donaldis petunt; „Ut, quos per vim Pictis amicis, „suis Scoti ademissent, agros restituat. Id ni faciat, se nuper amicos, nunc „etiam deditos, non neglecturos. Donaldus, ex majorum sententia, quos invitatus (imminente periculo) convocaverat, habito delectu, ad Jeddam Tevioriae amnem, hosti occurrit: & commisso praelio victor Osbrethum ad proximis usque montes fugat. Inde secundum Tuedam ad mare profectus, Bervicum ab Anglis captum, ac deinde metu ex adversa pugna conterritis desertum, ingressus, navibus in ostio amnis deprehensus, omni hostium com metu potitur. Ibi voluptatis interpellatae instrumentum nactus, tanquam inimicis prorsus profligatis, cupide se deliciis immergit.

V. Angli, qui superiore praelio magis sparsi, quam concisi fuerant, per speculatores cognita Scotorum ignavia & negligentia, advocatis auxiliis e propinquis agris, noctu somno & vino gravatos adoriuntur, & magna caede in ceteros grassati, Regem semisomnem capiunt. Inde victoriae cursum secuti, ut latius popularentur, in hosticum bipartito ducunt. Eorum pars, cum ad Fortham venisset, coactis navigiis, trajicere in Fifam parant: sed multis naufragio amissis, ceteris vi tempestatis in littus, unde solverant, rejectis, Sterlinum ducunt: & cum reliquo exercitu conjuncti Fortham ponte transeunt. Scoti, eo ex fuga collecti, magis speciem, quam robur exercitus ostentantes, legatos de pace mittunt: quam Angli, & pugna ad Jeddam adversa & naufragio viribus imminutis, non recusandam censebant. Durae conditiones propositae, quas tam-

men.



men præfens rerum status tolerabiles faciebat videri; „Ut omni agro, qui intra vallum Severi esset, Scoti cederent: ut limites essent, infra Sterlinum „Fortha, infra Britannodunum Glotta, inter duos amnes vallum Severi.

VI. In tam dura pace, Scotis non minus letum, quam inopinatum accidit, quod nulla mentio de reducendis Pictis facta esset. Angli enim & Brittones agros relictos inter se partiti sunt, Glotta eos dirimente. Sunt qui putent monetam argenteam, quam adhuc Sterlinam vocat vulgus, ibi tum excusam. Agris ita divisis, Picti, qui sua se recuperaturos crediderant, elusi, ac spe frustrati, ad Cimbros & Scandianos, id est, ut nunc loquimur, in Daniam & Norvegiam transmiserunt. Pauci, qui apud Anglos remanserant, velut res novas per externa auxilia molituri, ad unum ab eis caesi. Donaldo, post pacem factam, ad suos reverso, majorum memoriæ ac spei respicientiæ datum, ut honorificeretur. Sed, cum ille in pristina perseveraret ignavia, proceres, veriti ne homo fœdus & deses, qui nec consiliis amicorum, nec suis calamitatibus emendaretur, quod reliquum regni supererat, amitteret, cum in carcerem conjiciunt. Ibi, vel præ dolore inhibitorum voluptatum, vel metu publici ludibri, sibi manum intulit, sexto, quam regnum inivit, anno. Hunc Donaldum alii tradunt domi forisque rem egregie gessisse, & fato suo Sconæ decessisse, DCCC. LVIII.

Dece.  
LVIII.

# LXXI. REX.

VII. Postquam, CONSTANTINUS Kennethi filius Sconæ regnum suscepit: vir magni animi, ac virtutis eximie. Is, cum acceptam sub Donaldo ignominiam delere, atque ad fines a patre relictos regnum promovere cuperet, a senioribus inhibitus, quod juvenutis magna pars sub Donaldo exstincta, & reliqua ita corrupta fuerat, ut arma publice ei committenda non viderentur. Igitur primum ad disciplinæ publicæ emendationem Rex conversus, sacerdotum ordinem, jam (relicto prædicandi Evangelii munere) luxu corruptum, & venerationibus, aucupis, aulicæque pompæ deditum, ad veterem parsimoniam, legibus severissime latis, reduxit. Juventutem, deliciis effeminatam, humi cubare, ac semel quotidie cibum sumere, jussit. Ebriosos capitali supplicio multavit. Lusus prohibuit, nisi qui ad militiam corpus animumque firmarent. His legibus adolecentia ad meliorem frugem conversa, exstitit repente Insulanus quidam Evenus, quem ipse Abriæ præfecerat, homo inquietus, & regnandi cupidus: qui gnarus, quam egre juvenutis legum novarum asperitatem ferret, primum inter paucos, ac deinde pluribus adhibitis, de præsentis rerum statu conquestus, ubi suam orationem secundis auribus accipi vidit, facile persuasit ad conjurandum de Constantino tollendo. Sed, dum diligentius, quam cautius factioni vires adjiciunt, a suis proditi, antequam in se copias comparari intelligerent, oppressi fuerunt. Evenus, conjurandi princeps, laqueo strangulatus.

VIII.

1 A senioribus inhibitus] Multum A senioribus est inhibitus.

Y 2

VIII. Circa hæc tempora, Dani, tum omnium Germanorum opibus florētissimi, a Pictis adversus Scotos, item a Buerno (vel, ut alii scribunt, Ver-na, cujus uxori Osbrethus per vim stuprum intulerat,) sollicitati, abundante domi juventutis multitudine, facile consenserunt, ut in Britanniam classe magna transmitterent. Primum in agrum Fisanum exiscenderunt. Ibi obviis omnibus, ob Christiani nominis odium, sine discrimine trucidatis, bifariam diviso exercitu, agros late vastarunt. Adversus eos Constantinus profectus, primum in eam incidit manum, cui Hubba Regis Danorum frater præerat. Hi, subito Levini annis incremento prohibiti cum suis vires conjungere, facile victi, omnesque cæsi, præter paucos, qui nandi periti flumen transire, atque ad Humbrum alterum ducem pervenire. Ad hos fluvio jam permeabili, Constantinus, tanquam ad prædam, non ad prælium ducens, eos est assecutus, non procul a Caralia oppido, castris jam permunitis. Dani enim, ab adversæ pugnae eventu magis in omnia intenti, super modicas & flexuosas rupes, prope littus, cumulis objacentium passim saxorum aggestis, speciem valli objecerunt. Ibi Constantinus eos adortus, loci iniquitate Danorum desperationem juvante, multo cum suorum sanguine suæ temeritatis poenas luit. Magna enim exercitus parte amissa, ipse captus, & in speluncam modicam tractus, occiditur. Exstant adhuc ejus pugnae monumenta, specus, & castrorum ambitus, non æquis spatiis dimensus, sed ad rupium flexus circumductus. Rei male gestæ culpam quidam in Pictos conferunt, qui a Constantino in fidem recepti, ac in commilitium asciti fuerant. Ab eis initium fugæ factum magnam exercitus partem una avertit. Dani, spoliis collectis, ad naves abierunt. Postridie Regis cadaver inventum, ad sepulchra majorum in Ionam insulam defertur, (regnum autem tenuit Constantinus annos sedecim,) anno DCCC. LXXIV.

DCCC.  
LXXIV.

## LXXII. REX.

IX. Successit ETHUS frater, a pedum celeritate ALIPES cognominatus, nulla alia commendatione Rex electus, nisi quia reliquias exercitus a Danis profligati reduxit. Inter ostenta numerantur pisces marini, raro quidem & per longa temporum intervalla, semper gregatim, sed nunquam sine magno mali prælagio, visi. Vulgus, alii monachos marinos, alii Bassinetos, quasi dicas galeatos, vocant. Ethus, immemor fratris & majorum, cum se omnibus vitiis pollueret, ac juventutem, ad pejora proclivem, secum traheret, conjuratione nobilitatis facta, capitur: &, oratione longa totius vitæ flagitiis populo expositis, regnum ejurare cogitur, secundo quam regnare cœperat anno. In custodia tertio die mœrore periit. Maxime viros militares offendebat ejus segnities, quod, Danis adversus Anglos cruento bello contendentibus, de recuperandis regionibus amissis nec ipse cogitaret, nec se admoneri pateretur. Sunt qui non coactum cedere regno, sed ab æmulo regni Gregorio in quadam pugna vulneratum, duos post menses interiisse scribant, DCCC. LXXV.

DCCC.  
LXXV.

## LXXIII.

1 Non coactum cedere regno, sed] MS. non exauguratum, sed —

1 Gre-

## L X X I I I. R E X.

X. Erho ' GREGORIUS Dongalli filius est susceptus : homo plane animo Regio , & cui nulla virtus abesset , quæ virum principem deceret. Primum omnium , reconciliatis omnibus , quos in regno petendo habuit adversarios , animum adjecit , ut procerum inter ipsos tolleret discordias. Severitatem imperii ita comitate temperavit , ut plura caritate , quam metu apud suos perficeret. Leges de immunitate ministrorum Ecclesiæ ( qui sub Pictis prope servorum loco fuerant ) vel veteres revocavit , vel novas condidit. Prima ei expeditio in Fifam adversus Pictos , illic a Danis relictos , fuit , dum ipsi in Anglos arma transferunt. Eos non modo illinc , sed e Lothiana & Marcia ejecit. Cum Bervicum venisset , Dani , si quid ipsis accidisset , Anglos etiam a tergo metuentes , non ausi cum Gregorio Marte aperto congregi , partem suarum copiarum trans fluvium in Northumbriam miserunt , jussam cum nova manu popularium recens advecta se conjungere : reliqui , ut oppido essent præsidio , Bervicum ingrediuntur. Verum Angli , qui Danis ( diversæ religionis hominibus ) inviti parebant , nocte Scotos in urbem receperunt. Dani , in medio cæsi , ad unum interiere.

XI. Inde in Northumbriam Gregorius profectus , cum Hardunto feliciter conflixit : tantamque Danorum cædem fecit , ut eorum vires , toti nuper Britannix formidabiles , partim a Gregorio Scoto , partim ab Aluredo Anglo , prope confectæ fuerint. Gregorius , recepta Northumbria , Anglisque , qui abire vellent , cum bona gratia dimissis , reliquis humaniter habitis sedes dedit. Majorem eorum partem retinuit , partim soli natalis amor , partim Regis beneficentia , & timor ab hostibus. Nam , cum jam per aliquot annos tam incerta victoria , totque conflictibus cruentis cum Danis esset bellatum , multi Anglorum Scotis , etsi antea inimicis , tamen Christianis , parere malebant , quam vel in crudelium Danorum potestatem venire , vel incerta suorum auxilia sperare , præsertim rebus ita per totam insulam turbatis , ut fere semper Angli dubitare cogentur , cui primum parti opem ferrent. Re adversus Danos ita gesta , ut diuturnam ab eis quietem speraret , arma vertit in Brittones , qui partem agri Scotici adhuc tenebant. Cum his quoque pace facta , receptis agris , promissoque auxilio adversus Danos , si redirent , exercitum dimisit. Verum Brittones domum reverbos pacis initæ poenituit. Igitur Scotiam hostiliter ingressi , cum prædam ingentem asportarent , Gregorius eos ad Lacum Mabanum ingenti prælio fudit , Constantino eorum Rege cæso.

XII. Cum hunc prævi consilii fructum Brittones retulissent , Heberto Constantino-

1 Gregorius Dongalli filius.] Lesho Congalli II. filius dicitur : alii omnes Buchananus consentiunt , præsertim H. Boëthius,

qui eum vix bimestrem fuisse ait , cum pater defungeretur.

stantini fratre Rege creato, cogitare cœperunt, quam suæ res in præcipiti starent, Scotis, & Danis inimicis, nec amicitia cum Anglis unquam satis fida. Decretum fit de pacificando cum Scotis. Missi ad id legati cum nihil transigerent, nisi Cumbria & Vestmaria redditis, pax in eas leges est facta. Accesserunt eodem fere tempore legati ab Aluredo Anglo, partim, ut victoriam de Danis gratularentur, ut quæ communiter omnibus Christianis jucunda esse debeat: partim, ut novo fœdere se adversus omnes Christianorum inimicos confirmarent. Pax his legibus est facta; „ Ut peregrinum hostem communibus auxiliis „ propulsarent. „ Ubicunque exscenderent, cum viribus, quantis possent, „ uterque populus accederet. Quod agri de Danis Scoti cepissent, ut id sine „ controversia in posterum tenerent. Ita pace armis undique parta, & fœderibus stabilita, Gregorio reverso nuncius affertur, Hibernos in Gallovidiam irrupisse. Causa bello prætendebatur, quod Dublinensium (quæ civitas est Hiberniæ) Gallovidiani naves aliquot longas, ad suum littus appulsas, hostiliter diripuissent. Hiberni, audito Gregorii adventu, trepide cum præda se in naves conjecerunt. Gregorius, coacta classe ac firmo exercitu, in Hiberniam, ubi primum ei commodum fuit, trajecit.

XIII. Erat per id tempus Duncanus, sive Donatus, seu verius Dunachus, eorum Rex, adhuc puer: Brienus & Cornelius, secundum Regem potentissimi, totam gentem in duas factiones distraxerant. Hi, ad externi hostis adventum induciis factis, ad Bani fluminis ripam, locis (ut videbatur) satis tutis, bina castra communierant; eo consilio, ut impetum Gregorii morae cluderent, & inopia com meatuum e solo peregrino & pervastato eum abigerent. Et Gregorius, id ipsum agi suspicatus, partem exercitus noctu clam misit, qui tumultum editiorem supra Brieni caput occuparent. Ex eo tumultu postridie, cum incalcesceret pugna, magnæ saxorum moles devolutæ multos in castris obriverunt, reliquis tantum iniecerunt pavoris, ut ordine nullo, quo quisque poterat, diffugerent. Cornelius, hoc eventu pugnae audito, suos integros in tutiora loca reduxit. Brienus in castris periit: reliqui, jubente Gregorio, quoad fieri potuit, incolumes servati. Agrum sine noxa miles transiit. Ea re effectum est, ut major pars se Regis clementiæ permittere, quam vim experiri mallet. Oppida munitiora præsidis tenebantur. Gregorius, Dundargo & Ponto, locis natura & opere tutis, in suam potestatem redactis, Dublinum ducere statuit. Sed, cum rescisset Cornelium, omnibus Hibernorum copiis præfectum, cum ingenti exercitu eodem adventare, in eum conversus, acie vicit: & fugientes Dublinum usque secutus, oppidum obsedit. Verum, cum tantæ multitudini, quanta illuc confugerat, com meatus non sufficerent, brevi id oppidum, dedente Cormacho loci Episcopo, sine cujusquam detrimento aut injuria, ingressus, Duncanum Regem propinquum suum invisit: ac testatus, „ Nulla se regni vel opum cupiditate, sed injuriæ vindicandæ causâ illuc accessisse: cura pueri educandi majoribus natu, quos maxime fidos ei fore credebatur, commissa, ipse Tutoris nomine, dum Rex adolesceret, suscepto,

ac

1 *Ubicunque exscenderent*, MS. *exscenderet*.

1 *Ejus*



ac præfidiis in arces impositis, jusjurandum a proceribus exegit, „Neminem se „Anglum, Brittonem aut Danum, in insulam, sine diplomate ipsius, admif-  
furos. Præfectos locis commodis imposuit, qui e legibus patriis jus dicerent :  
ac sexaginta, hæc ita fore, obsidibus acceptis, domum magna cum laude re-  
diit. Hæc fama justitiæ pacem in reliquum tempus certiozem, quam ullus ar-  
morum terror potuisset, præstitit. His rebus domi forisque patratis, duodevi-  
cesimo regni anno decessit, non minus justitia & temperantia quam fortitudine  
clarus: unde merito apud suos Magni cognomentum est adeptus, DCCC.XCII. DCCC.  
XCII.

LXXIV. REX.

XIV. Proxime Rex est factus Constantini Secundi filius DONALDUS  
Ejus nominis Sextus, ab ipso Gregorio, antequam decederet, proceribus com-  
mendatus. Is judicium de se viri prudentissimi non sefellit. Ita enim pacem co-  
luit, ut semper ad bellum fuerit paratus. Et cum nemo diu lacefferet, id operam  
dabat, ne juniorum animi, pacis bonis corrupti, nimium luxuriarent, & (quod  
antea sæpe acciderat) in foedissima vitia prolaberentur. Cum nova Danorum ma-  
nus ad Northumbriæ littus appulisset, ac, sine cujusquam injuria illic ad an-  
choras aliquot dies stetisset, Donaldus, confecto exercitu, eo profectus, in  
occasiones omnes intentus, regioni præfedit. Tandem, audito Danos in An-  
glorum agros exscendisse, auxilia ad Aluredum Anglum misit. Is adeo cruen-  
to prælio de hoste victoriam retulit, ut non recusaret eos in partem agri acci-  
pere, modo Christiani fierent. Ita pace composita, ac dimisso exercitu, no-  
vus Donaldum domi tumultus excepit. Inter Rossos & Moravos ex parvis la-  
trociniis subito tam magnum incendium est ortum, ut plures interdum tumul-  
tuariis congressibus caderent, quam alias justa acie. Eo Donaldus profectus,  
ducibus factionum sublatis, pacem cæteris restituit. Joannes Fordonus, Sco-  
tichronici scriptor, in hac expeditione Forestæ cum decessisse affirmat, nec si-  
ne suspitione veneni: Boethius, in Northumbriam reversum, ut videret, quo  
pax cum Danis, quam semper habuerat suspectam, vergeret, ibique, post un-  
decimum regni annum, fato suo functum, juxta summis & infimis carum, a  
Christo nato DCCCC. III. DCCCC.  
III.

LXXV. REX.

XV. Ei successus est Ethi filius CONSTANTINUS Tertius, homo non  
tam ingenio pravo, quam in bono parum constante. Dani, qui nullis pollici-  
tationibus Gregorium & Donaldum, proximos Scotorum Reges, potuerant  
flectere, ut arma adversus Anglos, tum Christianos, sumerent, Constanti-  
num facile muneribus, & vana spe finium proferendorum corruerunt, ut se-  
cum foedus iniret. Quod cum vix biennium durasset, Scotis relictis, Dani cum  
An-

[Ejus nominis Sextus] Ita scribendum bris, præter postremum Edinb. Mosman-  
Crafordius monuit: in omnibus tamen li- ni, Quintus legitur.

1 Duo.



Anglo foedus percussere. Eo quoque vix quatuor annos continuato, Eduardus Anglus, milite repente coacto, Danorum agros longe lateque populatus, eo desperationis eos reduxit, ut ad Scotos, nuper a se relictos, redirent: ac sanctissime jurarent, se amicitiam perpetuo duraturam inituros. Hoc secundum foedus magna caerimonia fuisse factum memoratur, decimo quam Constantinus regnare coeperat anno. Is eodem quoque anno Micolumbo proximi Regis filio Cumbriam donavit: qui honor velut augurium & argumentum erat, cum proxime regnaturum. Ac deinceps in proximis aliquot Regibus id fuit observatum, manifesta adversus veterem comitiorum rationem fraude, quae omnem liberorum suffragiorum vim prope tolleret, non minus ac Consulum a Caesaribus designatio. Orto igitur bello inter Eduardum Aluredi filium & Danos, Constantinus auxilia Danis Micolumbo duce misit. Hi, exercitibus junctis, multitudine sua freti, late proximos Anglorum agros populantur, & maximam quacunque eunt vastitatem faciunt, eo scilicet consilio, ut Anglos longe numero inferiores ad praelium illicerent. Tantum enim sibi arrogabant, ut ne conspectum quidem suum hostem laturum existimarent: ac jam non de victoria, sed de spoliis partiendis cogitarent. Verum, ut secundae res animos interim prudentiorum occaecant, ita adversae periculorum cogitatione infirmiores erudiunt. Angli, quod viribus deerat, consilio supplent. Acie subsidiis commode firmata, jussis primis cedentium speciem praebere, ac deinde solutis hostium ordinibus confertim in persequentes redire, pugnam non morantur.

XVI. Praerat omnibus Anglorum copiis Athelstanus, Eduardi nothus, ut nostri scriptores contendunt, assentiente etiam Graftono. Hunc quoque Athelstanum patricidii infamem faciunt, interfecto patre, ac duobus fratribus, qui jure patri proxime succedere debuerant, Edredo scilicet & Eduino. De patris morte violenta suspicionem auget fama, quod cum quidam Eduardum Martyrem<sup>3</sup> appellant. Ob id facinus invisus suis, ut illustri aliquo facto populi favorem

1 *Duobus fratribus, Edredo scil. & Eduino*] Hic non modo Historicis Anglis, sed ipse sibi contradicit Buchananus. Ut enim Eduinum taceam, quem fratris opera sublatum plerique Scriptores Angli inficiantur, de altero certe fratre Edredo id manifeste falsum ostendit, quod cum Anglorum regnum, defunctis Athelstano & Edmondo fratribus suis, aliquot annos tenuisse, cum alii omnes, tum Buchananus ipse consentiat, Cap. 18. huj. lib.

2 *Quod cum quidam Eduardum Martyrem appellant*] Graviter hic lapsus Buchananus conqueritur Tyrrellus vol. I. pag. 331. qui a nullo Historico Anglo proditum ait Eduardum Athelstani patrem morte violenta fuisse extinctum. Hunc vero Eduardum, quem Martyrem appel-

lant, 150 post annis regnum iniisse affirmat. Sed Buchananus erratum hocce eo facilius condonabit scriptor gravissimus, quod ipse, quae humana est imbecillitas, in rationibus suis subducendis haud leviter hac ipsa in re peccaverit. Eduardus enim Senior cognominatus, Athelstani pater, ipso Tyrrello referente, diem suum obiit A. C. 925; Eduardus vero Martyr regnum iniit 975, inter quos cum intercedant anni duntaxat 50, non debuit Tyrrellus eum numerum triplicatum extulisse.

3 *Appellant*] Ita in MS. secunda quidem manu emendatum reperimus, libri tamen omnes alii [*appellat*,] male, praecesserat enim [*auget fama*,] fama autem non unius, sed multorum est.

I. Cat.

vorem sibi acquireret, statuit propinquorum manibus hostium sanguine parentare. Igitur, cum satis acre prælium initio conscruiſſet, ſenſim primo, deinde trepidantius cedendo, cum jam veræ fugæ ſpeciem præbuiſſet, Dani & Scoti ſeſe victores rati, ne, ſi longius ſequerentur, præda omnis penes inertiffimos eſſet, ad caſtra diripienda recurrunt. Tum dato ſigno ab Athelſtano, Angli ad ſigna collecti, ſparſos & præda graves adorti, velut pecora trucidant. Perit in ea pugna major Scoticæ nobilitatis pars, dum mori potius eligunt, quam ignominix (velut ſociorum deſertores) ſuperſeſſe. Milcolumbus, multis vulneribus ſaucius, in pacatum a ſuis reportatus, triſtem amiſſi exercitus ad Regem Conſtantinum nuncium pertulit. Neque apud Danos lætiores res fuere. Athelſtanius, attonitis tanta clade hoſtibus, de Scotis Cumbriam & Veſtmariam, de Danis Northumbriam cepit.

XVII. Conſtantine, habito procerum conventu ad Abrenethium, cum neque virium ſatis nec ad belli, nec ad pacis munia ſuſtinenda reliquum eſſet, eſerato ſponte magiſtratu, ad <sup>1</sup> Culdeos, hoc eſt, Dei cultores (ita enim illius ætatis homines monachos vocabant) ſe velut in portum recepit, ac reliquos vitæ annos quinque inter eos ad Fanum Andreæ tranſegit. Deceſſit, anno a regno inito quadrageſimo, a Chriſto nato DCCCC. XLIII. Hic Angli, profuli in ſuas laudes, tradunt, Athelſtanum <sup>2</sup> totius Britanniæ unicum fuiſſe Regem; cæteros, qui intra Albium Regium nomen uſurpant, precario regnaſſe, ac beneficiarios ejus fuiſſe, eique ſacramentum, ceu ſupremo domino, ſolitos dicere. Teſtesque ejus ſententiæ laudant multos ſcriptores Anglos ignobiles, quibus ut facilius crederemus, Marianum Scotum, fama illuſtri hominem, adjiciunt. Qua de re lectorem admonendum putavi, nuſquam in eo Mariani codice, qui eſt in Germania editus, ullam prorsus eſſe mentionem. Ipſi vero an alium habeant, ab eo qui publice legitur, Marianum, aut interpolatum, aut a ſe conſectum, cum velim proferant. Quid, quod ne ſuos quidem ſcriptores (quippe homines magna ex parte ineruditi) ſatis alicubi <sup>3</sup> intelligunt, nec animadvertunt, apud Bedam, Gulielmum Malmesburienſem, & Galfredum Monumetenſem, Britanniā plerumque vocari eam partem, cui Brittones imperarant, hoc eſt, quæ eſt intra vallum Hadriani, aut, cum longius  
ejus

DCCCC.  
XLIII.

<sup>1</sup> *Culdeos, hoc eſt, Dei cultores*] Buchananus hic innuere videtur *Culdeos* hoſte a *Deo colendo* nomen traxiſſe; quod tamen mihi ægre perſuaſerit, cum in antiquis monumentis non *Caldei*, ſed *Keledi* ſere ſemper appellentur. Vero propior eorum conjectura videtur, qui eos a *cellis* ſive caſulis quibus olim habitare rebusque divinis operari conſueverant, id nominis accepiſſe arbitrantur. Cæterum an hoc Monachorum genus religionis cultum ritusque, ab iis qui in Eccleſia Romana diu invaluerant, longe diverſos ſint amplexi,

Tom. I.

quod Cl. Jac. Dalrympleſius comprobare adnititur, aliis dijudicandum relinquo.

<sup>2</sup> *Totius Britanniæ unicum fuiſſe Regem*] Hoc Anglorum futile ſigmentum tam egregie eſt a Cragio noſtro, Jac. Andersono aliisque convulſum, ut Tyrellus veritatis viribus coactus victas ſe manus dare fatetur.

<sup>3</sup> *Intelligunt, nec animadvertant*] Libri omnes intelligant, nec animadvertant. Verum aut hic intelligant, aut illic animadvertant dici debebat.

Z

ejus fines protendunt, intra vallum Severi; Scotos vero & Pictos sæpe extra Britanniam censerī, & interim Transmarinos populos dici? Quod igitur apud illos est; „Anglos toti Britanniae imperasse aliquando, „id isti ita accipiunt, „ac si diceretur, Totam Britanniam, id est, Albium, sive Albionem: „cum illi brevioribus finibus plerumque, uti dixi, Britanniam circumscribant. Sed de his alio loco latius differuimus. Nunc ad res Scotorum redeamus.

## LXXVI. REX.

XVIII. Constantino in monachorum secessu quietem amplexo, Rex declaratur MILCOLUMBUS Donaldi filius. Athelstano mortuo, ac regnante fratre ejus Edmundo, Cumbria & Vestmaria, relictis Anglis, ad assuetum imperium redire: & Dani, qui in Northumbria remanserant, Avalassum Danum, hominem Regii generis, tum in Hibernia exulantem, ad regnum accipiendum vocant. Edmundus prospiciens, quanta belli moles instaret, Milcolumbum Cumbria & Vestmaria donat, ea lege, ut, qui proxime in regnum Scotorum successurus esset, sacramentum Anglorum Regi, ceu supremo eorum locorum domino, diceret. Deinde Danos, variis calamitatibus afflictos, facile in suam ditionem redegit: nec ipse diu ei victoriæ superstes fuit. Angli in locum ejus fratrem Edredum Regem creant. Adversus hunc cum Dani, qui Northumbriam tenebant, nec unquam bona fide pacem cum Anglis fecerant, rebellassent, multaque loca munita de eo, in diversa regni parte occupato, cepissent, ac in primis Eboracum; decem millibus Scotorum in subsidium acceptis, Anglus eos magna clade compescuit. Milcolumbus, domum reversus, totum se pacis artibus dedit. Ut autem belli vulnera, ac potissimum licentiam & luxum, sanaret, universos Scotorum conventus juridicos alternis fere annis invisebat: & summa cum æquitate jus dicebat. Tandem decimo quinto regni anno, dum acrius latrocinia punit, & luxuria diffuentes juniorum mores coercet, in Moravia noctu a conjuratis est extinctus. Facinoris conscii diligenter a proceribus quæsitī, ac deprehensi, vario suppliciorum genere, pro cujusque opera in scelere patrando, affecti.

## LXXVII. REX.

XIX. Proxime regnavit INDULFUS: qui, rebus domi compositis, proximum septennium in summa tranquillitate transegit. Octavo demum regni anno, Dani, ægre ferentes amicitiam Anglorum suæ prælatam, fœdusque perpetuum, a duobus Regibus adversus se factum, classe quinquaginta navium, Scotis nihil minus expectantibus, in æstuarium Forthæ fluminis ingressi, prope necopinantes oppresserunt. Igitur, in re tam subita, terroris ac trepidationis plena fuerunt omnia, aliis bona sua in loca tutiora ac mediterranea transferentibus, aliis ad mare concurrentibus, hostem exscendere prohiberent. Præerant classi Hago & Helricus. Hi cum Lothianam, ac deinde Ffiam, frustra tentassent, Tai æstuarium adeunt. Illic quoque terra prohibiti, cum reliquum littus legerent, Ænciam, sive Angusiam, Merniam, Mariam, Buchaniam, prætervecti, nec usquam admissi, tanquam discessuri vela in altum dederunt.

Dein-

Deinde, omnibus securis, post aliquot dies reiecti, in littore Boinæ ad Col-  
lini fluminis ostium nacti locum idoneum, antequam edito tumultu accolæ ac-  
currerent, nullo prohibente militem exponunt. Eorum adventum cum rescis-  
set Indulfus, pene famam sui prævenit: ac primum in sparfos populatores in-  
vectus, eos ad reliquum exercitum compulit, minore quidem cum caede, quod  
Danorum castra non longe aberant. Ubi in mutuum conspectum est ventum,  
sine mora instructis aciebus, paribus prope animis & viribus est concursus.  
Cum acriter utrinque pugnaretur, subito Danos perturbant a tergo conspecti  
Græmus & Dumbarus cum Lothianis cohortibus. Cum alii ad naves, alii,  
quo metus hostium agebat, per loca ignota fugerent, major pars in valle silve-  
stri conglobati, occasionem aut rei bene gerendæ, aut fortiter moriendi, op-  
periebantur. Indulfus, vel ut penitus hostibus profligatis, cum paucis obequi-  
tans, casu in eos illatus, occiditur, ineunte decimo sui regni anno: præfuit  
enim Scotis novem annos & tres menses. Sunt qui sagitta e nave missa interem-  
tum prodant, dum exarmatus, ut fugientibus vehementius instaret, in conscen-  
dentes acrius fuisset inVectus.

LXXVIII. REX.

XX. Eo defuncto, regnum adeptus est DUFFUS Milcolumbi filius. Is sta-  
tim Culenum, Indulfi Regis filium, præfecit Cumbriæ, atque in Æbudas  
tumultuantes misit, ut eas a latrociniiis purgaret. Juventus enim nobilis, ma-  
gno numero comitum ascito, vestigalem sibi plebem faciebat, præter victum  
gratuitum certa pecunia singulis familiis indicta. Nec in eos asperior fuit Cule-  
nus, quam in ipsos insularum præfectos, qui genus id hominum coercere de-  
buerant. Indictum eis, ut in posterum ipsi, quorum negligentia hæc evenie-  
bant, damnum acceptum plebi, multam Regi persolverent. Hæc denuncia-  
tio tantum otiosis illis nebulonibus terroris iniecit, ut in Hiberniam pluri-  
mum discederent, & ibi mercenaria opera victum quærerent. Quam hæc res plebi  
fuit grata, tam proceres exulum propinquos, multosque juvenum id genus  
otiosæ vitæ probantium, offendit. Hi, in omnibus stationibus & conventicu-  
lis, primum secretis, mox, comprobantium multitudine freti, apertis crimi-  
nationibus Regem lacerabant. „Eum, nobilitate contempta, sacrificulorum  
„consiliis abduci: homines honesto loco natos ad servilia munera cogere: ple-  
„bis ultimos ad summos honores provehere: omnium rerum discrimina tollere,  
„ac summa infimis miscere. Hic status rerum si perseveret, aut nobilitati alio  
„migrandum esse, aut alium Regem creandum, qui populum in majorum in-  
„stitutis, quibus hoc regnum ex tam parvis initiis in hanc magnitudinem sit  
„progressum, contineat.

XXI. Inter hæc, Rex, nullis apparentibus causis, morbo novo & inau-  
dito afflictari cœpit. Tandem, aliis alia remedia frustra quærentibus, incertis

1 Genus id hominum] Vix aliter scri-  
pserit Buchananus, quam id genus hominum.  
Virgilius quidem dicit, Quod genus hoc

hominum? at alius Poëtis, alius Histori-  
cis verborum ordo est aptior.

auctoribus 'rumor est pervulgatus, „Eum maleficarum veneficiis peti: „sive ex indicio orta suspicione: sive, cum e perpetuo sudore corpus paullatim contabesceret, & vires deficerent, medicique undique acciti nihil salubre proferrent, communibus morborum causis non se prodentibus, ad occultum decursum est. Omnibus igitur in hoc unum intentis, tandem allatum est, „Forestæ, (quod est Moraviae oppidum) coventus nocturnos in ejus perniciem fieri. Id, quia nihil aliud occurrebat, pro vero acceptum. Missi ad rem explorandum fidi homines ad Donaldum arcis praefectum, cui maximis de rebus Rex semper maximam habere fidem solebat. Is, indicio cuiusdam meretriculae, cujus mater ejus artis infamia laborabat, totam rem deprehendit ac detexit. Puella enim, quod de salute Regis ac sine vitae proximis diebus quaedam temere effutisset, capta, statim (ostentatis tormentis) quid in Regis exitium pararetur, indicavit. Missi milites puellae matrem cum aliquot mulierculis effigiem Regis cerream lento igne torrentes comperiunt. Id facinus eo tendebat, ut, cera paullatim liquefcente, Rex in sudorem solutus, sensum contabesceret, ea vero consumta, spiritu defectus moreretur. Fracta cerea imagine, ac punitis veneficiis, tradunt eodem momento Regem morbo levatum. Haec ego, ut a majoribus accipi, tradenda censui. Quid de hoc genere veneficii sit sentiendum, legentium iudicio relinquo. Admonendum tamen existimavi lectorem, apud vetustiores non inveniri.

XXII. Inter haec, abjecto Regis (quem brevi moritum sperantem) metu, multae passim caedes, multa latrocinia fiebant. Duffus, recuperatis viribus, latrones per Moraviam, Rossiam & Cathanesiam secutus, multos variis casibus interemit. Principes eorum Forestam, ut conspectius fieret supplicium, puniendos reduxit. Ibi, cum Donaldus, arcis praefectus, aliquot necessarios suos poenae eximere precibus nequisset, ingentem irae molem adversus Regem concepit: ac totus, velut insigni contumelia, in vindictae cogitatione erat. Tanti enim sua erga Duffum beneficia aestimabat, ut quacunq; de re nullam ab eo repulsam pati deberet. Uxor quoque Donaldi, cum supplicium noxiorum ad aliquot ipsius propinquos pertinuisset, agrum mariti animum non modo verborum acerbitate inflammavit, sed consilio ad Regis necem arnavit: affirmans, „Regiae arcis custodem vitam mortemq; ejus in sua manu habere: eaque postestatem praeditum, non modo ut facinus patrare, sed etiam patratum occultare posset. Igitur, cum Rex altiore somno post negotia esset oppressus, & ministri ejus a Donaldis largius invitati jacerent, immixtis percussoribus, nemine prorsus sentiente, curat jugulatum Regem per posticum efferendum, ita cir-

1 *Rumor est pervulgatus*] MS. *pervulgatus*.

2 *Quaedam temere effutisset*] Ita monente Crafordio emendavius; libri tamen omnes *effudisset*: quod quamvis non prorsus inaptum sit: alterum tamen multo magis appositum vocabulum videtur. Teste enim Pompejo *Festo fustiles* (unde *effu-*

*tio deducitur*) dicuntur, qui *flere* *sacunda* *nequeunt*, sed ea *effundunt*. Terent. Phorm. Act. 5. sc. 1. 19. *Ne vos forte imprudenter fatis effutiretis, atque id porro aliqua uxor mea rescisceret.*

3 *Apud vetustiores*] Immo usitatum fuisse docet Pharmaceutra Virgiliana. vid. Heins. ad Quid. III. Amor. vii. 39.]

1. *Cessio*



circumspecte, ut nulla sanguinis gutta facinus proderet, atque, ad duo millia passuum a Kinlossio cœnobio, sub ponticulo quodam in loco obscuro sepeliendum, celsipite herboso superinducto, ne quod terræ effossæ vestigium appareret. Hoc mihi verisimilius videtur, quam quod alii tradunt, aversio annis cursu, in scroberum corpus injectum, deinde, revocato in suum alveum fluvio, sepulchrum tectum. Ministri quoque sceleris ablegati: quod opinio a majoribus accepta nostrorum hominum animos adhuc obtineat, præsentis cædis auctore, cruorem e vulneribus, velut recente fucinare, post aliquam multos dies manaturum. Postridie vulgato rumore, Regem nusquam comparere, lectum cruore esse conpersum, Donaldus, re atroci & subita percussus, in cubiculum advolat: ministros, tanquam iræ impatiens, jugulat: cuncta circumcirca diligenter perveſtigat, si qua cadaveris indicia comparerent. Cæteri, tam novo scelere attoniti, cum sibi quoque metuerent, donum quicquid discedunt. Ita Rege optimo in ætatis flore, per nefarium scelus, postquam quatuor annos & sex menses regnasset, extincto, ubi primum commodum fuit, comitia novo Regi creando sunt habita.

LXXIX. REX.

XXIII. Rege in comitiis creato CULENO Indulsi filio, nihil prius actum; quam quæstio de Regis Duffi cæde decreta esset. Adigebant quoque, uti id properarent, prodigia. Unum, quod proprie ad facinus pertinere videbatur: accipiter a bubone resciso gutture est interfectus. Alterum vulgi interpretatio eodem referebat: per sex totos post cædem menses crebri præter solitum ignes micabant, & ær ventis vehementioribus agitatus, & nubibus ita obductum fuit cœlum, ut neque Sol neque Luna usquam in Scotia conspiceretur. Omnibus igitur in id intentis, ut optimi Regis mortem ulciscerentur, Culenus in Moraviam properat, tanquam illic, ubi scelus patratum fuit, certiora ejus reperturus indicia. Donaldus ad hunc rumorem, cum sibi nefariæ crudelitatis esset conscius, & nimia & prope insana ejus in auctoribus vestigandis diligentia multis esset suspecta, navem ad ostium Spææ fluminis nactus, insciis uxore & propinquis, eam cum paucis conscendit; veritus videlicet, ne res ex ipso tormentis exquiretur. Hic quoque ejus festinatio, & vultus perturbatus, & comitatus, & in conscendendo trepidatio, præsertim in naviculam forte oblatam, sine ullo apparatu, ita vehementer in omnia, qui aderant, animos impressit suspicionem, ut a nullo genere contumeliæ in eum temperarent, „Impium, sacrilegum, parricidam, „ & si quid ira gravius subijciebat, acclamantes: „Eti „Regis adventum fugeret, Dei tamen providentiam subterfugere non posse. Denique omnibus execrationibus, quas indignatio commotis animis offerebat, cum persecuti sunt, donec in altum evectus e conspectu abiit. Nuncio tam trepidæ fugæ ad Culenum perlato, iter accelerat. Uxorem Donaldi, ac tres fi-

lios,

*r* Celsipite herboso superinducto Libri Grammaticorum placita & veterum normans, celsipite herboso superinducto, in manam manifeste peccantes.

Z. 3.

r. Hæc

auctoribus rumor est pervulgatus, „Eum maleficarum veneficiis peti: „live ex indicibus orta suspicione: live, cum e perpetuo sudore corpus paulatim contabesceret, & vires deficerent, medicique undique acciti nihil salubre proferrent, communibus morborum causis non se prodentibus, ad occultam decursum est. Omnibus igitur in hoc unum intentis, tandem allatum est, „Forellae „(quod est Moraviae oppidum) coventus nocturnos in ejus pernecium fieri. Id, quia nihil aliud occurrebat, pro vero acceptum. Missi ad rem explorandum fidi homines ad Donaldum arcis praefectum, cui maximis de rebus Rex semper maximam habere fidem solebat. Is, indicio ejusdem meretriculae, cujus mater ejus artis infamia laborabat, totam rem deprehendit ac detexit. Puella enim, quod de salute Regis ac sine vitae proximis diebus quaedam temere effutisset, capta, statim (ostentatis tormentis) quid in Regis exitium pararetur, indicavit. Missi milites puellae matrem cum aliquot muliereculis effigiem Regis cerream lento igne torrentes comperiunt. Id facinus eo tendebat, ut, cera paulatim liquecente, Rex in sudorem solutus, sensim contabesceret; ea vero consumpta, spiritu defectus moreretur. Fracta cerea imagine, ac punitis veneficiis, tradunt eodem momento Regem morbo levatum. Haec ego, ut a majoribus accepti, tradenda censui. Quid de hoc genere veneficii sit sentiendum, legentium iudicio relinquo. Admonendum tamen existimavi lectorem, apud vetustiores non inveniri.

XXII. Inter haec, abjecto Regis (quem brevi moriturnum sperabant) metu, multae passim caedes, multa latrocinia fiebant. Duffus, recuperatis viribus, latrones per Moraviam, Rossiam & Cathanesiam secutus, multos variis casibus interemit. Principes eorum Forellam, ut conspectius fieret supplicium, puniendos reduxit. Ibi, cum Donaldus, arcis praefectus, aliquot necessarios suos poenae eximere precibus nequisset, ingentem irae molem adversus Regem concepit: ac totus, velut insigni contumelia, in vindictae cogitatione erat. Tanti enim sua erga Duffum beneficia aestimabat, ut quacunque de re nullam ab eo repulsam pati deberet. Uxor quoque Donaldi, cum supplicium noxiorum ad aliquot ipsius propinquos pertinuisset, aegrum mariti animum non modo verborum acerbitate inflammavit, sed consilio ad Regis necem arnavit: affirmans, „Regiae arcis custodem vitam mortemque ejus in sua manu habere: eaque potestate praeditum, non modo ut facinus patrare, sed etiam patratum occultare, re posset. Igitur, cum Rex altiore somno post negotia esset oppressus, & ministri ejus a Donaldo largius invitati jacerent, immisus percussoribus, nomine prorsus sentiente, curat jugulatum Regem per posticum efferendum, ita cir-

1 *Rumor est pervulgatus*] MS. *pervogatus*.

2 *Quaedam temere effutisset*] Ita monente Crasfordio emendavimus; libri tamen omnes *effudisset*: quod quamvis non prorsus ineptum sit: alterum tamen multo magis appositum vocabulum videtur. Teste enim Pompejo Festo *fulites* (unde *effu-*

*tio* deducitur) dicuntur, qui silete tacenda nequeant, sed ea effundunt. Terent. Phorm. Act. 5. sc. 1. 19. *Ne vos forte imprudenter foris effutiretis, atque id porro aliqua uxor mea resciret.*

3 *Apud vetustiores*] Immo usitatum fuisse docet Pharmaceutra Virgiliana. vid. Heins. ad Ovid. III. Amor. vii. 19.]

1. *Cessit*

circumspecte, ut nulla sanguinis gutta facinus proderet, atque, ad duo millia passuum a Kinloss coenobio, sub ponticulo quodam in loco obscuro sepeliendum, <sup>1</sup> cespitem herboso superinducto, ne quod terræ effossæ vestigium apparet. Hoc mihi verisimilius videtur, quam quod alii tradunt, averio annis cursu, in scroben corpus injectum, deinde, revocato in suum alveum fluvio, sepulchrum tectum. Ministri quoque sceleris ablegati: quod opinio a majoribus accepta nostrorum hominum animos adhuc obtineat, præsentis cædis auctore, cruorem e vulneribus, velut recente facinore, post aliquamultos dies manaturum. Postridie vulgato rumore, Regem nusquam comparere, lectum cruore esse conspersum, Donaldus, re atroci & subita percussus, in cubiculum advolat: ministros, tanquam iræ impatiens, jugulat: cuncta circumcirca diligenter pervestigat, si qua cadaveris indicia comparerent. Cateri, tam novo scelere attoniti, cum sibi quoque metuerent, domum quisque discedunt. Ita Rege optimo in ætatis flore, per nefarium scelus, postquam quatuor annos & sex menses regnasset, extincto, ubi primum commodum fuit, comitia novo Regi creando sunt habita.

## LXXIX. REX.

XXIII. Rege in comitiis creato CULENO Indulfi filio, nihil prius actum, quam quæstio de Regis Duffi cæde decreta esset. Adigebant quoque, uti id properarent, prodigia. Unum, quod proprie ad facinus pertinere videbatur: accipiter a bubone reciso gutture est interfectus. Alterum vulgi interpretatio eodem referebat: per sex totos post cædem menses crebri præter solitum ignes micabant, & ær ventis vehementioribus agitato, & nubibus ita obductum fuit cælum, ut neque Sol neque Luna usquam in Scotia conspiceretur. Omnibus igitur in id unum intentis, ut optimi Regis mortem ulciscerentur, Culenus in Moraviam properat; tanquam illic, ubi scelus patratum fuit, certiora ejus reperturus indicia. Donaldus ad hunc rumorem, cum sibi nefariæ crudelitatis esset conscius, & nimia & prope insana ejus in auctoribus vestigandis diligentia multis esset suspecta, navem ad ostium Spææ fluminis nactus, insciis uxore & propinquis, eam cum paucis conscendit; veritus videlicet, ne res ex ipso tormentis exquiretur. Hic quoque ejus festinatio, & vultus perturbatus, & comitatus, & in conscendendo trepidatio, præsertim in naviculam forte oblatam, sine ullo apparatu, ita vehementer in omnium, qui aderant, animos impressit suspicionem, ut a nullo genere contumeliæ in eum temperarent; „Impium, sacrilegum, parricidam, „& si quid ira gravius subjiciebat, acclamantes: „Etsi „Regis adventum fugeret, Dei tamen providentiam subterfugere non posse. Denique omnibus execrationibus, quas indignatio commotis animis offerebat, cum persecuti sunt, donec in altum evehctus e conspectu abiit. Nuncio tam trepidæ fugæ ad Culenum perlato, iter accelerat. Uxorem Donaldi, ac tres filios,

<sup>1</sup> Cespitem herboso superinducto] Libri Grammaticorum placita & veterum monumentis, cespitem herboso superinducta, in manam manifeste peccantes.

lios, repræsentatis tormentis, cogit omnem facinoris ordinem exponere: item corpus, quomodo, per quos, ubi sepultum. Horum omnium & marito non conciliam, non comitem modo, sed auctorem fuisse. <sup>1</sup> Hæc audiente populo, (nam palam quaestio habita erat,) vix a magistratibus persuaderi poterat, ut manibus temperaret. Postidie Donaldus, cum aliquot dies ventis adversis fuisset iactatus, tandem naufragio in litus eiectus, ad Regem perductus, una cum suis omnibus pœnas dedit. Qui cum ad Regem adduxerant, liberaliter muneribus donati. Arx, omnibus, qui in ea erant, caesis, cremata. Corpus Duffi honorifice majorum sepulchris illatum.

XXIV. Hæc ut bonorum animos vehementer Culeno conciliarunt, ita reliquis vitæ cursus tantum ei peperit odium, quanto ante cum nemo Regum flagraverat. Sive enim naturæ sponte inductus, sive metu (ut videri volebat) periculi tractus, disciplinam severam, sub Indulso Duffoque cultam, solvi est passus; ac juventutem, commensationibus intempestivis & peregrinis deliciis fractam, permisit, ad libidines legibus vetitas, deinde ad vim apertam latrociniaque prorumpere. Eo cum majorem adolescentium nobilium partem inclinare intellexisset, protinus & ipse eodem deflexit, ac palam ita se flagitiis immergit, ut nec a matronis honestis, nec sacris virginibus, (quæ tum ob singulare <sup>2</sup> pudicitie servandæ studium erant in honore,) nec a sororibus suis, nec a filiabus temperaret; catærarumque virginum greges, per conquisitores adductas, velut in prostibulo contineret.

XXV. Cum a viris prudentioribus admoneretur; „Partim juventutem ætatis exultatione defendebat, partim se, etiam si quædam minus recte fieri „confiteretur, metu tamen ad ea toleranda cogi. Meminisse etiam, quantam „superioris Regis intempestiva severitas attulerit, non modo ipsi, sed toti regno calamitatem. In nobilitate firmamentum esse regnorum. Neque verum „esse, isto liberiore vivendi genere spiritus eorum martios frangi, & humiles „dejectosque reddi, ac studia belli sic in pace ab eis negligi, ceu nunquam bellum fore sperent. Ætatis florentis luxuriam ita compescendam esse, ne effluat, „& bonam ingeniorum frugem nimia lœtitia in herba strangulet: non autem „omnino succidendam, ne simul virtutum seminaria tollantur. His auditis, nobiles, cum nihil apud Regem admonendo proficerent, sibi etiam ea libertate sermonis periculum crearent, ab aula secesserunt, ne non modo testes, sed interrim participes fieri cogerentur earum rerum, quibus cernendis audiendisque oculos & aures consecrarent sese existimabant. Et Rex, tam molestis arbitris libera.

<sup>1</sup> Hæc audiente populo, vix a magistratibus persuaderi poterat, ut manibus temperaret. Cum verbum (*temperaret*) ad nullum alium quam populum referri possit, Hæc audens populus dici debuisse multi existimabant, cum ex Grammaticorum libris ille Abiatiuus, quem absolutum vocant, & Nominativus verbi, diversæ personæ debeant esse. Atqui optimus etiam scriptor-

res ab hac lege nonnunquam descivisse ostendit Alvarus pag. 353. veluti Cic. ad Tironem lib. 14. *Non potes effugere huius culpa panam, te patrono.* Horat. lib. 1. Od. 2. *Non finis Medos equitare inultos, Te ducit, Cæsar.* Ovid. Amor. lib. 2. Eleg. 12. *Me ducit ad hanc voti finem, me milite veni.*

<sup>2</sup> Pudicitia servanda] MS. *servata.*

1 Deill-

beratus, se totum conviviis Venerique dedit. Nec præmia deerant, si quis novum voluptatis genus, quantumvis spurcum ac detestandum, invenisset. Noctes diesque aula lascivis cantionibus ebriosorumque clamoribus perstrepebat. Nec minor illic laus erat impudentiæ & intemperantiæ, quam apud bonos & honestos esse solet modestiæ & pudoris. Nam quæ apud alios mortales, etiam cum lege sunt permixta, celantur, ibi in propatulo absque verecundia fiebant. Juventus illecebris voluptatum delinita, & adulatorum scurrarumque turba Regem in cælum laudibus ferre: „Ut qui primus splendorem magnificentiamque cum „auctoritate conjunxerit, & severitatem imperii comitate temperarit, & laborum molestias animorum remissione levarit.

XXVI. Ad hæc autem continuanda cum sumtu opus esset, opulentiores confectis causis spoliabantur: plebeji homines non modo in prædam permixti, sed servilibus etiam ministeriis attriti. Si cui præsentia non placerent, aut pro agresti incultoque contemnebatur, aut, si ferocioris animi videretur, delatorum calumniis objectus, plerumque, velut res novæ molitus, petebatur. In hac omnium flagitiosorum licentia cum triennium jam peractum esset, hominibus aut metu aut segnitia cessantibus, ipsa luxuria pœnas exigere cœpit. Viribus enim Venere immodica exhaustis, corporis deformitate ex epulis largioribus contracta, morbis grassantibus, qui utriusque vitii comites esse solent, restabat deforme cadaver, ad nullos alios usus sibi superstes, quam ad pœnas flagitiosæ vitæ perferendas. Rege ad omnes vitæ functiones inutili, corporis animique viribus intemperantiæ debilitatis, & aula in mores ejus conversa, audaciores, spe prædæ & impunitatis sollicitati, cædes & latrocinia palam factitabant, plebejos & aulicos juxta contemnentes: quippe alteros per inopiam serviliter dejectos, alteros nequitia sua imbelles & effœminatos. Qui saniores erant e nobilitate, duplici malo circumventi, ac de summa rerum consultare coacti, conventum publicum Seonam indicunt. Ibi Rex adesse jussus, ut una cum cæteris in tam præcipiti rerum statu salutis publicæ prospiceret. Hac admonitione ictus, & ex ignava illa somnolentia velut experrectus, ambigere cum suis una cœpit, quid potissimum in tantis angustiis deprehenso factu optimum esset. Et cum neque resistendi neque fugiendi ratio constaret, etsi animus nihil boni divinabat, tamen ad conventum ire decrevit. Atque, ut miseri interdum in rebus adversis sibi blandiri solent, non omnino desperabat, se vel misericordia, vel patris optimi memoria, aliquid effecturum, ne ex tanta fortuna subito in extremum miseriarum caderet. Igitur cum Seonam iret, satis magno comitatu, sed imbelli, ac jam ad Methuanum vicum propinquum pervenisset, a Thano regionis, ob stuprum per vim filix illatum, est occisus. Mors ejus audita, uti omnibus fuit grata, quod minore

[*Delinita*] Libri fere omnes [*delinita*], at quamvis hæc vox a *lenis* originem trahat, usu tamen receptum est ut secunda syllaba per *i* non vero *e* scribatur. [Immo nos Buchananum judicio elegisse meliorem

scribendi formam credimus. vide ad Quintil. V. de instit. orat. 8. & Phædr. prolog. lib. III. & Ovid. XI. Metam. 163.]



nore quam speraverant labore tali monstro liberati essent, ita Rohardi (sive Radardi) Thani facinus vehementer omnis displicuit. Regnavit, quemadmodum & superior Rex, annis quatuor, mensibus sex.

## L X X X. R E X.

XXVII. Culeno suffectus fuit KENNETHUS, Duffi frater, ejus nominis Tertius. Is, ut ingenio, moribus, & totius vitæ instituto Regi superiori fuit dissimilis, ita pari studio in corrigendis adolescentium moribus, atque ille in corrumpeendis, elaboravit. Eoque difficilius id ei certamen fuit, quanto majore animi propensione homines in vitia præcipites ruunt, quam ad virtutem, per arduum, & velut difficilem clivum, enituntur. Quæ res potissimum in causa fuisse videtur, ut nonnulli, qui sapientiæ studio sese dediderunt, existimaverint, homines ad voluptates fruendas a natura factos esse, ad virtutem violenter contra suum ingenium trahi. Falso quidem utrumque. Sed ejus erroris inde fortasse fuit initium, quod, cum in homine duplex naturæ sit vis, altera corporis, altera animi; corporis quidem vigor prius adolescere, animi vero tardius, videatur. Ac velut stirpes prius caules, folia, floresque aspectu jucundos, diffundunt, quam semen intra vaginas & conceptacula formari incipiat; maturesciente vero semine hæc omnia languescant, ac demum marcescant: ita corpora nostra cito adolescunt quidem, antequam virtus animi adhuc infirmi suas vires possit exercere; ac, senescentibus paulatim membris, robur mentis & consilii magis ac magis se profert. Itaque, non secus ac in segetibus herbescentem luxuriosius messem compescimus, vel pascendo, vel desecando: ita in adolescentibus, indolem, se vehementius ostentare festinantem, cura & cultu cohibendam leges censent, donec adolescens ratio per se corporis jam infirmi impetus comprimat. Sed ad Kennethum redeamus.

XXVIII Is, cum peritum habere, vulgus fere ad Principum nutus circumagi, & studia eorum diligenter æmulari, primum familiæ suæ disciplinam formare instituit; ut, quæ verbis præciperet, rebus exprimeret: atque ut suam vitam familiaribus, ita ipsorum mores cæteris, exemplo esse voluit. Aula libidinum & nequitiae ministris purgata, ut idem in cæteris regni partibus præstaret, ipse ad conventus habendos singulas regiones obire statuit: ut furta, cædes & latrocinia suppliciis coercens, ac præmiis omnes ad labores perferendos invitans, & commodis sermonibus ad concordiam adhortans, veterem disciplinam paulatim revocaret. Sed id experiundo difficilius opinione invenit, quod magna pars nobilitatis, aut ipsa scelerum sibi conscia, poenas timeret, aut cum facinorosis illigata propinquitatibus esset. Igitur, cum primus conventus ad Lanericum, Glottæ oppidum, indictus esset, qui vocati in jus fuerant, admoniti, a propinquis, quanto cum periculo essent venturi, quidam in Æbudas, alii in alias latrocinii infames regiones, fugere. Rex, cum fraudem intelligeret, nec auctores ejus ignoraret, dissimulata ira, solvit conventum: & velut voti Divo Niniano reus, in Gallovidiam cum paucis familiaribus profisciscitur. Ibi, per otium, re cum iis, quos fidos sibi rebatur, communicata, optimum factu visum est; „ Ut anno proximo conventum totius nobi-  
„ lita-

litatis ad Sconam habeat, tanquam de rebus ad universos pertinentibus acturus. Ibi capita factionum sine tumultu posse capi. Illos, in custodiam abditos, posse per amicos & clientes curare, ut facinorosi ad Regem adducantur.

XXIX. Id consilium cum placuisset, paucis creditum, ac silentio tectum usque ad conventum Sconensem fuit. Tum per homines idoneos parato milite, atque intra Regiæ proximas ædes occultato, cum postridie frequens nobilitas in aulam venisset, atque a Rege fuisset & vultu & verbis humanissime accepta, repente signo dato armati concilium circumsteterunt. Subito terrore ex insolita rerum facie oborto, Rex eos leni oratione consolatur. Rogat, „Ut, si quam ex his, quos viderent, animo formidinem conciperent, eam omnino deponerent. Nemini enim a se viro bono & innoxio periculum imminere: nec in eorum perniciem, sed præsidium, hæc arma comparata. Neque obscurum id eis esse posse, quo sua studia omnia, ex quo regnum suscepit, pertinuerint: nempe, ut, sublatis scelerosis, boni non modo patrimonio, vel a majoribus relicto, vel virtute & industria parto, sed Regia, pro cuiusque merito & dignitate, munificentia frui possent. Hoc vero eorum studio & opera se assequi posse. Superiore anno, cum noxiorum quosdam in jus vocasset, neminem ad diem affuisse. Crebris multorum sermonibus se intellexisse, non tam id ab eis factum suarum virium, quam propinquo & amicorum fiducia. Hoc si quidem verum esset, & publice calamitosum, & ipsis eorum amicis turpe esse. Nunc autem tempus venisse, quo sese crimine, & regnum latrociniis, liberare possint. Rem autem facilem fore, si potentiores in sua quisque ditione comprehendant scelestos, atque ad supplicium offerant. Hi qui sint nemini esse ignotum. Quod si excusationes neccant, & cum summa sit facultas de patria bene merendi, voluntas tamen absit, Regem, cui omnium incolumitas sit commissa, excusari non posse, si ipsos dimittat, antequam poena de noxiis fuerit sumpta. Hunc enim finem eos retinendi se itavisse. Quare, si cui diuturnior in illa custodia mora videatur esse molesta, sibi ipsi eam imponet, cum in sua cuique potestate sit, non modo libertas, sed laudes, honores, præmia, & omnium bonorum gratia. „Ad hæc primores, cum de communi consilio Regi respondissent, „Se malle suam innocentiam rebus, quam verbis ostendere, „operam suam ei prolixè promittunt, invicemque eum orant; „Ut, si quam de se suspicionem concepisset, eam deponeret. „Id cum sanctè promississet, nomina noxiorum edit. Procures, per amicos diligenti conquisitione facta, facinorosos brevi ad Regem perducendos curant: quibus ex lege punitis, nobiles dimissi, præmiis etiam donati, & pollicitationibus onerati, vulgi promiscua multitudine Regi cæterisque omnibus omnia bona precante. Rebus ita domi compositis, cum Anglis fœdus, a superioribus aliquot Regibus ictum, per Kennethum quamdiu vixit sanctissime est servatum.

XXX. Hanc totius Britanniae publicam tranquillitatem interpellarunt Dani, quorum numerosam classem prope Rubrum Promontorium (is locus est Ænciæ, sive Angusiæ) ad anchoras stare nuntiaturum est. Tenuit eos ibi aliquot dies consultatio, utrum in proximum littus descenderent, an in Angliam, quo eis cursus erat, desisterent. Multi enim censebant; „Angliam petendam, regio-

„nem opulentam, quæ & fructibus exercitum alere, & auxiliis augere posset.  
 „Multos enim ibi Danici generis esse adhuc superstites, multos vetere amicitia cum Danis conjunctos. Hos omnes ad primum eorum motum accursuros,  
 „quod semper antea ibi factitatum est. In Scotia gentem esse ingenio ferocem,  
 „& ut in duro atque inopi solo, duram & laboris patientem: & quam nunquam sine clade insigni sint aggressi: quam si vincant, nullum opere pretium-ficturos; sin vincantur, extrema omnia passuros. „Alii contra diserebant;  
 „Si in Angliam descenderent, cum utraque gente simul conflegendum.  
 „Scotis autem prius devictis, facile bellum cum Anglo futurum, externis auxiliis spoliato, & amicorum clade territo. Neque magni animi viros in prædam unam intentos esse decere: sed potius meminisse debere propinquorum  
 „& majorum, toties in Scotia crudeliter caforum. Nunc cum omnibus ad bellum rebus necessariis paratis, tantum exercitum habeant, eam vindictam expetendam, quæ & immanitatem Scotorum pro merito puniat, & terrorem Danici nominis ad omnes nationes circumjectas perferat.

XXXI. Hæc sententia cum in concilio vicisset, traducta classe ad Eborac fluminis ostium, copias in terram exposuerunt. Oppidum proximum diripiunt: in directum ferro & igne seviunt: arcem solo æquant: cives sine discrimine occidunt: nulli vel sexui vel ætati parcunt. Eam vastitatem per Angliam, usque ad Tai æstuarium, faciunt. Hæc per eos, qui fuga sævitiam hostium evaserant, etiam tumultuosiora, quam erant, ad Regem Sterlinum perferuntur. Is, consultis qui aderant ex primoribus, brevem propius habitantibus ad conveniendum diem dicit. Ad longinquiores scribit, ut cum auxiliis accerent. Ipse cum præsentibus copiis, ad speculandum e propinquo res hostium, & populationes agrorum (quoad posset) coercendas, recta ad hostem ducit. Brevi ingens multitudo in castra Regis, quæ erant ad confluentem Tai & Iernæ fluminum, accessit. Ibi dum contrahit copias, ad eum affertur, „Hostes, Taum transgressos, Bertham oppidum obsidere. Loci tam propinqui periculo motus, statim eo ducit. Ubi in conspectu Dani fuere, nulla per Scotos, in vindictam præcipientes, mora pugne facta est. Itaque statim, acie æquo in loco structa, contra hostes processere. Verum cum Dani in colle adverso consisterent, neque ad eos facilis esset sine ingenti periculo accessus, fugitarii & jaculatores eo missi cum descendere cogerent, ad radices collis acerrima pugna confertur. Postquam incerta victoria diu multa cum cæde pugnatum est, Danorum duces per totam aciem dant tessera, „Nemini in castra, nisi victori, reditum sperandum. „Ad eam vocem renovato clamore, tanto impetu sunt inveci, ut mediam Scotorum aciem cornibus utrinque nudarent, fugientemque acriter sequerentur.

XXXII. Fuisse profecto illa dies longe Scotis funestissima, nisi, velut divinitus, per unum hominem, in re prope desperata, fuisset oblatum auxilium. Colebat forte agrum propinquum, per quem plurimi fugiebant, homo plebejus, cognomento Hajus, cum duobus una filiis: qui cum corporis animique viribus magnis essent, nec minore in patriam caritate; pater jugo, filii, quod cuique in promptu fuit, pro armis accepto, ubi densissimum fugientium agmen

con-

conspexerunt, obviam loco angusto profecti, primum conviciis, deinde minis, fugientes sistere conantur. His ubi nihil proficiunt, proximos feriunt, „Se quoque, vociferantes, adversus fugientes Danos futuros. „Ad hæc timidiore consilium: fortiores, qui, non tam metu, quam turba suorum abrepti, terga verterant, ad eos se aggregant, clamantes, „Auxilium adesse. „Ita totum agmen in hostem convertunt, & Danos, non minus trepida, quam ipsi venerant, fuga, retro ad suos compellunt. Ad hanc Danorum trepidationem, agalones, & inbellis agrestium turba, sublato clamore, speciem novi exercitus præbuere. Ea res tantum animi Scotis, & formidinis Danis attulit, ut alteros de salute desperantes crexerit, alteris pro sperata victoria certam calamitatem attulerit. Hæc est illa victoria ad Loncartem vicum parva, illo & aliquot proximis diebus summa lætitia, ad posteros perpetua fama, celebrata.

XXXIII. Cum spolia victores dividerent, Hajus in omnium ore erat. Multi homines honesti testificabantur, „Se vidisse, quacunq; ille cum liberis impressionem fecisset, ibi nostrorum ordines restitutos, & hostilem aciem velut ruina impulsam. „Omnes denique uno ore, „Prædam, victoriam, famam, salutem se eis debere, „fatebantur. Hajus ad Regem perductus, modeste de se locutus, splendidas vestes sibi & filiis oblatas, ut conspectiores Bertham ingrederentur, renuit: ac tantum, abstergo pulvere, quotidiano amico indutus, jugumque, quo erat in prælio usus, ferens, multis a Rege antere, ac satis magno intervallo sequi jussis, multis ad novi generis spectaculum accurrentibus, urbem ingreditur: omniumque ora & oculos in se unum convertit: ac solus prope omnem illius diei celebritatem tulit. Post Danorum discessum, otio præter spem tam cito parto, in conventu procerum, qui ad Sconam post paucos dies est habitus, nihil prius, quam de Haji filiorumque ejus honoribus & præmiis, est actum. Ager eis datus, unus prope totius Scotiæ fertilissimus, quem adhuc eorum posteri tenent, nunc in multas opulentas familias propagati: ipsi e plebe in ordinem nobilium relati. Insignia ferenda, uti mos est nobilitati, data, scutum argenteum, in cujus solo tria scuta rubricata insunt. Quæ insignia hoc, opinor, indicant, salutem publicam trium hominum singulari in prælio virtute fuisse defensam.

XXXIV. Hoc prælio pax in multos annos parva videbatur: quam domi sedarunt res turbulentissimæ. Ac Insulanorum quidem, qui per Rossiam vagi prædabantur, motus brevi compressus est, multis latronum in prælio cæsis, multis item in fuga captis, & ad supplicium ductis. Majorem longe tumultum præbuit Crathilinthus, Fenellæ, aut (ut alii vocant) Finabellæ, filius. Is Meriæ tum longe princeps genere & divitiis erat. Cruthinetus ejus avus maternus præfectus erat a Rege ei Angusiæ agro, qui inter duos fluvios (Eisca utrique nomen est) jacet: vectigaliaque inde Regia colligebat. Ad eum visendum cum nepos magno comitatu venisset, subito tumultu inter ministros eorum orto, duo e Crathilinthi familiaribus sunt occisi. Ille de injuria apud avum questus, cum in ejus comites seditionis culpa rejiceretur, a senæ gravi oratione est increpitus,

1 Crathilinthi] MS. Crathilintus: Boëtio Crathilintus, Lessio Crathilintus appellatur;

nec sine contumeliis a ministris & familiaribus ejus est dimissus. Igitur, domum reversus, irarum plenus, ad matrem querelam detulit. Illa tantum absuit, ut ægrum adolescentis animum commodis sermonibus mollire, & ad æquitatem reducere, sit aggressa, ut etiam ad parricidium prope conviciis mater filium adversus suum patrem, illius avum, armaverit. Igitur, non adeo diu post, Crathilinthus cum armata hominum multitudine, quos ad id facinus opportunos credebat, noctu in Angusiam ad avi arcem venit. Ibi cum paucis sine suspitione receptus, reliquos comites, e suis latebris evocatos, intronmittit: Nepos avum senem cum omni familia trucidat: nec arcem modo, sed vicinos etiam agros depopulatus, tanquam re bene gesta, cum ingenti præda in Merniam latus rediit. Nec diu eam cladem Angusiani inultam passi sunt. Nam brevi magno suæ factionis hominum numero coacto, multiplicem in Merniorum agris vastitatem reddiderunt.

XXXV. Ab eo tempore cum ultro citroque cædes & rapinæ per occasiones fierent, Kennethus, re audita, ne, pluribus ad factiones se aggregantibus, major aliquis motus existeret, utriusque partis duces Sconam in jus decimo quinto die adesse jubet. Pauci tamen, severissimi edicti minis permoti, ad diem apparuere: plures, conscii quid commeriti essent, Crathilintho auctore, quo cuique commodum erat, diffugerunt. Rex, diligenti conquisitione facta, noxiorum alios alibi, maximam vero partem eorum deprehendit in Abria. Crathilinthus & factionum principes morte, reliqui levioribus poenis, pro delicti modo, castigati: nonnulli, qui levissime errarant, omnino poena exempti. Hoc temperamentum, apud malos metum, apud cæteros ingentem Regi amorem, conciliavit: pacemque ei ad vigesimum alterum usque regni annum peperit.

XXXVI. Quod si in cursu vitæ inchoato institisset, inter optimos Principes jure censeretur potuisset. Belli enim & pacis munera ita obierat, ut fortitudinis, constantiæ & æquitatis maximam sibi laudem comparavit. Sed superioris vitæ commendationem facinore longe scelestissimo contaminavit: quod eo foedius omnibus est visum, quanto incredibilius ac minus expectatum ab ejus ingenio fuerat, qui tam severe antea in facinorosos animadvertisset. Ejus autem culpæ hæc fuit occasio. Rex, jam ætate grandior, Milcolumbum habebat filium, indole quidem præclara, sed, si quid ipsi humanitus accidisset, ad regendum tam ferocem populum ætate adhuc immaturum. Etiam quo minus post parentem proxime regnaret, obstabat mos majorum, qui e propinquis Regum defunctorum non proximos, sed maxime idoneos, modo a Fergusio primo Scotorum Rege essent oriundi, eligere consueverant. Obstabat etiam nobilitatis favor erga Milcolumbum Duffi Regis filium, qui tum facile in omni genere laudis Scoticæ juventutis princeps erat: Accedebat ad hæc, quod Cumbriæ tum præfectus erat: quam regionem Scoti beneficio Regum Anglorum ita tenebant, ut Cumbriæ præfectura velut omen regni esset: atque ita jam per aliquot ætates observatum erat.

XXXVII. Hunc igitur Milcolumbum, ob has (quas diximus) causas, videbat spei ac voto suo futurum impedimento: & quoniam palam non audebat, veneno tollendum curavit. Exstincto, cum omnium summo dolore, ju-

venac.



vene optimo, & jam summæ spei propinquo, signa quidem veneni in corpore p paruerunt: nulli tamen in mentem venit, quicquam de Rege suspicari. Nec Rex etiam quicquam omittebat, quod ad suspicionem avertendam facere posset. Nam & mortuum flevit, & quoties de eo sermo incidebat, memoriam ejus honorifica mentione prosequatur, & funus magna ambitione celebrandum curavit, nullis, quæ ad defunctorum honorem excogitari poterant, cærimoniis omissis. Sed nimia illa Regis diligentia, quam ille suspicionis amoliendæ causâ adhibebat, cautioreb; esse suspecta cœpit: verum intra libertatem loquendi, ob summam omnium de sanctitate ejus opinionem. At cum Rex per eos dies spargeret sermones, animosque hominum tentaret, quo pacto laturi essent veteris legis abrogationem, & novæ de Rege creando rogationem, ut videlicet, plurimarum gentium instituto, Regibus morte sublati liberi succederent, immaturisque adhuc ad regendum tutores darentur, ita, ut penes pueros nomen, penes tutores jus & vis imperii esset: quanquam pars magna, ut Regi gratificarentur, hæc laudarent, tamen suspicio de morte Milcolumbi ad plures, metus a Rege ad nobilitatem, ac maxime Regii generis homines, pervenit.

XXXVIII. Animis ita affectis, supervenerunt ab Anglia legati, consolaturi Regem de morte propinqui; simul peturi, „ Ut, in subrogatione præfecti „ Cumbrorum, meminerit, cum magistratum esse pacis interpretem, & concordia; vinculum, inter vicina regna. Talem igitur sufficeret, qui ex utriusque gentis commodo antiquam amicitiam contineret, & novas, si quæ orirentur, suspensiones restingeret. Hanc legationem suis rationibus commodam Rex opinatus, conventum nobilitatis Sconam indixit. In eo cum multa graviter differuisset, „ Adversus comitiorum Regionum veterem consuetudinem, „ recitatis ab initio usque seditionibus ea de causâ factis, quantoque cum scelere in Regum superiorum liberos fuerit a propinquis sævitum: quot bella inde „ nata, rapinae, cædes, exilia consecuta. Ex adverso, quanto minus turbulenta gentium aliarum essent comitia, quanto major propinqui sanguinis reverentia, cum citra ambitionem filii parentibus succederent. Cum, ea de re quid statuerent, ad concilium retulisset, adjecit etiam postulata Regis Anglorum; &, ut animi civilis majora daret indicia, quod de Cumbriae præfecto creando suæ potestatis jam Reges fecerant, suffragiis omnium permisit: simul ratus, hac moderatione, quod de regno petebat, se facilius impetraturum; simul ne, si filium præfectum nominaret, alteri rogationi præjudicasse videretur: quod, uti dixi, præfectura Cumbriae velut Regis futuri designatio videretur.

XXXIX. Qui utrique rogationi maxime videbantur adversaturi, Constantinus Culeni filius, & Grimus ex Mogallo Duffi Regis fratre natus, partim formidine periculi, partim ne nobilitatis majori parti a Rege præcorruptæ adversarentur, primi omnium sententiam rogati, „ Penes Regem esse, dixerunt, & „ leges publice incommodas corrigere, & præfectos, quos ei visum foret constituere. Hæc reliqui, etsi eos non ex animi sententia locutos intelligerent, tamen approbarunt. Ita Milcolumbus Regis filius, immatura adhuc ad rerum

administrationem atque, & Cumbriae praefectus, & Princeps Scottorum est declaratus: quod nomen perinde est Scotis, atque apud Gallos Delphinus, apud priores Rom. Imp. Caesar, apud posteriores Rex Romanorum, quibus omnibus successor superiori magistratui dari intelligitur. Adjectae sunt & aliae leges, „ Ut, quemadmodum Regi maximus natus filius in regnum succederet, „ ita, filio ante patrem defuncto, nepos avo subrogaretur. Ut, Rege impuber- „ te, tutor, qui pro Rege esset, interea eligeretur, vir prudentia & opibus in- „ signis, qui ad quartum decimum usque annum Regis nomine rem administra- „ ret. Ad id aetatis ubi Rex pervenerit, ipse sibi cunatores eligere posset. Multa praeterea de legitima haereditum successione constituta sunt, quae toti nobilitati cum Rege voluerunt esse communia.

XL. Ita Rex per seculum posteris (uti putabat) regno stabilitum, animum tamen suum confirmare non potuit. Quanquam enim omne genus hominum summo studio & ostentatione benevolentiae complecteretur, plurimos omni genere officiorum prosequeretur, & ita regnum gereret, ut nullum boni Regis munus in eo quicquam desideraret, tamen animus, conscientia sceleris inquietus, nullum solidum & sincerum ei gaudium esse permittebat: sed intercurrentibus per otium cogitationibus sceleris foedissimi interdum vexabatur, & per somnum obversantia visus, horroris plena, quietem interpellabant. Tandem, sive vere (quod quidam tradunt) vox caelo edita est, sive turbatus animus eum sibi ipse speciem finxerat, quod sceleratis plerumque evenire solet, visus est sibi per somnum ita admoneri. „ Putasne, Milcolumbi caedem, hominis innoxii, a te per summum „ nefas clam patratam, aut mihi esse ignotam, aut te diutius impune laturum? „ Jam enim insidiae, quastu effugere non potes, in caput tuum parantur: nec, „ ut tu putas, stabile & securum, sed tumultuosum & procellarum plenum regnum tuis posteris relinques. Hac formidabili specie Rex conterritus, summo mane ad Episcopos & monachos confugit: animi sui confusionem ac sceleris poenitentiam denarrat. Illi vero non verum ei e Christi doctrina remedium (jam enim a veterum pietate & eruditione deslexerant) praescripserunt: sed illa multo absurdissima, jamdudum a malitiosis ad questum excogitata, ab incautis & atque indoctis temere accepta, ut loca sacra, templaque donariis locupletata, & sepulchra sanctorum hominum inviseret, reliquias oscularetur, Missas & elemosynas peccata redimeret, monachos & sacerdotes majore, quam antea consueverat, honore & reverentia prosequeretur. Nec ille quicquam horum, iis pasculis sanatum iri se credens, omittebat.

XLI. Tandem cum in Meriam ad Palladii sanctissimi hominis ossa venerandus venisset, ad proximam arcem, (Fethercamiam vocabant,) tum, ut tradunt, adificiis & nemoribus amoenam, quorum nunc nulla prope vestigia restant, divertit. Ejus arcis domina erat Fenella, (cujus ante meminimus,) non tantum ob filii Crathilinthi poenam erga Regem inimico animo, sed ob Constantinum & Grimum, suos propinquos, nova illa lege regni haereditate exclusos. Ab ea (iram dissimulante) Rex liberaliter & honorifice susceptus, a prandio per otium, cum locorum amenitatem & arcis structuram diligentius inspiceret, Fenella eum in dietam seorsum ad statuum aeneum, arte singulari  
tulum

*fusam*, ducit visendum: quam ita ingeniose confectam fuisse dicunt, <sup>1</sup> ut ex occulto loco, funiculo, qui intentus erat, remisso, sagittas ejacularetur: Regem autem, dum intentius artificium admiraretur, sagitta e machina emissa interentum. Hac arte eadem patratam Joannes Major & Hector Boëthius scriptum reliquerunt: quod mihi non fit verisimile. Neque enim credibile est, tum in Britannia ultima, post interitum apud alias gentes elegantiorum artium, statuam tam ingeniose factam fuisse: quanquam Joannes Major tradat, Edmondum, Eldredi filium, hac ratione occisum; æque fabulose, ut arbitror. Nec facile mihi persuaserim, tantum gemmarum in tota Scotia tum fuisse, quantum Boëthius uni illi sceminae tribuit. Ideo lubentius accedo ad aliorum sententiam, (in quibus est Vintonus,) qui scribunt, Regem ab equitibus, locatis (jussu Fenellæ) in insidiis, fuisse occisum. Obiit anno ab initio regni vicesimo quinto: vir plane cætera eximius, nisi Milcolumbi cædes, & nimium erga suos studium, turpem præclaris rebus ejus notam inuississet. <sup>2</sup> Decessit DCCCC. XCIV.

LXXXI. REX.

XLII. Post Kennethum, CONSTANTINUS Culeni filius, cognomento CALVUS, tanta ambitione in regno petendo est usus, quanta ad eum diem nemo. Is cum omne genus hominum prensaret, querereturque; „Se aliosque „Regii sanguinis viros fraude Kennethi circumventos, & a regni spe exclusos, „iniquissimæ legis obtentu, „multa adversus eam rogationem, cui ipse cum aliis propinquis metu cecidisset, disputabat. „Neque difficile esse vitium ejus „detegere. Quid enim stultius, quam rem unam omnium maximam a prudentium censura & suffragiis ad arbitrium fortunæ revocare? & sese ipsos „astringere, ut puello, <sup>3</sup> forte nascendi oblato, & qui a muliercula aliqua regeretur, sese regendos committerent; & homines virtute præstantes interim „a gubernaculo rerum arceant? Quid si Regum liberi corporis aut animi vitio, „cur imperio exercendo parum sint idonei, laborent? Quid si pueri regnum „tenuissent illis temporibus, quibus cum Romanis, Brittonibus, Pictis, Anglis „& Danis, non tam utri imperarent, quam utri essent, toties est dimicatum? „Aut quid magis furiosum dici potest, quam quod Deus, velut ultimam calamitatem, contumacibus minetur, id nos lege arcessamus? & minas divinatorum „vaticiniorum, vel contemnamus, vel in eas sponte incurramus? Nec verum „esse, quod ab adulatoribus Kennethi jactari solet, hac ratione cædes & avaritiam

<sup>1</sup> *Us ex occulto loco*] MS. deest loco. [ & recte. nec enim tam inepte scribebat Buchananus, sed ad exemplum veterum. Terent. Eun. IV. 7. *ut tu illos procul hinc ex occulto caderes.* vid. ad Quintil. declam. XII. 19.]

<sup>2</sup> *Decessit DCCCCXCIV.*] In Editis omnibus hæc verba præmittuntur, *Regnavit annos viginti quinque*; quorum sed stylo indutorum vestigia in MS. adhuc apparent: nos

quoque ut supervacua delenda censuimus, idem enim modo dixerat.

<sup>3</sup> *Fortenascendi*] Et etiam lib. XI. 15. *Nascendi fors*: lib. autem XII. 16. *forte nascendi*, & ita ubique scribi debere censerem, quod & hoc in loco ab Elzevirio est factum: quamvis non ignorem has voces *Fors* & *Sors* toties confundi, ut alteram ab altera certis limitibus distinguere nesciam.

„tiam consanguineorum vitari : neque enim liberis Regiis , nondum adultis ,  
 „minus tutorum fraudes esse metuendas , quam antea fuerant propinquorum.  
 „Quamobrem nunc , oppresso tyranno , libertatem ab eo sublatam fortiter esse  
 „repetendam : legemque illam , per vim latam , per metum acceptam , (si mo-  
 „do lex est , ac non potius publicæ libertatis mancipatio ,) abrogandam , &  
 „pristina instituta , (quæ hoc regnum ex nihilo pepererunt , & ex parvis initiis  
 „in tantam magnitudinem extulerunt , ut nulli vicinorum cedat , & toties deje-  
 „ctum erexerunt ,) dum licet , restituenda. Quin & præsentem occasionem  
 „potius , dum se offert , amplectamur , quam e manibus elapsam frustra po-  
 „sterius quaeramus?

XLIII. Hæc , circumeundo potentiores , cum passim dissereret , magna  
 multitudo persuasa , factione illa fretus , Sconam venit : & duodecimo die a  
 funere Kennethi Rex est appellatus. Milcolumbus interea , qui patris funus cu-  
 rabat , audito Constantinum regnare , amicis convocatis , de summa rerum de-  
 liberat. Alii sentiebant ; „ Procerum animos , antequam quicquam moveret ,  
 „esse pertentandos ; ut , contra hominem popularem , & multis amicitiiis & fa-  
 „ctionibus implicitum , profecturus , vires expenderet : ac tum demum ex præ-  
 „senti copia consilium caperet. Hæc juniores & ferocissimus quisque , velut len-  
 „ta consilia , aspernari , ac disserere , „Obviam periculis eundum , & hostem ,  
 „antequam novum regnum confirmaret , aggrediendum. Hanc sententiam  
 Rex adolescens , velut magis speciosam , secutus , circiter decem millibus ho-  
 minum coactis , ad hostem pergit. Nec Constantinus sibi defuit. Tantum enim  
 exercitum brevi confecit , ut Milcolumbus ad famam adventus ejus suos dimi-  
 serit , ipse in Cumbriam abierit. Id vero Kennethus , ejus frater e pellice natus ,  
 cum flagitiosum existimaret , aliquot virorum fortium cohortibus persuasis ,  
 prope Sterlinum ad Fortham amnem , qui eis limes erat , hosti se objicit. Ibi ,  
 cum ad amnem , præactis ripis , ac raris in locis vadofum , otiosi utrinque de-  
 siderent , fame & peste , quibus malis eo anno vehementer laboratum erat , uter-  
 que copias dimittere est coactus. Ita regno in duas factiones diviso , plebs peste  
 fame , latrociniis , miserabiliter est afflicta.

XLIV. Interea , absente Milcolumbo , qui ex fœdere Anglo adversus Da-  
 nos auxilium ferebat , Constantinus , occasionem se nactum ratus opprimendi  
 factionem adversam , cum magnis copiis in Lothianam contendit. Kennethus ,  
 a fratre relictus , ut ad omnes Constantini motus esset paratus , ad Almonis a-  
 mnis ostium se venienti objecit. Et , quia inferior numero erat , rem consilio  
 juvit ; ita acie structa , ut Solem & ventum a tergo haberet ; latera , quoad  
 poterat , flumine muniret. Ea res præcipue ei victoriam dedit. Nam Constan-

1 Et pristina instituta] Libri omnes, & ad pristina instituta, nullo fere sensu.

2 Amplectamur] Ita MS suadente etiam Crafordio, ceteri omnes amplectimur. [Subest tamen Grammatici, ut quin sub-  
 jungi iudicativum vel imperativum, ubi  
 adhortationi inservit, subjunctivum vero,

ubi aliud verbum præcessit. Vid. Waff. ad Sallust. Catilin. c. 57. Voss. de Construct. Cap. 62. & queremus recte legi etiam credimus. ita & inf. lib. vii. 15. quin tu ar-  
 matus armatum aggredere.]

3 Queramus] MS. quæramus.

tiniani, multitudine freti, cum acriter in prælium ruissent, præter incommo-  
dum Solis adversi, procella statim coorta tantum pulveris in ora oculosque in-  
gessit, ut Constantini milites vix attollere vultus in hostem possent. In utro-  
que exercitu strages ingens facta: & duces ipsi congressi mutuis vulneribus al-  
ter alterum confecerunt, post annum & sex menses quam regnum [*Constantinus*]  
invaserat.

L X X X I I. R E X.

XLV. GRIMUS, Duff Regis filius, sive, ut alii tradunt, ex Mogallo  
fratre ejus natus, extincto Constantino, Rex, a suæ factionis hominibus Sconam  
ductus, appellatur. Hic, suæ partis procures cum alios jam corruptos, alios per  
legatos a Milcolumbo sollicitari, comperisset, comprehensos quosdam e Mil-  
columbi legatis, qui ad eos mittebantur, in vincula conjecit. Id ille factum  
cum contra jus gentium videri vellet, graviter offensus, bellum molitur aper-  
tum. Adversus eum cum Grimus properaret, subitus rumor de magnitudine  
copiarum ejus per hostilem exercitum dispersus omnes rationes Milcolumbi tur-  
bavit: multi igitur quotidie dilabebantur: nonnulli, alia atque alia causantes,  
aperte missionem flagitabant. Is metus primum a mercatoribus ortus, qui  
suas rationes publicis utilitatibus præferebant, paullatim totum pervasit exerci-  
tum. Neque deerant etiam, qui Grimo clam studerent: erant enim in eo mul-  
ta, quæ vulgus conciliarent, staturæ proceritas, & cum formæ dignitate con-  
juncta summa humanitas, & in omni actione<sup>2</sup> cum decore comitas. Nec deerat  
in loco severitas in animadvertendo, & in rebus gerendis celeritas cum pruden-  
tia. Itaque multi sub eo regnum sibi cum dignitate quietum spondebant. In hoc  
animorum motu, Milcolumbus, nihil aulus fortunæ temeritati committere,  
ex consilio amicorum majore parte exercitus dimissa, cum selectis cohortibus  
statuit hostes Forthæ transitu prohibere.

XLVI. Interea Fothadus Episcopus, magna tum apud omnes ob sanctitatis opi-  
nionem auctoritate, rem componere aggressus, sæpe inter factiones commendo  
tandem perfecit, ut, induciis in tres menses datis, Grimus in Angusiam, Mil-  
columbus in Cumbriam secederet. Arbitri de utriusque consensu electi, qui sta-  
tuerent de controversiis. Nec cessavit Fothadus, donec per eos hæ pacis condi-  
tiones ederentur: „ Ut Grimus quoad viveret Regium nomen teneret: eo de-  
„ functo, regnum ad Milcolumbum rediret: ac in posterum lex Kennethi, de  
„ regno Regum liberis stabiliendo, sancta & inviolabilis esset. Interea commu-  
„ nis utrique limes esset vallum Severi: quicquid intra vallum esset Milcolum-  
„ bo, quod extra Grimo cederet. Hoc limite uterque contentus, neuter al-  
„ terum armis peteret, aut hostibus alterius auxilium ferret. Ita cum omnium  
summa lætitia pax est facta, quæ prope per octo annos summa fide servata  
fuit. Ejus violandæ causâ a Grimo est profecta. Nam, cum ab initio regni  
temporibus turbulentis boni Principis speciem dedisset, remissa per otium in-  
du-

[*Constantinus*] Hanc vocem e margine  
MS. reposuimus ut sententia clarior le-  
Tom. I.

gentibus fieret.

<sup>2</sup> Cum decore] MS. cum decore.

B b



dustria, totum se voluptatibus immerfit. Deinde crescente, ut solet, ex luxuria egestate, ex egestate avaritia, multos e ditioribus confectis causis affixit. Hac quanto cum periculo faceret a maioribus admonitus, tantum abfuit, ut quicquam de prioris vitæ turpitudine remitteret, ut monitores, quanquam blandè ad se vocatos, tamen in carcerem conjicere decreverit, ut reliquos, eorum poena deterritos, ab hujusmodi libertate adversus Reges compelleret. Illi autem cum ab amicis admoniti sese poenæ subtraxissent, Grimus adeo exarsit, ut collecta manu statim adversus eos duceret, in agroque eorum multo crudelius, quam ullus externus hostis, faviret. Non hominibus, non villis, non pecori, non agris, parsum. Quicquid asportari non poterat, ne dominis post usus esset, corruptum. Nihil sacrum aut profanum ferro flammave inviolatum remansit.

XLVII. Milcolumbus, qui tum maxime operam Anglo adversus Danos navabat, suorum querelis domum revocatus est. Neque solum earum rerum indignitate, quas homines clari & innoxii patiebantur, erat commotus, sed multo magis, quod Grimus, velut e ditione inimicorum, quam ad alium brevi transituram sciebat, nullo temporis futuri respectu, præsentis fructus colligebat. Ad Milcolumbi reditum cum concursus ingens fieret, Grimus, qui ad tempus ob raras corporis & animi virtutes populo fuerat carissimus, etsi a maxima procerum parte desertus esset, cum quantis poterat copiis obviam est profectus. Cum jam castra castris contulissent, sub Ascensionis diem, gnarus, quam sancte Milcolumbus id festum observaret, decreverat eum imparatum ac nihil suspicantem aggredi. Sed Grimi consilium cum ad Milcolumbum perlatum esset, suos in armis paratos habuit: & quanquam de victoria, in causa tam bona, bene speraret, tamen misit obviam hosti, qui eum hortarentur, „Ne homo Christianus memoriam diei tam celebris cruore civium pollueret. Ille nihilo secius aciem ad prælium paratam in hostem ducit. Inimici timorem, cui diei festi reverentiam prætenderet, suis velut omen victoriæ indicat. Igitur cum infestis armis animisque infensus esset acriter concursum, Grimus, subito a suis desertus, vulnerato capite, capitur: mox oculis privatus. Nec multo post, animi mœnore accedente ad vulnera, moritur, decimo quam regnum inierat anno. Milcolumbus, Regio adversus victos animo usus, Grimum sepulchro majorum inferendum curavit. Factionem, quæ secuta eum fuerat, deposita omnium offensionum memoria, in gratiam recepit. Deinde ad Regia comitia Sconam profectus, non prius imperium suscepit, quam lex, de Rege creando, a patre lata, omnium suffragiis confirmaretur.

#### LXXXIII. REX.

XLVIII. Statim suscepto regno, ad convulsam factionibus rem Scotticam restituendam est aggressus. Primum, quemadmodum ipse omnibus offensas remisisset, ita curavit, ut inter omnes diversarum factionum homines veteres discordiæ conspicerentur. Deinde præfides e nobilitate, viros justos & pios, qui latrones, superiorum temporum licentia vagos, compellerent, in omnes provincias misit. Plebe quoque ab eisdem ad agriculturam coacta, annona fuit laxior, & commercia tutiora, & publice secuta tranquillitas. Inter hæc, Sue-

no, Haraldus filius, Danorum Rex, domo profugus, in Scotiam venit. Is saepius a Vandalis victus, captus, redemptus, cum ab Olavo Scandianorum, & Eduardo Anglorum, Regibus, frustra petisset auxilium, tandem a Scotis, ex acerrimo Christiani nominis hoste Christianus factus, acceptis modicis copiis, in regnum rediit: inde cum magno exercitu in Angliam transiit. Anglos primum solos, deinde adjunctis cum eis Scotorum auxiliis, vicit: multa Scotis prius comminatus, quod relictis Angliis domum redire nollent. Nec minæ frustra fuere. Olavus enim Scandianus, & Enecus, summus Daniæ præfectus, ab eo cum exercitu valido in Scotiam immissi. Hi per Moraviam vagi, caëlis obviis, sacris profanisque direptis, tandem in unum collecti, arces & alia munitiora loca aggrediuntur.

XLIX. Hæc dum oppugnant, MILCOLUMBUS e proximis regionibus milite collecto, castra non longe ab eis locat. Postridie Scotos, visa Danorum multitudine, & apparatu bellico, ingens terror invasit. Rex eos confirmare aggressus, cum non multum proficeret, tandem clamor a paucis, qui minus timidi volebant videri, exortus, & a reliquis exceptus, fecit, ut statim, velut lymphati, injussu ducis, in hostem proruerent, ac sese in stantium in procinctu Danorum tela induerent. Primis cadentibus, reliqui citatiore, quam venerant, gradu fugam intenderunt. Rex, accepto in capite vulnere, vix a suis in propinquum nemus ablatum, ac ibi equo impositus, mortem evasit. Dani, parta victoria, Narnim arcem, custodibus eventu infelicis pugnae perterritis, per deditionem acceperunt: in deditos tamen servitum. Arx, quod opportuno loco sita esset, valide munita, ex peninsula, admissa per angustas fauces mari, insula facta: ac Danico nomine Burgus appellata. Reliquæ arces, quæ Elginæ & Forestiæ erant, metu crudelitatis Danorum desertæ. Dani, rebus tam prospere cedentibus, in Moravia confidere statuunt. Naves domum, ut liberos & uxores advehant, dimittunt. Nullum interea servitutis asperrimæ exemplum in captivos prætermissum. Milcolumbus, ut eorum conatibus obviam iret, majore & firmiore exercitu quam antea, eis, jam in Mariam progressis, ad Murthilacum occurrit, non sine magno utriusque partis timore, Scotis crudelitatem Danorum, Danis ignota loca, procul a mari, & insidiis opportuna, magis quam hostem formidantibus. Scotis, in congressu, metum auxit trium virorum fortium, Kennethi insularum, Grimi Ierniæ, & Dumbarii Lothianæ, Thanorum, continuata cædes. Igitur loco moti, in antiquum, quod a tergo erat, præsidium pulsi. Ibi vallo & fossa & arborum concædibus circumdati, in angusto loco æquata fronte hostibus restiterunt. Quosdam eorum, velut parta victoria incautius intractos, circumvenerunt, caeso inter hos uno e ducibus Eneco. Ea res, ut Danos ad pugnam segniores fecit, ita Scotis, pene profligatis, alacritatem addidit. Igitur, pene momento temporis mutata fortuna, Dani fugiunt, Scoti fugientibus instant. Olavus, imperatorum alter, nactus itineris duces, cum paucis in Moraviam ea nocte contendit. Id quanquam Milcolumbus non ignoraret, tamen promptissimo quoque in prælio caeso, ac plurimis vulneratis, ab hoste persequendo destituit.

L. Eam cladem, ad se in Angliam delatam, magno animo tulit Sueno: ac partim e veteranis, partim e novis subsidii domo advectis, duce Camo, ad veterem supplendum exercitum, misit. Is primum Forthae æstuarium inventus, cum ab accolis, passim ad omnes ejus motus occurrentibus, descendere prohiberetur, ad Rubrum Angusæ promontorium vela fecit. Ibi militibus in terram expositis, ac locis aliquot frustra tentatis, ad prædandum se convertit. Cum ad Balbridum, hoc est, Brigidæ pagum, haberet castra, didicit de exploratoribus, Scotorum copias vix duo millia passuum abesse. Uterque protempore suos ad pugnam hortati sunt: ac postridie quoque, eodem prope momento, in procinctu steterunt. Pugnatum est tertio die, tanta pertinacia, quantam & nova spes & vetus odium efficere poterat. Tandem, vincentibus Scotis, Camus reliquias exercitus in montes, qua iter in Moraviam esse intellexerat, subducere conatus, antequam duo millia passuum esset progressus, a sequentibus circumventus, cum suis omnibus perit. Hujus victoriæ monumenta exstant, obeliscus, & vicus proximus adhuc memoriam nominis Cami retinens. Alia manus non procul a Brechino oppido interiit. Ibi quoque obeliscus alter erectus est. Reliqui, pauci admodum numero, tenebris propinque noctis protecti, ad naves penetrare conati sunt. Hi, cum ventis adversis aliquot dies fievissimum mari jactati fuissent, tandem ad Buchaniæ litus importuosum appulsi, tandem ibi, adversis tempestatibus detenti, ad anchoras steterunt, donec, pene omnium rerum inopes, coacti sunt circiter quingentos e suis prædatum in propinquos agros mittere: quos Mernanus, loci Thanus, a mari exclusos, in tumultum satis arduum coëgit. Ibi cum diu, loci commoditate adjuti, se faxis defenderent, ac multos temere subeuntes affligerent, tandem Scoti alii alios cohortati, diversis partibus, multitudine freti, in collem subierunt. Dani ad unum cæsi. Illic etiam, ut ad Balbridum, vento arenas excitante, ossa plerumque nudantur majora quam pro statura hominum hujus ætatis.

L.I. Nec hac calamitate Sueno fractus, Canutum filium cum novo delectu in Scotiam mittit. Adversus hunc, expositis militibus in Buchania prædas agentem, Milcolumbus, nondum ex superioribus præliis suorum viribus refectus, cum exercitu venit: ac nondum alexæ fortunæ rem committere ausus, optimum statuit, hostem populatione prohibere, ac levibus certaminibus fatigare, sperans fore, ut brevi in alieno agro, cladibus belli vastato, ac jam pene deserto, rerum omnium inopia laboraret. Id consilium cum per aliquot dies fuisset secutus, evenit, ut, hoste cognito, Scoti suis viribus minus diffiderent, atque uterque exercitus prope pari inopia premeretur. Igitur omnibus signum pugnae ferociter flagitantibus, ac, ni daretur, præ se ferentibus, imperatorum injussu pugnatos, Milcolumbus suos in aciem educit. Commissa pugna, in æ desperatione ultima tam pertinaciter est certatum, ut neutra pars læta discederet. Et quamquam victoriæ nomen apud Scotos esset, tamen, magna nobilitatis parte cæsi, cæteri ita laboribus fatigati, & animis fracti, in castra redierunt, ut Danis liberam se recipiendi potestatem, nemine periequente, permitterent. Postridie, cum utrique suos recenserent, tantum cladis magni-

tudi-

rudinem compererunt, ut sacerdotes, pacis interpretes, utrique libenter audirent. Ea in has leges facta est; „ Ut Dani, Moravia Buchaniaque relictis, discederent: neuter populus, Milcolumbo & Suenone viventibus, alterum bello lacefferet; aut alterius hostibus adversus alterum auxilium ferret: ager, in quo pugnatum est, in sepulturam mortuorum consecraretur. Danis se recipientibus, Milcolumbus in prælio cæsos curavit sepeliendos. Post hæc, indicto ad Sconam conventu, ut bene meritis de patria gratiam referret, omnes agros Regio eis divisit. Nobilitas contra Regi concessit, ut, cum eorum aliquis moreretur, liberi ad vicesimum primum ætatis annum in tutela Regia essent: Rexque proventus omnes, præterquam quod in educationem liberorum impenderetur, acciperet. Præterea, ut puberum collocandorum potestas penes eum esset, ad eumque dos rediret. Hunc morem ab Anglis & Danis potius acceptum credo, quod in tota Anglia & parte Normanix adhuc perseveret.

LII. Deinde Rex versus ad detrimenta belli reparanda, multa loca sacra ab hostibus everfa restituit, arcesque per omnia oppida, aut labefactatas instauravit, aut novas condidit. Tum regnum, a se magna virtute pacificatum, legibus & institutis ornare aggressus, nova magistratuum nomina (credo, a vicinis accepta) magis ad vanam ambitionem, quam ad ullum usum, instituit. Nam superioribus seculis, præter Thanos, hoc est, præfectos regionum, sive Nomarchas, & Quæstorem rerum capitalium, nullum honoris nomen Equestri ordine altius fuerat, quod apud Danos observari adhuc audio. Nunc vero, nec ullus in novis honorum nominibus est modus; neque, præter inanem titulum, ullus nominum usus. Ac Milcolumbus quidem bellis perfunctus aliquot annos magna cum gloria regnavit: sed in ætatis decursu vitæ superioris splendorem avaritia foedavit. Id ei vitium partim cum senio, ut solet, accrevit: partim enatum est ex inopia, quæ largitionum immodicarum semper est comes. Prædia temere nobilitati divisa per scelus ad se retrahere conatus, multos opulentiorum ita multavit, ut alios ad mortem, alios ad extremam egestatem redegerit. Igitur præsentæ pœna, utcunque interdum iusta, superioris beneficentiæ gratiam superante, cum injuria ad paucos, metus tamen ad multos pertinere, spoliatorum ac caforum necessarii in ultionem suorum, ac suam securitatem, omnes cogitationes intenderunt. Tandem apud Glammim in Angusia, corruptis pecunia domesticis ministris, nocte intronissi, Regem trucidarunt. Facinore perpetrato, ministri una cum parricidis cum in equos conscendissent, quos ad eventum rei stratos habebant, viarum vestigiis per campos nive adopertos confusis, in lacum, qui est ad Forfaram oppidum, delati, cedente oneri glacie nondum firma, ad unum aquis absorpti perierunt. Gelu deinde coeunte, ad tempus celata, ac tandem, glacie resoluta, detecta corpora, passim per vias publicas, ad terrorem viventium, ac mortuorum ludibrium, contabuerunt. Hæc vulgatior est fama. Alii, ex insidiis a propinquis Grimi & Constantini, superiorum Regum, cruento prælio conferto, interemtum; alii, a propinquis puellæ nobilis, cui vim intulerat, cæsum; omnes violenta morte

perisse, tradunt. Milcolumbus supra annos triginta regnum ita tenuit, ut, nisi avaritia senilem animum corrupisset, inter optimos Principes haberi posset. Annus, quo mortuus est, prodigiosus fuit, hieme fluminum, vere maris inundationibus: item, paucis diebus post æstivum solstitium, vehementi gelu, & nivis casu: quod prodigium magna, frugibus corruptis, fames est consecuta.

## LIBER SEPTIMUS.

I. **Q**UAM pertinaci contentione Kennethus & Milcolumbus ejus filius elaborarint, ut Regum liberi per manus imperia parentum acciperent, superiore libro est a nobis explicatum; quo vero successu id fecerint, in sequentibus apparebit. Certe quod publice regno, aut privatim Regibus promittebatur, ex lege nova, commodum non est consecutum. Illa enim universis ostentabatur utilitas ex hoc Regiæ successionis stabilimento, ut seditiones, cædes, insidiæ inter propinquos, ambitio inter proceres, malaque cætera, quæ ex iis nasci solent, præcaverentur. Contra vero, mihi causas malorum publicorum perquirenti, & vetusta cum recentioribus conferenti, hæc omnia, quæ lege nova fugiebamus, vitia, non vetustæ legis antiquatione videntur extincta, sed cum nova potius magnum accepisse incrementum. Ut enim omittam propinquorum in eos, qui regno potiuntur, insidias, & regnantium adversus eos, quos & natura & lex voluit cuique esse carissimos, suspensiones nefarias, quas narrationis ordo explicabit; tot priorum seculorum clades, cum illis collatæ calamitatibus, quæ Alexandri Tertii interitum sunt consecutæ, leves præ iis & tolerabiles videri possint. Omitto, quod ista lex enervat vires consilii publici, sine quo nullus legitimus dominatus potest consistere: quod ea mala ultro arcessit, quæ alii, rerum publicarum participes, unice deprecantur: ut Reges videlicet constituamus, quibus alii rectores præficiendi sint: & in eorum potestatem universum tradamus populum, qui ipsi sui potestatem non habeant: & qui ægre Regibus, usu rerum peritis, & prudentia præstantibus, parent, poscimus, ut qualibuscunque Regum umbris pareant: & in eas scelerum poenas sponte nos præcipitamus, quas Deus sui contemptoribus comminatur, nempe ut pueris & puellis subiciamur, quos omnium gentium leges, & omnium legum parens natura, in aliena potestate esse voluerunt. Quod autem privatum ex hac lege petunt Reges emolumentum, ut generis & nominis perpetuitatem inde sibi promittant, id quam sit vanum & fallax, non modo veterum exempla, sed ipsa etiam natura poterat admonere, si secum cogitassent, quot legibus, & præmiis etiam, familiarum suarum præclara illa nomina Romani perpetuare sint conati, quarum ne unius quidem vestigium in toto terrarum orbe, ab illis devicto, ad hunc usque diem perseveret. Ac merito quidem id illis evenire arbitror, qui adversus naturam rerum certamen sibi desumunt, & rem maxime fluxam & fragilem, omnium-



omniumque casuum momentis obnoxiam, æternitate, quam ipsi nec habent, nec habere possunt, donare contendunt: & ea ratione contendunt, quæ maxime instituto eorum contraria videtur. Quid enim est ad diuturnitatem minus fidum quam tyrannis? At ad eam hæc nova lex gradum struit. Est autem tyrannus velut scopus ad universorum mortalium propositus odium: qui nec diu stare potest, & ubi cecidit, omnium suorum una secum ruinam trahit. Hunc stultorum hominum conatum mihi numen videtur plerumque infringere levius: interdum, velut suæ potentiae æmulum, publico ludibrio exponere. Ejus voluntatis divinæ nescio an ullum aptius & apertius exemplum proponere possim, quam quod in præsentia tractamus. Milcolumbus enim, qui tantopere laboravit, ut legem, a patre suo prope per vim latam, de Regum liberis in parentum locum sufficiendis, communibus totius populi suffragiis confirmaret, nullam de se stirpis virilis prolem reliquit. E duabus vero filiabus, alteram, Beatricem nomine, homini nobili Crino, insularum Occidentalium Thano, & reliquorum Thanorum præfecto, quem ætas illa Abthanium vocabat; alteram Doacam Anguliæ Thano collocavit, unde genitus fuit Macbethus, sive Macbeda, de quo suo loco erit nobis dicendum.

LXXXIV. REX.

II. Cæso igitur (ut dictum est) Milcolumbo, successit *DUNCANUS*, nepos ex filia Beatrice, vir summa humanitate, ac majore erga suos indulgentia, quam in Rege est opus. Erat enim naturalenior, ac jam inde ab adolescentia magnum popularitatis indicium dederat: nam temporibus difficillimis, cum ab avo præfectus Cumbriæ fuisset, quanquam, propter Danorum cohortes passim vagantes, <sup>2</sup> ad Regem [*Anglorum*] penetrare non poterat, ut in leges juraret, tamen cum fide partium Anglicarum causam sustinuit, donec cætera Anglia dedita, Canutus expeditionem in eum suscepisset: ac tum demum in fidem Danorum se dedit, eisdem conditionibus, quibus antea Anglo parebat. Erat & illud in eo populare, quod cum summa æquitate jus dicebat: ac singulis annis ad inopum querelas audiendas perlustrabat provincias: neque quenquam, quod in ipso erat, potentiorum vi opprimi sinebat. Sed, ut hæc virtutes bonorum studia ei conciliabant, ita auctoritatem apud seditionum cupidos minuebant, & ex ejus erga bonos clementia crevit malorum audacia.

III. Initium spernendi imperii natum in Abria, adversus Banchonem, ejus regionis Thanum, hominem acrem, & æquitatis unicum cultorem: cujus in animadvertendo severitatem cum non perferendam ducerent mali, conspiratione adversus eum facta, bonis direptis, vulneratum ac semivivum expulerunt. Ubi primum per vulnera jactationem corporis ferre potuit, ad Regem querelam detulit. Missus a Rege minister publicus, qui facinoris auctores in jus vocaret,

<sup>1</sup> *Duncanus*] Ita omnino legendum (non *Donaldus*, quod libris omnibus irrepsit) tum alii scriptores, tum ea quæ sequuntur, ostendunt.

<sup>2</sup> *Ad Regem Anglorum*] Hanc vocem [*Anglorum*] Crafordii admonitu supplevis, ut aperta magis oratio esset.

caret, omni contumeliarum genere affectus, occiditur. Tantam eis securitatem dabat boni Principis lenitas, quam illi ignaviam interpretabantur. Factionis, quæ cum motum conciverat, princeps Macdualdus, desperata venia, ad bellum se apertum comparat. Insulanos, semper ad omnes motus paratos, & promptissimum quemque ex Hibernia spe prædiæ advocat. Docet, „ Sub Rege „ molli ac deside, & qui aptior esset monachis, quam viris fortibus, regendis, „ nullum pœnæ metum, magnam emolumentorum spem esse. Neque sibi dubium esse, quin Scoti, sub Rege superiore velut longæ pacis claustris cohibiti, „ proposito semel belli signo, se in pristinam libertatem vindicarent. Accessit ad has hortationes ab initio successus, qui ferociam eorum auxit. Milcolumbus quidam e prima nobilitate, cum copias a Rege missis, statim ab eis, exercitu suo, victus, captus, ac demum capite multatus fuit.

IV. Hac clade Rex perturbatus, convocato concilio, cum eis de remedio consultat. Aliis parum sententiam expedientibus, Macbethus, Regis consobrinus, culpa rei male gestæ in ignaviam superioris temporis collata, pollicetur, „ Si sibi cum Banchone, regionis perito, mandetur imperium, omnia brevi „ pacata redditurum. Erat enim Macbethus acri ingenio, animo prorsus excelso, & magnarum rerum cupido: cui si moderatio accessisset, quamvis magno imperio dignus erat. In pleetendis autem sceleratis ac severitate, quæ soluta legum vinculis in crudelitatem facile videretur eruptura. Decretum ei a Rege imperium adeo multos terruit, ut, abiecta spe, quam de Regis ignavia conceperant, alii alio latebras petentes aufugerent. Insulani atque Hiberni, interclusa fuga, in extremam desperationem acti, fortiter pugnando ad unum prope interire. Macdualdus, cum paucis in turrim propinquam inclusus, omni spe veniæ destitutus, se suosque voluntaria morte ab hostium ludibrio exemit. Macbethus, ea pœna non contentus, abicisum caput Bertham ad Regem mittit: corpus truncum in loco conspicuo suspendit. Quos Insulanorum cepit, carnifici strangulandos dedit.

V. Domestica seditione pacata, terror Danicus majorem longe sollicitudinem attulit. Sueno, Danorum Rex potentissimus, moriens tribus filiis tria reliquit regna, Angliam Haraldo, Norvegiæ Suenoni, Daniam vero Canuto. Haraldo brevi post mortuo, ei successit Canutus in regnum Angliæ. Sueno Rex Norvegiæ, fraternæ laudis æmulus, magna cum classe in Fissam trajecit. Ad rumorcm ejus adventus, Macbethus ad delectum missus: Banchone, qui interrim rei militari præfesset, cum Rege relicto. Duncanus, velut ex ignaviæ somno excitatus esset, hosti obviam ire coactus est. Prope Culrosliam pugnatum est, tanta pertinacia, ut alteris ad sequendum fugientes animus decisset, vix alteris ad fugam vires suppeterent. Scoti, qui iniquitate loci magis, quam virtute superati sibi videbantur, postquam Bertham venerunt, ibi, hostium consilia opperientes, cum reliquis victi exercitus confederunt. Sueno, si paululum instaret, totam Scotiam brevi sue ditionis fore ratus, Bertham cum omnibus copiis ad Duncanum obsidendum contendit, classē cum commissa, ut per Taum amnem eodem appelleret. Duncanus, etsi adveniente ac jam propinquum cum novis subsidii Macbetho, satis præsentibus rebus confideret, tamen sub-

picco-

jiciente Banchone, ut arte vires juvaret, dimittit nuncios, alium ad Machethum, ut subsisteret, alium ad Suenonem, qui de deditione ageret. Scotus petebat, „ Ut, urbe dedita, sibi cum suis incolumibus abire liceret. „ Sueno ratus eam deditionem ab ultima desperatione profectam, nihil, nisi omnibus sibi permisis, audiebat.

VI. Missi alii nuncii cum liberis mandatis, qui in scribendis conditionibus tempus tererent. Hi, ut ampliorem beneficentiae speciem adjicerent, „ Regem, affirmant, dum leges pacis darentur, earum rerum, quarum non magnam copiam apud Norvegos intelligeret esse, affatim in castra missurum. Id vero munus non tam beneficentia Scotorum & penuria Norvegorum fecit gratum, quam quod existimarent, fractis ferocibus animis, jam debellatum esse. Missa magna vis panis & vini, tum e vite, tum ex hordeo confecti, ac succo infecti herbae cujusdam veneficae, cujus magna copia passim in Scotia nascitur. Vulgo folium somniferum vocant. Caulis ei major bipedali in ramos superne diffunditur: folia latiuscula, acuminata exteriori parte, ac languide violentia: acini praegrandes, ac nigri (cum maturuerunt) coloris, qui e caule sub axilla foliorum exeunt; sapor eis dulcis, & propemodum fatuus; semen habent perexiguum, velut fici grana: vis fructui, radici, ac maxime semini, somnifera, & quae in amentiam, si largius fumantur, agat. Hac herba cum omnia infecta essent, qui commeatus in castra vehebant, ne qua doli subesset suspicio, praegustabant, Danosque magnis poculis invitabant ad bibendum. Idem quoque Sueno ipse, benevolentiae significandae causa, ut illis nationibus mos esset, faciebat.

VII. Duncanus, qui futurum sciret, ut vis potionis una cum somno visceribus conciperetur, jam Machethum cum suis per averfam ab hoste portam summo silentio in urbem receperat: compertoque per exploratores, somno & vino graves jacere hostes, Banchonem, iterum aditusque in castra gnarum, caeteris in insidiis collocatis, cum parte majore exercitus mittit. Is ingressus castra, sublato clamore magno, opinione sua omnia negligentiora invenit. Pauci tumultu excitati, cum velut amentes, temere discernerent, ab obviis caeduntur. Reliquis fere mors cum somno continuata est. Rex, per tenuitiam velut mortuus, a paucis, qui minus vinolenti erant, correptus, cum non modo viribus, sed etiam sensu careret, instar oneris in jumentum forte oblatum injectus, ad naves est delatus. Nihilo ibi, quam in castris melior status rerum fuit. Nautis enim prope omnibus in terracasis, vix qui unam navem regerent collecti: eorum opera Rex domum reportatus est. Reliquae naves, vi tempestatis obortae, inter se collisae subsiderunt: eumque, arena, atque aliis, quae flumen temere fert, aggregitis, cumulum navigantium periculosum fecerunt, quem vulgo Drumilum vocant. Scotis, post hanc victoriam sine sanguine paratam, in

lacti-

[Victoriam sine sanguine paratam] Ita MS. princeps editio Edinb. & Genev. reliquae fere omnes [paratam] legunt: at nihil mea sententia erat mutandum, Ita notat Petron. cap. 15.

Jom. I.

Nullo quod cupio statim teneri,

Nec victoria mihi placet parata.

i. e. quae venit ex facili, atque nullo labore aut discrimine constat, qualis haec Scotorum de Danis fuerat Ovid. Epist. VIII. 52

Cc

Ecc

Leticiam conversis, assertur, classem Danicam ad Kingornum stare, subsidio Suenonia Canuto missam: vectores, in terram expositos, ferre, agere, nullo resistente, Fisanorum bona. Adversus eos Bancho cum copiis missus, primos adortus magna strage concidit. Hi fere primores gentis erant: reliqui facile ad naves compulsi. Bancho magna pecunia caslorum sepulturam vendidisse dicitur, quorum sepulchra ajunt adhuc in Amona insula ostendi. Danos, toties male tentatis in Scotiam expeditionibus, jurejurando sanxisse ferunt, „ Se nunquam hostiliter eo redituros.

VIII. Cum in Scotia, rebus domi forsique prospere succedentibus, omnia pace florent, Macbethus, qui, consobrini ignavia semper spreta, regni spem occultam in animo alebat, creditur somnio quodam ad eam confirmatus. Quadam enim nocte, cum longiuscule abesset a Rege, visus est sibi tres feminas forma augustiore quam humana vidisse: quarum una Angusiæ Tharum, altera Moravix, tertia Regem cum salutasset. Hoc somnio animus, cupiditate & spe æger, vehementer incitatus, omnes regnum adipiscendi vias secumolvebat: cum non injusta, ut ipsi videbatur, oblata est occasio. Duncanus e filia Sibardi Reguli Northumbriorum duos filios genuerat, Milcolumbum Cammarum, (quali dicas *Μεγλοκίφαλος*,) & Donaldum, cognomento Banum, id est, album. Ex iis Milcolumbum, vixdum puberem, Cumbriae praefecit. Id factum ejus Macbethus molestius, quam credi poterat, tulit, cum videlicet morum sibi ratus injectam, ut, priores jam magistratus (juxta visum nocturnum) adeptus, aut omnino a regno excluderetur, aut eo tardius potiretur, cum praefectura Cumbriae velut aditus ad supremum magistratum semper esset habitus. Animus etiam, per se ferrox, prope quotidianis conviciis uxoris (quæ omnium consiliorum ei erat conscia) stimulabatur. Igitur, re cum intimis amicorum, in quibus erat Bancho, communicata, Regem opportunum insidiis ad Eumeresam nactus, septimum jam regnantem anuum, obruncat: ac, manu collecta, Sconam profectus, populari favore fretus, Regem se dicit. Liberi Duncan, tam repentino malo icti, cum simul & patrem casum, & auctorem cordis regnantem audirent, & insidias passim a tyranno collocari, ut eorum cade regnum confirmaret, latebras fugæ subinde mutando, saluti aliquandiu consuluerunt. Verum cum neque quicquam adversus potentiam ejus satis tutum videretur, nec ab homine natura sive spes ulla clementiæ ostenderetur, diversi, Milcolumbus in Cumbriam, Donaldus ad propinquos patris in Aebudas, diffugiunt.

## LXXXV. REX.

IX. MACBETHUS, ut regnum male partum stabiliret, potentiores magnis largitionibus sibi conciliat, securus de Regis liberis ob ætatem, de vicinis Regibus ob mutuas similitates. Potentioribus delinitis, populi favorem acquirit parare, severitate retinere, decrevit. Igitur cum latrones punire statuisset, qui Duncan lenitate animos sustulerant, nec id posse fieri sine magno rerum motu videret, consilium iniit, ut per idoneos homines discordiarum semi-

*Eccæ Neapolemo præda paratæ fuit.*

Ex ira apud Livium lib. 5. cap. 6. legendum putat Burmannus ad Petron. loc. cit. *Imposcere militem nostrum non solum pa-*

*rata victoria fuit, sed, si res etiam lentior sit, poti tadium, & quomvis seve spei exitum expectare: nunc parca circumferatur.*

na inter eos spargerentur, & ex discordia provocationes, & paucorum pari numero certamina, in disjunctissimis Scotiæ locis, omnia eodem die fierent. Quem ad diem cum convenissent frequentes, per homines fidos, ad id commodè dispositos, omnes comprehensi. Eorum poena cæteris metus est injectus. Præter Thanos Cathanesiæ, Rossiæ, Sutherlandiæ, & Narniæ, nonnullos etiam e potentioribus, quorum intestinis discordiis plebs attrita erat, sustulit. Ad Æbudas profectus, jus severissime dixit. Inde reversus, cum Macgillum, sive Macgildum, Gallovidiæ longe potentissimum, semel atque iterum in jus vocasset, isque magis Milcumbicæ factionis invidiam, quam objecta crimina pertimescens, adesse renueret, missis eo copiis, prælio victum capitali supplicio affecit. Per hæc summa tranquillitate restituta, ad leges scribendas (rem a superioribus Regibus prope neglectam) animum adjecit: tulitque longe plurimas, atque utilissimas, quæ nunc, magno publico malo, aut penitus ignotæ sunt, aut neglectæ jacent. Prorsusque per decennium ita regnum administravit, ut, si vis in eo parando abfuisset, nemini superiorum Regum fuisset habitus inferior.

X. Verum cum ita præsidii & favore multitudinis se communisset, ut a vi sibi metuendum non arbitraretur, Regiæ (ut credibile est) cædis stimulis animum elatum in præceps impellentibus, imperium, perfidia partum, in crudelissimam tyrannidem vertit. Primum suæ immanitatis impetum in Bancho-nem, Regiæ cædis socium, conjecit. De hoc vulgabatur fors, per maleficos edita, „Fore, ut ejus posteritas aliquando regno potiretur.“ Igitur veritus, ne homo potens & industrius, & Regio jam sanguine imbutus, exemplum ab ipso propositum imitaretur, eum, cum filio ad coenam familiariter vocatum, curat redeuntem per insidias interimendum, veluti per tumultum repente ortum. Fleanchus filius per tenebras ignotus evasit insidias. Ab amicis autem admonitus, patrem a Rege dolo cæsum, suam quoque vitam peti, occultus in Valliam profugit. Hac cæde tam crudeliter & perfidiose patrata, proceres sibi metuentes domum quisque suam secesserunt: ac raro & rari in aulam ventitabant. Igitur partim patefacta, partim vehementer omnibus suspecta crudelitate Regia, ex mutuo timore inter eum & proceres mutuum odium natum. Atque inde, cum celari amplius non posset, res in apertam tyrannidem evasit: ac palam, levibus de causis, & plerumque confictis, potentiores occidebantur. Eorum bonis facinorosorum circa Regem manus nomine custodiæ alebatur.

XI. Nec per hos tamen Rex vitam suam satis munitam ratus, in colle Dunfinano, unde late in omnes partes est prospectus, arcem ædificare aggressus: cum opus, ob difficultatem vecturæ tardius procederet, Thanis omnibus per universum regnum laborem per vices partitus, operas & jumenta imperavit: ipsosque, velut operi præfectos, adesse jussit. Erat tum Macduffus Fifiæ Thanus longe potentissimus. Is, vitam suam Regi committere non ausus, operas frequentes, & ex intimis amicorum, qui opus urgerent, eo misit. Rex, sive operis (quod simulabatur) invisendi studio, sive (quod Macduffus metuebat) ut eum comprehenderet, cum advenisset, & forte jugumboum, oneri impar, per adversum clivum subire non posset, [Rex,] occasione succensendi libenter



arrepta, minatus est, „ Se contumaciam Thani, jampridem sibi perspectam, „ domitutum, ac jugum ipsius collo impositurum. Macduffus, re ad se perlata, nihil cunctatus, commendata uxori familia, ac navicula (pro temporis angustia) ornata, in Lothianam transvectus, inde in Angliam abiit. Fugæ consilio audito, Rex statim valida manu, si forte cum opprimere posset, in Fifeam contendit. In arcem statim intromissus, non invento Thano, in uxorem & liberos, qui aderant, omnem iram effudit. Bona in fiscum redacta: ipse perduellis denunciatus, gravi indicta poena, si quis vel congregi cum eo ausit. In cæteros quoque genere claros, aut opibus potentes, sine discrimine sævitum. At jam ex eo contentis proceribus, Rex domesticis consiliis regnum administrabat.

XII. Interea Macduffus, in Angliam delatus, Milcolumbum Regio cultu habitum apud Eduardum Regem invenit. Eduardus enim, fractis in Anglia Danorum opibus, in regnum ab exilio revocatus, multis de causis favore prosequeretur Milcolumbum, ab avo materno Sibardo ad se adductum: vel quod pater avusque, cum præessent Cumbriæ, quatenus per tempora licuit, semper majoribus suis studuissent: vel quod eventorum similitudo, & memoria periculorum eos conciliaret, quippe Regem utrumque, & injusto exilio a tyrannis multatos: vel quod Regum afflictæ res facile hominum etiam alienissimorum animos commovent. Thanus igitur, ubi primum per otium Milcolumbum convenire potuit, cum longo sermone suæ fugæ infelicem necessitatem, Macbethi in omnes ordines crudelitatem, & omnium contra eum odia, exposuisset, accurata oratione ad regnum paternum repetendum filium est hortatus; „ Præsertim cum neque sine summo scelere patris necem impiam inultam „ relinquere, nec populi a Deo ipsi commissi milerias negligere, neque amicorum justa petentium precibus deesse posset. Præterea, non ei defuturum „ neque Eduardi, Regis optimi, erga amicum & supplicem officium, neque „ populi studium adversus tyrannum, neque numinis favorem pro bonis contra scelestum, nisi ipse sibi deesse velit. Milcolumbus, qui sæpe antea per homines a Macbetho summissos, ut eum per dolum ad se illiceret, sollicitatus fuerat de reditu, priusquam rem tantam fortunæ committeret, Macdussi fidem tentare statuit. „ Ego vero, inquit, nihil horum, quæ a te sunt exposita, „ ignoro: sed vereor, ne tu me, quem ad regnum suscipiendum invitas, penitus ignores. Eadem enim vitia, quæ jam multos Reges pessumdederunt, „ libido & avaritia, in me quoque adsunt: sed, quæ nunc privata fortuna occulit, ea regni licentia solvet. Proinde vide, ne me non in regnum, sed in „ exitium voces. „ Cum Macduffus ad hæc subjecisset; „ Multorum libidinem liberali conjugio solvi, & avaritiam, penuriæ metu amoto, temperari: „ adjecit Milcolumbus, „ Se malle nunc apud amicum ingenue fateri, quam „ sero, cum maximo utriusque malo, in vitio deprehendi. Nihil sibi veri, „ nihil sinceri in animo esse: nemini prorsus fidere, & consilia ad omnes suspicionum auras mutare, & ex sui ingenii inconstantia judicium de aliis facere. „ Ad hæc Macduffus, „ Apage, inquit, Regii sanguinis ac nominis dehonestamentum, & prodigium non ad regnum arcessendum, sed in extremas orbis solitudines deportandum: „ & cum dicto iratus discedere parabat. Tum  
Milco-

Milcolumbus, hominis manu apprehensa, causam simulationis ostendit; „Scoties Macbethi insidiis petitus, ut non temere cuius audeat credere. At in Macduffi nec genere, nec moribus, nec fama, nec fortuna, quicquam se scire, unde fraudem extimescat. Igitur, data acceptaque fide, de tyranni exitio consultant: amicis per secretos nuncios præmonitis, ab Eduardo Rege decem millia militum accipiunt: duce omnibus præfecto Sibardo, Milcolumbi avo materno:

XIII. Ad famam ejus exercitus magni in Scotia motus facti: magni quotidie ad novum Regem concursus. Macbethus, prope desertus ab omnibus, cum in tam repentina defectione nihil melius occurreret, in arcem Dunfinanam se inclusit, missis in Æbudas & Hiberniam amicis, ut pecunia illinc militem conducerent. Milcolumbus, consilio ejus audito, recta ad eum ducit, populo, quacunque ibat, bene precante, ac faustis acclamationibus eum prosequente. Hoc velut omine victoriæ læti milites, frondes virentes galeis omnes apposuerunt, triumphantiumque magis, quam ad pugnam progredientium, specie agmen incedebat. Ea perterritus hostium fiducia Macbethus confestim in fugam se dedit: milites ejus, a duce deserti, Milcolumbo se dediderunt. [*Macduffus tyrannum fugientem assēcutus, caput occisi ad suos retulit.*] Multa hic fabulose quidam nostrorum affingunt: sed, quia theatris aut Milesiis fabulis sunt aptiora, quam historiæ, ea omitto. Macbethus septemdecim annis rei Scoticæ præfuit. Decem primis optimi Regis officio est functus: septem supremis crudelitatem severissimorum tyrannorum facile æquavit.

LXXXVI. REX.

XIV. MILCOLUMBUS, recuperato paterno regno, Sconæ, vicesimo quinto die Aprilis, anno a Christo nato, M. LVII. Rex fuit declaratus. Statim, regno suscepto, conventum Forfaram indixit. Primum omnium, liberis eorum, qui a Macbetho erant occisi, bona paterna restituit. A nonnullis primus creditur nova & peregrina nomina, quibus honorum gradus distinguuntur, a vicinis accepta, nec minus barbara quam erant priora, introduxisse, <sup>1</sup>Duces, Marchiones, Comites, Barones, Ridaros, sive Equites. In primis Fife Thamus Macduffus Comes est appellatus: multique præterea, pro suis erga rem Scoticam meritis, novis titulis honorati. Sunt qui tradant, tum primum coeptum, ut nobiliores ab agris cognomina fumerent: quod equidem falsum puto, cum

<sup>1</sup> *Macduffus tyrannum fugientem assēcutus, caput occisi ad suos retulit*] Hanc sententiam in libris editis desideratam, cum scriptores alii confirmant, e MS. restituere non dubitavimus; præsertim cum alioqui nulla de Macbethi morte a Buchananō facta sit mentio.

<sup>2</sup> *Anno a Christo nato 1057*] Ita Fordonus, Joan. Major, &c. Boëthius 1061, cum quo consentit Lessæus. Chronica de

Mailros & And. Vintonus 1056.

<sup>3</sup> *Duces, Marchiones*] Nulli apud nos *Duces* tum nec diu postea sunt introducti, ipso enim Buchananō referente primi inter Scotos *Duces* creati sunt David Rothsaiz, & Robertus Albinæ, hic Roberti II. frater, ille filius, anno 1398. Vid. Lib. x. *Marchiones* vero non nisi Buchananī ipsius ævo, atque a Jacobo VI. primum creati sunt.

cum ea consuetudo ne nunc quidem apud priiscos Scotos sit recepta : totaque tum Scotia priisco sermone & institutis uteretur. Loco vero cognominis (more Græcorum) patris nomen proprio subiciebant : aut ex eventu aliquo, noxave corporis aut animi, vocabulum affingebant : eundemque tum fuisse morem Gallis, indicant illa Regia cognomina Crassi, Calvi, Balbi : item multarum nobilium in Anglia familiarum cognomina, eorum maxime, qui circa eadem hæc tempora, Gulielmum Normanum secuti, in Anglia sedes posuerunt. Apud reliquos etiam Gallos sero mos cognomina ab agris ducendi receptus videtur, ut ex Froissardi, scriptoris minime contemnendi, historia intelligi potest. Macduffo, in præmium navatæ operæ, tria petenti privilegia sunt concessa : „ Ut posteri ejus Regem coronandum in cathedra collocarent. Ut in Regio „ exercitu primæ aciei præessent. Ut, ob eadem impræmeditatem hominis generosi, viginti quatuor, ob plebeji, duodecim marcas argenti solverent. Quæ postrema lex usque ad ætatem patrum nostrorum, quamdiu scilicet ex ea familia supersuit quilibet, duravit.

XV. Hæc dum Forfars geruntur, qui supererant ex factione Macbethi, filium ejus Luthiacum (cui ex ingenio cognomen inditum erat Fatuo) Sconam ductum Regem appellant. Hunc Milcolumbus in valle Bogiana affectus, tertio quam Regis nomen suscepit mense occidit. Generi tamen Regio tributum, ut mortuus una cum patris corpore in Regium sepulchrum in lona inferretur. Exeo, in summa pace quatuor annis exactis, affertur validam latronum manum Cochburni Saltum insidere, ac Lothianam & Marciam cum magno agriculturalum damno infestare. Eos Patricius Dumbarius, non sine labore, domuit, quadraginta e suis amissis. E latronibus sexcenti in congressu perierunt : quadraginta capti, laqueo strangulati. Ob id facinus Patricius Marcie Comes dictus. Regno ita confirmato, ut nulla vis aperta ei nocere posset, Rex occultis insidiis est petitus. Tota conjuratione ad eum delata, principem ejus, nihil ea de re suspicantem, ad se vocat : ac longiore sermone familiariter instituto, solus in vallem secretam, aliis subsistere jussis, hominem seducit. Ibi, exprobratis ei superioribus beneficiis, & commemoratis insidiis in suum caput structis ; „ Quin tu nunc, ait, armatus armatum, si tantum tibi animi est, „ aggredere, & quod per dolum petis, virtute præmium tibi para. Ille percussus re subita humi dejecit se supplex : ac veniam a Rege non minus clemente, quam forti, obtinuit. Hujus facinoris meminit Matthæus Paris.

XVI. Interea Edgarus, cui secundum Eduardum regnum Angliæ debebat, in Scotiam ventis adversis actus cum tota familia applicuit. De hoc viro, ut quæ sequuntur facilius intelligi possint, pauca supra repetam. Edmondo, Rege Anglorum, scelere suorum occiso, Canutus Danus, qui in parte insulæ regnabat, totam statim occupat. Filios Edmondi, Eduardum & Edmondum, ad se adductos, initio liberaliter habuit. Deinde, prava ambitione impulsus, eorum cæde regnum confirmare suis posteris cupiens, eos clam tollendos ad

Val-

1 Matthæus Paris] Buchananus alibi semper cum *Parisiensi*, at *Pariden* ipse scilicet quæ ferè omnes, appellavit.

1 Ago-

Valgarum Sueciæ præfectum misit. Is, audita puerorum nobilitate, inspecta ætate & innocentia, fortunæ etiam misertus, mentitus Canuto de cæde, in Hungariam ad Solomonem Regem eos misit. Ibi, cum Regio cultu educarentur, tanta indoles in Eduardo eluxit, ut ex omni juventute eum potissimum eligeret, cui Agatham filiam in matrimonium daret. Ex eo geniti Edgarus, Margarita, & Christiana. Interea, Canuto mortuo, successit Hardicanutus. Eo casu, revocatus est e Normania, ubi tum exulabat Eduardus [*Edmundi Regis frater*,] cum fratre Aluredo: missi, qui eos reduceret, Goduino, homine præpotente, Anglici quidem generis, sed qui Canuti filiam haberet conjugem. Is, cupidus regni in suam familiam transferendi, Aluredum veneno sustulit. Eduardus, magis numinis providentia quam humano consilio servatus, regnum in Anglia sanctissime gessit. Liberis autem cum careret, nihil prius habuit, quam ut propinquos suos ex Hungaria ad id munus suscipiendum revocaret: atque Edgaro reduci statim cedere voluit. Sed ille, cum Regis pietate modestia certans, eo vivo se regnaturum negavit.

XVII. Tandem Eduardo Rege defuncto, Haraldus, Goduini filius, regnum fraude quidem invasit: Agatham tamen Hungaram cum liberis humanissime tractabat. Sed, eo quoque a Gulielmo Normano jam profligato, Edgarus cum matre & sororibus crudelitatem ejus vitans, cum in Hungariam redire statuisset, vi tempestatis in Scotiam appulit. Ibi, a Milcolumbo receptus hospitaliter, accepta in uxorem Mugarita sorore, affinis etiam factus. Gulielmus, tum in Anglia rerum potitus, levissimis de causis in omnes Anglici ac Danici generis nobiles sæviebat. Certior autem factus, quæ in Scotia gererentur, ac veritus, ne nova aliqua tempestas illinc oriretur, foecialem mittit, qui Edgarum deposceret, ac, ni dederetur, bellum indiceret. Milcolumbus crudele & nefarium ratus, supplicem, hospitem, affinem, hominem denique cui ne inimici quidem ullum erimen obijcere possent, ad supplicium: dedere hosti immanissimi-

1 *Agatham filiam*] Hanc Agatham non Solomonis Hungari, sed Henrici III. Imperatoris filiam fuisse omnes fere scriptores consentiunt. [Salomonem etiam improlem obiisse scribit Mich. Ritijs de regibus Hung. lib. II. error forte inde venit, quia Salomon etiam filiam Henrici III. habuit, quo Matrimonio Ritijs narrat pacem inter Henricum & Andream, Salomonis patrem, conciliatam: hanc filiam Henrici Sepham vocat *Jeb. de Tburocz* in Chron. Hung. part. II. Cap. 43. & *Bonsia* Decad. II. lib. I. *Morrerius* in Lexico *Juditbam* vocat, nescio quo auctore. nullam vero *Agatham* inter filias Henrici recenset. *Ingulphus* ad A. 1057. & *Chron. de Mailros* Eduardum ex Hungaria vocatum venisse in Angliam, & statim obiisse sine liberis, nulla ejus uxore mentione facta, narrant

qui est certe Edmundi filius. ita ut forte confusi fuerint duo Eduardi. Eduardus vero Confessor Rex duxit Editham Goduini Cantii comitis filiam, ut testantur annales: non satis me ex his expedio, nec Agatham illam reperio.]

2 *Eduardus Edmundi Regis frater*] Has voces perspicuitatis gratia interserendas duximus, ne hi duo Eduardi inter se confundantur. Hic enim Eduardus, vulgo *Confessor* dictus, Edmundi *Latus ferreum* cognominati frater, ille vero, *Exlegis* cognomine distinctus, ejusdem Edmundi filius fuit.

3 *Edgaro reduci statim cedere voluit*] Non tam Edgaro, quam ipsius patri Eduardo, qui a patruo revocatus in Angliam rediit anno 1057, ac paullo post satis concessit.

1 *Sibar-*



nissimo, quidvis potius pati decrevit. Itaque non Edgarum modo retinuit, sed & amicos ejus, maximo numero domo profugos, recepit, prædiisque donavit: quorum posterius in multas atque opulentas familias propagati sunt.

XVIII. Bello inter Scotos & Anglos ob has causas orto, <sup>1</sup>Sibardus Northumbriae Regulus, Edgaro favens, copias cum Scotis conjunxit. Normani, rebus prospere succedentibus tumidus, tanquam levi momento bello Scotico defuncturus, <sup>2</sup>Rogerum quendam, suae nationis hominem, dominabilem, cum copiis in Northumbriam misit. Eo victo & profligato, ac demum a suis caeso, Richardus, Glocestriae Comes, majore cum exercitu missus, a Patricio Dumbario levibus praeliis fatigatus, & latius prædari prohibitus, cum nihil promoveret, multo majores copias eo duxit Odo, Gulielmi frater, ex Episcopo Bajocensi Cantii Comes factus. Quem cum late Northumbriam populatus fuisset, <sup>3</sup>ac, caesis nonnullis, qui populatione eum prohibere nitebantur, redeuntem cum ingenti præda Milcolumbus & Sibardus adorti, spoliis exuerunt, multis de ejus exercitu interentis & captis. Neque Robertus, Gulielmi filius, suppleto exercitu, eo missus, ullum operæ pretium fecit, nisi quod ad Tinam amnem positis castris bellum propulit magis quam intulit: atque interea Novum Castrum, vetustate pene collapsum, restituit. Gulielmus, longo magis quam utili aut necessario bello fatigatus, tandem, lenita paullum ferocia, animum ad studium pacis adjecit. Pax his legibus facta, „Ut in Stammoria, quasi dicas, ericeto lapidoso, (id enim ex re nomen est loco) limes regnorum describeretur. (In limite crux lapidea statuta, quæ Regum statuas & insignia utrinque haberet. Ea, quamdiu stetit, Regia crux fuit appellata.) „Cumbriam Milcolumbus teneret, quo jure majores ejus eam tenuissent. Edgarus, a Gulielmo in gratiam receptus, ac prædiis amplis donatus, ut ab omni rerum novandarum suspicione abesset, quamdiu vixit nunquam ab aula discessit. Voldiosus, Sibardi filius, receptis bonis paternis, in affinitatem etiam Regiam ascitus, <sup>4</sup>accepta uxore nepte Regis ex filia.

## XIX.

<sup>1</sup> *Sibardus Northumbriae Regulus*] Nul-  
lus tum erat eo nomine Northumbriae Re-  
gulus, Sibardus enim Milcolumbi avus suo  
faro functus erat anno 1054, testantibus  
Chroniciis de Mailros, Tyrello, Echar-  
do, &c.

<sup>2</sup> *Rogerum quendam*] Hæc & quæ se-  
quantur Tyrellus vol. 2, pag. 27. non  
incerta modo sed plerumque falsa esse  
contendit, hoc præcipue argumento ni-  
tus, quod nihil horum ab Historicis An-  
glis commemoratum reperiat. Sed pa-  
ri ratiocinationis genere ex Scotorum si-  
lentio Anglicis pariter scriptoribus fidem  
derogari, oporteret. Quæ autem subjicit  
Tyrellus, majoris quidem momenti esse  
videntur. Nullum enim tum fuisse ait Glo-

cestriae Comitem, primumque eo titulo  
honestatum non Richardum, sed Rober-  
tum Henrici I. northum. Verum non Sco-  
torum propria, sed cum Anglis aliisque  
communicata est culpa, ut in hominum  
locorumque nominibus interdum fallantur;  
neque propterea tamen omnem rei gestæ  
expositionem protinus in dubium vocare  
oportet.

<sup>3</sup> *Ac caesis nonnullis*] Crafordius [ac]  
delendum censer.

<sup>4</sup> *Accepta uxore nepte Regis ex filia*] Ju-  
ditha Voldiosi (seu Valthevi potius) uxor,  
non Gulielmi neptis, sed sororis filia fuit.  
Buchanano imposuit ambiguus vocis *ne-*  
*pris* apud ejus ætatis scriptores usus, qui-  
bus non pro filii filizve (quod fieri debe-  
bat)



XIX. Pacem externam intestini tumultus sunt consecuti. Gallovidiani & Æbudenſes vicina omnia, non ſine cæde, populabantur. Et Moravi, cum Roſſianis & Cathaneſiis aliſque propinquis facta conjuratione, adjunctis etiam Inſulanorum proximis, majore mole bellum ciebant. Adverſus Gallovidianos Valterus, Banchonis ex Fleancho filio nepos, jamdudum a Rege in gratiam receptus, in reliquos rebelles Macduſſus eſt miſſus, dum Rex cogeret copias majores. Valterus, cæſo tumultus duce, ita cæteram multitudinem compreſſit, ut Rex eum reverſum, ob rem bene geſtam, Stuartum totius Scotiæ fecerit, quaſi dicas OEconomum. Hic magiſtratus cenſus omnes Regios colligit: jurisdictionem etiam, qualem conventuum præfecti, habet, ac prorſus idem eſt cum eo quem priores Thanum appellabant. Atque nunc, ſermone Anglico patrium ſuperante, regionum Thani plerique in locis Stuarti vocantur: & qui illis erat Abthanus, nunc Stuartus Scotiæ nominatur. Paucis in locis vetus Thani nomen adhuc manet. Ab hoc Valtero cepit initium Stuartorum familia, quæ jam diu apud Scotos rerum potitur.

XX. Macduſſus, in regione diverſa, cum ad Marriæ fines veniſſet, Marrianis pecuniam, ne fines eorum ingrederetur, pollicentibus, multitudinem hoſtium veritus, rem ſimulatione tranſactionis conditionibus ferendis ſuſpedit, donec Rex ipſe majoribus cum copiis advenit. Cum ad Monimuſcum vicum conjunctis caſtris fuiſſet ventum, Rex, audita multitudine hoſtium, ſollicitus, Andreæ Apoſtolo, quem velut Deum tutelarem Scoti colebant, vicum, in quo tendebat, ſe donaturum vovit, ſi victor ex ea expeditione reverteretur. Paucis inde caſtris ventum ad Spæam, omnium Scotiæ fluminum rapidiſſimum. Hoſtium ibi tantum numerum, quantum ex illis regionibus cogi poſſe nunquam credidiſſet, in ulteriore ripa ad tranſitum prohibendum ſtare conſpicatus, ſignifero cunctante flumen ingredi, ſignum ei ablatum Alexandro Carroni, Equiti notæ fortitudinis, dedit: poſterisque ejus is honos habitus, ut Regium in bello vexillum ferrent. Ei, pro Carrone, poſtea cognomen Scrimigero poſitum: quod magiſtrum tractandorum armorum, multum ſibi ex eo ſtudio arrogantem, ipſe, vera virtute fretus, artiſque ejus penitus imperitus, viciſſet. Regem, jam flumen ingredientem, inſulati ſacerdotes ſunt morati: qui, eo permittente, ad hoſtem proſecti, bellum citra ſanguinem finierunt. Nobiliores, vita tantum impetrata, ſe dediderunt. Eorum qui maxime inquieti, & ſeditionum auctores fuiſſe comperti ſunt, bonis multati, perpetuæ cuſtodiae mancipantur.

XXI.

bat) ſed pro ſ fratris ſororiſve filia fere uſurpatur. pari modo quo nepos pro ſ fratris ſororiſve filio ſunt abuſi.

1 In quo tendebas] Quidam hic [caſtra] addendum volunt; quaſi vero optimis auctoribus verbum tendo absolute non accipiatur, pro tentoria ſigere vel habere. Virg. Æn. 2.

Hic Dolopum manus, hic ſeſas tendebat Achilles.

Tom. I.

Ovid. Epist. 1.

Illic Æacides, illic tendebat Ulyſſes.

Cæſ. Bell. Civ. lib. 3. cap. 82. Ut qui ſub vallo tenderent mercatores, recipiendæ ſui non haberent facultatem. Curtius lib. 5. cap. 7. Quod ubi exercitus, qui baud procul arde tendebat, conſpexit. Virg. 8. 605, Et latas tendebant in arvis.

D d

2 Rem



XXI. Pace domi forisque magnis laboribus parta, ad mores publicos emendandos conversus, ipse & sanctissime vivebat, & alios exemplo ad modestiam & æquitatem provocabat. Creditum est, eum in hac re multum consiliis & adhortationibus Reginae, lectissimæ & singulari pietate foeminæ, adjutum. Illa quidem in pauperes & sacerdotes nullum humanitatis officium omittebat: nec mater Agatha, & soror Christiana, in ullo pietatis officio Reginae cedebar. Nam quoniam tum monachatus inter præcipua pietatis instituta habebatur, utraque, relictis rerum humanarum molestiis, in virginum monasteria sese incluserunt. Rex ad quatuor priores Episcopatus, Fani Andreae, Glascae, Candidæ Casæ, & Murthilaci, (qui Episcoporum inertia veterem disciplinam aut solverant aut abjecerant,) adjecit Moraviensem & Cathanesium, conquisitis hominibus, prout illa ferebant tempora, doctis & piis. Luxum etiam, jam tum, non solum per frequentiam Anglorum, aliarumque gentium exterarum commercia, sed, multis exulibus Anglici generis receptis, & per universum regnum diffusis, ingravescentem, coercere (prope frustra) conatus est. Maximus ei labor fuit, dum ad veteris parsimoniam modum revocare studet proceres: qui, admissio semel voluptatum delinimento, non modo in pejus facile promovebant, sed in præceps rapi se patiebantur, foedissimumque etiam vitium elegantiae & munditiarum falso nomine dissimulare conabantur. Milcolumbus, cum non modo religioni, sed etiam rei militari summam inde perniciem impendere conspiceret, primum diligenter suam familiam expurgavit: deinde leges sumtuarias severissimas, gravi adjecta poena adversus violatores, tulit. His autem remediis cum rem susteret magis quam curaret, nunquam tamen destitit, quoad vixit, omni conatu urgere. Uxor etiam precibus dedisse fertur, ut primam novæ nuptæ noctem, quæ proceribus per gradus quosdam lege Regis *Eveni* debebatur, sponsus dimidiata argenti marca redimere posset: quam pensionem adhuc Marchetas mulierum vocant.

XXII. Dum Milcolumbus moribus emendandis intentus est, Gulielmus Rex Anglorum moritur. Succedit ei filius Gulielmus Rufus. Inter duos Reges tam discordi ingenio pax diuturna esse non poterat. Rex enim Scotorum tum maxime alterum Dunelmi templum in Anglia, alterum ad Dunum Fermeliri in Scotia magnis sumtibus ædificabat; remque Ecclesiasticam labantem confirmabat: Turgotumque, præfectum monachorum Dunelmensium ad Episcopatum Fani Andreae transfert: cum interea Rufus, silvas ad ferarum venationes includens, ut laxius spatium complecteretur, monasteria vicofque diruebat: Anselmum Normanum, Cantuariæ tum Archiepiscopum, liberius admonentem, insula exegit. Caussam belli adversus Scotos ferens, Annevici arcem, cæso præsidio, fraude interceptit. Milcolumbus, rebus frustra repetitis, magno exercitu arcem obsedit. Custodes arcis, pene ad omnium rerum penuriam reducti, de deditione collocuti, petunt, „Ut Rex adesset ad claves recipiendas. Eas dum ad cuspidem lanceæ suspensas Rex incautus accipit, miles, ferro in

ocu-

1 *Rem susteret*] MS. *malum susteret*.

2 *Regis Eveni*] Vid. supra lib. IV. 21.

In omnibus libris perperam *Eugeni* hic scribitur.



oculum adacto, eum interimit. Filius quoque ejus Eduardus, dum salutis suæ negligentior, vindictæ cupiditate in hostem incautius irruit, ex vulnere brevi moritur. Scoti, gemina clade ex duorum Regum morte turbati, soluta obsidione domos abeunt: & Margarita, mœrore confecta, non diu viro & filio fuit superstes. Copora Regum e Tinnutho, (quod ad ostium Tinæ cœnobium est,) ubi primum fuerant sepulta, Fermelinodunum relata sunt. Regnum tenuit Milcolumbus annos triginta sex, nullo prorsus vitio notabilis, multis & magnis virtutibus<sup>1</sup> ad posteros insignis. Genuit ex Margarita sex filios: e quibus Eduardus in obsidione Annevici e vulnere mortem obiit, Edmondus & Etheldredus exules in Angliam a Donaldopatroo pulsus interierunt. Tres reliqui, Edgarus, Alexander & David, regnum deinceps tenuerunt. Duarum filiarum major Mathildis, cognomento Bona, Henrico Regi Anglorum, minor Maria Eustathio, Bononiæ maritimæ Regulo, nupsit. Inter prodigia hoc tempore numeratur maris Germanici tam insolita inundatio, ut non agros modo demerserit, & arenis obruerit, sed vicos, oppida & arces everterit. Tonitrua etiam, solito frequentiora, ac magis horrenda: pluresque, quam unquam in Britannia memoriæ proditum fuerit, fulminibus exanimati.

## L X X X V I I. R E X.

XXIII. Milcolumbo rebus humanis sublato, DONALDUS BANUS (hoc est, albus) ejus frater, qui Macbethi metu in Æbudas perfugerat, Magno, Regi Norvegorum, omnes insulas pollicitus, si ejus auxilio regno Scotorum potiretur, nullo fere negotio Rex est declaratus, maxime ab iis, qui superiorem Regem corruptæ majorum disciplinæ falso insimulabant, Anglosque, domo pullos, in Scotorum agris collocatos dolebant. Edgarus, in tam subita mutatione rerum, sororis liberis (per ætatem adhuc infirmis) metuens, eos in Angliam ad se transportandos curavit: sed ea viri optimi pietas calumnia non caruit. Nam ab Orgaro Anglo, gratiam apud Gulielmum Rufum Regem aucupante, accusatus est, quod occulte jactaret, „Se suosque propinquos legitimos regni hæredes. „Id crimen cum delator nullis testibus confirmaret, certaminis aleæ judicium committitur. Tandem delator ab alio Anglo, qui, pro Edgardo, jam seniore, nec satis firma valetudine, se ad certamen obtulerat, victus est. Donaldum, qui, externis auxiliis cum sua factione conjunctis, regnum invaserat, cum boni omnes, apud quos sacrosancta erat Milcolumbi & Margaritæ memoria, odissent; ipse id odium sua temeritate vehementer auxit, multa inter suos capiti nobilium minatus, qui sacramentum dicere abnuebant. Igitur Duncanum, Milcolumbi nothum, qui apud Rufum diu honesto loco militaverat, adversus Donaldum arcessunt. Ad ejus adventum multis deficientibus, Donaldus, rebus suis diffidens, post sextum, quam regnum invaserat, mensem, in Æbudas profugit.

## L X X X V I I I. R E X.

XXIV. Nec DUNCANUS diu regnum tenuit: homo enim militaris,

<sup>1</sup> Ad posteros] Pro apud posteros. ViJ. supra ad Lib. v. 17.

<sup>2</sup> Nec Duncanus] Exstat in Archivis Ecclesiæ Dunelmensis charta authentica, qua  
D d 2 hic

& artium pacis non admodum gnarus, cum imperiosius, quam civilis ratio exigebat, omnia tractaret, brevi in maximum majoris partis odium incurrit. Id cum Donaldus exul, ad omnes ejus motus intentus, rescisset, corrupto Macpendiro, Merniæ Comite, Duncanum in Taichia nocte curat obtruncandum, post annum & sex menses quam regnare coeperat. Ipse, bonis cum (inopia melioris) magis tolerantibus quam probantibus, plus minus triennio turbulentissimum regnum gessit, hinc Insulani, hinc Anglis regnum infestantibus. Accessit & illa major invidia, ex insulis Occidentalibus per Magnum, Norvegorum Regem, occupatis: quas etsi ille velut per vim ingressus esset, tamen omnes intelligebant fraudem subesse, non se commovente ad tantam contumeliam Donaldus. Ac tandem multo vehementius accensa est publica indignatio, secreta ejus pactio in vulgus prolata.

## LXXXIX. REX.

XXV. Igitur occultis nunciis actum cum EDGARO, Milcolumbi filio, ut ad regnum capeffendum se ducem præberet: „Non defutura, ubi primum ad limitem veniret, auxilia. „Nec vana fuerunt promissa. Edgarus enim, per Edgarum avunculum modicis auxiliis a Rufo impetratis, vix Scotiam est ingressus, cum Donaldus, a suis destitutus, fugit: atque e fuga retractus, ad Edgarum adducitur: & in vincula coniectus, non multo post mortuus est. Edgarus, in regnum summo omnium Ordinum consensu reductus, primum omnium pacem cum Gulielmo Anglo fecit: atque, eo sine liberis defuncto, eandem cum Henrico ejus fratre confirmavit. Ei Mathildem sororem (cui ex moribus, uti dictum est, cognomen Bonæ datum fuit) uxorem dedit. Ex eo matrimonio geniti sunt Gulielmus, Richardus, Euphemia, & Mathildis. Regnavit Edgarus in summa pace annos novem & sex menses, bonis omnibus carus & verendus, malis adeo formidabilis, ut, toto ejus regni tempore, nulli motus intestini, nullus ab hoste externo metus fuerit. Unum operum civilium ejus monumentum fuit Coldingamiæ cœnobium, Divæ Ebbæ virgini dicatum, septimo regni anno; posterius in Cuthberti nomen translatum.

## XC. REX.

XXVI. Edgardo sine liberis defuncto successit frater ALEXANDER, cognomento ACER. Hunc, inito statim regno, juvenis quietis impatiens, rata pacatum (hoc est, ut ipsa interpretabatur, ignavum) futurum exemplo fratris, ut majore cum licentia latrocinaretur, eum occulta fraude tollere decrevit. Ille, patefacta conjuratione, in ultimam usque Rossiam fugere molientes eos est secutus. Cum ad Spæam amnem constitissent, ac, freti rapiditate flumi-

hic Duncanus S. Cuthberto ejusque servitoribus terras aliquas donat, quaque, etsi nothus esset, se *hereditarie* Scotorum Regem constare affirmat.

[Cum ad Spæam amnem constitissent] In MS. & forte melius, sic legitur; Cum

ad Spæam amnem constitissent, ac, freti rapiditate fluminis, transitu Regem prohibere conarentur, etsi maris aestu allabante impermeabilis videretur omnis, ipse tamen primus calcaribus equo subditis, ceterisne Regem in tanto periculo deferrent sequentibus, ad

fluminis, transitu Regem prohibere conarentur, Rex a suis retentus, quod, æstu maris allabente, impermeabilis videretur amnis, ipse primus calcaribus equo subditis, cæteris, ne Regem in tanto periculo defererent, sequentibus, ad hostem ire pergit. Verum (ut dixi) a suis retentus, Alexandro Carroni, Alexandri, cujus supra meminimus, filio, partem exercitus dedit, qui subito cum suis amnem ingressus, audacie miraculo adeo conterruit hostes, ut passim in fugam statim se conjicerent. Multi inter fugiendum caesi: principes eorum, vel tum capti, vel postea ad Regem adducti, laqueo strangulati. Huc expeditio ex illo ad finem usque vite pacem ei præstitit. Rodeunti per Merniam occurrit mulier paupercula, graviter querens, maritum suum a Comitis Mernie filio, quem in jus ob æs alienum vocasset, loris caesum. Rex indignabundus, ex equo desiliens, non prius conscendit, quam supplicio facinoris auctor fuisset affectus. Ita demum ad Ennergoream, vel, ut alii scribunt, ad Baledgar, hoc est, Edgari villam, est reversus. Ex his rebus ab eo gestis sunt, qui Acrisnomen ei inditum putant. Alii magis tragicam cognominis causam asserunt: latrones scilicet a ministro cubiculari corrupto, Rege dormiente, intrinsecos, Alexandrum vero forte expectatum, primum ministrum a quo proditus erat, deinde sex et latronibus interemisit. Ad hæc tumultu in aula concitato, cæteros fugisse, Alexandrum fugientibus inhiisise, donec major eorum pars concisa fuisset. Post hæc ad pacis opera conversus, fanum Michaelis ad Sconam a fundamentis extruxit. Collegium, quod ibi erat, sacerdotum, in cœnobium monachorum mutavit. In Amonam insulam tempestate delatus, ibi prope ad extremum periculum ex fame venit: cum nullum per aliquot dies nec ipse, neque comites, victum habuissent, nisi quem apud solitariae vite cultorem (eremitas vulgo appellant) invenerunt. Ibi quoque fanum in memoriam Divi Columbæ extruxit, adjectis Canonicis (ut vocant,) & agris, qui eos alerent. Fanum quoque Andreæ, satis antea dives, non modo donariis, sed etiam agris auxit. Eodem ad Fermelini Dunum a patre ceptam perfecit, & proventibus locupletavit. His fere pace belloque gestis, cum septemdecim annos rei Scoticæ præfuisset, decessit, nullis e Sibylla, Gulielmi Normani filia, relictis liberis.

XCI.

*ad hostem ire pergit. Verum a suis retentus Alexandro Carroni, &c.*

1. *Nudis e Sibylla Gulielmi Normani filia relicta liberis*] Hanc Gul. Gemiticensis lib. 3: cap. 29. alique eum sequuti scriptores Angli, Bakerus, Tyrellus, &c. *Elisabetham* vocant, atque non Gulielmi, sed Henrici I. filiam northam fuisse ajunt. De nomine quidem falluntur, at Henrici Angli filiam ipsa se testatur Charta fundationis Cœnobii Sconensis apud D. Jac. Dalrymplem Hist. Coll. p. 371. in qua se *Sibyllam Reginam Scotorum, filiam Henrici Regis Angliæ*, discretis verbis appellat.

Northam autem fuisse vel illud indicio est, quod nullam foeminam justo conubio Henrico I. Anglo copularam legamus præter unicam Mathildem hujus Alexandri fororem, e quo matrimonio si Sibylla suscepta fuisset, eam Alexander sine incestus infamia uxorem accipere nequiverat. Ne quis autem aliquam inde Scotorum Regibus conumeliā inusitam existimet, advertendum est, eo & sequentibus aliquot seculis non tam probrosum fuisse atque nunc est northi nomen, cum paucis ante annis Duncanis Scotis. Gulielmus Angliæ, uterque illicito concubitu genitus, impetrata



## XCI. REX.

M. C.  
XXIV.

XXVII. DAVID ei frater successit, anno a Christo nato M. CXXIV Is, cum fratres ejus, alter post alterum, in Scotia rerum potirentur, in Anglia apud Mathildem sororem hæsit. Ibi uxorem accepit Mathildem, propinquam suam, forma, divitiis ac nobilitate florentem. Erat enim ei pater Voldiosus, Northumbriæ Comes, mater Juditha, Gulielmi Normani neptis. Ex ea filium suscepit Henricum, in quo statim a pueritia & paterna & materna indoles eluxit. Ex hoc matrimonio magnis proventibus auctus, nempe Comitibus Northumbriæ & Hundintoniæ, sive Venantoduni, cum magna civium gratulatione ad regnum accipiendum in Scotiam venit. Nam, etsi parentum memoria ad popularis gratiæ conciliationem magnum momentum haberet, propria tamen virtute effecit, ut aliena commendatione ad laudem nihil egeret. Erat enim cuivis Regum in cæteris virtutibus par: audiendi vero causas tenuiorum facilitate longe superior. Potentiorum querelas ipse audiebat. Si quis iudicium falsum judicasset, res judicatas non rescindebat, sed iudicem litis æstimationem cogebat victo pendere. Luxuriam, latius proserpentem, patris exemplo coercuit. Artifices & inventores earum illecebrarum, quæ gulam irritant, regno eiecit. Parentum ac propinquorum beneficentiam, venia potius quam laude dignam, in augendis proventibus Ecclesiasticis longe superavit. Monasteria, vel collapsa vetustate, vel bellorum injuriis diruta, instauravit. Præterea nova a fundamentis multa exstruxit. Ad sex Episcopatus priores quatuor adjecit, Rossensem, Brechinensem, Caledonensem, & Dumblanensem. Hos ut proventibus annuis ditaret, posteros Reges pene ad inopiam redegit, maxima Regionum agrorum parte ad monachorum alimenta consecrata.

XXVIII. Joannes Major, qui in studio Theologiæ magnum nomen me puero habuit, cum reliqua hujus Regis acta magnis laudibus prosequatur, hanc profusam ejus in monasteria largitionem gravi (atque utinam minus vera) oratione incescit. Hanc ego quoque immodicam publicæ pecuniæ, atque adeo patrimonii, profusionem eo magis demiror, quod, eisdem illis temporibus, D. Bernardus acerbissimis concionibus sacerdotes & monachos ob luxuriæ sumtus immoderatos vexat: qui tamen, ad nostram ætatem collati, modici videri possent. Fructus autem, qui secuti sunt, harum donationum quale fuerit consilium ostendunt. Nam, ut in corporibus sagina distentis usus omnium membrorum perit: ita ingeniorum igniculi, luxuria oppressi, in cœnobiis ex eo elanguerunt, literarum studia sunt extincta, pietas in superstitionem degeneravit, & velut

ritarent. Huc adde, quod quo tempore Sibyllam Alexander uxorem ducebat, longe illi erat in soliumoticum conscendendi spes; neque ulli ex eo matrimonio liberi creati, qui eam, quæcunque ea est, in posterum Scotorum Reges labem derivarent.

1. Erat enim ei pater Voldiosus Northum-

bria Comes, mater Juditha Gulielmi Normani neptis] Hæc Juditha, uti supra diximus, non Gulielmi neptis, sed Mathildis (ipsius ex eadem matre sororis) & Lamberti Lensii filia, adeoque David Sibardi Comitis Northumbriæ pronepos, ejusque uxor neptis fuit. Vid Dugdalii Baron. Angl. vol. 1. pag. 55

I EI

velut in agro incolto, vitorum omnium semina suppullularunt.

XXIX. Unum, toto regni tempore, civilem tumultum verius quam bellum sensit: sed is brevi, Ænea Moravia Comite cum suorum magna multitudine caelo, conquievit. Milcolumbus Macbethus, cum novam seditionem accendere tentaret, in arcem Rosburgi custodiendus datur. Ceteris rebus ex sententia succedentibus, duplex supervenit molestia, aut verius calamitas. Altera ex uxoris, altera ex filii morte immatura. Uxore quidem Mathilde, summo genere, forma, moribus, orbatus, quam & vivam unice amavit, & in ætatis flore mortuam ita desideravit, ut plus viginti annis, non modo cælebs, sed expers etiam Veneris superfuerit, nunquam tamen vis doloris ei impedimento fuit, quo minus & pace & bello publicis muneribus fungeretur. De filio suo loco dicemus.

XXX. Cum David se totum studiis pacis dedidisset, res in Anglia turbata invirtum ad bellum pertraxerunt. Henrici enim Angli tota sobole, præter Mathildem filiam, in trajectu a Galliis submersa, Anglus cum casum adeo graviter tulit, ut nunquam deinde risisse tradatur. Mathildis, quæ sola tantæ cladis superstes fuerat, Henrico Quarto Imperatori nupsit. Ea, marito sine liberis mortuo, ad patrem in Angliam rediit. Hanc ille (metuens & viduæ & orbatæ, si quid ipsi humanitus accidisset) ut in regno confirmaret, Nobilitatem sacramento in verba ejus adegit: & in spem nepotum, Galfrido Plantageneto, Andegavorum Comiti, eam collocavit. Intra quinquennium post id matrimonium, Robertus Dux Normaniæ atque Henricus Rex decesserunt: & Galfridus Andegavus gravi morbo correptus, lecto affixus jacebat.

XXXI. Stephanus interea, Bononiæ maritimæ Comes, per hanc Regiæ stirpis solitudinem animum adjecit ad regnum Angliæ occupandum: neque rem fore difficilem arbitrabatur, cum ob adversæ partis infirmitatem, tum quod a Regio genere non esset alienus. Erat enim ex filia Gulielmi Normani, quæ Comiti Blacensi nupsit, genitus. In matrimonio autem habebat Mathildem, superioris Bononiæ Comitis filiam, Mathildis autem Imperatricis consobrinam, ac e Davidis Regis Scotorum sorore Maria natam. Tot igitur propinquitatibus, & absentia Reginæ Anglorum, & Galfridi valetudine fretus, facile se Anglia potiturum sperabat. Ut autem ad eam spem aditus facilius esset, nihil reveritus fidem jurisjurandi, quod Reginæ una cum reliquis propinquis dederat, Episcopos Anglos, ejusdem sacramenti socios, ad eandem impietatem magnis sollicitationibus pellexit: in primis autem Gulielmum<sup>1</sup> Eboracensem Archiepiscopum, qui princeps in verba Mathildis juraverat, & Rogerium Sarisburiensem Episcopum, qui non modo ipse jurat, sed cæteris etiam proceribus verba præciterat. Hac fiducia, Henrico avunculo nondum sepulto, regnum in-

<sup>1</sup> Ei impedimento fuit Ita MS. & reliquis, alii omnes fuerit impedimento.

<sup>2</sup> Eboracensem Archiepiscopum Non Eboracensem, sed Cantuariensem Archiepiscopum scriptores Angli constanter ap-

pellant. Eboracensis autem Archiepiscopus rum fuerat Turlstanus Buchan. Cap. 33. huj. Lib. memoratus, qui juxta Chron. de Mailros, A. C. 1113, i. e. ante 30 annos consecratus ei Diocesi præfuerat.

I Ad

ingressus, primum biennium satis tranquillum egit: eoque infortior factus, & pacta cum Anglis negligere, & cum vicinis arrogantius agere, coepit.

XXXII. Postquam Anglos omnes, partim metu, partim passionibus, in verba adlegisset, legatos ad Davidem Scotorum Regem misit, qui eum, ut idem faceret, ob Cumbriam, Northumbriam & Hundintoniam, admonerent. David respondit; „Senon ita pridem, una cum ipso Stephano, ac omnibus Angliæ proceribus, Mathildi, legitimæ Reginae, sacramentum dixisse. Alterum autem, ea viva, nec velle, nec debere Regem agnoscere. Hoc responso ad Stephanum relato, initium belli statim factum est: Anglis in proximis Scotorum agros ferro & flamma fervientibus, Scotisque damna illata pari clade rependentibus. Proximo anno, ductu Comitum Marciae, Taichiae & Aeneiae, Scotorum exercitus, Angliam ingressus, ad Allertonem vicum obvius habuit Anglorum copias, quibus præerat Glocestriae Comes. Pugnatum est acerrime. Par utrinque fuit cædes, dum acies steterunt. Fusis Anglis, multi in fuga perierunt: capti e Nobilitate plurimi: in iis Comes ipse Glocestriae. Hac plaga Stephanus ictus, ne captivorum propinqui abalienarentur, nullas pacis condiciones recusabat. Hæ leges fuerunt; „Ut Anglus captivos sine pecunia reciperet: ac jus omne, quod in Cumbriam, tanquam supremum dominum, habere se contendeat, remitteret. Sed Stephanus nihilo sanctius illic fidem coluit, quam in regno propinqua invadendo prius fecerat. Nam, vix dimisso utrinque exercitu, & captivis receptis, aliquot Northumbriae arces clam intercept: prædis e Scotorum agris abigendis bellum renovavit. Scoti, collecto e proximis regionibus exercitu, cum Anglos, illo ipso victos a se anno, contemnerent, temere prælio commisso ad Tefam annem, magna clade contemptum hostis luerunt. Coacti præterea Northumbria decedere.

XXXIII. Ad hanc ignominiam delendam, David, quam potuit maximo exercitu contracto, venit Rosburgum. Eo Turstanus, Eboracensium Archiepiscopus, vel (ut scribit Gulielmus Neobrigensis) Trustinus, ab Anglo ad pacificandum missus. Spe concordiae injecta, induciæ in tres menses datae, ea lege, „Ut statim Northumbria Scotis redderetur. „Hoc quoque promissum, quod solvendi exercitus causa factum a Stephano erat, cum vanum fuisset, Davidque magnas prædas ex ea Northumbriae parte, quæ Anglo parebat, abegisset; Stephanus, coactis maximis copiis, Rosburgum usque penetravit. Verum, cum rescisset Nobilitatem sibi adversari, & queri, „Se bello injusto & non necessario illigari, „nulla re gesta, retro in intimum regnum se recepit: ac proximo anno, sibi metuens a seditione intestina, Mathildem uxorem ad Davidem ejus avunculum misit, quæ de pace ageret. Ea interprete factum, ut

1 Ad Allertonem) Mirum est Scotos Anglosque in hoc bello describendo tantopere dissentire: quem enim Scoti *Allertonem*, Angli *Clibervtonem* appellant; Angli vero Scotos prælio (quo) Standardi

vocant) haud procul ab Allertonem fuisse tradunt. Videbis Abercrombiam hac de re accurate dissertantem, vol. 1. pag. 386. & seqq.

ut David e Novo Castro, ubi se ferme continebat, Stephanus e Dunelmo, in Cestriam, vicum in medio itinere positum, & ex æquo ab utroque oppido distantem, mitterent, qui de controversiis disputarent. Missi a Davide \* Fani Andree & Glascae, ab Stephano Cantuariæ & Eboraci Archiepiscopi. Eo facilius inter eos convenit, quod Stephanus foris bellum, & domi seditionem metuebat: & Scoti graviter ferebant, se belli alieni omnem tempestatem excipere; Mathilde interim, cujus causa agebatur, cessante. Igitur pax in eas leges convenit; „Ut Cumbria veteri jure Davidi, Northumbria usque ad Teseam annem „(ut scribit Gulielmus Neobrigensis Anglus) & Hundintonia Henrico Davidis „filio, maternæ videlicet hæreditatis nomine, cederet: ilque Stephani eo se nomine beneficiarium fateretur. Rebus ita compositis, David in Cumbriam, Stephanus in Cantium se recepit.

XXXIV. Hæc pax incidit in annum a Christo nato M. C. XXXIX. \*quo anno Mathildis, in Angliam reversa, filium suum Henricum, qui postea regnavit inter Anglos, misit Carleolum ad Davidem magnum ejus avunculum, ut ab eo potissimum (quippe sine controversia omnium ætatis suæ præstantissimo) in militarem ordinem adscisceretur: quæ res illis temporibus cum maxima cærimonia fieri solebat. Tanta autem tum rerum perturbatio ex domesticis discordiis erat, ut nihil ab intestino bello liberum esset in Anglia, præter eam partem, quam David Rex Scotorum tenebat. Sed, ne ille solus a publica calamitate esset immunis, intra triennium filius ejus unicus, tantarum opum & felicitatis speratus hæres, in ætatis flore decessit, liberis maribus ternis, ac totidem alterius sexus relictis: tantumque sui desiderium apud Scotos & Anglos reliquit, ut, præter publicam jacturam, unusquisque maximo privato incommodo affectus esse videretur. Tanta enim sinceritas & moderatio animi in ea ætate erat, quæ fere in licentiam effervescebat, ut raros & singulares fructus ex ea indole (si maturuisset) omnes expectarent. Acerbiorem cum luctum patri fecit tenera nepotum ætas, & ingenium Stephani inquietum & imperii avidum. & Stephano etiam sublato, Henrici filii Mathildis, qui in regno successurus erat, elatus animus, & in ætatis fervore ferocia.

XXXV. Obveriantibus igitur animo ægro tot molestarum rerum cogitationibus, cum omnes eum dolori succubitorum putarent, tantum superfuit ei ad-

M. C.  
XXXIX.

ver-

1 Fani Andree & Glascae] Addendam forte Episcopi, quamvis enim illi primum inter Episcopos Scotos locum tenerent, neuter tamen ad Archiepiscopi dignationem adhuc erat evectus.

2 Quo anno] Mira oscitantia Buchanani totos decem annos intactos transiit. In Angliam quidem reversa est Mathildis anno 1139: at ipsius filius anno demum 1149, quo & a Davide Scoto in militarem ordinem circa festum Pentecostes est adscitus. Vid. Chron. Mail. Tyrol. E.

Tom. I.

chard. &c.

3 Intra triennium] Fucum facit lectoribus hæc computatio, tanquam Henricus Davidis filius mortem obierit anno 1142, b. c. intra triennium ab anno proxime memorato 1139; quod cuivis hæc inter se comparanti proclive est existimare: cum tamen nihil minus verum sit, testibus enim Boethio, Majore, & Chron. Mail, decem post annos, i. e. A. C. 1152 Henricus decessit.

Ec

1 A42.

versus aegritudines fortitudinis, ut nobilium amicorum primos, ne gravius (ut par videbatur) eum casum ferret, sollicitos, ad coenam vocaret, atque ita alloqueretur, ut propior consolanti, quam dolenti videri posset: „Neque enim „sibi, neque filio quicquam accidisse novi. Nam se ex doctorum & sanctorum „viro-  
rum sermonibus didicisse, mundum Dei providentia regi, cui obsistere „velle, non modo stultum, sed etiam impium esset. Nec ignorare se, ea lege „suum filium genitum fuisse, ut aliquando decederet; & a: alienum, quod „nascendo acceperat, moriendo redderet. Id cum semper haberet in prom-  
ptu, nihil nec ipsius, nec aliorum interesse, quo tempore a creditore ap-  
pellaretur. Quod si mali tantum morerentur, jure quidem in propinquo-  
rum obitu dolendum esse. Verum, cum bonos etiam decedere videamus; „& homini Christiano esse debeat tam persuasum, quam quod est certissimum,  
„bonis (neque vivis, neque mortuis) quicquam mali evenire posse; quid est, „cur hanc disjunctionem a propinquis, praesertim tam brevem, adeo moleste  
„feramus? cum non tam nos reliquerint, quam ad communem patriam pra-  
„cesserint: quo nos eos, etiamsi longissimum vitae spatium transigamus, ta-  
„men brevi sequemur. Filius autem meus si hanc peregrinationem prior susce-  
„pit, ut parentes & fratres meos, homines sanctissimos, prior videret, eo-  
„rumque consuetudine prior frueretur; id si moleste feremus, providendum erit,  
„ne potius illius invidere felicitati, quam mala nostra lugere, videamur. Vo-  
„bis autem, viri optimi, cum ob alia plurima officia, tum ob hanc erga me  
„caritatem, & illius piam & jucundam memoriam, uterque (ut pro filio etiam  
„spondeam) plurimum debere profiteamur.

XXXVI. Hæc magnitudo animi in Rege, ut multum ad pristinam venera-  
tionem adjecit, ita in omnium pectoribus filii desiderium auxit, cum recorda-  
rentur, quali Principe ipsi liberique sui orbatii essent. David autem, ut, qua  
poterat una, consolatione frueretur, nepotes ex filio ad se adducendos curat,  
atque aulica disciplina (quæ tum erat sanctissima) educandos: & quantum hu-  
manis consiliis prospici poterat, securitati providit. Milcolumbum, qui e tri-  
bus erat natu maximus, toti Nobilitati, peculiariter vero Macduffo Fife Co-  
miti, viro potenti, & in primis prudenti, commendavit: & per eum curavit  
per universum regnum circumducendum, & pro indubitato regni successore ac-  
cipiendum. Gulielmum, natu proximum, Northumbriæ Comitem declarat:  
eumque jam tum in possessionem mittit. Tertium Davidem, Hundintoniæ in  
Anglia, & Gariochæ in Scotia, Comitem appellat. Hæc eo magis festinabat,  
quod gravi morbo jam implicitus, vitae suæ finem brevi affore prospiciebat.  
Decessit autem anno a Christo nato M. C. LIII. nono Cal. Junii, tanta om-  
nium erga eum caritate, ut non Rege, sed parente optimo, cuncti videren-  
tur orbatii. Nam cum tota vita talis fuisset, qualem nullum in literarum monu-  
mentis fuisse legimus, paucis ante mortem annis totum se ita ad emigrationem  
animi comparaverat, ut venerationem superioris temporis vehementer apud om-  
nes auxerit. Ut enim superiores Reges, omni laudis genere præstantes, bel-  
li

1 Aliquando decederet] MS. aliquando moreretur.

1 Re-



li artibus æquaverat, studiis pacis anteierat: jam, velut omiſſa cum aliis de omnibus virtutis partibus contentione, ſecum ſibi certamen propoſuit: in eoque tantum proſecit, ut ſummo ingenio homines doctiſſimi, qui boni Regis imaginem exprimere contenderunt, talem non potuerint animo cogitare, qualem ſe David toto vitæ curſu præſtitit. Regnavit annos viginti novem, menſes duos, dies tres.

X C I I. R E X.

XXXVII. Davidi ſucceſſor fuit nepos ex filio MILCOLUMBUS: qui, quanquam adhuc impubes eſſet, magnam tamen de ſe ſpem omnibus præbuit. Ita enim a parente & avo fuerat educatus, ut non magis corporis lineamenti, quam animi virtutibus eos reddere videretur. Initio ſtatim regni, ſæviſſima famēs, cum magna hominum pecudumque ſtrage, per totam Scotiam graſſata eſt. Erat per id tempus Argatheliæ Thanus Sumerledus, cui & fortuna ſupra genus, & ſupra fortunam animus erat. Is, & Regis ætate, & calamitate præſenti, in ſpem regni erectus, magna manu ſuorum collecta, vicinas regiones invaſit: & populatione late, latius etiam metu ſui ſparſo, facinorofis ſponte accurrentibus, ac bonorum nonnullis vi ſe adungere coactis, brevi magnum confecit exercitum. Ad hujus tumultus ſamam, Donaldus, Milcolumbi Macbethi filius, excitus, cum res novas tentaret, prope Candidam Caſam in Gallovidia captus, & ad Regem miſſus, atque in eandem cum patre cuſtodiam fuit inclufus: ſed brevi poſt, placato Rege, uterque dimiſſus. Adverſus Sumerledum Gilchriſtius Anguſiæ Comes cum exercitu miſſus, cæſis rebellibus, ipſum proſtigatum cum paucis in Hiberniam fugere coëgit.

XXXVIII. Hæc victoria, præter omnium ſpem tam cito parta, domi tranquillitatem, foris invidiam peperit. Henricus enim Rex Angliæ, homo ambitioſus, & proferendarum finium cupidus, creſcentem Milcolumbi auctoritatem & potentiam imminuere ſtatuerat. Sed quo minus aperte bellum faceret, obſtabat ei pactionis verecundia. Nam, cum Carleoli a Rege Davide, Milcolumbi avo, militari balteo, ut mos eſt, cingeretur, promiſerat, & (ut, præter ſcriptores noſtros, Gulielmus Neobrigenſis inquit) jurejurando caverat, „Se, nec ipſum Davidem, nec poſteriorum ejus quenquam, aliqua parte regionum, quas tum in Anglia David tenebat, ſpoliaturum. Hac verecundia obſtrictus, ut colore aliquo calumniam tegeret, primum in re leviori patientiam Regis Anglus experitur. Cum Joannes Episcopus Glaſcuenſis per Cumbriam ſana dedicaret, ſacerdotes raderet, aliaque, quæ ad Episcopi munus pertinere tum credebantur, obiret; Henricus per Truſtinum Eboracenſem Archiepiſcopum, novum in eam regionem miſit Episcopum, quem Carleolenſem dixit. Ea injuria Joannes graviter permotus, cum nec in Rege, nec in lege ſatis præſidii videret, relicto ſuo Episcopatu, ſe in monaſterium Turonenſe in Gallia abdi-

1 Regnavit annos 29, menſes duos, dies tres] Juxta Extracta e Chronicis Scotiæ, & Chron. de Mailros regnavit annos 29.

& menſem unum: illis enim Alexander I. ejus frater 7. (aut 8.) Kal. Maji anni 1124. obiſſe memoratur.

E c 2

17 Par-

abdidit : nec prius inde rediit , quam rogatu Milcolumbi a Pontifice Romano invitatus est retractus , & ad suos reverti coactus.

XXXIX. Hanc injuriam cum Scotus levius , quam sperabatur , ferret , neque satis causae ad bellum esse existimaret , Cestriam profectus est , ut sedatis suspicionibus discordiarum causas praecideret. Ibi fraude Angli illectus est , ut in verba ejus juraret : cum non Rex ipse , sed fratres ejus , qui in Anglia agros haberent , ex conventu jam olim facto , sacramentum dicere deberent. Sed hoc callide ab Anglo ac malitiose excogitatum erat , qui semina discordiarum inter fratres spargebat : quod proximis annis multo apertius est declaratum , cum Northumbriam , Gulielmi fratris patrimonium , a Milcolumbo eblanditus est. Londinum enim eum arcessivit , ut , majorum exemplo , se , nomine terrarum , quas in Anglia tenebat , in conventu publico beneficiarium ejus fateretur. Ille non cunctanter eo , accepta fide publica , profectus , nulla re cur venerat perfecta , cogitur Henricum invitatus in Galliam , cum eo , quem tum ibi habebat , itineris comitatu , sequi. Consilium Angli eo spectabat , partim ne quid a Scoto se absente turbaretur , partim ut hoc commentu Ludovici Regis Francorum animum ab eo averteret. Ita igitur Milcolumbus invitatus , sed metu gravioris incommodi reluctari non ausus , adversus veterem amicum tractus , non prius ad suos redire permittitur , quam Anglus , bello in Gallia parum prospere gesto , domum est reversus. Milcolumbus , tum demum impetrata domum redeundi venia , cum , Nobilitate coacta , suae peregrinationis acta exponeret , magnae partis animos vehementer infensos reperit ; „ Quod cum inimico certo adversus „ veteres & certos amicos militasset , neque prospexisset quibus artibus ab Henrico , peteretur. „ Rex , cum „ Se invitum , nec tamen ausum quicquam ei „ Regi negare , cujus in potestate erat , in Galliam tum profectum , diceret : „ atque ideo non desperaret , se facile Franco purgatum iri , ubi intelligeret „ eum circumventum , ac sine domesticis copiis propere illuc pertractum , „ seditionem , jamjam erupturam , in praesentia compescuit.

XL. Sed nec Henricum , in omnia intentum , scellit , hunc tumultum magis tum cohibitum , quam popularium animos erga eum placatos. Itaque iterum Milcolumbus ad conventum Eboracensem adesse jubetur. Ibi , confecto crimine , accusatus , „ Quod ejus maxime opera res in Gallia minus prosperae „ Anglis fuissent. Ideo relatum ad concilium , de adimendis ei regionibus , quas in Anglia tenebat. Ad haec cum ille respondisset , seque abunde purgasset , omnium aures clausas invenit ; quippe vel timore , vel gratia sui Regis occupatas. Ita decretum in Henrici sententiam factum. Nec hac injuria contentus , per idoneos homines , qui Milcolumbum ultro ac volentem tot regionibus cessisse dicerent , civium odium vehementer erga eum accendit : adeo ut domum reversum , Berthae obsessum , pene comprehenderint. Sed , interventu seniorum paullulum ira sedata est. Cum Nobilitatem edocuisset , „ Se non modo in „ juste , sed fraudulenter etiam ab Henrico vetere patrimonio exutum , „ proceres ei auctores fuerunt , „ Ut per vim ablata justo pioque bello repeteret.

XLI.

1 Purgasset] MS. perpurgasset.

XLII. Ex hoc decreto bellum indictum, ac non sine magnis utriusque gentis incommodis gestum. Tandem cum Reges non procul a Carleolo ad colloquium convenissent, post multam disceptationem, Henricus, Cumbria & Hundintonia Milcolumbo relictis, Northumbriam ademit: Anglo nullum aliud jus cupiditati suæ prætendente, nisi, „Quod tantam imperii sui diminutionem pati „non posset. Verum, cum neque juris reverentia, neque pacta & conventa, neque jurisjurandi sanctitas, Angli inexplebili aviditati obsisterent, homo pusilli animi, & pacis nimis cupidus, conditionem accepit, adversa & reclamante Nobilitate Scotica, quæ negabat, „Jus esse Regi quicquam de finibus regni „detrahere, nisi omnibus Ordinibus consentientibus. Ex eo Rex a suis contemni cœpit, ut neque fortitudine nec prudentia ad moderandum imperium idoneus. Neque quicquam æque animos hominum ferociorum a tumultu cohibuit, ac major metus ab Anglo, quem, fretum simplicitate Milcolumbi, & potentia transmarina, imperio totius insulæ potiundi cupidum perspiciebant. Hic universorum erga Regem affectus fecit, ut singuli reverentiam imperii facilius abjicerent.

XLIII. Initium rebellandi factum est ab Angusio, seu potius Ænea Gallovidiano, homine quidem potente, sed qui spei plus tamen in Regis ignavia, quam suis viribus, collocaret. Adversus hunc missus Gilchristius, tribus præliis victum, in cœnobii Candidæ Casæ asylum eum compulit. Unde cum abstrahendi jus non esset, omnium rerum inopia ex diuturna obsidione ad paciscendum est coactus: ipse agrorum parte est multatus, & filius obses datus. Hanc imminutionem prioris magnitudinis cum elatus animus non ferret, rarus in cœnobium Edimburgo propinquum se a conspectu & ludibrio hominum abdedit. Nec in diversa regni parte Moravienſes, homines inquieto semper ingenio, se a rebus novis continuerunt. Gildone enim, seu verius Gildominico, duce, non modo regiones omnes circumcirca depopulati sunt, sed fœciales, ad se missos, barbarica crudelitate interfecerunt. Adversus hos quoque missus Gilchristius, majore quidem cum exercitu, sed dispare fortuna. Virtus enim adversarii, quæ aliis terrori esse solet, homines scelestos, & quid commeruissent gnaros, desperare de salute cœgit. Igitur, dum student ne inulti cadant, hoste profligato, superiores evadunt. Milcolumbus, ubi cladem suorum rescivit, suppleto exercitu veteri in Moraviam duxit. Ad Spææ fluminis ostium, Moravienſes, etsi Regis copias auctas, & suas e superiore prælio imminutas, non ignorarent, tamen loco freti, & parta nuper victoria feroces, eventum expectare constituerunt. Pugnatum est magna cum pertinacia, nec minore cæde. Neque enim prius cesserunt, quam felix Regiis miles e subsidiis recens successit. Tum vero, inclinata semel acie, non amplius pugna, sed cædes fuit. Nul-li ætati aut conditioni furor militaris pepercit. Hoc prælio veteres Moraviani pene ad internecionem sunt redacti: quæ pœna, utcumque crudelis, tamen videri potest non immerentibus accidisse: gravitatemque ultionis gentis perfidiosæ adversus alios immanitas excusat. Novi coloni in cæſorum agros missi.

XLIII. Nec Sumerledus inter tot tumultus sibi quiescendum duxit. Is (ut antea dictum est) cum in Hiberniam ex infelici prælio evasisset, ab eoque tem-



M. C.  
LXIII.

pore latrociniiis Scotiae littora habuisset infesta, ratus inter tot caedes majore parte militaris aetatis consumpta, aut e fugientibus aleam dimicationis opulentam praedam, aut e congregantibus fore non difficilem victoriam, magna undique facinororum manu coacta, aestuarium Glottae amnis navibus ingressus, sinistra ripa exsensionem fecit, ac, blandiente ab initio fortuna, Renfroam usque penetrat. Ibi, dum multum praedae, parum incolumitati suorum intentus agit, a multo paucioribus circumventus, suos prope omnes amisit. Ipse vivus, ad poenam & ludibrium servatus, ad Regem perducitur. Alii cum una cum filio in praelio cecidisse scribunt. Haec circiter annum M. C. LXIII. gesta sunt. Pacato ubique a tumultibus bellicis regno, conventus omnium Ordinum indictus. Ibi, cum alia multa ad statum regni confirmandum decernerentur, communi consensu a Rege publice petierunt, „Ut, quoniam jampridem „matrimonio esset maturus, quippe qui vicesimum secundum vitae annum excederet, de nuptiis cogitaret, & liberis creandis operam daret. Id cum & publice regno, & privatim suae familiae debere: neque praesentis modo temporis, sed futuri etiam tranquillitati ei animo prospiciendum esse. „Ad haec ille respondit, „Se, ab eo usque tempore, quo vitae suae rationem inire, & cursum „ejus dirigere potuerit, continentiam ab hujuscemodi cupiditatibus Deo sancte promississe. Quod suum votum se existimare ei non ingratum fuisse, qui „& vires ad id praestandum dedisset, & haeredes ad succedendum praeparasset: „ut nec infirmitate animi, nec necessitate aliqua publica, e proposito vivendi „cursu deflectere cogeretur. Dimisso concilio, cum foris pax esset, ad artes avitas, nempe sacrarum aedium exstructiones, & in monachos largitiones, se se convertit. Qua in re, si vita longior ei fuisset, majores videbatur longe superaturus. Obiit enim mortem non multo post, nempe quinto Idus Decembres, anno a Christo nato M. C. LXV. vitae vicesimo quinto, regni paullo supra duodecesimum.

M. C.  
LXV.

## XCIII. R E X.

XLIV. Successit Milcolumbo frater ejus GULIELMUS, qui<sup>1</sup> decimo quinto die post proximi Regis mortem regnum iniit. Is nullum fere nec publicum nec privatum negotium, quod majoris esse momenti videretur, prius attigit, quam Northumbriam ab Henrico Anglo repetisset. Anglus Gulielmum Londinum venire jussit, ut<sup>2</sup> ob Cumbriam & Hundintoniam se beneficiarium de more profiteretur. Id ille cum non gravate fecisset, nec tamen a Northumbria poscenda desisteret, Henricus ambiguo responso rem differebat. Nam, „Cum „Northumbria, Milcolumbo adempta, ipsi adjudicata esset, se eam ab aliena-

„re

<sup>1</sup> Decimo quinto die post] i. e. in vigilia Natalis Domini, consentientibus Chron. de Mailros & Extr. de Chron. Scot.

<sup>2</sup> Ob Cumbriam & Hundintoniam] Ita monente Crafordio emendavimus, cum in omnibus libris, Cumbriam & Northumbriam, legeretur. Neque enim Henricus

Anglus a Scoto exigere sacramentum poterat pro Northumbria, quam ipse Milcolumbo ejus fratri prius ademptam tenebat (Vid. supra Lib. VII. §1.) quamque Gulielmo reposcanti reddere jam quoque tergiversatur.

1 A/10.

re (nisi procerum decreto) non posse. Ad proximum conventum adesset, atque ibi quod jus esset expectaret. Gulielmus, etsi nihil æqui se impetraturum sperabat, tamen, ne calumniandi adversario daret occasionem, in Angliam ad conventum usque expectavit, & Henricum proficiscentem ad bellum Gallicum, licet invitatus, tamen est secutus. Ibi cum assidua flagitatione nihil proficeret, nec Rex brevi in Angliam rediturus speraretur, ægre commeatu impetrato, in Scotiam est reversus.

XLV. Post reditum, primum omnium regnum, latronibus castigatis, repurgavit: deinde locis idoneis arces & præsidia ad prohibendas repentinas incursiones imposuit: demum per legatos de Northumbria reddenda Anglum admonuit: ni redderet, bellum interminatus. Anglus, Gallico bello impeditus, Northumbriæ parte, quam proavus Gulielmi tenuerat, ei cessit. Eam Scotus quidem accepit, testatus, „Se nihil de suo in reliquam partem jure decedere. Id cum Anglus graviter ferret, & prædam de manibus, lite non diremta, dimissam doleret, per incursiones in fines Scotorum nova belli semina jaciebat; hac occasione sperans, reliqua, quæ controversa videri volebat, se facile ablaturum. Cum res, de more, per limitum præfectos repeterentur, Angli conquesti suos limites latrocinio Scotorum vexari, legatos, nulla ob quam venerant re impetrata, prope sine responso abegerunt. Scoti, ut, quod jure obtinere non poterant, vi assequerentur, exercitu confecto, in proximos Anglorum agros ferro & igne sæviunt. Angli, jam instante messe, contenti, per absentiam Regis, sua, quoad possent, tutari, nulum quidem exercitum contrahunt: hiems vero interea per mutuas incursiones fuit inquieta.

XLVI. Æstate proxima, Gulielmus in hosticum magno cum exercitu ingressus est. Ad eum Angli, cum nullas adhuc satis firmas copias haberent conscriptas, legatos in castra mittunt. Inducias magna pecunia mercari contendunt. Id si impetrent, spem injicere conantur, omnia ex sententia conventura. Creditit fallacibus eorum promissis homo minime malus, & qui pacem, modo non iniquissimam, quamvis justo bello præferret. Angli spatium, quo ab armis cessabatur, totum in apparatu belli consumunt. Nec desinunt interim, legatis missitandis, promissa cumulare, ac pariter hostium castra speculari: in quibus cum omnia, induciarum fiducia, remissa ac neglecta cernerent, majoremque partem exercitus Regii ad commeatus petendos dilapsam, reversi, suis occasionem rei bene gerendæ ostendunt. Instant, ne eam e manibus elabi sinant. Igitur, majore copiarum suarum parte in insidiis collocata, quadringenti fere equites expediti, de tertia vigilia iter ingressi, paucas horas ante Solis ortum Annevicum, ubi Scotorum castra erant, adveniunt. Ibi

ma-

[Æstate proxima] Multi nec immerito de Buchananò queruntur, quod, dum sermonis elegantiz studet, annorum seriem parum vel persuntorie admodum distinguat. Quid enim attinet æstatem meminisse, anno ipso omisso. Hæc autem Gulielmi in Angliam expeditio facta est an-

no C. 1174, qui & ipse est captus. Idus Julias, Extr. de Chron. Scot. Tyrel. &c. Cæterum in rei ipsius expositione Scoti scriptores ab Anglis multum dissentiunt: hi enim nullas eo tempore inducias pactas agnoscunt.

1 Quint-



maiores, quam sperarant, bene gerendæ rei occasionem nacti, in Regem, velut in summa pace, obequitantem cum sexaginta plus minus equitibus, impetum faciunt: ac, pene antequam discerni posset, amice an hostes essent, (acceptis enim armis & insignibus Scoticis, facile pro Scotis se fellerunt,) nono, quam regnare coeperat, anno cum capiunt. Cum e castris tumultu excitati pauci ac sparsi frustra sequerentur, nonnulli, ne Regem viderentur deseruisse, in hostem ultro incurrentes, capti fuere. Rex ad Anglum, tum in Gallia militantem, est perductus. Angli, hoc insperato successu elati, Cumbriam invadunt: sine certamine se potituros ea rati. Sed a Gilchristio & Rollando, Scotis ducebatur, ita sunt repulsi acriter, ut, induciis factis, contenti fuerint, quamdiu Rex captivus esset, Northumbria potiri; Cumbriæ & Hundintoniæ liberam Scotis possessionem relinquere.

XLVII. Interea David Gulielmi frater, Hundintoniæ & Gariochæ Comes, qui tum apud Anglum militabat, accepto comite, rediit in Scotiam: ac, rebus pro tempore pacatis, legatos in Angliam de fratre liberando mittendos curavit: qui tum Falefii in Normania asservabatur. Rex, traditis Anglo quindecim obsidibus, & quatuor arcibus, Rosburgi, Bervici, Edimburgi & Sterlini, ad Cal. Februarias permissus est redire ad suos. Ipse cum proceribus & Episcopis evocatus ab Anglo, Eboracum ad XVIII. Cal. Septembres venit. Ibi cum suis omnibus, qui aderant (aderant autem principes Nobilitatis) in verba Henrici jurarunt: ac regnum Scotiæ in fidem & clientelam ejus dederunt. Has leges, utcumque ducas, Scoti, cupidi Regis optimi, non renuerunt, ut Angli scriptores tradunt. Thomas Voltingamius Anglus & ipse hanc deditiorem non Eboraci, sed in pago Constantiensi factam scribit. Sunt qui tradant, conventum inter Reges, non de deditiione, sed certa pecunia per pensiones danda; arcesque tantisper Anglo traditas, dum ea persolveretur. Hanc ut opinionem veriore existimem, facit fœdus cum Richardo Henrici filio renovatum, de quo suo loco dicam. Rex reversus, motus in Gallovidiam se absente ortos per Gilchristium intra paucos menses compescuit. Ad quartum Cal. Februarii, cum conventus Norham ad Tuedam indictus esset, eoque Gulielmus venisset, Anglus vehementer contendere coepit, ut omnes Episcopi Scotorum Archiepiscopum Eboracensem pro Metropolitano agnoscerent, instante vehementer ut id fieret Legato Romani Pontificis. Post longam disceptationem, responsum fuit a Scotis, „Paucos in præsentia suorum adesse, nec eos posse cogere absentes, ut ab se decreta confirmarent. Hanc ob causam, re in aliud tempus dilata, paullo post missis Romam Legatis, Episcopi Scoti Alexandro tertio suam causam probarunt: ac domum redire læti, quod ejus decreto ab Anglorum jugo essent liberati.

## XLVIII.

1 *Quindecim obsidibus*] Ex ipsa conventionione, quæ apud Rymerum, Fœd. Ang. Tom. 1. pag. 39. habetur, apparet 21. obsides fuisse datos, atque in his Davidem Gulielmi fratrem.

1 *Quatuor arcibus*] Ex prædicta conventionione: quinque arces Anglo sunt traditæ, adjuncta, præter eas a Buchananano memoratas, arce Jedburgi.

XLVIII. Non ita multo post, Gilchristius (cujus sæpe meminimus) uxorem suam, eandemque Regisororem, adulterii compertam, occidit. Ei, cum in jus ad diem dictum non affuisset, aqua & igni interdictum, ædes dirutæ, bona in fiscum redacta. Eodem fere tempore arx Edimburgi reddita, una pensione soluta: & ad stabiliendum firmitus concordiam, lata lex, „Ne alter alterius hostem ad se receptaret. „Hac lege Gilchristius Anglia exclusus rediit: ac, mutatis sæpe locis, ignotus inter ignotos, in omnium prope rerum summa penuria miseram vitam transigebat. Interea Gulielmus expeditionem adornabat in Moraviam, adversus latrones Æbudenses; quorum princeps Donaldus Baan (hoc est, albus) genus suum ad Reges referebat: ac nomen etiam Regis assumserat. Is e navibus sæpe ac diversis in locis exscendens, non modo in maritimis locis solitudines faciebat, sed a mari etiam longe remota, crescente per impunitatem audacia, populabatur. Adversus eum, navibus circummissis qui classem incenderent, Rex terrestri itinere profectus, pene omnes ad unum interemit. In reditu, cum non procul a Bertha abesset, tribus rusticis offensis, præter pannos & illuviem nihil rusticum præ se ferentibus, cum declinare viderentur multitudinis occursum, Rex adductos ad se diu contemplatus, institit quærere, „Qui mortales essent. „Gilchristius senior, adorato Rege, miserabiliter de fortuna sua questus, quis esset, indicat: adeoque memoria superioris vitæ, per summam dignitatem transactæ, qui aderant omnes commovit, ut nemo lacrymis abstinere se potuerit. Rex humo surgere jussum in pristinum & dignitatis & amicitiae gradum hominem restituit.

XLIX. Inciderunt hæc in annum M. C. XC. quo tempore Richardus, qui superiore anno patri successerat, cum expeditionem in Syriam ornaret, Regi Scotorum arces reddidit, & obsides remisit: atque cum posterosque ejus absolvit ab omnibus pactis, vel vi expressis, vel fraude obtentis; regnumque Scotiæ utendum fruendumque eis finibus, coque jure ei permisit, quo Milcolumbus Regesque superiores id tenuerant. Harum conditionum meminit Matthæus Parisiensis. Ille contra, ut Richardo se non ingratum ostenderet, ad bellum transmarinum proficiscenti decies mille marcas argenti dedit: Davidemque fratrem, Comitem Hundintoniæ declaratum, sequi eum in Syriam jussit. Is dum redit, classe tempestatibus disiecta, ab Ægyptiis captus, a Venetis redemptus, Constantinopoli demum ab Anglo mercatore agnitus, post quartum tandem annum in Scotiam rediit: & magna omnium, sed fratris præcipua gratulatione est receptus. Boëthius credit, ab hoc Davide, incolumi illic exposito, oppidum, quod Alectum ante vocabatur, appellatum fuisse Deidonum. Ego potius Taodunum, composito nomine e Tao & Duno, vocatum existimo: Alecti nomen apud unum Boëthium invenio. Nec adeo multo post, Richardus, variis casibus jactatus, ex eadem peregrinatione rediit. Ad eum red-

M. C.  
XC.

1 In annum 1190, quo tempore] Hoc scriptum quoque apud Rymerum, Ibid. pag. 64. habetur: datum est autem 5. Decembris anni, non 1190, sed præceden-

Tom. I.

tis, quo duæ arces Rosburgi & Bervici Scoto redduntur; reliquas igitur tres ante redditas fuisse oportet.

FF

I An-

M. C.  
XCIX.

ducem Gulielmus cum fratre gratulatum venit, ac duo millia marcarum argenti dono attulit, vel benignitatis superioris erga se memor, vel præsentis inopiæ misertus. Nec unquam nomen Scoticum creditur Anglico fuisse conjunctius. Ibi cum Gulielmus in gravissimum incidisset morbum, rumor de morte ejus allatus novos in Scotia motus excitavit. Haraldus, Orcadum & Cathanesiæ Comes, Episcopo Cathanesiæ infensus, quod per eum stetisse diceret, quo minus apud Regem quæ vellet obtineret, eum comprehensum oculis & lingua privavit. Rex, reversus domum, Comitibus Haraldus magna ex parte copias variis congressibus delevit. Ducem, e fuga retractum, oculis orbatum, per carnificem strangulavit: totamque stirpem ejus masculam emasculandam dedit: reliquos propinquos & scelerum administratos magna pecunia multavit. Hæc a Boethio sic narrantur, & vulgari rumore confirmantur: collisque, a testiculis nominatus, memoriam rei gestæ servat: ac mihi veriora videntur, quam quæ ab aliis traduntur. Inciderunt hæc in <sup>ed</sup> annum Salutis M. C. XCIX. quo anno Regi Alexander filius est natus; & Richardo Anglo defuncto Joannes frater successit.

M. CC.  
XIV.

L. Rex Scotorum in Angliam profectus est, ut sacramentum diceret ob agros, quos in Anglia tenebat. Sed ejus adventus non fuit initio novi regni magis jucundus, quam discessus ingratus: quod recusaret Anglum in expeditionem sequi adversus Philippum Francum veterem amicum. Igitur reversus e Galliis Joannes, dum belli causas quærit, præsidium e regione Bervici ædificare coepit. Gulielmus, frustra per legatos ea de injuria conquestus, manu collecta, quod ædificatum erat demolitus est. Exercitus utrinque conscribuntur. Cum jam castra castris prope collata essent, per primates pax facta, his legibus, „Ut duæ Gulielmi filiae duobus Joannis filiis, cum per ætatem nubiles forent, collocarentur. Dos ingens dicta. Præsidium ne ædificaretur, cautum. Obsides in hæc dati. Reversus Gulielmus, in periculum inexpectatum incidit. Berthæ oppidi pars major inundatione Tai amnis noctu diruta est. Nec ab hac calamitate Regia fuit immunis, filio Regis infante, una cum nutrice & quatuordecim aliis, extincto: reliqui ægre evadere. Multi e promiscua multitudine oppressi. Rex, cum aquæ magna ex parte solum urbis obtinerent, nec ulla fere domus calamitatis esset expers, paullo infra, ad eundem amnem, novam urbem commodiore loco exstruendam curat, & nomine non multum immutato Perthum appellat. Hunc honorem habitum credunt Pertho, viro nobili, qui solum urbis Regi donavit. Eodem fere tempore, Rex ducem rebellium ad septentriones spectantium, Gothredum Makulliam, a suis proditum cepit. Captus, cibo constanter abstinuit, metu (ut creditur) gravioris supplicii. Hoc fere ultimum operum memorabilem fuit Gulielmo, ob ipsius etiam ingravescentem ætatem per duces gestum. Nam paullo post, <sup>1</sup>LXXIV. annum agens vitæ, regni XLIX. Salutis humanæ M. CC. XIV. decessit.

LI.

<sup>1</sup> Annum Salutis 1199, quo anno] Extr. Bartholomæi anno 1198 natum tradunt.  
de Chron. Scot. & Chron. de Mailros, <sup>2</sup> LXXIV. annum agens vitæ] Ita alii  
Alexandrum II. Scotorum Regem die S. fere scriptores Scoti, ego tamen Chron.  
de



LI. Non multo ante mortem Gulielmi, prope singulis annis cum Joanne Anglo fœdera sunt renovata. Joannes enim, homo late proferendi imperii cupidus, cum haberet foris cum Gallo, domi cum Romanensibus bellum, nec certam unquam cum Vallis & Hibernis pacem, non omisit tamen libidinem invadendi Scotiam, quæ tum Regem habebat senem, & proximum ei hæredem puerum. Ob hæc cum colloquia frequenter sereret, magis tentandi, quid impetrare posset, quam ullius rei æquæ transigendæ gratia, demum res in apertam suspicionem erupit. Ac post fœdera sæpe novata, tandem Gulielmus ad Novum Castrum ad Tinam evocatus venit. Ibi cum in morbum gravissimum incidisset, nulla re transacta, rediit. Deinde, cum paullo ante mortem invitatus esset Norramam ad Tuedam, nec per valetudinem adesse posset, rogatus, ut mitteret filium, id quoque, de concilii sententia, renuit. Fœdera, illis congressibus sancita, non licuit huc ascribere, ut quæ omnia eisdem pene verbis sunt composita: neque quicquam habent novi, præterquam quod in uno cautum est, „Ne Reges Scotorum, sed eorum liberi jurarent in posterum, aut se in fidem „Angli dent, ob terras quas in Anglia tenebant. Tota etiam harum rerum mentio est a scriptoribus Anglis, ob eandem (ut arbitror) causam, prætermissa.

X C I V. R E X.

LII. Gulielmo successit ALEXANDER filius ex Emergarda, propinqua Regis Anglorum, Comitis Belli-montis filia. <sup>1</sup> Sedecim erat annorum, cum regnum iniit. Is, turbidis temporibus imperium adeptus, omnia prudentius, quam pro ætate, composuit. Primum omnium, indicto conventu publico, patris, viri prudentissimi juxta ac optimi, acta omnia Ordinum decreto confirmavit. Prima ei expeditio fuit in Angliam, nulla privata cupiditate, sed ut Joannis tyrannidem compesceret, ab ordine Ecclesiastico (ut tum loquebantur) arcessitus. Norama, quam obsidere coeperat, certis conditionibus relicta, interiora ingressus, Regiarum partium homines omni belli clade persequitur. Eo domum reverso, Joannes mox Scotiam invadit. Dumbarum, Hadinam, & omnem vicinam Lothianam foeda populatione vastat: &, quo latius bellum spargeret, alia via reverti statuit. Alexander, cupidus prælio decernendi, inter Piëticos montes & Escam, qua venturus dicebatur, castra posuit. Joannes, ut congressum vitaret, secundum mare ducens, Coldingamiam cœnobium cremat: Bervicum, parum munitum, capit, & incendit. Eum retro festinantem Alexander, qua potuit proxime, secutus, ferro flammaque per Northumbriam grassatus, Richemondam usque pervenit. Sed, eo se in interiorem Angliam magnis itineribus recipiente, Scotus, per Vestmariam rediens, vasta omnia Carleolum usque reddidit. Urbem vi cepit, & communivit.

LIII.

de Mailros potius assentior, quæ eum anno 1143 natum, atque ætatis anno 72 pridie Nonas Decembris exstinctum tradunt.

[<sup>1</sup> Sedecim erat annorum] Natus ergo; ut supra diximus, A. C. 1198, secus enim non 16 sed 15 tantum annorum fuerit.

LIII. Proximo anno, arcessiti ab iis, qui sacerdotum factioni adversus Regem favebant, Ludovicus Philippi Franci filius, ut, exauctorato Joanne, regnum acciperet, & Alexander Scotus, ut amico ferret auxilium, ea ætate Londinum venerunt. Joannes vero, & suorum studiis destitutus, & peregrinis armis petitus, magna pecunia in præsentia, & tributo perpetuo promisso, præterea jure regni in Pontificem translato, ut Reges Anglorum in posterum beneficiarii ejus essent, in gratiam rediit. Per Galonem Cardinalem, notæ rapacitatis hominem, literas Roma impetrat, quibus Scotus & Gallus magnis minis a populo sacrosanctæ Sedis vectigali abstinere jubeantur. Ludovicus, ob hanc rerum commutationem, in Galliam, Alexander in Scotiam redit: sed minus, quam venerat, agmine pacato. Nam, cum Angli extremum abeuntis agmen carperent, & vagos ac moratores exciperent; & Joannes Trenti fluminis pontes frangeret, vada palis acutis infixis occluderet, naves omnes averteret; magnum redeunti objectum videbatur impedimentum, & quod sine certa perniciæ non posset effugere. Sed interim Joannes, a monacho Anglo accepto veneno, ad Neurgum, oppidum in ripa Trenti fluminis situm, lætica delatus, intra biduum moritur. Is casus Alexandro iter aperuit. Tum suorum incuria castigata, circumspectius quidem agmen egit, sed non sine magno eorum incommodo per quos ducebat. Quicquid enim agi ferrive poterat secum auferens, cum ingenti præda domum rediit.

LIV. Galo, Legatus Romanus, cum Henricum Joannis filium in regno confirmasset, proceres Anglorum, grandi pecunia multatos, in gratiam recepit. Et, ut hoc damnum pari inimicorum calamitate solaretur, Ludovicum Gallum & Alexandrum Scotum fulmine Romano, in spem prædæ, ferit. Omnibus Scotis sacris interdicit, ratus diras suas plus apud vulgus simplex, quam Reges valituras. Sed, pace tandem inter Reges firmata, Scoti Carleolum, Angli Bervicum restituunt: finesque veteres ad Regiam crucem servari jubent. Alexander cum suis per Episcopos Anglos, quibus ea potestas commissæ erat, resecuratur. Hic, Galo fremens tantam sibi prædam e manibus ereptam, in Episcopos & reliquos Scotorum sacerdotes iram vertit, tanquam suam peculiam turbam, & nihil ad Reges attinentem. Annevici eis conventum indicit. Ibi timidiore pecunia hominem placant: qui obstinatiores erant, Romam in jus vocati. Hi, obiter a multis Anglorum Episcopis & Coenobiarchis, literis ad Pontificem de sordibus Legati acceptis, hominem graviter accusant: „Eum „facem omnium malorum fuisse: dum non publicæ utilitati, sed avaritiæ privatæ studet; & bellum pacemque inter Principes suo arbitrio nundinatur. Galo, quod se non satis purgaret, multatus est a Pontifice pecunia, præda videlicet inter eos divisa. Accusatores verbis bonis onerati, pecuniæ inanes domos dimittuntur.

LV. Paucis post annis, Henricus Anglus, ætate & consilio maturior, Eboracum venit. Ibi cum Alexandro, præsentente Legato Pontificis Pandulfo, conventum est, data sorore Angli Joanna ei in matrimonium: ex qua, præmatura morte surrepta, nullos liberos suscepit. Ab eo tempore usque ad vitæ finem pax inter Reges fuit. Ibi coram eodem Pandulfo Rex sancte juravit,  
duas



duas Alexandri sorores, pro loci unde erant dignitate, se collocaturum, uti antes pater ejus promiserat. Verum altera elocata, altera innupta domum rediit. Proximo anno, qui fuit M. CC. XX. venit in Britanniam, ad pecuniam in usum Sacri Belli explicandam, Ægidius Cardinalis. Is, cum satis opimum quaestum in utroque regno fecisset, quod per imposturam ab hominibus nimium credulis exegerat, per luxuriam in itinere profudit. Cum vacuus Romanam rediisset, mentitus est se a latronibus fuisse spoliatum. Consecutus est statim alter Legatus: sed homines, jam his fraude Romanensium spoliati, publico decreto cum fines ingredi vetuerunt.

M. CC.  
XX.

LVI. Alexander cum domi vita per licentiam bellorum enata tolleretur, totumque regnum jus dicendo una cum Regina obiret, Rosfiam Gilespicus, indidem civis, [E] vicinas regiones fœde populabatur. Nessum annum transgressus, Ennemeissiam oppidum captum incendit. Reculantes in verba sua jurare crudeliter trucidabat. Adversus eum Joannes Cuminus, Buchaniæ Comes, missus, latebras per devia mutantem cepit, & cum duobus filiis capite multavit. Capita, ad reigessæ fidem, ad Regem missa. Anno M. CC. XXII. Cathanenses, Adami Episcopi sui cubiculum ingressi, nocte monachum, quem de more comitem habebat, (nam Mulrossienus Abbas ante fuerat,) & ministrum cubicularium occiderunt. Ipsum, graviter vulneratum, in culinam attractum, una cum domo cremarunt. Causam tantæ crudelitatis fuisse ajunt, quod Episcopus acerbius solito decimas exigeret. Hi diligenter conquisiti, gravissimo supplicio fuerunt affecti. Comes Cathanensæ, quanquam in facinore patrando non assuisset, suspitione tamen non caruit. Postea vero, cum ad ferias natalis Dominici, quæ Scotorum Saturnalia sunt, clanculum ad Regem fuisset perductus, veniam suppliciter petitam impetravit.

M. CC.  
XXII.

LVII. Circa hæc tempora decessit Alanus Gallovidianus, Scotorum longe potentissimus. Decedens tres filias reliquit, de quibus posterius nobis erit sermo. Thomas filius ejus nothus, earum ætate & sexu contempto, se Dominum vocat: nec eo contentus, coactis ad decem hominum millia, resistentes opprimit, prædas e vicinis agris late populabundus agit. Tandem, missa a Rege exercitu, ceciderunt e rebellibus, una cum duce, ad quinque millia. Eodem anno Alexander cum uxore in Angliam profectus est, ut tumultus adversus Henricum orientes, quoad posset, sopiret, & Nobilitatem cum eo in concordiam redigeret. Hæc dum ille curat Eboracæ, uxor ejus cum Regina Angliæ, Cantuariam religionis ergo profecta, rediens inde ex morbo decessit, ac Londini sepulta est. Non adeo diu post ejus mortem, Rex, cum liberiscareret, Mariam, Ingelrami Cuciani Franci filiam accepit uxorem, anno a Christo nato M. CCXXXIX. Ex ea natus est Alexander, qui patri successit. Biennio proximo

M. CC.  
XXXIX.

1 Rosfiam Gilespicus indidem civis (&c) vicinas regiones: Ita legendum jubet Crafordius: libris tamen omnibus deest [E].

2 Veniam suppliciter petitam impetravit: Non tamen divinam vindictam effugit, nam juxta Chron. de Maius occisus est

in domo sua & combustus, & merito tantam vindictam excepit a Deo, qualem penam sustinuit venerabilis Episcopus sub eo, anno 1231.

3 Biennio proximo, anno scil. 1141.] Triennio potius erat dicendum, id enim

f f 3

tem.

M.CC. XLII. ximo, anno scilicet M. CCXLII. cum Rex Angliam versus properaret, ut Anglum e Gallia reducem inviseret, dum Hadinae in Lothiana se ludis equestribus oblectat, Patricii Gallovidiani Comitis Atholiae hospitium, una cum ipso ac duobus ministris arsit, late etiam in propinqua fuso incendio. Id minime creditum est fortuitum fuisse, propter nobiles inimicitias Patricii cum Bisetorum familia. Et quanquam Gulielmus familiae princeps, teste etiam Regina, probaret, se, ea nocte qua facinus id patratum fuerat, Forfaræ fuisse, <sup>1</sup> ultra sexaginta millia passuum ab Hadina: ex adverso propinqui Patricii arguebant, ea nocte ministros & clientes ejus complures Hadinae visos. Dies Gulielmo dicitur. Ille quidem ad diem Edimburgum venit; sed ob adversariorum potentiam (hi autem erant Cuminii) non ausus judicio experiri, singulari certamine causam suam tueri cupiebat. Ea vero conditio cum non acciperetur, cum multis propinquorum exulatum in Hiberniam abiit; ac suae gentis familiam in ea claram reliquit. Exortus est alius in Argathelia tumultus, duce Sumerledo, Sumerledi superioris filio. Sed is intra paucos dies, per Patricium Dumbarium victus, se in potestatem Regis dedit, atque ab eo veniam praeteritorum accepit. Rex non multo post, morbo correptus decessit, anno ætatis LI. Regni XXXV. Salutis humanæ M. CCXLIX.

M.CC.  
XLIX.

### X C V. R E X.

LVIII. Ejus filius ALEXANDER tertius eodem anno Sconæ coronatur, puer <sup>1</sup> nondum annum octavum egressus. Omnium prope rerum potestas penes Cuminiorum factionem erat. Hi, cum publicum patrimonium in suam rem verterent, imbecilliores opprimerent, Nobilium quosdam suae libidini adversos, ac liberius de statu regni loqui ausos, confectis criminibus circumvenirent, ac bona damnatorum in fiscum redacta, ipsi a Rege (cui tum imperabant potius quam parebant) accepta invaderent; conventu Ordinum habito, tractatum præcipue de Anglo placando, ne tam periculoso tempore aliquid attentaret. Id quo facilius fieret, affinitate jungendum esse. Hæc ratio commodior Cuminiorum inimicis visa est, ad eorum potentiam infringendam, quam si eos aperte oppugnarent. Legati ad Anglum missi, libenter ab eo auditi, & munifice dimissi, omnibus cur ierant impetratis. Proximo anno,

temporis inter annum proxime memoratum 1239 & 1242 intercedit. Quod si Alexandri natales respiciamus, unius tantum anni intervallum relinquitur: ille enim teste Chron. de Mailros natus est A. C. 1241, 4. Septembris feria 4. Errant autem ex una parte And. Vintonus, qui eum A. C. 1242, ex altera Balsurius qui 1240, natum tradunt.

<sup>1</sup> Ultra sexaginta millia passuum] Vix 50 passuum millia Forfara distat Hadina. Extracta de Chron. Scot. eum tum, cum hæc cædes patraretur, in Castro suo de

Obeysse fuisse affirmant, qui locus si idem sit, qui nunc Abeysse dicitur, eo minimum millia ab Hadina distat. Secutus est Buchananus præcipue And. Vintonum, qui rem omnem fuse exponit.

<sup>2</sup> Nondum annum octavum egressus] Natus enim 4. Sept. ut supra diximus A. C. 1241, pater vero mortuus test. Chron. de Mail. & Extr. de Chron. Scot. 8. Julii anno 1249, ac proinde Alexander III. regnum iniit natus annos 7 ac menses fere decem. Vid. tamen Lib. VII. 65. quæ cum hisce pugnare videntur.

1 Qui

qui fuit M. CCLI. Eboraci Reges conveniunt ad IIX. Cal. Decemb. Ibi, M.CC.  
LI. ipso Dominici natalis die, Scotus ab Anglo in Equestrem ordinem est allectus, ac postridie de nuptiis cum Margarita Henrici filia conventum. Pax item renovata, quæ, quamdiu vixit Henricus, firma & inviolata mansit.

LIX. Quoniam vero Alexander adhuc impubes erat, ex amicorum consilio decretum, ut foci velut curatoris consilio uteretur in rebus gravioribus. Ex hoc decreto quidam Primatum accusati, se clam subdixerunt. Rege domum reverso, accusatus Robertus Fermelinoduni Abbas regni Cancellarius, quod Alani Durovarti uxorem, Alexandri secundi notham, legitimæ prolis jure donaverit: ut hac ratione, si Rex absque liberis moreretur, eavelut hæres ei succederet. Cancellarius, hoc metu injecto, mox ubi domum rediit, magnum sigillum Proceribus reddidit. Gamelinus, qui postea Fani Andreae fuit Episcopus, in ejus locum suffectus. Triennio fere proximo, cum qui a consiliis Regi fuerant, singuli se prope pro Regibus gererent, ac agerent rapere omnia, populus in medio relictus, servilem in modum premebatur. Rex Angliæ, paterno plane erga Regem Scotorum animo, certior factus, ad Vercam, quæ arx est ad limitem Scotiæ sita, venit: eoque generum cum Primoribus arcessit. Ibi multa ex ejus consilio utiliter mutata, in iis præcipue magistratibus, quorum culpa minus tranquillæ domi res erant: multa utiliter in futurum statuta.

LX. Rex cum uxore, ac præsidio Anglico, qui domum deducerent, reversus, Edimburgi in arce continere se decreverat. Eam tenebat Valterus Cuminus Taichia Comes, ob immutationem status publici ab Anglo factam, alienior. Tamen per Patricium Dumbarium, Anglicis auxiliis fretum, arcem coactus est dedere. Major pars Nobilitatis & Ecclesiastici ordinis, quorum potentia novis statutis erat imminuta, offensior, ea calumniabantur, quasi jugum Anglicum, & servitutis initium. Eoque contumacia eorum processit, ut in jus vocati, ut rationem rerum superioribus annis a se gestarum redderent, imperum contemnerent. Qui prius rerum turbandarum principes, iidem nunc non parendi auctores fuerunt. Hi fere Cuminiorum principes, Valterus Taichia, Alexander Buchania, Joannes Atholia, Gulielmus Marria Comites, alique ejusdem sectæ non obscuri homines. Hi non ausi ad causam dicendam venire, quippe multarum in tenues, ac Regem etiam injuriarum sibi conscii, periculum audacia discutere decreverunt. Explorato enim, Regem paucis comitatum, negligenter, ut in pace, ad Kinrossum agere, manu clientium subito collecta, eum dormientem opprimunt, ac Sterlinum ducunt: ac, tanquam non per vim irrupissent, sed jure fuissent electi, veteres ministros expellunt, novos assumunt, omniaque pro sua libidine gerunt. Ac jam verterat terror in consultores priores.

LXI.

1 Qui] [Miror virum doctissimum, qui similia sæpe notavit, hunc locum prætermisisse. Ego certe exemplum ignoro, ubi post neutrum & femininum genus pronomen masculini ponatur. *Præsidium* qui-

dem pro militibus, qui præsidio essent, posse capi intelligo. sed tamen mallet legere, *præsidio Anglorum*, nisi lapsum esse Buchananum fateri præstat.]

1 Nam

gnum gessit proavo congressus, a multitudine Scotorum prope circumventus, trepide ad naves refugit. Deinde, navibus foedissima tempestate vexatis, cum paucis qui superfuerunt, ægre ad Orcadas delatus est. Desiderata in eo prælio fuerunt de Norvegis ad sedecim millia, de Scotis quinque. Sunt qui Regem Alexandrum in hoc affuisse conflictu tradant. Verum & apud hos quoque Alexandri Stuarti honorifica fit mentio. Acho, mœrore amissi exercitus, ac propinqui sui juvenis fortissimi, cujus nomen non traditur, morte confectus diem obiit.

LXIII. Ejus filius Magnus, qui nuper advenerat, res magis quam ratus erat desperatas conspicatus, præsertim cum auxilia domo ante ver non speraret; ac præterea Insulanorum animos cernens alienatos, & a Scotis, quorum fiducia pater ejus bellum susceperat, destitutum se intelligens, animum facile ad pacem flexit. Neque magis prælium adversum, quam ab Insulanis metus, adolescentis ferociam infregerat. Nam jam Alexander, navibus circummissis, Mannam, insulam inter Scotiam & Hiberniam medio fere cursu sitam recuperaverat, ea lege, ut insulæ Regulus, quoties opus esset, decem naves longas ad Regem mitteret: Rex vero cum ab hoste externo defenderet. Hanc inclinationem animorum cum reliquæ insulæ secuturæ viderentur, Magnus de pace Legatos misit: quam cum Alexander, nisi receptis Æbudis, recusaret, tandem pacificatoribus ultro citroque comitantibus<sup>1</sup> convenit, ut Æbudas Scotus teneret; <sup>2</sup> in præsentia quatuor millia marcarum argenti, in singulos autem annos centum marcas numeraret: præterea, ut <sup>3</sup> Margarita Alexandri filia, <sup>4</sup> quatuor annorum puella, cum per ætatem commodum esset, Hanganano Magni filio nuberet.

LXIV. Circa hæc tempora, cum civili bello Rex Anglorum distineretur, missa sunt ad eum quinque Scotorum millia, ducibus Roberto Bruffio & Alexandro Cuminio. Hunc, Joannem scriptores Angli vocant. Eorum maxima pars in prælio cæsa fuit. Cuminius, una cum Rege Anglo, & filio, multisque Procerum, qui pro Rege steterant, captus. Regem etiam Scotorum sollicitum habuit domi Sacerdotum & Monachorum arrogantia, qui a superioribus Regibus ditati, diuturna pace lascivire cœperant; ac Nobilitati, quam opibus

an-

<sup>1</sup> *Convenit, ut Æbudas Scotus teneret*] Hæc conventio apud Torfæum habetur pag. 199. scripta Perthi die Veneris proxima post festum Apostolorum Petri & Pauli, i. e. 2 die Julii 1266.

<sup>2</sup> *In præsentia quatuor millia marcarum*] Non quidem *in præsentia*, sed intra quatuor annorum spatium, ita ut unoquoque anno mille marce solverentur.

<sup>3</sup> *Margarita Alexandri filia*] In prædicto instrumento nulla harum nuptiarum mentio injecta, nec sane injici poterat, siquidem Ericus (quem nostri scriptores Hangananum appellant) nondum erat tum natus; ex contractu enim, quem matri-

Tom. I.

monialem vocant, inter Ericum Regem Norvegiæ, & Margaritam Alexandri Scoti filiam, post 15 annos, i. e. 25 Julii 1281, scripto, apparet eum tum 14 ætatis annum nondum complevisse. Vid. Rymeri Foed. Angl. Tom. 2. pag. 1079. Quin & Torfæus, qui non Scotos modo scriptores, sed Pontanum eos secutum, hic perstringit, Ericum anno demum 1270 natum affirmat.

<sup>4</sup> *Quatuor annorum puella*] Imo vero 6 annorum, utpote nata (testantibus Chron. de Mail. Extr. & Vinton.) anno 1260. Errat tamen Major qui fol. 67. eam natam tradit anno 1257.

Gg

1 Præ-

interjecto tempore, prope continuatis funeribus, decesserunt David Regis filius, ac deinde Alexander, jam uxore accepta Comitissæ Flandriæ filia: item Margarita quoque Regis filia, quæ ex Hanganano Rege Norvegiæ filiam reliquit. Alexander uxore & omnibus liberis intra paucos annos orbatus, Joletam filiam Comitissæ Druidum conjugem accepit: & intra annum vertentem, ipse ab equo lapso excussus, fractis cervicibus interit, non procul a Kingorno, 1<sup>a</sup> anno Salutis nostræ M. CCLXXXV. XIV. Cal. April. 2<sup>a</sup> Vixit annos MCC. LXXXV. XLV. regnavit XXXVII.

LXVI. Desiderium sui reliquit, quantum nullus unquam Regum Scotorum: non tam quod omnibus corporis & animi virtutibus præditus decessisset, quam quod homines jam tum animis prospiciebant, quantæ calamitates in universum regnum, ex ejus morte essent redundaturæ. Leges saluberrimas ab eo conditas hominum negligentia & temporis longinquitas antiquavit. Utiliter ab eo instituta magis fama celebrantur, quam consuetudine usurpantur. Diviso regno in quatuor partes, singulis prope annis totum obibat, ac ternos fere menses in singulis morabatur, ad jus dicendum & pauperum querimonias audiendas. Hoc toto spatio, etiam tenuissimis ad eum aditus erat. Quoties juridicos conventus adiret, præfectos eorum cum lecta manu præsto advenientem excipere jubebat, & abeuntem ad limitem suæ jurisdictionis deducere. Ibi a proximo præfecto excipiebatur. Hac ratione assequebatur, ut totam Nobilitatem nosceret, & ab omnibus noscitur; nec populus, quæ ibat, turba Aulicorum (quæ fere & rapax & imperiosa est) gravaretur. Magistratibus imperabat, ut otiosos, qui nec artem scirent, nec patrimonium haberent, severe compescerent: quod omnium scelerum ac flagitiorum, ex otio velut fonte primordia dimanare existimaret. Comitatus equestris modum, qui sequeretur Nobiles, ad certum numerum redegit: quod equorum multitudinem, quorum in bello nullus esset usus, annonæ gravem arbitraretur. Cum vel navigandi incertitia, vel temere se mari committentium avaritia, multa fierent naufragia, & ad hæc

1 *Anno salutis nostræ 1285*] Boëthius anno 1286, quem & Tyrellus ideo Buchananus præfert. Sed neuter alteri hac in parte anteposendus, uterque enim recte juxta suam supputationem: Boëthius enim Romanam sequitur, quæ annum, uti nos nunc Kal. Januarii orditur; Buchananus vero, & una cum illo Extr. & Ballendenus, antiquam Ecclesiæ Scoticæ consuetudinem, quæque adhuc apud Anglos viget, secuti, anni initium a 25 Martii repetunt: cum vero juxta Buchananum Alexander III. extinctus est 19 Martii, pro varia inchoandi ratione, annus erit Christi nati 1285, aut 1286. Cæterum hæc res non semper scriptoribus nostris diligenter animadversa, multam in temporibus rite discernendis difficultatem, ac graves

etiam errores, ut postea ostendemus, creavit.

2 *Vixit annos 45, regnavit 37*] Natus 4 Septemb. 1241, regnum iniit 8 Julii 1249, ut superius indicavimus, ac proinde vitæ tantum agebat, nondum compleverat, annum 45, regnique 37.

3 *Nec populus*] Libri omnes *populum*, male, mea quidem sententia, neque enim verbum *graver* unquam deponens est, quod quidam existimant, eo quod post se casum quartum nonnunquam adsciscat, ut apud Silium lib. 2. vers. 594. — *Lucemque gravantur*: at nulla hæc ratio; subintelligitur enim *ob* vel *propter*, qualis quidem Ellipsis in hac sententia locum habere non potest.



hæc accedente piratarum violentia, mercatorum ordo prope ad inopiam redactus esset, quæstus causa suos navigare vetuit. Id institutum cum prope annum durasset, ac multorum sermonibus, tanquam publice noxium reprehenderetur, tandem peregrinarum mercium brevi tanta vis inuenta est, ut non solum rerum copia, sed pretii vilitas memoriam superiorum temporum superaret. Verum, ut hic quoque mercatorum ordini consuleretur, vetuit quenquam a peregrinis inuenta emere, præter mercatores: cæteros autem, quod cuique usui esset, ab illis redimere.

1 *Cæteros autem*] Præcesserat vetuit, at hic contrariæ significationis vocabulum est supplendum; non enim *vetuit* cæteros quod cuique usui esset ab aliis redimere, sed *statuit*, seu iis *permisit*. Multa ejusmodi exempla apud auctores occurrunt, veluti Terent. Andr. III. 5. *Hoc tempus*

*præcavere mihi me, non te ulcisci fuit*: ubi priori clausulæ subintelligendum verbum *cogit*. Phæd. IV. 17. *Non veto dimitti, verum cruciari fame*, supple *jubeo cruciari fame*. Vid. Dacieriam in locum Terentii supra cit. [Et qui adducuntur in notis ad Phædr. d. l.]

## LIBER OCTAVUS.

I. **A**lexandro, cum tota stirpe (præter unam ex filia neptem) extincto, conventus Ordinum Sconam indicitur, in quo de novo Rege creando, & statu regni interim componendo ageretur. Eo cum frequens Nobilitas venisset, primum omnium sex creant, qui summæ rerum præessent: regionibus ita divisus, ut Duncanus Macduffus Fife, Joannes Cuminius Buchaniæ Comites, Gulielmus Fraserius Fani Andreae Archiepiscopus, partem regni quæ ad septentrionis pertinet, regerent: meridiem spectantibus præessent Robertus Glasguensis Episcopus, alter item Joannes Cuminius, & Joannes Stuartus: limes in medio Fortha

1 *De novo Rege creando*] Non de novo Rege creando, sed (quod Tyrellus observat) de marito parvulæ Reginæ eligendo, indicitur hic Ordinum conventus.

2 *Archiepiscopus*] Nullum tum Scoti Archiepiscopum habuimus, nec per duo post id tempus secula, cum regnante Jacobo III. Patricius Gramus, referente ipso Buchanano, eo primus titulo est cohortatus. Ab antiquissimis quidem temporibus Episcopi Fani Andreae inter sui ordinis viros principem semper locum tenere existimabantur, unde non Buchanano modo, sed Spotisvodio, & D. Geo. Mackenzzo necopinis occasio data est, eos nonnunquam Archiepiscopos appel-

lândi, priusquam eo honoris vocabulo aucti essent: nec vero id tam grave piaculum, ut eruditissimus Mackenzus a Stillingfleetio propterea sugillari meruerit.

3 *Meridiem spectantibus*] Supple *partibus*. [Sed potest in neutro a *spectantia* deductum capi.]

4 *Joannes Stuartus*] Hic filius erat Alexandri Stuarti Senescalli seu Dapiferi Scotiæ, qui Norvegos ad Largas debellavit: verum tamen ei nomen non *Joanni*, sed *Jacobo* fuit, quod non modo alii nostri scriptores, sed instrumenta publica, a Prynio, Rylzo, Geo. Crafordio Hist. Fam. Stuart. in primis vero Rymero Fœd. Angl. memorata confirmant.

1 U

tha annis esset. Eduardus Anglorum Rex, gnarus suæ sororis neptem Regis Norvegiæ filiam, unam ex Alexandri posteris esse superstitem, eandemque regni Scotorum legitimam hæredem, Legatos, ad eam deposcendam filio suo uxorem, in Scotiam misit. Hi, cum in conventu publico, multa de utilitate publica, quæ hoc matrimonium esset secutura disseruissent, Scotorum animos ab ea affinitate non alienos invenerunt.

II. Erat enim Eduardus vir magni animi, magnæque potentiae, majoris etiam cupidus: ejusque virtus, patre vivo, in bello Sacro, & mortuo, in subigenda Vallia enituerat. Neque Scotorum nomen unquam Anglo conjunctius fuisse meminerant, quam sub postremis Regibus. Nec odia vetusta unquam commodius aboleri posse videbantur, quam si uterque populus, honestis & æquis conditionibus, in unum coiret. Igitur, facile de matrimonio est consensus. Adjectæ tantum, utraque parte approbante, conditiones, ut Scoti tantisper suis legibus & magistratibus uterentur, donec ex eo matrimonio liberi nascerentur, qui regni potentes essent. Quod si forte nulli procrearentur, aut nati ante legitimam regno ætatem decederent, tum regnum Scotorum ad proxime e Regia stirpe propinquos transiret.

III. Rebus ita compositis, Legati in Norvegiam missi Michaël (aut, ut alii habent, David) Vernius & Michaël Scotus, Equites Fisi illustres, & summæ prudentiæ apud suos illis temporibus habiti. Hi, quod Margarita (id enim nomen erat puellæ) ante adventum eorum diem obierat, mœsti re infecta domum redierunt. Ex ejus autem puellæ immatura morte, orta de regno est controversia, quæ Angliam vehementer concussit, Scotorum pene nomen delevit. Competitores enim extiterunt, homines summa potentia, Joannes Balliolus & Robertus Brussius: e quibus Balliolus in Gallia, Brussius in Anglia, uterque in Scotia magnas possessiones, multas propinquitates habebant. Sed antequam controversias eorum attingam, quo magis omnia sint perspicua, pauca supra repetam.

IV. Scotorum tribus proximis Regibus, Gulielmo, Alexandris item secundo & tertio, cum tota sobole extinctis, supererant, qui regnum jure peterent, Davidis Comitis Hundintoniæ aut Venantoduni posterum. Fuerat autem David Gulielmi Regis frater, Alexandri autem tertii magnus patruus. Is, accepta in Anglia uxore Mathilde Comitis Cestriæ filia, tres ex ea genuit filias. Earum natu maxima Margarita, Alano Gallovidiano, homini inter Scotos præpotenti nupsit. Secunda, Roberto Brussio, cognomento Nobili, Anglo genere & opibus claro, fuerat collocata. Tertiam accepit Henricus Hastings, item

<sup>1</sup> *Ut Scoti tantisper suis legibus & magistratibus uterentur*] Imo vero non tantisper, sed in perpetuum suis legibus & magistratibus uterentur. Vide Conventionem ipsam apud Rymerum Foed. Ang. Tom. 2. pag. 582.

<sup>2</sup> *Ante adventum eorum diem obierat*] i.e. juxta Tyrellum & Knightonum A.C. 1290,

juxta Extracta vero 1291, quatuor vel quinque annis a morte Regis Alexandri: eamque ob causam mea quidem sententia inter Scotiæ Reges Margarita locum tenere debet, præsertim cum in Actis publicis, & a Buchananò etiam ipso lib. viii, 9. Regina appelletur.

Anglus, cujus posterius Comitatum Venantoduni adhuc, magna cum laude tenent. Sed eo (quod a regni petitione se abstinuit) omisso, de Ballioli & Brussii genere, majoribus & causa orationem prosequamur.

V. Gulielmo in Scotia rerum potiente, Fergusius Gallovidiæ Regulus duos reliquit filios, Gilbertum & Ethredum. Gulielmus, ut discordiarum inter fratres semina tolleretur, paternam hæreditatem æquis portionibus divisit. Eam æquationem Gilbertus, qui major natu erat, indigne ferens, fratrem ut æmulum, & Regem ut parum æquum juxta oderat. Itaque, Rege ab Anglis capto, liberatus metu legum, odium diu reconditum in utrumque expromsit. Fratrem enim, cum nec opinantem cepisset, erutis oculis & lingua exsecta (simplice morte non contentus) graviter & diu cruciatum extinxit: & ipse ad Anglorum partes se adjunxit, prædæque ex agris finitimis velut ex hostico agens, in cives suos omni clade belli sæviebat. Ac nisi Ethredi filius Rollandus, collecta ad se popularium, qui in fide Regis perstiterant manu, ei restitisset, regiones propinquas vel omnibus bonis spoliasset, vel in suas partes traxisset. Rollandus enim, juvenis acer, summis animi corporisque viribus, & patris impetus retundebat, & cum Anglis (dum vel populates reprimat, vel agros eorum ipse populatur) semper fortiter, sæpe etiam feliciter confligit. Rege tandem ad suos reverso, Gilbertus, deprecantibus amicis, venia donatur, promissa ob damna data pecunia, ac datis in id vadibus.

VI. Sed Gilberto paucis post diebus mortuo, qui sub eo sanguini & prædæ assueverant, cum se in Regis Angliæ fidem tradidissent, seu ingenii inconstantia, seu metu poenæ ex conscientia ante factorum stimulat, arma resumere, ducibus Gilpatricio, Henrico Kennedo & Samuele, qui antea Gilberto flagitiorum auctores & administri fuerant. Adversus eos Rollandus cum exercitu missus, gravi prælio facto, principes eorum, magnamque promiscuæ plebis multitudinem occidit. Qui ex eo conflictu supererant, ad quendam Gilcolumbum fugerunt prædonum ducem, qui late populando Lothianam pervagatus, multos Nobilium ac ditiorum afflixerat, quosdam etiam occiderat. Inde in Gallovidiam profectus, Gilberti causam ab aliis pro desperata relictam suscepit: nec ejus tantum agros sibi vindicavit, sed pro Gallovidiæ totius Domino se gerebat. Tandem inito cum Rollando conflictu, ad Cal. Octob. tertio fere post Gilberti partes profligatas mense, cum maxima parte suorum cecidit, paucis e Rollandi exercitu desideratis, & in iis fratre ipsius juvene strenuo.

VII. Anglus cladem eorum (ut qui superiore anno in fidem ejus se dedidissent) moleste ferens, Carleolum usque cum exercitu progressus est. Ibi ad eum, Gulielmi Regis opera sibi placatum, Rollandus venit: & inimicorum calumniis refutatis, ac demonstrato, quam nihil temere, nihil injuste adversus inimicum suum, atque etiam publicum gessisset, a Rege honorifice est dimissus. Gulielmus illinc domum reversus, memor & perpetuæ patrie ejus Ethredi constantiæ, & rerum ab ipso pro causa publica gestarum, totam ei Gallovidiam dedit.

[ *Ethredum* ] Exstat in libro Calsonen- quo hunc patrem suum *Uchredum* nomi-  
ni instrumentum Rollandi Gallovidiani, nat.

1 Pa-

dedit. Gilberti etiam filium, utcunque de se meritum, Cariæta donavit. Gulielmus Neobrigensis Anglus hæc in annum M. CLXXXIII. refert. Rollandus uxorem duxerat sororem Gulielmi Morvillii, qui Comes stabuli in Scotia <sup>M.C.</sup> LXXXIII. erat: quo sine liberis defuncto, Rollandus hæreditarium eum magistratum accepit. Ei filius fuit Alanus, qui ob strenuam operam Joanni Anglo in Hibernia navatam, opulentissima accepit prædia: quo nomine, permittente Gulielmo Scoto, Regis Anglorum beneficiarium se professus, in verba ejus juravit. Duxit uxorem Alanus Margaritam, primogenitam Davidis Hundintonii. Ex ea tres filias suscepit: quarum maximam Dornagillam collocavit Joanni Balliolo, <sup>1</sup>*patri Joannis Ballioli*, qui Scotorum aliquot annos Rex fuit. Robertus vero Brussius, qui Isabellam secundam Davidis filiam duxerat, <sup>2</sup>*ex ea genuit Robertum filium*, <sup>3</sup>qui Cariæta Comes est dictus, hanc ob causam quam dicam. Martha Cariæta Comes, jam nubilus, ac <sup>4</sup>pater qui in bello Sacro decesserat unica hæres, cum forte inter venandum conspexisset Robertum Brussium, omnium æqualium adolescentium longe formosissimum, eum in arcem suam propinquam benigne invitat, ac renuentem prope invitum ducit. Ibi, cum ætas, forma, genus, mores, facile mutuum amorem conciliaissent, paucis consensu, matrimonio copulantur. Id cum Rex, cui jus erat puellæ collocandæ, rescisset, licet utrique graviter succenseret, tamen per amicos postea fuit placatus. Ex hoc matrimonio genitus est Robertus Brussius, qui posterius regnum apud Scotos gessit.

VIII.

<sup>1</sup> *Patri Joannis Ballioli*] Has voces necessario inferendas ostendunt quæ mox sequuntur, neque enim Dornagillæ maritus, sed filius jus ullum in Scotiæ regnum habebat.

<sup>2</sup> *Ex ea genuit Robertum filium*] Hæc verba in omnibus fere editis libris desiderata ex MS. reposuimus: neque aliter sententia aut sibi auctor constare potest.

<sup>3</sup> *Qui Cariæta Comes est dictus*] Non ille, sed ipsius filius Cariæta Comes est dictus. Vid. infra Cap. 9. Mirum sane est non Buchananum modo, sed omnes fere tam Scotos quam Anglos scriptores in hac nobilissima atque omni ævo memorabili controversia explicanda, toties & tam graviter lapsos. Longum esset, nec operæ pretium, singulorum errores recensere. Satiùs existimavi ex indubitatis documentis, in primis ex Rymeri Actis publicis, totius rei seriem tabula Genealogica delineatam, oculis legentium subicere, unde vel primo aspectu dignosci queat quo juris titulo vel colore, non tantum Robertus Brussius & Joannes Balliolus, sed re-

liqui etiam Competitores regnum sibi Scotiæ vindicabant.

<sup>4</sup> *Patris qui in bello sacro decesserat*] Chron. de Mail. non ejus patrem, sed maritum priorem, quem Adamum de Kilconceath Comitem de Carrick appellat, obiisse tradit: Extractorum vero de Chronicis Scotiæ auctor Buchananus consentiens ejus patrem (quem & Nigellum nominat) in bello sacro defunctum narrat. Et fieri quidem potest, ut uterque & pater & maritus ad bellum sacrum profecti, atque in Palæstina extincti fuerint. Cum autem omnes auctores consentiant ex hoc matrimonio Robertum Brussium Cariæta Comititis titulum acquisivisse, vero simillimum videtur Martham Cariæta hæredem fuisse, licet pro more rum & sequenti seculo apud Scotos recepto, cum utroque ejus marito Comititis Cariæta titulus & honores essent communicati. Quod si ille Adamus de Kilconceath prior ei conjux fuerat, frustra adduntur hæc voces [*jam nubilus*] de ea quæ jam antea nupta fuerat.

<sup>1</sup> Dor-

VIII. Igitur hæc præfati abunde, ad rem præsentem & Competitores veniamus. Hi autem erant, <sup>1</sup> Dornagilla Davidis Hundintonii ex majore filia neptis, & ex minore <sup>2</sup> Robertus Brussius Carictæ Comes, <sup>3</sup> ejusdem Davidis nepos. Pro <sup>4</sup> Dornagilla faciebat mospatrius, quo, <sup>5</sup> qui natu major est jure potior habetur. Pro Roberto sexus, quod in pari propinquitatis gradu mares fœminis præferantur. Itaque negabat æquum esse, ut, vivo nepote, neptis in avita bona succederet. Et quanquam in privatorum popularium hæreditatibus cernendis, interim aliter fiat, in eis tamen bonis quæ feodi (ut vocant) nomine tenentur, ac regnorum successionibus, contrarium jus esse. Jactabatur exemplum recens, in <sup>6</sup> controversia de Ducatu Burgundiæ: quem qui petebat <sup>7</sup> Comes Nivernensis, licet haberet uxorem, Ducis proximi ex <sup>8</sup> filio natu maximo neptem, tamen filio Ducis minori, fratris adjudicata fuit hæreditas. Robertus igitur contendebat, se Joanne Balliolo gradu priorem, nempe nepotem pronepote: Dornagillæ autem, cum qua in gradu erat æquali, præferendum, quippe marem fœminæ.

IX. Hanc controversiam Proceres domi non poterant dijudicare: quod, ob partium potentiam, totum regnum in duas factiones discesserat. Balliolus enim per matrem, totam Gallovidiam regionem amplissimam tenebat; Cuminiam familiam, secundum Reges potentissimam, affinitate sibi junctam habebat per Joannem Cuminium, cui Maria Dornagillæ soror nupserat. Robertus, <sup>9</sup> qui

<sup>1</sup> *Dornagilla*] In Rymeri Actis publicis Dervegildis seu Dervegulda constanter appellatur.

<sup>2</sup> *Robertus Brussius Carictæ Comes*] Non hic Competitor erat, sed ipsius pater Robertus Brussius Annandiæ Regulus, ut postea monstrabimus. Vide Notam 1. pag. seq.

<sup>3</sup> *Ejusdem Davidis nepos*] Ita emendandum tum res ipsa, tum quæ post sequuntur in fin. huj. cap. & cap. 11. huj. lib. postulabant. In omnibus tamen libris [*pro nepos*] legitur.

<sup>4</sup> *Dornagilla*] Ex prædictis Actis liquet Dornagillam (sive Dervegildem) antehoc tempus fato suo functam, licet Alexandro III. aliquamdiu supervixerit, ac proinde inter Competitores non debuisse censer.

<sup>5</sup> *Qui natu major est*] Ita restituimus, libri tamen omnes [*qui gradu propior.*] repugnante sensu; mox enim subdit, in pari propinquitatis gradu mares fœminis præferri.

<sup>6</sup> *Controversia de Ducatu Burgundiæ*] Controversia hæc erat. Hugo III. Burgundiæ Dux ex Jolantha uxore tres filios suscepit, Eudum, Joannem & Robertum. Eudus primogenitus ante patrem moritur A.C. 1267, quatuor filiabus relictis, qua-

rum major Iole, seu Jolantha, per matrem Isabellam trium Comitatum, Nivernensis scil. Tonnerensis & Altrissiodorensis hæres, primum Tristano Franco, S. Ludovici Regis filio, ac deinde, eo sine liberis defuncto, Roberto Flandriæ Comiti uxor est data. Postea, i. e. anno 1273. mortuus est ejus avus Hugo III. Burgundiæ Dux, cui (Iole ex filio natu maximo nepte omissa) successit filius natu secundus Joannes, eique, unica tantum filia suscepta, extincto, pariter successit frater natu tertius Robertus, qui pro Ducatu Burgundiæ cum Roberto Comite Flandriæ apud S. Ludovicum Francorum Regem diu litigavit. Vide Reusneri opus Geneal. pag. 310. Morerium Diction. Hist. &c.

<sup>7</sup> *Comes Nivernensis*] Comes Flandriæ potius dixisse debuerat, licet forte Nivernensis titulum ab uxore Iole derivatum usurpare voluerit.

<sup>8</sup> *Filio Ducis minori fratris adjudicata fuit hæreditas*] i. e. Roberto Hugonis Burgundi filio natu tertio.

<sup>9</sup> *Qui in Anglia Clevelandiam, in Scotia Annandiam & Gariocham*] Cum, diversa



in Anglia Clevelandiam, in Scotia Annandiam & Gariocham, & per filium Carictæ Comitem (qui post regnavit) multis claris familiis subnixus erat, populo maxime suo utebatur. Igitur, cum ob has maxime causas, controversia domi finiri non posset; nec si maxime ex æquo & bono pronunciaretur, ulla tanta in Scotia esset potentia, quæ partes cogere posset ut iudicato starent: prope omnium voluntate consensus est, ut Eduardo iudice res decideretur. Neque quisquam de fide ejus dubitabat; ut qui ex eo patre natus esset, quem superior Scotorum Rex fuisset expertus, & locerum amantissimum, & tutorem æquissimum. Contra vero, Anglus benevolentia Scotorum erga se recens & illustre testimonium habebat; cum ei tam facile de matrimonio Reginae suæ consenserunt.

X. Igitur Eduardus, cum primum Bervicum venit, eo Rectores Scotiae & Ordinum Legatos<sup>2</sup> per literas evocat; protestatus, se eos, non tanquam subditos ad Dominum, aut magistratum legitimum, sed amicos ad arbitrum ab ipsis electum arcessisse. <sup>1</sup>Primum omnium, jusjurandum a Competitoribus exegit, se decreto staturos: deinde, ab Ordinum principibus & Legatis, se ei, quem ipse juratus Regem daret, parituros: ac super ea re, publicum omnium Ordinum diploma, singulorum sigillis appensis, sibi dari poposcit. Deinde, e singulorum Ordinum prudentioribus selegit <sup>4</sup>duodecim Scotos, ac totidem Anglos eis adjunxit: a quibus etiam jusjurandum exegit, de eo quod æquum ac verum cre-

sententia media interveniente, nimis e longinquo repetenda videatur verbum [*semebas*,] aut illud iterandum, aut [*possidebat*,] aut simile quid, hic exprimendum existimaverim.

<sup>1</sup> Per filium Carictæ Comitem (qui post regnavit) Mirum est Buchananum tot & tam graves una fere pagella admisisse errores, eosque non veritati historicæ modo, sed sibi ipsi fronte adversa pugnantes. Superius enim cap. 7. Carictæ Comitem patrem ejus qui posterius regnum apud Scotos gessit disertim fuisse affirmat, & cap. 8. Carictæ Comitem Competitorem, hic vero Competitoris filium, appellat. Ut autem res tota melius intelligatur, animadvertendum est quatuor fuisse eodem nomine Robertos Brussios, & in his tres postremos uno simul tempore viventes. Primus erat Robertus Brussius cognomento Nobilis Isabellæ Davidis Hundintonii filia maritus: secundus ejus filius Annandæ Regulæ, qui Competitor fuit, obiitque juxta Tyrellum vol. 3. pag. 91. anno 1295. Tertius porro illius nepos, qui Carictæ Comes est dictus, mortuus-

Tom. I.

que est, referente Dugdalo Baron. Angl. vol. 2. pag. 450, anno 1303. Quartus denique Robertus Brussius pronepos, qui posterius regnum apud Scotos gessit.

<sup>2</sup> Per literas evocat] Vide ejus de hac re Epistolam (apud Rymerum Fœd. Angl. vol. 2. pag. 528.) qua Scotorum proceres ad se Noramam venire rogat (non vero tanquam superior Scotia Dominus jubet, quod Tyrellus & Echardus affirmant) promittitque eorum ad se adventum neutiquam sibi aut regni juribus præjudicio futurum.

<sup>3</sup> Primum omnium] Totius controversiæ processum vide apud Rymerum vol. 2. a pag. 542. ad pag. 603.

<sup>4</sup> Duodecim Scotos, ac totidem Anglos] Ex sæpius memoratis hisce Actis publicis apparet 40 viros fuisse electos a Joanne Balliolo & Joanne Cuminio pro se & aliis petentibus qui nominationi factæ per eos consenserunt, & alios 40 a Roberto Brussio pro se & aliis petentibus qui nominationi per eum factæ consenserunt, quibus Eduardus Anglus 24 adjunxit; quorum omnium nomina habentur pag. 556. & 557.

Hh

1 O38

crederent judicando. Hæc palam, in speciem honesta & popularia facta: illud secreto & inter paucos agitabatur, quomodo Scotiam suæ ditionis faceret. Id cum facile existimaretur, regno in duas factiones diviso, tamen quo res esset expeditior, & fraus occultior, præter Brissium & Balliolum, octo alios Competitores excitavit: ut e majore numero facilius esset, unum, aut etiam plures in suas partes traducere. Ac, ne tanta res temere acta videretur, consultatio eis est proposita, qui in Gallia, pietate, prudentia & juris scientia tum primi habebantur. Neque dubitabat (ut est id genus hominum nunquam inter se satis concors) aliquod se responsum, quod in rem suam faceret, relaturum. Et Competitores quidem novi, cum nihil in causa suscepta firmitatis viderent, sponte a petendo destiterunt. Jurisperitis vero ab Anglo, qui totius negotii apud eos auctor & moderator erat, falsa species in hunc modum est proposita.

XI. „Rex quidam, nec coronari, nec inungi solitus; sed in sede quadam a suis collocari, ac Rex denunciari; neque tamen ita libere Rex, ut non in clientela sit Regis alterius, cujus se beneficiarium fateatur, sine liberis decessit. Duo propinqui, e Sempronio magno Regis defuncti patruo prognati, hæreditatem petunt, Titius videlicet, ex majore Sempronii filia pronepos; Sejus, ex minore filia nepos. Uter, in hæreditate impartibili adeunda, alteri præferendus? „Hac consultatione his fere verbis proposita, prope omnes responderunt: „Si qua lex, vel consuetudo, ea de re, in regno quod petitur, esset, ei standum; sin minus, verum esse consuetudinem sequi ejus, in cujus clientela sunt. Quod in feodis dijudicandis consuetudo descendat, non autem ascendat: hoc est, consuetudo superioris inferiori pro lege habenda est, non contra. Longum esset omnium sententias sigillatim referre: sed ut paucis colligam, prope universi de jure litigantium, incerta & controversa responderunt: potestatem vero judicandi summam, juxta falsam speciem propositam, Eduardo tribuerunt.

XII. Ita re magis implicata & involuta quam prius erat, anno proximo convenitur ad Noramam. Ibi Eduardus, per homines idoneos, leniter Scotorum ani-

1 *Octo alios Competitores excitavit*] Imo vero alios decem: hi autem erant, 1. *Florentius Comes Hollandie* pronepos Adæ sororis natu maximæ Davidis Hundintonii. 2. *Henricus de Pynkeny* item pronepos Margeriz ejusdem Davidis sororis natu secundæ. 3. *Patricius Galisbly* filius Henrici Galisbly nothi Regis Gulielmi. 4. *Gulielmus Rossus*. 5. *Patricius Dumbarius Comes Marcie*. 6. *Joannes Vescius*. 7. *Rogerius Mandevillius*, qui se totidem filiabus ejusdem Gulielmi (quas idcirco nothas fuisse oportet) Isabella, Ada, Margeria & Aufrica, oriundos prædicabant. 8. *Nicolaus Soulius* nepos Margeriz itidem nothæ Alexandri II. 9. *Joannes Haslingus Dominus Berge-*

*venia*, nepos Henrici qui Adam Davidis Hundintonii filiam natu tertiam (vel potius quartam) uxorem duxerat. 10. Denique *Joannes Cuminius Badenacha Regulus*, qui genus suum ad Donaldum Banum Milcolumbi III. fratrem referebat. Quibus demum undecimum se adjecit Ericus Norvegiz Rex, qui se præpostero ordine filiz suæ Margaritz hæredem profitebatur.

2 *Anno proximo*] Scil. 1291, secundo die mensis Junii.

3 *Ad Noramam*] Hic conventus non ad Noramam, sed Bervicum est indictus.

4 *Leniter Scotorum animos pertentat, num sponte in ditionem ejus vellent concedere*] Imo vero anno superiore 1291, ante omnem

animos pertentat, num sponte in ditionem ejus vellent concedere: quod ab eorum majoribus sæpe factum fuisse contendebat. Id cum constanter omnes abnuerent, Competitoribus regni quos ipse excitaverat convocatis, promissis ingentibus ab eis exprimit, ut ipsi in verba ejus jurent: cæteris persuadet, ut conventus Bervicum, in locum magis idoneum transferatur. Ibi viginti quatuor judices illos selectos, in templum sine arbitris inclusos, de controversia cognoscere jubet: vetito interea, ne quisquam ad eos propius accedat. Cum lentius res procederet, ipse solus identidem ingrediebatur, & alios atque alios compellendo, cum comperisset, pluribus videri jure priorem esse Balliolum, gratia & factione inferiorem: Brusio prius convento, quem, quod jure esset inferior, facilius suis rationibus assensurum putabat, regnum ei Scotorum pollicetur, si se in Regum Anglorum clientela, eorumque ditioni subditum profiteri vellet. Ad hæc cum Brusius ingenue respondisset, „Se non ita cupidum regnandi, ut ea de causâ libertatem a majoribus relictam imminueret, statim eo dimisso Balliolum acciri jubet. Is regni quam famæ honestæ avidior, conditionem oblatam libenter arripuit.

## X C V I. R E X.

XIII. Ita, post sex annos ac novem menses a morte Alexandri, JOANNES BALLIOLUS Rex Scotorum est declaratus. Scoti quidem cæteri, tranquillitatis publicæ cupidi, Joannem, Sconam de more ductum coronarunt, ac universi præter Brusium in verba ejus jurarunt. Ille ab Anglo Rex pronunciat, a suis receptus, jam de regno securus, ut promissi fidem exsolveret, ad Eduardum, qui tum in Novo castro ad Tinam agebat, venit, atque in verba ejus juravit. Idem quoque fecerunt, qui e Proceribus cum secuti erant, non ausi adversus duos Reges procul domo reniti. Id autem reliqua Nobilitas ubi resciscit-

omnem litis ingressum, Competitores primum, ut Eduardi arbitri ab ipsis electi gratiam aucuparentur, deinde multi Scotorum proceres aliique, non quidem sponte, sed factionibus divulsi, & Eduardi minis & vi armata conterriti, post varias moras injectas in ditionem ejus concesserunt. Vide Tyrellum vol. III. pag. 62. &c. Abercrombium vol. I. pag. 465. &c. in primis vero Rymeri Acta publica, ut supra.

1 *Viginti quatuor judices*] Erant, ut supra ostendimus, centum & quatuor, qui tamen rei difficultatem causati alios e Prælati, Proceribus, virisque prudentioribus Angliæ sibi in consilium adhiberi postulabant.

2 *Brusius ingenue respondisset*] Ex prædictis Actis publicis liquet in gravi hic errore versari Scriptores nostros; ea enim

testantur Robertum Brusium inter Competitores primum in Eduardi verba jurasse secundo die Junii 1291, Joannem vero Balliolum ultimum, & postero quidem die, utpote qui pridie abfuerat. Nec id semel ab iis, sed sæpius factum: cujus rei indicia authentica, in turre Londinensi adhuc asservata, & popularibus etiam nostris conspecta, rem adeo extra omnem controversiam ponunt, ut qui ei assensum denegaverit, veritati ipsi, cujus sacrosancta est auctoritas, reniti videatur.

3 *Post sex annos & novem menses*] Joannes Balliolus Scotorum Rex ab Eduardo Anglo est pronunciat die Lunæ 17 Novembris 1292, id est, sex annos & novem fere menses ab 18 aut 19 Martii 1286, quo extinctus est Alexander III.

rescivit, factum quidem molestissime tulit; sed infirmitatis suae conscia iram dissimulabat. Eam ut declararent, non adeo diu post se obtulit occasio. Macduffo Comite Fifano (qui tempore Interregni fuerat e sex Gubernatoribus) ab Abernethiis (quæ familia tum in Scotia florebat opibus & auctoritate) cæso, ac fratre Comitum ab iisdem in jus ad conventum Ordinum tracto, Rex secundum Abernethios pronunciavit. Macduffus, agro de quo lis erat abjudicato, Regem tum sibi ratus iniquiorem, ut ante fratris interfecti non satis acrem vindicem, Anglum appellat: apud eum in jus Balliolum vocat. Causa Londinum delata, forte Balliolus Eduardo Anglo in conventu Ordinum assidebat: qui cum citatus, per procuratorem respondere vellet, ipse coactus est surgere, & e loco inferiori causam dicere. Hanc contumeliam, tum liberius agere non ausus, tacitus tulit. Sed cum primum se inde expedire potuit, ingentem irarum molem animo volvens, domum rediit: in eaque cogitatione totus erat, quomodo suorum animos reconciliaret, & Anglum offenderet.

XIV. Hæc meditati, commodum intervenit inter Francos & Anglos novum dissidium, quod in bellum statim erupit. Itaque ad conventum in Scotia indictum, aderant ab utroque Rege Legati: Galli, ut cum Rege novo vetus foedus renovarent; Angli, ut ex recenti deditione, ad bellum susceptum auxilia acciperent. Utraque Legatione ad publicum Concilium relata, Proceres ad rebellionem proni, Gallos æquam, Anglos iniquam rem petere judicarunt. „Foedus enim cum Gallis, consensu universorum, ante quingentos annos factum, & propter æquitatem & utilitatem, in hunc usque diem perpetuo tenore servatum fuisse. Deditionem hanc recentem, a Rege invito expressam: quam etsi volens fecisset, ea tamen non teneri vel Regem vel regnum: ut quæ a Principe solo facta esset, non convocatis Ordinibus: quibus inconsultis, aut adversantibus, nihil, quod ad totius regni statum attineret, Regi agere liceat. Decretum igitur fit, ut Legati in Galliam mittantur, ad foedus antiquum renovandum; & Eduardo Balliolo Joannis filio, Regii generis uxorem deposcendam. Altera item in Angliam Legatio missa, quæ declaret,

„Re-

1 *Fratre Comitum*] Hæc decisio habetur Act. Pub. vol. 2. pag. 604. in qua nulla de Abernethiis fit mentio, sed de terris de *Reres* & de *Crey*, quas Macduffus a patre Milcolumbo Comite Fifæ sibi, ut dicebat, datas occupaverat. Quam ob causam a Balliolo (qui ea prædia Duncani Fifæ Comitum, cui infra ætatem tum existenti ipse custos fuerat, esse contendebat) in jus vocatus, atque ob violentam intrusionem carceri inclusus, ad Eduardum Anglum provocavit. Obiter quoque advertendum hunc Macduffum non Duncani Gubernatoris fratrem fuisse, cum in prædictis Actis publicis, hic Colbani, ille Milcolumbi filius appelletur. Vide etiam ibid. pag. 606.

2 *Ad foedus antiquum renovandum*] Renovatum est hoc foedus inter Philippum Gallum & Joannem Scotum 23 Octobris 1295; eodemque fere tempore conventum est, ut J. Caroli Valesii Galli fratris filia Eduardo Balliolo Joannis filio nuberet. Vid. Foed. Ang. Tom. 2. pag. 695. & seqq.

3 *Legatio missa*] Joannis Ballioli literas, quod injurias sibi Scotisque adeo omnibus ab Eduardo factas luculenter exponant, hic subicere libuit. *Magnifico Principi, Domino Edwardo, Dei gratia, Regi Angliæ, Johannes eadem gratia Scotiæ Rex. Cum vos, ac alii de regno vestro, vobis non ignorantibus, vel saltem ignorare non debent.*

Regem Scotorum, quod per vim, ac nullo jure deditionem suam regi Anglorum fecisset, eam revocare: ac renunciare amicitiam, cum ob has causas, tum ob innumeras injurias, sibi ac suis factas: ac se in pristinam libertatem vindicare. Hanc renunciationem cum nemo paullo illustrior auderet, ad hominem natura præferocem, & fortunæ indulgentia prope sui immemorem deferre, Monachus quidam, aut, ut alii scribunt, Abbas Aberbrothii per literas detulit: qui, innumeris contumeliis affectus, ægre incolumis ad suos rediit, magis contentu sui, quam reverentia Legationis tutus.

XV. Interea Anglus, qui aliquot mensium inducias cum Gallo pactus erat, sperans ante exitum earum, Scotum imparatum posse opprimi, classem in expeditionem Gallicam paratam, in Scotiam mittit; quæ prohiberet, ne comatus Bervicum (quod audierat valido præsidio firmatum) invehetur. Cum hac in ostio fluminis Scoti congressi, octodecim naves expugnant, reliquas in fugam vertunt. Eduardi ferox animus hoc damno vehementius ad vindictam est irritatus. Balliolum semel atque iterum in jus ad se vocat. Ipse magno exercitu coacto, ad Novum castrum ad Tinam venit. Ibi, edicto proposito, Joannem rursus, ut de criminibus objectis se purget, in jus vocat. Verum, cum nec ille, nec quisquam ejus nomine ad diem convenisset, consilio ad vires adjecto, Brissium ad se arcessit. Regnum ei pollicetur, si in Balliolo exigendo fidelem ope-

debentibus, per violentam potentiam vestram, nobis & regni nostri incolis, graves & intolerabiles injurias, contemptus & gravamina, necnon & dampna enormia, contra nostras & regni nostri libertates, ac contra Deum & justitiam, notorie & frequenter intuleritis: Nos extra regnum nostrum, ad levem cujuscumque suggestionem, pro libito voluntatis vestra citando, & indebite vexando: Castra nostra, terras & possessiones nostras & nostrorum infra regnum vestrum, injuste & sine nostris demeritis occupando: Bona nostra ac subditorum nostrorum tam per terram quam per mare capiando, & infra regnum vestrum receptando: Mercatores & alios regni nostri incolos occidendo: Homines nostros de regno nostro violenter in regnum vestrum abducendo, ipsosque ibidem detinendo & incarcerando: Super quibus reformandis nuncios nostros sæpe vobis transmisimus, quæ non solum adhuc remanent incorrecta, verum etiam de die in diem per vos & vestros prioribus deteriora cumulantur. Vos namque jam cum innumerabili armatarum multitudine, exercitu vestro publice convocato, ad exheredandum nos & regni nostri incolas, ad fines regni hostiliter accessistis, & ultra progredientes in regno nostro strages & incendia, nec-

non insultus & invasiones violentas tam per terram quam per mare commissistis inhumane. Nos dictas injurias, contemptus, gravamina & dampna, necnon & hostiles impugnationes ulterius sustinere non valentes; nec in fidelitate & homagio vestro per violentam oppressionem vestram extortis, manendo: contra vos etiam ad defensionem nostram & regni nostri (cujus defensionem & tuitioni vinculo juramenti sumus stricti) nos volentes erigere, **FIDELIATEM & HOMAGIUM**, vobis facta tam a nobis quam ab aliis quibuscumque regni nostri incolis, fidelibus nostris, ratione terrarum quas in regno nostro de vobis tenebant, ac etiam ratione menagii seu retentionis vestre, nomine nostro, ac nomine eorundem omnium & singulorum **VOBIS REDDIMUS per PRÆSENTES**.

1 Monachus quidam, aut, ut alii scribunt, Abbas Aberbrothii] Ex instrumento publico inde confecto apud Rymer. Act. publ. Tom. 1. pag. 707. patet has literas Eduardo Anglo Bervici redditas fuisse per religiosos viros Gardianum Fratrum Minorum de Rokesborough & socium ejus quinto die Aprilis anni 1295.



operam navet. Ad quam rem perficiendam, nec labore nec impensis opus esse. Tantum ad amicos det literas, ut aut Regem deferant, aut in prælio cessent. Ipse magnis itineribus Bervicum contendit. In eo oppugnando cum nihil proficeret, quod oppidum valido præsidio teneretur, simulato discessu, velut expugnatione desperata, per Scotos quosdam Brussianarum partium, spargendos rumores curat, Balliolum cum magnis copiis jam propinquum esse. Ad eum honorifice excipiendum, cum illustrissimus quisque properarent, urbeque sese promiscue pedites equitesque projecissent: eques ab Eduardo immissus obvios partim proculcat, partim a suis excludit; & occupata porta proxima, urbem ingreditur. Secutus Rex cum peditum copiis, miserabilem omnis generis cædem edit. Occisa feruntur Scotorum supra septem millia, flos Lothianæ & Fifeanæ Nobilitatis.

XVI. <sup>1</sup> Cum nihil minus ab initio mihi fuisset propositum, quam ut a continente rerum explicatione diverticula quærerem, non potui mihi temperare, quin Richardi Graftonii, qui nuper historiam rerum Anglicarum edidit, effraenem maledicendi libidinem ostenderem: ut qui hæc legent, hinc expendant quantum ei scriptori fidei sit habendum. Ait enim ab Hectore Boëthio scriptum, libro quartodecimo, capite secundo, tantum ibi sanguinis fufum, ut rivi ejus per urbem decurrentes, molam aquariam per biduum circumagere possent. Primum, Boëthius librum in capita non divisit: deinde, quod ille asseverat, apud eum omnino scriptum non est. Sed homine indocto, & impudenter mendace omisso, ad Eduardum redeamus: qui abundante multitudine, partem exercitus ad obsidendum Dumbarum misit. Ipse paucos post dies, arcem Bervici, auxilium nusquam sperantem, per deditionem accepit. Deinde, junctis ad Dumbarum omnibus copiis, cum Scotorum exercitu qui ad solvendum obsidionem venerat, magno prælio confligit. Victoria ad Anglos inclinante, principes Nobilitatis in arcem confugerunt: arx quoque, sive Richardi Suardi præfecti perfidia, sive comiteatu non sufficiente multitudini in arcto conclusæ, dedita: in omnes captivos crudeliter sævitum. Sunt qui tantæ calamitatis causam in Robertum Brussium seniore[m] rejiciant: quod, amicis ejus in prælio cessantibus, reliquis timor sit injectus. Nostri præterea constanter <sup>2</sup> tradunt, cum ab Eduardo Brussius (operæ ibi navatæ pretium) sibi promissum regnum Scotorum peteret, Anglum Gallice, quo sermone libenter utebatur, respondisse: „Nihil aliud scilicet est quod agamus, quam ut vobis regna paremus?”

XVII.

<sup>1</sup> *Cum nihil minus*] Non sat hic causæ Buchananano suberat Graftonium Anglum tam indigne exagitandi. Quamvis enim verum sit Boëthium libros suos in capita non divisisse, nec, quod Graftonius asseverat, apud eum omnino scriptum esse: id tamen apud Ballendenum, qui se Boëthii interpretem vocat, & capite quidem secundo libri quartodecimi habet. Fateor equidem Ballendenum sapientius quam

oportuit Boëthium interpolasse, multa que quæ apud illum neutiquam reperiuntur de suo adjecisse: quod Graftonius non satis animadvertens, quæ Ballendeni sunt Boëthio adscribit; at non ideo hominis impudenter mendacis infamia notari promeruit.

<sup>2</sup> *Tradunt, cum ab Eduardo*] Libri omnes, tradunt quod cum: nos vero vocem [quod,] quippe nullius hic usus, expungendam censuimus.

1 Ad

XVII. Dumbaro, ac nonnullis aliis arcibus, prope fines Anglorum cap-  
tis, secuta est deditio Edimburgi & Sterlini. Ibi Anglus Fortham transgres-  
sus, iter Forfaram intendit, ubi tum se Balliolus continebat. Cum nullo resi-  
stente <sup>1</sup> ad Montem rosarum venisset, suadente<sup>2</sup> Joanne Cuminio Strabogiano,  
ad Eduardum venit; ac se regnumque ei dedit. Eo in Angliam navibus misso,  
Bervicum Anglus reversus, gravi edicto Scotorum procures eo arcessivit: qui  
venerunt, in verba ejus jurare coacti. Gulielmus Duglassius, vir clarus gene-  
re & factis, cum obstinate recusaret, in carcerem conjectus; ibi post aliquot  
annos decessit. Ita rebus ex sententia gestis, Joanne Vareno Surriæ Comite  
pro Rege, & Hugone Cressinghamio pro Quæstore post se relicto, Londinum  
rediit. Ibi Joannem Balliolum in custodiam tradidit, post quartum quam re-  
gnum inierat annum. Sed is paullo post, deprecante Pontifice Romano; ac  
spondente nihil cum in Scotia moturum, in Galliam est remissus, Eduardo fi-  
lio obside retento. Anglus, omnibus rebus ad bellum Gallicum (quod propter  
Scotorum tumultus distulerat) paratis, cum magnis copiis trajecit. Scoti, per  
ejus absentiam in spem libertatis erecti, duodecim eligunt, qui summæ rerum  
præessent. Ex horum communi sententia, Joannes Cuminus Buchaniæ Co-  
mes, cum manu satis valida in Angliam missus, Anglis, qui in Scotia per  
præsidia sparsi erant, se non ausis commovere, libere Northumbriam & Cum-  
briam populatur: Carleolum frustra obsedit. Hæc expeditio etsi Scotorum ani-  
mos nonnihil erexit, & Anglorum injurias inhibuit, tamen parum ad summam  
belli ea profectum est, omnibus locis munitioribus ab hostium præsi-  
diis in-  
fessis.

XVIII. Verum, cum Nobilitati nec virium, nec animi satis videretur, ad  
majora capeffenda, repente exortus est Gulielmus Vallas, homo nobili & an-  
tiqua familia, sed in re tenui natus & educatus, ac nullis prope opibus fretus:  
qui tamen, non modo supra omnium expectationem, sed etiam supra fidem,  
res eo bello gessit. Is enim, cum magna vi corporis atque animi esset, adhuc  
adolescens, nobilem juvenem Anglum superbe sibi insultantem occidit. Ob id  
facinus, profugus domo, & latitans, fugæ locum subinde mutando, annos  
aliquot transiegit. Hac vitæ consuetudine, corpus adversus omnes fortunæ inju-  
rias duravit, & animum sæpe subeundis periculis ad majora audenda confirma-  
vit. Tandem, cum ejus vitæ erraticæ tæderet, & aliquid vel cum periculo  
tentandum censeret, manu hominum collecta, quos par fortuna ei conciliave-  
rat, non modo singulos excipiebat, sed plures sæpe cum paucioribus aggressus,  
variis subinde in locis deprehensos trucidabat. Hæc cum pari celeritate & au-  
dacia gereret, nec unquam opportunum se hosti præberet, brevi fama sui utram-  
que pariter gentem implevit. Igitur, concurrentibus ad eum passim, quos vel  
causæ similes, vel non dissimilis amor patriæ conciverat, intra paucos menses  
non contemnendum exercitum confecit. Ab hac tumultuaria turba, proceribus  
vel metu vel ignavia segnius omnia gerentibus, Vallas Prorex appellatur: &  
tan-

<sup>1</sup> Ad Montem Rosarum venisset } Hæc Kyncardin Merniæ oppidulum, secundo  
deditio a Joanne Balliolo facta est apud die Julii 1296, Fœd. Angl. Ibid. pag. 718.  
<sup>2</sup> Comi-

tanquam Ballioli Legatus, omnia pro legitimo magistratu imperat. Id nomen ille, nulla ambitione aut imperandi cupiditate, sed tantum civium suorum misericordia & caritate suscepit. Hac manu primum vim apertam expertus Lanarici, conventus ejus praefectumque clarum genere Anglum occidit. Multas deinde arces, aut parum munitas, aut praesidiis non satis firmatas, aut negligentius custoditas, cepit & evertit: quibus levioris operae expeditionibus, ita militum animos confirmavit, ut nullum ejus ductu periculum defugerent: ut cujus nec audaciae consilium, nec consilio unquam eventus decesset.

XIX. Harum rerum fama cum late spargeretur, atque hominum favore aucta plerumque majora vero perferret, quicumque vel rem Scoticam salvam vellet, vel suae timerent, ad eum confluentibus, instandum fortunae ratus, quas Angli trans Fortham arces tenebant, etsi satis validas, & metu nominis ejus munitas, brevi tamen in suam potestatem redegit. Taodunanam, Forfarsensem, Brechinensem, ac Montis rosarum arces captas diruit. Dunotrium inopinato eventum oppressum praesidio munivit. Abredoniam metu sui adventus ab hoste direptam, & adhuc ardentem ingressa, quo minus arcem oppugnaret, rumor de adveniente exercitu Anglorum obstitit; quod eos ad Fortham opperriri constituerat: praelii enim aleam nisi suis locis subire volebat.

XX. Eduardus in Galliam (uti dictum est) discedens, cum omnia Scotiae loca munita Anglicis praesidiis obtineret, multosque haberet Scotos sibi fidos, patriae infidos, principes Scotiae Nobilitatis, quos aliquid ausuros suspicabatur, in intimam Angliam usque ad suum reditum relegavit: in his Joannem Cumminium Badenacae Regulum, & Alanum Loganum hominem manu & consilio promptum. Rebus in hunc modum constitutis, nihil minus quam novos in Scotia motus formidans, exercitum omnem abduxit. Tum vero fama rerum a Valla gestarum permotus, majore manu opus esse ratus ad eum comprimendum, nec tamen Rege dignam expeditionem esse ducens, quippe adversus latronem vagum (ita enim hostem Angli vocabant) scribit ad Henricum Percium Northumbriae Regulum, item ad Gulielmum Latimerum, ut copiis celeriter e propinquis locis confectis, Cressinghamio, qui in Scotia restiterat, se jungerent, ac Scotos rebelles compescerent. Thomas Voltingamius<sup>1</sup> Comitem Varennae huic expeditioni praeficit. Vallas autem, qui tum Cupri Fifensis arcem obsidebat, ne exercitus, quem in adventum Anglorum intentus auxerat, interea otiosus esset, hostibus jam propius accedentibus, recta Sterlinum ducit. Fortha amnis, nusquam ferme vadofus, illic (quanquam & minoribus amnibus receptis & maris aestu reciproco auctus) ponte ligneo transiri poterat. Ibi, Cressinghamio cum parte majore exercitus transmissa, pons, sive (ut nostri praedicant) architecti opera, qui non multo ante compagines trabium ita laxaverat, ut majorum vim non posset sustinere, sive tot peditum, equitum, machinarumque pondere, arte nulla adhibita fractus, Anglorum iter interrupit.

Scoti

<sup>1</sup> Comitem Varenna] Ita Voltingamius: libri omnes male Varenia habent. Eidem vero Voltingamio & Actis publicis inter-

rim Joannes Comes Surria & Suffexia, interrim Joannes Comes Varenna appellatur.

Scoti transpositos, nondum explicatis ordinibus, aggressi, caeso duce, reliquos in flumen retro agunt, tanta cum caede, ut prope omnes, vel ab hoste interemti, vel aquis obsopti perierint. Vallas ab hac pugna ad arces oppugnandas reversus, adeo brevi belli fortunam circumegit, ut neminem Anglici generis, præter captivos, in Scotia reliquerit. Hac victoria, in qua & Scotis nemo illustrior, præter Andream Moravium, cujus filius aliquot post annos pro Rege rem Scotticam administravit, periit, ad Id. Sept. anni M. CCXC. VII. parta est. Sunt qui Vallam non ab arcis Cuprensis, sed Taodunanzæ oppugnatione revocatum, eodemque post prælium rediisse tradant, in quibus est Joannes Major, & aliquot Cœnobiorum libri.

CCXC.  
VII.

XXI. Hanc stragem ex agrorum incultu consecuta est fames, & famem pestis, unde major quam & bello clades timebatur. Vallas, ut huic malo quoad posset moderetur, omnem militarem ætatem, ad diem adesse iussit, secum in Angliam duxit: ratus corpora laboribus agitata salubriora fore, & per hiemem in hostico vivendo commeatibus domesticis parci, & militem omnium rerum inopem, aliquem belli fructum, ex opulenta regione & diuturna pace florente, sensurum. Ibi nemine congregi auso, a Calendis Novembribus, usque ad Cal. Febr. cum suis & hostium fructibus refecisset, & spoliis ditasset, parta ingenti gloria, domum rediit. Hac expeditio ut Vallæ famam & auctoritatem auxit ad populum, ita nobiliorum invidiam mirum in modum adversus cum intendit. Ejus enim laudes ipsi exprobrare videbantur, vel ignaviam, si non auderent, vel perfidiam, si nollent viri summa nobilitate & opibus attentare, quod homo tenuis, omnibus fortunæ præfidiis destitutus, non magis fortiter susceperit, quam graviter perfecerit. Anglus quoque rem esse ratus majorem, quam ut ea per præfectos desungi posset, ipse, rebus pro tempore compositis in Gallia, domum rediit: & maximo exercitu, sed repentino delectu (nam veteranos & transmarinis provinciis non deduxit) & e tironibus fere conftrato, Scotiam versus pergit, cum latronum incomposita manu rem sibi futuram ratus. Verum cum in Stammoriæ planitie quingenti fere passus inter acies instructus interessent, conspecto Vallæ exercitu, disciplinam, ordinem, & confidentiam hostium admiratus, adversus veteranum ducem, & militem omnibus malis induratum, etiam multo majores copias ipse haberet, tamen non ausus fortunæ rem committere, conversus signis sensim gradum retulit. Vallas quoque metu insidiarum abeuntem sequi non ausus, suos in acie continuit.

XXII. Hac victoria de potentissimo Rege sine sanguine relata, inimici multo acrius eum adorti, curarunt rumores disseminandos, Vallam jam aperte tyrannidem affectare. Id vero primoribus indignum videri, ac præcipue Bruffio

&

1. *Aquis obsopti*] Ita MS. & princeps editio Edinburg. alii omnes *obsopti*: *obsoptus* autem apud Plautum reperitur.

2. *Ad Id. Sept.*] Extr. de Chron. Scotia, Vollingamio & Tyrello potius assentior, qui hanc victoriam partam affirmant.

mant *tertio Idus Sept.* Quod si die Veneris commissum est hoc prælium, quod Tyrellus affirmat, recte se habet Buchanani supputatio.

3. *Ratus corpora*] Libri editi *ratus est*, MS. vero *ratus, & corpora*.

li

1 Vol-

& Cuminiis, Regiæ stirpis hominibus: Nam, si serviendum esset, honestiorem sub Rege maximo & potentissimo fore servitutem, quam sub homine novo, cujus dominatus non minus ipsis turpis, quam periculosus esset futurus. Itaque statuant omni ratione Vallæ auctoritatem labefactare. Hic animorum habitus cum Eduardum non lateret, magno ex Anglis, & Scotis, qui in fide ei data permanferant, comparato exercitu, æstate proxima ad Varium sacellum venit: qui vicus in ipsis <sup>1</sup> valli Severi vestigiis inædificatus, paullo plus sex millia passuum a Sterlino distat. Nec procul inde Scotorum exercitus confedit, satis quidem validus (erant enim ad triginta millia) si duces inter se concordessent. Duces autem erant, Joannes Cuminius, <sup>2</sup> Joannes Stuartus & Gulielmus Vallas; priores genere & opibus, postremus rerum gestarum gloria longe Scotorum florentissimus. Cum in procinctu jam starent tres acies, accessit ad pristinam invidiam nova contentio, quis primam aciem in hostem duceret. Ac nemine alteri cedente contentionem Angli diremerunt, qui instructi sub signis magno gradu ad eos adventabant. Cuminius, non tentata pugna, cum suis discessit. Stuartus a fronte, a tergo circumventus, cum omnibus eum secutis occiditur. Vallas cum a fronte acriter premeretur, & Brussius circumito colle a tergo immineret, ordinibus, quoad in tali rerum statu poterat, non perturbatis, retro trans Carrontem amnem abiit.

XXIII. Ibi objecto flumine, cum & se tueretur, & sparfos e fuga recolligeret, Brussio colloquium petenti non abnuit. Cum soli sine arbitris, qua flumen angustiore alveo præaltis ripis cogitur, ex adverso constitissent; tum Brussius prior, „Mirari se, ait, quid Vallæ in mentem venerit, ut plebeculæ in „certo favore ablati, contra Regem ejus ætatis potentissimum, maximis „etiam Scotorum auxiliis subnixum, sese periculis assidue objiciat: idque, nullo „tantis laboribus operæ pretio proposito: neque enim si Eduardum vincat, „Scotos unquam ei regnum permissuros; neque si ipse vincatur, ullum superesse „perfugium, nisi in misericordia inimici. Cui Vallas: „Ego nunquam, „inquit, istum laboris mei finem mihi proposui, ut regnum mihi pararem, „quod nec mea fortuna capit, nec animus cupit: sed cum cives meos vestra „(ad quos regnum jure spectat) ignavia, rectoribus destitutos viderem, hosti „immanissimo, non in servitutem sed lanienam objectos, eorum vicem sum „miseratus, & causam a vobis desertam suscepi: quorum libertatem, fortunas, & incolumitatem non prius deferam, quam vita me deferat. Vos, quibus „potior est turpis cum securitate servitus, quam honesta cum periculo libertas, istam, quam magnæ estimatis, fortunam amplectamini. Ego in patria, „sæpe defensa, liber & libens moriar; nec me prius ejus caritas, quam vita „relinquet. Ita soluto colloquio, uterque ad suos rediit. Hoc prælium incidit in undecimum Calend. Aug. in quo ceciderunt e Scotis supra decem millia: in his e proceribus clarissimi, Joannes Stuartus, Macduffus Fife Comes, & ex acie

<sup>1</sup> Valli Severi vestigiis inædificatus] Libri omnes, est inædificatus, male.

<sup>2</sup> Joannes Stuartus] Hic frater fuisse

videtur Jacobi Stuarti unius e Scotis Gubernatoribus.

1 Joan-



acie Vallæ Joannes Gramus, secundum ipsum Vallam, Scotorum longe fortissimus habitus. Ex Anglis Frerus Breangius, in re militari apud suos magni nominis. Post infelicem pugnam, Vallas cum Perthum venisset, dimisit exercitum: atque invidiæ, cui se imparem sentiebat, cessit; neque post eum diem pro imperio quicquam gessit. Anglos tamen cum amicorum cohorte, quæ, abdicato magistratus nomine, semper ei adhæsit, quoties rei bene gerendæ se offerebat occasio, semper infestus premebat. Eduardus, post agrum trans Fortham Perthum usque omni clade belli vastatum (receptis in fidem, qui metu præsentis nihil movere audebant) exercitum reduxit.

XXIV. E Scotis, qui patriæ libertati studebant, post hostis discessum paullum recreati, Joannem Cuminium juniorem faciunt Proregem. Isde Concilii sententia, ad Philippum Valesium Galliarum Regem Legatos misit, qui cum eo agerent, ut per sororem, quæ tum Eduardo erat desponsa, saltem inducias obtineant. Ejus opera in septem menses impetratæ; nec tamen bona fide servatæ. Nam Legatos ad Bonifacium octavum missos Angli retinuerunt, atque in carcerem conjecerunt. Scoti interea, qui nec tyrannidem Anglorum ferre, nec immanem Eduardi animum suppliciis exsatiare, nec pacem æquam impetrare poterant, obstinatis animis ad ultimam dimicationem, citra spem veniæ, se comparant. Primum, omnes Eduardi præfectos, qui Anglicæ nationis erant, ex omnibus urbibus & arcibus exigunt: Scotos Anglicæ factionis quacunque vi possunt affligunt. Hic status rerum cum prope biennium durasset, Eduardus Radulphum Confrarium cum magnis copiis ad prædones (ita enim eos vocabat) domandos, & reliquias belli conficiendas, misit. Hi nemine obviate prædas agentes, ad Rossinum usque (locus is Lothianæ est, quinque fere millia passuum ab Edimburgo distans) trifariam ut latius popularentur divisi, castra posuerunt. Joannes Cuminus, adjuncto sibi Joanne Fraferio Tuediæ longe potentissimo, collectis ad octo millia hominum, ad hostem ducit: ut vel ab effusa populatione cohiberent, vel, si qua rei bene gerendæ occasio se obtulisset, fortunæ non decederent. Occasio major quam sperabatur est oblata. Nam cum Angli nihil minus, quam hostis toties victi, tot malis fracti, adventum expectarent, ac solutius, quam in hostico conveniebat, se gererent; prima eorum

castra

1 Joannem Cuminium Juniores] Hic Badenachæ Regulus fuisse videtur, idem qui a Roberto Bruffio biennio post in æde Drumfrisenfi est occisus. Extract. de Chron. Scotiæ aliique cum Buchaniæ Comitem vocant: obitat vero *Litera a Magnatibus Scotia in Curia Regis Francia* (scil. W. & M. Episcopis Fani Andreæ & Dunkel-densi, Joan. Comite Buchaniæ, Jacobo Senescallo Scotiæ, Gulielmo Sulio, Ingelramo Umfravillio, & Gulielmo Bal-liolo, Milicibus) Parisiis 25 Junii anno 1303, ad Joannem Cuminium Scotiæ Custodem, &c. scripta, in qua de prælio ad

Rossinum parvo hoc memorabile occurrit, *Si sciretis quantus honor vobis crevit per diversa mundi climata de conflictu ultimo habito cum Anglicis, multam gauderetis, &c.* Fœd. Angl. Tom. 2. pag. 930. Unde palam est Joannem Cuminium Buchaniæ Comitem alium a Joanne Cuminio Scotorum Prorege fuisse.

2 Joanne Fraferio] Hic memoriz lapsus videtur, aliis enim omnibus *Simon* appellatur, cujus & passim apud Rymerum fit mentio: quod etiam confirmat, lib. VIII. 31.

Ii 2

I Mil-

castra subito adventu Scottorum sunt oppressa, magna caede facta: qui evaserunt, in proxima castra tumultum pertulere. Ibi, Ad arma, trepide clamatum, & pro se quisque, alius alium hortari, ad opem suis ferendam. Sed cum ferum auxilium esse sensissent, ad vindictam se compaunt. Atrox, ut inter feroces victoria, & cupiditate ultionis incensos, fit confictus: tandem suis fugatisque Anglis, victoria quidem, nec incruenta tamen, cessit Scotis. Interea tertia acies, quae longius tetenderat, adveniens, trepidationem Scotis injectit. Plerique enim vulnerati, ac major pars duplicis pugnae laboribus fatigati, videbant in certamine manifestum periculum, in fuga certum exitum sibi imminere. Tandem, ducum jussu crescis captivis, ne, omnibus in hostem intentis, a tergo insurgerent, ministros suos caesorum spoliis armant, & majoris exercitus speciem hostibus praebent. Praelio inito, acriter utrinque certatur. Cum aliquamdiu anceps pugna fuisset, Scoti, adhortationibus ducum, duplici victoriae memoria revocata, viribus refumtis, tanto impetu incurrunt in hostem, ut Angli turbatis ordinibus terga verterent. Pugnatum est ad Roslinum, sexto Calendae Martias, millesimi trecentessimi secundi anni.

XXV. Haec victoria, tribus exercitibus eodem die ab uno victis, quanto fuit clarior, tanto acrius Eduardus, ad ignominiam delendam & finem tandem aliquando diuturno bello imponendum, animum intendit. Igitur exercitum, quantum nunquam antea, conscribit; ac terra marique Scotiam late armis pervagatus est, ad extremos usque Rossiae fines, nemine armato se tantis copiis objicere auso. Solus Vallas cum suis, nunc a fronte, nunc a tergo, aut lateribus incurrendo, temere praegressos, aut moratores, aut si qui cupiditate praedae longius a suis discedebant, excipiebat: neque quonquam longius a signis progredi sinebat. Hunc Anglus magnis pollicitationibus frustra ad se sicpe traducere est conatus. Sed una ejus ad omnes erat oratio, „Se vitam, quam patriae debebat, ei devovisse: cui si aliam opem asferre non posset, piis erga eam conatibus immoriturum. Restabant aliquot arces Anglis nondum deditae: Urchara in Moravia vi capta, omnibus, qui inerat, ad unum extinctis: ceterae metu se dederunt. His rebus gestis, Anglus cum Eduardo filio, quem Perthi reliquerat, se conjunxit: ac Sterlinum, tribus mensibus obsestum, doctibus se ob omnium rerum penuriam praefidiariis, ac tantum vitam & libertatem pactis, cepit. Nihilominus Gulielmus Olivarius, qui archipraefectus erat, adversus pacta & conventa retentus est, & Londinum in custodiam missus.

XXVI. Tota Scotia recepta, conventus Ordinum ad Fanum Andree ab Eduardo est habitus: ubi omnes in ejus fidem, metu coacti, praeter unum Vallam, jurarunt. Is metuens, ne Anglo sibi infestissimo, a Nobilitate non satis aequa proderetur, cum paucis ad antiquas latebras fecessit. Eduardus, praefectis & magistratibus per totam Scotiam ordinatis, se in Angliam recepit: quo in discessu, singularem sui odii in omne nomen Scotticum significationem reliquit.

[*Millesimi trecentessimi secundi*] Juxta supputationem: secus enim annus fuit Ecclesiae Scotiae, quae tum in usuerat, 1303.

1. Odo.

quit. Non contentus enim sustulisse omnes, qui res novas moliri posse videbantur, adjecit animum ad omnem (si fieri posset) gentis memoriam abolendam. Leges enim veteres delevit: ritus Ecclesiasticos ad Anglicanæ consuetudinem traduxit: historias, fœdera, monumentaque vetusta, sive a Romanis relicta, sive a Scotis erecta, destruenda curavit: libros omnes, literarumque doctores in Angliam transfudit: lapidem marmoreum rudem, in quo fatum regni contineri vulgo peritissimum erat, Londinum misit: neque quidquam omnino reliquit, quod spiritus generosos, aut sui memoria, ad pristinae fortunæ recordationem excitare, aut ad veram animi magnitudinem erudire & excolere posset. Ita, non solum viribus, sed etiam animis (ut rebatur) fractis, & inservilem humilitatem dejectis, perpetuam sibi illinc pacem spondebat. Reliquit autem Odomarum Valentinum pro Rege, qui omnium novarum rerum molimina, si qua emergerent, in ortu ipso extingueret.

XXVII. Verum bellum ei novum, unde minime rebatur, est exortum. Erant apud Eduardum Regem, Scotici generis viri inter primos clari, Robertus Brusilius, filius ejus qui cum Balliolo de regno contenderat, & Joannes Cuminius, a colore faciei Ruber dictus, Joannes Ballioli proximi Scotorum Regis consobrinus. Hos Eduardus, sæpenumero scorum conventos, vana regni spe diu frustratus erat; atque ita opera eorum in Scotia perdomanda usus. Patetacta tandem ludificatione, nihil magis uterque expetebat, quam occasionem, qua Regis erga se perfidiam ulcisceretur. Sed ut amuli, mutua suspicione continebantur, ne consilia communicarent. Tandem Cuminius, cum ea que gererentur, Brusilio ingrata esse comperisset, ab initio malorum omnium exorsus, apud eum patriæ calamitatem vehementer deploravit: & in perfidium Regis Angli multum invehens, sese in primis ac Brusilium graviter inculpavit, quorum auxilio & labore sui cives in eas misérias incidissent. Ex hoc sermone initio longius progressi, cum uterque alteri de silentio fidem dolissent, demum inter eos ita convenit, ut Brusilius regnum obtineret, cedente ei Cuminio jus suum: Cuminius vero Brusilii agros, quos in Scotia amplissimos & fructuosissimos habebat, teneret; secundusque ei honor post Regem haberetur. Hæc cum inter eos jurata, scripta & consignata fuissent, Brusilius, in opportunitatem rerum novandarum intentus, relicta in Scotia uxore & fratribus, in aulam Anglicam proficiscitur.

XXVIII. Post ejus discessum, Cuminius, sive pœnitentia prioris consilii, sive

1 *Odomarum Valentinum*] Anglis Scrip-  
toribus *Adamarus de Valentia*, *Pentrocia*  
*Comes*, appellatur.

2 *Robertus Brusilius filius ejus*] Superius  
monstravimus Robertum Brusilium non fi-  
lium sed nepotem ejus fuisse qui cum Bal-  
liolo de regno contenderat. Rem autem  
porro confirmat publica *Declaratio Epi-*  
*scoporum, Abbatum, Priorum, ac cetero-*  
*rum de Clero Scotia in Concilio congregato-*

*rum in Ecclesia Fratrum minorum de Dun-*  
*dee* 24 Februarii 1309, qua regni jura &  
libertatem asserentes & recognoscentes,  
eum Robertum Brusilium, qui cum Bal-  
liolo contenderat, avum Roberti Bruslii  
tum Regis Scotorum appellant. Vide  
ipsum instrumentum apud Jac. Anderfo-  
num de absoluto imperio Regis regniq;  
Scotici, Append. Num. 12.

sive quod fraude tollere de medio Brissium æmulum statuisset, atque hac via faciliorem sibi ad regnum aditum parare, secreta consilia dicitur Eduardo prodidisse: atque ad fidem faciendam, conventum ab utroque signatum ad eum misisse. Brissio dies dicitur, ut perduellionis reo. Ipse ab aula vetitus discedere: apppositi etiam custodes oculi, ac iussi dicta factaque ejus speculari. Cunctatio Regis, in crimine manifesto, eo spectabat, ut, ante ruinem summi de eo supplicii, fratres ejus comprehendi possent. Brissius interea, per <sup>1</sup> Comitem Gomeriæ avitum amicum, certior de repentino periculo factus: qui non ausus fugæ consilium literis committere, Brissii exemplo monitus, ad eum calcaria inaurata, nummosque aliquot aureos misit, tanquam superiore hæc die mutuo ab eo accepisset. Robertus, ut in periculis homines sunt sagacior, non ignarus quid eo munere significaretur, fabrum de nocte arcessit, trium equorum soles inversas ac præposteras equis affigere jubet, ne vestigia velut abeuntium per nivem fugam proderent. Ipse eadem nocte, duobus comitibus assistentis, iter ingreditur, ac multum hominibus equisque fatigatis, septimo denum die, ad arcem suam, quæ sita est ad lacum Mahanum, venit. Ibi Davidem fratrem & Robertum Flaminium nactus, eis adjunctis, ac vix fugæ causâ indicata, in tabellarium incidit, qui literas a Cuminiis ad Anglum terebat: in quibus scriptum erat, ut Robertus quamprimum tolleretur: periculum enim in mora esse, ne quid homo nobilis & graciosus, pari consilio atque audacia, novæ turbæ excitaret. Perfidia Cuminiis his etiam indicis comperita, Robertus ira inflammatus, Drumfrisiū, ubi inimicum esse compererat, rectâ pergit: ac Joannem in templo fratrum Franciscanorum nactus, prolatis literis coarguit: ac impudenter suas esse negantem, impatiens iræ, pugione in ventrem adactō, jacentem pro mortuo reliquit. Cum equum esset conscensus, Jacobus Lindesius ac Rogerius a Cella Patricii, alter propinquus, alter vetus amicus, e vultu animi perturbatione intellecta, causam sciscitantur. Quia ille breviter explicata, cum subiecisset, „Se putare, Cuminiū esse mortuum: Quid, inquit „Lindesius, Tu ergo rem tam arduam in incerto reliquisti? Et cum dicto ad eum ingressus, non illum modo sed & Robertum Cuminiū, opem propinquum ferre conantem, consiecit. Hæc exedes facta est, <sup>2</sup> anno millesimo trecentesimo quinto, ad quartum Idus Februarii.

MCCCV.

XXIX. Eodem prope tempore, Vallas a Joanne Mentetho familiari suo, per

<sup>1</sup> Comitem Gomeriæ [ Nullum Angliz Comitem ita tum appellarum agnoscit Tyrellus pag. 168. Sine dubio Buchananus innuit Gilbertum Clarum Glocestriæ Comitem, qui in antiquis Anglorum scriptis Glovernæ Comes nominatur. Erat autem is Gilbertus Eduardi I. Angli ex filia Joanna nepos, Roberti Brissii propinquus: nam huius Gilberti amica magna Roberti Brissii Competitoris uxor fuerat. A'ud. Dugd. vol. 1. pag. 111. Erant por-

ro affinitate juncti, Glocestrix enim Comes Mathildem, Robertus vero Brissius Isabellam Comitiss Ultoniæ filias uxores duxerunt. Vid. Tyrellum pag. 167. Dugdaliū pag. 117.

<sup>2</sup> Anno 1305. ad 4 Idus Feb.] Juxta supputationem Romanam, quæ nunc utimur, 1306. Errat autem Vossingianus qui hanc eadem factam ait anno 1307. Exstat enim ea de re apud Rymerum vol. 2. pag. 958. Eduardi Regis editum 5 Aprilis 1306.

1. Dum

per Anglos pecunia corrupto, in agro Glascuensi, ubi tum latebat, captus, & Londinum missus, Eduardi iussu foede laniatus interiit: membra ad aliorum terrorem, in locis celebrioribus Angliæ & Scotiæ suspensa. Hunc finem vitæ habuit vir sui temporis longe præstantissimus, in suscipiendis periculis animi magnitudine, in rebus gerendis fortitudine & consilio, clarissimis veterum ducibus facile comparandus; caritate in patriam nemini secundus: qui servientibus cæteris solus liber, neque præmiis adduci, neque metu cogi potuit, ut causam publicam semel susceptam defereret: cujus mors eo miserabilior est visa, quod ab hoste invictus, a quibus minime debuit fuit proditus.

XCVII. REX.

XXX. BRUSSIUS tantum moratus, dum a Pontifice Romano veniam cædis in æde sacra factæ obtineret, proximo mense Aprili, anno millesimo trecentesimo sexto, Sconam profectus Rex coronatur. Primum, gnarus quam potente cum hoste res sibi esset, copias undecunque potest comparat. Sed cum totam gentem Cuminiæ, cujus familiæ potentiam nulla unquam ante, neque postea in Scotia æquavit, haberet inimicam, multorum præterea animos offendisset, propter operam superioribus temporibus Anglo navatam; maxima autem pars metu potentia Anglorum conquiesceret: ad Methuanum tamen cum paucis fortunam tentare ausus, ab Odomaro Eduardi præfecto vincitur: eo minore cum cæde, quod Brussiani, suæ infirmitatis conscii, inito statim certamine integri fugerunt, ad XI. Cal. Aug. Nec adeo diu post, cum in Atholiam venisset, ac illinc in Argatheliam tenderet, patefacto Cuminiis ejus consilio, in loco qui Dalree vocatur, hoc est, ager Regius, ex itinere prælium inire coactus; paucis amissis, reliquis quo cuique commodum erat dilabentibus, pari ac prius eventu est usus. Post id tempus, cum uno aut altero fere comite, tutiorem se in ea fortuna paucitate ratus, per loca deserta vagus, prope ferinam vitam egit: nec, si rursus fortunam tentare vellet, ulla virium spes usquam erat. Vulgo enim ex hac duplici offensione cætera augurante, ab omnibus destituitur. Duo soli ex veteribus amicis, constanti erga eum fide perstiterunt, Milcolumbus Levinius Levinia Comes, & Gilbertus Haius. Angli  
c10 ccc  
VI.

1 *Dum a Pontifice Romano*] Hoc manifeste falsum esse, vel inde apparet, quod res tanta longiorem moram requirebat, quam ab 10 Februarii, quo Cuminius est cæsus, ad 25 Martii, quo plerique scriptores, vel etiam initium Aprilis, quo Buchananus, Brussium coronatum tradunt. Rem vero extra omne dubium ponit Bulla ejusdem Pontificis (Clementis V.) ad Eboracensem & Carleolensem Episcopos, qua mandat Roberto Brussio ob hanc cædem sacris interdici 15 Kal. Junii 1306. Vid. Fœd. Angl. vol. 2. pag. 997. Fieri quidem potest, ut Episcopus

Moravix (quem Eduardus Diris Pontificiis percussus quod cædi Cuminiis *assensum præbuerat*, Haquino Regi Norvegiæ memorat, Ibid. pag. 1045.) Brussium hoc crimine exsolverit, quod forte Pontificis permissu factum posteri credidere.

2 *Proximo mense Aprili*] Variant hic scriptores, Ballendenus enim 27 Martii, Extract. de Chron. Scot. Volsingamius, Tyrellus 25 Martii coronatum tradunt: Prynius vero, ex Hist. Anglicis, eum bis coronatum refert, festo nempe Annunciationis (25 Martii) & Dominica in ramis palmarum 27 ejusdem mensis.



ejus miseris nondum satiati, mittunt in omnes regni partes, qui propinquos ejus comprehendant. Omnes præterea exulum uxores & liberos jubent, ante certum diem regno excedere. Uxor ipsius Roberti, a Gulielmo Comite Rossiae capta, in Angliam mittitur. Nigellus ejus frater, Kildrumiae arce per præfectum Anglis prodita, cum uxore & liberis in hostium manus venit. Thomas quoque & Alexander, iidem ejus fratres, dum e Gallovidiæ Carictam petunt, ad lacum Rianum (qui Ptolemæo est sinus Rerigonius) comprehensi, in Angliamque missi. Hi tres, alius alibi, capite multantur. Cæteri Brussianarum partium passim conquiriti: ipsi cæsi: bona direpta. Rex ipse cum uno plerumque comite, interim solus, per loca maxime inculta pererrabat; atque in dies & horas latibula commutabat. Et, cum ne sic quidem sibi tutus a civium perfidia & hostium crudelitate videretur, in Æbudas ad veterem quandam amicum transmisit. Ibi cum aliquot menses latuisset, quia nusquam comparebat, perisse creditus, quæri desiit. Hæc fama, ut ad securitatem erat ei non inutilis, ita si diutius durasset, amicis omnem recuperandi regni spem ademptura videbatur. Aliquid igitur movendum ratus, modicis ab amico ubi latebat copiis acceptis, in Carictam navigat. Ibi arcem, sui quidem patrimonii, sed a valido Anglorum præsidio infestam, inopinato adventu opprimit: & Anglis ad unum occisis, ne ab hostium copiis intercluderetur, transmissis Glottæ æstuario, Ennernessum arcem munitam, ad Nessum flumen in tumultu satis edito sitam, longe diversa regione, negligentius custoditam, pari felicitate capit.

XXXI. Harum rerum fama divulgata, magnum animorum motum per totam Scotiam fecit. Præter enim veteres amicos, qui passim e suis latebris ad eum accurrebant; multos etiam novos ei conciliavit Anglorum superbia, qui, postquam extinctum arbitrati fuerant, magis avare & crudeliter imperarunt quam antea. Igitur auctus non pœnitendis copiis militum optimi generis (ut quos vel induraverant labores, vel desperatio ad ultima audenda impulerat) omnes ubique arces, per Scotiæ regionem in septentriones procurrentem, ut quamque capiebat, diruit: partim ne suas copias dividendo infirmiores redderet, partim ne hostes ullum receptum tutum illic haberent. Cum, passim obvia vincendo, in interiorem partem regni penetraret, Joannes Cuminus Buchaniæ Comes certior factus, cum ad saltum, per quem Esca fluvius in plana Merniæ delabatur, pervenisse; cum subitario Scotorum & Anglorum, omnibus qui militari essent ætate ad arma convocatis, ad Glenscam (ita loco nomen est) eum assequitur. Brussius loci angustias suorum paucitati commodas ratus, paratus ad dimicandum hostem expectabat. Cuminus, acie in longitudinem explicata, terrore multitudinis Brussium percussus iri arbitrabatur. Verum, ubi eum videt suis se locis tenere, conscius imbecillitatis suorum, nec ausus in locum paullo iniquiorem aciem erigere, de induciis, per quas de pace ageretur, misso

1 Qui Ptolemæo est sinus Rerigonius] Hoc non modo falsum, sed sibi ipsi adversum lib. 1. 19. Lacus enim Rianus Ptolemæo Vidogara; sinusque ei oppositus,

vulgo Glensce, Rerigonius appellatur. Buchananum autem in errorem traxisse videtur vocum similitudo, quod Stralochius dudum observavit.

4 Gu.

missio præcone prior egit. Eas Cuminius cum obtinuisset, omissa mentione pacis, quibuscunque potest rationibus copias auget: nec Scotis quos secum habebat (multorum favore in Robertum inclinato) confisus, supplementum ab Anglis petit. Interea Brussius quoque, ut contemptum sui demeret Anglis, & amicorum animos erigeret, semper hostium copiis inhærens, nunc hac nunc illac carpere, & infirmiora præsidia aggredi, nec ipse unquam ullo in loco consistere diutius, aut hosti se opportunum præbere. Circa hæc tempora, Simon Fraferius & Valterus Loganus, equites strenui, & summa in patriam caritate, a factionis Cuminianæ hominibus capti & Anglis traditi, Londini supplicio sunt affecti.

XXXII. Eodem fere tempore, Jacobus Duglassius ad partes Brussianas se adjunxit. Erat is Gulielmi filius, juvenis omnium primarum artium facile princeps: qui, cum Lutetiæ literis operam daret, audito patrem in carcerem ab Anglo conjectum, ac non adeo multo post mortuum, domum rediit; ut ex amicorum consilio reliquum vitæ cursum ordinaret: ac patrimonio exutus, amicis aliis alio casu dispersis, omnium rerum inops, ad Gulielmum Lambertum Fani Andreæ Episcopum se contulit: ab eo in familiam acceptus, atque ibi honeste habitus, usque ad Eduardi Regis, pacata fere tota Scotia, adventum ad Sterlinum obsidendum. Eo ad Regem salutandum profectus Lambertus, Duglassium secum duxit: Regemque opportunum nactus oravit, ut patrimonio restituto, juvenem in fidem clientelamque reciperet, ejusque forti & fideli opera uteretur: atque adjecit, quæ pro tempore de laudibus ejus dicenda videbantur. Rex, ubi nomen genusque ejus intellexit, de Gulielmi patris pertinacia aspere locutus, „ Neque se filio, nec opera ejus uti velle, respondit: nec „ patrimonium, si maxime vellet, reddere posse, quod jam de se bene meritis „ gratificatus esset. Ita dimissus ab Anglo Jacobus apud Lambertum fuit, usque ad Brussii in Merniam adventum: tum, ne quam Anglo (cujus animum erga se implacabilem abunde perspexerat) occasionem nocendi omitteret, direptis, non inscio Lamberto, ejus equis ac nonnulla pecunia, ad Brussium venit: ejusque ille opera multis asperissimis tempestatibus est usus.

XXXIII. Non adeo multo post, uterque Rex, eodem prope momento, in gravem morbum incidit. Eduardus in belli apparatu adversus Scotos occupatus, paucis post diebus morbo ad Lancastrium decessit, relicto hærede Eduardo secundo filio, qui a loco, ubi natus erat, Carnarivanus est dictus. Is, a patre aucto exercitu, in hosticum ingressurus, præmisit edictum Drumfrisiū, ut Scoti frequentes eo convenirent: verum e propinquis regionibus, & pauci & segniter affuerunt. Renunciato etiam res transmarinas turbare, relicto præsidio quantum satis putabat ad Scoticos tumultus reprimendos, reversus, rebus domi pro tempore compositis, in Galliam trajecit. Interea Robertus, morte Angli

1 Gulielmum Lambertum] Potius Lambertonium, aliis enim omnibus Gul. de Lambertum appellatur.

2 Ad Lancastrium] Scriptores Angli, Tem. I.

quos noverim, universi Eduardum ad Burgum super Arenas obiisse tradunt 7 Julii 1307.

Angli nunciata, nonnihil recreatus, de rebus suis melius sperare cœpit: ac viribus animi corpus infirmum sustentabat. Non ignarus autem, quantum in unius ducis industria ad victoriam esset momentum, ita se comparabat ad extremam fortunæ aleam, ut hostem & pugnam deposceret. Ex adverso autem, cum Anglus amicorum spe tardius adventaret, Joannes Cuminius, avidus gloriæ belli per se finiti, cum speraret, Robertum, vel adjuncto ad labores morbo gravissimo extinctum iri, vel per valetudinem impeditum, in aciem non decensurum; omnibus quas potuit copiis in unum coactis, recta ad hostem ducit. Ille contra, ut suorum animos confirmaret, se imponi in equum jubet. Ejus autem conspectus, etsi, duobus militibus cum sustentibus, hæcere vix posset, tantum animi omnibus adjecit, ut nunquam alacrius pugnam inierint. Cuminius, qui spem victoriæ in adversa hostis valetudine collocarat, postquam, neque hortando, neque castigando, suos continere potuit, una cum eis fugam capessere est coactus. Multi in fuga capti: omnes humaniter habiti.

XXXIV. Hæc victoria ad Enneruriam parta, ut Regem morbo liberavit, ita rerum prospere gerendarum ei fuit initium: quicquid enim ab eo die attentavit, ei feliciter cessit. Post paucos deinde dies in Argatheliam duxit. Regionem depopulatus, Dominum ejus Alexandrum ad deditionem compulit, qui cum familiaribus in Angliam profectus, ibi brevi post in summa inopia miseram vitam finivit. Eodem anno, pridie Calendas Julias, Eduardus Brussius, æque prospero eventu, ad Deam Gallovidiæ annem pugnavit: Rollandus nobilis Eques Gallovidianus in prælio cæsus: Donaldus Insulanus e fuga retractus: Gallovidia longe lateque vastata. Hi tumultus Eduardum Anglum, otii cupidum, invitum ad bellum exciverunt. Nam, cum ubique res male gereretur, ipse proximo anno, cum magno suorum exercitu Scotiam ingressus, numerosam manum Scotorum, qui ab Anglis nondum defecerant, sibi adjunxit. Cum iis copiis ad Renfroam usque progressus, nulla re digna memoratu gesta rediit: sive in causâ fuit ipsius legne ingenium, sive quod, præter inopiam, quæ tum omnem Scotiam affligebat, Robertus curarat, ut com meatus, qua iturus erat exercitus, inde in loca devia transferrentur. Post ejus discessum, Scotus, in arcibus recipiendis quæ adhuc ab Anglis tenebantur, reliquum anni tempus consumsit. Plurimæ, desperato ab Anglis auxilio, non expectata obsidione, sese dediderunt.

MCCCX. XXXV. Anno deinde proximo, qui fuit a Christo nato M. CCC. X. Brussius, ut clades acceptas hosti rependeret, bis Angliam infesto exercitu est ingressus, & cum maxima præda sine certamine rediit. Sequenti deinde biennio, præsidia munitiora, quæ in Anglorum potestate remanserant, prope omnia recepit: Perthum vi captum: Angli Scotique præsidarii promiscue cæsi, quo

[*Hæc victoria ad Enneruriam*] Si hæc victoria (quod Extract. de Chron. Scot. tradunt) parta est festo Ascensionis Domini anno 1308, cum Brussius nondum

convalescerat, credibile vix est, quod superius dixerat, cum in hunc morbum ante Eduardi Angli anno superiore mortem incidisse.

1. *Transma-*



quo cæteri a simili pertinacia deterrentur : muri diruti : fossa repleta. Hujus exempli terror Drumfrisium , Lanarcum , Aëram , Botam oppida , aliaque multa minus firma loca deditionem facere coëgit. Veris initio Bacchanalibus ad Jejunii Quadragenarii principium celebrari solitis , custodibus ad ludum lasciviamque intentis , Rosburgum a Jacobo Duglassio captum : nec adeo diu post , Thomas Randolphus Edimburgi arcem munitissimam cepit. Manna quoque insula dedita : arces ubique , ne iterum receptaculo essent hostibus , dirutæ. Interea Eduardus Brussius Sterlini arcem , in rupe (nisi una qua aditur parte) undique præcipiti sitam , obsidione clauferat. Eam tenebat Philippus Maubraius , homo impiger , qui , successu Brussianarum partium in Scotia animadverso , eam armis com meatibusque , adversus obsidionem , quam jam tum animo prospiciebat , egregie munierat. Igitur cum dies multos Eduardus frustra in ea oppugnanda consumsisset , neque spem potiundi per vim haberet , ne , nulla re gesta , repulsus inde videri posset , ad conditiones est ventum , ea lege , ut , ni ante annum ab eo die circumactum , Anglus opem ferret obsessis , arx Scotis dederetur ; præfidiarii , quo vellent , cum rebus suis se conferrent incolumes.

XXXVI. Hæ conditiones vehementer displicuerunt Regi : eas tamen , ne fratris fidem elevaret , servare decrevit. Verum , cum non dubitaret Anglum ad diem affuturum , quicquid in tanta rerum inopia potest , adversus hostem potentissimum , subiturus ultimum discrimen , parat. Et Anglus , qui a Scotis , quos pater ei victos & fractos reliquerat , se non modo regno Scotorum exutum , sed de Anglia dimicare coactum cerneret ; gentem sæpe rebellem , semper inquietam & infestam tollere cupiebat. Id ut & perficeret , exercitum non modo ex Anglis , & Scotis , qui Anglorum sectam sequebantur , sed & transmarina ditione (quæ tum ei magna & opulenta erat) quantum nullus unquam Rex Anglorum habuisse dicitur , coëgit : corrogatis etiam a transmarinis amicis auxiliis , maxime a Flandris & Hollandis , quos pater ejus adversus Philippum Gallorum Regem impense adjuverat. In eo exercitu supra centum millia bellatorum fuisse dicuntur. Sequebatur etiam turba calorum & lixarum , eorumque qui com meatu terra marique subvehebant , ut in regionem non admodum frugum foecundam , & per tot annos omnibus belli cladibus afflictam : præterea eorum , qui in colonias describendi , & agros accepturi , uxores & liberos secum trahebant , ingens multitudo. Totæ autem vires opulentissimi regni , & jam diu florentis , oculis animisque subjectæ , tantam omnibus fiduciam pariebant , ut non de bello gerendo , sed de præda dividenda , omnis eorum esset sermo.

XXXVII. Brussius , tanto apparatu hostium audito , & ipse suas copias parat , numero quidem adversus tantam multitudinem exiguas (erant enim ad triginta millia hominum) sed belli usu & malis domesticis induratum , & qui vitæ , fortunatum , omniumque quæ sunt hominibus cara spem in dextris gerebant. Cum hac manu , sinistram ripam Bannoci fluminis tenebat. Est autem

Angli nunciata, nonnihil recreatus, de rebus suis melius sperare cœpit: ac viribus animi corpus infirmum sustentabat. Non ignarus autem, quantum in unius ducis industria ad victoriam esset momentum, ita se comparabat ad extremam fortunæ aleam, ut hostem & pugnam deposceret. Ex adverso autem, cum Anglus amicorum spe tardius adventaret, Joannes Cuminius, avidus gloriæ belli per se finiti, cum speraret, Robertum, vel adjuncto ad labores morbo gravissimo extinctum iri, vel per valetudinem impeditum, in aciem non descensurum; omnibus quas potuit copiis in unum coactis, recta ad hostem ducit. Ille contra, ut suorum animos confirmaret, se imponi in equum jubet. Ejus autem conspectus, etsi, duobus militibus eum sustentantibus, hæere vix posset, tantum animi omnibus adjecit, ut nunquam alacrius pugnam inierint. Cuminius, qui spem victoriæ in adversa hostis valetudine collocarat, postquam, neque hortando, neque castigando, suos continere potuit, una cum eis fugam capeßere est coactus. Multi in fuga capti: omnes humaniter habiti.

XXXIV. Hæc victoria ad Enneruriam parta, ut Regem morbo liberavit, ita rerum prospere gerendarum ei fuit initium: quicquid enim ab eo die attentavit, ei feliciter cessit. Post paucos deinde dies in Argatheliam duxit. Regionem depopulatus, Dominum ejus Alexandrum ad deditionem compulit, qui cum familiaribus in Angliam profectus, ibi brevi post in summa inopia miseram vitam finivit. Eodem anno, pridie Calendas Julias, Eduardus Brussius, æque prospero eventu, ad Deam Gallovidiæ annem pugnavit: Rollandus nobilis Eques Gallovidianus in prælio cæsus: Donaldus Insulanus e fuga retractus: Gallovidia longe lateque vastata. Hi tumultus Eduardum Anglum, otii cupidum, invitum ad bellum exciverunt. Nam, cum ubique res male gereretur, ipse proximo anno, cum magno suorum exercitu Scotiam ingressus, numerosam manum Scotorum, qui ab Anglis nondum defecerant, sibi adjunxit. Cum iis copiis ad Renfroam usque progressus, nulla re digna memoratu gesta rediit: sive in causa fuit ipsius legne ingenium, sive quod, præter inopiam, quæ tum omnem Scotiam affligebat, Robertus curarat, ut commeatus, qua iturus erat exercitus, inde in loca devia transferrentur. Post ejus discessum, Scotus, in arcibus recipiendis quæ adhuc ab Anglis tenebantur, reliquum anni tempus consumpsit. Plurimæ, desperato ab Anglis auxilio, non expectata obsidione, sese dediderunt.

MCCCX. XXXV. Anno deinde proximo, qui fuit a Christo nato M. CCC. X. Brussius, ut clades acceptas hosti rependeret, bis Angliam infesto exercitu est ingressus, & cum maxima præda sine certamine rediit. Sequenti deinde biennio, præsidia munitiora, quæ in Anglorum potestate remanserant, prope omnia recepit: Perthum vi captum: Angli Scotique præsidarii promiscue cæsi, quo

[*Hæc victoria ad Enneruriam*] Si hæc victoria (quod Extract. de Chron. Scot. tradunt) parta est festo Ascensionis Domini anno 1309, cum Brussius nondum convaluerat, credibile vix est, quod superius dixerat, eum in hunc morbum ante Eduardi Angli anno superiore mortem incidisse.

1. *Transma-*



quo cæteri a simili pertinacia deterrentur : muri diruti : fossa repleta. Hujus exempli terror Drumfrisium , Lanarcum , Aëram , Botam oppida , aliaque multa minus firma loca deditionem facere coëgit. Veris initio Bacchanalibus ad Jejunii Quadragenarii principium celebrari solitis , custodibus ad ludum lasciviamque intentis , Rosburgum a Jacobo Duglassio captum : nec adeo diu post , Thomas Randulphus Edimburgi arcem munitissimam cepit. Manna quoque insula dedita : arces ubique , ne iterum receptaculo essent hostibus , dirutæ. Interea Eduardus Brussius Sterlini arcem , in rupe (nisi una qua aditur parte) undique præcipiti sitam , obsidione clauserat. Eam tenebat Philippus Maubraius , homo impiger , qui , successu Brussianarum partium in Scotia animadverso , eam armis com meatibusque , adversus obsidionem , quam jam tum animo prospiciebat , egregie munierat. Igitur cum dies multos Eduardus frustra in ea oppugnanda consumsisset , neque spem potiundi per vim haberet , ne , nulla re gesta , repulsus inde videri posset , ad conditiones est ventum , ea lege , ut , ni ante annum ab eo die circumactum , Anglus opem ferret obsessis , arx Scottis dederetur ; præfidiarii , quo vellent , cum rebus suis se conferrent incolumes.

XXXVI. Hæ conditiones vehementer displicuerunt Regi : eas tamen , ne fratris fidem elevaret , servare decrevit. Verum , cum non dubitaret Anglum ad diem affuturum , quicquid in tanta rerum inopia potest , adversus hostem potentissimum , subiturus ultimum discrimen , parat. Et Anglus , qui a Scottis , quos pater ei victos & fractos reliquerat , se non modo regno Scotorum exutum , sed de Anglia dimicare coactum cerneret ; gentem sæpe rebellem , semper inquietam & infestam tollere cupiebat. Id ut & perficeret , exercitum non modo ex Anglis , & Scottis , qui Anglorum sectam sequebantur , sed & transmarina ditione (quæ tum ei magna & opulenta erat) quantum nullus unquam Rex Anglorum habuisse dicitur , coëgit : corrogatis etiam a transmarinis amicis auxiliis , maxime a Flandris & Hollandis , quos pater ejus adversus Philippum Gallorum Regem impense adjuverat. In eo exercitu supra centum millia bellatorum fuisse dicuntur. Sequebatur etiam turba calonum & lixarum , eorumque qui com meatu terra marique subvehebant , ut in regionem non admodum frugum foecundam , & per tot annos omnibus belli cladibus afflictam : præterea eorum , qui in colonias describendi , & agros accepturi , uxores & liberos secum trahebant , ingens multitudo. Totæ autem vires opulentissimi regni , & jam diu florentis , oculis animisque subjectæ , tantam omnibus fiduciam pariebant , ut non de bello gerendo , sed de præda dividenda , omnis eorum esset sermo.

XXXVII. Brussius , tanto apparatu hostium audito , & ipse suas copias parat , numero quidem adversus tantam multitudinem exiguas (erant enim ad triginta millia hominum) sed belli usu & malis domesticis induratorum , & qui vitæ , fortunarum , omniumque quæ sunt hominibus cara spem in dextris gerabant. Cum hac manu , sinistram ripam Bannoci fluminis tenebat. Est autem

is amnis præaltis utrinque ripis, paucosque & angustos habet transitus, a Sterlino circiter duo millia passuum abest: infra colles, antequam in Fortham influat, per loca paulum æquiora transit, sed alicubi paludibus impedita. Hieme quidem plerumque rapidis ac torrens fertur: tum vero, ut mediis caloribus, modicis aquis & pluribus in locis pervius erat. Scotus, quanto viribus inferior, tanto ad omnia circumspectior; ut arte & consilio transitum impeditiorem Anglis, qui dextram ripam occupaverant, redderet, locis æquioribus fossas præaltas duxit, in quibus palos acutos ita infixit, ut superne integumentum e levi cespite fraudem celaret: murices item ferreos, ubi commodum videbatur, spargi iussit.

XXXVIII. Igitur cum castra castris, modico amne diremta, in adversis collibus prope collata essent, Anglus octingentos equites, paullo longius a castris transmissos, Sterlinum præmittit. Hos Robertus ad vicini agri prædam mitti ratus, quingentos equites dat Thomæ Randulpho, cum quibus effusam agrorum populationem cohiberet: & si se occasio pugnandi daret, eam non omitteret. Eos Angli conspicati, omisso quo pergebant itinere, aciem convertunt. Pugnatum est diu acriter, neutro inclinante victoria. Jacobus Duglassius, suis, qui pauciores erant, vehementer metuens, Brussium orat, ut liceret laborantibus opem ferre. Id cum ille pertinaciter negaret, in tumultum velut spectator<sup>2</sup> subjectus, certus tamen, si res posceret, suis ire subsidio: ubi Anglorum aciem inclinantem, remque Scoticam meliore loco esse animadvertit, ibi constitit, ne ex aliena laude quicquam velle decerpere videretur.

XXXIX. Angli, paucis illis e tanta multitudine amissis, nihil nimis fracti, & Scoti, velut totius victoriae omine recepto, se in crastinum diem ad dimicationem parant. Nox, quamvis tum brevissima (<sup>3</sup>ad nonum enim Calendas Julias pugnatum est) pro ardore tamen utriusque partis longa videbatur. Omnis Scotorum multitudo in tres acies erat divisa: Rex mediam ducebat: in dextro cornu ejus frater, in sinistro Randolphus imperabat. Angli, præter magnum sagittariorum numerum, quos utrinque cornibus circumfuderant, cataphractos etiam e Gallis habebant. Hi cum in Randolphum, qui locis humilioribus stabat, se concitassent, ut in latus obliquum incurrerent, subito in præparatas a Brussio.

<sup>1</sup> In tumultum] Ita MS. pro quo ineditis fere omnibus [tumultum] perperam legitur.

<sup>2</sup> In tumultum ——— subjectus] Virgilium imitatus videtur, cui subjecio nunquam idem est quod superjicio, attollo, erigo, ut Æn. 12. 285. Corpora saltu subjiçiant in equos. Georg. 4. 385.

Ter flamma ad summum tecti subiecta reluxit.

Et Eclog. 10.

Quantum vere novo viridis se subicit albus.

<sup>3</sup> Ad nonum Kal. Julias] Imo vero ad Octavum Kal. Julias; omnes enim alii scriptores pugnatum testantur festo natiuitatis Joannis Baptistæ, i. e. 24 Junii, quod & confirmant hæc Monachi Carmelitæ carmina;

Atra dies Luna pestem renovat nocituram,  
Quam vi fortuna facit Anglis Scotis daram.

Dies enim 24 Junii eo anno 1314, in feriam secundam incidit, litera Dominicæ.

1 Isi-

Brussio fossas, ruinae modo cum magna hominum & equorum strage prociderunt. Primi suorum supraventium lapsu oppressi perierunt; & postremi priorum clade territi retrocesserunt. Is terror etiam pedestres copias non nihil tardavit, veritas ne & ipsae simili fraude caperentur. Accidit & aliud, parvum quidem dictu, sed quod (ut in bello plerumque solet evenire) non leve attulit momentum ad summam rei. Robertum, qui ante suam aciem obequitabat, clavamque manu tenens primos ordines continebat, quidam Anglus agnoscens, infestus in eum hastam dirigit. Rex, ictu paullo evitato, hostem equi impetu prætervectum clava ferit, ac exanimem solo prosternit.

XL. Vulgus militum, periculosam Regis audaciam magnis laudibus prosequens, non jam consilio regi, sed impetu in hostem ferri, tanto ardore animorum, ut adversam aciem impulsuri viderentur, nisi sagittarii Anglorum in cornibus dispositi, magno cum damno eos coercuissent. Brussius, aliquot equitum turmis immisis, eos quidem repressit: error tamen plus quam hostis Anglis nocuit. Turba enim castrensis, calonibus in jumenta impositis, linteisque signorum instar explicatis, cum in colle unde conspici possent constitissent, speciem novi exercitus adventantis præbuerunt. Angli qui proximi stabant, duplici metu attoniti fugam capessunt, ac suo pavore reliquam aciem turbant. Vulgi in fuga ingens edita caedes. Quinquaginta Anglorum millia quidam nostrorum caesa tradunt. Caxtonus scriptor Anglus, ut numerum certum non ponit; ita stragis ingentis suspicionem facit: ait enim innumerabilem caesorum fuisse multitudinem. Nec fortassis injuria rem in incerto reliquit, quod numerum inire non erat facile, fuga tam longe lateque sparsa, in qua plures quam in prælio perierunt. Tanta certe clades fuit, ut proximo ac tertio post anno, Angli, quanquam pluribus incommodis provocarentur, tamen non se commoverint. E Nobilitate Anglica ceciderunt circiter ducenti: par prope numerus fuit captivorum illustrium. Ex iis cognitum est initium fugae ab ipso Rege ortum, ac, nisi a Comite Marciae in arcem Dumbari receptus fuisset, ac navicula Bervicum missus, non evasisset manus Duglassii, qui cum quadringentis equitibus quadraginta millia passuum cum secutus erat. Inter captivos, deprehensus est Monachus, ex eorum factione, qui a Carmelo monte Syriae sibi cognomen adoptarunt. Is (ut illis temporibus) poeta non spernendus fuit habitus, atque ad bellum adductus, ut Anglorum victoriam versibus illustraret. Captus autem eorum cladem (libertatis pretium) decantare est coactus, carmine plane rudi & barbaro, sed quod illorum temporum auribus non displiceret. Nec incruenta Scotis fuit victoria: ceciderunt enim ad quatuor millia; in quibus duo tantum Equestris ordinis fuerunt. Sterlini arx, uti convenerat, dimisso præsidio recepta.

XLI. Incidit in hæc tempora res, ob fortunæ in exiguo curriculo varietatem,

1 Initium fuga ab ipso Rege ortum] Contra Vollingamius Regem invitum de loco discriminis eductum, & ad fugiendum compulsum affirmat, pag. 105.

2 Carmine plane rudi] Id carmen adhuc extat apud Extract. de Chron. Scotiz, Camerarium de fortitud. Scot. & Tho. Bellum Rom. restit. in fine.



tem, non indigna relatu. Joannes Mentethus, qui Vallam amicum Anglis prodidit, pro eo ac debuit Scotis invisus, ab Anglis, præter alia præmia, acceperat præfecturam arcis Britannoduni. Ea, reliquis munitionibus recuperatis, prope sola, aut cum paucis, ab Anglis tenebatur. Et quia natura erat inexpugnabilis, cum Rex per propinquos & amicos cum præfecto de ea redimenda tractaret, Comitatum Leviniae proditoris pretium petebat: nec aliam ullam conditionem ad aures admittere sustinebat. Hic Rex cum animo fluctuaret, quod, arcem etsi maxime cupiebat, receptionem tamen ejus non tanti aestimabat, ut ob eam Comitem Leviniae offenderet, in omnibus suis calamitatibus amicum certissimum ac prope unicum. Eam Regis hæsitationem Comes cum rescisset, auctor ei fuit, ne conditionem recusaret. Igitur, pactis ex sententia Joannis confectis, ac sanctissime confirmatis, cum Rex ad arcem recipiendam veniret, in nemore Colchonio, quod prope mille passus ab ea abest, faber quidam lignarius, Rollandus nomine, impetrato, ut de re magna Regem convenire liceret, fraudem a præfecto intentam ac paratam ei indicavit. Erat autem ea ejusmodi. In cella vinaria depressa & occulta, Angli satis magno numero erant inclusi: qui cætera arce recepta, Regem securum, inter prandendum aut caperent, aut obtruncarent. Igitur Rex, a Joanne in arcem acceptus, cum, cæteris omnibus satis exploratis, ad epulas blande invitaretur, negavit se pransurum, donec cellam illam occultam introspiceret. Cum præfectus causaretur fabrum abesse, qui clavem cellæ haberet, sed mox affuturum, ostio effracto dolus patuit. Angli armati educti, & seorsum interrogati, rem ordine narrarunt: aliudque indicium addiderunt, navem armatam in æstuario proximo stare, quæ Regem in Angliam exportaret. Cæteris supplicio affectis, Joannes in carcerem conjectus asservabatur: quod Rex propinquos ejus, ac maxime generos offendere tam periculoso tempore nollet. Habebat enim filias complures, egregia forma omnes, ac viris opulentis & factiosis nuptas. Igitur imminente prælio, in quo erat de incolumitate publica certandum, ne cujusquam hominis potentis animus offensior ad malas artes impelleretur, ea lege e carcere est eductus, ut, spondentibus pro eo generis, in acie prima locatus, fortunæ judicium experiretur. Ibi homo alioqui fraudulentus Regi fidem servavit, atque ita fortiter se gessit, ut ejus diei opera non modo veniam præteritorum, sed ampla etiam in posterum præmia promeruerit.

XLII. Hujus victoriæ fama, per universam Britanniam divulgata, non solum Anglorum ferociam repressit, sed Scotos etiam ex ultima desperatione erexit: nec eos pecunia solum, sed gloria, & armis, & apparatu bellico auxit. Neque suos modo, qui partim bello, partim per inducias capti erant, redemerunt, sed magnam ex captivis pecuniam confecerunt. Ex spoliis autem plerique, & superiorum temporum damna compensarunt, & magnas in posterum opes pararunt. Venerant enim Angli, cum pretiosissimis rerum suarum, non tanquam ad bellum, sed certam victoriam. Rebus bello feliciter gestis, Rex hiemem quæ secuta est, statum regni diuturno bello labefactatum confirmando,

do, & præmia bene meritis persolvendo consumsit. <sup>1</sup> Proximo vere, Bervicum de Anglis est captum, post <sup>2</sup> viciesimum annum quam in eorum potestatem venerat. Proxime comitia ad Aëram Coilæ oppidum sunt indicta. Ibi frequenti conventu, <sup>3</sup> omnium Ordinum suffragiis Bruffius regnum est confirmatum. Deinde, quia unicam ex priore uxore filiam habebat, Optimates memores quantum majorum publice redundaverat ex ea controversia, quæ superioribus temporibus, de jure Regiæ successione fuerat, decreverunt; „Ut, si nulla Regi stirpis virilis proles esset, Eduardus ejus frater Rex crearetur, ejusque deinceps filii succederent. Quod si is quoque sine stirpe virili decederet, tum Roberti filia <sup>4</sup> Maria, posterique ejus regnum tenerent; interea Nobilitas virum, cui eam collocarent, dignum puellæ Regiæ matrimonio, & regni successione eligerent. Multo enim æquius esse, ut puella maritus ab omnibus, quam a puella Rex omnibus eligeretur. Decretum quoque ibi, ut Rege impubere, Thomas Randulphus, aut, si quid ei accidisset, <sup>5</sup> Jacobus <sup>6</sup> Duglassius Regis tutor, & regni gubernator esset.

XLIII. Fama rerum a Roberto domi bellicque gestarum, ex Hibernia Legatos excivit, ad se suaque omnia in fidem ejus permittenda. Quod si ipsum rerum suarum ratio detineret domi, orabant, ut Eduardum fratrem Regem sibi daret; neu sincer gentem cognatam, sub crudeli & superba dominatione Anglorum, intolerabili servitute premi. <sup>6</sup> Scripserunt idem Hiberni etiam ad Pontificem Romanum, fere in eandem sententiam. Is cum frustra monuisset, ut ab Hibernis Anglus injuriam abtineret, tandem Eduardus Bruffius, eo cum exercitu profectus, magno universorum consensu Rex est appellatus. Primo sui adventus anno, Ultoniam omnem ejusdem Anglis suæ ditionis fecit; reliquamque totam insulam victore exercitu peragravit. Anno proximo, novo ex Anglia transmissio exercitu, cum belli major moles instaret, Robertus quoque novis copiis coactis, ad fratrem festinavit. Multa ob inopiam commeatuum in ea expeditione passus, cum fere unus dici itinere abesset, certior est factus, fratrem cum omnibus cumsecutis tertio Non. Oct. caesum fuisse. Fama est Eduardum, nimia gloriæ cupiditate percitum, rem præcipitasse, ne cum fratre victoriam communicaret.

## XLIV.

<sup>1</sup> Proxima vere] Ino vero quatuor post annos, nempe 2 Aprilis 1318. Vid. Tyrell. pag. 272. quod confirmat hoc Monachi cusfordi rude carmen apud Extract. de Chron. Scot. fol. 170.

*M semel & C ter, semel X, semel V, dabat I ter,*

*Cæpto Bervico, fit laus & gloria Christi.* Anno quidem 1315 Bruffius Bervicum oblatione cinerat, at re infecta discedere coactus. Vide Abercrombium pag. 401.

<sup>2</sup> Viciesimum annum] Ex modo dictis apparet viciesimum, tertium fuisse scribendum; Bervicum enim ab Anglis expu-

gnatum fuerat anno 1295.

<sup>3</sup> Omnium Ordinum suffragiis] Hoc ordinum decretum habetur apud Jac. Andersonum Append. Num. 24. scriptum est autem Dominica proxima ante festum sancti Jacobi, i. e. 20 Julii 1315.

<sup>4</sup> Maria] Hoc decreto aliisque scriptoribus *Mariara* seu *Margeria* appellatur.

<sup>5</sup> Jacobus Duglassius] Nulla de eo in hoc decreto fit mentio.

<sup>6</sup> Scripserunt idem Hiberni] Ita rescribimus; pro quo libri omnes [idem] habent, male, uti nos opinamur, cum protinus addatur, *fere in eandem sententiam.*

1 Plus



**XLIV.** Rex Angliæ, cum recessisset florem virium Scotiæ, in Hibernia una cum Bruffio abesse domo procul, commodissimam occasionem ulciscendi damna superiorum temporum sibi datam ratus, magnas copias subleccissimis ducebus in Scotiam misit. Cum eis ter, diversis in locis, Duglassius limitum præfectus congressus, duces fere omnes, & militum partem majorem occidit. Angli, terrestribus copiis re male gesta, classe, quæ parte virium plus poterant, in Fortham inveci, excursionibus littora omnia infestant. Comes Fife equites quingentos ad prædones coercendos misit. Hi, non ausi cum tanta multitudine congregari, cum redirent, occurrit revertentibus Gulielmus Sinclairus Caledoniorum Episcopus, sexaginta fere comitatus equitibus. Qui, cum reditus causam audisset, graviter increpita eorum ignavia, exclamavit, „Qui rem „Scoticam salvam vultis, me sequimini: & cum dicto correpta lancea, cunctis cum alacriter sequentibus, in populatores vagos impetu facto, tam trepide eos ad litus compulsi, ut, dum quisque naves conscendere festinat, una navicula irruentis multitudinis pondere depressa, cum vectoribus perierit. Ceciderunt in eo tumultu <sup>1</sup>plus minus quingenti ex Anglis. Id Sinclari factum adeo Regi gratum fuit, ut semper ab eo tempore suum illum appellaret Episcopum.

**XLV.** Illa æstate, cum, ob annonæ penuriam, & vulgatos in omnia fere mansueti animalia morbos, tum ob frequentes incursiones, Angliæ regiones omnes Scotis propinque pene inculte jacerent; huic malo ut mederetur Anglus, Eboracum venit: cumque ibi exercitum ob cultorum paucitatem conficere non posset, coacti sunt Londinenses, & eorum vicini, quamcumque vacationem haberent, militem dare. Ita tandem confectis copiis, ad Bervicum obsidendum proficiscitur. Eo vixdum venerat, cum Thomas Randolphus, diversa regione, Solvæo amne superato, Angliam ingressus, ferro flammæque omnia vastat, nemine non modo resistente, sed plerisque in locis vix quoquam obvio. Nam lues superiore anno tantam fecerat vastitatem, ut facies rerum prope hostibus miserabilis occurreret. Cum ultra centum millia passuum Scoti progressi essent, omniaque incendiis, ac maxime circa Eboracum, fœderent, rei magis indignitas, quam virium fiducia Archiepiscopum arma sumere coegit. Is, satis numero quidem, sed imbelli exercitu collecto, e promiscua multitudine sacrificulorum, & opificum, ac operarum rusticarum, cum adversus prædatores majore audacia quam consilio duxisset, victus ac profligatus, plurimis suorum in prælio amissis, ipse cum paucis fugit. Tanta ibi Sacerdotum strages fuit, ut ab Anglis diu illud fuerit prælium Album cognominatum. Fœdendus, audita suorum clade, metuens ne victor aliquid majus moliretur, obsidione soluta, Eboracum, deinde (recipientibus se Scotis) in intimum regnum abiit.

**XLVI.** Anglo domesticis tumultibus occupato, breves induciæ secutæ sunt, Regibus magis bello fœlis, quam alioqui pacificandi cupidis. Hostibus igitur quiescentibus, Robertus conventum indicit: omnem Nobilitatem adesse jubet.

Et

<sup>1</sup> Plus minus quingenti Crasfordius legendum vult [quingenti] quod quidem ul-

tatius, sed alterum forte exemplo non caret.

1 Simul

Et quia belli diuturni vicissitudines jura possessionum confuderant, imperat, ut ibi quisque proferat, quo jure sua prædia teneat. Id cum veteribus & novis possessoribus juxta molestum esset, quod viri fortes optimo jure se arbitrentur habere, quæ armis de hoste cepissent; ægreque ferrent, non operæ modo navatæ, sed sanguinis pretium in pace eripi; veteres quoque possessores, cum nulla pene domus belli clade intacta foret, cum reliquis bonis etiam, si quod scriptum habuerant de jure prædiorum, id perdiderant: itaque consilium, specie quidem forte, sed eventu audax & temerarium ineunt. Rege enim in Concilio jubente jura possessionum proferri, universi ferrum stringunt, elamitantes, „Se prædiorum jura in dextris ferre. Rex inopinato spectaculo repente ictus, etsi factum indignissime ferebat, iram tamen ingentem in tempus recondidit: neque diu ejus promendi ei defuit occasio. Nobilium complures, tam audacis facinoris sibi conscii, metu poenæ conjurant de regno Anglis prodendo. Id facinus per indicem prolatum, qui adeo certum crimen attulit, ut, ordine, tempore & loco indicato, literæ deprehensæ sint. Re palam facta, comprehensi omnes, & ad Regem perducti sine tumultu. Gulielmus Sulus Bervici præfectus plurimum timebatur, ne in oppidum & arcem Anglos reciperet. Rex, nondum re vulgata, velut aliud agens, eo proficiscitur. Omnibus comprehensis, conventus Perthum indicitur. Ibi prolatis literis, agnito quisque suo signo, sua confessione majestatis convicti, ad supplicium ducuntur. Principes eorum fuisse dicuntur, David Brechini, Gulielmus Sulus, supremi ordinis: item Gilbertus Malarus, Richardus Brunus, Joannes Logius. Complures præterea omnium ordinum accusati, sed, cum suspicionibus tantum urgerentur, dimissi. Unius Davidis Brechini supplicium varie homines affectit: nam, præterquam quod erat e sorore Regis natus, omnium ætatis suæ juvenum & belli & pacis artibus longe primus habebatur. Dederat etiam suæ virtutis in Syria Bello Sacro præclarum specimen. Is, ab conjurationis popularibus appellatus, nunquam assenserat: tantum ei crimini dabatur, quod, in conscientiam rei tam foedæ ascitus, eam tacitam habuit. Rogerii Maubrai ante judicium defuncti corpus ad omne genus ignominiae damnatum est. Rex remissa poena sepeliri jussit.

XLVII. Paucis mensibus ante hoc judicium, Legati Pontificis Romani, qui, ad componenda regnorum diffidia, rogati ab Anglo venerant, cum nihil perficerent, ne frustra operam Anglis viderentur locasse, Scotos diris Pontificiis (terribili illis temporibus telo) feriunt, ac sacris interdiciunt. Scotus, ut Angli intelligerent, quam parum in causâ injusta Romanensium imprecationibus moveretur, collecto exercitu, pene vestigia Legati abeuntis insecutus, Angliam invasit: ac omnia ferro & flamma fœdando, ad crucem usque Stammerianam processit. Anglus, ne tantam ignominiam insultus ferret, tam numerosum cogit exercitum, ut citra sanguinem facilem sibi victoriam promitteret. Robertus adversus ingentem potentissimi Regis apparatus periculosum ratus, omnium fortunarum simul discrimen subire, consilio magis quam manu



nu rem decrevit tractare. Pecora igitur in montes, exercitui difficili aditu, agi jussit, reliqua, quæ hosti usui esse possent, aut in loca munita <sup>1</sup> conferri, aut corrumpi. Angli, qui in spem pugnae festinaverant, neque comitum paraverant ad expeditionem longinquam, vastitate suorum agrorum conspecta, ira, odio, & cupiditate vindictæ accensi, in mediam Scotiam penetrare statuunt, ac Regem e suis latibulis invitum in prælium trahere. Magnitudo enim copiarum facile spem faciebat, aut ignominia acceptæ insigni victoria demendæ, aut damna proxime data latiore populatione rependendi. Hoc consilio cum Edimburgum usque raptim <sup>2</sup> duxisset, locis quidem sacris tantum pepercit: verum quanto ulterius progrediebatur, crescente rerum omnium inopia, intra quintum diem se recipere coactus est. In redeundo sacra juxta ac profana spoliata: Monasteria Driburgum & Mulrossia, etiam cæsis Monachis infirmioribus, qui, vel defectu virium, vel senectutis fiducia, soli remanserant, incensa. Brussius, ubi primum rescivit, Anglum penuria comituum, morbis in exercitu vulgatis, pluribus suorum amissis quam si prælio infelice decertasset, domum festinare, ejus prope vestigiis inhærens, cum exercitu magis genere militum quam numero præstante, omnia Eboracum usque omni belli clade fœdat. Regem ipsum ad Bilandum Cœnobium repentino adventu pene oppressit, ac prælio tumultuario victum fugavit, capta suppellectili & pecunia Regia, omnique belli apparatu. Præter innumeros inferiorum ordinum captivos, abductus est Joannes Britannus Richemondia Comites. Ad hujus infamiae fugæ ignominiam delendam, <sup>3</sup> Andreas Herkelaius Carleoli Comes, brevi post accusatus, tanquam rem Anglicam pecunia corruptus prodidisset, alienæ ignaviae poenas capite luit.

XLVIII. Proximo anno, duplex Legatio missa est: altera ad Pontificem Romanum, quæ eum, jam diu a Scotis alienatum Anglorum calumniis, placaret: altera, quæ vetus cum Gallis fœdus renovaret. Utraque quod petiit facile impetravit. Nam & Pontifex cum intellexisset, nuper eam controversiam ex injuria Eduardi primi ortam, qui Scotorum Regem, velut beneficiarium, Anglorum Regibus parere debere affirmabat: neque quicquam Anglos habere, quo suum jus defenderent, præter veteres fabulas, & recentes injurias; semperque rebus secundis, cum in jus ad Pontificem vocarentur, defugisse æquam disceptationem; rebus adversis, humiliter opem ejus petiisse: Scotos contra semper postulasse, ut de causâ cognosceretur, neque unquam legitimi judicis cognitionem, aut bonorum virorum arbitrium reculasse. Præterea, cum plurima superiorum Pontificum rescripta, & pro se, & contra adversarios protulissent, Pontifex quando & Scoti ad diem adessent, & Angli, ut adessent admoniti, abessent, facile Scotis reconciliatus est. Nec minus facile a Gallo de-

re-

<sup>1</sup> Conferri] Ita MS. alii omnes [conferre,] quod non satis concinne cum *agi* & *corrumpi* congruere videtur.

<sup>2</sup> Duxisset] [Rex scilicet Angliæ. quæ vox addi debuisset, cum *Angli* proxime præcessisset.]

<sup>3</sup> Andreas Herkelaius] Ita Anglis scriptoribus constanter nominatur, non Berkelaius, quod omnibus libris irrepsit. De hac re vide Eduardi II. ad eum literas Fœd. Ang. Tom. III. pag. 984.



renovando foedere vetusto impetratum. <sup>1</sup> Ad veteres conditiones adjectum, ut si quando de successuro Rege apud Scotos ambigeretur, ea controversia ab Ordinum Concilio decideretur: qui illic legitimis suffragiis Rex esset declaratus, cum auctoritate & armis, si opus esset, Gallus tueretur.

XLIX. In hæc tempora nostri conferunt <sup>2</sup> Hamiltoniorum, florentissimæ nunc familiæ, originem. Homo nobilis in aula Anglica, cum honorifice de fortuna & virtute Brussii loqueretur, unus e Spenseris, minister cubicularius Regis, sive contumeliosum Anglis cum sermonem ratus, sive ut hoc facinore, ampliorem locum gratiæ, apud levissimum quemque e Nobilitate quæreretur, sica educta, in eum insiliens, levi vulnere corpus perstrinxit. Vir magni animi, contumelia magis quam damno motus, cum intercursum multorum præsens ultio fuisset inhibita, postridie, inimicum sibi opportunum in eodem loco nactus, cum conficit, ac statim & legum pœnas, & Spenserorum immodicam in aula potentiam formidans, in Scotiam ad Robertum Regem profugit. Ab eo benigne acceptus, agris ad Glottam fluvium est donatus. Ejus posterius non multo post in procerum dignationem pervenerunt, opulentissimaque ab eo Hamiltoniorum familia est cognominata: agro quoque, quem a Rege accepit, Hamiltoni nomen impositum. Nec adeo multo post, Anglus, turbatis domibus, cum e primoribus multos affecisset supplicio, Spenserorumque pravorum consiliorum auctores, altius quam propinqui ejus ferre possent, extulisset, ipse a filio, atque ab uxore, modicis copiis transmarinis freta, <sup>3</sup> comprehensus est, & in arctissimam custodiam conjectus, foedo mortis genere interemptus est, transmissus in anum per fistulam corneam ferro calido, intestinisque ita adustis, ut nullo exterius indicio facinus immanissimum proderetur. Neque filius & uxor ab eo consilio alieni credebantur: vel quod custodes tantam rem tam aperte, sine magno auctore ausi non fuissent attentare; vel quod nulla quæstio de tam nefario scelere est decreta.

L. Res in Anglia turbata, & Regis subsecuta mors, & Brussio vergente in senium, corporis infirmitas aliquot annos inter finitima regna pacem præstitit. Brussius enim, & metu ab Anglo liberatus, & ætatis decursu admonente, ad res domesticas stabiliendas conversus, primum omnium regnum, nondum satis ex superiorum temporum motibus tranquillum, filio unico & adhuc puero confirmare per <sup>4</sup> conventum Ordinum festinat. Is vero si sine liberis moreretur, Robertum Stuartum, nepotem ex filia, successorem destinat: & in verba decre-

<sup>1</sup> *Ad veteres conditiones*] Errant cum Buchananus alii scriptores nostri; nulla enim ejusmodi conditio huic foederi est adjecta, (vid. Traitez de Paix vol. 1. pag. 189.) ante Roberti II. tempora.

<sup>2</sup> *Hamiltoniorum*] Hamiltoniorum nomen celebre inter Scotos multis ante hoc tempus annis fuisse, inter alia commonstrant Prynnii Collectiones & Rymeri Acta publica.

<sup>3</sup> *Comprehensus est*] Illud [est] hic ineptum videtur, cum mox sequatur *interemptus est*.

<sup>4</sup> *Conventum Ordinum*] Decretum ipsum, scriptum Dominica proxima post festum sancti Andreæ anni 1318, existat apud Jac. Andersonum Append. Num. 25. Male autem post Eduardi II. mortem ponitur, cum eam 9 annis præcessisset.



creti proceres jurejurando adegit. Deinde veritus, ne vetus de regno certamen cum Balliolo, se mortuo, renovaretur, praesertim haeredibus suis, propter immaturam aetatem, omnium injuriae opportunis; misit in Galliam Jacobum Duglassium ad Joannem Balliolum, cum amplissimis muneribus & promissis, ut regno cederet: id autem, non tam novi juris acquirendi causa (quippe qui, ex more Scotorum, Rex decreto Ordinum, penes quos est omnium rerum summa potestas, factus esset) sed ut pravorum hominum calumniis posteris liberaret, & seditionum radices praecideret. Duglassius Balliolum, jam extremae senectutis molestiis obsessum, longe & sua & aliorum opinione placabiliorem invenit. Ingenue enim confessus est, „Sua culpa se in ordinem redactum, ac merito „velut regno inutilem exactum. Itaque, se non modo facile pati, imperium „penes Robertum suum propinquum esse, cujus virtute summa, singulari felicitate, & maximis laboribus, in pristinum splendorem esset vindicatum. Illud etiam se gaudere, quod, per quos ipse deceptus fuerat, perfidiae suae praemio non fruerentur.

M. CCC.  
XXVII.

LI. Haec cum Robertus ex sententia perfecisset, eodem anno, qui fuit millesimus trecentessimus vigesimus septimus, nostri tradunt Legatos ab Eduardo tertio ad pacificandum in Scotiam missos, quod insidiosè visi essent agere, pro pace bellum domum retulisse: verum quae fraus intentaretur non explicant. Et Angli bellum aperte a Roberto indictum affirmant: sed nec ullam illi causam ascribunt: eam tamen magnam fuisse ac justam credibile est, quae senem valetudinarium, tranquillitate domi vixdum constituta, & quem non bellorum, sed victoriarum satietas capere potuisset, ad arma tam cupide resumenda excierit. Certe illud satis constat, Regem, aetate invalidum, bello gerendo non interfuisset. Missi ab eo sunt in Angliam Thomas Randolphus & Jacobus Duglassius, omnium illius aetatis ducum & fortitudine & prudentia longe praestantissimi. Viginti millia equitum expeditorum habebant, sine ullis peditum copiis: quod eo consilio factum est, ut sine impedimentis latius discurrerent, nec usquam consisterent, aut praelii casum inviti subirent, adversus Anglum, quem cum longe numerosissimo exercitu progressurum in primam expeditionem non dubitabant. Nec fefellit eos opinio: nam, praeter domesticas copias, magna e Belgio equitum exciverat auxilia. Verum orta inter eos & Anglos Eboraci seditione, Anglorum quidam scriptores eos domum remissos tradunt. At Frosfardus Gallus, aequalis illorum temporum scriptor, tota ea expeditione secutos Anglum affirmat: ac, non solum honoris causa, sed seditionis etiam metu, proximum post regiam cohortem in castris locum semper eis fuisse assignatum.

LII. Rex igitur, omnibus copiis conjunctis (supra sexaginta hominum milia fuisse satis constabat) adversus Scotos, quos jam Tinam esse transgressos intellegebat, movit. Ad Tinam enim duo erant oppida munita, alterum propius

Valliam

1 Ad Joannem Balliolum] Hanc commentitiam Joannis Ballioli regni cessionem prorsus evertunt Foed. Angl. Tom. III.

pag. 506. quae cum multis antea annos, s. e. anno 1314, facto functum testantur.

2 Ad Tinam] Buchananum in errorem hic



Valliam Carleolum, alterum circiter quinquaginta millia passuum inferius, Novum castrum appellant. Utrumque Anglus magnis praesidiis, ut hostes transitu fluminis prohiberet, communierat. Illi tamen vadis notis ita sine ullo tumultu transierunt, ut utraque praesidia fallerent. Angli in agrum Dunelmensem progressi, cum ex locis editioribus incendia longe prospicerent, tum demum intelligere coeperunt, quam propinquus hostis esset. Tumultuose, Ad arma, clamant: & velut jamjam pugnaturi, qua incendiorum fumi cernebantur, eo triplice acie instructi recta ducunt, gravi poena proposita, si quis injussu imperatoris acie excederet. Frustra omnibus fatigatis, sub vesperum, loco castris in silva prope fluvium quendam designato, ibi impedimenta (quæ celeriter raptum agmen sequi non poterant) collocant. Postero die, eodem ordine profecti, jam inclinante in vesperum die, ut jumenta peditesque reficerent coacti consistere, castris pro loci commoditate positis, proceres ad Regem coeunt. Deliberatur quo pacto efficere possint, ut manum cum Scoto conferant. Majoris partis ea fuit opinio, non posse fieri, ut Angli pedites equitem Scotum expeditum assequerentur; nec, si assequantur, posse vagos praedones cogi ad pugnandum, nisi suis locis. Verum, quia jam omnibus pervastatis, in hostico diu permanere non possint, optimum videri, cum omnibus copiis Tinam transire, atque hostem domum redeuntem excipere. Regionem etiam trans Tinam planiorem esse, & commodiorem ad aciem explicandam, totisque simul viribus decernendum.

LIII. Hæc sententia cum esset probata, edictum, ut corpora curent, atque universi quanto cum silentio possent, agerent, ut imperia facilius capessere, & sonum tubarum audire queant: ut relictis impedimentis, singuli singulos panes secum ferrent, ut proxima luce cum hoste dimicaturi, quem cuique fortuna daret exitum opperirentur. Igitur a fatigatione superioris diei refectis corporibus, paullo post mediam noctem arma capiunt, & instructi iter ineunt. Sed paludes & colles qua ducebantur, cito coegerunt ordines solvere: & quaque quisque poterat primi ducebant, alii praecuntium vestigia sequebantur: tantoque cum tumultu iter faciebant, ut multi equi, multa item jumenta, aut in luto palustri inhaerent, aut per declivia praecipitaverint; saepenumeroque, Ad arma, sit conclamatum, cunctis magna cum trepidatione, unde clamor oriebatur, eo sine ordine concurrentibus. Cum vero ad primos ventum esset, audiebant in caussa esse cervos, qui strepitu hominum excitati per ericeta, & aspectu hominum conterriti, magnis agminibus inter cohortes discurrebant. Tandem circa vesperum ad vada Tinæ fluminis, per quæ Scoti transierant, quaque eos Angli redituros sperabant, equites sine pedite pervenerant, ac Sole occidente transierunt, saxis rotundis ac lubricis, quæ fluvius volvit, equos magna molestia afficientibus. Accedebat ad alia incommoda, quod rari ferramenta, quibus lignarentur, habebant. Itaque non tantum sine tentoriis (nulla enim attulerant) sed sine tuguriis, sine palis ad quos equos alligarent, permensis viginti octo millia passuum, ea nocte in solo nudo armati, equorumque

frænos

hic traxit Frossardus; alterum enim ex Tinam, sed Edinum fluvium, quem Pto-  
hiscæ oppidis, scilicet Carleolum, non ad lemæus Itunam nuncupat, est situm.

fractus altera manu tenentes, decubuerunt. Primo mane cum diluxisset, tanti imbres deciderunt, ut modici torrentes equis hominibusque essent impervii. Ex rusticis forte deprehensis intelligunt, loca vicina late sterilia & inculta; neque, unde commeatus petatur, quicquam propius quam Novum castrum & Carleolum esse, quorum hoc viginti quatuor, illud triginta millia passuum abesset. Igitur eo missis jumentis & ministris, interea gladiis lignantur, palosque illigandis equis, fruticesque & arbusculas ad casulas extruendas congerunt, quorum frondibus equos pascunt: eamque noctem ibi jejuni agunt. Tertia demum luce, qui missi ad oppida erant, paululum commeatus quisque suis attulit. Qui ex oppido lucris causa erant secuti, panem quidem & vinum, sed nec multum nec probum apportarunt: ejus enim tanta penuria erat, ut certaminis causas ipsis inter se praberet. Ad hanc rerum omnium inopiam, accedente molestia ex imbribus continuis, cum septem dies egissent, ac ephippia maderent, tergaque equorum ulcerarent, ipsique in vestibis uvidis, ac plerique armati, dies noctesque agerent, nec ignes, e materia viridi & ab aqua pluvia madente, accendi possent; octavo demum die decretum, ut septem millia passuum superius, commodiore vado flumen rursus transirent. Sed & ibi amne imbribus aucto, pluribus in transeundo vexatis, nonnullis amissis, ubi primum constiterunt, edictum, ut qui certum nuncium ubi locorum essent Scoti attulisset, magna praemia referret. Biduo proximo, cum iter per loca vasta, & recentibus incendiis foedata esset, pabuli satis, sed aliorum commeatuum non adeo multum reperiunt.

LIV. Quarto demum die, <sup>1</sup> unus e quindecim juvenibus, qui exploratum exierant, retulit, Scotos circiter tria millia passuum ab exercitu Anglorum abesse, ac proximis octo diebus aequae incertos fuisse, quid Angli agerent, atque illi de rebus ipsorum. Hoc se pro certo afferre, ut qui captus a Scotis fuisset, ac sine pretio dimissus, ea lege, ut sine mora Regi nunciaret, eos ejus adventum illic expectaturos, nec minore cupiditate pugnandi quam illum teneri. Hoc nuncio accepto, signa consistere Rex jubet, equorum virorumque corpora <sup>2</sup> curari, & ad ultimum certamen arma animosque parare. Deinde triplice acie lento gradu hostem versus progreditur. Ubi alteri alteris conspicui fuere, Scoti tres acies seorsum in clivo ita struxere, ut dexteram & sinistram rupes praecipites clauderent, unde hostes subeuntes lapidibus obrui possent. Ad radices collis, objectus erat Anglis rapidus torrens, praegrandibus saxis & rotundis ita impeditus, ut neque transire ad hostem, nec ubi transissent, se recipere sine certa pernicie possent. Angli cum perspicerent, sine insigni damno aditum ad hostem non esse, castris positis, praekonem mittunt, qui jubeat in aequam planitiem descendere, & vera virtute de gloria & imperio certare. Scoti respondent; „Se non hostis arbitrio, sed suo pugnatorios: se enim ultum illatas

<sup>1</sup> Unus e quindecim juvenibus] Exstat in Actis publicis instrumentum, quo Eduardus Anglus Thomam de Rokesby 100 libris per annum donat, quod cum ad visum

inimicorum perduxisset, 28 Septemb. 1327. Ibid. vol. 4. pag. 312.

<sup>2</sup> Curari — parare] Aut curare aut parari legendum videtur.

injurias in Angliam venisse. Si quid fecerint, quod eis doleat, summam expetendæ vindictæ copiam esse. Illic se, quamdiu sibi commodum videretur, expectaturos: si quis lacefferet, operam daturus ne id impune faciat.

L.V. Triduo proximo, collatis castris, stationibusque ad vada collocatis, leviter per occasionem certamina facta. Quarto die, prima luce vigiles retulerunt, collem in quo Scoti confederant nudum esse. Speculatores emissi qui certiora referrent, & abeuntium vestigia persequerentur, renunciant, Scotos in alio colle multo tutiore, ad eundem fluvium castra posuisse, juxta silvam, quæ eis tutos exitus & reditus daret. Angli, qui sperarant, se Scotos prælium detrectantes, in alieno solo fame domituros, ea spe dejecti, eos sequuntur, & in adverso colle castra metantur. Ibi postquam aliquot dies confederunt, animadvertum est, nocturnas vigilias negligentius ab eis haberi, sive contemptu paucitatis Scotorum, sive quod nihil nisi de fuga cogitare eos existimarent. Duglassius, ne occasione deesset, aliquid audendum ratus, cum ducentis equitibus selectis, transmissio flumine, castra hostium, qua maxime neglectam custodiam intellexerat, ingressus, ad tentorium pene Regis penetravit: ac, duobus ibi funiculis incisis, orto tumultu, trecentis fere Anglis in reditu peremptis, suos incolumes reduxit. Post id, nihil memoria dignum est actum, nisi quod Angli, suo damno moniti, intentiores vigilias locis idoneis disposuerunt. Tandem ex captivo Scoto rescitum est, edictum in castris fuisse, ut de tertia vigilia omnes, quo Duglassius duceret, sequerentur. Is nunciustantam trepidationem Anglis injecit, ut, tribus aciebus modico intervallo separatis, totam eam noctem in armis egerint; equosque instratos, & in eventum paratos, ministri in tentoriis haberent; stationesque firmiores ad omnia vada fluminis ponerent. Tandem, sub lucem, duo tubicines Scoti ad Regem perducti, exponunt, se nunciare jussos, Scotos domum reverti: si Angli damna accepta velint ulcisci, sequi jubent. Angli, re ad consilium relata, decernunt, satius esse in præsentia reducere exercitum, quam cum hominum & equorum vexatione, frustra prædones vagos sequi: præsertim cum in hac expeditione, plures fame ac morbis perierint, quam plerumque justo prælio pereant. Decreto reditu, multi Anglorum, vel spe prædæ in nocturna trepidatione relictæ, vel noscendi res hostium studio, in castra profecti, hæc fere compererunt; feras circiter quingentas cervini generis, ac maxime platycerotas, cævas, quod genus Angli non modo Reges, sed privati multi alunt: utres item ingentes e crudis pellibus, in quibus carnes coquebant, ac peronum ad decem millia inventa; duo item Angli contractis cruribus adhuc viventes. Hæc fere omnia, cum ingentem paupertatis & laboris patientiam indicarent, fecerunt, ut facile probaretur eorum consilium, qui de reducendo exercitu sententias dixerant.

LVI. Hoc anno, decesserunt Valterus Stuartus, & Elizabetha Regina, hic

[Duo item Angli] Frossardus, e quo hæc expeditio est descripta, quinque Anglos dicit: idem habent Boëthius, Tyrellus, Barnesius, qui postrems Buchananum lapsum reprehendit.

[Hoc anno] Ita quidem Boëthius: verum Extracta de Chron. Scot. utrumque anno sequenti 1328, hunc 5 Idus Aprilis, illam 7 Kal. Novemb. decessisse testantur.

- 1 A3



CIOCCC  
XXVIII.

hic gener, hæc uxor Regis: obsessæ item a Scotis arces Noramæ & Alnevici, sed frustra: prædæ de Northumbriis actæ. Mense Martio, Legati ab Anglo missi, qui de pace perpetua agerent: induciæ in tres annos factæ. Anno proximo, qui fuit millesimustrecentesimusvigessimusoctavus, <sup>1</sup>ad octavum Calendas Julias, conventus Anglorum est habitus, ad Hamptonam cognomento Septentrionalem: quo in conventu, ex Ordinum decreto, confecta pax est cum Scotis, in has leges: „Ut Anglus omni jure, quod ipse majoreve ejus „in regnum Scotorum sibi arrogaverant, cederet; idque regnum tam liberum „relinqueret, quam fuerat moriente Alexandro tertio, nullique servituti ex- „ternæ in posterum obnoxium. Ut Scoti pariter remitterent Anglis, quicquid „terrarum aliquando tenuerant in Anglia beneficii nomine: finesque Scotis essent „Cumbria & Northumbria, Stammeriatenus. Ut David Roberti filius, <sup>2</sup>Joan- „nam *Eduardi* sororem uxorem duceret. Ut Angli pacta, conventa, syngra- „phas, aut si qua alia servitutis monumenta haberent, ea Scotis bona fidered- „derent; irritaque in posterum esse juberent. Uti Scoti, pro damnis nuper il- „latis Anglo, proque agris quos in Scotia pater avusque ejus suis donaverant, „<sup>3</sup>triginta millia marcarum argenti repræsentarent. Erant suæ utrique Regi causæ, cur in has condiciones tam facile convenirent. Anglus enim, proxima expeditione arario penitus exhausto, & ignominioso reditu apud suos hostem- que vilior, metuebat, ne, se civili motu impedito, lateri hostis bellicosus ad- hærens, rebus nuper prospere gestis elatus, insigni aliquo damno regnum afficeret. Et Robertus, senio, laboribus, & morbo (nam paullo ante mortem <sup>4</sup>in elephantiam inciderat) fractus, & utriusque fortunæ diu eventis exercitus, statuerat, non solum sese, si fieri posset, in quietem dedere, sed heredum quoque, ob infirmitatem ætatis, tranquillitati prospicere: itaque, pace foris parta, totum se ad res domi ordinandas convertit.

LVII. Nuptiis filii magnifice celebratis, Rex finem vitæ sibi adesse prospiciens, ipse in privati prope habitum se componens (nam aliquot ante annis, omnium majorum rerum administratio penes Thomam Randolphum & Jacobum Duglassium erat) in modicis ædibus ad Cardrosiam (qui locus a Britanno-

du-

<sup>1</sup> *Ad 8 Kal. Julias*] Tyrellus ait, <sup>3</sup>post Pascha hebdomadas, Barnesius in *Pentecostes hebdomade circa finem Maji*, ideoque apud Buchananum pro *Julias* videtur legendum *Junias*. Instrumentum quidem ipsum, cui titulus est *Relaxatio superioritatis Scotiæ*, datum est Eboraci primo die Martii 1328, postea in conventu Ordinum ad Hamptonam Septentrionalem confirmatum circa Maji initium; de ea enim pace inter se & Robertum Scotiæ Regem confecta ad Pontificem Romanum & Cardinales literas mittit Eduardus, scriptas Hamptonæ 3 Maji ejusdem anni.

<sup>2</sup> *Joannam Eduardi sororem*] In libris

omnibus, pro *Eduardi*, *Henrici* mendose est scriptum.

<sup>3</sup> *Triginta millia marcarum*] Knichtonus aliique Angli *viginti millia* promissa affirmant: rectius tamen Buchananus; ex Actis enim publicis Tom. IV. pag 445, & 462. *triginta millia* pacta apparet, eorumque decem postrema soluta esse ante 10 Januarii Anni 1331.

<sup>4</sup> *In Elephantiam inciderat*] Lepræ genus, quod, si Lucretio lib. 6. vers. 1112. & Galeno lib. 2. cap. 11. fides habenda sit, Ægyptiorum est proprium, neque præterea usquam gignitur.

1084-

dano Levino amne dirimitur) se continens, congressu vulgi, nisi si quando necesse erat, abstinerebat. Eo paullo ante exitum convocatis amicis, testamentum fecit. „Hæredes eisdem, qui in conventu publico declarati erant, confirmat: „primum Davidem filium, <sup>1</sup> octavum ætatis annum agentem; proxime Robertum Stuartum, ex filianepotem: eos proceribus, & in primis Thomæ Randolpho sororis filio, & Jacobo Duglassio commendavit. Dispositis deinde rebus domesticis, omnes ad concordiam inter se studium, & Regis observantiam est hortatus: id si præsent, ab exteris invictos fore affirmavit. Tria præterea, seu præcepta, sive consilia, adjecisse fertur: „Ne quenkum unum Æbudarum insularum dominum facerent. Ne totis viribus, si fieri posset, cum Anglis, de omnibus fortune, uno prælio contenderent. Ne unquam cum eis diuturnas facerent inducias. In primo consilio explicando, multa disseruit, de numero, de magnitudine & potentia insularum, de incolarum multitudine & ferocia, ac malorum omnium patientia. Hi cum navibus, sui quidem generis, sed in illis Oceani oris non incommodis, adversus homines prope a re maritima alienos, se conjungunt, posse plurimum incommodi afferre, modicis contra damnis affici. Eo igitur annuos præfectos juris dicendi gratiam mittendos, quibus nec is honos in longum tempus continetur. Secundum eo pertinere consilium, quod Angli, qui meliorem quam Scoti agrum colant, hominum numero, pecunia, omni denique belli apparatu præsent; & ob hæc commoda, otio magis assuecant, eoque minus sunt laborum patientes: Scoti vero in duriore solo educati, ob parsimoniam assiduaque exercitationes, temperamento corporis sunt salubriore, & ad omnem militarem patientiam, ipso educationis genere assuefacti: propterea aptiores esse ad tumultuarios congressus, hostemque paullatim carpendum, ac malis frangendum, quam ad statariam pugnam. Tertiū consilii hanc esse rationem, quod longior pax Scotos (qui nullum præter Anglos hostem habeant, ubi belli artes exercent) si ad otium se contulerint, irrepente luxuria, facile duceret ad segnitiam, & illecebris molles imbelles efficeret: Anglos autem, etsi pax eis cum Scoto sit, habere tamen Galliam propinquam, que in militari studio eos contineat. Itaque, si rerum bellicarum periti, cum Scoto rudi militiæ, & eo deside, manum conferant, jure optimo certam victoriam sperare debeant.

LVIII. Commendavit item Jacobo Duglassio votum suum transmarinum: rogerat enim in Syriam proficisci, ac Belli Sacri, adversus omnium Christianorum communes hostes, partem capeßere. Sed quoniam ipse, vel rerum domi perturbacione impeditus, vel senio & morbo fractus, se voto solvere non posset, orare impensè, <sup>2</sup> ut Duglassiuscor, ipso defuncto, Hierosolymam ferret,

<sup>1</sup> Octavum ætatis annum agentem] In hoc Buchananus, dum Boethium inopinus sequitur, non alio modo, sed sibi ipse contradicit: nam Lib. IX. 39 eum decrevisse ait ætatis anno 47, Saluti 1310, proinde anno 1311 natum mporter, quod & Vintam, I.

torus desertim & mense quidem Martio affirmat; addit Balsurum, indiligens scriptor, die quinto. Vid. lib. IX. c. 3.

<sup>2</sup> Ut Duglassiuscor] Existat (Ibid. pag. 400.) Salus conductus ab Eduardo Anglo datus primo die Septemb. 1319, sub hoc

Man titat.



ret, ibique sepeliendum curaret. Id munus ille honorificum, & illustre amoris Regii erga se argumentum interpretatus, proximo post Regis mortem anno, cum firma cohorte juvenum nobilium, protectionem adornat. Sed dum littus Hispaniæ legit, audito, grave bellum ibi Regi Aragonum esse, adversus eundem hostem, cum quo in Syria dimicandum esset; nihil interesse ratus, quo in loco rem Christianam juvaret, se cum Hispanis conjungit: ac post aliquot prosperas pugnas, cum hostem, ut fugacem & imbellem, contemneret, aliquid cum suis seorsum audendum ratus, in Saracenorum aciem incautius incurrit, ac protractus in insidias, cum parte majore suorum interemptus fuit.

M. CCC. Perierunt ex amicis præcipui, Gulielmus Sinclairus & Robertus Loganus. Hæc  
XXX. inciderunt in annum proximum post Regis mortem, qui fuit M. CCC. XXX.

LIX. Ut multa paucis comprehendam, fuit certe Robertus Brusius vir undique clarissimus: & cui, ab heroicis usque temporibus, paucos in omni virtutis genere pares inveniemus. Erat enim, ut in bello fortissimus, ita in pace summa temperantia & æquitate: & quanquam insperati successus, &, postquam ejus malis fortuna satiata, aut potius lassata fuit, perpetuus victoriarum cursus eum vehementer nobilitaret, tamen admirabilior mihi longe in rebus adversis videtur. Cujus enim animi robur fuit, tot malis, uno tempore ingruentibus, si non frangi, certe ne debilitari quidem? Cujus constantiam non labefecisset captiva uxor; quatuor fratres viri fortissimi crudeliter trucidati; amici omni genere calamitatis, uno tempore vexati; qui mortem effugere poterant, amissis bonis profugi; ipse non amplissimo tantum patrimonio, sed regno exutus, a potentissimo illorum temporum Principe, & manu & consilio promississimo? Omnibus his malis uno tempore oblectus, & ad extremam inopiam reductus, nec de recuperando regno unquam dubitavit, nec animo Regio indignum quicquam unquam aut fecit aut dixit. Nec, ut Cato posterior, & Marcus Brutus, sibi vim intulit: nec, ut Marius, calamitatibus efferatus, odio adversus inimicos indulgit. Recuperato enim statu pristino, ita cum iis vixit, qui maximis exercuerant eum laboribus, ut non tam se inimicum aliquando fuisse, quam Regem esse videretur meminisse. Sub exitum, etiam morbo gravissimo ad senectutis molestias accedente, adeo sibi non defuit, ut præsentem regni statum confirmarit, & posteritatis tranquillitati prospexerit: uti jure optimo, defunctum omnes, non modo ut justo Rege, sed pio parente or-

M. CCC. bati, luxerint. Decessit a septimo Idus Julias, anno a Christo nato millesimo  
XXIX. trecentesimo vigesimo nono, regni vigesimo quarto. LI.

titulo, *Pro Jacobo Domino de Douglas, cum corde Roberti de Brns nuper Regis Scotiæ in terram sanctam profecturo.*

I Regi Aragonum] Si Frossardo credimus, non Regi Aragonum, sed Castelle & Legionis, operam suam Douglassius commodavit. Joannes autem Barbarus, qui vitam Roberti Brusii scripsit, floruitque sub ejus filio Davide II. cum Hispalim appulisse, quæ urbs est Hispaniæ Bætiæ,

non Tarraconensis, & Alfonso VI. Castellæ & Legionis Regi militasse tradit.

2 Septimo Idus Julias] Qui tempus mortis Roberti I. definiunt, cum 7 Idus Julias obiisse memorant: id vero extra omne dubium ponit Litera Eduardi III. Angli ad Davidem II. Scottorum Regem 24 Junii 1329 scripta, qua 5000 marcas, sibi a Roberto Brusio nuper Rege Scotiæ pæctas, solvi petit. Fœd. Angl. Tom. 4. p. 397.

1. Pro-

## LIBER NONUS.

I. **S**COTORUM proceres, funebri officio erga Regem defuncti, comitia in primum diem commodum indicunt <sup>1</sup> Proregi eligendo. Ibi in Thomam Randulphum Moraviae Comitem (qui Rege vivo jam aliquot annos eum gesserat magistratum, & a moriente testamento erat populo commendatus) publicus favor apparuit.

## XC VIII. REX.

Coronatio Regis <sup>2</sup> in octavum Cal. Decembr. anni sequentis dilata est, ut Romani Pontificis permisso inungeretur, ac <sup>3</sup> nova illa caerimonia apud Scotos augustior videretur. Prorex creatus primum omnium pacem cum Anglis confirmat: deinde ad eam stabiliendam domi conversus, ut aperta latrocinia comprimeret, validam cohortem juvenum armatorum circa se semper habebat, in omnes occasiones intentus. Igitur cum Viëtonem (quod Gallovidiæ est oppidum) proficiscenti allatum esset, manum latronum satis validam in illa regione vias obsidere, ac viatores spoliare, statim ex itinere missa in eos cohorte sua, captos ad unum supplicio affecit. In cædis auctores erat prorsus inexorabilis: adeo ut quendam, Roma reversum, & quod per diploma Pontificis veniam obtinisset, securum, comprehendere jussit, culpæ condonationem ad Pontificem, corporis pœnam ad Regem affirmans pertinere. Furta vero, ex reliqua belli contagione adhuc frequentia, ut compesceret, legem tulit; „ Ut rustici instrumenta ruri colendo comparata in agris relinquerent; neve noctu domos aut stabula clauderent. Damni dati si quod esset, pretium damni a præfectis ju-  
„ ri-

<sup>1</sup> *Proregi eligendo*] Oblitus scil. Buchananus, ipso quidem referente, lib. VIII. c. 43. a Roberto Brussio regni que Ordinibus decretum fuisse, ut Rege impubere Thomas Randulphus *Regis Tutor* ac *Gubernator* esset, anno 1315; quod etiam ab iisdem confirmatum est anno 1318, & Regis demum testamento paullo ante mortem, lib. VIII. 57. Nullus igitur restabat *Proregi eligendo* locus.

<sup>2</sup> *In octavum Cal. Decembris anni sequentis*] i. e. anni 1331, testantibus *Extract. de Chron. Scot. Ballendeno, &c.*

<sup>3</sup> *Nova illa caerimonia*] Cærimonia illa neuriquam erat nova, sed multis retroseculis usitata. Buchananum aliosque hac

in re fecellit Diploma Joannis XXII. ad Robertum Brussium, quo permillum est ut Episcopus Glasguensis, qui pro tempore fuerit, (Episcopo Fani Andreæ (cujus solius id munus ab antiquis retroactis temporibus fuerat) nolente, vel etiam nequeunte) & ipsum & successores suos inungere, Regioque diademate insignire posset. Hoc Diploma in Bibliotheca Juridica Edinburg. asservatum, Avinione datum est Idibus Junii, Pontificatus Joannis XXII. anno tertio decimo, i. e. sex diebus post Roberti I. mortem, anno 1329. ac proinde alia causa fuisse videtur, Davidis coronationem duos & amplius annos differendi.

„ridicis peterent; præfecti a Regi repeterent: Regi ex bonis latronum deprehensorum satisficeret. Inter hæc, rusticus paullo ad rem avidior, cum eam cautionem pro vana haberet, sui aratri ferramenta sublata abscondit, ac, tanquam furto periissent, a præfecto pretium flagitavit: & is quidem statim fide bona persolvit: sed cum diligentius inquireret, comperto rusticum ipsum furti auctorem fuisse, cum laqueo strangulari iussit: bona fisco addixit. Turbam vagam scurrarum ac symphoniacorum pœnis gravissimis propositis compressit. Si quis viatori, aut alii ministro publico jure agenti restitisset, eum occidere impune licebat. Itaque cum aliquando ad Halidonem vicum, triginta fuissent a comitibus ministri publici occisi, eadem jure factam pronunciavit.

II. Nec ob hanc severitatem domi magis erat facinorosis, quam foris hostibus ob fortitudinem formidabilis. Igitur Angli, qui sublato Rege Roberto, in spem vindictæ erant in omnes occasiones intenti, cum nihil vi aperta Randolpho vivo auderent attentare, ad fraudem occultam animum conferunt. Viabrevissima tollendi inimici veneno visa est: nec defuit id molientibus minister idoneus, Monachus ex eo genere, qui in otio educati, penuria magistrorum, qui recta doceant, bona plerumque ingenia ad malas artes applicant. In eo cum duæ conjunctæ essent professiones, Monachus & medicina, altera visa est ad parandum aditum, altera ad patrandum scelus idonea. Igitur cum in Scotiam venisset, seque jactaret passum, cum omnis medicina, tum curandi calculi peritum, facilem sibi aditum ad Proregem fecit. Adhibitus ad eum curandum, medicinae lentum venenum admiscuit: deinde, velut ad pharmaca comparanda, accepto paucorum dierum commeatu, in Angliam se recepit. Ibi apud Eduardum gravi cum asseveratione jactat, Randolphum ante certum diem mortem obiturum. Rex, in eam spem ingenti exercitu comparato, cum ad limitem regnorum venisset, audito Scotorum magnas copias non procul a suis castris abesse, caduceatorem velut ad res repetendas mittit, jussum explorare, quis eis copiis imperaret.

III. Randolphus, qui morbo ingravescente, ac non reverso ad diem Monacho, pejora omnia suspicaretur, dissimulato quoad potuit dolore, in sella ante tabernaculum sedens, ac veste splendida indutus, ad fœcialis postulata tanquam sanus ac valens, quæ visa erant respondit. Is cum ad Regem visa & audita retulisset, Monacho velut mendace punito, retro signa convertit, relicto ad limites adversus excursiones præsidio: & Randolphus, quo minus progrediretur, morbi violentia impeditus, cum dimisso exercitu rediret, ad Muscelburgum, quatuor fere millia passuum ab Edimburgo, decessit, anno Salutis mil-

1 *Inimici tollendi veneno*] Eum veneno sublatum fuisse nostri consentiunt, quod tamen Angli constanter pernegant.

2 *Anno salutis 1331*] Solum Ballendenum, quod sciam, hic sequitur, nam Vintonus, *Extract. & Liber Carthuf. de Perth*, eum mortuum tradunt anno 1332. Eorum vero sententiam confirmant duæ

chartæ in *Archivis* (quæ vocant) *Ecclesiæ Moraviensis*, quibus eum vivum fuisse 28. Octob. 1331, planissime constat. Rem vero extra dubium ponunt *Litteræ* Eduardi Angli ad Thomam Comitem Moraviæ, *Custodem terra Scotiæ*, 22 Aprilis 1332, scriptæ. *Fœd. Angl. Tom. IV. pag. 518.* Neque aliter sibi ipsi constabit Buchananus.



millesimo trecentesimo trigesimo primo, decimo tertio Calend. Aug. postquam biennium a morte Regis Roberti imperasset: vir fortitudine & rei militaris peritia nulli Regum Scotorum inferior; pacis vero artibus longe omnibus superior. Reliquit duos filios, Thomam & Joannem, plane tanto patre dignos. Mortuo Randolpho regni custode (ita tum eos vocabant) electus est <sup>1</sup> *Donaldus* Marriæ Comes, ad quartum Nonas Aug. Rege decimum annum agente. Quo die trepidus allatus est nuncius, Eduardum Balliolum, Prid. Cal. in æstuario Forthæ cum numerosa classe fuisse conspectum. De ejus adventu, ut omnia fiant magis illustria, res paullo altius est repetenda.

IV. Mortuo Rege Roberto, erat quidam Laurentius Tuina, ex eis Anglis, qui, acceptis in militiæ præmium agris, in Scotia resederant, genere quidem honesto, sed vita flagitiosa. Is, spe majoris licentiæ concepta, ex alterius Regis morte, alterius immatura ætate, multo quam antea liberius voluptatibus inhonestis indulgebat. Igitur cum in adulterio sæpe deprehensus, a iudice causarum Ecclesiasticarum <sup>2</sup> itidem admonitus, non abstinere; ab Episcopi Glasguensis Officiali (ita eum magistratum vocant) tandem ei sacris & communione Christiana est interdictum. Ille velut injuria affectus, judicem Aëram profici-  
seentem, insidiis ad viam positis excepit: ac tam diu tenuit apud se captivum, donec impenſa pecunia se liberaret. Ob id facinus, Tuina cum sciret Jacobum Duglassium sibi graviter infensum, seque ad supplicium quæri, ejus potentiam veritus in Gallias profugit. Ibi ad Eduardum Balliolum, Joannis (qui regnum aliquot annos in Scotia tenuerat) filium, se contulit. Ei cum statum rerum Scoticarum indicasset, hortatus est; ne tantam occasionem regni paterni recuperandi omitteret. „Regem enim puerum esse, pluresque prope inimicos, & „odii erga patrem vindices, quam amicos habere. Aliorum patres in conventu „publico apud Perthum trucidatos, alios exules bonis amissis, multis agrorum „bonam partem multæ nomine ademtam: complures præterea genere Anglos, „prædiis <sup>4</sup> a patre ipsius <sup>5</sup> donatis privatos, expeditionis comites libenter futuros: „nec defuturos ex utroque regno homines egentes & facinorosos, vel spe lucri, „vel judiciorum metu, novarum rerum cupidos, quibus nihil, præter quem „sequantur ducem, ad omnia miscenda desit. Ad hæc, Jacobo Duglassio in „Hispania extincto, Randolpho per adversam valetudinem ad res gerendas inu-  
„tili,

nus: nam Ballioli expeditionem (quam omnes anno 1332 factam consentiunt) immediate Randolphi mortem subsequatam tradit, lib. ix. c. 3. & 5.

<sup>1</sup> *Biennium*] Ex modo dictis apparet [triennium] scriptum oportuisse.

<sup>2</sup> *Donaldus Marriæ Comes*] Ita alii omnes, & ipse Buchananus lib. xix. 36. in libris tamen omnibus *Duncanus* legitur. Meminisse insuper debuerat, eum regionum tantum ad septentriones pertinentium Custodem fuisse electum, & Patri-  
cium Dumbarium, Marciæ Comitem,

partium ad meridiem spectantium, ut scriptores nostri fere omnes tellantur.

<sup>3</sup> *Itidem admonitus*] *Idem* forte legendum, Boëthius enim semel atque iterum admonitum ait; solitumque est ex disciplina Ecclesiastica scelerosos ter admoneri, priusquam eis communione Christiana sit interdictum.

<sup>4</sup> *A patre ipsius*] Potius ab Anglo; natos enim memini genere Anglos prædiis in Scotia a Joanne Balliolo donatos.

<sup>5</sup> *Donatis privatos*] Ita in MS. secunda quidem manu est emendatum: edi-

„tili, neminem præterea superesse, cujus auctoritati multitudo discors se regen-  
dam permetteret. Itaque quantulacunque manum satis fore, ut vel rem pa-  
ratam & se offerentem arripiat, vel impullam & labefactatam evertat.

V. Hæc cum magna ex parte vera Balliolus non ignoraret, & magnas ab Edu-  
ardo Anglo copias in Scotiam duci audiret, facile callidus veterator homini,  
imperii & gloriæ cupido, persuasit, ut, contractis pro præsentī copia navibus,  
expeditionis ejus partem susciperet. Verum sub adventum Ballioli in Angliam,  
Eduardus exercitum dimiserat. Nihilo tamen minus Scotis exulibus, atque An-  
glis agris in Scotia expulsis ad eum confluentibus, manum non contemnendam  
effecit. Sunt qui sexcentis tantum comitibus rem tantam eum scribant aggressum:  
quod mihi non fit verisimile. Propior vero eorum videtur oratio, <sup>1</sup> qui sex  
millia peditum ei ab Anglo data ferunt. Alacriores multo ad hanc expeditionem  
universos fecit, illis ipsis, quibus hæc agitabantur, diebus mors Randulphi  
nunciata: ac, velut lætum omen rerum gerendarum, omnium animos erexit.  
<sup>2</sup> Cum hac igitur classe Kingornum vectus, Cal. Aug. navales copias exposuit.  
<sup>3</sup> Terrestris autem duxerunt <sup>4</sup> David Cuminus, olim Atholiæ Comes, Maubraius,  
& <sup>5</sup> Bellomontius; ex Anglis, Talbotus. Ad classis appulsæ famam Alexander

Sc-

ti tamen omnes [*donatos*] habent: quod  
tolerari posset, nisi mox sequeretur [*pri-  
vatos*.]

1 *Qui sex millia peditum*] Vide hac de  
re Abercrombium vol. 2. pag. 7.

2 *Cum hac igitur classe Kingornum ve-  
ctus*] Ita restituiimus, pro quo libri omnes  
[*vecta*] exhibent; male, me iudice, ne-  
que ex consuetudine Latini sermonis.  
Nam si [*vecta*] retinuerimus, sententia  
hæc prodibit; [Cal. Aug. navales co-  
pias cum classe Kingornum *vecta* exposuit,  
i. e. navales copias & classis; quod non  
furile modo, sed falsum videtur; neque  
enim *classis* seu *naves* exposuit, ve-  
rum eas (quod Angli affirmant) expoli-  
tis militibus, incendit, ut suis omnem  
spem fugæ incideret. Quidam tamen sen-  
tentiam constare posse existimant, sic in-  
terpreterando, *Cum hac igitur classe Kingor-  
num vecta* (i. e. simul ac hæc classis Kin-  
gornum *vecta* fuisset) *navales copias expo-  
suit*, ad exemplum Sallustii jug. *Pariter  
cum capta Ithala legati ex oppido Lepti ad  
Metellum venerunt*. Verum longe dispar  
mihi videtur harum sententiarum ratio:  
& primum quidem Latini ea loquendi  
formula tantum utuntur, cum de iis re-  
bus sic sermo, quæ nullo temporis nexu  
necessario conjunguntur; fieri enim pote-

rat ut legati, vel ante, vel post Thalam  
captam ad Metellum venirent: contra ve-  
ro temporis ac naturæ ordo necessario re-  
quiris ut quis classem lictori prius appel-  
lat, quam navales ex ea copias exponat.  
Porro id locum tantum habere videtur in  
sententiis brevioribus, ut *Cum dicto abiit*;  
&c. nam si paullo prolixiores sint, par-  
ticula aliqua explicativa, ut *pariter*, *si-  
mul*, &c. semper adjicitur. Verum hæc  
forte auribus facilius dignosci, quam ver-  
bis explicari queunt.

3 *Terrestres autem copias*] De terrestri-  
bus ejus copiis a navalibus hisce diversis  
nusquam mentio: neque enim Anglus adhuc  
ullam terram duci sinebat. Comes autem A-  
tholiæ, Maubraius & Bellomontius ea-  
dem qua Balliolus classe sunt vecti. Per  
terrestres igitur copias intelligere videtur  
eandem copias navales, cum jam in ter-  
ram exscendissent.

4 *David Cuminus*] Ita nostri eum con-  
stanter appellant, verum tamen ei nomen  
non *Cuminus*, sed *Strabolgio*, ex authenti-  
cis documentis fuisse constat; uti postea  
monstrabimus.

5 *Bellomontius*] Hic non minus Anglus  
quam Talbotus, quamvis sibi jure uxoris  
Buchaniæ Comitatum vindicabat. Vide  
Barnef. Hist. Eduardi III. pag. 58. Le-  
geu-



Setonius, homo nobilis, qui tum forte in illis locis diversabatur, occurrit, sperans, in descendendum trepidatione, occasionem rei bene gerendæ non defuturam. Non multis autem e vicinia se adiungentibus, cum hoste congressus, cum bona parte suorum est cæsus. Balliolus, paucis diebus suis, ad se ex vexatione itineris reficiendos, datis, Perthum recta contendit. Cum ad molas aquarias non procul ab Jerna castra metatus fuisset, Prorexque ultra, Patricius Dumbarius citra amnem, uterque cum magnis copiis, binis castris quinque millia distantibus, confedissent: Balliolus, etsi, multis ad famam rerum secundarum se aggregantibus, supra decem millia hominum haberet, tamen inter duos hostiles exercitus tenderet, veritus ne in medio opprimeretur, optimum factu est ratus, seorsum & ex insperato eos aggredi: primumque Marrium Proregem, quem vero simile erat, quo longius ab hoste tenderet, eo negligentius omnia acturum.

VI. Nactus igitur Andream Moravium Tilibardinum ducem est, qui non ausus palam se Anglis conjungere, palum in medio amnis, qua permeabilis erat, nocte infixit, qui Balliolanis iter indicaret. Illi, cum tecti silvis, quæ ulteriorem ripam vestiebant, propius ad hostem accessissent, intelligunt, cum raris vigiliis & stationibus oppositis, velut in pacato noctem agere. Hac eorum negligentia freti, præter castra summo cum silentio ducunt: & in aversam partem, majorem se ibi solitudinem rati inventuros, impetum faciunt. Sed in ea parte, qua summam negligentiam fore speraverant, forte vigilabant Thomas Randolphus Moraviæ, Robertus Brussius Carictæ, Mordacus Taichizæ Comites, & Alexander Fraserius. Hi cum amicorum validis turmis primam hostium impressionem fortiter sustinuerunt, super labrum fossæ, quam decursus aquæ pluvie fecerat. Interea totis castris clamor & tumultus arma capientium, & properantium ad conflictum fuit: cumque temere, sine ordine, sine signis festinant, primum suorum, qui irruentes Balliolanos sustinebant, ordines turbant, deinde ultimis priores impellentibus, eos in fossam dejecerunt, ac ipsi ruinæ modo super primos prociderunt. Ibi multi ab hoste cæsi, plures hominum equorumque ruina oppressi, multo maxima pars ita debilitata, ut nec ad fugam, nec ad prælium, satis virium superesset.

VII. Ceciderunt e Scotis ad tria millia: fugientium plurimi Perthum contenderunt, sed hi fere sine armis, sine ductoribus, urbe, Anglis sequentibus, facile cesserunt. Postridie Dumbarius, cum de alterius exercitus clade, Perthoque capto, & Anglorum paucitate rescisset, recta ad oppidum tendit, eo consilio, ut obsidendo, hostem omnium rerum inopia conficeret. Re ad primores relata, cum aliud aliis excusaret, infecto negotio discessum est. Balliolus, tot tantisque rebus præter spem tam brevi tempore confectis, animum adjecit, ad reli-

gendum igitur arbitror, *Ex Anglis Bello-montius & Talbotus.*

1 Stationibus oppositis ] Crafordius non sine ratione has voces [ad Duplinum] vult addendas, hoc pacto — stationibus

oppositis, ad Duplinum velut in pacato noctem agere: neque enim aliter loci ubi pugnatum sit Buchananus meminerit, cujus tamen cap. 8. facit mentionem,

reliquos Scotos, vel conciliandos officiis, vel bello perdomandos: ac brevi quidem tantus concursus ad eum est factus, ut maturum videretur se Regem profiteri. Id consilium ei eo tutius fuit, quod maxima pars cladis in familias Pertho vicinas inciderat. Cæsi enim erant in acie, præter Proregem, Robertus Kethus, cum magno propinquorum & clientium numero: e Lindefiorum familia octoginta, cum principe gentis Alexandro. Haiorum nomen ad interitum fuisset deletum, nisi Gulielmus familiae princeps, domi gravidam reliquisset uxorem. <sup>1</sup> *Cecidere* præterea Thomas Randulphus, Robertus Brussius, & Mordacus Taichia Comes. Gulielmus Sinclairus Caledoniorum Episcopus, & Duncanus Macduffus Fifensis Comes, apud hostem captivi, rebus desperatis, in ejus verba jurare sunt coacti.

## XCIX. REX.

VIII. Igitur BALLIOLUS, præsentī fortunæ fatis confisus, ad Sconam <sup>M CCC.</sup> propinquum Cænobium profectus, regnum iniit, anno M. CCC. XXXII. <sup>2</sup> *ad VII. Cal. Oct.* Hoc vulnere potentia Davidis Brussii, etsi valde labefacta fuit, tamen amici ejus rebus adversis minime fracti, Regem nondum regni potentem, ut extra periculum armorum esset, una cum uxore, <sup>4</sup> *ad amicum paternum Philippum Regem Galliarum* mittunt: ipsi ad omnes casus se comparant, certi vel morte honesta defungi, vel patriam in antiquum statum restituere. Primum omnium, in locum <sup>5</sup> *Donaldi Proregis*, Andream Moravium, ex Roberti Brussii sorore genitum virum illustrem substituunt: deinde in omnes partes nuncios mittunt, partim ut veteres amicos confirmant, partim ut seniores in ultionem injuriarum accendant. Primi omnium (ad quos recentissimus dolor pertinebat, parentibus & propinquis ad Duplinum cæsis) arma sumserunt: Robertus Kethus, & Jacobus & Simon Fraserius, ac sub æquinoctium autumnale Perthum obsidione claudunt: & cum oppugnatio diutius ac speraverant eos

te-

<sup>1</sup> *Cecidere præterea*] Hanc vocem [*cecidere*] supplendam duximus, quod [*cæsi erant*] nimis longe, diversa sententia mediante, repeti videantur.

<sup>2</sup> *Et Mordacus Taichia Comes*] Hic periodum terminavi, hi enim tres in acie, aliorum scriptorum consentiente testimonio, sunt cæsi; reliqui tantum duo sunt capti.

<sup>3</sup> *Ad VII. Cal. Octob.*] Libri omnes habent [*Oct. Cal. Sept.*] ordine, opinor, verborum inverso pro [*Sept. Cal. Oct.*], vel potius [*Octavo Cal. Oct.*] sive 24 Septembris, quod habent Extr. Liber Carthus. de Perth, Ballardenus, &c. Tyrellus quidem & Barnesius Volsingamium securi Ballioli inaugurationem in 27 Septembris conjiciunt. Verum ad nos scriptores animus magis inclinat,

quam Volsingamium, quippe qui de anno hic falsus est, 1331 pro 1332 substituto.

<sup>4</sup> *Ad amicum paternum*] Errant plerique nostri scriptores, qui Davidem II. ad Galliarum Regem missum ajunt anno 1332. Pat. enim Abererombius vol. 2. pag. 36. & 37. e Froissardo & Ford. Angliæ monstravit, eum in Galliam non fuisse missum ante annum 1333; postquam scilicet Scoti ingenti prælio ad Halidonem fusi, Bervicumque Anglis deditum fuisset. Priore quidem anno David cum uxore, ut extra periculum essent, in Britannoduni arcem a Milcolumbo Flaminio præfecto sunt recepti, qui eos postea in Galliam est comitatus.

<sup>5</sup> *Donaldi Proregis*] Libri omnes, *Duncan.* Vid. ad lib. ix. 3.

4 Post

tenuisset, <sup>1</sup> post tertium demum mensem capiunt. Macduffus Fife Comes, qui oppidum Ballioli nomine tenuerat, cum uxore & liberis ad Kildrumiam Marriæ arcem in custodiam missus: Andreas Moravius Tilibardinus, qui vadum Jernæ annis Anglis commonstraverat, supplicio affectus. <sup>2</sup> Pasletensis liber oppidi muros affirmat solo æquatos. Id mihi verisimilius videtur, quam quod alii scribunt, præsidio imposito custodiri jussum, in tanta præsertim fidelium amicorum & hominum militarium penuria.

IX. Eodem fere tempore, Balliolus Annandiæ erat, recipiendis propinquare regionum proceribus intentus: quos ita subita mutatio rerum concussèrat, ut etiam Alexander Brussius Carietæ & Gallovidiæ Dominus, desperatis Davidis propinqui sui rebus, eise dederet. Hunc rerum secundarum successum secutus est hostium contentus, & ex contemptu negligentia. Id cum per exploratores Prorex rescisset, eo misit Arcibaldum Duglassium, Jacobi, qui in Hispania periit, fratrem, ut, si qua se offerret occasio, ei ne deesset. Ille, secum assumptis Gulielmo Duglassio Lidaliæ Regulo, Joanne Thomæ Randulphi filio, & Simone Fraserio, mille comitatus equicibus Maufetum venit. Inde, omnibus satis exploratis, de nocte movens, Balliolum sopitum tanto cum tumultu & trepidatione hostium invadit, ut ipse seminudus in equo, nec frænato, nec strato, fugere sit coactus. Complures ex intimis ejus amicis occisi. Alexander Brussius captus, per Joannem Randulphum propinquum veniam impetravit. Henricus Balliolus eo die magnam fortitudinis laudem apud utrosque citâssecurus: qui in tam trepida fuga, dum suos ab instantibus tuetur, multos hostium vulneravit, nonnullos interemit, tandem fortissime pugnans occidit. Cecidere præterea factionis Anglicæ viri illustres, <sup>3</sup> Joannes Maubraius, Valterus Cuminius, & <sup>4</sup> Richardus Kirebius. Hæc gesta sunt ad 11x. Cal. Jan. Anno M. CCC. XXXII.

X. His successibus Brussianæ partis homines nonnihil recreati, coeunt frequentes ad Proregem Andream Moravium, ut de summa rerum consulant. Nemini omnium erat dubium, quin Balliolus non sibi, sed Anglo regnum pararet, omniaque ex ejus præscripto faceret. Itaque cum sibi hostem destinant: eoque diligentius omnia, quæ in bello usui esse possent, ut adversus potentiorum adversarium,

com-

<sup>1</sup> *Post tertium demum mensem*] Ita quidem Boethius; anno vero 1333. Contra tamen Extr. & Lib. Carth. Perthum captum affirmant Nonis Octob. 1332. Quod si verum est, non tres menses duravit obsidio, ita enim ante Ballioli invasionem inchoatam fuisse oporteret.

<sup>2</sup> *Pasletensis liber*] Nec ille modo, sed & Extracta, Lib. Carthuf. & Vintonus confirmant, a quibus solus, quod sciam, Boethius dissentit.

<sup>3</sup> *Joannes Maubraius*] Barnesius Boethium insinuat, quod Joan. Maubraium

Tom. I.

hoc tumultu casum scribat, quippe quem Dugdalius 29 annos huic pugnae superstitem fuisse testetur. Quod si Dugdalius nitendum sit, non soli Buchananus & Boethius, sed & nostri scriptores alii fere omnes, Extr. Carthuf. Vintonus, Humius, imo & Knichronus Anglus (qui id ipsum tradidere) in errore versantur.

<sup>4</sup> *Richardus Kirebius*] Ita emendavimus, pro *Kirebius* (quod libros omnes invasit) levi unius literæ mutatione; aliis enim auctoribus tam Scotis quam Anglis, *Kirby* aut *Kirkby* constanter appellatur.

Na

1 Uo

comparant. Bervicum, unde Anglum belli initium opinabantur facturum, valido praesidio muniunt. Urbi Alexandrum Setonium Equitem illustrem praeficiunt. Patricium Dumbarium arcem tueri, ac vicino limiti praesse jubent. Gulielmus Duglassius Lidalix Regulus, de quo illis temporibus summa erat & fortitudinis & prudentiae opinio, Annandiam ad limitem Occidentalem tuendum missus. Andreas Moravius Rosburgum, ubi se Balliolus tum continebat, proficiscitur. Ita distributis imperiis domi, mittitur in Franciam Joannes Randulphus, ut Davidem Regem inviseret, ac Philippum Francum de statu rerum Scoticarum certiore faceret; ab eoque aliquid virium adversus communem hostem impetraret. <sup>2</sup> Moravius, qui Rosburgum ierat, acre praelium cum Balliolo ad pontem extra urbem conferuit: dumque Anglis per pontem retro in oppidum se recipientibus instat pertinacius, a suis exclusus in hostium potestatem venit; victoriamque jam partam e manibus amisit. Eodem tempore in diversa regione Gulielmus Duglassius Lidalianus, contracto cum Anglis certamine, cum ipse vulneratus in potestatem hostium venisset, suorum animos eo casu turbavit, ac turbatos in fugam avertit.

XI. Haec variantis fortunae inconstantia Scotiam iterum in duas factiones distraxit, prout amor, odium, spes, metus, & rerum privatarum quemque ratio impellebat. Ejus interea occupandae Anglus, per has dissensiones commodam occasionem nactus, Balliolum infirmiore, quam ut suis viribus se tueri posset, in fidem recepit: & sacramento in sua verba adegit: ac nihil reveritus jus cum Brussia affinitatis, foederum sanctitatem, & jurisjurandi religionem, dum immoderatam cupiditatem suam expleret, bellum Scotis, Rege destitutis, & inter se discordibus, simul indicit & facit. Id autem bellum ut inspeciem justum videri posset, legationem misit ad Bervicum repetendum, quod oppidum pater suus atque avus multos annos tenuisset: <sup>3</sup> ac ipse cum exercitu statim est secutus. Legatis responsum; „Bervicum semper Scotorum fuisse, donec Eduardus avus ejus id per summam injuriam occupasset. Tandem Robertum Brussia proximum Regem, reliqua Scotia recuperata, id quoque oppidum Eduardo (ejus qui nunc id reddi postulet patri) ademisse, atque <sup>4</sup> in veterem juris formulam restituisse. Nec adeo dudum, ipsum Eduardum, ex omnium Ordinum decreto, renunciassse omni juri, quod ipse majoreve ejus

in

<sup>1</sup> *Ut Davidem Regem*] Hoc falsum supra monstravimus; nondum enim David in Franciam se receperat.

<sup>2</sup> *Moravius qui Rosburgum ierat*] Angli scriptores hunc ad Rosburgum tumultum altero illo ad Mauserum tempore priorem faciunt, contra quam omnes nostri: id quod Barneium gravius quam pro re offendit.

<sup>3</sup> *Ac ipse cum exercitu*] Edinb. Genev. Francos. *ac ipse cum cum exercitu*, Elzev. *nam in eam* mutavit: nos vocem [cum]

ab exscriptore bis repetitam, posteaque ab Edinb. in [cum] priore loco conversam existimamus.

<sup>4</sup> *In veterem juris formulam*] Ita Cic. de Orat. *Plura judicant homines odio aut amore, &c. quam veritate aut prescripto, aut juris norma aliqua, aut judicii formula, & pro Q. R. aliquem in antiquissimam formulam sponsonis concludere.* Suet. *Formula excidere, idem quod causam cadere.* Sic Quintil. lib. 3. cap. 6. *Cadere formula.*

<sup>1</sup> *Jam*

„ in totam Scotiam , ac singula oppida , locave ejus habuisse dicerentur. Ex  
 „ eo tempore , se nullius commissi , aduersus foedera sancte jurata , & matrimonio  
 „ confirmata , conscios , cur iterum <sup>1</sup> jam paucis annis , & occulta fraude &  
 „ aperto bello peterentur. Hæc cum ita se habeant , se legatos orare , ut sui  
 „ Regis animum ad æquitatis respectum inflectant , ne Regem absentem , æ-  
 „ tate innoxium , & sororis maritum , captato tempore spoliare conetur. Se qui-  
 „ dem nullas conditiones , modo honestas , recusare. Sin injusta vis intentetur,  
 „ pro commissâ sibi Regis tutela , potius honestam mortem obituros , quam in  
 „ pacem regno sibi que turpem consensuros.

XII. <sup>2</sup> Hæc a Concilio Scotorum responsa. Sed Anglus , qui non pacem sed  
 victoriam cupiebat , magno suorum exercitu externis etiam auxiliis aucto , Ber-  
 vicum terra marique oppugnare cœpit : neque quicquam , quod ad urbium ex-  
 pugnationem faceret , omittebat : ac multitudine hominum fretus , nec die  
 nec nocte ullum obsessis vacuum dimicatione tempus dabat. Nec minus feroci-  
 ter obsessi assiduis eruptionibus Anglos infestabant. Classẽ in flumine stantem ,  
 injectis ignibus magna ex parte incenderunt. Perit in eo prælio Gulielmus Se-  
 tonius , præfecti urbis nothus , multum apud suos desideratus ob singularem  
 fortitudinem. Is , dum in Anglicam navem insilire conatur , sua nave undarum  
 impulsu longius rejecta , in mare decidit : neque ei in tanta omnium trepida-  
 tione succurri potuit. Alter quoque Alexandri filius , ex legitima uxore natus ,  
 in quadam eruptione aviditate pugnandi longius progressus , & a suis exclusus ,  
 ab Anglis fuit captus. Sed cum obsidio , inchoata <sup>3</sup> ad Id. Apr. jam in tertium  
 mensem durasset ; atque obsessi , præter labores & vigilias , accedente omnium  
 rerum penuria , diutius vim hostium non viderentur laturi , cum Anglo paciscun-  
 tur , <sup>4</sup> ni ante 111. Cal. Aug. auxilia a suis missa obsidionem solverent , urbem  
 Anglo se dedituros. <sup>5</sup> Datus in id obses Thomas , filiorum Alexandri natu ma-  
 ximus.

XIII. Hæc dum ad Bervicum geruntur , Scoti conventu indicto de summa rerum  
 con-

1 *Jam paucis annis*] Quidam forte [*tam paucis annis*] scribendum malint: ac nihil mutatione est opus; illud enim [*jam*] vo- cem [*iterum*] potius quam [*paucis annis*] respicere videtur.

2 *Hæc a Concilio*] Imo vero a Davide ipso , ait Froissardus , eumque secutus Bar- nesi. Sed eodem res redit , cum existi- mandum sit Davidem non nisi re cum suis prius communicata , hoc responsum Anglo dedisse.

3 *Ad Idus Aprilis*] Extracta e Chron. Scot. Joan. Major , & lib. Carthus. *pri- die Idus* , Tyrellus *ex eunte Aprilis*. Ex Foed. Angl. tamen apparet Edwardum Anglum Bervicum demum advenisse 7 Maji , vol.

4. pag. 557, 558.

4 *Ni ante 3. Cal. Aug.*] Non est operæ pretium variantes tam Scotorum , quam Anglorum , sententias recensere , cum ex indubiis documentis constet. quatuor tan- rum aut quinque dierum inducias ab Anglo Scotis datas ; videl. Patricio Comiri Mar- ciz arcis præfecto a 15 Julii ; Gulielmo Ketho , urbis præfecto , a die sequenti , ad 20 ejusdem mensis. Vid. Conventiones ipsas Foed. Ang. pag. 564 , & 566.

5 *Datus in id obses Thomas*] Nulla hu- jus obsidis in prædictis conventionibus men- tio , illis autem duo tantum memorantur , Eduardus de Letham , & Joannes filius Joannis Humii : Tyrellus vero duodecim recenset.



consultant. Prorege ad Rosburgum capto, ne sine duce essent, Arcibaldum Duglassium eligunt. Ei exercitum decernunt, quem in Angliam duceret, ac regiones proximas populando, Regem Anglorum ab obsidione abduceret. Ex hoc decreto, Duglassius, dum in Angliam ducit, audita pactione Alexandri, consilium mutat, ac prudentioribus suorum multum adversantibus, recta ad Anglum ducit: 'ac pridie Magdalenes, ab hostibus pariter & amicis est conspectus. Anglus, etsi dies nondum advenisset, quo die convenerat, ut oppidum dederetur, tamen, cum Scotorum copias tam vicinas videret, misit foecialem ad praefectum praesidii, qui denunciaret, nisi oppidum statim dederet, se animadversurum in Thomam ejus filium: frustra praefecto contendente diem deditionis nondum venisse, ac fidem datam attestante. Ibi, cum caritas, misericordia, metus, & officium erga patriam varie animum patrum versarent, propiorem terrorem Anglus admovendum ratus, crucem in loco ad quem prospectus ex oppido patebat, erigi jubet & duos praefecti filios, alterum obsidem, alterum bello captum, eo ad supplicium producit. Ad hoc tam miserabile spectaculum cum patris animus fluctuaret, uxor ejus, eademque juvenum mater, virilis fortitudinis mulier, varia oratione cum confirmavit, proposita ante oculos, fide erga Regem, caritate in patriam, dignitate nobilissimae familiae. „Liberos alios illis extinctis superesse, necdum suam illiusque aetatem, „<sup>1</sup> aliis gignen dis praeterisse. Illos, etiamsi nunc mortem evaserint, brevi ta-

1 *Ac pridie Magdalenes*] Non pridie Magdalenes, sed in vigilia Divae Margaritae Virginis, i. e. die Lunae 19 Julii commissum est hoc praelium. Foed. Angl. Tom. 4. pag. 568.

2 *Etsi dies nondum advenisset*] Execrabilem hanc Eduardi perfidiam & immanitatem cum Angli scriptores aut pernegent, aut silentio tegant, nostri vero constantissime affirmant, difficile admodum est tanto temporis intervallo verum a falso certis indiciis discernere. Ne quid tamen dissimulem, duo praecipue sunt, quae pro Eduardo facere videntur. Et primum quidem, quod eo tempore non Alexander Setonius, sed Gulielmus Kethus Bervici praefectus fuit, uti ex praedictis Foed. Angliae liquet. Deinde vix credibile videtur, ut Alexander Setonius (quod nostri tradunt) in Eduardi, qui contra jus gentium atque horrenda crudelitate ipsius filios trucidasset, verba unquam juraverit. Ad primum, opinor, Scoti respondebunt (& quidem quid aliud respondere possint, non video) Gulielmum Kethum, (cui ex pacto cum Anglo iniro facultas Scotorum proceres adjuvendi est data) Alexandrum

Setonium aut collegam, aut vicarium, in ea praefectura habuisse. Quod vero ad alterum attinet, Scoti arguent fortasse, patrem, eadem quae filios sustulisset tyranni truculentia conterritum, in ejus verba jurare coactum. Et quidem Tyrellus Anglus ex antiquo codice MS. tradit, inducias bis ab Anglo Scotis fuisse factas, primis autem elapsis, nec urbe tamen ex pacto dedita, Setonii filium, qui unus ex obsidibus fuerat, laqueo strangulatum. Certe Samuel Daniel, scriptor iidem Anglus, nostris potius, quam suis ad stipulandum videtur. In tantis igitur sententiarum dissidiis, ne quid temere affirmare existimer, rem omnem in ambiguo relinquam.

3 *Aliis gignendis*] Ex his vocibus narrationem omnem labefactare conantur Angli scriptores. Neque enim verisimile esse ajunt, ut quae filios, jam adultos & militiae idoneos, esset enixa, ullam alios gignendi spem foveret. Sed gemina facilisque occurrit responsio. Et primum quidem, neutiquam naturae legibus adversari, ut liberos aliquos (quod hic existimare liceat) prima juvenia, i. e. 15. forte, aut 16. aetatis anno pepererit, non alio.

„men, vel morte fortuita, vel temporis maturitate, fato suo functuros: at  
 „si qua famæ macula in gente Setonia inhæserit, eam in omnem posteritatem  
 „permanaturam, ac immerenti etiam soboli aspersuram infamiam. Sese non se-  
 „mel, e sapientissimorum hominum sermonibus, audisse laudes eorum, qui  
 „se, qui liberos suos ad sacrificium, pro incolumitate patriæ obrulissent. Illum  
 „vero, si urbem sibi commissam dedat, prodere patriam; neque certum etiam  
 „de salute liberorum fore. Qui enim sperare posset, tyrannum, qui nunc fi-  
 „dem violaret, promissis posterius staturum? Orabat igitur, ne commodum  
 „incertum & (si contingat) momentaneum, certa & perpetua redimeret igno-  
 „minia. Hac oratione cum viri animum paullo tranquilliores sensisset, ne sup-  
 „plicii foeditatem oculi perferre non possent, eum in diversam partem, unde  
 „conspici nequibat, avertit.

XIV. Anglus, secundum supplicium, etiam plerisque suorum ingratus, in Halidonem collem Bervico propinquum castra transfert, atque ibi hostem opperitur. Duglassius, quem ante seniores flectere non poterant, ut agros Anglorum populando in se obsidentes averteret, tum ira æstuans, ac veritus etiam, ne, si post tam nefandum facinus, pene sub oculis suis patratum, abscederet sine pugna, hostem timuisse videretur, certus dimicandi, recta ad eum duxit. Cum acie instructa satis diu stetisset, Anglusque se suis locis teneret, nec in æquum descenderet, totam Scotus aciem in adversum collem erexit. Ideiustemerarium consilium similem habuit eventum. Hostes enim, perclivum ægre obnitentes, ingenti saxorum & jaculorum vi immissa, antequam ad manus veniretur, consauciant: deinde in appropinquantes ita conglobati irruerunt, ut ruinæ modo depulso deiecissent. Ceciderunt supra decem millia. <sup>1</sup> Sunt qui ad quatuordecim desiderata prodant: e primoribus pene cuncti, qui infelici ad Duplinum prælio superfuerant, periit. Ex iis clarissimi memoriæ produntur, dux ipse Arcibaldus, Jacobus, Joannes & Alanus Stuarti, Roberti, qui proxime post Brussios regnavit, patrum, Hugo Rossie, Kennethus Sutherlandie, Alexander Brussius Carictæ Comites, Andreas, <sup>2</sup> Jacobus & Simon Fraserii fratres. Incidit hæc Scotorum clades <sup>3</sup> in diem D. Magdalene sacrum, anno M. CCC. XXXIII. M. CCC. XXXIII.

XV.

lios etiam ante 50 annum sic genitura. Huc adde filiorum Setonii natu maximum. tum nondum fortè duodevicennem fuisse, cum, recepta apud Scotos consuetudine, omnes qui sextum decimum annum excessissent, ad militiam, patria laborante, vocarentur. Deinde & illud advertendum est, solenne Historicis esse, orationes ejusmodi confingere, non tam quid quisque loquutus sit, quam quid loquendum ipsis videretur, attendentibus. Cæterum nulla apud antiquiores de hac uxoris Setonii oratione sit mentio.

scriptores intelligit; Angli enim (qui communi omnium gentium vitio sua damna minuere, aliorum in majus augere sunt soliti) longe plures cecidisse volunt, alii enim 30, alii 40 millia cæsos meminere; at omnium diligentiam vici Barnesius, qui 35712, nec plures nec pauciores, e Scotis, e suis vero 15 duntaxat occubuisse tradit.

<sup>2</sup> Jacobus & Simon] Ita ab omnibus tam Scotis quam Anglis scriptoribus appellatur, Jacobus, non vero, quod omnes Buchanan editiones exhibent, Joannes.

<sup>1</sup> Sunt qui ad quatuordecim] Scotos

<sup>3</sup> In diem D. Magdalene sacrum] Ita Bal-

Nº 3

Bal-

XV. Secundum hunc conflictum, desperatis aliis subsidiis, Alexander Se-tonius urbem, Patricius Dumbarius arcem Anglo dedunt, pacti ut incolumes sua sibi haberent. Uterque in verba Angli jurare coactus est. Dumbario præterea imperatum, ut arcem Dumbarum, quam diruerat, ne receptaculum Anglis esset, suo sumtu denuo instauraret. Eduardus ibi paucos moratus dies, urbem & belli reliquias Balliolo commendavit: ipse in suum regnum se recepit, relicto in Scotia <sup>1</sup> *Richardo Talboto*, homine nobili ac raræ prudentiæ, cum non multis Anglorum cohortibus, qui Balliolum in reliquis regionibus perdomandis adjutaret. Nec id quidem, Nobilitate pene tota extincta, perdifficile videbatur, ex iis, qui supererant, aliis ad victorem concurrentibus, aliis in loca munita aut inculta fugientibus. Sed præsidia admodum pauca erant, quæ in fide Davidis permanerant: citra Fortham insula in lacu unde amnis Dunus fluit, vix ad modicam arcem sustinendam patens, & Britannodunum; ultra Fortham, arx in lacu Levino sita, item Kildrumia, & Urcharta.

XVI. Proximo anno, legati a Pontifice Romano & Philippo Rege Francorum venerunt, ad sedandas Regum Britannia controversias. Eos Anglus, rerum prospere succedentium cursu elatus, ne in conspectum quidem admittere voluit: ita enim animos & vires Scotorum fractas existimabat, ut iterum rebellare nec auderent, nec possent. Verum ex occasione levissima, unde minime expectabatur, orta inter ipsos Anglos Perthi discordia, summam tranquillitatem in bellum gravissimum commutavit. Joannes Maubraius agros in Scotia, ab Eduardo primo suis majoribus datos, deinde varietate temporum amissos, rursus Eduardo Balliolo Scotiam tenente recuperaverat. Eo sine virili stirpe liberum defuncto, de prædiis adversus ejus filias, Alexander earum patruus litem intentaverat. Puellarum causam tutabantur Anglica factionis homines, Henricus Bellomontius, <sup>2</sup> qui unam earum in matrimonio habebat, Richardus item Talbotus, & David Cuminus Atholia Comes. Balliolus Alexandro favebat, ac, lite secundum eum dijudicata, adversarios adeo offendit, ut palam de iniquitate decreti quererentur; & ubi nihil se querelis proficere viderent,

Ballendenus, Major & Leslæus, eosque secutus Humius, qui inde observat fatalem Scotis fuisse D. Magdalenz diem, quippe quo etiam commissum est funestum ad Varium sacellum prælium anno 1298. Sed, quod supra animadvertimus, omnes falluntur, non enim in diem D. Magdalenz, sed vigiliam Margaritæ Virginis incidit hæc Scotorum clades, quod non modo Extract. Carthaf. Knichtonus, Tyrellus, &c. testantur, sed & ipse Eduardi literæ, Acta publ. pag. 568.

<sup>1</sup> *Richardo Talboto*] Ita omnes eum appellant, etiam H. Boethius, licet postea sui oblitus eum *Henricum* nuncupet: quin & Buchananus ipsi alibi semper *Richardus*

nominatur. Vid. Lib. IX. 16. & 26. Quod hic igitur omnibus libris [*Henricus*] irrepsit, librariorum culpa factum videtur.

<sup>2</sup> *Qui unam earum*] Ita quidem Boethius; rectius tamen alii, qui Bellomontii uxorem, Aliciam vocatam, filiam fuisse ajunt Alexandri Cuminii fratris Joannis Cuminii Comitis Buchaniz. Vid. Vintonum cap. 138. Dugdalius Baron. Angl. vol. 2. pag. 50. Barnesium Hist. Eduardi III. pag. 82. & 86. Millii Catal. honor. pag. 957. At Geo. Crafordius, Baron. Scot. pag. 46. eam Joannis Cuminii, ultimi ex ea familia Buchaniz Comitis, filiam vocat.

1 Ac

runt, ab aula quisque ad sua secederent. Talbotus, dum in Angliam proficiscitur, captus, Britannodunum ducitur. Bellomontius Dundargum Buchaniæ arcem validam præsidio firmat: ac non solum eum, de quo lis erat, sed vicinum omnem agrum suæ ditionis facit. Cuminius in Atholiam abiit, & locis commodis permunitis, adversus vim (si quis intentet) se comparat. Hanc tam potentium virorum conspirationem Balliolus metuens, mutat sententiam, ac Bellomontio agro, de quo lis erat, concessit, Cuminium, plurimis & fructuosius prædiis Roberti Stuarti, mox regnaturi, donatis, reconciliat. Alexander, hac injuria ictus, se cum Andrea Moravio Prorege Scotorum (qui se nuper ab Anglis magna pecunia redemerat) conjungit. Hæc diversis temporibus gesta conjunximus, ne sæpius narrationis cursus rumperetur.

XVII. Interea Balliolus in regione diversa omnes munitiones circa Renfroam, partim capit, partim evertit. Ibi rebus suo arbitrio compositis, in Botam insulam navigat; Rothesaiam arcem communit. Eam Alano Lilio, quem præfectum juri dicundo ante fecerat, tradit custodiendam. Robertum Stuartum Roberti Brussii ex filia nepotem, diligenter ad necem conquirat: sed ille opera Gulielmi Herioti & Joannis Gilberti, navicula in continentem adventam vectus, atque equos advenientem expectantes nactus, Britannodunum ad Milcolumbum Flaminium arcis præfectum delatus est. Balliolus cum Botæ res ordinasset, in continente propinqua Dunum novum sive Noviodunum arcem in Covalia sitam cepit: quo metu vicina Nobilitas perculsa, prope tota se ei dedit.

XVIII. Inde reversus, vere proximo ad lacus Levini arcem obsidendam omnem curam intendit. Sed cum res opinione lentior videretur, e sua factione Joannem Sterlinum Equitem præpotentem, adjunctis ei Michaële Arnoto, Davide Vemio, & Richardo Malavillano, cum parte exercitus, ad arcem oppugnandam reliquit. Illi, ædificato ex adverso præsidio, qua brevissimus est trajectus, cum, ut vi arcem caperent, omnia frustra fuissent experti, impigre propugnantibus Alano a Veteri ponte & Jacobo Lambino, civibus Andreanis, eam

1 *Ac Bellomontio*] Libri omnes *Bellomontii*, quod syntaxis non patitur: Crafordius vult *Bellomontium*, nos *Bellomontio* potius elegimus. Forte Buchananus *Bellomonti* scripserit in tertio casu, quemadmodum *Belli-montis* superius in secundo exulit Lib. VII. 51.

2 *Joannis Gilberti*] Nostri *Gibsonus* appellatur; cujus rei ignarus Barneus, hunc *John Gilbert* nominavit, pari inscitia quæ postea *Covaliam* [Kyle] pro *Coval* reddidit.

3 *Vere proximo*] Hæc arcis Lacus Levini obsidio a nostris scriptoribus in annum conjicitur 1335, quo anno (quod Pat. Abercrombii pag. 42. ex Actis publicis

colligit) Balliolus iterum Scoria expulsus in Northumbria se fere continebat; proinde verisimile non est ejus sectæ homines tum arces intima Scotia fuisse obsessuros. Sed & aliud hanc obsidionem impedire videtur, induciæ scilicet quæ hoc anno 24<sup>to</sup> Aprilis ad 24 Junii factæ erant, eo ipso tempore quo hanc arcem nostri obsessam tradunt: illis enim medio quadragesimæ cœpta, atque in diem D. Margaritæ sacrum, sive 10. Junii, producta est obsidio; quamque eam ob causam alio quam 1335. anno accidisse existimaverim. Vid. Fœd. Angl. vol. 4. pag. 640.

eam exitu amnis clauso aquis submergere tentant : exit enim amnis Levinus e lacu angustis faucibus, patefacta rupe. Hunc locum, congesto e faxis & cespitibus aggere, obstruere conantur. Sed ea res tardius procedebat, quod, ut æstas molientibus erat commoda; ita torrentibus, qui in lacum influebant, pene tum siccis, aqua longe lateque porrecta modicis incrementis augebatur. Hoc modo obsidione ducta <sup>1</sup> in mensem Julium, in quem incidit dies D. Margaritæ quondam Reginae Scotorum festus, <sup>2</sup> quo die frequens mercatorum conventus Fermelinodunum, ubi ejus Divæ corpus est sepultum, fieri solet; Joannes Sterlinus cum majore parte suorum, alii ad mercatum, alii religionis ergo cō proficiscuntur, castris cum non magno præsidio ad aggerem relictis, nempe de hoste securi, cum neminem adversæ factionis, præter paucos in arce inclusos, esse in propinquis regionibus scirent. Obsessi vero de absentia Sterlini & solitudine castrorum certiores, apparatu ad aggerem perforandum antea excogitato, primo vespere in naviculas imposito, sopitis vigilibus, pluribus simul locis cum perforant. Aqua vero tenues aliquot nacta exitus, brevi latiores sibi ipsa patefecit meatus, ac tanta vi tandem erupit, ut quicquid erat obvium devolvens, plana omnia circum inundaret, ac tentoria casaque, & plerisque homines semisomnes, ac jumenta, magno cum fragore, secum in mare deferret. Qui in naviculis erant, egressi, & cum ingenti clamore in attonitos irruentes, huic tumultui tam inopinato alium adjecerunt : tantusque pavor cepit universos, ut <sup>3</sup> nullius nisi salutis memores, rebus suis hosti relictis, quaque quisque poterat, in fugam se conjecerint. Alanus per otium non spolia modo, sed commeatus ad longam obsidionem paratos, e castris in arcem comportavit. Altera etiam eruptione, cum præsidariis, qui Kinrossiæ erant, æque felicitet certatum : præsidium captum ac dirutum : obsidio soluta.

XIX. Eodem fere tempore quo hæc in Fife gerebantur, Angli magni terrestribus navalibusque copiis Scotiam intrarunt. Naves, cum Fortham subirent, prætoriam tempestate ad scopulos afflicta, reliquis vehementer vexatis, majore cum damno quam præda domum redierunt. Terrestres copię Glasguam usque penetrarunt. Ibi Anglus, habito conventu procerum suæ factionis, cum intelligeret, nullum neque ducem neque exercitum adversarium partium superesse, nec suam præsentiam amplius fore necessariam, ipse, <sup>4</sup> Balliolo, cujus ingenio non multum fidebat, secum ducto, <sup>5</sup> Davide Cuminio Atholiæ Comite,

<sup>1</sup> *In mensem Julium*] Junium omnino scribendum, in 10 enim ejus mensis incidit dies D. Margaritæ festus

<sup>2</sup> *Quo die*] Ex nundinæ Fermelinodunenses etiamnum celebrantur 18 die Junii, pridie festum Translationis D. Margaritæ, i. e. 19 Junii, juxta Extract. Dempsterum & Camerarium.

<sup>3</sup> *Nullius nisi salutis memores*] Sic Horatius.

——— *Grajis dedit ore rotundo*  
*Musa loqui, præter laudem nullius avaris.*  
<sup>4</sup> *Balliolo* ——— *secum ducto*] Hoc falso a nostris dici notat Abercrombicus vol. 2. pag. 50.

<sup>5</sup> *Davide Cuminio*] Vide supra ad Lib. IX. 5. & Abercrombium pag. 51. Dugdalium vol. 2. pag. 96. in primis vero Rymeri A&S. pub. Tom. 4. pag. 590, 616, 664, 711. &c. quibus non *Cuminio* sed *Seraborgius* discrete appellatur.



mite, qui rei Scoticae praefectus, relicto, in Angliam abiit. Is primum omnium Stuartorum praedia longe amplissima, ut quae Botan, Aranian, & Renfro-  
 nos agros, bonamque Coile & Cunigamiae partem continebant, occupat,  
 Botae praefectum juri dicundo (quem alii Serifum, alii Vicecomitem vocant) Alanum Liliū confirmat: vicinis etiam regionibus ei parere jussit. Ipse in diver-  
 sam regni partem profectus, Buchaniam & Moraviam suae ditionis facit:  
 & quanquam supra privati hominis modum suas opes auxisset, tamen diploma-  
 ta omnia, & quaecunque publice mandabat, nomine utriusque Regis Eduar-  
 di Angli & Ballioli conficiebat. Ea tempestate, quanquam nemo in Scotia,  
 praeter pueros ludentes, Bruiliū Regem profiteri audebat, tamen Robertus  
 Stuartus, qui tum Britannoduni latebat, aliquid per absentiam Cumini au-  
 dendum ratus, Cambellos, familiam in Argathelia potentem, sui consilii cer-  
 tiores facit. Eorum princeps Calenus, circiter quadringentis coactis, ad No-  
 viodunum arcem Covaliae ei occurrit: eam statim occupant. Ad eum rumore,  
 Botani exiguo mari direnti, populariter confluerunt, atque ad veteres dominos  
 properant. Eorum iter ut impediret, Alanus Lilius, cum quibus potuit ar-  
 matus, occurrit. Vulgus magna ex parte inerme, & quod impetu magis quam  
 consilio coierat, re subita perterritum, in proximum collem confugit. Ibi ma-  
 gna lapidum missilium copia reperta, armatos, ex contentu temere subeuntes,  
 velut grandine obruit: majorem partem antequam ad manus ventum esset,  
 affligunt, ac retrocedentes impellunt ita, ut, caeso Lilio cum fortissimo quo-  
 que, <sup>1</sup> Joannem Gilbertum Botanae arcis praefectum vivum ceperint, & suo-  
 rum plurimos armarint caesorum spoliis. Hunc victoriam, non incruentam,  
 secuta est arcis Botanae deditio.

XX. Ad hunc rumorem divulgatum, Thomas Bruilius Carictae Comes,  
 cum popularibus & vicinis e Coila & Cunigamia, item Gulielmus Carude-  
 rus Annandianus, qui semper Anglorum imperium recufaverat, cum amicis  
 & propinquis e latibulis suis prodiens ad Stuartum venit. Item Joannes Ran-  
 dulpus Moraviae Comes, e Galliis reversus, spem externorum auxiliorum at-  
 tulit. Igitur animis ad majoris suscipienda erectis, exercitu confecto, ac juvan-  
 te conatus eorum Gotofrido Rosio, praefecto juridico Aerenfi, brevi totam  
 Carictam, Coilam & Cunigamiam in suas partes traxerunt. Renfroanqueque  
 ad Stuartos veteres dominos libenter accesserunt. Eorum exemplum secuti An-  
 dree Moravii clientes, reliquos Glottianos, partim volentes, partim invitos,  
 ad causam conjunxerunt. Ab his tam laetis initiis aucta fiducia, ut status pu-  
 blicus esset aliqua imago, collectis suarum partium principibus, Proreges creant,  
 Robertum Stuartum, etsi adolefcentem, tamen qui expeditiones has leviores  
 animi sui obfides erga patriam dedisset, & Joannem Randulphum, patre ac  
 fra-

<sup>1</sup> Eorum princeps Calenus] Aliis ferè  
 omnibus *Dugallus* appellatur, verum Ca-  
 leno illi nomen fuisse monstrat Geo. Cra-  
 fordus de Nobil. Scot. pag. 15.

<sup>2</sup> Joannem Gilbertum] Hic Gilbertus,  
 Tom. I.

se: potius *Gilfomus*, quanquam palam se  
 Balliolanis adjunxerat, tamen Bruilius,  
 aut ejus sororis filio Roberto Stuarto, oc-  
 culce favebat; is enim ejus opera paullo  
 antea fuerat servatus, Lib. IX. 17.

fratre viris clarissimis dignum. <sup>1</sup> Is cum satis valida manu ad regiones in septentriones versas missus, concurrentibus ad eum, quos immoderati Anglorum imperii perturbatum erat, Davidem Cuminium, subita animorum inclinatione illa perterritum, in Abriam usque persequitur. Ibi, in angustiis locorum deprehensum, & omnium rerum penuria circumventum, ad deditionem compulit, & in verba Brussii coactum jurare dimisit: adeoque pollicitationibus ejus fidem habuit, ut discedens vicarium eum pro se reliquerit. Nec ille segniter Brussianarum partium studium simulabat.

XXI. Interea Randulphus, in Lothianam reversus, cum vetere amico Gulielmo Duglassio, qui nuper ex Anglia reversus, squalorem diuturnum carceris magnis hostium cladibus ulcisceretur, se conjunxit. Andreas Moravius, qui ad Rosburgum captus fuerat, itidem rediit. Igitur cum ducum abunde esset, Proreges conventum indixerunt Perthum in Calendas Aprilis. Eo cum frequens Nobilitas convenisset, nihil tamen confici potuit, propter similitudinem nobilem, quæ erat inter Gulielmum Duglassium & <sup>2</sup> Davidem Cuminium. Causa prætendebatur, quod Cuminii opera Duglassius factum argueret, quod tardius ab Anglis esset dimissus. Cuminio favebat Stuartus, Duglassio cæteri fere omnes. Cuminus vero, quod comitator ad conventum venisset, eas inimicitias causabatur: adduxerat enim tantum amicorum & clientium numerum, ut cæteris omnibus formidolosus esset. Augebat suspiciones ingenium ejus varium & mutabile, animus vastus, & certi rumores de adventu Anglorum, cum quibus nemo fere dubitabat quin se Atholius conjungeret. Nec multo post Anglus Balliolus secum ducens, magnis copiis terra marique Scotiam invasit: classis centum & sexaginta navium Fortham subiit. Ipse terrestri itinere Perthum usque progressus, vicinos agros late populando, ibi Cuminium expectat.

XXII. Interea cum Randulphus Joannem, qui Æbudas sibi vindicaverat, convenisset, nec eum ad suas partes adungere posset, induciis in aliquot menses in rebus tam perturbatis contentus, Robertum alterum Proregem inde rediens gravi morbo implicitum deprehendit. Igitur alienissimo tempore, onere in se unum inclinato, cum Anglo non ausus congredi, vires divisit, per partes eum ut carperet. Audito autem <sup>3</sup> Geldrorum validum exercitum per Angliam.

<sup>1</sup> *Is cum satis*] Non satis liquet an Moraviæ Comitem hic indigiter, quod H. Boëthius, an Robertum Stuartum, an vero utrumque, quod Extr. tradunt. Notandum vero eos Atholæ Comitem ad deditionem prius compulisse, quam Proreges eligerentur, quod & H. Boëthius scribit, eaque quæ mox sequuntur confirmant.

<sup>2</sup> *Davidem Cuminium*] Si hic conventus in Calendas Aprilis anni 1336, quod narrationis series necessario requirit, fuit indistinctus, David Strabolgius (ita enim eum appellandum sæpius monuimus) ei omnino

non interfuit: anno enim præcedente ad Anglum iterum defecerat, atque ab eo in gratiam receptus 24 Augusti 1335. Fœd. Angl. Tom. 4. pag. 664.

<sup>3</sup> *Geldrorum validum exercitum*] Falluntur hic nostri scriptores, non enim Geldrorum, sed Namurcensium erat hic exercitus. Errant autem auctores Angli, Tyrellus, Burnesius, Echardus, qui eorum Ducem Joannem nominant, Joannes enim Namurci Comes in Borussia contra nominis Christiani hostes profectus in reditu extinctus est 2 Aprilis, hoc ipso anno 1335, cui successit ipsius frater Guido, is qui

gliam adventare, ut se cum Anglo jungeret, ad limitem Angliæ properat. Venienti occurrerunt Patricius Marcia Comes, Gulielmus Duglassius Lidaliannus, & Alexander Ramisæus, tum in re militari nemini secundus existimatus. Hi Geldros in campis Edimburgo proximis opperiantur. Ubi primum in conspectu fuere, sine mora concurrunt. Post acerrimum conflictum, Geldri victi, in propinquum collem, ubi semiruta arx erat, refugerunt. Postridie, cum omnium rerum penuria laborarent, vitam modo pacti, se dederunt. Randolphus, in gratiam Philippi Valesii (quem sibi amicissimum prædicabant) non contentus incolumes & commeatu auctos dimittere, ipse deducendos suscepit. Eo in itinere <sup>1</sup> ab Angliæ factionis hominibus insidiis exceptus, <sup>2</sup> ad Regem deducitur, qui tum Perthum valido exercitu obsidebat. <sup>3</sup> Eodem tempore, David Cuminius, cujus omnia consilia ex inclinatione fortunæ pendebant, lætus inimici calamitate, ad Anglum venit: ei pollicetur, se brevi e regno Britannos exacturum. Nec segnius fecit quam erat pollicitus. Nam Pertho dedito, & muris nudato, Rex in Angliam redire parabat: quod commeatus maligne suppeditabantur, Scotis omnibus sub ejus adventum admonitis, ut pecora in montes agerent, alia omnia in loca munita aut longinqua conveherent, quæ asportare non possent corrumpere. Neque classis, in qua eis spes rei frumentariæ erat, cum magnopere juvit. Primum Fortham subiens, cœnobio monachorum in Æmona insula vastato, cum in aperto mari ad anchoras staret, fœda tempestate vexata magnam fecit jacturam. Pars navium Ketham insulam propinquam, sed desertam, ægre tenuit: aliæ longius ventorum vi ablata, ubi se primum receperunt, causam tempestatis in iram D. Columbæ conferentes, ob spoliatum avare & crudeliter ejus cœnobium: igitur quidquid e præda comparebat, eo diligenter reportandum cum piaculis curant: neque quicquam eo anno memoria dignum a classe gestum est.

XXIII. Hæ causæ quanquam vehementer Anglum movebant, magis tamen ei redditum festinavit cogitatio de bello Gallico, quod tum maxime meditabatur. Itaque, velut plane confecto bello Scotico, exercitum reduxit, ac Eduardum Balliolum secum abduxit: Cuminium ad reliqua perficienda Proregem reliquit. Ille, ut operam & studium partium Regibus probaret, & hostes ulcisceretur, nihil ad summam crudelitatem reliqui sibi fecit: quæ acerbitas eo visa est indignior, quod illi ante paucos menses ad extremam inopiam redacto, tam

qui Anglum secutus in Scotorum manus venit. Vid. Gramaium de Comit. Narmurc. pag. 422. Rem vero confirmat major auctoritas, nempe Act. publ. Tom. 4. pag. 665, & 666. quibus diserte Guido appellatur. Ex iisdem etiam colligitur pag. 654. comp. pag. 658, & 660. hunc conflictum evenisse circa initium Augusti 1335.

<sup>1</sup> Ab Angliæ factionis hominibus] Libris omnibus abest vox [hominibus,] quam tamen necessariam existimavimus: neque

enim (quod sciam) excipere ab insidiis, sed excipere insidiis, absque præpositione, Latinis dici solet.

<sup>2</sup> Ad Regem deducitur] Exstant ipsius Eduardi III. literæ de ducendo Comitem de Murryf a civitate Eborum usque castrum Nottinghamie, scriptæ 13 Aug. 1335. Ibid. pag. 660. indeque ad castrum de Bamburgh, pag. 662.

<sup>3</sup> Eodem tempore] i. e. 24 Augusti 1335. Vid. supra cap. 21. huj. lib.

tam facilis ad veniam portus fuerat. Tres fere ex omni procerum Scotorum numero supererant, qui nullis neque pollicitationibus, neque periculis cogi poterant, ut in Anglorum ditionem venirent, Patricius Marciae Comes, Andreas Moravius, & Gulielmus Duglassius. Hi, Kildrumiam oppugnante Cuminiis, conjunctis viribus eo pergunt, & ad Kilblaniam silvam acre cum eo praelium conferunt. Sed cum Cuminiis numero praestaret, & pauci a pluribus prope circumvenirentur, adventus trecentorum militum recentium, cum<sup>1</sup> Joanne Crago arcis praefecto, praelium diremit, ac victoriam certam Brussianis dedit. Fortissimus quisque Cuminiis aut in praelio aut fuga caesus. Multis fuit salutis<sup>2</sup> *Canemora*, arx Roberti Mennessii propinqua. Sed, cum tantae multitudinis in arcto stipatae commeatus deessent, postridie fuit dedita, ac jurantibus in verba omnibus venia data. Cecidere, praeter ducem, ex intimis ejus amicis, Robertus Bradus & Valterus Cuminiis: Thomas ejus frater captus, postridie capite multatus.

XXIV. <sup>3</sup>Haec victoria fecit, ut Randulpho capto, aegrotante Stuarto, confirmaretur militari suffragio Andreae Moravio Proregis nomen & imperium. Nam cum literae a Rege Francorum de induciis venissent, proceres Brussiani ad eas accipiendas coacti, unanimi consensu honorem pristinum, quem calamitas ademerat, Moravio restituerunt. Is, paucorum mensium induciis finitis, Lochindoream arcem obsedit. Eam tenebat Davidis Cuminiis uxor. Ea, quod evenit futurum prospiciens, ab Anglo petiverat auxilium. Mox Angli, copiis in Moravia expositis, obsessos liberant: Elginum usque (quod est oppidum ad Loxiam amnem situm) penetrant, obvia ferro & flamma vastantes. Dum Perthum tendunt, Abredoniam cremant: arces per Merniam, Dunotrium, Kinnesum, & Lorestonium praesidiis occupant: sex monasteriis proximis impetrant, ut muros Perthi dirutos instaurent: ac, rebus Scotiis iterum Eduardo Balliolo reverso commendatis, in Angliam abeunt. Discedentibus Anglis, & Scotorum viribus fractis, Henricus Bellomontius, tempus adesse ratus expetendae vindictae de caede generi sui Comitis Atholiae, quoscunque deprehendit, qui in praelio Kilblanensi fuissent, sine discrimine omnes crudeliter occidit. Eum Andreas Moravius in Dundargo obsessum ad deditionem compulit, & jurejurando accepto nunquam hostiliter in Scotiam rediturum, incolumem dimisit:

<sup>1</sup> *Joanne Crago*] Tyrellus & Barnesius *Crabum* appellant, nostri vero omnes Buchananano adstipulantur.

<sup>2</sup> *Canemora*] Ita omnino vocandam hanc arcem testantur Extr. Carthuf. Boethius Ballendenus, Vintonus, Humius; pro quo libris omnibus *Canemora* irrepsit.

<sup>3</sup> *Hac victoria*] Parta est haec victoria anno 1335, & quidem ante 12 Septembris; quod (ut alios omittam, Volsingamium, Tyrellum, Barnesium, &c.) testatur instrumentum Eduardi Ballioli 12 Septemb.

ejus anni scriptum, quo, praeter alia, Joanni Insulano concedit custodiam Abrie, usque ad legitimam aetatem filii & baronis. Domini David de Strabolgy ultimi Comitis Atholiae. Fœd. Angl. pag. 711. Errat igitur Buchananus, qui hoc praelium confectum innuit anno 1336; multoque gravius Humius, qui pugnatum affirmat ultimo Decembris 1337. Nec culpa caret Extractorum auctor, qui Comitem Atholiae pridie Kal. Decembris occisum tradit.

misit : atque uno continuo victoriæ cursu , omnes trans Fortham munitiones , præter Cupri arcem & Perthum oppidum , eiectionis præfidiis captas demolitus est. Deinde Angliam cum exercitu ingressus , inde magnas prædas egit : & militem , domi inopia confectum , nonnihil recreavit. Totâ enim Scotiâ , eo anno , agris belli injuria incultis , aut incursionibus assiduis utriusque partis vastatis , ita fame laboratum est , ut Angli arcem Cupri munitissimam vacuum obcommeatu inopiam reliquerint. Præfidiarios nauta Scotus , ab eis male multatus , dum in Lothianam noctu transportat , in cumulum arenæ , maris æstu recedente nudatum , exposuit. Illi cum in continenti se esse putarent , paulum progressi , atque iterum mari reperto , frustra nautam inclamantes , ad unum perire.

XXV. Proximo anno , qui fuit M. CCC. XXXVII. Angli arcem Dumbari obsederunt : eam tenebat Agnes , Comitissæ Marciæ uxore , cui vulgus Ni-græ cognomen dedit , mulier animi virilis : obsidebant autem Comites Sarisburien-sis & Arundellius. Ea obsidio cum spe omnium diutius protraheretur , duo diversa agmina , in subsidium Balliolo missa , Scotiam intrarunt : alterum ducebat Monfortius , alterum Richardus Talbotus. Cum Monfortio congressus Laurentius Prestonius , exercitum , duce cæso , graviter concidit , ipse paulo post e vulnere decessit : amissi ducis iram miles inhumana captivorum cæde satiavit. Talbotus a Gulielmo Ketho deleti exercitu captus. Nihilominus duravit obsidio Dumbari. Mari ab Anglis intercluso , commeatuum penuria pene obsessos afflixit , ac procul dubio dedita fuisset arx , ni Alexander Ramisæus au-daci incepto in tempore subvenisset. 'Is nocte intempesta , deceptis qui in triremibus Genuensium maritimum latus observabant , navem ad arcem applicuit , & quadraginta selectos viros , commeatuque magnam vim exposuit. Deinde , præfidiis parte ad suos adjuncta , silentio noctis cum ingenti tumultu in vigiles Anglorum irrumpit : ac magna cæde hominum , nihil minus quam eruptionem a prope victis timentium , facta , proxima nocte , æque occultis atque venerat , discessit. Sexto demum mense , Anglos fatigatos , ac frustra omnia expertos , revocante ad bellum Gallicum Rege , Dumbari obsidio soluta est. Andreas Moravius , patria prope peregrino milite liberata , primum Sterlinum , deinde Edinburgum oppugnare est aggressus , sed utrinque re infecta discessit , pa-tata tamen Lothianâ , & in fidem Regis recepta. Interea animo paulum a la-boribus relaxato , dum sua transmontana prædia intervist , morbo gravi correptus decessit ; atque ad Rosmarchiam sepultus , summum apud omnes bonos desiderium sui reliquit : tantas enim res biennio ac semestri , quibus in magistratu fuit , gessit , ut suffecturæ cujuslibet magni ducis ætati viderentur.

XXVI. Post eum Stuartus Prærex fuit , usque ad Davidis e Gallia reditum. Adolescens adhuc multis præliis levibus , eo anno ejus auspiciis per Gulielmum Duglas-

[*Is nocte intempesta*] MS. Edinb. Genev. Francof. aliique codices , *Is nocte intempesta ad arcem deceptis* , &c. Sed cum hæc voces ad arcem plane superflue sint ,

utpotè quæ mox sub finem sententiæ re-currant , nos cum Elzev. anni 1668 , eas omnino expungendas censuimus.



Duglassium gestis, victor evasit; nec sine maximo Duglassii discrimine, & crebris vulneribus. Nam Anglos e Teviotia expulit, & in Lidalia Heremitagium cepit, magnisque comitatibus de hoste ad Mulroissiam captis communiavit. Cum Barclaio adeo acre ac pertinax certamen iniit, ut vix ipse cum tribus comitibus, idque beneficio noctis, evaserit. Joannis Sterlini copias quam gravi praelio devicisset, tamen ab eodem brevi post prope circumventus fuit. Verum, ex inopinato tumultu se colligens, postacerrimam pugnam, Sterlinum victum fugavit; triginta comitum ejus interemit, quadraginta vivos cepit. <sup>1</sup> Gulielmo Abernethio, a quo quinquies uno die fugatus fuerat, ita institit, ut ante noctem, caesis omnibus ejus comitibus, ipsum secum captivum abduxerit. Nec minore felicitate <sup>2</sup> Laurentium Vausium hominem strenuum devicit. Tandem ad Davidem Regem in Galliam abiit, ut eum de statu rerum edoceret.

XXVII. Proximo anno, qui fuit M. CCC. XXXIX. Stuartus, fortum. CCC. nã ratus instandum, coacto exercitu Perthum oppugnare aggreditur, quadri-  
XXXIX. fariam divisus viribus: sed, Anglis acriter oppidum defendentibus, non sine vulneribus rejectus fuit. Tertio demum obsidionis mense, prope desperantibus de successu Duglassius supervenit, quinque piraticis navibus conductis, quæ machinas atque aliquid militum adduxerunt. Exposita igitur parte militum, reliqui in navibus Tai amnis ostium asservare jussi. Duglassius ipse ad arcem Cuprensem recuperandam mittitur: eam ab Anglis desertam Scoti occupaverant, quibus erat præfectus <sup>3</sup> Gulielmus Bullocus, sacerdos Anglus, idemque Quæstor. Cum eo Duglassius transegit, ut, acceptis in Scotia prædiis, in suas partes transiret. Id eo facilius ei persuasum, quod nec ab Anglis subsidium sperabat, nec Scotis, qui secum in præsidio erant, admodum fidebat: ejus opera forti & fidei sæpe postea Scoti sunt usi. Obsidio Perthi jam in quartum mensem protracta, diutius videbatur duratura, nisi Rossie Comes per cuniculos aquam e fossa derivasset, atque ad murum usque cum suis penetrasset. Tum demum dejectis propugnatoribus, telorum vi potissimum e machinis emissorum, <sup>4</sup> deditio facta est, ea lege, ut Angli incolumes, quo vellent sua omnia exporta-

ta-

<sup>1</sup> *Gulielmo Abernethio*] Ita Boethius Buchananus præverat, eumque securi Barnesius pag. 108. & Tyrellus pag. 434: at potior mihi videtur Extract. Ballendeni & Vintoni fides, qui eum *Laurentium Abernethium* appellant.

<sup>2</sup> *Laurentium Vausium*] Hunc Vintonus *Rolandum* vocat.

<sup>3</sup> *Gulielmus Bullocus, sacerdos Anglus*] Solus, quod sciam, Boethius *Anglum* vocat: mihi vero utriusque hac in re fides est suspecta. Nam, ut aliorum silentium præteream, verisimile haud videtur Anglum eo tempore ad Scotos transfugam

futurum. Huc accedit quod anno proximo 1340, in Actis publicis Tom. 5. pag. 200. & 202, *Gulielmum Bullocum Militem*, (eundem reor, quem hic Buchananus nominat,) cum aliis obsidem datum reperio pro Joanne Randulpho Comite Moraviz, quem, si transfuga fuisset, Eduardus Anglus nullo pacto accepturus videtur.

<sup>4</sup> *Deditio facta est*] Ob hanc deditioem cum Thomæ Uchredi urbis præfecti fama apud multos vilesceret, se publicis Comitibus purgare erat coactus. Foed. Angl. Tom. 5. pag. 131.

2 *h.*

tarent. <sup>1</sup> Intra paucos dies, Sterlinum quoque oppugnatum, & eadem lege deditum. Mauritius Moravius, Andreæ filius, arcis est præfectus. Hac tam subita mutatione rerum Balliolus territus, e Gallovidia, ubi se plurimum continebat, in Angliam abiit.

XXVIII. Brevi post, arx Edimburgi, non vi expugnata, sed arte capta est. <sup>2</sup> Valterus Currius mercator, qui tum forte navem commeatibus onustam, in æstuario Taiad Taodunum habebat, arcessitus a Gulielmo Duglassio, in Fortham venit. Ibi communicato cum Bulloco consilio, Currius Anglum se simulat, ac duos vini optimi utres, aliaque nonnulla munuscula ad præfectum arcis attulit: oravitque, ut ibi reliquos <sup>3</sup> commeatus distrahere sine periculo per eum liceret: si qua re ei præsidiove opus esset, commoneret, se libenter eis, quoad posset, gratificaturum. Præfectus ei, ut aliquot dolia vini, certumque numerum panis nautici afferret, imperat: aditum ei, cum vellet, pollicetur. Ille, quod bene vertat, metu Scotorum, qui sæpe incursiones in loca vicina facerent, summo mane se adventurum ostendit. Ea nocte, Duglassius duodecimque comites homines lectissimi, nautico vestitu super arma injecto, commeatum ad arcem portant. Suos, quam proxime possunt, in insidiis collocatos, expectare signum jubent. Progressi paullum Duglassius & <sup>4</sup> Simon Fraserius, cæteros modico intervallo sequi jubent. Intromissi a janitore intra munitionem e trabibus ante portam arcis structam, cum animadvertissent claves ostiorum e brachio janitoris suspensas, ipsum jugulant; & sine strepitu portam arcis aperiant. Deinde suis (uti convenerat) cornu inflato, signum dant. Eodem sono & qui erant in insidiis, & custodes arcis admonentur, alteri ab amicis, alteri ab inimicis arcem teneri. Utrisque properantibus, Scoti onera in ipso portæ aditu dejiciunt, ne ante suorum (qui per difficilem clivum lentius vadebant) adventum, valvæ objici, ac ipsi occludi possent. Acri conflictu edito, ac cæde utrinque patrata, tandem præfidiarii cesserunt, cæteris, præter præfectum ac sex comites, occisis.

XXIX. Alii in hunc annum, alii in superiorem conjiciunt expeditionem Alexandri Ramisæi (qui omnes illius ætatis Scotos rei militaris gloria anteibat) in

<sup>1</sup> *Intra paucos dies*] Imo vero, si Frossardo, Barnesio & Tyrello credimus, non nisi biennio post, i. e. exeunto anno 1341.

<sup>2</sup> *Valterus Currius*] Ita eum appellant, Extr. Carthuf. Vinton. Boethius vero, Ballendenus, Major & Humius *Turrium*, sive *Towers*, vocant; unde *Turris* Innerlêthæ Comarchos idem Humius & Crawfordius propagatos arbitrantur.

<sup>3</sup> *Commeatus distrahere*] Vocem *distrahere* hoc significatu damnat Scioppius *Infam. Famiani* pag. 188; quod melioribus linguarum Latinæ ætatibus ea nemo sit usus: sed non opuserat vocabulum, a Suetonio,

Justino & Jurisconsultis fere omnibus usurpatum, sollicitare.

<sup>4</sup> *Simon Fraserius*] Major, Boethius & Ballendenus *Valterum*, Vintonus, & Extr. *Gulielmum*; Frossardus vero, Barnesius, Humius cum Buchananano eum *Simonem* appellant.

<sup>5</sup> *Ac ipsi occludi possent*] Ita editi omnes, quod tolerari forte potest auctoritate Plauti, cui Menech. 4. 2. 108. *occludi pro includi* accipitur. *Quæ non me excludet ab se, sed apud se occludet domi*, i. e. *includet*: sed rectius MS. in quo *excludi* scribitur.

in Angliam. Erat enim ea tum de virtute ejus opinio, ut qui non prodiiſſet ex illius velut ſchola, militiæ non ſatisperitus haberetur. Itaque juvenus ad eum, velut unicum bellandi magiſtrum, frequens ventitabat. Is, cum non paucas ante expeditiones in hoſticum, cum parva manu, proſpero eventu feciſſet, rebus eorum tum in Scotia afflictiſ, aliquid majus audendum ratus, collecta magna clientium & amicorum manu, Northumbriam late populatus eſt. Eum revertentem Angli, ex omnibus agris & caſtellis, longe majoribus copiis conſequuntur. Eorum congreſſum cum Alexander vitare non poſſet, & ſuorum animos, ob multitudinem hoſtium, nonnihil debilitatos ſentiret, præmiſſa præda, pedites in inſidiis locat: equites late effuſos ſimulare fugam jubet; deinde, ubi locum inſidiarum præteriſſent, ad ſignum buccinæ ruruſ in unum coire. Eam equitum fugam Angli veram rati, æque effuſi & ipſi ſequuntur. Ad quos Scoti ſigno revocati, cum ſe momento temporis obvertiſſent, pediteſque undique ex inſidiis proſiliſſent, verſus eſt in Anglos ex re inopinata terror, ac non paullo concitatiore curſu, quam antea ſecuti erant, fugerunt; multi occiſi: complures capti: præda incolumis domum abducta. Inter captivos fuit præfectus Roſburgi: cum eum præſidium fere omne ſecutum fuiſſet, Alexander oppidum pene vacuum aggreſſus, primo impetu cepit. Inferiorem quoque arcis partem cum ſuæ poteſtatis feciſſet, qui reſtabant, in turrim validam confugerunt: ſed, cum pertinaciſſime oppugnarentur, nec ſubſidium a ſuis ullum ſperarent, ſe dederunt. Sunt qui Sarisburii Comitem ibi captum tradant, & cum Joanne Randulpho permutatum. Sed magis inclinât animus, ut plures ſcriptores ſequar, qui Sarisburium a Gallis atque in Gallia captum prodant. Randulphus in Annandiam proſectus, arcem ſuam ad lacum Mabanum de Angliſ cepit: ac tres limitum præfecti, Alexander Ramiſæus orientaliſ, Gulielmus Duglaſſius medi, Randulphus occidentaliſ, ultra veteres fines, qui Alexandro tertio regnante fuerant, Anglos expulerunt: neque quicquam in ſolo Scotico præter Bervicum tenebant. Sunt qui Roſburgum a Ramiſæo, ſopitiſ vigiliſ, de nocte ſcalis admotiſ, captum tradant, anno M. CCC. XLII. die Martii XXX. cum quibus facit liber Paſſerenſis.

M. CCC. XXX. Eodem anno, IV. Non. Julii, David Bruſſius cum uxore ad  
XLII. Ennerbervium applicuit, anno quam diſceſſerat nono: cujus adventus eo fuit omnibus gratior, quo minore in ſpe tum res Scotorum erant. Nam Eduardus, factiſ cum Philippo Rege Gallorum ad Tornacum trium annorum induciſ, atque

1 IV. Non. Julii] Alii omnes IV. Non. Junii, quibus eo facilius aſſentior, quod Buchananus ejuſve exſcriptores non ſemel Julium pro Junio meſe acceperunt. Vid. ſupra ad Lib. VIII. 59. & Lib. IX. 18. & mox in fine huj. cap.

2 Anno quam diſceſſerat nono] Hoc conſtat quod ſupra lib. IX. 8. oſtendimus, Davidem nempe poſt inſauſtam demum ad Halidonem pugnam, anno 1333, in Galliam

ſe contuliſſe, non vero poſt prælium Duplinente anno 1332, quod dum Buchananus aſſerit ſibi ipſi contradicit, eo enim pacto decem fere annos in Gallia Davidem moratum fuiſſe oportet.

3 Ad Tornacum trium annorum induciſ] In gemino errore hic verſatur Buchananus: primum enim hæ induciæ ad Tornacum, vel potius Eptelinum, initæ 25 Sept. 1340, ad 24 Junii 1341 erant duraturæ; poſt-

atque ita bello Gallico vacuus, decreverat totis viribus Scotiam aggredi. Habebat tum in exercitu quadraginta peditum, sex equitum millia: ac adversus annonæ angustiam magnam classē ornaverat, quæ commeatus terrestribus copiis suppeditaret. Ea cum Novembri mense solvisset, tempestate sæva jactata, atque in Belgicum & Germanicum littus post longam vexationem ejecta, inutilis prorsus ad præsentis belli usum fuit. Interea Eduardus, cum terrestribus copiis, circa Novum castrum ad Tinam, in maxima commeatuum penuria, se continebat. Ad eum legati e Scotia missi, <sup>1</sup> quatuor mensium inducias ea conditione fecerunt, <sup>2</sup> ni David Rex <sup>3</sup> ante Calendas Junias domum rediret, ut Scoti omnes in Eduardi-ditionem concederent. Verum David, audito Angli apparatu, ante legatorum ad se adventum solverat.

XXXI. Ad Regem ita (uti dixi) reversum, inter gratulantes, qui ab omnibus regni partibus frequentes aderant, venit Alexander Ramiseus, cum omni vita superiore splendide acta, tum recenti militari gloria clarus. Is singulari favore

postea quidem Attrebat renovatæ, atque ad 24 Junii 1342 protraxit. Vid. Acta publ. Tom. 5. pag. 105. Tyrel. vol. 3. pag. 340. Verum eis ante exitum anni 1341 violatis, bellum violentius quam prius inter Anglos & Gallos exarsit. Porro animadvertendum est in omnibus hisce induciis Scotos semper fuisse comprehensos; ac propterea quod alterutri populo bellum inferebatur, utrique illatum habitum fuisse. Buchananum autem fefellisse videntur alix trium quidem annorum induciæ; at hæc initæ demum sunt anno 1343, Gallos pariter & Scotos complectentes. De iis Buchananus loqui intelligendus est Lib. IX. 33.

<sup>1</sup> *Quatuor mensium inducias*] Ita quidem Frossardus, a quo præcipue, si non unice, hæc Buchananus habuit. Barnesius vero & Tyrellus sex mensium inducias patet memorant. Sed cum omnes consentiant eas ineunte Decembri cœpisse, & vel Kal. Maji, vel Junii finisse, sibi ipsis contradicunt, nam sic Buchananus 6 mensium, illis vero 5 mensium induciæ statuuntur.

<sup>2</sup> *Ni David Rex*] Accuratissimus annalium Scoticorum indagator Pat. Abercrombious vol. 2. pag. 79. aut nullas aut perbreves inter Scotos Anglosque inducias factas ostendit; si quæ autem fuerant, non ea lege initas, ut, ni David ante eorum excessum rediret, Scoti in Eduardi

ditionem concederent.

<sup>3</sup> *Ante Calendas Junias*] Quod Barnesius observat pag. 250. præpollere hæc a Buchananus traduntur; qui Davidem reversum ait non ante 4 Nonas Julii, quamvis Scoti pacti essent eum reditum ante initium Junii (non Maji, quod perperam Barnesius Buchananus affingit;) & tamen eum ante legatorum ad se adventum solvisse. Sed tota hæc narratio purum putum Frossardi figmentum est. Nam, quemadmodum ab Abercrombio est notatum, mense Martio anni 1342, commeatus ab Eduardo concessus est Episcopo Brechinensi, Patricio Comiti Marciæ, Gulielmo Duglassio & aliis (quos instrumentum ipsum Foed. Angl. pag. 306. legatos Davidis Brussii disertim appellat) qui cum legatis a se proximo Aprili missis de induciis agerent. Quis autem Davidem Brussium ita delirum existimaverit, ut legatis suis facultatem sui exauctorandi permitteret, ni intra paucos menses in Scotiam rediret? Quod si rem ita se habuisse fingamus, debuerat ex pacto David se regno abdicasse, quum ad præstitutum tempus, Kal. nempe Majas juxta Frossardum, vel etiam Junias (uti Buchan. scribit) non redierit. Anne vero credibile est scriptores Anglos (apud quos tamen nihil hujusmodi occurrit) tam ingigne sui in Scotorum gentem dominii argumentum fuisse omissoiros?

favore acceptus, & præter custodiam Rosburgi, etiam totius Teviotiæ præfectura judiciaria donatus. Hoc in honore sibi cum prælatum Gulielmus Duglassius ægerrime tulit: nam cum Teviotia pene tota Anglos expulisset, conventibus agendis, quanquam injussu Regis, aliquot annos præfederat: meritis enim in patriam, & nobilitate generis, & familiæ opibus fretus, neminem in eo magistratu sperabat sibi competitorem futurum. Itaque totus in ultionem intentus, iram in præsentia suppressit: tandem vero post tres menses, inimicum conventum habentem in templo Havici nactus, cum nihil minus expectantem, cæsis tribus comitibus auxilium ferre conantibus, faucium jumento imposuit; atque in Heremitagio mori fame coëgit. Eodem fere tempore, eodem genere mortis, per Davidem Barclaium extinctus est Gulielmus Bullocus, homo singulari erga Regem fide. Hæc duo crudelitatis inhumane facinora totam pene Scotiam, in factiones distractam, seditionibus replevere. Hæc res Regem adolescentem, & nondum militaribus ingeniis assuetum, vehementer exercuerunt: & quanquam summam diligentiam in perquirendo ad supplicium Duglassio adhiberet, is tamen per amicos (plurimos enim ob res præclare gestas pro libertate sibi conciliaverat) ac in primis per Robertum Stuartum, Regis e sorore natum, veniam obtinuit. Maxime valuit magnifica quidem, sed vera commemoratio rerum ab eo gestarum, & ratio temporis, quo, pace foris incerta, nec rebus domi quietis, militares homines retinendi, atque etiam omni favore amplectendi essent. Igitur non solum venia Duglassius, sed præfectura Rosburgi & Teviotiæ donatus est, clementia fortasse in præsentia non inutili, sed exemplo in posterum pessimo.

XXXII. David, rebus utcunque domi compositis, expeditionem in Anglos denunciat, magna Nobilitatis parte, ob comæatuum, qua laborabatur, penuriam, dissuadente. Collecto satis magno exercitu, Joannem Randolphum ei præficit: ipse occultus, dissimulato nomine Regio, cum eo proficiscitur. Hæc manus, per duos prope menses depopulata Northumbriam, cum ingenti præda domum rediit. Iterum intra paucos dies, Rex seducem exercitus professus, hosticum intravit. Angli viribus inferiores certaminis aleæ rem committere, absente in Gallia Rege suo, recusabant: sed magno equitatu ab omni parte assultantes, a libera populatione Scotos arcebant: quinque primæ nobilitatis Equites, nuper a Davide in eum ordinem ascitos, temere longius a suis progressos, cæsis aut fugatis eorum comitibus, hostes capiunt. Rex, ne tem-

pus

**I** David, rebus utcunque domi compositis] His verbis innuere videtur Buchananus Gulielmum Duglassium venia prius fuisse donatum, quam Rex primam in Angliam expeditionem adornaret. Verum longe se aliter res habuit. Nam Davidem, eo ipso quo rediit anno, Angliam ingressum comitatus est Gul. Duglassius non sine magno Anglorum malo, ut eorum Annales testantur. Anno autem sequenti Ramisæum

sustulisse, atque ob id Regis iram metuens secreta cum Anglo consilia communicasse videtur. Exstant enim Angli ad Henricum Percium & alios literæ, quibus eos Duglassium ad suas partes traducere hortatur, scriptæ 18. Aug. 1343. Ford. Angl. Tom. 5. pag. 379. Quæ res Scoto (uti videtur) indicata, Duglassio præteritorum veniam maturavit.

**I** Magna



pus illic frustra tereret, reduxit exercitum. Tertia expeditione, coactis quam potuit occulte copiis, ut hostes necopinantes magna clade afficeret, cum Angliam præcipiti autumnò fuisset ingressus, largis imbribus exiguos torrentes ita augmentibus, ut agrum omnem non modo impervium redderent, sed com meatuum advectionem prohiberent, paucis arcibus, ne nihil tanto conatu videretur egisse, dejectis, domum rediit. Non adeo diu post, legatis ultro citroque missis, actum de induciis in biennium, in quas Scotus ea lege consensit, modo eas ratas Philippus Gallorum Rex haberet: nam in fœdere inter Scotos & Gallos ita cautum erat, ut neutra gens sine altera pacem aut inducias cum Anglo faceret: hæ quietam interea Scotiam tenuere.

XXXIII. Quarto fere post reditum Davidis anno, Gallis <sup>1</sup> magno prælio victis, obseſſo ab Anglis Calisio Morinorum oppido, Philippo per legatos instante, ut Scoti Angliam ingressi, partem virium Anglicarum in se derivarent, exercitus Perthum convenire iussus est. Eo cum frequentes coissent, David Comes Rossæ, <sup>2</sup> Reginaldum Æbudarum Regulum veterem inimicum, septemque comitum ejus nobilissimos, noctu ex insidiis aggressos interemit. Ea cædes valde exercitum imminuit, cum non solum utriusque partis amici & clientes, sed multi etiam vicinorum, civile bellum inter familias potentissimas metuentes, <sup>3</sup> domos discederent. Igitur Gulielmus Duglassius Lidalianus Regi maxime suadebat, ut, omiſſa in præsentia expeditione, res domi componeret. Hoc consilio contempto, Rex, amicitia superante caritatem patriæ, in Angliam ducit: ac ferro & flamma omnia qua ibat prosternens, sexto decimo demum die in agrum Dunelmensem venit. Angli, partim a Percio collecti, partim ab exercitu, qui Calisium obsidebat, remissi, cum frequentes convenissent, se Scotis, multo celerius eorum opinione, acie instructa ostenderunt. David, qui, nihil minus quam hostis adventum metuebat, & Gulielmum Duglassium ad agrum vicinum depopulandum emiserat, suis signum pugnae proponit. Duglassius, cum in hostem necopinus incidisset, trepida fuga, quingentis viris fortissimis amissis, in castra rediit. Nec infelix rei incipiendæ auspiciū felicior conflictus est secutus. Pugna acriter inita, <sup>4</sup> in prima acie cæsus est, profligatis prius

<sup>1</sup> *Magno prælio*] Ad Cressiacum 24 Aug. 1346 commisso, quo 2 Reges, 6 Principes, plurimi viri nobiles, ac e vulgo militum 30000., ex parte Gallorum erant occisi.

<sup>2</sup> *Reginaldum Æbudarum Regulum*] Abercrombious pag. 92. existimat Æbudarum Regulum tum Joannem vocatum fuisse, ex Epistola Eduardi Angli (Fœd. Angl. Tom. 5. pag. 530) qua Joannem de Insulis sibi conciliare conatur. Verum cum hæc epistola aliquot diebus post prælium Dunelmense, i. e. 4 Nov. 1346 sit scripta, hunc Joannem Reginaldi aut fi-

lium, aut fratrem, non absurde liceat existimare.

<sup>3</sup> *Domos discederent*] Ita MS. & princeps editio Edinburg. aliæ omnes domum, male.

<sup>4</sup> *In prima acie*] Alio ordine instructum exercitum vult Boëthius, qui primam aciem Roberto Stuarro & Comiti Marcie commissam tradit. Quærunť autem Barnesius & Tyrellus, qua auctoritate impulsus Buchananus a Boëthio diversus abierit. At non desunt Buchananò idonei auctores, Extractorum scriptor & Vintonus, qui eodem, quo ille, ordine Scotorum

Pp 2

acies

prius suis, Joannes Randulphus. Mediam, in qua Rex erat, duæ Anglorum acies, altera victrix, altera integra aggressa, obstinatam mori cum eo Nobilitatem Scoticam pene ad internecionem ceciderunt. Rex ipse a Joanne Coplando, cui, telis ereptis, duos pugno dentes excusserat, captus, sed jam duabus sagittis graviter faucius. Tertia, cui Robertus Stuartus & Patricius Dumbarius præerant, acies, visa suorum clade, prope incolumis se subduxit.

XXXIV. Post hanc pugnam, ita profligata Nobilitate, statim Rosburgum, Heremitagium, aliæque complures arces Anglis deditæ. Scoti coacti, præter quos in Anglia tenebant agros, etiam Marcia, Teviotia, Lidalia & Lauderia cedere. Limites Anglorum ad saltum, quem Cocburni vocant, & Soltram prolati. Balliolus, non contentus 'ditionem majorum suorum in Gallovidia recuperasse, Annandiam & Nithiam, & quicquid agrorum ad Glottam adjacet, cæde & incendio pervagatus est: Lothianam quoque, adjuncto sibi Percio Anglo, simili clade affecit: nec per aliquot annos in Scotia justus exercitus confici potuit. Accessit ad hæc mala pestis gravissima, quæ partem fere tertiam populi absumsit. Nec in rebus tam afflictis a domesticis malis cessatum est. David Barclaius, Eques nobilis, qui Bullocum ante occiderat, hoc quoque tempore in cæde Joannis Duglassii Dalkethii affuerat. Eum Gulielmus Duglassius Lidalianus, qui in prælio ad Duncelmum captus ab Anglis nondum redierat, per suos clientes curavit interficiendum: nec ipse in Scotiam reversus, diu ei superstes fuit. Nam a Gulielmo Duglassio, Arcibaldi filio, nuper e Gallia reverso, inter venandum in silva Atrica, <sup>2</sup> in ultionem cædis Alexandri Ramisæi, est interfectus. Nec priscorum Scotorum tribus, homines quietis impatientes, a mutuis injuriis temperarunt.

XXXV. Inter hæc mala undique prementia, <sup>3</sup> Gulielmus Duglassius, collecta propinquorum & clientium manu, primum Duglassiam majorum suorum patrimonium, ejectis Anglis, recuperavit: deinde, e parvo successu crescente civium erga eum favore, magnam Teviotiæ partem recepit. Interea Joannes Francorum Rex, qui patri Philippo & regni & belli fuit hæres, veritus ne Scoti, tot malis fracti, tam potenti hosti succumberent, misit ad eos Eugenium Garenterium, quadraginta viris fortibus comitatum, petatum ab eis, ne ullam cum Anglo pacem se inconsulto facerent. Is quadraginta scutorum millia, ad militem conducendum attulit: præterea magnificis promissis Nobilitatem in suam sententiam traduxit. Illi, acceptam pecuniam inter se partiti, nullo milite conducto, bellum per excursiones frequentes more suo administrarunt. Id ubi ad Anglum est perlatum, Lothianam jam antea male habitam, prope ad vastitatem redegit. Hæc ut ulciscerentur, Patricius Dumbarius

acies dispositas affirmant. Eorum vero fidem haud parum suffulcit, quod Robertus Stuartus & Patricius Dumbarius, visa suorum clade, se suosque incolumes subduxisse dicantur: qui si primi prælium inissent, non ita facile evasuri videntur.

<sup>1</sup> Ditionem] Vide supra ad Lib. 1. 42.

<sup>2</sup> In ultionem] Aliam hujus cædis causam veroque magis similem adferre Humius.

<sup>3</sup> Gulielmus Duglassius] Hic primus erat Duglassii Comes paullo ante prælium Dupelmense creatus.

L. Cum

rius & Gulielmus Duglassius, collecta quam potuerunt occultissime magna manu, Gulielmum Ramisæum Dallusium, virum fortem & notæ in bello industriæ, ad Noramam pagum in ripa Tuedæ frequentem incendendum, cum parte exercitus mittunt; ipsi in insidiis consistunt. Cum quod quæsitum erat Ramisæus foret assecutus, perducti ad insidias hostes, ac circumventi cæduntur. Tandem multitudini impares deditiōem faciunt: pars major capitur.

XXXVI. Hoc successu crevere Scotis animi: itaque iisdem duclibus conjunctis, Thomas Stuartus Angusiæ Comes Bervicum tentare statuit. Id occulte ut conficeretur, conductis undecunque poterat navibus, scalisque & reliquo oppugnandarum urbium apparatu imposito, Patricium de suo adventu facit certiozem. Cum ad horam constitutam, quam minimo poterant tumultu, ad muros accederent, vigiles tamen non fecerunt: quibus post acrem pugnam repulsis, Scoti tandem urbe, non sine damno suorum, potiuntur. Arcem ab Anglis retentam magna vi, sed frustra adoriuntur. Anglus audito rerum Scotticarum statu, coacto exercitu copioso, magnis itineribus eo contendit. Scoti, accepto ejus adventu, nulla re ad longam obsidionem satis provisa, urbe spoliata & incensa, ad sua redierunt. Eduardus, omni genere artificum adhibito, corrupta flammis instaurat: interea ipse Rosburgi manet. Eo Balliolus venit, Scotiæ regno ei cedit: oratque vehementer, ne sibi a Scotis illatas injurias negligat. Anglus, velut ei obsecundans, Lothianam terra marique invadit: & quicquid supererat superiori vastationi corrumpit. Decreverat illa expeditione Anglus totam Scotiam affligere, ut nullas in posterum vires ad rebellandum recolligere posset: verum id consilium discussit foeda tempestas, quæ classem, in qua subvehebatur commeatus, ita dissipavit, laceravit, & affixit, ut paucae naves iterum in unum portum coire potuerint. Ita Eduardus redire ob commeatus inopiam coactus, iram suam in Edimburgum, Hadinam, reliquaque Lothianæ oppida effudit. Eo cum exercitu in Angliam reverso, Gulielmus Duglassius Gallovidiam, Rogerius a Cella Patricii Nithiam, Joannes Stuartus Proregis filius Annandiam Scotis, hoste expulso, restituerunt.

XXXVII. Eodem fere tempore, Joannes Rex Francorum in Pictonibus magno prælio ab Anglis victus, capitur. Eduardus cum, duobus Regibus captivis, hiemem ageret in summa inter amicorum gratulationes lætitia, Scoti, animum ejus gloria satiatum rati tum ad acquitatem facilius flecti posse,

cum

[Cum, duobus Regibus captivis] Hoc falsum esse ostendunt Barnesius & Tyrellus. Neque enim David Scororum, & Joannes Francorum Reges una simul hieme (aut, quod Lessæus alique affirmant, uno simul natali Christi die) in Anglia captivierant. Joannes enim in Angliam captivus ductus mense Majo anni 1357, proximoque Septembri David Bervicum est deductus, nec antea in Angliam reversus, quam de ejus liberatione est transactum, & scilicet. Octob. ejusdem anni. Proximo quidem anno Da-

vid Londinum est profectus, Anglum orandi gratia, ut longiorem sibi in reliquis redemptionis suæ pensionibus solvendis moram indulgeret: cumque ibi (quod Abercrombius ex Actis publicis ostendit) ab autumno anni 1358, ad 18 minimum Januarii sequentis, sit commoratus; necesse est eum hiemem cum Joanne Franco in aula Anglica egisse, atque festos ea tempestate dies cum Eduardo celebrasse. Indeque nostris occasio existimandi est data, tum primum de eo liberando actum fuisse.

Pp 3

1 Cum

cum eo per legatos de Rege suo liberando egerunt. Bruffius, ut facilius sibi eum convenire possent, Bervicum est missus: cum de conditionibus non conveniret, iterum Londinum est reversus. Nec adeo diu post, per legatos Pontificios, qui de pace inter Anglos & Francos summo studio agebant, <sup>1</sup> cum Scotis etiam est transactum, promissis Anglo, ut nostri scribunt, <sup>2</sup> centum, <sup>3</sup> ut Frossardus, quingentis millibus marcarum Anglicæ monetæ: cujus pecuniæ <sup>4</sup> pars repræsentaretur, reliquum per pensiones solveretur. Ea summa quo facilius conficeretur, Pontifex Romanus sacerdotiorum decimas in tres annos donavit: induciæ interea factæ, obsides dati nobilissimi adolescentes, qui pene omnes in Anglia peste interierunt. David igitur undecimo quam captus fuerat anno domum reversus, primum omnium, qui fugæ principes e Dunelmensi prælio fuerant, multavit: Patricio Dumbario partem agri abstulit: <sup>5</sup> Robertum Stuartum, sororis majoris filium, a spe succedendi in regnum removit: atque in ejus locum substituit <sup>6</sup> Alexandrum Sutherlandiæ Comitis filium, e secunda sorore genitum, & in ejus nomen proceres sacramento adegit. Hujus adolescentis pater, ut procerum voluntates filio conciliaret arctius, latos & fructuosos agros viris potentibus donavit. Sed, Alexandro brevi post mortuo, David Stuarto placatus est, & in Ordinum frequenti conventu, suus ei locus est omnium decreto restitutus. Sed id aliquot annis posterius est factum.

## XXXVIII.

<sup>1</sup> *Cum Scotis etiam est transactum*] Hac voce [etiam] Buchananus innuere videtur de Scoto ac Franco eodem tempore liberando fuisse transactum; cum tamen aliter se res habeat. Scotus enim (uti diximus) liberatus est anno 1357, Francus vero non nisi anno 1360.

<sup>2</sup> *Centum, ut Frossardus, quingentis millibus*] Vide totam hanc transactionem apud Rymerum, Fœd. Angl. Tom. 6. pag. 30. ad 65. & Abercrombium pag. 118. 119, 120. E quibus apparet Scotos pro sui Regis redemptione pactos fuisse 100000 marcas Anglicæ monetæ intra decem annos per æquales portiones solvendas. Cum autem Scoti eas pensiones statutis temporibus conficere nequirent, aliæ per utriusque Regis legatos conditiones initæ sunt anno 1365, ut scilicet. Scoti intra 25 annos 100000 libras Anglo penderent, ita ut singulis annis 6000 marcæ solverentur. Ibid. pag. 464. Cum autem anno 1369, de ea summa restarent 56000 marcæ nondum solutæ, alia denique conventio facta est, qua quatuordecim annorum induciis pactis, quatuor millia marcarum quorannis Anglo penderentur, Ibid. pag. 632. quod & a Scotis cum fide est præstitum,

totumque adeo Davidis redempti pretium persolutum anno demum 1383. Ibid. Tom. 7. pag. 417.

<sup>3</sup> *Ut Frossardus*] Frossardus non marcas sed scutatos nominat, quos ejus interpret Sleidanus aureos reddit.

<sup>4</sup> *Pars repræsentaretur*] Non quidem statim, quod Buchananus verba præ se ferre videntur, sed ut prima tantum pensio, sive 10000 marcæ, 24 Junii anno proximo 1358 solveretur.

<sup>5</sup> *Robertum Stuartum*] Totam hanc narrationem non spernendis argumentis labefactare conatur Abercrombium p. 153. & seq.

<sup>6</sup> *Alexandrum Sutherlandiæ Comitis filium*] Hunc Sutherlandiæ Comitis filium, non Alexandrum (quo nomine Boerhius etiam, Holinshedius & alii eum appellant) sed Joannem fuisse vocatum ex multis in Actis publicis instrumentis constat. Ibid. pag. 35. & 47. Vide etiam Rymeri Epist. 1. ad Episc. Carleol. pag. 42. Et Ballendeno quidem Joannes nominatur; Barnesius tamen, quanquam alii Joannem appellatum agnoscat, Odor. Raynaldi auctoritatem secutus, cujus fides, inquit, præstantior est, ei nomen Alexandro fuisse perperam arbitratur.

1 Apo-

XXXVIII. Proximos fere quinque annos in pacandis discordiis civilibus Rex consumpsit: quo in tempore duæ clades inciderunt: altera ad paucos pertinens, ex inundatione aquarum. Tantum enim aquæ pluvix de coelo dejectum est, ut, torrentibus & fluviis per Lothianam in agros effusis, non pontes modo & molas aquarias, sed pleraque rusticas domos, cum pecore & dominis, vis aquarum in mare detulerit, arbores radicitus evulserit, oppida quoque prope fluminum ripas pene deleverit. Hanc calamitatem secuta pestis, multos omnium ordinum atque ætatum consumpsit. Pacationibus jam rebus, anno millesimo trecentesimo sexagesimo tertio, in conventu Ordinum, Rex ad Apolectos retulit, de Anglo aut ejus filio (si quid sibi humanitus evenisset) ad regnum capi-

1 Apolectos] i. e. ut Irvinus & Crafordius interpretantur, ii qui nobis Domini ad Articulos, vulgo [*The Lords of the Articles*] appellantur. ii autem erant selecti e tribus regni Ordinibus viri, qui summis regni ministris, quos *Officiarios Status* vocamus, adjuncti, in antecessum dijudicare solebant, quarum res in publicis comitiis proponendæ viderentur. Quod ad vocabulum *Apolectos* attinet, id Buchananus, & quidem ad rem exprimendam commodissimum, a Livio mutuatus videtur, lib. 35. cap. 34. *Concilium quidem universæ gentis post dimissos Romanos [Ætoli] non habuerant, per Apolectos autem (ita vocant sanctius concilium: ex electis constat viris) id agitant, quoniam modo res in Græcia novarentur.* Et lib. 36. cap. 28. *Ubi cum in concilio delectorum, quos Apolectos vocant, Phœneas & qua imperarentur, & qua ipsi prope accidissent, exposuisset; ingemuerunt quidem principes conditioni suæ, parandum tamen victori censebant, & ex omnibus oppidis convocandos Ætolos ad concilium.* Ita quidem exhibent omnes Buchanani ævo & diu postea editi Livii codices; non tamen dissimulandum est in recentioribus, præsertim Gronoviana & Doujatiana Edit. *Apolectos* legi. Ego vero parvo discrimine referre arbitror, sive *Apolectos*, sive *Apolectos*, apud Livium atque adeo Buchananum legamus; eadem enim fere est utriusque vocis, hujus ἀπόλεκτοι, illius ἀπόλεκτοι, vis & significatio. Nam ἀπόλεκτοι Græcis idem est ac *electus* vel *selectus*: ἀπόλεκτοι inquit Suidas, i. e. ἐκλεῖν, ἐκλεῖναι, ἐκλεῖναι. Thucyd. lib. 6. Ἄλλοι δὲ πρὸς ἀλλήλους πειθαρχεῖν ἀμυνόμενοι, καὶ οὐκ ἀπολέκτως ἀλλήλοις καὶ ἑαυτοῖς, ubi vetus Scholiastes explicat

ἐκλεῖναι. Eadem est ratio alterius vocis ἀπολέκτοι, i. e. *evocati*, *acciti*; καλεσμένοι reddit Suidas, citatque inter alios hunc Polybii locum; Τελευτῶν δὲ Ἀπολέκτων ἐπὶ χειρὸν τοῖς συνδριόντας μετὰ τῷ βασιλεῖ.

2 De Anglo, aut ejus filio] Memorabilis hujus negotii, ab aliis parum vere aut obscure traditi, seriem Abercrombicus primus ex Actis publicis erutam in clarantem lucem exposuit pag. 130. & seqq. Ejus autem summa hæc erat; ex parte quidem Davidis, ut is strenue apud suos niteretur, ut, si ipse sine sobole decederet, Scotorum regnum Anglo ejusque successoribus lege lata confirmaretur. Quod ut facilius a suis David impetraret, ex parte Angli contra conventum est. 1. Ut quod de redemptionis ejus pretio nondum solutum supererat (supererat autem plus quam dimidium) id Scoto in perpetuum remitteretur. 2. Ut Anglus omnibus arcibus terrisque quas in Scotia tenebat, deinceps cederet, finesque Scotis iidem essent, qui moriente Roberto Bruffio. 3. Ut quas terras Davidis majores in Anglia beneficii nomine tenuerant, ex ipsi restituerentur. 4. Ut Scoti suis legibus, privilegiis & magistratibus uterentur, neu extra regni limites ad jus petendum accipiendumve evocarentur. 5. Ut Anglus, eique in regnum succedentes, statim post suscepta imperii Anglici insignia Sconam venirent, ibique pari modo Scotorum Reges inaugurarentur, ac tum sancte jurarent se Ecclesiæ jura, ac bonorum Regum leges & statuta, in primis vero hujus foederis condiciones, sanctas ac illibatas conservaturos. 6. Ut Comitia publica nusquam extra Scotiæ limites haberentur. 7. Ut munia tam Ecclesiastica quam



piendum in Scotiam arcessendo. Id sive tædio bellorum, utriusque gentis commodis prospiciens, sive (quod alii putant) ab Anglo jurare coactus, fecerit, oratio ejus fuit adeo omnibus ingrata & molesta, ut non expectato dum ordine sententiæ rogarentur, omnes clamore confuso vocem abominarentur: ac nihil propius fuit, quam ut qui liberrime vociferati fuerant, iram ejus metuentes, defectionem circumspicerent. Quorum ubi timorem rescivit, remissa ira eos in gratiam recepit. Cæteris ubique pacatis, montani in armis perstabant; nec solum inter se fœda atque inhumana crudelitate sæviebant, sed vicina etiam late populabantur. Hos Rex cum ad concordiam nulla ratione posset adducere, per homines callidos discordias augendas curavit, donec ferocioribus mutua eade consumtis, cæteri tractabiles & mansueti redderentur. His domi forisque editis, in arce Edimburgensi decessit, anno vitæ quadragesimo septimo, regni pro-

quam civilia nullis præterquam Scotis demandarentur. 8. Ut Scotis commercia in Anglia exercere liceret. 9. Ut ne graviora ab iis vectigalia aut census, quam soliti sunt optimi Scotorum Reges Anglus exigeret, neve secus quam eorum pristina consuetudo ferebat militare cogerentur. 10. Si quæ alia Scotis ex usu esse, atque ad se incolumes nullique injuriæ obnoxios præstandos necessaria viderentur, ea ex concilii sui sententia benigne concessurum Anglus pollicebatur. Alias hujus fœderis ineundi condiciones, quod ex levioris momenti essent, consulto omisimus: qui eas prolixius expositas velit, is adeat Abercrombium loc. cit. & Rymeri Acta publ. Tom. 6. pag. 416.

1 Regni prope tricesimo nono] Egregie errant, non Buchananus modo, sed & liber Carthus. de Perth. Jo. Major, H. Boethius, Lessæus, Ballendenus, &c. qui Davidem II. 39 regni anno decessisse tradunt: Ex documentis enim omni exceptione majoribus palam est eum anno demum regni sui 41 obiisse: & (ut alia omittam ex Rymeri Epist. ad Episc. Carleol. pag. 5. & Registro Calsonensi fol. 200; & 201. colligenda) viginti minimum hujus Regis instrumenta in Actis publicis Edinburgi asservatis meis ipse oculis lustravi, quæ omnia 41 regni annum disertim præferunt. Sed neque ullis testimoniis hic opus; cum enim, quod nostri tradunt, ac nos plenius supra ostendimus, Robertus Brusius Davidis pater anno 1329, David vero ipse omnium suffragio anno de-

cemum 1370, fatis concesserit, perspicuum plane est 40 minimum annorum intervallum inter hujus illiusque obitum intercessisse, ac proinde Davidem 40 saltem annos regnasse. Quærenti autem quæ causa potissimum nostros scriptores devios impulerit, speciosa quidem, si receptæ Regibus nostris consuetudini repugnaret, hæc ratio occurrit. Arbitrati nimirum sunt plerique nostrorum Annalium conditores Reges nostros non ante regnare cœpisse, quam solenni ritu inaugurati fuissent: & hoc quidem pacto, cum David coronatus demum fuerit anno, ut nostri testantur, 1331, decesseritque anno 1370, anno certe regni 39 decessisse censendus est, pari modo quo ab iisdem auctoribus Jacobus I. regni anno 13 extinctus memoratur. Sed falsio prorsus fundamento nituntur nostri scriptores; cum enim regnumoticum, non ex Ordinum suffragiis pendeat, sed jure sanguinis hæreditario in genere proximos continuo descendat, plane consequens est nullum hic interregnum fieri, sed uno Rege mortuo, alium statim in ejus locum, & ita deinceps perpetuo tenore succedere, eodem jure, quo filii in parentum defunctorum bona & possessiones dominium protinus acquirere solent. Hinc vulgatum Jurisconsultis nostris axioma, *Rex non moriens*: quo scilicet. Rex moriens in ipso mortis articulo alteri rerum gubernaculum quasi de manu tradere significatur. Rem vero ex moribus nostris ita esse ostendunt hi ipsi, quorum meminimus David. II. & Jacobus I. qui a parentum obitu regni sui

\*prope tricesimo nono, Salutis humanæ millesimo trecentesimo septuagesimo, MCCC  
\*septimo die mensis Maji: vir sane in omni virtutum genere, ac in primis ju- LXX.  
stitia & clementia memorabilis, & cui in bonis malisque rebus exercito, sem-  
per magis fortuna, quam indutria defuisse videatur.

C. R E X.

XXXIX. Davide vita functo, cum proceres frequentes ad Limnuchum præsto  
fuissent, ut ROBERTO, ab avunculo jampridem Regi designato, incun-  
tum gratularentur, ambitio Gulielmi Comitis Duglassii, prope in sedition-  
em rem adduxit. Petebat enim jure hæreditario regnum sibi decerni, ut qui  
a Balliolo & Cuminiis esset oriundus. Sed cum deprehendisset suam petitionem  
omnibuse esse ingratam, ac in primis amicorum suorum intimis, Georgio & Joanni  
Dumbariis fratribus, quorum alter Comes esset Marciæ, alter Moraviæ, &  
Roberto Areskino, trium arcium firmissimarum, Brittannoduni, Sterlini &  
Edimburgi præfecto, petere destitit, & se Regi Roberto professus est obtem-  
peraturum: & Rex, ut eum ætiori vinculo amicitiae complecteretur, filiam  
suam Gulielmi Comitis filio despondit.

XL. Hoc anno, induciæ in quatuordecim annos factæ, sunt per An-  
glos

sui initia perpetuo arcessunt.

1 *Prope*] Rymerus loc. cit. Buchananum  
& acriter quidem perstringit, quod vocem  
adjecerit *prope*: nam vim vocis attenden-  
ti, inquit, *anno regni prope tricesimo nono*,  
*nil plane aliud significat quam anno regni*  
*tricesimo octavo*: At non ea Buchanani  
mens videtur; illi enim, ut & probatissi-  
mis Latinæ linguæ scriptoribus, particu-  
la [*prope*,] interdum expletiva est, hic  
vero, ut mea quidem fert sententia, idem  
fere sonat quod *circiter*, q. d. *Davidem*  
*regni anno plus minus tricesimo nono decessis-*  
*se*. Vid. supra ad lib. IV. 6. Sed neque  
sagacissimo viro, qui Præfationem ad o-  
pera Gul. Drummondii Hathorndenii præ-  
misit, aditipulari possum, qui vocem *exa-*  
*cto* hic subintelligi putat: nam, ut ta-  
ceam insolitam Latinis Ellipsin, id neu-  
triquam Buchanani rationibus congruere vi-  
detur. Cum enim ille Davidis regnum ab  
ejus coronatione 8. Kal. Decembris auspi-  
cetur, ultimus regni annus, quem fata-  
lis lethi necessitas fere medium abruptit,  
inepte, me judice, *prope exactus* dici pot-  
est.

2 *Septimo die mensis Maji*] In errorem  
Buchananum traxit Frossardus, qui id ip-  
sum prius affirmaverat. Utrumque au-  
Tom. I.

tem a vero longissime abesse primus mon-  
stravit Rymerus præd. Epist. ex instru-  
mento ab ipso Davide Londini scripto 4.  
Junii anno 1370, regnique sui 40. Cla-  
rius vero Acta Scotica Edinburgi asser-  
vata, mihi que conspecta, in quibus va-  
ria instrumenta habentur, Septembri,  
Octobri, Novembri & Decembri mense  
conscripta, omnia anno 1370, & regni  
sui 41: ultimum denique 29. Januarii se-  
quentis est datum. Ex hisce liquido con-  
stat præstantiorem hac in parte esse Ex-  
tract. Lib. Carthus. & Fordoni Conti-  
nuatoris fidem, qui omnes consentiunt  
Davidem decessisse in festo Cathedræ San-  
cti Petri, i. e. 22. Februarii, anno juxta  
receptam dudum supputandi consuetudi-  
nem 1371.

3 *Hoc anno*] scil. 1371, etsi Buchana-  
ni verba annum 1370, quem proxime no-  
minaverat, præ se ferre videantur. Angli  
tamen scriptores Rosburgum a Scotis in-  
censum tradunt anno 1377.

4 *Inducia in 14. annos factæ*] Hæ indu-  
ciæ, ut supra observatum est, factæ sunt  
18. Junii 1369. Vid. Act. pub. Tom.  
VI. pag. 625. & Rymeri Epist. ad Episc.  
Carleol. pag. 20, & 29.

glos violatæ. Cum ad frequentem mercatum, 'quo, ad tertium Idus Augusti, ex locis etiam longinquis utriusque regni magna multitudo solebat convenire, plerique Marciani adessent, e familiaribus Georgii Dumbarii quidam est interventus. Hujus cædis auctores cum Georgius, ex jure quod inter limitaneos observatur, per fœciales peteret, ut vel sibi dederent, vel ipsi in eos animadverterent; tandem, cum æquitatem vinci gratia cerneret, injuriam dissimulat, ac <sup>2</sup>proximum in diem nundinis solennem, occulte manum parat, oppidumque ex improvise adortus, omnes puberes occidit, tecta incendit, & cum ingenti præda domum rediit. Angli, ut eam cladem ulciscerentur, pari crudelitate Joannis Gordonii Equitis illustris agros pervagati sunt. Nec multo post, Gordonius Angliam ingressus, cum ingenti hominum pecudumque præda coacta rediret, Joannes Lilburnus longe majore manu collecta, redeunti fix obviam. Ibi infestissimis utrinque animis pugna conferta, cum aliquandiu vario Marte certatum esset, victoria penes Scotos fuit. Ductor Anglorum cum multis propinquis & clientibus captus.

**XLI.** Henricus Percius <sup>3</sup>Comes Northumbriæ, vir magni animi, qui tum limitis orientalis erat præfectus, indignissime ferens has suorum clades, coactis amplius septem millibus hominum, ad vicum Dunsum, Joanne Scoto, qui Subtilis cognominatur, magis quam ulla alia re insignem, castra posuit. Ibi rustici & pastores, nullis aliis armis freti, quam crepitaculis, quibus cervos & pecora, quæ illic passim sine custodibus vagantur, absterrent, nocte colles Lamyriorum montium vico proximos infederunt. Ejus crepitaculi hæc forma est. In summo hastili satis longo, infixis costis ligneis, in semicirculum curvatis, super eas pellem circumtendunt, ad eam maxime formam, qua sunt laterne, quas vulgus Lutetiæ <sup>4</sup>Falotas appellat. Huic lapillos paucos, sed durissimos induunt, quibus agitatæ cum ingenti sonitu, feras a segetibus absterrent. Hoc genere crepitaculorum ingenti strepitu in imminentibus Dunso collibus edito, equi Anglorum perterriti, vincula rumpunt, ac passim per agros palantes in prædam agricolis cedunt. In exercitu toto tumultuatum, & Ad arma, clamatum est: & cum hostes adesse crederent, illam noctem insomnem duxerunt. Mane intellecto ludibrio, multis jumentis una cum equis amissis, sex millia passuum (tantum enim is vicus ab Anglia abest) relictis impedimentis, pedibus prope fugientium modo transierunt. Eodem die, quo Percius a Dunso recessit,

Tho-

<sup>1</sup> Quo, ad tertium Idus] Crasfordius non temere legendum censet [*Quo Rosburgum ad tertium Idus*]; alii enim omnes eas nundinas Rosburgi celebratas testantur, & id quoque voluisse Buchananum vel inde apparet, quod paullo post oppidi, nomine proprio non adjecto, mentionem faciat.

<sup>2</sup> Proximum in diem nundinis solennem] Anni scil. sequentis, quod Major & Boëthius ajunt.

<sup>3</sup> Comes Northumbriæ] Si hæc in Sco-

tiam expeditio facta est (quod nostri tradunt) anno 1372, ejus certe princeps Henricus Percius nondum ad Comitæ dignationem erat evehctus, eo namque titulo is primum est cohonestatus a Richardo II. anno 1377, in quem etiam annum, uti supra monuimus, scriptores Angli hanc ejus in Scotiam professionem conjiciunt.

<sup>4</sup> Falotas] Ita simplice / scribendum; Gallis enim Falot effertur. Sunt autem hæc Falotæ laterne tereti ligno harentes, quæ sublimiter sursum feruntur, ut lucem latius diffun-

Thomas Musgravus Bervici præfectus, cum aliquot cohortibus, ut se Percio conjungeret, egressus, in insidias a Joanne Gordonio (de itinere ejus præmonito) collocatas incidit. Ibi circumventus cum suis, majorem hostium manum ratus, in fugam se conjecit, sed retractus est una cum suis. Nec ad occidentalem limitem Joannes Johnstonius expers & prædæ & gloriæ fuit. Parvis enim, sed crebris incursionibus ita finitimos exercuit, ut non minus damni, quam magni exercitus soleant, eis dederit.

XLII. Rebus ita primo biennio feliciter succedentibus, <sup>1</sup>tertio ab inito regno anno, <sup>2</sup>Eufemia Regina, Hugonis Comitis Rossicæ filia moritur. Ex ea Rex ternos liberos genuerat, <sup>3</sup>Valterum posterius Atholici & Davidem Iernici Comi-

*diffundant.* De vocis autem origine inter se digladiantur Fl. Christianus, Menagius & Cangius. Hic enim a *pharo*, ille a *phallo*, deductam volunt.

<sup>1</sup> *Tertio ab inito regno anno*] Tota hæc quæ de Roberti II. uxoris & liberis sequitur narratio, merum est auctorum nostrorum figmentum, vel potius mendaciorum male concinnatorum congeries. Ejus autem primus Architectus fuisse videtur Russellus quidam Fordoni Continuator, quem dum alii scriptores nostri (uno forte Majore excepto) improvidi sequuntur, turpissimam (quod in ipsis erat) non Regiæ apud Scotos modo, sed & splendidissimam tota Europa familiis, maculam inusserunt, quippe quas (siquidem vera narrante) a spurio propagatas esse necesse est. At Divini numinis providentia & doctorum virorum industria factum est, ut totius hujus fabulæ series & artificium jam tandem sit excussum. Nobilissimus enim Cromartii Comes, Thomas Rymerus Angliæ Historiographus, Ludov. Innesius Scotici Collegii apud Parisienses Gymnasiarcha, ex quamplurimis documentis authenticis, in Scotia, Anglia, & Gallia adhuc exstantibus, luce meridiana clarius demonstrarunt, 1. Elizabetham Morram primam fuisse, non secundam, Roberti II. uxorem. 2. Eam non modo ante ipsius regni initium, sed & nuptias cum Eufemia contractas mortuam fuisse. 3. Joannem Stuartum Elizabethæ filium, regnante adhuc Davide Bruffio, & diu antequam pater ipsius Robertus rerum potiretur, a Rege Davide, universisque Sco-

tiam incolentibus, legitimum Roberti filium, ac hæredem semper, habitum fuisse. Eandem rem itidem illustrarunt, D. Geo. Mackenzæus Advocatus Regius, D. Jac. Dalrympleus, Josua Barnesius, Rob. Bradius, Geo. Crafordius, Jo. Sagius, Pat. Abercrombicus, &c. ad quos lectores istarum rerum curiosos remitto. [Videnda & Mabillonii de Re diplomatica Appendicis ad supplement. pars. III. pag. 102. ubi profert in hanc rem diplomata.]

<sup>2</sup> *Eufemia Regina moritur*] Imo vero, si Fordoni Continuatori, lib. Carthuf. de Perth, & Extr. de Chron. Scot. credimus, non tertio, sed decimo septimo Roberti II. sive anno 1387, mortua est Eufemia Regina.

<sup>3</sup> *Valterum posterius Atholici, &c.*] Omnibus libris legitur [*Valterum posterius Iernici, & Davidem Atholici Comites*,] quæ non modo rei ipsius veritati, sed & Buchananus ipsi adversantur, Lib. X. 44. Lib. X. 55. & eod. Lib. 58. Nos igitur levi transpositione restituiimus [*Valterum posterius Atholici, & Davidem Iernici Comites*.] Melius tamen sic fuerat legendum, *Davidem Iernici, & Valterum posterius Atholici Comites*: David enim natu major erat, licet Buchananus aliter censuisse hic & Lib. X. 46. videatur: quod & Rymerum scellit, qui, quod Valterus pro fratre Joanne Carictæ Comite apud Anglos oblide est mutatus, inde existimavit filium ex secunda uxore natu maximum filio ex prima uxore natu secundo fuisse prælatum. Sed tota errat via vir clarissimus, non enim Valterus, sed David, Eufemiæ Rossicæ filius natu maximus fuit: Valterus

Comites, & Eufemiam, quam Jacobo Duglassio nupsisse a nobis ante commemoratum est. Robertus non tam impatientia cœlibatus, quam amore filiorum ex Elizabetha Mora prius genitorum, ipsam uxorem duxit. Hanc enim elegantissima forma, Adami Mori illustris Equitis filiam, adhuc adolescens vehementer amarat, ex eaque tres filios, <sup>1</sup> ac duas filias suscepit; <sup>2</sup> eamque Gifardo viro nobili in Lothiana curaverat collocandam. Verum sub idem fere tempus, Eufemia Regina, & Gifardo Elizabethæ marito defunctis, Rex, sive consuetudine veteris Moræ inductus, sive (quod a multis traditur) ut filios, quos ex ea genuerat, legitimos faceret, <sup>3</sup> matrem eorum sibi matrimonio junxit: filios statim divitiis & honoribus auxit. Joannes <sup>4</sup> natu maximus Carictæ, <sup>5</sup> Robertus Taichæ, <sup>6</sup> Alexander Buchaniæ Comites sunt facti, adjecta etiam Badenacha. Nec hac munificentia contentus, <sup>7</sup> Comitibus ad Sconam indictis, obtinuit, ut,

præ-

autem ille in Actis publicis nominatus, non Eufemiæ, sed Elizabethæ filius erat natu secundus (quod eruditissimus Jo. Saggius in Præf. ad Drummondi Hist. monstravit pag. 38.) ante paterni regni initium sine sobole extinctus.

<sup>1</sup> *Ac duas filias*] Nobilissimus Cromartii Comes & Geo. Crafordius ex instrumentis authenticis ostenderunt Robertum II. non duas modo, sed sex minimum filias ex Elizabetha Mora suscepisse, Mariotam scilicet Joanni Dumbario Moraviæ Comiti nuptam, Margaretam Joanni de Yla, Elizabetham Tho. Hajo Scotiæ Constabulario, — Davidi Lindesio Glenesceusi, Ægidiam Gul. Duglassio Nithiæ Comiti, & — Joan. Leonti Glamisii Regulo.

<sup>2</sup> *Eamque Gifardo*] Commentitias hæc Gifardi cum Elizabetha Mora nuptias, a solo, quod sciam, Buchanano memoratas, falsitatis manifeste convincunt supra laudati scriptores, eaque quæ mox sequuntur.

<sup>3</sup> *Matrem eorum*] Ex charta Authentica Lutetiæ in Collegio Scotico asservata, atque a viris rei antiquariæ peritissimis examinata & excussa, evidentissime apparet Elizabetham Moram, ante annum 1365, i. e. sex minimum annis, priusquam Robertus regnum inierit, & 22. quam decesserit Eufemia Regina, rebus humanis fuisse sublatam. Unde, totius hujus fabulæ machinationem corrumpere funditus ac evertere necesse est.

<sup>4</sup> *Natu maximus Carictæ*] Celeberrimus

Cromartii Comes quædam instrumenta adducit, regnante adhuc Davide Bruffio scripta, in quibus Joannes, Roberti II. (tum Ierniæ Comitibus) filius & hæres, Carictæ Comes appellatur.

<sup>5</sup> *Robertus Taichæ*] In decreto Ordinum mox memorando Robertus natu secundus Fife & Taichæ Comes appellatur.

<sup>6</sup> *Alexander Buchaniæ*] Hic Badenachæ Regulus a patre appellatus est anno 1371, juxta Cromartii Vind. Rob. III. pag. 33. Comes vero Buchaniæ anno 1374, inquit Geo. Crafordius, Nobil. Scot. pag. 47. nisi forte pro 1374, 1384. sit legendum; in Registro enim Moraviensi fol. 51. instrumentum reperio, anno 1380. 11. Octob. scriptum, quo a Notario publico & a se ipso sæpius Badenachæ Dominus, nunquam vero Buchaniæ Comes, vocitatur, quem tamen honoris titulum, si tum adeptus fuisset, haudquaquam omisurus videtur.

<sup>7</sup> *Comitiis ad Sconam indictis*] Exstat hujus Conventus decretum 4 Aprilis anni 1373, uti supra indicavimus, de legitima regni successione; quod quamvis Buchanani hic respiciat, nunquam tamen legisse videtur; nam si illud vel leviter oculis usurpasset, totius commenti impossibilitatem detegere ei facile fuisset. Primum enim Joannes Carictæ, Robertus Fife & Taichæ Comites, & Alexander Badenachæ Regulus, prima Roberti II. uxore geniti disertis verbis memorantur. Deinde in eo decreto expresse testatum existat, quod



præteritis Eufemiæ liberis, in Rege creando gradus ætatis observarentur: quæ res postea tam numerosam familiam prope extinxit.

XLIII. Biennio fere proximo, cum nec certa pax, nec bellum esset, levis incurfionibus, ac prope latrociniis utrinque certatum est. Interea decessit Eduardus tertius. Ei successit Richardus secundus, nepos ex Eduardo filio, Burdegalæ natus: regnum iniit undecimo ætatis anno: 'quo tempore legati Caroli quinti Francorum Regis in Scotiam venerunt. Causa adventus eorum fuit, ut vetus fœdus cum Roberto renovarent, eumque hortarentur, ut Angliam aggressus, Franciam aliqua ex parte bello levaret. Interim dum conventus eis exhibetur, Alexander Ramisæus, ut Angli ex Frossardo narrant, quadraginta selectis juvenibus comitatus, nocte intempesta, sopitis vigilibus, Bervici arcem cepit, omnibus, qui eam tenebant, aut cæcis aut captis. Oppidani inopinato malo icti, accito Percio cum X. millibus armatorum, arcem undique obsidione clausam acriter oppugnant. Harum rerum nuncio ad conventum Scotorum perlato, Arcibaldus Duglassius, de periculo propinqui sui sollicitus, quingentis tantum equitibus comitatus, eo advolat: sed, intercluso ad obsessos omni aditu, nulla re gesta discessit. Arx, postquam per dies aliquot valide fuisset defensa, tandem vi capitur: in omnes, præter unum Alexandrum, sævitum est. Hæc illi. Nostri opera sex hominum plebejorum e Marcia arcem captam, ac deinde, cum eam tenere non possent, relictam tradunt.

XLIV. Non adeo diu post conventum <sup>1</sup>*Gulielmus* primus Duglassiæ Comes, coactis viginti millibus hominum, Angliam ingressus, Pennerum oppidum frequentibus nundinis ex improvviso cepit, diripuit, incendit: exercitumque spoliis oneratum incolumem reduxit: & cum præda pestilentiam domum retulit, quæ, quanta nunquam alias vi, biennio per totum regnum sævit. Angli, ut parem cladem Scotis rependerent, Solvæo transmissi, Scotiam ingressi. Talbotus, dux acerrimus, quindecim millia militum ducebat: hoc numero fretus, longe lateque populando vastitatem faciebat. Cum exercitum præda gravem re-

duce-

quod antea monebamus, Joannis scil. Comitis Carictæ *jus successionis, in parlamento immediate præcedenti (anno videl. 1371) plene fuisse declaratum.* Quod utrumque Buchananani verbis e diametro pugnat.

<sup>1</sup> *Quo tempore legati Caroli Quinti* Carolus V. Francorum Rex verus cum Scoto fœdus renovaverat 30 Junii 1371. Vid. Fœd. Angl. Tom. 6. pag. 696. Traitez d'entre-les Roys de France, &c. pag. 295. & Abercrombium vol. 2. pag. 169. Neque ulla suppetebat ratio cur iisdem Regibus vivis illud iteraretur. Quamobrem hanc fœderis renovationem inter Robertum II. & Carolum VI. qui patri anno 1380, successerat, factam arbitrari quod & accuratus Extractorum compila-

tor diserte affirmat, qui eum in finem Valterum Vardilaum Episcopum Glasguensem, Archibaldum & Jacobum Duglassios Equites, & Adamum Cunigamium Decanum Ecclesiæ Aberdoniensis ad Gallum legatos missos tradit anno 1381. Huic Boëthius & Abercrombium suffragantur.

<sup>2</sup> *Gulielmus primus Duglassiæ Comes* In omnibus libris perperam hic & Lib. IX. 45 & 46. *Jacobus* legitur: at primo Duglassiæ Comiti *Gulielmo* nomen fuisse, non alii tantum nostri scriptores universi affirmant, sed & ipse Buchananus, Lib. IX. 39. & 47. Rem vero extra dubium ponunt hujus Comitis literæ & instrumenta, quorum nonnulla mihi sunt visa.

duceret, non longe a finibus Angliæ, in valle angusta castra posuerat. In eas angustias Scoti plus minus quingenti noctu ingressi, in securos & imparatos, & magna ex parte inermes irrucunt: ac primo impetu obviis trucidatis, tumultu vero & pavore latius fuso, totum exercitum in fugam vertunt. Multi ibi occisi: <sup>1</sup>ad ducentos & quadraginta capti: plurimi, ut in subita trepidatione, temere <sup>2</sup>flumen ingressi periere: reliqui præda exuti, qua cuique proximum fuit, domos rediere.

XLV. Cum interea bellum, terramarique, maximis viribus cum Gallis ab Anglo gereretur, ac præterea pars virium Anglicarum <sup>3</sup>in Lusitaniam mitteretur, ex conventus publici decreto, missus est in Scotiam Joannes Lancastriæ Dux, Regis Angli patruus, qui de pace ageret, ut, tot bellis undique circumstreptentibus, ab eo latere, quod maxime patebat, saltem quies esset. Missi a Scotis, jam de ejus adventu per fœciale certioribus, qui cum eo transigerent, <sup>4</sup>Gulielmus Duglassiæ, & <sup>5</sup>Joannes Dumbarius Moraviæ Comites. Induciæ <sup>6</sup>in triennium factæ. Sed dum ibi de pace agitur, civile bellum in Anglia longe gravissimum exarsit. Primus auctor fuisse dicitur, Joannes cognomento Ballus, sacrificulus. Is cum plebis animos, ob quatuor nummos Anglicos in capita singulorum imperatos, vehementer offendi videret, primum in confessionibus & secretis conventiculis oblique, mox, ubi sermonem suum non ingratum auribus sensit, aperte cœpit vulgus adversus procures inflammare. Accedebat ad recentem causam alia vetustior, quod magna rusticæ plebis pars propemodum servilis conditionis erat. Ad hos cum se adjunxisset magna opificum manus, & aliorum, qui nec in re nec in fama, quod perderent haberent, tantum injecere tumultum, ut in magnum summæ rei periculum fuerit devenit. Hæc cum in Concilio legatorum nunciata essent, tamen <sup>7</sup>utrique rem tamdiu dissimula-

<sup>1</sup> *Ad ducentos & quadraginta*] Extr. 340, Boëthius 400 captos tradunt.

<sup>2</sup> *Flumen ingressi*] Forte legendum *flumen Solvæum ingressi*, quod alii expriment.

<sup>3</sup> *In Lusitaniam*] Male hic subducuntur a Buchananò temporum rationes: classis enim Anglica in Lusitaniam missa est anno demum 1381. Vid. Volſing. pag. 534. Joannes autem Lancastriæ Dux Scotiam invasit mense Sept. anni 1380, cum Scotisque inducias pactus est a primo Novembris ejusdem anni ad 30 Novemb. anni sequentis. Fœd. Angl. Tom. 7. pag. 276.

<sup>4</sup> *Gulielmus Duglassius*] Ita reponendam supra monimus, & ipsa conventio Fœd. Angl. loc. cit. disertim testatur.

<sup>5</sup> *Joannes Dumbarius*] Non ille, sed ipsius frater Georgius Dumbarius Marcie Comes. Omissi autem sunt Valterus Favius Andreas, & Joannes Caledoniorum Epi-

scopi, & Archibaldus Duglassius Gallovidiæ Regulus, qui una cum prædictis Comitibus Duglassiæ & Marcie a Rege Scotorum legati sunt missi. Notandum vero, priusquam hæc unius tantum anni induciæ exiissent, eas 18. Junii 1381 renovatas atque in biennium productas fuisse. Legatorum vero ad eas capiendas missorum Principes fuere, hinc Joannes Carictæ Comes, illinc Lancastriæ Dux.

<sup>6</sup> *In triennium*] Utrasque inducias conjunctas intellige, secus enim hæc postremæ, de quibus Buchananus agere videtur, duorum tantum annorum erant, a die *scil.* Divo Andrea sacro, anno 1381, ad Purificationem B. Virginis anno 1383, i. e. ex supputatione Romana 1384.

<sup>7</sup> *Utrique rem tamdiu dissimulant*] Negant scriptores Angli, Scotos de hoc civili bello quicquam rescisse; additque insuper Valſingamius eos doluisse se non prius de

runt, donec de pace transegiſſent. Tum Duglaſſius Lancaſtrio inſit; „Se, „quo in ſtatu res Anglorum ſint, jam ab initio uſque ſciſſe. Tamen tantum „abefſe, ut momenta temporum, vel ad bellum gerendum, vel ad pacem com- „modius conficiundam captarent: ut etiam nunc, ſi opus eſſet, quoad tumul- „tus ceſſaret, tutum ei ſit hoſpiti- um: vel, ut tutius rediret, quingentos equi- „tes, qui eum deducerent, dare ſint parati. Lancaſtrius, etſi neutra conditio- ne ut uteretur ſibi in præſentia opus fore ſperaret, tamen prolixè gratias egit. Verum, cum domum rediens, Bèr- vico ab urbis præfecto excluderetur, acce- pta fide publica in Scotiam ingreſſus, ibi, dum ſeditio popularis conquieſceret, ſe continuit.

XLVI. Induciis triennialibus finitis, anno milieſimo trecentefimo octoge- ſimo quarto, <sup>1</sup> menſe Januario, Arcibaldus Duglaſſius Gallovidianus, adjuncto ſibi *Gulielmo* Duglaſſiæ, & *Georgio* Marciæ Comitibus, obſedit Mabanum, arcem ad lacum ejusdem nominis ſitam, unde prope quotidianæ excuſſiones in agros propinquos fiebant. Præfectus arcis, repentino malo ictus, cum hoſte pepigit, ni intra octavum diem auxilia ſibi advenirent, ſe eam dediturum. De- inde, cum ad nonum uſque diem, cum ſumma moleſtia, propter hibernas pro- cellas & continuos imbres, Scoti ibi perſiſtiſſent, <sup>2</sup> quarto die Februarii ex pa- cto arx dedita eſt. Qui proxime Roſburgum accolebant, metuentes ne & illa arx ſimiliter opprimeretur, curant Graſtocom, hominem nobilem & copioſum, & qui in re militari apud ſuos magnum nomen habebat, ei arci præficiendum. Is cum non modo commeatus am- plos, ſed omnem domeſticam ſupelleſtilem illo mitteret, ratus nec alibi eam commodius ad ſuos uſus, neque tutius ab ho- ſte ſervari poſſe; Dumbarius, cum & iter & diem per exploratores reſciſſet, infidiis commodè locatis, longum agmen, & confuſum ex militibus, plauſtra- riis, & vulgo promiſcuo invadit, ac ſine pugna, magna præda cum ipſo do- mino potitus, ſtatim ſe recepit.

XLVII. Anglus, ut damna accepta ulciſceretur, & incuſſiones reprimeret memorabili aliqua calamitate, Lancaſtrium cum ingenti terreſtri navalique appa- ratu in Scotiam mittit. Lancaſtrius ipſe per Marciam & Lothianam Edimbur- gum uſque venit. Clafſis ad Fifæ maritima pervadeſcenda miſſa. Militibus Edim- burgum volentibus incendere; Dux memor, ante paucos annos illic ſe a ſuis excluſum, benigne & hoſpitaliter fuiſſe tractatum, ignem teſtis arcuit. Non fuit eadem humanitas in copiis navalibus: nam *Æmonam* inſulam ingreſſi, cœ- nobium monachorum direptum incenderunt; ſimilique crudelitate uſi ſunt in omni-

MCCC  
LXXX  
IV.

de eo certiores factos, quam inducias hæce iniſſent. Et ſane difficile dictu eſt, an ejus rei fama ad Scotorum aures tum per- manafſe credendum ſit, cum hæc tumultuantis plebis rabies exeunte Majo primum eruperit, de induciis autem, ut diximus, 18 Junii ſit concordatum.

1 Induciis triennialibus] Vid. pag. præced. Not. 6.

2 Menſe Januario] Alii noſtri ſcripto-

res tempus accurate non definiunt. Menſe autem Januario Mabanum obſeſſum ægre crediderim, nondum enim tum induciarum tempus exierat.

3 Quarto die Februarii] Boëthius obſidionem intertium menſem productam tradit: Vintonus & Ballendenus, niſi quod menſem non deſignant, Buchananus con- ſentiunt.

1 Ja-



omnibus locis, in quæ exscenderunt: donec a Nicolao & Thoma Areskinis, Alexandro Lindefio, & Gulielmo Cunigamio, multis cæsis, quibusdam captis, adeo trepida fuga in naves fuerant compulsi, ut, præter alia damna in ea festinatione accepta, quadraginta suorum, fune nautico, in quo pendebant, cæso, submergi ante oculos suos permiserint. Vix Lancastrius domum se receperat, cum Gulielmus Duglassius, prope vestigiis ejus insistens, arcibus, quas Angli in Scotia post Dunelmense prælium tenuerant, partim captis, partim dirutis, Tevotiam omnem, præter Rosburgum, Scotis restituit: ac latrocinia per licentiam bellorum grassantia compescuit. Nec ipse diu his rebus superfluit, febre in arce Duglassiæ extinctus. Successit ei <sup>1</sup> *Jacobus Duglassius*, filius omni virtutis genere tanto patre dignus.

XLVIII. Interea, cum annuæ induciæ prope Bononiam Belgicam fuissent factæ inter Francos, Anglos, & Scotos, Francique, quibus erat mandatum, ut ea de re Scotos facerent certiores, negligentius se geisissent; proceres Anglorum Scotis finitimi, locum sibi datum rati, ut magna aliqua clade hostem ex improvise afficerent, nec, ante induciarum denunciationem, spatium ulciscendi ei relinquerent, cogunt ad decem equitum, sex sagittariorum millia: ac Scotiam ingressi, ducentibus Northumbriæ & Notingamiæ Comitibus, late fusa populatione omnia vastant; sed præcipue Duglassiorum & Lindefiorum agros. Scoti, qui rumoribus acceptis de induciis, omnem belli cogitationem abjecerant, vehementer & suæ negligentiae & hostium perfidiæ irati, quam primum possent ultum ire statuunt. Rumor interim incursionis Anglorum, Francos, qui renunciare jussi erant inducias, suæ tarditatis admonuit. Hi cum fera festinatione superiorem cessationem corrigere contenderent, ac in ipso incursionis ardore Londinum venissent, ibi benigne & hospitaliter excepti, ac blandis & amicis invitationibus retenti, donec rescitum est Anglos ex hostico reversos esse. Tum demum dimissi, cum in Scotiam venissent, ac mandata exposuissent, pleraque omnis Nobilitas, ac maxime qui recentissimæ cladis damna senserant, fremere, eamque ludificationem Anglorum non ferendam clamare. Eos cum Rex frustra placare conaretur, ac induciis omnino staturus videretur, illi rem disceptando prolatant, donec clam per amicos quindecim fere millibus equitum collectis, statim die, Duglassius & Lindefius ac Dumbarius clam ex aula secedunt, & cum suis conjuncti, Angliam infesto exercitu ingrediuntur: & vastato Northumbriæ ad Novum castrum usque agro, per Comitum Notingamiæ & Maubraiiorum <sup>2</sup> ditionem reversi, quicquid ferro flammæque fœdari potuit, corrumpunt ac diruunt. Tum demum cum ingenti hominum pecorumque præda se domum conferunt, ac statim inducias publicandas curant.

MCCC XLIX. Sub earum finem, anno millesimo trecentesimo octogesimo quinto, vel LXXXV. nit a Rege Gallorum missus Joannes Viennensis, classis Gallicæ præfectus, cum

<sup>1</sup> *Jacobus Duglassius*] Ita ab aliis omnibus & Buchanano etiam ipso Lib. IX. 49. 55. & 56. appellatur: libri tamen o-

mnēs nescio qua incuria *Gulielmum* hic vocant.

<sup>2</sup> *Ditionem*] Vid. supra Lib. I. 41

<sup>3</sup> *Scotos*

cum auxiliariorum circiter duobus millibus: e quibus centum erant equites cataphracti, ducenti, qui scorpionibus (quos posterior ætas maluit arcubalistas appellare) tela mitterent: cæteri pedites promiscui generis erant. Attulerant & pecuniam in sex mensium stipendia; præterea munera, & in iis quadringentas panoplias, quæ viris fortibus dividerentur, Is, convento Rege, Northumbriam una cum Jacobo Duglassio ingressus, tribus arcibus dirutis, cum ulterius progredi vellent, largioribus per autumnum fufis imbribus, redire coguntur. Acceleravit etiam eorum reditum certus de Richardo Anglo rumor. Majore enim quam unquam alias ira in Scotos incensus, quod non modo ipsi regnum ejus omni belli clade infestarent, sed peregrinos etiam arcessissent; & eo tempore potissimum, quo Gallus in Angliam cum infinita multitudine hominum transmittere parabat. Anglus igitur, maximo exercitu coacto, in quo scriptores eorum sexaginta millia peditum, octo equitum fuisse tradunt, statuerat ita Scotorum vires frangere, ut in multos post annos exercitum conficere non possent. Magnam præterea classem cum comitatibus Fortham subire jubet: quod sciret eam Scotiæ partem, quam ingressurus erat, bellis continuis per multos annos exhaustam; & si quid reliqui esset, incolas id in regiones proximas comportaturos. Securus præterea de Gallo erat, quem sciebat hibernis tempestatibus se non commissurum. Cum illis copiis Scotiam ingressus, nulli loco neque sacro neque profano; nulli homini, qui modo militari esset ætate, parcebat. Interea Joannes Vienneensis, qui magis quid Rex suus discedenti mandasset, quam quid Scotorum res poscerent, meminisset, cum Duglassio assidue agebat, ut prælio decerneret. Ille, cum sæpe respondisset, Scotos non ob animi aliquam erga Gallos alienationem, sed ob infirmitatis suæ conscientiam, prælium detrectare, cum tandem in locum arduum, unde tuto speculari posset hostium agmen, subduxit. Ibi cum longo ordine transeuntes Anglorum copias oculis perlustrasset, facile in Duglassii sententiam descendit. Proximum eis visum est, ut, qua sola ratione hosti nocere possent, ipsi pro tempore confectis copiis Angliam adorirentur. Ingressi diversissimo a Regis exercitu itinere, Cumbriam regionesque ei propinquas longe lateque populantur.

L. Angli, Lothiana omnibus malis afflicta (nam ne comitatibus deficerentur, non audebant longius a sua classe discedere) cum jam instante hieme de reditu consultarent; erant, qui Scotorum vestigiis insistendum, & in reditu ad certamen (velint, nolint) pertrahendos existimarent. Viarum periti ex adverso ostendunt, „Itinerum per palustria & montosa difficultatem, & plerumque angustias, omniumque rerum tantam inopiam, ut vix transitus esset paucis & expeditis, qui secum comitatus in aliquot modo dies comportarent; „deinde, superatis viarum difficultatibus, proximam, quæ eos exciperet, regionem, non admodum natura fertilem, & ab hostibus vastatam: & „ubi his malis perfuncti fuerint, cum hoste levi & procuratore rem futuram, quem „difficilius esset invenire, quam, si prælio se committat, vincere; quique

*¶ Sexaginta millia]* Fidem pene superat Volfgangius, qui trecenta equitum (sive

equorum) millia in eo exercitu fuisse scribit.

Tom. I.

Rr

I Rrr



„inventus, nisi suis locis, cogi ad pugnandum non posset. Ejus rei periculum  
 „ab Eduardo tertio ejus avo factum, cum Anglorum maximo, nullo Scotorum:  
 „incommodo. His auditis, & omnium animo obversantibus aliis, quæ fert  
 hiems in solo frigido malis, & subeunte, quæ cuique domi sunt cara, pignorum:  
 memoria, facile de sententiâ discesserunt; & quæ venerant recta domos pergunt..  
 Ita utrique libere in hostico prædati, nusquam hoste conspecto, ad sua sunt re-  
 versi.

LI. Scoti, cum pro certo haberent, Anglos usque ad proximam æstatem in:  
 expeditionem non prodituros, Rosburgum aggredi decreverunt, oppidum  
 propinquum, & longe proximis regionibus infestissimum. Eo cum frequentes  
 convenissent, de oppido nondum expugnato dissidium inter Scotos & Francos  
 est ortum. Galli enim, cum in oppugnationibus urbium Scotis essent, ex mul-  
 to usu bellorum domesticorum, peritiores, magnosque sumtus in id bellum im-  
 pendissent, oppidum, si caperetur, æquum censebant sui juris & Gallicæ di-  
 tionis esse. Scoti contra, „Iniquum esse contendebant, ut præmium universi  
 „belli penes auxiliosos esset: quos autem sumtus fecerint, eos non Scotis,  
 „sed sibi Gallum impendisse, ut hostium vires distraheret: & partem belli a-  
 „verteret a Gallia. Quod si ad calculos placeret revocare amicorum officia,  
 „justius Scotos a Gallis totius belli impensas posse repetere, quam eos auxilii  
 „lati præmia postulare, ac ejusmodi præmia, quæ nulla memoria vel data,  
 „vel petita ab amicis, vel audierimus, vel legerimus. Postulationis autem ini-  
 „quitatem vel inde facile apparere, quod Scotis integrum fuisset per Anglos  
 „in pace conquiescere, ac Regum potentissimorum inter se bellantium sese specta-  
 „tores præbere: Gallis non idem licitum fuisse, nisi bona Galliæ parte cedere  
 „voluissent. Nec se videre, cui usui ejus oppidi possessio Gallis esse posset, nisi  
 „ut (velut fræno injecto) pacis bellicque arbitrium penes se esse vellent. Quod  
 „si id eorum consilium esset, non solum utilius, sed etiam honestius Scoto-  
 „rum Regibus esse eo carere, quam tam levi de causâ in servitutem se volun-  
 „tariam dedere. Sin tam intqua petitione Galli reditum ad suos, quem jam pri-  
 „dem moliuntur; excusare contentur, nihil hac excusatione opus fuisse: nam,  
 „ut ultro advenerunt, ita suo eis arbitrio semper licuisse discedere. Neque quen-  
 „quam morari, quo minus abeant, quando eorum, si inviti manserint, ope-  
 „ram inutilem fore prospiciant.

LII. Ita reditum est a Rosburgo re infecta: & cum antea sæpe graves que-  
 rimoniæ utrinque fuissent, tum, (si diutius res in eo statu permanissent) aper-  
 te inde inimiciæ videbantur orituræ. Origo autem dissensionum ex diversa:  
 utriusque in bello vivendi consuetudine processit. Scoti enim & Angli non mi-  
 nus verecunde & continenter in bello, quam in pace apud cives suos agunt,  
 & bona fide ab hospitibus accepta solvunt: Franci vero, quasi publice per-  
 misso

[Rosburgum aggredi] Abercrombius ego vero Buchanano aliisque scriptoribus,  
 Boethium secutus Rosburgum non anno tam Scotis quam Gallis, potius assentior:  
 1385, quod Buchanani verba innuunt, qui Gallos eodem quo in Scotiam venerant,  
 sed sequente 1386, obsessum existimat: anno ad suos rediisse tradunt.

I. Ca-

missio latrocinio, quacunq; transeunt praeda; agunt; & qui a pueritia huic vivendi rationi assueverunt, quod semper factum viderunt, jure fieri putant. Itaque ante id tempus, cum nec Franci a solita rapacitate se continere, nec Scoti insolitam servitutem suscipere possent, saepe rixae, atque interdum pugnae, aliis aliena rapientibus, aliis sua tuentibus, conferebantur. Tum, post hanc ad Rosburgum alienationem, cum Gallorum pabulatores, tanquam brevi discessuri, majore quam antea licentia raperent, & rustici indignati se paucis & peregrinis praeda; esse, jumenta saepe abstrahabant, ministros pabulatum missos, & milites vagos vulnerabant, atque interdum occidebant. Querimoniis ad Concilium relatis, uno omnium agricolarum consensu respondetur; „Se „gravius a Gallis, qui se dicerent amicos, quam ab Anglis, ex professio inimi- „cis, expilari: itaque, non prius peregrinos discessuros, quam data damna com- „pensarent. Nec ab hac pertinacia a Duglassiis, hominibus maxime popularibus, deduci potuerunt. Remisso igitur exercitu, dux in Scotia retentus, donec omnibus esset persolutum. Galli cum ad <sup>1</sup> Calendas Novembres vela fecissent, Scoti, sive laboribus bellicis superioris anni fatigati, sive praeda tot secundis expeditionibus fatiati, ea quidem hieme quieverunt.

LIII. <sup>2</sup> Proximo vere, Gulielmus Duglassius, Arcibaldi Reguli Gallovidiani filius, in Hiberniam navigavit, ut crebras Hibernorum excursions in Gallovidiam factas, & in praesentia ulcisceretur, & in posterum prohiberet. Erat is Gulielmus Scotiae juventutis omnibus corporis & animi virtutibus longe primus: ingens corpus, & perinde vires, formaque (quod in tam vasta magnitudine raro solet evenire) cum virili dignitate grata. Accesserant ad haec belli decora: saepe cum paucis longe plures hostium aggressus, victor evaserat; nec in ulla fuit expeditione, in qua virtus ejus non enituerit. Atque haec bona, quae in plerisque solent esse invidiosa, comitas & modestia, omnibus ut grata essent, efficiebat. His ejus virtutibus Rex, etsi nothum cum esse non ignoraret, tamen impulsus, Aegidiam filiam, raræ in illa ætate pulchritudinis exemplum, & a multis nobilissimis juvenibus expetitam, ei collocavit, Nithiamque, Gallovidiae proximam regionem, dotis nomine dedit. Igitur cum ad Kerlinfordam, oppidum ut in ea gente opulentum, suos exposuisset, res improvisa magnum oppidanis terrorem attulit; adeo ut statim ad eum miserint, qui de conditionibus agerent. Nec Duglassius abnuvit: interea, de hoste securus, Robertum Stuartum Durideranum cum ducentis militibus misit, ad com-  
me-

<sup>1</sup> *Calendas Novembres*] Joannes Major tres duntaxat menses Gallos in Scotia morantes affirmat: Boethius vero, cui Abercrombius succenturiatur, anno demum 1386 solvisse tradit: atqui, ut modo dictum est, potior mihi hac in re Buchanani aliorumque fides videtur.

<sup>2</sup> *Proximo vere*] i. e. anno 1386. Extractorum vero auctor hanc Gulielmi Duglassii in Hiberniam expeditionem in au-

num conjicit 1388: quod & ea, quae apud Buchananum mox sequuntur, exigere videntur. Nam, Duglassium, statim ut ex Hibernia redierat, ad patrem adversus Anglos profectum festinasse scribit. Ea autem in Angliam expeditio, quae memorabili ad Otterburnum praelio causam dedit, omnium scriptorum suffragio in annum incidit 1388.

meatus in naves importandum. Oppidani tempus ad consultandum nacti, auxilia a Dundalco arcessunt. Missi quingenti equites: eo subsidio oppidani aucti, & ipsi bipartito in hostem ducunt: ut, omnibus videlicet caesis (quod multitudine freti perfacile factu putabant) etiam navibus potirentur. Sed utrobique victi, oppidum captum, direptum & incensum. Quindecim navigiis, quæ in portu stabant, spoliis urbis oneratis, atque obiter Manna insula spoliata, ad lacum Rianum, qui partem Gallovidiæ a Cariæta dirimit, appellant. Ibi statim Duglassius cum rescisset <sup>1</sup> patrem suum in expeditionem adversus Anglos profectum, eo & ipse quantum potest festinat. Fuerat autem ea expeditio hæc maxime de causa suscepta.

LIV. Richardus Anglus, cum Scotiam superiore anno fuisset ingressus, nec quicquam sacri aut profani inviolatum omisisset, domum reversus, in maximam seditionem incurrit, quæ omnem totius regni statum immutavit. Huic malo ut mederetur, cum magistratus, præfecturas provinciarum, & minorum rerum curationes (ut in hoc genere fieri solet) ab aliis in alios transulisset, ea ratione odiorum incendia non tam fuerunt extincta quam cæta, & in tempore mox eruptura. Scotia contra tranquillitate summa fruebatur, sed incertæ nam & juvenum robore florebat, nec alia ætas imperatorum feracior erat. Nobilitas igitur belli avida, in omnibus cœtibus fremebat, tantam ulciscendi veteres Anglorum injurias opportunitatem negligi, quam illi nequaquam rebus nostris perturbatis præterituri essent. Robertus autem Rex, homo natura quietior, & ob ingravescentem ætatem ad bella suscipienda tardior, publicis injuriis <sup>2</sup> non satis permoveri videbatur: Joannes ejus filius natu maximus, ingenio segnis, & equi <sup>3</sup> percussu claudus, ad labores castrenses perferendos parum credebatur idoneus. Ad Robertum Fife Comitem natu proximum fit procerum concursus. Ibi, prope deplorato statu publico, facile inter omnes convenit, ulciscendam esse cladem nuper acceptam. In id cum quisque alacriter operam suam offerret, delectus indicitur <sup>4</sup> in proximas Nonas Aug. sed occultus, ut utrumque Regem, & Scotum & Anglum juxta lateret. Sed Anglos res minime fecellit: qui cum per exploratores rem, diem, locumque conveniendi comperissent, & ipsi contra simili dolo capere hostes conantur. Proceres enim cæteros admonent, ut suos quisque paratos habeant, non in certum quidem diem, sed quandocunque opus esset, ut ad signa convenirent.

LV.

<sup>1</sup> *Patrem suum*] Humius pag. 107. patrem ejus Archibaldum mortuum tradit ante prælium Otterburnense, anno *scil.* 1387, quamvis suis immemor pag. 97. ei prælio interfuisse affirmaverat; quod & Vintonus disertim testatur.

<sup>2</sup> *Non satis permoveri videbatur*] Boethius hanc expeditionem Regis ipsius jussu & auspiciis susceptam tradit, quod & vero magis affine existimaverim.

<sup>3</sup> *Percussu*] Mirum hanc vocem in a-

primo Fabri Lexico non reperiri, quæ tamen Ovidii & Plinii auctoritate subnixæ est.

<sup>4</sup> *In proximas Nonas Augusti*] Non video quomodo delectus in Nonas Augusti indici potuerit, & tamen prælium Otterburnense, quod eo posterius fuerat, 21 Julii sit commissum, quod Buchananus expresse affirmat, Lib. IX. 58. & 63. ad quæ loca vide quæ nos annotavimus.

2 Fife



LV. His ita compositis, cum jam audirent, non procul a limite in Teviodia, Scotorum ad triginta, aut (ut vult Frossardus) quadraginta millia convenisse, decreverunt (quoniam cum tanta multitudine congregari non audent) nihil ante hostis adventum esse conandum: & ut interim commodius celarent consilium, domi quisque suæ se continerent, dum animadverterent, in quam tandem regionem tanta se effunderet procella; ac tum demum ad eorum motus consilia sua accommodarent: & (quod autumnno superiore ab hoste factum observarant) diversam tum Scotiæ regionem ingressi, clade cladem rependerent. Interea mittunt exploratorem, qui de hoste propinquo certiora omnia renunciaret: quod referre putarent plurimum, non modo instituta, sed facta dictaque postrema cognosce. Qui missus erat, cum sermone, cultu, armatu nihil a cæteris differret, facile pro Scoto fefellit. Omnibus vero quæ scire intererat satis compertis, ad equum, quem arbori alligarat, rediens, eum furto sibi ablatum esse deprehendit. Igitur ocreatus, penulatus, calcaria indutus, totoque habitu equestri, cum se pedes ad iter dedisset, coepit res esse suspecta: eoque, cum longiuscule abesset, missis equitibus, velut e fuga retractus; & interrogatus, quis & unde esset, quidve ita abiret, cum non satis constanter responderet, ad duces exercitus productus, metu gravioris pœnæ injecto, Anglorum consilia eis aperuit.

LVI. Scoti ergo, his compertis, & ipsi rei agendæ ordinem mutant: exercitum dividunt ita, ut major pars Carleolum versus iter intenderet, eique præessent duo Regis filii, Fife & Jerniæ Comites; præterea Arcibaldus Duglassius Gallovidianus, Comesque Marriæ & Sutherlandiæ: alteram, quæ Northumbriam ingrederetur, ducerent Jacobus Duglassiæ, & duo fratres Dumbarii, Georgius & Joannes, hic Moraviæ, ille Marciæ Comites. Iis attributi trecenti equites, & duo millia peditum, præter equitum ministros. Singulos enim equites sequuntur minimum singuli robusti ministri, qui leviter armati equorum prope cursum adæquant, & cum res poscit, manum cum hoste conferunt. Disperitis ita copiis, qui in Cumbriam, & Carleolum versus iter intenderant, cum exercitu valido cuncta ferrent agerentque, hostem obvium non habuerunt. Duglassio, in diversa parte omnia vastanti, non eadem fortuna fuit. Expeditionis enim suæ rationem ita instituerat, ut, quam magnis & occultis posset itineribus, transmissa Tina Dunelmum præteriret, ac tum demum:

1 *Fife & Jerniæ Comites*] Solus, quod sciam, Buchan. eumque secutus Humius Jerniæ Comitem nominant: rectius tamen quam Boëthius & Major, qui Fife & Taichiæ Comites alteri exercitui præficiunt, ex uno duos facientes. Robertus enim postea Albinæ Dux Scotiæque Gubernator geminum tum hunc honorem gerebat, ut ex innumeris ipsius Actis publicis constat.

2 *Transmissa Tina*] Crafordius legendum vult [*transmissa*] quorundam Grammaticorum, præsertim Despauterii, auctoritate

po-  
fretus. At non audiendi Grammatici exemplis destituti, vel potius leges eis contrarias ingerentes. Fluviorum enim nomina in æxeuntia sæpius sceminina esse ostendit Lucanus VII, 409.

*Et damnata diu Romanis Allia fastis.*

Et Ovid. Art. Aman. l. 414.

Qua flebilis Allia luce

Vulneribus Latiis sanguinolenta fuit.

Vide & alia apud Vossium & Jonsonum, qui eum proxime a Solœcisismo absumum arbitrantur, qui hanc vocem

populationi se daret. Id ab eis tanta cum celeritate & silentio factum est, ut primum ubi essent hostes ex incendiorum fumo intelligerent Angli. Percius lenior, in Northumbria & vicinis regionibus auctoritate & opibus longe princeps erat. Re ad eum delata, duos filios juvenes impigerrimos, Henricum & Rodolphum, ad Novum castrum præmittit, cæteris eo convenire jussis, eo maxime consilio, ut Scotos reditu ad suos intercluderet. Illi vero, agro Dunelmensi longe fertilissimo omni belli clade affecto, præda ingenti potiti, Tinam iterum transeunt, ad tria fere millia passuum supra Novum castrum. Ibi homines, domi nobiles, & gloriæ cupidi, & hoc qualicumque successu elati, turpe sibi ducebant, si rusticis tantum, ac non etiam urbibus terrorem inferrent, ad Novum castrum adequant : & oppugnationem comminati, contumeliis hostem elicerre tentant.

LVII. Cum biduum ibi restitissent, ac levia plerumque vario eventu certamina conferuissent, unum tamen ac postremum, posteriore die sub vespere, omnium ora oculosque in se convertit. Ipsi enim duces, genere, opibus, ætate, atque animis pene pares, decorum existimabant, se ab utroque exercitu spectari pugnantes. Igitur cum ex provocatione processissent in medium Jacobus Duglassius & Henricus Percius, atque infestis hastis concurrissent, Percius equo dejicitur. Anglis ad auxilium concurrentibus, cum Duglassius hostem attingere non posset, hasta ejus potitur : atque eam quatiens, exclamat, ut facile exaudiri posset, „Se spolia ejus in Scotiam laturum. Ita direpta pugna, Scoti (ut prope urbem civibus frequentem, & hostium plenam) intentius egere vigilias. Postridie Scotiam versus iter capiunt, sed lente : graves enim spoliis erant. Præda dum paululum procedit, arcem hostium propinquam expugnant, & diruunt : atque inde iterum iter ingressi, ad Otterburnum perveniunt : qui locus a Novo castro octo ferme millia abest. Ibi de reliquo itinere consilium incunt. Pluribus videtur, Carleolum versus ad alterum exercitum eundum : neque (quod ab initio convenerat) certamen cum quoquam contrahendum, priusquam omnes copie se conjungerent. Contra, Duglassius auctor erat, biduo aut triduo ibi manendum, ut rebus confutarent Percii magniloquentiam, qui affirmabat, eos non laturos in Scotiam suam lanceam : interea, ne otiosi essent, arcem propinquam oppugnari posse. Hæc sententia, licet pluribus minus utilis videretur, tamen in Duglassii gratiam ab omnibus est recepta. Communitis igitur pro tempore castris, quæ ab una parte paludibus erant satis tuta, ad arcis oppugnationem animum intendunt.

LVIII. At Percius, <sup>1</sup> *cognomento Pexippus*, ut erat ingenio ferox, ut acceptam

soluta oratione masculinam adhibuerit. [Recte vir doctus : hoc enim Poëtis tantum permittitur. sic *Magnus Garuina* Tibullo 1. 1. *raucus Padusa* Claudian. Epith. Pallad. 109 *Formosus Duria* de laud. Sciren. 73. Idem. in montibus usurpatum videmus ad Ovid. 1x. Metam. 165. & Buchananus secutus fere semper in hujus ge-

neris nominibus est genus, quod terminatio requirit : sic lib. x. 17 *Castellum* *Arx longe munitissima captum* ; ubi licuisset certe *capta* dicere.]

<sup>1</sup> *Arcem propinquam*] Penclauum Tyrelus appellat.

<sup>2</sup> *Cognomento Pexippus*] Vide quæ nos ad Lib. X. 6.

1 Dur-



ptam deleret ignominiam, statim abeuntes sequi cum præsentibus copiis cupiebat: sed a senioribus metu insidiarum est retentus. Neque enim verisimile credebant, Scotos tam paucos urbem validam aggredi ausuros, nisi majores vires alicubi in propinquo latentes haberent. Eo die & proximo rebus magis exploratis, comperiunt a majore exercitu nihil timendum, ut qui longissime a Duglassianis abesset. Igitur Percius cum decem millibus fortissimorum virorum se in viam dedit, non expectato <sup>1</sup> Dunelmensi <sup>2</sup> Episcopo, qui ea nocte adventurus dicebatur, satis virium se ratus habere ad debellandos hostes, qui plus minus dimidio pauciores erant. Cum jam primi Anglorum conspicerentur, aliis Scottorum coenantibus, aliis ab oppugnatione arcis propinquæ defatigatis, & ad quietem compositis, subito, Ad arma, clamatur. Dum reliqui armantur, peditum pars major, & complures ex equitum ministris, freti qualicunque illa munitione castrorum, impetus Anglorum sustinent. Equites multum juvenes prius animadversa: nam cum inter se disputarent de exercitu hostium exicipiendo (venturos enim expectabant) collem vicinum magno usui sibi fore vident: eum igitur circumvecti, dum Angli aditum castrorum oppugnant, in latus obliquum eorum in Vecti, late stragem, latius etiam tumultum fecerunt. Sed Anglus abundante numero, subsidiariis in aciem inductis, facile ordines restituit. Hic tamen tumultus hoc Scotis profuit, quod segniore interim pro castris pugna, spatium eis fuit egrediendi, & suam aciem explicandi. Interim nox utroque oppressit: sed admodum brevis, ut mense Julio, & locis ad septentriones exporrectis: &, forte cælo sereno, Luna prope pernox lucis diurnæ usum præbebat. Pugnatur igitur acerrime, ut inter homines utrinque nobiles, & de gloria magis quam de vita sollicitos. Percius ignominiam delere, Duglassius partum decus novo facinore illustrare contendebat. Ita utrinque, impari quidem numero, sed pari animorum contentione, in multam noctem pugnatum est. Ibi obducta Lunæ nubes, cum discrimen, hostis, an amicus esset, sustulisset, paullum intermissa pugna: Luna vero nubibus liberata, inferentibus se vehementius Anglis, Scoti pedem referentes, nonnihil loco cessere; ac Duglassii vexillum pene amifere: cum ab altero cornu, duo Patricii Hepburnii, pater & filius, ab altero Duglassius per suorum ordines penetrantes, in primam aciem, ubi plurimum erat discriminis, pervolant, tamque atrox prælium cient, ut multis vulneribus illatis & acceptis, suos in locum unde pulsi erant <sup>3</sup> restituerent.

LIX. Nec Duglassius eo contentus, cum duobus comitibus, Roberto Har-

to,

<sup>1</sup> *Dunelmensi*] Libri omnes *Dunelmensi* habent, nos vero in *Dunelmensi* mutare non dubitavimus. Quamvis enim Sosipater Charisius ex Cæsare, Plinio & Varrone hanc regulam sibi confinxerit, *si*, inquit, *de persona loquamur, in e fiet Ablativus, si vero de re alia, in i, ut ab homine breve, & ab itinere brevi*; cum tamen apud il-

llum ejusmodi distinctionis reperimus exemplum; nulla a recepta consuetudine discedendi causa subesse videbatur.

<sup>2</sup> *Episcopo*] Libris omnibus irrepsit *Archiepiscopo*: nos *Episcopo* reposuimus, nullum enim Dunelmensem Archiepiscopum usquam legimus. Vid. Lib. IX. 58. & XIII. 20.

<sup>3</sup> *Restituerent*] Forte melius, *restituerint*.

I C pto

to, & Simone Glendunino propinquo suo, in medios hostes irrumpens, vires animi robore corporis æquans, quacunque se objiciebat, circa stragem ingentem edebat. Amici, quanquam acriter contenderent, antequam ad eum penetrare possent, tribus lethalibus plagis faucium, atque humi dejectum comperiunt. Juxta eum jacebat multis plagis perfoßus Hartus. Sacerdos autem, qui per omnia discrimina ei semper adhæserat, corpus Duglassii, viribus dejectum, securi ab injuria tuebatur. In hoc statu propinqui ejus, Joannes Lindesius, Joannes & Valterus Sinclari, de eo cum rogassent, ecquid valeret, „Ego, inquit, recte valeo: morior enim, non in lecto segni fato, sed quemadmodum omnes prope mei majores: illa vero a vobis postrema peto; primum ut mortem meam & nostros & hostes celētis: deinde ne vexillum meum dejectum sinatis: demum, ut meam cædem ulciscamini. Hæc si sperem ita fore, cætera æquo animo feram. Illi ante omnia corpus amiculo, ne cognosceretur, regunt: deinde erecto vexillo, Duglassii nomen (ut mos est) quantum possunt, inclamant. Ad eam vocem tantus est factus concursus, tanta alacritate in hostem incursum, ut eum continuo ultra locum pugnae longe propulerint. Nam ad nomen Duglassium, non solum vulgus, sed Joannes Moraviae Comes accurrebat, ab ea parte rem laborare credens. Jam enim adversam sibi aciem, capto minore Percio, multis vulneribus saucio, & in castra ut curaretur misso, vehementer perculerat. Itaque, languidiore in aliis partibus pugna, Duglassiani, qui ad vexillum convenerant, Anglos, & viæ diurno labore, & nocturna pugna fessos, dissipant: & eodem impetu Henricum Percium ducem hostium capiunt. Eo amisso, cæteri sine ordine se in fugam conjiciunt. Cæsi fuerunt in illo prælio, ex Anglis M. DCCC XL. vulnerati circiter mille, capti ad mille quadraginta. E Scotis cæsi centum, capti in fuga, dum pauci plures Anglos sequuntur, ducenti.

LX. Jacobus Lindesius Matthæum Redmannum Bervici præfectum, inter effuse fugientes, ex armorum pulchritudine unum e potentioribus ratus, in eum cursum intendit: ille cum tria millia passuum fugisset, equoque jam lasso, se cursu non speraret evasurum, statim se in pedes conjecit. Lindesius sinemorem idem facit. Tandem post conflictum satis longum, Anglus genere armorum in-

[Capto minore Percio] Frossardus Radulphum Percium Plexippi fratrem captum tradit a Jo. Makirel cliente Comitibus Moravii: quo nomine cum nullum e Scotis tum vel postea appellatum meminisset, Joan. Major pro Makirel Mariscallum forte legendum existimat. Quod & Boethio, Ballendeno & Holinshedie ansam dedit, utrumque Percium a Joanne Ketho Scoria Mariscallo captum fuisse scribentibus. Sed non est quod incerta hic conjectura nitamur, cum ex ipsis actis publicis pateat Radulphum Percium non a Jo. Makirello (sive Mariscallum appellare ma-

vis) sed a Milcolumbo Drummondo Marria Regulo captum fuisse. Exstat enim in Registro Aberdoniensi fol. 113. Roberti III. ea de re instrumentum, in quo hæc verba occurrunt, *Sciatis nos in partem solutionis totius tertie partis redemptionis Radulphi de Percy Militis debita delecto fratri nostro Malcolmo de Drummonde Domino de Marr, dedisse & concessisse eidem fratri nostro totum & integrum relevium, videl. DCC. marcarum nobis debitarum de terris de Strabolgy cum pertinentiis, per decessum quondam Johannis de Gardon Militis, &c. anno 1394.*



inferior, Scoto se dedit: ab eo domum dimittitur, juratus intra viceſimum diem ſe rediturum. Hæc tum erat inter finitimas nationes adverſum captivos humanitas, quæ & hodie inter limitum accolæ optima fide perdurat. Si quis ad diem dictum non redeat, hæc pœna eſt. 'In congreſſibus, qui ob res repetundas fieri ſolent, qui deceptum ſe queritur, manus effigiem, aut chirothecam, in haſta oblonga omnibus conſpicuam circumfert. Ea ſumma apud ipſos infamia habetur: adeo ut qui fidem violavere, amicis propinquiſque hiant deteſtabiles: nec paullo honeſtior eos convicſtu, ſermone, aut domo ſua dignetur.

LXI. Lindeſius, captivo hac lege dimiſſo, magnam armatorum multitudinem conſpiciens, ad eos recta proficiſcitur, nec prius hoſtes eſſe cognovit, quam tam prope adequiſſet, ut ſe recipere non poſſet. Erant autem Epilcopi Dunelmæſis copiæ, qui, cum ad Novum caſtrum tardius veniſſet, quam ut Percium aſſequi poſſet, nec ante proximum diem cum hoſte congreſſurum putaret, ſuos per otium cœnare juſſit: ac paullo poſt cœnam iter ingreditur. Sed priuſquam procul ab oppido abeſſet, cum ex fugientibus de adverſo prælio reſciſſet, in oppidum reverſus, cum amicis de Scotis perſequendis conſultat. Decretum, ut ſub Solis ortum omnes in armis præſto eſſent: mane ad decem millia equitum peditumque promiſcui generis ex propinquis locis aderant. Hi animum Epilcopo fecerunt, ut conſectim ad hoſtes, quam proxime poterat, duceret, & eventum pugnæ tentaret: eos enim, & ſuperioris pugnæ, & dici qui eam præceſſerat labore, & pleroſque vulneribus feſſos, & ob ſecundum prælium negligentiores deprehenturum ratus, non difficilem ſibi promittebat victoriam. Ejus adventu per exploratores comperto, Comes Moraviæ, quem omnes mortuo Du glaſſio unum intuebantur, convocatis illuſtrioribus, de captivis conſultat, quos ſemel in fidem receptos trucidare crudele videbatur, & ſervare turbam hoſtium prope ſuis æqualem periculolum. Conſenſum eſt, ut, jurati dum conſligeretur nihil moturos, & etiamſi a ſuis vindicati forent, captivos tamen permanſuros, in caſtris cum levi cuſtodia relinquerentur, quæ præſentem pœnam, ſi quid quis attentaret, de omnibus ex peteret. His ita diſpoſitis, e ſuperiore victoria pleni animorum in aciem prodeunt, muniti retro paludibus, dextra lævaque concœdibus. Illud etiam imperatum, ut, ſimul ac hoſtis appropinquaret, ſinguli buccina, quam e cornu bubulo ſuſpenſam a collo gerebant, quam poſſunt maximum clangorem ede rent: qui ſonus, cum per ſe terribilis eſſet, etiam repercuſſu collium multiplicatus, longe majoris multitudinis ſpeciem reddebat. Angli, qui magno gradu venerant, inter ſtragem ſuorum pugnaturi, & horribili illo ſono, & alacritate hoſtium, in acie ex adverſo ſtantium, attoniti, cum neque dux militi ſubitario, neque miles duci imperito ſatis fideret, ſtatim retro unde venerant ſigna convertunt. Interea cum Lindeſius (uti dictum eſt) captus, & in Novo caſtro relictus, a Redmanno conſpectus & agnitus eſſet, cum ſumma humanitate habitus, domum liber dimittitur.

LXII.

1 In congreſſibus, qui Ita omnino legendum, non vero, quod libri omnes exhibent.

Tom. I.

bent, quæ, in Syntaxiſi manifeſte peccantes.

Ss

1 Pro-

LXII. Hoc tam repentino tumultu Scoti leviter defuncti, domum redire statuunt. Radolphum Percium, quod graviter vulneratus, iactationem itineris ferre non posset, rogantem ut ad Novum castrum ad curandas plagas ire liceret, ac pollicentem, cum primum in equo laborem viæ ferre posset, quocunque a comite Moraviæ vocaretur, se venturum, fide (ut mos est) de reditu accepta, dimittunt. Ejus exemplum sexcenti captivi secuti, venia impetrata ad suos redierunt: multi præterea e tenuioribus, ut ex quibus plus oneris, quam emolumenti sperabatur, sine pretio dimissi: e nobilioribus, Henricus, & cum eo <sup>1</sup>prope quadringenti retenti, & in Scotiam abducti: verum brevi fere omnes, quod ipsi sibi statuerunt pretium eo liberati. Ita illa ætate, ut ait Ennius, <sup>2</sup>*non cauponantes bellum, sed belligerantes*, de libertate & gloria homines decertabant. Duglassii ac virorum illustriorum corpora, tertio die ad Mulrossiam delata, pompa militari sepulta sunt.

LXIII. Hæc uti gesta sunt, ad alterum, qui Cumbriam populabatur, exercitum nunciata, gratulationem de victoria turbavit; ac prope omnem e secunda fortuna lætitiā in acerbissimum luctum commutarunt: ita enim desiderium Duglassii militares homines affecit, ut non modo qui ipsum erant secuti, sed alter exercitus taciturnus ac mœstus, non secus ac si victus fuisset, domum se receperit. Accedebat etiam ad publicam commiserationem, quod in ætatis flore, quod sine liberis decesserat, ac prope solus a se partæ victoriæ fructu caruerit. Patrimonium defuncti ad Arcibaldum Gallovidiæ Regulum, cognomento Austerum, devenit, & ipsum quoque gloria belli florentem. Hæc est illa ad Otterburnum pugna memorabilis, non solum militum ducumque in pugnando magnanimitate, perseverantia, laborum tolerantia, & in victoria modestia; sed vario maxime eventu, quod victor, in summa gloriæ expectatione morte præventus, sui laboris fructu potiri non potuit; victus, etsi tum

<sup>1</sup> *Prope quadringenti retenti*] Froissardus *quadraginta* tantum scribit; cui eo facilius accedo, quod cum ex 1040 prælio captis, sexcenti venia impetrata ad suos redierint, si porro quadringenti in Scotiam sint ducti, restabant solum e tenuioribus quadraginta sine pretio dimissi, quorum tamen majorem numerum fuisse tum res ipsa, quam Buchanani verba haud obscure innuere videntur.

<sup>2</sup> *Non cauponantes*] Aptissime citatur hic versus ex Ennio; verba enim sunt celeberrimi ducis Pyrrhi Regis Epirotarum, atque de re simili, nempe de captivis reddendis, pronunciata; quæ cum Cicero Offic. I. 12. summis in cœlum laudibus tollat, non pigebit integra hic subicere.

*Nec mi aurum posco, nec mi pretium dederitis,*

*Nec cauponantes bellum, sed belligerantes: Ferro, non auro, vitam cernamus utrique. Vosne velit an me regnare Hera? quidvis ferat Fors*

*Virtute experiamur: & hoc simul accipe dictum;*

*Quorum virtuti belli fortuna pepercit, Eorundem me libertati parcere certum est: Dovo, ducite, doque volentibus cum magnis Diis.*

Hic quoque pertransennam quasi observare liceat, unicum hunc tota Historia quod meminerim, versum a Buchanano, quamvis Poëta egregio, citari, quippe qui carminum interpolationes (qui nonnullorum mos est) a persona ac gravitate Historici abhorretere recte ac sapienter judicaverit.

1: XII:

tum profligato exercitu captivus, multos tamen annos ei pugnae cum laude superstit. Pugnatum est, ad XII. Cal. Aug. anno Salutis nostrae M. CCC. LXXXVIII. MCCC  
LXXX  
VIII.

LXIV. Hac victoria paullo tranquilliore domi forisque statu publico, cum Rex per aetatem rebus gerendis non sufficeret, atque eam de se opinionem, ex proxima expeditione, quam eo inconsulto susceperant, intelligeret; Joannesque ejus filius natu maximus, ingenio esset segni, & magis ad otium compositus, quam ad res arduas obeundas, habito conventu publico, Robertum Fife Comitem vicarium regni fecit, & Gubernatorem appellavit: nam qui ante eum magistratum gesserant, fere custodes vocabantur. Henrico Percio, genere & factis claro, apud Scotos captivo, in locum ejus est successus Comes Martialis, quem vulgo Marefcallum vocant, homo verbis quam armis ferocior. Is, cum Scotorum in pugna Otterburnensi virtutem elevaret, & Anglorum ignaviam graviter increparet, utriusque gentis odium adversum se concivit. Certe Robertus Scotorum Prorex, adeo illa ejus jactantia fuit offensus, ut justam causam duxerit, cur expeditionem adversus eum susciperet. Ingressus in hosticum, una cum Arcibaldo Duglassio, tum Duglassiae Comite, recta ad hostem, qui magno cum exercitu praestolari dicebatur, duxit: atque, ubi eo pervenit, statim pugnandi copiam fecit: ad morantem caduceatorem misit, qui eum ad aequam certaminis aleam provocaret. Sed cum Martialis locis tutis, & accessu difficilibus se teneret, nec responsum caduceatori daret, Robertus, postquam aliquot horas aciem suorum ostentasset, exercitum in agros

1 XII. Cal. Aug.] i. e. 21. Julii, quo mense pugnatum supra innuit, Lib. IX. 58. quod cum iis quae IX. 54. antea scripserat, ægre convenire videtur. Fieri enim vix potest ut Scotorum proceres, qui delectum (quod ibi affirmat) non ante 5 Augusti indikerant, praelium cum Anglis 21 Julii ejusdem anni conferuerint. Froissardus autem, quem hac in parte non Buchananus solum, sed alii scriptores nostrifere omnes sequuntur, bismense Augusto, cap. vero 129. Augusti die 19. pugnatum tradit. Potior autem mihi videtur Extrañorum, libri Perthensis, & Ballendeni fides, qui omnes praelium commissum referunt die D. Osualdo sacro, i. e. 5 Augusti. Rem vero extra dubium ponit Knichtonus Coll. 2729. 1. qui pugnatum ait die Mercurii proximo ante festum Scti. Laurentii (10 Aug.) qui eo anno quintus Augusti fuit, Lit. Domin. ED. Superius igitur Lib. IX. 54. pro Novas Augusti, Julias legendum existimem.

2 Et Gubernatorem appellavit] Idem

habent Boëthius, Major, &c. Abercrombious vero vol. 2. pag. 225. non spernendis argumentis contendit Robertum Fife Comitem, quamvis ob rationes a Buchananò allatas in republica administranda permagna ejus esset potentia & auctoritas, nunquam tamen patre & fratre vivis Gubernatorem fuisse appellatum. Obstat tamen videtur Litera Henrici IV. Angli ad Vicecomitem Nottingham & Derby 8 Sept. anno 1405 scripta, in qua hæc verba occurrunt, *Quia ex relatione quorundam fidelium & fide dignorum nostrorum certitudinaliter sumus informati, quod Robertus Dux de Albany, Gubernator præfatus regni Scotia ——— regnum nostrum Angliæ ——— invadere se proponit, &c.* Foed. Angl. Tom. 8. pag. 414. Robertum enim III. Scotorum Regem tum in vivis fuisse postea ostendimus ad Lib. X. 15.

3 Comes Martialis] Hunc Volsinghamius Thomam Maubraium Buckinghamiæ Comitem appellat. Cæterum in re ipsa referenda a Buchananò multum diversus ab eo



agros circumjacentes prædatum mittit: atque ea maxime loca, in quibus Martialis diversari solebat, populatus, super præda graves sine certamine reduxit. Hæc expeditio etsi nimis levi de causa fuisset suscepta, tamen non minus Angli, quam Scoti gaudebant hominis vanitatem ita fuisse refutatam. Ille autem, quoties ea de re mentio fiebat, caritate civium, quos in discrimen sine causa nollet exponere, id a se factum excusabat.

LXV. Hoc ipso tempore, cum ex induciis, in spem pacis inter Francos & Anglos, per Pontificem & vicinos Principes ventum esset, ea lege, ut utrorumque amici ascriberentur, Anglorum videlicet Lusitani, Francorum Scoti, & Hispani Castellaneses: Robertus Rex, omnibus suis repugnantibus, unus frustra assentiebat. Neque enim ipse pacem vel inducias facere poterat, nisi ex sententia publici conventus, neque firmas polliceri, sine publico decreto: nec Nobilitas dolorem suum tacitum adversus Gallum continere poterat, ex quo illum modo usum caperent, ut, cum esset bellandum cum hoste, arma de manibus detraheret, & fructum superioris victoriæ, spemque futuræ auferret. Tandem post longam altercationem, legatus, qui a Gallo venerat, vix impetravit, ut ea de re Scoti in Galliam legatos mitterent. Cum iis actum, ne sua pertinacia spem pacis propinquæ impedirent.

LXVI. Nec Robertus Rex diu superstit: nam in arce sua, quam Dunum Donaldi vocant, decessit, anno M. CCC. XC. ad XIII. Cal. Maji. Vixit annos LXXIV. regnum tenuit XIX. ac dies viginti quatuor. Hic Rex per legat-

ideoque Buckinghamium prælium ait detrectasse, quod ipsi quingenti tantum, Scotis vero triginta millia militum adessent: cujus rei fidem haud facile Lectoribus suis probabit.

1 *Spem pacis*] Non pax, sed induciæ triennales inter Gallum & Anglum tum initæ sunt, a 19 scil. Junii anni 1389 ad 16 Augusti anni 1392.

2 *Pacem vel inducias facere poterat*] Nihil falsius: Reges enim Scotorum omni ævo summos ac solos fuisse belli pacisque arbitros, non alii modo nostri scriptores, sed & ipsa Acta publica demonstrant.

3 *Nec Nobilitas*] Volvingamius, qui totam hanc rem fusc exponit, non Nobilitatem Scoticam hisce induciis repugnasse tradit, sed plebem, quæ se exarmari, prædæque adeo, quam amplissimam sibi de Anglis pollicebantur, spem de manibus quasi eripi molestissime ferebant. Eorum vero pertinaciam fractam fuisse a proceribus, qui se itineris duces fore negabant, idem testatur, pag. 337.

4 *Vixit annos LXXIV.*] Natus ergo an-

no 1316, septem ante avunculum Davidem II. annis.

5 *Regnum tenuit XIX. ac dies viginti quatuor*] Hoc confirmat quod supra ad Lib. IX. 37. monebamus, plerosque scilicet nostros scriptores, præsertim vero Buchananum, regnorum primordia a Regum coronatione deducere; nam inter 25 Martii 1371, quo coronatus est Robertus II. & 19 Aprilis 1390, quo idem est extinctus, omnino intercedunt anni novemdecim, ac dies viginti quatuor. Hoc si Crafordius animadvertisset, non sic interpolandum putasset hunc Buchanani locum, legendo, *Regnum tenuit annos 19, menses 11, ac dies 24*, qua emendatione tres simul errores admisit. Primo quod Buchanani rationibus pugnantem ingerat sententiam. Deinde quod Buchananum secutus, Davidem II. septimo Maji occubuisse existimet, quem septem post menses vixisse supra ostendimus. Denique, quod medium inter 7 Maji 1370, & 19 Aprilis 1390 spatium, annorum supputet 19, mensium 11, ac dierum 24: cum id tempus intervallum am-

legatos bella fere semper optimo successu gessit : paucis ipse præliis interfuit : quod factum alii ætati , alii ignaviæ tribuunt. Id vero omnes uno ore consentiunt , virum fuisse optimum , pacisque artibus cuilibet bonorum Regum facile comparandum. Jus enim diligenter atque æquabiliter dicebat : latrocinia severe coercerat : in factis summa constantia , in verbis fides inerat. Regnum , quod temporibus turbulentis acceperat , domi iustitia & æquitate sedatis discordiis pacavit : & ab hostibus ita recuperavit , ut tres tantum arces reliquas haberent.

LXVII. Eo defuncto , initium rerum turbandarum , unde minime expectabatur , est exortum. Alexander Buchaniæ Comes , liberorum Regis ex Elizabetha Mora natu minimus , ob levem causam Episcopo Moravienſi erat infensus : cum ipsum ad eadem nancisci non posset , iram in sacram Elgini ædem , omnium quæ tum in Scotia erant pulcherrimam , convertit , eamque incendio delevit. Eodem anno , Gulielmus Duglassius Nithiæ Regulus (quem diximus virtutis ergo generum a Rege ascitum) Dantisci ad Viſtulam occisus fuit , percussoribus a Cliffordo Anglo in eum submissis. Duglassius enim , rebus domi tranquillis , ne in otio languesceret , in Borussiam ad Bellum Sacrum profectus , tale specimen virtutis dedit , ut universæ classi , quæ maxima & ornatiſſima erat , præficeretur. Orta vero altercatione cum Anglo , ex antiqua æmulatione eum honorem moleste ferente , ad certamen singulare ab eo fuit provocatus. Provocator secum cogitans , in quam ancipitem Martis aleam se demissurus esset , hominem per sicarios tollendum curat.

amplectatur annorum 19 , mensium 11 , ac dierum 12.

1 *Iram in sacram Elgini ædem*] In Registro Moravienſi narratur Alexander Comes Buchaniæ mense Junio 1390 , festo Borulphi Abbatis , non solum ædem (quam Cathedralem vocant ,) combussisse , sed & omnia ejusdem oppidi ædificia , Ecclesiam

ibidem Sancti Ægidii , Ptochodochium , quod domus Dei de Elgin appellabatur , & 18 mansiones Canonicorum & Capellanorum. Mense autem Majo præcedente Forreſſæ oppidum per suos cremari jusserat. Huic vero incendio ipse dux & auctor interfuit : ob id aliaque ejusmodi facinora non immerito *Badenacha Lupus* appellatus.

## LIBER DECIMUS.

### CL. REX.

I. **R**OBERTO secundo successit JOANNES filius natu maximus , M. CCC. Id. Augusti , anno Salutis humanæ M. CCC. XC. Hic , cum ad eum usque diem Joannes vocatus fuisset , de Ordinum sententia mutato nomine ROBERTUS est appellatus. Idne factum sit , propter duorum Regum , alterius Franci , alterius Angli , qui-

1 *Id. Augusti*] i. e. pro Buchanani morte , eo die coronatus est : sed in hoc quo-

que uno die errat Buchananus , 14 enim , non 13 Augusti inauguratus est. Extracta enim

quibus id nomen fuerat, calamitatem, an ob duorum Robertorum, qui nuper in Scotia regnum tenuerant, in pace & bello virtutem & felicitatem, quando ea de renihilo certi traditur, ego quoque pro incerto relinquo. Igitur Robertus tertius cum vitiis magis careret, quam virtutibus esset illustris, penes eum Regium nomen, penes Robertum ejus fratrem rerum gubernaculum permanfit. Initio regni toris quies fuit, induciis triennialibus cum Anglo factis, ac paullo post <sup>1</sup> in quatuor annos præterea prorogatis. Domi motus principium factum a Duncano seu Duncano Stuardo. Is ex fratre Regis Alexandro Buchaniæ Comite natus, patre feroci ferocior filius, avo mortuo, ratus locum rapinis aliisque injuriis fore, manu valida prædonum cinctus in Angusiam descendit, & velut ex hostico prædas agere cœpit. Huic Valterus Ogilvius cum Valtero Lichtonio fratre dum obsistere conantur, cum sexaginta suorum cæsi fuerunt. Hoc successu latrones elati, cum longe vehementius plebem affligerent, audito adventu <sup>2</sup> Comitum Crafordiæ, quem Rex ad comprimendam eorum insolentiam miserat, expeditores fuga celeri in latebras suas se receperunt: e tardioribus multi cæsi, multi comprehensi, & ad supplicium ducti. Verum hominum inquietorum nequitia, quo minus in plana & regiones campestres erumperet, cohibita, domi inter ipsos vehementius exarsit.

II. Duæ autem potissimum familiæ insignes inimicitias insigni crudelitate exercebant. Hi cum neque jure de controversiis disceptare, nec amicorum arbitrio eas committere vellent, missi a Rege ad eos pacandos duo Comites, Thomas Dumbarius Moraviæ, & <sup>3</sup> David Lindefius (patre defuncto) Crafordiæ, cum animadvertissent, gentem ferocem, neque voluptatis modo, sed etiam mortis contemtricem, non posse domari sine magna bonorum virorum ex adverso cæde, rem astu tractare instituunt. Igitur seorsum principes eorum allocuti, ante oculos ponunt; „Quantum universis periculum, ex mutua inter ipsos cæde impenderet: nec, si altera familia alteram penitus extinxerit, id sine gravissimo vincensium damno posse evenire: nec, si posset, ibi certaminum finem fore; quippe cum victori multis congressibus debilitato bellandum adversus Regem foret: qui quam infestus esset utrisque, vel ex eo intelligi posse, quod ad utrosque adhuc incolumes delendos ipsi cum copiis missi sint. Verum se salutis quam sanguinis eorum cupidiores, si audire vel-  
„lent, rationem inituros, ut nec inhoneste, nec inulti, nec invito Rege  
„pacificari possint. Id cum audire cuperent, conditio proponitur; „Ut ex  
„utris-

enim cum regnum ihisse tradunt *vigilia assumptionis nostræ Domine*; clarius vero Registrum Moraviense, *Dominica in vigilia Assumpt.* Idem quoque habet Boëthius, rationesque Chronologicæ confirmant, Lit. Dom. B. At Ballendenus id factum scribit ipsa Assumptionis die, i. e. 15 Augusti, quem forte Buchananus sequi voluit, oscitanter existimans Idus Augusti (quem admodum Julii) in 15 diem incidere. Scriptum autem oportuit *postidie Idus Aug.*

<sup>1</sup> *In quatuor annos*] Potius dicendum erat, ac paulo post in duos, ac deinde in quatuor annos præterea prorogatis. Vid. Fœd. Angl. Tom. 7. pag. 714. & pag. 769.

<sup>2</sup> *Comitis Crafordiæ*] i. e. illius qui paulo post Crafordiæ Comes est creatus.

<sup>3</sup> *David Lindefius*] Ita omnino legendum, non vero quod omnes libri exhibent, *Jacobus*, quod patri jam defuncto nomen fuerat. Nondum vero is David ad Comitum designationem erat erectus.

3 Tri-

„utrisque <sup>1</sup>triceni, <sup>2</sup>ensibus modo armati, coram Rege decertent: victis impunitatem præteritorum fore; victoribus decus, auctoritatem, Regis etiam & procerum gratiam:

III. Cum ea conditio satis utrisque placuisset, dies certamini dictus est, quo die cum principes familiarum cum suis in aulam convenissent, campi ad septentrionale urbis Perthi latus pars, fossis præaltis a reliquo seclusa, eis ad congressum assignatur, <sup>3</sup>structis circa spectaculis. Cum multitudo ingens hominum ibi consedisset, mora pugnae paullulum facta est, quod ex alteris tricenis unus metu latuisset, nec pauciores adversus plures decertare vellent: nec reperiretur qui in absentis locum succederet, nec ex adversa factione quisquam eximi se numero pugnatorum pateretur, ne velut a propinquis contemptus ac rejectus videretur. Tandem sellularius opifex prodiit, ac se in absentis locum successurum est professus, si aurei scutati Gallici dimidium repræsentaretur sibi victori, ac in posterum, donec viveret, de victu caveretur. Ita rursus æquato numero certamen initur, ac tanta corporum animorumque contentione pugnatur, quantum efficere poterat odium vetus, novis detrimentis inflammatum, in hominum ferocissimorum crudelitati assuetis ingeniis, & victori res decusque, victo mors & ignominia proposita. Nec minor spectantes horror, quam pugnantes furor tenebat, deformes corporum laniatus, detruncatosque artus, & in hominis effigie rabiem ferarum detestantes. Illud autem in primis ab omnibus est animadversum, quod nemo se omnium fortius gereret, quam supposititius ille & mercenarius bellator, cujus opera maxime victoriam partam existimant. Superfuerunt enim certamini, ex ea, cui se ille addixerat, parte, præter ipsum, decem, sed omnes magnis vulneribus graviter faucii: ex altera factione restabat unus, qui cum corpus adhuc ferro haberet intactum, iniquamque certaminis fortunam sibi videret objectam, in Taum flumen propinquum se coniecit, ac, adversariis quo minus eum sequerentur ob vulnera tardatis, in adversam ripam evasit. Hac ratione ferocissimo quoque cæso, multitudo sine

<sup>1</sup> *Triceni*] i. e. triginta, ita enim alii nostri scriptores consentiunt. Buchanani autem interpretes alique hallucinantur, qui *tricenos* pro *trecenis* accipientes, vice 30. 300 pugnatos inducere. At facile fuit scriptoribus rem aliunde non edoctis levius literæ discrimine decipi, pari modo quo nonnullis Horatii editionibus *tricenis* pro *trecenis*, repugnante primæ syllabæ mensura, irrepsit, lib. 1. Od. 14.

*Non si trecentis, quotquot sunt dies,*

*Amice, places illacrymabilem*

*Plutona tauris.* —

Apud Columellam vero lib. 5. cap. 2. omnibus, quod sciam, codicibus, pro *trecenis* *triceni* scribitur: *Latus anum in se multiplico, tricies triceni fiunt 900 pro tri-*

*cies trecent.*

<sup>2</sup> *Ensibus modo armati*] Ita quidem Boëthius ejusque interpretes Ballendenus: at Extr. Major, Vintonus & Registrum Moraviense, non ensibus modo, sed arcubus, securibus & cultris, sive pugionibus, armatos affirmant; nullo tamen quo corpora protegerent armaturæ genere permisso.

<sup>3</sup> *Structis circa spectaculis*] Spectaculum hic locum ipsum ex quo spectatur significat. Liv. I. 35. *Ubi spectacula sibi quisque faceret.* Ovid. 10. Metam. 668.

———— *Resonant spectacula plausu.*

[vide Cl. Grævii notæ ad Ciceron. pro Murena. cap. 34]

ne ducibus relicta, in multos post id annos a tumultuando repressa, ad agriculturam rediit. Hæc pugna incidit <sup>1</sup>in annum Salutis M. CCC. XCVI.

M. CCC.  
XCVI.

IV. <sup>2</sup>Biennio fere post, in conventu Ordinum Perthi, Rex Davidem filium, octodecim annos natum, Rothesiæ; Robertum fratrem, Taichia ac Fife jamdudum Comitem, Albinæ Duces vocat. Hic vani honoris titulus <sup>3</sup>tum primum inter Scotos, magno ambitionis nullo virtutis incremento est celebratus: nec cuiquam postea feliciter cessit. Comitem etiam Duglassiæ Rex voluit eodem titulo afficere: sed ille, ut erat severus, constanter speciem supervacui honoris recusavit; & si quis hoc ei nomen ominaretur, gravissime increpabat. Sunt qui Gubernatoris titulum a patre datum Roberto Regis fratri, hoc anno a Rege confirmatum, & Lindeffiorum familiam <sup>4</sup>titulo Comitum Crafordiæ auctam tradant. Sed nec illud constat inter eos, <sup>5</sup>Thomasi an David vocaretur, qui primus ex ea gente Comes fuit appellatus.

V. Proximo anno, Richardus secundus Anglorum Rex coactus se regno abdicare. In ejus locum susceptus est Henricus quartus. Initio regni ejus, nondum finitis induciis, nova belli semina cum Scotis jacta sunt. Georgius Dumbarius Marciæ Comes, Elizabetham filiam Davidi filio Regis desponderat, ac bonam dotis partem jam dependerat. Arcibaldus Duglassiæ Comes, agre ferens hominem potentem & amulum sibi prælatum, causatus Ordinum consensum (quod in nullis ante Regum nuptiis quisquam factum meminerat) neglectum, filiam suam <sup>6</sup>Mariam cum ampliore dote obtulit: perque fratrem Regis Robertum qui tum omnia poterat, effecit, ut a Rege acciperetur conditio, & nuptiæ ex Ordinum decreto conferrent. Hac injuria simul & ignominia

<sup>1</sup> *In annum Salutis M. CCC. XCVI.]* De anno omnes consentiunt, at Registrum Morav. 28. Septembris, Extracta vero die Lunæ antefestum Sti. Michaelis, i. e. 25 ejusdem, pugnatum tradunt.

<sup>2</sup> *Biennio fere post] i. e. 28 Aprilis 1398,* die dominico, referentibus Registr. Morav. & Extract. Vide Abercrombium idem fere confirmantem, pag. 205.

<sup>3</sup> *Tum primum] Ad exemplum scil. Richardi Angli,* qui non multo pridem Gallum æmulatus cum honoris titulum invexerat.

<sup>4</sup> *Titulo Comitum Crafordiæ] Hunc locum expungi jubet Tho. Crafordius, quia, inquit, non sibi modo Cap I. & 2 huj. Lib. hoc pacto pugnantem facit Buch. sed & aliis omnibus Historicis, qui Jacobum Lindeffium Comitem Crafordiæ creatum affirmant die coronationis Roberti II. Audacter nimis ac præter rationem utrumque Primum enim aliorum sententiam, non suam, hic refert Buchananus. Deinde tantum abest, ut aliis scriptoribus hac in*

parte adversetur, ut longe major ac fincerior eorum pars idem confirmet, Major sol. 123, Extracta fol. 242. Carthus. Vintonus, qui omnes Davidem Lindeffium Crafordiæ Comitem creatum testantur regnante Roberto III. & plerique anno 1398. Vintonus vero eorum temporum scriptor æqualis id factum tradit uno aut altero die, antequam Regis filius & frater ad Ducum honores essent evesti. Rem vero extra controversiæ aleam ponunt ejusdem familiæ instrumenta, quorum nonnulla mihi sunt visa, quibus Jacobus Lindeffius diu post inauguratum Robertum II. non ampliore se quam Domini de Glenesk titulo dignatur: quod & clarius paucis abhinc annis eluxit in celebri inter Crafordiæ & Sutherlandiæ Comites, de Præcedentiæ, quam vocant, jure agitata, necdum finita controversia.

<sup>5</sup> *Thomasi] A nemine Thomam appellatum memini*

<sup>6</sup> *Mariam] Aliis omnibus præter Extr. Margeria appellatur.*

1 Ple-



minia ictus Georgius, graviter cum Rege expostulat: & cum facta infecta fieri nequeant, saltem dotem filiae repetit. Ea tam justa postulatione repulsa, cum nihil æqui se impetraturum cerneret, præoccupatis cunctorum ab æmulo animis & auribus, ab aula non solum iratus, sed etiam minabundus discessit: & arce Dumbari sororis filio Roberto Metellano tradita, in Angliam abiit. Robertus arcem fœciali a Rege misso statim tradidit. In eam Duglassius cum præsidio receptus, Georgium domum reversum exclusit. Ille, recepta uxore, liberis, & amicorum intimis, in Angliam rediit. Ibi, cum homo domi potens, & foris etiam clarus, & injuriæ impatiens, cum Percio, Duglassii nominis hoste infestissimo, consilia contulisset, fretus amore erga se finitimorum Scotorum, e quibus plurimi aut clientes, aut propinqui, aut alioqui beneficiis ei devincti erant, totam Marciam excursionibus, ac prædis e Duglassiorum prædiis agendis, brevi infestam reddidit. Scotus primum Georgium hostem publicum, omnibus bonis ejus fisco adjudicatis, denunciat: deinde fœcialem ad Anglum mittit, qui transfugam ex fœdere reposceret, & de violentis induciis conquereretur.

VI. Ad ea postulata impudenter ab Anglo responsum est; „Se fidem publicam Georgio dedisse, nec Regium promissum violari debere: „tanquam sanctius esset observandum, quod privatim transfugæ esset cautum, quam quod publice per legatos & fœciales esset confirmatum: induciarum enim, quæ cum Richardo factæ fuerant, nondum exierat dies. Interea Henricus Percius junior, quem <sup>1</sup> Plexippum diximus cognominatum, & Georgius Dumbarius non cessabant excursionibus vicinos Scotorum agros vexare. Id cum aliquoties ab eis impune factum fuisset, e successu crevit audacia: ac, duobus millibus hominum coactis, Lothianam ingressi, circa Hadinam late populati, Halim arcem frustra oppugnarunt. Cum ad Lintonem (is vicus est ad Tinam Lothianæ amnem situs) consedissent, subito adventu <sup>2</sup> Duglassii perturbati, relicta non modo præda, sed impedimentis quoque, se in fugam coniecerunt, adeo trepide, ut nusquam consisterent, donec Bervicum esset perventum. Hæc circa <sup>3</sup> initium Februarii, anno M. CCCC. gesta sunt: quo anno, reverso domum fœciali, bellum Anglis est indictum: & Arcibaldus Duglassius, cognomento Austerus, vir nulli majorum in quovis genere laudis inferior, morbo decessit, alienissimo patriæ tempore, tot nuper imperatoribus diversis casibus amissis. Successit ei eodem nomine filius.

M  
CCCC.

VII. <sup>4</sup> Ad Idus Aug. Anglus, contractis maximis copiis, Scotiam est ingressus.

<sup>1</sup> Plexippum diximus cognominatum] Ut Buchananus sibi congrueret, supra Lib. IX. §5. interferendas duximus has voces [cognomento Plexippus:] quæ si absint, nusquam ejus cognominis alibi meminerit. Futilis autem videtur Crafordii emendatio [diximus] in [dicunt] mutantis: Buchanano enim de re indubitata ac certissima loquenti superflua esset, ne dicam inepta, Tom. I.

vocabuli [dicunt] adjectio.

<sup>2</sup> Duglassii] Extracta Duglassie Magistrum appellant, i. e. ex eorum temporum consuetudine, Comitum filium natu majorem.

<sup>3</sup> Initium Februarii] 3 nempe die, sive crastino purificationis nostræ Domine, Extract.

<sup>4</sup> Ad Idus Augusti] Die Assumptionis in-  
Tt qui-

gressus. Cum Hadinam venisset, triduum ibi moratus, Letham duxit. Ibi quoque cum totidem dies fuisset, arcem Edimburgi obsedit. Adversus hunc Gubernator magnum exercitum ita lente ducebat, ut facile appareret, eum non moleste laturum, si arx ab Anglo, & cum arce David Regis filius caperetur: jam enim non obscure prava ejus ambitio se prodebat. Fratre enim <sup>1</sup>velut imbelli contempto, liberis ejus, quo regnum ad se traduceret, quibus poterat modis perniciem moliebatur: eorumque calamitates pro lucro sibi deputabat. At Anglus contra, velut terrorem belli ostentando pacem quæreretur, inimicitias clementer exercebat: leviter enim oppugnatione arcis tentata, obsidionem solvit; ac sine magna, qua transibat, noxa domum rediit, magnam clementiae & moderati animi laudem & veniens & abiens adeptus: nam & deditos humaniter habuit, & a locis sacris vim omnem abstinuit; erga plerosque etiam, ob hospitii paterni memoriam, munificentia usus. Quæ res ut illi benevolentiam, ita Gubernatori odium conflavit: quod neque bellum, ut adversus inimicum, acriter gereret; nec Regem tam facilem & beneficium, sibi amicum facere studeret.

VIII. Post Henrici reditum in Angliam, Georgius Dumbarius, magis frequentibus, quam magnis incursionibus, fines Scotorum infestabat. Ad eum reprimendum, quoniam assidua magis, quam numerosa manu erat opus, Duglassius, divisus in mediocres manus regionatim copiis, suos singulis duces, qui per vices, vel hostium incursiones prohiberent, vel ipsi eos infestarent, dedit. Prima fors Thomæ Haliburtino Dirlitonii fuit, qui satis uberem ex hoste prædam ex agris Bamburgo proximis retulit. Non fuit idem successus Patricio Heburno, qui majore manu latius discurrebat: nam cum numero suorum fretus incautius cum præda rediret, ab Anglis <sup>2</sup>oppressus periit, & cum eo flos Lothianæ juventutis. Arcibaldus Duglassius, ut suorum cladem ulcisceretur, consentiente Gubernatore, supra decem hominum millia coëgit: cum eo clarissimi procerum una profecti, & in iis Mordacus Gubernatoris filius. Cum Northumbriam usque ad Novum castrum ad Tinam transcurrisent, & ferro ac igne late stragem dedissent, congressi cum Henrico Percio minore & Georgio Dumbario, magno prælio vincuntur: complures homines nobiles cæsi: captus Duglassius, oculorum altero amisso, Mordacus Fife, Thomas Moraviæ, Georgius Angusiæ Comites, alique permulti genere & opibus clari. Nec a multis retro annis alia pugna æque vires Scotorum attrivit. Pugnatum est ad <sup>3</sup>Homeldonum Northumbriæ vicum, <sup>4</sup>anno

quiunt Extr. i. e. 15. die Augusti, unde eandem facio quam superius ad Lib. X. 1. conjecturam, Buchananum, scil. memoria forte lapsum, diem 15 Augusti, quem admodum & Julii, Idus existimasse.

<sup>1</sup> Velut imbelli] Ita emendavimus cum Elzev. cum in aliis fere omnibus libris imbellegatur; non obstante quod a Sosipatro observatum supra monuimus ad Lib. IX. 58.

<sup>2</sup> Oppressus periit] Hæc pugna, ad Nisbetum parva, commissa est 22 Junii 1402, juxta Ballendenum, Balfurium &

Abercrombium. Idem quoque Angli scriptores confirmant.

<sup>3</sup> Homeldonum] Scriptores Angli, Volsingamius, Spedius, Stovius, Echardus, &c. hunc locum perperam *Halidonbill* vocant, quo nomine appellatus est Marciz collis prope Bervicum, pari vel majore Scotorum clade, anno 1333, infamis. Est autem *Homeldonum* mons Northumbriæ prope oppidum *Waller*, Camdeno, Spelmanno & aliis *Hambleton* vel *Hamildon*, Aët. publ. Tom. 8. pag. 379. *Homeldonbil* nuncupatus

<sup>4</sup> Anno

anno M. CCCCI. ad Nonas Maji.

IX. Percius hac victoria tam insigni potitus, statuit imperio Anglorum subijcere quicquid terrarum inter Northumbriam & Fortham est interjectum: nec in eo magnum sibi laborem proponebat, quod omnem earum regionum Nobilitatem aut in prælio interemerat, aut captivam detineret. Igitur a Coclao arce Teviotiæ exorsus, cum præfecto arcis pactus est, nisi intra <sup>1</sup>quinquagesimum diem Scoti obsidionem solverent, ipse arcem dederet. His conditionibus ad Regem, deinde Gubernatorem relatis, non defuerunt, qui dedendam Anglis arcem censerent: tanti enim eam non esse, ut vires regni, postremo prælio tam attenuatæ, in discrimen iterum conjicerentur. Hanc animorum dejectionem non tam ab hoste metus, quam imminentis regno Gubernatoris perfidia attulerat. Ille contra, ut omnem a se amoliretur suspicionem, verbis magnifice & confidenter differebat; „Hanc imbecillitatis & timoris publici confessionem, plus quam adversum prælium audaciam hostium aucturam. „Quod si quispiam existimet, unius arcis concessione contentos fore Anglos, „cum vehementer falli: velut enim ignis levi aspersione aquæ magis accenditur, ita cupiditas prima quæque tradendo non restinguitur, sed inflammatur; „& quicquid concesseris initio, ad ulterius penetrandum fit gradus. Quod si „universi ad arcem liberandam recusetis progredi, <sup>2</sup>ego vel solus proficiscar, „neque vivus & videns tantum nomini Scotico dedecus inuri sinam. Hæc locuto Gubernatore, cæteri, vel restincta vel dissimulata suspitione, se conclamarunt secuturos. Verum fortuna id periculum discussit, Percio ad bellum civile revocato, atque arce sine vi liberata.

X.

1 Anno M. CCCCI. I. ad Nonas Maji] Triplex hic error est Buchananii, neque enim hoc anno, mense aut die, pugnata est infesta hæc pugna. Omnes quippe scriptores, quos ego fere viderim, tam Angli quam Scoti, hoc prælium commissum tradunt anno 1402, die exaltationis Sanctæ Crucis, i. e. 14 Sept. præter unos Ballendenum & Holinshedum, quia Buchananus longius abeuntes pugnatum scribunt anno 1403. Polydorum Virgilium peregrinum & indiligentem scriptorem non moror, qui non Homeldonense modo, sed Salopienſe etiam prælium in annum conjicit 1401. Cæterum Buchananum fefellit videtur dies exaltationis, pro die inventionis sanctæ Crucis (qui in tertium Maji refertur,) intercidente forte Librariorum vitio, voce [quintum] vel [V.] Humius vero, dum Buchananum sequi vellet, novum de suo adjicit errorem, qui Nonas Maji quintum diem interpretatur, non attendens Majo sex Nonas esse. Plerique autem quos supra memoravi scriptores, ne

imprudenter erraremus, die sanctæ crucis autumnii tempore pugnatum tradunt; addit & Holinshedius die Martis, quæ nullo pacto congruere possunt, cum 14 Sept. anni 1402 cadat in feriam quintam; anni vero 1403, quem ille designat, in feriam sextam.

2 Quinquagesimum diem] Boëthius tres menses memorat, ejus interpretes duos. Extractorum vero compilator cum Buchananus fere consentiens, post sex septimanas. Vintonus autem narrat Jacobum Duglassium Coclai Comarchum mense Majo Regi [ad quem opem flagitaturus venerat] indicasse, se, ni ante festum sancti Petri ad vincula obsidio solveretur, arcem Anglis dedere pacisci coactum. Hoc autem evenit anno 1403.

3 Ego vel solus] Extract. Etsi nullus mecum fiat, nisi Patricius Kinbuck puer, & dextrarii mei fessor [dextrarius equus major est cataphractus, quo potissimum in præliis utimur] quem a longe stantem indice prodidit.

Tc 2

1 Post

X. Hæc dum foris cum hoste geruntur, nihilo felicius res domi est administrata. Nam brevi post mortem Arcibaldi Duglassii anno superiore, prope continuatis funeribus decesserunt Annabella Regina, & Valterus Tralius Fani Andreæ Archiepiscopus, omnium prope animis magnam rerum mutationem præfagentibus. Nam, ut per Duglassium rei militaris splendor, per Tralium Ecclesiastica auctoritas & veteris disciplinæ qualiscunque imago stetit, ita ab Regina incolumi aulæ dignitas est sustentata: quod ex ejus morte, & rebus quæ eam sunt secutæ, palam est intellectum. Regis enim filius David, adolescens erat natura ferocior, & ingenio ad libidinem proclivi. Ea vitia cum augeter indulgentia patris, in quo non satis erat auctoritatis ad reverentiam sui retinendam, tamen & admonitionibus eorum, qui infirmitati ætatis regendæ appositi, & multo magis materna diligentia & consilio, impetus ejus retundebantur: ea vero defuncta, libido frenis libera ad veros mores rediit; ac metu & pudore seposito, alienas uxores & honesto loco natas virgines, quibus flagitium persuadere non poterat, per vim rapiebat ad stuprum: si quis ejus inhibere libidinem vellet, male multatus discedebat. De hac ejus impotentia cum multæ querelæ ad patrem fuissent delatæ, is ad fratrem suum Gubernatorem scripsit, ut adolescentem apud se retineret, donec deservescente lascivia ad meliorem frugem rediret. Gubernator, quam jam diu expetebat occasionem stirpis fraternæ delendæ nactus, Davidem, obvium sibi ad tria ferme milliaria a Fano Andreæ, secum ad arcem Andreanam, quam Archiepiscopo nuper mortuo per speciem custodiæ tenebat, ducit. Inde paullo post in arcem suam Falcolandiam traducit: ibi moriturum fame in arctum carcerem inclusit. Sed, quem patruus crudelitas ad mortem in primis miserabilem destinarat, ei duarum muliercularum misericordia vitam in paucos dies prorogavit: altera quidem virgo erat, cujus pater & arci & custodiæ præerat. Ea panem avenaceum, ita tenuiter (ut in Scotia vulgo fieri solet) extentum ut complicari posset, sub lineo velo, quod capiti adversus Solem negligenter injiciebat, quoties adeundi hortos carceri propinquos erat copiâ, per tenuem rimulam verius quam fenestram immittebat. Altera nutrix rustica, lac e mammillis expressum per canalem in os ejus immulgebat. Hoc miserabili victu, quo magis famem accenderet quam levaret, cum aliquot dies vitam simul & poenam ei produxissent, custodibus diligentius observantibus deprehensæ, ad

sup-

I Post mortem Arcibaldi Duglassii anno superiore] Imo vero antetres annos ab ob-  
fesso Coclao anno scil. 1400, non ipso  
modo Cap. 6. huj. lib. sed Majore, Boethio,  
Holinshedio referentibus. Decessit autem  
Valterus Tralius anno 1401, mense (ut  
videtur) Junio, alius enim in ejus locum  
mense Julio est susceptus, Vinton. Paullo  
post obiit Annabella Regina, autumnii  
tempore sepulchro condita. Idem.

Gubernator] De hac re nihil Vintonus,

contra vero Gubernatorem summis laudi-  
bus effert. Extracta autem, liber Per-  
theusis, Major, Balfurius, culpam magna-  
ex parte in Joannem Ramorgnium reji-  
ciunt, qui confectis criminibus serendis,  
mentiendoque alteri ab altero capitis pe-  
riculum imminere, Gubernatorem ad fa-  
cinus quasi occupandum, necemque quanti  
sibi meruebat Principi maturandam ade-  
git.

2. Mortis.

supplicium protrahuntur, patre perfidiam filiae vehementer execrante, dum erga infidum Gubernatorem suam fidem ostentare conatur. Adoleiscens, omni humano destitutus auxilio; postquam victus inopia etiam sua membra lacerasset, non simplice morte defungitur. Mors ejus diu patrem latuit, nemine tam tristem nuncium rei, quam cuncti sciebant, ad eum perferre auso.

XI. Sed ad res Anglicas, quatenus nostris immixtae sunt, revertamur. Cum Percius, magna conjuratione Nobilitatis facta, bellum adversus Regem suum meditaretur, cum Duglassio (quem in prælio Homeldonensi captum adhuc secum habebat) paciscitur, si operam suam adversus Regem æque fortiter & fideliter sibi impendat, ac adversum se foret usus, eum se liberum domum dimissurum: Duglassius, qui nullam operæ navandæ adversus Anglum conditionem esset recusaturus, libenter promisit; & paucis ex clientibus & amicis convocatis, ad futuram se dimicationem parat. Nec segnius in prælio se gessit, quam Percio promiserat: nam contempta multitudine in unum Regem animum oculosque intentos tenebat, & cum plures paludamento Regio essent amicti (sive ut hostes ejus capiti imminentes deciperentur, sive ut omnibus in locis milites præsentem suæ virtutis & ignaviæ cum se testem habere crederent) Duglassius, in unum eorum armis conspicuum totis viribus invehit; eum ex equo dejicit: qui cum a circumstantibus exemptus fuisset periculo, iterum Duglassius alterum, ac deinde tertium (ut, præter nostros, etiam affirmat Eduardus Halus Anglus) armorum splendore & paludamento deceptus dejecit. Neque tam suo periculo commotus, quam, unde tot Reges venissent, miratus. Tandem, post cruentissimum conflictum, versa fortuna, ac victore Rege, Duglassius multis vulneribus faucibus, inter captivos recognitus, multis in ejus exitium imminentibus, a Rege est servatus, non solum fide ejus erga amicum laudata, sed fortitudine muneribus honestata, ac vulneribus curatis: cum aliquot menses apud Anglum fuisset, magna pecunia perfoluta vix tandem dimissus.

XII. Interea de Davide Scoti primogenito, scelere patris occiso, rumor ad miserum parentem permanat: auctorque occultis rumoribus (nam palam nemo audebat hominem tam potentem accusare) designabatur. Rex, fratre ad se acci-

1 *Morte defungitur*] Quidam dysenteria extinctum scribunt [Vide Extract. & lib. Perth.] 7 Cal. Aprilis vigilia Paschæ sero; vel die Paschæ mane. Paschalis autem solennitas incidit anno 1402, in 16 Martii. Lic. Dom. A. num. aur. 16. Vintonus tamen uno die posterius interiisse tradit, anno 1402: Natus erat juxta eodem auctores 24 Octob. 1378, adeoque mortuus ætatis 24, Dux creatus anno 20, maritus factus 22. Miseranda ejus mors ab aliis ante prælium Homeldonense collocatur, quæ tamen a Buchananò postpo-

nitur, ne rerum, opinor, adversus Anglos gestarum series interrumpere.

2 *Ac deinde tertium*] Idem habet & Spedius Anglus, qui *quartum* a Boethio falso additum reprehendit. Idem tamen e Voltingamio testatur multa Anglorum millia se in fugam conjecisse, Regem suum occisum credentes.

3  *multis vulneribus*] In prælio Homeldonensi altero oculorum, in hoc vero Salopiensi altero testiculorum est privatus, uti, præter Extract. & lib. Perth. Voltingamius Anglus testatur.

Tr 3

1 Val.



accito, graviter cum eo expostulat. Ille de morte adolescentis jam ante paratam fabulam exorsus, crimen in alios transfert; „Se suosque, quando & ubi „Rex velit, ad causam dicendam affuturos promittit. E cadis autem patribus, quosdam se penes in vinculis esse; reliquos diligenter perquisiturum. Quæstione constituta, ipse sceleris auctor cogit Concilium, accusatores instruit, & Rege præsentem, tanquam noxius accusatus, pro innoxio dimittitur. Rex vindictam coelitus, & gravissimas diras eis eorumque posteris impetratus, qui tam nefarium facinus patnaverant, curis infirmitateque corporis æger, in Botam unde venerat est reversus, aucta suspitione de patricidio a fratre commisso: sed potentior erat, quam ut ab eo poena exigi posset. Ille vero, ut rem strenue dissimularet, supposititios sceleris auctores e carcere producit, & facinorosos quidem illos, sed cujus insimulabantur criminis expertes, gravi supplicio afficit.

XIII. Rex interea de Jacobo minore filio sollicitus, quem apud Valterum Vardilaum Fani Andreæ Archiepiscopum, hominem probum & sibi fidum, deposuerat custodiendum, cum amicis consultat. Illi, nusquam eum in Scotia tutum fore rati, auctores fuerunt, ut ad Carolum sextum Galliarum Regem, veterem socium & Scoticum nominis unice amicum, eum transmittat: nusquam neque tutius neque honestius eum educari posse. Hærebat enim in animis recens exemplum Davidis Brussii, qui, dubiis domi temporibus, aliquot annos ibi honorifice transegerat. Igitur parata nave, ad Bassam, scopulum verius quam insulam, adhibito rectore Henrico Sinclaro Comite Orcadam, conscendit: ac, dum littus legit, ad Flamburgum promontorium, sive tempestatis vi coactus, sive ut e nausea marina se paululum recrearet, descendit: ab Anglisque retentus, & a Rege consulto quid eo fieri velit in aulam arcessitus. Ibi nec jus induciarum, quæ paullo ante in octo annos fuerant factæ, neque

1 *Valterum Vardilaum*] Verum ei nomen *Henrico* fuit, ut non ex Vintono tantum, Extract. lib. Perth. Viris Pontificum Sancti Andreæ, Spotisvodio, Lesso, &c. sed etiam ipsius instrumentis mihi conspectis abunde constat. Buchananus fucum fecerant Boëthius ejusque Interpres, qui hoc loco *Valterum*, quamvis paullo ante *Henricum* appellent. Habuit quidem ejus nominis avunculum, Episcopum Glasguensem & Cardinalem. Qui cum fere proxime præcesserat *Valterus* *Tralius* vocabatur; Thomas enim Stuartus Roberti II. notus paucis mensibus eam dignitatem obtinuit. Prius autem quam ipse Vardilaus est consecratus, Valterus Danglestonius reditus Episcopales possidebat, quem & Electum fuisse Vintonus prodidit. Inter tot igitur Valteros Buchananus errare facile fuit.

2 *Archiepiscopum*] Lege *Episcopum*. Vid. supra Not. 2. Lib. VIII. 1.

3 *Ab Anglisque retentus*] Captus est Jacobus I. inquit Ballendenus, 30 Martii anno 1404, juxta plerosque scriptores Anglos anno 1406. Ego tamen Vintono, qui hoc ipso vixit scripsitque tempore, potius accedo, qui captum tradit *Dominica palmarum*, i. e. 12 Aprilis anni 1405. Vid. quæ nos postea ad Lib. X. 15.

4 *In octo annos*] Inducias in octo annos factas nusquam invenio. Induciarum quidem tempore captum nostri omnes asseverant, remque ipsam confirmant Acta publica Tom. VIII. pag. 363. Unde apparet inducias, non octennales, sed fere annuas fuisse initas, a 10 *feil.* Julii anni 1404, ad Pascha anni sequentis: cum quibus in omnibus consentit Vintonus, qui una hebdomade ante earum exitum Jacobum

literæ patris supplices ei profuerunt, quo minus jure captivus decerneretur. Pater enim discedenti literas ad Anglum (si forte illuc appulisset) dederat; in quibus, multa de sua, multa de communi hominum fortuna erant lamentabiliter scripta. Verum apud Regem, etsi inconstantia rerum humanarum non expertem, tamen plus valuerunt veteres gentis offensæ, quam vel ætatis innocentia respectus, vel miseri patris lacrymæ, vel Regii nominis dignitas, vel induciarum fides.

XIV. Nam cum Anglus ad Concilium retulisset, quomodo Scoti Regis filio in ditionem suam appulso uteretur; quibus æquitatis erat studium, & diuturni belli tedium, ad mitiorem sententiam inclinabant, ac censebant, „Regii generis adolescente, crudelitatem suorum fugiente, & supplice, hospitaliter & amice esse utendum: & gentem ferocem, tot seculis bello indomitam, beneficiis conciliandam. Hanc victoriam firmam & solidam debere existimari, in qua non per injuriam libertas adimitur, sed animus amicitia vinculo insolubili conjungitur. Alii contra differebant, „Jure captum videri, vel quod e primoribus gentis auxilia in motu Perciano contra Regem in acie stetissent, vel quod pater ejus Percium seniore, perduellionis in Anglia damnatum, apud se haberet, & exilium ejus suis opibus sustentaret. Hæc sententia (ut plerumque deteriora solent) in Concilio vicit: quanquam qui aderant, non ignorarent, qui in prælio adversus Anglum dimicassent, non publice a Rege missos, sed Duglassii privata gratia, cum & ipse tum in Percii potestate esset, adductos; ac meminisse possent, quid ante paucos annos Henricus ipse Scotis Georgium Dumbarium reposcentibus respondisset. In hanc sententiam itum est, ut fere in aulis Principum emolumenti falsa species honestis consiliis præponderat. In captum tamen a Rege Anglo hoc unum liberaliter & Regie est consultum, quod literis & honesta disciplina eum instituendum curavit.

XV. Calamitate filii ad patrem cœnantem perlata, tanta doloris vi fuit oppressus, ut pene inter manus astantium exspirarit. Delatus in cubiculum, ab eo tempore cibo abstinuit: ac tertio post die, inedia & mœrore extinctus est. Rothesaia, quod oppidum in Bota insula est, anno ab inito

to  
tum captum testatur, ut modo indicavimus.

1 *Ditionem*] Szpius supra monuimus hanc vocem hoc significato pro *regione*, *provincia* aut *parte terrarum* quæ potestati cujusdam subiecta sit, apud probum aliquem scriptorem nusquam reperiri. Vide Scioppium de Stylo Historico pag. 190, & 210. qui gravem Lipsio, Casaubono & Thuanus vocem eo sensu usurpantibus dicam impingit.

2 *Debere existimari*] MS. & Edinb. *deberi*, male.

3 *Rothesaia*] Ita fere omnes nostri scri-

ptores: potior tamen mihi videtur Vintoni auctoritas, qui ad Dunum Donaldii (qua in arce pater ejus est mortuus) extinctum tradit.

4 *Anno ab inito regno sexto decimo Cal. April. anno Christi M. CCCC. VI.*] Turpiter hic errasse Buchananum contendit Abercrombious vol. 1. pag. 224. qui Robertum III. obiisse existimat 29 Martii anni 1405, præcipue adductus barbaris hisce apud Extracta Monachi cujusdam carminibus.

*Quadringentesimo quinto mille sibi juncto  
A data Christi anno, mortem subit iste*

*Ter-*

MCCCC to regno sexto decimo, 1 Cal. Apr. anno Christi. M. CCCC. VI. sepultus VI.

*Tertius, Robertus, Aprilis quarto Calendas:  
In Borba leto cessis, pausat Passileo.*

Sed horum versuum auctoritatem evertunt ea ipsa Extr. & lib. Perthensis, qui eum fato cessisse tradunt *Dominica in ramis palmarum*, quæ eo anno 1405, non in 4 Cal. April. seu 29 Martii, sed in 12 Aprilis incidebat. Præstantior igitur hac in re Vintoni fides, qui Robertum defunctum scribit anno 1406, 4 Aprilis, *die Divo Ambrosio sacro*, quæ & *Dominica* tum erat in *ramis palmarum*: quæ omnia inter se accurate conveniunt. Pascha enim ejus anni in diem incidit Aprilis 11. Rem vero extra dubium ponunt ea ipsa, quibus Buchananii sententiam labefactare conatur vir clarissimus, Roberti Gubernatoris & Jacobi I. instrumenta publica: e quibus, præter multa alia, hæc ego oculis lustravi: Roberti Gubernatoris, unum 13 Maji anno 1407, gubernationis suæ 2. alterum 28 Octob. 1408, gubern. 3. tertium 6 Maji, 1410, gubern. 5. Jacobi autem I. unum 5 Aprilis 1424, regni sui 19. alterum 21 Sept. 1426, regni 21. tertium 19 Julii, quartum 12 Aug. 1427, regni 22. quintum 10 Aug. sextum 11 Decemb. 1430, regni 25: quæ omnia rite pensitata atque inter se composita Roberti III. obitum evenisse ostendunt anno 1406. Duo autem viro aliqui perspicacissimo hic fraudi fuerunt. Et primum quidem, quod annis 22 Christianæ & regni idem faciat initium & finem; quod tamen nequitiam factum oportebat. Deinde, non satis videtur attendisse Scotos tum eodem ritu, quo nunc Angli, annos suos auspiciari consuevisse, 25 nempe die Martii. V. G. quæ occurrunt Gubernatoris literæ 2 Jan. & 12 Mart. 1406 gubernationis anno 1. juxta supputationem Romanam, qua nunc utimur, in annum 1407 referendæ sunt. Idem dicendum de literis Jacobi I. datis 12 Jan. 1426, regni 21, & 17 Mart. 1429, regni 24. hic enim ad nostrum computum exactus, annus est 1430, ille 1427. Neque aliter conciliari possunt duo Gubernatoris instrumenta, unum 20 Martii 1407, alterum 27 Martii 1408, utrumque gubernationis suæ anno 2. Ut ad pauca redeam,

binæ itidem sunt Jacobi I. literæ, alteræ 5 Aprilis 1424, regni 19, alteræ 31 Martii 1432, regni 26, e quibus evidentissime elicitur ejus patrem decessisse inter 31 Martii & 5 Aprilis anni 1406. Cum autem Extr. Perth. Vintonus, *Dominica Palmarum* defunctum tradant, restat solus, in quem illa eo anno incidit, quartus Aprilis, Roberto ultimus, Jacobo primus regnandi dies. Rem vero per se satis claram ulterius adhuc confirmant nostri scriptores, qui omnes Robertum III. regni anno 16 extinctum tradunt; quod utique falsum esset, si 29 Martii 1405 occubisset, cum ipsius pater Robertus II. consentiente universorum testimonio, 19 Aprilis anni 1390 occubuerit. Omnium autem accuratissime Vintonus, Roberti III. scriptor æqualis, qui eum sedecim annos, demtis diebus quindecim, (quot nimirum inter 4 & 19 Aprilis intercedunt) regnasse testatur. Unicus tamen adhuc relinquitur scrupulus, quod scilicet plerique nostri scriptores, & in his Buchananus, scribant, patrem, audita calamitate filii, paucis post diebus inedia & mœrore fuisse extinctum; cum ex Vintono superius monstratum sit Robertum III. capto filio annum fere supervixisse, ad quem tamen multo minore temporis spatio tantæ calamitatis indicium permanasse credendum est. Et quidem, ut libere dicam quid sentiam, hac in re falsos arbitror nostros scriptores. Vintonus certe de ea nihil tradit. Alii autem sibi ipsis fidem abrogant: nam si filius captus est 30 Martii, pater vero mortuus 29 ejusdem mensis, ut eorum plerique prodidere, aut annum diversum intelligant oportet, aut rem narrent omnino impossibilem; nisi velimus existimare patrem mœrore potuisse extinguere ob filium altero post die captum. Non ab re autem hic erit Lectorem admonere, quod a Davide Simsono, quo nemo Scotorum res gestas diligentius, dum viveret, perscrutabatur, sapius audiui, qui se Roberti III. ad Henricum Anglum de filio restituendo literas nonnusquam vidisse cum fide asseveravit. Vid. quæ nos postea ad Lib. XI. 59.

1 Cal. Aprilis] Ex dictis apparet legendum

Pasileti. Fuit Robertus, & proceritate, & totius corporis forma & compositione nulli fere suorum æqualium secundus: summa vitæ innocentia, & in quo nullam hominis privati virtutem desiderares: <sup>1</sup> ut vere de illo dici posset, meliorem virum quam Regem eum fuisse. \*Rege mortuo, regni administratio Roberto ejus fratri per omnes Ordines confirmata est, qui, ut cupiditate imperandi cæcus, pessimis rationibus eo properabat, ita, si unum illud demas, multa in eo tanto magistratu digna inerant: nam & bello fortis, & consilio prudens erat, & æquitate summa lites dijudicabat, & liberalitate proceres conciliabat, nec tributis plebem exhauriebat.

XVI. <sup>3</sup>Eodem anno, Percius senior <sup>4</sup>iterum in Regem suum conjuravit, ut fratris & <sup>5</sup>duorum filiorum cæsorum ultionem ab eo expeteret: sed detecta conjuratione, & plurimis consciorum captis & supplicio affectis, in Scotiam sibi metuens fugit, ut inde in Flandriam & Franciam navigaret, & auxilia ad bellum renovandum conquireret. Interea Angli filius Henricus, magnas in Scotorum agros excursions terra marique fecit. Is cum præda ingenti porta domum redisset, arx Jedburgi, quam hostesa prælio Dunelmensi ad eum diem tenuerant, per plebem Tevotia <sup>6</sup>capta & spoliata, ac deinde per Gubernatorem solo æquata est: & Georgius Marcia Comes, cum ab Anglis, quorum in gratiam multa damna suis dederat, neque ad sua recuperanda auxilium, <sup>7</sup>neque vitæ honeste degendæ subsidium impetraret, per amicos placato Gubernatore, domum rediit: parte tamen patrimonii, nempe arce ad Mabanum lacum & Annandia multatus, quæ Duglassio nomine damni dati attributæ sunt: ac veteribus offensis utrinque remissis, in summa cum vicinis concordia, ac fide erga Regem reliquam ætatem transegit.

XVII. <sup>8</sup>Proximo anno, Percius, frustra pervagatus Franciam ac Flandriam, in

dum pridie Nonas Aprilis.

<sup>1</sup> Ut vere de illo dici posset] Majoris sunt verba: Bonus vir, sed parum bonus Rex.

<sup>2</sup> Rege mortuo] Convenit Ordinum habitum fuisse Perthi mense Junio 1406, docet Vintonus, in quo Jacobus Rex, etsi captivus, publico præconio Rex est pronunciatus; quo minus excusandi sunt nostri scriptores, qui Jacobi regnum a suo demum in patriam reditu auspiciantur.

<sup>3</sup> Eodem anno] Imo quidem anno superiore 1405, ut Dugdalius aliique scriptores Angli testantur; quod & ea quæ superius Lib. X. 14. Buchan. dixerat, postulare videntur.

<sup>4</sup> Iterum in Regem suum conjuravit] Prima conjuratio non patris sed filii fuit, qui in prælio Salopiensi erat cæsus: neque enim satis constat patrem ejus rei conscium aut participem fuisse.

<sup>5</sup> Duorum filiorum] Nondum reperi-  
Tom. I.

lum ex Percii senioris filiis præter Henricum cognomento Plexippum, in prælio Salopiensi cæsum fuisse. Alios quidem duos habuit, Radolphum & Thomam, quorum meminit Dugdalius vol. 1. pag. 278. at quo genere mortis interierint, non narrat.

<sup>6</sup> Capta & spoliata] Hoc, juxta Extract. accidit anno 1409, quo etiam anno Marcia Comes ad suos rediit.

<sup>7</sup> Neque vitæ] Ostendit Abercrombius ex Actis publicis Georgium Marcia Comitem non modo vitæ honeste degendæ subsidium, sed & opulenta prædia ab Anglo impetravisse, vol. 2. pag. 221, & 236.

<sup>8</sup> Proximo anno] Male hic distinguuntur tempora; nam (si Anglis scriptoribus credamus, Vossingamio, Spedio & Dugdaliis) occisus est Percius senior prælio ad Bramham-Moor prope Haselwood pridie Kal. Martias anno 1408.

in Scotiam ad Comitem Marcianum veterem amicum est reversus; & ab eo humanissime habitus, & pro copiis cultus. Ibi cum de reditu in patriam per occultos nuncios frequenter ageret, ad quendam vetustum amicum, & ut putabat, fidum, <sup>1</sup>Radolphum Rokesbium scripsit; „Sibi e Scotis atque Anglis „non defore copias, quibus fretus, patrimonium se recuperaturum non desperabat, si opera ipsius adjuvaretur. Erat autem tum Radolphus in agro Eboracensi Vicecomes, ut vocant; hoc est, conventibus juridicis agendis praefectus. Is, cum falsa spe auxilii Percium illuc attraxisset, conjuratione Regi indicata, miserum amicum in insidias illexit; <sup>2</sup>caputque occisi Londinum ad Regem misit. Erat autem eodem tempore in Scotia quidam Anglus, qui se Richardum secundum diceret: sed falso, ut reor. Nam cum senior Percius saepe ac vehementer colloquium ejus expeteret, nunquam tamen inducere in animum cujusquam oratione poterat, ut cum eo sermonem conferret: credo, metuens ne impostura deprehenderetur, ab homine, qui optime suum Regem noverat. Is tamen tanquam Regii sanguinis unus aliquot annos cultus, & quo securius ageret, ab omni regni cupiditate se alienissimum simulans, tandem mortuus, in aede Fratrum Dominicanorum Sterlini fuit sepultus, ascripto titulo Regis Angliae. <sup>3</sup>Nec multo post, Falscastellum, arx Marciae longe munitissima (uti nomen indicat) de Anglis captum, per Patricium Dumbarium Georgii filium: captus quoque Thomas Huldenus arcis praefectus, qui Lothianae loca propinqua latrociniis assidue infestabat: & in Teviotia quoque, a Gulielmo Duglassio, & Galvino Dumbario, minore Comitis Marciani filio, pons Rosburgi fractus, oppidum incensum fuit: arcem non sunt aggressi, quod ab omnibus rebus ad oppugnationem necessariis imparati venerant.

MCCCC. XVIII. Altero vero post anno, qui fuit a Christo M. CCCC. XI. Donaldus Insulanus Aebudarum Dominus, cum Rossiam, <sup>4</sup>juris calumnia per Gubernatorem sibi ablatam, velut proximus haeres (uti erat) repeteret, ac nihil aequi impetraret, collectis Insulanorum decem millibus, in continentem descendit; ac Rossiam facile occupavit, cunctis libenter ad justum domini imperium redeuntibus. Sed ea Rossianorum parendi facilitas animum praedae avidum ad majora audenda impulit. In Moraviam transgressus, eam praesidio destitutam statim in suam potestatem redegit: deinde Bagiam praedabundus transiit; & jam Abredoniae imminebat. Adversus hunc subitum & inexpectatum hostem Gubernator copias parabat: sed, cum magnitudo & propinquitas periculi auxilia longinqua exspectare non sineret, Alexander Marria Comes, ex Ale-

<sup>1</sup> Radolphum] Extractis Richardus appellatur: verum tamen ei nomen, consentiente Anglorum testimonio, Thomas fuit.

<sup>2</sup> Caputque occisi] Canitie spectabile, quod & ponti Londinensi pilo affixum est, testante Volvingamio, qui non inepto ei applicat hos Lucani versus:

*Sed nos nec sanguis, nec tantum vulnera*

*nostrum*

*Affecere senis, quantum gestata per urbem.  
Ora ducis, qua transfixo deformia pilo  
Vidimus.*

<sup>3</sup> Nec multo post] i. e. anno 1410. Extract.

<sup>4</sup> Juris calumnia] Calumnia, inquit Cic. Offic. I. *callida est & malitiosa juris interpretatio.*

*Ad*



Alexandro Gubernatoris fratre genitus, cum tota ferme Nobilitate trans Taum, ad Harlaum vicum ei se objecit. Fit prælium inter pauca cruentum & memorabile, nobilium hominum virtute, de omnibus fortunis deque gloria, adversus immanem feritatem decertante. Nox eos diremit, magis pugnando lassos, quam in alteram partem re inclinata: adeoque incertus fuit ejus pugnae exitus, ut utrique, cum recensuissent quos viros amisissent, sese pro victis gesserint. Hoc enim prælio tot homines genere factisque clari desiderati sunt, quot vix ullus adversus externos conflictus per multos annos absumisſe memoratur: itaque vicus, ante obscurus, ex eo ad posteritatem nobilitatus est. Hoc quoque anno, publicæ scholæ ad Fanum Andree aperiri cœperunt, magis hominum doctorum consensu, ad professionem literarum se offerentiam, quam ullo publico aut privato accedente auxilio.

XIX. Proximis decem annis, nihil fere memoria dignum inter Scotos & Anglos est gestum: sive induciæ in causâ fuerint, quod tamen a nemine proditum invenio: sive, Henrico quarto, ad XII. Cal. Apr. mortuo, & filio Henrico quinto statim substituto, per omnem reliquam vitam in res Gallicas intento, Angli ab injuria Scotis inferenda abstinerint: sive Gubernator Scotorum nihil movere sit ausus, metu ne Rex Angliæ verum Scotici regni hæredem remitteret; cui non dubitabat, ex commiseratione fortunæ, gratiam apud suos non defuturam. Igitur, si quæ fuerunt ea tempestate excursions factæ, latrocinio quam bello propiores erant. Nam & Pennerum in Anglia per Arcibaldum Duglassium, & Drumfrisium in Scotia per Anglos est crematum: & permutatio captivorum est facta, reddito Scotis Mordaco Gubernatoris filio, qui ad Homeldonum captus fuerat, & Anglis Percio, qui ab avo, victis partibus, ex Anglia adductus in Scotiam, apud Gubernatorem relictus fuerat, ac tum a novo Rege majorum dignitati restitutus. Is quanquam jure belli captivus non esset, tamen injusta detentio Jacobi filii Regis Scotorum fecit, ne Angli de injuria queri possent. Ipse certe Percius adeo non est offensus, ut, dum vixit, Scotorum erga se humanitatem sit omni officiorum genere testatus. Eodem quoque anno, altera legatio venit a Concilio Constantiensi, cujus princeps erat Abbas Pontinici; altera a Petro Luna, qui Papatum semel arreptum pertinaciter retinebat. Is, per Henricum Hardinum Anglum Franciscanum, in suam sententiam traxerat Gubernatorem; sed frustra, cum universus sacerdotum ordo contra niteretur: qui Constantiensi Concilio assensu, electioni Martini quinti subscripserunt.

XX. Interea Rex Francorum cum ex morbo parum sui compos esset, ac per monachos curam ejus professos id malum auctum fuisset, Gallia in duas factiones abiit: alterius princeps erat dux Burgundiæ, qui, caeso Regis fratre, ipsum in partes Anglorum trahebat: alterius caput erat Regis filius, qui a

1 Ad 12 Cal. April.] 13 Cal. April. dici debebat: obiit enim Henricus IV. 20 Martii anno 1413 juxta supputationem Romanam.

2 Eodem quoque anno] Hæc male coha-

rent: Henricus enim Percius majorum dignitati erat restitutus anno 1414, Martinus autem V. a Concilio Constantiensi electus 11 Novemb. 1417.

MCCCC  
XIX.

patre deliro exhaeredatus, per ludibrium ab inimicis Rex Biturigum appellabatur, quod Avarici Biturigum se continebat. Is a maiore parte suorum, & omnibus externis amicis destitutus, anno M. CCCC. XIX. Comitem Vindocinensem legatum ad Scotos misit, qui ex foedere auxilium peteret. Ei in conventu Ordinum septem virorum millia decreta: neque tum, juventute per longam ab Anglis pacem multiplicata, difficile fuit eam voluntariorum manum conficere. Omnibus copiis praefectus est Joannes Buchaniae Comes, Gubernatoris filius. Eum multi genere clari sunt secuti: sed longe supra ceteros eminebat Arcibaldus Victorinae Comes, Arcibaldi secundi Duglassiorum Comitis filius. Hi cum in Galliam venissent, a Delphino (quo nomine Reges Gallorum filios primogenitos appellant) in agrum Turonensem missi, regionem omnium rerum copia in primis abundantem, & hosti vicinam. Angli enim frater Dux Clarentiae, qui in Gallia tum pro Rege erat, Andegavensium, qui in Regis Gallorum fide permanerant, agros populabatur: ac ad Baugium vicum venturus credebatur. Haec biduum ante Pascha gerebantur. Igitur Scoti, vel Ducem rati (ut moris erat) illis paucis diebus ab omni violentia belli cessaturum, & caerimoniis tantum Ecclesiasticis vacaturum; vel (ut alii tradunt) induciis octo dierum factis, negligentius agebant.

XXI. Id sive Clarentius per Andream Fregosum Italum, an per Scotos pabulatores ab equitibus suis interceptos rescierit, occasione rei (uti putabat) bene gerendae laetus, a prandio statim surgens, equitibus modo arma capere iussis, recta ad hostem ducit: ipse, praeter arma reliquumque ornatum, insignis diademate aureo multis gemmis distincto. Proximi hostibus pauci Galli, in vico cui Baugius minor est nomen, ejus adventu repentino territi, in turrim templi vicini fugerunt. Hi dum oppugnantur, clamore ad reliquum exercitum perlato, subito ad arma cum trepidatione magna discurreunt. Comes Buchaniae, dum ceteri se expediunt, triginta sagittarios misit ad pontem (per quem unum torrens propinquus transiri poterat) occupandum. Ibi conferta pugna, Hugo Kennedus, e templo propinquo ubi diversabatur, cum centum comitibus accurrit suis, ut in re tam subita, seiniernibus. Hi cum sagittis equos transitu arcerent, Clarentius cum suorum primis ex equo descendens, pedestrem pugnam ciet: ac valida impressione facta, Scotos partim inermes, partim leviter armatos e ponte rejicit, ac iter suis aperit. Interea dum Clarentius equum conscendit, ac reliqui pontem angustum rari transeunt, Comes Buchaniae cum ducentis equitibus adest, & statim, ut inter cupidos periculum suum facere, pugnatur acerrime, paribus animis atque odiis. Nam & Scoti gaudebant locum se nactos, ubi primum specimen suae virtutis ostendere possent; & Gallorum convicia refutare, qui eos ut vini & cibi avidiores traducebant: quo probro Galli Britannos, Hispani Gallos, Afri Hispanos incessere solent.

Et

1 *Omnibus externis amicis destitutus*] Imo vero eo tempore a Rege Castellae Ducoque Mediolano auxilia ei sunt missa. Vid. Mezerajum ad annum 1418.

2 *In Regis Gallorum fide*] Non Regis, sed Delphini fide erat dicendum, Rex enim delirus Angli partibus adversus filium se adjunxerat.

Et Angli indignabantur, se non solum domi, sed trans mare ab hoste implacabili peti. Neque quisquam acrius quam Clarentius ipse pugnabat. In eum insignem armis Joannes Suintonius invehens, lancea in facie graviter eum vulneravit, & Buchaniæ Comes clava percussus de equo dejecit. Eo prostrato, passim Angli fugere & cædi cœpere usque ad noctem. Pugnatum pridie Paschatis, diebus, ut in regione frigida, paullo post æquinoctium vernum, brevioribus. Cecidere in eo conflictu, ex Anglis circiter bis mille, inter quos viri insignes viginti sex: capti complures homines: domi clari, ac maxime Propinqui Ducis: e Scotis & Gallis pauci, fere omnes ignobiles.

XXII. Hæc, quam modo posui, vulgatiore est de morte Clarentii fama. Verum liber Pluscartensis interemtum tradit ab Alexandro Macalzelano Equite Leviniano, qui diadema, cujus memini, ei detractum, Joanni Stuardo Dernilæo mille angelatis vendidit; quod ille rursus Roberto Hustonio, cui quinque millia angelatorum debebat, pignori opposuit: & hanc tum vulgatiorem fuisse famam inquit. Cum hujus victoriæ laus præcipua, etiam invidis non repugnantibus, penes Scotos esset, Carolus Delphinus Comitem Buchaniæ Magistrum Equitum seu Stabuli Comitem creat; qui summus post Regem Gallis est magistratus: cæteri duces pro cujusque loco & virtute ornati. Hæc dum 3 anno millesimo quadringentesimo vigesimo in Gallia geruntur, Robertus Gu-  
MCCCC-  
XX-

1 Pugnatam pridie Paschatis, diebus, ut in regione frigida, paullo post æquinoctium vernum, brevioribus] Buchanani mentem hic non assequor. Ejus enim verba, & satis quidem aperte, innuere videntur, dies post æquinoctium vernum minoribus incrementis augeri in regionibus frigidis, (i. e. ut ego interpretor, ab Æquatoris circulo magis remotis) quam in regionibus calidis, seu locis Æquatori vicinioribus; cum tamen contrario plane modo se res habeat. Præterea hæc, de qua loquitur, Andegaviz regio, in media fere Gallia sita, haud satis vere regio frigida dici meruit; respectu præsertim Scotiæ & Angliæ, regionum multo frigidiorum. Nec denique satis idonea ratio hic Buchanano suppetere videtur, ut causam, cur dies breviores tunc essent, aliam ullam adjiceret, quam quod paullo post æquinoctium vernum ea ad Baugium pugna est commissæ. Nam cum, ut modo ostendimus, ea incidit in 22 Martii, quæ tum 9 aut summum 10 dierum intervallo ab æquinoctio distabat, exiguum utique erat, quod diversus regionum situs ad dierum noctiumque discrimina tantillo temporis spatio amplianda mi-

nuendave conferre potuerat. Ob has igitur rationes, nisi omnium librorum consensus obstarer, has voces [ut in regione frigida] omnino delendas, vel saltem [in regione calida] legendum censebam.

2 Propinqui Ducis] Somerseri Comes; ejusque frater Thomas, quorum sororem Joannam Jacobus I. uxorem sibi postea copulavit.

3 Anno millesimo quadringentesimo vigesimo] Ita quidem Joan. Serranus, Æmilius (ut videtur) securus; at Mezeraius, Tillius, aliique Galli, Extr. Ballendenus, & Angli fere omnes, anno 1421. Sed diversa supputandi ratio omnes conciliat. Pascha enim ejus anni 1421 in 23 Martii cecidit, adeoque hæc pugna in illius vigilia (quam vocant) commissæ, 22 Martii evenit, sub finem anni 1420, aut initium anni 1421. Fallitur ergo Serranus, qui 9 Aprilis pugnatum tradit, is enim dies anno 1420 Martis erat, 1421 Mercurii; in quorum neutrum vigilia Paschatis cadere potest.

4 Eodem anno] 1420 scil. sex mensibus ante prælium Baugiense. Eo autem anno decessisse demonstrat Mordaci ejus filii

mo quinto post Roberti tertii Regis mortem anno.

XXIII. Sufficitur in locum ejus Mordacus filius, ingenio segnis, ac non modo ad rem publicam, sed ne ad domesticam quidem regendam satis idoneus. Itaque, sive socordia, seu nimia erga suos indulgentia, liberos (tres autem habebat filios) ita corripit, ut & se & illos brevi post in maximam calamitatem, ac demum exitium præcipitaverit. Hæc domesticarum rerum mutatio <sup>1</sup> revocavit e Gallia Buchaniæ Victoniæque Comites, & complures eorum propinquos: sed brevi compositis domi rebus, revocante Delphino, Comes Buchaniæ, & focer ejus Arcibaldus, cum Jacobo filio, & magna juventutis nobilissimæ manu in Galliam navigant, relicto altero filio Victoniæ Comite, qui gravi morbo implicitus sequi non potuit. Hi cum, expositis ad Rupellam militum quinque millibus, Pictavium ad Delphinum advenissent, cum maxima gratulatione accepti, ac Duglassius Dux Turonensis appellatus. Henricus Anglus, audita Clarentii morte, Joannem alterum fratrem Bedfordiæ Ducem in ejus locum substituit: eumque ipse mox venturus in Galliam præmisit, cum quatuor equitum, decem peditum millibus. Mox ipse secutus, Jacobum Scotorum Regem secum in expeditionem duxit, ut per eum Scotos in Gallia militantes, vel sibi conciliaret, vel a Gallo ut suspectos averteret: sed neutrum ei ex sententia successit: ac ne illud quidem tenuit, ut rogatu sui Regis domum redirent, ac se belli spectatores præberent. Nam cum præsidia, quæ a Scotis tenebantur, adisset, ferme ab omnibus unum responsum retulit; „Se, qui in „ aliena potestate esset, eum pro Rege non agnoscere.

XXIV. Hac eorum constantia Henricus offensus, cum vi Meldensium oppidum cepisset, viginti Scotos ibi repertos laqueo strangulandos dedit, cautellatus, quod adversus Regem suum militarent. Mox <sup>2</sup> ipse & Carolus sextus Gallorum Rex prope continuatis funeribus decesserunt. <sup>3</sup> Biennio fere post, Anglis ad Vernolium victoribus, cæsi fuerunt <sup>4</sup> e primoribus Comites Buchaniæ & Duglassiæ, hic dux Turonensis, ille Magister equitum Gallorum: item <sup>5</sup> Jacobus Duglassii filius, Alexander Lindeus, Robertus Stuartus, <sup>6</sup> Thomas Suin-

& successoris diploma, scriptum 19 Augusti anno 1423, gubernationis suæ tertio. Fœd. Angl. Tom. 10. pag. 298. Errant igitur Extract. Major, Ballendenus, Holinshedius, Balsurius, Drakius, &c. qui omnes anno 1419 extinctum tradunt.

<sup>1</sup> *Revocavit e Gallia*] Proxima post prælium Baugienſe ætate, inquit Extract. i. e. anno 1422.

<sup>2</sup> *Ipsæ & Carolus*] Decessere Henricus 31 Aug. Carolus 21 Octob. anni 1422.

<sup>3</sup> *Biennio fere post*] i. e. 6 Aug. 1424. Male, me judice, in libris omnibus [*biennium*] legitur.

<sup>4</sup> *E primoribus*] Addendum videtur distinctionis gratia [*Scotorum*].

<sup>5</sup> *Jacobus Duglassii filius*] Animadvertunt Crafordius & Humius hoc fieri non potuisse, nisi nothus fuerit. Ejus enim filius Jacobus legitimo matrimonio genitus, Abercorni Regulus, postea Duglassiæ Comes fuit. Vid. Lib. XI 17. Non immerito igitur Crafordius Lib. X. 23. vocem [*notho*] addendum censet.

<sup>6</sup> *Thomas Suintonius*] Idem Crafordius aut hic Joannem Suintonium, aut Lib. X. 21. Thomam legendum existimat; eundem enim fuisse non sine ratione arbitratur. Ille autem Thomam potius, quam Joannem appellatum censet, ex eo quod nostri Annales Joannem Suintonium memorant prælio Homeldonenſi ante annos 22 occisum. Sed



Suintonius, ac e vulgo militum supra duo millia. Post hanc <sup>1</sup> fere triennio, altera clades insignis Scotorum auxilia graviter afflixit: cum commeatum Aureliam <sup>2</sup> portantes Anglos in itinere aggressi in Belsia infelicitè pugnarunt. Qua in pugna cæsi sunt e Scotis viri clari, Gulielmus Stuartus cum fratre, ac Duglassiæ gentis duo equites insignes, quorum posterì, alterius in Nithia Drumlanricum, alterius in Fisa arcem lacus Levini, opulentosque circa agros adhuc tenent. Hæc fere a Scotis in Gallia paucis annis gesta leviter percurimus, ut externa, & quorum fusior explicatio ex annalibus Gallorum peti potest. Quæ, etsi ab historia Scotorum non sunt aliena penitus, tamen ad ea non divertissem, nisi quorundam scriptorum Anglicorum obrectatio eo me coëgisset. Maledicendi enim studio vellicare conantur, quæ gesta fuisse negare non audeant: quæ, si etiam historia taceret, tamen & Regum munificentia, & civitatum decreta, & honorifica Aureliæ & Turonis monumenta satis ea prædicarent. Quid ergo hic vitio vertunt? Scotos ajunt pauperiores esse, quam ut tantas copias in externo solo alere possent. Paupertatem si vitium putant, agri est, non gentis vitium. Nec ego id pro convicio accepiissem, nisi scripta eorum conviciandi animo dictum fuisse ostenderent. Quibus hoc tantum respondebo, pauperes istos, & (ut isti volunt) omnium rerum inopes Scotos, de opulentis Anglis multas & præclaras retulisse victorias. Id si mihi non credunt, historiis a se scriptis credant: quibus si ipsi fidem detrahant, ne postulent, ut nos eas pro veris accipiamus. Sed ad res Scotorum redeamus.

XXV. Suffecto, uti diximus, in locum patris Mordaco, soluta domi disciplina, cum liberi ejus (erant autem Valterus, Alexander & Jacobus) inferiores contemnerent, ac proinde multis injuriis opprimerent, adolescentiamque eisdem, quibus ipsi dediti erant, flagitiis contaminarent, nec pater eorum comprimeret licentiam, tandem ad ipsum pravæ institutionis poena proserpsit. Habebat senex in deliciis avem ex eo genere aquilarum, quod vulgus falcones appellat. Eam cum a patre sæpenumero Valterus petisset, nec assequi tamen posset, e senis manu abreptam obtorto collo extinxit. Cui pater, „Quoniam tu, „inquit, animo tuo imperare non potes, ut mihi pareas, ego alium arcessam, „cui obtemperare ambo cogemur. Atque ex eo ad Jacobum patruelem restituendum omnem animi cogitationem convertit, Caleno Cambello, viro cla-

ro

Sed leve admodum hoc argumentum, cum alius facile exoriri potuerit *Joannes Suintonius* prioris filius aut cognatus. Extracta certe (quibuscum consentit *Spedius*) *Joannem* nominant, eundemque *Koberri* Gubernatoris e filia nepotem. *Boethium* autem & *Leszum* non moror, qui pro solita sua negligentia cum *Ibowam* appellant. Nec potior *Drakii* fides, qui nescio quo auctore *Robertum* vocat.

1. Fere triennio] *Quinquennio* dicendum erat, si quod omnes fere tam Angli quam

Galli scriptores testantur, anno 1419, accepta est hæc clades.

2. Portantes] Hæc vox ab Anglico *Buchanani* interprete perperam ad Scotos refertur; non enim ii, sed aliquot Anglorum cohortes commeatum ad socios Aureliam obsidentes portabant. Rem omnem fute exponit *Serranus*, qui hoc prælium evenisse ait 20 Feb. *Halecum* vulgo appellatum, quod id genus piscium, utpote tempore *Quadragesimæ*, Angli advehébant,

I Ob



ro atque inter Argathelios primario, & quem Valterus antea contumeliis affecerat, id consilium & probante & juvante. Convocatis igitur omnium Ordinum selectis Perthum, cum de revocando Rege consulti essent, vel favore erga legitimum regni heredem, vel presentium rerum tædio, cuncti libenter decrevere legationem ad eum repetendum. Missi e primoribus legati, propiores quam speraverant Anglos invenere. Dux enim Glocestriæ, qui tum Rege puero rem Anglicam administrabat, advocato Concilio, facile persuasit, ut Jacobus Regis Scotorum filius suis petentibus domum remitteretur, quando nec ea esset apud suos auctoritate, ut vel auxilia Scotorum e Gallia revocaret, vel aliquam regni partem ad Anglorum amicitiam attraheret. Alia igitur ratione fructum ex eo capiendum esse, ut non modo firmus amicus, sed etiam perpetuo in Anglorum potestate esset. Nam Joannam Comitissæ Somerseti filiam omnium æqualium longe formosissimam (quam jam tum ille vehementer deperibat) si uxorem acciperet, per eam fœdus Gallicum facile labefactari posse sibi persuadebat: & ipsum liberatum, vel eo beneficio conciliatum iri, vel, dum propinquorum adversum se injurias ulcisceretur, patriam gravi & intestino bello illigaturum. Hac ratione futurum, ut vel amico parato firmiores, vel inimicis inter se dissidentibus expeditiores ad externa bella Angli fierent.

XXVI. Hæc quidem minime stulte excogitata videbantur, nisi animi pusilli angustia ipsi suum beneficium corrupissent. Nam, cum ob eum redimendum majorem pecuniæ summam poposcissent, quam Scoti, ut tum res erant, vel promittere auderent, vel solvere possent, ab eis inita ratio est, ut pro dimidio dos uxoris retineretur, pro altero filii nobiliorum obsides darentur. Jacobus igitur ita liberatus domum rediit, decimo octavo quam captus fuit

1 *Ob eum redimendum*] Falluntur plerique nostri scriptores, qui Scotos ob Regem suum redimendum Anglo pepigisse affirmant centum marcarum millia. Primum enim ex ipsis Anglorum Actis publicis liquet non amplius quam quadraginta millia librarum pacta fuisse, sex annis æquis portionibus solvenda. Eam autem summam non redemptionis pretium, sed compensationem pecuniarum in alimentum Regis Scoti, dum inter ipsos degeret impensarum, Angli petebant. Videtis Abercrombium, qui pro solita sua industria totum Jacobi I. liberandi processum ex Actis publicis erutum celebri in luce reposuit, vol. 2. pag. 260, & seqq.

2 *Pro dimidio dos uxoris retineretur*] Non pro dimidio, sed quarta duntaxat parte. Dos enim dicta erat 10000 librarum, quas matrimonii gratia Henricus Jacobo de

40000 ipsi solvendis remisit. Fœd. Angl. Tom. 10. pag. 322.

3 *Domum rediit, decimo octavo*] Captus est Jacobus I. ut supra ostendimus anno 1405, & quidem juxta Vintonum 12 Aprilis; liberatus vero Scotiæ fines ingressus est 1 die Aprilis anno 1414, uti ex Actis publ. colligitur, comparando 13 Articuli Conventionis inter utriusque Regis legatos, cum ipsius Jacobi literis eam confirmantibus, Ibid. Tom. 10. pag. 305. & 343. Jacobus igitur in Anglia retentus est annos novemdecim, demtis tantum diebus 11. Nostri autem omnes cum Buchananano consentiunt, quia, credo, de ejus liberatione anno præcedente erat conventum. Nostri vero supputationem recte se habere porro ostendunt Angli ad suos legatos mandata, sexto Julii anno 1423 scripta, quibus triginta sex millia librarum ad minimum a Sco-

fuit anno, <sup>1</sup> a Christi adventu M. CCCC. XXIII. Cum ad Regem suum vi-  
sendum maximus concursus omnium ordinum factus fuisset, gratulationes uni-  
versorum excepere statim quærelæ eorum, qui post Regis proximi mortem,  
partim negligentia, partim culpa Gubernatorum, omni genere injuriarum se  
affectos vociferabantur. Valterus Mordaci filius, Milcolumbus Flaminius &  
Thomas Bodius gravissime accusabantur. Hi, ut vulgus in præsentia placare-  
tur, alii in alias custodias inclusi, usque ad conventum proximum, qui <sup>2</sup> in  
sextum Calendas Junias erat indictus. Sed Flaminius & Bodius, damnis aut per-  
solutis aut compensatis, & multa pecunia multæ nomine in filicum collata, di-  
missi.

CII. REX.

XXVII. REX interea ad <sup>3</sup> undecimum Calendas Maji una cum Regina co-  
ronatus. Ipse in sede Regia a Mordaco patruæ (quod id jus Comitum Fifano-  
rum esset) collocatus. Proximis diebus multæ leges in publicum utiles lætæ:  
sed potissimum ad latrocinia compescenda, quæ superiorum aliquot annorum li-  
centia tantum increverant, ut contemptis legibus & magistratibus jus in armis  
esset. Agitatum deinde, de pensione Anglo ob redimendum Regem solvenda,  
ut aliqua ratio iniretur. Nam, cum patrimonium publicum, tot bellis, &  
bella secutis seditionibus domesticis, a Gubernatoribus partim condonatum esset  
scelerum administris, partim de regno bene meritis, interim accepta pecunia  
pignori oppositum, Rex, cum de suoolvere non posset, civium imploravit  
auxilium. Proceres, qui liberos dederant obfides, facile perfecerunt, ut decre-  
tum fieret: verum in pecunia præstanda non eadem facilitate obtemperatum.  
Nam cum æstimatione rerum mobilium cujuscunque generis facta, vicesima  
imperaretur, in magna pecuniæ penuria, rerumque aliarum summa copia, ac  
proinde vilitate, hominibus tributorum insolentibus, & exemplum in poste-  
rum magis quam præsens detrimentum metuëntibus, res visa est intolerabilis.  
Nec potentiores calumnia in vulgus caruere, velut inclinato ab ipsis in paupe-  
riores onere. Maxime autem plebem gravabat brevis solutioni dies sta-  
tutus. Nam intra decimum quintum diem dependere tributum jubebantur: &

Scotis pro expensis Regis sui, dum in An-  
glia degebat, exigi præcipit, *i. e.* inquit,  
pro unoquoque anno duo millia librarum:  
proinde jam tum octodecim annos in An-  
glia manserit oportet. Ibid. pag. 295.

<sup>1</sup> A Christi adventu M. CCCC. XXIII.]  
Errat cum plerisque aliis nostris scripto-  
ribus Buchananus, nam ex iis, quæ supra  
diximus, clarissime elucet eum Scotiam  
suam reversum fuisse 1 die Aprilis. Mul-  
tissimè fuit die 5, tertioque post die Edim-  
burgum venit, sive, uti Extracta loquun-  
tur, *pridie ante Dominicam in passione, i. e.*  
Dominicam secundam ante Pascha, quod

Tom. I.

eo anno in 23 Aprilis incidit.

<sup>2</sup> In sextum Cal. Junias] Septimum di-  
ctum oportuit, ex primis enim ejus acto-  
rum verbis apparet eum in 26 Maji indi-  
ctum fuisse.

<sup>3</sup> Undecimum Cal. Maji] Uno rursus die  
toroque mense deerrat a vero, ni Extract.  
lib. Perthensis, Boëthius, Balf. Drakius,  
&c. falluntur, qui omnes eum 21 Maji  
coronatum tradunt. Neque præterea vero  
simile videtur eum ipso Dominicz passio-  
nis die coronari voluisse. Vid. Cap. præ-  
ced. Duodecimum igitur Cal. Junias le-  
gendum.

X

I Cal.

si quis non solvisset, pecus ejus ad dominum fundi, vel juridicum cujusque conventus præfectum trahebatur. Nec æris alieni, aut census, quem pro pensione quisque domino fundi solvebat, exceptio quicquam ad imminuendum tributum valebat. Nec minimum malum in acerbitate coactorum erat: qui non solum plebem vexabant, sed aut falsis rationibus aut nomine impensarum, magnam ejus pecuniæ, quæ in publicum usum colligebatur, partem avertebant. Eo etiam gravius erat præsens tributum, quod laxiore imperio sub Gubernatoribus habiti erant, qui omnibus in rebus animum populi sibi conciliare studebant, ne justis Regis desiderio aliquando caperentur. Ob eamque causam cum conventus tributum Roberto Regis patruo exigere permisissent, ille, ut benevolentiam popularem colligeret, quo minus decerneretur, obstitit: „seque affirmavit potius de suo eam pecuniam soluturum, quam ut quisquam eo nomine gravaretur. Rex autem primam pensionem, eamque maligne contributam cum exegisset, idque cum pessima plebis gratia, præter belli laborem querentis hæc nova onera sibi imposita, reliquam exactionem remisit.

XXVIII. <sup>1</sup> Capti in hoc conventu, & in custodias divisi Mordacus Dux Albinæ, filii ejus <sup>2</sup> Valterus & Alexander, & socer Dunachus Comes Levinæ, & Robertus Gramus, is qui post aliquot annos Regem trucidavit: item viginti quatuor primæ nobilitatis viri. Sed reliqui non adeo diu post dimissi, Mordaco <sup>3</sup> cum filiis & socero retentis. Eodem quoque die, quo captus fuerat Mordacus, Rex ejus arces in suam potestatem redigendas curavit, in Fife Falcolandiam, in Taichia Dunum. Ex hac uxor ejuseducta ad Tentallonem Lothianæ arcem missa. Jacobus filiorum minimus audita clade familiæ, collecta manu Britannodunum oppidum cremavit, & Joannem Stuartum Rufum Regis patrum, & cum eo <sup>4</sup> triginta duos trucidavit. Ipse in Hiberniam profugit, ibique paullo post decessit. Ibidem quoque mortuus est, qui cum eo fugerat Finelaus Lismorensis Episcopus, vir ordinis Dominicani, qui Jacobo erat auctor omnium consiliorum. Fugerat etiam in Hiberniam Valteri uxor <sup>5</sup> cum duobus filiis Andrea, Alexandro, & Arcturo notho: <sup>6</sup> qui Jacobo tertio Regedomum reversi magnis honoribus sunt perfuncti.

## XXIX.

<sup>1</sup> Capti in hoc conventu] Non in hoc sed sequenti conventu captum Mordacum testantur alii nostri scriptores, Extract. Drummondus, Boethius, Ballendenus, Abercrombius.

<sup>2</sup> Valterus] Non satis accurate hæc traduntur: Valterus enim supra in custodiam ante hunc conventum inclusus, nec dimissus memoratur, in fin. Cap. 16.

<sup>3</sup> Cum filiis] Ita legendum, non [filio] (quod libri omnes habent) ostendit Lib. X. 18. & 19.

<sup>4</sup> Triginta duos] Ita quidem Ballendenus, Drummondus 30, Boethius 100 scribit.

<sup>5</sup> Cum duobus filiis Andrea, Alexandro, & Arcturo] Hi Andreas, Arcturus & Valterus vocabantur, omnes filii nothi, non Valteri, sed Jacobi Stuarti ejus fratris natu secundi. Hujus rei indicium exstat in Actis Scotiæ publicis, rescriptum scil. Jacobi III. 14 April. 1479, regni 19, quo eos eisdem privilegiis gaudere jubet, ac si legitimo toro geniti fuissent. Idem habent Abercrombius & Georg. Crafordius, qui chartam sibi visam affirmant, qua legitimi facti sunt, hic anno 1474, ille 1472.

<sup>6</sup> Qui Jacobo III.] Reversi videntur omnes regnante Jacobo II. Certe maximus natu Andreas (uti ostendit Geo. Crafordius).



XXIX. Eodem anno, convocatis Sterlinum proceribus, producti e custodiis ad causam dicendam Mordacus cum duobus filiis & socero. Judicium patrio more constitutum. Mos autem hic est. Eligitur qui præsit vir singulari prudentia & auctoritate: ei dantur minimum duodecim assessores, qui crimina objecta audiant, & jurati de reo pronuncient. Hi fere ejusdem cum reo sunt ordinis, aut proximi, quoad fieri potest. Reo judicium rejectio datur. Ubi justus numerus, id est duodenarius, est confectus, aut, ut sit plurimum, eo major, expensis criminibus, quod plures judicarent, ei sententiæ statuitur. Hoc more tum selectis judicibus, quorum non est operæ pretium nomina referre (erant certe omnes homines clari, & cum reis plerique propinqua cognatione juncti) rei sunt perduellionis damnati. Eo ipso die duo juvenes, postmodum pater eorum & avus maternus capitali supplicio affecti, in colle, qui assurgit contra arcem Sterlini. Fama quidem constans est, etsi a nemine scriptum reperiam, Regem ad Isabellam patruelis uxorem misisse patris, mariti & filiorum capita, tentandi gratia, an mulier ferox ex doloris impatientia (ut sit plerumque) animi secreta revelaret. Illam vero, etsi inopinato aspectu turbaretur, nihil tamen immoderatus locutus: tantum respondisse, „Siquidem vera fuerint objecta crimina, Regem recte & jure fecisse. Finito conventu, missi a Rege Joannes Mongomerius, & Umfridus Cunigamius ad oppugnandam arcem, quæ in Marini insula in lacu Lominio nomine Jacobi Stuarti profugi tenebatur, eam ad deditionem compulerunt. Nec adeo multo post, Joannes Stuartus Dernilæus (qui, cæteris fere Scotorum ducibus in Gallia variis casibus absumtis, equitum inter eos præfectus erat) una cum Archiepiscopo Rhemeni in Scotiam venit, ad vetustum cum Gallis fœdus renovandum, ac matrimonium contrahendum inter Ludovicum Caroli septimi filium, & Margaritam Jacobi filiam, utrosque adhuc impuberes.

XXX. Quibus rebus perfectis, anno proximo, qui fuit millesimus quadringentesimus vigesimus sextus, pacata omni Scotia intra montem Grampium, MCCCCLXXVI. Rex animum adjecit ad ulteriora perdomanda. Ac primum omnium Ennernessæ arcem opportuno loco in ultimis Moraviæ finibus sitam refici jubet. Eo cum biennio post venisset ad jus dicendum, latrociniaque comprimenda, omnium familiarum principes ad se arcessivit, præsertim eos, qui cum magnæ catervis soliti erant e locis vicinis prædas agere, pacatis tributa imperare, ac vulgus ad victum otiosis suppeditandum cogere. Horum alii mille, alii duo millia, nonnulli etiam plures latrones sibi dicto audientes habebant, ac bonos

pe-  
dius) Avendaliz Regulus appellabatur anno 1456. Anno quidem 1463, (monstrante eodem Crafordio) regni Cancellarius ab Jacobo III. est creatus, quem & honorem per 18 annos perpetuo obrinuit.

1 Eodem anno] Quo anno? Quem proxime meminerat erat 1423. Extract. autem anno 1425, Boerhius 1426, Mordacum cum filiis capite plexos scribunt.

2 Nec adeo multo post] Serius tamen quam Buchananus existimavit, anno nimirum 1428, ut ex Actis Scotiæ publicis liquet: quamvis ille annum 1425 indicare videatur, quippe qui annum proximum 1426 indigitet, in init. cap. 30.

3 Biennio post] i. e. anno 1428. Extract. tamen & Major hoc factum producit anno 1427.

periculi metu tenebant obnoxios, malos, quibus apud eos perfugium certum erat, ad scelera patranda reddebant audaciores. Horum cum Rex alios minis, alios blanditiis illexisset, circiter quadraginta ex eorum ducibus in custodias inclusit: quorum causa cognita, duo maxime facinorosi Alexander Macrorius, Joannes Macarcturius laqueo strangulati. Jacobus Cambellus, ob eandem Joannis Insulani, viri clari inter suos, capite luit: reliqui per custodias divisi, alii posterius supplicio affecti, alii liberi domos dimissi. Ita principibus factionum vel caesis vel carceribus coercitis, plebem ducibus orbatam nihil aufuram ratus, benigne & clementer admonuit ceteros: „Ut aequitatem colerent, „neque certiore spem salutis ulla in re, quam in vitae innocentia collocarent. „Id si facere in animum inducerent, apud se honorem & praemia semper eis „parata fore: sin minus, ex aliorum exitu exempla fumerent, & quid ipsis „foret expectandum discerent.

XXXI. Ceteris rebus ita compositis, adhuc habebat apud se Alexandrum Insulanum, unum post Regem longe potentissimum. Imperabat enim omnibus Æbudis, ac Rossiae praeterea fertilissima regione per matrem Valteri Leslii Rossensis nuper Comitis filiam auctus erat. Is cum multa flagitiose, multa crudeliter perpetrasset, atque in maximo metu versaretur; tamen per amicos Regem exorabilem est expertus. Benigne igitur appellatus, & praeteritorum gratia facta, & in posterum spe ampla proposita, si legibus & humanitati assuesceret, domum remittitur. Ille vero tantum absuit, ut ob veniam, ac deinde libertatem a Rege acceptam gratiam habuerit, ut maximam sibi factam injuriam existimaverit, quod in custodia dies aliquot fuerit habitus. Igitur ubi primum ad suos rediit, collecta manu hominum raptò vivere assuetorum, Ennernessam ingressus agmine pacato, hospitaliterque acceptus, oppidum in praedam suis permisit. Deinde expilatis aedibus ignem iniecit: arcem frustra obsessam, cum in se rescisset parari expeditionem, relinquens in Abriam propere discessit. Ibi cum eo, quem habebat, exercitu (habebat autem ad decem milia virorum in armis induratorum) opportunitate locorum frētus fortunam praelii experiri decreverat. Verum audito apparatu Regio, ex iis, qui alacriter ad praedandum secuti fuerant, duae tribus eum deseruerunt; Caranei nempe & Cameronii, quos illi suo more Clanchatan & Clanchameron vocant.

XXXII. Hac parte virium destitutus, nec de ceterorum erga se animo certus, iterum circumspicere latebras coepit: ac dimisso exercitu cum paucis in Æbudas profugit: atque ibi cum suis de fuga in Hiberniam consultat. Sed cum nec illic a Regis ira se fore tutum speraret, ultimum perfugium experiri dum esse ratus ad Regis ante perspectam clementiam. In eo quoque consilio eum inter spem metumque dubius reputaret, quid scelerum prima defectione patrasset, quam liberalem & indulgentem Regis animum expertus esset, quanta perfidia & crudelitate iterum grassatus spem secundae veniae sibi praecidisset, Regis erga se irae tam justae fortunas omnes & salutem committere formidabat. Medium igitur inter fugam & deditionem consilium exequi decrevit: ac deprecatores in aulam misit, per quos animum Regis ad lenitatem inflecteret. Ad id munus quanquam delegerat homines quietos, & a contagione  
sui



fui sceleris alienos, ideoque Principi non ingratos; tamen illi responsum aliud exprimere non potuerunt, quam Regem, „cum non alioqui auditurum, nisi fidei suæ commissum: cum absente nihil transacturum. Alexander omnibus periculis circumspectis, cum nihil adversus iram Regis tutum sibi prospiceret, tempore & loco ad id electo, se ei permittere statuit. Ita enim supplicem violandi verecundiam se ei injecturum. Itaque occultus Edimburgum, ubi tum Rex agebat, venit: ac lineo tantum amiculo tectus magis quam vestitus, <sup>1</sup>eo die, quo memoria resurrectionis Dominicæ magna carimonia celebrabatur, ad genua Regis supplicem se dejecit; ac oratione ad misericordiam composita, se salutemque suam ei credidit. Movit circumstantes habitus, locusque & tempus, ac tanta & tam subita fortunæ mutatio. Regina, procresque qui aderant, pro eo Regem deprecati, hactenus moverunt, ut <sup>2</sup>juberentur sacrorum finem expectare. Interea Rex omnia secum perpendens, cum nec tutum existimaret, hominem potentem, factiosum & perfidum impune dimittere incolumem, aliquidque tribuere Reginæ precibus vellet, optimum factu ratus, ut vivum in custodia firma retineret: ita fore, ut & sibi opinionem clementiæ pareret, & illi potestatem novi sceleris patrandi auferret, & plebis prospiceret securitati, & exemplo licentiam aliorum reprimeret. Illum in Tentallonem mittit, matrem mulierem ferocem in Æmonam insulam relegat, ut quæ filium subinde ad nova scelera impulisse credebatur.

XXXIII. Ita inhibita Alexandri licentia, nondum tamen in regionibus ad septentriones porrectis res omnino tranquillæ fuerunt. Nam & Catanei, & Cameronii, qui superioribus annis Alexandrum deseruerant, orto inter ipsos dissidio, tanta contentione animorum & virium pugnarunt, ut multis Cataneorum trucidatis, Cameronii pene omnes extincti fuerint. In Æbudis quoque, quæ relegatione Alexandri quieturæ videbantur, novum excitavit motum Donaldus Balochus Alexandri frater patruelis, velut injuriam propinquo illatam ulturus. Ad hunc tumultum comprimendum Alexander & Alanus Stuarti, hic Cathanesiæ, ille Marriæ Comes, coacta popularium manu obviam Donaldus in Abriam (ubi exscensurum fama erat) profecti, adventum ejus præstolabantur. Ille, cum eos incompósitos, sine castris, sine excubiis agere comperisset, de quarta vigilia suis sine tumultu expositis, necopinantes & semisomnes aggressus magnam stragem edidit. Periit ibi Alanus cum suis fere omnibus. Alexander trepida fuga cum paucis evasit. Hoc successu Donaldus ferocior, totam Abriam, nullo resistere auso, ferro flammaque late pervasitavit. Sed audito Regem majore in se apparatu venire, præda amplissima in naves congesta, in Æbudas rediit. Rex ad Stephanodunum progressus, populationis fœdissimæ vestigia conspicatus, ingentemque irarum molem in animo versans, cum jam

<sup>1</sup> *Eo die*] Ita quidem Boëthius ejusque interpres: at Extract. *pridie ante festum D. Augustini, i. e. 27 Augusti.*

<sup>2</sup> *Juberentur*] Ita MS. & princeps Editio Edinb. quibundam tamen lib is *jube-*

*retur*] legitur: verum eodem res redit, hoc enim ad ipsum Alexandrum, illud ad Reginam & procres pro eo deprecantes referendum est.

trajecturus in insulas foret, familiarum principes ad eum supplices venerunt, negantes quicquam consilio publico actum, culpam in Alexandrum, hominesque egentes & facinorosos conferebant. Rex, „ita demum se hanc purgationem admissurum respondit, si sceleratos comprehensos sibi ad supplicium traderent. Ad id cum suam operam pollicerentur, partem eorum ad latrones conquirendos dimisit, reliquos obsidum loco apud se retinuit. Qui remissi domos erant, multos e latronibus occiderunt, trecentos ad Regem victos adduxerunt; nam Donaldus ipse metu poenae profugerat. Omnibus laqueo gula fracta.

XXXIV. Hoc latronum supplicium etsi in Æbudis proximisque regionibus omnia paullo fecit pacatiora ad tempus, tamen inquieta sceleratorum ingenia non sunt passa eam tranquillitatem esse diuturnam. Emiserat Rex e custodiis, nobilium precibus exoratus, duos Angulos Duffum & Moravium latronum duces. Hi furore in se verso, pari fere numero congressi (alebant enim e plebis rapinis latrones quisque ad mille ducentos) adeo pertinaciter conflixerunt, ut vix ex utrisque superessent cladis nuntii. Alii enim duodecim, alii novem ei prælio superstites fuisse prodiderunt: Regi certe, utrisque pariter infenso, vix reliquerunt unde poenas expeteret.

XXXV. Nec tamen horum calamitas Macdonaldum retardavit a solita inhumanitate. Erat is insignis latro in Rossia natus: qui impunitate superiorum temporum pravam ingenium incitante diu in vicinos grassatus fuerat. Unum præter alia insigniter crudele facinus ejus narratur. Cum vidua mulier ab eo spoliata vehementer quiritaretur, atque identidem clamaret; „Se ad Regem querimoniam delaturam: „Et tu, inquit, quo minore molestia illuc pervenias, ego quoque te juvabo: advocatoque fabro, soleas equinas plantis ejus clavis ferreis affigi curat: nec hac injuria contentus, etiam verborum contumelias adjecit; „Eam adversus asperitates viarum sic munitiorem fore: ac per ludibrium prætereuntibus ita confixam ostentabat. Mulier ferox, contumeliis magis accensa quam deterrita, ubi primum iter tolerare poterat, ad Regem profecta rem ordine denarrat. Rex, qui & ex aliis idem audierat, & auctorem facinoris in vinculis habebat, mulierem consolatus, brevi ejus sceleris poenam in inventorem redundaturam promisit: prolatoque e carcere Macdonaldo cum duodecim sociis, clavis ferreis confixos triduo per urbem circumduci jubet, novi supplicii causa per præconem populo indicata. Deinde ducis corpus capite truncum, duodecimque socios laqueo strangulatos in cruces propter vias attolli jussit.

XXXVI. Hæc nova eorum scelera, quos impetrata semel venia non represserat, Regem acriorem in Donaldso Insulano perquirendo fecerunt. Igitur eum cum rescisset apud Regulum quendam in Hibernia latere, per legatos ad supplicium reposcit. Regulus veritus, ne, si tanto terræ marisque spatio vivum transmitteret, elaberetur, idque malevoli sua fraude factum calumniarentur, occisi caput legato deferendum dedit. Latrociniis apertis hac diligentia cohibitis, Rex occultiora crimina, & pravas consuetudines tollere aggressus, viros claros, pruden-

dentia & sanctitate commendatos, ad id munus elegit: eisque potestatem dedit, ut lustrato regno querimonias omnium audirent, & crimina, si qua ad eos deferrentur, de quibus ordinarii iudices vel per metum non auderent, vel per odium favoremve non deberent aut nollent, de iis ipsi cognoscerent. Addidit & <sup>1</sup>ponderum & mensurarum correctorem, rem maxime necessariam: cum non solum in singulis urbibus, sed etiam prope domibus diversæ mensuræ essent: & in conventu leges eade re saluberrimas fecit: & mensuras ferreas certis in locis custodiri iussit: & qui ad eam publicam formam cæteras conformaret, per omnia fora & conciliabula misit, gravi poenaindicta, si quis alia mensura quam publice signata uteretur.

XXXVH. Hæc dum molitur ad usum publicum, anno millesimo quadringentesimo tricesimo, <sup>2</sup>quartodecimo die Octobris, nati sunt ei gemini. Ob id cum publicum gaudium celebraretur, Rex quoque, ut aliquid & ipse ad popularem lætitiæ adjiceret, nobilibus viris nonnullas offensas condonavit: quorum principes erant Arcibaldus Duglassius & <sup>3</sup>Joannes Kennedus: qui, quod de statu publico & regni administratione, temere ac liberius quam oportebat locuti fuissent, Duglassius in arcem lacus Levini, Kennedus Sterlinum relegati fuerant. Addidit etiam animi reconciliati erga Duglassium signa, quod ipsum liberis baptizandis testem adhibuit: quæ res <sup>4</sup>inter significationes honoris, & necessitudinum causas haberi solet: filium quoque ejus inter equites, qui ad publicæ lætitiæ testificationem creati sunt, esse voluit.

XXXVIII. Cæteris regni partibus perpuratis, ad Ecclesiasticum ordinem instaurandum se retulit. At sacerdotes per magistratum corrigi non poterant. Jam enim diu, per totam Europam Regibus bello impeditis, paullatim sacrificulorum ordo jurisdictioni eorum se subtraxerant, unique Pontifici Romano parebant. Is autem vitiis eorum indulgebat, quod rem quæstui sibi videret esse: & licentiam fovebat, ut per ordinis ejus potentiam Reges sibi magis obnoxios haberet. Igitur Rex, qua una ratione poterat, obviam ire eorum tyrannidi statuit. Nam, cum præterita emendare, & homines honoribus indignos ex eo, quem semel occupaverant, loco exturbare perspiciebat in sua potestate non esse, in futurum sibi providendum ratus, ad scholas literarum ordinandas animum intendit; easque liberalitate & favore prosequendas: quod hoc omnium ordinum esset seminarium; & inde quicquid ulla in reip. parte magnum & excellens foret, velut e fonte promanaret. Neque solum doctores literatos præmiis illexit, sed

<sup>1</sup> *Ponderum & mensurarum*] Hæc de ponderibus & mensuris leges latæ sunt anno 1425, quamvis Buchananus eas latas innuat post regnum demum latrociniiis purgatum.

<sup>2</sup> *Quartodecimo die*] Alii omnes (quorum contentienti testimonio major fides debetur) 16 Octobris natos tradunt.

<sup>3</sup> *Joannes Kennedus*] Verum ei nomen Gilberto fuisse ostendunt Tho. & Geo.

Crafordii, e Rotulis Jacobi II. quem admodum eum Drummondus in sua quinque Jacoborum Scotiæ Regum Historia appellat.

<sup>4</sup> *Inter significationes honoris & necessitudinum causas*] Libri omnes, *Inter significationes & honoris & necessitudinum causas*: nos prius illud [ϕ] superfluum existimantes rejecimus.



sed ipse plerumque disputationibus eorum aderat : & quodocunque otium ei a rebus civilibus erat , literatos sermones libenter audiebat : falsamque opinionem ex animis hominum nobilium vehementer contendebat eximere , quod literæ a rebus gerendis homines ad otium & ignaviam traducant , animosque militares molliant , & omnes generosos eorum impetus aut frangant aut debilitent ; literarumque studia ad monachos , homines alioqui inutiles , velut in ergastulum *essent releganda*. Verum illi , ut a majorum simplicitate & parsimonia degeneraverant , ita ab animi cultu ad corporis curam se totos contulerant. Nec in reliquis sacerdotibus minor erat eruditionis contentus , ex ea maxime causa , quod sacerdotia vel ignavissimis nobilium familiarum hominibus , & ad alias vitæ partes prorsus ineptis mandabantur , vel fraude Romanensium intercipiebantur : eratque omnino sacerdotium nihil aliud , quam operæ , nec semper in rebus honestis navatæ , pretium.

XXXIX. Accesserat & aliud malum ad corrumpendam disciplinam Ecclesiæ vel maximum , ordines fratrum mendicantium. Hi cum initio simulatione vitæ severioris facile populo imposuissent , ut eos libentius , quam suos Curiones , & animis & corporibus juxta crassos , audirent ; & Curiones , ut quisque ditior erat , ita suum munus maxime fastidiret , cum fratribus (ita illis vocare se placuit) [*Curiones*] transigebant , ut pensione annua eos conducerent ad paucas conciones ad plebem singulis annis habendas. Ipsi in urbes ad otiosas cantuunculas , velut magico ritu , ignari quid dicerent , se congregarunt : neque *Curiam* quisque suam , nisi cum decimæ colligendæ erant , unquam respiciebant : paulatimque etiam sese a psallendi certis horis in templis , levi quidem illo , sed quotidiano tamen labore exemerunt , conductis pauperibus sacrificulis , qui vicem ipsorum fungerentur in canendo & missificando ; certoque psalmorum penso , quod in singulos dies imperabatur , emurmurando colluderent : & nunc alternis versibus contendentes , nunc choros inter actus adhibentes tragœdiæ speciem exhibebant , quæ Christi morte imaginaria claudebatur. Fratres quoque eorum mercenarii nec audebant conductores suos offendere , a quibus omnino pendebant ; nec insolentiam cum avaritia conjunctam ferre poterant. Itaque velut media quadam via inita , ut facilius ad persolvendam pensionem eos cogerent , in luxum & libidinem eorum populo secundo sæpe acerbe declamabant. Et cum ad illos metu continendos , & vulgus conciliandum satis debac-

chati

1 *Essent releganda*] In libris omnibus antea legebatur [*relegabant* ;] cui verbo cum nullus aptus præcedat Nominativus , prorsusque insolita videatur Ellipsis hic [*homines nobiles*] subintelligere , nos utcumque emendavimus , *essent releganda*. Multo tamen ornatus concinniusque , si liceret , sic constitui potest tota sententia : *Falsamque opinionem ex animis hominum nobilium vehementer contendebat eximere , qui literas a rebus gerendis homines ad otium &*

*ignaviam traducere , animosque militares molliare , & omnes generosos eorum impetus aut frangere aut debilitare existimabant , literarumque adeo studia ad Monachos , homines alioqui inutiles , relegabant.*

2 *Curiones transigebant*] Ut sententia plenior magisque aperta procederet , vocem [*Curiones*] repetendam censuimus.

3 *Curiam suam*] *Curia* antiquitus dictæ , ubi sacerdotes res divinas curabant , inquit Varro LL. l. 3.

1 Pat

chati essent, sibi quoque, cum in gente sacerdotum essent, in tempore prospiciebant, docendo; „Utcunque alia essent, ordinem tamen sacrosanctum esse, nec profano magistratui ullam in eos esse animadversionem. Deo soli, „& Pontifici Romano (cui par quodammodo cum Deo esset potestas) eos permittendos. Et quia simul cum luxu crescente avaritia, non satis magnum ab illis quæstum sperare poterant, novam sibi fratres tyrannidem pepererunt, concione conversa ad operum merita. Inde natum purgatorium, & animarum, quas ibi visum erat Pontifici detinere, lustrationes, per missæ sacrificium, per aquæ benedictæ aspersiones, per eleemosynas, stipes oblatas, indulgentias, peregrinationes, reliquiarum venerationes. Hæ nundinationes cum per fratres exercerentur, brevi sibi imperium in vivos & mortuos vindicarunt.

XL. Hoc in statu Jacobus primus cum in Scotia rem Ecclesiasticam reperisset, hanc disciplinæ veteris instaurandæ compendiarium viam existimavit, si viri boni & docti sacerdotiis honorarentur. Ut autem æmulationem literas discipulorum accenderet, præfectos gymnasiorum admonuit, ut, quoniam ipse curis publicis impeditus singulos cognoscere non posset, juvenes virtute & eruditione præstantes sibi commendarent, quos ad honores Ecclesiasticos promoveret: qui non solum doctrina & exemplo plebi utiles esse possent, sed tenuiores etiam suis opibus juvare, & paupertatem eorum hætenus sublevare possent, ne bona ingenia per inopiam cogerentur literis relictis ad sordidas artes se conferre. Ut autem boni alacrius animum ad bonas artes intenderent, & ignavi unam ad honores viam per virtutem esse intelligerent, studiorum gradus distinxit, ut sciretur, qui quibus sacerdotiis potirentur. Quam rationem, si qui secuti sunt Reges tenuissent, certe ad hæc tempora perventum non fuisset, quibus nec populus sacerdotum vitia, nec sacerdotes vitiorum remedia pati possent. Nec Rex ignorabat Ecclesiam in gravissima, quibus tum laborabat, vitia, ob immodicam opulentiam fuisse prolapsam: nec profusionem pecuniæ in monasteriis ditandis, & ærario exhauriendo in superioribus Regibus probavit: Davidemque, alioqui Regem optimum, sæpe illa sua pietate multum a multis laudata regno damnosum fuisse prædicabat. Ipse tamen velut aestu quodam consuetudinis abreptus non se potuit abstinere, quo minus ordini Carthusiano cœnobium prope Perthum ædificaret, & magnis proventibus locupletaret.

XLI. Illud in eo nescio an maxime fuit admirandum, quod inter rerum maximarum curas ne infima quidem sua diligentia minora putaret, e quibus aliqua in publicum redundaret utilitas. Nam, cum per assidua bella, quæ post Alexandri tertii mortem prope centum quinquaginta annos Scotiam exercuerunt, toties spoliatis atque incensis urbibus, juventute ad studia armorum conversa, cæteræ artes negligenterentur; opifices omnis generis e Flandria, præmiis & immunitatibus propositis, excivit, urbesque prope vacuas (quod Nobili-

*1 Pati possent] Melius forte [possunt] ad exemplum Livii (unde hæc mutuatus est) nec vitia nostra, nec remedia pati possunt, perventum est.*  
in Præfat. Donec ad hæc tempora, quibus

Tom. I.

Vy



bilitas veteri instituto in agris se contineret) hoc genere hominum replevit. Neque speciem tantum, & frequentiam antiquam oppidis ita restituit, sed magnam otiosorum turbam ab inertia ad laborem traduxit: effecitque, ne quod parvo sumtu domi confici posset, magno pretio foris pararetur.

XLII. Cum omnes regni partes labefactatas ita commodis remediis confirmaret, incurrit tamen in gravem suorum indignationem ob duas maxime causas. Altera quidem in speciem erat levior, sed unde omnibus fere populis omnium fere calamitatum oritur initium. Nam pace undique parata, otium, luxus, & libido primum se, deinde cætera, perdendi est consecuta. Hinc sumtuosa convivia, & nocturnæ diurnæque compotationes, & personatæ salutationes, & peregrinarum vestium deliciae, & laxitas ædium, non ad usum necessarium, sed ad oculorum voluptatem comparata, & corruptelæ morum elegantiae nomine commendata, & omnibus in rebus ritus patrii contemptus, nec quicquam satis honestum & decorum, nisi novum & insolitum. Harum omnium rerum culpam in Anglos, qui Regem secuti in aula versabantur, vulgus libenter a se transferebat: neque tamen verbis flagitia vehementius damnavat, quam voluptates studiose amplectebatur. Sed huic pesti Rex, quantum poterat, & legibus latis & exemplo domestico resistebat. Ipse enim non modo cultu corporis, & frugalitate intra privati copiosioris modum se continebat: sed, si quid immoderatum ulla in vitæ parte apud quenquam conspicabatur, vultu, & plerumque verbis id sibi ingratum esse ostendebat. Ita cohibitus est late grassantis luxuriæ cursus, magis quam nova intemperantia extincta, & vetus parsimonia reducta.

XLIII. Alterum crimen primum inimicorum sermonibus est celebratum, deinde in perniciem publicam erupit. Regis patruus Robertus, & patruelis Mordacus, penes quos regimen civium multos annos fuerat, cum ipsi regnum appetere, nec Jacobum e medio tollere possent, quod proximum erat, hominum animos ita sibi conciliare studebant, ut Regis desiderium non adeo magnum potentioribus relinquerent: tantaque moderatione fere omnibus in rebus usi erant, ut eorum imperium admodum tolerabile multis, ac prope optandum videretur, si Valterus Mordaci filius populariter & moderate se gessisset. Potentiores enim ita munificentiae specie amplectebantur, ut agros Regios ab aliis occupari permiserint, aliis ipsi donaverint: & in gratiam quorundam res judicatas resciderint, & exules restituerint: inter eos autem unum insignem & præpotentem, Georgium Dumbarium Marcianum Regulum, qui exul patriæ damna plurima & gravissima intulerat. Quibus rationibus conciliatos proceres sperabant nunquam de Rege arcessendo acturos: Jacobo autem sine liberis defuncto, regnum ad se sine æmulo perventurum, aut si forte ille ab exilio redisset, suam factionem tam potentem fore, ut a vi, etiam sub Principe parum æquo, securi essent. Verum Rege reverso, & vetere patruis gratia novis Valteri injuriis & flagitiis prope restincta, satis apparuit nihil esse popularius justitia. Igitur populo non modo patiente, sed etiam favente, Mordaco patre cum duobus filiis extinctis, tertio exulante, non eorum modo bonis Rex auctus, sed Joannes Comitis Bucha-

chaniz, qui <sup>1</sup> sine liberis in Gallia decessit, & Alexandri Comitris Maritz, qui & orbus & nothus domi mortem obiit; de quo pauca obiter dicenda videntur.

XLIV. Alexander igitur ex Alexandro Roberti Regis filio natus, in adolescentia malis perditorum hominum consiliis usus, ductorem se latronibus præbuerat: verum cum ad virilem pervenisset ætatem, mores adeo mutaverat, ut alius plane videretur. Igitur vitiis paulatim decrefcentibus, & accedente consilio, ita se domi forisque gesserat, ut præclaram sui memoriam ad posterum transmiserit. Nam & domi ad Harlaum Insulanorum impetum magna cum cæde repressit, & bellum periculosissimum in ipso ortu extinxit: & cum multis opibus bene partis, prædiisque fructuosis coemtis vicinos anteciret, non tamen otio & voluptati se dedit: <sup>2</sup> sed in Flandriam cum <sup>3</sup> firma popularium cohorte profectus, <sup>4</sup> Carolum Burgundum adversus Leodienfes secutus, ex eo bello rem & laudem retulit: <sup>5</sup> opulentiæ etiam nuptiis in Hollandia Batavbrum insu-

<sup>1</sup> *Sine liberis*] Imo vero filia ei fuit, Georgio Setonio nupta, uti Thomas Crafordius, ac deinde Pat. Abercrombicus, pag. 293. observavit. Aut igitur, quod Crafordius innuere videtur, ipsius patrimonium, utpote feudum masculinum, ad Regem pervenit; aut potius, quod Abercrombicus arbitratur, Rex, tanquam proximus hæres Alexandri Comitris Buchaniz absque legitima prole defuncti, eam hæreditatem sibi vindicabat; neque enim Gubernatori, qui ea filium Joannem donaverat, patrimonii Regi partem aliquam alienandi jus fuisse arbitratur.

<sup>2</sup> *Sed in Flandriam*] His verbis nec obscure quidem significat Buchananus Maritz Comitris in Flandriam profectionem prælio ad Hatlaum posteriorem fuisse, quæ tamen, ut mox ostendimus, tribus annis præcessit.

<sup>3</sup> *Firma popularium cohorte*] Centum viris fortibus comitatum tradit Vintonus, quorum præcipui erant, Joannes Sutherlandiz Comes, Gilbertus Hajus, Alexander Kethus, Alexander Irvinus, Gul. Nachtanus, — Menesius, Jacobus Scrimgerus, Alsius Kintmontius, & Jo. Boethelius, omnes suarum familiarum principes.

<sup>4</sup> *Carolus Burgundum adversus Leodienfes*] Boethius, Ballendenus & Drutmonius *Philippum* appellant; sed omnes pariter falluntur. *Philippus* enim Burgundus, Audax cognominatus, nullum adversus Leodien-

ses bellum gessit; ejus vero nepos *Philippus*, cognomento Bonus, licet Leodienfes hostes habuerit, eos tamen per legatos, & paullo serius pro ætate Comitris Maritz, anno videl. 1431, repressit. Huc adde quod Burgundus Gallis adversabatur, cui propterea Scotorum operam suam collocaturum haudquaquam credibile videtur. Quod ad *Carolum* vero posterioris *Philippi* filium attinet, is anno demum 1467 ferum est potius, 30 minimum post Maritz Comitris mortem. Recte igitur Joannes Major, qui eum *Joanni* Burgundiz Duci militasse tradit: is autem adversus Leodienfes profectus anno 1408, ingente eos clade triginta millibus occisis compescuit. Vide Vignierii Burgundionum Chronicon, in primis vero Heuterum *Rer. Burgund.* lib. 8. pag. 376, & seqq. Et in omnibus serè consensit Vintonus, eorum temporum scriptor æqualis, qui quæ (ut ipse testatur) omnem rerum ea expeditione gestarum ordinem a Scotis qui ei interfuerant prolixè didicerat, quibus narrandis operi suo finem imponit. Hoc igitur loco *Joannem*, non *Carolus* Burgundum legendum.

<sup>5</sup> *Opulentiæ etiam nuptiis*] Vix ferenda hic Boethii negligentia dicam, an fingendi licentia, qui Alexandrum Maritz Comitrem uxorem duxisse tradit *Jacobum* Comitris Hollandiz faminam, aliosque nostros scriptores eum temere secutos pari secum errore involvit. Nam; ut omittam nihil,

insula auctus est. Sed cum peregrini hominis imperium Batavi non ferrent, inde reversus classem comparavit ingenti quidem sumtu, nec magno tamen emolumento, ut adversus homines terrestribus & navalibus copiis instructissimos. Tandem numerosam eorum classem Dantisco redeuntem adortus, ea capta & spoliata, nautis caesis, ac navibus succensis, damnum acceptum hosti multiplex reddidit: atque ita ferociam eorum fregit, ut centum annorum inducias postularint & acceperint. Idem quoque gregem nobilium equarum e Pannonia usque adducendum in Scotiam curavit, cujus soboles in multos post annos duravit. His igitur Comitibus longe ditissimis sine prole defunctis, Buchania & Marria eorum patrimonia ad Regem jure pervenerunt: ita trium, qui Roberto secundo Regi ex uxore posteriore nati erant, fratrum solus ipse bonis potitus est; sed non sine hominum nobilium largitionibus assuetorum indignatione, quod Rex e tam opulenta præda nihil ipsis decideret.

XLV. Accessit ad hanc & altera causâ recentior, quod quasdam a Roberto & Mordaco postremis Gubernatoribus largitiones factas, tanquam injustas revocaverat. In his duæ erant insignes. Georgius Dumbarius hostis publicus denunciatus, deinde, parte bonorum restituta, revocatus a Roberto fuerat. Ei successerat filius Georgius, multis gaudens, antiquam & nobilem, & sæpe de patria bene meritam familiam in pristinam dignitatem rediisse. Sed Regi, dum in jus fisci diligentius, ne dicam acerbius, inquit, visum est potestatem ignominiae demendae, exules revocandi, & bona ob crimen perduellionis in fiscum illata restituendi, majorem esse, quam ut eam alieni vicarius imperii, & qui tutoris loco eligatur, usurpare debeat: quando etiam largitiones in Regum ætate immatura factae possint ex veteri Scotorum instituto revocari, nisi a Regibus ætate maturis confirmentur. Igitur Jacobus, ut Marcianos, homines bellicosos, Angliæ vicinos, in suam potestatem sine tumultu revocaret, Georgium apud se retinet: literas ad arcis Dumbari præfectum scribit: imperat, „ Ut eis perlectis arcem Gulielmo Duglassio Angliæ Regi, „ gulo, & Adamo Heburno Halensi, ad eam recipiendam missis, statim tra- „ deret. Georgius, cum quereretur se nullo jure patrimonio spoliari ob crimen alienum, cujus etiam ab eo, qui summæ rerum præerat, venia fuisset impe- „ trata; Rex, ut ejus animum placaret, & clementiam apud vulgus ostentaret, eum Buchania donavit. Hoc Regis factum cum pro cujusque ingenio & studio varie celebraretur, incidit alterum quoque, quod vehementer mortem ei acceleravit, altius mihi ab initio repetendum.

XLVI. Dictum est a nobis Roberto secundo Regi: tres ex concubina filios

ejusmodi apud rerum Belgicarum scriptores reperiri, e Vintono populari suo & Marrii æquali discere poterat eum non *Hollandam*, sed *Brabantam* uxorem accepisse, quam ille *Dominam de Diffel* appellat.

1 *Uxore posteriore*] Imo, *ex uxore prioris*, ut supra ad Lib. IX. C. 42, demonstravimus.

2 *Tres ex concubina*] Commentitium hunc Elizabethæ Moræ concubinatum jamdudum a viris illustribus & eruditis, Cromartiz Comite, D. Geo. Mackenzio, D. Jac. Dalrymple, Tho. Bymero, Lud. Innesio, Rob. Bradio, J. Barnesio, Pat. Abercrombio, &c. profligatum penitus & explosum ostendimus Lib. IX. 42.

Cum



natos: ille quanquam ex Eufemia uxore Valterum & Davidem, alterum Atholia; alterum Ierniæ Comitem haberet, tamen eorum matre mortua concubinam uxorem duxit, ut ejus filios per matrimonium illud legitimos factos regni hæredes relinqueret: ac moriens etiam penes natu maximum regnum reliquit; penes secundum præter opes maximas etiam regni procuratio fuit; tertium aliquot regionum constituit Regulum. In hac parte, etsi alterius uxoris liberi se affectos injuria putabant, tamen quia & ætate & opibus erant inferiores, iram in præsentia tacitam continebant. Eorum quoque potentiam imminuit Comitis Ierniæ mors, qui unica relicta filia decesserat. Ea Patricio Gramo, adolescenti nobili e familia illa ætate potentissima, uxor data, Melissum Gramum ex eo genuit. Nec parentes diu superstites fuere: & puer paucis post annis adhuc adolescens in Angliam erat missus obses, dum pecunia Regi redimendo promissa solveretur. Atholius autem, etsi rebus omnibus adversæ factioni inferior, nunquam tamen studium tollendi propinquos omisit, neque spem recuperandi regni abiecit: & quia ad vim apertam erat impar, callide discordias eorum fovebat, & periculis insidiabatur: donec ejus maxime consilio amplissima familia ad paucos fuit redacta. Multi enim crediderunt eo auctore Davidem Roberti Regis filium fuisse sublatum. Nec Jacobus ejus insidias fugisset, nisi procul domo in Anglia bonam vitæ partem transegisset.

XLVII.

Cum igitur ejus figmenti vanitatem, nullamque adeo, ut ad regnum parricidiali ausu affectaret viam, juris colorem vel prætextum sibi exinde dari, ignorare non posset Atholius; aliam certe in Regem conjurandi causam (si ulla tam immanis consilii causa esse poterat) ipsius animo obversatam fuisse oportet. Huc accedit, quod non Valterus Atholia (quod Buchananus aliique innuere videntur) sed David Ierniæ Comes, filius Roberti II. erat ex Eufemia uxore natu maximus, e cujus filia natus est Melissus Gramus, jam tum adolescens, cuique ob eam rationem (si, quod nostri volunt, aliqua Roberti III. ejusque adeo posterorum natalibus labe adhærebat) regnum Scotorum jure debebatur. Quæ cum ita sint, nullum aliud Atholio relinquitur tam diri facinoris patrandi incitamentum, quam ipse malus animus, insana regnandi, omnesque qui obstabant tollendi, cupiditate percitus.

1 Ille quanquam ex Eufemia] Libris omnibus legitur; [Quos ille:] verum cum nullum postea occurrat verbum, unde [Quos] illud regatur, nos vocem otiosam expungere non dubitavimus.

2 Valterum & Davidem] Hic & Lib.

IX. 43. (ut ad eum locum monuimus) Valterum ante Davidem ponit, tanquam ætate majorem, cum contra ex ipsius Roberti II. decreto plane appareat Davidem prius natum fuisse.

3 Ex eo genuit] Omnes constanter codices [ex eo] præferunt, plane repugnante priore parte sententiæ: nos quam levissimas semper mutationes nobismet permitcentes, pro [eo] [eo] reposuimus; quamquam non diffiteamur melius forte restitui posse sententiam, interjecta inter [data] & [Melissum] voce [qui.] Altera tamen correctio faciliior, nec exemplis destituta. Nam quod verbum [gigno] non maribus tantum sed & sceminis nonnunquam tribuatur, ostendit illud Virg. Æn. 1.

Tunc ille Æneas quem Dardanio Anchisa  
Alma Venus Phrygiæ genuit Simoëntis ad  
undam?

Et Catull. Car. LXIV. ver. 154.

Quænam te genuit sala sub rupe leana.

Et (ne quis suspicetur non [ex eo] sed [ei] dici debere) Tacitus 13 Annal. c. 45. de Poppæa loquens, Igitur agentem eam in matrimonio Ruffi Crispini Equitis Romani, ex quo filium generat, Otbo pellerit.

XLVII. Auctor enim erat Fife Comiti, ut fratre ignavo e medio sublato regnum occuparet. Cum Rex liberorum orbis, & fraternæ libidini obnoxius ex mœrore subito decessisset, unus erat regni Gubernator cum liberis, qui spem ejus impediret: quippe homo impiger, divitiis, potentia, auctoritate, in vulgus item gratia, & liberis florens. Ea res cum ejus consilium nonnihil remoraretur, Roberto quidem morte naturali, ac Joanne filio ejus in prælio ad Vernolium sublato, ad pristinas cogitationes animum multo acrius intendit, atque omnes ingenii nervos in id unum contulit, ut Jacobum liberaret, & eum cum Mordaco liberisque ejus committeret. Hi cum pariter incolumes stare non possent, utercunque cecidisset, se uno gradu propius admotum ad spem regni prospiciebat. Jacobo demum reverso in patriam, ipse omnes machinas admovebat, ut Mordaco exitium maturaret: per homines idoneos crimina adversus eum subministrabat. Ipse judex in eum filiosque ejus federat. Iis quoque extinctis, supererat unus Jacobus cum unico filiolo, puero nondum sextum annum ingresso. Eo quoque conspiratione procerum interfecto, non dubitabat, quin ipse, qui solus e stirpe Regia reliquus erat, ad rerum gubernacula admovebatur. Atholius igitur, dies noctesque his cogitationibus sollicitus, tamen suas cupiditates occultas continebat: ac per simulationem favoris erga Regem, in propinquis tollendis operam ostentabat: idque unum agebat maxime, ut alieno scelere suas opes auget, adversariorum imminueret.

XLVIII. Interea Melissus Gramus (quem diximus obsidem Anglis datum) a Rege, dum in publicum patrimonium diligentius inquirat, Iernia est spoliatus, quod eam comperisset avo ejus materno ea lege datam, ut deficientē stirpe malcula ad Regem rediret, feudum esset maleulinum, ut interpretes juris nunc loquuntur. Ea adolescentis innoxii, & absentis, & obsidis calamitas, multos ad commiserationem, Robertum vero ejus tutorem pene ad insaniam redegit. Is enim cæteris impatientius propinqui sui casum ferens, Regem non cessabat palam injustitiæ accusare. Cum autem in jus ad causam dicendam vocatus non affuisset, ei aqua & igni interdictum est. Ob hæc ferociore animo, velut nova injuria lacerato, ad vindictam pronus, cum eis consilia secreta coquebat, qui vel multati bonis fuerant, vel amictorum supplicia, quantumvis iusta, tamen iniquo animo ferebant, vel Regem avaritiæ insimulabant, quod ad rem attentior, ipsos parum pro expectatione fuerat remuneratus. Ad hæc, non solum ad interitum redactas nobiles familias deplorabant, sed & tutelas adolescentium nobilium, quæ præmia virorum fortium solebant esse, penes Regem esse. „Ad unum omnes regni opes congeri: cæteros sub ingrato laborum æstimatore in miseriis & inopia contabescere. Hoc autem quod de tutelis exprobrabat, hujusmodi est. In Scotia & Anglia, & non-

mil-

1 *Decessisset*] Ita emendavimus pro quo libri omnes *discessisset*,] quamvis enim Cicero scripserit *discedere e vita*, *discedere* tamen simpliciter pro *mori* acceptum nullus meminit.

2 *Supererat unus Jacobus*] Imo vero supererat Melissus Gramus, Davidis (fratris Atholii nati majoris) & filia nepos, adeoque, deficientibus Jacobo cum unico filiolo, regni Scotici proximus hæres.

1. *Ad-*



nullis Galliae regionibus, mos est, ut mortuis parentibus, pueri nobiles, ad vicesimum primum usque annum, in eorum tutela mancant, quorum sunt beneficiarii: fructusque omnes agrorum (præter sumtus ad pupillum alendum necessarios) & præterea dotes ab uxoribus pupillis datæ, ad huiusmodi tutores redeant. Hæ autem tutelæ, vel (ut vulgo appellantur) custodæ, cum aut modica pecunia propinquis vendi, aut bene meritis plerumque donari solerent, qui inde ex emptione lucrum, vel ex donatione præmium sperabant, angebantur eas ad Regem unum pervenire: neque tacitum suum dolorem ferebant.

XLIX. Hujus generis querelæ cum ad Regem perlata essent, id factum velut necessarium excusavit. „Patrimonium enim publicum ita per superiores Reges & Gubernatores extenuatum, ut nec familia Principe digna, nec committatus honestus haberi, nec magnificentia erga legatos externos exerceri posset. Nec hanc diligentiam Regis, in pecunia honestis rationibus paranda, esse inutilem Nobilitati, cui nihil magis adversum sit, quam inopia publica; dum Reges, quo carere non possunt, id per vim a ditioribus extorquere coguntur, aut plebem coguntur exigendis tributis vexare: multoque minus in publicum obesse Regum parsimoniam, quæ modum donationibus immodicis imponit, quam profusionem, quæ, suis consumptis, sine modo in aliorum bona debacchatur. Hoc responso Rex æquioribus satisfecit: iniquiores vero, qui magis conquerendi causam, quam criminum justam expurgationem quærebant, vehementius ad maledicendum excitavit.

L. Hoc statu rerum in Scotia, legatio e Gallia advenit, quæ petebat, ut Margarita Jacobi filia, Ludovico Caroli septimi filio jamdudum desponsa, ad sponsum mitteretur. Ea aliam Anglorum legationem excivit. Angli enim, ab alienato ab eorum amicitia Burgundo, & defectionem moliente Lutetia, cæterisque provinciis transmarinis tumultuantibus, ne, cunctis regni viribus in bellum Francicum inclinatis, Scoti ab adversa parte eos adorirentur; & fœderis cum Gallis renovationem, & nuptias impedire nitebantur: atque ad fœdus perpetuum cum ipsis, qui in eadem insula nati, ejusdem linguæ participes essent, feriendum adhortabantur. „Id si facerent, seseque jurarent, eosdem quos Angli amicos inimicosque habituros, pollicebantur, suum Regem Bervico, Rosburgo, cæterisque omnibus locis & agris, qui juris controversi habebantur, cessurum. Scotus cam petitionem cum ad omnes omnium Ordinum, qui Perthi erant congregati, retulisset, post longam ea de re disceptationem, Ordine Ecclesiastico in duas factiones diviso, succlamatum est a Nobilitate; „Se fraudem Anglorum agnoscere, qui novo isto fœdere veterem cum Gallis amicitiam solvere conentur, ut Scotos antiquis amicis spoliatos, sibi facilius obnoxios redderent, dum aliis curis liberi, in id bellum totis viribus incumbere possent: eo spectare tam benignam Anglorum pollicitationem: se vero antiquo fœderi staturos, nec a fide semel promissa discessuros. Hac parte repulsi Angli, a precibus ad minas transeunt: & amicitiam renuentibus bellum denunciant: „Filiamque si Rex inimico Anglorum desponsam

1 Adhortabantur] Ita legendum, non [adbertarentur,] quod libris omnibus irreperit.

1 Classis

„sam in Galliam transmitteret, se iter, quoad possent, impedituros, illam-  
que & comites ejus in suam potestatem redacturos: classem enim jam se ad id  
paratam habere.

LI. Hæc legatorum comminatio adeo Regem non deterruit, ut ornata clas-  
se, magnoque comitatu nobilium virorum ac fœminarum imposito, celerius  
quam constituerat filiam solvere cogeret, ut Angli consilia præveniret. Ve-  
rum quo minus in manum hostium devenirent, magis numine propitio, quam  
humana providentia, factum videri potest. Nam, cum non longe ab eo loco  
abessent, ubi in insidiis collocati Angli Scotorum adventum præstolabantur,  
ecce repente <sup>1</sup>classis Belgica apparuit, quæ vinum e Rupella in Flandriam por-  
tabat. In eam (quod Burgundus, non adeo pridem Gallo reconciliatus, hostes  
ejus totis viribus oppugnabat) magno impetu Angli feruntur: ac brevi naves  
expeditæ onerarias assequuntur; & prope nullo negotio armati inermes capiunt:  
verum, antequam in portum captas pertraherent, Hispani incompósitos ad-  
orti prædam auferunt, & incolumes Flandros dimittunt. In hac tam varia trium  
nationum fortuna, Scoti, hoste non conspecto, Rupellam applicant. Eo  
missis obviam multis ex aula Gallica viris claris, Turonas deducuntur. Ibi ma-  
gno cum gaudio, & utriusque gentis mutua gratulatione, <sup>2</sup>nuptiæ sunt cele-  
bratæ.

LII. Hoc loco, scriptores Angli, & in primis Eduardus Hallus, & ejus  
supplicator Graftonus, in Jacobum plenius velis invehuntur, tanquam ingratum  
& perfidum, citoque beneficiorum acceptorum immemorem; quod tam hu-  
maniter tot annos ab Anglis habitus, quod Regis nuptiis honoratus, quod  
ampla dote auctus, quod e diuturna servitute in libertatem restitutus, tot tan-  
taque beneficia oblitus, Gallicam amicitiam Anglicæ prætulit. Sed eorum  
maledicentiam res ipsa facile refellit. Nam quod in suum littus appulsum, præ-  
ter fœdera, præter jus gentium detinuerunt, primum injuria est, non bene-  
ficio. Quod non occiderunt, ac pecuniam potius accipere, quam invidioso  
non hostis, sed hospitis sanguine se pollueri voluerunt, non eorum amoris er-  
ga se & misericordiæ, sed magis avaritiæ vitam debet: & si quod in eo be-  
neficio est, quod aliud id existimari potest quam latronum, qui vitam,  
quibus non eripuerunt, dedisse videri volunt? Et si quid ob id Anglis debebat,  
quod suo lucro consuluerunt, certe privatim non publicè id debebat. Quod  
autem adolescentem, ætate innoxium, fortuna supplicem, nascendi conditio-  
ne Regem, per summum nefas retentum, honeste instituendum curarunt,  
habet res humanitatis quandam speciem (quam si neglexissent, extra reprehensionem non erant futuri) & quæ beneficii nomine commendari poterat, nisi

gra-

<sup>1</sup> *Classis Belgica*] Alii nostri scriptores  
*classem Hispanicam* edunt.

<sup>2</sup> *Nuptiæ sunt celebratæ*] 24 Junii anno  
1436, inquit Drummondus, Tilius vero  
25, quem etiam sequitur Leonardus, *Re-  
cueil des Traitez de Paix*, &c. *suits par les  
Rois de France*, vol. I. pag. 23. apud

quem videtis instrumentum Archiepiscopi  
Turonensis, quo has nuptias celebrari per-  
mittit, quamvis Delphinus 14 ætatis an-  
num nondum compleverat, & Margarita  
Jacobi filia quasi duodecimum finem attin-  
geret; datum Turonis 13 Junii 1436.



gratia ejus antecedente injuria, & avaritia consecuta fuisset corrupta: nisi forte, si quem ultro vulneres, a curato gratiam reposcas: & magni damni levem compensationem beneficii loco ponendam existimes: aut, quia tui partem aliquam feceris officii, solidum collati in alterum beneficii expetas præmium, &, quod tibi præstitisti, alteri expensum ferri velis. Nam qui servum hominem curat erudiendum, vel suæ oblectationis causâ, vel ut pluris eum revendat, etsi ad eum qui eruditur aliqua redit utilitas, tamen dominus non servi, sed suum emolumentum in erudiendo spectat.

LIII. At uxorem ei conjunxerunt sui Regis propinquam, & juvenem Regium Regiis nuptiis honorarunt. Quid si ea affinitas non minus honorifica fuit locero, quam genero? Quam enim privato alicui collocaturus erat, Reginam fecit: & in eam familiam nuptum dedit, in quam Regum Anglicorum clarissimi sæpe ante suos liberos collocaverant; & unde tot superiores Reges oriundi fuerant. At dotem adjecerunt peramplam. Cui vero dos ista data est? Nempe ipsis Anglis, qui eam, antequam numeraretur, eripuerunt; &, marito tantum verbis ostentatam, in suum usum retinuerunt. Itaque dicta, non data dos est: & ita dicta, ut a juvene, plurimis & maximis alioqui injuriis affecto, multum sibi deberi velint, quod indotatam uxorem domum reduxerit. At liberum eum domum remiserunt. Certe, ut qui a piratis liberantur, pretio persoluto. Sed quo pacto liberum? Si ipsorum scriptoribus credamus, jurare coactum, ut Anglo tanquam domino semper obtemperaret; & regnum, cujus nondum compos erat, in servitutem perpetuam addiceret: & quod, etiamsi haberet, alienare non posset, antequam acciperet, alteri manciparet. Non igitur eum liberum, sed laxiore in speciem catena vinctum remiserunt, non quidem Regem, sed alieni regni procuratorem, aut potius vicarium. Omitto dicere, quod hominem captivum & adhuc alieni juris cogunt promittere, & id quidem promittere, quod præstare non poterat, nec ad præstandum eos, quorum in potestate id erat, cogere. Hæc est illa præclara liberalitas, cujus eum immemorem arguunt. Verum, ut permittamus hominibus imperitis, & omnis in scribendo modi & modestiæ oblitis, ut emolumenta accepta in beneficiis datis annumerent, quantam illam existimabimus vel mentiendo licentiam, vel maledicendi libidinem, quæ in ejusdem Regis filiam utuntur: quam, ob oris graveolentiam (nihil enim in mores homines alioqui tam impudentes audebant confingere) marito scribunt fuisse ingratam? At Monstreletus illorum temporum scriptor æqualis, & probam fuisse & formosam memoriæ prodidit: & qui librum Pluicartensem scripsit, eique Reginae & naviganti & morienti fuit comes, scriptum reliquit, eam dum vixit egregie caram locero, socru & marito fuisse; epitaphiumque, carmen omni laude plenum, Gallicis versibus Catalauni ad Matronam (quo in oppido decessit) fuisse publicatum: quod in Scoticum sermonem versum plerique nostrorum adhuc habent. Sed omissis hominibus alienæ famæ calumniatoribus, & suæ tam negligentibus, ut nihil pensi habeant, quid vel ipsi de aliis dicant, vel alii de ipsis sentiant, ad rem veniamus.

LIV. Cum Rex, ob sumtum in classe ornanda factum, tributum a populo

Tom. I.

Zz

exi

exigere tentasset, majorque pars aperte recusasset quicquam pendere, pauci & parum & maligne dedissent, Rex coactores iussit a reliquo exigendo desistere, & quod exactum erat restituere. Nec tamen ita populi sermones effugit: malevolis & ob incommoda privata iratis, novarum rerum cupidos adversus eum assidue incitantibus. Eodem tempore, Angli terra marique e Scotia praedas agere coeperunt, duce Percio Northumbriae Regulo. Adversus eos missus Gulielmus Daglassius Angustiae Comes, cum pari fere numero: erant enim circiter quaterna utrinque milia. Cecidit e Scotis Alexander Jonstonus Lothianus, vir nobilis & spectatae virtutis. Ex utraque acie, alii ducentos, alii quadraginta tantum caesos affirmant. Ex Anglis capti ad mille quingentos.

LV. Rex jam bis ab Anglo provocatus, primum inlidis ad filium interceptandam collocatis, deinde recentibus agrorum populationibus, aperto bello cum aggredi statuit. Confecto igitur quam maximo potuit exercitu, Rosburgum acriter adortur: cumque brevi deditionem expectaret, Regina, quantum potuit itineribus ad eum vecta, trepidum in castra nuncium affert; „Scitis vultum in caput ejus conjunctionem parari: ac, nisi diligenter prospiciat, „maturum exitum imminere. Rex, tam inexpectato malo ictus, dimisso exercitu domum revertitur, pessimo in vulgus rumore: „In ipso enim articulo rei perficiendae, ad nutum foeminae, maximis furtibus & vexatione „totius regni, nihil aliud quam dedecus quaesitum videri. Reversus Rex, in coenobium Dominicanorum, quod juxta moenia Perthi erat, divertit: ut ibi quam maxime posset occulte de conjunctione quaereret. Sed res non latuit homines in omnem patranda sceleris occasionem intentos. Unus enim e domesticis ministris, qui in conjunctis erat Joannem scriptores appellat, cognomen non edunt) perlato ad socios quod in Regia agi fenserat, fecit ut res maturaretur, priusquam occulta consilia proferrerentur, ac remedia adhiberi possent. Valterus quidem Atholius, Regis patruus, etiam princeps auctor facinoris obeundi erat, tamen, quantum fieri poterat, suspiciones omnes a se segregabat. Is propinquum suum Robertum Gramum (cujus antememiniimus) hominem manu promptum, consilio praecipitem, & Regi antea insensum, cum ob incarcerationem & exilium ante indictum, tum ob fratris filium (cui ipse tutor erat) Iernia spoliatum, \* ad se vocat: ei adiungit suum ex filio nepotem Robertum juvenem impigrum: docet quid fieri vult: „Facinore peractum, se in summa potestate futurum: ibi saluti quoque illorum prospiciendum. Illi operam libenter promittunt, ac facinus aggredi festinant, antequam tota conjunctionis ratio patefacta Regi esset.

LVI. Igitur manu occulte collecta, ut Regem, quem cum paucis in

\* Alexander Jonstons] Thomas Crafordius cumque securus Abercrombibus animadvertum hic a Buchananò erratum; non enim Alex. Jonstons, sed Alex. Elphinstons hoc praelio caesus est. Reliquerat is quidem (ut iidem scriptores monent) uxorem suam gravidam, quae filiam elenixa

Agdeterm, Gilberto Jonstons postea nupram: unde forte Buchananò errandi causa est data.

† Ad se vocat] Libris omnibus legitur [cum Atholius ad se vocat:] nos Crafordii monitu, has voces [cum Atholius] tanquam superfluas delevimus.

1 Alii



coenobio Dominicanorum divertere sciebant, incautam minimo cum tumultu opprimerent, Joannem ministrum Regium, jam ante ab eis in partes tractum, adhortantur, ut promissam operam præstet. Is conjuratos, in regiam introductos nocte concubia, prope Regium cubiculum occultos collocat: ostendit ostium, pessulo abs se ablato, facile confringi posse. Alii a Roberto Comitibus Atholii nepote putant in Regiam acceptos. Interim dum intenti illic expectant, quod in mora futurum videbatur, nempe ut cubiculi fores perfringerent, absque eorum opera fortuna expedit. Valterus enim Stratonius, qui vinum paullo ante intulerat, egrediens, cum cerneret armatos, intro se proripere conatus, quanta potuit contentione vocis proditores adesse clamat. Hunc dum sicarii conficiunt, adolescentula nobilis, e gente Duglassia, ut plures tradunt (alii Lovelliam edunt) cum, objecta valva, pessulum fraude ministrum ablatum non inveniret, brachium in foramen loco pessuli inseruit: sed eo celeriter confRACTO, intromissi sicarii in Regem irruunt. Eum Regina, suo corpore objecto, cum protegere conaretur, ac prostrato se superfudisset, duobus vulneribus acceptis, vix abstrahi potuit. Tum ipsum, ab omnibus relictum, viginti octo plagis confossum, aliquot recta in cor directis, trucidant.

LVII. Hunc finem vitæ habuit Rex longe optimus, a sceleratissimis latronibus morte crudelissima, & omnibus bonis maxime luctuosa, affectus. Divulgato, ex comploratione & tumultu, ejus interitu, magnus undique in Regiam fit concursus: reliquumque noctis (quoniam parricidæ per tenebras evaserant) querimoniis & lamentationibus est transactum. Ibi varie pro cuiusque ingenio, vel acerbe, ad parricidarum invidiam, vel miserabiliter, ad amicorum dolorem augendum, quæcunque ei vel secunda vel adversa evenerant, commemorabantur. Pueritia patris insidiis exposita, quas dum vitat, ipse in hostium potestatem præcipitatus: patris deinde mors consecuta, & reliqua adolescentia in exilio inter hostes acta: deinde, vertente fortuna, reditus insperatus, & post reditum, paucis annis res turbulentissimæ in summam tranquillitatem commutata. Ac rursus, subita rerum commutatione, cui hostes foris pepercerant, propinquorum fraude circumventus, in ætatis vigore, & regni legibus & moribus constituendi medio cursu. Corporis præterea & animi virtutes, extincta erga mortuum invidia, veris laudibus ornabantur. Nam licet statura fuerit infra justam, corpore tamen erat adeo robusto & firmo, ut æquales omnes, in omni genere exercitationis, ubi vires & agilitas spectari solet, facile superaret. Tanta ingenii celeritas & vigor in eo fuisse dicitur, ut nullam homine ingenuo dignam artem ignoraverit. Carmina Latina, ut illud erat seculum, rudia ex tempore fundebat: Anglica quidem sermone poemata ab eo conscripta nonnulla adhuc extant; in quibus ingenii præstantia elucet, expolitior doctrina fortasse requiratur. In musicis curiosius erat instructus, quam Regem vel deceat vel expediat: nullum enim organum erat ad psallendi usum compa-

ra-

1 Alii Lovelliam edunt) Verum ei nomen Lovellio Balumbia Comarcho postea su-  
Catharina Duglassia fuisse tradit post Bo-  
thium Crafordius: eam vero Alexandra-  
pisse idem testantur.



ratum, quo non ille tam scite modulabatur, ut cum summis illius ætatis magistris contenderet. Sed hæc fortasse studiorum flores verius quam fructus quippiam existimabit; quæque vitam magis ornent quam instruant, & ad res gerendas confirment. Philosophiæ cum alias partes, tum eam, quæ de moribus & republica regenda est, diligenter didicerat. Virtutes certe civiles quantæ & quam in eo maturæ fuerint, testatur ordo rerum ab eo gestarum, & leges latæ, quibus non suo tantum seculo, sed posteritati etiam vehementer profuit.

LVIII. Mors vero ejus declaravit, nihil justitia esse popularius: nam qui vivo detrectare soliti erant, mortuum flagrantissimo desiderio sunt persecuti. Proceres enim, nuncio cædis accepto, ex omnibus regionibus sponte convenerunt: ac nondum quæstione decreta, in omnes partes ultro emiserunt, qui percussores comprehenderent, & in jus ducerent. Compluribus captis, principes novo & exquisito genere supplicii affecti, reliqui laqueo strangulati sunt. Principes in facinore consciscendo numerabantur, Valterus Atholiæ Comes, & nepos ex filio Robertus, & eorum propinquus Robertus Gramus. Valteri supplicium (quia totius facinoris perpetrandi auctor erat) in triduum divisum fuit. Primo die vehiculo, in quo ciconia erecta erat, impositus, funibus per trochleas transmissis in altum attollebatur, ac subito, iisdem funibus remissis, demittebatur, donec pene terram attingeret, cum gravissimo per omnes corporis compages dolore: deinde in columellam elato, ut omnibus esset conspicuus, ferrea corona candens imposita est, cum hoc elogio, ut proditorum omnium Rex appellaretur. Hujus supplicii causam fuisse ferunt, quod Valterus aliquando ex maleficis mulieribus (quo genere semper Atholia erat infamis) acceperat, „Se in maxima celebritate Regem coronatum iri: idque vaticinium ita vel impletum vel elusum est: ac certe tales prædictiones frequenter hujusmodi fortiuntur eventus. Postridie super cratem alligatus, & ad caudam equi per vicum maximum Edimburgi tractus est. Tertio die, super tabulam extento, in loco conspicuo, viventi intestina detracta & in ignem injecta, ipso spectante cremata sunt. Demum cor evulsum in eisdem ignes injicitur: caput præfectum in spectatissimo urbis loco conto confixum ad spectaculum proponitur: corpus in quatuor partes divisum, ad urbes regni nobilissimas in locis celebrioribus suspendendum mittitur. Secundum eum nepos luit: sed ut leviori poena defungeretur, valuit in eo respectus ætatis, & quod non auctor, sed alieni sceleris comes, avo paruerat. Igitur in cruce suffocatus, & membratim dissectus fuit. Robertus vero Gramus, qui manu facinus peregerat, in curru per urbem traductus, dextra ad patibulum in ipso curru erectum affixa: adhibiti carnifices, qui candentibus stimulis ferreis femora humerosque, & corporis partes quæ longius a vitalibus absunt, assidue confoderent: eodem deinde quo priores modo dissectus est.

LIX. Hoc maxime pacto mors Jacobi, crudelis quidem illa, sed certe ultra humanitatis modum crudeliter vindicata est. Hujus enim generis supplicia vulgi animos non tam a sævitia metu avocant, quam ad quidvis agendum & patiendum efferant: nec acerbitate tam pravos deterrent, quam assuetudine spectandi

etandi terrorem poenarum imminuunt : præsertim si facinorosorum animi adversus vim doloris induruerint : apud vulgus enim imperitum confidentia pertinax constantis fiducia plerumque laudem accipit. Obiit Jacobus <sup>1</sup> initio anni mil-

<sup>1</sup> *Initio anni millesimi quadringentesimi trigesimi septimi*] Contendit Abercrombicus vol. 2. pag. 303. gravi errore implicitos omnes scriptores nostros, qui Jacobum I. trucidatum tradunt exunte anno 1436, aut ineunte 1437 : ille autem ex Jacobi II. ejus filii & successoris Literis & Actis publicis deprehendisse se prædicat, Jacobum I. occisum demum fuisse 20 Februarii anni 1437, stylo vetere Scoticano; anni vero 1438 ex supputatione Romana, quæ nunc utimur : i. e. uno anno posterius quam alii auctores nostri scripsere. Sed ejus illos insinuat, ipsi hac in re obrepit hallucinationis vitium. Ex eis enim ipsis quas ille in subsidium advocat Jacobi II. literis & instrumentis evidentissime elucet, Jacobum II. regnare cœpisse initio anni 1437, juxta supputationem Romanam. Ex innumeris autem meis ipsis oculis lustratis hæc pauca, rei demonstrandæ gratia proponere libuit; unum 13 Maji 1440, regni 4. alterum 24 Oct. 1444, regni 8. tertium 22 Julii 1450. regni 14, quartum 9 Novemb. 1451, regni 15. quintum 7 Novemb. 1458. regni 22. Item hæc, unum 10 Feb. 1449, regni 13. alterum 13 Jan. 1451, regni 15. tertium 24 Jan. 1458, regni 22. quartum 3 Mart. 1458 regni 13 : quæ ad præsentem supputandi rationem redacta in annum proxime sequentem referenda sunt : simulque etiam ostendunt Jacobi I. parricidium patratum fuisse inter 10 Feb. & 3 Martii, anni 1435. Ne cui autem vel minimus adhuc scrupulus hæreat, duo sunt (apud Rymerum Fœd. Angl. Tom. 10. pag. 679 & 689.) Jacobi II. instrumenta, unum quo legatos mittit cum legatis Regis Angliæ de induciis acturos; alterum quo feratur quicquid inter illos convenerit, habiturum pollicetur; utrumque 30 Novemb. 1437, regni sui anno primo scriptum : quorum etiam Abercrombicus meminit, pag. 320. et sic perperam Jacobo I. adscribat. Quamvis autem hæc per se adeo clara & perspicua existant, ut nullus dubitandi locus superest; ne quid tamen dis-

simulæ, duo sunt quæ obstare videntur. Et primum quidem in Rymeri Fœd. Angl. Tom. 10. occurrit induciarum septennalium inter Scotorum & Anglorum Reges conventio, cui in calce pag. 695. hæc verba subjiciuntur; *Hinc parti indentura apud Christianissimum Principem Henricum Dei gratia Regem Angliæ, &c. memoratum remansura sigilla nostra apposuimus Londonia ultimo die Martii, anno Domini millesimo, quadringentesimo, tricesimo octavo, & anno regni dicti illustrissimi Principis Jacobi Regis Scotorum primo.* Alterum est primi conventus, seu *Parliamenti* Jacobi II. titulus, in quo iste conventus cœptus haberi dicitur 20 Martii anni 1337, regni primo, quo etiam die Rex coronatus perhibetur. Hæc cum supra memoratis aliisque innumeris Jacobi II. instrumentis, quod ad temporum rationes attinet, plane repugnent; nulla alia nosmet expediendi relinquatur via, quam ut dicamus utrobique in numeris, sive scriptoris, sive typographi culpa, erratum admissum, & priore quidem loco, pro anno Jacobi primo, [*secundo,*] posteriore vero pro 20 Martii, 25 scriptum oportuisse. Alteram emendationem confirmant alia hujus Regis instrumenta; alteram vero persuadent Extract. e Chronicis Scotiæ, quæ Jacobum II. coronatum referunt 25 die Martii anni 1437. Neque hoc unicum Actis nostris Parliamentariis, quæ vocant, mendum irrepsit : alia nonnulla notata reperio in codice MS. in Bibl. Juridica Edinb. cui titulus est *Miscellanea Collectiones ex Actis Parliamentariis, Actis secreti Concilii, &c.* Unum certe, idque satis splendidum ipse deprehendi, quod & omnes Editiones pervasit; quo in Epigraphe Actorum Jacobi III. annus 1466 regni ipsius annus primus dicitur, qui annus sextus dici debuerat, cum consentiente omnium Annalium testimonio ejus pater Jacobus II. anno 1460, sit extinctus. Hæc igitur cum ita se habeant, non tanti apud Cl. Abercrombium unius aut alterius exempli debebat esse auctoritas, ut

CICCD lesimi quadringentesimi trigesimali septimi, ad vicesimum diem Februarii, cum XXXVII. regnasset annos tredecim. Vixit annos quadraginta quatuor. In ejus morte ut ciscenda tanta adhibita est diligentia, ut omnes conspirati intra quadragesimum diem poenas luerint. Reliquit filium unum, posteriorem e geminis, cui faciei dimidium velut sanguine suffusum rubebat.

ea universis aliis hujus Regis Actis praeponderet. Extractorum certe, (quibus non immerito plurimum tribuit vir celeberrimus,) & libri Perthesis auctores adversus illum faciunt; apud quos incultum hocce occurrit Jacobi primi Epitaphium:

*Hec Rex sublimis Jacobus quoque nomine primus,*

*Anno milleno, quater C, ter quoque deno  
Et sexto, Christo de carcere permeat isto.  
Vixit Rex annis X quater bis quoque binis,  
Infra Carthusiam jacet hic tumulatus in imis.*

I Annos tredecim] More suo facit Buchananus, qui Jacobum primum tredecim tantum annos regnasse affirmat, ab ejus scil. in patriam reditu vel coronatione potius regnum computans. Sed neque ita fa-

tis accurate subductæ sunt illi rationes: cum enim (ut supra ad Lib. X. 26. & 27. ostendimus) Jacobus ad suos redierit primo Aprilis anno 1424, vigesimoque proximo mensis Maji regni insignia suscepit, facta autem acerbo 20 Feb. 1437, sublatus fuerit; hoc certe pacto 12 duntaxat annos & novem menses regnasse erat dicendus. At qui (quod sæpius alibi monuimus) nunquam ea fuit Regibus nostris computandi consuetudo: ii enim, præsertim vero Jacobus I. ut ex universis ejus Actis tam publicis quam privatis elucet, regnum suum statim a morte parentum perpetuo auspicantur. Proinde obiit Jacobus I. postquam annos 31 mensesque decem cum dimidia regnasset. Vid. supra ad Lib. X. 15.

## LIBER UNDECIMUS.

### CIII. REX.

I. SECUNDUM parricidarum supplicium, JACOBUS unicus Regis extincti filius, vix dum septimum ingressus annum, ad sextum Calendas Aprilis, in cœnobio Sanctæ Crucis ad Edinburgum regnum initit. Rege nondum rebus administrandis idoneo, magna certatum est ambitione inter procures de Prorege eligendo. Omnes ea ætate Scotos di-

I Vix dum septimum ingressus annum] Mira est scriptorum nostrorum in re Chronologica vel Arithmetica negligentia: Boëthius enim lib. 18. Jacobum II. tum cum regnum iniret sextum ætatis annum nondum excessisse, Buchananus eodem sensu septimum vix dum ingressum scripsere. Utrumque nec opinus sequitur Drummondus. Quod si illi ad ea, quæ paullo superius de ipsius natalibus tradiderant, oculos vel leviter reflexissent, non poterant non deprehen-

disse Jacobum II. patri successisse annos natum sex, mensesque fere quatuor, id enim temporis a 16 Oct. [Buch. 14.] 1430, quo filium natum, ad 20 Feb. 1437, quo patrem extinctum, omnes consentiunt, effluxit. Rectius igitur Extractorum auctor qui eum coronatum ait anno ætatis septimo.

2 Ad sextum Calendas Aprilis] i. e. 27 Martii. Acta autem Parliamentaria 20 die coronatum tradunt. Ego tamen ob gravif-



divitiis & potentia longe anteibat Arcibaldus Duglassiæ Comes; auctoritate vero & opinione prudentiæ multis officiis sub Rege superiore collecta, præstabant Alexander Levistonius & Gulielmus Crichtonius, Equestri uterque familia. Ad hos autem magis procerum consensus inclinavit; quod Duglassii suspectam haberent (etiam Regibus gravem) potentiam. Igitur Alexander Levistonius rerum administrationi præficitur: Gulielmus Cancellarius est creatus, quem sub Rege superiore magistratum gesserat.

II. Ab eo conventu Nobilitate vix digressa, factionibus est laboratum. Cum enim Cancellarius cum Rege in arce Edimburgensi, Prorex cum Regina se Sterlini contineret, Duglassius præteritum se proximis comitiis indignatus, & incertus utram factionem magis odisset, omnia misceri non moleste ferebat. Itaque, eo magis non impediendo, quam consentiente, Annandiani, homines latrociniis & furtis assueti, palam velut ex hostico agere, rapere, omnes regiones vicinas infestas habere coeperunt. Iis de rebus, cum ad eos, qui summæ rei præerant, querelæ fuissent delatæ, ipsique per literas Duglassium (cujus in potestate erant Annandiani) sui officii admonuissent, deinde acrius cum eo expostulassent; ille tantum abfuit ut præterita puniret, ut impunitate gliscens malum aleret; atque ediceret, „Ne quis suorum Regis ministris, in jus vocantibus, aut „quidvis pro magistratu agentibus, obtemperaret: se enim id privilegium (jus „Regale vulgo appellant) a Regibus habere superioribus. Id qui imminuere „tentasset, capite pœnas daturum. Hunc rerum statum cum Prorex & Cancellarius magis deplorare, quam mutare possent, ea pestis ad proxima quæque proserpens, quicquid Scotiæ intra Fortham est velut tabes brevi pervasit. Reliquæ duæ factiones, etiam inter se discordes, per præcones in omnibus oppidis ac prope vicis edicunt; Alexander, ne quis Cancellario, Cancellarius, ne quis Alexandro obtemperet. Si quis ad suas calamitates deplorandas ad alterum venisset, a diversæ factionis hominibus in reditu male accipiebatur; interdum villis incendio corruptis omnibus exuebatur fortunis. Ita mutuis claudibus diversarum partium homines, odio plusquam hostili, sese conficiebant. Viri autem boni, qui ad nullam se factionem adjunxerant, rerum suarum incerti, publica salute deplorata, mœsti atque taciti se domi continebant. Ita,

in-  
vissimas supra ad Cap. ult. Lib. præced. allatas rationes, Extractis porius accedo, quæ ejus coronationem in 25 Martii, tum anni primum, conjiciunt: quo etiam die coronatus est ejus proavus Robertus II.

1. *Quod Duglassii suspectam* Abercrombii tamen pag. 319. duo se apud Dominum de Gray vidisse ait publica instrumenta, unum 28 Novemb. alterum 8 Decemb. anno 1438 scripta, quibus *Concilium generale* trium regni Ordinum Edimburgi habitum narratur die Jovis 27 Novemb. ejusdem anni, ab excellentissimo Principe Archibaldo Duce Tironensi,

Comite Duglassiæ & Longoville, Gallovidiæ & Annandæ Regulo, Scotiæque Regis Locum-tenente generali; unde non immerito colligit vir accuratissimus, hisce tribus, Archibaldo Comiti Duglassiæ, & Alexandro Levistonio & Gulielmo Crichtonio Equitibus, reipublicæ administrandæ summam a tribus Ordinibus fuisse demandatam, ita ut Duglassius regni, Levistonius Regis custodiam haberet, Crichtonius Cancellarii munus gereret, omnes tamen ex Ordinum præscripto rem gesturi, illisque suæ quisque procurationis rationem reddituri.



interea dum ad se quisque vires contrahit, publica utilitas ab omnibus in medio relicta destituitur.

III. Regina, quæ cum Prorege se Sterlini continebat, ne nullam suis partibus accessione facere videretur, virilis animi facinus aggreditur. Edinburgum enim, velut ad visendum filium, profecta, in arcem a Cancellario recipitur. Ibi benigne habita, cum, post primos congressus, convertisset sermonem ad præsentem regni statum deplorandum, copioseque disseruisset, quot & quanta publice mala ex hac discordia velut fonte redundarent; „Suum semper per animum eo spectasse, ut dissidiis ex utilitate publica compositis, si non „tranquillum, tamen aliquem regni statum haberent. Nunc, quando nec auctoritate neque consilio in publicum prodesset, privatim quoad posset profuturam: omnemque operam in eo collocaturam, ut filius in spem regni ita „honeste ac pie educaretur, uti malis quotidie gliscentibus remedium aliquando „posset asferre: eam curationem, sibi a natura datam, minime invidiosam cuiquam videri debere: cæteras administrationis publicæ partes usurparent, qui „tanto se oneri existimarent non impares; sed ita usurparent, ut aliquando Regi adulto rationem se reddituros cogitent. Ad hæc cum ita vultum composuisset, ut facile Cancellario sinceri animi fidem faceret, neque in comitatu ejus quicquam esset, unde vis aut fraus timeri deberet, potestatem ei fecit ut filium, quoties vellet, sine arbitris conveniret, & in arce interdum cum eo pernoctaret.

IV. Interea mulier callida, serendo plerumque sermones, de tollenda inter partes discordia, quosdam etiam diversarum partium in colloquium evocando, eo familiaritatis hominem illexit, ut de rebus prope omnibus consilia cum ea conferret. Cancellario ita delenito, puero facile persuadet, „Ut ex hoc carcere sese libertatis auctorem sequeretur: hominique nefario, qui sceleribus „suis Regium nomen prætenderet, omniaque regni munia in se unum traheret, & „neglecta salute publica, rem privatam augeret, se eriperet. Id ut „faceret, animo tantum non abhorrente a rectis amicorum consiliis ei opus esse: cætera curæ ipsius relinqueret. Hujus generis orationibus facile mater filium, & callida mulier puerum incautum, proposita liberius vivendi spe, ita in suam traxit sententiam, ut in ejus potestate Rex futurum se diceret. Omnibus igitur ad fugam satis paratis, Cancellarium adit: „Se obligatam voto pro „salute filii suscepto, in arce ait pernoctaturam: summo mane ad Album fanum (id loco nomen est) profecturam: interea dum rediret, filii salutem ei „se commendare. Ille nullam subesse verbis fraudem ratus, felicem precatus & protectionem & reditum, eam dimittit. Igitur (uti ante convenerat) in arcula, in qua solita erat mundum muliebrem recondere, ex arce per ministros fidos Rex postmodum exportatus, Letham ad mare defertur. Regina cum paucis, quo res minus esset suspecta, subsequitur. Omnes in paratam ad portum naviculam ingressi, secundo æstu Sterlinum petunt: ac dum Regii ministri expectant in multum diem, donec Rex expergiscatur, antequam fraus detecta esset, jam navis extra periculum evaserat, ventoque adeo secundo usæ est, ut sub vesperum Sterlinum appelleret. Ibi Reges a Prorege, omnique promiscua

miscua multitudo populariter effusa, summo cum gaudio faustisque acclamationibus excipiuntur: Regina astus omnium sermone celebratur: Cancellarii inveterata prudentiæ opinio infimis etiam ludibrio habetur. Hæc res biduum (ut solet) vulgi immoderata lætitia jactata est, atque in omnium ore versata.

V. Tertio die, qui Alexandri factioni se dediderant, plerique etiam spes novas, nonnulli Regii nominis auctoritatem secuti, convenere: quibus rei uti gesta erat ordine exposito, Reginae animus in re suscipienda, in gerenda consilium, in eventu felicitas, immodicis laudibus in cælum fertur: Cancellarii avaritia & crudelitas in omnes, in Reginam & Proregem ingratitude graviter incusatur: „Eum omnium discordiarum, & proinde omnium, quæ ex discordia civili oriuntur, malorum unum auctorem esse. Eum vectigalia publica in privatam domum avertisse; privatorum bona, quæ poterat, diripuisse, quæ non potuerit diripere, corrupisse. Apud unum opes, honores, divitias esse; apud cæteros ignominiam, solitudinem, egestatem. Hæc quanquam acerba sint, graviora omnibus expectanda fuisse, nisi, divino plane consilio, non minus fortiter quam feliciter Regem e carcere, cæteros a Cancellarii tyranni-

1 Populariter effusa] Cl. Joan. Clericus, vir alioqui de Buchanano optime meritis, vicio tamen ei vertit, Bibl. select. Tom. 8. pag. 175. quod vocem [populariter,] & sæpius quidem, in sensum ab eo, quo veteres ea sunt usi, paullo diversum detorsit, atque pro eo usurparit quod Græci *πανδημι* efferunt. Idem tamen Cl. vir non dubitat quin illius vocabuli eo significato accepti exemplum in pravis forte ejus seculi editionibus alicubi Buchananus offenderit. Ego certe, ut neque viro eruditissimo reluctari, ita neque ejus sententiam prorsus confirmare auisim. [Populariter] quidem pro [more populi] seu [ut vulgo fit] sæpius apud optimos auctores usurpatum reperio, veluti Cic. 1. de Leg. Populariter interdum loqui necesse erit. Idem 5. de Fin. Duo genera librorum sunt, unum populariter scriptum, alterum limatius: quo significato vocem Buchananus interdum adhibuit; at sæpius quidem, fateor, pro plerique omnes, passim, vulgo, fere universis, cateruatim, generatim, &c. usurpavit, ut Lib. IX. 19. XI. 25. XIV. 39. XVI. 23. 51. XVIII. 46. Et hoc forte sensu accipiendus Cicero videtur, Somn. Scip. cap. 7. Homines enim populariter annum tantummodo Solis, i. e. unius astri reditu, metiuntur. Et Juv. Sat. III. 37.

Tom. I.

Et verso pollice vulgi  
Quemlibet occidunt populariter, ———  
Vel, ut aliis legitur,

Et verso pollice vulgi,  
Quam libet, occidunt populariter ———  
Ad quæ verba sic vetus Scholiastes; Ab his populus occiditur, quos ante populus jubebat, id est, imperabat occidi: & Jo. Britannicus, Populariter, inquit, i. e. vulgo, passim, vel populo favente, quasi dicat omnibus applaudentibus. Non ignoro alios aliter interpretari; ideoque nihil hac in re confidentius pronunciatum volo.

2 Regina astus] Affirmat vulgus Grammaticorum hoc vocabulum in sexto solum casu reperiri: sed Buchananum satis superque tuentur Sil. Ital. lib. 16.

Non ars, aut astus belli, vel dextera destrat.  
Val. Flacc. V. 541.

Contra inscius astus.  
Tac. Annal. 2. cap. 20. Astusque hostium in perniciem ipsis vertebat. Cic. 3. Offic. Quorsum hæc? ut intelligas non placuisse majoribus nostris astus.

3 Ingratitudo] Nihil fere hac voce nunc usitatus, eam tamen veteribus fuisse ignotam ostendunt Vossius de vit. serm. lib. 1. cap. 16. Vorstius de Latinit. merito suspecta, cap. 7. Cellar. cur. poster. cap. 8. Jo. Ker select. de ling. Lat. Obs. lib. 2.

A 22

I 46

„nide Regina liberavisset. Ab eo, qui Regem in custodia tenuisset, quid  
 „privatis foret timendum, nemini esse obscurum. Quæ spes reconciliandi ad-  
 „versariis cum eo relicta foret, qui amicos tam perfide circumveniret? Quod  
 „subsidium ab eo tenuioribus esset sperandum, cujus inexplebili avaritiæ o-  
 „mnium bona non sufficerent? Itaque, cum ope divina primum, deinde Re-  
 „ginæ solertia, ab ejus impotentia sint in libertatem vindicati, prospiciendum  
 „omni ratione, ut hæc lætitia eis sit perpetua. Unam ad id viam restare, si  
 „ab illa tyrannidis arce hominem extrahant: & aut opprimant, aut ita exar-  
 „ment, ut ne quid ab eo in posterum sit metuendum: quanquam id ipsum  
 „parum tutum esse: imbutam enim cadibus & rapinis belluam nunquam con-  
 „quieturam, dum spiritus & vires ei suppetere.

VI. Hæc in Concilio cum Alexander magno cum audientium assensu disse-  
 ruisset, fit decretum, ut domum reversi, quantum quisque militum possint,  
 adducant: arcem enim Edimburgensem obsidendam, nec ante rem confectam  
 inde discedendum. Id quo facilius fieret, Regina magnum frumenti numerum,  
 e suis horreis, quæ in Fife erant, eo se advecturam pollicetur: „Celerita-  
 „te opus esse, dum consilia adhuc occulta sunt, necdum ab hoste provisæ fo-  
 „rent, quæ obsidioni tolerandæ essent commoda: nec ab Duglassio interim  
 „quicquam timendum: quem in Cancellarium odio implacabili esse scirent:  
 „penes se virium & pecuniæ satis, penes se Regii nominis auctoritatem esse,  
 „qua semel hosti adempta, nullam spem amplius nisi in ipsorum clementia su-  
 „peresse. Ita conventu soluto, brevi rebus omnibus ad expeditionem compa-  
 ratis, arx obsidione arctissima clauditur.

VII. Interea Cancellarius, qui hostium conatus exploratos habebat, sum-  
 mam spem salutis & dignitatis tuendæ in eo ponebat, si Duglassium secum  
 conjungeret. Missi igitur, qui suppliciter & demisse cum eo agerent, Cancel-  
 lariumque in fidem ejus traderent, si in præsentia auxilium ferret: „Falli enim  
 „Duglassium, si Cancellario extincto, per quem ad ipsius exitium gradum  
 „faciant, ibi existimaret libidinem eorum & crudelitatem staturam. Ad ea  
 Duglassius magis libere, quam utiliter respondit; „Alexandrum & Gulielmum  
 „pari esse perfidia & avaritia: non de virtute & bono publico, sed de priva-  
 „tis aut commodis aut simultatibus certamen inter eos esse, quo in certami-  
 „ne uter alterum vinceret, nihil interesse. Si uterque occidisset, magno id  
 „totius regni emolumento futurum: nec ullum viro bono lætius posse dari spe-  
 „ctaculum, quam si tale par gladiatorum commissum cerneret.

VIII. Id responsum, cum jam obsessa arce apud utrosque divulgatum esset,  
 effecit, ut omnium spe celerius de pace conveniret. Inducis in biduum datis,  
 Alexander & Gulielmus inter se collocuti, intellexerunt, quanta non solum  
 publica, sed privata utriusque perniciem dimicaturi essent, si in odio pertinaci-  
 ter perstarent: Duglassium enim, velut in specula, intentum in ejus certa-  
 minis

1. Ad ea Duglassius) Abercrombious, nec  
 temere quidem, existimat, Archibaldum  
 Duglassii Comitem tum mortuum fuisse,

ac proinde non ab eo, sed ab ipsius filio  
 Gulielmo hoc responsum fuisse datum. Vid.  
 notam seq.

1. Al-

minis eventum stare, ut integer victorem adoriretur: & omnes regni vires aut altero sublato, aut utroque fracto & debilitato, in se unum traheret: nullam alterutri spem salutis, nisi in communi concordia fore. Itaque homines, alioqui prudentes, præsens periculum facile conciliavit. Gulielmus, clavibus, uti convenerat, Regi oblati, „Se arcemque in ejus potestate esse profitetur: „neque alium unquam suum animum fuisse, quam ut Regiæ voluntati obsequeretur: magnoque omnium qui aderant assensu in gratiam receptus est. Rex ea nocte in arce sibi dedita coenavit: postridie arcis præfectura Gulielmo, regni administratio Alexandro permixta est. Ita post odium exitiabile, inter eos in posterum (ut sperabatur) mutui emolumenti spes, & ab hoste communi timor, arctissimam amicitiam confirmarat. Per hos civiles motus factionum, præter latrocinia, & ignobilium hominum cædes, quæ passim fiebant impune, residua quædam inter illustres familias odia recruduerunt. Altero post Regis mortem anno, xi. Cal. Octob. Thomas Bodius a Cella Marnoci Alanum Stuartum Dernilæum, obvium sibi inter Limnuchum & Varium facellum, per insidias interemit. Proximo post anno, ad vii. Id. Jul. Alexander Alani frater, multis utrinque cæsis, justo prope prælio Thomam victum occidit.

IX. Opportune in hæc tempora incidere visa est mors Arcibaldi Duglassii, cujus vivi potentia omnibus formidolosa fuerat. Decessit febre, altero ab Jacobi primi morte anno. Ei successit Gulielmus filius, sextus in hac familia Comes: quartumdecimum is agebat annum; adolescens maximæ quidem spei, si tanta indole digna accessisset educatio. Sed ætatem adhuc teneram, præmatura libertate insolescentem, perpetua magnarum domuum pestis adulatio corripit. Homines enim otio assueti, & quibus opulentiorum stultitia quæstui est, paternam laudando magnificentiam, divitias opesque supra Regias, eo impulerunt simplex & incautum adversus hæc mala ingenium, ut ingentem aleret familiam, magno semper comitatu, etiam supra privati sortem, prodiret in publicum: veteres clientelas officiis retineret, novas largitionibus ascisceret: Equites crearet & Senatores; Ordinesque distingueret, per quos regni publicos conventus imitaretur: nihilque prorsus omitteret, quo Principis majestatem æquare posset. Hæc cum essent per se invidiosa, illud quoque bonorum indignationem non mediocriter augebat, quod cum plerumque duobus millibus equitum stiparetur, in iis homines facinorosos, latrocinii infames, & plerosque capitalia aulos, in aulam & Regis conspectum adduceret: ut non solum potentiam ostentare, sed omnibus bonis per hæc timorem incutere velle

vi

1 Altero ab Jacobi primi morte anno] i. e. anno 1439, quod & disertim Boethius affirmat. Humius tamen eumque secutus Geo. Crafordius, eum fato cessisse tradunt 26 Junii 1438, cujus rei documentum adferunt hæc verba ejus sepulchro inscripta: *Hic jacet Dominus Archibaldus Douglas Dux Thronia, Comes de Douglas & Longoville, Dominus Gallovidie & An-*

*nandia, Locum-tenens Regis Scotia: Obiit 26 Junii Anno Dom. millesimo, quadringentesimo octavo.* Quod tamen nullo pacto consistere potest cum duobus instrumentis (supra ad Lib. XII. 1. memoratis) quæ sibi conspecta narrat Abercrombious, altero 28 Novemb. altero 8 Decemb. 1438, scriptis. Quorum nullum cum ipse viderim, rem totam in ambiguo relinquo.

A 2 2



videretur. Hæc ejus insolentia etiam ex eo aucta est, quod missis in Galliam legatis, hominibus claris, Milcolumbo Flaminio & Joanne Laudero, commemoratis in Reges Galliarum majorum meritis, facile obtinuit, ut Turomum Dux appellaretur: quem honorem avus ejus a Carolo septimo ob res in bello præclare gestas acceperat, paterque ad eum diem tenuerat. Hac virium accessione elatus, Proregem & Cancellarium, paternos (ut ipse dictitabat) inimicos contemnebat: neque Regem magnopere metuebat.

X. Duglassiorum igitur opes cum ob hæc jampridem nimis viderentur, accessit & nova suspitionis causa. In Lorna Gulielmus Stuartus amplum habebat patrimonium: ejus frater Jacobus, cum, defuncto Rege, auctus esset nuptiis Reginae, ac liberos jam ex ea suscepisset, indignabatur se ad nullam munerum publicorum partem admitti. Is, quo facilius quod concupierat adipisci, & conceptum dolorem ulcisci posset, visus est a Duglassii factione non alienus: nec Regina ejus consilii ignara credebatur, indignata maxime, quod sua merita non perinde ac ipsa sperabat Prorex expenderet. Has ob suspiciones Regina cum marito & mariti fratre, ad quartum Non. Aug. anno, in custodiam sunt traditi: ipsa quidem in cubiculo, alioqui angusto, arte & diligenter asservata: reliqui compedibus vineti, in carcerem conjecti: nec prius dimissi, quam in conventu procerum, prid. Cal. Sept. Regina se a novorum consiliorum conscientia purgasset; Jacobus cum fratre prædibus cavissent, se neque adversus Proregem quicquam attentaturos, neque ullam publici muneris partem eo invito aggressuros. In hac rerum inconstantia, Æbudani, exscensione in continentem facta, longe late ferro flammaque vastantes, absque sexus & ætatis discrimine, nullum crudelitatis aut avaritiæ exemplum sibi reliquum fecerunt: neque contenti in maritima grassari, in Levinia etiam, e Marini insula, quæ est in lacu Lominio, Joannem Colchonium hominem nobilem, fide data ad colloquium evocatum, interemerunt, xxiii. die Sept. Hujus generis cum foeda passim ederentur facinora, partim agrorum incultu, partim cæli intemperie, secuta est ingens annonæ caritas: pestilentia etiam laboratum prope per biennium, tanta morbi sævitia, ut correpti intra unius diei spatium exanimarentur. Causas horum malorum vulgus in Alexandrum Proregem conferebat: is enim, rebus ex sententia procedentibus, Cancellario illiusque factionis optimatibus contemptis, omnem rerum administrationem in se unum trahebat. Eum enim querebantur, homines nobilitate insignes & opibus, ob levissimas novarum rerum suspiciones, vinclis coercere, gravissimoque afficere supplicio, reos ex sua unius sententia impunitate donare, cum Duglassio clam communicare consilia.

XI. Hæc Cancellarius cum neque tacitus ferre, neque vi prohibere posset, statuit, suppressa ad tempus ira, ab aula secedere. Igitur, ubi primum visa est occasio, Rege ac Prorege Sterlini relictis, cum ingenti clientium manu Edimburgum venit, ibique in arce munitissima, in omnia mutandarum rerum momenta intentus, consedit. Ea res audita, & Proregi ob potentiam creavit invidiam, & Cancellario ex solitudine favorem. Neque huic animorum motui Gulielmus defuit: audaci enim facinore, & adversarii insolentiam compe-  
re,

re, & sui contemptum demere decrevit. Igitur, cum per exploratores comperisset, Regem, dum quotidie venatum proficiscitur, negligentius custodiri, observata Alexandri absentia, regionumque commoditate, & temporibus stipatorumque numero satis explorato, locum non longe a Sterlino designavit, in quem fidissimi amicorum cum quantis possent copiis convenirent, ipsumque præstolarentur: ipse ante lucem cum equitatu modico, in silvis arci propinquis, Regis adventum opperitur. Nec fortuna tam audax inceptum fefellit. Rex enim summo mane cum exiguo eoque inermi comitatu silvam ingressus, in Cancellarii turmam incidit armatam. Hi cum de more salutassent Regem, ac bono animo esse jubentes confirmassent, Cancellarius pro tempore eum paucis hortatur, „ Ut sibi ac regno suo prospiciat, seseque ex Alexandri carcere eripiat, ac Regio more in posterum & libere vivat: nec aliorum libidini & avaritiæ parere assuescat, sed aliis ipse quæ justa & æqua sunt imperet, civisque universos præsentibus malis levet, quæ rectorum ambitione & cupiditate adeo invaluerunt, ut nullis omnino, nisi Princeps ipse capeisset imperium, sibi remediis possint. Id ut citra periculum, ac laborem etiam conficiatur, se providisse. Magnam enim in propinquo manum esse equitum, qui eum, quocunque aut vellet aut opus esset, comitarentur. Hæc cum vultu Rex, sive quod ita sentiret, sive ut timorem dissimularet, approbare videretur, freno arrepto Cancellarius eum ducere pergit ad suos. Qui cum Rege erant, & pauci & inermes adversus plures & armatos, ad vim impares retro mœsti abeunt. Rex quatuor stipatus armatorum millibus, ingenti lætitia vulgi Edimburgi excipitur.

XII. Prorex, hæc uti acta erant ubi comperit, animo ira & pudore confuso, Sterlinum reversus, quid optimum factu sit expendit. Angebat ingentis animi virum, se sua negligentia ita pueriliter fuisse delusum: interim suorum fraude factum credere: diu incertus, cui fideret, quem timeret, pudore, suspicione & ira inter se certantibus. Tandem animo paullum sedato, cogitare secum occœpit, quod præsentibus malis inveniret remedium: suas enim vires, adversus Cancellarium, hominem juxta consilio bonum ac manu strenuum, populi præterea favore & Regia auctoritate subnixum, parum firmas existimabat. Reginam in custodia duriter habitam ita offenderat, ut ejus placandæ vix ulla spes, in placata præsidii parum esset. „ Duglassio virium satis, consilii parum, ætatem teneram, infirmum animum, assentationibus etiam corruptum, alieno circumagi arbitrio: & , ut in hujusmodi fortuna esse solet, pessimum quemque plurimum apud eum posse; in ea etiam hominum colluvione non esse suæ dignitatis versari. Cancellarium, etsi alieno esset erga se animo, hominem tamen esse prudentem: ejus & ætati & ingenio tutius esse credi: neque tantas cum eo causas offensionum esse, ut non veteribus officiis superentur: maximam autem ad reconciliationem habere vim periculorum similitudinem, & animorum in publica salute tuenda consensionem: ejus præterea inimicitiam sibi potissimum esse formidandam, a quo, si ad alias factiones se adjungat, ipse in ordinem cogi, vel in exilium protrudi posset.

XIII. Hæc per aliquot dies, cum intimis amicorum, & viris bonis & pu-

blicæ salutis amantibus, cum agitata essent, Alexander de consilio eorum cum familiari comitatu Edimburgum proficiscitur. Forte tum aderant Abredoniæ & Moraviæ Episcopi, homines, ut illa ferebant tempora, doctrina & virtutè præditi. His interpretibus Prorex & Cancellarius usi, in ædem Ægidio sacrum cum paucis amicorum convenere. Prior Prorex verba facit. „Nihil, „inquit, in præsentia necesse arbitror, ut aut longiore oratione, quæ omnibus plus satis nota sunt, deplem; aut mala commemorem, quæ ex intestina discordia, bonave, quæ ex concordia redundant: utinam ea potius exterminis exemplis, quam domesticis experimentis nobis cognita essent. Ad ea „veniam, quæ ad salutem omnium civium pertinent, sed nos tamen proxime „omnium attingunt. Hæc animorum inter nos dissensio, quanquam neque ab „avaritiâ, nec dominandi libidine sit profecta; sed quod in summa rerum administranda, quas uterque nostrum salvas esse vult, aliter ego atque tu sentiam: magnopere tamen providendum, ne illa nostra discordia publice regno, „privatim nobis afferat perniciem. Omnium enim in nos oculi coniecti sunt: „scelerati omnium rerum licentiam, ambitiosi honores, opes, & crescendi „copiam, in nostrum duorum interitu sibi proponunt: invidentium tanta multitudo est, quantam homines novos in summo gradu collocatos habere necesse est. Hi omnes, uti successibus nostris dolent, & res prosperas calumniantur, ita adversas libenter accipiunt, & exitium nostrum sperant & optant: „quo magis operæ pretium est, ut & nostræ incolumitati, quæ cum publica „conjuncta est, consulamus, & inimicos cum summa nostra gloria ulciscamur. Una ad id ratio est, si privatas obliviscamur injurias: omnia nostra consilia & cogitationes conferamus ad publicam utilitatem: meminerimus Regis „incolumitatem nostræ fidei commissam, regni salutem ita nobis creditam, ut „rationibus obnoxii simus. Igitur, veluti antea pravo studio certavimus, uter „nostrum honoribus & auctoritate auctior esset, ita in posterum contendamus, „uter moderatione & justitia alterum antecedit: ita demum efficiemus, ut „plebs, quæ nunc adversa est, & nobis calamitates imputat suas, nos amet & „revereatur; Nobilitas, quæ nostris discordiis freta in effrenem prorupit licentiam, ad modestiam revocetur; potentiores, qui dissidentium contemnunt „infirmiorem, metu consentientium ad sanitatem revertantur. Quod ad me „attinet, Regis tenellam ætatem, quam pater vivens tibi regendam tradidit, „libenter permitto: eam enim functionem quoties mecum diligentius expendo, „non me honore spoliatum, sed onere levatum existimo: privatim si quam „abs te accepi injuriam, eam publicæ salutis causâ libenter condono: si quam „feci, bonorum virorum arbitratu satisfaciam: neque committam posthac, ut „mea vel damna vel emolumenta publicam utilitatem remorentur: idem si tibi „videbitur, securius in præsentia uterque agemus, & memoriam nostri jucundio-

1 *Inimicos — ulciscamur*] *Ulciscor* contrario fere modo accipitur, vel pro *punio*, ut hoc in loco, vel (ut alibi) pro *vindico*. Sic Terent. *Ego te pro istis delictis &*

*factis, scelus, ulciscor, i. e. puniam*. Virg. *Cadentem ulcisci patriam, i. e. vindicare, sive pœnam de ea expetere qua excidii Trojani causa fuerat.*

1 *Quem*

„diorem posteritati relinquemus. Sin aliter sentis, omnes homines & præsen-  
„tes & futuros testes facio, per me non itetisse, quo minus, quibus nunc la-  
„boramus, mala vel sanentur, vel aliqua saltem ex parte leventur.

XIV. Ad ea respondit Cancellarius. „Ego, ut invitus ad hoc certamen  
„descendi, ita honestæ concordiae mentionem non invitus audio: & quemad-  
„modum arma non nisi injuria laceffitius indui, ita, modestia provocatus, non  
„committam, ut mea pertinacia commodis publicis obstare videatur. Video  
„enim, hac nostra discordia, optimum quemque pravorum injuriis expositum,  
„seditiosorum animos in spem novarum rerum erectos, patriam in medio præ-  
„dæ relictam, Regiam dignitatem imminui, salutem prodi, auctoritatem in-  
„fimo cuique esse ludibrio. Neque, dum communem prodimus, privatæ no-  
„stræ res meliore in loco sunt. Interim enim & nos hominibus turbandarum  
„rerum cupidis quæstui sumus, & inimicis jucundissimum præbemus specta-  
„culum (utrumque enim oderunt ex æquo;) & quantumcunque alterutri dece-  
„dat, tantam ad suas opes accessionem fieri arbitrantur. Itaque non repetam  
„altius simultatum causas, ne retractando antiqua recrudescant vulnera: illud  
„breviter profitebor, mea me omnia privata incommoda & injurias patriæ re-  
„mittere: civium incolumitate nihil unquam aut fuit aut erit mihi antiquius.  
Hæc qui aderant laudantibus, ac de utriusque consensu delectis ad componen-  
das controversias arbitris, magna cum omnium lætitia, veterum discordia-  
rum accisis radicibus, & novis amicitiae jactis fundamentis, rursus communi  
consilio regni procurationem suscipiunt.

XV. Secundum hanc concordiam, conventus omnium Ordinum indictus est  
Edimburgum. Eo non pauci (ut alias fieri solet) sed totæ prope suis sedibus  
excitæ regiones, conquestum de injuriis confluebant. Ejus turbæ tam misera-  
bilis erat facies, ut non sine ingenti motu animorum conspiceretur, cum  
pro se quisque, patres liberis, liberi parentibus, viduæ maritis, omnes o-  
mnibus fortunis a latronibus se spoliatos quererentur. Deinde, ut fit, ex com-  
miseratione invidia adversus latronum duces orta, quorum essent tam nefaria  
scelera, ut tolerari nequirent; tam late fusa factio, ut nemo prorsus vitam  
fortunaque tueri posset, qui non eorum factioni se addiceret; tantæ  
opes, ut in magistratuum auctoritate parum præsidii infirmioribus ad-  
versus vim esset. Prudentioribus, cum vi insuperabilem esse eorum po-  
tentiam appareret, visum est arte paullatim carpendam. Comitem Du-  
glassiæ etsi caput esse mali omnes intelligebant, nominare tamen palam  
nemo eum audebat. Igitur Prorex, odio in tempus dissimulato, persuadet uni-  
verso conventui, „Duglassium cum esse virum, quem placari, quam suspicio-  
„nibus irritari, magis e re esset: quippe cui tantæ opes essent, ut is unus, si  
„in sententia perstaret, decreta Ordinum impedire, sin optimatibus se con-  
„jungat, malis præsentibus mederi queat. Fit decretum, ut communi nomi-  
„ne

1 *Quem placari, quam suspicionibus irri-  
tari magis e re esset*] Libris omnibus le-  
gitur, *Quem placare quam suspicionibus ir-*

*ritari*. Verum, aut *irritare*, quod Cra-  
fordius voluit, aut *placari*, uti nos repo-  
suimus, erat dicendum.

1 *Aver-*



„ne literæ ad eum honorificæ mittantur, quæ admoneant; „Ut memor loci  
 „quem teneret, memor majorum, quorum plurima & maxime illustria in rem  
 „Scoticam exstarent beneficia, ad conventum publicum, qui commode absque  
 „eo amicisque ejus haberi non posset, veniret. Si qua de re queri vellet, sese  
 „ei quoad liceret satisfacturos: si quid secus ab eo amicisque ejus commissum  
 „sit, nobilissimæ optimeque de patria semper meritæ gentis memores, multa  
 „temporibus, multa ætati, multa ipsi summæque de eo conceptæ spei remissu-  
 „ros. Veniret itaque, & quam vellet publicæ administrationis partem capeffe-  
 „ret, remque Scoticam, sæpe antea e summis periculis Duglassiorum armis  
 „ereptam, nunc intestinis malis laborantem, sua præsentia erigeret & confir-  
 „maret.

XVI. His cum adolescens & natura & ætate gloriæ cupidus commoveretur, accesserunt amicorum adhortationes, quos sua quemque spes occæcaverat, ut, <sup>1</sup>aversis a memoria periculorum animis, de privatis modo utilitatibus cogita-  
 rent. Cancellarius, ubi eum rescivit adventare, obviam ad multa millia pas-  
 suum ei est profectus: & in arcem suam viæ propinquam (Crichtonium vocant)  
 amice invitat, & magnifice excipit. Ibi per biduum comiter habito, cum plu-  
 rima ostendisset amici animi indicia, ut adolescentem improvidum facilius cir-  
 cumveniret, omnemque alienatæ mentis aboleret suspensionem, coepit familia-  
 riter suadere, „Ut memor dignitatis Regiæ, ac sui pariter officii, quem <sup>2</sup>na-  
 „scendi fors, & patriæ leges, Ordinumque consensus ad rerum gubernacula ad-  
 „movissent, eum ipse pro domino haberet & agnosceret: patrimonium longe  
 „amplissimum, virtute & sanguine majorum partum, ad posteros, ita uti ac-  
 „cepit, transmitteret: Duglassiæque gentis nomen, non minus fide quam fa-  
 „ctis illustre, non modo a fœda proditiōis macula, sed ab omni suspitionis  
 „nota liberaret: ab injuriis adversus imbellem plebem se suosque contineret:  
 „segregaret a se latrones: in posterum ita justitiæ tuendæ se daret, ut si quid  
 „ante offenderit, non vitio naturæ, sed improborum consilio tribui posset:  
 „in illa etiam ætatis infirmitate pœnitentiam pro innocentia posse accipi.

XVII. His & similibus sermonibus, cum benevoli animi fidem fecisset, ado-  
 lescentem Edimburgum pellexit, una cum Davide fratre, omnium dictorum  
 factorumque conscio. Comitibus ejus in itinere nonnullam suspitionis fraudem  
 injecerant crebræ ab Alexandro Prorege missitationes, & ad singula prope mo-  
 menta intercurfantes nuncii, blandiorque, quam pro more & loco quem tene-  
 bat, Cancellarii oratio. Hæc cum secreto murmure totum prope agmen stre-  
 peret, nonnullique Comitem liberius admonuissent; Ut, si ipse in proposito  
 „perstaret, saltem Davidem fratrem remitteret: neve totam familiam (quod  
 „& pater moriens admonuerat) sub unum fortunæ ictum daret: incauta ætas  
 ami-

<sup>1</sup> *Aversis a memoria periculorum animis*] Princeps editio Edinb. & Lugd. Elz. 1643, male [*adversis*] exhibent. Mosimanniana 1700, [*versis*] rectius MS. Genevensis & Francofurtensis Edit. quas nos sequimur

[*aversis*.]

<sup>2</sup> *Nascendi fors*] Ita omnes libri: melius tamen mea sententia [*fors*] legeretur. Vid. infra ad Lib. XII. 16.

amicis irata, per vocales homines, velut præconio per totum agmen edito, clandestinos susurros compefcuit: amicisque respondit; „Se fatisfcire, magnarum familiarum communem hanc esse pestem, ut semper habeant homines „otii impatientes, quibus lucro sint patronorum pericula & miseriæ: eos, „quia in pace legum vinculis constringantur, seditionum esse auctores, quo „turbatis rebus liberius grassentur: se magis fidere Cancellarii & Proregis spe- „ctatæ prudentiæ, quam seditionum temeritati & vecordiæ credere. Hæc cum dixisset, ut sermonibus hujuscemodi occasionem præcideret, properantius quam pro itinere, cum fratre & paucis amicorum principibus recta in arcem pergit; & velut fato trahente, in insidias inimicorum sese præcipitat. In ipso temporis articulo, Prorex (uti convenerat) affuit; ut communi consensu res ageretur, neve in unum tantæ moles invidiæ incumberet. Duglassius liberaliter & amice acceptus, & mensæ Regiæ adhibitus fuit. Verum procedente convivio, armati inermem circumstant; & taurinum caput (ea illis temporibus tessera cædis erat,) ei apponunt. Eo viso turbatus adolescens, cum exurgere conaretur, ab armatis comprehensus, & in aream arcis propinquam eductus, graves intemperantis adolescentiæ poenas capite luit, una cum Davide fratre, & Milcolumbo Flaminio, cui maxima, secundum fratrem, apud eum erat fides. Eorum cædi Regem, jam adolescentiam ingressum, illacrymasse ferunt, Cancellario graviter increpante ejus intempestivum in morte hostili fletum, quo hoste vivo nulla tranquillitatis publicæ spes fuisset.

XVIII. Gulielmo sine liberis defuncto, successit in jus Comitatus (feudum enim, ut juris periti loquuntur, masculinum erat) Jacobus, Crassus ex re cognominatus: in reliquum patrimonium, quod erat immensum, soror unica Beatrix, forma inter æquales eximia. Fuit hic Jacobus Crassus, etsi vir minime malus, nihilo minus quam superiores invisus vulgo, & Regi suspectus, quod homines latrociniiis assuetos sub Duglassiæ superioribus Comitibus, etsi non aleret, non tamen satis acriter reprimeret: sed mors intra biennium sub-

tra-

1 *Panas capite luit*] Pro solita sua diligentia & acumine, tria hic animadvertit Abercrombius: & primum quidem hanc eadem parricidiam fuisse anno 1440: deinde aliquam in ea servatam fuisse juris formulam: ac tertio denique Alexandrum Levistonium ei non consensisse. Harum rerum documenta adfert, primum Roberti Flaminii de Biggar Milcolumbi Flaminii filii & hæredis instrumentum, 7 Jan. 1440, i. e. 1441, stylo Romano, scriptum, quo adversus hanc de patre suo tollendo sententiam tanquam injustam protestatur. Secundum est Alexandri Levistonii de Caledoniarum instrumentum, post tres annos scriptum, quo solenni juramento interposito se necis Milcolumbi Flaminii neutiquam conscium aut participem fuisse publice

Tom. I.

testatur. Extracta de Chron. Scot. eos capite plexos tradunt 24 Novemb. 1440.

2 *Jam adolescentiam ingressum*] Si (quod modo ex Abercrombio observavimus) hæc cædes facta est anno 1440, nondum eo tempore *adolescentiam* Rex erat ingressus, utpote natus (ipso Buchananò referente, Lib. X. §. anno 1430, ac proinde annum tum agens ætatis summum 11. Teste autem Censorino de die Natali cap. 14. *Adolescentes* veteribus dicebantur ab anno 15 ad 30: Alii *adolescentiam* ab anno 12 ordiuntur.

3 *Intra biennium*] Ex titulo ipsius sepulchro inscripto, memorantibus Humio pag. 159. & Geo. Crafordio de Nobil. Scot. pag. 99. cum liquet decessisse 24 Martii anno 1443, juxta veterem Scoto-

Bbb

rum

traxit eum invidiæ. Huic e septem filiis Gulielmus natu maximus successit. Is avitæ potentæ amulus, ut familiam in pristinum restitueret splendorem, patrui filiam, multarum regionum hæredem, ducere instituit. Id matrimonium plerique ex propinquis, partim ut insolitum, ac proinde non legitimum; partim ob nimias opes vulgo invidiosum, Regibus formidolosum, non comprobabant. Rumor etiam erat, nec is temere sparsus, Regem nihil omisurum, quod ad rem impediendam faceret. Ea fuit Gulielmo causa maturandi connubii, interdicto nuptiis tempore, ut regio videlicet conatus præveniret. Secuta nimias opes insolentia, insolentiam invidia, grassantibus passim latronum gregibus, quorum duces a Duglassii consiliis non alieni credebantur. In iiserat Joannes Gormacus Atholius, qui cum omnia latrocinii infesta circa se reddidisset, Gulielmum Ruvenium, Perthi Vicecomitem, quod latronem Atholium ad supplicium duceret, aggressus, prope iusto cum eo prælio confligit. Tandem, Gormaco duce cum triginta sociis caeso, reliqui fuga se receperunt in montes. Incidit hæc pugna in annum a Christo nato, M.CCCC. XLIII. XLIII. XIX. Non adeo multis post diebus, Britannodunum, arx viribus inexpugnabilis, intra paucos dies bis capta fuit. Præerat arci inferiori Robertus Semplius, superiori Patricius Galbrethus, ita partiti imperium, ut peculiarem quisque aditum in suam partem habentes: nec hi quidem a factionibus liberi; Patricius enim occulte Duglassianis favere credebatur. Hunc Semplius, cum superiorem arcis partem negligentius ab eo custodiri animadvertisset, ex ea expulsum res suas exportare iussit. Postridie Patricius, cum quatuor comitibus inermibus, ad suppellectilem exportandam ingressus, primum janitorem, cum solum nactus, deinde arreptis armis cæteros ex arce superiore dejecit: mox, accitis ex oppido propinquo auxiliis, etiam ex inferiore exclusit, totamque arcem in suam potestatem redegit. Pleraque per id tempus ignobilium hominum cædes factæ, quæ partim a Duglassianis patrabantur, partim ab inimicis ad eos referebantur. Rege igitur jam adulto, & rebus gerendis adhibito, Duglassius invidiæ Nobilitatis, & plebis de se querelis impar, statuit mutatis moribus populo satisfacere, & quibuscunque posset rationibus Regem sibi adversum conciliare. Magno itaque comitatu Sterlinum venit. Regem cum per aulicos, largiendo sibi venales, placatum rescisset, tum demum ipse adiit: ac se suasque fortunas ei permisit: superioris vitæ crimina partim purgat, partim (quoniam id placabilius videbatur) ingenue faretur: „Quamcunque post- hac habiturus esset fortunam, eam se Regis clementiæ, non suæ innocentiae „ de.

rum supputationem, adeoque tres & amplius a proximi Comitismorte annos. *Intra quadriennium* igitur, seu *post tres annos* scriptum oportebat.

<sup>1</sup> *Patrui filiam*] Eam supra in init. Cap. 18. & infra Lib. XI. 40. *Beatricem* appellat, eumque secuti Humius & Pat. Andersonus; verum tamen ei nomen *Margarita* fuisse ostendit Abercrombius ex Actis publ.

Angl. Tom. 10. pag. 310 Vid. infra ad Lib. XI. 40.

<sup>2</sup> *In suam partem habentes*] Rectius, me judice, [*in suam partem haberet.*]

<sup>3</sup> *Sibi adversum*] MS. princeps Editio Edinb. Gen. & Francof. [*aversum;*] melius tamen recentiores quibus [*adversum*] legitur.

„debiturum. Quod si Rex officiis & obsequio sibi satisfieri patiatur, se cura-  
 „turum, ut fide, observantia, & studio erga eum a nemine vincatur: in coër-  
 „cendis & puniendis latronibus, quorum scelera inimici in ipsum conferrent,  
 „nullum neque acriorem neque diligentiorum futurum: se ea familia ortum,  
 „quæ non injuriis in imbecilliores, sed armis protegenda plebe Scotica crevisset.  
 Hac oratione Comitis, aulicorumque secreta commendatione, Rex adeo mutatus  
 est, ut omnium superioris vitæ criminum gratia facta, in familiarium numero  
 eum haberet, secretaque cum eo consilia communicaret. Comes autem obse-  
 quio Regem, liberalitate ministros, comitate & modestia cunctos brevi ita sibi  
 devinxit, ut vulgo mansueti animi spem, prudentioribus metum faceret, quo  
 tam repentina morum evaderet mutatio.

XX. In primis Alexander Levistonius, & Gulielmus Crichtonius, omnia  
 ejus consilia in suam spectare perniciem rati, procuratione publicorum mune-  
 rum deposita, diversi abeunt; Alexander in sua prædia, Gulielmus in arcem  
 Edimburgensem, velut Duglassianæ simulationis eventum speculaturi. Nec fe-  
 fellit homines perspicaces præcepta opinio: nam Duglassius Regem, & ob  
 ætatis infirmitatem adhuc incautum, & seniorum consilio destitutum nactus,  
 tempus adesse ratus ulciscendi mortem patruelium, facile Regi persuadet, ut  
 Gulielmum Crichtonium, & Alexandrum Levistonium, cum duobus ejus fi-  
 liis Alexandro & Jacobo, in jus ad se vocet, ut rationem suæ administrationis  
 redderent. Eo spectabant ejus consilia, ut, si accederent ad aulam, suæ fa-  
 ctionis opibus eos opprimeret: sin venire abnuerent, hostes publicos declara-  
 tos, Regii nominis auctoritate suis opibus prætentis, eos facile omnibus bonis  
 everteret. Citati, per literas responderunt; „Se nihil unquam Regis regnique  
 „salute habuisse antiquius: magistratus ita gessisse, ut nihil optabilius ipsis esse  
 „posset, quam ut rationes redderent apud æquos judices: verum in præsentia,  
 „cum omnium, qui judicaturi forent, animi sint inimicorum gratia & largitio-  
 „nibus præoccupati, omnes aditus armatis obsepti, veniam sibi dandam, non  
 „quod judicium defugerent, sed hostium capitalium violentiæ se subtraherent,  
 „ac melioribus temporibus vitam suam reservarent, dum pulsus a latere Principi-  
 „pis latronum ducibus, quod sæpe dubiis temporibus antea fecissent, suam in-  
 „nocentiam Regi, omnibusque bonis approbarent. Hoc responso accepto,  
 Duglassius, conventu, qui ad Sterlinum in quartum diem Novembris indictus  
 erat, habito, curat ut illi hostes publici denuncientur, bonaque publicentur:  
 Joannem Frostarium Cristorfinianum, suum clientem, ad eorum agros depu-  
 pulandos, bonaque in fiscum redigenda, cum copiis mittit. Is arces, per de-  
 ditionem receptas, partim demolitur, partim novis præfidiis occupat: popu-  
 latione late fusa, cum nemo resisteret, ingentem prædam aufert.

XXI. Vix Duglassiani se receperant, cum Crichtonius, ex amicis & clien-  
 tibus omnium spe celerius confecto exercitu, Frostarii Duglassianorumque agros  
 percurrit ad Cristorfinum Strabrocumque; & Abercornum Blacnessumque  
 ædificia incendit, frumenta corruptit, & quam maximam potuit omnis gene-  
 ris prædam (in ea nobilium equarum gregem) abegit: ac multo majora quam  
 acceperat hosti damna rependit. Duglassius gnarus Crichtonium alienis magis

Bbb 2

quam



quam propriis viribus fretum, in amicos ejus iram vertit, a quibus clam (nam palam pauci audebant) missa senferat auxilia. Præcipui erant Jacobus Kennedus, Fani Andrea Archiepiscopus, Georgius Angusiæ Comes, & Joannes Mortonii, uterque Duglassiæ gentis: sed alter ex amita Regis, eademque Jacobi Kennedi matre, natus, alter sororem Regis habebat in matrimonio. Hi potiore caritate familiæ salutem publicam & officium semper habuerunt. Sed Kennedus & ætate, & consilio, ac proinde auctoritate cæteros anteibat: in eum potissimum ira est versa. Crafordiæ Comes & Alexander Ogilvius, confiato satis magno exercitu, agros ejus in Fisa late populati, dum prædam magis quam causam sequuntur, omni genere cladis in vicina etiam prædia grassati, nemine congredi auso, pleni prædarum in Angusiam revertuntur. Kennedus, ad sua arma conversus, Comitum Crafordiæ, disceptationem juris fugientem, diris Ecclesiasticis est persecutus: quas cum pro solita contumacia ille sprevisset, juris divini & humani neglecti brevi pœnas dedit.

XXII. Eodem enim, quo hæc gesta sunt, anno, Collegium Benedictinorum Aberbrothii (quoniam Monachis de civium causis statuere religio est) juri dicundo præfecerat Alexandrum Lindeium, Comitum Crafordiæ filium natum maximum: ipsi eum magistratum Balivum vocant. Is cum numerosa comitum turba Cœnobio gravis esset, ac pro præfecto juridico dominum se gereret; a Cœnobiarchis magistratu ejectus est, surrogato in ejus locum Alexandro Ogilvio. Lindeius cum hanc (ut ipse rebatur) injuriam iniquo ferret animo, uterque, velut indicto bello, copias undecunque potest cogit. Cum utrinque jam in procinctu starent acies, Comes Crafordiæ, certior factus, quanta potuit celeritate advectus equo, inter duas acies, sola majestate nominis tutum se arbitratus, processit; & dum, inhibito filii impetu, Ogilvium ad colloquium vocat, a milite, quis esset, aut quid peteret, ignaro, hasta in os injecta, moribundus concidit. Hac cæde, velut classico, utraque acies mota est, & post acrem conflictum, multis utrinque vulneribus acceptis, victoria penes Lindeios fuit. Causam ejus hanc maxime fuisse ferunt, quod cum utrinque rectis hastis, speciem silvarum præbentibus, starent, quidam exclamasse dicitur, „Quid stimulos istos, tanquam adversus boves res esset, affertis? quin iis abjectis, cominus gladiis & vera virtute, ut viros decet, nobiscum contendite. Ad hanc vocem, utrinque hastas abjecerunt cæteri, præter centum Glottianos, qui a Duglassio Lindeio auxilio missi erant. Hi cuspides manibus tenentes, hastas a tergo trahebant: quas, cum ad manus ventum esset, præ se denso vallo prætenderunt: & inopinata specie territis qui ex adverso stabant, aciem hostium perruperunt. Desiderati ex victoribus centum; ex adversa acie supra quingentos: & in his multi viri clari. Alexander Ogilvius ab hostibus captus, paucis post diebus vulnerum dolore & animi mœrore confectus interiit. Gordonius Huntillæ Comes, in equum ab amicis sublatus, evasit: multoque major cædes fuisset, nisi nox fugientes texisset: concursus est enim <sup>1</sup>ad nonas Calendas

<sup>1</sup> Fani Andrea Archiepiscopus] *Lege Episcopus*. Vid. supra ad Lib. VIII. 1.

<sup>2</sup> Ad nonas Calendas Februarias] Ita omnes libri exhibent. Ego vero cum Tho. Cra-

das Februarias, paucis horis ante noctem. Victoriæ Lindefiani, domibus direptis & everfis, agrisque depopulatis, crudeliter exercuerunt. Nec segnius in regione diversa bellum inter factiones gerebatur. Duglassius Gulielmum Crichtonium in arce Edimburgensi jam aliquot menses clausum tenebat. Ea ut arctius obsideretur, conventus, qui in Idus Julias indictus erat, ac coëptus haberi Perthi, Edimburgum est translatus. Tandem, post nonum mensem, obsessis & obsidentibus pariter fessis, deditio facta est, in has condiciones, ut Gulielmus, venia omnium, quæ in Regem commisisse dicebatur, accepta, incolumis cum suis abiret. In omni enim certamine, qui potentior est, etiam innocentior studet videri. Nec adeo diu post, Crichtonius in gratiam receptus a Rege, iterum fit Cancellarius, magno omnium consensu: verum ille non modo aula, sed publicis etiam negotiis, quatenus per magistratum licebat, abstinuit.

XXIII. Duglassius, Crichtonio magis percusso quam everso, reliquam iram in Levistonios convertit. Sed antequam ad eam partem veniam, cædes nobilium virorum (nam omnium infinitum esset) per ea tempora attingam. Jacobus Stuartus, nobilis Eques, ab Alexandro Lilio & Roberto Bodio, ad Fanum Patricii, quod duo millia a Britannoduno abest, fuit cæsus: nec eorum crudelitas ejus morte contenta, uxorem ejus gravidam, ac prope jam parturientem, in suam potestatem redigere contendunt. Id ut perficerent, sacrificulum ad eam mittunt, qui tumultuose nunciaret, „Equites peditesque omnes, vias obsidere, nec eam aliter tam præsens periculum evadere posse, quam si „navicula Britannodunum ad Robertum Bodium devehatur: qui sancte promittebat, se eam domum salvam remissurum. Mulier credula, & quæ ignorabat Robertum in cæde perpetranda affuisse, e Cardrosia in arcem vecta, se fraude inimicorum undique circumventam cernens, doloris, metus & indignitatis magnitudine victa, foetum abortivum edidit, qui una cum ipsa intra paucas horas interiit. Eisdem fere diebus, Patricius Heburnus Halensis Regulus Dumbarii arcem tenebat, ac Joannam Jacobi primi uxorem, quæ fugiens tumultus illuc se receperat, ibi secum habebat. Archibaldus Dumbarius, hanc iræ justam causam ratus, Halim Heburni arcem noctu aggressus, primo impetu presidio interempto cepit: paucisque post diebus, timore percussus, Comiti Duglassiæ eam restituit, pactus, ut incolumis inde cum suis dimitteretur. Nec diu post Joanna Regina decessit, relictis e posteriore viro liberis, Joanne Comite Atholiæ, Jacobo Buchaniæ, & Andrea posterius Moraviensium Episcopo.

Ea

Crafordio [*nonum*] reponendum existimo; nusquam enim Latinos numero plurali hac in re usos reperio. Forte Buchananus [*non.*] aut 9 scripserit, quod librarii in [*nonas*] mutarunt. Mire hic variant nostri scriptores; Lessus enim 13, Pat. Andersonus 16, Extr. 20, Holinshedius 23, & Buchananus denique 24

Januarii pugnatum tradunt. Plerique porro annum designant 1445, *i. e.* juxta supputationem Romanam 1446. Extr. tamen annum memorant 1447.

1 In Idus Julias] Hunc conventum Perthi haberi coëptum 14 Julii anno 1445, ex ipsis Actorum libris constat, adeoque in diem pridie Idus Julias dici debebat.

Bbb 3

1 B

Ea defuncta, Heburnus arcem Dumbári vacuam Regi tradidit. <sup>1</sup> In Angusta Alexander Crafordia Comes, Joannem Leontem, ad magnas opes & honores, ac Regiam etiam affinitatem, a patre suo provectum, velut ingratum & beneficiorum immemorem, Taoduni in foro capitali supplicio affecit. Annandiani agros propinquos omni calamitatis genere inter has discordias foedabant.

XXIV. Omnium autem causæ malorum in Comitem Duglassiæ referebantur: qui tamen sedulo hæc a suæ factionis popularibus fieri dissimulabat: etsi palam unum id studebat, ut diversarum partium homines affligeret: eo enim evaserat impotentia, ut acta ejus reprehendere capitale esset. Jacobum Stuartum, Regis vitricum, de regni statu liberius locutum, <sup>2</sup> solum vertere coëgit: qui, a Flandris capta nave, non diu supervixit. Jam maturum ratus Levistonios aggredi, Edimburgum ad conventum evocandos curat Alexandrum familiæ principem, ejusque filium Jacobum; item Robertum Regium Quæstorem, & Davidem: ex amicis vero Robertum Brussium, Jacobum & Robertum Dundassios. Ex his Alexander & duo Dundassii, bonis publicatis, in custodiam Britannodunum sunt relegati: cæteri capitibus luerunt. Quo crimine tam grave meruerint supplicium, a scriptoribus illorum temporum non proditur: nec ego, in re tam a memoria nostra remota, meas interponam conjecturas: tantum quod fama accepi referam. Jacobum Levistonium, cum ad locum supplicii venisset, graviter & diserte ajunt de fortunæ inconstantia conquestum; „Patrem suum, imperio Regibus proximo nuper auctum, „cessisse libenter invidioso Proregis titulo: in sua prædia, procul ab aula & ab inimicorum oculis, abiisse: quorum cum nullis ejus miseriis exsatiaretur crudelitas, „arma, sed coactum, salutis tuendæ causâ summis, Regisque jussu deposuisse: ea in re si qua fuerit culpa, jam pridem veniam impetrasse. Post id „tempus, etiam ab omni suspicione se vitam procul egisse. Ejus rei satis perspicuum esse argumentum conscientiam Nobilitatis, quæ tam sollicitè supplicia „eorum deprecaretur: plus tamen inimicorum potuisse sævitiam, quam superiora officia suæ familiæ, quam a Rege impetratam veniam, quam Nobilitatis preces. Itaque se omnes qui adessent rogare, ut præclaros imperii magistratusque titulos nihil aliud esse existiment, quam sævituræ asperius fortunæ blandimenta; & funerum decora potius, quam vitæ præsidia: præsertim cum „semper plus possint improbi ad bonorum perniciem, quam consensus bonorum ad salutem tuendam.

XXV.

<sup>1</sup> In Angusta Alexander Crafordia Comes, &c.] Mira oscitantia in hunc locum conjecta est Joannis Leontis cædes, quæ diu antea, anno scilicet 1382, regnante Roberto II. contigit. Vid. Boethium fol. 329. Is autem Joannes Leon uxorem duxit Joannam Roberti II. filiam, nuptias conciliante Jacobo Lindessio, a quo ob ingrati animi (uti ferebat Lindessius) crimen, capitali supplicio est affectus. Narrat quidem Drummondus quem jam Joannem Ly-

tonem circa hoc tempus ab Alexandro Comite Crafordiæ Taoduni necatum; quod forte Buchananum fefellit. At de magnis hujus viri honoribus, Regiaque affinitate nihil usquam legisse memini.

<sup>2</sup> Solum vertere coëgit] Exstat apud Rymerum Act. publ. Tom. 11. pag. 107, salvus conductus ipsi, ejus filio Joanni, Gulielmo Dicksono, ac viginti personis in eorum comitiva, scriptus 24 Novemb. 1445.

1 Cor.

XXV. Hæc cum dixisset, cum ingenti omnium mœrore <sup>1</sup> cervices carnifici subjecit. Inter hos motus, <sup>2</sup> missus est in Galliam Crichtonius, ut, præter antiqui foederis renovationem, etiam Jacobo Regi peteret Regii generis uxorem. Nec Duglassius moleste ferebat absentiam, etsi honorificam, hominis juxta prudentis ac strenui, & ex reliquiis veterum discordiarum sibi non satis equi. In tam perturbato regni statu, idem, qui in cæteros vulgatus erat, morbus Ecclesiasticum ordinem suo contagio affecit. Joannes Cameronus Glascae Episcopus, in suæ <sup>3</sup> ditionis (quæ in primis ampla est) agricolas, multa crudelitatis & avaritiæ exempla ipse ediderat; multa per eos, quorum in manu summa rerum erat, prodenda curaverat: ut dominis iniquo judicio circumventis, bona ad eum redirent, omniumque, quæ populariter fiebant, malorum aut auctor aut fautor credebatur. Ejus viri dignum vita nefarie acta fuisse tradunt exitum. Pridie natalem Christi cum in villa quadam sua, ad septem millia passuum a Glasca distante, quiesceret, vocem ingentem audire visus, se ad tribunal Christi, ut causam diceret, vocantis. Ex ea repentina perturbatione somno excussus, famulos excitat, illatoque lumine assidere jubet. Ipse, libro in manum sumto, cum legere occœpisset, eadem iterum audita vox omnium animos stupore defixit. Deinde cum longe vehementius atque horribilius insonuisset, Episcopus, ingenti gemitu edito, lingua exserta, mortuus in lectulo est inventus. Hoc tam perspicuum divinæ ultionis exemplum, ut neque temere affirmare nec refellere est animus; ita, cum ab aliis sit proditum, & constanti rumore pervulgatum, omittere visum non est. Eodem tempore, Jacobus Kennedus, vita & moribus longe diversis, ut qui omnia sua consilia ad salutem publicam referret, cum neque auctoritate aut consilio novis quotidie malis ingruentibus resistere posset, Regiasque vires adversus improborum conspirationem videret infirmas, fortunis omnibus in prædam relictis, ipse suam salutem tuebatur.

XXVI. Nec in his malis domesticis res foris quietiores erant. <sup>4</sup> Finitis cum Anglo induciis, Scoti in Angliam, Angli in Scotiam incursiones fecere, quacun-

<sup>1</sup> *Cervices carnifici subjecit*] Quidam forte suspicentur Buchananum culpa non care-  
re, qui Poëtas imitatus, hanc vocem [*cervices*,] cum de unius collo tantum loqueretur, pluraliter adhibuerit. Sed nihili est hæc censura, cum optimi scriptores non ligata modo sed soluta oratione ita frequentissime loquantur; Cic. 1. Ant. *Cervicibus caput abscidit*. Idem 1. in Ver. *Cum istius avaritiæ pœnam collo & cervicibus suis sustineret*. Id. 2. Philipp. *Cervicesque suas ei objecit securi, qua multi in minoribus peccatis occiderunt*. Cato, *Si caput aut cervices dolent, ea lotio calido lavito*. Quin & Romanorum doctissimus Varro de LL. lib. 7, & 9. veteres narrat eo vocabulo in plurali semper fuisse usos,

primumque Hortensium in singulari usurpasse. Idem refert Quintilianus lib. 8. cap. 3. Vid. Voss. Instit. Orator. lib. 4. cap. 4. §. 8. & Laur. Vallam Elegan. lib. 4.

<sup>2</sup> *Missus est in Galliam Crichtonius*] Jacobi II. hac de re literæ exstant in Actis Gallie pag. 356. scriptæ 6 Maji 1448.

<sup>3</sup> *Ditionis*] Vid. supra ad Lib. I. 43. X. 14.

<sup>4</sup> *Finitis cum Anglo induciis*] Ex Actis publ. Angl. Tom. 10. pag. 687. & Tom. 11. pag. 4. apparet inducias fuisse initas, primum 9 annorum, a 1 videl. Maji 1438, ad 1 Maji 1447, ac deinde in 7 annos protractas, ad 1 Maji 1454. Non igitur *finite*, sed *violata* (& quidem ab Anglis, ut ostendit Abercrombuis, pag. 339.) sunt induciæ.



cunque ibant omnia ferro flammaque vastantes: in Anglia, Annevicus ab <sup>1</sup> Jacobo Comitis Duglassiæ fratre, in Scotia Drumfrisiū a Comite Sarisburiae, Dumbarum a Comite Northumbriae direptum & incensum est; magnæ utrinque prædæ hominum atque pecudum abactæ sunt. Inter duces conventum, ut captivorum fieret permutatio. Erant enim fere numero & genere pares. His incursionibus, cum agri pene ad solitudinem redigerentur, nihil autem ad summam belli proficeretur, rursus <sup>2</sup> in septem annos pacti sunt inducias. In hoc statu rerum Jacobus Dumbarius Moraviae Comes moritur. Is cum duas filias reliquisset hæredes, major natu a patre ante mortem Jacobo Crichtonio collocata fuerat, minor patre defuncto Archibaldo Comitis Duglassiæ fratri nupsit. <sup>3</sup> Is contra leges institutaque majorum Comes Moraviae nuncupatur. Tanta tum erat in aula Duglassii potentia. Nec hoc incremento contentus, quo latius familiae nomen propagaretur, <sup>4</sup> Georgium fratrem curat Ormundiæ Comitem creari; Joannem multis fructuosisque prædiis donatum, Balvaniae Baronem vocat; multis amicorum nimiam jam antea, & formidolosam Regibus, familiae potentiam suspectam habentibus: immoderata enim hæc fortunæ incrementa non diuturna fore augurabantur.

XXVII. Inimici vero, quam invidiosissime poterant, insectabantur illam inexplebilem cupiditatem. „Quam enim posthac vitam fore, sub hominis impotentis tyrannide; cujus avaritiæ nihil esset satis, adversus cuius potentiam nihil esset tutum: qui per fas nefasque procerum invaderet patrimonium, tenuiores clientibus suis in prædam relinqueret; adversantes libidini, per latrones & sicarios, aut bonis everteret; aut e vita tolleret; novos homines ad summos honores eveheret, quos in veterum familiarum ruinis collocaret? In unam domum omnes opes regni congestas: præter tot Equites & Barones, quinque opulentissimos unius gentis Comites. Regem ipsum jam precario regnare. Sub Duglassiis extrema omnia in misera servitute patiendā: qui vocem libertatis memorem emississet, animam simul emittendam. Hæc atque hujus generis pleraque vera, pleraque ad invidiam creandam supra verum aucta, cum passim spargerentur, qui

<sup>1</sup> *Jacobo Comitis Duglassiæ fratre*] Drummondus & Abercrombius id factum tradunt a Joanne Balvaniae Regulo, Lindsius vero Pitscottienſis *Georgium*; alii fere omnes Buchananum sequuti, *Jacobum* appellant.

<sup>2</sup> *In septem annos*] In septem quidem annos factæ sunt induciæ, sed diu antequam priores induciæ exiissent, anno scilicet 1442. Vid. Act. publ. Angl. Tom. 11. pag. 4.

<sup>3</sup> *Is contra leges*] Narrat Balsurius in sua Nobil. Scot. Genealogia, Moraviæ Comitatum feudum fuisse primitus masculinum; & licet Robertus II. eam limitationem quam, vocant *per* sustulisset, tan-

tam tamen tunc fuisse Duglassiorum in aula potentiam, ut Jacobus II. cum sibi Comitatum vindicaret, paullo post fratri Duglassii donandum.

<sup>4</sup> *Georgium fratrem*] Verum ei nomen Hugoni fuisse ex Actis publicis patet, suffragantibus etiam Extr. Crafordio, Abercrombio, in primis vero Actis Angl. Tom. 11. pag. 283. Imposuit Buchananus Boethius, isque rursus Drummondo, qui *Georgium* vocitant.

<sup>5</sup> *Quinque opulentissimos unius gentis Comites*] Ji erant Comites Duglassiæ, Anguliæ, Moraviæ, Ormundiæ & Mortoni.

1 Jure

qui extra factiones erant, omiſſa publici emolumenti cura, ſuis negotiis animum intendebant: prudentiores inimicorum læti accipiebant, hominem tantis opibus, ut adverſus eas nullæ vires ſatis firmæ viderentur, ſua ſponte præcipientem rucere. Nec ea divinatione falſoſ habuit: animus enim, per ſe inſolens, tantis ſucceſſibus eo crevit impotentia, ut amicorum liberis admonitionibus aures haberet clauſas. Ac ne ſilentio quidem diſſimulare, quæ probare non poterant, plerique ſatis tutum fuit, adulatoribus omnium non verba modo, ſed vultus quoque obſervantibus. Veteres inimici in juſ rapiabantur, ad eundem adverſarium & judicem: multi bonis, quidam vita ſpoliati; plures, iniquum fugientes judiciuſ, ſolum vertebant. Duſſia factionis homines, nullo judiciuſ metu (nemo enim <sup>1</sup> jure experiri cum quoquam eorum audebat) in omnem licentiam effuſi, ſacra, profana, agere, rapere, obnoxios cadere, neque ſceleribus modum facere: <sup>2</sup> interdum, nullis peccandi ſuppeditantibus cauſis, gratuita edebant facinora, ne, per deſuetudinem ſclerum, honeſtæ cogitationes animum ſubeuntes mollirent, ac a feritate illa manſueſcerent: quanto quiſque contumelioſior in plebem eſſet, tanto ſe nobilioſiorem exiſtimabat.

XXVIII. Tot malis in omnes Regni partes diſfuſis, Scotia oneri ſuccubuiſſet, niſi eiſdem temporibus non minor civilium tempeſtatum vis in Angliam incubuiſſet: qua tandem aliqua ex parte ſopita, induciarum fide violata, Angli incurſionem in Scotorum agrum fecere, ac late fuſa populatione, cum ingenti villarum ſtrage graſſati, vi magna pecorum abacta domum rediere. Nec Scotus hanc injuriam diu tulit inultam: ſatis enim ampla manu Angliam ingreſſus, majorem quam acceperat hoſti cladem reddidit. Ita utrinque animis populatione irritatis, magnæ vaſtitates in utriuſque gentis agris factæ: ſed calamitatis major pars in Cumbriam, unde initium injuriæ ortum erat, incubuit: ea enim omni clade belli vexata, prope ad ſolitudinem erat reducta. Hæc Londinum perlata fecere, ut exercitus longe maximus decerneretur in Scotos: quibus copiis regionem inopem, domi in teſtiniſ malis laborantem, facile in ſuam poteſtatem ſe reducturos arbitrabantur. Igitur delectu militum optimi generis habito, ducem præficiunt Northumbriæ Comitem, ob regionum notitiam, & quod magnum ejus erat nomen, magna auctoritas, in illis gentibus. Ei addunt Magnum quendam, Equeſtri quidem familia, ſed qui multos annos in Gallia, cum induſtriæ & fortitudinis laude, mervuiſſet. Is, cum præcipuo adverſus Scotos odio flagraret, tranſegreſſus cum Rege fertur, ut quantum agri, pulſis aut caſis habitatoribus, de Scotis caperet, ipſe poſterique ejus poſt ſe tenerent.

XXIX. Contra Scoti, audito apparatu hoſtium, & ipſi ſuas ex adverſo copias comparant. Omnibus præficitur <sup>3</sup> Georgius Ormundiæ Comes: qui ſtatim in

<sup>1</sup> *Jure experiri*] Idem ac *lege agere cum aliquo*, formula Ciceroni, Nepoti, aliisque uſitata.

<sup>2</sup> *Interdum nullis peccandi*] Hoc ex Saluſtius expreſſit, ita enim ille de Catilina, cap. 16. *Si cauſa peccandi in præſens minus ſuppeteſcat, nihilominus inſentes, ſicuti*  
Tom. I.

*ſontes, circumvenire, jugulare: ſcilicet, ne per otium torpeſcerent manus, aut animus gratuito potius malus, atque crudelis erat.*

<sup>3</sup> *Georgius Ormundia Comes*] Legendum *Hugo*. Vid. notam ad pag. præced. Num. 4.

in Annandiam, quo venturum hostem intelligebat, ducit. Occupant priores Angli in hosticum ingredi. Superato Solvæo & Annando amnibus, ad Sarcam flumen castra locant: atque in omnes partes dimissis cohortibus, longe lateque populantur: demum adventu Scotorum cognito, suos per tubicines revocant, omnesque in unum vires contrahunt. Ubi primum utrinque instructi apparere, nullam dimicandi moram faciunt. In dextro cornu Anglorum Magnus præesse jussus, in sinistra Joannes Ponentionius Eques. Ei attributi Valli, e veterum Brittonum stirpe reliquæ. Mediam aciem Comes regebat. Georgius Duglassius adversus Magnum Vallam Cragiæ Comarchum, adversus Ponentionium Maxuallium & Jonstonium cum suis quemque tribulibus locat. Ipse in media acie curat: ac suos breviter est hortatus; „Ut bonam de victoria spem haberent, ut qui hostium injuriis lacecssi arma induissent: ju-  
„stiori causæ prosperum eventum non defuturum: hostium superbiam si semel  
„insigni clade retuderint, brevis laboris diuturnum fructum habituros. Angli,  
qui sagittariorum numero abundabant, cum Scotos eminus missilibus sauciarent, Vallas, qui sinistro cornu præerat, exclamat, ut a suis omnibus audiri posset; „Quid ita eludentes velitarentur? Se secti, cum hoste manum conferrent,  
„ubi vera virtus spectari posset: id demum virorum certamen esse. Hæc locutus, totum secum cornu commovit. Ac statim prælongis hastis (quas Scoti, pediti atque equiti juxta habiles, ferunt) hostem impellunt, impulsam fundunt fugantque.

XXX. Magnus inclinatam suam aciem cernens, vitæ superioris honeste actæ magis quam periculi memor, in Vallam magno impetu fertur, ut vel audacia prælium restitueret, vel extremum saltem spiritum præclari facinoris gloria illustraret: sed dum incautius ruit, a suis exclusus cum paucis eum secutus occiditur. Hujus cædis fama per utrumque exercitum vulgata, Scotisque ideo se alacrius inferentibus, reliquus Anglorum exercitus non diu stetit. Cum effusa fuga domum properarent, major abeuntium quam præliantium cædes facta est; maxima vero in Solvæi ripa, cum æstus maris, tum forte in amnem refusus, fugientes retineret. Periere Anglorum in eo prælio circiter tria millia, Scotorum sexcenti. Captivorum magnus fuit numerus: e quibus clarissimi Joannes Ponentionius & Robertus Harentonius: Comitis Northumbriæ filius, cum evadere posset, dum patrem in equum imponit, ipse in manus hostium venit. Capta præda, quantam nullo ante prælio meminerant. Angli enim & numero militum & genere, & Scotorum discordia freti, adeo securi eo venerant, ut non ad bellum, sed ad pompam proficisci viderentur: tanta sui fiducia, hostisque contemptus inerat. Vallas saucius, domum lætica delatus, post tertium mensem decessit. Ormundiæ Comes victor captivos recensuit: primores in arcem ad lacum Mabanum custodiendos dedit; ipse in aulam profectus, effusis omnibus obviam, omni genere honoris excipitur. Res belli gestas Rex magnis laudibus prosecutus, eum una cum fratre monuit; „Ut, quemadmo-  
„dum sæpe foris specimen fortitudinis ostendissent, remque Scotticam suo la-

— Vallam Cragiæ Comarchum] Balfurinus in suis Annalibus, Gulielmum Vallam appellat.

„bore & virtute periculosis temporibus defendissent, ita domi modestiæ as-  
suescerent, ab infirmiorum injuria ipsi se abstinere, suosque continere:  
„potentiam, quam multis majorum in Regem civesque suos meritis collectam  
„haberent, in latronibus coercendis potius quam fovendis ostenderent: id unum  
„eis ad absolutam laudem deesse: quod si pergerent facere, intellecturos, ni-  
„hil se commodis Duglassiæ gentis prius habiturum. Ad ea benigne cum respon-  
dissent, a Rege dimissi, læti domum rediere.

XXXI. Post hoc ad Sarcam prælium, ut limes Scotiæ ab exterorum inju-  
riis fuit pacatior, ita res Londinum nunciata Anglorum animos magis irrita-  
vit quam dejecit. Consilio de bello in Scotos habito, novus delectus ad igno-  
miniam delendam decernitur. Omnibus in id unum intentis, civiles repente  
motus exorti, validaque adversus Regem plebis conspiratio belli externi con-  
silia discussit. Legati in Scotiam de pace missi: quorum adventus eo gratior  
fuit, quod ne ipsis quidem satis certæ res domi erant. Cum de pace non con-  
venirent, legati, <sup>1</sup>in triennium inducias pacti, retro domum redierunt. <sup>2</sup>Hæc M.CCCC  
gesta sunt anno Christi millesimo quadringentesimo quadragésimo octavo. Au-  
xit hanc publicam lætitiā, brevi post nuncius e Flandria a Cancellario missus,  
qui ad Carolū Septimū ierat de matrimonio contrahendo. Ejus opera de-  
sponsa est Jacobo Maria Arnoldi Ducis Geldriæ filia, per matrem <sup>3</sup>Burgundi  
sororem Regium genus contingens. Ea, anno proximo, magno virorum nobi-  
lium comitatu, in Scotiam venit: ac, <sup>4</sup>menſe Julio, in Fano Sanctæ Crucis  
ad Edimburgum coronata est.

XXXII. Hanc tam multiplicem lætitiā, de victoriā, de pace, de nu-  
ptiis, nonnihil turbavit Richardi Colvillii, Equitis non obscuri, mors, non  
tam ipsa fortassis immerita, quam pessimo in publicum exemplo perpetrata.  
Richardus enim Joannem Achleccum, Duglassii necessarium, de quo sæpe,  
post multas magnasque acceptas injurias, conquestus erat, cum in jure & æ-  
quitate nullum præsidium videret aut speraret, pugna adortus, ipsum cum  
aliquot comitibus interemit. Hanc cædem adeo moleste tulit Duglassius, ut  
gravissimo sacramento se astringeret, non prius quieturum, quam Colvillii  
cæde eam expiaret. Nec vanæ fuere minæ: expugnata enim Richardi arce ac  
spoliata, quicunque puberes in ea reperti sunt, cæsi. Hoc facinus, etsi nullo  
neque jure neque more factum, non deerant tamen qui excusarent, & prope-

<sup>1</sup> *In triennium inducias pacti*] Non qui-  
dem in triennium, sed primum a 10 Aug.  
1449, ad 20 Sept. sequentis, indeque ad  
19 Novemb. ac demum insolito more in  
incertum tempus continuata, ea tamen  
lege, ut si alteruter Regum animū in-  
duceret bellum renovare, id alteri 180  
dies prius significaret, quam ei ejusve ci-  
vibus vim aliquam inferret. Vid. Acta  
publ. Angl. Tom. II. pag. 229, 231,  
237, 247.

<sup>2</sup> *Hæc gesta sunt anno 1448*] Prælium

quidem ad Sarcam eo anno commissum  
est, induciæ vero initæ sunt anno sequente  
1449. Boëthius utrumque in annum 1450  
perperam conjicit.

<sup>3</sup> *Burgundi sororem*] Exstat, in Actis  
publicis Scotiæ, syngraphus Jacobi II. 1  
Maji 1450 scriptus, quo se viginti scu-  
tatorum millia a Philippo Burgundo ac-  
cepisse testatur in partem solutionis dotis  
sibi promissæ.

<sup>4</sup> *Menſe Julio*] *Menſe Junio. Extra.*



modum laudarent, tanquam ab ira generoso homine digna profectum: & (ut fieri solet, rebus in præceps euntibus) opulentiae perpetua comes assentatio extrema flagitia nominibus honestis inducat. Duglassium, elatum fortunæ, in exitium ejus imminens, blanditiis, prava cepit ambitio, etiam exteris nationibus ostentandæ suæ potentiae; tanquam nimis angusto unius insulae theatro splendor tantæ familiae coarctaretur. Occasio Romam petendi erat ambitio, prætendebatur religio. Veteris Judæorum ritus Ecclesia Romana sibi asciverat exemplum, ut quemadmodum illi quinquagesimo quoque anno suis civibus debita cujuscunque generis remittebant, oppignerata gratis reddebant, servos Hebræi generis libertate donabant, ita Romanus Pontifex omnium secus factorum condonationem, velut Dei in terris Vicarius, arrogabat: quam aliis temporibus minutatim cauponabatur; quinquagesimo quoque anno, apertis misericordiae suæ horreis, nullius mensurae parcitate cohibitam, omnibus publice, nec tamen omnino gratis, effundebat. Duglassius igitur, magna Nobilitatis frequentia, partim novitatis avidæ, partim spe præmiorum illectæ, stipatus, in Flandriam trajecit. Inde Lutetiam terrestri itinere profectus, assumit fratrem Caledoniæ destinatum Episcopum; deinde, cum liberis Comes careret, Regis permisso, in spem Duglassiæ substitutum. In Gallia, cum ob fœdus publicum cum Scotorum gente, tum ob avitorum in rem Gallicam beneficiorum memoriam, liberaliter & amice habitus, Romam sui adventus expectatione implevit.

XXXIII. Post alterum ferè ab ejus profectioe mensem, qui metu præsentis continebantur inimici, & æmuli paullatim emergere coeperunt, & de injuriis pridem illatis queri. Cum faciles ad Regem aditus, nec difficiles ad audiendas querimonias aures esse fama divulgatum foret, quotidie fortunam lamentantium suam turba crescebat, omnesque complebat aditus ad Regiam ferentes. Rex, qui neque rejicere miserorum querelas, neque Comitem absentem indicta causa damnare poterat, medio responso importunos turbæ clamores ad tempus sedavit: se enim procuratorem Comitis adesse jussurum, ut eo præsentem de criminibus objectis cognosceretur. Is cum vocatus non paruiisset, missi e ministerio Regio qui renuentem vi cogerent. Eo in aulam perducto, non desuere, qui vociferarentur, extemplo spreti imperii poenas ab eo expetendas: „Nimia „patientia Regiam auctoritatem vilescere, ac infimo cuique ludibrio esse: spe-

1 In spem Duglassiæ substitutum] Humius in sua Duglassiorum Historia pag. 181, duo hic a Buchanano aliisque errata admitta criminatur. Primum quod hunc ipsius fratrem (quem ille *Georgium* appellat, omniumque natu minimum) Caledoniæ Episcopum destinatum tradat, quippe cui Ecclesia tum præerat ipsius frater natu major *Henricus*. Deinde haud verisimile esse, ut, tot fratribus intermediis postlatis, natu minimus in Duglassiæ spem substitueretur. Ego vero, ut alterum haud

difficilis ei condonem; at prius illud haudquaquam largiri possum. Ex Alexandro enim Millæo, Abbate Cammiskennethi, ac eorum temporum suppare scriptore, qui Episcoporum Caledoniorum vitas descripsit, liquido constat, nullum Duglassii nominis eo tempore, multisve ante aut post annis, ejus Ecclesiæ Antistitem fuisse. Hic vero advertendum est, Duglassii fratrem Caledoniæ destinatum Episcopum, à Boethio Jacobum, non Georgium, appellari.

I Mul-

acie illa lenitatis improborum audaciam crescere, & peccantium impunitate sceleribus novis aditum patefieri. Nihil his commotus Rex, in sententia sua perstitit, ut magis incommodorum compensatione accusatoribus satisfieri, quam animos vindictæ avidos sanguine expleri vellet. Itaque procuratorem Comitis custodia eductum in jus venire jubet. Si quid ad objecta crimina respondere posset, licere præfatus, ut id libere ac citra timorem faceret hortatur. Multa judicia parum prospere experto cum Rex judicatum modo solvere jussisset, procurator, in Comitum adventum, quem intra paucos menses expectabat, se rem integram servaturum respondit: idque fecisse credebatur, auctoribus Ormundo & Moravio Comitum fratribus. Re, ut erat, ad Regem delata, mittitur Gulielmus Sinclairus Orcadam Comes, per id tempus Cancellarius, primum in Gallovidiam, deinde in Duglassiam. Is coactores creavit, qui reditus prædiorum Duglassii colligerent, remque judicatam cum fide exsolverent. Sed cum ad negotium conficiendum non satis virium Sinclairo esset, aliis eludentibus, aliis non sine contumelia cum excipientibus, re infecta domum rediit. Rex hoc suæ auctoritatis contemptu irritatus, jubet universos Duglassiæ factionis fautores in jus venire: detrectantes imperium publicos hostes denunciat. Conscripto adversus eos exercitu, in Gallovidiam ducit. Primo adventu, ducibus in arces compulsis, pars exigua Regiarum copiarum, dum reliquos per aspera loca vitabundos persequitur, non sine ignominia retro ad Regem venit. Rex indignatus tantum vagos prædones ausos, ut contemptum sui demeret, receptacula eorum aggressus, Mabanum arcem non magno labore capit: Duglassiam vero, magno cum fatigatione militum in potestatem redactam, solo æquavit: agrorum cultores, qui se suasque fortunas sibi commiserant, suis quaestoribus agrorum fructus pendere jussit, donec e Duglassii bonis judicatum solveretur. His fere gestis, exercitum solvit, magnam lenitatis & modestiæ famam etiam apud hostes consecutus.

XXXIV. Hæc uti gesta sunt Romam relata, vehementer Comitum animum commoverunt: jamque etiam vilior suis, a magna Comitum parte desertus, cum paucis iter ingreditur. Cum per Angliam in loca Scotiæ vicina venisset, Ja-

1 *Multa judicia parum prospere experto*] Dubitari hic potest, an [*experto*] hic dandi sit an auferendi casu positum. Et sane utroque ponas, ob stare videtur Latini sermonis consuetudo. Primum enim, quamvis Flaccus dixerit, *Laudator temporis acti se puero*, & Ovid. *Latos fecit se Consule factos*; dispar tamen hic videtur loquendi ratio; ideoque [*expertus*] vel potius [*expertum*] legi malim. Quod si [*experto*] hic Dativum dicas, reclamant optimæ Latinitatis auctores, quibus verbo [*jubeo*] constanter Accusativus subjungitur. Quod ad illam Cæsaris locum attinet, Bell. Civ. lib. 3. cap. 98. *Militibusque*

*suis jussit, ne qui eorum violarentur, non quid sui desiderarent*, ex melioris notæ MSS. pro [*jussit*] Sam. Clarkius reposuit [*commendavit*]. Defendit tamen vulgarem lectionem Davisius multis exemplis, quæ tamen mihi aut controversa, aut sequioris ætatis videntur. Vid. si libet, hac de re Vossium Art. Grammat. lib. 7. cap. 36. [Adeantur quæ diximus ad Ovid. VIII. Metam. 752]

2 *Cum paucis iter ingreditur*] Exstat Fœd. Angl. Tom. 11. pag. 277. commentus, ipsi, ejus fratri Jacobo, Jacobo Domino Hamilton, aliisque viris claris, numero viginti & uni, cum quater viginti

Jacobum fratrem præmisit, qui Regis erga se animum exploraret: quem ubi placabilem comperit, domum regressus, humaniter receptus, tantum admonetur, ut latrones segregatos a se compesceret, præsertim Annandianos, qui per ejus absentiam multa crudeliter & avarè perpetrassent. Id cum jurejurando Duglassius ita futurum recepisset, non modo in pristinum gratiæ locum est restitutus, <sup>1</sup> sed Prorex etiam, omnibus ejus imperio parere jussis, per totam Scotiam declaratus. Sed vastus animus, sublimia semper & immoderata cupiens, hoc honore, qui maximus ei sub Rege poterat contingere, non contentus, suspicionum novas causas temeritate sua Principi subjecit: clam enim in Angliam profectus, ejus gentis Regem convenit: ipse res repetitas, ac non redditas, causam itineris videri volebat. Ea, quo levior & minus verisimilis erat, eo acriores in animo Regis jampridem infenso suspicionum aculeos infixit: cumque iram non dissimularet, ut qui altius aliquid sub eo colloquio latere interpretaretur, Duglassius iterum supplex ad expertam sæpe Regis clementiam confugit. Ibi, Regina multisque primorum deprecantibus, cum sanctè jurasset, se nihil in posterum commissurum, quod merito Regem offenderet, noxa liberatus est, magistratu tantum adempto. Admoti iterum ad rerum gubernaculum Orcadam Comes, & Gulielmus Crichtonius, qui perpetuo in fide permanserant.

XXXV. Ob hanc tantam (ut ipse videri volebat) contumeliam, Duglassius omnibus aulicis erat iratus: sed præcipue Gulielmo Crichtonio, cujus potissimum prudentia suos conatus omnes impediri putabat: hunc igitur, si posset, insidiis; sin id minus procederet, quovis modo e medio tollere statuit. Id quo minore hominum indignatione faceret, subornatur quidam e Duglassii amicis, qui diceret, se Crichtonium audisse asseverantem, „Nunquam remoticam fore quietam, incolumi Duglassiorum familia: in eo Regis regni que salutem, „& Ordinum concordiam, & pacem publicam esse positam, si homo natura „turbulentus, multis validisque propinquitatibus subnixus, quando nullis beneficiis placari, nullis honoribus satiari posset, tolleretur; ejusque morte tranquillitas publica stabiliretur. Hæc fabula passim divulgata, &, quia verisimilia dicebantur, plerisque credita, magnam Crichtonio conflagavit invidiam. Duglassius, comperto per exploratores eum Edimburgo discessurum, insidias in via de multa nocte, quam potest occultissime, locat. Ad eas cum ventum esset, qui occulte subsederant magno cum clamore exorti sunt: qui deprehensi erant improvise primum attonitis malo dexteræ mentesque obtorpuerant. Gulielmus, vir magni animi & consilii, ubi se a trepidatione collegit, uno ex iis, qui primi se obtulerant, cæso, altero vulnerato, per medios hostes cum suo globo, vulneribus aliquot acceptis, erupit. In arce Crichtonio, quo perfugerat, cum dies aliquot curandis plagis dedisset, magna clientium & amicorum

ma-

*personis in comitiva sua, nobilibus & aliis, a Rege Angliæ 12 Novemb. 1450 datus. Proinde non adeo pauci, ac Buchanani verba præ se ferre videntur, cum sunt comitati.*

<sup>1</sup> Sed Prorex etiam] Negat Abercrombious, aut Duglassium, aut quenquam alium tum Proregem creatum.

manu, quanto potuit cum silentio, collecta, Edimburgum proficiscitur: adeoque celeritate famam sui adventus prævenit, ut inimicum nec opinantem pene opprefferit. Duglassius, insperato ereptus periculo, incertum ira an pudore magis anxius, cum adversæ factionis opes, non invito populo, crescere videret, ut suas etiam ipse partes accessione virium firmaret, Crafordiæ & Rossæ Comites, secundum nomen Duglassium, maxime tum fama & opibus florentes, foedere sibi conjungit; jurejurando inter ipsos dato, quod eorum quilibet cæterorum foederatorum clientibus & amicis adversus omnes auxilio foret. Qua conspiratione confisi, non modo diversarum partium vires, sed Regias etiam præ suis contemnebant.

XXXVI. Hæc cum per se Rex indignanter ferret, accesserunt & recentes iræ causæ, quæ imminens exitium Duglassio maturaret. Joannes Heresius, Eques nobilis Gallovidianus, quod a Duglassiorum sceleribus abhorreret, seque domi fere contineret, immixtus Annandianis, prædonum injuriis vexatus, cum apud Duglassium sæpe frustra questus fuisset, nullumque aliud suppeteret remedium, vim vi ulcisci decrevit. Igitur collecta manu amicorum Annandiam ingressus, a latronibus cum suis omnibus captus, ad Duglassium deducitur: ac Rege multum per literas deprecante, suspendio tanquam latro extinguitur. Ea res cum atrox, ut erat, omnibus videretur, passim serebantur sermones, „Duglassium non obscure pessimis artibus regnum affectare: nihil enim jam aliud „superesse, quo tam vasta cupiditas expleri posset. Quam opinionem, intra paucos dies, alterum æque foedum facinus auxit. Erat in Gallovidia Maclelana familia genere & opibus facile primaria. Ejus familiæ princeps tutor, cum e Duglassianis quendam, assiduis injuriis sibi faciendis molestum, occidisset, una cum fratre captus, a Duglassio in carcerem erat conjectus. Rex per captivi amicos certior factus, ac vehementer rogatus, ne hominem nobilem, & alioqui virum bonum, sineret, non ad judicium sed ad certum exitium, ad eundem judicem & capitalem inimicum, in jus trahi; cui non tam præsens crimen foret nociturum, quam quod meliorum partium semper fuisset. Illuc igitur Rex Patricium Graium, Maclelani avunculum, Equitem nobilem, ac Duglassii etiam propinquum, mittit: qui juberet, ut, captivo in aulam missō, ibi jure cum eo experiretur. Comes Graium humaniter accipit: captivum cum curasset interea supplicio afficiendum, tanquam a facinorosi, quod se invito a suis perpetratum erat, consilio alienus, Graium rogat, ut se Regi excuset. Ille vero, se aperte ludibrio habitum cernens, adeo exarsit, ut Comiti propinquitatem, amicitiam, & si quo præterea necessitudinis vinculo teneretur, ex eo die renunciaret: professusque sit, „Se quibuscunque rebus posset inimicum „perpetuo futurum. Nuncio in aulam perlato, adeo indignum omnibus facinus est visum, ut jam palam fremerent; „Duglassium, privati modum supergressum, quod diu meditabatur, se palam pro Rege gerere. Eo haud dubie „pertinere tot Comitum, Crafordiæ, Rossæ, Moraviæ, Ormundiæ cum „eo conspirationem: illuc spectare occulta cum Anglo colloquia, cædes bonorum, diripiendæ plebis permissam licentiam. Jam innocentiam pro ignavia „contemni, fidem adversus Regem pro perfidia puniri: nimia Regis indulgentia



„tia, publicos hostes insolescere. Enimvero capesseret ipse aliquando imperium,  
 „ac pro magistratu agat: ita demum apparituum, qui hostes, qui amici essent:  
 „aut, si id minus aperte propter quorundam potentiam auderet, perfidiam  
 „suis opprimeret artibus: sin ne id quidem auderet, quid aliud superesse,  
 „nisi, ut, qui ad eum diem in fide perstitissent, aliquando tandem sibi con-  
 „fulerent.

XXXVII. His sermonibus, quanquam & vita Duglassianorum, & (prona  
 in suspicionem) Regum credulitas fidem facerent, Rex, sive ingenua quadam  
 lenitate, sive jam facinore destinato, Duglassium ad se arcessit. Is tot facino-  
 rum sibi conscius, memor toties veniam impetratam etiam, non ignarus quam  
 novum cum Crafordio foedus esset invidiosum; etsi in Regis clementia magnam  
 spem haberet, tamen proclivior in timorem renuit in aulam venire, in qua  
 tot tamque potentes haberet inimicos, quosdam etiam nuper suo capiti insidia-  
 tos. Hunc timorem ut discuterent, multi homines nobiles, qui cum Rege ade-  
 rant, mittunt ad eum diploma, omnium chirographis & sigillis appositis, sa-  
 cramento interposito polliciti; „Se, etiamsi Rex quicquam adversus Comitum  
 „salutem moliri velit, incolumem tamen emissuros. Duglassius, toties exper-  
 tus Regis clementiam, praeter fidem publicam tot nobilium virorum pollicita-  
 tionibus confirmatus, Sterlinum venit, magna cum clientium turba. Liberali-  
 ter a Rege invitatus, in arcem ascendit. Coena hilariter peracta, Rex in cu-  
 biculum secretius cum paucis eum introducit: ne his quidem adhibitis, cum  
 quibus omnia consilia communicare consueverat. Ibi sermonem altius exorsus,  
 de majorum ejus fide & fortitudine, suaeque in omnem familiam indulgentia,  
 privatim etiam in ipsum. „Facinoribus enim ab eo perpetratis, vel aetatis in-  
 „firmitate, vel improborum consilio, veniam se facile dedisse: semper spe-  
 „rasse, vel sua in eum humanitate & clementia, vel aetatis maturitate in melius  
 „profecturum: ac ne nunc quidem aliter sperare: neque, quamdiu eum impie  
 „patratorum poeniteret, aditum ad humanitatem fore interclusum. Hoc qui-  
 „dem postremum, inquit, cum Crafordio & Rosliensi foedus, neque tibi ho-  
 „nestum, & mihi ignominiosum, etsi permolesto fero, tamen ejus dirimendi  
 „tibi adhuc facio potestatem. Id, quanquam meo jure possum imperare, ta-  
 „men suadere malo: ut, quando omnium oculi in te sunt intenti, criminum  
 „suspiciones abs te eo diligentius removeas. Duglassius ad caetera satis demisse  
 respondit: cum ad foederis mentionem est ventum, paullo perplexius agebat:  
 neque liquide expediebat, quid esset acturus; „Se enim cum sociis colloctu-  
 „rum: nec satis videre, cur in praesentia Rex id tantopere urgeat, cum in eo  
 „foedere nihil contineatur, quod ejus animum debeat offendere. Rex, sive  
 deliberato jam facinore, sive responsi (ut videri volebant aulici) contumacia  
 offensus; „Si tu, inquit, non vis, ego dirimam. „Et cum dicto, pugionem ei  
 in pectus defixit. Ad strepitum, qui ad ostium stabant, ingressi multis eum  
 vulneribus conficiunt. Sunt qui proxime post Regem, a Patricio Graio,  
 cujus ante meminimus, securi in caput adacta eum exanimatum ferant;  
 deinde reliquos qui aderant, ut studium in Regem ostenderent, suam quem-  
 que

que plagam infixisse. Hæc cædes incidit <sup>1</sup> in mensem Februarium, anni M. CCCC.LII. <sup>2</sup> juxta supputationem Romanam.

Mc  
LII.

XXXVIII. Erant tum Sterlini quatuor fratres ejus, magnusque eos sectantis nobilitatis numerus. Hi, re comperta, (ut in repentino motu fieri solet) magna cum trepidatione ad arma concurrentes, omnia clamoribus miscuerunt: deinde, sedato per primores tumultu, jussi in hospitia se quisque sua recepere. Postridie, convocato concilio, primum omnium Jacobum fratris defuncti loco Comitem appellant. Is, <sup>3</sup> in Regis aulicorumque perfidiam invecus, hortatur, „ Ut qui aderant, arcem obsidione cingant, copiasque undequaque convocent: „ extrahant ab illis latibulis homines ad solam perfidiam fortes, dum adhuc scelerum conscientia perturbati trepidant. Qui aderant, Jacobi pietatem & animi magnitudinem laudare: verum ab obsidionis consilio abhorre, ut quibus nihil ad rem tantam suscipiendam parati esset: domos interea discedunt, ac re cum præcipuis amicorum communicata, ad vi. Cal. April. reversi, assula ad caudam equi alligata, diploma Regium ac procerum de fide publica <sup>4</sup> ad eam affigunt, ac nulla verborum contumelia adversus Regem ejusque concilium abstinentes, <sup>5</sup> per vicos trahunt. Ubi in forum ventum est, quingentis simul buccinis personantes, Regem, quique cum eo erant, præconis voce, foedis fragos, perjuros, omniumque bonorum hostes denunciant: oppidum, immerenti etiam loco irati, diripiunt, eoque egressi, per Jacobum Hamiltonium retro missum incendunt. Deinde, eodem furore proximis diebus perciti, ad agros omnium, qui in fide Regis permanserant, diripiendos discurrunt: Dalkethi arcem obsident, jurejurando se obstringentes, nisi ea capta, non discessuros: Joanni enim ejus loci domino maxime erant infensi, quod ille cum Comite Angusæ a reliqua Duglassiorum gente consilia separassent. Tenuit expectatione diutius obsidio, Patricio Coburno, præsidii præfecto, ad omnes hostium conatus strenue occurrente. Itaque, multis vulneribus acceptis labore & vigiliis confecti, obsidionem solverunt.

XXXIX.

<sup>1</sup> In mensem Februarium] 13 Februarii, inquit Humius, in quem tum incidit Carnisprivium: at horum alterum falsum esse necesse est, 13 enim Februarii anno 1452 dies Dominicus erat, Carnisprivii autem dies erat 22 ejus mensis, Lit. Dom. BA. num. aur. 9. Cautius ergo Boethius, qui circiter 20 Februarii Duglassium refert occisum, cautiusque adhuc Buchananus, qui mentem tantummodo designat.

<sup>2</sup> Juxta supputationem Romanam] Quam nunc Scoti, ac plerique Europam incolentes utimur, mense Januario annum ordientes. Olim tamen eadem apud Scotos obtinuit consuetudo, quæ nunc apud finitimos Anglos, qui annum 25 Martii auspiciantur. Sed eam morem, lege 17 Decemb. 1599 lata, abrogavit Jacobus VI. qua statutum est, ut deinceps anni initium

esset primus Januarii, ut ex Actis Secreti Concilii patet.

<sup>3</sup> In Regis aulicorumque perfidiam] MS. & princeps editio Edinb. [Regem] legunt: rectius tamen alii libri, quibus [Regis] editum est.

<sup>4</sup> Ad eam affigunt] Ita legendum arbitramur, non [eum,] quod omnes codices pervasit: ea enim vox non proprie ad equum, sed ad assulam, referenda videtur.

<sup>5</sup> Per vicos trahunt] Vicus proprie est continuata adium series, Buchananus autem hic & alibi nonnunquam pro via, sive platea urbis, accipere videtur: quo sensu vocem a quoquam probò auctore usurpam negat Menagius Diction. Etymolog. Franc. voce Rue, & Dacierius ad Horat. Sat. lib. I. 9. 13.

Ddd

16

Tom. I.

XXXIX. Rex interea, collecto exercitu, ut suis laborantibus ferret opem, cum se Duglassianorum copiis videret imparem, decrevit, opperiri Alexandrum Gordonium, qui cum magnis auxiliis, a septentrionibus ultimis usque collectis, adventare dicebatur. Verum per Angusiam ducenti Comes Crafordiæ ad Brechinum tum valida manu se objecit. Commisso acri prælio, cum Regionum acies media, jam loco moveri cœpta, vix Angusianorum sustineret impressiōnem, Joannes Coleffius, qui sinistræ præerat alæ, Crafordio, cui erat infensus, deserto, mediam aciem nudavit: quo terrore perculsi, qui pene victores erant, terga verterunt. Gordonius præterspem victoria, multo tamen cum suorum sanguine, potitus est, duobus fratribus cum magno gentilium & clientium numero cæsis. Cecidere ex Angusianis non pauci viri illustres: in iis Joannes Lindesius Comitis frater. Ipse, ira ab hostibus in desertores versa, arces eorum diruit, agros ferro flammaque vastavit. Hæc ut liberius faceret, Gordonii repentino ad suos reditu effectum est, audito Moraviæ Comitem in suos agros Bogianos omni crudelitatis genere sævisse: itaque, cum victore exercitu reverius, non modo cladem acceptam hosti reddidit, sed cum Moraviæ finibus expulit. Hæc præcipiti vere acta.

XL. Interea Rex, ex Jacobi Kennedi maxime consilio, conventus Edimburgum indicto, Duglassiæ Comitem, quique ejus sectam sequebantur proceres, per foecialem adesse iussit. Is tantum absuit ut paruerit, ut proxima nocte libellum templi valvis affigendum curaret; „Se salutem suam nec Regi commissurum, nec ei omnino in posterum pariturum, qui patruelles suos Edimburgum, fratrem Sterlinum, ad se fide publica illectos, tam per fide indicta causâ, trucidarit. Comitis proxime occisi quatuor fratres, Jacobus,

1 *Is tantum absuit ut paruerit*] Accuratissimus Abercrombicus ostendit ex Actis publ. Angl. Tom. II. pag. 313, & 327. Jacobum Duglassiæ Comitem a Rege in gratiam fuisse receptum circa hoc tempus ab eo enim ad Anglum legatus missus 18 Aprilis anni sequentis, inducias quadriennales, sui Regis nomine, cum eo iussit, a 21 Maji 1453, ad eundem Maji diem 1457. Hanc vero Abercrombii sententiam per se satis perspicuam ulterius adhuc confirmat ipsius Jacobi Duglassii instrumentum, quo suo, fratris sui, Jacobi Domini Hamilton, aliorumque sibi adherentium nomine, sacramento interposito tactisque sacris Evangeliiis, pollicetur Jacobo II. Regi Scotorum; 1. Se nullo juris titulo sibi vindicaturum terras Comitatus Victoriz, nec eas quovis prætextu petiturum, nisi cum bona venia Mariæ Reginae Scotorum. 2. Pari modo se Regis arbitrio

permissurum terras domini de Stewarton, quæ quondam fuer. Ducissæ Turonensis patrimonium, sive eas Rex sibi negare, sive ex gratia concedere vellet. 3. Se suæque factionis homines omnem simulcram, odium & malevolentiam erga quoscunque conceptam in perpetuum remissuros. 4. Se suosque pacem, justitiam, ceterasque artes bonis civibus dignas in posterum culturos, omniaque quibuscumque damna data, aut injurias illatas cum fide compensaturos. 5. Denique, se, dummodo vitæ suæ sufficienter sit prospectum, Regem summo honore atque observantia prosecuturum. Huic autem syngrapho, cujus exemplar exstat in codice MS. varias collectiones ex Actis publicis complectente, in Bibliotheca Juridica Edinb. asservato, nomina ac sigilla sua apposuere Jacobus Duglassiæ Comes, & Jacobus Hamiltoniz Regulus, 28 Augusti 1452.

1 *Græc.*

bus, Archibaldus, <sup>1</sup> Georgius & Joannes, ac <sup>2</sup> Beatrix nuper Comitis uxor, item Alexander Comes Crafordiæ, in hoc conventu hostes publici denunciati: multi etiam <sup>3</sup> in supremum ordinem allekti; plerisque ex rebellium bonis præmia decreta; exercitus ad hostes persequendos contractus, agri vastati, pecora abacta; frumenta in horreis igne corrupta: hieme deinde, cum sub dio haberi miles non posset, dimissus; expeditio in ver indicta. Jacobus Duglassius interea, ne familiæ opes, quæ ex locuplete matrimonio in immensum excreverant, ad alienos transfrent, <sup>4</sup> Beatricem, antea fratri nuptam, uxorem accepit: cum Pontifice Romano agit, ut id matrimonium confirmaret. Id inceptum, Rege per literas impediente, frustra ei fuit.

XLII. Hoc anno duobusque sequentibus, agrorum direptionibus, arciumque everfionibus inter factiones certatum est: nunquam ad summæ rei alcam est ventum: magna ejus cladis pars in Annandiam, Forestiamque, & vicinos Duglassianorum agros incubuit: vastitatem agrorum fames, famem pestis consecuta est. Interea prudentiores amicorum cum sæpenumero cum Duglassio egissent; „ Ut se suæque omnia Regiæ elementæ, quam antea frequenter majores ejus experti fuerant, permetteret; cum præsertim Regem haberet natura facilem, & per amicos exorabilem: nec sua pertinacia familiam clarissimam extingueret; totque virorum illustrium, qui sectam ejus sequebantur, salutem proderet; aut eo necessitatis eos adduceret, ut calamitatibus fracti sibi consulere cogerentur: facilem ei fore pacificationem rebus florentibus; deserto ab amicis nullam spem veniæ superesse. Juvenis, ætate & ingenio ferox, respondit; <sup>5</sup> Nunquam eorum potestati se permissurum, qui nec pudoris, nec divini aut humani juris vinculis ullis continerentur: qui suos patruales fratremque, blande pollicendo ad se adductos, tam perfidiose & crudeliter tradiderint: omnia potius extrema passurum, quam ut eorum se fidei crederet. Hæc pro ingenio quisque probabat, aut reprehendebat: ferociore, aut quibus mala publica quæstui erant, animi magnitudinem laudare; prudentiores suadere, „ Ne ad extremum, deferentibus amicis, occasionem pacificandi sero quereretur omisam: qui fere exitus stultis consiliis esse solet.

XLIII. At Crafordiæ Comes, longinqui belli pertæsus, & causæ quam sustinebat, iniquitatem, communesque rerum commutationes secum reputans, gnarusque veniam præoccupanti Principis gratiam fore facilem, perseveranti in armis difficilem; simul ab amicorum parte desertus, reliquorum fide suspecta,

Re-

<sup>1</sup> Georgius] Lege Hugo. Vid. supra Lib. XI. 26.

<sup>2</sup> Beatrix] Ea mater horum fuerat. Vid. postea ad Lib. XI. 54.

<sup>3</sup> In supremum ordinem allekti] Ira omnino scribendum, non [illekti,] quemadmodum in aliis omnibus codicibus. Ita Suet. in Nerone, cap. 1. Et inter patricios allekti perseverarunt omnes in eodem cognomine. Allekti autem seu Adlectivi dicebantur apud Romanos qui propter inopiam ex

Equestri ordine in Senatus numerum sunt assumti, ut ait Festus. Vid. etiam Budæum in Pandectas fol. 40.

<sup>4</sup> Beatricem antea fratri nuptam] Vid. supra Cap. 18 & infra 44. huj. Lib.

<sup>5</sup> Nunquam eorum potestati se permissurum] Supra tamen ostendimus eum se Regis potestati permisisse. Fraudulenter autem egisse constat; anno enim sequente, fide jurisjurandi violata, aperte Regi bellum indixit.



Regem, per Angustiam iter facientem, habitu maxime ad misericordiam composito, capite pedibusque nudatis, supplex adiit: ingenueque temporum superiorum offensas confessus, se suaeque in fidem Regis tradidit, commemorata prius in Reges majorum suorum observantia & officiis: „Scire sua culpa se „omnia extrema meritum; quicquid vitae fortunarumque sit in posterum habiturus, id se Regi debiturum clementiae. Hæc, pluraque hujus generis, non sine lacrymis locutus, commoverat vehementer omnes qui aderant; imprimis quosdam e Nobilitate Angustiana: qui, etsi superioribus temporibus Regem secuti fuerant, tamen familiam tam vetustam & claram cupiebant ab interitu vindicatam. Functus est ibi Jacobus Kennedus & boni Episcopi & civis officio: qui plurimis & gravissimis Comitibus offensis remissis, salutem ejus Regi accurate commendavit: id enim, quod erat, rebatur, Regis viribus tantæ accessione auctis, hostem in posterum indies debiliorem futurum, multis tam elari hominis exemplum secuturis. Rex etiam, cum arbitratus, fracta pristina ferocia, ex animo præteritorum poenituisset, non difficilem se præbuit: veniamque data, & bonis honoreque pristino restituto, monuit, ut in officio permaneret. Cræfordius quoque, lenitate Regis & facilitate provocatus, omni genere officiorum cum postea demereri studuit; & in ultimas regni oras proficiscentem cum suis copiis est comitatus: rebusque ibi pro tempore compositis, reversum domi suæ liberaliter accepit: cuncti ad reliquias belli civilis conficiendas, quantas conficere posset copias pollicetur: adeoque omnem vitae rationem commutavit, ut, pristina ferocia deposita, mansuete & comiter cum Nobilitate vicina vixerit: eoque, interitus ejus, brevi consecutus, majorem Regi populoque universo dolorem attulerit.

XLIII. Carpentem paullatim Rege vires Duglassianorum, reliqua spes erat in Anglo, si quid inde auxilii impetrari posset. Missus Hamiltonius Londinum, responsum ab Anglo retulit; „Se nulla alia conditione bellum adversus Scotos „suscepturum, nisi Duglassius se suaeque omnia ei dederet, civemque se „Anglum profiteretur. Hac spe incisa, cum ab altera parte Rex edictis, proscriptionibus & armis urgeret, atque omnibus, quæ bellum fert, malis rebelles vexaret, Hamiltonius Comitem hortatur; „Ne Regem sinat, singula carpentem „do, universa labefactare, ac demum evertere. Quin potius in aciem prodeat „rem fortunæ committat: aut honeste vincendum, aut ibi fortiter cadendum. „Id demum nomine Duglassiano dignum; in eoque unicum ærumnarum finem „esse positum. His vocibus excitatus, cum per amicos & clientes quantum potuit exercitum coëgisset, ad solvendam Abercorni obsidionem ducit. Rex enim, multis arcibus Duglassianorum dejectis, Abercornum, longe munitissimum præsidium, medio fere inter Sterlinum & Edinburgum itinere situm, obsesum tenebat. Duglassius cum eo venisset, ut & hostes conspiceret, & ab eis conspici posset, amicum hortarentur; „Ut vel egregia victoria perpetuam „laudem pararet, vel honesta morte se a contumeliis & miseriis vindicaret; cæte-

Ita se-  
gendum, cum MS. & principe Edit.

Edinb. non [pleraque] quod aliis fere omnibus irrepsit.

1 Archi.

cæteris omnibus ad decernendum paratis, sua cunctatione omnium animos fre-  
git: exercitu enim in castra reducto, bellum ducere decrevit. Id ejus factum  
cum homines militares damnaissent, Hamiltonius, pertæsus ejus ignaviam,  
desperatoque partium successu, ea nocte ad Regem transiit. Rex veniam qui-  
dem dedit: sed homini, alioqui astuto, non satis fidens, cum Roslinum,  
quæ arx Comitum Orcadum erat, relegavit: ac postea, deprecantibus ami-  
cis, custodia liberatum, in amicorum numerum recepit, incruenta ei potissi-  
mum imputata victoria. Cæteri fere Duglassiani, exemplum Hamiltonii secuti,  
qua cuique commodum fuit, dilapsi: arx, multis vulneribus utrinque acce-  
ptis, tandem capitur, caesoque præsidio, semidiruta in victoriæ monumen-  
tum relicta est. Duglassius pene ab omnibus desertus, cum paucis familiarium  
in Angliam profugit: inde, non multo post, Annandiam, quæ Regiis præ-  
sidiis tenebatur, cum parva manu ingressus, prælio commisso inferior, fuga cum  
Joanne fratre elapsus: Archibaldus Moraviæ Comes cæsus: Georgius, gra-  
viter vulneratus, in manus hostium venit: curatisque vulneribus, ad Regem  
adductus, capite luit.

XLIV. Conventu Ordinum Edimburgum indicto in Nonas Junii, anni  
millesimi quadringentesimi quinquagesimi quinti, iterum Jacobo, Joanni &  
Beatrici Duglassiis aqua & igni interdictum. Beatricem hanc acta publica ma-  
trem horum faciunt: quod mihi tamen non fit verisimile, nisi forte per ado-  
ptionem facti sint ejus filii. Jacobus Comes, fratribus amissis, ab amicis deser-  
tus, Anglis diffidens, ut nihil inexpertum relinqueret, Donaldum, Æbuda-  
rum tyrannum, eundemque Rosliæ Comitem, ad Stephanodunum convenit:  
hominem, suo opte ingenio sceleratum, facile ad bellum impellit. In proximos  
Regis agros primum sævitur, nullo sexus ætatisque discrimine: nihil ab inju-  
ria fuit immune, quod ferro flammaque violari poterat. Pari crudelitate in Ar-  
gatheliam & Araniam usus, domum præda onustus rediit. Inde, Abria Mo-

M.  
CDLV.

1 Archibaldus Moravia Comes] Hi duo  
Duglassii fratres, anno 1452, & quidem  
ante 28 Augusti cæsi videntur; in instru-  
mento enim superius memorato, quo se  
suamque sectam secutos in Regis fidem  
trahit, unius tantum fratris facta est men-  
tio.

2 Georgius] Hugo legendum uti supra  
Lib. XI. 26 monuimus.

3 In Nonas Junii] Lege in nonum Junii,  
quod ipsa Acta publica disertim præferunt.  
Hic error librorum culpa admissus vi-  
detur [non.] in [Nonas] vertentium.

4 Beatricem hanc Acta publica] Et recte  
quidem Acta publica; confirmat enim præ-  
dictus liber MS. in quo horum Interdictio-  
nis, seu Forisfactura, quam vocant, ple-  
ne exaratum exstat exemplar: Ubi & in-  
ter alia Beatrici criminis datur, quod

suis proditoriis consiliis, auxiliis & suppor-  
tationibus, filios suos Jacobum, Archibal-  
dum, Hugonem & Joannem juvisset. Rem  
vero extra dubium ponit salvis conductus  
ei ejusque nurui ab Anglo datus, Fæd.  
Angl. Tom. II. pag. 310. quo ipsa Bea-  
trix Comitissa de Douglas & Annandalia,  
ipsius vero nurus Margareta Comitissa de  
Douglas & Annandalia, Domina de Galloway,  
Conjors Willielmi nuper Comitis de Douglas  
& Annandalia, diserte appellantur, 2 Ju-  
nii 1452. Ex his autem alteram, nomine  
Sinclaram, Comitissæ Orcadum filiam;  
alteram, Gulielmi & Davidis Duglassio-  
rum in arce Edimburgensi cæsorum soro-  
rem prodit Tho. Crafordius, quamvis  
ille alique fere omnes nostri scriptores hanc  
falso nomine Beatricem pro Margarita ap-  
pellent.

Ddd 3

1 Cen.

raviaque vastatis, Ennernessum divertit: arce capta, oppidum direptum incendit. Nec Anglus interea quievit: sed, temporibus insidiatus, incursiones in Marciam fecit: caesisque hominibus aliquot illustribus, qui furorem late grassantem compescere annixi erant, plenus prædarum, ut e regione opulenta, domum sine damno rediit.

XLV. Proximo post hunc anno, Beatrix, superioris Comitis Duglassiæ uxor, & fratri ejus Jacobo aliquot annos habita uxoris loco, ad Regem profugit: superioris temporis crimina in Jacobum rejicit: „Se & foeminam, & „auxilio destitutam, ad sceleratas nuptias vi coactam, ad primam occasionem, „Jacobò absente, ab ea servitute profugisse: Regiæ fidei se suæque omnia per- „mittere, quicquid de ipsa ejusque patrimonio statuerit, ejus decreto libenter „parituram. Eam Rex, in fidem receptam, Balvaniæque agris donatam, fratri suo, ex eadem matre, Atholiæ Comiti collocavit. Ejus exemplum secuta est Donaldi Insulani uxor: ea erat Jacobi Levistonii filia, ab avo Prorege, suadente etiam Rege, Donaldò collocata; ut ferum hominis barbari moliret ingenium, eumque in partibus factionis Regiæ retineret. Sed tum, propinquis suis in pristinum locum gratiæ restitutis, ac marito ad Duglassianas partes adjuncto, cum vilior & contemptior apud eum quotidie fieret, adversus barbaram ejus crudelitatem Regis opem implorabat. Ei nulla se purgandi aderat necessitas apud Regem, qui auctor ipse ejus matrimonii fuisset. Igitur liberaliter & humane recepta, prædiis amplis donatur, quo subsidio reliquum ætatis honorifice degeret. Eodem fere tempore, Patricius Thorintonius, occulte quidem Duglassianæ factionis, sed Regiam aulam diu secutus, Joannem Sandelandium Calderanum, adolescentem circiter vigintiannorum, & Alanum Stuartum, homines nobiles, & conspicua in Regem fide, ad Britannodunum nactus sibi opportunos, occidit. Iple deinde, ab adversa factione brevi post comprehensus, poenas luit. Fuit insignis hic annus multorum illustrium virorum morte, sed maxime Gulielmi Crichtonii. Is, quanquam Equestri loco natus esset, tamen, ob summam prudentiam & fortitudinem, fidemque singularem erga Regem, ad ultimum usque vitæ diem <sup>1</sup>constanter cultam, maximum bonis omnibus desiderium sui reliquit.

XLVI. Proximo anno, Angli, superiorum injuriarum impunitate illecti, ducibus Henrico Percio Northumbriæ Comite, Jacobo Duglassio exule, Marciam late vastarunt. Hanc populationem ut prohiberet, Georgius Duglassius Angusiæ Comes, collecta manu popularium, in prædatores impetum fecit: ac, magno eum tumultui, partem eorum, in quam delatus erat, ad suas stationes compulit. Qua indignitate Angli commoti, cæteris nondum ad signa revocatis, aciem promovent. Nec Scoti moram prælio faciunt. Cum æquo Marte utrinque, majoribus animis quam viribus, pugnaretur, qui sparsi per agros erant Angli, e clamore dissono ac tumultu hostem adesse sentientes, ne prædam, quam amplissimam coegerant, amitterent, recta domum contenderunt. Eorum disces-

sus

<sup>1</sup> *Constante cultam*] Ita, reclamantibus licet omnibus libris, quibus [*cultum*] legitur, emendavimus.

sus faciliorem, nec tamen ineventam, Scotis victoriam dedit, pari fere numero  
 utrinque caeso, multis Anglorum in fuga captis. Hujus victoriæ nuncius ad  
 Regem allatus, ægrum inter civium hostiumque arma animum nonnihil erexit:  
 dein Donaldum Insulanum, ubique partium suarum adversam fortunam cer-  
 nentem, compulit, ut de pace oratores mitteret. Hi, submissa oratione, mul-  
 ta de Regis clementia erga Crafordium cæterosque, qui in eadem causa fuif-  
 sent, commemorantes, suam culpam in fatalem temporum rabiem conferentes,  
 multa de Donaldi in posterum observantia polliciti, movisse Regem visi sunt.  
 Is, medio responso, nec Donaldò ignovit, nec spem veniæ præcidit: „Mul-  
 „ta quidem exstare ejus maleficia: nullum adhuc dedisse animi mutati indicium:  
 „itaque, ut vera credatur, quæ verbis ostentatur, pœnitentia, & ex animo  
 „profecta, reparanda superioris temporis damna, quos fortunis evertisset, res  
 „eis restituendo: aliquo denique honesto facinore eluendam tot scelerum me-  
 „moriæ. Se quidem scire, nullam esse virtutem, quæ magis clementia Re-  
 „gem deceat: verum providendum, ne, nimia lenitate soluto imperio, mali  
 „magis insolecant, quam boni ad officium excitentur. Donaldò quidem & re-  
 „liquis ejus consilii sociis se spatium daturum, quo mutatae voluntatis indicia  
 „edere possent: talem se quemque habiturum, qualem res, non verba osten-  
 „derent. Interea securos esse jubet: in cujusque potestate futurum, felicem  
 „an miseram posthac ætatem agat.

XLVII. Hac ratione vel compositis, vel sopitis intestinis malis, Rex omnem cu-  
 ram in Angliam intendit. Dum de bello gerendo, totiesque violatis induciis, habet  
 consilium, superveniunt Legati, a Nobilitate Anglica missi, auxilium adversus  
 Henricum Regem suum petentes. Henricus enim, sprete Nobilitate, novos  
 homines extulerat, quorum de consilio, uxor ejus, virilis animi fœmina,  
 cuncta administrabat. Auxerat etiam Regis apud suos contemptum, & familiarium  
 ejus invidiam; res in Aquitania & Normania male gesta: tot provinciis amissis,  
 antiquis insulæ terminis inclusi, fremebant, neque Regis ignaviam, neque Re-  
 ginæ superbiam diutius ferendam. Capita conjurationis erant tres Richardi,  
 nempe Dux Eboraci, & Comites Sarisburiae & Varvici. Legati Angli, cum  
 de justa belli causa, conjurationis opibus, & sui Regis ignavia, multa dis-  
 seruissent: adversus communem hostem, in bello timidum, in pace sordidum,  
 qui discordias domesticas inter Scotos aluisset, exules eorum juvisset, auxilium  
 petunt. Victoria parta, arces & agros, superioribus bellis captos, se redditu-  
 ros pollicentur. Rex, de concilii sententia, respondit; „Jampridem se de sta-  
 „tu rerum Anglicarum audisse: neque partis utriusque jus sibi ignotum: ne-  
 „que, nisi ex utriusque partis sententia, se alieni regni arbitrum futurum. Quod  
 „autem ad bellum attinet, sibi jamdiu in animo fuisse, temporum superiorum  
 „ulcisci injurias; regnique sui loca, per occasionem discordiarum intercepta,  
 „quum jure non posset, armis recuperare. Ea si Eboraci Dux, quique ejus se-  
 „ctam sequerentur, restituere polliceantur, se adversus Henricum eis auxilio  
 „futurum.

XLVIII. In hæc cum fuisset conventum, Legati domum revertuntur. Rex,  
 copiis paratis, cum in Angliam ingressurus esset, sit ei obviam Anglus impo-  
 stor,



stor, ab Henrico missus. Is, ut qui diu Romæ fuisset, Italarumque mores & sermonem didicisset, cultu omni comitatuque peregrino, literisque Pontificis confectis, se facile hominibus minime callidis pro Legato Romano probat: & quo minus suspecta fraus esset, Monachus in partem fabulæ assumitur, cujus simulata sanctitate fides facilius accederet imposturis. Hi, ad Regem perducti, Pontificis Romani nomine vetant, ne ulterius progrediretur: diras comminati, ni pareret. „ Pontificem enim, quo commodius commune bellum in „ communem Christianorum hostem geratur, per totam Europam compositis „ dissidiis, in id unum intendere animum: se quidem præmissos, qui hæc præ- „ monerent: ampliorem Legationem propediem venturam, quæ discordias An- „ glorum civiles finiret, & Scotis de acceptis injuriis satisfieri curaret: eam se „ credere Legationem in Gallia jam esse. Rex, ut qui fraudem nullam subesse suspicaretur orationi; quique, rebus adhuc domi non omnino tranquillis, honestam pacem etiam cuperet, Legato paruit, atque exercitum dimisit. Vix eo dimisso, ab Anglis quibusdam de Legati supposititii fraude admonitus, iterum copias contrahit: & quia cum Eboracensi se conjungere non poterat, ut Regias vires aliqua ex parte distineret, & suas etiam ulcisceretur injurias, Rosburgum recta ducit: oppidum primo adventu capit, ac diruit. Arcem longe munitissimam dum oppugnat, Legati ab Eboracensi lociisque veniunt, qui Regem suum victum, bellumque confectum in Anglia nunciant: gratias agunt Jacobo, pro ejus benevolentia & studio in ipsorum dignitate & salute tuenda: ejus beneficii se memores in tempore fore promittunt: verum in præsentia orare, „ Ut ab obsidione arcis recedat, omnique alio maleficio in Anglos abstineat, „ neu ipsos rerum earum gravet invidia apud populum, qui vix contineri potuit, „ quin confestim exercitum in Scotos decerneret. Ad ea, Jacobus victoriam gratulatus, rogat Legatos; „ Ecquid Eboracensis & socii de promissis extol- „ vendis mandassent. Cum, nihil sibi mandatum, respondissent; „ Ego, in- „ quit, priusquam prior ad me Legatio venisset, arcem istam in agro meo ædi- „ ficatam evertere decreveram: neque, post id tempus, ullo sum isti factioni „ beneficio obstrictus, cur intermittere rem affectam, & pene confectam, „ debeam. De minis illis, sive ipsorum, sive populi, ipsi viderint: vos nunciate, me non verbis, sed armis, hinc submotum iri.

XLIX. Ita Legatis re infecta dimissis, dum Rex obsessos omnibus, quæ bellum fert, malis urgeret, Donaldus Insulanus, cum magna popularium manu, in castra venit. Is, ut facinorum superiore vita admissorum faciliorem ob-

[ Pontificem enim] Sic rescribendum ostendunt quæ mox sequuntur: editi tamen omnibus irrepsit [Pontifex:] mihi vero dubium non est quin Buchananus [Pont.] per abbreviaturam scripserit, quemadmodum in nostro MS. exhibetur, quod librarios orationis seriem non attendentes pro [Pontifex:] fefellit. Ineptire autem mihi videtur, qui Pontifex intendere animum.

pari modo hic dictum existimant, quo Populus mihi invidere apud Terentium; nihil enim hic, si totam sententiam, ejusque cum iis quæ præcesserant nexum consideres, cum altera illa loquendi formula adeß commune. Quis enim Latine dixerit, Thrase Terentianus ait populus sibi invidere.

1 Bem.

obteneret veniam, Regemque sibi penitus placaret, ei est pollicitus, si quo progredi vellet, quamdiu in hostico foret, reliquum exercitum mille passus antecessurum, & asperiora quæque pericula principem excepturum. Juxta Regem tendere jussus, cohortes aliquot ad populandos agros emisit. Eisdem forte diebus Alexander Gordonius Huntillæ Comes novas copias adduxit. Fecit ea virium accessio, ut, quanquam arx strenue defenderetur, Rex in oppugnando pertinacior esset, & cum antea magis obsidio quam oppugnatio esset, abundante multitudine, aliis atque aliis in stationes deinceps succedentibus, præfidiarii (quorum jam multi ceciderant, plures vulneribus saucii inutiles, reliqui laboribus assiduus & vigiliis fatigati erant) paullatim ad pericula segnius accederent: quibus ut major terror admooveretur, pars muri <sup>1</sup> bombardis ferreis, quarum tum magnus & usus & metus erat, quati jussa. Ibi dum Rex propius, ut arbiter & exactor laboris, instat, una e machinis, violentia ignis interne furentis, <sup>2</sup> excusso cuneo ligneo, cæteris illæsis, Regem in terram dejectum statim exanimat. Ex aulicis qui proxime astiterant, etsi inopinato casu perculsi erant, tamen, ne, Regis morte palam facta, vulgus dilaberetur, corpus velant. Regina, quæ eo ipso die in castra venerat, haudquaquam muliebri animo dejecta in luctus, proceres convocat: hortatur, „Ut animo bono „sint: neu, unius hominis casu, tot viri fortes deterriti, rem pene ad exitum deductam turpiter deserant: se in locum defuncti Regem alium brevi adducturam: interea omni apparatu belli hostem urgendum, ne, morte Imperatoris intellecta, ferocior efficiatur, & in unius hominis morte tot virorum fortium simul virtutem extinctam existimet. Pudebat viros animi magnitudine a fœmina superari. Arcem igitur adorti sunt tanta vi oppugnare, ut neutra pars Regem abesse senserit. Interea Regis filius Jacobus, <sup>3</sup> septem annorum puer, in castra adductus, Rex salutatur: nec multi intercessere dies, cum Angli, qui in præsidio erant, laboribus & vigiliis confecti, arcem novo Regi dediderunt, pacti, ut incolumes sua secum exportarent. Arx, ne iterum causa belli foret, solo æquatur.

L. Hunc finem vitæ habuit Jacobus Secundus, anno a Christo nato, <sup>4</sup> M. C C C C. L X. non multis ante æquinoctium autumnus diebus, <sup>McCCc.</sup> LX.

<sup>1</sup> Bombardis ferreis, quarum] Ita legendum, non [quorum,] quod libris omnibus irrepsit.

<sup>2</sup> Excusso cuneo ligneo] i. e. ut ego quidem interpretor, ligno illo extrema bombardæ inferi solito, quod & Major testatur, obstructorium diserte appellans: alii tamen bombardæ ipsius fragmine exanimatum tradunt.

<sup>3</sup> Septem annorum puer] Natum mense Januario, & quidem intra 7 & 21 diem, anni 1452, i. e. ex recepta nunc supputandi consuetudine 1453, ostendit ipse instrumentum (in Actis publ.) Georgio Max-  
Tom. I.

well de Calderwood Militi, de terris de Finlason 22 Januarii 1477 concessum, quo alterum ipsius instrumentum, eidem de hisdem terris 7 Januarii 1477 datum, confirmat, hanc rem iterandi causam præfatus; Nos nunc in ætate perfecta existentes, post nostram generalem revocationem, approbamus, ratificamus, &c. unde liquet eum ante 22 Januarii 1477 vigesimum quintum ætatis annum complevisse.

<sup>4</sup> Non multis ante æquinoctium autumnus diebus] 3 nempe Augusti die Dominico, referentibus Extr. Majore, Lessæo, Drummondo, Echardo, &c. 40 minimum diebus  
Ecc bus

ætatís anno XXX. : postquam regnare cœperat, XXIV. Semper, a pueritia, bella domestica & externa cum exercuerunt: ea moderatione animi res adversas & prosperas tulerat; ea fuerat in hostes fortitudo, in deditos clementia, ut maximum sui desiderium apud omnes Ordines reliquerit: coque est visâ mors acerbior, quod in juventutis flore, tot malis defunctus, cum summa de virtutibus ejus esset expectatio, repente decessit. Auxit desiderium filii rebus gerendis ætas immatura, reputantibus, quantum superioribus viginti annis malorum pertulissent, quorum incendiis nondum plane restinctis, ex præteriti temporis recordatione sequentis divinare posse statum sibi videbantur.

bus ante æquinoctium autumnii.

1 *Ætatis anno trigesimo*] Ita certe legendum, non quod alii codices, & Joan. Major tradunt, *anno XXIX.* Drummondus quidem & Abercrombius, tanquam auctori dubii, *obiit* inquit, *anno ætatis 29,* vel, *ut alii scribunt,* 30, quasi vero ambiguum videatur quoto vitæ anno is decessit,

qui consentiente omnium scriptorum testimonio, Octobri 1430 natus, Augusto 1460 est extinctus.

2 *Postquam regnare cœperat XXIV.*] Sic restituendum postulant non modo alii nostri scriptores & Acta publica, sed & ipse Buchan. qui omnes eum mense Martio anno 1437 regnum iniisse testantur.

## LIBER DUODECIMUS.

### CIV. REX.

I. **I**ACOBO Secundo, uti retulimus, in castris extincto, ne qua de regni jure (ut alias acciderat) oriretur controversia, ejus filius JACOBUS, e geminis minor, fratri superstes, puer septem annorum, in oppido Calstone regnum iniit. Deinde cum procures, de more, in verba ejus jurassent, octavo ab inito regno die, exercitu relicto, domum rediit, in arce Edimburgensi sub tutela matris futurus, interea dum conventus Ordinum haberi posset, in quo de summa rerum statueretur. Is paullo tardius est indictus: quod, rebus in Anglia turbatis, domi satis quietis, primores nihil bello prævertendum censerent: ut & veteres ulcisceretur injurias, & hostem semper insidiantem alienis malis, damno insigni compescerent. In hostico, nullis obviis, in agros Anglorum est sævitum: multæ arces, unde hostes repentinæ facere excursiones soliti erant, dejectæ: in his præcipua Verca, in ripa Tuedæ amnis sita, ob propinquitatem Marcianorum agris maxime infesta. Exercitus, quoad per anni tempus licuit, hostilem agrum pervagatus, præmaturnâ hieme domum reducit.

II. Hoc anno, Henricus Anglus ab Eboracensi Regulo captus, & Londinum abductus fuit. Ibi formula pacis, Henrico nihil abnuere auso, scribitur, ut ipse, dum viveret, nomen Regium & insignia teneret, administratio rerum penes Eboracensem esset, sub nomine Protectoris: Henrico mortuo, etiam

etiam <sup>1</sup>Regium nomen ad Eboracensem ejusque posteros transfret. Dum hæc Londini geruntur, Regina nunciatur adventare cum magnis copiis, ut Regem e custodia liberaret. Adversus eam Eboracensis, cum Henrico Rege Richardo Varvicensi relicto, circiter quinque millia secum ducens, obviam in agrum usque Eboracensem processit: & ne, qui toties in Gallia nunquam se mœnibus, sed semper armis, adversus magnos exercitus defendisset, certamen adversus mulierem defugere videretur, cum longe majoribus copiis congressus, ipse, cum minore filio, ac magno procerum numero, cæsus fuit: principum capita, super portam Eboraci affixa, spectaculo proponuntur. Regina victrix, cum ad Regem liberandum iter intenderet <sup>2</sup>Comes Varvici obviam ei progreditur, Regem secum ducens, velut ejus auspiciis pacta paullo ante de regno inita defensusus. Ad Fanum Albani, quod Verolanium fuisse creditur, hostibus occurrit. Regina iterum victrix, ducibus hostium cæsis, marito recuperato recta Londinum tendebat: verum comperto, Pembroci Comitem ab ipsa, Eboracensis filium à patre, ad auxilia contrahenda missos, ex itinere confluisse, ac Eduardum, inimici sui filium, victorem; ipsa gnara odii Londinensium erga se, Northumbriam versus (quod ea pars Angliæ velut seminarium sibi virium esset) contendit. Ibi quoque cruentissima pugna (ut in qua, ex utraque parte, cecidisse tradantur supra triginta sex millia virorum fortium) superata, cum hostis instans spatium recolligendis viribus nullum daret, cum marito & filio in Scotiam profugit. Victor se Regem Angliæ Eduardum Quartum edit.

III. Henricus, cum opem rebus suis afflictis postularet, Jacobo Kennedo Fani Andrea <sup>3</sup> Archiepiscopo, qui tum auctoritate & opinione prudentiæ cæteros Scotos anteibat, maxime annitente, acceptus est humanissime, & omni genere officiorum ita cultus, ut in spem prioris fortunæ recuperandæ erigeretur: quam spem, ut mutuis quibus poterat officiis tueretur, Bervicum oppidum (quod <sup>4</sup> ab Eduardi Primi usque tempore Angli tenuerant) Scotis restituit: qui, eo munere devincti, omnibus rebus Henrici factionem sublevabant, non modo reliquias naufragii ejus colligendo, sed auxilium etiam ad cætera in tempore recuperanda pollicendo: & ut amicitia jam inchoata firmiter coalesceret, dux Regiæ, utraque genere Gallica, tractare cœperunt de affinitate confirmanda, Jacobi sorore Henrici filio, quem Valliæ Principem nominabant, desponsa, quanquam neuter eorum adhuc septimum annum explevisset. Has nuptias Philippus Burgundus, Regiæ Scotorum ayunculus, sed Anglorum Regiæ

<sup>1</sup> *Regium nomen ad Eboracensem*] Ita emendavimus monente Crafordio: Duci enim Eboracensi non [*Eduardo*] (quod alii libri præferunt) sed [*Richardo*] nomen fuit, ipso etiam Buchanano testante Lib. XI. 47.

<sup>2</sup> *Comes Varvici*] Perperam libris omnibus *Dux Varvici* nominatur. Vid. supra Lib. XI. 47.

<sup>3</sup> *Archiepiscopo*] Lege [*Episcopo*.] Vi-

de Lib. VIII. 1.

<sup>4</sup> *Ab Eduardi Primi usque tempore*] Id vero falsum: captam quidem est Bervicum ab Eduardo I. anno 1295, recuperatum vero a Roberto Brusio anno 1318 in Scotorum ditione permansit ad annum usque 1333, quo ab Eduardo III. iterum erat expugnatum. Vid. supra ad Lib. VIII. 42. Rescribendum ergo [*Ab Eduardi III. usque tempore.*]

Ecc 2

1 Puel-



capitalis inimicus, maximopere impedire est conatus, misso Gruthusio homine nobili ad id Legato: ita enim acerbè Philippus cum Renato, 'puelli avo materno, exercebat inimicitias, ut omnem undecunque occasionem crescendi stirpi ejus invideret: itaque tum, in ejus gratiam, res magis dilata, quam omiſſa eſt.

IV. Sed exitum, quem metuebat Burgundus, Henrici fortuna diſcuſſit: benevolentia enim erga ſe Scotorum, & literis ex Anglia amicorum nonnihil confirmatus, uxorem in Gallias ad Renatum patrem miſit, ut ab amicis tranſmarinis quanta poſſet auxilia arceſſeret. Illa apud Gallos hæcenus profecit, ut ſuæ factionis hominibus tutum ibi receptum pararet, & adverſarios excluderet: præterea duo millia militum, duce Varenno, ut Monſtreletus prodidit, ut noſtri & Angli, quibus facilius accedo, quingentos, duce Petro Briſeo, aut Bracco Brittone, <sup>1</sup>ut aliis placet, itineris comites verius, quam adverſus hoſtem auxilium, impetrat. Cum hac manu in Scotiam reverſa, atque aliquid movendum rata, nihil dubitans, ad famam externi militis populares ſuæ factionis conventuros, ad oſtium Tinæ exſcensionem fecit. Sed ea manus exigua, ad famam adventantis hoſtis territa, nulla re memorabili geſta, ad naves rediit: ibi quoque, velut ubique conatibus eorum adverſante fortuna, foeda tempeſtate jactati: major pars, ſecuta Reginam in Scotiam, Bervicum appulit: pauci in Lindiſfarnen inſulam ejeſti, & ab hoſtibus circumventi, periſſe. Sed virilis animi mulier nihil hoc infortunio deterrita, ad ſuos valida Scotorum adjuncta manu, rurfus fortunam experiri decrevit. Igitur, filio Bervici relicto, ipſa cum viro Northumbriam ingreſſa, proximos agros ferro flammaque late devaſtat. Ad hanc famam novi exercitus, ex primoribus Dux Somerſeti & Radolfus Percius, multi præterea ex Henrici veteribus amicis, qui Eduardo Regi, metu temporum, ſeſe dediderant, ſed longe plures ex propinquis Angliæ regionibus, latrocinio ſemper aſſueti, ſpe prædæ accurrerunt. Ad hunc tumultum ſedandum, Eduardus magnum belli apparatus terra marique inſtruit: Montacuti Regulum, cum bona Nobilitatis parte, ad hoſtem ducere jubet: mox ipſe cum reliquo exercitu ſequitur. Cum in campis non procul ab Examo utrique caſtra poſuiſſent, turba quæ prædandi ſtudio convenerat, dilabente, Henricus, quod in rebus deſperatis honeſtiſſimum videbatur, conſligere ſtatuit: commiſſo prælio, victus, principibus amicorum ab hoſte aut captis aut caſis, ipſe magnis itineribus Bervicum pervenit: captivorum alii ſtatim, alii paucis poſt diebus, ſecuri percuſſi.

V. Eduardus, ita per duces ſuarum copiarum victoria parta, ipſe Dunelmum venit, & ut Scotorum incurſiones terrore propinqui exercitus coërceret, & ſi quis

<sup>1</sup> *Puelli avo materno*] Ita legendum cum MS. non quod editis omnibus irrepleat [*puella*:] Renatus enim Andegaviæ Dux, Reginæ Anglorum pater, adeoque ipſius filii Eduardi Principis Valliæ avus fuit: *Puella* autem, i. e. Mariæ Jacobi III. ſororis avus erat Arnoldus Gelriæ Dux.

<sup>2</sup> *Ut aliis placet*] Hæc verba mihi ſu-

perflua videntur: neque enim tanti videtur inter *Briſenm* & *Braceum* diſcrimen, ut illud tam ſignanter notaret, niſi forte Buchananus ſcripſerit, *Petro Briſeo Normanno* (cujatem Major & Leſſus cum diſerte memorant) aut *Bracco*, *Brittone*, ut aliis placet.

si quis domi tumultus oriretur, præsentia sua motus compesceret. Ac dum ibi cum parte copiarum sedet, loca ab inimicis occupata per duces aggreditur: Annevici arcem, multo cæteris majorem & munitiorem, quam (reliquis aut vi captis, aut per conditiones receptis) præsidium Gallorum tenebat, acriter oppugnat: nec minus fortiter præsidarii, spe auxilii propinqui e Scotia, eam tuebantur. Sed cum, nuper in Anglia re male gesta, tam brevi quam præsens flagitabat periculum, exercitus cogi non posset, qui obsidionem solveret; aliis cunctantibus, nec suam sententiam explicantibus, Georgius Comes Angusæ rem audaciæ & periculi plenam suscepit. Collectis ex amicis & clientibus, ac proximo limite, cujus præfectus erat, circiter decem millibus equitum, ad arcem accessit: & Gallis, qui in præsidio erant, in eos impositis, quos sine fessoribus equos adduxerat, incolumes ad unum omnes in Scotiam reduxit; Anglis sive audaciæ miraculo stupentibus, sive subsidia Duglassio in propinquo delitescere ratis, sive potius arbitrantibus arcem sine certamine recipere, quam cum paucis illis, attamen delectis, rem universam fortunæ ancipiti committere. Eduardus, dispositis ad omnia loca opportuna custodibus, ne qua manus rebelium ultro citroque commearet, velut universo regno pacato, Londinum abiit. Henricus interea exul, vel spe ab amicis injecta, vel exilii tædio compulsus, statuit in Angliam ad suos occultus redire. Sed, eadem fortunæ ad extremum durante violentia, agnitus, captus, & Londinum ductus, in arcem conditur. Margarita uxor, rebus diffisa præsentibus, cum filio & paucis comitibus e Scotia solvens, ad Renatum patrem in Galliam navigavit.

VI. Jam (ut ad res Scoticas revertar) conventus, qui fuerat indictus Edinburgum, dies advenerat. Ad eum cum frequentes sese contulissent, multitudo in duas factiones secessit: pars enim procerum Reginam sequebatur: & longe plures Jacobum Kennedum & Georgium Duglassium Angusæ Comitem, alterius factionis principes. Regina diversabatur in arce, Episcopus & Comes in Coenobio Sanctæ Crucis, in suburbio extremo ad Orientem verso. Causa dissensionis erat, quod Regina tutelam Regis se penes esse æquum existimabat: contra pars altera ex universis ad eam curam eligendum maxime idoneum; alteris maternum nomen & propinquitatem, alteris vetustam legem perpetua consuetudine confirmatam jactantibus. Post tertium conventus diem, Regina cum suis ex arce descendit: atque a sua factione se Tutricem Regis, & regni Procuratricem decerni curat: atque in arcem redit. Id cum rescisset Kennedus, cum sua factione in forum advolat, & multitudini, quæ frequens accurrerat, declarat longa oratione; „Se suosque nihil aliud quam publicum emolumentum, & veterem institutorum observationem spectare: contra, adversarios privatis, cujusque commodis duci. Id se perspicue ostensurum, si quando liber discipulandi locus sibi detur. Hac ubi locutus est, in diversorium cum suis se recipere cœpit: ac non longe a foro aberat, cum alteram factionem audit armatam descendere. Id vero intolerandum ratus Duglassius, ut minis paucorum fortiores cederent, ac fugæ instar esset receptus, vix a Kennedo retineri poterat, quin portam urbis proximam invaderet, atque inermis cum armatis congrederetur: ac nisi tres Episcopi, Glasguensis, Gallovidianus, & Dumb-

nenfis, tumultu exciti, intervenissent, vix indignatio sisti poterat, quin ad manus ventum foret. Episcopis interpretibus, res ita tum composita est, ut in mensem essent induciæ.

VII. Ducibus utcunque sedatis, multitudo tamen nullo imperio cohiberi poterat, quo minus iram & indignationem verborum asperitate expromeret: „Reginæ postulationem regno esse turpem, nec ipsi satis decoram. Eone recidisse veterum Scotorum virtutem, ut, in tot virorum millibus, nemo invenitur dignior, quam fœmina, qui rem Scoticam administraret? qui ei genti imperet, quæ majorem vitæ partem in armis transigat? Quam spem tandem fore, qui Regibus parum strenuis non usquequaque tractabiles essent, eos fœminæ peregrinæ obtemperaturos? In huncne finem tot labores exantatos, tantum sanguinis, per tot annos, terra marique fufum, ut homines, in armis nati & educati, se in muliebre servitutem sponte dedant? Quid futurum, si Angli, quod sæpe alias fecerunt, ultum accepta detrimenta cum magnis exercitibus veniant? quem signum pugnæ propositurum? quem in aciem ducturum? quem legesbelli pacisque daturum & accepturum? Hæc, inter se, in omnibus stationibus, passim vulgus hominum libere jactabat.

VIII. Verum mense exacto, paullum pacationibus animis, cum, finitis induciis, iterum esset conventum, Regina pro sua causâ hæc fere afferbat: „Cum superioris anni administrationem non ipsa vi usurpasset, aut in eum locum repugnante Nobilitate irrupisset, sed omnium concordî assensu jure suo fuerit usâ, se moleste ferre, nullo præterito crimine, de gradu dejici. Ceterum si, quod solet, in tutelis propinquitâs spectetur; neminem matre propinquiorem; si Regis incolumitas, neminem fidiorem: e Regis enim morte aliis aliam spem esse; nihil ad se præter luctum & orbitatem redundaturum. Sin utilitatis publicæ ratio ducatur, se peregrinam esse, nullis amicitiiis inimicitiiisve illigatam: quod in iis, qui rempublicam capefferent, in primis esset spectandum: quod non modo procul a vitiis eorum vita debeat esse, sed etiam quam paucissimas earum libidinum causas habere, quæ animum in judicando tranversum agere soleant. Aliis parentum, propinquorum, affinium esse opes, quorum præsidio freti, vel delicti exultationem, vel faciliorem veniam sperare possint; interdum etiam cogi, ut ad eorum libidinem suas actiones accommodarent. Sibi vero in sola innocentia spem defensionis fore: unum enim esse filium, quem spectaret; cujus omnia emolumenta cum suis utilitatibus essent conjuncta. Hæc nisi respiceret, se privatam, cum omnium gratia, libentius & felicius etiam victuram, quam in corrigendis delictis, omnium malorum subituram inimicitias, & in bonorum offensiones interdum incursum. Neque novum videri debere, si fœmina alieni regni procurationem petat: cum non modo in Britannia, sed in maximis etiam & potentissimis continentis regionibus fœminæ regnarint; & ita regnarint, ut administrationis earum cives non pœnituerit.

IX.

<sup>1</sup> *Quæ majorem vitæ partem*] Ita ex MS. reposuimus, editis autem omnibus male *[qui]* legitur.

<sup>1</sup> Archie-

IX. Hæc cum dixisset, multorum secutus est assensus, partim eorum, qui futuræ gratiæ locum apud eam præmuniebant, partim, qui alienæ invidiæ fructum ad se perventurum sperabant. Neque deerant, qui prava libidine, si electio ex omnibus fieret, ne, velut partim idonei, præterirentur, malebant Reginam omnibus, quam alios ejusdem secum, aut superioris ordinis, præferri. Nobilitatis vero pars incorruptior cum & vultu & verbis orationem Reginæ aspernarentur, omnem cœtum vehementer movit Jacobi Kennedi Archiepiscopi Fani Andreæ auctoritas & oratio, quem in hunc modum locutum accepimus.

„X. \* Maxime vellem, Proceres clarissimi, ut qui de omnium salute verba  
„facere instituunt, sine singulorum offensione, libere ex animi sententia loqui  
„& possent & vellent. Nunc vero, cum, quæ ad publicam univerforum di-  
„cuntur utilitatem, ad privatam rapiantur contumeliam, difficile est ita mo-  
„dum inter diversa studia & pugnantes sententias tenere, ut non in alterius par-  
„tis offensionem incurras. Quod ad me attinet, ita moderabor orationi meæ,  
„ut nemo de me queri possit, nisi suum prius flagitium fateatur: libertate  
„vero a majoribus accepta ita modeste utar, ut nec cupide quenquam lædere  
„voluisse, nec per timorem aut ambitionem, quæ ad præsentem faciunt con-  
„sultationem præterisse videar. Duas omnino sententias esse video, quæ con-  
„cordiam nostram remorentur. Altera censet, in re, quæ ad omnium utilita-  
„tem pertinet, ex omnibus electionem fieri debere: &, quemadmodum om-  
„nes, ad ferenda suffragia, de re, quæ totius regni salutem complectitur,  
„coimus, ita neminem a spe honoris æquum esse excludi, qui virtute & ho-  
„nestis artibus eo contendat. Altera, Reginæ clarissimæ Principi, & lectissi-  
„mæ sceminæ, injuriam fieri putat, nisi in filii salute tuenda, & regno ad-  
„ministrando, cæteris omnibus præferatur. Harum sententiarum cur priorem  
„magis probem, dicam posterius. Aliorum tamen consilium hæctenus probo,  
„quod parum e dignitate Reginæ putant, ut quisquam alius cum ea in conten-  
„tionem de honore veniat, ne auctoritas ejus, quæ, ut est, ita omnibus exi-  
„mia haberi debet, cum inferioribus collata, imminui videatur. Quod si de  
„honore unius, & non de omnium salute hic esset disceptatio, ego quoque  
„facile ac lubens ad eorum sententiam accederem: verum cum de eo statuen-  
„dum sit hodie, quod omnium privatorum vitam & fortunas, quod totius re-

1 Archiepiscopi] Lege [Episcopi,] ut sæpe antea monuimus.

2 Maxime vellem] Jamdudum a viris doctis observatum est, nobilissimam hanc, & dabiam veteribus palmam facientem orationem, non a Jacobo Kennedo habitam, sed a Buchanano ipso confictam fuisse: neque enim apud alios nostrorum Annalium scriptores usquam exstat illius vestigium. In ea certe concinnanda non tam Historicæ veritatis, quam suorum temporum rationem habuisse videtur Buchana-

nus, atque totas eloquentiæ vires expressisse, sive suo pre ductus ingenio, sive patroni sui Moravii gratiam capturus, ut utriusque Mariæ parentis & filiz imperium exagitarer, suisque civibus invisum redderet: exemplum, ut credibile est, Joannis Knoxii secutus, qui paullo ante, eodemque fere consilio, binas in muliebri imperium scripsit invektivas, quas *primi secundique tuba flaminis* titulo insignivit, præfervidum auctoris ingenium testantes.

1 Ante



„gni incolumitatem complectitur, huic uni cogitationi omnes singulorum ra-  
 „tiones concedere oportet. Quare eos etiam atque etiam moneo, ut ita Regi-  
 „nae studeant dignitati, ne legum, ne veterum institutorum, ne salutis o-  
 „mnium interea obliviscantur. Nam si ostendere poterunt, & legibus licere,  
 „& publice expedire, ut Regis tutela, & rerum administratio penes Reginam  
 „sit, me quoque suae sententiae astipulatorem habebunt. Sin vero eorum ora-  
 „tio sit publice perniciofa, & ad legum omnium interitum, & Reginae con-  
 „tumeliam spectet; hanc mihi veniam, primum a Regina, deinde ab omni-  
 „bus bonis, datum iri spero, ut salva & sacrosancta (quoad per leges & insti-  
 „tuta majorum licet) Reginae auctoritate, non celem quid sentiam; aut potius  
 „ut id libere dicam, quod sine summo scelere tacere non possum.

„XI. Atque, ut a legibus incipiam: lex est a Kennetho, Rege non mi-  
 „nus prudentia & consilio, quam belli gloria, claro, ante quingentos am-  
 „plius annos lata, & ab omnibus regni Ordinibus accepta, & usu tot anno-  
 „rum, ad hunc usque diem probata, ut Rege pupillo coeant Ordines, virumque  
 „prudentia & opibus primum eligant, qui Regis tutelam gerat, eoque nondum  
 „regni potente res administret. Haec lex etsi ad Kennethum, velut auctorem,  
 „referatur, mihi tamen non tam primus eam tulisse videtur, quam vetustam  
 „Scotorum consuetudinem nova sanctione confirmasse. Majores enim nostri adeo  
 „erant a cura publica mulieribus mandanda alieni, ut, si omnia rerum vocabu-  
 „la excutias, ne muliebris quidem imperii nomen apud eos invenias. Quorum  
 „enim ei rei nomen imposuissent, cujus ipsi nullum penitus usum habuissent,  
 „nec in posterum ullum fore sperabant? Quas enim Reginas alii, suo quisque  
 „sermone, nos Regum uxores appellamus: nec altioris fastigii nomen ullum  
 „in eis agnoscimus. Voluerunt enim, opinor, viri prudentes, ut illae, quo-  
 „ties mentionem sui fieri audirent, ex adjuncto viri nomine, se viris obno-  
 „xias esse meminissent. Itaque, ad hunc usque diem nullum muliebre impe-  
 „rium, nulla publica procuratio fuit. In minoribus quoque magistratibus &  
 „mandandis & exercendis, eundem plane morem constantissime observarunt.  
 „Nam multi honores, atque in his jurisdictiones, propter ingentia erga pa-  
 „triam merita, etsi ad pleraque jure haereditario pervenerint, ac saepe for-  
 „minis dotales cesserint, nunquam tamen, ad memoriam usque nostram,  
 „proditum est, foeminam aut in publico concilio praesedissee, aut jus dixisse,  
 „aut eorum, quae propria virorum creduntur, ullum munus usurpasse. Quod  
 „institutum cum majores nostri, nullis obstricti legibus, tam constanter ob-  
 „servarint, naturae tantum instinctu impulsu; si nos eorum posteru, adversus  
 „legem, omnium suffragiis acceptam, & tam longo usu probatam, in mani-  
 „festum

[*Ante quingentos amplius annos lata*]  
 Hoc quidem accurate verum non est:  
 Kennethus enim III. hujus legis conditor,  
 regnum (juxta ipsum Buchananum) inijt  
 anno 969, a quo ad hoc tempus non ul-  
 tra 491 anni effluxere. Quod si adverta-  
 mus hanc legem latam fuisse post multos

a regno inito annos, minor adhuc sum-  
 ma restabit. Vid. quae nos supra ad Lib.  
 IV 3. Sed danda haec Oratoribus venia,  
 qui sententiarum numeros praecipue atten-  
 dentes, temporum rationes laxiore trutinā  
 castigare solent.

festum periculum statum publicum præcipitemus, quis non a temeritatis dico, sed infantiæ nos infamia vindicabit? præsertim cum exemplis propinquis admoneamur. Saxones enim, ob unius Ethelburgæ scelus, lege caverunt, ne ulla deinceps Regis uxor Regina vocaretur, aut in sede honoris in publico Regi assideret. Quæso igitur, diligenter expendite, quantum ab eorum prudentia degenerent, qui adversus legem tam vetustam, tam foeminis utilem, quam viris honorificam, clavum reipublicæ eis committant, quibus majores nostri nunquam nomen Regium indulerunt, vicini etiam honoris illius vocabulum ademerunt. Aliæ nationes aliter censuerunt: quo successu, dicam postea; modo prius eis respondeam, qui hanc legem non audent publice calumniari, in mulierum autem conventiculis tanquam iniquam arguunt.

XII. Verum quisquis est, qui eam reprehendit, non ille sanctionem aliquam, hominum modo suffragiis comprobata, sed naturam ipsam, hoc est, legem illam primariam, a Deo in animos nostros incisam, velle reprehendere videtur: naturam, inquam, quam noster Legislatores, in hac roganda, ducem & consiliorum suorum rectricem habuit. Natura enim ab initio, non modo viros a foeminis animi corporisque viribus discrevit, sed sua cuique sexui munia, suas virtutes, genere quidem eadem, gradu vero longe diversas, attribuit. Nam, qui minus indecorum est foeminis jus dicere, delectum habere, exercitum ducere, signum pugnae proponere; quam viro lanam, colum, telam cæteraque muliebris infirmitatis tractare ministeria? Quæ in viris liberalitas, fortitudo, severitas; in muliere profusio, vesania, crudelitas habetur: contra, quod in foemina elegans, come, venustum; in viris fractum, elumbe, putidum judicatur. Hæc, naturæ sponte distincta, qui permiscere & confundere conantur, nonne vobis videntur omnem regni statum, legibus & institutis optime formatum, non perturbare, sed omnino evertere; cum muliebri imperium nobis probare contendunt, cujus ne nomen quidem ullum nostri majores habebant? Hujus enim (ut dixi) legis lator, non tam, in ea condenda, novum jus attulisse videtur, quam perpetuam majorum consuetudinem literis, ad posteritatis memoriam, consignasse; & quod, in Rege creando, natura duce, semper fuerat usurpatum, id in Regio quoque tutore creando, publica auctoritate observandum consecrassè. Hanc qui labefactare conantur, quid aliud moliantur, quam ut omnes leges, ritus, consuetudines majorum, una lege violanda, simul evertant? Neque ego (ne quis id calumniatur) leges omnes, velut in æternum latas, arbitror immutabiles: alia aliarum est ratio, alia vis, alia conditio: quæ enim ad tempo-

1 Hujus enim (ut dixi) legis lator] Ita legendum cum MS. duobus distinctis vocabulis, non unico [legislator,] quemadmodum editis omnibus legitur. Imo vero nusquam apud probum quempiam scriptorem has voces in unam compactas reperio. Ciceronis est 4. Catil. cap. 3. Lator legis Sempronius, & Livii, Noster. Tom. I.

Legum lator. Patitur tamen Latini sermonis analogia ut Legis lator dicamus; an vero unico vel duobus vocabulis scribendum, Critici viderint.

2 Simulevertant] Rectius quam [semel,] qui error hic & alibi nonnunquam libros omnes occupavit.

rum vicissitudines accommodantur, eæ fortunæ inconstantia sunt obnoxia; tamdiu durare solent, quamdiu manet, quæ eas imposuit, necessitas: & quæ per vim tyrannorum obtruduntur, cum suis auctoribus fere una tolluntur. At naturæ vim illam, quæ viva quodammodo lex est, & a Deo condita, in animosque hominum incisa, & penitus impressa, nullius multitudinis consensus, nulla hominum decreta abolere possunt. *Non enim* (ut egregium poetam dixisse ferunt) *beri aut hodie nata est, sed cum ipsa verum natura una, viget, consenscit, & interit.*

XIII. Quo e genere cum hæc nostra in primis lex sit, non oppugnat Reginae dignitatem, qui cupit, ut ipsa ultro sibi præscribat metas, quas natura statuit, sexus postulat, consuetudo affirmat, & omnium pene gentium consensu latæ leges approbant: sed qui sui eam oblivisci jubent, & omnia juris vincula perturbare; ordinemque rerum, a Deo institutum, usu receptum, & in omnibus bene moratis civitatibus probatum, perturbare suadent. Eum ordinem quicumque negliget, graves non hominibus, sed Deo, suarum legum vindictæ, exsolvet poenas. Nam si mortem lex divina minatur viro muliebrem, aut mulieri virilem vestem induenti, quod supplicium satis, pro magnitudine sceleris, grave eis irrogabitur; qui, adulatione præpostera, totam naturæ vim, & perpetuam Dei constitutionem evertant? Vultis intelligere, quam isti assentatores non ex animi sententia loquantur? in conventu publico dicere sententiam, juri dicundo præesse, leges rogare, aut abrogare? Hæc singula etsi per se ampla sunt, quantula tamen portio sunt administrationis publicæ? Cur ergo eorum uxores hic nobiscum non consultant? judiciis præsidet? leges suadent, aut dissuadent? Cur non domi suæ ipsi rem familiarem procurant, & uxores in castra mittunt? Quod si, quibus rem familiarem committere vix audent, nedum minimæ negotii publici parti pares esse existiment, eas nostris imponere volunt cervicibus; videte, quam sibi constent: sin ipsi, infirmitatis suæ sibi conscii, idem sentiunt quod loquuntur, sed pudore magis quam judicio cohibentur, desinant male sperare de aliis, qui sua, hoc est, virorum officia implere & volunt & possunt. Sin (quod magis reor) hoc assentationis genere, se Reginae gratificaturos putent, eos admoneo & hortor, ut falsam istam de Principe summæ prudentiæ deponant opinionem: nec eam adeo rerum ignaram credant, ut, quod aliis foeminis esset turpissimum, in eo suæ dignitatis aut incrementum ullum aut ornamentum inesse arbitretur. Invitus in hanc orationem ingredior.

XIV. Itaque, cum Princeps illustrissima de universo regno ita sit promerita, ut nihil audire debeat, quod animum ejus aut aures offendere possit, omittam, quæ in sexus contumeliam ab improbis jactari audio, & virtutum, quæ Reginae sunt propriæ, potius usurpabo memoriam. Hæ enim cum plurimæ sint, & in primis illustres, nulla tamen majorem ei apud omnes commendationem & laudem conciliavit, quam modestia: ea enim istius sexus

ita

<sup>1</sup> *Vix audent*] Aut hic [*audcant*, aut mox [*existiment*] scribendum videtur: sed nihil mutare auiam,

<sup>1</sup> *Non*

„ita propria existimatur, ut, in privata plerumque vita, alia aliarum vitia vel  
 „omnino texerit, vel certe obscurarit. In Principe vero nostra, cujus, ob  
 „fortunæ generisque claritatem, nullum dictum factumve in obscuro esse po-  
 „test, ita hæc præluet, ut ejus commendatione ceteræ virtutes gratiores fi-  
 „ri videantur. Cum ea igitur mihi longa oratione non est opus, sed tantum  
 „ut admoneam & horter, ut, quam semel ad decus & gloriam ingressa est  
 „viam, eam constanter teneat: neu cujusquam assentationi ita se præbeat, ut  
 „sui obliviscatur: malitque certum, & multis experimentis probatum iter,  
 „ad laudem & immortalitatem insistere, quam, per ancipitia & intuta progre-  
 „diendo, anteactæ vitæ decus & splendorem in discrimen mittere. Vobiscum  
 „mihi omnis disceptatio, qui, vel invidia erga meliores, quos, ne vobis au-  
 „teponantur, timetis, vel, prava ambitione, apud bonam Principem futuræ  
 „gratiæ fundamenta jacitis. Dicam igitur, Regina clarissima, fretus tua pru-  
 „dentia, quod sentio, & libere dicam. Isti non te, sed tuam fortunam allo-  
 „quuntur: &, dum Reginam cogitant, eandem quoque foeminam esse ob-  
 „livisci videntur. Cum foeminam dico (ne quis contumeliosè id dictum inter-  
 „pretetur) hominem dico, cui natura, cum plurima dederit blandimenta, &  
 „indulgentiæ suæ munera, nonnulla etiam admiscuit (ut pulcherrimis quoque  
 „& pretiosissimis rebus solita est) infirmitatis incommoda: ideoque, non sui  
 „protegendis satis potentem, in aliena voluit esse custodia; adeoque in alios  
 „imperium non dedit, ut leges, naturam imitatur, in perpetua parentum, fra-  
 „trum, maritorum tutela foeminas esse jussit. Neque hoc ad earum est ex-  
 „cogitatum ignominiam, sed infirmitati inventum remedium: nam cum eas  
 „negotiis, quibus sunt impares, arcet, beneficium est consulentis pudori, non  
 „ho-

1 *Non sui protegendis satis potentem*] Qui-  
 dam existimant [*sui protegende*,] aut [*se  
 protegendis*] hic legendum; sed frustra ces-  
 sit horum Criticorum acumen: nam quod  
 a Sanctio primum, deinde a Novæ  
 Methodi auctore summo cum judicio est  
 observatum, Pronominibus *mei*, *tui*,  
*sui*, *nostri*, *vestri*, &c. sive marem  
 sive foeminam significantibus, adhibetur  
 gerundium in *di*, non vero gerundivum,  
 quod vocant, sive adjectivum participiale,  
 eo quod nomina ista adjectivis jungi  
 non patiantur. Sic Ovid. Epist. Acontii,  
 ver. 74.

*Copia placendi sit modo parva tui.*

non *placanda*, ut nonnullis Editt. scribitur,  
 & quidem male, ut notat Nic. Heinsius.  
 Terent. Hec. III. 3. 12. *Ego ejus viden-  
 di cupidus* (Philumenæ scil.) *recta sequor*.  
 Et Phor. I. 3. 24. *Ut neque mihi ejus  
 (Phanii virginis scil.) sit amittendi, neque*

*retinendi copia*. Vid. supra ad Lib. I. 3.

2 *Non honoris detractantis contumelia*] Duo  
 hic observanda sunt: 1. Verbum [*detractis*]  
 sensu gemino & quidem multum diverso  
 usurpari, interim scil. pro *recuso*, inte-  
 rim pro *vitupero* acceptum: utroque au-  
 tem significato *detractis*, non *detractis* scri-  
 bitur, ut *obtractis*, *attractis*, *contrectis*;  
 quamvis in usu sit *detractor* verbale, i. e.  
*vituperator*, a supino verbi *detrabo* deduc-  
 tum. 2. Et si *detrabo* vituperandi sensu sum-  
 tum vel Dativo vel Ablativo, præeunte  
 præpositione, jungatur, *detractis* tamen  
 Accusativum semper post se postulare;  
 ut *detractis virtutes*, Sallust. *Detractis  
 benefactis*, Ovid. Quem etiam casum ad-  
 sciscit *obtractis*: Livius tamen *laudibus ob-  
 tractare* dixit. At exemplo (quod sciam)  
 prorsus destituitur Buchananus, qui verbo  
*detractis* Dativum adhibuerit: idcirco hic  
*detractis* (si liceret) legi malim.



„honoris detrectantis contumelia. Non commemorabo, quam agere cohibeat  
 „eas maritorum diligentia, & parentum auctoritas: non recensebo, quo,  
 „soluta vinculis, quarundam licentia proruperit. Ea tantum dicam, non quæ:  
 „caussa præfens offert, sed quæ exigit, & quæ sine fraude publica tacere non  
 „possum: si qua in eo sexu sunt privatim noxia, ea maritis & propinquis cu-  
 „ræ sunt, quæ publice obesse possunt, ea leviter attingam.

„XV. Nunquam ab hoc sexu animi magnitudo postulata est: habent certe  
 „fœminæ suas virtutes; sed hæc, de qua loquor, inter viriles, non mulie-  
 „bres, semper connumerata est: deinde, quo magis, ob naturæ imbecillita-  
 „tem, animorum motibus sunt obnoxia, eo, quoties legum frenos licentia  
 „perruperit, longius progrediuntur, difficilius revocantur, ad modestiam vix  
 „unquam redeunt: quippe morborum & remediorum juxta impatientes. Quod  
 „si quæ inter eas fortiores videntur, eo sunt magis periculosa, quod vehe-  
 „mentiores habeant impetus: & quæ, tædio sexus, fœminam semel exue-  
 „runt, etiam ultra curas viriles licentiam extendere volent. Nam ubi modum  
 „finemque a natura positum semel transieris, quicquid ultra est, infinitum est,  
 „nullo cupiendi aut audendi tibi relicto termino: Ad hanc etiam naturæ infir-  
 „mitatem accedit, quod quanto quisque sui minorem habet fiduciam, tanto  
 „facilius aliorum dicta & facta ad suam contumeliam accipit, vehementius ira-  
 „scitur, ægrius pacatur, immoderatus vindictam exercet, & velut contem-  
 „tum sui ulciscitur. Hæc omnia quam sint magistratum gerentibus adversa,  
 „nemo vestrum, opinor, ignorat. Ista si quis a me confingi putat, apud ani-  
 „mum suum reputet, quanta cum rerum perturbatione Joanna Neapolitana  
 „non ita pridem imperaverit. Revolvite præcorum temporum historias. Non  
 „commemorabo Assyriam Semiramidem, non Cappadocem<sup>1</sup> Laodicen; mon-  
 „stra sunt ista, non fœminæ. Palmyrena illa Zenobia, omnium ore celebra-  
 „ta, Parthorum victrix, imperii Romani propugnatrix, tandem victa, ca-  
 „pta, triumphata, se, regnumque suum, ab Odenato marito auctum & il-  
 „lustratum, uno momento evertit.

XVI.

<sup>1</sup> *Maritis & propinquis cura sunt*] Ita MS. editi omnes [sunt] male.

<sup>2</sup> *Laodicen*] Hæc uxor erat Antiochi II. Regis Syriæ, quem, quod Berenicen sibi prætulisset, veneno sustulit, ac deinde ipsius rivalem Berenicen immixtis percussoribus necavit. Cæterum MS. *Laodiceu*, editis omnibus *Laodiceu* adversus Grammaticorum leges hic scribitur. Vossius tamen & Jonsonus exempla quædam addunt ejusmodi nominum in e primæ, Accusativum in *em* mittentium: ad quorum imitationem Buchananus Lib. v. 22. *Igernem* non *Igernem*, bis extulit.

<sup>3</sup> *Imperii Romani propugnatrix*] Crafordius legendum vult *oppugnatrix*: verum nihil mutandum, nam licet Zenobia bel-

lam demum Romanis intulit, atque ab Aureliano capta fuit, initio tamen Romanis favebat: ejus quippe hortatu & auxilio ipsius maritus Odenatus Saporem Persiarum Regem, arma Romanis inferentem, debellavit. Ita Trebelli in vit. Valeriani patris, *Rem*, inquit, *Romanum prope in pristinum statum reddidit*, & de Odenato loquens, *Cum uxore Zenobia, collecto exercitu contra Persas profectus est*. Clarus vero ipsius Valeriani ad Senatum epistola, *Possim dicere illius esse, quod Odenatus Persas vicit, ac fugato Sapore Ctesiphontem usque pervenit. Nec ego illi vitam conservassem, nisi eam scissem multum Rom. Reip. profuisse*.

2 Quæ

„XVI. Sed nec illud quidem præterire tacitus possum, cujus in alienæ rei pro-  
 „curatione in primis ratio ducenda est, ne videlicet summum imperium æi ho-  
 „minum generi committamus, a quo male obiti negotii ratio exigi non po-  
 „test. Nihil ego neque Reginae ingenio, neque fidei, neque industriae detra-  
 „ho: sed si quid (quod plerumque accidere solet) aliena etiam fraude, gestum  
 „fuerit, secus ac publica utilitas, aut quem tenebit loci dignitas, postulet,  
 „quam multam a Regis matre exigemus? aut quam expetamus pœnam? apud  
 „quos rerum gestarum ratio repositur? apud muliebri concilium in gynæceo  
 „de summa rerum consultabitur? Vos ibi decretis aut singuli subscribetis, aut  
 „universi auctores eritis, & quam vix inermem, legibus & moribus vobis ob-  
 „noxiam, cohibere nunc potestis, auctoritate vestra semel armatam mulie-  
 „brem impotentiam sustinebitis. Neque hoc eo a me dictum existimate, quod  
 „quicquam tale a fœmina lectissima & omnium longe modestissima metuam:  
 „sed quod nobis, quibus omnia adhuc in manu sunt, turpe ducam, spem no-  
 „stræ incolumitatis, quam nobis ipsis debere possumus, in aliena potestate col-  
 „locare, præsertim cum pro nobis faciant divinæ & humanæ leges, & non  
 „modo majorum, nostrorum consuetudo, sed omnium, quæ ubique terrarum  
 „sunt, gentium consensus. Tulerunt quidem, in summo honoris gradu, na-  
 „tiones quædam fœminas, non illas quidem iudicio & suffragiis electas, sed  
 „forte nascendi oblatas, nullus tamen unquam populus, cum libera essent suf-  
 „fragia, cum virorum quantulacunque esset copia, sibi fœminas præfecit.  
 „Quamobrem, viri clarissimi, suadeo, vosque vehementer adhortor, ut, jux-  
 „ta leges patrias, & majorum instituta, unum, aut plures etiam, si ita vi-  
 „debitur, ex optimatibus scilicet optimos, eligatis, qui interim regnum ad-  
 „ministrarent, dum Rex eo robore sit & animi & corporis, ut ipse ad rerum  
 „gubernacula admoveri possit. Quod faxitis Deum Opt. Max. fortunare &  
 „volo & opto.

XVII. Hæc cum Kennedus, cum haud dubia majoris partis assensione, dixisset,  
 cæteri, ne frustra contra niti viderentur, in eorum sententiam concesserunt.  
 Res autem hoc maxime modo est composita, ut neutra partium alteri cessione  
 videretur. Bini e singulis factionibus adhibiti ad Regis custodiam, qui publica  
 negotia cum fide tractarent, vectigalia Regia colligerent ac dispensarent, fa-  
 miliaque Regiæ curam gererent: e factione Reginae, Gulielmus Gramus,  
 & Robertus Bodius tum Cancellarius; alterius factionis, Robertus Orcadam

Co-

1 *Quæ ubique terrarum sunt, gentium]* Omnes editi codices qui.

2 *Sorte nascendi]* Ita omnes libri hoc in loco, quod & mihi multo potius videtur, licet alibi nonnunquam [*forte nascendi*] legatur. Vid. supra ad Lib. VI. 41. XI. 15.

3 *Quod faxitis Deum Opt. Max. fortunare & volo & opto]* Ob oculos habuit Buchananus præclaram Porcii Catonis, eodem fere argumento, (i. e. de lege Op-

pia, quæ mulierum nimis sumptibus & luxui modum statuebat, non abroganda; apud Livium lib. 34.) orationem: e qua, præter alia nonnulla, postrema hæc verba noster arripere non dubitavit: ita enim perorat Cato, *Vos quod faxitis Deos omnes fortunare velim*

4 *Robertus Orcadam Comes & Joannes Kennedus]* Ostendit Thomas Crafordius ex Actis publicis in utriusque nomine a Buchananò hic erratum: prior enim Gu-

Comes, & Joannes Kennedus; omnes familiarum suarum principes: adjuncti his duo Episcopi, Glasguensis & Caledonius: Reginae permissum, ut educationi Regis adesset, modo ne quam partem curae publicae attingeret: reliquorum vero liberorum (erant autem quaterni, Alexander Dux Albinus, Joannes Comes Mariae ac duae puellae) ipsa educationi praesset.

XVIII. Rebus domesticis ita constitutis, Legati Anglorum auditi: <sup>1</sup>petentibus induciae in annos quindecim datae. <sup>2</sup>Proximo anno, qui fuit M. CCCC.

**M CD LXIII.** Regis mater decessit, parum secunda pudicitiae fama. <sup>3</sup>Eodem anno, **LXIII.** Alexander Regis frater, <sup>4</sup>dum ab avo materno e Gallis redit, ab Anglis capitur, brevique liberatur, Scotis, ni redderetur, ob violatas inducias bellum comminantibus. Pace foris parta, domi ab intestinis motibus non diu cessatum: nam controversiae procerum, de statu publico ordinando, rumoribus in majus auctae, atasque Regis immatura rebus gerendis, & superiorum temporum licentiae recens memoria, hominibus natura inquietis frenos facile solvit. Alanus Lornensis, homo seditiosus, Joannem fratrem natu majorem, <sup>5</sup>hereditatis ejus potiundi cupidus, in vinclis captivum tenebat: vivum servaturus, quoad, odio nefarii sceleris senescente, res ex sententia transigeret. Id facinus Calenus Cambellus Argatheliae Comes cum rescisset, magna clientium manu collecta, Alanum, liberato fratre, in carcerem conjecit, hominem, alioqui multis atrocitatis infamem, in aulam ad supplicium ducturus. Verum ille (incertum fortuito, an voluntaria) morte supplicium praeventit.

XIX. In diversa regione, Donaldus Insulanus, ut auctor potentior, ita res turbare majore mole est aggressus. Is enim, Rege mortuo, metu solutus, in eo turbulento rerum statu, locum injuriae adversus infirmiores, & augendae potentiae occasionem sibi datam ratus, Eborneffum cum non adeo magno comitatu venit: & a praefecto arcis, ut qui nihil hostile metueret, comiter invitatus, arcem, custodibus expulsi, in suam potestatem redegit, Insulanorumque copiis undique coactis, se Regem Insularum pronuntiat: per propin-

*Helmus (non Robertus) Sinclairus, posterior Gilbertus (non Joannes) Kennedus appellabatur.*

<sup>1</sup> *Potentibus induciae in annos quindecim datae. Proximo anno, qui fuit M. CCCC. LXIII.* Non satis accurate haec traduntur. Ex utriusque enim regni Actis liquet inducias fere annuas primum iuras fuisse, a 16 videl. Decemb. 1463 per terram, a primo vero Feb. per mare, ad ultimum Octob. anni sequentis duraturas. Foed. Angl. Tom. II. pag. 510. Eo quidem anno 1464 in quindecim porro annos sunt continuatae, Ibid. pag. 525.

<sup>2</sup> *Proximo anno* Innotuit his vocibus Buchan. inducias factas fuisse anno 1462, quae tamen (ut modo demonstravimus) anno 1464 factae fuerant.

<sup>3</sup> *Eodem anno* Ita quidem Major & Leslæus, rectius tamen Ferrerius Pedemontanus, Append. Hist. Scot. fol. 386. qui eum captum tradit mense Junio (Majo vero Abercromb.) anno 1464. Exstat enim salvis conductus ei ab Anglo datus 10 Aprilis 1464, Foed. Angl. Tom. II. pag. 520.

<sup>4</sup> *Dum ab avo materno e Gallis redit* Ita quidem Ferrerius & Leslæus, at abeuntem, non redeuntem captum contendit Abercrombius pag. 398.

<sup>5</sup> *Hereditatis ejus potiundi* Quidam potiunde legendum malint. Vide quae nos supra ad Lib. I. 3. Caeterum retineri potest [potiundi,] eo quod potior Genitivum interdum adsciscat.

quas regiones edicit, ut vestigal uni sibi cives pendant: neque alium Regem aut dominum agnoscant; gravi pœna, qui secus fecisset, indicta. Ad hanc famam, facinorosis ad eum undique coeuntibus, satis magno exercitu confecto, Atholiam ingreditur, tanta celeritate, ut Comitem, qui Regiserat patruus, cum uxore, nihil tale suspicatos, ceperit. Is enim, ad repentini tumultus rumorem, Blaro arcis diffusus, in vicinam Brigidæ ædem, se religione loci defensus, secessit: multi item popularium, oppressi subito malo, pretiosissima quæque rerum suarum eo congesse. Ea ædes quanquam in illis locis magna cærimonia veneraretur, & ad eum diem inviolata mansisset ob sanctitatis eximiae famam, plus tamen valuit, apud animum immanem & avarum, præda quam religio. Comite cum uxore magnoque captivorum numero illinc abducto, ædi, rebus omnibus spoliata, ignem injecit: sacerdotes, verbis a sacrilegio detertere conatos, alios interfecit, alios male multatos dimisit. Circumjectis deinde locis ferro & flamma longe lateque vastatis, dum cum ingenti præda domum redit, suborta repente tempestate, magna parte navium amissa, reliquis graviter afflictis, ipse cum paucis in Ilam insulam ejectus est verius, quam expositus. Id vero, qui e tanta calamitate evaserant, rati manifesta numinis ira evenisse, nudis pedibus, ac lineis modo vestimentis tecti, supplices cum muneribus ad Fanum Brigidæ, cui ante paucos dies tam contumeliose illuserant, accesserunt. Dux vero Donaldus, sive dolore amissi cum præda exercitus, sive animum (quamlibet immanem) subeunte scelerum conscientia, & spectæ religionis memoria, ex eo die parum compos fuisse mentis dicitur. Hic ducis calus propinquos ejus movit, ut Atholæ Comitem cum suis liberos dimitterent, ac Brigidam propitiatum cum piaculis amplisque muneribus venirent. Rerum ita gestarum fama in aulam perlata, omnem expeditionis adversus Insulanos apparatus solvit.

XX. Primis tumultibus ita sedatis, tanta cum æquitate & tranquillitate res Scotorum administratæ sunt, ut nunquam altiore securitatem, sincerioresque pacem seniores affirmarent se meminisse: ea erat in Jacobo Kennedo (cujus aula tum maxime nitebatur auctoritate) prudentia & gravitas, ea in reliqua Nobilitate, qui prudentioribus parere non recusabant, modestia. Tantam enim Kennedus exultationem, multis erga rem Scoticam meritis, erga superiorem Regem officiis, collegerat; tantam, ob morum elegantiam, & propinquam cum Regibus cognationem, comparaverat in rebus omnibus fidem, ut ceteri pueritiæ Regiæ curatores, qui per ordinem bini in orbem sibi succedebant, eum, quoties in aulam excurreret, velut diligentiae exactorem & probatorem, facile ferrent. Itaque, hac eorum concordia, in summa tranquillitate ita Rex educabatur, ut, accedente ad rectorum diligentiam optima pueri indole, magnam omnium concitaret expectationem. Hæc fere ad sextum usque regni annum acta fuere.

## XXI.

1 *Veneraretur*] Nusquam hoc verbum passivè extra participium reperio.

2 *Cum suis liberos dimitterent*] Ita MS.

princeps editio Edinb. & Genev. aliz autem omnes [*liberis*] perperam habent.



XXI. Erat tum in aula Robertus Bodius, familiae suae princeps: qui, praeter magnas opes, familias tum plurimas & clarissimas propinquitatibus & affinitatibus erat complexus: florebat etiam tum egregia stirpe domus: habebat enim, praeter Thomam<sup>1</sup> & Robertum filios, Alexandrum fratrem, omnium primarum artium principem: qui reliquis pueritiae Regiae rectoribus<sup>2</sup> non invitis, etiam cupiente<sup>3</sup> Joanne Kennedo propinquo (qui, per ingravescentem aetatem, adolescentiae laboribus impar erat) ad Regem est admotus, ut militarium exercitiorum rudimentis eum imbueret, quibus tum inter aequales facile primus habebatur. <sup>4</sup>His opibus freti, nec loco, quamvis honorifico, quem in aula tenebant, contenti, nec auctoritate, quae erat eis praecipua, omne robur publicum in suam transferre familiam decreverant. Id ut conficerent, Alexandro negotium datur, ut Regis quoque animum adjungeret. Is, Regem jam puberem in aetatis flexu nactus, ita comitate & blanditiis animum infirmum cepit, ut summa sibi fides omnium rerum esset. In hanc tam familiarem consuetudinem admissus, sermones frequenter apud adolescentem ferebat; „Eum jam regni potentem esse: jam tempus adesse, ut, e senum prope servitio ex ancipatus, aetatem circa se habeat militarem, eaque studia mature capeffat, in quibus, velit nolit, ei agenda sit aetas.

XXII. Hujus generis orationes, ab adolescente, rerum imperito, & in aetatis lubrico ad licentiam prono, facile accipiebantur: ac paullatim rectoribus contumacior, multa illis inconsultis, nonnulla adversantibus, tentare, atque occasionem quærere, ut a seniorum severitate, velut e vinculis, evaderet. Igitur, cum e Limnucho Rex, ignorante Kennedo, cujus tum vices erant, in agros venatum prodiret, senex certior factus, non procul ab oppido eum assequitur: & cum, apprehensus habenis, remoraretur, ac reducere conaretur, quod nec tempus commodum, nec idoneum comitatum caussaretur, Alexander accurrens, seni, optime de se merito, arcu, quem manu tenebat, vulnus in caput inflixit. Ita abacto Kennedo, velut arbitro molesto, quo coeperant ire, pergunt. Kennedus saucius in oppidum redit: nec Robertus in aulam reversus, fratris factum improbavit. Inde odiorum semina, cum gravissimo regni damno, alterius autem factionis exitio, sunt orta. Initium fuit promendae discordiae, cum Bodii Edimburgum, Kennedi Sterlinum Regem inde transferre vellent. Bodii, qui plus in aula tum poterant, sine consensu publico, cum Edimburgum ducunt, ut ibi regnum iniret. Comites fuere itineris, praeter Bodios, Adamus Heburnus, Joannes Somervallius, & Andreas Carus, familiarum suarum principes. Haec acta sunt, circiter decimum Julii mcccc. diem, anni M. CCCC. LXVI. Kennedi in ea contentione inferiores, diversi

mcccc.  
LXVI.

<sup>1</sup> Et Robertum] Crafordius Alexandrum legi jubet, actorum, ut credibile est, publicorum auctoritate fretus.

<sup>2</sup> Non invitis] Ita ex MS. restitimus, pro quo editi omnes [invitas] exhibent.

<sup>3</sup> Joanne Kennedo] Lege [Gilberto] ut supra Cap. 17. huj. Lib. monuimus. E-

jus quidem filius Joannes appellabatur: at patrem hic indigitari ostendunt verba mox sequentia, [qui per ingravescentem aetatem,] &c.

<sup>4</sup> His opibus freti] Ut sententia magis perspicua procedat, legendum malim, [His opibus Bodii freti.]

2 Ja-

domos abeunt, Joannes in Carictam, <sup>1</sup>Jacobus in Fifam, tumentibus ira animis, nec ultioni, licubi possent, defuturi. Bodii superiores, injuria non contenti, ad Joannem finiam miserunt, quicum domi colluderet, ac se oblectaret, delirationem seni exprobrantes.

XXIII. <sup>2</sup>Nec multo post, Jacobus Kennedus decessit, mature quidem ille, si ratio ætatis habeatur: verum ejus mors omnibus bonis adeo fuit luctuosa, ut parente publico viderentur orbat. Erant enim in eo viro, præter virtutes ante commemoratas, summa domi frugalitas & continentia, foris splendor & magnificentia. Omnes superiores, & qui cum usque ad hunc diem secuti sunt, Episcopos liberalitate in publicum superavit; cum interea non magnos Ecclesiasticos proventus teneret: neque enim adhuc ad Scotos pervenerat consuetudo sacerdotia sacerdotiis cumulandi, & male per avaritiam quæsitæ pejus per luxuriam profundendi. Unum reliquit suæ liberalitatis monumentum egregium, scholas publicas, ad Fanum Andreæ maximis sumptibus ædificatas, & magnis proventibus, ex Ecclesiasticis tamen fructibus, locupletatas. In eis sepulchrum sibi magnifice extruendum curavit, quod tamen ei, privatim de pluribus, publice de omnibus optime merito, malignitas hominum invidit: quod dicerent, nimis vanitatis esse, in re, ad nullum usum comparata, tantos sumtus facere. Mors virtutes ejus fecit illustriores, & desiderium auxit: eo enim, velut perpetuo censore morum, de medio sublato, disciplina publica paulatim labefactata, deinde penitus corrupta, secum omnia pene in exitium traxit.

XXIV. Bodii, ad domesticæ potentiae incrementum, & inimicorum vires imminuendas, sub legum prætextu, animum adjiciunt: e quibus maxime opportunus est visus Patricius Gramus, Jacobi Kennedi ex eadem matre frater, <sup>3</sup>Roberti quoque Bodii consobrinus. Is, uti tum mos erat, per Canonicos electus Episcopus, in locum Jacobi fratris nuper defuncti, sed per factionem aulicam impeditus, quo minus cum Regis bona venia Romam adiret, sine comite ad Pontificem profectus, facile cum eo transegit, ut in demortui locum sufficeretur: nam, præter generis nobilitatem, & maximarum virtutum commendationem, erat, ut illis temporibus, liberaliter eruditus. Itaque dum Romæ, adversæ factionis opes metuens, desidet, vetus controversia de libertate Ecclesiæ Scotorum agitari cœpta est: nam Eboracensis Episcopus jus (quo Scotorum Episcopos contendeat sibi subditos) per licentiam bellorum usurpatum, etiam in pace retinere studebat. Verum, decreto Romæ secundum Scotos dato, Gramus non modo Scotiæ Primas judicatur, sed etiam

2

<sup>1</sup> *Jacobus in Fifam*] Si Ferrerio fol. 397. credimus, Jacobus Kennedus Fani Andreæ Episcopus ante duos menses decesserat, 10 videl. Maji 1466.

<sup>2</sup> *Nec multo post*] Vide Not. præced.

<sup>3</sup> *Roberti Bodii consobrinus*] i. e. *matertera filius*: at id fieri potuisse negat Tho. Crafordius: Patricii enim Grami mater fuit Maria Stuarda Jacobi I. soror: Ro-  
Tom. I.

berti vero Bodii mater *Maxuallia* vocabatur Comarchi Caldervodii filia. Verum laxiore hic sensu vocabulum usurpare videtur Buchananus, pro *propinquo* aut *cognato*: & quidem Patricii Grami avia erat Maria Maxuallia eadem stirpe prognata. Vide Geo. Crafordii Nobil. Scot. pag. 47.

a Pontifice <sup>1</sup>Legatione in triennium, ut sacerdotum prolapsos mores, & disciplinam Ecclesiasticam præcipitantem, in pristinum statum restitueret, est ordinatus. Nec tamen vir tantus, tot animi fortunæque bonis illustratus, ac summi Pontificis tali prærogativa subnixus, domum redire ausus est, usque ad inclinatam Bodiorum potentiam.

XXV. Bodii, cum non tantus ad eos Nobilitatis concursus fieret, quantum speraverant, ut inimicorum criminationes amolirentur, & securitati suæ in posterum prospicerent, conventum publicum indicendum curant, in tertium decimum mensis Octobris. Ibi, coram Rege & Apolectis, Robertus Bodius senior, in genua procidens, conquestus est; „Suum erga Regem obsequium, „quod in eo Edimburgum deducendo præstitisset, malignis inimicorum sermonibus traduci, & in peiorem partem rapi; <sup>2</sup>ac minari, illius consilii auctores poenas aliquando daturus: quamobrem Regem orare, ut, si quam, „ob id factum, iram aut offensam animo concepisset, id palam declararet, „& malevolentium calumnias compesceret. Rex, ubi paulum cum Apolectis collocutus fuisset, respondit; „Robertum non auctorem ejus itineris, sed commitem fuisse; neque obsequii poena, sed potius officii in se collati præmio dignum existimare: idque se, ut invidorum sermonibus obviam eatur, publico conventus decreto declaraturum: atque eodem decreto cauturum, ne „ea res Bodio comitibusque ejus aliquando fraudi esse possit. Hoc decretum cum Bodius petisset in acta conventus redigi, idemque diplomate Regio, cui magnum sigillum appenderetur, confirmari; decretum quidem statim in acta relatum, diploma paullo post, nempe vicesimo quinto ejusdem mensis die ei traditum. Eodem quoque die adjicitur & aliud diploma ex concilii sententia, quo Bodium Proregem creat, suamque salutem, fratres, sorores, arces & oppida, omnemque jurisdictionem in cives ei Rex committit, donec ipse <sup>3</sup>vicesimum unum annum expleret: egitque cum proceribus, qui tum aderant, ut sese sancte promitterent omnium actionum publicarum Bodii adiutores fore, poenisque, ni id summa ope & fide fecissent, obnoxios futuros. Huic promisso Rex ipse quoque subscripsit.

XXVI. His rationibus Rege sibi conjuncto, & parte Nobilitatis privato foedere connexa, ac totius regni administratione in se traducta, securitati in longum tempus provisum esse existimarunt: fundamenta potentiae etiam in posterum jacentes, perfecerunt, ut Regis soror natu maxima Thomæ Bodio Roberti filio nuberet. Id matrimonium, ut opulentum & velut potentiae stabil-

<sup>1</sup> *Legatione in triennium*. — est ordinatus] Aut *Legatus* videtur legendum, aut vice *in ordinatus* substituendum [*cobonestatus*,] vel potius, quod ad alterius vocis sonum proxime accedat, [*ornatus*.]

<sup>2</sup> *Ac minari*] Abrupta hac in parte & hiulca videtur sententia; nisi dicamus verbum [*minari*] passive hic sumi. Verum cum nullam ejusmodi reperiatur exemplam, potius legendum arbitrarer, [*E-*

*osque minari*:] nisi forte sic totam sententiam refingere mavis; — *Conquestus est inimicos suum erga Regem obsequium* — *malignis sermonibus traducere, & in peiorem partem rapere, ac minari, &c.*

<sup>3</sup> *Vicesimum unum annum*] Pro *vicesimum primum*. Ita Cic. de Senect. cap. 5. *Uno & octogesimo anno mortuus est.*



bilimentum videbatur, ita inimicorum odia intendit, & vulgo variam sermonum materiam præbuit. Etsi enim hac via omnes aditus ad Regem obseptos credebant, solique dictorum & factorum arbitri erant, non tamen aulica gratia magis florebat, quam flagrabant odio publico, quod, quadriennio prope tectum, in exitium totius familiæ tandem erupit. Nec adversæ factionis prudentissimus quisque tam subitum eorum incrementum invitatus audiebat: ut cui arrogantiam (ut fieri solet) comitem sperarent, quæ superiores ferre nequeat, æquales contemnat, & inferiores deprimat; ubi autem privati excessit modum, Reges, æmulationis intolerantes, in sui exitium accendat. Fama vero discordiæ, inter factiones tam potentes, populari quoque licentiæ frena solvit: nam nationes latrociniiis assuetæ, veterem rapacitatem ex intervallo avidius repetebant; & odiorum semina, ad tempus suppressa, vehementius gliscebant: & seditiosi turbandarum rerum occasiones libenter amplectebantur: omnes denique omnia, spe impunitatis injecta, liberius audebant. Nec deerant occasionei Kennedi, qui, partim spargendis rumoribus plebis iram inflammarent, & omnium malorum causas in Bodios, ut seditionum auctores, conferrent: partim etiam (ut nonnulli rebantur) a tumultuosorum hominum consiliis non abhorrebant, & nequitiae faces occulte subdebant. Illud certe ex eorum vultibus clucebat, hunc turbidum rerum statum non admodum eis ingratum esse. Unum restare videbatur, ad florentem inimicorum potentiam subvertendam, ut Regis animum ad sua consilia traducerent: satis enim superque sibi virium esse: & vulgus novarum rerum studiosum, & omnia alia magis quam præsentia semper cupiens, facile ad partes accessurum. Itaque, per homines callidos, qui studium Bodianarum partium præ se ferrent, Regis animum pertentare instituunt.

XXVII. Interea Legati in Daniam decreti, ut Margaritam, Dani Regis filiam, Jacobo peterent uxorem: utque prospicerent, quoad fieri posset, ut vetus controversia de Orcadibus & Schetlandicis insulis, magnis utriusque gentis cladibus exercita, tolleretur. Princeps ejus Legationis fuit <sup>1</sup> Andreas Stuartus, Valteri filius, idemque Scotiæ Cancellarius. De nuptiis facile cum Dano transactum, omni jure, quod in omnes circa Scotiam insulas majores ejus sibi arrogarent, dotis nomine remisso; tantum ut privatis agrorum possessoribus caveretur, ut agros, quosibi haberent, uti ante possederant, ita tenerent. <sup>2</sup> Sunt, qui <sup>3</sup> pignori oppositas, donec dos solveretur, scribant; sed postea Jacobo ne-

<sup>1</sup> Interea] i. e. anno 1468.

<sup>2</sup> Andreas Stuartus, Valteri filius] Is erat Avenjalix Regulus, Jacobi (non Valteri) Stuarti nothus, Mordaci Gubernatoris nepos. Vide supra ad Lib. X. 28.

<sup>3</sup> Sunt qui pignori oppositas, donec dos solveretur, scribant] Et vere quidem, ut ex tabulis nuptialibus apud Forisum Hist. Orcad. pag. 191. liquido apparet. Cui etiam in omnibus fere adstipulatur Ferretius, qui hujus instrumenti ex Actis Sco-

ticis copiam sibi factam testatur. Vide in primis Abercrombium, de hisce nuptiis, ut & de Orcadum & Hethlandicarum insularum jure, fuse & accurate dissertantem, vol. 2. a pag. 398. ad 406.

<sup>4</sup> Pignori oppositas] Ita, monente Crafordio legendum, [oppositas] non [oppositos,] quod libros omnes pervasit: non enim privatorum agros, sed insulas ipsas, sive directum, quod vocant, in ipsas dominium, & inde proveniens vestigal, Danus pignori opposuit.



poti ex filia recens nato, Danum omne jus suum in perpetuum cessisse. Cum a Cancellario Rex certior esset factus, omnia ex sententia esse confecta, proxima incidit deliberatio, de honesto Nobilium globo, ad novam Reginam deducendam, mittendo. Ibi fraude inimicorum & amicis parum prospicientibus, Thomas Bodius, Roberti filius, Arania Comes, laudata supra modum etiam ab invidis & minus æquis ejus virtute, & splendore opibusque ad quamvis magnificentiam suppetentibus, Legatus deligitur. Ille, domi omnia, patre Prorege, tuta ratus, libens protectionem suscepit, ac jam incunte autumno, cum familiarium & amicorum comitatu conscendit naves.

XXVIII. Kennedi interea, labefactato Regis animo, & vincula, quibus Bodii ejus voluntatem se retenturos credebant, nempe voluptates, & a curis publicis otium, trahendo in crimen; eorumque opes, quæ jam erant maximæ, velut Regi formidolosæ in majus extollendo; ac nomine peculatus, prædam ex eorum ruina ostendendo, animum infirmum, & suspicionibus atque avaritiæ opportunum, varie versabant. Bodii vero etsi obsequio, & malorum publicorum dissimulatione, a molestis cogitationibus Regem avertere conarentur, tamen & vulgi querimoniæ, & aulae solitudo, utraque ab inimicis auctæ de industria, regi non poterant: nec deerant, qui Regem solitarium nacti, de publicis calamitatibus, & eorum remediis, liberius admonerent: & Rex ipse, velut ad curas viriles assurgens, quæ vulgo fierent nonnunquam ingrata sibi esse monstrabat. Nec Bodii, quanquam cum sibi paullatim minus obtemperantem, & pariter invidiam popularem <sup>1</sup>increscere sentiebant, quicquam tamen e superiore licentia omittebant, confisi & pristina ejus facilitate, & venia præteritorum accepta. Igitur adversa factio, jam Rege clam in suas partes abducto, & Thoma Comite Araniae in Daniam ablegato, unde, propter Oceani septentrionalis sævitiam, magna anni parte navigationibus impervii, reditus ante ver adultum non pateret; senes, & ætate & morbis invalidos, & raro propterea in aulam ventitantes, & præsidio multorum amicorum, qui in Legationem erant profecti, destitutos, maturum aggredi arbitrati, primum conventum publicum, jam diu a multis flagitatum, in <sup>2</sup>vicefimum secundum diem mensis Novembris, anni millesimi quadringentesimi sexagesimi noni, Edimburgum per Regem indicendum curant.

MCD:  
LXIX.

XXIX. Eo Bodiis fratribus adesse jussis, variæ res, pro cujusque odio aut favore erga eos, est celebrata. Ipsi certe tam inopinato casu perculsi, nullo auxilio adversus imminens malum ante parato, fractis animis, non tam factionis adversæ potentia, quam subita Regis alienatione perturbati; Robertus, omni spe incolumitatis abjecta, in Angliam profugit: Alexander, quem adversa valetudo a fuga cohibuit, in jus venit. Crimini fratribus communiter datum,

<sup>1</sup> *Increscere*] Non est quod hæc vox minus Latina quibusdam videatur, quippe qua non Livius modo, Lucanus, Suetonius, Plinius, sed & ipsi Cicero & Virgilius sunt usi.

<sup>2</sup> *Vicefimum secundum*] Dele *secundum*: Acta enim publica 20 *Novembris* diserte præferunt: Fecellit Buchananum condemnationis instrumentum, quod quidem 22 *Novemb.* est scriptum.

tum, quod, in Regem injecta manu, privato consilio eum Edimburgum duxissent. Cum Alexander affirmaret, ejus culpæ veniam in conventu publico impetratam, supplexque peteret, ut ejus veniæ, ex actis publicis, Rex exemplum describi pateretur, id ei negatum. Quid, adversus id decretum, ab accusatoribus objectum sit, ab illius temporis scriptoribus non proditur: ego quoque, quanquam conjectura difficilis non sit, malo cogitationibus legentium rem totam relinquere, quam 'incerta pro certo affirmare. In eo judicio Alexander damnatus, capite luit: Robertus, paucis post annis, Annevici in Anglia, exilii tædio ad prægravem ætatem adjuncto, decessit: filius ejus absens, inauditus, & negotium publicum gerens, hostis publicus judicatus: omnium bona publicata. Hæc quidem ita gesta sunt. Quæ autem ex viris bonis, & illorum temporum non ignaris, accepi, non existimavi dissimulanda. Ajunt enim, decretum, quo Bodii ante actorum venia fuit data, in actis exstare, in hanc fere sententiam, „Ut Rex omnem offensionem, & (ut tum loquebantur) \*animi rancorem remitteret. Quod quidem qui Regi gratificari volebant, juxta remissionis de culpa & pœna distinctionem, quæ tum inter Theologos celebrabatur, interpretarentur; his videlicet verbis intelligi, „Noxam „quidem, & ex animi nequitia conceptam labem, aboleri: cæterum, legum „pœnis reos non eximi.

XXX. Proximo vere, Danica classis Reginam advexit. Thomas Bodius, audita calamitate totius familiæ, quanquam non deessent, qui, in publica omnium lætitia, spem veniæ ei ostentarent, non est ausus tamen descendere: verum ab uxore, quæ ad rumorem Danicæ classis advolaverat, edoctus, nullum reditum ad Regis gratiam patere, omni aditu ab inimicis præcluso, statim in Daniam, unde venerat, relictus est: & peragrata Germania in Galliam

1 *Incerta pro certo affirmare*] Potius dicendum videtur, *incertum pro certo*, vel, *incerta pro certis*: ita enim Cic. de Sen. *Quid enim stultius quam incerta pro certis habere?* [Doctior erat Buchananus quam ut Grammaticæ semper loqueretur, cum posset Latine optimorum scriptorum exemplo, qui non tam religiose servabant canones, ut pro certo non auderent dicere, nisi præcederet vox ejusdem numeri, aut etiam generis. Terent Adel. III. 1. 32. *pro certon' tu istæc dicis.* an ille etiam cogetur pro certis dicere? Et alia exempla ex Cicerone adducit Stephanus in Thesaur. ira nec generis ratione habita apud Liv. 1. 1. *Qui rem tam veterem pro certo adfirmes*, non pro certa. Vide quæ notavimus ad Ovid. II. Amor. II. 49. & IX. Met 138.]

2 *Animi rancorem*] *Rancor* putor est ex vetustate & corruptione: ad carnes autem

plerumque refertur: sed a Palladio de aliis etiam rebus putridis & situ obductis dicitur, Re Rust. lib. 1. cap. 20. *Receptacula olei semper munda sint, ne novos sâpores infecta veteri rancore corrumpant.* Cæterum cum ad animum transfertur, & *remanens ex male facta gratia odium* significat, nullo probò auctore præeunte id fit: quod neque Buchananum fefellit, addit enim, [ut tum loquebantur] D. Hieronymus primus, quod sciam, hoc in sensu vocem usurpat, Epist. ad Rufinum 66. *Conscientia nostra testis est Dominus, post reconciliatas amicitias nullum intercessisse rancorem.* [Hæc exempla produxit etiam Faber. medio 2vo fuisse usitatam vocem pro reliquiis veteris odii, docet Barth. ad Galli Confessoris Cap. XXVI. & hinc, Gallorum *Rancune*, odium vetustum & residuam iram Latinus dixit auctor inf. cap. 39.]

liam venit. Ibi multa frustra conatus, ut Ludovico Undecimo (qui regnum legitimum Francorum in tyrannidem converterat) deprecatore uteretur, ad Carolum Burgundum profectus, fortem & fidelem ei in bello navavit operam; ac multis ab eo invicem donis & honoribus affectus fuit. Ibi, dum privatam, sed honorificam vitam ducit, uxor ei Jacobum filium, & Græcinam filiam peperit, de quibus suo loco dicemus. Nuptiæ Jacobi Tertii & Margaritæ Reginae, magno Nobilitatis concursu, celebratæ, <sup>1</sup>decimo die mensis Julii, anni M. CCCC. LXX. Ex eo matrimonio, tertio post anno, natus est Jacobus, qui patri in regnum successit, mense Martio, die sacro Divo Patricio.

XXXI. Rex interea, nondum satiatus Bodiorum calamitatibus, scribit in Flandriam, ac sororem domum revocat. Sed cum, ob insignem erga maritum amorem, non facile ei de reditu persuaderi posse existimaret, curat ex aliorum literis spem ei injici, „Regis ira spatio temporis lenita, non desperandum, quin „soror apud fratrem plurimum perficere posset, ad mariti calamitatem sublevandam: multum interesse, præsensne tuam causam agas, an aliis agendam mandes. Illa, ea spe illecta, cum redisset, statim de divortio cum ea Rex agit: & affixis libellis publice, ac multis ascitis testibus, Kilmernoci, (quod, ante res afflictas, Bodiorum princeps erat domicilium) jubetur Thomas intra sexagesimum diem adesse, quem sciebant omnes, vix fide publica data, reverti ausurum. <sup>2</sup>Cum diem non obisset, priores nuptiæ decernuntur illegitimæ: ac divortio cum absente & inaudito transacto, Maria Regis soror invi-

<sup>1</sup> Decimo die mensis Julii, anni M. CCCC. LXX.] Major tamen & Abercrombious has nuptias celebratas tradunt anno 1469, Lessæus 1468, Lindesius Piscotienensis 1471. Sed rectissime se habet Buchanani supputatio. Cum enim inter omnes conveniat capitis sententiam adversus Bodios latam, dum Thomas Araniæ Comes novæ Reginae domum deducendæ causâ in Dania legationem obiret; ea autem sententia (ut supra ostendimus) lata demum fuerat 22 Novemb. 1469; nuptiæ vero ætate sequente omnium suffragio sunt celebratæ, plane perspicuum est eas in nullum alium annum quam 1470 cadere posse. Rem vero ulterius confirmat Jacobi III. (in ipsius Aët. publ.) instrumentum quo terras de Kilmarnock, &c. quæ quondam fuere Roberti Domini Boyd, charissimæ consorti suæ Margaritæ Reginae Scotiæ, ad populi & supportationem ornamentorum capiti sui, concedit. Dat. Edinb. 25 Julii 1470, regni sui anno 10.

<sup>2</sup> Cum diem non obisset] i. e. cum ad diem statutum non adesset. Verum Ballendenus fol. 175. & Holinsbædus pag. 248. cum alio sensu *diem suum obisset*, i. e. *factis concessisset*, tradunt: Lessæus autem & Ferrerius legitimo divortio directos scripsere. Vide in primis Abercrombium, qui vol. 2. pag. 410. matrimonium inter Mariam Regis sororem & Thomam Bodium ideo dissolutum, & gravibus quidem argumentis, contendit, non quia Bodius ipsi (ut vulgo loquuntur) *adherere* volebat, (quod Buchan. eumque secutus Drummondus prodiderunt) sed quia ipsa Maria eidem primum Jacobo Hamiltonio, ac deinde Eduardo Valliæ Principi, fuisset desponsa. [Vide Boeth. fol. 377. Joan. Maj. fol. 142. & Buchan. Lib. XII. 3.] Præterea observandum has secundas nuptias quinque post proscriptum priorem maritum annos celebratas fuisse, anno scilicet 1474, ut ex contractu, quem matrimoniale vocant, apud Ducem Hamiltoniæ adhuc existente, videre est.

1 Ho-

invita Jacobo Hamiltonio, homini prope novo, ac multum dignitate & opibus, quam prior maritus, inferiori, nubere cogitur: peperit autem ei Jacobum, & Margaritam filiam. Revocati quoque ex altero viro a Rege liberi: nec ille diu superstes fuit. Cum Antuerpiæ diem obisset, nec propinquum ibi haberet, qui hæreditatem adiret, Carolus magnificum ei sepulchrum, pecunia satis ampla, qua ipse munifice eum donaverat, in æde construendum, cum inscriptione honorifica, curavit. Ita Bodiorum, quæ tum erat in Scotia florentissima, familia intra paucos annos & crevit & corruit, magno posteris documento, quam sint lubricæ Regum adolescentium amicitiae. Nec ea modo ruina obstupefecit amicos, sed inimicos etiam terruit: nullo postea ad eum, unde illi dejecti erant, gradum contendere auso, partim dum rerum humanarum casus initabiles expendant, partim dum Regis tam subito in bene-

**1 Homini prope novo]** Hic & alibi quam sæpiissime se prodit Buchananus in illustri-  
simam Hamiltoniorum familiam odium, quo transverſus actus Jacobum gentis principem *hominem propenſum* appellat: cum tamen nemini in nostris annalibus vel leviter versato dubium esse potest, quin Hamiltoniorum familia multis anteculis in paucis clara atque illustris extiterit. Quid? quod ipse Buchananus Lib. VIII. 48. de Hamiltoniorum origine agens, ejus gentis inter Scotos conditorem, *hominem nobilem in aula Anglica* memorat, qui metu Spenserorum (e quibus unum superbe sibi insultantem occiderat) ad Robertum Brussum (ante centum & quinquaginta annos) profugus, ab eo benigne acceptus, opulentisque agris donatus fuerat: Ejus vero posteros non multo post in procerum dignationem pervenisse idem testatur. Nulla igitur clarissimam familiam perstringendi, atque infra alias invidiose deprimendi, Buchananus hic suppetebat occasio.

**2 Dignitate & opibus]** Meum non est de cujusquam, nedum antiquæ & celebris Bodiorum familiæ fama & meritis detrachere: id tamen cum bona utriusque gentis venia profiteri ausim, nusquam ex nostris monumentis liquere, alteram alteri eo tempore ulla ex parte jure fuisse anteposendam. Utriusque certe principes parem dignitatem i. e. Equestrem, per aliquot secula obtinere ad Jacobi II. tempora, a quo, atque eodem, ut credibile est, anno 1445, in supremum ordinem sunt allecti. Quod ad opes & clientelas at-

tinet, ex quidem magnæ, &, quod sciam, æquales utrinque fuere. Verum hæc omnia, non tam Bodiorum gratia, quam Hamiltoniorum (ut dixi) odio, a Buchananus profecta videntur.

**3 Quam prior maritus inferiori]** In dubium vocari potest, tanquam parum Latina, hæc loquendi formula: sed rem facile expedit Cic. ad Quint. frat. *Quem ego intelligo prudentia esse inferiorem quam me.* Id. Offic. *Belli laude non inferior fuit quam pater.* Id. de Clar. *Is in jure civili non inferior quam magister fuit.* At sic, qui particulam [*quam*] eisdem semper casus copulare contendunt, [*quam priori*] potius quam [*quam prior*] dicendum velint. Verum Sanctius & Novæ methodi auctor id nunquam fieri posse ostendunt in hoc locutionis genere, nisi casus iste nominandi sit, aut interdum accusandi, ut in præcedentibus exemplis; aliter enim verbum [*sum*] ubique addi jubent, ut Cic. ad Pompejum, *Ut tibi multo majori quam Africanus fuit, me non multo minorem quam Lælium, facile & in Rep. & in amicitia adjunctum esse patiari.* [Vide de his constructionibus per quam Davis ad Cic. 1. de Natur. Deor. Bentb. ad 1. Tuscul. Quæst. 17. & quæ nos ad Quintil. Declam. cccxii. de particulis & ac similiter constructis vid. ad Ovid. 1. Metam. 135.]

**4 Cum Antverpia diem obisset]** Ferrerius tamen in Herruria ab Italo, cujus uxorem de stupro interpellaverat, occisum tradit, fol. 387.



licis penitentiam, & in odio tantam pertinaciam inimentem revocant. Multum certe eos, qui, ex ea mutatione status publici, in maximam spem erant erecti, sua fefellit opinio. Nam Rex, qui superioribus annis assueverat otio domestico, ac raro prodibat in publicum, jam novus etiam maritus, domesticis voluptatibus magnam temporis partem impertiebatur: atque exclusa Nobilitate in paucorum ministrorum potestate totus erat. Cum esset enim ingenio acri & præservido, non facile ferebat sententiam suam a consultoribus reprehendi: ita cum procerum in censendo refugeret libertatem, tales circa se habebat, qui non corrigerent, sed approbarent sua decreta, & repugnandi offensione vitata, obsequendo gratiam pararent.

XXXII. Inter hos aulae mores, ordo Ecclesiasticus nihilo sanctius agebat. Quamvis enim luxu & avaritia jam multos annos Ecclesiae ministri laborassent, remanserat tamen adhuc species quaedam antiquae gravitatis, quae & stimulos literas discuntibus adderet, & qui indiscendo profecissent, spem emolumenti eis injiceret. Eligebantur enim Episcopi a collegiis Canonicorum, & Cœnobiarum a suis sodalibus: tum autem aulicos, qui Regis animum & aures obsederant, lucri ostentata magnitudo, & eorum, quibuscum certamen esset, infirmitas eo facile perduxit, ut Regi suaderent; „Ne rem tanti emolumenti penes homines ignavissimos, & ad nullam reipublicae partem capessendam idoneos, esse sineret: sed potestatem designandi quos vellet ad se revocaret. Inde enim non defuturum, unde & contumaces reprimeret, & dubios retineret, & bene meritis gratiam referret. Nunc autem, penes vulgi faciem honores, & opes esse, non minus in publicis necessitatibus parcos, quam in domesticis voluptatibus profusos. Unum Regem esse oportere, in quem omnium oculi sint intenti: penes quem sit & puniendi, & ignoscendi, & remunerandi, facultas. Cum, his & similibus blandimentis, Regis animum, ætate infirmum, nec satis adversus pecuniam firmum, & prava consuetudine labefactatum, & a natura primum ad licentiam, in suam sententiam pertraxissent, continuo nova rerum facies per totum regnum oritur, rebus omnibus, tam sacris quam profanis, in aulam, velut ad publicam nundinationem, propositis.

XXXIII. Patricius autem Gramus, qui præcipitantem Ecclesiam unus velut sufflaminabat, cum, inimicis omnia domi tenentibus, Romae aliquot annos subsedisset, certior per amicos factus, quo in statu res essent, fretus propinquitate Regis, e cujus amita magna natus erat, ad suos redire statuit: & ut animos hominum pertentaret, diploma de Legatione impetrata præmisit, & promulgandum curavit mense Septembri, anni M. CCCC. LXXII. quæ res & magnam ei invidiam statim conflavit. Nam qui redemerant in aula honores Ecclesiasticos, ne prædam & pretium simul amitterent, metuebant: & qui spem crescendi ex aulica nundinatione conceperant, aditum sibi obtrui dolabant. Nec minus fremebat ea factio, quæ sacerdotia mercenario quaestu a Rege impetraverant, vel impetrata aliis divendebant, ne genus illud lucri e manibus eriperetur. Hi omnes, conjuratione facta, maledictis Patricium absentem onerant, & in Regiam collecti, queruntur; „Vetusta majorum jura, & re-

„cen-

centia Regum edicta violari, ac multa, universo regno damnosa, per Romanenses agitari: quorum libidini nisi mature obviam eatur, Regem brevi in ordinem redactum iri, & penes illos omnium rerum potestatem fore. Id periculum ut prævenirent, ex decreto concilii, ad Patricium, vix navi egressum, missi, qui vetarent, „Ne ullam sui muneris partem attingeret, donec Rex, „de querimoniis adversus eum ad se delatis cognosceret. Dies dicta, ut Edimburgi adesset, ad Cal. Novembres. Interea, cum amici & propinqui confirmarent, Regem, in tam justa causa, non iniquum fore; idque ex rumoribus adversa factio rescisset, Regis & aulicorum animos, magnæ pecuniæ promissione, ita sibi devinxit, ut nunquam deinde Patricius æquo jure cum adversariis contendere potuerit. In conventum accitus, cum diplomata protulisset, e quibus ostenderet, se a Romano Pontifice Archiepiscopum Fani Andree, Primatem Scotiæ, & Legatum ad Ecclesiasticum statum ordinandum in triennium creatum, a minoribus quidem sacerdotibus satis æquo animo est auditus: gaudebant enim, munus tam necessarium viro bono & erudito commissum: sed hi, metu potentia aliorum, qui sibi Regem & aulicos conciliaverant, mutire palam non audebant. Adversarij, ut favor populi erga Patricium elanguesceret, mora interposita, Pontificem Romanum, qui unus in ea causa judex esse posset, appellant. Ipse, ad suam Ecclesiam a Rege remissus, vetitus est, dum lis dijudicaretur, Archiepiscopi insignia usurpare, aut quicquam, præter consuetam superioribus Episcopis munia, attentare.

XXXIV. Inter hæc exortus est Patricio, levi de causa, novus inimicus, sed omnium longe acerrimus, Gulielmus Sevessius. Is, juvenis acri ingenio, cum aliquot annos Lovanii apud Joannem Sperincum, medicum, & Astrologiæ studiis nobilem, egisset, reversus ad suos, cum cætera ingenii dexteritate, tum scientiæ rerum coelestium jactatione, brevi in aulicorum gratiam se insinnavit. Ea res magnum ei favorem conciliavit, quod aula omnibus divinandi generibus tum usque ad insaniam dedita erat. Sevessius igitur, ingenii acrimonia & aulica gratia florens, brevi Archidiaconus Fani Andree designatur. Cum ab Episcopo ad id munus non reciperetur, communicato consilio cum Joanne Locco, tum scholarum publicarum Rectore, & Patricii inimico, machinas omnes ad eum subvertendum admovent. Rector, fretus Romani Pontificis privilegio, quo a jurisdictione Patricii erat exemptus, ei sacris interdicat. Hanc ille hominis ex inferiore ordine comminationem ita contempsit, ut, etsi veniens in aulam eisdem diris semel atque iterum esset petitus, nihil tamen de superioris vitæ consuetudine remitteret. Tum inimici (ut mos est, cum diræ Ecclesiasticæ contemnuntur) Regis auxilium implorant, ac Patricium omnibus sacris ædibus excludi procurant: in bona ejus<sup>1</sup> procuratorem fisci immittunt: comites<sup>2</sup> gravi edicto jussi discedere: dati custodes, qui observarent, ne quicquam,

<sup>1</sup> *Procuratorem fisci*] Ita MS. aliis omnibus [*procuratorem fisci*] scribitur, male.

<sup>2</sup> *Gravi edicto*] Ita ex laudato sæpius MS. reposuimus: editi omnes [*gravi edicto*]:  
Tom. I.

quod vix tolerari potest, nusquam enim [*indignum*] substantive, ut *edictum*, usurpatur. Sed neque alterum illud [*gravi edicto*] multum arridet, quamvis Ovidius *immitte & minax edictum* dixerit. Quamobrem,  
H h h

quam, quod edicto repugnaret, attentaret. Episcopi reliqui; ne erga Regem tam benevolam ingrati viderentur, summam pecuniæ grandem, quam tenuioribus sacerdotibus gravate extorserant, ad eum attulerunt.

XXXV. Rex, hac præda potitus, velut Patricii misertus, cœpit cum eo mitius agere, ac, missis ad eum Abbate Sanctæ Crucis & Sevesio, Episcopus Regi, & Episcopo Sevesius reconciliatur; sed pecunia ante ab amicis collata, & ad Regem perlata. Igitur Patricius, velut omnibus molestiis liberatus, cum ad villam suam Monimallium divertisset, atque ad ea, quæ sui muneris erant, privatim & publice obeunda se compararet, mensarii Romanenses ab inimicis in eum immissi, ob nondum solutam pro diplomate Pontificio (Bullas ipsi vocant) pecuniam, ei sacris interdunt. Erat autem ille ad extremam inopiam jam adductus: nam & ante & post reditum census ejus majore ex parte a procuratore Regio erant in fiscum relati; & quod ab amicis potuit confici, Regi & aulicis datum. Ministris autem Regis iterum in possessionem missis, ipse in arce sua, adhibitis a Rege custodibus, ac domesticis ministris ablegatis, servari jussus, etiam ad inopiam consilii est redactus. Gulielmus Sevesius capitalis inimicus, velut mentis parum compoti, a Rege primum Adjutor (ut vocant) est datus, deinde a Romano Pontifice approbatus: mox idem Sevesius, per factionis adversæ potentiam, Quæstor electus, quide vita & moribus ejus anquireret. Multa ei levia, multa ridicula, quædam etiam incredibilia objecta: inter quæ, quod interim uno die ter missaret, idque ea ætate, qua vix reperiebatur Episcopus, qui ternis mensibus semel id munus obiret. Ibi, inimico judice, conductis testibus, Episcopatum ejurare coactus est: Sevesius, qui decretum ad Pontificem pertulerat, in ejus locum successit. Nec inimici hac hominis clade contenti, cum omnes cum contumelias magno animo ferre conspicerent, curarunt ut in Cœnobium aliquod devium, quatuor adhibitis custodibus, includeretur. Electa est Æmona, scopulus verius quam insula: inde, exorto bello, metu Anglicæ classis, post triennium est translatus Fermelinodunum: illinc rursus in arcem, quæ est in lacu Levino: atque ibi tandem ætate & miseriis confectus decessit: vir nullius sceleris compertus, doctrina & virtute<sup>1</sup> nemini sui temporis inferior. Reliqui viri boni, calamitate

obrem, si conjecturæ pateret locus, *gravi pœna indicta*. ut Lib. XII. 22. aut, si mavis, *gravi indicta supplicio*, a Buchananò scriptum existimaverim. Id quod facilius adducor ut credam, propter vocem [*edicto*] sequente versu iteratam. *Edictum* autem ad ipsum Patricium, *pœna* vero *indicta* ad ejus comites vel servos referri videntur.

1 *Nemini sui temporis inferior*] Tho. Crafordius legendum jubet [*nemine*,] & pari modo Lib. VII. 9. etiam [*nullo pro nulli*] IX. 6. X. 6. & XX. 64. Sed frustra est vir doctissimus; major enim illo Gram-

maticus, incomparabilem Vossium intellico, Art. Grammat. lib. 7. cap. 16. non solum exempla adducit, quibus *inferior* cum Dativo jungitur, veluti Sallust. *Nulli rei bellicæ laudo inferior*, & Plin. *Nulli annuum celeritate inferior est*: sed hanc quoque idoneam subnectit rationem, quod nimirum vox *inferior*, non tanquam comparativus, sed propter nativam significationis indolem Dativum post se adsciscat; idem quippe sonat *nemini* vel *nulli inferior*, quod *nemini* vel *nulli secundus*. Idem forte de comparativo prior dicendum: Lib. autem VIII. 8. Crafordio, pro [*Joanni Bal-*

eius deterriti, spe abjecta instaurandæ Ecclesiasticæ disciplinæ, sese ad sua privata quisque negotia contulerunt. In aula, sacerdotia aut vendebantur, aut adulatoribus & turpium voluptatum ministris in præmium cedebant. Hæc, ne rerum series sapius interromperetur, quanquam diversis temporibus gesta, in unum locum contulimus, ut memorabili exemplo miseriam illius temporis ante oculos exponeremus. Facilis enim hinc conjectura est, quibus in malis inferiorum ordinum homines versarentur, cum omni virtutis genere vir clarus, & idem Regia magnarumque familiarum propinquitate subnixus, a paucis infimæ sortis nebulonibus, fuerit inimicorum ludibrio & crudelitati expositus. Nunc ad alia, quæ per ea tempora evenerunt, redeamus.

XXXVI. Anno millesimo quadringentesimo septuagesimo sexto, cum, ex MCD decreto publico, adversus Joannem Insularum Regulum, qui aliquot jam pro-LXXXVI} vinctas occupaverat, & maritimas continentis regiones late populabatur, Rex ipse terrestri itinere proficisci statuisset, & Crafordiæ Comitem, tum maris Præfectum, cum classe esset missurus: Regulus, tantis apparatusibus impar, suadente Atholio Regis patruo, venit in aulam supplex, ac se Regi permisit. Ademptæ ei, quas per vim ceperat, provinciæ, Rossia, Kintera & Cnapdalia: insularum imperium relictum. Eodem anno, controversia cum Anglis, jamjam in bellum eruptura, finem habuit. Navem Scoticam, ab Jacobo Kennedo ædificatam, qua majorem ad eum diem in Oceano visam non meminerant, vis tempestatis in litus Anglicum impegerat: bona ab Anglis direpta, ac sæpe frustra repetita. Hæc per aliquot annos cum lis animos distinuisset, \* Legatione tandem honorifica in Scotiam missa, cujus principes erant Episcopus Dunelmensis, & Scrupus homo nobilis; ab iis, cum Eduardus fortunæ inconstantia jactatus, <sup>2</sup> pecuniis tam diuturno bello exhaustus, requiem ab armis

*Ballioli gradu priorem] legi jubenti [Joanne,] morem gestimus, non quod istam loquendi formulam a Latino sermone abhorre existimamus, sed quod mox sequatur [nempe nepotem pronepote.]*

<sup>1</sup> *Legatione tandem honorifica, &c.] Male hic interpungitur in omnibus libris sententia, utpote his vocibus [Scrupus homo nobilis] terminata. Nos igitur minori disputatione post [nobilis] interposita, totam utcumque restituere non dubitavimus. Non inficior tamen periodum paullo facilius sic progressuram; Hæc per aliquot annos cum lis animos distinuisset, legatio tandem honorifica in Scotiam missa est, cujus principes erant Episcopus Dunelmensis, & Scrupus homo nobilis. Ab iis, &c. Vel sic; Hæc per aliquot annos ——— distinuisset, legatione tandem honorifica i. S. missa, cujus p. e. E. D. & S. homo nobilis, res est composita. Ab iis, &c. Verum nihil mu-*

tandum, optimi enim auctores ita nonnunquam scripsere: veluti, Cæsar. Bell. Gall. lib. 3. cap. 22. *Alia ex parte Adcantuanus, cum DC devotis, quos illi Soldurios appellant; quorum hæc est conditio; ut omnibus in vita commodis una cum his fruantur quorum se amicitia dediderint: Si quid iis per vim accidat; aut eundem casum una ferant, aut sibi mortem consciscant: neque adhuc hominum memoria repertus est, qui eo interfecto cujus se amicitia devovisset, mori reusaret: cum iis Adcantuanus eruptionem facere conatus &c.* Terent. Heaut. I. 1. 79. *Sed gnatum unicum: Quem pariter uti bis decuit, aut etiam amplius, Quod illa ætas magis ad hæc utendo idonea est, Ego cum hinc ejeci miserum injustitia mea.*

<sup>2</sup> *Pecuniis tam diuturno bello exhaustus] Ita Cic. Civitates bonis exhaustæ. Hortus floribus exhaustus. Liv. lib. 1. cap. 57. Rex Romanus exhaustus magnificentia publicorum*



mis libenter amplecteretur, facile renovatae sunt induciae, eis legibus, ut <sup>1</sup>navis direpta, & bonorum quae inerant, pretium per viros bonos aestimaretur, ac bona fide redderetur.

XXXVII. Eodem anno, Legati ad Carolum Burgundum ad sedandas mercatorum querelas missi, cum in Flandriam appulissent, ibi comiter accepti. Ab eis aliquando forte fortuna invitatus, ut una coenaret, Andreas quidam, Medicinae professor, & qui magnam Astrologicarum praedictionum habere putabatur peritiam. Is, audita eorum adventus causa, seductos occulte admonuit; „Non esse cur magnopere festinarent, intra paucos enim dies certum „de Duce nuncium affuturum. Nec praedictioni defuit eventus: nam, <sup>2</sup>intra triduum, est renunciatum, Ducem, exercitu profligato ad Nancæum Lotharingiae oppidum, ab Helvetiis esse interfectum. Ita illi, rebus ob quas profecti erant infectis, reversi, cum apud Regem Andream de rebus futuris praecientiam mire laudassent, animum ejus in eas artes proclivem impulerunt, ut magnis pollicitationibus hominem ad se arcesseret, ac non ita diu postea advenientem benevole exciperet, & opulento sacerdotio aliisque muneribus donaret. Ab hoc autem cum Rex accepisset (uti fama est) sibi a suis exitium imminere, eaque dictio cum maleficarum mulierum (quibus immodice deditus erat) responsis consentiret, quae praedixerant fore, „Ut leo a catulis suis extingueretur, „e Principe, ab initio indolis optimae & summae spei, ac ne tum quidem penitus depravato, in immanem tyrannum degeneravit. Suspicionibus enim animo semel occupato, sanguine proximos, & fere optimum quemque e Nobilitate pro inimico habebat. <sup>3</sup>Proceres autem, cum ob hanc ipsam cum hoc malefico genere hominum consuetudinem, Regi erant infensi, tum longe magis, ob aulicos quosdam, infimae fortis homines, quibus, Nobilitate contempta, solis consultoribus utebatur. Eorum hi principes erant, Thomas Praestonus, honesto loco natus, sed qui Regi omnibus in rebus obsequi in animum induxerat; Robertus Cocheranus, homo magnis corporis viribus, ac pari audacia, qui cum e certamine quodam singulari cognitus Regi fuisset, statim ex architecto aulicus factus, & ad spem vitae liberalioris erectus, brevi, diligenter obeundis levioribus negotiis, & Regis moribus obsequendo, perfecit, ut ad intima de rebus magnis consilia adhiberetur, ac gener a Praestono eligeretur. Tertius erat Gulielmus Rogerus, Anglus cantor, qui cum Regis Angli Legatis in Scotiam ingressus, postquam semel & iterum Regi auditus placuit,

ab

eorum operum. Quidam tamen [exhaustis] hic forte legendum malint.

<sup>1</sup> Navis direpta] Ita legendum cum MS. monstrat hoc ipso Cap. lin. 9. Editis tamen omnibus [naves] perperam legitur.

<sup>2</sup> Intra triduum] Occisus est, Carolus Burgundiae Dux Nonis Januarii anno 1477. Ceterum credulitatem nimiam (quam ei nec immerito objicere videtur Jac. Melvillius, Memor. pag. 125.) hic prodit Buchananus; nihil enim hac de re apud

alios ejus temporis scriptores reperio.

<sup>3</sup> Proceres autem] Vide hac de re Abercrombium, qui Jacobi III. vitam longe diverso ordine describens, omnes qui mox sequuti sunt in Scotia tumultus, civileque adeo bellum, non nisi Regis sanguine restinctum, a proceribus ipsis nimio otio lascivientibus, pravaque Ducis Albinæ regno imminentis ambitione, ortum habuisse, nec spernendis quidem argumentis, contendit.

I. Tenn

ab eo retentus, & divitiis auctus, brevi in Equestrem ordinem est ascriptus. Cæteri, e contemptissimo genere hominum, vilissimarum artium opifices, & sola improbitate & audacia commendati.

XXXVIII. De aula ab hoc hominum genere purganda cum Nobilitatis convocatio fieret, principibus duobus Regis fratribus, ejusque paullatim prodirent indicia; Joannes, minimus natu fratrum, cæteris incautior, cum temere de statu regni liberius locutus fuisset, ab aulicis arreptus, & in carcerem conjectus, a domestico Regis concilio condemnatus, ac vena rescissa mori est coactus. Causa mortis in vulgus edita est, quod cum foeminis veneficis clam consilia conferret in Regis caput. Id crimen verum ut videretur, decreta adversus veneficias quaestione, ad duodecim earum, quarum vilissima erant capita, crematae. Mors Joannis conjurationem, jamjam (ut videbatur) erupturam, magis repressit, quam discussit.

XXXIX. Alexander, ut genere, ita periculo proximus, quamvis omnes a se, quoad potuit, suspiciones amoveret, tamen per ministros Regios, qui nunquam eo vivo sibi satis consultum credebant, subito in arcem Edimburgensem raptus est. Ibi cum diligenter asservaretur ab eis, qui ejus potentiam sibi exitiabilem rebantur, nec per necessarios animum Regis placare posset, consilium clam, quando aliter non poterat, evadendi cepit, conscio cubiculari tantum ministro, quem unum e suis sibi relictum habebat. Per eum naviculam conduxit, quam in statione proxima paratam esse jussit. Deinde, crebris ex aula nunciis commeantibus, qui coram custodibus (nam secreto colloqui non licebat) fingerent Regem placabiliorem fieri, ac brevi spem libertatis ostentarent: cum destinatus ad evadendum dies appeteret, vultu, quantum in illa fortuna potuit, ad hilaritatem composito, simulat, „Se plane nunciis credere, Regem sibi conciliatum esse, nec diu se sperare in ea custodia futurum: lautam custodibus coenam dedit, & ad multam noctem una cum eis bibit. Illis discedentibus, & vino copiosiore in somnum solutis, solitudinem nactus, e linteis lectuli sui stragulis funem concinnavit, pro altitudine (ut rebatur) muri satis longum: ac primum, ut periculum faceret, ministrum demisit, e cujus casu, breviorum justo eum esse intellexit. Aucto igitur praesenti copia fune, ipse secutus ministrum, qui in descensu crus fregerat, in humeros sublatum circiter mille passus ad mare tulit, ac ventum secundum nactus Dumbarum navigavit: arceque adversus vim satis communita, cum paucis in Franciam abiit. Eo absente, Andreas Stuartus Cancellarius, cum exercitu ad arcem capiendam missus. Eam cum aliquot menses, fortiter a praesidio defensam, oppugnasset, tandem, qui intus erant, omnibus necessitatibus circumventi, naviculas nacti, noctu clam in Angliam discesserunt: postridie arx vacua recepta est. Cæsi ex obsidentibus aliquot Equites clari.

XL.

1 *Vena rescissa mori est coactus*] Alio modo rem narrat Drummondus.

2 *Consilium clam — evadendi cepit*] Ita MS. alii omnes [*cepit*] male.

3 *Arceque adversus vim satis communita*]

Elzev. anni 1668, & Mosmanniana 1700 Editt. *non satis communita*, præter rationem ac omnium antiquiorum codicum fidem interpolant.

Hhh 3

1 Cir-

XL. <sup>1</sup>Circa hæc tempora, Regibus Scotorum & Anglorum malis domesticis fatigatis pacis cupido incessit. Missa, ad eam conficiendam, Legatio, ab Anglis benevolenter excipitur: <sup>2</sup>nec de pace modo conventum, sed, ad eam confirmandam, adjecta affinitas, ut Cæcilia, Eduardi filia, Jacobi Scoti filio, cum primum <sup>3</sup>nubendo maturuissent, nuberet: pars etiam dotis repræsentata, ea lege, ut, si utrisque puberibus nuptiæ non sequerentur, dos Anglo redderetur: dati prædes aliquot oppidorum cives. Sed ea pax non diuturna fuit: nam ex odio vetusto, & residua e superioribus bellis ira, incursionibus utrinque factis, abactisque prædis, & villarum incendiis, ita utrinque animi sunt inflammati, ut ex mutuis injuriis res in apertum bellum erumperet. Erant & præter has suæ utrisque causæ. Anglum incitabant Duglassius quidem vetus, Alexander autem Regis frater novus exul. Nam Alexander in Galliam, uti diximus, profectus, uxorem accepit filiam Comitum Bononiæ maritimæ: sed cum a Ludovico Undecimo, qui tum imperitabat, impetrare non posset ad sua recuperanda copias, in Angliam transvectus ibi, se sperans aliquid moturum. Jacobum autem Scotorum Regem ad bellum incitabat Ludovicus Gallus, Roberto Irlando Scoto, Doctore Sorbonico, cum duobus Equitibus Gallis, ad id missis.

XLI. Igitur, violata pace, quanquam res Scotica, vastatis aliquot regionibus, pejore in loco erat, decreto etiam in Anglia magno exercitu, qui ductu Glocestrii Scotiam invaderet, Rex tamen, & qui circa cum erant, inviti exercitum indicunt. Homines enim nuper egeni, & qui ex aliorum calamitatibus creverant, Regique impotentium consiliorum auctores fuerant, nihil magis metuebant, quam Nobilitatis infensæ frequentem conventum. Cum Lauderdaleam ventum esset, oppidum & Martianis & Tevioticis finibus vicinum, quæ regiones aut ab hoste vastatæ, aut per vim parere coactæ fuerant, Rex nihil de superiorum temporum ratione omittebat: Nobilitati enim diffusus, omnia per domesticum concilium transigebat. Proceres, eam indignitatem non tolerandam diutius rati, <sup>4</sup>in templum oppidi de tertia vigilia coierunt. Concilio jam satis frequenti, Archibaldus Duglassius Angusiæ Comes conveniendi causam ita explicasse dicitur.

„XLII.

<sup>1</sup> *Circa hæc tempora*] Imo vero diu ante, uti ex ipsis pacis & matrimonii tabulis 26 Octob. anno 1474 scriptis videre est. Fæd. Angl. Tom. II. pag. 824.

<sup>2</sup> *Nec de pace modo*] Excidit editis omnibus vox [*pace*] quam nos e MS. reposuimus. In conventionem quidem ipsa *inducie* vocantur; sed ex cum 45 annorum essent. ab anno scil. 1474 ad 1519, *pacis* appellationem non inepte promerebantur.

<sup>3</sup> *Nubendo maturuissent*] Forte [*mutuissēs*] Buchananus scripserit, cum nubo verbum sit fœminarum, non virorum proprium.

<sup>4</sup> *In templum oppidi*] Ita MS. alii omnes nullo fere sensu [*in templum oppido*] legunt. Credibile tamen est vocabulum hic librorum incuria intercidisse, atque a Buchananò scriptum fuisse [*in templum oppido vicinum*]. Quanquam enim templum Lauderdale intra oppidi pomeria sit nunc ædificatum; olim tamen modico intervallo ab eo distabat. Lindesius certe Pitcottienfis Scotorum aciem inter oppidum & templum instructam stetisse testatur. Ineptiunt qui hic [*oppido*] adverbium esse somniantur.

„XLII. Non arbitror necesse, viri clarissimi, ut statum rerum Scotticarum plu-  
 „ribus declarem: partim enim ipsi meministis, partim ante oculos videtis. Princi-  
 „pes Nobilitatis, in exilium pulsi, aut pati intoleranda, aut nefaria facere coguntur:  
 „vos autem, in quibus omne regni est robur, sine capite relictī, velut navis sine  
 „gubernatore, omnibus fortunæ procellis & tempestatibus estis objecti. Agere noster  
 „uritur, fortunæ diripiuntur, agricolæ aut cædibus exhausti, aut, quia nullum in  
 „tot malis aliud prospiciunt allevamentum, hostibus dediti. Rex vero, <sup>1</sup> si sui com-  
 „pos esset, homo & animi generosi, & raræ prudentiæ, malis venenis expu-  
 „gnatus, non ad procerum cœtum, sed ad infimæ sortis homines, de pace,  
 „de bello, de salute publica refert. Illi ariolos consulunt, & maleficorum re-  
 „sponsa ad animum ægrum, & pravis superstitionibus captum adhibent: &  
 „de nostrum omnium incolumitate, decreta istis auctoribus fiunt, qui, quod  
 „omnibus jure se invisos intelligunt, omnes oderunt: nec vestram auctoritatem  
 „imminuere, sed universos omnibus artibus extinguere contendunt. <sup>2</sup> Partim  
 „jam vestrum morte, partim exilio sustulerunt: neque, ut homines novi so-  
 „lent, gradatim ad summa nituntur; sed in Regio sanguine tirocinium cru-  
 „delitatis & avaritiæ exercent: alterum e Regis fratribus trucidarunt immanis-  
 „sime, alterum patriæ metu mortis abstulerunt, & hostibus nostris ducem  
 „dederunt. Illis jam e medio sublatis, reliquæ Nobilitati imminet, & suæ  
 „humilitatis conscii, nihil eminens aut excelsum superesse volunt. Quicunque  
 „habent aut divitias ad eorum avaritiam explendam, aut potentiam ad audaciæ  
 „resistendum, hunc pro hoste sibi numerant. Et nos interea castra adversus  
 „Anglos habemus, ut hosti publico resistamus: tanquam ullus sit hostis capita-  
 „lior eo, qui nec bonis vestris cupiditatem, nec sanguine crudelitatem explere  
 „potest.

„XLIII. Ut autem intelligatis, quam hæc pestis intestina sævior, quam illa  
 „externa sit, fingite Anglum (quod Deus avertat) victorem, veterum offensa-  
 „rum memorem & felicitate præsentī elatum: quem tandem odiorum suorum finem,  
 „aut quod præmium victoriæ statuēt? Regisne inimici mortem, an vestram?  
 „Ego certe neutrum existimo. Non enim de vita, sed gloria & imperio, no-  
 „bis est certamen: & generosus animus, ut adversus resistentes vehemens est  
 „& concitatus, ita precibus, obsequio, ipsa denique instabilitatis humanæ re-  
 „cordatione mitigatur, & ad lenitatem inflectitur. Sed demus, hostem iratum  
 „sanguinem Regium & cædem quærere. Uter tandem mitius consulere vide-  
 „tur? Ille, qui una cum vita omnium malorum sensum adimeret? an qui,  
 „quem secundum Deum amare & observare debent, ad quotidianam carnifi-  
 „cinam reservant? qui animum, beneficiis obsessum, in exitium propinquorum  
 „armant? qui Regem, inimicorum armis prope circumventum, velut capti-  
 „vum

<sup>1</sup> Si sui compos esset] Ita ex MS. itidem  
 reposuimus vocem [sui] quæ editis omni-  
 bus exciderat.

<sup>2</sup> Partim jam vestrum morte, partim exi-  
 lio sustulerunt] Frustra sunt recentiores qui-  
 dam codices qui [partem] non [partim]

hic legendum voluerunt. Veteres enim [par-  
 tim] hoc pacto adhibuisse ostendunt Vossius  
 lib. 7. cap. 64. Sanctius l. 4. 13. Grono-  
 vius Obser. lib. 3. cap. 2. & in primis  
 Agell. lib. 10. cap. 13.



„vum detinent; neque permittunt, ut suorum vultus aliquando aspiciat, bene-  
 „volentiam intelligat, operam & studium experiatur? Non tam hostes exi-  
 „stimandi sunt, qui, castris ex adverso positis, odium suum palam profitentur,  
 „quam qui domi ex insidiis vestrae salutis imminet, Regem, alienatum ab a-  
 „micis, inimicis produnt, vosduce destitutos hostilibus armis objiciunt: a qui-  
 „bus si victi mortem effugeritis, tamen in servitutem & ignominiam incidetis;  
 „sin viceritis, non quietem vobis, opes patriae, Regi gloriam comparabitis;  
 „sed inimicis vestris grassandi licentiam in praesentia, in futurum securitatem,  
 „vobis ipsis pestem ac perniciem, Regi arctiorem servitutem conciliabitis:  
 „nec vincendo mala fugiemus externa, sed domestica augebimus. Mea igitur  
 „sententia, ut paucis comprehendam, haec est, ut prius domesticum servitu-  
 „tis jugum exuamus, quam cum exteris manum conferamus. Alioqui enim  
 „paucorum libidini omnes serviemus, hostium opes augebimus, & publicam  
 „salutem prodemus. Vos quod faxitis Deum velim fortunare.

XLIV. Secundum Duglassii orationem, non jam consultatio erat, sed mur-  
 mur confusum <sup>1</sup>totius fuit concionis, arma in hostem publicum poscentium.  
 Ita enim inflammati erant omnium, qui affuerant, animi, ut, ni ducerentur,  
 extemplo erupturi in Regiam viderentur. Verum qui aetate, honoribus &  
 auctoritate principes erant, sedato tumultu, (quod metuebant, ne in temerario  
 forte plebis impetu Rex violaretur,) censent; „Ut primores, assumpto quisque  
 „familiarium, quantus esset satis, numero, sine majore motu exercitus, in  
 „praetorium proficiscerentur; noxios, penes quos summa rerum erat, compre-  
 „henderent; eos in iudicium ad exercitum producerent, ac poenas secundum  
 „leges expeterent.

XLV. Interea dum haec geruntur, rumor in aulam promanat; „Proceres,  
 „ante lucem coactos, in templo consultare, incertum qua de re; sed magnam  
 „sane videri, quae, Rege ejusque consiliariis ignorantibus, tales viros coegerit.  
 Rex trepide e somno exprorectus, & ipse, quid <sup>2</sup>optimum factu videatur, e  
 suis quaerit. Interim Cocheranum praemittit, qui quid agatur observet, &  
 omnia certiora referat. Is, dum paucis comitatus ad templum proficiscitur,  
 occurrit primoribus Nobilitatis in aulam venientibus: ei statim Duglassius ma-  
 num injicit, ac torque aureo magni ponderis, quod gestabat, apprehenso,  
 gula paullum constricta, dat custodiendum: ipse recta ad Regis cubiculum per-  
 git. Qui ibi aderant, vel repentino ejus accessu attoniti, vel majestatem ho-  
 minis reveriti, sese continuerunt. Ibi cæteris, qui Regem pravis consiliis cor-  
 rumpere credebantur, arreptis, unum adolescentem, se amplexum, ut sibi  
 condonarent, Rex oravit: is erat Joannes Ramisæus, honesto loco natus,  
 quem,

<sup>1</sup> Totius fuit concionis arma in hostem pu-  
 blicum poscentium] [Fuit] hic abundare vi-  
 detur, cum [erat] modo præcedat. Præ-  
 xerea [concionis poscentium] quibusdam in-  
 solens forte videbitur; verum innumera  
 ejusmodi suppetunt exempla.

<sup>2</sup> Quid optimum factu videatur] [Ve-

teres in hac loquendi formula maluisse di-  
 cere *Optimum factum videtur*, observarunt  
 viri docti. vid. Colvium ad Apulej.  
 pag. 16 Pricæ. pag. 37. Schott. observ.  
 Human. III. 40. & Comm. ad Sallust. Jug.  
 115. certe ita *bonum factum* præscribebant  
 edictis & similibus]

I Titu-

quem, excusatione ætatis facile accepta, dimiserunt. Cæteri cum in jus ducerentur, exortus est, cum clamore totius exercitus, tumultus, omnibus vociferantibus, „Malos male perdendos. Statim igitur ad supplicium rapti, vitam suspendio finierunt: idque tanto univerforum studio in eorum exitium, ut cum funes, in re subita, deessent, singuli lora jumentorum, & frenorum habenas, cum in usum offerrent: ac vehementer contenderent, quis potissimum hoc honore potiretur.

XLVI. Plurimis adversus privatos injuriis hæc aulica factio premebatur: in publicum his maxime, quod novæ monetæ æneæ fuissent auctores cudendæ, quam invidioso nomine vulgus Nigram appellabat: hinc primum orta erat omnium rerum caritas; deinde etiam fames, dum venditores potius frumenta domi corrumpi sinerent, quam venditionis prætextu emtoribus condonarent. Sed, ne omnino commercia inter cives cessarent, unum contrahentibus inventum est remedium, ut in contractibus adjicerent, quo genere monetæ solutio fieret. Cuderant & id genus numismatis aliquot superiorum Regum, sed magis ad usum necessarium pauperiorum, quam ad suum quæstum: ac legibus etiam caverant, ultra quam summam venditores non cogerentur accipere: ita rerum tenuium hinc erat emtoribus commoditas, &, ne ditioribus permutatio fraudem afferret, satis provisum videbatur. Dabatur etiam crimini, Regis animus a Nobilitate averfus, & ad magicam insaniam conversus, atque in propinquorum cædem impulsus. Sed Cocherano maxime invidiosus fuit <sup>1</sup>titulus Comitatus Marriæ; quam regionem Rex, extincto minore fratre, velci donaverat, vel regendam commiserat. Pravis consultoribus e medio sublatis, cum nec Rex militi, nec miles Regi confideret, soluto exercitu, domum est reditum.

XLVII. Rex, etsi in præsentia iram supprimeret, ac multa & præclara Nobilitati polliceretur, nihil aliud tamen in animo, quam vindictam, cædem & sanguinem coquebat. Itaque, ubi primum sui potens sibi visus est, <sup>2</sup>se in arcem Edimburgensem cum paucis abdidit. Nobilitas, in eventum suspensa, sua seorsum concilia habebat. Anglus, suadente maxime Alexandro, qui, simulac Scotiam attigisset, magna equitum peditumque auxilia conventura, & Nobilitatem cum Rege discordem suam fore, pollicebatur, fratrem suum Richardum, Glocestriæ Ducem, copiis per hiemem coactis præficit; atque in Scotiam ducere jubet. Is adulta jam æstate iter ingressus, intellecto quo in statu res Scotorum essent, Bervicum divertit. Admissus statim in urbem, quatuor millibus ad obsidendum arcem relictis, cum cæteris copiis Edimburgum recta ducit, scæde vastatis, per quæ ierat, locis. At, ducente Alexandro, sine maleficio urbem ingressus, Jacobum (quoniam alloquendi spes nulla erat) edicto

<sup>1</sup> *Titulus Comitatus Marriæ*] Negant alii scriptores Cocheranum Marriæ Comitem creatum, sed tantum ejus regionis fructus colligendi curam (quod & Buchananus mox affirmat) ei commissam. Vide Abercrombium pag. 449, hæc & alia Regi a perduellibus vitio data aut egregie refu-

*Tom. I.*

tantem, aut vindicantem.

<sup>2</sup> *Se in arcem Edimburgensem cum paucis abdidit*] Alii tamen captivum ductum, atque in arcem Edimburgensem inclusum, appposito custode ipsius patruo Atholiz Comite, tradidere; quod & ipse Buchananus innuere videtur, mox Cap. 50.

*lii*

*1 A*

edicto palam in foro proposito, admonuit; „Primum, ut, quæ cum Eduar-  
do pepigisset, servaret: deinde, ut, ante Cal. Septembres proximas, de  
damno dato, & injuriis adversus Anglos perpetratis, satisfaceret: id ni fiat,  
Richardum Glocestriæ Ducem, cum regnumque ejus ferro flammaque per-  
secuturum.

XLVIII. Ad hæc Jacobus, cum videret, se neque in præsentia, quæ po-  
stularentur, posse perficere, neque vires habere, quibus hostium vim pro-  
pelleret, nihil prorsus neque scripto, neque per nuncios respondit. Sco-  
torum autem primores, a suo Rege destituti, ne tamen omnino salutis  
publicæ decissent, coactis iterum copiis, ad Hadinam castra posuerunt: atque,  
ut imminentem calamitatem saktē levarent, & victoriæ cursum sisterent,  
Legatos ad Glocestriæ Ducem miserunt, qui peterent: „ Ut nuptiæ, jam-  
pridem promissæ, conficerentur: ostenderent, per Scotos non staturum,  
quo minus, in quæ conventum fuerat, optima fide præstarentur. Anglus,  
qui satis sciebat, Scotos aleæ pugnae rem non commissuros, cum & pars vi-  
rium ipsorum cum Alexandro, homine vulgo gratioso, apud se esset, & re-  
liquos factionibus distrahi non ignoraret, respondit; „ Non sibi satis comper-  
tum esse, quid Rex Anglus eo de matrimonio decrevisset: interim pecuniam,  
quæ Jacobo dotis nomine erat repræsentata, æquum sibi statim reddi cen-  
sebat. Pacem vero si vellent, promitterent, se arcem Bervici reddituros:  
aut, si id minus possent, sancte jurarent, se nec obsessis ullam opem, nec  
obsidentibus molestiam allaturos, donec aut vi capta, aut conditionibus dedita  
arx foret. Ad ea Scoti per Legatos responderunt, „ Matrimonium nondum  
confectum esse, nulla sua culpa, sed ob immaturam sponsi sponseque ætatem.  
Pecuniam, cujus solvendæ dies nondum advenisset, nondum deberi. De  
solvenda, si non satis cautum videretur, amplius cauturos. Bervici arcem,  
in solo Scotico a Scotis ædificatam, suæ ditionis esse, ac per multa secula  
fuisse. Eam si aliquando Angli interceperint, aut per vim tenuerint, nihil ea  
injuria jus vetus imminutum fuisse.

XLIX. Glocestrius, qui superior viribus erat, in sententia perstabat; neque  
juris disceptationem ullam audiebat. Eodem die, Calenus Cambellus Argathe-  
liæ Comes, & Andreas Stuartus Cancellarius, duo item Episcopi, Fani An-  
dreæ & Dumblani, miserunt ad Alexandrum, qui in castris Anglorum ad Le-  
thintonum erat, suis diploma sigillis & chirographis confirmatum; „ Si Regi  
dicto audiens esset, se curaturos, ut, in proximo conventu publico, bonis  
restitutis, omnium anteaكتورum impunitate donaretur: hæc omnia ita futura  
fide interposita. Alexander, re cum Glocestrio communicata, ab eo benevo-  
le dimissus, ad suos rediit. Coacto concilio, summa imperii ad eum omnium  
coll-

1 *A suo Rege destituti*] Imo vero, pri-  
mores Regem suum fœde & alienissimo  
patriæ tempore destituerant.

2 *Richardum Glocestriæ Ducem*] Ita MS.  
& in præced. Cap. bis, aliis tamen libris

[*Richardum Glocestrium Ducem*] legitur.

3 *Eodem die*] i. e. 2 Augusti 1482, ut  
patet ex ipsa conventionē Fœd. Angl.  
Tom. 12. pag. 161. quod tamen ex Bu-  
chanani textu nulla ratione elici potest.

1 Ad

consensu defertur: statim ad eosdem relatum, de obsidione Bervici solvenda. Prudentioribus visum est, tam periculoso tempore, cum omnia seditionibus domesticis essent adeo perturbata, ut vix, quietis hostibus, fortunæ favientis impetus sisti posset, pacem quavis conditione faciendam. Videbant enim perspicue, si hostem tam potentem vincerent, se magis cum irritaturos, quam absterrituros: sin ipsi vincerentur, incertum esse, quemadmodum hostis, natura ferox, & rebus secundis insolentior factus, victoria esset usus. Hæc, etsi nonnulli ferociore, quam pro tempore, exclamarent, sententia in concilio vicit. Post alias atque alias conditiones frustra jactatas, tandem ad <sup>1</sup>septimum Calendas Septemb. anni millesimi quadringentesimi octogesimali secundi, conven- MCDL tum, ut arx Bervici dederetur, ac induciæ in paucos menses darentur, donec XXXII. de pace per otium tractari posset. Ita Bervicum, <sup>2</sup>vicefimo uno anno postquam ad Scotos redierat, redditum fuit Anglis. Glocestrius, re foris bene gesta, cum summa gratulatione ad suos est reversus. Eduardus, de concilii sententia, censuit, quæ de nuptiis pactus erat, irrita fieri, magis e re Anglica esse: quod, in tantis intestinis dissidiis, <sup>3</sup>metueret, ne Jacobi posteritas regno pelleretur: atque in Alexandrum, quem, si Regem fecisset, tanto beneficio sibi obnoxium perpetuo in amicitia permansurum sperabat, pronior erat. Fœcialis Edimburgum est missus, qui affinitatem renunciaret, & dotem reposceret. Is ad octavum Calendas Novembris cum sui adventus causam publice declarasset, cives, impetrato ad solutionem die, bona fide pecuniam reddiderunt: datis fœciali, qui Bervicum usque eum prosequerentur.

L. Alexander, ut si qua essent residua fratris erga se odia, ea mitigaret, & novo beneficio novam iniret gratiam, <sup>4</sup>eum, ex arce deductum, in liberam regni

<sup>1</sup> *Ad septimum Kal. Sept.] i. e. 16 Aug. 1482.* Ferrerius tamen 24, Lessæus 23 ejus mensis Bervicum in Anglorum potestatem venisse tradunt.

<sup>2</sup> *Vicefimo uno anno]* Ita MS. princeps Editio Edimb. Genef. Francof. & Lud. Elzev. anni 1643: & quidem recte. Vid. supra ad Lib. XII. 25. Importuna igitur diligentia est Edit. Pet. Elzev. anni 1668. & Mosmanni 1700, pro [uno] [primo] reponentium.

<sup>3</sup> *Metueret ne Jacobi posteritas regno pelleretur]* Imo vero operam dabat, quam & antea se daturum Alexandro Albino receperat, ut Jacobus ejusque posteritas regno pelleretur. Prodiit nuper in lucem scriptoribus nostris antea incognitum hujus rei testimonium, apud Rymerum Fœd. Angl. Tom. 12. pag. 156, conventio *scil.* inter Alexandrum Albinæ Ducem & Eduardum Regem Angliæ 10 & 11 Junii 1582 scripta, in qua Albinus (qui se

*Alexandrum dono Regis Angliæ Scotorum Regem appellat)* solenniter promittit, „1. „Se quam posset maximas Eduardo Ang- „glo adversus quoscunque Principes & „mortales suppetias laturum. 2. Se, in- „tra sex menses post subditum sibi Scoto- „rum sceptrum, Angli beneficiarium „professurum. 3. Scoppida & arces Ber- „vici & Lacus Mabani, regionesque „Liddaliam, Esciam & Annandiam di- „tioni Angliæ in perpetuum subjeclurum. „4. Se Fœderi Gallico renunciaturum. „5. Se, repudiata, si fieri posset, uxore, Cæciliam Eduardi filiam ducturum. „Contra ea paciscitur Anglus, „Se sum- „ma ope adnixurum, ut, Jacobo fratre „exauctorato, Alexander regnum apud „Scotos adipisceretur, atque in eo reti- „nendo adversus Jacobum, qui tunc re- „rum potiebatur, validis auxiliis suffulci- „retur.

<sup>4</sup> *Eum, ex arce deductum, in liberam* regni



regni possessionem restituit. Sed plus apud animum impotentem valuit veterum  
offensarum, quam recentis beneficii memoria. \*Accedebant ad priores suspi-  
ciones calumniæ inimicorum Alexandri, qui nimiam ejus popularitatem assidue  
criminabantur: idque non dubium affectati regni argumentum esse assevera-  
bant. \*Ille admonitus per amicos, consilia adversus suum caput in aula agita-  
ri, clam in Angliam secessit, arcemque Dumbarum Eduardo tradidit. Ale-  
xander absens damnatus est. Crimini ei datum, quod in Angliam primum fre-  
quentes nuncios misisset: deinde, non impetrato a Rege comiteatu, illuc ipse  
transisset: cum Anglo, adversus patriam Regisque caput, consilia coisset.  
Cæteris omnibus earum rerum consiliis venia data, & in iis Gulielmo Crichto-  
nio, quem, non modo consiliorum omnium adversus patriam socium, sed  
etiam auctorem & impulsorem fuisse arguebant. Verum, post veniam præte-  
ritorum semel impetratam, iterum accusatus, quod literis assiduis Alexandrum  
jam damnatum confirmaret, consilioque instrueret; idque per Thomam Dic-  
sonum sacrificulum: quod arcem Crichtonium curasset adversus Regem mu-  
niendam, eamque non dedendi præfidiarius auctor fuisset. In jus adeste jussus,  
ad XVI. Calendas Martias, anni millesimi quadringentesimi octogesimali quarti:  
quo die cum non affuisset, ipsi aqua & igni interdictum, bona in fiscum re-  
dacta.

MCDL  
XXXIV.

LI. Hæ quidem in acta publica causæ sunt redactæ. Verum odium Regis,  
ob causam privatam conceptum, plus ei nocuisse creditur. Erat Gulielmo  
uxor, e nobili Dumbarorum familia nata, atque insigni pulchritudine:  
eam

*regni possessionem restituit]* Exstat in Actis  
Scoticis ea de re Jacobi III. instrumentum,  
quo Alexandrum Ducem Albinæ Comi-  
tatibus Marriæ & Gariochæ donavit,  
hac memorabili causa adjecta, *Pro nostra  
de carceribus ex castro nostro de Edinburgh  
liberando personam; dignitatem suam ac  
nobilem personam gravibus vita exponendo  
periculis, dictum castrum de Edinburgh ob-  
sidendo, ex quo insultu nostra jam persona  
grata libertate congaudet.* Ibidem quoque  
exstat ejusdem Regis diploma, quo varia  
privilegia Senatui populoque Edimbur-  
genſi, in primis vero Prætori urbano Vi-  
cecomitis intra urbis pomeria jurisdictio-  
nem impertitur, *quod ipsius fratri Albinæ  
Duci in ſe de Caſtro de Edinburgh liberando  
ſtrenuam operam contuliſſent.* 16 Novemb.  
1482.

*I Accedebant ad priores ſuſpiciones calu-  
mnia inimicorum]* Non vanas fuiſſe eas ſu-  
ſpiciones, quæ ſupra in medium attulimus  
præc. Cap. quæque mox ab eo perpetrata  
ſunt, plus pîmio demonſtrant.

*z Ille admonitus per amicos, conſilia,  
adverſus ſuum caput in aula agitari]* Imo  
vero ipſe cum ſuis, non depoſita, ſed in-  
termiſſa paulum priora conſilia recoque-  
bant. Nam altero poſt Regem cuſtodia  
eductum menſe, 12 videl. Januarii 1483,  
miſſis in Angliam legatis Archibaldo Com-  
ite Angulæ, Andrea Graiz Regulo,  
& Jacobo Liddalio Halkerſtoniæ Comar-  
cho, ſœdus ſuperiore anno cum Anglo  
initum iſdemque legibus renovavit; hac  
etiam cæteris adjecta, ſe nullis conditio-  
nibus a Jacobo fratre, aut quocunque ejus  
ſanguine geniro adductum arma unquam  
depoſiturum. Porro prædicti ipſius legati,  
ſuo nomine, atque per fidei, honoris, &  
militiæ ſacra obſtrinxerunt, ſi Albinus  
abſque ſobole ipſi in regnum Scoticum  
ſuccellura decederet, ſe, amicos, clientef-  
que ſuos in nullius ditionem præterquam  
Angli unquam conceſſuros, &c. Foed.  
Angl. Tom. 12. pap. 172. Abercromb.  
pag. 455.

z Eam

<sup>1</sup> eam cum a Rege maritus corruptam comperisset, consilium temerarium quidem, sed ab animo amore aegro & injuria irritato non alienum, suscepit: minorem enim e Regis sororibus, & ipsam quoque forma egregia, & consuetudine fratris infamem, compressit; & ex ea Margaritam Crichtoniam, quæ non adeo pridem decessit, genuit. Interim domi uxor Crichtonii moritur. Soror vero, quam a Rege compressam diximus, adeo impotenti Gulielmi desiderio flagrabat, ut interim velut mente alienata delirare videretur. Rex, partim ab amicis Gulielmi exoratus, partim & injuriæ ei factæ memor, & cupidus matrimonii prætextu sororis infamiam levare, Gulielmo reditum permisit, ea lege, ut eam duceret. Gulielmus, ab amicis persuasus, & melioris consilii inopia coactus, præsertim Richardo Anglo extincto, Ennernessum venit, ac Regem ibi, non adeo diu ante utriusque mortem, est allocutus, atque in spem reditus erectus. Ibi sepulchrum ejus adhuc ostenditur. Hæc diversis temporibus gesta, ne cursus historiæ nobis esset abrumpendus, in unum locum sunt congesta. Nunc omiſſa repetamus.

LII. Eduardus Anglus, <sup>2</sup> proximo post Dumbarum receptum mense Aprilis, decessit, anno millesimo quadringentesimo octogesimo tertio, relicto filio tutore Richardo fratre. Is, primum Gubernatoris nomine contentus, duos menses Anglis præfuit: deinde, magna Nobilitatis ac plebis parte variis artibus conciliata, duobus fratris filiis in custodiam conjectis, Regina cum totidem filiabus in asylum sanctissimum, prope Londinum, inclusa, mense Junio proximo Regium nomen & insignia usurpavit. Alexander Albinus, & Jacobus Duglassius, cupidi experiri, qui esset civium erga se animus, comitati quingentis equitibus selectis, ad lacum Mabanum veniunt, quod ibi frequens mercatus, die Divæ Magdalenæ sacro, fieri solet. Ibi subito irritatis animis, pugna conseritur, vario sæpe successu, prout auxilia his aut illis e vicinis regionibus sese aggregabant. Pugnatum est, incerto eventu, fere a meridie usque ad noctem: tandem victoria, cruenta quidem illa, multis suorum amissis, ad Scotos inclinavit. <sup>3</sup> Captus ibi fuit Duglassius, & a Rege relegatus in Cœnobium Lindorim: Alexander, in equum impositus, fugit, nec diu post in Angliam mansit. Multæ interea incursiones factæ, sed majore Anglorum damno, quam Scottorum commodo. Richardus, domi rerum exitu adhuc incerto, & metu externo impendente, a Comite Richemondia, cui, tum apud Gallos exulanti, multi Anglorum favebant, & ad regnum capeſſendum vocabant, magna ani-

MCDLXXXIII

<sup>1</sup> *Eam cum a Rege maritus corruptam*] Infandum hocce crimen a perduellibus confictum fuisse, fidem fere faciunt, quæ mox in lucem protulimus.

<sup>2</sup> *Proximo post Dumbarum receptum mense Aprilis*] Ita MS. princeps Editio Edimb: Genèv. Francof. &c. At Elzev. 1668 & Mosmanni 1700. quam emendare volebant, corruerunt sententiam, interjecta post [*receptum*] voce [*anno*] quod omnino falsum: Dumbarum quippe hoc ipso anno

1483, Anglis est traditum: In ea enim arce cum legatis suis mandata ad Anglum 12 Januarii daret, Albinus adhuc diversabatur.

<sup>3</sup> *Captus ibi fuit Duglassius*] Nempe ab *Alexandro* (non *Roberto*, uti eum vocat Abercrombius,) a Cella Patricii, qui ideo agris villæ de Kirkmichel, Drisholm, &c. a Rege est donatus. 2 Octob. 1484. *Ad. publ. Jacobi III.*

mi sollicitudine afficiebatur. Nec minus scelerum suorum velut stimulis vexatus, statuit, quoniam seditiones domesticas non adeo cito sedatum iri sperabat, quibuscunque posset conditionibus, externos complecti, & eorum auctoritate & opibus se domi tutiorem, & inimicis magis formidabilem reddere. Igitur, missis in Scotiam Legatis, qui vel pacem, vel saltem aliquot annorum inducias impetrarent, omnia opinione sua multo faciliora invenit. Jacobus enim, qui, ob multa non dissimilia scelera, maximo apud suos odio laborabat, Legatos libenter audivit: pace enim cum Anglis facta, sperabat, se per otium civiles injurias, clauso inimicis perfugio, ulcisci posse.

LIII. His maxime de causis, missis ad regnorum fines ex intimis utriusque Regis familiaribus, post multas & diuturnas de rebus repetundis disceptationes, cum, ob repetentium res multitudinem, & probationum infirmitatem, pax confici non posset, de induciis in triennium convenit: & quia, ob difficultates quas dixi, & temporis angustiam, tum res reddi non poterant, dati utrinque Legati, qui una cum limitum praefectis id ex aequo & bono curarent. Una conditio in eis induciis perplexe scripta erat, de Dumbaro Scotis restituendo, per quam Anglus eam tenere, Scotus oppugnare posse, salvis induciis, interpretabatur. Scotus cum, post sex menses praescriptos, arcem per Legatos repeteret, Richardus de sua voluntate per literas satis prolixè pollicebatur: sed alia atque alia causando, eam, usque ad vitae suae finem (qui brevi secutus est) retinuit. Eo autem a suis interemto, ac Henrici Septimi regno nondum stabilito, Jacobus arcem asperrima hieme obsedit. Qui in praesidio erant, nullum, ob res domi turbatas, auxilium exspectantes, eam dederunt.

LIV. Henricus autem, multis agitato procellis, ut externorum bellorum causas praecideret, & veterum odiorum incendia restingeret, ad Novum Castrum ad Tinam venit: inde Legatos in Scotiam misit, qui vel foedus perpetuum, vel certe inducias diuturnas facerent. Homo enim singulari prudentia, & multas rerum vicissitudines expertus, in primis ad regnum suum stabiliendum utile existimabat, cum vicinis omnibus, ac maxime cum Scotis, pacem habere: quod fere haec duo regna semper alterum alterius rebus insidiarentur adversis; & rebelles tum integros fovendo, tum extorres recipiendo, spe vel auxilii, vel refugii, seditiones alerent. Et Jacobus nihil magis cupiebat, quam ut metu ab exteris liber, de suis pro arbitrio poenas expetere posset. Itaque Legatos humaniter acceptos monuit; „Se quidem nihil magis quam pacem cupere: verum existimare, a suis impetrari non posse, ut vel perpetuam pacem,

„vel

*1 Per quam Anglus eam tenere, Scotus oppugnare posse salvis induciis, interpretabatur* MS. deest [posse,] additur tamen ante [interpretabatur] vox, [se:] unde animus suspicio incessit legi debere, *Per quam Anglus eam tenere, Scotus oppugnare posse, salvis induciis, se interpretabatur.*

Nusquam enim verbum [interpretor] extra participium, passivè acceptum reperio. Ex participiis autem communiter usurpatis, verba ipsa, a quibus deducantur, neutiquam communia statui debere, summi nominis Grammatici contendunt.

1 Hæc

„vel diuturniores facerent inducias: partim, quod id prisca lege vetitum esset,  
 „ne, metu amoto, animi per otium relanguerent, & nervos industriæ re-  
 „mitterent: partim, quod ferociam, ex longo armorum usu collectam, non  
 „tam cito possent omnino deponere. Quod si eo adduci possent, ut sex aut  
 „septem annorum induciis faciendis consentirent, non esse respuendum. Quod  
 „autem ad se attinet, cum viveret, pacem sibi sanctam & inviolatam cum  
 „Henrico fore: curaturum etiam, ut induciæ, antequam dies earum exiret,  
 „renovarentur: verum se maximopere rogare Legatos, ne quicquam eorum,  
 „quæ secreto cum ipsis egisset, in vulgus efferrent, ne procures ad pacifican-  
 „dum tardiores essent, si studium ejus in eam partem persentiscerent. <sup>1</sup> Hæc  
 Anglo relata, cum sciret, quam turbido in statu res Scotorum essent, quam-  
 que Regi pacem esse expediret, eum sincere & ex animo loqui ratus, induciis  
 in septem annos factis, retro Eboracum se recepit.

L.V. Interea moritur Scotorum Regina, mulier singulari formæ gratia & probitate, quæque viri effrenatos impetus plerumque moderari credebatur: moritur item in Gallia Alexander Regis frater, duobus filiis relictis, Alexandro, ex uxore priore Comitum Orcadum filia, &, secunda, Joanne, qui postea Prorex in Scotia aliquot annos fuit. Jacobus autem, confirmata foris pace, & domi consiliorum suorum duobus molestis interpellatoribus liberatus, ad ingenium rediit: & , exclusa fere omni Nobilitate, homines novos circa se habebat, quos & aulicis honoribus & ministeriis præficiebat, & rejecta in eos cura publica, & pecuniæ undique conquirendæ rationibus, ipse totum se voluptatibus immergit. Princeps aulicæ factionis erat Joannes Ramisæus, qui ad Lauderam, servatus a Rege, supplicium evaserat. Is in tantam elatus est superbiam, ut, cum domus Magister (is honor apud Scotos præclarus habetur) a Rege esset electus, multisque prædiis opulenti donatus, non tamen ea fortuna contentus, <sup>2</sup>impetraverit edictum, ne quis, præter se suosque comites, in eis locis, in quibus Rex diversaretur, arma ferret: ut scilicet hac ratione se suamque factionem adversus Nobilitatem communiret; quæ & frequentes seorsum coitiones faciebat, & armorum terrore stipata obambulabat. Sed id edictum longe Ramisæo plus odii, quam terroris conciliavit: & jam <sup>3</sup>manifestæ servitutis imago omnium oculis obversabatur.

L.VI. Rex interea nihil aliud moliebatur, quam ut animum expleret eorum sanguine, qui rebellandi auctores credebantur. Id cum vi aperta obtinere non posset, eos arte capere contendit. Cum aliis atque aliis se reconciliatum simulans, comiter, ac paullo etiam blandius quam Principem deceret, <sup>4</sup>accipiebat. Alios, quorum potentia eminebat, præmiis & honoribus prosequabatur. <sup>5</sup>Davidem Lin-

<sup>1</sup> *Hæc Anglo relata*] Male hæc cum sequentibus coherere: ego, aut *Hæc Anglo relata sunt*, qui cum sciret, &c. vel potius, *His Anglo relatis*, cum sciret, &c. legendum putem.

<sup>2</sup> *Impetraverit edictum*] Ita monente Crafordio emendavimus, pro quo libri o-

mnes [*impetravit.*]

<sup>3</sup> *Manifesta servitutis imago*] MS. [*manifesta,*] quod eodem fere redit.

<sup>4</sup> *Accipiebat*] Melius forte [*cos accipiebat.*]

<sup>5</sup> *Davidem Lindefum*] Non satis accurate hoc traditur, postea enim, nempe



Lindesium, Crafordiæ Comitem, Ducem Montis Rosarum appellat, hominem magnis opibus præpotentem sibi adungere studens; <sup>1</sup> Archibaldum Angusiæ Comitem apud se frequentem habebat, & cum eo, velut penitus in gratiam recepto, secreta consilia communicabat. Nec tamen præmiis, nec blanditiis cuiquam sinceri animi fidem faciebat. Nam qui ingenium ejus noverant, non dubitabant, eo spectare illam benevolentiae simulationem, vel ut seorsum alios, ac deinde alios comprehenderet, vel procures inter se committeret: quod utique, Nobilitatis principes Edimburgi nactus, magis perspicuum fecit. <sup>2</sup> Duglassio enim in arcem ad se vocato, demonstravit; „Egregiam sibi in præsentia oblatam sumendæ ultionis occasionem: comprehensis enim factionis ducibus, ac supplicio affectis, cæteros conquieturos. Hanc opportunitatem ultro se offerentem si omittat, similem postea se nunquam sperare.

LVII. Duglassius, qui animum Regis nihilo sibi quam reliquis placationem sciebat, consilium tam crudele & præceps discussit, ratiocinatus; „Quam turpe & flagitiosum id facinus omnes judicaturi essent, si, indicta causa, tot homines claros, quibus, promissa præteritorum venia, conciliatus esset, non ita pridem, nunc fide publica accepta securos, repente ad supplicium rapi peret. Non enim feroces hostium animos interitu paucorum fractum iri: sed, violata semel fide, spem omnem concordiae <sup>3</sup> sublaturum: desperataque semel venia, iram in rabiem versum iri: inde majorem obstinationem, & Regiæ auctoritatis & vitæ propriæ contemptum secuturum. Mihi vero si credis, inquit, rationem inibo, qua, salva Regia dignitate, etiam vindictæ prospiciatur. Ego enim, convocatis amicis & clientibus, de die & palam injecta manu, quo voles, injus traham, & legum poenas expetam. Id non honestius modo, sed & tutius erit, quam si clam, de nocte, velut a latronibus oppressi, trucidentur. Rex Comitem ex animo loqui credens, (non enim ignorabat,

18 Maji 1488, Dux Montis Rosarum creatus est David Lindsey, hac inter alias addita ratione & elogio, quod personam suam — pro persona nostra & coronæ tutamine & defensione, nostrum etiam honorem conservando frequenter exposuit periculis cum esset, & præcipue ac novissime contra nostros infideles ligios, contra nostram majestatem & vexillum in campo bellico apud Blacknesi insurgentes, &c. Acta publ. Jac. III.

<sup>1</sup> Archibaldum Angusiæ Comitem] Libris omnibus perperam hic Georgius appellatur. Vide supra Lib. XII. 40. & infra Lib. XIII. 35. Filius quidem ei Georgius fuit, ad Fluidonem anno 1513 occisus.

<sup>2</sup> Duglassio enim in arcem] Hæc & quæ præcesserant omnia ab inimicis excogitata, atque in vulgus falsis rumoribus dispersa, haud ægre crediderunt. Namque Du-

glassio, capitali Regis hosti, quique se ei nunquam obtemperaturum jurejurando antea obstrinxerat, fides debetur? Sed neque ulla veri similitudine nititur, ut Rex, si maxime iis consiliis animum adjecisset, ea inimico infensissimo, qui non ita pridem Regios ministros, ab ipsius latere arreptos, nullo judicio habito, trucidaverat, prodere veller. Anne autem credibile est, tam immanem Regi incessisse truculentiam, qui Duglassiæ Comitem, horum omnium malorum fomitem & fontem, venia tam facilis paullo ante donaverat? At ita nimirum perduellium rationes ferebant, ut quem neci jamdudum destinaverant, nec dignus videretur.

<sup>3</sup> Sublaturum] Paulo durius hæc vox inter fractum iri & versum iri interjici videtur.

rabat, quæ polliceretur, posse præstare) gratis ei actis, multis promissis oneratum dimittit. Ille, admonitis proceribus, ut imminenti periculo se subtraherent, ipse quoque se statim subduxit.

LVIII. Ab eo die, Rex, post occulta consilia patefacta, nemini deinde fidens, cum ad tempus in arce Edimburgensi se continuisset, nave in regiones Transforthanas, quæ adhuc ei parebant, vectus, brevi firmas copias confecit: & proceres, qui antea emendatum, non extinctum Regem volebant, desperata concordia, consilia sua omnia in exitium ejus conferebant. Illa difficultas eos habebat sollicitos, quem sibi ducem nominarent, qui, Rege in ordinem coacto, Vicarius regni esset populo non ingratus, & obtentu nominis illustri factionem minime gravaret invidia. Multa circumspicientibus, in Regis filium est ab omnibus consensus. Is a custodibus suis, & ætatis infirmioris rectoribus corruptus, hoc maxime metu, ne, si ille recusaret, ad Anglos, hostes familiæ suæ perpetuos, imperium deferretur.

LIX. Jam Rex Fortham transierat, & ad Blacnessum arcem habebat castra, & filii exercitus, dimicationi paratus, non longe aberat: verum, interventu Comitis Atholix patrui Regis, res composita fuit. Ipse Atholius pacis pignus Adamo Heburno Bothuelix Comiti datus, apud eum, usque ad Regis mortem, permansit. Verum concordia, ut inter suspectos invicem, non diuturna fuit. Legatis interea comitantibus, a Nobilitate responsum est; „Cum Rex nihil sincere agat, certum bellum infida pace sibi potius videri: unam spem esse concordix, si Rex, filio sibi suffecto, regno se abdicaret: alioqui nihil esse, quod colloquiis sese invicem frustrarentur. Hoc responsum Rex Legatis, quos ad Anglos & Francos mittebat, ostendit: eosque summo opere rogavit; „Ut auctoritate sua, aut, si opus esset, auxilio, paucorum rebellium furorem infringere, eosque ad sanitatem reducerent; communi nemque eam fortunam existimarent, & quæ suo contagio facile ad propinquas gentes serperet. Missi etiam ad Eugenium Octavum, Pontificem Romanum, qui orarent; „Ut, pro sua paterna in Scoticum nomen caritate, Legatum in Scotiam mitteret, qui rebelles, pro jure sacrosanctæ potestatis, cogeret, ut, armis positis, Regi suo parerent. Pontifex, cum tum maxime haberet in Anglia Hadrianum Castellensem, hominem singulari eruditione & prudentia, ad eum scripsit, ut rebus Scoticis componendis operam daret.

LX. Sed hæc sera fuerunt auxilia. Proceres enim, qui hæc agi non ignorabant, & Regem erga se implacabilem sciebant, antequam majores copix ad eum convenirent, decernere armis decreverant: & , quanquam Regis filium apud se haberent, simul ad auctoritatem ad vulgus comparandam, simul

1 *Corruptus*] Suspensa hæere videtur sententia, nisi post [*corruptus*] addatur [*est*] vel potius post [*deferretur*] ducem illis se præbuit.

2 *Adamo Heburno*] Crafordius legendum præcipit *Patricius*. Idem confirmant Balf. dom. I.

Geneal. pag. 23. & Geo. Crafordius Nobil. Scot. pag. 43. qui porro addunt eum Bothuelix Comitem tum nondum fuisse, utpote creatum a Jacobo IV. 15 Octob. 1498.

3 *Auctoritatem ad vulgus comparandam*] K k k lra

mul ut ostenderent, se non patriæ, sed pernicioso Regi infensos esse; tamen, ne Legatorum externorum adventu plebis animi debilitarentur, dies noctesque solliciti erant, quomodo rem ultimo discrimini committerent. Obstabat eorum festinationi Regis timor: qui, quoniam satis firmas acciverat copias e regni partibus ad septentriones spectantibus, in arce Edimburgensi se continebat, dum ea auxilia convenirent. Ab hoc consilio, quod ei visum fuerat tutissimum, fraude, aut certe inscitia suorum, est deductus. Propter enim frequentia æstuaria, quæ moram & periculum conventuris afferre poterant, suaserunt; „ Ut Sterlinum peteret, locum unum totius regni commodissimum ad auxilia „ ex omnibus regni partibus excipienda. Ibi quoque non minus tuto, quam in „ arce Edimburgi, eum fore posse, cum hostes ab omnibus rebus, ad expu- „ gnandas arces necessariis, imparati essent: simul classem, quam ad omnes „ casus instruxerat, in propinquo stare posse.

LXI. Hoc quidem consilium & fidele videbatur, & satis erat tutum, nisi præfectus arcis Jacobus Siaus, ab adversa factione corruptus, venientem exclusisset. Itaque, cum hostes prope vestigiis ejus institissent, neque, quo se reciperet, haberet; coactus est cum eis, quas habebat, copiis aleam certaminis experiri. Initio cum satis acriter pugnaretur, procerumque prima acies loco cederet, Annandiani, & eorum vicini, qui ad occidentalem Scotiæ limitem accolunt, acriter gradum promoverunt. Hi, cum longioribus uterentur hastis, quam qui ex adverso stabant, statim Regis mediam aciem fuderunt. Ipse, equi casu debilitatus, in molas aquarias, non longe a loco ubi pugnatum erat, se recepit, eo (ut videbatur) consilio, ut naves, quæ non longe aberant, conscenderet. Ibi, cum paucis deprehensus, occiditur. Tres cum fugientem proxime secuti, Patricius Graius familiæ suæ princeps, \*Sterlinus Kerius, & sacrificulus cognomento Borthicus: incertum, a quo eorum percussus. Ejus cædis fama, licet incerta, per utrumque exercitum divulgata, fecit, ut, victoribus minus acriter instantibus, fugientium multo pauciores caderentur: cum Rege enim, non cum civibus, proceres bellum susceptum videri volebant. Cæsus est e Regiis Alexander Cunigamius Glencarniæ Comes, cum paucis clientibus & propinquis: ex utraque parte complures vulnerati.

LXII. Hunc finem vitæ habuit Jacobus Tertius, vir non tam ingenio pravo natus, quam prava consuetudine corruptus. Nam, cum initio magnæ & præclaræ indolis animique vere Regii specimen dedisset, per Bodios primum, sed paullatim, in licentiam est effusus. Iis e medio sublati, ab hominibus infimæ sortis in omnia simul vitia est præceps datus. Tempora etiam corrupta, &

Ita antiquiores codices: Elzev. tamen & Mosmanniana Editt. iussu licentia [ad] in [apud] mutantur, ignorantes scil. [ad] hoc significatu apud optimos auctores reperiri. Vide supra ad Lib. V. 17.

1 Quæ ad occidentalem Scotiæ limitem accolunt] Non tantum accolere mare, fluvium, lacum, dicimus, sed etiam montem, viam

limitem, Liv. lib. 18. cap. 13. Accolunt viam. Sed rarissime additur præpositio.

2 Sterlinus Kerius] Gulielmo, non Roberto (quod habet Drummondus) Sterlino, nomen ei fuisse ostendit Sagijs Præf. ad Drummondi Hist.

3 In omnia simul vitia præceps est datus] Sæpius ante imponimus hæc vitia, ab inimicis

& vicinorum Regum exempla, non parum ad eum evertendum juverunt. Nam & Eduardus Quartus in Anglia, Carolus in Burgundia, Ludovicus Undecimus in Gallia, Joannes Secundus in Lusitania, tyrannidis fundamenta jecerunt; Richardus Tertius in Anglia immanissime eam exercuit. Morti etiam Jacobi illa iniusta est ignominia, ut, in proximo conventu, omnium Ordinum decreto, jure cæli judicaretur: cautumque sit diligentèr omnibus, qui adversus eum arma tulerant, ne ea res ipsis eorumve posteris fraudi esset. Obiit, anno a Christo nato millesimo quadringentesimo octogesimo octavo, regni vicesimo octavo, ætatis tricesimo quinto.

MCD  
LXXX

LIBER VIII.

amicis infensissimis ad populi odium adversus eum conflandum ei objecta, magna ex parte conficta videri. Videtis Abercrombium, qui gravibus argumentis, atque ex ipsis utriusque regni actis publicis, ut plurimum, peritis, Jacobi III. existimationem strenue defendit, criminumque quorum insimulabatur infamiam in ipsos perduelles convertit. Non patitur instituti nostri ratio hæc pro dignitate exsequi; unicum tantum, unde de cæteris conji-cere liceat, exempli loco hic attingam. In illo, qui statim post ejus mortem habitus est, conventu, [Vide Jac. IV. Parliam. I. cap. 14. & Buchan. XIII. 8. vitio ei præcipue dabatur, quod Anglos in Scotiam arcessere, regnumque adeo Anglorum ditioni subicere satagebat. At animadvertite quæso immanem hostium impudentiam; ab iis scilicet ipsis hoc crimen Jacobo intentatur, qui Anglis infesto exercitu Scotiam invadentibus se adjunxerant; qui se in Angli fidem sæpius dederant; qui regnum ejus sceptro (quantum in ipsis esset) subdituros, seque nunquam Jacobo ejusve hæredibus obtemperaturos, jurejurando confirmaverant.

1 Vicinorum Regum exempla] Imo vero vicinorum Regum exempla pravæ ipsius fratris Ducis Albini ambitioni faces subdidere. Henrici enim IV. qui Richardum II. & Eduardi IV. qui Henricum VI. Anglorum Reges solio detruserant exempla ipsius animo obversabantur, ingentesque regnumoticum pari dolo atque

perfidia occupandi spes faciebant.

2 Omnium Ordinum decreto] Non sano omnium Ordinum, sed illius fere factionis, quæ Regem ad necem usque est persecuta. Multi quidem metu se dediderunt: plures tamen, & e principibus Nobilitatis, Dux Crafordiæ, Comites Huntilex, Levinæ, Martialis, Rothusæ, Sutherlandiæ, Cathanesæ, &c. & hi Reguli, Forbosus, Lindefus, Lylius, Ogilvius, Fraferius, &c. tantum abest ut huic Conventui interfuerint, ut parricidas (ita enim eos vocabant) justo bello persequendos statuerint. Certe, non vicinæ modo gentes, sed & maxima Scotorum pars, & in his Transforthani fere omnes, scelus abominabantur. Memorabile in primis Rom. Pontificis diploma, quo omnes illius conjunctionis participes Christianorum communione interdixit, nec nisi post veniam suppliciter rogatam, seriamque actam poenitentiam, post tres annos suam hanc sententiam revocavit. Hujus rei documentum autographum, 5 Kal. Jul. anno 1491, scriptum, mecum communicavit vir eximius David Simsonus, magna reip. literariæ jactura ante aliquot annos defunctus.

3 Ætatis tricesimo quinto] Natus (ut supra ostendimus ad XI. 48.) intra 7 & 11 Januarii 1453, extinctus 11 Junii 1488, ut modo monstrabimus, vixit 35 annos & menses fere quinque; proinde 36 ætatis anno obisse necesse est.



## LIBER DECIMUS TERTIUS.

I. **I**ACOBÒ Tertio, \*ad undecimum Junii, prope Sterlinum caeso, qui sectam adversam sequebantur, de exitu Regis adhuc incerti, retro Linnuchum castra moverunt. Ibi ad eos delatum, scaphas a classe ad terram commeare, ac saucios in naves comportare: inde suspicio est orta, Regem a classe receptum fuisse. Itaque, motis Letham castris, missi a Principe (ita enim Scoti filium Regis natu maximum appellant) praefectum classis evocant. Is erat Andreas Vodius, sive quis malit interpretari Silvius, Eques, & beneficiorum sui Regis memor, & summa erga defunctum benevolentiae constantia: qui cum negaret, se in terram egressurum, nisi acceptis obsidibus, dati e supremo ordine Setonius & Flaminius. Rogatus a concilio Regio; „Ecquid sciret, ubi Rex esset, & quinam essent, qui, post „praelium, scaphis ad naves vecti fuissent: De Rege, se quicquam scire, negavit: scaphis autem se cum fratribus descendisse, ut, una cum aliis bonis civibus, salutem sui Regis tuerentur: sed, cum frustra vitae ejus opitulari essent conati, in classem rediisse: eique, si viveret, uni se parituros: sine extinctus esset, ad mortis ultionem paratos. Cum multa praeterea adversus rebelles jaceret convicia, metu tamen, ne obsides violarentur, incolumis ad naves est remissus. Receptis obsidibus, cives Lethenses ad concilium vocati, ac magnis pollicitationibus sollicitati, ut consensu navibus Andream Silvium oppugnarent. Responsum est ab universis, uno consensu; „Eum duas habere „naves, ita omnibus rebus ad bellum idoneis ornatas, sociisque navalibus ita „instructas, eamque in ipso praefecto rei navalis esse scientiam, ut ne decem „quidem naves in Scotia essent, quae cum duabus illis auderent congregi. Ea igitur consultatione dilata, Edimburgum eunt. Ibi certiores de morte Regis facti, funus ei amplissimum faciendum curant, ad Cammiskennethum, Cœnobium Sterlino vicinum, ad vicesimum quintum diem mensis Junii.

## C V. R E X.

II. Interea comitia \*novo Regi creando in certum diem indicunt. Pauci ad id

1 *Ad undecimum Junii*] Lacunam in omnibus libris relictam hoc numero supplevimus. Ita enim Lestæus, Ferrerius, Drummondus, qui omnes *undecimo Junii, die D. Barutha sacro*, occisum testantur. Andersonus quidem ejus Divi festo occisum tradit, at id perperam ad 28 Junii rejicit. Pejus autem Pitcottius, qui hoc praelium in 18 Julii diem refert. Sententiam vero nostram amplius confirmant Jacobi IV. Acta publ. Nam ante 12 Junii

ipsum patrem occisum ostendit primi ipsius Conventus Act. 3. quo edictum eo die de bonis bello captis promulgatum memoratur. Post 10 vero Junii casum demonstrat ejusdem Regis instrumentum 10 Junii 1513, regni 15 scriptum.

2 *Novo Regi creando*] Importune hic ingeritur *creationis* vocabulum, cum non Ordinum suffragiis (quod voluit Buchananus) sed sanguinis jure regnum apud Scotos inea-

2 *New*

id munus, & fere conjurationis adversus superiorem Regem populares, convenire. Regno suscepto, statim novus Rex ad præfectum arcis Edimburgensis feciale misit, qui ad deditionem eum sollicitaret. Ea recepta, Sterlinum est profectus, arceque a præsidio dedita est potitus. Rumore in Angliam de rebus in Scotia turbatis perlato, quinque naves Anglicæ, e classe Regia delectæ, Forthæ æstuarium ingressæ, passim prædando, mercatoribus iter clauferunt, & multis exscensionibus in utrumque littus factis, loca maritima vehementer infestabant: major etiam rerum motus a terrestribus civium copiis expectabatur. <sup>1</sup> Nam, cum inimicorum vires magis dissipatæ, quam fractæ superiore prælio fuissent, quippe quæ nec universæ affuerant, nec ex iis, quæ aderant, adeo multi cecidissent, ab animis, adhuc odio & invidia inflammatis, & fiducia sui elatis, major tempestas imminere videbatur. Augebat indignationem, quod non in Regiam, sed paucorum potestatem, tot viri, genere & opibus clari, tam facile recidissent; „ Titulum enim & nomen Regium penes adolescentem quindectim annorum, qui non regeret, sed a patris interfectorebus „ regeretur; vim autem imperii penes Duglassium, Heburnum & Humium „ esse: „<sup>2</sup> quibus fiduciam augebat, quod omnia littora duabus classibus, Anglicæ & Scotica, essent infesta.

III. His difficultatibus ut mederetur, novus Rex primum omnium statuit copias maritimas reconciliare: ne aut illæ aliquid turbarent, ipso in longinquas regni oras ad statum earum regionum ordinandum profecto, aut in interiora regni aditum darent Anglis, ad mediterranea loca expilanda. Igitur Andream Silvium, Regis morte jam passim divulgata, minus in causâ fore obstinatum ratus, cum fide publica in littus evocat: & periculo publico, & infamia gentis universæ, quam paucæ naves Anglicæ ita superbe contemnerent, ante oculos exposita, non solum in suas partes Andream traducit, sed etiam adversus Anglos armat: <sup>3</sup> multisque suadentibus, ut in plures & majores saltem æquum numerum navium duceret, se suis duabus contentum, respondens, cum primum tempestas commoda incidit, recta adversus Anglos, qui ante Dumbarum oppidum stabant, vela fecit: & asperrimo prælio conferto, Letham omnes captas perduxit; ac præfectos earum Regi obtulit. Andreas a Rege munifice donatus, ejusque in re militari peritia, & militum virtus singu-

<sup>1</sup> Nam cum inimicorum vires, &c. quippe qua nec universæ affuerant, nec ex iis quæ aderant adeo multi cecidissent] Paullo insolentius hoc loquendi genus videtur, [nec ex iis quæ aderant adeo multi cecidissent] Cum igitur multa [vires scil.] cecidissent dicere nequeamus, legendum malim, quippe qui [inimici] nec universi affuerant, nec ex iis qui aderant adeo multi cecidissent. Verum cum veterum aliquem sic forte locutum Buchananus offenderit, in re non satis explorata religio fuit omnibus codici-

bus refragari.

<sup>2</sup> Quibus fiduciam augebat] Ita omnino legendum; eodem quo paulo superius hoc ipso Cap. sensu: [augebant] enim, quod omnes libros occupavit, nequaquam cum præcedentibus hic cohæret.

<sup>3</sup> Multisque suadentibus] Crafordius legendum vult, Ille multis suadentibus. Verum cum non satis idonea hic causa subesse videretur, nos veterem lectionem sollicitandam non duximus.

gulari laude honorata. Nec deerant ex eo genere hominum, qui Regum qualescunque res gestas <sup>1</sup>admirentur, ac magnas etiam in majus extollant, qui eam victoriam longe majoris mox secuturæ manifestum esse omen præstarent.

IV. Interea procerum pars adversa, legationibus in omnes regni partes missis, mutuo se cohortantur; „Ne præsentem rerum statum ferant: neu tot viri fortes, patricidas publicos, qui alterum Regem occidissent, alterum in servitute tenerent, sibi tam superbe paterentur illudere; ac Regiæ salutis defensores perduellionis arcescere; ipsos, omnis divini & humani juris violatores, pro vindicibus decoris publici se venditare, ac liberatorum patriæ nomen usurpare, apud quos ne Rex quidem ipse liber esset: quippe qui coactus sit in patrem, eundemque Regem, arma lumete, & eo necesse casu, paternos amicos, & capitis defensores impio bello persequi. Multa hujus generis cum vulgo jactarentur, ad majorem odii flammam excitandam, Alexander Forbosi, clarissimæ familiæ princeps, Regiam interulam, sanguine fœdatam, & vulnerum vestigiis laceram, ex hastili longo pendentem, per Abredoniam & illustriora vicinarum gentium oppida circumtulit, & velut edicto publico, per præconem omnes ad fœdissimi facinoris ultionem conciebat.

V. Nec minus impigre, in regionibus Cisforthanis, Matthæus Stuartus Levinæ Comes, homo genere & opibus clarus, & popularitate quadam honesta summis infimisque juxta carus, vicinos sibi Regulos accendebat: ac, jam satis valida manu comparata, cum per pontem Sterlini, Regiis oppidum tenentibus, penetrare non posset, per vadum, non procul a fluminis ortu, ad Grampii montis radices contendit, ut sociis se conjungeret. Id consilium cum Joanni Dromundo, per Alexandrum Macalpinum ipsius clientem, qui hostibus se conjunxerat, esset indicatum; ac palam factum: in castris rebellium omnia adeo sœcura ac neglecta esse, ut, quo quisque loco esset, sparsi tenderent, nec vigiles suis locis dispositos haberent, nec ullum rei militaris munus usurparent; Dromundus, cum aulicis, ac paucis voluntariis, qui operæ navandæ studio se ad eos aggregarant, sopitos invadit. Multis cum somno mors fuit continuata: cæteri inermes retro, unde venerant, præcipiti fuga ruunt: plures capti; sed à notis amicis pars dimissa: in eos tantum sævitum, qui contumeliosius scriperant, aut locuti fuerant.

VI. Auxit hujus victoriæ lætitiâ nuncius allatus, eisdem diebus, de prospera pugna navali Andrææ Silvii, adversus Stephanum Bullum. Anglus enim, audito, quinque suorum naves a duabus Scoticis, longe etiam minoribus, superatas & captas fuisse, cum & ignominiam deletam cuperet, nec justam belli causam obtendere posse videretur; convocatis ducibus rei maritimæ peritis, oblatisque navibus selectis, & <sup>2</sup>navali apparatu quantum vellent permissis, hor-

<sup>1</sup> *Admirentur*] Ita scriptum oportuisse ostendit quod mox sequitur [*extollant.*] Libris tamen omnibus (præterquam MS) [*admirantur*] legitur.

<sup>2</sup> *Navali apparatu quantum vellent permissis*] Vocem [*permissis*] e MS. reposuimus.

ratus est, ut hanc nominis Anglici maculam tollerent: magnis ostentatis præmiis, si ipsum Silvium, aut vivum aut mortuum, ad se adducerent. Sed cæteris, qui virtutem hostis cum felicitate conjunctam noverant, cunctantibus, Stephanus Bullus, Eques notæ fortitudinis, expeditionem suscepit. Et rei bene gerendæ occasio videbatur oblata, quod Silvium e Flandria propediem reversurum sciebat, eumque in reditu, incautum, non magno negotio posse opprimi sperabat. Igitur tribus e Regia classe navibuselectis, ac brevi instructis, litus Angliæ legens, ad Majum, insulam in æstuario Forthæ desertam, constitit, <sup>1</sup> loci maxime naturam secutus, quod ab omni parte insula stationes habeat tutas adversus omnes ventorum procellas; & mare ibi se in angustum cogat, ut nulla navicula præteriens latere posset. Interim e scaphis piscatoriis, qui rei maritimæ peritiores haberentur, retentis, eorum aliquot continenter in speculis habet, ut naves hostium, agnitas, sibi commonstrent. Cum ibi, non multos dies, ad anchoras restitissent, Silvii naves, plenis velis advenientes, simul visæ & agnitæ sunt: & Bullus, sublatis anchoris, præcepta jam animo victoria, ad pugnam se comparat. Silvius tantum moratus, dum sui arma expediunt, suas naves in hostes concitat. Congrediuntur duo fortissimi duces, magnorum exercituum animos gerentes, ac <sup>2</sup> tam obstinate pugnarunt, ut, incerta victoria, nox prælium dirimeret. Postridie mane, relictis viribus, duces, exhortati utrinque suos, certamen renovant: ac <sup>3</sup> manibus ferreis (harpagonas vocant) in hostium naves injectis, velut pedestri ac stabili acie, cominus decertarunt, tanta pertinacia, ut æstum relabentem neutri sentirent, donec ad cumulos arenæ in ostio Tai amnis delati essent. Ibi, minus alto mari, naves Anglorum, cum ob magnitudinem regi minus facile possent, se dedere fuerunt coactæ. Inde adverſo Tao Taodunum tractæ, ibi manserunt, donec, sepultis mortuis, vulnerati medicis ad curandum distribuerentur. Hoc prælium incidit in decimum diem mensis Augusti, anno redempti generis humani millesimo quadringentesimo nonagesimo. Paucis post diebus, Silvius, ad Regem profectus, Stephanum Bullum, naviumque præfectos, & e cæteris honoratissimum quemque Regi obtulit: ac invicem ab eo laudatus, & muneribus est donatus. Rex captivos, <sup>4</sup> cum suis navibus una, Regi Anglo, collaudata militum fortitudine, munifice reddidit.

MCD  
XC.

<sup>1</sup> Loci maxime naturam secutus] Cic. Offic. 3. Sed credo illos opportunitatem loci secutos. Ovid. Metam. 3 v. 414.

Procabat, faciemque loci fontemque secutus.

<sup>2</sup> Tam obstinate pugnarunt] Ita MS. alii [obstinati.] quod quamvis satis eleganter dici videatur, cum tamen alterum scriptoribus ipsique Buchananano sit multo frequentius, nos MS. sequendum duximus.

<sup>3</sup> Manibus ferreis (harpagonas vocant)] Lucan. lib. 3. vers. 635.

Ferrea dum puppi rapidos manus inserit naves.

Cæſ. Bell. Civ. I. 57. Si manus ferreas atque harpagones paraverant. Liv. xxvi. Hoc modo ferrea quoque manus (harpagones vocant) quas operibus hostium injicerent, preparabantur. Et xxx. 10. Asseres ferreo unco præfixi (harpagones vocat miles,) ex Punicis navibus injici in Romanas capti. Curtius, iv. 9. Ferrea quoque manus (harpagones vocant) quas operibus hostium injicerent.

<sup>4</sup> Cum suis navibus una] Melius forte [una cum suis navibus.]

I Um-



dit, ut qui non de præda, sed de gloria certamen inissent? virtutemque, etiam in hoste, apud se honoratam esse ostendit. Henricus, etsi suorum infelicem pugnam ægre ferret, tamen Regi Scotorum gratias egit: & munificentiam ejus, & animi magnitudinem se libenter amplecti est professus.

VII. Circa hæc tempora, monstrum novi generis in Scotia natum est, inferiore quidem corporis parte specie maris, nec quicquam a communi hominum forma discrepans: 'umbilicum vero supra, trunco corporis, ac reliquis omnibus membris geminis, & ad usum & speciem discretis. Id Rex diligenter & educandum & erudiendum curavit: ac maxime in musicis, qua in re mirabiliter profecit. Quin & varias linguas edidicit, & variis voluntatibus duo corpora secum discordia dissentiebant: ac interim litigabant, cum aliud alii placeret; interim velut in commune consultabant. Illud etiam in eo memorabile fuit, quod, cum inferne crura lumbive offenderentur, utrumque corpus communiter dolorem sentiret: cum vero superne pungeretur, aut alioqui læderetur, ad alterum corpus tantum doloris sensus perveniret: quod discrimen etiam in morte fuit magis perspicuum. Nam, cum alterum corpus complures ante alterum dies extinctum fuisset, quod superstes fuit, dimidio sui computrescente, paulatim contabuit. Vixit id monstrum annos viginti octo; ac decessit, administrante rem Scoticam Joanne Prorege. Hac de re scribimus eo confidentius, quod adhuc supersunt homines honesti complures, qui hæc viderint.

VIII. Victoriæ navalis fama ad septentrionales perlata, & ipsi, omissis belli consiliis, domos suas abierunt. Hec tumultu ita levi momento compresso, Rex, ad seditiones non modo in præsentia sedandas, sed in posterum omnino tollendas, animum adjecit. Primum conventum, qui indictus erat in sextum Octobris diem, Edinburgi habuit. In eo multa salubriter, ad concordiam publicam stabiliendam, sunt decreta: in primis, ut animi facilius ad pacem coalescerent, culpa in paucos collata, poenæ magna ex parte levata, aut omnino remissa. Cum de jure belli disceptaretur, Joannes Leon Regulus Glammius capita quædam, a proceribus ad Regem de pacificando missa, protulit, quibus Jacobus Tertius sæpe assenserat, ac subscripserat etiam: ac plane legibus illis concordiam cum proceribus confirmasset, nisi a pravis consultoribus animus ejus fuisset alienatus, atque eo perductus, ut hostem veterem, adversus cives suos pugnaturum, in regnum introducere persuasus esset. Hanc ob consiliorum in-

con-

1 *Umbilicum vero supra*] Anastrophe soluta oratione scribentibus rarissime usitata: nisi forte hoc & quod modo annotavimus librationum vitio acciderint.

2 *Duo corpora secum discordia dissentiebant*] Ita ex MS. restitimus, pro quo inepte libris editis irrepsit [*dissentiebant*].

3 *Sextum Octobris diem*] Ita emendavimus (invitis licet omnibus libris, quibus [*Novembris*] scribitur) ex ipsis Actis publicis, Lesro & Abercerembio scilicet

'gantibus.

4 *Persuasus esset*] *Persuasum est mihi*, Latinißimum est, at qui [*persuasus sum*] dixerit nullus mentiri. [Ego i. l. frequentius dici & etiam melius, sed tamen non sine exemplo, Buchananus ita loquitur. Auctor ad Herenn. Lib. 1. Cap. 6. *si persuasus auditor fuerit*. Justin. II. 11. *nihil erat difficile persuadere persuasis mori*, pro quibus persuasum erat, esse moriendum. ipse Buchan. Lib. xv. 4. *eo pecunia persuaso*.]

1 Ut

constantiam, Comites Huntillæus, Arellius, & Martialis, cum ipso Glammio, & plerisque aliis viris nobilibus, cum tum deseruerunt, atque ejus filium Jacobum Quartum, ob animum ejus publicæ utilitatis & tranquillitatis amantem, sunt secuti. Post satis longam disceptationem tandem ab universis est decretum, „Qui in prælio Sterlinensi cecidissent, eos sua culpa cæsos videri; jureque „eam cædem fuisse factam: eos vero, qui, adversus publicæ salutis hostes, „fraudi occultæ honesta nomina prætexentes, arma ceperunt, nec culpæ nec „crimini esse obnoxios. Huic decreto, quibus in conventu publico sententiæ dictio est, subscripserunt, ut exterarum nationum Legatis, quos adventare rumor erat, sui facti rationem redderent. Multa alia ibi decreta sunt facta, quæ & pauperioribus ablata redderent, & potentiores leviter multarent, & utri- que parti caverent, ne arma tum sumta ipsis posterisve eorum fraudi essent.

IX. Hanc, in adolescente quindecim annorum, & victore, & ipso summa potestate collocato, moderationem adornabat magnopere benignitas, & promissorum fides, & (quod in primis vulgus admiratur) corporis dignitas, ac vividum & alacre ingenium. Itaque, cum nec avare, nec crudeliter victoria exercebatur, & delicta bona fide condonarentur, brevi summa concordia inter factiones, & æquale partis utriusque studium & amor erga Regem coaluit. Pauci, qui pertinaciores fuerant, modica pecunia, aut exigua parte agrorum multati: nemo fortunis omnibus exutus: & multæ, non in fiscum, sed in pretium operæ navatæ cedebant. Huic Regiæ clementiæ gratiam adjiciebat, quod homines adhuc recenti memoria tenebant, quam levibus de causis, sub Rege superiore, viri clarissimi omnibus bonis excidissent, quamque dispares in eorum successissent locum. Principes quoque factionis adversæ, quo fidelioribus eis uteretur, affinitate sibi conjunxit: duas enim amitæ, ex diversis maritis, filias, Græcinam Bodiam Alexandro Forbosio, Margaritam Hamiltoniam Matthæo Stuarto dedit uxores. Ita brevi, conciliatis omnium animis, tam jucunda pax, tanta tranquillitas, &, velut ancillante fortuna Regiis virtutibus, tantus omnium frugum & fructuum proventus est secutus, <sup>1</sup> ut, e seculo plusquam ferreo, vere aureum renatum fuisse videretur. Rex autem latrocinia armis, cætera vitia judiciorum severitate cum compressisset, ne, in alios acer vindex, in seipsum indulgentior crederetur, ut omnibus palam esset, patrem, se invito, fuisse interemtum, catena ferrea, quoad vixit, se cingebat, cui singulis annis annulum unum adjiciebat. Id quanquam cædis auctoribus formidolosum esse posset, tamen, vel miti Regi ingenio, vel factionis opibus confisi, omni motu publico abstinuerunt.

X. In hoc communi univerforum, ac privata singulorum lætitiâ, septimo fere ab inito regno anno, Petrus Varbecus in Scotiam appulit. Sed, antequam causam ejus adventus explicem, pauca mihi supra sunt repetenda. <sup>2</sup> Mar-

<sup>1</sup> Ut, e seculo plusquam ferreo, vere aureum renatum fuisse videretur] Ita cum MS. correximus: editis autem omnibus [ver aureum] inepte, me judice, hic substituitur.

Tom. I.

<sup>2</sup> Margarita Eduardi Quarti Regis Anglorum] Ita a Crafordio & re ipsa admoniti restituimus; pro quo libri omnes [Henrici Quarti] falso edidit.

garita, Eduardi Quarti Regis Anglorum soror, cum Carolo Burgundo nupsisset, ea Henricum Septimum, factionis adversæ ducem, quibuscunque posset rationibus, si non evertere, saltem exercere statuit. Id autem ut facilius efficeret, Petrum quendam Varbecum regni æmulum ei excitavit. Erat autem is adolescens Tornaci (quod est Nerviorum oppidum) humili loco natus, sed ea forma, ingenio, statura corporis, atque oris dignitate, ut facile Regii generis fidem faceret. Verum, cum ita diu propter inopiam peregre vixisset, ut vix a suorum paucis agnosci posset, multarum nationum linguas addidicerat, atque ad summam impudentiam & os & animum confirmaverat. Hunc Margarita (quæ, ad omnes occasiones turbandi rem Anglicam intenta, advigilabat) cum esset nacta, aliquamdiu apud se occulte habuit, donec eum edoceret, quibus factionibus Anglia laboraret, quos amicos inimicosque illic haberet; perficeretque, ut omnem Regii generis seriem, quæ item singulis prospera vel adversa evenissent, teneret.

XI. His ita comparatis, cum jam maturum videretur fortunam experiri, hominem occulte curat, cum honesto comitatu, primum in Lusitaniam, deinde in Hiberniam, mittendum. Ibi magno concursu, & vulgi applausu, velut Eduardi Regis filius, receptus, sive suo ingenio, ad simulandum composito, atque arte etiam adjuto, sive barbarorum hominum credulitate fretus, magnum brevi motum excitaturus videbatur: cum, bello repente inter Gallos & Anglos exorto, a Carolo Octavo magnis pollicitationibus ex Hibernia vocatus, Lutetiam venit. Illic honorifice, ac Regio cultu, adjectis etiam satellitibus, habitus, & ab Anglis exulibus, qui tum ibi frequentes agitabant, in spem certam regni adductus est. Sed, eo tumultu conditionibus sopito, clam ex aula Gallica, metu ne dederetur, in Flandriam se contulit: atque a Margarita, ceu tum primum ab ea visus, magno studio cultus, & aulicis ostentatus, & sæpe multis præsentibus omnem fortunæ suæ fabulam iterare jussus; Margarita, velut eam tum primum audisset, ad singulos tum prosperos, tum adversos eventus, ita simulatis affectibus orationi ejus subserviebat, ut omnibus faceret fidem, se pro veris quæ audisset accipere. Post unum & alterum diem, Petrus Regio cultu procedere jussus, adhibitis triginta stipatoribus, ac nomine Albæ rosæ (quod. insigne factionis Eboracensis apud Anglos est) commendatus, verus & indubitatus Anglici regni hæres prædicatur. Hæc ubi fuerunt, primum per Flandriam, deinde per Angliam divulgata, ita populi animos crexerant, ut magna ad eum concurreret frequentia, non eorum modo, qui legum formidine in asylis aliisque locis latitabant, sed hominum etiam nobilium, quibus aut suæ res non satis placebant, aut nova-

rum.

[*Offirmaverat*] Sic MS. & princeps editio Edinb. quorum auctoritate præcipue nitimur: quod cum aliorum scriptorum exempla etiam confirmant, non erat, quod aliis codicibus [*obfirmaverat*,] describere-ant.

[*Aut novarum rerum cupiditas*] Ita MS.

at editi omnes [*rerum*] addiderunt, quod mihi haud opus videtur, cum [*res sue*] modo præcesserat; non magis quam versu mox sequente post [*præsentes*] subjiciendum [*vires*,] quod e proximo tam facile sit repetendum.

rum erat cupiditas. Sed cum longior mora, quam Petrus vires novas adiectionem sperabat, præsentem, emergente in lucem mendacio, paulatim imminueret, statuit belli fortunæ rem committere. Itaque, comparata modica manu, paucis suorum in littus expositis, Cantianorum erga se voluntatem frustra tentavit. Omnibus, qui in terram descenderant circumventis, in Hiberniam cursum flexit. Nec ibi quoque pro spe acceptus, in Scotiam navigat, gnarus raram, nec unquam fere diuturnam, inter Scotos Anglosque esse concordiam.

XII. Hic, cum, ad Regem admissus, Eboracensis familiæ ruinam, suasque calamitates, quam maxime potuit miserabiliter, deplorasset, eumque vehementer obtestatus esset; „ Ut Regium sanguinem ab hac contumelia vindicaret, „ Rex, cum bene sperare jubet, polliceturque; „ Se effecturum, ne „ frustra ejus auxilium rebus suis afflictis postulasse existimetur. Paucis post diebus, convocato concilio, Petrus introductus lamentabiliter de sua fortuna disseruit; „ Se, cum e Rege, florentissimo suæ ætatis, ad summam spem natus esset, præmatura morte patris destitutum, in Richardi patris tyrannidem pene prius incidisse, quam calamitatis ejus sensus ad se pervenire posset. Fratre majore crudeliter extincto, se a paternis amicis substractum, in „ eo regno, cujus hæres jure esset, ne in summa quidem inopia precariam vitam ducere ausum. Apud exterarum gentes ita vixisse, ut fratris extincti (qui ex „ illis miseriis fuisset ereptus repentina morte) conditionem, præ iis quæ ipse „ ferret, felicem duceret. Se enim, ad fortunæ ludibrium servatum, ne hoc „ quidem reliquum habuisset, ut calamitatem suam apud externos, quo eos ad „ misericordiam adduceret, deplorare auderet: postquam autem, quis esset, „ profiteri cœpisset, omnibus adversæ fortunæ telis petatum esse: ad priores „ enim miseras quotidianum insidiarum accessisse periculum, callidissimo inimico nunc vitam suam ab hospitibus mercante, nunc cives clanculum sollicitante, qui, simulata amicitia, secreta rimarentur, veros amicos corrumpere, latentes detegerent, & falsis criminibus genus infamarent apud „ vulgus: Margaritam amitam, nobilesque Anglos, qui ipsum agnoscerent, „ conviciis proscinderent: eam tamen, conscientia sua adversus maledicentiam „ inimicorum fretam, & misericordia erga suum sanguinem permotam, ejus „ inopiam suis fortunis sustentasse. Tandem, cum in muliere & vidua id ætatis non satis præsidii videret, se vicinos Reges & nationes circumisse: rogantem, ut communes casus respicerent, neu Regium sanguinem, violentia tyrannidis oppressum, in luctu, miseriis & formidine linerent contabescere. Se vero, etsi in gravissimis malis versetur, non ita animo esse dejectum, ut non speret, aliquando fore, ut amicorum (quos plurimos adhuc „ habeat in Anglia & Hibernia) auxilio restitutus, pro merito cuique gratiam „ referre posset, præsertim adjunctis ad suam sectam Sootorum viribus: per „ quos si in regnum redeat, brevi futurum, ut intelligant, firmissimum amicum sibi paratum, & eo tempore paratum, quo veri amici conciliari soleant. Tanti autem beneficii se suosque posteros ita perpetuo memores fore, „ ut omnem melioris fortunæ accessionem debere se eis libenter faterentur. Ad-



didit præterea multa de Regis laudibus, partim vera, partim qualia præfens fortuna exprimebat.

XIII. Post hæc dicta, cum Petrus reticuiisset, Rex eum sevocatum bono animo esse iussit. „Se de postulatis ejus ad concilium relaturum. Eorum sententiam etsi sibi sit necesse in rebus gravioribus sequi, tamen, utcumque illi decernerent, se effecturum spondet, ne cum aliquando ad se confugisse pœniteat. Petro egresso, cum sententiæ rogarentur, prudentiores, & quibus major erat rerum usus, rem integram rejiciendam censebant: sive quod vana, quæ prætenderentur, existimarent; sive quod plus e bello prospicerent periculi, quam e victoria, etiamsi certa esset, emolumenti expectarent. At major pars, vel ob imperitiam rerum, & animorum inconstantiam, vel ut Regi gratificarentur, nunc de causâ Petri disserendo, ut quæ esset justissima, fortunam hominis commiserabantur: nunc, „Rebus in Anglia turbatis, animisque ex civili discordia adhuc fluctuantibus, occasionem arripiendam, „& quod Angli semper facere consueverunt, id se aliquando experiri debere, ut inimicorum adversa tempora ad suum usum traherent: victoriamque jam sibi ante classicum augurabantur, præsertim adjunctis magnis Anglorum copiis: quæ si spe hominum infrequentiores convenirent, tamen e duobus alterum sponte secuturum: ut vel victores tanto beneficio Regem sibi obnoxium in Regiam sedem collocarent, ab eoque quæ vellet omnia impetrarent; vel, si absque certamine rem transigere possent, Henricum, sedatis motibus domesticis, nondum regno confirmato, in quas vellet condiciones pertracturos: quod si facere cunctetur, bello semel moto, permulta, quæ nunc laterent, sponte se oblatura.

XIV. Hæc cum major pars censuisset, Rex, novarum rerum cupidus, in eam sententiam inclinavit, ac cæteros secum traxit: nec post id cessavit, Petrum, honorificentius tractando, Ducemque Eboracensem appellando, populo ostentare. Nec hac beneficentia contentus, Catharinam Gordoniam, Comitis Huntillæ filiam, ac, præter splendorem generis, forma commendatam, ei uxorem dedit, hac affinitate in spem fortunæ melioris cum confirmaturus. Interea, ex concilii decreto, Rex, comparato exercitu, in Angliam ducit: primum circumspecte, & agmine ad prælium, si qua repentina vis ingrueret, parato. Deinde, ut per equites missos exploratum cognovit, nullum exercitum, nullam hostium manum usquam coisse, dimissis ad prædandum cohortibus, brevi pene totam Northumbriam, late in omnes partes fusa populatione, vastavit. Hæc per aliquot dies dum geruntur, neque Anglorum quisquam ad Petrum deficeret, & nunciatum Regi esset, per vicinas regiones exercitum conscribi, periculosum ratus, suos præda graves expeditis & recentibus Anglorum copiis objici, statuit in Scotiam redire, ac, deposita præda, cum primum per anni tempus liceret; novam expeditionem para-

<sup>1</sup> Rex eum sevocatum] Ita MS. & princeps Editio Edimb. quod reliqui omnes  
oscitantur in [revocatum] mutarunt.

1. Nov

parare. Neque metuebat, ne Angliabeuntem sequerentur, ut qui non ignoraret, neque subitarium militem diu in castris posse contineri, neque per inopem & nuper vastatam regionem posse, nullis ante præparatis com meatibus, sequi. Et Petrus, contra quam speraverat, nullis Anglorum auxiliis ad se coeuntibus, veritus, ne, si diutius in hostico morarentur, commenta sua palam fierent, velut & ipse sententiam Regis probaret, eum adit: & compositis vultu & oratione ad misericordiæ habitum, rogat suppliciter; „Ne in regnum sibi debitum, „& civium suorum ctuorem, tam hostiliter sæviretur. Tanti sibi nullum esse domi-  
„natum, ut suum sanguinem ita profundi, & solum patrium ferro flammaque sic  
„miserabiliter vastari cerneret. Et Rex, prope jam intellecto, quo intempesti-  
va hominis illa clementia spectaret, respondit; „Se vereri, ne regnum illud,  
„in quo nemo cum <sup>1</sup> non modo Regem, sed nec civem agnosceret, non sibi,  
„sed hosti suo capitali sorvet. Ita, de communi sententia, domum reditur,  
& exercitus dimittitur.

XV. Rex Anglus, de motu & reditu Scotorum certior factus, expeditione adversus eos in proximum annum decreta, validum exercitum conscribi, jubet: ipse interea, ne hiems iners esset, Ordinum conventum habet. Ibi consilio ejus de bello Scotico comprobato, in subsidium leve tributum populo indicitur: sed quod gravius domi bellum excitavit, quam cui restinguendo foris erat destinatum. Querebatur enim vulgus; „Tot bellis, intra paucos annos gestis, ju-  
„ventutem delectibus esse absumtam; rem familiarem valde attenuatam; pro-  
„ceres & consultores Regios non modo iis calamitatibus non commoveri, sed  
„in pace nova bella quærere, nova rerum omnium egentibus tributa imponere,  
„ut, quos ferrum non absumserit, hi inopia & miseriis conficiantur. Hæ que-  
rimoniæ cum publicæ fere essent, Cornavii longe præ cæteris indignabantur, quippe, cum agrum magna ex parte sterilem colerent, bellum eis magis quæ-  
stuosum, quam sumtuosum esse consueverat. Igitur homines bellicosi, qui rem familiarem magis peculio castrensi augere, quam tributis imminuere, solebant, primum coactores & ministros Regios occidunt: deinde tam audacis facinoris, unde receptus ad misericordiam non erat, sibi conscii, multitudine ad arma indies affluentius properante, Londinum versus iter capeffunt. Sed de his motibus, quos longius prosequi animus non est, satis ad meum institutum arbitror dicere, quod totum cum annum Cornavii Regem Anglum ita exercuerint, ut arma copiasque, ad bellum Scoticum paratas, in rebelles vertere sit coactus.

XVI. Interea Scotus, qui animo præceperat, hostem superiora damna non passurum inulta, & per exploratores cognoverat, ingentes in se copias parari, & ipse ex adverso cogit exercitum, eo consilio, ut, si Angli priores eum invaderent, ipse sua tueretur: sin minus, expeditione in hosticum facta, vicina suis finibus loca ita devastaret, <sup>2</sup> ut non modo ad militem, sed ne ad cultores agrorum alendos, solum (alioqui tenue) necessaria suppeditaret. Verum, nunci-

<sup>1</sup> Non modo Regem, sed nec civem] Pro  
[non modo non Regem.] Vide supra ad Lib.  
II. 21. Similiter loquitur Buchananius hac ead-  
dem pag. Cap. 16. lin. 5.

<sup>2</sup> Ut non modo ad militem] Vocem [ad]  
quæ omnibus editis aberat, ex MS. in-  
servimus.

cio de Cornavorum tumultu allato, statim Angliam cum magnis copiis ingressus, bifariam suos divisit: partim ad Dunelmenses agros populandos missis, cum reliquis ipse Noramam, arcem validam ad Tuedam in colle præalto sitam, oppugnare aggreditur. Sed nec hac nec illac magnum operæ pretium factum. Nam Richardus Foxius, Dunelmensis Episcopus, vir summa prudentia, e statu rei Anglicæ turbato, suspicatus Scotum tantam rei bene gerendæ occasionem non omisurum, arces aliquot validis præfidiis communivit: pecora, quæque alia ferri agive poterant, in loca, aut natura tuta, aut amnibus & paludibus impedita, transferenda curavit: Comitemque Surrium, qui magnas in agro Eboracensi copias habebat, arcessit. Igitur incendiis in agros modo sævitum est, & Norama valide a præsidio est defensa. Ita, nulla re memorabili gesta, Scoti domum redierunt. Angli, eos brevi secuti, Atonam arcem modicam, prope in ipso limite sitam, everterunt: deinde & ipsi quoque, nullo operæ pretio facto, ex hostico excesserunt.

XVII. Inter hos motus, externos & civiles, venit in Angliam Petrus Hialus, vir prudentiæ singularis, & ut illa ferebant tempora, non indoctus, a Ferdinando & Isabella, Regibus Hispaniarum, missus. Ejus Legationis summa erat; „Ut Catharina, eorum filia, Arcturo, Henrici filio, collocata, nova affinitas, & ex ea necessitudo, contraheretur. Eum cum de affinitate Anglus libenter audisset, cuperetque etiam, eo interprete, cum Scoto (a quo ipse parum e dignitate sua putabat ut pacem peteret) bellum finire, Petrus libens negotium suscepit: ac profectus in Scotiam, cum, varie versando Jacobi animum, tandem ad quietiora consilia cum flexisset, scripsit ad Anglum; „Se sperare, pacem non difficulter coire posse, si ipse aliquem e suis hominem prudentem, statuendum de conditionibus, mitteret. Anglus, ut homo fortunæ inconstantiam sæpe expertus, suorum animis e domestico tumultu adhuc ferocibus, nec tam clade fractis quam irritatis, jubet Richardum Foxium, qui in arce sua Norama se continebat, consilia cum Hiala communicare. Hi cum Jedburgi cum Scotorum Legatis per aliquot dies disceptassent, multis ultro citroque jactatis conditionibus, nihil certi statuere potuerunt. Pax quo minus coiret, maxime impediabat Henrici postulatio, qui æquum censebat, Petrum Varbecum, hominem fraudulentum, & multarum turbarum auctorem, sibi dedit. Id cum Jacobus obstinate negaret, („Neque enim honestum sibi esse, hominem Regii generis, primum supplicem, mox affinem, violata si de, hostium ludibrio tradere) infecta re, e colloquio discessum est. Spe tamen non penitus abjecta, induciæ<sup>2</sup> in aliquot menses factæ, dum Jacobus Varbecum, salva fide, ab se dimitteret.

XVIII. Cum jam, ex colloquio cum Anglis, magnisque aliis indicis, falsa illa de genere & fortuna Petri fabula diluere cœpisset, Rex, eo ad se vocato,

<sup>1</sup> Hi cum Jedburgi] Non Jedburgi, sed (quod Abercrombicus ex A&is Angl. publ. animadvertit) Atona, cujus arcem Angli paullo ante everterant. Fieri tamen potuit ut Jedburgi primum, ac deinde

Atona, Legati convenerint.

<sup>2</sup> In aliquot menses] Imo vero in 7 annos, a 30 Sept. 1497 numerandos. Ford. Angl. Tom. 12. pag. 672.

cato, beneficia in ipsum collata, singularemque suam benevolentiam, cuius ipse optimus esset testis, commemoravit: in primis, „Quod, ejus causa, „bellum cum opulentissimo Rege suscepisset, ac jam alterum annum gessisset, „magno cum hostium incommodo, & civium vexatione: Se pacem honorificam, ultro, si eum dederet, oblatam, recusasse: ea in re, cum civium „& hostium animos juxta offenderet, se nec velle, nec posse consensui eorum amplius resistere. Petit ab eo, ut circumspiciat, sive bellum, sive pax „placeat, commodiorem exilio locum: sibi decretum, pacem cum Anglo „facere, factamque sancte colere, & quicquid eam perturbare posset, a se „procul segregare. Nec Petrum queri posse, se prius a Scotis, quam ab Anglis, quorum fiducia bellum Scoti moverunt, destitutum. Utcunque autem „hæc se haberent, se cum viatico, rebusque ad navigandum necessariis, prosecuturum. Warbecus, etsi præter spem discessuangebatur, nihil tamen remittens de simulata animi magnitudine, paucis post diebus, cum uxore & familia in Hiberniam navigavit: atque inde brevi in Angliam, & cum reliquis Cornavianæ conjurationis sese conjunxit. Ibi cum multa attentasset, neque quicquam succederet, tandem captis, & vitæ superioris ludibria passus, laqueo vitam finivit.

XIX. Seminario belli inter Scotos & Anglos prope extincto, rebusque ad pacem spectantibus, e levi occasione subito animis irritatis, sævissimum bellum prope exarsit. Juvenes aliquot Scoti cum (ut in pace fieri solet) in oppidum Norham, arcis propinquum, sæpiusculè convenissent, ac, per ludum & lasciviam, tam familiariter cum vicinis, ac fluvio tantum, nec eo quidem lato, direntis comessarentur, quam si domi fuissent; custodes arcis, ex residuo superioris belli odio animis infensis, & per jurgia irritatis, cum velut speculatores Scotos arguerent, a rixa ad manus ventum est. Multis vulneribus utrinque acceptis, Scoti, numero inferiores, aliquot suorum amissis, domum redeunt. Re sæpius in conventibus inter limitum præfectos agitata, Jacobus, vehementer iratus, fœcilem ad Henricum mittit, questum de violatis induciis, & Anglorum inconstantia in pactis servandis: ac nisi satisfiat ex legibus, quæ, ex utriusque populi consensu, de rebus repetundis sanctæ essent, bellum denunciare jussit. Anglus, fortunæ violentia a primis usque incunabilis exercitus, & ad pacem pronior, respondit; „Quicquid hujus patratum esset, se „quidem invito, atque etiam ingnaro, factum: Si quid temeritate prædarii „militis secus commissum esset, se, salvis fœderibus, curaturum, ut ea de „re quæstio habeatur, ac de noxiis pœna expetatur. Verum, cum ea res lentius ageretur, id responsum eo visum est tendere, ut, dilata pœna, spatio temporis invidia evanesceret, ideoque animum Jacobi magis accendit quam lenit.

XX. Richardus Foxius, Dunelmi Episcopus, qui arcis erat dominus, cum ferret moleste, causam solvendi fœderis a suis ortam, id ne fieret, literis officii & humanitatis plenis subinde missis, homo summa prudentia & dicendi peritia, Jacobi animum ita flexit, ut rescriberet; „Libenter se cum eo collo-  
„cuturum, non modo de recenti injuria, sed de aliis negotiis, quæ ex usu gen-  
„tis



„tis utriusque forent. Is, consulto ac assentiente primum suo Rege, ad Mulsiam, ubi tum Jacobus erat, venit. Ibi, post vehementem querelam de injuria ad Noramam accepta, prudente & gravi Foxii oratione delentus, offensam quidem, concordiae causa, cujus se cupidissimum esse ostendebat, remisit: cetera sine arbitris acta: quorum haec, ut postea cognitum est, summa fuit; „Se semper non modo pacem, sed quo arctius ea coalesceret, etiam affinitatem cum Henrico cupiisse: ac nunc etiam cupere. Quod si Henricus induceret in animum, Margaritam filiam despondere, sese sperare, eam rem in utriusque regni emolumentum cessuram. Foxius vero, cujus auctoritatem jure maximam esse domi sciret, si ad eam affinitatem conciliandam suum studium adjungere vellet, se non dubitare, facile omnia conventura. Ille suam operam libenter est pollicitus: atque, in aulam Anglicam profectus, re cum Rege communicata, spem Scotorum Legatis fecit, concordiam Reges inter facile coitutam. Ita demum, tertio post anno, <sup>1</sup>qui fuit millesimus quingentesimus, iisdem fere diebus, Margarita, Henrici nati major filia, Jacobo Quarto; & Catharina, Ferdinandi Hispani filia, Arcturo, Henrici primogenito, desponsa fuit: nuptiae, altero post anno, magno apparatu celebratae fuerunt.

XXI Secundum nuptias, rebus tranquillis, aulaque a studio armorum ad lusus & lasciviam conversa, nihil aliud, quam spectacula, pompae, & convivia, & saltationes conspiciebantur: ac veluti perpetui quidam ludi, & ludorum causa dies feriati agitabantur. Edebantur & certamina equestria frequenter, maxime ad morem Gallicum. Intercurrebant etiam (velut tragici actus) provocationes hominum latrocinio vivere assuetorum, Rege ad ea spectacula se facilem praebente, ut qui caedem eorum in lucro ponendam existimaret. Horum ludorum fama cum ad exterarum gentes permanasset, multi peregrini, ac potissimum e Gallia, virtutis ostentandae cupidi, quotidie adventabant: & a Rege benevole & liberaliter excipiebantur & dimittebantur. Nec in has modo ludicras exercitationes, sed etiam aedificationes, Sterlini, Falcolandiae, aliis-

<sup>1</sup> *Reges inter*] Praepostera est recentiorum editionum diligentia, [*inter Reges*] hic referentium: MS. enim & princeps Editio Edimb. a quarum fide nisi gravi causa postulante nusquam discedendum, [*Reges inter*] nobis exhibent: & quidem veteres ita nonnunquam scripsisse ostendit Cic. de Amicit. cap. 22. *Qua si quos inter societas aut est, aut fuit, aut futura est, eorum est habendus ad summam naturam bonum optimus beatissimusque comitatus.* Liv. lib. 8. *Quos inter belli causa esset.* Tacit. lib. 15. *Est Judeam inter Syriamque Carmelus.*

<sup>2</sup> *Qui fuit millesimus quingentesimus, iisdem fere diebus*] In errore non simplice hic versatur Buchananus: tabulis enim nu-

que ptialibus, ab utriusque Regis Legatis Kichemondiae confirmatis 4 Jan. 1501<sup>1</sup> conventum est, 1. Ut Jacobus Scotorum Rex intra festum Purificationis beatae Mariae proxime futurum matrimonium cum Margarita Angla contraheret. 2. Ut circa initium Septembris anni 1503 nuptiae celebrarentur; quod & factum 8 Augusti, Fabianus fol. 232. Stovius pag. 484. tradidere. Arcturus autem Henrici primogenitus Catharinam Hispanam, ei antea desponsam, uxorem duxit 14. Novemb. 1501. Vide Baconi Hist. Henrici VII. pag. 336. Graetorum pag. 936. Stovium pag. 484. &c. Duo igitur inter hasce duas nuptias anni intercessere.

que diversis in locis, atque in Monasteriorum substructiones, magnos sumtus fecit: ad navium autem fabricationes longe maximos: tres enim eximia magnitudine naves ædificavit, multasque mediocres: sed omnium admirationem & sumtus & apparatus una longe superavit, qua nullam hominum memoria in Oceano majorem viderat. Cujus ut præteream descriptiones, a nostris hominibus proditas, & <sup>1</sup> mensuram aliquot locis servatam, illud satis perspicue magnitudinem ejus indicat, quod Franciscus Rex Galliarum, & Henricus Octavus Rex Anglorum, æmulatione stimulati, cum uterque paullo capaciore navem exstruere conati essent, & jam utraque perfecta, & omnibus rebus ad navigationem ornata, ac in mare deducta, magnitudine sua immobiles, & ad omnem usum incommodæ essent.

XXII. In hæc igitur opera, quæ diximus, cum magnos sumtus fecisset, & exhausto jam ærario, novas conficiendæ pecuniæ rationes comminisci fuisset coactus, inter alias, auctore, ut creditur, Gulielmo Elfinstonio, Episcopo Abredonensi, rem est aggressus universæ Nobilitati valde molestam. Inter agrorum apud Scotos jura, <sup>2</sup> unum genus est, quo dominus vel emta vel donata prædia ea lege obtinet, ut, si possessor moriens pupillum relinquat hæredem, tutela ejus ad Regem, vel alium quemcunque dominum superiorem pertineat, omniisque fructus usque ad ætatis annum vicesimum primum expletum. Est & alia servitus huic generi agrorum adjuncta, ut, si possessor, sine assensu superioris domini, supra, dimidium agri vendat, totus ager ad supremum dominum redeat. Hæc lex, ut parum æqua, & ab adulatoribus aulicis, qui fisci commoda promoveri contendunt, introducta, cum diu jacuisset, Rex admonitus, aliquid pecuniæ ab ejus violatoribus corradi posse, legem exercere jussit. Eam quæstionem Recognitionem vocarunt. Hæc pecuniæ conficiendæ ratio, quanquam nemo bonis omnibus everteretur, prope vulgo molestior erat, quam patris avaritia: injuria enim ad plurimos atque honestissimum quemque pertinebat; quod sub duobus proximis Regibus, per bella non solum externa, sed etiam civilia, memoria ejus legis prope erat abolita: ideoque cogebantur suos agros a procuratoribus fisci redimere, aut eorum parte aliqua cedere. Tantus tamen amor civium, ad quos id pertinebat incommodum, ob alias virtutes, tantaque erga Principem reverentia erat, ut ea hominum indignatio citra motum constiterit.

XXIII. Sed, cum nec Rex modum faceret, <sup>3</sup> nec deessent (perpetuum aulæ malum) adultores, qui id vitium, sub honestis nominibus splendoris & magnificentiæ, alerent, in animum induxit in Syriam proficisci, ut immanem illum luxum, quem nec sustinere sine pernicie, nec omittere posse, salvo pudore, videbatur, per absentiam imminuere assuesceret. Prætendebatur profes-

ctioni

<sup>1</sup> *Mensuram aliquot locis servatam*] Lindeus Pitcottienlis fol. 48. hanc navem tradit 240 pedes longam, 36 latam, præter laterum crassitiem, quæ ipsa 10 pedes æquabat; Sciagraphicamque porro ipsius descriptionem, Tilibardini excon-

firis spinis albis efformatam, suo tempore exstitisse.

<sup>2</sup> *Unum genus est*] *Est* illud e MS, supplevimus.

<sup>3</sup> *Nec deessent*] MS. & Editio Edimb. *deesset*.

etioni honestum velum, ut expiaret illam culpam, quod adversus patrem suum in acie stetisset armatus. Hujus autem, sive veræ, sive ostentatæ poenitentia, quam in omni sermone præferebat, dederat, ut ante commemoravi, ab initio statim regni, significationem. In hanc professionem classem jam ornaverant, & comitum principes descripserat, ac Reges vicinos per Legationes fecerat certiores. Multi quoque, velut eodem voto se obstrinxissent, barbaram & capillos promittebant: brevique soluturus credebatur, nisi in id maxime intento objecta fuissent impedimenta. Jam enim futuri belli suspicio inter Gallum & Anglum gliscebatur. Nam & Anglus non satis æquo animo successus Gallorum in Italia ferebat; & a Julio Secundo Pontifice, & Ferdinando Hispano socero, in societatem sollicitabatur; & Venetis & Helvetiis ad hos adjunctis, & Maximiliano (etsi plerumque sua consilia ex rerum eventu moderaretur) accessuro, conjunctio tot gentium tam firma cunctis apparebat, ut Gallia, tot copiis undique irrumpentibus, opprimi posse videretur. Rex Angliæ, & ætate & regni florentis opibus tumidus, & rerum gerendarum cupidus, conjungere se eis augebat: sed honestam, quam bello prætexeret, causam quærebat. Cum autem uterque alterius consilia per exploratores cognosceret, neque Franco persuaderi posset, ne adversus Pontificem Romanum Henrici amicum arma ferret, tandem foecialis in Galliam missus, qui Normaniam, Aquitaniam, Andegavos (veterem Anglorum in Gallia ditionem) reposceret. Sed cum, nec his minis, bellum in Italia intermitteretur. Anglus, bello Gallis indicto, exercitum in Cantabros, ut se Ferdinando socero conjungeret, mittit: & ipse <sup>1</sup>expeditionem in Galliam adornat.

XXIV. Jacobus autem Scotus, quanquam neutri adesse decrevisset, tamen in Gallum pronior, classem cujus, antea meminimus, mittere statuit dono Annæ Reginae Francorum, ut, magis amicitia pignus, quam ad rem gerendam subsidium, videri posset. Ecclesiasticus quoque ordo, largitionibus Gallicis assuetus, suum studium Ludovico volebat ostentare: sed cum id aperte <sup>2</sup>non auderet, ab Anglo sui Regis alienandi causas circumspiciebat. Missus est, <sup>3</sup>ex eorum factione, qui Gallo studebant, in Angliam Andreas Formanus, tum Episcopus Moraviensis, ut ab Henrico peteret magnum pondus auri argentique facti, cujus major pars in mundo muliebri erat. Hæc pecunia legata dicebatur ab Arcturo, majore Henrici fratre, Margaritæ sorori, quam Scoto nupsisse ante ostendimus. Henricus autem (ut credibile est) causam belli quæri ratus, benigne respondit; „Non modo, si quid deberetur, sed si „quo alio Jacobus egeret, nulla in re se ei defuturum. Hoc responso accepto, „Jaco-

<sup>1</sup> Tot copiis undique irrumpentibus] Ita MS. reliqui omnes [erumpentibus.]

<sup>2</sup> Expeditionem in Galliam adornat] Ita MS. alii [Gallum] edidere.

<sup>3</sup> Non auderet — causas circumspiciebat] Ita MS. quod & aptius cum verbo præcedente [volebat] congruere videtur; editis tamen omnibus [auderet] &

[circumspiciebant] legitur:

<sup>4</sup> Ex eorum factione qui Gallo studebant] Editis omnibus [studebat] irrepsit, quod nullo pacto, nisi [qui] in [qua] mutato, tolerari potest. Rectius MS. verbis licet paullo diversis, Missus est, ex eorum factione qui Gallo studebant sententia, in Angliam Andreas Formanus.

Jacobus constituerat Gallum, si qua in re alioqui posset, juvare, sed prorsus ab Anglia invadenda abstinere: eundemque Formanum in Galliam misit, qui hæc Ludovico annuntiaret.

XXV. Interea, quoniam audierat, magnos belli maritimi apparatus utrinque fieri, classẽ, de qua diximus, statim ad Annam mittere decrevit, ut ante belli initium, si fieri posset, illuc appelleret. <sup>1</sup> Ei præfecit Jacobum Hamiltonium Araniæ Comitem, &, cum primum commodum fuit, vela facere coëgit. Sed Hamiltonius, vir minime malus, verum pacis quam belli artibus instructior, sive periculi metu, sive naturali inertia, omisso in Galliam itinere, ad Rupem Fergusii, oppidum Hiberniæ adversus Gallovidiam situm, appulit: urbem spoliata incendit, atque inde, tanquam re bene gesta in Scotiam, ad Aeram, portum Coilæ, vela fecit. Rex, de ejus reditu certior factus, ac supra quam dici posset iratus, nec minis nec conviciis adversus eum sibi temperare potuit. Iram etiam ejus incendebant, e Gallia literæ Annæ Reginæ, blanditiis ad bellum Anglicum illicientes, & alteræ, Andræ Formani promissionem de classe mittenda velut vanam omnium sermonibus exprobrari significantes. Rex, ut huic malo mederetur, quoad posset, ex concilii sententia, Hamiltonium, qui cursu, quem tenere jussus erat, omisso, urbem nunquam Scotis inimicam, & tum Regum fœdere conjunctam, crudeliter vastasset, bellumque non indictum amicis intulisset, abrogata classis præfectura, ad se venire jussit: successoremque ei destinaverat Archibaldum Duglassium Angusiæ Comitem, misso cum eo Andrea Silvio, qui classẽ reciperet. Sed Hamiltonius, ante adventum eorum, per amicos de Regis erga se voluntate certior factus, statim vela in altum fecit, ac fortunæ incertæ, potius quam irato Regi, se committere elegit. Dum autem Galliam petit, diu adversis ventis ac fœdis tempestatibus jactatus, dissipata ac multum vexata classẽ, sero, ac maritimarum rerum cura apud Gallos deposita, in Britanniam minorem appulit. Ibi navis illa, tanto sumtu ac labore ædificata, sublatiis armamentis, in portu Bristonico computruit.

XXVI. Interea domi aliæ discordiarum causæ subortæ sunt, quæ Scotum ab Anglo penitus alienarunt. Regnante adhuc Henrico Septimo, Robertus Carus, Eques nobilis, ob egregias virtutes Jacobo ita acceptus erat, ut eundem & pincernam sibi principem, & machinarum bellicarum & medii limitis præfectum crearet. Is, cum acer latrociniorum vindex esset, non majorem Regis gratiam, quam limitaneorum odium sibi conciliavit. Igitur cum & Angli & Scoti, quorum licentiam judiciorum severitate comprimebat, si qua daretur occasio, juxta ejus exitio imminerent, tandem in conventu solenni, qui inter Anglos & Scotos rerum repetundarum causâ solet agitari, orta altercatione, tres Angli, homines audacissimi, Joannes Heron, Lilburnus & Starhedus, aggressi, unus lancea aversum transfixit, reliqui jam faucium confecerunt. Cum res ad bellum spectare videretur, Henricus Rex, vir alioqui justus, nec minus faci-

<sup>1</sup> Ei præfecit Jacobum Hamiltonium] Alio prorsus modo rem narrant Lessus

& Holinshedius. Videndus etiam hac de re Abercrombius, vol. 2. pag. 528.



facinori turpissimo, quam Jacobus infensus, perfecit, ut [<sup>1</sup>Joannes] Heron, Joannis frater, Furdi Comarchus, & Angli limitis præfectus, cum Lilburno (nam duo reliqui fuga vitæ consuluerunt) Scotis dederentur: quibus acceptis, & in Falscastellum arcem inclusis, Lilburnus ibi decessit. Illud quoque, in manifesti criminis expiationem, statutum est, ut, in conventibus, Angli priores fidem publicam, solum Scoticum ingressi, peterent, ibique conventus haberent, & Legati Anglorum, multa verborum & decretorum honorificentia, crimen a conscientia publica removerent. Duo reliqui percussores in Anglia interiore latuerunt, usque ad Henrici Octavi regnum: nec tamen poenas effugerunt. Nam cum Regem adolescentem, opibus ferocem, suasque vires ostentandi cupidum, cernerent, e latibulis prodierunt: & Heron quidem, propinquorum potentia fretus, palam domi versabatur, & occulte latrones in Scotiam submittebat, ad pacem turbendam; bello semel moto, veterum injuriarum oblivionem, & novarum impunitatem sperans: Starhedus vero, prope nonaginta millia passuum a limite domicilio constituto, se longinquitate tutum putabat. Andreas autem Carus, Roberti filius, qui odiorum semina, mox in bellum eruptura, jam tum jaci videbat, veritus, ne, armis semel publice susceptis, vindicta cædis paternæ sibi periret, duobus suis clientibus, e familia Tatiorum, persuadet, ut, dissimulato habitu, Starhedo perniciem moliantur. Illi, facinore suscepto, domum ejus, quod tam procul a limite habitaret, securi noctu ingressi, dominum trucidant, & caput abscissum ad Andream apportant. Ille, in vindictæ expetitæ testimonium, Edimburgum id mittit, & in loco maxime celebri affigendum curat. De Herone suo loco dicemus.

XXVII. Excepit hanc veterem injuriam novum facinus, quod sopitam Scoti Regis iram verius quam extinctam resuscitavit. Erat ea tempestate mercator Scotus, Andreas, cognomento Britannus: ejus pater cum, spoliata nave, cæsus crudeliter a Lusitanis fuisset, causa ab Andrea filio in Flandria (quod cædes ibi facta fuisset) acta: damnati Lusitani cum judicatum non solverent, nec Rex eorum, perfœcialem a Rege Scotorum admonitus, cives suos cogeret de cæde & latrocinio satisfacere, Andreas a Rege suo, ad omnes Principes & civitates Oceanum accolentes, diploma impetravit, ne, si Lusitanos, juris publici violatores, vi & aperto bello persequeretur, pro pirata aut latrone haberetur: intra paucos menses, magnis eos damnis affecit. Eorum autem Legati, jam bello Gallico adversus Julium Secundum flagrante, & cum Anglis, in Julii partes ascitis, mox futuro, Henricum adeunt; „Andream, hominem impigrum & „audacem, & a quo ipsi, Anglorum veteres amici, maximo damno essent affecti, certum ei, adversus Gallos rem gerenti, hostem futurum: nunc facile „securum opprimi posse: ac facti si qua esset invidia, nominis piratici obtentu „posse tegi. Id si faciat, & suorum civium commodis prospecturum, & Regi „affini & amico gratificaturum:

XXVIII.

<sup>1</sup> Joannes Heron] Lacuna hic in MS. relinquitur, quam Editio Edimb. aliaque eam secuta, introducto Joannis no-

mine, suppleverunt: quod tamen haud scio an factum debuerit, cum rarissime duobus fratribus idem nomen imponatur.

1 Cen.

XXVII. Hac oratione Lusitanus Anglo facile persuadet, ut Andream infidias collocari jubeat. Missus ad id a Rege Thomas Havartus, maritimarum rerum præfectus, duas e classe Regia naves firmissimas ornat; & ad Dunos (ita cumulos arenarum recedente aestu eminentes vocant) eum e Flandria domum redeuntem expectant: ac mox in nave modica, minore etiam comitatum, cernunt, & invadunt. Andream Havartus ipse aggreditur, & acri pugna conferta, licet rebus omnibus esset superior, vix tandem domino cum suorum plurimis interemto navem capit. In ipso certe Andream tantum animi in rebus deploratis superfuit, ut aliquot plagis saucius, crure etiam altero globo ferreo confracto, arripiens tympanum, donec spiritus cum vita eum defecisset, bellicum sonuerit, & suos ad fortiter dimicandum sit hortatus. Minor navis, quæ se, imparem hosti cernens, in fugam dederat, minore cum certamine dedita. Qui ex utraque cædi superfuerunt, in carcerem Londini conditi. Inde ad Regem producti, cum, ut edocti ab Anglis fuerant, suppliciter vitam precarentur, ille, superba misericordiæ ostentatione, inopes & innoxios incolumes dimisit. Missis in Angliam a Scoto Legatis, qui de navibus in pace captis, & vectoribus cæsis, conquererentur, responsum; „Fœdera piratarum cæde non violari, nec eam satis honestam belli causam fore. Hoc responsum contentim purgantis manifestæ cædis crimen, cum velut bellum quarentis esse videretur, Angli, qui limites accolunt, ex rebus, quæ gerebantur, animum sui Regis interpretati, homines sæpe in pace maxime tranquilla belli semina spargere soliti, & ipsi rebus novis intenti, prædas e proximis Scotorum agris agebant.

XXIX. Erat ea tempestate Alexander Humius omnibus Scotiæ limitibus, qui in tres provincias dividi solebant, unus præfectus, Jacobo quidem Regi vehementer carus, sed ferociore, quam publicæ utilitati tum expediebat, ingenio. Is Regi, ad belli curas converso, & de accepta per incursiones ignominia delenda sollicito, pollicetur; „Se, cum propinquis & clientibus, brevi effecturum, ut Angli, si quod ex re bene gesta gaudium accepissent, magno damno & dedecore id luant. Hæc ut præstaret, tribus fere millibus equitum collectis, Angliam ingressus, septem proximos pagos, antequam succurri posset, spoliavit. Sed, dum revertitur cum ingenti omnis generis præda, homines latrociniis assueti, moræ impatientes, in hostico eam dividunt: &, qua cuique proximum erat, domos contendunt. Alexander cum paucis agmen coge- bat, ac prospiciebat, ne qua in abeuntes incurio fieret. Sed, cum neminem sequi videret, dum incautius agit, incidit in trecentos Anglos, in insidiis collocatos, qui, captato tempore, eum adorti, injecta ingenti trepidatione, in quos inciderunt, eos fundunt, fugantque. In eo tumultu, e Scotis complures occisi, ducenti capti: in iis, Georgius Humius, Alexandri frater, quem Angli, accepto Comarcho Herone Furdio, qui ob eandem Roberti Cari complures annos in Scotia retentus fuerat, dimiserunt: præda omnis, quia, qui eam age-

[Contentim purgantis] Ita restituimus, auctoritate adducti, pro eo quod inepte non tam Crafordii admonitu, quam MSti editos omnes pervasit [contentum.]

agebant, iter præceperant, in Scotiam incolumis venit.

XXX. Hæc animo Regis, ob ea quæ retulimus, ægro, objecta offensio, cum cum, quo cupiditas agebat, præcipitem impelleret, conventum Ordinum ad consulendum de bello habuit. Ibi multis prudentiorum contra nitentibus, Legato vero Gallo Lamota precibus promissisque instante, & literis crebris Andreæ Formani eodem urgentibus, Rege quoque non dissimulante quid vellet, multisque ei gratificari studentibus, cæteris, qui pauciores erant, ne frustra pugnando Principis indignationem in se accenderent, assentientibus, bellum terra marique adversus Anglos (incertum pejore consilio an eventu) decernitur: dies exercitui ad conveniendum indictus. Fœcialis in Galliam, ad Henricum, tum obsidentem Tornacum, est missus, qui bellum ei denunciaret. Causæ armorum capiendorum recensébantur: „Res repetitæ, & non red-  
„ditæ. Roberti Cari interemtorem Joannem Heronem palam se ostentare. An-  
„dreas Britannus præter fœderis leges spoliatus & interemtus, Regis ipsius  
„jussu. Has etiam injurias ut dissimularet, se non posse æquo animo ferre,  
„Ludovici Regis Francorum, veteris amici, & Caroli Geldriæ Ducis, pro-  
„pinqui sui, ditionem hostiliter omnibus belli calamitatibus evastari: quibus re-  
„bus nisi desistatur, se bellum ei denunciare. Henrico & ætatis vigor, & flo-  
„rentissimi regni opes, & prope totius Europæ consentiens adversus unum Gal-  
„lum conspiratio, in animo, gloriæ militaris avido, belli cupiditatem accende-  
bat. Igitur etiam, quam pro ætate, ferocius fœciali respondit; „Se nihil ex  
„eo aliud audire, quam quod jamdudum a Rege, divini & humani juris vio-  
„latore, exspectabat: proinde ageret, uti sibi videretur: se bellum tam pro-  
„spere cœptum, ob ejus minas, non omisurum: nec se morari ejus amicitiam,  
„cujus jam sit expertus levitatem.

XXXI. Hac belli denunciatione in Scotiam perlata, dum, ad exercitum proficiscens, Rex Limnuchi vespertinas in ade sacra cantiones (ut tum moris erat) audit, senex quidam ingressus, capillo in rufo flavescente, ac in humeros promisso, fronte in calvitium glabro, capite nudo, veste longiuscula cyanei coloris amictus, ac linteo cinctus, cætero aspectu venerabilis. Is, Regem quarens, per turbam obstantium penetrat. Ubi ad eum accessit, rustica quadam simplicitate, super solium, in quo Rex sedebat, innixus; „Rex,  
„inquit, ego ad te sum missus, ut te admoneam, ne, quo institui, pro-  
„grediaris: quam admonitionem si neglexeris, non erit e re tua, nec eorum  
„qui te comitabuntur. Præterea præmonere sum jussus, ne mulierum familia-  
„ritate, consuetudine, aut consilio utaris: secus vero si facies, & damno &  
„ignominia tibi res erit. Hæc locutus, turbæ sese immiscuit: nec, cum,  
precibus finitis, Rex eum requireret, usquam comparuit: quod eo magis mirum est visum, quod eorum, qui propius astiterant, atque eum observa-  
bant, avidi multa ex eo sciscitandi, nemo ejus discessum senserat. In iis fuit David Lindesius Montanus, homo spectatæ fidei & probitatis, nec a literarum studiis alienus, & cujus totus vitæ tenor longissime a mentiando aberat: a quo nisi ego hæc, uti tradidi, pro certis accepissem, ut vulgatam vanis rumoribus fabulam, omisurus eram.

XXXII.

XXXII. Rex, quo intenderat profectus, prope Edimburgum recensuit exercitum. Inde, paucis diebus, Angliam ingressus, Noramam, Vercam, Etellam, Furdumque, & alias quasdam, limiti Scotorum propinquas arces, vi cepit ac diruit, & finitimam Northumbriam late populatus est. Interea Rex, cum, amore nobilis captivæ (ea erat Heronis Furdii uxor) irretitus, rem militarem negligeret, & otioso exercitui, in agro non valde copioso, com-  
 meatus deficeret, nec e longinquo facilis esset comportatio, major exercitus pars dilapsa signa infrequentia reliquit: proceres soli, cum propinquis & clien-  
 tium paucis,isque etiam subiratis, in castris erant. Major enim pars suadebat,  
 „Ne in regione bello vastata, & alioqui inopi, se suosque diutius conficeret: sed  
 „Bervicum, a tergo relictum, aggrediretur: in quo uno majus esset opera  
 „pretium, quam in omnibus circumcirca pagis & arcibus. Nec ejus expugna-  
 „tionem difficilem fore, quod certum esset, & urbem & arcem omnibus ad  
 „resistendum rebus imparatam esse. Rex, suis armis nihil arduum ratus, præ-  
 fertim occupatis bello Gallico Anglis, aulicis adulatoribus ejus vanitatem fo-  
 ventibus, in reditu se ea potiturum facile arbitrabatur.

XXXIII. Dum ad Furdum ita desideretur, fœciales Anglorum cum adierunt, petentes: „Ut diem locumque constitueret, ubi prælio decerneretur. Conci-  
 lio super ea re coacto, major pars in ea fuit sententia; „Ut domum rediret,  
 „neu, cum tam paucis, universi regni statum in discrimen committeret, præ-  
 „sertim cum & famæ, & gloriæ, & amicitiae abunde sit satisfactum. Nec ul-  
 „lam videri justam causam, cur suos tam paucos, & tot arces oppugnantes  
 „fatigatos, tantæ Anglorum multitudini, recenti, & novis subsidiis auctæ,  
 „objiceret (nam illis ipsis diebus dicebatur Thomas Havartus in castra venisse,  
 cum sex millibus fortissimorum militum e Gallia remissis.) „Accedere præterea,  
 „ut, si discedat ipse, necesse sit, Anglorum exercitum solutum iri: nec ite-  
 „rum, eo anno, quod militem e longinquo collectum habeat, cogi posse.  
 „Quod si maxime acie decernere velit, in solo patrio dimicanti, & loca, &  
 „tempora, & commeatum magis in sua potestate fore. Sed cum orator Gallus,  
 & quidam Gallicis donis culti, contra tenderent, facile Regi, pugnandi avido,  
 fuit persuasum, ut ibi hostem opperiretur.

XXXIV. Interea, cum Angli ad diem fœciali dictum non affuissent, Sco-  
 torum proceres, eam occasionem arripientes, iterum Regem adeunt: osten-  
 dunt; „Fraude hostium fieri, ut de die in diem res protraheretur, dum ipso-  
 „rum vires crescant, Scotorum imminuantur. Itaque pari arte adversus eos uten-  
 „dum. Nam, cum illi tempus a se designatum non obeant, nulla verecundia  
 „obstrictos eis esse Scotos, quo minus discedere domum sine prælio, aut suis  
 „locis depugnare possint. Horum prius consilium multis de causis tutius esse.  
 „Id si minus placeat, alterius capiendi summam occasionem dari. Nam, cum  
 „Tillus amnis, ripis præaltis, ac nusquam fere vadofus, nullum intra aliquot  
 „millia passuum, nisi per unum pontem, exercitui transitum daturus esset,  
 „pau-

*Tot arces oppugnantes fatigatos] Cra-* rum cum alterum illud tolerari posset,  
*fordius legendum jubet [oppugnando] Ve-* nihil temere mutandum.



„paucos ibi tantæ multitudini posse obsistere : posse etiam , parte Anglorum  
 „transmissa, machinis commode locatis, pontem intersecindi, primosque trans-  
 „gressos deleri, antequam ab adversa ripa subveniri posset, Rex, neutro consi-  
 „lio probato, respondet; Etiam si centum essent Anglorum millia ex adverso,  
 „se cum eis dimicaturum.

XXXV. Univerſa Nobilitas cum responſo tam temerario offenderetur, Ar-  
 chibaldus Duglaſſius Anguſiæ Comes, qui cæteros ætate & auctoritate longe  
 anteibat, leni oratione Regis animum inflectere conatus, utriusque conſilii  
 ſuperioris rationem explicare aggreditur. Oſtendit enim; „Regem ſatiſfeciffe  
 „Gallorum amicitia, qui majorem hoſtilis exercitus partem a Gallis in ſe aver-  
 „tiſſet : atque effeciſſet, ne magnæ illæ copiae aut Galliam (quod ſperant)  
 „obtererent, aut Scotis damno eſſe poſſent, ut quæ non diu contineri caſtris va-  
 „leant, in locis præfrigidis, & ſolo cunctis belli calamitatibus vexato, nec  
 „alioqui frugum fertili : hiemem etiam imminere, quæ in regionibus illis ad  
 „ſeptentriones porrectis præmatura eſſe ſoleat. Quod autem Regis Gallorum  
 „Legatus tantopere ad dimicandum nos impellat, neque novum, neque mi-  
 „rum, reor videri oportere, ſi homo peregrinus, qui non communem fa-  
 „ctionis, ſed privatam ſuæ nationis utilitatem reſpiciat, tam ſit alieni ſan-  
 „guinis prodigus. Eſt præterea poſtulatio ejus admodum impudens : a Scotis  
 „enim petit, quod, ne pro ſuo quidem regno & dignitate, Rex Gallorum,  
 „homo ſumma prudentia præditus, ſibi faciendum judicat. Nec hujus exerci-  
 „tus amiſſio levius eo damnum videri debeat, quod pauci numero ſumus :  
 „quicquid enim aut virtute, aut auctoritate, aut conſilio in regno Scotiæ  
 „excellit, hic eſt. His amiſſis, reliquum vulgus præda victoris erit. Quid ?  
 „quod bellum ducere & in præſentia tutius eſt, & ad totius periculi ſummam  
 „utilius? Nam, ſi Ludovicus exiſtimat, Anglos aut ſumtuoſos exhauriendos,  
 „aut mora fatigandos eſſe, quid accommodatius ad præſentem rerum ſta-  
 „tum fieri poteſt, quam ut hoſtem copias dividere cogamus, ut alteram ſui  
 „exercitus partem adverſus nos, velut ſemper incurſuros, intentam & ſollici-  
 „tam teneamus : & metu huic injecto, belli molem Gallis labore noſtro leve-  
 „mus? Gloriæ etiam & ſplendori (quæ homines, vereor ne magis verbis quam  
 „factis feroces, ſuæ temeritati prætendunt) ſatiſfactum arbitror. Quid enim  
 „Regi ſplendidius accidere poteſt, quam, tot arcibus dejectis, agris ferro  
 „flammaque vaſtatis, ex tam effuſa populatione tantum prædæ abactum, ut,  
 „ne multorum quidem annorum pace, regio tot cladibus deformata in priſti-  
 „nam faciem redire queat? Quod autem e bello majus exſpectaremus emolu-  
 „mentum, quam ut, in tanto armorum tumultu, cum ſumma noſtra laude  
 „& decore, hoſtium ignominia & dedecore, noſtro militi reſcicendo quietem,  
 „cum re & gloria conjunctam, habeamus? Id autem genus victoriæ, quod  
 „magis conſilio quam armis paratur, maxime hominis, maxime etiam ducis  
 „eſt proprium, ut cujus nullam omnino partem ſibi miles vindicare poſſit.

XXXVI. His quanquam omnes qui aderant vultu aſſentirentur, tamen  
 Rex, qui ſe cum Anglis dimicaturum ſanctè juraverat, totam orationem ad-  
 verſis auribus accepit : &, domum (ſiquidem formidine caperetur) Duglaſ-  
 ſium

Sum abire jussit. Ille qui, rebus præcipitantibus, Regiæ temeritatis exitum jam animo prospiciebat, statim in lacrymas prorupit: ut primum autem loqui potuit, pauca est locutus; „Si mea, inquit, vita superior non me vindicat a timiditatis opinione, nescio quibus aliis rationibus me purgem. Certe, dum corpus hoc sufficiebat laboribus ferendis, nunquam ei in salute patriæ, & Regum gloria tuenda peperci. Nunc vero, cum meis consiliis, quibus unis, utilis esse possum, aures oclusas video, duos filios, qui mihi, secundum patriam sunt carissimi, cæterosque propinquos & amicos, hic relinquo, certissimum erga te salutemque communem pignus mei animi. Deum autem precor, ut hunc meum timorem falsum esse velit: atque potius ego falsus dicar vates, quam, quæ timeo, ac videre videor, eveniant. Hæc locutus, accepto comæatu, discessit.

XXXVII. Reliqui proceres, quoniam Regem in suam sententiam traducere non poterant, quod proximum erat, tenuerant, ut, quando numero erant inferiores, (nam, in exercitu Anglorum, viginti sex millia arma ferentium per exploratores esse compertum erat) locorum opportunitate se communirent, castrisque collem propinquum occuparent. Erat is locus, ubi Zeviota mons sensim in planitiem se demittit, modicus quidem, & aditu angusto leniter declivis. Eum æneis machinis velut prævallant. A tergo erant montes, a quorum radice oriens continens palus sinistrum latus claudebat. Ad dexterum fluebat Tillus amnis, ripis præaltis, aditum per pontem, non procul a castris, præbens. Angli cum per exploratores didicissent, castra Scotorum, sine certa perniciæ, adiri non posse, a fluvio iter averterunt: ac speciem dederunt, tanquam, hoste omisso, Bervicum, atque inde recta in proximam Scotiæ regionem longe fertilissimam tenderent, majorem quam acceperant cladem relaturi. Auxit eam suspicionem rumor, superioribus diebus, sive temere sparsus, sive de industria ab Anglis confictus, ut hostes e locis superioribus in planum protraherent. Id vero Scotus non ferendum ratus, & ipse, incendio in stramenta casulasque conjecto, castra movet: quæ res, fumo late fluvium operiente, prospectum eis Anglorum ademit. Ita Scotis per aperta loca proxime fluvium, Anglis per asperiora longiuscule ab eo ducentibus, ad Fluidonem, collem præaltum, alteri prope de alteris incerti, pervenerunt. Ibi, cum, solo æquiore jam se in planitiem explicante, fluvius per pontem ad Tuisilum, & vadum ad Milfordiam, transmeabilis esset, Angli primum agmen jubent machinas æneas per pontem traducere, cæteros vado transmittere; & acie instructa pro loci commoditate, velut redditum hostibus præclusuri, se objiciunt: ac, superante multitudine, velut duos exercitus inter se discretos ita struxerunt, ut utraque pars prope Scotorum universas copias æquarent.

XXXVIII. In primo exercitu mediam aciem ducebat Thomas Havartus, rei maritimæ præfectus, qui, paucis ante diebus, cum classiariis ad patrem advenerat;

[Ad Milfordiam] *Milfeldiam* legendum conjicit Irvinus, in Nomenclatura: nullus quippe *Milfordia* nomine appellatus eo in tractu occurrit locus. Irvini conjecturam

Tom. J.

firmat Echardus, qui planitiem memorat nomine *Milfeldiam*, in quam Surrius Anglorum dux nuncio misso Scotorum Regem ad prælium allicere satagebat.

Nun

1 Hæc

nerat : dexterum cornu Edmundus Havartus, finitrum Marmaducus Constablius agebat. Cæteri post eos, velut in subsidiis locati, & ipsi tripartito instructi, steterunt. Dexterò cornu Dacrius, sinistro Eduardus Stanlæus, mediæ aciei Surriæ Comes, omnium copiarum dux, præerat. Scoti, cum intotidem partes suos dividere ob militum paucitatem non possent, nisi frontem extenuarent, quatuor acies adversas, modico intervallo distantes, struxerunt; e quibus tres cum Anglis ex adverso stantibus concurrerent, quarta in subsidiis esset. Mediam aciem Rex ducebat : in dextero cornu imperabat Alexander Gordonius, cui Alexander Humius & Marciani sunt attributi : in tertiâ præerant Matthæus Stuartus Levinæ Comes, & Gilespicus Cambellus Argatheliæ. Adamus Heburnus cum propinquis & cætera Lothiana Nobilitate in subsidiis erat. Gordonii acies, acri pugna inita, brevi profligavit finitrum Anglorum cornu : sed, a persequendis fugientibus reversa, reliquas suorum acies pene profligatas reperit. Nam alterum cornu, in quo Levinus & Argathelius erat, suorum successu alacriores facti, solutis ordinibus, temere in hostem ferebantur, signis a tergo relictis, multum Lamota Legato Gallo reclamante, ac præcipientes in suam perniciem remorari conato. Hi non modo ab ex adverso structis excepti, sed ab alia quoque Anglorum manu a tergo circumventi, pene omnes occisione occisi fuere. Acies Regia, atque Heburnus cum Lothianis, pertinacissime pugnaverunt. Utrunque cædes ingens edita, donec fessis utrisque certamen in noctem protractum est. Cecidere ex acie Regia viri illustres complures. Qui numerum cæsum, nominibus singulorum per diocesefes exceptis, inierunt, tradunt, in ea pugna Scotorum supra quinque milia cecidisse : sed fere nobilissimum quemque, ac manu promptissimum, qui maluerunt in vestigio mori, quam suorum cædi superesse. Ex Anglis non minorem numerum desideratum ferunt, sed cum gregariorum fuisse.

XXXIX. 'Hæc est illa nobilis ad Fluidonem pugna, inter paucas Scotorum clades memorabilis, non tam cæsum numero (nam pluribus aliis præliis duplo plures perierunt) quam Rege & procerum principibus amissis, & paucis superstitibus, qui multitudinem, natura ferocem, & spe impunitatis infrenem, regere possent. Duo genera hominum accessionem e cæterorum calamitate senserunt : nam & sacerdotum opulentiorum eo crevit insolentia, ut, non contenti sua functione, omnia regni munia ad se trahere niterentur : & fratres Mendicantes (id Monachorum tum genus erat maxime superstitiosum) cum depositam eorum, qui in bello ceciderant, pecuniam sine testibus ad custodiendum ac-

ce-

[*Hæc est illa nobilis ad Fluidonem pugna*] Livium hic imitatur lib. 22. cap. 7. *Hæc est nobilis ad Trasimenum pugna, atque inter paucas memorata populi Romani clades.* Cæterum commissa est hæc pugna 9 Sept. 1513, cum Jacobus IV. annos 15 ac 3 menses regnasset, vixisset vero annos 40, menses 5 ac dies 23. Quod ideo hic sub-

notare libuit, quod omnes fere nostri scriptores anno regni 25, vitæ vero 39, exstinctum perperam tradant. Natus quippe anno 1573, die Divo Patricio sacro, i. e. 17 Martii : [Vide Buchan. Lib. XII. 30. regnum iniiit 11 Junii 1488, uti supra ostendimus ad Lib. XIII. 1. .

ceptam, retinuisſent, ex ea præda opulentiores facti, veteris diſciplinæ ſeveritatem ſolverunt. Nec deerant inter eos, qui id genus quæſtus, velut ſanctam quandam ac piam fraudem, probarent: nec eam pecuniam melius collocari poſſe contenderent, quam cum ſanctis hominibus data ſit, qui ſuis precibus animas defunctorum ſuppliciiis horrendis liberarent. Cum tanta fuiſſet in pugna animorum obſtinatio, ut ſub noctem utraque pars feſſa, ac prope ſuæ conditionis incerta, ſeceſſiſſet, Alexandri Humii milites, qui integri remanſerant, magnam ſpoliorum partem per otium legerunt. Poſtridie mane, Dacrius, cum equitatu ſpeculatum miſſus, cum ad locum pugnæ veniſſet, & ænea Scotorum tormenta incuſtodita reperiſſet, majoremque mortuorum partem inſpoliatam, tum demum Havartum arceſſivit, &, ſpoliis per otium lectis, magna lætitia victoriam celebrant.

XL. De Rege Scotorum duplex fama eſt. Angli in pugna cæſum contendunt: Scoti contra affirmant, complures eo die paludamento cæteroque habitu Regio uſos, partim, ne hoſtes unum aliquem ſibi præcipuum hoſtem deſtinarent, a cujus morte victoria ac ſumma belli penderet; partim, ne, cæſo Rege, cives animum deſponderent, nec eum amiſſum crederent, quamdiu aliquem Regio armatu & cætero apparatu in acie verſari conſpicerent, eumque etiam ſemper præſentem bene ac ſecus factorum teſtem conſpicerent. Ex his unum fuiſſe Alexandrum Elſinſtonium, qui & vultu & ſtatura Regi perſimilis eſſet. Cum eo, induto paludamento Regio, florem Nobilitatis, Regem ſequi ſeratos, ideoque mori obſtinatos, cecidiſſe. Ipſum vero Regem Tuedam fluvium tranſiſſe, & prope Calſonem oppidum a clientibus Humii interfectum, incertum, an eo jubente, an cædis miniſtris cupiditati patroni ſui ſervientibus, quod homines novarum rerum cupidi, eo ſublato, rerum omnium impunitatem ſperabant; vivo autem, ceſſationis in pugna pœnas metuebant. Addunt & alias conjecturas. Eadem nocte, quæ pugnam illam infelicem ſecuta eſt, Cœnobium Calſonem a

Caro, Humii familiari, fuiſſe, Cœnobiarcha ejeſto, occupatum: quod veriſimile non erat eum auſurum, niſi Regem occiſum ſciſſet. David quoque Galbrethus, & ipſe ex Humii familia, aliquot poſt annos, cum Joannes Prorex Humiis eſſet moleſtus, dicitur ignaviam æqualium graviter incuſaſſe, qui peregrinum illum, ſine modo furentem, perferrent, cum ipſe ſextus, e privatis, Regis inſolentiam apud Calſonem compeſcuiſſet. Sed hæc ita incerta ſunt habita, ut a notho Regis Jacobo Moravia Comite, in iudicio capitis Humio objecta, non multum nocuerint.

XLI. Verum, utcunque res habet, reticendum non exiſtimavi, quod ipſe e Laurentio Taliferreo, viro & probo & docto, non ſemel audivi. Ipſe enim ſeſe (nam unus tum e pueris Regiis pugnæ ſpectator erat) ajebat, re inclinata, Regem in equum impoſitum vidiſſe Tuedam tranſeuntem. Idem complures cum confirmaveſſent, fama multos annos tenuit, Regem vivere, atque in tempore affuturum, perſoluto ſcilicet voto, quo ſe obſtrinxerat, Hieroſolyma religionis ergo ſe petiturum. Sed is rumor æque vanus eſt deprehenſus, atque ille, qui olim ſparſus erat a Brittonibus de Arcturo, & ante paucos annos, a Burgundionibus de Carolo. Illud conſtat, Anglos; ſive Regis



Jacobi, sive Alexandri Elfinstonii, corpus requisitum, & in magna cadaverum strage repertum, in Angliam interiorem comportasse, &, inexpiable odio adversus mortuum adhuc manente, in capsula plumbea (incertum, barbara magis, an stulta crudelitate) insepultum servasse: quod scilicet arma sacrilega, adversus Julium Secundum, cui tum se Angli venditabant, tulisset: aut, ut alii affirmant, quod homo perjurus, contra foederis leges, bellum Henrico Octavo intulisset. Quorum neutrum ei exprobrari debuerat; nec ab hoc Rege, qui, dum vixit, nullam unquam stabilem de doctrina Christiana persuasionem habuisset; nec ab hoc populo, qui toties adversus Episcopos Romanos bella gesserant. Omitto interim tot Reges Anglorum perjuros, testibus eorum scriptoribus:

Gulielmum Rufum; teste Polydoro, & Graftono.

Henricum I. Thoma Volsingamio, Hypodigmate Normaniæ.

Stephanum; Neobrigiensi, Graftono, Polydoro.

Henricum II. Neobrigiensi, Graftono, Polydoro.

Richardum I. Hypodigmate Normaniæ.

Henricum III. Hypodigmate Normaniæ, Graftono, Thoma Volsingamio.

Eduardum I. Thoma Volsingamio.

Hos paucos, exempli gratia, selegimus, non e primis illis Saxonici generis Regibus, quorum magna suppeditabat copia, sed e Normanorum familia, & quorum posterii adhuc regnum tenent, & quorum dominatus in ea incidit tempora, quibus Anglia longe fuit florentissima; ut eos admoneam, qui tanta indulgentia suorum perjurya patiuntur, ne in externos ita sint acerbi: præsertim, cum criminis, quod obicitur, penes ipsos culpa fuerit, qui priores violarunt inducias.

XLII. Sed ut ad rem redeam, magnam ex illa pugna contra Scotos Thomas Havartus Surriæ Comes gloriam reportaverat, si moderate suam fortunam tulisset. Sed homo secundarum rerum successu quasi ebrius, & instabilitatis humanæ parum memor, suis domesticis ministris (ut mos est Anglis) notam, qua agnoscerentur, in sinistris brachiis ferendam dedit, leonem album, (quo ipse insigni utebatur) qui rubrum superincumbens unguibus discerperet. Hanc ejus insolentem insultationem velut numine plectente, nemo fere posterorum ejus alterutrius sexus, sine insigni ignominia vel clade, decessit. Rex autem Jacobus, ut vivus omnibus fuit carissimus, ita ejus amissi tantum remansit apud superstites desiderium, tam jucunda in omnium animis hæsit recordatio, quantum nullius fuisse Regis aut meminimus, aut legimus. Quod evenisse credibile est, simul comparatione malorum, quæ vel ejus regnum præcesserunt, vel statim secutura videbantur; simul virtutum expressarum, ac vitiorum etiam popularium, quæ virtutum affinitate quadam vulgi animos facile decipiunt. Erat enim corpore firmo, statura justa, oris dignitate summa, ingenio quidem acri, sed vitio temporis ab literis inculto. Unum e vetusta gentis consuetudine hausit avide, ut vulnera scientissime

ut-

tractaret : cuius rei peritia toti Scotorum Nobilitati , ut hominibus in armis assidue viventibus , fuerat priscis temporibus communis. Erat ei in adeundo facilitas , in responsis lenitas , in iure dicundo æquitas , in suppliciis expetendis moderatio , ut ad ea invitum cogi omnes facile animadverterent ; adversus malevolorum sermones , & amicorum admonitiones , tanta animi altitudo ex optimæ conscientiæ tranquillitate , & suæ innocentiae fiducia , enata , ut non tantum non exandesceret , sed nec asperiore verbo unquam uteretur. Inter has virtutes , quædam obreperunt , nimio popularitatis studio , vitia. Nam , dum famam avaritiæ paternæ conaretur effugere , & vulgi gratiam substructionibus sumtuosis , conviviorum & spectaculorum apparatu , & immodicis donationibus , captare conatur , in eam incidit inopiam , quæ , si diutius vixisset , videbatur superiorum temporum gratiam odio novorum tributorum extinctura , ut mors ei magis commode , quam immature , accidisse possit existimari.

C V I R E X.

XLIII. Extincto Jacobo Quarto , <sup>1</sup>Margarita uxor cum duobus filiis relictæ est , <sup>2</sup>quorum major biennium non expleverat. Eum conventus procerum , Sterlini habitus , <sup>3</sup>sexto Calend. Martii , more patrio , Regem declarat. Deinde ad statum publicum ordinandum conversi , tum demum intelligere cœperunt

<sup>1</sup> *Margarita uxor cum duobus filiis relictæ est*] Non satis accuratus videtur loquendi modus : ex duobus enim istis filiis , alter , Alexander nominatus , 30 demum Aprilis anno 1514 est natus , i. e. 7 menses ac dies 21 post patris mortem. Vide Lestæum , Holinsheadium , Geo. Crafordium , &c.

<sup>2</sup> *Quorum major biennium non expleverat*] Errat igitur cum Geo. Craford. Hist. fam. Stuartæ pag. 33. Abercrombious vol. 2. pag. 545. qui Jacobum V. quinto Aprilis anni 1511 natum prodidere : nec vitio immunis Lestæus , qui 15 Aprilis anno 1412 natum scribit. Rectior autem Holinsheadii & Andersoni mihi videtur supputatio , qui ejus natales in 11 Aprilis anni 1512 conjiciunt. Ne quid tamen dissimulem , pro Geo. Crafordio facere videtur ipse Jacobus V. ad Joannem Portugalliæ Regem Epistola , 26 Julii 1541 scripta , in qua hæc verba occurrunt : *Misso igitur nuntio , dum ipsius responsum expectatur , Rex noster pater itidem decedit , me vix trimo relicto , nisi forte librarii culpa [trimo] pro [bimo] sit scriptum , aut non satis amussinato loquendi genere , qui nondum alterum vitæ annum excesserat , [vix trimus] dici possit.* Vide postea

ad Lib. XIV. 49. Certe ex Jacobi V. *Revocatione* (quam vocant) Rothomagi 3 Aprilis 1537 scripta , evidentissime colligitur eum post 4 Nonas ejus mensis anni 1512 natum fuisse. Vide Jac. V. *Act. Parl.* 6. cap. 70.

<sup>3</sup> *Sexto Cal. Martii*] Ab aliis omnibus diversus hic abit Buchananus ; Holinsheadius enim & Andersonus 21 Septembris , Piscottius 29 ejusdem mensis , Lestæus autem , eumque secuti Geo. Crafordius & Balfurius , 21 Decembris coronatum tradunt. Verum Lestæo (aliisque adeo eum temere sequentibus) error irreplisse videtur , atque pro *Decembris* , *Septembris* scriptum oportuisse. Ille enim Jacobum V. *regni diadema suscepisse* ait , *exactis supra annum ætatis sue unum , mensibus quinque , diebus decem* , quanto scilicet temporis intervallo 11 Aprilis 1512 & 21 Septembris 1513 dirimuntur. Buchananum vero in errore hic versari mihi dubium non est. Neque enim (ut hoc quoque adjiciam) verisimile videtur ipsius matrem , quæ tum summæ rerum præerat , filii coronationem tam longa comperendinatione differre voluisse. Rem porro se aliter habuisse fere ostendit Legatio Jacobi

tunt suæ calamitatis magnitudinem. Cæsis enim primoribus, in quibus aliquid auctoritatis & consilii inerat, qui supererant, pars major, per ætatem & animi infirmitatem, ad res magnas tempore tam turbulento tractandas, parum erant idonei. Qui autem e potentioribus restabant, in quibus aliquid esset ingenii, ob ambitionem & avaritiam a quietis abhorrebant consiliis. Alexander Humius, omnium limitum præfectus, magnum nomen, magnasque opes, Rege vivo, & in regionibus ad Angliam pertinentibus, eo mortuo, pene Regiam obtinebat auctoritatem. Is, prava ambitione, cum latrocinia non inhiheret, ut homines audaces & facinorosos magis haberet obnoxios, viam ad majores opes, pernicioso consilio, & infelici exitu, muniebat. Ei imperium datum in regiones citra Fortham, ulteriora Alexandro Gordonio commissæ, ut nationes illic seditiosas in officio contineret: nomen summi imperii penes Reginam erat. Nam ex testamento Regis, quod profecturus ad bellum fecerat, decretum erat, ut ea, quamdiu cælebs maneret, summæ rerum præesset. Id etsi præter morem patrium, & primum imperii muliebris exemplum apud Scotos fuit, tamen inopia virorum fecit, ut tolerabile plerisque, ac maxime pacis cupidis, videretur.

XLIV. Is magistratus ei diuturnus non fuit: <sup>1</sup> (nam ante veris exitum Archibaldo Duglassio Comiti Angusiæ, adolescenti, genere, forma, omnibus denique bonis artibus Scoticæ juventutis primario, nupsit.) Discordiarum enim semina, ante finem illius anni sunt jacta. Earum initium ab ordine Ecclesiastico est ortum. Extinctis enim proceribus, cum in omnibus publicis conventibus major pars ex eo genere hominum esset; in calamitatibus publicis multi suum agentes negotium, tantas opes compararunt, ut nulla res eos magis præcipitaverit, quam intoleranda, qua postea arroganter & immodice sunt usi, potentia. Cæso ad Fluidonem <sup>2</sup> Alexandro Stuardo, Fani Andreæ Archiepiscopo, tres ad id sacerdotium, diversis artibus, contendebant. <sup>3</sup> Galvinus Duglassius, familiæ splendore, & sua virtute & doctrina fretus, a Regina etiam nominatus, arcem Andreanam occupat. Joannes Heburnus, Cœnobiarcha Andreanus, Archiepiscopo nondum suffecto, velut sequester, proventus colligebat: homoque potens, factiosus, & callidus, a suis Monachis (penes quos jus eligendi antiquo more esse contendebat) in locum demortui suffectus, Galvini ministris pulsus, arcem valido præsidio communiit. <sup>4</sup> Andreas Formanus, cum Romæ &

hi nomine ad Danum missa 16 Januarii anno 1417. Vide Literas Jacobi V. in Bibl. Jurid. Edimb. asservatas.

<sup>1</sup> Nam ante veris exitum] Inno vero præcipite æstate, vel potius ineunte autumno, nempe Augusti, anno 1514, Les-Jarus & Holmshedius nuptam testantur. Crafordius delendam jubet Parenthesin, & lin 3. seq. [discordiarum item semina] legendum.

<sup>2</sup> Alexandro Stuardo] Is erat Jacobi IV.

filius nothus, juvenis plane incomparabilis, quem magnus Erasmus, cujus discipulus fuerat, summo elogio ornat, Chiliad. Adag. *Spartam nactus es, hanc orna.*

<sup>3</sup> Galvinus Duglassius] Is erat Comitis Angusiæ patruus. Ejus autem elogium vide infra Lib. XIV. 12.

<sup>4</sup> Andreas Formanus, cum Romæ & in aula Gallica] Quanto in honore is fuerit apud Ludovicum XII. Gallorum Regem, &

& in aula Gallica, e superiorum temporum officiis, magnam gratiam collegisset, præter Moraviensem, quem in Scotia jam ab initio tenuerat, Episcopatum, ab Ludovico Duodecimo Gallorum Rege acceperat Archiepiscopatum Bituricensem. Julius vero Pontifex Romanus etiam honoribus & sacerdotiis cumulatam a se dimisit. Nam & Archiepiscopatu Fani Andreæ, Fermelinoduno & Aberbrothio, Cœnobiis longe opulentissimis, cum donavit: & præterea Legationem (ut vocant) a latere adjecit. Sed tantæ tum Heburni opes erant, Humiis adhuc cum ea familia concordibus, ut nemo prorsus inveniretur, qui diploma Pontificis Romani de Formani electione promulgare auderet: donec Alexander Humius, magnis pollicitationibus, &, præter alia munera, Cœnobio Coldingamia Davidi minimo ejus fratri donato, ad causam, in speciem honestam, adductus, (quo Formanorum familia in clientela Humiorum esset, resque non iniqua peti videretur) diploma Edimburgi curaret promulgandum. Ea res magnorum, quæ postea acciderunt, malorum fuit initium. Heburnus enim, elati animi vir, ab eo tempore, dies noctesque exitium Humiis semper est machinatus.

XLV. Regina in summo magistratu id unum memoria dignum gessit, quod ad fratrem scripsit: „Ut, sui & liberorum suorum ætatis memor, bello abstineret: neu propinqui sui regnum, in tot factiones sponte divisum, externis præterea armis infestaret: sed potius, ætatis & cognationis memor, adversus aliorum injurias tueretur. Henricus animo magno & vere Regio respondit; „Sibi cum Scotis pacatis pacem, cum bellantibus bellum fore. Cum Regina, per nuptias, a magistratu excidisset, Nobilitas aperte in duas factiones secessit. Duglassiana penes Reginam summam potestatem esse cupiebat, atque ita deum pacem cum Anglis (quæ non utilis modo, sed etiam necessaria erat) fore spondebat. Altera pars, cujus princeps fuit Humius, publicæ utilitatis quandam umbram, & veterem regni in Proregibus eligendis consuetudinem, prætendebat. „Quod ad Reginam attinet, se ejus honori, quantum per leges & publicum commodum possent, favere. Ejus rei argumentum esse, quod, „contra majorum consuetudinem, ejus imperium, non legibus coacti, sed „benevolentia adducti, hæcenus tulerint: ac nunc quidem, si quid æqui & „honesti prætexeretur, laturos. Verum, cum ipsa nubendo se sua sponte „exuerit imperio, nihil esse quod indignetur, si alius in locum, ab ea desertum, substituatur: quem veteres ei leges etiam adimebant: quæ, ne rebus „quidem tranquillis, foeminis permittant imperium, nedum his temporibus „tam inquietis, ut ægre, viri maxime prudentis consilio & auctoritate, tot „undique malis ingruentibus obsistat possit.

XLVI. Dum de Proregē eligendo magna utriusque factionis pertinacia certatur, ac, vel prava ambitione, vel occulta invidia, præteritis qui aderant, in

& Julium II. Pont. Rom. ostendunt eorum ad eum literæ nuper editæ, in libro cui titulus *Lettres du Roy Louis XII.* &c. 4. vol. à Brussele 1712. Exstat vero in Jacobi V. literis Leonis Papæ X. ad Mar-

Joan-  
garitam Reginam Regiumque concilium Epistola, qua Andream Formanum mirum in modum commendat, eosque in Archiepiscopum Fani Andreæ cum recipere quam potest obnixissime hortatur.



Joannem Ducem Albinum, tum in Gallia fama secunda degentem, suffragia multorum inclinarent, dicitur Gulielmus Elfinstonius, Abredoniensis Episcopus, publicam fortunam multis cum lacrymis deplorassee: ac maxime animos commovisse, cum recenseret; „Qui viri proximo praelio erepti fuissent: quam „disparis illis relieti forent, quorum nemo dignus esset, ut ad rerum gubernacula posset admoveri. Quam tenue publicum patrimonium: quam a proximo Rege imminutum: quanta ejus portio Reginae esset decidenda: quantum „in educationem Regis necesse esset impendere: quam exigua pars restaret, „ad auctoritatem publicam sustinendam. Et quanquam nemo esset in praesentia, „qui commodius eum locum sustinere posset, quam Regina, se, quando aliter concordia fisci nequeat, in eorum sententiam concedere, qui Joannem „Ducem Albinum e Gallis evocandum censerent: etsi damna publica hoc remedio magis differri, quam sanari, existimaret. In hanc partem Alexander Humius adeo propensus erat, ut in conventu sit ausus profiteri; „Etiam si reliqui omnes recusarent, se privatim Joannem, ad imperium accipiendum, in „Scotiam adducturum. Id autem fecisse creditur, nullo neque patriae, neque privati alicujus commodi, aliove respectu, quam quod homo ambitiosus, cum opibus magis quam caritate se apud cives posse cognosceret, eum ipse honorem desperabat: metuebatque, ne, si penes Reginam vis imperii esset, Duglassiorum opes vicinae nimium invalescerent, ac suae minuerentur, jam Lidalianis & Annandianis se subtrahentibus, & ad veterem Duglassiorum clientelam se paullatim recipientibus. Accedebat eo, quod Regina, per Anglorum auxilia, omnes ejus conatus posset reprimere.

XLVII. Cum in Joannem plurima suffragia convenirent, decernuntur Legati (cujus legationis princeps fuit ea aetate clarus Eques Andreas Silvius Largous) qui cum ad rerum Scotticarum regimen arcesserent, non solum ob virtutem, sed propinquam cum Rege sanguinis conjunctionem: genitus enimerat ex Alexandro, Jacobi Tertii fratre. Hunc, a Scotis evocatum ad statum publicum ordinandum, Rex Gallorum Franciscus, ejus honorem commodum suis rationibus ratus, proficiscentem pecunia & comitibus ornavit. Ante ejus adventum, cum nemo unus auctoritate praecipua polleret, passim caedes & rapinae fiebant: & dum potentiores privatas opes & factiones contrahunt, vulgus inopum, desertum, omni genere miseriorum affligebatur. Inter praedones illius temporis, fuit Macrobertus Struanus, qui per Atholiam & vicina loca, octingentis plerumque latronibus ac interim pluribus comitatus, omnia pro arbitrio populabatur. Tandem, cum esset apud avunculum Joannem Crichtonium, per insidias captus interiit.

XLVIII. Major vero moles imminere videbatur, ex Andreae Formani & Joannis Heburni discordiis: verum utriusque natura & mores, <sup>1</sup> magis quam animi discordes, quod imminere videbatur malum in tempus distulit. Erat enim in Joanne profunda non minus avaritia, quam in Andrea pecuniae

<sup>1</sup> *Magis quam animi discordes*] i. e. ea discordia non tam ex alterno odio, quam naturae morumque diversitate est orta.

niae contemptus & profusa largitio. Alterius aperta & omnibus exposita erant consilia : neque erat , quod ea magnopere celaret , ut cujus vulgo vitia pro virtutibus haberentur : & naturæ simplicitas non minus favoris assequeretur , quam Heburni occulta calliditas , & malitiosa dissimulatio , atque offensarum implacabilis memoria , & ulciscendi cupiditas. Igitur Formanus , cum nihil certi adhuc de adventu Ducis Albini haberet , nec per Humium posset in possessionem mitti , cum Heburnus in regione longinqua , & procul ab eis locis , in quibus Humiorum potentia posset esse formidolosa , arcem & Cœnobium firmis præsiidiis insedisset , statuit per amicos experiri , quomodo avaritiam hominis , si non pecunia explere , saltem frangere aliqua ex parte valeret. Tandem his legibus convenit , ut Formanus Heburno proximorum annorum proventus , quos ille tanquam sequester collegerat , condonaret , Episcopatu Moraviensi ei cederet , tria millia scutatorum Francicorum annua , ex proven- tibus Ecclesiasticis , in amicos dividenda præberet. Ita , paululum represso im- placabilis hominis odio , res in ea parte compositæ.

*I Atque offensarum implacabilis memoria & ulciscendi cupiditas] Quamvis forte Heburni occulta calliditas & malitiosa dissimulatio apud simplices & incautos favorem assequi potuerit ; at certe implacabilis offen-*

*sarum memoria & ulciscendi cupiditas nul- lius unquam gratiam captavit : unde for- san conicere liceat extremam sententiæ partem hic excidisse , atque post [ulciscendi cupiditas] addendum [odii conciliabat.]*

## LIBER DECIMUS QUARTUS.

I. **H**IC erat in Scotia rerum status , cum Joannes Dux Albinus , <sup>1</sup> de- cimo tertio Calendas Junii , anno millesimo quingentesimo de- cimo quinto , Britannodunum appulit , summa cum omnium bonorum gratulatione : quippe qui , in ejus magistratu , restran- quilliores & juris æquabilitatem sperabant. Ac frequenti Nobili- tate de ejus imperio latum ; ex Ordinum decreto patrimonium ei redditum ; Dux Albinus & Marciæ Comes declaratur ; & Prorex , usque ad maturam Regis ætatem , creatur. Jacobus item , proximi Regis nothus , Moraviæ Co- mes vocatur , juvenis , qui summam de se spem conceptam sua virtute longe superavit. Spem de Prorege præceptam vehementer confirmavit , in ipsis pro- pe comitiis , Petri Maufacti supplicium. Erat is latro insignis , qui , post mul- ta crudeliter & nefarie perpetrata per licentiam superioris biennii , eo proventus erat audaciæ , ut in aula quoque Regia palam versaretur. Ejus pœna inexspe- ctata adeo rerum statum subito mutavit , ut facinorosi fugam & latebras spe- ctarent ; boni autem animos erigerent : ac repente rerum facies , velut e tur- bida tempestate , cœpit in summam tranquillitatem converti.

M. D.  
IV.

II. Jo-

<sup>1</sup> *Decimo tertio Calendas Junii] Lessius & Holinsheadius decimo sexto.*  
Tom. I.

II. Joannes Heburnus interea, in aures atque animum Proregis, per amicos ejus, quos muneribus occulte coluerat, obrepfit: & delationibus, & simulatione quadam intelligentiæ moris patrii, apud hominem rerum Scotticarum ignarum ita se insinuavit, ut prope soli, de rebus majoribus, haberetur fides. Is autem a Prorege per Scotiam universam, ut de delictis eorum, qui vulgus oppressum prope servorum tenebant loco, <sup>2</sup>anquireret, hac sibi maxime ratione paravit fidem. Primum, quæ essent in singulis regionibus aut novæ discordiæ, aut veteres inimiciæ, ostendebat: quæ factiones item, & qui principes earum essent. Et hæc quidem satis vere (ut quæ omnibus nota forent) narrabantur. In Humium vero, prout occasio se dabat, qui de ejus impotentia quererentur, excitabat: & partim veris, partim confictis criminibus, aures adversus omnem purgationem occludebat. Cæterum, toto fere regno perlustrato, cum explicasset diserte singularum inter se familiarum cognationes, affinitates, & fœdera; persuasissetque; „Neminem honestiore loco natum, „quantumvis sceleratum, sine multorum offensione posse opprimi: neque id „tam ob inimicitias & propinquorum conspirationes, quam quod delictorum „pœna ad paucos, exemplum ad innumeros pertineret, quos, ex inimicis, „culpæ similitudo, & par metus pœnæ plerumque redderet amicos. In tan- „tas autem, & tam late sparsas factiones, viribus domesticis non posse animad- „verti. Rogandum esse Regem Gallorum, ut majores copias, ad hanc fran- „gendam contumaciam, mitteret. Eam quoque rem non magis ex usu terræ „Scotiæ, quam rei Gallicæ esse. Interim vero factionum capita aut deprimen- „da, aut (si fieri posset) esse tollenda: idque ea prudentia, ne plures sese pe- „ti opinentur. Capita vero in præsentia tria præcipua esse. Eorum, Archibal- „dum Duglassium in flagrantissima apud vulgus gratia esse: ob multa enim „majorum merita erga rem Scotticam, nomen ejus gentis maxime esse popu- „lare: præterea, & juventæ flore, & Anglica affinitate subnixum, majores „privato spiritus gerere. Humium vero sua potentia gravem, ac longinquitate temporis confirmatum, magis esse formidabilem. Ibi, non contentus, quæ adversus Proregis patrem & patrum facta ab Humiis essent, invidiose commemorare: quorum omnium cum Heburni essent participes, tamen invidiam in solos Humios conferebat: & cessatio in prælio proximo adversus Anglos, & rumores invidiosi de morte Regis, magna cum asseveratione, & Noramæ instauratione, eo dissimulante, sæpe repetuntur. Formanus neque propinquus, aut generis claritate, erat per se metuendus: in quamcunque tamen partem se inclinasset, magnam accessionem facturus videbatur, cunctis regni opibus in unam domum congestis. „Eum enim posse, vel præsentem partium „inopiam pecunia sublevare, vel pollicitatione (quia omnia in ejus potestate „tum

<sup>1</sup> *Is autem a Prorege per Scotiam universam*] Intercidisse hic videtur vox aliqua, veluti [*missus*] aut simile aliquid.

<sup>2</sup> *Anquireret*] Hoc vocabulum, quoniam ad auctoris sensum exprimendum accommodatius occurrebat, plerique editi co-

dices, si diis placet, eliminandum, ejusque loco [*inquireret*] supponendum voluere. Nostram autem lectionem satis defendunt MSti auctoritas, & tritus ejus verbi apud Latinos usus.

„tum essent) multos ad consiliorum communionem allicere.

III. De Formano, leviorē Heburni auctoritatem reddebant nobiles inter eos inimicitiae: nec ejus opes invidiosae erant, quas magis gaudebat largiendo profundere, quam apud se servare: nec genus ullum hominum aequè muneribus colebat, ac Proregis comites Gallos: nec tam ulli se factioni adjungere studebat, quam universos benevolentia complecti. Cæterum altius in animum Proregis penetravit de praefecto limitum suspicio: quam ejus ab Humio averſa voluntas, & in congressibus vultus minus, quam antea familiaris, quodammodo prodebat. Itaque, post paucos menses, Alexander Humius, non pro sua spe a Prorege acceptus, coepit cum Regina ejusque marito secretas coitiones facere: in quibus Humius fortunam publicam graviter deplorabat; „Quod Rex, in ea ætate, quæ sua „mala intelligere non poterat, incidisset in manus hominis exulis, in exilio „nati & educati: cujus pater, prava ambitione, regnum fratri majori præ- „ripere tentasset. Hic cum proximus hæres regni sit, quis non videat, id „tantum eum spectare, ut, ordinatis pro arbitrio rebus aliis, puerum innoxium „e medio tollat, ac regnum in se transferat; &, quod pater ejus impie medi- „tatus fuerat, ipse per summum scelus perficiat? Unam esse periculi vitandi „rationem, si Regina cum filio in Angliam discedat, sese suæque omnia fratris „fidei committat.

IV. Hæc, ad Proregem delata, cum facile credita essent, homo natura acerrimus, & qui in rebus conficiendis celeritate summa uteretur, praesentibus tantum copiis fretus, eorum conatus prævenit. Arcem Sterlini, & cum ea Reginam, in potestatem suam redegit. Regi sacramentum palam dixit. Submota Regina & Duglassiis, ex procerum decreto, præter Joannem Areskinum, arcis præfectum, tres supremi ordinis viros, summa fide & integritate, qui Regis educationi præessent, adhibuit, ut sibi per vices succederent, addita etiam, adversus vim & fraudes, custodia. Sub hæc, Humius cum fratre Gulielmo in Angliam secessit. Duglassius cum uxore tantum morati, dum Henrici voluntatem scirent, eos consequuntur, atque apud Harbotillam in Northumbria subsistere jubentur, donec prolixius eis de sua voluntate significaret. Joannes interea, graviter de eorum discessu commotus, statim Legatos in Angliam misit, qui se Henrico purgarent; „Nihil commissum, cur aut Regina „sibi ab eo metueret, aut alieniore erga eum esset animo; neque cæteris ejus „fugæ comitibus quicquam a se factum, quo minus & patria libertate suisque „bonis frui possent. Hæc publice ad Regem. Nec interea Humius & Duglassius, per ipsorum amicos, reditum suadere, fidem interponere, omnia liberalissime polliceri, desiit, donec eos in suam sententiam pertraxisset. Cæteris igitur domum revocatis, Regina, tum maxime gravida, & instante partu, ibi necessario relicta, filiam Margaritam peperit, de qua suo loco nobis erit dicendum. Cum autem itineris laborem pati posse videretur, supellectile Regia & comitatu, ab aula ad eam misso, Londinum est profecta: ibique ab Henrico fratre, & Maria sorore (quæ, defuncto marito Ludovico Franco, non ita pridem ad suos redierat) honorifice & amanter est recepta.



V. Nec suspiciones tamen, in Scotia jamdudum ortæ, aut Reginae discessu, aut comitum ejus reditu, magnopere fuerunt levatæ. Nam Galvinus Duglassius; Comitis Angusiæ patruus, & Patricius Panitarius, qui superiori Regi fuerat ab epistolis, & Joannes Dromundus, sive Drumenius, suæ familiæ princeps, alius alio fuerunt relegati. Alexander autem Humius, in jus, ad conventum publicum, duodecimo die mensis Julii, anni M. D. XVI. vocatus, cum non paruiisset, damnatus; bonaque ejus fisco adjudicata. Ille ea (utrebatur) contumelia ferocior factus, ut metu metum discuteret, vel immixtis latronibus, vel excurrere permissis, vicinos magnis calamitatibus affecit. Adversus hos conatus decem equitum peditumque millia Proregi decreta, ut eum aut caperet; aut regno pelleret. Sed antequam ad manus veniretur, Humius, amicorum suasu, in Proregis fidem se dedit: ac Edimburgum ductus, Comiti Araniae Jacobo Hamiltonio, suæ sororis marito, datus est custodiendus, poena perduellionis denunciata, si eum dimitteret. Sed ea res præter omnium expectationem cessit. Nam Humius Hamiltonio persuasit; „Ut secum una discederet, & facta conjuratione, rerum administrationem ipse susciperet, ut qui proximus, post superioris Regis liberos, esset hæres, nempe e Jacobi Tercii sorore genitus; æquiusque esse, ut ille proximum a Rege locum teneret, quam Joannes, e fratre quidem, sed exule, natus, & cætera plane peregrinus: cum quo ne linguæ quidem commercium esset, Hæc Prorex cum rescisset, ad Hamiltonum arcem diruendam profectus, admotis machinis, intra biduum eam deditione recepit. Humius interea, factis e Marcia excursionibus, vicinisque regionibus spoliatis, Dumbari oppidi magnam partem ferro flammaque vastavit. Hæc fere eo anno gesta sunt.

VI. Veris initio accessit ad factionem rebellantium Joannes Stuartus Levinia Comes, ex Hamiltonii sorore genitus, ingensque manus amicorum & clientium ejus. Hi, capta arce Glasguensi, una cum Hamiltonio, Proregis adventum ibi præstolantur. Prorex, concilio procerum suarum partium Edimburgi habito, subitarium confecit exercitum, ac, hostibus non expectare ausis, Glasguam ingreditur, arcemque recipit. In unum bombardarium Gallum, tanquam desertorem, est animadversum: cæteris, deprecante Formano, tum pacis interprete, venia est data. Comes Levinia, post paucos dies, in gratiam est receptus: ac, ex eo die, summa fide & observantia semper erga Proregem est usus. Nec adeo diu post, primum Hamiltonius, ac non multo posterius Humius, in aulam redierunt. Eis quoque præteritorum gratia facta: sed Humio, quia sæpius rebellaverat, ægrius venia impetrata: lege etiam adjecta; „Si quid post id tempus offenderet, veterum quoque facinorum memoria renovatum iri.

VII. Ita, pace undique stabilita, Prorex ad Falcolandiam secessit. Illic cum se menses aliquot continuisset, magnis suspicionibus adversus Humium coortis, inde Edimburgum rediit. Conventu procerum ad octavum Cal. Octobris habito, Humium magnis pollicitationibus in aulam protrahere per amicos est conatus: verum, dissuadentibus pluribus; aut, si ipsi decretum esset eo proficisci, ut Gulielmum fratrem (cui, ob fortitudinem & munificentiam, prope major quam

quam ipsi erat auctoritas) domi relinqueret, consulentibus: („Proregem enim, fratre incolumi, nihil durius in ipsum consulturum, :) ille tamen, velut fatali necessitate præceps raptus, spretus amicorum admonitionibus, cum fratre Guilielmo, & Andrea Caro Farnhestio, in aulam venit: ac statim diversi in custodias dati, ex concilii sententia, paucos post dies, ad causam patrio more dicendam, producti. Nec ullum tamen novum facinus objectum. Accusavit princeps Jacobus Moraviæ Comes, de cæde patris, quem compertum erat multorum testimoniis prælio vivum excessisse. Sed cum hoc crimen, acriter objectum, parum perspicuis argumentis confirmaretur, tandem ad privata facinora recursum, & renovata superiorum motuum civilium memoria, quorum omnium aut auctor aut particeps Alexander fuisset. Opera etiam ad Fluidonem parum fideliter navata crimini datur. De iudicii sententia Humii damnati, Alexander quinto Idus octobres, frater postridie, capite luerunt. Duorum fratrum capita publice in loco maxime conspicuo ad terrorem fixa: bona publicata.

VIII. Hic finis fuit Alexandri Humii, omnium sui temporis Scotorum potentissimi: qui quanquam in vita multorum odia & æmulationem adversum se inflammaverat, tamen ejus mors, invidia senescente, multorum sermonibus varîe celebrata fuit: eoque potissimum, quod nullo novo crimine, sed Joannis Heburni Cœnobiarchæ calumniis concidisse credebatur. Homo enim factiosus, & vindictæ avidus, implacabili odio adversus Humium arserat; quod, ejus unius opera, Archiepiscopatu Fani Andreæ exclusus fuisset. Ideoque odium vêtus in tempus recondens, Proregi, jamdudum ob suspensiones Humii infenso, durioris consilii auctor fuisse existimatus: ostenso, „Quantum Regi & uni-  
„versæ rei Scoticæ periculum immineret, si, discedens ipse in Galliam, tam  
„acrem inimicum incolumem relinqueret. Quid enim eo absente ausurus non  
„esset, qui præsentis auctoritatem toties contempsisset? Ejus hominis contu-  
„maciam, quæ nec præmiis, nec honoribus, nec venia toties oblata, leniri  
„posset, ferro frangendam, si rem Scoticam salvam esse velit. Hæc atque  
hujuscemodi, cum, per speciem consulendi salutis communi, in animum sua sponte ægrum patulatim irreperent, plus putant ad mortem Humiorum, quam crimina, valuisse. Extinctis fratribus Humiis, Andreas Carus, impetrata unius noctis mora, ut de animæ salute cogitaret, per amicos, ac maxime per Gallum, apud quem asservabatur, non sine pecuniæ repræsentatæ suspitione, supplicium effugit. Alexandro tres fratres erant superstites, qui omnes variis casibus per ea tempora conflictati fuerunt. Georgius, ob cædem exul, in Anglia apud hospites latebat. Joannes Jedburgi Abbas, ultra Taum relegatus erat. David, natu minimus, qui erat Coldingamiæ Prior, biennio fere post cædem fratrum, ab Jacobo Heburno, sororis marito, per speciem colloquii evocatus, & in paratas insidias præcipitatus, interiit, magna hominum commiseratione, quod adolescens innoxius, ac summa indole, tam turpiter, a quo minime debuit, pro-

1 Auctor fuisse existimatus] Crafordius legendum suadet existimatur; ac sic potius [existimabatur] prætulerim. Verum cum

[est] non absurde hic subaudiatur, non temere sollicitanda videtur sententia.

Ooo 3

1 Ali-

proditus esset. Cum, hoc pacto, poena totam Humii domum pervagata fuisset, vertit invidia in eorum inimicos, ac potissimum in Joannem Heburnum, tam acerbum ultionis injustae exactorem. Ex unius autem familiae tam potentis calamitate, ceteris metus injectus, res ad tempus tranquilliores fecit.

IX. Decembri proximo, Prorex Regem Sterlino Edimburgum traduxit: & a proceribus Scotis veniam redeundi in Galliam petiit. Ejus postulationi prope cunctis refragantibus, <sup>1</sup>aliquot menses remansit: ac, praecipiti jam vere, sese, si major aliquis motus, qui praesentiam ipsius reposceret, oriretur, reditum pollicitus, naves conscendit, relictis, qui summæ rei praesent, Angustiae, Araniae, Argatheliae, Huntillae Comitibus; Archiepiscopis Fani Andree & Glascae: quibus adjunctus est Antonius Darsius Gallus, qui Dumbaro praeerat: cui mandaverat etiam, ut de rebus omnibus certiores se faceret. Ne qua vero ex ambitione discordia inter homines claros, in pari potestate constitutos, oriretur, suas singulis regiones attribuit. Gallo, ceteris non gravate concedentibus, <sup>2</sup>princeps inter eos locus est datus, ac Marcia, & Lothiana, cui praesent: ceterae, pro cujusque commoditate, provinciae distributae. Interea Regina, post annum fere quam in Angliam venerat, extremo mense Majo in Scotiam rediit, ac Bervico per maritum est deducta. Verum nequaquam pari atque antea concordia vixerunt.

X. Prorex quanquam discedens, ne motuum semina, se absente, suppalarent, nobilissimarum familiarum aut principes ipsos, aut eorum filios propinquosve, per speciem honoris, obsides secum duxisset, multosque in diversa loca relegatos in libera custodia reliquisset, arcibus Dumbaro, Britanno-duno, & Garviae custodes Gallos imposuisset, tamen e re parva, & unde minime metus erat, tumultus origo suborta est. Antonius Darsius, in suo magistratu, magnum aequitatis & prudentiae specimen, ac maxime in compescendis latrociniiis, exhibuerat. Primum in ejus provincia motum fecit, qui ad bellum spectaret, Gulielmus Cocburnus, Comarchi Lanctonii patruus, qui, curatoribus pupilli exclusis, arcem Lanctoniam tenebat, fretus maxime potentia Davidis Humii Vederburnii, cujus sororem Cocburnus in matrimonio habebat. Eo cum Gallus satis firmo comitatu venisset, arcemque qui intus erant dedere recusarent, cum raris equitibus expeditis adequitans David Humius, Alexandri sui propinqui eandem nefariam exprobrabat. Gallus, partim suis, diffusius, partim equo perniciosissimo, cui insidebat, confusus, se Dumbarum versus in fugam conjecit. Ibi, lapsu equi impeditum inimici affecuti, eum trucidarunt: caputque abscissum supra Humium arcem, loco conspicuo, affixerunt. Incidit ea caedes in <sup>3</sup>XII. Cal. Octobris anni M. D. XVII.

M. D.  
XVII.

Ca-

<sup>1</sup> *Aliquot menses remansit*] Exstat, in superius memoratis Jacobi V. Epistolis, trium regni Ordinum diploma primo Martii 1516, sive, ut nunc annum metimur, 1517, quo Joannem Albinæ Ducem cum amplissimis mandatis ad Franciscum Galorum Regem legatum decernant.

<sup>2</sup> *Princeps inter eos locus est datus*] Les-

leus (cui potius hac in parte assentior) eum limitibus tantum regundis praefectum tradit: neque enim Scoticae nobilitatis principes hominem peregrinum sibi praelatum aequo animo (quod Buchananus affirmat) passuros, mihi sit verisimile.

<sup>3</sup> *XII. Cal. Octob.*] *XIII. Cal. Octob.* habet Lessius.

<sup>1</sup> *Com-*

Cæteri Gubernatores congressi, cum ex hoc initio majorem motum formidarent, Comitem Araniæ principem Rectorem delegerunt: Georgium Duglassum, Angusiani Comitis fratrem, cædis nuper factæ suspectum, in Garviam custodiendum dederunt: atque in Galliam ad Proregem miserunt, qui cum in Scotiam quamprimum revocarent.

XI. Sub idem fere tempus, semina discordiarum jacta sunt inter Comitem Angusiae, & Andreæ Carum Farniheltium, ob jurisdictionem agri quidem Comitis, sed in quo jus conventuum habendorum Andreas sibi esse affirmaret. Reliqua Carorum familia Comiti, Andreæ vero Hamiltonii favebant, magis ob Duglassii odium, quam quod certum jus esse Caro arbitrarentur. Igitur, cum, sub diem conventus, in majoris, quam pro re de qua contendebatur, aleam certaminis sese utrique pararent, Joannes Somervallius, Duglassianæ factionis, juvenis nobilis & magni animi, Jacobum, Araniæ Comitis filium nothum, in itinere aggressus, quinque comitum ejus occidit, reliquos fugavit, supra triginta equos cepit.

XII. Cum Edimburgum conventus esset indictus in tertium Calendas Majas, anni millesimi quingentesimi vigesimi; Hamiltonique dicerent, „Se, „Archibaldo Duglassio præfecto, non satis in ea urbe tutos futuros; „ille, ne in mora publicis negotiis esset, sub finem mensis Martii, se magistratu sponte abdicavit. Suffectus ei indidem civis Robertus Loganus. Scottorum occidentaliū proceres, qui frequentes convenerant, in ades Jacobi Betonii Cancellarii convocati, consilium ineunt de Comite Angusiae comprehendendo: ejus enim opes nimias, & publice formidolosæ causabantur, neque, illo libero, quicquam libere decerni posse. Occasio quoque videbatur eorum cupiditati subservire, quod, propinquis nondum coactis, ipse, cum paucis clientium, facile posset opprimi, antequam amicorum auxilia coirent. Id ille cum agitari sensisset, patrum suum Galvinum Caledoniorum Episcopum ad eos misit, qui animos eorum, nulla provocatos injuria, leniret: peteretque, „Ut „sine armis & vi disceptaretur. Si quid de se queri jure vellent, se paratum ex æquo & bono satisfacere. Sed oratio habebatur apud homines, numero feroces, & viribus fretos, & ultionis cupidos. Itaque Galvinus, cum nihil æqui impetraret, declarata Angusio inimicorum superbia, familiam suam Comitem sequi jussit: ipse, ut sacerdos, & invalidus ætate, in hospitium secessit. Alii id ab eo factum interpretabantur, ut Cancellario intempestivam ostentationem exprobraret; qui, cum maxime pacis auctor esse debuisset, velut seditionis fax, volitaret armatus. Duglassius, spe concordiae abscissa, suos adhortatus: „Ut cum laude potius morerentur, quam per ignaviam se abderent in hospi- „tia,

M. D.  
XX

1 Consilium ineunt de Comite Angusia comprehendendo] Alio prorsus pacto rem narrat Lessæus, qui culpam in Angusium rejicit. Buchanan autem hac in re fides suspecta quibusdam videbitur, quod perpetuo fere Hamiltonios deprimendi studio ductus videatur.

2 Invalidus ætate] Negat Humius vitæque Galvini Duglassii ejus operibus nuper editis præmissæ auctor, cum hoc tumultu se abstinuisse quod invalidus ætate tum esset, utpote annos tum natus non amplius 46.



„tia, unde, paullo post, ad supplicium protraherentur: nam, inimicorum  
„opera, jam portas omnesque aditus praelusos. Omnibus, qui aderant, af-  
ficientibus, armatus cum suis latissimum oppidi vicum occupat. Erant autem  
ei comites circiter octoginta, sed omnes viri fortes & virtutis expertæ. Hi,  
pro loci ratione divisi; hostes per angiportuum angustias pluribus simul locis  
prodeuntes exceperunt, & primis interemtis, reliquos ruinae modo per pro-  
na retro compulerunt. Comes Araniae, dux multitudinis, cum Jacobo filio  
vadum nactus, per lacum septentrionalem evasit: reliqui fere per diversam  
urbis partem ad Dominicanos profugerunt. Hæc dum ingenti cum tumultu  
per totam urbem geruntur, Gulielmus Angusii frater cum magna clientium  
manu ingreditur. Ea multitudine Duglassius fretus, licet multiplex hostium  
numerus in urbe esset, per tubicinem tamen edicit, ne quis in publico, præ-  
ter suos amicos & clientes, armatus appareret. Cæteris petentibus, ut sine  
injuria discedere liceret, facile permissum. Abierunt autem uno agmine, præ-  
ter eos, qui fugam præceperant, equites plus minus octingenti, majore cum  
ignominia quam damno: ceciderant enim non amplius septuaginta duobus:  
sed in his viri illustres, Comitæ Araniae frater, & Eglentonii filius. Hæc ge-  
sta fuerant pridie Cal. Maji, anno millesimo quingentesimo vicesimo. Hanc  
contumeliam ut ulciscerentur Hamiltonii, Cellam Marnoci (ea Cunigamiæ arx  
est) obsederunt. Eam tenebat Robertus Bodius, Duglassianorum cliens: sed  
illinc brevi, re infecta, recessum. Proximo anno, Duglassius, ad XIII. Cal.  
Aug. assumtis Humiis exilibus, venit Edimburgum, atque Alexandri & Gu-  
lielmi Humiorum capita e publico, ubi affixa erant, detraxit.

XIII. Hoc totum fere quinquennium, a Proregis discessu usque ad ejus re-  
ditum, tumultuose actum: nec cadibus & rapinis usquam temperatum. Re-  
diit autem ad tertium Calendas Novembris anni millesimi quingentesimi vico-  
XXI. simi primi. Ut motus, per absentiam suam coortos, facilius sedaret, sta-  
tuit Duglassiorum imminuere potentiam. Angusiae Comitem, familiae clarif-  
simæ principem, in Galliam relegavit: ejus patrum, Episcopum Caledoniorum,  
Romam per Pontificem evocandum ad causam dicendam curavit. Is, pro-

1 Ruina modo] Ita Livius lib. 21, cap. 33. Inde ruina maxima modo jumenta cum oneribus devolvebantur. Et lib. 42 cap. 66. Ruina quoque similem trepidationem fecit.

2 Pridie Cal. Maji anno 1520] Omnem rerum gestarum ordinem invertunt Pitcor- tius & Andersonus, qui hunc tumultum Edimburgensem in annum conjiciunt 1515, atque ante primum Albinii in Scotiam ad- ventum accidisse volunt.

3 Romam per Pontificem evocandum ad causam dicendam curavit] Vitæ ejus scri- ptor id falsum ostendit: exstat enim in su- pra laudata Literarum Jacobi V. Syllo- ge, decretum a tribus regni Ordinibus ad- versus eum latum, quo ipsi aqua & igni

interdicitur, quod bello Scotis ab Henrico VIII. indicto, in ejus tamen regnum se con- tulisset: Porro post gravem poenam iis intentatam qui cum ope aut consilio adju- verint, hæc verba subjiciuntur: *Es cum non magis debeat alicuius hominis gratia apud sanctissimum Dominum nostrum Papam, ejus- que sacrosanctam Cardinalium Senatum vale- re, quam nostri Regis, sui que Tutoris illu- stris, totiusque regni status sincera devotio, decretum est, dictorum trium statum consi- lio, Regis & sui Tutoris literas ad sanctissimum Dominum nostrum Papam missas iri, ne præ- fatum Galvinum, sic contra Rempublicam molientem, ad Divi Andreae Archiepiscopa- tum, & Dumfermling Monasterium, nec*

ximo anno, dum Romam proficiscitur, Londini peste correptus obiit, magno suæ virtutis apud bonos desiderio relicto. Præter enim natalium splendorem, & corporis dignitatem, erant in eo multæ, ut illis temporibus, literæ, summa temperantia, & singularis animi moderatio, atque, in rebus turbulentis, inter adversas factiones, perpetua fides & auctoritas. Reliquit & ingenii & doctrinæ <sup>1</sup> non vulgaria monumenta sermone patrio conscripta.

XIV. Proximo post reditum Proregis anno, conventu Ordinum habito, exercitus, ad Edimburgum statim die adesse iussus, satis frequens convenit: qui cum in campis Rossino proximis castra posuisset, omnibus incertis quod ducerentur, per præcones denunciatum est, ut Annandiam versus pergerent, gravi poena <sup>2</sup> in abnuentes proposita. Ad Solvæum, Scotiæ limitem, satis quidem obedienter a cæteris est ventum: unus Alexander Gordonius, & qui cum sequebantur, ad tria ferme millia longius ab Anglia subsisterunt. Id cum Proregi esset nunciatum, postmodum retro ad eum venit, & ad sua castra perduxit. Ibi, convocatis proceribus, cum plurimis & gravissimis rationibus ostendisset, cur eam potissimum partem Angliæ aggredi statuisset, magna pars Nobilitatis, maxime auctore Gordonio, qui cæteros opibus & ætate antebat, ingredi omnino Angliam renuerunt, sive prava erga Proregem invidia, sive (quod maxime præ se ferebant) quia tum rei Scotiæ id expedire putabant. Causæ iactabantur, in speciem, vulgo non ingratae. „Nam, si ea opera Gallis navaretur, ne Anglus in eos totis viribus incumberet, satis ad id „videri, bellum ostentare. Sin rerum domesticarum ratio habeatur, statim „publico domi turbato, ac Rege adhuc puero, suas existimare partes, fines „veteres tueri, & regnum incolume servare. <sup>3</sup> Sin porro ire pergerent, fortuitarum etiam offensionum ipsis culpam esse subeundam, ac rei male gestæ „rationem intra paucos annos esse reddendam. Postremo, si maxime vellent & „commune periculum adversus hostem negligere, & suarum domi rationum „oblivisci, se tamen vereri, ne in hostico Scoti imperio satis audientes forent: ac maximopere cavendum, ne, vel æmulatione, vel invidia, vel recedentibus adhuc odiis, ignominia acciperetur.

XV. Prorex, qui adversando se nihil acturum videbat, consensit. Ne tamen nihil tanto conatu, ducto ad Solvæum exercitu, actum videretur, per hominem idoneum, qui in Anglia negotiari consueverat, Dacrium, Anglici limitis præfectum, admonendum curat, posse aliquid transigi, si ad colloquium veniretur. Ille, ut cui omnia imparata erant, (neque enim Scotos aut omnino, aut sal-

*eorum aliquod, contra regni privilegia, a summis pridem Pontificibus concessa, assumi commendet. Hoc autem decretum, (quod a Duglassii nominis hostibus, præcipue Jacobo Beronio, Glasguensi Archiepiscopo, qui Archiepiscopatum Fani Andree, morte Andree Formani tum vacantem, ambiebat, expressum videtur) scriptum est 21. Februarii anni 1424.*

Tom. I.

<sup>1</sup> *Non vulgaria monumenta*] In quibus principem locum facile obtinet Virgilii *Aeneis* carmine Scotico reddita, summis encomiis a viris doctis celebrata.

<sup>2</sup> *In abnuentes*] MS. *abnuentes*.

<sup>3</sup> *Sin porro ire pergerent*] Ita, non tam Crafordii jussu, quam MS. exemplo, restituiimus. Omnes autem editos codices pervasit, *Sin porro ne pergerent*.

PPP

Y Diss.

saltem per eum limitem, irrupturos expectaverat) libenter id audivit, & misso caduceatore, obtinuit, ut fide publica venire in castra posset. Postridie, viginti equitibus, in quibus maxime insignes Thomas Dacrius & Thomas Musgravus erant, comitatus, ad tentorium ducis venit, ac cæteris submotis, soli cum singulis interpretibus sunt congressi. Igitur, cum & Dacrius, rebus imparatis deprehensus, a quietis consiliis non abhorreret, & Prorex, invito exercitu, rem gerere non posset, pactis induciis, & spe pacis injecta, <sup>1</sup> discessum. Scotorum qui rebus gerendis maxime fuerant impedimento, ut culpam a se averterent, sparserunt rumores, ob pacem obtinendam, Proregi ab Dacrio pecuniam partim repræsentatam, partim promissam, ac nunquam solutam. Atque, in vulgus his profeminatis rumoribus, colloquium infamare sunt conati.

XVI. Prorex, cum VIII. Cal. Novembris discederet in Galliam, pollicitus est se ante Cal. Augusti rediturum. Eum diem cum obire non posset, quod magnam Anglorum classem, ad se excipiendum, ornatam sciret, proximo mense Junio quingento spedites Gallos præmisit; qui spe reditus propinqui interea Scotos confirmarent. Hi nusquam toto itinere hoste viſo, prope Majam, insulam in æstuario Forthæ sitam, in Anglicas naves, freti angustias obsidentes, inciderunt: ac magno edito prælio, Galli in hostium naves ingreſſi, suum quidem navarchum amiserunt. Eo cæſo, cum neque socii navales peditum ducibus parerent, nec milites, quippe rei nauticæ ignari, nautis imperare scient, ingenti Anglorum cæde facta, vix in suas naves cogi potuerunt.

XVII. Per Scoti Proregis absentiam, Thomas Havartus Surriæ Comes, ab Anglo immiſſus, ac Scotos inter se discordes, sine summo magistratu, sine certo imperio nactus, cum decem millibus mercenariorum, ac amplis auxiliis, Marciam & Teviotiam pervagatus, utriusque provinciæ arces, cum maximo potentiorum, nec levioris plebis (quæ adversus subitas incursiones hæc habebant propugnacula, in quibus se suaque servare soliti erant) damno, <sup>2</sup> everſit. Et Scotia tum ita intestinis laborabat seditionibus, ut, vicinorum calamitates nemo ad se pertinere existimaret. Angli, per aliquot menses, qua libuit sine prælio grassati, cum solviſſent exercitum, Scoti finitimi, ut aliqua ex parte accepta damna ulciſcerentur, cum assiduis incursionibus Northumbria prædas agerent, miſſus iterum adversus eos Havartus, Jedburgum oppidum, etſi (ut mos fert Scotorum) immunitum, magno cum labore, nec sine suorum vulneribus, cepit. Dum hæc in Teviotia geruntur, tantus, incertum quæ de causſa, equos Anglorum terror de nocte invaſit, ut prope quingenti, abruptis vinculis, in castra illati, obvios dejecerint, quosdam obtriverint, ac inde velut furentes egreſſi, & per agros diſperſi, paſſim prædæ Scotis fuerint. Trepidatio ingens in caſtris, atque, Ad arma, clamatum: neque ante lucem potuit tumultus ſedari. Eo quod conſecutum eſt triduo nulla re præterea geſta, Anglorum exercitus eſt dimiſſus.

XVIII.

<sup>1</sup> *Disceſſum*] Crafordius legendum vult  
[*disceſſum eſt*.]

<sup>2</sup> *Everſit*] Hanc vocem, ad ſenſum ne-

ceſſariam, omnibus tamen libris deſideratam, Crafordii monitu reſpoſuimus.

XVIII. Dux Albinus, cum omnes portus Gallici littoris obsessos ab Anglis, qui reditum ejus in Scotiam observare jussi erant, sciret; quibus impar viribus erat, arte statuit eludere. Classem suam nullum in unum locum contraxit, sed per varios portus ita sparsam tenebat, ut nullam bellici apparatus speciem præferret, milites in locis mediterraneis ita collocarat, ut nihil minus, quam de navigando, cogitare videretur. Anglicæ classis præfectus, qui ad eum excipiendum, usque ad Idus Augusti frustra toto mari volitaverat, per exploratores certior factus, neque classem, neque exercitum toto littore Gallico parari, ratus eum nihil ante ver proximum moturum, naves subduxit. Dux Albinus, hostium discessu cognito, repente quinquaginta navium classe contracta, ac tribus millibus peditum, centumque cataphractis impositis, post æquinoctium autumnii e Gallia solvit: ac Octavo Calendas Octobris Aranam insulam tenuit; eodem forte die, quo Jedburgum ab Anglis est crematum.

XIX. Ostendimus, quam miserabilis, æstate superiore, fuerit rerum Scotticarum status, proceribus inter se dissidentibus, Anglo proxima sibi omni belli clade devastante, ac mari obsessa, spe omni externi auxilii sublata. Hostis autem consilium eo spectabat, ut feroces Scottorum animos, malis fractos, ad paciscendum secum cogeret. Nec segnius etiam Scoti factionis Gallis adversæ laborabant, ut perpetuum cum Anglo foedus iniretur, Regina principe. Nam, cum Humius morte sublatus, Daglathius relegatus esset, cæterique magis idonei comites, quam ad res suscipiendas duces haberentur, quicumque alieno adversus Gallos erant animo, se ad Reginam applicarant. Illa pariter, ut fratri gratificaretur, & imperii vim ad se traheret, dissimulata cupiditate privata, hortabatur; „Ut filium, jam prope puberem, e peregrinorum manibus, & se ab externo jugo liberarent. Prospiciebat etiam Regina, adversus maritum, quem jamdudum cœperat odisse, præsidia. Anglus etiam, frequentibus ad proceres Scottorum literis & pollicitationibus, consilium sororis promovebat: „Per se enim non stetisse, quo minus æterna inter vicina regna esset amicitia: idque se, cum alias, tum nunc maxime cupere, nullo rerum suarum respectu, sed ut omnes intelligerent, se sororis filium amplecti, tueri, & quibus posset commodis amplificare velle. Quod si Scoti in animum inducerent, soluto cum Gallis foedere, sese Anglis conjungere, brevi cognituros, quam nec ambitioni, nec potentiae, sed uni concordiae fluderet, Maria filia unica Jacobo collocata: quo matrimonio, non Scoti Anglorum, sed Angli Scottorum imperio accederent. Odia non minora inter alias gentes intercessisse, quæ & affinitatibus, & rerum necessariorum commercio, & mutuis beneficiis, extincta & prorsus abolita fuerint. Commemorantur ab aliis commoda & incommoda, quæ ex utraque amicitia redundare possent. „Alteram esse gentem in eadem terra natam, sub eodem cœli tractu educatam, lingua, moribus, legibus, institutis, vultu, colore, lineamenti corporis adeo similem, ut magis una, quam diversæ nationes videantur: alteram non magis cœlo & solo, quam omni vitæ cultu differentem; præterea quæ nec magnum, si hostis esset, detrimentum Scotis pos-



„set afferre, nec, si esset amica, emolumentum. Anglum in propinquo,  
 „Gallica auxilia longinqua esse. Iter unum per mare, quod & ab hostibus oc-  
 „cludi, & tempestatibus impediri posset. Considerarent itaque, quam ad mo-  
 „menta rerum gerendarum esset incommodum, & ad salutem tuendam intu-  
 „tum, spem omnem salutis a vento suspensam habere, & in elementi incon-  
 „stantissimi arbitrio sui status incolumitatem collocare. Quantum auxilii in-  
 „amicis absentibus, adversus præsentia pericula, esset, si unquam alias, cer-  
 „te hac ipsa æstate, non modo intelligi, sed oculis spectari potuisse, cum  
 „Anglus hinc nos, ab amicis desertos, ferret, ageret, totisque viribus in-  
 „perniciem nostram incumberet; illinc auxilia, sæpe promissa ac diu sperata,  
 „teneret classibus suis obseffa.

XX. Hæc cum pro foedere Anglico disputarentur, ac non pauci in eam  
 sententiam ituri essent, multi contra differebant. Erant enim, in eo conven-  
 tu, plerique Gallicis largitionibus præoccupati, nonnulli etiam, qui, quod  
 e publicis detrimentis sua comparabant emolumenta, omnino a pace abhorre-  
 bant. Nec deerant, quibus Angli in pollicendo facilitas esset suspecta, præ-  
 sertim cum res Anglica tum potissimum penderet ex arbitrio Thomæ Volfæi  
 Cardinalis, viri pravi & ambitiosi, & qui consilia omnia ad suam privatim  
 auctoritatem & dignitatem ampliandam referret; ideoque ea ad omnem fortu-  
 næ flatum accommodaret. Hi tum omnes, diversis rationibus adducti, sed  
 pari studio tamen, Gallicum foedus tuebantur: negabantque; „Repentinam  
 „illam hostis liberalitatem esse gratuitam. Nec nunc primum Anglos illis ar-  
 „tibus, ad incautos homines decipiendos, uti. Eduardum Primum juratum,  
 „& omnibus legum vinculis constrictum, ad litem dirimendam arbitrum ele-  
 „ctum, sese, per summam injuriam, Regem Scotorum creasse: nuper etiam  
 „Eduardum Quartum Cæciliam filiam Jacobi Tertii filio despondisse: cum  
 „autem puella nubendo maturuisset, nuptias prope paratas, occasione belli ex  
 „nostris domesticis dissidiis arrepta, dissolvissè. Neque nunc aliud Anglum  
 „querere, quam ut, injecta spe vana dominatus, nos in veram servitutem rapi-  
 „piat, ac destitutos externis auxiliis, tot virium suarum molimine incautos  
 „opprimat. Nec illud quidem, in quo exultat eorum oratio, verum; tu-  
 „tioresse propinquam, quam longinquam amicitiam. Dissensionum enim  
 „causas inter vicinos nunquam defuturas: quas sæpenumero casus gignat, &  
 „potentiores non raro, levi occasione oblata, ferant. Concordiæ leges, qui  
 „superior in armorum erit certamine, pro suo arbitrio præscribet. Neque un-  
 „quam inter finitima regna tam sanctum fuisse amicitiae vinculum, quod non,  
 „vel oblatis occasionibus, vel quæsitis causis, sæpissime violaretur: neque spe-  
 „randum Anglos nunc magis a nobis violandis temperaturos, quam a tot sui  
 „sanguinis Regibus abstinerint. Foederum enim sanctitas, & jurisjurandi reli-  
 „gio, & pactorum & conventorum fides, inter bonos firmissima sunt vincula;  
 „inter malos, oblata commoditate ad fallendum, retia: hæc autem commo-  
 „ditas in finium propinquitate, & linguæ commercio, & vitæ cultu non dis-  
 „simili, vel maxime sita est. Quod si hæc omnia longe secus haberent, duo  
 „tamen nobis providenda sunt, alterum, ne veteres amicos, sæpe de nobis

„bene

„bene meritos, inauditos rejiciamus, alterum: ne, frustra altercando, tem-  
 „pus hic teramus, ea præsertim de re, de qua nihil, nisi in omnium Ordinum  
 „coventu, constitui potest. Hoc maxime pacto Gallicæ factionis homines  
 tenuerunt, ne quicquam, ante certos de Gallorum auxiliis nuncios, decerne-  
 retur.

XXI. Adventus Proregis divulgatus amicos magna lætitia affectit, dubios  
 confirmavit, & multos, ad fœdus Anglicum proclives, retinuit. Ille, appa-  
 ratu belli adverso flumine Glotta Glascuam missio, recensuit ibi exercitum, ac  
 præmissio edicto, ut Nobilitas Edinburgi præsto esset, luculenta oratione apud  
 eos habita, laudat eorum constantiam in antiquo fœdere conservando, & ad-  
 versus Anglorum perfidiosas pollicitationes providentiam: multa magnifice  
 commemorat de Francisci Regis erga Scotorum gentem animo, studio, & li-  
 beralitate: hortatur; „Ut, simultatibus depositis, dum externa adsunt auxi-  
 „lia, acceptas ulciscantur injurias, & insigni damno insolentiam hostis repri-  
 „mant.

XXII. Per hos dies, refecto milite, & Scotorum copiis adjunctis, ad li-  
 mitem pervenit, ad undecimum Calendas Novembris. Sed cum, jam Angliam  
 ingressurus, ponte ligneo, qui est ad Mulrossiam, copiarum partem majorem  
 traduxisset, Scotis eadem causantibus, quæ superiore expeditione ad Solværum  
 prætenderant, ac Angliam ingredi renuentibus, transgressos amnem eadem via  
 reduxit: atque paullo infra, ad sinistram Tuedæ ripam, positis castris, Ver-  
 cam arcem, ad dextram ex adverso sitam, oppugnare est aggressus. Equites  
 interea, trans amnem missi, aditus omnes obsidebant, ne qua inclusis auxilia  
 intromitterentur: vicinum agrum ferro flammaque vastabant. Arcis hæc forma  
 est. Turris munitissima in intima area in magnam assurgit altitudinem: eam du-  
 plex murus ambit, exterior latum amplexus spatium, in quod, belli tempore,  
 rustici solebant confugere, ac pecora fructulque agrorum conferre: interior  
 multo angustior, sed, fossis circumductis, & turribus excitatis, munitior.  
 Exteriorem ambitum cum Galli cepissent per vim, Angli, immisso in horrea  
 atque stramenta, quæ in eis erant, igne, flamma fumoque eos exegerunt. Bi-  
 duo deinde proximo, interiore muro tormentis converberato, postquam satis  
 facilis aditus patefactus videbatur, iterum Galli rem aggressi, per ruinas quidem  
 strenue transcenderunt, sed cum ex arce intima, adhuc integra, omni genere  
 telorum ipsi ad omnes ictus expositi peterentur, paucis suorum amissis, ejecti  
 ad exercitum, trans flumen redierunt.

XXIII. Prorex, cum & Scotorum animos a rebus gerendis videret aversos,  
 & pro certo comperisset, copias Anglorum numerosissimas, nempe in quibus  
 ipsi scribant quadraginta millia armatorum fuisse, ac præterea millia sex ad  
 Bervici oppidi propinqui custodiam relicta, tertio Id. Novembris castra mo-  
 vit ad Cœnobium Monacharum, (Ecclesiam vocant) ad sex ab eo, ubi con-  
 federat, loco passuum millia. Inde, de tertia vigilia, Lauderam profectus,  
 iti-

1 Scotorum copiis adjunctis] Hæc expe-  
 ditioni Buchananus ipse, tum juvenis ad-

modum, interfuit, ut ipse in vita sua te-  
 statur.

itinere nocturno, propter subitum nivis casum hominibus & jumentis vehementer afflictis. Eadem vis tempestatis effecit, ut Angli, nulla re gesta, soluto exercitu, domos discederent. Hiemis reliquum prope quietum fuit. Adulto jam vere, Prorex in conventu Nobilitatis causas explicavit, cur sibi in Galliam redeundum esset: verum ante Calendas Septembris se rediturum pollicebatur. Ab eis vicissim petiit; „Ut interea Rex se Sterlini contineret: nec pacem, aut inducias, ante suum reditum, cum Anglis faceret: neque quicquam in administratione regni innovaret. Id cum sancte ei promissum fuisset, ad XIII. Cal. Junii cum suis e Scotia solvit.

XXIV. Absente Prorege, cum omnes omnia non modo impune dicerent, sed facerent, agerent, ferrent, raperent; Rex adhuc impubes, matre, Comitibus Araniæ, Levinæ, Crafordiæ, compluribusque aliis supremi ordinis nobilibus auctoribus, Sterlino Edimburgum venit ad IV. Cal. Aug. Primoribus in Regiam ad Sanctæ Crucis coactis, de consilio eorum regni administrationem Rex suscepit: ac postridie omnes novo sacramento in suum nomen

1 Ad IV. Cal. Aug.] VII. Cal. Aug. habent Lessus & Holinsheadius.

2 Primoribus in Regiam] Significare hic videtur Buchananus Jacobum V. regni administrationem IV. Cal. Aug. anni 1524 suscepisse: quod tamen a vero abesse monstrant ipsius Regis ad Albinæ Ducem litteræ, quas, quod rerum Scotticarum tum statum breviter exponant, nec ineleganti stylo sint scriptæ, non indignas, quæ hic Lectorum oculis subjiciantur, putavi.

„JACOBUS Dei gratia Rex Scottorum,  
„Illustri Principi Joanni Albanæ Duci  
„salutem. Quum ultimo hinc esses enavigaturus, consanguineæ noster charissime, pollicitus es, te ante Calendas proximi tunc Septembris isthuc rediturum; sique id minus ad præstitutum contulisset diem, consulisti, Regiam majestatem & rerum summam nobis esse deferendam. Itaque post lapsum diem, postque omnem reditus tui expectationem intercisam, omnes regni nostri status, externa & domestica agre ferentes mala, putarunt hoc regnum, capite truncum, diuturnum non futurum. Quare iidem status, tuum consilium commodissime secuti, in publico frequentique confesso, nos veluti nativum germanumque Regem, Regique majestatis caput, ceteris membris præferunt: charissimam quoque vobis matrem, ac viros prudentem

„tia & auctoritate summos, qui nobis in regni administratione rerumque exterarum consultatione perpetuo adint, adjunxerunt: quam regni formam tibi summe placitaram non dubitamus. Sed illud, consanguineæ charissime, omnibus satis cognitum est, tibi vero maxime, quam imparatos nos plerumque adoriantur hostes. Ea de causa eorum insultus sæpius perpeffi, pluresque in posterum metuentes, arcem nostram de Dunbar, ac tormenta bellica quæ tuo nomine a præsidio Gallico occupantur, pluries per Heraldum, leniter quidem, sed incassum exposcimus. Quare te oratum volumus, ut per tuas litteras tuo præsidio mandes nobis arcem nostram & tormenta quam placidissime restituere. Cæterum speramus te eodem erga nos animo nostrumque regnum perseveraturum, quo multis ante annis, & hic & in Galliis, nostri regni & majestatem & negotia curasti: nos vero pro viribus similem tibi præstabimus animum, chariorem enim te, aut sanguine nobis magis junctum, habemus neminem. In optatos successus, consanguineæ illustris, diu vivas. Ex opido nostro Edimburgensi, tertio Idus Decembris, anno supra millesimum & quingentesimum vigesimo quarto. Vide Epist. Jacobi V. in Biblioth. Jurid. Edimb. 1 Rex suscepit] Ita MS. & princeps editio Edimb. at receptiores vocem [Rex]

adegit. Qui publicam functionem aut procurationem habebant, universos, juris usurpandi causâ, exauetoravit: ac, paucis post diebus, omnes in pristinum, unde dejecti erant, locum restituit. Magno procerum numero<sup>1</sup> ad XX. Aug. diem convocato, ut imperium, quod ipse jam usurpaverat, Proregi abrogaret, cum splendida (ut moris est) pompa, in publicum urbis prætorium processit. Fani Andreæ & Abredoniæ Episcopi, qui soli dissentiebant, & Calendas Septembres expectandas censebant, in custodiam dati. Illi, ut suis se armis ulciscerentur, omnibus per suas jurisdictiones sacrorum usu interdicunt: verum, post alterum fere mentem, Rege placato, in pristinum gratiæ locum restituti fuerunt.

XXV. Circa idem fere tempus, Archibaldus Duglassius (quem in Galliam relegatum diximus) præmissis Simone Pennango, homine acri, & cui plurimum fidebat, egit cum Rege Anglorum, ut<sup>2</sup> per ejus ditionem tuto redire domum liceret. Anglus, qui Ducis Albini hominis impigri auctoritatem imminui non moleste ferebat, ac rerum Scotticarum mutationem libens audiebat, Comitem advenientem benevole accepit, & liberaliter dimisit. Ejus autem reditus Scottorum animos varie affecit. Nam, cum ad Reginae & Comitis Araniæ arbitrium negotia publica gererentur, magna Nobiliorum pars, cujus principes erant Joannes Stuartus Leviniae, & Calenus Cambellus Argatheliæ, Comites, se ad nullam curæ publicæ partem recipi, iniquo animo ferentes, cum ingenti gratulatione Duglassium receperunt: ut cujus auxilio vel potentiam factionis adversæ ad se traducerent, vel certe fastum reprimerent. Contra, Regina, quæ (uti dictum est) animum a marito averterat, ejus adventu commota, omnibus machinis eum oppugnare instituit. Hamiltonius quoque, ex residuo odio, ei non modo infensus, sed etiam metuens, ne a Duglassio, quem secundo loco non fore contentum sciebat, in ordinem redigeretur, adversus eum, velut pro dominatione retinenda, totis viribus contendebat. Hi cum in arce Edimburgensi se continerent, nec ignorarent, multos procerum rerum novarum esse cupidos, tamen & loco munitissimo, & Regis quamlibet inermi auctoritate confisi, a vi sibi tuti videbantur. Pars adversa, coacto majore Nobilitatis numero, tres e suis eligunt Regis & regni custodes, Archibaldum Duglassium Anguliæ, Joannem Stuartum Leviniae, & Calenum Cambellum Ar-

ga-

[Rex] utpote minus necessariam, delendam censuerunt.

1 Ad XX. Augusti diem] Ex modo descriptis Jacobi V. literis, legatiquè insuper ad Franciscum I. Galliarum Regem eodem tempore missis mandatis, plane apparet, Jacobum V. tum 13 ætatis annum agentem, non ante regni administrationem suscepisse, quam elapsæ essent Calendæ Septembris, quibus se Albinus reditum promiserat. *Ibid.* Id vero clarius adhuc elucescit ex ipsis Convenus publici 14 Novemb. 1524 habiti Actis,

cujus statim initio hoc decretum occurrit: *A Rege regniq; Ordinibus est statutum, ut cum Joannes Albinæ Dux in Galliis absens, ad præstitas Kal. Septembris, cum auxiliis Gallicis, quæ in regni defensionem se cum adducturum promiserat, non sit reversus, Rex ipse suis auspiciis, charissimæq; matris consilio, regnum deinceps administraret.* Vide Observat. ex Actis publ. in Biblioth. Jurid. Edimb.

2 Per ejus ditionem] Vide supra ad Lib. 1. cap. 43.

1 Episco-



gathelicae, Comites. Hi, celeritate summa usi, primum transmissis Forthae, Jacobum Betonium, summa prudentia virum, perspectis factionis opibus recusare non ausum, sibi adiungunt. Inde Sterlinum profecti, ministeriis & procuratoribus publicis ad suae factionis homines translatis, Edimburgum, nullis praefidiis munitum, sine vi ingrediuntur: arcem, levi aggere circumjecto, obsident. Qui intus erant, nulla re ad obsidionem tolerandam satis provisâ, & illam & sese dedunt. Caeteris, praeter Regem, dimissis, omne curae publicae pondus in tres, quos diximus, Comites transferunt, ea lege, ut singuli per ordinem quaternos menses apud Regem essent.

XXVI. Sed ea societas nec fida, nec diuturna fuit. Duglassius primis mensibus ad aulam regendam adhibitus, Regem in aedes Archiepiscopi Fani Andreae induxit: & suppellectili ejus & re familiari pro sua (nam ab eis jam de fecerat) usus est: & quo magis animum Regis sibi devinciret, omnibus voluptatum illecebris eum imbui permisit. Nec tamen propositum tenuit; ministris domesticis Regis ab adversa factione, cujus principes erant Regina & Hamiltonius, corruptis. Prima animorum in aula alienatio fuit, ob sacerdotiorum divisionem, Duglassius omnia ad se trahentibus. Georgio Crichtonio, ad Episcopatum Caledoniae translato, Cœnobium Sanctae Crucis suburbanum, ab eo relictum, Duglassius Gulielmo fratri donavit, qui Coldingamiam, ad sex a Bervico millia passuum, jam quintum annum, a cæde Roberti Blacateri postremi Abbatis, per vim tenuerat: nam a Pontifice Romano id Cœnobium, consentiente Joanne Prorege, acceperat Patricius Blacaterus, Roberti frater patruelis. Is etiam litem intenderat Joanni Humio, familiari Comitis Angusiae, & sororis filiae marito, de veteri Blacaterorum patrimonio universo. Igitur Patricius, opibus Duglassianorum impar, sua adversariis esse praedae patiebatur: sese vero procul ab regionibus eorum factioni obnoxiiis, apud materni generis propinquos, melioribus temporibus reservabat. Duglassiani, etsi Patricium facile contemnebant, tamen, cum rerum gubernaculum tenerent, ut maculam illam, aliena violenter obtinendi, eluerent, cum per amicos aliqua ratione placare contendunt: cumque ille non alienum a concordia se ostenderet, ac multum de suo jure paratus esset remittere, accepta fide publica, per diploma missum a Duglassio, cum Edimburgum cum paucis & inermibus veniret, non procul ab urbis porta, ab Joanne Humio, ex insidiis erumpente, est interemptus. Ejus facinoris fama cum urbem pervasisset, multi, consensu equis, ut percussores comprehenderent, aliquot millia passuum secuti, animadverso, Georgium Duglassium Comitis fratrem in suo coetu esse, ac multos praeterea Duglassianos, & Humii propinquos, incerti quo animo illi essent, utrum ut caperent, an ut tuerentur, caedis auctores sequi ulterius decesserunt. Adversis passim de Duglassio rumores ferebantur. Jam Calenus Cambel-

lus

[Episcopatum Caledoniae] Caledoniorum rescribi jubet Crafordius, ut Lib. VIII. 44. IX. 7. & XIV. 13. Verum cum ipse Buchan. Lib. 1. 25. & alibi, oppidum Caledoniam, populum Caledonios appellet, nihil causae ob stare videtur, quo minus nunc Caledonia, nunc Caledoniorum Episcopus vocetur, pari jure quo Anglia vel Anglorum Regem appellare solemus.

1 La

lus se ab illo velut triumviratu subtraxerat: & <sup>1</sup>Levinus, etsi Regem sequebatur, Duglassius tamen munera publica & emolumenta ad se trahentibus, animi ab eis alienati multa indicia dabat. Verum illi, opibus suis freti, rumores & indignationes aliorum parvi faciebant.

XXVII. Rex inter hæc, etsi indulgentius, quam decebat, haberetur, ut ea licentia infirmus adhuc animus teneretur, tamen paullatim & eorum imperii pertæsus, &, ministris domesticis, partim vere, partim falso, Duglassiorum acta vellicantibus, & dubia in pejus interpretantibus, alienatus, inter familiares, quibus audebat consilia secretiora credere, de se vindicando in libertatem occulte differebat. Unus e proceribus Joannes Levinæ Comes erat, cui aperire intimas cogitationes non timeret: erat enim, præter alias animi & corporis virtutes, ore probo, & naturali quadam suavitate morum ad homines conciliandos egregie compositus. Eo igitur in conscientiam assumpto, dum de tempore, loco, & ratione rei perficiendæ consultatur, Duglassius, multis expeditionibus, ad latrocinia coërcenda, sed non magno successu, factis, tandem circa finem Julii, Regem in Tevotiam ducere statuit, ejus præsentiam ad terrorem injiciendum aliquid profuturam ratus. Jedburgi conventu habito, principes familiarum, ex omni circa regione ad se vocatos, Rex jubet, suæ quemque gentis facinorosos, quorum nomina eis edidit, exhibere: quibus graviter parentibus, multi latronum duces supplicio affecti: multis, in spem vitæ in melius mutandæ, venia data. Ibi in lætitiâ solutis omnium animis, qui Regem Duglassius eripere conabantur, eis opportunum visum est, ut conata perficerent, quod Valterus Scotus, qui non longe a Jedburgo habitabat, magnas in regionibus propinquis clientelas habebat. Rei gerendæ ratio sic inita erat, ut Valterus Regem domum suam invitaret, ibique non invitum detineret, dum majores ad rei famam copię convenirent. Id consilium, sive forte fortuna, sive alicunde emanante indicio, discussum videbatur, Rege retro ad Mulrosiam ducto. Verum Valterus, nihil ea re segnior, recta ad Regem ire pergit. Cum jam non longe abesset, trepidus ad Duglassios nuncius affertur; „Valterum, cum ingenti armatorum manu, ipsum armatum advenire: nec dubium esse, quin homo factiosus ac manu promptus aliquid mali machinaretur. Ibi statim magno cum tumultu ad arma concursum. Duglassius, etsi numero esset inferior, tamen, cum suis delectos circa se haberet, reliquos vero ex Humiorum & Carorum familia, cum principibus suis Georgio Humio & Andrea Caro, viros fortes, pugnæ fortunam experiri statuit. In ipso temporis articulo, pene in mora fuit Georgius Humius, qui Duglassio jubente, ut ex equo descenderet, & partem pugnæ capefferet; „Se, si Rex juberet, descensurum, respondit. Concursum est magnis utrinque animis, ut quibus Rex (præmium certaminis) spectator esset. Joannes Stuartus prope Regem otiosus pugnæ arbiter stetit. Post acrem conflictum, vulnerato Valtero, ejus clientes loco cesserunt. Quo minus ex ea victoria solida lætitiâ Duglassiani fruerentur, fecit mors

Andræ

<sup>1</sup> Levinus] Ita MS. & alibi semper editi codices, quibus tamen omnibus hic male irrepsit [Levinianus.]

Andreas Cari, propter virtutes utrique partium vehementer desiderati. Ex ejus cæde, diuturnum odium inter Carorum & Scotorum familias est ortum, nec sine sanguine restinctum. Ex eo, Joannes Stuartus, qui se in conflictu ambiguum gesserat, Duglassiis ante suspectus, jam vero manifestus hostis habitus, ex aula discessit. Hæc gesta sunt ad VIII. Calendas Augusti, anno millesimo quingentesimo vicesimo sexto.

M. D.  
XXVI.

XXVIII. Duglassiani, multorum se obnoxios invidiæ cernentes, ut factionem suam nova virium accessione confirmarent, Hamiltoniorum gentem, & opibus & multitudine gentilium longe florentissimam, sed ab aula jam diu remotam, compositis ex vetere odio dissidiis, in partem curæ publicæ asciscunt. Ex adverso, Joannes Stuartus, multorum impensio erga se favore fretus, ac Regiis etiam literis occulte impetratis ad principes Nobilitatis, quos rem silentio tecturos sperabat, suas partes magnis accessionibus auget. Igitur cum Sterlini suæ factionis hominum conventum haberet, præsentem Jacobo Betonio, cum nonnullis Episcopis, ac multis nobiliorum familiarum principibus, jam palam ad concilium refert, de Rege in libertatem vindicando. Id cum magno consensu decretum esset, quanquam dies a Levinio dictus ad conveniendum nondum advenerat, tamen, quia Linnuchi Hamiltonios ad iter impediendum congregatos audierat, 'consultissimum visum est, eos, antequam Duglassiis jungerentur, aggredi: cum ea, quam habebat, manu, recta illuc iter intendit. Cæterum Hamiltonii, cum rescissent, Joannem summo mane, eo die, Sterlinomoturum, Duglassios Edimburgo evocaverant. Illos vero, præter alia impedimenta, Rex etiam nonnihil retinebat, qui, simulata valetudine adversa, & tardius lecto surrexerat, & lentius progrediebatur, & per viam, velut alvo soluta, ut ad necessaria naturæ diverteret, quascunque poterat moras necebat. Georgius Duglassius, cum blandiendo ad iter accelerandum nihil proficeret, „Potius inquit, quam te hostes nobis eripiant, altera dicerpti corporis pars „penes nos manebit.

XXIX. Id verbum altius, quam pro ætate, in Regis animum descendit: itaque Duglassiis exulibus, post multos annos, cum erga cæteros non admodum esset iniquus, de reconciliatione cum Georgio neminem unquam audire voluit. Hamiltonii, inter metum hostium imminantium, & spem adventantis auxilii, ad Avenni fluminis pontem (qui circiter mille passus ab Linnucho abest) sese instruxerant: & pontem quidem levi præsidio obtinebant: reliquos in supercilio collium, qua hostem venturum sciebant, objecerunt. Levinius, præcluso per pontem transitu, paullo-supra eum, ad Monacharum familiam, (Manuelem vocant) modicis aquis fluentem amnem suos transire jubet, & Hamiltonios e collibus dejicere, priusquam Duglassii advenirent. Leviniani cum

per

I Consultissimum visum est] Concinnius forte sic incederet sententia: Quanquam dies a Levinio dictus a. c. u. a. tamen, quia Linnuchi Hamiltonios a. i. i. c. audierat, consultissimum ratus, eos antequam Duglassiis jungerentur aggredi, cum ea, quam

habebat, manu, recta illuc iter intendit. Vel sic — consultissimum visum est, eos, antequam Duglassiis jungerentur, aggredi: cum ea igitur quam habebat manu, &c.

I Eum

per æqua & iniqua ad hostem contendissent, ac, lapidibus e superiore loco dejectis male accepti, jam ad manus venissent, clamor exortus est de Duglassiorum adventu: atque una ipsi de itinere in aciem accurrentes, prælii fortunam non dubiam fecerunt. Leviniani, cum multis vulneribus, in fugam compulsi. Hamiltonii, ac præter cæteros Jacobus nothus, crudeliter victoriam exercuerunt. Gulielmus Cunigamius, Comitis Glencarniæ filius, multis plagis faucius, a Duglassiis propinquis suis est servatus. Joannem Stuartum occisum Comes Araniæ, ejus avunculus, multis lacrymis, & Duglassius luctu & mœstitia, sed longe supra alios Rex est prosecutus: qui, conflictu ex clamore & tumultu cognito, præmiserat Andreæ Silvium Largoum, familiarem suum, sed serum re peracta auxilium, ut vitæ Levinii Comitis, si qua ratione posset, prospiceret.

XXX. Post hanc victoriam, factio Duglassianorum, ut metu injecto æmulos perpetuo sibi obnoxios haberet, quæstionem decrevit in eos, qui adversus Regem arma sumissent. Ejus quæstionis metu, alii pecunia cum eis deciderunt: nonnulli in clientelam, partim Duglassiorum, partim Hamiltoniorum, se tradiderunt: pertinaciores in jus vocabantur. Ex eo numero Gilbertus Castilissæ Comes, cum ab Jacobo Hamiltonio notho premeretur, ut se in clientelam Hamiltoniorum dederet, vir magni animi respondit: „Vetus amicitiae, foedus ab utriusque avis factum: quo in foedere suus avus, velut honoratior, semper prior nominatur. Neque se nunc adeo decoris familiae oblitum, aut a majoribus degenerem videri velle, ut in eorum clientelam (hoc est, proximum servituti gradum) sponte concedat, quorum princeps, in æquo societatis foedere faciendo, secundo fuerit loco contentus. Igitur cum, die dicta, Gilbertus ad causam dicendam adesse juberetur, Hugo Kennedus, ejus propinquus, respondit; „Eum non contra Regem, sed a Rege missum, eo in prælio affuisse: ac, multum frementibus adversus ejus audaciam Hamiltoniis, Regias, si sit opus, se literas prolaturum, affirmavit. Rex enim, cum ad alios complures, tum ad Gilbertum, domum abeuntem, scripserat, ut Joanni Stuarto se conjungeret. Ille, cum jam certamen videret instare, nec spatium sibi relinqui, ad amicos & clientes convocandos, ex itinere cum familia, quæ tum aderat, Sterlinum divertit. Igitur impotentia Hamiltoniorum in eo judicio paullum repressa, Jacobus nothus, gravissimo in Kennedum odio incitatus, eum intra paucos dies, per Hugonem Cambellum Aerenensis diocesis præfectum, in reditu tollendum curavit. Hugo, ut sceleris, quod clientibus commiserat, conscientiam dissimularet, quo die cædes facta fuerat, apud Joannem Areskinum, cujus uxor soror erat uxoris Gilberti Kennedi, fuit. Ea, statim facinore audito, multis verbis acerbe ei scelus exprobravit. Ita nobilissima Kennedorum familia prope ad interitum redacta est. <sup>1</sup>Comitis occisi filius, adhuc

<sup>1</sup> Eum — tollendum curavit] Ejus acerbam mortem eleganti Epitaphio dolet ipse Buchananus. Lib. II. Epigram. 19. Vide quæ nos ad Buchanani vitam annotavimus, ad Ann. 1529.

<sup>2</sup> Comitis occisi filius] Gilbertus Kennedus III. Castilissæ Comes, qui altero post anno in Galliam profectus, ac Georgii Buchanani ingenio & consuetudine oblectatus, eum quinquennium secum retinuit.



adhuc impubes, ad propinquum suum Archibaldum Duglassium, tum Quæstorem Regium, confugit: suamque & familiæ salutem ei commendavit: benigneque ab eo receptus, ob altam indolem, gener est destinatus. Hugo Cambellus, in jus vocatus, cum sceleris manifesti teneretur, solum vertit. Nec minus acriter Duglassii suam in Jacobum Betonium exereuerunt iram. Copiis enim ad Fanum Andreæ ductis, arcem Episcopi, quem omnium consiliorum auctorem Comiti Levinio fuisse arguebant, expugnarunt ac diripuerunt. Ipse, quoniam nemo palam eum tueri audebat, mutando sæpe latebras, periculum effugit. Pari quoque dissimulatione, Regina, ne in mariti, quem oderat, manum veniret, solitudine sese tegebat.

M. D.  
XXVII.

XXXI. Proximo vere ineunte, Duglassius expeditionem in Lidaliam fecit: multos latrones in casulis inopinantes oppressit: ac, antequam se colligere possent, occidit: captorum duodecim suspendio peremit: totidem obsidum loco retinuit: in quos, paucis post mensibus, cum eorum propinqui latrociniis non abstinere, animadvertit. Accidit in ejus expeditionis initio, res in primis memorabilis, quam ob facinoris novitatem non censui prætereundam. Fuerat, in stabulo Joannis Stuarti, homo humili loco natus, ac ministerio perinde humili ad curandos equos adhibitus. Is cum, occiso ab Hamiltoniis patrono, aliquamdiu vagus & incertus consilii oberrasset, tandem, animo confirmato majus, quam pro fortuna & loco, unde erat, facinus patrare decrevit. Nani Edimburgum ad destinatam patroni mortui ultionem profectus, forte occurrit ejusdem fortunæ & familiæ homini: rogat; „Vidissetne Jacobum Hamiltonium nothum in urbe. Cum ille fassus esset, „Vidisti, inquit, hominum „ingratissime, & non peremisti sceleratum illum, qui optimum nostrum patrum trucidavit? Abi, quo dignus es, in maximam malam crucem: „ac tantum locutus, se, quo iter intenderat, proripiens, recta in aulam perrexit. Erant ibi in area ampla, quæ ante palatium suburbanum est, ad duo milia hominum armata, ex Duglassiorum & Hamiltoniorum clientibus, ad eam, de qua diximus, expeditionem parata. Hic ille patroni vindex, cæteris neglectis, in unum Hamiltonium oculis animoque intentis, tum sine armis penulatum ex area egredientem conspicatus, in fornice oblongo, & paullo obscuriore, qui portæ est impositus, in eum involat, ac sex vulnera (quorum quædam prope ad vitalia penetrabant, alia Jacobus, flexu corporis, & obiecta penula, pene effugerat) infligit, statimque sese in turbam retro conjicit. Repente orto tumultu, cum Hamiltoniorum quidam suspicarentur, a Duglassianis, veteris odii nondum oblitis, tam atrox facinus patratum, nihil proprius factum est, quam ut hæ factiones inter se confingerent. Tandem compressa paulum trepidatione, jussi omnes, qui aderant, ad parietes areæ circumjectos ordine simplice secedere. Percussor ibi, cruentum ferrum adhuc tenens, est deprehensus. Interrogatus, „Unde esset, & cur illuc venisset, „cum non satis constanter responderet, ad carcerem tractus, representatis tormentis, statim fassus est, „In ultionem cædis patroni facinus a se susceptum: hoc

atque in Scotiam anno 1534 una reduxit. Vide Buchan, vir. loc. cit.

1 Da-

, hoc autem unum se dolere, quod frustrata præclarus conatus cecidisset. Diu tormentis excarnificatus, nullum conscium edidit: tandem damnatus, ac per urbem circumductus, cum nudi corporis totius singulæ partes ferro ignito tentarentur, nullum, nec sermone, nec oris habitu, doloris indicium dedit. Dextera manus cum detruncaretur, „Leuius, quam pro merito, eam plecti, „dixit, quæ animo tam forti non fuisset obsecuta.

XXXII. Eo quoque anno, Patricius Hamiltonius, e Joannis Ducis Albini sorore & fratre Comitissæ Araniæ natus, juvenis ingenio summo, & eruditione singulari, conjuratione sacerdotum oppressus, ad Fanum Andreæ vivus est crematus. Non adeo diu post ejus supplicium, animos hominum conterruit Alexandri Cambelli mors. Is erat e sodalitia Dominicanorum, & ipse magno ingenio juvenis, & eorum, qui Thomæ Aquinatis sectam imitantur, inter eruditiores habitus. Cum eo Patricius, de Scripturæ sacræ interpretatione, sermones sæpe contulerat: ac differendo eo perduxit, ut omnia prope capita, quæ tum habebantur paradoxa, vera fateretur. Nihilominus Alexander, vitæ quam veri cupidior, a suis persuasus, eum publice accusavit. Patricius, ut erat natura vehementior, hanc hominis ambitiosi pravam gloriæ captationem ferre non potuit: sed palam exclamavit, „Ego te, hominum nequissimi, „me, qui quæ nunc damnas, ea vera esse scis, & paucis ante diebus apud me „es confessus, ad tribunal Dei vivi in jus voco. Qua voce Alexander perturbatus, nunquam ex eo die compos mentis fuit: ac, non multo post, insaniam conflictatus, mortem obiit.

XXXIII. Hoc toto spatio, ac magnam anni proximi partem, <sup>1</sup> Duglassiorum alii in aliam partem intenti, de Regis ab se secessione securi erant: quod, & blandimentis & immodica licentia satis conciliatum ejus animum crederent: nec, si secus erga eos animatus esset, ulla erat factio adversus ipsorum opes factis firma, nec locus ullus munitus, quo se reciperet, præter unam Sterlini arcem, quæ sedes Reginæ ad habitandum attributa fuerat; sed tum a Reginæ ministris, cum ipsa se metu Duglassiorum occultaret, ad tempus deserta; ac, tumultu paulatim residente, in speciem magis, quam adversus vim instructa. Rex, quantulocunque laxamento accepto, quod id unum sibi perfugium relictum cerneret, cum matre clam transegit, arcemque & circumjectos agros, cum aliis prædiis non minus illi commodis, commutavit: deinde, rebus aliis, quatenus occulte poterat, comparatis, & Duglassiis in custodiendo minus intentis, noctu cum paucis e Falcotlandia Sterlinum se contulit, ac brevi multis procerum ad se arcessitis, aliis ad rei famam sponte accurrentibus, jam factis adversus vim tutus erat. Ex horum sententia, Rex edixit, „Ut Duglassii „ab omni administratione publica abstinerent: item, ne quis propinquorum, „affinium, aut clientium eorum, propius <sup>2</sup> duodecim millia passuum, ad au- „lam

<sup>1</sup> *Duglassiorum alii in aliam partem intenti*] Ita monente Crafordio emendavimus. Vide tamen annon possit defendi vetus lectio, *Duglassiorum aliis in aliam partem intentis*, ea ratione qua ad Lib. VI.

<sup>22</sup> superius est annotatum.

<sup>2</sup> *Duodecim millia*] Lessæus, Holinshe- dius & Andersonus *quatuor* Pitcottius *sex* millia, ajunt. Sed in parvo discrimine hanc rem penendam arbitror.

„Iam accederet. Si quis secus fecisset, ei capitale fore. Id edictum cum Duglassiis Sterlinum venientibus oblatum fuisset, multis consentibus progredientum, Comes cum fratre Georgio auctores fuerunt edicto parendi. Ita retro Limnuchum concesserunt, ibi mansuri, dum certior nuncius ab aula afferretur.

XXXIV. Interea Rex, summa diligentia missis etiam ad longinquas regni partes viatoribus, proceres, quibus in comitiis publicis sententiae dicendae est jus, imperat, ut Edimburgi III. Non. Septembris adsint: ipse Sterlini, Duglassii Edimburgi, copias contrahunt: uterque magis sui tuendi causa, quam ut alterum invaderet. Tandem postridie Calendas Julii Duglassii urbe discesserunt, ac Rex sub signis ingressus est. Ibi, amicis apud Regem deprecantibus, conditiones Duglassiis oblatae, ut Angustiae Comes trans Spacam relegaretur, Georgius ejus frater & Archibaldus patruus in arce Edimburgensi custodirentur: huic decreto si parerent, Regiae clementiae spes facta. Hac conditione rejecta, per foecialem jussi ad comitia Edimburgi III. Nonas Septembris adesse. Interea publicis functionibus eis ademptis, pro Comite Cancellarius est factus Galvinus Dumbarius, nuper Regis Praeceptor, vir bonus & doctus, sed in quo nonnulli civilem prudentiam desiderabant: pro Archibaldo Quaestor Robertus Carnicrucius, a pecunia, quam virtute notior. Duglassii prope ad ultimam spem redacti, Edimburgum, discessu Regis vacuum, missis cum Archibaldo illuc aliquot equitum turnis, occupare conantur, eo consilio, ut, excluso illinc Rege, conventum solverent. Verum VII. Calendas Septembris Robertus Maxuallius, cum clientibus & amicis, magnoque promiscuo vulgi numero, jussu Regis praeventientes, eos excluderunt: ac stationibus & excubiis diligenter dispositis, ad comitiorum usque tempus, summam ibi tranquillitatem servarunt. Duglassius, hac spe dejectus, ad Tentationem arcem suam, ad XVI. millia passuum ab urbe secessit.

XXXV. Rex quo die Sterlino movit, tanta vis imbrium de coelo dejecta est, ut, torrentibus auctis, comites ejus in multas partes distracti, ac diu vexati, multa nocte Edimburgum sint ingressi, ita vehementer violentia tempestatis afflicti, ut a paucis equitibus maximo damno facile affici possent. In comitiis aqua & igni interdictum fuit Comiti Angustiano, Georgio fratri, Archibaldo patruo, praeterea Alexandro Dromundo Carnocensi, eorum intimo amico: bona eorum fisco adjudicata. Adjectum eorum condemnationi edictum, quo, qui eos tecto recepisset, aqua, igni, aliave ope juvisset, eidem poenae obnoxii judicantur. Maxime ad eos damnandos homines commoti putantur, quod Rex jurejurando affirmavit, „Se, quamdiu apud Duglassios fuit, „semper vitae suae timuisse: cumque timorem, post Georgii minas, vehementius auctum, „asseveravit. Unus in hoc concilio Joannes Bannatinus est inventus, Duglassiorum cliens, qui publice protestari auderet, „Nihil eorum, „quae tum agerentur, Comiti fraudi esse debere; cum justis ei metus causa „esset, cur ad dictum diem non adveniret. Paucis post diebus, alter Comitis frater, Gulielmus, Abbas Cœnobii Sanctae Crucis, morbo simul & animi anxietate, & rerum praesentium tædio, est extinctus. Sacerdotium  
ejus

ejus \*Robertus Carnicrucius, homo humili loco natus, sed pecuniosus, a Rege, tum a pecuniis inopi, redemit, novo genere fraudis elusa lege ambitus, quæ sacerdotia venire vetat: sponsione scilicet victus, qua, magna pecunia deposita, contenderat, Regem non cum proximo sacerdotio vacuo donaturum.

XXXVI. Duglassii tum demum, omni veniæ impetrandæ spe abjecta, ad vim apertam, & vindictæ solatium ex inimicorum calamitate, conversi, prædia eorum omni genere molestiæ vexabant: Coslandiam & Cranstonum vicos eremarunt: & quotidie portis Edimburgi ita obequitabant, ut urbs prope obsessa videretur, atque delicta potentiorum vulgus innoxium lueret. Inter hæc, ad undecimum Calendas Decembris, Martina, navigium ea ætate nobile, pretiosis mercibus onusta, ad Ennervicum vi tempestatis in littus impegit: mercurium pars a Duglassianis equitibus, in ea regione vagis, est direpta: reliquum etsi rustici sustulissent, tanta ignoratione pretii, ut cinnamomum, tanquam vilis cortex, ad ignis usum distractum esset, tota tamen invidia in Duglassianos versa est. Hac rerum commutatione facta, latrones, qui jam diu metu a maleficiis continebantur, e latebris suis prodeuntes, omnes regiones vicinas incursionibus infestas habebant: & quamvis a multis varia facinora passim ederentur, omnia omnium furta & cædes, ab aulicis, qui se Regi hac re gratificaturos existimabant, in Duglassios referebantur, ut nomen, alioqui populare, ad vulgus invidiosum esset.

XXXVII. Ineunte jam hieme, Rex, ne quis esset exulibus receptus, ad Tentallonem arcem Duglassiorum maritimam obsidendam proficiscitur. Id quo minore labore & impendio faceret, machinas æneas & pulverem e Dumbaro accepit. Ea arx, a Tentallone sex millia passuum distans, adhuc præsidio Joannis, nuper Proregis, quod ipsius patrimonii pars esset, tenebatur. Ibi, per aliquot dies, obsidione frustra tentata, cum ex obsessis nemo, ex obsidentibus aliquot cæsi, vulnerati, ac ignito pulvere afflati essent, re infecta discessum est. Inter redeundum, David Falconarius, qui cum pedite mercenario ad machinas reportandas erat relictus, ab equitibus Duglassianis, ad carpendum extremum agmen, & moratores excipiendos, missis interficitur. Quæ res adolescentem Regem, ultro infensum, adeo commovit, ut per iram sancte juraret, „Se vivo, nullum Duglassiis postliminium fore: „ac statim, ut Edimburgum venit, ut eos arctius premeret, statuit, de concilii sententia, ad Coltingamiam manum assiduam magis, quam magnam continere, quæ agricolas a populationibus tueretur. Id munus Bothuelius, auctoritate & opibus Lothianæ facile princeps, ad se ab Rege delatum, recusavit: sive Duglassianorum potentiam, cui tota reliqua Scotia nuper videbatur impar, metuens, sive clarissimæ familiæ interitu, adolescentem acrem, & suoapte ingenio paullo violentiorem, imbuere ad crudelitatem nollet. Cum Rex Hamiltoniis,

M. D.  
XXVIII

1 Robertus Carnicrucius] Hunc gemino lib. 2. cap. 61. Cum ad populam agenda Epigrammate perstringit Buchananus lib. causa esset. Vide supra ad Lib. V. 17.

II. 13, 14

3 Adolescentem] [Regem nimirum.]

2 Ad vulgus invidiosum esset] Sic Liv.



niis, ut hostium amicis, non satis fideret, &, ob eandem Joannis Stuarti Leviniani, eis infensus esset, nec in alio quoquam Nobilitatis vicinæ satis auctoritatis aut virium esset, tandem eo decursum est, ut Calenum Cambellum, in ultimis quidem regni oris habitantem, sed prudentia clarum, & perspectæ in bello virtutis, & ob justitiam vulgo carum, Rex, cum imperio adversus rebelles mitteret. Duglassiani, Hamiltoniis & cæteris amicis deficientibus, ad summas angustias redacti, a Caleno, & Georgio gentis Humiæ principe, coguntur in Angliam exulatum abire.

XXXVIII. Missi, mense Octobri, ab Anglo duo equites clari, qui, quam utroque Rege pacem vehementer cupiente, vix ejus ineundæ rationem comminisci potuerunt. Henricus enim, cum adversus Carolum Cæsarem bellum pararet, omnia a tergo pacata relinquere volebat; atque, eadem opera, Duglassiis reditum ad suos parare. Jacobus Tentallonem arcem maximopere cupiebat recipere: sed a Duglassiis restituendis abhorrebat animus. Igitur cum, ob hanc causam, dies aliquot esset disceptatum, neque pax tamen coiret, tandem eo devenit, ut induciæ in quinquennium fierent: ab Duglassiis Tentallone arce tradita, Rex suo syngrapho seorsum de cæteris eorum postulatis caveret. Arce dedita, cætera tamen non sincere servata sunt, nisi quod Alexandro Dromundo, Roberti Britanni gratia, redeundi data est venia: nam superioribus mensibus, cum Jacobus Colvillius, & Robertus Carnicrucius, favoris erga Duglassios suspecti, ab aula fuissent remoti, eorum munia ad Robertum Britannum, aulica gratia tum florentem, aliisque multis ministeriis præfectum, fuerant delata.

M. D. XXXIX. XXXIX. Post hæc, rebus non plane foris pacatis, (nam Angli, nondum reversis domum Legatis, Arnen, Teviotiæ vicum, cremarant) ab armis reliquus annus fuit quietior. Sed latronum audacia nondum plane erat compressa. Itaque Rex, ut metum cæteris injiceret, Gulielmum Cocburnum Henderlandium, & Adamum Scotum, latrones insignes, Edimburgi, deprehenso, capitali supplicio affecit. Proximo anno, mense Martio, Rex Jacobum Moraviæ Comitem Vicarium regni fecit: & ad limitem misit, ut Comitem Northumbriæ conveniret, & cum eo de pace & rebus repetendis reddundisque ageret. Sed id colloquium orta inter eos contentio diremit, altero nitente, ut in Scotia, juxta leges, de expianda cæde Roberti Cari factas, altero, ut in Anglia conveniendi locus esset. Interea missi, qui utrumque Regem ea de re consulerent. Ad XVII. Calendas Maji habito procerum conventu, post longam disceptationem, ad vesperum usque productam, Rex Comitem Bothueliæ, Robertum Maxuallium, Valterum Scotum, & Marcum Carum, in arcem Edimburgensem custodiendos dedit: Marcia & Teviotiæ fere principes alium alio relegavit, ratus, eos belli semina clam adversus Anglos spargere. Ipse, mense Julio, circiter octo millibus hominum coactis, expeditionem ad reprimenda latrocinia suscepit: & magna celeritate eo profectus, castra ad Evum flumen posuit. Non procul inde habitabat Joannes Armistrangius, princeps unius factionis latronum. Is tantum sui metum vicinis incusserat, ut etiam Angli ad multa passuum millia penderent ei vestigal; ac Maxuallius etiam ejus potentiam

tiam reformidaret, omnibusque rationibus ei exitium intentaret. Joannes, a Regiis ministris illectus, neglecto fidei publicæ diplomate, cum, circiter quinquaginta equitibus comitatus, inermis ad Regem veniret, incidit in exploratores, qui eum, velut a se captum, <sup>1</sup>ad Regem perduxerunt. Ibi, cum majore comitum parte, fracta gula periit. Qui cædis auctores fuerant, <sup>2</sup>vulgo ferebant; „Se pollicitum fuisse facturum, ut agri Scotici propinqui aliquot „millia passuum Anglis parerent, si ea res sibi honori emolumentoque foret: „cum Angli contra fuerint ejus morte vehementer lætati, ut qui gravi hoste liberati essent. Sex, qui superfuerunt, comitum ejus, <sup>3</sup>obsidum loco retenti, cum nihil apud eos Rex hoc metu proficeret, post paucos menses pœnas luerunt: ab eis, qui domi superfuerant, novos obsides exegit. Lidaliani, relictis domibus, <sup>4</sup>in Angliam populariter commigrarunt: & prope quotidianis incursionibus vicinas regiones infestabant. Paucis post diebus, Rex proceres relegatos libertati restituit, acceptis ab eis obsidibus. Ex iis, Valterus Scotus, Roberto Jonstonio, notæ crudelitatis latrone, ut Regi gratificaretur, interfecto, capitales cum ea familia suscepit inimicitias, ac magnis utriusque gentis damnis exercuit.

XL. Proximo anno, qui fuit M. D. XXXI. res accidit, novitate quidem M. D. admirabilis, & cujus admirationi nihil aut auctoris obscuritas, aut temporis, XXXI. omnia diligenter explorantis, curiositas detraxit. Joannes Scotus, homo nec literis expolitus, nec usu magno rerum peritus, nec ingenii subtilitate ad fraudem appositus, cum in lite quadam succubisset, nec judicatum solveret, in asylo Cœnobii Sanctæ Crucis, <sup>5</sup>aliquam multos dies, sine cibo & potu se continuit. Res divulgata, & ad Regem tandem perlata est. Ejus jussu, veste mutata, & diligenter excussa, in arcem Edimburgensem seorsum ab omnium commercio sepositus, pane & aqua quotidie appositis, triginta duos dies omni cibo

<sup>1</sup> *Ad Regem perduxerunt*] Ita MS. at editi omnes [*ad eum*] non sine *καταφωτισ*, cum in eadem fere clausula [*eum*] præcesserat.

<sup>2</sup> *Vulgo ferebant*] Ita MS. princeps editio Edimb. & Genev. quorum longe præstantior auctoritas, quod alii codices recentiores in [*ferebant*] mutarunt. Et quidem fatendum est verbum [*fero*] nondum mihi tralatitio hoc sensu conspectum, nisi vocabulo aliquo adjecto, veluti *ferere sermones, rumores, fabulas, colloquia, &c.* Religio tamen fuit adversus meliorum codicum fidem quicquam mutare.

<sup>3</sup> *Obsidum loco retenti*] MS. *retentis*. Vide supra ad Lib. XIV. 33.

<sup>4</sup> *In Angliam populariter commigrarunt*] Vide supra ad Lib. XI. 4.

<sup>5</sup> *Aliquam multos dies*] Hac composita voce hic & Lib. VI. 21. utitur Buchananus. Tom. I.

nanus. Sic Apulejus Florid. cap. 16. *Prius volo causam vobis allegare cur aliquam multos dies a conspectu auditorii absuerim.* Idem Apolog. *Apud Appias veteres amicos meos aliquam multis diebus decumbo.* Et dubitari quidem potest, an quisquam illo scriptore antiquior vocem usurpaverit. Nam qui a Lexicographis profertur Ciceronis locus, 4. Verr. 25. *Sunt vestrum, judices, aliquam multi, qui L. Pisonem cognoverunt, bujas L. Pisonis, qui prætor fuit, patrem, pessimam Lambini interpolationem Cl. Gravius pronunciat, qui quem multi, familiari Ciceroni locutione, ibi legendum contendit.* Pro Lambino tamen stat Joan. Kerus Select. de ling. Lat. Observ. atque in eadem opinione fuisse Buchananum, (quo Lambinus se familiarissime usum testatur,) vel ea de qua agitur res ipsa declarat.

R r r

cibo humano sponte abstinuit. Inde, tanquam re satis explorata, eductus, nudus in publicum prodiit: & ad plebis concursum frequentem satis diu inep- tissima oratione habita, nihil in ea memoria dignum est locutus, nisi quod se dixit, „Marix virginis auxilio fretum, perferre, quamdiu luberet, jeju- nium. Hæc cum stultitiam magis, quam fraudem præferrent, dimissus, Ro- mam profectus, & a Pontifice Clemente in custodiam datus, donec jejuran- do miraculi fidem fecisset. Illinc, veste, qua induti sacrificuli missantur, do- natus, testimonioque confirmato sigillo plumbeo, quod apud Romanenses maximam fidem habet, Venetias venit: ac, jejunandi fide apud eos confirma- ta, cum se voti reum diceret, ad viaticum itineris Hierosolymitani, quinquaginta nummos aureos (quos Ducatos vocant) accepit. Inde reversus, folia ali- quot palmarum, ac sacculum lapidibus plenum attulit, quos videri volebat e lapidibus columnæ, cui Christus alligatus vapulavit.

XLI. Cum domum reverteretur, Londino transiens, cathedram, quæ est in cœmeterio ad D. Pauli, ascendit: ac, magna populi frequentia, de divor- tio Regis Angli cum Regina, de defectione a secta Romani Pontificis, con- cionatus, verbis quidem asperrimis, & per jugulum redituris, si paullum prudentiæ in eo repertum fuisset: conditus ibi in carcerem, cum prope quin- quaginta dies continuos victu abstinuisset, inde incolumis fuit dimissus. In Sco- tiam reversus, cum Thoma Duchtio se conjungere voluit, qui circa ea tem- pora ex Italia advenerat, ademque Mariæ Virgini, e stipe vulgo collata, æ- dificarat: magnumque e fictis miraculis quæstum faciebat. Sed Thomæ prope omnibus vita flagitiosissima erat nota, & falsitas miraculorum deprehensa. Ne- mo ramen ea palam redarguere, ob metum Episcoporum, audebat, qui hoc novo Atlante suum jam caducum Purgatorium fulcire conabantur: & ille, ut vicissim gratiam eis referret, quoties ex opulentioribus sacrificiis eo quis- piam missatum veniebat, mendicum aliquem, debilitate mentis aut corporis simu- lata, in promptu habebat, qui illo missante sanaretur. Ab hoc Thoma, qui in societatem lucri neminem admittebat, Joannes Scotus rejectus, cœnaculum subobscurum in suburbio Edimburgensi conduxit: & altari pro opibus erecto & ornato, filiam impuberem, sed singulari oris elegantia, cereis circa accen- sis, in eo, pro virgine Maria adorandam, statuit. Sed cum is quæstus opi- nioni non responderet, ad pristinam vitæ rationem est reversus, postquam in simulatione sanctitatis præposteræ hoc tantum profecerat, ut omnes intelligen- rent, non voluntatem ei, sed ingenium, ad impietatem comminiscendam, defuisse.

M. D. XLII. Initio sequentis anni, qui fuit M. D. XXXII. Bothuelix Comes, xxxii. quod, clam in Angliam profectus, sermones occultos cum Northumbriæ Co- mite habuisse diceretur, in arce Edimburgensi, ad XVI. Calendas Februarii custodiri iussus est. Jacobus Sandelandius Eques, ob summam prudentiam & fidem, & majorem, quam pro ordine & loco, apud omnes bonos auctorita- tem, missus est ad Heremitagium, (ea arx est Lidaliæ) ad latronum incu- siones inhibendas.

XLIII. Cum ab antiquissimis usque temporibus nulli essent in Scotia stiri- dies,

dies, aut certus locus, ad judicandum de pecuniariis inter cives litibus, Joannes Dux Albinus a Pontifice Romano impetravit, ut summa pecuniæ annua, quanta satis esset ad paucorum judicum salarium solvendum, imperaretur Ecclesiastico ordini universo, a singulisque, pro modo census, exigeretur. Galvinus Dumbarius, Abredoniensis Episcopus, suo & aliorum sacerdotum nomine, Pontificem appellavit. Ea controversia tenuit, a V. Idus Martii usque ad VIII. Calendas Majas, quo die Collegium judicum Edimburgi constitutum est. Ab iis cum ab initio multa utiliter essent excogitata, ut jus æquabile diceretur, tamen qui sperabatur eventus non est consecutus. Nam, cum in Scotia nullæ pene sint leges, præter conventuum decreta, eaque pleraque non in perpetuum, sed in tempus facta, iudicesque, quod in se est, lationem legum impediunt, 'omnium civium bona quindecim hominum arbitrio sunt commissa, quibus & perpetua est potestas, & imperium plane tyrannicum, quippe quorum arbitria sola sunt pro legibus. In gratiam Romani Pontificis, quæstio severe in Lutheranos exercita. Pontifex contra, ut Regi, tam bene de se merito, gratificaretur, sacerdotiorum decimas ei in proximum triennium dedit.

XLIV. Hoc anno, cum Angli statum rei Scoticæ tranquilliorē indies fieri cernerent, sed externis auxiliis existimarent nudatos, quod ipsi se cum Gallo adversus Carolum Imperatorem conjunxissent, undique causas belli quærebant: mense enim Aprili, e Bervico expeditione facta Coldingamiam & Dunglassum, multosque pagos vicinos, abacta præda, ferro flammaque fecdarunt, nullis apparentibus causis irritati, nec inimicitia denunciata. Quam enim cupide id bellum suscepit Anglus, ipsius edictum non multo post vulgatum demonstrat: ait enim, „Prædarios Bervici licentia verborum apud Scotos jactorum irritatos fuisse. Verum ipsa verba in edicto inserta nullam contumeliam

M. D.  
XXXIII.

*I* *Omnia civium bona quindecim hominum arbitrio sunt commissa*] Injusta prorsus ac amplissimo Senatorum ordine indigna vox; nusquam enim terrarum gravior sanctorumque Judicum confessus, nusquam discretiores legumque peritiores causarum patroni, nusquam majori cum æquabilitate jus dicitur. Quin igitur rejecta iniquissima hac, atque ex maligno, quo in quosdam diversarum partium sui temporis iudices, odio ferebatur profecta, Buchananī sententia, Leslæum ejus æqualem audiamus, qui suam hac de re narrationem claudit his verbis; *Hanc judicii formam nostri in hunc usque diem ita sincere semper retinuerunt, ut & Rex quod instituerit, æternam gloriam; & posterī quod servarint, infinitam utilitatem inde tulerint.* [Potest tamen excusari satis Buchananī hoc iudicium: verum enim est, omnium bona hoc iudicio permessa, &

eorum arbitria fuisse pro legibus, an vero abutantur illa potestate, non pronuntiat Buchananus, sed tantum, esse *imperium Tyrannicum*. eo sensu, quo Tyranni in rebus publicis dicuntur, qui perpetuum gerunt Magistratum, qui quamvis & civiles & moderati esse possunt, ut Pisistratus & alii fuerunt, non tamen desinunt esse Tyranni, accepta eo significatu voce. vid. Nepot. in Miltiad. in fin. & Cl. Perizon. ad Alian. II. 10. melius ergo esse censuit Buchananus iudices esse annuos vel ad certum tempus, ut in omnibus regni locis, ut in omnibus liberis civitatibus Scabini aut alio nomine dicuntur: nam illæ Curie, & tribunalia summa, quæ hic & illic sub perpetuis sunt iudiciis, fere omnia a dominatoribus sunt liberis olim gentibus imposita; sed hæc hic agenda locus non est.]

R r r 2 I Ad



tiam habent. Hæc causa cum ne ipsis quidem satis iusta videretur, Canabensium viculum ignobilem, cum paupere Cœnobio, ad limitem situm, de quo nulla unquam controversia fuerat, tanquam sui juris, repetunt, & Duglassios exules restitui petunt. Anglus enim, cum suam tum operam Gallo adeo necessariam videret, ut ea nullo pacto carere posset, eumque fœdere, in quo Scotis non caveretur, obstrictum haberet, non existimabat fore difficile ad quaslibet condiciones eos protrahere. Accedebat, quod alienato, per pacem Gallicam, & divortium cum amita sua, Cæsare, ac Romano Pontifice bellum apud omnes Reges Christianos ciente, magnam domi rebus novandis relinqueret occasionem: & Scotus, ne adversus hostis minas esset imparatus, fratrem suum, Moraviæ Comitem, edicto per universum regnum misso, Vicarium suum pronunciat: & quia limitum accolæ, per se, Anglis, magno mercenariorum præsidio fretis, pares esse non poterant, regno in quatuor partes diviso, singulas per vices iussit potentiores cum suis familiis mittere, & quadragenos illic dies morari. His copiis sibi in orbem succedentibus, magna strages villarum & arcium, agro late pervasato, facta est.

XLV. Anglus, sua expectatione frustratus, cum, præter opinionem, bellum duci videret, & alia sibi prævertenda existimaret, pacem libenter cupiebat, sed eam a se peti volebat: cum e dignitate sua non crederet, illam aut offerre, aut petere. Commodissimum visum est, ut per Gallum, communem amicum, res conficeretur. Is Stephanum Aqueum Legatum in Scotiam misit, qui dispiceret, utrius culpa bellum id inter vicinos Reges ortum esset. Rex de belli causa diligenter se purgat: conqueritur de suis Legatis, diu sine responso in Gallia retentis: Legato discendenti dat literas, quibus petit a Gallo, ut maneat in fœdere antiquo, & ab Joanne Prorege Rothomagi renovato. Simul in Galliam Davidem Betonium mittit, qui Anglorum calumniis responderet: item, qui de fœdere antiquo servando, & nova affinitate iungenda, ageret. Dat eidem literas, ad Senatum Parisiensem, acerbas, & querelarum plenas, de iis, quæ Rothomagi pacta & transacta erant, inter Franciscum Regem Gallorum, & Joannem Scotorum Proregem: vetera officia, conventa, pacta, fœdera negligi, in gratiam hostium quondam communium. Has literas iussus erat Legatus, si, quæ ei mandata erant, in Gallia minus succederent, concilio iudicum dare, ac se statim in Flandriam propripere, eo (ut verisimile est) animo, ut & amicitiam, & fœdus, & affinitatem institueret cum Cæsare. In Britannia interea & bellum gerebatur, & ad

Novum

1 *Ad Senatum Parisiensem*] *Parisiensem* Crafordius mavult, quod & mihi potius videtur: nolui tamen omnibus libris re-diri.

2 *Ut & amicitiam, & fœdus, & affinitatem institueret cum Cæsare*] Ita MS. editi omnes [instrueret.] Utrumque, quod sciam, recte, quanquam prius illud con-cinnius atque usitatus videatur. Ita enim

Cicero. Epist. ad Sulpitium lib. 13, 17. *Nam & amicitia pervetus mihi cum eo est, ut primum in forum venit, instituta.* Id. Ver. 4, 9. *Fecisti item ut pradones solent: qui cum communes hostes sunt omnium, tamen aliquos sibi instituunt amicos, quibus non modo parcant, verum etiam prada quos augeant.* Liv. lib. 34. *Posteaquam voliscum amicitiam institui.*

1 De

Novum Castrum de jure belli certabatur. Cum inter utriusque gentis, ad pacificandum missos, Legatos non conveniret, missus est a Gallo Vido Floreus, ad res componendas. Ei Scotus respondit; „Se, quacunque posset in re, Gallo gratificaturum. Simul de re conjugali (de qua qui transigerent, Legatos in Gallia habebat) quod visum est pro tempore, cum eo egit. Floreo pacis interprete, praesidiis a limite utrinque deductis, induciæ factæ, quas mox consecuta pax est.

XLVI. Pace parta, Rex, quanquam proximis aliquot annis cum Gallo & Carolo Cæsare <sup>1</sup> [*de matrimonio*] per Legatos egisset, nunc tamen, otio ab aliis curis impetrato, de eo vehementius, quam alias, cogitandum sibi existimavit. Ac, præter communes causas, affinitate potente se muniendi, & familiæ, quæ ab uno pendeat, per sobolem firmandæ, etiam de proximorum hæredum improba spe, curæ animum ejus, alioqui suspicacem, anxium habebant. Multa enim eorum animos ad regni expectationem erigebant, opes domesticæ, solitudo Regis, & incauta ætas, animusque periculorum contemptor, quæ non modo fortiter adibat, sed etiam sedulo provocabat, ut qui sæpe cum paucis adversus ferocissimos latrones proficiscens, frequenter eos, numero superiores, vel celeritate præventos, capiebat; vel, Regii nominis reverentia attonitos, <sup>2</sup> in deditionem accipiebat: <sup>3</sup> diemque & noctem in equo sedens continuabat, victuque temere oblato, ac semper parco, <sup>4</sup> uteretur. <sup>5</sup> Hæc cum Hamiltonios in spem prope certam erigerent, longum tamen videbatur, fortuitos, aut naturæ sponte casus imminentes expectare, nisi insidiis mortem ei maturarent. Ei rei dabant occasionem ejus nocturnæ ad amicas itiones, ad quas plerumque unum aut alterum comitem assumebat. Sed tunc hæc omnia præter eorum expectationem acciderent, statuerunt, spem legitimæ prolis (nuptias, quoad fieri poterat, impediendo) tollere: quanquam Joannes Dux Albinus, cum Prorex esset, huic incommodo satis prospexisse videbatur: qui, cum Rothomagi vetus inter Gallos & Scotos foedus renovaret, etiam caverat, ut <sup>6</sup> Franci filia natu maxima Scoto locaretur. Sed hoc foedus duo impedimenta objecta prope diremerunt. Nam Gallus, studio maxime & diligentia Angli in libertatem ex Hispanorum manibus restitutus, foedus adeo amplum cum eis fecit, ut multum Scotico foederi derogaretur: & filia Francisci natu maxima jamdudum decesserat. Petebat igitur Scotus natu proximam Magdalenam. Cum, ad eam deposcendam, Legatos misisset, pater puellæ valetudinem excusabat,

cam-

<sup>1</sup> *De matrimonio*] Has voces necessario inferendas postulat reliqua sententia, secus enim nihil est ad quod [*de eo*] referatur.

<sup>2</sup> *In deditionem accipiebat*] Ita ex MS. reposuimus, pro eo quod editos occupavit, in *ditionem accipiebat*.

<sup>3</sup> *Diemque & noctem in equo sedens continuabat*] MS. *dieique noctem*:] alterum tamen e Tacito expressam videtur. Anal. lib. xvi. cap. 5. *Alii dum diem no-*

*ctemque sedilibus continuant, morbo exitiabili correpti.* Eadem vero loquendi formula paullo post repetitur, XIV. 61.

<sup>4</sup> *Useretur*] Ita omnes libri exhibent: [*utabatur*] tamen legendum videtur.

<sup>5</sup> *Hæc cum Hamiltonios*] Conviciatorem hic agit Buchananus, non Historicum, perpetuo suo in Hamiltonios odio indulgens.

<sup>6</sup> *Franci filia*] Forte *Francisci* scripserit Buchananus, ut mox lin. 3.

R r r 3

1 Spes

camque adeo infirmam, ut nulla non modo <sup>1</sup> spes liberum, sed ne diuturnæ quidem vitæ esse posset.

M. D.  
XXXIV.

XLVII. Sub idem tempus de affinitate cum Carolo Cæsare jungenda per Legatos agitatum, tandem XXIV. April. anno millesimo quingentesimo tricesimo quarto, Cæsar Godscalcum Erycum, quo res esset occultior, To- leto per Hiberniam ad Scotum misit. Is cum exposuisset mandata sibi a Cæsare, de injuriis Catharinæ amitæ filizque ejus ab Anglo factis; de universali Concilio convocando; de hæresi Lutherana expugnanda; de affinitate contrahenda: ibi Cæsar per literas optionem Regi dabat, de tribus Mariis propinquis suis: hæc autem erant, Maria, Caroli soror, vidua, cæso a Turcis ejus marito Ludovico Ungaro; Maria Lusitana, ex Leonora sorore; Maria Angla, ex Catharina amita nata. Et quia proniorem in has nuptias Carolus Regem fore sciebat, in eam magis partem incumberebat, ut Scotum a Gallicæ amicitiz respectu abduceret, & cum Anglo eadem opera committeret. Rex ad ea respondit; „Matrimonium cum Angla multis quidem modis, si „confieri posset, utile fore: verum rem esse spei incertæ, majoris periculi & „laboris, ac diuturnioris moræ, quam solitudo ipsius, qui unicus in sua fami- „lia esset, ferre posset. Ex omnibus Cæsaris propinquis, maxime commodam „suis rationibus esse Christierni Danorum Regis filiam, ex Isabella Caroli so- „rore genitam. Ad id, paullo post, cum Carolus <sup>2</sup> Madrito respondisset, eam alteri jam promissam, quanquam Cæsar, conditionibus oblati, magis ducere promissis Regem, quam quicquam velle transigere, videretur, tamen hæc actio non fuit omnino deposita,

XLVIII. Tranquillis domi rebus, Rex Scotiam navibus circumire statuit, & feroces Insulanorum spiritus ad imperata facienda cogere. Primum ad Orca- das appulit: ibi turbas exortas composuit, paucis e Nobilitate captis, & in custodiam datis: duas arces, alteram Regis, alteram Episcopi, præsidii com- muniit: deinde, cæteras insulas obeundo, principes earum ad se arcessiit: re- nuentes vi cepit: impositis vectigalibus, acceptisque obsidibus, ac turbanda- um rerum auctoribus secum abductis, præsidiiisque e suo comitatu in arces im- positis, alios e ducibus Edimburgum, alios Dumbarum misit. Nam Dumbari arcem, circa hæc tempora, Regi <sup>3</sup> Joannes Dux Albinus reddidit, quam ad eum diem præsidio Francorum detinuerat.

XLIX. Proximo mense Augusto, acriter in Lutheranos inquisitum. Qui- dam coacti publice recantare; nonnulli, quod citati non adessent, exules pro- nun-

<sup>1</sup> *Spes liberum*] Ita MS. princeps Edi- tio Edimb. & Genov. quod recentiores in *liberorum* mutarunt: sed frustra: ita enim scripsit Buchananus, & ante eum Tacitus Annal. lib. II. cap. 38. *Numero atque ætate liberum suorum augere modestiam Senatus.* Et Annal. lib. III. cap. 25. *Nec ideo conjugia & educationes liberum fre- quentabantur.* Eodem etiam pacto & Li-

vius est locutus & noster postea Lib. XV. 6. consentientibus omnibus libris.

<sup>2</sup> *Madrito*] Ita omnino scribendum, quo alii omnes scriptores nomine appel- lant, non *Madrico*, quod librariorum vitio hic irrepsit.

<sup>3</sup> *Joannes dux Albinus*] Vide supra ad XIV. 24.

nunciati: duo cremati: quorum alter, David Strato, ejus criminis omnino purus erat: sed cum in decimis publicano solvendis paullo pertinacius ageret, Lutheranismi accusatus, poenas commentitii criminis luit. In conventu, quem Rex, ad latrociniiis purganda vicina, Jedburgi habendum curaverat, Valterus Scotus, perduellionis damnatus, in arcem Edimburgensem est inclusus, ibique, quamdiu Rex vixit, permansit. Eodem Augusto mense, cum Gallus, excusata (uti dictum est) filiae valetudine, Scoto quamvis aliam Regii sanguinis puellam obtulisset, missi in Galliam Legati, Jacobus Moraviae Comes, regni Vicarius, & Gulielmus Stuartus, Abredoniae Episcopus, mari; Joannes autem Areskinus terra, quoniam mandata quaedam ad Anglum ferebat. Additus est eis quartus Robertus Reidus, vir bonus, ac non vulgari prudentia. Ibi Regii sanguinis puella, Maria Borbonia, Caroli Ducis Vindocinensis filia, eis oblata est, quae Regi collocaretur. Ac caetera quidem facile convenerant: tamen Legati veriti, ne ex animo Regi hae nuptiae forent, sponitalia, eo inconsulto, facere non audebant.

L. Interea Anglus, ut rem tantum non transactam turbaret, misit in Scotiam S. Davidis, sive Menevensis Episcopum, mense Novembri, qui libellos Anglico sermone scriptos, religionis Christianae dogmata continentes, offerret, Regemque rogaret, ut eos perlegeret, ac diligenter quod in eis scriptum esset expendere. Is aulicis quibusdam, sacerdotum ordini addictissimis, eos dedit inspiciendos. At illi vix inspectos haereseos damnarunt, & Regi sunt gratulati, quod oculos in tam pestiferis scriptis intuendis non conscelerasset. Haec legationis causa vulgo est seminata. Sunt qui secretiora mandata fuisse ad Regem allata credant. Deinde idem Episcopus cum Gulielmo Havarto, Ducis Norfolciae fratre, Sterlinum adeo inexpectatus venit, ut Regem prope ante rumorem sui adventus oppresserit. Petebat Anglus, „ Ut diem Scotus diceret, quo die de rebus magnis, & magnopere ad utriusque gentis salutem „ pertinentibus, secum colloqueretur; magna spe, si caetera convenissent, fore, ut ei filiam collocaret, ac totius eum Britanniae Regem post se relinqueret: & quo firmiter promissis crederet, cum in praesentia Ducem Eboracensem, ac regni Anglici Vicarium, pronunciaret.

LI. Cum Jacobus tam magnis promissis libenter fuisset assensus, ac de die convenisset, duae factiones protectionem Regis in Angliam impediendam susceperunt. Hamiltonii occulte, quod proximi essent haeredes, id laborabant, ne Rex uxorem duceret, liberosque relinqueret, qui eos a successione regni excluderent. Sacerdotes ipsi frequentes contendebant: causae, in speciem honestae, praetendebantur, primum pericula, si in potestatem veteris inimici Rex cum paucis sese daret, ubi ei, velit nolit, alienae voluntati obtemperandum foret. Recitabantur majorum exempla, qui, vel credulitate sua, vel hostis perfidia, in extremam necessitatem deducti, ex amicis pollicitationibus

damnum

I Sponitalia, eo inconsulto, facere non audebant] Metzeraius tamen Hist. Franc. Tom. 2. pag. 1000, sponitalia facta tradit.



damnum & ignominiam domum retulerunt. Jactabatur Jacobi Primi infelix error, qui, per inducias in terram (ut rebatur) amicam delatus, per annos octodecim captivus detentus, tandem, expressis ab eo conditionibus, quas nec debuit nec potuit accipere, avare suis est venditus. Proferebatur Milcolumbus primum, deinde frater ejus Gulielmus, Scotorum Reges, illecti Londinum per Henricum Secundum, atque inde in Galliam protracti, ut speciem belli gerendi adversus Gallum vetusto foedere sibi conjunctum, praeberent. „At nihil horum Henricus Octavus faciet. Primum, qui istud sciemus? deinde, „cujus imprudentiae est, fortunas omnes, vitam, decusque, quae in „tua manu sunt, alienae potestati permittere? Demum sacerdotes, qui pro aris ac focus sibi certandum videbant, Jacobum Betonium, Fani Andreae Archiepiscopum, & Georgium Crichtonium Caledoniae Episcopum, senes invalidos, ad aulam pertraxerant, fremere, „Religionem hoc congressu prodi, „quae tot seculis a majoribus servata, custodes suos servaverit: cujus ruinam „mox regni interitus esset secuturus. Eam, levissimis de causis, deserere, hoc „praesertim tempore, cum universus orbis pro ejus incolumitate vota faciat, „& arma induat, non dico, quanto cum periculo in praesentia, & in posterum infamia, sed quanto cum scelere & impietate sit conjunctum. His velut machinis admotis, cum Regis animum, superstitionibus obnoxium, labefactassent; tum corruptis, qui plurimum poterant, aulicis, magnam per eos Regi pecuniae vim polliciti, penitus eum a colloquio averterunt. Anglus, pro eo ac debuit, rem indigne tulit: ita discordiarum semina iterum jacta.

LII. Interea Rex, diuturnum coelibatum agerrime ferens, non magis legationibus externis, quam domesticis aulicorum dissensionibus, in diversa distrahebatur, omnibus utilitatem publicam praeferebantibus, multis tamen e publico negotio privatum emolumentum spectantibus: & quanquam plerique, rebus Caroli florentibus, affinitatem cum eo utilem existimarent, Rex ipse tamen pronior in Gallicam amicitiam erat. Itaque, cum per Legatos res non conficeretur, ipse in Galliam navigare statuit, & classe pro temporis brevitate ornata, VII. Calend. Aug. portu Lethae solvit, omnibus, quo pergeret, ignaris: nam plurimi rebantur Angliam petere, ut avunculum conveniret, poenitentia videlicet ductum, quod superiore anno cum eo congressus non esset. Sed cum, orta tempestate, ventis contrariis jactaretur, sciscitanti navis gubernatori, quem cursum teneri vellet, „In quamlibet, inquit, si necesse „est, terram appelle, praeter unam Angliam: „tum demum ejus consilium est intellectum. Igitur, quanquam domum revehi posset, maluit tamen, Scotiam circumvectus, iter per Oceanum occidentalem experiri. Ibi quoque vento parum secundo usus, ex consilio paucorum, dormiens retro vectus est. Eam rem experrectus adeo aegre tulit, ut Jacobum Hamiltonium, jam inde a caeso Comite Leviniae invitum, ex eo, implacabili prosequeretur odio, neque ceteris ejus consilii auctoribus unquam satis aequus fuerit. Neque deerant, qui, ut irae Regiae obsecundarent, Hamiltonium, simulatione officii, revera, ut conatus ejus impediret, fuisse secutum, insimularent. Iterum navigationem tentaturus,

multis

multis e procerum numero prosequentibus, <sup>1</sup>Calendis Septembris solvit, ac decimo post die Diepam Normaniæ portum appulit. Inde, ut famam sui adventus præveniret, occultans quis esset, ad Vindocinensis oppidum, ubi tum diversabatur, magna celeritate se contulit: cujus filia cum ei visa non placuisset, ad aulam recta contendit. Et cum ad Regem Franciscum, præter ejus aliorumque expectationem, venisset, ab eo amantissime est acceptus: qui suam ei filiam Magdalenam, prope invitus, <sup>2</sup>VI. Calend. Decembris despondit. Pater enim, uti ante dictum est, qui filiam natu majorem, ob valetudinis infirmitatem, ad liberos procreandos inhabilem rebatur, filiam minorem, aut aliam quamlibet e Nobilitate Gallica uxorem offerebat. Sed Jacobus & Magdalena, jam ante per nuncios amore inter se coalito, & ex mutuo aspectu, congressu, & colloquio confirmato, de sententia deduci non poterant. Nuptiæ Calend. Januarii factæ, anni millesimi quingentesimi tricesimi septimi, cum summa omnium lætitia, in Scotiam classe Gallica comitati appulerunt, <sup>3</sup>ad V. Calendas Junii. Nec diu illa superstes fuit, febre hæctica consumpta. <sup>4</sup>Decessit Nonas Julii, cum ingenti omnium, præterquam sacerdotum, mœrore, quod, ea viva (quam scirent, sub amitæ, Reginae Navarræ, disciplina educatam) formidabant, luxui suo ac libidini modum impositum iri. Cæteris ejus mors tantum dolorem attulit, ut tum primum (ut opinor) apud Scotos vestis lugubris usus occœperit: quæ, ne nunc quidem, <sup>5</sup>quadragésimo post anno, quanquam mores publici in pejus fere proficiunt, admodum est frequens.

LIII. Legati in Galliam statim David Betonius Cardinalis, & Robertus Maxuallius, missi, qui <sup>6</sup>Mariam Gufiam, Longovillani Ducis viduam, arceserent: nam Rex, id quod evenit, de exitu uxoris veritus, in illam oculos conjecerat. Hoc anno, Bothuelius, quod in Angliam clam commearet, & cum Anglis etiam in Scotia clam consilia conferret secreta, extra Scotiam, Angliam & Galliam fuit relegatus. Circa idem tempus, complures perduellionis fuerant infirmulati: Joannes Forbosius, juvenis acer, & magnæ familiæ & factionis princeps, ab Huntillæo æmulo creditur oppressus. Erat enim quidam Strachanus, homo ad quodvis flagitium promptus, multos annos Forbosio valde familiaris, & omnium ei nequiter patratorum aut conscius, aut particeps, aut auctor. Is parum (ut rebatur) ab eo pro merito cultus ad inimicum

<sup>1</sup> Cal. Sept.] Lestæus, pridie Cal. Sept.

<sup>2</sup> VI. Cal. Decemb. despondit] Exstant tabulæ nuptiales apud Frid. Leonardum, *Traitez des Paix, &c.* Tom. 1. pag. 397. scriptæ Blasii 26 Novemb. 1536.

<sup>3</sup> Ad V. Cal. Junii] Lestæus XIV. Cal. Junii, quem Holinshedius sequitur.

<sup>4</sup> Decessit Nonas Julii] i. e. 7 die, Pitiscottius die quinto, Lestæus & Andersonus decimo defunctam tradunt.

Tom. I.

<sup>5</sup> Quadragésimo post anno] Quidam ex hoc loco, nec absurde, colligunt Buchananum Historiam suam anno 1577 huc usque perduxisse, adeoque reliquis sex libris annos fere quinque impendisse, cum anno demum 1582 ultimam ei manum imposuerit.

<sup>6</sup> Mariam Gufiam] Ita MS. & XIV. 44. plerique omnes codices, quod & nos ubique servavimus; aliis tamen locis *Gafia*, *Guisia* & *Guisiana* appellatur.

Sss

x XVII.

cum ejus Huntillæum se confert: & crimen capitale vel ad eum detulit, vel (ut plurimi putant) una cum eo confinxit: quod Forbosius videlicet, ante annos complures, de Rege occidendo consilium inisset. Id crimen quanquam nec satis firmis argumentis, nec idoneis testibus fuisset probatum, & studia inimicorum in judicio neminem laterent, <sup>1</sup>XIII. die Julii, a judicibus, magna ex parte ab Huntillæo conductis, damnatus, capite luit. Sed ejus supplicium vulgo minus triste fuit, quod, etsi criminis, ob quod pœnas dederat, expertem homines crederent, tamen, ob superioris vitæ facinora, morte non indignum existimarent. Strachanus index, quod tantum crimen tamdiu celasset, extra Scotiam relegatus, complures annos Lutiæ vixit, adeo fœde & nequiter, ut nullum in eo crimen incredibile esset. Rex, non adeo multo post, velut pœnitentia ductus, Forbosii alterum fratrem in familiam suam recepit, alteri, claris nuptiis aucto, bona in fiscum reducta restituit.

LIV. Post paucos dies, aliud secutum est judicium, & reorum genere, & sceleris novitate, & atrocitate supplicii, maxime miserabile. Joanna Duglassia, Comitis Angusiæ soror, Joannis Leontis Reguli Glammisii uxor, item filius ejus, & posterior maritus Gilespicus Cambellus, Joannes Leon prioris mariti propinquus, & senex sacrificulus insimulati, quod Regem veneno tollere voluisse dicerentur. Hi omnes quanquam ruri assidue, procul ab aula, vitam agerent, nec quicquam, quod eos læderet, a propinquis & ministris foret expressum, tormentis tamen damnati, & in arcem Edimburgensem conditi: Duglassia, quinto post Forbosii supplicium die, igni cremata, cum maxima spectantium commiseratione. Movebat enim homines & ipsius & mariti nobilitas, & in juventutis vigore formæ inter paucas egregiæ commendatio, & inter ipsum supplicium virilis in fœmina animi fortitudo: sed omnium maxime, quod fratris exulis odium, plusquam crimen suum, ei obesse crederetur. Maritus ejus, cum ex arce Edimburgensi evadere conaretur, per demissum funem, sed forte breviorē, quam ut radices rupis attingeret, fractis eo casu prope totius corporis ossibus, fuit extinctus. Filius adolescens, simplicior, quam ut suspicio tanti facinoris in eum caderet, in arcem inclusus, &, Rege demum mortuo, dimissus, ademta bona recuperavit. Accusator fuit Gulielmus Leon propinquus. Is, postquam familiæ nobilissimæ interitum, e sua calumpnia, imminere vidit, sera pœnitentia ductus, suum scelus Regi est confessus: nec tamen aut pœnam reorum levavit, aut efficere potuit, quo minus bona fisco addicerentur.

LV. Proximo qui hunc secutus est anno, postridie Idus Junii, Maria Gusia ad Balcomium, villam Jacobi Lermonthii, appulit: inde terrestri itinere-

<sup>1</sup> XIII. Julii] Uno die lapsus est Buchananus: ex Actis enim publicis liquet cum 14 Julii die Sabbathi anno 1537, damnatum fuisse. Cl. autem D. Geo. Mackenzæus de Crim. par. 1. tit. 6. cum 17 Julii capite luisse tradit.

<sup>2</sup> Post paucos dies] i. e. die Mercurii 18 Julii ejusdem anni 1537. Vide Act. publ. Jac. V. Erratigitur Cl. D. Mackenzæus, qui loc. cit. Joannam Duglassiam igni crematam tradit 17 Julii.

nere ad Fanum Andree vecta, magna frequentia Nobilitatis illuc collecta, Regi nupsit. Initio anni proximi, qui fuit M. D. XXXIX. Lutheranismi suspecti complures capti sunt: sub finem Februarii, quinque cremati: novem recantarunt: complures exilio damnati. <sup>M. D. XXXIX.</sup> In his fuit Georgius Buchananus, qui, sopitis custodibus, per cubiculi fenestram evaserat. Hoc anno Regina filium peperit ad Fanum Andree: item proximo anno alterum ibidem.

LVI. Hoc anno, atque item superiore, magis quietæ quam compositæ res erant: nec tam seditionum causæ, quam auctor deerat: multis cupientibus, sed nemine auso, se tumultus ducem profiteri. Nam Rex, provisis jam hæredibus, de sua salute securior, Nobilitatem velut ignavam & imbellem cœpit contemnere, tanquam adversus domum sobole confirmatam nihil ausuros. Ac jam ad substructiones otiosas animum adjecerat. Ad hæc pecunia opus habebat Rex, juxta egens ac cupiens: unde par formido invalit & Nobiles & sacerdotes, dum eam quisque tempestatem a se in alterum inclinare contendit. Interim, quoties apud familiares de inopia publica querebatur, altera alterius factionis opes ostentabat, velut prædam paratam, & ille, modo his, modo illis assentiens, utrosque inter spem formidinemque suspensos tenebat. Igitur, cum ea tempestate <sup>M. D. XL.</sup> Legati Anglorum in aulam venissent, ab eoque petissent, ut Eboracum ad avunculum accederet, magnumque, si id faceret, operæ pretium pollicerentur, ac prolixè de sui Regis amore & benevolentia erga eum sponderent, factio sacerdotibus iniquior toto conatu atque animi viribus eo incubuerunt, ut Rex tempus locumque colloquii petatum obiret. Id cum sacerdotes rescissent, actum de ordine suo rati, nisi & congressum Regum impedirent, & eorum concordiam turbarent, odiorumque semina Regem inter & proceres jacerent. Omnes autem rationes circumspicientibus, unum illud tum præsentī malo remedium præsentissimum est visum, si animum Regis, adversus pecuniam infirmum, largitionibus immensis aggredierentur. „Propo-  
„sita ante oculos periculi magnitudine, & fluxa & incerta promissorum hosti-  
„lium fide, pecuniam domi & majorem, & facile parabilem, „ostentant.  
„Primum, de suo, in annos singulos se, triginta aureorum millia contribu-  
„ros, cæterasque omnes fortunas, ad incerta discriminum, si res postulet,  
„paratas fore, „pollicentur: „ex bonis vero eorum, qui adversus Pontificis  
„Romani auctoritatem Regiamque majestatem rebellarent, & novis ac scele-  
„ratis erroribus statum Ecclesiarum turbarent, pietatem everterent, magistra-  
„tum jura tollerent, ac tot seculorum instituta convellerent: ex horum, in-  
„quam, bonis in fiscum relatis, posse supra centum aureorum millia annua  
„confici, si Rex tantum (quoniam ipsi de capite civium jus dicere non pos-  
„sent) qualem velint, judicem ferret. Cæterum, in quæstione exercenda,  
„nullum fore periculum, aut in judicando moram: cum tot hominum millia  
„nihil

1 In his fuit Georgius Buchananus] De hac re vide ipsius vitam.

2 Legati Anglorum] Ejus legationis princeps erat Radolphus Sadlerius: mandata

autem ei a Rege suo data Jacobique Scoti ad ea responsa ab ipso Sadlerio fuisse & accurate descripta adhuc existant in Bibliotheca Jurid. Edimburgensi.



„ nihil dubitent , Veteris & Novi Testamenti libros contrectare , de Pontificis potestate sermones ferere , veteresque ritus Ecclesiae contemnendo , religiosi hominibus , ac Deosacris , omne obsequium ac reverentiam detrahere .

LVII. Hæc cum illi vehementer urgerent , datus est eis judex , ex animi sententia , Jacobus Hamiltonius nothus , Comitis Araniæ frater , multis largitionibus ante eis obnoxius , & qui , facinore quantumvis crudeli , Regis animum , jamdudum offensum , sibi conciliare cuperet . Venerat in Scotiam , circa idem tempus , Jacobus Hamiltonius , Limnuchi conventuum juridicorum præfectus , idemque superioris Jacobi frater patruelis . Is post diuturnum exilium , cum adversus Jacobum nothum judicium esset professus , impetrato in patriam ad tempus reditu , ac intellecto , in quanto discrimine ipse , una cum cæteris purioris doctrinæ studiosis , versaretur , filium ad Regem , in Fifam transmissurum , misit , qui , eum nactus antequam naviculam conscenderet , trepido nuncio hominem , alioqui natura suspiciosum , implevit , „ Rem esse „ capitalem , & toti regno periculosam , nisi Rex adversus insidiatorem facinus „ occuparet . Rex , qui tum in Fifam properabat , juvenem remisit Edimburgum , ad conventum , quem Scaccarium vocant . Ibi convenire jussit Jacobum Lermontium , Jacobum Kircadium , ac Thomam Areskinum : quorum primus erat familiæ præfectus , alter Quæstor primarius : neuter a religione puriore alienus : tertius Papisticæ factioni deditissimus , & Regi ab epistolis . Eis mandabat , „ Ut nuncio æque certam haberent fidem , ac si ipse præsens eadem narraret , „ ac annulum notum , de digito detractum , pro tessera ad eos misit . Hi , consilio inter se communicato , Jacobum jam pransum , ac se ad iter expedientem , domi suæ comprehendunt , & in arcem dant custodiendum : ipsi cum per exploratores comperissent , Rege exorato , dimissum iri , præter publicum periculum , etiam sibi metuentes , si homo factiosus & potens , ac tanta ignominia laceffitus , incolumis evaderet , non ignari , quam acerbe & crudeliter vindictam exerceret , summa celeritate in aulam provecti , discriminis præsentiam , ingenium pravum , animum acrem , opeque , omnia quam suspiciosissime possunt , in majus augentes , Regi persuaserunt , „ Ne „ hominem , juxta callidum & audacem , ad hæc ignominia irritatum , indicta causâ , liberaret . Igitur Rex Edimburgum , ac inde ad Setonium profectus , Jacobum ad causam dicendam promi jussit : ac , „ judicio more patrio constituto , damnatum capite multavit : & corpore post mortem lacerato , partes ejus in publicis urbis locis suspensæ . Crimina adversus Regem objecta ; „ Quod , certo die , effracto cubiculo , Regem trucidare constituisset : quod „ cum Duglassiis , hostibus publicis , secreta consilia communicasset . Ejus mors , ob scelerate actam superiorem vitam , paucis attulit dolorem , præterquam propinquis & sacerdotum ordini , qui in ejus incolumitate omnem prope suarum fortunarum spem collocarant .

LVIII. Ab eo tempore , suspicione adversus Nobilitatem aucta , curisque subinde animum anxium vellicantibus , insomniis etiam nocturnis mens ægra sollicita-

[ *Judicio more patrio constituto* ] Die Lunæ 16 Aug. 1540. *Act. publ. Jac. V.*

1 *Cass*

licitabatur: quorum unum insigne circumfertur. Videre visus est Jacobum Hamiltonium, ense stricto in se ruentem, primum dextrum, deinde sinistrum detruncasse brachium: cumque comminatus fuisset, „Se brevi, ut vitam quoque adimeret, affuturum, „statim disparuisse. Ille trepide expectectus, cum de somnii eventu multa secum volveret, paullo post allatum est, utrumque filium, alterum ad Fanum Andree, alterum Sterlini, eodem prope temporis momento, decessisse.

LIX. Interea cum Anglo, jamdudum infenso, neque certa pax, nec bellum erat. Nulla enim armorum denunciatione, e vicina Scotia prædæ agebantur, nec Angli, de rebus repetundis appellati, quicquam æqui respondebant: nemini erat incertum, Henricum, ob frustrationem ad Eboracum colloqui, graviter indignari. Scotus autem, etsi pro certo haberet bellum instare, centumque habuisset, & fratrem, Moraviæ Comitem, universis copiis ducem designasset, & in belli apparatu distineretur, Legatum tamen ad hostem misit, qui sine vi, si fieri posset, rem componeret: Georgio interim Gordonio, cum mediocri manu, ut incursionum licentiam inhiberet, ad limitem misso. Angli, Gordonianorum paucitate contempta, cum ad Jedburgum cremandum properarent, Georgius Humius cum quadringentis equitibus eis se objecit: prælioque acri conferto, cum Gordoniani procul visi essent, metu injecto, effusa fuga se hosti subdixerunt. <sup>1</sup> Cæsi non adeo multi: plurimi capti. Jacobus Lermonthius, qui ad Novum Castrum de pace agebat, vix tandem responso accepto, quo belli apparatus occultior foret, unacum Anglorum exercitu redire iussus est. Eidem exercitui occurrit Eboraci Joannes Areskinus, & Legati nuper e Scotia missi. Hi quoque ab Havarto, qui copiis præerat, retenti: nec ante dimissi, quam Bervicum est ventum. Scotus, ante Legatorum reditum, certior de adventu Anglorum per exploratores factus, ad quatuordecim millia passuum a limite, ad Falaum Fanum castra posuit, præmisso Georgio Gordonio, cum decem millibus, qui vagas Anglorum populationes prohiberet: verum is nihil memoratu dignum gessit: ac ne levia quidem certamina cum hoste conferuit.

LX. Rex mirum in modum cupiebat prælio decernere, adversa Nobilitate: a quibus id impetrare non poterat. <sup>2</sup> Igitur plenus irarum, multa in eos fudit convicia, imbelles & majoribus indignos eos compellans, ac subinde dictitans, „Quando ab eis proditus esset, se cum sua familia, quod illi renuissent, facturum. „Nec placari poterat, quamvis frequentes dicerent; „Satis „ei ad gloriam perpetratum, quod tantum Anglorum exercitum, tanto tempore collectum, ac Scotos ex improvise aggressum, ac magna comminantem, „non modo libera populatione prohibuisset, sed, per octo dies quos in Scotia manserat, ita continuisset, ut vix unquam ultra mille passus a limite sit ausus discedere. Nam Bervico Anglus egressus, adverso flumine Calsonem usque tenuit

<sup>1</sup> Cæsi non adeo multi] Hoc prælium ad Haldonrigum commissum est die D. Bartholomæo sacro, 24. Aug. 1542.

<sup>2</sup> Igitur plenus irarum] Vocem [igitur] quod omnibus editis abest, e MS. supplevimus.

tenuit iter : ibi certior de Scotici exercitus adventu , vado copias Anglus traduxit , adeo pugnae fugientes eventum , ut , cum temere & sine ordine in fluvium proruerent , uti quisque transierat , signis relictis , qua proxime possent , domum properarent. Nec Gordonius interim , qui hæc e propinquo prospiciebat , quicquam movebat. Hanc ob causam , Rex adversus eum odium implacabile conceperat. Maxuallius , ut Regis iram ex parte leniret , promittebat , „ Si sibi decem tantum millia permitterentur , se per Solvæum in Angliam pertrahaturum , ac operæ pretium facturum. Quod adeo præstare poterat , nisi Rex , proceribus insensus , <sup>1</sup> Olivario Sinclaro , Roslini Comarchi fratri , literas dedisset occultas , quas in tempore promeret. In eis scriptum erat , ut exercitus universus Olivarium pro duce agnosceret. Id consilium eo spectabat , ne , si quid felicius gestum foret , rei prosperæ gloria penes proceres esset. Cum jam in hosticum esset perventum , ac circiter quingenti equites Angli in propinquis collibus cernerentur , <sup>2</sup> Olivarius a sua factione in altum elatus , ac duabus hastis innixus , <sup>3</sup> Regias proferri literas jussit , quarum lectio adeo totum exercitum offendit , & in primis Maxuallium , ut , ordinibus solutis , omnes confundi ac misceri statim cœperint. Hostes , homines militares , sed nequaquam ad tantæ rei expectationem coacti , cum eam omnium rerum perturbationem e loco superiore intuerentur , magno (ut eis mos est) cum clamore trepidos , inter pugnae & fugæ consilium , aggressi , pedites , equites & calones confusos <sup>4</sup> in paludes proximas adigunt. Ibi multi ab Anglis , plures a Scotis latronibus capti , & Anglis divenditi.

LXI. Calamitate exercitus ad Regem , qui non procul aberat , delata , supra quam credi potest , commotus , indignatione , ira , mœstitia animum in diversa trahentibus , nunc in vindictam de suorum (ut ipse dictitabat) perfidia pronus , nunc in novum belli apparatus , & rationem rerum gerendarum intentus erat. Id autem , inter res prope perditas , optimum est visum , ut , induciis cum Anglo factis , Archibaldum Duglassium , Angusiæ Comitem , quibuscunque posset conditionibus , revocaret. Interim , vigiliis & inedia vires corporis labefactantibus , animo curis obruto , intra paucos dies moritur , <sup>5</sup> XIV. die

<sup>1</sup> *Olivario*] Ita MS. aliis vero [*Olivario*] est scriptum.

<sup>2</sup> *Olivarias a sua factione*] Drummondus vero non *Olivarium Sinclarum* , sed Maxuallium a Rege exercitus ducem fuisse constitutum narrat : Scotorum vero primores *Olivarium* Regias ea de re literas recitare parantem conspicatos , falsa opinione hanc illi ipsi a Rege provinciae mandata existimantes , solutis statim ordinibus , alios in fugam se coniecisse , complures vero sua sponte in Anglorum potestatem se dedidisse.

<sup>3</sup> *Regias proferri literas jussit*] Ita omnino cum MS. legendum , non quod exte-

ris irrepsit [*proferri*] superius enim lin. 10. dixerat , *quas in tempore promeret*.

<sup>4</sup> *In paludes proximas*] Accepta est funesta hæc ad Solvæi paludes clades 24 Novemb. pridie Catharinæ Virginis anno 1542. *Holinsh.*

<sup>5</sup> *XIV. die Decembris*] Ita MS. Lessus , Holinshedius , Pat. Andersonus , Jac. Gordonus Lesmoreus Chronol. pag. 540. Balfurius Annal. pag. 254. At David Camerius Ormundæ Comarchus *Hist. Abbregee*, &c. fol. 212. Jacobum V. mortuum tradit 10 Decemb. Pirccottius 20 Decemb. Drummondus vero , Geo. Crafordius & editi Buchanani codices 13 ejusdem

die Decembris, relicta filia hærede, ante octavum diem nata. Sepultus fuit postridie Id. Jan. in Cœnobio Sanctæ Crucis, prope Magdalenam priorem conjugem.

LXII. Erat ei, dum viveret, facies & compositio membrorum decora, statura mediocris, supra corporis modum vires: ingenium acre, sed quod vitio temporum parum fuit excultum. Victu utebatur parco, vino parcissime. Laboris, aloris, æstus, inedia patientissimus. Sæpe in equo sedens hieme asperrima diem noctemque continuabat, ut latrones inopinantes domi deprehenderet: illaque celeritate tantum sui metum incusserat, ut, velut eo semper præsentem, a maleficiis se continerent. Tanta moris patrii erat scientia, ut de rebus gravibus, etiam per iter, summa cum æquitate expeditissime responderet. Aditus etiam pauperioribus ad eum erat facillimus. Ingentes autem virtutes vitia prope adæquabant, sed quæ temporis magis, quam naturæ videri poterant. Omnium enim rerum licentia disciplinam publicam solverat, quæ nisi magna severitate animadversionis fisci non poterat. Pecuniæ autem id fecerat avidiorem, quod, cum alienæ potestatis esset, in summa parsimonia educatus fuisset: & cum primum sui juris est factus, in vacuas aedes ingresso, directa suppellectili, omnis ei simul aulae partes denuo erant exornandæ: proprium autem Regum patrimonium in eos, quos minime voluisset, usus, curatores ejus absumerant. Ad mulieres autem proniorem eum reddiderant adolescentiæ educatores, qui hac ratione diutissime eum sibi obnoxium fore arbitrabantur. Nobilitatis magna pars ejus mortem non adeo moleste tulit, ut quorum alios exilio multaverat, multos custodiis coercuerat: alii, metu severitatis ejus, nunc ad pristinum contemptum ira recenti adjecta, maluerunt Anglo se hosti dedere, quam sui Regis iræ se committere.

dem mensis extinctum prodidere. Lesszi vero supputationem confirmat Rob. Sibbaldi testimonium, qui se thecæ plumbeæ qua defuncti corpus est repositum, 14 Decemb. inscriptum vidisse asseveravit. Nec minus editorum Buchananii codicum auctoritatem suffulciunt Hamiltonii Proregis ad Pontif. Rom. literæ 14 Maji 1543, quibus Jacobus Idibus Decembris extinctus memoratur. Obiit autem Jacobus V. anno regni 30, vitæ 31. non (quod Lesszus, Drummondus, Spotisvodus, &c. sibi ipsis repugnantes scripserunt) anno regni 32, vitæ 33.

1 Ante octavum diem nata] Ita omnino

rescribendum, pro eo quod libros omnes pervasit, ante quintum diem nata: secus enim sibi ipsi dissidebit, quippe XV. 1. Mariam Jacobi filiam octavo ante ejus mortem die natam affirmat. Et quidem hujus repugantiæ a Cl. Joanne Clerico Bibl. Selecta Tom. VIII. pag. 191. non tam ipse Buchananus, quam ejus exscriptores arguuntur. Cæterum, si integrum nobis fuisset, ante septimum diem potius scriptum oportuit, id enim Lesszus, omnium ejus familiarium longe fidelissimus, tribus diversis in locis, scriptum reliquit, quem & plerique omnes scriptores alii sequuntur.



## LIBER DECIMUS QUINTUS.

I. **R**EGE, in ætatis flore, non tam morbo quam mœroris vi extincto, motibusque superiorum temporum, inopinato eventu, sopitis verius quam compositis, tanta prudentioribus imminere videbatur tempestas, quantam vix ulla proximorum seculorum memoria aut ex maioribus audierat, aut ipsa meminisset. <sup>1</sup> Nam neque Rex domi suprema ordinaverat, & puellam, octavo ante ejus mortem die natam, hæredem reliquerat: & Nobilitatisduces, in quibus aliquid auctoritatis fuerat, vel suo fato functi erant, vel apud hostem exules aut captivi retinebantur. <sup>2</sup> Nec, si domi fuissent, vel ob odia privata, vel ob dissensionem de religione, vivo Rege metu compressam, & mox animis metu solutis erupturam, inter se discordes, <sup>3</sup> quicquam erant pro sanis acturi. Accedebat ad hæc bellum externum, adversus Regem potentissimum: qui quomodo esset usus victoria multi, pro sua cujusque spe aut metu, varie differebant. Qui secundus erat hæres, ut nec ad privatam vitam degendam virtutibus multum vulgo præstabat, ita neque consilio ad regnum gerendum, neque fortitudine erat insignis. Cardinalis, in publicis malis locum crescendi sibi esse ratus, <sup>4</sup> ut & ordini suo, & Gallicæ factioni se ostentaret, facinus & audax & impudens est aggressus. Conducto enim Henrico Balfurio, sacrificulo mercenario, falsum testamentum Regi subjecit: in quo ipse se, tribus Assessoribus e potentissimis procerum adjectis, in summo magistratu collocabat. Spem ei, id consilium successfulurum, faciebat Comitæ Araniæ minime turbidum, & a periculis ad quietem pronum ingenium, & generis propinquitas. Erat enim ex amita Cardinalis natus, <sup>5</sup> & ipse unus ex Assessoribus, velut in partem dominationis assumptus. Occasio item supremæ potestatis invadendæ <sup>6</sup> celeritatis egere visa est, ut captivorum & exulum ex An-

<sup>1</sup> *Nam neque Rex*] Causalem hanc particulam [*Nam*] e MS. duximus reponendam, absque qua non satis concinno ordine aut nexu oratio progredi videbatur.

<sup>2</sup> *Nec, si domi fuissent*] Ita MS. suffragante etiam Crafordio. Editis tamen omnibus [*Nec fuissent si domi,*] legitur.

<sup>3</sup> *Quicquam erant pro sanis acturi*] Hanc præsin mutuatus videtur a Cæsare, Bell. Gall. lib. 5. cap. 7. *Nihil hunc se absente pro sano facturum arbitratus, qui præsentis imperium neglexisset.* Ita & Plautus loquitur Menæchmis V. 5. 28. *Hoc quidem adeo haud pro insano verbum respondit mihi:* & paullo post v. 41. *Satin' hæc*

*pro sano maledicta maledictis respondeo.*

<sup>4</sup> *Ut & ordini suo*] Abest ab omnibus editis vox [*suo*] quam tamen e MS. restituere non dubitavimus.

<sup>5</sup> *Et ipse unus ex Assessoribus*] Inepte libris omnibus legitur [*unus ex possessoribus.*] Errorem suboltecit Melvinus, qui tamen non scita admodum interpolatione [*proceribus*] jubet legendum. Accuratior Crafordii conjectura [*Assessoribus*] hic reponentis, quam & MSti auctoritas, & ipsius Buchanani verba paullo ante confirmant.

<sup>6</sup> *Celeritatis egere visa est*] Libri editi, & *celeritatis.* Nos vero copulam, ad nulum

Anglia reditum præveniret, ne quid in approbatione sui honoris eis integrum relinqueret, quorum & potentiam & gratiam formidabat, & mentem a se alienam, ob diversum pietatis cultum, non dubitabat. Ea causa fuit ei, ut statim post Regis interitum, edictum de quatuor Gubernatoribus eligendis promulgaret. Adjecit etiam factioni suæ quosdam procerum, donis & pollicitationibus illectos: ac maxime Reginam, adversis partibus non satis æquam. Hamiltonius autem, adversæ factionis princeps, homo minime ambitiosus, quietem oblatam videbatur amplexurus, si per propinquos licuisset: qui suæ magis libidini studebant, quam de ejus honore erant solliciti. <sup>1</sup> Hi diu noctuque juvenis animum spe implebant, & hortabantur, ne fortunam, ultro se offerentem, <sup>2</sup> e manibus elabi sineret: omniaque commisceri malebant, quam in vitæ certa & privata conditione conquiescere. Præterea multos eis conciliabat amicos Cardinalis odium, indignitasque sub sacrificuli imperio servitutis. Suberat & spes, incerta quidem illa, sed tamen ad hominum studia excitanda non inefficax, quod, cum Hamiltonius secundus esset hæres, multi secum reputabant; puella paucorum dierum, quæ sola cum anteiret, <sup>3</sup> quot ante nubilem ætatem vel casibus fortuitis esset objecta, vel tutorum fraude periculis obnoxia. His, in longum fundamenta potentiæ struentibus, consultissimum est visum, qui ex præsentē rerum statu se offerebat, fructum non negligere, & futurum Hamiltoniorum incrementum spe amplecti: <sup>4</sup> quæ si fefellisset, non difficilem apud novam Principem, gratiam hominum in regni initio colligentem, & si quid secus evenisset, <sup>5</sup> fore veniam.

II. Dum in Scotia hic rerum est status, Anglus interea in latitiam, ob victo-

lum hic usum comparatam, MSi exemplo, exulare iussimus.

<sup>1</sup> *Hi diu noctuque*] MS. editi vero *die noctuque*.

<sup>2</sup> *E manibus elabi*] Editi, *e manibus labi*: prius autem, ut MSi fide nixum, ita longe elegantius frequentiusque videbatur.

<sup>3</sup> *Quot ante nubilem ætatem*] Ita MS. ar editi omnes facili errore [*quot*] in [*quod*] mutarunt.

<sup>4</sup> *Quæ si fefellisset, non difficilem apud novam Principem*] Ita omnes editi: MS. tamen, & forte rectius, *Quæ si etiam fefellisset, non difficilem apud novum principem, hominum gratiam in regni initio colligentem, si quid secus evenisset, fore veniam*. Utrovis autem modo, haud parum perplexa atque ambigua videtur sententia, sive *novam*, sive *novum principem* legamus. Primum enim, aut hæ voces, [*si quid secus evenisset*] otiosæ videntur, nihil quippe aliud significantes quam quod his ver-

Tom. I.

bis [*quæ si fefellisset*] prius enunciaverat; aut sententiæ vocabulum aliquod excidisse, veluti [*favorem crescendi locum*] aut simile; ut si hoc pacto totam sententiam resingere ac explicare velis, *Quæ* [spes scilicet de futuro Hamiltoniorum, Maria sine sobole forte extincta, incremento] *si fefellisset, non difficilem apud novam principem* [i. e. Hamiltonium Proregem] *gratiam hominum in regni initio colligentem, fore favorem, & si quid secus evenisset, [i. e. si res novas molientibus consilia male cessissent, non difficilem fore] veniam*. Quod autem omnes libri editi [*novam principem*] exhibeant, haud multum probare possum: regni enim initio, atque cum *nova Princeps* esset Maria, nullius *gratiam colligere*, aut odium reformidare, præ ætate poterat, utpote quæ Princeps nata, atque in cunis vagiens Scotorum Regina coronata fuerat.

<sup>5</sup> *Fore veniam*] Omnibus libris, præterquam MS. abest *fore*.

Tet

1 Qui

victriciam inſperatam, effuſus, principes captivorum Londinum arceſſit. Bi-  
duo in arce concluſi, die ſacro Thomæ Apoſtolo, 'qui eſt Decembris XXI.  
per urbem, qua longiſſima eſt, ac velut ad publicum ſpectaculum per ora  
vulgi traduſti, cum tandem ad aulam Regiam perveniſſent, ibi a Cancellario  
Anglo graviter increpiti, tanquam ſœderis violatores, ac verbis ampliſſimis bo-  
nitate & clementia Regis laudata, qui multum de ſuo adverſus eos jure remi-  
ſiſſet, per familias laxiore cuſtodia diſtribuuntur. <sup>2</sup>Erant autem ii ex ordine  
ſupremo ſeptem, præterea honeſto loco nati viginti quatuor. Verum, ante  
triduum renunciato, Regem Scotorum, unica filia hærede ſuperſtite, de-  
ceſſiſſe, hic occaſio peropportuna Anglo viſa eſt, per concordiam Scotos An-  
glis conjungendi, eorum Regina filio ſuo deſponſa. Itaque, revocatis in aulam  
captivis, & per homines idoneos eorum animis prætentatis, blandius eos ap-  
pellatos, operamque ſuam pollicitos, quatenus aut ſine publico detrimento,  
M. D. aut privata infamia poſſent, Calend. Jan. ineunte anno milleſimo quingentefi-  
XLIII. mo quadrageſimo tertio, Scotiam verſus dimiſit. Cum ad Novum Caſtrum ve-  
niſſent, ac Thomæ Havarto Duci Norfolciæ obſides dediffent, cætera liberi  
ad ſuos redierunt. <sup>3</sup>Redierunt una cum eis Duglaſſii fratres, poſt decimum  
quintum exilii annum patriæ reſtituti. Omnes autem cum partis majoris gratu-  
latione recepti fuerunt.

III. Cardinalis, qui hanc tempeſtatem in ſe intentam videbat, non dubius  
quin & captivos & exules in comitiis adverſarios eſſet habiturus, curarat, ut,  
ante adventum eorum, ipſe Prorex eligeretur. Verum is honor haud diutur-  
nus ei fuit: nam, paucis poſt diebus, fraude ejus in falſo teſtamento Regi ſub-  
jiciendo deprehenſa, honore dejectus, & Jacobus Hamiltonius Arania Comites  
Prorex dictus: aliis, quod regni proximus eſſet hæres, jam tum gratiam oc-  
cupantibus: aliis Cardinalis crudelitatem in quæſtionibus de religione tanto an-  
te proſpicientibus. Eum timorem auxerunt codicilli, poſt Regis interitum re-  
periti, in quibus ſupra trecentorum e prima Nobilitate nomina continebantur:  
& inter hos in primis, qui Prorex poſtea factus eſt in crimen vocabatur. Ejus  
igitur electio, quia multorum pericula ſublevatura videbatur, & ſuperbiam ſa-  
cerdotum compreſſura, majori parti hominum admodum grata fuit. Ipſe quo-  
que libellos, qui controverſias de religione continebant, libenter lectitabat, &  
vitæ ſuperioris quies, procul ab aulica ambitione remota, ſpem animi modeſti  
& temperantis multis faciebat, magiſtratu nondum torporem & ſocordiam in-  
genii detegente.

IV. In conventu, qui menſe Martio habitus eſt, affuit <sup>4</sup>Radolfus Sadle-  
rius

<sup>1</sup> Qui eſt Decembris XXI.] Omnibus  
libris male legitur XX.

<sup>2</sup> Erant autem ii ex ordine ſupremo] MS.  
[Erant autem ex ordine ſupremo,] cæteri  
[ei] habent: verum cum [ei] nuſquam in  
plurali reperiatur, (quæ nonnullorum  
Grammaticorum eſt hallucinatio,) nec il-  
lius vocis in ſingulari ullus hic uſus vide-

retur, nos ejus loco [ii] repoſuimus.

<sup>3</sup> Redierunt una cum eis] Ita MS. alii  
Redierant.

<sup>4</sup> Radolphus Sadlerius Eques] Is qui an-  
te duos annos ad Jacobum V. legatus fue-  
rat, cujus & literæ rerum ab ipſo in ſua  
hac legatione, a 20 Martii ad 12 Decem-  
bris 1543, geſtarum ſeriem fuſe & accu-  
rate

rius Eques, ab Anglo legatus, qui nuptias & pacem publicam procuraret, & alios promissi admoneret, alios (ut fama circumferebat) pecunia tentaret. Huic paci cum Regina Cardinalisque, cum tota sacerdotum factione, non solum repugnaret, sed obturbando, & alios interpellando, nihil decerni pateretur, communi prope omnium consensu, Cardinalis in cubiculum seorsum seclusus est, dum sententiæ perrogantur. Eo semoto, de matrimonio Reginae, deque aliis conditionibus facile consensum: obsides etiam, hæc firma fore, Anglo promissi. Cardinalis, deprecante Regina vidua, liberiore custodia apud Setonium habitus: eo pecunia persuaso, brevi post est dimissus.

V. Cum jam, post gravissimam imminentis belli formidinem, pax cum summo utriusque regni emolumento confecta in perpetuum videretur, qui jam aliquot annos a negotiando cohibiti erant mercatores certatim in mare provolant, quam possunt pro tempore plurimas pretiosissimis mercibus naves onerantes. Edimburgum duodecim, cæteræ illius oræ urbes (quæ pars est Scotiæ opulentissima) pro viribus quæque ornant. <sup>1</sup>Hæc classis, fiducia pacis, Angliæ littus propius quam alioqui necesse erat legens, cessante vento, alibi stabat ad anchoram, aliæ tutos portus erant ingressæ, opportunæ Anglis ad omnem injuriam, si quis belli motus oboriretur. Eodem fere tempore redierant e Gallia Joannes Hamiltonius Abbas Pasletensis, & <sup>2</sup>David Panitarius: hi, multorum annorum abjecta persona, ad veros mores reversi, & velut in schola non pietatis, sed nequitiae se exercuissent, aulae omnium flagitiosorum antesignani erant.

VI. Cardinalis, insperata libertate potitus, homo superbo ingenio natus, & repulsa accepta, ac fraude detecta, ignominia etiam accensus, omnes circumspicit turbandæ concordiae rationes. Primum, re communicata cum Regina vidua, communiter ambo indignabantur, Duglassianos, <sup>3</sup>ob multa & magna beneficia certissimos Angli clientes, statim ab exilio in consilia de summa rerum accitos: & receptæ religionis mutationem omnes pariter formidabant, quæ secum Gallici foederis solutionem allatura videretur. Ibi de Reginae consensu, Cardinalis, coacto sacerdotum conventu, & magna ab eis extorta pecunia, quæ imminentem universæ Papanæ Ecclesiæ ruinam averteret, primum parte ejus compluribus adversæ factionis hominibus claris repræsentata, & adjectis multis magnisque pollicitationibus, persuadet, ne obsides promissos Anglo traderent: & qui nuper e captivitate redierant, ab eis pariter impetrat, ut liberos & propinquos, nuper hosti datos, posteriores legibus & salute publica habeant, & religione pristina, cujus incolumitas in hoc uno momento ver-

teret-

rate descriptam complectentes, in Biblioth. Jurid. Edimb. asservantur.

<sup>1</sup> *Hæc classis, fiducia pacis* ——— *alibi stabat ad anchoram, aliæ tutos portus erant ingressæ*] Synthesis Buchanano satis frequens, nec exemplis veterum destituta.

<sup>2</sup> *David Panitarius*] Hic erat Gubernatori ab Epistolis, paullo post Episcopus

Rossii creatus, nemini tum Scotorum doctrinæ & eloquentiæ laude secundus, uti Sporisvodius Hist. Eccles. Scor. pag. 110. in primis vero ab ipso scriptæ literæ testantur.

<sup>3</sup> *Ob multa & magna beneficia*] Ita MS. alii [*multa magna.*]



teretur : neu se in perpetuam servitutem ultro præcipitent. Præterea curat per sacerdotes , ut Regis Angliæ Legatus superbe contemneretur : per operas vero & scurras contumeliosis verbis comites ejus acciperentur : eorumque dicta & facta in pejorem partem raperentur. Verum Legatus , obstinato adversus omnium contumelias animo , ne quam ipse dissidii occasionem dedisse videretur , statuit diem tradendis obsidibus dictum opperiri. Is cum venisset , Proregem adiit : deque probris , non tam sibi , quam Regi suo illatis , jurisque gentium contemptu , graviter questus , petit ab eo , „ Ut juxta fœdus , non „ ita pridem factum , obsides tradat , amicitiamque , nuper initam , sanctam & „ inviolatam , ex utriusque gentis commodo , servandam curet. Ille de contumeliis Legato factis se excusat ; ac nolle factum dicere , brevique , quæstione „ ne habita , operam daturum , ut eorum petulantia pœna sit erga gentem „ Anglorum sui studii & voluntatis testimonium. Quod ad obsides attinet , „ Ego , inquit , nec a volentibus impetrare , nec invitos cogere possum : id „ genus enim est imperium quod gero , ut non minus juris accipiam , quam „ dem. Itaque , tanta seditione , quantam ipse vides , a Cardinali excitata , omnes meæ rationes conturbatae sunt , ut , vi publici furoris abreptus , nihil „ de me certi confirmare possim.

VII. Jam negatis novis obsidibus , incidit & altera non minor consultatio , de Nobilibus ante paucos menses bello captis , qui obsides dederant , ac sancte promiserant , se , pace , quam Anglus petebat , conditionibus minime iniquis non confecta , redituros. Eos enim factio Cardinalis , reliquique sacerdotum ordo , partim rationibus & exemplis , contendebat , rem , propinquos , liberos , & si qua alia hominibus debeant esse jucunda , patriæ caritati posthabenda : partim minas a Gallicis auxiliis , & conjurationem totius Europæ , in majorum ritibus & caerimoniis propugnandis , crimenque proditæ patriæ , & veterum familiarum imminentis interitus intentabant : orabantque , ne tam periculoso tempore patriam desererent : qua salva , liberos & propinquos alios sperare possent ; perdita , spes reliqui temporis una periret. Multa quoque de inexpiabili harum gentium odio , deque Regis , in cujus potestatem venturi erant , crudelitate , vera falsis mixta commemorabantur. Jactabatur etiam decretum concilii Constantiensis , quod pacta , contracta , promissa , jurata hæreticis , irrita esse jubet. Cum major pars eorum , quos ea res attingebat , facile qualemcunque suæ culpæ excusationem acciperent , inventus est unus Gilbertus Kennedus Cassilisæ Comes , qui nec pecunia abduci , nec minis depelli , de constantia fidei servandæ , posset. Is , cum binos fratres obsides in Anglia haberet , palam professus est ; „ Se in custodiam rediturum ; neque , ullo „ metu objecto , commissurum , ut suam duorum fratrum sanguine vitam redimeret : „ [*ac*] recta Londinum , multis reclamantibus , est profectus. Rex & juvenis constantiam laudavit , & , ut locum virtuti apud se omnes scirent , muneribus donatum , una cum fratribus , domum remisit.

## VIII.

[*Ac recta Londinum*] Particulam [*ac*] das necessariam , libris licet omnibus in-  
ad orationis partes inter se rite connecten- vitis , hic inseruimus.

I Non

VIII. Sed nec placatior erat erga Kennedum Henrici animus, quam erga cæteros Scotos ira implacabilis. Itaque navibus Scotorum, quarum (uti diximus) satis magnus numerus in portibus & stationibus Anglorum stabant, re-tentis, statim bellum indixit: nec obscure non modo fœderum, sed etiam

I Non modo fœderum] Imo vero fœdus ab Anglo primum violatum apparet, qui prius quam diploma ab ipso esset signatum, aut tradendorum obsidum tempus advenisset; naves Scoticas diripiendas mandasset. Hujus rei luculentum exstat testimonium, Legatio a Gubernatore Scoticæque nobilitatis principibus ad Christianum Danicæ Regem 4 Aprilis 1544 missa: cujus ideirco quædam capita, Angli fraudem ac crudelitatem testantia, hic libuit exhibere.

HIS per te [Legatum scil. Joannem Haïum] patefactis, recensebis quemadmodum Anglorum Rex miro artificio sollicitaverat illustrissimum nostrum primum Regem, suum ex sorore nepotem, ad prævaricandum vetustissimam amicitiam, confœderationem & recentem necessitudinem Scotorum cum Gallis: quum vero vasfricæ quod petebat non posset assequi, classem quadraginta navium ad vexandam maritimam Scoticæ oram ab hinc biennio misit, simulque illustrissimum terrestrem exercitum quadraginta millium peditum, quos omnes illustrissimus Rex noster piæ memoriæ obviam iens, nullo accepto incommodo, compulit ad. Octobris referre pedem & flumen Tuedam trajicere.

His non infelicitè gestis, circiter finem tunc proximi Novembris illustrissimus noster Rex præferoci animo misit decem ferme millia hominum in occiduas Angliæ regiones, loco sane diversissimo ab illo Angliæ loco, ex quo duobus ante mensibus hostes aggressi sunt Scotiam. In qua quidem populatione nonnulli nostri nobiles & Barones, minus provide palantes, ab Anglis sunt intercepti, & Londinum ducti: ubi ad proximam Epiphaniam magis honorifice, quam decebat captivos, fuerunt tractati, quum illustrissimus noster Rex Decembri illam Epiphaniam præcedente humanitus evicta excessit.

Cujus mortis tempore, & quindecim annos ante, Comes Angliæ & frater ejus, principes viri inter Scotos, læsæ majestatis damnati, apud Angliæ Regem toto illo annorum spatio exulantes, honorifice in Scotorum perniciem fuerunt habiti: quos exules cum supradictis captivis nobilibus Rex Anglorum, statim audita nostri Regis morte, liberos & bene donatos in Scotiam redire permisit, promittens se cum Scotis iterum pacem: ad cujus constantem observationem, tam dicti Scoti exules, quam nobiles captivi, promiserunt Anglorum Regi se curaturos pacta pacis & leges matrimonii ineundi inter illustrissimam nostram Reginam, & Eduardum Valliæ Principem Anglorum Regis primogenitum.

His nostrorum captivorum liberationibus ac futuri matrimonii pactis in Angliam quodammodo formatis, & in Scotia omnino ignoratis, illustris Gubernator in celebri Scotorum omnium Ordinum conventu supradictum Comitum & ejus fratrem, tunc exules, pristino honorum & dominiorum statui restituit.

Post hanc restitutionem, hoc Comite cum fratre & nobilibus captivis in Scotiam reverso, statim nostri legati in Angliam de pace & hujusmodi matrimonio missi sunt, harum rerum monumentis & contractibus initio sequentis Julii conclusis, in quibus cavebatur, ut iidem contractus ante initium tunc proximi Septembris absolverentur, ac signata diplomata ultro citroque obligatoria inter argumentum absolutissimæ rei invicem traderentur.

Hoc pacto contractibus a nostris legatis publica auctoritate in Angliam formatis, ipsi in Scotiam reversi significant Gubernatori cæterisque Scotorum principibus hanc pacem, non solum in Londini compitis, verum etiam in aliis

juris gentium violatoribus minabatur. Cum in tam præcipiti statu regnum Scotorum staret, tantum abest, ut vel cognationis memoria, vel communis patriæ caritas, vel salutis publicæ respectus, animos permoveret, ut multo acrius seditionis faces accenderentur. Factio enim Cardinalis, & Regina viduæ quæ omnia trahebat ad Gallos, missis ad eos Legatis, ostendebant, „Nisi quid „in eorum subsidiis opis esset, nunc in ipso articulo rem esse, ut Scoti & „Angli in unam ditionem coirent: id quam ex usu terræ Galliarum foret, ali- „quot seculorum experientia esse compertum. Illud autem in primis a Gallis petebant, ut Matthæus Stuartus, Levinia Comes, domum ad suos remitteretur: ut qui non solum Hamiltoniæ familiæ esset æmulus, sed etiam

„Angliæ oppidis, edicto Regio publice „denunciata. Quod quum vere factum „esse Gubernator Scotiæ intellexisset, id- „circo & ipse eandem pacem per Scotiæ „oppida jussit pronunciari. Cujus quidem „pacis confidentia quam plurimæ statim „onustæ naves in Gallias & Flandriam „navigaturæ ex variis Scotiæ portibus, „mense Augusto, ante dictum Septem- „brem, publicationem pacis sequente, „solverunt. Incommodo autem vento in „varios Angliæ portus sunt repulsæ. In „quibus portibus Scoti initio humaniter „tractati, paullo post tamen Anglorum „Regis jussu eadem nostræ naves invasæ „sunt, & merces divenditæ. Nihilominus „Scotorum Gubernator ad statutum tem- „pus, hoc est, Septembris initium, per „novos legatos curavit solenne hujusmodi „pacis & matrimonii diploma Anglorum „Regi reddendum: ipse tamen Angliæ „Rex prorsus renuit suum de eisdem pace „& matrimonio diploma nostris legatis „invicem tradere, juxta præscriptam „obligationis formam. Sicque ipse diri- „piendo nostras naves cum mercibus, ac „renuendo tradere Scotis suum diploma „pacis confirmatorium, renovatam pacem „apertissime violavit.

„Propter pacem hoc modo violatam, „& quod omnia sint a Scotis præstita, „quæ mutua obligatio requirebat, hujus- „modi contractus de pace deque matrimo- „nio fuit novissimo Decembri illum Se- „ptembrem sequente in solennibus comi- „tiis ita rescissus & extinctus, ut neque „serenissima Regina, neque Gubernator, „neque ipsi denique Scotorum principes

„sint ullo pacto ad observationem hujus- „modi contractus obligati: eo maxime „quod ille contractus initus & celebratus „est duntaxat spe perpetuæ inter Anglos „& Scotos futuræ pacis; quæ quidem pax „vix reviviscens est evidentissime ab ipso „Anglorum Rege præter æquum & bo- „num suffocata strangulataque: propterea „quod in Scotorum dissidiis, quæ ipse so- „vebat, & nunc maxime fovet, multo „majorem & celeriore poneret spem „quam in matrimonio, &c.

Ab hac rerum narratione non multum dissentit ipse Sadlerius; qui Epistola ad Regem Angliæ, 24 Sept. 1543 scripta, se narrat a Regina, Prorege, Cardinale, Scotiæque Nobilitatis Principibus ap- pellatum, interrogatumque quæ causæ herum suum ad naves Scoticas intercipientes impulsissent, non alias præter has duas proferre potuisse: primum, quod iis navibus pisces, aliaque mercimonia apud Scotos provenientia, ad Gallos, antiquos Anglorum hostes, deveherentur. Deinde, quod nonnulli e nautis Proregem aliosque e Nobilitate Scotica convitiis ac maledictis proscidissent. Quam autem injustus Anglo fuerit primus prætextus, vel ipse Sadlerius ostendit, qui, licet in id totis viribus ab initio incubuerat, nunquam tamen hanc se pacis legem a Scotis extorque- re potuisse, ut communes cum Anglis ami- cos hostesque haberent, aut, quod eodem redibat, ut Gallico foederi renuntiarent, non una Epistola testatur. Alterius autem prætextus tam aperte se prodit futilitas, ut, qui eam monstrare velit, ineptire videatur.

1 Terra Gallie] Vide supra ad I. 46.

1 Ma-

etiam, patre ad Limnuchum ab eis caelo, capitalis inimicus. Huic juveni, præter, in ipso juventutis flore, formam egregiam, & corporis dignitatem, conciliabat omnium animos patris, hominis maxime popularis, memoria, & solitudo, & pericula familiæ clarissimæ jam ad paucos redactæ, multæ domi clientelæ, magnæ familiæ propinquitatibus conjunctæ. Ad id, proximi Regis judicium, qui, si absque <sup>1</sup> mascula stirpe liberum decederet, hunc sibi hæredem & successorem destinabat: eamque voluntatem, si diutius vixisset, conventus publici (penes quem est omnium rerum summa potestas) decreto confirmaturus credebatur. Neque deerant adulatores, qui animum, generosum quidem, & magnarum rerum expectatione jam erectum, sed adversus fraudes incautum, ad spes ampliores excitarent. Præter enim summum, in annos prope viginti proximos, imperium, & in veteres inimicos dominationem, etiam Reginæ viduæ nuptias spondebant: & si quid humanitus interea puellæ, penes quam tum Regium nomen erat, accideret, cum haud dubie Regem futurum: nec Regem modo, sed & Jacobi Hamiltonii proxime defuncti <sup>2</sup> legitimum hæredem, <sup>3</sup> quando Prorex nothus esset, ac non modo regni, sed ne suæ quidem familiæ hæreditatem jure posset sperare. Accedebant Francisci Regis Francorum adhortationes, & spes ostentata, & auxilia in tempore promissa. His rebus cum simplex & credulus juvenis animus facile impelleretur, profectiorem in Scotiam adornat.

IX. Horum tum nihil cum Hamiltonius ignoraret, ut & ipse suæ parti vires adjiceret, de consilio, quibus maxime fidebat, amicorum, <sup>4</sup> statuit Reginam, quæ adhuc in matris potestate erat, e Limnucho tollere: ea enim ad se traducta, non modo Regii nominis umbram, quæ plurimum apud multi-

<sup>1</sup> *Mascula stirpe liberum*] Ita omnes libri, etiam Elzev. 1668, & Mosm. 1700. Vide supra ad XIV. 46.

<sup>2</sup> *Legitimum hæredem*] Ejus enim pater Joannes Levinæ Comes filius erat Elizabethæ Hamiltoniæ Proregis amicæ, quæ & Mariæ Stuartæ Jacobi III. Regis sororis filia fuit. Geo. Crafordius *Ibid.* pag. 192. & 260. Hanc Buchananus XIII. Cap. 9. *Margaritam*, Balfurius vero Geneal. pag. 92. *Mariam* appellat.

<sup>3</sup> *Quando Prorex nothus esset*] Hæc calamitas inde orta est, quod Jacobus Hamiltonius, Proregis pater, tres uxores habuerit, quarum prima erat Beatrix Drummondæ Reguli filia, qua defuncta Elizabetham Humiam Alexandri Humii sororem, [Vide XIV. Cap. 5.] sibi copulavit. Eaque non multo post repudiata, uxorem demum duxit Jonetam Betoniam, Roberti Levintonii viduam, eandemque amitam Cardinalis, ex quo ma-

trimonio Jacobus Scotiæ Prorex est genitus. Hæc autem divortii cum secunda uxore faciendi a Patricio Coventrio aliisque ad id delegatis iudicibus justissima causa assignabatur, quod ea primitus Thomæ Hajo, qui nondum e vivis excessisset, nupta fuerat. Vide Geo. Crafordium *Nobil. Scot.* pag. 192. Huc adde trium regni Ordinum decretum, 3 Martii 1547, quo Jacobus Aranæ Comes legitimus regni Tutor, proximusque post Mariam Reginam ejusque sobolem imperii Scotici hæres declaratur. Vid. omnino Burneti *Hist. Reform. Ang.* vol. 1. pag. 324.

<sup>4</sup> *Statuit Reginam — e Limnucho tollere*] Imo vero Sadlerius Angli Legatus (uti ex ipsius literis patet) obnixè apud Proregem contendebat, ut Regina e Limnucho aut in Tentallonem Angulii arcem, aut in arcem Edimburgensem devehere-



tudinem valet, se penes fore: sed puellæ collocandæ, atque etiam regni quo vellet transferendi, se arbitrum futurum. Id si consecutus fuerit, tum Anglæ pollicitationibus duci; vel, si necesse sit, partibus adjungi posse. Hoc consilium cum summo opere placuisset, ut in civilibus dissensionibus, exploratoribus omnia utrinque observantibus, nihil occulti esse potest, ad Cardinalem statim est delatum. Is, coactis quos sibi e Nobilitate pecunia conciliaverat, Limnuchum venit, ac, magno cum civium damno, dies aliquot Reginæ præsidio fuit.

X. Interea Levinius Gallia appulit, & amice Prorege salutato, dissimulatis utrinque odiis, Limnuchum contendit. Ibi convento Cardinale, domum suam profectus, in concilio amicorum longo sermone explicavit, „A quibus arces-  
„sit, cujus jussu, qua spe fretus, quibus conditionibus venisset: nec sum-  
„mum magistratum modo, sed nuptias Reginæ viduæ ab ipsa factionisque prin-  
„cipibus<sup>1</sup> oblatas. Ab Rege Gallorum, ad hæc perficiunda, favorem opes-  
que, & sicubi opus esset, auxilia sperare jussim. Cunctis assentientibus, at-  
que adhortantibus ne fortunæ sese offerenti deesset, plus minus quatuor millibus hominum comitatus, ad Reginam venit. Hamiltonius, qui, delectu habito, congregatisque Edimburgum amicis, ad Reginam perumpere decreverat, jam se viribus inferiorem cernens, ex amicorum consilio, & suo ingenio ad concordiam propensior, de pacis conditionibus tractare cœpit. Missis ab utroque summæ prudentiæ viris, ad Listonem, vicum medio fere inter Edimburgum & Limnuchum spatio, in hæc conditiones conventum est, ut Regina Sterlinum traduceretur: educationi ejus qui præessent, quatuor primi ordinis proceres eligerentur, qui neutri se factioni implicuissent.<sup>2</sup> Nominati Gulielmus Gramus, Joannes Areskinus, Joannes Lindesius, & Gulielmus Levistonius, viri clari, & illustrium familiarum principes. Hi, ex communi partium decreto, Regina accepta, viam, quæ Sterlinum fert, ingressi sunt, stante sub armis cum suis Levinio, donec extra periculum a factione adversa esset per-  
ventum: nec multo post, peractis consuetis cærimoniis, acceptisque imperii insignibus,<sup>3</sup> ad XII. Cal. Septemb. Sterlini regnum iniit.

XI. Prorex autem, cum nec favore vulgi, <sup>4</sup>ob inconstantiam a se alienati, nec viribus, se parem adversæ factioni videret, & ipse per occulta colloquia cum Cardinale tractare cœpit: & Cardinalis, qui per matrem Proregi genere propin-

<sup>1</sup> Oblatas] Ita jubente Crafordio rescriptum, pro quo libris omnibus irrepsit [oblatas.]

<sup>2</sup> Nominati Gulielmus Gramus] Lestæus ejus custodiæ appositos tradit Dominos Levistonium, Areskinum, Flaminium & Ruvenum.

<sup>3</sup> Ad 12. Cal. Septemb.] i. e. 21 Augusti 1543. Errat procul dubio hic Buchananus: ex Rad. Sadlerii enim Epistolis pag. 253, 255, & 257. liquido constat Mariam coronatam fuisse 9. Sept. di. Domini 1543.

<sup>4</sup> Ob inconstantiam a se alienati] Non ob Proregis inconstantiam, quæ nulla hucusque erat, sed quod Angli partibus addictior ille videretur, alienatum ab eo est vulgi studium, id quod Sadlerius non uno in loco clarissime ostendit.

<sup>5</sup> Cum Cardinale] Hæc voces, ab omnibus editis omittas, e MS. restituiamus, quippe quas ad sententiam plenam ac perspicuam reddendam necessarias existimamus.

propinquus erat, cum, terrore injecto, potius ad se traducere, quam vi armorum opprimere volebat. Igitur cum eum, parte procerum largitionibus ante detracta, domi infirmiore, & Anglis viliorem reddidisset, & ad consentiendum iniquo foederi coëgisset, per familiares, apud quos pecunia, quam honesti studium, erat potentior, Sterlinum perduxit: atque, ut infamia flagitii minueretur ad vulgus, non propalam, sed in æde Franciscanorum, præsentente Regina vidua, & aulicorum primoribus, sententiam suam de religionis capitibus controversis Prorex mutavit, ac, metu litis de fortunis omnibus intentatæ, se ita Cardinali reddidit obsequentem, ut de imperio solam auctoritatis umbram retineret.

XII. Hoc modo Cardinalis, quod supposito falso testamento petierat, Proregis ignavia, & propinquorum ejus avaritia, est consecutus, ut omnibus regni commodis frueretur, & invidia careret. Id unum ad stabiliendam potentiam restare videbatur, ut Levinium, molestum consiliorum suorum interturbatorem, abigeret. Tandem cum Cardinale Regina vidua hunc ordinem rei gerendæ constituit, ut interim, dum responsum a Rege Gallorum expectatur, ipsa juvenis animum suspensum, spe nuptiarum injecta, teneat. Scripserant autem de Levinio ad Gallum honorifice: neque enim negare poterant, ejus maxime, secundum Deum, opera, se in libertatem vindicatos. Nunc, Regis liberalitate & subsidio, rebus in Scotia tranquillis, eum orant; „Ut „suum beneficium tueatur, ac pacem a se præstitam, revocato Levinio, confirmet: neque enim aliter res diu fore pacatas, sine factionis alterius perniciem. Hæc occulte adversus Levinium tentabantur. Ipse interim variis ducebatur artibus, ab Regina vidua & Cardinale. Aula, in luxum & lasciviam soluta, ludis & convivis indulgebat: dies equestrium certaminum simulacris, nox personatis saltationibus strepebat. In hæc cum Levinius & natura proclivis, & aulae Gallicæ consuetudine exercitatus esset, accessit æmulus, Jacobus Heburnus Comes Bothueliæ, qui animum, quamvis languentem, exstimularet. Is enim ab Jacobo Quinto relegatus, ac statim, eo mortuo, domum reversus, eisdem artibus Reginae viduæ nuptias ambiebat: & eminebant in utroque <sup>2</sup> naturæ & fortunæ dotes, magis similes quam æquales. Itaque, cum Bothuelius, cætera pene par, in omni autem certamine & armorum ludicra meditatione esset inferior, aula relicta, domum concessit.

XIII. Levinius, æmulo remoto, cum cætera facilia & prona existimaret, ac promissa Reginae & Cardinalis repræsentari vehementius postularet, intellexit

<sup>1</sup> *Jacobus Heburnus*] Tho. Crafordius legendum jubet *Patricius*: alter tamen Crafordius Nobil. Scot. pag. 44. *Patricium* Jacobi patrem existitum tradit anno 1537; quod mihi neutriquam verisimile videtur. Eo enim pacto idem Bothueliæ Comes Reginae viduæ nuptias ambiebat, qui postea filiam duxit uxorem. Tho. Crafordii autem sententiam confirmant

*Tom. I.*

*Acta publica*, in quibus *Patricius Bothueliæ* Comes 6. Novemb. 1544. læsæ majestatis reus peragitur, quo crimine trium Ordinum sententia 12 Decembris sequentis purgatur.

<sup>2</sup> *Natura & fortune dotes*] Ita MS. quod & potius videtur quam quod libri editi exhibent *natura & fortuna dotes*.

lexit demum, se, fraude circumventum, ludibrio haberi: inimicum suum Hamiltonium, per eos ad opes, auctoritatem, & in omnium vitam & fortunas potestatem, promoveri. Juvenis, malarum artium insolens, & qui aliorum ingenia de suo aestimaret, ita ira exarsit, ut nec verborum acerbitate abstinere: ac sancte juraret, „Se inopiam, exilium, mortem, denique potius quidvis perpassurum, quam ut tantam contumeliam inultam relinqueret. Itaque cum totus in vindictae cogitatione, sed consilii adhuc dubius, Britannodunum se removisset, ibi ad eum deferuntur triginta scutorum millia, a Rege Gallorum (nondum enim certo compererat, quo in statu Scotorum res esset) missa, ut hac pecunia vires factionis augeret. Ea res agrum animum aliqua ex parte erexit, quod a Rege Gallo se nondum desertum crederet. Cum autem, in pecunia distribuenda, juberetur uti Reginae viduae & Cardinalis consilio, partim ipse suis amicis divisit, partim ad Reginam misit. Cardinalis, qui totam eam praedam spe devoraverat, & hoc luero se fraudatum, & ignominia affectum, graviter ferens, Proregi auctor fuit, ut, exercitu statim comparato, Glascuam proficisceretur: non dubius, & Levinium, & pecuniam ibi pariter opprimi posse. Eorum consilio ad Levinium perlato, ille ex amicis & clientibus brevi supra decem millia hominum coegit. Hanc autem ut multitudinem facilius conficeret, multum jovit procerum quorundam indignatio, qui ab initio, & religionis studio, & Cardinalis odio, Proregem ad summum honorem evexerant, ac tum priorem benevolentiam in odium commutaverant, quod ille, amicis optime meritis non modo inconsultis, sed, quod in ipso erat, proditis, hosti immanissimo se & illos in servitutem dedisset. Itaque hic animorum habitus, novam, & vix credibilem, rerum Scotticarum fecit mutationem, ut, prope integris partium viribus, duces modo alii accederent: Hamiltonio, cum propinquis, ad Cardinalem & Reginam viduam adjunctis: ejus autem prioribus amicis se Livinio aggregantibus. Cum eis ergo copiis repente coactis, Levinus Letham venit: misitque Edimburgum ad Cardinalem, qui denunciarent; „Nihil opus esse, ut se Glascuam oppugnatum venirent: se enim, primo quoque die, sui copiam in campis, qui Letham Edimburgumque interjacerent, facturum.

XIV. Cardinalis, qui, Prorege in suas partes tracto, adversae factionis opes & animos fractos rebatur, neque quenquam fore sperabat, qui secum acie congredi auderet, cum se, praeter opinionem, viribus inferiorem cerneret, conflictum quidem verbo non recusabat, sed rem de die in diem, variis morae causis interpositis, differbat: gnarus interim, Levinium non posse diu voluntariorum exercitum, sine stipendiis aut comitatu in longum tempus proviso, continere, assidue precibus & pollicitationibus eorum, quos idoneos putabat, animos tentabat, si quos ad se traducere posset. Levinus, cum hostem ducere bellum videret, nec ulla ratione praelio rem commissurum, seque ad obsidionem omnibus rebus necessariis imparatum, praeterea colloquiis nocturnis quosdam suorum cum hoste jam transegisse, ut se ex iis angustiis quamprimum explicaret, amicis, qui jam sibi occulte prospexerant, urgentibus, pacisci cum Prorege fuit coactus. Itaque Edimburgum ad eum profectus est, atque aliquot dies

dies ibi, tanquam odiorum veterum obliti, una transegerunt. Tandem ubi Limnuchum est ventum, hic Levinius, per amicos admonitus, sibi occultas parari insidias, Glascuam de nocte clam se contulit, arceque Episcopali commeatibus & præsidio, quantum satis videbatur, communita, Britannodunum concessit. Illic magis dilucide cognoscit, Duglassios cum Hamiltoniis convenisse: & quia ex pristinis simultatibus suspiciones inter factiones adhuc reliquæ erant, Georgium Duglassium, & Alexandrum Cunigamium, alterum pro patre, alterum pro fratre, obsides datos. Id quidem quanquam in speciem & firmioris concordia simulationem factum fuisset, promissumque foret, eos intra paucos dies liberatum iri, tamen usque ad Anglici exercitus adventum detenti fuerunt, Hamiltoniis nunquam securis, donec proceribus, in quibus aliquid animi aut virium esset, sublati, eorum supplicii terrore cæteros a tumultuando compescerent. Præter hæc, circa idem tempus, fit certior Levinius, Franciscum Regem inimicorum calumniis esse alienatum. Interea Glascuam venerunt Archibaldus Duglassius Angustia Comes, & Robertus Maxuallius clarissimæ familiæ princeps, ad controversias (si fieri posset) inter Proregem & Levinium sedandas. Sed, qui Proregi erant a consiliis, persuaserunt, uti ipsi pacis interpretes retinerentur. Itaque per posticum ædium, ne quis tumultus in oppido fieret,educti, in custodiam ad arcem Hamiltonium mittuntur.

XV. Hoc statu rerum in Scotia, nec Angliis, quam Scotorum præstantissimis, Proregi infensioribus, Henrico Regi visa est occasio, non modo foederis, sed juris gentium violati pœnas expetendi: ac priusquam vi & armis quicquam attentaret, literas minarum & justæ querelæ plenas ad Edimburgenses misit, jure increpans; „Quod amicitiam suam, qua facile carere non possent, „oblatam, adeo arroganter rejecissent: nec rejecissent modo, sed beneficiis „provocati, belli semina spargerent, & ipsum invitum ad arma cogerent. His literis cum nihil profecisset, magnas navales copias, quæ in armis habebat, in Morinos primo quoque tempore trajecturas, in Scotiam vela facere iussit: ac Edimburgum & Letham (quæ oppida præcipue Legato ejus insultaverant) & regiones circumcirca omnibus belli malis affligere. Naves eo delatæ, paullo supra Letham, peditum decem millia quarto die Maji exposuerunt, ac nullo repugnante (cives enim, negotiandi causa, plerique omnes aberant) oppido potiuntur. Prorex & Cardinalis, qui tum Edimburgi erant, cum, ab omnibus rebus imparati, omnia circumspicerent, tantus eos repente terror invasit, ut quatuor illos viros, genere & factis nobilissimos (quorum ante meminimus) captivos e custodiis eduxerint, nullo certe incolumitatis publicæ respectu, sed simul veriti, ne propinqui & clientes eorum aut militiam recusarent, aut se cum hoste conjungerent, simul ut populi, multis de causis a se alienati, benevolentiam redimerent: ipsi autem, & civium & hostium pari odio se committere non ausi, Limnuchum profugerunt. Angli, Lethæ tridum morati, dum impedimenta machinasque exponunt, sese ad congregiendum parant: aliarum autem rerum cura expediti, Edimburgum ducunt: & urbe spoliata, ac deinde

1 Limnuchum profugerunt] MS. [profugiunt] editi libri [perfugerunt.] 2



inde incensa, ad vicinas circa regiones depopulandas dispersi, multos pagos, arcesque nonnullas, & villas hominum nobilium ferro flammaque <sup>1</sup>evastarunt. Edimburgo dein Letham reversi, ac secundam tempestatem nacti, ignibus in aedificia immixtis, naves solverunt.

XVI. <sup>2</sup>Per id tempus Levinius certior est factus, calumniis inimicorum Regem Franciscum esse penitus alienatum: frequentibus enim literis & nunciis adversa factio Gallo persuaserat; „Unum esse Levinium, qui, ob veteres cum „paternis hostibus inimicitias, publicam Scotorum concordiam remoraretur: „cum esse caput factionis, Proregi adversantis, & Anglis amicæ: & qui pri- „vatis magis indulgeret odiis, quam causæ communi faveret. Eum si Rex in „Galliam revocaret, inter ceteros facile pacem coituram. Hæc cum Levinius de se ab inimicis ad Regem delata, ex amicis rescisset, scripsit & ipse ad eun- dem; „Quo in statu rem Scoticam comperisset: quanto suo & amicorum la- „bore, utramque Reginam vindicasset in libertatem, easque rerum potentes „fecisset, fracta partium adversarum potentia, atque e turbulentiſſima tempe- „state rem in summam tranquillitatem restituiſſet. Nec sibi quicquam fore gra- „tius, quam in Galliam, in qua prope diutius quam in Scotia vixisset, redire, „hominumque carissimorum suavissima consuetudine frui. Verum, se, non sur- „sponte, sed Regis missu, in patriam reversum, nec quicquam ibi gessiſſe, „cujus aut ipsum aut Regem pœnitere debeat. Quod si favore pristino non „destituatur, se brevi facturum, ut non modo spem de se conceptam æquet, „sed etiam superet: sin in medio rerum cursu nunc revocetur, non solum res „præclare inchoatas se relicturum imperfectas, sed amicos, propinquos & „clientes, quos ad causam publicam suscipiendam impulerit, & sumtu & la- „boribus pene afflixerit, in servitutem & cruciatum crudeli & impio tyranno- „traditurum: qui, quantum in se erat, Reginam & regnum hostibus venum- „dederit: pacta & promissa cum hominibus nihilo sanctius observet, quam „pietatis adversus Deum cultum; quem, intra paucos annos, jam tertium „mutavit. Nec id in eo mirandum, qui promissa & jurata, non fidei firman- „dæ vincula, sed <sup>3</sup>perfidie occultandæ latibula, existimaret. Illud autem se „magnopere optare, ut Regia majestas, & qui a consiliis sunt, cogitent, „utri potius fides in re tanta sit habenda: eine, cujus omnes majores, se, „suam vitam, opes, honores ad ejus amplitudinis emolumenta contulerint, „& multis beneficiis, non tam laborum præmiis, quam bene promeritorum „testimoniis, aucti, cumulati & honorati <sup>4</sup>fuerint, quam homini, ad omnem „levissimi rumoris auram inimicos amicosque mutanti, & a solius fortunæ ar- „bitrio pendenti.

XVII:

<sup>1</sup> *Evastarunt*] MS. *vastarunt*:

<sup>2</sup> *Per idem tempus Levinius certior est factus, calumniis inimicorum*] Idem superius dixerat, Cap. 14. Calumnias autem illas non falsas fuisse ostendit Sadlerius, qui Levinium diu antea ad Anglicam factionem defeuisse commonstrat.

<sup>3</sup> *Perfidia occultandæ latibula*] MS. *perfidia occultandæ instrumenta*.

<sup>4</sup> *Fuerint*] Ita legendum persuadet paullo ante in eadem sententia vox [*consultaverint*:] libris tamen omnibus [*fuerunt*] legitur.

XVII. Hæc quanquam plurimi <sup>1</sup>vera non ignorarent, tamen Gallus a Gufiis, Reginae viduæ patre & patruo, omnibus in rebus ejus opes & auctoritatem augmentibus, obsessus, adversus Levinii deprecationem aures animumque ita obfirmarat, ut Joannem Cambellum, <sup>2</sup>hominem claro loco natum, & spectatæ fidei, ab eo missum, nec audire, nec omnino in suum conspectum venire pateretur, ac prope in custodia habuerit, observarique jusserit, ne consilia, quæ in aula Gallica agitabantur, ad suos perscriberet. Nec defuerunt tamen, qui omnia efferrent. Hæc cum ad Levinium perlata fuissent, puderat simul & ira in diversas cogitationes ægrum animum rapiabant. Pudebat irritum incepto discedere: multo etiam magis, quod amicis & propinquis, quorum omnes fortunas in discrimen secum traxerat, nisi sola morte satisfacere se posse non arbitraretur. Carteris irascebatur, ac in primis Reginae viduæ & Cardinali, quorum perfidioso ludibrio in has angustias erat conjectus: sed maxime omnium, de Rege Galliarum querebatur, qui in arenam deductum, in ipso rerum secundarum cursu, destituit, & se inimicis conjunxit.

XVIII. Cum in hac inopia consilii fluctuaret, ad eum affertur, omnes citra Grampium montem habitantes, qui arma ferre possent, edicto jussos ad certum diem Sterlinum adesse, ac, decem dierum comœatu parato, quo Prorex duceret, sequi. Nec minus impigre rumorem res consecuta est. Prorex enim, exercitu ad diem dictum confecto, Glasguam ducit. Ibi cum arcem, decem dies obsessam, aeneis tormentis <sup>3</sup>frustra converberasset, tandem, induciis in unum diem factis, & custodibus per colloquia tentatis, incolumitate

<sup>1</sup> *Vera non ignorarent*] Imo vero magna ex parte falsa ostendunt Lessæus & Sadlerius: quin & ipse Buchananus, quem hic Levinius crudelem & impium tyrannum traducit, XV. 1. hominem laudat ob *minime turbidum*, & *ad quietem primum ingenium*. Iniquissime autem hic ei a Buchananoe reprobratur, quod Prorex quantum in se esset, Regina & regnum hostibus venum dedisset, qui Cap. 8. huj. sibi gravissime queritur, *neque cognationis memoriam, nec communis patriæ caritatem, vel salutis publicæ respectum*, animos alterius factionis permovere potuisse, ut, Regina Angli filio collocata, bellum jam sibi inditum amolirentur. Initio quidem Prorex amicitiæ Anglicæ studebat; verum cum, captis pacis tempore suorum navibus, nihil minus Anglum agitare perspiceret, quantum ne ea amicitia æquis & honestis utrinque legibus coiret, tum demum, ut liberi regni Tutorem decebat, ad veteres Scotorum amicos se adjunxit, a quibus Levinius eodem fere tempore defecit, nulla ex parte Proregis injuria provocatus,

nisi injuriam appellare velis, quod Prorex non modo regni tutela, sed suo ipsius patrimonio abdicato, se in inimici infensissimi servitutem tradere nolle. Quænam vero sunt illa pascia a Prorege promissa & jurata? An Reginae cum Angli filio nuptias intelligit? At eas ut impediret missus est a Gallo Levinius. An ut magistratu fortunisque suis omnibus in Levinii gratiam cederet? Hoc quidem si rebus suis integris promisit, dignus omnino erat non modo ea, qua toties eum Buchananus aspergit, socordiæ nota, sed qui generis sui dehonestamentum in ultimas mundi oras deportaretur.

<sup>2</sup> *Hominem claro loco natum & spectatæ fidei*] Has voces [*claro loco natum*] e MS. reposuimus; quas, licet in omnibus libris desideratas, copula [*&*] omnino requirere videtur. Id ipsum perspexit Crafordius, qui *hominem nobilem & spectatæ fidei* legendum censet.

<sup>3</sup> *Frustra converberasset*] Editi omnes particulam [*frustra*] ad sequentem clausulam male rejiciunt.

praefidiariis promissa, arx dedita est: in omnes tamen praeter <sup>1</sup>unum & alterum est servitum.

XIX. Levinius interea, desertus a Gallo, omnisque alterius auxilii spe praecisa, per amicos Angli erga se animum explorat. In Anglia, omnibus ex sententia succedentibus, cum eo proficisci statuisset, cuperetque Hamiltonios ante suum discessum insigni aliqua clade afficere, ea de re consilio cum Gulielmo Glencarniae Comite habito, dies dicitur, quo die Glascuam cum amicis & clientibus <sup>2</sup>convenirent, atque inde in regionem Glottianam, <sup>3</sup>quam soli Hamiltonii tenebant, impetum facerent. Re ad Proregem delata, optimum visum est, Glascuam occupare, & locum conveniendi hostibus praeripere. Sed jam cum magna suorum parte Cunigamius in oppidum receptus, Levinii adventum exspectabat. Verum, audito Hamiltoniorum accessu & consilio, in campum propinquum progressus, pro copia praesente aciem instruxit: ac circiter octingentis, partim e suis, partim oppidanis civibus, in caussam pronis, comitatus, majore animo quam viribus, manum acriter cum hoste conferuit: primamque eorum aciem, captis tormentis æneis, quæ secum advexerant, in secundam impegit. Ibi cum circa Proregem pugnaretur, resque esset in magno discrimine, subito Robertus Bodius, vir clarus ac strenuus, ex itinere cum parva equitum manu in confertissimam pugnam inventus, majorem quidem quam pro multitudine tumultum & trepidationem fecit; utraque enim acies magna subsidia Hamiltoniis venisse credebat. Is error fortunam pugnae statim commutavit, dum alteri suas, alteri hostium copias auctas existimant. Occisi ex utraque acie circiter trecenti: major pars Cunigamiorum fuit, & in iis duo Comitatus filii, viri fortissimi. Nec incruenta fuit Hamiltoniis victoria: nam & apud eos aliquot viri insignes desiderati sunt. In Glascuenses gravissime clades incubuit. Hostes enim, non contenti civium caesorum sanguine, & superstitum miseriis, & supellectilis direptione, <sup>4</sup>etiam valvas ostiorum & fenestrarum, <sup>5</sup>clathrosque ferreos abstulerunt, neque ullum genus calamitatis omiserunt, nisi quod tectis, spoliando laceris & deformatis, ignem non subjecerunt.

XX. Hujus pugnae fortuna magnam animorum commutationem fecit: adeo ut amici & propinqui Levinii iterum rem alex certaminis committere recusarent, non tam quod hostium opes auctas, & suas imminutas, viderent, nec quod, amissis viris fortissimis, e locis longinquis copias novas non tam celeriter cogere possent, quam quod Hamiltonium, sub cujus imperium se mox venturos prospiciebant, gravius nimia pertinacia offendere, & novam servienti caussam praebere, nollent. Levinius, a Gallis & majore Scotorum parte desti-

<sup>1</sup> Unum & alterum] MS. editi codices [unum & alium.]

<sup>2</sup> Convenirent] Ita MS. aliis tamen [conveniret] legitur, licet mox [impetum facerent] scribatur.

<sup>3</sup> Quam soli Hamiltonii tenebant] Crafordius nec praeter rationem legendum existi-

mat Hamiltoniani.

<sup>4</sup> Etiam valvas] Ita MS. cæteri [et valvas] minus recte.

<sup>5</sup> Clathrosque ferreos] Ita emendavimus pro Clathras, cujus vocis eo genere apud Latinos, quod sciam, nullus est usus.

destitutus, arci Britannoduno custodem Georgium Sterlinum dedit: ipse cum paucis in Angliam navigavit, frustra consulentibus amicorum præcipuis, ut in arce inexpugnabili aliquot mensibus se contineret, ac novam rerum (quam brevi futuram non dubitabant) mutationem opperiretur. Ille, certus propositi quod intenderat, in Angliam profectus, a Rege fuit susceptus honorifice: qui, præter aliam munificentiam, Margaritam Duglassiam ei dedit uxorem. Ea erat Jacobi Scotorum Regis proximi soror, ex Comite Angusie & Henrici Regis Anglorum sorore nata, puella in ætatis flore, summa forma & elegantia prædita.

XXI. Interea Scoticam factionem, quæ discessu Levinii sine duce relicta erat, & obstinate recusabat, ne in Hamiltonii (cujus levitatem ante cognoverat, & sævitiam timebat) potestatem veniret, Regina vidua in suam fidem recepit: metuens videlicet, ne quid, ex rebus adhuc turbidis ferox, per desperationem moliretur. Hamiltonii, tam potentis inimici discessu læti, nondum autem poena satiati, nimium intemperanter rebus secundis usi sunt: ipsum enim & amicos, in proximo conventu Limnuchi, damnarunt, & bonis in fiscum redactis, exilio vertere solum coegerunt. Ex eorum multa, scilicet suasque res a fisco redimentium, magna conflata fuit pecunia, sed non sine maxima invidia, & omnium bonorum offensione gravissima.

XXII. Inter has seditiones domesticas, Angli Scotiam ingressi, Jedburgum, Callonem, & regiones circumjacentes, ferro flammaque vastantes, late solitudines fecerunt. Inde ad Coldingamiam progressi, templum templique turrim pro tempore operibus munierunt, ac præsidio ibi relicto discesserunt. Præsidarii, partim prædæ aviditate, partim ne comæatum obsessuris hostibus suppeditaret ager vicinus, effusas populationes fecerunt. Qui rei Scoticæ præerant, Regina vidua, Cardinalis & Prorex, advocato concilio, edixerunt, ut Nobiles, & e reliqua multitudine potentiores armati adessent, quo Prorex duceret secuturi; secumque octo dierum comæatum afferrent. Brevi supra octo millia convenere, & asperissima hieme, cum turrim ædis sacræ machinis verberassent, totum diem noctemque illam cum maxima hominum & equorum fatigatione in armis steterunt. Postridie Prorex, sive suam in labore militari ferendo mollitiem accusans, sive vero hostilem incursionem formidans, (erat enim de adventu Anglorum e Bervico urbe propinqua certior factus) cæteris pro-

1 *Præter aliam munificentiam*] At oblitus est leges adjicere ei ab Anglo dictas; Ut nimirum in Angli verba adversus omnes mortales juraret, ut arcem Britannoduni Boræque insulam ei traderet, ut Scotiæ Prorex ab ipso constitutus omnia quæ majoris essent momenti ex illius nutu gereret. Quibus conditionibus, ejus nomine a Gul. Glencarniæ Comite, ipsiusque fratre Roberto Cathanesiæ Episcopo 17 Maji initis, ipse Levinus 16 proximi Junii anno

1544 subscripsit. Hujus Conventionis exemplar existat in libro, cui titulus est *Tractatus Scotici*, in Bibl. Jurid. Edimb. Herberti Hist. Henrici VIII. pag. 243. in primis vero Foed. Angl. Tom. xv. pag. 22, 28, 29, 37, & 38.

2 *Comite Angusie*] Ita MS. cæteris incepte [*Angusii*] legitur.

3 *Obstinatè recusabat, ne in Hamiltonii potestatem veniret*] Melius forte, *Recusabat in Hamiltonii potestatem venire.*

1 *Quantum*



proceribus ignaris, ac paucis suorum comitantibus, <sup>1</sup> quantum equi contendere cursu poterant, Dumbarum se recepit. Qui hujus fugæ turpitudinem excusare conabantur, agebant, <sup>2</sup> cum timuisse, ne a suo exercitu, propter odia ex multis offensionibus collecta, Anglis proderetur. Ejus discessus magnam in exercitu fecit perturbationem: eoque etiam graviorem, quod, quanto causâ fugæ erat obscurior, eo majores timendi causas multi in animo sibi proponebant. Itaque, pluribus in ea sententia obstinatis, ut, qua cuique proximum erat, machinis relictis, <sup>3</sup> domum properarent; aliis, qui magis providi, & minus formidolosi videri vellent, consulentibus, ut eas, ne usui esse possent hostibus, pulvere gravius oneratas dirumperent: Archibaldus Angusiæ Comes unus obstitit, ne turpi fugæ turpissimum adjicerent flagitium. Et cum nec auctoritate nec precibus quenquam retinere posset, clara voce, ut a multis audiretur, inquit; „Quod ad me attinet, quamlibet mortem honestam malo, „quam vitam, tali admissio dedecore, quamvis opulentam & securam. Vos „amici & commilitones, videritis, quid vobis faciendum statuatis. Ego aut „has machinas reducam, aut vivus ipse domum non redibo: idemque vitæ & „gloriæ mihi terminus erit. Hæc locutus, paucos admodum, quibus decus vita carius erat, commovit: cæteri, ob probrosam Proregis fugam, animum despondentes, vagi, solutis ordinibus, qua cuique visum est, abierunt. Douglasius præmissa tormenta cum suis instructo agmine est secutus: & equitibus hostium, quos tumultus excivit, a tergo frustra instantibus, Dumbarum re-luxit.

XXIII. Hæc expeditio, temere suscepta, & turpiter obita, multorum apud Scotos animos fregit, & Anglos in arrogantiam intolerabilem extulit, Scotici Proregis ignaviam ad suam laudem trahentes. Igitur Radolfus Iverius, & Brienus Latonius, Angli Equites splendidi, nemine obvio, Marciam, Tevotiam, & Lauderiam percurfantes, prope omnes earum regionum incolæ aut se dedere <sup>4</sup> coegerunt, aut, si quis pertinacius resisterat, in agris vastatis solitudines ei reddebant: eoque inoffensus prosperarum rerum cursus insolentia Anglos <sup>5</sup> provexerat, ut finem victoriæ suæ æstuarium Forthæ statuerent: atque hanc spem secum ferentes, Londinum profecti, ab Henrico, ob operam fortiter & fideliter navatam, præmium postularent. Ea de re cum in concilio ageretur, Thomas Havartus Norfolciæ Dux, qui multas expeditiones fecerat adversus Scotos, magnisque damnis eos affecerat, cum ex rebus tum

in

<sup>1</sup> *Quantum equi contendere cursu poterant*] Quidam [*poscerat*] hic scribendum malint: verum nihil mutandum. Ita enim Virg. *Æneid.* VI. 199.

*Pascentes ille tantum prodire volando,  
Quantum acie possunt oculi servare sequen-  
tum.*

<sup>2</sup> *Eum timuisse*] Nec inanis quidem fuit timoris causa, cum in ipso exercitu multi essent, in primis vero hic ipse quem tan-

topere prædicat Angusiæ Comes, alique Angliæ factionis principes.

<sup>3</sup> *Domum properarent*] Ita MS. editi vero omnes [*prorumperent*,] quod, præterquam quod mox sequatur *ομοτιχδεν* [*dirumperent*,] minus aptum hic vocabulum videtur.

<sup>4</sup> *Coegerunt*] MS. alii *coegerant*.

<sup>5</sup> *Provexerat*] MS. alii *pervexerat*.

in Scotia turbulentis intelligeret, non fuisse difficile, regiones nullis præfidiis firmatas prædando percurrere, vulgusque, cui nullum esset aliud præsentis mali perfugium, ad sacramentum cogere: idemque non ignoraret Scotorum & in suis tuendis constantiam, & in amissis repetendis pertinaciam: Regi auctor fuisse dicitur, ut agrum bello captum eis operæ pretium statueret, & ad eum tuendum, donec Anglorum assuesceret imperio, modicas copias daret. Id donum cum libenter acciperent, & Rex non ægre tribueret, vanæ jactationis æque vana compensatione donati, læti ad limitem rediere: addita, præter limitum accolæ, qui sine stipendiis militare solent, tria mercenariorum millia.

XXIV. Cum reditus eorum vehementer proximorum animos perturbaret, ut qui nullam a Prorege spem haberent auxilii: quippe qui sacrificulorum, & potissimum Cardinalis, uteretur consilio, Archibaldus Angusiæ Comes, & publico dedecore, & privatis etiam damnis (habebat enim multas & fructuosas in Marcia & Teviotia possessiones) graviter commotus, & periculi magnitudinem Proregi luculenter exposuit, & ut obviam iret eum hortatus. Ibi cum Prorex suam deploraret solitudinem, & se a Nobilitate derelictum quereretur, Duglassius ostendit; „ Id ipsius culpa fieri, non Nobilium, qui & fortunas omnes, & vitam ad publicam salutem tuendam conferrent: quorum consilio contempto, ad sacrificulorum nutum circumageretur, qui foris imbelles, domi seditiosi, omniumque periculorum expertes, alieni laboris fructu ad suas voluptates abuterentur. Ex hoc fonte, inter te & proceres facta est suspicio, quæ (quod neutri alteris fidatis) rebus gerendis maxime est impedimento. Quod si consilia de rebus magnis cum illis communicare in animum inducas, qui in illis exsequendis vitam non recusent impendere, non despero, nihilo minus illustres res posse geri, quam a majoribus nostris, temporibus aut æque aut non multo minus turbulentis, gestæ sunt. Sin per desidiam singula hostem carpere sinamus, aut nos brevi ad deditionem coget, aut in exilium ejiciet, quorum utrum sit miserius aut flagitiosius, vix dici potest. Quod autem ad nos attinet, scio me ab inimicis prodicionis, te vero timiditatis insimulari. Quod si tibi, quod effugere non poteris, quamprimum faciendum videtur, utrumque crimen non verbis expolita oratio, sed campus & acies redarguet.

XXV. Cum Prorex se in illius & cæterorum potestate futurum ostenderet, concilio super expeditione suscipienda habito, edictum in omnes regiones propinquas est missum, quo imperabatur Nobilitati, ut, quanta cum celeritate possent, ad Proregem, ubicunque esset, venirent: ipsi postridie, cum præsentibus copiis (erant autem non plures trecentis equitibus) Angliam versus iter intenderunt. Aggregantibus se ad eos non adeo multis Lothianis ac Marcianis, cum Mulrossiam ad Tuedam devenissent, ibique suos expectare decrevissent, Angli, qui Jedburgum jam pervenerant, certiores facti per exploratores de hostium

† *Pervenerant*] MS. alii *pervenissent*, librarii oculos, ut credibile est, fallente & superiore versu [*devenissent*]

hostium paucitate, ad quinque fere millia hominum Jedburgo educunt, & recta Mulrossiam iter intendunt, nihil dubitantes, quin eos, & paucos & de via fessos, una cum Prorege oppressuri necopinatos essent. At Scoti, per suos exploratores de Anglorum adventu edocti, se in proximos colles subdixerunt, speculaturi e tuto, quid consilii hostes captarent. Angli, spe sua dejecti, in oppido & Cœnobio Monachorum, non adeo multo ante spoliatis, vagi, & si quid prædæ invenirent, intenti, ad ortum usque diei substiterunt. Prima luce, cum Jedburgum reverterentur, & Scoti, receptis prope trecentis e Fifi-fana juventute, ducente Normano Lessio, Comititis Rothusæ filio (qui Scotticæ juventutis, in omni virtutum genere, tum facile princeps erat) alacriores facti, lentiore gradu ad colles, qui supra Ancramum vicum surgunt, se recipiebant. Ibi ad eos, paucis admodum comitatus, Valterus Scotus, (cujus ante non semel meminimus) homo manu & consilio promptus, venit. Is, excusata temporis angustia, suos mox affuturos affirmans, Scotis auctor fuit; „Ut in collem proximum amandarent equos, & omnium aequato periculo, „in pedes descenderent, atque in loco humiliore hostem exspectarent. Nec enim dubitabat, quin ministri, cum equis in editiorem locum subeuntes, fugæ speciem Anglis darent, & ad gradum intendendum eos incitarent. Igitur, ne, nocte imminente, sine prælio Scoti evaderent, ac rursus cum magno labore vestigandi forent, Angli, triplice acie instructa, ad eos pergunt, uno (ut sperabant) levi prælio bellum patrare cupientes, & quo propior spes erat, quamvis nocturno diurnoque itinere sub gravibus armis continuato, alius alium vehementius hortatur, ut gradum addant, & brevi labore longam quietem, rem item & gloriam redimant. Ita, cum quantum adhortatio adderet animorum, tantum viæ labor adimeret virium, prima eorum acies in Scotos, ad prælium instructos, velut in insidias præcipitavit: numero tamen confisi, arma expediunt, ac fortiter prælium ineunt. Sed duæ res, provisæ prudenter, Scotis auxilio fuerunt. Nam & Sol, in occasum præceps, rectis radiis in hostium oculos incurrebat, & ventus, satis violens, fumum sulfurei pulveris ita in posteriores acies rejecit, ut omnem oculis prospectum adimeret, & odore tetro de via adhuc anhelos graviter afficeret. Prima Anglorum acies in secundam, & secunda in tertiam, & sua perturbatione impedita, & Scotorum impetu impulsa, confusis ordinibus, retro impacta, ita omnia fugæ & terroris implevit, ut nec signa, nec ducem quisquam nosceret; & dum suæ quisque privatim salutis prospicit, nemo dedecoris & periculi publici reminisceretur. Cum Scoti conferti sequerentur, non jam inde pugna, sed cædes fuit. Sub noctem, Scoti ad signa revocati, cum inirent cælorum numerum, e suis duos modo desiderabant: ex Anglis, præter duces, circiter ducentos milites compererunt interemtis, & in iis plerosque nobilitate insignes. Capti fuisse fere mille: ex quibus genere clari octoginta. Hæc victoria, quanto magis præter omnium opinionem accidit, tanto lætior fuit: cujus quidem fructus ad

[*Hæc victoria*] Parta est hæc ad Ancramum victoria 17 Februarii 1547. *Hob.*

*I. Pent*

ad Proregem, gloria <sup>1</sup> pene tota ad Duglassios redundavit.

XXVI. Circa hæc tempora, fraude, ut creditur, Georgii Gordonii Comititis Huntilai, certamen commissum est, in quo tota fere Fraseriorum familia est extincta. Erat inter eos & Reginaldinos vetus odium, sæpe multis utriusque partis cladibus nobilitatum: & Huntilaus occulta indignatione æstuebat, quod, inter vicinas gentes, soli ab ejus clientela abhorrebant. Nam cum vicini Insulani, adversus Comitem Argatheliæ, quicquid virium poterant, cogerent, nemo fere in illo terrarum tractu fuit, qui non <sup>2</sup> in alterius castris futurus esset. Sed, re sine certamine composita, inter redeundum, cum diverso itinere <sup>3</sup> ab eo separati reverterentur, Reginaldini admoniti, cunctis popularibus collectis, atrocissimo prælio eos adoriuntur. Fraserii pauciores & pluribus victi, atque ad unum cæsi. Ita gens numerosissima, & sæpe de re Scotica bene merita, tota <sup>4</sup> interierat, nisi, divino (ut credi par est) consilio, ex familiæ principibus octoginta domi reliquissent gravidæ uxores, quæ suo quæque tempore mares <sup>5</sup> pepererunt singulos, qui omnes incolumes ad virilem pervenerunt ætatem.

XXVII. Eisdem prope diebus, fit certior Anglus, suum exercitum in Scotia fustum & fugatum esse, & Legatus a Prorege in Galliam est missus, qui victoriam nunciaret, & auxilium <sup>6</sup> adversus postulata & minas Regis Anglorum postularet, ac Levinium calumniaretur, ejusque discessum e Scotia infamaret. De auxilio, vix impetratum, quod pro certo compertum esset, Anglum magnis cum copiis in Galliam trajecturum. Dati tamen quingenti equites, & peditum tria millia, non tam ut Scotos ab incursionibus Anglorum protegerent, quam ut eos distincerent, ne totis viribus in Galliam irruerent. Anglus, ea ætate, non existimabat necesse, copias majores ad limitem Scotorum mittere, quod sufficere putabat arcium præsidia ad excursiones hostium inhibendas. Nam ex turbido rerum apud Scotos statu intellexerat, justum exercitum, eo anno, ad expugnanda loca munita, cogi non posse. A Legato Scotorum in Gallia <sup>7</sup> levia, nec digna responso, crimina, in Levinium absentem jactabantur, quod pecuniam ad se missam suppressisset, quod, ob ejus cum Cardinale dissensiones, prodita fuisset causa publica: discessus autem ejus in Angliam quam invidiosissime exagitabatur.

XXVIII.

<sup>1</sup> *Pene tota*] MS. cæteri, *fere tota*.

<sup>2</sup> *In alterius*] Non spernenda Crafordii conjectura pro *alterius*, *alteris* legendum existimantis.

<sup>3</sup> *Ab eo*] i. e. Huntilæo, Vide Lessæum pag. 474.

<sup>4</sup> *Interierat*] Melius forte *interiisset*.

<sup>5</sup> *Pepererunt*] Ita MS. editi libri *pepererant*.

<sup>6</sup> *Adversus postulata & minas Regis Anglorum postularet*] Non satis digna testis Buchananani auribus locutio [*postulare auxi-*

*lium adversus postulata*.] Quamobrem, & quod nulla hic Angli *postulata* memorentur, eam vocem cum sequenti copula ejiciendas existimo.

<sup>7</sup> *Levia, nec digna responso crimina*] Quasi vero leve sit crimen ea ipsa pecunia quam Gallus ad suæ factionis homines miserat, milites adversus Reginam, Proregem, Cardinalem, aliosque Gallicæ tum causæ propugnatores conducere, quod Lessæus diserte affirmat, nec Buchananus ipse prorsus diffitetur, XV. 13.



XXVIII. Rex Gallus, qui recenti, ex <sup>1</sup>rumoribus fictis, invidia ita exarserat, ut nullam adversus calumnias purgationem admitteret, quique Levinii fratrem, satellitum suorum præfectum, <sup>2</sup>in custodiam inauditum incluserat, <sup>3</sup>paullatim elucente veritate, ut excusatio esset culpa, temeritati velandæ colorem quasivit: ac in crimina Levinio objecta inquiri iussit. Id negotium <sup>4</sup>Jacobo Mongomerio Lorgiano, auxiliorum Gallicorum præfecto, viro quidem impigro & probò, sed Levinii acerrimo inimico, datur, procurantibus maxime Guliis, quod, sororis suæ causam separare a perfidia Cardinalis non possent. Mongomerius, cum Gallicis, quæ diximus, auxiliis, appulit in Scotiam,

<sup>1</sup> *Rumoribus fictis*] Rumores eos fictos non fuisse, ostendit ipse Sadlerius, qui Levinium cum Angulo, Glencarnio, Cassilissio Anglicarum partium assertoribus consilia pridem communicasse testatur.

<sup>2</sup> *In custodiam inauditum incluserat*] Exstant binæ pro Levinii fratre literæ deprecatoriæ, unæ Mariæ Reginae, ejus matris ac Concilii, alteræ multorum Scotiarum Procerum nomine, conscriptæ, quarum postremas, quod Levinii, quam tacitam Buchananus voluit perfidiam, eleganter exponunt, hic libuit subjicere.

CHRISTIANISSIMO ac potentissimo Galliarum Regi, Scotorum perpetuo confederato, Principes viri Scotorum, fidi benevolique amici, hostium tuorum victoriam & veram precamur gloriam. Invidissime Rex, Nos complures simul statuimus tuæ commendare majestati Dominum *Darnlie*, idque unis duntaxat literis facere, ne literarum multitudine de una eademque re in hoc bellorum incendio nimium molesteris. Matthæus enim Comes de *Levenax*, nuper cum classe Anglica decem & octo navium in Scotiam reversus, ac in arce *Dumbertone* cum multitudine Anglorum convivio exceptus, amoris epulis & arbitris, coepit cum præfecto arcis tractare de ipsa arce tradenda Anglis, ad id ipsum eodem tum introductis: quo quidem facto, ut virtus præfecti arcis summe enituit, ita respicientia Comitibus ab omnibus est desperatissima. Quo fit, ut quicquid posthac illi contigerit, merito evenire putandum sit. Frater ve-

ro illius, Dominus *Darnlie*, non videtur fraterna temeritate gravandus, quod semper alienissimus ab illius impudentia existimatur. Præterea certo confidimus, nihil indignum indecorumve in tuam majestatem aut Scotorum Rempublicam ab *Darnlie* commissum iri, quo minus mereatur a te summe ornari & promoveri. Hac nos de *Darnlie* opinionione freti, supplicamus ut ipse *Darnlie* sentiat tuam in omne genus hominum profusissimam clementiam: nec velis patii innocentem ire præcipitem odio nocentis. Quin potius ipsum pristino statui, ac legitimo, quem isthic in Galliciis obtinebat expectabatque locum, restituere. Quo quidem beneficio ubi illum auxeris cumulaverisque, nulli tuæ bonæ de se expectationi non est respondurus: nos etiam antea tuæ majestati devincti, tunc devinctissimos profitebitur.

Invidissime ac Christianissime Rex, Deus Opt. Max. concedat tibi hostium profligationem & æternam quietem. Datum & subscriptum a nobis Sterlingi, ad sextum & vigesimum Septembris anno M. D. XLIV; signatum vero gentilitio insigni Comitibus *Huntlye*.

E. M. V.

*Fidi & benevoli Amici.*

<sup>3</sup> *Paullatim elucente veritate*] Ita recentiores libri, MS. autem *illucescente*, princeps Editio Edimb. *illucente*.

<sup>4</sup> *Jacobo Mongomerio*] *Leslæus* & *Andersonus*, *Georgium* appellant: at *Thos. Crafordius* id patri ipsius nomen fuisse, ipsum vero *Jacobum* vocatum scribit. *Mezerauius* pag. 1033. *Franciscum* nominat.

1 F.

fram, ad <sup>1</sup>V. Non. Jul. M. D. XLV. ac literis & voluntate Regis Galliae in concilio expositis, effecit, ut indiceretur exercitus, potentioribus modo, & qui furtus belli ferre possent, ad brevem diem convenire iussis. Ad eum diem, Hadinam convenerunt ad quindecim millia Scotorum, atque ad limitem profecti, e regione Vereæ, arcis Anglicæ, castra posuerunt. Inde, alternis fere diebus, Angliam sub signis ingressi, magnas prædas abigebant: & hostibus frustra conantibus agros a populationibus tueri, Scoti, levibus aliquot præliis satis prospero successu factis, ad sex circiter millia in omnem partem flamma ferroque vastarunt. Cum, his incursionibus, decem ferme dies consumsissent, nec ulterius in hosticum penetrarent, quam ut nocte se recipere in castra possent, interea Mongomerius & Georgius Humius sedulo, sed frustra, cum Prorege egerunt, ut castra trans Tuedam amnem transferrentur, ut e propinquo agros liberius incurfarent, terroremque spargerent latius. Sed repugnantibus Prorege, & qui in concilio erant, quod omni oppugnandarum arcium apparatu destituerentur, soluto exercitu, domum est reditum: ceteri, quo cuique est visum commodissimum, in hiberna concesserunt; Mongomerius Sterlinum in aulam. Is, cognitis inimicorum adversus Levinium calumniis, etsi ei erat infensissimus, tamen Cardinalem gravissimis verbis arguit, quod, nulla injuria insigni ab inimico affectus, hominem nobilem & innoxium falsa invidia gravasset, <sup>2</sup>atque coegerit invitum hosti se conjungere.

XXIX. His fere diebus, ad omnes regnorum limites incursiones utrinque vario eventu factæ: Robertus Maxuallius, Roberti filius, singulari virtute juvenis, ab Anglis fuit captus: nihil præterea memoria dignum gestum. Proximæ hiemis initio, Mongomerius in Galliam est reversus: Cardinalis Hamiltonium Proregem, specie sanandarum partium, quæ seditionibus erant convulsæ, per proximas regiones circumduxit. Primum Perthum est ventum. <sup>3</sup>Ibi quatuor hominibus, quod carnem die vetito comedissent, supplicio affectis; mulier cum parturiret, quod virginem Mariam in auxilium opemque ejus implorare noluisse, una cum partu extincta est. Ad rei universæ cogitationem animum intendunt. Taodunum inde profecti, ipsi se prædicabant ad pœnas de Novi Testamenti lectoribus ire sumendas. Nam, illa tempestate, id inter gravissima crimina numerabatur: tantaque erat cœcitas, ut sacerdotum plerique, novitatis nomine offensi, contenderent, eum librum nuper a Martino Luthe- ro fuisse scriptum, ac Vetus Testamentum reposcerent. Ibi cum Patricius Grajus, claræ familiæ in illis regionibus princeps, adventare bene comitatus diceretur, unaque Comes Rothusius, tumultu sedato per amicos, Prorex utrumque postridie adesse iussit. Sed Cardinalis, parum tutum ratus, duos homines, nobiles & factiosos, & bene comitatos, in oppidum recipere, <sup>4</sup>unum in-

<sup>1</sup> V. Non. Jul.] Holinshedius 13 Maji, Pittscottius 9 Julii appulisse tradit.

<sup>2</sup> Atque coegerit] Melius forte coëgisset.

<sup>3</sup> Ibi quatuor hominibus ——— sup-  
plicio affectis] Melius forte, homines sup-  
plicio affecti.

<sup>4</sup> Unum insaurate religioni addictissimum]  
i. e. Rothusium. Crafordius legendum vul-  
alterum i. r. a. Forte Buchananus scrip-  
serit, unum insaurate religioni addictis-  
simum, alterum ipsi inimicum. [Immo ni-  
hil mutem, de uno enim ex duobus pro-

instauratae Religioni addictissimum, egit cum Prorege, ut Perthum rediret. Proceres mane, cum ad iter parati essent, accepto, Proregem Perthum tendere, cum consecuti, cum in conspectu essent, datum Cardinalis timori, ut Prorex eos juberet, urbem seorsum ingredi: postridie ambo in custodiam dati: sed, Rothusio statim dimisso, Grajus, quem vehementius oderant & timebant, serius liberatur.

XXX. Antequam illinc discederetur, visum est Cardinali, ut potentiam Ruveni praefecti urbani imminueret. Prorex praetura, ei ablatam, dat Kinfanio, Comarcho vicino, & Graji propinquo. Erat Ruvenus Cardinali inimicus, religioni instauratae favebat: Grajus nec prorsus alienus a religionis causa, nec amico in Cardinalem animo. Hoc pacto si velut in arenam protrahi possent, non dubitabatur, quin, ob familiarum claritatem, multi ex propinquis regionibus ad utrosque se essent adjuncturi: e quibus quantum caderet, tantum hostium sibi detractum Cardinalis existimaret. Igitur praetura Perthi, quae, multos jam annos, velut haereditaria, in familia Ruvena haeserat, in Kinfanium translata, cum multa civium indignatione, qui veterem suffragiorum in comitiis libertatem sibi sublatam moleste ferebant. Missus novus praetor, qui cives, nisi sponte parerent, vi subigeret. Urbis oppugnatione bifariam divisa, Grajus, qui totum rei pondus in se susceperat, a ponte Tai oppugnationem aggreditur: altera manus, machinis per adversum flumen admotis, latus apertum erat invasura. Sed, quia maris aestus eorum consiliis non respondebat, in tempore non affuerunt. Grajus, per pontem aggressus, (quem Ruvenus, recepto in aedes proximas praesidio, incustoditum videri voluit) cum neminem ex adverso armatum conspiceretur, solutus omni metu, interiorius in oppidum penetrabat: cum a Ruveno, ex aedibus proximis repente prorumpente, invaditur ita acriter, ut fugam cum suis omnibus circumspectaret: sed turba, confusa in angusto, sese impediabat, & fugam primorum ultimi introrumpere conantes morabantur. In hac confusa multitudine periere conculcati complures: sexaginta ferreo cecidere. Cardinalis, etsi penes Ruvenum esse victoriam invitus audivit, tamen eadem adversariorum ab eo factam non moleste tulit: quos enim amicos sibi fore desperabat, eorum vires mutuis cladibus [<sup>4</sup> *imminutas*] in lucro sibi deputabat.

## XXXI.

nuntiato, facile intelligitur alter fuisse diversae sectae. sic apud Sueton. Tib. 52. cum de Druso & Germanico praemisisset, subjicit, *Alterius vitii insensus*; ubi male Lips. 1. Elect. 18. legi vult, *alterius virtutibus, alterius vitii insensus*. plura vid. in notis ad Vellej. Pater. II. 54. & Ovid. II. Art. Am. 282. Similes locutiones, ubi una pars deficere videtur, illustrat J. Fr. Gronov. ad Liv. III. 37. & XIX. 33. & Jac. Gron. ad Gell. VI. 11.]

<sup>1</sup> *Prorex praetura*] Crafordius hic & postea pro *Pratura* & *Prator* legendum

vult *Praefectura* & *Praefectus*, quippe quibus alibi semper Buchananus utatur. Verum, cum utraque vocabula id magistratus genus satis commode atque ex aequo exprimere videantur, non satis justam consentientem omnium codicum lectionem interpolandi causam hic dari arbitramur.

<sup>2</sup> *Cardinalis existimaret*] *Existimabat* legendum videtur.

<sup>3</sup> *Esse victoriam*] Hic tumultus Perthensis accidit die D. Magdalenae sacro 1545. Spatissvodini pag. 75.

<sup>4</sup> *Imminutas*] Hanc vocem, absque qua sen-

XXXI. Cardinalis, peragrata, quoad tum satis putabat, Angusia, Proregem post hibernum solstitium ad Fanum Andreae duxit, ut animum ejus, si fieri posset, sibi arctius devinciret. Quanquam enim filium ejus Comitem Araniae obsidem haberet, tamen, quoties de Scotica Nobilitatis ferocia, & factionis adversae viribus, & Proregis inconstantia cogitabat, verebatur, ne pari, ac ad se venerat, levitate ab adversariis persuasus, ad eos deficeret. Ibi cum per otium cum paucis nactus, viginti Saturnaliorum diebus per ludum & lasciviam transactis, multa in praesentia largitus, multa posterius pollicitus, multa item de statu regni cum eo loquutus, paullo animi securior, Edimburgum est profectus.

XXXII. Erat interim ibi conventus Ecclesiastici ordinis, ad Id. Januarias. In eo coetu cum jactata plurima fuissent, de veteri Ecclesiae libertate retinenda, de manifestis quibusdam sacerdotum flagitiis expurgandis, nec ullus inveniretur exitus, tandem delatum est ad eos, Georgium Sophocardium, concionatorem Evangelii longe populo acceptissimum, ad septem ab urbe millia passuum, apud hominem nobilem, Joannem Cocburnum, diversari. Ad eum statim equites missi, qui hominem sceleratum deposcerent. Sed cum Cocburnus alia atque alia caussaretur, ac moras innecteret, si eum occulte posset dimittere circumspiciens, Cardinalis per suos id fieri admonitus, intempesta nocte, cum Prorege illuc delatus, omnes aditus obsedit: nec tamen aut blanditiis aut pollicitationibus aut minis quicquam efficere potuit, donec Comes Bothucliae, e propinqua villa sua evocatus, eo venit. Is, cum omnium Lothianorum facile potentissimus esset, tandem impetravit, ut Georgius ipsi dederetur, interposita fide, se ab omni damno & injuria eum defensurum. Sacerdotes hanc velut optimam praedam nacti, Edimburgo eum ad Fanum Andreae transferunt. Ibi, post alterum fere mensem, coacta frequenti omnis generis sacerdotum multitudine, quae de doctrina ejus decerneret, & magis ut

sententia manca videbatur, inferendam duximus: quod & And. Melvinus faciendum conjiciebat.

1 Post hibernum solstitium] Tho. Cræfordius hic & inf. xv. 52. legendum vult [*brumam*:] & quidem nunquam aliter locutos bonos & idoneos auctores existimat Salmasius, Plinian. Exercit. edit. Traj. ad Rh. 1689, pag. 175. antiqui enim solstitium τρεῖς ἑβδομαῖς proprie vocabant, *brumam* vero τὴν χειμερινήν. Sic Varro Lib. 5. de L.L. Cum venit Sol in medium spatium inter *brumam* & solstitium. Horat.

*Penula solstitio, campestre nivalibus auris.* Virg. Geor. I. ver. 10.

*Humida solstitia, atque hiemes orate serenat.*

Plin. Nat. Hist. lib. 18. cap. 27. VIII. Ca-

*lendas Julii longissima dies totius anni, & nox brevissima solstitium consuevit.* Idem de aliis dicendum. Observatum tamen a Cellario est, Servium *hiemale solstitium* discrete nominare, & veterem Germanici Scholiaften *hibernum solstitium* (uti hic Buchananus) pro *bruma* dixisse. Quin & Columella, elegans scriptor, & ipso Plinio antiquior, lib. 11. cap. 2. *brumale solstitium* bis extulit. Quibus addas licet Solinum Polyhist. cap. 22. *Brumali solstitio dies adeo conductus, ut ortus junctus sit occasui.* Quamvis Salmasius eum, utpote auctorem maxime antiquarium, atque proprietatis observantissimum, scripsisse suspicetur, In qua solstitio nox pene nulla, *bruma* perinde nullus dies.



ut speciem judicum præberent, quam quod cuiquam dubium esset, 'quid decretur forent, de consensu omnium, Cardinalis (quoniam ipse, per leges Pontificias, de capite cujusquam nec exercere quæstionem, nec statuere posset) petit a Prorege, per literas, ut designet rei capitalis judicem, qui in reum animadvertere juberet, qui jam a conventu sacerdotum hæreseos damnatus esset.

XXXIII. In ea re nulla videbatur mora per Proregem futura: ac ne fuisset quidem, nisi propinquus ejus David Hamiltonius Præstonianus, multis verbis cum admonendo, rogando, deterrendo, ac interim prope objurgando, continuisset. In hanc fere sententiam locutum ferunt; „Se vehementer mirari, quo consilio, Prorex, adversus Dei servos, quibus nullum crimen obijciatur, præter Evangelii Jesu Christi prædicationem, tantam licentiam permitteret, & hominibus, flagitiorum turpitudine, & morum immanitate plurquam ferina, prope in cruciatum dederet innoxios: <sup>1</sup> quorum vitæ integritatem inimici fateantur inviti, doctrinam non ignoraret, ut cui ipse non ita pridem vehementer fuisset deditus: cujus commendatione in hunc supremum gradum pervenerit: quam se amplexum sit testatus publice edictis: quam tuendam palam suscepit: ad quam legendam, cognoscendam, vitæque & moribus exprimendam, singulos & universos sit hortatus. Cogita igitur, inquit, qui sermones, quæ cogitationes hominum, <sup>2</sup> de te sint futuræ: cogita beneficia in te collata divinitus: sublatum e medio Regem, hominem acrem, & tibi intesum, cum istud idem iter insisteret, quo tu nunc vestigia sequeris. Qui suis consiliis illum præcipitarunt, te nunc in exitium rapere conantur: te ab initio impugnarunt, omni mole suæ potentiae; nunc pravis consiliis te in fraudem illiciunt. Revoca in mentem victoriam, tibi

„de

I *Quid decretur forent*] Joan. Clericus, vir ob multijugam eruditionem scriptorumque immensam pene varietatem in paucis clarissimus, in accurata sua de Buchanano ejusque scriptis dissertatione, Bibl. Select. Tom. VIII. Artic. 3. etsi in re non minus Historica quam Poetica proximum post veteres illos Romanæ eloquentiæ patres locum ubique ei tribuat, nonnullas tamen loquendi formulas ab eo usurpatas animadvertit, quæ priscorum auctoritate destitutæ ipsi videbantur, quales sunt [*populariter*] eodem sensu quo Græcorum *populariter* acceptum; & [*fore*] cum participio futuro activo copulatum. De horum altero superius a nobis dictum est ad lib. XI. 3. Quod ad alterum attinet, quamvis in eadem qua vir doctissimus sententia fuerint Laur. Valla in Eleg. LL. & Barthius Advers. lib. 45 cap. 15. qui Eugippium in Severino cap. 24. *Mox perituros fore* dicentem damnat, Bucha-

nanum tamen aliosque sic loquentes satis superque defendit Vitruvius, sive Novæ methodi Auctor, his exemplis (Observ. particular. Sect. 2. cap. 2. num. 7.) e probatissimis veterum petitis: Cic. *Deinde addis, si quid fecus, te ad me fore venturum*, Idem *Nihil horum nos visuros fore*. Liv. *Deorum immortalium causa libenter facturos fore*. Plaut. *Lepide dissimulat fore hoc futuram*. Vid. Buchanan. xviii. 25. 37. xix. 55.

<sup>2</sup> *Quorum vitæ integritatem inimici fateantur inviti: doctrinam non ignoraret, ut cui ipse, &c.*] Concinnius forte, *Quorum v. i. i. f. inviti; doctrinam ipse non ignoraret, ut cui non ita pridem vehementer fuisset deditus: aut potius cum MS. doctrinæ paritatem ipse non ignores, ut cui non adeo pridem v. f. d.*

<sup>3</sup> *De te sint futura*] Ita MS. alii omnes sunt.

„de civibus, sine cæde & sanguine; de hostibus, longe majoribus copiis fre-  
 „tis, cum ingenti tua gloria, maxima illorum ignominia, concessam. Re-  
 „miniscere, quorum in gratiam Deum deferas, & amicos oppugnes: exper-  
 „giscere aliquando, & tenebras, tibi a nefariis hominibus circumfusas, discu-  
 „te. Propone tibi ante oculos 'Saulem illum, Israëliti generis Regem, ex  
 „infimo loco in supremum translatus. Quanta illum indulgentia, legi suæ  
 „obedientem, Deus est persecutus; quantis miseriis eundem, præcepta sua  
 „negligentem, involverit. Confer tuarum rerum, ad hunc usque diem, suc-  
 „cessum, cum rebus illius prosperis: ac, nisi consilium mutaveris, nihilo  
 „feliciorem, imo deteriorem, exitum exspecta. Quid enim ille designavit,  
 „quale tu nunc facis, idque in gratiam hominum scelestissimorum, qui ne-  
 „que flagitia sua tegere possunt, nec dissimulare saltem conantur?

XXXIV. Hac admonitione hominis amici Prorex motus, rescriptit ad Car-  
 dinalem; „Ne id iudicium præcipitaret: sed rem totam servaret integram  
 „usque in suum adventum. Neque enim se consensurum in illius hominis per-  
 „niciem, antequam de causâ diligentius cognoscatur. Quod si Cardinalis se-  
 „cus faxit, in caput ejus poena vertat: se vero immunem cædis & sanguinis  
 „fore, hisce literis attestari. Cardinalis hoc responso, præter opinionem,  
 „ictus, cum non dubitaret, interposita mora, reum, vulgo gratiolum, ere-  
 „ptum iri: nec rem disceptationi committi vellet: partim, quod nullam in æ-  
 „quitate spem poneret: partim, quod de sententiis, jam ante, conciliorum  
 „auctoritate, prædamnatis, iterum iudicium fieri nolebat: itaque prope furen-  
 „ter iratus in consilio ante suscepto perseveravit: ac respondit; „Se non ad  
 „Proregem ideo scripsisse, quod ab ejus auctoritate ulla in re penderet, sed  
 „quod, ad speciem consensu publici, ejus nomen ad condemnationem ascribi  
 „vellet. Igitur, Georgio e carcere producto, Joannes Viniramus, vir do-  
 „ctus, & qui ex animo sinceræ religionis causæ, sed occulte, faveret, e su-  
 „periore loco concionem habere iussus, e Mathæi capite decimo tertio decla-  
 „mavit; „Bonum semen esse verbum Dei, malum vero hæreses. Hæresim  
 „enim esse opinionem falsam, & cum sacra Scriptura plane pugnantem, &  
 „quæ cum pertinacia defenderetur: eam vero & gigni & ali ignorantia pasto-  
 „rum Ecclesiæ: qui spiritali gladio, id est, verbo Dei, nec hæreticos con-  
 „vincere, nec errantes reducere in viam norunt. Deinde, explicato Episcopi,  
 „ex epistola ad Timotheum, officio, unam esse hæresim deprehendendi ratio-  
 „nem ostendit, si ad verbum Dei, velut ad lapidem Lydium, conferatur.  
 Tandem, cum perorasset, et si, quæ dicebantur, contra sacerdotes facerent,  
 qui

1 *Saulem*] Alii *Saulum* legendum ma-  
 lior: at nihil mutandum: ita enim D. Au-  
 gustinus & plerique omnes patres Eccle-  
 siastici hoc nomen *Saul*, *Saulis*, declinant.

2 *De sententiis jam ante conciliorum au-*  
*thoritate prædamnatis*] Hic, ut innumeris  
 aliis in locis, Buchanani mentem non af-

*Tom. I.*

sequutus est Anglicus interpres: non enim  
 (quod ille existimat) *sententia* hic *Judi-*  
*cum decreta* significant, sed *hæreses*,  
 quas vocabant, *opiniones*, Conciliorum  
 Pontificiorum commentitia auctoritate  
 damnatas.

Y 77

1 Ea

qui non ad refellendas hæreses convenissent, sed ad eos plectendos, qui licentiae & arrogantiae eorum obviam irent, tamen, velut omnia succederent eis ad votum, ut consuetam judicandi sibi formam observarent, ad suggestum, in templo exstructum, Georgium pertrahunt: alterum ex adverso suggestum conscendit Joannes Lauderus, Romanensis sacrificulus: ceteri, velut ad judicandum, circumstant. Sed nulla judicii aut liberæ disceptationis ibi forma fuit. Accusator enim, cum multis abominandis conviciis, odiosissima quæque, quæ vulgo adversus purioris doctrinæ magistros confingi solent, cum summa verborum acerbitate detonabat, atque ita tum actis aliquot horis, Georgius, in arcem reductus, in præfecti cubiculo pernoctavit, magna parte temporis in orando consumpta.

XXXV. Postridie mane, Episcopi duos Franciscanos ad eum miserunt, qui ei denunciarent; „Moriendum quamprimum esse: „ac rogarent, „Num „ipsis, de more, peccata confiteri vellet. Ille, „Nihil sibi rei cum Fratribus esse, „respondit: „nec cum eis libenter collocuturum. Verum, si in „animum inducerent, in hoc genere sibi gratificari, se cupere sermonem conferre cum homine illo docto, qui pridie concionatus fuerat. Is cum, Episcoporum permissu, in arcem venisset, cum Georgio satis diu Viniramus collocutus, tandem, sedato fletu, a quo se cohibere non potuerat, placide rogat eum; „Num vellet, Cœnæ sacramentum accipere: „Et perlibenter, (inquit) si ex Christi instituto, sub utraque specie, nempe panis & vini, „exhibeatur. Viniramus, ad Episcopos reversus, cum retulisset, eum sanctè affirmare; „Se immunem a sceleribus, quorum arguebatur: nec id eo pertinere, ut mortem instantem deprecaretur: sed ut suam innocentiam, Deo „satis notam, hominibus etiam testatam relinqueret: „ad eam Cardinalis, ira „inflammatus: „Et te, inquit, qui sis, jampridem non ignoramus. Item rogatus, „Num sacri corporis, & sanguinis communionem ei permitteret, „cum aliis Episcopis paullum collocutus, ex eorum sententia respondit, „Non videri æquum, ut pertinax hæreticus, ab Ecclesiæ damnatus, „nullis Ecclesiæ beneficiis frueretur.

XXXVI. His renunciatis, cum familiares præfecti arcis, & ministri, hora circiter nona, ad jentaculum convenissent, rogatus ab eis Georgius; „Num & ipse una vellet sumere cibum: „respondit, „Et perlibenter, ac „multo etiam libentius, quam a me est factum superioribus diebus: quod „nunc demum intelligam, viros vos esse bonos, & in eodem Christi corpore „insecum esse sociatos: quodque hunc mihi in terris novissimum convictum „esse sciam. Te autem (inquit præfecto) hortor per Dei nomen, perque „eum amorem, quo afficeris erga Dominum & Servatorem nostrum Jesum „Christum, ut huic mensæ paullum affideas, audientiamque facias, donec ego

*I Et te, inquit, qui sis, jampridem non ignoramus.] Elegans & satis crebra Latinis loquendi formula, pro Et tu, inquit, qui sis non ignoramus. Sic Terent. Eunuch.*

*Act. 3. sc. 5. Cum ipsum me noris, quam elegans formarum spectator siem. Idem. Nunc metuo fratrem, ne intus sis; porro autem pater ne rure redieris.*

*I. Ut*

„ego brevi adhortatione vos compellem, ac super pane, quem, ut fratres  
 „in Christo, sumus esuri, orem; ac deinde vobis valedicam. Interea mensa,  
 ut mos, linteo operta, impositoque pane, Georgius differere breviter ac  
 dilucide cœpit, de Christi Cœna, tormentisque & morte, circiter horæ di-  
 midium loqui. Hortatus est autem præcipue; „Ut, abjecta ira, invidia, ac  
 „malitia, in animos imprimerent mutuū amorem, ac perfecta fierent  
 „membra Christi, qui assidue pro nobis interpellat Patrem, ut nostrum sa-  
 „crificium apud eum proficiat in vitam æternam. Hæc locutus, cum Deo  
 gratias egisset, panem fregit, ac singulis particulam ejus porrexit, & vinum  
 pariter, ubi ipse gustasset, omnesque precatus esset, „Ut memoriam mortis  
 „Christi nunc postremum in hoc sacramento secum usurparent: sibi autem  
 „amariorem potionem temperari, ob nullam aliam causam, nisi Evangelii  
 „prædicationem. Post hæc gratiarum actione peracta, se in cubiculum suum  
 „recepit, ac orationi finem reddidit.

XXXVII. Nec multo post, duo e carnificum numero ad eum a Cardinali  
 missi: quorum alter tunica, <sup>2</sup>e linteo panno, nigra eum induit: alter mul-  
 tos pulveris sulfurei sacculos ad omnes corporis partes adnexuit: atque hoc or-  
 natu amictum, in cubiculum exterius præfecti eductum, ibi commorari ju-  
 bent. Interea, eodem pene momento, in area ante arcem suggestum ligneum  
 erigitur, pyra extruitur, ex adverso fenestra & propugnacula arcis tapetibus,  
 stragulis sericis, & pulvinis ornabantur, unde Cardinalis, cum suo grege,  
 lætū spectaculum e tormentis hominis innoxii caperent, &, velut tam præ-  
 clari facinoris auctores, gratiam populi captarent. Magna præterea frequen-  
 tia armatorum, adversus vim externam, aut verius ad ostentationem potentiae,  
 adhibita: machinae æneæ, per totam arcem, locis idoneis dispositæ. Inter  
 hæc, tubis clangentibus, Georgius productus suggestum conscendit, & ad pa-  
 lum funibus alligatur: ac, vix impetrata pro Ecclesia orandi venia, carnifi-  
 ces ignem subjecerunt, qui pulverem undique alligatum confestim in flam-  
 mam ac fumum solvit. Præfectus arcis, qui tam prope astabat, ut flammæ  
 afflatu ambureretur, breviter eum est hortatus: „Ut bono animo esset, ac  
 „delictorum veniam a Deo peteret. „Cui ille, „Hæc quidem flamma cor-  
 „pori, inquit, attulit molestiam, animum vero non fregit. At, qui nos ex  
 „editiore loco tam superbe despicit, intra paucos dies non minus ignominiose  
 „jacebit, quam nunc arroganter cubat. Hæc locuto, funis circa fauces ar-  
 ctius

1 *Ut nostrum sacrificium apud eum pro-  
 ficiat in vitam æternam*] Ad hæc verba  
 Melvinus in margine hanc animadversio-  
 nem adjecit, *Haud scio*, inquit, *an Sopho-*  
*cardius sacrificium cœnam appellarit: non*  
*videtur, nisi Eucharisticum addas.* Quod  
 ideo subnotare libuit, propter ingentem  
 ea de re nuper in Anglia excitatam, nec-  
 dum sedatam controversiam, quibusdam  
 summi nominis Theologis cœnam Domi-

ni proprium ac verum esse sacrificium,  
 aliis contra contendentibus. Vide Hicke-  
 sium de Christiano Sacerdotio, & Han-  
 cockii in eum Animadversiones.

2 *E linteo panno*] Male hæc conjungi  
 videntur vocabula: *pannus* enim *vestis* pro-  
 prie *lanca* est; *linteus* vero quod *e lino* fit  
 dicitur. MS. *linco* (quod idem sonat) ex-  
 hibet.



Etius astrictus vocem inclusit. Post aliquot horas, <sup>1</sup>corpore incineres ignis violentia soluto, Episcopi, adhuc ira odioque furentes, gravissimis poenis propositis, vetuerunt, ne quis pro defuncto oraret. Ex eo, Cardinalis a suo grege magnus haberi, ac divinis in cœlum laudibus ferri; „Ut qui, torpentibus cæteris, unus, auctoritate Proregis contempta, tantum facinus perfecisset: qui, „populari superbia compressa, totius ordinis Ecclesiastici patrocinium tam fortiter suscepit, ac feliciter gesserit. Tales profecto suæ dignitatis vindices superioribus annis Ecclesia si habuisset, ipsa nunc aliorum imperiis non esset „obnoxia, sed, suæ majestatis vi ac pondere, cætera sub se omnia contineret.

XXXVIII. Hac sacerdotum supra modum luxuriante victoria, non promiscuum modo vulgus, sed plerique, genere & opibus illustres, magis irritati quam fracti, rem eo sua segnitie redisse indignabantur, ut præceps aliquid cum periculo esset audendum, aut omnia cum ignominia foret patiendum. Jam etiam plures, & apertius erumpentibus, vi doloris, querelis, de Cardinale tollendo coire, & ad libertatem recuperandam, aut vitam projiciendam, hortari. „Quam enim spem dignitatis reliquam fore, sub arrogantissimo sacrificio, eodemque tyranno sævissimo, qui bello adversus Deum hominesque „suscepto, <sup>2</sup>non inimicos modo, id est, qui aut rem haberent, aut pietatem colerent, sed <sup>3</sup>cuiunque esset leviter offensus, cum, velut pecus ex „hara, suæ libidini mactaret? Qui publice bellum & civile & externum alat, „<sup>4</sup>privatim meretricum amores nuptiis copulet, nuptias legitimas pro arbitrio dirimat, domi cum scortis volutetur, foris in cæde innoxiorum & sanguine „debacchetur.

XXXIX. Cardinalis autem, etsi suis opibus non diffideret, tamen, <sup>6</sup>cum non ignoraret, qui habitus esset animorum, qui de se sermones vulgo spargerentur, sibi cogitandum existimavit, de potentia novis incrementis augenda. In Angusiam igitur profectus, filiam natu maximam filio Comitum Crafordiæ despondit, nuptiasque magno apparatu, & prope Regia magnificentia, fecit. Inter hæc, cum per exploratores certior fieret, Anglum, ad infestanda Scotiæ littora, magnos apparatus navales cogere, ac potissimum Fisenfibus minari, ipse, ad Fanum Andreæ reversus, Nobilitati, ac potissimum iis, qui maritimos agros tenerent, diem ad conveniendum statuit, ut in commune con-

sule-

<sup>1</sup> Corpore in cineres ignis violentia soluto] <sup>2</sup> Martii 1547. Sporifodius.

<sup>2</sup> Non inimicos modo] Ita, monente Crafordio, emendavimus, pro quo [inimicis] omnibus libris est scriptum.

<sup>3</sup> Cuiunque esset leviter offensus] Sic legendum præeunte MS. jubenteque Crafordio existimavimus; refragantibus licet omnibus editis, quibus [quicunque] legitur.

<sup>4</sup> Privatim meretricum amores nuptiis copulet] Qualise at Mariona Ogilvia, Re-

guli Ogilviæ filia, cujus uxoris loco habitæ filium Melgumia donavit, filiam vero Crafordii filio nuptum dedit. Id vero est, quod ex Terent. Andr. Act. 5. sc. 4. ver. 10. Crafordius observat, Meretricios amores nuptiis conglutinare.

<sup>5</sup> Debacchetur] Ita rescriptimus, admonente Melvino, pro eo quod libris omnibus habetur, [debacchetur].

<sup>6</sup> Cum non ignoraret] Ita omnino scribendum, quemadmodum MS. codice exhibetur; alius autem excidit particula [cum].

<sup>1</sup> Quir-

fulerent, quod huic malo remedium esset objiciendum. Quoque id facilius prospiceret, decreverat, una cum agrorum dominis, totum littus, hoc est, pene Fifam universam circumire, & loca, pro cujusque commoditate, communire, aut præfidiis obtinere.

XL. Inter alios juvenes nobiles, venit ad Cardinalem Normanus Leslius, Comitum Rothusie filius, cujus antea a nobis mentio non semel facta est. Is cum sæpe ante Cardinali fortem & fidelem navasset operam, incidit inter eos contentio de re privata, quæ ad tempus animos nonnihil alienavit: sed ea lite, magnis pollicitationibus inductus, Normanus cesserat. Verum cum, post aliquot menses, ad repetenda promissa redisset, e sermone in altercationem, ac deinde, neutri satis decora, inciderunt convitia: discesseruntque utrinque animis infensissimis: Cardinalis, non quam volebat reverenter tractatus, indignabundus; & alter, velut fraude circumventus, minabundus, & in vindictam pronus, ad suos rediit, & intolerandam Cardinalis superbiam eis exposuit. Facile omnes in eadem ejus conjurarunt: & quo res minus foret suspecta, Normanus cum quinque tantum comitibus Fanum Andree ingressus, in consuetum diverforium se recepit, ut ea paucitate cædis consilium dissimularetur. Erant in oppido præterea decem ex conjurationis conficiis, qui, alii alio in loco, rei aggrediendæ signum expectabant. Cum hac manu tantum facinus obire est ausus, in oppido pleno propinquorum & clientium Cardinalis. Erant tum, ut in illis regionibus, vere præcipiti, dies longissimi, nempe <sup>2</sup> circiter Maji Nonas: & Cardinalis arcem suam, in usum belli, communiebat, tanta festinatione, ut prope diei noctem in opere continuaret. Igitur, cum diluculo, ad operas intromittendas, aperiretur porta, Normanus e suis in domuncula propinqua duos præmissos in insidiis collocarat, ut, janitore ab eis comprehenso, portæ compotes, signum, quod convenerat, cæteris darent. Hoc pacto, sine tumultu omnes ingressi, quatuor e suis miserunt, qui Cardinalis ostium obser-

va-

1 *Quinque tantum comitibus* — Erant in oppido præterea decem] Leslius non plures quam novem, Spotsfordius duodecim, hoc se sacrilegio obstrinxisse narrat. In Actis vero publicis hi numerantur: Normanus Leslie Feodotarius Dominus de Rotbus, Petrus Carmichael de Balmdie, Jacobus Kircaldy de Grange, Willelmus Kircaldy ejus filius senior, David Kircaldy ejus frater, Joannes Kircaldy, Patricius Kircaldy, Georgius Kircaldy fratres dicti Jacobi Kircaldy de Grange, Thomas Kircaldy ejus etiam filius, Joannes Leslie de Parkbill, Alexander Inglis, Jacobus Melvill senior, & ejus filius, Joannes Melvill bastardus filius Domini de Raith, Alexander Melvill, David Carmichael, Gilbertus Geddes junior, Robertus Moncreif frater Domini de Tibbermallo, Gulielmus Simson, Alexander Adamson,

David Balfour filius Domini de Montgubany, Thomas Cuninghame, Nicolaus Hart, Gulielmus Guthrie, Joannes Sibbald frater Domini de Cruikston, Petrus Carmichael servus, Valterus Melvill senior, Valterus Melvill junior, Joannes Auchinleck Capellanus, Nicolaus Lermont, David Kircaldy equus, Ninianus Cocburn, Joannes Poll Bombardarius, Gulielmus Orrock, Joannes Rollock & Andreas Tanzow, qui omnes 14 Augusti 1546 lætæ majestatis sunt condemnati, præter Normanum Leslium, qui altero post die eodem crimine est condemnatus.

2 *Circiter Maji Nonas*] Piscottius 6, Leslius, Holinshedus & Balfurius 30, at Spotsfordius, Larrejus & Anderfonus 29. Maji die Saturni 1546, hanc eadem perpetratam affirmant.

varent, ne quis ad eum nuncius perferri posset: alii circa aliorum cubicula missi, qui hominum & locorum notitia freti, ministros nominatim excitent. Eos cum semisomnes sigillatim evocassent, mortem præsentem, si quisquam mutiret, comminati, extra arcem inviolatos sine tumultu eduxerunt. Ita cæteris ejectis, cum soli arce potirentur, qui obsidebant Cardinalis ostium, tum demum pulsant. Rogati, quinam essent, cum sua nomina edidissent, intromissi (promissa, ut quidam sunt auctores, incolumitate,) multis cum vulneribus conficiunt.

XLII. Interea rumor de arce capta per totam urbem spargitur. Cardinalis amici, somno & crapula languidi, sese lente moliuntur e lectis, & tumultuose, Ad arma, vocantes, ad arcem accurrunt, cum magnis minis & verborum contumeliis: scalas poscunt, & alia, quæ erant ad oppugnationem necessaria, comportant. Qui ex arce hæc spectabant, ut repentinum illum animorum impetum paullulum retunderent, & ad respectum sui furentes, revocarent, conclamant, „Frustra eos tumultuari, & mortuo seram opem ferre: „ & cum dicto cadaver exanimatum oculis omnium exponunt, in illo ipso loco, unde ipse, non multo ante, Georgii Sophocardi supplicium tam lætus spectaverat. Nec subibat modo animos rerum humanarum inconstantia, & inexpectatus eventus, sed multis occurrebat Georgii illa de illius morte prædictio, multaue alia, quæ sanctissimus vir ille, non sine divino (ut credibile est) Spiritus afflatu, ventura præmonuerat, ut brevi secutus exitus comprobavit. Cardinalis amici & propinqui, ad hoc insperatum spectaculum attoniti, celeriter sunt dilapsi.

XLII. Re per omnes regni partes divulgata, diversus animorum, pro cuiusque erga eum amore vel odio, fuit motus: aliis pulcherrimum, aliis nefarium facinus existimantibus. Multi enim, ob diversum religionis cultum, vitæ suæ ab eo metuentes: non pauci ob arrogantiam intolerabilem offensi, non solum factum probarunt, sed & gratulatum ad libertatis publicæ auctores venerunt: quidam etiam vitam fortunasque cum illis conjunxerunt. Aula vehementer perculsa, & velut consilii sui parte orbata, de sententia eorum, qui aderant, cædis auctoribus denunciant, ut intra sextum diem adsint, & vadibus datis caveant, se intra diem, qui eis nominaretur, ad causam dicendam in jus venturos. Illi cum arcem munitam tenerent, & in ea supellectilem pecuniamque Cardinalis, & Proregis filium primogenitum, obsidem (ut ante narravimus) Cardinali datum, nec pollicitationibus hostium, quorum sæpe ante levitatem & perfidiam perspexerant, fidem haberent, nullas condiciones aut mentionem pacis admittebant. Ita eis aqua & igni interdictum est. Hoc pacto res partim minis & inanibus alterius partis promissis, partim alterius dissidentia, a mense Majo ad Non. usque Novembris est extracta.

XLIII. Tum vero Prorex, & Regina viduæ importunis flagitationibus, & sacerdotum maledictis & conviciis impulsus, arma sumsit: & arce totis tribus mensibus circumfessa, machinisque pulsata, quarto demum mense, præcipite jam hieme, re infecta, copias dimisit, & ad conventum ante indictum

in

I Quarto demum mense] A 19 scil. Augusti ad 19 Decembris 1546. Ad publ.

I Con.

in mensem Feb. Edimburgum venit. Qui arcem tenebant, interea metu ab hoste liberi, non solum frequentes loca excurrendo vicina populationibus assiduis & ferro flammaque vastabant; sed, tanquam armis parata licentia, in stupra & adulteria, aliaque hominum otio abundantium vitia, profusi, jus & æquum sua libidine metiebantur. Nec, Joanne Knoxio, qui tum ad eos advenerat, crebro admonente; „Deum non irrideri, sed graves mox pœnas per eos, a quibus minime sibi timebant, de suæ legis profanatoribus expetiturum,“ a flagitiis tamen <sup>1</sup>contineri poterant.

XLIV. Præter hoc domesticum, & in ipsis visceribus grassans malum, accessit & bellum externum. Angli enim, collectis copiis, Solvæum transgressi, longe lateque sui terrorem fuderant: nec prædis & incendiis contenti, arces quasdam munitas vi ceperant, & præsidii occupant. Nec in reliquis limitibus res quietæ erant. Robertus Maxuallius, in quem maxima belli tempestas incubuerat, Edimburgum ad auxilium rebus pene perditis poscendum venerat; „Jam enim in agris solitudines vastas esse: præsidia ab inimicis teneri: cultores agrorum, sedibus patriis ejectos, omniumque rerum inopia confectos, amicorum misericordia vivere. Quod fidem <sup>2</sup>erga Regem mutare nollent, hæc pati. Quod nisi eorum egestati prospiciatur, brevi futurum, ut & ipsi suis miseriis coacti, & vicini, similium metu, in fidem Anglorum se dedant. Ei, ut sua recuperaret, auxilia promissa. Prorex, cum exercitum eo duceret, ad Megatam amnem castra posuit. Ibi amicis & propinquis Cardinalis a Prorege importune petentibus, ut Georgium Lessium, Normani patrem, qui ibi aderat, in jus vocaret: neu hominem potentem, sed fidei dubiæ, aut verius aperte hostem, ut belli socium, duceret: Comes, etsi & tempus & locus contra suaderent, tamen nullam se judicio moram facturum ostendit. Igitur judicium nominibus, de more (quem alibi retulimus) lectis, ac nemine ab adversariis nominatorum rejecto, sententiis omnibus est absolutus.

XLV. Inde ad Langopum arcem progressi, expulsis illinc Anglis, cum alia præsidia aggredi vellent, nuncio repentino sunt revocati. Allatum enim erat, Gallicam classem non procul ab Ebbæ promontorio visam, in qua essent una & viginti triremes. Prorex, id quod res erat suspicatus, ad arcem Andreanam (uti convenerat) expugnandam eas advenire, lætus domum properat. Ibi cum <sup>3</sup>Leonte Strozio, Gallicarum triremium præfecto, collocutus, conjunctis copiis arcem obsidione cingunt, tanta celeritate, ut multi ex præsidiariis excluderentur, & plerique, qui extra eam conjurationem erant, negotii causa arcem

<sup>1</sup> Contineri poterant] Ita, suadente Crafordio, emendavimus, libris tamen omnibus [Contineri non poterant] scribitur.

<sup>2</sup> Erga Regem] Rogat Crafordius an Proregem hic, an Regimam intelligat? ego posterius existimo; Rex enim utrumque sexum generaliter complectitur, licet rarissime in singulari fœminæ tribuatur. Vide supra ad VII. 61.

<sup>3</sup> Leonte Strozio] Hunc Lessius, cumque secutus Mezeraius, Petrum appellant, Holinshedius tamen & Andersonus Buchananus, & recte, suffragantur. Duo enim erant Strozii, alter Petrus, qui postea Lessium in Scotiam est comitatus, alter Leon, Caput Prior dictus, qui huic expeditioni præfuit.



cem ingressi, includerentur. Mox, sublati machinis aeneis in turres duorum templorum, quæ in proximo utrinque stabant, totam arcis arcem adeo propugnatoribus infestam reddiderunt, ut nemo, sine manifesto vitæ periculo, extra aedes apparere auderet. Nec multo post, quod inter duas turres muri erat, (cum substructiones posteriores cum prioribus non satis coagmentatae essent) admotis majoribus machinis, cum magno fragore corruit. Jam vero, qui antea munitionibus confisi, se ad omnia discrimina subeunda promptos ostenderant, trepidare cœperunt: & convocato de summa rerum concilio, <sup>1</sup> Proregis crudelitatem (quæ in animis imbecillioribus acius exardescere solet) in propinqui morte ulciscenda metuentes, Leonti Strozio, incolumitatem modo pacti, <sup>2</sup> se dederunt. Ille, suis ad arcem spoliandam immisis, in qua, præter omnis generis commeatus vim maximam, & Cardinalis pecuniam & suppellectilem, etiam præsidiorum omnes facultates, & multorum prætereacivium, ut in locum tutissimum, opes erant congestæ, una cum Proregis filio, qui obses a patre Cardinali datus, eoque cæso, in arce deprehensus fuerat. Arx de M. D. concilii sententia diruta. Leon, post paucos dies, cum deditis in altum vela XLVII. dedit. Hæc in mensem Augustum anni M. D. XLVII. inciderunt.

XLVI. Eodem fere tempore, allatum est, Anglos magnas copias terra marique parare, ut in Scotiam irrumpant, & pacti foederis fidem repetant: quod foedus, circiter quatuor annos antea, factum fuerat cum Prorege, de Regina Scotiae Angli filio collocanda. Repentinus hic rumor animum Proregis, aliqui imbecillum, vehementer perculit, ut qui nec tum auxilia haberet externa, nec domesticis copiis admodum confideret: nam & Papanorum factio ejus levitate offendebar, & Levinii exulis amici, crudeliter ab eo & avare habiti, odiorum semina adhuc retinebant. Tamen Edimburgum, ad edictum, frequentes convenerunt. Inde profecti ad Escæ fluminis (quod per Lothianam fluit) ostium, adventum Anglorum præstolantur. Interea Scoti equites, adventantem hostem omni ex parte adequitantes, & convitiis eos ad certamen laceffunt, & iter infestum reddunt. Imperator autem Anglus, qui Scotos in tumultuario genere pugnae <sup>3</sup> sciret suis longe præcellere, vetuit, ne quisquam ex agmine adverso in eos excurreret. Tandem, importunis Graji equitum præfecti precibus exoratus, permisit, ut paratæ <sup>4</sup> complures equitum graviter armatorum & cataphractorum turmae in imparatos ex inopinato se effunderent: qua repentina procella Scoti, qui desierant hostem timere, cum solutis ordinibus fugerent, eorum aut cæsi aut capti sunt circiter octingenti: ex Anglis etiam,

<sup>1</sup> *Proregis crudelitatem, quæ in animis imbecillioribus acius exardescere solet.* Hoc odio Hamiltoniorum dictum.

<sup>2</sup> *Se dederunt*] 28 Julii, inquit Lessæus; Sporilvodius, Holinsædus & Andersonus 29. Buchananus, Pitcottius & Balfurius mense Augusto 1547.

<sup>3</sup> *Sciret suis longe præcellere*] Ita Melxini jussu rescriptimus [*suis*] non [*suos*],

quod plerisque libris legitur; idque magis ad ambiguitatem vitandam, quam quod nobis persuasum sit nusquam verbum *præcello* Accusativum regere.

<sup>4</sup> *Complures*] Ita ex MS. restituimus, pro [*quamplures*] quod in aliis libris adversus veterum scriptorum exempla & Linguae Latinae analogiam est edium.

etiam, dum avidius fugientibus instant, capti fuerunt complures: & in iis nobiles aliquot turmarum ductores. Ex eo die, Scotorum equitatus nihil memoria dignum gessit. Anglorum castra ad Præstonum vicum erant, paullo plus mille passus distantia. Inde e superiore loco Scotorum copias contemplati, cum opinione majorem multitudinem viderent convenisse, interim, dum de summa rerum consultant, literas ad Scotos mittunt, ut, si quid æqui impetrare possent, bellum conditionibus potius quam armis finirent. Earum literarum hæc summa erat.

XLVII. „Se magnopere Scotos orare: primum, ut meminerint, utramque aciem Christianorum esse hominum; quibus (nisi suæ professionis prorsus obliviscantur) nihil pace & tranquillitate debeat esse optatius, nihil armis & vi injusta detestabilius. Deinde, belli præsentis causam non ab avaritia, odio & invidia natam esse, sed a perpetuæ pacis studio, quæ nulla ratione firmitus quam matrimonio coire posset, eoque publico procerum omnium consensu promisso, publicoque foedere palam approbato; eisque conditionibus, quæ Scotis quam Anglis essent æquiores: <sup>1</sup>ut quæ non in servitutem, sed in vitæ societatem, omniumque fortunarum communionem eos vocent. Tanto autem utiliores eas nuptias fore Scotis quam Anglis, quanto infirmioribus a potentiore & emolumentorum spes & injuriarum metus esset major. Illud autem in primis, in rationibus ponendis, in hoc genere spectandum, quod Reginam viro collocare Scotis esset necesse: quod necessitatis vis esset inevitabilis, & moderatio difficilis: viri eligendi potestatem unam publico concilio relictam esse. Quod si maritum ex dignitate & utilitate publica eligant, quem potius assumant, quam Regem vicinum, in eadem insula natum, genere propinquum, <sup>2</sup>in eisdem legibus, institutis, moribus, & lingua educatum; nec opibus tantum, sed omnibus fere externarum rerum vel ornamentis vel emolumentis superiorem: & ad hæc, qui perpetuam secum concordiam, & veterum odiorum oblivionem afferret. Quod si peregrinum aliquem, lingua, moribus & institutis dissentientem, arceffant ad regnum capiendum, secum ut cogitarent, quantis illud consilium malis implicatum esset, & quot secum afferret incommoda: id ipsos aliarum nationum exemplo posse animis prospicere: idque satius esse, quam experiundo discere. Quod autem ad se attinet, si Scotorum animos a concordia non alienos intelligant, aliquid de jure summo remissuros: contentosque fore, ut puella Regia in potestate suorum educaretur, usque ad ætatem nubilem, donec ipsa, de consilio procerum, sibi maritum eligere posset: ad id usque tempus, ut utrinque a vi & armis abstineretur: ne interea Regina in peregrinum solum transvehatur: neve cum Gallo, aut alio quoquam extero, de matrimonio pactio fiat. Id si Scoti sancte promittant, se sine mora pacato agmine discessuros: & si quid damni Scotiam ingressi dederint, id se bonorum virorum arbitrio compensaturos.

XLVIII.

<sup>1</sup> *Us quæ*] Forte [*qui*] legendum, ad [*Anglos*] enim, non ad [*conditiones*], aptius referri vocabulum videtur.

Tom. I.

<sup>2</sup> *In eisdem legibus, institutis*] Ita MS. editi omnes *in eisdem legibus institutum*.

XLVIII. Has literas ad se allatas Prorex, cum Joanne fratre, Fani Andreae Archiepiscopo, quem in locum & auctoritatem Cardinalis assumerat, <sup>1</sup>paucis aliis ostenderat. Illi in spem victoriæ erecti, auctores fuerunt, ut suppresserentur: verebatur enim, ne, si palam factæ essent, æquitate conditionum intellecta, multi ad pacatiora consilia inclinarent. Ipsi autem per totum exercitum rumorem spargendum curant; „Anglos eo consilio venisse, ut ablata „per vim Regina, regnum vi & armis in suam ditionem redigerent. <sup>2</sup>Prorex autem, homo natura socors, quatuor, <sup>3</sup>nihilo seipso in re militari consultiores, allegerat, ad quorum nutum omnia circumagerentur. Hi erant tres ejus propinqui, Joannes frater, Fani Andreae Archiepiscopus, Abbas Fermelinduni Georgius Durius, & Archibaldus Betonius: quartus erat Hugo Riggus, caussidicus, corporis mole & stolidis viribus, magis quam militarium rerum cognitione, insignis. Hi Proregem, sua sponte inconstantem, sed ad omnem rumoris auram consilia mutantem, ita vana spe victoriæ implerunt, ut aliorum admonitionibus clausas aures haberet.

XLIX. Interea, cum per Seotorum exercitum Proregis amici fictum a se rumorem disseminandum curassent, statim, magno cum tumultu, ad arma discursus est. Primam aciem Archibaldus Duglassius Angusiæ, postremam Georgius Gordonius Huntillæ, Comites, ducere jussi. Dena utrique virorum fortium millia data. Prorex in media prope parcm numerum habebat. De fuga Anglorum rumor subito exortus, nec omnino vanus erat. Nam, cum deficerentur commeatu, nec e longinquo frumentari, nec rapere ex agris, in tanta paucitate, auderent, unam salutis expediendæ rationem credebant, si, parte impedimentorum relicta, ipsi longis itineribus retro contenderent. Verum, tot armatorum millibus ad prælium instructis, cum nec in planum descendere auderent, <sup>3</sup>nec abeundo fallere possent, in loco superiore adventum hostium præstolantur. Ex adverso, Prorex, impatiens moræ, cum per unum e suis Duglassium admonuisset, ut aciem promoveret; ille, ut qui, ob inopiam commeatum, sciret Anglos non posse diutius in eo loco consistere, ac expectabat, ut agmen abeuntium invaderet, lente progrediebatur, donec per alterum a Prorege nuncium juberetur addere gradum: tum demum flumen transivit, media atque ultima acie satis longo intervallo sequentibus.

L. Angli, qui de discessu cogitabant, cum Duglassium ad se venientem magno gradu prospicerent, Grajum, equitum præfectum, cum toto equitatu obviam miserunt, qui agmen hostium moraretur, dum pedites collem propin-

<sup>1</sup> *Paucis aliis ostenderat*] MS. [*ostendit,*] & melius forte ad *ἐπιστάτας* præcedentis verbi [*assumerat*] vitandum. Ego vero totam sententiam sic ab Auctore scriptam existimo; *Has literas ad se allatas Prorex cum Joanni fratri, Fani Andreae Archiepiscopo, q. i. l. & s. C. assumerat, & paucis aliis ostendisset: illi in spem &c.*

<sup>2</sup> *Prorex autem, homo natura socors*] Alii scriptores tamen Proregem strenui prudentisque ducis officio hic functum testantur: ac Buchananus nusquam non diversarum partium viros exagitandi causam invenit.

<sup>3</sup> *Nec abeundo fallere possent*] Ita MS. edici omnes [*abeundo.*]

<sup>4</sup> *Equi:*

pinquum occuparent : aut , si daretur occasio , Scotorum ordines turbaret : nam major pars eorum , cum Gallico armatu essent , Scotos impetum suum sustinere non posse existimabant. Verum Scotorum phalanx , densis ordinibus constipata , ac longarum hastarum vallo prætento , venientes exceperunt. Ibi cum primi Anglorum se hastis induissent , proximi , velut in insidias illati , retro in aciem suorum se receperunt , ac pro certo affirmarunt , „ Scotorum „ ordines nihilo magis perrumpi posse , quam si in murum faxeum incurrerent. Cum jam , peditatu relicto , equites Angli fugam meditarentur , partim mutua adhortatione , partim a ducibus retenti , & æquiore loco confisi , ordines restituerunt. Scotos a progrediendo in adversum collem retinuit illud maxime , quod Jamboam Hispanum , cum cohortibus sclopetariorum equitum gentilium , velut in latus incursum , per obliquum clivum descendere viderent. Itaque , ne phalangem per subita belli dividere cogerentur , neve a lateribus circumvenirentur , a recto collis ascensu pedetentim deflexerunt. Media acies cum , loco relicto , primos fugere crederet , ipsa solutis ordinibus fugæ se dedit. Id Angli e superiore loco conspicati , misso equitatu multos fugientium obrivere. Toto hoc itinere , ab Elca ad castra Anglorum , classis Anglica , in obliquum Scotorum latus jaculata , magno damno eos affecit. Cum viæ omnes armis confractæ essent , ob caedes passim factas , quosdam in reditu amnis absumpsit. In sacerdotes Monachos (nam & qui per ætatem & vires arma ferre poterant , in castra venerant) Angli gravissime saevierunt. Nec pauci erant , qui illius diei calamitatem illis imputarent , qui arroganter pacem honestam rejecissent ; & in victoria , si eis obtigisset , in suos magis , quam Angli saevituri sperabantur. Ceciderunt , ex Anglis equitibus , in primo congressu supra ducentos : e Scotis vero , tota fere illustriorum familiarum juvenus , cum amicis & clientibus , qui sine flagitio se eos non posse deserere existimabant. In fuga multi capti. Scoti præci , in unum globum congregati , integris ordinibus incolumes domum redierunt : per loca enim impedita , & equiti incommoda , primum sunt progressi : nec , si quando in plana descendere cogeantur ,<sup>1</sup> equitibus Anglis , qui sparsi<sup>2</sup> fugientes premebant , eos ausis aggredi. Hoc prælium , inter pauca Scotis calamitosum , factum est decimo die mensis Septemb. anno M. D. XLVII.

M. D.  
XLVII.

LI. Angli , parta victoria , eaque lætiore , quod præter spem acciderat , quinque millia cum omnibus copiis progressi , ibi circiter octo dies substituerunt , & quotidie excurrando , ad sex ferme millia regionem circumjectam ferro flammaque vastarunt. <sup>3</sup> Neque rem ullam memoria dignam præterea attentarunt , nisi quod in æstuario Forthæ desertas insulas , Ketham & Æmonam , munierunt : in æstuario Tai , Brochteam arcem ceperunt : & inter redeundum , terrestri itinere , Falcaltellum & Humium arces , injecto terrore , ad dedi-

<sup>1</sup> Equitibus Anglis] Forte legendum , *rens*] mutarunt. MS. autem [*premebant*] Equites Angli — eos ausi sunt aggredi. scriptum est , quod & Crafordius voluit.

<sup>2</sup> Fugientes premebant] Princeps Editio [*premerant*] quod ceteri edici in [*preme-* <sup>3</sup> Neque rem ullam memoria dignam] Ita MS. edici omnes *ulla memoria*.



deditionem compulerunt : præsidiaque , alterum ad Lauderam , alterumque in ruinis Rosburgi , excitarunt. Repentinus eorum discessus Scotorum animos nonnihil recreavit : & facultatem eocundi , ut de summa rerum consulerent , dedit. Igitur ad Reginas , quæ tum Sterlini erant cum parte procerum , statim post prælium , Prorex cum reliqua parte accessit : Prorex quidem & frater <sup>1</sup>moesti & dejecti , ut quorum culpa eo calamitatis eventum esset ; Regina autem vidua multa signa luctus , & vultu & oratione , præ se ferebat : sed qui sensus ejus introrsus speculabantur , eis non ægre ferre videbatur , Hamiltoniorum arrogantiam repressam : cum autem affectum , qui in dolore publico superante latitabat eminebat , quibus Regum vitia nominibus honestis occultare mos est , ad animi magnitudinem referebant. Præterea Regina vidua , jam inde a morte Cardinalis , in omnes occasiones fuerat intenta , ut Proregem loco deiceret , & summam rerum in se transferret potestatem : nec unquam id effectum iri sperabat , illis in summo culmine collocatis , & loca munita tenentibus. In omni fere sermone , aucto in majus ex Anglis metu , domesticarum copiarum infirmitatem ostendebat , & pericula proponebat , quæ civilibus dissensionibus impendebant : suumque consilium cum iis , quos Hamiltoniis minus æquos esse sciebat , communicabat.

LII. Proceribus de universa re Scotica consultantibus , decretum fit , ut Regina Britannodunum seponeretur , dum in conventu procerum de toto regni statu ageretur. Datus est custos , ex Reginæ viduæ haud dubie factione , Joannes Areskinus : additur ei Gulielmus Levistonius , Hamiltoniorum fautor : missi in Galliam Legati , qui a Rege Francorum Henrico auxilia ex fodere peterent , adversus hostem communem : spes etiam facta , Reginam in Galliam venturam , ac Delphino nupturam. Sed Galli , domesticis curis intenti , dum lentius , quam periculum instans postulabat , auxilia comparant , Angli ab utroque limite interim Scotiam ingressi : Levinus Comes , velut accitus ab amicis , ad <sup>2</sup>solstitium hibernum Drumfrisiū venit. Socer enim ejus Angustus , & vetus amicus Glencarnius , duo millia equitum , ac vicinarum gentium peditum auxilia , ei promiserant , si relictis Anglis ad se veniret. Verum , cum ad locum & diem ventum est , vix trecenti conveniant ; hique ex iis fere , qui latrocinio victitabant. Hæc , atque alia hujus generis suspicionum plena , ac maxime varium ingenium Joannis Maxualli , qui jam obsides Anglis dederat , Levinio fidem faciebant , se dolo peti. Igitur ut pari arte luderet hostes , retento apud se Glencarnio , item Joanne Maxuallio , aliisque Scotorum primoribus , qui de ipsius ad suos transitione tractabant ,

<sup>1</sup> *Moesti & dejecti*] Alii vero eum forti infractoque animo hanc calamitatem tulisse testantur , cujus rei præclarum adferunt documentum , heroicam ab ipso in conventu procerum statim post prælium habitam orationem , qua eos majorum graviora passorum exemplo ad patriæ jura libertatemque fortiter vindicandam

animat atque hortatur. Ea autem apud Joan. Haywardum vit. Edwardi VI. pag. 287. Larreium Hist. Angl. Tom. 1. pag. 584. Abercromb. Præfat. ad Beauguii bell. Scot. pag. 61. Geo. Craford. Nobil. Scot. pag. 194. descripta existat.

<sup>2</sup> *Solstitium hibernum*] Vide supra ad Cap. 31. huj. Lib.

1. 74/6

bant, de media nocte sexcentos equites, partim Anglos, partim e Scotis deditis, Drumlanricum versus pergere iussit. Hi cum ad locum destinatum venissent, fere quingenti emissi, qui quam tumultuosissime ferro & igne grassarentur, ut arcis dominum Jacobum Duglassium in insidias elicerent. Ille, id ipsum agi ratus, cum suis lucem expectavit: deinde, insidiarum metu liberatus, in prædatores effusius invecit, amnem Nithum transgressus, ipse cum suis a tergo urgens abeuntibus inhæsit. Illi spatium & locum se colligendi adepti, retro in eum verso impetu feruntur, & in angustiis vadi, trepidatione injecta, turbant, turbatisque instantes paucos occidunt: multos viros præstantes capiunt. Hac levi expeditione, tantus majorem Gallovidiæ partem terror invasit, ut certatim se Anglis dederent: partim Levinio gratificari studentes; partim ne a vicinis, relictæ, ad omnem injuriam paterent, metuentes. Prorex Scotorum, veritus, ne, si ipse, tanto circumstrepente undique tumultu, nihil moliretur, animos suorum labefactatos penitus dejiceret, Brochteam arcem obsedit, ac, post tertium fere mensem, nulla memorabili re gesta, suos abduxit, relicto cum centum equitibus Jacobo Haliburtono, juvene impigro, qui vicina loca infesta redderet, & comatus terrestres in Brochteam, & præsidium, quod in colle vicino Angli communierant, inferre prohiberet. Hæc fere sub finem illius anni gesta.

LIII. Proximi anni, qui fuit M. D. XLVIII. initio, Angli Hadinam oppidum ad Tinam amnem in Lothiana communierunt, & villarum incendiis & direptionibus agrum totius ferme Scotiæ fertilissimum vastarunt: aliudque præsidium ad Lauderam urgebant. Et Levinius, sub finem Februarii, limite occidentali transmissus, insidias sibi a parte deditorum paratas a gre evasit: & Carleolum reversus, de aliquot obsidibus, ac maxime Joannis Maxuallii, quem præcipuum defectionis auctorem rebatur, ex literis Regis Anglorum, poenas sumit. M. D. XLVIII.

LIV. Inter hæc, Henricus Gallus, qui patri Francisco successerat, miserat ad mare copias, quæ in Scotiam trajiciendæ erant, ad sex fere millia hominum: in his erant tria Germanorum peditum millia, duce Ringravio; duo fere Gallorum millia, ac circiter mille diversi generis equites. Omnes iussi parere Desio Gallo, qui jam aliquot annos copias in Gallia, non sine laude, duxerat. Hi Lethæ expositi, ac iussi Edimburgi commorari, dum se a nausea & jactatione marina reficerent. Prorex, & quod secum habebat copiarum, Hadinam profecti, omni aditu obfesso, urbem clausurunt: edictoque in omnes partes missio, paucis diebus ad octo millia Scotorum convenere. Ibi, Nobilitate omni congregata, renovata est illa consultatio, de Regina in Galliam transportanda, & Delphino despondenda. Convocatur concilium in Cœnobium Monacharum, quod extra Hadinam est, hoc est, in ipsa

1 *Iussi parere Desio Gallo*] Res a Desio proximo biennio felicissime in Scotia gestas justo libro complexus est Beauguius Gallus, edit. Parisi. 1556, quem & Pat.

Abercrombious Anglice redditum Edimb. excudendum curavit anno 1707.

2 *Cœnobium Monacharum*] Ita MS pro quo libris editis perperam *Monachorum* legi.

ipsa castra. Erant in eo conventu diversi animorum motus. Alii enim disputabant; „Bellum ab Anglis perpetuum, & a Francis servitutem, ex hac Reginae ablegatione, imminere. Erant qui, ob religionis consensum, & praesentium temporum conditionem, Anglorum oblatam amicitiam censerent amplectendam; „Praesertim, cum pacem decennalem offerrent, nec ullo vinculo & pactis gravioribus Scotos illigare. Totum enim id foedus esse, „ut, vel Rege Anglorum, vel Regina Scotorum, ante decennium e vita „decedente, omnia utrinque sint integra. Ut nullus autem fortuitus eventus „intercurrat, tamen regno malis praesentibus, quibus fractis viribus prope „succumbat, liberato, posse, juventute, quam proxima clades pene totam „absumerat, longa pace aucta, sopitis intestinis dissensionibus, maturius quam „inter cornua tubaeque, de summa rerum agi: qua in consultatione, saepe „mora fuit salutaris, & praecipitem festinationem celeris est secuta poenitentia.

L.V. Gallicae causae favebant primum omnes Papani: deinde Gallicis beneficiis praecipue, aut in magnam spem emolumentorum erecti. In hoc genere fuit & Prorex. Ei promissi erant redditus annui duodecim millium librarum Francicarum, & praefectura centum equitum cataphractorum. Ita in eorum sententiam frequenter itum est, qui Regnam in Galliam <sup>1</sup>amittendam censebant. Igitur classis, quae ad eam devehendam venerat, & interim Lethae stabat, simulato discessu, totam Scotiam circumvecta, Britannodunum apulit. Regina, quae <sup>2</sup>complures menses ejus adventum expectaverat, comitantibus Jacobo fratre, Joanne Areskino, & Gulielmo Levistonio, conscendit: ac multum tempestatibus adversis jactata, tandem in Britanniam, peninsulam Gallicam, fuit exposita, atque inde ad aulam modicis itineribus perducta.

L.VI. In Scotia, cum bellum ad Hadinam substitisset, vulgus Scotorum diversis in locis rei gerendae occasionibus non defuit. Nam cum ex Humio & Falcastello arcibus hostes excurrentes magnis incommodis vicinas regiones afficerent, tandem Scoti, observato, negligentius in Humio vigilias obiri, nocte per rupem, ubi sciebant, fiducia loci, minimam diligentiam adhiberi, in summum penetrarunt, ac caesis custodibus arcem in suam potestatem redegerunt. Nec ita multo post, cum praefectus Falcastelli imperasset vicinis agricolis, ut magnam comitum vim ad certum diem adveherent; hanc vicina juvenus occasionem nata, frequens ad diem dictum affuit: ac deposita

legitur: erat enim *Monialium* iste conventus, quod & *vicus*, *Monialium* vulgo dictus, confirmat.

<sup>1</sup> *Amittendam censebant*] Ita omnes libri praeter unum Lud. Elzev. anni 1643 cui [*mittendam*] rescribere placuit; at citra necessitatem: quamvis enim verbum *amitto* saepius pro *perdo* accipiat, proprio tamen & nativo significato *amandare* innuit,

quo sensu Terent. utitur, Heaut. III. 1. 70. *Prius proditurum te tuam vitam, & prius pecuniam omnem, quam abs te amittas filium.* Et alibi passim. [Vid. ad Phaedr. lib. 1. fab. 13]

<sup>2</sup> *Complures menses*] Libri editi [*quamplures*,] rectius tamen MS. *complures*. Vide supra ad XV. 46.

<sup>1</sup> *Fas-*

ſita e jumentis onera cum in humeros extuliſſent, per pontem, qui duas rupes committit; recepti, repente quod ſerebant dejecto, cuſtodum qui aderant ſigno dato conſciunt: ac priuſquam reliqui Angli convenire poſſent, armis & locis opportuniſſimis occupatis, ſuiſque per patentem portam acceptis, arce ſunt potiti.

LVII. Nec maritimus interea Anglorum exercitus quievit: tota enim terreſtris belli mole Hadinam verſa, proximas regiones præſidio mudatas rati, hoſtium duces in Fifanum agrum deſcendere decreverunt. Igitur, cum aliqua oppida maritima habitatoribus frequentia præterveſti, ad Fanum Miniani, vicum ſatis frequentem, appulerunt, ut inde, terreſtri itinere, ad immunita quidem, ſed majora, & in quibus diripiendis majus operæ pretium eſſet, pergerent; Jacobus Stuartus, Reginae ſoror, accepto tumultu, ipſe cum plebe Fani Andreae, & paucis, qui domi relictæ erant, civibus, eo accurrit, aggregantibus ſe ad ſamam paſſim vicinis Angli, jam in terram egreſſi, circiter ad mille & ducenti, ad pugnam inſtructi ſtabant: ac metu machinarum, quas e navibus expoſuerant, aggreſſum turbam facile diſſipabant. Jacobus autem, terrore fugientium paullum compreſſo, tanto impetu in hoſtem irruit, ut, quamvis turbam temere collectam magna ex parte ſecum haberet, ſtatim hoſtem <sup>1</sup> funderet ac fugaret, atque inde ad mare magna cum cæde compelleret. Multi in fuga trucidati: non pauci, dum ad naves properant, aquis abſumti: navicula una cum vectoribus, dum tumultuoſius ad ſuos feſtinat, depreſſa eſt. Perunt eo die caſos circiter ſexcentos, centum captos.

LVIII. Illinc claſſis <sup>2</sup> ad Merniam, regionem minus frequentem, eſt devecta: eo conſilio, ut Montem Roſarum, oppidum non procul <sup>3</sup> ab Eſcæ fluminis oſtio ſitum, opprimerent. Exſcenſionem noctu facere ſtatuunt: quam oppoſcentes, donec lucis aliquid ſupererat, ad anchoras, extra terræ conſpectum, ſteterunt. Cum per tenebras paullatim ad littus allaborentur, ipſi, ſua imperitia, rationem occulti conſilii, accenſis in omnibus naviculis lucernis, hoſti prodiderunt. Joannes Areskinus Danius, oppidi præfectus, omnibus abſque ſtrepitu arma capere commonitis, tripliciter ſuos diviſit: <sup>4</sup> alios retro aggerem terrenum, in littore ad exſcenſiones impediendas exſtructum, collocavit: ipſe jaculatores alioſque leviter armatos in hoſtem duxit: tertiam manum miniſtro- rum & vulgi promiſcui, adjunctis paucis hominibus militaribus, qui turbam tegerent, retro collem propinquum exſpectare juſſit. His ita comparatis, ipſe cum

<sup>1</sup> *Funderet ac fugaret*] Ita MS. ſolenni Latinis formula: edicti autem [*funderet aut fugaret*] male.

<sup>2</sup> *Ad Merniam*] Potius [*Anguſtam*] erat dicendum, qua in regione Mons Roſarum oppidum eſt ſitum.

<sup>3</sup> *Ab Eſcæ fluminis oſtio*] Ita, non tam a Crafordio admoniti, quam re ipſa edocti, reſtituimus, pro quo libris omnibus ſcriptum eſt [*Dee,*] qui fluvius Aberdoniam

novam alluens a Monte Roſarum 28 milia diſtat.

<sup>4</sup> *Alios retro aggerem terrenum collocavit*] Hic & mox lin. ult. & XVI. 33: vocem [*retro*] inſtar præpoſitionis cum Accuſativo adhibuit, cujus rei exemplum nondum reperio: forte *ad*, vel *poſt*, librarii incuria intercidiſſet, vel corruptæ ejus ſæculi librorum editiones Buchananum ſecellerunt.



cum jaculatoribus in hostes descendentes invehit, acere certamen conferuit: ac, tumultuario genere pugnae, eos usque ad aggerem pertraxit: ibi conjunctus cum statione suorum, acie instructa, omnes una in hostem immisit. Nec illi cessissent, nisi e colle propinquo acies alia sub signis<sup>1</sup> se ostendisset: tum demum ad mare & naves adeo trepide acti sunt, ut e circiter octingentis, qui exscenderant, vix tertia pars incolumis evaserit.

LIX. Interea ad Hadinam acriter excursionibus pugnabatur, nec sine utriusque partis damno: plures tamen ab Anglis cadebant. Itaque cum multarum rerum aut jam esset, aut mox instaret, penuria, atque auxilium, quod parabatur, serius venturum crederetur, quam vires obsessorum affectae ferre possent, Bervico interea duo Equites illustres, <sup>2</sup>Robertus Bovius & Thomas Palmerius, eo mille pedites, & trecentos equites, quanta possent celeritate, ducere jussi sunt. Hi omnes, insidiis excepti, pene ad unum interierunt. Cum Angli statim alia subsidia mittere conarentur, eorum consilio intellecto, Galli ad angustias viarum, qua venturi erant, se objecerant. <sup>3</sup>Verum Dessius, per exploratorem hostium, quem ceperat, delusus, (quippe asseverabat, Anglos adhuc procul abesse, & <sup>4</sup>alia via instituisse ad suos penetrare) relictis quas obsidebat faucibus, alio se avertit: & Angli interea, qua pertenderant, nemine obvio, penetraverunt. Trecentos adducebant recentes milites: attulerunt & globos ferreos missiles, & sulfurei pulveris nonnihil: commeatum item ejus generis, cujus apud obsessos summam esse penuriam sciebant.

LX. Dum haec ad Hadinam varia fortuna geruntur, neque quicquam ad summam belli proficuitur, certus affertur rumor, justum in Anglia conscribi exercitum, ad obsidionem solvendam. Dessius, copiis adventantibus, cum se imparem sciret, castra paullo longius ab oppido removit, & machinas aeneas, praeter sex minusculas, ex eo genere, quae campestris vocantur, Edimburgum remisit. Tandem <sup>5</sup>Anglici exercitus adventus obsidionem solvit: quod in unius aleam certaminis remoticam duces committendam non censebant. Scoti, <sup>6</sup>qua cuique proximum erat, domos redierunt. Galli, etsi Anglis vehementer prementibus, sine noxa se receperunt. In reditu, Edimburgi praefectum, prohibentem cum omnibus copiis oppidum ingredi, (quod sciret eos a praedandi licentia non posse contineri) una cum filio & civibus aliquot, qui se ad eos aggregabant, <sup>7</sup>interemerunt.

LXI.

<sup>1</sup> *Se ostendisset*] Ita MS. alii [*ostendissent*,] prius autem, ad virandam ob antecedens [*cessissent*] *transponimus* quandam speciem, potius videbatur.

<sup>2</sup> *Robertus Bovius*] Is captus est a Roberto Kirktono Scoto, *Ag. Secr. Conc.* 19 Apr. 1550.

<sup>3</sup> *Verum Dessius* — *delusus*] Ita scribendum Crafordius admonuit, non, quod omnes libri exhibent, [*Dessio deluso*.]

<sup>4</sup> *Alia via instituisse*] Ita recentiores libri, MS. tamen & princeps editio Edimb.

*alia via instituisse*. [De perpetua horum verborum, etiam in antiquorum scriptorum codicibus, permutatione vid. ad Quint. Lib. 1. de Orat. Inst. Cap. 5. Gronov. ad Gell. XII. 2. ad Liv. XXVIII. 48. & Græv. ad Suet. Vitell. 2.]

<sup>5</sup> *Anglici exercitus*] Ita MS. rectius; alii *Angli*.

<sup>6</sup> *Qua cuique proximum erat*] Ita MS. at editi libri *qua cui proximum erat*.

<sup>7</sup> *Interemerunt*] Editis omnibus Galli milites interemerunt legitur: nos vero MSi fidem secuti has voces [*Galli milites*] ut possent

LXI. Deslius interea, ne seditio glisceret, simul, ex rebus bene succedentibus, ratus hostem negligentiorē factum, statuit tentare, num ex inopinato Hadinam interciperē posset. <sup>1</sup>Eo tota fere nocte profectus, prima luce, vigilibus occisis, ad muros venit, ac munimento, quod ante portam erat, oppresso, caesisque excubitoribus, alii portam effringere conantur, <sup>2</sup>alii horrea Anglorum proxima invadunt. Ibi molientium portas fragor, & Gallorum alacritas victoriam ingeminantium, vix tandem sopitis Anglis somnum excussit. In hac maxima omnium trepidatione, miles quidam machinæ æneæ maximæ, quæ in portam <sup>3</sup>forte obversa stabat, ignem subiecit, ut in præfenti malo etiam anceps remedium tentaret. Globus perfracta porta per densos Gallorum ordines transvolans, tantam stragem dedit, ut, inter vociferationem militum victoriam gratulantium, & fractarum valvarum fragorem, clamor dissonus ad extremos perveniret. Illi, trepidationis causam ignorantes, in fugam conversi, reliquos secum traxerunt. Inde Galli cum damno repulsi, in Teviotiam, quam Angli maximis afficiebant calamitatibus, ducti. Ibi, præfidente Deslio, Jedburgo hostes repressi, multæ incursiones in agrum Anglorum, non sine re & laude, factæ. Tandem, omnibus agris vastatis, omnium rerum inopia ad labores quotidianos adjuncta est, minore vulgi commiseratione, ob Edimburgensem seditionem: quam velut ad tyrannidem conatum accipiebant. Nec ab eo die quicquam a Gallis memoria dignum est patratum.

LXII. Rex Galliarum, ex Proregis & Reginae viduæ literis certior factus, Deslium, levibus expeditionibus, & ferme inutilibus, magnos sumtus facere, graviolemque cum amicis, quam inimicis esse, ac præcipue post Edimburgi factam seditionem, adeo Franci militis auctam insolentiam, [ut res non procul abesset a perniciē, ex intestinis discordiis eo revocato, auxiliis Paulum Termium, virum militarem, & summa prudentia præditum, <sup>4</sup>cum supplemento misit in Scotiam. <sup>5</sup>Is dum advenit, Deslius, cum ad suam estimationem facere arbitraretur, Ketham insulam, ante paucos dies captam, & muniri cœptam, recuperare, classe Lethæ coacta, cum lecta manu Scottorum & Francorum concendit, Regina vidua spectante, & nunc singulos, nunc universos adhortante: ac, littore potitus, Anglos in altissimum insulæ angulum compulso, caesis fere omnibus eorum ducibus, ad deditionem, nec tamen sine sanguine, coegit. Hoc postremo in Britannia opere fortiter patrato, exercitum Termio tradidit.

LXIII. Is eductas ex hibernis copias in regiones ad septentriones spectantes duci iussit: eos ipse, Deslio dimisso, statim secutus est, ac exercitu <sup>6</sup>ad Broch-

pote parum necessarias, delevimus.

<sup>1</sup> *Eo tota fere nocte profectus*] MS. editi autem omnes [ea.]

<sup>2</sup> *Alii horrea Anglorum*] Vocem [alii] quod libris editis exciderat, e MS. reposuimus.

<sup>3</sup> *Fortē obversa*] Ita MS. alii *adversa*.  
Tom. I.

<sup>4</sup> *Cum supplemento misit*] Ita MS. editi tamen vocem non necessariam [Gallus] insererunt; quod & Crafordius notavit.

<sup>5</sup> *Is dum advenit*] Beaugius Termium huic expeditioni interfuisse scribit.

<sup>6</sup> *Ad Brochteam arcem*] Leshæus & H. linsbedius non nisi post recuperatam Hadinam.

Δ α α α

Brochteamarcem admoto, brevi eam, ac mox castellum propinquum de Anglis cepit, utrinque fere omni praesidio deleta. Cum in Lothianam redisset, ac totis viribus in id incumberet, ne comitatus Hadinam subveherentur, ac, pene ex improvise, magnus Anglorum & Germanorum exercitus ei se ad praelium paratum ostendisset, suos instructos magno gradu retrodixit, donec ad loca tutiora perveniret. Interea Scotorum eques, qui ab omni parte hostium agmini insultabat, conspicatus Germanorum impedimenta incustodita, eo momento temporis diripuit: comitatus interim, nullo impediante, Hadinam illati. Inter haec, ad Coldingamiam Julianus Romerus, cum Hispanorum cohorte, incautius, 'ut in rebus tranquillis agens, oppressus, ipse capitur: pene tota cohors est deleta.

LXIV. Termius, domum reversis Anglorum copiis, ad Hadinam oppugnandam redire decreverat. Tenebant oppidum viri acres: sed, regionibus circa vastatis, cum difficilis & periculosa esset comitatus e longinquo subvectio; parumque & raro, nec unquam sine damno, apportaretur; ipsique praeterea Angli gravissima seditione domi laborarent, & foris Gallico bello premerentur, praesidium Hadinense, omni spe auxilii destitutum, ad Cal. Octob.

M. D. XLIX. oppido incenso, in Angliam discessit. Praesidium quoque ad XLIX. Lauderam jam in eo erat, ut, omnium rerum necessariorum inopia circumventum, dederetur, cum subito allatum est, de pace inter Anglos & Francos inita, quae ad Cal. Apr. anni M. D. L. fuit in Scotia promulgata, ac, proximo mense Majo, Galli milites sunt classe domum reducti. Ea pax circiter triennium, quod ad externum hostem attinet, duravit: sed gravissimo bello nihilo minus fuit & molesta & perniciofa. Nam, qui praeterant rei summae, Prorex & frater ejus Fani Andreae Archiepiscopus, 'uterque summa crudelitate & avaritia. Archiepiscopus etiam in omnium rerum licentia suis cupiditatibus obsequabatur.

LXV. Primum velut futurae tyrannidis fuit praesagium inulta caedes 3 Guilielmi Crichtonii, hominis primarii. Is in ipsis Proregis aedibus, ac tantum non in ipsius conspectu, a Roberto Semplio fuit caesus: poenae tamen exemptus fuit caedis auctor, exorante concubina Archiepiscopi, quae Semplii erat filia. Archiepiscopus, qui, Rege vivo, inter eos, quibus plurimum fidebat, sincerioris religionis studium praese ferebat, & eo defuncto in omnia vitia princeps ierat, e multis concubinis, hanc Sempliam, nec forma decoram, nec fama alioqui integram, nec alia re, quam procacitate, insignem, a marito, propinquo suo & gentili, abductam, prope in uxoris justae loco habebat. Proxime secuta est mors Joannis Malvillii, Nobilis Fifani, qui proximo Regi inter familiarissimos habebatur. Ejus deprehensae fuerunt literae

ad

adinam, Brochteam a Termio obsessam tradunt.

1 Ut in rebus tranquillis agens] Ita MS. at vox [agens] omnibus editis desideratur.

2 Uterque summa crudelitate & avaritia] De Prorege id falsum alii fere omnes te-

stantur.

3 Guilielmi Crichtonii] Additur in MS. [Sancharii,] cum qua voce nos destituit praestantissimus codex MS. reliquis quinque libris nondum tum absolutis, aut injuria temporum deperditis.

I. In

ad Anglum quendam, cui amicum captivum commendabat: in eis etsi nulla suspicio criminis inerat, tamen ad supplicium auctor earum raptus capite luit. Pœnam foediorum fecit patrimonium ejus, Davidi, filiorum Proregis minimo, datum. Horum quidem facinorum damna ad paucos, invidia ad multos, exemplum prope ad omnes pertinebat. Ob hanc imperitiam regni gerendi, totiusque vitæ segnitiam, cum animos etiam vulgi Prorex offendisset, tum ob alia indices fiebat vilior: præcipue, post sublatum Georgium Sophocardium, maxima parte hominum secutas calamitates <sup>1</sup> in religionem vertente: sed iis maxime, qui non modo puritatem doctrinæ, & vitæ totius moderationem in Georgio suspiciebant; sed qui multis & ejus veracissimis prædictionibus persuasi, vim futuri perspicendi divinitus ei inditam credebant.

LXVI. Vilesciente ob hæc interim Proregis auctoritate, mox & secutum malum, multo latius fufum, quod omnium querelas, nec eas quidem obscuras, expressit. <sup>2</sup> Conventibus enim juridicis, per universum regnum indictis, verbo quidem, ut latrocinia comprimerentur: verum res ipsa ostendit, nihil aliud, quam publicam direptionem, sub honestis nominibus, quæri. Ab universis enim extorquebatur pecunia: & a bonis viris & latronibus æqualis multa exigebatur: & utrique, non pro magnitudine scelerum, sed opum, plestebantur. Nec a sinceræ religionis cultoribus abstinebat crudelitatem & avaritiam; etsi ipse aliquando eam sectam professus fuisset, <sup>3</sup> nec tum haberet Cardinalem, <sup>4</sup> sub cujus nominis prætextu sua vitia tegeret. Nec Proregis nomine pecunia turpius quærebatur, quam flagitiosius libidine fratris profunde-  
batur.

<sup>1</sup> *In religionem*] Ita Genev. Francof. & Lud. Elzev. at princeps Editio Edimb. Mosm. & Pet. Elzev. *in religione*, male.

<sup>2</sup> *Conventibus enim*] Particulam [*enim*] delendam jubet Crafordius, at, me iudice, præter rationem.

<sup>3</sup> *Nec tum haberet Cardinalem*] Ita legendum, & versu sequente [*sua vitia tegeret*] ostendit orationis nexus & tenor. Hæc

enim commate Proregis (licet non satis ex merito) crudelitatem, sequente fratris libidinem perstringit, aliis *habere* & *tegerent* legitur.

<sup>4</sup> *Sub cujus nominis prætextu*] Ita Francof. Lud. Elzev. 1643 & Mosm. 1700, antiquioribus autem, & Pet. Elzev. 1668, [*præsentu*] legitur, quam vocem alibi usquam reperio.



## LIBER DECIMUS SEXTUS.

**I.** **R**EBUS domi compositis, Regina vidua, partim ut filiam, patriam, ac propinquos inviseret, partim ut spem dominandi admotam & sese offerentem amplecteretur, in Galliam proficisci statuit, comitibus adjunctis, quos a suis consiliis non putabat fore alienos. Mulier enim ambitiosa, nec incallida, sperabat, Proregem, suis vitiis pessum euntem, facile de gradu depelli, ac se in ejus locum posse substitui. Itaque, cum, apud Gallum supra annum commorata, rerum Scoticarum ei statum indicasset, benigne audita est, & quæ voluit per fratres facile persuasit. Rex Gallus, ut quæ cupiebat in Scotia sine motu adipisceretur, Scoticæ Nobilitatis, quæ Reginam viduam prosecuta fuerat, primores, pro cujusque ordine & loco, variis honoribus accepit. Qui Proregi aliqua necessitudine erant conjuncti, honoribus cumulantur. Filius enim ejus Jacobus Scotis omnibus mercede militantibus in Gallia præficitur: duodecim præterea Francicarum librarum millia annua ei promissa. Huntlaüs (cujus filius ei erat gener) fit Comes Moraviæ: filius Rothusii, ex diversis matribus, de patrimonio litigantibus, natus minimus, qui Hamiltoniis erat affinis, Comes vocatur. Gallus, a Regina vidua admonitus, Robertum Carnagium, Proregis familiarem, nuper in Galliam missum, ut gratias agat de auxiliis toties adversus Anglos missis; item Davidem Panitarium, Scotorum nomine per aliquot annos in Gallia Legatum, & Galvinum Kilvirini Abbatem, omnes haud dubie factionis Hamiltoniæ, ad se vocat. Is aperit, quæ cum Gulio superioribus diebus tractaverit: quorum summa eo fere tendebat, ut Proregi ostendant; „Eum Regi rem facturum gratissimam, si breve tempus, „quod supererat ei magistratus, Reginæ viduæ cederet. Id eum & æquum „& bonum, „& cum legibus esset consentaneum, tum se curaturum, ut a „rationibus ejus non alienum foret: operamque daturum, ut cum Rege munifico ac amico fideli sibi rem esse sentiat: ostendere jubet, quæ beneficentia in eum & amicos in præsentia ultro sit usus; quid in posterum sperare debeat. Ita, magnificis promissis oneratum, Carnagium domum remittit: ac brevi post, Legatum Scotorum Panitarium, Rossensem Episcopum, sequi jubet. Is, ut majore erat eloquentia & auctoritate, cum Prorege atque ejus amicis egit,

1 *In Galliam proficisci statuit*] Ea e Scotia solvit mense Septembri 1550, in Angliam venit Octob. 1551, ac exeunte Decembri proximo in Scotiam est reversa. *Holinsh. & Diarium Eduardi VI. apud Burnetum Hist. Reform. Vol. II. pag. 34.*

2 *Suis vitiis pessum euntem*] Hæc & quæ sequuntur ejusdem farinae in Proregem

immerentem probra conjecta, facile nobis esset diluere, ni breves hisce Animadversionibus limites præscripti obstarent.

3 *Et cum legibus esset consentaneum*] [Cum] hic præpositio est: ita enim loquitur Cic. lib. 3. Epist. 6. *Quod quidem erat consentaneum cum iis literis quas ego Romæ acceperam.*

egit, ut summa rei administrationem in Reginam viduam transferri sueretur, ac vix tandem impetravit: ipse ob fidem ac industriam in eo negotio transigendo, a Rege Galliarum Cœnobio in Pictonibus est donatus. Regina, tanquam certa de rerum in Scotia successu, cum satis provisum videretur, quo pacto Scoti, amissa vetere libertate, ad servitutem Gallorum adducerentur, accepto Legato ad rem gerendam Osellio, homine acri, cujus consilio in rebus omnibus uteretur, terrestri per Angliam itinere domum est reversa.

II. Proximo post reditum anno, Proregem, prope per omnes regni partes conventus juridicos agentem, secuta, Nobilitatem paulatim suam faciebat. Hoc toto itinere, pauci facinorosorum supplicio affecti, cæteri pecunia luerunt. Hæc Regina nec probare poterat, nec tamen penitus invita audiebat: quicquid enim favoris publici Proregi decederet, id universum sibi accrescere interpretabatur. Interim igitur Nobilitate in suas partes tracta, cum ipso Prorege per amicos egit, ut sponte magistratu se abdicaret. Propinqui, circumspectis ejus viribus, cum a pecunia & amicis eum inopem cernerent, & quanta ex tutelæ rationibus reddendis ei moles incumberet, (Rex enim Jacobus Quintus magnam vim pecuniæ & armorum, magnum navium & equorum machinarumque ænearum numerum, magnam & pretiosam suppellectilem decedens reliquerat, quæ ille inter suos, intra paucos annos, profuderat,) nec rationes posse diu differri, Regina jam prope adulta, videbant. His molestiis si imperii abdicatione se explicare posset, non magnam in eo jacturam fore cernebant; & magistratum eum totum Gallis redderet, cujus jamdiu vis omnis ab illis penderet; & invidioso Proregis titulo, quem diu retinere non poterat, incolumitatem & securitatem suam & suorum redimeret. Hæc conditio cum non displiceret, in has fere leges conventum est, ut, quæcunque Hamiltonius e proximi Regis bonis usurpaverat, ea Gallus ei condonanda caveret, ac immunem a rationibus tutelæ nomine reddendis eum faceret: accepto tantum jurejurando, se, quæ comparerent, redditurum. Nec tamen in eo promissum præstitit. Nam, duodecimo fere post anno, arce Hamiltonio post prælium ad Langosidum capta, multa illic sunt deprehensa, quæ perjurium ejus coarguerent.

III. Data sunt ei ampla munera, & titulus Ducis Castellerotii (quod est Pictonum oppidum, ad Viennam flumen situm) cum annuo duodecim millium Francicarum librarum redditu: cujus summæ dimidium aliquot annos fuit persolutum. Adjectum, ut, omnium Ordinum suffragiis, si Regina sine liberis decederet, Hamiltonius proximus hæres ei decerneretur. Hæc quidem ibi conventa & pacta, atque in Gallias missa, ut per Reginam ibi & Curatores ejus confirmarentur. Curatores autem Regina, de sententia matris, creat Henricum Secundum Regem Francorum, Franciscum Ducem Gusiæ, & Carolum Cardinalem ejus fratrem. Et Prorox quidem, quanquam ab administratione publica, suadente Panitario, jam decedere erat pollicitus, tamen, appropinquante finiendi imperii termino, pro sua solita inconstantia, rursus omnia in dubium revocare, & quam gravis, e summo magistratu in vitam recidere privatam, casus esset, cogitare; obnoxium se fore iis, quorum multos offenderat: jam

palam obniti, excusationibus noctendis tergiversari, cum Regina nondum duodecimum expleisset annum. Adversus hæc cum non deesset quod diceretur, tamen Regina vidua maluit Sterlinum secedere, ac tempus finiendæ tutelæ expectare legitimum, quam de re parva, etsi certa, rixari. In hoc secessu, cum Nobilitatis pars maxima ad eam ventitaret, fortuna illuc inclinante, nunquam interea cessavit omnibus rationibus aut proceres in suam factionem pertrahere, aut tractos confirmare, bonam omnibus spem de se faciendo, &c., cum rerum administrationi admoveretur, (quod brevi omnes futurum intelligebant) multa singulis & universis pollicendo. Tantum illis artibus profecit, ut duo solum primi ordinis Proregi adessent, reliqui ad Reginæ partes transirent: apud eum enim soli remanserunt Joannes frater ejus spurius, & Levistonius propinqua cognatione junctus. Hæc solitudo circa Proregem, & velut publica significatio alienatæ voluntatis omnium Ordinum, & apud Reginam procerum frequentia, coëgit eum, ad conditiones, quas pœnitentia ductus rejecerat, denuo reverti, hac lege, ut Regina vidua eas in proximo conventu per tres Ordines, & per Curatores in Gallia, curaret confirmandas.

IV. Eodem fere tempore res in Anglia turbatæ fuerunt, ob Regis Eduardi Sexti mortem, adolescentis maximæ expectationis, propter raram ad omne genus virtutis indolem, & natura inditam, & doctrina excultam. Principio veris proximi Nobilitas Sterlini coacta est. Ibi frequenti concilio prolata est approbatio eorum, quæ cum Prorege transacta fuerant, quibus omnibus Regina cum Curatoribus subscripserant. Hæc quoque adjecta est conditio, ut Britannoduni custodia penes Proregem esset. Ad ea perficienda, conventus est indictus Edimburgum, in decimum diem proximi mensis Aprilis: ibi prolata sunt pacta & conventa, uti dictum est, a Curatoribus approbata. Iis lectis, Prorex assurgens, sese palam abdicavit magistratu, atque insignia imperii Oscellio tradidit. Is ea Reginæ absens nomine recepit: atque, ex ejusdem mandato, Reginæ viduæ tradidit, eaque magno conventus assensu, illa suscepit: atque in locum Proregis suscepta, pompa præeunte, per urbem in palatium suburbanum est vecta. Prorex autem, qui magna frequentia procerum stipatus, ense, corona & sceptro prælatis de more, ingressus in comitium erat, in ordinem redactus, turbæ se immiscuit, anno M. D. LIV. Novum fuit id prorsum, & ante eum diem inauditum Scotis spectaculum: primum enim tum, de

1 Anno M. D. LIV.] Libris omnibus M. D. LV. perperam legitur. Ex Actis enim publicis constat Reginam viduam, Scotiæ Regentem publico præconio pronunciatam fuisse 12 Aprilis 1554, aliis nostris scriptoribus consentientibus. Quin ad ipsum voluisse Buchananum rerum mox gestarum series & annus proxime memoratus 1555. XVI. 6. innuere videntur. Unicus tamen hic restat dissolvendus nodus, quod hoc pacto scilicet Regina nondum ætate duodecimum ætatis annum expleisset,

contra quam Buchananus aliique fere nostri scriptores affirmant; nata quippe 7 Decemb. 1542, Vide ad Lib. XIV. 49. aquo tempore ad 12 April. 1554, annorum tantum 11 mensiumque fere quatuor est intercapedo. Et sane non alia ratione huic difficultati occurrendum videtur, quam ut dicamus Reginæ viduæ sententiam valuisse, quæ, testante Lessæo pag. 518. cum annum, quo in utero matris latebat, reliquæ filix ætati annumerandum contenderat.

1 Ger-

Concilii sententiâ, ad regni gubernacula admota est foemina. Hac rerum ad Gallos inclinatione, Scoti nunquam adduci potuerunt, ut arcem Edimburgensem exteris custodiendam committerent, veriti, ne, si Regina sine liberis decederet, eam sibi Galli tyrannidis sedem constituerent: ea igitur tuenda Joanni Areskino velut sequestro est data; quam nemini, nisi ex Ordinum decreto, redderet.

V. Post hæc, statu publico (ut videbatur) composito, Regens (ita tum eam vocare placuit) Georgium Gordonium Huntliæ Comitem, ad comprehendendum Joannem Muderacum, Reginaldinæ gentis principem, insignem latronem, multis ac scelestissimis facinoribus coopertum, misit. Hanc expeditionem parum sincera fide creditur obisse Gordonius. Itaque, cum re infecta redisset, in custodia, usque ad diem causæ dicendæ, retentus est: propinquis interim, ad leniendam rei male gestæ invidiam, culpam in Catana tribum, falsos rumores in vulgus spargendo, referentibus: rem enim ab eis corruptam ementiebantur, ob insigne eorum in Gordonium odium. Id autem ex hoc fere initio exarsit. Dum Regina adornat navigationem in Galliam, Gordonius Gulielmum Catanae familiæ principem, adolescentem cura Jacobi Comitis Moraviæ liberaliter educatum, in vincula conjecerat, nullius quidem maleficii compertum, sed quod se in clientelam ejus dedere recusabat: oberat etiam Moravii, cujus e sorore natus erat, propinquitas. Hunc, Gordonius, contumelia accensum, non satis tutum arbitrabatur post se liberum relinquere, neque dignam causam expetendi supplicii reperiebat. Igitur, per amicos, homini adolescenti, & malarum artium ignaro, persuadet, ut sibi uni suam causam permitteret: hac enim una ratione, posse alterius famæ, alterius incolumitati consuli. Igitur Gordonius, vitæ necisque inimici dominus factus, odio dissimulato, cum uxore agit sua, ut se absente de homine innoxio supplicium sumat: ratus, facinoris invidiam in eam transferri posse: quod longe contra evenit.

VI. Nam, cum omnes Gordonii vastrum ingenium agnoscerent, & uxorem ejus, foeminam lectissimam, in omni reliqua vita intra matronalis decoris præscriptum se continuisse scirent, omnibus facile persuasum est, eum omnium consiliorum uxori auctorem fuisse. Igitur, Gordonio in custodia retento, de poena in concilio Regentis sententiis est variatum: aliis in Gallias eum ad aliquot annos relegantibus, aliis capite multandum censentibus. Utraque senten-

tia

1 Gordonius Gulielmum Catana familiæ principem] Editis omnibus legitur, Gordonius apud se in vinculis Gulielmum Catana f. p. a. c. J. C. M. l. e. in vincula conjecerat. Verum cum hæ voces in vinculis plane superflue essent, eas rejiciendas censuimus. Error autem inde natus videtur, quod Buchananus primum [in vinculis habebat] scribere voluerit, posteaque oblitus id initio sententiæ dictum fuisse [in vincula

conjecerat] addiderit.

2 Post se] i. e. dum Reginam viduam in Galliam comitaretur anno 1550. Vide Lessum & Holinsbedium.

3 In custodia retento] Exstat Regentis suiue Concilii adversus Huntlium lata sententia, qua quod ipse legationem sibi demandatam mala fide obiisset, Regentis arbitrio plectendus decernitur 11 Octob. 1554. Act. publ.

1 Priu-



tia est rejecta, per <sup>1</sup> principem inimicorum ejus Gilbertum Comitem Cassiliffæ: is enim, cum ex præsentis rerum statu prospiceret, non diuturnam fore inter Scotos & Gallos concordiam, ne in Galliam relegaretur, obstitit. Hominem enim, ingenio vafro, & obrectatoribus & æmulis nocendi cupido, bello, quod brevi futurum, ob Gallorum insolentiam, non dubitabat, velut facem, atque adeo ducem hostibus præbendum non esse. Supplicio afficiendum etiam multo minus existimabat: nullum enim malum domesticum tantum esse, aut ejus vindictam tanti putandam, ut Gallos procerum Scotorum sanguini fundendo assuefacerent. Eo tandem decursum est, ut pecunia cum eo decideretur, ac retineretur, donec jure, quod in Moraviam sibi vindicabat, cederet, Orcadam, Hethlandicarum insularum & Marriæ vectigalibus, omni denique patrimonio Regio, quod in illa plaga situm est, item præfecturis juridicis aliquot provinciarum, unde illi magnæ commoditates erant, abstineret, omnesque fructus utendos fruendisque publicanis & coactoribus, quibus Regenti visum esset, libere permetteret. His conditionibus dimissus, cum Regentem, aliosque nonnullos, qui apud eam plurimum poterant, conciliasset, non multo post ad intima consilia fuit adhibitus. Interca æulica omnia officia, ex quibus quæstus esset, ut æmuli videri volebant, auctore Gordonio, peregrinis dabantur, eo consilio, ut Regentem cum Scotorum proceribus committeret; & ex utriusque partis cladibus, voluptatem, si non honestam, saltem non injucundam, caperet. Comes autem Cassiliffæ, qui hanc tempestatem futuram viderat, jam prope vates haberi cœperat. Ex eo restranquillæ fuerunt, **M. D.** usque ad mensem Julium, <sup>2</sup> anni M. D. LV.

**LV.** VII. Regens, hoc velut otium a bellis nacta, ad publicum regni statum corrigendum animum intendit. Ennernessum profecta, publicos conventus in omnibus locis fere, in quibus haberi solebant, coëgit; & cum multa severitate, de pluribus quietis publicæ perturbatoribus supplicia sumisit. <sup>3</sup> Joannem Stuartum, Atholiæ Comitem, adversus Joannem Muderacum misit, ut offensam Gordopii in superiore expeditione corrigeret. Ille non solum fortitudine & constantia, propriis sibi virtutibus, sed solertia & felicitate summa usus, cum cum liberis & omni familia deditum recepit, & ad Regentem perduxit. Verum ille, <sup>4</sup> sive otii, cujus erat impatiens, seu scelerum conscientia ægrum animum stimulante, custodiis deceptis, elapsus, omnia cæde & sanguine rursus

<sup>1</sup> *Principem inimicorum*] Is autem cum eo in gratiam, conciliante Regina, redierat, 5 Sept. 1550. *Act. publ.*

<sup>2</sup> *Anni M. D. LV.*] 1556 rescribendum existimat Melvinus, nulla alia (ut videtur) ratione adductus, quam quia eundem annum prius pag. 554. cap. 4. memoraverat. verum cum nos illic errorem latitare ibidem ostendimus, atque pro 1555, 1554 scriptum oportuisse, recte se hic numeri habere videntur.

<sup>3</sup> *Joannem Stuartum*] Exstat diploma, quo is una cum Argatheliæ Comite adversus Æbudenses mittitur, scriptum 27 Junii 1555. *Act. publ.*

<sup>4</sup> *Sive otii, cujus erat impatiens, seu scelerum conscientia*] Cum inepte [*conscientia otii*] dici videatur, mihi vix dubium quin aut [*Otio*], aut potius, [*Otii, cujus erat impatiens, radio*] Buchananus scriptum voluerit.

sus implevit. Quo tumultu audito, Regens citius, quam constituerat, coacta est ad judicia exercenda adversus illum atque alios maleficos proficisci. Inde reversa, in conventu publico, quosdam a Cardinalis Betonii interfectores, homines populares, a Prorege in exilium pulsos, restituit. Nec tamen hoc facto plus gratiæ collegit, quam ex novorum tributorum excogitatione offensionis. Hanc pecuniæ conficiendæ rationem, vulgo creditum est, Osellium, Rubeumque, & pauculos illos Gallos, qui circa Regentem erant, commentos, ut videlicet, censu facto, tabulæ conficerentur, in quibus omnium bona perscriberentur: ac singuli, pro rata, quotannis portiunculam ad sumtum belli, in thesaurum publicum, hunc in usum destinatum, reponerent. Ex ea pecunia, in hoc peculiari ærario servata, mercenarium militem posse conducui, qui limitibus esset præsidio, quæta interim domi Nobilitate, nisi si quando major vis hostium ingrueret, quam ut ordinariis præfidiis posset sustineri.

VIII. Hanc novam pecuniæ confectiorem cum tenuiores ægerrime ferrent, & amarulentis dictis palam prosequerentur, e proceribus major pars tacite mulabat, dum quisque respicit, ne, qui primus obviam iret Regentis cupiditati, præcipuam reculationis invidiam in se unum averteret. Proximus ordo primoribus, qui sua taciturnitate libertatem publicam proderent, non minus quam Regenti inensus, cum circiter trecenti Edimburgi convenissent, e suo corpore duos, Jacobum Sandelandium Calderanum, & Joannem Vemium, ad Regentem miserunt, qui in tributo solvendo ignominiam, & in censu conficiendo paupertatis publicæ & privatæ confessionem deprecarentur; „ Majores enim suos non „ modo se suæque adversus Anglos, longe quam nunc sunt potentiores, defendisse, „ ac sæpe etiam in illorum agros incurrisse: neque se nunc degenerasse adeo, „ ut non & rem & vitam, sicubi usus postulet, patriæ impendant. Quod ad „ mercenariorum conductionem pertineat, rem esse periculi plenam, summam „ rei Scoticæ hominibus, sine re, sine spe, quidvis ob pecuniam aufuris, com- „ mittere, quorum profundam avaritiam incendat ad nova molienda occasio, „ & fortuna secum fidem circumagat. Et, ut cætera recte se habeant, illique „ patriæ caritatis magis quam suæ conditionis meminerint, cuiquamne cre- „ dibile fore, mercenarios fortius pro alienis, quam dominos pro se suis- „ que, præliaturos, majoresque stimulos excitaturam in vulgi ignobilis ani- „ mis exiguam mercedulam, mox in pace casuram, quam Nobilitati fortunas, „ liberos, conjuges, arasque & focos? Huc præterea illud accedit, quod hæc „ consultatio ad imperii Scotorum summam spectet, resque multo sit major, „ quam quæ hoc tempore, & in hac Principis nostræ ætatula, sit tractanda: „ &, ut confici absque ullo motu possit, ipsam illam novam belli administran- „ di rationem inutilem fore, major pars hominum suspicatur & metuit, præ- „ sertim cum ex tributo Scotorum, hominum non copiosissimorum, tantum „ pecuniæ ægre confici possit, ut ad tuendum per mercenarium militem limi- „ tes sufficiat: verendumque, ne hujus consilii is sit exitus, qui limitem no- „ strum

1 Ac sæpe etiam] Forte legendum, sed sæpe etiam.  
2 Tom. I.

„strum hostibus potius aperiat, quam claudat. Nam si Angli ex opulentiore  
 „regno opulentiùs in eum usum aerarium instituant, quis dubitet, eos, cum  
 „suae plebis minore molestia duplo nostris majores alere posse copias: & eas,  
 „non quæ limiti obtendantur, sed in ipsa regni viscera penitus irrumpant?

IX. Reliquam orationis partem, nescio, an præstet silentio suppressere, an  
 „in vulgus efferre. Audio plerosque obmurmurantes; Hanc pecuniolam quis  
 „colliget? Quantum ex ea erit necesse in quæstorum aut coactorum mercedem  
 „decidere? Quis eam spondebit, non in luxuriæ instrumentum, sed in usum  
 „publicum conversum iri? Magnam, nihil tale futurum, spem nobis affert,  
 „magnam suppeditat fiduciam Principis clarissimæ (penes quam nunc summa  
 „est potestas) probitas & temperantia: sed, cum aliorum vel externa, vel no-  
 „stra facta recordamur, non possumus nobis imperare, ne, quod sæpe factum  
 „vidimus, aliquando futurum timeamus. Sed, his omissis, quæ fortasse fru-  
 „stra timemus, ad ea veniamus, in quibus majores nostri, in sua libertate  
 „munienda, adversus arma potentiorum, maximum collocarunt præsidium.  
 „Roberto, ejus nominis Primo, Scotorum Regum nemo creditur fuisse pru-  
 „dentior: certe fortiorem nullum fuisse omnes confitentur. Is, ut, quemad-  
 „modum sæpe vivus fecerat, etiam vita functus aliquando civibus suis prodesset,  
 „moriens hoc consilium dedit, ne Scoti non modo pacem perpetuam, sed nec  
 „longiores inducias cum Anglo facerent: videbat enim homo, & natura soler-  
 „tissimus, & longo rerum usu in utraque fortuna exercitatus, in otio & desi-  
 „dia animos deliciis & voluptatum amœnitate frangi, corpora languescere, &  
 „extincta disciplina severiore & parsimonia, velut in solo inculto, luxuriam &  
 „avaritiam succrescere, & laborum impatientiam, & otio assuetorum ignavian-  
 „& militandi odium: quibus malis, corporis & animi vires labefactatæ, virtuti  
 „malorum tolerantia exercitata, facile concedunt, & insolitam istam ex otio  
 „brevis voluptatem insigni aliqua calamitate foenerantur.

X. Hæc ubi dicta sunt, Regens, tumultum (si perseveraret) veritas, censum  
 remisit, & errore suo agnito, sæpe dictitasse fertur, „Non se, sed Scoto-  
 „rum non obscurissimos ejus consilii fuisse architectos. His verbis plerique  
 Huntiaurum designari existimabant, hominem suo pte ingenio acrem, e custodia  
 nuper emissum, magisque injuriæ (ut videri volebat) in se detinendo: quam  
 ostentatæ in liberando benevolentia memorem. Igitur, cum videret Regentem  
 in id unum intentam, ut Scotos tributis assuefaceret, veritus, ne, nimium au-  
 cta ejus potentia, Nobilitatis vires infringeret, & auctoritatem imminueret,  
 omniumque rerum arbitrium mulier peregrina ad suos cives revocaret, consilium  
 dedisse creditur, non abhorrens ab ejus animo, & pecuniæ confectio, quam  
 illa tum maxime tractabat, sed alioqui plane hostile: gnarus videlicet, neque  
 Scotos tributa soluturos, nec in posterum tam facile, quam antea fecerant,  
 parituros. Sunt qui hanc pecuniæ cogendæ rationem a Davide Panitario Ros-  
 siensi Episcopo excogitatam credant. Erat enim is homo summo ingenio &  
 doctrina præditus, Hamiltoniorum quidem beneficiis affectus, nec ab eorum  
 genere & consiliis alienus.

XI.

[Facile concedunt] Forte concedunt Buchananus scripserit.

1 la.

XI. Proximo anno, qui fuit M. D. LVII. dum Legati Scotorum de pace Carleoli agunt, Gallus a Regente Scotorum per literas petit, ut Anglis, ex M. D.  
LVII. foedere, bellum indiceret. Causa prætendebatur, quod Anglia Philippum Hispanum suum maritum, tum acerrime adversus Gallos bellantem, auxiliis in Belgium missis juvabat. Reversis ex Anglia Legatis, neque certo bello, neque pace confirmata, Regens, ad Neobotellum Coenobium proceribus convocatis, cum varias incursiones Anglorum in Scotorum agrum factas, prædas abactas, res repetitas & non redditas, recensuisset, postulat a Scotis; „Ut „bellum Anglis indicant, & simul hanc genti suæ ignominiam demant, & „Regi Gallorum eadem opera opem ferant. Nec proceribus tamen persuadere poterat, ut bellum priores inciperent. Igitur alia via rem aggressa est, maxime Ofellii (ut creditur) usâ consilio. Ad ostium Aii amnis præsidium ædificare jubet, adversus Anglorum subitas incursiones: in quo etiam tormenta ænea, resque alias ad usum belli necessarias, seponere tuto & commode, cum opus esset expromere, posset, ne convehendi, e longinquis regni partibus, labor multum temporis consumeret, & præter vecturæ molestiam, rebus gerendis esset impedimento. Et hæc quidem utilitates omnes aderant: sed alia erat destinati operis causa. Non enim dubitabatur, Anglos opus impedituros, & omnia conaturos, ne molitio, tam propinqua Bervico, cresceret. Hinc semina belli (quod illa cupiebat) jaci; culpamque sumtorum armorum in hostes rejici posse. Nec defuit eventus consilio.

XII. Nam Scoti, hostium injuriis lacerati, dum sua defendere coguntur, facile Regenti, de indicendo bello, consentiunt: ac, receptis Legatis, qui ad pacem faciendam fuerant in Angliam missi, proposito edicto, ac die ad conveniendum statuto, frequentes Edinburgum cocunt. Cum ad Maxuallii rupem castra essent posita, nec de ratione belli gerendi quicquam adhuc in concilio decretum foret, qui Regenti gratificari studebant, & suam Gallis operam ostentare, jam circa Veream arcem, in Anglorum limitibus sitam, prædabundi discurrerant. Ofellius aliquot Gallorum vexilla illuc adduxerat, & tormentorum quantum ad ejus arcis expugnationem satis videbatur. Is, non expectato concilii decreto, ea trans Tuedam amnem miserat. Id factum Scotorum procerum animos, supra quam credi potest, offendit. Ofellius enim eo spectare videbatur, ut, quicquid in ea expeditione gereretur, ejus gloriam, apud Gallum, in se unum transferret: atque paullatim Scotos, imperiis ferendis assuetos, sibi obnoxios faceret. Scoti vero <sup>1</sup> [indignabantur] ab homine privato, eodemque peregrino, se ita contemni, ut ne sententiis quidem, juxta majorum consuetudinem, corrogatis, circumagerentur, ab eo præsertim, qui, proceribus inconsultis, plus uni sibi arrogaret, quam ullus unquam Regum attentasset. Re igitur in concilio deliberata, in id omnes consenserunt; „Se non objecturos regni vires hostibus, ad cujusvis privati hominis arbitrium, præsertim cum nec Regibus unquam legitimis in eo genere „parere consueverint, nisi rebus, antequam geri cœpissent, in concilio expli-

<sup>1</sup> Indignabantur] Hanc vocem, ab omnibus libris omissam, Crafordio & re ipsa admonente, restitimus.



„catis, & multum diuque expensis. Hanc vero imperandi licentiam quid-  
„aliud esse, nisi tentationem, quam patienter tyrannidem ferre possent. Ita-  
que Osellum jubent machinas reducere, ni parcat, poena, quae a prodito-  
ribus exigi solet, indicta. Haec molestissime tulerunt Regens & Osellus:  
quod altera suam, alter Regis, cujus erat Legatus, majestatem minui existi-  
maret: sed cum viribus essent impares, pro tempore ferenda erant: neque  
remedium aliud occurrebat, nisi ut Regina Scotorum, quae jam nubilis erat,  
cum primum commode posset, Delphino nuberet: ita enim concilii publici-  
vim, cum in viri manu uxor esset, imminutum iri.

XIII. Per eam hiemem variae, & eventu vario, fuerunt excursiones: una  
ad Zeviotae montis radices memorabilis, qua inter Norfolciae Ducem & An-  
dreae Carum acriter & diu anceps victoria certatum est. Tandem, ad An-  
glos inclinante victoria, Carus captus fuit: multi utrinque viri fortes vulne-  
rati. Conventus Edimburgum in mensem Decembrem est indictus, ad literas  
Regis Francorum audiendas. In iis, post satis longam foederum antiquorum  
commemorationem, & mutuam officiorum vicissitudinem, petit a Senatu  
Scotorum, qui ex trium Ordinum delectis conficitur; „Ut, quoniam Del-  
„phinus filius suus, circa finem Decembris, aetatem, juxta leges nuptiis ma-  
„turam, esset ingressurus, Legatos homines idoneos cum liberis mandatis mit-  
„terent, qui nuptias prope inchoatas (quippe hac spe Regina Scotorum in  
„Franciam fuerat transmissa) absolvant, & gentes hactenus foederatas in unum  
„velut corpus uniant, & veterem utriusque populi benevolentiam hoc insolu-  
„bili vinculo connectant. Id si faciant, prolixè de se suisque omnia pollicetur:  
„& quicunque benevolentiae fructus ad amicos pervenire possent, a se sperare  
„jubeat.

XIV. Haec festinatio Galli cum omnes intelligerent quo pertineret, Sco-  
tique cum eo mox de libertate certamen imminere prospicerent, tamen ad  
conventum indictum obedienter omnes venerunt. Ibi, sine tumultu, electi  
octo, in Galliam matrimonio conficiendo legati, supremi Ordinis tres, Gil-  
bertus Kennedus Castilisiae, & Georgius Leslieus Rothusiae Comites: his addi-  
tus est Comernaldiae Regulus Jacobus Flaminus, familiae suae princeps; tres  
item ordinis Ecclesiastici, Jacobus Betonius Glasgouensis Archiepiscopus, Ro-  
bertus Reidus Orcadum Episcopus, & Jacobus Stuartus Coenobii Fani An-  
dreae Prior, & idem Reginae frater: infimi ordinis duo, Georgius Setonius,  
quod Edimburgi, & Joannes Areskinus Dunensis, [<sup>1</sup> quod] Montis Rosarum  
praefectus esset, Equestri quidem loco, sed dignatione primoribus facile par.  
Eos, cum vela fecissent, litus Scotiae legentes, primum ventus vehementis-  
simus excepit: deinde longius proVectos adeo saeva tempestas afflixit, ut duae  
naves, non procul a Bononia, Morinorum oppido, fluctibus obrutae perie-  
rint. Comes Rothusius, & Orcadensium Episcopus, piscatoria navicula in  
ter-

<sup>1</sup> Comernaldia Regulus] Ita legendum,  
ut in utraque Edit. Edimburg. non Comer-  
landia quod caeteris irrepsit.

<sup>2</sup> Quod] Hanc vocem, postulante sen-  
tentia, monitu Crafordii inseruimus.

terram delati, soli ex vectoribus evasere incolumes: cætera classis, diu fluctibus jactata, ad alios littoris Gallici inferiores portus appulit.

XV. Legati, cum rursus in unum locum convenissent, statim in aulam contenderunt. Ibi de nuptiis agi coeptum: & cunctis fere assentientibus, Gufiorum tamen in eis accelerandis insigne studium erat: simul quod ea affinitate multum auctoritatis accessurum ad suam familiam existimabant: simul occasio eorum cupiditati suffragabatur, quod, qui eas maxime improbaturus videretur, Annas Momorancius, omnium tum Gallorum procerum habitus prudentissimus, detineretur ab hoste captivus. Is, cum ob multas alias causas, ut plerisque videbatur, non injustas, rem præcipitari nolebat, tum ne Gufiorum potentia (quæ prudentioribus suspecta, omnibus jam intolerabilis esse coeperat) supra quam tutum Regibus esset, cresceret. E quinque enim fratribus Gufiis, qui natu maximus erat, omnibus, quæ in Gallia merebant, copiis præerat: proximus in Ligures, ut Carolo Cossæo succederet; tertius ad eum, qui in Scotia erat, exercitum, cum imperio & supplemento, mittebatur: in quarti potestate triremes ad Massiliam erant: in Cardinalis Caroli manu res nummaria tenebatur: ita ut nec miles, nec nummus, in omni ditione Regis Gallorum, citra eorum voluntatem moveri posset. Hanc Regis optimi fortunam quidam commiserati, memoria repetebant illorum temporum conditionem, cum, per aulae factiones, Gallorum Reges in monasteria, velut mitius quoddam exilium, relegabantur.

XVI. Aula, per aliquot dies nuptialibus illis orgiis operata, ubi ad se rediit, Legatis Scotorum in concilium vocatis, Cancellarius Franciæ cum eis egit, „Ut coronam cæteraque regni insignia repræsentarent, ut Reginae maritus, de more, Scotorum Rex crearetur. Ad ea breviter Legati; „Nihil „sibi de iis rebus mandatum, „responderunt. Tum rursus Cancellarius: „Nihil aliud a vobis in præsentia postulamus, quam quod in vestro positum est „arbitrio, ut, cum hac de re in conventu Scotorum disceptabitur, honorem, „quem juste nunc petimus, vestris suffragiis comprobetis: idque vos ita facturis, „syngrapha confirmetis. Id postulatum cum impudentiæ plenum videretur, paullo constantius atque acrius rejiciendum existimarunt: itaque responderunt; „Suam legationem intra præscriptas metas coerceri, quas nec „possent, nec vellent transgredi. Quod si etiam cum liberis mandatis missi „essent, tamen amicorum fidelium non esse, postulare, quod sine certa perniciæ & proditiōis infamia, etiamsi periculum capitis abesset, concedi nequiret. Se quidem Gallis, tot necessitudinibus conjunctis, quæ ab amicis „honeste tribui possent, gratificaturos. Orare, ut illi in petendo intra eodem modestiæ se fines continerent.

XVII. Ita Legatis ex aula dimissis, etsi redire ad suos festinabant, tamen, antequam conscenderent, quatuor e principibus eorum, Gilbertus Kennedus, Georgius Lellius, Robertus Reidus & Jacobus Flaminius, omnes summa virtute & caritate in patriam; item complures ex eorum comitibus, non sine magna suspitione veneni, decesserunt. Creditus est Jacobus, Reginae frater, eadem portione petitus: nam etsi, constitutione corporis firmiore & juventæ

robore fretus, mortem evaserat, assidua tamen & periculosa ventriculi infirmitate, quoad vixit, laboravit.

XVIII. Ea æstate fuit is rerum in Britannia status, ut magis pax non esse, quam bellum esse, videretur. Certatum est utrinque prædis abigendis, & villarum incendiis: incursiones interim non incruentæ factæ: duo Nobiles captivi ab Anglis abducti, Gulielmus Kethus, Comitis Martialis filius, & Patrius Grajorum familiæ inter Scotos princeps: cætera bellorum damna per vilia capita sunt evagata. Eodem fere tempore, Angli, duce Joanne Claro Equite, classem ad infestanda Scotiæ littora miserunt. Ea ad Orcades accessit, ut, exscensione facta, Cracoviacam, sedem Episcopalem, solumque in ea gente oppidum, cremarent. Cum suorum non paucos in littus exposuissent, sævisima procella subito exorta naves ab ora maris in altum rejecit: ibi, cum undis & ventis diu conflictatæ, vela retro in Angliam dederunt. Qui descenderant, ab Insulanis ad unum sunt occisi.

M. D. XIX. Hoc anno, & superiore etiam, causa religionis quodammodo ja-  
LVIII. cuisse videbatur, quod, morte Georgii Sophocardi nonnihil compressa, abunde sibi satisfactum putarent alteri, si in coetibus privatis tranquille Deum patrio sermone colere, & de rebus divinis sobrie disputare, liceret: alteri, cæso Cardinali, magis duce partium quam vindictæ cupiditate se carere ostenderent: nam qui in locum ejus successerat, magis pecuniam quam sanguinem adversariorum sitiebat; neque fere sæviebat, nisi ut prædandi & voluptatum fruendarum licentiam tueretur. Mense Aprili, Valterus Millus, sacrificulus, nec admodum literis expolitus, Episcopis tamen suspectus, quod missare desisset, ad conventum eorum rapitur. Is, quanquam & natura & ætate invalidus, & extrema paupertate oppressus, tamen e squalore carceris productus, & acerbissimis conviciis petitus, adeo non modo constanter, sed etiam acute respondit, ut tanta animi magnitudo & fiducia, in tam tenui corpusculo, etiam inimicissimis, divini numinis vi nixa videretur. Cives Fani Andrea adeo ægre injuriam ei factam tulerunt, ut nemo inveniretur, qui iudex in eum sederet: nec, tabernis omnibus clausis, quicquam, quod ad supplicium faceret, venale haberetur: quæ res unum vitæ diem ei produxit. Postridie tandem repertus est e familiaribus Archiepiscopi, Alexander Somervallius, homo flagitiosus, qui iudicis personam in eum diem susciperet. Populus certe ejus mortem adeo moleste tulit, ut, ne memoria mortis simul cum vita interiret, in eum locum, ubi corpus ejus crematum fuerat, magnum lapidum cumulum congefferit: quam eum per aliquot dies dissipandum sacerdotes curassent, semper postridie congestus apparebat, donec tandem, opera Papavorum, ad ea, quæ per oppidum exstruebantur, ædificia fuit asportatus.

XX. Ad XIII. Cal. Aug. dies ab Episcopis dicta erat Paulo Mesanio, nobili tum verbi divini concionatori. Eo die, cum frequens advocatio procerum adfuisset, ac res ad tumultum spectaret, iudicium in aliud tempus dilatum est: complures, sed absentes tantum, dampnati: qui, ne acerbitate pœnæ terrentur, iussi ad Cal. Sept. adesse: ac recantantibus errorum venia promissa. Cum in eadem Cal. incideret dies D. Ægidio festus, quem, vclut

velut Deum tutelarem, Edimburgenses venerabantur, & magnis ei poculis libabant, ac vicinos & hospites magno epularum luxu accipere solebant; Regens, verita, ne, in tam consule multitudinis turba, tumultus aliquis oriretur, & ipsa adesse voluit. Papani ejus adventu læti, facile exorant, ut in pompa solenni, in qua Ægidius per urbem ferri consueverat, adesset: sed Ægidius, ex æde sua furto sublatus, nusquam comparebat. Verum ne pompa Ægidio, aut oppidum pompa, tam celebri die careret, substitutus est ei alius Ægidiolus. Hunc cum Regens esset comitata, per maximam oppidi partem, sine ulla suspitione motus, ac se fessam in diversorium contulisset, statim juvenus urbana Ægidiolum, e ferentium humeris detractum, in cœnum provolvit, apparatusque pompæ disjecit. Sacrificuli & Fratres, qua quisque poterat, trepida fuga dilapsi, speciem tumultus majoris præbuerunt. Verum, ubi intellectum est, plus in eo motu timoris quam periculi fuisse, remque totam citra cardem ac sanguinem transactam, rursus e latibulis suis prorepierunt, & congregati, de summa rerum consultant. Ibi, etsi pristinae dignitatis recuperandæ spe prope penitus dejecti, tamen, si quid, fiduciæ simulatione, rebus deploratis mederi queant, non secus ac si prioris fortunæ vires manerent, ultro metum hostibus intendant: conventum Edimburgi ad VI. Id. Novembr. indicunt. Ejus dies habendi cum venisset, sacerdotes in ædem Dominicanorum collecti, Paullum Mesanum, quem jampridem in superiori conventu adesse jusserant, nominatim citant: ei absenti exilium indicunt, cum gravissimæ poenæ denunciatione, si quis eum tecto recipiat, aut ulla re ad vitam necessaria juvet. Ea comminatio minime Taodunanos ab officio deterruit, quo minus necessaria suppeditarent, & alii ad alios deducerent, & per homines in aula gratiosos agerent cum Rege, ut exilium ei remitteretur: sed, cum sacerdotes non solum reniterentur, sed pecuniæ vim satis magnam offerrent, nihil confici potuit.

XXI. Inter hæc, quidam viri nobiles, e Fisa maxime & Angusia, ac aliquot oppidorum cives illustriores, per omnes Scotiae præfecturas dispersi, hortabantur universos, „Sinceram divinæ legis prædicationem amarent: ne se „suosque amicos, & eorundem sacrorum participes, a paucis & infirmis op- „primi sinerent. Si jure agere inimici velint, se superiores: sin vi contende- „rent, non impares fore. Quibus hæc placerent, tabulas, ea de re confectas, quibus subscriberent, offerunt. Hi primi CONGREGATIONIS nomen assumerunt, quod postea celebrius, qui consecuti sunt, fecere. Purioris religionis vindices, cum jam procul dubio rem in ultimum discrimen brevi venturam prospicerent, communiter ad Reginam postulata quædam mittere decreverunt, quæ nisi obtinerent, neque facies Ecclesiæ ulla futura erat, neque multitudo a seditione poterat contineri. Eis ad Regentem ferendis, hominem ætate venerabilem, totoque vitæ cursu eleganter actum, Jacobum Sandelandium Calderanum splendidum Equitem selegerunt; qui, legationis mittendæ necessitate multis verbis explicata, nomine omnium, qui Ecclesiam Christi instauratam cupiebant, in summa hæc postulavit; „Ut, in precibus publicis, in „Sa-



„Sacramentorum administratione, Ministri Ecclesiae populari lingua, quae ab omnibus intelligi posset, uterentur: ut Ministrorum electio, juxta antiquam Ecclesiae consuetudinem, penes populum esset: ut, qui praessent electioni, in eorum vitam doctrinamque diligenter inquirerent: & si, per superiorum temporum negligentiam, indocti flagitiosive ad honores obrepissent, ut, eis a ministeriis Ecclesiae remotis, alii sufficerentur.

XXII. Sacerdotes, ad hæc indignabundi, fremebant, esse quenquam, qui palam tam imprudentis facinoris auctorem se profiteri auderet. Deinde, paulum sedato motu, respondent; „Se rem procul dubio disputationi commissuros: quod enim illinc fore periculum, ubi ipsi in sua causa futuri essent iudices? Contra contendentibus religionis vindicibus? „Non ex hominum arbitrio, sed perspicua Scripturae sacrae sententia rem decidi debere: „proposuerunt sacrificuli & alias concordiae conditiones, sed tam ridiculas, ut responsione sint indignae; „Ut videlicet, si vindices religionis Missam in pristino retinerent honore: si Purgatorium post hanc vitam esse faterentur: si & Divisum, & pro mortuis orandum esse, consentirent: illi nobis vicissim, permitterent, ut sermone patrio, in precibus Deo offerendis, in Baptismo & Coena Domini, uteremur. Instauratores Ecclesiae institerunt (uti ante) a Rege petere; „Ut, in causa tam justa, responso se, ab æquitate & ratione non alieno, solaretur. Regens quidem sacerdotum causae favebat: eisque clam, ubi primum se daret occasio, suam operam opemque spondebat: adversam factionem jubebat; „Patrio sermone orare Deum, Sacramenta populo exhibere, ceterosque ritus obire, sine tumultu: tantum, ne doctores eorum publice, Edimburgi & Lethæ, conciones ad populum haberent.

XXIII. Hæc etsi illi sedulo præstarent, tamen alienatae ab eis voluntatis multa se prodebant indicia, & Papani Edimburgi ad eadem fere postulata, quae per Nobilitatem ad eam sunt delata, pene paribus usi sunt responsis: hoc etiam amplius, ad eam partem, quae erat de Ministrorum electione, in hoc genere quaestionum, aut juris Canonici, aut Concilii Tridentini decretis standum. Sed nec ipsi, de rebus suis, quicquam in illo cœtu statuerunt, nisi quod Episcopis mandarunt, ut in singulas suae ditionis parochias occultos delatores mitterent, qui legum Papisticarum violatores ad ipsos deferrent: &, quanquam jam palam suas minas pro nihilo pendi viderent, tamen & auctoritate publica (quae penes ipsos erat) & Gallorum armis confisi, non minus imperiole quam antea infirmioribus insultabant. Ad horum animos aliqua ex parte mitigandos, & acerbiter sententiae adversus Evangelii concionatores deprecandum, missus est Joannes Areskinus, Duncensis Comarchus, homo doctus, & perinde pius & humanus. Is, pro ea, qua cuncti erga Deum pietate, erga homines caritate, affici debemus, eos oravit; „Ut saltem non gravarentur, tolerare, „ut, cum populus ad orandum conveniret, Deum patrio sermone, juxta leges divinitus jussas, coleret. Hanc ejus postulationem tantum abest ut com-

pro-

[*Uteremur*] Ita, admonente Crafordio, rescriptimus, pro quo [*uteremur*] libros omnes mendose occupavit.

1 Fc

probarent, ut acrioribus & arrogantioribus, quam unquam antea, verbis incederent, adjectis etiam solito gravioribus minis & conviciis: ac, ne nihil in eo conventu actum putaretur, quasdam protritæ Papanorum leges typis curant excudendas, omniumque templorum valvis affigendas, quas, quia quadrante veniebant in publicum, vulgus quadrantarias, & interim triobolarem fidem, vocabant.

XXIV. Inter hæc, in conventum Ordinum Ingressi, qui superiori anno legationem in Gallia obierant, facile tenuerant, ut acta sua probentur. Introductus deinde Gallorum Legatus, cum satis longa oratione explicasset Regum Gallorum veterem ac diuturnam in omne Scotorum nomen benevolentiam, ab omnibus & singulis vehementer contendit, ut corona, quam ille, novo ac monstroso nomine, matrimonialem vocabat, maritum suæ Reginae ornent: quo e nomine, nullum emolumentum, nulla potentia, præter nudam vocis illius usurpationem, esset accessura. Multæ aliæ verborum blanditiæ, quas hic enarrare supervacuum esset, a Legato adjectæ fuerunt: quæ, quo in re futili erant accuratiores, tanto, ne fraus occulta subesset, suspectiores fuerunt. Legatus tamen, partim immodicis promissis, partim importunis precibus, favore etiam quorundam mox futuræ adulantium potentiæ, tenuit, ut corona Delphino decerneretur. Delecti, qui eam ferrent, Gilespicus Cambellus Argatheliæ Comes, & Jacobus Reginae frater. Hi, cum in manifestum exitium ablegari viderentur, jam imminente omnium capitibus Gallicæ ambitionis procella, lentius profectionem adornare, ac rem in diem proferre, decreverunt: donec, omnia circumspiciendo, velut futuri temporis certius omen captarent: præsertim cum propior & luculentior honpris titulus sese offerret. Mortua enim Maria Anglorum Regina, statim Scota se pro hærede gerit: ac titulos & insignia Regum Anglorum in omni supellectili & instrumento domestico apponenda curat, & cum Gallia misere, per id tempus, in Mediolani, Neapolis & Flandriæ dominatu vindicando, vexaretur, ad eumulum malorum adjectum est tituli Anglicani ludibrium. Neque prudentiores Gallorum non hoc videbant: sed Gussiorum (qui tum omnia poterant) erroribus etiam assentiendum erat. Illi enim plurimum hoc vanitatis genere splendoris Gallico nomini se adjecisse videri volebant. Regens quoque, accepto decreto de corona matrimoniali, novum quodammodo induisse videbatur ingenium: nam pristinam illam, omnibus gratam, comitatem in imperiosam paullatim convertebat arrogantiam: & pro lenibus responsis, quibus utrique factioni se excusabat, non voluntate sua fieri, sed ratione temporum, quo minus tam prolixè, quam cupiebat, nondum accepto illo decreto, promittere, auderet, nunc omnium rerum, ut rebatur, compos, aliis moribus, alia oratione utebatur.

XXV. Indictus erat Sterlinum conventus in VI. Id. Maji, cum sæpe ex ea audiretur; „Nunc se, aliis curis vacuam, non passuram, majestatem sum-  
„mi

[Veniebant in publicum] i. e. vendebantur. molatarum enim ab his hostiarum extra ad-  
sur. Ita Val. Max. lib. 2. cap. 2. In-Q nestores ararii delata veniebant.  
Tom. I. Sc cc 1 Est

„mi imperii de gradu dejectam : nobili aliquo exemplo eam esse restituendam. His futuræ tempestatis indiciis multi admoniti , deprecatum veniebant : & in iis , quo dignitate hominum res fieret impetrabilior , publice missi Alexander Cunigamius Glencarniæ Comes, & Hugo Cambellus præfectus juridicus Aerenſis, Eques illustris. Ibi non se potuit continere , quin vocem impietatis testem profunderet ; „Invitis , inquit , vobis , vestrisque ministris ; isti ; „etſi Paulo ſincerius concionabuntur , tamen exulabunt. „Cum illi ſubjicerent ſupplices , „Ut , quæ ſæpenumero promiſſiſſet , in memoria revocaret : „reſpondit ; „Fidem promiſſorum a Principibus exigendum ; quatenus eam præſtare commodum eis videretur. „Ad hæc illi ſubjecerunt , „Se ergo omne obſequium & parendi neceſſitatem ei renunciare : „atque præmoſuerunt , quantum incommodum eſſet ab hoc fonte emanaturum. Hoc reſponſo , præter opinionem , iſta , ſe cogitaturam , dixit.

XXVI. Hic cum reſediſſe nonnihil impetus iræ videretur , nova fax multo acrius eam incendit , audito Perthanos Evangelium publice recepſiſſe. Illa Patricium Ruvenum , oppidi præfectum ; qui forte aderat , aggreſſa , jubet omnes illos novandæ religionis motus comprimere. Cum ille , „In corpora ſacra cultateſque eorum ſe imperium reſpondiſſet habere , hæc ut in poteſtate ei ſint , ſedulo curaturum , juſ in animos non habere : „adeo ſtatim incanduit , „ut diceret ; „Non mirandum fore , ſi brevi cum tam præſtractæ poeniteret audaciæ. Jacobum Haliburtonum , Taoduni præfectum , juſſit , Paullum Meſanium comprehenſum ad ſe mittere. Verum is , ab eodem præfecto admonitus , ut tempori paulum cederet , oppido exceſſit. Ad cæteros quoque vicinos conventus reſcripſit , ut Romano more Paſcha proximum celebrarent : qua in re cum nemo ei paruiſſet , jam furenter irata , omnes Eccleſiarum totius regni Miniſtros Sterlinum in juſ vocavit , ad decimum diem proximi menſis Maji.

XXVII. Ea re divulgata , purioris religionis cultores ſeſe mutuo exhortati , ut una cum Miniſtris ad conſtitendam ſuam quoque fidem adeſſent ; tanta fuit eo properantium multitudo , ut , etſi inermes adventarent , Regentem metus inceſſeret , ne conſilia ſua parum ſibi procederent. Igitur Joannem Areskinum Duncenſem , qui forte aderat , ad ſe arceſſit : cum eo agit ; „Ut turbam non neceſſariam domum remitteret : <sup>3</sup> quod ei non difficile , propter auctoritatem , quæ ei apud ſuos erat : ſe interea nihil adverſus quenquam illius ſectæ molituram. Multi , de hoc Regentis promiſſo certiores facti , omiſſo veniendi conſilio , domos rediere. Illa nihilo ſecius , cum decreta conventui dies adveniſſet , omnibus , qui citati ad nomen non reſpondiſſent , velut contumacibus , aqua & igni

1 *Etſi Paulo ſincerius concionabuntur*] Ita omnino ſcribendum cum majuscula litera prima , *Paulum* enim Apoſtolum intelligit : male autem Francof. utraque Elzev. & Moſm. Editt. [*paulo*] minuscula præbent.

2 *Tam præſtracta poeniteret audaciæ*]

Hanc quoque eidem Crafordio emendationem debemus : libris autem omnibus [*perſtracta*] legitur.

3 *Quod ei non difficile*] Crafordius , ut ſententia plenior magiſque perſpicua fiat , [*difficile eſſet*] legi jubet.

igni interdixit. Dunensis, quam parum promissis fidendum esset, expertus, jam sibi a vi metuens, se subtraxerat, ac Jerniæ, Angusiæ & Merniæ proceres, etsi de Reginæ fide dubios, tamen adhuc collectos reperit. Illi, ex ejus sermone cum (quod ante suspicabantur) odium Reginæ inexpressibile intelligerent, neque amplius per simulationem rem transigi posse, adversus apertam vim se parant.

XXVIII. In hoc tam lubrico statu, Knoxius Perthi multitudinem coactam nactus, concionem ad eos luculentam habuit, animosque accensos penitus inflammavit. A concione major populi pars pransum discessit: in æde pauci & plebeji, sed & hi ira & indignatione æstuentes, remanserant. Inter hæc sacrificulus plebejus animos hominum experiri volens, se ad missandum apparat, ingentem tabulam, ac verius idolothecam, explicat, in qua erat historia multorum Divorum maximo sumtu exsculptorum. Adolescens quidam astans, cum exclamasset, facinus intolerandum fieri, sacerdos ei colaphum incussit: ille, lapide sublato, ut in sacerdotem mitteret, ictu in tabulam delato, unam statuam ex ea confregit. Reliqua multitudo furens, partim in sacrificulum & tabulam, partim in cæteras aras involant: ac momento temporis omnia profani cultus monumenta comminuunt. Hæc ex infima plebecula operæ, prædentibus tum maxime potentioribus, peregerunt. Eodem furoris impetu ad monasteria Fratrum diversi discurrunt, reliquo se vulgo continenter ad eos aggregante: & quanquam Fratres haberent velut ad hos casus comparata præsidia, nullatamen vis temerario multitudinis furori potuit obistere. Primus in idola & sacrorum apparatus factus est impetus: proxime tenuiores ad prædam discurrerunt. Inventa est apud Franciscanos supellex quidem, non solum copiosa, sed etiam admodum lauta, & quæ decuplo tot, quot ipsi erant, abunde satis fuisset. Dominicanis nequaquam eadem erat opulentia, sed certe tanta, ut mendicitatis professionem facile falsam redargueret, adeo ut non inscite quidam non Fratres mendicantes, sed manducantes eos appellaret. Atque hæc omnia pauperibus in prædam cesserunt: nam quibus res erat, adeo se continuerunt ab omni avaritiæ suspicione, ut Monachorum nonnullos, ac præcipue Fratrum Carthusiensium præfectum, auro atque argento facto discedere onustum permiserint. Nec magis fuit incredibilis militarium hominum a præda abstinencia, quam in demolendis tot ædificiis celeritas. Carthusiensium enim ædes illæ laxissimæ tam propeanter non modo dirutæ, sed etiam exportatæ fuerunt, ut intra biduum vix fundamentorum vestigia superessent.

XXIX. Hæc ad Reginam, ut erant gesta, aut paullo etiam atrocius relata, animum ejus elatum ita inflammavit, ut sancte juraverit: „Se civium sanguine & oppidi incendio tam execrandum scelus expiaturam. Cuprenses Fifani, audito rerum Perthi gestarum ordine, & ipsi, maximo consensu, simulachris aut confractis aut ejectis, suam adem repurgant. Eam rem ædis Curio adeo acerbe tulit, ut nocte, quæ infecuta est, ipse sibi mortem consciverit. Harum rerum nuncio Regens perculsa, Hamiltonium, Argatheliæ atque Atholiæ Comites, cum propinquis atque clientibus, ad se arcessivit: & quanquam summa celeritate hostium conatus prævenire cuperet, tamen machinarum ænearum



Subvectio in caussa fuit, ut vix demum decimo octavo die Maji ad loca urbis vicina accederent. Ubi de Regentis apparatu & copiis ad proceres, qui Perthi erant, est perlatum, & illi, nunciis celeriter in omnes partes dimissis, amicos & eorundem sacrorum socios implorant, ne in ultima de vita & omnibus fortunis dimicatione se deserant. Accessere e proximis conventibus, magno studio & summa celeritate, prope omnes <sup>1</sup> populariter. Nonnulli etiam Lothiani propararunt eodem, ne communi periculo defuisse viderentur. Sed omnium conatus & festinationem vicit Alexander Cunigamius Glencarniae Comes. Is, audito, quo in statu res esset, bis mille & quingentos, partim equites, partim pedites collegit, ac, diei noctem continuans in itinere, ducto exercitu per loca aspera & inculta, vitatis Regentis castris, Perthum pervenit.

XXX. Erant in exercitu Regentis adhuc Jacobus Stuartus, proximi Regis nothus, & Gilespicus Cambellus Argatheliae Comes. Hi, etsi praecipui auctores instaurandae religionis erant, tamen, quia spes concordiae nondum erat penitus abjecta, manserant apud hostes, eo consilio, ut, si bonis rationibus pax coire posset, operam amicis praestarent: sin autem animi Papanorum a quiete prorsus abhorrent, eandem cum caeteris, qui Perthi erant, aleam fortunae subirent. Regens, per exploratores certior facta, in castris hostium supra septem virorum fortium millia esse, omnesque summa alacritate se ad praelium expedire, quamvis ipsa, praeter Gallorum auxilia, prope paucos Scotorum numerum in armis haberet, tamen in ultimum discrimen rem committere verita, per eosdem, quos ante nominavimus, Jacobum Stuartum & Gilespicum Cambellum, ad hostem misit. Ex altera parte, Alexander Cunigamius & Joannes Areskinus Dunensis electi, qui cum eis de concordia agerent. Hi quatuor, Regina jam placabiliore, quod sciret Glencarnium jam copias conjunxisse cum reliquis idololatriae oppugnationibus, ita convenerunt, ut, Scotis militantibus utrinque dimissis, Regenti oppidum pateret, donec lassitudinem <sup>2</sup> ex itinere contractam, paucorum dierum quiete, ipsa comitesque levarent: interea oppidanorum neminem damno aut molestia afficerent: Gallorum ne quis oppidum ingrederetur: neve propius tria millia passuum accederet. Caeterae omnes controversiae in proxima comitia dilatatae.

XXXI. Ita praesenti tumultu composito sine caede & sanguine, religionis vindices, ut qui non inferre arma, sed illata propulsare, cupiebant, laeti discesserunt, Deum laudantes, qui belli incruentum exitum hunc dedisset. Comes Argathelius & Jacobus Stuartus ad Fanum Andreae, relicta ad Perthum Regente, concesserunt, ut caedia superioris temporis per otium discuterent. At illa, soluto voluntariorum utrinque exercitu, oppidum cum paucis ingressa, honorifice pro civium copiis est recepta. Galli mercenarii cum Patricii Moravii, civis honesti, aedes praeterirent, sex eorum cum omnes jactus adversus podium ligneum, unde familia spectabat, direxissent, unus Patricii filius, adolescens tredecim annorum, fuit peremptus. Regens, corpore ad se allato, cum genus didicisset, „Casum quidem miseratione dignum esse, inquit: coque  
„ma-

<sup>1</sup> Populariter] Vide supra ad XI. 4.

<sup>2</sup> Eam.

magis, quod in filium, ac non in patrem potius, ea calamitas incidisset: se vero fortuita præstare non posse. Ex hac ejus oratione, cum facile omnes intelligerent, fidem conventorum non amplius duraturam, quam, donec suæ vires Regenti placerent, illa orationi facta convenientia adjecit. Nam intra tri-duum omnia miscere cœpit: civium enim alios spoliavit, alios exilio multavit: magistratus omnes, nulla juris formula observata, commutavit: ac, Sterlinum discedens, Scotos mercenarios, qui præsidio essent, in oppido reliquit: quo facto a conventis volebat videri non discedere, quod promississet, „Urbe libera, neminem Gallum se in ea relicturam. Cum objiceretur; „In conventis „omnes Gallos censerî; qui fidem Regi Gallo haberent obligatam, „ad illud „Papanorum commune recurrit, „Hæretico non servanda promissa. Quod si „æque honesta facinoris excusatione uti posset, nulla sceleris conscientia se „impediri, quo minus isti hominum generi & bona & vitam adimeret: pro- „missorum autem fidem a Principibus non esse adeo anxie exigendam.

XXXII. Cum hæc satis indicarent, pacem non diuturnam fore, tum ea, quæ secuta sunt, multo vehementius opinionem de ea sinistram confir- marunt. Jacobum Stuartum & Gilespicum Cambellum minacibus literis & mandatis prosecuta, extremas legum pœnas eis, ni redirent, inter- minata: de adversæ factionis exercitu secura, quippe quem e voluntariis, & qui sine stipendiis militarent, conflatum esse sciebat: nec, ubi dimissi es- sent, facile aut cito conventuros existimabat. Missa restituta, cæterisque re- bus quoad poterat compositis, oppido, quo diximus, præsidio communito, Sterlinum versus iter ingressa est: multis enim de causis, cum locum a suis ten- neri volebat. Nam id oppidum, prope totius regni in medio situm, & so- lum muris cinctum, cives habet bellicosos, & vicina Nobilitas universa a Pa- panis aliena erat: ad quos reprimendos hanc arcem objici volebat. Commodi- tates habet præterea multas, & in primis ad terrestrium & maritimarum copia- rum subvectiones: nam per Taum amnem, qui muros alluit, æstus maris in- funditur, exterarumque nationum commercii aditum præbet: idque unum fere est oppidum, quod, ab ultimis usque regni finibus, undique terrestri itinere adiri potest: ad cætera enim, longis æstuariis a mari immissis, viæ multifariam intercissæ sunt, & per ea itinera lenta, quod nusquam ea sit na- vicularum copia, ut uno comœatu magnam multitudinem transmittere queant: sæpe etiam, aut ventis contrariis, aut tempestatum violentia, dies complu- res viatores retinentur. Ob has causas, Perthum, & conventibus habendis, & militibus undeque contrahendis, commodissimum habetur. Verum, illa tempestate, Regens non tantum accepit ex loci comodo situ emolu- menti, quam ex violata induciarum fide comparavit invidiæ. Is enim ulti- mus ei rerum secundarum, & publici contemptus primus dies fuit: res enim divulgata magnorum ei in omnibus regni partibus motuum causas dedit.

XXXIII. Nam Comes Argatheliæ & Jacobus Stuartus, in violandis, se

aucto-

1 *Eum locum a suis teneri volebat.* Per-  
thum hic intelligi (non Sterlinum quod pro-

xime meminerat) ostendunt ea quæ mox  
sequuntur, hoc ipso capite.

auctoribus factis, induciis, suam fidem lædi credentes, convocata ad Fanum Andreae vicina Nobilitate, se ad purioris religionis cultores adiungunt: atque ad ejus sectæ socios scribunt, „Regentem Falcolandiae cum Gallicis copiis esse: Cupri & Fani Andreae exitio imminere: cui nisi praesenti auxilio obviam eatur, omnes Ecclesias Fisanas in summo discrimine versari. Ad eos, e locis propinquis, magna repente accurrit multitudo, insensissimis adversus Regentem & ejus copias animis; „Quippe cum gente insociabili & fera bellum esse, apud quam aequitas, jus, fas, promissa, fides, & jurisjurandi religio tam levi momento penderent, ut, ad omnem spei auram, & incertissimos blandientis fortunæ status, dicta indicta, facta infecta essent: nullas in posterum conditiones concordiae audiendas, nullam pacis, nisi altera parte extincta, aut certe peregrinis regno exactis, spem superesse: proinde se ad vincendum, vel moriendum, compararent. His atque hujusmodi sermonibus ita universorum animi fuerunt incitati, ut primum Caraliae (quod oppidum in extremo Fissæ angulo situm est) impetu facto, aras everterent, simulacra confringerent, & omnem missificandi apparatus disperderent. Quod autem vix credibile est, ira plus apud vulgi animos poterat, quam avaritia. Inde ad Fanum Andreae progressi, spoliatis reliquis Divorum ædibus, Fratrum Francisci & Dominici Cœnobium solo æquarunt. Hæc cum prope in oculis Archiepiscopi gererentur, quanquam satisvalidam equitum manum secum haberet, quibus copiis se oppidum posse tueri paullo ante speraverat: tamen, cum populi studium, ac tantum voluntariorum concursum cerneret, sese cum suis a furore multitudinis subduxit, ac Falcolandiam ad gentiles & propinquos venit.

XXXIV. His auditis, Regens adeo exarsit, ut, sine ulteriore deliberatione, denunciaret in proximum diem professionem, ac statim præmitteret, qui Cupri hospitia Gallis designarent, ac, missis in omnes partes edictis, imperavit, ut omnes, qui arma ferre possent, se Cuprum sequerentur: praesentesque Gallorum & Hamiltoniorum copias præmonuit, ut ad sonum tubæ omnes præsto in armis essent. Hoc eorum consilium cum rectæ religionis vindices per exploratores rescissent, iis, qui aderant, familiaribus & amicis repente convocatis, ut Regentis consilium prævenirent, statim Cuprum contenderunt. Eodem prope momento, Taodunani, & Nobiles e proximis agris, ad mille virorum, velut eodem signo excitati, se cum eis coniungunt. Eam noctem ibi commorati, postridie mane copias ex oppido educunt, & in campis proximis in procinctu steterunt, Papanorum exercitum exspectantes, suæque auxilia, quæ paullatim adventabant, recolligentes. In castris Regentis duo Gallorum millia erant, quibus præerat Osellius: mille Scotos ducebat Jacobus Hamiltonius Dux Castellerotius, ita tum eum vocabant. Hi omnes, præmissis de vigilia secunda machinis, summo mane iter ingressi, eo venerant, ut hostium primos conspicerent, & ipsi ab eis conspicerentur. Modicus in medio amnis fluebat: ad eum idoneis locis machinæ erant collocatæ: quingenti equites emissi, quibus levibus præliis hostium animos pertentarent, simul si flumen transire pararent, ut impeditos aggrederentur. Horum ala-

critas

etitas Gallis cunctationem afferebat: eam etiam auxit adventus Patricii Lermonthii, præfecti urbani Fani Andree, cum quingentis civibus armatis: qui, agmine (ut mos itineris habet) in longum exporrecto, majoris, quam pro numero, multitudinis speciem præbebat. Hæ res eis erant impedimento, ne (quod maxime cupiebant) numerum & ordinem hostium conspicerent, ac duces e propinquo noscerent, ac (ut jussi erant) ad suos referrent. Itaque, quidam, e Gallis ut totam hostium aciem, saltem e longinquo, subjectam oculis haberent, in colle[m] satis editum conscenderunt. Inde, cum plures equitum peditumque acies, modicis intervallis relictis, stare viderent, ac, retro illos, magnum calorum & equisonum numerum, ad vallis cujusdam labrum, velut spectaculum in longum extentum, conspicerent, rati universam illam multitudinem ibi in subsidiis collocatam, omnia vero majora ad suos detulerunt.

XXXV. Duces, de concilii sententia, ad Regentem, quæ Falcotlandiæ substiterat, miserunt, qui, quo in statu res essent, edocerent: „Scotos sibi, videri multo plures, quam sperant, & ad pugnandum alacriores: contra, qui secum militarent, mustare: & quosdam aperte indignari, se, in paucorum peregrinorum gratiam, adversus cives, amicos & propinquos duci. Tandem, assentiente Rege, tres ab Hamiltonio legati ex primoribus mittuntur, atque hi maxime, qui in exercitu hostium propinquos aut liberos haberent. Hac legatione pax confieri non potuit, quod pietatis vindices, toties vanis promissis elusi, nullam pactionibus fidem haberent: nec Regens tum habebat, aut si habuisset, e dignitate sua existimasset, aliud fidei firmamentum dare. Accedebat & illa difficultas, ut (quod maxime petebatur) peregrini regno excederent, quod præstare, inconsulto Rege Galliæ, non poterat: & moræ induciarum interpositæ, non ad animos ad pacem inflectendos, sed, ut sæpe antea experti erant, ad arcessenda auxilia externa, petebantur. Hoc tantum convenit, ut Galli milites in Lothianam transportarentur, induciæque in octo dies fierent, dum Regens pacificatores e suis ad Fanum Andree mitteret, qui pacis æquas leges utrisque ferrent.

XXXVI. Sed vindices libertatis cum plane perspicerent, Regentem, quod conditionibus, sibi honestis, rem componere non posset, tantum rerum prolationem quærere, dum proximum æstuarium cum suis transmitteret: Comes Argatheliæ & Jacobus Stuartus, per literas egerunt cum ea; „Ut Perthum, deducto præsidio, liberum suis legibus relinqueret, uti, in oppido recipiendo, pacta erat: hujus fœderis violati invidiam in se conferri, qui faciendi auctores fuerant. Cum nihil a Rege responderetur, Perthum versus, unde preces & lamentabiles querelæ quotidie afferebantur, signa convertunt, Kinfanius enim, vicinus Comarchus, quem Regens, cum discederet, oppido præfecit, ut obsequendi studium vexatione civium ostentaret, suo dolori privato indulgebat: & veteres inimicitias, quas cum plerisque civium habebat, parum civiliter exercebat, aliis domo fugatis, aliis obtentu religionis spo-

1 Retro illos] Vide supra ad lib. xv. cap. 53.



spoliatis. Nec dissimilem militibus licentiam permittebat. Has injurias, amicis & eorundem sacrorum sociis illatas, cum, qui Cupri erant, intellexissent, iter eo primo mane pronunciatum est. Oppidum obsessum, post paucos dies est deditum: ac, pulso Kinfanio, præfectura urbana Patricio Ruveno, præfecto juridico, reddita est: deinde Sconam, vetus & infrequens oppidum, ob unum suorum, contra fidem datam, occisum, incenderunt.

XXXVII. Per exploratores est rescitum, Regentem præsidium Francorum Sterlinum missuram, ut, qui ultra Fortham erant, a reliquis excluderentur. Id consilium ut prævenirent, Gilespicus Cambellus & Jacobus Stuartus, jam multa nocte cum summo silentio Pertho moverunt, ac Sterlino potiti, monasteria Fratrum statim diruerunt: cætera item circa urbem sacraria ab idolorum cultu nefario emundarunt: ac, post tertium diem, viam, quæ Edimburgum fert, ingressi, Linnuchum, in medio itinere situm, superstitioso cultu liberant: & quanquam admodum pauci numero essent, vulgo militum, tanquam bello confecto, ad domestica negotia dilapso, per tot oppida tamen compresso Papanorum fastu, Scotorum & Gallorum cohortes mercenarias tantus terror invalit, ut, cum omnibus, quæ trahere poterant, impedimentis, Dumbarum perfugerent. Scotorum proceres, instaurandæ religionis principes, complures in re ordinanda dies [<sup>1</sup> *Edimburgi*] morati, præter adium sacrarum ab omni missificandi apparatu repurgationem, verbo Dei sincere enunciando concionatores constituerunt.

XXXVIII. Interea e Gallia nunciatur, Henricum Secundum Regem decessisse. Ea res ut Scotis auxit lætitiā, ita minuit industriam; plerisque, tanquam omnibus defuncti essent periculis, quo visum est, dilabentibus. Regens contra, formidans, ne ipsa cum Gallis tota Scotia exigeretur, summa cum vigilantia in omnes occasiones erat intenta. Primum, exploratores Edimburgum præmisit, qui hostium consilia cognoscerent. Per eos admonita, vulgus militum dilapsum: paucos restitisse, adeo securos, ut nullum omnino militiæ munus obirent; non cunctandum rata, cum eis, quas habebat, copiis recta Edimburgum ducit. Occurrerunt ei officiose Jacobus Hamiltonius Dux, & Jacobus Duglassius Mortonii Comes. Hi, cum conditionibus frustrare componere tentassent, illud saltem tenuerunt, ne eo die conflingeretur. Tandem, conditionibus hinc inde jactatis, XXIV. die Julii, M. D. LIX. induciæ factæ, in decimam usque Januarii, quarum summa hæc erat, „ Ut nemo co-  
„geretur, cærimoniis, quas nolle, uti. Ne præsidium militare Edimburgi  
„ collocaretur. Ne sacerdotibus fieret impedimentum, quo minus prædiorum  
„ suorum fructibus, decimis, pensionibus, aliisve quibuscunque redditibus li-  
„ bere uti frui possent. Ne quis Ecclesiæ instauratæ templa, monasteria, aliave  
„ loca, in sacerdotum usus fabricata, demoliri, aut in alios usus transformare,  
„ tentet. Item, ut postridie illius diei, typos excudendæ pecuniæ, ac pala-  
„ tium Regium, Regenti, cum omni, quam in ea acceperant, suppellectili,  
„ redderent.

XXXIX.

[<sup>1</sup> *Edimburgi morati*] Hanc vocem [*Edimburgi*,] Crafordio admonente, addimus, aliter enim Lector, quem locum Buchananus innuat, ægre dignoscat.

1 Cujus

XXXIX. Has inducias ne per se aut suos violasse videretur, Regens eo impensius dabat operam, quod in superiorum temporum promissis servandis ejus levitas vulgo erat infamis: veruntamen curabat, ut, per suæ factionis homines, Scoti, ad iram natura paullo propensiores, irritarentur; occasionesque sævienti in miserum vulgus darent. Cum nullus autem color occurreret, qui juris aliqua specie crudelitatem celare possit, falsos rumores disseminandos curat; „Religionem rebellionis prætendi. Veram sumendorum armorum causam esse, ut, stirpe legitima extincta, Jacobus, superioris Regis nothus, regnum in se transferret. His atque aliis hujus generis mendaciis, cum animos vulgi nonnihil labefactari videret, literas unas atque alteras, quas a Regibus Gallorum, Francisco & Maria, videri volebant missas, ad eundem Jacobum curant perferendas. Hæ partim falsam beneficiorum exprobrationem, partim gravissimas minas continebant, ni, defectionis consilio abjecto, ad officium rediret. Ad hæc cum Jacobus respondisset; „Se nullius dicti aut facti tibi conscium esse, adversus vel Reges vel leges: quod vero causam eorum, qui religionem prolapsam in suum gradum restituere vellent, Nobilitas susceperit, vel potius ad eam causam se adjunxerit, eorum, quæ cum illis gesserit, invidiam, si qua est, facile sustinere: nihil enim ibi quæsitum, nisi divinæ gloriæ illustrationem: „cujus consilii poenitere non esse æquum, cujus habeat auctorem, fautorem, & propugnatorem Christum: „quem nisi sponte abnegare vellet, ab incepto desistere non posse. Extra hanc unam causam, & se & reliquos, quibus invidiosum rebellionis nomen impingitur, in aliis rebus omnibus fore obsequentissimos. Hoc responsum, ut in Galliam mitteretur, Regenti datum, contumax ei & superbum est visum: contra plerisque non modestum modo, sed etiam intra modum, præsertim in jactatione beneficiorum, quæ nulla prorsus acceperat, nisi quæ cum omnibus peregrinis erant ei communia.

XL. Inter hæc, & mille mercenarii Galli Letham appulerunt, & Comes Aranius, Jacobi Hamiltonii nuper Gubernatoris filius, ad conventum procerum, qui tum Sterlini habebatur, venit. Regens, Gallorum adventu velut spei suæ certa, jam palam ad Scotiam domandam animum adjecit. Araniæ Comititis reditus hæc fuit causa. Cum vehementius, quam per illa tempora tutum erat, instaurantium rem Ecclesiasticam causam tueretur, a Gusiis, qui omnia apud Franciscum minorem poterant, ad terrorem inferiorum Ordinum, morti destinabatur. Nec dubitavit Cardinalis Lothareus, cum in senatu Parisiensi vehementius in causam instauratæ religionis invehetur, pronunciare, eos propediem supplicium spectaturos hominis, qui Principum dignationi esset æqualis. Id ille cum relictisset, atque in memoriam revocasset, se, non ita pridem, cum Duce Gufio liberius verba commutasse, clandestina fuga, de consilio amicorum, salutis consuluit: ac derepente, præter omnium expectationem, domesticis tumultibus intervenit: ac ipse ad partes vindicæ pietatis accessit. Cum patre etiam

1 Cujus consilii] Forte legendum [ejus] obsequentis [cujus] *transcursum*. [Forte præter hujus legere]

Tom. I.

D d d d

1 Scv

etiam egit, ut se eis adjungeret, ac multos, e veteribus offensis ei inimicos, reconciliavit.

XLI. Principes factionis qui ibi aderant, cum pro certo audissent, auxiliares copias partim jam appulisse, partim, ut quamprimum mitterentur, conscribi, Lethamque summa vi communiri, ut horreum commeatum & apparatus bellici esset, ibique Galli in rebus adversis receptum, in secundis portum suscipiendis amicis haberent: Scoti, per hæc tempora, accitis undequaque copiis, Letham obsidione, sed frustra, claudere tentant: nam fere, quicquid ænearum machinarum erat in Scotia, penes Regentem erat, aut arcis Edimburgensis præfectum, qui nondum cum libertatis publicæ vindicibus se conjunxerat: neque penes eorum factionem hæc vires erant, ut oppidum, ab una parte mari cinctum, & fluvio divisum, claudere iusta obsidione possent. Gallus interea, de rerum Scoticarum statu certior factus, Labrossium, Equitem Conchiliati ordinis, cum duobus millibus peditum eo misit, qui Regenti, Papanæ superstitionis cultum promoventi, pro viribus adessent. Missus fuit una Episcopus Ambianensis, tresque Doctores Sarbonici, qui de controversiis, si opus esset, disceptarent. Eorum adventus Regentis animum dejectum ita erexit, ut sancte promitteret; „Se propediem pœnas de Divorum & Regum hostibus expetituram.

XLII. E principibus nobilitatis duodecim tum Edimburgi erant collecti, a quibus, Labrossio & Episcopo, qui se Legatos missos dicebant, & diem ad explicanda mandata peterent, responsum est; „Eos non pacem (quod simulabant) querere, sed bellum minari: alioqui, quid attinebat armatas cohortes ad disceptandum adducere? Se vero non adeo rerum esse ignaros, ut in eam disceptationem se committerent, ubi cogi possent ad conditiones inimicorum arbitrio accipiendas. Quod si pacificatio inter arma placeret, se quoque curaturos, ne magis vi compulsi, quam rationibus adducti, viderentur. Illi autem, quod præ se ferunt, si vere & ex animo petant, peregrinum militem remittant, inermesque (ut sæpe alias) conveniant, velut ad rem ex æquo componendam, non ferro & viribus decernendam. Hæc quidem de Legatis. De munitione Lethæ, in hanc fere sententiam rescripserunt; „Se vehementer mirari, quod Regens, nullis provocata injuriis, tam cito a conventis recesserit: ac, veteribus Lethæ incolis expulsis, peregrinorumque colonia ibi collocata, arcem, ad interitum legum & libertatis, omnium capitibus imponat. Se magnopere orare, ut ab hoc tam pernicioso consilio, adversus fidem promissorum, publicam utilitatem, leges & libe-

1 Scoti] Hanc vocem, nec injuria, de-  
dendam jubet Crafordius.

2 A quibus, Labrossio & Episcopo] Fru-  
stra est And. Melvinus, qui legendum  
vult [quibus a Labrossio & Episcopo, &c.]  
non enim hoc responsum a Labrossio &  
Episcopo Ambianensi, sed a Nobilitatis  
principibus est datum; id quod ipsius re-

sponsi verba manifeste ostendunt. Virum  
doctissimum fefellit, quod voces *Labrossio*  
& *Episcopo*, vicinitate pronominis [qui-  
bus] deceptus, auferendi casu positas exi-  
stimaverit, quas tamen tum orationis se-  
ries, tum rei gestæ fides Dativo adhiben-  
das requirunt.

1 Quam

bertatem, temere suscepto, desistat: neve eam necessitatem eis imponat, ut universi populi fidem implorare cogantur. In eandem fere sententiam, post mensem, Edimburgi collecti rescripserunt: ac superioribus hanc petitionem adjecerunt; „Ut, molitionibus novis everfis, peregrinos aliosque mercenarios quoslibet oppido emigrare jubeat, ut liberum ibi omnibus ex æquo esset negotiari & mutua exercere commercia. Id si recusaret, se pro certo indicio accepturos, eam regnum hoc in servitutem velle redigere: cui malo se, quacunque ratione possent, remedium quæsituros.

XLIII. Ad hæc qui responderet, Regens, triduo proximo, misit Robertum Formanum, principem fœciale (vulgo Regem armorum vocat) cum his mandatis, „Primum omnium, ostendes, nihil nobis magis præter opinionem accidere potuisse, quam aliud esse quempiam, qui potestatem hic habeat, quam generum & filiam meam, unde omnis nostra pendet auctoritas. „Superiora procerum acta, & hæc præsens postulatio, seu potius imperium, satis declarant, eos nullam superiorem agnoscere auctoritatem. Nec eorum petitio, aut potius minæ, utcunque verborum coloribus opertæ, nobis jam novæ videri possunt. Postulabis a Duce Castellerotii, ut in memoriam revocet, quæ nobis verbis, & Regi per literas, sit pollicitus; non se modo Regi dicto audientem fore, sed facturum, ne filius ejus, Araniæ Comes, patriæ tumultibus se omnino implicaret. Item, ecquid, quæ nunc geruntur, illis respondeant promissis. Ad literas autem respondebis; Nos, publicæ tranquillitatis causa, ostendisse, facturos, ac nunc etiam polliceri, quicquid cum pietate in Deum, ac observantia erga Reges non pugnet: neque de libertatis & legum everfione unquam cogitasse: de regno vero per vim acquirendo multo minus: cui enim illud quærerem, quod jam filia hæreditario jure sine controversia teneat? Quod ad munitionem Lethæ attinet, illud rogabis: Nosne unquam aliquid in eo genere attentavimus, priusquam illi, multis conventionibus, ac demum conjuratione inter se facta, palam ostenderent, imperium legitimum se rejicere, ac nobis, quæ supremi magistratus auctoritatem & locum tenemus, inconsultis statum publicum pro suo arbitrio perturbassent; suasque partes, captis urbibus, confirmassent; & cum veteribus inimicis de fœdere lanciando tractassent; ac nunc maxime complures eorum Anglos domi suæ habeant? Et, ut alia omittam, quam tandem causam proferre poterunt, cur illis liceat exercitum tenere Edimburgi, ad rerum præfides invadendos; nobis autem non liceat Lethæ, ad salutis nostræ præsidium, aliquid copiarum circa nos habere? Illud nimirum cupiunt, ut, quotidiana mutatione locorum, furorem eorum (quod ad hunc diem fecimus) vitare conemur. Ecquæ in eorum literis de parendo justis magistratibus est mentio? Ecquam ad concordiam instaurandam viam pandunt? Ecquo indicio monstrant, se hos motus velle sedatos, & in pristinum statum omnia velle reducta? Operiant ista,

¶ *Quam generum & filiam*] Ita legendum, ut recte Crasfordius admonuit, Synaxeos lex omnino postulabat, libri tamē omnes [*quam genit & filia mea*] edidere.



„ista, quibus velint, emolumentum publicum coloribus; palam tamen est, nullam  
 „de re minus eos cogitare: nam si id unum concordiam moraretur, saepe-  
 „mero, quae duceret eo, viam ostendimus. Nec ipsi ignorant, Gallos istos,  
 „mandatum sui Regis, jamdudum, nisi suis ipsi factis in mora fuissent, extra  
 „Scotiam futuros. Itaque, si quas nunc quoque offerant conditiones honestas,  
 „quae spem faciant, imperii maiestate salva, se obedienter & modeste superio-  
 „ribus parituros, nullam instaurandae concordiae rationem recusabimus: neque  
 „quicquam omitemus, quod ad utilitatem publicam spectare poterit. Nec  
 „nos modo erga eos hoc animo sumus, sed etiam Reges eorum, qui Conchi-  
 „liati ordinis Equitem illustrem, & Ecclesiastici ordinis hominem primum,  
 „cum literis ac mandatis eodem spectantibus, ad eos miserunt: quos illi tamen  
 „ita contemserunt, ut non modo responso, sed ne audientia quidem, sint di-  
 „gnati. Quamobrem postulabis, & imperabis quoque Duci, & ceteris pro-  
 „ceribus, aliisque cujuscunque ordinis civibus, ut ab eis statim discedant: sin-  
 „minus, perduellionis eos teneri, denunciabis.

XLIV. Ad haec postridie, qui fuit XXIII. Octobris, proceres in hanc sen-  
 tentiam responderunt; „Ex literis tuis ac mandatis per foecialem missis, facile  
 „intelleximus, quam perseveranter male animata sis adversus pietatem in Deum,  
 „& nostrae gentis publicum emolumentum, & communiter omnium liberta-  
 „tem. Haec ut, perinde ac debemus, tueamur, nos, Regum nostrorum no-  
 „mine, praefecturam, aut quocunque alio imperii titulo publicam administra-  
 „tionem sub Regibus usurpas, suspendimus ac inhibemus: ut qui pro certo  
 „habeamus, quae nunc a te geruntur, ea cum eorum perpetua voluntate, erga  
 „publicam hujus regni incolumitatem, pugnare: & quemadmodum tu nos,  
 „legitimos hujus regni & Regum cives, pro senatu & concilio publico non ha-  
 „bes: neque nos te Regentem aut magistratu supremo fungentem agnoscimus:  
 „cum praesertim imperium (si quod habes a Regibus commissum) gravissimis  
 „justissimisque de causis sit a nobis inhibuit: idque, eorundem Regum no-  
 „mine, quorum nos consultores nati sumus, praesertim in rebus, quae ad  
 „omnium salutem spectant. Quamquam autem nobis est decretum, nullum sub-  
 „terfugere vitae discrimen, in eo oppido liberando, in quo tu contra nos mer-  
 „cenarios peregrinos collocasti: tamen pro ea, quam tibi, ut Reginae nostrae  
 „matri, debemus, reverentia, & opera fidei, magnopere, ut secedas, ora-  
 „mus, dum nos utilitatis publicae ratio cogit, oppidum istud nunc armis repe-  
 „tere, quod saepe antea precibus liberare sumus conati. Illos praeterea rogamus,  
 „ut una tecum educas, intra XXIV. horas, si qui sunt, qui aut Legatorum,  
 „ad controversias disceptandas, aut ad res gerendas, nomen sibi vindicant,  
 „quicquid item mercenariorum militum in eodem est oppido, quorum nos  
 „sanguini libenter parcimus, & incolumitati favemus, propter veterem,  
 „quae tot saeculis inter Scotos & Francos fuit, amicitiam: quam, ob nostrae  
 „Reginae cum illorum Rege matrimonium, potius augeri quam imminui est  
 „aequum.

XLV. Eo-

1 *Ut non modo responso* Pro non modo *non responso*. Vide supra ad Lib. II. 21.

1 *Quem*

XLV. Eodem quoque die, idem fœcialis retulit, pridie illius dici, procerum aliorumque civium frequentissimo concilio persuasum esse, „Omnia Regis gentis dicta, facta, consiliaque meram spectare tyrannidem. Igitur decretum factum, de abrogando ei magistratu, cui universi, ut iustissimo, subscripserunt: legationemque, ei a genero & filia datam, inhibuerunt, eamque pro imperio quicquam agere vetuerunt, usque ad generalem Ordinum conventum, ab ipsis, ubi commodum forte, indicendum. XXV. autem die, proceres fœcialem miserunt Letham, qui omnibus Scotis denunciaret, „Ut intra spatium XXIV. horarum ex oppido discederent, seque ab everforibus libertatis publicæ sequegregarent. Post has comminationes, excurrentibus utrinque equitibus, bellum, citra tamen magnam cædem, commissum est. In hoc rerum gerendarum initio, tantus in castra vindicæ libertatis repente terror incidit, ut & præsentem statum vehementer perturbaret, & spem omnem successus in posterum extingueret. Multos enim Regens, qui nomina Ecclesiæ dederant, partim minis, partim promissis, a procerum factione abstraxerat: & castra speculatorum erant plena, qui non modo dicta & facta, sed consilia etiam, quæ maxime occulta & credebant & volebant, ad eam deferrent: & comprehenso Jacobi Balfurii ministro, qui literas Letham ferebat, suspicio in multos, timor in omnes se diffuderat. Mercenarii quoque, ob non soluta ad diem stipendia, tumultuabantur: ac, si quis eos a nefario consilio revocare conabatur, graviter ei comminabantur. Sed in hominibus, a pietate & honesto alienis, non tam miranda erat seditio, quam omnes male habebat Ducis Castellerotii imbecillitas, & prope diffidentia, quem propinqui terroris ita implerunt, ut ejus timor multorum animos labefactaret.

XLVI. Qui firmiores erant, cum remedia his malis adhiberent, prima de mercenariis placandis consultatio fuit. Cum inter se proceres, qui remanserant, de pecunia in stipendium conferenda agerent, aliis per avaritiam detrectantibus, aliis inopiam excusantibus, summa confici non potuit, quæ mercenariorum furorem mitigaret. Proximum visum est, ut vasa singulorum argentea conflarentur: cumque monetarii operam suam liberaliter promitterent, typi, incertum quorum fraude, sublati fuerunt. Restabat unica spes ab Anglis, sed lenta nimis videbatur. Tandem, privatim suorum amicorum fidem experiri decreverunt: atque ad Equites duos notæ virtutis, (qui tum Bervici publicis muniis præfecti erant) Radulphum Sadlerium & Jacobum Croftum, mittunt Joannem Cocburnum Ormistonium, qui vel modicam, ad remedium præsentis

1 *Quem propinqui terroris ita implerunt* Propinqui (i. e. cognati Ducis) in recto, (non gignendi casu, quod quidem forte existiment,) hic collocatur. Porro recentiores libri Francos. uterque Elzev. & Mosm. (quos & Anglicus interpres inepte est secutus) [terrores] edidere, aut nescientes, aut saltem non advertentes verbum [impleo] Genitivum nonnunquam ad-

mittere, idque non apud Poetas modo, ut Virg. Aen. I.

*Implentur veteris Bacchi, pinguisque ferina.*

sed etiam Historicos, ut Liv. lib. I. *Adolescens sua temeritatis implet*: Et lib. 5. *Multitudinem quoque, qua semper fere regenti est similis, religionis iusta implevit.*

tis necessitatis, impetraret pecuniam. Id consilium quanquam maxime occultarent, tamen ad Regentem est delatum. Ea Comitem Bothuelium reditum ejus observare jussit. Is, quanquam ante paucos dies sancte juraverat, se causae procerum nulla in re obsuturum, spemque fecisset, se factioni eorum subscripturum, tamen Ormistonium, ex insidiis necopinum aggreditur, vulneratum capit, pecuniam eripit.

XLVII. Hujus facinoris fama Edimburgo Araniae Comitem & Jacobum Stuartum, cum toto pene equitatu, excivit, non tam vindictae cupiditate, quam ut Ormistonium (si forte viveret) eriperent, aut saltem impedirent, quo minus ad Regentem transportaretur. Sed Bothuelius per speculatorem praemonitus, adventum eorum fuga praevertit. Eodem die praefectus Taodunanus, cum suis civibus ac paucis voluntariis, Letham versus progressus, suis in colle propinquo machinas collocarunt. Galli, qui per exploratores cognoverant, omnem prope hostium equitatum abesse, ad pedites, quorum paucitatem videbant, opprimendos, aliquot cohortes eduxerunt. Taodunani aliquandiu spe subsidii resisterunt: sed cum, in primo statim congressu, mercenarii (qui pauci eos erant secuti) terga vertissent, ipsi quoque, relictis machinis, sensim pedem retulerunt; donec a tergo clamor ortus est, Gallos, breviori via praegressos, ad portam urbis a tergo tendere, ut eos excluderent. Ad hanc vocem, tanta omnium rerum perturbatio est orta, ut quisque, qua proxime poterat, in tutum se reciperet, & dum alii aliis obstant, infirmiores a valentioribus conculcarentur: ac, dum quisque sibi prospicit, nihil in commune consulitur. Papani, e latebris prodeuntes, palam conviciabantur: qui antea studium doctrinae purioris praese ferebant, partim clam se subducere conabantur, partim de tota causa abjicienda consultant.

XLVIII. Quinta die Novembris, cum nunciatum esset Gallos exisse, ut commeatus Edimburgum venientes interciperent, praeterquam quod vindices religionis inter se non satis essent concordēs, mercenarii vix ex oppido extrudi poterant. Comes Araniae, ac Jacobus Stuartus, primi cum familiaribus egressi, adversus eos exierunt. Hos multi viri honesti ac strenui comitati sunt; ac in Gallos se acrius quam prudentius intulerunt: nec quicquam propius fuit, quam ut, ab Edimburgo interclusi, suae temeritatis poenas dedissent. Nam, cum hinc paludes, illinc paradisi proximus murus, iter & angustum, & Gallorum

1 *Paradisi proximus murus*] Dubitari potest quem locum [*Paradisi*] nomine hic Buchananus insigniat. Rem autem facile expedit Pat. Andersonus, qui MS. Hist. vol. 2. fol. 292. hunc Gallorum cum Scotis conflictum factum tradit ad paludes quae a Restalrigo ad Palatium Regium, vulgo-Cornobium Sanctae Crucis appellatum, pertinent. Paradisus autem quoniam hic vocat Buchananus illi septum est, sive vivarium, pone Regias ardes, in qua vivae

ferae olim palcebantur. Et quidem ejusmodi loca Graecis *Paradisos* fuisse appellatos testis luculentus est Aul. Gellius lib. 2. cap. 20. *Vivaria*, inquit, quae nunc vulgas dicit, sunt quos Graeci *παράδεισος* appellant. Ejus autem sententiam confirmat Philostratus in vita Apollonii Tyanei, lib. 1. cap. 23. *Μίσην δὲ δάμνην ἐν τῇ δόξῃ τῶν παλαιῶν τῶν βαρβάρων, καὶ ἀγροῦ, καὶ παραδείσου.* Et Xenophon *Paed. 1. Περιτροχόμενα δούρα,*

lorum sclopetariis obnoxium, eis reliquissent, partim a suis, partim ab equitibus podites obtrebantur. In hac trepidatione, certa clades omnibus imminabat, nisi duces, æquato cum cæteris periculo, ex equis descendissent. Cum illia pudor multos retinuit. In his fuit Alexander Haliburtonus, centurio, juvenis strenuus, & in causâ religionis instaurandæ acer. Is cum, gravi vulnere accepto, in manus hostium venisset, multis ab eis plagis lethali ter sauciatus, brevi post moritur.

XLIX. Post hunc conflictum, in quo circiter viginti quinque perierunt, multis se subtrahentibus, cæteris animum despondentibus, Araniæ Comes & Jacobus Stuartus suam operam obtulerunt, si vel modica manus una maneret. Cunctis pene recusantibus, proxima fuit consultatio, de urbe relinquenda: ac, uti decretum fuit a proceribus, de secunda vigilia iter ingressi, postridie Sterlinum pervenerunt. Ibi Joannes Knoxius luculentam ad eos concionem habuit, ac multorum animos in spem certam brevi ex his malis emergendi erexit. In hoc conventu, id modo decretum est, ut, quoniam Galli quotidie novis subsidii augerentur, & ipsi etiam externis opibus se confirmarent. Missus est in Angliam Gulielmus Mætellanus, juvenis summo ingenio & eruditione, qui Reginam edoceret, Quantum immineret Angliæ periculum, si Galli in Scotia operibus & præfidiis loca communirent: ut qui non religionis modo, sed legum & libertatis interitum quærerent. Scotis autem vel vi vel fraude oppressis, vel iniquo fœdere in servitutem redactis, faciliorem eis gradum fieri, ad Anglorum vires infringendas. Angli, re diu inter se disceptata, tandem spem auxiliorum fecerunt.

L. Proceres, libertatis vindices, in duas se partes diviserant: alteri Glascae constiterunt, ut proximis provinciis præsiderent, & socios sacrorum ab injuria tuerentur, alteri in Fifam missi. Franci, qui nullam ab hostibus abstinebant injuriam, de Anglorum auxiliis solliciti, ante eorum adventum, reliquias adversæ factionis delere conantur: ac primum adversus eam partem, quæ Fifam infederat, ducunt. Primum in itinere Limnuchum ac Hamiltoniorum prædia spoliant: inde Sterlinum profecti, atque ibi tantum commorati, dum oppidanos diriperent, pontem transeunt; & secundum flumen ducto exercitu, litus illud, vicis & oppidulis frequentibus habitatum, legunt: ac toto itinere quæ occurrebant direptis, tandem Kingornum veniunt. Scoti, ut eorum cursum remorarentur, Desertum, oppidulum, (id loco nomen est) cum paucis infederunt. Hic per viginti dies, cum quotidie levia prælia confererentur, Galli, quam non poterant in dominos, iram in parietes effuderunt: villamque Gulielmi Kircadii, Grangiam nomine, a fundamentis diruerunt. Ille, qui non ignoraret, Gallos eo ad rusticos diripiendos frequenter excurrere, paullo ante lucem se in insidiis collocavit: ac, animadverso La-

bastio

τὰ ἐν τῇ ᾠδῇ. Et Hellen. 4. καὶ ὅ-  
μαι, αἱ μὲν ἐν ἀπεργασμένοις ᾠδῇσι, αἱ  
δὲ ἀναπνευσταῖς τῇσι, πᾶσαι.

1 Missus est in Angliam] Ita dispungen-  
dam duximus sententiam, quam alii libri

inciso duntaxat a præeunte oratione dis-  
terminant. Paullo tamen concinniore nexu  
processura sententia videtur, interposita  
post [missus] voce [igitur.]

1 Ille



bastio Allobrogæ cum sua centuria egresso, tamdiu in insidiis occultus substitit, dum supra mille passus a præsidio Galli abessent: tum demum immisso equite, a suis eos exclusit. Illi, quod in tali discrimine unum restare videbatur, in rusticam villam propinquam ingressi, se maceria sepibusque tueri conabantur. Scoti, ex superiore Gallorum crudelitate irritati, suæ salutis immemores, & dum hostem læderent, (etsi nulla, præter lanceas equestres, haberent arma) prostratis quæcunque obstabant, intro irrumpunt: ducem, recusantem se dedere, & cum eo quinquaginta milites, interimunt, cæteros Taodunum mittunt.

LI. Qui ad Desertum, veluti in statione assidua erant, Cuprum convenire. Ex eis, & aliis qui Glasguæ erant, electi, qui ad scribendum foedus cum Anglis Bervicum mitterentur, cujus hæ præcipuæ leges fuerunt; „Uti „adversus peregrinos, si qui in Britanniam, belli faciendi causa, descenderent, utrique alteris auxilia mitterent. Scotis in Anglia, Anglis in Scotia „militantibus, Angla stipendium solveret. Præda de hoste capta Anglis, oppida & arces statim antiquis dominis redderentur. Scoti obsides darent, „qui, durante matrimonio Regis Galli cum Regina Scota, atque, eo diremto, unum annum in Anglia manerent. <sup>1</sup> Hæc Bervici acta, XXVII. die Februarii, M. D. LX. Illud Angli magnopere Scotos monuerunt; „Ne, „antequam amicorum auxilia venirent, prælio cum hoste decernerent, ac in „summæ rei discrimen venirent. Magnopere enim proceres Anglorum metuebant, ne Scotorum præfervida ingenia in errorem inemendabilem universam rem præcipitarent.

LII. Galli interea Desertum ac Vemium depopulati, inter se disceptare cœperunt, rectane ad hostem, an secundum littus ad Fanum Andree, atque inde Cuprum ducerent. Posterior sententia placuit, quod, propter ingentes nives, viarum confusis vestigiis, equites, sine magno incommodo, per mediterranea duci non possent. Igitur, cum paullum secundum mare essent progressi, atque ad promontorium, quod Kincragium, hoc est, rupis caput aut finem, appellant, esset perventum, quidam conscendentes, unde in mare longissime prospectus erat, renunciarunt cum magna lætitia, octo majoris formæ naves conspici. In illis, Galli universi, pro certo, quod jam diu expectaverant, habentes, auxilia ad se advehi, eas ingenti, ut mos est, sonitu tormentorum ancorum consalutarunt, ac sese mutuo invitantes, alique aliis congratulantes, eum diem ibi transigere cum summo gaudio statuunt. Nec ita multo post, <sup>2</sup> navicula una & altera ex adverso Lothianæ littore appulit. Ab eis (ut qui inter transmittendum cum vectoribus navium exter-

<sup>1</sup> Hæc Bervici acta] Huic Conventioni (quæ exstat Foed. Angl. Tom. xv. pag. 359) subscripserunt Jacobus Stuartus Princeps Fanæ Andree, Patricius Ruventæ Regulus, Joan. Maxuallius Terriglius Eques, Gul. Matellanus Ledintonius Junior, Joan. Sophocardius Pitarrus, & Henricus Balgavys Halhillius, qui s. Ducis Castellæ-

rotii procerumque Scotorum eandem causam tutantium Legatos appellant.

<sup>2</sup> Navicula una & altera ex adverso Lothianæ littore appulit. Ab eis (ut qui inter transmittendum cum vectoribus navium externarum collocuti fuissent) restitutum est.] Hic voces eis, qui collocuti, non ad naviculas, sed ad nautas referendæ sunt.

ternarum collocuti fuissent) rescitum est, Anglicam eam classem esse: præterea rumoribus ferri, copias eorum terrestres non procul a Scotorum finibus abesse. Fit subita animorum mutatio, & immatura lætitia in metum & trepidationem est versa.

LIII. Statim sublatis signis, pars Kingornum, alii Fermelinodunum, plurimis præ festinatione impransis, retro properant: metuebant enim, ne, præsidio, quod Lethæ reliquerant, extincto, ipsi ab hostibus undique circumfusus opprimerentur, antequam vires omnes in unum contrahere possent. Hoc toto itinere, e Papanis, qui se frequentes eis conjungebant, plures quam ex hostibus exuebant bonis. Nam hostium fere opulentiores fortunarum suarum bonam partem in loca longinqua periculo subduxerunt: si qui vero sua non asportarant, præfecti Gallorum, non modo præsentis successu elati, sed auxiliis etiam, quæ de die in diem e Gallia expectabantur, confisi, se perpetuos illarum regionum dominos fore, villas opulentiores, omni comædium genere abundantes, in suam peculiarem prædā, in spoliatas reservabant: Papani vero, aut crebris honoratiorum invitationibus, amicitiae specie, exhauriebantur, aut clam a milite suppilabantur, aut in reditu, cum magna comædium esset penuria, etiam non sine ludibrio, palam spoliabantur, Gallis acerbe exprobrantibus eorum in præliis ignavam operam, & in amicorum inopia sublevanda avaritiam: quæ res quantum a perfidia abessent, ipsos judicare jubeant. Hæc superbia contumeliosa, cum rapacitate conjuncta, multorum animos a studio Gallicæ factionis avertit. Nec multo post, Fifi, partim hostium metu, partim sociorum injuriis coacti, Ecclesiæ instauratæ nomina dederunt: ac demum longinquæ regiones ab exteris populariter defecerunt: nec minus acres se ostenderunt in Gallorum tyrannide reprimenda, quam reliqui Scoti in sua religione asserenda.

LIV. Jam ver appetebat, & utraque pars festinabat sua in unum locum auxilia contrahere. Comes Martigius, strenuus & nobilis adolescens, ad mille pedites, & paucos equites, duabus navibus e Gallia advexit. Ipse cum milite statim descendit. Naves de nocte a Scotis fuerunt captæ. Eisdem fere diebus, Marchio Elbevii, Regentis frater, qui octo navibus pecuniam & auxilia portabat, partim metu impullus, mari navibus Anglis pleno, partim tempestatis adversæ excusatione usus, unde solverat reiectus est. Et nova classis Anglica ad priorem est missa, ac toto freto volitantes, Ketham insulam obsessam tenebant, & Letham omnibus maritimis commoditatibus prohibebant. Interim libertatis vindicum, qui Fifi præsidebant, principes, Perthum profecti, & cum Huntillæo triduum ibi collocuti, facile totam eam Scotiæ plagam, quæ ad

1 *Quæ res quantum a perfidia abessent*] Quidam forte *absisset* legendum malint, ac præter rationem, duas enim res *ignaviam* scil. & *avaritiam* auctor innuit.

2 *Populariter defecerunt*] Vide supra ad XI. 4.

Tom. I.

3 *Nova classis Anglica ad priorem est missa, ac toto freto volitantes*] Naves vel *vellores* intellige, per *Synthesin* (seu *Synesin* cum Vossio appellare mavis) Buchananano satis familiarem. Vide supra ad XV. 5.

ad septentriones versa est, sibi adjunxerunt. Edicta paullo post proposita sunt, ut ad finem Martii frequentes adessent.

LV. Ad id tempus, universi fere Ecclesiæ instauratæ principes Limnuchum convenerunt; inde Hadinam profecti, ad Calendas Apriles Anglis occurrerunt. Erant in Anglorum exercitu supra sex peditum, duo equitum milia. Proxima nocte, ad Præstonum castra posuerunt. Eodem die, Regens, jam propius admoto periculo, ut ab incertis belli casibus abesset, se, cum paucis domesticis, in arcem Edimburgensem recepit. Præerat archi Joannes Areskinus, vir & innocentie & diligentie spectatæ: ejus autem custodiam, ex publici concilii decreto (ut jam antea demonstratum est) acceperat, ea lege, ut tam nemini, nisi ejusdem concilii jussu, redderet. Hanc cum Galli suis rationibus opportunam viderent, multa sæpe moliri sunt, ut ea dolo potirentur. Ille, etsi nec animum eorum erga se ignoraret, arcemque ita communisset, ut a vi doloque esset securus, ac omnia sedulo caveret, Regentem tamen excludere tali tempore nolebat. Id autem in ea recipienda diligenter providit, ut ipsam & arcem in sua potestate semper haberet. Nec proceres, qui liberandæ patriæ erant duces, etsi sæpe antea Regentis animum adversus causam, quam susceperant, obstinatum sensissent, tamen præsentem occasionem prætermittendam censuerunt: si forte aut belli propius admoti metus, aut ex longinquis auxiliis spes incerta, eam ad quietiora consilia innecterent. Igitur collecti ad Dalkethum factionis principes ita scripserunt.

LVI. „Sæpenumero ante, per literas nunciosque, a te contendimus, ut  
 „milites Gallos, qui jam alterum annum infirmam plebeculam intolerabilibus  
 „malis premunt, ac populum universum in miserrimæ servitutis formidinem  
 „conjecerunt, tandem aliquando hinc amandares, nosque hoc metu liberares.  
 „Verum, cum justis precibus apud te nil promoveremus, coacti fuimus, apud  
 „Reginam Anglorum, & regni finibus maxime propinquam, conditionem  
 „nostram deplorare, & auxilium implorare, ad peregrinos, servitutem nobis  
 „intentantes, armis (si aliter nequeamus) expellendos. Næ vero quanquam  
 „nostris calamitatibus permota causam nostram susceperit, tamen, ut erga Re-  
 „ginæ nostræ matrem nostro fungeremur officio, & a Christiano sanguine  
 „fundendo, quoad fieri posset, abstineremus; & vim armatam tum denique  
 „experiremur, cum aliter jus nostrum obtinere nequiremus: adhuc nostræ  
 „modestiae esse putavimus, te iterum rogare, ut Gallicas copias, cum præfe-  
 „ctis & ducibus, quamprimum hinc emigrare jubeas. Id autem ut commodius  
 „confici possit, Regina Anglorum, non modo tutum ut sit iter per suum re-  
 „gnum, præstabit, sed & classe sua in Galliam transportandos curabit. Quæ  
 „conditio si rejiciatur, nos Deum & homines testamur, nulla nostra malitia  
 „aut odio, ad arma itum, sed invitos, & mera necessitate coactos, extrema  
 „experiri remedia, ne statum publicum, nos ipsos, fortunæque nostras, &  
 „poste-

I *Et regni finibus propinquam*] Aut co-  
 pula [ & ] redundare videtur, aut sententiæ  
 alterum membrum excidisse, veluti *purio-*

*vis religionis popugnatricem, aut eorundem  
 sacrorum communionem junctam, &c.*

I *Gra:*

„posteritatem omnem in ultimas calamitates præcipitarem. Neque tamen,  
 „quoniam gravissima patiamur, & graviora insistent, ullum periculum nos  
 „coget ab officio erga Reginam nostram discedere, aut Regi marito ejus, ulla  
 „in re, quæ non ad vetustæ libertatis interitum, aut ad nostrum posterorum-  
 „que nostrorum exitium pertinebit, resistere. Te autem, Princeps benignis-  
 „sima, iterum atque iterum rogamus, ut, expensa nostræ postulationis æqui-  
 „tate, & quæ ex bello sequi possint malis, & quam huic tuæ filiae regno,  
 „gravissime affecto, necessaria sit quies, justis precibus te non gravatim ac-  
 „commodes. Id si feceris, & jucundam tuæ moderationis memoriam apud  
 „omnes nationes relinques, & maximæ partis Christianorum consules tranquil-  
 „litati. Vale, Dalkethi IV. die Aprilis, M. D. LX.

M.D.  
LX.

LVII. Sexto Aprilis die, cum Angli secundum mare appropinquarent, Galli, circiter mille & trecenti, Letha egressi, collem, ubi planities desinit, modice assurgentem occuparunt, quod ibi Anglos castrameturos existimarent. De loco aut capiendo, aut retinendo, supra quinque horas acerrime dimicatum est, non paucis utrinque cadentibus: tandem, Scotis equitibus magno impetu in densissimam Gallorum aciem irruentibus, trepida fuga in oppidum fuerunt compulsi. Id modo, quo minus omnes a suis exclusi perirent, obtulisse visum est, quod Angli equites paullo tardius, quam convenerat, erant emissi. Tentata post hæc frustra sunt colloquia, Anglis inducias aspernantibus, & per excursiones, levia, nec tamen incruenta, certamina miscantibus, quæ commemorare non est operæ pretium.

LVIII. Ad undecimum Calendas Majas, Joannes Monlucius, Valentini Allobrogum Episcopus, primum in castra Anglorum, inde in arcem Edimburgensem, ad Regentem est deductus. Cum ea biduum collocutus, rediit ad Scotorum proceres: nec tum ratio concordie cum eis iniri potuit, quod Scoti in eo constanter perstarent, ut peregrinus miles domum remearet. Post hæc, Angli, cum, ob intervallum, quod castra dirimebat ab oppido, glomerorum impetus evanesceret, ac ictus prope invalidi conciderent, castra trans Letham fluvium propius oppidum locant, unde certior e propinquo nocendi esset facultas, & cum hoste frequentius cominus congredierentur. Pridie Calendas Majas, circiter duas horas ante Solis occasum, ignis fortuitus partem oppidi corripuit, ac, violentia ventorum adjutus, ad proximam usque lucem in recta sævit, lateque stragem dedit: ac, partem horreorum publicorum amplexus, nonnihil commeatus absumsit. Nec in hoc tumultu Angli sibi defuerunt: nam, & majoribus machinis in eam partem obversis, vulgus ab incendio restringendo prohibebant, & fossas ingressi, altitudinem murorum aliquot in locis sunt dimensi: & nisi Galli, initio tumultus, insidias veriti, frequentes in muros conscendissent, ac, ne quid in tali trepidatione acciperetur cladis, providissent, ea dies bello finem allatura videbatur. Ad IV. Nonas Maji, Angli in molas aquarias, quæ juxta oppidum erant, ignem in-

ject-  
 1 Gravissime affecto] Ita legendum & Crafordius & res ipsa monet: non quod aliis omnibus irrepleat [offensa.]

Ee ce 2



jecerunt : alteram ante lucem , postridie alteram absumserunt , incendio frustra Gallis opem ferre conantibus. Nonis Maji , cum obsidentes , scalis undique admotis , aditum tentassent , ob scalarum brevitatem cum multis vulneribus repulsi fuerunt , centum sexaginta suorum amissis. Proximum triduum , cum summo labore & periculo , Galli muris reficiendis dederunt , Anglis in eos assidue , sicubi frequentes vidissent , jaculantibus.

LIX. Hoc successu Papani immodice elati , jam sibi , discedentibus Anglis , & obsidione soluta , finem belli promittebant. Verum Angli & Scoti , nihil ob hanc offensionem animo demissiores , alteri alteros ad constantiam sunt hortati : & Angli se expectaturos pollicebantur , donec ex aula de voluntate suae Reginae certiores fierent. Sed interim Ducis Norfolciae literae vehementer omnium animos confirmarunt : scripsit enim ad Grajum , qui in castris summum habebat imperium ; ac jussit obsidionem continuare : militem autem ei non defuturum , quamdiu in sua provincia esset , qui arma ferre posset , (ea autem latissimis finibus inter Tuedam & Trentam patebat) ac si res posceret , se in castra venturum promittebat. Idque ut certius confirmaret , suum tentorium eo missum in castris tendi jussit , ac intra paucos dies duo milia militum subsidio misit. Atque ita omni memoria damni accepti ex animis expulsa , cum summa alacritate bellum velut renovatur : & quanquam creberrimis excursionibus confligeretur , nulla fere ex eo tempore Gallis fuit secunda.

LX. Interea , Regina Anglorum Gulielmum Cecilium , hominem doctum & prudentem , & cujus consilio tum maxime res Anglica innitebatur , & Nicolaum Vottonum , Decanum Eboracensem , qui de pace agerent , in Scotiam misit. Hi jussi cum Randano & Monlucio Gallis de pacis legibus consilia conferre. Reges enim Gallorum non credebant e sua esse dignitate , in aequam disceptationem cum civibus suis venire. Hujus colloquii fama in causâ fuit , ut , controversiis veluti jam transactis , conventus in mentem Julium indiceretur.

LXI. Regina vidua interea , in arce Edimburgensi , quarto Idus Junias , decessit , morbo simul & mœrore confecta. Mors ejus varie mentes hominum affecit. Nam & apud quosdam eorum , quibuscum armis contendit , non mediocre sui desiderium reliquit. Erat enim singulari ingenio prædita , & animo ad aequitatem admodum propenso : gentesque ferocissimas , & extremos insularum cultores , virtute & consilio pacaverat. Sunt , qui nullum ei futurum cum Scotis bellum crederent , si suo ei ingenio uti licuisset. Ita enim se moribus eorum accommodabat , ut omnia sine vi facile confectura videretur. Etsi enim nomen imperii penes eam esset , neque virtutes loco tam sublimi dignæ abessent , tamen precario tantum dominari videbatur : ut cui de summis rebus responsa , velut oracula , erant e Galliis expectanda. Gusti enim , quorum tum immodica in aula Gallica erat potentia , Scotos peculiare suae familiae regnum destinabant : auctoresque sorori erant , ut in causâ Papanæ religionis asserenda asperior esset , quam aut ipsius natura , aut illa tempora ferre poterant : quod ipsa frequenter non celabat. Affirmabat enim , si sui arbitrii  
res

res esset, non se desperare, conditionibus non iniquissimis dissidia componi posse.

LXII. Erant, qui hæc eam populariter magis jactare, quam ex animi sententia existimarent dicere: neque solum illa eo pertinere crederent, ut culpam vel invidiam rerum secus gestarum a se averteret; sed ut, prætextu consilii petendi, moras interponeret, dum peregrina arcefferet auxilia; & Scotorum impetus vehementes cedendo contunderet, & tractu temporis eorum iram languescere sineret, simul quod putaret, eorum cœtus voluntarios, semel atque iterum solutos, non facile rursus in castra posse cogi, quippe qui hominum essent, sine stipendio, sine certo imperio militantium. Hujus autem simulationis in Regina, certissimum fuisse indicium in promissis inconstantiam, ut quæ non ex præscriptis conditionibus induciarum finem expectaret, sed, qualicunque emolumenti specie oblata, bellum ex sua unius libidine resumeret. Nec desunt, qui omnium, quæ avare aut crudeliter facta sunt, quæ fraude aut calumnia attentata sunt, culpam in eos referant, quorum consilio in rebus gerendis utebatur. Erant enim ab initio, cum eum, quem tenuerat, magistratum suscepit, Galli consultores adjuncti: Regis Gallorum Legatus Osellius, homo celeris & vehementis iræ, cætera vir bonus, & pacis bellique artibus juxta eruditus; quique ad juris æquitatem potius, quam ad Gu-  
fiorum libidinem, sua consilia dirigeret. Additus ei fuerat Rubeus quidam, causidicus Parisiensis, ad juris controversias, sicubi opus esset, disceptandas. Is cum, in administratione publica, omnia ad mores & leges Gallicas (tanquam ea demum recta esset reipublicæ regendæ ratio) quam poterat proxime conformare vellet, suspicionem rerum novandarum in se transtulit; & communis fortasse cum aliis criminis invidia prope solus flagrabat. Atque hi nihil immedicabile peccabant.

LXIII. Sub finem belli, tres, distincti suis limitibus, duces militarem rem tractabant; e familia Lucemburgica Comes Martigius, qui & Dux postea Stamparum fuit; & Labrossius, Equestri loco natus, sed qui magnum in re militari usum habebat: tertius iis additus erat Ambianensis Episcopus, aliquot Sorbonicis Doctoribus comitatus, quasi verbis, non armis, de dominatione cernendum esset. Horum trium omnia consilia ad apertam tyrannidem spectabant. Martigius auctor erat, ut in omnia loca Lethæ vicina ferro & igne sæviretur: ut soli vallitas, & rerum necessariorum penuria Scotos ab obsidione prohiberet. Sed ex eo consilio, pacatis hominibus, & alioqui pauperibus, & majore ex parte Papanis, exitium parabatur; & nullum ad oblectos redundabat emolumentum. Commeatus enim, aperto mari, abunde ex omnibus Angliæ Scotiæque locis maritimis, in castra obsidentium subvehi poterant: clades autem ex vastatione agrorum, non minus ad Papanos; quam ad religionis veræ cultores pertinebat. Labrossius censebat, omnem sine discrimine, Scotorum Nobilitatem esse extinguendam: in eorum autem prædiis mille cataphractos equites Gallos collocari posse: reliquam multitudinem servorum loco habendam. Id consilium, literis ejus ad Gallum interceptis, divulgatum, mirum, quantum Gallorum odium, jam aliis de causis natum, auxit. Ambianus autem Episcopus non modo Romanæ causæ minus æquos, sed etiam Gallorum partibus minus

quam ipse censebat æquum addictos, indicta causa agere, rapere, trucidare, jubebat: Gallosque milites graviter increpabat, quod sui Regis inimicos palam omnium oculis impune se ostentare paterentur. Unum etiam nominatim designabat, Gulielmum Mæstellanum, juvenem nobilem & eruditum, quem, quia Sorbonici rationibus refellere non poterant, ferro Episcopus tollere destinabat: ejusque Gallis militibus vitam exprobrabat, & mortem commendabat. Id ille cum rescisset, captato tempore, in Gallia subduxit, & in Scotorum castra venit.

## LIBER DECIMUS SEPTIMUS.

I. **P**AUCIS post mortem Regentis diebus, induciis in breve tempus factis, ad audiendos Legatos, qui, ut de concordia agerent, e Gallia & Anglia advenerant, ex utraque gente primores congressi sunt. Hi quo minus quicquam conficere potuerint, obstitit maxime concordia, quod Galli, qui superiore hieme magnam e locis vicinis prædam comportaverant, discedere, nisi salvis impedimentis, recusarent. Id cum obtineri non posset, eruptiones rursus multo quam antea ferocius factæ sunt, sed Francis minus secundæ. Tandem, cum omnes belli tæderet, nec amplius pacis cupiditas dissimulari posset, iterum ad colloquia Legati utrinque conveniunt. Quæ animos maxime ad studium pacis inflecterent, hæc erant. Galli, omni spe auxilii præcisa, comitatibus indies arctioribus, ac non diu sustenturis, prope in extremam desperationem erant conjecti: & Angli, diuturna obsidione fessi, nihilo minus, quam Galli, inopes omnium rerum, finem belli cupiebant. Scoti etiam, ut qui sine stipendiis militabant, ideoque difficilius in castris contineri poterant, libenter concordia mentionem audiebant. Ita, maximo tandem omnium consensu, octavo die Julii, anno ab humani generis Redemptione M. D. LX. pax est promulgata, his fere legibus: „Ut Galli, „intra vicesimum diem, salvis impedimentis, enavigarent: &, cum in præsentia navium illis copia, ad tantam multitudinem transportandam, non suppetet, ut naves ab Angla mutuo acciperent, relictis interim obsidibus, usque „ad classis reditum. Ut, Letha Scotis reddita, ejus muri diruerentur. Ut munitiones, nuper a Gallis ad Dumbarum ædificatæ, complanarentur. Ut, his „(uti conventum erat) peractis, Angli statim copias reducerent. Ut Maria „Scotorum Regina, consentiente Francisco marito, lege lata saniret oblivionem omnium, quæ per Scotorum procures gesta aut attentata fuerant, „a decimo die Martii, M. D. LIX. usque ad Calendas Augusti, M. D. LX. „eaque sanctio in proximo publico Scotorum conventu (qui in mensem Augustum dilatus erat) approbaretur: eique conventui habendo Francisci & Mariae Regum consensus accederet. Ketham insulam & Dumbarum arcem sexaginta Galli custodirent, ne Regina totius regni possessione dejecta videretur.

II. Post

II. Post hunc externi militis discessum, usque ad Reginae reditum, summa fuit ab armis tranquillitas. Conventus Ordinum Edimburgi coepit haberi, in quo de religione sincera promovenda potissimum est actum. Ea decreta in Galliam sunt missa, ut Regina eis subscriberet; magis ut ejus animum nudarent, quam quod quicquam impetrare sperarent. Missi in Angliam Legati, qui ob auxilium tempore tam necessario latum gratias agerent. Nec multo post, in aulam Gallicam venit Jacobus Sandelandius, Rhodiensis collegii Eques, & a factionum discordiis adhuc liber, qui, ante acta purgando, motus animorum ex bello residuos leniret, & omnes stabiliendae concordiae rationes tentaret. Sed in tempora longe turbulentissima ejus adventus incidit. Nam Gufiorum in manu tum res Gallica erat: qui, postquam se animadverterunt blanditiis & minis parum proficere, vi & armis adversam factionem opprimere conabantur: & in quos sectae diversae crimen competere non poterat, eos proditi regni fecerunt reos. Jam Rex Navarrae perpetuae custoditæ erat damnatus, & frater ejus, Princeps Condæus, morti addictus: Annas Momorancius, duoque sororis ejus filii, Gaspar & Franciscus Collinii, & propinquus eorum, Carnutum Vice-dominus, caedi destinabantur. Præter eos, supra decem millia reorum in tabulas erant relata. Ad hæc, omne terroris genus oculis & animis offundebatur: urbs Aurelia plena peditum: in agris equitum præsidia passim collocata: omnes viæ publicæ stationibus eorum infestæ: judicia exercebantur, per paucos in aula, de hominum honestissimorum vita, fortunis & fama: omnes sacrarum ædium, omnes per murorum ambitum turres, oclusis luminibus, ostiisque adversus vim firmatis, in usum carcerum erant præparatæ: rerum capitalium judices e toto regno convocati. Ratio suppliciorum sumendorum ita erat constituta, ut simul ac Ligeris, glacie soluta, navigabilis esset, Rex Chinonem, ad ostium Viennæ fluminis in agro Pictonum, secederet: Gufii cum paucis, ex præscripto concilii aulici (cujus ipsi principes essent) pœnas exigerent.

III. Inter hæc, Sandelandius in aulam venit, non tam præteritorum veniam precabundus humiliter, quam ad cives suos, tumultuum causis in Gallos rejectis, purgandos. Gufii, in eum asperrime coorti, increpabant, „Quod „homo, sacrae militiæ addictus, mandata rebellium, pro hæresi illa execra- „bili, quam tum maximus omnium gentium consensus in concilio Tridenti- „no damnaret, perferenda suscepisset. Plerique etiam non jam stultitiam, sed insaniam Scotorum mirari, qui pauci, & inter se discordes, atque bellico apparatu, sed maxime pecunia, destituti, Regem tam potentem, & ab hoste externo quietum, ultro lacefferent.

#### IV. In-

1 *Pictonum*] Ita, Crafordio admonente, rescriptimus, pro quo omnibus libris [*Pictonum*] mendose legitur.

2 *In concilio Tridentino damnaret*] Ita princeps Edirio Edimburg. alii autem omnes, sive casu, seu dedita opera, pro

[*damnaret*] male nobis exhibent [*damnaret.*] Nondum enim tum peractum fuisse famosum istud Concilium non obscure innuit Buchananus adjecta particula [*tum.*] Quin ejus conventus in tres deinceps annos celebratos omnes scriptores consentiunt.

1 *Nar-*



IV. Inter hos indignantium fremitus & minas, Rex in morbum repente incidit. Legatus sine responso dimissus est: nuncius autem eum, de morte Regis Lutetiae ad Nonas Decembres, apprehendit. Inde, meliore in reliquum spe, domum properat. Fama de morte Regis divulgata, tam Scotorum animos, periculorum imminentium cura suspensos, crexit, quam universam Galliam factionibus & seditionum domesticarum veneno implevit. Jacobus Reginae frater, Scotia jam, per mortem Francisci, omnino a Gallorum dominatu libera, quanta potuit celeritate, ad Reginam contendit: quae marito vidua, in Lotharingiam cum avunculis concesserat, sive secretum suo dolori quaerens, sive muliebri aemulatione, ut a focu procul abesset: quae, socordia Antonii Borbonii, Regis Navarrae, freta, totam regni administrationem paulatim in se derivabat. Ibi Jacobus ejus frater, rebus in Scotia pro tempore pacatis, eam convenit: ac multis sermonibus ultro citroque habitis, Regina ostendit, sibi in animo esse in Scotiam proficisci: diemque praefinivit, ad quem se expectari vellet, avunculis etiam in eam partem pronioribus. Magna enim, ante Jacobi adventum, ea de re deliberatio fuerat: plerisque caussantibus itineris difficultatem, praesertim, „Regina Anglorum non satis aequa. Deinde ad homines barbaros, & natura seditiosos, eam proficisci, qui nec virorum imperiis satis obedienter pareant. Exempla ante oculos eam habere recentia patris matrisque: quos cum palam opprimere, vel non auderent, vel non possent, variis artibus ad desperationem adegerint: apud quos assidue, vel de honore, vel de vita, periculum esset lubeundum. „Contra, differebatur a peritis rerum Scotticarum, „Sapientia Regum, quam civium culpa, seditiones illic ortas, dum regnum, quod ab extremis uique temporibus semper fuerat legitimum, ad infinitam & liberam legum potestatem, reducere conarentur; eamque, quam gens bellicosa magis quam opulenta tolerare non posset. Reges autem omnes, qui jus populi imminuere non tentassent, non solum ab inimicis & populi tumultibus fuisse tutos, sed in summa civium caritate ab hostibus fuisse invictos, & apud externos illustres regnasse. Potentissimam, ac fere solam, in praesentia, pacandarum rerum esse rationem, ne quid in statu religionis receptae mutaretur.

V. Hac palam utrinque jactabantur: sed apud propinquos aliae potentiores

1 *Nuncius autem eum de morte Regis Lutetiae ad Nonas Decembres apprehendit*] Antecepta sententiae, neque enim facile scias, an locus tempusque hic memorata Regis mortem respiciant, an nuncii adventum. Caeterum scriptores Galli rem omnem expediunt, qui Franciscum II Aureliae (non Lutetiae) obiisse tradunt, 5 Decembris die, circiter horam quintam pomeridianam. Proinde *Nonae Decembris* ad Regis mortem referendae videntur, non vero ad adventum nuncii, quippe quem vix credibile est

eadem nocte, ea praesertim anni tempestate, 68 millia (quanto scilicet intervallo Lutetia ab Aurelia distat) percurrere potuisse. Quamobrem luxatas existimem sententiae partes, vocesque adeo hoc ordine melius collocari posse: *Nuncius autem de morte Regis ad Nonas Decembres, cum Lutetia apprehendit.*

2 *Quanta potuit celeritate*] Non tanta tamen, quin Joan. Lessæus (ipso referente) adventum ejus uno die anteverterit.

1 Spe-

res erant causæ. Avunculi, qui, rebus in Gallia turbatis, magis magnas, quam honestas, spes alebant, Reginam absentem arbitrabantur magis in sua potestate futuram, quam si in Gallia maneret: ejusque matrimonii spe vicinis Regibus ostentata, se multorum amicitias complexuros, & opera usuros: interea, & suæ factionis hominibus, aliquem rebus administrandis in Scotia præfuturum. Accedebat ad hæc Reginæ voluntas, cui omnino decretum erat redire ad suos. Marito enim rebus humanis defuncto, focru (quæ res moderabatur) alieniore, viliora se videbat in regia futuram. Et, quanquam non adeo diu regno assueverat, moleste ferebat mulier adolescens, ætate florens, & animo elato, se in ordinem redigi: quamlibet enim in imperio malebat fortunam, quam alioqui opulentissimam: nec certe admodum honorificam sperare poterat, Guliorum potentia ab adversis partibus primo impetu labefacta. Nec minimum ad hæc momentum addiderunt Jacobi fratris adhortationes, & pollicitationes, omnia eam domi pacata reperturam: præsertim cum is esset, cujus fidei se maxime tuto posset committere, natura frater, & qui, ab adolescentia magnis rebus summa fortitudine & felicitate gestis, apud omnes gloriam & auctoritatem comparasset.

VI. Regina his rebus intenta, Noalius, Senator Burdegalensis, qui e Gallia missus, paullo post finem publici conventus in Scotiam venerat, rejectus est in proximum concilium, quod, de publico statu ordinando, ad XII. Calendas Junias indictum fuerat. Sed cum ne tum quidem procures (qui ad diem frequentes convenerant) sederent, quod adhuc de Reginæ voluntate erant incerti; interim Jacobus Stuartus, e Gallia reversus, a Regina diploma attulit, quo conventus habendi, ac statuendi de rebus in publicum utilibus, jus eis faciebat. Tum demum Legatus Gallus est auditus. Legationis capita hæc erant; „Uz vetus cum Gallis foedus renovaretur, novum cum „Anglis solveretur. Sacerdotes, unde erant dejecti, ut bonis redditibus restituerentur. „Ad hæc responsum: „Quod ad foedus Gallicum attinet, se nulla „in re ejus violati sibi conscios esse: contra multipliciter a Gallis fuisse neglectum: maxime vero nuper, in oppugnanda publica libertate, cum populum, antea amicum, nullius sceleris compertum, in miserrimam servitutem „redigere attentarent. Foedus vero cum Anglisolvere se non posse, nisi omnium ingratis velint haberi, & beneficium maximum gravissimo maleficio compensare, & adversus liberatorum suorum salutem conjurare. Demum, quod sacerdotum restitutionem petat, quos ille sacerdotes appellat, eorum se neque munus ullum nec usum in Ecclesia agnoscere. In eodem illo concilio factum est decretum, de omnibus Monachorum Cœnobiis demolendis: ac statim in omnes partes sunt dimissi, qui imperata perficerent.

VII. Rebus (uti dictum est) in Gallia ad profectionem comparatis, Regina

1 *Sperare poterat*] Princeps Edit. Edimb. [*spectare*] quod forte tolerari potest, pro [*expectare*]; ad exemplum Publilii Mimi,

Tom. I.

*Ab alio spectes alteri quod feceris.*  
Ita enim legendum censet Jan. Gruterus, quanquam vulgo *expectes* legatur.

FFF

I Si

nae amicis intimis, penes quos summa consiliorum erat, visum est, ut de religione in praesentia res in totum dissimularetur: quanquam non deerant, qui impotentibus consiliis ad eandem eam armarent; in primis „Durius Abbas Fermelinoduni, & Joannes Sinclarus, nuper Brechinensis designatus Episcopus. Ad ea autem consilia, ipsa, & natura & propinquorum impulsu, adeo erat prona, ut ab invita aliquando erumperent minae, quae, exceptae in aula, ad populum perferebantur. Palam etiam inter familiares jactitabat, „Se propin-  
„quae suae Mariae Reginae Anglorum exemplum imitaturam. Igitur summa consiliorum eo tendebat, ut suae factionis homines in praesentia spe aleret: adversarum partium sectatores paulatim deprimeret: deinde, confirmatis jam viribus, in tempore animum expromeret. Id autem non adeo difficile videbatur, concilio Tridentino non ita pridem inchoato, specie quidem ad restituendos collapsos Ecclesiae mores, revera ad Evangelii professores eliminandos, quod postea ex concilii secretioris decreto est declaratum. Ad haec avunculi Reginae vehementer animabant, vires Papanae factionis demonstrando, cui dux ex concilii decreto futurus esset Franciscus, fratrum Guliorum natu maximus. Interea Carolus Cardinalis, inter tot publicas curas sui non oblitus, consulebat Reginae, ut suppellectilem, mundumque muliebrem, magni pretii, velut in alium orbem transitura, apud se deponeret, donec de sui itineris eventu certius cognosceret. Illa, facile intellecta fraude, ut quae hominis ingenium probe nossent, respondit, „Cum se periculo committeret, non vide-  
„re, cur mundo magis quam sibi caveret.

VIII. His ita decretis, mittitur in Angliam, ad Reginae voluntatem explorandam, Osellius. Is honorifice ab Angla receptus, ac statim in Galliam remissus, refert Reginae Scotorum; „<sup>1</sup> Si per Angliam transire vellet, nulum eam officium, quod vel a propinquis, vel ab amicis expectari deberet, desideraturam: seque maximi beneficii loco id habituram. Sin declinaret suum congressum, contumeliae loco accepturam. „Praeterea classem satis amplam ornaverat Angla, specie piratas persequendi. Id alii interpretabantur factum, ad Reginae Scotorum excipiendam, si se invita transire conarentur. Unam autem illi navem, in qua navigabat Comes Eglentonii, Londinum pertraxerunt, ac brevi liberam dimiserunt. Sed quaecumque fuerit in classe paranda consilium, fortuna, si quid intentabatur periculi, discussit: nam, trirēmibus Gallicis in altum evectis, caligo per aliquot dies est secuta, donec in Scotiam ad duodecesimum Calendas Septembres applicuerunt.

IX. Fama de Reginae adventu passim divulgata, quicquid erat Nobilitatis ex omnibus regni partibus passim accurrit; partim velut ad spectaculum publicum, partim ut reditum gratularentur. Convenerant & nonnulli, ut officia sua erga absentem commemorarent, gratiamque ejus statim occuparent, aut inimicorum calumnias praevenirent; non pauci, ut ex initio novi regni au-

<sup>1</sup> Si per Angliam transire vellet] Aliter sen narrant Lessaues, Camdenus & Spottisvodijs.

<sup>2</sup> Ad duodecesimum Cal. Sept] Idem testatur Lessaues; at Spottisvodijs 13 Cal. Sept., reversam tradit.



auspiciū de rebus futuris captarent. In his tam variis animorum motibus, omnes ex æquo suam Reginam videre cupiebant, post tam varios fortunæ utriusque eventus, velut ex insperato sibi oblatam: ut quæ, inter sævissimas bellorum tempestates, patre intra octavum quam nata erat diem orba: matris quidem lectissimæ foeminæ summa diligentia educata: sed inter domesticas seditiones, & externa bella eorum, qui plus possent, prædæ relicta, &, antequam sensum habere malorum posset, omnibus fortunæ sævientis exposita periculis: & patria relicta, velut in exilium relegata, inter hostium arma & fluctuum violentiam ægre servata. Ibi quidem, fortuna paullulum blandiente, matrimonio quidem illustri aucta; sed velut ostentato magis, quam exhibito gaudio, extinctis matre viroque, in luctum & orbitatem rejecta, novo, quod acceperat, regno amisso, vetere prope incerto. Commendabatur etiam, præter discriminum varietatem, excellentis formæ bonitate, & maturescētis ævi vigore, & ingenii elegantia: quam vel auxerat, vel certe falsis virtutum coloribus gratiorem fecerat aulica educatio, minime quidem illa sincera, sed ad honesti quandam similitudinem adumbrata; & quæ naturæ bonitatem, studio & placendi cura, deteriore faceret, & virtutum semina delinimentis voluptatum retunderet, quo minus ad maturos fructus pervenirent. Hæc ut in vulgus grata erant, ita perspicaciores minime fallabant: sed mollis adhuc & flexibilis ætas, rerum usu, putabatur facile corrigi posse.

X. Incidit inter has gratulationes levis quidem offensio, sed quæ altius in utriusque factionis animos penetravit. Nam, cum Reginæ ita cum Nobilitate convenisset, ut in statu receptæ religionis nihil immutaretur, ipsi tantum, suæque familiæ, una permetteretur Missa, eaque privata. Ad eam adornandam, dum apparatus per aulam in sacellum ferretur, quidam e turba cereos arreptos confregit, ac, nisi interventu modestiorum conatus ille fuisset discussus, reliquus omnis apparatus fuisset disiectus. Ea res varie in vulgus accepta, quibusdam id facinus ut nimis audax culpantibus, aliis patientiam hominum tentari, quid ferre posset, interpretantibus: quibusdam censentibus, atque etiam clamantibus, ut poena, quæ in sacris literis adversus idololatrias est sancita, sacerdos plecteretur. Sed hic statim in ipso ortu motus per Jacobum Reginæ fratrem est compositus, Georgio Gordonio vehementer, sed clam, indignante. Is enim in omnes turbandarum rerum occasiones intentus, hic locum gratiæ patere arbitratus, Reginæ avunculis (qui aderant) conventis, pollicitus est, quicquid ultra Caledonios est regionum ad veteres caerimonias reducturum. Id illi cum suspectum haberent, ut qui de hominis ingenio multa aliunde audissent, veriti, ne sine ullo effectu tempestatem novam excitarent, ad Jacobum Reginæ fratrem rem detulerunt.

XI. Quod reliquum fuit ejus anni, dimissis honorifice Gallis, qui Reginam officii gratia comitati fuerant, ludis & conviviis transactum. Unus ex avunculis,

1 *Intra octavum quam nata erat diem*  
Ita omnino scribendum, ne secum ipse  
auctor dissideret. Libris autem omnibus

[*intra sextum*] legitur. Vide supra ad XIV.  
49.



lis, Elbevii Marchio, est retentus. Inter hæc, Gulielmus Martellanus junior, Legatus in Angliam missus, Reginam ejus gentis (uti mos est) officiose salutavit, suæque animum erga eam, studiumque pacis & concordiae servandæ, demonstravit. Tum literas procerum Scotorum ei porrexit. In iis inerat superiorum officiorum benigna commemoratio, benevolentiaeque plena. Ab Anglia autem magnopere petebant; „Ut erga suam Reginam amice & humaniter, & publice & privatim, se gereret. Ut, officiis provocata, non modo in amicitia initalibenter perseveraret, sed arctioribus, si fieri posset, vinculis eam indies connecteret. Se, pro sua voluntate & studio, inter vicina regna perpetuandæ concordiae nullam occasionem prætermitturos. Unam & certissimam esse rationem, quæ omnium dissidiorum veterum oblivionem afferret, & fontem discordiarum in posterum exhauriret, si Regina Anglorum, decreto publico universi populi, statueret, ac ipsa sua auctoritate confirmaret, secundum se, suosque (si quos gigneret) liberos, hæredem Anglici regni jure esse Reginam Scotorum. Id decretum cur æquum esset, & ex usu universæ Britanniae, cum Legatus pluribus argumentis disseruisset, adjecit, Neminem in eo perficiendo diligentia & studio ipsam, ut quæ genere maxime esset propinqua, præcedere debere: eamque benevolentiae & officii declarationem ab ea Scotam sperare.

XII. Ad hæc Angli: „Aliam expectabam, inquit, a Regina vestra legationem. Miror enim ei e memoria excidisse, quid, ante suum e Francia discessum, post longam flagitationem tandem promiserit: ut videlicet fœdus, Lethæ transactum, ratum haberet & confirmaret. Qua de re certum mihi responsum erat pollicita, ubi primum ad suos redisset. Jam satis mihi verba dari sum passa: jam certe tempestivum erat (siquidem suæ dignitatis rationem habuisset) ut orationi tam benevolæ facta responderent.

XIII. Ad hæc ille; „Se a Regina, paucissimis post adventum diebus, in hanc legationem missum, antequam ullam adhuc publicorum negotiorum partem attigisset: in eo tantum fuisse occupatam, ut proceres, plerosque omnes de facie adhuc ignotos, ac tum primum salutatum advenientes, reciperet: maxime autem omnium, ut ad aliquam certam formam statum religionis reduceret: qua in re quantum esset difficultatis & molestiae, ipsa non ignoraret. Ex iis facile tua Majestas potest intelligere, potuisse nullum, ante meum discessum, Reginae Scotorum tempus vacuum fuisse: nec homines affuisse idoneos, quos in consilium de rebus tam arduis advocaret: præsertim cum qui extremas regni oras in septentriones obversas habitent, nondum, ante meum ab aula discessum, affuissent: præter quorum sententiam, res tanti in publicum momenti confici nec debeant nec possint. Tum illa commotior: „Et quid, inquit, Reginae hæc erat opus consultatione, id ut effectum redderet, ad quod efficiendum & chirographo & sigillo se astrinxerat.

I Chirographo & sigillo se astrinxerat] Ita princeps editio Edimb. cujus solius auctoritate cæteræ omnes innuuntur. Genev. tamen *abstrinxerat* scribitur, quale verbum cum nusquam invenirent postero-

rum editionum procuratores, pro eo *abstrinxerat*] (non male quidem, nisi a principis codicis fide, nulla necessitate cogente, descivissent) substituerunt. Cæterum *adstringere se ad rem aliquam*, quam *abstrin-*

„Ego, inquit ille, quid respondeam ad hæc in præsentia non habeo, ut de quibus nec mandata ulla acceperim, nec Regina nostra expectabat, ut a me nunc ratio posceretur. Illud autem ipsa facile apud te potes expendere, quam justas ipsa nunc moræ causas habeat.

XIV. Post nonnihil verborum super his rebus ultro citroque jactatum, Regina ad gravissimum totius negotii caput reversa; „Hoc, inquit, in primis notavi, quod & in oratione, nomine Reginae vestræ, declarasti, & in mandatis procerum explicandis posuisti. Commemorasti enim, ex Anglorum Regum sanguine eam oriundam, meque naturali illo vinculo, ut proximam genere, ad eam diligendam constringi: quam rem ego inficiari nec volo, nec possum. Orbi etiam universo perspicue ostendi, me, in omnibus meis actionibus, adversus ejus salutem, aut regni tranquillitatem, nihil attemptasse. Et, qui intimos meos sensus & cogitationes norunt, multi sunt, consci, me, ne tum quidem, cum justissimas offensionum causas illa mihi præbuisset, meis insignibus usurpandis, titulumque regni mei vindicando, nunquam tamen in animum inducere potuisse, quin hæc odiorum semina ab aliis potius, quam ab ea, exorta crederem. Utcunque tamen hæc habent, meum, opinor, mihi viventi sceptrum non eripiet: neque liberis (si qui ex me nascuntur) erit impedimento, quo minus in meum locum succedent. Si quid autem interea humanitus acciderit, nunquam tamen illud comperiet, quicquam a me factum fuisse, quod jus, quod illa sibi in regnum Angliæ assēveret, aliqua ex parte lædat & imminuat. Illud autem jus quale esset, nunquam diligentius mihi expendendum existimavi: nec ea de re unquam disquirere altius est animus, eamque, quorum interest, quæstionem judiciis disceptandam relinquo. Vestræ autem Reginae causa siquidem justa est, illud a me pro certo expectare potest, me nulla in re ei nocituram: ac Deum præsentem nostri sermonis arbitrum testor, me neminem, secundum meipsam, nosse, quem illi præferam, aut, si res in controversiam veniat, eam possit excludere. Tu, qui competant, nosti, inquit. Quibus tandem opibus, aut qua virium fiducia, misellæ illæ tantam rem attentabunt? Deinde, non longo sermone de illis interjecto, tandem is finis fuit, ut, „Rem gravem & magni ponderis esse, diceret: ac nunc primum serium de ea sermonem se habuisse: itaque longiore, ad eam expediendam, spatio esse opus. „Post paucos deinde dies arcessito rursus Legato; „Se mirari vehementer ait, quid procerum, in ipso statim Reginae adventu, sibi velit postulatio: præsertim cum scirent, superioris offensionis causas nondum esse sublatas. Quid autem postulant? Ut ego videlicet, tam gravi affecta injuria, absque ulla satisfactione, ei in te tanta gratificer? Hæc autem oratio, quantulum a minis abest? Istæ si pergant, illud velim cogitent, nec mihi domi vires, nec foris amicos defuturos, magis quam illis, qui meum jus ruantur.

XV. Ad

*stringere usitatus multo videtur. Vide XVII. 18.*

*1 Quo minus in meum locum succedent] Foris succedant.*

¶ f f f 3

*1 Ilanc*



XV. Ad hæc ille respondit, „Se ab initio dilucide ostendisse, proceres, ut „hunc ad concordiam publicam aditum patefacere, partim inductos officio, „quod Reginae suæ & securitati tuendæ, & dignitati amplificandæ prospicere „debeant: partim studio pacis publicæ firmandæ, & conciliandæ amicitia. „Tecum autem ut hæc apertius, quam cum ullo alio Principe agerent, effecit, „non solum egregia tua erga illos voluntas, experiundo perspecta, sed etiam „ipsorum incolumitatis ratio, quippe qui sibi vitæ & fortunarum omnium dis- „crimen subeundum intelligant, si quis Reginae jus oppugnet, aut si quis „motus armorum, inter hæc regna, ea de causâ, oriatur. Quamobrem, non „injusto studio sibi teneri videntur, qui cupiunt, ut, sublati discordiarum „seminibus, solida & certa cum pace dissidia componantur.

XVI. „Siquidem, inquit illa, ego quicquam attentassem, quod Reginae „jus imminueret, tum demum iusta fuisset postulandi causâ, ut secus facta „corrigerentur. Hæc autem postulatio, ut viva mihi linteum sepulchrale an- „te oculos proponam, exemplo caret: neque simile quicquam ab ullo Prin- „cipum unquam est petitum. Animum tamen Nobilitatis vestrae in peten- „do boni consulo, eoque magis, quod hinc intelligam, Reginae suæ colen- „dæ, ejusque dignitatem promovendi, illis esse studium. Nec minus pru- „dentiam amplector, quod & suæ securitati prospiciunt, & a fundendo Chri- „stiano sanguine abhorrent: cui (ut fateor) parci non posset, si qua factio se „objiceret, quæ regnum sibi vindicaret. Sed quæ tandem illa erit? aut qui- „bus viribus freta? Sed, his omis- sis, finge, me ultro in eam partem pro- „pendere, ut isti postulationi assentiar. Existimasne, me procerum volun- „tati potius, quam ipsi Reginae id gratificaturam? Verum & alia sunt plu- „rima, quæ me ab hac transactione avocant. Primum, quod non ignorem, „quam sit periculosum, hanc movere Camarinam: ac jure mihi temper abs- „tinuisse videor, ne jus regni in disceptationem vocarem. Toties enim jam „sermonibus, multorum jactata est controversia, de matrimonio justo, de- „que nothis & legitimis liberis, dum pro ingenio quisque aut huic aut illi par- „ti studet, ut & ego ipsa, ob has disputationes, hætenus ad nubendum tue- „rim cunctatior. Semel, cum publice coronam accepi, matrimonium cum „hoc regno inii: cujus pignus hunc anulum perpetuo fero: utique autem „hæc se habent, quoad vixero, Regina Anglorum ero. Ego ubi defuncta „fuero, in meum locum, qui jure potior erit, succedito. Ea si Regina ve- „stra est, nulla interim in re ei obero: sin alteri jus est potius, iniquum erit „postu-

[ *Hanc movere Camarinam* ] Adagium est, quo quis inhibetur rem tractare, unde sibi infortunium arcessat. Ejus originem tradit Servius ad illud Virg. *Ænoid.* III. ver. 701.

Et satis nunquam concessum veri,

Apparet Camarina procul

Camarina, inquit, palus est juxta oppi-

dui ejusdem nominis: quæ cum olim siccata, pestilentiam creasset, consuluerunt oraculum, an penitus eam desiccare præsaret. Venuit Deus Camarinam moveri. At illi exsiccarunt, non obtemperante oraculo: & cessavit quidem pestilentia, sed per eam ingressis bestibus pœnas dederunt neglecti oraculi. Ejus etiam meminit Silius Ital. lib. 14.

Et enim non licitum satis Camarina moveri.

1 Ob

„postulare, ut a me aperte afficiatur injuria. Si qua lex vestrae Reginae ob-  
 „est, mihi quidem ignota est, quod non libenter hac de re exactius disquiro.  
 „Sed si qua est, ego, cum regnum inivi, civibus meis juravi, me leges co-  
 „rum non mutaturam. Quod autem secundo loco sumebas, ex hac successio-  
 „nis declaratione arctius inter nos amicitiam coitutam, vereor ne hinc sit po-  
 „tius odiorum seminarium. Credisne tu, me libenter funeris mei apparatus  
 „semper ante oculos habituram? Regibus hoc fere peculiare est, ut erga li-  
 „beros nascendi jure sibi successuros alieno sint animo. Carolus Septimus  
 „Galliarum Rex qualis erga Ludovicum Undecimum fuit? aut is rursus erga  
 „Carolum Octavum? aut Franciscus nuper adversus Henricum? Quo igitur  
 „animo me verisimile est fore, adversus propinquam meam, semel hæredem  
 „judicatum? eo ipso videlicet, quo Carolus Septimus fuit erga Ludovicum  
 „Undecimum. Accedit illud, in quo ego longe gravissimum pondus inesse  
 „statuo.

XVII. „Novi ego populi hujus inconstantiam: novi quam præsentem re-  
 „rum statum fastidiant: novi quam intentos habeant oculos in proxime succes-  
 „suros: scio natura comparatum esse, ut plures (quod dicitur) Solem orien-  
 „tem quam occidentem adorent. Id autem, ut aliorum exempla omittam,  
 „ex meis ipsius temporibus didici. Cum soror mea Maria regnum teneret,  
 „quibus votis plerique petebant, ut ejus in solio me collocatam viderent? Quo  
 „studio in me provehenda ferebantur? Nec ignoro, quibus periculis subeun-  
 „dis, homines eventum consiliorum suorum attentassent, si mea voluntas ad  
 „eorum cupiditatem adjuncta fuisset. Nunc autem iidem illi, fortasse, non  
 „sunt eodem erga me animo: non secus ac pueri, qui, inter quiescendum,  
 „ob poma sibi per somnum oblata, exultant, mox mane expectecti, ac sua  
 „spe decepti, gaudium in lacrymas commutant: ita, qui me, cum Elisabeth  
 „modo vocarer, summa benevolentia complectebantur, & si quos forte ala-  
 „criore vultu eram intuita, secum cogitabant, statim atque ego regnum ade-  
 „pta essem, se pro suæ cupiditatis potius, quam officii mihi præstiti, modo,  
 „remuneratum iri: nunc vero, cum eventus expectationi non respondeat,  
 „quidam eorum non gravate novam rerum mutationem, in spem fortunæ  
 „melioris, ferrent: nullæ enim Principum facultates, quantumvis magnæ,  
 „insatiabiles hominum cupiditates explere poterunt. Quod si animi civium no-  
 „strorum erga nos languescant, aut voluntates immutentur, ob temperamen-  
 „tum nimis largitionibus adhibitum, aut aliam leviculam causam, quid suspi-  
 „cabimur futurum, si certum regni successorem malevoli cives haberent,  
 „ad quem animi sui ægritudines deferrent, aut se ipsi irati conferrent? Quanto  
 „me judicas in periculo versaturam, tam potente & propinqua Principe succes-  
 „sura, cui quantum ego virium in successione confirmanda adjicerem, tantum  
 „meæ securitati detraherem? Hoc periculum nec ullis cautionibus, aut aliis  
 „legum vinculis averti potest. Nec facile Principes, quibus regni spes oblata  
 „est

I Ob poma sibi per somnum oblata exul-  
 „tant] Ita utraque Elzev. & Mosm. prin-

cipi autem Edit. Edimb. Genev. & Fran-  
 „cos. deest [ob.]



est, sese intra juris & æqui terminos continebunt. Ego vero, si de meo successore orbi constaret, nunquam res meas in tuto collocatas existimarem.

XVIII. Hæc in summa in illo congressu acta sunt. Nec adeo multis post diebus, Legatus Reginam rogavit; „Ecquid literis procerum Scotorum responderet. Ego, inquit, in præsentia non habeo quod respondeam, nisi eorum benevolentiam & sedulitatem erga Reginam suam me probare: res autem tanta est, ut nequeam repente plane & diserte respondere. Verum, cum vestra Regina, ad quod se astrixit, in foedere confirmando præstiterit officium, tum erit tempestivum, ut meum erga se studium experiatur. Interea, sine meæ dignitatis imminutione, nihil ei gratificari me posse arbitror. Hac de re, cum se illi quicquam mandatum habere negaret, nec unquam cum sua Regina in hoc genus sermonum incidisse: neque se tum Reginæ, sed suum de jure successionis iudicium, & ad id confirmandum, rationes afferre: probationem autem foederis, per maritum, a Regina Scotorum, absque eorum consensu, quorum id ratum aut irritum fieri interesset, expressam, non tanti esse, ut ipsam omnesque posteros a regni hæreditate excluderet. Nec inquiri nunc, inquit, per quos, quando, quomodo, qua auctoritate, qua de causa, foedus illud factum fuerit: quando nihil horum in præsentia attingere sim jussus. Illud autem audeo affirmare, etiamsi ab ea, mariti voluntatem secuta, confirmatum esset, cum tamen ex eo tanta emolumenta penderent, Reginam nostram in tempore omnes rationes conquisituram, cur solvi & posset & deberet. Nec ego tamen hoc Reginæ nomine loquor: sed eo tantum mea spectat oratio, ut ostendam, proceres nostros non sine causa laborare, ut omnibus controversiis radicitus ablatis, stabile foedus & perpetuum inter nos coeat.

XIX. Tandem, multis ultro citroque verbis de foedere habitis, Regina eo perducta est, ut Legati utrinque congregarentur, qui foedus retractarent: atque ad hanc prope formam corrigerent; „Ut Regina Scotorum abstinere Regiis Anglorum insignibus: abstinere item titulis regnorum Angliæ & Hiberniæ, Regina Anglorum, aut liberis ex ea superstitibus. Contra vero, ut Angla caveret, neque se, neque posteros ex se genitos, quicquam acturos, quod jus successionis Scotæ læderet, aut imminueret.

XX. Hæc fere sunt, quæ in ea legatione sunt agitata: quæ dum foris de pace stabilienda tractantur, domi res ad seditionem paullatim spectare coepit. Nam, ut antea dixi, permissa erat Reginæ ejusque familiæ unica Missa: qua de re cum edictum publicaretur, qui contradiceret, e tota Nobilitate unus est inventus, Comes Araniæ, multum, licet dissimulante, indignante Regina. Proxima fuit offensio adversus Edimburgenses. Hi fere ad III. Cal. Octobres suos magistratus eligere solebant. Tum Archibaldus Duglassius præfectus de more edixit; „Ne quis adulter, fornicator, ebriosus, Missarius, aut obstinatus Papanus, post proximas Cal. in oppido deprehenderetur, gravibus legum

„pœnis

\* Cum se illi] Ita omnes libri: rectius, tamen cum Crafordio [cum se ille] videtur legendum.

poenis in contumaces denunciatis. Id ubi ad Reginam delatum est, statim incognita causa, magistratus in arcem custodiendos misit: civibusque imperavit, ut novos magistratus eligerent: atque edixit, „Ut urbs omnibus fidelibus civibus pateret: „<sup>1</sup> non sine risu & indignatione, quod homines flagitiosissimi, pro fidissimis ministris agnoscerentur.

XXI. Cum Regina majorem, quam exspectaverat, civium suorum patientiam hic comperisset, paulatim ulteriora tentare cepit. Cal. Novembribus, ad Missam adhuc tenuem, & quotidiano cultu contentam, <sup>2</sup> omnem Papanæ pompæ fastum adjecit. Id cum Evangelii ministri tulissent agerrime, & in publicis cœtibus magnis querimoniis rem persecuti fuissent, ac Nobilitatem sui officii commonuissent, controversia in domo privata inter paucos est agitata: „Possentne idololatriam, jamjam in omnium perniciem grassaturam, „compescere, & summum magistratum, quando ipse nullum sibi modum statuat, intra legum præscripta per vim reducere. Ecclesiæ ministri in sententia, superioribus temporibus approbata, constanter permanserunt; „<sup>3</sup> Possè videlicet magistratum sub leges vi cogi. Proceres, vel gratia, vel spe honorum & pecuniæ, minus firmi fuerunt, & tamen secundum eos, & numero & splendore superiores, judicatum est.

XXII. Aulam, inter hæc, indormientem suis vitiis, & in omnem luxum solutam, vix excitarunt latrones, limitum Anglicorum accolæ, qui vicinas regiones, velut permissa populatione, libere diripiebant, ac cæde interim & sanguine omnia foedabant. Ad hos reprimendos, cum vicaria potestate, missus est Jacobus Reginae frater, non tam, ut multi existimabant, ut augeretur honore, quam, <sup>4</sup> ut objiceretur periculis. Gravis enim erat ejus potentia

Re-

<sup>1</sup> Non sine risu & indignatione, quod homines flagitiosissimi pro fidissimis ministris agnoscerentur.] Frigida hæc est & maligna cavillatio. Non enim Regina ægre ferebat adulteros, fornicatores, ebriosos urbe exulare jussos, sed huic hominum fæci Pontificios omnes, nemine excepto, non tam impietatis profligandæ, quam Reginae suæ insultandi studio, annumeratos fuisse.

<sup>2</sup> Omnem Papanæ pompæ fastum adjecit.] Ita princeps Editio Edimb. aliis autem omnibus (præter Mosm.) excidit vox pompe.

<sup>3</sup> Possè videlicet magistratum sub leges vi cogi.] Multos, & eos fere præstantissimos, e prius illis purioris religionis vindicibus ab hac sententia abhorruisse eorum scripta demonstrant.

<sup>4</sup> Ut objiceretur periculis.] Hic succus nigra lulliginis, hæc est arago vera. Quanta enim benevolentia Regina fratrem & cum & diu postea fuit complexa, tunc alii

Tom. I.

scriptores, quum ipse Buchananus ostendit, qui summam rerum ei in aliquot annos fuisse demandatam, ipsumque Moravia Comitatu aliisque innumeris beneficiis (non sine quorundam e Nobilitate indignatione) postea auctum confiteatur. In memoriam revocare debuerat Buchananus aureum Patroni sui dictum, XVII. 50. Se meminisse, inquit, observatum, & posteris ad imitationem relictam, ut in vita Regum & moribus occultiora vitia dissimularent, dubia mollius interpretarentur, manifesta eatenus ferrent, modo ne perniciem publicam secum traherent: Quam regulam si ipse & Buchananus hic & innumeris aliis locis tenuisset, non utique nobilissimæ Reginae existimationem, tot criminibus aut falsis aut ambiguis serendis, tam atrociter commaculassent. [De hujus temporis rebus Scotiis ex fide scribendis admodum sollicitum fuisse Thuanum apparet ex ejus ad Cambdenum Epistola LIV.

G g g g

qua

Reginæ, gravior etiam innocentia, quæ ei sua vitia exprobrabat, & impetum ad tyrannidem retardabat. Sed Deus, ultra spem hominum, ejus justos conatus promovit: viginti octo enim e ferocissimis latronum laqueo sustulit: alios acceptis obsidibus, alios solo terrore nominis, compressit.

XXIII. Regina, ex ejus absentia, nonnihil licentiæ nacta videbatur. Nam præsentem rerum statum non satis æquo animo ferebat, cum ob religionis controversias, tum quod res administrabantur majore cum severitate, quam adolescens mulier, educata in aula omnium corruptissima, tolerare posset, (ut quæ legitimi regni moderationem Regibus indecoram, & aliorum servitutem suam libertatem interpretaretur) adeo ut frequenter impotentis animi voces exciperentur, & paullatim tyrannidis fundamenta jaci viderentur. Nam, cum superiores Reges omnes fidei Nobilitatis suam salutem credidissent, illa quidem custodiam satellitum adhibere decreverat, sed rei exitum non inveniebat: neque enim ullam suæ cupiditati causam prætereundum poterat, præter inanem aulicæ magnificentiae speciem, & exterorum Regum consuetudinem. Fratræ vero mores quanto sanctiores erant, tanto majorem ei curam afferebant, quod neque suspicionibus aut criminibus fingendis locum dabant, neque vivendi licentiam latari viderentur. Populum præterea ita animatum videbat, ut custodiam corporis pro tyrannidis non obscuro indicio accepturus esset. Igitur inquit animus, quod semel designaverat, cum quovis modo efficere statuisset, tale commentum excogitat. Erat Reginæ frater, Joannes nomine cupidus potentiæ, sed ingenio minus quam Jacobus-severo, & qui facile induceret in animum omnia Reginæ obsequi, ideoque ei carior, & cupienti omnia miscere magis idoneus. Cum hoc, absente Jacobo, consilium de stipatori-

qua ejus opem implorat, ubi & Buchananum acerbius scripsisse, & Jacobum Regem ob id succensuisse præceptori suo: quia tamen gesta sunt, dissimulari citra flagitium non posse proficitur: & apertius adhuc Epistol. LIX. ubi Moravii causam sedulo agit. Cambdeni reponso exstare videtur, in appendice ad Epistolas pag. 356. ubi omnia, quæ ex Buchananano narravit Thuanus, sola auctoritate fere Jacobi Regis refutat. Sed quis verum dijudicabit & Regi plus credet quam Historicis? Cambdeno gratias agit Thuanus Epist. LXXI.]

[*Custodiam satellitum*] Reginæ obtinendi nusquam non causam arripit Buchananus, qui perpetuus Regii fastigii contemtor necessariam satellitum custodiam tyrannidis argumentum interpretatur. At rem ipsam penitus intuentibus, ne vel levissima tyrannidis affectata hinc suspicio suggereretur. Nam, ut omittam vicinorum omnium Regum exemplum, cujus

neglecti priores Scotorum Reges haud raro poenas dedere, suberant Reginæ peculiare corpori suo custodes adhibendi rationes: ea autem in primis, quod femina, ætate florens, forma incomparabilis, multorum non modo exterorum, sed civium suorum votis petita, merito metuebat, ne cui in prædam aut ludibrium cederet. Quam autem justæ ei timoris causæ inde suppeditarentur, vel quæ post evenerunt plus nimio ostendunt. Sed inquit, fidei Nobilitatis Reginæ incolumitas satis tuto credebatur. At quam fallax ea custodia, indicio erant Jacobus Secundus, Tertius & Quintus, a factionis nobilibus toties in prædam abducti. Huc adde tot factionibus tum convulsam fuisse Nobilitatem, ut cui potissimum fideret Regina non inveniret, nunc his nunc illis fidem fallentibus, aut partes, ut quemque nova spes metusve impellebat, subinde mutantibus.

1 Im:

toribus assumendis communicat. Ejus hæc fuit ratio. Nocte tumultum annunciantum curant, ac si Jacobus Hamiltonius, Araniæ Comes, Reginam, per comitum infrequentiam, clam aggredi, atque in suam arcem, quæ ad quatuordecim millia passuum aberat, alportare conaretur. Hæc videbatur fabula illis verisimilis futura, vel ob Reginæ animum ab eo alieniorem, vel ejus immodicum erga eam amorem, quorum neuter vulgo erat obscurus. Hoc, uti compositum erat, tumultu nunciato, cum bonam noctis partem per agros propinquos equites discurrissent, postridie custodes ad fores Regias apposti apparent, aliis indignantibus, aliis ridentibus. Hujus commenti auctores, etsi ipsi scirent vulgo fidem sibi non haberi, tamen ipsi secum gestiebant, securi de opinione hominum, cum neminem eorum, qui aderant, sibi palam repugnaturum certi essent.

XXIV. Ab hoc initio, aula in luxum & lasciviam præcipite, jus tamen adhuc æquabiliter dicebatur, & scelera plectebantur. Summa enim rerum penes Jacobum Reginæ fratrem erat, qui ob fortitudinem & æquitatem cupitis erat carus. Consilio in primis utebatur Gulielmi Matellani, adolescentis summo ingenio, quique magna jam dederat præclaræ indolis experimenta, magnamque in posterum expectationem concitavit. Horum virtute & consilio factum est, ut domi & foris esset summa tranquillitas; & is rerum status, quem boni cuperent, factiosi magis indignari, quam queri, poterant.

XXV. Inter hæc, in regia orta est consultatio, quæ totos tres menses universam aulam exercuit. Qui proxime superioribus annis aut Reges fuerant, aut locum Regum tenuerant, publicum patrimonium (quod nunquam in Scotia fuit amplum) prope ad nihilum redegerant, & immoderatæ Reginæ luxui nihil erat satis. Procerum ac plebis facultates, proximorum temporum tumultibus, vehementer erant attenuatæ: nihil restabat, unde in aulicorum sumptuum subsidiis, aliquid deradi poterat, præter sacerdotia. Arcessit in aulam sacerdotum principes: adjuncti, e primoribus Nobilitatis, qui vel ingenio persuadere, vel auctoritate cogere, possent. Tandem, post longam disceptationem, cum sacerdotibus, magis infirmitatis conscientia non reculantibus, quam rationum vi permotis, transactum est, & e fructibus Ecclesiasticis tertia pars decisa est, unde Regina ministros orthodoxos aleret, reliquum in suos usus reservaret. Ea transactio nemini omnium fuit grata. Sacerdotes opulentiores indignabantur quicquam ex veteri fortuna sibi detrahi: Ministri Evangelii nihil æqui a Regina expectabant: ad ipsam autem ex illa ostentata spe non adeo multum rei perveniebat. Multis enim ex veteribus possessoribus suorum fructuum pars tertia condonabatur: multis etiam, non viris modo, sed etiam fœminis, domestici ministerii merces, & operæ per multos annos impensæ hinc præmia, & senectutis viaticum, assignabatur.

XXVI.

*Immoderate Regina luxui nihil erat satis*] Ita quidem omnes libri, at mihi vix dubium est quin [*immoderate*] legi debeat, quemadmodum pag. seq. lin. 11.

*immoderata luxuria, & XVII. 33. immodicus luxus, & Ciceroni immoderata intemperantia dicitur.*



XXVI. Ea hieme, Regina Jacobum fratrem, magno cum bonorum omnium assensu, Marriæ Comitem creavit: nam, quod virtuti honos esset habitus, omnes laudabant; quod propinquitati aliquid esset concessum, non improabant; & utilitati publicæ consultum non pauci existimabant, quod vir, genere illustris, meritis erga patriam illustrissimus, hoc honore auctus, majore cum auctoritate in publicis functionibus procurandis versari posset. Nec deerant, qui Reginae beneficentiam eo spectare crederent, ut animum Jacobi, quem iis rebus, quæ per absentiam ejus in aula gerebantur, offensum non dubitabant, eam reconciliare voluisse arbitrarentur. Tum quoque uxor ei data est Agnes Ketha, Comitis Martialis filia: quibus in nuptiis, epularum magnificentia, aut verius immoderata luxuria, omnium amicorum animos graviter offendit, & invidis maledicendi materiam suppeditavit: eoque vehementius, quo ille in omni superiore vita se temperantius gesserat. Non adeo multo post, ei pro Marria (quæ veteri jure Joannis Areskuni fuisse deprehensa est) Moravia donata est.

XXVII. Gordonius, ablata primum sibi Marria, deinde Moravia, cui regioni diu præfuisset, se velut patrimonio spoliatum arbitratus, omnia sua consilia eo conferre cœpit, ut æmulum everteret. Multa eum præterea ad id facinus incitabant. Nam cum esset, ob multa majorum in Reges merita, omnium Scotorum longe opulentissimus, & majorum ipse potentiam malis artibus quotidie auget, primum Joannem Forbosum (uti ante dictum est) falsis testibus circumvenerat: deinde Jacobo Stuardo, Jacobi Quinti fratre, sine liberis defuncto, procurationem Moraviæ ab eis, qui in summo magistratu erant, adeptus, se quasi heredem gerebat, quibus opibus eo magnitudinis crevit, ut, æmulatione deposita, omnes, qui propinquas ei regiones incolebant, in ejus auctoritate conquiescerent, & prope in ditionem concederent.

XXVIII. Inter hunc aliorum vel metum periculi, vel servitutis patientiam, unius hominis libertas, & ut ipse videri volebat, superbia, eum possidere habebat. Is erat Macintotius, magnæ inter præscotos Scotos familiæ princeps, natus quidem & educatus inter homines feros & prædæ assuetos, tamen, sive arcana naturæ impulsu, sive rectis monitoribus usus, comitate & modestia, omnique humanitatis genere, cum iis certabat, qui magna parentum & magistrorum cura ad virtutem capiendam erudiuntur. Hujus adolescentis cum Gordonius potentiam suspectam haberet, nec ingenio recto ad scelerum ministeria abuti posse videretur, manum ei necopinanti iniecit, atque in custodia detinuit. Sed, cum nullum in eo capitale crimen inveniret, submissis amicis (uti dictum) ei persuasit; „Ut se suamque causam ipsi permitteret: eam unam esse rationem, & e custodia cum bona gratia abeundi, & amicitia cum longe potentiore incundæ. Homine simplice, & minime malo, ad suum exitium hac fraude impulsus, tamen adhuc mortis ejus invidiam Gordonius vitans, cum sua egit uxore, ut ea se culpæ

[Is erat Macintotius] Hoc Huntlixi causa suppeditasse videtur, cur ingrati facinoris memoriam lectoribus suis refricaret. flagitium supra XVI. 4. ac iisdem fere verbis narratur: neque iusta Buchananæ

I. Cer-

culpæ supponeret. Nec virilis animi mulier rem cunctanter suscepit, ac miserum, & innoxium, & supplicem, & deditum, absente marito, securi percussit. Hoc supplicio, vicinis vel metu stupentibus, vel largitione conciliatis, quicquid terrarum ultra Caledonios est, uni parebat. Itaque homo, & gloriæ & potentiae avidissimus, molestissime ferebat, Jacobum Moraviæ Comitem sibi æmulum appositum, statusque præsentis impatiens, in omnes rerum occasiones erat intentus: actaque ejus omnia assidue & palam calumniabatur: librumque, sua manu scriptum, Reginæ porrexit, in quo cum gravissime, sed levissimis argumentis, affectatæ tyrannidis accusabat.

XXIX. In diversa regione, eodem tempore, Jacobum Heburnum, Bothueliæ Comitem, æris alieni magnitudo, & indomitæ libidines, ad insidias eidem Moravio instruendas impellebant. Is enim, luxuriosa adolescentia inter scorta & popinas acta, eo redactus erat, ut aut civile bellum ei foret excitandum, aut audaci aliquo facinore extremæ inopiæ metus propellendus. Omnia circumspicienti maxime commodum ei videbatur perturbandi status publici initium, si Moravium cum Hamiltoniis committeret: certa, ut videbatur, spes, in utriusque partis exitium incertum. Primum Moravium adit: ei persuadere conatur; „Ut Hamiltoniorum familiam, Reginæ, regno, atque ipsi privatim imminentem, e medio tollat. In id suam operam pollicetur. Nec id facinus ingratum Reginæ fore contendebat: quæ, præter commune omnium Regum odium, quo sanguine proximos, velut in exitium suum intentos, prosequuntur, etiam peculiares offensionum causas, nec eas injustas, habere videbatur: vel ob Evangelicæ doctrinæ studium, cujus Aranius unicus erat assertor, ob quam etiam cum Gasio in Gallia contraxerat inimicitiam; vel ob contentionem verborum, nuper in Scotia, cum altero Reginæ avunculo, Elbevii Marchione, habitam. Sed cum Moravio, homo probus & innocens, abhorreret a foeditate tam scelerati facinoris, Heburnus ad Hamiltonios se contulit, & ministrum ad cædem, Moravii, cujus potentiam moleste ferebant, se offert; „Illum esse unum, qui spes eorum remoretur, & commoditatibus obstet: eo sublato, Reginam, velit nolit, in ipsorum potestate futuram. Ratio autem expedita & facilis videbatur. Regina tum in Falcolandia erat: ea arx est, cum ejusdem nominis pago: modica in propinquo silva est, in qua platycerotes cervini generis (quas vulgo damas fallo appellant) aluntur. Regina cum aut eo iret, aut in loca vicina prope quotidie cum familiari comitatu, perfacile videbatur, Moravium, inermem & incautum, tollere, & ipsam in suam potestatem redigere. Cæteris non ægre persuasum, ac tempus facinori perpetrando constitutum.

XXX. Unus Araniæ Comes scelus est execratus: clamque, literis ad Moravium missis, omnem rei ordinem exposuit. Moravio per eundem nuncium rescribit: sed Aranio forte absente, literæ patri ejus redditæ fuerunt. Ibi, con-

filio

[ *Certa, ut videbatur spes, in utriusque partis exitium incertum* ] Corrupta videtur sententia, cui tamen incerta conjectatione medicinam ferre non aulam. Cæterum id inquirere Buchananus videtur, Bothue-

lium, Moravio semel cum Hamiltoniis commisso, certam spem animo concepisse, ut alter alterum (an Hamiltonium, an Moravium, an vero utrumque, incertum,) exitio mactarent.

filio inito, Aranius a patre in arctam custodiam est inclusus, e qua noctu elapsus, ad Falcolandiam contendit. Ut ejus fuga palam est facta, equites in omnes partes dimissi, qui comprehensum retraherent, quos, in silvam ingressus, ea nocte frustratus est. Mane ad Falcolandiam deductus, omnem insidiarum ordinem aperit. Nec multo post, Bothuelius & Galvinus Hamiltonius, qui manu facinoris patrando partes susceperant, consecuti, in arce Falcolandiae, jussu Reginae custodibus appositis, retinentur. Cum facinus totum ante oculos esset, & ad locum tempusque ab Aranio dictum duces convenissent, exploratoresque retulissent, equites multis in locis apparuisse, Aranius, rei ordinem interrogatus, paulum animo turbatus est: nam, cum Reginam deperiret, Moravioque arctissima junctus esset amicitia, & illis gratificari cupiebat, & patrem, hominem minime malum, sed ad res difficiles suscipiendas nimis facilem, e conjuratione eximere volebat. Pietate & amore animum in diversa ea nocte per solitudinem rapientibus, ita mente est emotus, ut non obscure ex vultu & sermone animi perturbatio appareret. Praecesserant & aliae, quae juvenis animum commoverent, causae. Nam cum, ad eum diem, liberaliter & pro amplitudine familiae fuisset educatus, pater, homo ad rem attentior, consiliarios nactus, qui id vitium alerent, filium, magno comitatu assuetum, ad unum ministrum redegit. Qui facinus patrandum susceperant, diversi in custodias missi, Bothuelius in arcem Edimburgensem, Galvinus in Sterlinensem, donec de causa cognosceretur. Aranius, ad Fanum Andreae, quo Regina erat profectura, missus, atque in arce Archiepiscopi asservari jussus. Ibi, quoties ad se redibat, ad Reginam, de se deque aliis, tam prudenter & accurate scribebat, ut in suspicionem incideret simulatae insaniae, quo patrem e conjuratione credis eximeret. Caeteros ita constanter & acriter accusabat, ut aliquoties ad concilium productus, se, quando facinus tam occultum aliis testibus coarguere non posset, armis cum Bothuelio dimicaturum promitteret. Circa ea tempora, Jacobus Hamiltonius, Aranii pater, primum ad Reginam scripsit, deinde, ipse ad Fanum Andreae venit, ac multis precibus ab ea postulavit, „Ut filium suum, Bothuelitum, & Galvinum Hamiltonium, „acceptis vadibus, sibi dimitteret: nec impetrare quicquam potuit. Eisdem etiam diebus, Regina Britannodunum, arcem longe omnium quae sunt in Scotia munitissimam, sed quam Hamiltonius tenuerat, ab eo tempore quo Prorex fuerat, repetitam accepit.

XXXI. Georgius Gordonius (uti ante diximus) Moravio inimicus, Hamiltonio, filii sui socero, in manifesto scelere implicito, ac prope perculso, longe infensior factus, occasionem adesse ratus, cum impune inimicum e medio tollere posset, duabus familiis illustribus ad causam adjunctis, primum per suos tumultum in oppido, tum admodum infrequenti, curat excitandum, sperans Moravium ad rem auctoritate sua sedandam ex aula egressurum. Ibi facile hominem, inermem & incautum, in turba opprimi posse. Id ubi parum ex sententia processit, e suis aliquot armatos, ad perpetrandum facinus, in Regiam venire sub vespere jubet, qui Moravium, in suum hospitium redeuntem a Regina, quae ad multam noctem eum detinere solita erat, obtruncarent.

Id



Id enim tempus maxime videbatur idoneum, & rei patrandaë, & patrata evadendi. Ejus rei cum ad Moravium permanasset indicium, nec is, nisi oculis foret subjecta, crediturus esset, paucis ex amicorum fidissimis (ne quid suspicatus fuisse videretur) comitatus, unum & alterum e Gordonianis, manu in exitu atrii pertentans, armatos deprehendit. Re ad Reginam delata, Gordonius accitus, suorum aliquot commentus domum discessuros, arma induisse, deinde, nescio qua de causa, retentos: ita tum, ea excusatione magis accepta quam probata, disceditur.

XXXII. Ea æstate, Legatis utrinque missis, agebatur, ut Reginaë Scottorum & Anglorum Eboraci congregarentur, ibique de multis controversiis transigerent: sed cum prope ad iter se compararent, res in aliud tempus rejecta est. Causa differendi colloquii vulgo ferebatur, quod Aumalius, e Gufiis fratribus unus, literas Legati Anglici, qui in aula Gallica tum agebat, resignasset: quodque, illius opera maxime, navis Anglica, quæ alterum vehebat Legatum, fuisset direpta. Itaque, rebus, uti credibile erat, ob has & alias injurias, ad bellum Gallicum inclinatæ, Regina e Fano Andrea Edimburgum profecta, Aranium eodem misit, & in arcem ibi condidit.

XXXIII. Interea Jacobus ejus frater, Havicum ad frequentem in illis locis mercatum profectus, quinquaginta e latronum, qui illuc convenerant, primariis, inopinato adventu oppressit: cæteris circa provinciis metum ingentem incussit, & totum illum tractum ad tempus quietiorem reddidit. Verum id factum, ut amorem & reverentiam bonorum ei conciliabat, ita invidorum animos magis ac magis in ejus exitium indies inflammabat. Nam, ad tres familias potentissimas, in ejus perniciem pronas, accessit Gufiorum conspiratio. Hi enim, cum veteres Ecclesiæ Romanæ ritus restitui vellent, nec id vivo Moravio perfici posse arbitrarentur, ad eum quovis modo tollendum omnem ingenii vim intenderunt. Spem perpetrandi sceleris multa eis faciebant: in primis autem, quod Galli, qui Reginam deduxerant, domum reversi, quantæ essent Gordonii opes, quam inquietus animus, quam item operum in Missa asserenda pollicitus esset, omnia paullum supra verum augentes, exposuissent, re in aula Gallica multum inter Papanos agitata: hæc ejus perficiundæ ratio tandem est inita. Scribunt ad Reginam, „Ut Gordonii vecordiam promissis alat: Joanni ejus filio spem suarum nuptiarum magis ostendet, quam promittat: ut, hac spe occæcatus, quo vellent, impelleretur: simul nomina eorum edunt, quos una interimi vellent. Ad hæc literæ Pontificis Romani & Cardinalis eodem incitabant. Nam cum ad immodicum, cui Regina assuerat, luxum, opes publicæ non sufficerent, a Pontifice Romano pecuniam, tanquam ad bellum, adversus eos qui ab Ecclesia Romana defecerant, poposcit. Is rescripsit obscurius, sed Cardinalis aperte, „Pecuniam, ad id bellum non defuturam: sed iis demum interfectis, quorum nomina essent edita. Has Regina Moravio, cæterisque ad eandem destinatis, literas ostendit, sive quod indicium ad eos aliunde permanasse crederet, sive ut animi sinceri, & occulta consilia ab iis non separantis, faceret fidem.

XXXIV.



XXXIV. Igitur, cæteris ad facinus exsequendum comparatis, Regina magno desiderio teneri simulat, eam Scotiæ partem, quæ ad septentriones vergit, invivendi: & hanc ejus cupiditatem Gordonius, liberaliter invitando, alebat. Tandem cum Abredoniam, ad Idus Augusti, ventum esset, Gordonii uxor, virilis animi & consilii mulier, omnibus modis Reginæ animum versabat, nunc ut secretas cogitationes penitus haberet exploratas, nunc ut in partem, quam volebat, eam inflecteret. Gnara enim erat, quam levi momento sint mobilia Regum consilia: nec ignorabat, quo animo Regina, non multo ante, in utrumque, Moravium nempe & Gordonium, fuisset affecta. Nam, cum utrumque odisset, secum interdum agitare solebat, utrum priorem sublatum vellet. Moravii innocentiam licentiæ suæ adversam graviter ferebat, & Gordonii perfidiam, primum erga patrem, deinde matrem, multis experimentis perspectam, oderat, & potentiam metuebat. Sed avunculorum & Pontificis Romani literæ ad Moravii cædem urgebant. Hanc ejus cunctationem, cujus non ignarus erat, Gordonius cum eximere vellet, rursus per uxorem promissa de instaurandis ritibus Romanis repetit. Ea cum libenter Regina acciperet, unum tamen, nec id adeo magnum, erat impedimentum, quo minus ei assentiretur, quod non putaret (uti affirmabat) e dignitate sua, Joanni filio ejus (qui, ante paucos dies, ob tumultum Edimburgi excitatum, in custodiam traditus, effugerat) reconciliari, nisi ad custodiam liberam, saltem ad paucos dies, Sterlinum rediret. Id Regina, non tam ob eam, quæ simulabatur, causam, volebat, quam ut omnia integra, extincto Moravio, haberet, neu ad nuptias, absente sponso, cogi posset. Gordonius quidem satisfacere Reginæ cupiebat: sed filium, velut obsidem, in manum hominis, maxime suis conatibus adversi, (is erat Joannes Mariæ Comes, Moravii avunculus, qui arci Sterlinensi præerat) dare cunctabatur, præsertim incertus, quam in partem Regina cædem patrata<sup>1</sup> acceptura foret.

XXXV. Cum inter ingenia, se invicem fraude captantia, ita mutuis suspicionibus laboraretur, ac se Regina in mora esse negaret, quo minus ex sententia res conficeretur, neque quicquam expediret: tamen Joannes Gordonius, & ipse suam operam ostentans, in omnes eventus intentus, circiter mille e propinquis & clientibus suis, homines ad quodvis facinus paratos, armaverat, atque in propinqua oppido loca adduxerat. Moravio vero, etsi non optime comitatus esset, & hæc omnia (uti per amicos ex aula Gallica & Anglica erat præmonitus) in suum exitium videret parari; nec interim Reginæ admodum confideret, de die solita obibat in aula munia; nocte intra cubiculum<sup>2</sup> unum &

<sup>1</sup> *Acceptura foret*] Vide supra ad XV.

<sup>32.</sup>

<sup>2</sup> *Unum & alterum suorum*] Hanc locutionem Germanismi crimine a quibusdam infirmulatam absolvent Voislius de Lat. falso suspecta, cap. 27. & Cellarius cur. poster. pag. 426. Cæterum dubitari potest, an [*unus & alter*] collective semper.

i. e. pro [*duo*] accipiantur, anne vero interdum disjunctive pro *unus aut duo*; quemadmodum Horatius usurpare videtur II. Epist. 1. 74.

*Si versus paullo concinnior unus & alter.*

Et Art. ver. 15.

*Purpureus late qui splendeat unus & alter Affuitur pannus.* —

& alterum suorum vigilare jubebat : ac sæpe de inimicorum insidiis certior factus, amicorum præsidio fretus, omnes eorum conatus absque tumultu elusit.

XXXVI. Eisdem forte diebus, Bothuelius, per funem e fenestra dimissus, ex arce Edimburgensi evasit. Rebus Abredoniæ mutua simulatione adhuc suspensis; cum Regina progredi statuisset, a Joanne Leslio, homine nobili, Gordonii cliente, invitata, domum ejus, ad duodecim ferme millia passuum ab oppido distantem, divertit. Is locus, ut infrequens, Gordonianis ad eandem commodus est visus: Leslius vero, qui secretorum consiliorum non erat ignarus, deprecatur; „Ne hanc sibi ac suæ familiæ inurant infamiam, ut ipse „potissimum Regiæ fratrem, hominem alioqui non malum, nec sibi inimi- „cum, ad eandem prodidisse videatur. Proxima nox ad Rothimajum Abrenethiorum villam satis tranquille transacta est, quod postridie in Strabogio Gordoniorum arce diversari statuisset. In id tempus consilium cædis est dilatum, quo in loco omnia in ipsorum potestate erant futura. Itaque, inter eundem, cum Gordonius longum cum Regina sermonem instituisset, ac tandem eo ventum esset, ut ille accuratius Joanni filio veniam erroris peteret: quod videlicet homo adolescens, legum ignarus, fugisset e custodia, in quam, nullum ob scelus, sed ob tumultum, nec illius tamen culpa excitatum, datus esset. Regina contra contendebat; „Suam imminutam visum iri auctoritatem, nisi filius ejus „in aliam custodiam, quamlibet laxam, ad aliquot dies, rediret: ut, velut „expiata priore culpa, dimitti honestius posset. Gordonius, qui destinati facinoris occasionem prætermitti nollet, etsi leviter imperabantur, tamen obstinate renuebat: vel quod, si Regina eandem factam non probasset, culpam ejus in filium conferri volebat: vel quod, si, absente filio, ac Regina non invita, res confici posset, tamen adolescentem obsidem videbat futurum. Ea Gordonii pervicacia Regina adeo fuit offensa, ut, cum jam prope in ædium ejus conspectu esset, alio diverteret. Ita tota facinoris sapientissime, ut ipsis videbatur, constituta ratio, tum quidem dilata est, donec Ennernessum ventum esset. Nam, præterquam quod juri dicundo ibi ipse Gordonius præfectus erat, quod arcem Regiam (quæ in colle edito imminet oppido) teneret, tota circa regio clientelis ejus plena erat. Regina, cum in arce diversari statuisset, & a custodibus esset exclusa, tum demum timere coepit, ut quæ in oppido immunito pernoctatura esset, cum interea Huntilæi filius plus mille selectis equitibus, præter propinquæ regionis promiscuam multitudinem, in armis haberet. Regina, consilio pro re præsentis capto, aditus omnes oppidi

Et II. Sat. V. 24.

Si vaser unus & alter

Insidiatorem præoso fugerit bano.

Quibus & similibus locis (unus & alter] Gallicè *un ou deux*, Anglicè *one or two* fere interpretamur. Sic apud Buchananum XX. 15. Cum uno & altero comite Edimburgum venit, perinde fere sonat quod apud Livium lib. 27. cap. 31. *Vagabatur cum quo aut altero comite per maritimas domos*

Tom. I.

dies noctesque: Et Tacit. vit. Agric. cap.

40. Uno aut altero amicorum comitatus:

Et nostrum, VIII. 32. Cum uno aut altero

fere comite per desertæ loca vagus; pro quo

editi libri cum uno & altero exhibent. Pa-

ria his sunt XIX. 24. Cum uno & altero mi-

nistro, & XX. 58. Uno aut altero, e mini-

stris, cessis. Vide XVII. 31. XVIII. 1.

XIX. 62.

H h h h

I Ger.



vigiliis obsidet: naves, quæ commeatum advexerant, in statione fluminis paratas esse jubet, ut, si major vis ingrueret, id perfugium haberet. Nocte intempesta, exploratores ab Huntlaeo missi, cum primi vigiles de industria eorum adventum dissimulassent, progressi in angustias, ac undique circumventi, capiuntur: & e Montanis Catana tribus, cum primum se adversus Reginam duci intellexit, Huntlaeum deseruit, & postmodum ad eam in oppidum venit.

XXXVII. Audito Principis periculo, magna præcorum Scotorum multitudo, partim excita, partim sua sponte, affuit: in primis Fraserii & Montroi, hominum fortissimorum in illis gentibus familiarum. Cum jam satis a vi tutavideretur, arcem Regina oppugnare coepit. Ea, cum nec propugnatoribus, neque cæteris rebus, ad oppugnationem sustinendam, satis esset munita, deditur. Propugnatorum præcipui supplicio affecti, cæteri incolumes dimissi. Tum concurrente undique Nobilitate, aliorum adventu, ulterioribus domum redire permissis, cum satis firmo præsidio quarto die Abredoniam rediit. Ibi demum metu liberata, vehementer in Gordonii odium inflammatur, & in vindictam prona, fratrem rursus omni favoris ostentatione amplexa est, simulando se totam ex eo pendere, ac suam salutem in ejus incolumitate positam: cunctis persuadere nititur.

XXXVIII. His Gordonius totam scenæ aulicæ faciem cum videret inversam, Moraviæ Comitem, nuper morti destinatum, in summa gratia esse, sese, & summa spe honoris & dignitatis, in flagrantissimum odium incidisse: cum ulterius jam se progressum existimaret, quam ut receptus ullus ad veniam restaret, ad præcipitia se consilia convertit. Nec ullum aliud periculis instantibus remedium ratus, quam ut Reginam quovis modo in suam redigeret potestatem; eam etsi in præsentia se graviter offensurum videbat, tamen officiis, blanditiis, & filii nuptiis, quarum etiam avunculi credebantur auctores, muliebrem animum cum tempore flecti posse non desperabat. Itaque, communicato cum amicis consilio, Moravium, quovis modo posset, tollere decrevit. Eo enim sublato, neminem esse, cui vel Regina imperium mandaret, vel qui susceptum sustinere posset. Rei perpetrandæ spem afferebant speculatores: ac, præter alios, Georgius Gordonius, Sutherlandiæ Comes, qui assiduus in aula, simulatione erga Reginam benevolentiae, omnia ejus consilia rimabatur, ac per idoneos homines indicabat: nec modo temporum & locorum opportunitates observabat, sed operam suam in re perficienda offerebat. Accedebat ad hæc, oppidum undique apertum, & insidiantibus commodum; cives, vel beneficiis conciliati, vel necessitudine juncti, vel metu nihil aufuri; auxilia Montanorum dimissa domum; cum Comite Moraviæ paucos esse, & e longinquis regionibus adductos, quorum offensa ei non esset magnopere pertimescenda: & cum, per vicinas regiones, omnes in ipsius essent pote-

[*Georgius Gordonius Sutherlandiæ Comes*] Non *Georgio*, sed *Joanni* ei nomen fuisse ostendunt Acta publica, quibus Conventu

28 Maji 1563 læsæ majestatis damnatus, 14 vero April, 1567 in integrum restitutus memoratur.

*Acies*

potestate, rem sine sanguine perfici posse: uno homine extincto, & Regina in potestatem ipsorum redacta, cætera vulnera persacile posse sanari. His cogitationibus ad rem aggrediendam impulsus, cum jam ratio perpetrandi facinoris constituta esset, ex literis Comitum Sutherlandiæ & Joannis Leslie deprehensis, omnia eorum consilia sunt patefacta. Sutherlandius, cognito indicio, discessit: Leslius, agnita culpa, veniam impetravit; ac deinceps, quoad vixit, fortem & fidelem operam Reginæ, deinde Regi præstitit.

XXXIX. Huntlaeus, quæ exitum suorum consiliorum, in loco, ob circumjectas paludes, prope inaccessio, cum magna suorum manu expectabat, intellecto, quid in aula gereretur, ex consilio amicorum, statuit in montes secedere. Sed, cum ex vicina Nobilitate, quæ ad Reginam convenerat, multos haberet sui studiosos, eorum promissis satis confusus, iterum mutato consilio, statuit eventum pugnæ in loco natura munito expectare. Moravius, cum suorum, quibus consideret, vix centum equites haberet, sequentibus qui aderant proceribus, in primis Jacobo Duglassio Mortonii Comite, & Patricio Lindessio, ad hostem ducere cœpit. Cæteri ex vicinis agris collecti, circiter octingenti, magna ex parte ab Huntlaeo præcorrupti, magis Moravii cohortem ad exitum tracturi, quam in periculis opem laturos, magna cum verborum jactatione una progrediebantur; „Pollicebantur enim, sese hostem, sine aliorum ope, debellaturos: adessent modò, ac spectatores sese præberent.

XL. Præmissi equites, qui circa paludem aditus omnes servarent, ne Huntlaeus evaderet, cæteri lentiore gradu adventabant: & quanquam superiore nocte e Gordonianis non pauci diffugissent, restabant adhuc supra trecentos, suis se locis tenentes. Eo cum ventum esset, Moravius in clivo propinquo, unde prospectus in paludes erat, cum suis, simplice ordine acie instructa, stetit. Reliqui statim, inter ducendum adversus hostem, aperte prodicionis signum dederunt: qui ramos ericæ (cujus magna in illis locis copia erat) ut ab hostibus agnoscerentur, tegumentis capitum affixerunt. Ubi propius ventum est, Huntlaeani, securi de exitu, gradum ad eos accelerant, & cum adversam aciem a proditoribus turbatam viderent, & jam in fugam conversam, ut expeditius sequerentur, sarissas abjiciunt: & „strictis enlibus, ad terrorem integrorum, prodicionem ingeminantes, in hostem magno gradu feruntur. Proditores eodem illo impetu aciem stantem una se rati in fugam averfuros, ad eam accelerabant. Sed Moravius, qui nullam in fuga spem videret, neque quicquam, præter honestæ mortis decus, restare crederet, exclamavit, „Ut sarissas sui præ se tenderent, nec in aciem suam fugientes reciperent. Illi, præter opinionem exclusi, cornua utrinque confusis ordinibus præterierunt. Huntlaeani vero, qui jam profligatam rem putarant, cum aciem quidem parvam, sed prætentis hastilibus horrentem, cernerent, ipsi, ut qui sparsi ac sine ordine sese inferebant, nec, propter hastarum longitudinem, ex ad-

ver.

1 *Acie stantem*] Hanc veram prodicionem ratissimus Crafordius, pro quo libris omnibus scriptum est [*etiam stantem*.]

H h h h 2

I E6



verso ad manus venire poterant, repentino terrore percussi, non paullo celerius fugiunt, quam antea sequebantur. Eam fortunæ mutationem proditores conspicati, jam fugientibus instant, ac, ut se a priore culpa purgarent, quicquid fuit cordis eo die, ipsi ediderunt. Cæsi ex Huntilaanis circiter CXX. capti C. ex altera acie nemo. Inter captivos fuit ipse Huntilaus, ac duo filii Joannes & Adamus. Pater, ætate ingravescens, <sup>2</sup> & ut in homine corpulento, angusto spirituum meatu, inter capientium manus est exanimatus; cæteri, multa jam nocte, Abredoniam ducti. Moravius, ministro Ecclesiæ suum adventum expectare jussu, primum omnium gratias Deo immortaliegit, quod e tanto ac tam præsentis periculo, nullis suis viribus & consilio, sed ejus unius benignitate, præter omnium expectationem, cum suis emerisset. Deinde ad Reginam illinc profectus est. Ibi, inter mutuas multorum gratulationes, Regina nec vultum hilariorem, nec vocem lætitiæ indicem edidit.

XLi. Proximis diebus, Joannes Gordonius supplicio est affectus, non sine vario motu animorum: erat enim adolescens viriliter elegante forma, in ipso florentis ætatis aditu, Regalibus nuptiis non tam destinatus, quam earum simulatione deceptus, & quod non minorem indignationem quam misericordiam movebat, ab imperito carnifice laceratus. Regina mortem ejus, cum multis lacrymis, spectavit: verum, ut erat ad celandos animi sensus composita, ita tum ejus mœsticiam varie interpretabantur: eoque magis, quo non minore odio ei fratrem, quam Huntilaum, esse plerique intelligebant. Adami ignovit adolescentiæ. Georgius, natu maximus, desperatis domi rebus, ad focerum Jacobum Hamiltonium se recepit: ut vel apud eum fugæ latibulum, vel ejus precibus veniam culpæ impetraret. Multi e Gordoniorum clientibus, prout quisque deliquisse visus est, alii pecunia, alii exilio multati: nonnulli in longinquas regni partes, ne res domi turbarent, relegati: quibus potentiores contigerant deprecatores, scelere soluti, ac in pristinum gratiæ locum restituti.

XLII. Ita, vel compositis vel sopitis ad septentriones rebus, reliqua hiems per quietem transacta est. Ad V. Cal. Decembris, Bothuelius, per fœcilem in custodiam, unde erat elapsus, redire jussus, cum non paruisset, hostis publicus est denunciatus. Ad Reginam, Abredonia Perthum reversam, venit Jacobus Hamiltonius, pro Georgio Gordonio genero deprecatur: ac satis clementi responso accepto, tamen generum tradere est coactus. Is ad Dumbarum in custodiam est remissus: ac deinde, anno proximo, qui fuit M. D. LXIII. ad VII. Cal. Februarii, inde arcessitus Edimburgum, perduellionis damnatur, ac Dumbarum remittitur. Hoc maxime tempore, edicto multa pecuniaria irrogata

M.D.  
LXII I.

1 *Eo die*] Commissa est hæc ad Corrichiam pugna 28 Octobris anno 1562.

2 *Et, ut in homine corpulento, angusto spirituum meatu*] Libri omnes copulam minime necessariam hic inferferunt, legentes & angusto spirituum meatu.

3 *Ad VII. Cal. Februarii*] i. e. 26. Januarii: at Acta publica eum 8 Februarii damnatum testantur: proinde vox [*Cal.*] delenda, atque pro [*VII.*] scribendum [*VIII.*] vel [*VI. Idus Feb.*].

gata fuit, si quis Quadragesimalis jejunii tempore carnibus vesceretur: in quo edicendo, non religionis, sed publicæ utilitatis causa valuit. Archiepiscopus Fani Andrea, quod, post edictum in adventu Regiæ factum, nec Missis audiendis nec dicendis abstinuisset, in arcem inclusus fuit Edimburgi: ceteri, ejusdem criminis rei, leviter multati, graviore poena denunciata, si postea ejus culpæ affines deprehenderentur. Jam comitiorum, quæ in XX. mensis Maji indicta erant, dies advenerat. Regina coronata, atque amplissima veste amicta, cum ingenti pompa in Senatum venit: novum prorsus spectaculum, nisi, sub ejus matre & avia, oculi hominum ad tolerandum imperium muliebres fuissent assuefacti. In eo conventu, quædam decreta fuerunt, in eorum favorem, qui puriorem Evangelicæ legis doctrinam profitebantur: ac in Monetarios paucos animadversum. Reliquum ætatis Regina venationi in Atholia indulsit.

XLIII. Sub finem autumnii, permittente Regina, rediit in Scotiam Matthæus Stuartus Levinæ Comes, XX. anno quam turpiter a Rege Gallorum destitutus abierat, uti ante a nobis est scriptum: ac proximo anno, qui fuit M. D. LXIV. mense Januario, in conventu publico, ad id prope unum indicto, remisso exilio, & bonis receptis, restitutus, eamque restitutionem Regina prosequuta est multa verborum honorificentia, commemoratis in se Comitibus multis magnisque officiis, in prima sua adhuc infantia: quippe ejus ope fuerit e manibus inimicorum liberata, & regni insignibus decorata. Ex Anglia deinde, comætu in tres menses insperato, ad Id. Feb. venit in Scotiam Henricus ejus filius. Hunc adolescentem, genere & forma præstantem, amictæ suæ filium, Regina Scotorum comiter accepit: cumque, quotidiana consuetudine illecta, amare cœpisset, frequens sermo de eo in virum asciscendo vulgo ferebatur, nec invita quidem Nobilitate, quod permagnæ commoditates ex iis nuptiis in totam Britanniam redundaturæ viderentur, si volente Regina Anglorum fieri possent. Illa, ut quæ utrisque eodem gradu consanguinitatis erat proxima, non tam repugnabat, quam

M. D.  
LXIV.

[Sub finem autumnii] Perperam a Buchananano Levinii in patriam reditus in annum conjicitur 1563, (quippe quem Conventu publico anno proximo 1564 ineunte restitutum tradat) ex aliis enim nostris scriptoribus & Camdeno Anglo plane liquet Levinium in patriam demum reversum anno 1564. Rem vero extra dubium ponunt Thomæ Randolphi (Anglæ ad Scotiam tum legati) literæ, quibus Gul. Cæcilium de Levinii ad Edimburgum 27 Sept. 1564 adventu certiores facit. *E Biblioth. Cotton. Caligula. B. 10.* Vide quæ mox sequuntur.

[2 XX. anno] Ita jubente Crafordio restitutum, pro quo libris omnibus irrepsit

[XXII.] in Angliam enim concessit (ut supra ostendimus ad XV. 20.) anno 1544, reversusque anno, ut modo docuimus, 1564, non quod Crafordius Buchananum secutus existimat, 1563.

[3 Proximo anno, qui fuit 1564, mense Januario] Imo vero anno 1565, juxta supputationem Romanam. Quod si veterem Scotorum anni ordiendi rationem sequamur, tum non [proximo anno,] sed [eodem anno] erat dicendum. Vide Not. I. huj. pag.

[4 Non tam repugnabat, quam se auctorem credi volebat] Nihil falsius. Regnam enim Anglorum summa ope adnixam fuisse ut nuptias istas impediret, non modo Jacobus

H h h h 3

Mel-



quam \* se auctorem credi volebat: suamque in conficiendo aliquam esse gratiam, simulque ex usu suo putabat, propinquare suae potentiam hac mediocritate conditionis coerceri, ne, supra quam vicinis esset tutum, aufereretur. Sed, quae res omnia jam transacta paullum retardarit, cunctaque tandem divina & humana miscuerit, paullo altius initio repetito, quo magis omnia in aperto sint, paucis explicabo.

XLIV. Erat inter aulica ministeria, David quidam Rizius, Augustae Taurinorum natus, e patre homine quidem probo, sed pauperculo; ut qui, elementa Musices docendo, agere se & familiam sustentabat. Hic, cum nullum, quod suis patrimonium relinqueret, haberet, liberos utriusque sexus psallere docuit. Ex iis, cum David in adolescentiae vigore constitutus, non inamens voce praeditus, & a patre in musicis institutus esset, in spem fortunae liberalioris erectus, Nicetam, in aulam Ducis Sabaudiae, nuper in suam ditionem restituti, profectus est. Sed ibi non pro spe acceptus, cum omnium rerum egenus omnia circumspiceret, tandem in Morettium incidit, jam tum, Ducis missu, iter in Scotiam adornantem. Hunc cum secutus eo venisset, nec Morettius, homo non admodum copiosus, operam ejus aut necessariam aut utilem sibi existimaret, ibi subsistere paullum, & fortunam denuo experiri decrevit: eo maxime adductus quod Regina diceretur cantionibus valde oblectari, nec ipsa Musices omnino imperita esset. Igitur, ut primum sibi aditum ad eam patefaceret, egit cum cantoribus, quorum plerique Galli erant, ut inter eos appareret: semel atque iterum auditus placuit: statimque in eorum collegium ascriptus est. Ibi brevi, cum Reginae sensum atque mores intellexisset, partim adulando, partim alios ministros calumniando, perfecit, ut non minore esset apud Regiam gratia, quam apud ceteros odio. Neque tamen hoc fortunae blandientis favore contentus, cum aequales omnes partim viliores fecisset, partim variis criminationibus expulisset, paullatim assurgere, & majora negotia tractare, coepit: donec \* ab epistolis assumtus esset; &, hoc praetextu, secretius & seorsum a vulgo agere cum Regina posset. Jam sermonibus materiam dabat repentinus

ho-

Melvillius, Memor. pag. 56. & Camdenus Hist. Eliz. ad annum 1565, sed ipse Elizabethae ad suos in Scotia legatos Tho. Randolphum & Nicolaum Throgmortonium mandata, eorumque responsa, in Biblioth. Cottoniana adhuc asservata, evidentissime demonstrant. Sed neque his contenta Elizabetha, quo magis aversam ab hoc matrimonio voluntatem suam testaretur, ad primum nuncium, Darlei matrem in custodiam conjecit, Leviniumque ac filium omnibus, quas in Anglia tenebat, possessionibus privavit, nec legatum suum Darleum Regis nomine salutare unquam est passa.

1 Se auctorem credi volebat] Tantum abest ut Angla harum nuptiarum auctor

aut fuerit, aut credi voluerit, ut, quamvis per suos legatos Robertum Dudleum postea Leicestriae Comitem Scotiae maritum anxie commendare videretur, quo Mariae animum ab aliis in Germania, Gallia, &c. procis diverteret, tamen eo ejus consilia omnia spectabant, ut Regina Scotiae, nullo matrimonio inito, ac proinde nulla prole relicta, diem suam obiret.

2 Ab epistolis assumtus esset] Gallicarum tantum epistolarum cura ei erat demandata, quo munere Ranelus Gallus, quod illicitos amores sectaretur, non multo pridem exciderat, id quod ex Tho. Randolphi ad Gul. Caecilium literis 3 Decemb. 1564 apparet. Bibl. Cotton. Calig. B. 10.

1 Cu-



hominis, tantum non mendici, ad opes non mediocres progressus, & supravirtutem fortuna, supra fortunam arrogantia, & æqualium contemptus, & cum superioribus æmulatio: Alebat hanc vanissimi hominis insaniam magnæ partis Nobiliorum adulatio, qui amicitiam ejus captabant, salutando, orationi ejus subseruiendo, foribus obambulando, exitus reditusque ejus observando. Unus autem Moravius, in <sup>1</sup> cujus animo nihil simulatum inerat, non modo non assentabatur, sed vultu plerumque eum aspernabatur: quæ res non minus Reginam, quam Davidem ipsum, offendebat. Ille contra, ut subsidium sibi adversus odia procerum compararet, adolescentem, Regiis nuptiis destinatum, omni assentationis genere amiciebat: in eumque familiaritatis gradum pervenerat, ut lectum, cubiculum, secretaque sermones, communicaret: persuaderetque adolescenti incauto, & in id quod cupiebat proclivi credulitate, sua maxime opera fieri, ut Regina oculos in illum conjiceret. Semina etiam discordiarum inter eum & Moravium assidue ferebat: eo enim pulso, reliquum vitæ cursum sibi inoffensum fore, promittebat.

XLV. Cum jam non obscuri rumores vulgarentur, non solum de nuptiis Henrici, sed etiam de secretis ejus cum Regina congressibus: <sup>2</sup> nec belli sermones de Davidis cum ea familiaritate spargerentur, Moravius, qui bene memento nihil aliud quam sororis odium assequeretur, statuit ab aula secedere, ne rerum, quæ gerebantur, auctor crederetur. Nec Regina moleste ferebat, tam severum arbitrum abesse, eo maxime tempore, quo factionem ei adversam confirmabat. Exules enim, <sup>3</sup> Bothuelium e Galliis, Georgium Gordonium Sutherlandiæ Comitem e Flandria, revocavit: & alterum Georgium Gordonium, Huntilai Comitis filium, e custodia eductum, priori dignitati & loco restituit. Bothuelium, e Galliis reversum, Moravius de recentibus contra se insidiis accusat: detulerunt nomen juvenes honesto loco nati, qui in Gallia ex intimis ejus familiaribus erant. Res aperta, atrox, invidiosa. Cum dies causæ dicendæ appropinquaret, primum Regina cum fratre diligenter egit, ut ab accusando desisteret. Cum ille exorari non posset, quod multum <sup>4</sup> ad famam

<sup>1</sup> Cujus animo nihil simulatum inerat] Quam vere hoc prolatum, ex sequentibus patebit. Vide interim Melvillium qui pag. 63. Moravium tradit, adamante magni pretii muneri misso, Rizii opem humiliter implorasse, pollicitumque, si ejus opera cum Regina in gratiam rediret, se Rizii amicum unicum & protectorem futurum.

<sup>2</sup> Nec belli sermones] Quæ hic non semel de Regina cum D. Rizio familiaritate narrantur, pura puta mendacia sunt, nulla veri similitudine innixa, eo consilio a Moravio ejusque sectæ hominibus excogitata, ut Reginam civibus suis exosam redderent, gradumque ad eas quas mox excitaturi essent tragœdias præstruerent.

<sup>3</sup> Bothuelium e Galliis revocavit] Tantum abest ut Regina Bothuelium e Galliis revocarit, ut eum ingratis reversum in jus vocari, renuentique capitis poenam denunciari jussit. Vide literas Randolphi Angli ad Cæcilium, *Bibl. Cotton. Cal. B. 10.*

<sup>4</sup> Ad famam suam interesse putaret] Ita constanter omnes libri: mihi vero vix dubium est, quin [famam suam] legi oporteat. Ita enim Cic. lib. 16. Epist. 7. *Magni ad honorem nostrum interest, quam primum ad urbem me venire.* Et lib. 5. Ep. 12. *Equidem ad nostram laudem non multum video interesse: sed ad properationem meam quiddam interest se expectare, dum ad locum venias, ac statim causam illam totam & tempus arripere.*

1 Mora-



sua interesse putaret, quam in partem eventus acciperetur. Regina, quod proximum erat, multos procerum per literas deterruit, ne diem iudicii obirent: Alexandrum Glancarnie Comitem, Moravio amicissimum, cum non longe a Sterlino iter ei esset, de via ad se arcessivit. Tanta tamen omnium bonorum erat consensus, ut Bothuclius, non modo sua conscientia prædamnatus, sed publica sui sceleris detestatione permotus, diem causæ dicendæ obire non sit ausus.

XLVI. Hoc vulgi studium adeo Reginae animum adversus fratrem accendit, ut jampridem ei destinatum exitium maturaret: cujus ita ratio composita erat. <sup>1</sup>Moravio Perthum evocato, ubi Regina cum paucis erat, ibi Darlaeus cum eo sermonem conferre debebat: cum nemo dubitaret, Moravium libere & simpliciter locuturum, re in altercationem deducta, David Rizius primus eum feriret, cæteri mox vulneribus conficerent. Hac de conjuratione Moravio per amicos, qui in aula erant, edoctus, tamen certis eundi pergebat. Tandem per <sup>2</sup>Patricium Ruvenum iterum admonitus, ex itinere ad matrem, in propinquas ejus ad lacum Levinum ades, divertit: ac, alvo forte soluta, ea morbi excusatione usus, ibi substitit. Interea, cum amicorum quidam eum inviserent, rumor statim diffusus est, ibi eum hæsisse, <sup>3</sup>ut Regiam & Darlaeum redeuntes Edimburgum interciperet. Equites passim dimissi, cum neminem armatum conspexissent, tamen Regina tanta celeritate ac tam trepide iter illud confecit, velut certo imminente periculo.

XLVII. Nuptiis jam instantibus, ut aliqua consensus publici species ad Reginae voluntatem accederet, convocatur Sterlinum magna pars procerum: sed hi præcipue, quos aut libenter consensuros, aut repugnare non ausuros, credebant. Ex iis, in consilium adhibitis, multi assenserunt, modo ne quid in religionis doctrina publice recepta innovaretur: plurimi citra ullam exceptionem, quod Reginae gratum fore existimabant, ad id sententias accommodabant. Unus, Andreas Stuartus Ochultrius, palam professus est, se nunquam assensurum, ut Papanæ factionis Rex assumeretur. <sup>4</sup>Moravio quidem alienus a nuptiis non erat,

<sup>1</sup> *Moravio Perthum evocato*] Ita Buchananus animum induxit omnia patrono suo assentari, ut cuncta ejus dicta apud eum oraculorum instar obtineant: quæcumque autem ipsius existimationi adversantur, ficta protinus & commentitia evadant. Quanquam enim ea quæ sequuntur pari auctoritate (& posteriora majori fortè) inniti videantur, Reginae tamen & Darlaeide Moravio tollendo consilium, tanquam res explorata narratur, illius vero Darlae struente insidiæ seu vanæ & fugiles exhibentur.

<sup>2</sup> *Patricius Ruvenus*] Is ipse est, qui intra annum vertentem principem in Davide Rizio trucidando operam præstitit,

forte etiam jam tum scelus animo meditatus, cuique propterea parva aut nulla hac in re fides debeat.

<sup>3</sup> *Ut Regiam & Darlaeum redeuntes*] Hic rumor de Regina Darlaeque intercipiendis fabula Buchananò videtur: at rem veram narrant Melvillius pag. 56. & Spotswoodius pag. 190. De ea ambigue scribit ad Gul. Cæcilium legatus Anglus 4. Julii 1665, qui hæc iter (quod vulgo *Bathienfe* sive [*The Road of Bath*] appellatur) de Dominico proxime præcedente confectum memorat. Bibl. Cot. Ibid.

<sup>4</sup> *Moravio quidem a nuptiis alienus non erat*] Imo vero alienissimus a nuptiis erat Moravio, neque quidquam intentatum, quo

erat, (ut qui in primis auctor erat juvenis ex Anglia evocandi) sed videbat, quantis motibus ea res initium data esset, si, non assentiente Angla, conficerent. Pollicebatur etiam, se curaturum, ut, volente atque auctore Angla, omnia transfigerentur, si modo religioni caveretur. Sed cum videret, in illo conventu nullum libere censendi locum futurum, maluit abesse, quam sententiam dicere, sibi fortasse exitiabilem, & in publicum inutilem. Jactabatur etiam vulgo illa quaestio, possetne Regina, defuncto marito, quem vellet alium ex animi sententia virum sumere: aliis consentibus, Reginae, ex morte viri, eam libertatem non negandam, quæ plebejis quoque conceditur: aliis contra affirmantibus, in regnorum hæredibus diversum jus esse, ut quæ una opera & virum sibi sumerent, & populo Regem darent: multoque æquius esse, ut populus uni puellæ maritum, quam puella Regem universis eligeret.

XLVIII. Mense Julio, venit ex Anglia Legatus, qui ostenderet, „Reginam Angliæ, quæ in eodem consanguinitatis gradu utrumque contingeret, „mirari, quod rem tantam præcipitarent, neque secum communicarent: quique magnopere peteret, ut interposita mora, diligentius rem expenderent, „fortasse non sine utriusque regni emolumento. Hac legatione cum nihil actum esset, statim secuta est alia. Nicolaus Throgmortonus, Eques, nomine Reginae Anglorum, Levinium & filium ejus monuit, in certum diem comitatum habere: eumque diem jam præterisse: domum itaque illos redire jubet, nisi se multari exilio, bonaque in fiscum redigi mallent. Illi, nihil ea comminatione retardati, in sententia perstiterunt. Interea Regina, cum connubium illud nimium dispar videretur, si nuper maximi Regis uxor, ipsa regni illustris hæres, adolescenti privato, nullis insignioribus honorum titulis claro, nuberet, edictum publico præconio promulgavit, in quo Darlæus Dux Rothsfajus ac Rossia Comes appellatur. Præterea, ad rem accelerandam urgebant

quo illas impediret, reliquit; cujus rei vel illud certissimum indicium est, quod statim post eas confectas arma sumserit, capitalesque deinceps inimicitias inter eum & Darlæum exarserint.

[1 Venit ex Anglia legatus] Duas hic ex Anglia legationes commemorat: at priorem commentitiam esse narrat Camdenus: Thomas quidem Randolphus, qui aliquot annos apud Scotam, ab Anglia legatus, vel speculator potius, hæserat missus, nondum Scotia excesserat. Ex Nicolai autem Throgmortonii literis apparet eum hac de re legatum missum fuisse mense Majo, quem tamen Buchananus serius illo qui mense Julio advenerat, refert venisse.

[2 Præterea ad rem accelerandam] Vel Tom. I.

hinc elucet quam non immerito Jacobus Melvillius Buchanano objicit nimiam credulitatem, qua (inquit ille) haud raro factum est, ut ex vagis conviventium sermonibus dicendi scribendique materiam arriperet. Quis enim non videt has maleficarum prædictiones, aniles fabulas esse, quas, qui nobilissimam Reginam odio inexpiabili insectabantur, supersticioso popello credendas propinabant. Et sane mirum est Buchananum, dum frivolas aut incertas matrimonii maturandi causas comminiscitur, veram oblivisci, nempe metum ab Angla, quæ nullum non movebat lapidem, ne Maria, non modo cum Darlæo, sed ne cum quoquam mortalium connubio jungeretur. Melvill. Camden.

gebant maleficarum ex utroque regno prædictiones, quæ, si nuptiæ citra finem Julii mensis conficerentur, multa Regibus commoda in posterum promitterent; re secus gesta, damna & ignominiam comminarentur. Accedebant rumores, passim de morte Reginae Anglorum divulgati; diesque præscriptus, intra quem moreretur: quæ prædictio, non tam divinationem, quam civium conjurationem, denunciare videbatur. Erat & illa festinandi Reginae causa non levisima, quod suos avunculos à nuptiis illis aversos non dubitabat: igitur, si mora longior interponeretur, metuebat, ne quod ab illis, quod rem prope confectam turbaret, impedimentum objiceretur. Nam cum secretum illud decretum, de bello sacro per totam Christianorum ditionem suscitando, & pura Christi doctrina penitus exstirpanda, esset factum, eique Dux Gussius imperator destinatus, spes improbas & immodicas aleret, is statuit, per sororis filiam, ita domesticis tumultibus perturbare Britanniam, ut nullo auxilio transmarinos amicos juvare possent. Sed Davide, qui tum apud Reginam plurimum poterat, contendente, ex usu rei Christianæ nuptias eas futuras: quod Henricus Darlarus, & pater ejus sectæ Papanæ acerrimi essent assertores, & in utroque regno gratiosi, clarisque familiis innexi, multisque clientelis subnixi; res, diu agitata, tandem impulsæ est. Is cum, si nuptiæ coirent, consentientibus Regina Angliæ & Nobilitate Scotica, duo suis rationibus adversa videbat; primum, in eis conficiendis nullam suam fore gratiam; deinde religionis incolumitati cautum iri, sin vero Regina se ad Concilium Tridentinum adjungeret, ipse sibi honores, sacerdotia, sine modo pecuniam, sine æmulo potentiam, promittebat: igitur, omnia moliendo, tandem perfecit, ut nuptiæ præcipitarentur, Scotis non satis æquis, Anglis vehementer infens.

## CVII. REX.

XLIX. Quarto Calendas Augusti, HENRICUS STUARTUS Mariam Stuartam uxorem ducit: factoque silentio, acclamatum est, precante multitudine, ut prospere omnia succederent Henrico & Mariæ, Scotorum Regibus: ac postridie, Edimburgi iidem Reges præconio pronunciantur. Id factum non modo Nobilitatem, sed vulgus quoque, gravissime offenderat: nec deerant, qui indignarentur, rem pessimi exempli factam. „Quid enim attineret concilium de Rege creando cogere, cujus nunquam sententiam roges, „nulla in re auctoritate utaris? In Senatus loco præconem supponi, qui, pro „senatus-consulto præconium recitet. Enimvero non consultationem jam „esse, sed, quomodo Scoti tyrannidem ferre possent, tentationem. Eam

[*Quarto Cal. Augusti*] Merito a Cl. Clerico aliisque Buchanano vitio vertitur in re Chronologica negligentia; hic enim diem mensemque designat, anni vero (quod factum oportuit) non meminit. Quod si annum proxime memoratum 1564 hic in-

telligendum quis causeret, is male rationes subducit; alii quippe scriptores, & (quorum fides omnibus præponderat) ipsa Acta publica Mariam nuptam testantur 29 Julii 1565.

1 Ha-



suspicionem auxit procerum absentium desiderium. Aberant enim Nobilitatis fere principes, Jacobus Dux Castellerotii, Gilespicus Argathelie, Jacobus Moraviae, Alexander Glencarniae, Andreas Rothusiae, Comites, compluresque alii, splendore generis & opibus clari. Ad eos foeciales missi: cum non paruisent, exilio multati, in Argatheliā major pars secessere: inimici eorum in aulam revocati. Ita rebus omnibus, quantum satis videbatur, adversus rebelles comparatis, Reges, quatuor millibus comitati, Glascuam venerunt: rebelles Palleti se continebant.

L. Ibi, pro partium ingeniis, variae consultationes fuerunt. Reges, misso foeciali, arcem Hamiltoniam dedi petunt: ac, re infecta reverso, ad praellium se expediunt. Altera factio, secum ipsa discors, variis sententiis distrahebatur. Hamiltonii, qui in illis locis summas habebant opes, nullam pacis firmam conditionem esse asserabant, nisi Regibus sublati. „ Illis enim incolumibus, nihil aliud sperandum, quam nova bella, novas insidias, & pacem simulatam, aperto bello magis periculosam. Privatorum injurias saepe laborum tædio deponi; saepe magnis emolumentis compensari: Regum inimicitias sola morte extingui. Moravius & Glencarnius, qui intelligebant, eos non publicum emolumentum, sed privatas opes spectare, (ut qui, Regina extincta, proximi haeredes essent) & a caede, & ab Hamiltonii imperio (quod crudele & avarum non ita pridem senserant) juxta abhorrebant, mitiora consilia probabant; „ Dissensionem enim esse civilem, & adhuc incruentam, in qua hactenus, non armis, sed sententiis esset certatum: eam, si fieri posset, honestis conditionibus esse finiendam. Ad haec consilia, non defuturos in Regiis castris, qui & pacem cupientes libenter audirent, & incolumitatem tueri armis necessariis conantibus non essent defuturi. Reges autem, per adolescentiam, fortasse minus prospicere: nondum autem ea peccasse, quae ad labefactionem status publici pertinerent: si qua vitia adsint, quae ad privati dedecoris labem faciant, ea non morte aboleri, sed levioribus remediis curari, oportere. Se enim meminisse observatum, & posteris ad imitationem relictum, ut in vita Regum & moribus occultiora vitia dissimularent, dubia mollius interpretarentur, manifesta eatenus ferrent, modo ne perniciem publicam secum traherent.

LI. Haec sententia cum pluribus placuisset, ceteri Hamiltonii, praeter Jacobum gentis principem, sibi quiescendum statuerunt: ille enim, sedecim equitibus comitatus, cum proceribus remansit. Hi cum, ita extenuatis viribus, infirmiores essent, quam ut vel congregari possent, vel ad suas quilibet vires penetrare, temporibus obsecuti, ea nocte Hamiltonium venerunt: postridie Edinburgum profecti, ut ibi belli gerendi consilium inirent, cum & arx urbi imminens assidue in eos jacularetur, nec amici, e regionibus longinquis, tam celeriter quam res poscebat, convenire possent, & Reges, prope vestigiis

X Hamiltonii ——— nullam pacis firmam conditionem esse asserabant.) Vide Camdeni Animadversiones in Jac. Aug. Ibo-  
ani Historiam, in qua res Scoticae memorantur.



eorum inhaerentes, adventare dicerentur, multum rogante ac pollicente Joanne Maxuallio Herefiano, Drumfrisiū versus iter ingrediuntur. Reges, retro Glasceam reversi, Leviniae Comitem vicarium in regionibus ad occidentem hibernum spectantibus constituunt: ipsi Sterlinum, ac inde in mediam Fifam, progressi, Nobiliorum majorem partem jurare eogunt, si quis ab Anglia motus armorum ingrueret, fidelem operam se navaturos: reliquos pecunia, aut relegatione multant: bona rebellium, qui in Angliam finitimam secesserant, sicubi comparerent, diripiunt: conventus juridicos indictivos per omnes regiones denunciant, ad anquirendum de reliquiis conjurationis: <sup>1</sup>ad IX. Octob. exercitus, Edimburgo eductus, Drumfrisiū versus iter capeffit. Maxuallius, qui ad eum diem studium factionis Regibus adversantis prae se tulerat, tempus ad suas res agendas adesse ratus, velut supplex pro partibus, obviam est progressus: cum eis, de parte patrimonii loceri sui, quam vehementer cupiebat, loquitur. Ea, homo impiger, & consilio manūque promptus, facile impetrata, ad rebelles redit: ostendit, „Nihil in se opis esse, proin sibi consulant: Angliam esse „propinquam: si eo secedant, se, rebus compositis, mox secuturum, suasque „omnes fortunas cum eis conjuncturum. A Moravio interim mille libras, expensae in stipendia militum nomine, extorsit: hanc pecuniam in equites expensam ferebat. Jussus enim paucas equitum turmas conducere, suos ministros domesticos pro mercenariis ostentabat.

LII. Reges, adventu suo, & accessione Herefiani ad suas partes, territis inimicis, ac omnibus circumcirca pro arbitrio constitutis, ducibusque partium expulsis, & cæteris in eorum periculi eventum intentis, circa finem Octobris Edimburgum rediere. In Scotia usque ad initium veris res tranquillae fuerunt. Conventus Ordinum totius regni promulgatus erat in mensem Martium, ut bona exulum publicarentur, & nomina ex albo Nobilium eraderentur, ac insignia lacerarentur, quorum nihil, abique conventus publici decreto, Regibus licet.

LIII. Interea David, aulam principibus procerum vacuam nactus, quo suam immoderatam potentiae spem confirmaret, Reginam impotentibus consiliis armabat, assidue hortando, ut factionum principes ferro coërceret. Paucis e medio sublatis, cæteros nihil ausuros. Sed stipatores Reginae, quod Scoti genere essent, in eadem Nobilitatis nefariam non facile contenturos putabat. Eis loco dejectis, eo totis viribus incubuit, ut exteri (quod fere omnis tyrannidis esse solet initium) ad custodiam eligerentur. Primum injecta mentio, de Germanis arcessendis: quod ea natio summa fide erga dominos fuerit. Verum David, <sup>2</sup>re secum diligentius expensa, commodius suis rationibus est ratus, ut Itali ad id munus adhiberentur: primum, quod homines ejusdem gentis magis in sua potestate futuros crederet: deinde quod, nulla religione inbuti, ad res turbandas aptiores viderentur: ut quos, citra omne discrimen æqui atque iniqui, ad quodvis facinus facile impelli posse arbitraretur. Præterea homines egeni &

<sup>1</sup> Ad IX. Octob.] X. Octob. 1565 habent Acta publica,

<sup>2</sup> Re secum diligentius expensa] Vide Camdeni Animadver. supra cit.

& facinorosi, sub tyrannis nati & educati, bellis nefariis assueti, & qui procul domo in Britannia nihil earum haberent, ad res novas magis videbantur idonei. Igitur, paullatim e Flandria, aliisque continentis regionibus, milites vagi arcessiri cœpti, sed prope singuli, & per intervalla, ne ea res agi videretur. Horum aliquem offendere, quam Reginam ipsam erat periculosius.

LIV. Cæterum, ut apud Reginam crescebat indies Davidis auctoritas & potentia, ita Rex quotidie apud eam vilior fiebat. Nam, ut in faciundis nuptiis Reginæ præceps fuerat temeritas, ita repente secuta est poenitentia, & mutatae voluntatis non obscura indicia. Cum enim, a nuptiis statim, sine publico consensu, publice præconis voce Regem pronunciaisset, & postea in diplomatis observatum ad id tempus fuisset, ut Regis & Reginæ nomen exprimeretur, non multo post, utroque nomine servato, mutatus tantum ordo est, ut Reginæ nomen prius, Regis posterius scriberetur. Tandem Regina, ut omni gratificandi potestate spoliaret maritum, caussata est, per ejus absentiam, dum venationibus & aucupiiis esset occupatus, multa aut non suo tempore fieri, aut omnino prætermitti commodius fore, ut ipsa pro ambobus subscriberet: hac ratione prospici posse, ut & ille suis voluptatibus fruere, & publicas necessitates ejus absentia non moraretur. Id cum ille, ut qui nulla in re eam offendere volebat, in bonam partem accepisset, primum levibus de causis ablegatur: ut procul a concilio & negotiorum publicorum conscientia abesset, & omnium beneficiorum gratia ad solam Reginam redundaret. Ita enim secum rationem inibat, Regem, cujus nec amicitia cuiquam esset fructuosa, nec ira formidabilis, paullatim in contemptum omnium venturum. David etiam, quo res indignior esset, ei substituitur, qui ferreo typo diplomata quædam pro Rege signaret. Ille, hac fraude omni cura publica exutus, etiam ne molestus rerum secretarum arbiter esset, hieme asperrima Peblium detrusus est, exiguo admodum, atque intra privatorum complurium dignitatem, comitatu, in prædam verius quam aucupium. Eisdem diebus tanta vis nivis e cœlo decidit, ut in locis non admodum copiosis, & præterea latrocinio infestis, homo semper in aula educatus, & victui liberaliori assuetus, ob rerum necessariarum penuriam, periculum adisset, nisi casus eo Orcadensem detulisset Episcopum. Is, locorum gnarus, vini nonnihil, atque aliorum comineamentum, in suum usum attulerat.

LV. Nec hac ratione tantum Regina Davidem e suæ obscuritatis latebris producere, & ostentare populo, contenta, aliam viam cum ornandi honore domestico est commenta. Cum jam antea Regina, per aliquot menses, solito plures ad mensam suam adhiberet, ut in multitudine saltem locus Davidi minus invidiosus esset: hac popularitatis specie nata est fore, ut insolentia spectaculi, convictorum multitudine, & quotidiana consuetudine, paullulum levaretur, & stomachi hominum sensim assuecerent, ut quidvis pati pollent. Tandem eo perventum est, ut ille cum uno atque altero quotidianus convictor esset.

2 Cum enim a nuptiis statim] Vnde eundem ibid.



esset. Ut autem loci angustia, facti, quadam ex parte, minueret invidiam, nonnunquam in cellula exigua, interdum apud ipsum Davidem, epulae apparabantur. Sed haec invidiae minuendae remedia infamiam augebant, suspensiones alebant, & sinistris sermonibus materiam suppeditabant. Accessit, ad hominum, jam in pejus proclives, cogitationes inflammandas, quod supellectili, cultu corporis, equorum & genere & numero, longe Regem superabat: quae res eo videbatur indignior, quod non faciem *cultus* honestabat, sed facies cultum destruebat. Igitur Regina, cum naturae vitia non posset emendare, divitiis & honoribus cumulandis, in supremum ordinem eum nititur protrahere, ut nascenti humilitatem, & corporis vitia, fortuitae claritatis obtentu tegat: cum ob alia, tum maxime, ut jus suffragii in conventu publico nactus, id concilium ad Reginae nutum circumagere posset. Sed, cum per gradus esset promovendus, ne inops & mercenarius Senator videretur, primus in agrum Edimburgo vicinum impetus est factus: Malvillium Scoti vocant. Dominus agri, & domini socer, alique, qui plurimum apud eum poterant, amici convocantur: cum domino agri agit Regina, ut praedio cederet; cum socero & amicis, ut id domino persuaderent. Sed cum parum ex sententia res procederet, Regina eam repulsam in suam contumeliam interpretabatur: &, quod magis erat exitiale, David id moleste tulit.

LVI. Vulgus (neque enim obscure haec agitabantur) praesentia deplorare, pejora indies ominari, si, ad egeni nebulonis libidinem, homines, antiqua nobilitate & fama illustres, majorum sedibus extruderentur: multi etiam e senioribus memoria repetebant, & sermonibus celebrabant, id tempus, cum Cocheranus, Regis fratre per summum scelus occiso, e latomo<sup>1</sup> Comes Marriae factus, belli civilis ca excitavit incendia, quae morte Regis, & pene regni interitu, sunt restincta. Haec cum palam fierent, multoque plura clandestinus rumor (ut in rebus minus honestis fieri solet) mussaret, Rex tamen certus, nisi re explorata, nemini credere, acceperat, Davidem cubiculum Reginae ingressum, ipse ad ostiolum, cujus clavem se penes semper habebat, accessit, ac praeter morem interius oppellulatum invenit. Cum pulsanti nemo responderet, ingentem irarum molem animo coquens, noctem eam prope insomnem egit.

LVII. Ex illo, paucis e domesticis adhibitis, (paucis enim fidebat, ut qui ceteros a Regina corruptos, & factorum omnium dictorumque exploratores sibi appositos sciret) de Davide tollendo consultat. Illi consilium quidem probabant, sed rei gerendae rationem non satis expediebant. Ea consultatio aliquot dies tenuit. Alii ministri, qui extra id consilium erant, id quod erant suspicati, multis prodeuntibus indiciis, factum ad Reginam deferunt, atque eam in rem praesentem se pollicentur ducturos. Nec in eo fefellerunt. Observato enim tempore, cum exclusis aliis, Rex solos, quibus fidebat, ministros secum habet.

<sup>1</sup> Quod non faciem *cultus*] Vocabulum [*cultus*] quod libris omnibus excidisse videtur, monente Crafordio, restituiamus.

<sup>2</sup> Comes Marriae factus] At vide quae nos supra ad XII. 45.

haberet, Regina, velut per cubiculum ejus ad suum transitura, Regem cum consiliis arcanorum oppressit: & in eum acerbè invec̃ta, domesticis ejus graviter interminata, „Frustra eos consultare, & omnes machinationes eorum scire, „& remedium in tempore adhibituram.

LVIII. Cum in eo statu res esset, Rex dolorem suum cum patre communicat. Malorum presentium unus eis videtur exitus, si ea pars Nobilitatis, quæ aderat, reconciliari, & quæ aberat, revocari posset: sed ad id festinatione opus erat, quod jam dies esset propinquus, quo die Regina proceres abientes damnare decreverat. Ea enim de causa conventum illum indixerat, Francorum & Anglorum Legatis multum deprecantibus: ut qui scirent, nihil tam severa animadversione dignum a reis commissum: animisque etiam secuturum præceperant periculum.

LIX. Eisdem diebus, literæ longissimæ ab Angliæ Regina venerant: in quibus multa benevole & prudenter de presenti rerum in Scotia statu differebat; lenitorque, atque etiam amanter, propinquæ animum ab ira ad moderationem revocabat. Eas, quia proceres venisse sciebant, neque dubitabat quisquam qua de re erant scriptæ, civilioris animi affectum Regina erga eos simulans, compluribus adhibitis, legere cœperat: cum, in medio cursu, David eam palam admonuit, satis lectum esse, atque subsistere jussit. Id ejus factum magis superbum, quam novum omnibus est visum: quippe qui non ignorarent, quam imperiose plerumque erga eam sese gereret, atque interdum acrius reprehenderet, quam maritus auderet.

LX. Per eos dies, in conventu publico, de causa exulum acriter disputabatur: aliis, ut Reginae gratificarentur, poenam perduellionis decernentibus, aliis contendentibus, nihil adhuc fuisse perpetratum, quod tam severe plecteretur. David interea singulos circumibat, animosque pertentabat, quid de absentibus decreturus quisque esset, si a reliquo conventu *Πρόβουλος* legeretur: nec dubitabat ostendere aperte, Regiam velle eos condemnari: qui secus fecerit, frustra niti: superque malam gratiam apud Principem initurum. Hæc agebat, partim ut infirmiores spe & metu turbaret: partim ut firmiores e numero judicum selectorum excluderentur: saltem ut major pars ex eo numero esset, qui omnia Reginae assentarentur. Hanc, in summa improbitate, hominis obscuri potentiam cum plerique timerent, omnes odissent, Rex, ex patris sententia, Jacobum Duglassium, & Patricium Lindesium, alterum patris, alterum matris propinquum, arcessit. Hi rem conferunt cum Patricio Ruveno, viro & manu & consilio prompto: sed qui diuturno morbo ita debilitatus fuerat, ut per aliquot menses de lecto non confurgeret. Ei, inter paucos, de re tanta fides habita fuit, cum ob summam prudentiam, tum quod liberi ejus essent Regis consobrini. Ab his Rex admonitus, quantum temporibus proximis errasset, qui propinquorum & amicorum præcipuos, in gratiam

1 *Lenitorque*] Ita omnino legendum videtur, facili unius literæ mutatione, pro quo libris omnibus [*leviter*] habetur. Sic

Lib. XIV. 1. principi editioni Edimb. [*levitatis*] irrepsit, quod alii libri in [*lenitatis*] recte mutarunt.



tiam nequissimi nebulonis, non modo passus esset expelli, sed ipse propemodum sua manu extruserit, illumque terræ filium ita extulisset, ut ipse jam ab eo contemneretur. Multa præterea cum eo de statu publico colloqui, effecerunt, ut facile culpam agnosceret, & se affirmaret in posterum nihil, nisi de Nobilitatis consensu, gesturum. Ac homines, multo rerum usu eruditi, non satis tutum rati adolescentis uxorii ætati credere, ne quando blanditiis illis, cum certa perniciæ ipsorum, pacta inficiaretur, capita, in quæ consentium erat, scripta ei exhibuerunt, quibus libenter atque etiam cupide omnibus subscripsit. Ea autem erant: „De religione stabilienda, uti cautum erat, „in Reginæ reditu in Scotiam. De reducendis civibus nuper pulsus, quibus „patria non facile carere posset. De cæde Davidis, quo salvo, neque Rex „dignitatem, neque Nobilitas incolumitatem, tueri posset.

LXI. His omnium chirographo confirmatis, Regeque cædis auctorem se proficiente, tum ut condemnationem procerum absentium prævenirent, tum ne mora consilium palam fieret, statim facinus aggredi visum est. Igitur, cum Regina in cellula angusta cœnaret, adhibitis de more ad mensam Davide & Comitis Argatheliæ uxore, paucique astarent ministri, (locus enim non multos capiebat) Jacobus Duglassius Mortonii Comes, cum magno familiarium numero, in extimo cubiculo ambulabat. In area subdiali, e clientibus & amicorum fidissimis observare iussi erant, & tumultus, si qui orirentur, compescere. Rex, e suo cubiculo, quod infra Reginam erat, per scalas angustas, quæ ei soli patebant, ascendit: sequebatur Patricius Ruvenus armatus, cum quatuor aut quinque ad summum comitibus. Iis in cellam, ubi cœnabatur, ingressis, cum insolens rerum facies Reginam nonnihil commovisset, Ruvenum squalidum, & e diuturno morbo macilentum, & tamen armatum aspiciens; „Ecquid rei novæ esset, „percunctatur: nam, qui aderant, e febre delirare, ac sui parum compotem esse, credebant. Ille, „Davidem surgere, „& prodire, jubet: eum enim, in quo sedebat, locum ei non esse decorum. Regina statim assurgit, & corporis objectu adversus venientes eum protegit. Rex, eam complexus, „Bono animo esse jubet: nihil enim esse, quod ipsa „timeret: eadem unius nebulonis decretam esse. David, primum in proximum, deinde in extimum cubiculum, pertractus, ibi abiis, qui cum Duglassio præstolabantur, multis vulneribus confoditur: idque præter omnium, qui in cædem ejus conspiraverant, voluntatem: qui eum publice strangulandum, populoque, cui gratissimum fore sciebant id spectaculum, præbere destinabant.

LXII.

1 *Ac homines*] Melius forte, *At homines*.

2 *Multis vulneribus confoditur*] Patrata fuit hæc cædes 9 Martii 1566. Opera autem pretium est videre Jac. Melvillium pag. 64. qui tum in rebus Regis diversabatur, Camden. Hist. Elizab. pag. 114. Edit. Amst. 8vo. Sporisvod. pag. 194. Davidem Crafordiam. Comment. rerum Scotie. pag. 6. & seqq. qui hanc reser-

ge diverso more tradidere. Illud vero in primis memorabile, quod Davidis Rizii tollendi consilium non a Darlzo primum (quod Buchananus credi voluit) sed a Mortonio; Lindesajo & Ruveno recognatum videatur: qui eum præcipue locum ac tempus facinori perpetrando delegerant, Primum, ut Moravii saluti consulerent, qui eo ipso tempore comitiis in eum

hæc

LXII. Constans fama est, eum ab Joanne Damicoeta, Gallo sacrificulo, qui magicæ artis non imperitus vulgo habebatur, non semel admonitum; „Ut, „re confecta, se alio transferret: & potentiorum odio, cui par non esset, se „subtraheret. Respondit, „Scotos magis minaces quam pugnaces esse. „Iterum itidem, paucis ante eadem diebus, admonitus, ut a notho sibi caveret: „Nothum illum, se vivo, in Scotia eam potentiam non habiturum, ut sibi „timendus esset, „respondit: a Moravio enim periculum sibi denunciari putabat. Verum, dictione illa sive expleta, sive elusa, primum ei vulnus a Georgio Duglassio, Comitis Angusiæ notho, fuit illatum: post id, ut quisque proxime steterat, princeps feriebat, vel dolori suo indulgens, vel in publicæ vindictæ societatem ascribi cupiens.

LXIII. Ad hæc, tumultu in totis ædibus orto, Comites Huntillæ, Athollæ, & Bothuelii, qui in diversa palatii parte coenabant, cum prorumpere vellent, ab iis qui in area adservabant, intra coenacula sua sine noxa sunt cohibiti. Ruvenus, e cella egressus in cubiculum Reginae, cum, viribus ad standum non sufficientibus, resedisset, ac bibere petiisset, Regina verbis, quæ recens dolor & ira amat, in eum ut perfidum & proditorem invecata, inter alia exprobravit, quod se stantem sedens alloqueretur. Ille excusat, nulla id superbia, sed virium infirmitate factum: ipsam vero hortatur: „Ut, in „regno gerendo, Nobilitatem, cujus interesset omnia salva esse, consulat, „potius quam nebulones vagos, qui nullum suæ fidei pignus dare possent: „quippe qui, nec in re, nec in fama, quicquam haberent, quod perderent. „Neque, quod in præsentia perpetratum est, rem esse novi exempli: Regum Scotorum legitimum esse imperium: nec unquam ad unius libidinem, „sed ad legum præscriptum, & Nobilitatis consensum, regi solitum. Si qui „Regum contra attentassent, graves suæ temeritatis poenas luisse: neque nunc „ita Scotos a majorum suorum institutis degenerasse, ut exteri hominis, quem „vix honeste servum essent habituri, non modo imperium, sed servitutem, „æquo animo perferrent.

LXIV. Hoc sermone cum Regina magis inflammaretur, illi discedunt, ne major aliquis tumultus oriretur, locis idoneis custodibus dispositis. Interea rumor tota urbe manat: alius alibi, & pro ficto aut vero, pro cuiusque ingenio, creditus. Ad arma concurritur, ac recta omnes ad Regiam pergunt. Ibi Rex, per fenestram multitudinem allocutus, „Se ac Reginam incolumes „esse,

finem indicis erat proscribendus. Secundo, ut Reginae famæ maculam alius inurerent. Ac tertio denique, ut hoc tumultu excitato impedirent quo minus prædia Ecclesiastica, sibi suisque antea concessa, Ordinum decreto (quod Regina tum destinabat) sibi adimerentur. Sunt etiam qui existimant, quibusdam horrendum consilium fuisse, ut Regina gravida hoc metu conterrita abortum faceret, unde ipsa forsitan una cum filio exstingueretur.

1. Qui in area adservabant] Adservare idem sere hic sonat quod observare, sive, ut Rob. Stephanus interpretatur, oculis aliquid custodire, animoque, in modum speculatoris, ne nos silentio, tacitoque prætereat. Sic Plaut. Merc. Adservabo hinc quid rerum gerat. Id. Menæch. Ita illa me ab lava rabiosa semina adservat canis. Terent. Heaut. Atqui nunc bene hic tibi adservandus est.

„esse, affirmat: nullam tumultuandi causam esse: quicquid actum est, suo „jussu actum: id quale sit, suo tempore scituros: in praesentia, domum suam „quisque abeat. Illi jussi discedunt, praeter paucos, qui ad vigilias agendas re-  
renti fuerant.

LXV. <sup>1</sup>Postridie mane, proceres ab Anglia reversi. Primum omnium, in praetorio urbis judicio se sistunt, ad dicendam causam parati: nam is dies ad id praestitutus erat. Ubi nemo ex adverso apparuit, publice testati, quod non per ipsos stetisset, quo minus legitimo judicio se committerent, in hospitia quisque sua discesserunt. Regina, fratre arcessito, & cum eo satis diu collocuta, spem fecit, se, post id, in procerum potestate futuram: ac laxiore custodia habita, multis, malo publico illam clementiam cessuram, ominantibus, veteres satellites recollegit: & noctu, per posticum egressa, cum Georgio Setonio, qui ducentos adduxerat equites, primum in ejus arcem, inde Dumbarum profecta est: Regemque, metu mortis injecto, ni obsequeretur, secum duxit. Ibi, collectis viribus, cum reversis nuper ab exilio se conciliatam simulans, impetum in Davidis percussores convertit. Illis vero temporcedentibus, velut rebus jam pacatis, ad pristinum ingenium rediit. Primum omnium, cadaver Davidis, quod ante fores templi propinqui sepultum erat, curavit de nocte transferendum, ac <sup>2</sup>in sepulchro proximi Regis & liberorum ejus collocandum. Et hoc factum, ut inter pauca improbum, sinistris sermonibus locum praebuit. „Quam enim ulteriorem adulterii confessio-  
nem exspectarent, quam ut illum terrae filium, nullis honestis studiis, „nulla in publicum opera impensa, insignem, patri ac fratribus, quo-  
„ad potuit, honore supremo aequaret, &, quod pene invidiosius erat, „hominem spurcum prope in Magdalenae Valesiae, paullo ante Regi-  
„nae, amplexus daret. Marito inter haec comminari, obliquis dictis alludere, operamque dare, ut omnem ei auctoritatem apud omnes detraheret, & quam-  
poterat contemtissimum redderet. His fere diebus, quaestio de caede Davidis acerbissime exercita fuit. Multi ex iis, qui conscii dicebantur, alii alio relegati: plures pecunia multati: nonnulli (sed fere infantes, atque adeo securi) supplicio affecti: nam principes factionis, alii in Anglia, alii in montanis Scotorum regionibus, delituerunt. Magistratus, & munerum publicorum procuraciones, omnibus, quos vel paullum attigerat suspicio, ademti, & eorum inimicis traditi: per praconem edictum (nec, in tanta moestitia publica, sine ri-  
(u)

<sup>1</sup> *Postridie mane*] Hinc, nec absurde quidem, a quibusdam colligi videtur, Moravium caedis Riziae conscium fuisse: secus enim non ausum postridie Edimburgum, ut judicio se sisteret, venire. Certe Huntillus & Argathelius publice testati sunt Moravium & Ledintonium sibi agnovisse, non alio consilio Rizium fuisse trucidatum, quam ut ipsius (Moravii) saluti consuleretur. Ejus rei instrumentum autographum sibi visum narrat Camdenus, pag.

117. nec ipse Moravius suo ad eos responso in *Biblioth. Cotton. Calig. C. 1.* rem diffinitur.

<sup>2</sup> *In sepulchro proximi Regis*] Hoc a solo, quod sciam, Buchananano traditum, mihi haudquaquam verisimile videtur. In eo certe loco (quem non semel ipse oculis lustravi) nulla nunc praeter Jacobi V. ac ejus liberorum, Magdalenae item Reginae, & Henrici Darlai corpora conspiciuntur.

<sup>1</sup> *Paul.*



fu) ne quis diceret, Regem aut participem, aut conscium Davidicæ cædis fuisse. Hac rerum perturbatione post Id. Apriles paullum sedata, Comitibus Argatheliæ ac Moraviæ in gratiam recepti. Ipsa, non multo post, appropinquante puerperii tempore, in arcem Edimburgensem accessit: atque, decimo nono die Junii, paullo post horam nonam æqui

[Paullo post horam nonam æquinoctialem] Multi, sed ii fere in antiquorum scriptis parum versati, sibi aliisque in hoc loco explicando negotium facessere solent, in scirpo, quod ajunt, nodum quærentes. In eorum igitur gratiam; rem alioquin satis facilem breviter enarrabo. Et primum quidem advertendum est dierum spatia in duplici esse differentia; Alius enim, *Dies naturalis* vulgo dictus, illud tempus complectitur, quo Sol supra Horizontem commoratur, cui Nox ex adverso respondens Solis itidem infra Horizontem mora circumscribitur. Alius vero, *Civilis* appellatus, illo temporis spatio definitur quo Sol ab uno cœli puncto ad idem punctum fixum convertitur, Græcis ideo *Noxtemipon* dictus, quod noctem quoque suo ambitu includat. Hujus autem initium varicæ variis gentibus est constitutum. Babylonii enim ab ortu Solis ad ortum, Umbri a meridie ad meridiem, Athenienses ac Judæi ab occasu Solis ad occasum, Romani denique, quos plerique in Europa populi hodie sequuntur, a media nocte ad mediam noctem, diem civilem deducebant. Vide hac de re Plinium lib. II. cap. 77. & Censorinum cap. 23. Binis hæc dierum generibus mensurandis bina itidem horarum genera sunt inventa. *Lux* enim, sive *dies naturalis*, in duodecim horas, nox item in totidem tribuebatur. *Dies autem civilis* (sive *noxtemipon*) in viginti quatuor horas erat divisus. Hæ, quod omnibus temporibus & locis eadem semper ac pari mensura defluerent, Latini HORÆ EQUALES, sive ÆQUINOCTIALES, Græcis *ἡμεραι*, quasi *æquidiales* dicas, appellabantur. Illæ vero, quod pro diversis terrarum plagis, variisque anni tempestatibus, impari temporis spatio constarent, horum INÆQUALES, *κατακαι*, sive *temporaria*, interdum & *Planeteria* dicebantur. Cum enim utrumque, & diei & no-

ctis spatium, in duodecim æquales partes dispelceretur, plane necesse erat æstivas horas lucis, maximas; noctis minimas fieri: e contrario perbreves hieme lucis horas, noctis longissimas. Rursus, cum *noxtemipon*, sive junctum diei noctisque spatium, æquali semper (frigidæ cœli plagas excipio) temporis mora definiretur, horas certe *æquinoctiales* illud dimetientes, pares sibi semper constare oportebat. Postremo & illud observandum est, quamvis horis hæc *æquinoctialibus* pleræque per Europam gentes nunc utamur, apud veteres tamen (uti ostendit Salmas. Plin. exercit. pag. 452, &c.) non nisi Astronomis, Astrologis & rei Gnomonicæ scriptoribus, aut re alioquin sic postulante, fuisse usurpatas. Prisci autem Judæi, Græci & Romani horis *inequalibus* diem vulgo metiebantur, unde & *vulgares* iisdem olim sunt dictæ. Hujus rei testes locupletissimi sunt ipsi sacrarum literarum scriptores, Joh. 11. 9. Matth. 20. 3, 5, 6. & alibi passim. E Romanis autem instar omnium sit Martialis lib. 4. Epig. 8.

*Prima salutes atque altera continet hora,*

*Exercet rancos tertia caussidicos.*

*In quintam varios extendit Roma labores,*

*Sexta quies lassos, septima finis erit.*

*Sufficit in nonam nitidis octava palastris,*

*Imperat extractos frangere nona toros.*

*Hora libellorum decima est, Enpheme, incorum,*

*Temperat ambrosias cum tuæ cura dapes.*

His utcumque explicatis, facili negotio eruitur, quodnam hic diei tempus per has voces [paullo post horam nonam æquinoctialem] Buchananus intelligi voluerit, idem scilicet quod nos paullo post horam nonam autem meridiana dicimus. Vocem autem *æquinoctialem* ideo adjecit, quod aliter, ex Latini sermonis genio, cujus, si quisquam alius, se ubique prodit observantissimum,



æquinoctialem, filium peperit, cui postea Jacobo Sexto nomen fuit.

horam diei *vulgarem* innuisset, i. e. quam nos fere *tertiam pomeridianam* numeramus; quam & nonnulli hic a Buchananano significari falso existimantes, in eum errorem, quem ille, voce [*æquinoctialem*] addita, fugiendum volebat, imprudentes sunt prolapsi. Noster autem hic Plinium præcipue imitatus videtur, qui libro 6. cap. 34. varium terrarum situm describens, quotque horas cujusque mundi circuli (nos climata vocamus) longissima diei noctisque spatia complecterentur, *æquinoctiales* semper appellat. Memorabilis autem in primis est lib. 2. cap. 97. locus, quique ea fere omnia quæ de horis superius diximus, confirmat. *Bis*, inquit, *inter duos exortus Luna* *offluunt* [æstus maris,] *bisque remeant*, *vicenis quaternisque semper boris*, — *paribus tamen intervallis reciproci*, *semisque semper boris*: *non cujusque diei aut noctis, aut loci, sed ÆQUINOCTIALIBUS*; ideoque *inaequales VULGARIIUM* horarum spatia, utcumque plures in eas aut diei aut noctis illarum mensura cadunt, & æquinoctio tantum pares ubique. Cæterum sententiam nostram, per se satis claram, extra omne dubium ponunt, duo Buchananano coevi scriptores, Jacobus Melvillius & Petrus Junius, quorum alter *Memor.* pag. 69.

se, inter horam decimam & undecimam matutinam de Regina partu nuncio accepto, altera post hora in iter Reginae iussu dedisse, eaque nocte Bervicum contendisse, ut Elizabetham Anglam ea de re certiorrem faceret. Alter vero *Not. Hist. ejus vite a Tho. Smitbo adjunctis*, Jacobum VI. diserte natum testatur *paullo ante horam decimam antemeridianam*. His fere consentit Pat. Andersonus *Hist. Scot. MS. Tom. III. fol. 48.* Spotisvodio autem error, librarii (ut credibile est) culpa irrepsisse videtur, qui pro *matutinis*, *vespertinis* horas memorat. Hæc fusius, quam necesse erat, sum prosecutus, ne quorundam, qui fluctus movere solent in simpulo, importuna diligentia defuisse videar. Quod si ii neque sic satis sibi factum existimabunt, adeant *Alex. ab Alex. lib. 4. cap. 10. Cal. Rhodig. lib. 12. cap. 9. Lil. Gyrard. de ann. & mens. Salmasi. Plin. Exerc. pag. 452, &c. Scalig. in Manilii Isag. lib. 3. pag. 255. Achil. Stat. Obsev. cap. 9. Selden. de jur. nat. cap. 21. lib. 3. pag. 432. Bevereg. Instit. Chronol. lib. 1. cap. 4. &c.* qui de horis hisce tam inæqualibus quam æquinoctialibus fusc & accurate disseruere.

## LIBER DECIMUS OCTAVUS.

I. **R**EGINA partu levata, etsi alios omnes satis comiter, ut in publica gratulatione, acciperet, tamen quoties Regem visendi causa adesse nunciabatur, & ipsa & comites vultum sermonemque ita componebant, ut nihil magis timere viderentur, quam, ne Rex non intelligeret, se fastidio, adventum conspectumque suum omnibus ingratum esse. Contra vero Bothuclius omnia unus poterat, unus negotiis omnibus præerat: adeoque Regina sui erga eum animi propensionem intelligi volebat, ut, si quid ab ea petendum foret, nemo quicquam, nisi per illum, impetraret: ac, velut vereretur, ne favor is obscurus esset,

[*Regina partu levata*] Hoc fere libro Buchananus ea complectitur, quæ acerbissima illa adversus Reginam Mariam

Investiva, cui DETECTIONI nomen dedit, antea perscripserat.

1 Quo

quodam die cum uno & altero comite summo mane ad Portum, quem Novum vocant, descendit, cunctisque insciis quo properaret, naviculam ibi præparatam conscendit. Ornauerant autem eam Gulielmus & Edmondus Blacateri, Eduardus Robertsonus, & Thomas Dicsonus, omnes Bothuelii clientes, & notæ rapacitatis piratæ. Hoc igitur comitatu latronum, cum summa omnium bonorum admiratione, se mari commisit, nemine ne ex honestioribus ministris assumpto. In Alloa vero, Comitissæ Mariæ arce, quo navis appulit, per aliquot dies ita se gessit, ut non modo Regiæ majestatis, sed matronalis etiam modestiæ, oblita videretur.

II. Rex, auditò Regiæ necopinato discessu, terra, quantum potuit, est consecutus; ea spe & consilio, ut una esset, & mutua conjugaliū officiorum communicatione frueretur. Sed, is, tanquam molestus voluptatum interpellator, vix paucis horis, dum ministri cibo & quiete reficerentur, datis, redire unde venerat jubetur. Regina, post paucos dies, ubi Edimburgum rediit, turbam, ut videbatur, vitans, non in suum palatium, sed in propinquam privati hominis domum, in eā vicinia, divertit. Illinc in aliam transit, ubi conventus annuus, quem Scaccarium vocant, tum habebatur, non tam (ut creditur) ædium laxitate, & hortorum, qui juxta erant, amœnitate, invitata, quam quod in propinquo diversabatur David Camerius, Bothuelii cliens, cujus posticum erat hortus Regiæ vicinum, qua Bothuelius, quoties lubitum esset, commearet. Interea Rex, cum nullum gratiæ locum apud uxorem obtineret, injuriis & jurgiis ablegatur: ac sæpius tentato Regiæ animo, cum nulla observantia, nullis officiis assequi posset, ut ad pristinam consuetudinem admitteretur, Sterlinum, velut in solitudinem, secessit. Regina, paucos post dies, statuit Jedburgum proficisci, ad conventus habendos.

III. Circiter initium Octobris, Bothuelius expeditionem in Lidaliā adornat. In ea cum neque pro loco quem tenebat, neque familiæ suæ dignitate, neque hominum expectatione, se gereret, a latrunculo ignobili, quem, captum & nihil metuentem, sphaerula plumbea pene confecerat, vulneratus, in Eremitagium arcem, incerta vitæ spe, delatus est. Id ubi Regiæ ad Borthuicum est nuntiatum, aspera jam tum hieme, primum Mulroshiam, deinde Jedburgum pervolat. Eo, etsi certi de Bothuelii vita rumores perferrentur, impatiens tamen moræ animus sibi temperare non potuit, quin alieno anni tempore, spretis viarum difficultatibus, & latronum insidiis, se in iter conjiceret, cum eo comitatur, cui nemo paullo honestior, vel mediocris conditionis homo, suam vitam & fortunas committere auderet. Inde Jedburgum iterum reversa, summo studio & diligentia omnia ad Bothuelium eo transferendum comparat. Quo cum venisset, eorum convictus & consuetudo parum ex utrius-

1 Quo navis appulit] Ita accurate emendat Crafordius: libris tamen omnibus [qua] scribitur.

2 Circiter initium Octobris] Melvillius tamen pag. 77. hanc Bothuelii expeditionem posteriorem facit Principis baptismi,

qui celebratus est mense Decembri: at recte se habere Buchanani computationem ostendit mox memoranda Huntly & Argathelii declaratio, qua adversam illam Regiæ ad Jedburgum valetudinem Principis baptismum præcessisse obiter testantur.

æquinoctialem, filium peperit, cui postea Jacobo Sexto nomen fuit.

horam diei *vulgarem* innuisset, i. e. quam nos fere *tertiam pomeridianam* numeramus; quam & nonnulli hic a Buchanano significari falso existimantes, in eum errorem, quem ille, voce [*æquinoctialem*] addita, fugiendum volebat, imprudentes sunt prolapsi. Noster autem hic Plinium præcipue imitatus videtur, qui libro 6. cap. 34. varium terrarum situm describens, quotque horas cujusque mundi circuli (nos climata vocamus) longissima diei noctisque spatia complecterentur, *æquinoctiales* semper appellat. Memorabilis autem in primis est lib. 2. cap. 97. locus, quique ea fere omnia quæ de horis superius diximus, confirmat. *Bis*, inquit, *inter duos exortus Lunæ* *offluunt* [æstus maris,] *bisque remeant*, *vicenis quaternisque semper boris*, — *paribus tamen intervallis reciproci*, *semisque semper boris*: *non cujusque diei aut noctis, aut loci, sed ÆQUINOCTIALIBUS*; ideoque *inequales VULGARIIUM* horarum spatia, *utcumque plures in eas aut diei aut noctis illarum mensuræ cadunt*, & *æquinoctio tantum pares ubique*. Cæterum sententiam nostram, per se satis claram, extra omne dubium ponunt, duo Buchanano cœvi scriptores, Jacobus Melvillius & Petrus Junius, quorum alter *Memor.* pag. 69.

se, inter horam decimam & undecimam matutinam de Reginæ partu nuncio accepto, altera post hora in iter Reginæ iussu dedisse, eaque nocte Bervicum contendisse, ut Elizabetham Anglam ea de re certiorrem faceret. Alter vero *Not. Hist. ejus vite a Tho. Smitho adjunctis*, Jacobum VI. diserte natum testatur *paullo ante horam decimam antemeridianam*. His fere consentit Pat. Andersonus *Hist. Scot. MS. Tom. III. fol. 48.* Sporivodio autem error, librarii (ut credibile est) culpa irrepsisse videtur, qui pro *matutinis*, *vespertinis* horas memorat. Hæc fusius, quam necesse erat, sum prosecutus, ne quorundam, qui fluctus movere solent in simpulo, importunæ diligentix defuisse videar. Quod si ii neque sic satis sibi factum existimabunt, adeant *Alex. ab Alex. lib. 4. cap. 10. Cal. Rhodig. lib. 12. cap. 9. Lil. Gyrard. de ann. & mens. Salmasi. Plin. Exerc. pag. 452, &c. Scalig. in Manilii Isag. lib. 3. pag. 255. Achil. Stat. Observ. cap. 9. Seldem. de jur. nat. cap. 21. lib. 3. pag. 432. Bevereg. Instit. Chronol. lib. 1. cap. 4. &c.* qui de horis hæc tam inæqualibus quam æquinoctialibus fusc & accurate disseruere.

## LIBER DECIMUS OCTAVUS.

I. **R**EGINA partu levata, etsi alios omnes satis comiter, ut in publica gratulatione, acciperet, tamen quoties Regem visendi causa adesse nunciabatur, & ipsa & comites vultum sermonemque ita componebant, ut nihil magis timere viderentur, quam, ne Rex non intelligeret, se fastidio, adventum conspectumque suum omnibus ingratum esse. Contra vero Bothuclius omnia unus poterat, unus negotiis omnibus præerat: adeoque Regina sui erga eum animi propensionem intelligi volebat, ut, si quid ab ea petendum foret, nemo quicquam, nisi per illum, impetraret: ac, velut vereretur, ne favor is obscurus cset,

[*Regina partu levata*] Hoc fere libro Buchanani ea complectitur, quæ acerbissima illa adversus Reginam Mariam

quoque Invektiva, cui DETECTIONI nomen dedit, antea perscripserat.

1 Quo

quodam die cum uno & altero comite summo mane ad Portum, quem Novum vocant, descendit, cunctisque insciis quo properaret, naviculam ibi præparatam conscendit. Ornaverant autem eam Gulielmus & Edmondus Blacateri, Eduardus Robertsonus, & Thomas Dicksonus, omnes Bothuelii clientes, & notæ rapacitatis piratæ. Hoc igitur comitatu latronum, cum summa omnium bonorum admiratione, se mari commisit, nemine ne ex honestioribus ministris assumpto. In Alloa vero, Comitum Maritæ arce, quo navis appulit, per aliquot dies ita se gessit, ut non modo Regiæ majestatis, sed matronalis etiam modestiæ, oblita videretur.

II. Rex, auditò Reginæ necopinato discessu, terra, quantum potuit, est consecutus, ea spe & consilio, ut una esset, & mutua conjugalium officiorum communicatione frueretur. Sed, is, tanquam molestus voluptatum interpellator, vix paucis horis, dum ministri cibo & quiete reficerentur, datis, redire unde venerat jubetur. Regina, post paucos dies, ubi Edimburgum rediit, turbam, ut videbatur, vitans, non in suum palatium, sed in propinquam privati hominis domum, in ea vicinia, divertit. Illinc in aliam transit, ubi conventus annuus, quem Scaccarium vocant, tum habebatur, non tam (ut creditur) ædium laxitate, & hortorum, qui juxta erant, amœnitate, invitata, quam quod in propinquo diversabatur David Camerius, Bothuelii cliens, cujus posticum erat hortus Reginæ vicinum, qua Bothuelius, quoties lubitum esset, commicaret. Interea Rex, cum nullum gratiæ locum apud uxorem obtineret, injuriis & jurgiis ablegatur: ac sæpius tentato Reginæ animo, cum nulla observantia, nullis officiis assequi posset, ut ad pristinam consuetudinem admitteretur, Sterlinum, velut in solitudinem, secessit. Regina, paucos post dies, statuit Jedburgum proficisci, ad conventus habendos.

III. Circiter initium Octobris, Bothuelius expeditionem in Lidaliam adornat. In ea cum neque pro loco quem tenebat, neque familiæ suæ dignitate, neque hominum expectatione, se gereret, a latrunculo ignobili, quem, captum & nihil metuentem, sphaerula plumbea pene confecerat, vulneratus, in Eremitagium arcem, incerta vitæ spe, delatus est. Id ubi Reginæ ad Borthuicum est nunciatum, aspera jam tum hieme, primum Mulrossiam, deinde Jedburgum pervolat. Eo, etsi certi de Bothuelii vita rumores perferrentur, impatiens tamen moræ animus sibi temperare non potuit, quin alieno anni tempore, spretis viarum difficultatibus, & latronum insidiis, se in iter conjiceret, cum eo comitatur, cui nemo paullo honestior, vel mediocris conditionis homo, suam vitam & fortunas committere auderet. Inde Jedburgum iterum reversa, summo studio & diligentia omnia ad Bothuelium eo transferendum comparat. Quo cum venisset, eorum convictus & consuetudo parum ex utrius-

1 Quo navis appulit] Ita accurate emendat Crafordius: libristamen omnibus [qua] scribitur.

2 Circiter initium Octobris] Melvillius tamen pag. 77. hanc Bothuelii expeditionem posteriorem facit Principis baptismo,

qui celebratus est mense Decembri: at recte se habere Buchanani computationem ostendit mox memoranda Huntly & Argathelii declaratio, qua adversam illam Reginæ ad Jedburgum valetudinem Principis baptismum præcessisse obiter testantur.



utriusque dignitate fuit. Ibi, sive ob diurnos nocturnosque labores, sive occulta quadam numinis providentia, in morbum adeo sævum & exitiabilem incidit, ut prope nulla spes de vita ejus cuiquam superesset.

IV. Rex, ubi id rescivit, in maximis itineribus Jedburgum contendit: simul ut Reginam inviseret, & quibus posset officiis, suum animum & studium gratificandi testaretur: simul ut (quod in periculis gravissimis fieri solet) præteritorum poenitentia mentem subeunte, ad sanctioris vitæ propositum inflesteret. Illa contra, non modo nullum placati animi indicium præ se tulit: sed curavit, ne quis venienti assurgeret, salutaret, hospitio ei cederet, vel ad se venientem in unam saltem noctem susciperet. Verum, cum ei suspectum esset Moravii ingenium come & humanum, egit cum uxore ejus, ut prope domum iret, morbumque simularet, ac statim decumberet, ut saltem hoc prætextu, per exculationem adversæ valetudinis, Rex illinc excluderetur: ac in eo erat, ut hospitii penuria discedere cogeretur, nisi quidam ex Humiorum familia, pudore impulsus, repentinam discedendi causam finxisset, ac suum hospitium Regi vacuum reliquisset. Postridie mane jussus inde Sterlinum rediit: qui reditus eo visus est omnibus indignior, quod, eodem prope tempore, Bothuelius ex ædibus, ubi ante diverfabatur, per ora vulgi in diversorium Reginæ delatus est: & cum neuter adhuc satis firmus, illa e morbo, ille e vulnere, foret, primum Calsonem inde Coldingamiam, mox ad Cragmillarium (ea arx ad duo millia ab Edimburgo abest) transeunt, rumorum, qui toto illo itinere spargebantur, securi: cum interea Regina, in omni sermone, palam profiteretur, „<sup>1</sup> Sibi nullam in posterum vitam fore, nisi a Rege solveretur: ac, si alia ratione non posset, se sibi manum illaturam. Inter hæc, sæpe mentionem de divortio injiciebat, neque difficile affirmabat id futurum, sublato e medio diplomate Pontificis Romani, quo venia eis matrimonii, adversus leges Papanas contracti, facta fuerat. Sed, cum hanc rem non perinde atque expectaverat processuram videret, (multis enim e Nobilitate præsentibus hæc agebantur) cæteris omissis, <sup>2</sup> ad eandem Regis animum conver-

V. <sup>3</sup> Paulo ante brumam, cum Legati e Gallia & Anglia advenissent, ut in Principe baptizando testes adessent, Regina, non modo pecunia, sed opera etiam & industria, contendit, ut Bothuelius inter cives & hospites, singu-

lari

<sup>1</sup> Sibi nullam in posterum vitam fore] Contrario plane modo rem narrant Huntilus & Argathelius; procerum Scotorum facile principes, celebri illa Protectione ad Elizabetham Anglam anno 1568 missa, quoniam videtur apud Camdenum pag. 117. & Bibl. Cotton. Calig. C. 1.

<sup>2</sup> Ad eandem Regis] Imo vero prædicti proceres sanctissime testantur, cum Ledintonius se aliosque secum proceres rationem sponderet inituros, qua Reginæ cum Dairao divortium conficeret, Reginam

omnes obtestatam, ne quid facerent quod honori suo vel conscientia aliquam maculam incurrere posset.

<sup>3</sup> Paulo ante brumam] Bruma hic non pro hieme accipitur, quod utrumque Buchanani interpretem Anglicum fecerit, sed pro eo quod solstitium hibernum appellamus (Vide supra ad XV. 31.) Legati enim incunte Decembri (ut ipse Buchan. Detest. pag. 4. testatur,) i. e. coepta jam hieme, advenerunt: Princeps vero baptizatus est 15 ejusdem mensis. Spotiswood.

<sup>1</sup> Pro-

lari cultus magnificentia conspiceretur: cum interea legitimus ejus maritus, in filii sacro lustrico, non modo subsidio ad sumtus necessarios destitueretur, sed in conspectum Legatorum<sup>1</sup> prodire vetaretur: ministris, qui ad usus quotidianos ei attributi erant, detractis, Nobilitate autem observare prohibita. Sed Nobilitas, & hoc & superioribus temporibus, quanto Reginæ animum implacabiliorem erga maritum videbant, tanto magis ad misericordiam flectebantur, cum hominem, adolescentem & innoxium, tot contumeliis petiturum, omnia ferre non modo patienter, sed etiam omnia injustæ iræ piacula experiri, viderent, ut, pene servilem in modum, humiliter aliquem gratiæ locum apud eam teneret. De cultu vero corporis, color impudens & plane falsus est quaesitus, rejecta in aurifices, phrygiones, cæteroque id genus opifices, culpa, quam penes ipsam omnes esse sciebant: cum contra, Bothuelio exornando, pleraque sua manu elaboraret. Legati etiam exteri moniti, ne cum eo colloquerentur: cum interea majorem dici partem omnes in eadem arce transigaret.

VI. Homo adolescens, ita inhumaniter habitus, cum se univerforum contemptui expositum, æmulum, sibi ante oculos adductum, ab omnibus colideret, ad patrem, qui Glasguz erat, (ut quidam putant, arcessitus) secedere decrevit. Discedentem Regina solito prosequitur odio. Vasa argentea, quibus a nuptiis ad eum diem usus erat, universa simul aufert, ac stannea supponit: veneno etiam ante discessum dato, tanquam scelere magis occulto, si absens ab aula moreretur. Sed malum opinione eorum, qui dederant fuit præsentius. Nam, antequam mille passus a Sterlino abesset, adeo vehemens dolor simul omnes corporis partes invasit, ut eum facile appareret, non casu, sed fraude humana, morbum advenisse. Ut vero Glasguam venit, manifestius vis mali se prodidit: <sup>2</sup>liventes etiam pustulæ, tanto cum dolore & totius corporis vexatione, eruperunt, ut exigua spe vitæ spiritum duceret. Jacobus Abrenethius, homo summa fide & industria, & magno usu medendi præditus, de genere morbi rogatus, statim venenum datum ei respondit. Arcessitus fuerat & Reginæ medicus domesticus, sed eum ipsa ire vetuit: simul verita, ne ejus opera ægrotus mortem evaderet; simul, ne a pluribus veneni indicia deprehenderentur.

VII. Cærimoniis baptismi peractis, & paullatim turba dilabente, Regina, solitudinem querens, cum Bothuelio prope uno, apud Drumondum & Tilibardinum, nobilium domos, aliquot diebus transactis, circa Januarii initium Sterlinum rediit. Et cum quotidie se Glasguam ituram ostenderet, ac nuncium de morte Regis exspectaret, in ejus rei incertum eventum, filium in sua potestate habere decrevit. Id consilium quo minus suspectum haberetur, causari coepit ædes, in quibus puer educabatur, incommodas, quod in locis humidis & præfrigidis periculum ei a pituita esset. Sed facile apparebat,

alia

<sup>1</sup> *Prodire vetaretur*] Alii vero scribunt ipsum filii sacro lustrico interesse noluisse, quod legato Anglo a sua Regina interdictum intelligeret, ne se Regio nomine aut

honore impertiretur.

<sup>2</sup> *Liventes etiam pustulæ*] An forte, *liventes enim pustulae*?

alia de causâ alioque animo hæc fieri, cum & vitia, quæ vitabantur mutatione loci, longe majora in illis, quo ducebatur, ædibus essent, ut in solo humido & palustri sitis, & a Sole montis objectu averfis. Puer igitur, vix septimum ætatis ingressus mensem, asperriima hieme Edimburgum ducitur. Ibi cum rescitum esset, Regem convalescere, ac vim veneni ætatis vigore & corporis firmitate naturali superatam, novum de eo tollendo consilium initur: aliquot etiam e Nobilitate in conscientiam sceleris asciti.

VIII. Cum interea ad Reginam delatum esset, Regem de fuga in Galliam, aut Hispaniam cogitare, eaque de re cum Anglis, qui navem in æstuario Glottæ stantem habebant, collocutum: alii occasionem commodè oblatam censerent, ut Regina eum arcefferet, ac, si venire abnuat, palam ferro trucidaretur. Nec deerant, qui operam suam pollicerentur. Alii, occulte facinus exsequi consulunt: omnes, festinandum, antequam plane convalesceret. Regina, secunda de filio, ut maritum quoque haberet in potestate, quanquam incerto adhuc de genere cordis consilio, ipsa Glasguam proficisci decrevit: superiorum mensium suspicionibus, per frequentes & amicissime scriptas literas (ut ipsa rebatur) satis perpuratis. Sed facta literis fidem detrahebant: nam ejus itineris prope solos comites Hamiltonios, aliosque Regis paternos inimicos, habebat. Quæ in rem interea essent, Bothuelio curanda Edimburgi committit: is enim locus, & ad patrandum, & occultandum scelus, maxime visus est idoneus: quippe ubi, in magno conventu Nobilitatis, in alium transferri, aut in multos spargi, suspicio cordis posset. Cum Regina omnia, quæ odio dissimulando essent, tentasset, objurgationibus, querimoniis, lamentationibus multis ultro citroque peractis, ægre tamen animi placari fidem fecit.

IX. Rex, nondum e morbo satis validus, lætica Edimburgum, ad locum per Bothuelium (qui absente Regina id munus susceperat) sceleri destinatum, deducitur. Erat autem is locus ædes per aliquot annos desertæ, murisque urbis conjunctæ, in vasta solitudine, inter duorum templorum ruinas, unde neque clamor aut strepitus exaudiri posset. Eo cum paucis ministris intrusus est. Major pars, quos Regina non ministros, sed omnium dictorum ac factorum observatores, addiderat, discesserant, gnari videlicet periculi imminentis: neque, qui remanserant, ab hospitii paratoribus claves ostiorum extorquere poterant. Regina autem unum id maxime omnium agebat, ut omnes a se suspensiones segregaret, adeoque ea simulatio ei processit, ut Rex, de animo ejus erga se jam plane benevolo securus, literas ad patrem, qui Glasguæ ager subsisterat, bonæ spei ac fiduciæ plenas, scriberet, commemoratis Reginæ erga se officiis, ac simplicis & sinceri amoris indicis: ac sane asseveranter rerum in melius mutationem sibi spondebat. Hæc scribenti derepente Regina intervenit, ac, literis perlectis, crebro eum amplexa ac deosculata, sibi supra modum gratum esse ostendit, „Quod jam perspicue intelligeret, nullam in ejus animo nubeculam suspicionis subsedisse.

X. Hic cum omnia tranquilla viderentur, subiit illa altera cura, ut totum, si qua posset, crimen in alios derivaretur. Itaque fratrem suum Moravium

arcessit, qui, accepta nuper venia, ad Fanum Andreae profecturus erat, ut uxorem inviseret, quæ in summo vitæ discrimine versari nunciabatur: nam & parturiebat, & exanthemata (quæ vocant) per totum corpus cum vehemēti febre eruperant. Causam fratris retinendi videri volebat, ut Legatum Ducis Sabaudia, qui ad baptismum Principis justo serius venerat, se honorifice velle dimittere simularet: quæ cum parum justa videretur, cur ab officio pio & necessario avocaretur, tamen paruit. Regina interea quotidie Regem invisebat: cum cum Bothuelio, quem extra suspicionem esse volebat, reconciliat: liberaliter in posterum de sua in eum voluntate promittit. Quæ officiorum simulatio cum omnibus vehementer esset suspecta, nemo tamen Regem de suo periculo admonere audebat: quippe qui omnia, quæ aliunde accipiebat, quo magis in gratiam Reginae se insinuaret, ei revelare soleret. Unus inventus est Robertus, Reginae frater, qui, sive facinoris atrocitate, sive adolescentis misericordia, motus, uxoris insidias ad eum deferre est ausus: sed ea lege, ut rem apud se tacitam contineret, ac suæ incolumitati, quam posset commodissime, consuleret. Id Rex cum, pro sua consuetudine, Reginae indicasset, Robertusque advocatus rem constanter negaret, alterque alterum mendacii argueret, & uterque ad arma manum admovisset, Regina, hoc spectaculo læta, quod, sine suo labore & molestia, suorum consiliorum exitum in propinquo videret, alterum fratrem Jacobum advocat, velut ad litem dirimendam: re vera, ut ipse quoque per occasionem tolli posset: nemo enim earum rerum aderat arbiter, præter unum Bothuelium, qui inferiorem potius in eo certamine conficeret, quam dissentientes distineret: quod adeo verbis testatus est, cum diceret; „Nihil esse, cur Jacobus tantopere properaret, ut homines non ita pugnandi cupidos dirimeret.

XI. Hoc motu utrinque sedato, Regina & Bothuelius, toti in credis consilium intenti, dant operam, ut res quam occultissime transigatur. Regina, ut mariti amorem, & veterum offensionum oblivionem, simularet, lectum suum, in cubiculum quod infra Regem erat, e palatio portari jubet: ibi ipsa aliquot noctes, extracto in longum colloquio, conquievit. Interea non cessat omnia comminisci, ut, facinore peracto, infamia in Jacobum fratrem suum & Mortonii Comitem derivaretur. His enim, quos ob virtutem & auctoritatem plurimum timebat & oderat, de medio sublatis, cætera omnia prone fore pollicebantur. Eodem etiam incitabant literæ Pontificis Romani & Caroli Cardinalis Lotharingi. Nam, superiore æstate, cum a Pontifice peravunculum pecuniam petiisset, ad statum religionis in Britannia turbandum: & Pontifex quidem occultius, Cardinalis aperte, ad eadem hortabatur eorum, per quos maxime stabat, ne Papismus revocaretur, eosque nominatim edebat, & præcipue, quos dixi, Comites; quibus extinctis, magnam pecuniæ vim ad bellum gerendum promittebat. Harum rerum rumusculos Regina ad proceres permanasse credebat: itaque ipsa literas eis ostendit, ita se apud eos purgatam ab omni alieni animi suspitione rata. Sed hæc consilia, tam subtiliter,

ut

1 Et Pontifex] Et hic redundare viderur.  
Tom. I.



ut videbatur, inita, nonnihil perturbabant nuncii frequentes a Moravii uxore; eam afferentes abortum fecisse, ac in exigua spe vitæ animam agere. Hæc cum ei, die Dominico, ad sacram concionem eunti, nunciata fuissent, isque ad Reginam reversus, ab ea veniam abeundi petiisset, illa magnopere contenebat; „Unum certe diem, certiorum nuncium exspectaret: cum neque, „si properaret, ejus adventus, quicquam profuturus esset: sin remitteret „morbus, etiam postredie satis in tempore sit venturus. <sup>1</sup> Ille tamen obstinato „animo iter cepit.

XII. Regina, quæ in eam noctem eadem destinasset, adeo soluto animo videri voluit, ut nuptias Sebastiani cujusdam e cantoribus suis eo die in palatio celebraret: eoque velut per ludum & lætitiā transacto vespere, cum satis magno comitatu ad maritum visendum ierit. Ibi, cum hilarius solito per aliquot horas collocuta esset, sæpe cum deosculata, anulum etiam tradidit. Post discessum Reginae, cum Rex, inter paucos qui aderant ministros, illius dici dicta factaque retractaret, inter alios sermones, ad bene sperandum ejus animum erigentes, paucorum verborum recordatio lætitiā nonnihil turbavit: sive enim, spe admota sceleris perpetrandi, impotens animus gaudium continere non potuit, sive vox temere excidit, injecta est ab ea mentio, Davidem Rizium, superiore anno, circa id ipsum tempus interfectum fuisse. Hæc importuna cædis recordatio cum nulli satis placeret, tamen, quia multum noctis processerat, & proximum mane ludis & lætitiæ destinarent, celeriter cubitum concesserunt.

XIII. Interea, in cubiculo inferiore pulvis sulfureus ad evertendas ædes collocatur. Cætera quidem circumspecte & callide provisæ videbantur: in re tamen levi, non levia vestigia, ad scelus deprehendendum, relinquebantur. Lecto enim, in quo Regina noctes aliquot cubitaverat, inde ablato, viliorum in ejus locum substituerunt, in tanta famæ prodigalitate, exiguae pecuniæ parci. Inter hæc Paris Gallus, unus e sceleris ministris; Regis ingressus cubiculum, ita constitit tacitus, ut ipse a Regina conspici posset: id enim signum convenerat, omnia jam parata esse. Illa, tanquam, viso Paride, nuptiarum Sebastiani recordatio animum subisset, se negligentiae coarguit, „Quod „ea nocte (ut convenerat) personata non saltasset, ac nuptam de more in lecto „non collocasset; „cum dicto consurgit, ac domum abit. Reversa in palatium, satis diu cum Bothuelio colloquitur. Is tandem dimissus, cum in cubiculum venisset, mutavit vestem, & militari chlamyde amictus, per custodias, paucis comitatus, in oppidum rediit. Duæ aliæ consciorum turmae diversis itineribus cum ad locum destinatum venissent, pauci cubiculum Regium, cujus claves penes ipsos erant, (ut ante dictum est) ingrediuntur, ipsum, alto somno solutum, invadunt, ac faucibus compressis, famulum item unum, qui juxta lectulum accubabat, strangulant: strangulatos per portulam, quam

in

<sup>1</sup> Ille tamen obstinato animo] Id alii scriptores ab eo factum interpretantur, ut fa-

omnem a se suspicionem longius remove-

sinoris, cujus conscientia ipse tenebatur,

<sup>2</sup> Con-

In hunc usum in muris urbis ædificaverant, efferunt in hortulum propinquum: deinde, ignem sulfureum admoventes, domum a fundamentis convellunt, tanto cum fragore, ut ædes aliquot vicinæ quaterentur, & in longinquioribus urbis partibus, qui somno gravissimo erant oppressi, velut attoniti expergiscerentur. Quo facinore peracto, Bothuclius alia quam venerat, per muri urbis ruinas dimissus, in palatium per custodias rediit.

XIV. Hic, per aliquot dies, rumor satis constans de cæde Regis fuit. Regina, quæ vigilans ad id noctis eventum rei præstolabatur, convocatis qui ex Nobilitate in palatio erant, & in iis Bothuclio, ex eorum sententia, velut ignara omnium quæ acta essent, misit, qui causam tumultus cognoscerent. Eunt qui facinus inspicerent. Rex linteo tantum indusio amictus superiorem corporis partem, cætera nudus jacebat: juxta eum reliqua vestis, atque etiam solæ. Ad eum cum vulgus factus esset concursus, aliudque aliis conjiceret, nemo tamen omnium (quod Bothuclius maxime cupiebat) in animum inducere potuit, cum violentia pulveris, tecto effracto, fuisse ejectum: præsertim, cum e toto corpore nihil (quod in tanta ruina erat necesse) fractum, contusum, aut lividum appareret, vestisque juxta, non modo flammis non afflata, aut pulvere conspersa, jaceret, ut non vi aut casu illuc illata, sed manu composita, videretur. Bothuclius, domum reversus, cum, velut admirandus, cum nuncium ad Reginam attulisset, ea cubitum concessit, atque in multum usque diem altissimo somno in summa securitate conquievit.

XV. Rumores interea sparguntur a parricidis, Regem a consilio Comitum Moraviæ & Mortonii esse interfectum, ac in proxima Angliæ ante lucem perferuntur: tacitis tamen omnium cogitationibus Regina facinoris auctor designatur. Nec Episcopus Fani Andrea a rumoribus fuit intactus. Multæ ad eam cogitationem conjecturæ impellebant: nobiles & crudeliter exercitæ inimicitie inter familias: nec Episcopus, unquam Reginæ satis reconciliatus, antequam id scelus animo concepisset, & nuper eam Glasciam comitatus, omnium ultimorum consiliorum particeps fuerat. Auxit hominum suspensionem, quod tum in ædes fratris Comitum Aranii divertisset, ei domui propinquas, in qua Rex occisus erat, cum semper antea in celebri urbis loco habitaret, ubi commode, & salutationibus celebrari, & epulis popularem gratiam colligere, posset: item, quod, e superioribus urbis locis, lumen & pervigiliæ in ejus ædibus tota nocte conspiciebantur, ac tum demum, ubi ruinæ propinquæ fragor insonuit, lumina sunt extincta: & clientes, qui frequentes armati vigilaverant, vetiti egredi. Vera autem rei gestæ historia, quæ post complures menses erupit, effecit, ut horum pleraque, quæ tum pluribus suspiciosa videbantur, postea, re patefacta, pro certissimis haberentur indiciis.

XVI. Seelere perpetrato, nuncii statim in Angliam dimissi, qui divulgarent,

1 Consilio Comitum Moraviæ & Mortonii] Mortomius certe diu postea cædis Darlzanæ conscientia convictus, capite luit: Ad Moravium vero quod attinet, Huntiaz & Argathelius, prædicta sua de-

claratione, Elizabethæ Angliæ tanquam rem sibi persuasissimam detulerunt, Moravium & Ledintonium fuisse auctores, machinatores & sanctores hujus regicidii & quicunque fuerint regicide.

L l l l 2

1 Das

rent, Regem Scotorum a suis crudeliter fuisse trucidatum, opera maxime & consilio Comitum Moraviae & Mortonii. Is rumor statim in aulam delatus, adeo animos omnium in odium totius gentis inflammavit, ut, per aliquot dies, nemo Scotici generis, sine summo vitae periculo, in publicum prodire auderat: ac vix multorum literis ultro citroque missis demum mitigari potuerit, clandestinis consiliis jam in lucem prodeuntibus. Regis cadaver, cum diu spectaculo fuisset, continuusque vulgi concursus eo fieret, Regina curat, ut super scamnum inversum extentum, per bajulos in palatium deferretur. Ibi & ipsa corpus, omnium illius aetatis formosissimum, avide spectavit, nullo in alterutram partem indicio animi secreta prodente. Proceres quidem, qui aderant, funus ei amplum & honorificum decernunt. Sed illa, per bajulos de nocte, sine ullo funeris honore, sepeliendum curat, & (quod indignitatem vehementius auxit) prope Davidis Rizii sepulchrum, ac si hominis foedissimi manibus mariti morte parentaret.

XVII. Duo, quæ tum acciderunt, ostenta, operæ pretium duxi hic exponere: quorum alterum cædem paullo antecessit. Jacobus Londinus, homo Fisanus, honesto loco natus, cum febris diu laborasset, pridie quam Rex occideretur, circa meridiem, in lecto se paulum erexit, ac, velut attonitus, magna voce obtestatus est præsentibus; „Ut Regi opem ferrent: jam enim „parricidas eum invadere. „Deinde, paullo post, cum flebili questu exclamavit; „Frustra opem feretis; jam trucidatus est. „Nec ipse diu post eam vocem supervixit. Alterum cum cæde ipsa conjunctum fuit. Tres e familiaribus Comitis Atholiae, Regis propinqui, homines & virtute & genere minime obscuri, non procul a Regis hospitio divertebant: iis circiter mediam noctem dormientibus, ad Dugallum Stuartum, qui proxime parietem accubabat, quidam visus est accedere, ac manu leviter per barbam malamque dicta, eum excitare, dicens, „Surgite, vim vobis afferunt. Is expectatus repente, cum visum secum revolveret, alius confestim ex alio lecto exclamat; „Quis „me calcat? Et, cum Dugallus respondisset; „Felem esse fortasse, qui (ut fit) noctu oberraret: tum tertius, qui nondum expectatus fuerat, statim e lecto se cohjecit in pedes, rogitans; „Quis colaphum sibi incussisset: „& cum dicto, per ostium visus est quispiam egredi, nec, sine strepitu. Interea, dum illa visa & audita inter se conferunt, domus Regiæ cadentis fragor auditus omnes consternavit.

XVIII. Facinore perpetrato, varie, prout quisque Regem oderat, aut amabat, afficiebantur. Omnes boni uno consensu scelus nefarium abominabantur. Verum longe molestissime rem ferebat (cum ob alia, tum quia princeps nuptiarum concilia-

1 Dno, quæ tum acciderunt, ostenta] Reverendissimus Carleolensium Episcopus Bibl. Histor. Scor. Buchananum, nec prorsus injuria, reprehendit, quod qui ostenta a veteribus recensita pro deridiculo fere habeat, hisce tam leviter fidem adjungat. Buchanano etiam nimiam hac

in parte credulitatem objicit Cl. Clericus. 2 Molestissime ferebat (cum ob alia, tum quia princeps nuptiarum conciliator fuerat) Joannes Stuartus Atholiae Comes] Ita distinguendam sententiam & res ipsa & Crasfordius monent, contra quam libris omnibus exhibetur.

1 Admo-



eiliator fuerat) Joannes Stuartus Atholiz Comes. Proxima quæ eadem secuta est nocte, armati, ut in re trepida, cum circa palatium excubias agerent, ad exteriorē parietem cubiculi, in quo Atholius agebat, sonitus, veluti leviter fundamenta demolientium, est auditus. Excitata strepitu familia, eam noctem insomnem egit. Postridie Comes in oppidum emigravit, ac paullo post, vitam metuens, domum discessit. Comes Moraviæ, cum e Fano Andræ in aulam redisset, nec ipse extra periculum fuit: nam & armati noctu circa ædes ejus obverfabantur: sed cum, ob adversam ejus valetudinem, totas noctes domestici ejus vigilarent, sicarii nihil attentare clam poterant, nec palam audebant. Tandem Bothuilius (qui illa se molestia liberatum vellet) ipse sua manu facinus fœdum peragere decrevit. Igitur, nocte concubia, suos de valetudine Moravii interrogat. Cum responsum esset, „Eum vehementer articulari dolore cruciari: Quid si eum invisamus, „inquit: & cum dicto surgens, ad ejus ædes properabat. Inter eundem, admonitus a suis, cum ad Robertum fratrem, ut extra strepitum palatii & liberius & commodius ageret, migrasse; stetit paullum tacitus, ac dolens tantam occasionem amissam, domum rediit.

XIX. Regina, inter hæc, domi vultum componebat, & simulatione luctus populum sibi placatiorem reddere meditabatur. Sed ea res ei, æque ac reliqua conspiratio, improspere cessit. <sup>1</sup>Nam, cum in more esset, a priscis usque temporibus, ut Reginz, post maritorum obitum, complures dies, non modo coetu hominum, sed lucis etiam abstinere aspectu, simulatum quidem luctum aggressa est, sed, animi superante lætitia, foribus oclufis, fenestras aperit, & abjecta lugubri veste, intra quatrduum coelum solemque aspicere sustinuit: & ante diem duodecimum, confirmato adversus vulgi rumores animo, in agrum Setonium, ad septem ab oppido millia passuum, excurrit: cum interim Bothuilius a latere ejus nusquam discederet. Ibiq; ita egit, ut paullum in corporis vestitu, nihil in animi habitu, mutasse videretur. Celebrabatur autem locus magna Nobilitatis frequentia: & ipsa quotidie in campum propinquum ad lusus consuetos, nec eos plane muliebres, prodibat.

XX. Sed Croci Galli (qui sæpe antea legationem in Scotia obierat) adventus rationes eorum nonnihil turbavit. Is cum ostendisset, in quanta res esset apud exteros infamia, Edimburgum est reditum. Sed <sup>2</sup>Setonium tot habebat commoditates, ut, cum famæ dispendio, eo revertendum esset. Ibi consulta-

tio-

<sup>1</sup> Admonitus a suis] Alii libri omnes [admonitus est a suis] orationis gratiam & venustatem, me iudice, corrumpentes.

<sup>2</sup> Nam cum in more esset] Quæ sequuntur egregie refellit Morganus Philippus Defens. Mar. Reg. Scot. qui plane negat, in more Scotis a priscis temporibus fuisse, ut Reginz post maritorum obitum per quadraginta dies (Vide *Detect.* Cap. 16.) lucis ad aspectu abstinere. Quod si hæc consuetudo apud Scotos valuisset, ea dumtaxat tenebantur Reginz, quæ id nomen

Regibus nubendo indeptæ essent, non vero Maria, quæ sorte nascendi Regina, cujusque maritus privatus, ipsique in supremo magistratu hæreditario jure constitutæ subditus fuerat; etsi illa, ex mera benevolentia, majorisque dignitatis gratia, Regii nominis honorem ei indulgisset. Addit denique Morganus, Reginam multis & importunis Consiliariorum & Medicorum flagitationibus tandem coactam in locum salubriorem se contulisse.

<sup>3</sup> Setonium] In *Detectione Mariæ* cap.

LIII 3

17.



tionis omnis summa fuit, quo pacto Bothuclius Regiæ exâdis absolveretur. Tentata quidem erat antea & accusatio & purgatio. Nam statim a cæde Regis, Bothuclius, cum aliquot consciis, ad Argatheliæ Comitem, quod is rerum capitalium perpetuasset Quæstor, convenerunt. Primum, tanquam omnium, quæ gesta essent, ignari, rem novam, inauditam, incredibilem mirantur. Deinde quæstioni paullulum vacant: pauperculus aliquot e vicinia mulierculas citant. Illæ inter spem metumque hærent, loquine an tacere magis expediat, incertæ. Verum, etsi sermonem temperarent, tamen, cum plus effutivissent, quam exspectabatur, tanquam temere locutæ dimittuntur. Sed earum testimonia facile erat contemnere. Arcessuntur domestici Regis ministri, quos calamitas nondum absumferat. Interrogati, de ficiariorum ingressu, negant claves in sua potestate fuisse. Quis igitur eas habebat? ajunt, Reginam. Differtur in speciem quæstio, re vera supprimitur: metuebant enim, ne, si longius progredierentur, aulæ secreta in vulgus exirent. Ne tamen res penitus abjecta videretur, proponitur edictum: pecunia indicibus decernitur. Sed quis auderet Bothuclium attingere; cum idem reus, iudex, quæstor, poenæ exactor, esset futurus? Hic tamen metus, qui singulorum ora comprimerebat, multitudinem continere non potuit. Nam & libellis propositis, & pictura, & nocturnis per tenebras clamoribus, effectum est, ut parricidæ facile intelligerent, arcana sua nocturna in vulgus prodiisse, ut jam nemo dubitaret, qui scelus designassent, qui operas contulissent; quantoque magis supprimebatur, tanto magis vulgi dolor inhibitus erumpebat.

XXI. Hæc etsi sceleris conscii videri volebant contemnere, tamen interim id unum eos stimulabat, ut suum dissimulare nequirent dolorem. Ita omiſſa de Regis morte quæstione, subit altera, multo acrior, adversus libellorum auctores, & (ut ipsi loquebantur) Bothuclii calumniatores. <sup>1</sup> Adeo severe exercebatur, ut neque sumtui, neque labori ulli parceretur. Pictores omnes, & qui scripturam factitabant, convocantur, si forte ex picturis & libellis auctores indicare possent. Additur quæstioni conveniens edictum, quo non proponere modo, sed propositum legisse, capitale erat. Sed qui, capitalis poenæ comminatione, populi sermones compescere studebant, nondum morte satiati, odium adhuc erga mortuum Regem retinebant. Bonæ defuncti, arma, equos, vestem, reliquamque suppellectilem, ac si fuissent redacta in fiscum, Regina, aut interfecto-ribus, aut paternis inimicis, divisit. Hæc ut palam gerebantur, ita multorum dictis palum incessabantur: adeo ut quidam opificum, <sup>2</sup> qui vestem Regiam Bothuclio ad corporis modum adaptabat, ausus sit dicere, „Hic se jus & „morem patrium libenter agnoscere, cum spolia defuncti cedant carnifici.

XXII. Inter hæc, subit altera cura, quomodo arcem Edimburgensem Regina

17. legitur, sed apud Setoniam t. b. c. ut vel cum &c.]

<sup>1</sup> Adeo severe exercebatur] Legendum videtur [quæ adeo severe,] quemadmodum in *Detectiōne* Cap. 15. unde hæc omnia, isdemque fere verbis, sunt deprompta.

<sup>2</sup> Qui vestem Regiam] Haud inepte a David. Crafordio observatum est Praef. ad Comment. de reb. Scot pag. 17. & seqq. hæc parum convenire cum iis quæ supra Buchananus tradiderat, XVIII. 5.

gina in suam potestatem redigeret. Eam tenebat Joannes Marriæ Comes, ea lege, <sup>1</sup> ut nemini, nisi conventu publico, reposcenti redderet. Etsi proximo mente id concilium erat futurum, tamen Reginae cupiditati omnis mora longa videbatur futura. Igitur cum amicis Comitissæ (nam ipse, gravi morbo tum implicatus, Sterlini decumbebat) & propinquis agit, ut arcem sibi redderent: causata maxime, <sup>2</sup> Vulgus Edimburgense (quod tum tumultuabatur) in officio contineri non posse, nisi ipsa in sua potestate arcem haberet. Se autem, maximum sui in Joannem amoris pignus, filium unicum, regni heredem, eiseruandum & alendum daturam: quo officio, in multis aliis Principibus, ac, <sup>3</sup> recenti memoria, <sup>4</sup> in matre sua ac avo, majores ejus usi, cum summa laude, fuissent. Ille, etsi satis intelligeret, quo illa promissa & blanditiæ tenderent, tamen non agre consensit. Regina, cum eum faciliorem, quam speraverat, invenisset, tentat efficere, ut, retento apud se filio, arcem, cum primum esset opportunum, reciperet. Id cum obtinere non posset, alia fraude eum aggreditur. Agit cum eo, ut puerum Limauchi (quod medium est inter Edimburgum & Sterlinum) certo die reciperet, & arcem traderet. Sed cum hic suspicio fraudis gavissima subesset, tandem conventum est, ut puer Areskino Sterlini traderetur; ipse interim e propinquis & amicis principes obsides daret, de arce reddenda.

XXIII. Et hæc quidem tum parricidas habebant sollicitos. Sed multo magis eos urebant Comitissæ Levinii assidue querimonie. Is, cum, propter Bothuelli potentiam, cum summa licentia conjunctam, in aulam venire non auderet, per literas Reginam continenter compellabat. Ab ea enim petebat, <sup>1</sup> Ut Bothuellum, procul dubio cordis auctorem, tantisper in custodia teneret, dum causæ dicendæ dies adesset. Illa, etsi, multa comminiscendo, postulationem eluderet, tamen, cum rei tam atrocis questio evitari non posset, hanc ejus habendæ rationem inivit. Instabat conventus Ordinum ad Idus Apriles: ante cum diem judicium peragi Regina volebat, ut reus, judicium sententiis absolutus, etiam totius conventus suffragiis purgatus discederet. <sup>2</sup> Ea festinatio in causâ fuit, ut nihil ordine, nihil more majorum, in eo judicio fieret. Accusatores, de more, citari debebant proximi, uxor, pater, mater, filius, ut vel adessent, vel procuratores mitterent, qui intra quadragesimum diem (nam hoc tempus legitimum erat) se sisterent. Pater adesse jussus

ad

<sup>1</sup> Ut nemini, nisi conventu publico reposcenti redderet] [Conventu] hic dandi casu positum videtur.

<sup>2</sup> In matre sua ac avo] Potius scribendum [in se ac patre] videtur: ipsam enim Reginam Mariam ejusque patrem Jacobum Quintum intelligit. Tolerari tamen potest [matre sua,] vel (quod magis usitatum est) [matre ejus:] sed ita tamen ut Jacobi VI. mater, id est, ipsa Maria, non vero Mariæ mater, (quod inepte existimat Anglicus interpres) hic intelligatur.

tur. Ea enim, postquam in Scotiam concessit, majore erat ætate quam ut custodis opera, cujus non egeret, uteretur.

<sup>3</sup> Ea festinatio] Iniquissime festinationis culpa in Reginam conjicitur. Ex Levinii enim hac de re ad Reginam literis [in Bibl. Cotton. Calig. B. 10.] liquido apparet, penes ipsum, si qua erat, festinationem fuisse, qui summo studio ab ea ut res maturaretur contenderat.

1 Es-



ad Idus Apriles, idque sine amicorum advocacy, cum sua tantum familia, quæ, in summa ejus inopia, ad paucos erat redacta. Cum interea Bothuclius, cum magnis agminibus, tota urbe volitaret, Comes Levinus, in urbe hostium plena, cum, sine amicorum & clientium præsidio, neque se tutum fore, neque, si vitæ periculum nullum esset, quicquam libere se agere posse videret, abesse fatius duxit.

XXIV. Ad diem dictum, Bothuclius, idem reus & accusator, in prætorium ascendit. Citantur e Nobilitate judices, magna pars ipsius amici, nemine ex adverso qui quenquam rejiceret. Parvam judicio moram fecit Robertus Cunigamius, unus e Levinii familia. Is, venia dicendi petita, palam testificatus est; „Neque more, neque legibus, id judicium exerceri, ubi reus „potentior esset, quam ut pœnas legibus dare posset: accusator, mortis metu, abesset. Ita, quicquid ibi statueretur, cum nihil jure, nihil ordine gereretur, „pro non judicato fore. Illi nihilominus in incepto persistunt. Gilbertus quoque Cassiliffæ Comes, magis usurpandi juris causa, quam quod quicquam se profecturum speraret, cum judex legeretur, se excusavit: multamque etiam, quæ a recusantibus exigi solet, obtulit. Statim nuncius a Regina, annulum ferens, cum judicare jubet: ni pareat, custodiam minatur. Cum ne custodiæ quidem metu absterritus esset, rursus a Regina nuncius perduellionis pœnam recusanti intentat. Hoc metu sedere coacti, pronunciant; „Se non videre, cur Bothuclium condemnent: si quis tamen, jure & ordine, postea „accuset, cavent, ne hoc judicium ipsis fraudi sit. Nec immerito ita pronunciasse quibusdam sunt visi, quod quæstio eis verbis decreta erat, ut, ne a severissimis quidem judicibus, Bothuclius condemnari posset: jubebantur enim quærere de cæde, quæ facta fuerat nono Feb. cum Rex decimo die fuerit occisus. Ita Bothuclius absolutus quidem, sed non infamia liberatus est: suspicionem enim aucta, pœna tantum dilata videbatur. At Regina, ad nuptias properanti, quivis color, quamvis impudens, satis erat. Ad cumulum hujus absolutionis, propositus est libellus celeberrimo fori loco. Bothuclius, etsi, legitimo judicio, a cædis reatu liberatus esset, tamen, quo sua innocentia cunctis foret perspectior, „Se ferro paratum decernere, si quis, integra fama, & honesto loco natus, cum Regiæ cædis insimularet. Nec defuit qui postridie, æque ferociter, per libellum publice propositum, conditionem acciperet, modo locus certaminis designetur, in quo citra periculum nomen suum profiteri possit.

XXV. His utcunque succedentibus, tamen Regina in conventu visa est ferocior: &, quæ antea civilis animi speciem prætulerat, palam tyrannidis cupiditatem ibi renudavit. Nam, quod Sterlini, in causa religionis, promiserat, palam ibi promissum negavit. Id autem erat, ut primo quoque conventu,

1 Bothuclius, etsi, legitimo judicio ———  
se ferro paratum decernere] Crafordius nec  
inapte quidem, legendum existimat, se  
ferro paratum decernere denunciat. Veram

tamen lectionem suppeditat *De cæsa* Cap.  
18. in qua [Bothuclius,] non [Bothuclius]  
scribitur: quod & hic factum oportebat.

tu, quæ per tyrannidem Pontificis Romani latæ erant leges abrogarentur, novisque legibus Ecclesiæ instauratæ auctoritas stabiliretur. Præter autem id promissum, cum bina ædicta chirographo ejus signata proferrentur, hinc deprehensa elusit. Jussit enim, qui ab Ecclesia missi erant, alio die redire: neque, post id tempus, unquam sui conveniendi copiam fecit: actaque conventus, quæ ante suum in Scotiam reditum, consentiente Francisco marito, edita erant, sub amnestiæ legem cadere pronunciavit. Ea vox omnibus manifesta tyrannidis professio videri. Itaque cum Scoti nullas habeant leges, præter conventuum decreta, subibat illa tacita cogitatio, quæ vita futura foret, sub Principe, cujus arbitrium pro legibus habendum esset, promissis vero fides abesset. Hæc sub finem conventus acta.

XXVI. Eodem tempore, Reginæ, ad nuptias festinanti, libido incescit, consensus publici quavis arte exprimendi, ut nihil nisi procerum voluntate gessisse videretur. Bothuclius igitur, ut publicæ auctoritatis specie nuptias honestaret, hanc rationem commentus est. Nobiles omnes supremi ordinis, qui aderant, (aderant autem permulti) ad cœnam invitat. Ibi, solutis ad hilaritatem animis omnium, rogavit; „Ut studium suum, quod superioribus temporibus declarassent, in posterum quoque præstarent. In præsentia autem petebat, ut, cum Reginæ ambiret nuptias, libello, quem ea de re confecerat, illi subscriberent. Id sibi, & ad Principis voluntatem conciliandam utile, & apud cæteros homines honorificum futurum. Re tam subita & inopinata omnes attoniti, cum neque mœstitiam dissimulare possent, nec abnuere quod petitum esset auderent, paucis, qui Reginæ animum exploratum habebant, præcuntibus, reliqui ignari quantus assentatorum foret numerus, alii aliis suspecti, omnes subscribunt. Postridie, cum inter se quid egissent retractarent, quidam ingenue confessi sunt; „Nisi Reginæ exultimassent rem gratam fore, se nunquam assensuros. Nam, præterquam quod res parum honesta, & publice damnosa esset, periculum quoque fore, ut si (quod in

„su-

1 *Futura foret*] Vide supra ad XV. 34.

2 *Libello, quem ea de re confecerat, illi subscriberent*] Hujus libelli, sive instrumenti, exemplar exstat in Bibl. Cotton. Calig. C. 1. Qui ei subscripserunt hi recensentur, Comites, Huntileus, Argathe-  
lius, Moravius, Cassiliffius, Mortonius, Sutherlandius, Rothusius, Glencarnius. Cathanesius: & hi Reguli, Bodius, Setonius, Sinclairus, Semplius, Oliphantus, Ogilvius, Rosbacketius, Carleolus, Heresius, Humius & Innermesbians. In eo autem, per honoris, fidei ac veritatis sacra sanctissime pollicentur, se cum gentilibus, cognatis, amicis, clientibus ac servis, Jacobum Comitem Bothuclia, Regulam Criobto-  
Tom. I.

nia ac Liddalia, magnum Scotia Thalassiar-  
cbam, ac omnium Limitum Praefectum, ad-  
versus omnes mortales defensuros, ejusque  
porro famam & existimationem contra uni-  
versos & singulos, qui ipsam eadem Regia,  
(a qua legitimo judicio erat absolutus) reum  
calumniabantur, vindicatos. Item, Ea-  
dem fide promittunt, se summa ope & con-  
silio, nuptiarum ei Regina pararios ac con-  
ciliatores futuros, omnesque adeo qui ear  
nuptias impedire aut inturbare adniten-  
rentur, hostium loco habituros. His non mo-  
do Deum testem & vindicem adhibent, sed  
se etiam, si fidem sefellierint, hominum sceleratissimos, omnique honore & fide exatos,  
in perpetuum censeri non recusant. Dat. Ed-  
dimburgi 19 Aprilis 1567.

M m m m

1 Ad



ad Idus Apriles, idque sine amicorum advocacione, cum sua tantum familia, quæ, in summa ejus inopia, ad paucos erat redacta. Cum interea Bothuélius, cum magnis agminibus, tota urbe volitaret, Comes Levinius, in urbe hostium plena, cum, sine amicorum & clientium præsidio, neque se tutum fore, neque, si vitæ periculum nullum esset, quicquam libere se agere posse videret, abesse fatius duxit.

XXIV. Ad diem dictum, Bothuélius, idem reus & accusator, in prætorium ascendit. Citantur e Nobilitate judices, magna pars ipsius amici, nemine ex adverso qui quenquam rejiceret. Parvam judicio moram fecit Robertus Cunigamius, unus e Levinii familia. Is, venia dicendi petita, palam testificatus est; „Neque more, neque legibus, id judicium exciteri, ubi reus „potentior esset, quam ut pœnas legibus dare posset: accusator, mortis metu, abesset. Ita, quicquid ibi statueretur, cum nihil jure, nihil ordine gereretur, „pro non judicato fore. Illi nihilominus in incepto persistunt. Gilbertus quoque Cassilissæ Comes, magis usurpandi juris causa, quam quod quicquam se profecturum speraret, cum judex legeretur, se excusavit: multamque etiam, quæ a recusantibus exigi solet, obtulit. Statim nuncius a Regina, annulum ferens, eum judicare jubet: ni pareat, custodiam minatur. Cum ne custodiæ quidem metu absterritus esset, rursus a Regina nuncius perduellionis pœnam recusanti intentat. Hoc metu sedere coacti, pronunciant; „Se non viderere, cur Bothuélium condemnent: si quis tamen, jure & ordine, postea „accuset, cavent, ne hoc judicium ipsis fraudi sit. Nec immerito ita pronunciasse quibusdam sunt visi, quod quæstio eis verbis decreta erat, ut, ne a severissimis quidem judicibus, Bothuélius condemnari posset: jubebantur enim quaerere de cæde, quæ facta fuerat nono Feb. cum Rex decimo die fuerit occisus. Ita Bothuélius absolutus quidem, sed non infamia liberatus est: suspicionem enim aucta, pœna tantum dilata videbatur. At Regina, ad nuptias properanti, quivis color, quamvis impudens, satis erat. Ad cumulum hujus absolutionis, propositus est libellus celeberrimo fori loco. „Bothuélius, etsi, legitimo judicio, a cædis reatu liberatus esset, tamen, quo sua innocentia cunctis foret perspectior, „Se ferro paratum decernere, si quis, integra fama, & honesto loco natus, cum Regiæ cædis infimularet. Nec defuit qui postridie, aque ferociter, per libellum publice propositum, conditionem acciperet, modo locus certaminis designetur, in quo citra periculum nomen suum profiteri possit.

XXV. His utcumque succedentibus, tamen Regina in conventu visa est ferocior: & quæ antea civilis animi speciem prætulerat, palam tyrannidis cupiditatem ibi renudavit. Nam, quod Sterlini, in causâ religionis, promiserat, palam ibi promissum negavit. Id autem erat, ut primo quoque conventu,

*I Bothuélius, etsi, legitimo judicio — se ferro paratum decernere* Crafordius nec inepte quidem, legendum existimat, *se ferro paratum decernere denunciat.* Veram

tamen lectionem suppeditat *Detectio Cap. 18.* in qua [*Bothuélium,*] non [*Bothuélius*] scribitur: quod & hic factum oportebat.

tu, quæ per tyrannidem Pontificis Romani latæ erant leges abrogarentur, novisque legibus Ecclesiæ instauratæ auctoritas stabiliretur. Præter autem id promissum, cum bina ædicta chirographo ejus signata proferrentur, hinc deprehensa elusit. Jussit enim, qui ab Ecclesia missi erant, alio die redire: neque, post id tempus, unquam sui conveniendi copiam fecit: actaque conventus, quæ ante suum in Scotiam reditum, consentiente Francisco marito, edita erant, sub amnestiæ legem cadere pronunciavit. Ea vox omnibus manifesta tyrannidis professio videri. Itaque cum Scoti nullas habeant leges, præter conventuum decreta, subibat illa tacita cogitatio, quæ vita<sup>1</sup> futura foret, sub Principe, cujus arbitrium pro legibus habendum esset, promissis vero fides abesset. Hæc sub finem conventus acta.

XXVI. Eodem tempore, Regina, ad nuptias festinanti, libido incessit, consensus publici quavis arte exprimendi, ut nihil nisi procerum voluntate gessisse videretur. Bothuclius igitur, ut publicæ auctoritatis specie nuptias honestaret, hanc rationem commentus est. Nobiles omnes supremi ordinis, qui aderant, (aderant autem permulti) ad cœnam invitat. Ibi, solutis ad hilaritatem animis omnium, rogavit; „Ut studium suum, quod superioribus temporibus declarassent, in posterum quoque præstarent. In præsentia autem „petebat, ut, cum Regina ambiret nuptias, libello, quem ea de re confecerat, illi subscriberent. Id sibi, & ad Principis voluntatem conciliandam „utile, & apud cæteros homines honorificum futurum. Re tam subita & inopinata omnes attoniti, cum neque mœsticiam dissimulare possent, nec abnuere quod petatum esset audent, paucis, qui Reginae animum exploratum habebant, præcuntibus, reliqui ignari quantus assentatorum foret numerus, alii aliis suspecti, omnes subscribunt. Postridie, cum inter se quid egissent retractarent, quidam ingenue confessi sunt; „Nisi Regina existimassent rem „gratam fore, se nunquam assensuros. Nam, præterquam quod res parum „honestæ, & publice damnosa esset, periculum quoque fore, ut si (quod in „su-

<sup>1</sup> Futura foret] Vide supra ad XV. 34.

<sup>2</sup> Libello, quem ea de re confecerat, illi subscriberent] Hujus libelli, sive instrumenti, exemplar exstat in Bibl. Cotton. Calig. C. 1. Qui ei subscripserunt hi recensentur, Comites, Huntileus, Argathe-  
lius, Moravius, Cassiliffius, Mortonius, Sutherlandius, Rothufius, Glencarnius. Cathanesius: & hi Reguli, Bodius, Setenius, Sinclairus, Semplius, Oliphantus, Ogilvius, Rosbacketius, Carleolus, Herve-  
sius, Humius & Innermethius. In eo autem, per honoris, fidei ac veritatis sacra sanctissime pollicentur, se cum gentilibus, cognatis, amicis, clientibus ac servis, Jacobum Comitem Bothuelia, Regulum Criebo-  
Tom. I.

nia ac Liddalia, magnam Scotia Thalas-  
sarcham, ac omnium Limitum Praefectum, ad-  
versus omnes mortales defensuros, ejusque  
porro famam & existimationem contra uni-  
versos & singulos, qui ipsam cadis Regia,  
(a qua legitimo judicio erat absolutus) reum  
calumniabantur, vindicatos. Item, Ea-  
dem fide promittunt, se summa ope & con-  
silio, nuptiarum ei Regina paravos ac con-  
ciliatores futuros, omnesque adeo qui eas  
nuptias impedire aut interturbare adnite-  
rentur, hostium loco habituros. His non mo-  
do Deum testem & vindicem adhibent, sed  
se etiam, si fidem fefellerint, hominum sce-  
leratissimos, omnique honore & fide exutos,  
in perpetuum censerî non recusant. Dat. E-  
dimburgi 19 Aprilis 1567.

„superiore marito meminerant) orta discordia, Bothuelius rejiceretur, ne i-  
„plis aliquando daretur crimini, quod Reginam prodidissent, atque ad nuptias  
„parum honorificas ipsam compulissent. Igitur, dum res integra esset, ejus  
„voluntatem explorandam, scriptumque, manu ipsius signatum, impetrandum:  
„quo scripto, sibi, quod de nuptiis actum ab illis esset, gratum esse ostende-  
„ret. <sup>1</sup>Id facile impetratum, Comiti Argathelie custodiendum, consensu  
omnium, traditur.

XXVII. Postridie, quod in urbe fuit Episcoporum, convocatur in aula, ut & ipsi quidem subscriberent. Hac expeditis cura, incessit alia, ut filium Regina in sua potestate haberet. Nam neque Bothuelius tutum sibi existima-  
bat alere puerum, paternæ aliquando cordis ultorem futurum: neque alium esse volebat, qui suos in regno gerendo liberos <sup>2</sup>præcideret. Igitur Regina, ut quæ nihil ei denegare sustineret, ipsa partes in se suscepit pueri Edimburgum deportandi. Suberat & alia Sterlinum petendi causa, de qua posterius dicam. Cum eo ventum est, Marriæ Comes, quid ageretur suspicatus, puerum quidem Reginæ ostendit, sed ita ut omnia in sua potestate haberet: & Regina, fraude detecta, cum ad vim par non esset, dissimulato, cur venisset, ad iter se accinxit. Quo in itinere, sive ob continuos labores, sive ob indignationem, quod consilia (ut auctoribus videbantur, callida) parum prospere succederent, repentino dolore cruciata, in domunculam pauperculam concessit, ad quatuor ferme millia passuum a Sterlino. Remittente se deinde dolore, ad iter reversa, Linnuchum ea nocte venit. Inde ad Bothuelium scripsit, per Paridem, quid de raptu fieri vellet: nam, antequam Edimburgo discessisset, cum eo transgerat, ut ipse revertentem ad Almonis pontem eam raperet, ac secum, quo vellet, velut per vim, abduceret. Id ita vulgus interpretabatur: quod cum consuetudinem cum Bothuelio nec omnino celare, nec carere, nec, sine famæ dispendio, tam palam quam volebat, frui poterat: & longum erat, divortium cum uxore priore exspectare: & honesto, cujus adhuc curam simula-  
bat, & libidini, cujus erat impatiens, pariter consuli volebat. <sup>3</sup>Itaque belle ratio videbatur excogitata, ut Bothuelius, gravissimo quidem suo crimine, sed cujus pœnam non metuebat, Reginæ redimeret infamiam. Sed altius (ut est intellectum postea) suberat huic commento consilium. Nam, cum populus

Re-

<sup>1</sup> *Id facile impetratum*. At 1: demum Maji, altero die ante ipsius cum Bothue-  
lio nuptias. Eo autem scripto nihil aliud Regina significat, quam *superius instru-*  
*mentum Proceribus qui ei subscripserant frau-*  
*di non futurum.*

<sup>2</sup> *Præcideret*. [Ita etiam repperi in aliis editionibus, sed nulla plane, aut absurda sententia, quare *præcideret* legendum esse puto. Quod firmatur simili loco infra Cap. XLI. *ut esset, qui liberos suos in hereditate regna adeunda præiret.* ubi non ex castæ Latinitatis usu voce *præire* uti-

tur, quæ non de dignitatis, aut juris præ-  
rogativa, aut præstantia præ ceteris po-  
ni solet, sed cum aliquis aut in itinere an-  
te aliquem incedit, ut apud Terent. And.  
I. I. *et præsequor*, aut cum verba aliquis  
præit. Vide Fr. Vavass. de vi & usu quo-  
rundam verbor. pag. 16. Lib. XIX. Cap.  
55. in hac eadem re utitur verbo *antei-*  
*re.* unde satis apparet hic *præcedere* legen-  
dum.]

<sup>3</sup> *Itaque belle ratio videbatur excogitata*.  
Vide omnino Dav. Crafordium Præfat.  
pag. 21.

1 Ue



Regiæ credis auctores frequens nominaret & execraretur, illi, ut suæ securitati prospicerent, suadente (ut creditur) Joanne Lessio, Rossiensi Episcopo, Reginæ raptum excogitarunt. Nam, cum in Scotia mos esset, <sup>1</sup> ut diplomata, quibus scelerum gratia fit, qui veniam petit, gravissimum facinus nominatim exprimat, ac cætera generalibus verbis adjiciat, decreverunt parricidii publici conficii, nominatim de manus injectione in Principem veniam petere, deinde velut in cumulum subjicere, CAETERIS NEFARIIS FACTIS. Qua clausula eadem Regiam posse contineri, sibi persuaserant, quam nec tutum videbatur, in diplomate, auctoribus nominari, aut condonanti honestum: nec leviori crimini, instar appendicis, adjici poterat. <sup>2</sup> Aliud crimen, minus invidiosum, sed pari pœna plectendum, erat excogitandum, sub cujus umbra cædes Regia & tegeretur & condonaretur. Nihil autem occurrebat, nisi simulatus ille raptus, quo & Regiæ voluptati, & Bothuelii securitati, prospici posset.

XXVIII. Igitur ille, sexcentis comitatus equitibus, ad Almonis (ut convenerat) pontem, Reginam opperitur, ac eam non invitam secum Dumbarrum ducit. Ibi, dum libere animo indulgent, divortium, priore uxore in jus vocata, fit, idque duplici in foro, nempe, apud judices publice constitutos, qui de hoc genere quæstionum cognoscerent; & apud Officiales, quos vocant, judices Episcopales, etsi decreto publico vetitos quicquam pro magistratu agere, aut ullam negotii publici partem attingere. Gordoniam, Bothuelii uxor, cogitur, in duplici foro, litem de divortio intendere. Apud judices Regios acculat uxor maritum adulterii, quæ una justa apud eos erat divortii causa: apud judices Papanos, lege vetitos, tamen ab Archiepiscopo Fani Andreae ad hanc litem cognoscendam datos, accusatur idem, ante matrimonium, cum propinqua uxoris stupri consuetudinem habuisse. Nulla in divortio faciendo, nec in testibus, nec in iudicibus, fit mora: intra enim decimum diem, lis suscepta, disceptata, & dijudicata est.

XXIX. Interea Sterlini collecta sincerior pars Nobilitatis ad Reginam mittunt, qui rogarent; „Spontene, an invita, teneretur: nam, si invita illic esset, se, coacto exercitu, eam liberaturos. Illa, nuncio non sine risu accepto, respondit; „Se invitam eo adductam, sed ita humaniter tractari, ut de priore injuria non habeat quod multum queratur. Ita irriso nuncio, propterantibus raptus injuriam per legitimas nuptias levare, duo adhuc restare videbantur impedimenta: alterum, si captiva nuberet, pro vitiosis haberi possint nuptiæ, atque ideo facile solvi: alterum, ut consuetæ servarentur cærimonix, ut videlicet, publice, in conventu civium, tribus diebus Dominicis, nuptiæ fu-

<sup>1</sup> *Ut diplomata*] Anacoluthon hic admittitur: forte legendum, in diplomatis.

<sup>2</sup> *Aliud crimen*] [*Aliud igitur crimen*] legendum vult Tho. Crafordius: ejus autem conjecturam firmanstrema verba Antonii contra Mariam in Catastrophe eodem

fere tenore descripta: *Aliud igitur crimen gravius, aut certe non minus atrox, aut inveniendum aut perpetrandum erat, sub cujus umbra cædes Regia lateret. Neque aliud succurrebat, nisi simulatus, ille raptus, quo simul & Regina suæ voluntati, & Bothuelius securitati prospiceret.*

Alm m m 2.

1. Unus



futuræ, inter Jacobum Heburnum & Mariam Stuartam, denunciarentur, ut si quis quid vitii aut impedimenti sciret, quo minus legitime coirent, rem ad Ecclesiam deferrent. Hæc ut confierent, Bothuélius, convocatis amicis & clientibus, Reginam Edimburgum reducere statuit: ut ibi, obtentu vano libertatis, ipse libere de nuptiis arbitrato suo statueret. Comites ejus cum plerique armati essent, inter reducendum timor animos multorum incescit, ne aliquando fraudi sibi foret, quod Reginam captivam adhuc tenerent: nam, ut cætera absint, hoc unum latis argumento esse, quod armati circa eam, temporibus & rebus alioqui pacatis, conspicerentur. Hoc scrupulo injecto, abjiciunt omnes hastas, & pacatiore, saltem in speciem, agmine, in arcem Edimburgensem, quæ tum in potestate Bothuëlii erat, eam ducunt: postridie in urbem atque in confessum judicum eam comitantur: apud quos & ipsa se liberam & sui juris affirmat.

XXX. Cum de nuptiis in Ecclesia denunciandis ageretur, & Lector, cujus id munus erat, constanter recusaret, collecti Diaconi & Seniores, cum reluctari non auderent, jubent Ecclesiasten nuptias futuras de more edicere: & is quidem hætenus paruit, ut se vitium quidem scire profiteretur, ac paratum, seu Reginæ, seu Bothuëlio, cum vellent, indicare. Is cum in arcem arcessitus venisset, Regina eum ad Bothuëlium remisit: qui quanquam, nec blanditiis nec minis, Ecclesiasten de proposito deduceret, nec rem disceptationi committere auderet, tamen nuptias apparat. Unus, Orcadum Episcopus, est inventus, qui gratiam aulicam veritati præferret, cæteris reclamantibus, causasque proferentibus, cur legitimæ non essent nuptiæ cum eo, qui duas uxores, adhuc vivas, haberet, tertiam ipse nuper, suum fassus adulterium, dimisisset. Ita indignantibus omnibus bonis, vulgo etiam execrante, propinquis per literas improbantibus inchoatas, & publicis cærimoniis simulatis etiam factas detestantibus, tamen matrimonium celebratur. Qui aderant e Nobilitate (nam omnes fere domos discesserant, præter paucos Bothuëlii amicos & propinquos) ad cœnam invitati, & una cum iis Crocus Gallus Legatus. Is, quanquam Gufianæ factionis esset, & in propinquo diversaretur, constanter tamen venire recusavit: neque enim existimabat e dignitate legationis, quaungebatur, esse, ut eas præsentia sua nuptias probaret, quas audiebat diris execrationibus vulgo devoveri. Propinqui quoque Reginæ & inchoatas & factas improbarunt: & Reges Galliarum & Angliæ, per Legatos, rei fœditatem averfabantur.

XXXI.

1 *Unus Orcadum Episcopus*] Is tamen ipse est qui Jacobum VI. regnum incuntem inunxit (Dav. Craford. pag. 46.) ac a Moravio comes adscitus, qui cum aliis ob has ipsas nuptias Reginæ accusationem primum Eboraci, ac deinde Vestmonasterii, intentaret.

2 *Propinquis per literas improbantibus inchoatas, & publicis cærimoniis simulatis etiam factas detestantibus, tamen matrimo-*

*nium celebratur*] Haud satis commode dici videtur, *propinquis nuptias factas detestantibus, tamen matrimonium celebratur*: neque enim quod nuptias factas secutum est nuptias impedire poterat. Cæterum hæc sententiæ pars, qua propinquorum Reginæ, i. e. Guisiorum ab hoc matrimonio averfa voluntas significatur, rectius hoc loco omittenda videtur, quippe quæ mox init. Cap. seq. aptius referatur.

1. Al.

XXXI. Hæc etsi molesta erant, vulgi tamen mœstitia tacita tanto magis angebat ferox Reginae ingenium, quanto visa, quam audita, <sup>1</sup>altius in animos penetrant. Euntes enim per urbem nemo solitis acclamationibus <sup>2</sup>Reges prosequabatur: semel una tantum muliercula cum bene Reginae precata esset, altera astans semel atque iterum proclamavit, ut a circumstantibus facile exaudiri posset; „Ita cuique sit, uti promeretur. „Ea quidem res non leviter jam Edimburgensibus ante infensum ejus animum inflammavit. Hunc animorum cum domi forisque videret motum, cum paucis consultabat, quomodo suam potentiam stabiliret, & in posterum sibi a tumultibus prospiceret. Primum omnium, decernitur in Gallias legatio, ut animos Regum & Gustorum, præcipitatis nuptiis offensos, reconciliaret. Legatus delectus Gulielmus Episcopus Dumblanensis. <sup>3</sup> Mandata ei data hæc fere ad verbum.

XXXII. „Primum, nos excusabis Regibus avunculisque nostris, quod matrimonii nostri peracti rumor prius ad eos permanavit, quam per ullos nostros „nuncios consilium ea de re nostrum aperuissemus. Hæc excusatio, velut „fundamento, innitetur veræ expositioni totius vitæ, ac præcipue officiorum „Ducis Orcadum, adversum nos, ad eum usque diem, quo nobis est visum „eum conjugem adsciscere. Ejus autem historiæ, uti res habet, explanatio- „nem aggredieris, initio sumto ab ultimis usque spatiis adolescentiæ. Cum „primum suarum rerum fuit compos, statim a morte patris, hominis inter „regni primates primarii, quibus posset officiis, se Regibus colendis totum „dicavit, & erat alioqui familia in primis illustri, cum ob veterem nobilita- „tem, tum ob maxima regni munia, quæ jure hæreditario possidebat. Eo „autem potissimum tempore, matri nostræ, quæ tum imperii summam mode- „rabatur, se penitus dedit, in eaque colenda ita perseveravit, ut, quan- „quam brevi major pars Nobilitatis, ac pene universa oppida, prætextu re- „ligionis ab ea descivissent, nunquam tamen ille ab ejus auctoritate declinaret, „aut ullis promissis beneficiisve adduci posset, aut minis rerumque domestica- „rum damno perterreretur, ut in ulla erga eam officii parte cessaret: potiusque „sit passus, domum, quæ patrimonii caput erat, cum supellectili pretiosa „& ampla, diripi, bonaque reliqua inimicis prædæ esse. Denique nostro, „atque adeo civium omnium, auxilio destitutus, (Anglorum exercitu in ipsa „regni viscera ab hostibus domesticis inducto, qui nullum alium in scopum te- „la

<sup>1</sup> *Altius in animos penetrant*] Sic restituo, cum in omnibus libris [*animo*] legitur.

<sup>2</sup> *Reges*] i. e. Mariam & Bothuelium. Vide supra ad VII. 61. Regis autem titulo ideo Bothuelius hic donatur, quod Reginae esset maritus: aliter enim nunquam ille (ut Henricus Darlzeus) Rex erat renunciatus. Non me latet solere interdum antiquos scriptores principes viros, licet aliorum imperio subditos, Regum nomine salutare.

<sup>3</sup> *Mandata ei data hæc fere ad verbum*] Hæc data Episcopo Dumblanensi mandata summo artificio conscripta animadvertit Thuanus Epist. ad Camdenum edit. a Tho. Smitho pag. 74. & Jo. Clericus Biblioth. Select. Tom. VIII. pag. 196. Fallitur tamen vir clarissimus, qui ea primum Gallico sermone scripta arbitratur: eorum enim exemplar (quod in Aëdis publicis servatum ipse conspexi) vernaculo nostratum idiomate exhibetur.

„la sua dirigerent, quam ut noster maritus (tum Bothueliae Comes) vi coa-  
 „ctus, patria patrimonioque relicto, [*exularet*,]) se in Franciam recepit: ibi-  
 „que, usque ad meum in Scotiam reditum, quibus potuit officiis me coluit  
 „& observavit. Nec omittendae erunt res ab eo bello gestae adversus Anglos,  
 „paullo ante meum reditum, ubi tale specimen & militaris fortitudinis, &  
 „senilis prudentiae dedit, ut dignissimus sit existimatus, qui, admodum ju-  
 „venis, natu majoribus imperaret, & supremus totius patrii exercitus dux,  
 „nosterque vicarius eligeretur: quo in magistratu, adeo spem hominum non  
 „sefellit, ut, rebus fortiter gestis, praecalam suae virtutis memoriam <sup>2</sup>apud  
 „cives & hostes reliquerit.

XXXIII. Post reditum vero nostrum, omne suum studium contulit ad au-  
 „ctoritatis nostrae amplificationem: nec suis unquam pepercit periculis, in  
 „perdomandis rebellibus, qui proxime limites Anglorum accolunt: ac brevi  
 „rebus ibi ad summam tranquillitatem redactis, idem in ceteris regni partibus  
 „praestare destinavit. Verum, ut invidia semper virtutis est comes, Scoti,  
 „rerum novarum avidi, nonnulli, nostrum erga eum studium & favorem im-  
 „minuere cupientes, benefacta ejus male interpretando, tandem perfecerunt,  
 „ut eum custodiae committeremus: partim, ut quorundam amulorum placa-  
 „remus animos, qui futurae magnitudinis incrementa ferre non pote-  
 „rant; partim, ut jamjam erupturas, in regni totius perniciem, seditiones  
 „compesceremus. E custodia elapsus, ut amulorum impotentiae cederet, in  
 „Galliam se recepit: ibique mansit ferme usque ad biennium proximum: quo  
 „tempore, priorum seditionum omnium auctores, obliiti & nostrae erga se le-  
 „nitatis, & sui erga nos officii, bello suscepto, ad arma adversus nos ierunt.  
 „Ibi ille, nostro jussu revocatus, ac bonis cum pristinis honoribusei restitutus,  
 „iterum omnibus copiis legatus est praefectus. Ejus autem ductu, ita statim  
 „nostra reffloruit auctoritas, ut universi rebelles, subito patria relicta, coacti  
 „sint in Angliam se recipere: donec pars eorum supplices, post humillimas  
 „preces, fuerunt a nobis in gratiam recepti. Ob reliquos vero reductos, quam  
 „perfidiöse fuerim tractata, per eos, quos majoribus, quam promerebantur,  
 „beneficiis affecimus, non ignorat noster avunculus: ideoque paucioribus ea  
 „atingo. Nec tamen silentio praetereundum est, quanta cum solertia e mani-  
 „bus eorum, qui me tum captivam detinebant, liberavit: quamque celeriter,  
 „ejus singulari providentia, & ego e custodia evaserim, &, tota factione con-  
 „juratorum dissipata, pristinam auctoritatem recuperaverim. Hic equidem fateri  
 „cogor officia ejus, tum mihi praestita, adeo grata fuisse, ut nunquam nobisc  
 „memoria potuerint excidere.

„XXXIV. Haec autem cum sint per se maxima, tanta sedulitate & diligen-  
 „tia ea hactenus cumulavit, ut nec majorem observantiam, nec fidem in quo-  
 „quam

1 *Exularet*] Vocem hic necessariam  
 a se esse, imperfecta alioquin sententia osten-  
 dit: Crafordius supplendum existimat  
 [*expelleretur*], at, cum hanc emendatio-  
 nem devenisset praecedens clausula [*vi co-*

*actus*,] nobis vox [*exularet*] magis appo-  
 sita videbatur.

2 *Apud cives & hostes*] An [*hostes*] hic,  
 vetustissimo vocabuli significatu, *propere-*  
*grinis* accipitur?

¶ Sed

„quam optare possimus, quam in eo deprehenderimus, usque ad hæc postre-  
 „ma tempora, quæ Regis mariti nostri decessum sunt consecuta. Ab eo enim  
 „tempore, ut cogitationes ejus ad sublimiora niti videbantur, ita & actiones  
 „insolentiores quodammodo sunt visæ. Et quanquam eo res processit, ut omnia  
 „nobis in meliorem partem sint accipienda, gravissime tamen tum nos offen-  
 „derant hæc: primum arrogantia, quod nullam referendæ gratiæ reliquam  
 „nobis putaret superesse facultatem, ni me ipsam ei, velut officiorum præmium,  
 „traderem; occultæ rationes & consilia; ac tandem apertus mei contemptus,  
 „& vis adhibita, in me (ne conatu frustraretur) in suam potestatem redigenda.  
 „Interea tota vitæ ratio, ei in hac parte instituta, exemplo esse potest, quam  
 „callide sua consilia tegant, qui magnum facinus susceperunt, donec voti com-  
 „potes fiant. Ego enim hanc perpetuam ejus observantiam & sedulitatem, im-  
 „peris meis cum summa celeritate parendi, non ex alio fonte manare, quam  
 „ex vehementi studio declarandæ erga me voluntatis, existimaui: neque al-  
 „tius ullum aut votum aut consilium illic occultari putabam. Nec unquam  
 „fore speravi, ut paullo familiarior vultus, quo uti solemus erga homines illu-  
 „stres, ut voluntates eorum ad lubentius nobis parendum devinciamus, animum  
 „ejus erigeret, ut insolentioris benevolentia ipse sibi de nobis promitteret.  
 „Ille tamen fortuita etiam in suam rem trahens, consiliaque sua clam me fo-  
 „vens, tum quidem, solita observantia, & pristinum nutrebat favorem, &  
 „prensando Nobilitatem, novum occulte ambiebat: tantumque assidua dili-  
 „gentia perfecit, ut, me rerum illarum inscia, cum Ordinum conventus hic  
 „esset, ab universa Nobilitate scriptum impetraverit, omnium chirographis,  
 „ad fidem faciendam, appositis: quo scripto, non modo nuptiis inter me &  
 „illum assentiebantur, sed & bona vitamque, in consiliis exsequendis, se  
 „omnibus periculis objecturos promittebant, seque omnibus, qui rem impedi-  
 „re conarentur, futuros hostes.

„X X X V. Nobilitati autem, ut facilius obtineret suffragia singulo-  
 „lorum, persuaserat, me non invita hæc a se geri. Hoc demum scripto ab  
 „illis impetrato, cœpit pederentim accuratissimis precibus nostrum quoque con-  
 „sensum eblandiri. Sed cum responsa nostra ejus libidini non consentirent, cœ-  
 „pit ante oculos revocare ea fere, quæ in hujusmodi consiliis suscipiendis  
 „occurrere consueverunt: exteriora nostræ voluntatis indicia; rationes, qui-  
 „bus aut nostri amici, aut ipsius inimici ejus consilium impedire possent; &  
 „ne, qui jam subscripserant, animos mutarent; multa item alia, quæ aut  
 „objecta, aut sponte occurrentia, ejus expectationem frustrari possent. Tan-  
 „dem secum statuit, fortunæ faventi instare, atque in unius momenti aleam,  
 „rem, vitam spemque conjicere. Itaque, cum apud se decrevisset, gnavi-  
 „ter consilii sui eventum tentare, quarta fere post die, cum ab invisendo ca-  
 „rissimo filio redirem, & locum & tempus opportunum in via nactus, valida  
 „manu me aggressus, cum summa celeritate Dumbarum duxit. Id facinus  
 „quam

[ Sed & bona vitamque] Ita legendum jubet Crafordius: libri autem omnes, assen-  
 tiebantur, ac bona vitamque.]



„quam in partem acciperemus, ab eo præsertim, a quo ex omnibus nostris  
 „civibus tale quicquam minime expectabamus, facile secum quivis existima-  
 „bit. Ibi ei exprobravi, quanto semper eum favore fuerim prosecuta, quam-  
 „que ei apud alios fuerit honorifica mea de ejus moribus opinio: ejusque con-  
 „tra adversus me ingratitudinem: quæque alia facere possent ad me ex ejus ma-  
 „nibus liberandam. Tractatio quidem asperior, sed sermo atque responsa mol-  
 „liora erant. Se enim omni honore & observantia adversum nos usurum,  
 „operamque daturum, ne ulla in re animum nostrum offenderet. Quod au-  
 „tem me invitam in unam ex arcibus nostris deduxisset, tam audacis facino-  
 „ris veniam supplex petiit: sed ad quod, vi amoris (reverentiæ & obsequii,  
 „quod, ut civis, mihi debebat, oblitus) impulsus fuisset. Accessit eodem,  
 „quod salutis tuendæ causâ eo cogeatur.

XXXVI. „Ibi totum vitæ cursum mihi recensere coepit: suamque for-  
 „tunam lamentabatur, quod, quos nunquam læsisset, sibi inimicos gravissi-  
 „mos offenderat, quorum malitia nullas injuste nocendi occasiones prætermitt-  
 „teret: quanta Regiæ cædis invidia eum onerarent: quam impar occultis ini-  
 „micorum conspirationibus esset; quos nec nosse posset, quod omnes vultu  
 „& oratione benevolentiam simularent, nec eorum, quos non nosset, præ-  
 „cavere posset insidias. Tantam autem eorum esse malitiam, ut nullo in lo-  
 „co, nullo in tempore, securus vitam queat degere, nisi de nostro immuta-  
 „bili erga se favore certus. Hanc autem certitudinem una ratione parari pos-  
 „se, si ego in animum inducerem, ut meo dignarer eum matrimonio. San-  
 „ctissime autem dejerabat, se nullam inde præcellentiam, aut supremi gradus  
 „fastigium, spectare, sed illud unum, ut mihi, perinde atque adhuc fecerat,  
 „pareret atque inferviret, quoad viveret. Ad hæc, quantam ea causâ posce-  
 „bat, venustatem orationis adjiciebat. Verum, cum nec precibus, nec pro-  
 „missis, videret nos inflecti, tandem nobis indicavit, quid cum Nobilitate  
 „universa atque Ordinum principibus egerit; quid illi rursus appositis chiro-  
 „graphis promiserint. Hæc, subito ac præter opinionem objecta, justam  
 „necne stuporis nobis causam dederint, Regi, Reginæ avunculo, cæterisque  
 „amicis, judicandum relinquimus. Itaque, cum me perspicerem in aliena po-  
 „testate positam, seorsum ab omnibus, quorum uti consilio solebam: imo,  
 „cum eos viderem, in quorum ante fide & prudentia conquiescebam, quo-  
 „rum vires nostram auctoritatem tueri debebant, sine quibus nostræ vires per-  
 „exiguæ, ac potius nullæ sunt; hos cum viderem, ad subserviendum cupi-  
 „ditati ejus sese devovisse, meque solam ei in prædam relictam, multa quidem  
 „cum animo sola versabam, sed exitum plane nullum reperiebam. Verum  
 „ille nobis non admodum longum ad consilium capiendum tempus dabat: sed  
 „continenter & importune propositum urgebat.

XXXVII. „Postremo, cum neque spem evadendi ullam viderem, neque  
 „quen-

[Certitudinem] Sui seculi, & eorum  
 etiam qui Ciceroniani disci volebant, con-  
 suetudine abreptus vocem [certitudo] hic

adhibuit, scriptoribus Romanis prorsus  
 incognitam. Vide Voss. de vit. serm.

1 De

„quoniam in toto regno, cui nostra libertas curæ esset, (facile enim per-  
 „spexeram, e chirographis datis, & summo illius temporis silentio, cunctos  
 „in ejus partes fuisse tractos) coacta demum fui, ira paullulum & indignatio-  
 „ne mitigata, animum ad ejus petitiones excutiendas referre; atque ante ocu-  
 „los proponere superiorum temporum officia, & spem, in eadem cum nostri  
 „observantia constanter in posterum perseveraturum. Item, quam gravate  
 „nostri cives Regem peregrinum, legibus & institutis eorum inassuetum, ef-  
 „sent recepturi: quod non diu me cœlibem esse paterentur: quod populus,  
 „natura factiosus, in officio contineri non posset, nisi nostra auctoritas &  
 „fulciatur & exerceatur, per virum, qui labori ferundo par sit, in admini-  
 „stranda Repub. ac rebellantium insolentia coercenda: quarum rerum pon-  
 „dus, vires nostræ, ab eo tempore, quo in Scotiam redivimus, debilitatæ,  
 „ac propemodum fractæ assiduis tumultibus ac rebellionibus, amplius sustine-  
 „re nequeunt. Item, quod, ob has seditiones, quatuor, aut etiam plures  
 „legatos, in diversis regni partibus, creare sumus coactæ, quorum pars ma-  
 „jor, eo colore imperii, a nobis permitti, freta, nostros cives arma sumere  
 „adversus nos coëgit. Ob has ego causas cum futurum viderem, ut, si Re-  
 „gii nominis dignitatem salvam vellem, animum ad nuptias inflectere coge-  
 „rer: nec cives nostri Regem externum passuri forent: nec inter cives quis-  
 „quam esset, qui vel splendore familiæ, vel prudentia & fortitudine, aliis-  
 „que corporis & animi virtutibus, præferri, aut conferri etiam posset, cum  
 „eo, quem nos maritum accepimus: mihi met ipsi imperavi, ut universali  
 „omnium Ordinum consensui, de quo ante dictum est, me adjunge-  
 „rem.

XXXVIII. „Postquam his multisque aliis rationibus, animi mei labefacta-  
 „ta est constantia, partim a me vi expressit, partim obtinuit obsequiis, ut ei  
 „me nupturam promitterem. Nec ramen adhuc ab eo, ut qui semper volun-  
 „tatis mutationem pertimescebat, obtinere ullis argumentis potuimus, ut ma-  
 „trimonii perficiendi tempus prorogaremus, ut videlicet tantum moræ inter-  
 „poneretur, donec rem communicaremus cum Rege Reginaque Galliarum,  
 „cæterisque nostris amicis. Verum, ut ab audaci facinore exorsus ad primum  
 „sux cupidinis gradum pervenerat, nunquam cessavit ad argumenta preces im-  
 „portunas adjungere, donec tandem, nec sine vi, nos impulit, ut operi in-  
 „choato finem imponeremus, idque eo tempore & modo, quæ illi ad id con-  
 „siliu exsequendum visa sunt commodissima. Qua in parte dissimulare non  
 „possum, me ab eo aliter tractatam, quam aut voluisssem, aut promerita  
 „fuerim. Magis enim sollicitus fuit, ut satisfaceret illis, per quorum con-  
 „sensum, initio expressum, voti compotem se putat, (quanquam & illos &  
 „me pariter decepit) quam ut mihi gratificaretur, aut expenderet quod mi-  
 „hi decorum foret, quæ in religionis nostræ institutis & ritibus fuerim edu-  
 „cata: a qua me nec ille, nec quisquam alius vivus, vivam abducat. In hac  
 „certe

I De quo ante dictum est] Sic accurate  
 Crasfordio legendum videtur, pro  
 Tom. I.

quo omnes libri [de quo ut a me dictum  
 est.]

N n n n

I Si-

„ certe re , et si errorem nostrum agnoscimus , tamen libenter cuperemus , ne  
 „ Rex , & Regina mater ejus , & noster avunculus , aut alius amicorum , ea  
 „ de re exoptulet , aut eam vitio ei vertat. Nunc enim , rebus ita transactis ,  
 „ ut infectæ fieri non possint , in meliorem partem omnia accepimus : & , ut  
 „ est re vera , ita maritus noster est existimandus , quem dehinc & amare &  
 „ colere decrevi. Quicumque autem se profitentur nostros amicos , <sup>1</sup>similes  
 „ erga eum se profiteri necesse est , qui insolubili vinculo nobiscum conjunctus  
 „ est. Quanquam , nonnullis in rebus , paullo negligentius , ac pene temera-  
 „ rie , se gesserit , quod immoderata erga nos affectioni libenter imputamus ,  
 „ cupimus tamen , ut Rex , Regina , noster avunculus , ac cæteri amici , eum  
 „ non minore prosequantur benevolentia , quam si omnia , ad hunc usque diem ,  
 „ ex eorum præscripto transacta fuissent : eumque contra promittimus , in  
 „ omnibus quæ ab eo postulabuntur , semper gratificari paratum.

XXXIX. Hæc quidem foris , adversus famam late fusam , quæsitæ remedia.  
 Adversus domesticos motus provisum , ut , cum donis in præsentia , & in po-  
 sterum pollicitationibus , eos confirmassent , qui vel auctores vel conscii Re-  
 giæ cædis erant , conjurationem majoris partis procerum facerent : quibus fre-  
 ti , reliquos facile contemnerent ; aut , si pertinaciores forent , tollerent. Igi-  
 tur , convocatis compluribus , scriptum eis proponunt , in quo capita inerant  
 foederis , in quod jurarent : cujus fere summa erat ; Ut Reginam & Bothue-  
 „ lium , actaque eorum omnia , tuerentur : illique invicem , foederatorum sa-  
 „ luti & commodis , quoad possent , faverent & consulerent. Qui præsentem  
 erant , magna pars jam antea persuasi , subscribunt ; reliqui , cum flagitiosum  
 viderent conjurare , periculolum abnuere , & ipsi subscribere. Arcessitur Mo-  
 ravius , ut ejus auctoritas (quæ ob virtutem summa erat) accederet. Is , in  
 itinere , monitus ab amicis , ut sibi consuleret , neve in Setonii ædibus , in  
 quibus Regina & conjuratorum principes erant , pernoctaret , sed ad propin-  
 quam alicujus amici villam diverteret , respondit ; „ Id in sua potestate non fo-  
 „ re : verum , utcumque res caderet , se nulli unquam flagitio assensurum : cæ-  
 „ tera Deo permittitur. De foedere rogatus ab aulicis , quibus id Regina  
 dederat negotium , respondit ; „ Se nec julte , nec honeste , cum Regina (cui  
 „ in rebus omnibus obtemperare debeat) foedus posse facere : cum Bothuelio  
 „ se , Regina auctore , conciliatum : quicquid tum promississet , ad unguem  
 „ servaturum : nec cum eo , nec cum alio quoquam , foedus aut conjuratio-  
 „ nem facere se , æquum , aut e Republica , existimare. Cum , per aliquot  
 dies , Regina solito blandius eum alloqueretur , ac se polliceretur , de omni-  
 bus rebus suam sententiam explicaturam , nec pudor tamen eloqui sineret , per  
 familiares animum ejus oppugnare tentavit. Hi quoque ejus in recto constan-  
 tiam reveriti , quid peterent , palam fateri [<sup>2</sup> non ausi ,] cum nihil tectius agen-  
 do

<sup>1</sup> *Similes erga eum*] Ita recentiores li-  
 bri ; principi tamen editioni Edimbur.  
 [*similem*] legitur ; unde nobis orta est su-  
 spicio aliquod sententiæ vocabulum exci-

disse , veluti *amorem , gratiam , favorem ,*  
*observantiam* , aut simile quid.

<sup>2</sup> *Non ausi*] Has voces manca alioquin  
 sententia interserendas postulare videtur.

<sup>1</sup> Li-

do proficerent, tandem Bothuclius eum aggressus, vario sermone eo est progressus, ut diceret; „Se facinus illud, nec sponte, nec sibi soli, fecisse. Eam vocem, cum vultu alter aspernaretur, Bothuclius, sermone gravi, & interdum conviciis propior, omnia versando, cum discordiarum causas interfereret, remque ad altercationem protrahere conaretur, ille contra, moderate respondendo, nullam litis occasionem dare, ac se tectum tenere, nec a proposito tamen discedere.

XL. Cum in his angustiis aliquot dies versatus fuisset Moravius, tandem a Regina veniam petiit, ut, quando sui non magnum videret usum in aula, ad Fanum Andreae, vel in Moraviam usque, secederet. A suspitione enim motuum, quos orituros praevidebat, procul abesse cupiebat. Id cum non impetraret, nec in aula sine summo & certo periculo esse posset, tandem liberam legationem expugnavit: sed ea lege, ne in Anglia subsisteret, sed per Flandriam in Germaniam, aut si quo alio vellet, ascenderet. Verum, cum Flandriam petere, nihil aliud esset, quam in apertum discrimen se praecipitare, tandem ægre tenuit, ut per Angliam in Gallias, deinde illinc quo commodum videretur, se conferret.

XLI. Homine libero & populari liberata Regina, cætera tyrannidis impedimenta conatur amoliri, hi autem erant, qui aut non libenter sceleri ejus subscriperant, aut non facile consiliis ejus acquieturi viderentur. In primis autem eos oderat, qui, cum animum ejus nihilo mitiorem erga filium, quam fuisset erga maritum, viderent, Sterlini conjuraverant, in nullum quidem scelus, sed tantum de pueri incolumitate tuenda. Eum enim cupiebat mater in vitrici potestatem tradere. Is autem, nemo dubitabat, quin puerum, primo quoque tempore, per occasionem daemedio tolleretur: ne vel cædis Regiæ ultor superesset, vel ne esset, qui liberos suos, in hæreditate regni adeunda, præiret. Principes ejus conjurationis hi erant, Comitès Argathelius, Mortonius, Marius, Atholius, Glencarnius: item ejusdem ordinis, sed proximi gradus, Patricius Lindefius, & Robertus Bodius: item amici & clientes, qui se eis adjunxerant. Sed Argathelius, eadem qua consenserat levitate, consilia cæterorum perendie illius diei Regiæ prodidit; & Bodius magnis pollicitationibus in partes adversas traductus est.

XLII. Proxime post hos erant suspecti, qui ad Angliæ limitem habitabant, Humiorum, Carorum & Scotorum familiarum: quorum potentiam omni ratione imminuendam existimabant. Ad id autem occasio visa est peropportuna. Nam cum Bothuclius expeditionem pararet in Lidaliæ, ut & ignominiam, ibi superiore autumno acceptam, aboleret, & militiæ laude parta, invidiam Regiæ cædis imminueret, omnes familiarum Tevotiæ principes jussi a Regina sunt in arcem Edimburgensem ingredi, ut ibi, ad breve tempus, in libera custodia essent, prætextu quidem, ne in expeditionem, quæ, eis invitis, non vi-

<sup>1</sup> *Liberam legationem expugnavit*] Libera legatio est quam quis privati negotii causa ad aliquod tempus impetrat. Unde Ulpianus l. 14. ff. de Legat. *Qui libera legatione abest, non videtur reipublicæ causa*

*abesse: hic enim non publici causa sed sui abest.* Vide Hottomannum fusc hac de re differentem, Comment. verb. juris.

<sup>2</sup> [*Præiret*] [Vide supra ad Cap. 27.]



debatur magno cum successu posse confieri, ducerentur, remque per invidia turbarent: & eis absentibus, clientes eorum assuescerent alienis imperiis, & paulatim patronorum caritatem exuerent. Sed illi, altius aliquid sub eo imperio latere rati, nocte domos discesserunt, præter Andreæ Carum, qui parricidii non ignarus vulgo credebatur, & Valterum Carum Sesfordium, hominem, ob summam vitæ integritatem, nihil suspicantem. Humius, aliquoties a Bothuelio vocatus in aulam, certus de ejus erga se voluntate, abnuit venire. Consilium nihilominus de expeditione procedit: Regina ad Borthuicum arcem, circiter octo ab Edimburgo millia, subitit.

XLIII. Interea, qui de Regis incolumitate tuenda conspiraverant, cum animum Bothuelii erga se non ignorarent, aliquid tentandum rati, simul suæ securitatis causa, simul ut, de auctore cædis Regiæ expetita poena, publicam Scotici nominis apud exterarum gentes levarent infamiam. Itaque, vulgi favorem, suos motus secuturum arbitrati, ad duo millia equitum ita occulte contraxerunt, ut Regina id agitari omnino non senserit, donec Humius, parte exercitus Borthuicum admota, eam una cum Bothuelio obsideret. Sed cum reliqua conjuratorum pars ad dictum tempus non convenisset, nec ipse tantam haberet multitudinem, ut omnes exitus clauderet, & segnius, quam par erat, omnia gererentur, quod rem a reliquis omissam crederent, primus Bothuelius, deinde Regina, veste virili sumta, evasit: ac recta Dumbarum abierunt. Conjurati autem quo minus in tempore convenirent, per Atholium stetit. Is enim, vel susceptæ rei magnitudine perculsus, vel ingenii cunctatione retentus, reliquos Sterlini detinuit, donec occasio rei gerendæ foret e manibus elapsa. Verum, ne nihil tanto conatu patratum videretur, major pars ad Edimburgum capiendum est missa. Arcem ejus oppidi tenebat Jacobus Balfurius, a Bothuelio sibi creditam, ut qui parricidii particeps, & omnium consiliorum vel conscius vel auctor ei fuerat. Sed cum nec operæ navatæ præmium accepisset, & minore, quam speraverat, gratia se apud tyrannos esse cerneret, (quippe qui arcis præfecturam adimere ei tentassent) expulsus diversæ factionis hominibus, locum suæ potestatis fecit: ac tum promiserat publici parricidii vindicibus, eam innoxiam fore, tractabatque cum illis de conditionibus ejus liberandæ.

XLIV. Erant in oppido tum, e factione Regiæ pene principes, Joannes Hamiltonius Fani Andreæ Archiepiscopus, Georgius Gordonius Huntillæ Comes, & Joannes Leslie Rossienis Episcopus. Hi, cum sensissent hostes suos in urbem acceptos, in forum provolantes, duces multitudini sese offerunt. Sed cum rari admodum ad eos sese aggregarent, retro cedendo ad arcem usque compulsi fuerunt. Ibi a Balfurio intromissi, per adversam partem post paucos dies emissi incolumes. Balfurius enim, re nondum cum alteris transacta, nolebat omnem spem veniæ apud alteros sibi præcidere. Oppidum facile conjurationi Nobilitatis accessit: utpote, paullo ante, novis a Regina tributis sæpe exspolia-

*I Per adversam partem]* Ita constanter omnes libri: mihi vero fere persuasum est [*versam partem]* legendum; quod & Thu-

amus, Buchanani vestigiis insistent, confirmat, qui eos *per posticum incolumes emissos* tradit.

2 Of-

liatum, &c, quod tum in egestate publica nihil moderatum expectabat, <sup>1</sup>offensa, velut communi consensu, tyrannide: <sup>2</sup>quodque, quoties voluntatis declarandæ locus dabatur, scelus eorum diris execrationibus prosequerentur. Cum, hoc pacto, segniter ad Borthuicum procerum factio rem gessisset, Regina & Borthuilius, qui per neglectas vigilas de nocte evaserant, cum paucis ad Dumborum profecti, se in arcem ibi munitissimam condiderunt. Unde tanta rerum commutatio consecuta est, ut, qui modo in summa desperatione versabantur, confluentibus undique, qui vel eorum sceleri connexi erant, vel Regii nominis umbram sectabantur, <sup>3</sup>satis firmi ad debellandos adversarios <sup>4</sup>sibi viderentur. Contra, libertatis vindices in magnis versabantur angustiis: paucis enim, contra quam speraverant, ad famam tam præclari facinoris accurrentibus, vulgi ardore, ut sit, cito restincto, & magna parte Nobilitatis aut adversa, aut in alieni periculi eventum suspensa. Deinde, etiamsi multitudine vindices essent superiores, omni tamen oppugmandarum arcium apparatu deficiebantur.

XLV. Itaque, cum consiliorum nullum in præsentia exitum invenirent, ac, prope necessitate coacti, de reditu, re infecta, cogitarent, Regina hanc eis dubitationem sustulit. Ea enim, cum vires jam animum facerent, statuit, cum ea multitudine, quam secum habebat, Letham proficisci, ut ex propinquo fortunam tentaret: simul ad suum adventum rata maiorem concursum futurum, simul audaciam terrorem hostibus allaturam. Præteriti enim temporis successus ita animos ei auxerat, ut neminem existimaret, ne primum quidem suum conspectum toleraturum: & aluerant ejus confidentiam adulescentes, & in primis Edmondus Hæjus caussidicus. Is affirmabat, „Omnia virtuti ejus prona esse: hostesque, & rerum & consiliorum inopes, ad famam ejus adventus, „abituos: „cum res tamen longe secus haberet, nihilque, in rebus præsentibus, ei mora fuisset utilius. Nam si illa, triduum modo, in arce Dumbari se continuisset, vindices juris publici, omni belli apparatu destituti, <sup>5</sup>libertate frustra attentata, domos quisque suas discedere coacti fuissent. Illa nihilominus a Dumbaro, incertum pejore consilio an spe vaniore impulsæ, movet, sed itinere lento, dum agricolis, e rure vicino collectis, arma dividuntur. Tandem ad Setonium vicum sub noctem veniunt: & quia locus tantam multitudinem non capiebat, in propinquos pagos (utriusque Præstono nomen est) sparguntur.

XLVI.

<sup>1</sup> Offensa velut communi consensu tyrannide] Offensa hic pro iniusta vel detestata sumi videtur, quemadmodum apud Cic. ad Attic. lib. 2. Ep. 19. Scito nihil unquam fuisse tam infame, tam turpe, tam peræque omnibus generibus, ordinibus, statibus offensum, quam hunc statum. Idem pro Cluentio, Etiam si is invidiosus multisque offensus sit. Et Fam. lib. 10. Ep. 13. Si hominem offensum mihi, conjunctum cum repub. non sublevassem. Sueton. Galb. cap. 16. Per hæc prope universis ordinibus offensus.

<sup>2</sup> Quodque ——— scelus eorum diris execrationibus prosequerentur.] Malim [prosequerentur.]

<sup>3</sup> Satis firmi] Alii libri male [et satis firmi] Crafordius.

<sup>4</sup> Sibi viderentur] Ita legendum & res ipsa & Crafordius monet, non, quod liberos omnes occupavit, [viderentur.] Frustra tamen addit vir accuratissimus superiore versu [versarentur] pro [versabantur] legi debere.

<sup>5</sup> Libertate frustra attentata] Alii libri omnes [attenta] Idem & Melvinius.

Da n n n 3

1 la

XLVI. Trepidus inde nuncius, paullo ante mediam noctem, venit Edimburgum, ac statim, signo dato, conclamatur, ad arma. Experrecti e somno tumultuose, quam quisque potest festinanter in campos proximos sese ejiciunt, ac ibi, circa Solis ortum, multitudine satis frequenti collecta, aciem instrunt. Inde ad Musselburgum profecti, ut flumen Escam transirent, antequam pons & vada ab hostibus occuparentur, (is vicus duo tantum millia a Prestono abest.) Verum, cum neminem inde obviam haberent, neque quicquam moveri prospicerent, ibi dispositis vigiliis cibum capiunt. Interea, qui missi fuerant, ut explorarent, paucos equites conspicati, eos intra pagum compulerunt, ipsi, metu insidiarum, non ausi ulterius progredi, nil certi ad suos retulerunt, nisi hostes castra movere. Igitur vindices, Musselburgo egressi, vident hostes in supercilio clivi adversi acie instructa stare, ac suis se locis tenere. Cum clivus ita rectus esset, ut non sine perniciē ad eos perveniri posset, paullum in dexterum deflectunt, simul ut Solem haberent a tergo, simul ut molliore clivo ascenderent, & locis minus iniquis conflingerent. Id eorum consilium Reginam primum fefellit, quæ eos fugere, & Dalkeithum, Comitis Mortonii propinquum oppidulum, cospetere credebat. Persuaserat enim sibi, Regii nominis eam fore reverentiam, ut nemo ex adverso apparere auderet. Sed ibi facile apparuit, auctoritatem, ut bonis artibus comparatur, ita malis amitti: majestatemque, virtute destitutam, levi momento evanescere. In itinere, populariter Dalkethenses effusi omne genus commectus abunde attulerunt: unde, relictis viribus, ac siti, qua maxime laborabant, sedata, ubi primum æquum locum occuparunt, duas in hostem dirigunt acies. Primæ præerant Mortonius, adjuncto Alexandro Humio, cum suis clientibus: secundam ducebant Comites Glencarnius, Marrius & Atholius.

XLVII. Ibi, cum in procinctu starent, venit ad eos Crocus, orator Galus. Is per interpretem præfatus; „Quantum semper commodis & tranquillitati publicæ Scotorum studuerit, nunc quoque eodem esse animo, & vehementer cupere, ut si fieri posset, sine vi, sine caede, res ex utriusque partis utilitate componatur. Ad id se suam operam offerre. Reginam quoque non abhorreere a pacatis consiliis. Id quo facilius intelligant, eam in præsentia veniam, & omnium præteritorum oblivionem, polliceri, ac sancte spondere, nemini fraudi fore, quod adversus supremum magistratum arma sumissent. Hæc cum interpretes retulisset, Mortonius respondit; „Non se adversus Reginam, sed Regis interfectorem, arma induisse: quem si Re-

gina

1. *In dexterum deflectunt*] An potius dextram?

2. *Populariter*] Vide supra ad Lib. XI. Cap. 4.

3. *Adversus supremum magistratum*] Quidam forte arbitrentur [*supremam*] hic fuisse dicendum, cum scilicet tum rerum summæ præfesset. Verum attendendum vo-

cem [*magistratum*] in eorum classe nominum posse censerī, quæ Grammatici *inimici* appellant, in quibus nulla fere sexus ratio habetur. Fortean etiam non tam hominem potestatem gerentem, quam potestatem ipsam Buchananus hic significari voluerit.

1. *Præ-*

„gina vel ad supplicium traderet, vel segregaret a se, tum intellecturam, ni-  
 „hil sibi reliquique civibus fore optatius, quam ut in officio erga eam per-  
 „starent. Aliter nullam concordiam coire posse. Nec se eo venisse armatos,  
 „ut veniam ullius admissi peterent; adjecit Glencarnius, sed ut potius darent.  
 Hanc eorum constantiam Crocus conspiciens, cum & vera dici, & justape-  
 ti, intelligeret, accepta abeundi venia, Edimburgum discessit.

XLVIII. Interea, Reginae exercitus veteribus Anglorum castris se contine-  
 bat. Locus erat & natura cæteris editior, & aggere & fossa cinctus. Ibi  
 Bothuelius, equo insigni ante aciem provectus, per præconem postulat, quo  
 cum ipse singulari certamine decernat. Cum ex acie adversa se obtulisset Jaco-  
 bus Moravius, adolescens nobilis, qui ante per libellum, sed nomine sup-  
 presso, se obtulerat, uti dictum est, cum eo Bothuelius congredi recusat,  
 caussatus; „Hominem nec opibus nec dignitate secum comparandum. Tum  
 ex adverbo prodiit Gulielmus Moravius, Jacobi frater natu maximus, qui af-  
 firmabat; „Se Bothuelio (si in hoc negotio pecuniæ ratio subducenda esset)  
 „non minus esse locupletem: familiæ autem antiquitate, & famæ integrita-  
 te, superiorem. Hic quoque recusatur, ut qui modo Eques, ac secundi or-  
 dinis, esset. Cum multi homines primi ordinis, & in primis Patricius Lin-  
 desius, se offeret: atque, pro omnibus, quos, in Scotici nominis incolumi-  
 tate & gloria tuenda, sustinuisset, laboribus, id modo præmium deposce-  
 bat, ut se permitterent cum Bothuelio decernere: ibi quoque cum Bothue-  
 lius tergiversaretur, nec se honeste expedire posset, Regina suam interpo-  
 suit auctoritatem; atque, eo depugnare vetito, contentionem diremit. De-  
 inde, aciem equo circumvecta, singulorum animos explorabat. Bothuelii pro-  
 pinqui & clientes configere cupiebant: cæteri aditi, cum dicerent; „In acie  
 „adversa, esse homines bellicosos, & plerosque longo militiæ usu duratos:  
 „aleam prælii periculosam esse Reginae. Se quidem paratos esse depugnare:  
 „sed plebis, quorum magnum habebant numerum, animos a causa abhorrere.  
 „Multo æquius videri, ut Bothuelius suam ipse armis causam tueatur, quam  
 „ut tot homines nobiles, in primis autem Reginam ipsam, in ultimum discri-  
 „men demitterent: sin ita vehementer ad pugnam animata esset, posse rem in  
 „proximum diem differri. Dicit, Hamiltonios cum quingentis equitibus adven-  
 „tare, nec procul abesse: iis adjunctis, de summa rerum ex tuto consuli posse.  
 Nam tum maxime, Comes Huntlaeus, & Joannes Hamiltonius Fani Andreae  
 Archiepiscopus, propinquos & clientes ad Hamiltonium convocaverant, ac po-  
 stridie ad Reginam erant venturi.

XLIX. Ad hæc, illa fremens, ac plena lacrymarum, multa in primores  
 jacit convicia, & per nuncium, ab acie adversa petit; „Ut Gulielmum  
 „Kircadium Grangianum ad se mittant: cum eo se de conditionibus colloqui  
 „velle: interea exercitus subsisteret. Et acies quidem vindicum libertatis substi-  
 terunt; sed in loco quidem humiliore, ac propiore, quam ut majores machi-

nae

1 *Premium deposcebat*] Rectius (quod Crafordio visum est) [*deposceret*] legen-  
 dum.

1 Es-



næ eis nocere possent. Dum Regina cum Kircadio sermones confert, \*Bothuelius, (quod colloquii simulatione petatum erat) sibi consulere iussus, Dumbarum versus ita trepide abiit, ut duos, qui sequebantur, equites redire iussit: adeo male conscius sibi animus, ne amicis quidem satis fidebat. Illa, cum eum jam extra periculum esse putaret, \*pacta cum Kircadio, ut reliquus exercitus sine noxa abiret, ad proceres cum eo venit, tunicula tantum vestita, eaque vili & detrita, ac paullum infra genua demissa. Et a prima quidem acie, non sine pristinae reverentiae indicibus recepta, cum peteret, ut se dimitterent, dum Hamiltonios, qui adventare dicebantur, conveniret, ac se reverfuram promitteret, Mortoniumque pro se spondere juberet, (sperabat enim, se blandis pollicitationibus, quæ vellet, effecturam:) ubi non impetravit, ad orationis acerbicatem conversa, ducibus sua in eos merita exprobravit. Ibi tamen cum silentio est audita. Cum ad secundam aciem pervenisset, concursus ab omnibus clamor sublatus est, ut meretricem, ut parricidam, cremarent. Erat in militari quodam vexillo depictus Henricus Rex, mortuus, & juxta filius infans, vindictam parricidii a Deo exposcens. Id signum duo milites inter duas hastas distentum, quoquo se verteret, ob oculos ei objiciebant. Ad hunc conspectum animo linquente, ægre, ne ex equo caderet, sustentata fuit. Sed refecta, nihil de pristina animi ferocia remisit; minas, maledicta, lacrymas, & cætera, quæ muliebris amat dolor, profundeabat. Cum, toto itinere, quas poterat moras innecteret, expectans, si quid alicunde auxilii appareret, e turba quidam exclamavit; „Nil esse, quod Hamiltonios expectaret: neminem enim armatum intra multa milliaria esse. Tandem, sub noctem, populo universo spectaculum effuso, Edimburgum intrat, facie ita pulvere & lacrymis oppleta, ut luto conspersa videretur. Cum summo silentio magnam urbis partem transit, tam angusta per multitudinem via relicta, ut vix singuli progredierentur. Cum in diversorium ascenderet, mulier una e turba ei bene precata est. Illa, ad populum conversa, subjecit, præter alias minas; „Se urbem incensuram, ac sanguine perfidorum civium incendium restincturam. Cum vero, lacrymabunda, per fenestram in publicum prospiceret, & concursus populi eo fieret, nec decissent, qui hanc subitam

*1 Bothuelius sibi consulere iussus) A Regina scil. At Regine Legati, in responso quod ad Moravii ejusque assessorum criminationes, in congressu Eboracensi 16 Octob. 1568, exhibuerunt, Grangianum testantur Bothuelium manu prehensa sibi consulere iussisse, pollicitumque neminem e suis eum secuturum; unde nec injuria colligunt, eos, qui se libertatis publicæ assertores venditabant, non tam Bothuelii plectendi, quam Regine exautorandæ gratia arma sumsisse. Cujus rei hoc insuper documentum adferunt, quod quamvis in ea vicinia aliquot dies mo-*

*ram traxerit Bothuelius, a nullo tamen nec tum nec diu postea esset quæsitus, donec eum extra periculum positum probe intellexissent: ne forte deprehensus, atque ad supplicium ductus, veros Regine cædis auctores ac machinatores proderet.*

*2 Pacta cum Kircadio] Vide Melvillium & prædictum legatorum responsum, qui Kircadium affirmant suo suorumque nomine promississe, si Regina Bothuelium repudiare vellet, se eam omni honore ac obsequio prosecuturos: id vero qua fide præstiterint, ea quæ mox secuta sunt, ostendunt.*

*1 1w.*

bitam fortunæ mutationem commiserarentur, vexillo, quod diximus, ob oculos exposito, statim oclusa fenestra, se intro proripuit. Ibi cum bi-  
duum fuisset, ex procerum decreto, in arcem, quæ est in lacu Levino, in  
custodiam mittitur: nam Edimburgensem adhuc tenebat Balfurius, qui, etsi  
vindicibus libertatis favebat, tamen de arce tradenda nondum transegerat.

L. Inter hæc, Episcopus Dumblanensis, qui in Galliam Legatus, ad  
matrimonium Reginae excusandum, erat missus, omnium, quæ, post suam  
e Scotia discessum, ibi acta erant, ignarus, per eos ipsos dies, quibus hæc  
postrema contigerunt, in aulam appulit, ac diem ad exponenda mandata im-  
petravit. Eodem forte die, mane, binæ allatæ erant ad Regem & matrem  
ejus literæ: alteræ a Croco Legato ejus, Gallo; alteræ a Niniano Cochur-  
no, Scoto, qui, præfectus equitum, aliquot annos in Gallia meruerat. Utræ-  
que rerum in Scotia nuper gestarum expositionem continebant. Igitur Le-  
gatus Scotus, intromissus ad Reges, longam & accuratam orationem erat exor-  
tus, qua partim Reginae factum, in contrahendo inconsultis amicis matrimo-  
nio, excusabat, partim Bothuelium<sup>1</sup> immodicis laudibus, supra veri fidem,  
onerabat. Regina Galla, vanitate hominis interpellata, cum literas e Scotia  
allatas protulisset, ac, ex eis, Reginam Scotorum captam, Bothuelium fu-  
gatum, ostendisset; ille, <sup>2</sup>inexpectato subito ictus malo, conticuit. Qui  
aderant, partim inopinato eventu ringi, partim ridere: nec quisquam omnium,  
ea immerenti accidisse, credere.

LI. <sup>3</sup>Eisdem forte diebus, Bothuelius ex intimis ministris unum in arcem  
Edimburgensem misit, qui arculam argenteam, literis undique inscriptam,  
quæ indicarent, eam aliquando Francisci Regis Francorum fuisse, ad se de-  
ferret. <sup>4</sup>In ea inerant literæ, Reginae ipsius manu pene omnes scriptæ, in  
quibus & cædes Regis, & cætera fere omnia, quæ consecuta sunt, dilucide  
continebantur; ac pene in singulis scriptum erat, ut lectæ statim cremaren-  
tur.

<sup>1</sup> *Immodicis laudibus supra veri fidem  
onerabat*] Quidam pro *onerabat*, *ornabat*  
scriptum velint. At alterum illud hic ar-  
guitur, & Livii exemplo lib. 4. subnixum,  
*Deinde quum undique plus in illo senili ani-  
mo non consilii modo sed etiam virtutis esse,  
quam in omnibus aliis dicerent: laudibusque  
laud immeritis onerarent.*

<sup>2</sup> *Inexpectato subito ictus malo*] Aut vox  
[*inexpectato*] aut [*subito*] superfluum vi-  
detur.

<sup>3</sup> *Eisdem forte diebus*] Exstat in Actis  
publicis Moravii syngrapha 16 Septemb.  
1568, qua se eam arculam a Mortonio  
accepisse testatur, quam & eidem aliisque  
cædis Regiæ vindicibus se restitutum prom-  
ittit.

<sup>4</sup> *In ea inerant literæ*] Eas literas fictas  
Tom. I.

arguit Morganus Philippus Defens. Ma-  
ritz, pag. 12. tum ob alias multas rationes,  
tum has potissimum, quod neque a  
quo scriptæ, neque ad quem, aut quo  
tabellario missæ, indicent, nec denique  
ullam præferant temporis locive significa-  
tionem. Porro (inquit) Dalglesius, Bo-  
thuelii minister, qui eas a Balfurio acce-  
pisse ferebatur, cum cædis Regiæ convi-  
ctus suspendio poenas lueret, ipsa in mor-  
te Deum sanctissime testatus est, se nullas  
ejusmodi literas ad Bothuelium deporras-  
se. Postremo putidissimas hæc literas &  
cantilenas ab aliis ejusdem generis Reginae  
scriptis prorsus abhorre, inter alios Bran-  
tomius & Ronsardus testantur, qui haud  
pauca ejus carmina vivido & eleganti in-  
genio fusa, sibi narrant conspecta.

O o o o

I Cam

tur. Verum Bothuelius, qui Reginae inconstantiam nosset, ut cuius, intra paucos annos, plurima viderat exempla, literas conservarat, ut, si quid dissidii cum ea incidisset, illo testimonio uteretur, nec se Regiae cædis auctorem, sed comitem fuisse, ostenderet. Hanc arculam Bothuelii ministro Balfurius ferendam dedit: sed prius principibus adversæ partis admonitis, quid, per quem, & quo mitteretur. Ea deprehensa, multas magnasque res, etsi magnis suspicionibus jactatas, tamen nondum satis detectas, in lucem protulit, universumque crimen pene oculis subjecit.

LII. Bothuelius, rebus ubique male cedentibus, omni auxilio ac spe recuperandi regni destitutus, primum ad Orcadas, deinde ad Hethlandicas insulas profugit, ibique, rerum omnium inopia circumventus, piraticam facere cœpit. Regina vero, multis orantibus, ut causam suam a Bothuelio separaret, (supplicio enim de eo sumto, fore, ut omnium civium summa voluntate, ipsa facile restitueretur) mulier ferox, & pristinae fortunæ spiritus gerens, & malis præsentibus efferata, respondit; „Se libentius cum illo, in extremis fortunæ adversantis angustiis, quam, sine eo, in Regiis deliciis vitam acturam.

LIII. Inter proceres autem varii animorum motus fuerunt. Nam patricidii ultores sperabant, ad tam præclari facinoris rumorem, si non omnium, certe melioris partis assensum secuturum. Longe autem secus evenit. Popularis enim invidia partim spatio temporis erat lenita, partim, reputatione inconstantiae rerum humanarum, in misericordiam verterat. Neque deerant e Nobilitate, qui non minus Reginae calamitatem tum deplorabant, quam superioribus diebus ejus crudelitatem execrabantur: utrumque magis animi inconstantia, quam ullo in alterutram partem affectu: ut satis appareret, eos non tranquillitatem publicam, sed in rebus perturbatis spem privati emolumenti, sequi. Plures, otii cupidi, partium vires expendebant, & ad potentiorum opes inclinaturi videbantur. Validissima credebatur eorum factio, qui vel in eadem consenserant, vel, re perpetrata, in Reginae gratiam, aliorum sceleri subscripserant. Eorum principes, cum ad Hamiltonium convenissent, freti conjurationis opibus, neque literas, neque nuncios, de communi concordia stabilienda, ab adversa factione recipere volebant: nec ullis verborum contumeliis adversus eos abstinebant: eoque erant ferociore, quod magna pars procerum, quæ fortunæ momenta magis, quam æquitatem causæ, spectabant, ad liberatores se non aggregabant: quicumque enim se non ad illos adjungebant, pro suis ducebant. Arrogantiæ etiam illud tribuebant, quod patricidii ultores in urbem regni principem priores accesserant: quod se, qui & plures & potentiores erant, illuc arcesserent. Id autem diversa factio quam non imperiose jussissent, sed demisse rogassent, tamen, ne quid usquam

[Cum ad Hamiltonium convenissent] Longe diverso more rem narrat Melvillius pag. 86. qui quamvis ad Hamiltonios a factione Reginae adversa legatus missus, at-

que ab iis benigne auditus fuerit, eos tamen a proceribus hac in re male habitos testatur.

1 IIIa



quam esset, quod ullam arrogantiae speciem præferret, impetrant a Ministris Ecclesiarum, ut communiter ad omnes, singuli etiam ad singulos scriberent, ne, in tempore tam periculoso concordiae communi deessent, & privatis similitudinibus posthabitis, prospicerent, quid ad omnium salutem potissimum expediret. Neque hæc magis, quam procerum antea, literæ apud adversam factionem profecerunt, omnibus eadem excusantibus, ut res ex composito acta inter eos videretur. Variis deinde locis cum Regina factio coisset, neque ullum consiliorum suorum exitum invenirent, alii alio dilabuntur.

LIV. Inter hæc, vindices patricidii publici cum Regina (quam a cædis auctoribus separare non poterant) agere, ut regnum ejeraret, & vel infirmæ valetudinis excusatione, vel alio quovis honesto prætextu, curam & filii & rerum administrandarum, cui vellet ipsa, procerum committeret. Illa gravate tandem rectores puero nominat, Jacobum Moraviæ Comitem, siquidem is, domum reversus, onus non recusaret, Jacobum Castellerotii ducem, Matthæum Levinæ, Gilespicum Argatheliæ, Joannem Atholiæ, Jacobum Mortonii, Alexandrum Glencarniæ, Joannem Marriæ, Comites. Missi item procuratores, qui curarent, ut Sterlini, aut alibi, siquidem eis commodius videretur, Rex, in sella Regia collocatus, regnum iniret. Hæc ad octavum Calendas Augusti, anno a Christo nato, M. D. LXVII. acta.

M. D.  
LXVII.

LV. Paulo ante eum diem, Jacobus Moraviæ Comes, dum, cognitorum domesticarum statu, per Galliam revertitur, in aula satis liberaliter accipitur: sed ita tamen, ut ab Hamiltonio (cujus factionem Galli & firmiorem & sibi conjunctiorem persuaserant) gratia longe vinceretur, idque maxime Gufiorum opera, qui omnibus Moravii conatibus adversabantur. Eo itaque dimisso, Archiepiscopus Glasguensis, qui Legatum se Reginae Scotorum vocabat, aulae persuaserat, Jacobum, etiam absentem, tamen adversæ factionis esse principem, & superioribus temporibus, omnia ex ejus sententia fuisse gesta, & nunc velut ducem a fociis arcessiri. Ad hæc persuasis, mittuntur, qui eum retraherent: sed ille, ab amicis præmonitus, solverat, antequam Diepam (nam in eo portu erat) Regum literæ perlatae essent: ac, in Anglia per omnium ordinum homines honorifice habitus, domum dimittitur. Ibi, magno populi, sed maximo vindicæ gaudio, receptus, omnibus vehementer instantibus; „Ut Rege, sororis filio, adhuc infante, rerum gubernacula susceperet. Eum enim unum esse, qui, vel ob propinquitatem, vel ob multis in periculis virtutem cognitam, vel gratiam multis meritis col-

lectam,

1 *Illo gravate tandem*] Imo gravatissime: Linde sic enim Regulus alique, metu mortis injecto, cessionem regni ab ipsa extorserunt. Vide Lessæum, Camdenum, Melvillium & Sporisvodium.

2 *Tandem rectores puero nominat*] Paulo obscurius hæc traduntur; quasi cæteris proceribus hic una cum Moravio nomi-

natis æqualis potestas fuisset demandata, cum tamen ex iis quæ infra sequuntur, & ex ipsis Actis publicis appareat, Jacobum Moraviæ Comitem Regentem constitutum; ac si is onus recusaret, tum proceres hic recensitos una cum Moravio Regi puero Rectores nominatos.



„lectam, Regina etiam poscente, minima cum invidia, cum honorem gere-  
 „re posset. „Ille, etsi quæ dicerentur vera esse intelligeret, paucos tamen  
 ad consultandum dies impetravit. Interea, ad alterius factionis principes dili-  
 genter scribit, & præcipue ad Argathelium, genere propinquum, & quem,  
 ob pristinam consuetudinem, minime vellet offendere. Ei ostendit, „Quo in  
 „loco res esset, quid pupilli factio ab se contendat: orat, per sanguinis com-  
 „munionem, per amicitiam, & communis patriæ salutem, ut sibi convenien-  
 „di ejus fiat copia, ut ex his angustiis, ejusope, & ipse & communis patria  
 „expediatur. Ad cæteros etiam, pro cujusque loco & necessitudine. Ab om-  
 nibus autem communiter petit; „Ut, quoniam rebus ita turbatis, ut diu  
 „stare, sine summo magistratu, nequeant, quamprimum in locum, qui com-  
 „modissimus eis videretur, convenirent; ac rerum summæ, ex universorum  
 „sententia, prospiciant. Tandem, cum nec ab una factione colloquium,  
 nec ab altera diuturniorem comitiorum moram, impetraret, summa omnium  
 qui aderant voluntate Prorex eligitur.

## CVIII. REX.

LVI. Quarto Calendas Augusti, post luculentam concionem habitam ab  
 Joanne Knoxio, regnum iniit JACOBUS, ejus nominis Sextus. Jurarunt,  
 pro eo, in leges, Jacobus Mortonii Comes, & Alexander Humius, cum  
 doctrinam & ritus religionis, qui tum publice docebantur, quoad posset, ser-  
 vaturum, & contrarios oppugnaturum polliciti. Paucis post diebus, qui ad  
 Hamiltonium convenerant, fremere, paucos, nec eos potentissimos, sine suo  
 (quod nunquam expectaverant) assensu, omnium rerum arbitrium ad se revo-  
 care. Cum circuissent Nobilitatem reliquam, raros, præter eos, qui primi con-  
 venerant, in suam sententiam pertraxerunt: plerique enim spectatores potius,  
 quam actores rerum, quæ gerebantur, haberi volebant: tandem ad Regios  
 scribunt, Argathelium, in colloquium cum Comite Moraviæ venire paratum.  
 Hæ literæ, quia ad Moravium Comitem, sine ulla majoris honoris præfatio-  
 ne, scriptæ erant, de concilii sententia, sunt rejectæ: nuncius prope sine  
 responso est dimissus. Verum Argathelius, gnarus, quid in literis offendisset,  
 ac Proregis fidei fatis confisus, cum aliquot suæ factionis principibus, Edim-  
 burgum venit: ac, tum satisfactione accepta, nullo eorum, qui aberant,  
 contempto, sed, necessitate ita poscente, festinatum, in summo magistratu cre-  
 ando, paucos post dies, ad publicum Ordinum conventum venit.

*I Eam doctrinam & ritus religionis* Ita editio Pet. Elzev. anni 1668, & Mos-  
 ananni 1700: reliqui fere omnes [eandem.]

## LIBER DECIMUS NONUS.

**R**EGE creato, ac Proregis potestate prope constabilita, a vi quidem & armis quies erat: sed pax infida, & animis adhuc tumefcentibus, non occulta indignatio, malum aliquod inopinatum parturire videbatur. In hoc tam incerto rerum statu, omnes oculos pariter & animos in conventum publicum intendebant. Ejus habendi dies erat vicesimus quintus Augusti mensis. Is tanta frequentia est celebratus, quanta nullum ad eum diem homines meminerant. Ibi Proregis auctoritas decreto publico est confirmata. De Regina sententiis est variatum. Nam cum multis indiciis ac testibus, potissimum vero ipsius ad Bothuelium literis, tota crudelissimi facinoris ratio manifeste teneretur, quidam atrocitate rei permoti, alii in conscientiam sceleris a Regina assumti, ut communis criminis testem tollerent, poenas secundum leges expetendas censebant: major pars in custodia habendam decrevit.

II. Secundum conventum transacta hiems iudiciis constituendis, & fontium poenis exigendis: Legati Gallorum & Anglorum auditi: neutris permissum, ut Reginam, custodiae publicae commissam, convenirent. Unus tum in armis erat Bothuelius. Missa classis, quae eum, apud Orcadas & ultiores insulas piraticam exercentem, comprehenderet. In tanta egestate publica, ut ad eam ornandam pecunia deesset, accepta mutuo est, ab Jacobo Duglassio Mortonio, qui tum impendio privato publicae necessitatis onus sustinuit. Bothuelius, & saevitia maris, tum maxime tempestatibus hibernis excitata, & aerarii publici (quod ipse exhausserat) inopia fretus, prope securus agebat. Verum repentino adventu Gulielmi Kircadii Grangiani, qui classi praefectus erat, prope circumventus fuit: pars sociorum capta: ipse, per averfam insulae partem, qua majusculae naves sequi non poterant, inter brevia & vadosa, cum paucis evasit, ac brevi post ad Cimbros delatus est. Ibi, cum non satis expediret, aut unde veniret, aut quam regionem peteret, in custodiam, ac paullo post, a mercatoribus agnitus, in arctissima vincula est conjectus: ac, fere post decennium, ad fordes aliasque misérias accedente amentia, vita turpiter acta dignum habuit exitum.

III. Primo statim vere, ut res, superiorum annorum tumultibus conquassatas, reficeret & stabiliret, Protex statuit conventibus juridicis habendis universum regnum obire. Ea res, pro cuiusque ingenio & conditione, varie animos affecit. Nam adversae factionis homines <sup>vel</sup> vulgo passim Proregis severitatem,

<sup>I</sup> *Vulgo passim*] Quidam forte vocem [*vulgo*] hic superfluum existimabunt: mihi vero contra tertio casu posita, atque ab adjectivo [*formidolosam*] pendere videtur:

quasi, mutato paullum verborum ordine, sententia sic constitueretur, *Nam adversae factionis homines passim Proregis severitatem non eis modo, qui p.*

vel (ut ipsi dicebant) crudelitatem, non eis modo, qui, propter scelorum magnitudinem, leges & æquum jus ferre non possent, post tantam proximæ superioris temporis licentiam, formidolosam prædicabant. Regina autem liberata, aliis præmiis, aliis impunitatis spes ante oculos erat. Quibus rebus adducti plerique, ex eis etiam, qui præcipue ejus capiendi auctores fuerant, in diversam factionem sunt protracti. Martellanus, quantum Reginae rebus favebat, tantum Borhuellum, hominem sceleratum & perfidiosum, & in eadem suam imminentem, oderat: & quia, Regina incolumi, illum subverti posse desperabat, in comitiis publicis facile passurus videbatur, ut, secundum leges & instituta majorum, poenæ de ea expeterentur. In eadem causa erit Jacobus Balsurius, Borhuellum sibi implacabilem ratus: & uterque non alienus a consilio Regis trucidandi putabatur. Sed Borhuellio capto, & apud Cimbros in vincula coniecto, ad Reginam liberandam animum adjececerunt, non modo, quod facilius apud eam criminis communis impunitatem sperabant, sed quod, quæ maritum suffulisset, non mitiorem in filium, ejus adhuc ipsa infans, & Regii nominis umbra, eam regno exuisset, fore putabant: Et ad suam etiam securitatem facere arbitrabantur, ne filius, vindex paternæ credis, ad regnum perveniret. Conjectura etiam non obscure accedebant, quæ animum Reginae tali facinore non abhorreere indicabant. Sæpe ex ea auditum est, „Eum puerum non esse vitalem: se enim accepisse Lutetia ex perito Mathematico, affirmabat, primum suum foetum non ultra annum victurum: „& ipsa, in eandem (ut creditur) spem, venerat aliquando Sterlinum, ut infantem Edimburgum secum deduceret. Quibus suspitionibus factum est, ut Joannes Areskinus, arcis præfectus, puerum sibi eripi non sit passus; & Nobilitatis bona pars, Sterlini coacta, conjuraret de pueri salute tuenda. Hamiltoni quoque ad

*f. m. l. e. a. j. f. n. p. sed vulgo etiam, post tantam p. f. s. l. formidolosam prædicabant.* [Crediderem hoc de aliis locis Buchananum inceptum, quæ voce uteretur, duas sæpe posuisse, ut eligeret alteram, sed neglexisse quam delere, ita ut utraque fuerit typis expressa. quare ego vulgo dele-rem.]

1 *Facile passurus videbatur* De Ledintonio plane contrarium testantur Melvil-  
lus pag. 87. & Nic. Throgmortonius le-  
geras Angliæ suis ad Elizabetham R. lre-  
ris.

2 *Uterque non alienus* De Ledintonio  
quidem res ambigua videtur: at Melvil-  
lus pag. 81. Balsurium testatur alieno a  
eade Regina animo, atque propterea Bo-  
rhuellio suspectum primum, ac deinde in-  
victum fuisse.

3 *Conjectura etiam non obscure* Cru-  
ditatem suam dicem, an malignitatem  
hic prodest Buchananus, qui ex atrocissi-  
morum inimicorum conviciis crimen tam  
immane, tamque a natura abhorrens Re-  
ginæ affingere conatur. At quibus quæro  
indiciis horrendi flagitii fidem adstruit.  
Quia scilicet Regina ex perito Mathematico  
se accepisse affirmabat, primum suum fo-  
etum non ultra annum victurum; ideo, ne  
Mathematici verba irrita cederent, ma-  
ter lactentem filium unicum, tantæ spei  
hæredem, aut ipsa trucidare, aut alii tru-  
cidandum tradere debebat. Quod vero Re-  
gina filium Sterlini deducere, atque secum E-  
dimburgi habere voluerit, omnes, præter  
Buchanani, aliosque eodem hore per-  
fectos, materno amori imputabant.

ad Reginam liberandam totis viribus incumbabant, \* quod puero per eam sublato, uno gradu propius ad regni spem ipsi admoventur: nec magni deinde laboris ac periculi fore, \* eam quoque tollere; quippe cunctis tot criminibus infam, & post, interpellatam tyrannidem, crudelitati naturæ magis obsecuturam. Argathelius & Huntillus, quod alter matrem, alter uxorem e gente Hamiltonia haberet, eorum spem fovebant, & successibus favebant. Sed & illos suæ & propiores causæ impellebant, quod neuter scelerum Regine inscius putabatur. Gulielmus Moravius Tilibardinus, ob diversam in religionis controversiis sententiam, alienus, & privata etiam de causâ Proregi irritus, etsi antea, in Regina capiendâ, egregiam operam navasset, tum non ipse modo a Regis partibus discessit, sed magnam amicorum manum, spe non exigua emolumentorum objectâ, secum traxit. Hi quidem fuerunt principes Regine liberandæ. Sed & alii permulti, quos vel domesticæ necessitates, vel inimiciæ privatæ, vel doloris ulciscendi, vel honorationis loci, spes, eodem impulerat, vel propinquitatibus, aliisque necessitudinibus, iis, quos nominavi, illigati, in eadem causâ fuerunt.

IV. In hoc rerum tam turbido statu, Prorex, adversus amicorum preces & inimicorum minas juxta firmus, cum etiam, libellis propositis, nec odiorum causas, nec vindictæ cupiditatem, dissimularent, & qui divinandi scientiam sibi arrogarent, ut qui non ignari conjurationum adversus eum initarum essent, diem præfinirent, intra quem moriturus esset: tamen in proposito perstabat: ac sæpe dictitabat; „Se satis scire, vitam sibi aliquando finientdam: honestius autem se non posse eam deponere, quam in tranquillitate publica procuranda. „Igitur conventu primum Glasviam indicto, eo venire iussis Levinianis, Rensfroanis & Glottianis, dum ibi juri dicundo & flagitiis puniendis vacat, consilia, de Regina liberanda, jam diu agitata, tandem ad exitum pervenere. Ejus facinoris ratio hæc fuit.

V. Erat in arce, quæ est in lacu Levino, ubi Regina custodiebatur, Proregis mater, tresque ex alio patre fratres, aliaque mulierum turba: neque quisquam ad eam visendam admittebatur, præter notos, aut a Prorege missos. Ex hac turba domestica, Regine visus est maxime idoneus Proregis frater natu minimus, Georgius Duglassius, adolescens non inamæno ingenio, & qui, per ætatem, blanditiis muliebribus facile capi posset. Is sæpenumero, per speciem lusuam, quibus otium se aulicum oblectare solet, cum familiariter cum ea assuesceret, e vulgato arcis ministerio, alios muneribus, alios pollicitando, devinciendos suscepit. Neque illa, cui se semel permiserat, & a quo libertatem sperabat, ei quicquam negare in animum induxerat. Georgius igitur

1 Quod puero per eam sublato] Regina igitur cum Hamiltoniis de filio suo tollendo consilia communicabat? Credant illi quibus demum persuasum est,

Nil intra esse oleam, nil extra esse in nucis duri.

2 Eam quoque tollere] Odio suo, non

veritati hic litat Buchananus: tam barbari enim consilii ullum unquam e gente Hamiltonia affinem fuisse solus Buchananus pronunciaverit.

3 Impulerat] Ita princeps Editio Edimb. quod recentiores libri in [impulerant,] nulla necessitate cogente, mutant.

1 Quoad



igitur, incolumitatem suorum pactus, & spe divitiarum & potentiae in posterum captus, nec matre (ut creditur) infamia, nihil omittit, quod ad coepta peragenda facere videretur. Id etsi nonnulli senserant geri, & ad Proregem detulerant, ille adeo suorum fidei credebatur, ut nihil e pristina custodia mutaret, nisi quod Georgium ex insula emigrare jussit. Is cum in pagum proximum, ad oram lacus, se contulisset, per ministros arcis, pecunia corruptos, prope liberius quam antea, consilia cum Regina de rebus omnibus communicabat. Itaque non solum Scoti, quibus praesens rerum status non satis placebat, in conscientiam adsciti, sed Galli quoque, per Jacobum Hamiltonium, qui, ante annos non adeo multos, Prorex fuerat, & Jacobum Betonium Glascae Archiepiscopum, sollicitati fuerunt, Scotis operam, Gallis pecuniam pollicentibus.

VI. Circa finem Aprilis, Legatus e Gallia venit, ac nomine sui Regis postulavit; „Ut sibi Reginam convenire liceret: ac, si id negaretur, prae se ferebat, se confestim discessurum. Prorex, id suae potestatis negare; „Neque Reginam a se in custodiam traditam, neque quicquam, inconsultis, „qui primi eam custodiendam commisissent, & qui posterius factum illorum „suo decreto confirmassent, se statuere posse. Quoad autem posset, se & „sorori & amico Regi gratificaturum, & vicesimo die proximi mensis conventum ei Nobilitatis daturum. Cum Legatus eo responso videretur placatior, & Prorex juri dicundo intentus esset, Regina, corrupto naviculatore, reliquisque comitibus confecta causa ablegatis, e lacu educitur. Id cum praevidentibus in arce renunciatum esset, frustra tumultuatum est: scaphis enim omnibus in siccum extractis, ita foramina, in quae scalmi immittuntur, omnibus fuerunt obturata, ut sequendi repente facultas tolleretur. Regina ab equitibus, ad ripam expectantibus, excipitur, & per domos consociorum deducta, magno comitatu postridie, qui erat ad V. Non. Maji, ad Hamiltonium venit, qui pagus octo millia passuum distat a Glasca.

VII. Repassim divulgata, multi, qui vel partibus Regis, jam antea non admodum firmis, diffidebant, vel quibus apud Reginam novae gratiae spes erat, vel quibus in veterum officiorum memoria fiducia erat collocata, in hoc tumultu, partim animos palam renudarunt, partim, antea actorum venia clam impetrata, aleam fortunae expectantes, apud Proregem haeserunt. Et cum aliorum defectio minus admirationis habuisset, Roberti Bodii discessus, qui ad eum diem summam constantiae opinionem comparasset, magnam tum sermonibus variis occasionem praebuit. Is, in clarae familiae (de qua dictum est a nobis in vita Jacobi Tertii) ruinis, sub patre, viro forti & antiquae parsimoniae aemulo, parce & tenuiter educatus, eundem, quem ceteri propinqui, vitae cursum est secutus, ut videlicet, ad firmiores opes se applicans, sibi viam sterneret ad antiquas familiae, nuper florentissimae, vires instaurandas. Igitur & pater, & ipse, ad Hamiltonios, rerum potentes, se primum applicuerunt.

<sup>1</sup> *Quoad autem posset*] Omnibus libris, praeter primum Edimb. & Mosmannianum, porperam [*Quod*] scribitur.

<sup>1</sup> *Omnium*

runt. Summo autem ab illis magistratu ad Reginam viduam translato, cum de religionis controversiis tumultus esset exortus, se cum doctrinæ purioris assertoribus, a qua pater ejus fuerat alienissimus, conjunxit; quæ tum factio putabatur validissima: atque in ea permansit, usque ad Reginæ reditum e Gallia: opinionemque magnam, de sua constantia, fortitudine, & prudentia, excitavit: qua impulsus Gilespicus Argatheliæ Comes, ab ejus prope unius consilio pendebat. Verum cum forte Sterlini aliquot e principibus procerum conjurassent, in nullum quidem facinus, sed de incolumitate Regis tuenda, ipse quidem foederi subscripsit: sed, eadem levitate, & ille, & qui ejus consiliis tum regebatur, Argathelius, quid in eo conventu actum fuisset, ad Reginam rescripserunt: atque, ab eo tempore, Reginæ Bodius, adversus veteres amicos, omnium consiliorum fuit particeps: nec majorem illic constantiæ, quam apud cæteros levitatis & inconstantiae, opinionem peperit. Regina autem in custodiam inclusa, ad Moravium, Proregem electum, se Bodius contulit: eique ingenium & industriam ita probavit, ut ad intima consilia adhiberetur. Aliis autem aliter de eo sentientibus, tamen, in quæstione rerum capitalium Glascae, apud Proregem in ferventissima erat gratia. Verum, cum rem ad certamen spectare videret, clam ad Reginam est profectus: inde autem cum literis filium ad Comitem Mortonium misit, excusans discessum, atque affirmans; „Se fortasse non minus partibus Regiis profuturum, quam si apud eos mansisset. Ejus igitur defectio, propter multorum conceptam de moribus ejus opinionem, tum præcipue sermonibus hominum dabat materiam.

VIII. Interea, in concilio apud Proregem acriter disputatum, illicne manerent, an, ubi Rex erat, Sterlinum transirent. Multi vehementer illinc discedere suadebant. Commemorabatur, „Hamiltonium, pagus frequens in „propinquo, & totius amplissimæ familiæ clientelæ undique circumfusæ: & „advenerant cum Regina circiter quingenti equites, & e remotioribus etiam „locis multi adventare dicebantur; cum Prorege soli prope familiares, cæteris partim ad Reginam transfugis, partim ad sua cujusque negotia, ut in rebus maxime tranquillis, sensim dilapsis. Et, quanquam Glascaenses satis „fidi videbantur, ut ab Hamiltoniis, rerum potentibus, multis & magnis „incommodis affecti, tamen oppidum ipsum vastum, nec pro magnitudine „frequens, & undique pervium erat. Contra, alii disserebant; „Omnia fere e primis initiis pendere: discessum fore infamem, & fugæ proximum: „suspicionem omnem metus tum maxime vitandam, ne & hostium animos „augerent, & suorum imminuerent. Esse in propinquo potentes familias Cunninghamiorum & Sempliorum: esse ab altera parte Leviniam, Regis peculiare „patrimonium: inde proximos intra paucas horas, reliquos postridie, aut „certe tertio die, affuturos: interea, dum longinquiora auxilia convenirent,

„in

I *Omnium consiliorum fuit particeps*] Omnes libri præter Mosin. [*consiliorum ejus fuit particeps*] exhibent: quod quanquam  
Tom. I.

utcumque tolerari possit, sententia tamen venustior ac Buchanano dignior, extrita voce [*ejus*,] incedere videtur.

P P P P

I De-

"in his fatis praesidiis, adjunctis praesertim oppidanis, fore.

IX. Hæc sententia in concilio vicit. Legatus Gallus ultro citroque commebat magis speculator, quam, id quod simulabat, pacificator. Nam, cum initio copias Glascae exiguas, circa Hamiltonium multitudinis magnæ speciem vidisset, Reginam strenue ad fortunam certaminis subeundam aminebat. Jam Prorex, collectis e locis propioribus amicis, longinquoires e Marcia & Lothiana exspectabat. Hi cum advenissent, circiter sexcenti lectissimorum virorum, uno eis ad quietem die dato, statuerat ad Hamiltonium proficisci, ac praelio, si posset, statim decernere: moram enim suis noxiam, hostibus utilem arbitrabatur, ut quibus remouissimæ regni partes favebant. Interea, perendie illius diei, de tertia vigilia sit certior, hostes, e pluribus, ubi diversabantur, locis, cogi. Numero enim confisi, quod supra sex millia & quingentos in armis habebant, sciebantque apud Proregem vix plena quatuor millia esse; decreverunt præter Glascaum ducere, ac, Regina in arce Britannoduni relicta, bellum suo arbitratu vel gerere vel ducere: aut, si Prorex (quod non sperabant) se in itinere objecisset, statim configere: neque de certaminis eventu dubitabant.

X. Ille vero, ut qui ultro hostes provocare ad certamen statuerat, cum primum suos educere potuit, ante oppidum, in campis patentibus, qua hostes venturos existimabat, acie instructa, aliquot horas stetit. Sed cum agmen eorum ulteriore fluminis ripa agi videret, eorum consilio statim intellecto, & ipse suos pedites per pontem, equites per vada, aestu maris tum libera, transmissos, Langosidum petere iussit. Vicus is est, ad Cartham flumen, qua iter hostibus erat, situs, in radicibus collis ad occidentem hibernum spectantibus, ab oriente & septentrionibus declivi aditu, exteris partibus leviter in planitiem decrescenibus. Eo tanta festinatione properatum est, ut Regiæ copiae prope collem occuparent, priusquam ab hostibus, qui eundem locum petebant, eorum consilium intelligi posset, quanquam brevior via eo properarent. Sed dum res illis adversæ, Regiis percommodè acciderunt: altera quod Gilespicus Cambellus Argathellæ Comes, penes quem summa imperii erat, repentino dolore correptus, conciderat, ac suo casu nonnihil agmen remoratus est: altera, quod eorum agmen, in modicas valles subinde demissum, nunquam totas Regiæ copias uno aspectu viderant: quarum credita paucitas (ut etiam erat) fecit, ut iuxta eas atque locorum iniquitatem contemnerent. Tandem Regiæ copiae cum propius accessissent, & locum, quem petebant,

1 *Decreverunt præter Glascaum ducere*  
Omnibus libris legitur [*decreverunt autem præter Glascaum ducere*]. Cum vero particula [*autem*] sententiæ nexum turbaret, eam Crafordii monita expungere visum est: id quod concinnius existimavimus, quam (quod Melvinus voluit) priorem sententiæ partem usque ad [*decreverunt*] Parenthesi includere.

2 *Leviter in planitiem decrescenibus*] Hic

& mox lin. i. pag. seq. [*leviter*] potius quam [*leviter*] legendum putem, quod hæc voces facile altera in alteram converti possint. Vide supra ad XVII. 49. Si quis ramen [*leviter*] hic pro paulum dictum, exemplo Cic. Nat. lib. 1. cap. 57. *Græ ab inferiore parte (oculos) tutanter subijcta, leviterque amoverentes*, contendat, ferram non reciprocabo.

ab hoste teneri viderent, ipsi, altero colle, ex adverso se leviter attollente, occupato, suos in duas acies dividunt. In prima, quicquid erat roboris, locant: ea si adversam hostium aciem impulissent, cæteros, eorum fuga consternatos, sine certamine abituros, putabant. Regii quoque duces suos in duas acies diviserant. In dextera erant, Jacobus Duglassius Mortonius, Robertus Semplius, Alexander Humius, Patricius Lindeus, cum suis quisque clientibus: in sinistra, Joannes Marriæ, Alexander Glencarniæ, Gulielmus Taichiæ, Comites, ac cives Glasgouenses: sclopetarii vicum subiectum & hortulos, juxta viam publicam, tenebant.

XI. Cum utrinque acies in procinctu starent, tormentarii Reginae, a Regiis loco pulsi, cesserunt: contra equitatus Regius, dimidio inferior, loco cessit. Illi, suo prælio defuncti, ut peditum quoque ordines turbarent, cum in collem aciem erigere tentarent, a sagittariis Regiis, & parte equitum, qui se ad suos ex fuga collegerant, reiecti, retro abierunt. Interea, sinistrum hostium cornu, per viam publicam, qua clivus erat in vallem demissior, progrediens, quanquam & ipsi a sclopetariis vexarentur, tamen ex angustiiis egressi, aciem explicuerunt. Ibi duæ phalanges, sarissarum denso utrinque vallo præ se objecto, ad horæ instar dimidiæ spatium, neutra inclinante, obnixæ, tanta pertinacia certabant, ut, quibus hastæ prælongæ fractæ erant, pugiunculos, lapides, lancearum fragmenta, denique quicquid erat ad manum, in ora hostium adversa jacerent. Sed cum, ex ordinibus extremis Regiarum partium, quidam (incertum metu, an parum fido erga suos animo) fugerent, eorum fuga procul dubio pugnares perturbasset, nisi densitas ordinum sensum eorum, quæ apud postremos gerebantur, ad primos pervenire non permetteret: & qui in secunda erant acie, animadverso periculo, cum neminem contra se venire viderent, aliquot cohortes, integris ordinibus, paulatim in dextrum deflectentes, se cum prima conjunxerunt. Eorum impetum, qui ex adverso erant, cum non ferrent, retro, velut ruina impulsæ, fugam capessivere: nec, multorum animis ira & odio privatim incitatis, victi sine insigni clade discessissent, ni Prorex, missis in omnes partes equitibus, cadore fugientes vetuisset. Secunda Regiorum acies, cum eo usque stetisset, donec hostes profligatos passim sine ordine fugere videret, tum demum & ipsa, ad persequendum abeuntes conversa, ordines solvit.

XII. Regina, quæ ad mille ferme passus spectatrix pugnae [<sup>1</sup>*substitit*], cum equitibus suæ partis, qui integri ex acie redierant, Angliam versus iter intendit: cæteri, qua cuique ad suos reditus commodissimus erat. Ceciderunt in acie pauci, plures per agros, lassitudine & vulneribus confecti, passim jacentes inventi. Numerus omnium cæsorum circiter trecenti, captivorum major. E Regiis copiis non adeo multi vulnerati: in iis, primi ordinis, Ale-

xan-

1 Illi, suo prælio defuncti] Haud proclive est dignoscere quos pronomen [*illi*] hic respiciat: mihi quidem ad equitatum Reginae, quamvis non diserte expressum, referendum videtur.

2 *Substitit*] Hinc vocem, absque qua manca futura sit sententia, invitis licet omnibus libris, interjicere non dubitavimus.



xander Humius, & Andreas Stuartus: unus modo cæsus. Reliquus exercitus, præter equitum paucos, qui fugientes longius insecuti erant, læti in oppidum se receperunt: ac, ubi gratias Deo egissent, qui, secundum fas & æquum, adversus tanto majores fortium virorum copias, victoriam pene incruentam dedisset, alii aliis gratulantes, ad prandendum discesserunt. Pugnatum est decimo tertio die Maji, undecimo quam e custodia Regina erat elapsa. Legatus Gallus, qui eventum pugnae expectaverat, atque animo certam Reginae spondebat victoriam, ea spe fraudatus, personam exuit: ac non convento Prorege, ad quem se missum simulaverat, acceptis equis ac ducibus, qua poterat proxime, ad Angliam contendit. In itinere spoliato a latronibus, Jacobus Duglassius, Drumlanrici comarchus, etsi cum cum inimicis stare sciret, tamen nomini legationis hunc habuit honorem, ut sua ei reddenda curaret. Prorex reliquum diei, quo pugnatum est, in recensendis captivis consumpsit: alios liberos, alios datis vadibus dimisit: principes retenti, & præcipue qui e familia erant Hamiltonia, & in custodias distributi. Postridie, gnarus, quanto e agens apud vicinos odii laboraret, reliqua turba sequi vetita, quingentis tantum equitibus comitatus, in vallem Glottianam profectus, omnia plena fugæ vestigiis & vastitatis invenit, magis reputantibus incolis, quid meruissent, quam in Proregis clementia, etsi satis ipsis perspecta, spem collocantibus. Hamiltonium & Drefanum arces receptæ, omnium rerum vacuæ, nisi quod in Hamiltonio e Regia Jacobi Quinti supellectili non nihil inventum. Idem terror Reginam, sive quod nullum locum in illa Scotiae regione satis tutum sibi putaret, sive quod Joannis Maxuallii Heresiani fidei parum crederet, transire in Angliam coegit.

XIII. Cæteris a Prorege domi, pro tempore, rebus compositis, <sup>1</sup>in mensem <sup>2</sup>conventus omnium Ordinum Edimburgum est indictus. Ad eum impediendum, multa ab adversa factione sunt excogitata. Rumores passim sparsi de auxiliorum Gallicorum adventu: nec tamen in totum vani. Nam cohortes aliquot ad mare descenderant, duce Martigio, homine impigro, e familia Lucemburgica, quamprimum in Scotiam trajecturæ: & , nisi bellum in Gallia civile repente fuisset exortum, transissent. Sed ea res non tam Proregi erat futura formidolosa, quam inimici rebantur: quippe quæ <sup>3</sup>ab illis alienatura, & ipsi conjunctura arctissime vires Anglorum esset. Argathelius quoque, cum sexcentis fere propinquis & clientibus, Glascuam venit. Ibi cum Hamiltoniis & aliis quibusdam factionis principibus collocutus, de comitiis impediendis, cum nulla ratio certa ejus consilii iniri posset, diversi domum quisque suam abierunt: & Huntlaeus coactis circiter mille peditibus, ut diem comitiorum observaret, Perthum usque processit. Illic vadis Tai fluminis a Gulielmo Ruveno, & Nobilitate vicina, quæ in fide permanerat, obsessis, nulla re ex-

sen-

<sup>1</sup> *In mensem* — *conventus*] Dav. Crafordius pag. 76. hunc conventum celebratum affirmat mense *Julio*, Spotisvodus vero *Junio* 1568.

<sup>2</sup> *Ab illis alienatura, & ipsi conjunctura*] Libri omnes [*alienatura esset*] male, cum [*esset*] mox sententiam claudat.

sententia confecta, retro cessit. Et, eodem tempore, literæ Reginae Anglorum ad Proregem, ab hostibus publicis impetratæ, de conventu differendo. Petebat enim: „Ne iudicium de rebellibus præcipitaretur, donec ipsa certior de tota causâ fieret. Se enim non posse honeste, periculum Reginae, & vicinæ, & sanguine sibi conjunctissimæ, negligere, quæ gravissimam sibi quereretur injuriam a civibus factam. Id quanquam leve videbatur, tamen si rebelles impetrassent, omnia sibi integra fore sperabant: vel, quod ea mora & ludificatio aliquid virium & animorum suis additura, hostibus detractura, videretur; præsertim cum dilatio Regionum adscribi timori posset: præter hæc, quod ipsi sua interim comitia, Reginae nomine, decreverant indicere. Sed Prorex, cum videret, quantum interesset publice conventum peragi, etiamsi omnes hostium vires in unum coirent, ad diem dictum convenire statuit.

XIV. In eo conventu magna contentione certatum est, an sine discrimine omnes, qui arma adversus Regem tulissent, neque postea facti veniam petissent, damnari deberent perduellionis, ac bona eorum fisco addici. Obtinuit tamen Gulielmus Mætellanus, qui rebellibus adhuc (occulte tantum) favebat: „Ut pauci, ad cæterorum terrorem, in præsentia damnarentur: spes clementiæ tamen cæteris, si resipiscerent, ostentaretur. Ea res mirum in modum conjurationem rebellium auxit, & pertinaciam fovit: cum & poenam sui sceleris dilatatam viderent, & pro certo sibi persuassissent, neque Reginam vicinam, & sanguine junctam, [*æquo animo laturam*]; neque Gufios, quorum tum in aula Gallica tantæ vireserant, passuros, ut Rex Gallus hanc imperii imminutionem patienter ferret: nec, si ab iis etiam desererentur, se tam esse infirmos, ut, sine externis auxiliis, suam causam tueri non possent, cum & numero & opibus præstarent, neque quicquam ad victoriam deesset, præter inanem nominis Regii, per vim occupati, umbram. Prorex interea, nihil aliud quam tranquillitatem publicam spectans, e vicinioribus leviter multatos in gratiam recepit: Rothusæ Comitem, deprecantibus amicis, ad triennium relegavit: alios ad resipiscendum per familiares assidue sollicitabat. Sed, cum plurimorum animos obstinatos, & ad vindictam pronos, videret, collecto exercitu, in An-

nan-

1 *Vel, quod en mora & ludificatio aliquid virium & animorum suis additura, hostibus detractura, videretur*] Ita sententiam restitimus: cum in omnibus libris [*additurum*] & [*detracturum*] legeretur. Non me latet ab A. Gellio Noct. Att. lib. 1. cap. 7. observatum, ejusmodi voces apud vetustissimos scriptores, & in his ipsum Ciceronem, non pro participiis positas, sed verba esse indefinita, quæ Græci appellant ἀπαρσιματα, neque numeris neque generibus præservientia, ut Cic. 5. Verr. *Hanc sibi semper præsidio sperant futurum.* Gracchus Orat. de Quinto Popilio, *Credo inimicos meos*

*hoc dicturum, &c.* Cum autem vix credibile videretur, ut Buchananus cascum illud & obsoletum scribendi genus imitari voluerit, neque porro hoc Buchananus illis Gellianis prorsus geminum appareret, non sum veritus receptam loquendi consuetudinem hic sequi.

2 [*Æquo animo laturam*] Has voces necessario supplendas postulat sententia, quippe quæ aliter dissonum ac ineptum sensum ingerat; quasi vero non tam Reginae Anglorum, quam Galli interesset, ne imperium Regionum a conjurata civium factione imminueretur.

P p p p 3

1 Ex.

nandiam & Nithiam, & inferiorem Gallovidiam, est profectus. Ibi alias arces cepit, & praesidiis occupavit; alias, quarum domini pertinaciores erant, diruit: brevique regionem omnem domiturus videbatur, ni literae Reginae Anglorum cursum victoriae interrupissent. Ea enim, ab exulibus persuasa; „Magnam „quidem injuriam Reginae Scotorum fieri, quam cives mali falsa invidia onerabant: sed maxime nomen Regium contumelia affici, ac vilescere sacrosanctae majestatis auctoritatem, si hominum seditiosorum libidini exponerentur: „ad unam quidem atrocissimi facinoris injuriam, sed ad omnes pertinere exemplum: itaque mature obviam eundem, ne latius contagio Reges pellendi „proferperet.

XV. Cum hujus generis multa, adversus Regiae caedis vindices, dicerentur, Angla, per literas, a Prorege postulavit; „Ut idoneos homines ad se mitteret, qui totius rei, ut gesta erat, ordinem exponerent; & ad ea, quae in „ipsum absentem jacerentur, sive crimina, seu convicia, responderent. Id cum per se grave & molestum apparebat, res judicatas in dubium, ac prope novam judicii aleam, revocari iterum; apud externos Reges, ac saepe hostes & amulos, & quorum animi ab inimicis jam praecupati essent, quodammodo causam dicere capitalem, plenum dedecoris & periculi videbatur: multa tamen erant, quae illam conditionem, quamvis iniquam, accipere cogeant. Foris enim Cardinale Lotharæno, Reginae avunculo, aulam Gallicam ad nutum versante, & domi multo maxima Nobilitatis factione in Reginae partes conjurata, si etiam Angla offenderetur, nullas sibi vires esse, quibus tot difficultatibus resisterent.

XVI. Igitur, cum decretum esset Legatos mittere; nec satis conveniret, qui mitterentur, primoribus idoneis recusantibus, tandem ipse Prorex, se iturum professus, comites elegit: unum quidem renitentem, ac prope invitum, Gulielmum Maetellanum. Hominem enim factiosum, & quem jam in Reginae partes inclinatum videbat, parum tutum arbitrabatur, in tam dubio regni statu, domi relinquere. Itaque, magnis & pollicitationibus & praemiis, ut una secum proficisceretur, pellexit: nec dubitabat, quin animum avarum donis aut vinceret aut inflecteret. Reliquos autem volentes duxit, Jacobum Duglassium, & Patricium Lindesium, supremi; Episcopum Orcadum, & Abbatem Fermelinoduni, Ecclesiastici ordinis: Jureconsultos, e collegio judicum, Jacobum Macgillium, & Henricum Balnavium: <sup>1</sup> his nonum adiecit Georgium Buchananum. His difficultatibus animum ejus circumventum duae res suble-

bant,

<sup>1</sup> Exponerentur] Forte [exponeretur.]

<sup>2</sup> His nonum adiecit Georgium Buchananum] Qui strenuam operam patrono suo Moravio navavit: hoc enim tempore ab eo scriptus est Libellus ille famosus, cui DETECTIONI vulgo nomen inditur, & Actio contra Mariam, Demosthenis & Ciceronis Philippicas scribendi genere & nitore proxime aequans, verborum vero

atrocitate longe exsuperans. Interim observandum est Georgium Buchananum, Gul. Maetellanum, Jacobum Macgillium & Hen. Balnavium itineris comites & adiutores Moravio dados, reliquos tantum quatuor Collegas fuisse: lisenim quinque, aut tribus quibuscumque ex eo numero, res gerenda diplomate Regio committitur 18 Sept. 1568, Spottisvood. pag 218.

<sup>1</sup> Quod

bant, æquitas causæ, & postremæ Regiæ Anglorum literæ, quibus affirmabatur; „Si vera essent ea crimina, quæ Regiæ Scotorum objicerentur, se eam existimaturam, quæ regnum gereret, indignam. His literis Prorex paulum in meliorem spem erectus, supra centum equitum comitatu iter ingressus est: etsi certis indiciis comperisset, Vestmariæ Comitem, jussu Ducis Norfolciæ, in insidiis fore, ut cum exciperet, priusquam Eboracum veniret. Quarto Nonas Octobres, urbem Eboracum, conventui destinatum, introiit: eodem die, ac prope eadem hora, Thomas Havartus Norfolciæ Dux eo venit. Causa insidiandi Proregi erat, quod Dux per secretos nuncios de matrimonio cum Regina tum agebat. Igitur, quo facilius Regiæ cædis suspicio tolli posset, & ipsa ad suos redire, statuerat, occiso Prorege, literas ad Bothuclium a se scriptas, in quibus sceleris manifesta continebantur indicia, captas suppressere: sed quia, Duce tam propinquo, res ita confici non poterat, ut ille cædis tam insignis infamia non aspergeretur, insidiæ in aliud tempus rejectæ sunt. Adjuncti erant, una cum Norfolcio, ad Scotorum controversias audiendas, Suffexiæ Comes, & Radolfus Sadlerius Eques. Hic, ab omni dissidii veneno purus, ille (ut vulgo creditum est) in partes Havarti proclivis.

XVII. Post paucos dies, affuerunt a Regina Scotorum missi, & qui de civibus ingratis quererentur, auxiliumque ad redeundum, ab Angla, sine ulla disceptationis mora, postularent. Hi seorsum a Prorege & Comitibus auditi, primum protestati sunt; „Se non ad eos tanquam judices, qui jus ullum statuendi haberent, venire: „multis verbis injurias, Regiæ a civibus factas, exposuere: postularuntque a Regina Anglorum; „Ut vel civibus ingratis persuaderet, ut suam Principem reciperent; vel, si id recusarent, ipsa ei daret exercitum, qui, invitis hostibus, se reducerent. Prorex, post aliquot horas auditus, contra rem ad disceptationem juris apud æquos arbitros vocabat: „Nihil a Regiis, nisi jure & legibus, & e vetustis gentis institutis, idque in conventu publico, actum, contendebat; neque quicquam, quod publice in conventu frequentissimo ab

„O-

1 *Quod Dux per secretos nuncios de matrimonio cum Regina tum agebat*] Joan. Lessæus Episcopus Rossensis, qui legationis a Regina Scotorum missæ princeps fuit, atque rerum a se collegisque suis in Anglia a mense Septembri 1568 ad 26 Martii 1572 seriem justo volumine comprehensam perscripsit (MS. in Bibl. Jurid. Edimb.) a Buchanani narratione, cum multis aliis in rebus, tum præcipue in hoc Regiæ cum Norfolciæ Duce matrimonio diversus abit. Ille enim hujus matrimonii spem Norfolcio primum factam tradit a Moravio, qui virum malarum artium insolentem, sub amicitie larva callide his consiliis implicuit, quæ postea ab ipso Anglæ prodita,

Norfolcio exitium, Scotæ rerum omnium subversionem attulerunt. Et ne solo Lessæo hac in re nitamur, idem fere narrat, (qui se Moravium hoc itinere secutum testatur) Melvillius pag. 94. & seqq. Cæterum ut omnis amoveatur scrupulus, exstant in Bibliotheca Cottoniana Norfolcii ad Moravium literæ ab ipso Moravio fidei firmandæ gratia subscriptæ, & ad Elizabetham Anglam remissæ. Vide etiam Camdenum Hist. Eliz. pag. 154. & Josephum Brunum, (qui *Causa Norfolciana processum* nuper edidit) in Præfat. eadem confirmantes.

2 *Et qui de civibus*] Crafordius [6] illud delendum censet.



omnibus Ordinibus esset decretum (nonnullis eorum, qui nunc hic accusarent, subscribentibus) se privatum cum paucis posse abrogare. Sed, cum Angli cognitores dati, sibi illis Scriptorum decretis, domi factis, & nunc prolati, satisfactum negassent, nisi causæ proferrentur, quæ proceres, ad tam severe adversus Reginam suam pronunciandum, impulsissent: Prorex, qui, id maxime defugeret, ne & Reginam & sororem accusaret, & foedissima ejus flagitia apud externos, non gravate audituros, evulgaret, negabat, „Se ali-  
de, Regem Scriptorum ab uxore casum fuisse, probaretur, causam novi Regis defensuram, atque eum velut in fidem suscepturam. Cum autem Legati Angli, „Eam se! modo potestatem habere, dicerent, ut utriusque partis postulata audirent, & ad Reginam suam deferrent rem integram, „Prorex iterum rogat, „Ut a Regina sua promissum aliquod super ea re exprimerent, aut ipsi cognitores libere de causâ pronunciandi potestatem impetrarent. Id si facerent, ipse contra spondebat, se, nisi perspicue ostenderet, Regem uxoris consilio interentum, nullam, quæ gravissimis sceleribus irrogari solet, poenam deprecaturum.

XVIII. Iis de rebus cognitores ad Reginam scripserunt. Illa rescriptit; „Ut Scoti Regiæ partis unum aut plures e suis in aulam mitterent, a quibus de causâ eorum dilucide posset edoceri: id ubi factum esset, se, quod suum munus esset, visuram. A Prorege missi Gulielmus Matellanus, de quo multa sinistrae suspiciones indices subornabantur, & Jacobus Macgillius, non tam adiutor in transigendo negotio publico, quam observator earum rerum, quæ ab eo gererentur. Suspiciones in Matellanum cum aliis multis de causis orta erant, [\*tum] his potissimum; ante suum in Angliam adventum, cum sedulo consilium suum celare conaretur, tamen, ex dictis factisque, multoque usu cum hominibus adversarum partium, tum vero multo clarius, ex literis ejus deprehensis, apparuere; quibus Regiæ persuadere nitebatur; „Stiam operam posse adhuc ei utilem fore, exemplo leonis, qui (ut est in apolo-  
go) aliquando retibus implicitus, opera foricum, animalium infirmisimum, vinculis fuit liberatus. Postea autem quam Eboracum est-ventum, nullam prope noctem intermittebat, quin principes Legatorum adversæ partis conveniret, consiliaque cum eis communicaret, & quid Prorex pararet, eos præmoneret. Nec Prorex tamen eos congressus prohibere voluit, gnarus, se nihil amplius profecturum, quam ut inhibiti secretius aliquanto coirent.

1 Qui id maxime defugeret] Vide Melwillium loc. cit.

2 Tum his potissimum] Voculam [tum] admonente Crasfordio reposuimus; cum tamen, ne sic quidem, posteriores sententiarum partes cum prioribus rite connexæ videantur, nec aptus verbo [apparere] Nominaque reperitur, ego [consilium suum]

numero multitudinis efferendum, totumque adeo hunc locum (si liceret) sic retingendum existimaverim; Suspiciones in Matellanum cum aliis multis de causis orta erant, tum his potissimum. Ante suum in Angliam adventum, cum sedulo consilia sua celare conaretur, tum ea dictis factisque apparere.

rent. Hæc cum <sup>1</sup>proditæ causæ publicæ satis manifesta essent indicia, fortuna tamen certius ex inopinato attulit argumentum.

XIX. Cum forte, venandi specie, Mætellanus cum Norfolcio in agros propinquos exisset, ibi, multis ultro citroque de tota re disputatis, convenit inter eos, rem lente tractandam, & velut ex intervallo (si fieri posset) sæpe repetendam: ita ut nihil in summam conficeretur, nec causâ omnino deserta relinqueretur: ita Proregem, aut infecto, cur venerat, negotio, abiturum, aut, rebus interea domi turbatis, discedere coactum iri: simul etiam, cum tempore, alia remedia emerfura: nam jam tum civile bellum Norfolcius mæditabatur, quo Reginarum alteram tolleretur, alteram uxorem duceret. Hæc Mætellanus cum retulisset Joanni Lessio, Rossiensi Episcopo, secretorum omnium Reginæ conscio, illè ad eam scripsit, „Qualiter Duci placuisset, eam ad aulam rescribere, quem in posterum cursum tenere, nec, ob exitum tardiozem, spem de causæ successu deponere. Hæc literæ, a Regina lectæ, ac deinde multorum manibus, tanquam chartæ neglectæ jactatæ, ad Proregem tandem delatæ sunt, atque hoc profecerunt, quod summam consilii inimicorum ex eis cognovit: nam jam ante Mætellani perfidiam multis experimentis compererat. Legati, quos dixi, cum Londini Reginam convenissent, ei & concilio ejus commodissimum est visum, ut Prorex ipse adesset, & præsens de rebus omnibus controversis disceptaret. Igitur, parte comitatus domum dimissa, cum reliquis ipse Londinum est profectus. Sed ibi eadem, quæ Eboraci, difficultas ei est objecta, dum accusationem, adversus Reginam suam, & eandem sororem, <sup>2</sup>recusat ordiri, nisi, scelere detecto, Regina Angla Regis Scotorum factionem in suam fidem reciperet: id vero si spondeat, nullam se moram accusationi facturos, eadem lege, quam apud cognitores Eboraci sibi dixerant.

XX. Dum hæc Londini geruntur, Regina Scotorum, auctore Jacobo Balfurio, res domi turbare conabatur. Id quo facilius assequeretur, non modo ad exules, & Bothuelli propinquos, scribit, ut, quibuscunque possent rationibus, adversæ factionis homines hostiliter infestent: sed & per totum regnum vicarios creat, quibus Regiam potestatem attribuit: rumores passim spargi curat, Proregem & comitem ejus primos in arcem Londinensem inclusos. Sed id mendacium cum non adeo diuturnam fidem habiturum videretur, fingit, Proregem, ut Scotorum regnum Anglorum ditioni subjiceret, arces munitiores, & Regem ipsum obsidem promississe. Id propterea fictum ab ea creditur, ut, quia per procuratores Anglis eadem promississet, eaque pollicitatio, ut vana, ab eis contemneretur, quando nihil earum rerum in sua potestate habebat, vulgi animis mendacio semel occupatis, Proregi invidiam creari

<sup>1</sup> *Prodita causæ publicæ*] Si hæc causæ publicæ proditio erat, eodem utique crimine tenebatur ipse Moravius, qui his Norfolcii consiliis, si non auctor, certe conscius fuit, referente Melvillio, qui fœca

Tom. I.

de re cum Moravio sermones contulisse testatur, pag. 96.

<sup>2</sup> *Recusat ordiri*] Rem omnem clarius exponit Melvillius pag. 96.

creari volebat : vel , si ignominiam a se avertere non posset , eam saltem cum adversa factione cupiebat communicari.

XXI. Cum his angustiis Prorex undique se videret obsessum , quamprimum domum , rebus utcumque expeditis , redire statuit. Itaque , Anglis sæpe ac vehementer flagitantibus , ut rerum in Scotia gestarum (quibus ignotis ipsi nihil statuere possent) causas explicaret ; cum & magnopere cuperet Reginæ Anglorum tum satisfacere , quam , sine maximo causæ , quam sustinebat , damno , non posset offendere , & domum redire , ut bellum civile imminens in ortu ipso exstingueret ; nec alterutrum facere posset , nisi ad causam adjuncta , aut certe non adversante , Regina Anglorum ; apud ejus concilium protestatus ; „ Se , non sua sponte , sed importunitate inimicorum coactum , „ ut suam Reginam , & eandem sororem , apud externos immanissimi sceleris „ accusaret. Id autem , non eam criminandi libidine , sed sui expurgandi necessitate , impulsus ut faceret : invitumque facturum , ut ea detegeret , quæ sempiterna oblivione , si fieri posset , sepulta cuperet. Ejus facti si qua esset „ invidia , merito in eos verti debere , per quos non fuerit integrum antiquum „ obtinere ingenium , ut bonis Principibus libenter pareret , & malis invitus „ malediceret. Unum orabat , ut , qui ipsum in id certamen invitum traxissent , adessent , objecta crimina audirent , & si quid falsi afferretur , coram „ concilio diluerent : se etiam , in rebus multo gravissimis , ipsorum testimoniis usurum. Eam conditionem Reginæ procuratores , qui parum suæ fidebant causæ , cum recusarent , ac unum id petere perseverarent ; „ Ut Regina , vi & armis expulsa , restitueretur , „ dies præfinitus Proregi , quo die causas ostenderet ; „ Cur cædis Regiæ ultores (nam ipse tum aberat in Gallia) arma sumissent , & Reginam suam regni administratione dejecissent , ac „ cætera , quæ ad id tempus constituta sunt , gesserint.

XXII. Ibi cum & rerum , uti gestæ fuerant , explicatus fuisset ordo , & prolata eorum , qui sceleris in Regem commissi erant conscii , testimonia ,

1 *Eam conditionem Regina procuratores cum recusarent* Non utique Reginæ procuratores eam conditionem recusabant , verum , ut ea recte ac ordine fierent , rem insuper æquissimam , & jure civili ac omnium fere gentium usu comprobata , petebant , ut scilicet Maria coram accusatoribus suis ipsa adesset , quæ non modo crimina sibi objecta dilueret , sed eorum ignominiam a se in rebelles cives converteret. Id vero cum Elizabetha contra fas & æquum denegaret , tum demum illius , non Mariæ culpa , colloquium est solum. Vide Lessum alioque scriptores supra cit.

2 *Testimonia autem mortem expressa* Ex hisce testimoniis , quæ adhuc in Actis publicis & Biblioth. Cottoniana asservantur ,

nihil quidquam vel ab inimicis Reginæ insensibilis elici possit , unde ipsa Darlæanæ cædis vel rea vel suspecta haberi moverit. Quin ipse Mortonius (qui ob ejus cædis , cujus se principem vindicem profitebatur , conscientiam , capite plexus est anno 1581) ipsa in morte Reginam ea absolvit. Cum enim (inquit) Bothuclius consilium suum de Darlæo interficiendo sibi patefecisset , atque , ut ejus opem in facinore patrando impetraret , Reginam ita velle sinxisset , Mortonius se agebat , tum demum cædis participem futurum , si Reginæ consensum sua manu testatum sibi Bothuclius ostenderet : quod cum sæpius promissum ille nunquam tamen præstitisset , se ea re prorsus abstinuisse.

ante mortem expressa, Ordinum item decreta, quibus multi ex Proregis accusatoribus subscripserant; arcula demum argentea in medium est allata, quam, a Francisco priore marito acceptam, Regina Bothuelio dederat. In ea inerat literæ, Regina manu Gallico sermone conscriptæ, ad Bothuelium: <sup>1</sup> carmen item Gallicum ab eadem non ineleganter factum: in quibus omnibus amoris ejus erga Bothuelium impotentia, consilium, ratio cordis Regiæ, <sup>2</sup> & post eadem raptus; item cum eodem matrimonii contractus tres; <sup>3</sup> primus, ante parricidium, ipsius Regina manu scriptus, quo, velut syngrapha, spondet, ei, ubi primum sui juris foret, se nupturam: alter, ante divortium cum priore uxore, Huntelai manu conscriptus: tertius sub ipsas nuptias palam factus. Hæc omnia, oculis exposita, & in concilio perfecta, totum facinus ita subjecerunt oculis, ut nulla dubitatio de auctore amplius esse posset.

XXIII. His indiciis etsi Angla satis credebatur, tamen animo adhuc fluctuabat. Erat, ab altera parte, amulatio, & odium Reginarum mutuum: erat ea criminum magnitudo, & probationum perspicuitas, ut Scotam nullo dignam auxilio Angla existimaret: animum tamen ad æquitatis respectum propiorem labefactabat, interdum fortunæ prioris, non sine commiseratione, recordatio, & Regii nominis amplitudo, & formido, ne pellendorum Regum exemplum in proxima regna transfret. Instabat etiam metus a Gallia, nunquam satis inter eas gentes fida amicitia: ac tum maxime Legatus Gallorum assidue causam exulis Regina agebat. (Nam <sup>4</sup> Regis Hispaniarum Ora-

<sup>1</sup> In ea inerat literæ] De his literis vide supra ad XVIII. 51.

<sup>2</sup> Carmen item Gallicum ab eadem non ineleganter factum] Alia Brantomii mens est, qui pag. 110. de eo carmine sic infit; Elle (Reyne de' Escosse) se mesloit d'estre Poete; & composoit des vers, dont j'en ay veu aucuns de beaux & tres-bien faicts, & tellement ressemblant a ceux qu'on luy a mis a sus avoir faicts, sur l'amour du Comte de Boutheville; ils sont trop grossiers & mal polis, pour estre sortis d'elle. Monsieur de Ronsard estoit bien de mon opinion en cela, &c.

<sup>3</sup> Et post eadem raptus] Ut sententia absoluta ac perfecta evadat, deesse videtur verbum unum aut alterum, veluti apparere, seu se prodidit, &c.

<sup>4</sup> Primus ante parricidium] Mira, nec in Historico ferenda, fiducia ausus est Buchananus eum contractum ante parricidium scriptum affirmare, quem post Darlei mortem hæc ipsamet ejus verba liquido testantur, Et puis que Dieu a pris mon feu mari Henry Stuart dit Darnley, & que

par ce moyen je suis libre, &c. Huc adde, quod si ante eadem Darleanam scriptus fuisset, facile Bothuelio fuisse, dubium Mortonii de Regina voluntate animum hoc pignore confirmare, quem aliter in criminis societatem, ut modo indicavimus, pellicere non poterat. Idem porro de aliis quæ ad Bothuelium a Regina scriptæ literæ perhibentur, credere par est. Quem autem hic contractum a Regina manu scriptum asseverat Buchananus, alia manu ex diversa literarum forma & modulo exaratum contendit David Crafordius, qui eum cum aliis genuinis Regina scriptis composuit. Vide Acta publica ac literas ab ipso collectas in Biblioth. Jurid. Confer etiam Appendicem ad Anglicanæ Detractionis & Actionis in Mariam interpositionem, in initio.

<sup>5</sup> Odium Reginarum mutuum] Certe Elizabetham Anglam suam in Scotam odium cum antea, tum præcipue hoc toto negotio, declaravisse, & res ipsæ & Annalium Anglicorum scriptores aperte testantur.

<sup>6</sup> Regis Hispaniarum Orator] Longe secus



tor, etsi rogatus fuerat, ut preces, sui Regis nomine, interponeret, foeditate criminum absterritus, omnino se ab ea causa abstinuit.) Igitur Regina Angla, ut regressum haberet ad poenitentiam, si res in Gallia secus procederent, nec omnem eis gratificandi materiam sibi ipsa eriperet, medio responso sententiam temperavit, testata; „Se nihil in praesentia videre, quo minus omnia, quae in Scotia gesta erant, recte atque ordine facta viderentur. Atque ita, velut dilata pronuntiatione in aliud tempus, petebat; „Ut, quoniam res domi turbatae Proregem revocarent, aliquem e suis relinqueret, qui ad crimina, si qua eo absente jacerentur, responderet. Prorex autem, qui videbat ita rem prorogari, ut Angla, ex sua commoditate, & rerum externarum eventu, libere pronuntiare posset, quo minus causae nondum dijudicatae speciem relinqueret, omnia fatagebat; „Si quid enim inimici adversus ipsum haberent, aequius esse, homines, jam diu ad accusandum praemeditatos, tum proferre, neque tempus absentem calumniandi captare, cum disceptationem cum praesente defugissent. „Se non ignorare, quos rumores inimici non modo vulgo spargendos curarent, sed quid quibusdam e concilio, quid Legato Gallo, aperte affirmarent: igitur a concilio vehementer petit, ut jubeant eos, ista, quae clam demurmurent, palam edere: neque sedomum redeundi tam cupidum esse, ut non, cum magno suo privato & publico damno, se coram libens purgaret.

XXIV. Tandem arcessiti Reginae exulis procuratores, ac rogati; „Siquid haberent, quod adversus Proregem, aut ejus comites, cur caedis Reginae conscii videri possent, tum proferrent: „illi, „Nihil in praesentia se habere, respondent: sed tum accusaturos, cum a Regina sua juberentur. Ad ea Prorex; „Se paratum semper fore, rationem rerum a se gestarum reddere; neque ullum aut tempus aut locum defugiturum. Sed interea, dum Regina ordiretur istam accusationem, se ab accusatoribus suis, jam praesentibus, petere, ut, si quis eorum quicquam haberet, quod ei objicere posset, id nunc proferret: hoc multo aequius esse, ac honestius, in illustri coetu palam promere, quam absentis famam, in conciliabulis, convellere. Id quoque cum diu recusassent, tandem, totius concilii succlamatione, ac pene conviciis, excepti, <sup>2</sup> confessi sunt singuli; „Se nihil privatim scire, cur Moravius, aut quisquam ejus comitum, caedis conscius videri posset. Ita, post longam inter partes altercationem, concilium est dimissum: neque ex eo, ulla, de Prorege aut ejus comitibus accusandis, mentio est facta. Inter has, ob causam publicam, in Anglia moras, quaedam a Reginae factione,

cus rem narrat Lestæus, qui Oratorem Hispanum Mariae causam strenue apud Anglam egisse testatur, ipsamque porro pecunia muruo data juvisse, cum pensionem sibi conjugii jure debitam a Gallo impetrare non posset.

<sup>1</sup> *Homines, jam diu ad accusandum praemeditatos*] Ita emendavimus, pro quo li-

bris omnibus scriptum est [*Homines & jam diu;*] nisi forte vox aliqua statim post [*homines*] exciderit, quam ægre nobis liceat divinare.

<sup>2</sup> *Confessi sunt*] Ita princeps Editio Edimb. & Genev. reliquis autem [*sunt*] male irreptit.

<sup>1</sup> *Cum*

ne, domi & foris, magno conatu, sed sine ullo effectu, sunt tentata. Jacobus Hamiltonius, qui Prorex ante aliquot annos fuerat, tædio rerum domesticarum, parum ex animo succedentium, in Galliam concesserat. Ibi cum paucissimis comitibus, ab omni negotiorum publicorum tumultu semotus, cum uno & altero ministro latebat. Sed Regina Scotorum e custodia emissa, deinde prælio superata, ac tandem, intra paucos dies, in Angliam compulsa, Galli, qui Moraviæ Comitem, revocatum a suis, ac per Galliam redeuntem in suas partes traducere non poterant, commodissimum suis rationibus judicant, cum ipsi, rebus domi turbatis, nec militem, nec pecuniam in Scotiam mittere possent, Hamiltonium ei æmulum excitari, ac eo maxime tempore, dum Prorex cum parte Nobilitatis abesset.

XXV. Ille igitur e suis latebris extractus, ac patulis aliquot scutatis aureis donatus, multisque promissis oneratus, dum per Angliam domum properat, ab amicis & propinquis impulsus, ut, favente cum sua factione Regina Scota, nec Angliæ aliena, cum ea ageret, ut Moravium sua auctoritate induceret; „Ut sibi rei Scoticæ gubernaculum cederet, qui locus, omnium prope gentium moribus & legibus, ac potissimum instituto patrio sibi, & genere proximo, & hæredi, debebatur. Neque necesse esse, in eo, ab ultimis usque temporibus memoriam annalium repetere, cum omnibus, adhuc regno immaturis, e genere proximis Rectores sunt dati. Ita, mortuo Roberto Tertio, rebus, per absentiam Jacobi Primi, præfuit ejus patruus Robertus: & Roberto filius Mordacus successerat: & recentis memoria, Joannes, Albinus Dux, Jacobi Quinti adolescentiam rexerat; & ipse Hamiltonius, Maria, quæ nunc est Regina, nondum aut regni aut viri potente, rei summæ, ante paucos annos, præfuerat. Nunc vero, se, non legitimis suffragiis, sed a rebellibus per vim ac summam injuriam, exclusum: & (quod indignius est) per legitimi sanguinis contemptum, nothum in supremum locum assumptum: qui honor si sibi restitatur, brevi omnes motus domesticos conquieturos, & Reginam, sine vi, sine armorum tumultu, in pristinam dignationem restitutum iri.

XXVI. Ad ea respondent Legati Regis; „Hamiltonium rem, non modo legibus & veterum institutis ex adverso pugnantem, sed etiam, si, omis-  
sa legum auctoritate, per se spectetur, longe iniquissimam, postulare. Majores enim nostri, ob consanguineas in Regia familia cædes, post annos pro-

1 Cum ipsi] Ita scribendum recte vidit Crafordius: libris autem omnibus [cui ipsi] legitur.

2 Excitari] Alii forte [excitare] malint; mihi nihil mutandum videtur.

3 Sibi & genere proximo] Forte legendum, [Sibi, ut genere proximo].

4 Mortuo Roberto Tertio] Ita omnino legendum, non [Jacobo Tertio], [quod libris fere omnibus absurdissimo errore est editum. Quibusdam Editionis Edimburg. 1782 ex-

emplaribus, & Mosm. 1760, [Roberto Tertio] recte legitur.

5 Adolescentiam rexerat] Ita legendum fere monstrat in eadem sententia [successerat] & [præfuerat:] nec multum ablu-  
dit princeps Editio Edimburg. & Mosman. quibus [rexerat] scriptum est, quod alii codices perperam in [rexerat] mutant.

6 Post annos prope mille trecentos] Vide supra quæ nos ad IV. 3. annotavimus.  
Q9993 1 Non

pe mille trecentos, comitiorum, in Rege creando, rationem totam im-  
mutarunt. Cum enim antea, qui e familia Fergusii, primi Regis, non  
Regi defuncto genere proximus, sed regno gerendo maxime idoneus, suf-  
fragius Rex crearetur; <sup>2</sup> Kennethus vero Tertius, ut Regum adversus pro-  
pinquorum insidias, & consanguineorum inter se cruentas æmulationes, ex  
aula tolleret, eum, qui nunc est, in regno incundo sanxit ordinem, ut, qui  
genere proximus esset, Regi demortuo sufficeretur. Sed cum homines, usu  
rerum edocti, perspicerent, vix fieri posse, ut, in tanta fortunæ inconstantia,  
non aliquando in pueros, aut alioqui regno gerendo impares hæredes, jus  
summi magistratus incideret; instituerunt, ut rebus interea administrandis  
eligeretur, qui & opibus & consilio ceteros anteiret. Atque hanc rationem,  
sexcentis prope annis, majores nostri secuti, regnum incolume posteris tradi-  
derunt. Sic, Roberto Brussio vita functo, Proreges deinceps suffragiis electi  
successerunt, <sup>3</sup> Thomas Randolphus Moraviæ, Donaldus Marriæ, Comites,  
Andreas Moravius, Joannes Randolphus, Robertus Stuartus, interim singuli,  
interdum a conventu publico plures, in eum locum sunt assumpti. <sup>4</sup> Sic Ja-  
cobo Secundo puero datus est Gubernator Alexander Levistonius, nulla cum  
Rege propinquitate sanguinis junctus, ac ne supremi quidem ordinis, sed  
adhuc Eques, ac prudentia quam genere illustrior. Nec illa superest excu-  
satio, ut penuria Regiæ stirpis hominum, id quisquam factum caussetur.  
<sup>5</sup> XXVII. Erat eo tempore, & consilio & vitæ integritate florentissimus,  
Joannes Kennedus, familiæ suæ princeps, ex Jacobi Primi sorore nepos:

<sup>1</sup> Non Regi defuncto genere proximus] Imo vero hi Reges (quos Vicarios quidam appellant) Regi defuncto, ejusve filiis non-  
dum regni potentibus, genere semper pro-  
ximi erant, nec unquam suffragiorum ju-  
re regnum ad quenquam deferabatur. Ma-  
le autem, me judice, libris omnibus [*Re-  
ge defuncto*] hic legitur.

<sup>2</sup> Kennethus vero tertius] Vero hic super-  
fluum videtur.

<sup>3</sup> Thomas Randolphus] Hæc parum ad  
Buchanani seu Moravii causam firman-  
dam facere videntur; Thomas enim Ran-  
dolphus, Davidis II. Tutor tum testa-  
mentarius tum legitimus fuit, utpote a  
Roberto Brussio ante mortem nominatus  
VIII. 42. & IX. 57. & cum Roberti Brus-  
sii sorore genitus esset, omnium in legiti-  
ma tum ætate constitutorum ei genere  
proximus. Idem de Andrea Moravio, qui  
alia Roberti Brussii sorore erat natus, de  
Joanne Randolpho Thomæ filio, & de  
Roberto Stuarto, Rob. Brussii nepote,  
ac postea Rege, dicendum; qui omnes  
ad juris civilis, quod tum fere apud Sco-

tos obtinebat, formulam, regni Tutores  
seu Curatores creati videntur, aliis, qui  
Davidi Brussio genere proximiores fuerant,  
vel quod infra legitimam ætatem positi,  
vel apud hostem captivi deventi essent,  
ex ejusdem juris præscripto præteritis.  
Idem quoque de Donaldio Marriæ Comi-  
te credere fas est, quamvis qua sanguinis  
cognatione Brussios contigerit tanto nobis  
intervallo diffitis in promptu non sit demon-  
strare.

<sup>4</sup> Sic Jacobo secundo] Videntur quidem  
Scotorum procures Jacobi secundi tem-  
poribus, ob affectatam a Roberto Stuarto  
ejusque filio Murdaco Albinæ Ducibus ty-  
rannidem, in regnicustodibus seu Tutori-  
bus prodendis a jure communi primum de-  
scivisse. Existimat vera Pat. Abercrom-  
bius Scotorum procures, Alexandrum Le-  
vistonium Jacobi II. pueritiæ regendæ  
duntaxat præfuisse. Vide supra ad XI  
57.

<sup>5</sup> Ex Jacobi primi sorore nepos] i. e. Ma-  
riæ Stuartæ Jacobi primi tororis ex filio  
nepos, proprio ac nativo apud purissimæ  
Lati-

„erant ejus patrum, Jacobus Kennedus, Fani Andreae Archiepiscopus, totius regni, in omni virtutis genere, facile primus: ejus item frater, <sup>2</sup>Regis amita natus, [Gulielmus] Duglassius Comes Angulæ: erat, a sanguine Regio non alienus, Archibaldus Duglassius Comes, potentia prope Regi par, cæteris omnibus longe superior: nemo tamen idcirco de comitiarum iniquitate est questus. Nec multo post, Jacobo quoque Tertio dati sunt Tutores quatuor, & hi quidem omnes, non ob cognationem assumpti, sed suffragiis electi. Nuper Joannes Albinus Dux, ad rem Scoticam moderandam, Jacobo Quinto puero, per Legatos est e Gallia accitus a Nobilitate: ab eadem, publico decreto, in conventu confirmatus. Neque proximitati generis id tributum. <sup>3</sup>Alexandrum enim fratrem, natu majorem, habebat, ut ipso fortasse

„in-

Latinitatis scriptores vocis [nepos] significatu; non vero (quod Anglicus Buchananus interpres existimavit) Mariæ Stuartæ filius, quo quidem sensu a sequioris ævi auctoribus crebro id vocabulum usurpatur. Joannes enim Kennedus filius erat Gilberti, ex Gilberto Kennedo & Maria Stuarta Roberti III. filia prognati. Vide Geo. Crafordium de Nobil. Scot. pag. 74. Id vero Buchananum voce [nepos] hic intellexisse, facile (si animum ad sequentia verba attendisset) deprehendere poterat Anglicus interpres: mox enim subdit, *ejus i.e.* (Joannis Kennedi) *patruos*, Jacobum Kennedum & G. Duglassium, e Regis [Jacobi II.] amita natos: quod nullo alio quam quo diximus pacto fieri poterat. Non tamen dissimulandum est, ipsum in lata culpa Buchananum hic versari, qui Joannem Kennedum memoret; sub Jacobo I. mortem, consilio & vitæ integritate florentissimum, proindeque qui rerum summæ præficeretur idoneum. Ex indubitatis enim monumentis novimus ipsius patrem Gilbertum, post annos fere 23, inter sex Jacobi III. regni Rectores electum fuisse. Ipsum vero Joannem Geo. Crafordius loc. cit. mortuum demum testatur anno 1508; quem propterea anno 1437 (quo mortuus est Jacobus I.) nondum forte natum, certe ætate immaturum qui res suas, nedum summa regni negotia procuraret, credere par est. Vide supra ad XII. 17. 21.

<sup>1</sup> Archiepiscopus] Lege Episcopus. Vide supra ad VIII. 1.

<sup>2</sup> E Regis amita natus, Gulielmus Du-

glassius] Principi Editioni Edimb. & Mosm. lacuna relinquitur, quam nos inserto nomine [Gulielmus] supplevimus: quem Jacobo I. supervixisse fere ostendit instrumentum Humio visum, quo ipse filius Jacobus paternam adiisse hæreditatem perhibetur 27 Feb. 1437. i.e. juxta supputationem Romanam 1438, sive post annum diesque fere septem a morte Jacobi primi. Si qui tamen Georgium Duglassium Gulielmi fratrem Angulæ Comitum hic a Buchananis ex verbis XI. 20. significari arbitrabuntur, eorum sententiam convellit Humius, qui cum Jacobo fratris filio successisse tradit anno 1452, cum jam Jacobus II. Custodis opera non egeret.

<sup>3</sup> Alexandrum enim fratrem] Nihili est hoc argumentum, Alexander enim Stuartus, Joannis frater natu major, tum Insulæ Chaffraie prope Perthum Abbas, postea Episcopus Moraviensis, a tribus regni Ordinibus in Parlamento Edimburgi 13 Novemb. 1516 habito, notus est pronunciarus; quippe cujus mater Catharina Sinclara Comitissæ Cathanessæ filia ab ipso patre Alexandro Albino ob sanguinis cognationem legitimo divortio directam fuerat 9 Martii 1477. Ad rem vero ulterius confirmandam, iisdem Comitibus idem Alexander, Joannis Albini frater, se notum palam & publice est professus; quo facto dictus Joannes *secunda regni persona*, ac, deficiente Jacobo V. ejusque stirpe, primus hæres est declaratus. Hujus rei exstat in Actis publicis documentum magno sigillo appenso comprobatur.

1 Cum



„inferiorem, ita, omni virtutis genere, Jacobo Hamiltonio, qui cum locum  
 „aliquoties affectaverat, facile superiorem. At, Jacobo Primo absente, Ro-  
 „bertus, ejus patruus, regno præsuit: quo tandem jure? Num, ob cogna-  
 „tionis propinquitatem, assumtus? Minime. Num a populo electus? Ne id  
 „quidem. Quomodo ergo creatus? Cum Rex Robertus Tertius, nec animo,  
 „nec corpore, ad Regii muneris functionem satis esset validus, Robertum fra-  
 „trem sibi Vicarium suffecit, ac liberosei commendavit. Ille Davidem natu-  
 „maximum inedia sustulit; Jacobi, qui minor erat, exitio immincebat, nisi  
 „fuga vitam servasset. Is autem in tyrannidis possessione jam collocatus, fratre  
 „merore exstincto, sine comitiis & populari assensione, eam retinuit, ac per  
 „manus Mordaco filio reliquit. Quæ autem fuerit Roberti Regis, proxime  
 „defuncti, erga fratrem voluntas, dubitari non potest. Nam, quem, velut  
 „filiorum carnificem, decedens diris est persecutus, nunquam, vivus & valens,  
 „liberorum Rectorem designasset. Commemorat nobis etiam id tempus, quo,  
 „post Jacobi Quinti mortem, rebus ipse præsuit, (tanquam quicquam legiti-  
 „me sit ab illo toto eo tempore factum) cum Cardinalis Betonius, magistratum  
 „summum per fraudem invadere conaretur, is magis odio bonorum erga Be-  
 „tonium, quam studio erga se populi confusus, in locum vacuum irrepfit;  
 „cum multa crudelitate & avaritia regnavit; post annos non adeo multos,  
 „magistratum vi partum, & Reginam, cujus tutelam gerebat, vendidit. Ibi  
 „studium populi erga eum apparuit, cum scemina peregrina imperium, ser-  
 „vituti, quæ sub eo fuit acerbissima, prætulit.

„XXVIII Vides, opinor, Hamiltonii petitionem, & patriis legibus,  
 „& majorum institutis adversam, & ita adversam, ut ipse, destitutus argumen-  
 „tis, solis eam mendaciis confirmaverit. Quod si qua fuisset hujus generis  
 „consuetudo, neminem, reor, præterit, quam injusta foret. Quid enim mi-  
 „nus

1 *Cum multa crudelitate & avaritia regnavit*] Quæ sequuntur odio Hamiltonio-  
 rum confecta videntur: Lestæus certe,  
 alique eorum temporum scriptores, Mo-  
 ravium longe majore crudelitate ac ava-  
 ritia quam Hamiltonium, vel quemquam  
 alium, per centum retro annos, Scotos  
 diversarum partium vexasse testantur.

2 *Magistratum vi partum*] Id vero fal-  
 sissimum, frequentissimo enim conventu  
 liberrimisque suffragiis Hamiltonium Pro-  
 regem electum, tum Acta publica, tum  
 alii nostri scriptores testantur: nec aliter  
 fere rem narrat ipse Buchananus initio li-  
 bri xv.

3 *Et Reginam, cujus tutelam gerebat, vendidit*] Id est, in Galliam ex Decreto  
 Ordinum eam misit, quæ aliter, civibus  
 sub jugum missis, regnoque armis occu-

pato, vi & ingratis Anglo in prædam  
 potius, quam sponsam deportanda fue-  
 rat. Quod vero Gallus tanti beneficii  
 memor Proregi gratiam retulerit, id neu-  
 tiquam ei vitio vertendum, aut, invidio-  
 so venditionis nomine traducendum, a  
 Moravio præsertim, qui ab Elizabetha  
 Angla mercede corruptus, ex ejus nutu  
 fere totus pendebat.

4 *Solis eam mendaciis*] Bona verba quæ-  
 so, de tres regni Ordines, qui Hamil-  
 tonium Proregem confirmarunt, eodem  
 crimine involvas: ii enim Hamiltonium  
*legitimum Maris Reginæ Tutorem* renun-  
 ciando, se juris Romani hac in re secutos  
 consuetudinem aperte testantur. Vide A-  
 ctum ipsum in Archivis publicis asserva-  
 tum.

„nus esse iustum poterat, quam ætatem innoxiam atque infirmam ejus fidei  
 „committere, qui pupilli sibi crediti mortem semper aut expectet, aut optet?  
 „cujus gens universa diuturnas & atroces inimicitias cum Regis, qui nunc est,  
 „familia gerit, ac gesserit? Quoderit hic in sanguinis propinquitate præsidium,  
 „adversus vetus odium, immanem avaritiam, & jam degultatæ tyrannidis præ-  
 „cipitem impetum? Laodice Cappadocum Regina, liberos suos, ut quisque  
 „ad pubertatem venerat, occidisse creditur, & exiguam imperii retinendi mo-  
 „ram filiorum sanguine redemisse. Cum liberos mater in brevem temporis usuram  
 „impenderit, quid ausuros, aut potius quid non ausuros, putabimus veteres ini-  
 „micos, avaritiæ facibus ad crudelitatem inflammatos, adversus puerum,  
 „perpetui regni spem remorantem? Hoc exemplum si cui vetus & obscu-  
 „rum videatur, aut e longinquo petatum, propiora, & eadem illustria, sub-  
 „jiciam. Quis enim rerum, non adeo pridem gestarum, tam ignarus, ut  
 „nesciat, <sup>1</sup>Galeacium Sfortiam, jam adultum, jam maritum, jam Regis po-  
 „tentissimi generum, a Ludovico patruo interemtum? Aut cui calamitates  
 „ignotæ sunt, quæ tam crudele parricidium sunt consecutæ? Pulcherrima  
 „Italiae regio prope ad vastitatem redacta: Sfortiana, fortissimorum virorum  
 „genitrix, familia deleta: barbari in amoenissimos circa Padum agros introdu-  
 „cti, quorum nihil avaritiæ esset clausum, nihil a crudelitate tutum? Quis  
 „<sup>2</sup>in solo Britanno genitus non audiit Richardi Tertii, Regis Anglorum, ad-  
 „versus fratris filios sævitiam? aut quanto cum sanguine sit parricidium illud  
 „expiatum? Hæc cum illi in conjunctissimos, sola regnandi cupiditate impulsæ,  
 „perpetrare non reformidarent, homines alioqui solertissimi: quid ab eo exspe-  
 „ctabimus, cujus animi inconstantiam omnes cives norunt, imperandi imperi-  
 „tiam magnis cladibus experti sumus? Cujus familia, <sup>3</sup>hujus Regis proavi cæ-  
 „de non contenta, avum maternum, quoad vixit, infidiis <sup>4</sup>petierit; pater-  
 „num

<sup>1</sup> *Galeacium Sfortiam*] Fusam harum rerum expositionem vide apud Guicciardinum lib. 1. Paulum Jovium lib. 1. & Mezeraium Tom. 2. pag. 778. & seq. Obiter tamen advertendum est, hunc Joannem Galeacium Sfortiam fuisse appellandum, cum patri ipsius Galeacio Sfortiæ nomen fuerit.

<sup>2</sup> *In solo Britanno*] *Solo Britanno* dixit, non *Britannico* (quod Loidius Episcopus Asaphensis, & Stillingfleetius unice dicendum contendunt) præ oculis, ut videtur, habens vexatissimum illum Panegyrici locum, de quo ipse II. 39. Præverat autem, præter Eumenium, summus Poëta Lucretius lib. 6. ver. 1105.

*Nam quid Britannum cælum differre puta-  
 mus,*

*Et quod in Ægypto est. —*

<sup>3</sup> *Hujus Regis proavi cæde*] Vide supra Tom. I.

XIV. 29. ubi Comitem Aranzæ Joannem Levinæ Comitem occisum multis lacrymis profecutum fuisse ipse testatur. Immerito igitur Dux Castellerotii ejus rei invidia onerari debuerat, nisi quis existimet omnium a tribulibus malepattorum culpam in familiæ principis infamiam verti debere. Eodem pertinent cæteræ hic in Hamiltonios conjectæ criminationes, quibus in immensum præter æquum & bonum exaggerandis, dum alienam labefactare conantur, haud parum suæ famæ, sive Moravii sive Buchananus, detrivisse videntur.

<sup>4</sup> *Petierit*] Ita legendum, & versu sequenti extruserit & ver. 4. pag. seq. *conjecerit*, postulant orationis series, verbaque eodem ritu exentia [*produserit*] & [*vendiderit*]; non vero quod omnibus fere libris est editum, *petiit, extrusit & conjecerunt*.

R r r

„num vero, cum occidere non posset, inopem regno extruserit; patrem, vel-  
 „ut victimam, produxerit mactandum; matrem, regnumque ejus, cum  
 „ipsi potiri non possent, peregrinis vendiderit: e qua servitute, numinis pro-  
 „videntia, elapsam, in has, in quibus nunc est, angustias, conjecerit? De  
 „qua re, publicum civium judicium vel hinc intelligi facile potest, quod ho-  
 „mines sibi visi sunt, ex ergastulo miserrimæ servitutis erepti, jucundissi-  
 „mum libertatis lumen intueri, cum ipsi, quod tractare non sciebant, impe-  
 „rium foeminae peregrinae vendiderint.

XXIX. His auditis, Regina per concilium Hamiltonio denunciat; „Eum  
 „rem injustam petere, neque ullum a se sperandum auxilium. Se autem a  
 „Regis Legatis rogatam, ne ipsum Hamiltonium, qui nihil aliud quam se-  
 „ditionem meditabatur, prius dimitteret, quam illi veniam abundè accepis-  
 „sent, quod rem æquam postularent, promississe. Itaque se prohibere, ne  
 „ante id tempus discedere festinaret. Regina quoque exul spe propinqui re-  
 „ditus suorum animos implebat. Deprehensæ sunt ejus literæ, quibus suos hor-  
 „tabatur; „Ut quamplurimas arces & loca munita occuparent, & quam latissi-  
 „me bellum spargerent; neque nomen induciarum vereantur: nam si conditio-  
 „nibus res transigeretur, omnia superiorum temporum delicta, sub umbra pa-  
 „cis, totum iri: sin in apertum bellum dissensio erumperet, quanto plura  
 „tenerent præsidia, tanto ad hosti nocendum paratiores fore.

XXX. Cum jam Prorex, rebus in Anglia utcunque expeditis, redeundi ve-  
 niam impetrasset, allatæ sunt e Scotia literæ Reginae exulis, nuper interce-  
 ptæ, quibus querebatur apud suos; „Se ab Anglia secus, atque usque ab ini-  
 „tio ipsa exspectaverat, atque illa promiserat, tractatam: id autem factum  
 „quorundam aulicorum opera, per quos stetisset, quo minus cum exercitu re-  
 „mitteretur, uti Angliam sibi pollicitam asseverabat. Se tamen propediem  
 „aliunde rei exitum sperare, (nam jam crebris internunciis, de matrimonio  
 „cum Havarto, tractabatur:) itaque, ne remitterent animos, sed factionis  
 „vires auferrent; omnia turbarent, ac reditum Proregis in Scotiam, quibuscunque  
 „possent artibus, impedirent. Hæ literæ vulgatæ aliter alios afficiebant. Regi-  
 na Angliæ moleste ferebat, se violatæ fidei argui; induciarum quoque, se  
 auctore factarum pacta non servari: ac, iræ stimulis incitata, a favore pristino  
 erga Reginam exulem, magis ac magis ad æquitatem inclinabat. Angli,  
 qui Proregi bene volebant, timere, ne quid fraudis inimici ejus in itinere mo-  
 lirentur. Erant in regionibus, per quas iter ei erat, aut Papani magna ex  
 parte, aut latrones, qui utriusque regni fines accolebant, & prope omnes in  
 ipem novarum rerum excitati: & sollicitatos, ut Proregem interciperent,  
 palam erat. Igitur aulici Angli certatim ei suas opes, ad itineris præsidium,  
 offerebant. Ille, suis comitibus contentus, circa Id. Jan. se in viam dedit.  
 Regina autem Angliæ, e sua fide & dignitate existimans, ut salvus domum re-  
 diret, ultro ad præfectos limitum scripserat, ut cum ad loca suspecta, & la-  
 trocinis infesta, ventum esset, prospicerent, ne ex insidiis circumveniretur.  
 Id sedulo ab eis curatum: magno enim præsidio equitum peditumque circa  
 vias disposito, Bervicum venit: & proxima luce, qui dies erat postridie Cal.  
 Feb.

Feb. cum magno amicorum gaudio, qui frequentes eo convenerant, Edimburgum, velut celebri pompa, deducitur. Ejus adventum inimici, propter falsos rumores temere sparsos, cum Londini in arce detineri, primo vix credere. Verum ubi certis auctoribus, jam Edimburgi esse, est intellectum, qui vias, eo absente, obsederant, ut viatores exciperent, captivis relictis, trepide dilapsi sunt: ac statim, velut e turbulentissima tempestate, subita serenitas illuxit.

XXXI. Paucos post dies, Regiarum partium procures frequentes Sterlinum conveniunt. Ibi quæ cum Anglis acta erant, recitata, & ingenti omnium qui aderant assensu comprobata. Eisdem diebus, ex Anglia Jacobus Hamiltonius, familiae suæ princeps, advenit, a Regina Scotorum, nova & ante inaudita arrogatione, in patrem adoptatus, & regni Vicarius factus. Is, propositis edictis, cum vetuisset, ne cives aliis, quam ab ipso substitutis, parent, Regii, certatim pecunia in equitum stipendia collata, ut se ad ultimam (si opus esset) dimicationem compararent, ad diem dictum Glasguam conveniunt. Sed cum ad Hamiltonium, non pro spe, populares adessent, ab amicis, ultro citroque comitantibus, concordiae ratio tentata est. Hamiltonius ea lege Glasguam venire jussus est; „Ut Regem pro summo magistratu agnosceret. Id si faceret, cætera facile conventura: sin id renueret, frustra venturum. Ille, ex consilio, qui aderant, amicorum, cum a factionis popularibus destitutus esset, & exercitus inimici terror in propinquo foret admotus, decrevit necessitati succumbere, & in præsentia omnia polliceri: dimissis autem a Regia factione copiis, se per otium rebus suis consulturum.

XXXII. Ubi Glasguam ventum est, prædicta dies, qua ipsi amicique eorum, se Regi subditos professi, bona & honores pristinos recuperarent: interea, ut ipsi in custodia remanerent, aut e propinquis obsides darent. Adscriptum conditionibus, si qui earundem partium vellent, eisdem legibus reciperentur. Argathelius & Huntillaxus ei foederi adscribi recusarunt: sive Hamiltonio succensentes, quod, ipsis inconsultis, se in hostium potestatem dedissent: sive, se, metu suæ potentiae, laxiores leges pacis expressuros rati: sive, quo sponte inclinabant animi, eo facilius sunt impulsus, crebris ex Anglia literis. Nam, dum hæc in Scotia geruntur, ab Regina exule literæ afferuntur, cum magnis pollicitationibus, quibus literis hortabatur suos; „Ne se vano terrore circumagi sinerent: se propediem cum magnis copiis affuturam. Et id quidem, pronis ad credendum animis, eo facilius est acceptum, quod Regina laxiore, quam antea, tenebatur custodia: & increbrescebant quotidie rumores, de nuptiis Havarti cum ea.

XXXIII. Hamiltonius, cum Edimburgum ad diem dictam venisset, paulatim promissa variis postulationibus eludebat, & alias atque alias moras nece-

bat,

1 In patrem adoptatus] Libris omnibus parum venuste, nec Buchananani more, [in patrem est adoptatus] legitur.

2 Hamiltonius cum Edimburgum] Longe aliter rem narrat Camdenus, pag. 164.

Melvillius pag. 101. David Crafordius pag. 124. qui Hamiltonium adversus patrum fidem in custodiam inclusum tradunt.



bat, dum reliqua factionis capita advenirent, atque uno foedere, omnium consensu, transigeretur; item dum Reginae absentis animum explorarent. Petere ob hæc, ut res in decimum mensis Maji diem proferretur. Ad hanc manifestam ludificationem responsum; „Argathelium & Huntillæum frustra expectari: quippe qui affirmarant, seorsum suis rebus se velle consulere. Quod autem ad Reginam attineret, si ipsa quoque transactionem non approbaret, rogati, quid tum acturi essent, „Hamiltonius ingenue, sed parum utiliter pro tempore, respondit; „Se, vi ac terrore præsentis exercitus, in eas conditionis consensisse, neque, si liberum sibi foret, quicquam eorum probatum. Ita, detecta palam ludificatione, Prorex Hamiltonium & Maxallum in arcem Edinburgensem custodiendos dedit.

XXXIV. Reliqua erat consultatio, de Argathelio & Huntillæo: nam Argathelium, dum Prorex in Anglia erat, ad consultandum de rebus communibus Glasgæum venerat, mille circiter & quingentis comitatus: e vicinis quoque regionibus, qui eandem sectam sequebantur, eodem accesserant. Ibi sententia variatum, nec ulla alia de re consensum, nisi ut pacem turbarent. Ab Argathelio Hamiltonii petebant; „Ut Levinianos, sibi vicinos, qui in causâ Regia erant firmissimi, prædis agendis vexaret, & invitos in suas partes traheret, aut certe eo inopie redigeret, ut suæ factioni haud multum prodesse possent. Id ille cum ad amicorum consilium retulisset, neminem suæ sententiæ fautorem invenit. Meminerant enim, a multis jam retro annis, Levinianos Argathelio fuisse addictissimos, & multis necessitudinibus conjunctos. „Deinde qui magis Argathelii, quam Hamiltonii, Levinianis, utrisque interjectis, essent vicini? aut cur in ipsum rem invidiæ plenam rejicerent? ipsos jubebant, quorum res maxime ageretur, principes esse. Id si facerent, Argathelium eis non defuturum: sed ita non desore, ut comes, non dux, in prædando esse vellet. Paucos cum dies tenuisset conventus illie, nullo operæ pretio confecto, solutus est. Argathelius, quæ proximum erat, per Leviniam sine noxa domum est reversus. Ea modesta, vulgo, & principibus etiam adversæ factionis, multo eum cariorem, & veniam ei impetrabiliorem, fecit.

XXXV. At Huntillæus, conatus irrumperendi per Merniam, Angusiam & Jerniam frustra, Prorege absente, expertus, cum multa hominum vexatione, prædæque omnis generis, vicina sibi loca pervagatus, cum vicarios sibi, citra Deum, Crafordium & Ogilvium constituisset, omniaque Regum munia tentasset usurpare, difficiliorem sibi concordia rationem effecerat. Hi ergo cum seorsum quoque suum negotium ageret, concilium apud Fanum Andræ utrique est datum. Prior Argathelius venit. Cum eo minime difficilis erat ratio: nam, & eo anno, ut superiore, a prædando abstinuerat, & Proregi cognatione propinquus, & cum eo, a primis usque pueritiæ spaciis, familiari consuetudine, & æcta junctus erat amicitia. Ea jusjurandum tantum propositum; „Se in

1 Conatus irrumperendi] Haud scio an recte & genio Latini sermonis dicatur, [ex-

pertus conatus irrumperendi frustra,] nisi postro verbum addas [cessisse.]

11 Po-

„posterum Regi, absque fraude, pariturum. Si fallat, præter vulgatas legum  
 „pœnas, se non deprecari, quo minus, apud omnes homines, ignominiosus  
 „& interstabilis habeatur. Ad eandem sacramenti formulam cæteri, etsi lon-  
 „ge diversis legibus, in gratiam sunt recepti. At Huntilai causa, ante adven-  
 „tum ejus, diu in concilio fuit agitata. Cum enim in Anglia nuptiæ Havarti  
 „cum Regina exule, & eorum adventus in Scotiam, occulte pararentur, eorum  
 „factio in Scotia paulatim sese erigebat, & rebelles ad non parendum animabat.  
 „Rebus enim perturbatis, faciliorem novo Regi aditum, ad regnum occupan-  
 „dum, sperabant. Igitur, cum Proregi satis scirent persuaderi non posse, ut  
 „Regem, cui Tutor & avunculus erat, proderet, ejus potentiam arte conan-  
 „tur imminuere. Nam, præter eos, qui aperte arma adversus Regem gessie-  
 „rant, magna pars consiliariorum non clam, ut sæpe antea, sed palam, Hun-  
 „tilao studebant. Ii summa vi contendebant; „Ut ei præteritorum esset im-  
 „punitas. Id enim & tutius, & ad concordiam propius, & ad famam hone-  
 „stius, esse, ut sine vi civilia vulnera sanentur: neque, usque ad bonorum  
 „direptionem, cædem & sanguinem, sæviatur. Ita enim, & domi tranquil-  
 „litate, & foris laudem, parari posse. Sin ad arma spectet res, certamen  
 „fore, adversus hominem, veteri potentia, & multis propinquitatibus & clien-  
 „telis prævalentem: qui, etiam si vincatur, (quod adhuc incertum est) tamen  
 „ad montes & solitudines posse confugere, aut ad Reges externos se conferre,  
 „ac deinde, in tempore, ex hac odiorum parva scintilla, magnum belli incen-  
 „dium suscitare.

XXXVI. Contra disputabatur; „Bellum istud non tam formidabile, quam  
 „quidam credi volunt, fore. Patrem ejus inveteratæ prudentiæ opinione, in-  
 „tegris adhuc opibus, minimo conatu fuisse subversum, nedum hic juvenis,  
 „auctoritate nondum confirmata, & recenti calamitate familiæ ambustus, ad-  
 „versus regni opes, & Regii nominis amplitudinem, par esse possit: qui si aut  
 „prælio victus, aut virium infirmitatis conscientia sibi metuens, ad montana  
 „fugiat, posse, quos ille nuper conciliavit, paribus, aut certe majoribus do-  
 „nis, adduci, ut eum vel occidant, vel Proregi prodant: fidem enim mer-  
 „cenariam cum fortuna mutari, florentem sequi, afflictam deferere. Apud ex-  
 „teros vero Reges, quantas quisque opes habeat, tanti fieri: neque alienam  
 „calamitatem, sed suum quemque sequi emolumentum. Quod si in Regibus  
 „ea humanitatis & clementiæ vis esset, ut sordibus & exulum egestate move-  
 „rentur, tamen ea nunc esse tempora, quæ metum ab exteris nobis demant.  
 „Angliam enim, quæ causæ nostri Regis non sit inimica, solam in Europa  
 „bonis pacis florere: cætera regna vicina ita domesticis malis distineri, ut ad  
 „res externas respicere non sit otium. Quod si etiam otium abunde suppetat,  
 „tamen sperandum esse, æquitatem pluris apud eos fore, quam erga exules  
 „(Regibus suis rebelles, alienis infidos,) misericordiam. Ex impunitate vero,  
 „non, quam illi prædicant, clementiæ famam, sed socordiæ potius, secutu-  
 „ram: quod aut timide justî certaminis aleam defugerint, aut, sub umbra  
 „pacis, bellum imprudenter aluerint: pacis, inquam, umbra, quæ labefa-  
 „ctatos jamdudum animos rebellium recreet, & fidelium Regis amicorum ala-

„critatem infringat. Quid enim animi utrique parti fore sperabimus? cum  
 „alteri, impune sibi licuisse omnia, videant, & in posterum licitum iri spe-  
 „rent; alteri penes perfidos hostes scelerum præmia spectent, sese spoliatos  
 „suis bonis, omnibus belli calamitatibus vexari? &, cum præmia suæ fidei  
 „& constantiæ sperassent, amoris, erga Regem & patriam, se luere pœnas  
 „sentiant? Quis igitur dubitet, quin, si res ad arma posthac spectet, (quod  
 „fore necesse est, nisi nunc in ortu flamma sopiatur) quis, inquam, dubitet,  
 „quin ea pars firmior sit futura, in tanto præsertim malorum proventu, cui  
 „omnia impune liceant, quam cui omnia, per vim & injuriam, sint patienda.  
 „Quod si hæc incommoda inanem istam clementiæ speciem non sequerentur,  
 „tamen neque Proregem, neque Regem ipsum, posse, ullo jure, spoliatorum  
 „bona latronibus condonare. Id enim si faciant, suam ipsis personam depo-  
 „nendam, latronum esse assumendam: multo enim crudelius, si hæc recipia-  
 „tur conditio, populum a Regibus, impunitatis auctoribus, quam ab hosti-  
 „bus populatoribus spoliari. Hoc genus multa cum pro utraque parte dicta  
 „fuissem, victique fuisset, paucis sententiis, impunitatis auctores, Prorex pro-  
 „nunciavit; „Se, concordiae causa, damna, sibi privatim ac Regi illata, con-  
 „donaturum: rem alienam condonare nec posse, nec velle. Quod si Huntileus,  
 „aut ejus amici, qui secutam ejus secuti fuissent, transigere cum spoliatis possent,  
 „id se lubente facturum, curaturumque, ut arbitri, ex voluntate partium,  
 „darentur, qui damni æstimationem temperarent.

XXXVII. In has condiciones concordia, ut videbatur, stabilita, secuta est  
 alia, parva in speciem, contentio, sed quæ majore, quam prior, certami-  
 ne disceptata sit. Controversia in eo erat, omnibusne promiscue, qui Hun-  
 tilæum secuti erant, venia danda esset, an seorsum causæ meritaque singulo-  
 rum expenderentur. Alii, quia cum Huntileo durius actum videri volebant,  
 quod damna læsis solvere cogeretur, hic aliud ei indulgeri æquum censebant,  
 neque omnem apud suos gratiam tolli. Contra disputabatur; „Nihil magis,  
 „in hoc genere bellorum, spectandum, quam ut factiones solvantur: ne-  
 „que alia ratione id facilius obtineri, quam si gratiæ & pœnæ judicium pe-  
 „nes unum sit Principem. Æquam omnibus itatui multam, quorum impa-  
 „ria sint delicta, id quam iniquum sit, omnes intelligere: pœnæ autem æ-  
 „stimationem Huntileo minime omnium debere relinqui: qui (ut credibile  
 „est) maximorum delictorum sit levissimas pœnas exacturus, & in minime  
 „noxios totum onus inclinaturus: quippe qui non cujusque merita, sed ope-  
 „ram sibi navatam, sit in pœnis irrogandis expensurus. Ut enim quisque  
 „maxime crudeliter & impie fuerit in bello versatus, ita primum gratiæ &  
 „amicitiæ locum obtinebit: contra, levissimi sceleris gravissimam pœnam de-  
 „pendent, qui ad flagitia segniores fuerant, & suæ modestiæ, & favoris  
 „erga Regem, multam solvent.

XXXVIII.

† *Hostibus populatoribus* Ita quidem ju-  
 bante Crafordio emendavimus, invicis li-  
 cet omnibus libris, quibus [*hostium*] legi-  
 tur. Forte tamen & hoc, quamvis longe

rarissimum videatur, defendi utcumque  
 possit, si [*hostium*] hic per [*ex hostibus*]  
 resolvamus.

XXXVIII. Hæ rationes ita concilium in hanc partem inclinarunt, ut decerneretur, ut seorsum de singulis judicaretur. Ne tamen nihil ei datum videretur, concessum, ut domesticos, iudicio exemptos, ipse suo arbitrio multaret: illud vero, quod magnopere laborabat, ne Prorex cum copiis ad septentrionalem regni plagam proficisceretur, obstinate negatum. Cum, hoc maxime pacto, ad Fanum Andreae cum Huntlaeo transactum esset, cum duabus mercenariorum cohortibus, & satis magna amicorum manu, Prorex primum Abredoniam, deinde Elginam, demum Ennernessum [*est*] delatus. Accolæ, ad ea oppida convenire iussi, omnes paruerunt. A quibusdam pecunia, quæ multæ nomine imperata erat, repræsentata, & ab aliis prædes dati: ab Huntlaeo, & tribuum ac magnarum clientelarum principibus, obsides adducti. Ita nationibus, quæ ad septentriones vergunt, pacatis, cum summa bonorum omnium per totum iter gratulatione, Perthum est reditum. Eo conventus Nobilitatis erat indictus, ob literas, quas Robertus Bodius Elginam ex Anglia ad Proregem attulerat. Erant autem literæ perlatae, alteræ privatae, alteræ publicæ: privatae quidem, ab aulicis quibusdam Anglis, de Havarti conjuratione: „Eam tanta potentia subnixam, tanta prudentia dispositam, tam atque instructam, ut nullius viribus, nullius ingenio, ei resisti posset, ne si reliquæ totius Britanniae vires adversus eam coeant. Hortabantur autem amici, „Ne fortunam suam florentem, cum rebus aliorum perditis misceret: „sibi quoque pariter, ac rebus suis, adhuc integris, consuleret.

XXXIX. Status rerum Anglicarum hic nos paulum divertere cogit, quod, eo tempore, adeo, utriusque regni prospera & adversa conjuncta erant, ut altera sine alteris explicari nequirent. Scoti, ante aliquot annos, Anglorum auxiliis e servitute Gallica liberati, religionis cultui & ritibus, cum Anglis communibus, subscripserunt. Ea subita rerum mutatio spondere videbatur, Britanniam universam ab omni domestico tumultu conquieturam. E continenti vero, Pontifex Romanus, Gallorum & Hispanorum Reges, bellum mi-

na-

1 *Est delatus*] Hanc voculam [*est*], omnibus libris desideratam, supplevimus.

2 *Hic nos*] Princeps Editio Edimb. [*his nos*.]

3 *Religionis cultui & ritibus cum Anglis communibus subscripserunt*] Acriter inter nostrates de horum Buchanani verborum sensu disputatum est. Qui enim Presbyteranorum partibus nomina dederunt, nihil hic aliud significari volunt, quam, ex Leithensis sive Edimburgensis colloquii anno 1560 legibus, Scotos in genere pepigisse, se eundem Dei cultum, eademque a Pontificiorum erroribus repurgata religionis dogmata, quæ tum apud Anglos vigeant, in posterum servaturos, ac legibus latis confirmaturos. Contra vero, qui Episco-

porum jura ac Liturgiarum usum tuentur, Buchananum contendunt, voce [*ritibus*] adjecta, aliquid porro amplius significasse; neque eadem solum religionis capita, sed & eosdem ritus & caerimonias, conceptasque adeo Ecclesiae Anglicanae precum formulas, quas tantopere nunc avertantur, apud Scotos tum introductas, ac aliquot post annos usitatas arbitrantur. Quod ad me attinet, quamvis posteriori huic sententiae magis accedam, ne tamen extra oleas vagari videar, rem omnem Theologis disceptandam relinquo. Ceterum videbis Sagii *Fundament. Chart. Presbyt.* pag. 87 & 88. ejusdemque *Vindiciae adversus Dialogum inter Rusticum & Curionem* pag. 173. & seqq.

1 *Quam.*



nabantur, & consilia novarum rerum inter se clam tractabant. Et Pontifex quidem, hortando & pollicendo, strenue facies animis ira tumentibus admovebat. Regibus autem, inter se non satis domi concordibus, ita opes erant exhaustæ, ut magis cupere quam suscipere bella viderentur. Suberat & illa æmulatio, quod neuter videretur æquo animo laturus, tantum alteri virium accrescere, quantum Anglia devicta adjectura videretur. Inter eos interea & suos cives hæc contentiones inciderunt, quæ animos a rerum externarum cogitationibus averterent: quanquam & novitas regni, quod adolescens fœmina, absque viro, summæ rerum apud Anglos præflet, (quam, qui ei iniquiores erant, ex illegitimis nuptiis Henrico Octavo genitam asseverabant) & superioribus, tam de regno, quam de religione, dissidiis magis repressis quam extinctis, odiorum tamen scintillæ adhuc in animis vivebant, quæ mox in magnum incendium erupturæ crederentur. Multis interim conatibus a Papanis Anglis temere sumtis, & cito pacatis, cum semper fere res infelicitè succederet, exteris assidue spem, quantumvis variam, ostendantibus, nec auxilia ulla ferentibus, pervicaciter tamen in consilio suscepto persistebant: magisque dux multitudini, quam opes & animi deesse videbantur.

XL. Circumspiciebat vulgus ora procerum, nec satis occurrebat quisquam idoneus, cujus fidei se suasque omnes fortunas committerent. Turbulentiorum enim arma multos absumserant: multi in diversam sectam transierant: nonnullos aut vivendi maturitas gravioribus negotiis obeundis subduxerat, aut simul cum corporis viribus fractis ita animos molliverat, ut pacem, modo non iniquissimam, pati possent. Unus eminebat inter cæteros Thomas Havartus, cui & animus & opes essent, ut tantam procellam sustinere posset: & causæ suberant, quæ animum, alioqui quietum, ad rerum novandarum spem impellerent. Avus enim ejus & proavus, rebus præclare bello & pace gestis, tamen inter instabilis aulæ procellas ita jactati fuerant, ut summam gloriam prope semper summa compensaret ignominia. Pater, majestatis postulator, publice pœnam luerat: duæ etiam propinquæ ejus, Reginæ, supplicio fuerant affectæ. Ipse, in tanta rerum angustia liberaliter educatus, familiam ab interitu vindicavit: & in ipso juventæ introitu, singularis prudentiæ spem præbuerat. Paucis autem annis, mortibus uxorum, & novis matrimoniis ditatus, Anglorum longe potentissimus post Reges evasit: ac opibus & prudentia reliqua quidem nobilitas ei cedebat. Sed in re militari nullum adhuc sui specimen dederat. In religionis vero controversiis ita se ambiguum gerebat, ut quamvis ex animo Papismo faveret, diversarum tamen partium hominibus interim ita se dabat, ut eorum plerique pro suo cum numerarent.

XLI. Inter hæc, Regina Scotorum, prælio victa, in Angliam se contulit, & literas, de causâ sui adventus, ad Reginam Anglorum dedit. Ab ea jussâ est, apud Scrupum, hominem nobilem, & limitis propinqui præfectum, in-

*1. Quamvis ex animo Papismo faveret}*  
At ipse Norfolcius, extremis suis verbis,  
cum jam cervices securi submitteret, pla-

ne contrarium est testatus. Vide Melvillium pag. 100. & Historicos Anglos.

*1 Per*

interea divertere, dum de postulatis ejus agi in concilio posset. Porro Scrupi uxor Havarti erat soror. <sup>1</sup> Per eam primum secreto tractatum est, de matrimonio eam cum Havarto copulando: &, velut divinitus oblata ad id occasione, Havartus, tertia uxore vita functa, tum cœlebs erat. Ea consilia, etsi paucorum conscientiae commissa, suppresserantur, crebris tamen vulgi rumusculis paullatim emanabant. Spei enim magnitudo angustis pectorum claustris contineri non poterat: ac, immodica lætitia producente, statim per ora populi se diffudit. Jamque eo progressa res erat, ut omnia belli civilis incendiis mox conflagratura viderentur. Nec deerant, qui, expensis partium viribus, Havartum, quæ vellet, non magno molimine, sine vi-confecturum, affirmarent.

XLII. In hoc statu rerum, proceres Scotorum frequentes Perthum conveniant, ut duarum Reginarum postulata audirent: scripserat enim utraque ad publicum gentis concilium. Reginae Anglorum literæ trium conditionum unam proponebant. Prima simplex erat; „Ut Regina Scotiæ in pristinum locum & auctoritatem restitueretur. Sin id impetrari non posset, ut communiter cum filio regnaret, & Regii nominis honore, in literis & actis publicis, frueretur: interea summa rerum penes Proregem esset, donec Rex annum decimum septimum expleret. Tertia erat conditio, si neutrum horum posset obtineri, ut (siquidem Regina id sibi persuaderi permitteret) privata domi viveret, eis contenta honoribus, qui, salva Regis auctoritate, ei concedi possent. Huic ultimo capiti facile est assensum, siquidem Regina ad eam accipiendam perduceretur: cætera obstinate negata. Melior enim & incorruptior Nobilitatis pars in eo perstabat; „Se nec debere, nec posse, quicquam statuere, quod Regis auctoritatem imminuere videretur, præsertim cum legitime Rex creatus esset: priora vero capita non modo honorem & auctoritatem, sed etiam vitam innocenti pupillo auferre, nisi forte matrem, in maritum expertæ crudelitatis, filio inimicam, exilio exasperatam, nunc existiment mitiorem fore.

XLIII. Deinde, recitatae sunt literæ Reginae exulis, quibus petebat; „Ut judices darentur, qui de suis cum Bothuelio nuptiis cognoscerent: ac, si comperirentur contra leges factæ, peterent, ut a viri potestate libera decerneretur. Hæ literæ factionem Regis vehementer offendeabant, quod & se Reginam <sup>2</sup> scribebat, & velut subditis imperaret. Nec deerant, qui eas, quod Regem in ordinem cogerent, ac penes Reginam exulem omnium rerum potestatem statuerent, sine responso prætereundas esse decernerent. Ea pars concilii, quam ex Reginae arbitrio pendere diximus; „Multum se mirari, simulabant, cur, qui ab ea tantopere superiore anno contendissent, ut suam causam

<sup>1</sup> Per eam primum] Lessæus vero in sua *Legatione*, & Camdenus pag. 154. harum nuptiarum spem a Moravio primum Norfolcicio injectam tradidere. Vide supra ad XIX. 19.

Tom. I.

<sup>2</sup> Scribebat, & velut subditis imperaret] Vel hic imperabat, vel illic scriberet, cuiusdam dicendum videbitur: at optimi quandoque scriptores eam *scripsisse* neglexerunt.

„sam a Bothuelio separaret, nunc, cum id offerretur ultro, majore id studio „impediant, quam antea postulaverant. Quod si verbum unum & alterum „in literis eos offenderet, id vitium facile corrigi posse. „Nec deerant, qui „sponderent, („Sinerent modo interea divortii causam agi,) se curaturos, „ut Regina procurationem, quibus vellent verbis conceptam, mitteret. Con- „tra ab adversa parte contendebatur; „Nullam se derepente ortam videre tan- „ta festinationis causam. LX. dies esse legitimos, ad Bothuelium, ut qui „extra regnum esset, in jus vocandum. Intra id tempus, novam posse mitti „procuracionem, nec debere eam moram longam videri, ei praesertim, quae „biennio, rem tantam silentio transisset, ac nunc demum eas mitteret lite- „ras, quae gratificari in hac causa volentibus impedimento esse possent, quo „minus obsequerentur. Si vere divortium expeteret, nihil factu facilius: scri- „beret ad Regem Danorum, atque oraret, ut in Bothuelium, prioris mariti „interfectorem, jure animadverteret: eo extincto, invitis omnibus adversariis, „quocum vellet, ei potestatem nubendi fore. Id si abnueret, eam non ex „animo, sed simulate, de divortio agere, ut cum proximo etiam viro, si cui „nuberet, in incerto matrimonio esset. Ejus rei vel hinc magnam esse suspi- „cionem, quod de divortio ab eis iudicibus vellet pronunciari, qui nullum „statuendi jus haberent. Quod enim Proregi jus in exules esse, quibuscum ni- „hil divini aut humani commune haberet: qui, nisi ex ipsorum voluntate „pronunciaretur, statuti iudicato non essent? Aut quomodo, qui sui juris non „essent, alieno juri se subicerent? Atque cum fraus aliqua occulta subesse vi- „deatur, non properandum ea de re iudicium: sed Reginam Angliae, quae „rem vel promovere vel impedire posset, praemonendam. Missus est in An- „gliam juvenis nobilis, ex Proregis familiaribus, qui acta conventus ad Regi- „nam perferret.

XLIV. Mirum fortasse cuiquam videri potest, quod rebus maximis minore disceptatione transactis, de divortio tanta contentione sit actum. Ejus rei causa haec erat. Havartus cum Regina Scotorum de matrimonio clam per amicos transegerat: deinde huic conjurationi domi forisque tantae vires accesserant, ut vulgi sermonibus libere jactaretur, consilia, <sup>2</sup>de Regibus legitimis trucidandis, & duobus regnis occupandis, inita esse: loca, tempora, ac totum rei gerendae ordinem ita dispositum, ut adversus vim omnia provisae esse viderentur. Id autem conjurationis conscii unum agebant, ac vehementer urgebant, quod matrimonio moram allaturum videbatur: quod si obtinuissent, de ceteris, ut sponte secuturis, erant securi. Contra vero, qui a Rege stabant, unum id studebant maxime, ut moram nuptiis afferrent; „Interea multa con- „silia occulta, spatio interposito, eruptura, & conjurationem, consensu Re- „gum amborum, opprimi posse.

XLV.

<sup>1</sup> *Juvenis nobilis*] Is erat Joannes Vodus, Moravio ab Epistolis, vafricie magis quam ulla re alia nobilis. Melvill. pag. 99. Dav. Crasf. pag. 129.

<sup>2</sup> *De Regibus legitimis trucidandis*] Nihil ejusmodi, vel a Regina Scotorum,

vel a Norfolcio agiturum, plane ostendunt Articuli de hisce nuptiis initi mense Majo 1569. Vide Camdenum pag. 169. Brun. Process. Norfol. in Praef. Dav. Crasford. Comment. de reb. Scot. pag. 117.

XLV. In hoc rerum statu, decreto concilii Scotici ad Anglam perlato, ea, quod nec satisfactum sibi eo responso, diceret, &, qui missus erat, non satis idoneum videri, cum quo, de tantis rebus, tam periculoso tempore, consilia conferret, amplius de iis rebus edoceri postulat. Itaque, iterum conventu procerum Sterlini habito, responsum; „De ultimo superiorum petitionum capite, „posse conditionibus transigi. Secundum vero tale esse, ut, sine summo scelere, de eo consultari nequeat: quippe quod non imminueret modo, sed „omnino tolleretur Regis auctoritatem. Nam, præterquam quod omnis regni „societas est periculosa, quam tandem æquam imperandi conditionem fore puero, vixdum infantiam egresso, cum muliere florentis ætatis, natura callida, „& varietatem fortunæ experta? quæ, ubi semel in partem administrationis „publicæ irreperit, vel factionis ejus viribus, quæ, decreto publico, a rerum „gubernaculo remotam, non precibus, sed minis eam studet restituere, vel „corruptis Regis inimicis, vel peregrino milite, quem nunc sedulo arcessit, „totam imperii vim in se facile trahere possit? Aut, quomodo patietur infantem sibi æquari, quæ maritum non tulerit; Ad hæc, si homini alicui potenti „(quod nunc maxime tractaretur) nuberet, duplicatis Reginæ viribus, & „marito ejus (quod necesse foret) in partem imperii accepto, & eo marito, qui „non libenter pateretur, liberos suos a privigno, in possessione regni, anteciri, „quam pueri conditionem fore? Quid si ejus amici (ut est hominum inconstantia) præsentem largitionem futuræ spei anteferentes, ad potentiorum cultum „se conferant? ibi, quid puero, in secundum ac mox in tertium locum detruso, præter præcipitium, superest? Cætera se tacitis cogitationibus relinquere, quam ominari, malle, quid mulier irata, viribus imperii freta, impotentibus avunculorum consiliis instructa, crudelitatem in viro experta, & „exilio exacerbata, in puero, omnibus naturæ & fortunæ præsidiis nudato, „& velut ad iræ piaculum exposito, foret ausura; quæ vita pueri amicos merneret, a quibus gravissime se læsam existimaret. Quis, cum iram, superioribus temporibus metu occultam, expromeret, religionis status esset futurus? præsertim ejus crudelitatem innatam incitante notæ superbiæ marito: quam facile „vel puero extincto amici, vel puer amicorum interitu ad solitudinem reductus „subverti posset? His de causis, Reginam in partem imperii, sine certa Regis „perniciæ, assumi non posse. Hæc cum ita se habeant, nihil opus esse de primo capite pluribus agi.

XLVI. Hæc qui deferret in Angliam, est missus Robertus Pitcairnius, homo non minoris consilii quam fidei. Is, in ipso adeo tempore, in aulam advenit; conjuratione, de utroque regno, cæsis Regibus, occupando, palam explorata & divulgata. Ejus conjurationis tantæ opes erant, ut Angla, de suo statu sollicita, Havarto in arcem Londinensem incluso, in Reginam exulem non ausa animadvertere, deliberaret, de ea mari ad Proregem Scotiæ mittenda. Sed id consilium, tempestate paullum sedata, fuit discussum.

XLVII. Interea Prorex, crescentibus supra modum factionis adversæ viribus,



bus, 'Gulielmum Mætellanum, omnis conjurationis fomitem, Pertho Sterlinum arcessit. Is, multa sibi male conscius, etsi Proregis perpetuam, erga omnes amicos, in gravissimis etiam delictis, perspectam haberet lenitatem, cunctabunde tamen venit: ac, prius explorato, si quid adversus se novi consilii captum esset, egit cum Comite Atholio, ut una veniret, ut eo, si quid opus esset, deprecatore uteretur. Sterlini cum, in concilio sedentem, Thomas Crafordius, Comitis Leviniae cliens, reum cædis Regiæ postulavit. Is in cubiculo seorsum in arce servari jussus est. Missi, qui Jacobum Balfurium, absentem, comprehenderent. In utrumque legibus animadvertendum censentibus circumspicientibus, ut qui omnium, per aliquot annos, barbarum auctores fuissent; & velut in proximo Rege tollendo sceleris conscii, ita factionis adversus filium ejus principes essent. Sed vicit utilitatis publicæ rationem: Proregis lenitas, calamitosa patriæ, ipsi vero fatalis.

XLVIII. Nam Balfurio novæ conjurationis, nuper initæ, gratiam, per amicos exoratus, fecit: Mætellanum, Edimburgum ductum, in hospitium, non procul ab arce, dimisit. Adhibiti erant ei custodiendo equites aliquot, præfecto eis Alexandro Humio, adolescente impigro & nobili. Sed Gulielmus Kircadius, arcis præfectus, circa horam decimam nocturnam, literas confictas, Comitis Moravii chirographum imitantes, ad Alexandrum attulit, quæ Mætellanum Kircadio tradi juberent. Ille, ut qui non ignoraret, quem in amicitia gradum apud Moravium Kircadius obtineret, nihil cunctatus literis paruit. Ita Mætellanus, ab arcis præfecto, qui occultius, ad eum diem, cum inimicis publicis senserat, in arcem abducitur, multum fremente Nobilitate, ac prope incerta, Kircadione tantum facinus imputarent, an Proregi, tanquam audaciæ ejus non ignaro: ac res ad seditionem spectare videbatur, nisi totius vitæ ejus sanctitas omnem calumniam superaret. Fuerat quidem & Kircadius, ad eum usque diem, & manu fortis, & in amicitia colenda constans habitus, & cum aliis multis Proregis beneficiis ornat, tum in arce custodienda omnibus amicis & propinquis prælatus; verum prudentioribus etiam tum suspectus. Sed ea erat Proregis in amicos indulgentia, ut, quos aliquando amasset, in scelere deprehensos, durior esse non posset. Kircadius, ad Proregem arcessitus postridie, venire renuit: atque alienissimo tempore, cum jam Havartus & Regina indies exspectarentur, animos adversæ factionis erexit: pessimis vulgo sparsis rumoribus; „Proregem ab intimis amicorum, in rebus dubiis, „desertum, & inimicorum libidini, arce alienata, relictum, cæteris tam il-

„lu-

1 *Gulielmum Mætellanum*] Belle a Buchananano instituta est ea, quæ sequitur de Mætellano Balfurio & Grangio narratio, qua eos insignis perfidie conscios, Moravium omni criminis labe immunem vult videri. At Melvillius, cui par hac in parte fides deberi videtur, inverso prorsus ordine rem narrat pag. 100. & seqq.

2 *Proregis lenitas*] Non *Proregis lenitas*.

siquæ nulla hac in re fuerat, sed Grangii amicitie, salutem suam acceptam debere Ledintonius & Balfurius: eodem enim tempore, quo hi cædis Darleane postulabantur, Grangius litem de eodem crimine Mortonio & Arch. Duglassio intentari petebat, qui sibi male conscii metuentes, Moravio diem prolataudi auctores fuerunt. *Idem ibid.*

3 *Pro-*

„lustre exemplum secuturis: ac fore brevi, ut, 'Prorege sublato, Rex inno-  
 „xius, ejusque fautores, in omnia, quæ sævissimis tyrannis luberet, supplicia  
 „traderentur.

XLIX. Nihil tamen Prorex his sermonibus commotus, sequenti luce in ar-  
 cem ascendit. Custodem allocutus, velut placatus, vultu nihil immutato, re-  
 diit, & ad expeditionem, quam in latrones susceperat, per Marciam profectus,  
 ad Alexandrum Humium gentis principem, familiariter, ut solebat, divertit.  
 Illic quoque (nam Humius, ad rem avidior, magnis pollicitationibus in diver-  
 sam factionem seductus erat) nullum animi amici indicium reperit. Nam ab  
 Humii uxore, foemina arrogante, propemodum conviciis exagitatus, in Te-  
 viotiam abiit. Eo cum venisset, cum exiguo & prope quotidiano comitatu,  
 latrones, in illa amicorum solitudine, virtutem & constantiam ejus suspicientes,  
 fide publica accepta, adeo frequentes ad eum convenerunt, ut plerumque mul-  
 titudo eorum ejus familiares & comites æquaret, interim autem anteiret. Nec  
 ille tamen quicquam de pristina animi altitudine remisit, quo minus eis e digni-  
 tate & sua & publica responderet: eosque procul dubio sine vi pacasset, nisi e  
 Nobilitate vicina quidam in Havartum proni, & jam arma spectantes, obsti-  
 tissent. Amicis ad diem præstitutum confluentibus, in fines latronum duxit:  
 quanquam vicinorum quibusdam, objecta difficultate & periculis, eum deterrere  
 conatis. Lidaliæ, Eviam, Esciam cum exercitu pervagatus, non modo ab  
 illis, sed ab ulterioribus etiam ultro missos obsides accepit: paucis, qui ob ma-  
 leficiorum magnitudinem, veniam desperabant, aqua & igni interdixit. Hæc  
 ejus expeditio non modo gratiam vulgi, ob securitatem publice partam, con-  
 firmavit, sed summam etiam admirationem expressit, quod homo, ab intimis  
 amicorum desertus, in extrema prope omnium rerum penuria, paucis diebus  
 perfecisset, quod Reges potentissimi, in pace tranquilla, magnis copiis, ac lon-  
 go tempore, efficere ægre potuerunt.

L. Inter has res certior factus est, conjurationem Anglicam detectam, Ha-  
 vartum in carcerem, Reginam Scotorum in arctiorem custodiam datam. Et  
 Robertus Pitcarnius, confectis ex animi sententia rebus, e legatione rediit:  
 ostenditque res a Prorege gestas Reginæ Anglorum esse gratissimas, quod limi-  
 tes pacasset, quod unum e conjuratis, Northumbriæ Comitem, in Scotiam  
 fugatum, comprehendisset, & in custodia haberet; quod reliquos velut hostes  
 persequeretur; quod præfecto Bervici ultro in omnes casus auxilia obtulisset.  
 Horum officiorum se memorem fore pollicebatur, nec ejus periculis defuturam:  
 omnibus regni Anglorum copiis eum pro suis uti posse. Toto hujus expeditio-  
 nis tempore, cum assidue per fidos homines, de maxima conjuratione domi-  
 nita, multa ad Proregem deferrentur, omniumque pene literis arcis præfectus

I Prorege sublato] Ita Tho. Crafordii  
 jussu rescriptum, pro quo libris omni-  
 bus [præsides] irrepsit. Quamvis enim O-  
 vid. Met. 15.

Quo præsides rerum  
 Humano generi superi cavisset abunde;

de Augusto loquens dixerit, nunquam ta-  
 men hoc sensu vocabulum Buchananus ad-  
 hibuit: minime autem hoc loco præsides  
 eum appellatum oportebat, quem alibi to-  
 ties solenni & peculiari quasi nomine Pro-  
 regem nuncupaverat.

St ff 3

I Fa-

pertringeretur, Prorex, veterum officiorum adhuc recente memoria, & consuetudine pristina non penitus ex animo abolita, simpliciter ad eum omnium delationum exemplar misit. Ille ad ea crimina adeo frigide respondit, ut multo quam antea se suspectiorem redderet. Negavit enim, „Quenquam esse, qui suam „subscriptionem ad ullam factionem, quæ ad illam conjurationem pertineret, „ostendere posset.

LI. Interea appropinquabat dies rei capitalis Matellano dictus. Nam, ut est in arcem receptus, velut periculum audacia discussurus, maximopere petiit, „Ut secum iudicio experirentur. Persuasum enim habebat, tantas esse conjurationis, in Anglia factæ, & Scotia (cujus ipse inter principes erat) vires, ut nihil ordine & iudicio statui posset: ad iudicia enim rei capitalis, magnæ advocationes amicorum & clientium convenire solent, pro reorum vel factione, vel gratia, vel nobilitate, ut tum quoque evenit. Omnia enim in eum diem comparaverant subsidia principes factionis Regi adversæ, cujus Hamiltonii, Gordonii, & Argatheliæ Comes, capita numerabantur, ea spe, ut, si armis (quod facillimum erat) iudicium turbaretur, se, qui & numero hominum & loci opportunitate, & omni belli apparatu, superiores erant, rem uno conflictu finire posse sperarent. Prorex, qui juris, non virium contentionem expectaverat, ac propterea nihil ex adverso præparati habebat, simul quod tempore non necessario, se supremæ fortunæ aleæ committere noller, simul ne supremi honoris majestas, in contentionem cum inferioribus demissa, vilesceret, diem diffidit: ipse postridie, ad Cal. Januarias, missus in custodiam ad lacum Levinum Comite Northumbriæ, Sterlinum est profectus.

LII. Adversa factio, cum denuo, præter spem auctoritatem Proregis & potentiam crescere, & ad popularem bonorum gratiam Anglorum favorem accedere videret, ad id, quod diu contenderant, partim æmulatione, partim magnificis Reginæ Scotorum pollicitationibus, quæ Gallorum & Hispanorum auxilia jamjam affore, per literas affirmabant, incitati, ut Proregem tollerent: quo vivo, nullum suis consiliis exitum reperiebant. Missis per omnes regiones nunciis ad suæ factionis principes, „foedus in eam rem ineunt. Huic foederi subscripserunt Hamiltonii, quippe ipsi, eorumve liberi, in arce Edimburgensi custodiebantur. Nec arcis præfectus, hujus consilii ignarus fuisse creditur. Quam suspicionem, quæ mox secuta sunt, magnopere auxerunt. Operam suam ad id facinus promisit Jacobus Hamiltonius, ex Archiepiscopi Fani Andree sorore natus: ac locum tempusque insidiis idoneum aucupabatur. Forte eodem tempore, spes facta erat Proregi, Britannodunum posse per conditiones recipi. Eo cum profectus, re infecta rediret, Hamiltonius, in omnem occasionem intentus, primum Glasceæ, deinde Sterlini, cum insidiæ parum pro-

cede-

[*Fœdus in eam rem ineunt.*] Nullo idoneo indicio hæc dici videntur: salii certe scriptores nemine auctore paucissimi que consensu hoc scelus ab Jacobo Hamiltonio Bothuelachio perpetratum testantur,

quippe qui non publicas, sed privatas, quas gravissimas sibi a Prorege illatas querebatur, hoc facinore ultum iverat. Less. Camd. pag. 135. Dav. Craford. pag. 141.

I Eam

cederent, Limnuchum statuit locum ad consilium exsequendum esse commodissimum: quod oppidum esset in clientela Hamiltoniorum, & Archiepiscopus, ejus avunculus, non procul ab ea domo, in qua Prorex diversari soleret, ædes haberet. In ædes, sceleri destinatas, intentius se abdidit. Prorex, cum sæpe antea, tum eo ipso die, ante lucem, de insidiis certior factus, (cum index ad maiorem fidem adderet, percussorem intra tertias aut quartas ædes a diversorio occultari, seque, si pauci comites sibi darentur, eum e suis latebris extracturum, ac totum occultæ conjurationis consilium & ordinem explicaturum,) nihil tamen de priore consilio mutavit, nisi quod per eandem, qua ingressus erat, portam regredi, & commutato itinere progredi, decreverat. Nec hoc quidem propositum tenuit, sive quod talium periculorum erat contemtor, ac suam vitam in manu Dei esse prædicabat, cui reposcenti libens eam redditurus esset, sive quod equitum multitudo, eum opperiens, viam oppleverat. Cum jam in equum conscendisset, & celeriter loca suspecta prætereundo periculum se putaret evitaturum, ei consilio cum turba referta iter morando restitisset, percussor e podio ligneo, quod linteis, velut in alium usum, operuerat, ex insidiis, globulo plumbeo paullo infra umbilicum adacto, ac prope renes transmissio, equum quoque Georgii Duglassii, qui ultra eum erat, eodem ictu examinavit. Ipse per posticum horti, quod in eum usum diruerat, celeri equo, quem ab Joanne Hamiltonio, Abbate Aberbrothii, ad salutem, peracto scelere, tuendam, acceperat, magna suorum gratulatione, qui coepta audacis eventum opperiebantur, ad Hamiltonium deductus est: ac jam, velut regno in suam familiam translato, propinqui, omni honore verborum profecuti, præmiis cumularunt.

LIII. Limnuchi, inter hæc, cæteris ad sonum repentinum erectis, Prorex se percussum affirmans, ex equo, velut sine sensu vulneris, desiliit, & pedibus in hospitium rediit. Initio, cum, qui curandæ plagæ adhibiti erant, signa omnia ad salutem esse dicerent, paullatim dolore oborto, nihil omnino animo turbatus, de morte cogitare coepit. Qui aderant autem, cum frequentes dicerent; „Sua eum nimia lenitate sibi exitium peperisse, ut qui tot maleficientissimis hominibus, & in iis percussori suo, perduellionis damnato, pepercisset: „ad ea leniter, ut solebat, respondit; „Nunquam, vestra importunitate efficietis, ut meæ clementiæ me pœniteat. Deinde, cum de re familiari statuisset, Rege proceribus, qui aderant, commendato, nullum in quenquam verbum asperius locutus, ante mediam noctem decessit, ad X. Cal. Februarias, anno salutis partæ M. D. LXXI.

LIV. Mors ejus omnibus bonis, sed præcipue plebi fuit luctuosa, quæ, velut parentem publicum, & vivum amabat, & mortuum deslebat: quippe

1 *Eam redditurus esset*] Ita omnino Syn-  
taxeos ratio postulat; omnibus tamen libris,  
præter unum Mosmanni [eum] legitur.

2 *Anno salutis partæ M. D. LXXI.*  
Ita omnes libri, at scriptum oportebat  
[M. D. LXX] Nam, ut alios auctores

omittam, ex ipsis Actis publicis palam  
est, cum anno 1569, juxta supputatio-  
nem vero Romanam, 1570, occisum fuisse.

3 *Quippe quæ*] Ita princeps Editio E-  
dimb. aliis vero omnibus [quæ] præter ra-  
tionem omittitur.



quæ, præter plurima ab eo præclare gesta, meminerant, res ubique turbatas, nondum expleto anno, ita per omnes regni partes fuisse compositas, ut nemo domi suæ, quam per itinera & diversoria, tutior esset. Et, jam decedente invidia, qui vivo iniquiores erant, mortuum veris laudibus prosequerantur. Admirabantur fortitudinem in bello, cum summo studio pacis conjunctam: celeritatem in rebus gerendis, sed semper tam felicem, ut divina quædam providentia in omni negotio affuisse videatur: tantam lenitatem in suppliciis sumendis, tantum æquitatis in rebus judicandis studium, ut, quoties a bello vacaret, totum diem judicum collegio assideret. Ea præsentis verecundia fiebat, ut neque tenuiores per calumniam opprimerentur, neque, in potentiorum gratiam, litibus in longum dilatis, exhaurirentur. Domus ejus, velut sanctissimum sacrarium, non solum a flagitiis, sed verbis etiam petulantioribus, pura erat. Legebatur, a prandio & cœna, semper caput aliquod e sacris Bibliis: & quanquam, ad eum usum, eruditum hominem secum semper habebat, tamen si qui aderant doctrinæ nomine illustres, (aderant autem fere semper, ac summo in honore apud eum erant) eorum sententias exquirebat. Neque id ambitione vana faciebat, sed studio vitam ad eam normam componendi. Liberalitatis prope nimius erat. Dabat enim & multis & frequenter, & munus etiam in dando animi alacritate commendabat, & plerisque, ne accipientium verecundiam oneraret, ipse clam sua manu donabat. Cum amicis & domesticis simpliciter & aperte vivebat. Si quis autem eorum deliquisset, acrius multo quam externos increpabat. His moribus & vitæ innocentia, non modo civibus, sed exteris etiam nationibus, & carus erat & venerabilis, sed præcipue Anglis, quibus in omni fortuna virtutes ejus erant magis cognitæ.

## LIBER VIGESIMUS.

J. **T**OTUM id tempus, quod Proregis postremi mortem proxime est secutum, etli a cædibus est temperatum, tamen variis factionum conatibus plerumque fuit sollicitum. Hamiltonii frequentes Edimburgum ante cædem convenerant, prætextu exorandi Proregem, ut Jacobum Hamiltonium, gentis principem, qui in arce adhuc custodiebatur, liberaret: cæde vero perpetrata, ad reliquos Hamiltonios miserunt e suis, qui cæteris gentibus persuaderent, (ita enim credi volebant) ne parricidis publicis se conjungerent, aut eos in suam fidem reciperent: ut plurimi suspicabantur, ut eos juberent, ad omnes occasiones esse paratos & intentos. Nam proxima post cædem nocte, Valterus Scotus & Thomas Carus Farnihestius, Angliam ingressi, ferro flammaque omnia foedarunt, idque

1 *Liberaret*] Ita legendum monstrat contextus; libris autem omnibus *liberarent* legitur.

que aliquanto crudelius, quam superioribus temporibus fieri consuetum erat. Nec eos tam prædæ cupiditas, aut vindictæ, ad hanc insolitam sævitiam impulerat, quam quod, jam diu ante, ab Episcopo Fani Andrea, reliquisque factionis principibus, decretum erat, ut Anglos cum Scotis committerent, & si alia ratione eos ad arma sumenda nequeant adducere, injuriis inferendis ad bellum invitos pertraherent.

II. Præfectus arcis, etsi multis tenebatur indiciis, omniumque oculis & sermonibus designaretur, tamen adhuc in pristina officii simulatione erga Regem perseverabat. Ei datum est, ut Gulielmus Mætellanus e custodia educeretur. Is cum in concilio suam pluribus verbis commemorasset innocentiam, Nobilitate, quæ aderat, testante, sibi nullis certis indiciis constare, scelorum, quorum arguebatur, affinem esse, (arguebatur enim cædis Regis ac Proregis conscius, & belli civilis, in Anglia nuper excitati, prope auctor fuisse,) ita dimissus est, ut res in aliud tempus dilata videretur. Ipse quoque, jurejurando suam innocentiam testatus, quodcumque Regis propinqui diem ei dicerent, se venturum in jus promittebat. Deinde, cum de statu regni consultantibus propemodum convenisset, ut ex iis, quos mator, antequam se regno abdicaret, filio Tutores nominaverat, qui id munus suscipere vellet, modo in adversam factionem postea non abiisset, administrationi rerum admoveretur: Mætellanus, jam tum rerum perturbationem meditatus, auctor erat, uti iterum proceres absentes admonerentur, ut, si vellent, <sup>1</sup>adeissent ad comitia Proregis, in certum diem indicta, ne quando causari possent, se absentibus tantam rem præcipitatum. Atholius cum paucis assensus, nec cæteri abnuerunt, magis ut adversariis omnem calumniandi occasionem tollerent, quam quod quicquam, ea dilatione comitiorum, profici in publicum sperarent.

III. Post hæc, Thomas Randolfus Legatus Anglus est auditus. Regina enim, vivo adhuc Prorege, Legatos miserat, qui exules Anglos deposcerent, qui, detecta & punita Havarti conjuratione, supplicii metu profugerant. Hos Legatos, Sterlini auditos, Prorex Edinburgum rejecerat. Eo mortuo, rebus turbatis, sine responso discesserant. Cum vero de Prorege deligendo conventus haberetur, Randolfus, qui ante aliquot annos in Scotia fuerat, quod res hominesque ejus nationis optime nosse videbatur, & quod ex utriusque gentis commodo superiores legationes obiisset, omnibus bonis, ut erat, carus esse existimabatur. Is in concilium introductus, cum declarasset, „Reginæ suæ „animus qualis erga Scotos semper fuisset: eam, ut antea rebus eorum turba- „tis non defuerit, ita nunc non defuturam. Deinde commemorat incursiones „in Angliam, cædes, rapinas, incendia, superioribus diebus facta. Eam satis „scire, nihil horum consilio publico gestum. Itaque eandem in præsentia

„VO-

<sup>1</sup> *Is cum in concilio*] Exstat ea de re diploma, quo Gul. Mætellanus frequentissimo Ordinum conventu, non tantum cædis Darlzanæ insons declaratur, sed insigni insuper elogio ob res præclare pro

Tom. I.

patria gestas commendatur, 14 Feb. 1572.

<sup>2</sup> *Adeissent ad comitia Proregis, in certum diem indicta*] i. e. Comitia Proregi eligendo in certum diem indicta.

„voluntatem, idem suum in eos studium manere: atque adeo, quanquam  
 „graviter, ac nullo suo merito, laceffita est, se, quod jure suo posset, nec  
 „publice res repetere, nec, ob delicta paucorum, ab omnibus poenas poscere.  
 „Se quidem non esse ignaram, quanta nuper oborta sit omnium rerum per-  
 „turbatio: neque tamen de bonorum erga se voluntate dubitare. In eorum  
 „gratiam, non modo culpam a conscientia publica separaturam: sed si ipsi,  
 „propter motus domesticos, pacis perturbatores ad res reddendas cogere non  
 „possent, se suas cum illis conjuncturam copias, ut communi consilio poenas  
 „violatorum foederum expeterent. Sin ne id quidem possent, se sua milite  
 „suas injurias persecuturam: sine maleficio exercitum per pacatum agrum iter  
 „facturum: neque quenquam, qui a culpa remotus esset, ultioni affinem  
 „fore.

IV. Reliqua legationis capita continebant admonitiones, semper quidem in  
 omni legitimo conventu utiles, sed ad praesentem rerum statum necessarias.  
 „Primum omnium, religionem tuendam summa cura & vigilantia, quae una,  
 „& erga Deum & homines, officiorum rationem nos docet. Quia nulla res  
 „publica, secum ipsa discors, diu constare potest, in id praecipuo incumben-  
 „dum studio, & omnibus adnitendum viribus, ut domi civibus inter se pax  
 „& concordia sancte colatur. Cum Deus, universi opifex, Regium huic  
 „populo indulserit imperium, Regibus parere, honore eos & omni obsequio  
 „observare & prosequi, est aequum. Pax, concordia, & amicitia cum omni-  
 „bus, quoad fieri potest, hominibus, Deo est gratissima, fundendique san-  
 „guinis humani sitim (quod vitium Deus unice execratur) exstinguit, aut  
 „certe inhibet: eadem singulorum opes auget, civesque suis inimicis formida-  
 „biliiores facit. Justitia, omnis publicae incolumitatis custos, amplectenda,  
 „cujus praecipua pars est in fontes animadversio. Cum proditio sit omni le-  
 „gitimae dominationi maxime detestabilis, hoc hominum genus, quocunque  
 „terrarum se receperint, nulla clementia, favore & indulgentia est prosequen-  
 „dum.

V. Haec Randolphus: qui & sancte & salubriter admonere, & aequa postu-  
 lare, est visus. Sed quia, nemine in summum magistratum adhuc electo, cer-  
 tum responsum dari non poterat, in Cal. Majas est rejectus. Postremo, Pro-  
 regis proxime caesi fratres, ex eadem matre, Gulielmus & Robertus Duglas-  
 sii, sunt auditi. Hi petebant, ut sui fratris indigna mors, nullas ob inimici-  
 tias privatas, sed ob remp. illata, vindicaretur. Ibi sententiis est variatum,  
 omnibus quidem consentientibus, poenas de parricidis expetendas: sed aliis cen-  
 sentibus; „De ea caede suspectis diem dicendum, „(nomina autem multorum  
 deferrebantur:) aliis placebat; „Dies juridicos non expectandos, adversus eos,  
 „qui arma jam susceperant, ut facinus, quod scelerate patrarant, vi defende-  
 „rent: nec in eos modo statim arma sumenda, sed etiam adversus omnes, qui  
 „superiorum Ordinum comitiis capite minuti erant. In eam sententiam, qui  
 „aderant ex Equestri ordine, proni erant, nec tamen propositum tenere potue-  
 runt, maxime dissuadentibus, Atholio, quod diceret; „Frequentiore pro-  
 „cerum conventum expectandum: „Mortonio, quod existimaret; „Fore,

„ut,



„ut, si plura conjungerent crimina, vindicta Proregis periret, & res ad civile  
 „bellum prorumperet, omnibus, qui pacem timerent, se ad cædis reos aggre-  
 „gantibus. Igitur separanda crimina, ac jure (si fieri possit) agendum: nihilque  
 „ante Cal. Maji (qui dies ad conveniendum dictus erat) innovandum. Ita con-  
 „ventus ille solutus est, maxima populi parte cunctationem Nobilitatis damnan-  
 „te, quod ad nutum inimicorum Regis omnia acta dicerent, qui has moras in-  
 „necterent, ut, spatio interposito, cædis invidia relanguesceret, & factio ad-  
 „versa interim vires assumeret.

VI. Hanc vulgi opinionem, & quædam, quæ jam præcesserant, & pluri-  
 „ma, quæ secuta sunt, confirmarunt. Nam statim, cæde Proregis vixdum  
 „divulgata, Jacobus Hamiltonius, oppositis pignori agris Joanni Somervallio  
 „Camnethamio, pecuniam accepit, quam cum alia summa, ab amicis corro-  
 „gata, ad militem mercenarium conducendum, misit ad amicos, jam ante præ-  
 „monitos, ut, propter subitam mutationem, quæ, inimico ipsorum capitali  
 „sublato, acciderat, in omnia parati essent. Nec post id, acoitionibus in mul-  
 „tis ac distantibus locis, a Regina factione est cessatum. Ad decimum quin-  
 „tum Cal. Mart. capita fere factionis rebellis convenerunt Glascae. Inde  
 „Argathelius & Bodius ad Mortonium scripserunt; „Se, quia Proregis percuf-  
 „fores, & cædis conscios, quinam essent, adhuc ignorarent, libenter, ea de  
 „re & eruenda & punienda, cum reliqua Nobilitate consilia communicatu-  
 „ros: verum se Edimburgum non venturos. Sin Regia factio sibi persuaderi  
 „sineret, ut Limnuchum, ad Varium sacellum, vel Sterlinum venirent,  
 „nullam se moram facturos. Res a Mortonio cum Matellano communicata,  
 „(ita enim in literis erat scriptum) nullum exitum habuit. Eodem tempore,  
 „scripsit Limnucho Thomas Carus ad socerum suum, arcis præfectum; „Si a  
 „Regina Anglorum impetrari posset, ut incursiones nuper factas dissimularet,  
 „se in posterum operam daturum, ut limites pacarentur, & in officio essent.  
 „Sin hanc illa conditionem recusaret, se in incepto perseveraturum: neque  
 „enim se dubitare, quin boni cives, qui in officio erga suam Reginam perista-  
 „rent, se conjungerent, & auxilia Gallica mox affutura.

VII. Quinto Non. Mart. Hamiltonii, Argathelius, Bodius, Limnuchi  
 „convenerant. Sed cædes unius mercenarii militis omnes eorum rationes, subito  
 „tumultu exorto, conturbavit. Quam ob causam postridie Hamiltonios Fani  
 „Andræ Archiepiscopus domum reduxit. Reliqua rebellium factio, in primis  
 „Huntilaus, Atholius, Crafordius, Ogilvius, item, ex Cisforthanis, Humius,  
 „Setonius, Matellanus, convenerunt Edimburgum. Mortonius quidem in  
 „urbe erat, cum paucis admodum comitibus, donec Glencarniæ & Marriæ  
 „Comites cum suis clientibus advenissent. Ad quartum Non. Martii, capita  
 „factionum coierunt, ad consultandum de summa rerum: sed ea consultatio len-  
 „te procedebat, propter absentiam Argathelii, cujus tum magna erat potentia  
 „& auctoritas. Huic Huntilaus se persuasurum recipit, ut cum reliqua factio-  
 „ne se conjungeret. Verum is re infecta rediit, fraude (ut maxima pars homi-  
 „num

1 Limnuchi convenerant] Forte [convenerunt] legendum, ut mox seq. lin. 5.



num credidit) Matellani, qui omnia in longum duci volebat, ut rebus novandis, in statu regni turbulento, locus esset opportunior. Erat & Argathelio, in omnibus actionibus, aliud impedimentum objectum, quo minus ejus vires temporum superiorum famæ responderent, quod quamvis ipse impensissime causæ Reginae faveret, tamen amici clientisque, ac ne frater quidem, cum adversus Regem sequi volebant. Ea nocte quæ secuta est, repentinus, nullis apparentibus causis, terror totam factionem ita perculit, ut armati ad lucem usque pervigilarent, ac mane Edimburgo trepide discederent.

VIII. Toto hujus conventus tempore, id prope unum est disceptatum, quo jure tum Scoti creare Proregem possent. Alii, ex diplomate Reginae, in quo, ante triennium, octo e principibus procerum designaverat, e quibus unum aut plures (si videretur) filio Tutores nominaverat, <sup>1</sup>unum aliquem nunc rerum summæ præficerent. Alii, huic diplomati, Prorege jam ex eo creato, nullum amplius locum esse, nullamque omnino rationem ejus esse habendam, contendebant, ut quod non in perpetuum, sed in id modo tempus, confectum esset. Erant, qui ad conventum procerum <sup>2</sup>universalem rem integram differendam censerent: sed ii fere ex Matellani factione, qui tantam rerum perturbationem expectabant, quæ, multitudine sine rectore, & facile exoriri & ægerrime sedari posset. Tertia sententia utramque harum damnabat: priorem, quod diplomatis Reginae, cujus ab initio (si juris disceptatio fuisset) nullum erat momentum, nunc minus ratio ducenda esset: alteram, quod prorogatio plurimum secum afferret periculi, longioremque moram, quam præsentium rerum status ferre posset. Igitur coire jubebat, qui Regi a primordio regni ineundi fuerant auctores, eique constanter ab eo tempore obtemperarunt; quibuscunque possent rationibus prospicere, ne quod publice detrimentum caperetur; ac mature talem Proregem edant, qui & Regis saluti, & omnium incolunitati consulere, & possit, & velit. Nec hæc recepta est sententia: itaque re infecta solutus est conventus.

IX. Tot coitionibus frustra tentatis, ut populum in suam factionem pertraherent, rebelles, rursus ad belli Anglici seminaria reversi, eosdem, quos antea, duces latronum immittunt, qui nihil sibi reliquum ad extremam crudelitatem fecerunt. Ipsa interea factionis capita Regiam Angliæ conviciis proscindunt: proceres Scotorum calumniantur, tanquam Anglorum clientes: vul-

go

<sup>1</sup> *Unum aliquem nunc rerum summæ præficerent*] Parum accurate hæc dici videntur. Clarius, mea sententia, sic oratio procederet — *rerum summæ præfici*, aut [*præficiendum*] volebant, vel [*præficiendum censebant*], vel [*præficiendum*] simpliciter, repetendo ex proxima periodo verbum [*contendebant*].

<sup>2</sup> *Universalem rem*] Vocem [*universalis*] damnat Nizolius lib. I. quadripartiti adversus Philosophos operis, quo & dogmata

eorum & dictionem expendit. Defendit tamen Joan. Vernerius Pontarlanus auctoritate Quintiliani, qui nunc *vocem* dicit *universalem*, nunc *questionem*; Item Varronis & Cornificii, sive auctoris librorum ad Herennium: illius enim est *causæ universalis*, l. 8. LL. hujus *universalis rationis*, l. 2. cap. 24. Ubi tamen *universa* legit Gruterus. Vide Vossium de vitiis serm. lib. 7.

go minantur, si Anglica arceſſant auxilia, ſe Gallorum & Hiſpanorum præſidiis uſuros.

X. Eiſdem forte diebus, applicuit Britannodunum, e Gallia, Veracus quidam, e cubicularibus Regis Francorum miniſtris unus, qui magnificis promiſſis eorum animos nonnihil erexit. Secundum hæc, Hamiltonii ſuorum popularium conventum in quintum Idus Apriles Limnuchum indicendum curarunt. Ad eum diem cum Reginæ factio frequens veniſſet, ibi, quod jam diu ante ſecretis coitionibus erant meditati, palam tractari cœptum, ut, ſuſcitato adverſus Anglos bello, in publica rerum perturbatione, privatae injuriæ, actioneſque de cæde Regis & Proregis, aut omnino antiquarentur, aut ſaltem refrigeſcerent. Rebus Limnuchi inter populares conjurationis modo agitatæ, nec adhuc plane explicatæ, quo majorem res haberet auctoritatem, ſtatuunt Edimburgum tranſire, ad tertium Id. Aprilis, ac, præter alias commoditates, quas locus habebat, oppidanos, in quibus magnum in omnes partes momentum ponebant, adjungere. Id perfacile factu videbatur, cum Gulielmum Kircadium, eundem & arcis & urbis præfectum, in ſuas partes jam pertraxiſſent. Sed, quia excubias ibi fieri intellexerant, ac vulgus in alteram partem proclivius; ad oppidanos prius mittunt, ut ſibi eorum voluntate ibi convenire liceat. Oppidani reſponderunt; „Se neminem, tranquillitatis publicæ ſtudioſum, qui Regis imperio pareat, excluſuros: Anglos, vero exules & Hamiltonios in urbem non accepturos, ne vel Reginam Anglorum, in cujus regno negotiarentur, aſſidue offenderent, vel cum cædis nefariæ reis conſilia communicaffe viderentur: nec etiam paſſuros, ut nova ediſta, quæ ad Regii imperii imminutionem ſpectarent, proponerentur, aut juvenus (uti in more eſt) ad arma capienda tympano convocarentur.

XI. His legibus, etſi duræ viderentur, tamen eo venerunt, rati, ſe paulatim poſſe ſimplici multitudini obrepere, & oratione commoda demulcendo, univerſos ſuæ poteſtatis facere. Nec tamen perſuadere civibus potuerunt, Kircadio, urbis & arcis præfecto, adnitente, ut claves portarum civis eiſ traderent, vel de ſolita cuſtodia cederent. Toto eo tempore, ad Matellannum, qui aut podagra laborabat, aut egregie ſimulabat, quotidie adeo frequentes conveniebant, ut domus ejus ludus, & ipſe ludimagiſter, vulgo nominaretur. Nec ceſſabat interea ultro citroque commeari Atholius, ut diverſæ factionis homines ad eum cœtum, qui erat Edimburgi, attraheret. Illi concordæ recuſabant, „Ante diem Cal. Maji (qui communiter ab omnibus conſentientibus erat dictus) convenire, niſi ſcirent, quæ neceſſitas tempus conſtitutum antevertere cogeret. Si qua res magni momenti incidiſſet, quæ nullam pateretur dilationem, cum Comite Mortonii, qui domi ſuæ ad quatuor millia paſſuum aberat, communicarent: is reliquos faceret certiores. Tandem per Atholium dicta eſt dies, qua diē utriuſque factionis pauci ad villam Mortonii, quæ eſt Dalkethi, convenirent. Locus factioni Reginæ non pla-

1 Civis eiſ traderent.] Princeps Editio Edimb. civis ejus traderent.

T. II 3.

T. Tho.

placebat : non quod quicquam insidiarum timerent , sed ne sua vilescerēt auctoritas , si ipsi ad Mortonium potius , quam ille ad eos accederet. Igitur , multis conatibus sumtis , neque ulla re satis ex sententia procedente , subita intervenit solvendi conventus necessitas. Nam cum adversarios excludere urbem cuperent , neque cives in suas partes trahere valerent , statuunt e vicinis locis majorem arcessere multitudinem , ut , invitis etiam incolis , omnia in sua potestate haberent. Juvabat hoc consilium magnopere arcis præfectus , qui , quos in custodia habebat , (erant autem factionis Reginae prope principes) liberos dimisit. Sed rumor subitus , de adventu Anglici exercitus Bervicum , omnes eorum rationes turbavit.

XII. Alexander Humius & Joannes Maxuallius , nuper e custodia , sine auctoritate publica , emissi , domos ad sua tuenda profecti sunt. Humio etiam pecuniæ , quam ad militem conducendum contribuerant , ad arcem suam Humiam muniendam , portio est data. Thomas Carus [ & ] Valterus Scotus , qui , auctore maxime Archiepiscopo Fani Andreae , excursions in Angliam fecerant , arbitrati , ex hoc initio , bellum inter duo regna exarsurum , derelicti a vicinis , ac trepidi rerum suarum , mittunt ad suæ factionis principes , rogatum auxilium , aut , si id gravarentur , Lauderam saltem (propinquum oppidum) venirent , ac inde bellum ostentarent. Cum ne id quidem impetrarent , ac ne pecuniæ saltem publicæ particulam aliquam ad publicum usum exprimerent , irati , quod , a quibus erant in bellum coniecti , deserti ac proditi essent , ad sua quisque tuenda , pessima cum spe in posterum , abierunt. Ita tot rebus uno tempore præter expectationem cadentibus , omnia eorum consilia turbata fuere. Sed maxime præter opinionem accidit repentinus Anglici exercitus adventus , ad quem remorandum duplicem miserant in Angliam legationem : alteram ad Thomam Suffexiæ Comitem , quæ precaretur inducias , donec per literas rerum suarum statum Reginae Anglorum indicarent : alter enim Legatus literas ad Reginam ferebat , quæ multa pro ipsorum causa , multa adversus Regiam factionem , continebant : in primis , suas vires supra verum augendo , contra hostiles elevando , prope bellum Anglis minabantur. Mætellanus enim cæteris persuaserat ; „Reginam , sceminam , natura timidam , omnia prius facturam , quam ad arma veniretur : quippe „Gallis & Hispanis multis de causis ei infensis , rebusque domi nondum quietis. Petebant enim rebelles ; „Ut , Regina Angla velut arbitra , superioris biennii scira (etsi multi ipsorum eis subscripserant) retractarentur : ac , „velut novo initio sumto , novum decretum communi omnium consilio fieret. Et , ut suæ factionis firmitatem magis ostentarent , procerum suæ partis nomina literis ad eam missis indiderunt. In iis , ut multitudinis speciem augerent , multos adversæ , plures neutrius factionis , adscripserant : rati (propter itinerum longitudinem , & eorum , quæ procul geruntur , ignorationem & quod literæ , ad Reginam scriptæ , ad paucorum conscientiam erant perventuræ) eam fraudem difficiliter detegi posse.

XIII.

1 Thomas Carus & Valterus Scotus] Omnibus libris abest [ & .]



XIII. Accidit, eodem tempore, res, ut ipsi existimabant, peropportuna, quæ & Anglos faceret segniores, & Scotorum vulgo formidinem injiceret: nempe adventus hominis Galli, humilis quidem fortis, ut qui Lansaci minister domesticus, patroni gratia in aulam irrepserat. Is multas eodem exemplo epistolas a Rege Gallorum attulerat, non ad principes modo factionis Reginae, sed ad multos quoque, qui neutri factioni se addixerant. Gratia ingentes singulis aguntur, quod hæcenus a Regina stetissent. Orabat Rex, „Ut in eadem constantia perseverarent. Se auxilia, etiam majora quam rogabatur, cum primum commode posset, missurum. Addebat etiam de suo tabellarius, Omnia in Galliis jam esse pacata. Gasparem Collinium, alioque rebelles, eo coactos, ut se Gallia discessuros pollicerentur, ne quietem publicam eorum præsentia interpellaret: nec se dubitare, quin, antequam suum reditum, miles, qui subsidio mitteretur, conscriptus foret.

XIV. Prudentiores, etiam hæc magna ex parte vana esse sciebant, tamen iis rumoribus facile plebem falli patiebantur. Igitur, cum animi multorum per hæc essent erecti, eam lætitiā minuit Legatorum ex Anglia, rebus infectis, reditus. Neque enim Suffexio e re Anglica videbatur, exercitum per inducias otiosum alere, nec integrum bellum omittere, nullis conditionibus ab hoste oblatis: & literis ad Reginam scriptis (nam id ipsa jusserat, ne expectatio responsum in mora rebus gerendis esset) resignatis, fraus facile detecta est: quippe cum & literæ essent vanissimæ jactationis plenæ, & nihil earum rerum, quæ in Scotia agerentur, Angli ignorarent. Legati prope conviciis abacti. Exemplar literarum in Scotiam ad Regiam factionem remissa. Ea igitur spe dejecti, & adventu subito exercitus Anglorum ad finitima loca deterriti, & auxiliis suorum, qui domum ad sua tuenda abierant, destituti, & oppidanorum animis parum confisi, cum ad Cal. Majas hostes Edimburgum venturos scirent, Limnuchum discedunt, cum locum rati commodum, ad suos e longinquis regni partibus arcessendos, & iter aliorum, ad conventum euntium, impediendum, & reliqua, quæ superioribus diebus in concilio jactata erant, perficienda. Ibi, Hamiltoniorum amicis & clientibus collectis, totum iter, quod Edimburgum ferebat, infestum reddebant. Cum Joannem Areskinum, Maritiæ Comitem, illa ducturum scirent, se in collibus propinquis, ad transitum impediendum, objecerunt. Ille, cum loci iniquitatem cognosceret, paullo supra ad duo millia passuum flumen superavit, atque Edimburgum sub vesperum intravit, ad tertium Cal. Maji.

XV. Post eundem diem, cum Regis factio Edimburgi, Reginae Limnuchi se continerent, atque alteri alteris seditionum causas & initia imputarent, qui Edimburgi convenerant, „Ad alias quasvis condiciones se faciles fore, affirmabant: ac, si quis de se quereretur, bonorum virorum arbitrio satisfacturos, spondebant, modo, incolumi hujus Regis auctoritate, superioris Regis ac Proregis eadem una secum ulcisci vellent. Cum ad hæc nihil æqui responderetur, qui Limnuchi erant, edixerunt, „Uti cives universi Reginae, Legatis parerent. Comites tres, Araniæ, Argatheliæ, & Huntillæ, comitia, in tertium Nonas Augusti Limnuchi habenda, indixerunt. Altera factio



etio Legatum ad Reginam Angliæ Robertum Pitcarnium miserat, qui ageret cum ea, „De communi hoste reprimendo: quoque facilius Scotorum in se „animos intelligeret, ex ejus arbitrio Proregem electuros.

XVI. Interea, dum utraque pars diversi diversa agitant, Angli, Tevioniam ingressi, villas & vicos Carorum & Scotorum (qui in Angliam, violata pace, fecerant excursions, & Anglos profugos ad se receptaverant) diruunt, agros populationibus vastant, & incendiis deformant. Humiam arcem, in quam dominus multos commeatus intulerat, ac tota vicinia pretiosissima quæque rerum suarum, ut in munimentum firmissimum, seposuerat, Suffexius circumfedit. Ea cum a præsidio valido fortiter defenderetur, Anglique postmodum re infecta discessuri essent, literæ, quas Alexander, arcis dominus, ad suos non multo ante scripserat, omnes eorum rationes irritas reddiderunt. Jussit enim (per literas) præsidarios, Gulielmi Drurii, Equitis Angli, consilio uti, & quicquid is imperasset, sine exceptione parere. Id cum Drurius Suffexio indicasset, ille arcem deditam diripuit, & custodibus Anglis impositis, cum magna præda Bervicum rediit. Ita Humius, qui nihil ab Anglis metuebat, imo quos amicissimos existimabat, ut qui sciret Drurium & Suffexium occulte Havarti rebus studere, gravissimam illam sua credulitate injuriam arcessivit. Tandem, ab omnibus amicis & propinquis, qui prope omnes Regiis in partibus erant, relictus cum uno & altero comite Edimburgum venit, ac se in arcem abdidit.

XVII. Nec minus ab alio limite, Scrupus Anglus, Annandiam ingressus, agros Jonstoni (qui etiam in Angliam fecerat incursions) omni belli injuria fœdat. Ipse Jonstonus, locorum notitia fretus, equitum sequentium impetum, paucis fugæ comitibus, elusit. Joannes Maxuallius, cum tria millia hominum e propinquis agris haberet coacta, ei opitulari non ausus, suis se locis tenuit. Paucis post diebus, Angli, qui Bervici erant, acceptis obsidibus, bona fide secum agi persuasi, equites trecentos, pedites mille, duce Drurio, adversus hostes communes mittunt. Ad eorum adventus famam, Hamiltonii, Glascuam profecti, arcem Archiepiscopi diruere decreverunt, ne Comiti Levinio, tum ex Anglia reverso, receptaculum ac belli sedes esset. Eam cum a paucis adolescentibus absente præfecto, teneri, nec a rebus necessariis satis paratam esse, scirent, rati subito suo adventu posse opprimi, tam repente oppidum ingressi sunt, ut bonam præsidii partem excluderint. Hac spe dejecti, oppugnationem acriter, sed æque frustra, sunt aggressi. Nam, per aliquot dies, præsidarii (erant autem viginti quatuor) tam acriter eos exceperunt, ut plures ex oppugnationibus, quam ipsi erant, occiderint, reliquos cum multis vulneribus repulerint. Ex suis unum amiserunt, nemine præterea vel faucio. Sed Hamiltonii, audito, Anglos Edimburgi jam esse, & Joannem Areskinum Sterlinum venisse, ac mox subsidio venturum, quamquam & e longinquis regionibus auxilia acceperant, sub vesperum, obsidione soluta, trepide discesserunt. Hamiltonius & Argathelius in Argatheliam, Hun-

1 Cum uno & altero comite] Vide supra ad XVII. 35.

1 Ab-

Huntlaxus, per montes prope invios domum, cæteri, qua cuique commo- dum erat, se contulerunt. At qui Edimburgi erant Angli, post biduum Gla- scuam profecti, toto tractu Glottiano, agros Hamiltoniorum, & si qui alii in eadem Proregis consenserant, aut exules Anglos receptaverant, magna omnis generis præda abacta, ruinis & incendiis fœdarunt. Dum machinæ, ad con- verberandam arcem, non procul a pago, cui Hamiltonio nomen est, positæ, Sterlino apportantur, Drurius, qui rebellibus Anglis clam favebat, hanc expeditionem prope fecit irritam. Anglos enim, non soluto ad diem stipendio, tumultuantes, ac statim se discessuros comminantes, adeo non compescuit, ut ipse plerisque auctor ejus motus fuisse crederetur. Sed, pecunia mutua repræ- sentata, miles est retentus, & machinis admotis, arx intra paucas horas de- ditionem fecit. In præda, quidam agnoverunt vestem, aliamque Jacobi Quinti Regis supellectilem, quam dominus arcis, cum egeret regnum, sancte jura- verat penes se non esse. Arx semidiruta relicta est. Vicum, & in ea villam Ha- miltoniorum magnificam, vulgus furens invitis ducibus incendit. Exercitu re- ducto, Angli Bervicum, Scoti ad sua quisque se receperunt. Datum Drurii præ- cibus, ut arcis præsidium incolume dimitteretur. Illi dimissi, Robertum Sem- plium, gentis principem, dum, velut expeditione peracta, domum securus redit, e generi sui domo captivum abstrahunt. Quæ res suspicionem de Drurio acrius inflammavit.

XVIII. His rebus vixdum peractis, Pitcarnius, e legatione Anglica rever- sus, hæc fere retulit: Reginam mirari, quod, quarto demum mense a Prore- „gis interitu, de statu rerum suarum eam certiores facerent. Se enim, ob „hanc cunctationem, incertam fuisse, quid de eis speraret. Interea sollicita- „tam, crebris Galli & Hispani Legati precibus, nomine Regum suorum, „& Reginæ Scotæ prope quotidianis querelis fatigatam, promississe audien- „tiam: sed iis legibus, ut Scota scriberet ad suæ factionis homines, ut interea, „dum colloquium illud finiretur, vi & armis abstinere. Quæ publicis edi- „ctis de rebus novandis attentarunt, ea contrariis edictis revocarent: ac res in „eodem statu esse sinerent, quo vivo Prorege fuerant. Exules Anglos bona „fide redderent: & si, finito colloquio, de cæteris rebus inter eos conveniret, „ut obsidibus & aliis fidei pignoribus caveretur, ut pacta inter eos firma & „rata manerent. His legibus colloquium promissum. Hac autem pactione „illigata, negabat, se posse consilii eorum, in creando Prorege, participem „fieri, ne, causa Reginæ Scottorum nondum audita, præjudicasse videretur. „Cæterum, curæ sibi rem Scotticam fore. Rogabat, ut interim ab armis, & „a Prorege creando, abstinere: sese daturam operam, ne hoc tantillum mo- „ræ sit eis damno.

XIX. Hæc renunciata Scotos varie affecerunt, cum & ratio temporis co- geret, ad Anglorum voluntatem consilia sua accommodare, nec tamen igno- rarent, quantum publice interesset, unum esse in summo magistratu, ad quem omnia deferrentur. In hoc superioribus mensibus creando cunctationem, spa- tium

tium inimicis dedisse, ut se colligerent, & novos judicum consilios facerent, nova edicta quotidie proponerent, omnia Regum munera usurparent: contra Regiorum animos languescere, multitudinem, imperio solutum, non diu dicto audientem fore, cui certum non esset, cui pareret. Post reditum Legati, certiores facti sunt, novo tumultu in Anglia excitato, Londini templorum foribus diplomata Romani Pontificis fuisse affixa, partim quæ Anglos hortarentur, ut ab injusto Regine imperio se liberarent, partim, propositis præmiis, ut ad cultum Romani Pontificis redirent. Nec ab iis consiliis Regina Scotorum aliena credebatur. \* Hæc quamquam sopita & ex literis Suffexii Comitiscrescissent, & idem Thomas Randollius præfatus affirmaret, ægre contineri poterant, quo minus Proregem crearent. Tandem, medio consilio, ut aliquam summum magistratus speciem haberent, Interregem nominare decreverunt, cui imperium usque ad IV. Id. Julius esset, quo spatio interposito, certiores ex aula Anglica de Regine voluntate fieri possent. Ejus enim animum a se non esse alienum, vel hinc maxime augurabantur, quod inter condiciones induciarum posuisset, Ut exules Anglos rebelles redderent. Id enim si fieret, intelligebant rebelles, omnium Papanorum animos, per totam Angliam, a Regina Scots alienatum iri: sin negaretur, colloquium esse sublatum, & suspensiones, quæ vulgus averterent, indies incrementum accepturas. Videbant etiam, cetera non facile conventura, cum, ex liberatione captivæ, majus Anglis quam Scots immineret periculum: nec, si cetera convenirent, Angliam commissuram, ut, nisi obsidibus acceptis, eam dimitteret: nec eam obsides dare posse, per quos satiscautum videri posset. Iis rebus paullo erectiores, Interregem creant Matthæum Stuartum, Levinæ Comitem, Regis Scotorum avum.

XX. Dum novus Interrex, adhibito consilio, quæ superioribus tumultibus erant labefactata, confirmare nititur, commodum literæ Regine Anglorum, ad VI. Idus Julii afferuntur, in quibus cum multa de suo erga Regem regnumque Scotorum animo disputaret, & benigne suam opem polliceretur, † nominationem Proregis, quæ sibi foret invidiosa, nec ipsis exempli satis probandi, deprecatur: „ Consilium tamen suum si exquirant, neminem sibi videri avo  
„ præferendum, in eo præsertim munere, quod maxime fidem erga pupillum,  
„ nondum sui potentem, exposceret, & qui jam, eandem causas, prærogati-  
„ vam tulisset. His literis confirmati, Matthæum ex Interrege Proregem creant, concordibus omnium Ordinum suffragiis.

XXI. Is, statim ut creatus est, sacramento de more dicto, de statu religio-  
nis,

† *Aliena credebatur*] Ita præsumptum Cra-  
fordio emendavimus, pro quo libris o-  
mnibus editum est [*crederetur*.]

‡ *Hæc quamquam sopita*] i.e. *Quamquam  
hæc multis sedatis, & ex l. S. C. v.*  
Egregie hic, ut innumeris aliis locis, suam  
infirmitatem prodit Anglicus interpres, qui  
adversus Buchanani mentem vocisque na-  
zivum sensum [*sopita*] reddidit *hæc secretis*, i.e.

*ipsos celeta, vel ab ipsorum notitia occultata.*

‡ *Nominationem Proregis* — [*depre-  
catur*] i.e. *rogat ut Proregem* (quem ejus  
arbitrio se electuros Regii sponderant  
Cap. 14. huj. lib. a se nominari velint. Hunc  
genium horum verborum sensum non af-  
sequutus est Anglicus interpres, qui An-  
gliam id deprecatam existimat, ne quen-  
quam Scoti Proregem sibi crearent.

nis, deque patriis legibus & institutis observandis, primum omnium edixit, „Ut omnes, qui per ætatem arma ferre possent, quarto Nonas Augusti Limnuchi præsto essent, ad impedienda seditioforum comitia, Reginae nomine „indicta. Deinde Ordinum conventum Regis nomine indixit, in decimum Octobris diem. Misit quoque ad arcis Edimburgensis præfectum, qui adhuc partium Regiarum studium strenue simulabat, quanquam omnes ejus actiones animum ab oratione ostenderent alienum. Ab eo petebat machinas aliquot æneas, apparatusque ad eas tractandas necessarium, magis ut animum ejus nudaret, quam spe quod petebatur impetrandi. Ille, cum initio satis liberaliter promississet, appetente comitiorum die, promissa flagitantibus impudenter recusavit. „Suam enim operam, ad concordiam jungendam, non ad fundendum Scotorum sanguinem semper fore paratam. Nihilominus Prorex ad diem Limnuchum venit, quinque millibus armatorum comitatus. Sed, cum nihil ab hostibus moveri audiret, nisi quod Brechini ab Huntillæo centum sexaginta mercenarii collocati erant, ac edictum propositum, ut Brechines providerent, ut, ad quartum Idus Augusti, commeatus illic aliquot millibus hominum esset paratus: præsidarii, ab eo relictæ, non modo cives, sed omnes etiam prætereuntes, itineribus infestis, spoliabant. Prorex, de concilii sententia, eo proficisci statuit, ut, ante Huntillæi adventum, locum occuparet, ad multa commodum, & ibi, si necesse esset, antequam reliquæ adversarum partium copię convenirent, cum eo prælio decerneret, illamque sclopetariorum, quam unam habebant, manum deleteret, & factionis duces quosdam (nam audierat ibi esse Crafordiæ Comitem, & Jacobum Ogilvium, & Jacobum Balfurium) de improvviso opprimeret.

XXII. Igitur, Patricio Lindefio, & Gulielmo Ruveno, supremi ordinis, & Jacobo Haliburtono, præfecto Taoduni, præmissis, ut, quanta possent celeritate, assumpta juventute Taoduni & Perthi, rumores prævenirent. Hi, quanquam ad celeritatem nihil sibi reliqui fecissent, ac proxima nocte, sublati in equos peditibus, festinassent, cum jam in propinquo essent, ac lentiore gradu incederent, ne fatigati ex itinere ad hostem recentem pervenirent, trepidus Brechinum nuncius affertur, hostes adesse. Ogilvius & Balfurius, qui forte aderant, militem breviter ac pro tempore allocuti, bono animo esse jubent, intra triduum se cum Huntillæo redituros: statimque, equis conscensis, per proximos montes ad suos contendunt. Milites relictæ, quod cuique ad manum erat, diripiunt: eorum circiter viginti turrim templi propinquam occupant: cæteri in ædes Comitis Marriæ, quæ, arcis instar in proximo tumulo sitæ, oppido imminet, confugiunt. Jacobus Duglassius, Mortonii Comes, cum octingentis equitibus, longiore via ducens, postridie affuit. Prorex, dimissis domum Levinianis & Renfroanis, ut suis agris præsidio essent, si quid ab Argathelia moveretur, ipse tertio die Brechinum præmissos assequitur. Cum, ad rumorem adventus ejus, Nobilitas e vicinis agris conflueret, ac jam ad septem millia armatorum in castris censerentur, qui in

turri

x Ab Argathelia moveretur] Legendum videretur [Argathelia.]



turri sacrae aedis erant, statim deditionem fecerunt: reliqui, cum ad paucos dies se satis acriter defendissent, ac nonnullos, qui incautius subibant, partim occidissent, partim vulnerassent, tandem audito aeneas machinas admoventi, & se ab Huntlaeo destitutos esse, & ipsi Proregi se permiserunt. Is, triginta, qui plerique capti antea ac dimissi fuerant, aut in causa pertinacius perseverarant, laqueo extinctis, reliquos pene exanimis dimisit. Huntlaeus interea, qui ad viginti millia passuum aberat, frustra majorem manum colligere conatus, (quod maxima pars hominum, quoties libere voluntatem declarare audebant, a turpitudine causae abhorrebant) trepidus, ut sibi consulere, in ultteriores regiones cum paucis retro cessit.

XXIII. Prorex reversus Edimburgum, ut ex Ordinum sententia res ubique turbatas componeret, ad conventum ibi indictum venit. Rebelles, nulla spe salutis sibi relicta in Ordinum concordia, praesertim ii, qui primum Regiae caedis, deinde qui caesi Proregis rei destinabantur, egerunt per Reginam Angliae, ut, quoniam ipsa promiserat Legatis Francorum & Hispanorum, se, partibus auditis, res, si fieri possit, composituram, interea nihil novi publice statueretur. Hac mora impetrata, (nihil enim in eo conventu est actum, nisi quod Proregis electio est confirmata) nunquam cessarunt rebelles, Gallos & Hispanos sollicitare, ut auxilia in Britanniam, ad Reginam restituendam, mitterent. Et, quoniam ex ejus restitutione veterum carimoniarum restitutionem pendere affirmabant, tentatus est Pontifex Romanus, ut, quia longius aberat, saltem pecunia partes juvaret. Is, misso in Scotiam, qui rerum statum praesens cognosceret, cum Romanentium factionem infirmiorum ibi comperisset, nec omnes rebelles in Papilimo restituendo consentire, a causa abstinuit: motum tamen aliquem intus in Anglia, (quoniam ibi suam factionem adhuc praepotentem esse intellexerat) diris noctu templorum valvis affixis, ac indulgentiis & praeteritorum impunitate promissis, excitare conatus est.

XXIV. Prorex, in VIII. Cal. Feb. indicto conventu, (quoniam, intra id tempus, Legatis exterarum nationum satisfactum iri sperabat) ad res, quoad fieri poterat, legibus & judiciis componendas, Edimburgum rediit. Rebelles, renovatis subinde induciis per Angliae Reginam, donec utriusque partis Legati apud eam disceptarent, non tamen adversus pacem a se petitam res novas moliri desinebant, freti, (ut credebatur) maxime Comitum Suffexii favore, qui tum exercitui Anglorum in Northumbria praefuit. Is enim, sive Ducis Norfolciae causa nondum deplorata, sive Reginae exulis, de cujus reditu non omnino desperabat, pollicitationibus inductus, in rebellium factionem promior erat. Ea re animadversa, Scoti sua consilia cum eo parcius communicabant.

XXV. Hieme per inducias, subinde renovatas, transacta, conventus, qui fuerat in VIII. Cal. Feb. indictus, in Majum est dilatus. Interea Hamiltonii, cum in eadem Proregis frustra multos subornassent, tandem Pasleti turrim, custodibus ejectis, occupant; rati, inter majorum rerum curas, impune id sibi fore. Prorex principes legationis in Angliam ad disceptandum cum Legatis exterorum Regum, Mortonium, Robertum Pitcarium & Jacobum

Jacobum Macgillium, ad Non. Feb. misit: ipse, Pasletum profectus, convocata tantum vicina Nobilitate, quæ suæ factionis erat, turrim oppugnare est aggressus. Obfessi autem, cum ab eo aqua arcerentur, coacti deditionem facere. Deinde, Gilberto Kennedo in Caricta Regiarum partium homines injuriis & damnis assiduus infestante, Aeram petiit. Kennedus, propinquo metu paucarum cohortium ostentato, gentiles etiam suos, qui in fide permanebant, Regiasque partes constanter tuebantur, formidans, fratrem unicum obsidem dedit: diemque constituit, quem ad diem ipse Sterlinum veniret, & pacta confirmaret. Hanc deditionem secuti Hugo Mongomerius Eglentonii Comes, & Robertus Bodius, ad Proregem venerunt, atque ab eo in fidem sunt recepti.

XXVI. Per omne hoc tempus, cum Prorex in recipiendis rebellibus, & Mortonius in legatione Anglica, abesset, qui arcem Edimburgensem tenebant, metu propinquo liberi, non cessant militem conscribere, loca urbis idonea præfidiis occupare, commeatus, a mercatoribus Letham inuestos, diripere, & quibuscunque rebus possunt, se ad obsidionem tolerandam comparare, donec sperata ab exteris auxilia adventarent. Proregi, equi lapsu graviter afflicto, ac propterea Glasviam reverso, per militem gregarium ipse Britannoduni recuperandi est oblata. Is cum inter præfidiarios in arce mereret, uxor, ad eum sæpe illuc commeare solita, furti fuit accusata, ac jubente Flaminio virgis cæsa. Eam rem maritus, homo uxorius, & qui injuriam insignem conjugii factam existimaret, adeo ægre tulit, ut sponte ex arce discesserit, & ex illo 'nihil magis cogitarit, quam qua ratione posset nocere Flaminio. Igitur ad Robertum Duglassium, Proregis propinquum, rem defert. Ei pollicetur; „Si det, qui se ducem sequantur, facturum, ut arx brevi in eorum potestatem perveniat. Roberto adjunctus est Joannes Cuningamus, qui diligentius de rei tantæ conficiendæ ratione percunctetur. Sed homo rudis & militaris, cum promissis minus fidei esse videret, quod dilucide expedire non posset, quæ erat pollicitus; „Ego, inquit, quando verbis parum creditis, periculis me principem offero: si me sequi voletis, vos in arce sistam: sin aliud sentitis, rem omittite.

XXVII. Oratione ejus ad Proregem delata, cum & res magnitudine suam animos, in spem tantam pronos, accendisset, auctor autem (etsi fidum existimarent) tamen parum idoneus videretur, adhibito in conscientiam suscepti facinoris Thoma Crafordio, viro forti & rei militaris perito, tandem convenit, ut vel temere potius, spem tantam secuti, fortunam experirentur, quam per ignaviam occasione defuisse viderentur. Igitur paucis diebus, in scalis aliisque rebus necessariis parandis, ei negotio consumtis, Cal. Apr. rei conficiendæ destinatae, ut rumores prævenirent, quod tum induciæ, rebellibus per Angliæ Reginam impetratae, exituræ erant.

XXVIII.

1 Nihil magis cogitarit] Ita, jubente Crafordio, levi unius literæ mutatione, rescripsimus, pro [cogitarat] quod aliis libris conspicitur.

2 Rei conficienda] Et tamen Cap. præced. [rei conficienda] dixerat, & infra XX. 30.

XXVIII. Sed antequam hujus expeditionis eventum explicem, visum est pauca de situ & natura arcis dicere. A confluyente Glottæ & Levini fluminum, planities, circiter mille passuum, ad proximorum montium radices extenditur. In ipso autem angulo, ubi amnes commiscuntur, rupes biceps attollitur. Alterum ejus cornu, quod altius se exerit, occidentem respicit. In summo ejus vertice specula est, longissimo in omnes partes prospectu. Alterum, paullo humilior, ad orientem vergit. Inter duo cornua, quod in septentriones & agros versum est latus, gradus habet, per obliquam rupem hominum industria & magno labore excisos, per quos vix singulis est aditus. Est enim saxum illud prædurum, & vix ullis ferramentis superabile, e quo si quid vel vi effringitur, vel ruinis collabitur, sulfureum late odorem expirat. In superiore arcis parte ingens est saxum, <sup>1</sup> Magnesi quidem lapidis, sed ita cæteræ rupi coagmentatum & adhærens, ut commissura omnino non appareat. Qua Glotta ad meridiem præterfluit, rupes, reliquis partibus natura præceps, sese paullulum inclinat, & exporrectis utrinque brachiis, nonnihil soli amplectitur, quod partim naturæ ingenio, partim opera humana, ita includitur, ut & frequentibus ædificiis per transversa latera locum præbeat, & stationem navium, in flumine machinis æneis <sup>2</sup> deverberando, suis tutam, hostibus infestam, reddat, & minoribus lembis aditum prope ad ipsam arcis portam faciat; ac media, qua ascenditur, rupe ædificiis occupata, velut alteram arcem, a superiore seclusam, efficiat. Præter naturale rupis munimentum, duo flumina, Levinus ad occasum, ad meridiem Glotta, fossarum vicem supplent. Ad latus orientale, quoties æstu intumuit mare, rupis radices alluit. Cum recessit æstus, planities non quidem illa (ut fere sunt littora) arenosa, sed cœnosa, pinguiore solo in lutum soluto, diffunditur: eaque etiam torrentibus, e propinquo monte præcipitantibus, interscinditur. Reliquum latus in campum herbidum ac planum est conversum. Arx fontes perennes tres habet, multis præterea locis aquæ vivæ scaturigines. Veteres Britanni (auctore Beda) locum vocabant Alclutham: Scoti, qui olim a Brittonibus Levino amne dirempti erant, quod in finibus Brittonum id munimentum positum erat, Britannodunum dixerunt. Adjacet eodem nomine oppidulum, in Levini amnis ripa, plus minus quingentis a confluyente passibus.

XXIX. Hæc arx, ut quæ insuperabilis videretur, in bellis externis & civilibus,

<sup>1</sup> Magnesi quidem lapidis] i. e. Lapidis qui ferrum attrahit, sive Magnetis, quem & lapidem Heraclium & Lydium appellant. De nominis origine sic canit Lucretius lib. 6.

Quod superest, agere incipiam, quo scire fieri

Natura, lapis hic ut ferrum ducere possit,

Quam Magneta vocant patrio de nomine Graji,

Magnetum quia sit patriis in finibus ortus.

Ambigi tamen potest an huic saxo vim ferrum trahendi inesse, an id tantum significare Buchananus voluerit, cum lapidem Magnetis colorem & externam duntaxat faciem referre. Hesychius certe lapidem qui ferrum attrahit a Magnetide diversum tradit: Magnetem enim lapidem esse affirmat argento tantopere similem, ut hac similitudine oculos decipiat.

<sup>2</sup> Deverberando] i. e. E superiore loco verando.

& Et

libus, sæpe magnas tenentibus commoditates, hostibus molestias exhibuit. Tum ei Joannes Flaminus, nomine Reginae exulantis, præerat: & quia per se Regis factioni par viribus non erat, etsi in cædem prioris Regis non consenserat, tamen ad parricidarum partes se adjunxerat: ac superiori toto quadriennio, Regis Gallorum (cui perluaerat Scotos fere omnes in Reginae Anglorum potestatem clandestinis foederibus abiisse) facultatibus præsidium arcis sustentaverat: ac magnifica in speciem jactatione ei asseveraverat; „Se Scotiae velut compedes tenere, & quandocunque Gallis otium suppeteret ab aliis bellis, si modica sibi dentur auxilia, omnia facile se in eorum potestatem redacturum. Nec dissimili vanitate promissorum Gallus ejus insaniam alebat, misso etiam exiguo bellico apparatu, per Veracum quendam, quem ibi subsistere, & Scoticas res speculari, jusserat. Augebat etiam præfecti insolentiam arx Edimburgensis, quæ nuper custodum perfidia defecerat a Rege: item Proregis valetudo, qui nuper lapsu equi prope afflictus, in podagram quoque inciderat: præterea induciæ quoque per Angliæ Reginam, ad finem usque Martii mensis, impetratæ. His omnibus rebus securitas & negligentia adeo creverat inter præfidiarios, ut frequentes, per luxum & lasciviam, in oppido vicino, velut in sinu pacis, pernoctarent.

XXX. In hoc statu rerum, paratis, quantum per festinationem fieri poterat, quæ præsens expeditio poscere videbatur, Joannes Cumigamius, cum equitatu præmissus, ut obvios interciperet, ne qua de militum adventu rumor ad hostem permanere posset. Thomas Crafordius cum peditibus consequitur. Jussi convenire ad Dumbucum, circiter medium noctis. (Is collis ab arce abest prope mille passus.) Crafordius (uti jussuserat) ibi militibus demum exponit, quod ducerentur, quæque rei conficiendæ ratio esset, edocet. Ducem itineris ostendit, qui primum se pollicebatur ascensurum, seque & alios, qui honore militari emerent, secuturos affirmat. Ita militibus facile persuasus, ut suos duces sequerentur, scalas cæterumque rupis superandæ apparatus expediunt, ac paullo ante lucem pedites ad arcem ducunt. Equites in eo, ubi constiterant, loco, in utriusque fortunæ eventum restiterunt.

XXXI. Interea, dum propius ad arcem accedunt, duo impedimenta eis objecta sunt: nam & pons torrentis, qui campum interfecat, fractus, & ignis, in proximo repente apparens, suspicionem injecerunt, ne & pons dedita opera ad iter remorandum esset solutus, & ignis ad indicandum hostium adventum a præsidio esset accensus. Sed pons celeriter, pro præsentī copia, est ita reffectus, ut pediti pervius esset, & missi ad locum, ubi flamma visa fuerat, speculatores retulerunt, nullum ibi ignis vestigium repertum. Unde intellectum est, ardorem illum ex eo genere esse flammarum, quæ, in aere genitæ, interim subsidunt in terras, & subito conspectæ vanescunt. Ille propior timor, ne cum cælum plurium stellarum lumine fulgeret, & dies jam appeteret, conatus

1 Et, quia] Princeps Editio Edimb. Edimb. Genev. & Frantof, recentiores  
[qui.] autem omnes evanescunt.  
2 Subito conspectæ vanescunt] Ita prima



natus eorum, e superiore loco, a vigilibus deprehenderetur, cum subito caligo densa ita cœlum texit, ut non infra mediam arcis rupem descenderet, superiorem vero partem ita tenebris involvit, ut arcis custodibus omnem rerum, quæ infra gererentur, prospectum adimeret. Sed, ut caligo cecidit opportunè, ita alius incommodissimo tempore casus intervenit, qui pene reliquos conatus fecit irritos. Nam, cum pluribus scalis altitudo rupis esset superanda, ac primæ, propter longitudinem, essent ad tractandum inhabiles, hæ pondere properantium conscendere gravatæ, cum nec in lubrico saxo facile stabiliri possent, una cum ascensoribus repente corruerunt. Ea res, uti intio pavorem ac trepidationem iniecit, ita brevi, comperto neminem eo casu afflictum esse, sic militum animos, prope conterritos, confirmavit, ut, velut faventē consiliis eorum numine, alacriores ad pericula repetenda efficerentur. Igitur scalis circumspectius admotis, cum ad mediam rupem pervenissent, nacti locum minus iniquum, ubi consistere possent, ibi reperiunt inter saxa forte enatam fraxinum, quæ magnas eis commoditates attulit: funes enim ad eam nexos demiserunt, quibus socios, infra relictos, attollerent. Ita, eodem pene momento, alii, funibus nixum juvantibus, in mediam rupem evadebant, alii, scalis aliis admotis, in summam rupem nitebantur.

XXXII. Hic quoque novum & inopinatum evenit malum, quod universas prope rationes conturbavit. Nam, in mediis fere scalis, unus ascendentium, subito stupore (quem medici *ἀποπληξία* vocant) correptus, ita gradibus adhæsit, ut nec ipse ulla ratione divelli posset, & sequentibus viam præcluderet. Hoc quoque periculum militum alacritas & industria discussit, eo ita ad gradus alligato, ut ne, remittente morbo, caderet, & scalis summo silentio inversis, reliqui facile ascenderent. Cum jam summam rupem tenerent, tertiis scalis murus manu factus erat superandus. Eum cum Alexander Ramisæus cum duobus manipularibus ascendisset, vigiles, eos conspicati, excitato statim tumultu, saxa conjiciunt. Ramisæus, impari genere pugne deprehensus, cum nec saxa, quibus, hostem peteret, nec scutum, quo se protegeret, haberet, e muro defiliit, & circumventus a tribus vigilibus, tamen pugnam sustinuit, donec comites, magis illius quam suo periculo solliciti, se præcipitarunt, & tres vigiles statim confecerunt. Interea, cum reliqui, quantum possent, subsequerentur, murus vetustate prope solutus, pondere & conatu scandentium procubuit: ac non tantum ruina sua aditum patefecit, sed per rupem etiam intra arcem præaltam & inæqualem, faciliorem descensum fecit. Catervatim igitur ingressi magno tumultu, cum Deum ac Regem expeditionis duces, ac nomen Proregis indentidem proclamarent, custodes, velut attoniti, pugne obliti, qua quisque poterat, suæ salutis consulit. Multi, dum primus impetus defæviret, se intra domos concluserunt. Flaminius, cum per obliquam rupem se subduceret periculis, comite, qui unus eum sequebatur, icto, ac statim ruen- te, attonitus, pene per invia descendit, ac per portulam emissus, flumine ob maris æstum ad muros usque effuso, naviculam nactus, in Argatheliam profugit. Custodes infimæ arcis, ac præterea XXV. ex præsidiariis, qui inter popinas & scorta in oppido pernoctaverant, tumultu excitati, ne tentata pugna, qua

qua proxime poterant, fugerunt. Capti fuerunt in arce, Joannes Hamiltonius, Fani Andreae Archiepiscopus; Joannes Flaminus Bogallius; juvenis quidem Anglus, ex proxima Anglorum seditione profugus; Veracus Gallus, qui nomine sui Regis, multo ante cum bellico apparatu & comitatibus eo missus, illic substiterat, ut Regem Gallum de statu rerum Scoticarum faceret certiores. Alexander, Gulielmi Levistonii filius, qui cultu mutato evadere tentarat, a fuga retractus.

XXXIII. Prorex, de arce capta certior factus, ante meridiem advenit. Milites primum collaudavit: deinde Flaminii uxorem consolatus, non modo mundum muliebrem, sed vasa argentea, atque omne domesticum instrumentum ei concessit, agrosque e bonis mariti, quæ multo ante in publicum redacta fuerant, unde ipsa liberique alerentur, assignavit. Reliqua præda militi concessa. His ita constitutis rebus, per otium ad arcem visendam circumiens, cum ad rupem, qua milites ascenderant, ventum est, res tam ardua cunctis est visa, ut milites etiam faterentur, „Se, si periculum prævidissent, nullis conducere, præmiis potuisse, ut illac ire tentarent. Veracus, cum argueretur a mercatoribus, quos fretum Glottæ ingressus hostiliter spoliavit, multis in concilio consentibus cum eo furti agendum, tamen apud Proregem valuit Legati nomen inane, quod ipse suis flagitiis violaverat. Igitur, ut spoliatis ab eo sua recuperandi saltem spes injiceretur, ad iudicium servari iussus est, & ad Fanum Andreae, apud hospitem, non alienum a causa rebellium, diversari, unde velut vi ereptus, paucos post dies (quod quærebatur) discessit. Anglus, quamvis multis suspicionibus premeretur, ex literisque etiam commendatitiis Joannis Leslie Episcopi Rossienensis ad Flaminium, arce capta inventis, argueretur, in Angliam ad suos est remissus. Post ejus discessum, intellectum est eum a Norfolcians submissum fuisse, ut Regem Scotorum veneno tolleret. Bogallius in custodia retentus.

XXXIV. Restabat adhuc inter captivos unus, quem Prorex maxime extinctum volebat, Fani Andreae Archiepiscopus. Hic & superioribus temporibus, sub fratre suo Prorege, ut multa crudeliter & avaro fierent, auctor erat, & totam fere, sub Regina, invidiam rerum flagitiose gestarum sustinebat. Timebat etiam Prorex, ne, si longior mora interponeretur, supplicibus Reginae Anglorum literis eximeretur. Et Archiepiscopi amici ne hanc quidem spem negligebant. Et, ne temporis angustia hunc conatum impediret, Archiepiscopus vehementer postulabat, ut iudicium patrio more perageretur: id aliquid spatii etiam, quantumcunque erat, allaturum. \* At hæc frustratio ita discussa est, quod

*1 Ne, si longior mora interponeretur, supplicibus Regina Anglorum literis eximeretur* Omnibus libris editum est [aut supplicibus, &c.] Cum autem alterum membrum desit cui [aut] illud respondeat, nos Crafordii admonitu otiosam particulam delevimus. Ne quid tamen dissimulem, magis inclinat animus ut credam vocem

Tom. I.

aliquam Librarii incuria excidisse, sententiamque adeo hoc pacto constitui debere, ne si longior mora interponeretur, evaderet, aut supplicibus Regina Anglorum literis eximeretur.

*2 At hæc frustratio*] Prima Edimb. Et hæc frustratio.

X x x x

1 Ex-

quod nullo novo iudicio ad hanc Archiepiscopi causam audiendam opus esset, quippe quæ in publicis regni comitiis jam esset dijudicata. Itaque, cum cædis Regiæ & Proregis superioris manifesto teneretur, suspendio Sterlini vitam finivit.

XXXV. Hæc fere tum magna ex parte nova sunt prolata: nam, ad eum fere diem, major pars latuerat. Archiepiscopus Fani Andreæ, qui proxime diverfabatur, libenter trucidandi Regis partes, sibi oblatas, & ob veteres inimicitias, & spem propinquam regni in suam familiam transferendi, suscepit. Sex igitur, aut octo, e facinorosissimis suorum electis, ac datis eis Regii hospitii clavibus, rem commendat. Illi, cum summo ingressi silentio, eum sopitum opprimunt, corpusque suffocati in proximum<sup>1</sup> extra muros hortum, per portulam (cujus ante memini) efferunt: ac tum demum, dato signo, flamma ædibus supposita est. Indicium autem ejus sceleris, per Joannem Hamiltonium, principem in facinore patrando, ita emanavit. Is enim non solum, facti nefarii dies noctesque obversante conscientia, animi inquietudine vexabatur, sed corpus etiam, velut contagio animi infectum, cruciabatur, ac lenta paulatim tabe liquecebat. Circumspicienti igitur omnia remedia, venit in mentem, ut ludimagistro Pasletensi, viro minime malo, & adhuc in partibus Papisticis hærenti, totum rei ordinem, sociosque sceleris nominatim indicaret. Sacerdos etsi sedulo eum solaretur, divinæque misericordiæ admoneret, tamen quia vis mali altius penetraverat, quam ut talibus piaculis ægritudo, quæ altius radices egerat, extirpari posset, intra paucos dies, mœroris mole obrutus, decessit. Sacerdos rem non ita occulte texit, ut ad Regis amicos fama non permaneret. Illi, multis mensibus demum post cædem, Matthæo Comite Levinix rerum potiente, capto Britannoduno, & Episcopo Sterlinum ducto, sacerdotem eo pertrahendum curant. Is cum, quæ de cæde Regis antea dixerat, tum affirmaret, ab Hamiltonio rogatus; „Unde hæc rescisset? num ex confessione auriculari? id quoque cum ille affirmasset, tum Hamiltonius? „Non ignoras, opinor, quæ poena revelantibus confessionum arcana sit constituta. Nec quicquam amplius ab eo ad id crimen est responsum. Post autem quindecim aut amplius menses, cum idem sacerdos, jam tertio inter missificandum deprehensus, atque ad supplicium, ex legis præscripto, duceretur, eadem omnia, quæ ante dixerat, & apertius & copiosius, publice recitavit: eaque adeo brevi fuerunt divulgata, ut Hamiltoniorum clientes, inter se jurgantes, cædem Regis alii aliis objectarent.

XXXVI. Interea rebelles per fratrem præfecti arcis Edimburgensis aliquid pecuniarum a Gallo corraferant: & Mortonius, e legatione Anglica reversus, conventu Nobiliorum Sterlini exhibito, summam legationis suæ retulit, in hanc maxime sententiam. „Cum ad decimum Calend. Mart. Londinum ve-

„nisc.

<sup>1</sup> *Extra muros*] Dicta Edimb. editio [*erga muros*] aliz [*extra*.]

<sup>2</sup> *Tamen quia vis mali*] Principi editio- ni Edimb. abest [*quia*,] quam ob caus-

fam Crafordio visum est lin. seq. legere itaque intra paucos dies. Sed nostra lectio ut facilius, ita venustior videtur.

„nissemus, a Regina ad septem concilio electos sumus remissi. Ab eis, post  
 „variam disputationem, <sup>1</sup>duo capita nobis proposita fuerunt: primum, ut  
 „rerum a nobis gestarum, proxime superioribus temporibus, causas, a nobis  
 „allatas, tam evidentibus argumentis confirmaremus, ut eas plane fuisse iustas  
 „ipsa persuasum habeat, & aliis, rationem reposcentibus, honeste <sup>2</sup>respondere  
 „posset. Id si minus possemus, tamen Reginam nihil prorsus omissuram, quod  
 „ad incolumitatem nostram facere queat. His de rebus, commentarius a no-  
 „bis, fere in hanc sententiam, est exhibitus. CRIMINA, quibus initio Re-  
 „gis nostri mater se falso gravari querebatur, adeo dilucide fuerunt a Comite  
 „Moraviæ, ejusdemque legationis sociis, explicata, ut nec Reginam Angliæ,  
 „cæterosque ab ea ad earum rerum cognitionem adhibitos, Regiæ cædis au-  
 „ctor (quo ex fonte cætera mala promanarunt) latere posset. Ea autem repe-  
 „tere apud Reginam, cui non dubitamus abunde in hac parte jampridem esse  
 „satisfactum, non est necesse: nec nos, qui inviti in eam arenam fuimus pro-  
 „tracti, nunc etiam libenter memoriam tantorum scelerum usurpabimus. At,  
 „qui illa negare non possunt crudeliter & flagitiose perpetrata, <sup>3</sup>regni ejerationem,  
 „& jus omne imperandi a matre in filium translatum, ut rem novam,  
 „acerbam, & vi expressam, calumniantur. Primum, factum ipsum nec ani-  
 „madvertendi in Reges vetus majorum consuetudo novum videri sinit, nec  
 „moderatio poenæ invidiosum. Nam, tot Reges, a nostris majoribus morte,  
 „vinculis, exilio, punitos, enumerare nihil est opus: externis autem exemplis  
 „nostrorum factum confirmare, multo minus: cum tot, ex antiquis historia-  
 „rum monumentis, ultro sese offerant.

„XXXVII. Gens enim Scotorum, cum ab initio libera esset, Reges eo  
 „jure sibi creavit, ut imperium populi suffragiis eis mandatum, si res posce-  
 „ret, eisdem suffragiis adimere possent. Ejus legis multa, ad nostram usque  
 „ætatem, remanserunt vestigia. Nam & in circumjectis insulis, & in pleris-  
 „que continentis locis, in quibus sermo priscus & instituta hæserunt, is mos in  
 „Phylarchis creandis adhuc servatur. Hujus quoque juris expressam habent  
 „imaginem, quæ in regno incundo usurpantur cærimoniz: ex quibus facile  
 „apparet, regnum nihil aliud esse, quam mutuam inter populos & Reges sti-  
 „pulationem. Idem vero apertissime potest intelligi, ex inoffenso veteris juris  
 „tenore, ex quo apud Scotos regnari coeptum est, ad nostram usque memo-  
 „riam servato, cum nemo, interea, hoc jus non modo abrogare, sed nec con-  
 „vellere, aut ulla in parte imminuere, tentarit: cum tot Reges, quos enu-  
 „merare longum esset, majores nostri regno exuerint, exilio damnarint, car-  
 „ceri-

<sup>1</sup> Duo capita nobis proposita fuerunt: primum] Haud satis accurate a Buchanan-  
 no factum videtur, quod, ex duobus hisce  
 capitibus a Regina Angliæ propositis,  
 primi duntaxat hoc in loco mentione fa-  
 cta, alterum, longo post intervallo, XX.  
 46. dubio interim ac suspensio hærente le-  
 ctoris animo, memorandum relinquat.

<sup>2</sup> Respondere posset] Forte legendum: pos-  
 sit, ut cum [habeat] eodem versu tem-  
 pore congruat.

<sup>3</sup> Regni ejerationem] Ejuro & ejuratio  
 ubiatiore videntur quam ejero & ejeratio:  
 ipse etiam Buchananus quam hic ejeratio-  
 nem, XX. 39, ejurationem appellat.



„ceribus coercuerint, supplicio denique affecerint: nec unquam tamen de le-  
 „gis acerbitate minuenda mentio facta est. Nec immerito fortasse, cum ea  
 „non sit de illarum sanctionum genere, quæ mutationibus temporum sunt ob-  
 „noxia, sed, in primo generis humani exortu, in mentes hominum incisæ,  
 „& mutuo prope gentium omnium consensu comprobata, &, una cum rerum  
 „natura, infragiles & sempiternæ perennent; ipsæque, nullius imperiis obno-  
 „xiae, omnibus dominantur & imperent. Hanc, quæ, in omni actione, ocu-  
 „lis & animis nostris sese offert, velimus, nolimus, in pectoribus nostris habi-  
 „tat, majores nostri secuti, semper adversus violentiam armati, impotentiam  
 „tyrannorum compresserunt. Sed nec Scotis hæc solis lex est propria, sed omni-  
 „bus nationibus & populis bene instituta est communis.

XXXVIII. Ut autem civitates clarissimas, Athenas, Lacedæmona, Ro-  
 „mam, <sup>1</sup>Venetos, silentio præteream, quæ non, nisi cum libertate pariter,  
 „hanc legem sibi eripi sunt passæ: etiam illis temporibus, quibus res Romana  
 „sævissima tyrannide fuit oppressa, si quando forte vir bonus imperii nomine  
 „fuit honestatus, in magna sibi gloria ducendum ponebat, sicubi se populo  
 „inferiorem, & legum jussis obnoxium, fateretur. Nam, & præfecto urbis  
 „ensem Trajanus cum (de more) traderet, dixisse fertur, *Pro me, vel in me,*  
 „*prout merebor, utitor*: & Theodosius, pessimis temporibus optimus Impera-  
 „tor, testatum inter legum sanctiones relinquere voluit, *Vocem regnantis ma-*  
 „*jestate dignam, imo majus imperio esse, Confiteri, se esse legibus inferiorem.*  
 „Sed nec gentibus barbaris, & a cultu & humanitate longissime remotis, hoc  
 „jus ignotum fuit. Plena est omnis vita, plenæ omnium nationum historiae. Sed, ne  
 „obioleta conquirere videar exempla, duo modo proferam, cum nostra memoria  
 „conjuncta. Nuper Christiernus Danus, ob intolerabilem sævitiam, cum tota  
 „stirpe regno est exactus, graviore certe poena, quam ab ullo Regum nostro-  
 „rum populus unquam exegit: nunquam enim parentum peccata in liberos  
 „propagavit. Sed ille, ut omni scelerum genere inquinatissimus, singulare  
 „merito supplicium luerit, quid Caroli Quinti Imperatoris mater? quid illa  
 „perpetua custodia dignum commisit? Mulier, ætate adhuc integra, mortuo  
 „marito juvene florentissimo, de secundis nuptiis cogitasse dicitur: neque sce-  
 „leris ullius, sed legitimæ cujusdam (ut severiores loquuntur) intemperantiæ,  
 „ut publici mores habent, honestissimæ necessitudinis, jure divino & humano  
 „comprobata, infirmulata. Si conferenda jam sit Regina nostra cum Chri-  
 „stierno Dano calamitas, (ut nihil amplius dicam) non levius illa peccavit, sed  
 „in eam moderatius est animadversum. Si cum <sup>3</sup>Joanna Austria, Caroli ma-  
 „tre,

<sup>1</sup> Nec unquam tamen] Crafordius legen-  
 dum existimat; nunquam tamen, quod qui-  
 dem & rectius videtur.

<sup>2</sup> Venetos] An forte Venetias. [Scio quo-  
 modo hoc excusari possit, & exempla ad  
 Ovid. III. Amor. X. 20. & IV. Metam.  
 668 prolata ostendunt. mallem tamen hic  
 Venetias, quia Roma &c. præcessit.]

<sup>3</sup> Joanna Austria] Austriaca potius erat  
 dicendum, aut rectius (quod vult Crafor-  
 dius) Atragonia; Joanna enim filia erat  
 & hæres Ferdinandi Catholici cognomi-  
 nati, Regis Arragonum. Buchananus autem  
 Austriam eam aut Austriacam appellavit  
 quod Philippo Austriaco Maximiliani.

Du-



„tre, quid misella illa commisit, nisi quod voluptatem, legibus permissam,  
„ & remedium ætati necessarium, quoad licebat, experivit? Et tamen eam  
„ pœnam innocens tulit, de qua gravissimorum scelerum convicta nunc con-  
„ queritur: & legitimi conjugis cædes, & illegitimum cum parricida publico  
„ matrimonium, eosdem nunc habet deprecatores, qui in Rege trucidando  
„ sceleris pœnam innocentiae irrogabant.

XXXIX. „Sed hic, neque, quid majorum exemplis debeant, cogitant,  
„ neque legis illius aternæ sunt memores, quam clarissimi proceres, a primis  
„ usque regni incunabulis, secuti, violentiam tyrannorum compescuerunt. Et  
„ nos, in præsentia, quid egimus aliud, quam quod, tot regnorum & libe-  
„ rarum nationum vestigiis insistentes, licentiam, supra omne legum imperium  
„ sese efferentem, compressimus? Non ea quidem severitate, qua majores in  
„ hoc genere sunt usi: neminem enim, qui in tali scelere fuisset deprehensus,  
„ pœnas legum illi effugere voluerunt. Eos si nos imitati fuissetus, non so-  
„ lum a periculi metu abessemus, sed etiam calumniarum fugissetus moléstias.  
„ Idque ex adversariorum postulatione potest intelligi. Quoties nos apud vi-  
„ cinos Reges criminati sunt? quas gentes adversus nos non concitant?  
„ quid tandem ista importunitate flagitant? Ut videlicet, æquitate juris o-  
„ mnis controversia tollatur. Nos istam conditionem nunquam recusavimus:  
„ nunquam illi toties oblatam recipere voluerunt. Quid igitur postulant? ut  
„ tyrannos, gravissimi sceleris manifestos, spoliis civium pastos, Regum  
„ sanguine obritos, in bonorum supplicia inhiantes, auctoritate publica ar-  
„ memus? & parricidii perpetrati compertos, cogitati gravissimis suspicio-  
„ nibus infames, indicta causa, nostris capitibus imponamus? Et tamen  
„ hic eorum petitioni improbæ largius indulimus, quam aut mos patrius,  
„ aut legum severitas, aut juris æqui moderatio pateretur. Nulla pene  
„ res ab historiæ nostræ scriptoribus aut frequentius est celebrata, aut dili-  
„ gentius pertractata, quam in malos Reges animadversio. Inter tot  
„ tamen male gesti imperii reos, quis unquam tantam iratorum civium in pœ-  
„ na irroganda sensit lenitatem, quanta in Regis nostri matre, in atrocissimo  
„ facinore deprehensa, punienda sumus usi? Cui unquam, sceleris convicto,  
„ potestas est data, filium, aut propinquum, suum in locum substituendi?  
„ Cui aliquando libertas illa permissa est, ut, quos vellet, proxime regna-  
„ turo Curatores apponeret?

XL.

Ducis Austriæ ac Germanorum Impera-  
toris filio nupsisset.

1 *Eosdem nunc habet deprecatores*] Hispanos scilicet, qui Joannam custodiæ incluserant, Mariam vero restituendam maximo-  
pere contendebant. Sed (quod Buchanan-  
no vel Mortonio tacere visum est) longe  
dispar hic rerum facies, ac utriusque Re-  
ginæ animorum habitus & conditio. Ma-  
riam enim Scotam non solum rationisusu  
pollentem, sed exquisitissimo judicio in-  
doleque vere Regia præditam fere omnes

fatentur; Joanna vero Hispana consen-  
tiente omnium ejus gentis scriptorum te-  
stimonio, insana ac mente alienata fuisse  
perhibetur, ac proinde inepta prorsus quæ  
regnum administraret.

2 *Clarissimi proceres, a primis usque re-  
gum incunabulis*] Ita, Crafordio admonen-  
te, exhibuimus, expuncto [qui] quod ine-  
pte omnibus libris post [proceres] irre-  
psit.

3 *Cui aliquando libertas illa permissa est,  
ut quos vellet, proxime regnatura Curato-  
res*

XX XX 3

res

XL. „In ipsa vero ejuratione regni, quid est, quod quispiam vel „ paullo durius factum queratur? Mulier adolescens, oneri imposito impar, „ rerum perturbatarum procellis agitata, per literas petit: ut procures non mi- „ nus molesta quam honorifica regni administratione eam liberent; impetra- „ tum est: ut ab ea in filium jus transferant; ita, ut voluit, est factum: ut „ Curatores nominaret, qui rerum summæ præessent, dum filius adolefceret; „ id quoque ei datum est. Et quo plus auctoritatis res haberet, ad Ordines in „ conventu publico de ea relatum est: a quibus recte & ordine cuncta fuisse „ acta judicatum est, & decreto publico id confirmatum est, quo nullum ne- „ que sanctius nec firmitus nobis est vinculum. At quicquid in custodia est a- „ ctum, non ut sponte gestum, sed timore mortis expressum, velut alia mul- „ ta, ad quæ metus causa homines coguntur, pro infectis haberi solent ac de- „ bent. Ista quidem timoris excusatio, ut non sine causa interdum a judici- „ bus solet accipi, ita non semper justam ad res judicatas rescindendas cau- „ sam affert. Nam cum sui emolumenti causa, injecto timore, plus actor a „ reo extorquet, quam per aequitatem legum assequi posset; merito aut vi „ coactis, aut formidine impulsis, hæc remedia optimo jure sunt provisæ. Con- „ tra vero, si animus, male sibi conscius, ex justæ poenæ expectatione me- „ tum confinxit, aut si vitandi justæ supplicii causa in conditiones aliquas con- „ sensit, nullam satis justam causam ad rescindendas res transactas is timor af- „ fert: alioqui, quo quis esset sceleratior, eo facilius ei in aliquem legum „ portum foret receptus; & quæ remedia sublevandis innoxiiis sunt excogitata, „ ad impios poenis eximendos transferrentur: illæque ipsæ vindices injuriarum „ leges, bonis, improbitate malorum vexatis, non præbebunt asylum, sed „ malis, justum supplicium timentibus, injustum perflugium. Iste autem me- „ tus, qualiscunque fuerit, qua tandem in re conditionem Reginae fecit dete- „ riorem? Regi enim fastigii titulus, & regni administrandi potestas, jam- „ pridem ei universi populi judicio erat adempta, & jam in ordinem redactæ „ vita restabat precaria, eaque ipsa non criminum innocentia, sed populi mi- „ sericordia, fruebatur.

XLI. „Quid igitur, cum regno cessit, per timorem amisit? Imperio jam- „ dudum exuta, inane nomen imperii abjecit: & quod ab invita jure extorque- „ ri poterat, sponte remisit: & reliqui temporis vitam, & infamiæ turpitu- „ dinem, & ipsa morte miseriorem, perpetuum imminentis fati timorem, „ vani nominis umbra redemit. Itaque miror hic neminem, seu Reginae pa- „ tronorum, seu Legatorum, prævaricationem videre. Nam qui petunt, ut,

„ quæ

res apponeret?] Ita legendum sententia per se ipsa ostendit; non, quod libros fe- re omnes occupavit, promissa, vellent & apponerent.

1 A quibus recte & ordine cuncta fuisse acta] Sic omnino legendum trita ac so- lenni Romanis formula Liv. lib. 30. Sci-

pionem recte atque ordine videri fecisse. Id. lib. 45. Responsum ab Senatu est, Antio- chum recte atque ordine fecisse, quod lega- tus parisset. Cicer. Philip. V. de Bru- to agens, Id eum recte & ordine exque re- pub. fecisse. Omnibus tamen libris, præ- ter unum Francof. [recte] hic exhibetur.

1 U6



„quæ a Regina in custodia sunt gesta, rursus infecta fiant, hoc videlicet po-  
 „stulant, ut in locum, unde se metu dejectam queritur, restitatur. Quis  
 „vero locus erat is, in quem tantopere flagitat restitui? (nam ante jampridem  
 „erat a regno gubernando remota, & omni publica administratione jam adem-  
 „ta, legum poenis relicta.) Nempe boni isti patroni, eam restitui volunt,  
 „ut de crimine, non minus manifesto, quam fœdo & detestabili, causam  
 „dicat; aut verius, causa jam cognita, justas poenas luat: & quæ nunc in  
 „misericordia propinquorum aliquo laxamento fruitur, & in re atrocissima,  
 „non pessima conditione utitur, in medias judiciorum procellas iterum conji-  
 „ciatur, nulla meliore spe incolumitatis, quam quæ ex tot priorum Regum,  
 „qui se judicum sententiis permiserunt, condemnatione redundet. Quod au-  
 „tem, ad sollicitandos simpliciorum animos, seditiose jactatur ab adversariis,  
 „tyrannis puniendis bonorum Regum majestatem imminui, & auctoritatem  
 „propemodum vilesce, id quale sit videamus. Nam contra reputando, ni-  
 „hil honorificentius societatibus & cœtibus bonorum esse potest, quam si  
 „malorum contagio liberentur. Quis senatum Romanum, supplicio Lentuli,  
 „Cethegi, aut Catilinæ, pollutum existimavit? Valerius Asiaticus, tumul-  
 „tuantibus ob cædem Caligulæ militibus, & subinde flagitantibus, quis tam  
 „audacis facinoris esset auctor, e loco sublimiore & conspicuo proclamavit,  
 „*Utinam istud vero assumere possem.* Tanta fuit in unius hominis privati libera  
 „voce majestas, ut tota vecors illa multitudo, statim dissipata, conquie-  
 „rit.

XLII. „L. Junius Brutus, cum conjurationem de recipiendis in urbem ty-  
 „rannis restinxit, non existimavit familiam cæde nefaria pollutam, sed san-  
 „guine suorum liberorum e Nobilitate Romana maculam elutam. Christier-  
 „ni Dani carcer ecquid detraxit de laudibus Christiani proximi Regis? Ecquid  
 „obstitit, ne optimus omnium suæ memoriæ Regum haberetur? Præstans  
 „enim & virtuti suæ innixus animus, neque aliena gloria crescit, neque de-  
 „crescit infamia. Sed his omissis, ut ad criminis defensionem revertamur,  
 „Reginæ petitioni abunde satisfactum arbitramur, quæ a nobis poposcit, ut  
 „causam nostram tam evidentibus argumentis confirmaremus, ut ipsa sibi  
 „persuadere posset, eam esse justissimam, & aliis, rationem reposcentibus,  
 „honeste respondere. Quod enim ad cædem attinet, adeo dilucide ejus au-  
 „ctor, & ratio, & causæ, fuerunt a Comite Moravio sociisque ejusdem le-  
 „gationis explicatæ, ut Reginam Angliæ, cæterosque ab ea ad illarum re-  
 „rum cognitionem adhibitos, nihil eorum exactissima judicia latere potuerit.

„Quæ

1 *Ut Reginam Angliæ, cæterosque ab ea ad illarum rerum cognitionem adhibitos, nihil eorum exactissima judicia latere potuerit* Anacoluthon hic a Buchanano ejusve librario admissum videtur; neque enim facile inducar ut credam, Buchananum, per durissimam, ac nullo quod sciam exemplo suffultam, appositionem, Re-

ginam Angliæ, procuresque ad illarum rerum cognitionem adhibitos *exactissima* judicia appellare voluisse. Aut igitur legendum videtur *Regina Angliæ, cæterorumque ab ea a. i. r. c. adhibitorum exactissima* judicia nihil eorum latere potuerit, aut hæc voces [*exactissima* judicia] omnino delenda.



„Quæ vero , post id facinus , in crimen vocantur , ostendimus , cum lege  
 „divina , cum lege naturæ , quæ & ipsa quodammodo divina est ; cum legi-  
 „bus patriis & institutis , consentire , neque ab aliarum gentium , apud quas  
 „jus fasque & magistratum imperia valere , moribus esse aliena : nostram-  
 „que causam cum probent omnes divinarum humanarumque interpretes le-  
 „gum , tot seculorum exempla , tot populorum judicia , & tyrannorum sup-  
 „plicia ; non videmus , quid in nostra causa tam sit novum , (ne dicam ini-  
 „quum) quod Reginam remoretur , quo minus & ipsa nostræ causæ subscribat ,  
 „& aliis persuadere possit , nihil hic esse , cur nos a bonorum , aut civium ,  
 „aut Christianorum , officio discessisse debeant existimare.

„XLIII. Hæc eorum , quæ pro causa tum dicenda viderentur , summa ;  
 „literis comprehensa , pridie Cal. Mart. perlecta , coram viris summa virtute  
 „& doctrina , quos Regina eis de rebus conferre sermonem jusserat ; descri-  
 „ptamque , ad eam deferendam , dedimus : ac postridie , qui fuit dies Cal.  
 „Martii , mane iterum in aulam convenimus , ut , si fieri posset , certiores fie-  
 „remus , non modo quid de nostro responso , sed de summa totius causæ , sen-  
 „tiret. Sed , quia Regina eo die profectura erat ad villam suam , ad tria mil-  
 „lia infra Londinum , cui villæ Vico Viridi nomen est , non fuit nobis ejus  
 „tum conveniendi potestas. Igitur , quod proximum fuit , cum concilii pri-  
 „moribus , qui nobis audiendis ab initio dati erant , collocuti , ex eis intelle-  
 „ximus , eam (etsi illa ipsa ex urbe migratio , aliæque curæ , non multum va-  
 „cui temporis ei concessissent) tamen nostrum legisse commentarium : verum  
 „nondum sibi plane esse persuasam , nostram causam tam fuisse justam , ut si-  
 „ne ullo animi scrupulo eam probare posset. Quapropter hortabatur , ut ad  
 „secundum , ab initio nobis propositum , rediremus , aliquamque rationem  
 „dispiceremus , qua hæc discordia conditionibus honestis consopiretur. Nos  
 „ex adverso respondimus , Nos quidem domo non esse missos cum liberis man-  
 „datis , sed certis finibus circumscriptam habere potestatem : neque liberum  
 „nobis esse , consultare de ulla omnino re , quæ ad imminuendum Regis nostri  
 „imperium pertineret : nec , si etiam oblata fuisset a nostris ea potestas , eam fuis-  
 „se accepturos , aut permissa usuros.

„XLIV. Rebus in hoc statu tum relictis , cum Regina in sua villa , nos  
 „Londini diversaremur , misimus e nostris , qui ex ea scirent , nunquid esset  
 „præterea , de quo nobiscum agendum existimaret : aut , si nihil esset , ut cu-  
 „rarent veniam discedendi nobis impetrandam , ut domi reip. pro virili consu-  
 „lere , & privatam non negligere , ac , si qua in re liceret , majestati ejus gra-  
 „tificari possimus ; studium certe nostrum ei probare conemur , cujus declaran-  
 „di major erit domi nobis potestas , quam in alieno solo degentibus. Hac no-  
 „stra flagitatione id saltem perfecimus , ut juberemur quinto die mensis  
 „Martii nos in aula sistere. Ibi , cum ad Reginam essemus perducti , ea no-  
 „stram in tuenda opinione suscepta obstinationem graviter increpuit , quod  
 „disceptionem , aut potius consultationem , de re ad nostram securitatem  
 „spectante , tam pertinaciter defugeremus. Adjecit præterea prolixam suæ  
 „voluntatis declarationem , adversus Regem , cæterosque , qui ejus cau-  
 „sam

„sam susceperant tuendam. Nos, cum æquitatem nostræ causæ satis lucu-  
 „lenter a nobis explicatam contenderemus, illa ex adverso respondit, Suo  
 „nondum animo satisfactum exemplis & argumentis a nobis prolati. Nec se  
 „disputationum earum plane rudem esse, ut quæ superioris temporis partem  
 „studio legum impertisset. Quod si est ita vobis prorsus decretum, inquit,  
 „nihil præterea comminisci ad Regis ac vestram salutem conservandam, ve-  
 „lim tamen adhuc sermonem conferatis cum concilii mei primoribus, qui vo-  
 „biscum superioribus diebus iisdem de rebus disseruerunt. Respondemus, Nos  
 „nequaquam nostris opinionibus esse ita pertinaciter addictos, ut non libenter  
 „ex ipsa consiliariisque ejus quamlibet rei expediendæ rationem audiremus,  
 „modo id caveatur, ne præsens regni status mutaretur, aut aliqua de Regis  
 „imperio fiat imminutio. Ea de re nullam nos consultationem aut velle aut  
 „posse attingere.

XLV. „Postridie, ad villam Regiam (uticū Regina convenerat) descen-  
 „dimus, initoque cum consiliariis colloquio, cum multa ab eis in medium  
 „essent proposita, quæ ad dirimendam controversiam, quæ erat de titulo  
 „regni, inter matrem & filium facerent, nos, quia & non paucæ erant,  
 „nec de rebus parvi momenti rationes utrinque jactabantur, rogavimus, ut  
 „cas scripto nobis exhiberent, ut spatium de tantis rebus cogitandi nobis dare-  
 „tur. Nec illi, consulta prius Regina, moram fecerunt. Cunctis igitur  
 „per ordinem excussis, res visæ sunt tam arduæ, tamque ad Regiam maje-  
 „statem imminuendam pertinentes, extraque fines legationi suæ præscriptos  
 „positæ, ut eas nec vellent, nec auderent, nec possent, attingere. Postri-  
 „die, Robertus Pitcarnius in aulam cum responso remissus est. Id erat; rem  
 „ad universorum civium cognitionem pertinere, nec tam paucorum hominum  
 „disceptationi committendam. Idem quoque ad eos nostrum responsum,  
 „scriptum petentibus, postridie illius diei, hoc est, mensis Martii nono die,  
 „ad aulam retulit: ac magnopere petiit a Regina, ut, peractis quorum caus-  
 „sa venerant, Legatis domum abeundi veniam daret. Post decimum demum  
 „diem, Reginæ conveniendæ nobis copia facta est. Delecti a concilio, qui-  
 „buscum, a nostro adventu usque, nobis institutus fuerat sermo, vehemen-  
 „ter instabant, ut adhuc, una secum, conditiones non incommodas rei com-  
 „ponendæ comminisceremur: multisque verbis ostenderunt, si ad domesti-  
 „cam seditionem externum etiam accederet bellum, duplicatum laborem, du-  
 „pli-

I Idem quoque ad eos nostrum responsum,  
 scriptum petentibus, p. i. d. b. e. m. M. n. d.  
 ad aulam retulit:] Ita constanter omnes  
 libri, quamvis recepta optimis auctoribus  
 loquendi consuetudo [petentes] requirant.  
 At forte hic noster imitari voluerit Justi-  
 nam, quem casu sexto participii ita usum,  
 & casum sextum pronomini subaudiendum  
 reliquisse animadvertit doctissimus Joan.  
 Voritius, veluti lib. 2. cap. 3. Uxoriam

Tom. I.

flagitatione revocantur, per legatos denun-  
 tiantibus, ni redeant, sobolem se ex finiti-  
 mis quasituras. Et lib. 30. cap. 3. Nul-  
 lius magis arma metuebant, reputantibus  
 quantum motum Pyrrhus parva manu Ma-  
 cedonum in Italia fecisset. Et lib. 18. cap.  
 1. Additis Samnitium & Lucanorum preci-  
 bus, & ipsis auxilio adversus Romanos in-  
 digentibus.

Y y x

I Ne

„plicata pericula, rerumque omnium difficultatem, fore: præsertim cum no-  
„stris viribus nos explicare non possemus. Nobis vero in ratione instituta  
„perseverantibus, nec ullam pacificandi formulam accepturis, qua Regis po-  
„testas arctaretur, ille finitus est dies.

XLVI. „Proximo die, qui fuit vicesimus Martii, in aulam fuimus revo-  
„cati. Ibi Regina ad se iussos accedere, in hanc fere sententiam alloquitur: Se,  
„cum suis, nostra responsa expendisse, satisque perspicue intelligere, nemi-  
„nem, præter summum Scotorum concilium, qui ex conventu Ordinum con-  
„stat, posse ad ea, quæ postulabantur, certi quicquam respondere. Itaque,  
„se rationem inisse, qua rem integram, honesto colore prætento, relinque-  
„ret. Sibi renunciatum esse, comitia omnium Ordinum brevi in Scotia fu-  
„tura. Eo (quod bene vertat) proficisceremur. Ibi operam daremus, ut ex  
„utraque factione, pari utrinque numero, certi homines deligerentur, qui  
„causas controversiarum diligenter expenderent. Se quoque eo Legatos mis-  
„suram, qui una cum eis paci reconciliandæ operam darent. Se autem pete-  
„re, ut interea induciæ renoventur, dum res ad finem aliquem deduceretur.  
„Hæc etiam se velle cum Legatis Reginæ Scotorum conferre, eosque, si  
„posset, in suam sententiam adducere. Illi autem, re audita, si excusant:  
„nihil enim se, Principe sua inconsulta, in ullam partem statuere posse. Se  
„quidem, ut resciscant quid ad eam rem sententiæ habeat, ad eam scripturos.  
„Nos vero redeundi ad nostros promissum comitatum flagitabamus. Verum  
„interea jubemur brevem admodum temporis moram æquo animo ferre, dum  
„a Regis nostri matre, ad Episcopum Rossiensem, cæterosque ejusdem Re-  
„ginæ Legatos, responsum rediret. Post id, de reditu statim impetratu-  
„ros.

XLVII. Interea nihil ad festinationem nostram profuit, quod identidem  
„objiceremus, nihil nobis cum Rossienfi Episcopo rei esse: neque is lega-  
„tioni nostræ propositus esset finis. Nos quidem, cur veneramus, perfecis-  
„se: mirari vero, cur Episcopus Rossienfis nostrum reditum, peracta lega-  
„tione, remorari debeat: præsertim, per nostram absentiam, tot novarum  
„rerum obortis tumultibus, idque non modico partium Regis incommodo.  
„Sed nec hac prope importuna nostra flagitatione quicquam promovimus: res  
„enim de die in diem prolata est, ad pridie Cal. Aprilis quo die Regina Lon-  
„dinum rediit. Sed quæ, in conventu publico inchoata, tractabantur, per  
„triduum fere proximum ita Reginam tenuerunt, ut ad externa disceptanda nul-  
„lum ei otium relinqueretur. Quarto demum Aprilis die, nobis arcessitis,  
„moram injectam excusat. Ostendit, matrem Regis nostri præsentem suo-  
„rum audaciam graviter per literas increpuisse, quod suam ad causam hac ra-  
„tione tractandam descendissent. Itaque, inquit Angla, cum a via concor-  
„diæ a me propozita tam vehementer abhorreat, non ero diutius vobis in-  
„mo-

1 *Neque is legationi nostræ*] Potius dicen-  
dum videtur, *neque cum legationi nostræ*  
*propositum esse finem.*

2 *Tam vehementer abhorreat*] Ita legen-

dum monstrat contextus, in primis pro-  
ximo statim versu [*velit*:] omnibus autem  
libris [*abhorrerent*] est scriptum, quod  
Crafordius in [*abhorreant*] mutandum ju-  
bet,



„mora. Quod si forte poenitentia (quod spes est) posterius ducta, in hanc  
„viam redire velit, vos non dubito in officio futuros. Ita tandem benigne &  
„humaniter dimissi, octavo die Aprilis iter in patriam sumus ingressi.

XLVIII. Hæc cum Sterlini in conventu procerum recitata fuissent, ma-  
gnoque omnium consensu diligentia fidesque Legatorum approbata, reliquas  
cogitationes in Cal. Majas intendunt, in quem diem comitia erant indicta.  
Interim, utrique se diligenter parant; alteri ad ea habenda, alteri ad impe-  
dienda. Hæc fere palam prudentiores existimabant, Anglam nulla ratione  
velle Scotam dimittere: quippe quæ videret, quantum ex ea re periculum  
universæ rei Britannicæ immineret. Injuncta interim mentio erat, de Rege  
Scoto pro matre petendo obside, magis spe concordiae impediendæ, quam  
restituendæ. Scotos enim nequaquam consensuros certo sciebat. Verum ade-  
rant in concilio ejus plerique homines potentes, qui occulte Norfolcianæ fa-  
ctioni studebant. Hi & Scotam restitui volebant, & factionem ei adversam  
temporis diuturnitate frangi & debilitari, ut necessitate ab ea exprimeretur,  
quod a volentibus impetraturi non videbantur. Nec dubitabant eo rem ven-  
turam, cum rebelles pecunia bellicoque apparatu a Gallo juvarentur; Regii  
contra in unam Angliæ Reginam essent intenti, quæ benigne, ab initio, eis  
intellecto Reginæ Scotæ scelere, pollicita erat, regnum Regemque eorum  
sibi curæ fore. Sed nec Gallus sua consilia satis expedire poterat: Reginam  
enim restitui volebat, Regem Anglis dedi nolebat. Cum autem non ignora-  
ret, quam valida esset Norfolciana factio, quæ res novas moliebatur, non  
desperabat fore, ut Regina Scota e custodia vel clam elaberetur, vel per  
vim educeretur. Hic fere tum rerum status in Britannia erat.

XLIX. Mortonius, cum in conventu Sterlini suæ legationis acta proceri-  
bus probasset, domum reversus, quæ quatuor millia ab Edimburgo aberat,  
cohorte peditum centenariam cum paucis equitibus habebat, ut & se, si  
quid oppidani attentarent, ea manu tueretur, & eorum excursions prohibe-  
ret, dum majores copiæ cogerentur. Interim Reginæ factio, quæ oppidum  
tenebat, milites conscribit, loca idonea præfidiis occupat, atque in id unum  
omnia consilia confert, ut, excluso Prorege, comitia, quæ Edimburgum  
erant indicta, impediret. Ad hæc Mortonius, uti a Prorege fuerat manda-  
tum, viginti equites, & e centuria peditum, quam comitatibus infrequen-  
tem secum habebat, circiter septuaginta Letham misit, qui edicto publice de-  
nunciarent, (nam Edimburgum jam præsidio tenebatur,) „Ne quis, terra  
„marive, rebelles comitatibus, armis, aliove quovis bellico apparatu, sub-  
„levaret: qui contra fecissent, eisdem quibus rebelles poenis essent obnoxii.

Hi

bet, nisi forte typographi vitium est, pro  
[abhorreat.]

1 Ut necessitate ab ea exprimeretur, quod  
a volentibus impetraturi non videbantur] Aut  
priori loco [eis,] aut posteriore [volente]  
legendum potius videtur. Utrumque enim

ad factionem Scotæ adversam refertur, non  
vero Angliæ Reginam, quod Anglicus in-  
terpres existimavit.

2 Vel per vim educeretur] Ita recte re-  
stituit Crafordius, pro quo libris omni-  
bus [per unum] inepte est scriptum.

Yy yy 2

1 Te-



Hi, quia urbanis se copiis impares sciebant, pedites longiore via, quæ monte (quem Arcturi Sedem vulgus appellat) ab urbis conspectu tegitur, equites, prope muros, urbis portas (nemine hostium se commovente) transierunt. Peractis autem cur Letham venerant, non eadem revertentibus fortuna fuit. Pedites enim cum recusarent qua venerant redire, & ut sui & hostium periculum facerent, prope urbis portas, invitis equitibus, una tamen cum eis subjecti mœnibus, transibant, cum repente duabus portis in eos facta est eruptio. Initio concursus est satis acriter. Oppidani tandem tumultuosi in urbem reiecti, levi quidem cum iactura, sed tamen, ut facile appareret, inferiores virtute eos esse, etsi numero superarent.

L. Contra Prorex, cum nihil haberet ad oppidum oppugnandum parati, nec, instantibus comitiis, ob temporis angustiam, machinæ eo conduci possent, a vi abstinendum ratus, comitia tum extra portam habere statuit: nam oppidum cum in longitudinem expositum esset, qui muris id primi circumdederunt, magnam ejus partem extra pomeria exeluserant, ita tamen ut ejus partis habitatoribus civitatis jus integrum servaretur. Illic igitur habitata sunt comitia, jurisperitis interpretantibus, „Nihil referre, in qua urbis parte haberentur. In hoc conventu, cum perduelles essent denunciati principes fere eorum, qui arcem tenebant, ac hi potissimum, qui ob conscientiam cædis Regis ac Proregis judicia fugiebant; rebelles, Ordinum decreto (cujus judicii summa est auctoritas) damnati, ne vulgus, quod fere a Nobilitatis nutu perdet, ab eis alienaretur, & ipsi, ex ea copia quæ apud eos erat, comitia cogerent. Pauci ab eis stabant, quibus jus suffragii erat, e quibus alii in comitium non venerunt, alii affuerunt quidem, sed ut spectatores, omnibusque officiis forensibus abstinuerunt. Ita, cum nec justus eis suffragatorum esset numerus, nec hi tempore legitimo aut more majorum convocati, ut tamen speciem aliquam legitimæ multitudinis haberent, duo Episcopi, alique nonnulli absentes, (quod nunquam antea fando auditum erat) suffragia sua in ancipitem comitiorum eventum scripta miserunt.

LI. Toto hoc tempore, cum arx assidue in procerum conventum majoribus machinis jacularetur, ac sæpe globi ferrei in mediam turbam caderent, neminem tamen aut occiderunt aut vulnerarunt. Damnati in utroque conventu pauci: & utrique comitia in mensem Augustum indixerunt, alteri Sterlinum, alteri Edimburgum. Soluta conventu, ac neutris alteros laceissentibus, velut in inducias consensus esset, major pars mercenariorum, qui cum Mortonio erant, domos sunt dilapsi. Qui oppidum tenebant, non ignari, quanta esset circa Mortonium infrequentia, simul ignominie superioris delendæ cupidi, ducentos viginti pedites sclopetarios, equites centum emisere. Hi duas machinas æneas campestres secum avexerunt, eo consilio, ut vel oppidulum Dalkethum, ubi tum Mortonius erat, incenderent; vel, si id non succederet, metu hostem intra oppidum continerent, atque, ea velut timoris confessione expressa, vulgo se ostentarent. Hi cum in colle adverso sese instructos ostend-

*3 Tumultuosi in urbem reiecti] An potius tumultuosi?*

*3 Qui*

differt, subito Dalkethi, ad arma, conclamatum est. Mortoniani statim, ducenti pedites, & circiter sexaginta equites, per adversum collem subeuntes, in planitiem demum inveci, contra ad pugnam parati steterunt. Procurrentibus deinde utrinque jaculatoribus, levi certamine conferto, rebelles, qui omnia apud hostem se imparata deprehensuros crediderant, spe sua decepti, retro, quantum integris ordinibus poterant, abeuntes, urbem repetebant. Interea, aliis urgentibus, aliis se recipere cupientibus, ad Cragmillarium, arcem medio fere itinere sitam, perventum est. Ibi pauci pedites Mortoniani, qui ab adversa parte arcem occulte transierant, ex insidiis consurgentes, in angustiis viæ subjectæ aciem hostium aggressi, ordinibus solutis, eam in fugam avertunt. Qui præsidium in arce Edimburgensi agitabant, e superiore loco cernentes fugam se versus tendere, subsidio miserunt octodecim equites, & triginta pedites, quibus freti hostes, equites Regios (qui dimidio pauciores erant) rebellium impetum non sustinentes, non minus trepide, quam paullo ante secuti erant, fuga retro impulerunt. Peditum utrinque operam prope inutilem imber repente cælo effusus fecit. In fuga ex Mortonianis cæsi pauci, plures vulnerati, capti circiter viginti sex. Cæsoꝝ numerus e rebellibus major, captorum minor fuit. Sed fortuita res utriusque partis detrimenta prope æquavit. Nam qui Edimburgo venerant, doliolum fulfurei pulveris secum advexerant: inde milites festinantes dum inconsultius depromunt, igne temere injecto, tanta vis flammæ repente erupit, ut equus, qui vasculum vehebat, & peditum præfectus Jacobus Malvillius, compluresque militum, ejus afflatu fuerint ambusti, ac major pars eorum intra paucos dies perierit.

LII. Dum hæc, re in neutram partem inclinata, circa Edimburgum geruntur, cohors una Scotorum, qui superioribus annis in Dania mercede militaverant, cuique præerat Michael Vemius adolescens nobilis, summa virtute & doctrina, domum reversa, operam suam Regi, oppidanis frustra contendentibus ut eam ad se pertraherent, obtulit. Hi brevi ad suos invisendos spatio impetrato, dum ad diem dictum conveniunt, certiores fiunt, a rebellibus naves ad se intercipiendos instrui. Harum insidiarum gnarus Mortonius, ipse, pro præsentē copia manu armata, nemine conscio quo duceret, adeo festinanter Letham venit, ut eos conscendentes pene oppresserit: sedecim e moratoribus in ripa, dum scaphas tardius solvunt, capti. In posterum diem, quoniam citius per æstum Oceani non poterant, naves paratæ, quæ reliquas persequerentur, aut redeuntes interciperent. Prorex quoque ea nocte certior factus, & ipse, postridie summo mane, cum tumultuariis copiis, a sinistro Forthæ littore festinavit, ut rebelles, egressos in terram, invaderet. Sed militum Cimbricorum properatio hos omnes conatus fecit irritos. Major enim pars, majorem nacta navem, incolumis transmisit: cæteri, qui minusculam conscenderant, procul a Letha deprehensi, circiter viginti sex, ad arcem sunt deducti.

LIII.

1 Qui superioribus annis i. D. militaverant, cuique præerat] Rarum Syntheseos genus, quo a plurali ad singularem nu-

merum revertitur. [Sed militaverant resortur ad Scotorum, cui ad cohortem.]

Y y yy 3

1 A

LIII. His ita confectis, Prorex Sterlinum revertitur. Mortonius, labore & vigiliis, præterea coli dolore afflictus, Lethæ lecto affixus tenebatur. Drurius Anglus, qui per tot dies de induciis inter factiones egerat, nihil transigere poterat, quod Prorex nulla alia ratione consensurus esset, nisi, quæ per priores inducias loca erant occupata, restituerentur. Cum discessurus esset Anglus, rebelles, velut per ostentationem officii, quicquid habebant virium, cum eo produxerunt, rati decumbente Mortonio, vel timoris confessionem se ab hostibus, numero inferioribus, expressuros: vel, si cum copiis ejus sine duce congredierentur, aliquid in summam rei profecturos. Mortonius, per stationem equitum certior factus, e lecto statim confurgit, & arma capit, suosque omnes in propinquum colliculum producit, atque instructos tenet, quadringentos fere ab hoste passus. Drurius Anglus inter acies cursitabat, ac utrosque invicem rogabat; „Ut domos redirent, neu spem rerum componendarum nimis „calidis consiliis infringere. Cum de receptu consentirent, & id modo controversum inter eos esset, utri prius signa converterent, hanc quoque litem Drurius tollere conatus, ab utroque petit, „Ut, cum ipse stans in medio inter duas „acies signum dedisset, utrique eodem momento se reciperent. Mortonius non repugnabat: rebelles contra minabantur; „Se, nisi sponte discederet, cum „cum ignominia pulsuros. <sup>1</sup> Ac jam vix contineri poterant, quo minus aciem promoverent.

LIV. Hoc responso recepto, Mortonius, se Drurio ac Anglis, quos eo tempore nolebat offendere, ac suæ moderationis testes libenter habere vellet, satisfecisse ratus, repente in hostem duxit. Equites primi, impetu facto, statim cornua nudant: pedites, attentato tantum certamine, & ipsi terga dederunt. Ibi, cum porta vici proximi effuse fugientes capere non posset, complures in angustiis occisi, multi proculcati, multi etiam capti, nemine resistente, præter peditum partem, qui, in cœmeterio proximo, confisi loco, se in ordines receperunt, ac iterum ad primum hostium impetum fugerunt. Fuga adeo effusa in urbem fuit, ut relicta porta omnes in arcem contenderent: ac nisi hostis sequens in prædam intentus fuisset, oppidum neglectum capi potuisset. Ex rebellibus supra quinquaginta occisi, circiter centum quinquaginta capti. In his Alexander Humius, leviter faucius, equo labente oppressus: Galvinus Hamiltonius caesus. Jacobus Culenus, Huntillæ propinquus, peditum ductor, ex armario pauperculæ mulieris, ubi latebram quaesierat, extractus, Letham perducitur. Eo conspecto, tantus vulgi clamor exortus est, ut, nisi ejus morte, homines sibi satisfieri non passuri viderentur. Is enim, superioribus bellis civilibus, avare & crudeliter latrocinium exercuerat; in Galliis infamem militiam egerat, Regibus Danorum & Suecorum armis contendentibus, cum ab utroque pecuniam ad militem conducendum accepisset, utrique operam pollicitus, neutri præstitit, multa facinora fœda patre-

rat,

<sup>1</sup> *Ac jam vix contineri poterant*] Contrario prorsus modo rem narrat Dav. Crafordius pag. 215. qui Mortonium Re-

ginenses, jam conversos, ut se domum reciperent, necopinantes a tergo invasisse tradit.

<sup>2</sup> [*Ex-*

rat, tandem (ut dixi) captus, maximo cum plausu ad supplicium est ductus.

LV. Post paucorum dierum quietem, oppidani, relictis viribus, sese in armis ostentarunt: quotidie fere ex eo levia certamina conferebantur, varia plerumque fortuna. Pro Regiis erat virtus militum, pro rebellibus locus ad insidias commodus, & arx imminens ad speculandum, unde omnes exitus hostium conspici poterant. Nec fere se committebant certamini, extra quam ex arce tormentis globi ferrei adigi possent. Lethæ Prorex se continebat, in omnes eorum egressus intentus, & comneatus maritimos intercipiebat, terrestres omnino excludere non poterat, propter urbis vastitatem, & vicinorum locorum asperitatem, quorum circuituione plerumque momenta rerum gerendarum amittebantur.

LVI. Dum hæc circa urbem geruntur, navis Gallica, quæ nitrum, globos ferreos, tormenta aenea minuscula, & nonnihil pecuniæ ad obsessos ferebat, capta est: pecunia in stipendium militum erogata est: globi, nitrum, ac pars tormentorum, dum nullo prope comitatu Sterlinum adverso flumine comportantur, rebelles, re cognita, naviculis in eum usum alio in portu comparatis, ad prædam convolant: capta, cum exportare in arcem nequirent, in flumen demergunt. Alia, eisdem fere diebus, capta est navicula, aliarum quidem rerum inanis, præter literas, & magnifica Regis Galliarum promissa, spemque propinqui auxilii. Toto enim superiore biennio, quo bellum per occasiones in Scotia gerebatur, Angliæ Regina Regiæ partis, Galliarum Rex & Angli Papani rebellium animos exigua pecunia, sed magnis pollicitationibus, sustentabant: nec tam studere videbantur Reges, ut sui vincerent, quam ne vincerentur. In id enim necessitatis uterque suos adigivolebant; Angla, ut Scoti, tædiorum suarum, in Angliam Regem non inviti mitterent, atque ita toti ab ipsa pendere viderentur; Gallus, ut rebelles Britannodunum & Edimburgum ipsi dederent, iisque præsidii, capiti semper ab utroque mari imminentibus, Scotos, vel invitos, haberet obnoxios. Sed Regiæ libertate desperata, & amisso Britannoduno, lentius in causam rebellium incumberebat: id tantum spectabat, ne, regno seditionibus domesticis exhausto, novum & non necessarium, unius arcis causa, bellum susciperet: sed ad præsentem rerum statum satis abunde rebatur, si non caperetur. Et Scoti certi erant Regem non dedere Anglis, cum ob antiquas controversias, tum ob Papanorum Anglorum potentiam, qui in ejus morte suarum rerum incolumitatem statuebant. Eo enim sublato, Regina Angla non modo videbatur infirmior, cum Regis unius vita spei eorum moram faceret; sed Regina Scottorum totius insulæ indubitata hæres foret, & quæ, suo matrimonio, regnum, cui vellet, gratificari posset, & ad statum religionis per totam Europam commu-

tan-

1 [*Extra quam*] [pro *præterquam* posuit: negavit Cælius Caliagn. lib. III. Epist. pag. 42: *extra* pro *præter* apud Ciceronem reperiri; sed exempla attulerunt ex illo, Terentio & aliis Lexicogra-

phi, & qui de particulis L. L. scriperunt: Turselinus, Pareus & Stewechius. Ex Livio *extra quam*, ut exceptionis particulam, profert Gifan. Observ. L. L. pag. 91.]



tandum maximum momentum asserere. <sup>1</sup> In aula autem Anglica versabantur non obscuri homines, & eorum plerique a secretis Reginae consiliis, qui spem rerum novarum veteribus beneficiis praeferrent: sed si, vivo Rege Scotorum, Anglam tollerent, verebantur, ne Scotiae nota omnibus maleficia ejus auctoritatem elearent, & opes filii augerent, & , metu tyrannidis, cum Anglis cariorem facerent. Angli rebelles utrumque, hoc est, Regem Scotorum, & Reginam Anglorum, una opera tollere volebant; & cum resparum exsententia aperte procederet, veneno grassari statuerunt.

LVII. Cum in hoc statu res Scotorum essent, utraque eorum factio ad propinquam comitiorum diem se comparabant. Rebelles, cum tres modo supremi ordinis <sup>2</sup> suffragatores secum haberent: e quibus duo procuratores comitiis Reginae nomine habendis praerant; tertius, Alexander Humius, unus esset, qui suffragii jus haberet: & Ecclesiastici ordinis duo Episcopi: alter <sup>3</sup> illo, ante aliquot menses, relegatus per Proregem, deinde statu urbis permutato, cum sine comiteatu discedere non auderet, ibi invitatus permansit: alter decoctor, accisis bonis, necessitate eo coactus. Iis consentibus, supra ducentos damnati, horum nonnulli adhuc impuberes. Procacissimi enim militum, velut victoria jam parata, patrimonia sibi aliena destinantes, multos innoxios & quietos, ideoque maxime injuriae opportunos homines, in numerum proscriptorum referrebant.

LVIII. Prorex, Sterlinum profectus, magno procerum concursu, & ipse comitia habuit. Circiter triginta ex pertinacioribus in causa Reginae damnati, ceteri in spem veniae dilati. Per procerum absentiam, rebelles, aliquid tentandum rati, omnes ex urbe copias eduxerunt, & , ad speciem multitudinis augendam, omnes oppidanos, cum majore parte militum, in acie statuerunt: eo consilio, ut, velut superioribus temporibus consueverant, leviter laceffendo, Regias copias Letha elicerent: interea, dum intentos in se hostes distinerent, reliquis longiore itinere occulte circummissis, oppidum praesidio destitutum, per averiam ingressi portam incenderent. Patricius Lindesius Lethae praerat, homo manu & consilio promptus. Is, productis copiis, cum a deprehensis insidiis sibi

<sup>1</sup> In aula autem Anglica versabantur non obscuri homines, & eorum plerique] Ita Crafordio monente sententiae partes collocavimus, quae omnibus libris misere luxatae ac trajectae ad hunc modum fuerant: In aula autem Anglica versabantur non obscuri homines, qui spem rerum novarum veteribus beneficiis praeferrent: sed si vivo Rege Scotorum Anglam tollerent, & eorum plerique a secretis Reginae consiliis, verebantur, &c.

<sup>2</sup> [Suffragatores] [Obscurum mihi quid intelligat per Suffragatores. nec videtur hac voce hic uti Buchananus ex antiquo

usu, quo suffragatores dicebantur qui, candidatis in comitiis aderant, & suffragia populi eis studebant conciliare. cum noster ponere videatur pro eo, qui jus suffragii habet in comitiis. In aulis ita postea dictos, qui gratia valent apud Principes, & clientibus suis adsunt, docet Valesius ad Amm. Marc. XXIX. 3. rectius vero hic sensum Buchanani capient, qui vernaculam, quam hic exprimere voluit auctor, vocem norint.

<sup>3</sup> [Illo] [Pro illuc ex antiquitatis more; ut & illo summi vidimus ad Ovid. Epist. Heroid. XVIII. 205.]

sibi satis cavisset, suos recta in hostem duxit. Et, cum initio satis acriter dimicatum fuisset, tandem, impressione majore facta, rebelles fusi, fugati, & usque ad oppidi portas non sine cæde compulsi: magnus captivorum numerus abductus, sed major pars fuit oppidanorum. Alexander Humius captus, suorum interventu est liberatus. Vespere, cum Regii victoria lati se reciperent, Jacobus Haliburtonus, vir bonus, ac rei militaris peritus, qui omnibus peditum copiis præerat, cum ab agmine suorum, quod cogebat, longiuscule abesset, a turma equitum, cum, dubia luce, cujus partis esset dignosci non posset, in compito quodam exceptus, in urbem ductus est.

LIX. Hoc incommodo accepto, rebelles animum adiecerunt ad aliud facinus, ut majoris periculi & audaciæ, ita in spem, si successisset, belli universi patrandi. Nam, cum per exploratores comperissent, omnes fere proceres adversæ factionis Sterlini adeo negligenter & solute agere, ut, tanquam in summa pace, in oppido aperto, ne excubias quidem nocturnas haberent, assumtis trecentis peditibus, equitibusque ducentis, eo iter intenderunt: idque quo minus esset molestum peditibus, qui raptim ducebantur, pridie ejus diei omnes rusticorum equos, qui ad mercatum venerant, retinuerunt, & si quos obiter invenerant, dominis abstulerunt. Duces expeditionis ejus erant, Georgius Gordonius, Claudius Hamiltonius, & Valterus Scotus. Eos magnopere confirmabat Georgius Bellus, cohortis peditum signifer, Sterlini natus. Is, cum omnes aditus & opportuna oppidi loca nosset, ac procerum hospitia haberet descripta, certam spem faciebat, omnia in eorum potestate futura. Illi quoque tanta confidentia proficiscebantur, ut jam designarent, quos servarent, quos perderent. Igitur mane, diluculo, cum ad oppidum advenissent, omnia adeo neglecta compererunt, ut ne canis quidem eos allatraverit. Ita summo silentio ingressi, nemine obvio, in forum penetrant: aditus omnes, qui eo ferebant, armatis obsident, deinde procerum hospitia aggrediuntur. Ac cæteri quidem parvo negotio sunt oppressi: Jacobi Duglassii Mortonii Comitum diversorium unum eis moram præbuit. Id cum vi expugnare non possent, ignem subjiciunt. Ille, uno aut altero e ministris, qui strenue aditus tuebantur, cæsis, cum jam omnia fumo & flamma opplerentur, ægre ex incendio sese expediens, Valtero Scoto, affini suo, qui ibi occurrit, se dedit. Prorex quoque, eodem momento, familiaribus segniter eum tuentibus, cum se armis, sed prope solus defendere tentasset, captus abducebatur. Et jam Alexander Glencarniæ & Hugo Eglentoniæ Comites, adhibitis custodibus, ad exitium servabantur. Claudius enim Hamiltonius suos admonuerat, ut omnes sine discrimine proceres adversæ partis, simul ac portas urbis forent egressi, conficerent.

LX. Omnibus rebus ita supra spem succedentibus, cum vulgus militum ad prædam discurreret, Joannes Areskinus, arcis præfectus, qui, viis obsessis, in forum aliquoties frustra prorumpere tentaverat, tandem globum suorum, majusculis sclopetis armatum, suas novas aedes, (quæ tum maxime edificabantur) e quibus in totum forum prospectus erat, occupare jubet: hæ enim, ut vacuæ & nondum absolutæ, ab inimicis negligebantur, & Regiis tutum

præsidium, unde jaculis hostes peterent, præbebant. Rebelles, ubi imparibus armis, e loco superiore jam occupato, se peti animadverterunt, statim sese in fugam coniecerunt, adeo trepide, ut cum ad arctiorem, quæ ad portam ducit, viam est ventum, alii alios proculcarent. Saluti eis fuit, quod rari sequebantur: iis, qui foro eos expulerant, singulis modo per novarum ædium portulam, quæ sola & semiclausa in oppidum patebat, exeuntibus, ac e reliquis domibus paucis, qui intra aedes armati ad omnes casus parati stabant, egressis. Ita tota fere multitudo, quæ, pridie illius diei, tam audax facinus susceperat, & tum adeo feliciter prope confecerat, a sedecim hominibus, tanta cum trepidatione & tumultu, ex oppido ejicitur, ut, captivorum omissa cura, suæ quitque saluti consuleret. In hoc tumultu toto, unus modo (quem nominare sit operæ pretium) ex Regiis, Georgius Ruvenus, summæ spei juvenis dum ferocius, quam tempus poscebat, confertos hostes aggreditur, fuit peremptus. Alexander autem Stuartus Garlianus, cum captus abduceretur, incertum a suis an ab hostibus ictus, cecidit. In hac tanta & tam late fusa trepidatione, cum qui antea intra sua limina metu continebantur, passim in publicum prorumperent, qui Jacobum Duglassium, & Alexandrum Cunigamium ceperant, cum evadere non possent, se suis captivis dederunt.

LXI. Proregem ducebat David Spenius, equitum inter rebelles præfectus: cum sciret, insidias vitæ ejus fieri, tam sollicitè cum tueri satagebat, ut ipse quoque a percussoribus, avide Proregem petentibus, ictus, eodem illo die interierit, magno utriusque factionis mœrore: erat enim, omnibus corporis & animi virtutibus, juventutis Scoticæ nulli inferior: nec, post ejus decessum equitatus hostium quicquam memoria dignum gessit. E percussoribus Proregis duo, cum ad suos evadere non possent, supplicio, quod in deditum sæviissent, affecti: cæteri adeo trepide fugerunt, ut captivi, quos retinuerant, passim ab eis dilaberentur. Poterant quidem omnes hostes deleri, si equitatus affuisset, qui tum fugientes sequeretur: sed latrones Teviotici, in primo ingressu oppidi, equos omnes diripuerant. Id eis saluti fuit. Ex utraque parte fere par cæsorū numerus: e Regiis nemo captivus est abductus: ex altera factione multi, quorum plerique, prædæ intenti, intra domos, quas diripiebant, deprehensi fuerunt.

LXII. Prorex eo die ex vulnere decessit. Exsequiis, ut in tempore tam turbulento, raptim factis, procerum qui aderant, ad successorem creandum convenerunt. Illi e suo numero selegerunt tres, qui, jurejurando prius adacti se Nobilitatis suffragiis parituros, velut candidati, comitiorum eventui permetterentur. Hi erant Gilespicus Cambellus Argatheliæ, Jacobus Duglassius Mortonii, Joannes Areskinus Marriæ, Comites. Omnium suffragia in Areskinum inclinarunt. Is nihil prius quam de oppugnando Edimburgo egit, ad quam rem exercitus a superiore Prorege fuerat indictus in Calendas Octobris: sed repentina rerum perturbatio effecit, ut is dies prorogaretur in Idus ejusdem mensis.

¶ *Nulli inferior*] Vide supra ad XII. 14.

¶ *Omnis*

sis. Ea res magnum attulit rebus gerendis impedimentum : quod oppidanis, qui dies noctesque in opere erant, spatium ad municendum est datum, & hiems præmatura, noctesque longiores, & cæli, ut in locis frigidis, intemperantia, & difficilior commeatuum apportatio, & apparatus bellici angustia, effecerunt, ut re infecta discederetur.

LXIII. Proximis aliquot mensibus certatum est excursionibus, in neutram fere partem rem inclinantibus : prospectus enim ex arce liber in omnes partes efficiebat, ne rebelles vel ad manus venirent, vel præcipitarent in insidias : signo enim e superioribus locis edito, facile admonebantur, ut se reciperent in tempore. Semel tamen, cum omnes equites ac pedites ex oppido sejecissent, ut paucos e Regiis interciperent, ac acriter simulantibus fugam instarent, ad vexilla cohortium e valle propinqua emergentium ab arcis præsidio conspecta, statim signum receptui est datum. Itaque rebelles, antequam ad insidiarum locum essent perducti, se trepide recipere coeperunt, eoque fuga perturbatior fuit, quod, quanquam instantis periculi erant admoniti, tamen nec unde, nec quantum id esset, suspicari poterant. Equites pauci, qui ante fugam simulaverant, eorum tergo adeo insisterunt, ut pedites, solutis ordinibus, qua quisque proxime poterat, urbem peterent. Multi vulnerati & capti. In iis, ex præfectis cohortium & signiferis aliquot.

LXIV. Dum post hæc res ad urbem lentius geritur, in regionibus ad septentrionem versis, clades, hac maxime occasione, accepta est. Duæ erant in illo tractu familiæ, summa potentia & auctoritate, Gordoniorum & Forbosiorum. Sed cum Gordonii summa inter se concordia viverent, & vicinis aliquot gentibus, Regio permisso, multos annos præfuisent, veteres opes & auctoritatem auxerant : contra Forbosii, inter se discordes, suis se viribus assidue conficiebant. Sed neutra in alteram (ut qui cognationibus & affinitatibus conjuncti essent) quicquam multis annis attentaverant : magisque occulta æmulatione, quam aperta invidia, laborabant. Erat in familia Forbosiorum Arcturus, homo & ingenio & manu promptus, & qui, a primis usque discordiarum temporibus, Regem semper secutus erat. Is tum aliquid agitandum ratus, quo & suum & gentis nomen illustraret, & partis, quam sequebatur, opes augeret, primum familiam suam in concordiam redigere conatus est : id si obtinisset, nullas in illis regionibus opes metuebat. Cum ad eam rem dies dictus fuisset, Adamus Gordonius, Comitis Huntillæi frater, 'omnibus rationibus id impediendum ratus, propinquis & clientibus occulte admonitis, cum magnorum numero ad locum venit, & cum Forbosiorum duo agmina in conspectu haberet, antequam conjungi possent, alterum adortus, Arcturum in procinctu cecidit. Eo labente, reliqui fusi & fugati sunt. Aliquot viri illustres cæsi : plures capti : reliqui proximis diebus, metu, ne gravius in captivos sæviretur,

I Omnibus rationibus id impediendum ratus] Principi editioni Edimburg. scriptum est [ad impediendum ratus :] quibus vocibus cum nullus fere sensus subesset, recentioribus [ad impediendum paratus, [Mos-

man. [paratis] rescribere visum est. Sed facilior venustiorque accuratissimi Crafordii [ad] in [id] mutantis emendatio videbatur.



nihil ausi. Eum metum auxit domus Alexandri Forbosii, cum uxore prægnante, liberis & ministris, cremata.

LXV. Frater Arcturi Forbosii major natus, qui gentis princeps erat, capta & spoliata sua domo, ægre elapsus, in aulam venit. Ibi, quanquam res erat in summa angustia, tamen ei, & Nobilibus ejus sectam secutis, ducenti pedites dati, literis vicina Nobilitate admonita, ut se eis conjungeret. Ea cum ad reliquias Forbosiorum aliquotque familias propinquas sese conjunxisset, a viribus se satis putabat firmam. Sed deerat, quem sequeretur, dux, cum juvenes fere essent familiarum principes, ac vix quisquam inter alios admodum emineret. Ita in diversa consilia distracti, Joannes Kethus, cum quingentis equitibus, domum suam, non longe distantem, discessit: Alexander Forbosius, cum suis clientibus, & peditem centuriis duabus, Abredoniam contendit, ut Adamum Gordonium inde expelleret, & suos ex itinere resciceret. Adamus, certior factus inimicum cum non adeo multis adventare, suos ex oppido educit, coactis etiam sequi oppidanis, ut speciem majoris multitudinis præberet. Ibi statim in agris oppido proximis acriter prælium committitur. Pedites Regii pugnandi studio longius Gordonianos secuti, deficiente pulvere sulfureo, nec suorum acie subsidiis firmata, trepida fuga se recipiunt, prementibus maxime sagittariis. Non adeo multi e victis cæsi, quod in noctem pugna erat protracta: capti nonnulli: in iis Alexander Forbosius, cum se diu pertinaciter adversus instantes defendisset.

LXVI. Hic rerum ad septentriones successus mirum quam animos rebellium ad majora aggredienda crexit. Igitur, in diversa regni parte; ad Jedburgum opprimendum animum adjiciunt, oppidulum quidem, more patrio, immunitum, sed fortissimorum civium, & quod superioribus annis rebellium conatibus semper fortissime resisterat. Huic oppido vicini erant Thomas Carus Farnhestius, & Valterus Scotus. Hi, præter veteres clientelas, satis numerosas, sibi adjunxerant tres vicinas regiones, Lidaliam, & Eviam, & Esciam, semper latrocinii infestas, ac tum, per bellorum civilium licentiam, in longinqua etiam loca libere grassantes. Erant & in ipsa Teviotia, cum harum regionum contagio, tum ob consuetudinem prædas agendi ex hostico, aliquot magnæ familiæ, furtis & latrocinii infames: nec hi modo, sed quidam e proximis Anglis, spe prædæ illecti, se conjunxerunt. Arcessiti præterea Edimburgo CXX. sclopetarii, ex omnibus cohortibus selecti. Jedburgenses quoque, non ignari se peti, trepidis nunciis Proregi periculum significant: & levis armaturæ tantum auxilium petunt: nec interea sibi defunt. Nam Valtero Caro Cesfordio arcessito, & militum satis magno numero e vicinis agris collecto, pro tempore oppidum muniunt. Et Gulielmus Ruvenus, centum viginti sclopetariis & equitibus, partim secum adductis, partim e Marcia vicina collectis, ad Driburgum adesse nunciatur utrique parti, eodem fere tempore. Sed rebelles, satis copiis suis confisi, (erant enim ad tria millia hominum) iter summo mane ad oppidum intenderant, ut auxiliorum adventum prævenirent. Et Ruvenus, id ipsum suspicatus facturos, magno gradu eos consequitur: & postremos levibus excursionibus lacessit. Valterus quoque Carus, adjunctis ad  
suos

suos oppidanis, recta ad hostes pergit. Id illi conspicati, ne ancipiti praelio dimicarent, se confestim in loca tutiora recipiunt. Latrones, qui spe prædæ accurrerant, cum oppidum a vi tutum, & Regios ad dimicandum paratos, cernerent, qua cuique proximum erat, domos abeunt. Rebelles, nihil minus rati, quam hostes aliquid tentaturos, cum clientibus & peditum cohorte se Havicum, recipiunt. Hanc spem augebat hiems, solito asperior, [<sup>1</sup> & ] nivis recens casus, quæ omnia late obtinebat. At Ruvenus, occasione ratus utendum, de tertia vigilia adeo celeriter agmen Havicum ducit, ut, antequam hostes de adventu ejus fierent certiores, intra mille passus esset. Havici tanta erat trepidatio, ut nullus consilio relinqueretur locus. Propere equites peditesque educti, flumen proximum secuti, in loca tuta se recipere tentarunt, sed celeritate sequentium præventi, equites, ut in regione nota, se periculo fuga subtrahere: pedites, prædæ relictæ, silvam exiguam in rupe flumini propinqua occupant: ibi ab equitibus undique inclusi, nec peditum adventum expectare ausi, ad unum se dedunt. Hi, cum alia prævertenda essent, nec tam vehementi hieme circumduci possent, fide accepta se ad diem redituros, sine armis incolumes dimissi; pauci, obsidum nomine, pro cæteris retenti. Reverfos, Kircadius levibus commentis promissa eludens, ad diem statutum adesse vetuit.

LXVII. Reliquum hiemis, & proximum ver totum, levibus præliis extractum, in quibus pauci cadebant, sed rebellium, quam Regiorum plures. Rebelles enim, in collibus urbi propinquis, cum rei bene gerendæ occasionem captarent, vix inito plerumque certamine, in urbem refugiebant. Frequenter interim, de concordia inter factiones faciendâ, legationes ex Anglia venerunt: sed frustra. Nam Angli, etsi Regiæ parti magis favebat, tamen pacem ita facere cupiebat, ut utramque factionem sibi obnoxiam redderet: Franci, in exulis Reginæ causam proni, pacem impediabant, & magnis pollicitationibus eos retinebant, ne bellum omitterent. Tantum autem pecuniæ mittebant, quantum satis videbatur in præsentia, non ad rem gerendam, sed ad spem fovendam, semperque aliqua ejus portio a portantibus prærodebatur.

LXVIII. Inter hæc, aliquot menses levibus incurfionibus, nec ad summam rei quicquam facientibus, transacti. Nec in aliis regni partibus a direptionibus & incendiis cessabatur. Adamus Gordonius, coacta manu, <sup>2</sup> in Angusiam ingressus, domum [<sup>3</sup> Gulielmi] Duglassii Glembevii obsedit: at ubi cum abesse lenfit, in ea, quæ relictæ erant, ferro & igne crudeliter sævit: tantamque formidinem Taodunanis incussit, ut illi e vicinis Fife locis præsidia advocarent: eis enim Gordonius insensissimus erat, quod egregia in Regias partes fi-

de

<sup>1</sup> Et nivis recens casus] Copulam [ & ] hic insertam hiulca alioquin sententia posebat.

<sup>2</sup> In Angusiam ingressus] Merniam potius legendum videtur; in ea enim sita est arx Glenbervia, ab Adamo Gordonio hoc anno 1572 expugnata. Vid. Spotis. pag.

<sup>3</sup> Gulielmi Duglassii] Ita lacunam in omnibus libris relictam supplevimus, suffragantibus, præter Spotisvodium, Thomæ & Georgio Crafordiis, qui porro hunc Gulielmum Duglassium postea ad Comitibus Angliæ honores evedum testantur anno 1588.

de & constantia perseverassent. Blacnessum a custode Hamiltoniis proditum. Ea arx navigationem inter Letham & Sterlinum sustulit. Prorex molas omnes circa Edimburgum confregit, Nobilium aedes vicinas præfidiis occupavit, omnesque ad urbem aditus oclufit. Multi utrinque intercepti. Archibaldus Duglassius, e familiaribus Mortonii unus, ad suspicionem captus, quem, præter reliquam vitæ fœditatem, literæ apud eum deprehensæ, &, postquam captus fuerat, ultro citroque ad rebelles missæ & remissæ, coarguebant, & re & consilio, & pecuniæ armorum transmissione, eos juvisse.

Cum illustrissimus Historiarum conditor *Jac. Aug. Thuanus*, in rebus Scoticis memorandis unum *Buchananum* auctorem sequatur, non ab re facturi videmur, si, Mantissæ loco, *Gul. Camdeni* ad *Thuanum* olim missas, ac nuper a *Cl. Tho. Smitho* (Append. I. ad ipsius Epistolas) editas, super Historia Scotica Animadversiones hic in calce subjiceremus.

*NOTÆ ad Jac. Aug. Thuani narrationem rerum gestarum, 1564. Exemplaris Germanici, pag. 726. e Buchananii pag. 609. & seqq. desuntam.*

**C**UM *Henricus ex Anglia Elisabetha permissu in Scotiam venisset.*] Serenissimam Elisabetham his nuptiis consensisse non semel in hac narratione legitur, id vero longe falsissimum est. Nam rei veritas sic habet. Consilio & prudentia aviæ Regis Jacobi, hoc negotium clam Regina Elisabetha & inchoatum & promorum est, ac tandem ad exitum perductum. Erat tunc temporis is status rerum in Anglia, is animorum habitus, ut & Regina & regni Proceres rebus Angliæ putarent iri consultum, si Regina Scotiæ sine prole diem obiret: ad hunc igitur scopum omnia sua consilia referebant. Quod autem Elisabetha non probante hoc matrimonium junctum fuerit, multa sunt certissima argumenta; nam & Regis aviam ad primum nuncium in Arcem Londinensem conjecit, & nullum non postea

lapidem movit, quo eas nuptias impediret. Falsa igitur omnia sunt, quæ de ejus consensu toties hic dicuntur.

*Sed præcipitem Regina voluntatem.*] Nescit R. S. cur hic Regiæ voluntas præceps appelleretur; nam si quid festinatum in illis nuptiis, iustissima id de causâ factum; metus nempe erat, ne Angliâ impediret. Totam autem illam narrationem de citharædo citharædi filio adeo præsertim accurate descriptam, nulla cogente necessitate hic esse positam R. M. putat, cui constat liquido & certe, pleraque falsa & mera mendacia esse, quæ de hoc Italo narrantur. Falsum est, quod de ejus potentia dicitur; falsum, quod de ejus calumniis in bonos structis. *At laboravit publico odio.* Sane, sed illorum qui infesti erant Regiæ, & dicta factaque illius omnia in occasionem calumniæ rapiebant.

*Per.*

*Persuaseratque credulo adolescenti.*] Hoc qui stare potest? Venerat nobilissimus Princeps certo propolito perficiendi, quod & peractum est. Regina simul illum vidit, amore eius exarsit; neque ita post negotium est consummatum.

*Moravus ab omni assensu.*] Affirmat S. Regis Majestas in magno errore versari eos, qui hunc virum tot tantisque laudibus effertur: sibi ad unguem vero rerum gestarum veritatem esse notam, cui non aliter possit consuli, quam si plane contraria omnia de Moravio scribantur, atque hæcenus sunt scripta. Scio & probe memini, Præses amplissime, dixisse te mihi sæpius, cum in familiari colloquio sermo de hoc Moravio incidisset, omnia te expertum, ut harum rerum veritatem sedula inquisitione invenires; neque aliud comperisse multis interrogatis quam quod scripsisti. Tu vero ignosce mihi, si uni Regi, quem novi certo & fideli auctoritate, & multis pluris apud me sit auctoritas, quam plurium privatorum, ac præsertim factionum zelotarum, & odio partium quidvis etiam in Reges audentium.

*Destinatis ad id Henrico & Rizio.*] Totam historiam falsam esse affirmat Rex Serenissimus, at Buchananus ut rem veram narrat. Num dubitas, utri potius credamus?

*Venit ab Anglia Legatus.*] Dux hic legationes ex Anglia commemorantur, quarum priorem esse commentitiam Regis Majestas affirmat.

*Moravus quamvis nuptias non improbat.*] Ille vero etiam acerrime improbat, & nullum non movit lapidem, quo illæ ne fierent.

*Tum agitata illa horrida libertatis plena questio.*] Fortasse ita est; & reperti sunt inter perfidos subditos, qui hanc questionem agitent; at inter Procures Regni & legitime convocatos Ordines nihil tale disceptatum.

*His accessit ad rem accelerandam potentissimum telum superstitio.*

*Mox, ut prædictionibus fidem datam apparet.*] Hic vero Serenissimus Rex de iis gravissime queritur, qui hanc anilem fa-

bulam primi in literas retulerunt. Est autem, opinor, Buchananus, ille atrox hostis Regine; qui hoc videtur molitus, ut ad contrahendum matrimonium, ex quo natus ipse est, malis artibus ejus parentes videantur esse pelli. Scilicet egregium aliquid ex illo conjugio poterat expectari, quod tam malis avibus esset contractum. Sed vitio ingenii Buchananus utitur. Nos ita potius dicimus: quando ex illa conjunctione tantus Princeps tantæ probitatis & pietatis est editus, omnino fatendum esse, arcana quadam providentia Dei, sine qua nihil alti mens inchoat feliciter, illas nuptias auspiciatissime convenisse.

*Præterea rumores de Elisabetha mortis sparsi.*] Nihil tale referunt, qui præsertes fuerunt, & negotium ex parte gesserunt.

*Sed faminam per se præcipitem postremo impulit Rizius.*] Ecce iterum præcipis famina, iterum Rizius, de quo ante dictum.

*Nam Hamiltonii nullum pacis firmam rationem esse contendebant, nisi Regibus iudicatis.*] Tanti barbaræ sententiæ auctorem unquam fuisse quemquam e gente Hamiltonia, periti rerum constantissime negant.

*Id actum absentibus nobilitatis fere principibus.*] Hic valde pervertitur historia. Nam qui dicuntur fuisse absentes, illi vero perduelles erant, & arma jam sumserint ad impediendum illud matrimonium: sed non ausi fortunam belli experiri contra Regium exercitum, in Angliam se non sine turpi fuga subdlexerant.

*Inde cum ab arce infestarentur, nec amici & longinquis reg.*

*Hic Maxuallius homo impiger.*

*Deinde, re diligentius apud se perpensa.*] Negatur, aut tanta unquam Rizium fuisse gratia apud Reginam, ut hoc posset: aut ullum unquam præsidium Italarum a Regina in Scotiam fuisse accitum. Falsum etiam esse constantissime affirmatur, quod paullo post subjicitur, de subsecuta statim post nuptias Regine poenitentia. Est in ore omnium, qui illis temporibus vixerunt, Regem & Reginam post nuptias peractas aliquamdiu conjunctissimos vixisse in summa concordia,

*Nam*



*Nam cum in nuptialibus acclam.]* Rei veritas ita habet, principio conjugii hoc indulgit merito Regina; ut in subscriptionibus nomen ipsius suo præponeretur: duravitque is mos, ex mera Regine, cujus erat regnum, indulgentia, diutius: tandem orta contentione, Regina quod dederat reperit, & ex eo tempore commune jus est servatum. Cur hoc fastidiosi calumniati sunt? Nonne Maria Angliæ Regina Regis mariti nomini suum semper præposuit? Habet Rex Serenissimus literas ab illustrissimis Archiducibus non alio ordine subscriptas. Quod dicitur de subscriptione unius pro ambobus, commentitium est; illud vero quod de ferreo typo subjicitur, etsi cum moribus regni Scotiæ convenit, non convenit tamen cum legibus; per quas morem hunc non licet usurpare absque decreto Parlamenti; quod decretum fuisse editum scimus, quando divina providentia; Serenissimum Regem Scotiæ in Angliam traduxit.

*Ita Regem omni dignitate spoliatum.]* Negatur a peritis illorum temporum istud factum esse unquam.

*Mensa conviviorum cottidianum adhibuit.]* Si hoc verum esset, poterat videri nobilissima Regina hanc facilitatem a Gallicis moribus in Scotiam invexisse. Nam etiam Reges maximi, cum discedere de fastigio Majestatis suæ juvat amicos honore mensæ suæ dignantur: at negant illorum temporum Scoti, qui hodieque vivunt, hoc factum esse unquam a Regina. Occasionem vero calumniæ datam hoc pa-

cto. Mos est Regum Angliæ & Scotiæ, quoties cibum in privatis cubiculis sumunt, selectos ex interioris admissionis ministris jubere sibi ministrare: hi interdum de sublati e Regia mensa cibis, & in repositoio sive altera ejusdem coenaculi mensa collocatis, stantes aliquid delibant, & brevi cibo pro tempore se reficiunt. Hoc aliquando factitasse dicitur Rizius, & communi more usus: hinc illæ lacrymæ. Cætera vera non sunt, neque item illud, quod *de Regina ad illum itante* sequitur.

*Etiā ei jus suffragii in consilio attribueret.]* Negatur vel in mentem venisse hoc Regine. Jam illud, *cum nec precibus, multo minus minis adhibitis, ab antiquis posses.* Non solum falso, sed etiam inconsulto, dictum a Buchanano contendunt, qui rerum sunt periti. Neque enim moris esse Regibus, quoties aliquem ministrum suum beare opibus voluerint, precibus cum subditis suis agere, ut bonis suis illi cedant. Nam & iniqua sit postulatio, & haberent Reges alias rationes bene de hominibus merendi.

*Cujus clavem penes se semper habebat.]* Non est mos Regum. Non fuit mos hujus Regis.

*Et pulsanti nemo responderet.]* Narrant longe aliter, qui ex veritate narrant.

*Igitur re cum Matthæo parente Levinie Com.]* Constat hunc toto illo tempore ab Aula abfuisse ad X. aut XV. lapidem: constat etiam Regem nulla consilia cum eo communicasse.

F I N I S



I N D E X


# INDEX

Eorum quæ XX. Libris

Rerum SCOTICARUM continentur  
locupletissimus.

Numeri Romani I V X librum; numeri vulgati,  
1 2 3 4 & 6. caput signant.

## A.



- BERCORNUM** *arx*, I. 31. V. 6  
**Aberbrothium** *oppidum*, I. 25  
**Abernethii** *Macduffum Fife Comitem occidunt*, VIII. 13  
**Abernethium**, *Vid.* **Abrenethium**.  
**Abredonia** *oppidum, salmonum piscatu notabile*, I. 26  
**Abredea**, *vetus Abredoniae nomen*, *ibid.*  
**Abrenethium**, *Pictorum regia*, I. 22. 24. V. 58  
— *& sedes Episcopalis*, VI. 3  
**Abria** *regio*, I. 26. V. 8  
**Abridica** *insula*, I. 35  
**Abrinca**, *idem quod Aberbrothium*, I. 25  
**Abthanus** *magistratus nomen*, VII. 19  
**Achajus** *Scotorum Rex*, V. 52  
— *primus Scotorum Regum cum Francis amicitiam init*, 53  
— *Pictis auxilia mittit*, 54  
— *moritur*, *ibid.*  
**Achleccus** (*Joan.*) *pugna occisus*, IX. 32  
**Achnarra** *insula*, I. 36  
**Acho** *Rex Norvegiae praelio victus*, VII. 62  
**Acmodæ** *insula*, I. 32  
**Adami** *insula*, I. 42  
**Adamannus** *Episcopus Scotus*, V. 44  
**Ado** *Viennensis corrigitur*, III. 5  
**Adrianus**, *Vid.* **Hadrianus**.  
*Tom. I.*
- Adulatio** *adolescentium pestis*, XI. 9  
**Æbercurnig** *monasterium*, I. 31. V. 6  
**Æbudæ** *insula*, I. 32  
**Ægidius** *Edimburgensium tutelaris Deus*, XVI. 20  
— *ejus statua facto ablata*, *ibid.*  
— *tumultus ob ejus pompam Edimburgensium*, *ibid.*  
**Ægidius** *Cardinalis in Britanniam venit*, VII. 55  
**Æliotus** (*Thomas.*) *Ejus sententia de antiquo Britannia nomine refutata*, I. 5  
**Ælius** *Pertinax in Britannia*, IV. 36  
**Æmodæ** *insula, quæ & Æbude*, I. 32  
**Æmona** *insula. Canobium in ea fundatum*, VII. 26  
**Æneia**, *sive Angusia*, I. 25  
— *unde nomen habeat*, VI. 2  
**Æneas** *Gallovidianus tumultuatur*, VII. 42  
**Æra** *oppidum*, I. 20  
— *captum*, VII. 35  
**Æra** *amnis*, I. 20  
**Æstii** *Britannice loquebantur*, II. 14  
**Ætius** *Consul Rom.*, III. 11  
— *ab eo Britanni auxilium implorant*, V. 14  
**Æfulla** *insula*, I. 42  
**Agatha** *Margaritæ Scotorum Regina mater*, VII. 16  
*Ag-*

Aaa aa

# I N D E X.

<i>Agathyrſi corpora pingebant,</i>	II. 19	<i>Alexander II. Scotorum Rex deinde Mariam</i>	
<i>Agnes Comitſ Marciſani uxor arcem Dum-</i>		<i>Caciani Comitſ filiam uxorem ducit,</i>	VII. 57
<i>bari adverſus Anglos viriliter defendit,</i>		<i>— moritur,</i>	ibid.
	IX. 25	<i>Alexander III. Scotorum Rex naſcitur,</i>	VII.
<i>Agnorum inſula,</i>	I. 42		57
<i>Agricola (Julius)</i>	I. 22	<i>— coronatur,</i>	58
<i>— res ejus in Britannia geſta,</i>	IV. 26.	<i>— uxorem ducit Margaritam Henrici</i>	
	27	<i>Angli filiam,</i>	ibid.
<i>Aidenus Scotorum Rex,</i>	V. 33	<i>— Cuminiis captus,</i>	60
<i>— Cumbriam ac Northumbriam popu-</i>		<i>— Norvegum devincit,</i>	62
<i>latur,</i>	35	<i>— equi lapſu exſtinctus,</i>	65
<i>— prælio cum Ethelfrido Saxone victor,</i>	V. 36	<i>Alexander Inſulanus prædonum dux Enner-</i>	
<i>— ab eodem viſus,</i>	ibid.	<i>neſſam populatur,</i>	X. 31
<i>— moritur,</i>	ibid.	<i>— Regi ſe dedit,</i>	32
<i>Ainia regiuncula,</i>	I. 28	<i>Alfridus Northumbrie Rex,</i>	V. 44
<i>Alnus Lornenſis fratrem captivum te-</i>		<i>Alifa inſula,</i>	I. 34
<i>net,</i>	XII. 18	<i>Almon fluvius,</i>	I. 18
<i>Alanus Gallovidianus moritur,</i>	VII. 57	<i>Alpa pro Alba, a Sabinis diſta,</i>	I. 15
<i>— ejus ſtirps,</i>	ibid. & VIII. 7	<i>Alpes unde diſta,</i>	I. 19
<i>Albanactus Bruti filius,</i>	II. 4	<i>Alpinus Scotorum Rex,</i>	V. 56
<i>— ab hoc Albani, qui poſtea Scoti,</i>		<i>— regnum Piſtorum petit,</i>	ibid.
<i>diſti ſinguntur,</i>	ibid.	<i>— poſt ſecunda aliquot prælia,</i>	57
<i>Albinich Scoti ſe vocant,</i>	I. 14	<i>— a Piſtis tandem in prælio captus &amp;</i>	
<i>Albinus (Joannes Dux) Vid. Stuartus,</i>	I. 14	<i>occuſus, caputque conto affixum,</i>	V. 58.
<i>Albion Neptuni filius,</i>	I. 14	<i>Altiſſiodorus urbs Gallie,</i>	II. 34
<i>Albium ſive Albion antiquiſſimum Britan-</i>		<i>Amberkelethus cotorum Rex,</i>	V. 45
<i>niæ nomen,</i>	I. 14	<i>Ambianenſis Epiſcopus in Scotia,</i>	XVI. 63
<i>— ejus etymon,</i>	ibid.	<i>— ejus crudelitas,</i>	ibid.
<i>Album non modo coloris, ſed altitudinis</i>		<i>Amicus amicum prodit,</i>	X. 17
<i>nomen fuiſſe,</i>	I. 14	<i>— ab amicis illatæ injuriæ graves,</i>	IX.
<i>— id monſtrare nomina inde derivata,</i>	ibid.		52
<i>Alexander I. Scotorum Rex,</i>	VII. 26	<i>— amici paterni non negligendi,</i>	IV. 16
<i>— Acer diſtus, &amp; quare,</i>	ibid.	<i>Amicitia Principum longinquorum quam pro-</i>	
<i>— quedam canobia condit,</i>	ibid.	<i>pinquorum tutior,</i>	XIV. 20
<i>Alexander II. Scotorum Rex naſcitur,</i>	VII.	<i>Andreas Apoſtolus Hungo Piſtorum Regi per</i>	
	49	<i>quietem viſus victoriam pollicetur,</i>	V. 54
<i>— regnum init,</i>	52	<i>— velut Deus tutelaris a Scotis cultus,</i>	VIII. 20
<i>— Angliam invadit,</i>	ibid.	<i>Angliæ diviſio,</i>	I. 17
<i>— iterum,</i>	ibid.	<i>— Anglia in ſeptem regna diviſa,</i>	V. 34
<i>— atque iterum,</i>	53	<i>— Pontificis Rom. beneficiaria facta,</i>	VII. 53
<i>— uxorem ducit, primum Joſunam</i>		<i>Angli quomodo dicantur toti Britannie im-</i>	
<i>Anglam,</i>	55	<i>perſe,</i>	VI. 17
			A2

# I N D E X.

Angli, exercitus 60000 hominum ab Eduardo III. in Scotos ducitur,	VIII. 52	Arcturo Henrici VII. Angli filio Catharina Hispani filia collocata,	XIII. 17. 20
— Angli milites Gallis minus rapaces,	IX. 52	Ard-an-ridir insula,	I. 38
— a Scoto auxilium adversus suum Regem petunt,	VII. 52. XI. 47	Ardiescara insula,	I. 35
— Scotorum liberatores,	XVII. 6	Ardua insula,	I. 35
— Scotis Regiæ cedis vindicibus subsidio veniunt,	XX. 12	Aremorici, seu Armorici,	I. 9. 13
— Regis & Proregis cedis conscios ag-grediuntur,	17.	Areskinus (Joan.) Areskinie Dominus, & arcis Sterlini præfectus, Jacobi P. edu-cationi præpositus,	XIV. 4. 30
— Angli rebelles Reginam Elizabetham ac Scotorum Regem una opera tollere cu-piunt,	XX. 56	Areskinus (Joan.) Joan. F. Areskinie Do-minus, in Galliam legatus missus	XIV. 49.
Anglica Nobilitas ad Normanos genus re-ferunt,	II. 38	— in Angliam legatus missus,	59
Anglorum vulgus in misera servitute fuit ab usque Gulielmo I. ad Henricum VII.	II. 37	— Regiæ custos datus,	XV. 52
— Anglorum ingens clades,	VIII. 40	— eam in Galliam comitatur,	55
Angusia regio,	I. 25	— arcis Edimburgensis custodia ei credita,	XVI. 4
— unde dicta,	VI. 2	— veteri jure Marrie Comes,	XVII. 26. 34
Angustianus Scotorum Rex,	IV. 48	— arcem Edimb. Regina ab eo petit,	XVIII. 22
Annabella Regina, Vid. Dromunda.		— Jacobo VI. puero catere cupit,	XVIII. 41
Annandia regio,	I. 17. V. 8	— adversus Reginam & Bothuelium conjurat,	ibid. 46.
Annandus fluvius,	I. 17	— hostibus invitis Edimburgum intrat,	XX. 14
Annevici arx a Scotis obfessa,	VII. 22	— cum paucis Reginenses Sterlino expel-lit,	60
Annius (Joan.) fabulose de gentium origi-nibus scripsit,	II. 5	— Prorex creatus,	62
Anselmus Normanus Cantuariæ Archie-piscopus,	VII. 22	Areskinus (Joan.) Dunensis Comarchus An-glos profligat,	XV. 58
Antonius-Pius Lollium Urbicum in Bri-tanniam mittit,	IV. 31	— in Galliam missus,	XVI. 14
Apolecti,	IX. 38. XVII. 2	— puriori religioni addictus,	23
Apostasia a Deo punita,	V. 40	— a Regente arcessitus,	27
Aqua in lapides conversa,	I. 27	— electus qui de concordia ageret,	30
Arania insula,	I. 34	Areskinus (Nic. & Tho.) Rob. filii An-glos pellunt,	IX. 47
Arboraria insula,	I. 35	Areskinus (Rob.) arcium Britannoduni, Sterlini & Edimburgi præfectus,	IX. 49
Arcturus Uterii filius ex adulterio,	V. 22	— Duglassio regnum petenti obstat,	ibid.
— Brittonum Rex,	V. 24	Argadus Scotiæ Prorex,	IV. 33
— Saxones vincit,	ibid.	— accusatus panam deprecatur,	33
— lethaliter vulneratus,	28	Argathelia regio,	I. 23
— ejus elogium,	ibid.	Armi corpora pingebant,	II. 19
		Aaa aa 2	Armi-



<i>Armistrangius (Joan.) latronum Dux la-</i> <i>queo strangulatus,</i>	XIV. 39	<b>B.</b>	
<i>Arnotus (Michael)</i>	IX. 18	<b>BACA insula,</b>	I. 38
<i>Arrogantia potentie comes,</i>	XII. 26	<i>Badenacha regio,</i>	I. 26
<i>Asclepiodotus Allectum interemit,</i>	IV. 45	<i>Balaenarum copia in Leogo,</i>	I. 43
<i>Askerna insula,</i>	I. 39	<i>Balfurius (Hen.) falsum Regi testamentum</i> <i>subjicit,</i>	XV. 1
<i>Assentatio opulentie comes,</i>	XI. 32	<i>Balfurius (Jac.)</i>	XVI. 45
<i>Assentatorum aulicorum supplicium,</i>	XII. 45	<i>— arcis Edimburgense custos,</i>	XVIII. 43-49
<i>Astrologicarum predictionum studiis aulici</i> <i>additi,</i>	XII. 34-37	<i>— ad Reginae partes se adjungit,</i>	XIX. 3
<i>Astyla, insula ita dicta,</i>	I. 42	<i>— eo auctore Regina res domi turbare co-</i> <i>natur,</i>	20
<i>Athelstanus Danica gentis imperator, a</i> <i>Pictis acie casus,</i>	V. 54	<i>— comprehendj jussus,</i>	47
<i>Athelstani vadum,</i>	ibid. V. 54	<i>— venia donatus,</i>	48
<i>Athelstanus Eduardi Angli notus Scotos</i> <i>&amp; Danos bello superat,</i>	VI. 16	<i>Balliolus, Vid. Joannes &amp; Eduardus.</i>	
<i>— non totius Britanniae Rex,</i>	I. 11. VI. 17	<i>Balnavius (Hen.) Moravium cum aliis in</i> <i>Angliam comitatur,</i>	XIX. 16
<i>Athirco Scotorum Rex,</i>	IV. 40	<i>Balachus (Donaldus) Abriam vastat,</i>	X. 34
<i>Atholia regio fertilis,</i>	I. 25	<i>— ejus occisi caput ad Regem mittitur,</i>	X. 37
<i>— maleficarum mulierum copia infamis,</i>	XI. 58	<i>Balta insula,</i>	I. 50
<i>Attacotti,</i>	II. 22	<i>Bancho Abriae Thanus,</i>	VII. 3
<i>— a Scetis diversi,</i>	ibid.	<i>— cum Macbetho adversus rebelles missus,</i>	4
<i>Auctoritas ut bonis artibus comparatur, ita</i> <i>malis amittitur,</i>	XVIII. 46	<i>— eos concidit,</i>	ibid.
<i>Aven &amp; Avon, i. e. fluvius,</i>	I. 20. II. 36	<i>— Danos superat,</i>	7
<i>Avennus fluv.</i>	I. 20	<i>— Macbetho interemitus,</i>	10
<i>Augustinus Monachus in Britanniam a</i> <i>Gregorio Pont. Rom. missus,</i>	V. 36	<i>Bannatinus (Jo.) Duglassorum cliens,</i>	XIV. 35
<i>— se totius Britanniae Archiepiscopus edit,</i>	ibid.	<i>Banocus amnis,</i>	VIII. 37
<i>Aula utile honesto plerumque praeposit,</i>	X. 14	<i>— Anglorum clade nobilis,</i>	40
<i>— Aula pestis adulescentes,</i>	XIII. 23	<i>Barclajus (David) Gul. Bullocum interficit,</i>	IX. 31
<i>— Aula Gallica corruptissima,</i>	XVII. 23	<i>Bardi qui,</i>	II. 2
<i>Avon, Vid. Aven.</i>		<i>— in summo honore apud Gallos &amp; Bri-</i> <i>tannos,</i>	II. 23
<i>Avona insula,</i>	I. 35	<i>Barneraia insula,</i>	I. 42
<i>Aurelius Ambrosius,</i>	V. 18	<i>Barodunum oppidum unde dictum,</i>	VI. 2
<i>— ejus origo,</i>	ibid.	<i>Baronia, sive Renfroa, regio,</i>	I. 20
<i>Avus lacus &amp; fluvius,</i>	I. 23	<i>Barra insula,</i>	I. 40
		<i>Bas Alpin, locus ubi Alpinus casus,</i>	V. 58
		<i>Bassianus legatus Rom. in Britannia,</i>	IV. 45
		<i>Bassincti, alias monachi marini, pisces in-</i> <i>ter ostenta numerati,</i>	VI. 9
		<i>Bata-</i>	

# I N D E X.

<i>Batavorum classis Dantisco rediens, ab Alexandro Comite Marrie spoliata,</i>	X. 44	<i>Betonius (David) falsum testamentum Regi subicit,</i>	XV. 1
<i>Beathia insula,</i>	I. 36	<i>— se Proregem eligendum curat,</i>	3.
<i>Beatrix Milcolumbi II. filia Duncani mater,</i>	VII. 2	<i>— ac fraude detecta, honore dejicitur,</i>	ibid.
<i>Beckethus (Thomas) Cantuarie Archiepiscopus,</i>	VII. 64	<i>— in custodiam datus, ac brevi post dimissus,</i>	4
<i>Beda notatur,</i>	IV. 30	<i>— ruinam Ecclesie Papane imminentem avertere conatur,</i>	6
<i>— ejus locus explicatur,</i>	II. 41	<i>— pecunia a Gallo missa se fraudatum indignatur,</i>	13
<i>Bei quid significet,</i>	I. 31	<i>— Levinium inani spe luctat,</i>	12
<i>Belgæ equites ab Anglo exciti,</i>	VIII. 51	<i>— a Mongomerio gravissime arguitur,</i>	28
<i>Bellach insula,</i>	I. 35	<i>— in puriori religionis cultores sevitia,</i>	29. 32
<i>Belli Sacri prætextu Romanenses argento simplices emungunt,</i>	VII. 64	<i>— filiam suam filio Comitis Crafordie despondet,</i>	39
<i>Bellomontius (Henricus) unus ex Eduardi Ballioli ducibus,</i>	IX. 5. 16	<i>— in sua arce trucidatus,</i>	40
<i>— captus,</i>	IX. 24	<i>Betonius (Jac.) Glascae Archiepiscopus, Luglassio inimicus,</i>	XIV. 12
<i>Belnahua insula,</i>	I. 35	<i>— ab eo ad latebras compulsus,</i>	30
<i>Belus Orcadensium Rex sibi manum infert,</i>	IV. 19	<i>— in Galliam missus,</i>	XVI. 14
<i>Berg, Germanis altum significare,</i>	I. 15	<i>Bigga, insula,</i>	I. 5
<i>Bergion gigas, Neptuni filius,</i>	I. 14	<i>Bilectus (Gul.) in Hibernia exulat,</i>	VII. 57
<i>Bernera insula,</i>	I. 35	<i>Blacaterus (Patricius) ab Joanne Humio interemptus,</i>	XIV. 26
<i>— alia,</i>	39	<i>Blacaterus (Robertus) Coldingamie Abbas cæsus,</i>	XIV. 26
<i>— alie due,</i>	42	<i>Blandium, potionis genus,</i>	I. 33
<i>Berthæ pars magna inundatione Tai amnis diruta,</i>	VII. 50	<i>Blara regio,</i>	I. 25
<i>Berton pro Breton,</i>	I. 6	<i>Bodia (Græcina) Alexandro Forbosio uxor data,</i>	XIII. 9
<i>Bervicum oppidum,</i>	I. 17	<i>Bodiorum contra Kennedos factio,</i>	XII. 21.
<i>— a Joanne Anglo captum &amp; incensum,</i>	VII. 52	<i>— regni administrationem ad se traducunt,</i>	22
<i>— Scotis restitutum,</i>	54	<i>— ejus familie calamitas,</i>	29. 31
<i>— ab Anglis captum,</i>	VIII. 15	<i>Bodius (Alex.) Regem blanditiis capit,</i>	XII. 21
<i>— a Scotis receptum,</i>	42	<i>— Jo. Kennedum vulnerat,</i>	22
<i>— ab Anglo obsidetur,</i>	45	<i>— capite luit,</i>	29
<i>— arx a Scotis capta,</i>	IX. 43	<i>Bodius (Robertus), Jacobum Stuartum interficit,</i>	XI. 23
<i>— iterum ab Anglis capta,</i>	ibid.		
<i>— oppidum ab Henrico VI. Scotis restitutum,</i>	XII. 3		
<i>— Anglis rursus deditum,</i>	49		
<i>Berubium promontorium,</i>	I. 31		
<i>Betonius (Archibaldus)</i>	XV. 48		
<i>Betonius (David) Cardinalis, &amp; Fani Andree Archiepiscopus, in Galliam missus,</i>	XIV. 45. 53		

# I N D E X.

Bodius ( <i>Robertus</i> ) Cancellarius, inter alios		Braid Albin regio,	I. 24
Regis custodiæ adhibitus,	XII. 17	Braia insula,	I. 50
— Prorex creatur,	25	Breccantia oppidum,	II. 32
— exul in Anglia moritur,	29	Brechinius ( <i>David</i> ) supplicio affectus,	VIII. 46
Bodius ( <i>Robertus</i> ) ab Hamiltoniis obsessus,	XIV. 12	Bredius Insulanus ab Edero profligatus,	IV. 20
— adversus Reginam & Bothuelium cum aliis conjurat,	XVIII. 41	Brendinus in acie cæsus,	V. 34
— a Prorege deficit,	XIX. 7	Brennos duos fuisse, neutrumque Britannum, adversus Luddum probatur,	III. 47
— literas ad Proregem ex Anglia adfert,	38	Brettæ, fæminæ Brittanicæ,	I. 6
— ad Mortonium scribit,	XX. 6	Brettanicæ insule, apud Stephanum, pro Brittanicæ,	I. 5
— cum Hamiltoniis & Argathello consilia confert,	7	In BRIA, BRIGA & BRICA definitia urbium nomina,	II. 31
— a Levinio Prorege in fidem receptus,	25	Briennus lacus,	I. 42
Bodius ( <i>Tho.</i> ) carceri inclusus,	X. 26	Brigantes & Brigiani,	II. 32
— Alanum Stuartum interficit,	XI. 8	D. Brigidæ ædes incensa,	XII. 19
— ab ejus fratre occisus,	Ibid.	Brigidana insula,	I. 36
Bodius ( <i>Tho.</i> ) Cancellarii filius, Regis sororem uxorem ducit,	XII. 26	Britanni Gallorum coloni,	I. 13. II. 13
— Araniæ Comes creatus, ac in Dantiæ legatus missus,	27	— Britannorum origo fabulosa,	II. 4
— hostis publicus judicatus.	29	— corpora pingebant,	19
— Carolo Burgundo operam navat,	30	— olim sexum in imperiis non discebant,	III. 3. Vid. Brittones.
— ejus liberi,	Ibid.	Britanniæ descriptio, I. 1. & deinceps.	
— Antverpiæ diem obit,	31	— ejus nomen controversum,	2
Bodotria fluv. qui nunc Fortba,	IV. 11	— non primum a Julio Cæsare Latinis literis commendatum,	4
Boethius ( <i>Hector</i> ) reprehenditur,	I. 17. 22. 25. 31. VII. 49	— quomodo a Græcis Latinisque scriptoribus prolatum,	5
— laudatur, & adversus Luddum defenditur,	III. 47	— quibusdam Historicis eo nomine sola provincia Romana appellata,	I. 11. II. 41
— vindicatur,	VIII. 16	— magni inde errores nati,	VI. 17. I. 11
Bogia regio;	V. 8	— quo tempore a peregrinis gentibus occupata,	II. 40. 42
Boina regiuncula,	I. 28	— ejus ex Cæsare aliisque veteribus descriptio,	III. 2. & deinceps.
Bombardarum usus in Scotia,	XI. 49	Britannicarum gentium origo,	II. 1. & seq.
Bota insula,	I. 34	Britannodunum arx & oppidum,	I. 23
Bota oppidum Scotis deditum,	VIII. 35	— arcis situs & natura,	XX. 28
Bothuelius ( <i>Adamus</i> ) Orcadum Episcopus Mariam Reginam Jac. Heburno Bothueliæ Comiti connubio jungit,	XVIII. 30	— a Prorege capta,	32
— legatus cum aliis in Angliam proficiscitur,	XIX. 15	Britannus Herculis & Celtus filius,	I. 13
Bracara urbs Hispaniæ,	II. 12		II. 15
Bradus ( <i>Rob.</i> ) cæsus,	IX. 23		Bri-

# I N D E X.

- Britannus** (*And.*) *Mercator Scotus a Lusitanis casus*, XIII. 27  
 — *Andreas ejus filius Lusitanos multis damnis afficit*, ibid.  
 — *a Thoma Havarto casus*, 28  
**Britannus** (*Joan.*) *Richemondiae Comes praelio captus*, VIII. 47  
**Britannus** (*Rob.*) *antica gratia florens*, XIV. 38  
**Britto** *gemino TT*, I. 6  
**Brittones** *a Martiale primum nominati*, I. 12  
**Brittones** [*sive Britanni*] *eorum origo*, II. 15  
 — *quo armorum genere uti sint*, ibid.  
 — *500 annis sub imperio populi Rom.* 37  
 — *a Saxonibus subjugati*, ibid.  
 — *Scotos laceffunt*, IV. 31  
 — *a Romanis opem petunt*, V. 2  
 — *legionem unam impetrant, ejus auxilio Scotos Pictosque praelio superant*, ibid.  
 — *a Scotis Pictisque trucidantur*, 3  
 — *aliam a Romanis legionem accipiunt*, ibid.  
 — *a Scotis & Pictis miserabiliter trucidati*, 7. 12. 13  
 — *eorum ad Aetium Consulem literae*, 14.  
 — *Saxones arcessunt*, 15  
 — *in peninsulam Walliam compulsi*, 34  
 — *ex Joannis Evangelistae discipulis Christianismum edocti*, 36  
**Brix** *Scotis ruptura, inde diminutivum Brixac*, II. 26  
**Brudeus** *Pictorum Rex*, V. 35  
**Brudus** *Pictorum Rex*, V. 57  
**Brudus** *alter Pictorum Rex*, ibid.  
**Brunus** (*Richardus*) *majestatis convictus*, VIII. 46  
**Brussia** (*Maria, vel potius Marjoria*) *Roberti I. filia, regni haeres designata*, VIII. 42  
**Brussius** (*Alexander*) *Eduardi Regis Hiberniae notbus, Caristae Comes, se Balliolo dedit*, IX. 9  
 — *a Scotis captus*, ibid.  
 — *ad Halidonem casus*, 14  
**Brussius** (*David*) *Roberti I. frater*, VIII. 28  
**Brussius** (*Eduardus*) *Roberti I. frater prospere pugnat*, VIII. 34  
 — *Sterlini arcem obsidet*, 35  
 — *proximus post Regis stirpem masculam regni haeres declaratus*, 42  
 — *ab Hibernis Rex appellatus*, 43  
 — *praelio casus*, ibid.  
**Brussius** (*Nigellus*) *item Thomas & Alexander, fratres Roberti I. capite multati*, VIII. 30  
**Brussius** (*Robertus I.*) *Annandiae Dominus Isabellam Dav. Hundintonii filiam ducit uxorem*, VIII. 4. 7  
**Brussius** (*Robertus II.*) *Annandiae Dominus regni Scotici competitor*, VIII. 3  
 — *ejus genealogia*, 7  
 — *magnanimum ad Regem Angliae respondit*, 12  
**Brussius** (*Robertus III.*) *Rob. F. Rob. N. Caristae Comes (Martha haerede uxore ducta) appellatus*, VIII. 7  
 — *regnum Scotorum ab Anglo ei promissum*, 15. 16  
**Brussius** (*Robertus IV.*) *Rob. F. Rob. N. Rob. P. Scotorum Rex. Vid. Robertus I.*  
**Brussius** (*Robertus*) *Caristae Comes, Eduardi Regis Hiberniae notbus*, IX. 6  
 — *in praelio ad Duplinum casus*, 7  
**Brussius** (*Robertus*) *Arthianus capite luit*, XI. 24  
**Brussius** (*Thomas*) *Caristae Comes, alter Eduardi R. Hiberniae notbus, Rob. Stuarto se adjungit*, IX. 20  
**Bruti** *historia*, II. 4  
 — *refutatur*, 5  
**Buchananus** (*Georgius*) *Historiae Scoticae scriptor, Lutheranismi suspectus, sopitis custodibus per cubiculi fenestram evadit*, XIV. 55  
 — *Moravium Proregem cum aliis in Angliam comitatur*, XIX. 16  
**Buchania** *regio*, I. 27  
 — *unde dista*, V. 8  
**Buia**,



# I N D E X.

Buia, seu Buja, major, & minor, insula, I. 39  
 — item, 40  
 — item alie due, 42  
 Bullocus (Gul.) Anglus ad Scotos deficit, IX. 27  
 interficitur, 31  
 Bullus (Stephanus) Anglus navali praelio victus, XIII. 6  
 Burgundus a Burgo, II. 32  
 Burra insula, I. 49  
 — alie due, 50  
 Buja, Vid. Buia.

## C

**CADALLANUS** Scotorum Prorex, IV. 21  
 Caduallus Scotorum Prorex, IV. 18  
 Cæcilia Eduardi IV. Angli filia Jacobo Scoti filio promissa, XII. 40.  
 Cæsar non primus Britannia meminit, I. 4  
 — ex ingenio emendatus, II. 36  
 — Britannia ex ejus Comment. desumpta descriptio, III. 2  
 Calden Scotis corylus, I. 25. II. 22  
 Caledonia oppidum, I. 25. II. 22  
 — Caledonia silva, ibid.  
 Caledones & Caledonii, I. 25  
 — eos fuisse Pictos, II. 22. 40  
 — nominis etymon, 22  
 Calsa insula, I. 38  
 Cambellus (Alexander) Dominicanus, ejus interitus memorabilis, XIV. 32  
 Cambellus (Calenus) familie sue Princeps Roberto Stuardo. Prorege se adjungit, IX. 19  
 Cambellus (Calenus, vel potius Duncanus) Caleni F. Dominus Argathelie Regis Jacobi I. ad suos reducendi auctor, X. 25  
 Cambellus (Calenus) I. Argathelie Comes XII. 18  
 — Alanum Lornensem, fratre liberato, in carcerem conjicit, ibid.  
 Cambellus (Gilespicus, seu Archibaldus)

II. Argathelie Comes, unus e Scotis ad Fluidonem ducibus, XIII. 38  
 Cambellus (Calenus) III. Argathelie Comes, unus e Scotie Rectoribus ab Albino Prorege constitutus, XIV. 9. 26  
 — a Duglassio alienatus, ibid.  
 — adversus Duglassios missus, 37  
 Cambellus (Gilesp. seu Archib.) IV. Argathelie Comes, delectus qui cum Jacobo (postea Moravia Comite) coronam matrimonialem Delphino ferret, XVI. 24  
 — a Regente ad purioris religionis vindicem missus, 30  
 — ad eos se adjungit, 33  
 — exilio multatus, XVII. 49  
 — unus e conjuratoribus adversus Reginam & Bothuelium, XVIII. 41  
 — consilia cæterorum Regine prodit, ibid.  
 — eum suis partibus adungere Moravius conatur, 55  
 — ad conventum publicum venit, 56  
 — Regine causam tuetur, XIX. 3. 7  
 — copiarum Regine dux, repentino dolore correptus, 10  
 — se Regi subditum profiteri recusat, 31  
 — Glasquam venit, 34  
 — ejus modestia, ibid.  
 — a Prorege in gratiam recipitur, 35  
 — de Metellano judicium turbare nititur, 51  
 — Edimburgum venire renuit, XX. 6  
 — ejus auctoritas magna, 7  
 — frater tamen ejus & clientes eum adversus Regem sequi nolunt, ibid.  
 — in Argatheliam cum Hamiltonio discedit, 17  
 — se Prorege eligendo pariturum jurejurando promittit, 62  
 Cambellus (Gilesp.) perduellionis accusatus, XIV. 54  
 — dum evadere conatur, casu exstinctus, ibid.  
 Cambellus (Hugo) præfectus juridicus Aeren-sis, Cassiliffæ Comitum tollendum curat, XIV. 30  
 Cam.

# I N D E X.

Cambellus ( <i>Hugo</i> ) injus vocatus solum ver-	XIV. 30	Carolus VII. Francorum Rex, cum Del-	X. 20
— pro prioris religionis cultu cum aliis		finus, a Scotis auxilium petit,	
Regentem deprecatur,	XVI. 25	Carolus V. Imperator ad Scotum de affi-	XIV. 47
Cambellus ( <i>Jacobus</i> ) capite plectitur,	X. 30	— nitate jungenda legatos mittit,	
Camber, <i>Bruti</i> filius,	II. 4	— mater ejus cur perpetuæ custodiæ tra-	XX. 38
— ab hoc Cambri dicti,	ibid.	Carolus Burgundus ab Helvetiis prælio in-	XII. 37
Camerius ( <i>David</i> ) <i>Botbuelii</i> clions,	XVIII. 2	— terfectus,	
Camelodunum,	I. 22. IV. 37	— mors ejus ab Astrologo prænnunciata,	ibid.
Cames arx,	I. 34	— hic tyrannidis fundamenta jecit,	XII. 62
Campus Lapidens,	I. 14	Carolus Gustus Cardinalis Lotharingus,	
Camus Danorum dux a Scotis occisus,	VI. 50	— unæ Regine Mariæ Curatoribus,	XVI. 3
		— ejus avaritia elusa,	7.
Cana insula,	I. 36	Carron fluvius,	I. 21. IV. 37. 38.
Canemora arx,	IX. 23	Carruderus ( <i>Gul.</i> ) <i>Stuarto</i> se adjungit,	IX. 20
Canna insula,	I. 38	Carthus fluvius,	I. 20
Cantiera regio,	I. 23. 35	Carus ( <i>And.</i> ) <i>Cesfordius</i> ,	XII. 22
Cantium Angliæ regio,	III. 2	Carus ( <i>And.</i> ) <i>And. N. Cesfordius</i> , patris	
Cap-bretton, promontorium Aquitaniæ,	I. 6	— mortem ulciscitur,	XIII. 26
Capraria insula,	I. 35	— occisus,	XIV. 27
Caraia insula,	ibid.	Carus ( <i>And.</i> ) a Duce Norfolciæ captus,	XVI. 13
Caralia oppidum,	I. 24	— cedis Darleane conscius,	XVIII. 42
Carantius <i>Athirconis</i> filius,	IV. 40	Carus ( <i>And.</i> ) <i>Farnibestius</i> in custodiam da-	XIV. 7
— Findocum Regem fratrem suum interi-		— tus,	
— mendum curat,	42	— effugit,	8
Caratacus Scotorum Rex,	IV. 23	— inter eum & Angusiæ Comitem dissi-	11
Carausius Romanus Britannias occupat, &		dium,	
— purpuram sumit,	IV. 45	Carus ( <i>Marcus</i> ) in custodiam datus,	XIV. 39
— ab Allecto occisus	ibid.	Carus ( <i>Robertus</i> ) <i>Cesfordius</i> , ab Anglis in-	XIII. 26
Cariæta regio,	I. 20	— terfectus,	
Carleolum a Scotis captum,	VII. 52	Carus ( <i>Thomas</i> ) <i>Farnibestius</i> , Angliam ser-	XX. 1
— Anglis restitutum,	54.	— ro flammæque sædat,	
Carnagius ( <i>Rob.</i> ) <i>Kinnardius</i> , a Gallo in		— ad socerum suum epistolam scribit,	6.
Scotiam remissus,	XVI. 1	— Jedburgum oppugnare parans, in fugam	XX. 66
Carnicrucius ( <i>Rob.</i> ) <i>Quæstor</i> Regius,	XIV. 34	— vertitur,	
— Abbas Sanctæ Crucis novo <i>Simonie</i>		Carus ( <i>Valterus</i> ) <i>Cesfordius</i> ,	XVIII. 42
— genere factus,	35		XX. 66
— ab aula remotus,	ibid.	Cassivellaunus Britannorum dux,	III. 2
Carolus V. Francorum Rex, vetus cum		Castellum puellarum, i.e. Edimburgum,	VI. 2
Scotis fœdus renovat,	IX. 43	Catalaunum Galliæ oppidum,	X. 53
Carolus VI. Francorum Rex filium suum		Cathanielia regio,	I. 30
exheredit,	X. 20	— ejus etymon,	V. 8
— moritur.	23		
Tom. I.		Bbb bb	Ca-

# I N D E X.

Cathanesienses Episcopum suum occidunt,	VII. 56	Cocburnus (Gul.) Hunderlandius capitali supplicio affectus,	XIV. 39
Cathedra marmorea (Scotorum Palladium) ex Argathelia Sconam a Kennetho II. translata,	VI. 3	Cocburnus (Joan.) Ormistonius a Botbuelio captus,	XVI. 46
— ab Eduardo I. Anglo Londinum missa,	VIII. 26	Cocburnus (Ninianus) praefectus equitum in Gallia,	XVIII. 50
Cellæ priscis Scotis templa dicuntur,	IV. 46	Cocburnus (Patricius) Dalkethi arcis praefectus eam adversus Duglassios strenue defendit,	XI. 38
Cella Patricii (Rogerius a)	VIII. 28	Cocheranus (Rob.) ex architecto aulicus factus,	XII. 37
Cella Patricii (Rogerius a) Nitbiam Scotis restituit,	IX. 36	— & Marria Comes,	46
Celestinus Pont. Rom. Palladium in Scotiam mittit,	V. 16	— suspendio vitam finit,	45
Celtiberi a Celtis,	II. 13	Coila regio,	I. 19. IV. 5
— Cerialis. Vid. Petilius.		Coilus Brittonum Rex,	IV. 5
Ceulinus Occidentaliū Saxonum Rex,	V. 34	— praelio cæsus,	ibid.
Christi natalis profanatio,	V. 24	Colca, genus avis,	I. 44
— Julia vulgo vocata,	ibid.	Colchoniū (Joan.) ab Ebudanis interemtus,	XI. 10
Christianareligio in Scotia promovetur,	IV. 46. V. 8. 16	Coldingamiæ cenobium conditum,	VII. 29
Christiani fœdere juncti adversus Danos,	VI. 12	— crematum,	52
Christiernus Danus cum tota stirpe regno exactus,	XX. 38	Colestius (Joan.) Crafordium deserit,	XI. 39
Chualsa insula,	I. 50	Colla insula,	I. 38
Cialinus Saxonum dux a Scotis cæsus,	V. 35	Collegium Judicum Edimburgi primo institutum,	XIV. 43
Cimbri Gallis & Germanis latrones dicti,	II. 45	Collinius (Gaspar)	XX. 13
Clacmanana praefectura,	I. 24	Colmannus Episcopus,	V. 41
Clanchatan & Clanchameron duæ priscorum Scotorum tribus se mutuo trucidant,	X. 31	Coluanfa insula, alia,	I. 36. 38
Clarentiæ Dux a Scotis occisus,	X. 21	Colvillius (Jac.) ab aula remotus,	XIV. 38
Claudii Cæsaris templum,	I. 22. IV. 38	Colvillius (Rich.) Joannem Achleccum interimit,	XI. 32
Clemens Scotus, vir doctus,	V. 53	Columba Scotus, vir sanctissimus,	V. 33
Cludanus amnis,	I. 19	— ejus summa auctoritas,	ibid.
Cnapdalia regio,	I. 23	— Scotorum de Saxonibus victoriam eadem hora sodalibus suis renunciat,	35
Cobesa insula,	I. 49	— moritur,	36
Cocburni Saltus,	I. 18	Columbæ insula, alia,	I. 37. 42
Cocburnus (Gul.) Darsum Gallum occidit,	XIV. 10	Columbaria insula,	I. 36
		Columna insula,	I. 36
		Comes stabuli, seu Magister Equitum,	X. 22
		Commodus Imperator,	V. 36
		Conanus Britto pacem suadens a multitudine seditiose confoditur,	V. 11
		Co-	

# I N D E X.

Conanus Scotorum Prorex,	IV. 13	Corbredus II. primus Scotorum cum Romanis signa contulit,	IV. 26
Conarus Scotorum Rex, particeps conjurationis in patrem,	IV. 31	Cornavii,	I. 31. II. 36
— cum Romanis confligit,	ibid.	Cornovallia & Cornovalli,	I. 31. II. 26
— voluptatibus se immergit,	ibid.	Corskera insula,	I. 36
— in cellam inclusus	32	Corylus arbor apud Caledonios frequens, indeque genti nomen,	I. 25
— in custodia vitam finit,	33	Covalia regio,	I. 23
Confraius (Radulphus) Anglorum dux devictus,	VIII. 24	Cracoviaca oppidum,	I. 48
Congallus I. Scotorum Rex,	V. 19	— crematum,	XVI. 18
Congallus II. Scotorum Rex,	V. 55	Crafordius (Tho.) Jordanbillius, Gul. Metellanum cædis Regiæ postulat,	XIX. 47
Congregationis nomen a religionis reformatæ vindicibus assumptum,	XVI. 21	— arcis Britannoduni capiendæ socius,	XX. 27
Conscientia sceleris animum quietum esse non finit,	VI. 40	Carthilinthus Scotorum Rex,	IV. 45
Constantiensis concilii decretum perjuri oportunum,	XV. 7	Carthilinthus Merniæ princeps Cruthinetum avum suum trucidat,	VI. 24
Constantinus Magnus Imperator,	IV. 45	— morte multatus,	25
Constantinus I. Scotorum Rex,	V. 17	Crea fluvius,	I. 19
Constantinus II. Scotorum Rex,	VI. 7	Crepitaculis equi Anglorum territi,	IX. 41
— disciplinam publicam instaurat,	ibid.	— eorum forma,	ibid.
— Danos cedit,	8	Cressinghamius (Hugo) Scotiæ Questor ab Anglo constitutus,	VIII. 17
— ab iis occiditur.	ibid.	— a Valla prælio victus & casus,	20
Constantinus III. Scotorum Rex,	VI. 15	Crichtonia (Margarita) ex Gul. Crichtonio & sorore Regis genita,	XII. 51
— cum Danis fœdus init,	ibid.	Crichtonius (Geo.) Episcopus Caledoniæ,	XIV. 26
— regno ejerato fit Monachus,	17	Crichtonius (Gul.) Scotiæ Cancellarius,	XI. 1
Constantinus IV. cognomento Calvus, Scotorum Rex,	VI. 42	— a Regina crepto filio Rege deceptus,	4
— adversus legem a Kennetbo III. sanctam declamat,	ibid.	— Regem a Lewisonio abducit,	11
— a Kennetbo confectus,	44	— in ius vocatus, venire recusat,	20
Constantinusa Brittonibus dux electus,	IV. 54	— obsessus Regi se dedit, ac in pristinam dignitatem restituitur,	22. 34
Constantinus alius Brittonum Rex creatus,	V. 14	— in Galliam missus,	25
Constantinus Cadoris filius ab Artuuro regni Britannici hæres constitutus,	V. 27	— insidias Duglassii evadit,	35
Constantius Chlorus Constantini Magni pater,	IV. 45	— ejus mors,	45
Convallus Scotorum Rex,	V. 21	Crichtonius (Gul.) Gul. Cancellarii nepos, III. Crichtoniæ Regulus omnium consiliorum Alexandro Albino adversus fratrem suum Jacobum III. auctor,	XII. 50
— vitæ sanctitate insignis,	ibid.	Bbb bb 2	- ve.
— sacerdotes proventibus ditat,	ibid.		
Corbredus I. Scotorum Rex,	IV. 24		
Corbredus II. cognomento Galdus Scotorum Rex,	IV. 26		
	VI. 45		



# I N D E X.

- *venia donatus*, XII. 50  
 — *iterum accusatus, atque aqua & igni ipsi interdictum*, ibid.  
 — *sororis Regiæ pudicitiam violat*, 51  
 — *Regi reconciliatus*, ibid.  
*Crichtonius (Gal.) Sanctbarius cæsus*, XV. 65  
*Crocus Gallus legatus, Regiæ nuptias cum Botbuelio improbat*, XVIII. 20. 30  
 — *ad Gallum literas mittit*, 50  
 — *pacem inter Reginam & conjuratos conciliare nititur*, 47  
*Crudeles crudelis manet exitus*, V. 61  
*Crudelitatis insigne exemplum*, X. 10  
*Crulinga insula*, I. 39  
*Culbrenina insula*, I. 35  
*Culdei, antiquum apud Scotos Monachorum genus*, IV. 46  
 — *hoc est, Dei cultores*, VI. 17  
*Culenus Scotorum Rex*, VI. 23  
*Culenus (Jac.) captus supplicioque affectus*, XX. 54  
*Culrossia oppidum unde dictum*, VI. 2  
*Culrossiana præfectura*, I. 24  
*Cumbra insula major & minor*, I. 34. VII. 62  
*Cumbri & Cumri*, II. 45  
*Cumbria Angliæ provincia Scotis reddita*, VI. 12  
 — *titulus heredum Scotiæ ac regni augurium*, VI. 15. 36. 38  
 — *Scotis ademta*, VI. 16  
 — *restituitur*, 18  
 — *ea conditione, ut qui proxime successurus pro ea sacramentum Anglorum Regi diceret*, ibid.  
*Cuminiorum potentia magna*, VII. 58. 60  
*Cuminus (Alex.) Buchaniæ Comes*, VII. 60  
 — *captus*, 64.  
*Cuminus (David) Atholiæ Comes, unus ex Eduardi Ballioli ducibus*, IX. 5. 16  
*Cuminus (David) ab Anglo rei Scotiæ præfectus*, IX. 19  
 — *in Brussii verba jurare coactus*, 20  
 — *Anglo tamen se rursus adjungit*, 22  
 — *pro Rege ab Anglo in Scotia relictus*, 23  
 — *cæsus*, ibid.  
 [verum ejus nomen erat David Strabolgus.]  
*Cuminus (Joan.) Buchaniæ Comes adversus rebelles missus*, VII. 56  
*Cuminus (Joan.) Alex. J. Buchaniæ Comes, unus e sex Scotiæ Rectoribus*, VIII. 1  
 — *Cumbriam & Northumbriam populatur*, 17  
 — *Scotorum Prorex electus*, 24  
 — *Anglos ad Roslinum devincit*, 23  
 — *Roberto I. adversatur*, 31  
 — *de induciis fraudulenter agit*, ibid.  
*Cuminus (Joan.) Badenachæ Regulus, unus e sex Scotiæ Rectoribus*, VIII. 1  
*Cuminus (Joan.) Badenachæ Regulus, Ruber dictus*, VIII. 27  
 — *ejus in Robertum I. perfidia*, 28  
 — *cæsus*, ibid.  
*Cuminus (Tho.) capite multatus*, IX. 23  
*Cuminus (Valterus) Taichæ Comes*, VII. 60  
*Cuminus (Valterus) cæsus*, IX. 9  
*Cuminus (Valterus alter) cæsus*, IX. 23  
*Cunicularia insula*, I. 35  
 — *alia*, 39  
 — *alia item Sigrana magna dicta*, 42  
*Cunigamia regio*, I. 20  
 — *vocis etymon*, VI. 2  
*Cunigamii ab Hamiltoniis superati*, XV. 19  
*Cunigamius (Alexander) I. Glencarniæ Comes occisus*, XII. 61  
*Cunigamius (Alex.) V. Glencarniæ Comes Proregi obses pro patre datus*, XV. 14  
 Cuni-

# I N D E X.

Cunigamius ( <i>Alexander</i> ) ad Regentem orator missus ,	XVI. 25	Darius ( <i>Antonius</i> ) Gallus , Marcie ac Lothiane praefectus ,	XIV. 9
-- electus qui de concordia ageret ,	30	-- a Gul. Coeburno occisus ,	ibid. 10
-- exilio multatus ,	XVII. 49	David I. Scotorum Rex ,	VII. 27
-- a Regina arcessitus ne de Botbuelio iudicium haberet ,	45	-- monasteria aedificat ,	ibid.
-- unus e conjuratis adversus Reginam & Botbuelium ,	XVIII. 41. 46	-- Episcopatum numerum auget ,	ibid.
-- dux in exercitu Regio ,	XIX. 10.	-- adversus Anglum varia fortuna bellatur ,	32. 33
-- captus ,	XX. 59	-- summa ejus animi magnitudo ,	35
-- a suis receptus ,	61	-- ejus elegium ,	36
Cunigamius ( <i>Gul.</i> ) Kilmaurius , cum aliis Scotorum ducibus Anglos in fugam vertit ,	IX. 47	David II. Scotorum Rex inungitur ,	IX. 1
Cunigamius ( <i>Gul.</i> ) IV. Glencarnie Comes , in pugna saucius ,	XIV. 29	-- Angli sororem uxorem ducit ,	VIII. 56
-- ab Hamiltoniis superatus ,	XV. 19	-- ad Philippum Galliarum Regem puer adhuc mittitur ,	IX. 8
Cunigamius ( <i>Joan.</i> ) Drumvasillae Comarchus , in arce Britannodunensi capiendus socius assumptus ,	XX. 26	-- in Scotiam revertitur ,	30
Cunigamius ( <i>Robertus</i> ) iudicium de Botbuelio rite non exerceri protestatur ,	XVIII. 24	-- Angliam ter invadit ,	32
Cunigamius ( <i>Umfridus</i> ) arcem in Marim insula expugnat ,	X. 29	-- ad Dunelmum captus ,	33
Cupiditas inaniabilis ,	X. 9	-- Bervicum missus ,	37
Cuprum oppidum Fife ,	I. 24	-- domum reversus ,	ibid.
Cuprum oppidum Angusiae ,	I. 25	-- Rob. Stuartum a spe succedendi remover , Alexandro Sutherlando in ejus locum substituto ,	ibid.
Currius ( <i>Valterus</i> )	X. 25	-- moritur .	38
D.		David Hundintoniae Comes ,	VII. 36
DAALine. pars ,	IV. 11	-- in Scotiam redit ,	47
Dalkethum oppidum ,	I. 18	-- Ricardum Anglum in Syriam comitatur ,	49
--- arx obsessa ,	XI. 38	-- in Scotiam revertitur ,	ibid.
Dalreudini unde appellati Scoti ,	IV. 11	-- ejus suboles ,	VIII. 4
Dani Angliam ingrediuntur ,	II. 37	David Rothesaiae Dux , Vid. Stuartus (David.)	
-- in Scotiam classe transmittunt ,	VI. 8	Deidonum ,	I. 25. VII. 49
-- caesi ,	ibid. 9. 18. 19. 49. 50	Delatores ab Eveno instituti ,	IV. 17
-- ad Loncartem vicum fusi ,	VI. 32	Dera insula ,	I. 35
--- asu victi ,	VII. 6, 7	Deffius Gallus copiarum Gallicarum in Scotia dux ,	XV. 54
Daniae Rex cum legato Scotiae transigit de insulis circa Scotiam ,	XII. 27	-- ejus res gestae ,	59. & seqq.
Dardannus Scotorum Rex ,	IV. 25	-- in Galliam revocatur ,	62
		Deva Angliae fluvius ,	I. 17
		Deva Gallovidiae fluvius ,	I. 19
		Deva seu Dea Marriae fluvius ,	I. 26
		Deucaledonum mare ,	I. 32
		-- forte scribendum Duncaledonium ,	II. 22
			Dia-

# I N D E X.

<i>Dianæ oraculum Bruto datum, a Monacho confectum,</i>	II. 8	<i>Donaldus Insulanus Rossie Comes, factus cum Duglassio init,</i>	XI. 35
<i>Dicaledones, apud Marcellinum, Dicaledones legendum videri.</i>	II. 22	<i>— agros Regios vastat,</i>	44
<i>Dicsonus (Tho.) sacrificulus, Crichtonii accusator,</i>	XII. 50	<i>— venia supplici data,</i>	46
<i>Diocletianus fabulosus Syriæ Rex,</i>	II. 46	<i>— se Regem insularum pronunciat,</i>	XII. 19
<i>Diocletianus Imp.</i>	IV. 45	<i>— ejus immanitas &amp; animi alienatio,</i>	ibid.
<i>Dionethus se Brittonum Regem edit,</i>	V. 4	<i>Donaldus Marrie Comes Prorex electus,</i>	IX. 3
<i>Diploma Regium cum ignominia per vicos tractum,</i>	XI. 38	<i>— ad Duplinum cæsus,</i>	7
<i>Doaca Macbethi mater,</i>	VII. 1	<i>Donaldus Milcolumbi Macbethi filius captus,</i>	VII. 37
<i>Dochamus &amp; Dorgallus Dursti filii fraude Gilli interemti,</i>	IV. 18	<i>Donaldus arcis Foreffe prefectus Duffum Regem jugulat,</i>	VI. 22
<i>Domus magister,</i>	XII. 55	<i>— parricidii penas luit,</i>	23
<i>Dona fluvius,</i>	I. 26	<i>Donati sanum,</i>	I. 49
<i>Donachi sinus,</i>	I. 31. 49	<i>Dongallus Scotorum Rex,</i>	V. 56
<i>Donaldus I. Scotorum Rex,</i>	IV. 36	<i>Dongardus Scotorum Rex,</i>	V. 16
<i>— primus Regum Scotorum Christianos ritus recipit,</i>	ibid.	<i>— ad cultus divini curam se convertit,</i>	ibid.
<i>Donaldus II. Scotorum Rex,</i>	IV. 43	<i>Dornadilla Scotorum Rex,</i>	IV. 8
<i>Donaldus III. Insulanus Scotorum Regem se constituit,</i>	IV. 44	<i>Dornagilla Joannis Ballioli mater,</i>	VIII. 7
<i>Donaldus IV. Scotorum Rex,</i>	V. 40	<i>Dorydrepana,</i>	V. 7
<i>Donaldus V. Scotorum Rex,</i>	VI. 4	<i>Dovalus Gallovidianus Notbatum obtruncat,</i>	IV. 9
<i>— Anglos vincit.</i>	ibid.	<i>— ipse in prælio cæsus,</i>	10
<i>— ab iis victus captusque,</i>	5	<i>Driburgum monasterium ab Anglis crematur,</i>	VIII. 47
<i>— duras pacis conditiones accipit,</i>	ibid.	<i>Drinacha insula,</i>	I. 35
<i>— ob ignaviam in carcerem conjectus,</i>	6	<i>Dromunda (Annabella) Roberti III. uxor moritur,</i>	X. 10
<i>— sibi manum infert,</i>	ibid.	<i>Dromundus (Alex.) Carnocensis in exilium pulsus,</i>	XIV. 35
<i>Donaldus VI. Scotorum Rex,</i>	VI. 14	<i>— redeundi venia ei data,</i>	38
<i>— auxilia Aluredo Anglo adversus Danos mittit,</i>	ibid.	<i>Dromundus (Joan.) Dromundie Regulus; Mattheum Stuartum Levinie Comitem fundit fugatque,</i>	XIII. 5
<i>Donaldus VII. cognom. Banus, Scotorum Rex,</i>	VII. 23	<i>— in custodiam relegatus.</i>	XIV. 5
<i>Donaldus Banus Regem se Abudarum vocat,</i>	V. 51	<i>Druides sacerdotum genus, Gallorum &amp; Britannorum proprium,</i>	II. 23
<i>Donaldus Insulanus in Albium trajicit, ac prælio vincitur,</i>	IV. 42	<i>Drum Albin regio,</i>	I. 24
<i>Donaldus Insulanus Rossiam occupat,</i>	X. 18	<i>Drumfriskum oppidum captum,</i>	VIII. 35.
<i>— Moraviam in suam potestatem redigit,</i>	ibid.		XI. 26
<i>— ad Harlaum victus,</i>	ibid.		Dru-

# I N D E X.

<b>Drumilius,</b>	<i>VII. 7</i>	<b>Duglassius (Arch.) V. Duglassie Comes;</b>	
<b>Drutius (Gul.) Eques Anglus, occulte Har-</b>		<i>in arcem lacus Leuini relegatus, X. 37</i>	
<b>varti rebus studet, XX. 16. 17</b>		<b>— Regi reconciliatus, ibid.</b>	
<b>Druskens Pistorum Rex, V. 59</b>		<b>— omnia miscet, XI. 2</b>	
<b>Duchius (Tho.) falsa miracula venditat,</b>		<b>— ne quis suorum Regis ministris pareret</b>	
<b>XIV. 41</b>		<b>edictis, XI. 2</b>	
<b>Ducum nomina quando in Scotiam invecta,</b>		<b>— ad Cancellarium superba responso,</b>	
<b>X. 4</b>		<b>XI. 7</b>	
<b>Duffa insula, I. 35</b>		<b>— ejus mors, 9</b>	
<b>Duffus Scotorum Rex, VI. 20</b>		<b>Duglassius (Arch.) Vistonia Comes, Arch.</b>	
<b>— maiefticorum beneficiis petitus, 21</b>		<b>V. Duglassie Com. F. Delphino in Gal-</b>	
<b>— a percussoribus jugulatur, 22</b>		<b>lia operam navat, X. 20</b>	
<b>Dugallus Gallovidianus, V. 17</b>		<b>— revocatus, 23</b>	
<b>Duglassia regio, V. 8</b>		<b>Duglassius Arch. (al. Jac.) Jacobi Crassi</b>	
<b>Duglassia (Beatrix) patrueli suo nupta,</b>		<b>Com. Duglassie F. Annewicum incendit.</b>	
<b>XI. 18</b>		<b>XI. 26</b>	
<b>— deinde ejus fratri, 40</b>		<b>— fit Comes Moraviae, ibid.</b>	
<b>— Atholia Comiti collocata, 45</b>		<b>— praelio casus, 43</b>	
<b>Duglassia (Joanna) Angustii soror cremata,</b>		<b>Duglassius (Arch.) V. Angustia Comes, XII.</b>	
<b>XIV. 54</b>		<b>41</b>	
<b>Duglassia (Margarita) Angustii ex Regina</b>		<b>— ejus ad Proceres oratio, ibid. 42</b>	
<b>filia, XIV. 4</b>		<b>— Cocbe-anum gula prebensum dat custo-</b>	
<b>Duglassius (Archibaldus) Gallovidie Re-</b>		<b>diendum, 45</b>	
<b>gulus, IX. 9</b>		<b>— Rex cum eo consilia communicat, 56</b>	
<b>— Scotorum Prorex &amp; dux electus, 13</b>		<b>— Regis consilium callida oratione eludit,</b>	
<b>— praelio ad Halidonem casus, 14</b>		<b>57</b>	
<b>Duglassius (Arch.) Arch. F. Gallovidie</b>		<b>— ejus ad Jacobum IV. oratio, XIII. 35</b>	
<b>Regulus, IX. 43. &amp; postea</b>		<b>— domum discedit, 36</b>	
<b>Duglassius (Arch.) III. Duglassia Comes,</b>		<b>Duglassius (Arch.) Geo. F. Arch. N. VI.</b>	
<b>Austerus cognominatus, IX. 63</b>		<b>Angustia Comes, XIII. 44</b>	
<b>— Ducis titulum recusat, X. 4</b>		<b>— Jacobi IV. viduam, uxorem ducit,</b>	
<b>— ejus cum Geo. Dumbario Marcie</b>		<b>ibid.</b>	
<b>Comite inimicitia, X. 5</b>		<b>— ab Heburno accusatur, XIV. 2</b>	
<b>— moritur, 6</b>		<b>— in Angliam cum Regina abiit, 4</b>	
<b>Duglassius (Arch.) IV. Duglassie Comes,</b>		<b>— unus e Scotia Reftoribus, 9</b>	
<b>X. 6</b>		<b>— inter eum &amp; And. Corum discordia,</b>	
<b>— praelio captus, 8</b>		<b>11</b>	
<b>— liberatus, 11</b>		<b>— Hamiltonius in tumultu Edimburgenfi</b>	
<b>— iterum captus, ibid.</b>		<b>devincit, 12</b>	
<b>— ac dimissus, ibid.</b>		<b>— in Galliam relegatus, 13</b>	
<b>— a Delphino in Gallia dux Turonensis</b>		<b>— ab Anglo benevole receptus, 25</b>	
<b>appellatus, 23</b>		<b>— in Scotiam redit, ibid.</b>	
<b>— praelio casus, 24</b>		<b>— ab uxore oppugnatur, ibid.</b>	



# I N D E X.

— unus e Regis & regni custodi-	— ejus memorabile facinus,	XII. 5
bus a sua factione electus,	— Reginae adversatur,	6
— summa ejus in aula potentia,	Duglassius (Geo.) Ormundiae Comes,	XI. 26
— Valterum Scotum cum suis pugna	— Scotorum dux Anglos fundit,	29
superat,	— capite luit,	43
— Hamiltonios sibi adjungit,	Duglassius (Geo.) frater Arch. VI. Com.	
— Levinium pugna vincit,	Angusiae, cedis Darsanae suspectus, ac in	
— ei aqua & igni interdictum,	Garviam insulam inclusus,	XIV. 10
— in Angliam exulatum abit,	— indigna ejus ad Regem vox,	28.
— de eo revocando Rex cogitat,		35
— post 15 exilis annum in Scotiam	Duglassius (Geo.) Arch. V. Com. Angusiae	
revertitur,	F. pro patre obses datus,	XV. 14
— ad sedandas controversias veniens,	Duglassius (Geo.) Angusii notus, primum	
ab Hamiltonio retinetur, atque in cu-	Davidi Rizio vulnus infligit,	XVII. 62
stodiam mittitur,		
— liberatus,	Duglassius (Geo.) Proregis ex alio patre	
— ejus memorabile facinus,	frater natu minimus, Regiam e custo-	
— Proregi suadet, ut Cardinale re-	dia liberat,	XIX. 5
licto cum proceribus Scotorum sua confi-	Duglassius (Gulielmus) Duglassiae Regu-	
lia communicet,	lus, in Eduardi I. Angli, verba jurare	
— Anglos superat,	recusat,	VIII. 17
— primam aciem in praelio ad Mus-	— in carcerem conjectus,	ibid.
selburgum ducit,	— moritur,	ibid.
Duglassius (Arch.) Kilspindius (Arch. V.	Duglassius (Gul.) I. Duglassiae Comes,	
Com. Angusiae F.) Quaestor Regius, XIV.	Gul. Duglassium Lidalianum interficit,	
		IX. 34
— ei aqua & igni interdictum,	— patrimonium suum recuperat,	35
Duglassius (Arch.) Vistengamii frater ca-	— Anglos devincit,	ibid.
ptus,	— regnum Scotorum petit,	39
Duglassius (David) cum fratre Gulielmo	— ingentem ex Anglia praedam agit,	
capite poenas luit,		44
Duglassius (Galvinus) Comitis Angusia-	— Mahanum capit,	46
patruus [postea Caledoniae Episcopus] a	— moritur,	47
Regina Fani Andreae Archiepiscopus no-	Duglassius (Gul.) VI. Duglassiae Comes	
minatus, arcem occupat,	patri Archibaldo succedit,	XI. 9
— ab Joan. Heburno expulsus,	— ab adulatoribus corruptus,	ibid.
— in custodiam relegatus,	— Dux Turonum appellatus,	ibid.
— ad Betonium pacis interpres missus,	— a Cancellario ad arcem Edimbur-	
	genssem plectus,	17
— ejus mors & elogium,	— poenas capite luit,	ibid.
Duglassius (Georgius) IV. Angusiae Comes,	Duglassius (Gul.) VIII. Duglassiae Comes,	
ad Gul. Crichtonium adversus Com.	Jacobi Craffi F.	XI. 18
Duglassiae auxilia submittit;	— patruum filiam ducit,	ibid.
— Anglos praelio vincit,	— Re-	

# I N D E X

— Regem obsequio suum facit ,	XI. 19	Duglassius (Gul.) II. Angustie Comes ; ad	
— ac modo patruelium mortem ulciscitur ,	20	arcem Dumbari recipiendam missus ,	X.
— Romam proficiscitur ,	32	— Scotorum dux Anglos ad Piperdeniam	45
— absens accusatur ,	33	devincit ,	54
— procurator ejus causa cadit ,	ibid.	Duglassius (Gul.) Arch. VI. Comitis An-	
— reverso Rex placatur ,	34	gustie frater Abbas Sancte Crucis ,	XIV.
— Prorex per totam Scotiam declaratur ,	ibid.	— moritur ,	35
— in Angliam clam proficiscitur ,	ibid.	Duglassius (Gul.) Proregis Moravii ex alio	
— Rex , quamvis graviter offensus , no-		patre frater , ejus mortem vindicari petit ,	XX. 5
xa eum liberat , magistratu tantum adem-	ibid.	Duglassius (Gul.) Glembevius. Ejus domus	
to ,	35	ab Adamo Gordonio obfessa ,	XX. 68
— insidias Crichtonio struit ,	35	Duglassius (Jacobus) Gul. F. Duglassie	
— Crafordie & Rossie Comites fœdere sibi		Regulus , ad partes Brussianas se adjun-	
conjungit ,	35	git ,	VIII. 32
— Joan. Herefium & — Maclela-		— Rosburgum capit ,	35
num supplicio afficit ,	36	— proxime post Tho. Randulphum regni	
— a Rege arcessitus ,	37	Gubernator designatus ,	42
— Sterlinum venit ,	ibid.	— limitum præfectus Anglos Scotiam inva-	
— a Rege tandem confossus ,	ibid.	dentes cedit ,	44
Duglassius (Gul.) Lidalie Regulus [Jaco-		— ad Joan. Balliolum missus ,	50
bi Duglassie Reguli notus]	IX. 9	— ejus & Tho. Randulphi in Angliam ex-	
— captus ,	10	peditio ,	51
— liberatus ,	21	— Roberti I. cor Hierosolymam ferendum	
— fortia ejus facta ,	22. 26	ei traditur ,	58
— in Galliam abit ,	ibid.	— a Saracenis acie interemptus ,	ibid.
— arcem Cuprensem recuperat ,	27	Duglassius (Jac.) Gul. F. II. Duglassie	
— Edimburgensem arte capit ,	28	Comes , patri succedit ,	IX. 47
— Alexandrum Ramiseum inhumaniter fa-		— Euphemiam Roberti II. filiam uxorem	
me mori cogit ,	31	ducit ,	39. 42
— venia donatus ,	ibid.	— Northumbriam vastat ,	48
— a Gul. I. Duglassie Com. interficitur ,	34	— Cumbriam populatur ,	49
Duglassius (Gul.) Archibaldi Gallovidiani		— Percium singulari certamine vincit ,	57
F. in Hiberniam navigat ,	IX. 53	— prælio ad Otterburnum victor ,	58. 59
— ejus laus ,	ibid.	— fortiter pugnans occumbit ,	59
— ei quamvis notho Rex Ægidiam filiam		Duglassius (Jac.) VII. Duglassie Comes	
collocat ,	ibid.	cognomento Crassus Gul. patruo succedit ,	XI. 18
— Hibernos fundit ,	ibid.	— moritur ,	ibid.
— cum ingenti præda domum revertitur ,	ibid.	Duglassius (Jac.) IX. Duglassie Comes	
— Dantisci per sicarios occiditur ,	67	fratri Gul. succedit ,	XI. 38
Top. I.		Ccc cc	— Re-

# I N D E X.

- Regem perfidiæ accusat, XI. 38  
 — cum suis Dalkethi arcem obsidet, ibid.  
 — fratris viduam uxorem ducit, 40  
 — a suis desertus, 43  
 — Anglum adversus Scotum incitat, XII. 40  
 — ad Lacum Mabanum captus, & in Cænobium Limdorum inclusus, 52  
 Duglassius (Jac.) Mortonii Comes (Georgii Duglassii fratris Arch. VI. Com. Angliae F.) XVII. 39  
 — cum aliis in necem Dav. Rizii conjurat, 59. 61  
 — Princeps conjurationis in Reginam & Botbuelium, XVIII. 41  
 — primæ aciei adversus Reginam dux, 46  
 — pro Jacobo VI. in leges jurat, 56  
 — impendio privato publicæ necessitatis onus sustinet, XIX. 2  
 — unus e Regiis ducibus adversus Reginam, 10  
 — Moravium in Angliam comitatur, 16  
 — Legatus in Angliam missus, XX. 25  
 — ejus legationis summa, 36. & seqq.  
 — varia fortuna cum Reginensibus pugnat, 49. 51  
 — quamvis coli dolore læso affigeretur, 53  
 — ab hostibus tamen excitatus eos fundit fugatque, 54  
 — ad Sterlinum captus, 59  
 — capientes capit, 61  
 Duglassius (Jac.) Drumlanrici Regulus, cum Levinianis pugnat, XV. 52  
 Duglassius (Joannes) Mortonii Comes Regi fidelis, XI. 21  
 Duglassius (Joan.) Dalkethius cæsus, IX. 34  
 Duglassius (Joan.) Balvanie Regulus, XI. 26  
 Duglassius (Rob.) Præregis Moravii ex alio patre frater, ejus mortem vindicari petit, XX. 5  
 Duglassius (Rob.) Britannodunum arcem capit, XX. 26  
 Duglassius fluvius, L. 20  
 Dumbarius (Arch.) Halim arcem capit, XI. 27  
 Dumbarius (Galvinus) Regis Jacobi V. præceptor, Cancellarius factus, XIV. 34  
 Dumbarius (Galvinus) Geo. Comitis Marciæ F. Rosburgum incendit, X. 17  
 Dumbarius (Geo.) Pat. VI. Com. F. VIII. Comes Marciæ Eduardum II. Angliæ Regem fugientem tutatur, VIII. 40  
 Dumbarius (Georgius) X. Marciæ Comes, IX. 40  
 — Rosburgum incendit, ibid.  
 — Mabanum capit, 46  
 — filiam Elizabetham Davidi Roberti Regis filio despondet, X. 5  
 — hostis publicus denunciatus, ibid.  
 — Duglassiorum agros vastat, 6  
 — Duglassium prælio vincit, 8  
 — placata Gubernatore in Scotiam redit, X. 16. 45  
 Dumbarius (Geo.) Geo. F. XI. Marciæ Comes patri succedit, X. 45  
 — patrimonio antiquo exutus, ibid.  
 — Buchania donatus, ibid.  
 Dumbarius (Jacobus) Joan. ex filio Alexandro nepos, IV. ex ea familia Moravia Comes, moritur, XI. 26  
 Dumbarius (Joannes) Moravia Comes Randolphum Percium in prælio Otterburnensi capit, IX. 59  
 — Duglassio occiso Scotorum dux electus, 61  
 Dumbarius (Patricius) I. Marciæ Comes latrones domat, VII. 15  
 Dumbarius (Pat.) Pat. F. Valdevi N. Patr. P. IV. Marciæ Comes Sumerledum tumultuantem devincit, VII. 57  
 Val.

*Valterum Cuminium arcis Edim-*  
*burgensis praefectum ad deditionem com-*  
*pellis, VII. 60*  
**Dumbarius** (Pat.) Geo. F. IX. Marcia  
*Comes, Scotorum dux, IX. 5. 7*  
*arcis Bervici praefectus, 10*  
*eam Anglo dedit, 15*  
*Geldros devincit, 22*  
*Et Davidem Cuminium, 23*  
**Dumbarius** (Pat.) Geo. F. *Fascastellum de*  
*Anglis capit, X. 17*  
**Dumbarius** (Tho.) Joan. F. *Moraviae Co-*  
*mes, ad rebelles pacandos missus, X. 2*  
*pugna ad Homeldonum captus, 8*  
**Dumbarum** oppidum, I. 18  
*unde dictum, VI. 2*  
*ab Anglis captum, VIII. 16. XI.*  
*26*  
*ab Anglis obsessum, IX. 25*  
*ab Agnete Com. Marciani uxore*  
*viriliter propugnatum, ibid.*  
**Dumbarus** dux Scotus, *Danis metum in-*  
*cutit, VI. 19*  
**Dumchonel** insula, I. 35  
**Duncanus** I. *Scotorum Rex, VII. 2*  
*a Machetho obtruncatus, 8*  
**Duncanus** II. *Scotorum Rex, VII. 24*  
**Duncaledonium** pro *Deucaledonium le-*  
*gendum videri apud Ptolemeum, II. 22*  
**Duncaledones** apud *Marcellinum forte pro*  
*Dicaledones, II. 22*  
**Duncalden** oppidum, *quod Et Caledonia,*  
*I. 25*  
**Dundassus** (Jacobus Et Rob.) *in custodiam*  
*dati, XI. 24*  
**Dunedinum** *priscis Scotis, Edimburgum*  
*recentioribus, VI. 2*  
**Duni** pacis, I. 21. IV. 38  
**Dunotrum** arx, I. 25  
**Dunis** Bei, *alias Duncans Bei, promonto-*  
*rium, I. 31*  
**Dunus** annis, I. 20  
**DUNUM.** A **DUNO** *inchoantia, Et in*  
*eam vocem exeuntia locorum nomina, II. 33.*

**DUR** *Britannis aquam significat. ADUR*  
*declinata locorum quorundam nomina, II.*  
*34*  
**Dureta,** II. 34  
**Durius** (Geo.) *Abbas Fermelinoduni, XV.*  
*48. XVII. 7*  
**Durovartus** (Alanus) VII. 59  
**Durstus** *Scotorum Rex, IV. 16*  
*voluptatibus deditus, IV. 16*  
*Nobilitatem ad cenam invitatum*  
*necopinantem occidit, ibid.*  
*ipse praelio cadit, ibid.*  
**Durstus a Pictis** *Rex creatur, IV. 54*  
*in pugna casus, V. 5*  

E.

**EANFRIDUS** *Berniciorum Rex;*  
*Christianorum disciplinam repudiat,*  
*V. 40*  
**Ebriofus** *capitali supplicio multatus, VI. 7*  
**Ecclesiae** *insula, I. 35*  
*status miser, XII. 32*  
**De Ecclesiae** *Scoticae libertate controversia,*  
*XII. 24*  
**Ecclesiasticorum** *in Reges imperium, VII. 53*  
*avaritia, 54*  
*potentiam suam minui nolunt, 60*  
*potentia Regibus formidabilis, 64*  
*regna administrant, VIII. 1*  
*eorum vitia, X. 38*  
*Et corrupta disciplina, XII. 23. 32*  
*remedium iis ab Jacobo I. adhibi-*  
*tum, X. 40*  
*Jacobum V. a colloquio cum An-*  
*glo averunt, XIV. 51*  
*fructuum portio illis ademta, XVII.*  
*25*  
**Ederus** *Scotorum Rex, IV. 20*  
*a nutrice servatus, 18*  
**Edgarus** *Scotorum Rex, VII. 25*  
*ab Edgato avunculo in Angliam*  
*transportatus, 23*  
**Edgarus** [Athelingus vulgo dictus] *Mar-*  
*garitae Scotorum Reginae frater in Sco-*  
*tiam venit, VII. 16*



# I N D E X.

— a Gulielmo Normano in gratiam receptus,	VII. 18	— ad Bilandum fufus,	VIII. 47
— fororis liberos in Angliam transportandos curat,	23	— a filio & uxore in carcerem conjeftus, ac fædo mortis genere interemtus,	49
— apud Gulielmum accusatus,	ibid.	Eduardus III. Anglorum Rex, adverfus Scotos infelici exitu proficiſcitur,	VIII. 52
— accusator monomachia victus,	ibid.	— pacem cum Scotis facit,	56
Edimburgenſes Anglos exules & Hamiltorios in urbem recipere nolunt.	XVII. 10	— Balliolum in fidem recipit, ac Scotis bellum indicit,	IX. 11
Edimburgum oppidum,	I. 18.	— Scotos ad Halidonem vincit,	14
— unde dictum,	VI. 2	— in Alexandri Setonii filios ſævitia,	13
— Vallis doloroſa & Caſtrum puellarum a quibusdam appellatum,	ibid.	— Bervicum capit,	15
— Anglis deditur,	VIII. 17	— Scotiam invadit,	19. 21. 36
— a Thoma Randolpho captum,	36	— moritur,	43
— a Gul. Duglaſſio arte captum,	IX. 28	Eduardus IV. Anglorum Rex,	XII. 2
Edinum potius quam Dunedinum vel Edimburgum appellandum,	VI. 2	— cum Scoto pacem init,	40
Edmundus Anglorum Rex, Milcolumbum Cumbria & Veſtmæria donat,	VI. 18	— decedit,	52
Edredus Anglorum Rex Scotorum auxilio Danos compeſcit,	VI. 18	— hic tyrannidis in Anglia fundamenta jecit,	62
Eduardus Martyr Anglorum Rex,	VI. 16	— Pat. Varbecus ſe ejus filium comminiſcitur,	XIII. 10. & ſeqq.
Eduardus [ vulgo Confefſor dictus ] Anglorum Rex.	VII. 16	Eduardus V. Anglorum Rex, a Richardo patruo & Tutore in cuſtodiam inclufus,	XII. 52.
Eduardus I. [ ſtirpis Normanicæ ] Anglorum Rex coronatur,	VII. 65	Eduardus VI. Angliæ Rex moritur,	XVI. 4
— Legatos in Scotiam mittit,	VIII. 2	Eduardus Balliolus Scotiam cum numeroſa claſſe invadit,	IX. 3.
— arbiter controverſiæ de regno electus,	9	— Scotos ad Duplinum devincit,	6
— Scotiam ſuæ ditionis facere conatur,	10	— regnum init,	8
— pro Jo. Balliolo ſententiam fert,	12	— ad Maufetum victus,	9
— Bervicum fraude captum 7000 Scotorum cæde funeſtat,	15	— in Angli verba ſacramento adactus,	11
— bello ſuperatos Scotos in ejus verba jurare cogit,	26	— Rotheſaiam munit, ac Noviodunum arcem capit,	17.
— monumenta omnia aufert,	ibid.	— in Angliam abit,	19.
— moritur,	33	— cum Eduardo Anglo Scotiam invadit,	21.
Eduardus II. Anglorum Rex patri ſuccedit.	VIII. 33	— in Angliam abduſtus,	23.
— Scotiam cum ingenti exercitu invadit,	36	— res Scoticæ ei commendatæ,	24.
— inſigni clade ad Banocum amnem fuſus & fugatus,	40	— Scotiæ regno cedit,	36
— Bervicum obſidet,	45	Educatio auſtica qualis,	XVII. 9. 23
— cum numeroſo exercitu Scotiam ingreditur.	47	Eduinus Northumbriæ Rex, caſus,	V. 38. 40
		Egfridus Northumbriæ Rex ab Eugenia Scoto ſuperatus,	V. 43
		— a Piſtis caſus,	ibid.
		Egga inſula,	I. 38
		Egliſa inſula,	I. 49
			Eis-

# I N D E X.

- Eisdalfa insula,** I. 35  
**Elbevii Marchio Reginae Mariae avuncu-**  
*lus, in Scotiam veniens, metu Anglorum*  
*unde seiverat est reiectus,* XVI. 54  
*— enim in Scotiam comitatur,* XVII. 11  
**Elfinstonius (Alex.) ad Fluidonem casus,**  
 XIII. 40. 41  
**Elfinstonius (Gul.) Episcopus Aberdonen-**  
*sis.* XIII. 22  
**Elgina oppidum;** I. 29  
**Elizabetha Angliae Reginae Scotis, religionis**  
*verae vindicibus, auxilia mittit,* XVI. 52  
*— ad Mariae Scotiae legatos gravissima re-*  
*sponsio,* XVII. 12. & postea.  
*— ejus ad Proregem de conventu differendo*  
*literae.* XIX. 13  
*— item alterae quae Proregis victoriae cur-*  
*sum interrumpunt,* 14  
*— ex Prorege causas expulsae Reginae ob*  
*cadem mariti cognoscit,* 22  
*— litera ad Scotiae proceres mittit de Re-*  
*gina recipienda,* 42  
*— Hawarti in eam conjuratio detecta.* 46  
*— exules Anglo, sibi tradi petit,* XX. 3  
**Elizabetha Roberti I. uxor moritur.** IX. 56  
**Elizabetha Roberti II. uxor.** IX. 42  
**Emergarda Guillelmi Scotorum Regis uxor,**  
 VII. 52  
**Enisaia insula,** I. 42  
**Enner quid significet,** IV. 19  
**Ennerlothea seu**  
**Ennerlutea oppidum,** I. 28  
*— ab Eveno II. conditum,* IV. 19  
**Ennernessa oppidum & emporium (al. Nes-**  
*sus,* I. 29  
*— ab Eveno II. conditum,* IV. 19  
*— ejus arx refecta,* X. 30  
**Eorla insula,** I. 38  
**Episcopatus sex in Scotia,** VII. 21  
*— ad sex priores quatuor alii adjecti, ac*  
*proventibus annuis ditati,* 27  
**Episcopi veteres Scotorum quales,** VI. 3  
**Episcopi Angli pollicitationibus corrupti**  
*jusjurandum violant,* VII. 31  
**Episcopus Cathanessae oculis & lingua pri-**  
*vatus,* VII. 49  
*— alter crematus,* 56  
**Episcopus Caledoniorum, Vid. Gul. Sin-**  
*clarus, & Galv. Duglassius.*  
**Episcopus Dunelmensis cum suis Scotorum**  
*alacritate territi signa convertunt,* IX. 61  
**Episcopus Lismorensis (Finclaus) profu-**  
*gus in Hibernia moritur,* X. 28  
**Episcopus Menevensis ab Anglo ad Sco-**  
*tum missus,* XIV. 50  
**Episcopus Orcadum gratiam aulicam ve-**  
*ritati praefert, Vid. Bothuclius.*  
**Equorum insula,** I. 38  
**Era insula,** I. 36  
*— alia,* 42  
**Ergahelia potius quam Argathelia,** I. 23  
**Erica lectis conficiendis commoda,** I. 33  
**Ericaea insula,** I. 35  
**Eriscana insula,** I. 40  
**Esca australis fluvius,** I. 25  
**Esca septentrionalis fluvius,** I. 25  
**Esca Escae fluvius,** I. 17  
**Esca duplex Lothianae flumina.** I. 18  
**Elcia regio,** I. 17  
**Echius Scotorum Rex,** V. 48  
**Ethelfridus Northumbriae Rex Scotos &**  
*Brittane devincit.* V. 34  
*— vita & regno exutus,* 38  
*— ejus filii in Scotiam profugi doctrina*  
*Christiana instituti.* ibid.  
**Ethodius I. Scotorum Rex,** IV. 34  
*— a fidicine noctu in cubiculo occisus,* ibid.  
**Ethodius II. Scotorum Rex,** IV. 34  
**Ethodius Fergusii II. avus in Scandiam**  
*appellit,* V. 1  
**Ethredus Gallovidianus a fratre casus,**  
 VIII. 5  
**Ethus Alipes Scotorum Rex,** VI. 9  
**Eu insula,** I. 42  
**Eubonia, eadem quae Mana insula,** I. 34  
**Evenus I. Scotorum Rex,** IV. 17  
*— primus civis in suum nomen sacramento*  
*adigit,* ibid.  
 Ccc. cc. 3. — ju-

# I N D E X.

— <i>judices ordinarios juri dicundo præfici-</i> <i>cit,</i>	ibid.	Ferchardus I. Scotorum Rex,	V. 39
— <i>Delatores instituit,</i>	ibid.	— <i>malitiose factiones inter nobiles alit,</i>	ibid.
Evenus II. Scotorum Rex,	IV. 19	— <i>ipse sibi mortem consciscit,</i>	ibid.
Evenus III. Scotorum Rex spurcissimus ipse <i>spurcissimas leges condit,</i>	IV. 21	Ferchardus II. Scotorum Rex,	V. 41
Eufemia Roberti II. uxor moritur,	IX. 42	— <i>nefarie uxorem jugulat, filiasque su-</i> <i>prat,</i>	ibid.
Eugenius I. seu Evenus, Scotorum Rex,	IV. 50	— <i>morbo pediculari exesus,</i>	ibid.
— <i>a Romanis prælio cæsus,</i>	ibid.	Feredethus Pictorum Rex,	V. 57
Eugenius II. Scotorum Rex,	V. 6	Ferclaia insula,	L. 42
— <i>Brittonos superat,</i>	12	Fergusius I. Scotorum Rex primus,	IV. 3
— <i>ejus laus,</i>	15	— <i>Brittones vincit,</i>	5
Eugenius III. Scotorum Rex,	V. 30	— <i>Scoti ei posterisque ejus regnum jureju-</i> <i>rando confirmant,</i>	ibid.
Eugenius IV. Scotorum Rex,	V. 38	— <i>naufragio perit,</i>	ibid.
Eugenius V. Scotorum Rex,	V. 43	Fergusius II. Scotorum Rex, puer adhuc <i>cum patre &amp; avo in Scandiam navigat,</i>	V. 1
Eugenius VI. Scotorum Rex,	V. 44	— <i>in Scotiam vocatus Rex creatur,</i>	ibid.
Eugenius VII. Scotorum Rex,	V. 46	— <i>non primus Scotorum Rex,</i>	2
— <i>Regum res gestas memoriæ mandari</i> <i>curat,</i>	ibid.	— <i>prælio cæsus,</i>	5
Eugenius VIII. Scotorum Rex,	V. 49	— <i>secundus regni Scotorum conditor ju-</i> <i>re appellandus,</i>	ibid.
— <i>in cætu procerum confossus,</i>	ibid.	— <i>ejus elogium,</i>	ibid.
Evia regio,	I. 17. V. 8	Fergusius III. Scotorum Rex,	V. 50
Evonia arx,	I. 28	— <i>veneno ab uxore dato moritur,</i>	ibid.
Evus fluvius,	I. 17	Fergusius Gallovidiæ Regulus moritur,	VIII. 5
Excommunicatio injusta excommunicatum <i>non lædit,</i>	VIII. 47	Feritharis Scotorum Rex,	IV. 6
Exilium servitute tolerabilius,	IV. 54	Ferlegus Fergusii filius adversus patruum <i>conspirat,</i>	IV. 6
F.		— <i>ad Brittones confugit,</i>	ibid.
FABILLA insula,	I. 43	Fermelini Duni cænobium fundatur,	VII. 22
Falangama insula,	I. 36	— <i>perficitur,</i>	26
Falconarius (David) occisus,	XIV. 37	Fethelmachus Scotorum Rex,	IV. 49
Fames feroces spiritus frangit,	V. 9	Fides hominum erga sceleratos fluxa,	IV. 18
Fanum Andreæ quod & Fanum Reguli,	I. 24. VI. 3	— <i>inter milites sanctissime culta,</i>	IX. 60
Fanum Donati,	I. 49	— <i>hæretico (juxta commune Papanorum</i> <i>effatum) non servanda,</i>	XVI. 3
Fara insula,	I. 49	Fidicen Etbodium Regem interficit,	IV. 34
— <i>alia,</i>	ibid.	— <i>item alterius fidicinis opera Fethel-</i> <i>machus occiditur,</i>	IV. 49
Fenella filium ad avum parricidiali ausu <i>tollendum armat,</i>	VI. 34	Fidla	
— <i>Regi exitium mira arte machinatur,</i>	41		
Feraia insula,	I. 40		



# I N D E X.

<b>Fidla insula,</b>	I. 35	<b>Fœdus antiquum inter Scotos &amp; Gallos</b>	
<b>Fifa regio,</b>	I. 24	<b>primum initur,</b>	V. 53
<b>— unde dicta,</b>	VI. 2	<b>— renovatur,</b>	VII. 14. X. 29. XI. 25
<b>Figuræ humane insula,</b>	I. 36	<b>— nova conditio ei adjecta,</b>	VIII. 48
<b>Fincormachus Scotorum Rex,</b>	IV. 46	<b>Forbosi (Alexander) III. Forbosie Re-</b>	
<b>Findocus Scotorum Rex,</b>	IV. 42	<b>gulus, Regiam interulam sanguine fœda-</b>	
<b>Pinclaus Episcopus Lismorensis malorum</b>		<b>tam ex hastili pendentem circumfert,</b>	XIII. 4
<b>consiliorum auctor,</b>	X. 28	<b>— Græcinam Bodiam uxorem ducit,</b>	9
<b>Pinis lacus,</b>	I. 23	<b>Forbosi (Alex.) Torvianus seu Tollianus,</b>	
<b>Finnan Rex,</b>	IV. 15	<b>Ejus domus cum uxore &amp; liberis cremata,</b>	XX. 64
<b>Pinus fluvius,</b>	I. 23	<b>— ipse a Gordonianis captus,</b>	65
<b>Fisci procuratores legem iniquissimam defen-</b>	IV. 30	<b>Forbosi (Arcturus) Joan. Forbosie Re-</b>	
<b>dunt,</b>	IV. 30	<b>guli filius natus minor, contra Gordonia-</b>	
<b>Fisci commoda incommoda,</b>	V. 29. X. 45.	<b>nos pugnans occiditur,</b>	XX. 64
	XIII. 22	<b>Forbosi (Joan.) filius Joannis fratris</b>	
<b>Flada insula,</b>	I. 34	<b>Alexandri, capite luit,</b>	XIV. 53
<b>— alia,</b>	ibid.	<b>Forbosi (Joan.) VII. Forbosie Regulus</b>	
<b>— tertia,</b>	39	<b>adversus Gordonios missus,</b>	XX. 65
<b>— quarta,</b>	ibid.	<b>Fordoni (Joan.) Scotichronicon,</b>	V. 17
<b>— quinta,</b>	40	<b>Fordunum Mernia oppidulum,</b>	I. 25
<b>— sexta,</b>	42	<b>Forestia quæ &amp; Angusia,</b>	I. 25
<b>— septima,</b>	ibid.	<b>Formanus (And.) Moraviensis Episcopus</b>	
<b>Flandri omnis generis opifices in Scotiam vo-</b>		<b>in Angliam missus,</b>	XIII. 24
<b>cati,</b>	X. 41	<b>— Bituricensis Archiepiscopus creatus,</b>	44
<b>Flaminus (Jac.) Comernaldia Regulus, in</b>		<b>— Fani Andrea Archiepiscopatu a Ju-</b>	
<b>Galliam missus,</b>	XVI. 14	<b>lio Pont. Rom. donatus, aliisque bene-</b>	
<b>— moritur,</b>	17	<b>ficiis Ecclesiasticis cumulatus,</b>	ibid.
<b>Flaminus (Jo.) Flaminie Regulus, arcis</b>		<b>— ab Heburno apud Proregem accusa-</b>	
<b>Britannoduni præfectus,</b>	XX. 26	<b>tus,</b>	XIV. 2. 3
<b>— arce capta aufugit,</b>	32	<b>— cum Heburno paciscitur,</b>	XIII. 48
<b>Flaminus (Jo.) Bogallius captus,</b>	XX. 32	<b>Formanus (Rob.) Rex armorum, ad reli-</b>	
<b>Flaminus (Micolombus) arcis Britanno-</b>		<b>gionis vindices cum mandatis a Rege</b>	
<b>duni præfectus,</b>	IX. 17	<b>missus,</b>	XVI. 43
<b>Flaminus (Micolombus) in custodiam in-</b>		<b>Fortha fluvius,</b>	I. 17
<b>clusus,</b>	X. 26	<b>— Forthæ æstuarium,</b>	ibid.
<b>— in Galliam a Duglassio missus,</b>	XI. 9.	<b>Fortunæ inconstantis exemplum,</b>	XI. 22. XII.
<b>— capite plectitur,</b>	17		31
<b>Flaminus (Robertus)</b>	VIII. 28	<b>Fotlara insula,</b>	I. 50
<b>Flanana insula,</b>	I. 42	<b>Foxius (Richardus) Dunelmi Episcopus,</b>	
<b>Flata insula,</b>	I. 49	<b>summa prudentia vir,</b>	XIII. 20
<b>Flanchus Banconis filius ægre Macbethi</b>		<b>Franciscanorum mendicantium opulentia,</b>	
<b>insidias evadit,</b>	VII. 10		XVI. 28
<b>Fœciales contra jus gentium interfecti,</b>	VII.	<b>Fran-</b>	
	42		



# I N D E X.

Franciscus I. Gallorum Rex Angli opera ex Hispanorum manibus in libertatem restitutus, XIV. 46  
 — Levinium in Scotiam mittit, XV. 8  
 — a Levinio alienatus, 16  
 — Mongomerium cum Gallicis auxiliis in Scotiam mittit, XV. 28  
 Franciscus II. Gallorum Rex Mariam Scotiæ Reginam uxorem ducit, XVI. 15  
 — Labrossum in Scotiam mittit, 41  
 — in Gustorum manu, XVII. 2  
 — ejus mors, 4  
 Franciscus Gusiæ Dux, Regiæ Scotiæ Curator, XVI. 3  
 — Papane factionis dux decretus, XVII. 7. 48  
 Frasierorum familia a Reginaldinis fere extincta, XV. 26  
 Frasierius (Alex.) IX. 6  
 Frasierius (Gul.) Fani Andreæ Episcopus, unus ex Scotiæ Gubernatoribus, VIII. 1  
 Frasierius (Jac. & Simon) cum Rob. Ketbo Perthum capiunt, IX. 8  
 — ad Halidonem cesi, 14  
 Frasierius (Joan. vel potius Simon) Tuediæ Regulus Anglos superat, VIII. 24  
 — captus & supplicio affectus, 31  
 Fratres Mendicantes curionum mercenarii, X. 39  
 — eorum dogmata, ibid.  
 — manducantes bænd inscite appellati, XVI. 28  
 Frontinus (Julius) Silures vincit, IV. 26  
 Frostarius (Joan.) Cristoforiniangs, Gul. Crichtonii agros populatur, XI. 20  
 Fudaia insula, I. 40

G:

**G**litera Gallis familiaris loco V. II. 26  
 Gael, Gald & Galle, II. 28  
 Galbrethus (David) cum aliis quinque Jacobum IV. interfecisse fertur, XIII. 40

Galbrethus (Patricius) arce Britannoduni expulsus, postea expulso rem expellit, XI. 19  
 Galdus Corbredi II. cognomentum, IV. 26  
 Galfridus Monumetensis rerum Britannicarum scriptor, I. 11  
 — notatur, V. 26  
 Galgacus apud Tacitum idem qui Galdus, IV. 26  
 Galli se Dite oriundos prædicabant, II. 13  
 — a Massiliensibus Græcis literarum characteres accepere, II. 1  
 — longe lateque fines suos propagarunt, 13  
 — eorum instituta quædam, ibid.  
 — lingua veteribus Gallis & Britanniis communis fuisse ostenditur, 29  
 — Gallis cum Scotis amicitia quando primum inita, V. 53  
 — Scotis suppetias ferunt, IX. 49  
 — eorum petitio iniqua, 51  
 — milites subsidiarii in Scotia a solita rapacitate temperare non possunt, 52  
 — ex eorum amicitia quid fructus Scotis redeat, 65  
 — a Scotis auxilium petunt, X. 20  
 — fœdus renovant, 29  
 — quantum possunt largitionibus Scotorum cum Anglis fœdus impediunt, XIV. 20  
 — Vercam arcem oppugnant, 22  
 — Galli milites Edimburgi præfectum ingressu prohibentem cum filio & civibus aliquos, interficiunt, XV. 60  
 — vetus secum fœdus renovari, novum cum Anglis solvi petunt, XVII. 6  
 — eorum superbia & rapacitas Scotorum animos a studio Gallicæ factionis avertunt, XVI. 53  
 — consilia de tyrannide stabilienda, 63  
 Galliæ facies misera, XVII. 2  
 Gallica lingua a Britannica olim non multum diversa, II. 24. 29  
 Gallica navis cum munitionibus ad rebelles missa, a Regiis capitur, XX. 56  
 Gallogræci in Asia, II. 13  
 Gal-

# I N D E X.

Gallovid <i>priscis Scotis Gallum significat</i> ,	I. 19	Gildas Britto , 400 annos post Tacitum ,	II. 1
Gallovidia regio ,	I. 19	— <i>ejus de excidio Britannie liber querulus</i> ,	V. 14
— <i>quando ita appellata</i> ,	V. 8	— <i>vaticinia</i> ,	20
Galo Cardinalis , Rom. Pont. in Anglia le-	VII. 53	Gildo ,	II. 47
gatus ,	54	Gilespicus Rossiam vastat ,	VII. 56
— <i>Scotis sacris interdicat</i> ,	ibid.	— <i>capite multatur</i> ,	ibid.
— <i>ejus avaritia</i> ,	ibid.	Gillinsa insula ,	I. 42
Garenterius (Eugenius) Gallus , in Scotiam	IX. 35	Gillus nothus , Scotorum Rex ,	IV. 18
missus ,	V. 45	— <i>Dochamum &amp; Dorgallum fraude tollit</i> ,	ibid.
Garnardus Pictorum Rex ,	I. 35	— <i>Lismorum &amp; Gormacum Dochami fi-</i>	ibid.
Garvæ insulæ tres ,	I. 42	lios interficit ,	ibid.
Garvellan insula ,	I. 40	— <i>in Hiberniam profugit</i> ,	ibid.
Garulanga insula ,	II. 11	— <i>trucidatur</i> ,	19
Gathelus princeps Scoticæ gentis conditor	IX. 22	Gilpatricius rebellis cæsus ,	VIII. 6
a quibusdam fingitur ,	ibid.	Glasœ oppidum ,	I. 19
Geldri Anglis subsidio veniunt ,	II. 19	Glasæ insulæ duæ ,	I. 38
— <i>a Scotis ad Edimburgum devicti</i> ,	I. 35	Glotta fluvius ,	I. 19
Geloni corpora pingebant ,	I. 23	Glottia regio ,	V. 8
Genistaria insula ,	39	— <i>que &amp;</i>	
Gerlochus , seu Gerloch , sinus ,	II. 10	Glottiana regio ,	I. 18. 19. 20
— <i>insula</i> ,	II. 1	Gogmagog ,	II. 8
Germanorum fabulosa origo ,	IV. 2	Gomatra insula ,	I. 38
— <i>in suæ gentis origine scribenda ingenui</i> ,	I. 31	Goranus Scotorum Rex ,	V. 21
Germanica classis ad Hiberniæ littus appellat,	I. 49	— <i>a suis interemptus</i> ,	29
Gernico arx ,	I. 13	Gordonia (Catharina) Geo. II. Comitis	
Gerfa insula ,	II. 14	Huntileæ filia Petro Varbeco uxor data ,	XIII. 14
Gessoriaci ,	II. 19	— <i>maritum in Hiberniam comitatur</i> ,	18
Getini & Getæ ,	IV. 10	Gordonia (Joanna) Geo. IV. Huntileæ	
Getæ corpora pingebant ,	I. 35	Com. filia , Jac. Botbueliæ Com. uxor ,	
Gethus Pictorum Rex, prælio cæsus ,	I. 35	ab eo repudiata ,	XVIII. 28
Geurastilla insula ,	I. 35	Gordonius (Adamus) Achindunius , Geo.	
Gigaia insula ,	40	IV. Comitis Huntileæ F. natu minor , a	
— <i>alia</i> ,	I. 39	Moravio captus ,	XVII. 40
Gigarmena insula ,	VIII. 5	— <i>venia ob adolescentiam donatus</i> ,	41
Gilbertus Gallovidianus fratrem suum cru-	VII. 37. & 42	— <i>Forbosios prælio vincit</i> ,	XX. 64
delissime necat ,	48	— <i>Gul. Glembevii domum obsidet</i> ,	67
Gilchristius Angusiæ Comes , rebelles pro-	ibid.	Gordonius (Alex.) I. Huntileæ Comes ,	
fligat ,		cum Ogilviis adversus Lindefios pugnans	
— <i>uxorem , sororem Regis , adulterii com-</i>		agre evadit ,	XI 22
pertam occidit ,			
— <i>in gratiam receptus</i> ,			
Tom. I.			

Ddd dd

— Cr.

# I N D E X.

- *Crafordium praelio ad Brechinum*  
     vincit, XI. 39  
*Gordonius (Alex.) Geo. F. III. Huntileæ*  
     Comes, dextero Scotorum cornu ad Flui-  
     donem imperat, XIII. 38  
 — *regionum ultra Fortham imperium*  
     ei datum, 43  
 — *unus e sex regni Rectoribus*, XIV. 9  
 — *Angliam ingredi renuit*, 14  
*Gordonius (Georgius) Alex. F. II. Hun-*  
     *tileæ Comes, Jacobum IV. adversus pa-*  
     *trēm sequitur*, XIII. 8  
*Gordonius (Geo.) Joan. F. Alex. N. IV.*  
     *Huntileæ Comes, ad incursiones Anglo-*  
     *rum inhibendas missus*, XIV. 59  
 — *Regis in eum odium*, 60  
 — *ejus fraude (ut creditur) Fraferio-*  
     *rum familia pene extincta*, XV. 26  
 — *unus e Scotorum ad Musselburgum*  
     *ducibus*, 49  
 — *Comes Moraviæ factus*, XVI. 1  
 — *adversus Jo. Muderacum missus*, 5  
 — *Gulielmum Catane familie princi-*  
     *pem crudelissime interficiendum curat.*  
     XVI. 5. XVII. 28  
 — *ob id in custodiam datus*, XVI. 6  
 — *dimissus*, ibid.  
 — *Regenti auctor creditus census exi-*  
     *gendi*, 10  
 — *inania ejus promissa*, XVII. 10  
 — *Moravium tollere sæpius tentat*,  
     XVII. 34  
 — *ejus pervicacia*, 36  
 — *Moravium pugna aggreditur*, 40  
 — *fusus & inter capientium manus ex-*  
     *animatus*, ibid.  
*Gordonius (Geo.) Geo. F. V. Huntileæ Co-*  
     *mes, perduellionis damnatus, ac in car-*  
     *cerem inclusus*, XVII. 42  
 — *priori dignitati restitutus*, 45  
 — *se ducem pro Regina offert*, XVIII.  
     44  
 — *propinquos & clientes ad Hamilto-*  
     *num convocat*, 48  
 — *Hamiltoniorum spem fovet*, XIX. 3  
 — *cum 1000 equitibus Perthum pro-*  
     *grediens a Gul. Ruveno retro cedere co-*  
     *gitur*, 14  
 — *pacem petere coactus*, 35  
 — *variæ de ea disceptationes, ibid. & seq.*  
 — *judicium capitale de Metollano tur-*  
     *bare nititur*, 51  
 — *cum sue factionis principibus Edim-*  
     *burgum convenit*, XX. 7  
 — *præsidium Brechini collocat*, 21  
 — *Prorege adveniente retro cedit*, 22  
 — *Levinium Proregem comitia Sterli-*  
     *ni agentem necopinum opprimit*, 59  
*Gordonius (Geo.) Sutherlandiæ Comes,*  
     *operam suam in Moravio tollendo Hunti-*  
     *leo offert*, XVII. 38  
 — *ejus literæ deprehensæ*, ibid.  
 — *ab exilio revocatus*, 45  
*Gordonius (Joan.) Eques, Anglos devin-*  
     *cit*, IX. 40  
 — *Musgravum capit*, 41  
*Gordonius (Joan.) Geo. IV. Comitæ Hun-*  
     *tileæ F. Regine nuptias sperat*, XVII. 33  
 — *in custodiam traditus effugit*, 34  
 — *in praelio ad Corichiam captus*, 39  
 — *capite plexus*, ibid.  
*Gorca regio*, I. 25  
*Gorlois nefarie ab Uterio interimitur*, V. 22  
*Goropius notatur*, I. 13  
*Gothini qui & Gotbunni*, II. 14  
*Græmus Fergusii II. socer*, V. 3  
 — *Eugenii II. tutor*, 6  
 — *doctores institutorum Christianorum*  
     *in Scotiam revocat*, 8  
*Græmus Scotorum dux*, VI. 19  
*Graftonus (Rich.) falsi arguitur*, VIII.  
     16. X. 52  
*Grajus (Gul.) Anglus, Anglorum in Sco-*  
     *tia adversus Gallos militantium dux*,  
     XVI. 59  
*Grajus (Patricius) Andreæ I. Graje Re-*  
     *guli filius natu maximus, ad Duglas-*  
     *sium a Rege missus*, XI. 36  
     — ei

# I N D E X.

— ei amicitiam renunciat,	IX. 36	— eumque multis vulneribus trucidat,	56
— eum securi exanimat,	37	— horrendo quidem sed meritissimo sup-	
Grajus (Pat.) Pat. F. And. N. II. Gra-		plicio affectus,	58
jæ Regulus, inter Jacobi III. percussio-		Granisa insula,	I. 49
res,	XII. 61	Gratianus Britanniae imperium invadit,	IV. 54
— [aliis Andreas appellatur.]		Gregorius Scotorum Rex,	VI. 10
Grajus (Pat.) Gilberti F. And. [scu Pat.]		— res ejus praeclare gestæ,	10. 11
N. IV. Grajæ Regulus, in custodiam da-	XV. 29	Gressa insula,	I. 35
tus,	ibid.	Grevanus fluvius,	I. 20
— liberatur,	ibid.	Gria insula,	I. 42
— puriori religioni favet,	30	Grifinus Scotorum dux cæsus,	V. 34
— a Ruveno devictus,	ibid.	Grimus Scotorum Rex,	VI. 45
— ab Anglis captus,	XVI. 18	Gruinorta insula,	I. 42
Grampius mons,	I. 23	Guidi oppidum,	I. 21. IV. 34
Gramus (Gul.) unus e Jacobi III. custo-	XII. 17	Gulielmus Scotorum Rex,	VII. 44
dibus,		— Northumbriam ab Anglo repetit,	ibid.
Gramus (Joan.) Abercorni Regulus, Sco-		— in Galliam tractus,	ibid.
torum secundum Vallam longe fortissimus,		— ab Anglis capitur,	46
in prælio ad Varium facellum cæsus,	VIII. 23	— in Angli verba jurare coactus,	47
Gramus (Melissus) Pat. F. Ierniæ Comes,	X. 46	— ad suos redit,	ibid.
— adolescens in Angliam obses missus,	ibid.	— a Richardo Anglo omnibus pactis	
— Iernia a Rege spoliatus,	48	absolutus,	49
Gramus (Patricius) Davidis Stuarti Ier-		— ei reduci gratulatur,	ibid.
niæ Comitis filiam unicam uxorem ducit,	XII. 46	— moritur,	50
Gramus (Pat.) Fani Andreae Episcopus		Gulielmus I. Normanus Anglorum Rex,	II. 37
electus,	XII. 26	— adversus Milcolumbum III. Scotum	
— a Pont. Rom. Archiepiscopus Fani		bellatur,	VII. 18
Andreae & Scotiæ Primas creatus,	33	— pax inter eos facta,	ibid.
— absens accusatus,	ibid.	— moritur,	22
— sacris ei interdicatur,	34	Gulielmus II. Rufus Anglorum Rex, pa-	
— multis modis ab inimicis male babi-		tri succedit,	VII. 22
tus,	35	— causam belli adversus Scotos ferit,	ibid.
— & miseris confectus moritur,	ibid.	— auxilia Edgardo Scoto mittit,	25
Gramus (Rob.) Patricii tutor & patruus		Gulielmus Dumblanensis Episcopus, in	
in custodiam datus,	X. 28	Galliam missus, ut Reginam excuset de	
— Jacobum I. palam injustitiæ accu-		præcipitatis nuptiis,	XVIII. 31
sat,	48	Gulielmus Malmesburiensis Britannia-	
— aqua & igni ei interdictum,	ibid.	rum rerum scriptor, Angliam frequen-	I. 14
— in Regem conjurat,	55	tissime Britanniam appellat,	I. 38
		Gunna insula,	I. 38
			Gu-



Gustorum in nuptiis Mariae cum Delphino  
 accelerandis studium, XVI. 15  
 — potentia nimia suspecta, ibid.  
 — Scotos peculiare suae familiae regnum  
 destinant, 61  
 — Jacobum Moravium e medio tollere  
 conantur, XVII. 33

H.

**H**ABRERA magna & parva, in-  
 sula, I. 42  
 Hadina, seu Hadintona, oppidum, I. 18  
 Hadrianus Imp. e Galliis in Britanniam tra-  
 jicit, IV. 29  
 — ejus vallum, I. 22. IV. 29. 30  
 Hæretico fides non servanda, XVI. 31  
 Haja insula, I. 40  
 Hajus cum duobus filiis singulari virtute  
 Danos profligat, VI. 32.  
 — eorum laus, 33  
 — arma gentilitia, ibid.  
 Hajus (Edmundus) Reginae confidentiam  
 alit, XVIII. 45  
 Hajus (Gilbertus) Erroliae seu Arelliae Co-  
 marchus; Eques, Roberto I. amicus fi-  
 diffimus, VIII. 30  
 Hajus (Guliel.) Gilb. F. cum omni fere sua  
 gente ad Duplinum cæsus, IX. 7  
 Hajus (Gul.) III. Erroliae seu Arelliae Co-  
 mos, a Jacobo III. alienatus, XIII. 8  
 Hakerfæta insula, I. 40  
 Haliburtonus (Alex.) cæsus, XVI. 47  
 Haliburtonus (Jac.) cum centum equiti-  
 bus ad turbandos Anglos relictus, XV. 52  
 — Taoduni præfectus Paulum Mesanum  
 Regentis jussu comprehendere tergiversa-  
 tur, XVI. 26  
 Haliburtonus (Jac.) Piscurrii tutor, a  
 Reginensibus captus, XX. 58  
 Haliburtonus (Thomas) Dirletonius ex  
 Anglia prædas agit, X. 8  
 Hallus (Eduardus) scriptor Anglus, nota-  
 tus, X. 52

Hamiltonia (Margarita) [al. Elizabetha]  
 Jacobi II. Hamiltonia Reguli filia,  
 Matthæo Stuarto postea Leviniae Comitæ  
 nupta, XIII. 9  
 Hamiltoniicum Levinianis pugnant, XIV.  
 — ad Reginam liberandam totis viribus  
 incumbunt, XIX. 3.  
 — ad Langosidum prælio victi, 10  
 — conjurationi in Moravium subscribunt,  
 52  
 — conventum indicendum curant, XX. 10  
 — arcem Pasleti occupant, 25  
 — ejeti, ibid.  
 Hamiltoniorum familiae origo, VIII. 49  
 Hamiltonius (Claudius) Pasleti Abbas,  
 unus e ducibus Reginensibus Proregem  
 Sterlini opprimit, XX. 59  
 — ejus crudele mandatum, ibid.  
 Hamiltonius (David) Præstonianus, XV.  
 — ejus ad Proregem pro Georgio Sopbo-  
 cardio oratio, ibid.  
 Hamiltonius (Galvinus) Abbas Kilwinini,  
 XVI. 1.  
 — Moravii occidendi partes suscipit, XVII.  
 — in custodiam datus, ibid.  
 — cæsus, XX. 54.  
 Hamiltonius (Jacobus) II. Hamiltonia  
 Regulus partes Duglassiorum relinquit,  
 XI. 43.  
 — Maria Jacobi III. soror unor ei da-  
 ta, XII. 31.  
 Hamiltonius (Jac.) Jac. F. I. ex ea fa-  
 milia Aranie Comes, in Galliam cum  
 classe missus, XIII. 25.  
 — in Hiberniam appellit, ac Rupem Fer-  
 gusi oppidum incendit, ibid.  
 — Rex ei iratus præfecturam classis abro-  
 gat, ibid.  
 — in Britanniam minorem appellit, ibid.  
 — ab Albino Prorege deficit, XIV. 5.  
 — in aulam redit, 6.  
 — unus

# I N D E X.

— unus e sex Scotiæ Rectoribus absente Prorege deligitur, XIV. 9	— magistratu se abdicat, XVI. 4
— ab Arch. Angusiæ Comite pugna supe- ratur, 12	— in castris Regentis mille Scotos ducit, 34
— Angusium e Gallia reversum oppugnat, 25	— ad pietatis vindices se adjungit, 39
— Angusio reconciliatur, 28	— ejus imbecillitas multorum animos la- befactat, 45
— cum quo adversus Levinianos depugnat, 29	— a consilio tollendi Moravium non ab- horret, XVII. 29
<b>Hamiltonius (Jac.) Jac. F. II. Aranie</b> Comes, Scotiæ prorex electus, XV. 3	— filium suum in custodiam dat, 30
— ejus ad Angli legatum responsio, 6	— exilio multatus, 49
— Reginam e matris potestate ad se tra- ducere nititur, 9	— Regine ejusque marito adversatur, 50
— viribus inferior, sententiam suam de controversis religionis capitibus mutare cogitur, 11	— unus e filii sui Rectoribus a Regina nominatus, XVIII. 54
— Cardinalis & Regine viduæ partibus se adjungit, 13	— ejus in aula Gallica gratia, 55
— exercitu conscripto Glasceam ducit, arceque deditione capit, 18	— Reginam liberari cupit, XIX. 3
— Cunigamios prælio superat, 19	— Gallos ad opem Regine ferendam sol- licitat, 5
— ignominiosa adversus Anglos expeditio, 22	— comitia a Prorege indicta impedire, conatur, 13
— iterum in Anglos ducit, eosque ad An- crum devincit, 25	— ejus arx capta, & e suppellectili Jaco- bi V. aliquid repertum, XIX. 12 XVI. 2
— a Cardinale ad Fanum Andreæ ductus, 31	— in Galliam concedit, XIX. 24
— a Dav. Hamiltonio permotus, 33	— gubernaculum rei Scoticæ sibi cedi po- stulat, 25
— se in Sophocardi necem consensurum negat, 34	— a Regina in patrem adoptatus, & re- gni Vicarius factus, 31
— Cardinalis percussores in jus vocat, 42	— in custodiam datus, 32
— arcem Andreanam obsidet, 43	— in Argatheliam abit, XX. 17
— exercitum adversus Anglos ducit, 44	— supellex Regia apud eum reperta, ibid.
— arcem Andreanam expugnat, 45	<b>Hamiltonius (Jac.) Proregis F. Cardina- li obses datus, XV. 31</b>
— ab Anglis ad Musselburgum magno præ- lio victus, 49. 50	— ab ejus percussoribus in arce Andream detentus, 42
— Brochteam arcem obsidet, 52	— arce capta liberatus, 45
— de Regina in Galliam transportanda consultat, 54	— Scotis in Gallia militantibus præfectus, XVI. 1
— ejus auctoritas vilescit, 65	— a Gusiis morti destinatus evadit, ac se ad pietatis vindices adjungit, 40
— avaritia corruptus, 66	— cum Jacobo Stuardo Ormistonium eri- pere conatur, 47
— Castellerotii Dux creatur, XVI. 3	— a Gallis superatus, 48
— proximus regni hæres decernitur, ibid.	— Sterlinum proficiscitur, 49
	— Reginam deperit, XVII. 23. 30
	Ddd dd 3

I N D E X.

- doctrina Evangelicae unicus assertor, XVII. 29

— consilium occidendi Moravii exsecratur, 30

— literis ad eum missis omnem rei ordinem exponit, ibid.

— a patre in custodiam inclusus elabitur, ibid.

— mente emotus, ibid.

— in arce Fani Andreae asservari iussus, ibid.

Hamiltonius (Jac.) Botbuelachius, ex Archiep. Fani Andreae sorore natus, ex insidiis Moravium Proregem globulo plumbeo exanimat, XIX. 52

Hamiltonius (Jac.) praefectus juridicus Linmunchensis, Jacobum Hamiltonium notum laesa majestatis accusat, XIV. 57

Hamiltonius (Jac.) notus Jac. I. Comitiss Araniae frater, crudeliter victoriam exercet, XIV. 39

— Comitiss Cassilissae occidendi auctor, 30

— cum Levinii servus in patroni ulationem interimere conatur, 31

— Regi invisus, 52

— iudex adversus Lutheranos electus, 57

— a patruelo suo perduellionis accusatus, ibid.

— damnatus capite multatur, ibid.

Hamiltonius (Joan.) Jac. I. Araniae Comes notus, Abbas Pasletensis, e Gallia revertitur, XV. 5

— occiso Cardinale Archiepiscopus Fani Andreae a fratre Prorege nominatus, 48

— Anglorum de pace literas suppressi jubet, ibid.

— ejus crudelitas, avaritia & libido, 64 65. 66

— in arcem Edimburgi inclusus, XVIII. 42

— cedis Darleane conscius, XVIII. 15

— e principibus factionis Reginae unus, XVIII. 44

— a Jac. Balsurio in arcem Edimb. intromissus, & per aversam partem incolumis emissus, ibid.

— in arce Britannoduni captus, XX. 32

— suspendio vitam finit, 35

— cedis Regiae compertus, ibid.

Hamiltonius (Joan.) Aberbrothii Abbas, XIX. 52

Hamiltonius (Patricius) conjuratione sacerdotum oppressus, ac viris crematus, XIV. 32

Hanganatus Norvegiae Rex, Margaritam Alexandri III. Scoti filiam ducis uxorem, VII. 63. 65

Haraia insula, I. 42. 43

Haraldus Angliae Rex, VII. 17

Haraldus Orcadum & Cathanesiae Comes oculis orbatus & strangulatus, ejusque stirps mascula emasculata, VII. 49

Hardicanutus Angliae Rex, VII. 16

Hastings (Henr.) Anglus, tertiam Dav. Hundintonii filiam matrimonio accipit, VIII. 4

Hartus (Rob.) praelio casus, IX. 59

Haverera insula, I. 42

Haveskera insula, I. 41

Haura major & minor, insulae, I. 50

Hca insula, I. 42

Hebrides insulae, I. 32

Heburnus (Adamus) Halensis, arcem Dumbarii recipit, X. 45

Heburnus (Ad.) Halensis II. Botbueliae Comes, Bodiis se adjungit, XII. 22

— unus e Scotis ad Fluidonem ductus, XIII. 38

Heburnus (Jac.) Pat. F. Adami N. IV. Botbueliae Comes, Davidem Humium interficit, XIV. 8

— extra Scotiam Angliam & Galliam relegatus, 53

— Leviniae Comitiss rivalis, XV. 12

# I N D E X.

- |  |  |
|--|--|
| <p>— <i>Ormistonio capto pecuniam eripit,</i><br/>XV. 46</p> <p>— <i>Moravium cum Hamiltoniis com-</i><br/><i>mittere studet,</i> XVII. 29</p> <p>— <i>in arcem Edimb. inclusus,</i> 30</p> <p>— <i>per funem e fenestra demissus evadit,</i><br/>36</p> <p>— <i>hostis publicus denunciatur,</i> 42</p> <p>— <i>ab exilio revocatus,</i> 45</p> <p>— <i>a Moravio accusatus,</i> ibid.</p> <p>— <i>diem causse dicendae obire non audet,</i><br/>ibid.</p> <p>— <i>apud Reginam omnia potest,</i> XV III.</p> <p>— <i>a latrunculo ignobili vulneratus,</i> 3</p> <p>— <i>parum honesta cum Regina consue-</i><br/><i>tudo,</i> 2. 3. 4</p> <p>— <i>ejus opera Rex strangulatur,</i> 13</p> <p>— <i>Moravium tollere destinat,</i> 18</p> <p>— <i>elegans in eum scomma,</i> 21</p> <p>— <i>idem reus &amp; judex,</i> 20. 24</p> <p>— <i>absolvitur,</i> ibid.</p> <p>— <i>se ferro purgaturum venditat,</i> ibid.</p> <p>— <i>Reginam rapit,</i> 28</p> <p>— <i>cum uxore divortium facit,</i> ibid.</p> <p>— <i>Reginam uxorem ducit,</i> 29. 30</p> <p>— <i>per præconem postulat quocum sin-</i><br/><i>gulari certamine decernat,</i> 48</p> <p>— <i>gloriosa ejus vita ad Gallum a lega-</i><br/><i>to Scoto expositio,</i> 29. &amp; seqq.</p> <p>— <i>cum Moraviis se offerentibus congre-</i><br/><i>di recusat,</i> 48</p> <p>— <i>fuga sibi consulit,</i> 49</p> <p>— <i>ad Orcadas profugus piraticam exer-</i><br/><i>cet,</i> 52</p> <p>— <i>a Gal. Kircadio prope circumventus</i><br/><i>ad Cimbros delatus est,</i> XIX. 2</p> <p>— <i>captus &amp; in vincula conjectus mori-</i><br/><i>tur,</i> 2. 3</p> <p>Heburnus (Joan.) <i>Patricii I. Halensis Re-</i><br/><i>guli F. Cœnobiarcha Andreanus,</i> XIII. 44</p> <p>— <i>a Monachis Archiepiscopus electus,</i><br/>ibid.</p> | <p>— <i>Humis exitium machinatur,</i> XIII. 44</p> <p>— <i>ejus avaritia,</i> 48</p> <p>— <i>inter eum &amp; Formanum convenit,</i><br/>ibid.</p> <p>— <i>animum Proregis sibi conciliat,</i> XIV. 2</p> <p>— <i>ejus calumniis Alex. Humius concidit-</i><br/><i>se creditur,</i> 8</p> <p>— <i>inde magna ei invidia,</i> ibid.</p> <p>Heburnus (Pat.) <i>Halensis fortissime ad</i><br/><i>Otterburnum pugnatur,</i> IX. 58</p> <p>— <i>ab Anglis casus,</i> X. 8</p> <p>Heburnus (Pat.) <i>Pat. F. Halensis strenuus</i><br/><i>bellator,</i> IX. 58</p> <p>Heburnus (Pat.) <i>Halensis Regulus, ar-</i><br/><i>cem Dumbari tenet, secumque Reginam</i><br/><i>viduam habet,</i> XI. 23</p> <p>— <i>ejus arx Halis ab Arch. Dumbario</i><br/><i>capta,</i> ibid.</p> <p>Heburnus (Pat.) <i>Adami F. II. Boibuelie</i><br/><i>Comes, imperium ei a Rege delatum de-</i><br/><i>treclat,</i> XIV. 37</p> <p>— <i>in arcem Edimb. inclusus,</i> 39</p> <p>— <i>libertati restitutus,</i> ibid.</p> <p>— <i>iterum inclusus,</i> 42</p> <p>Helena <i>Constantini Magni mater,</i> IV. 45</p> <p>Hellisaia <i>insula,</i> I. 40</p> <p>Helscer <i>Vetularum, insula,</i> I. 41</p> <p>Hemodæ, <i>Vid. Æbudæ.</i></p> <p>Hengistus <i>Saxonum dux,</i> II. 37</p> <p>— <i>agri ei in Britannia a Vortigerno at-</i><br/><i>tributi,</i> V. 15</p> <p>Henricus I. <i>Anglorum Rex moritur,</i> VII. 29</p> <p>Henricus II. <i>Anglorum Rex, a Davide</i><br/><i>I. Scoto in militarem ordinem adscitus,</i><br/>VII. 34</p> <p>— <i>in Scotos injuriæ ac perfidiæ,</i> 38</p> <p>— <i>ejus se beneficiarium pro septentriona-</i><br/><i>libus provinciis Milcolumbus Scotus ipse</i><br/><i>jurat,</i> 39</p> <p>— <i>Northumbriam Scoto adimit,</i> 40</p> <p>— <i>Gulielmum Scotum Londinum venire</i><br/><i>jubet,</i> 44</p> <p>— <i>Northumbriæ parte ei cedit,</i> 45</p> <p style="text-align: right;">— <i>Gul.</i></p> |
|--|--|



# I N D E X.

- |  |  |
|--|--|
| <p>— <i>Gal. &amp; nobilitatis Scoticae principes in ejus verba jurare coacti</i>, VII. 47</p> <p>— <i>Henricus III. Anglorum Rex a legato Rom. in regno confirmatus</i>, VII. 54</p> <p>— <i>cum Alexandro II. Scoto paciscitur</i>, 55</p> <p>— <i>cum Alex. III. Scoto convenit, eique filiam suam matrimonio collocat</i>, 58</p> <p>— <i>cum Scotis inviolatam pacem colit</i>, ibid.</p> <p>— <i>civili bello illigatus a Scoto auxilium impetrat</i>, 63</p> <p>— <i>moritur</i>, 65</p> <p>— <i>Henricus IV. Anglorum Rex</i>, X. 5</p> <p>— <i>Scotiam ingreditur</i>, 7</p> <p>— <i>Percium &amp; Duglassium praelio vincit</i>, 11</p> <p>— <i>Jacobum I. captivum contra jus fasque detinet</i>, 13. 14</p> <p>— <i>moritur</i>, 19</p> <p>— <i>Henricus V. Anglorum Rex excursions in agros Scotorum facit</i>, X. 16</p> <p>— <i>in Gallicum bellum intentus</i>, 19</p> <p>— <i>Jacobum Scotorum Regem secum in Galliam ducit</i>, 23</p> <p>— <i>viginti Scotos dat strangulandos</i>, 24</p> <p>— <i>Henricus VI. Anglorum Rex, sprete nobilitate novos homines extollit</i>, XI. 47</p> <p>— <i>in eum conjuratio</i>, ibid.</p> <p>— <i>ab Eboracensi Regulo captus &amp; Londinum abductus</i>, XII. 2</p> <p>— <i>in Scotiam profugus humanissime accipitur</i>, ibid.</p> <p>— <i>Bervicum Scotis restituit</i>, 3</p> <p>— <i>praelio ad Examum victus</i>, 4</p> <p>— <i>Bervicum fugit</i>, ibid.</p> <p>— <i>occulte in Angliam rediens capitur</i>, 5</p> <p>— <i>Henricus VII. Anglorum Rex, Richardo a suis interemto succedit</i>, XII. 53</p> <p>— <i>foedus perpetuum cum Scotis facere cupit</i>, 54</p> <p>— <i>regni amulus ei excitatus</i>, XIII. 10</p> <p>— <i>expeditionem in Scotiam decernit</i>, 15</p> <p>— <i>Ricd. Foxium in Scotiam mittit</i>, 17</p> <p>— <i>Petrum Warbecum sibi dedit postulat</i>, ibid.</p> | <p>— <i>benevola ad Scotum de violatis induciis querentem responsio</i>, XIII. 19</p> <p>— <i>filiam Margaritam Jacobo IV. collocat</i>, 20</p> <p>— <i>Anglos percussores ad supplicium dedit</i>, 26</p> <p>— <i>Henricus VIII. Anglorum Rex, bellum Gallis indicit</i>, XIII. 23</p> <p>— <i>benevola ejus ad Jacobum IV. responsio</i>, 24</p> <p>— <i>a faciale admonitus de cede Roberti Britanni satisfacere non vult</i>, 27</p> <p>— <i>Tornacum obsidenti bellum a Scoto denunciatur</i>, 30</p> <p>— <i>responsum Rege dignum</i>, 45</p> <p>— <i>Surria Comitem in Scotiam immittit, qui proxima omni belli clade devastat</i>, XIV. 17. 19</p> <p>— <i>litteris ad Scotorum proceres scriptis foedus cum Anglis fieri, antiquum cum Gallis solvi petit</i>, 19</p> <p>— <i>Duglassium benevole accipit</i>, 25</p> <p>— <i>ad Jacobum V. legatos de pace mittit</i>, 38</p> <p>— <i>causas belli querens, oppidula quadam cremat, Duglassiosque exules restitui petit</i>, 44</p> <p>— <i>per legatum Gallum pacem petit</i>, 45</p> <p>— <i>Gallus ejus opera in libertatem restitutus</i>, 46</p> <p>— <i>libellos religionis dogmata continentes ad Jac. mittit</i>, 50</p> <p>— <i>cum eo colloquium petit</i>, ibid.</p> <p>— <i>id sibi negatum indigne fert</i>, 51</p> <p>— <i>iterum colloquium petit</i>, 56</p> <p>— <i>frustratus graviter indignatur</i>, 59</p> <p>— <i>Mariam Scotam filio suo desponderi cupit</i>, XV. 2</p> <p>— <i>captivos Scotos dimittit</i>, ibid.</p> <p>— <i>Rad. Sadlerium legatum, qui nuptias &amp; pacem procuraret mittit</i>, 4</p> <p>— <i>de jure gentium a Scotis violato con-questus, ad bellum se parat</i>, 8</p> <p>— <i>litteras minarum plenas ad Edimburgum</i>, 82.</p> |
|--|--|

# I N D E X .

genses mittit ;	XV. 15	Hirta insula ,	I. 41
— copias in Scotiam mittit qui omnia ferro flammaque vastant , ibid. 22. 23. 44		Hispani in Hiberniam colonos miserunt ;	II. 17. IV. 1
Henricus II. Gallorum Rex sex millia hominum in Scotiam mittit ,	XV. 54	— occidentale Britanniae latus ab eorum posteris coli affirmat Tacitus ,	IV. 2
— Dessium revocat , Paulo Termio in ejus locum substituto ,	62	Hispania exterorum injuriis obnoxia ,	IV. 1
— arte Proregem de gradu dejicit ,	XVI. 1	— frequentes in eam Gallorum migrationes ,	II. 13
— a Regente bellum Anglis indici petit ,	11	Historiographorum adulantium ingenium ,	II. 10
— nuptias Regine cum Delphino maturat ,	13	Hoia insula ,	I. 42
— in Gufiorum potestate ,	15	— alia ,	49
— moritur ,	38	Hoia promontorium ,	I. 31
Henricus Stuartus , Darlæus. Vid. Stuartus.		Holmæ , planities herbide ,	I. 49
Henricus Davidis I. filius moritur , VII. 34		Hominum efferatorum inter se certamen ,	X. 3
— ejus laus ,	ibid.	Honnega insula ,	I. 50
Hergustus Pictorum Rex ,	IV. 49	Horatius carmen Saliare Numa Pompilio regnante compositum se non intelligere fatetur ,	II. 8
— moritur ,	54	Horestia regio ,	I. 25. VI. 2
Heriotus (Guliel.) Rob. Stuartum neci eripit ,	IX. 17	Hostes non contemnendi , VI. 15. VIII. 36.	IX. 9
Herkelaius (And.) Carleoli Comes , aliene ignaviae pœnas capite luit ,	VIII. 47	— eorum subita liberalitas metuenda ,	XIV. 20
Hermodraia insula ,	I. 42	Hulmena insula ,	I. 42
Hethlandia insula , quæ & Continens dicta ,	I. 49	Humber Angliæ fluvius ,	I. 17
Hethlandicæ insule , quæ & Zelandicæ , descriptæ ,	I. 50	Humilis insula ,	I. 35
Hiberni ex Hispanis , adeoque & Gallis oriundi ,	II. 16	Humius (Alexander) I. Humiæ Regulus , Angliam invadens funditur ,	XIII. 29
— Gregorio Rege superantur ,	VI. 13	— suos ex pugna ad Fluidonem integros reducit ,	39
— ad Robertum I. legatos mittunt , VII. 43		— cædis Regiæ suspectus ,	40. XIV. 7
— Eduardum Brassium Regem sibi præficiunt ,	ibid.	— nimia ejus potentia ,	XIII. 43
— a Gul. Duglassio prosligati ,	IX. 53	— imperium ei datum in regiones cis Foribam ,	ibid.
Hiberni Scoti in Scotiam exscensionem facientes vincuntur ,	IV. 52	— Pontificis diploma promulgandum curat ,	44
— a Romano legato pacem petunt ,	53	— Joan. Albinum Proregem creari adnititur ,	46
Hiberniæ ex Solino descriptio ,	III. 6	— ab Eleburno apud Proregem accusatur ,	XIV. 2
Hibernicum cælum Britannico & Gallico mitius ,	I. 1. II. 16	— in Angliam secedit ,	4
Tom. I.		— bona ejus fisco adjudicata ,	5
		Ecc cc	= in

— in Proregis fidem se dat, XIV. 5  
 — Comiti Arania custodiendus datus, ibid.  
 — Dumbari oppidum vastat, ibid.  
 — veniam impetrat, 6  
 — magnis suspicionibus adversus eum coortis, 7  
 — capite luit, ibid.  
 Humius (Alex.) Geo. F. III. Humie Regulus a Bothuelio in aulam vocatus venire abnuat, XVIII. 42  
 — adversus Reginam dux, 46  
 — pro Jacobo VI. puero jurat, 56  
 — cum aliis dexterae Regii exercitus acies ad Langosidum praefectus, XIX. 10  
 — vulneratus, 12  
 — magnis pollicitationibus ad Regine partes deficit, 49  
 — cum Regina factione Edimburgum convenit, XX. 7  
 — e custodia emissus Humiam suam arcem munit, 12  
 — nimia sua credulitate ejus arx ab Anglis capta & spoliata, 16  
 — in rebellium comitiis princeps, 57  
 — captus ac suorum interventu liberatus, 58  
 Humius (Alex.) Nor-bervici Comarchus, Poluartii frater, Gul. Metellano custodiendo appositus, XIX. 48  
 — fidelis literis deceptus eum Gul. Kircadio tradit, ibid.  
 Humius (David) Vederburnius, Darsum Gallum occidit, XIV. 10  
 Humius (David) Alex. I. Humie Reguli frater, Coldingamiae Prior, a Jacobo Heburno interfectus, XIV. 8  
 Humius (Geo.) Alex. frater II. Humie Regulus, ab Anglis captus, XIII. 29  
 — ob cædem in Anglia exul, XIV. 8  
 — Duglassio se adjungit, XIV. 27  
 — ab eo deficit, 37  
 — Anglos in fugam vertit, 59

— ut in eorum agros incursiones facere liceret, a Prorege postulat, XV. 28  
 Humius (Gul.) Alexandri frater capite luit, XIV. 7  
 Humius (Joan.) alius Alex. frater, Jedburgi Abbas, ultra Taum relegatus, XIV. 8  
 Humius (Joan.) Vederburnii frater, Pat. Blacaterum interimit, XIV. 26  
 Hungus Pistorum Rex, V. 54  
 — Andree Apostolo sibi per quietem viso victoriam de Abelftano acceptam refert, ibid.  
 Huntillus. Vid. Gordonius.  
 Hustonius (Robertus) X. 22

J.

**JACOBUS I.** Scotorum Rex, dum in Galliam cogitat, ab Anglis captus, X. 13  
 — ab Henrico V. in expeditionem Gallicam ductus, 23  
 — in Scotiam redux, 26  
 — coronatus, 27  
 — Scotiam pacat, 30  
 — praedones compefcit, 30  
 — fœdus cum Gallo renovat, 29  
 — pravas consuetudines tollit, 36  
 — leges saluberrimas condit, ibid.  
 — disciplinam Ecclesiasticam instaurat, 38  
 — gemini ei nati, 37  
 — viros literatos favore prosequitur, 38  
 — cœnobium Carthusianorum ædificat, 40  
 — opifices e Flandria præmiis propositis arcessit, 41  
 — in suorum indignationem incurrit, 42  
 — prima ejus rei causa, ibid.  
 — secunda, 43  
 — Rosburgum obsidet, 55  
 — a perduellibus confossus, 56  
 — ejus elogium, 57  
 — ad-

— adversus Anglorum calumnias defenditur, X. 52  
 Jacobus II. Scotorum Rex, nascitur, X. 37. 59  
 — regnum init, XI. 1  
 — in arcula a matre ex arce Edimburgensi exportatus, 4  
 — a Cancellario prebensus & Edimburgum ductus, 11  
 — Duglassii cedi illacrymat, 17  
 — cum Gallo fœdus renovat, 25  
 — Angliam vastat, 28  
 — uxorem ducit Mariam ducis Gelrie filiam, 31  
 — Duglassii factionis fautores in jus vocat, 33  
 — exercitum in eos ducit, ibid.  
 — Duglassio placatur, 34  
 — ob multa ejus crimina ei insensus, 36  
 — eum ad se vocat, 37  
 — atque ob contumaciam pugione inpectus adacto occidit, ibid.  
 — Duglassios hostes publicos in conventu denunciandos curat, 40  
 — Crafordiæ Comitem venia donat, 42  
 — Hamiltonium in gratiam recipit, 43  
 — & Donaldum Insulanum, 46  
 — Nobilitas Anglica ab eo auxilium adversus suum Regem petunt, 47  
 — ab Anglis legato supposititio deceptus, 48  
 — Rosburgum arcem obsidet, ibid.  
 — cuneo ligneo a bombarda emisso exanimatus, 49  
 — ejus elogium, 50  
 Jacobus III. Scotorum Rex, XI. 49. XII. 1  
 — proceres ejus custodiæ adhibiti, XII. 17  
 — ejus adolescentia a Bodii corrupta, 21  
 — Margaritam Dani Regis filiam uxorem petit, 27

— conventum publicum indicit, in quo Bodii damnantur, XII. 29  
 — ejus & Margaritæ Danæ nuptiæ, 30  
 — sororem suam Thomæ Bodii uxorem Jac. Hamiltonio nubere cogit, 31  
 — ejus animus a pravis ministris labefactatus, 31. 32  
 — adversus Jo. Insularum Regulam proficiscitur, 36  
 — Astrologieis prædictionibus ac venustis mulieribus deditus, 37  
 — in tyrannum degenerat, ibid. 55  
 — fratres ejus in eum conspirant, 38.  
 — ad Anglum legatos mittit, 39  
 — adversus Anglos exercitum indicit, 40  
 — ejus ministri a conjuratis proceribus occisi, 45  
 — ab Alexandro fratre in liberam regni possessionem restitutus, 50  
 — cum Richardo III. Anglo pacem facit, 52  
 — item cum Henrico VII. 54  
 — Nobilitatem a publicis ministeriis excludit, 55  
 — Nobiles ulcisci cupiens, eos inter se committere conatur, 56  
 — ab Angusto delusus, 57  
 — proceres, ejus filio sibi duce præfecto, in eum consurgunt, 58  
 — prælio victus, 61  
 — occiditur, ibid.  
 — ejus elogium, 62  
 Jacobus IV. Scotorum Rex, natus, XII. 30  
 — dux exercitus adversus patrem, 58  
 — ejus in adolescentia moderatio, aliæque animi & corporis dotes, XIII. 9  
 — catena ferrea quod arma contra patrem induisset, se cingit, ibid.  
 — Pet. Varbecum impostorem honorifice tractat, 14



# I N D E X.

— exercitum in Angliam ducit, XIII.	14	— in Gallicam quam Anglicam anti-	
— iterum,	16	— citiam pronior, XIV.	52
— Pet. Varbecum Anglo dedere negat,	17	— in Galliam navigat,	ibid.
— Margaritam Henrici VII. filiam uxore	20	— Magdalenam Francisci filiam uxore	ibid.
— rem ducit,	20	— qua mortua ad Mariam Gufiam	
— profusio,	21	— Longovillani Ducis viduam uxorem depo-	
— novas conficiende pecunie rationes com-	22	— scendam legatos mittit,	53
— miniscitur,	22	— multos per duellionis damnat,	53. 54
— in Syriam proficisci statuit,	23	— Mariam Gufiam uxorem ducit,	55
— classẽ Annæ Franciæ Reginæ dono mit-	24	— Nobilitatem ut ignavam accusat,	56
— tit,	24	— ad substructiones ædium animum ad-	
— Anglo bellum denuntiat,	30	— jicit,	ibid.
— a spectro admonitus ne in incepto progred-	31	— Anglus cum eo iterum colloquium pe-	
— retur,	31	— tit,	ibid.
— Angliam ingreditur,	32	— a quo sacerdotum factio pecunia pro-	
— captivæ amore irretitus,	ibid.	— missa eum avertunt,	ibid.
— in sententia pertinacia,	36	— infomniis nocturnis turbatus,	58
— cum Anglis congressus,	38	— duo ejus filii eodem prope temporis	
— magno prælio victus occumbit,	ibid.	— momento decedunt,	ibid.
— de morte ejus fama dubia,	40	— legatum ad Anglos mittit,	59
— a perjurii nota, quam Angli scripto-	41	— prælio cum Anglis decernere cupit,	60
— res ei iniurere conantur, vindicatus,	52	— Nobilitati sibi adversanti graviter	
— ejus laus,	52	— insensus,	ibid.
Jacobus V. Scotorum Rex, regni admini-	XIV. 24	— Oliv. Sinclairum exercitus ducem con-	
— strationem suscipit,	24	— stituit,	ibid.
— in Duglassiorum potestatem cum ma-	25	— tre venit,	61
— eorum imperii pertæsus,	27	— mærore exstinctus,	61
— se in libertatem vindicare conatur,	ibid.	— ejus elogium,	62
— tandem se eorum manibus eripit,	33	Jacobus VI. Scotorum Rex, nascitur, XVII.	65
— Duglassiorum factioni insensus,	34	— baptizatur,	XVIII. 5
— & Hamiltoniis,	ibid.	— a Sterlino Edimburgum ductus,	7
— latrones tollit,	39	— mater eum in sua potestate habere con-	
— collegium judicum Edimburgi con-	43	— statuit,	22
— stituit,	43	— in Bothuelii potestatem eum tradere co-	
— de matrimonio cogitat,	45	— natatur,	41
— insulas Scoticas circumnavigat,	48	— pars Nobilitatis de ejus incolumitate	
— Anglus legatum ad eum mittit,	50	— tuenda conspirant,	41. 43
— colloquiumque cum eo petit,	ibid.	— mater ejus regnum ejerat, ac Rectores	
— sacerdotibus ab eo colloquio alienatus,	51	— puero nominat,	54
		— regnum init,	56
		— ab Jo. Comite Marriæ diligenter ser-	
		— vatus,	27. XIX. 3
			Idola

# I N D E X.

<i>Idola Perthi dejecta,</i>	XVI. 28	— <i>in custodiam inclusa,</i>	XI. 10
<i>Ierna, quæ Hibernia,</i>	II. 36	— <i>liberata,</i>	ibid.
<i>Ierna fluvius,</i>	I. 24. II. 36	— <i>moritur,</i>	23
<i>Ierna, vel Iernia, regio, quæ &amp; Strathbierna,</i>	I. 24. II. 36. V. 8	<i>Joannes Balliolus Scotorum Rex, ejus genealogia,</i>	VIII. 3. 7
<i>Iernus lacus,</i>	I. 24	— <i>regni quam famæ honestæ avidior,</i>	12
— <i>item fluvius,</i>	II. 36	— <i>Rex declaratur,</i>	ibid.
<i>Effurta insula,</i>	I. 42	— <i>e loco inferiori causam dicere coactus,</i>	ibid.
<i>Igerne Gerloidis uxor ab Uterio constupratur,</i>	V. 22	— <i>foedus cum Gallo renovat,</i>	14
<i>Ila insula,</i>	I. 36	— <i>Anglo amicitiam renuntiat,</i>	14
<i>Imerga insula,</i>	I. 36	— <i>in jus ab Anglo semel atque iterum vocatus,</i>	15
<i>Impostores egregit,</i>	XI. 48. XIII. 10	— <i>se regnumque Anglo dedit,</i>	17
<i>Induciæ violatæ,</i>	X. 5. 13. XI. 28. 47	— <i>in Angliam missus,</i>	ibid.
<i>Induciarum inter Regentem &amp; religionis vindices conditiones,</i>	XVI. 38	— <i>Roberto Bruffio regno. cedit,</i>	50
<i>Indulfus Rex Scotorum,</i>	VI. 19	<i>Joannes Anglorum Rex, cum Gulielmo Scoto foedera sæpius renovat,</i>	VII. 51
— <i>Dano profligat,</i>	ibid.	— <i>Scotiam invadit,</i>	52
— <i>occiditur,</i>	ibid.	— <i>jus regni in Pont. Rom. transfert,</i>	53
<i>Indulgentia nimia nocet,</i>	XI. 36	— <i>veneno a Monacho accepto exstinctus,</i>	ibid.
<i>Insula Figure humane,</i>	I. 36	<i>Joannes Francorum Rex ab Anglis captus,</i>	IX. 37
<i>Insula Joannis,</i>	I. 36	<i>Joannes cognomento Scotus, vir doctus, Caroli Magni præceptor,</i>	V. 53
<i>Insulæ quæ Scotiam cingunt enumeratæ &amp; descriptæ,</i>	I. 32	<i>Joannes II. Lusitanie Rex tyrannidis fundamenta jacit,</i>	XII. 62
— <i>earum classes tres,</i>	ibid.	<i>Joannes Viennensis classis Gallicæ in Scotia præfectus,</i>	IX. 49
— <i>a Donaldò Bano Norvegorum Regi concessæ,</i>	VII. 23. 24. 62	<i>Joannis insula, Vid. Insula.</i>	
— <i>Scotis restitutæ,</i>	63	<i>Iosta insula, cænobio Scotorum nobilitata,</i>	IV. 52
— <i>Danorum Rex omne jus in eas Jacobo III. dotis nomine remittit,</i>	XII. 27	— <i>D. Columbe insula dicta,</i>	I. 37
<i>Insulani tumultuantur,</i>	IV. 23. 34	— <i>multorum Regum sepulchretum,</i>	ibid.
— <i>ad omnes motus parati,</i>	VII. 3	<i>Jonstonus vel Jonstonius (Alex.) cæsus,</i>	X. 54
— <i>de iis Rob. I. consilium,</i>	IX. 57	<i>Jonstonus (Joan.) Anglos crebris incursionibus vexat,</i>	IX. 41
<i>Insulanorum occidentalium domi bellicæ vivendi ratio,</i>	I. 32 & seq.	<i>Jonstonus (Joan.) ejus agri a Scrupo Anglo vastantur,</i>	XX. 17
<i>Inundatio Tat fluminis,</i>	VII. 50	<i>Jonstonus (Rob.) a Valtero Scoto interfectus,</i>	XIV. 39
<i>Joanna Angli soror Alexandro II. nupta,</i>	VII. 55	<i>Josina Scotorum Rex,</i>	IV. 14
— <i>moritur,</i>	ibid.	<i>Irvinus fluvius,</i>	I. 20
<i>Joanna Comitiss Somerseti filia, Jacobi I. uxor,</i>	X. 25		
— <i>filium suum Regem Cancellario fraude eripit,</i>	XI. 4		
— <i>Jacobò Stuardo Lornensi nupta,</i>	10		

# I N D E X

*Ira insula*, I. 39  
 — *alia*, I. 42  
*Iffidorus urbs Gallie*, II. 34  
*Iter subterraneum naviculis pervium*, I. 42  
*Judæos imitantur Romanenses*, XI. 32  
*Judicium in causa Nobilium quomodo apud Scotos constituatur*, X. 29  
*Julia, i. e. Christi natalis*, V. 24  
 — *vocis etymon*, ibid.  
*Julius Agricola*, I. 22  
 — *ejus in Britannia res gestæ*, IV. 26. & deinceps.  
*Julius Cæsar primus Romanorum cum exercitu Britanniam ingressus*, IH. 3  
*Jura insula*, I. 35  
*Justitia plus potest quam armorum terror*, VI. 13  
 — *justitia nihil popularius*, X. 58  
*Juverna, quæ Hibernia*, II. 36

## K.

**K** *αὐψος, i. e. curvus, inde Comes Borte arx*, I. 34  
*Katharina Medicea filio mortuo regni administrationem suscipit*, XVII. 4  
*Kedualla Brittonum Rex*, V. 40  
*Keligira insula*, I. 42  
*Kellasa insula*, I. 42  
*Kelvinus amnis*, I. 23  
*Kennedus (Gilbertus) Davidis F. II. Cassiliffæ Comes, Jacobi Hamiltonii nothi fraude interemptus*, XIV. 30  
 — *vir magni animi*, ibid.  
*Kennedus (Gilb.) Gilb. F. III. Cassiliffæ Comes, adhuc impubes ad Arch. Duglassium confugit*, XIV. 30  
 — *ejus in fide servanda constantia*, XV. 7  
 — *Ilustitiei dimittendi auctor*, XVI. 6  
 — *in Galliam missus*, 14  
 — *non sine suspitione veneni decedit*, 17  
*Kennedus (Gilb.) Gilb. F. Gilb. N. IV. Cassiliffæ Comes, cum juxta in Borbuelii causa eligeretur sese excusat*, XVIII. 24

— *Proregi se dedit*, XX. 25  
*Kennedus (Henricus) cæsus*, VIII. 6  
*Kennedus (Hugo) Ardshinarius, Joan. Kennedi Dunurie Comarchi frater, in Gallia rem strenue gerit*, XV. 8  
*Kennedus (Jacobus) Gilb. I. Kennedie Reguli frater, Fani Andrea Episcopus Duglassis adversatur*, XI. 21  
 — *omnia sua consilia ad salutem publicam refert*, 25  
 — *Comitis Crafordie quamvis sibi antea inimicissimi salutem Regi accurate commendat*, 42  
 — *Reginæ matris factionem improbat*, XII. 6  
 — *oratio adversus muliebrem imperium*, 10 & deinceps.  
 — *ejus mors*, 23  
 — *et præclarum elogium*, ibid.  
*Kennedus (Joan.) (rectius Gilbertus) Jac. F. Gilb. N. I. Kennedie Regulus, Jacobo I. avunculo suo reconcilatus*, X. 37  
 — *ad Regis Jacobi III. custodiam adhibitus*, XII. 17  
 — *ab Alex. Bodio vulneratus*, 22  
 — *ab aula discedit*, ibid.  
*Kennethus I. Scotorum Rex*, V. 37  
*Kennethus II. Scotorum Rex*, V. 59  
 — *resides Scotos simulato spectro ad bellum Picticum accendit*, 60  
 — *Pictos debellat*, 61. 62  
 — *eorum regnum sub adjungit*, VI. 1  
 — *tertius regni Scotici conditor*, ibid.  
*Kennethus III. Scotorum Rex*, VI. 27  
 — *Danas ad Luncartem vicum devincit*, VI. 32  
 — *Milcolumbum Duffi Regis filium veneno tollendum curat*, 37  
 — *leges novas de regni successionem sancit*, 39  
 — *Fenellæ insidiis exstinctus*, 41  
*Kennethus Kennethi III. nothus et Constantinus IV. alter alterum mutuis vulneribus conficiunt*, VI. 44  
 Ken-

# I N D E X.

**Kennethus Feredethi filius Pictorum Rex,** V. 57  
**Kennus fluvius,** I. 19  
**Kentigernus Scotus, vite sanctitate clarus,** V. 16  
**Kerniburga major & minor, insula,** I. 38  
**Kernici,** I. 31  
**Kernicovalli,** I. 31  
**Kervera insula,** I. 35  
**Ketha (Agnes) Gul. Comitis Martialis filia,** XVII. 26  
*Moravio nubit,*  
**Kethus (Gul.) Gul. Comitis Martialis F.** XVI. 18  
*ab Anglis captus,*  
**Kethus (Gul.) Keithæ Regulus, Talbotum Anglum deletu exercitu capit,** IX. 25  
**Kethus (Joan.)** XX. 65  
**Kethus (Rob.) Scotiæ Martialis cum magno clientium numero ad Duplinum cæsus,** IX. 7  
**Kethus (Robertus) Rob. F. Perthum ab Anglis capit,** IX. 8  
**Kethus ( ) Comes Martialis, Jacobi IV. partes sequitur,** XIII. 8  
**Kinfanius Comarchus, Perthi prætor urbanus a Prorege constitutus,** XV. 30  
*cives Perthanos vexat,* XVI. 36  
*oppido expulsus,* ibid.  
**Kinnatellus Scotorum Rex,** V. 32  
**Kinrossia oppidum, unde dictum,** VI. 2  
**Kinrossiana præfectura,** I. 24  
**Kintera. Vid. Cantiera.**  
**Kircadius (Gul.) Grangianus, Gallos devincit,** XVI. 50  
*Regina cum eo colloqui petit,* XVIII. 49  
*classi adversus Bothuelium præfatus,* XIX. 2  
*dolo Metellanum captivum e manibus Alex. Humji in arcem ducit,* 48  
*a Prorege arcessitus venire renuit,* ibid.  
*in Regine partes pertractus,* XX. 10

*cum Edimburgensibus agit, ut portarum claves Reginenſibus tradant,* XX. 11  
*captivos Regine factionis principes dimittit,* ibid.  
*machinas æneas Proregi dare recusat,* 21  
**Kircadius (Jac.) Grangianus, Quæstor Regius,** XIV. 57  
**Kircua oppidum,** I. 48  
**Kirta insula,** I. 42  
**Knoxius (Joan.) ad Cardinalis interfectores, venit, eosque admonet,** XV. 43  
*multitudinem concione inflammat,* XVI. 28  
*luculenta concione animos eorum erigit,* 49  
*in Jacobi VI. inauguratione concionem habet,* XVIII. 56

## L.

**LABROSSIUS Gallus in Scotiam missus,** XVI. 41  
*Nobilitatem Scotticam exstinguendam censet,* 63  
**Laia amnis,** I. 36  
**Lamba insula,** I. 42  
**Lambertus (Gul.) Episcopus Fani Andree,** VIII. 32  
**Lambinus (Jac.) arcem Lacus Levini strenue defendit,** IX. 18  
**Lamota legatus Regis Galliæ, Scotos ad bellum adversus Anglos incitat,** XIII. 30  
*Angusii ad ejus postulata responsio,* 35  
**Lamyrii montes,** I. 18. IX. 41  
**Lanarcum, seu Lanericum oppidum,** I. 19  
*VI. 28. VIII. 35*  
**Lancastriæ Dux (Joan.) in Scotiam missus,** IX. 45  
*in Scotia dum seditio popularis conquiesceret, se continet,* ibid.  
*Sciam invadit,* 47  
*ejus*



# I N D E X.

— ejus clementia,	IX. 47.	Comes vocatus,	XVI. 1
Laodices Reginae crudelitas,	XII. 15	— exilio multatus,	XVII. 49
Largitionum immodicarum comes inopia,	XVI. 52	— ad triennium relegatus,	XIX. 14
Latrocinia nobilium punita,	VI. 22. 29. X. 30. 34. XIV. 27	Lessius (Geo.) Rothusiae Comes, in jus vocatus, & absolutus,	XV. 44
Latronum effectorum inter se certamen,	X. 3. 34	— in Galliam missus,	XVI. 14
Lauderia regio,	I. 18	— non sine suspitione veneni decedit,	17
Lauderum oppidum,	I. 18	Lessius (Joan.) Moravium ad caedem prodere renuit,	XVII. 36
Lauderus (Joan.) a Duglassio in Galliam missus,	XI. 9	— veniam impetrat,	38
Lauderus (Joan.) sacrificulus; Geo. Sophocardi accusator,	XV. 34	Lessius (Joan.) Rossiensis Episcopus,	XVIII. 46
Laurentius quidam Hetblandus uxorem duxit anno aetatis 100, piscatum prodibat anno 140.	I. 51	— Reginae Scotiae legatus secretorum omnium conficius,	XIX. 19
Laxa insula,	I. 42	— ejus ad Flaminium literae,	XX. 33
Lecti ex erica concinnati,	I. 33	Lessius (Normanus) Geo. Comitissae Rothusiae F.	XV. 25
Legatus Romanus supposititius,	XI. 48	— Cardinalem interficit,	40
Lelandus Britannus scriptor laudatur,	II. 27	Lessius (Valterus) Rossiae Comes,	X. 31
Lenitas nimia contemptum parit,	XI. 33. 36. 46	Letha fluvius,	I. 18
Leogus insula,	I. 43	Letha urbs,	I. 18
— in eo multae balenae capiuntur, ibid.		— ab Anglis & pietatis vindicibus obfessa, strenueque a Gallis defensa,	XVI. 54. 57
Leon (Gul.) Joannam Duglassiam perduellionis accusat,	XIV. 54	Levinia regio,	I. 23. V. 8
Leon (Joan.) Glammissae Regulus, a Comite Crafordiae capitali supplicio affectus,	XI. 23	Levinus (Milcolumbus) Leviniae Comes, Roberto Prussiae amicus certissimus ac prope unicus,	VIII. 30
Leon (Joan.) Glammissae Regulus, capita pacificationis inter Jacobum III. & proceres profert,	XIII. 8	— caritate in Regem, Leviniae comitatu cedit,	VIII. 41
Leon (Joan.) Glammissae Regulus, Joannae Duglassiae maritus,	XIV. 54	Levinus amnis Leviniae,	I. 23
Leon (Joan.) Glammissi propinquus, accusatus,	XIV. 54	Levinus amnis Fife,	I. 24
Lermonthius (Jac.)	XIV. 55	Levinus lacus,	I. 24
— familiae Regiae praefectus,	57	— ejus arx obsidetur,	IX. 18
— ad Anglum legatus missus,	59	Levistonius (Alex.) regni administrationi praefectus,	XI. 1
Lermonthius (Pat.) praefectus Fani Andree,	XVI. 34	— Cancellarium in arce Edimburgensi obfides,	6
Lessius (And.) Rothusii F. natu minimus,		— de pace inter eos conventum,	8
		— Reginam cum marito in custodiam tradit,	10
		— Rex illi veluti e manibus ereptus,	11
		— Cancellarium sibi reconciliat,	14
		— in jus vocatus,	20
		— in custodiam relegatus,	24
		Levi-	

Levistonius (Alex.) Gul. R. captus, XX. 32	--- venia ei data, XI. 42
Levistonius (Gul.) unus e Regina custodibus, XV. 52	Lindeus (Alex.) cum 80 e sua familia ad Duplinum casus, IX. 7
--- eam in Galliam comitatur, 55	Lindeus (Alex.) Jac. F. Anglos devincit, IX. 47
Levistonius (Jac.) Alexandri Scotiae Proregis F. capite plenus, XI. 14	Lindeus (Alex.) Davidis I. Comitiss Crafordiae frater, praelio ad Vernalium casus, X. 24
Lex antiqua de regni successione apud Scotos, IV. 6	Lindeus (David) Jacobi F. I. Crafordiae Comes creatus, X. 4
--- a Kennetho III. abrogata, VI. 37	--- ad rebelles pacandos missus, X. 1. 2
--- aliae novae, 38. 39	Lindeus (David) Dav. F. II. Crafordiae Comes, occisus, XI. 22
--- confirmatae, 47	Lindeus (David) Alex. F. IV. Crafordiae Comes. Dux montis Rosarum appellatus, XII. 56
--- an utiles, VII. 1	Lindeus (David) Alex. F. Dav. VIII. N. X. Crafordiae Comes, Cardinalis filiam uxorem ducit, XV. 39
--- lex permisciosa qua damnatorum bona fisco addicuntur, nullam in partem liberis & uxoribus admissis, IV. 30	--- cum aliis Reginenfibus Edimburgum convenit, XX. 7
--- lex ad furta compescenda a Tho. Randolpho lata, IX. 1	Lindeus (Jacobus) Joan. Caminiunensisque propinquum Robertum conficit, VIII. 28
--- de mensuris & ponderibus, X. 36	Lindeus (Jacobus) Glenfiae, Regularis Matthaeum Redmannum singulari certamine victor capit, IX. 60
--- de agrorum jure non satis aequa, XIII. 22	--- ipse ab Episcopo Dunelmensi captus, 61
--- qua sacerdotia venire vetat, elusa, XII. 35	--- ac liber dimissus, ibid.
--- leges Macalpinane, VI. 1	Lindeus (Joan.) in praelio Otterburnensi fortiter pugnans, IX. 59
--- leges in Scotia praeter conventuum decreta paucae, XIV. 53	Lindeus (Pat.) Byrie Regularis, in pugna ad Corricbiam adversus Huntileanos dimicat, XVII. 39
--- leges veneticae a Dornadillo latae, IV. 8	--- cecidit Dav. Rizii conficius, 60
--- item ab Ethodio I. 23	--- adversus Reginam & Bosbucium conficiat, XVIII. 41
Lichtonius (Valt.) casus, X. 1	--- cum Bosbucio ferro decernere offert, 48
Lidalia regio, I. 17. 18. V. 8	--- Moravium proregem in Angliam comitatur, XIX. 16
Lidulus fluvius, I. 17	--- Lethae praefectus rebelles funditis fugat, XX. 58
Lilius (Alanus) Rosbessiae praefectus, IX. 17	Lindilla insula, I. 39
--- Botae Vicomeis factus, IX. 19	
--- casus, ibid.	
Lilius (Alex.) Jac. Stuartum interficit, XI. 23	
Liamuchum oppidum, I. 18	
Lindeus (Alex.) Davidis F. III. Crafordiae Comes Ogilvotos pugna superat, XI. 22	
--- Joannem Leontem capitali supplicio afficiit, 23	
--- cum Duglassio fardus init, 35	
--- a Gordonio superatus, 39	
--- Regi se suppliciter dedidit, 42	
Tom. I.	F f f f

# I N D E X

Lindisfarne insula,	XII. 4	Longus fluvius,	I. 23
Linga insula,	I. 39	Lorna regio,	I. 23
-- alia,	42	Lothiana regio,	I. 18
-- alia dua,	50	— unde dicta,	VI. 2
Lingia insula,	I. 40	Lothus Pistorum Rex,	I. 18. V. 21
Lisnora insula,	I. 35	— suos liberos regno Britannico frau-	
Literæ Roberti III. ad Anglum,	X. 14	— dari conquiritur,	V. 23
-- Petri Hiala ad Hen. VII. XIII. 17		Loxia amnis,	I. 29
-- Rich. Foxii ad Jac. IV.	20	Lubrum lacus,	I. 30
-- Regine Margarite ad fratrem,	45	Luctacus Scotorum Rex,	IV. 28
-- Angli ad Scotorum proceres, XIV. 19		Luddus Britanniam prius Prudanium ap-	
-- ad Gallum de Levinio,	XV. 16	— peliatam fuisse asseverat,	I. 3
-- Anglorum ad Scotos ante pugnam Mus-		— confutatur,	ibid. 5. II. 22
— fulburgensem,	47	— ejus de Scotorum & Pistorum in	
-- Maravii ad Mariam Reginam, XVI. 39		— Albium primo adventu errores resellun-	
-- Regentis ad religionis vindices,	43	— tur,	II. 39
-- eorum ad Regentem,	44	Ludovicus VIII. Gallorum Rex, a Nobi-	
-- alia ad eandem,	56	— litate Anglicæ vocatus at exanctore Jo-	
-- Maria ad Regem Gallorum, XVII. 32		— annu regnum acciperet,	VII. 53
-- ad Elizabetham Anglam,	XIX. 30	— fulmine Romano ictus,	34
-- utriusque Regine ad Scotorum conven-		Ludovicus IX. Gallorum Rex, milites ab	
— tum,	42	— Alexandro III. ad bellum sacrum impe-	
-- eorum responsum,	ibid.	— tratur,	VII. 65
Lochabria regio, Vid. Abria.		Ludovicus XI. Gallorum Rex, Marga-	
Locrinus Bruti filius,	II. 4	— ritam Jacobi I. filiam uxorem petis, X.	
Loegria, quæ Anglia,	II. 4	— accipit,	29
Loganus (Alanus)	VIII. 20	— tyrannidis in Gallia fundamenta	
-- supplicio affectus,	31	— jact,	62
Loganus (Rob.) a Saracenis acie interem-		Ludovicus XII. Gallorum Rex legatum in	
— tus,	XI. 58	— Scotiam mittit,	XIII. 30
Loganus (Rob.) Restairici Comarchus,		Lugubris vestis quo primum tempore usus	
— Edimburgi prefectus,	XIV. 12	— apud Scotos occupavit,	XIV. 52
Logius (Joan.) majestatis convictus plecti-		Luinga insula,	I. 38
— tur,	VIII. 46	Lundinium, postea Augusta,	III. 8
Lollius Urbicus Ant. Pii legatus Scotos		Lunga insula,	I. 38
— Pistoque magno prælio vincti, ac vallum		Luparia, sive Laporum insula,	I. 35
— Romanum insinuat,	IV. 31	— alia,	38
Lominus lacus,	I. 23	Lusitania unde a quibusdam nominata, II. 11	
Londius (Jac.) Darlei mortem prænun-		Lusius fluvius,	I. 19
— ciat,	XVIII. 17	Luten fluvius,	I. 28
Logia insula,	I. 35	In Lutheranos questio exercita, XIV. 43.	
Longus finis,	I. 23	— 49. 55. XV. 29	
		Luthlacus Macbethi filius occisus, VI. 15	
		M. MA.	

M.

**M**ABANUM arm capta, IX. 46  
Macaintotius (Gul.) Catane familie  
princeps ab Huntileo trucidatur, XVI.  
5. XVII. 28

Macalpinanae leges, VI. 1

Macalsclanus (Alex.) X. 22

Macarcturius (Joan.) laqueo strangulatus,  
X. 30

Macbethus adversus rebelles missus, VII. 4

— Danos concidit, 5. 7

— ad regem occidendum somnio incita-  
tur, 8

— Regem se dicit, ibid.

— ejus crudelitas, ibid.

— Banconem interficit, 10

— a Milcolumbo III. regno, a Mac-  
duffo vita evadit, 13

Macclodius Haraensis, I. 43

Macdonaldus iatro Rossensis. Ejus imma-  
nitas, X. 34

— memorabile de eo sumptum suppli-  
cium, 35

Macdualdus novas res molienti debellatur,  
sibi que mortem infert, VII. 4

Macduffus Fife Thannus, Macbethi tyrannidem  
fugiens Milcolumbum adit, VII.  
12

— eumque ad regnum recuperandum  
hortatur, ibid. & deinceps,

— tria ei privilegia concessa, 14

— Macbethum occidit, 13

— adversus rebelles missus, 19

— rem simulatione transactionis suspen-  
dit, 20

Macduffus (Duncanus) V. Fife Comes.  
David I. filium suum ei peculiariter  
commendat, VII. 36

Macduffus (Duncanus) X. Fife Comes,  
unus e sex Scotie Rectoribus, VIII. 1

— ab Abernetbiis casus, 13

Macduffus (Duncanus) Dunc. F. XI. Fi-

se Comes, praelio ad Varium facellum  
casus, VIII. 23

Macduffus (Duncanus) Dunc. F. XII. Fi-  
se Comes, praelio ad Duplinum captus,  
& in Ballioli verba jurare coactus,  
IX. 7

— Pertho praefectus, captus, & in  
custodiam missus, 8

Macgillius (Jacobus) se a Gallis subducit,  
XVI. 63

— Moravium cum aliis in Angliam  
comitatur, XIX. 16

— cum Mortonio in Angliam missus,  
XX. 25

Maclellanus (Pat.) Bombae Comarchus, a  
Duglassio occisus, XI. 36

Macrobertus ( ) Struanus, occisus;  
XIII. 47

Macrorius (Alex.) laqueo strangulatus, X.  
30

Maazae, II. 22

Maetellanus (Gul.) Lethintonius, ad An-  
glie Reginam missus, XVI. 49

— iterum legatus ad eandem missus,  
XVII. 11

— ejus elogium, 24

— Regina rebus favet, XIX. 3. 14

— Proregem invitatus in Angliam co-  
mitatur, 16

— ad Elizabetham Anglam a Pro-  
rege missus, 18

— sinistrae de eo suspensiones quibus de  
caussis orae, 19

— a Prorege arcessitus, 47

— cedis Regiae postulatus, ibid.

— dimissus, 48

— dies rei capitalis ei dictas, 50

— quaestio in aliud tempus dilata, 51

— dimissus, XX. 2

— rerum novarum studiosus, 7

— domus ejus ludus, & ipse ludima-  
gister vulgo appellatus, 11

— Elizabetham ad arma non ventu-  
ram suis persuadet, 12



# I N D E X.

Magister equitum, qui & Stabuli Comes dictus,	X. 22	Margarita Alexandri III. ex filia neptis,	VII. 67
Magna insula,	I. 35	— Angli filio desponsa,	VIII. 1
— alia,	36	— moritur,	3
— tertia,	38	Margarita Jacobi I. filia, Ludovico Del- phino desponsa,	X. 29
D. Magnus, primus Orcadensibus Christi doctrinam attulit,	I. 46	— ad sponsum missa,	50
— ejus scyphus,	ibid.	— adversus Anglorum calumnias defensa,	53
Magnus Norvegiæ Rex, a Scotis pacem petit,	VII. 63	Margarita Regina Angliæ, Henricum VI. maritum armorum vi liberat,	XII. 2
In MAGUSurbium nomina desinentia, II.	35	— in Scotiam profugit,	ibid.
Mainus Scotorum Rex,	IV. 7	— inde in Galliam,	4
Makulliam (Gothredus) dux rebellium ca- ptus,	VII. 50	— rursus in Scotiam appellit,	ibid.
Malarus (Gillb.) supplicio affectus,	VIII. 46	— iterum in Galliam navigat,	5
Malavillanus (Rich.) arcem Lacus Levini oppugnat,	IX. 18	Margarita Eduardi IV. Angli soror, Car- oli Burgundi uxor, Pet. Varbecum impostorem Henrico VII. emulum excitat,	XIII. 10
Malavillius (Jacobus) peditum præfessus, — afflatu pulveris sulfurei ambustus perit,	XX. 51	Margarita Henrici VII. filia, Jacobo IV. nupta,	XIII. 20
Malavillius (Joannes) Rethius, capite pie- nus,	XV. 65	— post ejus mortem regni Rethin ex Re- gis testamento quamdiu coelebs maneret constituta,	43
Malduinus Scotorum Rex,	V. 52	— Comiti Angusiæ nubit,	ibid. 44
— ab uxore strangulatus,	ibid.	— ad Henricum VIII. fratrem scribit,	45
Mamertini Panegyrici locus explicatur, II.	40	— a magistratu per nuptias excidit, ibid.	
Mana vel Manna insula,	I. 34	— in Albini Proregis potestatem venit,	XIV. 4
— Manim dicta,	ibid.	— a Regis educatione submota,	ibid.
— ab Alexandro III. recuperata, VII.	63	— cum marito in Angliam abit,	ibid.
Marcellinus citatus,	II. 22	— filiam Margaritam parit,	ibid.
— corrigitur,	ibid.	— Londinum proficiscitur,	ibid.
Marchetæ mulierum unde dicta, VII. 21		— fœdus inter Scotos & Anglos promo- vere studet,	19
Marcia Scotiæ regio,	I. 17	— alieno a marito animo,	ibid. 9. 25
— cur sic dicta,	VI. 2	— ejus & Com. Aranie arbitrio negotia publica geruntur,	25
Margarita Milcolumbi III. uxor, VII. 17		— maritum oppugnat,	ibid.
— ejus prosapia,	16	— ne in mariti manum veniret, cavet,	30
— singularis ejus pietas,	21	Margarita Dani filia, Jacobo III. despon- sa,	XII. 27
— mors,	22	— ejus	
Margarita Alexandri III. filia, Hangona- no Norvegiæ desponsa,	VII. 63		
— moritur,	65		

— <i>ejus mors</i> ;	XII. 55	— <i>zate composcit</i> ;	XVI. 7
Maria Milcolumbi III. filia, Eustathio		— <i>tributa nova exigit</i> ;	ibid.
Bonomiensis nuptia,	VII. 22. 31	— <i>censum remittit</i> ;	10
Maria Ingelrami Cuciani filia, Alexandri		— <i>bellum Anglii indicit passulat</i> ;	11
II. uxor secunda,	VII. 57	— <i>prioris religionis vindicum ad eam po-</i>	
Maria Roberti I. filia, regni haeres desi-		— <i>gnata missa</i> ;	21
gnata,	VIII. 42. 49	— <i>mens ejus ab iis alienata</i> ;	23
Maria Jacobi III. soror, Tho. Bodionupta,		— <i>pristinam comitatem in arrogantiam</i>	
	XII. 26	— <i>convertit</i> ;	24
— <i>deinde Jacobo Hamiltonio</i> ;	31	— <i>pietatis vindices persequitur</i> ;	26
Maria Arnoldi Ducis Geiriae filia, Jaco-		— <i>in eos exercitum ducit</i> ;	29
bi II. uxor,	XI. 31	— <i>in pacis leges convenit</i> ;	30
— <i>a sua factione Regis Tutrix declara-</i>		— <i>quas tamen violat</i> ;	31
— <i>tur</i> ;	XII. 6	— <i>istorum copias in eos comparat</i> ;	34
— <i>ejus oratio</i> ;	8	— <i>inducias cum eis init</i> ;	38
— <i>mors</i> ;	18	— <i>procerum religionis vindicum ad eam</i>	
Maria Guffia Longovillani Ducis vidua,		— <i>legatoque Gallos responsio</i> ;	42
	XIV. 53	— <i>ejus responsio</i> ;	43
— <i>Jacobo V. nubit</i> ;	55	— <i>proceres respondent</i> ;	44
— <i>pro Cardinale deprecatur</i> ;	XV. 4	— <i>magistratum ei abrogant</i> ;	45
— <i>ad Gallos omnia trahit</i> ;	8	— <i>ad eam literas mittunt</i> ;	56
— <i>Levinium nuptiarum spe lassat</i> ;	8	— <i>in arce Edimburgensi decedit</i> ;	61
	12	— <i>ejus ingenium &amp; mores</i> ;	ibid.
— <i>Bothwellus ejus nuptias ambit</i> ;	12	Maria Scotie Regina, Jacobi V. filia unl-	
— <i>Hamiltonius sua factioni adjungit</i> ;	19	— <i>ca ac heres, nascitur</i> ;	XIV. 61
— <i>Levinus ei insensus</i> ;	17	— <i>eam Henricus VIII. Anglus filio</i>	
— <i>factionem Hamiltonio adversam in suam</i>		— <i>uxorem petit</i> ;	XV. 2. 3. 4
— <i>fidem recipit</i> ;	21	— <i>Sterlinum tradita</i> ;	10
— <i>Præregem ad Cardinalis eadem vindi-</i>		— <i>electi qui ejus educationi præsent</i> ;	ibid.
— <i>candam incitat</i> ;	43	— <i>Angli literis ad Scotorum proceres</i>	
— <i>Hamiltoniorum arrogantiam repressam</i>		— <i>missi ejus nuptias ambiunt</i> ;	47
— <i>non egre fert</i> ;	51	— <i>Britannodunum seposita</i> ;	52
— <i>ad Præregem loco deijciendum intenta</i> ;		— <i>in Galliam mittitur</i> ;	55
— <i>ibid.</i>		— <i>Curatores sibi eligit</i> ;	XVI. 3
— <i>in Galliam proficiscitur</i> ;	XVI. 1	— <i>Francisco Delphino nubit</i> ;	15
— <i>in Scotiam revertit</i> ;	ibid.	— <i>Maria Anglia mortua se pro hærede</i>	
— <i>Præregem de gradu paulatim depel-</i>		— <i>gerit</i> ;	24
— <i>lit</i> ;	2	— <i>ut pacis legibus Letba iniis subscri-</i>	
— <i>imperii insignia suscipit</i> ;	4	— <i>beret, Scoti petunt</i> ;	XVII. 2
— <i>Regem nominata</i> ;	5	— <i>mortuo marito reditum in Scotiam</i>	
— <i>Cardonium reconciliatum in iustitia con-</i>		— <i>parat</i> ;	4
— <i>filia adhibet</i> ;	6	— <i>assuta ejus ad assutum Cardinalem</i>	
— <i>conventus juridicos habet, &amp; quietis</i>		— <i>responsio</i> ;	7
— <i>publica perturbatores cum multa severi-</i>			

# I N D E X.

— in Scotiam applicat, XVII. 8	— proceres convocat, ut suas cum Dar-
— a suis summa cum gratulatione rece-	leo nuptias comprobarent, XVII. 47
pta, 9	— adversante licet Elizabetha Angla,
— in statu religionis nihil immutare pro-	48
mittit, 10	— nuptiæ celebrantur, ibid.
— apparatus missæ private multorum ani-	— Nobilitatis principes exilio multat,
mos offendit, ibid.	49
— per Legatum ad Elizabetham Anglam	— a marito alienata, 54
missum, 11	— Davidem Rizioum honoribus & di-
— se proximam regni Anglici heredem de-	vitiis cumulat, 55
clarari petit, ibid.	— quem occisum, 61
— Elizabethæ ad eam responsio, 12	— honorifico sepeliendum, 65
— Comes Aranie & Edimburgenses eam	— ejusque eadem acerbissima vindican-
offendunt, 20	dam curas, ibid.
— sibi satellitum custodiam adhibet, 23	— Jacobum filium parit, ibid.
— quod tyrannidis initium multis visum,	— maritum sibi fastidio esse ostendit,
ibid.	XVIII. 1. & deinceps.
— Aranius eam deperit, 30	— Botbuelii apud eam gratia, ibid.
— de colloquio inter eam & Anglam agi-	— impotenti eum amore flagrat, 3. 4
tur, 32	— a marito solvi cupit, ibid.
— ad proceres veræ religionis vindices tol-	— in ejus eadem cum Botbuelio conspi-
lentos a Pont. Rom. Cardinale Lotba-	rat, ibid. 11. 12
ringo, aliisque Papanis incitatur, 33	— jocularis questio de parricidis habetur,
— Huntilei filius ejus nuptias sperat, 33.	20
34. 38	— Botbuelio nubit, 30
— septentrionales Scotiæ partes invisit,	— legato ad Gallum missæ matrimonium
34	cum Botbuelio excusat, 32
— Gordonis eam rapera vituntur, 36	— proceres in illam & Botbuelium con-
— eorum manibus liberata Abredoniam	jurant, 41
redit, ibid.	— atque Bortbuici obsident, 43
— Huntileus eam in suam potestatem re-	— copias adversus eam ducunt, 46
digere quovis modo destinat, XVII. 38	— se dedit, 49
— Mattheum Levinie Comitem resti-	— in arcem lacus Levini inclusa, ibid.
suit, 43	— cædis Regiæ literis manifesto comper-
— Henricum ejus filium comiter accipit,	ta, 52
ibid.	— regnum ejerare cogitur, 54
— de eo in virum asciscendo sermones	— varia de ea in comitiis publicis sen-
feruntur. ibid.	tentia, XIX. 1
— summa apud eam Dav. Rizii gratia,	— ejus liberanda principes, 3
44	— custodia elapsa, 6
— & parum decora familiaritas, 45. 55	— exitu ejus fuso, 10. 11
56	— in Angliam profugit, 12
— Botbuelium aliosque exules revocat, 45	— Angliæ jussu conventus Eboraci lega-
— Moravio exitium machinatur, 46	tiis utrinque missis habetur, 16. 17
	— de

# I N D E X.

— de matrimonio cum ea Norfolciensis agit, XIX. 19	I. Anglo nupta, VII. 22. 25
— ejus a Regina Anglia postulata, 17	Mathildis Imperatricis & Anglie Regina, VII. 30
— per Balfurium res domi turbare conatur, 20	— Anglie proceres & Episcopi in ejus verba jurant, 31
— cadis Regie convicta, 22	— David I. ejus causam fortissime tuer, 32
— varie de ea disceptationes, 24. 25. 26 & postea	— Henricum filium ad Davidem mittit, 34
— Reginam Anglie accusat, 30	Matris in liberos reguandi causa crudelitas, XIX. 28
— Hamiltonium regni Vicarium constituit, 31	Maubraius (Alex.) Joan. frater, a Balliolo deficit, IX. 16
— ejus ad suos literæ, 29	Maubraius (Joan.) unus ex Ed. Ballioli ducibus, IX. 5
— secreto de matrimonio cum Norfolciensi tractat, 41. 44	— cæsus, 9
— ad conventum procerum literas mittit, quibus cum Botbuelio divortium facere cupit, 43	— de ejus hereditate lis, 16
— Norfolcii conjuratione detecta, in arctiorem custodiam datur, 50	Maubraius (Philippus) arcem Sterlinensem munit, VIII. 35
— machinationum Pontificis Rom. ad versus Elizabetham Anglam conscia, XX. 19	Maubraius (Rogerius) majestatis conscius, VIII. 46
— Mortonii in eam ad Elizabetham oratio, 36	Maubraius (Tho.) Bucingamie Comes, Anglie Martialis. Ejus jactantia a Roberto Prorege refutata, X. 64
Maria Anglie Regina marito adversus Galum auxilia mittit, XVI. 11	Maufactus (Pet.) supplicio affectus, XIV. 1
— ejus crudelitas notatur, XVII. 7	Maufetum oppidulum, IX. 9
Maria Henrici VII. filia Ludovico Franco nupta, XIV. 4	Maximianus legionis præfectus Scotos Pictosque prælio vincit, V. 4
Marianus Scotus, VI. 17	Maximus legatus in Britannia, IV. 50
Marræ regio, I. 26	— Scotos vincit, ibid.
Marrus (Donaldus) Marræ Comes, Prorex, IX. 3	— purpuram sumit, 53
— prælio ad Duplinum occisus, 7	— occiditur, 54
Martha Carie Comes & Robertus Brusius matrimonio copulantur, VIII. 7	Maxuallius (Joan.) Herosianus, a Levinio retentus, XV. 51
Martialis Comitis jactantia. Vid. Maubraius (Tho.)	— de ejus obsidibus pæna sumpta, 53
Martigius Comes in Scotiam venit, XVI. 54	— a religionis vindicæ partibus deficit, XVII. 51
— ejus crudele consilium, 63	— ei Regina parum fidit, XIX. 12
Martina, navigium nobile, a Duglassianis direptum, XIV. 36	— a Prorege in custodiam inclusus, 33
Mathildis Milcolumbi III. filia, Henrico VII. Anglo nupta, VII. 22. 25	— sine auctoritate publica emissus, XX. 12
	— tria hominum millia coactos habet adversus Anglos, 17
	Maxuallius (Rob.) Maxuallie Regulus, Duglass-



- gladios Edimburgo excludit*, XIV. 34  
*in custodiam datus*, 39  
*in Galliam legatus missus*, 53  
*Olivarium Sinclairum ducem Scoto-  
rum factum indignatur*, 60  
*pacis interpretas veniens Prorege in  
custodiam datur*, XV. 14  
*liberatur*, ibid.  
*Maxuallius (Rob.) Rob. F. ab Anglis captus*  
XV. 29  
*Mecla insula*, I. 50  
*Medici a Josina Rege Scotorum summo  
honore habiti*, IV. 14  
*Mefanius (Paulus) nobilis Verbi divini con-  
cionator*, XVI. 20  
*dies ei a Papanis dicta*, ibid.  
*exilium ei indictum*, ibid.  
*Megala insula*, I. 39  
*Mensurarum & ponderum correctio*, X. 36  
*Mercatores questus causa navigare vetan-  
tur*, VII. 66  
*Mercatoris insula*, I. 36  
*Menavia, seu Mevania insula*, I. 34  
*Mentethus (Joan.) Gul. Valla proditor*,  
VIII. 41  
*Roberto I. insidias struit*, ibid.  
*venia impetrata in praelio fortiter se  
gerit*, ibid.  
*Mercenaria fides cum fortuna mutatur*, XIX.  
36  
*Merlinus vates, seu impostor, quo tempo-  
re vixerit*, V. 20  
*Mercurius Tentates*, II. 23  
*Mernia regio*, I. 25  
*unda nomen habeat*, VI. 2  
*Mernoca insula*, I. 34  
*Mertaica insula*, I. 42  
*Metellanus Scotorum Rex*, IV. 22  
*Mevania insula, quæ Mana*, I. 34  
*Milcolumbus I. Scotorum Rex*, VI. 18  
*Anglos adversus Danos juvat*, ibid.  
*Milcolumbus II. Scotorum Rex*, VI. 48  
*a Danis victus*, 49  
*Danos vincit*, ibid. 50  
*agros Regis suis dividit*, VI. 51  
*novas leges condit, nevaque magistra-  
tum nomina instituit*, 52  
*trucidatus*, ibid.  
*Milcolumbus III. Cammorus dictus, Sco-  
torum Rex*, VII. 8  
*Macbethum tyrannum devincit, re-  
gnumque paternum recuperat*, 14  
*primus novos honorum gradus intro-  
ducit*, ibid.  
*rebelles compefcit*, 20  
*Episcopatum numerum auge*, 21  
*leges sumtuarias fert*, ibid.  
*lancea in oculum adacta exstinctus*, 22  
*ejus elogium*, ibid.  
*liberi*, ibid.  
*Milcolumbus IV. Scotorum Rex*, VII. 37  
*ab Henrico Anglo in Galliam tractus*,  
39  
*a suis contemnitur*, 41  
*calibem vitam amplectitur*, 43  
*moritur*, ibid.  
*Milites mercenarii ad stabiliendam tyranni-  
dem idonei*, XVI. 7. XVII. 53  
*militum mercenariam fidem cum fortuna  
mutari*, XIX. 36  
*Millus (Valterus) crematus*, XVI. 19  
*Modredus Lotbi Regis filius, Pictorum co-  
piis prefectus*, V. 26  
*a Saxonibus in fugam vertitur*, ibid.  
*absente Arcturo Brittonibus preest*,  
ibid.  
*prælio cæsus*, 28  
*Mogaldus Scotorum Rex*, IV. 29  
*damnatorum bona, lege lata, fisco ad-  
dit*, 30  
*a suis interficitur*, ibid.  
*Molas insula*, I. 34  
*Molochalgir insula*, I. 35  
*Momorancius (Annas) Gufiorum potentiam  
suspectam habet*, XVI. 15  
*ab iis cædi destinatus*, XVII. 2  
*Mona insula non eadem quæ Mana*, I. 34.  
III. 2  
Mo.

# I N D E X.

- Monachi pisces marini sine mali praesagio non**  
*visti*, VI. 9  
**Monachus Joannem Anglum veneno necat**,  
*VII. 53*  
 — *item alter Tho. Randulphum*, IX. 2  
 — *in fabula fingenda impudentia*, II. 8  
 — *luxus*, V. 14. VII. 28. X. 38  
 — *eorum caenobia decreto procerum diruuntur*, XVII. 6  
 — *Monachus Carmelita praelio captus lugubre canit inivisor*, VIII. 40  
**Monadum insula**, I. 38  
**Moneta aeneae vulgo Nigra appellata**, XII. 46  
 — *inde querela orta*, *ibid.*  
**Mongomerius (Hugo) III. Eglentonii Comes in fidem receptus**, XX. 25  
 — *captus*, 59  
 — *liberatus*, 60  
**Mongomerius (Jac.) Lorgianus, auxiliorum Gallicorum praefectus**, XV. 28  
 — *in Scotiam venit*, *ibid.*  
 — *in Galliam revertitur*, 29  
**Mongomerius (Joan.) arcem in insula Marini expugnat**, X. 29  
**Mongomerius (Joan.) Hugonis I. Eglentonii Comitis P. natu maximus, in tumultu Edimburgensi caesus**, XIV. 12  
**Monlucius (Joan.) Valentiae Episcopus in Scotia**, XVI. 58  
**Monrous (Donaldus) Insularum decanus, laudatur**, I. 32. 43  
**Monstrum in Scotia natum**, XIII. 7  
**Moravia regio**, I. 29  
**Moravienfes rebellantes cadantur**, VII. 42  
**Moravius (Andreas) Gul. F. Bothueliae Regulus, in praelio ad pontem Sterlini caesus**, VIII. 20  
**Moravius (Andreas) And. F. Bothueliae Regulus**, VIII. 20  
 — *ex Roberti I. sorore genitus, Scotiae Prorex creatur*, IX. 8  
 — *ab Anglis captus*, IX. 10  
*Tom. I.*  
 — *se magna pecunia redimit*, IX. 16  
 — *ejus in fide erga Davidem II. constantia*, 23  
 — *iterum Prorex creatus*, 24  
 — *multas arces capit*, *ibid.*  
 — *Angliam cum exercitu ingreditur*, *ibid.*  
 — *ejus mors & elogium*, 25  
**Moravius (And.) Tilibardinus, Balliolanis favet**, IX. 6  
 — *supplicio affectus*, 8  
**Moravius (Gul.) Tilibardinus, cum Bothuelio decernere offert**, XVIII. 48  
 — *ad Reginae partes se adjungit*, XIX. 3  
**Moravius (Jac.) Tilibardini frater, se ad singulare certamen Bothuelio provocanti offert**, XVIII. 24. 48  
**Moravius (Mauritius) And. Proregis F. arci Sterlinensi praefectus**, IX. 27  
**Moravius (Pat.) civis Perthanus. Ejus filius globulo plumbeo exstinctus**, XVI. 31  
**Mordacus, seu Murdacus, Scotorum Rex**, V. 47  
**Mordacus. Vid. Stuartus.**  
**Mordacus Taichie Comes, ad Duplinum caesus**, IX. 7  
**Moremarusa**, I. 13. II. 45  
**Morini**, I. 9  
 — *a more, quod vetere Gallorum lingua mare significat*, 13  
**Mors vita misera potior**, IV. 51  
**Morvillius (Gul.) Scotiae Constabularius**, IV. VIII. 7  
**Mossa, Angl. terrae genus**, I. 38  
**Muderacus (Joannes) latronum dux**, XVI. 5  
 — *captus*, 7  
**Mula Gallovidiae**, I. 19  
**Mulieres animi virilis**, IX. 13. 25. XI. 47. XII. 4  
 — *adversus mulierum imperium oratio*, XII. 10  
**Mulierum insula**, I. 37  
**Mulla insula**, I. 36  
*Mul-*

G g g g g

I N D E X.

Mulmoris insula, I. 36  
 Multosia monasterium ab Anglis crematum VIII. 47  
 Murdacus. Vid. Mordacus.  
 Murices ferrei, VIII. 37  
 Murus memorabilis ad Vallum Severi a Romanis exstructus, V. 6  
 Musa insula, I. 50  
 Musadilla insula, I. 35  
 N.  
 NAGUISOGA insula, I. 35  
 Naosiga insula, I. 36  
 Narnia regio, V. 8  
 Nathalocus Scotorum Rex, IV. 41  
 — primus regnum ambitioso petisse dicitur, ibid.  
 Navale praelium memorabile, XIII. 6  
 Navernia regio, I. 30. V. 8  
 Navernus fluvius, I. 30  
 Navis eximia magnitudinis ab Jacobo IV. edificata, XIII. 21  
 — ejus emulatione stimulati Franciscus I. Gallus & Henricus VIII. Anglus paulo capaciores quidem, sed ad omnem usum incommodas naves exstruxere, ibid.  
 Nautas offendere navigantibus periculosum, IX. 24  
 Nectamus Piclorum Rex, IV. 48  
 Nesa insula, I. 36  
 Nessus fluvius & lacus, ejus aqua nunquam congelat. I. 29  
 Nessus oppidum, quod & Ennernessa, I. 29  
 Neurgum oppidum, VII. 53  
 Ninianus Scotus vite sanctitate clarus, V. 16  
 Nithia regio, I. 18. V. 8  
 Nithus amnis, I. 18  
 Noalius legatus Gallus ad conventum Scotorum missus, XVII. 6  
 — ejus legationis capita, ibid.  
 Nobiles Rex Nathalocus strangulandos curat, IV. 41  
 — eorum cedes a Nothato facta, IV. 9  
 Nobiliores quando ab agris cognomina sumere coeperint, VII. 14  
 Nobilium (quos vocant) in plebem tyrannis coercetur, V. 21. VI. 20. 35. X. 36  
 Nobilium in Reges suos conspirationes, IV. 13. 21. 25. 28. 30. 32. 41. 47. V. 39. 41. 49. VI. 6. 9. 26  
 — in Jacobum III. conspiratio, XII. 58  
 Nomina nova regionibus ambitio imponit, VI. 2  
 — nomina nationum & locorum saepe mutata, II. 3  
 Normani Saxones in Britannia superant, II. 37. VII. 17  
 Northumbria in duo regna divisa, V. 40  
 — Scoto concessa, VII. 33  
 — Gulielmus Scotus ejus Comes creatus, 36  
 — Milcolumbo IV. adempta, 41  
 — a Gulielmo repetita, 44  
 — ejus pars ei reddita, 45  
 Nostunda insula, I. 50  
 Nothatus Scotorum Rex, IV. 9  
 — a Dovalianisotruncatur, ibid.  
 Novantum promontarium, I. 19  
 Noviodunum, sive Dunum novum, a Covalia, II. 33. IX. 19  
 Noviomagi nomino urbes complures, II. 35  
 O.  
 OCCA Saxonum dux ab Arturo praelio superatus, V. 35  
 Occidentales Scotiae insulae, I. 32. & seqq.  
 Ocelli montes, I. 24  
 Odo Episcopus Bajocensis, VII. 18  
 Ogilvius (Alexander) caesus, XI. 22  
 Ogilvius (Valterus) caesus, X. 1  
 Oraculum Bruto datum, a Monacho confictum, II. 8  
 Oransa insula, I. 39  
 — alia, ibid.  
 Ora

# I N D E X.

<p><i>Oratio procerum adversus Dovalum</i>, IV. 10</p> <p>— <i>adversus Conarum</i>, 32</p> <p>— <i>Maximi</i>, 41</p> <p>— <i>Pictorum adversus Victorini Romani tyrannidem</i>, 54</p> <p>— <i>Romanorum ad Brittones</i>, V. 6</p> <p>— <i>Brittonum adversus Scotos</i>, 10</p> <p>— <i>Conani Brittonis</i>, 11</p> <p>— <i>Gorani R. Scotorum ad Lothum R. Pictorum</i>, 21</p> <p>— <i>Kennethi III. ad suos</i>, VI. 29</p> <p>— <i>Culeni adversus legem a Kennotho de successione regni latam</i>, 42</p> <p>— <i>auctoris adversus hanc legem</i>, VII. 1</p> <p>— <i>Davidis I. in morte filii</i>, 33</p> <p>— <i>Valle ad Bruffium</i>, VIII. 23</p> <p>— <i>Tuine ad Eduardum Balliolum</i>, IX. 4</p> <p>— <i>Scotorum ad Eduardi III. legatos</i>, 11</p> <p>— <i>uxoris Alex. Setonii ad maritum</i>, 13</p> <p>— <i>Scotorum adversus auxilios Gallos</i>, 51</p> <p>— <i>Rob. Stuarti Gubernatoris</i>, X. 9</p> <p>— <i>Jacobi I. ad suos querentes</i>, 49</p> <p>— <i>Regine ad Crichtonium Cancellarium</i>, XI. 3</p> <p>— <i>Levistonii adversus Crichtonium</i>, 5</p> <p>— <i>Levistonii ad Crichtonium</i>, 13</p> <p>— <i>Crichtonii ad Duglassium</i>, 16</p> <p>— <i>Duglassii ad Regem</i>, 19</p> <p>— <i>Jac. Levistonii ante mortem</i>, 24</p> <p>— <i>inimicorum adversus Duglassium</i>, 27</p> <p>— <i>Regis ad Ormundia Comitem</i>, 30</p> <p>— <i>aulicorum adversus Duglassium</i>, 36</p> <p>— <i>Regis ad Duglassium</i>, 37</p> <p>— <i>amicorum ad Duglassium</i>, 41</p> <p>— <i>Regis de Donaldio insulano</i>, 46</p> <p>— <i>factionis Regine adverse</i>, XII. 7</p> <p>— <i>Regine pro se defensio</i>, 8</p> <p>— <i>Jacobi Kennedi adversus muliebrem imperium</i>, 10</p> <p>— <i>Angusii adversus aulicos</i>, 42</p> <p>— <i>Jacobi III. ad legatos Anglos</i>, 54</p> <p>— <i>Angusii ad Jacobum III.</i>, 57</p>	<p>— <i>Petri Varbeci ad Jacobum IV.</i>, XII. 42</p> <p>— <i>Procerum Scotorum ad Jac. IV. ante pugnam ad Flaidonem</i>, 34</p> <p>— <i>Angusii ad eundem</i>, 35</p> <p>— <i>Gul. Elfinstonii</i>, 46</p> <p>— <i>Jac. Heburni ad Albinum Proregem</i>, XIV. 2</p> <p>— <i>Nobilitatis pro fodere Gallico</i>, 20</p> <p>— <i>Ecclesiasticorum ad Jacobum V.</i>, 56</p> <p>— <i>Angusii ad Aranium Proregem</i>, XV. 24</p> <p>— <i>Hamiltonii Prestoniani ad Proregem</i>, 33</p> <p>— <i>Sandelandii ad Regentem</i>, XVI. 8</p> <p>— <i>Gul. Metellani ad Elizabetham Anglam</i>, XVII. 1</p> <p>— <i>ejusque responsio</i>, ibid. &amp; seqq.</p> <p>— <i>Moravii &amp; Glencarnii ad Hamiltonias</i>, 50</p> <p>— <i>Ruveni ad Reginam</i>, 63</p> <p>— <i>Croci legati Galli ad Scotos</i>, XVIII. 47</p> <p>— <i>Moravii in conventu Eboracensi</i>, XIX. 17</p> <p>— <i>ejusdem</i>, 21</p> <p>— <i>Ducis Castellerotii de rei Scotica gubernaculo sibi cedendo</i>, 25</p> <p>— <i>Regiorum legatorum ad eam responsio</i>, 26</p> <p>— <i>pro Huntileo &amp; contra</i>, 35. 36. 37</p> <p>— <i>Randolphi ad conciliumoticum</i>, XX. 3</p> <p>— <i>Elizabethæ ad legatum Scotum</i>, 18</p> <p>— <i>Mortonii ad eam, ejusque responsio</i>, 36. &amp; deinceps.</p> <p>— <i>Orbania insula</i>, I. 40</p> <p>— <i>Orcades in Albium exscendunt</i>, IV. 19</p> <p>— <i>prælio conciduntur</i>, ibid.</p> <p>— <i>Orcades insule</i>, I. 32</p> <p>— <i>earum descriptio</i>, 45. &amp; seqq.</p> <p>— <i>incolentium mores &amp; victus ratio</i>, 46</p> <p>— <i>eorum salubritas &amp; ætatis longinquitas</i>, 51</p> <p>— <i>Orcas promontorium</i>, I. 31</p> <p>— <i>Ordinis Conchiliati Eques</i>, XVI. 43</p>
---	---

G g g g g 2

Orna



# I N D E X.

Orna insula,	I. 50	Papuanitas, i. e. Armerici, Morini, seu maris accolæ	I. 13.	
Orosius (Paulus) corrigitur,	III. 5	Parricidia inulta non finit Deus,	VI. 23.	
Oruansa insula,	I. 36		40.	
Ofricus Deirorum Rex, Apostata,	V. 40	Parfimonia sanitatis mater,	I. 46.	
Ofellius legatus, Gallus,	XVI. 2	Pascha. De ejus celebrandi tempore disputa- tio introducta,	V. 36	
— insignia imperii Scotici Regine no- mine accipit,	4	Pasletensis liber,	V. 2. VI. 3	
— confus exigendi auctor creditus,	7	Pasletum seu Pasletum,	X. 15	
— ejus gloriæ cupiditas,	12	Patricius vitæ sanctitate clarus,	V. 16.	
— vir bonus, & pacis bellicue artibus eruditus,	62	Patricius Gallovidianus una cum hospitio cre- matus,	VII. 57	
Ofrima insula,	I. 36	Paupertas apud Scotos non gentis sed agri vitium,	X. 24.	
Ofualdus Northumbriæ Rex,	V. 40	Pax inter Anglos & Scotos affinitate con- firmata,	XII. 40. XIII. 20. XIV. 46.	
— populo conciones Scotico sermone ha- bitas interpretatur,	ibid.		XV. 5	
Otiosi severa animadversione castigati,	VII. 66	— inter Gallos & Anglos inita,	64.	
Otiosorum insula,	I. 35	— pax inter Scotos, Anglos & Gallos Lethe inita,	XVII. 1.	
Otium omnium scelerum fons,	VII. 66	Pax otium parit, otium voluptates,	IV. 30.	
Ottobonus Pont. Rom. legatus,	VII. 64		V. 15. X. 42.	
Overfa insula,	I. 36	Peachti, qui Pielti,	II. 18.	
Oves feræ carnis loco arvinam habentes,	I. 42	Pelagiana hæresis Ecclesiam Scoticam turbat,	V. 16.	
Ovia insula,	I. 39	Penda Merciorum Rex,	V. 40.	
— alia,	40	Pennangus (Simon) ab Angusto ad Regem Angliæ missus,	XIV. 25	
Ovicularia insula,	I. 36	Penthlandici montes, & fretum Pentlan- dicum,	II. 18.	
Ovicularis insula,	I. 35	Percius (Henricus) Northumbriæ Comes, Sco- tiam invadit,	IX. 41.	
Ovilha insula,	I. 35	— equis crepitaculis per terrefactis disce- dere coactus,	ibid.	
Oxonia pro Oxonfordia,	I. 10	— filios adversus Scotos mittit,	56.	
		— in Henricum IV. conjurat,	X. 11	
		— iterum in Henricum IV. conjurat,	16	
		— in Scotiam fugit,	17	
		— a Rad. Rokesbio occiditur,	ibid.	
		Percius (Hen.) Hen. F. Plexippus cognomi- natus,	IX. 58	
		— adversus Scotos a patre missus,	56	
		— a Jac. Duglassio singulari cetarmino victus,	57	
			— cum	

## P.

<b>P</b> ABA insula latrociniis infamis,	I. 39
— alia,	ibid.
Pabaia insula,	I. 42
— alia,	ibid.
Pacis duni. Vid. Duni pacis.	
Palladius a Cælestino Pont. Rom. in Scotiam missus,	V. 16
Pandulfus Pont. Rom. legatus,	VII. 55
Panitarius (David) e Gallia reversus,	XV. 5
Panitarius (Pat.) in custodiam datus,	XIV. 5
Papa insula,	I. 49
— alie due,	50

— cum Scotis ad Otterburnum congregatus, IX. 58  
 — capitur, 59  
 — Scotos prælio Homeldonenſi ſuperat, X. 8  
 — in Henricum IV. conjurat, 11  
 — prælio Salopiensſi victus ac caſus, ibid.  
 Percius (Radolphus) Plexippi frater, captus, IX. 49  
 Percius (Thomas) Northumbria Comes, a Moravio Prorege captus, XIX. 50  
 — in arcem lacus Levini incluſus, 51  
 Perthum oppidum, I. 25  
 — prius Bertha dictum, VII. 50  
 — Pertho viro nobili, qui ſolum urbis Regi donaverat, appellatum, ibid.  
 Petilius Cerialis Brigantes devincit, IV. 26  
 Picti non Saxonici generis, I. 45  
 — a corporibus pingendis dicti, II. 18  
 — eorum origo, 19. IV. 2  
 — oram Britannia Germanico mari vicinam occupant, IV. 2  
 — a Scotis conjuges accipiunt, ibid.  
 — oraculo moti, quod ipſos a Scotis delendos vaticinabatur, Scotos primum injuriis, IV. 3  
 — mox bello laceſſunt, ibid.  
 — inter eos pax convenit, 4  
 — inter Pictos & Scotos jactum eſt crudeliſſimi belli ſeminarium, 45  
 — a Scotis victi, 48  
 — Scotos victores vincunt, ibid.  
 — a Scotis iterum devicti, 49  
 — cum Romanis & Brittonibus adverſus Scotos ſocietatem ineunt, 50  
 — eorum in Scotos crudelitas, 52  
 — in formam provinciae a Victorino redacti, 54  
 — ad Scotos revocandos legationem decernunt, ibid.  
 — ſædus cum Saxonibus faciunt, V. 17  
 — eorum auxilio Uterius ac Arcturus Brittonum Reges multas de Saxonibus vi-

ctorias referunt, V. 22. 24  
 — Arcturum prælio ſuperat & occidunt, 28  
 — magno prælio vincuntur, 27  
 — bellum inter eos & Scotos Columbae opera reſtinctum, 33  
 — cum Saxonibus bellum adverſus Scotos & Brittones renovant, 34  
 — inter eos varia fortuna pugnatum, 40.  
 — Alpinus eorum regnum petit, V. 56  
 — inde internecinum bellum ortum, 57  
 — Scotos vincunt, & Alpini caſi caput ad ſpectaculum Abrenethii proponunt, 58  
 — a Scotis magno prælio ſuperati, 61  
 — eorum ſuprema clades ac deletio, 62  
 — eorum agri Scotis diviſi, VI. 2  
 — reliquiae eorum ab Anglis auxilium petunt, 4  
 — ſpe fraſtrati in Daniam & Norvegiam transmittunt, 6  
 — Danos adverſus Scotos ſollicitant, 8  
 Picticum fretum, I. 48  
 — quod & Pentblandicum, II. 18  
 Pictlandici montes, I. 18  
 — qui & Pentblandici, II. 18  
 Pitcarnius (Rob.) Fermelinoduni Abbas, Moravium Proregem in Angliam comitatur, XIX. 16  
 — a conventu Scotorum ad Elizabetham Anglam miſſus, 46  
 — redit, 50  
 — ad Reginam Anglia iterum miſſus, XX. 15  
 — reſponſum ab Anglia refert, 18  
 — ad Reginam Angliae tertio miſſus, 25  
 Platycerotas damas falſo appellari, XVII. 29  
 Plinii locus corrigitur, I. 15  
 Pollacæ, piſces, I. 23  
 Polygamia. Pro ea lex Eudo III. lata, IV. 121  
 Po-

# I N D E X.

Pomona insula Orcadum maxima, I. 48	exigendam, XV. 25. 31
Ponderum correctio, X. 36	Privilegio veteri Scoti ad causam dicen-
Pontificis Rom. emissarii in Britannia, V. 36	dam extra regnum non evocantur, VII. 61
— in eum jus regni Anglici translatum, VII. 53	Procerum Scottæ ad Elizabetham Anglam
— pecuniam a Scotis exprimere con-	apologia, XX. 36. & seq.
tur, 64. 65	Prodigia, VI. 23
— ejus legati Scotis sacris interdunt, VIII. 47	Prudantiam antiquissimum Britannicæ nomen
— ejus permissu inungitur David II. Scotorum Rex, IX. 1	non fuisse contra Luddum contenditur, I. 2. 3
— culpe condonationem, non vero corporis pœnam ad eum pertinere, ibid.	Prytaneiam Britanniam olim appellatam con-
— Scotiæ Regi sacerdotiorum decimas in tres annos donat, 37	tendit Tho. Eliotus, I. 2
— matrimonia illicita confirmat, XI. 40	— ejus opinio refutatur, 3
— affectuum ejus furor, XIV. 32	Ptolemæi locus ex conjectura emendatus, II. 22
— in ejus gratiam Scotos questionem in Lutheranos exercet, 43	Pugna ad Loncartem vicum, VI. 32
— Mariam Scotam ad Jacobi Moravii eadem literis sollicitat, XVII. 33	— ad Almonem amnem, 44
Populi ardor facile resinguitur, XVIII. 44	— ad Murthilacum, 49
Porcaria insula, I. 36	— ad Balbridum, 50
Portugallia a portu Gatheli falso quibusdam deducta, II. 12	— ad Allertonem vicum, VII. 32
Portus salutifer, sive Cromartie portus, I. 30	— ad Tesam amnem, quam alii præ-
Possessionum jura belli vicissitudines confun-	lium Standardi appellant, ibid.
dunt, VIII. 46	— ad Largas, 62
Potentiam arrogantia sequitur, XVI. 25	— ad Dumbarum, VIII. 16
Præda, ab hostibus recuperata dominis agnoscentibus reddita, IV. 20	— ad pontem Sterlini, 20
— magni mali causa, VI. 16	— ad Varium sacellum, 22
— prædatori noxia, XX. 60	— ad Roslinum, 24
Prælium Eboracense, a stragseacerdotum Album dictum, VIII. 45	— ad Methuanum & Dalree, 30
Præstonius (Laurentius) Monfortium præ-	— ad Enneruriam, 34
lio interficit, IX. 25	— ad Deam amnem, ibid.
Præstonus (Thomas) Jacobo III. intimus amicus, XII. 37	— ad Banocum flumen, 37. & seqq.
Princeps Scotorum, Regis filius natu maxi-	— ad Dundalum Hiberniæ oppidum, 44
mus appellatur, VI. 39. XIII. 1	— ad Eboracum, sive prælium Album, 45
A Principibus fidem promissorum anxie non	— ad Bilandum cœnobium, 47
	— ad Duplinam, IX. 6. 7
	— ad Maufetum, 9
	— ad Rosburgum, 10
	— ad Halidonem, 14
	— ad Kiblaniam, 23
	— ad Dunelmum, 33
	— ad Cressiacum, 32
	— ad Pictavium, 37
	— ad Otterburnum, 57
	— ad

ad Pertum,	X. 3
ad Homeldonum,	8
ad Salopiam,	11
ad Harlaum,	18
ad Baugium,	21
ad Vernolium,	24
ad Belsiam,	ibid.
ad Piperdeniam,	54
ad Aberbrothium,	XI. 22
ad Sarcam,	29 30
ad Brechinum,	39
ad Vafeldiam,	XII. 2
ad Fanum Albani,	ibid.
ad Torrionem,	ibid.
ad Examum,	4
ad lacum Mobanum,	52
ad Sterlinum,	61
ad Fluidonem,	XIII. 37
ad Solvæ paludes,	XIV. 60
ad Ancramum,	XV. 25
ad Pinkium seu Muffelburgum,	50
ad Corriciam,	XVII. 40
ad Langofidum,	XIX. 10
ad Tilliangam,	XX. 64
ad Abredoniam,	65
Pygmarum infula,	I. 42

Q

QUADRAGESIMALE jejuniū,	XVII. 42
Quæſtio jocularis de Darleanæ cæ- dis auctōribus,	XVIII. 20. 24
Quindecimviratus judicum in rebus civi- libus apud Scotos inſtitutus,	XIV. 43

R

RAARSA infula,	I. 39
Raclinda infula,	I. 35
Ramiſæus (Alex.) rei militaris gloria cla- rus,	IX. 22
audax ejus facinus,	25
Anglos ſuperat ac Roſburgum capit,	29

— a Gul. Douglaſſio Lidaliano fame ex- ſtitutus,	IX. 31
Ramiſæus (Alex.) Gul. F. Alex. N. Ber- vici arcem capit,	IX. 43
Ramiſæus (Alex.) Ejus in arce Britanno- duni occupanda virtus & ſingularis auda- cia,	XX. 32
Ramiſæus (Gul.) Alex. F. Dalluſie Co- marchus, Noramam incendit,	IX. 35
Ramiſæus (Joan.) Balmanie Regulus, Re- ge exorante pœna exemptus,	XII. 45
— ejus ſuperbia,	55
Ranſa australis infula,	I. 49
Ranſa infula,	I. 35
Randulphus (Tho.) legatus Anglus auditus,	XX. 3
Randulphus (Joan.) Tho. F. natu ſecun- dus, Moravie, fratre exſiſtito, Comes,	IX. 9
— e Galliis revertitur,	20
— unus e Scotia Proregibus creator,	ibid.
— inſidiis exceptus,	22
— cum Comite Sarisburii permutatus,	29
— Lacus Mobani arcem capit,	ibid.
Randulphus (Tho.) Moravie Comes, E- dimburgi arcem capit,	VIII. 35
— Anglos ſuperat,	38. 39
— Regis Tutor designatus,	43
— Angliam ferro flammaque vaſtat,	45
— Archiepiſcopum Eboracenſem proſtitit,	ibid.
— Angliam invadit,	51
— Prorex electus,	IX. 1
— in cædis auctores inexorabilis,	ibid.
— ſurta ac latrocinia optimis legibus compeſcit,	ibid.
— a Monacho veneno dato moritur,	2. 3
— ejus elogium,	ibid.
Randulphus (Thomas) Tho. F. Moravie Comes,	IX. 6
— prælio ad Duplinum ceſus,	7

Ra-



# I N D E X.

- Ratra amnis*, 1. 27  
 — *nulli eum salmones ingrediuntur*, ibid.  
*Rebellium mortuo Moravio Prorege coitiones varie*, XX. 1. & deinceps.  
 — *legatos ad Anglam sed frustra mittunt qui inducias precarentur*, 12  
 — *Gallos & Hispanos sollicitant, ut sibi auxilia mittant*, 23  
*Recognitio quid significet*, XII. 22  
*Redmannus (Matth.) Beruici præfectus*, IX. 60  
 — *a Jacobo Lindefio captus*, ibid.  
 — *dimissus*, ibid.  
 — *Jac. Lindefium ab aliis captum liberum dimittit*, 61  
*Regia insula*, I. 35  
*Reginæ collocandæ jus penes Ordines cur esse debeat*, VIII. 42  
*A Regina matre regi nolunt Scoti*, XII. 6. 7  
 — *priscis Scotis Reginas Regum uxoribus tantummodo vocari*, 11  
*Reginaldina familia Fraserios ad internecionem fere cedit*, XV. 26  
*Regnandi cupiditas multorum parricidiorum causa*, XIX. 26  
*De Regni successione apud Scotos lex*, IV. 6. VI. 39. XX. 37. & seqq.  
 — *ejus administratio Rege puero cui potissimum committenda*, XIX. 26  
*Reidus (Rob.) Abbas Kinlossensis, in Galliam missus*, XIV. 49  
 — *Orcadum Episcopus, in Galliam missus*, XVI. 14  
 — *ejus mors*, 17  
*Religio purior quomodo in Scotiam introdu-cta*, XVI. 19. 21  
 — *ejus causa in Scotia arma sumuntur*, 28. & deinceps.  
 — *Religionis sinceræ vindices cum Rege inducias faciunt*, 38  
 — *illi regni administrationem per facialem abrogant*, 45  
 — *auxilium ab Elizabetha Angla petunt*, 49  
 — *eorum ad Regentem literæ*, XVI. 56  
 — *cum Gallis & adversa factione paciscuntur*, XVII. 1  
 — *Elizabethæ per legatos gratias agunt*, 2  
*Religionis puræ vindices in Gallia a Gu-  
sianis pene oppressi*, XVII. 2  
 — *Religionem reformatam se servaturos  
proceres pro Rege puero spondent*, XVIII. 56  
*Renfroana regio*, I. 20  
*Rerigonius sinus, qui & lacus Rianus*, I. 19  
*Reringa insula*, I. 37  
*Res secundæ hominum animos occæcant,  
adversæ erudiunt*, VI. 15  
*Restenotum, Angusiæ pagus*, V. 75  
*Reutha Scotorum Rex*, IV. 12  
*Reutherus Scotorum Rex*, IV. 10. 11  
*Rex inconsultis Ordinibus nihil quod to-  
tius regni statum attinet, agere potest*, VII. 41. VIII. 14  
 — *præsentia in bello ad quid valeat*, X. 11  
 — *ne ejus uxor Regina vocaretur apud Sa-  
xones cautum*, XII. 11  
 — *penes eum solum in Scotia non esse pa-  
cem vel inducias facere*, IX. 65  
 — *Reges Scotorum olim regiones omnes ad  
jus dicendum obibant*, IV. 17  
 — *legibus inferiores*, XX. 38  
 — *eorum patrimonio publico angustiiori qua  
arte subveniendum*, IV. 32  
 — *de Regum hæreditaria successione lex  
lata*, VI. 39  
 — *confirmata*, 47.  
 — *an utilis*, VII. 1. & seqq.  
 — *Regum adolescentium amicitia lubrica*, XII. 31  
 — *Regum auctoritas ut bonis artibus com-  
paratur, ita malis amittitur*, XVIII. 46  
 — *in Regios mores pravos subditi plerumque  
degenerant*, IV. 28  
*Rianus lacus*, I. 19. VIII. 30  
*Richardus I. Anglorum Rex, cum Guliel-  
mo Scoto fœdum sterneret*, VII. 47  
 — *cum*

# I N D E X.

— eum pactis omnibus absolvit, VII. 49	— Darleus cum aliis in ejus eadem com- jurat, XVII. 60
— 10000 argenti marcas a Scoto accipit, 49	— multis vulneribus confossus, 61
— post varios casus domum redit, ibid.	— ejus cadaver Regum sepulchro illatum, 65
— moritur, ibid.	— questio de ejus morte exercita, ibid.
Richardus II. Anglorum Rex, avo succedit, IX. 43	— Roadilla monasterium a Macclodio Haraiensi conditum, I. 43
— Lancastrium in Scotiam mittit, 45	Robertus I. Scottorum Rex, colloquium cum Valla petit, VIII. 23
— in Scotos ob peregrinos arcessitos ira in- census, 49	— inter eum & Joan. Cuminium secreta consilia, ac adversus Anglum conspira- tio, 27
— cum maximis copiis Scotiam ingreditur, ibid.	— quibus a Cuminio Anglo proditis, 28
— coactus se regno abdicare, X. 9	— in Scotiam venit, ibid.
— quidam pro eo in Scotia se venditat, 17	— Cuminium interficit, ibid.
Richardus III. Anglorum Rex, duobus Eduardi fratris filius in custodiam con- fictis, Regium nomen usurpat, XII. 52	— coronatur, 30
— tyrannidem immanissimam exercet, 62	— ad Methuanum devictus, ibid.
— cum Scoto inducias triennales paciscitur, XII. 53	— & ad Dalree, ibid.
— a suis interemptus, ibid.	— ab omnibus destitutus, ibid.
Richardus Eboracensis Dux Henricum An- glum captivum Londinum abducit, XII. 2	— ejus fratres trucidati, ibid.
— a Regina praelio victus & casus, ibid.	— in Abudis latet, ibid.
— filius ejus se Regem edit, ibid.	— Ennernessum capit, ibid.
Riggius (Hugo) Cussidicus, XV. 48	— in gravem morbum incidit, 33
Rinardi insula, I. 36	— Cuminium fundit fugatque, ibid.
Ringravius cum tribus Germanorum pedi- tum millibus in Scotiam missus, XV. 54	— Anglos ingenti praelio ad Banocum flu- men fundit, 40
Rinus Gallovidie, I. 19	— comitit ad Aeram indicit, 42
Rizius (David) cantor Pademontanus in Scotiam venit, XVII. 44	— de jure Regie successionis leges sancit, ibid.
— Regine ab epistolis, ibid.	— in Iiberiam transmittit, 43
— ejus cum Darleo familiaritas, ibid.	— conventum indicit, 46
— summa apud Reginam gratia, ibid.	— de conjuratis supplicium sumit, ibid.
— nec pro dignitate satis decora cum ea sa- miliaritas, 45. 61	— Angham invadit, 47
— nuptias cum Darleo accelerandi auctor, 48	— atque iterum, ibid.
— Italos ad Regine custodiam adhibendos, curat, 53	— Anglum fundit fugatque, ibid.
— honoribus cummiatus, 55	— ad Pont. Rom. & Gallum legatos mit- tit, 48
— ejus insolens superbia, 59	— cum Anglo paciscitur, 56
Tom. I.	— testamentum facit, 57
	— ejus tria Scotis consilia data, ibid.
	Hhh hh
	— ejus

# I N D E X.

— ejus elogium,	VIII. 59	Romachus Scotorum Rex,	IV. 47
— & mors,	ibid.	Romanenses legati, argenti emanatores,	VII. 64
Robertus II. Scotorum Rex, a Roberto		— mensarii,	XII. 35
I. deficiente stirpe mascula regni succes-	VIII. 50. 57	— Judæorum mimi,	XI. 32
sor destinatus,		— legatus supposititius,	XI. 48
— ad necem ab Eduardo Balliolo con-	IX. 17	Romani. Brittones quamdiu sub eorum im-	
quisitus,		perio,	II. 37
— Noviodunum occupat,	19	— Scotiam invadunt,	IV. 26
— Prorex creatus,	20	— Scotorum finibus prohibiti,	29
— morbo implicitus,	22	— cum Scotis Pictisque vario eventu	
— Peribum capit,	27	pugnant,	31. 45. 46
— a spe succedendi remotus,	37	— Scotos superant, ac vallum ad eos	
— restitutus,	ibid.	arcendos exstruunt,	37
— regnum init,	39	— bellis civilibus attriti,	46. V. 1
— Elizabetham Moram uxorem du-		— Scotos debellant, atque insula expel-	
cit,	42	lunt,	50. 51
— vetus cum Francis fœdus renovat,	43	— a Gotbis, Vandalis, &c. vexati,	V. 1
— homo natura quietior,	44	— legionem ad provinciam protegendam	
— Robertum Fife Comitum regni Vi-		mittunt,	2
carium facit,	64	— Scotos & Pictos superant,	4
— ejus mors & elogium,	66	— murum per transversam insulam ex-	
Robertus III. Scotorum Rex, antea Joan-	X. 1	struunt,	6
nes appellatus,		Romerus (Julianus) incantius agens, ca-	
— Annandiam Scotis restituit,	IX. 36	pitur,	XV. 63
— ingenio segnis,	IX. 54. 64	Rona insula,	I. 39
— equi percussu claudus,	54	— alia,	44
— primus Duces creat,	X. 4	D. Romanus,	I. 44
— filium natum maximum Roberto fra-		Rosa alba Eboracensis factionis insigne,	XIII. 11
tri custodiendum tradit,	10	Rosaia arx, vel potius Rothesaia, quod Vide.	
— cum fratre de filio ejus opera ex-		Rosburgum oppidum captum,	VIII. 35
stineto exposulat,	12	Rossia regio,	I. 30
— Jacobum filium ad Regem Gallia-		— ejus etymon,	ibid. V. 8
rum mittit,	13	Rossia Comes (David) Reginaldum Æbu-	
— quo ab Anglis capto, mœrore &		darum Regulum interimit,	IX. 33
inedia confectus moritur,	15	Rossia Comes (Hugo) occisus,	IX. 14
— ejus elogium,	ibid.	Rossius (Gotofridus) præfectus juridicus Ae-	
Robertus Fermelinoduni Abbas, Scotie		rensis, Anglos Caricta, &c. expellit,	IX. 20
Cancellarius, accusatus,	VII. 59	Rothesaia arx,	I. 34
Rossia pro Raufchestria,	I. 10	— inde Principi Scotia titulus,	X. 4
Rokesbius (Rad.) Percium amicum prodis,	X. 17	Rottia insula,	I. 50
Rollandus Gallovidianus, bellator egregius,	VIII. 5	Ro-	

# I N D E X.

Rotunda insula ,	I. 36	— mores corrupti ,	X. 38. 39
Rubeus Causidicus Parisiensis , omnia ad mores Gallicos conformare studet , XVI.	62	— impostores ,	XIV. 41
Rubrum promontorium ,	I. 25. VI. 30	— Jacobum V. a colloquio cum Anglo avertunt ,	51. 56
Rudana insula ,	I. 37	— Sacerdotum Anglorum ingens cades ,	VIII. 44
Ruma insula ,	I. 38	Sacerdotiorum nundinationes , XII. 33. 35.	XIV. 35
Rupes Fergusii ,	IV. 5	— sacerdotiorum divisio inimicitiarum causa ,	XIV. 26
Rusa insula ,	I. 49	Sacerdotum insula ,	I. 42
Rustici militum licentie expositi ,	IX. 52	Sacræ insule , quæ & Flanane ,	I. 42
Ruvenus (Geo.) casus ,	XX. 60	Sacrificulus seditionis auctor ,	IX. 45
Ruvenius seu Ruvenus (Gul.) I. Ruvenia Regulus , ac Perthi Vicecomes Gorma- cum Atholium prælio interficit , XI. 18		— alterius avaritia & crudelitas , XI.	25
Ruvenus (Gul.) Pat. R. I. Goreæ Comes , Huntileum cum suis retrocedere cogit ,	XIX. 13	— alius Jacobi Stuarti nobilis Equitis viduam prodit ,	XI. 23
— Reginenses profligat ,	XX. 66	— alius testamentarius ,	XV. 1
Ruvenus (Patricius) Gul. Pronepos , III. Ruvenia Regulus , Perthi prætura a Card. Betonio orbat ,	XV. 30	Sacrosanctum asylum insula , quæ & Ber- nera ,	I. 35
— pugna inter eum & Kinfanium ,	ibid.	Sadlerius (Radolph.) Henrici VIII. in Scotia legatus ,	XV. 4
— ejus ad Regentem audax responsio ,	XVI. 26	Saga magna & parva , insule ,	I. 42
— præfectura Perthi ei reddita ,	36	Saliare carmen Horatio non intellectum , II.	8
— Moravio inimicorum machinamenta patefacit ,	XVII. 46	Salmones Ratram amnem non ingrediuntur ,	I. 27
— Dav. Rizium obtruncat ,	61	— salmonum piscatu Abredonia nobilis ,	I. 26
— quod Reginam stantem sedens allo- queretur , se excusat ,	63	Sancti ferri insula ,	I. 50
S.		Sandelandius (Jac.) Calderanus , adversus latrones missus ,	XIV. 42
SABAUDIÆ Ducis legatus ad Princi- pis baptismum venit ,	XVIII. 10	— ad Regentem Orator missus , qui census exactionem deprecaretur , XVI. 8	
Sabrina Angliæ fluvius ,	I. 17	— postulata eorum qui puriorem reli- gionem amplectebantur Regenti exponit ,	21
Sacerdotes luxu corrupti a Constantino II. ad officium reducuntur ,	VI. 7	— in Galliam missus ,	XVII. 2
— ipsa Nobilitate opibus superiores , VII.	64	— a Gustis objurgatus ,	3
— nobilium calamitate fructum perci- piunt ,	XIII. 39. 44	Sandelandius (Joan.) occisus ,	XI. 45
— Regum jurisdictioni paulatim se sub- trahunt ,	38	Sandera insula ,	I. 39
		Sanguine septem dies pluisse per totam Bri- tanniam ,	V. 44
		Satrael Scotorum Rex ,	IV. 35
		Hhh hh z	Sa-



# I N D E X.

Saturnalia vetera renata,	V. 24	Scorpiones, qui & arcubalisse,	IX. 49
Saxi insula,	I. 35	Scota, commentitia Regia Egyptii filia,	II. 11
Saxones a Brittonibus conducti, II. 37.	V. 15	Scoti. Eorum origo a Gathelo fabulosa,	II. 12
— eorum nobilitatem omnem trucidant,		— refutatur,	12
— ac longe fertilissimam insule partem ipsi		— Scotos ex Hibernia in Britanniam	
inter se in septem regna dispertuntur, ibid.		transisse,	17
— idem a Danis,	II. 37	— quo tempore advenerint,	38. 39
— ac postea a Normanis devicti,	37	— primum in Æbudas,	IV. 2
— crudeles in bello, & in commerciis		— deinde in Britanniam trajiciunt, ibid.	
parum fidi,	V. 17. 21	— Regem sibi creant Fergusum,	3
— cum Pictis fœdus ineunt,	V. 18	— ei posterisque ejus regnum jurejurando	
— ab Uterio superati,	22	confirmant,	5
— ab Arturo variis præliis superati,	24. 25. 26	— a Maximo legato Romano superati,	50
— Scoti & Brittones ab iis Pictisque		— & patria pulsi,	51
devicti,	34	— quam infelici ausu recuperare conan-	
— ipsi postea superantur,	35	tur,	52
— Scotos vincunt,	36	— in Scotiam redeunt,	V. 1. 2
— varie eorum pugna & res gestæ,	38. 39. 40. 42. 44. 54. VI. 4. 5	— cum Francis amicitiam ineunt,	53
Scaliger (Josephus) laudatur,	II. 44	— Monachi Scoti Monasteria in Ger-	
Scalpa insula,	I. 39	mania condunt,	ibid.
— alia,	42	— ob victoriam securi ab Anglis & Pi-	
Scandiani i. e. Norvegi,	VI. 6	ctis vincuntur,	VI. 5
Scarba insula,	I. 35	— cum maxime Anglis conjuncti,	VII. 49. VIII. 2
Scarpa insula,	I. 39	— Eduardum Anglum controversie de	
— alia,	42	regno arbitrium faciunt,	10
Scarvaia insula,	I. 42	— deditionem regni quam Balliolus An-	
Scholæ publicæ primum ad Fanum Andree		glo fecerat, revocant,	14
aperte,	X. 18	— sæpius victi,	15. 16
— ab Jacobo I. ordinate,	38	— in verba Angli jurare coacti,	17
— ab Jac. Kennedo Episcopo magnis		— divi Pontificiis feriuntur,	47
sumtibus ædificate,	XII. 23	— occisi supra decem millia,	IX. 14
— ob id Fanum Andree maxime me-		— Scoti milites Gallis minus rapaces,	52
morabile,	I. 24	— vires eorum attrite,	X. 8
— Scholæ publicæ Abredonie,	26	— multi eorum Nobiles in Gallia occisi,	24
Sclata insula,	I. 35	— Scoti Anglorum, & vicissim Angli	
Scommma elegans in Botbuelium,	XVIII. 21	Scotorum rebus adversis insidiantur, XII.	
Scona oppidum,	VI. 3	— ad Fluidonem caesi,	54. XIII. 13
— in ea Reges Scotorum imperii infi-			38
gnia accipere soliti, ibid. VII. 14. 38.			— &
— cœnobium Monachorum in ea exstru-			
ctum,	VII. 29		

— Et iterum ad Mussiburgum, XV. 50  
 — ad iram propensiores, XVI. 39  
 — libertatis vindicta, ab Anglis auxilium petunt, 49  
 — Elizabethæ gratias agunt, XVII. 2  
 — religionis cultui & ritibus cum Anglis communibus subscribunt, XIX. 39  
 Scoti Ierni & Scoti Albini, II. 17  
 Scotia. Ejus geographica descriptio, I. 17  
 — doctos Monachos habuit, V. 53  
 — ejus nobilitas prope exhausta, XIII. 38. 43  
 — quando primum a famina gubernata, XVI. 4  
 — ejus status miser, XI. 2  
 — Nobilitas Chirurgie addicta, XIII. 42  
 — regnum legitimum, XVII. 4  
 — proceres Regine Mariæ matri persuaſionem administrationem obrogant, XVI. 45  
 Scoticum mare, I. 18  
 Scotobrigantas apud Senecam legendum pro Scuta Brigantas, II. 44  
 Scotus (Adamus) Tuscanus, capitali supplicio affectus, XIV. 39  
 Scotus (Joan.) mirabilis ejus a cibo abstinentia, XIV. 40  
 Scotus (Michael) Balverie comaribus, in Norvegiam legatus missus, VIII. 3  
 Scotus (Valt.) Balcluthius, Jacobum V. e manibus Duglassiarum ei eripere conatur, XIV. 27  
 — in custodiam datus, 39  
 — libertati restitutus, ibid.  
 — Robertum Jonſonum interficit, ibid.  
 — perductionis damnatus, 49  
 — adversus Anglos feliciter pugnat, XV. 25  
 Scotus (Valt.) Valt. F. Angliam ferro flammeque vastat, XX. 1  
 — cum Gordonio aliisque Levinium Proregem gomitia Sterlini agentem necopinatum opprimit, 59

— Jedburgum oppugnare destinans repellitur, 66  
 Scrimigerorum origo, VII. 20  
 Scyphus D. Magni, I. 46  
 Securitas in duce periculosa, VI. 5  
 Seditiones pernicioſæ, V. 11. IX. 45  
 Seila insula, I. 35  
 Semplius (Rob.) Patricium Galbrethum a re Britannoduni expellit, XI. 19  
 Semplius (Rob.) Semplius Regulus, Gul. Cricktonum occidit, XV. 65  
 — unus e ducibus Regiis, XIX. 10  
 — captivus abductus, XX. 17  
 Senecæ versus a Scaligero emendatus, II. 44  
 Seneciones qui, II. 2  
 Servanus vir sanctus, a Palladio inſtitutus, V. 16  
 Sarviture gremium levius, IV. 54  
 Serum lactis Insulanis potio, I. 33  
 Setonius (Alex.) urbis Bervici præfectus, IX. 10  
 — eam desperatis subsidii Anglo dedit, 15  
 Setonius (Alex.) Alex. F. a Balliolanis caesus, IX. 5  
 Setonius (Geo.) Edimburgi præfectus in Galliam missus, XVI. 14  
 Setonius (Gul.) Alex. Bervici præfecti nobilibus, prælio caesus, IX. 12  
 Setonius (Tho.) Alex. F. natu maximus, Anglo obses datus, IX. 12  
 — contra fidem datam in cruce strangulatur, 13  
 Severus Imp. Ejus vallum, I. 11. 22. 31. III. 5. 10. IV. 37  
 — adversus Britannos expeditio, IV. 36  
 Seveſſius (Gul.) Astrologia studiis additus, XII. 34  
 — Archidiaconus Fani Andreae designatus, ibid.  
 — Patricio Gramo Archiepiscopo capitalis inimicus, 35  
 III h h 3 - 40 -

# I N D E X.

— Archiepiscopatum obtinet,	XII. 35	Sinclarus (Rob.) Orcadum Comes, unus	
Seuna insula,	I. 35	ex Jacobi III. custodibus,	XII. 17
— alie due,	42	Siuna insula,	I. 35
Seuta insula,	I. 42	Skeniae insulae due,	I. 50
Sfortia (Galeacius) a patruo interemptus,	XIX. 28	— alie tres,	ibid.
Siapinsa insula,	I. 49	Skennia insula,	I. 35
Siaus (Jac.) arcis Sterlinensis praefectus Regem excludit,	XII. 61	— alia,	37
Sibardus Northumbriae Regulus, Milcolumbi III. avus maternus, auxiliis Anglicis praefectus,	VII. 12	Skia insula,	I. 39
— copias cum Scotis adversus Gulielmum Normanum conjungit,	18	Skianacha insula,	I. 39
Sibylla Alexandri I. uxor,	VII. 26	Slegana insula,	I. 42
Sigrama insula magna & parva,	I. 42	Soa insula,	I. 37
Silvius (And.) Largous, classis Scoticae praefectus,	XIII. 1	— alie tres,	42
— naves Anglicas praelio superatas Leitham ducit,	3	Soabretilla,	I. 38
— Stephanum Bullum Anglum navali praelio vincit,	6	Sodora oppidum,	I. 34
Silvius (And.) Largous, legatus ad Joan. Albinum missus,	XIII. 47	Solanæ, marini anseres,	I. 34. 38
— a Rege ad deprecandam Com. Levinie necem missus,	XIV. 29	Solanum somniferum,	VII. 6
Silures, Vallia incole,	II. 27	Solvæus fluvius,	I. 17
Simon Breccus,	VI. 3	Solvathius Scotorum Rex,	V. 51
Sinclarus (Gul.) Caledoniorum Episcopus Anglos ad naves compellit,	VIII. 44	Somervallius (Alex.) Judex in Valt. Milsum,	XVI. 19
— ob id facinus Rob. I. suum eum Episcopum appellat,	ibid.	Somervallius (Joan.) Bodiorum partibus se adjungit,	XII. 22
— in verba Ballioli jurare coactus,	IX. 7	Somervallius (Joan.) Jac. Hamiltonium nobis pugna superat,	XIV. 11
Sinclarus (Gul.) a Saracenis praelio caesus,	IX. 58	Somervallius (Joan.) Camnethamius, pecuniam Jacobo Hamiltonio mutuam dat,	XX. 6
Sinclarus (Gul.) Orcadum Comes Cancellarius,	IX. 33	Sophocardius (Geo.) Evangelii concionator egregius,	XV. 32
Sinclarus (Joan. & Valt.) in praelio Otterburnensi fortissime dimicant,	IX. 59	— captus,	ibid.
Sinclarus (Joan.) Episcopus Brechinensis Mariam Reginam ad eadem stimulat,	XVII. 7	— condemnatus,	34. 35
Sinclarus (Oliv.) dux exercitus Scotici a Rege constitutus,	XIV. 60	— Cardinali mortem prænuntiat,	37
		— dein igne crematur,	ibid.
		Sorbonici doctores tres in Scotiam missi, de religionis capitibus disceptaturi,	XVI. 41.
			63
		Spæa fluvius,	I. 29
		— omnium Scotie fluminum rapidissimum,	VII. 20. 26
		Speia regio,	V. 8
		Spelunca ex qua aqua distillans in lapidum pyramidis vertitur,	I. 27
		Spenius (David) caesus,	XX. 61
		Stabuli Comes, qui Magister equitum,	X. 22
			Stac-



# I N D E X.

- Stracbadis insula*, I. 36  
*Stafa insula*, I. 38  
*Stammoria*, limes inter Scotiam & Angliam, unde dicta, VII. 18  
*Stephanodunum*, arx in Lorna, I. 28  
*Stephanus Bononiæ maritimæ Comes*, Angliæ regnum occupat, VII. 31  
 — injustum bellum Scotis infert, 32  
*Sterlina moneta a Sterlino oppido quibuscumque dicta*, VI. 6  
*Sterlinensis ager*, I. 20. 21  
*Sterlinum oppidum*, I. 21  
 — Anglis deditum, VIII. 17  
 — a Scotis receptum, 40  
 — a Scotis oppugnatum & captum, IX. 27  
*Sterlinus (Geo.) arcis Britannoduni custodiendæ a Levinio appositus*, XV. 20  
*Sterlinus (Joan.) arcem lacus Levinii oppugnat*, IX. 18  
 — a Gul. Douglassio Lidaliano victus ac fugatus, 26  
*Sterlinius (Gul.) Kerius*, inter Jacobi III. percussores, XII. 61  
*Stinfiarus fluvius*, I. 20  
*Stranavernia regio*, I. 30  
*Strat quid significet*, I. 34  
*Stratagemata*, V. 28. VI. 11. VII. 6. VIII. 20. 37. IX. 28  
*Strathierna regio*, I. 24  
*Strato (David) crematus*, XIV. 49  
*Stroma insula*, I. 42  
 — alia, 48  
*Stronza insula*, I. 49  
*Strozzius (Leon) Gallicarum trirremium præfektus*, in Scotiam venit ulturus Cardinalis Betonii mortem, XV. 45  
*Stuartus magistratus nomen*, VII. 19  
 — inde Stuartorum familiæ initium, ibid.  
*Stuartus Alanus) Jacobi Scotiæ Rectoris F. prælio cæsus*, IX. 14  
*Stuartus (Alanus) Valteri Atholæ Com. F. Cathanesiæ Comes*, prælio ad Enner-  
 luteam a Don. Balochæ cæsus, X. 33  
*Stuartus (Alanus) Joan. F. Darnilæus*, seu Darleus, a Tho. Bodio interemptus, XI. 8. [Hæc familia a Rob. Stuarto Valteri II. Scotiæ dapiferi filio ortum ducit, hoc ordine; Robertus, Robertus, Alanus, Joannes, Joannes, Alexander ejus frater, Joannes, Alanus, Joannes primus Darnilæus Regulus, ac deinde Levinæ Comes, Matthæus, Joannes, Matthæus, Henricus Mariæ Regiæ maritus.]  
*Stuartus (Alanus) Joannem fratrem Lornæ Regulum captivum tenet*, XII. 18  
 — a Caleno Cambello in carcerem conjectus moritur, ibid.  
*Stuartus (Alex.) [filius Valteri, F. Alani, F. Valteri, F. Fleanchi, F. Banthonis Abriæ Thani] Dapifer, seu Senescallus, Scotiæ, Norvegos prælio superat*, VII. 62  
*Stuartus (Alex.) Buchaniæ Comes, Roberti II. F. natu tertius*, IX. 42  
 — Elgini ædem incendit, 67  
*Stuartus (Alex.) Alex. Buch. Com. F. Mariæ Comes, Scotorum in prælio Harlaensi dux*, X. 18  
 — a Donaldò Balochò victus, X. 33  
 — ejus adolescentiæ vitia, 44  
 — virtutes, ibid.  
*Stuartus (Alex.) Valteri F. Mordaci Gubernatoris nepos*, in Hiberniam profugit, X. 28  
*Stuartus (Alex.) Alani Darnilæi frater*, Tho. Bodium occidit, XI. 8  
*Stuartus (Alex.) Dux Albinus, Jacobi III. frater*, XII. 17  
 — ab Anglis captus & liberatus, 18  
 — in arcem Edimburgensem raptus, 39  
 — post æstu elapsus in Franciam abiit, ibid.  
 — in Angliam transvectus, 40  
 — cum Duce Gloucestriæ Scotiam invadit, 47  
 — sum.



# I N D E X.

- *summa imperii ad eum deferretur*, XII. 49
- *Jacobum fratrem in liberam regni possessionem restituit*, 50
- *Dumbarum Anglo tradit*, ibid.
- *in Gallia moritur*, 55
- *ejus progenies*, ibid.
- Stuartus (Alex.) *Alex. Albinæ Ducis F. Moraviæ Episcopus*, XII. 55. XIX. 27
- Stuartus (Alex.) *Jacobi IV. notbus, Fani Andrea Archiepiscopus in pugna ad Fluidonem cum patre cæsus*, XIII. 44
- Stuartus (Alex.) *Mordaci Gubernatoris F. capite plectitur*, X. 28. 29
- Stuartus (Alex.) *Garlianus cæsus*, XX. 60
- Stuartus (And.) *Jacobi Lornensis ex Joana Regina Jacobi I. vidua filius, Moraviensium Episcopus*, XI. 23
- Stuartus (And.) *I. Evandalie Regulus, Valteri [al. Jacobi] F. Mordaci Gubernatoris N. in Hiberniam profugit*, X. 28
- *Scotiæ Cancellarius, in Daniam legatus missus*, XII. 27
- *arcem Dumbari capit*, 39
- Stuartus (And.) *Ochiltrie Regulus, [And. IV. Evandalie Reguli F. And. N. Alex. (filii Valteri fratris And. Cancellarii) P.] Regine cum Darleo nuptiis adversatur*, XVII. 47
- *in pugna ad Langosidum vulneratus*, XIX. 12
- Stuartus (Arthurus) *Valteri Gubernatoris filii notbus, in Hiberniam profugit*, X. 28
- Stuartus (David) *Iernie Comes, Rob. II. F.* IX. 42
- *moritur*, X. 46
- Stuartus (David) *Roberti III. filius ac heres, Rotheseie Dux creatus*, X. 4
- *Eliz. Dumbaria ei desponsa*, 5
- *Mariam Duglassiam uxorem ducit*, ibid.
- *in arce Edimburgensi ab Henrico IV. Anglo obsessus*, 7
- *ejus effrenis libido*, 10
- *a Gubernatore patruo suo in carcerem inclusus, fame perit*, ibid. XIX. 27
- Stuartus (Dugallus) *viso nocturno turbatus eo ipso tempore quo Darleus trucidatus est*, XVIII. 17
- Stuartus (Duncanus) *predonum dux*, X. 1
- Stuartus (Gul.) *prælio ad Belsiam cæsus*, X. 24
- Stuartus (Gul.) *Lornensis, in carcerem conjectus*, XI. 10
- [Hæc familia originem traxit ab Alexandro Stuarro filio minore Roberti Stuarti Darnilæi, regnante Alexandro III.]
- Stuartus (Gul.) *Episcopus Abredoniæ, legatus in Galliam missus*, XIV. 49
- Stuartus (Henricus) *Darleus, Matthæi Levinie Comitis F. ex Anglia in Scotiam venit*, XVII. 43
- *a Maria Regina comiter acceptus*, ibid.
- *Dav. Rizii cum eo familiaritas*, 44
- *qui discordiarum semina inter eum & Moravium serit*, ibid. 46
- *Elizabetha Angla, & Gussi, ejus cum Maria nuptiis adversantur*, 48
- *Dux Rotheseius ac Rossie Comes appellatus*, ibid.
- *seclæ Papanæ acerrimus assertor*, ibid.
- *Mariam Reginam uxorem ducit*, 49
- *Rex praconis voce pronunciatus*, ibid.
- *Regine animus ab eo alienatus*, 54
- *omni cura publica exutus*, ibid.
- *Davidem Rizium interimendum curat*, 61
- *quamvis multitudini Dav. Rizii cædem suo jussu patrati testaretur*, 64
- *edictum tamen ne quis eum cædis consocium diceret*, 65
- *a Regina inhumaniter habitus*, 54. XVIII. 4

— veneno petitus in morbum inci-  
 dit, XVIII.6  
 — convalescit, 7  
 — insidiæ in ejus caput structæ, ibid.  
 — Regina cum eo simulate reconci-  
 liatur, 9  
 — misere strangulatur, 13  
 — ostenta circa ejus mortem, 17  
 Stuartus (Jacobus) Dapifer seu Senescal-  
 lus Scotiæ, Alexandri F. unuse sex Sco-  
 tiæ Custodibus, VIII. 1 [Hunc Bu-  
 chananus Joannem perperam appel-  
 lat.]  
 Stuartus (Jacobus) Durisderanus, Jacobi  
 unius e Scotiæ Rectoribus F. prælio ad  
 Halidonem cæsus, IX. 14  
 Stuartus (Jac.) Mordaci Gubernatoris F.  
 X. 25  
 — Britannodunum cremat, 28  
 — in Hibernia profugus moritur,  
 ibid.  
 Stuartus (Jac.) Gulielmi Lornensis frater,  
 Jacobi I. viduam uxorem ducit, XI.  
 10  
 — in carcerem conjectus, ibid.  
 — prædibus datis liberatus, ibid.  
 — in exilium a Duglassio pulsus, 24  
 — moritur, ibid.  
 Stuartus (Jac.) Eques, ab Alexandro Li-  
 lio & Rob. Bodio cæsus, XI. 23  
 Stuartus (Jac.) Jac. Lornensis & Joanne  
 Regine F. Buchaniæ Comes, XI.  
 23  
 Stuartus (Jac.) Jacobi IV. notbus, Mo-  
 raviæ Comes, XIII. 40  
 — ejus elogium, XIV. 1  
 — Hamium de cæde patris accusat, 40  
 XIV. 7  
 — regni Vicarius factus, 39. 44  
 — in Galliam missus, 49  
 Stuartus (Jac.) Jacobi V. notbus, Regi-  
 nam in Galliam comitatur, XV. 55  
 — Anglos magna cum cæde ad mare  
 compellit, 57  
 Tom. I.

— in Galliam missus, XVI. 14  
 — veneno, ut creditur, petitus, 17  
 — delectus qui cum Argathelio coro-  
 nam matrimonialem Desipino ferret,  
 24  
 — ad Dominos Congregationis a Regen-  
 te missus, 30  
 — ad Fanum Andreæ concedit, 31  
 — Regens ei pœnam ni redeat intermina-  
 tur, 32  
 — ad purioris religionis cultores se adjun-  
 git, 33  
 — Regine in patriam reditum suadet,  
 XVII. 4. 5  
 — ipse in Scotiam redit, 6  
 — ad latrones compescendos missus, 22  
 — Mariæ Comes creatus, 26  
 — Agnes Ketha Comitissæ Martialis filia  
 uxor data, ibid.  
 — pro Mariæ Moravia donatur, ibid.  
 — ab Huntileo affectatæ tyrannidis ac-  
 cusatur, 28  
 — Bothuelius eum cum Hamiltoniis com-  
 mittere studet, 29  
 — cum his de eo tollendo conjuras,  
 ibid.  
 — eorum consilium ab Aranio ei detectum,  
 30  
 — Gordonius eum obtruncare destinat,  
 31  
 — latrones supplicio afficit, 33  
 — Pont. Rom. & Cardinalis Lotharin-  
 gus Reginam per literas ad ejus necem  
 incitant, ibid.  
 — inimicorum conatus eludit, 35  
 — Joan. Lestius eum ad cædem prode-  
 re renuit, 36  
 — Huntileus eum quovis modo tollere  
 statuit, 38  
 — Huntileam pugna ad Corrichiam su-  
 perat, 40  
 — Bothuelium accusat, 45  
 — Regina ab eo alienata exitium ei ma-  
 chinatur, 46  
 — ing.

# I N D E X

— infidias evadit ,	XVII. 46	— adversus latrones ducit ,	XIX. 49
— a Regina cum Darleo nuptiis aver-		— ac limites pacat ,	50
— sus , a publico conventu se abstinet ,	47	— ab Jacobo Hamiltonio occisus ,	52
— exilio cum aliis proceribus multatus ,	49	— ejus elogium ,	54
— Hamiltoniorum consilia damnat ,	50	Stuartus (Joan.) Jacobi Scotiae Custodis	
— Maxuallius ab eo pecuniam extorquet ,	51	frater , praelio ad Varium sacellum casus ,	VIII. 22
— a Regina in gratiam receptus ,	65	Stuartus (Joan.) ejusdem Jacobi F. praelio	
— Reginae jussu morbum simulat , ut		ad Halidonem casus ,	IX. 14
— hoc praetextu Darleus ipsius adibus ex-		Stuartus (Joan.) Caribae Comes , postea	
— cluderetur ,	XVIII. 4	mutato nomine Robertus III. Scotorum	
— ad uxorem visendam invita Regina		Rex , quem vide.	
— proficiscitur ,	11	Stuartus (Joan.) Alexandri F. Darnileus ,	
— rumores sparguntur Darleum ejus		diadema Duci Clarentiae detractum emit ,	X. 22
— ac Mortonii consilio esse interfectum ,	15. 16	— equitum Scotorum in Gallia praefectus ,	29
— in aulam redit ,	18	— ad Jacobum I. a Carolo VII. Franco	
— a Botbuelio petitus ,	ibid.	legatus missus ,	ibid.
— a Regina arcessitus , foederi inter ipsam		Stuartus (Joan.) Roberti Gubernatoris F.	
— & suae factionis proceres subscribere re-		Buchaniae Comes , Scotorum in Gallia Dux ,	X. 20
— nuit ,	39	— Anglos ad Baugium superat ,	21
— Botbuelii dolos evadit ,	ibid.	— Magister Equitum in Gallia creatus ,	22
— peregre proficiscendi veniam impetrat ,	40	— domum revocatus ,	23
— domum revertitur ,	55	— rursus in Galliam navigat ,	ibid.
— ac Prorex eligitur ,	ibid.	— pugna ad Vernolium casus ,	26
— ejus auctoritas decreto publico confir-		Stuartus (Joan.) Rufus , Roberti III. ut	
— matur ,	XIX. 1	videtur nothus , ab Jacobo Stuarto Mor-	
— conventibus juridicis operam dat ,	3	— daci F. casus ,	X. 28
— ejus constantia ,	4	Stuartus (Joan.) Jacobi Lornensis ex Re-	
— copias contrahit ,	9	gina Joanna F. I. Atholiae Comes ,	XI. 23
— Reginae copias ad Langosidum profi-		— Beatricem Duglassiam uxorem ducit ,	45
— gat ,	10	— a Donaldto Insulano captus ,	XII. 19
— conventum indicit ,	13	— dimissus ,	ibid.
— rebelles compefcit ,	14	— pacis inter Regem & suos interpres &	
— in Angliam proficiscitur ,	16	— pignus ,	60
— ad suos revertitur ,	30	Stuartus (Joan.) Jacobi III. frater Mar-	
— cum copiis ad septentrionalem regni		— rie Comes ,	XII. 17
— plagam proficiscitur ,	38	— vena rescissa mori coactus ,	38
— conventum procerum Perthi habet ,	42	Stuartus (Joan.) Dux Albinus , Alexandri	
— ab amicorum intimis desertus ,	48		E

<i>Fr. Jacobi II. N. Prorex electus, XIII.</i>		<i>rende amittit, XVIII. 43</i>
<i>in Scotiam appellit, XIV. 1</i>	47	<i>a Regine partibus stat, XX. 7</i>
<i>Heburnus in ejus familiaritatem obrepit, 2</i>		<i>Stuartus (Matthæus) Joan. F. II. Levinie Comes, ab Joan. Dromundo victus, XIII. 5</i>
<i>Reginam matrem in suam potestatem redigit, 4</i>		<i>Margaritam Hamiltoniam uxorem ducit, 9</i>
<i>legatos in Angliam mittit, ibid.</i>		<i>unus ex Jacobi IV. ad Fluidonem ducibus, 38</i>
<i>Humium capitali supplicio afficit, 7</i>		<i>Stuartus (Matthæus) Joan. F. Matthæi N. IV. Levinie Comes, a Regina &amp; Cardinale e Gallia excitus Hamiltonio amulus, XV. 8</i>
<i>in Galliam abit, 9</i>		<i>quatuor millibus hominum comitatus ad Reginam venit, 10</i>
<i>in Scotiam redit, 13</i>		<i>inani spe nuptiarum Regine vidue delusus, 8. 12</i>
<i>adversus Anglos exercitum cogit, 14</i>		<i>fraude intellecta vindictam meditatatur, 13</i>
<i>cum iis paciscitur, 15</i>		<i>adversus Hamiltonium Proregem copias contrahit, 13. 14</i>
<i>in Galliam rursus proficiscitur, 16</i>		<i>cum Prorege paciscitur, 14</i>
<i>in Scotiam revertitur, 18</i>		<i>Franciscus Gallus ab eo alienatus, 14. 16</i>
<i>exercitus ab ipso conscriptus Angliam ingredi renait, 22</i>		<i>ad Gallum epistolam scribit, 16</i>
<i>Vercam arcem oppugnat, ibid.</i>		<i>Angli animum explorat, 19</i>
<i>tertium in Galliam abit, 23</i>		<i>in Angliam profectus a Rege honorifice suscipitur, 20</i>
<i>Stuartus (Joan.) Matthæi F. III. Levinie Comes, Proregi rebellis, XIV. 6</i>		<i>Margaritam Duglassiam uxorem ducit, ibid.</i>
<i>in gratiam receptus, ibid.</i>		<i>ad Gallum a Proregis legato accusatur, 27</i>
<i>Duglassio se adjungit, 25</i>		<i>in Scotiam reversus, 52</i>
<i>unus e regni Custodibus a sua factione electus, ibid.</i>		<i>Jacobum Duglassium Drumlanriensem, multis captis, in fugam vertit, 52</i>
<i>a Duglassis alienatus, 26</i>		<i>remisso exilio patriæ restitutus, XVII. 43</i>
<i>ab aula discedit, 27</i>		<i>ab Elizabetha Angla revocatus, 48</i>
<i>ab Hamiltoniis prælio cæsus, 29</i>		<i>redire renuit, ibid.</i>
<i>Stuartus (Joan.) Joan. Levinii F. satellitum Scotticorum in Gallia præfectus, in custodiam inclusus, XV. 28</i>		<i>ad Reginam de nece filii conqueritur, XVIII. 23</i>
<i>Stuartus (Joan.) Jacobi V. notus, Catsonis Abbas. Ejus de stipatoribus Regine corpori assumendis commentum, XVII. 23</i>		<i>ex Anglia reversus, XX. 17</i>
<i>Stuartus (Joan.) Joan. F. Joan. N. Joan. P. IV. Atholie Comes, Darlei cædem molestissime fert, XVIII. 18</i>		<i>III II 2 — pri</i>
<i>adversus Reginam &amp; Botbuelium conjurat, 41. 46</i>		
<i>sua cunctatione occasionem rei ge.</i>		



# I N D E X

— primo Interrex,	XX. 19	— ad Delphinum auxilia mittit,	X. 26
— mox Prorex creatur,	20	— moritur,	22
— conventum indicit,	21	Stuartus (Rob.) Jacobi F. Davidis et Annæ	
— adversus Huntileanos ducit, ibid.		in Hibernia militat,	IX. 53
— Britannoduni arcem recipit,	32	Stuartus (Rob.) Roberti Ducis Albinæ F.	
— erga Flaminii arcis præfetti uxorem		prælio ad Vernolium casus,	X. 24
liberalitas,	33	Stuartus (Rob.) Jacobi V. notus,	insidiarum Darleu struatur ei indicat,
— de Archiepiscopo Fani Andree supplicium sumit,	ibid.		XVIII. 19
— conventum Edimburgi extra pomeria habet,	50	Stuartus (Thomas) Joan. F. Alex. N. Joan.	
— dum comitia Sterlini agit,	58	ad Vartum sacellum occisi P. II. ex eadem familia Angustie Comes, Bervicum capis,	IX. 34
— a Regensibus necopinatus opprimitur,	59	Stuartus (Valterus) Fleancei F. Bancho-	
— atque ex vulnere decedit,	62	nis N. Gallovidianos rebellantes compefcit,	VII. 19
Stuartus (Mordacus) Fife Comes, Roberti Ducis Albinæ F. in prælio ad Homeldonum captus,	X. 8	— Stuartus [seu Senescallus] Scotie constitutus,	ibid.
— patriæ redditus,	19	— quo initium familie Stuartorum,	ibid.
— patri in gubernatione suspectus,	23	Stuartus (Valt.) Jacobi, unius e sex Scotie Custodibus, F. Mariam (seu Marjoriam) Roberti I. filiam uxorem ducit,	VIII. 42. 50
— filios suos regere nequit,	23. 25	— moritur,	56
— Jacobum I. ab Anglis repetendum curat,	ibid.	Stuartus (Valterus) Roberti II. F. Atholæ Comes,	IX. 43
— quem reversum in sede Regia coronandum collocat,	27	— in Jacobum I. conjurat,	X. 46. 59
— in custodiam inclusus,	28	— ejus supplicium,	58
— capitali supplicio affectus,	29	Stuartus (Valt.) Mordaci Gubernatoris F.	X. 25
Stuartus (Robertus) Valteri F. Vid. Robertus II.		— ejus in patrem insolentia,	ibid. 43
Stuartus (Robertus) Roberti II. F. Fife Comes, regni Gubernator factus,	IX. 64	— Calenum Cambellum injuria afficit,	X. 25
— Angliam populatur,	ibid.	— accusatus,	26
— Dux Albinæ creatus,	X. 4	— in custodiam inclusus,	28
— Davidem Rob. III. filium fame mori cogit,	10	— capitali supplicio affectus,	29
— regni gubernatio ei confirmata,	15	Stupra inulta non manent,	X. 10
— Rex de morte filii cum eo expostulat,	12	Suardi (Rich.) perfidia,	VIII. 16
— adversus Donaldum Insulanum copias parat,	18	Sueno regnum Anglorum adipiscitur,	H. 37
— Petro Lune, qui se Pont. Rom. ediderat, favet,	19	— in Scotiam venit,	VI. 48
		— adversus Scotos exercitum mittit,	ibid.
		— quo deleta,	50
		— Canutum filium cum novo delectu mittit,	51

# I N D E X.

— cum Scotis paciscitur,	VI. 51	Taliferreus (Laurentius) se Jacobum IV.	
Sueno Suenonis F. Scotiam invadit,	VII. 5	Tuedam transeuntem Buchanano vidisse narrat,	XIII. 41
— majore suorum parte caesa ipse agre evadit,	7	Tamelsis fluvius,	I. 17
Suffragiorum vis imminuta,	VI. 15	Tanasta insula,	I. 36
Suilskeria insula,	I. 44	Taodunum oppidum,	I. 25
Suintonius (Joan.) Ducem Clarentie vulnerat,	X. 21	— eius etymon,	VII. 49
Suintonius (Tho.) praelio ad Vernolium caesus,	X. 24	Tarasta insula,	I. 42
Suilius (Gul.) Bervici praefectus, majestatis damnatur,	VIII. 46	Tarckheraia insula,	I. 36
Sumerledus, Argathelie Thanus, in spem regni erectus,	VII. 37	Tarvedum promontorium,	I. 31
— Gilchristio Comite Angulie profligatur,	ibid.	Tatu duo Starbedum Anglum interficiunt,	XIII. 26
— captus,	42	Taurinum caput olim apud Scotos cadis testera,	XI. 17
Sumerledus Sumerledi F. novum tumultum ciens, vincitur,	VII. 57	Taus fluviorum Scotiae maximus,	I. 25
Suna insula,	I. 49	— ejus inundatione Bertha diruta,	VII. 50
Supplicia exquisita spectantes efferant,	X. 59	Taus lacus,	I. 25
Sutherlandia regio,	I. 30	Templum Claudii Caesaris,	I. 22
Sutherlandiae Comes, Vid. Gordomius,		Termini templum,	I. 21. IV. 38
Sutherlandus (Alex.) Gulielmi F. Kennethi N. regni haeres declaratus,	IX. 37	Terminus (Paulus) auxiliorum Gallicorum praefectus, in Scotiam missus,	XV. 62
— moritur,	ibid.	Teviotia regio,	I. 17. V. 8
Sutherlandius (Kennethus) VI. Sutherlandiae Comes, praelio caesus,	IX. 14	Teviotus fluvius,	I. 17
Symphonici pennis compressi,	IX. 1	Texa insula,	I. 36
		Textoris insula,	I. 36
		Thanatos insula,	III. 6
		Thani, i. e. regionum praefecti,	VI. 52. VII. 19
		Thereus Scotorum Rex,	IV. 13
		— ad Brittones confugit,	ibid.
		Thiana insula,	I. 33
		Thomas Gallovidianus Alani notus, caesus,	VII. 57
		Torintonius (Pat.) Joan. Sandelandium occidit,	XI. 45.
		Throgmortonius (Nic.) Regine Angliae legatus, nuptias Mariae Scote cum Darleo impedire conatur,	XVII. 48
		Thyle insula,	III. 3
		Tina fluvius,	I. 18
		Tireia insula,	I. 38
		Tora insula,	I. 42
			Traja-

Traiani dictum,	XX. 38	— Anglos variis in lucis superat, ac multas arces expugnat,	VIII. 19
Trajectus insula,	I. 35	— Cressinghamium devincit,	20
Tralius (Fals.) Fani Andreae Episcopus moritur,	X. 10	— in Angliam exercitum ducit,	21
Triaracha insula,	I. 35	— ejus cum Bruffio colloquium,	23
Tributorum impositio periculosa,	X. 27	— magistratu se abdicat,	ibid.
— eorum coactores partem avertunt,	ibid.	— in patriam amor,	ibid. 25
— tributum exactum restitutum,	54	— a familiari suo praeclusus, ac Angli jussu fudissimum laniatus,	29
— belli causa,	XIII. 15	— ejus elogium,	ibid.
— coactores occisi,	ibid.	Vallas ( ) Cragiae Comarcibus, fortissime pugnatur,	XI. 29
— Regem novorum tributorum excogitatione suorum animos offendit,	XVI. 7	— vulneribus moritur,	30
— tributa remittuntur,	10	Vallia,	I. 17
Trimarchia,	II. 45. 47	— unde dicta,	II. 27
Trojani genere Graeci,	II. 9	— ejus pars Rostia vocata,	ibid.
Trondra insula,	I. 50	Vallum Hadriani. Vid. Hadrianus	
Tueda fluvius,	I. 17. 18. 19	Vallum Severi. Vid. Severus	
Tueda regio,	I. 18. V. 8	Valterus Fleanchi filius. Vid. Stuartus	
Tuacmen insula,	I. 42	Vanora Arturi Regis Brittonum uxor,	V. 28
Tuilmena insula,	I. 39	Varar olim dicta quae nunc Moravia,	I. 29
Tuina (Laurentius) Eduardum Balliolium ad Scotiae regnum occupandum hortatur,	IX. 4	Varbecus (Petrus) impostor in Scotiam apollit,	XIII. 10
Turgotus, Episcopus Fani Andreae,	VII. 22	— filia ejus ad Regem oratio,	12
Turstanus, Archiepiscopus Eboracensis ad Davidem I. pacificator missus,	VII. 33	— ab eo honorifice tractatus,	14
Tyrannus diu stare non potest,	VII. 1	— Catharina Goralonia uxor ei data,	ibid.
— ejus radices quomodo reciderit Finnannus,	IV. 15	— laqueo vitam finit,	18
Tyreannorum avaritia opulentiores ad supplicia trahit,	IV. 21	Varenus (Joan.) Surrie Comes, Scotiae Prorex,	VIII. 17
		Vaterfa insula,	I. 39
		Vaticinium maleficarum impletum,	X. 58
		Vausius (Laur.) a Gul. Douglasio superatus,	IX. 26
		Uderga insula,	I. 35
		Vesturiones,	I. 25
		Vemius (David) cum aliis lacus Leuini oppugnat,	IX. 18
		Vemius (Joan.) ad Regentem missus,	XVI. 8
		Vemius (Mich.) in Norvegia legatus,	VIII. 3
		Vemius (Mich.) cohortis in Dania praefectus,	

V.

VALAIA insula,	I. 42
Valentinus (Odomarus) Pembrociae Regulus, Scotiae Prorex,	VIII. 26
Valis insula,	I. 49
Valla insula,	I. 50
Vallas (Guilielmus) ob singularem fortitudinem Scotorum Prorex appellatur,	VIII. 18

# I N D E X.

<i>Ætus, in Scotiam rediens Regiis partibus se adjungit,</i>	XX. 52	<i>Ultionis importuna cupiditas pernicioſa,</i>	IV. 45. 54
<i>Veneficarum ad Regem Duffum tollendum artifi- cium, ejus effigiem ceream lento igne torrentium,</i>	VI. 21	<i>Vondica ſœmina Britannorum dux Romanos invadit ac trucidat,</i>	III. 3
<i>Verra inſula,</i>	I. 49	<i>Vodius, Vid. Silvius</i>	
<i>Veræ arcis forma,</i>	XIV. 22	<i>Volſæus (Tho.) Cardinalis ambitioſus,</i>	XIV. 20
<i>Vervedrum promontorium,</i>	I. 31	<i>Vonneda inſula,</i>	I. 50
<i>Vestiſ lugubris primum in Scotia uſus inci- pit,</i>	XIV. 53	<i>Vortigernus Monachum Brittonum Regem creat,</i>	V. 14
<i>Vestmaria a Scotis occupata,</i>	V. 19	<i>— quem poſtea obtruncandum curat,</i>	15
<i>— adempta,</i>	VI. 16	<i>— ipſe regnum decipat,</i>	ibid.
<i>— reſtituta,</i>	18	<i>— ac Saxones ſibi conciliat,</i>	ibid.
<i>Vestra inſula,</i>	I. 49	<i>— quorum auxilio Scotos Piſtoſque ultra vallum Hadriani repellit,</i>	ibid.
<i>Veteri ponte (Alanus a) arcem lacus Leveni impigre propugnat,</i>	IX. 18	<i>Votimerus Brittonum Rex cum Scotis &amp; Piſtis fœdus renovat,</i>	V. 16
<i>Vetustum Caſtellum inſula,</i>	I. 42	<i>Ura inſula,</i>	I. 50
<i>Vexaia inſula,</i>	I. 42	<i>Urbium plurimarum nomina in BRITA, BRIGA, ſeu BRICA deſignentia,</i>	II. 31
<i>Via inſula,</i>	I. 50	<i>— item in DUNUM,</i>	33
<i>Viccoilla inſula,</i>	I. 42	<i>— &amp; DURUM,</i>	34
<i>Viceſima rerum mobilium in Scotia imperata,</i>	X. 27	<i>— &amp; in MAGUS,</i>	35
<i>Vici Fabrorum inſula,</i>	I. 35	<i>Urus fluvius,</i>	I. 19
<i>Victorinus in Britanniam miſſus,</i>	IV. 54	<i>Ufabraſta inſula,</i>	I. 36
<i>Vidogara ſinus,</i>	I. 19	<i>Uterius fratri in Britannia regno ſucce- dit,</i>	V. 20
<i>Viennensis (Joan.) in Scotiam miſſus,</i>	IX. 49	<i>— fœdum ipſius ſlagitium,</i>	22
<i>Vigilæ in caſtris neceſſariæ,</i>	VIII. 55. IX. 6	<i>Utile honeſto nonnunquam in aulis prin- cipum præponitur,</i>	X. 14
<i>Vikergana inſula,</i>	I. 35	<i>Vulgi ardor facile reſtinguitur,</i>	XVIII. 44
<i>Viniramus (Joan.) de hæreſi concionatur,</i>	XV. 34	<i>Vuſta inſula,</i>	I. 50
<i>Vino e frugibus corruptis conſectò Britanni utuntur,</i>	I. 1	<i>Uxellum apud Caſarem ſorte pro Ocello,</i>	II. 36
<i>Vinum a Scotis ſucco veneficæ herbæ infe- ctum,</i>	VII. 6		
<i>Viridis inſula,</i>	I. 35		
<i>— aliæ quatuor,</i>	38		
<i>Viſtus inſula,</i>	141.		
<i>Vitellius Saxo a Scotis cæſus,</i>	V. 35		
<i>Vituli marini,</i>	I. 41		
<i>Vitulina inſula,</i>	I. 35		
<i>Ulva inſula,</i>	I. 38		

## W.

**W** GEMINVM non facile niſi a Ger-  
manis profertur, I. 8. II. 26  
W allia, Vid. Vallia  
Wal-



# I N D E X.

Wallowithia;	II. 27	Z.	
Walsch seu Welsch Germanis quid significet,	II. 27. IV. 26	<b>Z</b> EAL. insula.	I. 50
X. LITERA Hispani pro duplici SS		Zelandicæ insule,	I. 37
usuntur,	II. 26	— alias Hetlandicæ dictæ,	I. 52
		Zeviota mons,	I. 10

# F I N I S.

## PROPRIORUM NOMINUM IN GEORGII BUCHANANI RERUM SCOTICARUM

Historia occurrentium

### I N T E R P R E T A T I O.

<b>A</b> BERBROTHIUM, <i>Aberbrothock</i> , oppidum & Cœnobium Angulæ.	distinguitur. Utraque in regione Mariæ ad mille passuum intervallum a se mutuo distantes.
Abercornum, <i>Abercorn Castle</i> , arx in præfectura Limnuchenli.	Abernethium, <i>Abernethy</i> , Ierniæ oppidum, quondam rei Picticæ caput, & Primatis Episcopi sedes.
Aberdonia seu Abredonia, <i>Aberdeen</i> . Duæ sunt eodem nomine urbes, altera ad Donæ, altera ad Deæ fluminis ostium sitæ; hæc Nova Urbs vulgo appellata, Scotiæ Septentrionalis facile prima, civium humanitate & ædificiorum elegantæ structura memorabilis, Abredonæ potius appellari debuit: illa sede Episcopali & Academia omnium artium studiis florenter nobilitata Veteris Urbis cognomine	Abrenethius, <i>Abernethy</i> , cognomen. Abredonæ, <i>Vid.</i> Aberdonia.
	Abria, <i>Lochaber</i> , Scotiæ Septentrionalis regio.
	Abridica, <i>Erisbach</i> , insula ad Lornæ oram sita.
	Abrinca, <i>idem quod</i> Aberbrothium.
	Achleccus & Achinleccus, <i>Achinleck</i> or <i>Afleck</i> , cognomen Scoticum.
	Achnarra, <i>Achnar</i> , insula Leogum ab occasu spectans.

Ada-

# PROPRIORUM NOMINUM INTERPRETATIO.

Adami insula, *Island Adam*, prope Hara-  
raiam.

Æbudæ, *The Western Isles*, eo nomi-  
ne appellantur omnes in mari Deucale-  
donio a Rona ad Mannam sparsæ insulæ,  
numero fere 300, Scotiæ ab occasu ob-  
versantes.

Æbudani & Æbudenses, Æbudarum  
incolæ.

Ægidius, *St. Giles*, Scotus vitæ san-  
ctitate clarus, Edimburgensium Divus  
tutelarior olim habitus.

Æliotus, *Eliot or Elliot*, cognomen.

Æmodæ insulæ, eadem quæ Æbu-  
dæ.

Æmona, *Inch Colme, or St. Columb's  
Isle*, insula in æstuario Forthæ sita, cœ-  
nobio D. Columbæ celebris.

Æneas, *Angus*, proprium viri nomen.

Æncia, vetus Angusiæ regionis nomen.

Æra, *Air*, oppidi & fluvii ipsum al-  
luentis in Coila regione nomen.

Ai vel Aii Ostium, *Aymouth*, oppi-  
dum ad Aium amnem, qua Fortham sub-  
it, situm.

Ainia, *Enzie or Einie*, regiuncula in-  
ter Boinam & Moraviam in Præfectura  
Banfienfi jacens.

Aus seu Aius, *Eye or Aye*, Marcia  
amnis.

Albinia, *Albany*, Ducis titulus, quo,  
qui Regem Scotorum proxime post re-  
gni hæredem sanguine attingit, insigni-  
tur. Inde

Albinus seu Dux Albinus, *The Duke  
of Albany*.

Albium seu Albion, antiquissimum  
Britanniæ nomen.

Album Fanum, *White Kirk*, Lothia-  
næ orientalis pagus ad Tinam amnem.

Alectum, vetus Taoduni nomen a qui-  
busdam creditum.

Allerto, *Allerton or North-Allerton*,  
Tom. I.

vici in agro Eboracensi.

Alloa, *Alloway*, arx & oppidum in  
præfectura Clacmanana.

Almo, *Almond*, fluv. præfecturam  
Edimburgensem a Limnuchenfi diri-  
mens.

Alnevicus seu Annevicus, *Alnwick*,  
vulgo *Annick*, Northumbriæ oppidum.

Aluredus vel Alfredus, *Alfred*, Saxo-  
num Rex.

Ambianum, *Amiens*, urbs Galliæ;  
Picardiæ primaria. Inde

Ambianensis Episcopus, *The Bishop of  
Amiens*.

Anas Hispaniæ fluvius, nunc *Guadia-  
na* dictus.

Ancramium, *Ancrum*, Baronia (ut no-  
stri loquuntur) in Tevioria.

Andegavia, *Anjou*, Galliæ provin-  
cia.

Andegavi & Andes, Andegaviæ inco-  
læ.

Andegavus & Andegavensis scilicet: Co-  
mes seu Dux, *The Earl or Duke of An-  
jou*.

Angusia, *Angus*, Scotiæ regio.

Angusius, *The Earl of Angus*, Co-  
mitis Scoti titulus.

Angli, *The English*, populus Britan-  
niæ Australem incolens.

Anglia, *England*, regnum longe ferti-  
lissimam Britanniciæ majoris partem com-  
plectens.

Annandia, *Annandale*, regio seu Se-  
nescallatus in præfectura Drumfriensi.

Annandus, *Annand*, fluvius, & ad  
ejus ostium situm oppidum, unde regio-  
ni nomen inditum.

Annevicus, *Vid. Alnevicus*.

Apolecti, *The Lords of the Articles*,  
octo viri e tribus regni Ordinibus electi,  
quibus officium dabatur res in publicis  
Comitiis disceptandas proponere.

Aqucus, *Stephen D'Aix*, Gallus.

K k k k k

Aqui-

## P R O P R I O R U M N O M I N U M

Aquitania, *Aquitaine*, Galliae provincia: jam fere pro Ducatu Guennensi accipitur.

Araia, *Aran*, insula in aestuario Glottae. Unde

Aranius, *The Earl of Aran*, titulus primo Principis Bodiorum, deinde Hamiltoniorum, qui nunc Dux Hamiltoniae.

Arellius, *The Earl of Errol*, titulus Comitis Scoti, qui summus regni Constabularius & Hajorum Princeps.

Areskinus, *Erskine or Areskine* cognomen. Nonnunquam pro familiae ejus principe accipitur, qui *The Lord Erskine and Earl of Mar*.

Argathelia, *Argyle*, Scotiae regio. Unde

Argathelius, *The Earl*, qui nunc *Duke of Argyle*, Cambellorum Principis titulus.

Armistrangius, *Armistrang*, cognomen.

Arnotus, *Arnot*, cognomen.

Arundellius, *The Earl of Arundale*, Comitis Angli titulus.

Atholia, *Atbole*, regio, praefectura Perthenensis pars. Inde

Atholius, *The Earl of Atbole*, Comes Scotus, cui Stuardo erat cognomen.

Atona, *Ayton*, Marciae oppidulum ad Aium fluv. situm.

Atrebates, *Arras*, populus & urbs Galliae Belgicae, caput regionis quae recentioribus Artesia, vulgo *Artois* appellatur.

Avallonia, *Glasney Island and Glasneybury*, insula & in ea Coenobium in agro Somersetensi.

Avaricum Biturigum, *Bourges*, urbs Galliae, Biturigum caput.

Avennus, *Avon or Even*, multorum in Scotia fluviorum nomen.

Aumalius, *The Duke of Aumal*, Du-

cis Galli e familia Gufiana oriundi titulus.

Avon, Walliae fluvius.

Aurelia, *Orleans*, urbs Galliae clarissima ad Ligerim sita.

Aureliacum, *Orithac*, oppidum Galliae in Arvernia superiore.

Avus, *Loch-Awe*, or *Loch-Owe*, Lacus in Argathelia, e quo ejusdem nominis fluvius erumpit.

### B

BACA, *Island Back*, insula parva prope Mullum.

Badenacha, *Badenoch*, Scotiae regio in praefectura Eboracensi.

Bajocensis Episcopus, *The Bishop of Baieux*, a Bajoco-Normaniae oppido.

Balbridum, *Panbride*, Angliae vicus.

Balcomium, *Balcomy*, arx sive villa Lermontiorum, in orientali Fife angulo aedificata.

Baledgar, *Ballegary*, villa Goreae ab Edgardo exstructa.

Balfurius, *Balfour*, cognomen.

Balliolus, *Balliol*, nomen gentilitium duorum Scotiae Regum.

Ballus, *Ball*, sacrificuli Angli cognomen.

Balnavius, *Balnaves*, cognomen.

Balochus, *Baloch*, i.e. maculosus, cognomen.

Balvaniae Baro, *The Lord Balvany*: ea regiuncula est in praefectura Banfensi.

Bamburgum, *Bamborough*, arx Northumbriae.

Bannatinus, *Bannatine*, vulgo *Ballantine* vel *Ballanden*, cognomen.

Banus, *Bayne or Bane*, cognomen seu agnomen Scoticum.

Barclius, *Barclay*, cognomen.

Barodunum, idem quod Dumbarum.

Ba

# INTERPRETATIO.

Baronia, *The Barony of Renfrew*, regio seu praefectura Scotica, Glottiam & Cunigamiam interjacens, olim Stuartorum patrimonium.

Bassa, *The Bass*, insula seu scopulus in aestuario Forthæ, in quo arx inexpugnabilis Gulielmi III. jussu nuper ever-  
sa.

Batavi, *The Hollanders*, Hollandiæ incolæ.

Baugium, vel potius Balgium, *Bauge*, vicus Andegaviæ.

Bedfordia, *Bedford*, praefectura Angliæ urbisque in ea præcipuæ nomen.

Bei, Sootis sinum significat, nunc *Bay* scribitur.

Belgæ, olim Galliæ populi, nunc Germaniæ inferioris incolæ. Inde

Belgium, *The Netherlands or Low Countries*, quo nomine 17 Germaniæ inferioris provinciæ appellantur.

Bellomontius, *Beaumont*, cognomen & honoris titulus.

Bellus, *Bell*, cognomen.

Belsia, *Beauce*, Galliæ regio in provincia Aurelianensi.

Benedictini, Monachi ordinis D. Benedicti, quod pulla veste utantur, vulgo *The Black Friars* dicti.

Bertha, i. q. Perthum.

Berubium, *Dunsby Head*, Cathaniæ promontorium.

Bervicum, *Berwick*, Mariæ oppidum ad Tuedam litum.

Bilandum, *Byland*, Cœnobium in agro Eboracensi.

Bistus, *Bisset or Bizet*, cognomen.

Biturigenlis Archiepiscopus, *The Archbishop of Bourges*.

Bituriges, Galliæ populus, regio autem *Berry* dicitur, cujus metropolis Avaricum, *Bourges*.

Blacaterus, *Blacater or Blacader*, cognomen.

Blacnessum, *Blackness Castle*, arx in praefectura Linnuchensi.

Blara, *Blair*, vallis in superiore Atholiæ parte; in qua

Blarum, *The Castle of Blair*, arx Blaræ Atholiæ regiunculæ.

Blesensis Comes, *The Earl of Blois*; Comitum Galli titulus, ab urbe Blesis, *Blais*, ad Ligerim sita.

Bodius, *Boyd*, cognomen; aliquando Bodix Regulus vulgo *The Lord Boyd* ea voce indigitatur, cujus familiae Princeps est qui nunc *The Earl of Kilmarnock* insignitur.

Bodotria, vetus fluvii Forthæ nomen.

Bogia & Bogiana vallis, *Strathbogy*, regio ad Bogiam fluvium sita in praefectura Aberdonienti.

Boina, *Boyne*, regiuncula in praefectura Banficiensi.

Bononia maritima, quæ & Bononia Belgica & Bononia Morinorum, *Bologne sur la Mer*, caput regionis Bononien-  
sis, vulgo *Le Bolognois*, in Picardia Galliæ provincia.

Borthuicum, *Borthwick*, arx Lothianæ. Unde

Borthuicus, *Borthwick*, cognomen.

Bothuelius, *The Earl of Bothwell*, Comitum Scoti titulus. Item, cognomen.

Bovius, *Bowes*, cognomen.

Bradus, *Braid*, cognomen.

Brechinius, *Brechin*, cognomen.

Brechinum, *Brechin*, oppidum & sedes Episcopalis in Angusia.

Brema, *Breme*, urbs Germaniæ ex Hanseaticis una. inde Bremensis.

Briangius, *Briangie*, cognomen Anglicum.

Briennus lacus, *Loch Broom or Brian*, lacus seu sinus maris in occidentali Rossiæ latere.

Brigida, *St. Bride*, Scota vitæ sanctitate celebris.



# P R O P R I O R U M N O M I N U M

Brigidana, *Bridi*, parva insula prope  
Ilam.

Bristonicus portus, *The Haven of  
Brest*, in Britannia minore Galliae provin-  
cia.

Britannia, *Britain*, insula Europae  
longe maxima, totius orbis celeberrima.

Britannia minor, *Bretagne or Little  
Britanny*, Galliae provincia.

Britannodunum, *Dumbarton or Dum-  
britton*, oppidum & arx munitissima in  
Levinia.

Britannus, *Britain*, Joannis Riche-  
mondiae Comititis cognomen.

Britannus, *Barton*, cognomen Scoti-  
cum.

Brittones, *The Britains or Britons*,  
prisci Britanniae Australis incolae.

Brochta, *Brochty Castle*, arx Angu-  
sae ad Tai aestuarium duo millia infra  
Taodunum sita.

Brunus, *Brown*, cognomen.

Brussius, *Bruce*, cognomen. Sæpius  
pro Roberto I. Scotorum Rege fortissi-  
mo, cui id cognomen fuerat, accipi-  
tur.

Buchania, *Buchan*, regio in præfe-  
ctura Aberdoniensi.

Bullocus, *Bullock*, cognomen.

Bullus, *Bull*, cognomen.

Burbonius, *Bourbon*, cognomen & fa-  
milia Regis Francorum.

Burdegala, *Bordeaux*; Vasconiae Gal-  
liae provinciae caput.

Burgundia, *Burgundy*, Galliae provin-  
cia. Unde

Burgundiones, *The Burgundians*, ejus  
provinciae incolae.

Burgundus, i.e. Burgundiae Dux.

G.

**C**ALDERANUS, *The Lord of Cal-  
der*, qui nunc *Lord St. John*, &  
*Lord Torphichen* nuncupatur.

Caledones & Caledonii, Picti Cale-  
doniam habitantes.

Caledonia, proprie eam Scotiae regio-  
nem complectebatur, quæ ab orientali  
latere cum longo illo montium ab Aber-  
donia Cumbriam usque porrectorum tra-  
ctu continuatur: haud raro tamen pro  
universa Scotia accipitur.

Caledonia silva, ingens in ea regione  
saltus, Scotos a Pictis dirimens.

Caledonium seu Caledoniorum oppi-  
dum, *Dunkeld or Dunkelden*, urbs &  
sedes Episcopalis in præfectura Per-  
thenfi.

Calenus, *Coline*, nomen Scotticum  
Cambellorum familiae frequentissimum.

Calisium, *Calais*, Morinorum seu  
Picardiae oppidum, a quo brevissimus  
e Gallia in Britanniam tractus.

Calso, *Kelfo*, oppidum & Cœno-  
bium Teviotiae.

Cambellus, *Campbel*, cognomen flo-  
rentissimæ in Scotia familiae, cujus Prin-  
ceps Comes Argathelius, Ducum nu-  
mero haud ita pridem adscriptus.

Cambri, iidem qui postea Valli, *The  
Welsh*.

Cambria, eadem quæ Vallia, olim  
regnum, nunc Angliae provincia.

Cambrobritannii, i.e. Cambri.

Camelodunum, *Maldon*, Essexiae op-  
pidum. Boëtio creditur fuisse Pictorum  
regia ad Carrontem fluvium sita, ubi ca-  
stri Romani vestigia quædam adhuc su-  
persunt, qui locus vulgo *Camelon* dicitur.

Camerius & Camerarius, *Chalmers or  
Chambers*, cognomen.

Cameronii, *The Camerons or Clan Ca-  
meron*, priscorum Scotorum familia,  
cujus Princeps Toparchus de *Loch-Yeal*,  
aut *Loch-Ioll*.

Cameronus, *Cameron*, cognomen.

Cames & Kampfos, *Keams or Cames*,  
arx in Bota insula.

Ca-

# INTERPRETATIO.

**Camiskennethum**, *Cambuskenneth*, cœnobium prope Sterlinum.

**Camnethamius**, *The Laird of Camnetham*, is autem pagus est paullo supra Hamiltonium in præfectura Glottiana.

**Canabea**, *Canoby*, Monasterium seu Prioratus (quem vocant) in Scotiæ limite ædificatus.

**Candida Casa**, *Whithorn*, cœnobium & sedes Episcopalis haud procul a Vitone Gallovidiæ oppido. Episcopus Candidæ Casæ, *The Bishop of Gallo-way*.

**Canemora**, *Kenmore*, arx Mariæ.

**Cantiera**, *Kintyre*, regio seu peninsula parvo isthmo a Cnapdalia diremta. Cantieræ promontorium, *The Mule of Kintyre*.

**Cantium**, *Kent*, Angliæ regio.

**Cantuaria**, *Canterbury*, Cantii caput, & totius Angliæ Primatis sedes. Metropolitica.

**Capraria**, *Ilan Na Buck*, insula ad oram Lornæ prope Kerveram.

**Caralia**, *Carail* vulgo *Cryle*, oppidum in orientali Fife angulo ædificatum.

**Cardrossia**, *Cardross*, Cœnobium in Levinia.

**Caricta**, *Carik*, regio Coilam & Gallovidiam interjacens.

**Carlecolum**, *Carlisle*, Angliæ oppidum & sedes Episcopalis.

**Carnagius**, *Carnegy*, cognomen antiquæ familiæ cujus Princeps est Jacobus Suthesquæ Comes.

**Carnarivanus**, ita dictus est Eduardus II. Angliæ Rex ab arce Valliæ *Garnarvan* appellata, in qua natus est.

**Carnicrucius**, *Cairncross*, cognomen.

**Carnocensis**, *The Laird of Carnock*, Eques Scotus nomine Dromundus.

**Carron**, *Carron*, fluvius agrum Sterlinensem interfecans.

**Carruderus**, *Carruders*, cognomen Carthus, *Carth*, duo sunt in præfectura Renfroana ejus nominis fluvii.

**Carthusiani**, Monachorum ordo vulgo *Chartreux* dictus.

**Carus**, *Ker* or *Car*, cognomen, unde duæ illustres familiæ propagatæ, quarum Principes olim Cesfordius & Farnhestius, nunc Rosburgi Dux, & Lothianæ Marchio.

**Cassilissa**, *Cassils*, arx in Caricta titulum præbens Kennedorum gentis Principi, qui Cassilissæ Comes insignitur.

**Castellerotius** vel Dux Castellerotii, *The Duke of Chastelberault*, eo titulo auctus est Jacobus Hamiltonius Araniæ Comes & Scotiæ Prorex ab Henrico III. Gallo. Est autem *Chastel-berault* in Piætonibus oppidum.

**Catalaunum**, *Chalons*, oppidum Galliæ in Campania ad Matronam fluv.

**Catanei & Catana** tribus, *The Clan Chattan, or Mackintoshes*, celebris inter præscotos familia.

**Cathanesia**, *Caithness*, regio Scotiæ in septentriones longissime potrecta.

**Cecilius**, *Cecil*, cognomen Anglicum Gul. Cecilii Burlii Reguli, Angliæ Theaurarii fama celebratum.

**Cella Marnoci**, *Kilmarnock*, oppidum Cunigamiæ ad Irvinum fluv.

**A Cella Patricii**, *Kirkpatrick*, cognomen.

**Cesfordius**, *The Laird of Cesford*, hoc titulo olim insignitus est Princeps Carorum familiæ, qui nunc Dux Rosburgi appellatur.

**Cestria**, *Chester*, urbis & præfecturæ Angliæ nomen.

**Chualsa**, *Whals-oy*, insula, Hethlandicarum una, q. d. Balænarum insula.

**Cimbri**, antiquum Danorum nomen.

**Cimbrica Chersonesus**, *Jutland*, Germania.

# PROPRIORUM NOMINUM

romaniæ peninsula nunc regni Danici pars.

Cisforthana regio, tota ea regni Scotici pars quæ inter Fortham & Hadriani vallum seu Angliam interjicitur.

Clackmannana, *Clackmannan*, oppidulum & parva præfectura, a Fife provincia (cujus olim pars erat) disrupta.

Clarentius & Clarentiæ Dux, *The Duke of Clarence*, is erat Henrici V. Angli frater.

Clarus, *Clare*, cognomen Anglicum.

Clevelandia, *Cleveland*, regiuncula, seu Comitatus patrimonium in agro Eboracensi.

Cliffordus, *The Lord Clifford*, Nobilis Anglus.

Cludanus, *Cludan*, Gallovidiæ fluvius.

Knappalia, *Knappdale*, regio Argathælie & Cantieriæ interposita.

Cobesa, *Copins-ey*, insula, Orcadum una.

Cocburnus, *Cockburn or Coburn*, cognomen?

Cockburni Saltus, *Cockburn's Patb*, ita appellatur locus angustus, qua rivulus (Cockburnus nominatus) Lothianam a Marcia determinans, ac inter duos arduos colles defluens, haud procul a mari ponte transmittitur.

Cocheranus, *Cocheran or Cochran*, cognomen, cujus Princeps Dani Donaldi Comitis titulum gerit.

Cocklaum, *Cocklaun*, arx est Tevotice in monte ejusdem nominis sita.

Coila, *Kyle*, regio inter Caridum & Cumiganiam media.

Colchorium nemus, *Colchoun*, silva Lermine.

Colchoniensis, *Colchoun or Colboun*, cognomen.

Coldinghamia, *Coldingham*, Corn-

bium Marciæ ad duo millia ab Aii ostio.

Coleffius, *Colefs or Coleec*, cognomen, in quo Comarchus Balmamonie primas olim tenebat.

Collinius, *Gaspar de Colligni*, *Monfieur de Châtillon*, Gallie Thalassiarum & Protestantium Gallicorum Dux.

Collinus, *Cullen*, fluvii & ad eum siti oppiduli nomen in regiuncula Boina dicta.

Colrossia, eadem quæ Culrossia.

Colvillius, *Colvil or Colvin*; cognomen, cujus Princeps Colvillius Regulus.

Columba & Columbanus, perperam quibusdam Columbus dictus, *St. Columba or Colm*, Scotus vitæ sanctitate celeberrimus, Abbas ordinis Sancti Benedicti, multorum Coenobiorum fundator, e quibus inter alia eminebat Ionæ monasterium, Bedæ *Hy*, vulgo *Icolmkill* dictum.

Columbæ insula, *Icolmkill*, eadem quæ Iona, q. v.

Columbaria, *Ilan Calaman or Chalmán*, q. d. insula Columbarum, Æbudarum una.

Comarchus, a *Laird*, villæ vel pagi dominus.

Comernaldiæ Regulus, *The Lord of Comernald*, titulus est quo primum Cuminiorem, deinde, is exactis, Flaminiorum familia aucta est, postea ad dignitatem Viſtoniæ Comitum evecta. Est autem Comernaldia saltus in præfectura Levinienſi.

Comes Scabuli, *Lord High Constable*, Magister Equitum, quod munus apud Scotos hereditarium per multa secula obtinebant Arellæ Comites.

Comitia, *The Parliament*.

Comitium, *The Parliament House*.

Conchytiati Ordinis Eques, *A Knight of the Cockle*. Ordo militaris inter Gallos

# INTERPRETATIO.

• Ludovico XI. in honorem Michaelis Archangeli institutus; ita dictus quod ejus ordinis Equites torque aureo in formam conchyliorum confecto utantur.

Condæus, Princeps Gallus, *The Prince of Conde*.

Confratius, *Confray*, cognomen Anglicum.

Constabilis, *Constable*, cognomen Anglicum.

Constantinopolis, *Constantinople*, urbs Thraciæ celeberrima, quondam Imp. Orientalium sedes, nunc imperii Turcici caput, olim Byzantium dicta.

Continens, *The Main Land*, ita nōl *islands* nominantur insulæ Orcadum & Hethlandicarum maximæ.

Conventus Juridicus, *A Sheriff Court*.

Conventus Ordinum, *A Parliament* or *Convention of the three Estates of the Kingdom*.

Conventus Præfectus, *A Sheriff*.

Conventus Publicus, *A Parliament*.

Coplandius, *Copland*, cognomen.

Cornavia, *Cornwall*, Angliæ regio.

Cornavii, *The Cornish or Cornwall Men*, Cornaviæ incolæ. Item antiquum nomen Cathanesham habitantium.

Cossæus, *Charles de Coss*, Brisaci Comes; & Franciæ Marecallus.

Covalia, *Cowall*, Scotiæ regio inter Glottam fluv. & lacum Finum interjecta; Argatheliæ contermina, cujus a quibusdam pars censetur.

Cracoviaca, *Kirkwall*, urbs Orcadum præcipua, Episcoporum & Comitum Orcadensium sedes.

Crasfordius, *The Earl of Crawford*, Comes Scotus Lindesiorum Princeps.

Crasfordius, *Crawford*, cognomen, cujus princeps Kilbirniæ Comarchus nunc Garnociæ Vicecomes.

Cragiæ Comarchus, *The Laird of Craigie*, Eques Coilensis fortissimæ Vallarum fa-

miliæ princeps, vulgo, distinctionis gratia, *Craig y Wallace* dictus.

Cragius, *Craig*, cognomen.

Cragmillarium, *Craigmillar*, arx Lothianæ duobus ab Edimburgo millibus distans.

Cranstonum, *Cranston*, arx Lothianæ 4 a Dalketho mill.

Crea, *Cree*, Gallovidiæ fluvius.

Cressinghamius, *Cressingham*, cognomen Anglicum.

Crichtonius, *Crichton*, cognomen claræ familiæ, unde Drumfrisiæ Comites, & Frendrachiæ Vicecomites propagati.

Crichtonium, *Crichton*, arx Lothianæ.

Cristorfinium, *Corstorphin*, Lothianæ vicus 2 ab Edimburgo mill. Unde

Cristorfinianus, *The Laird of Corstorphin*, qui nunc Forestariæ Regulus.

Crocus, *Monsieur de Croc*, Gallus.

Croftus, *Croft*, cognomen Anglicum.

Sanctæ Crucis Cœnobium, *The Abbey of Holy-Rood-House*, in suburbio Edimburgensi, infra vicum, qui inde Canoniceorum, vulgo *The Canongate* dicitur; ubi nunc magnificum palatium, postremis Scotorum Regibus gratissimum, ac in paucis Britannicorum memorabile domicilium.

Crulinga, *Crawling*, insula, Æbudarum una, prope Skiam.

Crux Regia. *The Re-Croft*.

Cucianus, *The Earl of Cuncy*, Comitibus Galli titulus.

Culdei, *The Culdees*, antiquissimum & sanctissimum apud Scotos Monachorum genus.

Culenus, *Cullen*, cognomen.

Culrossia, *Culross*, oppidum ad Forthæ æstuarium situm, sub præfectura Perthensi.

Cumbria, *Cumberland*, Angliæ regio



# PROPRIORUM NOMINUM

in Septentrionali limite sita.

Cuminius, *Cumin*, cognomenoticum nobilitate & opibus olim clarissimum.

Cunigamia, *Cuningham*, oppidi & regionis nomen in praefectura Aerenfi.

Cunigamius, *Cuningham*, celebre cognomen, cujus Princeps Glencarniae Comes.

Cuprum, *Cowper*, duo sunt hujus nominis oppida, unum Fifae caput, alterum Coenobium in Angusia.

Custos Regni, *A Warden or Guardian of the Kingdom*.

## D.

**D**ACRIUS, *Dacres*, cognomen, & Reguli inter Anglos titulus.

Dalhusius, *The Lord or Earl of Dalhousie*, titulus Comitis, Ramisæorum Principis.

Dalkethum, *Dalkeith*, oppidum Lothianae inter duos Escas situm.

Damiæta, *Damee*, Gallus.

Dania, *Denmark*, regnum. Dani, *The Danes*, populus.

Dantiscum, al. Gedanum, *Dantzick*, nobilend Vistulam emporium, ac Borussiae Regiae caput.

Darlæus, Darnilæus, & Dernileus, *The Lord Darnley*. Hoc titulo insignitus est (proxime post Regiam) Stuartae familiae Princeps, in primis vero memorabilis Henricus Mariae Reginae maritus, Jacobi VI. pater.

Darsius, *D' Arsie*, *Monsieur de la Bâtie*, nobilis Gallus.

Dea, *Dee*, multorum fluviorum nomen: unus Valliam, alius Gallovidiam intersecat; tertius Marriam a Mernia dirimit. Est & quartus in Angusia.

Dejdonum, *Dundee*, ita Taodunum Hector Boëtius patriæ suæ gratulans appellat.

Delphinus, *The Dauphin of France*, Galliarum hæres.

Desertum, *Dysert*, Fifae oppidum.

Dessius, *Monsieur de Dessie*, Gallus.

Deva, *Dee*, fluv. idem qui Dea, q. Vid.

Deucaledonium mare, ea Oceani Hyperborei pars quæ Scotiam ab occasu aluit.

Dicsonus, *Dickson*, cognomen.

Diepa, *Diep*, Normaniæ oppidum maritimum.

Dirlintonius, *Lord Dirlston*, is olim Haliburtonus erat.

Dona, *Don*, Marriæ fluv. ad cujus ostium sita est Abredonia vetus.

Donaldina familia, *The Clan Donald, or Mackdonalds*, priscorum Scotorum tribus potentissima, ipsi etiam Regibus gravi.

Drefanum, *Drassie*, arx Glottianæ.

Driburgum, *Dryburgh*, Coenobium in Teviotia.

Dromundus, *Drummond*, familiae antiquæ cognomen, cujus Princeps Perthi Comes, ab Jacobo VII. Ducis titulo auctus.

Druidum Comes, *The Earl of Dreux* nobilis Gallus.

Drumfrisiū, *Drumfreis*, oppidum Nithiæ, praefecturae Drumfrisenlis, cui nomen tribuit, caput.

Drumilaus, *Drumilaz Sands*, arenae cumulus in ostio Tai navigantibus periculofus.

Drumlanricum, *Drumlanrig*, arx ad dextram Nithi amnis ripam sita, Ducum de *Queenberry* praecipua sedes.

Drurius, *Drury*, cognomen Anglicum.

Dublinum, *Dublin*, Hiberniæ metropolis.

Duchtius, *Doughty*, cognomen Anglicum.

Du-

# INTERPRETATIO.

Duglassia, *Duglasdale and Castle*, val-  
lis est (& in ea arx) ad ripam fluvii,  
qui dicitur

Duglassius, *Douglas Water*, fluv. in  
Glottam devolvens.

Duglassius, *Douglas*, cognomen Sco-  
ticum in multas nobilissimas & fortissi-  
mas familias propagatum, quarum o-  
mnium olim Princeps erat Duglassiæ Co-  
mes, eoque extincto Comes Angusiæ,  
postea ad Marchionis, ac non ita pri-  
dem Ducis Duglassiæ dignationem eve-  
ctus.

Dumbarius, *Dunbar*, antiquissimum  
inter Scotoscognomen, & familia, quam  
ducebant Marcie Comites, quibus ante  
aliquot secula extinctis, is honos in Re-  
giam ac deinde Duglassiam domum trans-  
iit.

Dumbarum, *Dumbar*, oppidum Lo-  
thianæ.

Dumblanum, *Dumblain*, oppidum &  
sedes Episcopalis Taichæ; ad Alanum  
fluvium, in præfectura Pertheni, 4 mill.  
a Sterlino.

Dunachi vel Duncani sinus, *Dunsby-  
Head or Bay*, Cathanesiæ promontorium,  
& sinus, Orcadibus e regione oppositus.  
Est autem Dunachus viri nomen, vulgo  
*Donachie*.

Dunbucum, *Danbuck-Hill*, mons est  
Levinæ haud procul a Britannoduno.

Dundalcum, *Dundalk*, Hiberniæ op-  
pidum in Comitatu Louthensi, Scoto-  
rum clade funestatum.

Dundargum, *Dundarg*, Buchaniæ  
arx.

Dundassius, *Dundaß*, cognomen.

Dunelmum, *Durham*, urbs Angliæ,  
& sedes Episcopalis, Comitatus Dunel-  
mensis caput.

Dunensis, *The Laird of Dun*, Co-  
marchi Scoti, Areskini cognominati, ti-  
tulus.

Tom. I.

Dunglassium, *Dunglass Castle*, arx  
Lothianæ.

Duni, *The Downs*, arenæ cumuli seu  
colles ad oram Cantii.

Duni Pacis, duo colles ad lævam  
Carrontis a Romanis congesti, unde lo-  
co nomen, vulgo *Dunipace*.

Dunotrum, *Dunotter Castle*, Comitæ  
Martialis in Mernia arx.

Dunsinnianus mons, *The Hill of Dun-  
sinnan*, 3 a Cupro Angusiæ oppido mill.  
assurgens.

Dunsinnana arx, *Dunsinnan Castle*,  
in eo monte a Macbetho Tyranno ex-  
structa.

Dunsum, *Duns*, oppidum Marcie,  
6. mill. a Bervico.

Dunum Donaldi, *Dundonald*, arx &  
domus Regiæ ad Irvinum fluv. sita, nunc  
Comiti, Cocheranorum familiæ Princi-  
pi, titulum dans.

Dunum, *Down*, arx Taichæ, quon-  
dam Regia sedes, nunc Comitæ Mora-  
viæ propria, cujus majores Dunenses Re-  
guli inde appellabantur.

Dunum Fermelini, *Dumfermling*,  
oppidum & Cœnobium Fife, palatio  
& sepulchreto Regio celeberrimum.

Dunus, *Down*, lacus, & ex eo pro-  
fluens fluvius, qui Coilam interfecans ad  
duo ab Aera oppido mill. in mare Hi-  
bernicum decedit.

Dunum novum, *Vid. Noviodunum*.

Duplinum, *Duplin*, arx Ierniæ ad  
sinistram Ierni fluminis ripam in præfe-  
ctura Pertheni.

Durisdara, *Disdeir*, oppidum Ni-  
thiæ. Durisdaranus *The Laird of Disdeir*.

Durovartus, *Durward*, Anglus.

E.

EBBÆ promontorium, *St. Ebbe's  
Head*, ad ostium æstuarii Forthæ pro-  
pe Falcaskellum.

LIIII

Ebo

# PROPRIORUM NOMINUM

Eboracum, *York*, urbs Angliæ, unde Eboracensis ager, *York-Shire*, & Dux Eboracensis, *The Duke of York*.

Ecclesiæ, *Eccles*, Marciæ vicus, prope Humiam arcem.

Edimburgum & Edinum, *Edinburgh*, Scotiæ caput, sede Regia & Episcopali, comitiis item publicis, & conventibus juridicis, superba ædium mole civiumque frequentia, celeberrimum.

Eglintonii Comes, *The Earl of Eglinton*, nobilis Scotus familiæ Mongomeriæ Princeps.

Elbevii Marchio, *The Marquis of Elbeuf*, nobilis Gallus e Gufiorum familia.

Elgina & Elginum, *Elgin*, oppidum Moraviæ præcipuum.

Elphinstonius, *Elphinston*, cognomen, & familiæ Principis titulus.

Ennerbervium, *Bervy or Innerbervy*, Merniæ oppidulum, ad Bervii fluminis ostium situm.

Ennergorea, *Innergowry*, vicus or in orientali parte regionis quæ vulgo *The Cars of Gwry* appellatur.

Ennerlothia vel Ennerlutea, *Innerlochy*, oppidum Abriæ ad Lochtiæ fluminis ostium.

Ennernessa, *Innerness*, nobile emporium ad Nessi ostium, præfecturæ, cuius primaria urbs est, dans nomen.

Ennervicum, *Innerwick*, arx & pagus Lothianæ 4 mill. ultra Dumbarrum.

Enneruria, *Innerury*, oppidum Gariochæ, qua Uria Donam influit.

Esca, *Esk*, multorum fluminum nomen, unus Merniam ab Angusia dividit, alter eandem Angusiam pertransit, hic Australis, ille Septentrionalis cognominatus. Alii item duo sunt in Lothiana iisdem cognominibus distincti. Quintus denique in Scotiæ limite, unde regioni nomen.

Escia, *Eskdale*, regio ad Escam jaccens.

Etella, *The Castle of Etell*, arx Northumbriæ ad Tillam amnem.

Eubonia, eadem quæ Manna insula.

Evia, *Ewsdale*, regio Evo fluvio rigata.

Evonia & Evonium, arx quam Boetius eandem cum Stephanoduno, Buchananus vero arcem Innerluteæ ita appellatam existimat.

Evus, *Ew or Ewse*, fluvius.

Examum, *Hexam*, oppidum ad Tinam, ad 6 millia supra Novum Castrum in Northumbria.

## F.

**F**ALAUM Fanum, *Falaw or Falaw Kirk*, Lothianæ locus 9 mill. ab Edimburgo.

Falcolandia, *Falkland*, oppidum & palatium Regium in ipso fere Fife meditullio ad radices montis Lominii situm.

Falconarius, *Falconer*, cognomen antiquæ familiæ quæ Halkertonæ Regulum Principem agnoscit.

Falesium vel Fallefia, *Fallaife*, Normanicæ oppidum.

Falingama, *Falinghan or Finlagan*, arx in Illa insula in medio lacus, qui vulgo *Loch-Gurym* dicitur, sita.

Fanum Albani, *St. Albans*, urbs Angliæ.

Fanum Andreæ, *St. Andrews*, urbs Fife, Primatis Episcopi sede & Academia omnium artium studio florente memorabilis: aliter Fanum Reguli appellatur.

Fanum Donati, *Donator Dinnat Kirk*, Cathanesiæ vicus.

Fanum Miniani, *St. Minans Kirk*, in Fife regione sacra.

Fa-

# INTERPRETATIO.

Fanum Patricii, *Kirk Patrick*, oppidum ad dextram Glottæ ripam 4 mill. supra Britannodunum.

Fanum Reguli, *Vid.* Fanum Andree.

Fara, *Fair Isle*, insula medio fere inter Orcadas & Zelandicas trajectu posita.

Farnihestius, *The Laird of Fernibest*, a quo recta serie oriundus, qui Lothianæ Marchio insignitur.

Fascastellum, *Fastcastle*, arx firmissima Marciz.

Fergusius, *Fergus*, primus imperii Scotici Rex & conditor.

Fergusii Rupes, *Carrick or Craig Fergus*, al. *Knock Fergus*, oppidum Hi-berniz in comitatu Antrimensi, a Fergusio I. qui illic naufragio periit nominatum.

Fermelinodunum. *Vid.* Dunum Fermelini.

Fethercarnia, *Fettercairn*, oppidum Merniz ad Grampii radices, 3 ab Esca septentrionali mill.

Fifa, *Fife*, celebris Scotiz provincia, æstuariis Forthæ & Tai, Ocellisque montibus circumvallata.

Finelaus, *Finlaw*, nomenoticum.

Finis, *Loch Fin*, lacus Argatheliz, in quem irrumpit

Finus, *The Water of Fin*, ejusdem regionis fluvius.

Flamburgum, *Flamboyrouw*, oppidum maritimum in præfectura Eboracensi.

Flaminius, *Fleming*, celebre cognomen cujus Princeps Victoriz Comes.

Flandri, *The Flemings*, Flandriz Belgii provinciz incolæ.

Fluido, *Flowdon Hill*, mons in Angliz Scotizque confinio, Scotorum clade plus nimio memorabilis.

Forbosius, *Forbes*, cognomen numerosæ familiz quæ Forbosiz Regulam Principem agnoscit.

Fordunum, *Fordon*, oppidulum Merniz, D. Palladii Scotorum Apostoli sepulchro, & Joannis Fordoni Historiz Scotiz scriptoris natalibus clarum.

Forestia, *The Country of the Forrest*, regio inter Lothianam & Tevotiam media, olim saltus Regius.

Forestarius, *Forrester*, *Foster* or *Froster*, cognomen, & Reguli titulus.

Forella, *Forefs*, Moraviz oppidum 8 mill. ultra Elginum.

Forfara vel Forfarum, *Forfar*, Angliz oppidum, ubi toti præfecturæ, quæ inde Forfarenfis vocatur, jus dicitur.

Formanus, *Forman*, cognomen.

Fortha, *The River of Forth*, fluvius & æstuarium Lothianam a Fisa determinans. Forthæ æstuarium, *The Frith of Forth*. *Vid.* mareoticum.

Foxius, *Fox*, cognomen Anglicum.

Franci, *The Franks or French*, gens Germaniz bellicosissima, quæ, re Romana inclinata, Franconia natali solo relicta, Galliam occupavit, quam & in hunc usque diem tenet, totius Europæ potentia & opibus facile prima.

Franciscani, *The Franciscan Friars*; Monachorum genus ab institutore D. Francisco denominatum: quod veste glauca sive cinerea utantur, *Gray Friars* vulgo dicti.

Fraserius, *Frazer* or *Frisel*, cognomen in varias familias tributum, in quibus præcipue eminent Lovetiz; Saltonii & Fraseriz Reguli, cum suis quisque tribulibus.

Frossardus, *Froisard*, Historicus Galus.

Furdus, *The Laird of Ford*, i.e. Furdi Comarchus, olim *Heron* cognominatus.

Furdum, *Ford*, oppidulum Northumbriæ ad Tillam amnem.



# P R O P R I O R U M N O M I N U M

Hebrides insulæ, eadem quæ *Æbuda*.  
 Heburnus vel Heburnius, *Hepburn*,  
 cognomen in quo eminebant Halenses Re-  
 guli, postea Bothueliæ Comites, quorum  
 ultimus se suamque fere familiam posun-  
 dedit.

Henderlandius, *The Laird of Hender-  
 land*, Comarchus nomine Cocburnus.

Heresius & Heresianus, *Harris or Her-  
 reis*, cognomen, item titulus Principis  
 ejus familiæ qui *The Lord Herreis of Tor-  
 regles* est dictus. Is honos in nomen Maxual-  
 lium matrimonii jure postea est translatus.

Herkelaius (And.) *Sir Andrew Herclay*,  
 Carleoli Comes.

Heriotus, *Heriot*, cognomen.

Hermitagium seu Eremitagium, *The  
 Castle of Hermitage*, vetustum Lidaliæ præ-  
 sidium.

Heron, *Heron*, cognomen Angl.

Hethlandicæ insulæ, *The Sbetland or  
 Zetland Islands*, insulæ Scoticarum o-  
 mnium ultimæ in mari Deucaledonio spar-  
 sæ, quarum maxima Hethlandia dicitur,  
 vulgo *The Main Land*, i. e. Continens,  
 ratione scil. ad minores habita.

Hiberni, *The Irish*, Hiberniæ incolæ:  
 Scoti etiam inde advecti ita quibusdam ap-  
 pellantur.

Hibernia, *Ireland*, insula Britannica,  
 quibusdam Britannia minor dicta. Non-  
 nulli scriptores Scotiam eo olim nomine  
 etiam appellatam tradunt.

Hibernicum mare, *The Irish Sea*, quod  
 hinc Hibernicum illinc Britannicum litus  
 interluit.

Hierosolyma, *Jerusalem*, urbs Palæsti-  
 næ celeberrima, singulari olim Dei O.  
 M. præsentia, ac Servatoris mundi mi-  
 raculis & morte longe supra omnes nobili-  
 tata.

Hispania, *Spain*, regnum amplissimum,  
 omnium Europæorum ad occasum longissi-  
 me porrectum.

Hollandi, *The Hollanders*, Hollandiæ  
 incolæ.

Hollandia, *Holland*, septem Belgii fœ-  
 derati provinciarum præcipua.

Holma, *an Holm*, i. e. planities herbida  
 aquis assita.

Homildonum, *Homildon*, Northum-  
 briæ vicus Scotis funestus.

Horestia vel Forestia, regio inter Taum  
 & Deam interjecta Anguliam Merniamque  
 complectens.

Humber, *The River Humber*. Is non  
 tam fluvius est quam æstuarium, qua  
 Trenta & Urus cœuentes ac in mare devo-  
 luti sinum efficiunt.

Humium, Humia & Humum, *Hume  
 or Home Castle*, arx Marcia Humiæ Co-  
 mitum sedes.

Humitis, *Home or Hume*, cognomen ve-  
 cultæ familiæ quæ Humiæ Comitem Prin-  
 cipem veneratur.

Hundintonia, *Huntington*, *Vid. Venar-  
 todunum*.

Hundintonius, *The Earl of Huntington*.

Huntlæus & Huntlæus Comes, *The  
 Earl of Huntly*, Gordoniorum Princeps,  
 postea Huntlæus Marchio, nunc Dux  
 Gordonius appellatus.

Hustonius, *Houston*, cognomen.

## I.

JARI Ostium, *Yarmouth*, oppidum  
 Norfolciæ maritimum, ad Jari flu-  
 minis ostium situm: *al.* Gariannonum,  
 fluviique Garicus, vulgo *Tare*, appel-  
 latur.

Iberus, *Ebro*, fluvius Hispaniæ maxi-  
 mus.

Iceium, & Itium, & Iceius portus,  
 antiquus Galliæ Belgicæ portus, unde  
 J. Cæsar in Britanniam trajecturus solvit;  
 quem quidam Audomaropolim, alii Cali-  
 sum,

## I N T E R P R E T A T I O.

sum, alii denique Bononiam maritimam fuisse existimant.

Iceni, Britanniae populus, Suffolciensem, Norfolciensem, Cantabrigiensem & Hundintonensem praefecturas incolens. Venta Icenorum, vetus Norfolciae oppidum, Icenorum caput, cujus vestigia adhuc apparent in loco qui Castrum, vulgo *Caster*, appellatur.

Jedburgum *Jedburgh*, oppidum Tevotiae praecipuum, ad Jeddam situm.

Jedda, *The River Jed*, fluvius Tevotiae in Tevotum cadens.

Ierne & Ierna, vetus Hiberniae nomen. Quidam etiam eandem quae Iernia seu Strathierna Scotiae regio appellatur, fuisse existimant.

Iernia seu Strathierna, *Strathern*, Comitatus seu Palatinatus in praefectura Perthenfi.

Iernus, *Ern*, fluvius Moraviae: item alius Strathiernam interluens, qui e lacu ejusdem nominis crumpens, in Tauminfra Abernethium devolvitur.

Insulanus, *The Lord of the Isles*, Aebudarum Regulus, Macdonaldorum Princeps, qui plerumque illam insulam suae dominationis sedem elegit.

Internum mare, idem quod mare Mediterraneum.

Iona, *Icolmkill*, insula Aebudarum una prope Mullam, Divi Columbae Coenobio clarissima, unde & Columbae insula dicitur, Bedae *Hy*, aliis Huia vel Hoia appellata,

Jonstonus vel Jonstonius, *Johnston*, cognomen antiquae familiae quae Annandiae Marchionem Principem agnoscit.

Irlandus, *Ireland*, cognomen.

Irvinus, *Irving*, fluvius Coilam a Cunigamia dirimens, & ad ejus ostium urbs: item cognomen.

Jus regale, *The Right of Regality*, privilegium quibusdam nobilibus; Episco-

pis & Coenobiarchis concessum, quo eis de omnibus criminibus in sua Regalitate, quam vocant, patris (perduellione excepta) judicandi potestas indulgetur; ac ipsi eorumque clientes & agri praefectus juridici ditione eximuntur.

Juti, *The Jutes or Jutlanders*, populus qui eam Germaniae partem quae Cimbrica Chersonesus dicebatur, vulgo *Jutland*, nunc sub ditione Regis Danorum, incolebat.

Iverna, Juverna & Juvernia, antiqua Hiberniae nomina.

K.

**K**ELVINUS, *The Water of Kelvin*, Leviniae fluv. in Glottam paullum infra Glascuam cadens.

Kennedus, *Kennedy*, cognomen clarissimae familiae, cujus Princeps Cassilisae Comes.

Kennus, *The River Kenn*, Gallovidiae fluvius.

Kentigermus, *St. Mungo*, Glascuensium Episcopus vitae sanctitate clarus.

Kerius, *The Laird of Keir*, Comarchus in praefectura Perthenfi Sterlini cognominis dux.

Kerlinfordia, *Kerlinford*, oppidum Hiberniae in Comitatu Louthensi.

Kernici & Kernicovalli, *The Cornish or Cornwall-Men*, Cornualliae incolae.

Ketha, *Inch Keith*, parva insula in aestuario Forthae, medio fere inter Letham & Kingornum oppida trajectu.

Kethus, *Keith*, cognomen antiquissimae familiae, cujus Principes Comites Martiales Scotiae per multa retro secula jure haereditario insigniti.

Kilblania silva, *Kilblain Forrest*, in Marria.

Kildrumia, *Kildrumy Castle*, arx Marriae ad Donam amnem sita.

Kil-

# PROPRIORUM NOMINUM

Kilmarnocum, *Vid.* Cella Marnoci.  
 Kilvininum, *Kilwinning*, oppidum &  
 Monasterium Cunigamiae 4 mill. ab Ir-  
 vino.

Kincraigium, *Kincraig*, Fife villa.  
 Kinesum, *Kinross Castle*, Merniae arx  
 mari imminens.

Kinfanius, *The Laird of Kinfawns*,  
 Comarchus cognomento Charterius, cu-  
 jus patrimonium prope Perthum ad fini-  
 stram Tai ripam.

Kingornum, *Kinghorn*, oppidum Fi-  
 fiae ad Forthae aestuarium e regione Le-  
 the.

Kinlossum, *Kinloss*, Moraviae Caeno-  
 bium.

Kinrossum, *Kinross*, oppidum ad la-  
 cum Levinum, parvae praefecturae a Fi-  
 fa olim divulsa dans nomen.

Kintera idem quod Cantiera.

Kirbius, *Kirby*, cognomen Angli-  
 cum.

Kircadius, *Kircaldy*, cognomen.

Kirchius, *Kirk*, cognomen.

Kircua, idem quod Cracoviaca.

Knoxius, *Knox*, cognomen.

## L.

**L**ABASTIUS, *Monsieur de la Bastie*,  
 Gallus.

Lambinus, *Lamby*, cognomen.

Lamota *Monsieur de La Motte*, Gal-  
 ius.

Lamyrii, montes, *The Lamermoor*  
*Hills*, Marciam a Lothiana dirimentes.

Lanarcum & Lanericum, *Lanark*,  
 Glottiae caput, praefecturae inde Laneri-  
 censi dictae nomen tribuens.

Lancastrium, *Lancaster*, oppidum Ang-  
 liae ad Lunam amnem situm, praefecturae  
 seu Palatinatus, vulgo *Lancashire* di-  
 cto, dans nomen, & Ducis etiam titu-  
 lum illi Regiae Anglorum familiae parti,

quae cum altera, Eboracensi appellata;  
 de regni jure bella plus quam civilia susci-  
 tantes totam fere Angliam seque adeo i-  
 plas pessumdederunt.

Lancastrius, *The Duke of Lancaster*.

Langopus, *Langhapp or Langham*, op-  
 pidulum & arx Eviae, qua Eica & Evua  
 in unum coeunt.

Langosidum, *Langside*, locus in praef-  
 ectura Renfroana 1 mill. a Glascua, praef-  
 ectio quo Maria Scota regno pulla est me-  
 morabilis.

Langtonium, *Langton or Lawton*,  
 Marciae vicus mille a Dunlo passus di-  
 stans.

Lanfacus, *Lewis de St. Galais*, Lan-  
 faci Regulus, Gallus.

Largae, *The Largs*, Cunigamiae vicus  
 ad aestuarium Glottae, majori Cumbrae  
 insulae obversus, Norvegorum clade no-  
 bilitatus.

Largous, *The Laird of Largo*, Co-  
 marchus Fisanus clarissimus, a monte Lar-  
 go in orientali Fife parte dictus.

Latimerus, *Latimer*, cognomen An-  
 glicum.

Latonus, *Laton*, Anglus.

Laudera & Lauderum, *Lauder*, op-  
 pidum regiunculae, inde dictae *Lauderda-  
 le*, caput, ad fluvium Lidderum situm.

Lauderia, *Lauderdale*, regiuncula in  
 praefectura Bervicensi.

Lauderus, *Lauder*, cognomen.

Leodium, *Liege or Luick*, oppidum  
 Belgii, provinciae Leodienensis inde appel-  
 latae metropolis.

Leogus, *The Lews*, insulae Aebudarum  
 maxima.

Leon, *Lyon*, cognomen vetustae fa-  
 miliae, cujus Princeps olim Glammiffae  
 Regulus, qui nunc Strathmorae & Kin-  
 gorni Comes.

Lernonthius, *Lernont*, cognomen.

Leslius, *Lesly*, clarissimae familiae co-  
 gno-

# INTERPRETATIO.

gnomen, cujus Princeps Rothusæ Comes.  
*Letha, Leith*, oppidi, & amnis ad cu-  
 jus ostium situm est, nomen.

*Lethintonium, Leithington*, arx Lothia-  
 næ prope Hadinam.

*Lethintonius, The Laird of Leithington*,  
 Comarchus cognomento Martellanus, a  
 quo recta serie ortus Lauderæ Comes.

*Levinia, The Shire of Lennox*, vulgo  
 præfectura Britannodunensis.

*Levinus, The Earl of Lennox*, olim  
 eodem cognomento Comes, quo titulo  
 postea chonectatus est Dernileæ Regulus:  
 aliquot denique ex eadem familia Duces  
 eo nomine insigniti.

*Levinus, Levin*, duo sunt eodem no-  
 mine amnes, alter Fife & lacu Levino  
 prorumpens; alter Levinæ (cui regioni  
 dat nomen) e lacu Lominio oriens, qui  
 cum Glotta ad Britannodunum commi-  
 ssus eam arcem a tergo communit.

*Levintonius, Livingston*, celebre co-  
 gnomen, cui præest Linnuchii Comes.

*Leithonus, Leithoner Leighton*, cogno-  
 menoticum.

*Liddala, Liddisdale*, regiuncula in ipsis  
 Scotiæ cum Angliâ confinis sita, a Li-  
 dalo amne, *Liddell Water*, denominata.

*Liddalanus, The Lord of Liddisdale*, eo  
 honore dignatus est Gulielmus Douglassius  
 Scotus bellator egregius.

*Ligeris, The Loire*, fluviorum Galliæ  
 princeps.

*Ligures*, Italiæ populus, eam fere re-  
 gionem incolens quæ nunc Genoa appel-  
 latur.

*Lilburnus, Lil'urn*, cognomen Angl.

*Lilius, Lyle*, cognomen, cujus Prin-  
 cepts postea Liliæ Regulus, nunc extin-  
 ctus.

*Limdoris, Landores*, Cornobium Fife  
 ad Taum fluvium.

*Linnuchum, Linlithgow*, oppidum,  
 Lothianæ occidentalis, seu præfecturæ

*Tem. I.*

inde Linnuchensis dicitur, caput.

*Lindusius, Lindisay*, cognomen illu-  
 stris familiæ, cujus Princeps Crasfordiæ  
 Comes.

*Lindisfarnæ & Lindisfarnia, Lindisfarn*  
*or the Holy Island*, insula ad oram North-  
 umbriæ, 7 ultra Bervicum mill. olim  
 Episcoporum viæ sanctitate celeberrima se-  
 des, quæ postea ad Dunelmum a Milco-  
 lumbo III. est translata.

*Linto, Linton*, duo sunt hujus nomi-  
 nis vici, alter Lothianæ ad Tinam,  
 alter Tuediæ ad Linnum siti.

*Lismora, Lismore*, insula in sinu Lo-  
 chiolensi, Episcopi Argatheliæ sedes, qui  
 inde dictus est.

*Lismorensis Episcopus, The Bishop of*  
*Argyle.*

*Listo, Kirkliston*, vicus Lothianæ ad  
 Almonem amnem situs.

*Lochbria, Lochaber*, *Vid. Abria.*

*Lochindorea, The Castle of Lochinda-*  
*res*, in præfectura Banfienfi arx.

*Lochia, fluv. idem qui Luta.*

*Luginus, Logan*, cognomen.

*Logius, Logy*, cognomen.

*Lominus, Loch Lomond*, ingens Le-  
 vinia lacus, 24 mill. longus: item mon-  
 tis Fiferi nomen.

*Loncartis, Loncarty*, vicus Perthensis,  
 Danorum clade memorabilis.

*Londinum, London*, urbs celeberrima,  
 Angliæ caput, Europæas omnes  
 civium numero & opibus exsuperans.

*Londinus, Londie*, cognomen in  
 quo Comarchus Londinius primas tenet.

*Longovillanus, The Duke of Longo-*  
*vile*, Ducis Galli titulus.

*Longus, Long*, fluvius in ejusdem  
 nominis lacum defluens, Leviniamque a  
 Covalia dissepiciens.

*Lorestonium, Lawriston*, Meriæ

Mmm mm

Lor-



# PROPRIORUM NOMINUM

Lorna, *Lorn*, regio Argatheliam inter & Abriam media interjecta.

Lotharingia, *Lorrain*, Galliae provincia.

Lotharingus & Lothareus, *The Duke of Lorrain*, Guliorum Princeps.

Lothiana, *Lothian*, regio per amplam in tres praefecturas diremta, Limnuchensem, Edimburgensem & Hadintonensem, aliter, Lothianam occidentalem, mediam & orientalem appellatas.

Lovanium, *Louvain*, Brabantiae caput.

Lovellius, *Lovel*, cognomen.

Loxius, *Loffy*, Moraviae fluvius.

Lucemburgum, *Luxemburg*, provinciae Belgicae, Ducatus Lucemburgensis dictae, metropolis.

Luddus, *Ludd or Lloid*, cognomen Cambrium, seu Vallicum.

Lusitania, *Portugal*, Hispaniae pars, nunc regnum Portugallicae dicta.

Lussus, *The River Lys*, Gallovidiae fluvius.

Lutea, *Lochy or Loubty*, Abriae fluvius.

Lutetia, aut Lutetia Parisiorum, *Paris*, urbs nobilissima, Galliae metropolis, ad Sequanam sita.

## M.

**M**ABANUM, *The Town and Castle of Lochmaban*, Annandiae oppidum, & arx ad lacum ejusdem nominis sita.

Macaintotius, *Mackintosh*, cognomen celebris inter praeficos Scotos familiae, quae tribus Catana, vulgo *The Clan Chattan*, appellatur. In hac etiam tribu Macphersonii nomen suum proficuntur. Utrumque suffragis Macaintotiae Comarchus Princeps agnoscitur.

Macalpinus, *Macalpin*, i.e., Alpini filius: ita dictus est Pictorum dominor Kennethus II. Alpini filius; legeque

ab eo conditae Macalpiniae appellatae.

Macarcturius, *Macaribus*, praeficorum Scotorum in Lorna tribus.

Maccaclanus, *Maccaclan*, praeficorum Scotorum in Levinia tribus.

Macclodius Haraiensis, *The Laird of Macleod, or Macleod of Harish*, vetustum inter Insulares Scotos familiae cognomen, cujus Princeps Hariae Comarchus.

Macdonaldus, *Macdonald or Macconnel*, clarissima & potentissima praeficorum Scotorum gens, cujus Princeps Donaldi Insulari dicti (quos Abudenses fere omnes Duces sequebantur, ipsi etiam Regibus bellum inferre, ac negotium haud raro facillime consuevere. Sed eorum potentia jamdudum fracta, vel multum imminuta, varisque ex eadem stirpe creatis familiis de principatu contententibus, haud facile dictum est cui is potissimum honos debeat: major tamen pars Donaldum Macdonaldum de *Slate* Equitem illustrem Ducem agnoscit.

Macdusius, *Macduff*, is olim Fife Thanus, ejusque posterii Fife Comitibus appellati, antiquissimae familiae Principes, quorum haeredes se Vemicorum Comites proficuntur.

Macgillus, *Macgildus & Macgillius*, *Macgill*, cognomen familiae in qua principem tenet locum qui Cranstonae Vicecomes insignitur.

Macclanus, *Macclan*, numerosae inter Gallovidienses familiae cognomen, quam olim ducebat Bombiae seu Fani Cutberechei Regulus, pridem extinctus.

Macrobertus Struanus, *The Laird of Struan Robertson*, Comarchus Atholius gentis suae Princeps.

Macrorius, *Macrory*, cognomen.

Madritum, *Madrid*, Hispaniae caput, & sedes Regia.

Ma-

## INTERPRETATIO.

**Martellanus**, *Maitland*, cognomen antiquæ familiæ quæ *Lauderiæ* Comiti principem locum attribuit.

**Magister Equitum**. *Vid.* Comes Stabuli.

**Magnesijs lapis**, *The Loadstone*, Magnes lapis ferrum trahens, ita dictus a *Magnesia* *Lydiæ* regione ubi primum inventus.

**D. Magnus**, *St. Maine* or *St. Mans*, Abbas vitæ sanctitate clarus, quem *Orcadenſes* patronum suum venditant.

**Major**, *Mair*, eo cognomine appellatus est *Joannes Major Hadintonanus* Doctor *Sorbonicus*, scriptis Theologicis ac *Historia* *Scotica* clarus.

**Majus**, *Maja*, *The Isle of May*, insula in ostio æstuarii *Forthæ*, in qua pharus sive specula igne perpetuo ardente navigantium iter dirigit.

**Malarus**, *Malair*, cognomen.

**Malavillius** seu *Malavillanus*, *Melvil* or *Melvin*, cognomen antiquæ familiæ, in qua primas tenet *Malavilliæ* Comes, qui jam nunc & Comes *Levinæ*. Aliis *Melvinus* appellatur.

**Malmesburium**, *Malmesbury*, Angliæ oppidum, *Gulielmi* *Malmesburiensis* Historici Angli, & *Tho. Hobbesii* natalibus celebre.

**Mana** vel *Manna*, *The Isle of Man*, insula pari prope ab *Anglia* *Hibernia*que intervallo dissita, *Scotiæ* tamen paulo propior, ejusque olim Regibus parens, eadem quam *Monam* *Cæsar* appellat.

**Manuel**, *The Nunry of Manuel*, *Monachorum* collegium prope *Limnuchum*.

**Marcia**, *The Country of the Mers* or *March*, regio *Scotica* Angliæ confinis.

**Marcia** Comes, & Comes *Marcianus*, *The Earl of March*, antiquissimæ potentissimæque *Dumbarorum* gentis Princeps, quo jampridem extincto,

cum honorem aliæ postea familiæ, jam vero *Duglassia* est adepta.

**Mare Deucalædonium**, *Germanicum*, *Hibernicum*, *Internum*, *Vid.* *Deucalædonium*, &c.

**Mare Scoticum**, *The Scottish Sea*: ita appellatur æstuarii *Forthensis* ostium, quod olim *Scotos* *Pictos*que a *Valentia* *Romanorum* provincia inter duo valla, *Hadriani* scil. & *Severi*, inclusa determinaret.

**D. Margaritæ Portus**, *The Queen's Ferry*: duo sunt hujus nominis oppidula adverso utrinque *Forthæ* littore posita, *Australis* & *Borealis* cognominibus distincta, a *D. Margarita Milcolumbi* III. uxore, quæ e *Lothiana* *Fermelinodunum* sedem Regiam petens eo in loco trajicere solebat, appellata.

**Marini** insula, *Inch Merin*, insularum lacus *Lominii* maxima.

**Marria**, *Marr*, regio *Scotiæ* septentrionalis, præfecturæ *Aberdoniensis* pars.

**Marrius**, & *Marriæ* Comes, *The Earl of Marr*: ea dignatione olim cohonestati ejusdem cognominis viri illustres, quam nunc per aliquot retro secula *Areskinorum* Principes tenuere.

**Martialis** Comes, *The Earl Marshal of Scotland*: is titulus est, & officium honorarium Comitis *Scoti* antiquissimæ *Kethorum* familiæ Principis.

**Martigius**, *The Earl of Martiques*, nobilis *Gallus*.

**Matrona**, *The Marne*, fluvius *Galliæ*.

**Massilia**, *Marseilles*, oppidum *Provinciæ* antiquissimum a *Græcis* *Phocensibus* conditum.

**Maubraius**, *Maubray* or *Moubray*, cognomen.

**Maufactus**, *Muffet*, cognomen.

**Maufetum**, *Moffet*, oppidum *Annandiæ* aquis medicatis clarum.

**Maurus**, *A Moor*, *Mauritaniæ* incola.

M m m m m 2

Ma.



# INTERPRETATIO.

**Moravius**, *Murray*, cognomen illustriſſis familiæ, cujus alii alios, Atholiz Dux ſe Principem appellat.

**Moravius**, *The Earl of Murray*, titulus Comitis Scoti, cui primum Randolpho erat cognomen, poſtea in Duſſiam, ac poſtremo in Stuartam familiam tranſiit.

**Mordacus**, *Murdo or Murdoch*, viri nomen.

**Mortonium**, *Morton Caſtle*, arx Nithiæ ad ſiniſtram Nithi ripam ſita. Inde

**Mortonius**, *The Earl of Morton*, nobilis Scotus e Duſſiana familia.

**Morvillius**, *Morvill*, cognomen vetuſtum, cujus Princeps olim Lauderiz Regulus & Stabuli Comes.

**Morus**, *Moor*, cognomen.

**Mula Gallovidiæ**, *The Mule of Galloway*, promontorium Gallovidiæ, olim Novantum dictum.

**Mulla**, *The Iſle of Mull*, inſula inter Æbudarum maximas numerata, Abriæ ab occaſu adverſa.

**Mulroſſia**, *Melroſs or Malroſs*, Cœnobium Teviotiz pervetuſtum.

**Murthilacum**, *Murthblack or Mortlick*, vicus in præfectura Banſienſi prope Balvaniam, olim ſedes Episcopalis, quæ poſtea Aberdoniam eſt tranſlata.

**Muſcelburgum**, *Muffelburgh*, oppidum Lothianæ 4 ab Edimburgo mill.

**Muſgravius**, *Muſgrave*, cognomen Angli.

**NANCÆUM**, *Nancy*, Lotharingiæ apud.

**Narnia**, *The Shire of Nairn*, præfectura exigua inter Elginenſem & Ennerneſſenſem media.

**Narnis**, *The Town of Nairn*, oppidulum, ejus præfecturæ caput.

**Narnus**, *The River Nairn*, Narniæ fluvius.

**Navernia**, *Strathnavern or Strathna-*

*ver*, regio Scoticarum omnium ad occidentem æſtivum ultima. Cui nomen dedit.

**Navernus**, *Navern*, fluvius Naveriam interſecans, ac in mare Deucaledonium non procul a Vervedio promontorio devolutus.

**Neobotellum**, *Newbottle*, vicus ad Eſcatn Australem, mille paſſus ſupra Dalkeſthum, olim Cœnobium, nunc Marchionis Lothianæ præcipua ſedes.

**Neſſum oppidum**, i. q. Ennerneſſa.

**Neſſus**, *Nefs*, lacus fluviiſque ex eorum crumpentis, Ennerneſſamque inde vocatum oppidum alluentis, nomen.

**Neurgum**, *Newark*, oppidum ad Trentum in præfectura Nottinghamienſi.

**Nicea**, *Nice*, urbs Galliz Narbonenſis, Sabaudiz Duci ſubdita.

**Nigellus**, *Neil*, viri proprium.

**Nithia**, *Nithſdale*, Scotiz regio, præfecturæ Drumfriſienſis pars.

**Nithus**, *Nith*, fluvius Nithiam irrigans.

**Nivernenſis Comes**, *The Earl of Nevvers*, nobilis Gallus.

**Nomarcha**, *A ſheriff*.

**Norama**, *Norham*, oppidum Northumbriæ ad confluentem Tuedæ & Tilli.

**Norſolciæ Dux**, *The Duke of Norfolk*, nobilium Anglicorum (poſt ſtirpem Regiam) primus, Havartorum familiæ Princeps.

**Normani & Normanni**, *The Normans*, populus Galliz, qui Scandinavia profecti, in regione inde Normania dicta conſedere.

**Normanus**, *Norman*, viri proprium.

**Northumbria**, *Northumberland*, ampla Angliæ regio Scotiz ſimima, Scoſticoque olim ſceptro parens.

**Norvegia**, *Norway*, regnum, olim ſuis, nunc Daniæ Regibus ſubditum.



# PROPRIORUM NOMINUM

Nottingamia, *Nottingham*, praefecturae Anglicae urbisque in ea praecipuae nominis.

Novantum promontorium, *The Muile of Galloway*, a Novantibus tam praeiis temporibus regionem incolentibus.

Noviodunum, *Dunoon Castle*, arx Covalis.

Novum castrum, *Newcastle*, Northumbriae oppidum ad Tiae ostium situm.

## O.

**O**CCIDENTALES insulae, *The Western Isles*, quae Aebudae & Hebrides dicuntur.

Oceanus Germanicus, *The German Ocean*, i. q. Mare Germanicum.

Ocelli montes, *The Ocell Hills*, inter Ierniam, Clacmananum & Kiarossianam praefecturas interjecta juga attollentes.

Ochiltrius, *Lord Ochiltrie*; i. e. Ochiltria Regulus, cognomento Stuartus.

Odomarus, *Odomar or dimer*, viri proprium.

Ogilvius, *Ogilvy or Ogilby*, cognomen clarae familiae, cuius Princeps Arianus Comes vulgo perhibetur.

Orcaes, *The Orkney Islands*, insulae ultra Cathaciam in mari Deucaledonio iacentes.

Orcas vel Tarvedrum, *Faro Head*, promontorium in extremo ad occidentem aetivum Naverniae angulo.

Ormisthonius, *The Laird of Ormiston*, Comarchus cognomento Cockburnus in Lothiana orientali.

Ormundiae Comes, *The Earl of Ormond*, hoc titulo auctus est Georgius Duglassius Jacobi Grassi VII. Duglassiae Comitis filius. Est autem Ormundia in Rossiensi praefectura.

Ocellius, *Monsieur d'Oysel*, Gallus. Otterburnum, *Otterburn*, Northumbriae vicus, Anglorum clade nobilis.

Oxonium, *Oxford*, urbs Angliae; Academiae Britannicarum omnium celeberrimae sedes, Musisque gratissimum domicilium.

## P.

**P**AJLMERIUS, *Palmer* cognomen. Panitarius, *Pantar*, cognomen.

Pannonia, ampla Europae regio, nunc fere pro Hungaria usurpata.

Palletum & Pasiletum, *Passey*, oppidum & coenobium in praefectura Rentroana ad Carthum fluvium.

Pallecentis liber, Annales rerum Scotticarum a Monachis Paslcentis conscripti. Is autem liber a nigro tegumento, vulgo *The Black Book of Passey* appellatus.

Pennangus, *Pennango*, hoc cognomine appellatur Comarchus Coilenus.

Pennentonius, *Pennington*, cognomen Angli.

Penderum, *Penrith*, Cumbriae oppidum 16 ultra Carleolum mill.

Penthlandicum fretum & Penthlandici montes. *Vid.* Picticum & Pictlandici.

Percius, *Percy*, celebre inter Anglos cognomen, unde Northumbriae Reguli Comitescque, alique viri nobiles propagati.

Perthum, *Perth or St. Johnston*, celebre Scotiae oppidum, praefecturae dans nomen, inter Almonem Iernumque quae Tao commiscuntur, situm.

Phylarcha, Gr. *Φυλάρχος*, *The Captain or Chief of a Highland Clan*, Tribus Princeps seu dux.

Pictavium, *Poictiers*, Galliae Aquitanicae urbs, Pictorum caput.

Picti, *The Picts*, gens antiquissima, quae dimidiam fere Britanniae septentrionalis partem olim tenebat, post varia bella

# INTERPRETATIO.

bella a Scotis tandem deleta, aut insula expulsa.

Picticum fretum, *Pentland Frith*, quod inter Cathanellam & Orcadas interjicitur; rectius forte fretum Pentlandicum.

Pictlandici montes, *Pentland Hills*, montium in Lothiana tractus, Pentlandici potius appellandi.

Pictones, *Les Pictovins*, incolæ provinciae Gallicae inter Andegavos & Santones medii: regio autem Pictavia sive Pictorum ager, *Poitou*, nuncupatur.

Pitarnius, *Piscaria*, antiquum inter Fisenfes cognomen.

Plantagenitus, *Plantagenet*, eo cognomine appellati sunt Angliæ Reges ab Henrico II. (filio Gothofredi Plantageniti Andegaviæ Comitis,) ad Ricardum III. in quo Plantagenitorum stirps mascula defecit. Id vero cognomen a *planta genista* est deductum.

Platycerotes, *πλατυκέρως*, *Fallow Deer*, cervi lata cornua habentes, a *πλατύς* latus, & *κέρας* cornu.

Plexippus, *Hot-Spur*, ita cognominatus est Henricus Percius Northumbriæ Comitis F. a *πλέξ* stimulus, & *ἵππος* equus.

Pluscartenſis liber, *The Book of Plascardy*, rerum Scoticarum historia a Monachis Cænobii Pluscarti dicti, ad Lochtiam annem Moraviæ, 6ab Elgino mill. confcripta.

Pollacæ, *Pollacks*, piscium genus in solo lacu Lominio repertum.

Pomona, Orcadam maxima, ob id *The Main Land*, sive Continens, dicta.

Pontiniaci Abbas, *The Abbot of Pontigny*, id Cænobium est in Aluſſodorenſi tractu in Burgundia.

Portus Gatheli, *Port a Port*, Portus Cale, Lusitanæ oppidum ad Duri fluminis ostium, unde regno Portugallæ

nomen. Id nostri a Gathelo conditum fabulantur.

Præfectura, & Præfectura juridica, *A Shire, Sheriffdom, or County*.

Præfectus Juridicus, *A Sheriff*.

Præstonum, *Preslon*, Lothianæ vicus 6 ab Edimburgo mill.

Præstonianus, *The Laird of Preslon*, Præstoni Comarchus.

Præstonus & Præstonius, *Preslon*, cognomen.

Prætor urbanus, *al. Præfectus urbanus, The Provost or Mayor of a Town*.

Prior, *The Prior of a Convent*, is titulus est Ecclesiasticus Abbate inferior.

Prisci Scoti, *The ancient Scots*, i. e. *The Highlanders or Isles-Men*, ita Buchananano appellantur Scoti montana loca & insulas colentes, quippe qui lingua & moribus antiquis utantur.

Q

QUÆSTOR rerum capitalium, *The Lord Chief Justice, or the Justice General*.

R.

RADOLPHUS, Radolfus, *Ralph*, nomen viri proprium.

Ramifæus, *Ramſay*, celebre inter Scotos cognomen, in quo primas tenet qui olim Dalhuffiæ Regulus, nunc Comes insignitur.

Randolphus, *Randolph or Randal*, cognomen, Thomæ Comitis Moraviæ Scotiæque Proregis fama celebratum.

Ratra, *Ratra or Ratray*, fluvius Buchanariæ.

Redmanus, *Redman*, Anglus, Regia Crux. *Vid. Crux Regia*.

Rignaldus, *Reynold or Ranald*, cognomen.

Re-

# PROPRIORUM NOMINUM

Reginaldini & gens Reginaldina, *The Mack-Ranalds, or Clan-Ranald*, priscorum Scotorum tribus.

Regulus, *A Lord Baron*.

Reidus, *Reid*, cognomen.

Renatus, *Rene or Renny*, nomen Gallicum, & cognomenoticum.

Renfroa, *Renfrew*, oppidum ad confluentem Glottæ & Carthi, 4 mill. infra Glasquam. Inde dicta est.

Renfroana præfectura, *The Barony or Shire of Renfrew*, sinistræ Glottæ ripæ contermina, olim Stuartorum patrimonium.

Reirigonus sinus, ita Ptolemæo appellatur qui nunc *The Bay of Glenluce* dicitur, cui ex regione oppositus est lacus Rianus, qui hinc atque hinc terram in angustum cogentes Chersonesum efficiunt, quæ vulgo *The Rins of Galloway* vocatur.

Restenotum, *Restenot*, Prioratus, quem vocant, Angulæ, mille passus, a Forfara oppido.

Rhenus & Rhenum, *The Rhine*, ingens Germaniæ fluvius, cam olim a Gallia determinans.

Rianus lacus, *Loch Ryan*, Ptolemæo Vidogara, Gallovidiæ ab Aquilone se insinuans. *Vid. Reirigonus sinus.*

Richemondia, *Richmond*, oppidum & præfectura Anglica agri Eboracensis pars.

Riggius, *Rigge*, cognomen.

Rinus, *The Rins of Galloway*, Gallovidiæ peninsula. *Vid. Reirigonus sinus.*

Rizius, *Ricio or Rycie*, cognomen hominis Sabaudi, vulgo *Seignior David* appellati, quem conjurata nobilium factio, aspiciente Regina Maria, crudelissime trucidarunt.

Robertsonus, *Robertson*, cognomen, *al. Macrobertus.*

Roffa, vulgo Raufcheſtria, *Rocheſter*, oppidum Cantii ad Meduacum fluvium,

medio fere inter Londinum & Cantuariam intervallo.

Rokesbius, *Rokesby*, cognomen Anglicum.

Rosburgum, *Roxburgh*, arx olim Teviotiæ munitissima, juxtaque oppidum, qua Teviotus cum Tueda aquas confundit, unde præfectura nomen, & Carolus Princeps Ducis titulum est adeptus.

Rosmarchia, *Rosmarky*, Rosiæ oppidum.

Rossia, *Rofs*, Scotiæ regio & præfectura, a mari Germanico ad Deucalionem porrecta, ab Austro Moravia, ab Aquilone Cathanesia & Sutherlandia terminata.

Roscelinum & Roslinum, *Roslin*, Lothianæ arx ad Escam septentrionalem, 5 mill. ab Edimburgo.

Roslicensis Comes, *The Earl of Ross*: hoc titulo olim cohonestata est per vetusta Roslicorum familia; qui postea in Lethæanam, ac deinde Donaldinam, matrimonii jure est translatus. Eo denique inter alios titulos insigniri consuevere Scotorum Regum filii natu secundi. Est & Regulus Roslicensis eodem cognomento.

Roslicensis Episcopus, *The Bishop of Ross*.

Rothesaia & Rosaia, *Rothesay or Rosay*, arx & oppidulum in Bota insula. Unde.

Rothesaius, & Rothesaia Dux, *The Duke of Rothesay*, Principis Scotiæ a Roberti III. temporibus titulus.

Rothomagus, *Rouen*, Normaniæ caput.

Rothumaium, *Rothemay*, arx ad sinistram Dovernæ fluminis ripam.

Rothusius, & Rothusiæ Comes, *The Earl of Rothies*, eo titulo ornatus est vetustæ Lethæorum familiæ Princeps.

Rubeus, *Monsieur de Ruby*, Gallus.

Ru-

# I N T E R P R E T A T I O.

Rubrum promontorium, *Red Head*, rupium seu collium in mare prominentium tractus in Angusia, haud procul ab Aberbrothio oppido.

Rupella, *Roche*, urbs Galliae Aquitanicae maritima, suis malis clara.

Rupes Fergusii, *Vid.* Fergusii Rupes.

Russellus, *Ruffel*, cognomen.

Ruvenus, *Ruthven*, cognomen antiquae familiae, cujus Principes primum Ruveniae Reguli, postea Goreae Comites appellati, quorum ultimus dum paricidiali ausu Jacobum VI. tollere destinavit, sibi mortem familiaeque cladem accessit.

## S.

**S**ABAUDIA, *Savoy*, Ducatus Italiae Galliae finitimus.

Sabrina, *The Severn*, Angliae fluvius.

Sadlerus, *Sadler*, cognomen Angli.

Sanctae Crucis Coenobium, *Vid.* Crucis Coenobium.

Sandilandius, *Sandilands*, cognomen, cujus Princeps Torphichinae Regulus. *Vid.* Calderanus.

Saraceni, *The Saracens*, Arabiae populus, prius Agareni, postea Ismaelitae dicti, qui multas non Asiae modo & Africae, sed & Europae regiones bellis & rapinis vexavere.

Sarca, *The River Sark or Sars*, unus vel duo potius Annandiae fluvii, albi & nigri cognominibus distincti, qui uno tandem alveo coeuntes in aestuarium Solvæ devolvuntur.

Sarisburius, & Sarisburiensis Comes, *The Earl of Salisbury*, nobilis Anglus.

Saxones, *The Saxons*, populus Germaniae bellicosissimus, qui a Britonibus adversus Scotos Pictosque accessit, ipsis

*Tom. I.*

quorum auxilio advenerant aut trucidatis, aut in Valliam compulsis, totam fere Angliam occupavere. Eorum posteri sunt qui nunc Angli appellantur.

Scandia, & Scandinavia, regio perampla Europae, ubi nunc Sueciae & Norvegiae regna.

Scona, *Scoon*, nobile Coenobium ad sinistram Tai ripam, mille passus supra Perthum, ubi Scotorum Reges coronari soliti.

Scoti, *The Scots*, Britanniae septentrionalis incolae.

Scotia, *Scotland*, regnum Britannicum.

Scoticum mare. *Vid.* Mare Scoticum.

Scotus, *Scot*, cognomen celebris familiae, quae Balcluthiae Comarchos Principes agnoscebat: eorum haeres est quae nunc Balcluthiae Ducissa insignitur.

Scrimigerus, *Scrimger*, cognomen vetustum, in quo primas tenebat qui Taoduni Constabularius, postea Duddopiae Regulus, ac Taoduni demum Comes: sed is titulus deficiente prole mascula non ita pridem est extinctus.

Scrupus, *Scroop or the Lord Scroop*, cognomen & titulus Anglicus.

Scutatus, *A French Crown*, nummus Gallicus, Gallice *Un Ecu*.

Semplius *Semple*, cognomen, in quo primas tenet Sempliae Regulus.

Seneciones, *The Sanachies*, *Vid.* Buchan. Lib. II. Cap. 2.

Servanus, *St. Servan or St. Serf*, Scotus vitae sanctitate clarus.

Sesfordius. *Vid.* Cesfordius.

Setonium, *The Palace of Seton*, Comitatus Vintoniae sedes in Lothiana orientali, 8 ultra Edimburgum mill.

Setonius, *Seton*, inclytæ familiae cognomen, cujus Princeps Vintoniae Comes.

N n n n

Sc



# P R O P R I O R U M N O M I N U M

Seveſſius, *Sivez* or *Schives*, cognomen.

Sfortia, *Sforza* poſtremorum Mediolani Ducum cognomen.

Siaſus, *Shaw*, cognomen.

Silvius, *Wood*, cognomen.

Sinclarus, *Sinclair* or *St. Clare*, cognomen illuſtris familiae, quorum Principes olim Orcadum & Cathaneſiae Comites; nunc Sinclariae Reguli primi exiſtuntur.

Skia vel Skianacha, *The Iſle of Skie*, Æbudarum (niſi forte Leogum excipias) maxima.

Sodora, oppidum Mannae inſulae, in quo habitabat Inſulanorum Episcopus, inde Sodoreſis dictus. *Vid.* Buchan. Lib. I. Cap. 34. Irvinus tamen contendit eam oppidulum ſive ædem ſacram in Iona fuiſſe.

Soltra, *Soltra Hill*, mons eſt & in eo Cœnobium & Ptochodochium, novem ab Edimburgo mill.

Solvæus, *Solvay Friſh*, æſtuarium ſeu ſinus Scotiam ab Anglia ab occaſu diſterminans.

Somerſeti Dux, *The Duke of Somerſet*, nobilis Anglus.

Somervallius, *Somerville* or *Somervail*, cognomen.

Sophocardius, *Wiſhart* or *Wiſheart*. Hoc ſibi conſinxit Buchananus vocabulum, ex *εῶφορ* & *καρδία*, q. d. corde ſapiens: ſed male, non enim hoc verum cognominis Etymon, quippe quod origine Gallicum ſit, nam qui nobis *Wiſhart* vel *Wiſhart*, illis *Guiſcard* appellatur.

Sorbonicus Doct̃or, *A Doct̃or of the Sorbon*: eſt autem Sorbona celebris Schola Theologica in Academia Pariſienſi.

Spæa, Speia & Spæus, *The River of Spey*, fluvius Scotiae e lacu ejuſdem nominis ortus, qui Badenacham intermeans,

Moraviamque a Marria & Banſia dirimens in mare tandem Germanicum ſe effundit.

Spencerus, *Spencer*, cognomen Anglicum.

Spenſius, *Spence*, cognomen.

Stamparum Dux, *Te Duke d' Eſtampes*, nobilis Gallus, a Stampis, oppido 14 leucis a Pariſiis diſtante, denominatus.

Stanlæus, *Stanley*, cognomen Anglicum in quo eminet Derbienſis Comes.

Stammoria, *Stannore*, ericetum, in quo limes regnorum Scotiae & Angliae olim definitus, inter Richemondiae Cumbriaeque praefecturaſ. *Vid.* Crux Stammoriae.

Stephanodunum, *Dunſtaffage* or *Dunſtafnage*, oppidulum Lothiae, olim Regiae ſedes.

Sterlinum, *Stirling* or *Striveling*, urbs percelebris, juxtaque arx munitiſſima ad Fortham, praefecturae inde Sterlinenſi dictae, *The Shire of Stirling*, dans nomen.

Sterlinenſis ager, *The Shire of Stirling*.

Sterlinus, *Stirling*, cognomen, *Vid.* Kerius.

Stinſiarus, *Stinſar*, Carictae fluvius.

Strabogia, i. q. Bogia, q. *Vid.*

Strabogianus, *The Lord of Strathbogy*: is olim Cuminius erat, vel potius e Macdufforum familia oriundus, qui Strabogium ſibi cognomen aſſumſit.

Strabogium, *The Caſtle and Town of Strathbogy*, oppidum ad confluentem Dovernae & Bogiae fluminum ſitum, juxtaque arx Comit̃is Huntlaeae, qui nunc Gordoniae Dux.

Strabrocium, *Strabrack*, Lothianae vicus ad torrentem Brocum qui in Almonem influit.

Strachanus, *Strachan*, cognomen.

Stra-

# INTERPRETATIO.

Strathierna. *Vid.* Iernia.

Strathnavernia. *Vid.* Navernia.

Strato, Stratonius, *Straton*, cognomen.

Stuartus, *Stuart*, cognomen inclytæ & antiquissimæ familiæ, cujus Principes (olim Scotiæ Dapiferi seu Senescalli) ad summum regni fastigium jure sanguinis erecti, per multa retro secula primum Scotis adjunctis deinde Anglis maxima cum gloria, æquitate & clementia imperitarunt.

Suardus, *Seward or Pseward*, cognomen Anglicum.

Suintonius, *Swinton*, cognomen.

Sulius, *Soules or Lord Soules*, cognomen, & Souliæ sive Lidalæ Regulus.

Sumerledus, *Sumerled*, vulgo *Sorley Bay*, vir clarus & Donaldina familia.

Surrius, & Surriæ Comes, *The Earl of Surrey*, nobilis Anglus.

Sussexius, & Sussexiæ Comes, *The Earl of Sussex*, nobilis Anglus.

Sutherlandia, *Sutherland*, regio Scotiæ septentrionalis, Rossæ, Naverniæ & Cathanesiæ confinis.

Sutherlandus, *Sutherland*, celebre & pervetustum cognomen, in quo principem locum tenet qui Sutherlandiæ Comes insignitur.

Sylvius. *Vid.* Silvius.

## T.

**T**AICHIA, *The Stewartry of Menteith*, regio in occidentali præfecturæ Perthenensis latere, a Taicho fluvio dicta.

Taichus, *The Water of Teith*, fluvius Taichiam inde appellatam irrigans.

Taodunum, *Dundee*, urbs Anguliæ primaria, ad Taum, unde nomen traxit, sita. Boëtio alia placet vocis origo, qui eam Deidonum vult appellatam.

Talbotus, *Talbot*, cognomen Anglicum.

Taliferreus, *Tailfer*, cognomen.

Tarvedrum idem quod Orcas, quod *Vid.*

Tatius, *Tate or Tait*, cognomen.

Taus, *The River Tay*, fluviorum Scotiæ maximus, qui e montibus *Carn Drum* dictis oriens, prius *Avon Dochart* appellatus, lacum Taum pertransit, ejusque nomine assumpto præfecturam Perthensem pervadit, tandemque mari committus in æstuarium Fisam ab Angulia dirimens se exporrigit.

Tentallo, *The Castle of Tantallen*, Lothianæ arx Bassæ insulæ opposita.

Termius, *Monsieur de Terms*, Gallus.

Tesa, *The Teise*, Northumbriæ fluvius.

Teviotia, *Teviotdale*, Scotiæ regio Angliæ contermina in præfectura Rosburghensi; cui nomen dedit.

Teviotus, *The River Teviot or Tiet*, fluvius Teviotiam interfecans.

Thamesis, *The River Thames*, fluviorum Angliæ nobilissimus, a Tamo & Iside fluminibus ad Dorcestriam in unum coeuntibus denominatus.

Thorintonius, *Thornton*, cognomen.

Throgmortonius, *Trogmorton*, cognomen Anglicum.

Tilibardinum, *Tilibardin*, arx Ierniæ, olim sedes Comarchi qui inde dictus.

Tilibardinus, *The Laird of Tilibardin*, Comarchus cognomento Moravius, unde ortus qui nunc Comes Tilibardinus & Atholiæ Dux.

Tillus, *The River Till*, Northumbriæ fluvius.

Tina, *The River Tine*, Northumbriæ fluvius: item alius: in Lothiana orientali Hadinam præterfluens.

# PROPRIORUM NOMINUM

Tinmuthum, *Tinmouth*, q. d. Tinæ ostium, arx Regia ad Tinæ ostium, uti nomen indicat, sita.

Tolerum, *Toledo*, urbs Hispaniæ, Castellæ novæ caput.

Tolosa, *Tboluse*, urbs Galliæ, Languedocii caput.

Tornacum, *Tournay or Dornick*, Flandriæ oppidum ad Scaldim.

Trailus, *Trail*, cognomen.

Trentus, *The River Trent*, Angliæ fluvius in Humbrum cadens.

Tridentum, *Trent*, urbs Italiæ Concilio ibi indicto famosa.

Tueda, *The River Tweed*, fluvius Scotiæ notissimus cam ab Anglia dividens. Inde

Tuedia, *Tweddale*, Scotiæ regio a Tueda fluvio cam rigante nominata, Glottiana, Lothiana, Lauderia, saltu Attrico & Annandia circumclusa.

Tuina, *Tuine or Tueng*, cognomen.

Tuifilus, *Twifel*, Northumbriæ fluvius.

Turones & Turo, *The City of Tours*, urbs Galliæ, caput regionis quæ dicitur

Turonia seu Turonensis ager, *Touraine*. Dux Turonum seu Turonensis, *The Duke of Touraine*: is titulus erat aliquot Duglassiæ Comitum.

## V.

**V**ALENTINUS, *Vallange* cognomen.

Valesius, *De Valois*, cognomen Regiæ apud Gallos familiæ, prius quam domus Burbonia rerum est potita.

Vallas, *Wallace*, cognomen antiquæ familiæ in qua insigniter emicuit Gulielmus Vallas Scotorum Dux longe fortissimus. *Vid.* Cragiæ Comarchus.

Valli, *The Welsh*, Valliæ incolæ, priscorum Brittonum progenies.

Vallia, *Wales*, Angliæ provincia, olim regnum, in mare Hibernicum prominens, Sabrina & Dea fluminibus ab reliqua Anglia quodammodo disjuncta.

Vallis Bogiana, *Stratibbogy*. *Vid.* Bogia.

Varbecus, *Warbeck*, cognomen insignis impostoris, vulgo *Peter or Perkin Warbeck* appellati, quise Richardum Ducem Eboracensem Eduardi IV. filium venditabat.

Vardilais, *Wardlaw*, cognomen.

Varenæ Comes, *The Earl of Warren*, nobilis Anglus.

Varium sacellum, *Falkirk*, oppidum in agro Sterlinensi, priscis Scotis *Eglisb Brack*, i. e. ædes versicolor, dictum.

Varvicum, *Warwick*, oppidum Angliæ præfecturæ & Comiti Anglo dans nomen.

Vascones, *The Gascoignois*, Vasconiæ Galliæ provinciæ, vulgo *Gascoigne*, incolæ, olim Navarræ regnum complectentes.

Vausius, *Vans*, or *Vaux*, cognomen.

Vecturiones, Pictorum gens.

Vemium, *Weems*, duo sunt hujus nominis in Fisa oppida, hoc occidentale, illud orientale cognominata.

Vemius, *Weems*, cognomen vetustæ familiæ, cujus Princeps Vemiarum Comes, ad magnum Macduffum Fisiæ Thani genus referens.

Venantodunum, *Huntigton*, urbis & præfecturæ Angliæ nomen.

Venetiæ, *Venice*, nobilissima urbs Italiæ, pervetustæ Venetorum Reipublicæ metropolis.

Veracus, *Monsieur de Verac*, Gallus.

Verca, *The Castle of Werk*, arx Northumbriæ ad Tuedam fluv.

Vernolium, *Verneil*, Galliæ urbs, Sco-

# I N T E R P R E T A T I O.

Scotorum clade memorabilis.

Verulamium, *Verulam*, urbs Angliæ in præfectura Herefordienſi, olim municipium Romanum.

Veſtmaria, *Weſtmoreland*, Angliæ regio, Scotiæ fere contermina, ejuſque olim Regibus ſubdita.

A Veteri ponte, *Wepont*, cognomen.

Vedderburnus, *The Laird of Wedderburn*, Comarchus Scotus ex Humioſum familia.

Viæto, & Viætonia, *Wigton*, Gallovidiæ oppidum, præfecturæ dans nomen.

Vicus viridis, *Greenwich*, Eſſexiæ oppidum 4 millibus infra pontem Londinſem.

Vidogara. *Vid.* Lacus Rianus.

Vienna, *Vienna*, celebris Germaniæ urbs Aſtriæ caput. Eſt & altera Vienna Galliæ in Delphinatu.

Viennenſis, *Monſieur de Vienne*, Gallus.

Vindocinenſis Comes, *The Earl, now Duke, of Vendome*, nobilis Gallus Regio ſanguine ortus.

Viniramus, *Windram*, cognomen.

Vodius, *Wood*, cognomen, idem q. Silvius.

Volſæus, *Cardinal Wolfey*, Archiepiſcopus Eboracenſis & Cardinalis Romanus, qui in ſumma apud Henricum VIII. Anglum gratia, & conſiliorum omnium particeps fuerat, poſtea, fortuna mutante vices, capite plexus.

Volfingamius, *Walsingham*, cognomen Anglicum.

Vottonus, *Wotton*, cognomen Anglicum.

## Z.

**Z**EAL, *The Iſland Zell*, inſula Hethlandicarum una.

Zelandicæ inſulæ, eadẽ quæ Hethlandicæ.

Zeviota, *The Cheviot Hills*, montium tractus in medio inter Angliam & Scotiam limite.

Ne quod paginæ reliquum eſt vacaret, non ab re duximus ſingulas SCOTIÆ Præfecturas, prout in Rotulis quos vocant Parliamẽtariis citantur, & quas quæque regiones complectatur, brevi tabella hic exhibere.

<i>Præfectura.</i>	<i>vulgo The Shires of</i>	<i>Regiones.</i>
Edimburgenſis,	<i>Edinburgh,</i>	Lothianam mediam.
Hadintonana,	<i>Haddington,</i>	Lothianam orientalem.
Bervicenſis,	<i>Berwick,</i>	Marciam & Lauderiam.
Roxburgenſis,	<i>Roxburgh,</i>	Teviotiam, Lidaliam & Eſciam.
Selkirkeniſis,	<i>Selkirk,</i>	Silvam Atricam.
Pebliana,	<i>Peebles,</i>	Tuediam,
Lanarceniſis,	<i>Lanark,</i>	Glottiam.
Dumfriſienſis,	<i>Dumfries,</i>	Annandiam & Nithiam.
Viætonienſis,	<i>Wigton,</i>	Boreales & occidentales Gallovidiæ partes,
Aerenſis,	<i>Air,</i>	Coſlam, Carictam & Cunigamiam.
Britannodunenſis,	<i>Dumbarton,</i>	Leviniam.

N n n n 3

Bo.



# P R Æ F E G T U R Æ S C O T I Æ.

Botensis, *Bute,*  
 Renfroana, *Renfrew,*  
 Sterlinensis, *Stirling,*

Limnuchensis, *Linlithgow,*  
 Perthenis, *Perth,*

Argathelienfis, *Argyle,*

Kincardinensis, *Kincardin,*  
 Aberdonienfis, *Aberdeen,*

Ennerneffenfis, *Inverness,*

Narnienfis, *Nairn,*  
 Cromartienfis, *Cromarty,*  
 Fifenfis, *Fife,*

Forfarenfis, *Forfar,*  
 Bamfienfis, *Banff,*  
 Kircudberechtenfis, *Kircudbright,*  
 Sutherlandienfis, *Sutherland,*  
 Cathanefienfis, *Caithnes,*  
 Elginenfis, *Elgin,*  
 Orcadenfis, *Orkney,*  
 Clackmanana, *Clackmanan,*  
 Rosfienfis, *Ross,*  
 Kinroffiana, *Kinross,*

Continet

Botam & Araniam *insulas.*  
 Baroniam Renfroanam.  
 Agrum Sterlinensem, *ad utramque Forthæ ripam.*  
 Lothianam *occidentalem.*  
 Perthiam, Atholiam, Goream, Bradalbiniam, Taichiam & Ierniam. *Item,*  
 Glen-Sheam, Strathalaniam, Rannacham, Balvideram, Glenurchiam & Stormontiam.  
 Argatheliam, Lornam, Cantieram, *insulasque ab occasu Lornæ & Cantieræ.*  
 Merniam.  
 Marriam, Buchaniam, Vallem Bogianam.  
 Badenacham, Abriam, *Australem Rosfiæ partem, & partem Moraviæ ultra Narniam.*  
 Occiduas Moraviæ partes.  
 Exiguam Rosfiæ partem.  
 Omnem fere Fifam, *præter exiguum ad occasum partem.*  
 Angusiam.  
 Bamfiam, Boinam & Ainiam.  
 Gallovidiam *orientalem.*  
 Sutherlandiam & Naverniam.  
 Cathanefiam.  
 Moraviam *orientalem.*  
 Orcades & Hethlandicas *insulas.*  
 Exiguam agri Sterlinensis *ab ortu partem.*  
 Omnem fere Rosfiæ.  
 Fifiæ *occidentalis partem.*

## F I N I S.



D E

DE  
JURE REGNI  
APUD SCOTOS,  
DIALOGUS.

AUCTORE  
GEORGIO BUCHANANO,  
SCOTO.

THE NEW YORK

LIBRARY OF THE

NEW YORK

LIBRARY OF THE

# GEORGIUS BUCHANANUS J A C O B O V I. S C O T O R U M R E G I

S. P. D.



**S**CRIPSERAM, ante annos complures, cum apud nos res turbulentissima essent. Dialogum de Regum Scotorum jure: in quo, ab incunabulis ipsis, (ut ita dicam) quod jus, quæve potestas sit Regibus & civibus inter se, explicare sum conatus. Is liber cum pro tempore profuisse nonnihil sit visus, ut occluderet ora quibusdam, qui clamoribus importunis magis, quàm erat, rerum statum infestarentur, quam quid rectum esset ad rationis normam exigerent; rebus tamen paullo tranquillioribus, ipse quoque arma deposita concordie publicæ libens consecravi. Nuper autem cum in eam disputationem inter schedas repertam incidissem, ac visus essem in ea multa videre, quæ ætati tuæ (in ea præsertim rerum humanarum parte collocatæ) essent necessaria, eam publicandam censui, ut & mei in te studii esset testis, & tui erga cives officii te admoneret. Multa autem mihi faciunt fidem, hunc meum conatum non inanem fore: in primis ætas nondum pravis opinionibus corrupta, & supra ætatem indoles, ad præclarissima quæque capeßenda sponte properans, & non modo præceptoribus, sed omnibus recte monentibus, in obtemperando facilitas, & in rebus examinandis judicium & solertia: quo in genere nullius apud te magnopere pollet auctoritas, nisi probabili ratione confirmetur. Video etiam, te, naturæ quodam instinctu, ab adulatore, quæ & tyrannidis est nutricula, & legitimi regni gravissima pestis, adeo abhorrere, ut solacissimos & barbarissimos anticos, non minus oderis, quàm, qui sibi omnis elegantie censors videntur, eos ament & affectent, & velut sermonis condimenta, passim Majestates, Dominationes, Illustritates, & si qua alia magis sunt putida, aspergant. Ab hoc te errore quanquam & naturæ bonitas, & institutio Rectorum, in præsentia vindicent, tamen nonnihil subve-

Tom. I.

○○○○

re.



## P R Æ F A T I O.

veri cogor, ne blanda vitiorum altrix, prava consuetudo, animum adhuc tenellum in pejorem partem detorqueat; præsertim cum non ignorem, quam reliqui nostri sensus facile sese præbeant seducendos. Hunc igitur ad te, non modo monitorem, sed etiam flagitatorem importunum, ac interim impudentem, misi: qui, in hoc flexu ætatis, trans adulationis scopulos te comitetur: nec moneat modo, sed in via semel inita contineat, & si quid deflexeris, reprehendat & retrahat. Cui si parueris, tibi tuisque in præsentia tranquillitatem, & in futurum sempiternam comparabis gloriam. Vale. Sterlini, Anno salutis humanæ M. D. LXXIX. die decimo Januarii.

## R E X   S C O T I C U S   E X   S E N E C Æ

*Thyeste vers. 344.*

**R**EGEM non faciunt opes,  
Non vestis Tyriz color,  
Non frontis nota regiz,  
Non auro nitidæ trabes,  
Rex est, qui posuit metus,  
Et diri mala pectoris:  
Quem non ambitio impotens,  
Et nunquam stabilis favor  
Vulgi præcipitis movet.  
Non quicquid fodit occidens;  
Aut unda Tagus aurea  
Claro devehit alveo!  
Non quicquid Libycis terit  
Fervens arca messibus.  
Quem non concutiet cadens  
Obliqui via fulminis:  
Non furus rapiens mare;  
Aut sævo rapidus freto  
Ventosi tumor Adriæ.  
Quem non lancea militis.  
Non strictus domuit chalybs:  
Qui tuto positus loco  
Infra se videt omnia:  
Occurritque suo libens.

Fato: nec queritur mori.  
Reges convenient licet,  
Qui sparfos agitant Daas;  
Qui rubri vada littoris,  
Et gemmis mare lucidum  
Late sanguineum tenent:  
Aut qui Caspia fortibus  
Recludunt juga Sarmatis.  
Certet, Danubii vadum  
Audet qui pedes ingredi;  
Et quocunque loco jacent  
Seres vellere nobiles;  
Mens regnum bona possidet.  
Nil ullis opus est equis;  
Nil armis, & inertibus  
Telis, quæ procul ingerit  
Parthus cum simulat fugas:  
Admotis nihil est opus  
Urbes sternere, machinis,  
Longe saxa rotantibus.  
Rex est, qui metuit nihil.  
Rex est, qui cupiet nihil.  
Hoc regnum sibi quisque dat.

I N

I N  
GEORGII BUCHANANI

*Dialogum De Jure Regni apud Scotos,*

*& Rerum Scoticarum Historiam*

ab eodem conscriptam,

A N D R E Æ M E L V I N I

E P I G R A M M A.

**Q**U I Regi pia jura , & legum frena Tyranno ,  
    Lege & naturæ & numinis imposuit ,  
Ut regerent juxta Reges , ut vincla Tyranni  
    Horrent sevi , vel fera fata truces ;  
Nunc Reges miti ingenio , crudosque Tyrannos  
    Æterna pingit doctius in tabula ,  
Ut laude exornet Reges : ut labe Tyrannos  
    Adspergat , late postera fama volans.  
Quos æquo obstrinxit , nunc solvit legibus ævi :  
    Et facit æternos , quos dedit ante neci.

E J U S D E M A D R E G E M.

**D**UM tu , magne puer , patribus das jura vocatis .  
    Et populi pensas crimina lance pari ;  
Jura tibi , tuus ille Solon , tuus ille Lycurgus ,  
    Quæ recti e puris fontibus hausta dedit ,  
Nobilium Regum exemplis obsignat avitis ,  
    Hic , ubi quid fugias , quidve sequaris , habes.  
Felix , si fugias fugienda , sequenda sequaris !  
    Felix cum populo tuque patresque tuo.

O o o o o

E J U S

# GEORGII BUCHANANI

## DE


# JURE REGNI

## APUD SCOTOS,

## DIALOGUS.

Personæ

G. BUCHANANUS, THOMAS METELLANUS.

I. UM nuper e Galliis *Thomas Metellanus* rediisset, cumque diligenter de statu rerum Gallicarum percontatus essem, cœpi, pro meo in illum amore, hortari, ut in curriculo ad gloriam instituto perseveraret, spemque optimam de progressu studiorum suorum conciperet. Nam si ego, mediocri ingenio, re familiari prope nulla, seculo inerudito, ita tamen cum temporum iniquitate conflixerim, ut aliquid præstitisse videar, certe quibus, feliciore seculo natis, ætas, opes, ingenium, abunde suppetunt, hi neque labore ab honesto instituto deterri debent, neque tot adminiculis adjuti, desperare possunt. Pergerent igitur, pro virili, rem literariam illustrare, ac se suosque cives memorie posteritatis commendare. Quod si paullulum conniterentur, fore, ut eam opinionem ex animis hominum tollerent, in frigidis orbis regionibus, a literis, humanitate, omnique ingenii cultu, homines tantum abesse, quantum a sole abessent. Nam, ut Afris & Ægyptiis, aliisque plerisque nationibus, celeriores animi motus, acrimoniamque majorem ingenii, natura indulserit, nullam tamen gentem ita prorsus damnavit, ut ad virtutem & gloriam aditum ei præcluserit.

II. Hic, cum ille de se (qui est ejus pudor) modice, de me vero magis amanter quam vere, locutus esset; eo tandem sermonis cursus nos pertraxit, ut, ubi ille me de perturbato patriæ statu rogasset, & ego ei, quantum commodum mihi pro tempore videbatur, respondissem, cœperim invicem cum rogare, quænam vel Gallorum, vel aliarum, quas in Galliis convenisset, gentium, de rebus nostris esset opinio. Non enim dubitabam, quin ipsa rerum novitas (ut solet) omnibus esset occasio & materia sermonum datura.

Quorum (inquit ille) id ex me petis? Nam, cum & rei gestæ ordinem teneas, nec ignores, quid maxima pars hominum loquatur, omnes propemodum sentiant; facile conjicere potes, ex animi tui conscientia, quæ sit, vel saltem debeat esse, omnium opinio.

*B.* At enim, quanto longius exteræ nationes absunt, eoque minores causas ira, odii, amoris, aliarumque perturbationum, habent, quæ animum a vero deflectere possunt, tanto plerumque & sincerius judicant, & liberius quid sentiant eloquuntur; eadem illa loquendi & conferendi cogitationes libertas multa truit obscura, impedita explicat, dubia confirmat, & improbissimos ocelludere, & infirmiores docere, potest.

III. *M.* Visne tecum ingenue loquar?

*B.* Quidni?

*M.* Quanquam vehementer efferebar cupiditate videndi, ex longinquo intervallo, patriam, parentes, propinquos & amicos, nihil tamen æque hoc desiderium inflammabat, atque voces imperitæ multitudinis. Etsi enim vel consuetudine me confirmatum, vel præceptis doctissimorum hominum, existimaram: tamen, cum in rem præsentem ventum est, nescio quomodo animi mei molliorem celare non potui. Nam, cum scædum illud facinus, non adeo pridem hæc editum, omnes uno ore detestarentur, auctorque incertus esset, vulgus, quod impetu magis fertur, quam consilio regitur, paucorum culpam in omnes conferebat: & privati maleficii commune odium adeo in totam gentem redundabat, ut qui etiam a suspitione erant remotissimi, sceleris alieni infamia conflagrarent. Igitur, dum hæc velut calumniæ procella conquiesceret, libenter in hunc portum confugi: in quo tamen vereor, ne in scopulum impegerim.

*B.* Quamobrem vero?

*M.* Quia recentis criminis atrocitas animos omnium, jamdudum accensos, adeo inflammatura mihi videtur, ut nullus jam defensionis locus supersit. Qui enim non imperitorum modo, sed eorum, qui sibi plus sapere videntur, impetum sustinere potero? qui non innoxii adolescentis in cæde crudelitate inaudita nos contentos fuisse clamitabunt, nisi in scæminas (cui sexui etiam, captis urbibus, hostes parcunt) novum immanitatis ederemus exemplum? A quo vero facinore dignitas ulla, aut majestas, eos deterrebit, qui in Reges ita sæviant? aut quem misericordiæ locum relinquent, quos neque sexus imbecillitas, nec ætatis innocentia, represserit? Jus, mos, leges, respectus imperii, reverentia legitimi magistratus, quem post hæc vel retinebunt pudore, vel coercerunt metu, ubi summi imperii vis infimorum patet ludibrio? ubi, sublato æqui, iniqui, turpis, honesti, discrimine, publico prope consensu, in immanem degeneratur barbariem? Hæc, & his atrociora, scio, me, cum in Gallias rediero, auditurum: ocellus interim omnium auribus, nec defensionem nec satisfactionem admissuræ.

IV. *B.* At ego te facile hoc timore, nostramque gentem falso crimine, liberabo. Nam, si prioris atrocitatem sceleris tantopere exsecrantur, qui convenit, severitatem in eo vindicando reprehendere? Aut, si Reginam in ordinem redigi moleste ferunt, prius est necesse ut probent. Igitur, tu elige, utrum e duobus atrox videri velis. Nam utrumque nec illi, nec tu, (modo vobis constare velitis) aut laudare, aut vituperare, potestis.

*M.* Ego vero cædem Regis utique abominor & detestor: gaudeoque ejus



invidiam a publica conscientia remotam, & in paucorum improbitatem esse collatam. Hoc vero posterius facinus neque omnino vituperare, nec laudare possum. Nam, quod scelus, ab omni hominum memoria maxime nefarium, consilio & industria eruerint, sceleratos bello & armis persequantur, facinus præclarum & memorabile mihi videtur. Quod autem summum magistratum in ordinem redegerint, nomen Regium, quod magnum atque sanctum semper apud omnes gentes fuit, contemserint, nescio quomodo accepturæ sint omnes Europæ nationes, illæque in primis, quæ sub imperio Regio vivunt. Me certe, quanquam non ignorem quid ex adverso prætendatur, vel facinoris magnitudo, vel novitas, vehementer movet, eoque etiam magis, quod ex auctoribus ejus nonnulli mecum arcta consuetudine sunt conjuncti.

V. B. Jam propemodum videor videre, quid non tam te fortasse commoveat, quam istos alienæ virtutis iniquos judices, quibus satisfaciendum existimas. Eorum ego tria potissimum genera statuo, qui manus istam injectionem sint vehementer exagitaturi. Unum genus est perniciosissimum. In eo sunt tyrannicarum libidinum administri, qui nihil non justum & honestum sibi credunt, in quo Regibus gratificari queant: quique non ex sua quamque rem vi, sed dominorum libidine, metiuntur. Hi sese alienæ cupiditati adeo addixerunt, ut nullam sibi, neque dicendi, neque faciendi, libertatem reliquerint. Ex hac secta prodierunt, qui adolescentem innoxium, nullis inimicitiarum causis, sed lucri, honoris, aulicæque potentiae, spe, libidini alienæ crudelissime mactaverunt. Isti autem, cum Reginæ vicem se dolere simulant, non illius ingemiscunt miseriis, sed suæ securitati prospectum volunt, præmiumque sceleratissimi facinoris, quantum spe devorarunt, ægre sibi de faucibus ereptum ferunt. Hoc igitur genus hominum, non tam oratione, quam legum severitate & vi armorum, reor castigandum. Alii toti rerum suarum sunt. Hi, homines alioqui minime mali, non publica (quod videri volunt) injuria, sed damnis anguntur domesticis, ideoque mihi magis egere videntur consolatione, quam vel rationum vel legum remediis. Reliqua est imperita multitudo, quæ omnia nova miratur, plurima reprehendit, neque quicquam rectum putat, nisi quod ipsa aut facit, aut fieri videt. Quantum enim a consuetudine majorum receditur, tantum a justo & æquo recedi putat. Hi, quia non malitia & invidia, neque respectu ullo rerum suarum ducuntur, fere doceri & de errore se deduci patiuntur, ac plerumque, vi rationum convicti, sese dedunt: quod in causâ religionis sæpenumero his temporibus experimur, & superioribus sumus experti: nec fere quisquam

—adeo ferus est, qui non mitescere possit,

Si modo culturæ patientem commodet aurem.

M. Istud certe verissimum esse non semel sumus experti.

VI. B. Ut igitur cum hac multitudine agas, si clamorissimum & importunissimum quemque roges, quid de supplicio Caligulae, Neronis, aut Domitiae.

Domitis anguntur domesticis] Ita præst. & Francos reliquæ fere omnes [damnis  
ante prima Edic. Edimb. 1579. Genev. anguntur domesticis.]

*B.* At enim, quanto longius exteræ nationes absunt, eoque minores causas iræ, odii, amoris, aliarumque perturbationum, habent, quæ animum a vero deflectere possunt, tanto plerumque & sincerius judicant, & liberius quid sentiant eloquuntur; eadem illa loquendi & conferendi cogitationes libertas multa eruit obscura, impedita explicat, dubia confirmat, & improbis os occludere, & infirmiores docere, potest.

III. *M.* Visne tecum ingenue loquar?

*B.* Quidni?

*M.* Quanquam vehementer efferebar cupiditate videndi, ex longinquo intervallo, patriam, parentes, propinquos & amicos, nihil tamen æque hoc desiderium inflammabat, atque voces imperitæ multitudinis. Etsi enim vel consuetudine me confirmatum, vel præceptis doctissimorum hominum, existimaram: tamen, cum in rem præsentem ventum est, nescio quomodo animi mei mollitiem celare non potui. Nam, cum scædum illud facinus, non adeo pridem hîc editum, omnes uno ore detestarentur, auctorque incertus esset, vulgus, quod impetu magis fertur, quam consilio regitur, paucorum culpam in omnes conferebat: & privati maleficii commune odium adeo in totam gentem redundabat, ut qui etiam a suspitione erant remotissimi, sceleris alieni infamia conflagrarent. Igitur, dum hæc velut calumniæ procella conquiesceret, libenter in hunc portum confugi: in quo tamen vereor, ne in scopulum impegerim.

*B.* Quamobrem vero?

*M.* Quia recentis criminis atrocitas animos omnium, jamdudum accensos, adeo inflammatura mihi videtur, ut nullus jam defensionis locus supersit. Qui enim non imperitorum modo, sed eorum, qui sibi plus sapere videntur, impetum sustinere potero? qui non innoxii adolescentis in cæde crudelitate inaudita nos contentos fuisse clamitabunt, nisi in scæminas (cui sexui etiam, captis urbibus, hostes parant) novum immanitatis ederemus exemplum? A quo vero facinore dignitas ulla, aut majestas, eos deterrebit, qui in Reges ita sæviant? aut quem misericordiæ locum relinquent, quos neque sexus imbecillitas, nec ætatis innocentia, represserit? Jus, mos, leges, respectus imperii, reverentia legitimi magistratus, quem post hæc vel retinebunt pudore, vel coercerunt metu, ubi summi imperii vis infimorum patet ludibrio? ubi, sublato æqui, iniqui, turpis, honesti, discrimine, publico prope consensu, in immanem degeneratur barbariem? Hæc, & his atrociora, scio, me, cum in Gallias rediero, auditurum: occlusis interim omnium auribus, nec defensionem nec satisfactionem admissuris.

IV. *B.* At ego te facile hoc timore, nostramque gentem falso crimine, liberabo. Nam, si prioris atrocitatem sceleris tantopere execrantur, qui convenit, severitatem in eo vindicando reprehendere? Aut, si Reginam in ordinem redigi moleste ferunt, prius est necesse ut probent. Igitur, tu elige, utrum e duobus atrox videri velis. Nam utrumque nec illi, nec tu, (modo vobis constare velitis) aut laudare, aut vituperare, potestis.

*M.* Ego vero eadem Regis utique abominor & detestor: gaudeoque ejus  
in-

invidiam a publica conscientia remotam, & in paucorum improbitatem esse collatam. Hoc vero posterius facinus neque omnino vituperare, nec laudare possum. Nam, quod scelus, ab omni hominum memoria maxime nefarium, consilio & industria cruerint, sceleratos bello & armis persequantur, facinus præclarum & memorabile mihi videtur. Quod autem summum magistratum in ordinem redegerint, nomen Regium, quod magnum atque sanctum semper apud omnes gentes fuit, contemnerint, nescio quomodo accepturæ sint omnes Europæ nationes, illæque in primis, quæ sub imperio Regio vivunt. Me certe, quanquam non ignorem quid ex adverso prætendatur, vel facinoris magnitudo, vel novitas, vehementer movet, eoque etiam magis, quod ex auctoribus ejus nonnulli mecum arcta consuetudine sunt conjuncti.

V. B. Jam propemodum videor videre, quid non tam te fortasse commoveat, quam istos alienæ virtutis iniquos judices, quibus satisfaciendum existimas. Eorum ego tria potissimum genera statuo, qui manus istam injectionem sunt vehementer exagitaturi. Unum genus est perniciosissimum. In eo sunt tyrannicarum libidinum administri, qui nihil non justum & honestum sibi credunt, in quo Regibus gratificari queant: quique non ex sua quamque rem vi, sed dominorum libidine, metiuntur. Hi sese alienæ cupiditati adeo addixerunt, ut nullam sibi, neque dicendi, neque faciendi, libertatem reliquerint. Ex hac secta prodierunt, qui adolescentem innoxium, nullis inimicitiarum caussis, sed lucri, honoris, aulicæque potentiae, spe, libidini alienæ crudelissime mactaverunt. Isti autem, cum Reginæ vicem se dolere simulant, non illius ingemiscunt miseriis, sed suæ securitati prospectum volunt, præmiumque sceleratissimi facinoris, quantum spe devorarunt, ægre sibi de faucibus creptum ferunt. Hoc igitur genus hominum, non tam oratione, quam legum severitate & vi armorum, reor castigandum. Alii toti rerum suarum sunt. Hi, homines alioqui minime mali, non publica (quod videri volunt) injuria, sed damnis anguntur domesticis, ideoque mihi magis egere videntur consolatione, quam vel rationum vel legum remediis. Reliqua est imperita multitudo, quæ omnia nova miratur, plurima reprehendit, neque quicquam rectum putat, nisi quod ipsa aut facit, aut fieri videt. Quantum enim a consuetudine majorum receditur, tantum a justo & æquo recedi putat. Hi, quia non malitia & invidia, neque respectu ullo rerum suarum ducuntur, fere doceri & de errore se deduci patiuntur, ac plerumque, vi rationum convicti, sese dedunt: quod in causa religionis sæpenumero his temporibus experimur, & superioribus sumus experti: nec fere quisquam

—adeo ferus est, qui non mitescere possit,

Si modo cultura patientem commodet aurem.

M. Istud certe verissimum esse non semel sumus experti.

VI. B. Ut igitur cum hac multitudine agas, si clamorissimum & importunissimum quemque roges, quid de supplicio Caligulae, Neronis, aut Domitiae.

Domis anguntur domesticis] Ita præf. & Francos reliquæ fere omnes [damnis  
ante prima Edicio Edimb. 1579. Genev. aguntur domesticis.]



tiani, sentiat, neminem eorum tam addictum Regio nomini fore puto, ut non jure poenas eos luisse fateatur.

*M.* Fortasse verum dicis. Sed iidem confestim clamitabunt, eos non de Tyrannorum suppliciis queri, sed justorum Regum indignas calamitates iniquo animo ferre.

*B.* Videsne igitur, quam facile multitudo placari possit?

*M.* Nondum, nisi tu quid aliud dicas.

*B.* At paucis saxo intelligas. Vulgus (ut ais) Tyrannorum caedem probat; erga Regum adversam fortunam commovetur. Nonne igitur, si intelligat plane, quod sit inter Tyrannum & Regem discrimen, posse fieri existimas, ut in plerisque sententiam suam mutet?

*M.* Istud si omnes faterentur, Tyrannos jure occidi, magnus ad reliqua aditus nobis esset patefactus. Sed video quosdam, nec spernendæ quidem auctoritatis viros, qui, cum legitimos Reges legum poenis subjiciant, tamen sacrosanctos esse velint Tyrannos: præpostero certe, nisi fallor, judicio: sed tamen pro eorum imperio, quamlibet immoderato & intolerabili, tanquam pro aris & focis, depugnare sunt parati.

*B.* Ego quoque in complures, nec semel quidem, incidi, qui istud ipsum pertinaciter defendant: sed recte an secus, commodius alio loco expendemus. Interea, si vis, hoc nobis sit positum, ea lege, ut, nisi posterius satis confirmatum tibi videatur, tuo arbitrio idipsum retractare liceat.

*M.* Ista quidem lege non repugno.

*B.* Pugnantia igitur, hæc duo statuemus, Regem & Tyrannum esse.

*M.* Statuamus.

VII. *B.* Qui originem ergo, causasque Regum creandorum, quæque sint Regum in populos, populorum in Reges, officia explicaverit, nonne, ex adverso quæ ad naturam Tyranni pertinent, propemodum explicuisse tibi videbitur?

*M.* Ita arbitror.

*B.* Et imagine utriusque proposita, nonne vulgus etiam intellecturum putas, quodnam sit suum erga utrumque officium?

*M.* Verisimile est.

*B.* Contra vero, in rebus dissimillimis, quæ sub eodem genere continentur, similitudines quædam inesse possunt, quæ imprudentes facile queant in errorem inducere?

*M.* Possunt procul dubio: in eoque potissimum genere, ubi, qui deterior est, præstantioris personam facile assumit, nihilque magis studet, quam ut imperitis imponat.

*B.* Habelne aliquam in animo descriptam Regis & Tyranni imaginem? Nam, si habes, magno labore me levabis.

*M.*

*Hæc duo statuimus*] Orationis contextus, in primis vero Martelliani responsum {statuamus} potius hic legendum postulare viderur.

*Mul.*



*M. Ego profecto, utriusque quam habeam in animo imaginem, facile possem explicare: sed vereor, ea ne sit impolita & informis. Itaque, ne, dum tu me refutes, longior instituat oratio, malo audire, quid tu sentias, qui & ætate & rerum usu prior es; nec aliorum modo sententias teneas, sed ipse etiam multorum & mores & urbes videris.*

VIII. *B.* Ego vero id faciam, ac libens, neque tam meam, quam veterum sententiam, explicabo; quo major sit auctoritas orationi, ut quæ non temporis causâ conficta sit, sed ex eorum opinionibus excepta, qui, cum extra præsentem controversiam fuerint, non minus diserte, quam breviter suum judicium protulerunt, sine odio, sine favore, aut invidia, quorum causæ procul ab illis aberant: eorumque potissimum sententiis utar, non qui in umbris & otio consenuerunt, sed qui domi forisque in civitatibus bene constitutis virtute & consilio floruerunt. Sed, priusquam eos proferam testes, pauca ex te exquirere volo, ut, cum in rebus quibusdam, nec iis exiguis, consenserimus, non sit mihi necesse de cursu instituto digredi, & in perspicuis, & prope notis, vel explicandis, vel confirmandis, immorari.

*M.* Ita faciendum censeo : ac , si quid vis , roga.

*B. Putasne, tempus quoddam fuisse, cum homines in tuguriis atque etiam antris habitarent; ac, sine legibus, sine certis sedibus, palantes vagarentur? congregarenturque, prout vel animi libido ferebat, vel commoditas aliqua utilitasque communis eos conciliabat?*

*M.* Ego vero istud credo, cum sit & ordini naturæ consentaneum, & omnibus prope omnium gentium historiis testificatum. Ejus vitæ, rudis & incultæ, Trojanis eam temporibus, in Sicilia, describit imaginem Homerus:

3 *Nec fora conciliis fervent, nec iudice: tantum*

*Antra colunt umbrosa : altis in montibus ædes*

*Quisque suas regit, uxorem natosque; nec ulli*

*In commune vacat socias extendere curas.*

Eisdem etiam temporibus, Italia nihilo cultior fuisse dicitur, ut, ex fertillimis prope totius orbis regionibus, facile sit conjecturam facere, quantum solitudo & vastitas in ceterioribus fuerit.

**IX. B.** Utrum vero exillimas naturæ magis consentaneum, vitæne illam vagam & solitariam, an concilia cœtusque hominum concordēs?

*M.* Cœtus hominum procul dubio : quos

— ipsa utilitas, justi prope mater & æqui,

pri-

1 *Multorum & mores & urbes videris*]  
Vide Homeri Odyss. initio, & Horat.  
Art. vers. 142.

2. *Quorum causa procul ab illis aberant*] Tacit. Annal. 1. Sine ira & studio, quorum causas procul habeo.

3 *Nec for a conciliis fervent*] Homer. Odyss.  
Tem. I.

lib. ix. 172.

Τοῖς αὖ ἐν τῇ ἐκκλησίᾳ βυλτοφόροι ἄνθρωποι ἡμεῖς·

Αλλ' οὐκ ἵψηλαν ὄριον αἰῶσι κάρησι

Εἰς πῶς γλαφυροῖσι. Σημειώδ' ὃ ἴκασθαι

Παίδων ἢδ' ἀλγίων· ἐδ' ἀπέλασιν ἀλίγῃσι.

Qui versus Latino hic carmine a Buchananano ipso redditi videntur.

P P P P P

2 Targ

primum congregavit, ac jussit

*Communi dare signa tuba, defendier iisdem*

*1 Turribus, atque una portarum clave teneri*

B. Quid? tu utilitatem primam ac summam conciliatricem hominum fuisse arbitraris?

M. Quidni? qui hominum causa homines fuisse generatos audierim ex hominibus doctissimis

B. Magnam profecto videtur quibusdam utilitas habere vim, ad societatem publicam humani generis & constituendam & continendam. Sed est, nisi fallor, congregandorum hominum causa longe antiquior, & communis eorum inter ipsos multo prius & sanctius vinculum. Alioqui, si commodi sui privatim quisque velit habere rationem, vide, ne illa ipsa utilitas solveret potius, quam conjungeret humanam societatem.

M. Fortasse istud verum sit. Sed, quæ sit altera illa communionis hominum origo, audire cupio.

X. B. Ea est quædam naturæ vis, non hominibus modo, sed mansuetioribus etiam aliorum animantium indita, ut, si etiam absint utilitatis illa blandimenta, tamen cum sui generis animantibus libenter congregentur. At de cæteris in præsentia nihil attinet disputare: homini certe a natura hanc vim tam videmus alte impressam, ut, si quis omnibus eis rebus abundet, quæ vel ad incolumitatem tuendam, vel ad voluptatem & animorum oblectationem comparatæ sunt, sine hominum commercio vitam sibi insuavem sit existimaturus. Quin & illi ipsi, qui cupiditate scientiæ, & studio veri investigandi, se a turba removerunt, & in secretos abdiderunt recessus, neque perpetuam animi contentionem ferre diutius potuerunt: nec, si quando eam remisissent, in solitudine se continere poterant: sed illa ipsa secreta sua studia libenter proferebant: &, velut in communem utilitatem elaborassent, in medium conferebant sui laboris fructum. Quod si quis est, qui omnino solitudine capiatur, cætusque hominum fugiat ac devitet, id magis animi morbo, quam vi naturæ, fieri existimo: qualem Timonem Atheniensem accepimus, & Corinthium Bellerophonem;

*\* Qui miser Eleis errabat solus in oris,*

*Ipse suum cor edens, hominum vestigia vitans*

M. Non

*1 Turribus]* Ita ex Juvenalis (cujus hi sunt versus Satyra xv ver. 158.) describere non dubitavimus: pro quo Buchananus, memoriam nimium (uti videtur) confusus, [manibus] posuit

*2 Qui miser Eleis]* Ita corrupte libris omnibus editur hic versus: qui optimis Cicer. Tuscul. Quæst. lib. III. cap. 26. (unde hoc distichum Buchananus desumpsit) sic exhibetur;

*Quimiser in campis mareus errabat Aleis*

Et ita quidem legendum confirmat Homeri locus, Iliad. vi. ver. 201. quem Tullius in Latinum convertit.

*Ἦτοι ὁ κακώτατος τῶν Ἀχαιῶν Ἰδὲ ἀλῆν.*

*Ὁ δὲ θυμὸς κακὸς ἐστίν, καὶ τὸν ἀνθρώπον ἀλῆεν.*

Huc etiam respexit Ovid. in devotario carmine in Ibin, ver. 257.

*Quique ab equo præceps in Aleis decidit arva,*

*Exitio facies cui sua pene fuit,*

*1 In-*

*M.* Non admodum hic abs te dissentio. Sed unum est abs te hic positum naturæ nomen, quod & ego sæpe magis consuetudine loquendi usurpo, quam intelligo: & ab aliis ita varie & in tam multas res accommodatur, ut plerumque dubitem, ad quam potissimum eam referam.

*XI. B.* Ego profecto nil aliud in præsentia intelligi volo, quam lucem animis nostris divinitus infusam. Nam, cum Deus

*Sanctius hoc animal, mentisque capacius alia,*

*— Et quod dominari in cætera posset,*

formavit; non modo corpori ejus oculos dedit, quibus ducibus, adversa quæ essent suæ conditioni, fugeret; quæ commoda, sequeretur: sed animo etiam velut lumen quoddam prætulit, quo turpia ab honestis secerneret. Hanc vim alii naturam, alii naturæ legem, vocant. Ego profecto divinam existimo: planeque illud habeo persuasum, quod

*Nunquam aliud natura, aliud sapientia dicat.*

Ejus porro legis velut compendium, quod totam paucis complecteretur, Deus nobis tradidit, *Ut ipsum*, scilicet, *ex animo diligeremus, ac proximos velut nos ipsos.* Hujus legis omnes sacrarum voluminum libri, qui ad mores formandos pertinent, nihil aliud quam explicationem continent.

*M.* Igitur humanæ societatis non tu oratorem aliquem aut jureconsultum, qui homines dispersos colligeret, sed ipsum Deum, auctorem putas.

*B.* Ita profecto est: ac, juxta Ciceronis sententiam, *Nihil quidem, quod in terris fiat, principi illi Deo, qui hunc mundum regit, acceptius puto, quam cultus hominum jure sociatos, quæ civitates appellantur.* Harum civitatum partes similiter inter se junctas esse volunt, atque cuncta corporis nostri membra inter se coherent, mutuisque constare officiis, & in commune elaborare, pericula communiter propellere, utilitates prospicere, eisque communicandis omnium inter se benevolentiam devincire.

*M.* Igitur non utilitatem tu, sed legem illam divinam, ab initio rerum nobis insitam, conveniendi in unum certum multo augustiorem & diviniorem causam statuis.

*B.* Non quidem illam, ut justis & æqui matrem, ut quidam voluerunt, sed potius ancillam, & civitatis bene constitutæ e custodibus unam.

*M.* Hic quoque facile tibi assentior.

*XII. B.* Jam, velut in corporibus nostris, ut quæ inter se pugnantibus constant principis, morbi, hoc est, perturbationes, & intestini quidam existunt tumultus; similiter in his majoribus corporibus, id est, civitatibus, fieri necesse est, ut quæ ex diversis, & quodammodo pugnantibus, hominum generibus, ordinibus, conditionibus, naturisque, coeant, & eorum etiam hominum, qui non

*Idem eadem possunt horum durare probantes:*

bre-

1 *Inter se coherent.* Ita omnino legendum cum principe Editione Edimb. (*coherent*); non quod aliis omnibus scriptum est (*coherere*). Hi nimirum editores non

satis advertisse videntur hujus locutionis vim (*similiter atque*), quod idem est ac [*simili modo quo.*]

brevi certe eas dissolvi & interire necesse est, nisi adhibeatur velut medicus perturbationum sedator, qui, temperamento æquabili & salubri, infirmiores partes fomentis confirmet, redundantes humores compefeat, & ita singulis membris consulat, ut neque partes imbecilliores inopia alimentis tabescant, neque validiores plus æquo luxurient.

*M.* Ita plane necesse est.

*B.* Qui in corpore civili hoc præstabit, quo nomine eum appellabimus?

*M.* De nomine non sum admodum sollicitus. Quocunque enim censeatur, virum præstantissimum, ac plane Deo simillimum, eum judico, quæ in re sapientia majorum multum prospexisse mihi videtur, qui rem per se pulcherrimam nomine etiam splendidissimo decorarunt. REGEM enim, opinor, intelligis, cujus vocabuli ea vis est, ut rem quidem per se maximam & excellentissimam, pene oculis cernendam subiciat.

*B.* Recte sentis, ea enim voce Deum compellamus. Nullum enim aliud habemus augustius vocabulum, quo naturæ illius excellentis declaremus præstantiam; neque convenientius, quo paternam erga nos curam & studium significemus. Quid alia colligam, quæ ad munus Regis significandum transferimus: qualia sunt, *Pater Æneas*, *Agamemnon populorum Pastor*; item *Dux*, *Princeps*, *Gubernator*? Quibus omnibus ea significatio subest, ut ostendant, Reges non sibi, sed populo, creatos esse. Jam, quod de nomine satis inter nos convenit, si videtur, de officio differamus, iisdem quibus ingressi sumus insistentes vestigiis.

*M.* Quibus tandem?

XIII. *B.* Meministi quid nuper dictum sit? civitatem corpori nostro per similem videri, motus civiles morbis, medico Regem? Si igitur officium medici quale sit intellexerimus, non longe, opinor, aberimus ab officio Regis.

*M.* Fieri potest, nam cætera, quæ tu enumerasti, per similia, ac pene germana, mihi sunt visa.

*B.* Noli expectare ut minima quæque hinc excutiam. Neque enim temporis angustia id patitur, nec ipsa res exigit. Sed, si in summa hæc inter se conveniant, cætera facile tibi subicies.

*M.* Tu vero perge, ut facis.

*B.* Scopus etiam idem videtur utrique propositus.

*M.* Quinam?

*B.* Corporis (cui adhibentur curando) incolumitas.

*M.* Intelligo. Alter enim humanum, alter civile corpus incolume in suo statu tueri, quatenus rei natura fert, & morbo affectum ad justam valetudinem reducere, debet.

*B.* Recte intelligis. Duplex enim est utriusque officium: alterum in tuenda valetudine bona, alterum in restituenda, si morbo fuerit labefactata.

*M.* Assentior.

*B.* Utrinque enim morbi sunt similes.

*M.* Ita videtur.

*B.* Nam



*B.* Nam & sua quædam nocet utrique redundantia rerum noxiarum, & necessariorum inopia. Et utrumque corpus prope pari ratione curatur: nempe, vel extenuatum nutriendo, & leniter fovendo, vel plenum & redundans supervacuum egestione levando, & moderatis laboribus exercendo.

*M.* Ita est. Sed hoc interesse videtur, quod in altero humores, in altero mores, ad justam quandam temperiem sunt reducendi.

XIV. *B.* Rem tenes, Civilis enim corporis, velut & naturalis, suum quoddam est temperamentum: quam rectissime, opinor, *Justitiam* appellabimus. Ea enim est, quæ singulis prospicit partibus, & curat ut in officio consent. Ea, interim sanguinis missione, interim noxiorum exilio, velut egestione, redundantia egerit; interim animos demissos & meticulosos excitat, & dissidentes consolatur; & ad illam, quam dixi, temperiem totum corpus reducit, reductumque commodis laboribus exercet, &, certo laboris & omni præscripto temperamento, restitutam valetudinem, quoad ejus fieri potest, conservat.

*M.* Cætera tibi facile assentior, nisi quod civilis corporis temperamentum in justitia collocas: cum vel ipso nomine & professione temperantia hæc partes sibi vindicare jure suo videatur.

*B.* Nil admodum referre puto, utri hunc honorem deferas. Nam, cum omnes virtutes, quarum vis in actione cernitur, in mediocritate quædam & æquabilitate sint positæ, ita quodammodo inter se connexæ sunt & coherent, ut unum omnibus officium esse videatur, id est, cupiditatum moderatio. Ea quocunque in genere versatur, non admodum refert utro nomine voces: quanquam illa moderatio, quæ in rebus communibus, & hominum inter se commerciis, posita est, commodissime mihi nomine *Justitiæ* intelligi posse videatur.

*M.* Hic tibi facillime assentior.

XV. *B.* In Rege autem creando, hoc opinor veteres fuisse sequutos; ut, si quis inter cives esset singulari præstantia, reliquosque omnes æquitate & prudentia antecellere videretur, ut in apum alvearibus fieri traditur, regnum ad eum ultro deferbant.

*M.* Credibile est ita factum.

*B.* Quid si nemo unus, qualem diximus, in civitate inveniretur?

*M.* Jure illo naturæ, cujus ante meminimus, par imperium in pares usurpare non potest, nec debet: natura enim justum opinor, ut, inter eos, qui cætera sunt pares, imperandi & parendi etiam vices sint pares.

*B.* Quid si populus, annuæ ambitionis tædio, unum aliquem non plane omnibus virtutibus Regis præditum, sed vel nobilitate, vel divitiis, vel rebus bello getis, inagnem, Regem velit eligere? nonne & hunc optimo jure exultimabimus Regem?

Ppp pp 3

*M.* Op-

*Interim*] [Utitur hic Buchananus, hac voce pro *interdum*, ut passim Tacitus, Quintilianus, & ejus seculi scriptores.]

*M. Optimo. Populo enim jus est, ut imperium, cui velit, deferat.*

*B. Quid si hominem acutum, non tamen eximia artis peritia præditum, adhibeamus ad morborum curationem? huncne statim medicum, ubi ab universis fuerit electus, arbitrabimur?*

*M. Minime. Doctrina enim, & multarum artium experientia, non suffragiis, fit medicus.*

*B. Quid in cæteris artibus artifices?*

*M. Eandem rationem esse omnium reor.*

*B. Regnandine aliquam artem esse putas?*

*M. Quidni?*

*B. Potesne rationem reddere; cur ita credas?*

*M. Videor mihi posse. Nempe quæ in aliis artibus reddi solet.*

*B. Quam dicis?*

*XVI. M. Omnium enim artium ab experientia profecta sunt initia. Nam, cum plerique temere ac nulla ratione multa aggrederentur, alii autem, propter exercitationem & consuetudinem, eadem illa callidius facerent, animadversis utrinque eventis, & perpensis eventorum causis, homines acuti præceptorum quandam ordinem digesserunt, eamque descriptionem *Artem* appellarunt.*

*B. Potest ergo, simili animadversione, ars aliqua Regia describi, ut medicinae.*

*M. Opinor posse.*

*B. Quibus ex præceptis ea constabit?*

*M. Non habeo in promptu dicere.*

*B. Quid si ex aliarum artium collatione id investigemus?*

*M. Quo pacto?*

*B. Hoc pacto. Grammaticorum quædam sunt præcepta, & medicinae, & agriculturæ.*

*M. Intellego.*

*B. Nonne præcepta illa grammaticorum & medicorum, artes ac leges etiam appellabimus? & ita in cæteris?*

*M. Ita prorsus videtur.*

*B. Quid civiles leges? Regiæne artis præcepta quædam tibi videntur?*

*M. Videntur.*

*B. Has igitur tenere decet eum, qui Rex conseri velit.*

*M. Ita videtur.*

*B. Quid qui non tenet? etiam si populus eum regnare jusserit, Regem eum appellandum censes?*

*M. Hic facis ut hæream. Nam, si consentire cum superiore oratione velim, populi suffragia non magis Regem, quam alium quemvis artificem, facere possunt.*

*B. Quid hic agendum censes? Nam, nisi Regem suffragiis electum habeamus, vereor ne legitimum ullum habituri simus.*

*M. Ego quoque idem istud vereor.*

**XVII.**

XVII. *B.* Visne igitur, quod in artium comparatione postremo nobis positum est, diligentius excutiamus?

*M.* Fiat, siquidem tibi ita videtur.

*B.* Præcepta artificum nonne in singulis artibus leges vocavimus?

*M.* Factum.

*B.* At vereor ne satis circumspecte id a nobis sit factum.

*M.* Quamobrem?

*B.* Quia absurdum videretur, qui artem quamlibet teneret, eum tamen artificem non esse.

*M.* Absurdum.

*B.* Sed, qui quod artis officium est præstet, eum artificem existimabimus, sive id sponte naturæ, sive perpetua constantique ratione & facultate quidam faciat.

*M.* Ita non.

*B.* Qui hanc igitur recte quidvis facienda vel rationem vel prudentiam teneat, cum artificem appellabimus, modo exercitatione facultatem comparaverit.

*M.* Rectius quam illum alterum, qui nuda præcepta absque usu & exercitatione habeat.

*B.* Præcepta igitur illa non existimabimus artem esse!

*M.* Minime: sed artis quandam similitudinem, aut verius umbram.

*B.* Quæ est ergo facultas illa civitatum gubernatrix, quam civilem sive artem, sive scientiam, vocabimus?

*M.* Prudentiam mihi velle dicere videris: ex quo velut fonte, leges omnes, si modo societati hominum conservandæ sint utiles, proficisci ac derivari oportet.

XVIII. *B.* Rem attigisti. Hæc igitur si summa & perfecta in quopiam esset, tum natura, non suffragiis, Regem esse diceremus; liberamque rerum omnium potestatem ei traderemus: sin talem non reperimus, qui proxime ad illam excellentem naturæ præstantiam accesserit, similitudinem quandam in eo veri Regis amplexi, etiam Regem appellabimus.

*M.* Appellemus, si ita videtur.

*B.* Et quoniam adversus animi affectiones, quæ possunt, & plerumque solent, avertere a vero, ne satis firmus sit, timemus, legem ei, velut collegam, aut potius moderatricem libidinum, adjiciemus.

*M.* Non census igitur rerum omnium arbitrium penes Regem esse debere?

*B.* Minime. Nam eum non solum Regem, sed etiam hominem esse meminimus, multa per ignorantiam errantem, multa sponte peccantem, multa prope invitum; quippe animal ad omnem favoris & odii auram facile mutabile. Quod vitium naturæ magistratus augere etiam solet: adeo ut hic potissimum sententiam illam ex comœdia veram esse conperiam, *Omnes licentia deteriores fieri*. Quamobrem legem ei adiungendam censuerunt homines prudentissimi, quæ vel ignorantiam viam ostendat, vel aberrantem in

viam

viam reducat. Ex his, opinor, intelligis, *ὅτι ἡ ῥήξη*, quodnam ego veri Regis officium esse rear.

*M.* De causa creandorum Regum, de nomine, deque officio, plane mihi satisfecisti. Neque tamen, si quid adjicere velis, repugnabo. Etsi vero animus ad ea, quæ restare videntur, properat, unum tamen, quod in tota oratione tua nonnihil offendeat, non puto silentio prætereundum: quod: videlicet subiniquus Regibus mihi videaris. Idque ipsi etiam antea de te frequenter eram suspicatus; cum te Respublicas antiquas, Venetorumque civitatem, adeo profuse laudantem sæpe audivissem.

XIX. *B.* Non tu recte hîc de me sentiebas: neque enim ego apud Romanos, Massilienses, Venetos, & si qui alii fuerunt, apud quos potentiora fuerint legum, quam hominum imperia, tam suspicio diversam civitatis administrandæ rationem, quam æquitatem: neque multum referre puto, Rex, Dux, Imperator, an Consul, vocetur, qui præsit, modo illud teneatur, cum æquitatis tuendæ causa in magistratu esse collocatum. Imperium enim modo sit legitimum, non est quod de nomine ejus contendamus. Nam & quem nos Venetorum Ducem vocamus, is nihil aliud est, quam Rex legitimus; & Consules primi non modo Regum insignia, sed imperium etiam retinuerunt. Id modo intererat, quod non unus, sed duo præerant, (quod etiam in perpetuis Lacedæmoniorum Regibus fieri solitum non ignoras) qui non in perpetuum, sed in annum, creabantur. Illud igitur, quod initio diximus, tenere semper oportet, Reges primum tuendæ æquitati fuisse constitutos. Id illi si tenere potuissent, imperium, quale acceperant, tenere perpetuo potuissent, hoc est, liberum & legibus solutum. Sed (ut humana sunt omnia) statu rerum in pejus prolabente, quod publicæ utilitatis causa fuerat constitutum imperium, in superbam dominationem vertit. Nam, cum libido Regum pro legibus esset, hominesque, in potestate infinita & immoderata collocati, sibi non temperarent, sed multa gratiæ, multa odiis, multa privatis commoditatibus, indulgerent, Regum insolentia legum fecit desiderium. Leges igitur hac de causa inventæ sunt a populis, Regesque coacti, non sua in judiciis licentia, sed, quod populus in se dedisset, jure uti. Multis enim edocti erant experimentis, melius libertatem legibus, quam Regibus credi: cum alteri multis de causis a vero deflecti possent, alteræ, adversus preces & minas surdæ, unum & perpetuum tenorem servarent. Regibus igitur, cætera liberis, hic unus imperio modus est præfinitus, ut suas actiones & orationem ad legum præscripta conformarent; & præmia pœnaeque, maxima societatis continendæ vincula, ex earum sanctionibus dividerent. Denique, quemadmodum ait summus administrandæ Reipublicæ magister, ut *Rex*, esset *lex loquens*, *lex*, *Rex mutus*.

*M.* Statim ab initio ita Reges laudaveras, ut eorum majestatem prope augustam & sacrosanctam faceres. Nunc vero, velut pœnitentia revocatus, nescio quibus angustiis eos concludis, & in legum prope dicam ergastula coniectis ne liberam quidem orationem permittis. Me autem ex magna spe dejecisti: sperabam enim fore, ut *rem* (juxta clarissimum historię auctorem).



*inter Deos hominesque pulcherrimam*, vel tua sponte, vel a me admonitus, in orationis cursu, in suum splendorem restitueres: quam tu omnibus ornamentis spoliata in ordinem redegit; & qui primus in orbe terrarum fuit magistratus, cum, angustis circumseptum cancellis, prope contemtibilem, nulli certe sano reddidisti optandum. Quis enim sanæ mentis non in mediocri fortuna subsistere privatus malit: quam in perpetuis molestiis, aliorum intentus negotiis, suæ rei negligens, totum vitæ cursum ad alienas rationes componere? Quod si ista regnandi ubique propolita sit conditio, vereor ne major penuria Regum sit futura, quam in prima nostræ religionis infantia fuerit Episcoporum. Nec miror, si ad hanc formulam spectentur Reges, olim e pascuis & ab aratro petitos, qui præclarum istum honorem acciperent.

XX. B. Vide, quæso, quanto in errore verferis, qui, non fruendæ justitiæ, sed voluptatis causa, Reges a populis & nationibus expetitos putas: neque honori locum esse existimes, ubi divitiæ & voluptates non affluant. Qua in re quantum eorum amplitudini detrahas, cogita. Id quo facilius intelligas, confer mihi aliquem ex iis, quos tu videris, Regem, velut puellarem puppam vestitum, & ad inanem pompam, magno cum fastu, ingenti turba stipatum, produci, cujus tu similitudinem, in eo, quem describimus, Rege desideras: confer, inquam, istorum aliquem cum eis, qui olim clari fuerunt, quorum etiam nunc vivit vigetque & ad posteros celebratur memoria. Illi profecto tales fuerunt, qualem ego modo designavi. Audistine unquam fando, Macedonem illum Philippum, cum vetulæ; *Ut suam causam audires*, roganti, respondisset, *Sibi non esse otium*; illaque subiecisset, *Igitur ne sis Rex*: audistine, inquam, ab anu paupercula, Regem, tot bellorum victorem, tot gentium dominatorem, sui admonitum officii, paruisse; & quod Regum esset munus agnovisse? Confer igitur hunc Philippum, cum Regibus non modo maximis, qui nunc in Europa sunt, sed cum omni vetustatis memoria; nullum profecto comperies prudentia, fortitudine, laborum patientia, parem; paucos magnitudine ditionis æquales. Agesilaum, Leonidam, cæterosque Lacedæmoniorum Reges, si enumerem, (at quantos viros!) obsoleta videbor exempla proferre. Unum tamen Lacænæ puellæ dictum silentio præterire non possum: ea est Gorgo Cleomedis filia. Hæc, cum videret servum hospiti Asiatico foccos detrahentem, accurrens ad patrem, exclamavit, *Pater, hospes manus non habet*. Quo ex puellæ dicto de tota Laconica disciplina, Regumque domestica consuetudine, facile judicare potes. At, qui ex hac rustica, sed virili, disciplina prodierunt, hæc qualiacunque sunt pepererunt; ex ista vero Asiatica, qui maxima regna, per manus a majoribus tradita, per luxuriam & ignaviam amiserunt. Et, ut veteres omittam, talis fuit non adeo pridem apud Gallæcos Pelagius, qui in Hispania Saracenorum opes primus labefactavit, apud hunc quamvis

— ignem—

1 Magnitudine ditionis] Vide quæ nos ad Hist. Lib. I. Cap. 43.  
Tom. I.

Q99 99

1 Mi-

— ignemque, laremque

*Et pecus, & dominos communis clauderet umbra:*

adeo tamen Hispanos Reges ejus non pudet, ut in maxima gloria ponant, quod ab eo sint oriundi. Sed cum hic locus longiorem postulet disputationem, unde sumus digressi redeamus. Nam quod tibi sum pollicitus, ostendere quamprimum cupio, non a me confictam fuisse hanc regnandi formulam, sed clarissimis omnis memoriae viris idem visum fuisse: breviterque, unde hæc hauserim, fontes commonstrabo. Libri sunt M. Tullii Ciceronis omnium consensu laudatissimi, qui *De officiis* inscribuntur: horum e secundo libro cap. 12. hæc ad verbum sunt. <sup>1</sup> *Mibi quidem non apud Medos solum, ut ait Herodotus, sed etiam apud majores nostros, justitiæ fruendæ causa videntur olim bene morati Reges constituti. Nam cum premeretur inops multitudo ab iis, qui majores opes habebant, ad unum aliquem confugiebant virtute præstantem, qui cum prohiberet injuria tenuiores, æquitate constituenda summos cum infimis pari jure retinebat. Eademque constituendarum legum fuit causa, quæ Regum. Jus enim semper quesitum est æquabile, neque enim aliter esset jus. Id si ab uno justo & bono viro consequebantur, eo erant contenti: cum id minus contingeret, leges sunt inventæ, quæ cum omnibus semper una atque eadem voce loquerentur. Ergo hoc quidem perspicuum est, eos ad imperandum deligi solitos, quorum de justitia magna esset opinio multitudinis. Adjuncto vero ut iidem etiam prudentes haberentur, nihil erat quod homines his auctoribus non posse consequi se arbitrarentur. Vides ex his verbis, opinor, quam & Regum & legum expetendarum Cicero causam fuisse existimet. Possem hic testem & adstipulatorem laudare Xenophontem, non minus rebus bello gestis, quam Philosophiæ studio, nobilem, nisi cum tam familiarem tibi esse scirem, ut ejus omnes sententias notas habeas. Platonem vero & Aristotelem, etsi non ignoro quanti eos facias, in præsentia omitto. Malo enim e mediis rerum actionibus homines illustres, quam e gymnasiolorum umbris, arcessere in subsidium. Stoicum vero Regem, qualis a Seneca in Thyeste describitur, multo minus sum arbitratus tibi a me producendum: non tam quod illa veri Regis imago perfecta non sit, quam quod illud Principis boni exemplar magis animo informari, quam aliquando <sup>2</sup> sperari, posset. Sed & ne in iis, quos produxi, calumniæ locus esset, non e solitudine Scytharum Reges proposui, qui vel suos distringerent equos, vel aliud operis, quod multo magis a nostris moribus abhorreret facerent; sed e media Græcia, & qui, illis ipsis temporibus, quibus omnibus honestis artibus Græci fuerunt florentissimi, aut maximis nationibus, aut bene moratis præerant civitatibus; & ita præfuerunt, ut & vivi apud suos in maximo fuerint honore, & mortui posteris præclaram sui memoriam reliquerint.*

*M. Hic ego, si postules quid sentiam, vix audeo fateri tibi vel meam*

in-

<sup>1</sup> *Mibi quidem*] Hunc Ciceronis locum, prave ex corruptis ejus seculi codicibus descriptum, non sum veritus ad opti-

morum exemplarium normam exigere.

<sup>2</sup> *Sperari posset*] Hic & init. cap. 12. [passis] potius legendum putem.

inconstantiam, vel timiditatem, vel si quo alio nomine tibi libeat id vitium appellare. Nam quoties ista, quæ a te modo recitata sunt, apud historiæ præstantissimos lego scriptores, vel a sapientissimis hominibus, quorum auctoritatem non ausim defugere, laudari audio, & ab omnibus bonis probari, non modo vera, recta, sincera, sed etiam fortia & splendida mihi videntur. Rursus, quoties oculos ad nostri temporis munitias & elegantiam refero, antiquitas illa sancta & sobria, sed horrida tamen, & nondum satis expolita, fuisse videtur. Sed hæc fortasse alias per otium: nunc vero, siquidem videtur, quod instituisti perge prosequi.

XXI. B. Visne igitur ut breviter quæ dicta sunt colligamus? Ita maxime intelligemus, quid sit præteritum: & si quid temere sit concessum, facillime retractabimus.

M. Maxime.

B. Primum igitur convenit inter nos, homines a natura ad societatem & vitæ communionem esse factos.

M. Convenit.

B. Ejus quoque societatis custodem Regem electum, virum summa virtute præstantem.

M. Ita est.

B. Et, velut hominum inter ipsos discordiæ necessitatem Regis creandi attulerunt, ita Regum in subditos injuriæ in causa fuerunt, ut leges desideraremus.

M. Fateor.

B. Leges igitur specimen artis Regiæ, ut præcepta medicinæ artis medicæ, censuimus.

M. Sic est.

B. Tutius autem esse (quoniam in neutro singularem & exactam suæ artis peritiam posuimus) ut uterque ex artis illis præscriptis, quam temere, curet, videtur.

M. Tutius certe.

B. Artis autem medicæ præcepta non unius generis visa sunt.

M. Quo pacto?

B. Quædam enim sunt tuendæ valetudinis, alia instaurandæ.

M. Recte.

B. Quid Regiæ artis?

M. Totidem opinor, sunt genera.

XXII. B. Proximum ergo videtur, ut consideremus illud. Putesne medicos omnes morbos & eorum remedia ita exacte tenere posse, ut nihil præterea ad eorum curationem requiri posset?

M. Minime. Nam & multa morborum genera nova omnibus fere seculis suppultulant: & nova item singulorum remedia, singulis prope annis, aut hominum industria reperiuntur, aut e regionibus longinquis apportantur.

B. Quid civitatum leges?

M. Eadem certe videtur earum ratio.

*B.* Igitur nec omnes morbos medici, nec civitatum Reges, ex artium suarum, quæ scripta quidem traduntur, præceptis, vel vitare vel sanare possunt.

*M.* Non posse arbitror.

*B.* Quid si igitur vestigemus, quibus de rebus leges in civitatibus sanciri possint; quæ vero legibus comprehendere non possint?

*M.* Operæ pretium faciemus.

*B.* Permultæ & permagnæ mihi res videntur, quæ nullis legibus contineri queant: primum omnia, quæ in deliberationem futuri temporis cadunt,

*M.* Omnia.

*B.* Deinde multa præterita: qualia sunt ea, in quibus veritas conjecturis quaeritur, testibus confirmatur, aut tormentis exprimitur.

*M.* Scilicet.

XXIII. *B.* In his igitur quaestionibus explicandis quæ erunt Regis partes?

*M.* Non longo hinc opus esse video sermone, cum Reges, in iis, quæ in provisione futuri temporis posita sunt, adeo sibi non arrogant summam potestatem, ut ultro prudentiores in consilium sibi advocent.

*B.* Quid in his, quæ conjecturis colliguntur, testibus vincuntur? qualia sunt cædis, adulterii, veneficii crimina?

*M.* Ista causfidicorum ingeniis excutuntur, eruuntur solertia, eaque fere judicum sententiis permitti video.

*B.* Et recte fortasse: nam, si Rex privatas singulorum civium causas audire velit, quando ei vacabit de bello, de pace, de iis negotiis, quæ Reipublicæ incolumitatem continent & conservant, cogitare? denique quando licebit nihil agere?

*M.* Nec ego rerum omnium cognitionem ad unum Regem velim deferri neque, si deferatur, unus omnibus omnium causis sufficere poterit. Itaque placet mihi magnopere consilium illud, non minus sapiens quam necessarium, quod Mosi fover dedit, de onere judicandi in multos partiendo: de quo non dicam pluribus, quando historia omnibus est nota.

*B.* Sed & hi judices, opinor, ex legum præscripto jus dicent.

*M.* Dicent profecto. Sed, ut video, pauca sunt de quibus legibus cavere possit, præut illa sunt, de quibus non possit.

*B.* Accedit alia res non minoris difficultatis, quod nec ea omnia, de quibus leges rogantur, præscriptionibus certis contineri possunt.

*M.* Quo pacto?

*B.* Jurisprudentes, qui plurimum suæ arti tribuunt, quique se justitiæ sacerdotes haberi volunt, negotiorum tantam esse multitudinem confitentur, ut prope infinita videri possit: quotidieque in civitatibus nova flagitia, velut ulcerum genera, provenire ajunt. Quid hinc agat legum lator, qui leges ad præsentia & præterita accommodat?

*M.* Non multum, nisi divinus quispiam sit.

*B.* Accedit & alia, nec ea parva, quedam difficultas, quod, in tanta conditio-



ditionis humanæ inconstantia, nihil ulla fere ars in universum stabile & fir-  
mum præcipere potest.

*M.* Nihil verius.

XXIV. *B.* Tutius igitur videtur esse, & perito medico de salute ægro-  
tantis, & Regi de statu civitatis, credi. Nam & medicus, præter artis  
præscriptum, infirmum vel consentientem, vel interim invitum, sæpe sana-  
bit: & Rex novam, & tamen utilem legem, civibus aut persuasis, aut  
etiam invitis, imponere potest.

*M.* Non video quid vetet.

*B.* Hæc autem uterque cum facit, num tibi videtur præter legem quisque  
suam facere?

*M.* Mihi quidem ex arte uterque. Nam ante posuimus, non illam,  
quæ præceptis constat, artem esse, sed vim animo comprehensam, qua, in  
materia pertractanda, quæ artibus est subjecta, artifex uti solet. Illud au-  
tem (siquidem ex animo loqueris) gaudeo, te veritatis ipsius velut interdicto  
coactum, ut Regem, unde vi dejectus erat, eo restitueres.

*B.* Mane: nondum omnia audisti. Est enim in legum imperio aliud in-  
commodum: Lex enim, quasi pertinax & imperitus quispiam officii exactor,  
nihil rectum putat, nisi quod ipsa jubet: apud Regem vero infirmitatis &  
temeritatis est excusatio, & veniæ in errore deprehenso locus. Lex surda,  
inhumana, inexorabilis est. Adolescens lubricum ætatis caussatur, mulier in-  
firmitatem sexus, alius paupertatem, ebrietatem, amicitiam. Quid ad hæc  
lex? *Le licetor, colliga manus, caput obnubito, verberato, arbori infelici suspen-  
dito.* Non ignoras autem quam sit periculosum, in tanta hominum fragili-  
tate, in sola innocentia spem salutis habere collocatam.

*M.* Rem procul dubio periculi plenam narras.

*B.* Hæc certe quoties in mentem veniunt, quosdam nonnihil commoveri  
video.

*M.* Nonnihil, mihi narras?

*B.* Itaque, cum quæ supra nobis posita sunt diligentius mecum expen-  
do, vereor ne in hac parte medici & Regis collatio satis commode introducta  
videatur.

*M.* Qua in parte?

*B.* Cum utrumque a præceptorum servitute liberavimus, & prope liberam  
curandi potestatem dedimus.

*M.* Quid hic te potissimum offendit?

XXV. *B.* Ubi audieris, tum ipse judicabis. Dux a nobis positæ sunt  
caussæ, cur non expediat populis, ut Reges legibus solverentur; amor vi-  
delicet & odium, quæ animos hominum in judicando transversos agunt. At  
in medico timendum non est, ne quid per amorem peccet, quippe qui ab  
ægroto valetudine restituta etiam speret mercedem. Quod si medicum ægro-  
tus precibus, pollicitationibus & pecunia, adversus caput suum sollicitari in-  
telligat, alium arcessere medicum licebit; aut, si alterius copia non erit, tutius  
esse reor a libris quantumvis surdis remedium, quam a medico corrupto,

petere. Quod autem de legum immanitate questi sumus, vide an satis nobis constemus.

*M.* Quomodo?

*B.* Regem optimum, qualem magis animo quam oculis videre possumus, nullis legibus adstringendum censuimus.

*M.* Nullis.

*B.* Quamobrem?

*M.* Opinor, quia, juxta Paullum, ipse & sibi & aliis esset lex; ut cujus vita exprimat, quod legibus jubetur.

*B.* Recte judicas, &, quod tu magis fortasse mireris, aliquot ante Paullum seculis hoc ipsum viderat Aristoteles, naturam sequutus ducem. Quod ideo dico, ut, quod ante probatum fuerat, manifestius videas, eandem scilicet Dei & naturæ vocem esse. Verum, ut quod instituimus agamus, qui leges primi condiderunt, quid eos spectasse dicemus?

*M.* Æquitatem, opinor, ut antea dictum est.

*B.* Ego nunc non id quero, quem finem spectarint; sed potius quod exemplar sibi proposuerint.

*M.* Istud etsi fortasse intelligo, velim tamen explices, ut, si recte sentio, meum judicium confirmes; sin secus, emendes errorem.

*B.* Scis, opinor, quod sit animi in corpus imperium.

*M.* Scire videor.

XXVI. *B.* Nec illud etiam ignoras, quæcunque non temere gerimus; eorum prius in animis nostris quandam inesse imaginem, eamque longe perfectiorem operibus, quæ ad illud exemplar summi etiam artifices effingunt & velut exprimunt.

*M.* Equidem hoc mecum ipse & in dicendo & scribendo plerumque experior: sentioque non minus animo verba, quam rebus animum deesse. Nam neque noster animus, in hoc obscuro & turbido corporis carcere conclusus, rerum omnium subtilitatem perspicere potest: neque in animo rerum utcunque prævisas imagines ad alios oratione possumus ita perferre, ut non multo sint inferiores illis, quas noster sibi conformavit intellectus.

*B.* Leges ergo qui tulerunt, quid spectasse eos dicemus?

*M.* Prope videor intelligere quid velis: nempe perfecti illius Regis imaginem eos in consilio habuisse, & ad eam, quam proxime poterant, simulacrum quoddam expressisse non corporis, sed cogitationum; idque pro legibus esse voluisse, quod ille bonum & æquum fuisset arbitraturus.

*B.* Recte intelligis: hoc enim ipsum dicere volui. Nunc vero velim consideres, qualem illum ab initio Regem constituerimus. Nonne firmum adversus odium, amorem, iram, invidiam, ceterasque animorum perturbationes?

*M.* Talem certe nos eum finximus, aut hominibus illis priscis etiam fuisse credidimus.

*B.* Leges vero ecquid ad imaginem ejus latæ videntur?

*M.* Nihil similis.

*B.* Du-

*B.* Durus igitur & inexorabilis nihilo minus bonus Rex, quam bona lex.

*M.* Æque durus. Sed cum neutrum mutare queam, aut velle debeam, tamen utrumque, si queam, nonnihil inflectere velim.

*B.* Atqui Deus ne pauperis quidem vult ut in iudicio miscreamur, sed id unum quod rectum est & æquum nos jubet intueri, & secundum id unum pronunciare.

*M.* Agnosco sententiam, & veris vincor. Quando igitur Regem solvere legibus non licet, quis tandem erit legislator, quem ei tanquam pædagogum dabimus?

XXVII. *B.* Quem censes potissimum huic muneri præficiendum?

*M.* Ego, si me interrogas, ipsum Regem. Nam in reliquis fere artibus ab artificibus præcepta earum tradi videmus: quibus & ipsi, memorie confirmandæ causâ, velut commentariis utantur, & alios sui commoneant officii.

*B.* Ego contra nihil interesse video, Regemne liberum & solutum legibus relinquamus, an ei tribuamus legum jubendarum potestatem. Nemo enim se sponte vinculis induet. Ac nescio an præstet solutum relinquere, quam circumdare vinculis nihil profuturis, quippe quæ, ubi volet, exuat.

*M.* At tu, quando legibus potius, quam Regibus, regni gubernacula credis, vide quæso, ne huic, quem verbo tenus Regem facis, Tyrannum imponas, qui cum

*Imperio premat, ac vinculis & carcere frenet,*  
ac tantum non compedibus oneratum in agrum mittat, aut in pistrinum dedat.

*B.* Bona verba: neminem ego ei dominum impono, sed populo, qui ei imperium in se dedit, licere volo, ut ejus imperii modum ei præscribat: eoque jure, quod populus in se dederit, ut Rex usatur, postulo. Neque hæc leges per vim, ut tu interpretaris, imponi volo, sed communicato cum Rege consilio, communiter statuendum arbitror, quod ad omnium salutem communiter faciat.

*M.* Populo igitur vis hanc provinciam tribuere?

*B.* Populo sane, nisi tu fortasse aliter sentis.

*M.* Nihil minus æquum videtur.

*B.* Quamobrem?

*M.* Nosti illud, *Bellua multorum capitum*: Scis, opinor, quanta sit populi temeritas, quanta inconstantia.

*B.* Ego nunquam existimavi universi populi iudicio eam rem permitti debere: sed ut prope ad consuetudinem nostram ex omnibus ordinibus selecti

ad

1 *Veris vincor*] Lucret. lib. 4. ver.  
432.

*Nam majore fide debet reperiri illud*  
*Sponte sua veris quod possit vincere falso.*

[Terentianum illud ex Phorm. III. 11.  
16. *Hæi veris vincor*, observatum fuit menti  
ti Buchanani.]

ad Regem in concilium coirent. Deinde, ubi apud eos ~~propositum~~ factum esset, id ad populi judicium deferretur.

*M.* Tuum quidem consilium satis intelligo: sed nihil hac tam diligenti cautione mihi proficere videris. Regem non vis legibus esse liberum. Quamobrem? Quia, opinor intra hominem duo sævissima monstra, cupiditas & iracundia, perpetuum cum ratione bellum gerunt; expetitæ sunt leges, quæ licentiam eorum comprimerent, & nimium exultantia ad justum imperii respectum revocarent. Quid isti consultores e populo dati? nonne & ipsi eodem illo intestino bello vexantur? nonne eisdem, quibus Rex, malis conficiantur? Quanto igitur plures adjunxeris Regi velut assessores, tanto major stultorum erit numerus: a quo quid expectandum sit, vides.

*XXVIII. B.* At ego longe aliud, ac tu opinaris, expecto. Id autem cur expectem, dicam. Primum, non omnino verum est, quod tu putas, nihil ad rem facere multitudinis advectionem, quorum e numero nemo fortassis erit excellenti sapientia præditus. Non enim solum plus vident ac sapiunt multi, quam unus quilibet eorum seorsum, sed etiam quam unus, qui quemvis eorum ingenio & prudentia præcedat. Nam multitudo fere melius, quam singuli, de rebus omnibus judicat. Singuli enim quasdam habent virtutum particulas, quæ simul collatæ unam excellentem virtutem conficiunt. Quod in medicorum pharmacis, ac in primis in antidoto eo, quod Michridaticum vocant, perspicue cerni potest. In eo enim pleræque res per se noxiæ ubi confusæ fuerint, salutare adversus venena remedium afferunt. Similiter in hominibus aliis tarditas & cunctatio, aliis præcepta temeritas obest: hæc in multitudine commixtæ temperamentum quoddam, & quam in omni genere virtutis quærimus, mediocritatem pariunt.

*M.* Sit, quando ita vis, penes populum, ut leges ferat & perferat: sint Reges velut tabulariorum custodes. At cum leges inter se pugnare videbuntur, aut non satis diserte aut perspicue cavebunt, nullasne Regis partes esse voles? præsertim cum, si omnia e scripto dijudicare velis, necesse sit multa sequi absurda? Et, ut vulgatissimo utar exemplo legis illius in scholis decantatæ, *Peregrinus si in murum ascendat, capite luito*: hinc quid absurdius fieri potest, quam salutis publicæ auctorem, qui hostes subeuntes dejecit, ipsum tanquam hostilia ausum ad supplicium rapere?

*B.* Nihil.

*M.* Probas igitur vetus illud, *Summum jus, summa injuria*.

*B.* Equidem probo.

*M.* Si quid hujus generis in judicium veniat, mihi interprete opus est; qui leges, ad utilitatem omnium latas, viris bonis, & nullo in scelere deprehensis, calamitosas esse non patiatur.

XXIX:

I. Unus quilibet eorum] Vocem [quilibet] ex prima Edit. Edimb. quæ aliis omnibus exciderat, restitui.

2. Tabulariorum custodes] Tabularia sunt quæ nos Archiva appellamus. Virg. Geo.

II. 502.

Insanumque formam, aut populi tabularia vidit.

Ubi Servius, Populi tabularia sunt, ubi actus publici continentur.



XXIX. B. Recte sentis. Neque, si satis animadvertisti, aliud a me in tota hac disputatione quaesitum est, quam ut illa Ciceroniana lex sancta & inviolabilis esset; *Populi salus suprema lex esto*. Igitur, si quid tale in iudicium venerit, ut non sit obscurum, quid bonum & æquum sit, Regiæ partes erunt prospicere, ut lex ad illam, quam dixi, regulam dirigatur. Sed tu mihi Regum nomine plus postulare videris, quam qui eorum imperiosissimi sunt sibi sumant. Scis enim ad iudices rejici solere hoc genus quaestionum, cum aliud lex dicere, aliud legis auctor voluisse videtur, perinde atque illas, quæ de ambiguo jure aut legum inter se discordia oriuntur. Itaque his de rebus gravissimæ sunt patronorum in foro contentiones, & rhetorum præcepta diligentissime tradita.

M. Scio ista fieri quæ dicis. Sed mihi in hac parte non minor injuria fieri videtur legibus, quam Regibus. Satiùs enim puto ex unius viri boni sententia statim litem finire, quam ingeniosis hominibus, & interdum veteratoribus, obscurandi potius, quam interpretandi leges potestatem dari. Nam, dum non solum de causis litigantium, sed de gloria ingenii, inter patronos contenditur, interim lites aluntur, jus, fas, æquum, iniquum, in discrimen vocatur; &, quod Regi negamus, hominibus inferiorum ordinum permittimus, plerumque non tam veri, quam litigandi studiosi.

B. Oblitus mihi videris quidnam inter nos nuper convenit.

M. Quidnam id est?

B. Regi optimo, qualem initio descripsimus, adeo libera omnia permitenda, ut ne legibus quidem ullis opus esset. At, cum uni e multitudinis is honor habetur, qui non multo sit aliis excellentior, aut etiam quibusdam inferior, periculosam esse liberam istam & solutam legibus licentiam.

M. Hoc vero quid ad legum interpretationem?

B. Plurimum. Nisi forte non animadvertis, quod aliis verbis infinitam illam & immoderatam potestatem, quam antea Regi negaveramus, ei restituamus: nempe, ut pro animi libidine omnia sursum deorsum verteret.

M. Istud ego si facio, certe imprudens facio.

XXX. B. Dicam ergo apertius, ut intelligas. Cum Regi legum interpretationem concedis, hanc tribuis ei licentiam, ut lex non dicat, quod lator sentit, aut quod in commune sit æquum & bonum, sed quod in rem sit interpretis: utque is ad omnes eam actiones, commodi sui causa, velut Lesbiam regulam, inflectat. Ap. Claudius in decemviratu legem tulerrat æquissimam, *Ut in liberali causa vindictæ secundum libertatem darentur*. Quid apertius dici poterat? At interpretando idem auctor legem suam fecit inutilem. Vides, opinor, quantam uno versu des Principi licentiam: nempe ut, quod volet ille, dicat lex; quod nolit, non dicat. Id si semel recipiamus, nihil proderit bonas leges condere, quæ Principem bonum sui officii admoneant, malum circumscribant. Imo, ut dicam apertius, nullas omnino leges habere præstaret, quam liberum latrocinium, atque etiam honoratum, sub legis prætextu, tolerari.

M. Putasne Regum aliquem fore tam impudentem, ut famæ opinionisque

Tom. I.

Rrr rr

omnium

omnium de se nullam sit prorsus rationem habiturus ; aut tam sui suorumque oblitum , ut in eorum pravitatem degeneret , quos ipse ignominia , carceribus , bonorum publicatione , gravissimis denique suppliciis , coercuerit ?

*B.* Non credamus ista fore , nisi jampridem facta sint , idque totius orbis maximo malo.

*M.* Ubi tandem hæc facta narras ?

*B.* Ubi , rogas ? Tanquam non omnes per Europam nationes non modo viderint , sed etiam senserint , quantum rebus humanis invexerit mali , non dico immoderata potestas , sed effrena Romani Pontificis licentia. Ea quam ex modicis , & in speciem honestis , 'occeperit initis , quam nihil minus potuerit ab incautis timeri , nemo ignorat. Primum leges erant nobis propositæ , non modo e penitissimis naturæ arcanis erutæ , sed ab ipso Deo latæ , a Spiritu ejus per prophetas explicatæ , postremo a Dei Filio , eodemque Deo , confirmatæ , tot laudatissimorum hominum scriptis commendatæ , vita expressæ , sanguine consignatæ. Neque alius in tota lege locus , aut diligentius , commendatius , aut explicatius traditus , quam is , qui est de officio Episcoporum. Illis autem legibus cum nulli sit fas quicquam adjicere , abrogare , derogare , immutare , una restabat interpretatio. Eam *Romanus Episcopus* cum sibi arrogasset , non modo reliquas oppressit Ecclesias , sed tyrannidem , sævissimam omnium , quæ unquam fuerunt , sibi vindicavit : nec hominibus tantum , sed Angelis etiam imperare ausus , Christum plane in ordinem redegit : nisi id non est in ordinem redigere , ut quod tu velis , in cælo , in terris , apud inferos , sit ratum : quod Christus jussit , ita demum sit ratum , si tu velis. Nam si in rem tuam parum videatur lex facere , ita interpretando poteris deflectere , ut non modo per tuum os , sed ex animi tui sententia , loqui cogatur Christus. Christo itaque per os Pontificis Romani loquente , *Chilperico Pipinus* , *Joanni Navarra Ferdinandus Arragonius* est substitutus : filius in patrem , cives in Regem arma impia sumserunt : Christus veneno imbutus , deinde ipse veneticus fieri coactus est , ut veneno tolleretur *Henricum Luxemburgicum*.

*M.* Hæc ego non nunc primum audio : sed de ista legum interpretatione apertius audire aveo.

XXXI. *B.* Unum tibi proponam exemplum , e quo totum hoc genus quantum valeat , facile intelligas. Lex est ; *Oportet Episcopum esse unius uxoris virum* : qua lege quid apertius , quid explicatius dici potest ? *Unam uxorem* ille *Unam Ecclesiam* interpretatur. Quasi ea lex non libidini , sed avaritiæ Episcoporum reprimendæ sit posita. Hæc autem explicatio , etsi nihil ad rem facit , tamen sententiam sane honestam & piam continet , nisi eam rursus idem alia interpretatione vitiasset. Quid ergo hic Pontifex comminiscitur ? Variat , inquit , personis , causis , locis , temporibus. Quidam ea nobilitate

[ *Occeperis initis* ] Ita princeps editio Edimb. quod aliz omnes in [ *acceperis* ] corruerunt.

te sunt ; ut eorum fastui nullus Ecclesiarum numerus possit sufficere. Quædam rursus adeo pauperculæ sunt Ecclesiæ , ut ne monacho quidem, nuper mendico , nunc mitrato , suppetat inde victus , si nomen Episcopi tueri velit. Inventa est ratio ex illa callida juris interpretatione , ut unius Ecclesiæ Episcopi dicantur , aliæ eis commendentur , omnes exspolientur. Dies me deficiet , si fraudes colligere velim , quæ adversus unam legem quotidie excogitantur , sed hæc etsi indigna sint & nomine Pontificio & homine Christiano , tyrannis eorum ibi non constitit. Ea est enim omnium rerum natura , ut ubi semel in præceptis ire cœperint , nusquam ante consistant , quam ad interitum labantur. Vis illustri exemplo tibi hoc commonstrem ? Meministine cujusquam inter Imperatores Romani sanguinis , qui fuerit aut crudelior aut nequior , quam C. Caligula.

*M.* Nullus , quod sciam , fuit.

*B.* Quod autem nequissimum ejus facinorum putas ? Non illa dico ; quæ Pontifices in casibus reservatis numerant , sed in reliqua ejus vita.

*M.* Non succurrit.

*B.* Quale tibi illud videtur , quod equum , nomine Incitatum , ad coram invitavit ? quod hordeum aureum apposuit ? quod Consulem designavit ?

*M.* Omnino nequiter factum.

*B.* Quid illud , quod eundem sibi collegam in sacerdotio adscivit ?

*M.* Serione hæc narras ?

XXXII. *B.* Serio certe. Neque adeo miror tibi hæc videri conficta. Sed noster ille Jupiter Romanus hæc , ut vera posteris videantur , perfecit : Julium dico Tertium Pontificem , qui mihi videtur certamen de principatu nequitiae cum homine nequissimo C. Caligula sibi instituisse.

*M.* Quid is fecit ejus generis ?

*B.* Simiae suæ custodem , hominem prope nequiores bestia nequissima ; collegam sibi in sacerdotio cooptavit.

*M.* Alia legendi fortasse causa fuit.

*B.* Narrantur & aliæ : sed ego selegi honestissimam. Igitur , cum tantus non modo sacerdotii contemptus , sed etiam humanitatis oblivio , ex ista leges interpretandi licentia , sit nata , vide ne istam potestatem exigam putes.

*M.* At mihi veteres non videntur tam magnum existimasse hoc interpretandi munus , quam tu id videri vis. Quod vel hoc uno argumento intelligi potest , quod Imperatores Romani jurisconsultis id permiserint. Quæ una ratio totam istam verbosam tuam Disputationem evertit. Neque solum id , quod de magnitudine istius potestatis dixisti , refellit , sed illud quoque , quod tu maxime vitas , perspicue declarat , quam aliis potestatem de jure respondendi dederunt , eam ipsis non fuisse negatam , si id munus exercere voluissent , aut per occupationes potuissent.

XXXIII. *B.* Quod ad Imperatores Romanos attinet , quos , nullo neque judicio neque utilitatis publicæ respectu , milites sibi præficiebant , hi

sub hanc Regum, quam descripsimus, formulam non veniunt; ut qui a genere hominum scelestissimo, & fere scelestissimus quisque, eligebantur, aut ipsi per vim in eum locum irrumpebant. Quod autem jurisconsultis potestatem respondendi de jure dederint, non reprehendo. Etsi enim ea maxima est, ut ante dixi, tutius us tamen creditur, quibus tyrannidis instrumentum esse non potest. Deinde pluribus credebatur, quos mutua reverentia continebat in officio; ut, si a recto declinassent, alterius responso refellerentur. Qui si etiam in fraudem consensissent, supererat iudicis auxilium, cui non erat necesse pro lege habere quicquid responsum a iureconsulto fuisset. Supererat & Imperator, qui legum violatarum poenis expetere poterat. Tot vinculis cum tenerentur stricti; poenamque gravio-rem timerent, quam expectarent fraudis præmium, vides, opinor, non adeo magnum ab isto genere hominum timendum fuisse periculum.

*M.* Eritne præterea quod de Rege dicas?

*B.* Primum, si tibi videtur, paucis colligamus quæ dicta sunt: ita facilius, si quid prætermisissimum sit, intelligemus.

*M.* Ita censeo faciendum.

*B.* De origine & causa creandorum Regum & legum, satis convenire videbatur: de auctore legis, non item. Sed visus es mihi tandem, etiam subinvitus, tamen vi ipsa veritatis coactus, consensisse.

*M.* Certe non modo potestatem legum jubendarum, sed etiam eas interpretandi, & quidem me patrono strenue reclamante, Regi abstulisti. Qua in re vereor, ne, si res palam fiat, aliquando prævaricationis coarguar: adeo facile bonam, ut ab initio videbatur, causam mihi de manibus extorqueri sum passus.

*B.* Bono animo es: nam si quis in hac causa te prævaricationis infimulet, ego tibi gratuitum patrocinium polliceor.

*M.* Illud fortasse brevi experiemur.

XXXIV. *B.* Multa etiam negotiorum genera nobis visa sunt, quæ nullis legibus comprehendi possint: quorum partem ad iudices ordinarios, partem ad concilium, Rege non invito, rejecimus.

*M.* Factum quidem memini. Atque id cum faciebas, scisne quid mihi in mentem veniebat?

*B.* Qui possum, ni tu dixeris?

*M.* Videbaris mihi Reges quodammodo similes effingere \* sigillis lapideis, quæ plerumque in capitulis columnarum ita niti videntur, ac si totam structuram sustineant; cum tamen revera nihilo plus oneris ferant, quam quivis alius lapis.

*B.* Quid, bone Regum patrone? quereris me parum oneris eis imponere, cum illi dies noctesque nihil aliud agunt, quam ut socios oneri ferendo quaerant, aut in quos omnino se exonerent? Et tu interim indignari videris, quod laborantibus subsidium feram.

*M.* Ego

3 Sigillis i. e. parvis signis, seu salsis.



*M.* Ego quoque libenter istas auxiliares copias recipio, sed tales velim, quæ serviant, non quæ imperent; quæque viam præmonstrent, non quo velint ducant, aut verius pertrahant, vel tanquam machinam impellant; nec aliam potestatem Regi relinquunt, nisi ut eis assentiat. Itaque jamdudum exspecto, ut, absoluto de Rege sermone, ad Tyrannos aut quoquam alio divertas. Regem enim tam angustis finibus inclusisti, ut verear, ne, si diutius immoremur, e maximis opibus ac summa dignitate velut in desertam aliquam insulam cum releges, ubi, omnibus exutus honoribus, in egestate & miseriis consenescat.

*B.* Tu metuebas, ut præ te fers, prævaricationis crimen. At ego metuo, ne Regi, quem defendere conaris, calumniando noceas. Primum ego cum non otiosum esse volo, nisi tu architectos otiosos esse statuas: deinde bonis ministris & amicis, quos ego non velut custodes adjeci, sed ab ipso in partem laboris acciri volui, cum spoliis; eisque abactis cohortem nebulonum circumdas, qui metuendum cum suis reddant; neque formidabilem fore putas, nisi magnam nocendi potestatem ei relinquamus. Ego amari a suis cum volo; nec terrore civium, sed benevolentia, septum esse: quæ sola arma Reges inexpugnabiles efficiunt. Id, nisi tu repugnes, brevi me effecturum spero. Nam, ex iis, quas tu vocas angustas, in lucem eum educam: unaque lege tantum ei auctoritatis & amplitudinis adjiciam, ut eo si amplius optet, impudens tibi videri possit.

*M.* Istud quidem audire avelo.

XXXV. *B.* Igitur, ut, quamprimum cupiditati tuæ satisfaciam, rem ipsam aggrediar. Paullo ante confessi sumus, nullam legem ita diserte ulla de re cavere posse, ut malitiosa calliditas locum fraudi non inveniat. Id fortasse exemplo proposito facilius intelligetur. Cautum est legibus, ne patres sacerdotia sua spuris suis traderent. Hic, in re, ut videtur, aperta, fraus tamen inventa est, ut pater alium substituatur, isque spurio prioris domini idem sacerdotium tradat. Deinde, cum esset diserte adscriptum legi, ne, quod pater aliquando sacerdotium tenuisset, filius ulla ratione teneret: neque hac cautione quidquam profectum est. Reperta est enim adversus eam illa coitio inter sacerdotes, ut uterque alterius filium sibi substitueret. Id quoque cum vetitum esset, etiam novo genere fraudis lex elusa est. Adversus patrem litigator supponitur, qui fingat sibi in id sacerdotium jus esse. Dum pater cum supposito sycophanta umbratili pugna velitatur, filius a Pontifice Romano sacerdotium petit, si neutri litigantium in illud sit jus; utrumque litigatorem volentem ac cedentem ultro vincit, & paterno sacerdotio per paternam prævaricationem potitur filius. Vides in una lege quot fraudum genera sunt inventa.

*M.* Video.

*B.* Nonne tibi legum latores hinc prorsus idem facere videntur quod medici, qui cum eruptiones pituitæ, aut alterius humoris noxii, adhibito emplastro compescere nituntur, humor uno inhibitus loco pluribus simul exitum quærit; ac, velut hydra quædam, uno reciso capite multa remascentia profert?

R r r r r 3.

*M.* Ni-

*M. Nihil similius.*

XXXVI. *B. Quod medico fuerat initio faciendum, ut totum \* simul corpus noxiis humoribus levaret, nonne idem hoc loco civilis medicus facere debet, ut civitatem universam levet malis moribus?*

*M. Istam, etsi difficilem, tamen veram esse reor curandi rationem.*

*B. Et hoc si obtineri queat, paucis arbitror opus esse legibus.*

*M. Ita prorsum res habet.*

*B. Hanc medicinam qui adhibere poterit, nonne tibi videtur solus plus in publicum collaturus, quam omnes omnium Ordinum conventus ad legum rogationem coacti?*

*M. Longe plus procul dubio. Sed, ut Comici verbis utar, Quis erit hic tam potens cum tanto munere?*

*B. Quid si has partes Regi mandemus?*

*M. Lepide profecto: quæ pronaerant & facilia, ea populo universo commisisti; si quid arduum est & asperum, id Regi etiam soli mandabis, tanquam non satis habeas cum vinculis constrictum tot claustris circumdare, ni onus gravissimum, sub quo etiam succumbat, imponas.*

*B. Non est ita, sed rem ab eo facilem, non contendimus, sed ut exorari se sinat oramus.*

*M. Quid id tandem est?*

*B. Ut quales patres erga liberos esse debere censeat, talem se erga cives (quos liberorum loco habere debet) in omni vita se præstet.*

*M. Quid istud ad rem?*

XXXVII. *B. Hæc profecto una, certe summa, adversus mores corruptos est medicina. Ac, ne meum putes hoc commentum esse, audi Claudianum: IV. Consul. Honor. v. 293.*

*Tu civem, patremque geras: tu consule cunctis,*

*Non tibi: nec tua te moveant, sed publica vota.*

*In commune jubes si quid, censesque tenendum,*

*Primus jussa subi. Tunc observantior equi*

*Fit populus, nec ferre negat, cum viderit ipsum*

*Auctorem parere sibi. Componitur orbis*

*Regis ad exemplum. Nec sic inflectere sensus*

*Humanos edicta valent, ut vita regentis.*

*Mobile mutatur semper cum Principe vulgus.*

Noli existimare poetam, summo ingenio & doctrina præditum, frustra credere tantam in hac re vim esse positam: est enim vulgus ad eorum imitationem adeo compositum, in quibus aliqua probitatis imago elucet, adeo mores eorum exprimere conatur, ut, quorum admiratur virtutem, eorundem etiam quædam vitia, in sermone, vestitu, incessu, reddere conetur. In Regum vero cultu, moribus, oratione assimulanda, se exercent, non solum imi-

\* Simul corpus noxiis humoribus levaret) & contextus, non, quod libros occupavit legendum monstrat orationis scopus vix semel corpus n. b. l.

imitandi studio, sed etiam ut per adulationem in potentiorum animos sese infinuent, & rem, honores, potentiam, his artibus aucupentur: quippe qui natura comparatum sciant, ut non modo nos nostraque amemus, sed similitudinem nostri, licet vitiosam, in aliis amplectamur. Hoc autem quod non improbe & superbe flagitamus, sed precario impetrare conamur, majorem longe vim habet, quam legum minæ, quam suppliciorum ostentatio, quam militum copiarum. Hoc populum sine vi reducit ad modestiam, Regi civium benevolentiam conciliat, publice tranquillitatem, privatim singulorum opes auget & tuetur. Cogitet igitur assidue Rex, se in orbis theatro positum, omnibusque ad spectaculum propositum, nullum dictum aut factum suum latere posse, [ut idem Poëta ibid. v. 271.]

—nec posse dari regalibus usquam

*Secretum vitiiis. Nam lux altissima sati*

*Occultum nihil esse finit: latebrasque per omnes*

*Intrat, & abstrusos explorat fama recessus.*

XXXVIII. Quanta igitur Principibus in utramque partem adhibenda est cautio? cum neque vitia, neque virtutes eorum, latere queant, neque sine magna rerum mutatione vulgari? Quod si quis adhuc dubitat, quantum invita Principis momentum sit ad emendationem disciplinæ publicæ, is ponat ante oculos Romæ nascentis primordia. Populus ille rudis bonarum artium, e pastoribus & convenis, ne quid dicam durius, collectus, ipse natura ferox, Regem nactus ferocissimum, cum velut castra posuisset ad vicinarum gentium pacem sollicitandam. & arma laceffenda, quantum putas vicinorum odium, quantum pavorem fuisse? Idem ille populus, cum Regem pium & justum sibi præfecisset, ita repente mutatus est, ut cum cultui deorum & justitiæ deditum prope nefas violare vicinis sit visum: iis, inquam, vicinis, quorum agros antea vastaverat, urbes incenderat, liberos & propinquos in servitutem abduxerat. Quod si, in illa morum immanitate & temporum incultu, tantum Numa Pompilius, e gente inimica paullo ante Rex accitus, potuit; quid expectabimus, aut potius quid non expectabimus, ab eis Principibus, qui propinquitatibus, & clientelis & vetustis opibus subnixi, imperium accipiunt? qui in eam spem nati & educati sunt? Quantum autem eorum animos ad virtutem accendere debet, quod non unius diei laudem, ut histriones fabula bene acta, sperent, sed ætatis suæ benevolentiam & admirationem, & perpetuam ad posteros celebritatem, & honores divinis proximis sibi paratos esse intelligant? Ejus honoris utinam, quam animo concepimus, verbis imaginem exprimere possem. Sed, ut aliqua ex parte primis lineamentis informatam tibi eam proponam, cogita tecum serpentem illum æneum in Arabia deserta a Mose erectum, solo aspectu vulnera ab aliis serpentibus facta sanantem: cogita e multitudinem numerosa alios a serpentibus ictos, & ad reme-

† Ne quid dicam durius] Buchananus ob oculos fuisse videtur Juvenalis Sat. vii. ult.

Majorum primus quisquis fuit ille tuorum,  
Aut pastor fuit, aut illud quod dicere nolo.

remedium praesens concurrentes, alios rei novae miraculo attonitos, omnes immensam & incredibilem Dei beneficentiam omni laudis genere celebrantes: cum videant letiferi vulneris dolores, non medicamentis, cum cruciatu aegri, labore medici, & amicorum assidua sollicitudine, tolli; non longinquitate temporis, sed uno momento, ad sanitatem reduci. Jam confer mihi cum serpente illo Regem, sed ita confer, ut & Regem bonum in maximis Dei beneficiis numeres: qui solus, sine tua impensa, sine tuo labore, omnes regni molestias levet, perturbationes sedet, & vetusta etiam animorum ulcera ad cicatricem brevi perducatur: nec tuis modo sit salutaris, qui cum cominus intuentur, sed qui tam longe absint, ut nec ejus videndi spem ullam habeant: cujus in imagine animis oblata tanta sit vis, ut id facile perficiat, quod nec jurisperitorum prudentia, nec Philosophorum scientia, nec tot seculorum in artibus colligendis experientia, praestare unquam potuerit. Qui vero honor, quae dignitas, quae amplitudo aut majestas, major in homine ullo dici aut excogitari potest, quam ut sermone, congressu, aspectu, fama, tacita denique specie animis oblata, luxu diffuentes ad modestiam, violentos ad aequitatem, furiosos ad sanitatem, reducat? Potestne, si velis, majus hoc a Deo rebus humanis propitio beneficium postulare?

XXXIX. Haec est vera, nisi fallor, imago Regis, non illa circumsepti armis, semper metuentis, aut metum facientis, ex odio in populum suo populi in se odium metientis. Hanc imaginem, quam posuimus, expressit pulcherrimis coloribus Seneca in Thyeste. Quod carmen, cum sit elegantissimum, tibi notum esse non ambigo. Ecquid tibi nunc humiliter & contentum de Rege sentire videor? & cum (quod nuper dicebas) oneratum compedibus in legum ergastulum compingere? Annon potius in lucem & hominum coetus, & publicum humani generis theatrum, cum produco? non superbo spiculatorum & μαχαροφόνων coetu, sericatisque nebulonibus, stipatum, sed sua tutum innocentia; nec armorum terrore, sed populi amore munitum: nec modo liberum & erectum, sed honoratum, sed venerabilem, sacrosanctum & augustum; cum bonis omnibus & faustis acclamationibus prodeuntem, &, quocunque progrediatur, omnium ora, oculos & animos in se convertentem? Quae ovatio, quis triumphus cum hac pompa quotidiana comparari potest? Aut, si Deus humana specie delaberetur in terras, quis ab hominibus major honos ei haberi posset, quam qui vero Regi, hoc est, vivo Dei simulacro, exhiberetur? Hoc enim majorem honorem nec amor largiri, nec metus exprimere, nec adulatio posset comminisci. Haec tibi Regis imago ecquid videtur?

XL. M. Splendida sane, & adeo magnifica, ut nihil dici aut excogitari magnificentius posse videatur. Sed in his temporum nostrorum corruptis moribus, difficile est ut haec animi magnitudo existat, nisi ad honestam indolem & naturae bonitatem diligentia educationis accedat. Animus enim ab adolescentia bonis institutis & artibus informatus, ubi, & aetate & usu rerum confirmatus, ad veram gloriam virtute nititur, frustra voluptatum tentatur illecebris, & rerum adversarum labefactatur impressionibus. Ita enim

De-



*Doctrina — vim promovet insitam,*

*Rectique cultus pectora roborant;*

ut in ipsis voluptatum avocamentis virtutis exercendæ occasionem inveniat ; & quæ infirmiores terrere solent , difficultates in iis materiam laudis sibi oblatam virtus existimet. Itaque , cum ad omnes vitæ partes tantum sit in liberali educatione momentum , quanta cura & sollicitudine prospiciendum est , ut tenelli Regum animi recte a primis initiis usque imbuantur. Nam , cum multa bonorum Regum in suos cives sunt beneficia , multæ contra calamitates a malis Principibus proficiuntur , tum nihil in omnem partem majorem mihi vim habere videtur , quam & Regum ipsorum , & aliorum , qui summum imperium una administrant , studia & mores. Quod enim a singulis bene vel secus fit , plerumque multitudinem latet ; aut , propter hominum obscuritatem , exemplum ad paucos pertinet : at eorum , qui Reipublicæ gubernacula tractant , dicta factaque omnia , velut in *vestiva tabella* , ut inquit Horatius , conscripta , latere non possunt , sed omnibus ad imitationem sunt proposita. Neque enim studio placendi modo , sed utilitatis blandissimis invitamentis animos omnium ad se convertunt : ac perinde ut Regum ingenia impelluntur , disciplinam publicam secum circumagunt. Sed illud metuo , ne Reges nostri se exorari patiantur , ut hæc præstent , quæ modo abs te posita sunt. Adeo enim voluptatum illecebris fracti sunt , & falsa specie honoris decepti , ut idem propemodum eos facere existinem , quod Trojanis , qui cum Paride navigarunt , quidam poëtarum evenisse nar- rant. Vera enim Helena in Ægypto , apud Prothea , hominem sanctum ac plane divinum , relicta , de simulacro ejus per annos decem ita pertinaciter contenderunt , ut idem finis belli perniciosissimi & regni illorum temporum opulentissimi fuerit. Tyranni enim impotentes falsam istam regni speciem amplexi , cum per fas nefasque eam semel adepti fuerint , nec sine scelere eam tenere , nec sine perniciæ amittere , possunt. Quod si quis eos admoneat , veram Helenam , de qua se dimicare putant , alicubi absconditam celari , pro infano eum haberent.

XLI. B. Gaudeo equidem te ; si non illam vere Jovis filiam videris , saltem ex hoc qualicunque simulacro ejus pulchritudinem aliqua ex parte intelligere. Quod si isti falsæ illius Helenæ magno cum suo malo amatores veræ hujus perfectam imaginem a Protogene aliquo vel Apelle depictam suis coloribus viderent , non dubito , quin eam & admirarentur & deperirent : ac , nisi continuo illam alteram res suas habere juberent , in illas gravissimas inciderent poenas , quas in Satyris Persius imprecatur Tyrannis :

*Magne pater Divum , sævos punire Tyrannos*

*Haud alia ratione velis , cum dira libido*

*Move.*

1 Sed illud metuo , ne Reges nostri se exorari patiantur] Pro ne non patiantur , & ita quidem antiquos nonnunquam locutos contendit Linacer de Struct. lib. 6. veluti Cic. *Vereor ne satis diligenter in* Tom. I.

Scutu actum sit de literis meis. Verum locum corruptum existimat Stewechius , atque pro ne reponendum ut , cui adstipulatur princeps Grammaticorum Vossius , Arist. lib. VII. cap. 67.

SSS SS

1 No-

*Moverit ingenium ferventi tinta veneno,  
Virtutem videant, intabescantque relicta.*

Atque adeo, quando in Tyrannorum mentionem incidimus, visne ut hinc recta ad eos progrediamur?

*M.* Nisi quid prævertendum putas.

*B.* Minime autem, arbitror, aberrabimus, si eisdem vestigiis, quibus in Rege quærendo institimus, ad Tyrannum reperendum ire pergamus.

*M.* Ita censeo. Nam eo pacto quod sit inter eos discrimen facillime intelligemus, si ex adverso compositi inspectentur.

XLII. *B.* Ac primum, ut a *Tyranni* nomine incipiamus, id cujus lingue sit, incertum arbitror. Itaque supervacuum nobis puto Græcum aut Latinum *tyrannos* in eo quærere. Quid vero veteres appellarunt *tyrannidem*, non opinor obscurum cuiquam, qui paullo diligentius in studiis humanioribus sit versatus. *Tyranni* enim & Græcis & Latinis vocabantur, penes quos erat libera omnium rerum potestas, nullis legum vinculis adstricta, aut judicum cognitionibus obnoxia. Itaque, in utraque, ut scis, lingua, non modo heroes & hominum præstantissimi, sed & deorum maximi, atque adeo Jupiter ipse, *Tyrannus* vocatur, idque ab eis, qui de diis honorifice & sentiunt & loquuntur.

*M.* Istud quidem non ignoro: eoque magis miror unde factum sit, ut id nomen tot jam sæculis odiosum, atque etiam inter gravissima convicia, habeatur.

*B.* Id certe in hoc vocabulo evenisse videtur, quod in plerisque aliis contigit. Verborum enim per se naturam si consideres, <sup>1</sup>noxia caret. Et quamvis alia levius, alia asperius <sup>2</sup>ad audientium aures accidunt, tamen nihil omnino ex sese habent, cur animos ad iram, odium, aut hilaritatem excitent, aut alioqui voluptatem aut molestiam creent. Si quid autem tale nobis accadat, id non a verbo, sed a consuetudine hominum, & imagine ab audientibus concepta, evenire solet. Igitur quod verbum apud alios honestum est, apud alios sine honoris præfatione audiri non potest.

*M.* Memini quiddam simile in *Neronibus* & *Judis* factum: quorum alterum apud Romanos, alterum apud Judæos, nomen, in summis viris amplissimum atque honoratissimum existimabatur. Postea vera nulla ipsorum nominum, sed duorum hominum culpa factum est, ut ne sceleratissimi quidem hæc nomina suis liberis dari velint; adeo inter infamia delituerunt.

XLIII. *B.* Idem quoque in *Tyranno* evenisse perspicuum est. Primos enim magistratus, qui ita appellabantur, viros bonos fuisse credibile est, vel hinc, quod nomen id aliquando tam fuerit honorificum, ut ad deos etiam transferretur.

<sup>1</sup> *Noxia caret*] i. e. culpa. Servius ad *Virg. Æneid.* l. 45. *Hoc interest inter noxam & noxiam, quod noxia culpa est, id est, peccatum; noxa autem pœna.* [Vana hæc Grammaticorum distinctio, cum passim *noxa* etiam pro culpa ponatur. vid. *Terent. Phorm.* II. 1. 36. & ipse *Virgilius*

locus *Servium* errasse docet. Verior ergo *Donati* sententia ad *Phorm.* I. IV. 48. *Noxiam esse per epenthesin ab eo, quod est noxa.*

<sup>2</sup> *Ad audientium aures accidunt*] Vid. ad *Hist.* lib. I. Cap. 7.

retur. Posterius suis sceleribus ita reddiderunt infame, ut omnes tanquam contagiosum & pestilens id fugerent, leviusque putarent convicium, carnicem quam *Tyrannum* appellari.

M. Idem fortasse hic evenit, quod Regibus Romæ, post Tarquinius exactos; quod in Dictatoris nomine, post M. Antonium & P. Dolabellam Consules.

B. Rem tenes. Contra vero humilia & plebja nomina, virtute hominum, quibus ea contigerunt, facta sunt illustria: ut apud Romanos, *Camillus*, *Metellus*, *Scropha*; apud Germanos, *Henricus*, *Genfericus*, *Carolus*. Id adeo magis intelliges, si animadvertas, nomine Tyranni sublato, rem tamen atque hoc imperii genus apud multas nationes illustres in honore pristino permanisse: ut apud Græcos <sup>1</sup> *Æsymnetas*, apud Romanos *Dictatores*. Utrique enim *Tyranni* legitimi erant: sed *Tyranni* quidem, quia legibus potentiores erant, legitimi autem, quia populi consensu electi.

M. Quid ego audio? legitimos etiam esse *Tyrannos*? Ego longe aliud certe a te exspectabam. Nunc vero confundere videris omnium *Regum* & *Tyrannorum* discrimina.

XLIV. B. *Reges* profecto & *Tyranni* apud veteres idem plane fuisse videntur, sed diversis, opinor, temporibus. *Tyrannorum* enim nomen, opinor, antiquius fuit: deinde, ubi ejus nominis est periculum, successerunt in eorum locum *Reges*, nomine blandiore & mitiore imperio. His quoque degenerantibus, legum adhibita est moderatio, quæ fines imperii infinitis eorum cupiditatibus <sup>2</sup> statuerent. Hominibus vero, pro ratione temporum & moribus hominum, nova remedia expetentibus, & veterum imperiorum eos periculum est, & nova quæsit. Nobis vero de duobus generibus principatuum in præsentia institutus est sermo; de eo, in quo legum, quam *Regum* fortiora sunt imperia, deque pessimo *Tyrannidos* genere, in quo omnia Regno sunt contraria: eaque inter se comparanda suscepimus.

M. Ita est: ac vehementer exspecto, ut isthuc venias.

B. Igitur initio inter nos convenerat, *Regum* societati humanæ tuendæ fuisse creatum. Officium vero ejus esse statuimus, ut, ex legum præscripto, jus suum unicuique redderet.

M. Memini.

B. Primum igitur, qui eum magistratum non populi voluntate accipit, sed vi invadit, vel fraude intercipit, quo eum nomine appellabimus?

M. *Tyrannum*, opinor.

XLV.

<sup>1</sup> *Æsymnetas*] De his ita Aristoteles lib. III. Polit. cap. 10. de Monarchiæ generibus agens, *tertius*, inquit, *species est*, ut olim in Græcia fuerit, quos vocabant *Æsymnetas*. Est autem hac species, ut ita dicam, *electiva tyrannis*: potestas autem ejusmodi, aut quoad viveret is, qui ea potiebatur, durabat, aut tempore quodam defini-

to, quum res scilicet gesta essent, desinebat. Vide etiam Dion. Halicarn. Antiq. Rom. lib. v. cap. 73 qui *ἄσυνετος ἀρχὴν τοῦ τυραννικοῦ* vocitat, indeque ad Romanos *Dictatores* creandi institutum permanisse affirmat.

<sup>2</sup> *Statuerent*] Ita princepseditio Edimb. reliquæ omnes, *statueret*.

SSSS 2

XLV. *B.* Sunt & alia multa discrimina, quæ quia ex Aristotele facile quivis colliget, ideo breviter ea percurram. Regium enim imperium secundum naturam est, tyrannicum, contra; Rex volentibus, Tyrannus invitis imperat; Regnum, liberi inter liberos est principatus, Tyrannis, domini in servos; Regi cives excubant ad salutem ejus tuendam, Tyranno peregrini ad cives opprimendos: alter enim civibus, alter sibi gerit imperium.

*M.* Quid eos, qui per vim, & citra populi consensum, summum imperium sunt adepti, ita tamen multos annos civitatibus suis præfuerunt, ut eorum administrationis populum non poenituerit? Quantulum enim est, quod in Hierone Syracusano potuit, aut in Cosmo Medice Florentino potest, ad justî Regis functionem, præter legitima suffragia, desiderari?

XLVI. *B.* Istos quidem e Tyrannorum numero eximere non possumus. Præclare enim ab historico egregio dictum est, *Vi quidem regere patriam aut parentes quanquam & possis, & delicta corrigas, tamen importunum est.* Deinde, isti mihi perinde facere videntur ac latrones, qui male parta commode dividendo, ex injuria, justitiæ, & e rapina, liberalitatis laudem quærunt: neque tamen quod petunt assequuntur. Nam unius maleficii odio omnem illam ostentatæ beneficentiæ gratiam amittunt: eoque munus civilis animi civibus fidem faciunt, quod non eorum commodis, sed dominatui suo, id præstant, ut videlicet securius suis voluptatibus fruantur, & posteris, odio populi paullum lenito, imperium stabiliant. Id autem ubi perfecerint, ad mores veros redeunt. Fructus enim qui sit sequuturus, e semente facile potest intelligi. Ad suum enim unius nutum omnia revocare, & omnium vim legum in se transferre, eandem vim habet, ac si omnes leges abroges. Sed hoc Tyrannorum genus fortasse tolerandum fuerit, si absque publica perniciæ tolli non possit: velut quosdam corporis morbos potius perferimus, quam vitam in ancipitem dubiæ curationis aleam conjiciamus. At, qui palam non patriæ, sed sibi gerunt imperium, neque publicæ utilitatis, sed suæ voluptatis rationem habent, qui stabilimentum suæ auctoritatis in civium infirmitate collocant, quique regnum, non procurationem a Deo creditam, sed potius prædam sibi oblatam, credunt, hi non civili nobiscum, aut aliquo humanitatis vinculo juncti sunt, sed Dei & hominum hostes maxime omnium capitales judicari debent. Omnes enim Regum actiones, non suas opes privatim, sed publice civium incolumitatem, spectare debent: quantoque superæterorum hominum fastigium Reges sunt evecti, tanto magis imitari cælestia corpora debent, quæ nullis officiis nostris conciliata, vim sui caloris & luminis vitalem & beneficam rebus humanis infundunt. Hujus munificentiae vel tituli ipsi, quibus Reges honestavimus: (si meministi) admonere poterant.

*M.* Videor meminisse: nempe ut paternæ uterentur indulgentiæ erga cives, liberorum loco sibi commissos; in utilitate procuranda, pastoris diligentia: in salute tuenda, duces; virtutum excellentia, prætores; quæ ex usu essent jubendo, imperatores sese præstarent.

XLVII.



**XLVII. B.** Paterne igitur is dici potest, qui cives habet pro servis? aut pastor, qui gregem non pascit, sed deglubit? aut gubernator, qui jacturam bonorum semper facere studeat? quique (quod dicitur) navem pertoret, in qua isse naviget?

*M.* Nequaquam.

*B.* Quid, qui non quæ in rem populi sunt imperat, sed sibi studeat uni? qui non de virtute certet cum bonis, sed vitis flagitiosissimum quemque superare contendat? qui suos in manifestas insidias ducat?

*M.* Profecto nec mihi dux, nec prætor habebitur.

*B.* Si quem ergo conspexeris, qui Regium nomen usurpet, nec ullo virtutis genere quemvis e multitudine præcellat, multis etiam sit inferior, qui cives non amore patrio prosequatur, sed superba dominatione premat, qui gregem sibi commissum existimet, non ad custodiam, sed ad quæstum; hunc tu Regem vere putabis, etiam si magno satellitum numero stipatus incedat, magnificoque corporis cultu se ostendet, supplicia repræsentet, præmiis, ludis, pompis, insanis etiam substructionibus, quæque alia magnifica esse creduntur, vulgus conciliet, ejusque applausum capret? hunc tu, inquam, Regem existimabis?

*M.* Non, si mihi consentire velim, sed omnis humanæ societatis experientiam.

*B.* Quibus tu finibus humanam hanc societatem circumseribis?

*M.* Eisdem illis, quibus tu superiore sermone visus es eam velle concludi: juris videlicet septis: quæ qui transiunt latrones, fures, mœchi, eos video puniri publice; eamque causam pœnæ justam haberi, quod societatis humanæ limites sint transgressi.

**XLVIII. B.** Quid, qui septa illa nunquam ingredi voluerit?

*M.* Deo & hominibus habendos inimicos; eosque in luporum, aliove noxiorum animalium genere potius, quam hominum habendos putem: quæ qui alit, & sibi perniciem alit & aliis; qui occidit, non sibi modo sed publice universis prodest. Quod si mihi legem ferre liceret, juberem (quod Romani in monstris procurandis facere solebant) id genus hominum in solas terras deportari, aut in alto, procul a conspectu terræ, demergi, ne contagio etiam mortuorum hominibus officeret: interfectionibus autem præmia decerni, non ab universo tantum populo, sed a singulis: quemadmodum vulgo fieri solet iis, qui lupos aut urfos occiderunt, aut catulos eorum deprehenderunt. Neque enim, si quod hujuscemodi monstrum nasceretur, etiam si vocem humanam funderet, faciemque hominis, cæterarumque partium similitudines, haberet, mihi cum eo societatem esse crederem. Aut, si quis hominem exuens in talem immanitatem degeneraret, nolletque cum cæteris hominibus, nisi in eorum perniciem, convenire, hominem appellandum censeo, nihilo certe magis quam satyros, simias, aut urfos, quamlibet vultu, gestu & sermone, hominem mentiretur.

*B.* Jam, ni fallor, intelligis qualem Regem, qualem item Tyrannum sapientissimi veterum esse statuerunt. Visne igitur, quod in Rege informan-

do fecimus, Tyranni quoque tibi quaecunque specimen proponamus?

*M.* Imo, nili molestum est tibi, vehementer id cupio.

XLIX. *B.* Non oblitus es, opinor, quæ apud poetas de Furiis, apud nostros de Cacodæmonum natura, dicuntur: esse videlicet spiritus humani generis hostes, qui, cum ipsi in perpetuis cruciatibus versentur, hominum tamen tormentis gaudeant. Hæc profecto vera est tyrannidis imago. Sed quia cogitatione modo & sine ministerio sensus hæc imago cerni potest, aliam tibi proponam, quæ non modo animum, sed sensus etiam feriat, & velut in oculos incurrat. Finge te navem in mari procellis vexatam videre, littora omnia circumcirca non modo importuosa, sed hostium infestissimorum plena: ejus vero navis dominum mutuo cum vectoribus odio certantem, nec ullam tamen aliam, quam in nautarum fide, spem salutis habentem: nec hanc quidem certam, ut qui non ignoret se maxime barbaro generi hominum, & ab omni humanitate alieno, vitam suam credere, quos pecunia sola conciliatos retineat, quique lucro majore objecto adversus eum ipsum conduci possint. Talis profecto est vita illa, quam velut beatam Tyranni amplectuntur. Foris hostes, domi cives metuunt: nec cives modo, sed domesticos, propinquos, fratres, conjuges, liberos, parentes. Itaque cum vicinis externum, cum civibus civile, cum suis domesticum bellum semper aut gerunt, aut metuunt, nec usquam auxilia sperant, præter mercede conductâ: neque bonos conducere audent, neque malis fidere possunt. Quid istis tandem in vita jucundum esse potest? Dionysius filias virgines adultas, cum novaculam admittere ad guttur timeret, a barbæ radendæ ministerio removit; a Timolonte frater, ab uxore Alexander Pheræus, a patre Sp. Cassius est interemptus. Qui hæc ante oculos exempla proposita semper habet, quam tu eum carnificinam in pectore circumferre credis? cum cogitet seculo universo mortalium generi, tanquam signum, in quod jaculentur, propositum: neque solum vigilans his conscientiæ tormentis crucietur, sed terrificis etiam vivorum & mortuorum simulacris e somno excitetur, & Furiarum facibus agitetur. Tempus enim, quod omnibus animantibus ad quietem, hominibus etiam ad curarum laxamentum, natura tribuit, illi in horrores & supplicia convertitur.

*M.* Non inscite sane ista a te sunt explicata, ac nescio an etiam vere. Sed tamen, nisi fallor, ad nostrum institutum non adeo multum faciunt. Nam quibus in manu est eligere quos velit Reges, penes eosdem est, electos, quibus velit, contringere legibus. Nobis vero scis Reges non eligi, sed nasci: quibus ego semper hereditarium, non minus quam ipsum regnum, existimavi, ut voluntas eorum pro legibus esset. Neque temere in hanc opinionem sum inductus, sed magnis auctoribus, cum quibus errare (si modo in errore sum) non me pudeat. Nam, ut alios omitam, jureconsulti affirmant, lege Regia, quæ de imperio eorum est lata, omnem populi potestatem ita in eos transmissam, ut eorum placita pro legibus haberi debeant. Ex hac nimirum lege natæ sunt illæ Imperatoris cujusdam minæ, se jureconsultis omnibus omnem suam, qua tantopere gloriantur, scienciam uno edicto ablaturum.

*L. B.*

**L. A.** Bene abs te factum est, quod cum rei maxime pessimum citares auctorem, nomen ejus supprimendum duxeris. Is enim fuit C. Caligula, qui etiam toti populo Romano unam cervicem optabat. In illo autem Imperatore nihil hominis, ne dicam Regis, præter formam fuit. Itaque quanta illi debeatur auctoritas, non ignoras. Quod autem ad legem Regiam attinet, qualis illa fuerit, quando, a quo, quibus verbis, lata, nec ipsi jurisperiti expediunt. Regibus enim Romanis nunquam ea potestas fuit: quippe a quibus provocatio ad populum erat. Rogationem vero, qua L. Placcus, libertate populi Romani oppressa, per aliarum legum silentium stabilivit L. Syllæ tyrannidem, nemo unquam pro lege habuit. Ejus autem rogationis ea vis erat, ut, quæcunque L. Sylla fecisset, ea rata essent. Quod jus, nullus unquam populus liber tam excors fuit, ut volens in se permetteret: aut, si quis fuit, dignus profecto fuit, qui perpetuo serviret Tyrannis, stultitiæque suæ poenas lueret. Sed si qua talis fuit lex, exemplum nobis ad cautionem, non ad imitationem, propositum existimemus.

**M.** Recte profecto mones. Sed ista admonitio tua ad eos pertinet, quibus in manu est, quales sibi Reges creent. Ad nos vero nihil omnino pertinet, qui non suffragiis optimos eligimus, sed forte oblatos accipimus. Illud etiam juriconsulti nos proprie videtur respicere, qui majoribus Regum nostrorum id jus in nos posterisque nostros dedimus, ut ipsi posteaque eorum imperium in nos perpetuo tenerent. Illos utique (maiores dico nostros) vellem admonuisses, quibus integrum erat, quos vellet sibi Reges adscribere. Nunc vero serum istud tuum consilium eo valet, non ut, quæ in potestate nostra non sunt, ea corrigamus; sed ut majorum stultitiam deploramus, & nostræ conditionis miseriam agnoscamus. Quid enim reliqui esse potest in servitutem deditis, nisi ut alienæ stultitiæ poenas luamus? &c, ut leviores fiant, eas patientin lenimus; nec importune tumultuando iras eorum provocemus, quoniam nec imperium rejicere, nec potestatem immutare, nec vim & impotentiam fringere, possumus? Lex autem illa Regia, cui tu tantopere es inimicus, non est in Tyrannorum gratiam, ut tu videri vis, conficta: quippe quæ a Justiniano Principe justissimo sit comprobata: apud quem adulatio tam aperta locum non fuisset habitura: nam in Principe stolido valet illud,

*Falsus honor juvat, & mendax infamia terret,  
Quem, nisi mendacum & mendacum? —*

**LI. B.** Fuit quidem Justinianus, ut prædicant historiæ, vir magnus: etsi quidam in Belisarium fuisse crudeliter ingratum narrent. Sed fuerit ille, qualem tu cum fuisse existimas, meminisse tamen potes, ab illius ætatis fere æqualibus traditum, Tribonianum, præcipuum inter illarum legum latores, hominem fuisse longe nequissimum, & qui facile potuisset adduci, ut Principi quoque pessimo gratificaretur. Sed nec boni Principes ab hoc adulationis genere abhorrent. Nam,

— &

— & qui nolunt occidere quenquam,  
 Possunt volunt: —

&

— nihil est quod credere de se

Non possit, cum laudatur diis æqua potestas.

Sed redeamus ad nostros Principes, ad quos tu ais hæreditate, non suffragiis regnum pervenire. De nostris autem solis loquor. Nam, si ad externos digrediar, vereor ne longior quam institueramus fiat oratio.

*M.* Ita facias censeo. Res enim externæ non magnopere ad præsentem disputationem pertinent.

*B.* Igitur, ut a primis ordiar initiis, illud satis convenit, Principes nobis ob virtutis opinionem delectos, qui cæteris imperarent.

*M.* Ita tradunt rerum nostrarum scriptores.

— *LII. B.* Nec minus illud constat, multos, qui crudeliter & flagitiose cum magistratum gesserunt, a civibus in jus vocatos; quosdam perpetuis carceribus damnatos; alios partim exilio, partim morte multatos: quorum cum vel filii vel propinqui in eorum locum assumerentur, nulla unquam quæstio adversus interfectores decreta fuit. At qui bonos violassent Reges, nusquam gentium in eos severius vindicatum est. Et, quia longum esset singulos percernere, e postremis, quorum recentior est memoria, paucos proferam. *Jacobi Primi* cædem, cum puerum sex annorum hæredem reliquisset, adeo graviter nobilitas punivit, ut homines, clarissimis familiis natos, divitiis & clientelis primarios, novo & exquisito genere supplicii exstinxerit. Contra, *Jacobi Tertii*, hominis flagitiosi & crudelis, mortem quis doluit, ne dicam ultus est? In filii vero ejus *Jacobi Quarti* morte, suspicio sceleris morte punita est. Neque pii erga bonos Reges tantum majores nostri fuerunt, sed in malos etiam lenes & misericordes. Nam *Culenum*, ad causam dicendam venientem, cum ex inimicis quidam in itinere occidisset, gravissimas ex *Ordinum* sententia pœnas dedit: & *Evenum*, perpetuis vinculis damnatum, cum iidem inimicus in carcere occidisset, iidem pœnas dedit; & , cujus vitam nefariam omnes oderant, mortem per vim illatam, ceu parricidium, sunt profecuti.

*M.* Ego non tam quid interdum factum sit, quæro in præsentia, quam quo jure apud nos regnetur.

*B.* Igitur, ut eo redeamus, quemadmodum in primis Regibus, usque ad *Kennethum Tertium*, qui primus regnum in sua familia stabilivit, perspicuum est, quæ fuerit potestas populi in Regibus creandis, & in ordinem redigendis; ita necesse est, ut is aut populo invito id fecerit, aut a persuaso impetraverit.

*M.* Negari non potest.

*B.* Porro, si vi coëgit populum sibi parere, populus quoque, ubi primum suis viribus cœperit confidere, violentum illud imperium poterit excutere: cum a Regibus & populis recepta jura pronuncient, & natura clamet, quicquid per vim fiat, simili vi solvi posse.

*M.* Quid



*M* Quid si populus, vel fraude circumventus, vel metu coactus, in servitutem sese dederit? quid causæ prætendi potest, quin, in quod semel conventum est, in eo perpetuo maneat?

*LIII. B.* Si tu mecum ex convento agis, quid causæ est, quin ego ex adverso eas causas ponam, cur pacta & conventa solvi possint? In primis autem, quæ vi metusque causa fiunt, apud omnes civitates de iis certum jus est, e naturæ fontibus haustum. Per fraudem etiam circumventis jura dant restitutionem in integrum, idque maxime in pupillis, eisque personis servandum putant, quas optimo jure esse volunt. Quis igitur cætus justius restitui, quam populus universus postulet? Cui cum sit injuria, ea non in unam aliquam civitatis partem, sed in omnia civilis corporis membra late permanat.

*M.* Scio in privatorum causis hoc jus usurpari, nec in ullos esse iniquum. Sed non est quod de hac re magnopere contendamus, cum illud sit longe credibilius, (quod ab historicis etiam traditur) id jus populi voluntate Regibus datum.

*B.* Credibile est etiam, non sine magna causâ rem tantam fuisse impetratam.

*M.* Facile assentior.

*B.* Quam igitur causam potissimum fuisse arbitraris?

*M.* Quam aliam, nisi quæ narratur? cædium ambitionis, tumultus, cædes, bella intestina, sæpe cum internecione alterius partis, semper cum utriusque maximo damno? Nam qui regnum obtinebant, quo id pacatus liberis relinquerent, fratres & fere proximum quemque extinguere conabantur: quemadmodum apud Turcas fieri audimus, & apud Phylarchos in nostris insulis & Hibernia fieri videmus.

*B.* Utris igitur istam contentionem putas magis fuisse perniciosam, populo an Principibus?

*M.* Regibus certe: cum populi major pars, secura sui, Principum soleat spectare certamina, & semper victoribus in prædam cedat.

*B.* Principes igitur (ut videtur) sua potius causâ, quam ex utilitate populi, in sua familia stabilem regni sedem constituere voluerunt.

*M.* Credibile est.

*LIV. B.* Ut autem rem, ad perpetuum honorem, opes & incolumitatem suæ familiæ tantopere pertinentem, impetrarent, verisimile est eos aliquid invicem de suo jure remisisse; & ut facilius populi voluntatem & studium tenerent, & consensum impetrarent, aliquid ex adverso laxamenti dedisse.

*M.* Credo.

*B.* Illud certe mihi fateberis incredibile, ut, pro tanto beneficio Regibus impenso, pejore se jure esse paterentur, quam antea fuerant.

*M.* Incredibile prorsus.

*B.* Neque Reges, si id noxium, & liberis suis & populo inutile, scissent futurum, tanta ambitione id petissent.

*M.* Nequaquam.

*B.* Finge ergo aliquem e media concione liberi populi libere Regem interrogare? Quid si cui Regum filius sit stolidus? quid si infans? eosne nobis constitues rectores, qui seipsos regere non possunt?

*M.* Nihil opinor opus fuisse, ut hac exceptione uterentur, cum huic generi legibus sit prospectum.

*B.* Probe fane. Illud ergo videamus, si liberam legum potestatem Reges a populo impetrassent, num ea inutilis fuisset, eis præsertim qui familiaræ suæ in posterum prospectum volebant.

*M.* Quamobrem vero inutilem futuram censebimus?

*LV. B.* Quod nihil æque ad diuturnitatem dominationis faciat, ac temperamentum illud imperii, cum & Regibus est honorificum, & populo moderatum & salutare. Habet humanus animus sublime quiddam & generosum natura insitum, ut nemini parere velit, nisi utiliter imperanti: neque quicquam est valentius ad continendam humanam societatem, quam beneficiorum vicissitudo: ideoque sapienter visus est Theopompus respondiisse exprobranti uxori, *Quod adjectis Ephoris vim imminuisset imperii, ac minus, quam acceperat, filiis reliquisset regnum: Tanto, inquit, firmitus.*

*M.* Quod de diuturnitate narras, video esse verissimum. Nam Scotorum & Cimbrorum regna longe omnium, quæ in Europa sunt, antiquissima reor: neque alia re id mihi consecuti videntur, quam summi imperii moderatione: cum interim Francorum, Anglorum, Hispanorum regna toties ex aliis ad alias familias transierint. Sed nescio an Reges illi nostri tam sapientes fuerint, quam Theopompus.

*B.* Ut illi tam providi non fuerint, populumne putas tam stultum fuisse, ut occasionem tam opportunam oblatam negligeret? aut timore adeo perculsum, aut seductum blanditiis, ut se sponte in servitutem daret?

*LVI. M.* Non fuit fortasse. Sed fuerit (quod fieri potuit) adeo cæcus, ut quod in rem suam esset non viderit; aut, cum videret, tam commodi sui negligens, ut contemserit, nonne merito suæ stultitiæ poenas luet?

*B.* Non est verisimile aliquid istorum factum esse, cum, usque ad nostram ætatem, contra observatum fuisse videamus. Nam, præterquam quod mali Reges, quoties tyrannidem in cives moliti sunt, semper coerciti fuerunt, etiam in antiquis familiis vetusti moris quædam vestigia adhuc remanent. Scoti enim prisca, ad nostram usque ætatem, suos eligunt Phylarchos, & electis concilium seniorum adhibent: cui concilio qui non parent, honore privantur. Quod igitur in partibus adhuc summa diligentia servatur, in omnium salute negligerent? & qui in beneficii loco habiturus erat regnum legitimum, ei se sponte in servitutem traderent? & libertatem virtute partam, armis defensam, tot seculis non interpellatam, eam sine vi, sine bello, nec expectanti condonarent? Istam enim potestatem Regibus nostris nunquam fuisse, præter supplicia male administrati regni toties expectita, *Joannis Ballioli* calamitas ostendit: qui fere CC. LX. abhinc anno a nobilitate rejectus est, quod se regnumque suum *Eduardi* Angli imperio sub-

subjecisset : inque locum ejus *Robertus Primus* est successus. Ostendit id etiam perpetuus ille mos a primis usque temporibus continuatus.

*M.* Quem tu morem dicis?

*LVII. B.* Reges nostri, cum publice inaugurantur, populo universo sancte promittunt, se leges & majorum ritus veteraque instituta servaturos : eoque jure, quod a majoribus acceperunt, uturos. Ostendit totus ille caerimoniarum ordo, primique Regum adventus in singula oppida. E quibus omnibus facile intelligi potest, qualem a majoribus acceperint potestatem : non aliam videlicet, quam qui suffragiis electi in leges jurant. Hanc regnandi conditionem *Davidi* & posteris ejus Deus proposuit : tamdiu eos regnatos promittit, quamdiu illi legibus ab eo datis parerent. Hæc quidem faciunt, ut verisimile sit, non immensam, sed intra certos terminos constrictam, & finitam, potestatem Reges nostros a majoribus accepisse. Accessit præterea longi temporis confirmatio, & perpetui juris a populo usurpatio, nullo unquam decreto publico reprehensa.

*M.* Sed vereor ut a Regibus facile possit impetrari, ut, ista verisimilitudine abducti, in has leges, utcumque juratas, aut a populis usurpatas, concedant.

*B.* Ego quoque credo non minus esse difficile, ut populo persuadeamus, ut jure a majoribus accepto, tot seculorum usu probato, uno perpetuo tenore usurpato, decedat. Neque puto necesse conjecturis persequi quid sit facturus, cum videam quid fecerit. Quod si utriusque obstinata pertinacia res ad arma veniat, victor quidem quod volet jus victo dabit ; sed tamdiu dabit ; donec qui in certamine erit inferior, arma recollectis viribus resumet : quibus in contentionibus, cum populi perniciem semper, sed cum exitio Regum fere, decertari solet. Ex hoc enim fonte omnes omnium regnorum interitus promanant.

*M.* Ita fieri necesse est.

*B.* Hæc ego altius fortasse, quam opus erat, repetivi : ut perspicue intelligeres vetus regnandi apud nos jus quale fuerit. Nam si summo jure tecum egissem, multo breviori compendio quo volebam pervenire potuissem.

*M.* Quanquam mihi jam propemodum satisfeceris, tamen & istud quale sit libenter ex te audiam.

*LVIII. B.* Hoc igitur primum mihi velim respondeas, probeſne definitionem legis a jureconsultis positam, qui legem esse ajunt, quod populus scivit, ab eo rogatus cui rogandi jus est?

*M.* Probo equidem.

*B.* Consensus autem, legum vitis deprehensis, ab eisdem earum latitibus eas vel corrigi vel abrogari posse.

*M.* Consensus.

*B.* Illud autem, opinor, vides, qui nascuntur nobis Reges, eos & legibus & populi suffragio creati, non minus quam quos ab initio diximus electos : & adversus non modo vim & fraudem, sed negligentiam quoque

in legibus accipiendis, non defutura populo legum latori remedia.

*M.* Video plane.

*B.* Id modo interesse, quod lex de nostris Regibus ante aliquot secula fit lata: regnum vero cum initur, non ferri nova, sed vetus lex approbari, solet. Apud eos vero, qui singulis Regibus eligendis habent comitia, simul lex ferri, Rex fieri & probari, regnum iniri, solet.

*M.* Sic est.

LIX. *B.* Nunc ab initio, si videtur, quid inter nos convenerit, breviter colligamus: ut si quid temere sit probatum, sit & poenitentiae locus.

*M.* Placet.

*B.* Primum omnium, visum est nobis Regem populi causa creari, neque bono Rege quidquam praestantius divinitus nobis dari, neque malo pestilentius.

*M.* Recte.

*B.* Malum etiam Regem diximus vocari *Tyrannum*.

*M.* Diximus.

*B.* Et quia non est tanta bonorum copia, ut semper probi suppetant, quos eligamus; nec tanta nascendi felicitas, ut fors illa semper bonos offerat: si non quales optaremus, at quales vel consensus approbavit, vel casus obtulit, pro Regibus habemus. Ea autem, quae est vel in eligendis novis, vel in oblati<sup>1</sup> forte nascendi approbandis, alea, in causa fuit, ut leges cuperemus, quae Regibus imperii modum facerent. Eae autem leges nihili aliud esse debent, nisi expressa (quatenus assequi possumus) boni Principis imago.

*M.* Id quoque sumus confessi.

LX. *B.* Jam restat, opinor, ut de poena Tyrannorum differamus.

*M.* Id unum mihi reliquum videtur.

*B.* Igitur, si Rex omnia legum vincula perfringat, planeque hostem publicum se gerat, quid hic faciendum censes?

*M.* Haereo profecto. Nam, etsi rationes a te expositae videantur convincere, nullam nobis esse cum eo Rege societatem, tamen diuturnae consuetudinis tanta vis est, ut apud me legis vigorem obtineat. Ea adeo pertinaciter in animis hominum haeret, ut, si quem aliquando invexerit errorem, eum tolerare praestet, quam, dum morbum, <sup>2</sup> assuetudine lenem, curare contendimus, totius corporis statum labefactare. Ea enim quorundam morborum est natura, ut dolorem, quem afferunt, praestet perferre, quam ancipitia remedia quaerere: in quibus experiundis, ut cetera succedant, ita tamen acres dolores in medicando afferunt, ut ipso morbo morbi cura sit perniciosior. Deinde, quod me magis movet, video istam, quam tu vocas tyrannidem,

divi-

<sup>1</sup> Forte nascendi] An potius forte nascendi, uti mox ante loqui videtur. Vide quae nos ad Hist. Lib. VI. Cap. 42. & XII. 16.

<sup>2</sup> Assuetudine lenem] Ita prima editio.

Edimb. alix autem omnes [lenem] exhibent: quod & rectius arbitror. Vide interim, quae nos alibi ad Hist. Lib. XIX. Cap. 10. annotavimus.



divino confirmatam oraculo: & , quod tu velut legum interitum execraris, Deus *legem regni* vocat. Ejus loci me magis movet auctoritas, quam omnia Philosophorum argumenta. Inde me nisi explicaveris, non erunt apud me tanti hominum commenta, ut non confestim ad hostes deficiam.

LXI. *B.* In communi, ut video, errore versaris, eoque gravissimo, qui tyrannidem tyrannide confirmare coneris. Quanta enim sit consuetudinis tyrannis, in animis hominum ubi altius radices egit, & nimium sæpe hoc seculo sumus experti, & historiæ scriptor vetustus Herodotus vetusto nos monet exemplo. Sed mihi veteribus exemplis non est opus, tete ipse consule. Cogita tecum, quot sint res, nec hæ exiguæ, in quibus, rationem secutus, ab inveterata tot seculis consuetudine desciveris: ut jam domesticis experimentis didicisse potueris, nullam magis periculis esse plenam, quam sit ista, quam nos sequi jubent, via publica. Eam te jubeo diligenter circumspicere: quot ruinas, quantas strages in ea videbis? Sed si ipsa (quod dicitur) luce clarius est, non est quod in re perspicua vel probanda vel illustranda diutius immorer. Quod autem ad eum attinet locum, quem ex historia Regum magis significas, quam explicas, vide quaeso, ne quæ in Tyrannorum vita Dominus execratur, tu Regibus ab eo concessa putes. Id ne fiat, primum te jubeo expendere, quid populus a Domino petierit: deinde, quas novæ petitionis causas habuerit: postremo, quid populo Dominus responderit. Primum, Regem petunt. At qualem? legitimum? At habebant. Erat enim Samuel eis a Domino, penes quem jus præficiendi erat, datus: jus eis legitime ex legum divinarum præscripto multos annos dixerat. At filii ejus, cum jus eo seniore dicerent, multa flagitiose faciebant, & adversus leges judicabant. Nondum video causam, cur status publici mutationem, sed emendationem potius, exposcerent, aut certe a Domino expectarent, ut qui non adeo pridem totam Heli familiam a stirpe evertit, ob causam prope similem. Quid igitur petunt? Regem, qualem vicinæ gentes habebant, qui domi judex, foris imperator esset. Erant autem revera Tyranni. Nam, ut Asiæ populi magis servili animo sunt, quam Europæi, ita Tyrannorum imperiis facilius parebant, neque usquam, quod sciam, ab historicis mentio sit legitimi Regis in Asia. Præterea, Tyrannum, non Regem, hic describi, vel ex eo facile apparet, quod in Deuteronomio formulam eis ante præscripserat, non modo ab hac diversam, sed etiam plane adversam: ex qua formula Samuel cæterique judices tot annos jus dixerant: quam cum rejicerent, Dominus se rejectum ab eis conqueritur.

*M.* At non Tyrannum, sed Regem, Dominus cum ubique vocat.

LXII. *B.* Vocat quidem Regem: nam Domino peculiare est, quoties alloquitur populum, populari uti sermone. Itaque vocabulo utitur cum vulgo communi, sed ne quem ambiguus ejus usus deciperet, hic discrete exponit, quis esset ejus vocabuli usus apud gentes vicinas.

*M.* Ista ut verâ sint, illa tamen Pauli propius nos urgent, qui pro salute Principum nos jubet orare: tantum abest ut detrectare imperium, multo minus detrahere de solio, detractosve trucidare, permittat. At quos Principes

commendat ille nostris precibus? omnium, qui unquam fuerunt, crudelissimos, Tiberios, Caligulas, Claudios, Neronos: nam iis fere æquales sunt Pauli Epistolæ.

LXIII. B. Quod auctoritatis tantum in Paulo esse statuas, ut apud omnium Philosophorum & jureconsultorum scriptis una ejus sententia præponderet, recte mihi facere videris. Sed vide ut satis ejus sententias expendis: non enim verba solum examinare oportet, sed quibus temporibus, ad quos, & cur scripserit. Primum igitur videamus, quid Paulus scripserit. Scribit enim ad *Titum*, cap. III. *Admone, Principibus & potestatibus subditos dicto obedire, ad omne opus bonum paratos esse.* Vides, opinor, quos hic parendi constituat fines. Idem ad *Timotheum*, cap. II. scribit, *Ut oremus pro omnibus, etiam pro Regibus & ceteris magistratibus; ut, inquit, tranquillam vitam agamus in omni pietate & castitate.* Vides & hic quem orandi finem statuatur: nempe non salutem Regum, sed Ecclesiæ tranquillitatem: ex quo non erit difficile orationis quoque formam concipere. In *Epist.* autem ad *Rom.* Regem etiam definit prope ad dialecticam subtilitatem: *Esse enim, ait, ministrum, cui gladius a Deo sit traditus, ut malos puniat, ac bonos foveat & sublevet.* Non enim de Tyranno, inquit Chrysostomus, hæc a Paulo scribuntur, sed de vero & legitimo magistratu, qui veri Dei vices in terris gerit: cui qui resistit, certe Dei ordinationi resistit. Sed nec statim, si pro malis Principibus est orandum, hinc colligere debemus, eorum vitia non esse puniendæ; non magis certe quam latronum, pro quibus etiam orare jubemur: nec si bono Principi parendum est, ideo malo non erit resistendum. Quod si etiam causam, quæ Paulum ad hæc scribenda impulerit, respicias, vide ne vehementer hic locus contra te faciat. Scripsit enim hæc, ut quorundam temeritatem castigaret, qui negabant imperia magistratuum Christianis esse necessaria. Nam, cum potestas magistratuum adversus malos sit comparata, ut omnes æquo jure viveremus, & exemplum justitiæ divinæ inter homines remaneret, nullum ejus usum esse contendebant, inter homines adeo a vitiis contagio alienos, ut ipsi sibi lex essent. Non igitur hic Paulus de iis, qui magistratum gerunt, agit, sed de ipso magistratu, hoc est, de functione & officio eorum, qui aliis præsunt: nec de uno aut altero genere magistratus, sed de omni legitimi magistratus forma: nec ei contentio est cum eis, qui malos magistratus coercendos putant, sed cum hominibus omne magistratus imperium detrectantibus: qui libertatem Christianam absurde interpretantes, affirmabant indignam esse, ut qui a Dei Filio essent emancipati, a Dei Spiritu regerentur, sub ullius hominis potestate essent. Eorum errorem Paulus ut refelleret, ostendit magistratum rem esse non modo bonam, sed etiam sacram, nempe Dei ordinationem; & ad id institutum, ut hominum coetus & civitates ita continerentur, ut & Dei beneficia in se agnoscerent, & alii ab aliis injuriam abstinere. Qui in honore constituti essent, Deus legum suarum jussit esse custodes.

LXIV. Quod si leges (ut sunt) bonas esse fateamur, & custodes earum honore dignos, & custodum munus rem bonam & utilem fateri cogemur.

At

At terribilis est magistratus: quibustandem? bonisne, an malis? Bonis ter-  
rori non est, ut qui ab injuria eos tueatur: sin malis est terrori, nihil ad te,  
qui Spiritu Dei regeris: Quid ergo mihi opus, ut magistratui sim subje-  
ctus, inquires, si Domini sum libertus? Imo, ut te Domini libertum probes,  
pare ejus legibus: Spiritus enim Domini, a quo te regi jactas, idem & le-  
gum est lator, & magistratuum probator, & parendi magistratibus auctor.  
Igitur & in hac parte facile inter nos conveniet, magistratu in optimis etiam  
civitatibus opus esse, eumque omni honoris genere prosequendum. Quod  
si quis contra, sentiat, eum insanum, intestabilem, atque omni supplicio di-  
gnum, existimamus: repugnat enim aperte Dei voluntati per Scripturas no-  
bis revelatæ. Quod autem ad Caligulam, Neronem, Domitianum, & reli-  
quos ejus generis Tyrannos, attinet, cur violati juris divini & humani pœ-  
næ non debeant exigi, nihil hic apud Paulum habes, qui de ipsa magistra-  
tuum potestate, non de malis, male potestatem eam gerentibus, disserat:  
Nec, si ad Pauli regulam id genus Tyrannorum examines, omnino magi-  
stratus erunt. Quod si quis contendat, malos etiam Principes esse a Deo  
ordinatos, vide ne captiosa sit hæc oratio. Deus enim, ut malo nodo ma-  
lum (quod ajunt) cuneum adhiberet, malum hominem malis puniendis interim  
præficit: sed humanæ malitiæ Deum auctorem esse, nemo sanus audebit affir-  
mare: quemadmodum animadvertendi in malos eundem esse auctorem nemo  
ignorat. Magistratus quoque bonus fere malum hominem eligit, qui sit  
carnifex in pœnis noxiorum repetendis. Hunc quidem carnificem etsi magi-  
stratus ad id munus assumit, non protinus ei impunitas omnium scelerum  
tribuitur; nec superiorem esse vult, quam ut legibus interrogari possit.

LXV. Non commorabor diutius in hac similitudine; ne adulatorem au-  
lici parum honorifice me de magistratu summo loqui clament. Sed utcu-  
que clamabunt, certe illud negare non possunt, carnificis functionem par-  
tem esse muneris publici, ac fortasse etiam Regii, vel ipsorum Regum tes-  
timonio: qui, quoties aliquis e ministris publicis violatur, se suamque ma-  
jestatem atque corpus violari querantur. Pœna autem sceleratorum, ut si  
quid aliud, ad munus Regium spectat. Quid præfecti urbium? quid ca-  
strorum? quid Prætores? quid ipsi Consules? Iisne etiam Paulus nos sub-  
ditos esse jubet? an pro privatis habet? At ab omnibus non modo minori-  
bus magistratibus, sed ab eis etiam, qui sunt Regibus æquales, ratio male  
obiti imperii solet exigi. Velim ergo, qui ex Pauli verbis tantam Regibus  
potestatem datam somniant, aut ostendant, ex eodem Paulo, solos Reges  
potestatis nomine hic accipiendos, ideoque solos legum pœnis eximendos:  
aut si, cum potestates dicimus, intelligantur etiam alii magistratus, ab eo-  
dem auctore Deo in eundem usum instituti, illud quoque velim ostendant,  
ubi omnes magistratus legibus soluti, & a pœnarum metu liberi pronun-  
cientur; aut solis Regibus ista immunitas sit concessa, cæteris, qui in po-  
testate constituti sunt, negata.

M. At potestatibus sublimioribus omnes vult esse subditos.

B. Jubet quidem: sed isto nomine *potestatis* necesse est ut & cæteros ma-  
gi-

gistratus comprehendat , nisi forte Paulum credamus existimare , in civitatibus , quæ Regio careant imperio , nullam potestatem , sed plane *ἀναρχίαν* esse.

*M.* Istud ego neque credo , nec est verisimile : eoque magis in hac sententia , quod omnium hujus loci interpretum doctiorum consensus tecum facit , qui istam Pauli disputationem adversus eos institutam putant , qui omnes prorsus leges & magistratus nihil ad se pertinere contendebant.

*B.* Quid autem illud , quod nuper dixi ? credisne Tyrannos illos omnium sævissimos ad Pauli formulam pertinere ?

*M.* Imo : quid tu affers , cur id non credam ? præsertim cum Hieremias tam sollicitè moneat Judæos , idque divinitus , ut Regi Assyriorum pareant , nec ulla ratione imperium ejus rejiciant. Atque inde colligunt pari ratione cæteris quoque Tyrannis , quantumvis immanibus , esse parendum.

**LXVI. B.** Ut prius ad id quod posterius a te positum est , respondeam , illud oportet animadvertas , Prophetam non jubere , ut omnibus Tyrannis pareant Judæi , sed uni Assyriorum Regi. Quod si tu , ex eo quod uni singulariter jussum est , legis formulam colligere velis , primum , non ignoras , (docuit id te enim dialectica) quam absurde sis facturus : deinde , periculum tibi erit , ne paribus te armis oppugnatores tyrannidis aggrediantur. Nam , aut oportet ostendas , quid sit in hac re singulare , cur eam omnibus ubique imitandam proponas : aut , si id non potes , confitendum erit , ex aliis singularibus Dei mandatis , quicquid de uno aliquo sit jussum , id ad omnes ex æquo pertinere. Hoc si semel (quod tibi necesse erit) admisseris , statim tibi objicietur , Dei quoque jussu Achab occisum : præmium quoque divinitus interfectori & promissum & præstitum. Itaque , ubi tu eo refugies , omnibus Tyrannis ideo parendum , quia Deus per Prophetam jussit populum suum uni Tyranno parere , statim tibi occinetur , omnes Tyrannos etiam a suis occidi debere , quia Achab jussu divino a copiarum suarum præfecto sit interfectus. Igitur te admonco , ut firmiter aliquod propugnaculum Tyrannis e Scriptura pares ; aut , ea in præsentia relicta , ad Philosophorum scholam revertaris.

*M.* De isto quidem cogitabo. Sed interim , unde sumus digressi , eo redeamus : quid tandem e Scripturis profers , cur liceat Tyrannos impune occidere ?

**LXVII. B.** Primum , id affero , quod , cum diserte præceptum sit de scelere & sceleratis e medio tollendis , sine ulla exceptione gradus aut ordinis , nusquam tamen in sacris literis Tyrannis , quam privatis , magis est cautum. Deinde , quod definitio potestatis a Paulo tradita ad Tyrannos nihil omnino pertineat , quippe qui imperii vim accommodent , non ad populi utilitatem , sed ad suas libidines explendas. Præterea animadvertendum diligenter , quantum Paulus tribuerit Episcopis , quorum functionem miris & veris laudibus afficit , ut qui quodammodo Regibus compositi ex adverso respondent , quatenus materiæ utrique substratæ natura patitur. Sunt enim algeri interiorum , alteri exteriorum morborum medici : neque tamen alte-

ros



fos ab alterorum imperio solutos & liberos esse voluit. Sed, quemadmodum Episcopi in civili communione vitæ exercenda sunt Regibus subditi; ita & Reges Episcoporum spiritualibus admonitionibus parere debent. Horum autem Episcoporum, dico, cum tanta sit amplitudo & dignitas, eos neque lex ulla divina aut humana scelerum poenis eximit. Et, ut cæteros omittamus, Papa ipse, qui quasi Episcoporum Episcopus habetur, qui ita super Regum omnium fastigium assurgit, ut deus quispiam inter homines haberi velit, nec a suis quidem Canonistis, genere hominum ei addictissimo, legum poenis eximitur. Nam, cum absurdum existimarent, deum (non enim dubitant hoc nomine eum appellare) hominum animadversioni esse obnoxium, & injustum putarent, maxima scelera & foedissima flagitia cuiquam impunita fore, rationem excogitarunt, qua & scelera plecterentur, & Papa tamen sacrosanctus & inviolatus haberetur. Aliud enim Papæ, aliud ejus hominis, qui Papa esset, jus existimabant: & cum Papam, quem errare posse negant, legum cognitioni eximant, cum tamen hominem, qui est Papa, vitiis & vitiorum poenis obnoxium esse fatentur, neque magis differendi subtilitate, quam animadvertendi severitate, suam sententiam declararunt.

LXVIII. Longum esset explicare, qui Pontifices, sive (ut eorum more loquar) qui homines, qui Pontificum personam gesserint, non modo vivi magistratum ejurare sint coacti, sed mortui etiam sepulchris eruti, & in Tiberim projecti sint. Sed, ut vetera omittam, *Pauli Quarti* memoria recens in animis adhuc hæret: in hunc odium publicum sua Roma novi generis decreto nuper testata est. Iram enim, cui ille erat ereptus, in propinquos, in statuas, in pictas ejus imagines, exercuit. Nec debet hæc interpretatio subtilior tibi videri, qua potestatem ab eo, qui præest, separamus, quam & Philosophia agnoscit, & veteres interpretes probant, nec vulgus illud ineruditum & a disputandi subtilitate alienum ignorat. Neque enim opifices sellularii in suæ artis probum factum accipiunt, si quis vel faber vel pistor ob latrocinium poenas luit; sed gaudent potius collegium suum facinorosis hominibus esse purgatum. Quod si quis contra sentiat, verendum reor, ne potius hominum poena, quibus conscientia scelerum est conjunctus, quam collegii infamia, dolere videatur. Neque Reges, opinor, si seorsum a facinorosis & adulatoribus consilia caperent, suamque magnitudinem non potius virtutum officiis, quam impunitate scelerum, metirentur, ægre ferrent Tyrannorum supplicia, aut ex eorum qualicunque interitu majestatem Regiam imminui existimarent: quin repurgatam potius a turpissimæ labe foeditatis eam gauderent: præsertim cum latronibus vehementissime, idque optimo jure, soleant irasci, si qui Regium nomen suis maleficiis prætendunt.

M. Nec

1 Opifices sellularii] i. e. qui sedentes in sellulis opus faciunt. Liv. lib. VIII. cap. 20. Quin opificum quoque vulgus & sellularii, minime militum idoneum genus, exciti dicuntur.

2 Ægre ferrent tyrannorum supplicia] Libris omnibus scriptum est [nec ægre ferrent;] nos vero particulam nec, utpote superfluum, ejecimus.

*M.* Nec injuria certe. Sed, his jam omissis, velim ad cætera capita, quæ a te proposita sunt, pergas.

*B.* Quæ tandem capita dicis?

*M.* Nempe, quibus temporibus, & ad quos, Paulus ista scripserit. Aveo enim scire quid ista cognitio ad præsens argumentum faciat.

LXIX. *B.* Mos hic quoque tibi geretur. Ac primum, ut de tempore agam, scripsit hæc Paulus in ipsa nascentis Ecclesiæ infantia, quibus temporibus <sup>1</sup> non solum crimine vacare, sed injustas etiam criminandi causas quærentibus locum maledicendi neminem dare oportebat. Deinde, ad homines scripsit, e diversis gentibus, atque adeo e toto Romani imperii corpore, in unum cœtum collectos. In iis autem pauci erant opibus insignes: qui magistratum gererent, aut gessissent, prope nemo: qui inter cives censerentur, non adeo multi, & hi fere inquilini, aut etiam magna ex parte libertinæ conditionis: cæteri fere opifices & servi. In his non deerant, qui libertatem Christianam latius protenderent, quam Evangelii simplicitas pateretur. Hæc igitur multitudo e promiscua plebis turba, quæ magno labore tenuem victum quærebat, non tam sollicita esse debebat de Reipublicæ statu, de imperii majestate, de Regum vita & officiis, quam de tranquillitate publica & otio domestico: neque jure amplius sibi vindicare poterat, quam ut sub imperii qualiscunque umbra lateret. Ea, si quam publicæ administrationis partem capessere tentasset, non modo stulta, sed <sup>2</sup> infana prorsus existimari debebat: nedum e latebris suis prodiret, & rerum gubernacula tenentibus negotium facesseret. Compescenda etiam erat luxuries immatura, Christianæ libertatis incommoda interpret. Quid igitur? <sup>3</sup> Paulus ad eos scribit? Nul- lum procul dubio novum præceptum, sed illa tantum vulgata, ut cives magistratibus, servidominis, viris uxores, parerent: neque existimarent jugum Domini, quamlibet leve, nos officiorum vinculis liberare: sed animo quam antea intentiore nos esse debere, ut per omnes officiorum gradus nihil omitteremus, quod ad hominum benevolentiam <sup>4</sup> honestis artibus <sup>5</sup> comparandum facere posset. Ita demum futurum, ut nomen Dei propter nos inter gentes bene audiret, & glo-

<sup>1</sup> *Non solum crimine vacare, f. i. e. c. e. q. l. m. neminem dare oportebat*] Priori sententiæ parte subaudiendum omnes, Christianos, aut simile aliquod vocabulum: nam si [neminem] posteriore parte positum huc referas, sensum Buchananus attinges ab ipsius animo atque rei veritate juxta alienissimum.

<sup>2</sup> *Infana prorsus*] Voculam [prorsus,] quæ libris omnibus præter unum Edimb. abest, suo loco restituiimus.

<sup>3</sup> *Paulus ad eos scribit*] Has quoque voces [ad eos] ab aliis omnibus omissas, e prima Edit. Edimb. reposuimus.

<sup>4</sup> *Honestis artibus*] Hæc voces postero-

rum itidem editorum negligentia depeditæ, e principe libro Edimb. revocantur.

<sup>5</sup> *Comparandum*] Ita prima Edimb. & Genev. quod: quamvis minus frequens, non tamen a recentioribus in [comparandum] mutari debebat: hoc enim pacto, si sibi constare voluissent, infr. cap. LXXVI. *ad victoriam bello parandam* scriptum oportebat, quod tamen a nemine, præter unum Mosmannum anno 1700, est factum. Ita Cap. LXXXIX. *ad rem suscipiendum*, & ibidem *ad absolvendum hanc disputationem*, consentientibus omnibus libris. [Mox capit. LXXIV. *ad coercendum injustas regum libidines.*]

gloria Evangelii latius propagaretur. Ad hæc præstanda pace publica erat opus, cujus custodes erant Principes & magistratus, etsi mali.

LXX. Visne hujus rei manifestam ante oculos tibi ponam imaginem? Finge, ad Christianos, qui sub Turcis vivunt, aliquem e nostris doctoribus scribere, ad homines, inquam, re tenues, animo demissos, & inermes, & paucos, & ad omnem omnium injuriam expositos: quid, rogo, aliud consuleret, quam quod Paulus Ecclesiæ quæ tum Romæ erat, quam quod Hieremias in Assyria exulantibus, consulebat? illud autem certissimum est argumentum, quod Paulus eorum hominum, ad quos tum scribebat, non autem universorum civium, rationem habebat, quod, cum maritorum erga uxores, uxorum erga maritos, parentum in liberos, liberorum erga parentes, servorum in dominos, dominorum in servos, mutua diligenter persequatur officia, quod sit magistratus officium etsi scribat, non tamen eos nominatim (quemadmodum in superioribus ab eo factum est) compellat. Quam ob causam nulla cum ad Reges magistratusque alios dedisse præcepta putabimus? præsertim cum eorum libido multo magis esset legum vinculis constringenda, quam privatorum? quam aliam causam arbitremur, quam quod nulli tum essent in Ecclesia Reges & magistratus ad quos scriberet? Finge Paulum his temporibus vivere, quibus non modo populus, sed Principes etiam Christianum nomen profitentur. Sit eodem tempore Princeps aliquis, qui non modo leges humanas, sed etiam divinas suæ libidini censeat obnoxias esse debere: qui sua non modo decreta, sed etiam nutus, pro legibus haberi velit: qui, ut inquit ille in Evangelio, *Neque Deum timeat, neque revereatur homines*: qui Ecclesiarum proventus scurris & balatronibus, ne quid nequius dicam, dividat: qui sincerioris religionis cultores irrideat, & pro stolidis & insanis habeat: quid de his Paulus ad Ecclesiam scriberet? Si sibi consentiret, cum se pro magistratu habiturum negabit: Christianis omnibus interdiceret, ne convictu, ne colloquio, ne consuetudine ejus utantur, civilium legum poenas civibus relinquet: nec præter officium eos facere existimabit, si, cum quo lege divina nullum est ipsis commercium, eum ne suum esse Regem arbitrentur.

LXXI. At non decreit ex aulica servitute, qui, quando perfugium honestum non suppetet, eo impudentiæ perveniat, ut dicat, Deum populis iratum Tyrannos immittere: quos velut ad poenas expetendas carnifices constituat. Quod ut verum fatear, tamen illud æque verum est, Deum plerumque de plebe infima homines tenues & prope ignotos excitare tyrannicæ superbix & impotentix ultores. Deus enim (uti ante dictum est) malum e medio tolli jubet: neque ordinem, aut sexum, aut conditionem, ac ne hominem quidem, excipit. Neque enim acceptiores illi sunt Reges, quam mendici. Itaque vere asseverare possumus, Deum, omnium ex æquo patrem, cujus providentiam nihil latet, potentix nihil resistit, nullum scelus impune relicturum. Porro, existet alius, qui poscet, e literis sacratioribus, exemplum Regis a civibus puniti: quod si proferre non possem, non protinus effectum erit, ut quod illic factum non legamus, id pro scelesto ac nefario consensim habeatur. Possum, apud multas nationes, plurimas ac saluberrimas

recensere leges, quarum in sacris libris nullum est exemplum. Nam; ut omnium nationum consensus approbavit, ut quæ lex jubet, justa; quæ vetat, injusta, habeantur, ita nulla unquam hominum memoria vetitum est, ut quod legibus non contineretur, id ne omnino fieret. Servitus enim ista nec unquam recepta est, nec rerum natura tam fecunda novorum exemplorum eam recipi patietur, ut quicquid lege aliqua jussum non sit, aut illustri exemplo proditum, pro nefario & scelarato sit habendum. Itaque, si quis ex me requirat exemplum e sacrorum voluminum libris, ubi malorum Regum poena probetur, ego vicissim ab illo petam, ubi reprehendatur. Quod si nihil sine exemplo geri placet, quota civilium institutorum pars nobis restabit? quota item legum? Maxima enim earum pars non ex veteri exemplo est desumpta, sed adversus novas & sine exemplo fraudes sancita.

LXXII. Sed jam plura quam necesse erat, exemplorum postulatoribus respondimus. Quod si Judæorum Reges a civibus puniti non sunt, hi non magnopere ad nostrum institutum faciunt. Non enim ab initio a civibus creati, sed a Deo illis dati fuerunt. Itaque optimo jure, qui honoris eis erat auctor, idem & poenarum fuit exactor. Nos autem id contendimus, populum, a quo Reges nostri habent quicquid juris sibi vindicant, Regibus esse potentiorum: jusque idem in eos habere multitudinem, quod illi in singulos e multitudine habent. Omnia aliarum gentium, quæ sub legitimis Regibus degunt, jura nobiscum faciunt: omnes nationes, quæ Regibus a se electis parent, hoc communiter sentiunt, quicquid juris alicui populus dederit, idem eum justis de causis posse reposcere. Hoc civitates omnes semper jus retinuerunt. Itaque Lentulus, quod cum Catilina de evertenda Republica conjurasset, se prætura coactus est abdicare, & Decemviri, legum Romanarum conditores, cum in summo magistratu essent, in ordinem sunt redacti: & Venetorum Duces aliquot, & *Cbilpericus* Rex Francorum, depositis imperii insignibus, in monasteriis privati consenuerunt: & non adeo pridem, *Cbristiernus* Cimbrorum Rex, post vicesimum fere annum, quam exutus est regno, in custodia vitam finivit. Sed ne dictatura quidem (quod tyrannidis erat genus) non in populi potestate erat. Semperque id jus observatum est, ut beneficia publica male collocata repeti, & libertas (cui jura maxime favent) libertis ingratis adimi posset. Hæc de exteris nationibus hætenus dicta sint, ne soli videamur jus novum adversus nostros Reges usurpasse. Quod autem ad nos proprie pertinet, res paucis verbis transigi poterat.

M. Quo pacto? hoc enim libens audire cupio.

LXXIII. B. Possem enumerare duodecim, aut etiam amplius, Reges; qui, ob scelera & flagitia, aut in perpetuos carceres sunt damnati, aut exilio vel morte voluntaria justas scelerum poenas fugerunt. Sed, ne quis vetera & obsoleta me referre caussetur, si *Culenos*, *Evenos* & *Ferchardos* commemorarem, e patrum nostrorum memoria paucos proferam. *Jacobum Tertium* omnes

Or-

[Omnia aliarum gentium] Ita princeps editio Edimb. quod alix omnes in [alienarum gentium] inepte mutarunt.



Ordines jure cæsum in conventu publico judicarunt, ob summam erga suos crudelitatem & flagitiosam turpitudinem: caveruntque in posterum, ne cuiquam eorum, qui coierunt, consenserunt, pecuniam operamve contulerunt, ea res fraudi esset. Quod igitur re gesta recte atque ordine factum judicarunt, non est dubium quin ad exemplum in posterum proponi voluerint: nihilo certe minus, quam L. Quinctius, qui Servilium Ahalam laudavit pro tribunali, quod Sp. Mælium, tergiversantem & renuentem in jus venire, in foro trucidavisset: nec civili sanguine pollutum, sed Tyranni cæde nobilitatum, ille cum existimavit, & universa posterorum series affirmavit. Qui civis affectantis tyrannidem cædem probavit, quid putas cum de Tyranno, in civium bonis latrocinium, in sanguine carnificinam, exercente, facturum fuisse? Quid nostri homines? nonne, qui facinus perpetratum sunt publico decreto impunitate persecuti, de eo, si quando posterius acciderit, legem statuisse tibi videntur? Nihil enim ad summam interest, de eo quod factum est judices, an de futuro statuas: utroque enim modo de facinoris genere, & auctoris pœna vel præmio, judicatur.

M. Ista fortasse apud nostros homines valebunt: foris autem nescio quomodo aliæ gentes hæc accepturæ sint. Illis mihi satisfaciendum vides: non ut in judicio de crimine, sed in publica luce de fama, nec mea, (qui a suspicione procul absum) sed civium meorum. Vereor enim, ne decreta, quibus te satis protectum putas, magis culpaturæ sint exteræ nationes, quam facinus ipsum plenum atrocitatis & invidiæ. De exemplis vero quæ proposuisti, scis, ni fallor, quid pro cujusque ingenio & judicio in utramque partem dici soleat. Velim igitur, (quoniam cætera non tam ex hominum decretis, quam e naturæ fontibus, mihi visus es expedisse) si quid habes, quod pro legis istius æquitate dicas, paucis exponas.

LXXIV. B. Etsi hoc iniquum videri potest, pro lege, a primis usque temporibus regni Scotici, tot seculorum usu probata, populo necessaria, Regibus nec iniqua, nec parum honesta, nunc demum παρανομίας accusata, causam dicere apud exteros, tua tamen causâ id experiar. Ac, tanquam cum illis ipsis, qui tibi negotium facessere volent, agerem, primum, illud rogo, quid est, quod hic reprehensione dignum arbitramini? causamne cur quæsitâ est, an legem ipsam? quæsitâ est enim ad coercendum injustas Regum libidines. Hoc qui damnat, eadem opera omnes omnium gentium leges damnet oportet, eandem enim ob causam omnes expetitæ sunt. An legem ipsam reprehenditis, Regesque solvi legibus æquum existimatis? id quoque an expediat videamus. Ac populo quidem ut non expedire probem, non multis opus est verbis. Nam, si recte superiore sermone medico Regem comparavimus ut non expedit populo, impunitatem quem vellet occidendi medico permitti, ita nec publice est utile, in omnes promiscuam grassandi licentiam Regibus donari. Populo igitur, cujus est in legibus ferendis summa potestas, non est quod succenseamus, si, quemadmodum Regem bonum sibi, ita Regi non optimo legem præesse velit. Quod si Regi hæc lex non sit utilis, videamus an agi cum populo debeat, ut aliquid de suo remittat jure, & de ea abro-

ganda non in trinundinum, sed, more nostro, in quadragesimum diem indicamus comitia. Interim, ut de eadem hic inter nos differamus, dic mihi, Qui insanum vinculis liberat, commodumne insanientis tibi respicere videtur.

*M. Minime.*

*B. Quid, qui febre laboranti, ita ut non multum absit ab insania, frigidam assidue<sup>1</sup> petenti det? eumne bene mereri de ægrotante putas?*

*M. At ego de sanis Regibus loquor. Et recte valentibus medicina, & sanis Regibus opus esse legibus nego. Tu vero Reges omnes malos videri vis, omnibus enim leges imponis.*

LXXV. *B. Minime quidem omnes: sed nec<sup>2</sup> universum populum existimo malum, & tamen lex universum una voce alloquitur. Eam autem vocem mali formidant; boni ad se nihil attinere putant. Ita nec Reges boni quod indignentur huic legi habent: & mali, si scirent, legislatori gratiam haberent, qui, quod ipsis inutile futurum intelligebat, id ne eis liceret, statuit. Quod profecto facient, si ad sanitatem aliquando redibunt: non secus ac morbo levati medico gratias agunt, quem, quod ægrotantium cupiditatibus non obsequeretur, oderant. Sin in sua perseverent Reges insania, qui maxime eis obsequitur, is maxime judicandus est inimicus. In hoc genere sunt adulatores, qui, dum eorum vitia blandiendo fovent, morbum augent, ac tandem una fere cum Regibus præcipites ruunt.*

*M. Negare certe non possum, quin tales Principes legum vinculis fuerint & sine constringendi. Nullum enim monstrum est violentius & magis pestiferum homine, ubi (ut in poetarum fabulis est) semel in belluam degeneravit.*

LXXVI. *B. Hoc tu multo magis dicas, si animadverteris, quam multiplex animal sit homo, & quam e variis monstris compositum. Quam rem veteres poetæ & acute perviderunt, & eleganter expresserunt, cum Prometheus tradunt in homine fingendo e singulis animantibus aliquam particulam in eum contulisse. Omnium sigillatim referre naturas infinitum esset: certe duo<sup>3</sup> monstra teterrima in homine perspicue apparent, ira & libido. At leges quid aliud agunt aut expetunt, quam ut hæc monstra pareant rationi? utque, rationi dum non obtemperant, ea suarum jussionum vinculis coercant? Qui solvit igitur vinculis, sive Regem, seu quemvis alium, non unum ille hominem solvit, sed duo monstra longe crudelissima adversus rationem immittit, & ad legum claustra perfringenda armat: ut recte ac vere mihi dixisse videatur Aristoteles, Qui legi pareat, cum Deo & legi parere; qui Regi, homini & belluæ.*

*M. Etsi hæc satis concinne dici videantur, dupliciter a nobis erratum arbitror. Primum, quod postrema cum prioribus mihi non satis convenire*

vi-

<sup>1</sup> *Petenti des*] An forte [*dat,*] ut supra  
lin. 4. *liberat.*

<sup>2</sup> *Universum populum existimo malum*]

Genev. & Francos. *populo*, inepte.

<sup>3</sup> *Monstra teterrima*] Ita princeps editio

Edimb. reliquæ vero omnes *teterrima*.

videantur. Deinde, quod, ut cætera nobis consent, nihil mihi profectum adhuc videtur ad summam nostræ disputationis. Superius enim consentimus, eandem Regis & legis vocem esse debere: hic eum legibus facinus obnoxium. Hoc autem ut concedamus maxime verum esse, quid tandem hac conclusione promovimus? Quis enim Tyrannum e Rege factum in jus vocabit? Jus enim sine viribus vereor ut per se satis sit potens ad Regem sui muneris oblitum coercendum, aut invitum ad causæ dictionem trahendum.

LXXVII. *B.* Vereor ut satis animadverteris, quæ de Regia potestate sunt superius disputata. Nam si animadvertisse, facile intellexisses, ista quæ modo recitasti non esse inter se pugnancia. Id quo facilius accipias, primum mihi responde: Cum magistratus vel scriba præit verba præconi, nonne eadem est utriusque vox? præconis, dico, & scribæ?

*M.* Eadem prorsus.

*B.* Uter tibi major videtur?

*M.* Qui verba præit.

*B.* Quid Rex edicti auctor?

*M.* Major utroque.

*B.* Ad hanc igitur imaginem componamus Regem, legem, & populum. Regis & legis eadem vox. Uter auctoritatem habet ab altero? Rexne a lege, an lex a Rege?

*M.* Rex a lege.

*B.* Unde id colligis?

*M.* Quia non Rex legi, sed lex Regi coercendo quæsitæ est. Et a lege id ipsum habet, quod Rex est, nam absque ea Tyrannus est.

*B.* Lex igitur Rege potentior est, ac velut rectrix & moderatrix & cupiditatum & actionum ejus.

*M.* Id jam concessum est.

*B.* Quid? populi & legis nonne eadem vox est?

*M.* Eadem.

*B.* Uter potentior, populus an lex?

*M.* Universus, opinor, populus.

*B.* Cur id opinaris?

*M.* Est enim velut parens, certe auctor, legis, ut qui eam, ubi visum est, cõdere aut abrogare potest.

LXXVIII. *B.* Igitur, cum lex sit Rege, populus lege potentior, videndum num sit, ad quem Regem in jus vocemus. Hoc item excutiamus, quæ alterius causæ sunt instituta, nonne sunt minoris illis, quorum causæ quæsitæ sunt?

*M.* Istud velim apertius.

*B.* Hac igitur sequere. Frenum non equi causæ comparatum est?

*M.* Equi scilicet.

*B.* Quid ephippia, phaleræ, calcaria?

*M.* Eadem causæ.

*B.* Equus

*B.* Equus autem si nullus esset, harum rerum foret usus

*M.* Nullus.

*B.* Equus igitur omnibus his præstantior est.

*M.* Quidni?

*B.* Quid equus? in quem usum expetitur?

*M.* In plurimos; in primis autem ad <sup>1</sup> victoriam bello parandum.

*B.* Pluris igitur victoriam equis, armis, cæterisque rebus quæ in usum belli parantur, æstimamus.

*M.* Pluris profecto.

*B.* In Rege creando quid potissimum spectarunt homines?

*M.* Populi, ut opinor, utilitatem.

*B.* Quod si nullus hominum coetus esset, Regibus non foret opus?

*M.* Nihil prorsus.

*B.* Populus igitur Rege præstantior.

*M.* Necessè est.

*B.* Si præstantior est, etiam & major. Rex igitur cum ad populi iudicium vocatur, minor ad majorem in jus vocatur.

*M.* At enim quando sperabimus istam felicitatem, ut populus universus in id quod rectum est consentiat?

*B.* Id quidem vix est sperandum. Expectare certe necesse non est: alioqui neque lex ferri, nec magistratus creari posset: neque enim ulla fere lex satis æqua est omnibus: nec hominum fere quisquam est ea populari gratia, ut neminem habeat aut inimicum aut invidum & obrectatorem. Id modo quæritur, ut lex majori parti sit utilis, & de candidato major pars bene sentiant. <sup>2</sup> Quod si major populi pars legem jubere & magistratum creare potest, quid vetat quo minus & ipse de magistratu judicare, & iudices ei ferre queat? aut, si Tribuni plebis Romani, & Ephori Lacedæmonii, ad leniendam vim imperii sunt quæsit, iniquumne cuiquam videri debet, si liber populus, aut simili aut etiam diversa ratione, in reprimenda tyrannidis acerbitate sibi prospexerit?

*M.* Hic ego propemodum videre videor, quid populus possit; quid autem velit, aut ferat, difficile est judicare. Major enim pars fere vetera & consuetæ requirit, a novitate abhorret: quod eo magis mirandum est, cum in cibis, vestitu, ædificiis, totoque suppellectilis instrumento, tanta sit inconstantia.

LXXIX. *B.* Noli putare hæc a me dicta esse, quod quicquam novi in hoc genere fieri velim, sed ut ostenderem id vetus fuisse, ut Rex apud iudices causam diceret: quod tu propemodum incredibile, nedum novum, credebas. Nam, ut omittam quoties id factum sit apud majores, uti ante a nobis aliqua ex parte dictum est, & tute ex historia facile colligere potes, au-

<sup>1</sup> *Victoriam bello parandum*] Vide supra ad Cap. LXIX. Not. 5.

<sup>2</sup> *Quod si*] Ita cum prima Edimb. scri-

psimus, pro quo libris aliis irrepsit, *Quid si*.



audistine unquam, ab eis, qui de regno contenderent, itum esse ad arbitros?

M. Apud Persas quidem id factum aliquando audiui.

B. Et nostri scriptores idem a *Grimo* & *Milcolumbo Secundo* factum narrant. Sed, ne id genus cognitorum a litigantibus ipsorum consensu assumi solere causeris, ad judices ordinarios veniamus.

M. Hic vereor ne propemodum idem facias, ac si quis in Oceano captandis balænis tendat retia.

B. Quamobrem vero?

M. Quia omnis prehensio, coercitio, animadversio, potentioris est adversus inferiores. Regem vero ad quos judices adesse jubebis? Ad eosne, in quos ipsi summa judicandi est potestas? quos uno illo verbo, VETO, possit compescere?

B. Quid si major aliqua potestas reperitur, cur id juris sit in Reges, quod Regibus est in ceteros?

M. Audire istud cupio.

B. Hanc, si meministi, in populo diximus esse potestatem.

M. In universo quidem populo, aut in majore ejus parte. Illud etiam amplius tibi largior, in iis, in quos populus, aut major pars populi, eam potestatem transmiserit.

B. Bene facis, qui me isto labore leves.

M. Sed non ignoras, majorem multitudinis partem, vel metu, vel præmiis, vel spe largitionis & impunitatis, corrumpi, ut sua commoda & voluptates, publicæ utilitati, atque etiam incolumitati, præferant: qui autem iis rebus non moveantur, non adeo multi sunt:

*Rari quippe boni: numero vix sunt totidem, quos*

*Thebarum porte, vel divitis ostia Nili.*

Omnis autem reliqua colluvies, sanguine & rapinis saginata, suam libertatem habet venalem, alienæ invidet. Ut etiam eos præteream, quibus malorum quoque Regum nomen est sacrosanctum: omitto etiam illos, qui, etsi non ignorant quid liceat & æquum sit, tamen honestis periculis quietam inertiam præferunt, & in eventus expectationem animo suspensi sua consilia componunt; aut fortunam partium, non causam, sequuntur. Hæc quanta sit futura multitudo vides.

LXXX. B. Magna profecto: nec tamen maxima. Nam Tyrannorum injuriæ ad multos, beneficia ad paucos pertinere possunt. Cupiditas enim vulgi inexplibilis, velut ignis adjecta materia vehementius accenditur: quod vero a multis aufertur per vim, paucorum magis alit famem, quam satiat libidinem. Deinde talium fere hominum fluxa est,

*Et cum fortuna statque caditque fides.*

Quod si etiam in sententia maxime perstarent, tamen in civium numero non essent habendi: violatores enim sunt humanæ societatis, aut certe proditores: quod vitium si in Rege ferendum non est, multo minus in privato est tolerabile. Qui igitur cives habendi sunt? Qui legibus parent, socii etiam

hominum tuentur, qui labores omnes, omnia pericula, malunt pro suorum salute obire, quam in otio ab honestate sejuncto per ignaviam, consenescere, qui non praesentes fructus, sed aeternitatis in memoriam ante oculos propositam habent. Quod si quos timor & rerum suarum respectus a periculis revocat, tamen & facinoris praecelari splendor, & virtutis pulchritudo, animos dejectos eriget: & qui auctores, qui duces esse non audebunt, comites fieri non recusabunt. Itaque, si cives non e numero, sed dignitate, censeantur, non solum pars melior, sed etiam major, pro libertate, pro honesto, pro incolumitate, stabit. Quod si etiam tota plebs dissentiat, nihil istud ad praesentem disputationem facit: nos enim hic quid futurum sit, sed quid jure fieri possit, quaerimus. Sed jam ad ordinaria judicia veniamus.

*M.* Istud jamdudum expecto.

*LXXXI. B.* Si privatus quispiam praedium, aut agri sui partem, contra quam aequum est a Rege teneri contendat, quid hic privato faciendum censes? cedetne agro, quoniam Regi judicem ferre non poterit?

*M.* Minime. Sed non Regem, sed procuratorem ejus adesse jubebit.

*B.* Jam istud perfugium, quo tu uteris, quam vim habeat vide. Mea enim nihil refert, an ipse Rex aderit, an ejus procurator; utroque enim modo Regis periculo litigabitur: ei, non procuratori, ex eventu judicii damnum aut lucrum accedet. Ipse denique reus est, id est, is cujus res agitur. Nunc tu velim consideres, quam non modo sit absurdum, sed etiam iniquum, de praediolo, de luminibus, de stillicidiis, adversus Regem judicium dari; parricidii, veneficii, perduellionis, nullum esse judicium: in minoribus rebus severitate juris uti, in maximis flagitiis summam licentiam & impunitatem permitti: ut plane verum esse videatur antiquum illud, *Leges aranearum telis esse perfimiles, quae muscas detineant, animalia majora transmittant*. Neque justa est illa quorundam querela & indignatio, qui dicunt, neque honestum nec aequum esse, ut de Rege ab interioris ordinis homine pronuncietur, cum in lite de pecunia vel agro jam id videant receptum: & summi secundum Regem viri plerumque causam dicant apud judices, neque divitiis, neque nobilitate, nec rebus gestis, pares; ac neque adeo multum supra vulgus eminentes, longeque majore intervallo infra reos, quam supremi ordinis homines sint infra Reges. Nec ea tamen re oppressos illi ac viri primarii de sua dignitate quicquam detractum existimant. Quod si semel illud recipiamus, ut nemo apud judicem, nisi omnibus rebus superiorem, sisti possit, expectandum erit tenuioribus, donec Regi aut libeat, aut otium sit, ut de nobili reo cognoscat.

*LXXXII.* Quid, quod istorum querela non modo injusta sed etiam falsa est? Nemo enim, qui ad judicem venit, ad inferiorem venit: praesertim cum tantus honos a Deo ipso judicum ordini habeatur, ut eos non Reges modo, sed etiam Deos vocet, suamque, quoad fieri potest, dignitatem cum eis communicet. Itaque Pontifices illi Romani, qui Regibus pedes suos gratiose indulgebant osculandos, qui advenientibus ad se mulas suas ob-

Viam

viam honoris causa mittebant, qui pedibus Imperatorum cervices conculcabant, in jus vocati parabant, a iudicibus coacti se magistratu abdicabant. *Joannes Vicesimus secundus*, e fuga retractus, etiam in carcerem conjectus, ac vix tandem pecunia liberatus, alium in suum locum surrogatum adoravit, atque illa adoratione iudicum sententiam approbavit. Quid Synodus Basiliensis? nonne communi omnium Ordinum consensu statuit atque sanxit, Pontificem subjectum esse senatui sacerdotum? Quibus autem rationibus, ut id facerent, patribus illis persuasum sit, e conciliorum actis repetere potes. Reges igitur, qui Pontificum majestatem tanto supra se fatentur eminere, ut suæ celsitudinis fastigio omnibus eis obumbrer, nescio quomodo in eo suæ dignitatis imminutionem positam censcant, quo Pontifex e tanto altiore folio descendere se non putavit indignum: ut videlicet causam in concilio Cardinalium diceret. Quid, quod falsa est eorum querela, qui indignantur se ad inferioris tribunal sisti? Non enim in iudiciis damnat & absolvit, nescio quis Titius, aut Sempronius, aut Stichus, sed lex ipsa: cui ut Reges parerent, honorificum judicarunt clarissimi Imperatores Theodosius & Valentinianus. Eorum verba, quoniam dignissima sunt omnium seculorum memoria, hic apponam. *Digna* (inquiunt) *vox majestate regnantis, legibus se alligatum Principem fateri. Et revera imperio majus est submittere legibus principatum: Et oraculo præsentis edicti, quod licere alii non patimur, indicamus.* Hæc optimi Principes & senserunt & sanciverunt: neque pessimi eadem non vident. Nero enim in morem citharædorum cultus, non modo gestus & motus eorum observasse dicitur, sed etiam, cum in iudicium est ventum, inter spem timoremque sollicitus de victoria stetit: etsi enim se victorem declaratum iri sciret, tamen victoriam honestiorem fore existimabat, si non adulatione judicantium, sed legitimo certamine esset adeptus; legisque observationem non ad imminutionem auctoritatis, sed ad victoriæ splendorem facere opinabatur.

*M.* Non est, ut video, tam insolens tua oratio, quam initio putaram; cum Reges parere legibus volebas: nititur enim non tam Philosophorum, quam Regum, Imperatorum & conciliorum Ecclesiæ, auctoritate. Sed quod hic dicis non hominem sed legem esse quæ judicet, non satis assuor.

**LXXXIII. B.** Revoca paulum superiora in memoriam. Nonne Regis & legis eandem esse vocem diximus?

*M.* Factum.

*B.* Quid scribæ, & præconis, cum legem pronunciat?

*M.* Eadem.

*B.* Quid iudicis, cum legem decreto suo prætexit?

*M.* Eadem.

*B.* Uter vero ab utro auctoritatem habet, iudexne a lege, an lex a iudice?

*M.* A lege iudex.

*B.* Vis igitur sententiæ a lege est, sola vero verborum pronuntiatio iudicis.

X x x x x

*M. Vi-*

*M.* Videtur.

*B.* Imo nihil certius: judicum enim sententiæ secundum legem pronuntiatæ ratæ sunt, secus rescinduntur.

*M.* Nihil verius.

*B.* Vides igitur, ex lege judici, non e judice legi, auctoritatem esse.

*M.* Video.

*B.* Nec pronuntiantis humilitas dignitatem legis imminuit, sed legum dignitas, siue Rex, siue judex, siue præco, eam pronuntiet, semper est eadem.

*M.* Prorsus.

*B.* Lex igitur semel sancita primum vox est Regis, ac deinde aliorum.

*M.* Ita est.

*B.* Rex igitur cum a judice damnatur, [*s*] lege damnari videtur.

*M.* Plane.

*B.* Si a lege, igitur sua ipsius voce damnatur; siquidem eadem est legis & Regis vox.

*M.* Sua, ut videtur, non minus quam si literis sua manu scriptis teneatur.

LXXXIV. *B.* Quid est ergo quod de judice tantopere laboramus, cum Regis ipsius confessionem, hoc est, legem, teneamus? Quin & hoc inspiciamus, quod modo mihi venit in mentem; Rex cum in quavis causâ pro judice sedet, nonne omnes alias personas deponere debet, fratris, patris, propinqui, amici, inimici? solamque judicis personam retinere?

*M.* Debet.

*B.* Ejusque unius meminisse personæ quæ actionis propria est?

*M.* Vellem istud magis perspicue diceres.

*B.* Adverte igitur: cum quis rem alienam clam involat, quid eum facere dicimus?

*M.* Furari, opinor.

*B.* Quod nomen ei damus ob hanc actionem?

*M.* Furis videlicet.

*B.* Quid aliena uxore qui utitur tanquam sua?

*M.* Mœchari.

*B.* Quem eum vocabimus?

*M.* Mœchum.

*B.* Quid, qui judicat?

*M.* Judicem vocamus.

*B.* Cæteris quoque ad hunc modum, ab actionibus quas tum agunt, nomina recte dari possunt.

*M.* Possunt.

*B.* Rex igitur cum jus dicet, alios omnes personas exuet:

*M.* Exuet.

1. *A lege*] Præpositionem [*s*] hic supplendam, invitis licet omnibus libris, tum res ipsa, quum alter post versus ostendit.



*M.* Exuet profecto : & eas maxime quæ in judicando alteri litigantium officere possunt.

*B.* Quid, de quo judicatur? quod ei nomen ab actione dabimus?

*M.* Reum vocare possumus.

*B.* Et is nonne æquum est ut personas, quæ judicio possunt officere, exuat?

*M.* Certe is etiam, si quas alias personas, quam rei, gerat, ex tamen nihil ad judicem pertinent : cum ne pauperis quidem in judicando Deus rationem haberi velit.

*B.* Igitur, si quis, qui pictor est & grammaticus, judicio contendat de arte pingendi, adversus eum, qui pictor est, grammaticus vero non est, nihil ei grammaticæ scientia hic prodesse debet?

*M.* Nihil.

*B.* Nec pingendi peritia, si ei de grammatica sit contentio?

*M.* Nihilo magis.

LXXXV. *B.* Igitur in judicio judex unum agnoscat nomen, criminis videlicet, de quo reum adversarius accusat.

*M.* Unum.

*B.* Quid si Rex fiat parricidii reus, nomen Regis an quicquam ad judicem attinet?

*M.* Nihil : sed parricidæ tantum, non enim in controversiam de regno venit, sed de parricidio.

*B.* Quid, si duo parricidæ in jus vocentur, alter Rex, alter pauper? nonne par cognitio judicis erit de utroque?

*M.* Par : nec minus vere quam eleganter mihi dictum videtur a Lucano,

— *Rheni mihi Caesar in undis*

*Dux erat, hic socius. Facinus quos inquinat, æquat.*

*B.* Vere profecto. Non igitur de Rege & paupere hinc judicabitur, sed de parricidis. Tum enim de Rege judicaretur, si quæreretur de duobus uter esse debeat Rex : aut si in quæstionem veniat, Rexne sit Hiero an Tyrannus, aut si quid aliud in quæstionem veniat, quod proprie ad Regis functionem pertineat : veluti de pictore sit judicium, cum quæritur ecquid sciat artem pingendi.

*M.* Quid, si Rex sua sponte nolit, nec vi cogi possit, ut in jus veniat?

*B.* Hæc ei causa cum omnibus facinorosis est communis, nullus enim aut latro aut veneficus ultro in jus venit. Sed scis, opinor, quid lex permittat; furem nocturnum quovis modo, diurnum, si telo se defenderit, interficere. Quod si aliter, quam vi, in jus protrahi non possit, meministi quid tum fieri soleat? Latrones enim potentiores, quam ut jure cum eis agi possit, bello & armis persequimur. Nec alia fere bellorum omnium causa prætenditur inter nationes, populos & Reges, quam injuriæ, de quibus,

X x x x 3

cum

cum judicio non potest decerni, <sup>1</sup>ferro cernitur.

*M.* Adversus hostes quidem ob istas causas bella geri solent: cum Regibus alia ratio est, quibus jurejurando sanctissimo interposito ad parendum sumus obstricti.

*B.* Obstricti quidem sumus: sed illi contra priores promittunt se ex æque & bono jus dicturos.

*M.* Ita res habet.

LXXXVI. *B.* Mutua igitur Regi cum civibus est pactio.

*M.* Ita videtur.

*B.* Qui prior a conventis recedit, contraque quam pactus est facit, nonne is pacta & conventa solvit?

*M.* Solvit.

*B.* Soluta igitur vinculo, quod Regem cum populo continebat, quicquid juris ex pactione ad eum, qui pacta solvit pertinebat, id, reor, amittitur.

*M.* Amittitur.

*B.* Is etiam, cum quo erat conventum, æque sit, atque ante stipulationem erat, liber.

*M.* Eodem plane jure, atque eadem libertate.

*B.* Rex autem si facit, quæ sunt solvendæ societati humanæ, cujus continendæ causa fuit creatus, quid eum vocamus?

*M.* Tyrannum, opinor.

*B.* Tyrannus autem non modo non justum habet imperium in populum, sed etiam populi hostis est.

*M.* Hostis profecto.

*B.* Cum hoste, ob graves & intolerabiles injurias, est justum bellum.

*M.* Justum sane.

*B.* Quid in eo, quod cum totius humani generis hoste, hoc est, Tyranno, geritur?

*M.* Justissimum.

*B.* Bello autem cum hoste justa de causâ semel suscepto, jus est non modo universo populo, sed singulis etiam, hostem interimere.

*M.* Fateor.

LXXXVII. *B.* Quid, Tyrannum hostem publicum, quocum omnibus bonis perpetuum est bellum? nonne singuli, e tota generis humani multitudine, jure omnes bellorum poenas ab eo expetere possunt?

*M.* Video nationes fere omnes in ea fuisse sententia. Nam & Thebelaudari

[<sup>1</sup> Ferro cernitur] i. e. decernitur, pugnantur. Virg. Æneid. XII. vers. 709.

Stupet ipse, Latinus  
ingentes genitos diversis partibus orbis,  
Inter se coisse viros, & cernere ferro.  
Ita enim legendum, non, decernere (quod antiquis codicibus fere omnibus scriptum

testatur Pierius,) ostendit Seneca Epist.

58. Quadam, inquit, simplici in usu erant, sicut cernere ferro inter se dicebant. Virgilius hoc probabit tibi. Stupet ipse Latinus, &c. quod nunc decernere dicimus: simplici illius verbi usus amissus est.

dari solet; quod maritum, & Timoleon, quod fratrem, & Cassius, quod filium interfecerit; & Fulvius, quod filium ad Catilinam proficiscentem, & Brutus, quod filios & propinquos, cum reducendi Tyranni consilia eos rescisset inisse, necaverit: & publice præmia erant tyrannicidis, & honores a multis Græciæ civitatibus instituti: adeo (quod ante dictum est) nullum ne humanitatis quidem vinculum cum Tyrannis esse existimabant. Sed quid singulorum assensum colligo, cum possum universi prope orbis testimonium proferre? Quis enim Domitium Corbulonem non graviter reprehendit, quod adeo generis humani salutem neglexerit, ut Neronem, cum facile posset, imperio non deiecerit? Nec a Romanis modo est reprehensus, sed a Tyridate Persarum Rege, nihil minus metuente, quam ne id exemplum ad se aliquando pertineret. Sed nec pessimorum hominum animi, crudelitate efferati, ab hoc publico in Tyrannos odio ita sunt liberi, ut non aliquando invitis erumpat, & ad imaginem veri & honesti eos torpere & obstupescere cogat. C Caligulae crudelissimi Tyranni pari crudelitate ministri cum cæso domino tumultuantur, & cædis auctores ad supplicium deposcerent, subinde vociferantes, *Quis Imperatorem occidisset?* Valerius Asiaticus, homo consularis, e loco conspicuo, unde audiri & cerni posset, exclamavit, *Utinam ego eum occidissem!* Ad hanc vocem homines prope omnis humanitatis expertes velut attoniti; a tumultu cessarunt. Tanta enim vis est honesti, ut, levissima specie ejus animis oblata, impetus violenti conquiescant, & furor incitatus relanguescat; & rationis imperium amentia, velit, nolit, agnoscat. Neque isti, qui nunc cælum terræ clamoribus miscent, aliter sentiunt. Id autem vel hinc facile intelligimus, quod, quæ nunc gesta reprehendunt, eadem, aut in speciem atrociora, e vetere historia cum recitantur, laudant & probant: ex coque aperte demonstrant, se magis privatis affectionibus obsequi, quam publico aliquo damno commoveri. Sed quid certiores testes querimus, quid Tyranni mercantur, ipsorum conscientia? Inde ille perpetuus ab omnibus, & potissimum a bonis, metus: & gladium, quem in alios districtum semper habent; suis cervicibus semper impendentem vident, & suo in alios odio aliorum in se animos metiuntur. Contra vero boni, neminem metuendo, sæpe creant sibi periculum, dum non ex vitiosa hominum natura, sed e suo in alios merito, aliorum in se benevolentiam expendunt.

LXXXVIII. B. Verum igitur illud existimas, Tyrannos in sævissimarum belluarum numero habendos: tyrannicamque violentiam magis esse contra naturam, quam paupertatem, quam morbos, quam mortem, cæteraque mala quæ possunt hominibus sponte naturæ accidere.

M. Equidem cum rationum momenta mecum expendo, non possum negare, quin ista vera sint, sed cum pericula & incommoda occurrunt, quæ hanc sententiam subsequuntur, continuo velut injecto freno animus nescio quomodo labascit, & a recto illo nimium Stoico & severo ad utilitatem se inflectit, & prope deficit. Nam si cuivis Tyrannum occidere licebit, vide quantam ad nequitiam fenestram hominibus improbis aperias, quantum bonis periculum crees, malis licentiam permittas, omnibus omnium rerum pertur-

ba-

lationem immittas! Quis enim, cum Regem bonum, aut certe non pessimum, occiderit, non istam honesti speciem suo scelere prætereundum poterit? aut si etiam quisvis e civium bonorum numero, dignum omni supplicio Principem vel occidere frustra tentarit, vel etiam cogitatum facinus peregerit, quantam omnium rerum confusionem sequi necesse est? dum & mali tumultuabuntur, indignati ducem sibi ereptum, nec omnes boni factum probabunt: nec qui probabunt, omnes auctorem libertatis adversus scelestam factionem defendent, & plerique obtentu honesto pacis suam segnitiam velabunt, aut potius virtutem alienam calumniabuntur, quam suam fatebuntur ignaviam? Hæc profecto utilitatis privatæ recordatio, & publicæ causæ desertæ excusatio, & periculorum metus, animum plerisque si non frangit, certe debilitat, & tranquillitatem, etsi non certissimam, cogit incertæ libertatis expectationi præponere.

LXXXIX. B. Tu si memoria teneas superiora, facile metus hic tuus discutietur. Diximus enim quasdam esse tyrannidas populi liberis suffragiis comprobatas, quas ob administrationis moderationem Regis nominibus dignamur. Nemo, me auctore, non modo quæquam horum, sed nec eorum qui per vim vel fraudem dominatum sibi pepererunt, violabit, si modo civilis animi temperamentum in gubernando adhibuerint. Tales fuerunt apud Romanos Vespasianus, Titus, Pertinax; Alexander apud Græcos; Hiero Syraculis: qui licet vi & armis imperium pepererunt, tamen iustitia & æquitate nuerunt ut inter justos Reges censeantur. Præterea ego in hoc genere quid fieri jure possit aut debeat explico, non ad rem suscipiendum exhortor. In illo enim satis est rei notatio, & dilucida explicatio: in hoc vero, & in suscipiendo consilio opus est, in aggrediendo prudentia, in efficiendo virtute. Hæc, cum temporibus, personis, locis, cæterisque rei gerendæ instrumentis, aut juventur, aut evitantur, si quis temere attentaverit, nihilo magis ejus erroris culpa ad me pertinet, quam medico, qui remedia morborum commodè descripsit, ejus culpa est præstanda, qui alieno tempore ea ægrotantibus dedit.

M. Unum mihi adhuc ad absolvendum hanc disputationem deesse videtur: id si adjeceris, cumulatam abs te beneficium accepisse me exillimabo: nempe, si quæ sit Ecclesiæ censura de Tyrannide ex te intelligam.

XC. B. Eam cum voles ex *Epist.* priorè Pauli ad *Cor.* tibi sumere licebit: ubi Apostolus vetat, Cum palam facinorosis aut flagitiosis ullum convitiis aut sermonis habere commercium. Id si inter Christianos observaretur, sceleratis, nisi resipiscerent, fame, frigore & nuditate pereundum esset.

M. Gravis profecto sententia: sed nescio an populus, qui tantum foler magistratibus ubique tribuere, sub hac formula Reges etiam complectendos credet.

B. Certe veteres Ecclesiastici scriptores ita ad unum Pauli sententiam intellexerunt. Nam & Theodosium Imperatorem Ambrosius e coetu Christianorum exclusit, & Theodosius Episcopo paruit. Nec ullius, quod sciam, Episcopi factum antiquitas majoribus est laudibus protecta: nec ullius Imperatoris modestia magis est commendata. Ad rem autem quantum interest,



an extra civitatem Christianam pellaris, an igni & aqua tibi interdicatur? Magistratibus enim omnibus adversus eos, qui facere imperata recusant, hoc gravissimum est decretum: & illud *Ecclesiasticorum*. Utriusque autem imperii sprete poena mors est; sed alter corporis, alter totius hominis interitum denunciat. Igitur Ecclesia (quæ multo leviora crimina morte puniendâ censet) quem vivum e coetu bonorum expellit, mortuum in coetum cæcodæmonum relegat, non cum morte dignum existimabit?

XCI. Pro æquitate causæ satis multa mihi dixisse videor: quæ si exterrorum quibusdam minus placeant, considerent, rogo, quam inique nobiscum agant. Nam, cum permultæ per Europam sint nationes & magnæ & opulentæ, suæque cuique leges, arroganter faciunt, qui formulam regnandi, quam ipsi habent, omnibus præscribunt. Helvetii rempublicam habent: Germania nomine imperii, regno legitimo utitur: civitates (ut audio) nonnullæ per Germaniam optimatibus parent: Veneti dominatum ex his omnibus habent temperatum: Moscovia tyrannide gaudet. Nos regnum exiguum quidem, sed jam bis mille annos ab exterarum gentium imperio liberum, tenemus: Reges legitimos ab initio creavimus: leges & nobis & aliis æquas imposuimus: utiles fuisse temporis diuturnitas commonstrat: earum enim observatione magis, quam armis, adhuc hoc regnum stetit. Quæ tandem iniquitas est hæc, velle ut leges, quarum utilitatem tot seculis experti sumus, aut abrogemus, aut negligamus? aut quæ est ista impudentia, ut qui suum imperium tueri vix possunt, alieni regni statum & ordinem labefactare conentur? Quid, quod nostra instituta non modo nobis, sed vicinis etiam, sunt utilia? Quid enim ad pacem cum finitimis retinendam utilius esse potest, quam Regum moderatio? Ex eorum enim immoderata libidine injusta bella temere plerumque suscipiuntur, scelerate geruntur, turpiter deponuntur. Quid porro inutilius ulli civitati, quam malæ apud finitimos leges, quarum sæpe contagio serpere latius solet? Aut cur nobis unis molesti sunt, cum tot circumcirca nationes aliis atque aliis legibus & institutis utantur; penitus eisdem, nullæ? Aut cur nunc demum molesti sunt, cum novi nihil statuamus, sed in vetere jure perseveremus? cum nec soli, nec primi, nec nunc primum his institutis utamur? At non placent quibusdam nostræ leges. Fortasse nec suæ. Non inquirimus curiose in aliorum instituta: nostra nobis relinquunt tot annorum experimento perspecta. Num eorum concilia turbamus? aut qua tandem in re illis molesti sumus?

XCII. At seditiosi estis, ajunt. Possem libere respondere; Quid ad illos? nostro periculo, nostro damno tumultuamur. Possem enumerare seditiones non paucas & civitatibus & regnis non inutiles. Non utar illa defensione. Nego ullam gentem minus esse seditiosam: nego ullam unquam in seditionibus fuisse moderatiorem. Inciderunt multæ contentiones de

<sup>1</sup> *Ecclesiasticorum*] An hic potius [*Ecclesiasticis*] scribendum, aut initio sententiæ [*magistratum omnium*?]

*Tim. J.*

Yyy yy

de legibus, de jure imperii, de regni administratione, sed semper summa rerum salva: nec certatum est, ut apud plerosque populos, cum plebis pernicio, neque Principum odio, sed amore patrio, studio legum tuendum. Quoties nostra memoria steterunt in procinctu magnæ ex adverso acies? quoties non modo sine vulnere, sed sine noxa, sine convicio, discessum est? quoties similitates privatas publica sedavit utilitas? quoties intestina odia de hostium adventu rumor exstinxit? Nec in seditionibus tamen magis modesti, quam fortunati fuimus, cum semper fere quæ pars erat justior, eadem fuerit felicitior: & velut civilia moderate exercuimus odia, ita utiliter consensimus in concordiam. Hæc in præsentia occurrunt, quæ sermones malevolorum compescere, pertinaciores refellere, æquioribus satisfacere posse viderentur. Quo autem jure apud alios regnetur, non putavi multum nostra interesse. Nostrium morem paucis recensui, sed pluribus, quam institueram tamen, aut quam res expetebat: quia tibi uni hunc laborem suscepì: qui si abs te comprobetur, satis habeo.

*M* Mihi quidem, quod ad me attinet, abunde satisfacisti: quod si ego, item alius satisfacere potero, magnum ex hoc sermone fructum cepisse, & molestia maxima levatum esse me existimabo.

**F I N I S.**



**DE**

# DETECTIO:

SIVE,

*De MARIA SCOTORUM Regina, totaque ejus contra  
Regem conjuratione, fædo cum Bothuelio adulterio,  
nefaria in maritum crudelitate & rabie, hor-  
rendo insuper & deterrimo ejusdem parricidio,  
plena & tragica plane Historia.*

ITEM

A C T I O

*Contra MARIAM, in qua ream & consciam esse  
eam hujus parricidii necessariis argumentis  
evincitur.*

*Ad illustrissimam ELIZABETHAM serenissimam Angliæ  
Reginam.*

*Auctore Georgio Buchanano, Scoto.*

Yyy yy 2

IN

# I N M A R I A M

Reginam Scoticam.

**Q**uæ Regina, tuos hos nunc adverte furores,  
Hæc de consiliis sunt manifesta tuis.  
Notus ille tuas vires Darnleius heros  
Pertulit, heu tristes pertulit ille facies.  
Quæ mulier dulcem voluit sic perdere formam?  
Es genus, & virtus, fœdera sacra, fides,  
Uxor pietas, leges, vindicta Deorum,  
Debant animæ plus vulniffe tuo.  
Siccine Bothwellum poteris sine lege tenero?  
Hunc, scelerata, pati sis sine lege mori?  
Siccine Bothwelli poterant te flectere verba,  
Ut sua non justo sanguine vota ferat?  
Non tua fœmine splendet vita pudore,  
Sed tua monstroso crimine vita nocet.  
Ostinam proprio solo, tua pessima membra

Quæ sit, sensissent, ultio iusta Dei:  
Nos o sic salvi (quæis tu male sana noceres)  
Evasssemus dumna futura diu.  
Anglia nam membrum sacrum, crudelius illum,  
Invenire sibi, nec sibi ferro potest.  
Nam tua perpetuum molitur vita periculum  
Et sunt quæ voluis sanguinolento nitris.  
Ecce Comes Regis pater, (est lacrymabile fatum),  
Ingenio Dux est obratus ecce tuo.  
Sed Deus has mentis labe, peccata nefanda,  
(Cognita sunt illi) non feret illa diu.  
Tu sperare potes vita tormenta, salutis  
Amplius haud superest, spes tua mortis erit.  
Aspice divino penas de nomine mitti:  
Aspice promeritis fata ferenda tuis.

G. M.

In Mariam Stuartam Reginam Scoticam

## S A T Y R A.

**Q**uæ fuit regio Verlino juncta Stuartæ:  
Sustulit illa suum seua virago virum.  
Et quem non potuit morientem auferre veneno,  
Hunc seua sulphureo pulvere tollit humo.  
Quæ te dira movet rabies? quæ vexat eryanis?  
Quis proles, gens inimica Deo?  
Cur petis ipsa novos obolamas? ut viscina  
possis  
Sæpe recens fieri, huiusque plura dari?  
Quis nisi Bothwellus tali concumbere dignus?  
Lactucos similes talia labra tenent.

Tigris alit mentem, panthera in pectore regnat.  
Læx lupus nutrit, corpore Daemon inest.  
Monstra quis enumeres, quibus est imbuta  
Stuartæ?  
Omnia nemo potest: plurima namque latent.  
Quisquis at infelix talem dignatur amicum:  
Tæxica, premonitus, multa parata sciat.  
Quod si difficile est vitam violare veneno:  
Sulphureo, caveat, pulvere tæxæ rapi.  
Opprobrium mundi, redigatur talis ad Indos:  
Vel focus absumens corpus in alto ferat.


B. R. - Scotus

D E.



# DETECTIO

## MARIÆ REGINÆ SCOTORUM.

I. UM rerum domi judicatarum foris rationem exigi, omnibus quisui sunt juris, novum, & ob insolentiam molestum est. tum nobis profecto longe molestissimum videri oportet: quippe quibus necessitas imposita est, ut quorum vitia tegere cupimus, eorum vitam cogamur oppugnare, nisi ipsi omnium sceleratissimi haberi velimus. Sed magnam ejus molestiæ partem levat tua, serenissima Regina, aequitas, quæ non minus moleste feras propinquam, quam nos Reginam, omnium sermone traduci, quæque non minus veri intelligendi, quam nos calumniæ vitandæ, studio ducaris. Igitur, quam brevissime fieri potest, rem perstringemus: ac tanto exponemus compendio, ut summa rerum capita, non tam explicasse, quam percussisse videamur, a prima Reginæ inconstantia exoristi. Ut enim præceps fuit in nuptiis faciendis ejus levitas, ita repente secuta est vel poenitentia, vel (nullis existantibus causis) alienatæ voluntatis indicia. Nam cum antea non modo negligenter, sed parum honorifice Rex est habitus, tandem apertius odium erumpere cepit: illa præsertim hieme, cum Peblum, non modo tenui, sed infra privati hominis dignitatem, comitatu, non in aucupium missus est, sed procul a consilio, & negotiorum publicorum conscientia, ablegatus. Neque literis committere necesse est eas res, quæ ut tum omnibus erant spectaculo, ita nunc, velut recens imago, in omnium hærent pectoribus. Et quanquam hoc initium erat omnium, quæ secuta sunt, malorum, ab initio tamen occulta erant consilia: ut non modo vulgus, sed ne familiares quidem, & qui plurimis rebus gerendis intererant, satis intelligere possent, quid potissimum tum Regina spectaret.

Nuptiæ Regi-  
niæ Scoti-  
cum Rege-

Odium Re-  
gina Scot.  
eius mar-  
itum post  
nuptias.

II. Tandem circiter mensem Aprilem anni 1566, cum a Dumbro Edim- burgum Regina redisset, atque in arcem ejus oppidi concessisset, ibi usque ad puerperii tempus se continuit. A parto statim occulta cogitati sceleris consilia sese aperire cœperunt: quorum hæc summa fuit: ut, Rege qualibet ratione subdito, matrimonium cum *Buthuelis* contraheret. Ac ne ipsa suspitione perpetrati sceleris contingeretur, spargere paulatim semina discordiarum cœpit inter Regem & Proceres, qui tum in Aula versabantur: ac magis eis inflammatis, ad capitales inimicitias rem deducere. Et, si quando suspiciones mutuas relanguescere sentiebat, novis utrinque delationibus irarum stimulos acuebat: dum Nobilitati Regem, Regi Nobilitatem in caput ejus immi-

AN. 1566.  
April.  
Puerperia  
Reg. Scot.  
eius mari-  
tam post  
puerperium.  
Reginæ  
cumbit huc-  
lio in oc-  
cem Reia  
consistano.

3 In omnium hærent pectoribus] Ita fere non [hærent] quod habet prima, & quod legendum monstrat orationis contextus; sciam unica hujus Invektivæ editio.

V V V V V 3

3 N. ref.

Inimicitias  
inter Regem  
& Nobilita-  
tem fecit.

Comes Mo-  
ravie Regi-  
nae frater  
Prorex Sco-  
tie.

Lites inter  
Comitem  
Moraviam  
& Regem  
per Regi-  
nam excita-  
te.

Regina le-  
nae munus  
marito præ-  
stat.

Insidiosum  
Reginae  
consilium.

imminere, persuadere conatur. Neque quicquam ei longius videbatur, quam ut res ad manus veniret: incerta enim utros vinci mallet, utriusque partis cladem in lucrum sibi ponebat: quippe quæ gradum ad id, quod intenderat, ita sibi factura videretur. Denique brevi ita omnium animos mutuis implevit suspicionibus, ut nemo tum genere paullo illustrior in Aula esset, quem non in eam<sup>1</sup> necessitudinem induxerit, ut rumores de se fictos vel turpiter agnoscere, vel cum arguentibus armis contendere, vel domum secedere cogeretur. Ac ut cætera, studio ad ipsum causæ caput festinandi, omittam, una tamen illius temporis insignis calumnia prætereunda non est. Nam, cum Rex aliquando ad multam noctem cum Regina collocutus fuisset, ejus fere colloquii hæc summa fuit: *Nobilitatem prope omnem in ejus exitium conspirasse, ac rationem inter se inire, qua eum tollere possent. Rege dimisso, Regina Moravium fratrem suum (qui Prorex postea fuit) arcessit: Rem esse atrocem, statim ejus præsentia opus esse. Ille e profundo somno excitatus, trepide (veste talari super indusium lineum injecta) ut erat seminudus ad eam advolat. Simili prope ibi oratione usa, quali ante ad Regem: Quem tanto ejus odio flagrare, ait, ac tam egre ferre, quod eum apud se gratia locum obtineret, ut ipsum, cum primum posset, de medio tollere decreverit. Ita, quod in ipsa erat, nihil omisit, quo minus eos committeret: & procul dubio commisisset, nisi Deus homines innoxios e tam periculosus insidiis eximere, & sceleratam illius nequitiam detegere statuisset.*

III. Cum hic ei conatus frustra fuisset, alia fraude hominem adolescentem & incautum aggreditur. Eum sollicitat, ut, dum uterum ferret, aliquam, e magna copia, adolescentulam deligeret, cujus interea consuetudine uteretur. Studium suum & operam pollicetur, veniam facti spondet: Comitissæ Moraviæ uxorem ostendit: non quod lectissimam sceminam maxime opportunam flagitio putaret, sed tres inimicos una opera volebat ulcisci; Regem. Comitem, ejus uxorem: & locum divortio acquirere, ut vacuum *Botbuelio* thalamum relinqueret. Partu liberata, etsi alios omnes satis comiter accipiebat, quoties Regem, visendi causa, adesse nunciabatur, & ipsa & comites vultum sermonemque ita effingebant, ut nihil magis timere viderentur, quam ne Rex non intelligeret se eis fastidio, adventum conspectumque ejus omnibus ingratum esse. Contra vero *Botbuelius* unus omnia poterat: unus consiliis, unus negotiis omnibus præerat. Adeoque Regina sui erga illum animi propensionem ab omnibus intelligi volebat, ut, si quid ab ea impetrandum foret, nemo, nisi per eum, impetraret. Adeo timebat, ne obscurus erga eum favor esset.

IV. Non adeo diu post partum, quodam die, summo mane, cum paucis admodum consociis, ad Portum (quem Novum vocant) descendit: omnibusque mirantibus quo properaret, naviculam ibi præparatam conscendit.

<sup>1</sup> *Necessitudinem*] i. e. necessitatem, quo significatu a Sallustio & Tacito ea vox sæpius usurpatur: aliis tamen scriptori-

bus pro sanguinis conjunctione aut amicitia longe frequentissime accipitur. [Vid Davis, ad Cæsar. vii. 11. de Bell. Gallico. 53.]

<sup>1</sup> Con-

dit: Apparaverant autem eam naviculam *Gulielmus & Edmundus Blacateri*, *Leonardus Robertsonus*, & *Thomas Diefenus*; *Botbuelii* clientes, & notæ rapacitatis piratæ. Hoc igitur cum latronum comitatu, stupentibus omnibus bonis, se mari commisit, nemine (ne ex honestioribus quidem ministris) assumpto. In Aloa vero arce, quo navis appulit, qualiter se gesserit, malo apud se quisque cogitet, quam ex me audiat. Unum illud affirmare audeo, nullam ibi (non dico Reginæ majestatis, sed ne matronalis quidem modestiæ) in omnibus dictis & factis habitam fuisse rationem. Rex, audito necopinato Reginæ discessu, terra, quantum potuit, eam est consecutus: ea spe & consilio, ut una esset, & mutua conjugaliū officiorum communicatione frueretur. Quam vero amice ab ea fuerit exceptus, & omnes qui aderant norunt, & qui de illis audierunt meminisse possunt. Vix enim paucis horis (dum ministri & equi cibo & quiete reficerentur) concessis, ne quid gravius accideret, discedere est coactus. Illa vero, si non Regia honorificentia, certe plus quam Regia, aut certe parum Regia licentia, aliquot ibi dies transegit. Secutæ sunt venationes, altera ad Magatam fluvium, altera ad saltum, quem Glenartua vulgo vocant. Ibi quam se morose, quam arroganter & fastidiose eiga Regem gesserit, quod opus est oratione? res enim in omnium oculis gesta, & memoria consignata est.

*Gulielmus Blacaterus, Edmundus ejus frater, Leonardus Robertsonus, Tho. Diefenus piratæ, clientes Botbuelii.*

*Reginæ ega Regem insolens superbia & fastidium.*

V. Ubi vero Edimburgum rediit, non in suum palatium, sed in privatam, in proximo *Juannus Basfurii*, domum divertit. Illinc in alias ædes commigravit, ubi conventus anniversarius, quem Scaccarium vocant, tum habebatur. Hæ enim ædes erant laxiores, & hortorum aderat amoenitas, & juxta hortos pene solitudo. Sed erat & aliud, quod omnibus his magis invitaret. Habebat in propinquo *David Camerius*, *Botbuelii* cliens: cuius posticum erat hortis ædium Reginæ propinquum. Per id posticum *Botbuelius*, quoties libitum erat, cominebat. Cætera quis nescit? Nam & rem ipsam Regina, cum multis aliis, tum Prorogi & matri ejus est confessa: sed culpam in *Reresiam*, profligatæ pudicitie mulierem, conferebat, quæ inter pellices *Botbuelis* fuerat, ac tum in intimis Reginæ ministris erat. Ab hac (quæ ætate inclinata a meretricio quæstu ad lenonium se contulerat) Regina, ut ipsa dicebat, prodita est. Nam *Botbuelius* per hortum in cubiculum Reginæ introductus, eam invitam vi compressit. Sed quam invitam *Reresia* prodiderit, tempus veritatis parens ostendit. Nam post paucos dies, Regina vim vi, ut reor, ulcisci cupiens, destinat *Reresiam* (quæ & ipsa vires hominis antea erat experta) quæ eum ad se captivum adduceret. Regina una cum *Margareta Carvodia*, omnium secretorum conscia, eam e zona suspensam, per maceriam, in hortum propinquum demittunt. Sed nunquam in re militari omnia sic provideri possunt, ut non aliquid incom-

*Reginæ Fæstiva minerva.*

*David Camerius Botbuelii cliens.*

*Reresia meretrix & lena.*

*Reginæ tum Botbuelio adulectum.*

*Reresia meretrix Reginæ libidinis ministra, clam per zonam demissa, ad Botbuelium mittitur.*

1 Conjugaliū officiorum] Ita emendavimus, pro [conjugali] quod exemplari nostro est editum.

2 Memoria consignata est] forte memorie legendum.

Vides histo-  
ria testimo-  
nio confir-  
mata.

modi interveniat. Ecce zona repente frangitur. *Rersia*, mulier & ætate & corpore gravis, cum magno strepitu cadit. Sed veterana miles, nihil tenebris, nihil altitudine maceræ, nihil inexpectato casu perterrita, ad *Bothuelii* cubiculum penetrat: foribus reclusis, hominem e lecto, e complexu conjugis, semisomnum, seminudum, adducit ad Reginam. Hunc rerum gestarum ordinem, non modo maxima pars eorum qui cum Regina erant, sunt fassi; sed & *Georgius Daglesius*, *Bothuelii* cubicularius, paullo ante quam poenas luit, denarravit: quæ ejus confessio in Actis continetur.

Rex a Regi-  
na spretus,  
reclusus &  
exclusus.

VI. Interea Rex, propemodum relegatus, injuriis & miseriis ablegatus, Sterlini se cum paucis ministris continebat. Quid enim aliud faceret? ut qui apud Reginam nullum gratiæ locum obtineret, sed nec, unde pauculos ministros & equos aleret, sumtus quotidianos haberet: denique qui jurgis, oblevissimas nugas ortis, & quæsitis criminandi causis, abigeretur. Animus tamen ejus, in amando obstinatus, prohiberi non poterat, quo minus Edimburgum rediret, ut omni observantiæ genere aditum aliquem in pristinum locum gratiæ, & vitæ conjugalis societatem, impetraret. Qui iterum per summam contumeliam exclusus, iterum unde venerat revertitur, ut ibi (velut in solitudine) suas deploraret miseras. Non adeo multis post id diebus, cum Regina statuisset Jedburgum proficisci, ad conventus juridicos habendos, circiter initium Octobris, *Bothuelius* expeditionem in Liddiam adornat. Ibi cum neque pro loco, quem obtinebat, neque pro familia & expectatione se gereret, a latrone moribundo vulneratus, in arcem Heremitagium, incerta

Bothuelius a  
latrone vul-  
neratus, de  
vita periculi-  
tatur.

Regina li-  
bido moræ  
impatiens.

etiamnum vitæ spe, desertur. Id ubi Borthuicum ad Reginam delatum est, magnis itineribus, aspera jam tum hieme, primum Mulrossiam, inde Jedburgum, velut insana, pervolat. Eo etsi certi de ejus vita rumores perferebantur, tamen impatiens moræ animus sibi temperare non poterat, quin & flagitiosam libidinem proderet, & alieno anni tempore, spretis viarum difficultatibus, & latronum insidiis, se in iter conjiceret, cum eo comitatu, cui nemo paullo honestior suam vitam aut fortunas committere auderet. Inde Jedburgum iterum reversa, summo studio & diligentia ad *Bothuelium* eo transferendum omnia confert & comparat. Eoque illuc traducto, eorum convictus & consuetudo parum ex utriusque dignitate fuit. Ibi, sive ob nocturnos diurnosque labores, (ipsis parum decoros, vulgo infames,) sive occulta aliqua numinis providentia, Regina in morbum adeo sævum & exitiabilem incidit, ut nulla prope spes de ejus vita cuiquam superesset.

Regina er-  
ge Bothu-  
licum amor  
& studium.

Regina  
morbo le-  
thaliter la-  
borat.

Regis erga  
Reginam a-  
mor, & gra-  
ta sedulitas.

Regina  
plurimum  
Scythica in-  
humanitas.

VII. Id Rex ubi rescivit, maximis itineribus Jedburgum contendit, ut Reginam inviseret, languentem solaretur, & quibus posset officiis saumanimum, & studium ei gratificandi, testaretur. Advenienti vero tantum abest ut hospitium victusque (quod mediocribus etiam hominibus fieri solet) apparatus sit, ut ne ullum quidem amici animi indicium senserit. Illud vero barbaræ inhumanitatis fuit, quod Nobilibus, omnibusque qui aderant Aulæ ministris, interdictum est, Ne quis advenienti assurgeret, hospitio cederet, vel ad se, in unam saltem noctem, reciperet. Cum vero *Moravii* (qui postea Prorex fuit) Regina suspecta esset humanitas, agit cum uxore ejus, ut pro-  
pere



pere domum redeat, morbumque simulet, ac statim decumbat, ut saltem hoc prætextu Rex excluderetur, per occasionem adversæ valetudinis. Ibi cum omnibus humanitatis officiis destitueretur, posttridie in antiquam solitudinem, cum summo animi moerore, revertitur. Interim dum Rex, in illa omnium & rerum & amicorum inopia, vix precarium invenit 'gurgustium, *Botbus* ex ædibus, ubi antea diversabatur, velut de Rege triumphans, per ora vulgi in hospitium Reginæ transfertur in cenaculum inferius, sub eo, in quo Regina decumbebat. Ibi cum adhuc laborarent, illa e morbo, ille ex vulnere, Regina, in summa corporis infirmitate, tandem Scapula Regis, nonnulla adulescentia.

VIII. Circa Nonas Novembres cum Jedburgo in vicum, nomine Calfo, transiit, ibi literas a Rege accepit. Quas cum legisset coram Prorege, Comitæ *Huntlee*, & Secretario, vultu tristi, miserabiliter se crucians, ac si in pristinum esset recursa morbum, plane ac diserte pronunciavit: *Nisi alia ratione a Rege liberaretur, vitam sibi nullo modo fore vitalem. At, si alia ratione non posset, potius quam in illis molestiis viveret, sese sibi manum illaturam.* Proximis deinde diebus, dum per Marciam rediens apud *Coldin-gamiss* commoratur, *Reresia*, dum per excubias transit, agnita, ac dimissa est. Quos autem habuerit comites, aut quo id noctis irret, Reginæ non est ignotum. Inde cum circiter finem Novembris venisset ad *Cragmillarium*, (ea arx ad duo passuum millia distat ab Edimburgo,) ibi præsentibus Comitibus *Moravie* (qui postea Prorex: nunc & ipse occisus est,) *Huntlee*, & *Argathelia*, & Secretario, in superioris temporis incidit orationem: ac rationem etiam, qua id fieret, ut tibi videbatur, commodissimam subiecit. Ut videlicet litem de divortio adversus Regem intenderet: neque dubitabat, quin id facile fieri posset: cum eo consanguinitatis essent gradu, qui iure Pontificio vetitus esset matrimonium contrahentibus: litens (quod facile erat) de medio sublatis, quibus ea lege solverentur. Hic cum quidam scrupulum inieciisset, id si ita transigeretur, eorum filium spurium fore, quippe qui extra matrimonium natus esset, præsertim cum neuter parentum causas, quæ irrita facerent matrimonia, ignoraret. Id responsum cum paulum in animo secum versasset, ac sciret verum dici, & consilium de filio tollendo sperire non auderet, propositum de divortio abiecit: nec tamen unquam ab eo die Regis perimendi consilium omisit, uti ex iis quæ sunt secuta facile intelligi potest.

IX. Rex

1 *Gurgustium*] i. e. interpretante Fesio, *genus* buccinati angustum, a *gurgulene* verme dictum. Dacicus tamen a *gurgite* porcus deductum putat, quasi *gurgishum*. Servio *salerna obscura & latens* dicitur. Cic. de Nat. Deor. lib. I. cap. 9. *Tom. I.*

*Quid autem erat, quod concipisceret Deus mundum signis & luminibus, tanquam solis, ardentis: si, ut Deus ipse melius habitaret: antea videlicet tempore infinito in tenebris, tanquam in gurgustio, habitaverat.*

777

777

Decemb.

Baptismus  
tunc e Ro-  
pina nati-  
tudine Re-  
gina in or-  
nando Bo-  
thuelio.Regina or-  
namentis &  
suppellectile  
Regem spo-  
liat.Illa pustula-  
rum eru-  
ptiones fa-  
cite veneni  
suspicionem  
arguunt.Comes Bed-  
fordia Reg-  
Anglia in  
Scotia le-  
gatus.Regina &  
Bothuelii  
fuerat con-  
fida, & fur-  
tivi con-  
gressus.An. 1587.  
Januar.

IX. Rex Sterlino ad Gragallarium reversus, cum existimaret eam placabilem eiga se fore, iracundia paulum spatio temporis mitigata, adeo nullum animi mutati sensit indicium, ut nihil ei in quotidianos vitæ usus, nisi Sterlini maneret, erogaretur. Quæ res vehementer auxit pronam sua sponte vulgi suspensionem de quotidiana Reginae cum *Bothuelio* consuetudine. Sub initium fere Decembris, cum legati venissent e Gallia & Anglia ad Baptismum ejus, qui nunc Rex est, celebrandum, hic, ut *Bothuelius* inter Proceres conspicuus esset, ipsa partim ei ad vestimenta coemenda pecuniam erogabat, partim de mercatoribus emebat: omnibusque conficiendis tanta diligentia præerat, quam si, non dico uxor, sed ne ancilla quidem foret. Interea legitimus ejus maritus, in filii Baptismo, non modo subsidio ejus ad sumtus faciendos destitutus, sed in conspectum legatorum prodire vetitus: ministri quotidiani ei detracti: Nobilitas tota sequi, observare, ac propemodum agnoscere, prohibiti: legati exteri moniti, ne cum eo colloquerentur: cum interea majorem diei partem omnes in eadem arce diversarentur. Homo adolescens ira contemptum & inhumaniter habitus sic animum despondit, ut, Sterlino relicto, Glascuam ad patrem proficisceretur. Discedentem Regina solito prosequitur odio. Vasa argentea, quibus a nuptiis ad eum usque diem usus erat, aufert universa, ac stannea supponit. Sed hoc ad contemptum pertinuerit: quæ secuta sunt, inhumanae feritatis & implacabilis odii manifesta sunt argumenta. Antequam mille passus Sterlino abesset, tam vehemens dolor simul omnes corporis partes affixit, ut facile appareret, non a vi alicujus morbi, sed ab humana fraude id profectum. Cujus fraudis indices liventes pustulae, cum Glascuam venisset, toto corpore eruperunt, tanto cum dolore, & omnium partium vexatione, ut exigua vitæ spe duceret spiritum: cum interim Regina ne medicum quidem eum adire sit passa.

X. Cærimoniis Baptismi peractis, egit cum fratre *Moravio*, ut quando Comitem *Bedfordia*, Reginae Anglorum legatum, ad Fanum Andreae deducturus esset, a *Bothuelio* peteret, ut is quoque una proficisceretur. Qui liberaliter quidem promisit; etsi & ipse, & Regina illius commentu auctor, nihil minus cogitaret: quod & eventus facile ostendit. Nam simul atque Rex Glascuam, alii Fanum Andreae versus profecti sunt; ipsa cum *Bothuelio* suo ad Drumenium abiit, inde Tilibardinum. Quibus in domibus circiter octo dies transegerunt ita in cunctis coenaculis, & familiari accessu, ut omnes (præter ipsos tam projecti pudoris) contemptus & neglectæ famæ vilitas vehementer offenderet: cum jam ne velum quidem suæ nequitiae eos obtendere viderent.

XI. Cum sub initium Januarii Sterlinum redissent, Regina coepit causari ædes, in quibus filius educabatur, incommodas: quod, in locis

1 Us omnes (præter ipsos tam projecti pudoris) contemptus, &c.] Sic potius disponenda sententia videtur, ut omnes (præter ipsos) tam projecti pudoris contemptus &c. n. f. v. v. o.

1 Fa.

cis frigidis & humidis, puero a pituita esset periculum. Sed \* facile apparebat, alio animo id fieri: cum & omnia, quæ causabatur, vitia ab illis ædibus abessent, & in eis, quo puer ducebatur, adessent, utpote in loco humili & etiam palustri sitis. Puer igitur, vix septimum ingressus mensem, aspera hieme Edimburgum ducitur. Ibi, quoniam primus conatus parum successerat, & veneni vis naturali corporis firmitate victa erat, ut aliquando parceret quod tamdiu parturierat, nova de cæde Regis inuit consilia. Ipsa Glascaum proficiscitur: causa itineris prætextitur, ut Regem vivum inviseret, ejus toto mense superiore mortem expectaverat. Quæ autem vera fuerit illius profectionis causa, facile ex literis ejus ad *Bethuelium* quivis intelligat. Jam secuta de filio, quem in potestate habebat, tota in mariti exitium imminens, it Glascaum, comitum *Hamiltonii* ac alius paternis Regis inimicis. *Bethuelius*, ut convenerat, quæ ad scelus perpetrandum visa sunt commoda apparat: in primis ædes, neque commodas ægroto, neque Regi decoras, (erant enim laceræ ac ruinose) ut in quibus nemo aliquot annis habitaverat, loco infrequenti, inter duorum templorum ruinas, circum pauca pauperum mendicabula. Et, ne ulla sceleris patrandi commoditas abesset, posticum in muro urbis ædibus conjuncto aperit, ut in agros etiam essent perviæ. In hoc eligendo, salubritatis rationem habitam videri volebat: id quoque ne finxisse videretur, ipsa biduo eo, quod cædis diem præcellerat, in coenaculo inferiore sub Regis cubilo pernoctavit: ac, velut sedulo suspiciosus ab se amoliebatur, ita cædis ministerium aliis libenter delegari volebat.

XII. Triduo fere priusquam Rex interit, *Robertum* fratrem suum cum eo committere tentavit: uter eorum perisset, pro lucro habitura. Pro femine discordiarum, Regina sermonis, quem Rex secum de fratre habuisset, mentionem iniecit. Et quum uterque ita dissereret, ut alterum videre argueret mendacii, tandem a verbis pene ad ferrum deventum est. Sed cum uterque jam manum capulo admoveret, Regina, velut metuens ne fieret quod expecebat, *Moravium* alterum fratrem advocat: ut illi quoque vel in præsentia exitium, vel in posterum crimen strueret. Cum illæ res non succederet ex sententia, aliam derivandi criminis rationem commenta est. *Moravium* cum abesset ab Aula libenter, tum etiam justam absentiae excusationem haberet, quod uxor partui vicina, gravi præterea morbo laborabat: interea, cum a Duce Sabaudie legatus adesset, is color visus est Regine idoneus, ut fratrem arcesceret. Vera autem revocandi ejus causa erat, quod in eum & *Mortanii* Comitum eadem Regis transferrere volebat. Et eadem opera homines populares, & tyrannidem molienti advertarios, tolle volebat. Sed *Moravio* divina clementia, quæ sæpe aurea plurimis inimicorum eum infidiis liberaverat, tum quoque manifeste affuit. Nam die Dominico, qui nonus erat Februarii, cum in templum ad concionem iret, literæ ad eum affe-

Regina & vixit: utpote potuit.

Detollens Ergo via postulat: a Regina & Bethuelio.

Atrox & molis inter Regem & Robertum Regine frater per Regem causatus.

Moravium scissionem ab Aula fecit.

Februarius.

\* Facile apparebat Ita legendum monstrat Hist. Lib. XVIII. 7. & proximo versu

illis, non vero (apparebit,) & [illis] tui Hero molito habetur.



Moravicus  
revocatus.  
ac Dei bene-  
ficio a per-  
petratæ ca-  
dis omni  
liberatus su-  
spicione.  
Huntillus  
& Bothue-  
lius cædis  
Regiæ Mo-  
ravici &  
Mortonium  
salto infi-  
mulant.

asseruntur, *Uxorem abortum fecisse, ac in exigua spe vite animam ducere.* Hoc nuncio repentino percussus, cum a Regina comæatum peteret, ea respondit, *Si res ita se habeat, supervacuum fore laborem itineris, ut qui nihil ægrota profuturus esset.* Sed cum ille vehementius urgeret, illa contra-  
petit ab eo, ut ea tantum nocte maneret, postridie ad uxorem abiret. Sed divina (ut sæpe alias) clementia hominem innocentem & præsentis peri-  
culo subtraxit, & calumniarum semina sustulit. Quanquam ne sic quidem, etsi suspicionum causæ aberant, calumnia caruit. Nam *Huntillus & Bothue-  
lius*, cum vere non possent, sparsis libellis famosis maculam foedissimi sceleris ei aspergere conati sunt: & cum cædes post mediam noctem esset perpetrata, antequam illucesceret, per idoneos homines rumores per Angliam disseminarunt, qui cædis auctores *Moravium & Mortonium* perferrent. Sed is rumor, luce veritatis oborta, ut falsa fere solent, confestim evanuit.

De morte &  
cæde Regiæ  
sola trage-  
dia & con-  
juratio ex-  
ponitur.

XIII. Omnibus rebus ad crudele facinus apparatis, occasionibus autem derivandi criminis præcis, veriti populares conjurationis, ne mora aut im-  
pedimentum afferret, aut occulta consilia nudaret, properandum statuunt. Regina igitur, postquam cœnavisset, de more ad Regis diversorium con-  
scendit. Ibi cum nihil omittere statuisset, quod reconciliati amoris indicium

Regina quo-  
modo se-  
gerit ante  
necem Re-  
gis.  
Paris Gal-  
lus mini-  
ster conju-  
rationis, &  
totius.

fore videretur, aliquot horas cum eo transegit, vultu & sermone magis fa-  
miliari, quam superioribus sex aut septem mensibus consueverat. Adventu  
*Paridis*, colloquium dirimit, ac reditum adornat. Erat autem *Paris* juve-  
nis, natione Gallus, qui in familiis *Bothuelii*, *Setonii*, ac deinde Reginæ,  
aliquot annis vixisset. Is, cum cæteræ diversorii claves penes Regios mini-  
stros essent, confectis causis, neque satis justis, nec idoneis, claves ante-  
rioris januæ, & posticæ, a *Bothuelio* retentas, custodiebat. Huic summa  
erat secretorum inter *Bothuelium* & Reginam fides. Ejus adventus indi-  
cium (ut convenerat) erat, omnia ad facinus apparata. Eo igitur conspecto,  
Regina statim assurgit, atque aliam abeundi causam simulans, *Ego, in-  
quit, in Sebastianum vehementer deliqui, quæ in nuptiis ejus hodie persona-  
ta non affuerim.* Erat is *Sebastianus* Arvernus genere, homo & ob pfa-  
lendi peritiam & sales Reginæ admodum gratus; & eo ipso die uxorem  
duxerat. Rege propemodum solo in solitudine illâ relicto, Regina disce-  
dit, Comitibus *Argathelia*, *Huntilea*, & *Cassiliffæ* eam deducantibus. Re-  
versa in cubiculum, post mediam noctem, satis longo sermone cum *Bo-  
thue-*

Nocturna  
colloquia  
Reginæ  
cum Bo-  
thuelio ante  
Regis ante-  
ritum.

1 Populares conjurationis] Ita correxi-  
mus, pro quo libro nostro scriptum est  
[popularis;] cæterum populares hic iidem  
sunt qui confecti vel participes. Sic Sallust.  
Catil. cap. 24. Quod factum primo popu-  
lares conjurationis concusserat. Et cap. 52.  
Ne, si Roma fuit; aut a popularibus conju-  
rationis, aut a multitudine conductæ per vim  
eripiantur.

2 Et postica] Supple janua, ut modo

dixerat anterioris janua; aliter enim possi-  
ci erat dicendum; nam postica substantive  
acceptum nusquam reperio. Cæterum mul-  
tum dubito an ita veteres locuti sint, quip-  
pe qui per vocem januam anticas & dium  
fores, quod sciam, semper significabant.

3 Arvernus] Ita Cæsari aliisque anti-  
quis auctoribus ea vox scribitur, non A-  
vernus, ut libro nostro editum est.

3. Paul-



*thuelio* collocata, cum vir nemo, præter custodum corporis præfectum, adesset. Hoc quoque secedente, *Bothuelius* sine arbitris relictus, paullo post in suum cubiculum recedit: vestem, ne ab obviis agnosceretur, commutat: penulam laxiorem, qualis Germanorum equitum est, superinduit, & ad destinatum scelus per excubias progreditur. Quæ autem fuerit facinoris con-

*Bothuelius*  
penulatus  
per excu-  
bias ad or-  
dem Regis  
proficiscitur.

XIV. Peracto, cujus causa profectus erat, facinore, *Bothuelius* redit: ac, tanquam omnium, quæ gesta erant, ignarus, ita cubitum. Regina interea exitus expectatione suspensa, mirum quam (ut ipsi videbatur) venuste suas partes egit. Nam nec ad fragorem ruentium ædium, qui totam urbem concusserat, quicquam commota, nec ad vulgi, quæ secuta est, trepidationem, dissonosque clamores, (nihil enim opinor ei novum acciderat:) donec *Bothuelius* iterum e lecto, trepidum se simulans, assurgit, & ad eam una cum *Comitibus Argathelia, Huntileæ & Atholia*, item cum uxoribus *Comitum Atholia & Marrie*, & Secretario, adierunt. Ibi, dum prodigiosum facinus narratur, dum pro se quisque factum miratur, *Regis diversorium ab imis usque fundamentis in aëra sublatus, Regem ipsum mortuum*: in illo maximo stupore & trepidatione omnium Ordinum, animus ille heroicus Reginæ adeo non in humiles lamentationes, & indecoras Regio nomini, sanguini, ordini, lacrymas se projecit, ut priorum temporum omnem constantiæ fidem vel æquarit, vel superarit. Illud quoque ab eadem animi magnitudine profectum, quod majorem eorum, qui aderant, partem exploratum rei gestæ ordinem mittit, stationes militum sequi jubet. Ipsa deinde se ad quietem componit, vultu adeo tranquillo, atque animo imperturbato, ut ad meridiem usque diei insequenti placide conquieverit. Sed ne omnis humanitatis expers in mariti morte videretur, paulatim tandem clauditur, luctus brevi finiendus indicitur. Vulgus, incertum lugeat an rideat, in diversas cogitationes distrahitur: cum juxta periculosum esset, simulationem aulicam vel agnoscendo palam contemnere, vel male simulando videri agnoscere. Cum alius aliorum sermo, pro cuiusque captu & ingenio, esset; de quæstione interim decernenda nulla fit mentio. Tandem, postridie, paullo post meridiem, cum & pudor & timor eos coheret, princeps auctor facinoris *Bothuelius* cum aliquot consociis conveniunt ad *Comitem Argathelia*, quod is rerum capitalium perpetuus Quæstor esset. Primum, tanquam omnium quæ gesta erant ignari, rem novam, antea inauditam, incredibilem mirantur. Deinde quæstioni paululum vacare incipiunt: pauperulas aliquot e vicinia mulierculas convocant. Quæ incertæ utrum expediret magis loqui an tacere, etsi sermonem temperarent, tamen, cum plus effutivissent, quam expectabant iudices, tanquam temere locutæ dimittuntur. Earum enim testimonia, etsi quosdam urebant,

Cubiculum  
Regis pul-  
vere sulphu-  
reo a fun-  
damentis  
concussum.

Regina quo  
animo  
quo vultu,  
& gestu  
mortem  
mariti acce-  
pit.

De morte  
Regis viz  
ulla quæ-  
stio aut per-  
vestigatio  
decernitur.

facile

*Paulatim*] [Vitiosam hanc vocem puto, nec enim sensus constat, nec consilii editionem principem facultas, in qua forte

fuerit *Palatium*: quod corruerunt vel scribz, vel operæ.]

facile erat contemnere. Arcessuntur domestici Regis, quos ea calamitas non absumserat: negant claves in sua potestate fuisse. Quis igitur eas habebat? aiebant Reginam. Dissertur quæstio in speciem, re vera supprimitur: ne, si longius progredierentur, Aulæ secreta in vulgus prodirent.

XV. Ne tamen res neglecta videretur, proponitur edictum, pæmia decernuntur <sup>1</sup>indicibus. Sed quis auderet Reginam, aut (quod pene periculosius erat) *Botbuelium* arguere tam nefandi facinoris? præsertim cum ipse idem auctor, iudex, quæsitō, pœnæ exactor esset futurus. Hic tamen metus, qui singulorum ora comprimebat, universos continere non poterat. Nam & libellis propositis, & picturis, & nocturnis per tenebras clamoribus effectum est, ut facinoris auctores facile intelligerent arcana sua illa in vulgus prodiiisse. Et, cum nemo dubitaret, qui scelus designassent, qui operas contulissent, quanto magis ipsi sua nomina suppressere conabantur, tanto magis vulgi dolor inhibitus erumpebat. Hæc etsi se contemnere simulabant, tamen interdum eos adeo ad vivum rumores stimulant, ut suum dolorem dissimulare nequirent. Itaque, antiquata de morte Regis quæstione, subit altera multo acrior adversus libellorum auctores, & *Botbuelii* (ut ipsi dicebant) calumniatores: quæ adeo severe <sup>2</sup>exercebatur, ut neque pecuniæ, nec hominum, nec equorum labori parceretur. Pictores omnes convocantur: qui scripturam facerent ad unum arcessuntur, <sup>3</sup>uti de picturis & <sup>4</sup>libellis propositis indicarent. Ac nisi pictor quidam se eum esse, de cuius opere contenderetur, professus fuisset ultro, alter innocens, levi suspitione attractus, pœnas daturus erat. Additur quæstioni conveniens edictum, quo non proponere modo, sed propositum ab alio legisse, capitale erat. Sed nec isti, qui capitalis pœnæ comminatione sermones vulgi compescere studebant, sævissima Regis morte satiat, odium erga mortuum remittebant. Bona de-

Judicium  
stimulatis e-  
dictis fucatum.

Libellis &  
picturis sceleris auctores notati.  
Vulgi rumores contra Reginam & Botbuelium passim dissipati.

Secundum edictum contra pictores & Botbuelii calumniatores.

<sup>1</sup> *Indicibus*] Male libro nostro *judicibus* scribitur. Vide Hist. Lib. XVIII. Cap. 20.

<sup>2</sup> *Exercebatur*] Non *exercebantur*, quod habet nostra editio. Vide Hist. Lib. XVIII. Cap. 21.

<sup>3</sup> *Uti de picturis & libellis propositis indicarent*] Ita legendum monstrat Hist. Lib. XVIII. Cap. 21. ubi eadem res nisdem pene verbis narratur, *Pictores omnes & qui scripturam facitabant, convocantur, si forte ex picturis & libellis auctores indicare possent.* Male igitur in prima Edit. *judicarent* hic scribitur, quod & Anglico interpreti imposuit. Hinc autem (ut id quoque obiter attingam) præter alia ejusdem generis argumenta, apertissime colligitur, Anglicam hanc interpretationem (quod plerisque hæcenus persuasum est) Buchananum ipsius non fuisse.

<sup>4</sup> *Libellis propositis*] i. e. *schedis intimatoriis*, quas vocant, sive *programmatis* in foro aliisve locis publicis affixis. Ita Cic. pro Pub. Quintio, cap. 15. *De quo libelli in celeberrimis locis proponuntur.* Et ibid. cap. 6. *Libellos Sex. Alphenus, procarator P. Quintii, familiaris & propinquus Sex. Navii, dejicit.* Senec. de Ben. IV. 12. *Suspensum amici bonis libellum dejicio, creditoribus ejus me obligatorum.* Ulpian. l. 43. § 3. *de furt.* Solent plerique etiam hoc facere, ut libellum proponant continentem invenisse, & redditurum ei qui desideraverit. Vide etiam infra Cap. XVII. Hunc genuinum hujus loci sensum non assequutus est Anglicus interpres, quem *libelli* hi in foro propositi pro *libris editis* fefellerunt: manifesto, ut modo diximus, indicio hunc interpretem alium ab ipso Buchananum fuisse.

1 Dis-



functi, arma, equos, vestes, reliquamque suppellectilem, Regina aut ejus intersectoribus, aut paternis inimicis (non secus ac si in fiscum relata fuissent) divisit: paternosque ejus subditos, velut prædæ accessionem, pene ad extremam redegit inopiam.

XVI. Illud vero crudelitatis novum & inauditum fuit exemplum, quod velut animum supplicio, ita oculos spectaculo trucidati corporis pascere voluit. Spectavit enim, non modo secura, sed etiam avide, corpus omnium hujus ætatis pulcherrimum. Deinde repente, sine ullo funeris honore, nocte per bajulos, vili feretro, prope *Davidem Rizium* sepeliendum curavit. Hæc cum omnibus nota essent, & minas pœnarum populi indignatio, dolendi libertas metum vicisset, paullatim domi vultum fingere, & simulatione luctus populi offensi animum placare conatur. Nam, cum in more esset, a priscis usque temporibus, ut *Reginæ*, post maritorum obitum, quadraginta dies non modo cœtu hominum, sed lucis etiam abstinerent aspectu, simulationem quidem luctum est aggressa: sed animi superante lætitia, foribus quidem clausis, fenestras aperit: & abjecta lugubri veste, intra quartum diem Solem cœlumque aspicere sustinuit. Illud incommode prorsus evenit, quod cum *Henricus Kilgreus*, ab Anglorum Regina ad eam consolandam (ut mos est) venisset, tota simulationis scena ab homine peregrino detecta est. Nam cum *Reginæ* jussu in palatium venisset, quanquam homo diu in Aulis Principum versatus, ac minime præceps, nihil properanter ageret: tamen adeo inopportune, theatro nondum ornato, intervenit, ut fenestras apertas, lumina vixdum accensa, cæterum histrionicum apparatus<sup>1</sup> disjectum deprehenderit. E quadraginta vero diebus, qui legitimi sunt luctui, duodecim agre, ac non plene transactis, cum nec simulatio procederet, & affectus veros tam cito prodere pueret, tandem, confirmato animo, contentis hujusmodi nugis, ad se redit, ac veros mores profitetur. Ad *Setonium* cum paucis, nec his adeo mæstis comitibus, advolat. Ibi *Botbuelius*, quanquam summa, quantum erat in Aula, gratia, & majorum nobilitas & honores postulare viderentur, ut splendidissime, secundum *Reginam*, acciperetur, tamen proximum culinæ cubiculum ei datur: neque tamen omnino incommodum ad luctus minuendos: erat enim *Reginæ* cubiculo subiectum, &, si quid repentini doloris accidisset, scalæ erant, angustæ quidem illæ, sed quæ aditum tamen *Botbuelio* ad eam consolandam præberent.

XVII. Interca rumore in Galliam perlato, *Crocus* (qui sæpe antea in Scotia legationibus erat perfunctus) intervenit: quanquam omnino incommode. Ejus suasu, ex illo (etiam in Gallia infami) latibulo, Edimburgum reditur. Sed apud *Setonium* tot commoditates habebat, ut vel cum famæ dispendio eo

<sup>1</sup> Disjectum deprehenderit] Libro nostro apprehenderit scriptum est; quod haud cunctanter in deprehenderit nos mutavimus. Num dubitas utra lectio sit præferenda?

<sup>2</sup> Sed apud *Setonium* tot commoditates ha-

bebant, ut vel cum f. d. e. r. e.] Hist. lib. XVIII. cap. 20. ubi hæc eadem sententia habetur, voces [apud] & [vel] omittuntur: an vero casu an consilio id factum, lectori dijudicandum relinquo.

Diræ crudelitatis exemplum in Regina erga maritum. Rex sine funeris honore, nocte prope *Davidem Rizium* sepelitur. Luctus *Reginæ* simulatus.

Regina, intra longè ante tempus abjecto, festivum reficit cum *Botbuelio*.



Comes Levinia Regis pater, Botbuelium Regis ex-disceum peragit.

April. Judicium de cæde nullo ordine, nulla servata juris forma, tumultuaria celebratione contra Botbuelium instituitur.

In iudiciis constitutis nullus habitus celestis, nec permixta rejectio. Comes Cassiffæ.

Protestatio contra iudicium.

Protestatio iudicium. Botbuelius in iudicio absolvitur, ubi nemo acculare audet. Botbuelius in causæ defensionem, ad pronuntiationem pro-

co redeundum esset: ibi consilia magnis regni de rebus aguntur. Omnis autem consultationis illud caput erat, ut *Botbuelius* cædis reus ageretur, ac per conatos ad id iudices purgaretur. Leviores iudicum gratia & pollicitationibus; graviore, quos ad speciem addi oportebat, metu ad eum absolvendum posse adduci. Nam, præter libellos passim sparsos, & Regis pater, *Levinia Comes*, cum palam cædis auctorem deferebat. Sed instabat Ordinum conventus ad 13 Aprilis: ante quem diem iudicium peragi volebant. Ea festinatio in causa fuit, ut nihil jure, nihil ordine, nihil more majorum, in eo iudicio fieret. Accusatores de more citari debebant, proximi, uxor, pater, filius: ut vel ipsi adessent, vel procuratores mitterent: legitimi erant quadraginta dies: pater adesse ante 13 diem iussus, idque sine amicorum advocacy, cum sua tantum familia, quæ in summa ejus inopia ad paucissimos erat redacta: eum interea *Botbuelius* cum magnis agminibus tota urbe volitaret. Et quia neminem, tam certo periculo proposito, putabat accusationi subscripturum, tanta erat apud eum negligentia, tantus legum & iudiciorum contemptus, ut constitueretur iudicium de cæde, quæ nono die facta diceretur, cum decimo Februarii Rex fuisset interemptus. In iudicum lectione & rejectione eadem fuit severitas: a sicariis ipsis iudices lecti, cum nemo esset qui rejiceret.

XVIII. *Comes Cassiffæ*, cum multam de more solvere mallet, quam iudex legi, neque Reginæ roganti minantique, & annulum ad fidem faciendam & precum & minarum mittenti, pareret, metu tandem relegationis & poenæ coactus, de sententia discessit. Sedent iudices, non lecti ad decernendum, sed selecti ad absolvendum: agitur causa sine adversario: iudicium capitis, in quo nemo accusat, nisi a reo suppositus: ut non in foro causam, sed in theatro fabulam agi putares. In tanta rerum securitate (videte quæso quantum valeat in utramque partem conscientiae testimonium) prodiit repente, ex inopinato, juvenis e familia *Comitis Levinia*, apud quem officii ratio vicit metum periculi. Is protestatur, *Eum confessum iudicium non esse: quippe in quo nihil jure, nihil ordine ageretur.* Ad hanc vocem tantus metus est injectus iudicibus, uti omnes uno ore protestarentur, *Ne sibi aliquando fraudi esset, quod reum absolverent, cujus nemo esset accusator: item, quod cædis eum absolvisset, quæ facta diceretur nono Februarii, cum Rex decimo die esset occisus.* Hoc est illud nobile iudicium, quo *Botbuelius*, non crimine liberatus, sed velut atramento tutorio lotus, nuptias Reginæ honestius ambire volebat, turpior maritus futurus, quam antea fuerat mœchus. Ad cumulum hujus absolutionis, propositus est libellus in celeberrimo fori loco, *Botbuelium, etsi legitimo iudicio a cæde, cuius falso arguebatur, legitime purgatus esset, tamen, quo sua innocentia omnibus foret manifestior, ferro decernere paratum, si quis integra fama, & honesto loco natus, eum Regiæ cædis insimularet.* Nec defuit qui postridie per libellum publice propositum acciperet conditionem, modo locus certamini decerneretur, in quo sine metu nomen auderet profectum.

XIX.



XIX. In hoc motu animorum, conventus Ordinum habetur. Ibi, cum per octo fere dies de tollendo judicio, quo pater *Huntilei* majestatis erat damnatus, ac filio restituendo in bona & honores paternos, actum esset: nonnulla item blandimenta plebi concessa; ac in primis Ecclesiæ, ut leges aliquot Papisticæ tyrannidis, de pœnis eorum, qui contra decreta Romanæ sedis mutire auderent, tollerentur. Hæc etsi in vulgus grata erant, unum tamen supererat, quod non minus Reginam angeret, quam populum offenderet, consuetudo videlicet illa cum *Bothuelio*, nec tam palam, quam Regina cupiebat, nec tam occulta, ut populum falleret; præsertim omnium oculis in eos conjectis. Nam cum *Bothuelius* uxorem haberet, & divortium expectare longum esset, & interea Regina, nec palam habere, nec clam potiri, nec omnino eo carere posset: velamentum, si non honestum, saltem aliquod quæritur. Et, cum nihil aliud succurreret, in primis lepidum commentum visum est, ut *Bothuelius* Reginam per vim raperet, & ita ejus pudori confunderet. Igitur paucis post diebus, dum *Sterlingo* redit Regina, a *Bothuelio* capta *Dumbarum* ducitur. Volensne an invita, ex literis ad eum ex itinere scriptis facile quivis intelliget. Sed, ut ut res erat, uti raptus injuria nuptiis honestis aboleretur, *Bothuelii* uxor cogitur in duplici foro de divortio litem intendere.

XX. Apud judices auctoritate Regia delegatis ad jus dicendum in hoc genere causarum, accusat uxor maritum de adulterio, quæ una justa apud eos erat divortii causa. Apud judices Papisticos, Ordinum quidem decreto veritos, tamen ab Archiepiscopo Sancti *Andræ* ad hanc causam cognoscendam datos, accusatur, quod ante matrimonium cum propinqua uxoris stupri consuetudinem habuisset: celato interim Pontificis Romani diplomate, quo venia ejus culpæ facta erat. Nulla divortio, nec in testibus, nec in iudiciis mora. Intra enim decimum diem, lis suscepta, incepta, contestata, disceptata, dijudicata est, apud utrosque judices. Relata ad *Dumbarum* divortii sententia, *Bothuelius* omnes amicos & clientes undique convocat, ut Reginam, quæ captiva videri volebat, *Edimburgum* reducerent. Hi cum armati plerique convenissent, in itinere, dum Reginam reducunt, metus multorum animos perculit, ne aliquando accusari possent, *Quod Reginam captivam tenerent. Ut cætera desint, hoc unum satis argumentum esse, quod armati circa eam, in rebus ac temporibus aliqui pacatis, essent.* Hoc scrupulo injecto, abjiciunt omnes in medio itinere lanceas: & pacatione, saltem in speciem, comitatu, eam in arcem *Edimburgensem* ducunt, quæ & ipsa in *Bothuelii* potestate erat. Ibi cum *Bothuelio* commorata, dum *Bannæ*, quas vocant, denunciarentur, tum demum ex arce in oppidum descendit, & ad concilium publicum judicum accessit: pronunciat se liberam, ac sui juris. Ac ita demum in nuptas illas nuptias intra diem octavum confecit; omni-

Parliamentum in Scotia celebratum. Regina post Regis obitum, nuptias ambiebat cum *Bothuelio*, vivente adhuc *Bothuelii* uxore.

Regina calidissimo commento divortium fecit inter *Bothuelium* & suam conjugem.

Regina per vim sese rapi patitur a *Bothuelio*.

*Bothuelii* uxor propter rapinam Regine cogitur litem divortii contra maritum persequi. *Bothuelius* ex turpi matre, turpior matris, turpissimus vero homicida, nuptias cum Regina conficit.

1 In speciem] Libro nostro [in specie] legitur: in speciem vero Romani dicebant, & ita Hist. lib. XVIII. Cap. 29.

Tom. I.

2 In nuptas illas nuptias] Cic. de Orat. lib. 3. cap. 53. e veteri quodam Poëta,

Aaa aaa

Qua

# 78 DETECTIO MARIE REGINÆ SCOTORUM.

Maji.  
Junii.  
Bothuelius  
tanquam  
publicus  
parricida ad  
supplicium  
a Proceribus  
deposuitur.

omnibus bonis eas adeo execrantibus , aut certe abominantibus , ut *Croce* Regis Francorum legatus , homo Reginæ studiosissimus , & *Gustianæ* etiam factionis , & in propinquo habitans , licet multum rogatus , non existimaret e sua dignitate ad cœnam adesse. Hæc ad 15. Maji, An. 1567. acta sunt. Decimo quinto vero proximi Junii, *Bothuelio* , vel conscientia sceleris perterrita , vel ab Regina ablegato , ipsa ad Proceres , qui parricidam publicum ad supplicium deposcebant , venit.

Quæ ab eo die gesta sunt , non admodum ad præsentem causam pertinent. Et quanquam longior fortasse , vestra opinione , mea fuit oratio , tamen facile sentio , dum exitum aliquem narrationis quæro , multa me præterisse , plurima festinandi studio leviter percurrisse , nihil fere pro sceleris atrocitate explicasse.

*Qua tempestate Paris Heknam innuptis junxit nuptiis.*  
Et ita alibi locutus est noster Epist. 27.  
I *Ipsa ad Proceres* Ita legendum , non

[*ipse*] quod libro nostro fertur , tum res ipsa , quum Hist. Lib. XVIII. Cap. 49. ostendit.

F I N I S



ACTIO

# ACTIO

## CONTRA

# MARIAM

Scotorum Reginam:

*In qua ream & consciam esse eam hujus parricidii  
necessariis argumentis evincitur.*

I. **H**ÆC cum & literis & testibus ita teneantur, & in totius populi conscientia sic hæreant, ut nec qui maxime occulta ea cuperent, inficiari tamen possint; quis locus ingenio hic relinquitur? aut quis diligentiae usus esse potest, in re perspicua vel confirmanda vel refellenda? Omnia enim tam clara, tam manifesta, tam mutuis viribus nixa sunt, ut externis probationibus non egeant: omnia tam testata, ut argumentis non sit opus. Nam si quis a me, quod in aliis causis fieri solet, tanti sceleris causas requirat, possem quoque de eo vicissim quærere; cum de loco, cum de facto, cum de auctore conficeret, quorsum opus est in causis excutiendis immorari? aut quibus facultatibus res gesta sit, inquirere? Rursus, cum tot odiorum causæ suppetant, tot indicia se sponte proferant, ut rebus etiam incertis fidem facere possent, supervacua tam longa rei gestæ explicatio videri poterit. Sed tamen, cum tanta sit & sceleratorum in negando impudentia, & impudentium in fingendo confidentia, experiamur quibus armis veritas adversus hæc monstra tueri possit innocentiam. Igitur si causas tanti facinoris quærant, dico fuisse inexpiabile odium. Quæro ab istis, odiumne fuisse negent? ac tantum fuisse, ut non nisi sanguine potuerit satiari? Si odium negent, illud respondeant: cur mulier adolescens, dives, nobilis, denique Regina, adolescentem formosum, propinquum, Regii item generis, & (quod majus est) amantem, ab se ablegavit prope in exilium, hieme aspera, in loca nec copiis abundantia, nec incolis frequentia, ac fere semper latronibus infesta? cur in colles desertos & nudos, tenui viatico, in aperta pericula, prope nullo comitatu, dimisit? aut quid aliud, si maxime odisset, & e medio sublatum vellet, quid, inquam, aliud consulisset? At nihil tale timuit, credo. Sed ego istam animi securitatem, odii obstinati indicium esse arguo: præsertim cum & loca cognosceret, & pericula non ignoraret. In illa igitur loca maritum illum, cui non ita pridem nupserat, invitis civibus, invitis utriusque amicis, sine quo durare non poterat, quem vix e conspectu dimittere audebat, in mortem incertam, sed certa pericula, amandat.

Aaa aaa 2

II.

Odii causæ  
exquisi-  
tur.

Regina i-  
psamet in li-  
teras ad Bo-  
thuelium  
sefe Me-  
deam, Bo-  
thuelium  
Jafonem fa-  
cit.

Aliud odii  
argumen-  
tum.  
Regina o-  
peram lenæ  
marito pol-  
licetur.

In uno Re-  
ginæ facto  
quot quan-  
tæque con-  
currant fla-  
gitia.  
Per scelera-  
tis cordes &  
discordias,  
ad sceleratas  
nuptias Re-  
gina adulte-  
ra festinat.

II. Quæres ex me mutati animi causas? Quid si me ignorare dicam, satis est ad id quod volo, monstrare odium fuisse. Quid si ego quæram, cur adolescentem, modo visum tam impotenter prius amaverit? cur tam pro-  
peranter nupserit, & immodice honorarit? Ita quarundam sunt ingenia, præsertim quæ suæ fortunæ magnitudinem ferre non possunt, vehementes habent in utramque partem affectus, impotenter amant, immoderate ode-  
runt; &, quocunque inclinant, non consilio reguntur, sed impetu ferun-  
tur. Possem e monumentis vetustis infinita referre exempla, sed malo de  
se illi credere. Revocate in memoriam partem illam epistolæ ad *Bothuelium*,  
qua se *Medeam* facit, hoc est, sceminam, quæ nec in amore nec odio mo-  
dum teneat. Possem & alias odiorum (etsi non justas) tamen quæ animum  
impotentem impellere & præcipitare queant, causas proferre. Continebo  
me tamen. Et, si per eam liceat, uterque de suis civibus merita est,  
quantum per causam publicam licet, parcam ejus honori: parcam etiam  
plus quam per causam liceat. Omitto igitur alias odiorum causas, illuc re-  
deo, odisse certum est, nec leviter odisse.

III. Vultis etiam aliud odii argumentum? Uxor indulgens, quando con-  
jugis non potest, lenæ munus marito se præstituram promittit. Fratris u-  
xorem potissimum delegit, quam sui loco ei objiciat. Quam hujus repen-  
tinæ mutationis causam esse existimabimus? Quæ modo omnes suspicionum  
auras adversus maritum colligebat, &, ubi verisimiles non suppetebant,  
affingebat manifeste falsas, nec id, dum amaret, sed postquam odisse cœ-  
perat, sollicitè faciebat, cum divortii omnes quæreret occasiones: nunc of-  
fert ultro quam amet, studium suum ostentat, operam pollicetur. Quid  
causæ opinemur? ut marito gratificetur? at oderat, & si amaret, etiam  
in muliere facinus istud incredibile est. Ut Rex mutua stuprorum conscien-  
tia devinctus, rivalem facilius ferret? at invitus ferebat. Ut inventa caus-  
sa divortii, vacuum *Bothuelio* thalamum relinqueret? hoc profecto peteba-  
tur. Sed nec hoc solum. Nullum in hac muliere simplex flagitium putatote.  
Oderat *Moravii* uxorem, eo odio, quod omnes mali bonos oderunt. Ure-  
bat eam dispar utriusque fama. Et maritum ejus cum Rege committere vo-  
lebat, ut duabus simul molestiis se liberaret. Videtis quot quantasque res  
una opera conficere conetur. Inimicum adulteri, & suæ licentiæ moderato-  
rem, & maritum injuriam, se sublaturam opinatur, dum per scelera tot  
diversa genera ad sceleratas nuptias festinat.

IV. Quid illa *Moravii* de multa nocte tam trepida vocatio? diem exspe-  
ctare non poterat? quæ tam subitæ formidinis occasio? Timebat videlicet  
mulier, concordie inter Procures studiosa, fratris amans, mariti amantis-  
sima, ne fratrem de nocte Rex, quem ipsa exarmaverat, aggrediretur.  
Exarmaverat, dico? imo omni honesto comitatu spoliaverat, quem jurgiis  
muliebribus laceffendum curaverat, idque per unam comitem suarum, non  
minus perficietæ frontis, quam profligatæ pudicitie. Metuebat ne is adole-  
scens, omnibus amicis destitutus, omnibus misciis circumventus, invade-  
ret de nocte. Quem hominem? Reginæ fratrem, fama & opibus floren-  
tem,



tēm; summa apud omnes ordines gratia. Ubi invaderet? in arce munitissima, ubi nec ad fugam esset exitus, nec ad Reginae misericordiam aditus. Qua de causa invaderet? inimicitiae erant nullae, nisi quarum ipsa semen jecerat. Quid si id ipsum maxime expetebat, quod se maxime timere simulabat? nam alioqui cur fratrem, de nocte, inermem, ad se advocat? cur non illud saltem monet, ut, quia & praeter & propter fores Regis eundem erat, saltem arma capiat? Imo, cur non aut periculi monuit, aut arcesse-  
Regina ex-  
secrabili  
consilio in-  
imicitias in-  
ter Proceres  
disseminat.

re in proximum diem distulit? sed longe aliud agebatur. Regem a se, uti putabat, inflammatum odio *Moravii* dimiserat. Itaque non difficile fore putabat, ut Rex, recenti ira percitus, ætate præceps, ob amorem credulus, inimicum, nudum, incommittatum, inermem, conficeret: atque ita Regem ad cædem ira inflammatum mittebat, *Moravium* nudum, & incommittatum, & incautum, in insidias præcipitabat. Hæc mens, hic animus ejus erat. Sed prava consilia, utcumque callida, non semper sunt felicia.

V. Quid illud? quod post partum, quo tempore mulieres aliæ in marito-  
Alia odii  
manifestissi-  
ma indicia.  
 rum caritate maxime conquiescunt, in aspectu allevamentum doloris sentire se fatentur; quæ eo tempore maritum abigit, quid aliud facere eam existimabimus, quam, quod est apud Comicum, *præ amore, ut sit, eum excludere foras?* At illa tenellula, quæ maritum aut excludit, aut intromissum statim abigit, quæ ad ejus conspectum nauscat, cui, eo præsentem, dolores oboriuntur, cum in myoparone, cum piratis & latronibus, *errat per puppim, & duros gaudet tractare rudentes*; non jam quæro, quem ainet, quem oderit? Quod etiam ad Aloam suæ voluptatis molestum interpellatorem abegerit; quod iterum Edimburgum ad se profectum rejecerit, non accuso: non mariti odio, sed animi sui causa, fecisse credam. Quod rursus Jedburgi ad se non admisit, ignosco. Cujus enim mortem tantopere expetebat, non immerito metuebat, ne vis morbi, eo conspecto, invalesceret. Quod autem vetuerit, ne quisquam cum hospitio susceperet; ne quis cibo potuve juvaret: quod propemodum aqua, & igni interdixit, odii profecto immanis indicium. Sed contagium etiam timuisse videtur, si vel in vicino maritus versaretur. Quod a Cragmillario rursus Sterlinum eum remisit, non queror. At quod  
Rex toties  
a Regina in-  
dignissime  
acceptus,  
rejectus, &  
ludificatus.  
 rebus omnibus spoliaverit, ministros abstulerit, sumtus imminuerit, Nobilitatem alienaverit, hospitum conspectu eum prohibuerit, & (quod in ipsa erat) cælum, solum, aëris haustum vivo abstulerit, inhumanitatem, odium, feritatem, an truculentiam appellem, dubito. Quod autem Sterlino abeunti vasa argentea abstulerit, ignosco. Quid enim ei opus argento erat, qui præsentem in sinu mortem efferret? Illud vero quantum omnium indignationem conciverit, cogitate: quod cum Rex in solitudine, squalore, & egestate versaretur; interim *Botbuelius*, tanquam sumus in purpura, legatis externarum

gen-

1 *Saltem arma capiat*] Libro nostro male legitur [*ut saltem arma capiat*], superflua particulæ [*ut*], quæ superiore versu habetur, iteratione.

2 *Errat per puppim & d. gaudet t. r.*] Male libro nostra erat *per puppim & d. gaudet t. r.* legitur. Vide Juven. Sat. VI. vers. 102.

gentium ostentabatur: & æmulus, non minus in mariti invidiam, quam ob-  
lai amorem, omnibus rebus ornatus produceretur; & is æmulus, qui nec  
genere, nec forma, nec ullis honestis artibus, esset cum marito comparan-  
dus. Hic velim odii fuisse negent indicia.

Odium Re-  
gina in ma-  
ritum quam  
implacabile  
& immane  
fuerit.  
Summa Re-  
gis huma-  
nitas, &  
obsequia,  
summæ in-  
juriis re-  
lata.

Regina ve-  
nena vene-  
no maritum  
tollere la-  
borat.

Regina sua  
ipsius con-  
fessione re-  
reatur.

VI. At quantum & quam implacabile id fuerit odium, vel hinc colligitur.  
Maritus, toties exclusus, toties cum ignominia dimissus, ad extremam reda-  
ctus inopiam, in angulum extremum, procul ab Aula, procul ab oculis ho-  
minum relegatus, ministris & instrumento domestico spoliatus, & propemo-  
dum victu necessario fraudatus, nullis injuriis abigitur, nullo metu mortis  
deterretur: obsequiis, & patientia, immitis animi violentam feritatem, si  
non frangere, certe aliqua ex parte lenire conatur. Quid interim bona uxor,  
clemens Regina, & in calamitatibus hominum lenis & misericors? Nec of-  
ficiis, nec precibus, nec squalore & sordibus mariti flectitur: neque tem-  
pore mitigatur, nec satiatur suppliciiis. Imo vero obsequio irritatur, preci-  
bus accenditur, & ad omnem ejus adventum novam contumeliæ accessio-  
nem comminiscitur. In quibus ubi omnem ingenii vim, & naturæ acerb-  
tatem consumpsit: ubi miserum adolescentem, nec penuria pressum deficere,  
nec ab omnibus contemptum, & toties periculis objectum, tamen animum  
despondere, aut quidquam in se gravius consulere videt; tandem, velut  
miseriis & suppliciis ejus satiata, statuit illum ærumnis, se molestis, metu  
rivalem liberare: ac per idoneos ejus rei ministros venenum ei dandum cu-  
rat: ut videlicet absens minore suspitione moreretur. Sed de Veneno alio loco  
dicam.

VII. Ubi hæc machinatio non satis ex sententia ei procedit, Glasceam  
ipsa proficiscitur; ut quem absentem tollere non poterat, præsentis præsens  
miseriis animum truculentum & oculos etiam expleret. Et, tanquam ipsa  
ad exigenda supplicia per se non sufficeret, suorum quidem flagitiorum ad-  
ministratos, illius vero paternos inimicos, ante oculos adduxit, & supremos  
ejus spiritus his tormentis excarnificare tentavit. Sed quorsum argumenta,  
tanquam in re dubia, colligimus? cum ipsa non sinat nos dubitare: ipsa, in-  
quam, Regina palam professæ est, non apud amatorem in lecto, nec inter  
conscias in cubiculo, nec apud paucos & ignobiles, fortuna ad assentandum  
natos, penuria coactos, consilio deditos; ipsa palam confessæ, nullam sibi,  
nisi a Rege liberatæ, vitam fore: nec id semel, neque temere; sed apud eos  
viros, quos de rebus gravissimis adhibere in consilium solebat. Temere enim  
effusum credi non potest, quod toties, tot locis, tam distantibus, etiam ad-  
jectis ad fidem lacrymis, apud homines, genere, divitiis, fama, prudentia  
præstantes, dixit: de quo suam ostendit sententiam, illorum captavit assen-  
sum, expectavit consilium. Sed simulaverit illa, simulatæ fuerint lacry-  
mæ, qui audierunt non crediderint, & magnitudo sceleris orationi fidem  
abroget. Et ego profecto me libenter in eo numero censerem, qui tentandi  
causâ hæc prolata, potius quam ex animo crederent, nisi res verba compro-  
bare, & factorum immanitas verborum acerbiter longe superaret.

VIII. Abturo enim Glasceam venenum dandum curavit: per quem, in-  
quies?

quies? quomodo? quale? unde paravit? Me ista interrogas? quasi scelorum ministri sceleratis Regibus unquam desint. At urges fortasse, & qui sint isti ministri, me rogas. Primum de veneno constat. Nam, ut hominum impudentia rem tam apertam inficari vellet, tamen morbi genus novum, vulgo incognitum, medicis ignotum, iis præsertim qui in Italia & Hispania minus versati essent: liventes toto corpore pustulæ eruperunt: cruciatus omnium membrorum, fœtor intolerabilis. At signa dubia sunt, multorum morborum communia sunt. Hæc si causâ apud Catonem illum Censorium ageretur, omnia nobis expedita forent: quippe qui nullam adulteram non eandem veneficam esse sibi persuaserat. Quærimus locupletiores Catone testem, cujus singulas sententias, totidem oracula vetustas existimavit? Cujus auctoritas in rebus dubiis sæpe plurimum valuit, in re manifesta ei non credemus? Dicit testimonium homo summa integritate, summa fide, & adversus fœminatam dicit, odio mariti, adulteri amore flagrantem, & in utroque genere morbi effrenem, & impotentem fortunæ, potentia furem, & suis divitiis indulgentem. Sed vetera & obsoleta mittamus, & a causâ Regia vulgi inconstantiam repellamus: neminem in re tanta testem recipiamus, cujus vel in fortunam suspicio, vel in mores reprehensio cadere possit. Quibus igitur testibus utemur? ista enim lege, Regum aliquis producendus esset. At ista facinora non magnis viris & bonis, sed malis & sceleratis ministris committi solent. Sed ut hîc quoque morosissimis satisfiat, age, Regium testem citemus. Legite ipsius epistolam: epistolam, inquam, ipsius manu scriptam. Quid sibi vult illud? *Non multum deformatus est, multum tamen accepit.* Cujus tandem rei multum accepit? Res ipsa, morbus, pustulæ, odor loquitur. Nempe illud accepit, quod deformitatem induxit, venenum videlicet. At epistola venenum non nominat. Illud mihi satis est quod dicitur, *Quod licet multum accepit, non tamen multum deformatus est, aut licet non multum sit deformatus, tamen multum accepit.* Quid sibi vult illud tamen? quid aliud, quam quicquid illud sit quod acceptum fuerit, in eo causam deformitatis fuisse: quod etsi multum fuerit, tamen parum ad eam, quæ expetebatur, deformitatem. Sed non fuerit venenum. Subjice aliud. Nihil comperies quod in eum locum possit commode supponi. Denique quicquid hac voce, *multum*, intelligitur, tale est, ut nec ipsa in tam familiari epistola audeat suo nomine appellare. Sed etiamsi tergiversari velimus, non licet per ipsam: conferte præterita cum futuris, ex ejus in posterum consilio quid fecerit intelligetis.

IX. Primum *purgatione* opus esse ait: deinde ad Cragmillarium eum ducere statuit, ubi & medici, & (quod periculosius est medico) ipsa possit adesse. Demum cum *Botbuelio* consultat, an occultiore rationem ipse comminisci queat per medicinam, idque ad Cragmillarium, & a balneo. Videte quam omnia consentiant: *Multum accepit, & purgandus est, & ad Cragmillarium.* Nempe in solitudine, & loco propter infrequentiam ad nefarium scelus commodo: & medicina usus, qua tandem? nempe illa, e qua multum antea acceperat. Unde id sciemus? Vult occultam medicinæ rationem esse. Si ad sanandum, quid opus ista occultatione? Cur non palam, & celebri loco datur?

Veneri  
crimen Re-  
gina inten-  
ditur.

Regina Re-  
gio testimo-  
nio convin-  
citur, pro-  
pit viden-  
ter ipsius  
manu, pro-  
priaque epi-  
stola.

Veneri cer-  
titudo cer-  
tissimis ar-  
gumenti  
adstruitur.

tur? Cur morbo levatus, jam vegetus & valens, non usitata ratione & loco purgatur? Sed novum istud morbi genus erat; novis opuserat remediis. Quos igitur medicos adhibet in consilium? Cui ista mandatur cura, ut novam Regi medicinam conquirit? Nempe Regis inimico, Reginae adultero, omnium bipedum nequissimo, & cujus domus in Gallia infamis fuit veneficiis, cujus & ministris eo nomine alii torti, alii in carcerem coniecti, omnes suspecti fuerunt. Quando istam præclaram medicinam sumturus erat? Aut in balneo, ubi solus locurus; aut saltem a balneo, ubi solus cœnaturus. Sic scilicet comparari medicina solet per inimicos, in loco secreto, nullis arbitris. Igitur quod adulter, quod adultera, quod inimicus, quod rivalis diligenter parat, & occulte dat, quale id pharmacum, apud se quisque existimet & expendat. Jam, opinor, odium Reginae erga maritum, quam fuerit implacabile, quam atrox, quam obstinatum, videtis: quem latronibus objecit, cum Nobilitate, cum fratribus suis committere voluit; quem nudum & inopem, oneratum contumeliis, vexatum jurgiis, veneno petitem, in solitudinem, ut cum summo cruciatu ibi moreretur, eiecit. Nunc ad alias causas pergamus. Fuit quidem odium illud per se satis ad impellendum ad inimici cædem, sæpe quæsitam, semel tentatam, & propemodum peractam.

X. Tamen accessit & alia vis acrior, quæ odium quoque inflammaret: amorem dico, quo impatienter *Bothuellum* est prosecuta: quem amorem qui non viderit, illum autem viderit, incredibilem fortassis opinabitur. Quid enim erat in eo, quod mulieri paullum honestiori concupiscendum foret? Visne eloquentiæ? an formæ dignitas? an virtus animi, quæ rerum fortuitarum accessione commendarentur? At de eloquentia & forma non est opus oratione longa: cum & qui eum viderint, vultus, & incessus, corporisque totius qui fuerit habitus, meminisse possint; & qui audierint, hominis infantiam & hebetudinem non ignorent. At fuit in suscipiendis negotiis prudens, in tubiendis periculis fortis, in dando munificus, in voluptatibus temperans. Prudentiam nec qui sunt ei addictissimi tribuere audent. Fortitudinis opinionem captavit: sed inter equites, sedens in equo perniciosissimo, sui securus, alienæ pugnae spectator: interdum fugientium terga premebat: hostis adversum vultum nunquam propius intueri sustinuit. Vultis præclaræ fortitudinis specimen? A latrone notæ ignaviz, cui dedito, nec opinanti, lethale vulnus inflixerat, in terram prostratus, vulneratus, incruentis plagis contusus: ac interemtus esset, nisi latronem moribundum vires defecissent. Possem inanes ejus in Gallia minas commemorare, possem postremam ejus usque Cimbros trepidam fugam. Sed illius dici malo repetere memoriam, quo, eo relicto, Regina ad Nobilitatem cædis

Specimen  
prospici.

Hypotyposis, seu evidentiæ.  
Bothuellii persona,  
ingenium ac more depinguntur.

Recordia  
Bothuellii.

1 Fortitudinis specimen] Ita restituiimus, pro quo mendose fortitudinis speciem libro nostro est editum, ut & sequenti linea nec inopinanti, pro necopinanti.

2 Usque Cimbros] Usque non semper (quod Grammaticorum vulgus autumat) Accusativo postponitur ita enim Cic. 4. in Verr.

cap. 49. Tum ex amplissimo collegio decemviri sacerdotes populi Romani — usque Eunam profecti sunt. Ita apud eundem legas, usque Patulos, usque Romam, usque Laodiceam. Juvenal. Sat. x. Usque Auroram & Gangem.



dis Regiæ vindicem accessit. Stabant in procinctu acies, erat *Bothuelius* militum numero par, loco longe superior: erat propositum victori præmium, Regina ejus amantissima, regnum, opes, honores, & sibi & posteris: adhuc scelerum præteritorum impunitas, in posterum summa licentia; amicos honestandi, inimicos ulciscendi potestas: victo autem ignominia, contentus, egestas, exilium; denique omnia quæ post acciderunt, aut in posterum evenire possunt, ante oculos erant. Aderant, præter duos exercitus, fortitudinis & ignaviæ cujusque spectatores & testes, Regina certaminis præmium, & *Crocus* Regis Gallorum legatus. Expectatis quid <sup>Crocus Gallorum legatus in Scotia.</sup> ibi magnificus fortitudinis ostentator fecerit? Primum insigni equo vectustus processit ante aciem: homo, civilis sanguinis parvus, sui prodigus, poscit quicum singulari certamine extra ordinem decernat. Et quum plurimi <sup>Ignava & imbellis Bothuclius timidus.</sup> ex acie adversa, genere & honoribus clari, nomina profiterentur, statim refrixit impetus, resedit magniloquentia: ac, nisi Regina, tanquam tragicus e machina Deus, suam interposuisset auctoritatem, suumque columbulum Dionæum pugnare vetuisset, non exitus modo, sed ne color quidem recusati certaminis fuisset repertus. At, certamine singulari interpellato, in acie tamen fortiter se gessit. Imo primus, ac principio fere solus, fugit, ac tandem suæ fugæ comitem reliquum exercitum traxit.

Sed belli offensiones virtutibus civilibus pensavit. Quibus tandem? aut quæ virtutes eo expectari poterant? ab homine scilicet in aula Moravien- <sup>Bothuclii educatio flagitiosa.</sup> sis Episcopi, hoc est, longe corruptissima, educato, in vino & stupris inter vilissima solutæ illius disciplinæ ministeria. Ubi adolevit, in alca & scortis ita patrimonium amplissimum prodigit, ut etiam (uti Poeta quidam ait) *deesset egenti es, laquei pretium*: qui non modo domus alienas stupro, sed suam quoque incestu polluit.

XI. Hunc igitur hominem cum a Regina dico fuisse amatum, nec amatum tantum, sed & flagitiose & impotenter, qui rem ignorant, eis fortasse prodigia loqui videbor. Dicat fortasse aliquis, Eratne alius in toto nobilissimæ juventutis grege dignior, qui amaretur? Erant profecto multi. Erat omnibus rebus, quæ amorem conciliare solent, omnium longe primus, ipsius maritus. Quid igitur tam disparem amorem, tam a ratione abhorrentem, conciliavit? Si dicam morum similitudinem, verisimilem quidem amoris causam, sed quibusdam fortasse falsam, videbor afferre. Nec ego libenter in hanc orationem ingredior: nec rumoribus de ea per Gallias sparsis in matrimonio priore accedo: (quanquam reliquæ vitæ flagitia eos non de nihilo fuisse ortos coarguant:) & multa, quæ post ejus in Scotiam reditum divulgata sunt, non libet credere: per me quidem oblivione sepeliantur: aut, si id fieri non potest, fide careant, falsa fictaque credantur. Nec in amore causas diligentius examinare necesse est, qui temerario animi perturbati impulsu ita fertur, ut plerumque in amentiam desinat: *quem se*  
con-

1 Poeta quidam] Is est Horatius 2. Sat. II. 98 ubi tamen Cl. Bentleio aliisque  
Tom. I.

potius (quod nonnullis codicibus MSS. habetur) quam *es* legendum placet.  
Bbb bbb

*consilio regere velis , nibilo plus agas , quam si des operam ut cum ratione insanas.*

XII. Sed ne hic quidem causæ defunt. Erat enim in utroque , si non formæ , si non rerum externarum , si non virtutum , certe maximorum viti-  
 orum similitudo. Mulier adolescens ad supremum potentiæ gradum sub-  
 ito provecta , cum nunquam legitimi regni speciem oculis vidiisset , auribus  
 audisset , aut animo proposuisset , adhæc impotentibus propinquorum consi-  
 liis instructa , (qui & ipsi in Gallia tyrannidem moliebantur ,) jus , fas ,  
 leges , instituta majorum , ad suum unius nutum revocare studebat : hu-  
 jus impotentiae voces indices plerumque erumpebant : hoc dies noctesque  
 meditabatur. Sed huic ejus cupiditati obstabat mos patrius , leges & insti-  
 tuta , & præcipue Optimatum consensus , quibus salvis eo pervenire non  
 poterat. Eo igitur ut perumperet , quicquid in mora esset , tollere de-  
 crevit. Sed non satis constabat quo modo , aut quibus ministris id aggrede-

Bothuelius  
 omnis reli-  
 gionis con-  
 temtor.

Bothuelius  
 ad Moravii  
 eadem ope-  
 ram conjun-  
 git cum Ha-  
 miltoniis.

retur. Fraude grassandum erat , quando res perficialiter non poterat. Unus  
 igitur ad id *Bothuelius* maxime visus est idoneus , homo in summa egestate  
 incertum magis flagitiosus an sceleratus ; & qui inter diversæ religionis  
 factiones , ambarum contemtor , utriusvis studium simularet. Is cum ope-  
 ram *Hamiltoniis* ad *Moravii* eadem ante obtulisset , spem dabat , emolu-  
 mento majore proposito , majus aliquid cum ausurum : quippè quem dome-  
 sticæ ruinæ præcipitem impellerent , nec pietatis , aut honesti respectus a  
 facinore revocaret. In libidinis vero usu immoderato non minus gloriam qua-  
 rebat , quam alii dedecus vitant & infamiam.

XIII. Mulier igitur immoderate licentiæ avida , quæ leges carcerem ,  
 juris temperamentum servitutem existimaret , cum in viro non satis materiæ  
 ad res perturbandas videret , elegit hominem , qui nec in fortunis haberet  
 quod perderet , nec in fama quod contaminaret ; nec iis fulcimentis niteretur  
 ut non facile subverti posset , quoties ejus fastidium subiret : cujus in-  
 temperantiam illecebris caperet , egestatem pecunia expleret , fidem conscien-  
 tiæ scelerum illigaret. Hi sunt fontes illius , non immoderati , sed insani a-  
 moris , infamis adulterii , scelesti parricidii ; quo , velut pignore , sangui-  
 narie illæ nuptiæ coierunt. Hæ ergo sceleris suscipiendi causæ fuerunt ,  
 odium implacabile mariti , & amor adulteri immoderatus. Accedebat & il-  
 la spes , crimen a se in alios transferri , & supplicia in vilia inimicorum  
 capita derivari posse ; & homines a culpa maxime alienos , sui loco , placan-  
 dæ populari iræ victimas posse supponi. Alioqui quo pertinebat illa pene  
 conferta inter Regem & *Robertum* fratrem pugna ? quo semina discordia-

Reginæ ef-  
 frenis licen-  
 tia , libido  
 immodera-  
 ta , astuta  
 consilia , a-  
 mor insa-  
 nus , turpe  
 adulterium ,  
 parricidium  
 horrendum ,  
 sanguinaria  
 nuptia.

rum

I *Magis flagitiosus an sceleratus* ] Quam-  
 vis flagitium & scelus indiscriminationem ple-  
 rumque usurpentur , hic tamen a Bucha-  
 nano aperte distinguuntur. Differentia au-  
 tem ab Aufonio Popma aliisque hæc fere  
 statuitur ; *Flagitium* est quod sit libidine

vel nequitia , *scelus* quod vi aut malitia  
 committitur. Cic. in Catil. *Qua libido ab  
 oculis quod facinus a manibus tuis unquam ,  
 quod flagitium a toto corpore absuit.* Idem  
 Varro , *Cum omnes in omni genere & sce-  
 lerum & flagitiorum voluntur.*

I 10

rum cum Proceribus sparsa? quo tanta diligentia in *Moravia*, pridie quam caedes facta est, retinendo? aut quæ causâ ejus arcessendi? Venerat e Sabaudia legatus: quæ de re? magnam fuisse oportuit, & quæ sine conventu Procerum transigi non posset. Imo Sabaudius, ad Baptismum invitatus, sero ac re peracta venerat: cum & tam levi de re mittere pigeret, & Gallis & Anglis eo munere perfunctis defuisse puderet, non legatus ad Baptismum, sed officii neglecti excusator. Is, ut honestius dimitteretur, ab uxore moribunda *Moravius* arcessitur, idque nunciis frequentibus. Quis igitur erat ejus præsentis usus futurus? ut in conscientiam sceleris cum asciscerent? Cur nunquam antea id tentatum? an tum demum in illo puncto, in illo parricidii momento, cum adjungere volebant? levem videlicet hominem & inconstantem, & ad omnes temporum articulos consilia mutantem, vita superiore infamem, rebus præsentibus non confisum? nihil horum ne nunc quidem dicere audent. Falsam igitur ejus retinendi causam cum non queant comminisci, quæ vera fuerit apud se quisque facile colliget: nempe eadem, quæ primum *Atbolium*, quæ postea illum e palatio demigrare compulit; quæ toties cum in mortis periculum adduxerit; quæ, falsis inimicorum rumoribus in Anglia sparsis, cum calumniata est, quæ libellis famosis parricidarum eum persecuta est; quæ effecit, ut potius in exilium abiret, quam in Aula inter licariorum gladios cum magno vitæ discrimine versaretur.

Causa, cum *Moravius* pridie ante eadem Regis arcessitus a Regina, cunctatur.

XIV. Sed quid prodest ista causæ æquitas, apud auditores, vel rei, ut gesta est, ignaros, vel ultro aversos & invidos, vel confectis rumoribus opportunos? qui hominum levissimorum convicia pro testimoniis habent, & eis credunt, qui domi cum omnia se posse jactent, nec judicium sententiis se committere audent, neque armis se defendere potuerunt: & velut scelerum conscientia judicium timuerunt, ita furore ex conscientia orto in bellum præcipientes ruerunt: e prælio trepide fugerunt: nunc quoque, cum numero & opibus freti adversariorum prudentiam irrideant, potentiam præ sua contemnant, tamen veris virtutibus diffusi ad latrocinia se convertunt: & mentem sceleratam, intestinis conscientie terroribus vexatam, ad convicia, ad calumnias, ad mendacia transferunt. Quos pro meo in civibus meos amore monitos velim, ut ab hac, sive stultitia, seu furore, seu maledicentie morbo, desistant; & ne, quorum aures falsis rumoribus nunc onerant, illucescente veritate, odio sui adversus preces ocludant & obstruant. Neque enim semper erit fictis locus: sed velut ad Solem caliginines, ita ad veritatis lumen evanescent mendacia.

Sana & amica auctoritas ad civis suos admonitio.

XV. Patrandi vero sceleris commoditates, & spem celandi, non habeo necesse pluribus prosequi: cum & faciendi facultas, & locorum opportunitas, & occasionum momenta, in ipsorum potestate essent. Celare vero factum quorsum erat opus, cum vulgati nulla poena metueretur? Quam enim

pœ-

1 In *Moravia* — retinendo] Ita legendum sententia postulat, non quod no-

stro libro scriptum est cum *Moravia*.

2 Quam enim poenam metuerent] Nostro libro

Bbb bbb 2

Regina odio mariti  
& adulteri  
amore, aper-  
te insaniens.

Regina ve-  
nifici ar-  
guitur.

Regina quo  
modo in  
morbo ma-  
ni se gerit.

Rex occi-  
dendus de-  
cernitur  
Epistolae  
has ad cal-  
cem libri  
adjectas re-  
peties.

poenam metuerent in tam firma conspiratione? cum & legum, quarum ipsi moderatores erant, vis esset extincta: & majoris partis hominum mentes societate sceleris devinctae, aut spe impulsae, aut praemiis occupatae, aut metu tantae ex adverso potentiae debilitatae forent & coercitae. Sed utcumque haec se habent, tamen operae pretium erit, & rei gestae ordinem, & consiliorum temeritatem, inconstantiam, & exitum perspicere. Simul enim intelligetis, non voluntatem celandi facinoris defuisse, sed emotae mentis furorem rationem omnem consiliorum pervertisse: dum interdum, velut famae verba daturi, cogitatum nefas oculere conantur, interim ita grassantur aperte, ut de exultatione securi, non magni facere videantur, quam in partem homines factum interpretentur. Venenum enim Glascuam profecturo datum est occulte: & satis cautum videbatur, ut absens lento morbo conficeretur. Caetera vero ita crudeliter tractabantur, ut, si morbus fortuitus fuisset, tamen suspicio veneni esse posset. Maritus enim, & unici filii & primogeniti pater, illius, inquam, filii pater, cujus tanto cum fastu, tanto ambitu, Baptismus est celebratus, cum prope nudus, velut ex incendio esset emissus, in itinere maximis doloribus cruciatus, cum Glascuae lethali morbo vexaretur, quid optima uxor interea? quid? Ad morbi primum nuntium convolat? praesentia sua, familiari alloquio, vultu denique ipso aegrum consolatur? &, cum vitam retinere nequeat, extremum ejus haurit spiritum? oculos morientis claudit? caeteraque bonarum matronarum praestat officia? Imo vero, quae jamjam moriturum emiserat, & vix ad paucos dies infelicem spiritum posse ducere cum existimabat, in diversam longe regionem rusticatum abit: & Nobilium aedes cum suo Adonide perambulat: & hospitales domos lustrorum suorum vestigiis conspurcat: & sub ipsam (ut ex veneni vi divinabat) funeris horam Sterlinum redit. Ibi, dum tardius opinione res procedit, & juventutis vigor cum doloris acrimonia colluctatur, ne omnino suo deesse videretur officio, semper Glascuam proficisci adornat, nec unquam proficiscitur.

XVI. Tandem spe, quam certam in animo praecerat, destituta, ad alia se consilia confert. Edinburgum delata, convocat in consilium adulterum, cum paucis secretorum consensu: decernunt omnino Regem occidendum: nec satis liquet quo genere mortis tolleretur. Quod ex ejus epistola facile potest colligi, in qua cum Medea, venefica juxta ac sanguinaria, se aliqua ex parte comparat: item ex altera, in qua de veneno deliberat. Rex autem, qui jam amatorium poculum degustasset, incertus an magis blandis ejus sermonibus crederet, an pravitatem naturae metueret, quanquam interdum de reconciliatione non desperaret, tamen semper timori propior erat. Sed cum neque vitam, neque mortem in sua potestate haberet, cogitur praeteritas injurias mullare, praesentem timorem dissimulare, & de futuro spem fingere. Itaque non velut maritus educitur, sed tanquam funus effertur:

libro [metueret;] at pluralem hic addendum monstrat orationis contextus.

1 Nequeat] Contrario errore nequeant hic pro nequeat nostro libro est editum.

1 Tri-



tur : aut verius , ad lanienam trahitur. Regina de adolescente , omni injuriarum genere vexato , venenis cruciato , circumvento insidiis , ad supplicium tracto , gloriabunda triumphum ducit : sequuntur currum paterni inimici , de indultria adhibiti , ut & ipsi tam misero spectaculo pascere oculos , & cujus mortem propinquam expectabant , animi ejus mœrore interim fruerentur. Et , ne ulla deesset sacrificiorum cœrimonia , *Joannes Hamiltonius* Sancti Andreæ Archiepiscopus , tanquam sacrificulus adhibetur , homo antea omni genere flagitii pollutus , & in spoliis & cæde civium suorum pastus , & vetus multarum palmarum lanista. Vulgus toto itinere mœstum , nihil boni augurabatur. Comites Reginæ , neque tristitiam dissimulare , neque lætiam dissimulare poterant : cum sceleris suscepti atrocitas in eventus expectationem gaudium immoderatum suspenderet. Ducitur Edimburgum , non in palatium. Cur ita ? ne videlicet contagio pestilentis morbi ilio adhuc tenello noceret. Quasi a veneno etiam læsis contagii sit metus. Sed verior illa causâ , ne præsentia ejus incommoda esset , & voluptatibus libere frui volentibus , & de morte consulentibus.

Regina , cum venio non potest , ferro martem exstinguere aggreditur.

*Joan. Hamiltonius* Archiepiscopus.

XVII. Quo ergo ducitur ? In oppidi partem maxime desertam , antea sacerdotum regno incolumi , sed aliquot jam annis a nemine habitam : ac nisi ad illud nocturnum sacrificium fuissent ædes resectæ , sua sponte ruituras. Cur hic potissimum delectus est locus ? Aëris salubritas prætextitur. Bone Deus ! occisura maritum loci salubritatem quærit ? in quem usum ? non profecto ut vitam servet , sed ut corpus supplicio reservet. Huc illa spectat uxoria diligentia , & de mariti vita ultima sollicitudo. Metuit ne pœnis eripiat : vult ut se sentiat mori. Sed quænam sit ista salubritas videamus. Ut videlicet inter mortuorum sepulchra vivendi quæramus præsidia ? Nam in vicino erant duorum templorum ruinæ : ab oriente monasterium Dominicorum fratrum , ab occidente templum Virginis , cui , ob loci solitudinem , Campensi nomen fecerunt : a meridie muri urbis : & in iis , ut undique perviæ essent , posticum aperiunt : a septentrionibus paucae pauperum ædiculæ , tum quidem in ruinam pronæ , quondam sacerdotum & monachorum prostibula : cujus loci nomen ipsum faciem & naturam facile indicat : nam *Angiportum Furum* appellant. Nulla alia in propinquo domus , præter ædes *Hamiltoniorum* , quæ ad jactum fere teli aberant ; & ipsæ tum vacuæ. In eas commigrat Archiepiscopus sancti Andreæ , semper antea in locis urbis frequentioribus diversari solitus. Is quoque eam noctem , qua Rex interemptus est , egit pervigilem. Nunc vos rogo , quando oculis non potestis , saltem animo cernite veterum sacerdotum ædes , inter sepulchreta , inter duorum templorum ruinas positas , & ipsas ruinosas , prope locum furum & latronum receptatorem , non longe ab hostili præsidio , quod januam ædium spectabat ,

Simulata salubritatis prætextus. Uxoriam crudelitatem contra maritum inaudita.

*Joannes Hamiltonius* , Archiepiscopus S. Andreæ sanguinarius hujus conjugationis antesignanus.

per

1 *Tristitiam satis simulare*] Ita emendandam liquet sententiam , nostro autem libro nullo fere sensu [*simulatam*] legitur.

2 *In oppidi partem m. d. a. f. r. incolumi*] Supple e proxima clausula , [*habitata*] ac mox [*sua sponte ruituras*] supple [*in ædes*].

Bbb bbb 3

1 Per-

Locus ad  
eandem Re-  
gis quam  
maxime op-  
portunus a  
Regina e-  
lectus.

per quam si quis fugisset, insidias vitare non poterat. Hujus loci faciem cum in animo vobiscum cogitatis, cum ruinas templorum, sepulchra mortuorum, latibula furum, prostibula meretricum, auditis, nonne, non modo ædes ipse, sed singulæ partes viciniae, nefas proclamare videntur? In hospitiumne divertisse, an in latronum speluncam intrusus esse Rex videtur? Nonne illa deserta vastitas & infrequentia metum sceleris simplicioribus facere, suspicionem callidioribus injicere, occasionem hominibus pravis dare poterant?

Contra  
Archiepisco-  
pum ratio-  
nes colliguntur.

XVIII. Quid inimici hominis in ea loca insolens adventus, nocturnum prope in ipsis foribus pervigilium? cur hunc potissimum hospitio locum præter morem delegit? At ædes vacuæ erant, fratris erant, propinquæ Regis hospitio erant. Vacuæ semper antea fuerant: cur nunquam antea in eas divertisti? cur celebritate urbis, vicinitate Aulae neglecta, in solitudinem te coniecisti? quam utilitatem, quam commoditatem, quam voluptatem hinc secutus es? Ut homo antea semper popularis auræ captator, & cœnarum aucupiiis Aulicos complectens, sponte in abstrusum angulum, extra cœtum & celebritatem, te abderes? amœnitas te loci capiebat? & homo sacerdotis obrutus verius quam onustus, templorum ruinis animum oblectabas? Sed fuerit adventus in ea loca fortuitus: suas etiam causas, si non veras, saltem verisimiles habuerit: quid sibi volebat pervigilium insolitum? quid trepidatio nocturna tuorum? quos tamen in publico tumultu egredi veruisti. Sed quid erat cur egrederebantur? ut rem, cujus tu auctor & machinator eras, rescisceres? At e specula tua fragorem ruinæ auribus, fumum & cinerem oculis, gaudium animo, hauriebas: sulphuris odorem pene naribus imbibebas. At emissiles qui elapsos ex incendio exciperent: neminem fugientem videbas? Itaque lumina, quæ ex editioribus locis tota nocte domitux apparuerunt, tum demum, tanquam re bene gesta, sunt extincta.

Rex, sub-  
morti mini-  
stris omni-  
bus, solus  
cum Dura-  
mio famu-  
lo relinqui-  
tur.

XIX. Sed ad Regem redeamus. Non satis erat posticum in muris aperuisse, per quod latrones immigerent, insidias ante fores collocasse, ne quis evaderet, duorum apud se ostiorum claves retinent: inferioris domunculæ alteram, ubi parietibus suffossis, sulphureo pulvere cuniculos oppleverunt: superioris, ut aditus ficiariis ad Regem dormientem esset. Deinde e paucis ministris majorem partem subtraxerunt, ut qui antea non tam adhibiti erant ad usum domesticum, quam ad secreta speculanda, quæ ad Reginam deferrent. Hi, variis causis confectis, alii alio discedunt. Ultimus *Alexander Duramius*, cum satis justam abundi excusationem non haberet, extruditur a Regina. Ipsa interim, ne suis desit partibus, dum *Bothuelius* tragicam mortis scenam instruit, quotidie Regem invisit: animum amore agrum, nunc blandis pollicitationibus erigit, nunc jurgiis oppugnat, suspicionibus exercet, ac vere fabulam illam poeticam ludit, in qua *Promethei* jecur, ad novas quotidie poenas excrescens, ab aquila advolante corroditur. Ad hanc enim imaginem illa misellum adolescentem interim speculat & refocillat, in nullum alium usum,

Alexander  
Duramius.

Promethei  
fabula.  
Rex imple  
Reginæ im-  
postura de-  
lusus.

[Partes viciniae] An forte vicina?

usum, nisi ut perferendis doloribus vita sufficiat. Quæso, apud animum quisque suum cogitate, in recenti scelere qui fuerit motus animorum: cum ne nunc quidem hæc sine indignatione possint audiri. *Ædes* ab humano commercio prope semotæ, ab homine omnium nequissimo, ab inimico, ab uxoris adultero, parantur, ad lanienam, quam ad habitationem commodiores; & adolescenti parantur, ob ætatem incauto, ob amorem ad insidias aperto, ministris spoliato, deserto ab amicis: *ædes*, inquam, *laceræ*, *solæ*, ab omni parte non modo apertæ, sed etiam perviæ; ut quarum claves penes inimicos essent: nemo intus præter juvenem a morbo non satis validum, & senem ætate infirmum, & duos peregrinos, locorum, rerum, hominum ignaros: nemo in propinquo, præter inimicos & latrunculos, habitabat. Sed mulier provida diligenter id caverat, ne a latronibus esset periculum. Nihil enim apud eum reliquum fecerat, quod latrones invitaret. Inimicos autem spectatores, non actores hujus tragœdiæ volebat esse: facinoris vero gloriam sibi & *Bothuelio* reservabat.

*Rex in ædes defectas, & rotas, & cul dissitas, ad ead. opportunitatem reclusus.*

XX. Quid interim illa Reginæ sollicitudo? quid insolita concursatio? & malitiosa, non officiosa sedulitas? Quotidie invisit: in multas horas sermonem protrahit: in cubiculo inferiore duas noctes quiescit: si modo spiritum illum atrocem scelerum conscientia a furiarum stimulis conquiescere patiatur. Metuebat videlicet, ne si *ædium* pars inferior vacua fuisset, strepitus molientium cuniculos, & inferentium pulverem sulphureum, aliquem e ministris in suspensionem fraudis induceret. Volebat etiam ipsa suis oculis rem tantam cernere, potius quam fidei ministrorum credere: volebat animo futurum gaudium prælibare: ignem, fumum, pulverem, ruentis domus fragorem, trepidationem, tumultum, pavorem ministrorum, latronum, civium, quando oculis & auribus non poterat, animo saltem haurire. Omnibus igitur rebus ad funestam illam noctem præparatis, ultima subit famæ cura: segregat a se suspensiones: adit maritum, osculum pangit, anulum pignus amoris donat, solito blandius alloquitur, prolixius pollicetur: fingit sibi curæ esse ejus valetudinem: nec intermittit cum adultero consuetudinem. Hæc qui propius intuebantur, nihil boni divinabant. Nam quanto majora placati animi ligna Regina ostentabat, tanto in animo quisque suo atrociora omnia præceperant. Alioqui enim unde illa repentina mutatio? unde tanta cura de eo, cui venenum superiore mense dederat? quem nuper non modo cupiebat occisum, sed occidentem videre volebat: cujus morti fratrem, imo duos fratres impendere gestiebat: & ipsa, velut lanista, Rege gladiatore, funus Regium apparabat. Ante paucos menses ipsa e vita discedere volebat, ne Regem viventem aspiceret: unde nunc repentinum de ejus salute studium?

*Parietes per saltataneos cuniculos pulvere sulphureo operti.*

*Astuta Reginæ sedalitas in amolenda a latronibus suspicione.*

*Ejusmodi.*

*Regina altera manu demulcet, altera occidit maritum.*

XXI. Exspecto ut se dicat placatam fuisse. Tu marito placata? quem in illud desertum (ut cum Poëta loquar) *Furiarum castrum* ablegasti? cui inter meretricum prostibula, pauperum mendicabula, latronum latibula jacenti, *ædes* ab omni parte ita pervias fecisti, ut plures aditus, quam ministros, qui clauderent, relinqueres? quæ sicarios ad eandem, fures ad prædam invitatis? ministros, qui vitam ejus tueri possent, abegeris? nudum, solum, inermem latro-

*Probationum argumenta gravissima, quibus Regina necessarius coarguitur patricidii.*

latronibus objeceris trucidandum? cum, in hoc mariti misero statu, adulter in palatio habitaret, in cubiculo frequens esset, cum ei dies noctesque fores omnes paterent, maritus, interdicto Nobilitatis commercio, ministris adire vetitis aut ablegatis, ad ludibrium, (atque utinam ad ludibrium tantum,) in solitudinem abjectus relinqueretur? Ac de cæteris ministris nihil quæro. Non interrogo sollicite cur discesserint, cur tum potissimum Regem reliquerint, cum eorum opera & ministerio potissimum egeret; cum convaluisset, cum prodire inciperet, nec alios comites haberet? De *Alexandro Duramio* scire non possum: quem illi custodem, tibi delatorem habueras. Quid autem erat quod observaret? quod ad matronam, mariti amantem, conjugii tenacem, de pellice sollicitam, deferret? Verebatur videlicet, ne & adolescens, & formosus, & Rex, in aliquam, se absente, oculos conjiceret? Imo hoc ipsum maxime cupiebat. Nam & ipsa maritum eo antea invitaverat: occasiones ipsa obtulerat: & sponte oblatas comimonstrarat. Hoc erat, quod causas divortii quærentem maxime eam urebat, quod ne tenuem quidem suspicionem pellicatus invenire poterat. Cur ergo adhibiti observatores? ne quis Nobilium, ne quis clientum, ne quis omnino alienus cum adiret: ne quis conveniret, qui insidias detegere, de periculo admonere posset? Hunc vero ipsum *Alexandrum* quam sollicite servat, cum maritum occidat, quam cæteris abactis sero dimittat, in ipso prope mortis articulo, cum delationibus jam nihil amplius esset opus. Pridie enim quam parricidium illud factum est, unus e ministris secretorum consiliorum consensu relictus erat *Alexander*.

*Alexandri Duramii est: da exculato.*

XXII. Is cum noctem illam, non minus infamem quam funestam, appropinquare sentiret, præparat absentiae futuræ excusationem, (ut ipsi visum est) non incallidam, ut casus eum expulisse, non ipse sponte deseruisse dominum videretur. Ignem in stramenta lectuli sui injicit: ac flamma latius fusa, tumultu excitato, stragula semiusta e cubiculo Regis ejicit. Sed postridie, cum ea excusatio non satis exsententia procederet, quippe cum, audiente Regina, Rex eum blandius rogaret, *Ne se solum ea nocte defereret, atque etiam invitaret ut una secum cubaret*, (quod & antea sæpe fecerat,) singulari enim præter cæteros benevolentia Rex eum complectebatur: hic *Alexander* deprehensus morbi metum ad priorem excusationem adjecit, ac se, ut liberius curaretur, in oppido pernoctaturum. Hic quoque cum parum proficeret, Regina suam auctoritatem interposuit: & *Regem non recte facere, ait, qui adolescentem, contra valetudinis rationem, secum retineret*. Deinde ad *Alexandrum* conversa, iussit, quo ei commodum esset, abire: & ille cum dicto abiit. Nolo hic diligentius exsequi omnia criminum vestigia. Neque quæram curiosius, ignis ille pridianus, fortuitus, an fraude suppositus fuerit: neque illud rogabo, cur homo, sæpe antea in lectum Regium receptus, illa potissimum nocte id recuset? morbum in causâ fuisse credamus. Hoc tantum quæro, cujus generis fuerit is morbus, illo statim momento temporis immixtus, qui sine ulla medi-

*Alexander Duramius Regi adhibitus, non scimus, sed, observator, non famulus, sed custos, & delator, & de error, & proditor.*

[*Sero dimittat*] *Dimittit* videtur legendum, totaque sententia interrogationis signo claudenda.



medicorum cura ante lucem cum reliquerit? cujus nullum, neque ante, neque postea, neque in illo temporis puncto, signum apparuerit? Sed, opinor, illo tacente, vos satis intelligitis. In homine malefici conficio, mortis metus vicit officii rationem. Quod nisi *Alexander*, antea delator, nunc defector & proditor, omnium scelerum conscientia teneretur, nonne Regina, cætera tam crudelis, unam illam victimam inferiis mariti impendere potuisset?

XXIII. Hæc dum fiunt multum noctis processerat: & *Rereja*, strenua miles, ante signum datum in aciem processit, foras prodiit, equum conscendit: & quanquam, ut futuræ procellæ conscia, timet, tamen in equo sedens Reginam expectat, sed longiuscule ab ædibus. Interim *Paris* advenit, colloquium dirimitur, surgitur. Subiit enim, eo conspecto, nefas illud, quod non nisi magnis piaculis averruncari posset, quod Regina in cœna nuptiali *Sebastiani*, cantoris, ac tantum non scurræ, non saltaverit: quod marito nondum ad justam valetudinem perducto assederit: quod in convivio domestici parafiti histrionicam non egerit. Digna profectores excusatione. Sed quid faceret? abundum erat Paride conspecto: ita enim convenerat, & aliquid erat prætexendum. Quid? superioribus noctibus, quibus maturius discesserat, nulla interposita excusatione, nunc demum media fere nocte discessus erat excusandus? Sed fuerit. Nihilne aliud subibat aptius quam nuptiæ *Sebastiani*? Ego contra contendo, si vel fratris, vel sororis nuptias reliquisset, ut maritum etiam leviter languentem inviseret, eam omnibus justam excusationem habendam esse. Quid si Regi etiam, non marito, quid si aliis e Proceribus id officii præstitisset? tanti sunt nuptiæ *Sebastiani*, ut mimica ibi saltatio præferenda sit conjugali officio & caritati? Sed profecto aliud in hac excusatione, & dolore neglecti officii latet, nec tamen ita latet, ut non transpareat. Nimia ista, in excusando, ubi nihil opus est, diligentia, suspicionem occulti facinoris, & quod detegi nolis, habet: & causæ levitas suspicionem augeat: præsertim cum alia in promptu essent, quæ causari potuisset.

*Rereja* meretrix strenua Regina mortis militra.

Nocte, qua Rex interimitur, Regina ad signum datum a Rege discedit, frivolo prætextu discessum excusans.

Regina nihil habet quo se excuset, tunc hic concutiant verumilla.

XXIV. Sed excusationem accipiamus, quando Reginæ iusta est visa. Quo deinde abit? in cubiculum suum recta. Quid deinde? scissa labore diurno, & nocturna vigilia, ita cubitum? Imo cum *Bothuelio* prope solo, deinde etiam solo, colloquitur: quid autem locuta sit, res ipsa prodit. *Bothuelius* enim cum vestem, velut decubiturus, exuisset, statim aliam sumit: ad facinus abiens, noluit agnosci. Laudo hominis calliditatem. Sed per custodias cundum erat. Hic miror amentiam. Sed mentes, cogitatione scelerum obsessæ, fere sese sua inconstantia produnt: & ad cætera plerumque cæcæ, unum illud vident, in quod animum intenderunt. Quid autem gesserit, Regis mors, ipsius fuga, noxiorum confessio, & cætera, quæ eadem secuta sunt, declarant. Excitato in urbe tumultu, ille, quasi omnium ignarus, per easdem custodias redit cubitum. Cum ruinæ fragor aures, tremor etiam omnium ædes concuteret, Regina, in expectationem eventus

*Bothuelius*, post colloquium Reginæ, ad eandem Regis se accingit.

Regis mors

ere.

[In quod] Ita omnino legendum, non quod in nostro codice scriptum est [quo.]  
Tom. I.

Cccccc

erecta, & vigilans, nihil sentit: *Botbuelius* nihil sentit: mira surditas. Ac cæteri per urbem, qui vigilabant, exterrantur, qui dormiebant expergiscuntur.

*Botbuelius*  
hujus fabu-  
læ choragus,  
post ex cho-  
rago fit  
nuncius.

XXV. Tandem surgit iterum *Botbuelius*: & in eadem fabula, e Poëta fit nuncius, accurrit ad Reginam: eodem fit aliorum, qui in palatio divertebant, concursus: res aliis vera, aliis simulata, sed omnibus mira videri. Quid Regina? quid faceret? fert moderate suam felicitatem: in meridiem placide conquiescit. Postridie tamen, ut in fabula decoro serviret, luctum simulat, quem nec diu fingi sinit una habitans lætitia, nec omnino negligi patitur pudor. Hæc cum subjecta sint oculis, manibus contrectentur, in auribus & conscientia omnium habitent, adhuc de auctore cædis, tanquam dubio, quærimus? At Regina negat. Quid negat? se cædem illam fecisse. Tanquam multum intersit, auctor sis, an minuter: jubeas, an facias? Consilium, operam, opes, auctoritatem, ad eam patrandam adhibuit: neque cæssa cur id fecerit, latet: nempe ut impuræ illæ nuptiæ cum *Botbuelio* fierent.

De auctore  
Regiæ nec  
eis nemini  
dubitan-  
dum in tan-  
ta veritate  
lucet.

Ex causis a  
eade Regis  
consequen-  
tibus con-  
tra Regi-  
nam argui-  
tur.

Regina an  
luctum si-  
mulabat  
magis, aut  
lætitiam dis-  
simulabat,  
ex vi mor-  
te, diffici-  
le est d. du.

Hen. Kil-  
græus An-  
gulus, &  
Crocus Gal-  
lus, duo  
legati, læ-  
titia Regi-  
næ testes.

XXVI. Quæ omnia etiam si argumenta, si tot e consociis testes deessent, ipsius testimonio, ipsius literis teneatur necesse est. Et, si alia omnia deficerent, quæ cædem secuta sunt, auctorem facile coarguunt; quod in mariti morte, non modo non doluerit, sed, ut in re præclare gesta, quieverit: quod non luxerit, sed propemodum palam sit lætata: quod defuncti corpus non sustinuit modo spectare, sed avide spectaverit: clam, de nocte, sine funeris honore, sepelierit; aut potius, latronis instar, absconderit. Nam simulatio illa luctus tam inconstans ipsa se facile prodidit. Quid enim ille secessus ad *Setonium* sibi volebat? Cur celebritatem urbis, & oculos hominum fugit: An quia pudebat palam lugere? an quia non potuit lætitiâ dissimulare? aut ut occulte se totam in luctus daret? Ino ad *Setonium* totam luctus personam abjecit: in campos quotidie cum sicariis ibat: nec modo pristinam consuetudinem repetivit, sed lusus viriles, & cum viris, & palam affectavit: ita popularium suorum existimationem facile contemnebat. Sed male sit *Kilgræo*, male sit *Croco*, qui tam incommode interveniunt, & personam detractam exteris ostenderunt: multa facta negari, multa apposite fingi, multum rumoribus profici, sine illis poterant.

Quæstio de  
Regis inte-  
rim, quo-  
modo, &  
per quos  
instituta.

XXVII. Sed quæstio de cæde habita est. Per quos? Per *Botbuelium* in primis, aliosque nonnullos, qui noxios legum pœnis eximere tentarunt, & hodie tentant: & nunc palam ostendunt, quid tam occulte senserint. Sed qua diligentia, qua sanctitate, quæstio illa tractata est? Pauperes e vicinia hospitii Regii, nec proferre audebant quæ viderant & audierant: & si propius rem attigissent, vel metu reticere cogeantur, vel ut vani contemnebantur: cautiore *Botbuelium*, inter quæsitores sedentem, lædere non audent: ministri, unus & alter, qui cladi superfuerunt, interrogantur, latrones quomodo ingressi sint? *Claves*, ajunt, *penes nos non erant*. Quis eas habuit? dictum est Reginam habuisse. Cœperant Aulæ secreta palam fieri. Quæstio differtur, nunquam repetitur. Quid hac quæstione sanctius? sed tamen

nonni-

nonnihil ea profectum est. Nam quod quæsitores tacere volebant, vulgus clamat : quod supprimunt, erumpit : quod celant, elucescit. At edictum proponitur : facti impunitas, indicii præmia proponuntur. Quis autem tam demens fuisset, ut, in tam manifesto vitæ periculo, adversus iudices, qui vitæ necisque sui potestatem haberent, testimonium dicere, aut indicium profiteri auderet? Expectandum scilicet erat, ut qui Regem trucidassent, indici cædis parcerent? præsertim cum omnes viderant de cæde Regia quæstionem omissem, de libellis cædem coarguentibus severe exerceri? Judicium, quo Bothucius purgatus, quale fuit. Judicium vero, quo *Bothucius* purgatus est, quale fuerit audistis. Nempe per ipsum coactum : iudices ab ipso lecti : accusatores ab eodem suppositi : legitimi accusatores adesse vetiti, nisi gladiis inimicorum cervices subjicerent. Indictum iudicium, nec in diem legitimum, nec more patrio, nec de cæde Regis, sed de ea cæde, quæ pridie quam Rex interemtus, facta dicatur. Hic cum *Bothucius* gratia & opibus, Regina minis & precibus apud iudices contenderent, expectatis, quid homines, præter leges, præter morem patrium lecti, pronunciarint? Rem sententiis suis non attigerunt : tantum iudicium non esse legitimum sunt testati, cum sibi caverunt, ne ea res ipsis aliquando fraudi foret.

XXVIII. Deinde, ut omnes intelligerent, quid ferro, flammis, veneno petitus esset, nuptiæ aliæ dirimuntur, aliæ coeunt : idque tanta festinatione, quanta nec ad triumphum de præclara victoria fuisset properandum. Tamen, ut in illis illegitimis nuptiis aliquid legitimi moris observaretur, Bannæ præclaræ publicantur : in quibus denunciandis, etsi metus mortis Ecclesiæ Ministro, nisi paruisset, fuerit intentatus, is tamen inter denunciandum palam testatus est, *Se causam scire, cur illæ nuptiæ legitime non essent.* Sed in tanto cœtu hominum, quotus quisque erat, qui id ignoraret, quippe qui meminissent duas uxores nondum dimissas *Bothucium* habuisse, tertiam nec legitime nuptiam, nec rite dimissam. Verum non id agebatur, ut legitimi moris cærimoniarum observarentur : sed, ut in comœdiis fieri solet, quandam vulgæ consuetudinis speciem & imitationem curabant. Nam qui omnia jura humana sæpe violaverat, religionem omnem abjecerat, facile jus divinum contemnebat.

XXIX. Explicasse mihi videor paucis pro rei magnitudine, sed fortasse pluribus, quam necesse erat, propter probationum perspicuitatem, quo consilio, qua spe cædes nefaria sit suscepta, quanta cum crudelitate perpetrata, quibus indicii testimoniis, & literis ipsius Reginae, tota res teneatur ; & ita teneatur, ut tanquam subiecta oculis cerni possit : proponam tamen & universi populi testimonium, quod quidem minime negligendum esse arbitror. Singuli enim plerumque fallunt, & ab aliis item falluntur : at nemo omnes decipit, aut ab omnibus dicitur. Hoc populi, quod dixi, testimonium hujusmodi est. Cum Reginae prodeunti in publicum, a maxima vulgi parte solitum esset proclamari, *Bene & feliciter*, quæque alia vel

*Bothucius, mactato Rege, uxorem illico repudiat, ac Reginam ducit. Bannæ proclamata, & secusata.*

*Contra Reginam nullum gravius testimonium, quam publicum populi silentium.*

1 *Vita necisque sui*] Durior paullo locutio, pro *sua* : cuius tamen non desunt apud probatissimos auctores exempla. Vide Sanctii Minerv lib II. cap. 13.

C c c c c c 2

Verba e- amor exprimit, vel adulatio comminiscitur, post eadem Regis eunti ad ar-  
 jussam foe- cem, per celeberrimum urbis vicum, moestum passum erat silentium. Sed  
 minz con- cum aliquando mulier, e turba, sola bene precata Reginae esset, alia ita-  
 tra Regi- cum aliquando mulier, e turba, sola bene precata Reginae esset, alia ita-  
 nam excla- tim, ita ut ab omnibus audiri posset, exclamavit; *Ita cuique sit ut promere-*  
 mania. tur.

## EPILOGUS seu CONCLUSIO,

*Firmis colligens argumentis, Reginam ob mariti necem, justissimo  
 judicio, suo privatam esse principatu.*

Maria Sco-  
 torum Re-  
 gina ob de-  
 testandum  
 parricidium  
 merito de-  
 jecta de  
 dignitatis  
 loco.

XXX.

**H**

ÆC cum ita, ut dixi, gesta sunt, non desunt tamen, qui non duriter modo, sed etiam crudeliter actum cum Regina dicant; quod post tam execrandum facinus a rerum gubernaculo remota fuerit: & cum de scelere inficiari non queant, de sceleris poena conqueruntur. Non reor quendam futurum tam impudentem, ut nullam tam nefario facinori poenam deberi existimet. Sin de gravitate querantur, vereor ne omnibus bonis non tam clementer & modice, quam dissolute & negligenter fecisse videamur: qui tantum tamque inauditum nefas tam levi poena persecuti sumus. Quid enim crudeliter in auctorem tam immanis facinoris consuli potest? in quo omnia divina & humana jura violata, contempta, & pene extincta sunt. Singula flagitia suas habent poenas, & humanitus & divinitus constitutas: & ut scelerum sunt quidam gradus, sunt etiam in poenis suppliciorum accessiones. Occidit aliquis hominem? facinus per se immane. Quid, qui etiam familiarem? qui patrem? quid qui in uno scelere omnia hæc complexus est? Ejus profecto neque vita poenis exigendis, neque corpus perferendis, neque judicium solertia excogitandis sufficere potest. Quid est horum, quod in hoc scelere non contineatur? Omitto illa vulgaria, hominem adolescentem, innoxium, civem, familiarem, sobrinum: factum etiam, si fieri potest, excusamus: fecit temere mulier adolescens, irata, læsa, summa ante vitæ innocentia: & hominem flagitiosum, adulterum, durum maritum, Regem crudelem occidit. Hæc, si in causa, non singula, sed universa etiam essent, non ad deprecandum supplicium, sed ad commiserationem fortunæ valere deberent. Quid, quod nihil horum ne falso quidem prætendi potest? Facinus ipsum per se odiosum, in muliere prodigiosum, in uxore, non modo immoderate amata, sed vehementer etiam culta, incredibile: & adversus eum perpetratum, cujus ætas veniam, caritas amorem, propinquitas reverentiam, innocentia favorem demereri poterat: adversus eum, dico, adolescentem, in quo nulla peccandi causa justa prætenditur, omnia peccatorum tormenta consumere, vel etiam superare, cujus tandem crudelitatis esse statuemus?

XXXI.

Multo mi-  
 us inflic-  
 tum Re-  
 ginae sup-  
 plicium,  
 quam sceleris  
 ejus atrocitas com-  
 merebatur.



XXXI. Sed hæc in aliis valeant ad odium, ad pœnas, ad exempla posteritati prodenda. Hic vero multa ætati, multa generi, multa \* Regio nomini condonemus. Ego certe is non sum, qui summo jure semper utendum censeam, ne in privatis quidem & plebejis hominibus. Sed in summo scelere, juris omnem vim solvere, & ubi peccandi nullus est modus, infra modum in vindicando descendere, ad omnium legum interitum, & eversionem societatis humanæ pertinet. In hoc autem scelere tanta est omnium flagitiorum colluvies, omnis immanitatis acerbitas, omnis humanitatis oblivio, ut supra fingendi vel excogitandi nullus supersit locus. Ac superiora illa omitto. Non inquiram nimium diligenter in facta Principum: neque ad vulgarem trutinam ea examinabo: non exigam vulgares officiorum gradus: si quid sit, quod sine scelere præteriri possit, libenter silebo: si quid vel ætatis, vel sexus, vel temeritatis etiam excusationem admittens possit, non urgebo. Atque, ut reliqua præteream, † duo sunt omnino scelera, quæ neque pro magnitudine satis explicari, neque pro immanitate satis puniri possint: matrimonii dico, & Regiæ majestatis violationem. *Matrimonium* enim, ut inquit Apostolus, *vere magnum continet mysterium*. Nam ut conservatum omnia inferiora officiorum genera in se complectitur, ita violatum omnia evertit. Qui parentem violavit, omnem pietatis reverentiam ex animo ejecisse creditur: at mariti causa relinquet homo patrem & matrem. Ac cæteri quidem officiorum vel gradus, vel similitudines, in brutis animantibus aut omnino non insunt, aut certe sunt obscuriores: || caritatis vero conjugalis, nullum fere est animal, quod sensum aliquem non habeat. Hoc igitur mysterium qui non modo violat, sed profus contemnit, non leges, non societatis humanæ fundamenta omnia evertit, sed omnem naturæ ordinem, quod in se est, solvit & perturbat. Qui vero Regem, qui vera est in terris Dei \* imago, non violat, dico, sed trucidat, & ita crudeliter trucidat novo & inusitato atrocitatis genere, ut non simplici supplicio impotens & incredibilis truculentia sit contenta: nonne ipsum tibi Deum de cœlo, quantum in ipso est, detrahere voluisse videatur? Quem igitur ad misericordiam aditum sibi reliquerunt, qui non modo omnem crudelitatis modum, sed etiam fidem, in odii injusti libidine explenda superarunt?

XXXII. At parci oportere dicent nobilitati, dignitati, ætati. Si quidem illa ei pepercit, in quo hæc omnia, vel majora, vel certe paria fuerunt. Valeat Regii nominis majestas: quantum sibi ad salutem valere debeat, ipsa prodidit exemplum. Committamus ei nostram salutem, quæ soror fratrem, uxor maritum, Regina Regem excarnificavit? Committamus nostram salutem ei, quam nunquam pudor a libidine, sexus a crudelitate, ab impietate religio revocavit. Committamus veniam ætati, sexui, errori, cum nul-

1 Committamus veniam ætati] Infolens loquendi genus videtur committere veniam: forte Buchananus concedamus scripserit, quod parum diligens librarius, eodem vo-

cabulo semel atque iterum e superiore commate oculis, ut sit, oberrante, in committamus mutaverit.

\* Regio nomi-  
mini multa  
condonanda  
sunt; et  
non omnia  
tamen. Por-  
ro si nomi-  
ni & titulo  
Regis tan-  
tum tri-  
buendum  
sit, quanto  
amplius vi-  
deatur Regis de-  
ferendum  
est? Ideo-  
que quif-  
quis vitam  
Regis eripit,  
indignum se  
statuit, cui  
Regis nomi-  
nis titulus  
ad impuni-  
tatem patro-  
cinetur.  
† Duo sunt  
scelera, quæ  
genera, quibus  
nullus mo-  
do parcen-  
dum: ma-  
trimonii.  
& Regiæ  
majestatis  
violatio.

|| Caritas  
conjugalis si  
in brutis  
etiam reti-  
netur ani-  
mantibus;  
quanto mi-  
nus in ho-  
minibus  
ejus ferenda  
est violatio?  
Quod si lex  
Dei vi-  
tam non  
permittit  
ei, quæ to-  
tum marita-  
lem com-  
maculavit;  
quid fiet ei,  
quæ non  
totum, sed  
vitam etiam  
mariti me-  
dio sustuljet

Principes  
Dei iungam  
nem totum  
in totum  
Qua ignat  
michiam  
lato  
Deum la-  
dit. Qui  
venioceat  
perinde la-  
ce ac si  
Deum i-  
pium de-  
culo de-  
trahere gy-  
gancos auda-  
cia aggredi-  
ant, nec  
venia di-  
gna, nec  
vita  
Si machi-  
nam vel le-  
viter laesse  
capite sit,  
& man-  
trudien-  
dam quid  
rum eno-  
cuisse?  
? Quia mu-  
lier in ma-  
ritum &  
Regem tam  
tenere  
enon-  
am, tam  
crudeliter  
gratia est.  
quid cum  
inquis la-  
sum in ali-  
os sedulam  
aspiciamus?  
Defensio  
Johann ad-  
versus Regi-  
nam Scot.  
instituta.

lis odiorum iustis causis, in propinquo, Rege, marito, hæc omnia con-  
temserit? † Quæ hæc iniuste iræ supplicia expetiverit, quid eam contu-  
melis provocatam facturam existimabimus, adversus homines nulla sangui-  
nis propinquitatē conjunctos, libidini suæ obnoxios, & non in æquam vi-  
tæ societatem, sed in tutelam datos, in carnificinam redditos? cum inter-  
pellatæ libidinis impotentia, & naturæ immanitas licentia armis munita,  
in miserorum civium bonis & sanguine debauchatur? Quod est igitur hoc  
crimen, cuius rei traducimur? quæ est hæc nostra crudelitas? Quod vide-  
licet mulierem, sine modo, sine modestia furentem, & viribus potestatis,  
ad civium incolumitatem tuendam acceptæ, ad omnium perniciem abuten-  
tem, sub propinquorum & benevolentium tutela continuerimus? & a qua,  
jure, scelus supplicium expetere poteramus, nullam graviorem ei pos-  
sam irrogaverimus, quam ut a scelere perpetrando eam prohibuerimus?  
|| Non enim ei libertatem, sed effrenam flagitiorum licentiam ademeramus.  
In quo magis formidamus nimis lenitatis apud bonos omnes reprehensio-  
nem, quam apud malos crudelitatis calumniam.

## LITERÆ REGINÆ SCOTIÆ,

*Ad Comitem Bothuclium scriptæ.*

## EPISTOLA PRIMA.

**P**OSTEAQUAM ab eo loco discessi, ubi reliqueram cor meum, facilis  
est conjectura, qui meus fuerit vultus: cum plane perinde essem atque  
corpus sine corde. Ea fuit causa, cur toto grandis tempore, neque con-  
stulerim sermonem cum quoquam, neque quisquam se offerre mihi sit au-  
sus: ut qui judicaret id non esse ex usu. Ad quatuor passuum millia an-  
tequam ad oppidum accessissem, homo honesto loco natus, a Comite Levinæ ad  
me venit, atque ejus nomine salutavit. Excusavit Comitem, quod non ipse obviam  
processisset: id enim quo minus auderet, in causa fuisse, quod verbis asperioribus  
Cuningamium compellasset. Petivit etiam ut inquirerem de suspitione mea ad-  
versus Comitem. Postrema hæc sermonis pars, ab ipso, inusu Comitiss, erat  
adjuncta. Ego respondi, nullam adversus timorem esse medicinam: neque, si  
extra culpam esset, tam meticulosam futurum: neque me, nisi ad dubitationes,  
quæ in ejus literis erant, asperius respondisse. In summa, imposui homini silen-  
tium. Longum esset cætera perscribere. D. Jacobus Hamiltonius mihi obviam  
venit. Is ostendit superiore tempore, cum de meo adventu audisset, eum discessisse  
ac Hustonum ad se misisse, qui diceret, se nunquam fuisse crediturum, quod aut  
ipsum

Reginæ ce-  
cur ergo  
S. Bothuclium  
duor. &  
impudens.

ipsum persequeretur, aut Hamiltoniis se conjungeret: se vero respondisse, sui itineris causam unam fuisse, ut me videret: neque cum Stuartis, aut Hamiltoniis, injussu meo, se conjuncturum:

Lussius, Hustonus, Caldoellii filius, comitati quadraginta circiter equis obviam venerunt. Lussius dixit, se a Regis patre in eum ipsum diem, ut causam diceret, arcessitum, contra quam chirographo promississet: id chirographum penes se esse: tamen cum de meo adventu rescitum esset, diem prolatum: se arcessitum a Comite, ire nolle: ac jurat se nihil unquam ab eo velle. Nemo oppidanorum me convenit, quæ res facit, ut eos credam ab illo stare: præterea bene loquuntur, saltem de filio. Nullos præterea Nobiles video, præter meos comites: Rex arcessivit Joachimum heri, ac eum interrogavit, cur non prope se diverterem? id enim si fecissem se citius surrecturum: Item cur venissem? an reconciliationis causa? ac nominatim, an tu hic esses? an familia catalogum fecissem? an Paridem & Gilbertum acceperissem, qui mihi scriberent? an Josephum dimissura essem? Miror quis ei tantum indicarit: etiam usque ad nuptias Sebastiani sermo pervenit. Ego eum de suis literis rogavi: in quibus questus erat de quorundam crudelitate. Respondit, se nonnihil esse attonitum, meumque ei conspectum tam jucundum, ut putaret se letitia moriturum. Offendebatur, eo quod tam cogitabunda essem. Ego discessi ad cœnam. Qui has fert tibi, de meo adventu narrabit.

Rogavit me ut redirem: quod & feci. Suum mihi morbum explicavit: seque nullum testamentum facturum, nisi id unum, quod omnia mihi relinqueret: me autem sui morbi causam fuisse, quod moleste tulisset me tam alieno erga se animo fuisse. Ac postea, inquit, me rogas, quid sibi velit illa crudelitas, cujus mentio est in meis literis? Ad te unam id spectat, quæ meas pollicitationes, ac pœnitentiam recipere non vis: fateor a me peccatum esse: sed non in eo, quod semper negavi. Peccavi etiam adversus quosdam civium tuorum, quod mihi abs te condonatum est. Ego sum adolescens; ac tu dicis, quod post veniam sepe abs te datam, adhuc ad peccata redeo. Nonne homo, qua ego sum ætate, consilio destitutus, bis aut ter labi potest? aut pollicitis non stare? ac deinde sui errati pœnitere, & rerum usu corrigi? Quod si veniam impetrare potero, polliceor me nunquam posthac peccaturum. Nihil autem aliud peto, nisi ut communi mensa & lecto, tanquam conjuges, utamur. Ad hæc nisi tu consentias, nunquam ex hoc lecto resurgam. Te rogo ut mihi indices quid decreveris. Novit autem Deus quid pœnarum feram, quod Deum mihi te fecerim, ac nihil aliud nisi te cogitem. Quod si quando te offendo, tu ipsa in causa es: nam cum aliquis me offendit, si id perfugium haberem, ut apud te queri possem, ad neminem alium querelam deferrem. Sed si quid audio, nec te familiariter ator, cogor id in petore clausum tenere: quæ res ita me angit, ut mentem & consilium mihi prorsus excutiat.

Ego semper ei respondebam: sed nimis longum esset omnia perscribere. Rogavi eum cur discessum adornaret in ista nave Anglica. Ille id pernegat, adjecto etiam juramento. Sed confessus est se cum Anglis colloquutum. Postea rogavi eum de questione Gulielmi Hiegait. Id quoque negavit, donec ipsa verba quæ pro-

Regis fladium & caritas singularis erga Reginam.

Rex mentem & lectum communem ab uxore petens non admittitur.

Regina fin-  
git causas a  
marito dis-  
cedendi.

prolata erant, ei detuliffem. Tum dixit se certio- rem a Minto factum, dici quen- dam e concilio literas de se mittendo in carcerem, ac, nisi pareret, occidendo, ad me detuliffe ut subscriberem: ac se idem ex ipso Minto quæfiffe, eumque respondiffe sibi verum videri. De hoc capite eum cras conveniam. Quod ad reliqua de Gu- lielmo Hiegait, ea confessus est: nec id nisi postridie quam veneram. Magno- pere cupiebat ut ego in ejus hospitio apud eum diverterem. Ego recusavi, ac dixi ei opus esse purgatione, nec id hic fieri posse. Dixit se accepiffe quod lecti- cam mecum attuliffem: se vero maluisse mecum una proficisci. Credebat, opinor, quod in carcerem eum aliquo amandatura effem. Ego respondi, quod duetura mecum effem ad Cragmillarium, ubi & medici & ego possemus si adesse: ne- que longe a meo filio abesse. Ille respondit, se, ubi vellem, paratum esse, modo de eo quod peteret securum se facerem. Cupiebat ne a quoquam conspiceretur. Ira- scitur, quoties ei mentionem Walcarii facio, ac se dicit aures ei e capite avulsu- rum: ac mentiri eum ait. Nam de hac re eum interrogavam: ac de eo quod iratus esset quibusdam Procerum, atque eis minaretur, id negat, & ait omnis sibi caros esse; ac me rogat ne quid secus de se crederem. Quod ad me attinet, se malle de vita discedere, quam quicquam committere quod me offenderet.

Regina suo  
indicio tan-  
quam forex  
suam ipsa  
impietatem  
& scelus  
prodit.

Ac postea tantum minutarum adulationum tam moderate ac tam prudenter mihi effudit, ut tibi res admirationi sit futura. Pene oblita eram, quod dixit in hoc negotio Hiegait, non posse de me quicquam suspicari. Se enim nanquam creditu- rum, quod ego, quæ propria ejus caro effem, quicquam mali ei facerem. Etiam se resciffe, quod ego ei rei subscribere recusaffem: quod si quis suam vitam pete- ret, facturum ut satis magno ei constaret. Sed sibi neminem nec suspectum esse, nec futurum: sed se omnes dilecturum, quos ego diligerem. Nolebat permittere, ut a se discederem, sed cupiebat ut una secum vigilarem. Ego simulabam omnia videri vera, ac mihi curæ esse: atque excusavi quod illa nocte vigilare non pos- sem. Ait se non bene dormire: nunquam vidi eum melius habere, aut loqui hu- milius. Ac nisi experimenti didiciffem, quam esset ejus cor cereum, meum ada- mantinum, & quale nullum telum penetrare posset, nisi quod e tua manu veniat, prope erat ut ejus miserta fuiffem. Sed ne time, præsidium ad mortem usque cu- stodietur: tu vide ne tuum capi finas a gente illa perfida, quæ non minore con- tentione tecum de hoc ipso agat: arbitror in eadem schola doctos fuiffe. Ille sem- per in oculis habet lacrymam, salutat omnes etiam usque ad infimos: & miseris modis eos ambit, ut ad sui misericordiam eos perducatur. Hodie patri ejus sanguis e naribus & ore fluxit: tu confice quale id sit præsagium: nondum eum vidi, continet enim se in cubiculo. Rex poscit, ut meis manibus sibi tradam cibum: sed tu nibilo magis isthic sis crediturus, quam ego hic ero.

Videtur  
hæc mariti-  
cida ex  
præfatio pa-  
terni san-  
guinis au-  
diaciam su-  
mere graf-  
fandi in ne-  
cem sui ma-  
riti.  
Impedens  
& mendax  
Reginæ dis-  
simulatio &  
perfidia in  
manum.

Hæc est mea primi diei expeditio, eandem cras finiam. Omnia scribo, etsi non sunt magni ponderis, ut tu optima seligendo judicium facias. Ego in negotio mihi maxime ingrato versor. Nunquid subit cupiditas ridendi, videndo me tam bene mentiri, saltem dissimulare tam bene, ac interim vera dicere? Omnia mihi ape- ruit sub nominibus Episcopi & Sutherlandi. Nec tamen adhuc colloquuta sum, aut verbo attingi quicquam eorum, quæ tu mihi declarasti: sed tantum vi adula- tionum & precum ago, ut a me sit securus: & conquiendo de Episcopo, omnia

de



de eo expiscata sum: cetera audisti. Nos sumus conjuncti cum duobus infidis hominum generibus. Diabolus nos sejungat, ac non conjungat Deus in perpetuum, ut simus fidissimum par, quod unquam junctum est. Hæc mea fides est, in ea volo mori. Excusa quod male pingam: dimidium te oportet divinare, sed ego ei resistere non possum. Non enim optime valeo, & tamen magna fruor lætitia scribendo ad te, cum alii dormiunt: quando ego dormire non possum, ut illi faciunt, nec ut ego vellem, hoc est in tuo complexu; mi care amice, a quo precor Deum, ut omnia mala avertat, & quietem mittat. Ego eo ut meam quietem inveniam in crastinum, ut tum mea Biblia finiam. Sed angor quod ea me a scribendo de me ipsa ad te impediant, quia tam diu est. Fac me certiore quid de re, quam nosse, decreveris, ut alter alterum intelligamus, ne quid ob id secus fiat. Ego nudata sum, ac dormitum eo, nec tamen me continere possum, quo minus quod restat chartæ deformiter conscriberem. Male fit isti variolato, qui me tot laboribus exercet: nam absque eo, esset ut materiam multo elegantiore ad disferendum haberem. Non magnopere deformatus est, multum tamen accepit: pe-  
in pectore  
de ginecon  
ita mod,  
com-  
Regina libi  
dine est  
ana, & ama-  
te Boethucili  
infancia.  
De Rege  
marito in-  
telligit,  
quem ipse  
veneno de-  
formavit,  
quam ecol-  
dile potius  
cogitavit.

Nuncius patris in itinere.

Sermo D. Jacobi Hamiltonii.

De eo quod Lussæ Comarchus mihi retulit de dilatione.

De quibus interrogavit Joachimum.

De ordinatione familie.

De meo comitatu.

De causa mei adventus.

De Josepho.

Item de sermone inter me & illum.

De ejus voluntate placendi mihi, & de ejus pœnitentia.

De interpretatione suarum literarum.

De negotio Gulielmi Hiegat, & de suo discessu.

De Domino de Leviston.

Pene oblita eram, quod Dominus Levistonius, D. Reresiæ dixit in aures, D. Levistonius: dum cenaret, quod præbiberet eis quos nossem, ea lege ut ego rebiberem eorum nomine. Ac post cenam dixit, mihi dum ad ignem calefiebam, cum ei inniterer: Bella, inquit, hujusmodi hominum visitatio. Non tamen tanta e tuo accessu potest eis esse lætitia, quanta in molestia quidam hodie relictus est: qui nunquam lætus erit, donec te iterum videbit. Ego de eo quæsi qui quisnam is esset. Ille ar-  
ut

[Nam absque eo, esset ut materiam, &c.] Rectius mea sententia; Nam absque eo esset, materiam, &c.

Tom. I.

D d d d d

ut clavem includerem, quæ subtus annexa est duobus funiculis: male autem facta est ob temporis angustiam, sed faciam pulchriorem. Interim prospice, ne quisquam eorum qui hic sunt videat: quia omnes mortales eam agnoscant, tanta festinatione in omnium oculis facta est.

Institutum  
hoc odio-  
sum non  
aliter quam  
deinde ma-  
riti intelli-  
git posse vide-  
tur.

Nunc proficiscor ad institutum meum odiosum. Tu me adeo dissimulare cogis, ut etiam ipsa horream: ac tantum non proditricis partes me agere cogis. Illud reminiscere, quod nisi tibi obsequendi desiderium me cogeret, mallem mori, quam hæc committere: cor enim mihi ad hæc sanguinem fundit. Breviter negat se mecum venturum, nisi ea lego, ut ei pollicear me communium eo mensa & torusu-ram velut antea, ac ne sepius eum derelinquam. Hoc si faciam, quicquid vo-lim faciet, ac me comitabitur. Sed me rogavit, ut se expectarem in diem perendinum. Valde ferociter ab initio loquebatur (ut qui has fort tibi narrabit) de colloquio cum Anglis, de suo discessu: sed tandem reversus est ad suam humanitatem. Inter alia consilia, quæ mihi retulit, se satis scire quod meus frater ad me detulisset, quæ ipso cum eo egisset Sterlini. Quarum rerum dimidium negavit, ac maxime illud, quod fratris mei cubiculum esset ingressus. Ut ego facilius fidem apud eum assequerer, necesse mihi erat quædam fingendo ei obsecundare. Quamobrem cum rogares, ut ei pollicerer, cum primum revaluisset, communem nobis fore lectum: ego dissimulanter dixi, ac fingens me bellis ejus pollicitationibus fidem habere, me consentire, nisi ille interea propositum mutaret: sed interea videret ne quisquam id rescisceret, propterea quod Proceres nostris colloquiis offendi non possent, nec ideo male velle, sed in timore futuros, quod comitatus fuisset: si aliquando inter nos concordesset, se daturum operam, ut intelligerent quam parvi eum aestimassent. Item quod mihi consulisset, ne gratiam quorundam seorsum a se expeterem.

Has ob causas eos in magna suspitione futuros, si ego faciem scenæ ad contrariam huic fabulam instructæ, in præsentia eis insciis turbarem. Tum ille vebementer latus subjecit: Et tu putasne quod pluris illi te aestimabunt ob hanc causam? sed valde gaudeo, quod sermonem de Proceribus injecisti, nunc quidem credo te cupere, ut una concorditer vivamus: nam ni ita esset, majora quam uterque timeamus incommoda utrique possent evenire. Sed nunc quod tu vis, volo, & quod amabis amabo, & cupio ut eorum similiter concilies amorem: quid postquam non petunt vitam meam, omnes amo ex æquo. Circa hoc caput hic tabellarius multa minuta tibi declarabit: quia nimis multa supersunt scribenda, & jam serum est: huic adhibebis fidem juxta tuum verbum. Breviter, meo jussu quovis ibis. Etsi mihi, nunquam quenquam decept: sed ego me in universum tuæ voluntati subji-cio. Fac me certior quid faciam: & quicumque sequatur eventus, tibi obsequar. Etiam tecum perpende, an comminisci queas aliquam occultiorum rationem per medicinam. Sumitur enim & medicinam & balneum ad Cragmillarium. Non potest domo egredi ad multos dies. Breviter, quantum intelligere possum, in magna suspitione versatur: nihilo tamen minus magnam habet fidem orationi meæ, nec tamen usque adeo, ut quisquam mihi effutiat. Nihilominus ego ex eo, siquidem tu vis, omnia apud eum profitear & agnoscam. Sed nunquam gandebo in quo-vis homine, qui mihi fidet, decipiendo: nihilominus tu mihi potes omnibus in re-

Tampræ-  
sentis subje-  
ctio.

De veneno  
dando con-  
spicit Regi-  
na cum Be-  
thuelo.

bus

bus imperare : noli ideo sinistram opinionem de me concipere : quia tu ipse hujus rei mihi auctor es : nunquam enim istud in eum committerem meae propriae ultionis causa. Interim me attingit in loco suspecto : idque ad vivum haecenus proloquutus est : sua crimina esse palam : sed sunt qui majora committant, & opinantur ea silentio tegi, & tamen homines de magnis juxta & parvis loquuntur. *Regina me-*  
De Rerelia ait, Deum precor, ut officia, quae tibi praestat, sint tibi honori. *etiam.*  
Ait etiam quosdam credere, ac se id verum existimare, me non habere potestatem mei intra me : idque quia recusaverim condiciones a se oblatas.

Breviter, certum est quod de eo, quod scis, suspicetur : ac de vita etiam. Quod ad posterius, cum primum ego duobus aut tribus bonis verbis eum compello, gaudet, ac timere desinit. Non vidi eum hac vespere, quia tuam armillam conficiebam : cui nullam possum ceram invenire, id enim unum ad perfectionem ei deest : & adhuc vereor, ne aliquod se offerat infortunium, & conspici possit, si te contingat ledi. Fac me certiore num eam velis habere : & si plusculum pecuniae velis habere : & quando debeam redire : & quem in loquendo modum tibi statuam. Insanit ad mentionem de Lethintonio, de te, de fratre meo. De tuo fratre nihil loquitur. De Comite Argathelae in timore versor, quoties eum audio loquentem. Pro certo habet eum nihil de se male opinari. De eis, qui extra sunt, nihil neque boni, neque mali loquitur, sed semper hunc locum vitat. Pater ejus domi se continet : nondum enim vidi. Omnes Hamiltonii hic adsunt, & me comitantur, valde honorifice. Alterius omnes amici me comitantur, quoties eum viso. Petit a me ut eras tempore adsim, ut eum surgentem videam. Ut paucis absolvam, hic tabellarius reliqua tibi narrabit. Si quid novi hic discam, vespere faciam commentarium : ille tibi explicabit meae morae causam. Crema has literas, sunt enim periculose, nec quicquam bene in eis dictum. Ego enim nihil cogito nisi molestias. Si fueris Edimburgi cum has accipies, fac me certiore. Noli offendi, quia non nimium fido. Nunc postquam ob studium tibi obsequendi mihi care amico, neque honori, neque conscientiae, nec pediculis, neque quantaevis magnitudini parco, rogo in bonam partem accipias, ac non juxta interpretationem fallacis fratris uxoris tuae : cui rogo nullam adhibeas fidem adversus fidelissimam omnium, quas aut habuisti aut habebis, amicam. Noli eam intueri, cujus fide lacrymae non debent tanti esse, quanti fidi labores, quos ego perfero, ut merear in ejus locum succedere : quem ut obtineam, Ego eos prodo (idque adversus ingenium meum) qui impedimento esse possent. Deus mihi det veniam. Et Deus tibi det, mi unice amice, eum successum, & felicitatem, quam tua humilis & fidelis amica tibi optat, quae brevi sperat aliud de te in premium mei molesti laboris. Serum est : tamen nunquam cupio cessare a scribendo ad te. Tamen nunc post oscula manuum tuarum, finem meis literis imponam. Excusa meam in pingendo imperitiam : easque relege. Excusa cursorem characterum : quia heri chartam non habebam, cum id quod in commentario erat scriberem. *Regina adducit honorarium simul & conscientiam profituit.*  
*Uxorem Boethelii proligat Regina, quae maritum eas sola possideat.*  
Reminiscere  
tuae

[Adhibeas fidem] Jam inde ab Aufonii temporibus invaluit haec formula, pro qua optimi Latinitatis auctores *fidem ha-*

*bere, addere vel adjungere, dicebant. Vide Cellar. Cur. poster. pag. 396.*

Ddd ddd

*tua amica, ac sepe ad eam rescribe. Radama me, uti ego te amabo. Reminiscere sermonis de Rerelia.*

*De Anglis.*

*De matre ejus.*

*De Comite Argatheliæ.*

*De Comite Bothueliæ.*

*De hospitio Edimburgi.*

### Alia Reginae Epistola ad Bothuelium.

**V**IDETUR cum tua absentia conjuncta esse obliviscentia, praesertim cum in tuo discessu promiseris, quod me certiore faceres, si quid incidisset tibi novi per singula prope momenta. Eorum expectatio propemodum in tantam letitiam me coniecit, quam in tuo reditu sum acceptura: quem distulisti ultra quam promiseras. Quod ad me attinet, quanquam nihil audiam praeterea ex te novi, tamen juxta partes mihi commissas, hominem adduco mecum ad Cragmillarium die Lune, ubi erit toto die Mercurii. Ego autem ibo Edimburgum, ut mittam ex me sanguinem, si nihil interea novi in contrarium de te audiam. Est bilior ac vegetior quam unquam eam videris. Subjicit mihi in memoriam omnia, quae efficere queant, ut me credam ab eo amari. In summa, diceres quod me cum summa observantia colas & ambias: qua de re ita magnam capio voluptatem, quod nunquam ad eum ingredior, quin dolor lateris mei infirmi me invadat: ita me male habet. Si Paria ad me offerret id, cujus causa eum miseram, spero me melius habituram. Oro, fac me certiore de tuis rebus prolixè: & quid mihi sit faciendum, si tu non eris reversus cum ego illuc venero. Quia nisi tu rem geras prudenter, video totum onus in meos humeros inclinaturum. Prospice omnia, ac prius tecum rem expende. Hec tibi mitto per Betonem, qui proficiscitur ad diem dictam D. Balsurio. Non dicam plura, nisi quod te rogo ut de tuo itinere me certiore facias. Glasgva, hoc sabbato mane.

Regis erga  
Reginam  
summa ob-  
servantia.

Reginae erga  
Regem  
summa in-  
gratitudo &  
malitiosa  
inimicitia.



## Alia Epistola ad eundem.

**D**IUTIUS illic morata sum, quam volebam, nisi id factum fuisset, ut aliquid ex eo exculperem, quod hic tabellarius tibi indicabit: quæ est bellissima occasio, quæ se poterat offerre ad excusandum nostræ negotia. Promisi me ipsum cras ad eum adducturam: tu rem cura, si tibi commoda videtur. Nunc, Domine, ego pactum violavi: quia tu vetuisti ne vel scriberem, vel mitterem ad te. Non tamen hoc feci, quo te offenderem: Et si scires quanto in metu ego sum in præsentia, non tot in animo haberes contrarias suspiciones: quibus tamen ego faveo, Et boni consulo, tanquam profectus ab ea re, quam ego omnium, quæ sub cælo sunt, maxime cupio, Et diligentissime persequor, qui est tuus favor: de quo mea officia certam Et securam facient. Quod ad me attinet, nunquam de eo desperabo: ac te rogo, ut juxta tua promissa animum tuum mihi exponeres: alioqui suspicaber fieri malo meo fato, Et fidem favore erga illas (quæ nec ter- tiam habent partem fidelitatis, Et voluntatis tibi obsequendi, quam ego habeo) ut ipsa velut secunda Jasonis amica, me invita, priorem apud te locum gratiæ occupaverint. Nec hoc eo dico, quo te cum homine, ea qua ille erat infelicitate, comparem: nec me cum muliere tam aliena a misericordia, quam illa erat. Quanquam tu me cogis, aliqua ex parte, ut illi sim similis omnibus in rebus, quæ ad te pertinent: aut quæ te servare Et custodire queant illi, cujus unius jure totus es. Siquidem id tanquam meum mihi vindicare possum, quod paravi te unum fideliter, imo unice amando, (quod Et facio, Et faciam dum vixero) segura omnis laboris Et periculi, quæ illinc impendere poterunt. Et ob hæc omnia mala, quorum tu mihi causa fuisti, hanc repende gratiam, ut \* loci me mineris, qui hic vicinus est. Non postulo ut cras mihi promissa serves, sed ut congregiamur, Et nullam fidem suspicionibus adhibeas, nisi rebus exploratis. Ego vero nihil aliud a Deo peto, nisi ut ea intelligas, quæ sunt in animo meo, qui re. est tuus: Et ut te præservet ab omni malo, saltem dum mihi supererit vita: quam Et ego non duco mihi caram, nisi quatenus Et ego Et illa tibi placeamus. Ego eo cubitum, Et tibi valedico: fac me certiorum summo mane de tua valetudine: ego enim ero in molestia donec intelligam. Si avis evaserit e cavea, aut sine compare, velut turtur, ego remanebo sola ut lamenter absentiam tuam quamlibet brevem. Hæc epistola libenter faciet quod ego ipsa facere non potero, nisi forte tu (quod metuo) jam dormias. Non sum ausa scribere præsentibus Josepho, Sebastiano Et Joachimo, qui nihil aliud quam discesserant, cum ego cæpi hæc scribere.

Regina fa-  
vorem adul-  
teri quam  
callide e-  
blanditur.

Reclit-  
ta scilicet cum  
Medea con-  
fert, nisi  
quod illa fi-  
lios hæc i-  
psam mari-  
tum occide-  
bat.

Regina in-  
fanus in  
Bothucium  
amor.

\* Videtur  
locum ex-  
disperpetran-  
de destina-  
tum inane.

## Catastrophe hujus Tragœdiz.

**H**Æ quidem causæ Reginam ad id consilium impulerant. Erant & *Botbusius* suæ rationes, quæ animum non leviter moverent. Nam, cum absolutio illa infamis magis rem augeret, quam suspicionem levaret, neque celari res posset, ad ultimum remedium decurrit: ut videlicet veniam omnium a se perpetratorum a Regina impetraret. Sed cum ex amore patrio in hoc genere diplomatum gravissimum crimen nominatim ascribere, cætera velut appendicem in genere tantum adjungere [*oporteret*,] cædem Regis fateri nec honestum, nec tutum videbatur. Aliud igitur crimen gravius, aut certe non minus atrox, aut inveigendum aut perpetrandum erat, sub cujus umbra cædes Regia lateret. Neque aliud succurrebat, nisi simulatus ille raptus, quo simul & Regina suæ voluntati, *Botbusius* securitati prospiceret.

*Factu Botbusii in occidendo sapiente.*

¶ *Oportet* Cum alioquin imperfecta esset sententia, nos verbum [*oportet*] hic inferendum existimavimus: id vero si minus ardeat, poteris ejus loco [*solum*] substituere. Vide Hist. lib. XVIII. Cap. 27.

F I N I S.



C H A.

# CHAMÆLEON,

Written by

M<sup>R</sup>. GEORGE BUCHANAN,

Against the LAIRD of

# LIDINGTON E.

---

*From the Manuscript in the Cotton Library.*

CHA:

# CHAMÆLEON,

Written by M<sup>R</sup>. GEORGE BUCHANAN

Against the LAIRD of

## LIDINGTON.

**T**HAIK is a certane kynd of Beist callit *Chamæleon*, engenderit in sic Countreis as the Sone hes mair Strenth in than in this Yle of *Brettane*, the quhilk albeit it be small of Corporance, noghttheless it is of ane strange Nature, the quhilk makis it to be na less celebrat and spoken of than sum Beistis of greittar Quantitie. The Proprieties is marvalous, for quhat Thing evir it be applicat to, it semis to be of the samyn Cullour, and imitatis all Hewis, excepte onclie the Quhyte and Reid; and for this caus anciene Writtaris commonlie comparis it to ane Flatterare, quhilk imitatis all the hail Maneris of quhome he senzeis him self to be Freind to, except Quhyte, quhilk is taken to be the Symbol and Tokingevin commonlie in Devise of Colouris to signifie Sempilnes and Loyaltie, and Reid signifying Manliness and heroycall Courage. This Application being so usit, zit peradventure mony that hes nowther senet the said Beist, nor na perfyte Portraict of it, wald beleif sic thing not to be trew. I will thairfore set furth schortlie the Descriptionoun of sic an Monsture not lang ago engendrit in *Scotland* in the Cuntre of *Louwtibiane* not far frome *Hadingtoun*, to that effect that the forme knawin, the moist pestiferus Nature of the said Monsture may be moir easelie evitit: For this Monsture being under coverture of a Manis Figure, may easelie endommage, and wers be eschapit than gif it wer moir deforme and strange of Face, Behaviour, Schap and Membris. Praying the Reidar to apardon the Febilnes of my waik Spreit an Engyne, gif it can not expreme perfytelie ane strange Creature, maid by Nature, other willing to schaw hir greit Strenth, or be sum accident turnit be Force frome the common Trade and Course. This Monstre being engenderit under the Figure of a Man Chyld, first had ane Proprietie of Nature, flattering all Manis Ee and Sensis that beheld it, so that the common Peiple wes in gude Hoip of greit Vertuus to prosper with the Time in it; other ferdar seing of greit Harmes and Dampnage to cum to all that sould be familiarlie acquentit with it. This Monsture promovit to sic Maturitie of Aige, as it could easelie flatter and imitat every Manis Countenance, Speche and Fashions, and subtile to draw out the Secreittis of every Manis Mynd, and depravat the Counsellis to his awin propter Gayne, enterit in the Court of *Scotland* the , and having espyit out not onclie Factiouns bot singular Personis, addressit the self in the begynning to *James* efter Erll of *Murray*, and *Gilbert* than Erll of *Cassillis*, Men excellent in the Tyme, in all Vertuus pertaining to ane nobill Man, and speciall in lufe of the Common welth of thair Cuntre: And  
seing



seing that his Nature could not bow to imitat in Veritie, but onelie to contrasat  
 fenzeitlie the Gudnes of thir two Personis, nor zit changethame to his Nature,  
 thocht expedient to leane to thame for a Tyme, and clym up be thair Branches to  
 hiear Degre, as the Wod bind clymeth on the Oik, and syne with Tyme distroy  
 is the Tre that it wes supported be. So he having cum to sum Estimatioun throw  
 hanting of thir nobill Lordis (quha wer than esteemit of every Man as thair Vertuus  
 meritit) was sone be gud Report of thame, and ane fenzeit Gudnes in him self put  
 in Credeit with the Quene Regent, verelie an nobill Lady and of greit Prudence,  
 bot zit could not espy the gilt Vyces under Cullour of Vertew hid in the said Mon-  
 ster, speciallie being clockit be favour of the two forsaide Lordis, in quha is Com-  
 pany hir Grace wald nevir have belevit that sic ane pestilent Verm could have bene  
 hyd. The first Experience the said Quene had of him wes in sending him to *France*  
 for certane Bissines occurrent for the Tyme, quhair he did his Commissioun sa  
 weill to his awin Intention, and sa far frome the Quenis Mynd, that he dissavit  
 the Cardinall of *Lorayne*; quha untill that Day thocht him self not only auld Pra-  
 cticien, bot als Maister, zea Doctour *Subtilis*, in sic Matters of Negociatioun.  
 His fals Dealing being sone persavit, and he greitlie hatit, zit sche being ane La-  
 dy of greit Prudence could not defend hir self frome subilltie, bot within schort  
 Tyme be meanis of sic as belevit him to be thair Freind, he crap in Credence aga-  
 ne be ane other Dur, and under ane other Cullour: Bot zit could not sa weill as he  
 wald invent new Falshood, becaus of the auld Suspitioun, and being of auld sus-  
 pectit, sone persavit, and in dangerie to be taken, reid hand and puneist efter his  
 Meritis, he fled out of *Leyth*, and coverit himself with the Cloik of Religioun sa  
 lang as it could serve, bot nevir sa close bot he keepit ane refuge to sum Sanctua-  
 rie of the Papistis gif the Court had changeit. As to the Bischoppis of *Santandrois*  
 and *Glasgow*, and utheris diverse, quha is Causis wer in his Protectioun, and  
 thairfore the haly Doctour *Cranstoun* deplit to him largelie of the Spoyle of Sanct  
*Salvatoris* College, and wes mantenit be *Chamæleon* aganis all Law and Resoun;  
 beside that he wes ane Man contaminat in all Kynd of Vyces. How farafoir the cum-  
 ming hame of the Quene the Kingis Moder, he wes contrary to all hir Actiouns,  
 and favourabill to hir Adversaries, and inclynit to hir Deprivatioun, it is not our-  
 lie knawin bayth in *Ingland* and *Scotland*, be sic as mellit than with the Affairis of  
 the Estait in bayth the Realms. Efter the Quenis cumming hame he enterit schort-  
 lie be changeing of Cullouris, and turning out the other Syde of his Cloik, and  
 hilding him be the Branches of the Erll of *Murray*, and for ane Tyme applying  
 him to the Quenis G. heir, that he allone wes hagd in all secreis Matters, ca-  
 sting of lytill and lytill the Erll of *Murray*, and thinking that he wes strang an-  
 eweh to stand by himself, on leaning to the Erll of *Murray*. And becaus the  
 Erll of *Murray* pleist not mony Interpryfis of Marriage than attemptit, as with  
 the Princes of *Spayne*, with the Duke of *Arjou*, wit the Empriaris Brother, the  
 said *Chamæleon* applyit himself to all thir Partis and changeing He was yr Quene  
 sweyit the Ballance of hir Mynd, and followit the Appetyte of hir Lust. And  
 at lang the Quene be Avyis of hir Oncles devyist to destroy the Erll of *Murray*,  
 thinking him to be ane greit Brydill to refrane hir Appetitis, and Impediment to

leif at libertie of her Pleffoure; not that evir he usit ony Violence anentis hir, bot that his Honettie wes sa greit that sche wes eschamit to attempt ony thing indecent in his Presence. Sche than being deliberat to distroy him be the Erll of *Huntlie*, went to the North, and he in hir Company; and howbeit the Tressoun wes oppynnit planelie, and *Johnne Gordoun* lying not far of the Town (*Aberdeen*) with an greit Powar, and the Erll of *Murray* expresselie ludgeit in an Hous separate frae all uther Habitation, and his Deid be diverse wayis socht; this *Chamæleon*, quether of Sempilnes, or for layk of Foirsicht, or for bauldnes of Courage, I refer to every Manis Conscience that doith know him, he alone could se no Tressoun, could feare no Dangear, and wald nevir beleif that the Erll of *Huntlie* wald take on Hand sic ane Interpretis; howbeit thair wes gevin Advertisement of it out of *England* and *France*, Letteres taken declarand it, and the Mater manifest before all Menis Ene. It wer to lang to reherse, and not verie necessar for the present, it being knawin to sathony, quhat divers Purposis wer tane, quhat Dangearis eschapit at the tyme of that Voyage, untill the Quene come to *Aberdene* again, and how miraculous wes the Victorie: Bot ane thing is not to be pretermittit, that the said *Chamæleon* wes ane of the reddiest to gnaw the Bais of the Deid, to spoylie the Qwyck, and mak his Proffeur at that Marcat. Efter this the oursey Trafficque of Mariage growing cald, the said *Chamæleon* going in *England*, delt sa betuix the Protestantis and Papistes, that he changeit dalie Colouris, sumtyme flatterring the one, sumtyme the other, and making every ane of thame beleif that he labourit onelie for thame, and amangis other things be an prevy Intelligence with the Quene and verre few of the Nobilitie, practizit the Marriage of the Quene and *Henry Lord Dornlie*, of the quhilk he mad nevir the Erll of *Murray* prevy, untill all wes endit. Howbeit the Erll of *Murray* did nevir Thing, nor tuke nevir Propose without his Advise and Counsale. Heir the Mater quhilk he had raschelic brocht on, wes neir the Point. Seing that the Quene of *England* disagreit with it for certane Respectis, and the Lordis of *Scotland* for the cause of the Religioun, to the maintenance of the quhilk thay desyrit ane Promise of the Quene and the said Lord *Dornlie*, the *Chamæleon* in secreit flatterit the Quene, and openlie tuke the Colour of Religioun: And at the lang (seing my Lord of *Murray* for being precise and plane in all Doings cast aut of Court) cled himself onelie in the Quenis Colouris, untill that *David* prevalit agains him, and had in a manner the haill Credit of all wechis Materis. At this Poynt thinking himself in werse Caise than he beleivit, socht to make an other Change of Court, and set up new Play again, awaytit on the Court sumpart disgracit, louking for sum new Cullour to apply him self to. In this mene tyme the Quene seking to move sum thing in the Religioun, maid ane Querell agains certane Lordis of the Principallis of *Scotland*, the quhilkis, albeit that ane resonabill Power faillit thame not, and that the Favour of the Cuntre wes for thame, zit to schaw thair Innocency, quhen thair could not breke the Quenis obstinat Mynd of thair Distruction de Prayer and Sollicitacion of Freindis, thay left the Cuntre and went in *England*, zit *Chamæleon* held the small Grip that he had in Court secunding to *David*. In this mene tyme the Parliament set to forfalt sick Lordis as had fled in *England*, except the Duke, quha did be

the Intercession of *Sliver* by his Remission fra *David*. The rest of the Lordis quhilk were of Wisdome or Estimatioun, partlie requirit be the King, quha wes in na Credit in respect of *David*, partlie for thair awin Libertie, conspyrit the Deid of the said *David*, and executit the same. *Chamæleon* cheifest Enemy to *David*, estir the Kingis Grace, zit not being advertisit be the Lordis of thair Enterpryse, and suspectit of the Quene, knawing his Dowbilness, quhyther for verie Feare, or preparing ane Entre to the Quenis favour, fled as uthers did, and estir lang Fetchis brocht agane to the Court, kest clene frae him all Colouris of the Kingis, and cled him agane in the Quenis Colouris, and wes ane of the principal Instrumentis that increffit Dissension betwix hir and the King: The quhilk Practize, howbeit he wald have dissimulatit, sum tyme brake out with him; as to ane nobill Woman, praying God to gif the King and the Quene Grace to agree, he answerit, *God let thame never agree*: For thay leving in Dissension, he thocht that his Dowbilness could not be elpyit out. And than seing the Erll *Boitbuile* cum in Credeit, he flatterit him; and evin as thay agreit in all Pointis to put down the King, seing that he prospering thay could have na Lyff, sae estir the King deid, the Erll *Boitbuile*, having in that Practize knawin his Falset, and fearing his Inconstancy, and desyring to be deliverit of sic an Witnes, socht his Deid: And he having na Refuge to the Quene for the samyn cause, tuke for a tyme the Erll of *Morton*is Collouris, an being borne furth be him aganis the Erll of *Boitbuile*is Power and Hatrent, sa lang as he wes in Feare lurkit under the Erll of *Morton*is Wingis, and the Feir past schew himself the said Earls Enemy: And having no sufficient Cause, nor appearand Indice of Separatioun of Company and Kynednes, he fenzeit that the said Erll of *Morton* had conspyrit his Deid, to be executit by some of the Erllis Friendis; and to prove the said Conspiracy, alledgit an famous Witnes (*majorem omni exceptione*) the nobill and vertuous Lady *Gyltoun*. Now to returne agane to our Propose, estir the Deid of the King devylit be him, executit be the Erll *Boitbuile*, for Feir of the said Erll he lurkit a quhile out of Court, untill the Tyme the Quene at *Carberrie-Hill* come to the Lordis, and the Erll *Boitbuile* fled to *Dunbar*. Than he come to Parliament, and with sume otheris participant of the Kingis Slaughter, wald have had the Quene slane be Act of Parliament; and not finding mony consenting thairto, and speciallie the Erll of *Murray*, than chosen Regent, being in the contrair, he sollicitat some previe Men to gar hang hir on hir Bed with hir awin Belt, that be that way he and his Partinaris in the Kingis Murthoure mycht be deliverit of an Witnesse; knawing weill the Quenis Nature, that quhen she wes miscontent of ony Man, sche wald tell all sic Secreittis as sche did knaw of him. This Propose not proceeding as he desyrit, he turnit him first in flattering with the Quene, and send to hir being in *Lochlewin* ane Picture of the Deliverance of the *Lyon* by the Mouse, and nixt turnit his haill Wit to the Distruction of the Erll of *Murray*, thinking that the Wickit could not proffit greitly, so just a Man having the supreme Power; and als seing that the Quenis Craftiness wes abill at the lang to overthrow the Erll of *Murray*is Sempilnes. So he bendit all his Wittis to the said Erllis Evershioun, and the Quenis Restitution, and procedit in this Cause, partlie be

making an Factioun of the Counfalleris, and Partakeris of the Kingis Murthou-  
re, of Menly lit of Fantasie and Covatous of Geir; partlie be correcting of my  
Lord of *Murrayis* Freindis and Servandis, and travellit principallie with the  
Laird of *Grange*, thinking that it sould be an greit Strenth to the Factioun, to  
have the Castell of *Edimburgh* at thair Command. The Regent being divers Ty-  
mes advertiset of thir Practizis, wes of so upright Nature, that he wald beleif na  
thing of ony that he had takin in freindschip, quhilk he wald not have done him-  
self, and als, mony of the Factioun in the begynning thocht it had bene bot ane Li-  
gue defensive againis the Power of the Great, that is accustomat to overthrow the  
small in Tyme of Troubill.

In this mene Tyme come the Deliverance of the Quene out of *Lochevin*, the  
quhilk he wes not ignorant of, and specially be the meanis of his Cousing *John  
Hamilton* of the *Cochewich* (al. *Coburg*) zit he taret with the Regent to keip ane Cul-  
lour of Honestie, and that with the Quenis Consent, quha had given him and divers  
otheris that were in my Lord of *Murrayis* Company fre Remissioun for all by past.

Bot the Battel chanfing utherwaies than he desyrit and belevit, zit he persistit in  
his Propose to destroy the Regent, not opinlie, bot be secret Meanis. As being  
sent divers Tymes to commune with the Lord *Fleming*, evir did the contrair of  
the Propose that he wes send for, and evir tendit to hald the Cuntre in Unquietnes,  
and in all Assembleis for Appointment, tendit to have all by past remittit, to keip  
ay Thevis and Revaris in Courage, and to abase the Hartis of trew Subjectis, that  
sould haif na hoip of Redresse of Wrangis done to thame be the Kingis Rebellis.  
Efter that be the Dilligence and Wisdome of the Regent the Cuntre wes brocht  
to sum Stay, and Justice lyke to haif the over Hand, the Kingis Rebellis purchas-  
sit at the Quene of *Englandis* Handis, that sche sould consider the greit Wrangis (as  
thai said) done to hir nixt Nychtbour, and being nixt of Blude to hir, and other  
be hir Requeist or Pussiance caus hir be restorit agane to her formar Authoritie.  
The Quenis Majestie of *England* having zit no lels regaird to Justice nor to Consan-  
guinitie, desyrit some of the Principallis of the Nobilitie to repair to hir or hir De-  
putties for thir Requeistis and Complayntis, and my Lord deliberat to go in Per-  
soun wes in Doubt, having ellis enterit in sum Suspicionis of this *Chameleon*, qu-  
bethir he sould tak him with him self, or leif him beheind: For taking him he  
doubtit not bot he wald hinder the Actioun in all Manner possibill, ad leaving him  
behind, that following his natural Complexioun he wald trubill the Cuntre, in  
sick maner that it sould not be easelie in lang Tyme brocht to Rest agane. At lang  
having delibera to take him with him, and perswadit him bayth be Giftis of Lan-  
dis and Money, he fand to be trew in deid all that he suspectit afore; for everie  
Nycht in a Manner he communicat all that wes amangis us with sum of our Adver-  
saris, and armit thame sa far as he could agains the said Regent. Bot the Force of the  
Reffonis, and Cleirnes of tha haill Deductioun of the Caus that my Lord Regent  
usit, wes sa perswasive to the Auditouris, that be *Chameleons* Advertisement, the  
Kingis Mother dischargit hir Commissiouners to proceed forther, and differrit  
to ane mair commodious Tyme for hir: For it wes weill knawin to hir, that the  
Quenis Majestie of *England* and hir Counfall had allowit the said Regentis Proce-  
dinge.



Kingis; and the Ambassadour of *Spayne* seing the horribill Cryme so abhominabill to all honest Men, refused to speik ane Word in the Mater, and the *Frensch* Ambassadour excusit himself that he spake be command of [his] Maister.

In this mene Tyme the said *Chameleonis* secret Practize with the Duke of *Norfolk*, suspectit afore begouth to brek out be sum Letters of Maister *John Lescles* callit Bischope of *Ross*, and als be the Duke himself, put in Hoip of Mariage of the *Scottis* Quene be thame, the quhilk Practize wes handillit: Sumpart putting Feir to the Regent, that he could not returne in *Scotland* with his Lyff without the Dukis Favour, be reassoun of greit Preparationis that wes maid aganis the Regent on bayth the Bordoris of *Scotland* and *Ingland*: Partlic be tempting of the said Regentis Mynd, quha answerit to the Duke of *Norfolk*, That he wald be glad that the Quene recognosing hir Falt, and repenting, sould marry ony gude Christian Man of nobill House. The Rumour of this Dealing wes so openelic spoken in the Court of *Ingland*, that the Quenis Majestie wes constraynit to wyte to hir Lieutenantis to mak the Regent be put sauf in *Scotland*, and so he wes without any Recounter, bot of the Erll of *Westmureland* not far frome *Durame*, quho seing the Regentis Company, and ryding throw thame, thocht not best to matche with thame. The nixt Assemble wes at *Glasgow*, quhair the *Hamiltonis* bragging, bot could not be Party, be Meanis of him and otheris thair Favoureris with the Regent, wer ressavit to sic an Appointment as wes greittie to thair Advantage, and the said Regentis Disadvantage. And quhen thair sould haif gevin Pledgis to performe the said Appointment, as wes compromittit, thay did bes seke dalay; and so the Principallis of thame [wer] committit to Ward in the Castell of *Edinburg*. The haill Mater wes secretlic handillit be the *Chameleon*. The quhilk handilling apperit more planelic at an Conventioun at *Sanctandrois*; quhair thair westwa Headis principallie disputit, First, Gif the Erll of Huntlic sould haif general Remission for all Reif and Oppressioun done be him and his Friendis in all tymes bypast; Or, Gif the Kingis Actioun pardonit, prevat Men sould have Actioun to have thair awin Geir: Nixt, Gif the Erll of Huntlics haill Assisoyis sould be comprehendit in ane Remission with him. The quhilk twa Headis the *Chameleon* and his Complices preassit ernistly be al Meanis to be ressavit, as said is, and that not without boisting of *Franche* Men and *Spanzaris*, and mony uther Inconvenientis; and all this done to discourage the Kingis trew Ligis; and lychting the Hartis of Rebellis in Hoip of Impunitie of all Wrongis that thair sould do in Tyme to come, and to hold the haill Cuntre in Rebellioun and Inquietnes, to consume at the lang the Regent, quilk thair knew to be pur of Substance and liberall of Courage. And zit wer not thir Thingis mair subtilly devysed, nor thair wer constantlie resistit be the Regent and his trew Counfall. And seing that thair could not come to thair Propose this way, thay causit new Articles to be devisit in *Ingland* towching the Quenis cuming hame: To the quhilk albeit thair wes sufficient answer mad in *London*, zit for the samyne Caus wes devysit ane Assemble of Lordis in *Sanct Johnesloun*, with ane Additioun of ane Commissioun of Divorcement of the Erll *Boithuile* and te Quene, and to the effect of the haill, mony Writings [wer] purchasit of boith wise Men and greit Men of *Ingland*, schawing planelic

that it wes ane Foly to *Scotland* to presse to resist the Marriage betwix the Quene and Duke of *Norfolk*; for it wes devyfit be sic Wisdom, and to be executit wiht sic Force, as *Scotland* wes not abill to resist; and not without Consent of the Quenis Majestie of *Ingeland*. Heir, albeit *Chamæleon* and all his Quhelpis ragit never sa fast, the contrair wes concludit, and schawen to the Quenis Grace of *Ingeland* be *Alexander Hume* Gentleman of my Lord Regentis Hous. And becaus the Quenis Majestie wes not fully satisfeit at that Tyme, ane uther Convocation wes hald at *Stirling*, to the quhilk *Chamæleon*, assurit of my Lord Regentis Clemencie, and proude in his awin Consait, bot seiring for his Demeritis, efter sum Dubitation come to *Stirling*; and wes in Doubt not without Caus. For, about this Tyme, my Lord Regent, advertisit that the *Hamiltonis* had decreitit to murthoure him, he schew bayth the Taill and the Authour to the *Chamæleon*, of the quhilk the *Chamæleon* reprovit vehemently the *Hamiltonis* that could not keip thair Counfall mair secreit; and this advertising being schawin be sum of the *Hamiltonis* to my Lord Regent, zit he sufferit patientlie. At *Stirling* the Articles being declarit at greiter length, the *Chamæleon* wes attecheit be Justice, and chargit of the Kingis Murthoure, the quhilk greivit him havelie, and pressit at my Lord Regentis hand the Cryme to be changeit, and he to be accusit of the Troubles lyke to ryis in *Ingeland* and *Scotland* throuch the forspoken Mariage, for he thocht thit Mater to be consavit and devyfit sa substantiallic, that nouthir Force nor Wit could mask Impediment to the Performance of it, and belevit fuislie that sic ane Cryme sould redound to his greit Prayse and Opinioun of Wisdom. This not obtieinit, he obtieinit aganis all the said Regentis Friendis will, to be send to Ward in the Castell of *Edinburghe*; quhair he wrocht agais the Nature of the *Chamæleon*, for he changeit the greitar part of thame of the Castell to his Collour sa weill, that the Conspiracy of the Regentis Deid lang afor consavit, wes than brocht to effect. Estir the quhilk he wrocht be sic Meanis, that he perswadit the haill Lordis than present in *Edinburghe* to be enlargit of his Ward, under Promeis to compeir and answer to the Cryme of the Kingis Murthoure layd to his charge, at sic Day as he sould be callit, and under Hoip to be an gude Instrument of Concord amangis the Lordis; and ane Day prolongit to sick of the *Hamiltonis* as wald purge thame sellfis of the Murthoure of the Regent unto the first Day of *Maie*. Bot sone being adjoinit with uthers of his Faction, he changeit that Collour, and perswadit uthers Complices of the Murthoure for Feir, and sum sempill Persones be ane fals Collour of Profit, to convene to an schorter Day, viz. the tent Day of *Apryle*, assuring thame that the Castell (as it wes) being thair, and the Townals, (for the Capitane of the Castell wes Proveist) that this Rumour sould caus mony to convene to thame, and thair Adversaris disgracit sould haif na Place to convene togidder; and that the Quene of *Ingeland* troublit alreddy with Civile Warre at hame, mycht the mair eselie condiscend to that Side, wrait to hir Letteres partlie flattering, partlie threatening, and to schaw hir thair greit Power, send ane Roll of the Lordis of thair Syde, quhairin wes comprehendit sum Lordis neutrallis, and mony of the Adversaries, beleving that Leyis maid in *Scotland* could not be tryit in *Londoun*. And seing that the Town of *Edinburghe* could not be perswadit to rebell with thame,

and

and that the Cuntre conuenit not as thai hoipie, and the breking of the Bordouris succedit not to thair Proffit, the most part flitit Camp, and went to *Lyntythquaw*, and thair set furth thair Proclamatioun dynt be *Chamæleon* (as wes afore the Erl of *Westmairlandis* second Proclamatioun) and thairby set up the Quenis Authoritie quhair of he (tarreing in the Castell of *Edinburgh*) kepit himselfe cleue, as *Ptilas* wefching his Handis of the Deid of Chryit. And fens that Tyme, as afore, this gud Subjecte and Servand to the Kingis Grace confortit with Counsaile, and conveyit out of the Cuntre the Rebellis of *England*, the samyne being Enemies to the King of *Scotland*, and prattit proudlie, wanting that his Pen shold be worthen thousand Men, and threitit si hamfullie (gif he had reservit any Schame) the Quenis Majestie of *England* with Wordis of quhilk the Memory shold be rather abolishe be Punition of him, than reherit for thair Impudencie; and seirit not to maik fa oping a Leye to Nobillmen of *England*, as that the Kingis trew Subjectis acknowledgeing his Authoritie wer notable to assemblit togidder fyve hundred Horie, quhair that saw within few Dayes moir than fyve thousand assemblit out of ane Cornar of *Scotland*: And ay sentyne he hes bene at all Convocations of the Kingis professit Enemies in *Scotland*, in *Dunkeld*, in *Aibol*, in *Strabogie*, in *Braidat-bine*, and ellis quhair, and kepis Contrebank to Mr. *John Leslie* of *Kingscote*, in all Directiounis to put the King out of his Eitait, his Realme, and at lenth out of this wurdlie Lyffe.

Now, I pray you, espy out quhat Proffit the Quene our Kingis Modder fall gadder of him that hes bene (as sche knowis) si oftentyme Traitour to hir Modder, to hiselfe, to his Sone, to his Brother, and to his Cuntre. Sche will be Exemplis consider, that how many Collouris that evir this *Chamæleon* change, that it can nevir agais the Nature of it turne perfyte Quhyte.

*Respice finem,  
Respice funem.*


1570.

## ADVERTISEMENT.

**T**HAT Mr. George Buchanan is the Author of the preceding Satyr, is evident, not only from an old, (if not an original) Copy thereof in the Cotton Library, bearing this Title, CHAMÆLEON; written by Mr. George Buchanan against the Laird of Lidingione, 1570; but likewise from the Testimony of his Contemporary, the learned Mr. Camden, who in his *Annales Rerum Anglicarum & Hibernicarum, regnante Elizabetha*, Part. II. ad annum 1573, says; Lidingionius Letham missus, vi morbi, nec sine suspitione veneni expiravit, vir inter *Scotos* maximo rerum usa, & ingenio splendidissimo, si minus versatili: quo nomine G. Buchananus semulus eum viventem scripto quodam, cui CHAMÆLEON titulum fecit, ut Chamæleonte mutabiliorem depinxit, nec non ut Regis aviae, matri, Moravio, ipsique Regi & patriae hostem

*stem versicolore acerrime perstrinxit. We have followed that Copy in the Cotton Library, as we find it transcribed by the ingenious Mr. David Grawford of Drumsoy, late Historiographer for Scotland, in his valuable Collections he gave in to the Lawyers Library at Edinburgh: And have rather chosen to preserve the obsolete words and old way of Spelling, than to change either, as has been lately done in an Edition of it printed at London anno 1710; being perswaded, that tho these Alterations might make it more agreeable to some Modern Ears; yet the more Curious will be better pleased to see it in the very same Dress in which it came from the Author.*

F I N I S.











005645729

